


( )



Northern Katang:

# ປຶ້ມນາຍ ເຢີງ ເຈົ້າຣາຊີ ປັຣຄັນ ຕາໄມ ປຶ້ມນາຍ ກາຕາງ (ພາສາກາຕາງ)

## Northern Katang: ປຶ້ມນາຍ ເຢີງ ເຈົ້າຣາຊີ

copyright © 2018 Wycliffe Bible Translators, Inc.

Language: (Northern Katang)

Contributor: Wycliffe Bible Translators, Inc.

Northern Katang: ປຶ້ມນາຍ ເຢີງ ເຈົ້າຣາຊີ

All rights reserved.

2020-11-23

---

PDF generated using Haiola and XeLaTeX on 25 Nov 2022 from source files dated 29 Jan 2022  
b4059e2d-26bb-5b87-871c-228b1b802933

## Contents

ມັດທາຍ . . . . .	1
ມາຣະໄກ . . . . .	55
ລູກາ . . . . .	87
ໂຢຮັນ . . . . .	142
ຮານະ ຕະ . . . . .	181
ໂຣມ . . . . .	234
ໂກຣິນໂທ ມວຍ . . . . .	259
ໂກຣິນໂທ ບາຣ . . . . .	281
ຄາລາເຕຍ . . . . .	295
ເອເຟໂຊ . . . . .	304
ຟິລິບປອຍ . . . . .	311
ໂກໂລຊາຍ . . . . .	317
ເທຊະໂລນິກ ມວຍ . . . . .	323
ເທຊະໂລນິກ ບາຣ . . . . .	328
ຕີໂມທຽວ ມວຍ . . . . .	331
ຕີໂມທຽວ ບາຣ . . . . .	338
ຕີໂຕ . . . . .	343
ຟິເລໂມນ . . . . .	346
ເຮັບເຮີ . . . . .	348
ຢາໂກໂບ . . . . .	364
ເປໂຕ ມວຍ . . . . .	370
ເປໂຕ ບາຣ . . . . .	376
ໂຢຮັນ ມວຍ . . . . .	380
ໂຢຮັນ ບາຣ . . . . .	387
ໂຢຮັນ ໄປ . . . . .	388
ຢູດາ . . . . .	389
ອາປິຣ ເລີ້ຍ . . . . .	392

# ມັດທາຍ ຄຽນ ອາຕີ ປັນນາຍ ອໍ ແຕ ເຢຊູ ກຣີດ

ປັນນາຍ ອາຕີ ອິນໂຢ່ງ

ມັດທາຍ ຄຽນ ອາຕີ ແຕ ອິນແຍ່ະ ແດີຍ ອາ  
ມັ່ງ ເຢຊູ. ອັນ ອາຕີ ແຕ ເຢຊູ ແກ້ດ, ຕະ ຮິດ ຕິ່ງ  
ແຕ້ອ, ຣາມັຣ ເຢີງ ຊາຕານ ລ່ອງ, ກະ ເປາະ ອາຕີ  
ປັນນາຍ ອໍ ແຕ ເຢີງ ເຈົ້າຣາຊີ ຕະ ຊົດ. ເຢຊູ ຕະ  
ຊາອິຍ ຣານະ ຕາ ເກີຍ ເຮີມ: ອັນ ຊາປະ ກະ ປົວ  
ມັຣ ກວາຍ ອາອໍ ຕິ່ງ ມັຣ ກາ ວິລ ຕິ່ງ ແຄງ ກາລິເລ.  
ເຈີ່ ກ້ອຍ ແຕ ອັນ ເຈົ້າ ປິ ເມືອງ ເຢຣູຊາເລັມ ແອັນ.  
ປິ ອິນຕັ ກ້ອຍ ອັນ ຈິວ ເມົ້າ ແຕັຣ ອັນ ຕິ່ງ ອາລ່ອງ  
ຊັງກັງ. ເຈີ່ ອັນ ກູຈິດ ກະ ອາມັ່ງ ລັຣ.

ມັດທາຍ ລາ ມານະ ແຕ ມູ່ ກາ ເຢຊູ ຮຽຮ ປາ  
ຈຸ່ຣ ໂອນ ເປາະ ຕະ ຣານະ ອັນ. ອັນ ເບີນ ຣາມິ  
ຣ ເລວີ ແຮີ. ແຕ ອິນໂຢ່ງ ອັນ ລາ ກວາຍ ກາ ປາ  
ໂຣມ ປຣະ ປາຊີ. ອັນ ຄຽນ ມາຣ 50-60 ກູມິ  
ແວັດ ເຢຊູ ແກ້ດ. ມັດທາຍ ຄຽນ ອາຕີ ປັນນາຍ  
ອໍ ແຕ ເຢຊູ, ອັນ ກາ ເຢີງ ເຈົ້າຣາຊີ ເອີອໍ ຕິ່ງ ປັນ  
ນາຍ ປັນຄັນ ຕຍາ. ມັດທາຍ ຄຽນ ປັນນາຍ ອໍ  
ໄນ່ ລາ ໂອນ ກວາຍ ດັງ ແຈງ ແຕ ເຢຊູ; ຕາ ແກ້ນ  
ໂອນ ແອີງ ກວາຍ ອິດຊະຣາເອລ ຊ້ອງ, ມາ ໂອນ  
ອິນແຍ່ະ ມັຣ ກວາຍ.

ມັດທາຍ ຄຽນ ອາຕີ ໂອນ ໄຮ ດັງ ປາຍ ເຢຊູ  
ລາ ອາຈານ ກາ ເບີນ ອຳນາດ ລາລີ່. ກະ ອັນ ລາ  
ຣາໂງ່ອ ຣາລັງ ແຕ ຄານອດ ເຢີງ ເຈົ້າຣາຊີ, ກະ  
ອັນ ອາຕີ ໂອນ ອິນແຍ່ະ ມັຣ ກວາຍ ດັງ ແຕ ເຢີງ  
ເຈົ້າຣາຊີ ຕະ ຊົດ.

ອາຕີ ແຕ ອາຈວາຍຣ ອາເຈ່ຣ ເຢຊູ  
(ລູກາ 3:23-38)

1 5 ເຢຊູ ກຣີດ ແຕ້ອ ແຕ ຈຸ່ມເຈີອ ດາວິດ; ກະ  
ດາວິດ ແຕ້ອ ແຕ ຈຸ່ມເຈີອ ອັບຣາຣາມ. ອິນແຍ່ະ  
ມັຣ ຣາມິຣ ອາຈວາຍຣ ອາເຈ່ຣ ເຢຊູ ລາ ນະໄນ່:

2 ອັບຣາຣາມ ລາ ອິມປໍ່ ອີຊາກ. ອີຊາກ ລາ  
ອິມປໍ່ ຢາໂຄບ. ຢາໂຄບ ລາ ອິມປໍ່ ຢູດາ ກະ ອິນ  
ແຍ່ະ ມັຣ ແຊມອາຍ ອັນ. 3 ຢູດາ ລາ ອິມປໍ່ ບາຣ  
ນະ ເປເຣັດ ກະ ເຊຣາ; ກະ ອິມເປ່ອ ໄລ່ ບາຣ ນະ  
ກ້ອຍ ລາ ຕາມາ. ເປເຣັດ ລາ ອິມປໍ່ ເຮຊະໂຣນ.  
ເຮຊະໂຣນ ລາ ອິມປໍ່ ຣາມ. 4 ຣາມ ລາ ອິມປໍ່

ອຳມິນາດາບ. ອຳມິນາດາບ ລາ ອິມປໍ່ ນາໂຊນ.  
ນາໂຊນ ລາ ອິມປໍ່ ຊຳໂມນ. 5 ຊຳໂມນ ລາ ອິມ  
ປໍ່ ໂບອາດ; ກະ ອິມເປ່ອ ໂບອາດ ລາ ຣາຣາບ.  
ໂບອາດ ລາ ອິມປໍ່ ໂອເບັດ; ກະ ອິມເປ່ອ ໂອເບັດ  
ລາ ຣຸດ. ໂອເບັດ ລາ ອິມປໍ່ ເຢຊີ. 6 ເຢຊີ ລາ ອິມ  
ປໍ່ ເຕົ້າວ ປັນເຍົາ ດາວິດ.

ດາວິດ ລາ ອິມປໍ່ ໂຊໂລໂມນ; ກະ ອິມເປ່ອ  
ໂຊໂລໂມນ ລາ ບາດເຊບາ. ແຕ ອິນໂຢ່ງ ອິມເປ່ອ  
ອັນ ລາ ລາກວຍ ອູຣີຢາ. 7 ໂຊໂລໂມນ ລາ ອິມປໍ່  
ເຣໂຣໂບອາມ. ເຣໂຣໂບອາມ ລາ ອິມປໍ່ ອາບີຢາ.  
ອາບີຢາ ລາ ອິມປໍ່ ອາຊາ. 8 ອາຊາ ລາ ອິມປໍ່  
ເຢໂຣຊາພັດ. ເຢໂຣຊາພັດ ລາ ອິມປໍ່ ເຢໂຣຣາມ.  
ເຢໂຣຣາມ ລາ ອິມປໍ່ ອຸດຊີຢາ. 9 ອຸດຊີຢາ ລາ ອິມ  
ປໍ່ ໂຢທາມ. ໂຢທາມ ລາ ອິມປໍ່ ອາຣາດ. ອາຣາດ  
ລາ ອິມປໍ່ ເຣເຊກີຢາ. 10 ເຣເຊກີຢາ ລາ ອິມປໍ່  
ມາມາເຊ. ມາມາເຊ ລາ ອິມປໍ່ ອາໂມນ. ອາໂມນ  
ລາ ອິມປໍ່ ໂຢຊີຢາ. 11 ໂຢຊີຢາ ອາເມົາ ເຢໂຣຍ  
ອາກິນ ກະ ອິນແຍ່ະ ມັຣ ແຊມອາຍ ອັນ ບັອງ ກາ  
ກວາຍ ບາບີໂລນ ໂກບ ເດີງ ກວາຍ ອິດຊະຣາເອລ  
ປິ ກຣວາງ ບາບີໂລນ ແອັນ.

12 ແວັດ ເມົ້າ ໂກບ ເດີງ ກວາຍ ອິດຊະຣາເອລ  
ແອັດ ປິ ກຣວາງ ບາບີໂລນ, ນະກ້ອຍ ເຢໂຣຍອາ  
ກິນ ອາເມົາ ເຊອານຕີເອລ. ເຊອານຕີເອລ ລາ  
ອິມປໍ່ ເຊຣຸບບາເບລ. 13 ເຊຣຸບບາເບລ ລາ ອິມປໍ່  
ອາບີອຸດ. ອາບີອຸດ ລາ ອິມປໍ່ ເອລີອາກິມ. ເອລີ  
ອາກິມ ລາ ອິມປໍ່ ອາເຊີ. 14 ອາເຊີ ລາ ອິມປໍ່  
ຊາດົກ. ຊາດົກ ລາ ອິມປໍ່ ອາກິມ. ອາກິມ ລາ ອິມ  
ປໍ່ ເອລີອຸດ. 15 ເອລີອຸດ ລາ ອິມປໍ່ ເອເລອາຊາ.  
ເອເລອາຊາ ລາ ອິມປໍ່ ມັດທານ. ມັດທານ ລາ ອິມ  
ປໍ່ ຢາໂຄບ. 16 ຢາໂຄບ ລາ ອິມປໍ່ ໂຢເຊັບ. ໂຢເຊັບ  
ລາ ກາຢາອໍ ມາຣີ. ກະ ມາຣີ ລາ ອິມເປ່ອ ເຢຊູ, ລາ  
ອັນ ກາ ເມົ້າ ດໍອໍ ກຣີດ.\*

17 ນະກ້ອຍ, ແຕ ແດີຍ ອັບຣາຣາມ ແຕ້ອ ແດີຍ  
ດາວິດ ລາ ເບີນ ມັນຈິດ ລາ ປູນ ແດີຍ. ນັບ ແຕ  
ແດີຍ ດາວິດ ແຕ້ອ ແດີຍ ເມົ້າ ໂກບ ກວາຍ ອິດຊະ  
ຣາເອລ ເດີງ ປິ ກຣວາງ ບາບີໂລນ ລາ ເບີນ ມັນ  
ຈິດ ລາ ປູນ ແດີຍ. ເຈີ່ ແຕ ແດີຍ ເມົ້າ ໂກບ ກວາ  
ຍ ອິດຊະຣາເອລ ເດີງ ປິ ກຣວາງ ບາບີໂລນ ເຕົ້າ  
ແຕ້ອ ແດີຍ ເຢຊູ ກຣີດ ລາ ເບີນ ມັນຈິດ ລາ ປູນ  
ແດີຍ ເຕ່.

ອາຕີ ແຕ ເຢຊູ ກຣີດ ແກ້ດ  
(ລູກາ 2:1-7)

\* 1:16 1:16 ຣາມິຣ 'ກຣີດ' ຕະ ອິນຕີ ລັຣ ລາ 'ມານະ ເຢີງ ເຈົ້າຣາຊີ ຮຽຮ ດໍອໍ ຈ່ອຍ ອາມັ່ງ ກວາຍ.'

18 ເຢຊູ ກຣິດ ແກ້ດ ມັຮ ປັຮນາຍ ໄມ່ ອາຕີ. ມາຣີ, ອິມເປ້ອ ເຢຊູ, ລາ ຊຳປົວະ ໂຢເຊັບ. ໂຢເຊັບ ຕາ ຢວາຣ ອິດ ມາຣີ, ມາ ມາຣີ ແອັດ ຕິ່ງ ຈະ ເຈີ່ ແຕ ຮາເວີຍ ເຢີງ ເຈົ້າຮາຊີ. 19 ຍ່ອນ ໂຢເຊັບ ລາ ກວາຍ ມັນຕັດ, ອັນ ຕາ ຢັອ ອີ ໂອນ ມາຣີ ກູມາລ ຕະ ເມົ້າ. ອັນ ແອັດ ຄິດ ຕິ່ງ ຮາງິຮ ອັນ, ປາໂຕ່ະ ປັຮນາຍ ອີ ຕັຮ ມາຣີ. 20 ບັອງ ກາ ອັນ ແອັດ ຄິດ ຮານະ ກ້ອຍ, ອັນ ຮາເລົາ ອິມເປົາ. ອັນ ເຮີມ ມານະ ເທວາດາ ເຢີງ ເຈົ້າຮາຊີ ແຕ້ອ ປີ ອັນ. ເທວາດາ ກ້ອຍ ປາຍ: "ໂຢເຊັບ ເອີຍ! ໄມ່ ກາ ກວາຍ ແຕ ຈຸ່ມເຈີອ ດາວິດ. ໄມ່ ອິນໂຈຍ ອຶງ ກ້ອຮ ອິດ ມາຣີ ຕະ ລາກວຍ ໄມ່, ຍ່ອນ ອັນ ແອັດ ຕິ່ງ ຈະ ກອນ ແຕ ຮາເວີຍ ເຢີງ ເຈົ້າຮາຊີ. 21 ປັຮ ແນີ ມັນເຕຣີ ອັນ ຮັຮ ກອນ ຮາເລົາ. ໄມ່ ດໍອ ຮາມິຮ ກອນ ກ້ອຍ ລາ ເຢຊູ, ຍ່ອນ ອັນ ຈ່ອຍ ອາມັງ ອິນແຍ່ະ ມັຮ ກວາຍ ອັນ, ກະ ຕັຮ ໂລ່ຍຮ ໄລ່."

22 ອິນແຍ່ະ ຮານະ ໄມ່ ແກ້ດ ຊັງໄກຣ ກະ ປັຮນາຍ ເຢີງ ເຈົ້າຮາຊີ ອາຕີ ອິນໂຍ່ງ ຮານາ ກວາຍ ອາຕີ ຕາງ ປັຮນາຍ ອັນ ແຕ ອິມເປັ. ກວາຍ ກ້ອຍ ປາຍ:

23 "ເຈີ່ ປີ ເມີງ ເບີນ ມານະ ກູໂມຣ ຕາ ເບີນ ບິ ກະ ຮາເລົາ ມາ ອັນ ແອັດ ຕິ່ງ ຈະ. ອັນ ຮັຮ ກອນ ຮາເລົາ.

ເມົ້າ ດໍອ ກອນ ກ້ອຍ ເອມານູເອລ." (ປັຮນາຍ ເອມານູເອລ ໄມ່ ຕະ ອິນຕີ ລັຮ ລາ 'ເຢີງ ເຈົ້າຮາຊີ ແອັດ ກະ ໄຮ.')

24 ພໍກາ ໂຢເຊັບ ຕາແມີ, ອັນ ຕະ ຕາປຸ່ນ ອິນແຍ່ະ ມັຮ ປັຮນາຍ ເທວາດາ ເຢີງ ເຈົ້າຮາຊີ ອາຕີ ໂອນ ອັນ ອິດ ມາຣີ ຕະ ລາກວຍ ອັນ. 25 ມາ ອັນ ຕາ ຢວາຣ ບິ ມັນຕຸ ກະ ມາຣີ ເຕົ້າ ແຕ້ອ ຕາໂງ ມາຣີ ຮັຮ ກອນ ຮາເລົາ ກໍ່ລ. ກະ ອັນ ດໍອ ຮາມິຮ ກອນ ກ້ອຍ ລາ ເຢຊູ.

## 2

ກວາຍ ຕາມອຍ ແຕ້ອ ແຕ ຍິຮ ມັດ ມານາງ ລ້ອຮ

1 ເຢຊູ ແກ້ດ ຕິ່ງ ເມີອງ ເບັດເລເຮັມ, ແຄງ ຢູດາຍ, ບັອງ ກາ ແດີຍ ເຮໂຣດ ແກ້ດ ເຕົ້າວ ປັຮເຍົາ. ແວັດ ກ້ອຍ ເບີນ ກວາຍ ກາ ດັງ ແຕ ມັນໂຕຣ ແຕ້ອ ປີ ເມີອງ ເຢຣູຊາເລັມ ແຕ ກຮວາງ ໄລ່, ຍິຮ ມັດ ມານາງ ລ້ອຮ. 2 ໄລ່ ກ້ອຍ ຕາແບັບ ປາຍ: "ປີ ແລະ ອັນ ກາ ຕາແບັ ແກ້ດ ປັຮແນີ ມັນເຕຣີ ແກ້ດ ເຕົ້າວ ປັຮເຍົາ ກວາຍ ອິດຊະຮາເອລ?"

ອີ ເຮີມ ເຈີ່ ມັນໂຕຣ ອັນ ແຕ ມັດ ມານາງ ລ້ອຮ. ມະກ້ອຍ ຮິ ແຕ້ອ ອີ ຊາງ ອັນ."

3 ພໍກາ ເຕົ້າວ ປັຮເຍົາ ເຮໂຣດ ຊັອງ ປັຮນາຍ ໄມ່, ອັນ ຊັອງ ເທຣ່າະ ລາລີ້, ກະ ອິນແຍ່ະ ມັຮ ກວາຍ ຕິ່ງ ເມີອງ ເຢຣູຊາເລັມ ລາ ຊັອງ ເທຣ່າະ ແຕ່. 4 ເຮໂຣດ ປາໂຣມ ອິນແຍ່ະ ມັຮ ກວາຍ ຊົດ ມູ່ ໄລ່ ກາ ຊາງ ຮິດ ເຢີງ ເຈົ້າຮາຊີ, ກະ ມັຮ ກວາຍ ອາຕີ ຄານອດ ຈຸ່ມ ອິດຊະຮາເອລ ແອັດ ຕິ່ງ ເມີອງ ກ້ອຍ. ອັນ ຕາແບັບ ໄລ່ ກ້ອຍ ປາຍ: "ປີ ແລະ ກຣິດ ແກ້ດ, ອັນ ກາ ເຢີງ ເຈົ້າຮາຊີ ຮຽຮ ໂອນ ຈ່ອຍ ອາມັງ ກວາຍ?"

5 ໄລ່ ກ້ອຍ ຕາແອີຍ ປາຍ: "ກຣິດ ແກ້ດ ຕິ່ງ ເມີອງ ເບັດເລເຮັມ, ແຄງ ຢູດາຍ, ຍ່ອນ ເບີນ ມານະ ຕາງ ປັຮນາຍ ເຢີງ ເຈົ້າຮາຊີ ຄຽນ ດໍອ ແຕ ອິມເປັ ປາຍ:

6 'ເອີ ເມີອງ ເບັດເລເຮັມ ແຄງ ຢູດາຍ ເອີຍ! ໄມ່ ລາ ຕາ ແກ້ນ ເມີອງ ກາ ເບີນ ອຳນາດ ແກດໆ,

ຄັນ ຕາລີ ກະ ມັຮ ເມີອງ ການໍອ ຕິ່ງ ແຄງ ຢູດາຍ. ຍ່ອນ ເບີນ ມານະ ແຕ້ອ ແຕ ໄມ່ ກາ ເບີນ ຊົດ ປັດ ລາລີ້.

ອັນ ອາໂຍ່ງ ມັຮ ກວາຍ ກອນແຊມ ເກົ້າ, ລາ ກວາຍ ອິດຊະຮາເອລ."

7 ແວັດ ກ້ອຍ ເຮໂຣດ ກູອ ຕວຍ ມັຮ ກວາຍ ກາ ດັງ ແຕ ມັນໂຕຣ ກະ ຕາແບັບ ໄລ່ ກ້ອຍ ກຮັກ ລາລີ້ ບັອງ ແລະ ໄລ່ ເຮີມ ມັນໂຕຣ ກ້ອຍ ລ້ອຮ?

8 ມະກ້ອຍ ອັນ ແປຣີ ມູ່ ກາ ດັງ ແຕ ມັນໂຕຣ ເປາະ ບິ ເມີອງ ເບັດເລເຮັມ. ອັນ ອາຕີ ໄລ່ ປາຍ: "ເຍົາ ເປາະ ຈໍອ ກຮັກ ລາລີ້ ກອນ ກ້ອຍ. ແຕ້ອ ເຍົາ ຮາມິຮ ກອນ ກ້ອຍ, ເຍົາ ອາຕີ ເກົ້າ ແຮີ. ເກົ້າ ລາ ອີ ເປາະ ຊາງ ອັນ ແຕ່."

9 ແວັດ ໄລ່ ຊາງັດ ປັຮນາຍ ເຕົ້າວ ປັຮເຍົາ ປາຍ ມະກ້ອຍ, ໄລ່ ເປາະ ລັຮ. ກະ ໄລ່ ເຮີມ ລັຮ ມັນໂຕຣ ຍິຮ ມັດ ມານາງ ລ້ອຮ. ມັນໂຕຣ ກ້ອຍ ເປາະ ອິນໂຍ່ງ ໄລ່, ກະ ຕາງັດ ຕາປິ່ງ ອິນຕຸ ກອນ ກ້ອຍ ແອັດ. 10 ແຕ້ອ ກວາຍ ກາ ດັງ ແຕ ມັນໂຕຣ ເຮີມ ລັຮ ມັນໂຕຣ ກ້ອຍ, ໄລ່ ຊັອງ ຮໍອ ບູຍ ລາລີ້. 11 ບັອງ ກາ ໄລ່ ມູ່ດ ຕິ່ງ ດຸງ, ໄລ່ ເຮີມ ກອນ ກ້ອຍ ກະ ມາຣີ, ອິມເປັອ ອັນ. ໄລ່ ກູ່ ຮາໂກລ ຊາງ ກອນ ກ້ອຍ. ເຈີ່ ໄລ່ ເປີຮ ຮິບ ກາ ເບີນ ເທຣິ່ງ ເກົ້າ ເປ່ງ ລາລີ້, ອາລ້ອຮ ມ່ອບ ໂອນ ກອນ ກ້ອຍ ລາ ແຢ່ງ, ຮາແລງ ອາລ່ອງ ປາຮວມ, ກະ ຊຽດ ອາລ່ອງ ປາຮວມ.

12 ເຈົ້າ ເຢີຊູ ເຈົ້າຮາຊີ ອາດີ ລັຮ ໄລ່ ແຕ ປາເມົາ ໄລ່ ຮາເລົາ ອິມເປົາ ໂອນ ໄລ່ ອິນໂຈຍ ເຈົ້າ ນ້ອງ ປິ ດຸງ ເຮໂຣດ. ນະກ້ອຍ ໄລ່ ເຈົ້າ ປິ ກຣວງ ໄລ່, ມາ ເຈົ້າ ລັຮ ຮາມາ ການໍ້ອ ແອັນ.

ໂຢເຊັບ, ມາຣີ, ກະ ກອນ ເປາະ ປິ ກຣວງ ເອຍິບ

13 ພໍ່າກາ ແວັດ ກວາຍ ກາ ດັງ ແຕ ມັນໂຕຣ ເຈົ້າ ເຈົ້າ, ເທວາດາ ເຢີຊູ ເຈົ້າຮາຊີ ແຕ້ອ ປິ ໂຢເຊັບ ຮາ ມາ ຮາເລົາ ອິມເປົາ, ປາຍ: "ໄມ່ ຢວຣ ຕາຍິງ, ເດີ ງ ກອນ ກະ ອິມເປ້ອ ອັນ ລັອຣ ເປາະ ປິ ກຣວງ ເອຍິບ ແອັນ. ເຍົາ ແອັດ ຕິ່ງ ກຣວງ ກ້ອຍ ເວົ້າຍ ເຕົ້າ ແຕ້ອ ເກົ້າ ອາດີ ລັຮ ໂອນ ເຍົາ ເຈົ້າ, ຍ່ອນ ເຕົ້າວ ປັຣເຍົາ ເຮໂຣດ ຍິອ ອີ ກາຈິດ ກອນ ເຍົາ."

14 ນະກ້ອຍ ໂຢເຊັບ ຢວຣ ຕາຍິງ. ແຕ ອິນ ນ້ອງ ການໍ້າ ອັນ ເດີງ ອິມເປ້ອ ກະ ກອນ ກ້ອຍ ຕາ ລຸ່ຣ ແອັດ ຕິ່ງ ກຣວງ ເອຍິບ ແອັນ. 15 ໄລ່ ແອັດ ປິ ກ້ອຍ ເຕົ້າ ແຕ້ອ ຕາໄງ ເຮໂຣດ ກູຈິດ.

ຮານະ ໄມ່ ຮາປຍາຍ ກະ ປັຣນາຍ ເຢີຊູ ເຈົ້າຮາ ຊີ ປາຍ ຮາມາ ກວາຍ ອາດີ ຕາງ ປັຣນາຍ ເຢີຊູ ເຈົ້າຮາຊີ ແຕ ອິມເບີ ປາຍ:

"ເກົ້າ ກູອ ກອນ ເກົ້າ ລັອຣ ແຕ ກຣວງ ເອຍິບ."

ເຮໂຣດ ກາຈິດ ອິນແຍ່ະ ມັຮ ກອນ ຮາເລົາ 16 ພໍ່າກາ ເຮໂຣດ ດັງ ກວາຍ ກາ ດັງ ແຕ ມັນ ໂຕຣ ອາໂລກ ອັນ, ອັນ ຊ້ອງ ອວານ ລາລີ. ອັນ ແປຣີ ໂອນ ເມົ້າ ກາຈິດ ອິນແຍ່ະ ມັຮ ກັຮແນນ ຮາເລົາ ເຕີ ບາຣ ກູມໍ ອາແຊງ ແອັດ ຕິ່ງ ເມືອງ ເບັດເລເຮັມ ກະ ມັຮ ເມືອງ ການໍ້ອ ແອັດ ອິມແປຣ ເມືອງ ກ້ອຍ ແຮີ, ຍ່ອນ ອັນ ຊາແຍີ ແຕ ຕາໄງ ກວາ ຍ ກາ ດັງ ແຕ ມັນໂຕຣ ອາດີ ໂອນ ອັນ ດັງ.

17 ນະກ້ອຍ ແກັດ ຮາປ ຍາຍ ປັຣ ນາຍ ເຢເຣມີຢາ, ອັນ ກາ ອາດີ ຕາງ ປັຣນາຍ ເຢີຊູ ເຈົ້າຮາຊີ, ປາຍ ແຕ ອິມເບີ ນະໄມ່:

18 "ເມົ້າ ຊ້ອງ ເບີນ ຊຽງ ກູໂກຍ ກູເກງ ແຕ ວິລ ຮາມາ,

ອາມໍອ ຮາເຊລ ເຍົາມ ຊາແຍີ ກອນ ອັນ. ອັນ ຕາ ເບີນ ຊາງັດ ປັຣນາຍ ເມົ້າ ຕາລິ້ນ, ຍ່ອນ ກອນ ອັນ ຕາ ເບີນ ນ້ອງ."

ໂຢເຊັບ, ມາຣີ, ກະ ກອນ ເຈົ້າ ແຕ ກຣວງ ເອຍິບ

19 ແວັດ ເຮໂຣດ ກູຈິດ ເຈົ້າ, ເທວາດາ ເຢີຊູ ເຈົ້າຮາຊີ ແຕ້ອ ລັຮ ປິ ໂຢເຊັບ ແອັດ ຕິ່ງ ກຣວງ ເອຍິບ ແຕ ອັນ ຮາເລົາ ອິມເປົາ. 20 ເທວາດາ ກ້ອຍ ປາຍ: "ຢວຣ ຕາຍິງ. ເດີງ ກອນ ກະ ອິມເປ້ ອັນ ເປາະ ເຈົ້າ ລັຮ ປິ ກຣວງ ອິດຊະຮາເອລ,

ຍ່ອນ ກວາຍ ກາ ຍິອ ອີ ກາຈິດ ກອນ ໄມ່, ອັນ ກູ ຈິດ ເຈົ້າ."

21 ນະກ້ອຍ ໂຢເຊັບ ຢວຣ ຕາຍິງ, ເດີງ ກອນ ລາກວຍ ອັນ ເຈົ້າ ລັຮ ປິ ກຣວງ ອິດຊະຮາເອລ.

22 ມາ ພໍ່າກາ ໂຢເຊັບ ຊ້ອງ ເມົ້າ ປາຍ ອາກເຄ ລາວ ແກັດ ເຕົ້າວ ປັຣເຍົາ ຕິ່ງ ແຄງ ຢູດາຍ ເຕ່ນ ລັຮ ເຮໂຣດ, ອິມເປ້ ອັນ; ນະກ້ອຍ ໂຢເຊັບ ອິງ ກ້ອຣ ອີ ເຈົ້າ ປິ ກ້ອຍ. ມາ ເຢີຊູ ເຈົ້າຮາຊີ ອາ ດີ ລັຮ ອັນ ຮາມາ ຮາເລົາ ອິມເປົາ. ເຈົ້ ອັນ ເປາະ ປິ ແຄງ ຄາລີເລ ແອັນ. 23 ອັນ ເປາະ ແອັດ ຕິ່ງ ວິ ລ ນາຊາເຣັດ. ນະກ້ອຍ ແກັດ ຮາປຍາຍ ນະ ປັຣ ນາຍ ກວາຍ ອາດີ ຕາງ ປັຣນາຍ ເຢີຊູ ເຈົ້າຮາຊີ ປາຍ ແຕ ອິມເບີ ນະໄມ່:

"ເມົ້າ ດິອ ອັນ ລາ ກວາຍ ນາຊາເຣັດ."

### 3

ໂຢຮັນ ກາ ຕະ ຮິດ ຕິ່ງ ແດິອ ມາຣະໂກ 1:1-8; ລູກາ 3:1-18; ໂຢຮັນ 1:19-28)

1 ບັອງ ກາ ກ້ອຍ, ໂຢຮັນ ກາ ຕະ ຮິດ ຕິ່ງ ແດິອ ແຕ້ອ ອາດີ ແຕ ຮານະ ເຢີຊູ ເຈົ້າຮາຊີ ປິ ອິນຕຸ ຕ ຍາຣ ຕິ່ງ ແຄງ ຢູດາຍ. 2 ອັນ ອາດີ ປາຍ: "ອິງ ເຄາະ ເຍົາ ປັຣນ ອິດ ຮາງິຣ ຕາໄມ ແອັນ, ຍ່ອນ ແຈ່ ເຈົ້ ເຢີຊູ ເຈົ້າຮາຊີ ຕະ ຊົດ."

3 ເອຊາຢາ, ກວາຍ ອາດີ ຕາງ ປັຣນາຍ ເຢີຊູ ເຈົ້າຮາຊີ, ອາດີ ແຕ ໂຢຮັນ ປາຍ:

"ເບີນ ຊຽງ ເມົ້າ ຊາບາວ ອາດີ ເຣ່ງ ລາລີ້ ແຕ ອິນ ຕຸ ຕຍາຣ ປາຍ:

'ເຍົາ ອິງເຄາະ ອາດີ ຮາມາ ໂອນ ອິນເຈົ້າ ໄຮ. ຕະ ໂອນ ຕານ້ອງ ຮາມາ ອັນ ອີ ເປາະ.'"

4 ໂຢຮັນ ໄມ່ ເກີຍ ຕັອກ ຕໍາປັອກ ເມົ້າ ຕະ ແຕ ໂຊະ ອູ່ດ. ກະ ອັນ ກັນຕັນ ດິອ ອິງກັຣ ຊັນຕຣັນ ຕິ່ງ ອິງກິງ ອັນ. ອັນ ຈາ ລາມ, ກະ ອັນ ຈ່ອຍ ແດິອ ກາຣຍາລ ແຕ ຕຍາຣ. 5 ເບີນ ກວາຍ ແຕ້ອ ປິ ອັນ ແຕ ເມືອງ ເຢຣູຊາເລັມ, ກະ ຈວບ ອິນແຍ່ະ ແຄງ ຢູດາຍ, ກະ ກວາຍ ກາ ແອັດ ອິມແປຣ ຕາ ເລ່ ຈໍແດນ. 6 ໄລ່ ງິ່ນ ໄລ່ຍຣ, ເຈົ້ ໂຢຮັນ ຕະ ຮິດ ຕິ່ງ ແດິອ ໂອນ ໄລ່ ຕິ່ງ ຕາເລ່ ຈໍແດນ.

7 ພໍ່າກາ ໂຢຮັນ ເຮີມ ກິ່ງ ກວາຍ ແຕ ຈຸ່ມ ພາຣີ ຊາຍ ກະ ຈຸ່ມ ຊາດູກາຍ, ແຕ້ອ ປິ ອັນ ໂອນ ອັນ ຕະ ຮິດ ຕິ່ງ ແດິອ ໂອນ ໄລ່, ນະກ້ອຍ ອັນ ປາຍ ໂຈະ ໄລ່ ກ້ອຍ: "ເຍົາ ລາ ປູ້ ນະ ກູຊິນ ຕູຣ. ເຍົາ ຕາ ເຕ່ອ ວຍາຣ ແວັດ ແຕ ເຢີຊູ ເຈົ້າຮາຊີ ຕະ ເຍົາ

ແຕ້ອ ອັນ ຕະ ໂຕ່ດ ກວາຍ ໂລ່ຍຮ ຕິ່ງ ຕາໄງ ປັຣ ຊົດ. <sup>8</sup> ອີງເຄາະ ເຍົາ ຕະ ຣານະ ອໍ. ໄມ່ ລາ ອາປັຣ ໂອນ ເມົາ ດັງ ເຍົາ ປຽນ ແກ້ດ ຮາງິຣ ຕາໄມ ແອັນ.

<sup>9</sup> ເຍົາ ອິນໂຈຍ ຄິ່ດ ປາຍ ເຍົາ ເຕ່ອ ວຍາຣ ແວັດ ແຕ ໂຕ່ດ ໄມ່ ຍ່ອນ ເຍົາ ປາຍ: 'ອັບຣາຮາມ ລາ ອາຈວາຍຮ ອາເຈ່ຣ ຣິ.' ເກົາ ອາຕິ ຕາມ້ອງ ໂອນ ເຍົາ, ຄັນ ເຢັງ ເຈົາຮາຊິ ຍິ່ອ, ເຕ່ອ ອັນ ອິດ ຕາ ເມົາ, ເຈ້ ແຕງ ຈຸ່ມເຈັອ ອັບຣາຮາມ ແຕ ມັຣ ຕາເມົາ ກ້ອຍ. <sup>10</sup> ຊານໍ່ ນະ ເບີນ ຈວາງ ປາ ປາຍິ່ ແຈ່ະ ກໍ່ລ ອາລ່ອງ. ກໍ່ລ ອາແລ່ະ ມາ ຕາ ເບີນ ແກ້ດ ປາໄລ ອໍ, ເມົາ ຕາມ້ ແຕ ຈວາງ ໄມ່, ເຈ້ ແຫງ ຕັຣ ຕິ່ງ ອູ່ ຍຣ. <sup>11</sup> ໄກຣ ລາລີ່ ເກົາ ຕະ ຣິ່ດ ໄມ່ ໂອນ ເຍົາ ຮາ ມາ ແດັອ, ຕະ ອາປັຣ ເຍົາ ປຽນ ແກ້ດ ຮາງິຣ ຕາ ໄມ ແອັນ. ມາ ອັນ ກາ ແຕ້ອ ອິນຕູ່ນ ເກົາ, ອັນ ກ້ອຍ ຊົດ ແກ້ຍ ແຕ ເກົາ. ເກົາ ລາ ຕາ ເບີນ ປ ຍາຍ ຕາແຢ່ອ ແກ້ບ ອັນ, ຍ່ອນ ເກົາ ລາ ອຳນາດ ແກດໆ ລາລີ່. ອັນ ກ້ອຍ ຕະ ຣິ່ດ ໂອນ ເຍົາ ເບີນ ຮາເວົ້າຍ ເຢັງ ເຈົາຮາຊິ ກະ ອູ່ຍຣ. <sup>12</sup> ອາຕິ ອັນ ຍຸມ ຕາວິ່ງ, ເຈ້ ອັນ ອູມ ອິນແຍ່ະ ມັຣ ທຣໍ ອັນ. ອາແລ່ະ ກາ ຈອງ, ອັນ ດໍ້ອ ຕິ່ງ ຊູ. ອາແລ່ະ ກາ ຊາ ກາມ, ອັນ ອາປັອງ ຕັຣ ຕິ່ງ ອູ່ຍຣ ກາ ຕາ ແກ້ດ ປັດ ໂອນ ກາດ ຊ່ອງ."

ໂຢຮັນ ຕະ ຣິ່ດ ຕິ່ງ ແດັອ ໂອນ ເຢຊູ  
(ມາຣະໂກ 1:9-11; ລູກາ 3:21-22)

<sup>13</sup> ບັອງ ກາ ກ້ອຍ ເຢຊູ ລ້ອຣ ແຕ ແຄງ ຄາລີເລ ເປາະ ປິ ຕາເລ່ ຈໍແດນ, ຍ່ອນ ຍິ່ອ ອິ ໂອນ ໂຢຮັນ ຕະ ຣິ່ດ ຕິ່ງ ແດັອ ໂອນ ອັນ. <sup>14</sup> ມາ ໂຢຮັນ ຮາ ຈຽນ ຕາ ຍິ່ອ ອິ ຕະ ຣິ່ດ ຕິ່ງ ແດັອ ໂອນ ອັນ. ໂຢຮັນ ປາຍ: "ປຍາຍ ລາລີ່ ລາ ໄມ່ ຕະ ຣິ່ດ ຕິ່ງ ແດັອ ໂອນ ເກົາ. ມາ ຍ່ອນ ນານະ ໄມ່ ແຕ້ອ ປິ ເກົາ ຍິ່ອ ເກົາ ຕະ ຣິ່ດ ຕິ່ງ ແດັອ ໂອນ ໄມ່?"

<sup>15</sup> ມາ ເຢຊູ ຕາແອັຍ ລ້ຣ ໂຢຮັນ ປາຍ: "ຊານໍ່ ອີງເຄາະ ໄມ່ ຕະ ໂອນ ເກົາ. ນະກ້ອຍ, ອີງເຄາະ ໄຮ ຕະ ກູ ຮາມິຣ ມັຣ ເຢັງ ເຈົາຮາຊິ ໂອນ ໄຮ ຕະ."

ແວັດ ເຢຊູ ປາຍ ນະກ້ອຍ, ເຈ້ ໂຢຮັນ ຕະ ຣິ່ດ ຕິ່ງ ແດັອ ໂອນ ເຢຊູ.

<sup>16</sup> ແວັດ ໂຢຮັນ ຕະ ຣິ່ດ ຕິ່ງ ແດັອ ໂອນ ເຢຊູ, ເຈ້ ເຢຊູ ຊ້ອຣ ແຕ ແດັອ. ບັອງ ກາ ກ້ອຍ ແຕ່, ມັນລ້ອງ ນະ ເມົາ ເປັຣ, ກະ ເຢຊູ ເຮີມ ຮາເວົ້າຍ ເຢັງ ເຈົາຮາຊິ ແຂງ ແຕ ມັນລ້ອງ ນະ ແຈມ ປາ ເຮັດ, ເຈ້ ປັກ ຕິ່ງ ຈະ ເຢຊູ. <sup>17</sup> ກະ ເບີນ ຊຽງ ເຢັງ ເຈົາຮາຊິ ຊາບາວ ອາຕິ ແຕ ມັນລ້ອງ ປາຍ:

"ໄມ່ ລາ ກອນ ເກົາ, ອັນ ກາ ເກົາ ອາໂຍ່ະ ລາລີ່. ອິນເຕົາ ອັນ ຕະ, ລາ ເກົາ ຣໍ້ອ ອິນແຍ່ະ."

### 4

ເຢັງ ຊາຕານ ລ່ອງ ເຢຊູ  
(ມາຣະໂກ 1:12-13; ລູກາ 4:1-13)

<sup>1</sup> ແວັດ ກ້ອຍ ຮາເວົ້າຍ ເຢັງ ເຈົາຮາຊິ ເດີງ ເຢຊູ ເປາະ ປິ ອິນຕູ ຕຍາຣ, ໂອນ ເຢັງ ຊາຕານ ລ່ອງ ອັນ ໂອນ ຕະ ຣານະ ໂລ່ຍຮ. <sup>2</sup> ເຢຊູ ອັດ ຊັຣນາ ອິນແຍ່ະ ປູນ ຈິ່ດ ຕາໄງ ປູນ ຈິ່ດ ຊາເດົາ. ແວັດ ກ້ອຍ ອັນ ຊ້ອງ ມາເຍົາຍຣ ລາລີ່. <sup>3</sup> ເຈ້ ເຢັງ ຊາຕານ ແຕ້ອ ປິ ເຢຊູ, ກະ ອັນ ປາຍ: "ຄັນ ໄມ່ ກອນ ເຢັງ ເຈົາຮາຊິ, ເອົາ ໄມ່ ຕະ ໂອນ ມັຣ ຕາ ເມົາ ໄມ່ ແກ້ດ ຊັຣນາ ຈາ."

<sup>4</sup> ມາ ເຢຊູ ຕາແອັຍ ລ້ຣ ປາຍ: "ຕິ່ງ ປິ່ງ ປັຣ ນາຍ ເຢັງ ເຈົາຮາຊິ ຄຽນ ປາຍ:

'ກວາຍ ຕາ ເບີນ ອາມັງ ຍ່ອນ ແຕ ແອັງ ເກຣັງ ຊັຣ ມາ ຈາ ຊ້ອງ,

ມາ ກວາຍ ເບີນ ອາມັງ ຍ່ອນ ແຕ ກູ່ ປັຣນາຍ ກາ ລ້ອຣ ແຕ ແບອ ເຢັງ ເຈົາຮາຊິ."

<sup>5</sup> ແວັດ ກ້ອຍ ເຢັງ ຊາຕານ ເດີງ ເຢຊູ ມຸ່ດ ຕິ່ງ ເມືອງ ເຢຣູຊາເລັມ. ອັນ ໂອນ ເຢຊູ ຕາຍິງ ຕິ່ງ ອານວລ ດຸງ ຊາງ ປິ່ດ. <sup>6</sup> ເຈ້ ເຢັງ ຊາຕານ ປາຍ: "ຄັນ ໄມ່ ກອນ ເຢັງ ເຈົາຮາຊິ, ເອົາ ໄມ່ ປັອງ ອາ ແຂງ, ຍ່ອນ ປິ່ງ ປັຣນາຍ ເຢັງ ເຈົາຮາຊິ ຄຽນ ດໍ້ອ ປາຍ:

'ເຢັງ ເຈົາຮາຊິ ແປຣີ ເທວາດາ ອັນ ກຍາອ ໄມ່. ກະ ໄລ່ ຕາແດັງ ຮັບ ໄມ່ ແຕ ອາຕິ ໄລ່

ໂອນ ຕາ ເບີນ ເບີ ອິນເຕົາ ອາເຢັງ ໄມ່ ແຕ ຕາເມົາ."

<sup>7</sup> ມາ ເຢຊູ ຕາແອັຍ ລ້ຣ ອັນ ປາຍ: "ຕິ່ງ ປິ່ງ ປັຣນາຍ ເຢັງ ເຈົາຮາຊິ ອັນ ປາຍ ເຕ່:

'ເຍົາ ອິນໂຈຍ ລ່ອງ ເຢັງ ເຈົາຮາຊິ, ອິນເຈົາ ເຍົາ."

<sup>8</sup> ເຈ້ ເຢັງ ຊາຕານ ເດີງ ເຢຊູ ຊ້ອຣ ຕິ່ງ ກັຣ ຕິ່ ລາລີ່ ແອັນ. ອັນ ອາປັຣ ໂອນ ເຢຊູ ເຮີມ ອິນແຍ່ະ ມັຣ ກຣວາງ ຊົດ, ກຣວາງ ປິ່ດ ກະ ອິນແຍ່ະ ຮາມິ ຣ ອຳນາດ ຕິ່ງ ກູແຕອ ໄມ່. <sup>9</sup> ເຢັງ ຊາຕານ ອາຕິ ເຢຊູ ປາຍ: "ອິນແຍ່ະ ມັຣ ກຣວາງ ໄມ່ ເກົາ ມ່ອບ ໂອນ ໄມ່, ຄັນ ໄມ່ ກູ່ ຮາໂກລ ຊາງ ເກົາ."

<sup>10</sup> ມາ ເຢຊູ ຕາແອັຍ ລ້ຣ ອັນ ປາຍ: "ອາຍຣ ຊາຕານ ໄມ່! ໄມ່ ເປາະ ເຢັງ ແຕ ເກົາ. ຕິ່ງ ປິ່ງ ປັຣ ນາຍ ເຢັງ ເຈົາຮາຊິ ຄຽນ ປາຍ ເຈ້:

'ອີງເຄາະ ເຍົາ ຊາງ ເຢັງ ເຈົາຮາຊິ, ລາ ອິນເຈົາ ເຍົາ,

ກະ ຕະ ແອ້ງ ຮານະ ອັນ ຊ້ອງ."

11 ເຈີ່ ເຢີງ ຊາຕານ ລ້ອຣ ແຕ່ ແຕ ເຢຊູ, ກະ ມັຣ ແທວາດາ ເຢີງ ເຈົ້າຣາຊີ ແຕ້ອ໌ ແມ່ ຊາລິອ໌ ອັນ.

ເຢຊູ ຕາແບິ ຕະ ຮານະ ອັນ ຕຶ້ງ ແຄງ ຄາລິເລ (ມາຣະໂກ 1:14-15; ລູກາ 4:14-15)

12 ພໍ ກາ ເຢຊູ ຊ້ອງ ປາຍ ເມົ້າ ໂກບ ໂຢຮັນ ໂຈະ ຕຶ້ງ ກໍ່ອ໌, ເຈີ່ ອັນ ເປາະ ລ້ຣ ປິ ແຄງ ຄາລິເລ.

13 ແວັດ ອັນ ລ້ອຣ ແຕ ວິລ ນາຊາເຣັດ, ເຈີ່ ອັນ ມຸ່ດ ແອັດ ຕຶ້ງ ເມືອງ ກາເປນາອູມ ແອັນ. ເມືອງ ໄມ່ ແອັດ ຕຶ້ງ ປີຣ ແດັອ໌ ທາເລ ຣາປັງ, ແຈ່ວ ຣາລັນ ກຣວາງ ເຊບູໂລມ ກະ ກຣວາງ ເມັບທາລິ. 14 ອັນ ຕະ ນະກ້ອຍ ໂອນ ແກັດ ຣາປຍາຍ໌ ມັຣ ປັຣນາຍ ເອຊາຢາ, ກວາຍ ອາຕີ ຕາງ ປັຣນາຍ ເຢີງ ເຈົ້າຣາ ຊີ ປາຍ:

15 "ກຣວາງ ເຊບູໂລມ ກະ ກຣວາງ ເມັບທາລິ ເອີຍ!

ກຣວາງ ເຍົາ ແອັດ ຢັຣ ອິນຕັຣ ຕາເລ ຈໍແດນ

ແຈ່ວ ຮານາ ເປາະ ລຍາບ ປີຣ ແດັອ໌ ທາເລ ຣາປັງ ຄາລິເລ.

ແຄງ ຄາລິເລ ເບິນ ກວາຍ ຕາ ແກິນ ກວາຍ ອິດຊະຣາເອລ ແອັດ.

16 ໄລ່ ກາ ແອັດ ຕຶ້ງ ອິນຕຸ ການໍາ, ໄລ່ ເຮີມ ບັງ ປິດ ລາລີ້.

ກະ ໄລ່ ກາ ແອັດ ຕຶ້ງ ອິນຕຸ ກູຈິດ, ເບິນ ບັງ ປາເລີງ ບໍ ໄລ່."

17 ແຕ ບັອງ ກ້ອຍ ແຕ່ ເຢຊູ ຕາແບິ ອາຕີ ແຕ ຮານະ ເຢີງ ເຈົ້າຣາຊີ. ອັນ ອາຕີ ປາຍ: "ອີງເຄາະ ເຍົາ ປຽນ ແກັດ ຣາງິຣ ຕາໄມ ແອັນ, ຍ່ອນ ແຈ່ວ ເຈີ່ ເຢີງ ເຈົ້າຣາຊີ ຕະ ຊົດ."

ເຢຊູ ກູອ໌ ກວາຍ ປູນ ນະ ກາ ຈໍອ໌ ອາກາ ໂອນ ປວາຍ ອັນ (ມາຣະໂກ 1:16-20; ລູກາ 5:1-11)

18 ບັອງ ກາ ເຢຊູ ເປາະ ອິມແປຣ ປີຣ ແດັອ໌ ທາ ເລ ຣາປັງ ຄາລິເລ, ອັນ ເຮີມ ບາຣ ນະ ແຊມອາຍ, ຊີໂມນ (ກາ ເມົ້າ ດໍອ໌ ເປໂຕ) ກະ ອັນເດອາ. ໄລ່ ບາຣ ນະ ກ້ອຍ ແອັດ ຕຶ້ງ ມ່ອງ ອາກາ ຕຶ້ງ ແດັອ໌ ທາເລ ຣາປັງ, ຍ່ອນ ໄລ່ ລາ ກວາຍ ເກີຍ ຈໍອ໌ ອາ ກາ. 19 ເຢຊູ ປາຍ ໂຈະ ໄລ່ ກ້ອຍ: "ເຍົາ ປວາຍ ເກົາ, ເຈີ່ ເກົາ ຕະ ໂອນ ເຍົາ ແກັດ ກວາຍ ກາ ຈໍອ໌ ກວາຍ ນະ ເຍົາ ຈໍອ໌ ອາກາ ແຕ່." 20 ບັອງ ກາ ກ້ອຍ ແຕ່ ໄລ່ ຕັຣ ມ່ອງ; ເຈີ່ ໄລ່ ປວາຍ ເຢຊູ.

21 ເຢຊູ ເປາະ ປີອ໌ ແອັນ; ເຈີ່ ອັນ ເຮີມ ບາຣ ນະ ແຊມອາຍ ການໍອ໌ ຣາມິຣ ຢາໂກໂບ ກະ ໂຢຮັນ. ໄລ່ ບາຣ ນະ ກ້ອຍ ແອັດ ຕຶ້ງ ຕົວະ ກະ ອິມບໍ ໄລ່ ເຊເບດາຍ, ພູງ ລັຣ ມ່ອງ ໄລ່. ເຢຊູ ກູອ໌ ບາຣ ນະ ແຊມອາຍ ກ້ອຍ. 22 ບັອງ ກາ ກ້ອຍ ແຕ່ ໄລ່ ບາຣ ນະ ກ້ອຍ ຕັຣ ຕົວະ ກະ ອິມບໍ ໄລ່, ເຈີ່ ປວາຍ ເຢຊູ.

ເຢຊູ ອາຕີ ກະ ປົວ ມັຣ ກວາຍ ອາອີ (ລູກາ 6:17-19)

23 ເຢຊູ ເປາະ ຈວບ ແຄງ ຄາລິເລ ອາຕີ ປັຣນາຍ ອໍ ແຕ ເຢີງ ເຈົ້າຣາຊີ ຕະ ຊົດ ຕຶ້ງ ມັຣ ດຸງ ຊາງ ກວາ ຍ ອິດຊະຣາເອລ. ກະ ອັນ ປົວ ໂອນ ກວາຍ ແກັດ ແບຣັຣ ແຕ ກູ່ ຣາມິຣ ອາອີ. 24 ຮານະ ເຢຊູ ຕະ ເປາະ ປັຣ ກູ່ ອິນຕຸ ຕຶ້ງ ແຄງ ຊີເຣຍ. ກະ ເມົ້າ ເດີ ງ ບໍ ອັນ ກຶ້ງ ກວາຍ ກາ ເບິນ ຊາອີຍ ຣາມິຣ ອາ ອີ ນະໄມ່: ກວາຍ ເບິນ ອາອີ ຊາປັລ, ໄລ່ ກາ ເຢີງ ຕາ ອໍ ຕຣວບ, ໄລ່ ກາ ອາອີ ຢຸຣ ໄປຣັອ, ກະ ໄລ່ ກາ ເບິນ ອາອີ ລ່ອຍ. ເຢຊູ ປົວ ອິນແຍ່ະ ມັຣ ກວາ ຍ ອາອີ ກ້ອຍ. 25 ນະກ້ອຍ ກຶ້ງ ລາລີ້ ກວາຍ ປ ວາຍ ເຢຊູ. ໄລ່ ແຕ້ອ໌ ແຕ ແຄງ ຄາລິເລ, ກຣວາງ ເດກາໂປລີ, ເມືອງ ເຢຣູຊາເລັມ, ແຄງ ຢູດາຍ, ກະ ກຣວາງ ຢັຣ ອິນຕັຣ ຕາເລ ຈໍແດນ.

### 5

ເຢຊູ ອາຕີ ບັອງ ໄລ່ ແອັດ ຕຶ້ງ ກົຣ (ລູກາ 6:20-23)

1 ແຕ້ອ໌ ເຢຊູ ເຮີມ ກຶ້ງ ລາລີ້ ກວາຍ ແອັດ ອີງ ກ້ອຍ, ອັນ ຊ້ອຣ ຕຶ້ງ ກົຣ; ເຈີ່ ອັນ ຕາກູ. ມູ່ ໄລ່ ກາ ຣຍານ ແຕ ອັນ ຕາກູ ແຈ່ວ ອັນ. 2 ເຈີ່ ເຢຊູ ຕາ ແບິ ອາຕີ ໄລ່ ປາຍ:

3 "ບຸ່ນ ລາລີ້ ໄລ່ ກາ ກຶ້ງ ປາຍ ຣາງິຣ ໄລ່ ຕາ ເບິນ ອໍ ອິນເຕົ້າ, ຍ່ອນ ໄລ່ ເບິນ ຈຸງ ແຕ່ ມັຣ ກາ ເຢີງ ເຈົ້າຣາ ຊີ ຕະ ຊົດ.

4 ບຸ່ນ ລາລີ້ ໄລ່ ກາ ເຍົາມ ຕຸຣ ຕຶ້ງ ແດີຍ ໄມ່, ຍ່ອນ ປັຣແນິ ມັນເຕຣົາ ເຢີງ ເຈົ້າຣາຊີ ແຕ່ ຕາລີ້ມ ໄລ່.

5 ບຸ່ນ ລາລີ້ ໄລ່ ກາ ເບິນ ຣາງິຣ ລາແມ່ນ ອໍ, ຍ່ອນ ປັຣແນິ ມັນເຕຣົາ ເຢີງ ເຈົ້າຣາຊີ ໂອນ ໄລ່ ຕາລາ ກຣວາງ ກູແຕອ໌.

\* 4:16 4:16 ອິນຕຸ ການໍາ ກະ ອິນຕຸ ກູຈິດ ຊາກໍາ ແຕ ກວາຍ ກາ ຕາ ຢາຣະ ດັງ ອິນເຕົ້າ ແຕ ເຢີງ ເຈົ້າຣາຊີ. ມາ ບັງ ປາເລີງ ໂຈະ ໄລ່ ກ້ອຍ, ໂອນ ໄລ່ ດັງ ແຕ ເຢີງ ເຈົ້າຣາຊີ ແຕ່.



6 ບຸນ ລາລີ້ ໄລ່ ກາ ອູອາຣ ອູໄອອ໌ ຢັອ ອີ ຕະ ຣາ  
ນະ ຕາມ້ອງ ອໍ,  
ຍ່ອນ ປັຣເນີ ມັນເຕຣີາ ເຢີງ ເຈົາຣາຊີ ໂອນ  
ໄລ່ ເບີນ ນະ ຣາງັຣ ໄລ່ ຢັອ ເຕ່.

7 ບຸນ ລາລີ້ ໄລ່ ກາ ຊ້ອງ ອາໂຢະ ຕະ ກວາຍ ການໍ  
ອ໌,  
ຍ່ອນ ປັຣເນີ ມັນເຕຣີາ ເຢີງ ເຈົາຣາຊີ ຊ້ອງ  
ອາໂຢະ ຕະ ໄລ່ ເຕ່.

8 ບຸນ ລາລີ້ ໄລ່ ກາ ເບີນ ຣາງັຣ ຕາ ເບີນ ໂລຍຣ  
ອິນເຕ້າ,  
ຍ່ອນ ປັຣເນີ ມັນເຕຣີາ ໄລ່ ເບີນ ເຣີມ ເຢີງ  
ເຈົາຣາຊີ.

9 ບຸນ ລາລີ້ ກວາຍ ກາ ເດີງ ເຍົາ ຣາຕອຍ ລັຣ,  
ຍ່ອນ ປັຣເນີ ມັນເຕຣີາ ເຢີງ ເຈົາຣາຊີ ດໍອ໌  
ກວາຍ ກ້ອຍ ລາ ກອນ ອາໄກ ອັນ.

10 ບຸນ ລາລີ້ ໄລ່ ກາ ເບີນ ຊາອິ້ຍ ຣາມິ້ຣ ຕຸຣ ກັດ  
ກວາຍ ຕະ ໄລ່ ຍ່ອນ ໄລ່ ຕາປູນ ຣານະ  
ເຢີງ ເຈົາຣາຊີ,  
ຍ່ອນ ໄລ່ ເບີນ ຈຸງ ເຕ່ ມັຣ ກາ ເຢີງ ເຈົາຣາ  
ຊີ ຕະ ຊົດ.

11 ບຸນ ລາລີ້ ໂອນ ເຍົາ, ແຕ້ອ໌ ກວາຍ ການໍອ໌  
ອາເຍ່ ພາມາດ ເຍົາ, ຕະ ເຍົາ, ກະ ຕູນ ເຍົາ ຕະ  
ອິນແຍ່ະ ມັຣ ຣານະ ຕາ ອໍ, ຍ່ອນ ເຍົາ ຕາປູນ ຣາ  
ນະ ເກົາ. 12 ອີງເຄາະ ເຍົາ ແອັດ ຣໍອ໌ ກະ ຕໍາໂປກ,  
ຍ່ອນ ເຢີງ ເຈົາຣາຊີ ດໍອ໌ ໂອນ ເຍົາ ເບີນ ເກົາ ຊາ  
ອິ້ຍ ຕຶ້ງ ມັນລ້ອງ. ມູເຈີງ ກ້ອຍ ເຕ່ ມັຣ ກວາຍ ອາ  
ຕີ ຕາງ ປັຣນາຍ ເຢີງ ເຈົາຣາຊີ ແຕ ອິມແບີ ຈີວ  
ເມົາ ຕະ ໄລ່."

ເຢຊູ ອາຕີ ແຕ ບອຍ ກະ ປັງ  
(ມາຣະໂກ 9:50; ລູກາ 14:34-35)

13 "ເຍົາ ລາ ນະ ບອຍ ໂອນ ກວາຍ ການໍອ໌ ແອັດ  
ຕຶ້ງ ກູແຕອ໌ ໄນ່. ມາ ຄັນ ບອຍ ແກັດ ອິນຕຍາຣ,  
ນານະ ອີ ຕະ ໂອນ ແກັດ ບະ ລັຣ? ຕາ ເຕ່ອ໌ ຕະ  
ອິນເຕ້າ ມ້ອງ ບອຍ ກ້ອຍ. ໄຣ ທໍອ໌ ຕັຣ ໂອນ  
ກວາຍ ຊາເຕົາຍ໌ ຊ້ອງ.

14 "ເຍົາ ລາ ນະ ປັງ ປາເລີງ ໂອນ ອິນແຍ່ະ ກວາ  
ຍ ຕຶ້ງ ກູແຕອ໌ ໄນ່. ເຍົາ ລາ ນະ ມວຍ ເມືອງ ປັດ  
ແອັດ ຕຶ້ງ ປັຣເລີ ກັຣ. ຕາ ເບີນ ເມົາ ເຕ່ອ໌ ກາຕັງ  
ປັງ ແຕ ເມືອງ ກ້ອຍ. 15 ມູເຈີງ ກ້ອຍ ເຕ່, ຕາ ເບີ  
ນ ເມົາ ຕາກັດ ຕາກຍາງ, ເຈີ ກຣວາອ໌ ໂຈະ ກາເຣຍ.  
ມາ ເມົາ ດໍອ໌ ຕຶ້ງ ໂຮ່ງ ໂອນ ປັງ ປາເລີງ ອິນແຍ່ະ  
ມັຣ ກວາຍ ຕຶ້ງ ດຸງ. 16 ມູເຈີງ ກ້ອຍ ເຕ່, ເຍົາ ອີງ  
ເຄາະ ໂອນ ປັງ ແຕ ເຍົາ ປາເລີງ ໂອນ ກວາຍ ການໍ

ອ໌ ເຣີມ. ນະກ້ອຍ ໄລ່ ເຣີມ ມັຣ ຣານະ ອໍ ເຍົາ ຕະ;  
ເຈີ້ ໄລ່ ຍ່ອງ ອິມປໍ ເຍົາ ກາ ແອັດ ຕຶ້ງ ມັນລ້ອງ."

ເຢຊູ ອາຕີ ແຕ ຄານອດ ໂມເຊ

17 "ເຍົາ ອິນໂຈຍ ຄິດ ເກົາ ແຕ້ອ໌ ປິ ໄນ່ ມາ ຢັອ  
ອີ ອາປັດ ຕັຣ ຄານອດ ໂມເຊ ແຕ້ລາ ປັຣນາຍ ໄລ່  
ກວາຍ ອາຕີ ຕາງ ປັຣນາຍ ເຢີງ ເຈົາຣາຊີ ແຕ ອິມ  
ແບີ. ເກົາ ແຕ້ອ໌ ຕາ ແກັນ ອີ ອາປັດ ຣານະ ກ້ອຍ,  
ມາ ເກົາ ແຕ້ອ໌ ຢັອ ອີ ໂອນ ຣານະ ກ້ອຍ ແກັດ ຣາປ  
ຍາຍ. 18 ເກົາ ອາຕີ ຕາມ້ອງ ໂອນ ເຍົາ, ຄັນ ອິນ  
ມ້ອງ ເບີນ ມັນລ້ອງ ກະ ກູແຕອ໌, ຕາ ເບີນ ປັດ  
ມວຍ ຣາມິ້ຣ ອິນເຕ້າ ເມົາ ຄຽນ ຕຶ້ງ ຄານອດ ໄນ່  
ເຕ້າ ຣາປຍາຍ໌ ອິນແຍ່ະ. 19 ນະກ້ອຍ ຄັນ ກວາຍ  
ອາແລ່ະ ມາ ຕັຣ ມວຍ ຣານະ ອິນເຕ້າ ແຕ ຄານອດ  
ກ້ອຍ ກະ ອາຕີ ກວາຍ ການໍອ໌ ໂອນ ຕັຣ ເຕ່, ກວາ  
ຍ ກ້ອຍ ຕາ ເຕ່ອ໌ ແກັດ ຊົດ ອິນເຕ້າ ຕຶ້ງ ຈຸມ ກາ  
ເຢີງ ເຈົາຣາຊີ ຊົດ. ມາ ກວາຍ ອາແລ່ະ ກາ ຕະ  
ຕາປູນ ຄານອດ ກ້ອຍ ກະ ອາຕີ ໂອນ ກວາຍ ກາ  
ນໍອ໌ ຕະ ຕາປູນ ເຕ່, ກວາຍ ກ້ອຍ ແກັດ ຊົດ ຕຶ້ງ  
ຈຸມ ກາ ເຢີງ ເຈົາຣາຊີ ຊົດ. 20 ນະກ້ອຍ ເກົາ ອາຕີ  
ເຍົາ, ຄັນ ເຍົາ ຢັອ ອີ ມຸດ ຕຶ້ງ ຈຸມ ກາ ເຢີງ ເຈົາຣາ  
ຊີ ຊົດ, ອີງເຄາະ ເຍົາ ຕາປູນ ຣານະ ເຢີງ ເຈົາຣາຊີ  
ອາຕີ ອໍ ແກຼ້ຍ ແຕ ມັຣ ກວາຍ ອາຕີ ຄານອດ ກະ  
ມັຣ ກວາຍ ພາຣີຊາຍ."

ເຢຊູ ອາຕີ ແຕ ກວາຍ ຣາງັຣ ອີງຄິນ  
(ລູກາ 12:57-59)

21 "ເຍົາ ຊ້ອງ ເຈີ້ ເມົາ ອາຕີ ແຕ ອິມແບີ ປາຍ:  
'ເຍົາ ອິນໂຈຍ ກາຈິດ ກວາຍ. ກວາຍ ອາແລ່ະ ມາ  
ກາຈິດ ກວາຍ ການໍອ໌, ເມົາ ຕະ ໂຕ່ດ ລັຣ ອັນ.'  
22 ມາ ເກົາ ອາຕີ ເຍົາ ປາຍ: ກວາຍ ອາແລ່ະ ມາ  
ຊ້ອງ ອວານ ກະ ແຊມອາຍ ອັນ, ກວາຍ ກ້ອຍ  
ເຢີງ ເຈົາຣາຊີ ຕະ ໂຕ່ດ. ອາແລ່ະ ກາ ຣາໂລຍຣ  
ກະ ແຊມອາຍ, ກະ ປາຍ ໂຈະ ແຊມອາຍ: 'ໄມ່ ຊາ  
ກູລ ລາລີ້,' ນະກ້ອຍ ເຕ່ອ໌ ກວາຍ ຊົດ ຕັດຊິນ.  
ກະ ກວາຍ ອາແລ່ະ ກາ ປາຍ ໂຈະ ແຊມອາຍ: 'ໄມ່  
ລາ ກວາຍ ຢຸຣ,' ກວາຍ ກ້ອຍ ເຕ່ອ໌ ເຢີງ ເຈົາຣາ  
ຊີ ອາປັອງ ຕຶ້ງ ປຣຸ່ງ ອູ່ຍຣ. 23 ນະກ້ອຍ, ຄັນ  
ເຍົາ ເດີງ ເກຣັງ ອີ ຊາງ ໂອນ ເຢີງ ເຈົາຣາຊີ ປິ ຊັນ  
ເຕຣີງ ຣິດ ຊາງ, ມາ ບັອງ ກາ ກ້ອຍ ເຍົາ ຊາແຍີ  
ລັຣ ແຊມອາຍ ດໍອ໌ ມັດ ກະ ເຍົາ, 24 ອີງເຄາະ ເຍົາ  
ອາຈຸຣ ດໍອ໌ ເກຣັງ ຊາງ ກ້ອຍ ຕຶ້ງ ດຸງ ຊາງ ປັດ  
ເວົ້າຍ. ເຈີ້ ເຍົາ ລັບ ເຈົາ ກະ ຣາອໍ ລັຣ ກະ ແຊມ  
ອາຍ. ເຈີ້ ເຍົາ ເປາະ ລັຣ ປິ ດຸງ ຊາງ ມ່ອບ ເກຣັງ  
ກ້ອຍ ໂອນ ເຢີງ ເຈົາຣາຊີ.

25 "ແຕ້ອ້ ເຍົາ ຮາໂລຍຮ ກະ ກວາຍ ການໍ້ອໍ, ກະ ກວາຍ ກ້ອຍ ອີ ເດີງ ເຍົາ ຮາມັຮ ກວາຍ ຊົດ, ອີງ ເຄາະ ເຍົາ ປຣ່ອມ ຮາຕອຍ ລໍ່ຮ ບັອງ ກາ ເຍົາ ຕາ ຢວາຣ ແຕ້ອ້ ປໍ ກວາຍ ຊົດ ກ້ອຍ. ຄັນ ເຍົາ ຕາ ເບີນ ປຣ່ອມ ຮາຕອຍ ໄວ່, ອີງກ້ອຮ ປຢາຍໍ ກວາ ຍ ກ້ອຍ ເດີງ ເຍົາ ແຕ້ອ້ ປໍ ກວາຍ ຊົດ ກາເລີຍ ແຕ ກ້ອຍ ແອັນ. ເຈ້ ກວາຍ ຊົດ ກ້ອຍ ມ່ອບ ໂອນ ເມົາ ໂຈະ ເຍົາ ຕຶງ ກໍ້ອໍ. 26 ເກົາ ອາຕີ ຕານໍ້ອງ ໂອນ ເຍົາ, ເຍົາ ຕາ ເຕ່ອໍ ລໍ່ອຮ ແຕ ກໍ້ອໍ ເຕົາ ເຍົາ ຈີວ ກູລໍຮ ອິນແຍ່ະ ມັຮ ປຣະ ກວາຍ ຊົດ ກ້ອຍ ປາຍ."

ເຢຊູ ອາຕີ ແຕ ກວາຍ ປັຣລີ້ຍ ລາກວຍ ແຕີ ລາ ກາຢາອໍ ເມົາ

27 "ເຍົາ ຊ້ອງ ປັຣນາຍ ເມົາ ອາຕີ ປາຍ: 'ເຍົາ ອິນໂຈຍ ປັຣລີ້ຍ ລາກວຍ ແຕີລາ ກາຢາອໍ ເມົາ.' 28 ມາ ເກົາ ອາຕີ ເຍົາ ປາຍ: ກວາຍ ອາແລະ ມາ ແມ່ ປໍ ກວາຍ ມັນແຊມ ກະ ຮາງຮ ອັນ ຄິດ ຢໍອໍ ອີ ເບີນ ມັນແຊມ ກ້ອຍ, ໂລ່ຍຮ ກວາຍ ກ້ອຍ ມູເຈີງ ອັນ ປັຣລີ້ຍ ມັນແຊມ ກ້ອຍ ເຈ້. 29 ນະກ້ອຍ ຄັນ ມັດ ເຍົາ ກັຮ ອາຕໍາ ຕະ ໂອນ ເຍົາ ຕະ ໂລ່ຍຮ, ເຍົາ ອີງເຄາະ ກູໂລອໍ ຕັຮ ກູອງ ມັດ ກ້ອຍ. ຄາອໍ ເຍົາ ປິດ ປິ້ອ ກູອງ ມັດ ເຍົາ, ແຕ ເຍົາ ປິດ ອິນແຍ່ະ ຈະ ເຍົາ ຕຶງ ປຣຸ່ງ ອູ່ຍຮ. 30 ກະ ຄັນ ອາຕີ ເຍົາ ກັຮ ອາ ຕໍາ ຕະ ໂອນ ເຍົາ ຕະ ໂລ່ຍຮ, ອີງເຄາະ ເຍົາ ກ້ອຮ ແກງ ຕັຮ ອາຕີ ກ້ອຍ. ຄາອໍ ເຍົາ ປິດ ປິ້ອ ອາຕີ ຊ້ອງ, ແຕ ເຍົາ ປິດ ອິນແຍ່ະ ຈະ ເຍົາ ຕຶງ ປຣຸ່ງ ອູ່ ຍຮ."

ເຢຊູ ອາຕີ ແຕ ກວາຍ ຕັຮ ລາກວຍ (ມັດທາຍ 19:9; ມາຣະໂກ 10:11-12; ລູກາ 16:18)

31 "ເບີນ ເມົາ ຄຽນ ປາຍ: 'ກວາຍ ອາແລະ ກາ ອີ ຕັຮ ລາກວຍ ອັນ, ອັນ ອີງເຄາະ ຕະ ເຈຍ ຮາຕັຮ ໂອນ ລາກວຍ.' 32 ມາ ເກົາ ອາຕີ ເຍົາ ປາຍ: ຄັນ ກວາຍ ອາແລະ ຕັຮ ລາກວຍ ອັນ ມາ ລາກວຍ ອັນ ຕາ ເບີນ ໂລ່ຍຮ ຍ່ອນ ປັຣລີ້ຍ ກະ ຮາເລົາ ການໍ້ອໍ, ຮາເລົາ ກ້ອຍ ຕະ ໂອນ ລາກວຍ ອັນ ແກັດ ໂລ່ຍຮ ຄັນ ລາກວຍ ອິດ ກາຢາອໍ ຕາໄມ. ກະ ໂລ່ຍຮ ເຕ່ ກວາຍ ການໍ້ອໍ ກາ ອິດ ມັນແຊມ ກ້ອຍ, ມູເຈີງ ອັນ ປັຣລີ້ຍ ລາກວຍ ເມົາ."

ເຢຊູ ອາຕີ ແຕ ກວາຍ ຄິນ

33 "ເຍົາ ຊ້ອງ ເຈ້ ເມົາ ປາຍ ແຕ ອິນແບ້: 'ຄັນ ເຍົາ ຄິນ ອິນເຕົາ ມາ ອາງ ຮາມັຮ ເຢີງ ເຈົາຮາຊີ, ເຍົາ ຕາ ເຕ່ອໍ ຕັຮ.' 34 ມາ ເກົາ ອາຕີ ເຍົາ ປາຍ: ຄັນ ເຍົາ ຢໍອໍ ອີ ປຣ່ອມ ອິນເຕົາ, ເຍົາ ອິນໂຈຍ ອາງ ຮາມັຮ ອິນເຕົາ. ອິນໂຈຍ ອາງ ມັນລ້ອງ,

ຍ່ອນ ມັນລ້ອງ ລາ ອິນຕຸ ເຢີງ ເຈົາຮາຊີ ແອິດ. 35 ອິນໂຈຍ ອາງ ກູແຕອໍ, ຍ່ອນ ກູແຕອໍ ລາ ເຢີງ ເຈົາຮາຊີ ຕາລາ. ອິນໂຈຍ ອາງ ເມືອງ ເຢຣຸຊາເລັມ, ຍ່ອນ ເມືອງ ກ້ອຍ ລາ ເມືອງ ເຢີງ ເຈົາຮາຊີ, ອັນ ກາ ເຕົາວ ປັຣເຍົາ ປິດ. 36 ກະ ເຍົາ ອິນໂຈຍ ອາງ ກາ ແປ້ ໂຊະ ເຍົາ, ຍ່ອນ ເຍົາ ຕາ ເຕ່ອໍ ຕະ ມວຍ ອິນແຕຣັຮ ໂຊະ ກໍ້ອໍ ແຕີລາ ກູມ. 37 ຄັນ ປຢາຍໍ, ເຍົາ ປາຍ ປິ້ອ 'ປຢາຍໍ.' ຄັນ ຕາ ປຢາຍໍ, ເຍົາ ປາຍ 'ຕາ ປຢາຍໍ.' ຄັນ ເຍົາ ຈໍ້ອໍ ປາຍ ຊາອີ້ຍ ປັຣນາຍ ການໍ້ອໍ, ລາ ແຕ ເຢີງ ຊາຕານ."

ເຢຊູ ອາຕີ ແຕ ກວາຍ ກັຮລໍຮ ແດີອໍ (ລູກາ 6:29-30)

38 "ເຍົາ ຊ້ອງ ເຈ້ ເມົາ ປາຍ: 'ອິນເຕົາ ເມົາ ຕະ ເຍົາ, ເຍົາ ຕະ ລໍຮ ມູເຈີງ ກ້ອຍ ເຕ່.' 39 ມາ ເກົາ ອາຕີ ເຍົາ ປາຍ: ເຍົາ ອິນໂຈຍ ກັຮລໍຮ ແດີອໍ ໂຈະ ກວາຍ ກາ ຕະ ເຍົາ. ຄັນ ເມົາ ຕັຮ ກາແລງ ບັງ ເຍົາ ຢໍຮ ອາຕໍາ, ເຍົາ ຕໍ ໂອນ ອັນ ຕັຮ ຢໍຮ ອາເວ່ຮ ແອັນ. 40 ຄັນ ເມົາ ເດີງ ເຍົາ ແຕ້ອ້ ປໍ ກວາຍ ຕັດ ຊິ່ນ ຢໍອໍ ອີ ເບີນ ອາຍໍອຮ ຕຶງ ປິ້ນ ແຕ ຈະ ເຍົາ, ເຍົາ ຕວດ ກາ ອາຍໍອຮ ຕ່ອງ ຢໍຮ ແປັງ ແຮີ ໂອນ ປໍ ອັນ. 41 ຄັນ ເມົາ ມັນຕຣຸ່ງ ໂອນ ເຍົາ ເປາະ ມວຍ ລັກ, ເຍົາ ເປາະ ບາຮ ລັກ ເລີ້ຍ ກະ ອັນ. 42 ຄັນ ກວາຍ ອາແລະ ແຊອໍ ອິນເຕົາ ແຕ ເຍົາ, ເຍົາ ໂອນ ອັນ ອາກ້ອຍ. ກະ ຄັນ ກວາຍ ອາແລະ ຢໍອໍ ອີ ວະ ອິນເຕົາ ແຕ ເຍົາ, ເຍົາ ໂອນ ອັນ ວະ."

ເຢຊູ ອາຕີ ອີງເຄາະ ອາໂຢະ ມັຮ ກວາຍ ກາ ດໍອໍ ມັດ ກະ ເຍົາ (ລູກາ 6:27-28, 32-36)

43 "ເຍົາ ຊ້ອງ ເຈ້ ເມົາ ປາຍ: 'ເຍົາ ອາໂຢະ ເຢົາ ເຍົາ ກະ ຊາອັຮ ກວາຍ ກາ ຢໍອໍ ອີ ຕະ ເຍົາ.' 44 ມາ ເກົາ ອາຕີ ເຍົາ ປາຍ: ອີງເຄາະ ເຍົາ ອາໂຢະ ກວາຍ ກາ ອວານ ເຍົາ, ກະ ອີງເຄາະ ເຍົາ ເກົາແຊອໍ ໂອນ ເຢີງ ເຈົາຮາຊີ ຈ່ອຍ ກວາຍ ກາ ຕະ ຕຸ່ຮ ກັດ ໂຈະ ເຍົາ. 45 ຕະ ນະກ້ອຍ ເຍົາ ເກັດ ກອນ ອາໄກ ອິມ ປໍ ເຍົາ ຕຶງ ມັນລ້ອງ. ຍ່ອນ ອັນ ໂອນ ມັດ ມານາງ ອັນ ປາເລີງ ປໍ ກວາຍ ອໍ ກະ ກວາຍ ຕາ ອໍ. ກະ ອັນ ໂອນ ເມົາ ປຸຣ ກວາຍ ຕານໍ້ອງ ອໍ, ກະ ກວາຍ ຕາ ເບີນ ຕານໍ້ອງ ອໍ. 46 ຄັນ ເຍົາ ມາ ອາໂຢະ ແອັງ ໄລ່ ກາ ອາໂຢະ ເຍົາ ຊ້ອງ, ອິນເຕົາ ເຢີງ ເຈົາຮາຊີ ໂອນ ເຍົາ ເບີນ ເກົາ? ກວາຍ ກາ ອິດ ປຣະ ປາຊີ ໄລ່ ຕະ ມູເຈີງ ກ້ອຍ ເຕ່. 47 ກະ ຄັນ ເຍົາ ກັຮບັນ ກັຮຊວານ ອໍ ແອັງ ແຊມອາຍ ເຍົາ ຊ້ອງ, ຕາ ເບີ ນ ອິມພາ ອິນເຕົາ ແຕ ກວາຍ ການໍ້ອໍ. ໄລ່ ກາ ຕາ ເບີນ ດັງ ເຢີງ ເຈົາຮາຊີ ຕະ ມູເຈີງ ກ້ອຍ ເຕ່."

48 ນະກ້ອຍ ອົງເຄາະ ເຍົາ ເບີນ ຮາງຮ ນະ ອິມບໍ່ ເຍົາ ຕຶ່ງ ມັນລ້ອງ, ອັນ ກາ ອໍ ກາເລີຍ ແຕ ການໍ່ ອໍ."

### 6

ເຢຊູ ອາຕີ ແຕ ຈ່ອຍ ມັຮ ກວາຍ ກາດິດ

1 "ອົງເຄາະ ເຍົາ ລາວັ່ງ ໂອນ ອໍ! ແຕ້ອ ເຍົາ ຕະ ຮານະ ອໍ ອິມເຕົ້າ ໂອນ ເຢົາງ ເຈົ້າຮາຊີ, ເຍົາ ອິນ ໂຈຍ ຕະ ໂອນ ກວາຍ ການໍ່ອ ເຮີມ. ຄັນ ເຍົາ ຕະ ນະກ້ອຍ, ອິມບໍ່ ເຍົາ ຕຶ່ງ ມັນລ້ອງ ຕາ ເບີນ ໂອນ ເກົ້າ ອິນເຕົ້າ ມັຮ ຮານະ ເຍົາ ຕະ.

2 "ແຕ້ອ ເຍົາ ອິ ຈ່ອຍ ກວາຍ ກາດິດ, ເຍົາ ອິນ ໂຈຍ ອາປັຮ ໂອນ ກວາຍ ການໍ່ອ ເຮີມ, ຍິອ ອິ ໂອນ ເມົ້າ ຍ່ອງ ເຍົາ. ຊາອິ້ຍ ນະ ກວາຍ ເກ້ຍ ຕະ ນະກ້ອຍ ຕຶ່ງ ດຸງ ຊາງ ກະ ຕຶ່ງ ຮານາ. ໄລ່ ຍິອ ອິ ໂອນ ກວາຍ ການໍ່ອ ເຮີມ ກະ ຍ່ອງ ໄລ່. ເກົ້າ ອາ ຕີ ຕານໍ່ອງ ໂອນ ເຍົາ, ໄລ່ ກ້ອຍ ເບີນ ເກົ້າ ເຈ້ ແຕ ກວາຍ ຍ່ອງ ໄລ່. 3 ມາ ແຕ້ອ ເຍົາ ອິ ຈ່ອຍ ກວາຍ ກາດິດ, ອົງເຄາະ ເຍົາ ຕະ ຮາງຍາອ ຊ້ອງ, ອິນໂຈຍ ໂອນ ກວາຍ ການໍ່ອ ເຮີມ.\* 4 ເຍົາ ຕະ ຮາງຍາອ, ມາ ອິມບໍ່ ເຍົາ ຕຶ່ງ ມັນລ້ອງ ເຮີມ ມັຮ ຮານະ ເຍົາ ຕະ ຮາງຍາອ ກ້ອຍ, ກະ ອັນ ໂອນ ເຍົາ ເບີນ ເກົ້າ ມັຮ ຮານະ ກາ ເຍົາ ຕະ."

ເຢຊູ ອາຕີ ແຕ ເກົ້າແຊອໍ  
(ລູກາ 11:2-4)

5 "ແຕ້ອ ເຍົາ ເກົ້າແຊອໍ, ເຍົາ ອິນໂຈຍ ຕະ ນະ ກວາຍ ມາມ ອໍ ມາ ຮາງຮ ໄກ່ະ. ມັຮ ກວາຍ ກ້ອຍ ເກ້ຍ ຕາຢິ່ງ ເກົ້າແຊອໍ ຕຶ່ງ ດຸງ ຊາງ ກະ ຕຶ່ງ ຮານາ ແຮີ, ຍິອ ອິ ໂອນ ກວາຍ ເຮີມ ບັອງ ໄລ່ ເກົ້າແຊອໍ, ເຈ້ ຍ່ອງ ໄລ່. ເກົ້າ ອາຕີ ຕານໍ່ອງ ໂອນ ເຍົາ, ໄລ່ ກ້ອຍ ເບີນ ເກົ້າ ເຈ້ ແຕ ຮານະ ກາ ໄລ່ ຕະ. 6 ມາ ເຍົາ, ແຕ້ອ ເຍົາ ເກົ້າແຊອໍ, ອົງເຄາະ ເຍົາ ມູ່ດ ປິ ກຸງ ຮາງຍາອ, ກະ ກາໄຕ່ຮ ງັຮ ຕຶ່ງ. ເຈ້ ເຍົາ ເກົ້າ ແຊອໍ ແຕ ອິມບໍ່ ເຍົາ, ອັນ ກາ ເຍົາ ຕາ ເຕ່ອ ເຮີມ. ມາ ອັນ ເຕ່ອ ເຮີມ ເຍົາ ແອິດ ເກົ້າແຊອໍ ອິນຕຸ ຮາງ ຍາອ ກ້ອຍ, ກະ ອັນ ກູລັຮ ເກົ້າ ແຕ ຮານະ ເຍົາ ຕະ ກ້ອຍ.

7 "ແຕ້ອ ເຍົາ ເກົ້າແຊອໍ, ເຍົາ ອິນໂຈຍ ອາຣ່ອຍ ຊ້ອງ ນະ ກວາຍ ຕາ ເບີນ ດັງ ເຢົາງ ເຈົ້າຮາຊີ. ໄລ່ ຄິດ ປາຍ ອົງເຄາະ ເກົ້າແຊອໍ ລາແບະ ລາປິບ ຊາອິ້ຍ ປັຮນາຍ ແຕ ເຕ່ອ ເຢົາງ ເຈົ້າຮາຊີ ຊາງັດ. 8 ມາ ເຍົາ ອິນໂຈຍ ຕະ ນະ ໄລ່ ກ້ອຍ. ອິມບໍ່ ເຍົາ ຕຶ່ງ

ມັນລ້ອງ ດັງ ຮາມິ່ຮ ອິນເຕົ້າ ເຍົາ ແອິ ແຕ ບັອງ ກາ ເຍົາ ຕາ ຢາວາຮ ແຊອໍ ແຕ ອັນ. 9 ນະກ້ອຍ ແຕ້ອ ເຍົາ ເກົ້າແຊອໍ ອົງເຄາະ ເຍົາ ເກົ້າແຊອໍ ປາຍ: 'ອິມບໍ່ ຮິ ແອິດ ຕຶ່ງ ມັນລ້ອງ ເອີຍ!

ແຊອໍ ເຍົາ ໂອນ ອິມແຍ່ະ ມັຮ ກວາຍ ຢ້ານັບ ຮາມິ່ ຮ ເຍົາ.

10 ແຊອໍ ເຍົາ ແກິດ ຊົດ ກູ່ ຮາງຮ ກວາຍ ຕຶ່ງ ກູ ແຕອ ໄມ່.

ກະ ແຊອໍ ໂອນ ກວາຍ ຕຶ່ງ ກູແຕອ ໄມ່ ປວາຍ ຮາງຮ ເຍົາ,

ມູເຈິງ ເມົ້າ ປວາຍ ຮາງຮ ເຍົາ ຕຶ່ງ ມັນລ້ອງ ແຕ້.

11 ແຊອໍ ເຍົາ ໂອນ ຮິ ຄໍາ ຈາ ຕາໂງ ໄມ່.

12 ແຊອໍ ເຍົາ ຕັຮ ໄລ່ຍຮ ກາ ຮິ ຕະ ເຈ້, ມູເຈິງ ຮິ ຕັຮ ໄລ່ຍຮ ກາ ເມົ້າ ຕະ ໂຈະ ຮິ.

13 ແຊອໍ ເຍົາ ອິນໂຈຍ ໂອນ ເມົ້າ ລ່ອງ ຮິ, ກະ ອິນໂຈຍ ໂອນ ເຢົາງ ຊາຕານ ປັຮຕິ ຮິ ຕະ ຮານະ ຕາ ອໍ,

ຍ່ອນ ອິນແຍ່ະ ຊົດ ປິດ, ອິນແຍ່ະ ອໍານາດ, ກະ ອິນແຍ່ະ ອາງອິຮ ແອິດ ເລື້ອຍໆ ກະ ເຍົາ ຊົດ ແຕີຍ ເລີ້ຍ ກູມໍ. ອາແມນ!†

14 "ຄັນ ເຍົາ ຕັຮ ໄລ່ຍຮ ກວາຍ ການໍ່ອ ຕະ ໂຈະ ເຍົາ, ອິມບໍ່ ເຍົາ ຕຶ່ງ ມັນລ້ອງ ຕັຮ ເຕ່ ໄລ່ຍຮ ເຍົາ.

15 ມາ ຄັນ ເຍົາ ຕາ ເບີນ ຕັຮ ໄລ່ຍຮ ກວາຍ ການໍ່ ອໍ ຕະ ໂຈະ ເຍົາ, ອິມບໍ່ ເຍົາ ຕຶ່ງ ມັນລ້ອງ ຕາ ເບີນ ຕັຮ ເຕ່ ໄລ່ຍຮ ເຍົາ."

ເຢຊູ ອາຕີ ແຕ ຮິດ ອົດ ຊັຮນາ

16 "ແຕ້ອ ເຍົາ ຕະ ຮິດ ອົດ ຊັຮນາ ອິ ຊາງ ເຢົາງ ເຈົ້າຮາຊີ, ເຍົາ ອິນໂຈຍ ຕະ ມັດ ມຸ່ຮ ຊູບ ໂງ່ດ ນະ ກວາຍ ມາມ ອໍ ມາ ຮາງຮ ໄກ່ະ. ໄລ່ ກ້ອຍ ຕະ ມັດ ມຸ່ຮ ຊູບ ໂອນ ກວາຍ ການໍ່ອ ດັງ ປາຍ ໄລ່ ອົດ ຊັຮ ມາ ຈາ. ເກົ້າ ອາຕີ ຕານໍ່ອງ ໂອນ ເຍົາ, ໄລ່ ກ້ອຍ ເບີນ ຮັບ ເຈ້ ເກົ້າ ແຕ ຮານະ ໄລ່ ຕະ. 17 ມາ ແຕ້ອ ເຍົາ ອົດ ຊັຮນາ ດ້ອ ຊາງ ເຢົາງ ເຈົ້າຮາຊີ, ອົງເຄາະ ເຍົາ ກູລຍາ ມາມ ກະ ຊຽດ ໂຊະ ໄປ້ຍ. 18 ອິນໂຈຍ ໂອນ ກວາຍ ການໍ່ອ ດັງ ປາຍ ເຍົາ ອົດ ຊັຮນາ. ມາ ແອິງ ອິມບໍ່ ເຍົາ ແຕ້, ອັນ ກາ ເຍົາ ຕາ ເຕ່ອ ເຮີມ, ອັນ ເຮີມ ມັຮ ຮານະ ເຍົາ ຕະ ຕຶ່ງ ອິນຕຸ ຮາງຍາອ ກ້ອຍ. ກະ ອັນ ກູລັຮ ເກົ້າ ມັຮ ຮານະ ກາ ເຍົາ ຕະ."

ເຢຊູ ອາຕີ ແຕ ກວາຍ ຊູ  
(ລູກາ 12:33-34)

\* 6:3 6:3 ຕຶ່ງ ປັຮນາຍ ກຮິກ ຮານາ ໄມ່ ປາຍ: "ອາຕີ ອາຕ້າ ຕະ, ອິນໂຈຍ ໂອນ ອາຕີ ອາເວ່ຮ ດັງ." † 6:13 6:13 ເບີນ ບິ່ງ ປັຮນາຍ ຕຍາ ກາ ຕາ ເບີນ ເບີນ ຮານາ ປັຮຊົດ ໄມ່.

19 "ເຍີ້ ອິນໂຈຍ ປາໂຣມ ມູ່ນ ຕິ່ງ ແດີຍ ໄນ່. ຍ່ອນ ເບີນ ອິນຕຣຸ່ນ ເລີ້ນ ກະ ຊາແຮັຣ ຈາ, ກະ ເບີນ ຊາແວງ ມູ່ດ ຕູຕວຍ. 20 ມາ ອິງເຄາະ ເຍີ້ ດໍອ໌ ມູ່ນ ຕິ່ງ ມັນລ້ອງ, ລາ ອິນຕຸ ກາ ຕາ ເບີນ ອິນ ຕຣຸ່ນ ເລີ້ນ ກະ ຊາແຮັຣ ເຕ່ອ໌ ຈາ, ກະ ຕາ ເບີນ ຊາແວງ ມູ່ດ ຕູຕວຍ. 21 ຍ່ອນ ອິນຕຸ ແລະ ເຍີ້ ດໍອ໌ ມັຣ ມູ່ນ ເຍີ້, ຮາງິຣ ເຍີ້ ແອັດ ຄິ່ດ ເລືອຍໆ ແຕ ອິນຕຸ ກ້ອຍ ເຕ່."

ຢຊູ ຊາກຳ ແຕ ມັດ ກວາຍ  
(ລູກາ 11:34-36)

22 "ມັດ ກວາຍ ລາ ນະ ຕາບອງ ໂອນ ຈະ ກວາຍ ຍ. ຄັນ ມັດ ເຍີ້ ມາ ເຮີມ, ອິນແຍ່ະ ຈະ ເຍີ້ ແກັດ ປັງ ເຕ່. 23 ມາ ຄັນ ມັດ ເຍີ້ ແກັດ ແຊັມ, ອິນແຍ່ະ ຈະ ເຍີ້ ແກັດ ການຳ ຍິຍິ່ດ ເຕ່. ຄັນ ເຍີ້ ຕາ ເບີນ ເບີນ ປັຣນາຍ ປັງ ຕິ່ງ ຮາງິຣ ເຍີ້, ແຮງ ເຍີ້ ແອັດ ຕິ່ງ ການຳ ປັງ ລາລີ້ ແອັນ."

ຢຊູ ອາຕີ ແຕ ເກຣັງ ເກຣັ້ ກວາຍ  
(ລູກາ 16:13; 12:22-31)

24 "ຕາ ເບີນ ອາແລະ ມາ ເຕ່ອ໌ ແກັດ ຊູລ ໂອນ ບາຣ ນະ ອິນເຈົ້າ. ປຍາຍ໌ ອັນ ຊາອັຣ ອິນເຈົ້າ ໄນ່, ມາ ອາໂຍ່ະ ອິນເຈົ້າ ກ້ອຍ. ແຕ່ລາ ອັນ ຊາງັດ ອິນເຈົ້າ ໄນ່, ມາ ຕາ ເບີນ ຊາງັດ ອິນເຈົ້າ ກ້ອຍ. ມູເຈິງ ກ້ອຍ ເຕ່ ເຍີ້ ຕາ ເຕ່ອ໌ ປວາຍ ຮານະ ເຢິງ ເຈົ້າຮາ ຊິ ມູ ເປຣິຣ ກະ ປວາຍ ຮານະ ຍິອ໌ ອີ ເບີນ ເກຣັງ ຊາມັກ ຕິ່ງ ແດີຍ ໄນ່ ແຮີ.

25 "ນະກ້ອຍ ເກົາ ອາຕີ ເຍີ້, ອິນໂຈຍ ອຸກ ແຕ ຊັຣນາ ເຍີ້ ຈາ, ແດັອ໌ ເຍີ້ ຈ່ອຍ໌, ກະ ຕຳປັອກ ເຍີ້ ຕັອກ. ໄຮ ເບີນ ອາມັງ ລາ ປັດ ກາເລີຍ ແຕ ໄຮ ເບີນ ຊັຣນາ ຈາ. ກະ ໄຮ ເບີນ ຈະຈັນ, ລາ ປັດ ກາ ເລີຍ ແຕ ໄຮ ເບີນ ຕຳປັອກ ຕັອກ. 26 ເຍີ້ ເນ່ ມັຣ ແຈມ ກາ ເກີຍ ປັຣ ຕິ່ງ ມັນລ້ອງ. ອັນ ຕາ ເບີນ ຈັດ ຈອຍ, ຕາ ເບີນ ຊອດ, ກະ ຕາ ເບີນ ດໍອ໌ ຊັຣນາ ອິນເຕົ້າ ຕິ່ງ ຊູ. ມາ ອິມປໍ ເຍີ້ ຕິ່ງ ມັນລ້ອງ ແຈມ ກຍາອ໌ ໂອນ ແຈມ ກ້ອຍ. ເຍີ້ ລາ ເຢິງ ເຈົ້າຮາຊິ ປາຊິ ກາເລີຍ ແຕ ແຈມ ກ້ອຍ. 27 ຕາ ເບີນ ກວາຍ ອາແລະ ມາ ເຕ່ອ໌ ຕໍ ອາຍຸ່ ອັນ ໂອນ ຕີ່ ບິ່ອ໌ ແອັນ ຍ່ອນ ອັນ ອຸກ ຊາອິ້ຍ.

28 "ກະ ນານະ ເຍີ້ ອຸກ ແຕ ຕຳປັອກ ກາ ເຍີ້ ຕັອກ? ເຍີ້ ເນ່ ປິ ປຍາຣ ມັດ. ປຍາຣ ກ້ອຍ ຕາ ເບີນ ຕຸຣ ຕະ ຮານະ ແຕ່ລາ ຕານ ຕຳປັອກ ຕັອກ. 29 ມາ ເກົາ ອາຕີ ເຍີ້, ເຕົາວ ປັຣເຍີ້ ໂຊໂລໂມນ, ອັນ ລາ ກວາຍ ຊູ ລາລີ້, ມາ ອັນ ຕາ ເບີນ ຕັອກ ຕຳປັອກ ອໍ ນະ ປຍາຣ ໄນ່. 30 ເຢິງ ເຈົ້າຮາຊິ ແຕ່

ໂອນ ປຍາຣ ກ້ອຍ ແກັດ ອໍ. ມາ ປຍາຣ ກ້ອຍ ອາມັງ ມາໂຣຍ ຊ້ອງ. ຕາໄງ ໄນ່ ອັນ ຈັຣ, ມາ ຕາ ໄງ ປັຣແນີ ເນົ້າ ອາປັອງ ຕັຣ ຕິ່ງ ອູ່ຍຣ. ມາ ເຢິງ ເຈົ້າຮາຊິ ຈ່ອຍ ເຍີ້ ໂອນ ເບີນ ຕຳປັອກ ຕັອກ ກາ ເລີຍ ແຕ ບັດ ກ້ອຍ ແອັນ. ມາ ນານະ ແຕ ເຍີ້ ຊາ ອໍ ບິ່ອ໌ ລາລີ້?

31 "ນະກ້ອຍ ເຍີ້ ອິນໂຈຍ ອຸກ ກະ ປາຍ: 'ນານ ະ ໄຮ ອີ ຕະ ໂອນ ເບີນ ຊັຣນາ ຈາ, ເບີນ ແດັອ໌ ຈ່ອຍ໌, ແຕ່ລາ ເບີນ ຕຳປັອກ ຕັອກ ຕິ່ງ ຕາໄງ ອິນ ຕູ່ນ?' 32 ອິນແຍ່ະ ມັຣ ຣາມິ້ຣ ໄນ່ ກວາຍ ກາ ຕາ ເບີນ ດັງ ເຢິງ ເຈົ້າຮາຊິ ຊ້ອງ ອຸກ ລາລີ້. ມາ ອິມ ບໍ່ ເຍີ້ ຕິ່ງ ມັນລ້ອງ ດັງ ເຈີ່ ເຍີ້ ອິງເຄາະ ເບີນ ມັຣ ຣາມິ້ຣ ກ້ອຍ. 33 ມາ ອິນໂຍ່ງ ລາລີ້ ອິງເຄາະ ເຍີ້ ຈໍ່ ອ໌ ເຢິງ ເຈົ້າຮາຊິ ຕະ ຊົດ ກະ ຮານະ ຕານ້ອງ ອໍ ແຕ ອັນ. ຄັນ ເຍີ້ ຕະ ນະກ້ອຍ, ອັນ ຈ່ອຍ ເຕ່ ມັຣ ຣາມິ້ຣ ກາ ເຍີ້ ອິງເຄາະ ເບີນ. 34 ນະກ້ອຍ ເຍີ້ ອິນໂຈຍ ອຸກ ອິນເຕົ້າ ແຕ ຕາໄງ ປັຣແນີ. ຍ່ອນ ປັຣແນີ ລາ ເບີນ ເຕ່ ຮານະ ອຸກ. ຕຸຣ ກັດ ຕາໄງ ແລະ, ເຍີ້ ຈິວ ຕາໄງ ກ້ອຍ."

### 7

ຢຊູ ອາຕີ ມານະ ອິນໂຈຍ ຕີ ມານະ  
(ລູກາ 6:37-38, 41-42)

1 "ເຍີ້ ອິນໂຈຍ ຕີ ກວາຍ ການໍອ໌, ໂອນ ເຢິງ ເຈົ້າຮາຊິ ຕາ ເບີນ ຕີ ລັຣ ເຍີ້. 2 ຍ່ອນ ມາແລະ ຊາ ອິ້ຍ ເຍີ້ ອາເກີນ ໂລຍຣ ເຍົ້າ ເຍີ້, ເຢິງ ເຈົ້າຮາຊິ ອາເກີນ ລັຣ ໂລຍຣ ເຍີ້ ມາຣ ກ້ອຍ ເຕ່. ກະ ມາ ແລະ ເຍີ້ ໂຈະ ໂຕ່ດ ກວາຍ ການໍອ໌, ເຢິງ ເຈົ້າຮາຊິ ໂຈະ ລັຣ ໂຕ່ດ ເຍີ້ ມາຣ ກ້ອຍ ເຕ່. 3 ນານະ ເຍີ້ ເຮີມ ບຣິຣ ຕິ່ງ ມັດ ເຍົ້າ, ມາ ເຍີ້ ຕາ ເບີນ ດັງ ປາ ລິຣ ອາລ່ອງ ກາ ກາຕັງ ມັດ ເຍົ້າ? 4 ນານະ ແຕ ຍັນ ເຍີ້ ປາຍ ກະ ເຍົ້າ ນະໄນ່: 'ໂອນ ເກົາ ອິດ ຕັຣ ບຣິຣ ແຕ ມັດ ໄນ່.' ມາ ເຍີ້ ຕາ ເບີນ ດັງ ປາລິຣ ອາລ່ອງ ກາ ກາຕັງ ມັດ ເຍົ້າ? 5 ເຍີ້ ລາ ກວາຍ ມາມ ອໍ ມາ ຮາງິຣ ໂກະ! ອິງເຄາະ ເຍີ້ ອິດ ຕັຣ ປາ ລິຣ ອາລ່ອງ ແຕ ມັດ ເຍົ້າ ເວົ້າຍ. ນະກ້ອຍ ເຕ່ອ໌ ເຍີ້ ເຮີມ ແຈງ ເຈີ່ ເຕ່ອ໌ ເຍີ້ ອິດ ຕັຣ ບຣິຣ ແຕ ມັດ ເຍົ້າ.

6 "ເຍີ້ ອິນໂຈຍ ອິດ ເກຣັງ ເນົ້າ ອີ ໂອນ ເຢິງ ເຈົ້າຮາຊິ, ເຈີ່ ຊາດຣ ໂອນ ອາຈໍ. ກະ ອິນໂຈຍ ອິດ ເກຣັງ ປາຊິ, ເຈີ່ ຊາດຣ ໂອນ ອາລີ້ອ໌. ຊັນຕຣັນ ກ້ອຍ ຕາ ດັງ ປາຊິ ເກຣັງ ກ້ອຍ. ແວັດ ອັນ ຊາ ເຕົ້າຍ໌ ຊາແມບ ເກຣັງ ກ້ອຍ, ເຈີ່ ອັນ ອີ ລັບ ລັຣ ກັບ ເຍີ້ ແອັນ."

ເຢຊູ ແປຣີ ອີງເຄາະ ແຊອ໌, ຈໍອ໌, ກະ ກູໂຕຍຮ (ລູກາ 11:9-13)

7 "ຄັນ ເຍົາ ແຊອ໌, ເຍົາ ເບີນ. ຄັນ ເຍົາ ຈໍອ໌, ເຍົາ ຣາມ໌ຮ. ຄັນ ເຍົາ ກູໂຕຍຮ ຕັ່ງ, ເມົ້າ ເບີຮ ໂອນ ເຍົາ. 8 ຍ່ອນ ກູ ນະ ອາແລະ ກາ ແຊອ໌, ອັນ ເບີນ. ອາແລະ ກາ ຈໍອ໌, ອັນ ຣາມ໌ຮ. ອາແລະ ກາ ກູໂຕຍຮ ຕັ່ງ, ເມົ້າ ເບີຮ ໂອນ. 9 ມັຮ ເຍົາ ກາ ເບີນ ກອນ ເຈົ້, ນານະ ຄັນ ກອນ ເຍົາ ແຊອ໌ ຈາ ໂດຍ, ເຍົາ ໂອນ ອັນ ຈາ ຕາເມົ້າ ບໍ? 10 ກະ ຄັນ ອັນ ແຊອ໌ ອາ ກາ, ເຍົາ ໂອນ ອັນ ກູຊັນ ບໍ? 11 ເຍົາ ລາ ອິນແຍ່ ະ ກວາຍ ຕາ ເບີນ ອໍ, ມາ ອິນນ້ອງ ເຍົາ ດັງ ໂອນ ຫຣິ່ງ ອໍ ບໍ ກອນ ເຍົາ. ກາເລີຍ ແຕ ກ້ອຍ ແອັນ ອິມບໍ ເຍົາ ຕັ່ງ ມັນລ້ອງ ໂອນ ຫຣິ່ງ ອໍ, ຄັນ ເຍົາ ແຊອ໌ ແຕ ອັນ.

12 "ນະກ້ອຍ ອິນເຕົ້າ ເຍົາ ຍໍອ໌ ກວາຍ ການໍອ໌ ຕະ ໂຈະ ເຍົາ, ອີງເຄາະ ເຍົາ ຕະ ໂຈະ ກວາຍ ການໍ ອ໌ ນະກ້ອຍ ເຕ່. ຄັນ ເຍົາ ຕະ ນະກ້ອຍ ລາ ເຍົາ ປ ວາຍ ປຍາຍ ເຈົ້ ຄານອດ ເຢີງ ເຈົ້າຣາຊີ ກະ ກວາ ຍ ອາຕີ ຕາງ ປັຮນາຍ ອັນ."

ເຢຊູ ອາຕີ ແຕ ກູຕັ່ງ ກະ ຣາມາ ເກ່ບ (ລູກາ 13:24)

13 "ອີງເຄາະ ເຍົາ ມູ່ດ ຣາມາ ງັຮ ຕັ່ງ ເກ່ບ, ຍ່ອນ ຕັ່ງ ຕາວັຮ ກະ ຣາມາ ປັດ, ລາ ເປາະ ປິ ປຣຸ່ງ ອູ່ຍຮ. ກຼິ່ງ ກວາຍ ຮຽຮ ເປາະ ຣາມາ ກ້ອຍ. 14 ມາ ງັຮ ຕັ່ງ ເກ່ບ ກະ ຣາມາ ກັດ, ລາ ເປາະ ປິ ອິນຕຸ ອາມັງ. ມາ ບິ່ອ໌ ນະ ກວາຍ ຣາມ໌ຮ ຣາມາ ກ້ອຍ."

ເຢຊູ ອາຕີ ແຕ ອາລ່ອງ ກະ ປາໄລ (ລູກາ 6:43-44)

15 "ອີງເຄາະ ເຍົາ ລາວັງ ໂອນ ອໍ, ແຕ ກວາຍ ກາ ຕະ ອິນຕີ ອາໂລກ ແຕ້ອ໌ ປິ ເຍົາ ປາຍ ໄລ່ ລາ ກວາ ຍ ອາຕີ ຕາງ ປັຮນາຍ ເຢີງ ເຈົ້າຣາຊີ. ໄລ່ ແຕ້ອ໌ ປິ ເຍົາ ຕະ ຄູ່ນ ນະ ແກະ ມາ ຣາງັຮ ໄລ່ ລາ ນະ ຊາກັ ອງ, ປາ ລາລີ້. 16 ເຕ້ອ໌ ເຍົາ ຊາກັລ ໄລ່, ແຕ້ອ໌ ເຍົາ ເຮີມ ຣານະ ໄລ່ ຕະ. ກັລ ຊັຮເລົາ ຕາເກີງ ຕາ ເກີ່ຍ ແກັດ ປາໄລ ອາງຸ່ນ. ກະ ກັລ ຊັຮເລົາ ຈົງ ຕາ ເກີ່ຍ ແກັດ ປາໄລ ລາວັຮ. 17 ມູເຈີງ ກ້ອຍ ເຕ່ ອາລ່ອງ ອໍ ແກັດ ປາໄລ ອໍ, ກະ ອາລ່ອງ ຕາ ອໍ ແກັດ ປາໄລ ຕາ ອໍ. 18 ອາລ່ອງ ອໍ ຕາ ເຕ້ອ໌ ແກັດ ປາໄລ ຕາ ອໍ, ກະ ອາລ່ອງ ຕາ ອໍ ຕາ ເຕ້ອ໌ ແກັດ ປາໄລ ອໍ. 19 ຄັນ ອາລ່ອງ ອາແລະ ຕາ ເບີນ ແກັດ ປາໄລ ອໍ, ເມົ້າ ໄປໍອ໌ ເຈົ້ ແກງ ຕັຮ ຕັ່ງ ອູ່ຍຮ. 20 ມູເຈີງ ກ້ອຍ ເຕ່ ເຍົາ ເຕ້ອ໌ ຊາກັລ ກວາຍ ກາ ຕະ ອິນຕີ ອາໂລກ

ປາຍ ໄລ່ ອາຕີ ຕາງ ປັຮນາຍ ເຢີງ ເຈົ້າຣາຊີ ຍ່ອນ ເຍົາ ເຮີມ ແຕ ມັຮ ຣານະ ໄລ່ ຕະ."

ເຢຊູ ປາຍ ຕາ ເບີນ ກູ ນະ ມາ ເຕ້ອ໌ ມູ່ດ ຕັ່ງ ອິນຕຸ ເຢີງ ເຈົ້າຣາຊີ ຊັດ (ລູກາ 13:25-27)

21 "ຕາ ເບີນ ກູ ນະ ກາ ດໍອ໌ ເກົາ ລາ ອິນເຈົ້າ ມາ ເຕ້ອ໌ ມູ່ດ ຕັ່ງ ອິນຕຸ ເຢີງ ເຈົ້າຣາຊີ ຊັດ ຕັ່ງ ມັນ ລ້ອງ. ແອັງ ໄລ່ ກາ ຕະ ຕາປູ່ນ ຣາງັຮ ອິມບໍ ເກົາ ຕັ່ງ ມັນລ້ອງ ແຕ່ ເຕ້ອ໌ ເບີນ ມູ່ດ. 22 ແຕ້ອ໌ ຕາໄງ ກ້ອຍ ຊາອິ້ຍ ກວາຍ ປາຍ ໂຈະ ເກົາ ນະໄນ: 'ອິນ ເຈົ້າ ເອີຍ! ອິນເຈົ້າ ເອີຍ! ຍ່ອນ ຣາມັຮ ເຍົາ ຮິ ອາ ຕີ ຕາງ ປັຮນາຍ ເຢີງ ເຈົ້າຣາຊີ. ກະ ຍ່ອນ ຣາມັ ຮ ເຍົາ ຮິ ຕູ່ຍຮ ເຢີງ ຕາ ອໍ, ກະ ຕະ ຊາອິ້ຍ ຣາ ນະ ຕາ ເກີ່ຍ ເຮີມ.' 23 ມາ ເກົາ ຕາແອັງ ໄລ່ ປາຍ: 'ເກົາ ຕາ ເບີນ ດັງ ເຍົາ. ເຍົາ ເປາະ ຊ້ອງ ແຕ ໄນ. ເຍົາ ລາ ກວາຍ ຕະ ຣານະ ຕາ ອໍ.'

ເຢຊູ ອາຕີ ແຕ ຕະ ດຸງ ຕັ່ງ ຕາເມົ້າ ແຕີລາ ຕັ່ງ ຊາງາຍ (ລູກາ 6:47-49)

24 "ນະກ້ອຍ ກວາຍ ອາແລະ ກາ ຊາງັດ ກະ ຕະ ປວາຍ ປັຮນາຍ ເກົາ ອາຕີ ໄນ, ອັນ ລາ ນະ ກວາ ຍ ຣາໄງ້ອ໌ ຣາລັງ ກາ ຈັຮ ດຸງ ຕັ່ງ ຕາເມົ້າ ຕາຕາຣ. 25 ແຕ້ອ໌ ເມົາ ຈັນ, ແຕ້ອ໌ ປັດ ກຸ່ຮ, ກະ ກູຢາລ ຣາ ປູ່ອ໌ ເຣ່ງ, ມາ ດຸງ ກ້ອຍ ຈັບ ຕາ ເບີນ ແຕີມ, ຍ່ອນ ກວາຍ ກາ ຕະ ດຸງ ກ້ອຍ ຈັຮ ຕັ່ງ ຕາເມົ້າ. 26 ມາ ກວາຍ ອາແລະ ກາ ຊ້ອງ ປັຮນາຍ ເກົາ ອາຕີ ໄນ, ມາ ຕາ ເບີນ ຕະ ປວາຍ, ອັນ ກ້ອຍ ລາ ນະ ກວາ ຍ ຊາກູລ ກາ ຈັຮ ດຸງ ຕັ່ງ ຊາງາຍ. 27 ແຕ້ອ໌ ເມົາ ຈັນ, ແຕ້ອ໌ ປັດ ກຸ່ຮ, ກະ ກູຢາລ ຣາປູ່ອ໌ ເຣ່ງ, ເຈົ້ ດຸງ ກ້ອຍ ແກັດ ຊາຣຳ; ເຈົ້ ຣາລຸຣ ອິນແຍ່!"

ມັຮ ກວາຍ ແອັດ ຊາງັດ ເຢຊູ ອາຕີ, ໄລ່ ຊ້ອງ ງັດ ລາລີ້

28 ແວັດ ເຢຊູ ອາຕີ ອິນແຍ່ະ ມັຮ ປັຮນາຍ ໄນ, ອິນແຍ່ະ ມັຮ ກວາຍ ກຼິ່ງ ແອັດ ອິມແປຣ ກ້ອຍ ຊ້ອງ ງັດ ລາລີ້ ແຕ ອັນ ອາຕີ, 29 ຍ່ອນ ອັນ ອາ ຕີ ນະ ກວາຍ ກາ ເບີນ ອຳນາດ ປັດ ລາລີ້, ອິມພາ ແຕ ກວາຍ ອາຕີ ຄານອດ ເກີ່ຍ ອາຕີ.

8

ເຢຊູ ປົວ ກວາຍ ອາອິ້ ຕູ່ດ (ມາຣະໂກ 1:40-45; ລູກາ 5:12-16)

1 ພໍ່ກາ ເຢຊູ ແຊງ ແຕ ກົຮ, ເປັນ ກຼິ່ງ ກວາຍ ປວາຍ ອິນດຸ່ນ ກັອຍ ອັນ. 2 ເປັນ ມານະ ກວາຍ ຣາເລົາ ອາອີ ຕູ່ດ ແຕ້ອ ກູ່ ຣາໂກລ ຍັຮ ເມີງ ເຢຊູ, ກະ ປາຍ: "ອິນເຈົ້າ ເອີຍ! ຄັນ ອິນເຈົ້າ ຍິອ ອີ ປົວ ໂອນ ເກົາ ແກັດ ແບຣັຮ, ເຕ້ອ ອິນເຈົ້າ ຕະ."

3 ເຢຊູ ຊາປະ ອາຕີ ຕິ່ງ ຈະ ກວາຍ ອາອີ ກັອຍ, ເຈີ່ ປາຍ: "ເກົາ ຍິອ ອີ ໂອນ ໄມ່ ແກັດ ແບຣັຮ."

ບັອງ ກາ ກັອຍ ແຕ້ ກວາຍ ອາອີ ຕູ່ດ ກັອຍ ແກັດ ແບຣັຮ. 4 ເຈີ່ ເຢຊູ ປາຕັບ ອັນ ປາຍ: "ໄມ່ ອິນໂຈຍ ອາຕີ ໂອນ ກວາຍ ການໍ່ອ ດັງ ແຕ ຣານະ ໄມ່. ມາ ໄມ່ ເປາະ ອາປັຮ ຈະ ໄມ່ ໂອນ ກວາຍ ກາ ຊາງ ຣິດ ເຢີງ ເຈົ້າຣາຊີ ແນ່. ກະ ໄມ່ ມ່ອບ ຊາງ ໂອນ ເຢີງ ເຈົ້າຣາຊີ ມັຮ ຣາມິ່ຮ ໄມ່ ຊາຕັບ ແຕ ອິມແບີ. ໄມ່ ລາ ອາປັຮ ໂອນ ກວາຍ ການໍ່ອ ດັງ ປາຍ ໄມ່ ແກັດ ແບຣັຮ ເຈີ່."

ເຢຊູ ປົວ ຊູລ ກວາຍ ເມີຍ ຕາຣານ (ລູກາ 7:1-10)

5 ບັອງ ກາ ເຢຊູ ມຸ່ດ ຕິ່ງ ເມີອງ ກາເປນາອູມ, ເປັນ ມານະ ກວາຍ ໂຣມ ກາ ຊົດ ມວຍ ຮ່ອຍ ຕາຣານ ແຕ້ອ ປີ ອັນ ກະ ແຊອ ປາຍ: 6 "ອິນເຈົ້າ ເອີຍ! ມານະ ກວາຍ ຊູລ ຕິ່ງ ດຸງ ເກົາ ອາອີ ລ່ອຍ ຊາປັລ ລາລີ້."

7 ເຢຊູ ຕາແອີຍ ອັນ ປາຍ: "ເຕ້ອ ເກົາ ເປາະ ປົວ ໂອນ ອັນ ແກັດ ແບຣັຮ."

8 ມາ ອັນ ກາ ຊົດ ຕາຣານ ກັອຍ ປາຍ: "ອິນ ເຈົ້າ ເອີຍ, ເກົາ ຕາ ເປັນ ປຍາຍ ເປາະ ອິດ ອິນເຈົ້າ ໂອນ ເປາະ ປີ ດຸງ ເກົາ. ມາ ເກົາ ແຊອ ອິນເຈົ້າ ປາຍ ຊັອງ ໂອນ ຊູລ ເກົາ ແກັດ ແບຣັຮ. 9 ເກົາ ເບີມ ລາ ອິນນ້ອງ ເປັນ ເມີຍ, ກະ ເກົາ ລາ ເມີຍ ກວາຍ ການໍ່ອ ແຕ່. ຄັນ ເກົາ ແປຣີ ກວາຍ ໄມ່: 'ເປາະ!' ອັນ ເປາະ. ຄັນ ເກົາ ແປຣີ ກວາຍ ກັອຍ: 'ແຕ້ອ ປີ ໄມ່!' ອັນ ແຕ້ອ. ຄັນ ເກົາ ແປຣີ ຊູລ ເກົາ: 'ຕະ ມະໄມ່!' ອັນ ຕະ."

10 ບັອງ ກາ ເຢຊູ ຊັອງ ປັຮນາຍ ກັອຍ, ຮາງິຮ ອັນ ຊັອງ ງິດ ລາລີ້. ກະ ອັນ ປາຍ ໂຈະ ກວາຍ ການໍ່ອ ກາ ແອັດ ອິມແປຣ ອັນ ປາຍ: "ເກົາ ອາຕີ ຕານ້ອງ ໂອນ ເຍົາ, ເກົາ ຕາ ເກີຍ ເຮີມ ກວາຍ ອິດຊະຣາເອລ ມາ ຊາອໍາ ມະ ກວາຍ ໄມ່. 11 ກະ ເກົາ ອາຕີ ແຕ່ ເຍົາ ປາຍ: ເປັນ ກຼິ່ງ ກວາຍ ແຕ້ອ ແຕ ຍັຮ ມັດ ມານາງ ລ້ອຮ, ກະ ຍັຮ ມັດ ມານາງ ປັດ. ໄລ່ ເປັນ ຕາກູ ຈາ ຕິ່ງ ອິນຕຸ ເຢີງ ເຈົ້າຣາຊີ ຊົດ ຕິ່ງ ມັນລ້ອງ ມັນຕຸ ກະ ອັບຣາຮາມ, ອີຊາກ, ກະ ຢາໂຄບ. 12 ມາ ມັຮ ກວາຍ ອິດຊະຣາເອລ ກາ ເມົາ ດໍອ ກອນແຊມ ເຢີງ ເຈົ້າຣາຊີ, ໄລ່ ກາ ຕາ

ເປັນ ຊາອໍາ, ເຢີງ ເຈົ້າຣາຊີ ແກງ ຕັຮ ໄລ່ ຕິ່ງ ອິນຕຸ ການໍາ, ລາ ອິນຕຸ ເຍົາມຍິດ ກະ ກາເຕຣີອກ ກາ ແນງ ກາບາງ ຊັອງ ຕຸຮ ອາຣິກ ລາລີ້."

13 ແວັດ ກັອຍ, ເຢຊູ ອາຕີ ເມີຍ ຕາຣານ ກັອຍ ປາຍ: "ໄມ່ ເຈົ້າ ປີ ດຸງ. ມັຮ ຣານະ ກາ ໄມ່ ຊາອໍາ ກັອຍ, ໄມ່ ເປັນ ເຈີ່."

ບັອງ ກາ ກັອຍ ແຕ້ ຊູລ ເມີຍ ຕາຣານ ກັອຍ ແກັດ ແບຣັຮ.

ເຢຊູ ປົວ ກຼິ່ງ ມະ ກວາຍ (ມາຣະໂກ 1:29-34; ລູກາ 4:38-41)

14 ບັອງ ກາ ເຢຊູ ມຸ່ດ ຕິ່ງ ດຸງ ເປໂຕ, ອັນ ເຮີມ ກູຢາກັນ ເປໂຕ ບິ ແອັດ ຕິ່ງ ກາເຈັງ ແກັດ ອາອີ ກູເຕົາ ຈະ. 15 ເຢຊູ ຊາປະ ຕິ່ງ ອາຕີ ອາຢະ ກັອຍ, ເຈີ່ ກູເຕົາ ກັອຍ ແກັດ ປັດ. ເຈີ່ ອັນ ຢວຣ, ກະ ຕະ ຊັຮນາ ຈາ ໂອນ ເຢຊູ.

16 ພໍ່ກາ ຕາປີ່ ເມົາ ເດີງ ກຼິ່ງ ກວາຍ ກາ ເປັນ ເຢີງ ຕາ ອໍ ຕຣວບ ແຕ້ອ ປີ ເຢຊູ. ເຈີ່ ເຢຊູ ຕູ່ຍຮ ອາລ້ອຮ ມັຮ ເຢີງ ຕາ ອໍ ກັອຍ ຍ່ອນ ແຕ ປັຮ ນາຍ ອັນ. ກະ ອັນ ປົວ ກູ່ ມະ ກວາຍ ກາ ເປັນ ອາອີ ການໍ່ອ ແຮີ. 17 ອັນ ຕະ ຣານະ ກັອຍ ໂອນ ແກັດ ຣາປຍາຍ ກະ ປັຮນາຍ ເອຊາຢາ, ລາ ກວາຍ ກາ ອາຕີ ຕາງ ປັຮນາຍ ເຢີງ ເຈົ້າຣາຊີ, ປາຍ:

"ມານະ ອັນ ແຕ້ ແຕ້ ຕ່ອ ປົວ ກະ ອິດ ຕັຮ ອິນແຍະ ມັຮ ຣາມິ່ຮ ອາອີ ໄຮ."

ອິງເຄາະ ໄຮ ຕະ ນານະ ອີ ຕາປູນ ຣານະ ເຢຊູ ກຣິດ? (ລູກາ 9:57-62)

18 ພໍ່ກາ ເຢຊູ ເຮີມ ກຼິ່ງ ກວາຍ ແອັດ ອິມແປຣ ອັນ, ອັນ ແປຣີ ມຸ່ ກາ ຣຍານ ແຕ ອັນ ອາລອງ ອັນ ຍັຮ ອິນຕັຮ ແຕ້ອ ທາເລ ຣາປັງ ແອັນ. 19 ເປັນ ມານະ ກວາຍ ອາຕີ ຄານອດ ແຕ້ອ ປີ ອັນ ກະ ປາຍ: "ອາຈານ ເອີຍ! ປີ ແລະ ອາຈານ ເປາະ, ເກົາ ອີ ປວາຍ ອາຈານ ປີ ກັອຍ ແຕ່."

20 ມາ ເຢຊູ ຕາແອີຍ ອັນ ປາຍ: "ຕາຈໍອ ອິນນ້ອງ ເປັນ ກີ່ບ, ກະ ແຈມ ອິນນ້ອງ ເປັນ ຊາມັຮ, ມາ ເກົາ ກອນ ເຢີງ ແກັດ ກວາຍ ຕາ ເປັນ ອິນຕຸ ແລະ ອີ ໂອນ ອັນ ປີ."

21 ເປັນ ມານະ ການໍ່ອ ກາ ຣຍານ ແຕ ອັນ ປາຍ: "ອິນເຈົ້າ ເອີຍ! ທຣາະ ອິມປໍ ເກົາ ກູຈິດ ເວົ້າຍ. ແວັດ ເກົາ ແຕັບ ອິມປໍ ເກົາ, ກັອຍ ແຕ ເກົາ ອີ ປວາຍ ອິນເຈົ້າ."

22 ມາ ເຢຊູ ຕາແອີຍ ອັນ ປາຍ: "ໄມ່ ປວາຍ ເກົາ ຊັອງ. ດໍອ ໂອນ ໄລ່ ກາ ຕາ ເປັນ ມວຍ ຮາງິຮ

ກະ ເກົາ ແຈມ ກຸຍາອ໌ ເບີມ ກວາຍ ການ໌ອ໌ ກາ ຕາ ເບີມ ມວຍ ຮາງຶ່ງ ກະ ເກົາ. "\*  
ເຢຊູ ກາແອັຣ ກູຢາລ ກະ ແດັອ໌  
(ມາຣະໂກ 4:35-41; ລູກາ 8:22-25)

23 ເຈົ້ ເຢຊູ ຊ້ອຣ ຕິ່ງ ຕົວະ, ກະ ມູ່ ກາ ຣຍານ ແຕ ອັນ ຊ້ອຣ ອາລິ້ງ ອັນ ເຕ່. 24 ແວັດ ກ້ອຍ ຊັນ ຕັຣ ເບີມ ຮາປູ່ອ໌ ເຣ່ງ ລາລີ້ ຕະ ໂອນ ແດັອ໌ ປ່ອງ ເຈົ້ ກຸ່ຣ ຕົວະ ເຣ່ງ ລາລີ້ ແຈ່ ອີ ລ້ອງ. ມາ ບ້ອງ ກາ ກ້ອຍ ເຢຊູ ອິນນ້ອງ ປິ. 25 ມູ່ ກາ ຣຍານ ແຕ ເຢຊູ ເປາະ ອາໄມ່ຣ ອັນ ກະ ປາຍ: "ອິນເຈົ້າ ເອີຍ! ຈ່ອຍ ເລີ້! ໄຮ ແຈ່ ອີ ກູຈິດ ເອີອ໌!"

26 ມາ ເຢຊູ ຕາແອີຍ ລ້ຣ ໄລ່ ປາຍ: "ນານະ ແຕ ເຍົາ ອິງກ້ອຣ? ເຍົາ ຊາອຳ ບີອ໌ ລາລີ້ ບໍ່?"

ເຈົ້ ເຢຊູ ຢວຣ ຕາຢິງ ກາແອັຣ ກູຢາລ ກະ ແດັອ໌ ປ່ອງ. ນະກ້ອຍ ແດັອ໌ ກະ ກູຢາລ ກ້ອຍ ແກັດ ຕາງິ ດ. 27 ໄລ່ ຊ້ອງງິດ ລາລີ້ ກະ ປາຍ: "ນານະ ກວາ ຍ ໄມ່? ກູຢາລ ກະ ແດັອ໌ ມາ ຊາງັດ ອັນ!"

ເຢຊູ ປົວ ບາຣ ນະ ກາ ເຢິງ ຕາ ອ໌ ຕຣວບ  
(ມາຣະໂກ 5:1-20; ລູກາ 8:26-39)

28 ພໍກາ ເຢຊູ ໄກ່ອ໌ ແຕັອ໌ ຍັຣ ອິນຕັຣ ແດັອ໌ ທາເລ ຮາປັງ ກ້ອຍ, ອັນ ມູ່ດ ຕິ່ງ ກຣວາງ ເຄຣາຊາ.† ອັນ ຮາມັຣ ບາຣ ນະ ກາ ເບີມ ເຢິງ ຕາ ອ໌ ຕຣວບ, ໄລ່ ລ້ອຣ ແຕ ປິ່ງ ກູມູຍ໌. ໄລ່ ກ້ອຍ ເຮາະ ລາລີ້; ຕາ ເບີມ ເມົ້າ ຍັນ ພາ ອິນຕຸ ໄລ່ ແອັດ. 29 ບ້ອງ ກາ ໄລ່ ເຮີມ ເຢຊູ, ໄລ່ ບາຣ ນະ ກ້ອຍ ແຮຣ ເຣ່ງ ລາລີ້ ປາຍ: "ເອີ ກອນ ເຢິງ ເຈົ້າຮາຊີ ເອີຍ! ອິນເຕົ້າ ເຍົາ ຍິອ໌ ອີ ຕະ ກະ ຣິ? ຊານຸ່ ຕາ ຢວາຣ ແຕັອ໌ ປາແມ່ນ ຣິ ຈິວ໌ ຕຸຣ ກັດ. ມາ ເຍົາ ຍິອ໌ ອີ ຕະ ໂອນ ຣິ ຈິວ໌ ແຕ ຊານຸ່ ແຕ່ ບໍ່?"

30 ແຈ່ ອິນຕຸ ກ້ອຍ ເບີມ ມວຍ ຈຸ່ມ ອາລິ້ອ໌ ຊາອິ້ຍ ລາລີ້ ແອັດ ຈ້ອ໌ ຈາ. 31 ເຢິງ ຕາ ອ໌ ກ້ອຍ ກູກຸຣ ແຊອ໌ ແຕ ເຢຊູ ປາຍ: "ຄັນ ເຍົາ ອີ ຕູຍຣ ອາລ້ອຣ ຣິ, ແຊອ໌ ເຍົາ ໂອນ ຣິ ມູ່ດ ຕິ່ງ ຈຸ່ມ ອາລິ້ອ໌ ກ້ອຍ."

32 ເຢຊູ ແປຣີ ເຢິງ ຕາ ອ໌ ກ້ອຍ ປາຍ: "ເຍົາ ເປາະ ແຕ່!"

ເຈົ້ ເຢິງ ຕາ ອ໌ ກ້ອຍ ລ້ອຣ ແຕ່ ແຕ ຈະ ກວາຍ ມູ່ດ ຕິ່ງ ຈຸ່ມ ອາລິ້ອ໌ ແອັນ. ເຈົ້ ຈຸ່ມ ອາລິ້ອ໌ ກ້ອຍ ຕາລຸ່ຣ ໄວ້ ແຕ ແລ້ຣ ຕາຣວາລ ອາປັອງ ປິ ແດັອ໌

ທາເລ ຮາປັງ, ເຈົ້ ກູຈິດ ອິນແຍ່ະ. 33 ໄລ່ ກາ ກ ຍາອ໌ ອາລິ້ອ໌ ກ້ອຍ ຕາລຸ່ຣ ເຈົ້ ປິ ວິລ ອາຕີ ລ້ຣ ກູ່ ຮານະ ແຕ ໄລ່ ບາຣ ນະ ກາ ເບີມ ເຢິງ ຕາ ອ໌ ຕຣວບ, ໂອນ ເມົ້າ ດັງ ເຕ່. 34 ເຈົ້ ກູ່ ນະ ກວາຍ ແອັດ ຕິ່ງ ເມືອງ ກ້ອຍ, ໄລ່ ລ້ອຣ ແຕ ເມືອງ ຍິອ໌ ອີ ຮາມັຣ ເຢຊູ. ບ້ອງ ກາ ໄລ່ ເຮີມ ເຢຊູ, ໄລ່ ແຊອ໌ ໂອນ ເຢຊູ ລ້ອຣ ແຕ ກຣວາງ ໄລ່.

### 9

ເຢຊູ ປົວ ກວາຍ ອາອິ້ ລ່ອຍ  
(ມາຣະໂກ 2:1-12; ລູກາ 5:17-26)

1 ເຈົ້ ເຢຊູ ຊ້ອຣ ລ້ຣ ຕິ່ງ ຕົວະ. ອັນ ໄກ່ອ໌ ລ້ຣ ຍັຣ ອິນຕັຣ ແດັອ໌ ທາເລ ຮາປັງ, ອັນ ມູ່ດ ຕິ່ງ ເມືອງ ອັນ. 2 ເຈົ້ ເມົ້າ ເດີງ ປິ ອັນ ມານະ ກວາຍ ອາອິ້ ລ່ອຍ. ອັນ ປິ ຕິ່ງ ຈຸ່ງຈາງ. ເຢຊູ ເຮີມ ຮາງຶ່ຣ ໄລ່ ກ້ອຍ ຊາອຳ ລາລີ້. ນະກ້ອຍ ອັນ ປາຍ ໂຈະ ກວາຍ ລ່ອຍ ກ້ອຍ ປາຍ: "ກອນ ເອີຍ! ໄມ່ ອິນ ໂຈຍ ອິງກ້ອຣ ອິນເຕົ້າ ນ້ອງ! ໄລ່ຍຣ ໄມ່ ເກົາ ຕັຣ ໂອນ ເຈົ້!"

3 ບ້ອງ ກາ ກ້ອຍ ເບີມ ມູ່ ກາ ອາຕີ ຄານອດ ແອັດ ປິ ກ້ອຍ ເຕ່. ໄລ່ ຄິດ ຕິ່ງ ຮາງຶ່ຣ ໄລ່ ປາຍ: "ກວາຍ ໄມ່, ອັນ ຍິອ໌ ອີ ເບີມ ອຳນາດ ຮາລີ ກະ ເຢິງ ເຈົ້າຮາຊີ ເຕ່."

4 ມາ ເຢຊູ ດັງ ເຈົ້ ໄລ່ ຄິດ ນະກ້ອຍ. ອັນ ຕາ ແບີບ ໄລ່ ກ້ອຍ ປາຍ: "ນານະ ເຍົາ ຄິດ ຮານະ ຕາ ອ໌ ນະກ້ອຍ ຕິ່ງ ຮາງຶ່ຣ ເຍົາ? 5 ປັຣນາຍ ອາແລ່ ະ ກາ ເຍົາ ຊ້ອງ ອຽນ ກາເລີຍ ເກົາ ອາຕີ ກວາຍ ລ່ອຍ ກ້ອຍ ປາຍ: 'ໄລ່ຍຣ ໄມ່ ເກົາ ຕັຣ ໂອນ ເຈົ້,' ແຕ່ລາ: 'ໄມ່ ຢວຣ ຕາຢິງ ເປາະ.' 6 ມາ ຊານຸ່ ເກົາ ອີ ຕະ ໂອນ ກວາຍ ລ່ອຍ ໄມ່ ແກັດ ແບຣັຣ ໂອນ ເຍົາ ດັງ ແຈງ ລາລີ້, ເກົາ ລາ ກອນ ເຢິງ ແກັດ ກວາຍ, ເບີມ ອຳນາດ ຕິ່ງ ກູແຕອ໌ ໄມ່. ເກົາ ເຕັອ໌ ຕັຣ ໄລ່ ຍຣ ກວາຍ." ແວັດ ກ້ອຍ ເຢຊູ ອາຕີ ໂອນ ກວາຍ ລ່ອຍ ປາຍ: "ໂອນ ໄມ່ ຢວຣ ຕາຢິງ! ໂດລ ອິດ ຈຸ່ງຈາງ ໄມ່! ເຈົ້ ໄມ່ ເຈົ້າ ລ້ຣ ປິ ດຸງ!"

7 ເຈົ້ ກວາຍ ອາອິ້ ກ້ອຍ ຢວຣ ຕາຢິງ ກະ ເຈົ້າ ລ້ຣ ປິ ດຸງ ອັນ. 8 ບ້ອງ ກາ ກວາຍ ກິ່ງ ກ້ອຍ ເຮີມ ຮານະ ໄມ່, ໄລ່ ຊ້ອງງິດ ລາລີ້, ກະ ໄລ່ ຍ່ອງ ເຢິງ ເຈົ້າຮາຊີ ຍ່ອນ ອັນ ໂອນ ກວາຍ ເບີມ ອຳນາດ ນະກ້ອຍ.

\* 8:22 8:22 ຕິ່ງ ປັຣນາຍ ກຣິກ, ປັຣນາຍ ເຢຊູ ປາຍ ໄມ່ ລາ: "ດ້ອ໌ ໂອນ ກວາຍ ກູຈິດ ແຕີບ ກວາຍ ກູຈິດ." † 8:28 8:28 ເບີມ ເມົ້າ ດ້ອ໌ ຮາມັຣ ອິນຕຸ ໄມ່ ລາ 'ຄາດາຣາ.'

ເຢຊູ ກູ້ອ໌ ມັດທາຍ  
(ມາຕະໂກ 2:13-17; ລູກາ 5:27-32)

9 ເຈົ້າ ເຢຊູ ລ້ອຣ ແຕ ອິນຕຸ ກ້ອຍ. ບັອງ ກາ ອັນ ເປາະ ຕິ່ງ ຣານາ ອັນ ເຮີມ ມານະ ຣາມິ່ຣ ມັດທາຍ ຕາກູ ຕະ ຣານະ ຕິ່ງ ດຸງ ເມົາ ປາໂຣມ ອິດ ປຣະ ປາຊີ. ເຈົ້າ ເຢຊູ ກູ້ອ໌ ອັນ ປາຍ: "ໂອນ ໄມ່ ເປາະ ອາລິ່ງ ເກົາ!"

ເຈົ້າ ມັດທາຍ ຢວຣ ຕາຍິ່ງ ເປາະ ອາລິ່ງ ເຢຊູ.

10 ບັອງ ກາ ເຢຊູ ຕາກູ ຈາ ຕິ່ງ ດຸງ ມັດທາຍ ເປີ ນ ກຼິ່ງ ກວາຍ ການໍ້ອ໌ ແຕ້ອ໌ ຈາ ມັນຕຸ ກະ ອັນ ກະ ມູ່ ກາ ຣຍານ ແຕ ອັນ. ໄລ່ ກ້ອຍ ລາ ກວາຍ ປາ ໂຣມ ອິດ ປຣະ ປາຊີ ກະ ກວາຍ ການໍ້ອ໌ ກາ ຕາ ເປີ ນ ປວາຍ ຄານອດ ແຮ້. 11 ເປີນ ກວາຍ ແຕ ຈຸ່ມ ພາຣີຊາຍ ເຮີມ ນະກ້ອຍ. ເຈົ້າ ໄລ່ ຕາແບີບ ມູ່ ກາ ຣຍານ ແຕ ເຢຊູ ປາຍ: "ນານະ ອາຈານ ເຍົາ ຈາ ມັນຕຸ ກະ ໄລ່ ກາ ປາໂຣມ ອິດ ປຣະ ປາຊີ ກະ ກວາ ຍ ໄລ່ຍຣ ການໍ້ອ໌ ແຮ້?"

12 ພໍກາ ເຢຊູ ຊ້ອງ ໄລ່ ປາຍ ນະກ້ອຍ, ອັນ ຕາ ແອີຍ ລ້ຣ ໄລ່ ປາຍ: "ກວາຍ ບັນ ເຣ່ງ ອໍ ຕາ ເປີນ ເປາະ ແຊອ໌ ໂອນ ເມົາ ປົວ. ມາ ແອັງ ກວາຍ ອາອິ່ ຊ້ອງ ເປາະ ແຊອ໌ ໂອນ ເມົາ ປົວ. 13 ຕິ່ງ ປິ່ງ ປັຣ ນາຍ ເຢົາງ ເຈົ້າຣາຊີ ແຕ ອິມແບີ, ອັນ ປາຍ ເຈົ້າ ນະ ໄມ່:

'ເກົາ ຍິອ໌ ອິ ໂອນ ເຍົາ ມານະ ອາໂຢ່ະ ຕະ ມານະ ກາເລີຍ ແຕ ເກົາ ຍິອ໌ ອິ ໂອນ ເຍົາ ອິດ ຊົນ ຕຣັນ ມ່ອບ ຊາງ ເກົາ.'

ອິງເຄາະ ເຍົາ ເປາະ ຣຍານ ໂອນ ດັງ ແຈງ ປັຣນາຍ ກ້ອຍ. ເກົາ ແຕ້ອ໌ ປິ ໄມ່ ເກົາ ຕາ ເປີນ ກູ້ອ໌ ກວາຍ ກາ ຕານໍ້ອ໌ ອໍ. ມາ ເກົາ ກູ້ອ໌ ກວາຍ ກາ ເປີນ ໄລ່ ຍຣ."

ເຢຊູ ອາຕີ ແຕ ຮິດ ອົດ ຊັຣນາ  
(ມາຕະໂກ 2:18-22; ລູກາ 5:33-39)

14 ແວັດ ກ້ອຍ ມູ່ ກາ ຣຍານ ແຕ ໂຢຣັນ ແຕ້ອ໌ ປິ ເຢຊູ. ໄລ່ ຕາແບີບ ອັນ ປາຍ: "ນານະ ມູ່ ຮີ ກະ ຈຸ່ມ ພາຣີຊາຍ ເດິງ ຮິດ ອົດ ຊັຣນາ ດໍອ໌ ຊາງ ເຢົາງ ເຈົ້າຣາຊີ, ມາ ມູ່ ກາ ຣຍານ ແຕ ອາຈານ ຕາ ເປີນ ຕະ ມູເຈິງ ຮີ?"

15 ເຢຊູ ຕາແອີຍ ໄລ່ ປາຍ: "ບັອງ ກາ ປັຣລົວະ ອິ ອິດ ລາກວາຍ, ມັຣ ເຍົາ ກາ ແອັດ ກະ ອັນ ໄລ່ ຕາ ແຕ້ອ໌ ອົດ ຊັຣນາ. ມາ ພໍກາ ຕາໂງ ປັຣລົວະ ກ້ອຍ

ຕາ ເປີນ ແອັດ ນໍ້ອງ ກະ ເຍົາ ອັນ, ຕາໂງ ກ້ອຍ ໄລ່ ອິ ອົດ ຊັຣນາ ແຕ່.\*

16 "ຕາ ເປີນ ກວາຍ ອາແລ່ະ ອິດ ອາຣິ່ຣ ຕາ ໄມ ເຈົ້າ ທາບ ໂຈະ ອາຍ້ອຣ ຕຍາ. ຄັນ ອາຣິ່ຣ ຕາ ໄມ ກ້ອຍ ຣາຣົດ, ອັນ ອິ ຕະ ໂອນ ອາຍ້ອຣ ກ້ອຍ ຣາແຣອ໌ ຕາວັຣ ອິງກວາ ຕຍາ ແອັນ. 17 ກະ ຕາ ເປີນ ກວາຍ ອາແລ່ະ ອິດ ບັອງ ຕາໄມ ມາ ຕຣອງ ໂຈະ ຕິ່ງ ຕູຍ ອິງກັຣ ຕຍາ. ຄັນ ເມົາ ຕະ ນະກ້ອຍ, ບັອງ ຕາໄມ ອັນ ອິ ຕະ ໂອນ ຕູຍ ອິງກັຣ ຕຍາ ກ້ອຍ ແກັດ ປັຣອາອ໌. ອິງເຄາະ ອິດ ບັອງ ຕາໄມ ໂຈະ ຕິ່ງ ຕູຍ ອິງກັຣ ຕາໄມ ແຕ່."†

ເຢຊູ ປົວ ບາຣ ນະ ມັນແຊມ  
(ມາຕະໂກ 5:21-43; ລູກາ 8:40-56)

18 ບັອງ ກາ ເຢຊູ ອາຕີ ກວາຍ ກ້ອຍ, ເປີນ ມານະ ກາ ຕາລາ ດຸງ ຊາງ ຈຸ່ມ ອິດຊະຣາເອລ ແຕ້ອ໌ ປິ ອັນ. ກວາຍ ກ້ອຍ ກູ່ ຣາໂກລ ຍັຣ ເມິງ ເຢຊູ, ກະ ປາຍ: "ກອນ ມັນແຊມ ເກົາ ກູຈິດ ເຈົ້າ. ເກົາ ແຊອ໌ ອາຈານ ແຕ້ອ໌ ຊາປະ ອາຕີ ຕິ່ງ ຈະ ກອນ ເກົາ, ໂອນ ອັນ ເປີນ ອາມິ່ງ ລ້ຣ."

19 ນະກ້ອຍ ເຢຊູ ຢວຣ ຕາຍິ່ງ ເປາະ ມັນຕຸ ກະ ອິມບໍ່ ອາມິ່ອ໌ ກ້ອຍ. ກາ ມູ່ ກາ ຣຍານ ແຕ ອັນ ລາ ເປາະ ແຕ່.

20 ບັອງ ກາ ກ້ອຍ ເປີນ ມານະ ມັນແຊມ ແຕ້ອ໌ ຍັຣ ກຣັອງ ເຢຊູ. ມັນແຊມ ກ້ອຍ ອາອິ່ ແກັດ ຮີ. ອິນແຍ່ະ ມັນຈິດ ລາ ບາຣ ກູມໍ ມາ ຕາ ແກັດ ປຣາຍ ອາອິ່ ກ້ອຍ. ນະກ້ອຍ ອັນ ຊາປະ ຕວຍ໌ ເປີບ ອາ ຍັອຣ ຕິ່ ເຢຊູ. 21 ມັນແຊມ ກ້ອຍ ຄິດ ຕິ່ງ ຣາງິຣ ອັນ ປາຍ: "ຄັນ ເກົາ ຊາປະ ອາຍັອຣ ເຢຊູ, ເກົາ ແກັດ ແບຣັຣ."

22 ເຢຊູ ກູລຽວ ແ່ ຍັຣ ກຣັອງ ອັນ. ພໍກາ ອັນ ເຮີມ ມັນແຊມ ກ້ອຍ, ເຈົ້າ ອັນ ປາຍ: "ອາມິ່ອ໌ ເອີຍ, ໄມ່ ອິນໂຈຍ ອິງກ້ອຣ ອິນເຕົາ. ຈະ ໄມ່ ແກັດ ແບຣັຣ ເຈົ້າ ຍ່ອນ ໄມ່ ຊາອໍາ." ບັອງ ກາ ກ້ອຍ ແຕ້ ມັນແຊມ ກ້ອຍ ແກັດ ແບຣັຣ.

23 ແວັດ ກ້ອຍ ເຢຊູ ມູ່ດ ຕິ່ງ ດຸງ ອັນ ກາ ຕາລາ ດຸງ ຊາງ ຈຸ່ມ ອິດຊະຣາເອລ. ອັນ ເຮີມ ໄລ່ ປິງ ຕາ ຣິລ ກະ ເຍົາມ ກູໂກຍ໌ ຮີ່ ປັຣຮີ່. 24 ອັນ ອາຕີ ໄລ່ ກ້ອຍ ປາຍ: "ເຍົາ ລ້ອຣ ອິນແຍ່ະ ແຕ ດຸງ ໄມ່! ມັນແຊມ ໄມ່ ຕາ ເປີນ ກູຈິດ, ອັນ ປິ ຊ້ອງ!"

\* 9:15 9:15 ຕິ່ງ ປັຣນາຍ ໄມ່, ເຢຊູ ຊາກໍາ ອັນ ລາ ນະ ອັນ ກາ ອິດ ລາກວາຍ. ບັອງ ກາ ເຢຊູ ອິນນໍ້ອງ ແອັດ ກະ ມູ່ ກາ ຣຍານ ແຕ ອັນ, ໄລ່ ອິນນໍ້ອງ ຈາ. ມາ ພໍກາ ອັນ ຊ້ອຣ ປິ ມັນລ້ອງ, ໄລ່ ອົດ ຊັຣນາ ແຕ່ ຍ່ອນ ໄລ່ ຊາແອີ ລ້ຣ ມັຣ ປັຣນາຍ ອັນ ອາຕີ ໄລ່. † 9:17 9:17 ເຢຊູ ອາຕີ ແຕ ອາຣິ່ຣ ກະ ບັອງ ລາ ອັນ ຊາກໍາ ກວາຍ ກາ ເປີນ ຣາງິຣ ຕຍາ ຕາ ແຕ້ອ໌ ອິດ ປັຣນາຍ ຕາໄມ ເຢຊູ ອາຕີ ໄລ່. ແອັງ ໄລ່ ກາ ເປີນ ຣາງິຣ ຕາໄມ ຊ້ອງ ແຕ້ອ໌ ອິດ ປັຣນາຍ ກ້ອຍ.



ມາ ໄລ່ ກ້ອຍ ກັດຈັງ ເຈົ້າດ ເຢຊູ. <sup>25</sup> ພໍກາ ກວາຍ ກຶ້ງ ລ້ອຣ ອິນແຍ່ະ ແຕ ກ້ອຍ, ເຢຊູ ມຸ່ດ ຕຶ້ງ ກຸງ ມັນແຊມ ກາ ກູຈິດ ກ້ອຍ. ອັນ ຢຸມ ອາຕີ ອາມໍຣ໌ ອາກ້ອຍ. ເຈີ່ ອາມໍຣ໌ ອາກ້ອຍ ຢວຣ ຕາ ຢິງ. <sup>26</sup> ປັຣນາຍ ໄນ່ ເປາະ ປັຣ ກູ່ ອິນຕຸ ຕຶ້ງ ກຣວາງ ກ້ອຍ.

ເຢຊູ ປົວ ບາຣ ນະ ກວາຍ ຊູດ ມັດ

<sup>27</sup> ພໍກາ ເຢຊູ ລ້ອຣ ແຕ ອິນຕຸ ກ້ອຍ, ເປີນ ບາຣ ນະ ກວາຍ ຊູດ ມັດ ປວາຍ ອິນຕູນ ກຣັອງ ອັນ. ໄລ່ ຊາບາວ ແຮ່ງ ລາລີ່ ປາຍ: "ອິນເຈົ້າ ເອີຍ! ອິນເຈົ້າ ກາ ແຕ ຈຸມເຈີອ ດາວິດ! ແຊຣ໌ ອິນເຈົ້າ ອາໂຢະ ຕະ ຮິ ແຮີ!"

<sup>28</sup> ບັອງ ກາ ເຢຊູ ມຸ່ດ ຕຶ້ງ ດຸງ, ໄລ່ ບາຣ ນະ ກວາຍ ຊູດ ມັດ ກ້ອຍ ແຕ້ອ໌ ປິ ອັນ. ເຢຊູ ຕາ ແປັບ ໄລ່ ກ້ອຍ ປາຍ: "ເຍົາ ຊາອໍາ ປາຍ ເກົາ ເຕ້ອ໌ ຕະ ໂອນ ມັດ ເຍົາ ແກັດ ແບຣັຣ ບໍ່?"

ໄລ່ ບາຣ ນະ ກ້ອຍ ຕາແອີຍ ລ້ຣ ປາຍ: "ຮິ ຊາ ອໍາ, ອິນເຈົ້າ ເອີຍ!" <sup>29</sup> ເຈີ່ ເຢຊູ ຊາປະ ອາຕີ ຕຶ້ງ ມັດ ໄລ່ ບາຣ ນະ ກ້ອຍ, ກະ ອັນ ປາຍ: "ເຍົາ ຊາ ອໍາ ນານະ, ໂອນ ອັນ ແກັດ ນະກ້ອຍ!"

<sup>30</sup> ນະກ້ອຍ ມັດ ໄລ່ ບາຣ ນະ ກ້ອຍ ແກັດ ປັງ ລ້ຣ. ມາ ເຢຊູ ປາຕັບ ໄລ່ ໄຄຣ໌ ລາລີ່ ປາຍ: "ເຍົາ ອິນໂຈຍ ອາຕີ ໂອນ ກວາຍ ການໍ້ອ໌ ດັງ ແຕ ຣານະ ໄນ່!"

<sup>31</sup> ມາ ແວັດ ໄລ່ ລ້ອຣ ແຕ ດຸງ ກ້ອຍ, ໄລ່ ອາ ຕີ ແຕ ຣານະ ເຢຊູ ຕະ ຕົວ ກູ່ ອິນຕຸ ຕຶ້ງ ກຣວາງ ກ້ອຍ.

ເຢຊູ ປົວ ກວາຍ ເກີອ໌

<sup>32</sup> ບັອງ ກາ ກວາຍ ຊູດ ມັດ ລ້ອຣ ແຕ ອິນ ຕຸ ກ້ອຍ, ເປີນ ກວາຍ ການໍ້ອ໌ ເດີງ ມານະ ກວາຍ ເກີອ໌ ແຕ້ອ໌ ປິ ເຢຊູ. ອັນ ແກັດ ເກີອ໌ ຍ່ອນ ເປີ ນ ເຢັງ ຕາ ອິ ຕະ ອັນ. <sup>33</sup> ແວັດ ເຢຊູ ຕູຍຣ ອາ ລ້ອຣ ເຢັງ ຕາ ອິ ແຕ ກວາຍ ເກີອ໌ ກ້ອຍ, ເຈີ່ ກວາ ຍ ເກີອ໌ ກ້ອຍ, ອັນ ເຕ້ອ໌ ຕະ ອິນຕີ ລ້ຣ. ອິນແຍ່ະ ມັຣ ກວາຍ ການໍ້ອ໌ ກ້ອຍ ຊ້ອງ ງັດ ລາລີ່. ກະ ໄລ່ ປາຍ: "ໄຮ ຕາ ເກີຍ ເຮີມ ຣານະ ນະໄນ່ ແຕ້ອ໌ ປິ ກຣວາງ ອິດຊະຣາເອລ!"

<sup>34</sup> ມາ ຈຸມ ພາຣີຊາຍ ປາຍ: "ໄກຣ ລາລີ່ ເຢັງ ຊາຕານ ແຕ້ ໂອນ ກວາຍ ໄນ່ ເປີນ ອໍານາດ ຕູຍຣ ອາລ້ອຣ ເຢັງ ຕາ ອິ."

ເຢຊູ ຊ້ອງ ອາໂຢະ ຕະ ມັຣ ກວາຍ

<sup>35</sup> ເຢຊູ ເປາະ ຊາອິຣ ຕຶ້ງ ເມືອງ ປິດ ເມືອງ ແກດ, ອາຕີ ຕຶ້ງ ມັຣ ດຸງ ຊາງ ກວາຍ ອິດຊະຣາ ເອລ. ອັນ ອາຕີ ປັຣນາຍ ອິ ແຕ ເຢັງ ເຈົ້າຣາຊີ ຕະ ຊົດ. ກະ ອັນ ປົວ ກູ່ ຣາມິ້ຣ ກວາຍ ເປີນ ອາ ອິ່. <sup>36</sup> ພໍກາ ອັນ ເຮີມ ກວາຍ ກຶ້ງ, ຣາງິ້ຣ ອັນ ຊ້ອງ ອາໂຢະ ຕະ ກວາຍ ກ້ອຍ, ຍ່ອນ ໄລ່ ຕາ ດັງ ອິ ຕະ ອິນເຕົ້າ, ກະ ໄລ່ ປັຣວັດ ປັຣເວີ, ນະ ແກະ ແອີ ກວາຍ ຕາລາ. <sup>37</sup> ນະກ້ອຍ ເຢຊູ ປາຍ ໂຈະ ມູ່ ກາ ຣຍານ ແຕ ອັນ: "ທຣ໌ ຕຶ້ງ ໄທຣ ຕາວັຣ ຈິນ ລາລີ່ ເຈີ່, ມາ ເປີນ ປິ້ອ໌ ນະ ກວາຍ ເປາະ ຊອດ ທຣ໌ ກ້ອຍ. <sup>38</sup> ອິງເຄາະ ເຍົາ ແຊຣ໌ ແຕ ອິນເຈົ້າ ໄທຣ, ໂອນ ອັນ ແປຣີ ເປີນ ຊາອິ້ຍ ນະ ແອັນ ເປາະ ຊອດ ທຣ໌ ກ້ອຍ."

### 10

ມູ່ ມວຍ ຈິດ ລາ ບາຣ ນະ ກາ ຣຍານ ແຕ ເຢຊູ (ມາຣະໂກ 3:13-19; ລູກາ 6:12-16)

<sup>1</sup> ເຢຊູ ກູຣ໌ ມູ່ ມວຍ ຈິດ ລາ ບາຣ ນະ ກາ ຣ ຍານ ແຕ ອັນ ແຕ້ອ໌ ປິ ອັນ. ອັນ ໂອນ ໄລ່ ກ້ອຍ ເປີນ ອໍານາດ ເຕ້ອ໌ ຕູຍຣ ອາລ້ອຣ ເຢັງ ຕາ ອິ ແຕ ຈະ ກວາຍ ກະ ເຕ້ອ໌ ປົວ ກູ່ ຣາມິ້ຣ ກວາຍ ອາ ອິ່. <sup>2</sup> ຣາມິ້ຣ ມວຍ ຈິດ ລາ ບາຣ ນະ ກາ ເຢຊູ ຣຽຣ ລາ ນະໄນ່: ອິນໂຍ່ງ ລາລີ່ ລາ ຊີໂມນ, ອັນ ກາ ເນົ້າ ດໍອ໌ ເປັຕ ແຮີ, ກະ ອັນເດອາ, ລາ ອາແອມ ຊີໂມນ. ແວັດ ກ້ອຍ ເປີນ ບາຣ ນະ ແຊມອາຍ ກອນ ເຊເບດາຍ, ຢາໂກໂບ ກະ ໂຢຣັນ. <sup>3</sup> ອິນ ຕູນ ໄນ່ ເປີນ ພິລິບ ກະ ບາຣໂທໂລມາຍ, ໂທມາ ກະ ມັດທາຍ, ອັນ ກາ ປາໂຣມ ປຣະ ປາຊີ. ເປີນ ຢາໂກໂບ, ກອນ ອາລະພາຍ ກະ ທາດາຍ. <sup>4</sup> ເປີນ ຊີໂມນ ເຊໂລເຕ\* ກະ ຢູດາ ອິດຊະກາຣິອັດ, ອັນ ກາ ມ່ອບ ໂອນ ເນົ້າ ກາຈິດ ຕັຣ ເຢຊູ.

ເຢຊູ ແປຣີ ມູ່ ມວຍ ຈິດ ລາ ບາຣ ນະ ເປາະ ອາ ຕີ (ມາຣະໂກ 6:7-13; ລູກາ 9:1-6)

<sup>5</sup> ເຢຊູ ແປຣີ ມວຍ ຈິດ ລາ ບາຣ ນະ ໄນ່ ໂອນ ເປາະ ຕະ ຣານະ ອັນ. ອັນ ປາຕັບ ໄລ່ ກ້ອຍ ປາຍ: "ເຍົາ ອິນໂຈຍ ເປາະ ປິ ກຣວາງ ກາ ຕາ ແກັນ ກວາ ຍ ອິດຊະຣາເອລ. ກະ ອິນໂຈຍ ມຸ່ດ ຕຶ້ງ ເມືອງ ກວາຍ ຊາມາເຣຍ. <sup>6</sup> ມາ ໂອນ ເຍົາ ເປາະ ປິ ກວາຍ ອິດຊະຣາເອລ ຊ້ອງ. ໄລ່ ກ້ອຍ ນະ ແກະ ກາ ແກຼີ

\* 10:4 10:4 ເຊໂລເຕ ຕະ ອິນຕີ ລ້ຣ ລາ ກວາຍ ກາ ອາໂຢະ ລາລີ່ ດຸງ ກຣວາງ ເປີນ. ຊີໂມນ ອັນ ຕະ ຣານະ ໂອນ ຈຸມ ກວາຍ ກາ ຍິອ໌ ອິ ຊໍາເປີນ ລ້ຣ ກຣວາງ ອິດຊະຣາເອລ ແຕ ກຣວາງ ໂຣມ, ລາ ຣາມິ້ຣ ເຊໂລເຕ.

ຮາມາ ເຈົ້າ. <sup>7</sup> ເຍີ້ ເປາະ ອາຕີ ປາຍ: 'ແຈ່ວ ລາລີ້ ເຈົ້າ ເຢີ່ງ ເຈົ້າຮາຊີ ຕະ ຊົດ!' <sup>8</sup> ອີງເຄາະ ເຍີ້ ປົວ ກວາຍ ອາອີ ກະ ອາໂມ່ຍຮ ໄລ່ ກາ ກູຈິດ ເຈົ້າ. ອີງເຄາະ ເຍີ້ ປົວ ໄລ່ ກາ ເບີນ ອາອີ ຕູ່ດ ກະ ຕູ່ຍຮ ອາລ້ອຮ ເຢີ່ງ ຕາ ອໍ ແຕ ຈະ ກວາຍ. ເຍີ້ ຮັບ ເຈົ້າ ມັຮ ຮາມີ້ ຮ ເກົາ ຈ່ອຍ ເມັດ ໂອນ ເຍີ້. ມະກ້ອຍ ຊານໍ່ ອີງ ເຄາະ ເຍີ້ ຈ່ອຍ ເມັດ ກວາຍ ການໍ່ອໍ ແຕ່. <sup>9</sup> ເຍີ້ ອິນໂຈຍ ກຽມ ດໍອໍ ແຢງ ກະ ປຣະ ຕຶງ ຕູຍ ເຍີ້. <sup>10</sup> ອິນໂຈຍ ເດີງ ຕູຍ ມະ ກວາຍ ຊູແຊອໍ ເກຣິ່ງ ແຕ ກວາຍ ການໍ່ອໍ. ອິນໂຈຍ ເດີງ ບາຣ ປູ້ຮ ອາຍ້ອຮ ແຕ່ລາ ບາຣ ກູ່ ແກີບ ແຕ່ລາ ບາຣ ອິນແຕຣັຮ ຮາ ແລິງ. ກວາຍ ອາແລະ ມາ ຕະ ຮານະ ຈ່ອຍ ກວາຍ ການໍ່ອໍ, ອີງເຄາະ ກວາຍ ການໍ່ອໍ ກ້ອຍ ຈ່ອຍ ລັຮ ໂອນ ອັນ ເບີນ ເກຣິ່ງ ຊັຮນາ ຈາ.

<sup>11</sup> "ບັອງ ກາ ເຍີ້ ແຕ້ອໍ ປໍ ວິລ ປິດ ວິລ ແກດ, ອີງເຄາະ ເຍີ້ ມູ່ດ ຕຶງ ວິລ ກ້ອຍ ຈ່ອຍ ກວາຍ ຕານໍ່ ອງ ກາ ຮັບ ຕາແບັບ ອໍ ເຍີ້. ເຈົ້າ ເຍີ້ ແອັດ ຕຶງ ດູງ ກວາຍ ກ້ອຍ ເຕົ້າ ແຕ້ອໍ ຕາໄງ ເຍີ້ ລ້ອຮ ແຕ ວິລ ກ້ອຍ. <sup>12</sup> ບັອງ ກາ ເຍີ້ ມູ່ດ ຕຶງ ດູງ, ອີງ ເຄາະ ເຍີ້ ຕາແບັບ ກັຮຮານ ອໍ ກະ ດູງຊູ ກວາຍ ກ້ອຍ. <sup>13</sup> ຄັນ ກວາຍ ຕຶງ ດູງ ກ້ອຍ ຮັບ ກະ ຮາ ບັນ ອໍ ເຍີ້, ເຍີ້ ເກົາແຊອໍ ໂອນ ໄລ່ ເບີນ ບັນ ຊ ວານ ອຽນ ອໍ. ມາ ຄັນ ໄລ່ ຕາ ເບີນ ຮັບ ກະ ຮາບັນ ອໍ ເຍີ້, ເຍີ້ ອິນໂຈຍ ເກົາແຊອໍ ມະກ້ອຍ ໂອນ ໄລ່. <sup>14</sup> ຄັນ ເບີນ ມວຍ ດູງ ແຕ່ລາ ມວຍ ວິລ, ກວາຍ ຕຶງ ອິນຕູ ກ້ອຍ ຕາ ເບີນ ຮັບ ເຍີ້ ກະ ໄລ່ ຕາ ຍ້ອ ອີ ຊາງັດ ປັຮນາຍ ເຍີ້ ອາຕີ, ພໍກາ ເຍີ້ ລ້ອຮ ແຕ ອິນຕູ ກ້ອຍ ອີງເຄາະ ເຍີ້ ກັນຕຣິຣິ ພຸ່ນ ກູແຕອໍ ແຕ ອາເຢີງ ຕະ ໂອນ ເມົ້າ ດັງ ປາຍ ກວາຍ ຕຶງ ອິນ ຕູ ກ້ອຍ ຕາ ເບີນ ຮັບ ເຍີ້. <sup>15</sup> ເກົາ ອາຕີ ຕານໍ່ ອງ ໂອນ ເຍີ້: ແຕ້ອໍ ຕາໄງ ເຢີ່ງ ເຈົ້າຮາຊີ ຕັດຊິນ ອິນແຍ່ະ ມັຮ ກວາຍ, ອັນ ຕະ ໂອນ ໄລ່ ກາ ແອັດ ຕຶງ ວິລ ກ້ອຍ ເບີນ ຕຸຣ ກັດ ກາເລີຍ ແຕ ໄລ່ ກາ ແອັດ ຕຶງ ເມືອງ ໂຊໂດມ ກະ ເມືອງ ໂກໂມຣາ ແຕ ອິມແບັ."

ຢຊູ ອາຕີ ແຕ ຮາມີ້ຮ ຕຸຣ ກັດ  
(ມາຣະໂກ 13:9-13; ລູກາ 12:11-12;  
21:12-19)

<sup>16</sup> "ແນ່ ໄນ່! ເກົາ ແປຣີ ເຍີ້ ໂອນ ເປາະ ມະ ແກະ ແອັດ ອິນຕີ ຊາກ້ອງ. ມະກ້ອຍ ອີງເຄາະ ເຍີ້ ແກັດ ແຄວ້ ມະ ກູຊິນ, ກະ ຄູນ ມັນຕັດ ອໍ ມະ ແຈມ ປາ

ເຮັດ. <sup>17</sup> ອີງເຄາະ ເຍີ້ ລາວັງ ກວາຍ ການໍ່ອໍ, ຍ່ອນ ໄລ່ ອີ ໂກບ ເຍີ້, ເຈົ້າ ເດີງ ເຍີ້ ແຕ້ອໍ ປໍ ກວາ ຍ ຊົດ. ກະ ໄລ່ ໂອນ ເມົ້າ ປາຍາຍຮ ເຍີ້ ຕຶງ ດູງ ຊາງ ກວາຍ ອິດຊະຮາເອລ. <sup>18</sup> ຍ່ອນ ເຍີ້ ຕາປູ ນ ເກົາ, ເບີນ ກວາຍ ການໍ່ອໍ ອີ ເດີງ ເຍີ້ ແຕ້ອໍ ປໍ ກວາຍ ຊົດ ກະ ແຕ້ອໍ ປໍ ເຕົ້າວ ປັຮເຍີ້ ແຮີ. ກ້ອຍ ແຕ ເຍີ້ ເບີນ ອາຕີ ແຕ ຮານະ ເກົາ ຍ້ຮ ເມັງ ໄລ່ ກ້ອຍ ກະ ຍ້ຮ ເມັງ ກວາຍ ຕາ ແກີນ ກວາຍ ອິດ ຊະຮາເອລ ແຮີ. <sup>19</sup> ແຕ້ອໍ ເມົ້າ ເດີງ ເຍີ້ ປໍ ກວາຍ ຊົດ, ເຍີ້ ອິນໂຈຍ ອຸກ ດໍອໍ ແຕ ອິນເຕົ້າ ເຍີ້ ຍ້ອ ອີ ປາຍ. ບັອງ ກາ ກ້ອຍ ເຍີ້ ເບີນ ຮັບ ມັຮ ປັຮ ນາຍ ເຍີ້ ຍ້ອ ອີ ປາຍ. <sup>20</sup> ປັຮນາຍ ກ້ອຍ ຕາ ເບີ ນ ປັຮນາຍ ເຍີ້ ເບີມ; ມາ ຮາເວີຍ ອິມປໍ ເຍີ້ ຕຶງ ມັນລ້ອງ, ອັນ ອາຕີ ໂອນ ເຍີ້ ດັງ ມັຮ ປັຮນາຍ ກ້ອຍ.

<sup>21</sup> "ແຊມອາຍ ອີ ໂກບ ຮາຕວາອໍ ແຊມອາຍ, ເຈົ້າ ມ່ອບ ໂອນ ເມົ້າ ກາຈິດ, ກະ ອິມປໍ ຕະ ມູເຈີງ ກ້ອຍ ແຕ່ ກະ ກອນ ອັນ. ກອນ ອາໂກ ຮາອວານ ໂຈະ ອິມເປອໍ ອິມປໍ ໄລ່, ກະ ໄລ່ ມ່ອບ ອິມເປອໍ ອິມປໍ ໂອນ ເມົ້າ ກາຈິດ ຕັຮູ. <sup>22</sup> ອິນແຍ່ະ ມັຮ ກວາຍ ຊາອັຣ ເຍີ້ ຍ່ອນ ເຍີ້ ປວາຍ ຮານະ ເກົາ. ມາ ກວາຍ ອາແລະ ກາ ເຮັບ ຈິວ ເຕົ້າ ຊົດ ແດີຍ ອັນ, ເຢີ່ງ ເຈົ້າຮາຊີ ຈ່ອຍ ອາມັງ ກວາຍ ກ້ອຍ. <sup>23</sup> ແຕ້ອໍ ກວາຍ ຕະ ຕຸຣ ກັດ ໂຈະ ເຍີ້ ຕຶງ ມວຍ ເມືອງ, ໂອນ ເຍີ້ ຕາລຸຣ ລ້ອຮ ແຕ ເມືອງ ກ້ອຍ ເປາະ ປໍ ເມືອງ ການໍ່ອໍ ແອັນ. ເກົາ ອາຕີ ຕານໍ່ອງ ໂອນ ເຍີ້, ແຕ້ອໍ ກອນ ເຢີ່ງ ແກັດ ກວາຍ ແຕ້ອໍ ລັຮ ປໍ ກູແຕອໍ ໄນ່, ເຍີ້ ຕາ ຢວາຣ ເປາະ ອາຕີ ອິນ ແຍ່ະ ກູ່ ເມືອງ ຕຶງ ກຣວາງ ອິດຊະຮາເອລ.

<sup>24</sup> "ອັນ ກາ ຮຍານ ຕາ ເບີນ ປິດ ກາເລີຍ ແຕ ອາຈານ ອັນ. ກະ ອັນ ກາ ແກັດ ຊູລ ຕາ ເບີນ ປິດ ກາເລີຍ ແຕ ອິນເຈົ້າ ອັນ. <sup>25</sup> ມະກ້ອຍ ອັນ ກາ ຮ ຍານ ອີງເຄາະ ປັຮອມ ຈິວ ຕຸຣ ກັດ ມູເຈີງ ອາຈານ ອັນ ແຕ່. ກະ ອັນ ກາ ແກັດ ຊູລ ອີງເຄາະ ປັຮອມ ຈິວ ຕຸຣ ກັດ ມູເຈີງ ອິນເຈົ້າ ອັນ ແຕ່. ຄັນ ເມົ້າ ພາມາດ ອັນ ກາ ອິນເຈົ້າ ດູງ, ດໍອໍ ອັນ ລາ ຮາມີ້ຮ ບເອລເຊບູລຳ, ອິນຕ້ອງ ກາເລີຍ ແອັນ ເມົ້າ ພາ ມາດ ກວາຍ ການໍ່ອໍ ຕຶງ ດູງ ກ້ອຍ."

ຢຊູ ອາຕີ ອິນໂຈຍ ອີງກ້ອຮ ກວາຍ  
(ລູກາ 12:2-9)

<sup>26</sup> "ມະກ້ອຍ ເຍີ້ ອິນໂຈຍ ອີງກ້ອຮ ກວາຍ ກາ ນໍ່ອໍ, ຍ່ອນ ຄັນ ເບີນ ຮາມີ້ຮ ອິນເຕົ້າ ເມົ້າ ປູລ

† 10:25 10:25 ຮາມີ້ຮ ບເອລເຊບູລ ໄນ່ ລາ ມູເຈີງ ກະ ເຢີ່ງ ຊາຕານ ແຕ່.

ປາໂຕ່ະ ຊານຸ້, ເຈີ່ ປີ ເມີງ ຮາມິ່ຮ ກ້ອຍ ເມົ້າ ຕາ ເຕ່ອ ປູລ ປາໂຕ່ະ ນ້ອງ. ກະ ຮານະ ອິນເຕົ້າ ເມົ້າ ຕະ ແກຣະ ຊານຸ້, ເຈີ່ ປີ ເມີງ ຮານະ ກ້ອຍ ເມົ້າ ຕາ ເຕ່ອ ຕະ ແກຣະ ນ້ອງ. <sup>27</sup> ມັຮ ປັຮນາຍ ອິນເຕົ້າ ເກົ້າ ອາ ຕີ ເຍົາ ຕຶ່ງ ອິນຕຸ ການໍາ, ອິງເຄາະ ເຍົາ ອາຕີ ລັຮ ປັຮນາຍ ກ້ອຍ ຕຶ່ງ ອິນຕຸ ປັ່ງ ແອັນ. ກະ ປັຮນາຍ ອິນເຕົ້າ ເກົ້າ ຮາຮາຍ໌ ໂອນ ແອັງ ເຍົາ ຊ້ອງ, ອິງ ເຄາະ ເຍົາ ອາຕີ ລັຮ ປັຮນາຍ ກ້ອຍ ເຣ່ງ ລາລີ້ ແຕ ຕໍາປວລ ດຸງ ແອັນ.† <sup>28</sup> ເຍົາ ອິນໂຈຍ ອິງກ້ອຮ ໄລ່ ກາ ເຕ່ອ ກາຈິດ ຈະ ເຍົາ, ມາ ຮາເວົ້າຍ ເຍົາ ໄລ່ ຕາ ເຕ່ອ ກາຈິດ. ມາ ອິງເຄາະ ເຍົາ ອິງກ້ອຮ ແອັງ ເຢັງ ເຈົ້າຮາຊີ ຊ້ອງ, ຍ່ອນ ເຢັງ ເຈົ້າຮາຊີ ເຕ່ອ ກາຈິດ ຈະ ເຍົາ, ກະ ຮາເວົ້າຍ ເຍົາ ເຕ່ອ ອັນ ອາ ປັອງ ຕຶ່ງ ປຣຸ່ງ ອູ່ຍຮ. <sup>29</sup> ເຕ່ອ ເຍົາ ແຈັງ ແຈມ ຈາບ ບາຮ ລໍາ, ມາ ເກົ້າ ມວຍ ຢາດ ຊ້ອງ. ມາ ຄັນ ເບິນ ມານໍາ ແຈມ ຈາບ ກ້ອຍ ກູຈິດ, ອິມປໍ່ ເຍົາ ຕຶ່ງ ມັນລ່ອງ ດັງ ເຈີ່ ແຕ ຮາມິ່ຮ ກ້ອຍ. <sup>30</sup> ໄກຮ ລາລີ້ ກູ່ ເຊັນ ໂຊະ ຕຶ່ງ ແປ້ ເຍົາ, ເຢັງ ເຈົ້າຮາຊີ ນັບ ເຈີ່. <sup>31</sup> ນະກ້ອຍ, ເຍົາ ອິນໂຈຍ ອິງກ້ອຮ ອິນເຕົ້າ ນ້ອງ, ຍ່ອນ ຮາງິຮ ເຍົາ ລາ ເຢັງ ເຈົ້າຮາຊີ ປາຊີ ກາເລັຍ ແຕ ຊາອິຍ ລໍາ ແຈມ ຈາບ.

<sup>32</sup> "ກວາຍ ອາແລະ ມາ ງິ່ນ ຍັຮ ເມີງ ກວາຍ ການໍ່ອ, ປາຍ ອັນ ເບິນ ມູ ຮາງິຮ ກະ ເກົ້າ, ມູເຈັງ ກ້ອຍ ເຕ່ ເກົ້າ ງິ່ນ ລັຮ ອັນ ຍັຮ ເມີງ ອິມປໍ່ ເກົ້າ ຕຶ່ງ ມັນລ່ອງ. <sup>33</sup> ມາ ກວາຍ ອາແລະ ມາ ກາເລັຍຮ ເກົ້າ ຍັຮ ເມີງ ກວາຍ ການໍ່ອ, ມູເຈັງ ກ້ອຍ ເຕ່ ເກົ້າ ກາເລັຍຮ ລັຮ ອັນ ຍັຮ ເມີງ ອິມປໍ່ ເກົ້າ ຕຶ່ງ ມັນ ລ່ອງ."

ເຢຊູ ອາຕີ ອິງເຄາະ ເຍົາ ອາໂຢະ ອັນ ກາເລັຍ ແຕ ກວາຍ ການໍ່ອ  
(ລູກາ 12:51-53; 14:26-27)

<sup>34</sup> "ເຍົາ ອິນໂຈຍ ຄິດ ປາຍ ເກົ້າ ແຕ້ອ ປີ ໄລ່ ໂອນ ກູ່ ນະ ກວາຍ ຕຶ່ງ ກູແຕອ ໄລ່ ແອັດ ອຽນ ອໍ. ເກົ້າ ແຕ້ອ ປີ ໄລ່ ເກົ້າ ຕາ ເບິນ ຕະ ໂອນ ກວາຍ ແອັດ ອຽນ ອໍ, ມາ ເກົ້າ ແຕ້ອ ປີ ໄລ່ ເກົ້າ ເດີງ ທາ ຮິ່ງ ປູ່າ. <sup>35</sup> ເກົ້າ ແຕ້ອ ປີ ໄລ່ ຕະ ໂອນ ເຍົາ ມານະ ຕາ ເບິນ ຊັງໄກຮ ໂຈະ ມານະ. ກອນ ຮາເລົາ ຕາ ເບິນ ຊັງໄກຮ ກະ ອິມປໍ່. ກອນ ມັນແຊມ ຕາ ເບິນ ຊັງໄກຮ ກະ ອິມເປອ. ກູມັນ ຕາ ເບິນ ຊັງໄກຮ

† 10:27 10:27 ເຢຊູ ຊາກໍາ ແຕ ການໍາ ກະ ຮາຮາຍ໌ ລາ ນະ ອັນ ອາຕີ ແອັງ ໄລ່ ຊານຸ້, ມາ ປັ່ງ ກະ ຕໍາປວລ ດຸງ ລາ ຊາກໍາ ແຕ ໄລ່ ອິງເຄາະ ອາຕີ ໂອນ ກູ່ ກວາຍ ດັງ ປັຮນາຍ ອັນ.

ກະ ກູຢາກັນ. <sup>36</sup> ໄລ່ ກາ ຢັອ ອີ ຕະ ເຍົາ ລາ ກວາຍ ແຕ ດຸງຊູ ເຍົາ ເບິມ.

<sup>37</sup> "ກວາຍ ອາແລະ ມາ ອາໂຢະ ອິມເປອ ອິມປໍ່ ອັນ ກາເລັຍ ແຕ ອັນ ອາໂຢະ ເກົ້າ, ກວາຍ ກ້ອຍ ຕາ ເບິນ ໄກຮ ແກັດ ກວາຍ ປວາຍ ເກົ້າ, ກະ ກວາຍ ອາແລະ ມາ ອາໂຢະ ກອນ ຮາເລົາ ແຕ່ລາ ກອນ ມັນແຊມ ກາເລັຍ ແຕ ອັນ ອາໂຢະ ເກົ້າ, ກວາຍ ກ້ອຍ ຕາ ເບິນ ໄກຮ ແກັດ ກວາຍ ປວາຍ ເກົ້າ ເຕ່. <sup>38</sup> ກວາຍ ອາແລະ ມາ ຕາ ເບິນ ໂດລ ອາລ່ອງ ຊັງ ກັງ ອັນ ເບິມ ກະ ຕາ ເບິນ ປວາຍ ເກົ້າ, ກວາຍ ກ້ອຍ ລາ ຕາ ເບິນ ໄກຮ ແກັດ ກວາຍ ຮຍານ ແຕ ເກົ້າ. <sup>39</sup> ກວາຍ ອາແລະ ມາ ປາຊີ ຮາງິຮ ອັນ ຕຶ່ງ ແດັຍ ໄລ່, ຮາງິຮ ກວາຍ ກ້ອຍ ແກັດ ປິດ. ມາ ກວາຍ ອາແລະ ມາ ຈິວ ປິດ ຮາງິຮ ອັນ ຕຶ່ງ ແດັຍ ໄລ່ ຍ່ອນ ຮານະ ເກົ້າ, ກວາຍ ກ້ອຍ ເບິນ ອາມົ່ງ."

ເຢຊູ ອາຕີ ແຕ ເກົ້າ ໂອນ ກວາຍ ກາ ຮາວ່ອຍ  
(ມາຣະໂກ 9:41)

<sup>40</sup> "ກວາຍ ອາແລະ ມາ ຮັບ ອໍ ເຍົາ, ໄລ່ ລາ ນະ ກວາຍ ກ້ອຍ ຮັບ ອໍ ເກົ້າ ເຕ່. ກະ ກວາຍ ອາແລະ ມາ ຮັບ ອໍ ເກົ້າ, ໄລ່ ລາ ນະ ກວາຍ ກ້ອຍ ຮັບ ອໍ ອັນ ກາ ແປຣີ ເກົ້າ ແຕ້ອ ປີ ໄລ່ ເຕ່. <sup>41</sup> ກວາຍ ອາແລະ ມາ ຮັບ ອໍ ກວາຍ ກາ ອາຕີ ຕາງ ປັຮນາຍ ເຢັງ ເຈົ້າຮາຊີ ຍ່ອນ ອັນ ລາ ກວາຍ ອາຕີ ຕາງ ປັຮນາຍ ເຢັງ ເຈົ້າຮາຊີ, ກວາຍ ກ້ອຍ ເບິນ ເກົ້າ ມູເຈັງ ກວາຍ ອາຕີ ຕາງ ປັຮນາຍ ເຢັງ ເຈົ້າຮາຊີ ເຕ່. ກະ ກວາຍ ອາແລະ ມາ ຮັບ ອໍ ກວາຍ ຕາມ້ອງ ອໍ ຍ່ອນ ອັນ ລາ ກວາຍ ຕາມ້ອງ ອໍ, ກວາຍ ກ້ອຍ ເບິນ ເກົ້າ ມູເຈັງ ກວາຍ ກາ ຕາມ້ອງ ອໍ ເຕ່. <sup>42</sup> ຄັນ ເບິນ ກວາຍ ອາແລະ ມາ ໂອນ ຈ່ອຍ ມວຍ ຈອກ ແດັອ ຢິນ ປີ ກວາຍ ກາ ຕາ ເບິນ ຊິດ ອິນ ເຕົ້າ ຕຶ່ງ ມູ່ ກາ ຮຍານ ແຕ ເກົ້າ ຍ່ອນ ກວາຍ ກ້ອຍ ຕາປຸ່ນ ເກົ້າ, ເກົ້າ ອາຕີ ຕາມ້ອງ ໂອນ ເຍົາ, ອັນ ກາ ຈ່ອຍ ກ້ອຍ ຕາ ເບິນ ແອີ ເກົ້າ."

# 11

ເຢຊູ ອາຕີ ແຕ ໂຢຮັນ ກາ ຕະ ຮິດ ຕຶ່ງ ແດັອ  
(ລູກາ 7:18-35)

<sup>1</sup> ແວັດ ເຢຊູ ປາຕັບ ມູ່ ມວຍ ຈິດ ລາ ບາຮ ນະ ກາ ຮຍານ ແຕ ອັນ ມັຮ ປັຮນາຍ ກ້ອຍ, ເຈີ່ ອັນ ລັອຮ ແຕ ອິນຕຸ ກ້ອຍ. ເປາະ ອາຕີ ຕຶ່ງ ມັຮ ເມືອງ ອິມແປຣ ກ້ອຍ ແອັນ.

<sup>2</sup> ບັອງ ກາ ກ້ອຍ ໂຢຮັນ ກາ ຕະ ຮິດ ຕຶ່ງ ແດັອ ແອັດ ຕຶ່ງ ກໍ່ອ. ພໍກາ ອັນ ຊ້ອງ ເມົ້າ ຕະ ອິນຕີ ແຕ ຮານະ ເຢຊູ ກຮິດ ຕະ, ເຈີ່ ອັນ ແປຣີ ມູ່ ກາ ຮຍານ

ແຕ່ ອັນ ເປາະ ບໍ່ ເຢຊູ. <sup>3</sup> ອັນ ໂອນ ໄລ່ ກ້ອຍ ຕາ ແບິບ ເຢຊູ ປາຍ: "ອາຈານ ເອີຍ! ປາຍຍາຍ ມາ ຕາ ເບິນ, ອາຈານ ລາ ມານະ ກາ ເຢີງ ເຈົ້າຮາຊີ ຮຽຮ ໂອນ ຈ່ອຍ ອາມັງ ອິນແຍະ ມັຮ ກວາຍ? ແຕ່ລາ ອິງເຄາະ ຮິ ອິງກ່ອງ ກວາຍ ການໍ້ອ ແອັນ ບໍ່?"

<sup>4</sup> ເຢຊູ ຕາແອິຍ ໄລ່ ປາຍ: "ເຍົາ ເຈົ້າ ອາຕີ ລັຮ ໂຢຮັນ ມັຮ ຮານະ ເຍົາ ຊ້ອງ ກະ ເຍົາ ເຮີມ ເຈົ້. <sup>5</sup> ກວາຍ ຊູດ ມັດ ແກັດ ບຽງ ລັຮ. ກວາຍ ໂຢດ ເຕັອ ເປາະ ລັຮ. ກວາຍ ອາອີ ຕູດ ແກັດ ແບຣັຮ ອິນແຍະ. ກວາຍ ຕຸ່ງ ແກັດ ຊ້ອງ ລັຮ. ກວາຍ ກາ ກູຈິດ ເຈົ້ ໄມ່ຍຮ ລັຮ. ກະ ກວາຍ ກາດິດ ເບີ ນ ຊ້ອງ ເຕ່ ປັຮນາຍ ອໍ ແຕ ເຢີງ ເຈົ້າຮາຊີ. <sup>6</sup> ບຸ່ນ ລາລີ້ ກວາຍ ກາ ຕາ ເບີນ ຕັຮ ຊາອໍາ ເກົາ."

<sup>7</sup> ແວັດ ມູ່ ກາ ຮຍານ ແຕ່ ໂຢຮັນ ເຈົ້າ ລັຮ ບໍ່ ອັນ, ເຢຊູ ອາຕີ ແຕ່ ໂຢຮັນ ໂອນ ກວາຍ ກຶ່ງ ກ້ອຍ ຊ້ອງ. ອັນ ຕາແບິບ ໄລ່ ປາຍ: "ພໍກາ ເຍົາ ເປາະ ຮາມັຮ ໂຢຮັນ ຕຶ່ງ ອິນຕຸ ຕຍາຮ, ອິນເຕົ້າ ເຍົາ ຢໍອ ອີ ເຮີມ ຕຶ່ງ ອິນຕຸ ກ້ອຍ? ເຍົາ ຢໍອ ອີ ເຮີມ ກູ ຢາລ ແປ້ ກໍລ ອາຕ້ອງ ເລ່ດ ຕາຕຶ່ງ ຕາໂຕະ ບໍ່? <sup>8</sup> ມາ ເຍົາ ເປາະ ຢໍອ ອີ ເຮີມ ອິນເຕົ້າ? ເຍົາ ຢໍອ ອີ ເຮີມ ມານະ ແຊັບ ອາຍ້ອຣ ອໍ ບໍ່? ໄລ່ ກາ ແຊັບ ອາຍ້ອຣ ອໍ ລາ ແອິດ ຕຶ່ງ ດຸງ ເຕົ້າວ ປັຮເຍົາ. <sup>9</sup> ມາ ອິນເຕົ້າ ເຍົາ ຢໍອ ອີ ເຮີມ ຕຶ່ງ ອິນຕຸ ກ້ອຍ? ເຍົາ ຄິດ ຢໍອ ອີ ເຮີມ ກວາຍ ອາຕີ ຕາງ ປັຮນາຍ ເຢີງ ເຈົ້າຮາຊີ ບໍ່? ເກົາ ອາຕີ ຕານ້ອງ ໂອນ ເຍົາ, ໂຢຮັນ ລາ ກວາຍ ອາຕີ ຕາງ ປັຮນາຍ ເຢີງ ເຈົ້າຮາຊີ ເຕ່, ມາ ອັນ ເບີນ ອໍານາດ ປັດ ກາເລີຍ ອິນແຍະ ແຕ່ ກວາຍ ການໍ້ອ ກາ ອາຕີ ຕາງ ປັຮນາຍ ເຢີງ ເຈົ້າຮາ ຊີ. <sup>10</sup> ຕຶ່ງ ປັງ ປັຮນາຍ ເຢີງ ເຈົ້າຮາຊີ ແຕ່ ອິມ ແບິ, ກວາຍ ຄຽນ ເຈົ້ ມັຮ ກາ ເຢີງ ເຈົ້າຮາຊີ ອາຕີ ອິນໂຍ່ງ ແຕ່ ໂຢຮັນ ປາຍ:

'ເກົາ ລາ ເຢີງ ເຈົ້າຮາຊີ ອີ ແປຣີ ກວາຍ ກາ ເດີງ ປັຮນາຍ ເກົາ ແຕ້ອ ອິນໂຍ່ງ ໄມ່. ອັນ ຈັຮ ຮານາ ໂອນ ໄມ່, ກອນ ເອີຍ.'

<sup>11</sup> ເກົາ ອາຕີ ຕານ້ອງ ໂອນ ເຍົາ, ກຸ່ ນະ ກວາຍ ກາ ແກັດ ແຕ່ ມັນແຊມ ຕຶ່ງ ກູແຕອ ໄມ່, ຕາ ເບີນ ເມົາ ປັດ ກາເລີຍ ແຕ່ ໂຢຮັນ, ອັນ ກາ ເກີຍ ຕະ ຮິດ ຕຶ່ງ ແດັອ. ມາ ເກົາ ອາຕີ ເຍົາ ປາຍ ແອັນ: ກວາຍ ອາແລະ ມາ ຕາ ເບີນ ປັດ ອິນເຕົ້າ ຕຶ່ງ ມູ່ ກາ ເຢີງ ເຈົ້າຮາຊີ ຊົດ, ເຢີງ ເຈົ້າຮາຊີ ໂອນ ກວາຍ ກ້ອຍ ເບີນ ອໍານາດ ກາເລີຍ ແຕ່ ໂຢຮັນ ເບີນ. <sup>12</sup> ແຕ່ ຕາ

ໄງ ໂຢຮັນ ກາ ເກີຍ ຕະ ຮິດ ຕຶ່ງ ແດັອ ເຕົ້າ ແຕ້ອ ຊານໍ່, ເບີນ ກວາຍ ອາຕີ ແຕ່ ເຢີງ ເຈົ້າຮາຊີ ຕະ ຊົດ. ຊາອິຍ ລາລີ້ ກວາຍ ຢໍອ ອີ ມູ່ດ ຕຶ່ງ ຈຸ່ມ ກາ ເຢີງ ເຈົ້າຮາຊີ ຊົດ, ມາ ໄລ່ ຄິດ ໄລ່ ເຕັອ ມູ່ດ ຍ່ອນ ຮາງຶຮ ໄລ່ ເບີນ. <sup>13</sup> ເຢີງ ເຈົ້າຮາຊີ ອາຕີ ອິນ ໂຢ່ງ ຮານາ ກວາຍ ອາຕີ ຕາງ ປັຮນາຍ ເຢີງ ເຈົ້າຮາ ຊີ ແຕ່ ອິມແບິ ກະ ຮານາ ຄານອດ ໂມເຊ ປາຍ ປັຮ ແນີ ມັນເຕຣົາ ອັນ ຕະ ຊົດ. ອັນ ອາຕີ ຮານາ ກ້ອຍ ເຕົ້າ ແຕ້ອ ແດີຍ ໂຢຮັນ. <sup>14</sup> ຄັນ ເຍົາ ຊາອໍາ ປັຮ ນາຍ ເມົາ ປາຍ ແຕ່ ອິມແບິ ແຕ່ ເອລີຢາ, ນະກ້ອຍ ເຍົາ ເບີນ ດັງ ໂຢຮັນ ໄມ່ ລາ ມູເຈີງ ເອລີຢາ ກ້ອຍ ເຕ່. <sup>15</sup> ອາແລະ ເບີນ ກູຕູຣ, ໂອນ ອັນ ຊາງັດ ເບີ ມ.

<sup>16</sup> "ນານະ ເຕັອ ເກົາ ຊາກໍາ ມັຮ ກວາຍ ຕຶ່ງ ແດີຍ ໄມ່? ໄກຣ ລາລີ້ ມັຮ ກວາຍ ແອິດ ຕຶ່ງ ແດີຍ ໄມ່ ລາ ນະ ກັຣແນນ ແອິດ ຮາເຈ່າະ ຕຶ່ງ ຕາລາດ. ມວຍ ມູ່ ກັຣແນນ ກ້ອຍ ກູອ ເຍົາ ໄລ່. <sup>17</sup> ໄລ່ ປາຍ: 'ຮິ ປັງ ຕາຮິລ ເຈົ້ ຮາເຈ່າະ ເຊີບ ດົນຕີ. ມາ ເຍົາ ຕາ ເບີນ ມູ່ດ ອາເຍີນ ກະ ອິມປ່ອນ ມະໆ ກະ ຮິ! ກະ ຮິ ຮາເຈ່າະ ຕະ ຮາເປີບ, ມາ ເຍົາ ຕາ ເບີ ນ ປັຮອມ ມູ່ດ ເຍີມ ກູໂກຼຍ ກະ ຮິ!' <sup>18</sup> ໂຢຮັນ ແຕ້ອ ບໍ່ ໄມ່, ອັນ ຕາ ເບີນ ຈ່ອຍ ຈາ ນະ ກວາຍ ການໍ້ອ. ອັນ ຈາ ແອີງ ລາມ ກະ ຈ່ອຍ ແດັອ ກາຮ ຍາລ. ນະກ້ອຍ ເມົາ ປາຍ ອັນ ລາ ກວາຍ ຢູຮ. <sup>19</sup> ມາ ເກົາ ກອນ ເຢີງ ແກັດ ກວາຍ, ເກົາ ແຕ້ອ ຈ່ອຍ ຈາ ມູເຈີງ ກວາຍ ການໍ້ອ ເຕ່. ນະກ້ອຍ ເມົາ ປາຍ ເກົາ ນະໄມ່: 'ຕິຣ! ອັນ ກ້ອຍ ຢໍອ ອີ ຈ່ອຍ ຈາ ກຸມປູຣ ຊ້ອງ! ກະ ອັນ ແກັດ ເຍົາ ກວາຍ ກາ ອິດ ປະ ປາຊີ ກະ ກວາຍ ໄລ່ຍຮ ການໍ້ອ ແຮ!' ມາ ກວາຍ ອາແລະ ກາ ຮາໂງ່ອ ຮາລັງ, ປັຮແນີ ມັນ ເຕຣົາ ກວາຍ ການໍ້ອ ງິນ ເຕ່ ກວາຍ ກ້ອຍ ຮາໂງ່ອ ຮາລັງ, ຍ່ອນ ໄລ່ ເຮີມ ຮານະ ກວາຍ ກ້ອຍ ຕະ."

ເບີນ ເມືອງ ກາ ຕາ ແອອ ອີ ຊາອໍາ ເຢຊູ (ລູກາ 10:13-15)

<sup>20</sup> ເຈົ້ ເຢຊູ ຊ້ອງ ຕຸ່ຣ ລາລີ້ ຍ່ອນ ມັຮ ກວາ ຍ ຕຶ່ງ ເມືອງ ກາ ອັນ ຕະ ຊາອິຍ ຮານະ ຕາ ເກີຍ ເຮີມ, ໄລ່ ຕາ ເບີນ ປຽນ ແກັດ ຮາງຶຮ ຕາໄມ ແອັນ. <sup>21</sup> ອັນ ປາຍ ໂຈະ ໄລ່ ນະໄມ່: "ບາບ ລາລີ້ ແຕ້ອ ບໍ່ ເຍົາ ກາ ແອິດ ຕຶ່ງ ເມືອງ ໂຄຣາຊິນ! ກະ ບາບ ລາລີ້ ໂອນ ເຍົາ ກາ ແອິດ ຕຶ່ງ ເມືອງ ເບັດຊາອິດາ! ຄັນ ເກົາ ມາ ຕະ ຮານະ ຕາ ເກີຍ ເຮີມ ຕຶ່ງ ເມືອງ ຕິເຣ

\* 11:21 11:21 ເມືອງ ໂຄຣາຊິນ ກະ ເມືອງ ເບັດຊາອິດາ ແອິດ ຕຶ່ງ ກຣວງ ອິດຊະຣາເອລ, ມາ ເມືອງ ຕິເຣ ກະ ຊີໂດນ ແອິດ ຕຶ່ງ ການໍ້ອ.

ກະ ມືອງ ຊີໂດນ\* ມູເຈິງ ຫົາ ຕະ ຕິ່ງ ມືອງ ເຍົາ ເຈີ່, ດູ່ນ ເຈີ່ ກວາຍ ຕິ່ງ ມືອງ ກ້ອຍ ປຽນ ແກ້ດ ຮາງືຮ ຕາໄມ ແອັນ. ກະ ດູ່ນ ເຈີ່ ໄລ່ ກ້ອຍ ຕັອກ ຕໍາປັອກ ເຍົາມ ຕຸ່ຮ ກະ ປີ ບັອຣ ຕິ່ງ ຈະ ໄລ່, ຕະ ໂອນ ເມົາ ດັງ ປາຍ ໄລ່ ຊ້ອງ ຕຸ່ຮ ຍ່ອນ ໄລ່ ເປັນ ໄລ່ຍຮ. 22 ນະກ້ອຍ ຫົາ ອາຕີ ເຍົາ, ແຕ້ອ້ ຕາໄງ ເຢົາງ ເຈົາຮາຊີ ຕັດຊິ່ນ ອິນແຍ່ະ ມັຮ ກວາຍ, ຕາ ໄງ ກ້ອຍ ອັນ ຊ້ອງ ອາໂຢ່ະ ຕະ ກວາຍ ກາ ແອັດ ຕິ່ງ ມືອງ ຕິເຣ ກະ ມືອງ ຊີໂດນ ກາເລີຍ ແຕ ອັນ ຊ້ອງ ອາໂຢ່ະ ຕະ ເຍົາ. 23 ກະ ເຍົາ ກາ ແອັດ ຕິ່ງ ມືອງ ກາເປນາອູມ ເອີຍ! ເຍົາ ຄິ້ດ ປາຍ ເຍົາ ແຕ້ອ້ ຊ້ອຣ ເບີມ ປິ ມັນລ້ອງ ບໍ່? ໄທຣ ລາລີ້ ປັຣແມີ ມັນ ເຕຣົາ ເຢົາງ ເຈົາຮາຊີ ອາປັອງ ຕັຮ ເຍົາ ຕິ່ງ ປຽງ ອູ່ຍຮ. ຄັນ ຫົາ ມາ ຕະ ຣານະ ຕາ ຫິ່ຍ ເຮີມ ຕິ່ງ ມືອງ ໂຊໂດນ† ມູເຈິງ ຫົາ ຕະ ຕິ່ງ ມືອງ ເຍົາ, ເຈີ່ ມືອງ ໂຊໂດນ ກ້ອຍ ອິນນ້ອງ ແກ້ດ ມືອງ ເຕົ້າ ຊານຸ່. 24 ນະກ້ອຍ ຫົາ ອາຕີ ເຍົາ, ແຕ້ອ້ ຕາໄງ ເຢົາງ ເຈົາຮາຊີ ຕັດຊິ່ນ ອິນແຍ່ະ ມັຮ ກວາຍ, ຕາ ໄງ ກ້ອຍ ອັນ ຊ້ອງ ອາໂຢ່ະ ຕະ ກວາຍ ຕິ່ງ ມືອງ ໂຊໂດນ ກາເລີຍ ແຕ ອັນ ຊ້ອງ ອາໂຢ່ະ ຕະ ເຍົາ."

ອາແລ່ະ ກາ ເປັນ ຕຸ່ຮ ກັດ ອິນເຕົ້າ ອົງເຄາະ ແຕ້ອ້ ປິ ເຢຊູ  
(ລູກາ 10:21-22)

25 ບັອງ ກາ ກ້ອຍ ເຢຊູ ຫົາແຊອ້ ປາຍ: "ອິມ ບໍ່ ເອີຍ! ອິມບໍ່ ລາ ອິນເຈົາ ມັນລ້ອງ ກະ ກູແຕອ້! ຫົາ ຊາແອັນ ໄມ່, ໄມ່ ອາປັຣ ເຈີ່ ຣານະ ໄມ່ ໂອນ ກວາຍ ກາ ນະ ກັຣແນນ ແກດໆ, ໄລ່ ກາ ຕາ ຫິ່ ຍ ຣຍານ ອິນເຕົ້າ. ມາ ໄມ່ ປາໂຕ່ະ ຣານະ ໄມ່ ແຕ ກວາຍ ກາ ຮາໄງ້ອ້, ໄລ່ ກາ ຣຍານ ຊາອິ້ຍ ເຈີ່. 26 ປາຍ, ອິມບໍ່ ເອີຍ, ຫົາ ຍ່ອງ ໄມ່, ຍ່ອນ ຣາ ນະ ກ້ອຍ ອໍ ຢັຣ ມືາງ ໄມ່. 27 ກູ່ ຣາມິ້ຮ ອິມບໍ່ ຫົາ ມ່ອບ ໂອນ ຫົາ ເປັນ. ຕາ ເປັນ ກວາຍ ອາ ແລ່ະ ມາ ດັງ ກູ່ ຣາມິ້ຮ ແຕ ກອນ ເຢົາງ ເຈົາຮາຊີ. ແອັງ ອິມບໍ່ ອັນ ແຕ້ ດັງ ກູ່ ຣາມິ້ຮ ກ້ອຍ. ກະ ຕາ ເປັນ ກວາຍ ອາແລ່ະ ດັງ ກູ່ ຣາມິ້ຮ ແຕ ອິມບໍ່ ຕິ່ງ ມັນລ້ອງ. ແອັງ ກອນ ເຢົາງ ເຈົາຮາຊີ ແຕ້ ດັງ ກູ່ ຣາມິ້ຮ ກ້ອຍ. ກະ ກວາຍ ອາແລ່ະ ກາ ກອນ ເຢົາງ ເຈົາຮາຊີ ຮຽຮ, ອັນ ອາປັຣ ໂອນ ກວາຍ ກ້ອຍ ດັງ ແຕ້ ແຕ ອິມບໍ່ ຕິ່ງ ມັນລ້ອງ."

28 ແວັດ ເຢຊູ ຫົາແຊອ້ ນະກ້ອຍ, ເຈີ່ ອັນ ປາຍ: "ອິນແຍ່ະ ມັຮ ເຍົາ ກາ ຊ້ອງ ລາແກ້ຮ ລາ ລີ້, ກະ ອິນແຍ່ະ ມັຮ ເຍົາ ກາ ໂດລ ຫາງື່ງ ອິນຕ້ອງ ເອີຍ! ເຍົາ ແຕ້ອ້ ປິ ຫົາ! ຫົາ ອິ ຕະ ໂອນ ເຍົາ ແກ້ດ ປຣາຍ ລາແກ້ຮ. 29 ຫົາ ເປັນ ຮາງືຮ ມັນ ຕັດ, ກະ ຫົາ ຕາ ເປັນ ຈໍ່ອ້ ເມົາ ຍ່ອງ ຫົາ. ອົງ ເຄາະ ເຍົາ ອິດ ມັຮ ຣານະ ຫົາ ອາຕີ ໂອນ ເຍົາ, ກະ ອົງເຄາະ ເຍົາ ຣຍານ ແຕ ຫົາ. ນະກ້ອຍ ຮາເວົ້າຍ ເຍົາ ເປັນ ແອັດ ອຽນ ອໍ ເລື້ອຍໆ. 30 ຍ່ອນ ແອກ ອອງ ຫົາ ໂອນ ເຍົາ ໂດລ ລາ ອຽນ, ກະ ປັຣໂດລ ຫົາ ໂອນ ເຍົາ ເດິງ ລາ ອົງຮາລ."

## 12

ເຢຊູ ອາຕີ ແຕ ຮິດ ຕາໄງ ຮາລູ່  
(ມາຣະໂກ 2:23-28; ລູກາ 6:1-5)

1 ຕິ່ງ ມວຍ ຕາໄງ ຮາລູ່ ກ້ອຍ, ເຢຊູ ກະ ມູ່ ກາ ຣ ຍານ ແຕ ອັນ ມູ່ດ ຕິ່ງ ໄທຣ ເມົາ ຈັຮ ທໍຣ. ບັອງ ກາ ໄລ່ ມູ່ດ ຕິ່ງ ໄທຣ ກ້ອຍ, ມູ່ ກາ ຣຍານ ແຕ ເຢຊູ ຊ້ອງ ມາເຍົາຍຮ. ນະກ້ອຍ ບັອງ ໄລ່ ເປາະ, ບັອງ ໄລ່ ກິດ ອິດ ຮາກັງ ໂດຍ ອົງກຣິ ຈາ. 2 ພໍ ກາ ກວາຍ ພາຣີຊາຍ ເຮີມ ນະກ້ອຍ, ໄລ່ ປາຍ ກະ ເຢຊູ ນະໄມ່: "ມູ່ ກາ ຣຍານ ແຕ ອາຈານ, ໄລ່ ຕາ ເປັນ ຊາງັດ ຄານອດ ກາ ຕາ ໂອນ ຕະ ຣານະ ຕິ່ງ ຕາໄງ ຮາລູ່."

3 ມາ ເຢຊູ ຕາແອີຍ ລັຣ ໄລ່ ກ້ອຍ ປາຍ: "ເຍົາ ຕາ ຫິ່ຍ ອານ ບໍ ຣານະ ດາວິດ ກະ ຈຸ່ມ ອັນ ຕະ, ບັອງ ກາ ໄລ່ ມາເຍົາຍຮ? 4 ດາວິດ ມູ່ດ ຕິ່ງ ດຸງ ຊາງ ເຢົາງ ເຈົາຮາຊີ. ອັນ ຈາ ໂດຍ ບຸຣ ກາ ກວາຍ ມ່ອບ ໂອນ ເຢົາງ ເຈົາຮາຊີ, ກະ ອັນ ໂອນ ຈຸ່ມ ອັນ ຈາ ແຕ່. ຕາປຸ່ນ ຕາມ ຄານອດ ໄຮ ລາ ແອັງ ກວາຍ ຊາງ ຮິດ ຊ້ອງ ແຕ້ອ້ ຈາ ໂດຍ ບຸຣ ກ້ອຍ. ມາ ເຢົາງ ເຈົາຮາຊີ ຕາ ເປັນ ຕິ ອັນ. 5 ແຕ້ລາ ເຍົາ ຕາ ຫິ່ຍ ອານ ຕິ່ງ ຄານອດ ໂມເຊ ມັຮ ກວາຍ ຊາງ ຮິດ ເຢົາງ ເຈົາຮາຊີ ຫິ່ຍ ມູ່ດ ຕະ ຣານະ ຕິ່ງ ດຸງ ຊາງ ປິດ ຕິ່ງ ຕາໄງ ຮາລູ່? ມາ ຕາ ເປັນ ເມົາ ປາຍ ໄລ່ ກ້ອຍ ຕະ ໄລ່ຍຮ. 6 ມາ ຫົາ ອາຕີ ເຍົາ ປາຍ: ແອັດ ອິນຕຸ ໄມ່ ຊານຸ່ ເປັນ ມານະ ປິດ ກາເລີຍ ແຕ ດຸງ ຊາງ ປິດ ກ້ອຍ. 7 ຕິ່ງ ປຶ້ງ ປັຣນາຍ ເຢົາງ ເຈົາຮາຊີ ແຕ ອິມ ແປ້, ອັນ ອາຕີ ປາຍ: 'ຫົາ ຍິ້ອ ອິ ໂອນ ມານະ ຊ້ອງ ອາໂຢ່ະ ຕະ ໂຈະ ມານະ

† 11:23 11:23 ມືອງ ໂຊໂດນ ລາ ມືອງ ກາ ເຢົາງ ເຈົາຮາຊີ ຕາລຸຣ ຕິ່ງ ແຕ້ຍ ອັບຮາຣາມ.

ກາເລີຍ ແຕ ເກົາ ຢັອ ອີ ໂອນ ເມົ້າ ມ່ອບ ຊັມ ຕຣັ້ນ ຊາງ ເກົາ.'

ຄັນ ເຍົາ ດັງ ແຈງ ລາລີ້ ແຕ ປັຣນາຍ ໄມ່, ເຍົາ ຕາ ເຮົາບູ ປາຍ ໄລ່ ກ້ອຍ ເບີນ ໄລ່ຍຮ ຍ່ອນ ຕະ ຣາ ນະ ຕິ່ງ ຕາໄງ ຣາລູ່. <sup>8</sup> ເກົາ, ກອນ ເຢັງ ແກັດ ກວາ ຍ, ລາ ອິນເຈົ້າ ເຕ່ ຕາໄງ ຣາລູ່."

ເຢຊູ ປົວ ກວາຍ ຣາກຸ ອາຕີ  
(ມາຣະໂກ 3:1-6; ລູກາ 6:6-11)

<sup>9</sup> ເຢຊູ ເປາະ ແຕ ອິນຕຸ ກ້ອຍ, ເຈີ້ ອັນ ມູ່ດ ຕິ່ງ ດຸງ ຊາງ ກວາຍ ອິດຊະຣາເອລ. <sup>10</sup> ແອັດ ອິງກ້ອຍ ເບີນ ມານະ ກວາຍ ຣາກຸ ອາຕີ ມັງກັຮ. ມັຮ ກວາ ຍ ການໍ້ອ ຕິ່ງ ດຸງ ຊາງ ກ້ອຍ ຕາແບັບ ເຢຊູ ປາຍ: "ຕາປຸ່ນ ຮິດ ໄຮ, ເຕ່ອ ມາ ຕາ ເບີນ ໄຮ ປົວ ກວາ ຍ ອາອີ້ ຕິ່ງ ຕາໄງ ຣາລູ່?" ກວາຍ ກາ ຕາແບັບ ກ້ອຍ, ໄລ່ ຈໍ້ອ ຣານະ ໄລ່ຍຮ ແຕ ເຢຊູ ໂອນ ເຕ່ອ ໄລ່ ປ່ອງ ອັນ.

<sup>11</sup> ມາ ເຢຊູ ຕາແອັຍ ລັຮ ໄລ່ ປາຍ: "ຄັນ ເບີ ນ ມານະ ແຕ ມູ່ ເຍົາ ມາ ເບີນ ແກະ ຊາປີ້ລ ຕິ່ງ ປຣຸ່ງ ຕິ່ງ ຕາໄງ ຣາລູ່, ອັນ ອາແຣັ ຈ່ອຍ ໂອນ ແກະ ກ້ອຍ ຊັອຮ ແຕ ປຣຸ່ງ ກ້ອຍ, ປຍາຍ ມາ ຕາ ເບີນ?"

<sup>12</sup> ໄກຮ ລາລີ້ ເຢັງ ເຈົ້າຣາຊີ ປາຊີ ຣາງິຮ ກວາຍ ກາ ເລີຍ ແຕ ອັນ ປາຊີ ຣາງິຮ ແກະ. ຍ່ອນ ນະກ້ອຍ ເຕ່ອ ໄຮ ມານະ ຈ່ອຍ ມານະ ຕິ່ງ ຕາໄງ ຣາລູ່."

<sup>13</sup> ເຈີ້ ເຢຊູ ອາຕີ ອັນ ກາ ຣາກຸ ອາຕີ ກ້ອຍ ປາຍ: "ໄມ່ ອາລັອຮ ອາຕີ ໄມ່!"

ກວາຍ ກ້ອຍ ອາລັອຮ ອາຕີ. ເຈີ້ ອາຕີ ອັນ ແກັດ ແບຣັຮ ແຕ່. ແກັດ ອໍ ລັຮ ມູເຈັງ ອາຕີ ຍັຮ ມັງກັຮ ເຕ່. <sup>14</sup> ມັຮ ຈຸ່ມ ພາຣີຊາຍ ກ້ອຍ, ໄລ່ ລັອຮ ແຕ ດຸງ ຊາງ. ເຈີ້ ໄລ່ ຊັຮຮັງ ອີ ກາຈິດ ຕັຮ ເຢຊູ.

<sup>15</sup> ພໍກາ ເຢຊູ ດັງ ໄລ່ ອີ ກາຈິດ ອັນ, ນະກ້ອຍ ອັນ ລັອຮ ແຕ ອິນຕຸ ກ້ອຍ, ກະ ເບີນ ກຼິ່ງ ກວາຍ ຕາປຸ່ນ ກຣັອງ ອັນ. ກະ ເຢຊູ ປົວ ກູ່ນະ ໄລ່ ກ້ອຍ.

<sup>16</sup> ເຢຊູ ປາຕັບ ໄລ່ ອິນໂຈຍ ໂອນ ກວາຍ ການໍ້ອ ດັງ ອັນ ລາ ເມົ້າ. <sup>17</sup> ອັນ ປາຕັບ ນະກ້ອຍ ໂອນ ແກັດ ຣາປຍາຍ ມັຮ ປັຣນາຍ ເອຊາຢາ, ກວາຍ ອາຕີ ຕາງ ປັຣນາຍ ເຢັງ ເຈົ້າຣາຊີ, ປາຍ ແຕ ອິມ ແບີ ນະໄມ່:

<sup>18</sup> "ໄມ່ ລາ ກວາຍ ກາ ຕະ ຣານະ ເກົາ,

ອັນ ກາ ເກົາ ຮຽຮ ເຈີ້.

ເກົາ ອາໂຢະ ລາລີ້ ອັນ,

ກະ ຣາງິຮ ເກົາ ຊັອງ ຮໍ້ອ ລາລີ້ ກະ ອັນ. ເກົາ ໂອນ ອັນ ເບີນ ຣາເວັງຍ ເກົາ.

ກະ ປັຣແມັ ມົນເຕຣົາ ອັນ ອາຕີ ໂອນ ກູ່ນະ ກວາຍ ດັງ ປາຍ ເກົາ ຕະ ຊັງໄກຮ ອໍ.

<sup>19</sup> ອັນ ຕາ ເບີນ ຣາຈຽນ ກະ ຕາ ເບີນ ປາຍ ເຣ່ງ ໂຈະ ເມົ້າ.

ກະ ອັນ ຕາ ເບີນ ໂຍ່ບ ເຣ່ງ ອິນເຕົ້າ ຕິ່ງ ເມືອງ.

<sup>20</sup> ມັຮ ກວາຍ ລາ ນະ ກໍ່ລ ອາຕັອງ ກາ ແຈ່ ອີ ຕາ ແກ້ຮ ເຈີ້,

ມາ ອັນ ຕາ ເບີນ ແດັຮ;

ກະ ນະ ຕາກຍາງ ກາ ແຈ່ ອີ ປັດ ເຈີ້. ມາ ອັນ ຕາ ເບີນ ອາປັດ.

ອັນ ອິນນັອງ ອາໂຢະ ຕະ ໄລ່ ກ້ອຍ ເຕົ້າ ແຕ້ອ ຕາໄງ ອັນ ຕັດຊິ່ນ ປຍາຍ ລາລີ້ ໂອນ ອິນແຍ່ະ ມັຮ ກວາຍ.

<sup>21</sup> ອິນແຍ່ະ ມັຮ ກວາຍ ກູ່ ກຣວາງ ແອັດ ອິງກ່ອງ ອັນ ກາ ຈ່ອຍ ອາມັງ ໄລ່."

ເຢຊູ ກະ ເບເອລເຊບູລ  
(ມາຣະໂກ 3:20-30; ລູກາ 11:14-23; 12:10)

<sup>22</sup> ແວັດ ກ້ອຍ ເມົ້າ ເດີງ ແຕ້ອ ປີ ເຢຊູ ມານະ ເບີນ ບາຮ ຣາມິຮ ອາອີ້. ລາ ມັດ ຊູດ ກະ ແກັດ ເກີອ, ຍ່ອນ ເຢັງ ຕາ ອໍ ຕະ ອັນ. ເຢຊູ ປົວ ກວາ ຍ ອາອີ້ ກ້ອຍ ໂອນ ມັດ ອັນ ບຣາງ ລັຮ ກະ ໂອນ ອັນ ເຕ່ອ ຕະ ອິນຕີ ລັຮ. <sup>23</sup> ມັຮ ກວາຍ ກຼິ່ງ ກ້ອຍ ຊັອງ ງິດ ລາລີ້. ກະ ໄລ່ ຕາແບັບ ປາຍ: "ປຍາຍ ມາ ຕາ ເບີນ, ເຢຊູ ໄມ່ ລາ ອັນ ກາ ແຕ ຈຸ່ມເຈືອ ເຕົ້າວ ປັຣເຍົາ ດາວິດ ກາ ໄຮ ອິງກ່ອງ?"

<sup>24</sup> ພໍກາ ຈຸ່ມ ພາຣີຊາຍ ຊັອງ ກວາຍ ກຼິ່ງ ກ້ອຍ ປາຍ ນະກ້ອຍ, ໄລ່ ປາຍ: "ອັນ ໄມ່ ຕູ່ຍຮ ອາລັອຮ ເຢັງ ຕາ ອໍ ຍ່ອນ ເຢັງ ເບເອລເຊບູລ ໂອນ ອັນ ເບີນ ອຳນາດ ຕະ ຣານະ ກ້ອຍ. ເຢັງ ເບເອລເຊ ບູລ ໄມ່ ລາ ຊົດ ອິນແຍ່ະ ເຢັງ ຕາ ອໍ."\*

<sup>25</sup> ເຢຊູ ດັງ ການິດ ໄລ່ ຄິດ ນະກ້ອຍ. ເຈີ້ ອັນ ປາຍ ນະໄມ່ ແອັນ ໂຈະ ໄລ່: "ຄັນ ເບີນ ມວຍ ກຣ ວາງ ມາ ອິມແປອ ແກັດ ຊາອິຍ ຈຸ່ມ ມານະ ຣາຕະ ໂຈະ ມານະ, ເຈີ້ ກຣວາງ ກ້ອຍ ຕາ ເບີນ ແກັດ ນັອງ ກຣວາງ. ກະ ຄັນ ເບີນ ມວຍ ເມືອງ ແຕ້ລາ ມວຍ ດຸງ ມາ ມານະ ຣາຕະ ໂຈະ ມານະ, ຕາ ເບີນ ແກັດ ນັອງ ເມືອງ ແຕ້ລາ ດຸງ. <sup>26</sup> ຄັນ ເຢັງ ຊາຕານ ມາ ຕູ່ຍຮ ຈຸ່ມ ອັນ ເບີມ, ຈຸ່ມ ກ້ອຍ ແກັດ ຣາຕັຮ. ເຈີ້ ຕາ ເບີນ ແກັດ ຈຸ່ມ ນັອງ. <sup>27</sup> ເຍົາ ປາຍ ເກົາ ຕູ່ຍຮ

\* 12:24 12:24 ແຕ້ອ ກາ ເມົ້າ ດໍອ ເຢັງ ຊາຕານ ລາ ຣາມິຮ ເຢັງ ເບເອລເຊບູລ ແຮ້.

ອາລ້ອຣ ເຢີງ ຕາ ອໍ ຍ່ອນ ເຢີງ ເບເອລເຊບູລ ໂອນ ເກົາ ເບີນ ອຳນາດ ຕະ ຮານະ ກ້ອຍ. ມາ ຄັນ ກວາຍ ກາ ປວາຍ ເຍົາ ຕະ ຮານະ ມູເຈິງ ກ້ອຍ ເຕ່, ເຍົາ ຕາ ເບີນ ປາຍ ໄລ່ ເບີນ ອຳນາດ ແຕ່ ເຢີງ ເບ ເອລເຊບູລ. ຍ່ອນ ນະກ້ອຍ, ໄກຣ ລາລີ່ ເບີນ ແຕ ມູ່ ເຍົາ ແຕ່ ກາ ຕິ ເຍົາ ເບີນ. 28 ມາ ຄັນ ເກົາ ຕູ່ຍຣ ອາລ້ອຣ ເຢີງ ຕາ ອໍ ຍ່ອນ ຮາເວີຍ ເຢີງ ເຈົາຮາ ຊີ ໂອນ ເກົາ ຕະ, ຮານະ ໄນ່ ອາປັຣ ໂອນ ເຍົາ ດັງ ປາຍ ເຢີງ ເຈົາຮາຊີ ຕະ ຊົດ ແຕ້ອ ເຈິ່ ປີ ເຍົາ.

29 "ຕາ ເບີນ ອາແລ່ະ ເຕ່ອ ມູ່ດ ປົນ ຕິ່ງ ດຸງ ກວາຍ ບັນ ເຣ່ງ ຄັນ ຕາ ເບີນ ຊັດ ດໍອ ກວາຍ ກ້ອຍ ອິນໂຍ່ງ. ອິງເຄາະ ຊັດ ດໍອ ກວາຍ ກ້ອຍ ເວີຍ ແຕ ເຕ່ອ ມູ່ດ ປົນ ອິດ ເກຣັງ ຕິ່ງ ດຸງ ອັນ.†

30 "ກວາຍ ອາແລ່ະ ມາ ຕາ ເບີນ ປຣ່ອມ ມູ ຮາງິຣ ກະ ເກົາ, ນະ ກວາຍ ກ້ອຍ ດໍອ ມັດ ກະ ເກົາ. ກະ ກວາຍ ອາແລ່ະ ມາ ຕາ ເບີນ ຕະ ຮາ ນະ ຈ່ອຍ ໂອນ ກວາຍ ການໍອ ແຕ້ອ ປີ ເກົາ, ໄນ່ ລາ ມູເຈິງ ກວາຍ ກ້ອຍ ຕາ ຍິອ ອິ ໂອນ ກວາຍ ການໍອ ປວາຍ ເກົາ. 31 ນະກ້ອຍ ເກົາ ອາຕິ ເຍົາ, ກວາຍ ອາແລ່ະ ມາ ເບີນ ໂລ່ຍຣ ອິນເຕົ້າ, ກະ ກວາ ຍ ອາແລ່ະ ມາ ພາມາດ ເຢີງ ເຈົາຮາຊີ, ອິນແຍ່ ະ ຮາມິຣ ໂລ່ຍຣ ກ້ອຍ ເຕ່ອ ເຢີງ ເຈົາຮາຊີ ຕັຣ. ມາ ຄັນ ກວາຍ ອາແລ່ະ ມາ ພາມາດ ຮາເວີຍ ເຢີງ ເຈົາຮາຊີ, ເຢີງ ເຈົາຮາຊີ ຕາ ເບີນ ຕັຣ ນ້ອງ ໂລ່ຍຣ ກ້ອຍ. 32 ກວາຍ ອາແລ່ະ ມາ ພາມາດ ເກົາ ກອນ ເຢີງ ເກັດ ກວາຍ, ເຢີງ ເຈົາຮາຊີ ເຕ່ອ ຕັຣ ໂລ ຍຣ ກ້ອຍ. ມາ ຄັນ ກວາຍ ອາແລ່ະ ມາ ພາມາດ ຮາເວີຍ ເຢີງ ເຈົາຮາຊີ, ເຢີງ ເຈົາຮາຊີ ຕາ ເບີນ ຕັຣ ນ້ອງ ໂລ່ຍຣ ກ້ອຍ ແຕ ແດີຍ ໄນ່ ເຕົ້າ ແຕ້ອ ແດີຍ ອິນຕຸ່ນ."

ອາລ່ອງ ກະ ປາໄລ  
(ລູກາ 6:43-45)

33 ເຢຊູ ອາຕິ ແອັນ ປາຍ: "ຄັນ ຍິອ ອິ ເປີ ນ ປາໄລ ອໍ, ອິງເຄາະ ເບີນ ກໍ່ລ ອາລ່ອງ ອໍ. ຄັນ ເບີນ ກໍ່ລ ຕາ ອໍ, ປາໄລ ອັນ ລາ ຕາ ອໍ ເຕ່. ຄັນ ເຍົາ ເຮີມ ປາໄລ, ເຍົາ ດັງ ກໍ່ລ. 34 ເຍົາ ລາ ນະ ກູ ຊັນ ເບີນ ປີຣ! ມານະ ແຕ ເຍົາ ກວາຍ ຕາ ອໍ ມາ ເຕ່ອ ປາຍ ປັຣນາຍ ອໍ? ຮານະ ອິນເຕົ້າ ກາ ເບີນ ຕິ່ງ ຮາງິຣ ກວາຍ, ແບອ ກວາຍ ກ້ອຍ ປາຍ ອາ ລ້ອຣ. 35 ກວາຍ ມັນຕັດ ອໍ, ອັນ ເບີນ ຮານະ ອໍ ຕິ່ງ ຮາງິຣ ອັນ. ນະກ້ອຍ ຮານະ ອໍ ລ້ອຣ ແຕ ຮາງິຣ ກວາຍ ກ້ອຍ. ກະ ກວາຍ ຕາ ອໍ, ອັນ ເບີນ ຮານະ ຕາ ອໍ ຕິ່ງ ຮາງິຣ ອັນ. ນະກ້ອຍ ຮານະ ຕາ

ອໍ ລ້ອຣ ແຕ ຮາງິຣ ກວາຍ ກ້ອຍ. 36 ມາ ເກົາ ອາ ຕິ ເຍົາ ປາຍ: ກວາຍ ກາ ອາຕິ ປັຣນາຍ ຕາ ແກັດ ເກົາ, ເຢີງ ເຈົາຮາຊີ ຕາແບັບ ກວາຍ ກ້ອຍ ແຕ ຮາ ນະ ກ້ອຍ ແຕ້ອ ຕາໄງ ເຢີງ ເຈົາຮາຊີ ຕັດຊິ່ນ ອິນ ແຍ່ະ ມັຣ ກວາຍ. 37 ຍ່ອນ ນະກ້ອຍ, ເຢີງ ເຈົາຮາ ຊີ ຕັດຊິ່ນ ເຍົາ ມັຣ ປັຣນາຍ ເຍົາ ປາຍ. ຄັນ ເຍົາ ປາຍ ປັຣນາຍ ອໍ, ອັນ ດັງ ເຍົາ ລາ ກວາຍ ຕານໍ ອງ ອໍ. ມາ ຄັນ ເຍົາ ປາຍ ປັຣນາຍ ຕາ ອໍ, ອັນ ດັງ ປາຍ ເຍົາ ລາ ກວາຍ ຕາ ເບີນ ອໍ ກະ ອັນ ໂຈະ ໂຕ ດ ເຍົາ."

ຈຸ່ມ ພາຣິຊາຍ ແຊອ ໂອນ ເຢຊູ ຕະ ຮານະ ຕາ ເກີ່ຍ ເຮີມ  
(ມາຣະໂກ 8:11-12; ລູກາ 11:24-32)

38 ແວັດ ກ້ອຍ, ເບີນ ກວາຍ ອາຕິ ຄານອດ ກະ ກວາຍ ແຕ ຈຸ່ມ ພາຣິຊາຍ, ໄລ່ ແຊອ ແຕ ເຢຊູ ປາຍ: "ອາຈານ ເອີ! ຮິ ຍິອ ອິ ເຮີມ ອາຈານ ຕະ ຮານະ ຕາ ເກີ່ຍ ເຮີມ."

39 ມາ ເຢຊູ ຕາແອີຍ ລັຣ ໄລ່ ປາຍ: "ກວາຍ ຕິ່ງ ແດີຍ ໄນ່ ລາ ຕາ ອໍ ລາລີ່, ກະ ໄລ່ ຕາ ຍິອ ອິ ຊາງ ນ້ອງ ເຢີງ ເຈົາຮາຊີ. ເຍົາ ແຊອ ແຕ ເກົາ ມວຍ ຮາມິຣ ຕາ ເກີ່ຍ ເຮີມ, ມາ ເກົາ ຕາ ເບີນ ຕະ ໂອນ ເຍົາ. ເຍົາ ເບີນ ເຈິ່ ຮາມິຣ ຕາ ເກີ່ຍ ເຮີມ ແຕ ໂຢນາ, ລາ ກວາຍ ອາຕິ ຕາງ ປັຣນາຍ ເຢີງ ເຈົາຮາຊີ ແຕ ອິມແບັ. 40 ໂຢນາ ໄນ່, ອັນ ແອັດ ຕິ່ງ ປຸ່ງ ອາກາ ປັດ ເບີນ ໄປ ຕາໄງ ໄປ ຊາເດົາ. ມູ ເຈິງ ກ້ອຍ ເຕ່ ເກົາ ກອນ ເຢີງ ເກັດ ກວາຍ ແອັດ ຕິ່ງ ປຸ່ງ ກູມູຍ ຕິ່ງ ກູແຕອ ເບີນ ໄປ ຕາໄງ ໄປ ຊາ ເດົາ ເຕ່. 41 ແຕ້ອ ຕາໄງ ເຢີງ ເຈົາຮາຊີ ຕັດຊິ່ນ ອິນແຍ່ະ ມັຣ ກວາຍ, ກວາຍ ແຕ ເມັອງ ນິນາ ເວ ແຕ ອິມແບັ ລາລີ່ ຕິ ກວາຍ ແອັດ ຕິ່ງ ແດີຍ ໄນ່. ໄລ່ ເຕ່ອ ຕິ ນະກ້ອຍ, ລາ ຍ່ອນ ບັອງ ກາ ໄລ່ ຊ້ອງ ປັຣນາຍ ໂຢນາ ອາຕິ, ໄລ່ ຕັຣ ຮາງິຣ ຕຍາ ເຈິ່ ອິດ ຮາງິຣ ຕາໄມ ແອັນ. ມາ ຊານໍ, ແອັດ ອິນ ຕຸ ໄນ່ ເບີນ ມານະ ປັດ ກາເລີຍ ແຕ ໂຢນາ ມາ ເຍົາ ຕາ ເບີນ ຊາງັດ ອັນ! 42 ແຕ້ອ ຕາໄງ ເຢີງ ເຈົາຮາ ຊີ ຕັດຊິ່ນ ອິນແຍ່ະ ມັຣ ກວາຍ, ເບີນ ມັນແຊມ ກາ ແກັດ ເຕົາວ ປັຣເຍົາ ແຕ ອິມແບັ, ຕິ່ງ ກຣວາງ ເຊບາ, ອັນ ຕິ ກວາຍ ແອັດ ຕິ່ງ ແດີຍ ໄນ່. ອັນ ເຕ່ອ ຕິ ນະກ້ອຍ, ຍ່ອນ ອັນ ແຕ້ອ ແຕ ກຣວາງ ເຢິງ ລາລີ່ ຍິອ ອິ ຊາງັດ ປັຣນາຍ ຮາໄງອໍ ຮາລັງ ແຕ ເຕົາວ ປັຣເຍົາ ໂຊໂລໂມນ ອາຕິ. ມາ ຊານໍ, ແອັດ ອິນຕຸ ໄນ່ ເບີນ ມານະ ຮາໄງອໍ ຮາລັງ ກາເລີຍ ແຕ ໂຊໂລໂມນ ແອັນ ມາ ເຍົາ ຕາ ເບີນ ຊາງັດ ອັນ!

† 12:29 12:29 ເຢຊູ ປາຍ ນະກ້ອຍ ລາ ອັນ ໂອນ ໄລ່ ດັງ ນະໄນ່: "ເກົາ ລາ ເຣ່ງ ກາເລີຍ ແຕ ເຢີງ ຊາຕານ, ນະກ້ອຍ ເຕ່ອ ເກົາ ຕາລຸຣ ເກຣັງ ອັນ."

43 "ພໍກາ ເຢີງ ຕາ ອໍ ລ້ອຣ ແວັດ ແຕ ຈະ ກວາຍ, ເຈີ້ ເຢີງ ຕາ ອໍ ກ້ອຍ ເປາະ ຕຶ້ງ ອິນຕຸ ຊາແອັດ. ອັນ ຈໍ້ອໍ ອິນຕຸ ອີ ຣາລູ່, ມາ ອັນ ຕາ ເບີນ ຣາມັຣ. 44 ເຈີ້ ອັນ ຄິດ ປາຍ: 'ເກົາ ເຈົາ ລັຣ ປໍ ອິນຕຸ ກາ ເກົາ ລ້ອຣ ແຕ ອິນໂຍ່ງ ຊາ.' ພໍກາ ອັນ ເຈົາ ປໍ ອິນຕຸ ກ້ອຍ, ອັນ ເຮີມ ແອັງ ອິນຕຸ ເມັດ ຊ້ອງ. ອິນຕຸ ກ້ອຍ ຊຽລ ອໍ, ກະ ເກຣັງ ອິນເຕົ້າ ຕຶ້ງ ອິນຕຸ ກ້ອຍ ອາຕີ້ ອໍ ອິນແຍ່ະ ເຈີ້. 45 ເຈີ້ ອັນ ເປາະ ອິດ ເດີງ ອາເຈົາ ຕາປູ່ລ ນະ ເຢີງ ຕາ ອໍ ການໍ້ອໍ ແອັນ ໂອນ ແອັດ ກະ ອັນ ຕຶ້ງ ອິນຕຸ ກ້ອຍ. ໄລ່ ລາ ຕາ ອໍ ກາເລີຍ ແຕ ອັນ ແອັນ. ນະກ້ອຍ ແດີຍ ອາມັງ ກວາຍ ກ້ອຍ ຕາ ອໍ ກາເລີຍ ແຕ ອິນໂຍ່ງ ແອັນ. ໄກຣ ລາລີ້ ແດີຍ ຕາ ອໍ ໄນ່ ລາ ມູເຈີງ ກ້ອຍ ເຕ່."

ອີມເປ້ອໍ ກະ ແຊມອາຍ ເຢຊູ  
(ມາຣະໂກ 3:31-35; ລູກາ 8:19-21)

46 ບັອງ ກາ ເຢຊູ ອິນນ້ອງ ຕະ ອິນຕີ ກະ ມັຣ ກວາຍ ກຶ້ງ ກ້ອຍ, ເບີນ ອີມເປ້ອໍ ກະ ແຊມອາຍ ອັນ ແອັດ ຕາຢັ່ງ ຍິຣ ນໍ້ອໍ. ໄລ່ ຍິຣ ອີ ຕະ ອິນຕີ ກະ ອັນ. 47 ເບີນ ມານະ ກວາຍ ການໍ້ອໍ ອາຕີ ເຢຊູ ປາຍ: "ອີມເປ້ອໍ ກະ ແຊມອາຍ ອາຈານ ແອັດ ຍິຣ ນໍ້ອໍ. ໄລ່ ຍິຣ ອີ ຕະ ອິນຕີ ກະ ອາຈານ."

48 ມາ ເຢຊູ ຕາແບັບ ປາຍ: "ເມົ້າ ແກັດ ອີມເປ້ອໍ ເກົາ, ກະ ເມົ້າ ແກັດ ແຊມອາຍ ເກົາ?" 49 ເຈີ້ ເຢຊູ ຊາດອຍ ອາຕີ ອັນ ໂຈະ ໄລ່ ກາ ຣຍານ ແຕ ອັນ, ກະ ອັນ ປາຍ: "ໄນ່ ລາ ອີມເປ້ອໍ ກະ ແຊມອາຍ ເກົາ! 50 ອາແລ່ະ ລາ ໂທຍ ກາ ຊາງັດ ກະ ຕະ ປວາຍ ຣານະ ອີມປໍ ເກົາ ຕຶ້ງ ມັນລ້ອງ, ໄລ່ ກ້ອຍ ແກັດ ແຊມອາຍ ແຊມແອັຍ ກະ ອີມເປ້ອໍ ເກົາ."

### 13

ປັຣນາຍ ຊາກໍາ ແຕ ກວາຍ ຕຣີຣ ກູປູອໍ  
(ມາຣະໂກ 4:1-9; ລູກາ 8:4-8)

1 ຕາໂງ ກ້ອຍ ເຢຊູ ລ້ອຣ ແຕ ດຸງ, ເຈີ້ ເປາະ ຕາ ກູ ຕຶ້ງ ປີຣ ແດີອໍ ທາເລ ຣາປັງ. 2 ເບີນ ກຶ້ງ ກວາຍ ແອັດ ໂຣ່ມ ອີມແປຣ ອັນ. ນະກ້ອຍ ອັນ ຊ້ອຣ ຕາກູ ຕຶ້ງ ຕົວະ. ມາ ມັຣ ກວາຍ ກຶ້ງ ກ້ອຍ, ໄລ່ ອິນນ້ອງ ແອັດ ຕາຢັ່ງ ຕຶ້ງ ປີຣ. 3 ເຈີ້ ເຢຊູ ອາຕີ ມັຣ ກວາຍ ກຶ້ງ ກ້ອຍ ຊາອີ້ຍ ຣາມີຣ ແຕ ປັຣນາຍ ຊາກໍາ. ອັນ ອາຕີ ປາຍ: "ເບີນ ມານະ ກວາຍ ເປາະ ຕຣີຣ ກູປູອໍ. 4 ບັອງ ກາ ອັນ ຕຣີຣ, ເບີນ ກູອງ ຊາແລັຣ ຕຶ້ງ ຣານາ. ເຈີ້ ແຈມ ແຊງ ຕອດ ຈາ ກູອງ

ກ້ອຍ. 5 ເບີນ ກູອງ ການໍ້ອໍ ຊາແລັຣ ຕຶ້ງ ກູແຕອໍ ກາດາ, ປີນ ກູແຕອໍ ເບີນ ແອັງ ຕາຕາຣ. ເຈີ້ ໄວ່ ລາລີ້ ກູອງ ກ້ອຍ ດັຣ, ຍ່ອນ ກູແຕອໍ ກ້ອຍ ຕາ ເບີນ ອິນຕູ. 6 ມາ ແຕ້ອໍ ມັດ ມານາງ ລ້ອຣ ພວາອໍ ເຣ່ງ ລາລີ້, ຊັຣມັຣ ກ້ອຍ ແກັດ ຣ້ອຣ, ຍ່ອນ ເຣ່ຣ ອັນ ຕາ ເບີນ ອິນຕູ. ອັນ ຣ້ອຣ, ເຈີ້ ກູຈິດ. 7 ເບີນ ກູອງ ການໍ້ອໍ ຊາແລັຣ ຕຶ້ງ ກູແຕອໍ ກາ ເບີນ ເຣ່ຣ ຊັຣເລົາ. ພໍກາ ຊັຣເລົາ ກ້ອຍ ດັຣ, ອັນ ຣີ້ ດໍອໍ ຊັຣມັຣ ກາ ຕາແບັ ດັຣ ແຕ ກູອງ ກວາຍ ກ້ອຍ ຕຣີຣ. 8 ກະ ເບີນ ກູອງ ການໍ້ອໍ ແອັນ ຊາແລັຣ ຕຶ້ງ ກູແຕອໍ ອໍ. ກູອງ ກ້ອຍ ດັຣ ອໍ, ກັລ ອັນ ແກັດ ປາໄລ ອໍ. ມວຍ ກູອງ ແກັດ ປາໄລ ມວຍ ຮ່ອຍ. ມວຍ ກູອງ ແກັດ ປາໄລ ຕາປັດ ຈິດ. ກະ ມວຍ ກູອງ ແອັນ ແກັດ ປາໄລ ໄປ ຈິດ. 9 ອາແລ່ະ ເບີນ ກູຕູຣ, ໂອນ ອັນ ຊາງັດ ເບີມ."

ນານະ ເຢຊູ ອາຕີ ແຕ ປັຣນາຍ ຊາກໍາ?  
(ມາຣະໂກ 4:10-12; ລູກາ 8:9-10)

10 ມູ່ ກາ ຣຍານ ແຕ ເຢຊູ ແຕ້ອໍ ປີ ອັນ ກະ ຕາ ແບັບ ອັນ ປາຍ: "ຍ່ອນ ນານະ ອາຈານ ອາຕີ ແຕ ປັຣນາຍ ຊາກໍາ ໂຈະ ມັຣ ກວາຍ ກ້ອຍ?"

11 ເຢຊູ ຕາແອັຍ ປາຍ: "ເຢີງ ເຈົາຣາຊີ ໂອນ ເຍົາ ດັງ ມັຣ ປັຣນາຍ ປາໂຕ່ະ ແຕ ເຢີງ ເຈົາຣາຊີ ຕະ ຊິດ, ມາ ອັນ ຕາ ເບີນ ໂອນ ໄລ່ ກ້ອຍ ດັງ. 12 ກວາຍ ອາແລ່ະ ກາ ເບີນ ເຈີ້, ເກົາ ຈ່ອຍ ໂອນ ກວາຍ ກ້ອຍ ແຮງ ເບີນ ຊາອີ້ຍ ລາລີ້ ແອັນ. ມາ ກວາຍ ອາແລ່ະ ກາ ຕາ ເບີນ ເບີນ, ແຮງ ເກົາ ອິດ ລັຣ ອິນແຍ່ະ ແຕ ອັນ. 13 ຍ່ອນ ນະກ້ອຍ ແຕ ເກົາ ອາຕີ ແຕ ປັຣນາຍ ຊາກໍາ ໂຈະ ມັຣ ກວາຍ ກ້ອຍ, ລາ ຍ່ອນ ໄລ່ ແນ່ ມາ ໄລ່ ຕາ ເບີນ ເຮີມ, ໄລ່ ຊາງັດ ມາ ໄລ່ ຕາ ເບີນ ຊ້ອງ, ກະ ໄລ່ ຕາ ເບີນ ຊາປູຣ ອິນເຕົ້າ ເລີ້ຍ. 14 ນະກ້ອຍ, ຍ່ອນ ແຕ ໄລ່ ກ້ອຍ ແກັດ ຣາປາຍາຍ ກະ ປັຣນາຍ ເອຊາຢາ, ກວາຍ ອາຕີ ຕາງ ປັຣນາຍ ເຢີງ ເຈົາຣາຊີ ປາຍ ດໍອໍ:

'ເຍົາ ຊ້ອງ ເລືອຍໆ,  
ມາ ເຍົາ ຕາ ເບີນ ຊາປູຣ.

ກະ ເຍົາ ແນ່ ເລືອຍໆ,

ມາ ເຍົາ ຕາ ເບີນ ເຮີມ ອິນເຕົ້າ ເລີ້ຍ.

15 ຍ່ອນ ອິນແຍ່ະ ມັຣ ກວາຍ ເບີນ ຣາງິຣ ກ້ອງ, ນະກ້ອຍ ໄລ່ ກູປັດ ກູຕູຣ, ຕາ ແອອໍ ອີ ຊ້ອງ.

ກະ ໄລ່ ກາແຍດ ມັດ, ຕາ ແອອໍ ອີ ເຮີມ.

ຄັນ ມັດ ໄລ່ ມາ ເຮີມ, ກູຕູຣ ໄລ່ ມາ ຊ້ອງ, ກະ ຣາງິຣ ໄລ່ ມາ ດັງ,



ອີງກ້ອນ ປຍາຍ໌ ໄລ່ ອີ ລົບ ລັຮ ປຽນ ແກ້ດ  
ຮາງື່ຮ ຕາໄມ ແອ້ນ,  
ໂອນ ເຕ່ອ໌ ເກົາ ປົວ ໂອນ ໄລ່.'

16 "ມາ ເຍົາ, ເຍົາ ເບີນ ບຸ່ນ ຊາອີ່ຍ. ເຍົາ ເບີນ  
ມັດ ກາ ເຕ່ອ໌ ເຮີມ. ກະ ເຍົາ ເບີນ ກູຕູຮ ກາ ເຕ່ອ໌  
ຊ້ອງ. 17 ເກົາ ອາຕີ ຕານ້ອງ ໂອນ ເຍົາ, ເບີນ ຊາ  
ອີ່ຍ ນະ ກວາຍ ອາຕີ ຕາງ ປັຮນາຍ ເຢັງ ເຈົາຮາຊີ  
ແຕ ອີມແບີ, ກະ ເບີນ ກຶງ ກວາຍ ການ້ອ໌ ຕານ້ອງ  
ອໍ ເຕ໌, ອີນແຍ່ະ ມັຮ ໄລ່ ກ້ອຍ ຍິອ໌ ອີ ເຮີມ ມັຮ  
ຮານະ ເຍົາ ເຮີມ ຊານໍ່, ມາ ໄລ່ ຕາ ດັງ ເບີນ ເຮີມ.  
ກະ ໄລ່ ກ້ອຍ ຍິອ໌ ອີ ຊ້ອງ ມັຮ ປັຮນາຍ ເຍົາ ຊ້ອງ  
ຊານໍ່, ມາ ໄລ່ ຕາ ດັງ ເບີນ ຊ້ອງ."

ເຢຊູ ອາຕີ ລັຮ ປັຮນາຍ ຊາກໍາ ແຕ ກວາຍ  
ຕຣີຮ ກູປູອ໌

(ມາຣະໂກ 4:13-20; ລູກາ 8:11-15)

18 "ນະກ້ອຍ, ເຍົາ ຊາງັດ ໂອນ ກຣັກ ມັຮ ຮາມີ  
ຮ ປັຮນາຍ ຊາກໍາ ແຕ ມານະ ຕຣີຮ ກູປູອ໌ ລາ ອິນ  
ເຕົ້າ. 19 ເບີນ ກວາຍ ກາ ຊ້ອງ ປັຮນາຍ ອໍ ແຕ  
ເຢັງ ເຈົາຮາຊີ ຕະ ຊົດ, ມາ ອັນ ຕາ ເບີນ ຊາ  
ປຸຣ ກະ ອັນ ຕາ ເບີນ ຊາງັດ ອິນເຕົ້າ. ເຈີ່ ເຢັງ  
ຊາຕານ ແຕ້ອ໌ ປິນ ອິດ ປັຮນາຍ ອໍ ແຕ ຮາງື່ຮ  
ກວາຍ ກ້ອຍ. ກວາຍ ກ້ອຍ ນະ ກູແຕອ໌ ກາ ເມົາ  
ຊາເຕົ້າຍ໌ ຕິ່ງ ຮານາ. ກຸອງ ກ້ອຍ ຊາແລັຮ, ມາ ອັນ  
ຕາ ເບີນ ດັຮ ອິນເຕົ້າ. 20 ເບີນ ກວາຍ ການ້ອ໌ ນະ  
ກູແຕອ໌ ກາດາ ເບີນ ຕາຕາຣ ປິນ ກູແຕອ໌. ພໍກາ  
ເມົາ ອາຕີ ປັຮນາຍ ເຢັງ ເຈົາຮາຊີ, ອັນ ຊ້ອງ ປັຮ  
ນາຍ ກ້ອຍ. ໄວ່ ລາລີ່ ອັນ ອິດ ກະ ປຣ່ອມ ຊາອໍາ  
ປັຮນາຍ ກ້ອຍ ຮໍ່ອ໌ ອໍ. 21 ມາ ອັນ ກ້ອຍ ຕາ ເບີນ  
ແກັດ ເຣ່ຣ໌ ອິນຕຣູ. ນະກ້ອຍ ອັນ ເບີນ ອາມັງ ມາ  
ໂຮຍ ຊ້ອງ. ຄັນ ເບີນ ຕຸ່ຣ ກັດ ແຕ້ອ໌ ປິ ອັນ ຍ່ອນ  
ອັນ ຊາອໍາ ປັຮນາຍ ເຢັງ ເຈົາຮາຊີ, ອັນ ຕາ ເບີນ  
ຊາອໍາ ນ້ອງ. 22 ເບີນ ກວາຍ ການ້ອ໌ ນະ ກູແຕອ໌  
ກາ ເບີນ ຊັຮເລົາ. ພໍກາ ເມົາ ອາຕີ ປັຮນາຍ ເຢັງ  
ເຈົາຮາຊີ, ອັນ ຊ້ອງ ປັຮນາຍ ກ້ອຍ. ມາ ຮາງື່ຮ  
ອັນ ແອັດ ຮາບູລ ຮານະ ຕິ່ງ ແດັຍ ໄມ່, ກະ ອັນ  
ຍິອ໌ ອີ ຊຸ ເບີນ. ມັຮ ຮາມີຮ ກ້ອຍ ຮີ ດໍອ໌ ປັຮ  
ນາຍ ເຢັງ ເຈົາຮາຊີ ໂອນ ຕາ ເບີນ ແກັດ ປາໄລ.  
23 ມາ ເບີນ ກວາຍ ການ້ອ໌ ນະ ກູແຕອ໌ ອໍ. ພໍກາ  
ເມົາ ອາຕີ ປັຮນາຍ ເຢັງ ເຈົາຮາຊີ, ອັນ ກ້ອຍ ຊາ  
ງັດ ປັຮນາຍ ກ້ອຍ ກະ ອັນ ດັງ ແຈງ ລາລີ່. ອັນ  
ກ້ອຍ ແກັດ ປາໄລ. ອັນ ກາ ແກັດ ປາໄລ ມວຍ

ຮ່ອຍ. ອັນ ກາ ແກັດ ປາໄລ ຕາປັດ ຈິ່ດ, ກະ ອັນ  
ກາ ແກັດ ປາໄລ ໄປ ຈິ່ດ."

ເຢຊູ ຊາກໍາ ແຕ ໂດຍ ຕາປັຮ ກັຣຈຸ ກະ ໂດຍ  
ທຣີ

24 ເຢຊູ ອາຕີ ແຕ ປັຮນາຍ ຊາກໍາ ແອ້ນ ໂຈະ ໄລ່  
ກ້ອຍ ປາຍ: "ເຢັງ ເຈົາຮາຊີ ຕະ ຊົດ ຕິ່ງ ຮາງື່ຮ  
ກວາຍ ລາ ນະ ມານະ ຈັດ ທຣີ ອໍ ຕິ່ງ ໄທຣ ອັນ.  
25 ມາ ເບີນ ມວຍ ຊາເດົາ, ບ້ອງ ກາ ອິນແຍ່ະ  
ມັຮ ກວາຍ ປິ, ມານະ ກາ ຊ້ອງ ອວານ ກະ ອັນ  
ກາ ຕາລາ ໄທຣ ກ້ອຍ, ອັນ ມຸ່ດ ຕຣີຮ ກຸອງ ໂດຍ  
ຕາປັຮ ຕິ່ງ ໄທຣ ກ້ອຍ. ແວັດ ອັນ ຕຣີຮ ກຸອງ  
ກ້ອຍ, ເຈີ່ ອັນ ລັຮຣ ແຕ ໄທຣ. 26 ແຕ້ອ໌ ກັລ  
ທຣີ ກ້ອຍ ດັຮ ກະ ປັຮລິມ, ກຸອງ ໂດຍ ຕາປັຮ  
ກ້ອຍ ດັຮ ເຕ. 27 ນະກ້ອຍ ກຸວາຍ ກາ ຕະ ຮາ  
ນະ ໂອນ ອິນເຈົາ ກ້ອຍ, ໄລ່ ແຕ້ອ໌ ປິ ອິນເຈົາ ກະ  
ປາຍ: 'ອິນເຈົາ ເອີຍ! ປຍາຍ໌ ມາ ຕາ ເບີນ, ອິນ  
ເຈົາ ຈັດ ແອັງ ກຸອງ ທຣີ ຊ້ອງ ຕິ່ງ ໄທຣ ອິນເຈົາ?  
ຄັນ ນະກ້ອຍ, ແຕ ແລະ ໂດຍ ຕາປັຮ ໄມ່ ແຕ້ອ໌?'  
28 ອິນເຈົາ ຕາແອັຍ ລັຮ ປາຍ: 'ເບີນ ມານະ ກາ  
ຊ້ອງ ອວານ ກະ ເກົາ ຕະ ຮານະ ກ້ອຍ.'

"ໄລ່ ກາ ຕະ ຮານະ ອິນເຈົາ ກ້ອຍ ຕາແບີບ ລັຮ  
ປາຍ: 'ອິນເຈົາ ຍິອ໌ ອີ ໂອນ ຮີ ເປາະ ເຮັອ໌ ຕັຮ ກັລ  
ໂດຍ ຕາປັຮ ກ້ອຍ ບໍ?'

29 "ອິນເຈົາ ກ້ອຍ ຕາແອັຍ ລັຮ ປາຍ: 'ຕາ ເບີ  
ນ. ເກົາ ອີງກ້ອນ ບ້ອງ ກາ ເຍົາ ເຮັອ໌ ກັລ ໂດຍ  
ຕາປັຮ ກ້ອຍ, ເຍົາ ເຮັອ໌ ກາ ກັລ ໂດຍ ເຮີ. 30 ໄຮ  
ດໍອ໌ ກັລ ໂດຍ ກະ ກັລ ໂດຍ ຕາປັຮ ກ້ອຍ ດັຮ ມັນ  
ຕຸ ເວົ້າຍ ໂອນ ເຕົ້າ ແຕ້ອ໌ ປາແມ່ນ ຕາໂງ ໄຮ ຊອດ.  
ແຕ້ອ໌ ຕາໂງ ກ້ອຍ, ເກົາ ແປຣີ ໄລ່ ກາ ຈ່ອຍ ຊອດ  
ໂດຍ ໂອນ ເຮັອ໌ ຕັຮ ກັລ ໂດຍ ຕາປັຮ ເວົ້າຍ. ເຈີ່  
ໄລ່ ປາໂຣມ ມັຮ ກັລ ກ້ອຍ, ກະ ອາປັອງ ຕັຮ ຕິ່ງ  
ອູ່ຍຮ. ແວັດ ກ້ອຍ, ໄລ່ ຊອດ ໂດຍ ໄລ່ ໂຈະ ຕິ່ງ  
ຊີ.'"

ເຢຊູ ຊາກໍາ ແຕ ກຸອງ ແກດໆ ກາເລີຍ ແຕ ກາ  
ນໍ່ອ໌

(ມາຣະໂກ 4:30-32; ລູກາ 13:18-19)

31 ເຢຊູ ອາຕີ ແຕ ປັຮນາຍ ຊາກໍາ ແອ້ນ ໂຈະ ໄລ່  
ກ້ອຍ ປາຍ: "ເຢັງ ເຈົາຮາຊີ ຕະ ຊົດ ຕິ່ງ ຮາງື່ຮ  
ກວາຍ ລາ ນະ ມວຍ ກຸອງ ປາກາດ. ເບີນ ກວາ  
ຍ ອິດ ກຸອງ ໄມ່ ຕຣີຮ ຕິ່ງ ຊວນ ອັນ. 32 ກຸອງ  
ກ້ອຍ ລາ ແກດໆ ກາເລີຍ ອິນແຍ່ະ ແຕ ກຸອງ ການໍ່  
ອ໌. ມາ ແຕ້ອ໌ ອັນ ດັຮ, ອັນ ປັດ ກາເລີຍ ແຕ ມັຮ  
ບັດ ການໍ່ອ໌. ອັນ ແກັດ ນະ ອາລ່ອງ, ໂອນ ເຕ່ອ໌  
ແຈມ ຕະ ຊັຮ ຕິ່ງ ອາແບງ ອັນ."

ເຢຊູ ຊາກຳ ແຕ ບວຣ ຊີອ໌  
(ລູກາ 13:20-21; ມາຣ໌ໂກ 4:33-34)

33 ເຢຊູ ອາຕີ ມວຍ ປັນນາຍ ຊາກຳ ແອັນ ໂຈະ ໄລ່ ກ້ອຍ ປາຍ: "ເຢິງ ເຈົ້າຣາຊີ ຕະ ຊົດ ຕຶ້ງ ຣາງຶ່ຣ ກວາຍ ລາ ນະ ບວຣ ຊີອ໌. ເບີນ ມັນແຊມ ອິດ ບີອ໌ ເກຣັງ ກ້ອຍ; ເຈີ້ ອັນ ເປຍ ໂຈະ ແປງ ຕຶ້ງ ອາແດັຣ ປິດ. ເຈີ້ ແປງ ກ້ອຍ ແກັດ ຊີອ໌ ອາຊ້ອຣ ອິນແຍ່ ະ."

34 ເຢຊູ ອາຕີ ກູ່ ຣາມິ່ຣ ໄນ່ ແຕ ປັນນາຍ ຊາ ກຳ ໂຈະ ກວາຍ ກຶ້ງ ກ້ອຍ. ອັນ ຕາ ເບີນ ອາຕີ ໄລ່ ອິນເຕ້າ ມາ ຕາ ເບີນ ປາຍ ແຕ ປັນນາຍ ຊາກຳ.  
35 ອັນ ຕະ ນະກ້ອຍ ໂອນ ແກັດ ຮາປຍາຍ໌ ກະ ປັນ ນາຍ ມານະ ອາຕີ ຕາງ ປັນນາຍ ເຢິງ ເຈົ້າຣາຊີ ແຕ ອິມແບີ ປາຍ ແຕ ເຢຊູ ນະໄນ່:

"ບັອງ ກາ ເກົາ ຕະ ອິນຕີ ກະ ໄລ່,  
ເກົາ ອາຕີ ແຕ ປັນນາຍ ຊາກຳ.  
ແຕ ຕາໄງ ເຢິງ ເຈົ້າຣາຊີ ແຕງ ມັນລ້ອງ ກະ ກູ  
ແຕອ໌,  
ອັນ ປາໂຕະ ມັຣ ປັນນາຍ ເກົາ ອາຕີ ໄລ່ ຊາ  
ນຸ່."

ເຢຊູ ອາຕີ ແຕ ປັນນາຍ ຊາກຳ ທຣ໌ ກະ ໂດຍ ຕາປັຣ

36 ແວັດ ກ້ອຍ ເຢຊູ ໂອນ ກວາຍ ກຶ້ງ ກ້ອຍ ເຈົ້າ; ເຈີ້ ອັນ ມຸ່ດ ຕຶ້ງ ດຸງ. ມູ່ ກາ ຣຍານ ແຕ ອັນ ແຕ້ອ໌ ແຊອ໌ ແຕ ອັນ ປາຍ: "ອາຈານ ເອີຍ! ຮິ ແຊອ໌ ອາຈານ ອາຕີ ໂອນ ຮິ ດັງ ແຕ ປັນນາຍ ຊາ ກຳ ທຣ໌ ກະ ໂດຍ ຕາປັຣ."

37 ເຢຊູ ຕາແອີຍ ໄລ່ ປາຍ: "ອັນ ກາ ຈັດ ທຣ໌ ອ໌ ກ້ອຍ ລາ ກອນ ເຢິງ ແກັດ ກວາຍ. 38 ໄທຣ ກ້ອຍ ລາ ກູ່ ກຣວາງ ຕຶ້ງ ກູແຕອ໌ ໄນ່. ກູອງ ອ໌ ກ້ອຍ ລາ ອິນແຍ່ະ ມັຣ ກວາຍ ກາ ແກັດ ກອນ ອາໄກ ເຢິງ ເຈົ້າຣາຊີ. ໂດຍ ຕາປັຣ ກ້ອຍ ລາ ອິນແຍ່ະ ມັຣ ກວາຍ ກາ ແກັດ ກອນ ອາໄກ ເຢິງ ຊາຕານ. 39 ອັນ ກາ ຕຣິຣ໌ ໂດຍ ຕາປັຣ ກ້ອຍ ລາ ເຢິງ ຊາຕານ. ອັນ ກ້ອຍ ອວານ ກະ ອິນເຈົ້າ ໄທຣ ກ້ອຍ. ປາແມ່ນ ຊອດ ທຣ໌ ກ້ອຍ ລາ ຕາໄງ ເຢິງ ເຈົ້າຣາຊີ ຕັດຊິນ ອິນແຍ່ະ ມັຣ ກວາຍ. ກະ ໄລ່ ກາ ຈ່ອຍ ຊອດ ທຣ໌ ກ້ອຍ ລາ ເທວາດາ ເຢິງ ເຈົ້າຣາ ຊີ. 40 ໄລ່ ກ້ອຍ ເຣີອ໌ ກະ ປາໂຣມ ໂດຍ ຕາປັຣ ກ້ອຍ ອາປັອງ ຕັຣ ຕຶ້ງ ອູ່ຍຣ. ມູເຈິງ ກ້ອຍ ແຕ່ ເຢິງ ເຈົ້າຣາຊີ ຕະ ກະ ກວາຍ ຕຶ້ງ ຕາໄງ ອັນ ຕັດ ຊິນ ອິນແຍ່ະ ມັຣ ກວາຍ. 41 ກອນ ເຢິງ ແກັດ ກວາຍ, ອັນ ແປຣີ ເທວາດາ ອັນ ເປາະ ອິນແຍ່ະ ກູ່ ອິນຕຸ ອັນ ຊົດ, ເຈີ້ ປາໂຣມ ກູ່ ນະ ກວາຍ ກາ ຕະ

ໄລ່ຍຣ ກະ ກູ່ ນະ ກວາຍ ກາ ອາໂຢ່ງ ກວາຍ ການ໌ ອ໌ ຕະ ໄລ່ຍຣ. 42 ເຈີ້ ເທວາດາ ກ້ອຍ ອາປັອງ ຕັຣ ມັຣ ກວາຍ ເບີນ ໄລ່ຍຣ ຕຶ້ງ ປຣຸ່ງ ອູ່ຍຣ. ອິນຕຸ ກ້ອຍ ໄລ່ ຈິວ໌ ໂຕຍ໌ ບາບ ລາລີ້. ໄລ່ ເຍີາມ ກູໂກຍ໌ ກະ ໄລ່ ກາເຕຣີອກ ກາແນງ ກາບາງ ຊ້ອງ ຕຸຣ ກັດ ລາລີ້. 43 ເຈີ້ ບັອງ ກາ ກ້ອຍ ມັຣ ກວາຍ ກາ ຕານ໌ ອງ ອ໌ ເບີນ ແອັດ ຕຶ້ງ ອິນຕຸ ອິມບໍ່ ໄລ່ ຊົດ ຕຶ້ງ ມັນ ລ້ອງ. ໄລ່ ແກັດ ນະ ມັດ ມານາງ ປາເລີງ ຕຶ້ງ ອິນ ຕຸ ກ້ອຍ. ອາແລະ ເບີນ ກູຕູຣ, ໂອນ ອັນ ຊາງັດ ເບີມ."

ເຢຊູ ຊາກຳ ແຕ ເມົາ ແຕີບ ເກຣັງ ເປ່ງ ຕຶ້ງ ກູ ແຕອ໌

44 "ເຢິງ ເຈົ້າຣາຊີ ຕະ ຊົດ ຕຶ້ງ ຣາງຶ່ຣ ກວາຍ ລາ ນະ ເມົາ ແຕີບ ເກຣັງ ເປ່ງ ຕຶ້ງ ກູແຕອ໌. ພໍກາ ກວາຍ ການ໌ອ໌ ຣາມິຣ ເກຣັງ ກ້ອຍ, ອັນ ກູບິລ ໂອນ ແກຣະ ລ້ຣ ເກຣັງ ກ້ອຍ. ເຈີ້ ອັນ ເຈົ້າ ຈິ ອິນ ແຍ່ະ ມັຣ ເກຣັງ ແຕ ດຸງ ອັນ. ກະ ອັນ ເປາະ ແຈິງ ອິນຕຸ ກູແຕອ໌ ກ້ອຍ ແອັນ."

ເຢຊູ ຊາກຳ ແຕ ຈຸ່ ຕຍາ

45 "ເຢິງ ເຈົ້າຣາຊີ ຕະ ຊົດ ຕຶ້ງ ຣາງຶ່ຣ ກວາຍ ລາ ນະ ມານະ ຈໍອ໌ ຢິອ໌ ອິ ແຈິງ ຈຸ່ ຕຍາ ອ໌. 46 ແຕ້ອ໌ ອັນ ຣາມິຣ ມວຍ ກູອງ ຈຸ່ ອ໌ ກາເລີຍ ແຕ ການ໌ອ໌, ເຈີ້ ອັນ ເປາະ ຈິ ອິນແຍ່ະ ມັຣ ມູ່ນ ອັນ ເບີນ. ແວັດ ກ້ອຍ ອັນ ແຈິງ ກູອງ ຈຸ່ ຕຍາ ອ໌ ກ້ອຍ."

ເຢຊູ ຊາກຳ ແຕ ມ່ອງ ຕ໌ ອາກາ

47 "ກະ ເຢິງ ເຈົ້າຣາຊີ ຕະ ຊົດ ຕຶ້ງ ຣາງຶ່ຣ ກວາ ຍ ລາ ນະ ມ່ອງ ຕ໌ ອາກາ ເມົາ ຕຶງ ຕຶງ ແຕີອ໌. ກູ່ ຣາມິຣ ອາກາ ໄທຣ ຕຶ້ງ ມ່ອງ ກ້ອຍ. 48 ພໍກາ ອາ ກາ ໄທຣ ປັນ ມ່ອງ, ກວາຍ ກາ ຈໍອ໌ ອາກາ ກ້ອຍ, ໄລ່ ຮອຣ ອາຊ້ອຣ ມ່ອງ ຕຶ້ງ ປັຣ. ເຈີ້ ໄລ່ ຕາກູ ຣຽຣ ອາກາ. ອາກາ ອ໌, ໄລ່ ໂຈະ ຕຶ້ງ ກາເຣຍ. ອາ ກາ ຕາ ອ໌, ໄລ່ ຕັຣ. 49 ແຕ້ອ໌ ຕາໄງ ເຢິງ ເຈົ້າຣາຊີ ຕັດຊິນ ອິນແຍ່ະ ມັຣ ກວາຍ, ອັນ ຕະ ມູເຈິງ ກ້ອຍ ແຕ່. ອັນ ແປຣີ ມັຣ ເທວາດາ ອັນ ເປາະ ຣຽຣ ກວາ ຍ. ໄລ່ ປາໂຣມ ມັຣ ກວາຍ ຕາ ອ໌ ກາຍິຣ ຕັຣ ແຕ ກວາຍ ຕານ໌ອງ ອ໌. 50 ເຈີ້ ໄລ່ ອາປັອງ ຕັຣ ຊ້ອງ ມັຣ ກວາຍ ຕາ ອ໌ ກ້ອຍ ຕຶ້ງ ປຣຸ່ງ ອູ່ຍຣ. ແອັດ ອິນຕຸ ກ້ອຍ ໄລ່ ຈິວ໌ ໂຕຍ໌ ບາບ ລາລີ້. ໄລ່ ເຍີາມ ກູໂກຍ໌ ກະ ໄລ່ ກາເຕຣີອກ ກາແນງ ກາບາງ ຊ້ອງ ຕຸຣ ອາຣິກ ລາລີ້."

51 ແວັດ ກ້ອຍ ເຢຊູ ຕາແບັບ ໄລ່ ກ້ອຍ ປາຍ: "ມັຮ ຣາມິ້ຮ ໄນ່, ເຍົາ ຊາປຸ່ຮ ມາ ຕາ ເບີນ?"

ໄລ່ ກ້ອຍ ຕາແອັຍ ປາຍ: "ເອີອ໌. ຮີ ຊາປຸ່ຮ ເຈົ້."

52 ເຢຊູ ອາຕີ ແອັນ ປາຍ: "ຄັນ ນະກ້ອຍ, ກູ່ ນະ ກວາຍ ອາຕີ ຄານອດ ຈຸ່ມ ອິດຊະຣາເອລ ກາ ຣຍານ ແອັນ ແຕ ເຢີງ ເຈົາຣາຊີ ຕະ ຊິດ, ກວາຍ ກ້ອຍ ລາ ນະ ອິນເຈົາ ດຸງ ກາ ອາລ້ອຣ ມັຮ ກາ ມູ່ນ ອັນ ເກຣິ່ງ ຕຍາ ກະ ເກຣິ່ງ ຕາໄມ, ຍ່ອນ ອັນ ເຕ່ອ້ ອາຕີ ແຕ ຣານະ ຕຍາ ກະ ແຕ ຣານະ ຕາໄມ ແຮ ໂອນ ເມົາ ຊ້ອງ."

ເຢຊູ ເຈົາ ປີ ວີ່ລ ນາຊາເຣັດ  
(ມາຣະໂກ 6:1-6; ລູກາ 4:16-30)

53 ແວັດ ເຢຊູ ອາຕີ ປັຣນາຍ ຊາກຳ ກ້ອຍ, ອັນ ລ້ອຣ ແຕ ອິນຕຸ ກ້ອຍ. 54 ອັນ ເຈົາ ປີ ວີ່ລ ອັນ, ລາ ວີ່ລ ນາຊາເຣັດ. ອັນ ແອັດ ອີງກ້ອຍ ອາຕີ ຕຶ່ງ ດຸງ ຊາງ ກວາຍ ອິດຊະຣາເອລ. ໄລ່ ກາ ຊາງັດ ປັຣນາຍ ອັນ, ໄລ່ ກ້ອຍ ຊ້ອງ ຈຶ່ງ ລາລີ້. ກະ ໄລ່ ຕາແບັບ ປາຍ: "ແຕ ແລະ ອັນ ໄນ່ ເບີນ ປັຣນາຍ ຣາໂງ່ຣ ຣາລັງ ໄນ່? ກະ ຍ່ອນ ນານະ ອັນ ເຕ່ອ້ ຕະ ຣານະ ຕາ ເກີ້ຍ ເຮີມ? 55 ແມ່ນ ມາ ຕາ ເບີ ນ, ອັນ ໄນ່ ລາ ກອນ ກວາຍ ເຈີງ ຕະ ອາລ້ອງ? ແມ່ນ ມາ ຕາ ເບີນ, ມາຮີ ລາ ອີມເປັອ້ ອັນ, ກະ ຢາໂທໂບ, ໂຢເຊັບ, ຊີໂມນ, ກະ ຢູດາ ລາ ອາແອມ ອັນ? 56 ກະ ແມ່ນ ມາ ຕາ ເບີນ, ອາມໍ່ອ້ ອັນ ແອັດ ມູ່ ວີ່ລ ກະ ໄຮ? ມາ ນານະ ກວາຍ ໄນ່ ເຕ່ອ້ ຕະ ຊາ ອີ້ຍ ຣານະ ນະກ້ອຍ?"

57 ເຈົ້ ໄລ່ ພາມາດ ເຢຊູ; ໄລ່ ຊ້ອງ ອວານ ລາລີ້ ກະ ປັຣນາຍ ອັນ ອາຕີ ນະກ້ອຍ. ເຢຊູ ອາຕີ ໂຈະ ໄລ່ ກ້ອຍ ປາຍ: "ຄັນ ເບີນ ມານະ ກວາຍ ອາຕີ ຕາງ ປັຣນາຍ ເຢີງ ເຈົາຣາຊີ ເປາະ ອາຕີ ຕຶ່ງ ເມືອງ ການໍ່ອ້, ກວາຍ ເມືອງ ກ້ອຍ ຢານັບ ອັນ. ມາ ຄັນ ອັນ ອາຕີ ຕຶ່ງ ວີ່ລ ອັນ ເບີມ, ກະ ຕຶ່ງ ດຸງ ອັນ ເບີ ມ, ໄລ່ ກ້ອຍ ຕາ ເບີນ ຢານັບ ອັນ."

58 ນະກ້ອຍ ເຢຊູ ຕາ ເບີນ ຕະ ຊາອີ້ຍ ຣານະ ຕາ ເກີ້ຍ ເຮີມ ຕຶ່ງ ວີ່ລ ກ້ອຍ, ຍ່ອນ ໄລ່ ຕາ ເບີນ ຊາອຳ.

### 14

ເມົາ ກາຈິດ ໂຢຣັນ, ອັນ ກາ ຕະ ຮິ່ດ ຕຶ່ງ ແດັອ້  
(ມາຣະໂກ 6:14-29; ລູກາ 9:7-9)

1 ບັອງ ກາ ກ້ອຍ ເຕົາວ ປັຣເຍົາ ເຮໂຣດ ຊ້ອງ ປັຣນາຍ ເມົາ ອາຕີ ແຕ ເຢຊູ. 2 ອັນ ອາຕີ ກວາຍ ຕະ ຣານະ ອັນ ປາຍ: "ອັນ ໄນ່ ລາ ແມ່ນ ໂຢຣັນ,

ອັນ ກາ ເກີ້ຍ ຕະ ຮິ່ດ ຕຶ່ງ ແດັອ້. ອັນ ຢວຣ ອາ ມັ່ງ ລ້ຣ ແຕ ປຶ່ງ. ຍ່ອນ ນະກ້ອຍ ແຕ ອັນ ເບີນ ອຳນາດ ຕະ ຣານະ ຕາ ເກີ້ຍ ເຮີມ."

3 ເຮໂຣດ ປາຍ ນະກ້ອຍ ຍ່ອນ ແຕ ອິນໂຢ່ງ ອັນ ແປຣີ ຕາຣານ ອັນ ໂທບ ກະ ຊັດ ໂຢຣັນ, ເຈົ້ ໂຈະ ອັນ ຕຶ່ງ ກໍ່ອ້. ເຮໂຣດ ຕະ ນະກ້ອຍ ຍ່ອນ ແຕ ເຮໂຣເດຍ, ລາກວຍ ອັນ. ແຕ ກໍ ລາລີ້ ເຮໂຣເດຍ ລາ ລາກວຍ ພີລິບ, ອາແອມ ເຮໂຣດ. 4 ບັອງ ກາ ກ້ອຍ ໂຢຣັນ ອາຕີ ເຕົາວ ປັຣເຍົາ ເຮໂຣດ ປາຍ: "ເຢີງ ເຈົາຣາຊີ ຕາ ຢິ່ອ ອີ ໂອນ ໄນ່ ອິດ ລາກວຍ ອາແອມ ໄມ່!" 5 ນະກ້ອຍ ເບີນ ເຮໂຣດ ຄິ່ດ ຢິ່ອ ອີ ກາຈິດ ໂຢຣັນ, ມາ ອັນ ອີງກ້ອຍ ກວາຍ ຈຸ່ມ ອິດຊະຣາເອລ, ຍ່ອນ ໄລ່ ປາຍ ໂຢຣັນ ລາ ກວາຍ ອາຕີ ຕາງ ປັຣນາຍ ເຢີງ ເຈົາຣາຊີ.

6 ມາ ແຕ້ອ້ ມວຍ ຕາໄງ ແອັນ ເຮໂຣດ ຕະ ເປ່ລ ບູຍ ຊາແຍີ ລ້ຣ ຕາໄງ ອັນ ແກັດ. ບັອງ ກ້ອຍ ກອນ ມັນແຊມ ເຮໂຣເດຍ, ອັນ ອີມປ່ອນ ມະໆ ຍິ່ຮ ເມີງ ກວາຍ ຕາມອຍ ກ້ອຍ. ນະກ້ອຍ ເຮໂຣດ ຊ້ອງ ຮໍ່ອ້ ລາລີ້. 7 ອັນ ເອີອ໌, ກະ ອັນ ຄິນ ກະ ມັນແຊມ ກ້ອຍ ປາຍ: "ອິນເຕົາ ໄນ່ ແຊອ້, ເກົາ ໂອນ ອາກ້ອຍ."

8 ນະກ້ອຍ ອີມເປັອ້ ອາມໍ່ອ້ ກ້ອຍ ແປຣີ ກອນ ອັນ ແຊອ້ ມູ ຣາມິ້ຮ ປາຍ: "ເກົາ ແຊອ້ ແຕ ໄນ່ ແປຶ ໂຢຣັນ, ອັນ ກາ ເກີ້ຍ ຕະ ຮິ່ດ ຕຶ່ງ ແດັອ້. ແຊອ້ ໄນ່ ໂຈະ ຕຶ່ງ ກູໂຕອ້ ຊານໍ່ ແຕ້!"

9 ເຕົາວ ປັຣເຍົາ ກ້ອຍ ຊ້ອງ ຕຸຣ ລາລີ້. ມາ ຍ່ອນ ອັນ ຄິນ ຍິ່ຮ ເມີງ ຕາມອຍ ກ້ອຍ, ເຈົ້ ອັນ ແປຣີ ໂອນ ເມົາ ຕະ ມູເຈິງ ມັນແຊມ ກ້ອຍ ແຊອ້.

10 ອັນ ໂອນ ເມົາ ມູ່ດ ກ້ອຍ ຕາກອງ ໂຢຣັນ ຕຶ່ງ ກໍ່ອ້. 11 ເມົາ ໂຈະ ແປຶ ໂຢຣັນ ຕຶ່ງ ກູໂຕອ້ ເດີງ ອາ ຊວຍ ໂອນ ປີ ມັນແຊມ ກ້ອຍ. ເຈົ້ ມັນແຊມ ກ້ອຍ ມ່ອບ ໂອນ ອີມເປັອ້ ອັນ. 12 ແວັດ ກ້ອຍ ມູ່ ກາ ຣ ຍານ ແຕ ໂຢຣັນ ແຕ້ອ້ ອິດ ຈະ ໂຢຣັນ ເດີງ ແຕັບ. ກະ ໄລ່ ເປາະ ອາຕີ ເຢຊູ ແຕ ຣາມິ້ຮ ໄນ່.

ເຢຊູ ແຈມ ເຊີງ ບັນ ນະ ກວາຍ  
(ມາຣະໂກ 6:30-44; ລູກາ 9:10-17;  
ໂຢຣັນ 6:1-14)

13 ພໍກາ ເຢຊູ ຊ້ອງ ແຕ ຣານະ ກ້ອຍ, ອັນ ລ້ອຣ ແຕ ອິນຕຸ ອັນ ແອັດ. ຊ້ອຣ ຕຶ່ງ ຕົວະ ເປາະ ປີ ອິນຕຸ ຕາ ເບີນ ເມົາ ແອັດ, ຍິ່ອ ອີ ແອັດ ມານະ ຊ້ອງ. ມາ ພໍກາ ກວາຍ ກຶ່ງ ຊ້ອງ ເມົາ ປາຍ ອັນ ເປາະ; ນະກ້ອຍ ໄລ່ ລ້ອຣ ແຕ ເມືອງ ໄລ່, ເປາະ ຣາ ມາ ອາເຢີງ ຕາປູ່ນ ເຢຊູ. 14 ພໍກາ ເຢຊູ ແຊງ ແຕ

ຕົວະ, ອັນ ເຮີມ ກວາຍ ກຶ້ງ ກ້ອຍ. ເຈີ່ ຮາງຶ່ຮ ອັນ ຊ້ອງ ອາໂຢະ ຕະ ມັຮ ກວາຍ ກ້ອຍ. ກະ ອັນ ປົວ ມັຮ ກວາຍ ອາອີ້ ແຮີ.

15 ແຈ່ະ ມານາງ ອີ ຕາບີ້, ມູ່ ກາ ຮຍານ ແຕ ເຢຊູ ແຕ້ອ໌ ປີ້ ອັນ, ປາຍ: "ອິນຕຸ ໄນ່ ເຢັ່ງ ແຕ ກວາຍ ແອິດ, ກະ ມັດ ມານາງ ແຈ່ະ ອີ ຊາເດົາ ເຈີ່. ແຊອ໌ ອາຈານ ອາຕີ ມັຮ ກວາຍ ກຶ້ງ ໄນ່ ເຈົາ ແຕ ໄນ່ ມູ່ດ ຕຶ້ງ ເມືອງ ອິມແປຣ໌ ໄນ່ ໂອນ ໄລ່ ແຈັງ ເບີມ ເກຣັງ ຊັຮມາ ຈາ."

16 ເຢຊູ ຕາແອິຍ ໄລ່ ປາຍ: "ຕາ ເບີນ ຕຸ່ຣ ອີງ ເຄາະ ໄລ່ ເຈົາ ແຕ ໄນ່. ເຍົາ ແຕ້ ໂອນ ໄລ່ ກ້ອຍ ເບີ ເກຣັງ ຊັຮມາ ຈາ."

17 ມາ ໄລ່ ອາຕີ ເຢຊູ ປາຍ: "ຮີ ຕາ ເບີນ ອິນ ເຕົ້າ ອີ ໂອນ ໄລ່. ເບີນ ບີອ໌ ເຊີງ ລໍາ ໂດຍ ບຸຣ ກະ ບາຣ ລໍາ ອາກາ ຊ້ອງ."

18 ເຢຊູ ແປຣີ ໄລ່ ປາຍ: "ເດີງ ໂດຍ ບຸຣ ກະ ອາກາ ກ້ອຍ ແຕ້ອ໌ ປີ້ ເກົາ."

19 ເຢຊູ ແປຣີ ມັຮ ກວາຍ ກຶ້ງ ກ້ອຍ ຕາກູ ຕຶ້ງ ກູແຕອ໌. ເຈີ່ ອັນ ອິດ ເຊີງ ລໍາ ໂດຍ ບຸຣ ກະ ບາຣ ລໍາ ອາກາ ກ້ອຍ. ອັນ ຕາເງິອ໌ ອາຊ້ອຣ໌ ປີ້ ມັນລ້ອງ ກະ ຊາແອິນ ເຢັາງ ເຈົາຮາຊີ ເບີນ ເກຣັງ ຊັຮມາ ຈາ ໄນ່. ແວັດ ກ້ອຍ ອັນ ປີຣ໌ ໂດຍ ບຸຣ ກ້ອຍ. ເຈີ່ ອັນ ມ່ອບ ໂອນ ມູ່ ກາ ຮຍານ ແຕ ອັນ, ໂອນ ໄລ່ ກ້ອຍ ອິມແປຣ໌ ໂອນ ມັຮ ກວາຍ ກຶ້ງ ກ້ອຍ ຈາ.

20 ອິນແຍ່ະ ມັຮ ກວາຍ ຈາ ປາໄຊ ກູ່ ນະ. ແວັດ ໄລ່ ຈາ, ມູ່ ກາ ຮຍານ ແຕ ເຢຊູ ປາໂຣມ ລັຮ ມັຮ ອີງກັຮ ເບີນ ມັນຈິດ ລາ ບາຣ ກາຣຍ. 21 ອິນແຍ່ ະ ມັຮ ກວາຍ ກາ ຈາ ກ້ອຍ ເບີນ ມາຣ ເຊີງ ປັນ ນະ ແອັງ ກວາຍ ຊາຊາຍ ຮາເລົາ ຊ້ອງ, ຕາ ເບີນ ນັບ ກວາຍ ມັນແຊມ ກະ ກັຮແນນ.

ເຢຊູ ຕາຍັຣ ຕຶ້ງ ກຣັອງ ແດັອ໌ ທາເລ ຮາປັງ (ມາຣະໂກ 6:45-52; ໂຢຮັນ 6:16-21)

22 ແວັດ ກ້ອຍ ເຢຊູ ໂອນ ມູ່ ກາ ຮຍານ ແຕ ອັນ ຊ້ອຣ໌ ຕຶ້ງ ຕົວະ ກະ ເປາະ ອິນໂຍ່ງ ປີ້ ປີຣ໌ ອິນ ຕັຣ ກ້ອຍ. ເຈີ່ ອັນ ອາຕີ ໂອນ ມັຮ ກວາຍ ກຶ້ງ ກ້ອຍ ເຈົາ ປີ້ ດຸງ ໄລ່. 23 ແວັດ ກວາຍ ກຶ້ງ ກ້ອຍ ເຈົາ, ເຢຊູ ຊ້ອຣ໌ ເກົາແຊອ໌ ຕຶ້ງ ກັຮ ມານະ ອັນ. ພໍ ກາ ຊາເດົາ, ເຢຊູ ອິນນ້ອງ ແອິດ ຕຶ້ງ ກັຮ ມານະ ອັນ. 24 ມາ ມູ່ ກາ ຮຍານ ແຕ ເຢຊູ, ໄລ່ ແອິດ ຕຶ້ງ ຕົວະ ອິນດີ ແດັອ໌ ທາເລ ຮາປັງ. ເບີນ ແດັອ໌ ປ່ອງ ກຸ່ຣ ຕົວະ ໄລ່ ຮັບ ລາລີ້, ຍ່ອນ ກູຢາລ ແອິດ ແປ້ ເລືອຍໆ ຕົວະ ໄລ່.

25 ອິນນ້ອງ ຊາເດົາ ແຈ່ະ ອີ ປັງ ເຢຊູ ແຕ້ອ໌ ປີ້ ໄລ່. ອັນ ຕາຍັຣ ແປັງ ກຣັອງ ແດັອ໌ ທາເລ ຮາ ປັງ. 26 ພໍກາ ມູ່ ກາ ຮຍານ ແຕ ເຢຊູ ເຮີມ ອັນ ຕາ ຍັຣ ແປັງ ກຣັອງ ແດັອ໌ ກ້ອຍ, ໄລ່ ຊ້ອງ ອີງກ້ອຣ໌ ລາລີ້, ກະ ໄລ່ ປາຍ: "ກູ່ມູຍ໌ ລີ່ດ ເອີຍ໌ ອາໄນ່!" ນະກ້ອຍ ໄລ່ ແຣຣ ເຣ່ງ ລາລີ້ ຍ່ອນ ໄລ່ ຊ້ອງ ອີງ ກ້ອຣ໌.

27 ມາ ເຢຊູ ອາຕີ ແຕ້ ໄລ່ ປາຍ: "ໂອນ ຮາງຶ່ຮ ເຍົາ ແອິດ ອຽນ ອໍ. ໄນ່ ລາ ຈະ ເກົາ. ເຍົາ ອິນໂຈຍ ອີງກ້ອຣ໌ ອິນເຕົ້າ."

28 ເຈີ່ ເປໂຕ ປາຍ: "ອິນເຈົາ ເອີຍ! ຄັນ ແມ່ນ ອິນເຈົາ, ເກົາ ແຊອ໌ ອິນເຈົາ ໂອນ ເກົາ ຕາຍັຣ ແປັງ ກຣັອງ ແດັອ໌ ແຕ້ອ໌ ປີ້ ອິນເຈົາ ເຕ່."

29 ເຢຊູ ຕາແອິຍ ອັນ ປາຍ: "ແຕ້ອ໌ ປີ້ ໄນ່!"

ເຈີ່ ເປໂຕ ແຊງ ແຕ ຕົວະ. ອັນ ຕາຍັຣ ແປັງ ກຣັອງ ແດັອ໌ ແຕ້ອ໌ ປີ້ ເຢຊູ.

30 ມາ ພໍກາ ເປໂຕ ຊ້ອງ ກູຢາລ ແປ້ ຕຶ້ງ ຈະ ອັນ, ອັນ ຊ້ອງ ອີງກ້ອຣ໌ ລາລີ້. ນະກ້ອຍ ອັນ ຊັຮລຸ ອາ ແຊງ ຕຶ້ງ ແດັອ໌, ເຈີ່ ອັນ ແຣຣ ເຣ່ງ ລາລີ້ ປາຍ: "ອິນເຈົາ ເອີຍ! ຈ່ອຍ ເກົາ ແຮີ!"

31 ບັອງ ກ້ອຍ ແຕ້ ເຢຊູ ຕາແວີ ອາຕີ ຊັນຕັບ ອາແຮີ ເປໂຕ ແຕ ແດັອ໌. ກະ ເຢຊູ ອາຕີ ອັນ ປາຍ: "ໄນ່ ຊາອໍ ບີອ໌ ລາລີ້! ມານະ ແຕ ໄນ່ ອິນນ້ອງ ກູ ຄິດ?"

32 ເຈີ່ ເຢຊູ ກະ ເປໂຕ ຊ້ອຣ໌ ຕຶ້ງ ຕົວະ, ກະ ກູ ຢາລ ກ້ອຍ ຕາ ເບີນ ແປ້ ນ້ອງ. 33 ນະກ້ອຍ ອິນ ແຍ່ະ ມູ່ ກາ ຮຍານ ແຕ ເຢຊູ ແອິດ ຕຶ້ງ ຕົວະ ກ້ອຍ, ໄລ່ ກ້ອຍ ກູກຸຣ ຊາງ ເຢຊູ. ໄລ່ ປາຍ: "ໂກຣ ລາລີ້ ອິນເຈົາ ລາ ກອນ ເຢັາງ ເຈົາຮາຊີ!"

ເຢຊູ ຈ່ອຍ ກວາ ຍ ອາ ອີ້ ຕຶ້ງ ກຣ ວາງ ເຄັນເນຊາເຣັດ (ມາຣະໂກ 6:53-56)

34 ໄລ່ ເປາະ ຍັຣ ອິນຕັຣ ແດັອ໌ ທາເລ ຮາປັງ ແຕ້ອ໌ ປີ້ ກຣວາງ ເຄັນເນຊາເຣັດ. 35 ກວາຍ ແອິດ ຕຶ້ງ ກຣວາງ ກ້ອຍ ຊາກັລ ເຢຊູ. ນະກ້ອຍ ໄລ່ ອາ ຕີ ໂອນ ເມົາ ເດີງ ມັຮ ກວາຍ ກາ ເບີນ ອາອີ້ ແອິດ ຕຶ້ງ ກຣວາງ ກ້ອຍ ແຕ້ອ໌ ປີ້ ເຢຊູ. 36 ກະ ໄລ່ ກ້ອຍ ແຊອ໌ ແຕ ເຢຊູ ໂອນ ມັຮ ກວາຍ ອາອີ້ ເຕອ໌ ຊາປະ ຕຶ້ງ ເປີບ ອາຍັອຣ໌ ຕີ ເຢຊູ. ກວາຍ ອາແລະ ກາ ເບີ ນ ຊາປະ, ຈະ ກວາຍ ກ້ອຍ ແກິດ ແບຣັຣ.

# 15

ເຢຊູ ອາດີ ແຕ ຮິດ ອາຈວາຍຮ ອາເຈ່ຮ  
(ມາຣະໂກ 7:1-13)

1 ອິນຕຸ່ນ ກ້ອຍ ເບິນ ມັຮ ກວາຍ ແຕ ຈຸ່ມ ພາຣີ ຊາຍ ກະ ແຕ ມູ່ ກວາຍ ອາດີ ຄານອດ ແຕ ເມືອງ ເຢຣູຊາເລັມ ແຕ້ອ້ ປີ ເຢຊູ. ໄລ່ ກ້ອຍ ຕາແບັບ ເຢຊູ ປາຍ: 2 "ນານະ ມູ່ ກາ ຣຍານ ແຕ ອາຈານ ຕາ ເບິນ ຕາປຸ່ນ ຮິດ ອາຈວາຍຮ ອາເຈ່ຮ ໄຮ? ນານະ ອິນໂຍ່ງ ໄລ່ ອີ ຈາ ມາ ໄລ່ ຕາ ເບິນ ກູໂຊຍ໌ ອາດີ ຕາປຸ່ນ ຮິດ ກ້ອຍ?"

3 ເຢຊູ ຕາແອັຍ ໄລ່ ປາຍ: "ນານະ ເຍົາ ຕັຮ ປັຮນາຍ ປາຕັບ ແຕ ເຢົາງ ເຈົາຣາຊີ, ມາ ເຍົາ ຕາປຸ່ນ ຮິດ ເຍົາ ເບິມ ແອັນ? 4 ເຢົາງ ເຈົາຣາຊີ ປາຕັບ ປາຍ:

'ອິງເຄາະ ເຍົາ ຢ້າມັບ ອິມເປ່ອ້ ອິມປໍ່ ເຍົາ,'  
ກະ 'ກວາຍ ອາແລ່ະ ມາ ພາມາດ ອິມເປ່ອ້ ອິມປໍ່,  
ກວາຍ ກ້ອຍ ອິງເຄາະ ຈິວ ກູຈິດ.'

5 ມາ ເຍົາ ອາດີ ປາຍ: 'ຄັນ ກວາຍ ອາແລ່ະ ມາ ເບິນ ທາຣິ່ງ ກາ ອັນ ຕ່ອ້ ຈ່ອຍ ອິມເປ່ອ້ ອິມປໍ່ ອັນ, ມາ ອັນ ປາຍ ທາຣິ່ງ ກ້ອຍ ອັນ ເອັອ້ ອີ ຊາງ ໂອນ ເຢົາງ ເຈົາຣາຊີ ເຈີ, 6 ນະກ້ອຍ ອັນ ຕາ ເບິນ ຕຸ່ຮ ຈ່ອຍ ນ້ອງ ອິມເປ່ອ້ ອິມປໍ່ ອັນ.' ມາ ຕະ ນະກ້ອຍ ລາ ກວາຍ ກ້ອຍ ຕາ ເບິນ ຢ້າມັບ ອິມເປ່ອ້ ອິມປໍ່ ອັນ. ມູເຈິງ ກ້ອຍ ຕ່ ເຍົາ ອິດ ຮິດ ອາຈວາຍຮ ອາເຈ່ຮ ເຍົາ ເບິມ ຕ່ນ ປັຮນາຍ ເຢົາງ ເຈົາຣາຊີ.

7 ເຍົາ ລາ ກວາຍ ມາມ ອໍ ມາ ຣາງິຮ ໂກ່ະ! ປຍາຍ໌ ມັຮ ປັຮນາຍ ເອຊາຢາ ປາຍ ແຕ ເຍົາ:

8 'ມັຮ ກວາຍ ໄນ່ ຢ້າມັບ ເກົາ ແອັງ ແບອ໌ ຊ້ອງ,  
ມາ ຣາງິຮ ໄລ່ ແອັດ ເຢັງ ແຕ ເກົາ.

9 ກະ ໄລ່ ຊາງ ເລືອຍໆ ເກົາ ມາ ຕາ ເບິນ ແກັດ ເກົາ ອິນເຕົາ,  
ຍ່ອນ ໄລ່ ອາດີ ປັຮນາຍ ກວາຍ, ມາ ຢັອ້ ອີ  
ໂອນ ເມົາ ການຸ່ອ້ ຄິດ ປາຍ ປັຮນາຍ ແຕ  
ເຢົາງ ເຈົາຣາຊີ."

ອິນເຕົາ ກາ ຕະ ໂອນ ກວາຍ ແກັດ ຕາ ອໍ?  
(ມາຣະໂກ 7:14-23)

10 ແວັດ ກ້ອຍ ເຢຊູ ກູອ໌ ກວາຍ ກຸັງ ແຕ້ອ້ ປີ ອັນ. ອັນ ອາດີ ໄລ່ ປາຍ: "ເຍົາ ຊາງັດ ໂອນ ກຣັກ!

11 ອິນແຍ່ະ ມັຮ ທາຣິ່ງ ຊັຮນາ ກາ ກວາຍ ຈາ ອາ ມູ່ດ ແຕ ແບອ໌ ຕາ ເບິນ ຕະ ໂອນ ແກັດ ຕາ ອໍ. ມາ ກູຄິດ ຕິ່ງ ຣາງິຮ ເບິມ, ກາ ແບອ໌ ປາຍ ອາລ້ອຮ, ຣານະ ກ້ອຍ ໂອນ ກວາຍ ແກັດ ຕາ ເບິນ ອໍ."

12 ແວັດ ກ້ອຍ ມູ່ ກາ ຣຍານ ແຕ ເຢຊູ ແຕ້ອ້ ຕາ ແບັບ ອັນ ປາຍ: "ອາຈານ ດັງ ມາ ຕາ ເບິນ, ຈຸ່ມ ພາຣີຊາຍ ຊ້ອງ ອວານ ກະ ອາຈານ, ຍ່ອນ ແຕ ມັຮ ປັຮນາຍ ອາຈານ ອາດີ ແຕ ອິນໂຍ່ງ ກ້ອຍ?"

13 ເຢຊູ ຕາແອັຍ ໄລ່ ແຕ ປັຮນາຍ ຊາກຳ ປາຍ:  
"ຄັນ ກໍ່ລ ອາລ່ອງ ອາແລ່ະ ມາ ອິມປໍ່ ເກົາ ຕິ່ງ ມັນ ລ່ອງ ຕາ ເບິນ ຈັຮ, ປັຮແນີ ມັນເຕຣີ ອັນ ເຮັອ້ ຕັຮ ກໍ່ລ ອາລ່ອງ ກ້ອຍ. 14 ນະກ້ອຍ ເຍົາ ອິນ ໂຈຍ ຣາບູລ ກະ ໄລ່. ໄລ່ ລາ ນະ ກວາຍ ຊູດ ມັດ ກາ ຢັອ້ ອີ ເຕີ ກວາຍ ຊູດ ມັດ ການໍ້ອ້. ເຈີ ໄລ່ ຊາ ປໍ່ລ ມັນຕຸ ຕິ່ງ ປຣຸ່ງ."

15 ແວັດ ກ້ອຍ ເປໂຕ ແຊອ໌ ແຕ ເຢຊູ ປາຍ:  
"ແຊອ໌ ອາຈານ ອາດີ ໂອນ ແຈງ ແຕ ປັຮນາຍ ຊາ ກຳ ກ້ອຍ."

16 ເຢຊູ ຕາແບັບ ໄລ່ ປາຍ: "ເຍົາ ຕາ ເບິນ ຊາ ປຸ່ຮ ມູເຈິງ ກວາຍ ການໍ້ອ້ ຕ່ ບໍ? 17 ນານະ ເຍົາ ອິນນ້ອງ ຕາ ຢວາຣ ຊາປຸ່ຮ ຊາ? ທາຣິ່ງ ຊັຮນາ ຈາ ກາ ມູ່ດ ແຕ ແບອ໌, ລິນ ປີ ປຸ່ງ, ເຈີ ລ້ອຮ ຣາ ນາ ແປຣີ. 18 ມາ ປັຮນາຍ ອິນເຕົາ ກາ ລ້ອຮ ແຕ ແບອ໌, ອິນແຍ່ະ ປັຮນາຍ ກ້ອຍ ລ້ອຮ ແຕ ຣາງິຮ. ຣາມິຮ ກ້ອຍ ຕະ ໂອນ ກວາຍ ແກັດ ຕາ ເບິນ ອໍ. 19 ມັຮ ຣາມິຮ ຕາ ອໍ ກາ ລ້ອຮ ແຕ ຣາງິຮ ກວາຍ ລາ ນະໄນ່: ກູຄິດ ຕາມມັຮ, ກາຈິດ ກວາຍ, ປັຮ ລິຍ ລາກວຍ ແຕີລາ ກາຢາອ໌ ເມົາ, ຕາ ເບິນ ລາ ກວຍ ກາຢາອ໌ ມາ ບິ ມັນຕຸ, ຕູຕວຍ໌, ບູບວກ, ກະ ພາມາດ. 20 ອິນແຍ່ະ ຣາມິຮ ໄນ່ ຕະ ໂອນ ກວາຍ ແກັດ ໂລ່ຍຮ. ມາ ຄັນ ເມົາ ຈາ ຊັຮນາ ມາ ຕາ ຢວາຣ ອາເຣົາວ ອາດີ, ຣານະ ກ້ອຍ ລາ ຕາ ເບິນ ແກັດ ໂລ່ຍຮ ອິນເຕົາ."

ມານະ ມັນແຊມ ແຕ ກຣວາງ ການາອານ ຊາ ອຳ ກຣັກ ລາລີ  
(ມາຣະໂກ 7:24-30)

21 ແວັດ ກ້ອຍ ເຢຊູ ລ້ອຮ ແຕ ອິນຕຸ ກ້ອຍ, ມູ່ດ ຕິ່ງ ກຣວາງ ອິມແປຣ ເມືອງ ຕິເຣ ກະ ເມືອງ ຊີໂດນ. 22 ເບິນ ມັນແຊມ ແຕ ຈຸ່ມ ການາອານ\* ແອັດ ຕິ່ງ ກຣວາງ ກ້ອຍ ແຕ້ອ້ ປີ ເຢຊູ; ກະ ປາຍ ເຮ່ງ ນະໄນ່: "ອິນເຈົາ ເອີຍ! ອິນເຈົາ ກາ ແຕ ຈຸ່ມ ເຈືອ ເຕົາວ ປັຮເຍົາ ດາວິດ! ແຊອ໌ ອິນເຈົາ ອາໂຢ່ະ ຕະ ເກົາ ແຮີ. ກອນ ມັນແຊມ ເກົາ ເບິນ ອາອິ້ ຮັບ ລາລີ, ເບິນ ເຢົາງ ຕາ ອໍ ຕຣວບ ເລືອຍໆ ອັນ."

23 ມາ ເຢຊູ ຕາ ເບິນ ຕາແອັຍ ອັນ ອິນເຕົາ. ມູ່ ກາ ຣຍານ ແຕ ເຢຊູ ແຕ້ອ້ ປີ ອັນ ປາຍ: "ແຊອ໌

\* 15:22 15:22 ຈຸ່ມ ການາອານ ລາ ຕາ ແກ້ນ ກວາຍ ອິດຊະຣາເອລ.

ອາຈານ ແປຣີ ໂອນ ມັນແຊມ ໄນ ເຈົ້າ, ຍ່ອນ ອັນ ປວາຍ ເລື້ອຍໆ ໄຮ, ຮາແຊຣ໌ ທໍ່ ແຕ ໄຮ."

24 ເຢຊູ ຕາແອີຍ ປາຍ: "ເຢິງ ເຈົ້າຮາຊີ ແປຣີ ເກົ້າ ແຕ້ອ໌ ແອິງ ປີ ຈຸ່ມ ອິດຊະຮາເອລ ຊ້ອງ. ໄລ່ ກ້ອຍ ລາ ນະ ແກະ ແກ້ ຮາມາ."

25 ແວັດ ເຢຊູ ປາຍ ນະກ້ອຍ, ມັນແຊມ ກ້ອຍ ກຸ່ ຮາໂກລ ຍິ່ຮ ເມິງ ເຢຊູ, ປາຍ: "ກູກູຮ ອິນເຈົ້າ ເກົ້າ ເອີຍ! ແຊຣ໌ ອິນເຈົ້າ ຈ່ອຍ ເກົ້າ ເຮີ!"

26 ມາ ເຢຊູ ຕາແອີຍ ປາຍ: "ຕາ ປຍາຍ໌ ອິດ ທາຮິ່ງ ຊັຮນາ ກັຮແນນ ຈາ; ເຈີ່ ແກງ ຕັຮ ໂອນ ອາ ຈໍ ຈາ."

27 ມັນແຊມ ກ້ອຍ ຕາແອີຍ ເຢຊູ ປາຍ: "ປ ຍາຍ໌ ອິນເຈົ້າ ປາຍ. ມາ ເຕ້ອ໌ ອາຈໍ ຈາ ຮາແບະ ຮາ ບິລ ກາ ຊາແລ້ຮ ຕິ່ງ ປິນ ອິນຕຸ ອິນເຈົ້າ ຈາ."

28 ນະກ້ອຍ ເຢຊູ ຕາແອີຍ ມັນແຊມ ກ້ອຍ: "ໄນ່ ລາ ມັນແຊມ ກາ ຊາອໍ ກັຮກ ລາລີ່. ຮາມິ່ຮ ໄນ່ ແຊຣ໌, ເກົ້າ ໂອນ ໄນ່ ເປີນ ຮາມິ່ຮ ກ້ອຍ." ບ້ອງ ກາ ເຢຊູ ປາຍ ນະກ້ອຍ, ກອນ ມັນແຊມ ກ້ອຍ ແບ ຣັຮ ແຕ້.

ເຢຊູ ປົວ ກິ່ງ ກວາຍ ອາອິ່

29 ເຢຊູ ລ້ອຮ ແຕ ອິນຕຸ ກ້ອຍ, ເປາະ ແຈ່ະ ທາ ເລ ຮາປັ່ງ ຄາລີເລ ແອັມ. ເຈີ່ ອັນ ຊ້ອຮ ຕາກູ ຕິ່ງ ກັຮ. 30 ກິ່ງ ກວາຍ ແຕ້ອ໌ ປີ ອັນ. ໄລ່ ກ້ອຍ ເດິງ ປີ ເຢຊູ ກວາຍ ເປີນ ຊາອິ່ຍ ຮາມິ່ຮ ອາອິ່ ນະໄນ່: ກວາຍ ໂຢດ, ກວາຍ ຊູດ ມັດ, ກວາຍ ລ່ອຍ, ກວາ ຍ ເກີອ໌, ກະ ກິ່ງ ກວາຍ ກາ ເປີນ ຮາມິ່ຮ ອາອິ່ ກາ ນໍ່ອ໌ ເຮີ. ໄລ່ ດິອ໌ ມັຮ ກວາຍ ອາອິ່ ກ້ອຍ ແຈ່ະ ອາ ເຢິງ ເຢຊູ. ເຈີ່ ເຢຊູ ປົວ ອິນແຍ່ະ ມັຮ ກວາຍ ອາ ອິ່ ກ້ອຍ. 31 ກວາຍ ກິ່ງ ກ້ອຍ ຊ້ອງ ຈຶ່ງດ ລາລີ່ ພໍ ກາ ໄລ່ ເຮີມ ກວາຍ ເກີອ໌ ມາ ເຕ້ອ໌ ຕະ ອິນຕີ ລັຮ, ກວາຍ ລ່ອຍ ມາ ແກັດ ອໍ ລັຮ, ກວາຍ ໂຢດ ມາ ເຕ້ອ໌ ປູເປາະ ລັຮ, ກວາຍ ຊູດ ມັດ ມາ ແກັດ ປັງ ລັຮ. ໄລ່ ຍ່ອງ ລາລີ່ ເຢິງ ເຈົ້າຮາຊີ, ກາ ຈຸ່ມ ອິດ ຊະຮາເອລ ຊາງ.

ເຢຊູ ຊານາ ປູນ ປັນ ນະ ກວາຍ (ມາຣະໂກ 8:1-10)

32 ເຢຊູ ກູອ໌ ມູ່ ກາ ຮຍານ ແຕ ອັນ ແຕ້ອ໌ ປີ ອັນ. ອັນ ປາຍ: "ເກົ້າ ຊ້ອງ ອາໂຢະ ຕະ ລາລີ່ ມັຮ ກວາຍ ກິ່ງ ໄນ່, ຍ່ອນ ໄລ່ ແອັດ ກະ ເກົ້າ ອິນແຍ່ະ ໄປ ຕາໄງ ເຈີ່, ກະ ໄລ່ ແອີ ທາຮິ່ງ ຊັຮນາ ຈາ. ເກົ້າ ຕາ ຍິອ໌ ອີ ໂອນ ໄລ່ ເຈົ້າ ບ້ອງ ໄລ່ ມາເຍົາຮ, ອິງ ກ້ອຮ ໄລ່ ອຽວ ຕິ່ງ ຮາມາ."

33 ມູ່ ກາ ຮຍານ ແຕ ເຢຊູ ຕາແບັບ ລັຮ ອັນ ປາຍ: "ນານະ ໄຮ ອີ ຕະ ໂອນ ເປີນ ທາຮິ່ງ ຊັຮນາ ຈາ ຊານາ ກວາຍ ກິ່ງ ໄນ່, ຍ່ອນ ອິນຕຸ ໄນ່ ເຢິງ ແຕ ອິນຕຸ ກວາຍ ແອັດ?"

34 ເຢຊູ ຕາແບັບ ລັຮ ໄລ່ ປາຍ: "ເຍົາ ເປີນ ໂດຍ ບຸຮ ອິນຊີ ລໍາ?"

ໄລ່ ຕາແອີຍ ປາຍ: "ອີ ເປີນ ຕາປູລ ລໍາ ໂດຍ ບຸຮ ກະ ບາຮ ໄປ ລໍາ ອາກາ ຊ້ອງ."

35 ເຢຊູ ແປຣີ ກິ່ງ ກວາຍ ກ້ອຍ ຕາກູ ຕິ່ງ ກູ ແຕອ໌. 36 ເຈີ່ ອັນ ອິດ ຕາປູລ ລໍາ ໂດຍ ບຸຮ ກະ ບາຮ ໄປ ລໍາ ອາກາ ກ້ອຍ. ອັນ ຊາແອັມ ເຢິງ ເຈົ້າຮາຊີ ເປີນ ທາຮິ່ງ ຈາ ໄນ່. ແວັດ ກ້ອຍ ອັນ ປີຮ ໂດຍ ບຸຮ ກະ ອາກາ ອາແວີຍ ໂອນ ມູ່ ກາ ຮຍານ ແຕ ອັນ; ເຈີ່ ໄລ່ ອິມແປອ໌ ໂອນ ມັຮ ກວາຍ ກິ່ງ ກ້ອຍ ຈາ. 37 ອິນແຍ່ະ ມັຮ ກວາຍ ກ້ອຍ ຈາ ປາ ໄຊ ອິນແຍ່ະ. ກະ ໄລ່ ປາໂຣມ ລັຮ ມັຮ ອິງກັຮ ກາ ແກ້ຍ ແຕ ໄລ່ ຈາ ປັນ ລັຮ ຕາປູລ ກາເຣຍ. 38 ອິນ ແຍ່ະ ມັຮ ກວາຍ ກາ ຈາ ກ້ອຍ ເປີນ ປູນ ປັນ ນະ ແອິງ ກວາຍ ຊາຊາຍ ຮາເລົາ ຊ້ອງ, ຕາ ເປີນ ນັບ ກວາຍ ມັນແຊມ ກະ ກັຮແນນ. 39 ແວັດ ກ້ອຍ ເຢຊູ ແປຣີ ມັຮ ກວາຍ ກິ່ງ ກ້ອຍ ເຈົ້າ. ເຈີ່ ອັນ ຊ້ອຮ ຕິ່ງ ຕົວະ ເປາະ ປີ ປີຮ ກຮວາງ ມາຄາດານ ແອັມ.

### 16

ເມົ້າ ແຊຣ໌ ໂອນ ເຢຊູ ຕະ ຮານະ ຕາ ເກີ່ຍ ເຮີມ (ມາຣະໂກ 8:11-13; ລູກາ 12:54-56)

1 ເປີນ ມັຮ ກວາຍ ແຕ ຈຸ່ມ ພາຣີຊາຍ ກະ ແຕ ຈຸ່ມ ຊາດູກາຍ ແຕ້ອ໌ ປີ ເຢຊູ. ໄລ່ ຍິອ໌ ອີ ລ່ອງ ອັນ. ນະກ້ອຍ ໄລ່ ແຊຣ໌ ແຕ ເຢຊູ ໂອນ ອັນ ຕະ ຮານະ ອາປີຮ ໂອນ ໄລ່ ດັງ ອໍານາດ ອັນ ແຕ້ອ໌ ແຕ ເຢິງ ເຈົ້າຮາຊີ. 2 ມາ ເຢຊູ ຕາແອີຍ ໄລ່ ປາຍ: "ບ້ອງ ກາ ມັດ ມານາງ ແຈ່ະ ອີ ປັດ, ຄັນ ເທຣິງ ກູເຊົາ, ເຍົາ ປາຍ: 'ປັຣແນີ ພວາອ໌.' 3 ມາ ແຕ້ອ໌ ຕາຮີບ ມັນລ້ອງ ຕາແບັ ປັງ ຍາຍິ່ມ, ຄັນ ເຍົາ ເຮີມ ເທຣິງ ກູເຊົາ ຊາ ກະ ມັນລ້ອງ ການໍາ ອິນຕ້ອງ, ເຍົາ ປາຍ: 'ຕາໄງ ໄນ່ ເມົ້າ ຈັນ.' ນະກ້ອຍ ເຍົາ ຊາກັລ ຮາມິ່ລ ກ້ອຍ ເມົ້າ ມາ ພວາອ໌, ມາ ເຍົາ ຕາ ເປີນ ດັງ ອິນເຕົ້າ ແຕ ຮານະ ກາ ເຢິງ ເຈົ້າຮາຊີ ໂອນ ເຍົາ ດັງ ຕິ່ງ ແດີຍ ໄນ່. 4 ກວາຍ ຕິ່ງ ແດີຍ ໄນ່, ໄລ່ ຕາ ອໍ ລາລີ່, ກະ ໄລ່ ຕາ ຍິອ໌ ອີ ຊາງ ນ້ອງ ເຢິງ ເຈົ້າຮາ ຊີ. ເຍົາ ແຊຣ໌ ແຕ ເກົ້າ ມູ ຮານະ ຕາ ເກີ່ຍ ເຮີມ, ມາ ເກົ້າ ຕາ ເປີນ ຕະ ໂອນ ເຍົາ. ເຍົາ ເປີນ ເຈີ່ ຮາ

ນະ ຕາ ເກີ້ຍ ເຮີມ ແຕ ໂຢນາ, ລາ ກວາຍ ອາຕີ ຕາງ ປັຣນາຍ ເຢີງ ເຈົ້າຣາຊີ ແຕ ອິມແບີ."\*

ເຈີ່ ເຢຊູ ລັ່ອຣ ແຕ ໄລ່ ກ້ອຍ, ເປາະ ປິ ອິນຕຸ ການໍ່ອ ແອັນ.

ເຢຊູ ອາຕີ ແຕ ຣານະ ຈຸ່ມ ພາຣີຊາຍ ກະ ຈຸ່ມ ຊາດູກາຍ ຕະ

(ມາຣະໂກ 8:14-21)

5 ພໍກາ ມູ່ ກາ ຣຍານ ແຕ ເຢຊູ ເປາະ ຢັ່ອ ອິນ ຕັ່ຣ ແຕີ້ອ ຫາເລ ຣາປັ່ງ, ໄລ່ ຊາລິຣ ເດີງ ໂດຍ ບຸຣ. 6 ເຈີ່ ເຢຊູ ອາຕີ ໄລ່ ກ້ອຍ ປາຍ: "ເຍີ້ ແມ່ ອໍ! ໂອນ ເຍີ້ ລາວັງ ບວຣ ຊີ້ອ ແຕ ຈຸ່ມ ພາຣີຊາຍ ກະ ຈຸ່ມ ຊາດູກາຍ."

7 ໄລ່ ກ້ອຍ ຊັຣຮົງ ລັ່ຣ ປັຣນາຍ ເຢຊູ ປາຍ, ກະ ມານະ ອາຕີ ມານະ ປາຍ: "ເຮີມ ອັນ ປາຍ ມະກ້ອຍ, ຍ່ອນ ໄຣ ຕາ ເບີນ ເດີງ ໂດຍ ບຸຣ."

8 ພໍກາ ເຢຊູ ຊ້ອງ ໄລ່ ປາຍ ມະກ້ອຍ, ອັນ ອາຕີ ແອັນ ໂຈະ ໄລ່ ປາຍ: "ງິ່ດ ລາລີ່, ເຍີ້ ຊາອໍ ບີ້ອ! ມານະ ແຕ ເຍີ້ ຊັຣຮົງ ປາຍ ຍ່ອນ ເຍີ້ ແອີ ໂດຍ ບຸຣ ຈາ? 9 ເຍີ້ ຕາ ຢວາຣ ຊາປຸຣ ບໍ? ເຍີ້ ຊາ ແຍີ ມາ ຕາ ເບີນ ແຕ ເຊີງ ລໍາ ໂດຍ ບຸຣ ເກົາ ຊານາ ໂອນ ເຊີງ ປັນ ມະ ກວາຍ ຈາ? ບ້ອງ ກາ ກ້ອຍ ເຍີ້ ປາໂຣມ ລັ່ຣ ເບີນ ອິນຊີ ກາເຣຍ ແກຼຍ ແຕ ກວາ ຍ ຈາ ກ້ອຍ? 10 ກະ ເຍີ້ ຊາແຍີ ມາ ຕາ ເບີນ ແຕ ຕາປູລ ລໍາ ໂດຍ ບຸຣ ເກົາ ຊານາ ໂອນ ປູນ ປັນ ມະ ກວາຍ ຈາ? ບ້ອງ ກາ ກ້ອຍ ເຍີ້ ປາໂຣມ ລັ່ຣ ເບີນ ອິນຊີ ກາເຣຍ ແກຼຍ ແຕ ກວາຍ ຈາ ກ້ອຍ? 11 ພໍ ກາ ເກົາ ອາຕີ ເຍີ້ ແຕ ບວຣ ຊີ້ອ ຄອງ ຈຸ່ມ ພາຣີ ຊາຍ ກະ ຈຸ່ມ ຊາດູກາຍ, ມານະ ເຍີ້ ຕາ ເບີນ ດັງ ປັຣນາຍ ກ້ອຍ ລາ ປັຣນາຍ ຊາກໍາ ຊ້ອງ?"

12 ແວັດ ເຢຊູ ປາຍ ມະກ້ອຍ, ມູ່ ກາ ຣຍານ ແຕ ອັນ ຊາປຸຣ ເຢຊູ ຕາ ເບີນ ອາຕີ ແຕ ບວຣ ຊີ້ອ. ມາ ອັນ ອາຕີ ແຕ ປັຣນາຍ ຈຸ່ມ ພາຣີຊາຍ ກະ ຈຸ່ມ ຊາດູກາຍ.

ເປໂຕ ງິ່ນ ປາຍ ເຢຊູ ລາ ກຣີດ  
(ມາຣະໂກ 8:27-30; ລູກາ 9:18-21)

13 ພໍກາ ເຢຊູ ມູ່ດ ຕິ່ງ ກຣວາງ ແຈ່ວ ເມືອງ ກາຍຊາເຣຍ ພິລິບປອຍ, ອັນ ຕາແບີບ ມູ່ ກາ ຣ ຍານ ແຕ ອັນ ປາຍ: "ມັຣ ກວາຍ ປາຍ ເກົາ, ກອນ ເຢີງ ແກັດ ກວາຍ, ລາ ເມົ້າ?"

14 ໄລ່ ກ້ອຍ ຕາແອີຍ ປາຍ: "ເບີນ ອັນ ກາ ປາຍ ອາຈານ ລາ ໂຢຣັນ, ອັນ ກາ ເກີ້ຍ ຕະ ຣິດ

ຕິ່ງ ແຕີ້ອ. ເບີນ ອັນ ກາ ປາຍ ອາຈານ ລາ ເອລີຢາ. ກະ ເບີນ ອັນ ກາ ປາຍ ອາຈານ ລາ ເຢເຣມີຢາ ແຕີ້ ລາ ມານະ ອາຕີ ຕາງ ປັຣນາຍ ເຢີງ ເຈົ້າຣາຊີ ການໍ່ ອ."

15 ເຢຊູ ຕາແບີບ ລັ່ຣ ໄລ່ ປາຍ: "ມາ ເຍີ້ ແອັນ ປາຍ ເກົາ ລາ ເມົ້າ?"

16 ຊີໂມນ ເປໂຕ ຕາແອີຍ ລັ່ຣ ປາຍ: "ອາຈານ ລາ ກຣີດ, ອັນ ກາ ເຢີງ ເຈົ້າຣາຊີ ຮຽຮ ໂອນ ຈ່ອຍ ອາມັງ ກວາຍ. ອາຈານ ລາ ກອນ ເຢີງ ເຈົ້າຣາຊີ, ກອນ ອັນ ກາ ອາມັງ ເລືອຍໆ."

17 ເຈີ່ ເຢຊູ ອາຕີ ລັ່ຣ ເປໂຕ ປາຍ: "ບຸ່ນ ລາລີ່ ໄມ່, ຊີໂມນ, ກອນ ໂຢນາ! ຣານະ ປາຍຍໍ ມັຣ ໄມ່ ປາຍ ໄມ່ ຕາ ແກັນ ລັ່ຣ ແຕ ຣາງັຣ ກວາຍ, ມາ ອິມບໍ່ ເກົາ ຕິ່ງ ມັນລ້ອງ ໂອນ ໄມ່ ດັງ ຣານະ ກ້ອຍ. 18 ເກົາ ອາຕີ ໄມ່, ໄມ່ ລາ ມະ ຕາເມົາ, ມະກ້ອຍ ໄມ່ ເບີນ ຣາມິ້ຣ ເປໂຕ ແອັນ. † ກະ ຍ່ອນ ໄມ່ ປາຍ ມະກ້ອຍ, ເກົາ ໂອນ ຊາອິ້ຍ ມະ ກວາຍ ມູ່ດ ຊາອໍ ເກົາ. ອໍານາດ ແຕ ເຢີງ ຕາ ອໍ ຕາ ເຕ່ອ ເຮົາບ ອິນ ເຕົ້າ ໄລ່ ກ້ອຍ. 19 ເກົາ ໂອນ ໄມ່ ເບີນ ອໍານາດ ຕິ່ງ ຈຸ່ມ ກາ ເຢີງ ເຈົ້າຣາຊີ ຊົດ. ‡ ມະກ້ອຍ ຣາມິ ຣ ອິນເຕົ້າ ໄມ່ ປຣ່ອມ, ເຢີງ ເຈົ້າຣາຊີ ປຣ່ອມ ເຕ່ ຣາມິ້ຣ ກ້ອຍ. ກະ ຣາມິ້ຣ ອິນເຕົ້າ ໄມ່ ຕາ ເບີນ ປຣ່ອມ, ເຢີງ ເຈົ້າຣາຊີ ຕາ ເບີນ ປຣ່ອມ ເຕ່ ຣາມິ ຣ ກ້ອຍ."

20 ແວັດ ເຢຊູ ປາຍ ມະກ້ອຍ, ອັນ ປາຕັບ ມູ່ ກາ ຣຍານ ແຕ ອັນ ອິນໂຈຍ ໂອນ ເມົ້າ ການໍ່ອ ດັງ ປາຍ ອັນ ລາ ກຣີດ, ອັນ ກາ ເຢີງ ເຈົ້າຣາຊີ ຮຽຮ ໂອນ ຈ່ອຍ ອາມັງ ກວາຍ.

ເຢຊູ ອາຕີ ແຕ ອັນ ຈີວ ຕຸ່ຣ ກັດ ກະ ກູຈິດ  
(ມາຣະໂກ 8:31-9:1; ລູກາ 9:22-27)

21 ແວັດ ແຕ ກ້ອຍ ເຢຊູ ຕາແບີ ອາຕີ ແຈງ ລາ ລີ່ ໂອນ ມູ່ ກາ ຣຍານ ແຕ ອັນ ດັງ. ອັນ ປາຍ: "ເກົາ ອິງເຄາະ ເຈົ້າ ປິ ເມືອງ ເຢຣູຊາເລັມ. ອິນຕຸ ກ້ອຍ ເກົາ ອິງເຄາະ ຈີວ ຊາອິ້ຍ ຣາມິ້ຣ ຕຸ່ຣ ກັດ. ມັຣ ກວາຍ ເທົາແກ ຈຸ່ມເຈືອ, ມັຣ ກວາຍ ຊົດ ມູ່ ກາ ຊາງ ຣິ່ດ ເຢີງ ເຈົ້າຣາຊີ, ກະ ມັຣ ກວາຍ ອາ ຕີ ຄານອດ, ໄລ່ ຕະ ເກົາ. ເຈີ່ ໄລ່ ກາຈິດ ເກົາ, ມາ ແຕີ້ອ ຕາໄງ ໄປ ເກົາ ອາມັງ ລັ່ຣ."

22 ແວັດ ກ້ອຍ ເປໂຕ ຕະ ອິນຕີ ແອີງ ມານະ ອັນ ກະ ເຢຊູ. ເຈີ່ ອັນ ກາແອັຣ ເຢຊູ ປາຍ: "ອິນ

\* **16:4** 16:4 ໂຢນາ ລາ ອັນ ກາ ອາກາ ປັດ ລິ້ມ ດິ້ອ ຕິ່ງ ປຸ່ງ ໄປ ຕາໄງ ໄປ ຊາເດົາ, ເຈີ່ ອາກາ ກູອາຣ ອັນ ລັ່ອຣ ລັ່ຣ. † **16:18** 16:18 ຕິ່ງ ປັຣນາຍ ກຣີກ, ຣາມິ້ຣ 'ເປໂຕ' ອິນຕີ ລັ່ຣ ລາ 'ຕາເມົາ.' ‡ **16:19** 16:19 ຕິ່ງ ປັຣນາຍ ກຣີກ ຣານະ ໄມ່ ປາຍ: "ເກົາ ໂອນ ໄມ່ ເບີນ ກອນ ກາແຈ."

ເຈົ້າ ເກົາ ເອີຍ! ເກົາ ແຊ້ອ ຮານະ ໄນ່ ອິນໂຈຍ ໂອນ ແຕ້ອ້ ປໍ ອິນເຈົ້າ!"

23 ມາ ເຢຊູ ກູລຍານ ກະ ອາຕີ ເປໂຕ ປາຍ: "ໄນ່ ເປາະ ເຢັງ ແຕ ເກົາ, ຊາຕານ! ໄນ່ ອີ ກາຕັງ ເກົາ, ຕາ ໂອນ ຕະ ແວັດ ຮານະ ເກົາ! ໄນ່ ຕາ ເບີນ ຄິດ ນະ ເຢັງ ເຈົ້າຮາຊີ! ມາ ໄນ່ ຄິດ ນະ ກວາຍ ຊ້ອງ!"

24 ແວັດ ກ້ອຍ ເຢຊູ ອາຕີ ມູ່ ກາ ຮຍານ ແຕ ອັນ ປາຍ: "ຄັນ ເບີນ ກວາຍ ອາແລະ ມາ ຢັອ້ ອີ ປວາຍ ເກົາ, ອິງເຄາະ ອັນ ຕັຮ ຮານະ ອັນ ເບີມ. ອິງເຄາະ ອັນ ອິດ ໂດລ ອາລ່ອງ ຊັງກັງ ອັນ ເບີມ, ກະ ອິງເຄາະ ອັນ ປວາຍ ເກົາ. 25 ກວາຍ ອາແລະ ມາ ປາຊີ ຮາງັຮ ອັນ ຕິ່ງ ແດີຍ ໄນ່, ຮາງັຮ ກວາຍ ກ້ອຍ ແກັດ ປິດ. ມາ ກວາຍ ອາແລະ ມາ ຈີວ ປິດ ຮາງັຮ ອັນ ຕິ່ງ ແດີຍ ໄນ່ ຍ່ອນ ອັນ ປວາຍ ຮານະ ເກົາ, ກວາຍ ກ້ອຍ ເບີນ ອາມັງ. 26 ຄັນ ກວາຍ ອາແລະ ມາ ເບີນ ຕຸ່ກ ມາເລ່ກ ແຊກ ມາການ ທ ຮິ່ງ ທາຮ້າ ຕິ່ງ ແດີຍ ໄນ່ ຕາ ເບີນ ແອີ ອິນເຕົ້າ, ມາ ອັນ ປິດ ຊ້ອງ ຮາງັຮ ອັນ ເບີມ, ອິນເຕົ້າ ລະ ເກົາ ໂອນ ອັນ? ມາ ເບີນ ທາຮິ່ງ ອິນເຕົ້າ ກາ ກວາຍ ແຕ່ອ້ ຮາປຽນ ໂອນ ເບີນ ອາມັງ ຊິດ ແດີຍ ເລີຍ ກູ ມໍ? 27 ປັຮເນີ ມັນເຕຣີ ກອນ ເຢັງ ແກັດ ກວາ ຍ ແຕ້ອ້ ລັຮ ມັນຕຸ ກະ ເທວາຕາ ເຢັງ ເຈົ້າຮາຊີ, ກະ ອັນ ເບີນ ອຳນາດ ອາງອີຮ ແຕ ອິມປໍ ອັນ ຕິ່ງ ມັນລ້ອງ. ບັອງ ກາ ກ້ອຍ ອັນ ໂອນ ອິນແຍະ ມັຮ ກວາຍ ເບີນ ເກົາ ໄລ່, ຕາປູນ ມັຮ ຮານະ ໄລ່ ຕະ. 28 ເກົາ ອາຕີ ຕານ້ອງ ໂອນ ເຍົາ, ເບີນ ກວາຍ ກາ ຕາຢິ່ງ ແອັດ ຕິ່ງ ອິນຕູ ໄນ່ ຊານໍ່, ໄລ່ ຕາ ເບີນ ກູ ຈິດ ຢວາຮ ເຕົ້າ ແຕ້ອ້ ໄລ່ ເບີນ ເຮີມ ກອນ ເຢັງ ແກັດ ກວາຍ ຕະ ຊົດ."

### 17

ຮູ່ບເຮີງ ເຢຊູ ແກັດ ອິມພາ ແອັນ  
(ມາຣະໂກ 9:2-13; ລູກາ 9:28-36)

1 ແວັດ ຕາປັດ ຕາໄງ ແອັນ ເຢຊູ ເດີງ ເປໂຕ, ກະ ໄລ່ ບາຮ ນະ ແຊມອາຍ ຢາໂກໂບ ກະ ໂຢຮັນ, ຊ້ອຮ ກະ ອັນ ຕິ່ງ ກັຮ ກາ ຕີ. ແອັງ ໄລ່ ປູນ ນະ ແຕ້ ແອັດ ອິງກ້ອຍ. 2 ເຈີ່ ໄລ່ ເຮີມ ຈະ ເຢຊູ ປຽນ ແກັດ ອິມພາ ແອັນ ຍັຮ ເມີງ ໄລ່ ໄປ ນະ ກ້ອຍ. ມາມ ອັນ ປາເລີງ ນະ ມັດ ມານາງ. ກະ ຕຳປັອກ ອັນ ແກັດ ກູ້ອ້ ຊັຮມຍາລ ມັດ. 3 ກະ ໄລ່ ໄປ ນະ ກ້ອຍ ເຮີມ ໂມເຊ ກະ ເອລີຢາ ຕະ ອິນຕີ ກະ ເຢຊູ. 4 ເຈີ່ ເປໂຕ ອາຕີ ເຢຊູ ປາຍ: "ອິນເຈົ້າ ເອີຍ! ຮິ ແອັດ ອິນໄນ່ ລາ ອໍ ລາລີ້. ຄັນ ອິນເຈົ້າ ອີ ເບີນ, ຮິ ອີ ຕະ ໄປ ລຳ ຊູ, ມານຳ ລາ ຕະ ໂອນ ອິນເຈົ້າ,

ມານຳ ລາ ຕະ ໂອນ ໂມເຊ, ກະ ມານຳ ແອັນ ລາ ຕະ ໂອນ ເອລີຢາ."

5 ບັອງ ກາ ເປໂຕ ອິນນ້ອງ ປາຍ, ເບີນ ຮາມິລ ກູ້ອ້ ຕວມ ດໍອ້ ຈະ ໄລ່. ກະ ເບີນ ຊຽງ ຊາບາວ ອາ ຕີ ແຕ ຮາມິລ ກ້ອຍ ປາຍ: "ໄນ່ ລາ ກອນ ເກົາ ກາ ເກົາ ອາໂຢະ ລາລີ້. ອິນເຕົ້າ ອັນ ຕະ, ລາ ເກົາ ຮໍອ້ ອິນແຍະ. ກະ ອິນເຕົ້າ ອັນ ອາຕີ, ອິງເຄາະ ເຍົາ ຊາ ງັດ ອັນ ນໍ!"

6 ພໍກາ ໄລ່ ໄປ ນະ ມູ່ ກາ ຮຍານ ແຕ ເຢຊູ ຊ້ອງ ຊຽງ ກ້ອຍ, ໄລ່ ຄຮາບ ຕິ່ງ ກູແຕອ້. 7 ເຢຊູ ແຕ້ອ້ ຊາປະ ໄລ່ ກ້ອຍ, ກະ ອັນ ປາຍ: "ເຍົາ ຢວຮ ຕາ ຢິ່ງ! ອິນໂຈຍ ອິງກ້ອຮ ອິນເຕົ້າ!"

8 ນະກ້ອຍ ໄລ່ ຕາເງັອ້ ອາຊ້ອຮ, ເຈີ່ ໄລ່ ເຮີມ ແອັງ ມານະ ເຢຊູ ຊ້ອງ.

9 ບັອງ ກາ ໄລ່ ກ້ອຍ ແຊງ ແຕ ກັຮ, ເຢຊູ ປາ ຕັບ ໄລ່ ໄປ ນະ ກ້ອຍ ປາຍ: "ເຍົາ ອິນໂຈຍ ອາຕີ ໂອນ ກວາຍ ການໍອ້ ດັງ ມັຮ ຮາມິຮ ເຍົາ ເຮີມ, ເຕົ້າ ແຕ້ອ້ ຕາໄງ ເກົາ ກອນ ເຢັງ ແກັດ ກວາຍ ກູຈິດ ເຈີ່ ອາມັງ ລັຮ ແຕ ປິ່ງ."

10 ເຈີ່ ມູ່ ກາ ຮຍານ ແຕ ເຢຊູ ຕາເບີບ ອັນ ປາຍ: "ນານະ ກວາຍ ອາຕີ ຄານອດ ປາຍ ເອລີຢາ ອິງເຄາະ ແຕ້ອ້ ອິນໂຍ່ງ ກຮິດ?"

11 ເຢຊູ ຕາແອີຍ ໄລ່ ປາຍ: "ພ່ນ ເຈີ່ ເອລີຢາ ແຕ້ອ້ ອິນໂຍ່ງ, ໂອນ ອາຕີ ກູ ຮາມິຮ ແກັດ ຕາໄມ ລັຮ. 12 ມາ ເກົາ ອາຕີ ເຍົາ, ເອລີຢາ ແຕ້ອ້ ເຈີ່, ມາ ກວາຍ ຕາ ເບີນ ດັງ ກະ ຕາ ເບີນ ຊາກັລ ອັນ. ມາ ຮານະ ອິນເຕົ້າ ເມົາ ຢັອ້ ອີ ຕະ ໂຈະ ອັນ, ເມົາ ຕະ ເຈີ່. ປັຮເນີ ມັນເຕຣີ ໄລ່ ອີ ຕະ ມູເຈີງ ກ້ອຍ ແຕ່ ໂຈະ ເກົາ, ກອນ ເຢັງ ແກັດ ກວາຍ."

13 ແວັດ ກ້ອຍ, ມູ່ ກາ ຮຍານ ແຕ ເຢຊູ ດັງ ເຢຊູ ປາຍ ເອລີຢາ ໄນ່ ລາ ຊາກຳ ແຕ ໂຢຮັນ, ອັນ ກາ ຕະ ຮິດ ຕິ່ງ ແຕ້ອ້.

ເຢັງ ຕາ ອໍ ຕຣວບ ກອນ ຮາເລົາ  
(ມາຣະໂກ 9:14-29; ລູກາ 9:37-43ກ)

14 ບັອງ ກາ ໄລ່ ກ້ອຍ ເຈົ້າ ລັຮ ປໍ ກວາຍ ກຶ່ງ, ເບີນ ມານະ ຮາເລົາ ແຕ້ອ້ ປໍ ເຢຊູ. ອັນ ກູ່ ຮາໂກລ, ກະ ອັນ ປາຍ: 15 "ອິນເຈົ້າ ເອີຍ! ເກົາ ແຊ້ອ ອິນ ເຈົ້າ ອາໂຢະ ຕະ ກອນ ຮາເລົາ ເກົາ, ຍ່ອນ ກອນ ເກົາ ເບີນ ອາອີ່ ຢຸຮ ຕາຊອງ. ແຕ້ອ້ ອັນ ມິຮ ອັນ ແດິມ ຕິ່ງ ອູ່ຍຮ ແຕລາ ຕິ່ງ ແດິອ້. 16 ເກົາ ເດີງ ອັນ ປໍ ມູ່ ກາ ຮຍານ ແຕ ອິນເຈົ້າ ເຈີ່, ມາ ໄລ່ ກ້ອຍ ຕາ ແຕ້ອ້ ປົວ."



17 ນະກ້ອຍ ເຢຊູ ຕາແອີຍ ປາຍ: "ເຍົາ ກາ ແອິດ ຕິ່ງ ແດີຍ ໄນ່ ເອີຍ! ເຍົາ ຕາ ເບີນ ຊາອໍາ, ກະ ເຍົາ ລາ ກວາຍ ກາ ຕຼີນ ລາລີ່. ອິນນ້ອງ ດຸ່ນ ມາແລະ ເກົາ ແອິດ ກະ ເຍົາ ກະ ຈິວ ເຍົາ ຕາ ເບີນ ຊາອໍາ? ເດີງ ໂອນ ກັຮແນນ ກ້ອຍ ແຕ້ອ້ ປີ ເກົາ ແມຣ!"

18 ເຈີ່ ເຢຊູ ຕູ່ຍຮ ເຢີງ ຕາ ອໍ ໂອນ ອັນ ລ້ອຣ ແຕ ຈະ ກັຮແນນ ກ້ອຍ. ພໍກາ ເຢີງ ຕາ ອໍ ລ້ອຣ ແຕ ຈະ ກັຮແນນ ກ້ອຍ, ກັຮແນນ ກ້ອຍ ແກິດ ແບຣັຮ ແຕ້.

19 ແວັດ ແຕ ກ້ອຍ, ເຢຊູ ແອິດ ມັນຕຸ ກະ ແອິງ ມູ່ ກາ ຣຍານ ແຕ ອັນ. ໄລ່ ຕາແບັບ ເຢຊູ ປາຍ: "ນານະ ແຕ ຮິ ຕາ ເຮົາ ຕູ່ຍຮ ອາລ້ອຣ ເຢີງ ຕາ ອໍ ກ້ອຍ?"

20 ເຢຊູ ຕາແອີຍ ໄລ່ ປາຍ: "ຣານະ ກ້ອຍ ລາ ຍ່ອນ ເຍົາ ຕາ ເບີນ ຊາອໍາ. ເກົາ ອາຕີ ຕານ້ອງ ໂອນ ເຍົາ, ຄັນ ເຍົາ ຊາອໍາ, ເບີນ ມາຮ ມູ ກຸງ ປາກາດ ຊ້ອງ, ແຕ່ອ້ ເຍົາ ແປຣີ ກັຮ ໄນ່ ປາຍ: 'ເອົາ ໄນ່ ຊີຣິ ແຕ ອິນຕຸ ໄນ່, ແອິດ ປີ ອິນຕຸ ກ້ອຍ ແອັນ!' ຄັນ ເຍົາ ຊາອໍາ, ກັຮ ກ້ອຍ ລີ່ ເປາະ. ກະ ຣານະ ອິນ ເຕົາ ເຍົາ ຍິອ້ ອີ ຕະ, ແກິດ ຣານະ ກ້ອຍ. 21 ກວາ ຍ ອາແລະ ກາ ຍິອ້ ອີ ຕູ່ຍຮ ອາລ້ອຣ ເຢີງ ຕາ ອໍ ນະໄນ່, ກວາຍ ກ້ອຍ ອີງເຄາະ ອົດ ຊັຮນາ ກະ ເກົາ ແຊອ້ ແຕ ເຢີງ ເຈົາຣາຊີ."\*

ເຢຊູ ອາຕີ ລັຮ ແຕ ອັນ ຈິວ ກູຈິດ  
(ມາຣະໂກ 9:30-32; ລູກາ 9:43ຄ-45)

22 ບັອງ ກາ ອິນແຍະ ມູ່ ກາ ຣຍານ ແຕ ເຢຊູ ໂຣມ ຕິ່ງ ແຄງ ຄາລີເລ, ເຢຊູ ອາຕີ ໄລ່ ປາຍ: "ແຈະ ອີ ແຕ້ອ້ ເຈີ່ ເນົາ ອີ ມ່ອບ ເກົາ, ກອນ ເຢີງ ແກິດ ກວາຍ, ປີ ອາຕີ ກວາຍ ຊົດ. 23 ໄລ່ ກາຈິດ ເກົາ, ມາ ແຕ້ອ້ ຕາໄງ ໄປ ເກົາ ອາມັງ ລັຮ."

ນະກ້ອຍ ມູ່ ກາ ຣຍານ ແຕ ອັນ ຊ້ອງ ຕູ່ຮ ລາ ລີ່.

ເຢຊູ ໂອນ ປຣະ ປວາຍ ຄານອດ ໂມເຊ

24 ບັອງ ກາ ເຢຊູ ກະ ມູ່ ກາ ຣຍານ ແຕ ອັນ ແຕ້ອ້ ປີ ເມືອງ ກາເປນາອູມ, ເບີນ ກວາຍ ແຕ ດຸງ ຊາງ ປັດ ແປຣີ ມັຮ ກວາຍ ອິດຊະຣາເອລ ອີງເຄາະ ໂອນ ປຣະ ຈ່ອຍ ຕິ່ງ ດຸງ ຊາງ ປວາຍ ຄານອດ ໂມເຊ. ໄລ່ ແຕ້ອ້ ປີ ເປໂຕ ກະ ໄລ່ ຕາແບັບ ອັນ ປາຍ: "ອາຈານ ໄນ່ ໂອນ ແຕ່ ປຣະ ປີ ດຸງ ຊາງ, ມາ ຕາ ເບີນ?"

25 ເປໂຕ ຕາແອີຍ ປາຍ: "ອັນ ລາ ໂອນ ແຕ່."

ພໍກາ ເປໂຕ ມູ່ດ ຕິ່ງ ດຸງ, ເຢຊູ ຕາແບັບ ອັນ ອິນໂຍ່ງ ປາຍ: "ຊີໂມນ ເອີຍ! ອິນເຕົາ ໄນ່ ຄິ່ດ, ມັຮ ເຕົາວ ປັຮເຍົາ ຕິ່ງ ແດີຍ ໄນ່ ປາໂຣມ ອິດ ປຣະ ແຕ ເນົາ? ໄລ່ ອິດ ປຣະ ແຕ ກອນ ໄລ່ ເບີມ, ແຕີ ລາ ແຕ ກວາຍ ການໍອ້?"

26 ເປໂຕ ຕາແອີຍ ເຢຊູ ປາຍ: "ໄລ່ ອິດ ແຕ ກວາຍ ການໍອ້."

ເຈີ່ ເຢຊູ ປາຍ ແອັນ: "ຄັນ ນະກ້ອຍ, ມັຮ ກອນ ໄລ່ ເບີມ, ໄລ່ ຕາ ເບີນ ຕູ່ຮ ໂອນ ປຣະ ອິນເຕົາ. † 27 ມາ ຍ່ອນ ໄຮ ຕາ ຍິອ້ ອີ ໂອນ ໄລ່ ກາ ປາໂຣມ ປຣະ ກ້ອຍ ຊ້ອງ ຕາ ຣໍອ້ ຣາງັຮ ກະ ໄຮ, ໄນ່ ເປາະ ຕາໂບຮ ອາກາ ປີ ແດັອ້ ທາເລ ຣາປັງ. ອາກາ ກາ ຕາແບັບ ໄນ່ ເບີນ, ໄນ່ ກັຮ ແບອ້. ເຈີ່ ໄນ່ ຣາມັຮ ມູ ກຸງ ປຣະ ຕິ່ງ ແບອ້ ອາກາ ກ້ອຍ. ປຣະ ກ້ອຍ ກູ່ ໂອນ ໄຮ ຈ່ອຍ ດຸງ ຊາງ. ເຈີ່ ໄນ່ ເດີງ ອາເຈົາ ໂອນ ປີ ໄລ່ ກາ ປາໂຣມ ປຣະ ຈ່ອຍ ດຸງ ຊາງ ປັດ ກ້ອຍ."

### 18

ເນົາ ກາ ປັດ ກາເລີຍ ອິນແຍະ ຕິ່ງ ຈຸ່ມ ກາ ເຢີງ ເຈົາຣາຊີ ຊົດ?

(ມາຣະໂກ 9:33-37, 42-48; ລູກາ 9:46-48; 17:1-2)

1 ບັອງ ກ້ອຍ ມູ່ ກາ ຣຍານ ແຕ ເຢຊູ ແຕ້ອ້ ປີ ອັນ, ເຈີ່ ໄລ່ ຕາແບັບ ອັນ ປາຍ: "ຕິ່ງ ຈຸ່ມ ກາ ເຢີງ ເຈົາຣາຊີ ຊົດ, ເນົາ ແກິດ ປັດ ກາເລີຍ ອິນແຍະ?"

2 ເຢຊູ ກູອ້ ມານະ ກັຮແນນ ໂອນ ອັນ ແອິດ ອິນ ດີ ອິນແຍະ ໄລ່ ກ້ອຍ. 3 ກະ ອັນ ປາຍ: "ເກົາ ອາ ຕີ ຕານ້ອງ ໂອນ ເຍົາ, ຄັນ ເຍົາ ມາ ຕາ ເບີນ ແກິດ ຣາງັຮ ຕາໄມ, ກະ ຕາ ເບີນ ແກິດ ນະ ກັຮແນນ ໄນ່, ເຍົາ ຕາ ແຕ່ອ້ ມູ່ດ ຕິ່ງ ຈຸ່ມ ກາ ເຢີງ ເຈົາຣາຊີ ຊົດ. 4 ກວາຍ ອາແລະ ມາ ອາແຊງ ຈະ ອັນ ເບີມ ໂອນ ແກິດ ນະ ກັຮແນນ ໄນ່, ກວາຍ ກ້ອຍ ແກິດ ປັດ ແກຼີຍ ອິນແຍະ ຕິ່ງ ຈຸ່ມ ກາ ເຢີງ ເຈົາຣາຊີ ຊົດ. 5 ກະ ກວາຍ ອາແລະ ມາ ຮັບ ອໍ ມານະ ກັຮແນນ ມາຮ ໄນ່ ຍ່ອນ ອັນ ຊາອໍາ ເກົາ, ກວາຍ ກ້ອຍ ຮັບ ອໍ ກາ ເກົາ ແຕ່.

6 "ກວາຍ ອາແລະ ມາ ປັຮຕີ່ ມານະ ກັຮແນນ ແກດ ມາຮ ກັຮແນນ ໄນ່ ກາ ຊາອໍາ ເກົາ ເຈີ່, ໂອນ ກັຮແນນ ກ້ອຍ ຕະ ໄລ່ຍຮ, ຄາອ້ ອິດ ຕາເມົາ ປັດ ຊົດ ໂຈະ ຕິ່ງ ຕາກອງ ອັນ ກ້ອຍ ເຈີ່ ອາປັອງ ຕັຮ ອັນ ຕິ່ງ ແດັອ້ ທາເລ. 7 ກັດ ລາລີ່ ໂອນ ກວາຍ ຕິ່ງ

\* 17:21 17:21 ຊາອິ້ຍ ປັງ ປັຮນາຍ ແຕ ອິມເບີ ຕາ ເບີນ ເບີນ ຣານາ 21 ໄນ່. † 17:26 17:26 ເຢຊູ ຊາກໍາ ດຸງ ຊາງ ເຢີງ ເຈົາຣາຊີ ລາ ນະ ດຸງ ອິມປໍ ອັນ, ນະກ້ອຍ ອັນ ຕາ ເບີນ ຕູ່ຮ ໂອນ ປຣະ ປາຊີ.

ແດ້ຍ ໄມ່, ຍ່ອນ ເບີນ ຊາອີ້ຍ ຮາມິ່ຮ ອີ ລ່ອງ ໄລ່ ໂອນ ຕະ ໂລ່ຍຮ. ມັຮ ຮາມິ່ຮ ກ້ອຍ ແຕ້ອ້ ເລືອ ຍາ, ມາ ບາບ ລາລີ້ ແຕ້ອ້ ປິ ກວາຍ ກາ ອີ ປັຮຕິ ກວາຍ ກາມໍ້ອ້ ຕະ ໂລ່ຍຮ.

<sup>8</sup> "ຄັນ ອາຕີ ແຕ້ລາ ອາເຢັງ ເຍົາ ມາ ເດັງ ເຍົາ ຕະ ໂລ່ຍຮ, ອີງເຄາະ ເຍົາ ກ້ອຍ ແຫງ ຕັຮ ອາຕີ ແຕ້ ລາ ອາເຢັງ ເຍົາ. ຄາອ້ ເຍົາ ແອັດ ອາມັງ ເບີນ ມູ່ດ ຕິ່ງ ອິນຕຸ ເຢັງ ເຈົາຮາຊີ ຊົດ ເບີນ ອາຕີ ແຕ້ລາ ອາ ເຢັງ ຕາລິດ, ລາ ອໍ ກາເລີຍ ແຕ ເບີນ ກູ່ ອາຕີ ອາ ເຢັງ ບາຮ ລໍາ ມາ ເຢັງ ເຈົາຮາຊີ ແຫງ ເຍົາ ຕິ່ງ ປຣຸ່ງ ອູ່ຍຮ. <sup>9</sup> ກະ ຄັນ ກູ່ງ ມັດ ເຍົາ ມາ ເດັງ ໂອນ ເຍົາ ຕະ ໂລ່ຍຮ, ອີງເຄາະ ເຍົາ ກູໂລອ້ ແຫງ ຕັຮ ກູ່ງ ມັດ ກ້ອຍ. ເຍົາ ແອັດ ອາມັງ ເບີນ ມູ່ດ ຕິ່ງ ອິນ ຕຸ ເຢັງ ເຈົາຮາຊີ ຊົດ ເບີນ ແອັງ ມວຍ ກູ່ງ ມັດ ຊ້ອງ, ອໍ ກາເລີຍ ແຕ ເບີນ ກູ່ ບາຮ ກູ່ງ ມັດ ມາ ເຢັງ ເຈົາຮາຊີ ແຫງ ເຍົາ ຕິ່ງ ປຣຸ່ງ ອູ່ຍຮ."

ຢຊູ ຊາກໍາ ແຕ ແກະ ປິດ ມາ ຮາມິ່ຮ ລັຮ  
(ລູກາ 15:3-7)

<sup>10</sup> "ເຍົາ ລາວັງ ໂອນ ອໍ! ອິນໂຈຍ ພາມາດ ມານະ ອາແລະ ແຕ ມັຮ ກັຮແນນ ໄມ່. ຍ່ອນ ເກົາ ອາຕີ ເຍົາ ປາຍ: ເບີນ ເທວາດາ ເຢັງ ເຈົາຮາຊີ ຕິ່ງ ມັນລ້ອງ ກຍາອ້ ເລືອຍາ ກັຮແນນ ກ້ອຍ. ມັຮ ເທວາດາ ກ້ອຍ, ໄລ່ ແອັດ ເລືອຍາ ຍັຮ ມັດ ອິມ ປໍ ເກົາ ຕິ່ງ ມັນລ້ອງ. <sup>11</sup> ຍ່ອນ ກອນ ເຢັງ ແກັດ ກວາຍ ແຕ້ອ້ ຍິອ້ ອີ ຈ່ອຍ ອາມັງ ມັຮ ກວາຍ ກາ ແກ້ ຮານາ.\*

<sup>12</sup> "ນານະ ເຍົາ ຄິດ? ຄັນ ເບີນ ກວາຍ ອາແລະ ກາ ເບີນ ມວຍ ຮ້ອຍ ລໍາ ແກະ, ມາ ແກະ ມານໍາ ແກ້ ຮານາ, ນານະ ກວາຍ ກ້ອຍ ອີ ຕະ? ອັນ ດໍອ້ ແກະ ກາ ຕາເກ່ຮ ຈິດ ຕາເກ່ຮ ລໍາ ກ້ອຍ ຕິ່ງ ກັຮ, ເຈົ້ ອັນ ເປາະ ຈໍອ້ ມານໍາ ແກະ ກາ ແກ້ ຮານາ ກ້ອຍ ບໍ? <sup>13</sup> ມາ ຄັນ ອັນ ຮາມິ່ຮ ລັຮ ແກະ ກ້ອຍ, ອັນ ຊ້ອງ ຮໍອ້ ແຕ ແກະ ກ້ອຍ ກາເລີຍ ແຕ ອັນ ຊ້ອງ ຮໍອ້ ແຕ ຕາເກ່ຮ ຈິດ ຕາເກ່ຮ ລໍາ ກາ ຕາ ເບີນ ປິດ. <sup>14</sup> ມູເຈັງ ກ້ອຍ ແຕ່ ອິມປໍ ເຍົາ ຕິ່ງ ມັນລ້ອງ ຕາ ຍິອ້ ອີ ໂອນ ປິດ ມານະ ແຕ ກັຮແນນ ແກດາ ໄມ່."

ຢຊູ ອາຕີ ແຕ ແຊມອາຍ ຕະ ໂລ່ຍຮ

<sup>15</sup> "ຄັນ ເບີນ ມານະ ແຊມອາຍ ມາ ຕະ ໂລ່ຍຮ ໂຈະ ໄມ່, ອີງເຄາະ ໄມ່ ເປາະ ກາແອັຮ ກະ ອາຕີ ອັນ, ແອັງ ເຍົາ ບາຮ ນະ ຊ້ອງ. ຄັນ ອັນ ຊາງັດ ປັຮນາຍ ໄມ່, ອັນ ແກັດ ລັຮ ແຊມອາຍ ໄມ່ ຊາ. <sup>16</sup> ມາ ຄັນ

ອັນ ຕາ ເບີນ ຊາງັດ ປັຮນາຍ ໄມ່, ເຈົ້ ໄມ່ ເດັງ ມວຍ ນະ ແຕ້ລາ ບາຮ ນະ ແອັນ ເປາະ ລັຮ ປິ ອັນ. ຕະ ນະກ້ອຍ ເຍົາ ຕາປູນ ຄານອດ ເຢັງ ເຈົາຮາຊີ ປາ ຕັບ ໂອນ ແຕ້ອ້ ດັງ ແຈງ ກວາຍ ອາແລະ ກາ ເບີນ ໂລ່ຍຮ. <sup>17</sup> ມາ ຄັນ ອັນ ຕາ ເບີນ ປັຮອມ ຊາງັດ ລັຮ ບາຮ ໄປ ນະ ກ້ອຍ, ເຈົ້ ເຍົາ ອາຕີ ໂອນ ອິນ ແຍະ ມູ່ ກາ ຊາອໍາ ດັງ ແຕ່. ກະ ຄັນ ອັນ ຕາ ເບີນ ຕະ ຕາປູນ ປັຮນາຍ ມູ່ ກາ ຊາອໍາ ອາຕີ, ເຈົ້ ເຍົາ ຕະ ໂຈະ ກວາຍ ກ້ອຍ ນະ ອັນ ລາ ກວາຍ ກາ ຕາ ເບີນ ຊາອໍາ, ແຕ້ລາ ນະ ອັນ ລາ ກວາຍ ກາ ອິດ ປະ ປາຊີ.

<sup>18</sup> "ເກົາ ອາຕີ ຕານ້ອງ ໂອນ ເຍົາ, ຮາມິ່ຮ ອິນ ເຕົາ ເຍົາ ປັຮອມ, ເຢັງ ເຈົາຮາຊີ ປັຮອມ ຮາມິ່ຮ ກ້ອຍ ແຕ່. ກະ ຮາມິ່ຮ ອິນເຕົາ ເຍົາ ຕາ ເບີນ ປັຮອມ, ເຢັງ ເຈົາຮາຊີ ຕາ ເບີນ ປັຮອມ ແຕ່ ຮາມິ່ຮ ກ້ອຍ. <sup>19</sup> ກະ ເກົາ ອາຕີ ຕານ້ອງ ແອັນ ໂອນ ເຍົາ ປາຍ: ຄັນ ບາຮ ນະ ເຍົາ ກາ ແອັດ ຕິ່ງ ກູແຕອ້ ໄມ່, ມາ ປັຮອມ ແຊອ້ ແຕ ເຢັງ ເຈົາຮາຊີ, ຮາມິ່ຮ ອິນ ເຕົາ ເຍົາ ແຊອ້, ອິມປໍ ເກົາ ຕິ່ງ ມັນລ້ອງ ໂອນ ເຍົາ ເບີນ ຮາມິ່ຮ ກ້ອຍ. <sup>20</sup> ກະ ຄັນ ເບີນ ບາຮ ໄປ ນະ ແອັດ ໂຮມ ມັນຕຸ ຍ່ອນ ໄລ່ ອີ ປວາຍ ເກົາ, ເກົາ ແອັດ ມັນຕຸ ແຕ່ ກະ ໄລ່."

ຢຊູ ອາຕີ ແຕ ກວາຍ ຕູ່ ປະ

<sup>21</sup> ແວັດ ກ້ອຍ ເປັຕ ແຕ້ອ້ ປິ ຢຊູ ກະ ຕາ ແບັບ ອັນ ປາຍ: "ອິນເຈົ້ ເອີຍ! ອິນຊີ ເຮັບ ແຊມ ອາຍ ເກົາ ຕະ ໂລ່ຍຮ ໂຈະ ເກົາ, ນະ ເກົາ ຕັຮ ໂລ່ຍຮ ກ້ອຍ? ຕາປູລ ເຮັບ ຊ້ອງ ບໍ?"

<sup>22</sup> ມາ ເຢຊູ ຕາແອັຍ ລັຮ ໂຈະ ອັນ ປາຍ: "ເກົາ ຕາ ເບີນ ປາຍ ແອັງ ຕາປູລ ເຮັບ ຊ້ອງ. ອີງເຄາະ ເຍົາ ຕັຮ ເບີນ ຕາປູລ ຈິດ ຕາປູລ ເຮັບ."

<sup>23</sup> "ເຢັງ ເຈົາຮາຊີ ຕະ ຊົດ ລາ ນະ ມານະ ກວາຍ ເຕົາວ ປັຮເຍົາ. ເຕົາວ ປັຮເຍົາ ກ້ອຍ ຍິອ້ ອີ ຕອມ ລັຮ ປະ ແຕ ກວາຍ ກາ ຕູ່ ອັນ. <sup>24</sup> ບ້ອງ ກາ ກ້ອຍ ເມົາ ເດັງ ປິ ອັນ ມານະ ກວາຍ ກາ ຕູ່ ເຕົາວ ປັຮເຍົາ ມວຍ ຈິດ ປັນ ແນນ ປະ. <sup>25</sup> ອັນ ຕາ ເບີນ ອິນເຕົາ ອີ ກູລັຮ ນ້ອງ ປະ ເຕົາວ ປັຮເຍົາ ກ້ອຍ. ນະກ້ອຍ ເຕົາວ ປັຮເຍົາ ແປຮີ ໂອນ ໄລ່ ກ້ອຍ ເດັງ ຈິ ອັນ, ໂອນ ແກັດ ຊູລ ເມົາ, ກະ ຈິ ກອນ ລາກວຍ ອັນ ກະ ມູ່ນ ອັນ ແຮີ. ອິນແຍະ ປະ ເກົາ ກ້ອຍ, ເຈົ້ ອິດ ກູລັຮ ລັຮ ປະ ກາ ຕູ່ ເຕົາວ ປັຮເຍົາ. <sup>26</sup> ມາ ກວາຍ ກາ ຕູ່ ກ້ອຍ, ອັນ ກູ່ ຮາໂກລ ຍັຮ ເມັງ ເຕົາວ ປັຮເຍົາ ກ້ອຍ, ອັນ ປາຍ: 'ແຊອ້ ກູກຸຮ ເຕົາວ ປັຮເຍົາ. ແຊອ້ ເຕົາວ

\* 18:11 18:11 ຊາອີ້ຍ ປິ່ງ ປັຮນາຍ ແຕ ອິມແປ ຕາ ເບີນ ເບີນ ຮານາ 11 ໄມ່.

ປັດເຍົາ ອິນໂຈຍ ກຸນເຕົາ ຢ່າວຣ. ເກົາ ແຊອ ເປາະ ຈໍ່ອ ເວົ້າຍ, ເຈົ້ ເກົາ ກູລັຣ ອິນແຍະ ໂອນ ເຕົາວ ປັດເຍົາ.' 27 ພໍກາ ເຕົາວ ປັດເຍົາ ກ້ອຍ ຊ້ອງ ກວາຍ ກ້ອຍ ກ່ອບ ນະກ້ອຍ, ອັນ ຊ້ອງ ອາໂຍະ ຕະ ໂຈະ ກວາຍ ກ້ອຍ. ເຈົ້ ອັນ ຕັຣ ອິນແຍະ ມັຣ ປຣະ ກາ ກວາຍ ກ້ອຍ ຕູ່ ອັນ. ເຈົ້ ອັນ ໂອນ ກວາຍ ກ້ອຍ ເຈົ້າ.

28 "ກວາຍ ກ້ອຍ ລ້ອຣ ແຕ ເຕົາວ ປັດເຍົາ ກ້ອຍ; ເຈົ້ ອັນ ຣາມັຣ ມານະ ເຍົາ ອັນ ກາ ຕູ່ ອັນ. ເຍົາ ກ້ອຍ ຕູ່ ອັນ ມວຍ ຣ່ອຍ ກຸອງ ປຣະ ອາ ນາມ ຊ້ອງ. ອັນ ໂກບ ຕາກອງ ກວາຍ ກ້ອຍ; ເຈົ້ ອັນ ປາຍ: 'ໄມ່ ກູລັຣ ແຕ່ ປຣະ ກາ ໄມ່ ຕູ່ ເກົາ.'

29 ກວາຍ ກາ ຕູ່ ກ້ອຍ ຄຣາບ ຕຶ້ງ ກູແຕອ; ເຈົ້ ແຊອ ກ່ອບ ອັນ ປາຍ: 'ແຊອ ໄມ່ ອິນໂຈຍ ກຸນ ເຕົາ ຢ່າວຣ. ເກົາ ແຊອ ເປາະ ຈໍ່ອ ເວົ້າຍ, ເຈົ້ ເກົາ ກູລັຣ ອິນແຍະ ໂອນ ໄມ່.' 30 ມາ ອັນ ຕາ ປຣ່ອມ.

ອັນ ໂອນ ເມົາ ໂກບ ກວາຍ ກາ ຕູ່ ກ້ອຍ, ໂຈະ ຕຶ້ງ ກໍ່ອ ເຕົາ ແຕ້ອ ກວາຍ ກ້ອຍ ກູລັຣ ອິນແຍະ ປຣະ ອັນ. 31 ພໍກາ ກວາຍ ການໍ່ອ ກາ ຕະ ຣານະ ເຕົາວ ປັດເຍົາ ກ້ອຍ ເຮັມ ອັນ ຕະ ນະກ້ອຍ, ໄລ່ ຊ້ອງ ຕຸ່ຣ ລາລື້. ເຈົ້ ໄລ່ ເຈົ້າ ອາຕີ ລັຣ ເຕົາວ ປັດເຍົາ.

32 ເຈົ້ ເຕົາວ ປັດເຍົາ ກູອໍ ລັຣ ກວາຍ ກ້ອຍ. ອັນ ປາຍ ໂຈະ ກວາຍ ກ້ອຍ: 'ໄມ່ ລາ ຕາ ອໍ ລາລື້. ເກົາ ຕັຣ ອິນແຍະ ປຣະ ກາ ໄມ່ ຕູ່ ເກົາ ຍ່ອນ ໄມ່ ກ່ອບ ເກົາ. 33 ມາ ນານະ ໄມ່ ຕາ ເບີນ ອາໂຍະ ຕະ ລັຣ ເຍົາ ມູເຈິງ ເກົາ ອາໂຍະ ຕະ ໄມ່ ເຕ?' 34 ເຕົາວ ປັດເຍົາ ກ້ອຍ ຊ້ອງ ອຶງຄືນ ລາລື້. ເຈົ້ ອັນ ແປຣີ ເມົາ ໂຈະ ກວາຍ ກ້ອຍ ຕຶ້ງ ກໍ່ອ ກະ ຕະ ຕຸ່ຣ ລາລື້ ໂຈະ ອັນ ເຕົາ ອັນ ກູລັຣ ອິນແຍະ ປຣະ ກາ ອັນ ຕູ່ ເຕົາວ ປັດເຍົາ."

35 ເຈົ້ ເຢຊູ ອາຕີ ແອ້ນ: "ມູເຈິງ ກ້ອຍ ເຕ່ ອີມ ບໍ່ ເກົາ ຕຶ້ງ ມັນລ້ອງ ຕະ ກະ ເຍົາ, ຄັນ ເຍົາ ຕາ ເບີນ ຕັຣ ໄລ່ຍຣ ແຊມອາຍ ເຍົາ ອິນແຍະ ແຕ ຣາງັຣ ເຍົາ."

### 19

ເຢຊູ ອາຕີ ແຕ ກວາຍ ຕັຣ ລາກວຍ  
(ມາຣະໂກ 10:1-12; ລູກາ 16:18)

1 ແວັດ ເຢຊູ ອາຕີ ປັຣນາຍ ກ້ອຍ, ອັນ ລ້ອຣ ແຕ ແຄງ ຄາລິເລ, ເຈົ້ ມູ່ດ ບໍ່ ແຄງ ຢູດາຍ ແອ້ນ ຍິ່ຣ ອິນຕັຣ ຕາແລ່ ຈໍ່ແດນ. 2 ແອັດ ອຶງກ້ອຍ ເບີນ ກຶ້ງ ກວາຍ ປວາຍ ອັນ, ກະ ເຢຊູ ປົວ ອິນແຍະ ກູ່ ຣາມັຣ ກາ ໄລ່ ກ້ອຍ ອາອີ້.

3 ເບີນ ກວາຍ ແຕ ຈຸ່ມ ພາຣີຊາຍ ແຕ້ອ ບໍ່ ເຢຊູ ຍິ່ຣ ອີ ລ່ອງ ຊາລິອໍ ອັນ. ເຈົ້ ໄລ່ ຕາແບັບ ອັນ ປາຍ: "ຕາປູ່ນ ຄານອດ ໄຣ, ເຕ່ອ ມາ ຕາ ເບີນ ກວາຍ ຣາເລົາ ຕັຣ ລາກວຍ ອັນ, ຄັນ ອັນ ເບີນ ລາໂປຍຣ ແຕ ລາກວຍ ອັນ?"

4 ເຢຊູ ຕາແອັຍ ລັຣ ໄລ່: "ເຍົາ ອານ ເຈົ້ ຕຶ້ງ ບຶ່ງ ປັຣນາຍ ເຢັງ ເຈົ້າຣາຊີ ປາຍ:

'ແຕ ຕາແບັ ລາລື້ ເຢັງ ເຈົ້າຣາຊີ ແຕງ ກວາຍ ຣາ ເລົາ ກະ ກວາຍ ມັນແຊມ ແຮີ.'

5 ກະ ເຢັງ ເຈົ້າຣາຊີ ປາຍ ແອ້ນ ນະໄມ່:

'ຍ່ອນ ແຕ ຣານະ ກ້ອຍ ກວາຍ ຣາເລົາ ອຶງເຄາະ ກາຍັຣ ແຕ ອີມເປ່ອ ອີມບໍ່,

ເຈົ້ ແອັດ ຣາຕອຍ ມູ ຣາງັຣ ກະ ລາກວຍ ອັນ.

ນະກ້ອຍ ບູຣ ນະ ລາກວຍ ກະ ກາຢາອໍ ກ້ອຍ ແກັດ ນະ ມານະ ຊ້ອງ.'

6 ໄລ່ ກ້ອຍ ຕາ ເບີນ ແກັດ ນ້ອງ ບາຣ ນະ. ມາ ໄລ່ ແກັດ ນະ ມານະ ຊ້ອງ. ນະກ້ອຍ, ຄັນ ເຢັງ ເຈົ້າຣາ ຊີ ອາມັຣ ໂອນ ໄລ່ ແກັດ ລາກວຍ ກາຢາອໍ, ອິນ ໂຈຍ ໂອນ ກວາຍ ອາແລ່ ກາຍັຣ ໂອນ ໄລ່ ຣາຕັຣ ນ້ອງ."

7 ກວາຍ ພາຣີຊາຍ ກ້ອຍ ຕາແບັບ ລັຣ ເຢຊູ ປາຍ: "ນານະ ໂມເຊ ປາຕັບ ຣີ, ຄັນ ກວາຍ ອາແລ່ ະ ມາ ຍິ່ຣ ອີ ຕັຣ ລາກວຍ ອັນ, ອຶງເຄາະ ກວາຍ ກ້ອຍ ຄຽນ ຕຶ້ງ ເຈຍ ມັຣ ຣານະ ກ້ອຍ ໂອນ ກວາຍ ການໍ່ອ ດັງ? ນະກ້ອຍ ເຕ່ອ ອັນ ຕັຣ ລາກວຍ ອັນ."

8 ມາ ເຢຊູ ຕາແອັຍ ໄລ່ ປາຍ: "ໂມເຊ ປາຕັບ ໂອນ ເຍົາ ເຕ່ອ ຕັຣ ລາກວຍ ເຍົາ ລາ ຍ່ອນ ເຍົາ ເບີນ ຣາງັຣ ກ້ອງ ລາລື້ ຕາ ຍິ່ຣ ອີ ຊາງັດ ປັຣນາຍ ເຢັງ ເຈົ້າຣາຊີ. ມາ ແຕ ຕາແບັ ເຢັງ ເຈົ້າຣາຊີ ແຕງ ຕຸ່ກ ຣາມັຣ, ອັນ ຕາ ເບີນ ໂອນ ຕະ ນະກ້ອຍ. 9 ມາ ເກົາ ອາຕີ ເຍົາ ປາຍ, ກວາຍ ອາແລ່ ກາ ຕັຣ ລາ ກວຍ ອັນ, ມາ ລາກວຍ ອັນ ຕາ ເບີນ ຕະ ໄລ່ຍຣ ຍ່ອນ ປັຣລິ້ຍ ກະ ຣາເລົາ ການໍ່ອ, ເຈົ້ ອັນ ອິດ ມັນ ແຊມ ຕາໄມ ແອ້ນ, ອັນ ຕະ ໄລ່ຍຣ ໂຈະ ລາກວຍ ຕຍາ ອັນ, ມູເຈິງ ອັນ ເປາະ ປັຣລິ້ຍ."

10 ມູ່ກາ ຣຍານ ແຕ ເຢຊູ ອາຕີ ອັນ ປາຍ: "ຄັນ ລາກວຍ ກາຢາອໍ ມາ ຕາ ເຕ່ອ ຣາຕັຣ, ຄາອໍ ອິນ ໂຈຍ ຣາອິດ ນ້ອງ ລາກວຍ ກາຢາອໍ."

11 ເຢຊູ ຕາແອັຍ ໄລ່ ປາຍ: "ມັຣ ປັຣນາຍ ເກົາ ອາຕີ ກະ ເຍົາ ໄມ່, ຕາ ເບີນ ກູ່ ນະ ກວາຍ ເຮົາບ ຕະ ຕາປູ່ນ ປັຣນາຍ ໄມ່. ແອັງ ໄລ່ ກາ ເຢັງ ເຈົ້າຣາຊີ ຈ່ອຍ ຊ້ອງ ເຮົາບ ຕະ ຕາປູ່ນ. 12 ເບີນ ກວາຍ ກາ ຕາ ຍິ່ຣ ອີ ອິດ ລາກວຍ, ຍ່ອນ ຈະ ໄລ່ ຕາ ເບີນ ອໍ ແຕ ຕາໄງ ອີມເປ່ອ ໄລ່ ຣັຣ. ເບີນ ກວາຍ ການໍ່ອ

ກາ ຕາ ຍິ້ອ ອີ ອິດ ລາກວຍ ຍ່ອນ ເບີນ ເມົ້າ ລັດ ໄລ່. ກະ ເບີນ ກວາຍ ການໍ້ອ ກາ ຕາ ຍິ້ອ ອີ ອິດ ລາກວຍ ຍ່ອນ ໄລ່ ຍິ້ອ ອີ ຕະ ຮານະ ເຢີງ ເຈົ້າຮາ ຊີ ອິນແຍ່ະ ຮາງິ່ຮ ຮາແຮີ ໄລ່. ກວາຍ ອາແລະ ມາ ເຮີບ ຕະ ຕາປຸ່ນ ມັຮ ປັຮນາຍ ໄມ່, ໂອນ ກວາຍ ກ້ອຍ ຕະ."

ເຢຊູ ໂອນ ກັຮແນນ ເບີນ ບຸ່ນ  
(ມາຣະໂກ 10:13-16; ລູກາ 18:15-17)

13 ເບີນ ກວາຍ ເດີງ ມັຮ ກັຮແນນ ແຕ້ອ້ ບໍ ເຢຊູ ຍິ້ອ ອີ ໂອນ ເຢຊູ ຊາປະ ອາຕີ ຕິ່ງ ກັຮແນນ ກ້ອຍ, ກະ ເກົາແຊອໍ ໂອນ ໄລ່. ມາ ມູ່ ກາ ຮຍານ ແຕ ເຢຊູ ກາແອັຮ ມັຮ ກວາຍ ກາ ເດີງ ກັຮແນນ ກ້ອຍ. 14 ເຢຊູ ປາຍ: "ເຍົາ ໂອນ ກັຮແນນ ແຕ້ອ້ ບໍ ເກົາ. ອິນໂຈຍ ກາຕັງ ໄລ່, ຍ່ອນ ຕິ່ງ ຈຸ່ມ ເຢີງ ເຈົ້າຮາຊີ ຕະ ຊົດ ເບີນ ແອັງ ກວາຍ ກາ ເບີນ ຮາງິ່ຮ ນະ ກັຮແນນ ໄມ່ ເຕ່."

15 ແວັດ ເຢຊູ ຊາປະ ອາຕີ ອັນ ຕິ່ງ ມັຮ ກັຮ ແນນ ກ້ອຍ, ເຈີ້ ອັນ ເປາະ ແຕ ອິນຕຸ ກ້ອຍ.

ກວາຍ ນຸ່ມ ກາ ຊຸ  
(ມາຣະໂກ 10:17-31; ລູກາ 18:18-30)

16 ເບີນ ມານະ ຮາເລົາ ແຕ້ອ້ ບໍ ເຢຊູ. ອັນ ຕາ ແບີບ ເຢຊູ ປາຍ: "ອາຈານ ເອີຍ! ຮານະ ອໍ ອິນ ເຕົ້າ ອິງເຄາະ ເກົາ ຕະ ໂອນ ເຕອ້ ເກົາ ເບີນ ອາມັງ ເລືອຍໆ?"

17 ເຢຊູ ຕາແອີຍ ລັຮ ອັນ ປາຍ: "ນານະ ໄມ່ ຕາ ແບີບ ເກົາ ແຕ ຮານະ ອໍ? ເບີນ ແອັງ ເຢີງ ເຈົ້າຮາ ຊີ ຊ້ອງ ອໍ. ຄັນ ໄມ່ ຍິ້ອ ອີ ເບີນ ອາມັງ ເລືອຍໆ, ອິງເຄາະ ໄມ່ ຕະ ຕາປຸ່ນ ອິນແຍ່ະ ປັຮນາຍ ເຢີງ ເຈົ້າຮາຊີ ປາຕັບ."

18 ກວາຍ ຮາເລົາ ກ້ອຍ ຕາແບີບ ລັຮ ປາຍ: "ປັຮນາຍ ປາຕັບ ອາແລະ?"

ເຢຊູ ຕາແອີຍ ລັຮ ປາຍ: "ອິນໂຈຍ ກາຈິດ ກວາຍ; ອິນໂຈຍ ປັຮລີ້ຍ ລາກວຍ ເມົ້າ; ອິນໂຈຍ ຕູຕວຍ; ອິນໂຈຍ ຕະ ອິນຕີ ອາໂລກ; 19 ຢານັບ ອິມເປອ້ ອິມບໍ່; ກະ ອາຢະ ເຍົາ ມູເຈີງ ໄມ່ ອາຢະ ຈະ ໄມ່ ເບີນ ເຕ່."

20 ກວາຍ ນຸ່ມ ກ້ອຍ ຕາແອີຍ ລັຮ ປາຍ: "ກູ່ ປັຮນາຍ ປາຕັບ ກ້ອຍ ເກົາ ຕະ ຕາປຸ່ນ ອິນແຍ່ະ ເຈີ້. ມາ ຮານະ ອິນເຕົ້າ ກາ ເກົາ ຕາ ຢວາຮ ຕະ?"

21 ເຢຊູ ອາຕີ ລັຮ ອັນ ປາຍ: "ຄັນ ໄມ່ ຍິ້ອ ອີ ເບີນ ຮາງິ່ຮ ກາ ຕາ ເບີນ ແອີ ມວຍ ຮາມິ່ຮ ອໍ ອິນ ເຕົ້າ, ໂອນ ໄມ່ ເປາະ ຈິ ອິນແຍ່ະ ມັຮ ມຸ່ນ ໄມ່, ເຈີ້ ອິດ ປຣະ ກ້ອຍ ຈ່ອຍ ໂອນ ມັຮ ກວາຍ ກາຕິດ.

ຄັນ ໄມ່ ຕະ ນະກ້ອຍ, ໄມ່ ເບີນ ມຸ່ນ ອໍ ຕິ່ງ ມັນ ລ້ອງ. ເຈີ້ ໄມ່ ແຕ້ອ້ ປວາຍ ເກົາ."

22 ແວັດ ເຢຊູ ປາຍ ນະກ້ອຍ, ກວາຍ ນຸ່ມ ກ້ອຍ ເປາະ ແຕ ກ້ອຍ ກະ ອັນ ຊ້ອງ ຕຸຣ ຕິ່ງ ຮາງິ່ຮ ອັນ, ຍ່ອນ ອັນ ລາ ກວາຍ ຊຸ ລາລີ້.

23 ແວັດ ກ້ອຍ ເຢຊູ ອາຕີ ລັຮ ມູ່ ກາ ຮຍານ ແຕ ອັນ ປາຍ: "ເກົາ ອາຕີ ຕາມ້ອງ ໂອນ ເຍົາ, ມັຮ ກວາຍ ຊຸ ເບີນ, ກັດ ລາລີ້ ໂອນ ໄລ່ ກ້ອຍ ມູ່ດ ຕິ່ງ ຈຸ່ມ ກາ ເຢີງ ເຈົ້າຮາຊີ ຕະ ຊົດ. 24 ກະ ເກົາ ອາຕີ ເຍົາ ແອັນ ປາຍ: ຊັນຕຣັນ ອູ່ດ ມາ ລວາຍ ຕາຣັງ ມັນຈິລ, ອິນເນີ່ມ ອຽນ ກາເລີຍ ແຕ ກວາຍ ຊຸ ເບີ ນ ອີ ມູ່ດ ຕິ່ງ ຈຸ່ມ ກາ ເຢີງ ເຈົ້າຮາຊີ ຊົດ."

25 ພໍ ມູ່ ກາ ຮຍານ ແຕ ເຢຊູ ຊ້ອງ ນະກ້ອຍ, ໄລ່ ຊ້ອງ ງິດ ລາລີ້ ກະ ໄລ່ ຕາແບີບ ປາຍ: "ຄັນ ນະກ້ອຍ, ເມົ້າ ເຕອ້ ເບີນ ອາມັງ ເລືອຍໆ?"

26 ເຢຊູ ແມ່ ປີ ໄລ່ ກະ ອາຕີ ໄລ່ ປາຍ: "ກວາ ຍ ລາ ຕາ ເຕອ້ ຕະ ເບີນ ຮານະ ກ້ອຍ, ມາ ເຢີງ ເຈົ້າຮາຊີ ເຕອ້ ຕະ ກູ່ ຮາມິ່ຮ."

27 ແວັດ ກ້ອຍ ເປັຕ ປາຍ ໂຈະ ເຢຊູ ນະໄມ່: "ຮີ ຕັຮ ອິນແຍ່ະ ກູ່ ຮາມິ່ຮ ຮີ ເບີນ, ຍ່ອນ ຮີ ອີ ເປາະ ກະ ອາຈານ. ນະກ້ອຍ ປັຮແນີ ມັນເຕຣີ ຮີ ເບີນ ເກົາ ອິນເຕົ້າ?"

28 ເຢຊູ ຕາແອີຍ ໄລ່ ກ້ອຍ ປາຍ: "ເກົາ ອາ ຕີ ຕາມ້ອງ ໂອນ ເຍົາ, ຕິ່ງ ແດີຍ ຕາໄມ, ບັອງ ກາ ເກົາ, ກອນ ເຢີງ ແກັດ ກວາຍ, ຕາກູ ຕິ່ງ ອິນຕຸ ເກົາ ຊົດ, ບັອງ ກ້ອຍ ເຍົາ ກາ ປວາຍ ເກົາ, ເຍົາ ເບີນ ຕາກູ ຕິ່ງ ມັນຈິດ ລາ ບາຣ ອິນຕຸ ຊົດ ເຕ່ ໂອນ ຕັດຊິ່ນ ອິນແຍ່ະ ມວຍ ຈິດ ລາ ບາຣ ຈຸ່ມ ກວາຍ ອິດຊະຮາເອລ. 29 ກະ ຄັນ ກວາຍ ອາແລະ ະ ຕັຮ ດຸງ, ຕັຮ ແຊມອາຍ ແຊມແອີຍ, ຕັຮ ອິມ ເປອ້ ອິມບໍ່, ຕັຮ ກອນ ອາໂກ, ແຕີລາ ຕັຮ ໂທຣ, ຍ່ອນ ອັນ ຍິ້ອ ອີ ປວາຍ ເກົາ, ກວາຍ ກ້ອຍ ເບີ ນ ຮັບ ລັຮ ມວຍ ຮ່ອຍ ຕໍ ກາເລີຍ ແຕ ອິນໂຍ່ງ ແອັນ. ກະ ເຈີ້ ປີ ເມີງ ກວາຍ ກ້ອຍ ເບີນ ອາມັງ ເລືອຍໆ ແຮີ. 30 ມາ ຊາອີ້ຍ ນະ ກາ ແກັດ ປັດ ຊາ ນໍ່, ເຈີ້ ປີ ເມີງ ໄລ່ ກ້ອຍ ແກັດ ແກດໆ ແອັນ. ກະ ຊາອີ້ຍ ນະ ກາ ແກັດ ແກດໆ ຊານໍ່, ເຈີ້ ປີ ເມີງ ໄລ່ ກ້ອຍ ແກັດ ປັດ ແອັນ."

**20**

ເຢຊູ ຊາກໍາ ແຕ ກວາຍ ຕະ ຮານະ ຕິ່ງ ຊວນ ປາໄລ ອາງຸ່ນ

1 "ເຢີງ ເຈົ້າຮາຊີ ຕະ ຊົດ ລາ ນະ ກວາຍ ອິນເຈົ້າ ຊວນ ປາໄລ ອາງຸນ. ແຕ ປຶ້ ລາລີ້ ອັນ ເປາະ ຈໍ່ອໍ ກວາຍ ທູແທ ຕະ ຮານະ ຕຶ່ງ ຊວນ ອັນ. 2 ອິນເຈົ້າ ກ້ອຍ ປຣ່ອມ ໂອນ ປຣະ ປິ ກວາຍ ທູແທ ກ້ອຍ ມວຍ ຕາໄງ ມວຍ ກຸອງ ປຣະ ອານາມ. ເຈີ້ ອັນ ແປຣີ ໄລ່ ກ້ອຍ ເປາະ ຕະ ຮານະ ຕຶ່ງ ຊວນ ອັນ. 3 ແຕ້ອໍ ມານາງ ຈັຮ, ອິນເຈົ້າ ກ້ອຍ ເປາະ ຈໍ່ອໍ ລັຮ ກວາຍ ທູແທ ຕະ ຮານະ ຕຶ່ງ ຊວນ ອັນ. ອັນ ຮາມິ ຮ ມັຮ ກວາຍ ຕຶ່ງ ຕາລາດ ກາ ຕາ ເບີນ ຕະ ຮານະ ອິນເຕົ້າ. 4 ອັນ ອາຕີ ໄລ່ ກ້ອຍ ປາຍ: 'ເຍົາ ເປາະ ຕະ ຮານະ ຕຶ່ງ ຊວນ ເກົາ. ເກົາ ໂອນ ປຣະ ປິ ເຍົາ ເກົາ ກາ ເຍົາ ຕະ ຮານະ.'

5 "ນະກ້ອຍ ໄລ່ ກ້ອຍ ເປາະ. ແຕ້ອໍ ມານາງ ຕິລມູ່ລ ກະ ມານາງ ວິ້ຮ, ອິນເຈົ້າ ກ້ອຍ ເປາະ ຈໍ່ອໍ ລັຮ ກວາຍ ການໍ່ອໍ ກະ ແປຣີ ໄລ່ ເປາະ ຕະ ຕຶ່ງ ຊວນ ອັນ. 6 ພໍກາ ແຕ້ອໍ ມັດ ມານາງ ຕາປີ້, ອິນເຈົ້າ ກ້ອຍ ເປາະ ປິ ຕາລາດ ຊາ. ອັນ ຮາມິຮ ມັຮ ກວາຍ ການໍ່ອໍ ກາ ຕາ ເບີນ ຕະ ຮານະ ອິນເຕົ້າ. ອັນ ຕາແບັບ ມັຮ ກວາຍ ກ້ອຍ ປາຍ: 'ນານະ ເຍົາ ອິດ ເພັດ ຊ່ອງ ອິນໃນ? ອິນແຍະ ມວຍ ຕາໄງ ໄມ່ ເຍົາ ຕາ ເບີນ ຕະ ອິນເຕົ້າ.'

7 "ໄລ່ ກ້ອຍ ຕາແອິຍ ປາຍ: 'ຍ່ອນ ຕາ ເບີນ ເມົ້າ ກູອໍ ຣິ ທູແທ.'

"ນະກ້ອຍ ກວາຍ ອິນເຈົ້າ ກ້ອຍ ປາຍ ແອິນ ໂຈະ ໄລ່ ນະໄມ່: 'ເອົາ, ເຍົາ ເປາະ ຕະ ຕຶ່ງ ຊວນ ເກົາ ເຕ່.'

8 "ພໍກາ ຕາປີ້ ແຈະ ອີ ຊາເດົາ, ອິນເຈົ້າ ກ້ອຍ ແປຣີ ກວາຍ ກາ ຕະ ຈ່ອຍ ອັນ ປາຍ: 'ໄມ່ ເປາະ ກູອໍ ມັຮ ກວາຍ ທູແທ ເຈີ້ ໂອນ ປຣະ ປິ ໄລ່. ໄມ່ ໂອນ ໄລ່ ກາ ມູ່ດ ຕະ ອິນຕຸ່ນ ເວົ້າຍ. ແວັດ ກ້ອຍ ໄມ່ ໂອນ ໄລ່ ກາ ມູ່ດ ຕະ ຮານະ ອິນໂຍ່ງ ແອິນ.'

9 "ໄລ່ ກາ ຕາແປ ຕະ ຮານະ ມານາງ ຕາປີ້ ແຕ້ອໍ ປິ ອິນເຈົ້າ; ເຈີ້ ອິນເຈົ້າ ໂອນ ໄລ່ ມານະ ມວຍ ກຸອງ ປຣະ ອານາມ. 10 ນະກ້ອຍ ມັຮ ໄລ່ ກາ ຕະ ຮານະ ອິນໂຍ່ງ, ໄລ່ ຄິດ ປາຍ ໄລ່ ເບີນ ຊາອິ້ຍ ກາເລີຍ ແຕ ກວາຍ ກາ ຕະ ອິນຕຸ່ນ. ມາ ພໍກາ ໄລ່ ແຕ້ອໍ ປິ ອິນເຈົ້າ, ອິນເຈົ້າ ໂອນ ໄລ່ ມານະ ມວຍ ກຸອງ ປຣະ ອານາມ ເຕ່. 11 ແວັດ ໄລ່ ອິດ ປຣະ, ເຈີ້ ໄລ່ ຮາ ຈຽນ ກະ ອິນເຈົ້າ ກ້ອຍ. 12 ໄລ່ ປາຍ: 'ມັຮ ກວາຍ ກາ ແຕ້ອໍ ອິນຕຸ່ນ ກ້ອຍ, ໄລ່ ຕະ ມາໂຣຍ ຊ່ອງ. ມາ ຣິ ໄມ່, ຣິ ຕະ ອິນແຍະ ຕາໄງ. ຣິ ຈິວ ຕຍາງ ພວາຣໍ ກະ ຈິວ ລາແກັຮ ລາລີ້ ອິນແຍະ ມູ ຕາໄງ. ມາ ອິນເຈົ້າ ໂອນ ປຣະ ປິ ຣິ ມູເຈີງ ກະ ໄລ່ ກ້ອຍ ເຕ່.'

13 "ມາ ອິນເຈົ້າ ກ້ອຍ ຕາແອິຍ ມານະ ແຕ ໄລ່ ກ້ອຍ ປາຍ: 'ເຍົາ ເອິຍ! ເກົາ ຕາ ເບີນ ໄລ່ ເຍົາ. ເຍົາ ປຣ່ອມ ກະ ເກົາ ເຈີ້, ເຍົາ ຕະ ມວຍ ຕາໄງ, ເກົາ ໂອນ ເຍົາ ມານະ ມວຍ ກຸອງ ປຣະ. 14 ເຍົາ ອິດ ປຣະ ເຍົາ, ເຈີ້ ເຍົາ ເຈົ້າ. ຄັນ ເກົາ ມາ ອິ ໂອນ ມັຮ ກວາຍ ກາ ຕະ ອິນຕຸ່ນ ໄມ່ ຣາລີ້ ກະ ເຍົາ ເຕ່, 15 ແຕ້ອໍ ມາ ຕາ ເບີນ ເກົາ ຕະ ນະກ້ອຍ ກະ ປຣະ ເກົາ ເບີມ? ນານະ ເຍົາ ຊ່ອງ ອວານ ເຍົາ ເຮັມ ເກົາ ຕະ ຮານະ ອໍ ໂອນ ກວາຍ ການໍ່ອໍ?'

16 "ນະກ້ອຍ, ໄລ່ ກາ ອິນຕຸ່ນ ຊານໍ່, ປຣແມິ ມັນເຕຣີ ໄລ່ ແກັດ ອິນໂຍ່ງ. ກະ ໄລ່ ກາ ອິນໂຍ່ງ ຊານໍ່, ປຣແມິ ມັນເຕຣີ ໄລ່ ກ້ອຍ ແກັດ ອິນຕຸ່ນ ແອິນ."

ເຢຊູ ອາຕີ ແຕ ອັນ ຈິວ ຕຸຣ ກັດ  
(ມາຣະໂກ 10:32-34; ລູກາ 18:31-34)

17 ບັອງ ກາ ເຢຊູ ຊ່ອຣ ປິ ເມືອງ ເຢຣູຊາເລັມ, ອັນ ເດີງ ແອິງ ມູ່ ກາ ຣຍານ ແຕ ອັນ ຊ່ອງ ເປາະ ກະ ອັນ. ບັອງ ກາ ໄລ່ ເປາະ ຕຶ່ງ ຮານາ ເຢຊູ ອາຕີ ໄລ່ ປາຍ: 18 "ໂອນ ເຍົາ ຊາງັດ! ໄຮ ອິ ຊ່ອຣ ປິ ເມືອງ ເຢຣູຊາເລັມ. ແອິດ ອິນຕຸ ກ້ອຍ ເມົ້າ ອິ ມ່ອບ ເກົາ ກອນ ເຢີງ ແກັດ ກວາຍ ໂອນ ກວາຍ ກາ ຊົດ ຊາງ ຮິ່ດ ກະ ມັຮ ກວາຍ ອາຕີ ຄານອດ. ໄລ່ ກ້ອຍ ນັດ ດໍອໍ ອິງເຄາະ ເກົາ ຈິວ ກູຈິດ. 19 ເຈີ້ ໄລ່ ມ່ອບ ເກົາ ປິ ກວາຍ ຕາ ແກິນ ກວາຍ ອິດຊະ ຮາເອລ. ກວາຍ ກ້ອຍ ອາເຢ່ ພາມາດ ເກົາ, ໄປຣັຮ ເກົາ, ກະ ແຕັຮ ເກົາ ຕຶ່ງ ອາລ່ອງ ຊັງກັງ. ມາ ແຕ້ອໍ ຕາໄງ ໄປ, ເກົາ ອາມັງ ລັຮ."

ບາຣ ລໍາ ກອນ ຮາເລົາ ເຊເບດາຍ  
(ມາຣະໂກ 10:35-45)

20 ແວັດ ກ້ອຍ, ເບີນ ລາກວຍ ເຊເບດາຍ ກະ ບາຣ ນະ ກອນ ຮາເລົາ ອັນ ແຕ້ອໍ ປິ ເຢຊູ. ມັນ ແຊມ ກ້ອຍ ກູ່ ຮາໂກລ ຍິ່ຣ ເມີງ ເຢຊູ ກະ ແຊຣໍ ມວຍ ຮາມິຮ ແຕ ອັນ. 21 ເຢຊູ ຕາແບັບ ມັນແຊມ ກ້ອຍ ປາຍ: "ອິນເຕົ້າ ໄມ່ ຍິ່ຣ ອິ ເບີນ?"

ມັນແຊມ ກ້ອຍ ຕາແອິຍ ປາຍ: "ແຊຣໍ ອາຈານ ໂອນ ບາຣ ລໍາ ກອນ ເກົາ ໄມ່ ຕາກູ ມານະ ຍິ່ຣ ອາຕໍ່າ, ມານະ ຍິ່ຣ ອາເວຣ່ ອາຈານ, ແຕ້ອໍ ອາຈານ ແກັດ ຊົດ."

22 ມາ ເຢຊູ ຕາແອິຍ ໄລ່ ໄປ ນະ ກ້ອຍ ປາຍ: "ເຍົາ ອິນນ້ອງ ຕາ ເບີນ ຕັງ ຮາມິຮ ກາ ເຍົາ ແຊຣໍ! ເຍົາ ເຮົາບ ຈ່ອຍ ມວຍ ຈອກ ກາ ເກົາ ອິ ຈ່ອຍ ບໍ່?"\*

\* 20:22 20:22 ພໍກາ ເຢຊູ ປາຍ "ຈ່ອຍ ມວຍ ຈອກ," ອັນ ຊາກໍາ ແຕ "ຈິວ ຕຸຣ ກັດ."

ໄລ່ ບາຣ ນະ ກ້ອຍ ຕາແອີຍ ອັນ ປາຍ: "ຮິ ຣີ້າບ."

23 ເຈີ່ ເຢຊູ ອາຕີ ລັຮ ໄລ່ ປາຍ: "ປັຣແນີ ມັນ ເຕຣີາ ເຍົາ ອົງເຄາະ ຈ່ອຍ ມວຍ ຈອກ ກະ ເກົາ ເຕ່. ມາ ເກົາ ຕາ ເຕ່ອ ໂອນ ເຍົາ ຕາກູ ຍັຮ ອາຕຳ ກະ ຍັຮ ອາເວ່ຣ ເກົາ. ຣານະ ໄນ່ ແອັງ ອີມປໍ ເກົາ ຊ້ອງ ເຕ່ອ ຮຽຮ."

24 ພໍ ກາ ໄລ່ ມວຍ ຈິດ ນະ ການໍ່ອ ຕຶ້ງ ມູ່ ກາ ຣຍານ ແຕ ເຢຊູ ຊ້ອງ ຣານະ ໄນ່, ໄລ່ ກ້ອຍ ຊ້ອງ ອົງຄົນ ລາລີ້ ໂຈະ ບາຣ ນະ ແຊມອາຍ ກ້ອຍ. 25 ນະກ້ອຍ ເຢຊູ ກູອໍ ອິນແຍ່ະ ມູ່ ກ້ອຍ ແຕ້ອ ປໍ ອັນ. ກະ ອັນ ອາຕີ ໄລ່ ກ້ອຍ ປາຍ: "ເຍົາ ດັງ ເຈີ່ ມັຮ ກວາຍ ຊົດ ຕຶ້ງ ແດັຍ ໄນ່, ໄລ່ ຕະ ໂອນ ມັຮ ກອນແຊມ ອົງກ້ອຣ ໄລ່; ເຈີ່ ໄລ່ ມັນຕຣຸ່ ກອນ ແຊມ ກະ ຕະ ຕຸຣ ກັດ ລາລີ້. 26 ມາ ເຍົາ ອິນໂຈຍ ຕະ ນະກ້ອຍ. ກວາຍ ອາແລະ ຍິອ ອີ ເກັດ ປິດ ຕຶ້ງ ມູ່ ເຍົາ, ອົງເຄາະ ອັນ ຕະ ຣານະ ເຍົາ. 27 ກະ ກວາຍ ອາແລະ ມາ ຍິອ ອີ ເກັດ ປິດ ແກຼ້ຍ ອິນ ແຍ່ະ ແຕ ການໍ່ອ ຕຶ້ງ ມູ່ ເຍົາ, ອົງເຄາະ ອັນ ກ້ອຍ ເກັດ ຊູລ ເຍົາ. 28 ມູເຈັງ ກ້ອຍ ເຕ່, ເກົາ ກອນ ເຢັງ ເກັດ ກວາຍ ຕາ ເບີນ ແຕ້ອ ປີ ໄນ່ ໂອນ ເມົາ ຈ່ອຍ ເກົາ, ມາ ເກົາ ແຕ້ອ ປີ ໄນ່ ອີ ຈ່ອຍ ກວາຍ ການໍ່ອ. ກະ ເກົາ ຈິວ ກູຈິດ ອີ ໄທ ຊາອິ້ຍ ນະ ກວາ ຍ."

ເຢຊູ ປົວ ບາຣ ນະ ກວາຍ ຊູດ ມັດ  
(ມາຣະໂກ 10:46-52; ລູກາ 18:35-43)

29 ບັອງ ກາ ເຢຊູ ກະ ມູ່ ກາ ຣຍານ ແຕ ອັນ ລ້ອຣ ແຕ ເມືອງ ເຢຣີໂກ, ເບີນ ກຶ້ງ ກວາຍ ປວາຍ ອັນ. 30 ເບີນ ບາຣ ນະ ກວາຍ ຊູດ ມັດ ແອັດ ຕາ ກູ ແຈ່ະ ຣານາ. ໄລ່ ຊ້ອງ ເຢຊູ ເປາະ ພາ ແຈ່ະ ໄລ່. ເຈີ່ ໄລ່ ຊາບາວ ເຣັງ ລາລີ້ ປາຍ: "ອິນເຈົ້າ, ແຕ ຈຸ່ມເຈືອ ດາວິດ ເອີຍ! ແຊອໍ ອິນເຈົ້າ ອາໂຢະ ຕະ ຮິ ແຮີ!"

31 ມັຮ ກວາຍ ກຶ້ງ ກ້ອຍ ກາແອັຣ ໂຈະ ໄລ່ ບາຣ ນະ ກວາຍ ຊູດ ມັດ ກະ ອາຕີ ໄລ່ ປາຍ: "ເຍົາ ອິນ ໂຈຍ ຕະ ແບອໍ ນ້ອງ!"

ມາ ໄລ່ ບາຣ ນະ ກ້ອຍ ຊາບາວ ເຣັງ ລາລີ້ ແອັນ ປາຍ: "ອິນເຈົ້າ ແຕ ຈຸ່ມເຈືອ ດາວິດ ເອີຍ! ແຊອໍ ອິນເຈົ້າ ອາໂຢະ ຕະ ຮິ ແຮີ!"

32 ນະກ້ອຍ ເຢຊູ ຕາງິດ. ເຈີ່ ອັນ ກູອໍ ບາຣ ນະ ກ້ອຍ ກະ ຕາແບັບ ໄລ່ ກ້ອຍ ປາຍ: "ອິນເຕົ້າ ເຍົາ ໂອນ ເກົາ ຈ່ອຍ ເຍົາ?"

33 ໄລ່ ກ້ອຍ ຕາແອີຍ ປາຍ: "ອິນເຈົ້າ ເອີຍ! ຮິ ຍິອ ອີ ບຣາງ ເຮີມ ເຕ່!"

34 ເຈີ່ ເຢຊູ ຊ້ອງ ອາໂຢະ ຕະ ໄລ່ ບາຣ ນະ ກ້ອຍ, ກະ ອັນ ຊາປະ ອາຕີ ຕຶ້ງ ມັດ ໄລ່ ກ້ອຍ. ບັອງ ກາ ກ້ອຍ ແຕ່ ມັດ ໄລ່ ບາຣ ນະ ກ້ອຍ ເກັດ ປັງ ລັຮ. ເຈີ່ ໄລ່ ປວາຍ ເຢຊູ ເຕ່.

## 21

ເຢຊູ ມູ່ດ ຕຶ້ງ ເມືອງ ເຢຣູຊາເລັມ  
(ມາຣະໂກ 11:1-11; ລູກາ 19:28-40; ໂຢຮັນ 12:12-19)

1 ພໍ ກາ ໄລ່ ກ້ອຍ ແຈ່ະ ອີ ແຕ້ອ ເມືອງ ເຢຣູຊາເລັມ, ໄລ່ ຕາແບັ ແຕ້ອ ວິລ ເບັດພາເຄ ແອັດ ຕຶ້ງ ກັຣ ອາໂປນ. ພໍ ກາ ໄລ່ ແຕ້ອ ປີ ກາ ຕຣໍ ເມືອງ ກ້ອຍ, ເຢຊູ ແປຣີ ບາຣ ນະ ມູ່ ກາ ຣ ຍານ ແຕ ອັນ ປາຍ: 2 "ເຍົາ ເປາະ ປີ ເມືອງ ໄນ່. ພໍ ກາ ເຍົາ ມູ່ດ ປີ ກ້ອຍ, ເຍົາ ຣາມັຣ ແຕ່ ອາກັນ ອາ ແຊັຣ ແຈລ ກະ ກອນ ອັນ, ເມົາ ຊັດ ດໍອ ຕຶ້ງ ລັກ ປີ ກ້ອຍ. ເຍົາ ອາແລ້ຣ; ເຈີ່ ເຍົາ ເຕີ ເດັງ ປີ ເກົາ. 3 ລັ້ນ ເບີນ ອາແລະ ຕາແບັບ ເຍົາ ປາຍ: 'ນານະ ເຍົາ ຕະ ນະກ້ອຍ?' ເຍົາ ຕາແອີຍ ປາຍ: 'ອິນເຈົ້າ ໄຮ ຍິອ ອີ ເມົານ. ແວັດ ອັນ ເມົານ, ເຈີ່ ອັນ ເດັງ ກູລັຣ ລັຮ ໂອນ ເຍົາ.'"

4 ມັຮ ຣາມັຣ ໄນ່ ຮຸປປາຍ ກະ ປັຣນາຍ ກວາຍ ອາຕີ ຕາງ ປັຣນາຍ ເຢັງ ເຈົ້າຣາຊີ ປາຍ ແຕ ອິມ ແບັ:

5 "ອົງເຄາະ ໄນ່ ອາຕີ ກວາຍ ຕຶ້ງ ເມືອງ ເຢຣູຊາເລັມ ປາຍ:

'ເຕົ້າວ ປັຣເຍົາ ເຍົາ ແຕ້ອ ປີ ເຍົາ ເຈີ່.

ອັນ ລາ ກວາຍ ເບີນ ຣາງັຣ ລາເວົ້າຍ ອໍ.

ກະ ອັນ ຕາກູ ຕຶ້ງ ກຣ້ອງ ອາແຊັຣ ແຈລ, ອາ ແຊັຣ ກອນ ກ້ອຍ.'"

6 ນະກ້ອຍ ໄລ່ ບາຣ ນະ ມູ່ ກາ ຣຍານ ແຕ ເຢຊູ, ເປາະ ຕະ ກູ່ ຣາມັຣ ມັຮ ກາ ອັນ ແປຣີ ໄລ່. 7 ໄລ່ ເດັງ ອາຊວຍ ປີ ເຢຊູ ກອນ ກະ ອາກັນ ອາແຊັຣ ແຈລ ກ້ອຍ. ກະ ໄລ່ ເຊີນ ຕໍາປັອກ ໄລ່ ຕຶ້ງ ກຣ້ອງ ອາແຊັຣ. ເຈີ່ ເຢຊູ ຊ້ອຣ ຈິຣ ຕຶ້ງ ກຣ້ອງ ອາແຊັຣ ກ້ອຍ. 8 ກຶ້ງ ລາລີ້ ກວາຍ ເຊີນ ຕໍາປັອກ ໄລ່ ຕຶ້ງ ຣານາ. ເບີນ ໄລ່ ກາ ມູ່ດ ຕຶ້ງ ອາຣິ້ຍຣ, ກັຣໂປຣ ໂກຍ ອາລ່ອງ, ເຈີ່ ໄລ່ ເຊີນ ຕຶ້ງ ຣານາ ເຕ່. 9 ອັນ ກາ ຕາຢັຣ ອິນໂຍ່ງ ກະ ອັນ ກາ ຕາຢັຣ ອິນຕຸ່ນ, ໄລ່ ຕຣຍາວ ເຣັງ ລາລີ້ ປາຍ: "ໂຮຊັນນາ! ຍ່ອງ ອັນ ກາ ແຕ ຈຸ່ມເຈືອ ເຕົ້າວ ປັຣເຍົາ ດາວິດ, ອັນ

ກາ ເຢີງ ເຈົ້າຮາຊີ ຮຽຮ ໂອນ ຈ່ອຍ ອາມົ່ງ ກວາຍ!  
ແຊຣ໌ ເຢີງ ເຈົ້າຮາຊີ ໂອນ ເບີນ ບຸ່ນ ປີ ກວາຍ  
ກາ ແຕ້ອ໌ ຍ່ອນ ຮາມິ້ຣ ເຢີງ ເຈົ້າຮາຊີ. ໂຮຊັນນາ!  
ຍ່ອງ ເຢີງ ເຈົ້າຮາຊີ!"\*

10 ບັອງ ກາ ເຢຊູ ມູ່ດ ຕຶ້ງ ເມືອງ ເຢຣູຊາເລັມ,  
ອິນແຍ່ະ ມັຮ ກວາຍ ກາ ແອິດ ຕຶ້ງ ເມືອງ ກ້ອຍ,  
ໄລ່ ປັຣລັອງ ເນ່ ກະ ໄລ່ ຕາແບີບ ປາຍ: "ກວາຍ  
ໄນ່ ລາ ເມົ້າ?"

11 ກວາຍ ກຶ້ງ ກ້ອຍ ຕາແອິຍ ປາຍ: "ໄນ່ ລາ  
ເຢຊູ. ອັນ ລາ ກວາຍ ອາຕີ ຕາງ ປັຣນາຍ ເຢີງ  
ເຈົ້າຮາຊີ ແຕ ວິລ ນາຊາເຣັດ ແຄງ ຄາລີເລ."

ເຢຊູ ມູ່ດ ຕຶ້ງ ດຸງ ຊາງ ປັດ  
(ມາຣະໂກ 11:15-19; ລູກາ 19:45-48;  
ໂຢຣັນ 2:13-22)

12 ເຢຊູ ມູ່ດ ຕຶ້ງ ຊັງອາຣ ດຸງ ຊາງ ປັດ. ກະ  
ອັນ ຕູ່ຍຣ ອາລັອຣ ອິນແຍ່ະ ມັຮ ກວາຍ ກາ ຈູຈີ  
ຕຶ້ງ ຊັງອາຣ ດຸງ ຊາງ ກ້ອຍ. ອັນ ກູແຕັລ ກາເຈິ່ງ  
ເມົ້າ ປຽນ ປຣະ ກະ ກາເຈິ່ງ ເມົ້າ ຕາກູ ຈີ ແຈມ ປາ  
ເຮົາດ. 13 ອັນ ອາຕີ ກວາຍ ກ້ອຍ ປາຍ: "ຕຶ້ງ ປັຣ  
ນາຍ ເຢີງ ເຈົ້າຮາຊີ ຄຽນ ປາຕັບ ດໍອ໌ ປາຍ:  
'ເມົ້າ ດໍອ໌ ດຸງ ເກົາ ລາ ດຸງ ໂອນ ກວາຍ ເກົາແຊຣ໌  
ຊ້ອງ.'

ມາ ເຍົາ ຕະ ໂອນ ດຸງ ໄນ່ ແກິດ ນະ ກິ້ບ ໂອນ ກວາຍ  
ຊາແວງ ມູ່ດ ໂຕ່ະ!"

14 ແວັດ ກ້ອຍ, ເບີນ ກວາຍ ຊູດ ມັດ ກະ ກວາຍ  
ຍ ໂຢດ ແຕ້ອ໌ ປີ ເຢຊູ ປີ ດຸງ ຊາງ ປັດ ກ້ອຍ. ເຈິ່  
ເຢຊູ ປົວ ໄລ່ ກ້ອຍ. 15 ມາ ມັຮ ກວາຍ ຊົດ ມູ່  
ກາ ຊາງ ຮິ່ດ ເຢີງ ເຈົ້າຮາຊີ, ກະ ມັຮ ກວາຍ ອາ  
ຕີ ຄານອດ, ໄລ່ ຊ້ອງ ອິງຄິ້ນ ລາລີ້ ພໍກາ ໄລ່ ເຮີມ  
ຮານະ ເຢຊູ ຕະ, ກະ ພໍກາ ໄລ່ ຊ້ອງ ກວາຍ ກັຣ  
ແນນ ຕຣຍາວ ກູປີ ເຣ່ງ ລາລີ້ ຕຶ້ງ ຊັງອາຣ ດຸງ ຊາງ  
ປັດ ປາຍ: "ໂຮຊັນນາ! ຍ່ອງ ອັນ ກາ ແຕ ຈຸ່ມເຈືອ  
ເຕົາວ ປັຣເຍົາ ດາວິດ!"

16 ນະກ້ອຍ ໄລ່ ຕາແບີບ ເຢຊູ ປາຍ: "ອາຈານ  
ຊ້ອງ ມາ ຕາ ເບີນ ມັຮ ກວາຍ ກັຣແນນ ໄນ່ ຕຣ  
ຍາວ ກູປີ?"

ເຢຊູ ຕາແອິຍ ໄລ່ ປາຍ: "ເກົາ ຊ້ອງ. ນານະ  
ປາຍ ເຍົາ ຕາ ເກີ່ຍ ອານ ຕຶ້ງ ປຶ່ງ ປັຣນາຍ ເຢີງ  
ເຈົ້າຮາຊີ? ອັນ ອາຕີ ປາຍ:  
'ເຢີງ ເຈົ້າຮາຊີ ເອີຍ! ເຍົາ ຕະ ໂອນ ແບອ໌ ກັຣ  
ແນນ ກາ ແກດ ລາລີ້,

ກາ ໄລ່ ກາ ອິນນ້ອງ ອູອ໌ ຕັຣ, ລາ ລໍ່າ ຍ່ອງ  
ເຍົາ."

17 ແວັດ ກ້ອຍ ເຢຊູ ລັອຣ ແຕ ໄລ່, ເປາະ ປີ  
ວິລ ເບັດທານີ ແອັນ. ຊາເດົາ ກ້ອຍ ອັນ ປີ ຕຶ້ງ  
ເມືອງ ກ້ອຍ.

ເຢຊູ ຕະ ໂອນ ກໍ່ລ ອາລ່ອງ ແກິດ ຮັອຣ  
(ມາຣະໂກ 11:12-14, 20-24)

18 ປຶ່ງ ຕາຮິ້ບ ປັຣແນີ, ບັອງ ກາ ເຢຊູ ເຈົ້າ ລັຣ  
ປີ ເມືອງ ເຢຣູຊາເລັມ, ອັນ ຊ້ອງ ມາເຍົາຍຣ ໂດຍ.  
19 ອັນ ເຮີມ ກໍ່ລ ລາວັຣ ແອິດ ແຈ່ະ ຮານາ, ເຈິ່  
ອັນ ແຕ້ອ໌ ແຈ່ະ ກໍ່ລ ອາລ່ອງ ກ້ອຍ. ອັນ ເຮີມ  
ແອິງ ຊາລາ ເມົາດ, ຕາ ເບີນ ປາໄລ ອິນເຕົ້າ. ອັນ  
ອາຕີ ກໍ່ລ ອາລ່ອງ ກ້ອຍ ປາຍ: "ເຈິ່ ປີ ເມົາງ ໄນ່  
ຕາ ເບີນ ແກິດ ປາໄລ ມ້ອງ!" ບັອງ ກາ ກ້ອຍ ແຕ່  
ກໍ່ລ ອາລ່ອງ ກ້ອຍ ແກິດ ຮັອຣ.

20 ພໍ ມູ່ ກ ຣຍານ ແຕ ເຢຊູ ເຮີມ ຮານະ ໄນ່,  
ໄລ່ ຊ້ອງ ງິ່ດ ລາລີ້ ກະ ໄລ່ ຕາແບີບ ປາຍ: "ນານະ  
ກໍ່ລ ອາລ່ອງ ໄນ່ ແກິດ ຮັອຣ ໄວ່ ລາລີ້?"

21 ເຢຊູ ຕາແອິຍ ປາຍ: "ເກົາ ອາຕີ ຕານ້ອງ  
ໂອນ ເຍົາ, ຄັນ ເຍົາ ມາ ຊາອໍ ກຣັກ ລາລີ້ ກະ ຕາ  
ເບີນ ເບີນ ຮາງິຣ ກາເຕັ່ນໆ, ເຍົາ ເຕອ໌ ຕະ ເຕ່ ມູ  
ເຈິ່ງ ເກົາ ຕະ ກະ ອາລ່ອງ ໄນ່. ກະ ເຍົາ ເຕອ໌ ຕະ  
ຮານະ ການໍອ໌ ເຕ່. ເຕອ໌ ເຍົາ ແປຣີ ກັຣ ໄນ່ ປາຍ:  
'ໄນ່ ຮາວິຣ ຊາປິລ ປີ ແດັອ໌ ທາເລ.' ນະກ້ອຍ,  
ກັຣ ໄນ່ ຮາວິຣ. 22 ຄັນ ເຍົາ ຊາອໍ ກຣັກ ລາລີ້,  
ຮາມິ້ຣ ອິນເຕົ້າ ກາ ເຍົາ ເກົາແຊຣ໌, ເຍົາ ເບີນ ຮາມິ້  
ຣ ກ້ອຍ."

ເມົ້າ ຕາແບີບ ເຢຊູ ແຕ ອໍານາດ ອັນ  
(ມາຣະໂກ 11:27-33; ລູກາ 20:1-8)

23 ເຢຊູ ເຈົ້າ ລັຣ ປີ ຊັງອາຣ ດຸງ ຊາງ ປັດ ຊາ.  
ບັອງ ກາ ອັນ ອາຕີ ກວາຍ ກາ ແອິດ ຕຶ້ງ ກ້ອຍ,  
ເບີນ ມັຮ ກວາຍ ຊົດ ມູ່ ກາ ຊາງ ຮິ່ດ ເຢີງ ເຈົ້າຮາ  
ຊີ, ກະ ມັຮ ກວາຍ ເທົາແຈ ຈຸ່ມເຈືອ ແຕ້ອ໌ ປີ ກ້ອຍ  
ເຕ່; ກະ ໄລ່ ຕາແບີບ ອັນ ປາຍ: "ໄນ່ ເບີນ ອໍານາດ  
ແຕ ແລ່ະ ກາ ໄນ່ ຕະ ຮານະ ໄນ່? ເມົ້າ ໂອນ ໄນ່ ເບີ  
ນ ອໍານາດ ກ້ອຍ?"

24 ເຢຊູ ຕາແອິຍ ໄລ່ ປາຍ: "ເກົາ ຕາແບີບ ເຍົາ  
ມວຍ ຮາມິ້ຣ ອິນໂຍ່ງ. ຄັນ ເຍົາ ຕາແອິຍ ເກົາ, ເກົາ  
ອາຕີ ເຕ່ ເຍົາ ເມົ້າ ກາ ໂອນ ເກົາ ເບີນ ອໍານາດ ໂອນ  
ຕະ ຮານະ ໄນ່. 25 ເມົ້າ ກາ ໂອນ ອໍານາດ ປີ ໂຢຣັນ

\* 21:9 21:9 ປັຣນາຍ 'ໂຮຊັນນາ' ອາຕີ ລັຣ ລາ 'ຈ່ອຍ ອາມົ່ງ,' ແຕີລາ 'ຊາແອັນ ລາລີ້,' ແຕີລາ 'ຍ່ອງ.'

ກາ ຕະ ຣິດ ຕຶ້ງ ແດ້ອ້? ອຳນາດ ກ້ອຍ ແຕ້ອ້ ແຕ ເຢີງ ເຈົ້າຣາຊີ ມາ ແຕ້ອ້ ແຕ ກວາຍ ຊ້ອງ?"

ເຈີ້ ໄລ່ ມານະ ຊັຣຣົງ ມານະ ປາຍ: "ຄັນ ໄຮ ຕາ ແອີຍ ອັນ ປາຍ: 'ຣານະ ຣິດ ຕຶ້ງ ແດ້ອ້ ໄນ່ ແຕ້ອ້ ແຕ ເຢີງ ເຈົ້າຣາຊີ,' ອີງກ້ອຣ ອັນ ຕາແບັບ ລັຣ ໄຮ ປາຍ: 'ຄັນ ນະກ້ອຍ, ນານະ ເຢົາ ຕາ ເບີນ ຊາ ອຳ ໂຢຣັນ?' 26 ມາ ຄັນ ໄຮ ຕາແອີຍ ອັນ ປາຍ: 'ຣານະ ຣິດ ຕຶ້ງ ແດ້ອ້ ໄນ່ ຈຸ ແຕ້ອ້ ແຕ ກວາຍ ຊ້ອງ,' ໄຮ ອີງກ້ອຣ ກອນແຊມ, ຍ່ອນ ໄລ່ ກ້ອຍ ຊາອຳ ໂຢຣັນ ລາ ກວາຍ ອາຕີ ຕາງ ປັຣນາຍ ເຢີງ ເຈົ້າຣາຊີ."

27 ນະກ້ອຍ ໄລ່ ຕາແອີຍ ເຢຊູ ປາຍ: "ຮີ ຕາ ດັງ."

ເຈີ້ ເຢຊູ ຕາແອີຍ ລັຣ ໄລ່ ປາຍ: "ເຈີ້! ເກົາ ຕາ ເບີນ ອາຕີ ເຕ່ ໂອນ ເຢົາ ດັງ ເມົ້າ ກາ ໂອນ ເກົາ ເບີ ນ ອຳນາດ ຕະ ມັຣ ຣານະ ໄນ່."

ປັຣນາຍ ຊາກຳ ແຕ ບາຣ ນະ ກອນ ຣາເລົາ

28 "ອິນເຕົ້າ ເຢົາ ຄິດ ແຕ ປັຣນາຍ ຊາກຳ ໄນ່? ເບີນ ມານະ ກາ ເບີນ ບາຣ ລຳ ກອນ ຣາເລົາ. ອິມ ບໍ່ ກ້ອຍ ແຕ້ອ້ ບໍ່ ອັນ ກາ ອາຍ, ກະ ແປຣີ ອັນ ປາຍ: 'ກອນ ເອີຍ! ຕາໄງ ໄນ່ ໄນ່ ເປາະ ຕະ ຣານະ ຕຶ້ງ ຊວນ ອາງຸ່ນ ໄຮ, ນໍ.' 29 ກອນ ກ້ອຍ ຕາແອີຍ ປາຍ: 'ເກົາ ອາລັຣ ອີ ເປາະ ຕະ.' ມາ ອັນ ຄິດ ລັຣ ອິນຕຸ່ນ ແອັນ; ເຈີ້ ອັນ ເປາະ ຕະ ຣານະ ຕຶ້ງ ຊວນ ກ້ອຍ.

30 "ເຈີ້ ອິມບໍ່ ກ້ອຍ ແຕ້ອ້ ບໍ່ ອາແອມ ແອັນ, ກະ ແປຣີ ອັນ ມູເຈີງ ກ້ອຍ ເຕ່. ກອນ ກ້ອຍ ຕາ ແອີຍ ປາຍ: 'ໂທຍ! ເກົາ ອີ ເປາະ.' ມາ ອັນ ຕາ ເບີນ ເປາະ.

31 "ບາຣ ນະ ກອນ ຣາເລົາ ກ້ອຍ, ອັນ ກາ ອາ ແລະ ຕະ ຕາປຸ່ນ ຣາງັຣ ອິມບໍ່?"

ໄລ່ ກ້ອຍ ຕາແອີຍ ເຢຊູ ປາຍ: "ອັນ ກາ ອາຍ."

ເຈີ້ ເຢຊູ ອາຕີ ແອັນ ປາຍ: "ເກົາ ອາຕີ ຕານ້ອງ ໂອນ ເຢົາ, ມັຣ ກວາຍ ກາ ປາໂຣມ ປຣະ ປາຊີ ກະ ມັຣ ກວາຍ ມັນແຊມ ກາ ຈິ ຈະ, ໄລ່ ເບີນ ມູ່ດ ຕຶ້ງ ຈຸ່ມ ກາ ເຢີງ ເຈົ້າຣາຊີ ຊິດ ອິນໂຍ່ງ ແຕ ເຢົາ ແອັນ.

32 ໂຢຣັນ ແຕ້ອ້ ອາປັຣ ເຢົາ ຣານາ ຕານ້ອງ ອໍ ເຈີ້, ມາ ເຢົາ ຕາ ເບີນ ຊາອຳ ອັນ. ມາ ມັຣ ກວາຍ ກາ ປາໂຣມ ປຣະ ປາຊີ ກະ ມັຣ ກວາຍ ມັນແຊມ ກາ ຈິ ຈະ, ໄລ່ ຊາອຳ ໂຢຣັນ. ເຢົາ ເຣີມ ເຈີ້ ມັຣ ຣານະ ກ້ອຍ, ມາ ອິນນ້ອງ ເຢົາ ຕາ ເບີນ ປຽນ ຊາ ໂອນ ແກັດ ຣາງັຣ ຕາໄມ ແອັນ, ກະ ເຢົາ ຕາ ເບີນ ຊາອຳ ໂຢຣັນ."

ປັຣນາຍ ຊາກຳ ແຕ ມານະ ຈັຣ ປາໄລ ອາງຸ່ນ ຕຶ້ງ ຊວນ

(ມາຣະໂກ 12:1-12; ລູກາ 20:9-19)

33 "ເຢົາ ຊາງັດ ມວຍ ປັຣນາຍ ຊາກຳ ການໍ່ອ້ ແອັນ ປາຍ: ເບີນ ມານະ ອິນເຈົ້າ, ອັນ ຈັຣ ວັຣ ອາງຸ່ນ ຕຶ້ງ ຊວນ. ອັນ ຕະ ກຣ່ອງ ອິມແປຣ ຊວນ ກ້ອຍ. ອັນ ບໍ່ ປຣຸ່ງ; ເຈີ້ ກາຕາອໍ ຕາເມົາ ດໍອໍ ປັດ ແດ້ອ້ ອາງຸ່ນ ຮອຍ ຕຶ້ງ ກ້ອຍ. ກະ ອັນ ຕະ ຊູ ອຽນ ແອັດ ກຍາອໍ ຕຶ້ງ ຊວນ ກ້ອຍ. ແວັດ ກ້ອຍ ອັນ ໂອນ ກວາຍ ການໍ່ອ້ ເມີນ ຕະ ຊວນ ອັນ. ໄລ່ ປຣ່ອມ ອິມແປຣ ປາໄລ ກ້ອຍ. ເຈີ້ ອັນ ເປາະ ບໍ່ ກຣວາງ ການໍ່ອ້. 34 ແຕ້ອ້ ປາເນ່ນ ປາໄລ ກ້ອຍ ຈິນ, ກວາຍ ອິນເຈົ້າ ກ້ອຍ ແປຣີ ມັຣ ກວາຍ ຊູ ອັນ ໂອນ ເປາະ ອິດ ຊັຣແນອໍ ອັນ ແຕ ໄລ່ ກາ ເມີນ ຕະ ຊວນ ກ້ອຍ. 35 ມາ ກວາຍ ກາ ເມີນ ຕະ ຊວນ ກ້ອຍ, ໄລ່ ໂທບ ກວາຍ ຊູ ກ້ອຍ. ອັນ ກາ ມານະ, ໄລ່ ປຍາຍຣ. ມານະ ແອັນ ໄລ່ ກາຈິດ. ມານະ ແອັນ ໄລ່ ແຫຼງ ໂຈະ ຕາເມົາ. 36 ເຈີ້ ອິນເຈົ້າ ກ້ອຍ ແປຣີ ກວາຍ ຊູ ການໍ່ອ້ ແອັນ, ເປາະ ກຶ້ງ ກາເລີຍ ແຕ ອິນໂຍ່ງ. ມາ ໄລ່ ຕະ ໂຈະ ກວາຍ ຊູ ກ້ອຍ ມູເຈີງ ກ້ອຍ ຊາ. 37 ປັຣຊິດ ເລີ້ຍ, ອິນເຈົ້າ ກ້ອຍ ແປຣີ ກອນ ຣາເລົາ ອັນ ເບີນ ເປາະ ບໍ່ ກວາ ຍ ກາ ເມີນ ຕະ ຊວນ ກ້ອຍ. ອັນ ຄິດ ປາຍ: 'ໄລ່ ກ້ອຍ ຢ້ານັບ ກອນ ເກົາ.' 38 ມາ ແຕ້ອ້ ກວາຍ ກາ ເມີນ ຕະ ຊວນ ກ້ອຍ ເຣີມ ກອນ ອິນເຈົ້າ ກ້ອຍ, ໄລ່ ຊັຣຣົງ ປາຍ: 'ໄນ່ ລາ ກອນ ອິນເຈົ້າ ຊວນ. ໄຮ! ໄຮ ກາຈິດ ຕັຣ ອັນ. ເຈີ້ ອິນແຍະ ມຸ່ນ ອັນ ໄຮ ແອັນ ເບີນ ຕາລາ!' 39 ເຈີ້ ໄລ່ ໂທບ ກອນ ອິນ ເຈົ້າ ກ້ອຍ, ກາຕ້ອງ ອາລັອຣ ແຕ ຊວນ, ກະ ໄລ່ ກາຈິດ ຕັຣ ອັນ.

40 "ແຕ້ອ້ ອິນເຈົ້າ ກ້ອຍ ເປາະ ບໍ່ ຊວນ ອັນ, ນານະ ອັນ ອີ ຕະ ກະ ໄລ່ ກາ ເມີນ ຕະ ຊວນ ອັນ?"

41 ກວາຍ ກ້ອຍ ຕາແອີຍ ເຢຊູ ປາຍ: "ອັນ ກາ ຈິດ ຕັຣ ມັຣ ກວາຍ ຕາ ອໍ ກ້ອຍ. ເຈີ້ ອັນ ໂອນ ກວາຍ ການໍ່ອ້ ແອັນ ເມີນ ຕະ ຊວນ ອັນ. ແຕ້ອ້ ປາເນ່ນ ປາໄລ ກ້ອຍ ຈິນ, ກວາຍ ການໍ່ອ້ ກ້ອຍ ອິມແປຣ ໂອນ ອິນເຈົ້າ ກ້ອຍ ເບີນ ຊັຣແນອໍ ເຕ່."

42 ເຈີ້ ເຢຊູ ອາຕີ ລັຣ ກວາຍ ກ້ອຍ ປາຍ: "ນານະ ປາຍ ເຢົາ ຕາ ເທິຍ ອານ ຕຶ້ງ ບຶ່ງ ປັຣນາຍ ເຢີງ ເຈົ້າຣາຊີ ປາຍ:

'ຕາເມົາ ກາ ກວາຍ ເຈີງ ຕະ ດຸງ ຕາເວ່ງ ຕັຣ ເຈີ້, ມາ ເຢີງ ເຈົ້າຣາຊີ ອິດ ຕາເມົາ ກ້ອຍ ດໍອໍ ຕຶ້ງ ກູ່ຈັກ



ຕະ ໂອນ ດຸງ ແກ້ດ ຈັບ.  
ຮານະ ໄນ່ ອິນເຈົ້າ ໄຮ ຕະ.

ພໍກາ ມັດ ໄຮ ເຮີມ, ຮາງຶ່ຮ ໄຮ ຊ້ອງ ຈຶ່ງດ ລາ  
ລີ້. †  
43 ນະກ້ອຍ ເກົາ ອາຕີ ເຍົາ ປາຍ: ເຢົາງ ເຈົ້າຮາຊີ  
ຕາ ເບີນ ປຣ່ອມ ນ້ອງ ໂອນ ເຍົາ ມູ່ດ ຕົງ ຈຸ່ມ ອັນ  
ຊົດ, ມາ ອັນ ໂອນ ກວາຍ ການໍ້ອໍ ແອັນ ມູ່ດ. ກວາ  
ຍ ກ້ອຍ ຕະ ຮານະ ອໍ ນະ ອາລ່ອງ ກາ ແກ້ດ ປາໄລ  
ອໍ. 44 ກວາຍ ອາແລະ ມາ ແດິມ ຕົງ ຕາເມົາ ໄນ່,  
ອັນ ກູຈິດ ເລີ້ຍ. ມາ ຄັນ ຕາເມົາ ໄນ່ ມາ ຊາແລ້ຮ  
ໄກຣ ຕົງ ຈະ ກວາຍ, ກວາຍ ກ້ອຍ ເປຣັຍ ເລີ້ຍ. ‡

45 ພໍກາ ມັຮ ກວາຍ ຊົດ ມູ່ ກາ ຊາງ ຮິດ ເຢົາງ  
ເຈົ້າຮາຊີ, ກະ ມັຮ ກວາຍ ພາຣີຊາຍ ຊ້ອງ ປຣນາຍ  
ຊາກໍາ ເຢຊູ ອາຕີ ກ້ອຍ, ນະກ້ອຍ ໄລ່ ດັງ ເຢຊູ ຊາ  
ກໍາ ແຕ ໄລ່. 46 ນະກ້ອຍ ໄລ່ ຈໍ້ອໍ ຮາລີ້ຮ ຍິ້ອໍ ອີ  
ໂກບ ອັນ, ມາ ໄລ່ ອົງກ້ອຣ ກອນແຊມ, ຍ່ອນ ມັຮ  
ກວາຍ ກ້ອຍ ຊາອໍາ ເຢຊູ ລາ ກວາຍ ອາຕີ ຕາງ ປຣ  
ນາຍ ເຢົາງ ເຈົ້າຮາຊີ ກຣັກ ລາລີ້.

## 22

ເຢຊູ ຊາກໍາ ແຕ ເຕົາວ ປຣເຍົາ ຕະ ດອງ ໂອນ  
ກອນ  
(ລູກາ 14:15-24)

1 ເຢຊູ ອາຕີ ລັຮ ໄລ່ ແຕ ປຣນາຍ ຊາກໍາ ການໍ້  
ອໍ ແອັນ ປາຍ: 2 "ເຢົາງ ເຈົ້າຮາຊີ ຕະ ຊົດ ລາ ນະ  
ເຕົາວ ປຣເຍົາ ກຽມ ດໍ້ອໍ ອີ ຈາ ດອງ ໂອນ ກອນ  
ຮາເລົາ ອັນ. 3 ເຕົາວ ປຣເຍົາ ກ້ອຍ ແປຣີ ມັຮ  
ຊູລ ອັນ ເປາະ ອິດ ມັຮ ກວາຍ ກາ ອັນ ການີ້ຍ ເຈີ່,  
ໂອນ ໄລ່ ແຕ້ອໍ ແຣ ຈາ ດອງ ກ້ອຍ. ມາ ມັຮ ກວາ  
ຍ ກ້ອຍ, ໄລ່ ຕາ ຍິ້ອໍ ອີ ແຕ້ອໍ ແຣ. 4 ນະກ້ອຍ  
ເຕົາວ ປຣເຍົາ ກ້ອຍ ແປຣີ ຊູລ ການໍ້ອໍ ແອັນ, ກະ  
ປາຕັບ ໄລ່ ປາຍ: 'ເຍົາ ປາຍ ໂຈະ ກວາຍ ກາ ເກົາ  
ການີ້ຍ ເຈີ່ ນະໄນ່: "ເຕົາວ ປຣເຍົາ ຮີ ກຽມ ດໍ້ອໍ ອີ  
ຈາ ດອງ ເຈີ່. ຕາແກງ ທູນ ກະ ກອນ ຕາແກງ ປຶ້ມ  
ອັນ ກຍາກ ເຈີ່; ກະ ກູ່ ຮານະ ການໍ້ອໍ ອັນ ກຽມ  
ດໍ້ອໍ ອິນແຍະ ເຈີ່. ມາ ຊານໍ້ ແຊອໍ ເຍົາ ເປາະ ແຣ  
ຈາ ດອງ ກ້ອຍ."

5 "ມາ ມັຮ ກວາຍ ກາ ອັນ ການີ້ຍ ກ້ອຍ, ໄລ່ ຕາ  
ເບີນ ຊາງັດ ປຣນາຍ ກ້ອຍ. ໄລ່ ຍິ້ອໍ ອີ ຕະ ແອິງ  
ຮານະ ໄລ່ ຊ້ອງ. ອັນ ກາ ເປາະ ຕະ ໄກຣ. ອັນ ກາ  
ເປາະ ຈິແຈ້ງ. 6 ມັຮ ກວາຍ ການໍ້ອໍ ໂກບ ຊູລ ເຕົາວ  
ປຣເຍົາ ກ້ອຍ. ໄລ່ ໂຍ່ບ, ໄລ່ ປຍາຍຣ, ກະ ໄລ່ ກາ  
ຈິດ ຕັຮ ຊູລ ກ້ອຍ. 7 ນະກ້ອຍ ເຕົາວ ປຣເຍົາ

ກ້ອຍ ຊ້ອງ ອວານ ລາລີ້. ອັນ ແປຣີ ຕາຮານ ອັນ  
ເປາະ ກາຈິດ ລັຮ ມັຮ ກວາຍ ກາ ກາຈິດ ຕັຮ ຊູລ  
ອັນ. ກະ ມັຮ ຕາຮານ ກ້ອຍ ຈ້ອງ ຕັຮ ເມືອງ ກວາ  
ຍ ກ້ອຍ. 8 ເຈີ່ ເຕົາວ ປຣເຍົາ ກູອໍ ລັຮ ມັຮ ຊູລ  
ອັນ. ອັນ ປາຕັບ ໄລ່ ປາຍ: 'ດອງ ໄນ່ ກຽມ ດໍ້ອໍ  
ເຈີ່. ມາ ມັຮ ໄລ່ ກາ ເກົາ ການີ້ຍ, ຮາງຶ່ຮ ໄລ່ ຕາ  
ເບີນ ປຍາຍ໌ ໂອນ ເປາະ ແຣ ຈາ ດອງ ໄນ່. 9 ຊານໍ້  
ເຍົາ ເປາະ ກູ່ ປຣແວ້ຣ ຮານາ. ເຍົາ ຮາມັຮ ກວາຍ  
ອາແລະ, ເຍົາ ການີ້ຍ ກວາຍ ກ້ອຍ ແຕ້ອໍ ແຣ ຈາ  
ດອງ ໄນ່.' 10 ນະກ້ອຍ ຊູລ ເຕົາວ ປຣເຍົາ ກ້ອຍ  
ລ້ອຣ ເປາະ ຕົງ ຮານາ. ໄລ່ ຮາມັຮ ກວາຍ ອາແລ່  
ະ, ໄລ່ ເດິງ ກວາຍ ກ້ອຍ ແຕ້ອໍ ແຣ ຈາ ດອງ ກາ  
ເຕົາວ ປຣເຍົາ ຕະ. ໄລ່ ເດິງ ມັຮ ກວາຍ ຕາ ອໍ ກະ  
ມັຮ ກວາຍ ອໍ ແຣ. ນະກ້ອຍ ຕົງ ກູ ດຸງ ເຕົາວ  
ປຣເຍົາ ກ້ອຍ ເບີນ ກຶ້ງ ກວາຍ ກູທັດ ລາລີ້.

11 "ພໍກາ ເຕົາວ ປຣເຍົາ ມູ່ດ ເນ່ ຕົງ ກູ ມັຮ  
ກວາຍ ແຣ ຈາ ດອງ ກ້ອຍ, ອັນ ເຮີມ ເບີນ ມານະ  
ຕາ ເບີນ ແຊິບ ອາຍ້ອຣ ເກີ້ຍ ເນົ້າ ເປາະ ຈາ ດອງ.  
12 ເຈີ່ ອັນ ປາຍ ໂຈະ ກວາຍ ກ້ອຍ: 'ເຍົາ ເອີຍ!  
ນານະ ໄນ່ ແຕ້ອໍ ແຣ ຈາ ດອງ ໄນ່ ມາ ໄນ່ ຕາ ເບີນ  
ແຊິບ ອາຍ້ອຣ ກາ ເກີ້ຍ ເນົ້າ ເປາະ ຈາ ດອງ?' ມາ  
ກວາຍ ກ້ອຍ ຕາ ແຕ້ອໍ ຕາແອິຍ ອິນເຕົ້າ ອັນ.

13 "ເຈີ່ ເຕົາວ ປຣເຍົາ ກ້ອຍ ແປຣີ ຊູລ ອັນ  
ປາຍ: 'ເຍົາ ຊັດ ອາເຢິງ ອາຕີ ອັນ, ກະ ເຍົາ ແກງ  
ຕັຮ ອັນ ຍິ້ຣ ນໍ້ອໍ ຕົງ ອິນຕຸ ການໍາ. ອິນຕຸ ກ້ອຍ  
ເນົ້າ ເຍົາມຍິ່ດ ກະ ກາເຕຣີອກ ກາແນງ ກາບາງ  
ຊ້ອງ ຕຸຣ ອາຣິກ ລາລີ້.'"

14 ເຢຊູ ປາຍ ແອັນ: "ເບີນ ກຶ້ງ ລາລີ້ ກວາຍ  
ເຢົາງ ເຈົ້າຮາຊີ ກູອໍ, ມາ ເບີນ ປິ້ອ ນະ ຊ້ອງ ອັນ  
ຮຽຮ."

ເຢຊູ ອາຕີ ແຕ ປຣະ ປາຊີ  
(ມາຣະໂກ 12:13-17; ລູກາ 20:20-26)

15 ແວັດ ກ້ອຍ ມັຮ ກວາຍ ຈຸ່ມ ພາຣີຊາຍ ເປາະ  
ຊັຣຮົງ ຈາຈໍ້ອໍ ຮາລີ້ຮ ຍິ້ອໍ ອີ ໂອນ ເຢຊູ ຕະ ອິນຕີ  
ໄລ່ຍຣ. 16 ໄລ່ ກ້ອຍ ແປຣີ ກວາຍ ແຕ ມູ່ ໄລ່ ກະ  
ແຕ ເຕົາວ ປຣເຍົາ ເຮໂຣດ ເປາະ ແຕ້ອໍ ປິ ເຢຊູ.  
ກວາຍ ກ້ອຍ ອາຕີ ເຢຊູ ປາຍ: "ອາຈານ ເອີຍ!  
ຮີ ດັງ ເຈີ່ ອາຈານ ລາ ກວາຍ ຕານໍ້ອງ ອໍ. ກະ  
ອາຈານ ອາຕີ ປຣນາຍ ເຢົາງ ເຈົ້າຮາຊີ ລາ ປຍາຍ໌  
ກະ ອາຈານ ຕາ ເບີນ ຕາປຸ່ນ ອາແລະ. ຍ່ອນ ຍິ້ຣ

† 21:42 21:42 ຕາເມົາ ກ້ອຍ ເຢຊູ ຊາກໍາ ແຕ ຈະ ອັນ ເບີມ.  
ຮານາ 44 ໄນ່.

‡ 21:44 21:44 ຊາອິ້ຍ ປຶງ ປຣນາຍ ແຕ ອິມເບີ ຕາ ເບີນ ເບີນ

ເມືອງ ອາຈານ ອິນແຍ່ະ ມັຮ ກວາຍ ແກ້ດ ລິຣາລີ ອິນແຍ່ະ. 17 ນະກ້ອຍ ຮິ ແຊຣ໌ ອາຈານ ອາຕີ ໂອນ ຮິ. ນານະ ອາຈານ ຄິດ, ປຍາຍ໌ ມາ ຕາ ເບີນ ໄຮ ອິງເຄາະ ມ່ອບ ປຣະ ປາຊີ ປິ ເຕົາວ ປັຣເຍົາ ໂຣມ ກາ ກຣິຣ?"

18 ມາ ເຢຊູ ດັງ ເຈີ ໄລ່ ລ່ອງ ອັນ, ຢິອ໌ ອີ ໂອນ ອັນ ຕາ ດັງ ຕາແອີຍ. ອັນ ປາຍ ໂຈະ ໄລ່: "ເຍົາ ລາ ກວາຍ ມາມ ອໍ ມາ ຣາງິຣ ໂກະ! ນານະ ເຍົາ ຈໍອ໌ ຣາລິຣ໌ ໂຈະ ເກົາ? 19 ເຍົາ ໂອນ ເກົາ ແນ່ ປຣະ ປາຊີ ກ້ອຍ!"

ເຈີ ໄລ່ ເດີງ ໂອນ ອັນ ແນ່ ມວຍ ກູອງ ປຣະ. 20 ເຢຊູ ຕາແບີບ ໄລ່ ປາຍ: "ຮູ່ບ ເມົາ ກະ ຣາມິຣ ເມົາ ຄຽນ ດໍອ໌ ຕິ່ງ ປຣະ ໄປ່?"

21 ໄລ່ ກ້ອຍ ຕາແອີຍ ປາຍ: "ຮູ່ບ ເຕົາວ ປັຣເຍົາ ໂຣມ ກາ ກຣິຣ."

ເຈີ ເຢຊູ ອາຕີ ລັຣ ໄລ່ ປາຍ: "ເກຣິ່ງ ເຕົາວ ປັຣເຍົາ ໂຣມ, ອິງເຄາະ ເຍົາ ກູລັຣ ລັຣ ໂອນ ເຕົາວ ປັຣເຍົາ ໂຣມ, ກະ ເກຣິ່ງ ເຢົາ ເຈົາຣາຊີ, ອິງເຄາະ ເຍົາ ກູລັຣ ລັຣ ໂອນ ເຢົາ ເຈົາຣາຊີ."

22 ພໍກາ ໄລ່ ຊ້ອງ ປັຣນາຍ ກ້ອຍ, ໄລ່ ຊ້ອງງິດ ລາລີ. ກະ ໄລ່ ລ້ອຣ ແຕ ເຢຊູ, ເປາະ ອິນຕຸ ການໍອ໌ ອ໌ ແອັນ.

ເຢຊູ ອາຕີ ແຕ ກວາຍ ອາມິ່ງ ລັຣ  
(ມາຣະໂກ 12:18-27; ລູກາ 20:27-40)

23 ຕາໄງ ກ້ອຍ ເບີນ ກວາຍ ແຕ ຈຸ່ມ ຊາດູກາຍ ແຕ້ອ໌ ປິ ເຢຊູ. ໄລ່ ກ້ອຍ ປາຍ ກວາຍ ກາ ກູຈິດ ເຈີ, ຕາ ແຕ້ອ໌ ອາມິ່ງ ລັຣ. 24 ໄລ່ ຕາແບີບ ເຢຊູ ປາຍ: "ອາຈານ ເອີຍ! ໂມເຊ ຄຽນ ເຈີ ອາຕີ ໂອນ ຮິ ປາຍ: 'ຄັນ ອາຍ ກູຈິດ ເຈີ, ມາ ອັນ ຕາ ເບີນ ກອນ ຢວາຣ, ອິງເຄາະ ອາແອມ ອັນ ແອັນ ເຊີບ ລາກວຍ ອາຍ, ໂອນ ອັນ ເບີນ ກອນ ດໍອ໌ ແກ້ດ ກອນ ຈຸ່ມເຈີອ໌ ອາຍ ອັນ.' 25 ອິມແປີ ອາໄຣ ເບີນ ຕາປູລ ນະ ແຊມອາຍ ແອິດ ກະ ຮິ. ອັນ ກາ ອາຍ ກໍລ ກ້ອຍ ອິດ ລາກວຍ. ອັນ ຕາ ຢວາຣ ເງິນ ກອນ, ອິນໂຍ່ງ ອັນ ກູຈິດ. ນະກ້ອຍ ອາແອມ ອິນ ດີ ແອັນ ເຊີບ ລາກວຍ ອາຍ ອັນ. 26 ກະ ມູເຈີງ ກ້ອຍ ແຕ່ ແຕ ອາແອມ ອິນດີ ເຕົາ ແຕ້ອ໌ ອາແອມ ອາລ້ອຣ. ອິນແຍ່ະ ໄລ່ ແຊມອາຍ ກ້ອຍ ເຊີບ ມາ ນໍາ ລາກວຍ ອາຍ, ກະ ໄລ່ ກູຈິດ ອິນແຍ່ະ. 27 ປັຣ ຊິດ ເລີ້ຍ ມັນແຊມ ກ້ອຍ ລາ ກູຈິດ ແຕ່. 28 ພໍກາ ໄລ່ ກາ ກູຈິດ ອາມິ່ງ ລັຣ, ມັນແຊມ ກ້ອຍ ແກ້ດ ລາກວຍ ເມົາ ແອັນ, ຍ່ອນ ໄລ່ ຕາປູລ ນະ ກ້ອຍ ຕາລາ ອິນແຍ່ະ ມັນແຊມ ກ້ອຍ?"

29 ເຢຊູ ຕາແອີຍ ໄລ່ ກ້ອຍ ປາຍ: "ເຍົາ ຕະ ອິນຕີ ຕາ ປຍາຍ໌, ຍ່ອນ ເຍົາ ຕາ ເບີນ ດັງ ແຕ ປັຣນາຍ ເຢົາ ເຈົາຣາຊີ ເມົາ ຄຽນ ແຕ ອິມແປີ, ກະ ເຍົາ ຕາ ດັງ ກາ ອໍານາດ ປິດ ລາລີ ແຕ ເຢົາ ເຈົາຣາຊີ. 30 ພໍກາ ໄລ່ ກາ ກູຈິດ ອາມິ່ງ ລັຣ, ໄລ່ ຕາ ເບີນ ຣາອິດ ນ້ອງ ແກ້ດ ລາກວຍ ກາຢາອ໌. ມາ ໄລ່ ແອິດ ຕິ່ງ ມັນລ້ອງ ມູເຈີງ ເທວາດາ ເຢົາ ເຈົາຣາຊີ ແອິດ ແຕ່. 31 ມາ ຣາມິຣ ກວາຍ ກູຈິດ, ເຈີ ອາມິ່ງ ລັຣ, ນານະ ປາຍ ເຍົາ ຕາ ເກີຍ ອານ ປັຣ ນາຍ ເຢົາ ເຈົາຣາຊີ ອາຕີ ເຍົາ ປາຍ:

32 'ເກົາ ລາ ເຢົາ ເຈົາຣາຊີ ກາ ອັບຣາຮາມ, ອີຊາກ, ກະ ຢາໂຄບ ອິນນ້ອງ ຊາງ ຕິ່ງ ມັນລ້ອງ.' ແຕ້ອ໌ ໄຮ ດັງ ໄລ່ ກ້ອຍ ອາມິ່ງ ລັຣ ແຕ ກູຈິດ, ຍ່ອນ ກວາຍ ກູຈິດ ຕາ ແຕ້ອ໌ ຊາງ ເຢົາ ເຈົາຣາຊີ. ແອີງ ໄລ່ ກາ ອາມິ່ງ ຊ້ອງ ແຕ້ອ໌ ຊາງ ອັນ."

33 ພໍກາ ມັຮ ກວາຍ ກູິ່ງ ຊາງັດ ເຢຊູ ປາຍ ນະກ້ອຍ, ໄລ່ ຊ້ອງ ງິດ ລາລີ ມັຮ ປັຣນາຍ ອັນ ອາຕີ.

ຮານະ ອິນເຕົາ ເຢົາ ເຈົາຣາຊີ ປາຕັບ ປິດ ແກ້ຍ ອິນແຍ່ະ ແຕ ການໍອ໌  
(ມາຣະໂກ 12:28-34; ລູກາ 10:25-28)

34 ພໍກາ ຈຸ່ມ ພາຣີຊາຍ ຊ້ອງ ເຢຊູ ຕາແອີຍ ຕະ ໂອນ ຈຸ່ມ ຊາດູກາຍ ຕາ ແກ້ດ ຕະ ແບອ໌ ເລີ້ຍ, ໄລ່ ກ້ອຍ ໂຣ່ມ ຊັຣຣົງ. 35 ມານະ ແຕ ກວາຍ ກ້ອຍ ລາ ອາຈານ ອາຕີ ຄານອດ ອິດຊະຣາເອລ. ອັນ ອີ ລ່ອງ ເຢຊູ ແຕ້ອ໌ ມວຍ ປັຣນາຍ ຕາແບີບ. 36 ອັນ ຕາແບີບ ປາຍ: "ອາຈານ ເອີຍ! ຕິ່ງ ຄານອດ ໄຮ, ຣາມິຣ ປາຕັບ ອິນເຕົາ ກາ ປິດ ແກ້ຍ ອິນແຍ່ະ ແຕ ຣາມິຣ ການໍອ໌?"

37 ເຢຊູ ຕາແອີຍ ອັນ ປາຍ: "ອິງເຄາະ ເຍົາ ອາ ໂຢະ ເຢົາ ເຈົາຣາຊີ, ອິນເຈົາ ເຍົາ, ອິນແຍ່ະ ຣາງິຣ ເຍົາ, ອິນແຍ່ະ ຣາແອີ ເຍົາ, ກະ ອິນແຍ່ະ ການິດ ເຍົາ. 38 ປັຣນາຍ ປາຕັບ ໄລ່ ລາ ປິດ ແກ້ຍ ອິນ ແຍ່ະ ແຕ ປັຣນາຍ ການໍອ໌. 39 ກະ ປັຣນາຍ ປາ ຕັບ ບາຣ ແກ້ຍ ອິນແຍ່ະ ແຕ ການໍອ໌ ລາ ອາໄລ່: ອິງເຄາະ ເຍົາ ອາໂຢະ ເຍົາ ນະ ເຍົາ ອາໂຢະ ຈະ ເຍົາ ເບີມ, 40 ຄັນ ເບີນ ບາຣ ປັຣນາຍ ປາຕັບ ໄລ່, ເບີ ນ ເຈີ ອິນແຍ່ະ ຄານອດ ເຢົາ ເຈົາຣາຊີ ໂອນ ຣາ ມາ ໂມເຊ, ກະ ອິນແຍ່ະ ປັຣນາຍ ກວາຍ ອາຕີ ຕາງ ປັຣນາຍ ເຢົາ ເຈົາຣາຊີ."

ກຣິດ ລາ ອິນເຈົາ ເຕົາວ ປັຣເຍົາ ຕາວິດ  
(ມາຣະໂກ 12:35-37; ລູກາ 20:41-44)

41 ບ້ອງ ກາ ຈຸ່ມ ພາຣີຊາຍ ໂຮ່ມ ຊັຮຽງ, ເຢຊູ ຕາແບັບ ໄລ່ ກ້ອຍ ປາຍ: 42 "ອິນເຕົ້າ ເຍົາ ຄິ້ດ ແຕ ມານະ ກຣິດ? ອັນ ລາ ແຕ ຈຸ່ມເຈືອ ເມົ້າ?"

ໄລ່ ກ້ອຍ ຕາແອີຍ ປາຍ: "ອັນ ລາ ແຕ ຈຸ່ມເຈືອ ດາວິດ."

43 ນະກ້ອຍ ເຢຊູ ຕາແບັບ ລັຮ ໄລ່ ປາຍ: "ຄັນ ນະກ້ອຍ, ນານະ ຣາເວີຍ ເຢີງ ເຈົ້າຣາຊີ ໂອນ ເຕົ້າວ ປຣເຍົາ ດາວິດ ດິ້ອ ກຣິດ ລາ 'ອິນເຈົ້າ?' ຍ່ອນ ແຕ ອິມແບ້ ເຕົ້າວ ປຣເຍົາ ດາວິດ ປາຍ:

44 "ເຢີງ ເຈົ້າຣາຊີ ອາຕີ ໂຈະ ອິນເຈົ້າ ເກົ້າ ປາຍ:

"ໄມ່ ຕາກູ ແອັດ ຍັຮ ອາຕົ້າ ເກົ້າ"

ເຕົ້າ ແຕ້ອ້ ຕາໄງ ແລະ ເກົ້າ ໂອນ ໄລ່ ກາ ຍິ້ອ ອີ ກາຈິດ ໄມ່

ແອັດ ປືນ ຕາລາງ ອາເຢີງ ໄມ່ ແກັດ ຊູລ ໄມ່."

45 ຄັນ ດາວິດ ດິ້ອ ກຣິດ ໄມ່ ລາ 'ອິນເຈົ້າ,' ນານະ ແຕ່ອ້ ດາວິດ ດິ້ອ ກວາຍ ແຕ ຈຸ່ມເຈືອ ອັນ ເບີມ ລາ 'ອິນເຈົ້າ?'"

46 ແວັດ ເຢຊູ ປາຍ ນະກ້ອຍ, ຕາ ເບີນ ເມົ້າ ແຕ່ອ້ ຕາແອີຍ ມວຍ ປຣນາຍ ອິນເຕົ້າ. ກະ ແຕ ຕາໄງ ກ້ອຍ ຕາ ເບີນ ເມົ້າ ຍັນ ຕາແບັບ ນ້ອງ ອັນ.

### 23

ເຢຊູ ກາແອັຮ ກວາຍ ອິນໂຈຍ ຕະ ມູເຈິງ ກວາຍ ອາຕີ ຄານອດ ກະ ກວາຍ ພາຣີຊາຍ

(ມາຣະໂກ 12:38-40; ລູກາ 11:39-52; 13:34-35; 20:45-47)

1 ແວັດ ກ້ອຍ ເຢຊູ ອາຕີ ລັຮ ມັຮ ກວາຍ ກຶ້ງ ກະ ມູ່ ກາ ຣຍານ ແຕ ອັນ ປາຍ: 2 "ກວາຍ ອາຕີ ຄານອດ ກະ ກວາຍ ພາຣີຊາຍ, ໄລ່ ກ້ອຍ ແກັດ ກວາຍ ອາຕີ ເຍົາ ໄປຣ ລັຮ ໂມເຊ. 3 ນະກ້ອຍ, ອີງເຄາະ ເຍົາ ຕະ ຕາປູ່ນ ນະ ປຣນາຍ ໄລ່ ອາຕີ.

ມາ ເຍົາ ອິນໂຈຍ ດວຍ໌ ມັຮ ຣານະ ໄລ່ ຕະ, ຍ່ອນ ແບອ໌ ໄລ່ ປາຍ ມາ ໄລ່ ຕາ ເບີນ ຕະ. 4 ໄລ່ ອາຕີ ໂອນ ເຍົາ ຕາປູ່ນ ຄານອດ ກັດ ລາລີ ນະ ໄລ່ ໂອນ

ປາລ ເຍົາ ໂດລ ຫຣິ່ງ ອິນຕ້ອງ. ມາ ອາຕີ ໄລ່ ຕາ ເບີນ ອິດ ຈ່ອຍ ອິນເຕົ້າ ຫຣິ່ງ ອິນຕ້ອງ ແຕ ເຍົາ.

5 ກູ່ ຣານະ ໄລ່ ຕະ, ໄລ່ ຍິ້ອ ອີ ໂອນ ກວາຍ ການໍ່ ອິ ເຮີມ ມັຮ ຣານະ ກ້ອຍ. ໄລ່ ໂຈະ ປຣນາຍ ເຢີງ ເຈົ້າຣາຊີ ຕຶ້ງ ໂຮບ ອີງກັຮ. ເຈ້ ໄລ່ ຊັດ ໂຮບ ກ້ອຍ ຕຶ້ງ ອິມແບ້ ກະ ໄລ່ ຕາປຶ້ງ ຕຶ້ງ ກາລຍາອ໌. ກະ ໄລ່ ຕະ ຍ່ອຍ ຕີ ລາລີ ຕຶ້ງ ອາຍິ້ອຮ ຕ່ອງ ໄລ່. 6 ໄລ່ ຍິ້ອ ອີ ຕາກູ ຍິ້ຮ ແປັງ ແຕ້ອ້ ເມົ້າ ການີຍ ໄລ່ ແຕ້ອ້

ຈາ. ກະ ໄລ່ ຍິ້ອ ອີ ເບີນ ກາເຈິ່ງ ຕາກູ ອໍ່ ແກ້ຍ ອິນແຍ່ະ ແຕ ກວາຍ ການໍ່ອ໌ ແອັດ ຕຶ້ງ ດຸງ ຊາງ.

7 ໄລ່ ຍິ້ອ ກວາຍ ການໍ່ອ໌ ຣາບັນ ອໍ່ ໄລ່ ບ້ອງ ກາ ໄລ່ ແອັດ ກະ ກວາຍ ກຶ້ງ. ກະ ໄລ່ ຍິ້ອ ເມົ້າ ດິ້ອ ໄລ່ ລາ 'ອາຈານ.' 8 ມາ ເຍົາ ອິນໂຈຍ ຍິ້ອ ອີ ໂອນ ກວາຍ ການໍ່ອ໌ ດິ້ອ ເຍົາ ລາ 'ອາຈານ,' ຍ່ອນ ເຍົາ ເບີນ ແອັງ ມານໍ່າ ອາຈານ ຊ້ອງ, ກະ ເຍົາ ລາ ນະ ແຊມ ອາຍ ຣາລີ ອິນແຍ່ະ. 9 ກະ ເຍົາ ອິນໂຈຍ ດິ້ອ ກວາຍ ແອັດ ຕຶ້ງ ກູແຕອ໌ ໄມ່ ມາ 'ອິມປໍ່ ເຍົາ,' ຍ່ອນ ເຍົາ ເບີນ ແອັງ ມານໍ່າ ອິມປໍ່ ຊ້ອງ, ອັນ ກາ ແອັດ ຕຶ້ງ ມັນລ້ອງ. 10 ກະ ເຍົາ ອິນໂຈຍ ຍິ້ອ ອີ ໂອນ ກວາຍ ການໍ່ອ໌ ດິ້ອ ເຍົາ ລາ 'ກວາຍ ຊັດ,' ຍ່ອນ ເຍົາ ເບີນ ແອັງ ມານໍ່າ ຊັດ ຊ້ອງ, ອັນ ລາ ມານະ ກຣິດ. 11 ຄັນ ເບີນ ກວາຍ ຕຶ້ງ ມູ່ ເຍົາ ມາ ຍິ້ອ ອີ

ແກັດ ປິດ ແກ້ຍ ອິນແຍ່ະ ແຕ ກວາຍ ການໍ່ອ໌, ອີງ ເຄາະ ອັນ ແກັດ ກວາຍ ຕະ ຣານະ ເຍົາ. 12 ກວາຍ ອາແລະ ມາ ອາຊ້ອຮ ຈະ ອັນ ເບີມ, ປຣແນີ ມັນ ເຕຣີ ກວາຍ ກ້ອຍ ແກັດ ພາດ. ກະ ກວາຍ ອາ ແລະ ກາ ອາແຊງ ຈະ ອັນ ເບີມ, ປຣແນີ ມັນເຕຣີ ກວາຍ ກ້ອຍ ແກັດ ປິດ.

13 "ບາບ ລາລີ ແຕ້ອ້ ປໍ່ ເຍົາ ກາ ກວາຍ ອາຕີ ຄານອດ ກະ ກວາຍ ພາຣີຊາຍ, ລາ ກວາຍ ມາມ ອໍ່ ມາ ຣາງິຮ ໂກະ! ຍ່ອນ ເຍົາ ກາຕັງ ຕາ ໂອນ ກວາຍ ມຸ່ດ ຕຶ້ງ ຈຸ່ມ ກາ ເຢີງ ເຈົ້າຣາຊີ ຊັດ. ເຍົາ ຕາ ແອອ໌ ເຢີງ ເຈົ້າຣາຊີ ຕະ ຊັດ ເຍົາ, ກະ ເຍົາ ຕາ ເບີນ ໂອນ ກວາຍ ການໍ່ອ໌ ເບີນ ນະກ້ອຍ ແຕ່!

14 "ບາບ ລາລີ ແຕ້ອ້ ປໍ່ ເຍົາ ກາ ກວາຍ ອາຕີ ຄານອດ ກະ ກວາຍ ພາຣີຊາຍ, ລາ ກວາຍ ມາມ ອໍ່ ມາ ຣາງິຮ ໂກະ! ຍ່ອນ ເຍົາ ໄລ່ບ ມັຮ ດຸງ ອິມ ເປ່ອ໌ ກູມາຍ. ກະ ເຍົາ ເກົ້າແຊອ໌ ປຣນາຍ ຕີ ຍິ້ອ ອີ ໂອນ ເມົ້າ ປາຍ ເຍົາ ຕານ້ອງ ອໍ່. ນະກ້ອຍ ເຈ້ ປໍ່ ເມັງ ໂຕ່ດ ເຍົາ ອິນຕ້ອງ ກາເລີຍ ແຕ ກວາຍ ການໍ່ ອ໌.\*

15 "ບາບ ລາລີ ແຕ້ອ້ ປໍ່ ເຍົາ ກາ ກວາຍ ອາຕີ ຄານອດ ກະ ກວາຍ ພາຣີຊາຍ, ລາ ກວາຍ ມາມ ອໍ່ ມາ ຣາງິຮ ໂກະ! ຍ່ອນ ເຍົາ ຕະ ອິນແຍ່ະ ຣາງິຮ ຣາ ແຮີ ຍິ້ອ ອີ ໂອນ ກວາຍ ການໍ່ອ໌ ຕັຮ ຊ້ອງ ຣາງິຮ ໄລ່; ເຈ້ ຕາປູ່ນ ຣາງິຮ ເຍົາ ແອັນ. ມາ ແຕ້ອ້ ໄລ່ ຕາປູ່ນ ຣາງິຮ ເຍົາ, ເຍົາ ຕະ ໂອນ ໄລ່ ແກັດ ຕາ ອໍ່ ແກ້ຍ ແຕ ເຍົາ ແອັນ; ເຈ້ ປຍາຍ໌ ເຢີງ ເຈົ້າຣາຊີ ອາ ປ້ອງ ຕັຮ ເຍົາ ຕຶ້ງ ປຣຸ່ງ ອູ່ຍຮ.

\* 22:44 22:44 ຕາປູ່ນ ຄານອດ ກວາຍ ອິດຊະຣາເອລ, ຄັນ ກວາຍ ອາແລະ ມາ ໄລ່ ຍິ້ອ ອີ ຢານັບ ໂກຣ ລາລີ, ໄລ່ ໂອນ ກວາຍ ກ້ອຍ ແອັດ ຍິ້ຮ ອາຕົ້າ ໄລ່. \* 23:14 23:14 ຊາອິຍ ປຶ້ງ ປຣນາຍ ແຕ ອິມແບ້ ຕາ ເບີນ ເບີນ ຣານາ 14 ໄມ່.

16 "ບາບ ລາລີ້ ແຕ້ອ໌ ປີ ເຍົາ ກາ ນະ ກວາຍ ຊູດ ມັດ ມາ ຍິອ໌ ອີ ອາໂຍ່ງ ກວາຍ ການໍ້ອ໌. ເຍົາ ອາ ຕີ ໂຈະ ກວາຍ ການໍ້ອ໌ ປາຍ: 'ຄັນ ກວາຍ ອາແລະ ກາ ຄິນ, ມາ ອັນ ກູອ໌ ດຸງ ຊາງ ປັດ, ປຣນາຍ ກວາ ຍ ກ້ອຍ ຄິນ ຕາ ເບີນ ຕຸ່ຮ ຕະ ຕາປຸ່ນ. ມາ ຄັນ ກວາຍ ອາແລະ ກາ ຄິນ ມາ ອັນ ກູອ໌ ແຢງ ແອິດ ຕິ່ງ ດຸງ ຊາງ ປັດ ກ້ອຍ, ອິງເຄາະ ກວາຍ ກ້ອຍ ຕະ ຕາປຸ່ນ ປຣນາຍ ກາ ອັນ ຄິນ.' 17 ເຍົາ ລາ ກວາຍ ຊາກູລ ກະ ເຍົາ ກາ ນະ ກວາຍ ຊູດ ມັດ ເອີຍ! ອາ ແລະ ກາ ປັດ ກາເລີຍ, ແຢງ ແຕ້ລາ ດຸງ ຊາງ ປັດ ກາ ຕະ ໂອນ ແຢງ ກ້ອຍ ແກິດ ອໍ ຍິຣ ມິງ ເຢີງ ເຈົາຣາຊີ? 18 ກະ ເຍົາ ອາຕີ ປາຍ ເຕ່: 'ຄັນ ກວາ ຍ ອາແລະ ຄິນ, ມາ ອັນ ກູອ໌ ຊັນເຕຣີງ ຣິ່ດ ຕິ່ງ ດຸງ ຊາງ ປັດ, ປຣນາຍ ກວາຍ ກ້ອຍ ຄິນ ຕາ ເບີ ນ ຕຸ່ຮ ຕະ ຕາປຸ່ນ. ມາ ຄັນ ກວາຍ ອາແລະ ກາ ຄິນ ມາ ອັນ ກູອ໌ ເກຣັງ ຊາງ ຕິ່ງ ຊັນເຕຣີງ ຣິ່ດ ກ້ອຍ, ອິງເຄາະ ກວາຍ ກ້ອຍ ຕະ ຕາປຸ່ນ ປຣນາຍ ກາ ອັນ ຄິນ.' 19 ເຍົາ ລາ ນະ ກວາຍ ຊູດ ມັດ! ອາແລະ ກາ ປັດ ກາເລີຍ, ເກຣັງ ຊາງ ແຕ້ລາ ຊັນ ເຕຣີງ ຣິ່ດ ກາ ຕະ ໂອນ ເກຣັງ ກ້ອຍ ແກິດ ອໍ ຍິຣ ມິງ ເຢີງ ເຈົາຣາຊີ? 20 ນະກ້ອຍ, ຄັນ ກວາຍ ອາ ແລະ ຄິນ ມາ ອັນ ກູອ໌ ຊັນເຕຣີງ ຣິ່ດ, ລາ ມູເຈິງ ກວາຍ ກ້ອຍ ຄິນ ໂຈະ ເກຣັງ ຊາງ ຕິ່ງ ຊັນເຕຣີງ ຣິ່ດ ກ້ອຍ ເຕ່. 21 ກະ ຄັນ ກວາຍ ອາແລະ ຄິນ ມາ ອັນ ກູອ໌ ດຸງ ຊາງ ປັດ, ລາ ມູເຈິງ ອັນ ຄິນ ໂຈະ ເຢີງ ເຈົາຣາຊີ ເຕ່, ຍ່ອນ ດຸງ ຊາງ ກ້ອຍ ລາ ດຸງ ຊາງ ເຢີງ ເຈົາຣາຊີ. 22 ກະ ຄັນ ກວາຍ ອາແລະ ກາ ຄິນ ມາ ອັນ ກູອ໌ ມັນລ້ອງ, ມູເຈິງ ອັນ ຄິນ ໂຈະ ເຢີງ ເຈົາຣາຊີ ເຕ່, ຍ່ອນ ເຢີງ ເຈົາຣາຊີ ແອິດ ຕິ່ງ ມັນລ້ອງ.

23 "ບາບ ລາລີ້ ແຕ້ອ໌ ປີ ເຍົາ ກາ ກວາຍ ອາຕີ ຄານອດ ກະ ກວາຍ ພາຣີຊາຍ, ລາ ກວາຍ ມາມ ອໍ ມາ ຣາງິຣ ໂກະ! ຍ່ອນ ເຍົາ ມ່ອບ ຊາງ ໂອນ ເຢີງ ເຈົາຣາຊີ ມວຍ ປູດ ແຕ ມວຍ ຈິ່ດ ປູດ ບັດ ບາຍ ອາຊາຍ ກູຕຽມ ເຍົາ, ມາ ເຍົາ ຕາ ເບີນ ຊາງັດ ຣາ ນະ ການໍ້ອ໌ ລາ ປັດ ກາເລີຍ ແຕ ຣິ່ດ ຊາງ ກ້ອຍ ຕິ່ງ ຄານອດ ເຢີງ ເຈົາຣາຊີ. ຣານະ ປັດ ກ້ອຍ ລາ ນະໄນ: ເຍົາ ອິງເຄາະ ຕະ ຊົງໄກຣ ອໍ, ອິງເຄາະ ເບີນ ຣາງິຣ ຊ້ອງ ອາໂຍະ ຕະ ໂຈະ ກວາຍ ການໍ້ອ໌, ກະ ອິງ ເຄາະ ຕະ ໄກຣ ລາລີ້ ໂອນ ກວາຍ ການໍ້ອ໌ ເຕ້ອ໌ ຊາ ງັດ ເຍົາ. ເກົາ ຕາ ເບີນ ໂອນ ເຍົາ ຕັຣ ພິດ ຣານະ

ມ່ອບ ຊາງ ກ້ອຍ, ມາ ມັຣ ຣາມິຣ ປັດ ກາເລີຍ, ລາ ອິງເຄາະ ເຍົາ ຕະ ເຕ່. 24 ເຍົາ ລາ ນະ ກວາຍ ຊູດ ມັດ ມາ ຍິອ໌ ອີ ອາໂຍ່ງ ກວາຍ ການໍ້ອ໌! ເຍົາ ຍິອ໌ ອີ ອິດ ຕັຣ ອາຍິອ໌ ແຕ ແຕ້ອ໌ ງ່ອຍ, ມາ ຄັນ ເບີນ ຊັນເຕຣັມ ອູ່ດ, ເຍົາ ລິນ ອິນແຍະ ກຳ ແຕ້.†

25 "ບາບ ລາລີ້ ແຕ້ອ໌ ປີ ເຍົາ ກາ ກວາຍ ອາຕີ ຄານອດ ກະ ກວາຍ ພາຣີຊາຍ, ລາ ກວາຍ ມາມ ອໍ ມາ ຣາງິຣ ໂກະ! ຍ່ອນ ເຍົາ ລາ ນະ ຕາງານ ກະ ກູໂຕອ໌ ເມົາ ອາເຣົາວ ໂອນ ບຣັຣ ອໍ ແອັງ ຍິຣ ນໍ້ ອ໌ ຊ້ອງ, ມາ ຕິ່ງ ແປັງ ງິຣ ກ້ອຍ ອິນນ້ອງ ແປຣິ. ແປຣິ ກ້ອຍ ລາ ເຍົາ ຣາປິນ ກະ ເຍົາ ອາໂຍະ ແອັງ ຈະ ເຍົາ ຊ້ອງ. 26 ເອີ ມັຣ ກວາຍ ພາຣີຊາຍ, ເຍົາ ລາ ນະ ກວາຍ ຊູດ ມັດ! ອິນໂຍ່ງ ລາລີ້ ເຍົາ ອິງ ເຄາະ ອາເຣົາວ ໂອນ ບຣັຣ ຕິ່ງ ແປັງ ງິຣ ຕາງານ ເວົ້າຍ. ຄັນ ເຍົາ ຕະ ນະກ້ອຍ, ຍິຣ ນໍ້ ຕາງານ ກ້ອຍ ແກິດ ບຣັຣ ເຕ່!

27 "ບາບ ລາລີ້ ແຕ້ອ໌ ປີ ເຍົາ ກວາຍ ອາຕີ ຄານອດ ກະ ກວາຍ ພາຣີຊາຍ, ລາ ກວາຍ ມາມ ອໍ ມາ ຣາງິຣ ໂກະ! ເຍົາ ລາ ນະ ປິ່ງ ກູມຸ່ຍ ເມົາ ເຕົາ ກໍ້ອ໌ ອໍ ແອັງ ຍິຣ ນໍ້ ອ໌ ຊ້ອງ, ມາ ຕິ່ງ ປິ່ນ ກ້ອຍ ເບີ ນ ອິງຮາງ ກວາຍ ກູຈິດ ກະ ອິນໂຊະ ປຣິຯ. 28 ເຍົາ ລາ ມູເຈິງ ກ້ອຍ ເຕ່. ເຍົາ ຍິອ໌ ອີ ໂອນ ກວາຍ ການໍ້ ອ໌ ປາຍ ເຍົາ ລາ ກວາຍ ຕານ້ອງ ອໍ, ມາ ຣາງິຣ ເຍົາ ເບີນ ຊາອິ້ຍ ໂລ່ຍຣ, ກະ ເຍົາ ມາມ ອໍ ມາ ຣາງິຣ ໂກະ.

29 "ບາບ ລາລີ້ ແຕ້ອ໌ ປີ ເຍົາ ກາ ກວາຍ ອາຕີ ຄານອດ ກະ ກວາຍ ພາຣີຊາຍ, ລາ ກວາຍ ມາມ ອໍ ມາ ຣາງິຣ ໂກະ! ເຍົາ ຕະ ປິ່ງ ອໍ ໂອນ ກວາຍ ອາຕີ ຕາງ ປຣນາຍ ເຢີງ ເຈົາຣາຊີ. ກະ ເຍົາ ຕະ ໂອນ ອໍ ລາລີ້ ມັຣ ປິ່ງ ກວາຍ ຕານ້ອງ ອໍ. 30 ກະ ເຍົາ ເກົ ຍ ປາຍ ນະໄນ ແຣີ: 'ຄັນ ຣີ ມາ ແອິດ ແຕ ອິມແບັ ກ້ອຍ ມວຍ ໂປຣຣິ ກະ ອາຈວາຍຣ ອາເຈຣ ຣີ, ຣີ ຕາ ເບີນ ກາຈິດ ກວາຍ ອາຕີ ຕາງ ປຣນາຍ ເຢີງ ເຈົາຣາຊີ ມູເຈິງ ໄລ່ ກ້ອຍ ຕະ.' 31 ແຕ້ອ໌ ເຍົາ ປາຍ ນະກ້ອຍ, ເຍົາ ງິນ ເຍົາ ລາ ກວາຍ ຈຸມເຈີອ ມູ່ ກາ ກາຈິດ ກວາຍ ອາຕີ ຕາງ ປຣນາຍ ເຢີງ ເຈົາຣາຊີ ແຕ ອິມແບັ. 32 ເອົາ, ເຍົາ ເປາະ ແຕ້! ເຍົາ ຕະ ໂອນ ແມັມ ມັຣ ຣານະ ອາຈວາຍຣ ອາເຈຣ ເຍົາ! 33 ເຍົາ ລາ ກວາຍ ກາ ເບີນ ຣາງິຣ ຕາ ອໍ ນະ ກູຊັນ ປູາ. ເຍົາ ຕາ ເຕ່ອ໌ ວຍາຣ ແຕ ເຢີງ ເຈົາຣາຊີ ຕັດຊິນ ເຍົາ ກະ ຕະ ໂຕ່ດ ເຍົາ ຕິ່ງ ປຣຸ່ງ ອູ່ຍຣ. 34 ນະກ້ອຍ ເກົາ ອາຕີ ເຍົາ ປາຍ: ປຣແນີ ມັນເຕຣີ ເກົາ ແປຣີ

† 23:24 23:24 ເຢຊູ ຊາກຳ ຣານະ ກ້ອຍ ລາ ອີ ປາຍ: "ເຍົາ ອີ ວຍາຣ ແຕ ມັຣ ຣານະ ໂລ່ຍຣ ກາ ຕາ ເບີນ ປັດ ອິນເຕົາ. ມາ ມັຣ ຣານະ ໂລ່ຍຣ ປັດ, ເຍົາ ຕະ ແຕ້."

ມັຮ ກວາຍ ອາຕີ ຕາງ ປັນນາຍ ເຢີງ ເຈົ້າຮາຊີ ກາ ນໍ້ອໍ ແອັນ, ກະ ມັຮ ກວາຍ ຮາໄງ້ອໍ ຮາລັງ ລາລີ້, ກະ ມັຮ ກວາຍ ອາຕີ ຄານອດ ແຕ້ອໍ ປິ ເຍົາ. ແຕ ມູ່ ກ້ອຍ, ເບີນ ອັນ ກາ ເຍົາ ກາຈິດ ຕິ່ງ ອາລ່ອງ ຊັງກັງ. ເບີນ ອັນ ກາ ເຍົາ ປຍາຍຮ ຕິ່ງ ດຸງ ຊາງ ເຍົາ. ກະ ເບີນ ອັນ ກາ ເຍົາ ຕູ່ຍຮ ອາລ່ອຮ ແຕ ເມືອງ ໄນ່ ເປາະ ປິ ເມືອງ ກ້ອຍ. <sup>35</sup> ນະກ້ອຍ ໂຕ່ ດ ໄລ່ ກາ ກາຈິດ ກວາຍ ຕານ້ອງ ອໍ ຕິ່ງ ກູແຕອໍ ໄນ່, ເຢີງ ເຈົ້າຮາຊີ ໂອນ ເຍົາ ຕໍ່າເປຣ່ອ້ ເຕ່ ໂຕ່ດ ກ້ອຍ, ຍ່ອນ ເຍົາ ລາ ຈຸ່ມເຈືອ ໄລ່ ກ້ອຍ. ໂຕ່ດ ກ້ອຍ ເບີນ ແຕ ຕາໄງ ໄລ່ ກາຈິດ ອາເບລ, ອັນ ກາ ກວາຍ ຕານ້ອງ ອໍ ແຕ ອີມເບີ; ກະ ເຕ້່າ ໂອນ ແຕ້ອໍ ໄລ່ ກາຈິດ ເຊກາຣີຢາ ລາ ກອນ ເບເຣກີຢາ ແອັນ. ເຍົາ ກາຈິດ ເຊກາຣີຢາ ປີ່ນ ກຸງ ຕິ່ງ ດຸງ ຊາງ ປິ່ດ ແຈ່ະ ຊັນເຕຣີງ ກາ ໄລ່ ຊາງ ຮິ່ດ. <sup>36</sup> ເກົາ ອາ ຕີ ຕານ້ອງ ໂອນ ເຍົາ, ກູ່ ຣາມິຮ ໂຕ່ດ ກ້ອຍ ແຕ້ອໍ ປິ ເຍົາ ກາ ແອິດ ຕິ່ງ ແດີຍ ໄນ່!

<sup>37</sup> "ອີ ເຢຣູຊາເລັມ, ເຍົາ ກາ ແອິດ ຕິ່ງ ເມືອງ ເຢຣູຊາເລັມ ເອີຍ! ເຍົາ ລາ ກວາຍ ກາ ທີ່ຍ ກາ ຈິດ ກວາຍ ອາຕີ ຕາງ ປັນນາຍ ເຢີງ ເຈົ້າຮາຊີ, ກະ ເຍົາ ແຫຼງ ຕາເມົາ ໂຈະ ມັຮ ກວາຍ ກາ ເຢີງ ເຈົ້າຮາ ຊີ ແປຣີ ແຕ້ອໍ ປິ ເຍົາ. ເບີນ ຊາອິ້ຍ ເຮີບ ເຈ້ ເກົາ ຍິ້ອ ອີ ປາໂຣມ ອິນແຍ່ະ ມັຮ ເຍົາ ນະ ອິນຕຣວຍ ອາກັນ ກູຕຣຸກ ກູອໍ ກອນ ອັນ ໂອນ ແອິດ ປີ່ນ ຊານັງ. ມາ ເຍົາ ຕາ ປຣ່ອມ! <sup>38</sup> ຊານໍ່ ເກົາ ຕາ ເບີ ນ ເປາະ ໄກ້ຮ ທີ່ ນ້ອງ ດຸງຊູ ເຍົາ. <sup>39</sup> ນະກ້ອຍ ເກົາ ອາຕີ ເຍົາ ປາຍ: ປຸຣແນີ ມັນເຕຣີ ເຍົາ ຕາ ເບີນ ເຮີມ ນ້ອງ ເກົາ ເຕ້່າ ແຕ້ອໍ ຕາໄງ ເຍົາ ປາຍ: 'ບຸ່ນ ລາລີ້ ອັນ ກາ ແຕ້ອໍ ຍ່ອນ ຣາມິຮ ອິນເຈົ້າ ໂຮ.'"

## 24

ເຢຊູ ອາຕີ ແຕ ເມົາ ຕາລຸຮ ດຸງ ຊາງ ປິ່ດ  
(ມາຣະໂກ 13:1-2; ລູກາ 21:5-6)

<sup>1</sup> ພໍກາ ເຢຊູ ລ່ອຮ ແຕ ດຸງ ຊາງ ປິ່ດ, ເຈ້ ເປາະ ຕິ່ງ ຮານາ, ເບີນ ມູ່ ກາ ຮຍານ ແຕ ອັນ ແຕ້ອໍ ປິ ອັນ ກະ ຊາດອຍ ໂອນ ອັນ ແ່ ປິ ດຸງ ຊາງ ກ້ອຍ. <sup>2</sup> ເຢຊູ ອາຕີ ໄລ່ ກ້ອຍ ປາຍ: "ເຍົາ ເຮີມ ອິນແຍ່ະ ດຸງ ປິ່ດ ແອິດ ອິນຕູ ໄນ່ ບໍ? ເຈ້ ປິ ເມືາງ ຕາເມົາ ເມົາ ຕະ ດຸງ ປິ່ດ ໄນ່ ຕາ ເບີນ ຮາແຕັດ ນ້ອງ ມັນ ຕູ. ອັນ ຮາຕັຮ ອິນແຍ່ະ."

ເຢຊູ ອາຕີ ແຕ ຮານະ ຕຸຣ ກັດ ແຕ້ອໍ ປິ ກວາ ຍ  
(ມາຣະໂກ 13:3-13; ລູກາ 21:7-19)

<sup>3</sup> ບ້ອງ ກາ ເຢຊູ ຕາກູ ແອິດ ຕິ່ງ ກັຮ ອາໂປ ນ, ເບີນ ແອີງ ມູ່ ກາ ຮຍານ ແຕ ອັນ ຊ້ອງ ແຕ້ອໍ ກະ ອັນ. ໄລ່ ຕາເບີບ ອັນ ປາຍ: "ອາຈານ ເອີຍ! ແຊອໍ ອາຈານ ອາຕີ ໂອນ ຮິ ດັງ, ອິນນ້ອງ ມາແລ່ະ ດູ່ນ ຮານະ ໄນ່ ແຕ້ອໍ? ເບີນ ອິນເຕ້່າ ອາປັຮ ໂອນ ຮິ ດັງ ອາຈານ ແຕ້ອໍ ລ່ຮ ປິ ກູແຕອໍ ໄນ່ ກະ ແຕ້ອໍ ຕາໄງ ປັຮຊິດ?"

<sup>4</sup> ເຢຊູ ຕາແອີຍ ໄລ່ ປາຍ: "ອີງເຄາະ ເຍົາ ລາວັງ ໂອນ ອໍ. ອິນໂຈຍ ໂອນ ເມົາ ຮາພິ ເຍົາ. <sup>5</sup> ເຈ້ ປິ ເມືາງ ເບີນ ຊາອິ້ຍ ນະ ແຕ້ອໍ ອາງ ຮາມິຮ ເກົາ, ກະ ປາຍ: 'ກູໂຕ ເກົາ ໄນ່ ແຕ້ ລາ ກຣິດ!' ນະກ້ອຍ ໄລ່ ຮາພິ ກຶ້ງ ກວາຍ. <sup>6</sup> ພໍກາ ເຍົາ ຊ້ອງ ຮານ ເມົາ ຮາ ຕະ ແຈ່ະໆ ເຢີງໆ, ເຍົາ ອິນໂຈຍ ເກຣ່າະ ອິນເຕ້່າ. ຮານະ ໄນ່ ອີງເຄາະ ແຕ້ອໍ ອິນໂຍ່ງ ເວົ້າຍ. ມາ ຕາ ຢວາຣ ແຕ້ອໍ ຕາໄງ ປັຮຊິດ. <sup>7</sup> ເບີນ ມູ່ ໄນ່ ຮາຕະ ກະ ມູ່ ກ້ອຍ, ກະ ກຣວາງ ໄນ່ ຮາຕະ ກະ ກຣວາງ ກ້ອຍ. ເບີນ ຊາອິ້ຍ ອິນຕູ ແອິ ຊັຮມາ ຈາ. ກະ ເບີ ນ ຊາອິ້ຍ ອິນຕູ ກູແຕອໍ ຮາໄນ່ ກະ ກູກິດ. <sup>8</sup> ມັຮ ຮາມິຮ ໄນ່ ລາ ຮາມິຮ ຕຸຣ ກັດ ກາ ຕາແບີ ຊ້ອງ, ນະ ມັນແຊມ ຕິ່ ຕິ່ງ ປຸ່ງ ອີ ຮັຮ ກອນ.

<sup>9</sup> "ເບີນ ກວາຍ ມ່ອບ ເຍົາ ປິ ອາຕີ ກວາຍ ຕາ ອໍ ໂອນ ໄລ່ ກ້ອຍ ກາຈິດ ເຍົາ. ຕິ່ງ ຕາໄງ ກ້ອຍ ອິນ ແຍ່ະ ມັຮ ກວາຍ ຊາອັຮ ເຍົາ ຍ່ອນ ເຍົາ ປວາຍ ຮາ ນະ ເກົາ. <sup>10</sup> ບ້ອງ ກາ ກ້ອຍ ເບີນ ຊາອິ້ຍ ນະ ກວາ ຍ ກາ ຕາປູ່ນ ເກົາ, ໄລ່ ຕາ ເຮີບ ຕາປູ່ນ ນ້ອງ. ໄລ່ ມານະ ປ້ອງ ມານະ ໂອນ ກວາຍ ຊິດ ກາຈິດ. ກະ ໄລ່ ມານະ ຊາອັຮ ມານະ. <sup>11</sup> ເບີນ ຊາອິ້ຍ ນະ ກວາ ຍ ແຕ້ອໍ ປາຍ ໄລ່ ລາ ກວາຍ ອາຕີ ຕາງ ປັນນາຍ ເຢີງ ເຈົ້າຮາຊີ. ມາ ໄລ່ ຮາພິ ໂອນ ກຶ້ງ ກວາຍ ຊັຮ ລຸ ກະ ໄລ່. <sup>12</sup> ຍ່ອນ ຮານະ ຕາ ອໍ ເປາະ ປຸຣ ກູ່ ອິນ ຕູ, ນະກ້ອຍ ໄລ່ ກາ ມານະ ອາໂຍ່ະ ມານະ ແຕ ອິນ ໂຍ່ງ, ແກັດ ອິນຕຍາຮ ອິນແຍ່ະ. <sup>13</sup> ມາ ມັຮ ກວາ ຍ ກາ ເຮີບ ຈິວ ເຕ້່າ ຊິດ ແດີຍ ໄລ່, ເຢີງ ເຈົ້າຮາ ຊີ ຈ່ອຍ ອາມັງ ກວາຍ ກ້ອຍ. <sup>14</sup> ປັນນາຍ ອໍ ແຕ ເຢີງ ເຈົ້າຮາຊີ ຕະ ຊິດ, ເບີນ ກວາຍ ອາຕີ ປັຮ ນາຍ ກ້ອຍ ປຸຣ ກູ່ ກຣວາງ ຕິ່ງ ກູແຕອໍ ໄນ່ ໂອນ ອິນແຍ່ະ ມັຮ ກວາຍ ເຕ່ອໍ ດັງ. ແວັດ ກ້ອຍ, ແຕ້ອໍ ຕາໄງ ປັຮຊິດ ເລ້ຍ."

ເຢຊູ ອາຕີ ເບີນ ຊາອິ້ຍ ຮາມິຮ ຕຸຣ ກັດ ແຕ້ອໍ

ປີ ກູແຕອໄນ

(ມາຣະໂກ 13:14-23; ລູກາ 21:20-24)

15 "ປັຣແນີ ມັນເຕຣີ ເຢົາ ເຮີມ ມັຮ ຮາມິຮ ກາ ດາມີເອລ, ລາ ກວາຍ ອາຕີ ຕາງ ປັຣນາຍ ເຢີງ ເຈົາຮາຊີ, ປາຍ ແຕ ອິມແປ ເຈີ່. ດາມີເອລ ປາຍ ເບີນ ເມົາ ດໍອ໌ ຕິ່ງ ດຸງ ຊາງ ປິດ ທາຮິ່ງ ແປຣີ ກາ ເຢີງ ເຈົາຮາຊີ ຕາ ແອອ໌ ອີ ເຮີມ (ກວາຍ ອາແລ່ ະ ກາ ອານ ປັຣນາຍ ໄນ່, ອິງເຄາະ ອັນ ຊາປຸ່ຮ ເບີ ມ ແຕ ປັຣນາຍ ໄນ່.) 16 ຕາໄງ ກ້ອຍ ກວາຍ ກາ ແອິດ ຕິ່ງ ແຄງ ຢູດາຍ ອິງເຄາະ ຕາລຸ່ຮ ຊ້ອຮ ແອິດ ຕິ່ງ ກັຮ ແອັນ. 17 ອັນ ກາ ແອິດ ຕິ່ງ ຕໍາປວລ ດຸງ ເປົາຮ, ອິງເຄາະ ອັນ ຕາລຸ່ຮ ອາແຊງ ອິນໂຈຍ ມູ່ດ ອິດ ນ້ອງ ທາຮິ່ງ ຕິ່ງ ດຸງ ອັນ. 18 ອັນ ກາ ແອິດ ປີ ໄທຮ ອິງເຄາະ ອິນໂຈຍ ເຈົາ ອິດ ນ້ອງ ທາຮິ່ງ ແຕ ດຸງ ອັນ. 19 ຕິ່ງ ຕາໄງ ກ້ອຍ ໂຕຍ ບາບ ລາ ລີ່ ໄລ່ ກາ ແອິດ ຕິ່ງ ຈະ ກະ ໄລ່ ກາ ອາໂຍະ ກອນ. 20 ນະກ້ອຍ, ອິງເຄາະ ເຢົາ ເກົາແຊອ໌ ອິນໂຈຍ ໂອນ ເຢົາ ຕາລຸ່ຮ ຕິ່ງ ກາໄຊ ຊາແງດ, ກະ ເກົາແຊອ໌ ອິນ ໂຈຍ ໂອນ ເຢົາ ຕາລຸ່ຮ ຕິ່ງ ຕາໄງ ຮາລຸ່. 21 ຕິ່ງ ຕາ ໄງ ກ້ອຍ ເບີນ ຕຸ່ຮ ກັດ ກາເລີຍ ແຕ ຕາແປ ເຢີງ ເຈົາຮາຊີ ແຕງ ມັນລ້ອງ ກູແຕອໄນ ເຕົ້າ ແຕ້ອ໌ ຊານໍ່. ກະ ປັຣແນີ ມັນເຕຣີ ຕາ ເບີນ ຕຸ່ຮ ກັດ ນ້ອງ ນະ ຕາໄງ ກ້ອຍ. 22 ຄັນ ເຢີງ ເຈົາຮາຊີ ຕາ ເບີນ ອາ ຮຸ່ຍ ລັຮ ມັຮ ຕາໄງ ກ້ອຍ, ຕາ ເບີນ ເມົາ ເຕ້ອ໌ ອາ ມັງ ນ້ອງ. ມາ ຍ່ອນ ອັນ ຍິອ໌ ອີ ຈ່ອຍ ມັຮ ກວາຍ ກາ ອັນ ຮຽຮ, ອັນ ອາຮຸ່ຍ ລັຮ ມັຮ ຕາໄງ ກ້ອຍ.

23 "ຄັນ ເມົາ ອາຕີ ເຢົາ ປາຍ: 'ໄນ່! ອັນ ໄນ່ ລາ ກຣິດ!' ແຕ້ລາ 'ຕິຮ! ອັນ ກາ ແອິດ ປີ ກ້ອຍ ລາ ກຣິດ!' ເຢົາ ອິນໂຈຍ ຊາງັດ ປັຣນາຍ ກ້ອຍ. 24 ຍ່ອນ ປັຣແນີ ມັນເຕຣີ ເບີນ ກວາຍ ຕາ ແກ້ນ ກຣິດ, ກະ ຕາ ແກ້ນ ກວາຍ ອາຕີ ຕາງ ປັຣນາຍ ເຢີງ ເຈົາຮາຊີ, ແຕ້ອ໌ ປີ ເຢົາ. ໄລ່ ກ້ອຍ ອາປັຮ ມັຮ ຮານະ ຕາ ເກ້ຍ ເຮີມ ດໍອ໌ ອີ ບູບວກ ອາໂລກ. ຄັນ ເຕ້ອ໌, ໄລ່ ຍິອ໌ ອີ ຮາກຽວ ກວາຍ ກາ ເຢີງ ເຈົາຮາຊີ ຮຽຮ ເຈີ່, ໂອນ ໄລ່ ຕະ ຮານະ ຕາ ອໍ ເຕ່. 25 ໄນ່! ເກົາ ອາຕີ ດໍອ໌ ໂອນ ເຢົາ ດັງ ອິນໂຍ່ງ ແຕ ຮານະ ກ້ອຍ ຕາ ຢວາຮ ແຕ້ອ໌.

26 "ນະກ້ອຍ, ຄັນ ເບີນ ເມົາ ອາຕີ ເຢົາ ປາຍ: 'ຕິຮ! ເບີນ ມານະ ກຣິດ ແອິດ ຕິ່ງ ອິນຕຸ ຕຍາຮ ກ້ອຍ!', ເຢົາ ອິນໂຈຍ ເປາະ ແຕ້ອ໌ ອິນຕຸ ກ້ອຍ. ແຕ້ລາ ໄລ່ ປາຍ: 'ຕິຮ! ມານະ ກຣິດ ແອິດ ໂຕະ ຕິ່ງ ດຸງ ກ້ອຍ!' ເຢົາ ອິນໂຈຍ ຊາງັດ. 27 ໄທຮ ລາ ລີ່, ເກົາ ກອນ ເຢີງ ແກ້ດ ກວາຍ ແຕ້ອ໌ ນະ ຕາລ

ຍາຮ ກັລກາງ ແຕ ມັດ ມານາງ ລ້ອຮ ແຕ້ອ໌ ມັດ ມານາງ ປິດ.

28 "ອິນຕຸ ແລະ ເບີນ ກູມັບ, ອິນຕຸ ກ້ອຍ ເບີນ ແຈມ ມຽດ ແຊງ ໂຮ່ມ ຈາ."

ຢຊູ ອາຕີ ແຕ ກອນ ເຢີງ ແກ້ດ ກວາຍ ແຕ້ອ໌ ລັຮ ປີ ກູແຕອໄນ  
(ມາຣະໂກ 13:24-27; ລູກາ 21:25-28)

29 ຢຊູ ອາຕີ ແອັນ ປາຍ: "ແວັດ ແຕ ຕາໄງ ຕຸ່ຮ ກັດ ກ້ອຍ, ມັດ ມານາງ ແກ້ດ ການໍາ, ກະ ຮາ ລັງ ກາໄຊ ຕາ ເບີນ ປາເລີງ ນ້ອງ. ມັນໂຕຮ ຊາ ແລຮ ແຕ ມັນລ້ອງ. ກະ ມັຮ ຮາມິຮ ອິນເຕົ້າ ກາ ເບີນ ອໍານາດ ຕິ່ງ ມັນລ້ອງ, ເຢີງ ເຈົາຮາຊີ ຕະ ໂອນ ຮາໄນ່ ອິນແຍະ. 30 ແວັດ ກ້ອຍ ແອິດ ຕິ່ງ ມັນລ້ອງ ເບີນ ມວຍ ຮາມິຮ ໂອນ ເມົາ ດັງ ແຕ ກອນ ເຢີງ ແກ້ດ ກວາຍ. ເຈີ່ ກູ່ ຮາມິຮ ກວາຍ ແອິດ ຕິ່ງ ກູແຕອໄນ, ໄລ່ ເຢົາມ ກູໂກຍ ຍ່ອນ ໄລ່ ຊ້ອງ ອິງກ້ອຮ. ໄລ່ ເຮີມ ເກົາ, ລາ ກອນ ເຢີງ ແກ້ດ ກວາຍ, ແຕ້ອ໌ ອິນຕີ ຮາມິລ, ເບີນ ອໍານາດ ປິດ ກະ ອາງອິຮ ລາລີ່. 31 ບັອງ ກາ ກ້ອຍ ເມົາ ຊ້ອງ ຊຽງ ເມົາ ປຼິງ ຕາກອຍ ເຮ່ງ ລາລີ່, ເຈີ່ ເກົາ ແປຣີ ມັຮ ເທວາດາ ເຢີງ ເຈົາຮາຊີ ປາໂຮມ ກູ່ ນະ ມັຮ ກວາຍ ກາ ເກົາ ຮຽຮ ແຕ ແປັງ ເຕົ້າ ແຕ້ອ໌ ປີ ກາແດັບ, ກະ ກູ່ ອິນຕຸ ຈວບ ປິນ ມັນລ້ອງ ກຸ່ ໄນ່."

ຢຊູ ຊາກໍາ ແຕ ກັລ ລາວັຮ  
(ມາຣະໂກ 13:28-31; ລູກາ 21:29-33)

32 "ເຢົາ ຊາງັດ ເກົາ ຊາກໍາ ແຕ ອາລ່ອງ ລາວັ ຮ. ຄັນ ອາແບງ ອາລ່ອງ ກ້ອຍ ອິນນ້ອງ ອິນ ຍ່ອມ, ອັນ ໄບຮ ປາດ້ອຮ ລັຮ ຊາລາ ອິນຍ່ອມ ເຕ່. ນະກ້ອຍ ເຢົາ ດັງ ແຈະ ອີ ແຕ້ອ໌ ກາໄຊ ພວາອ໌. 33 ມູເຈີງ ກ້ອຍ ເຕ່, ຄັນ ເຢົາ ເຮີມ ອິນແຍະ ຮາມິ ຮ ໄນ່ ແຕ້ອ໌, ນະກ້ອຍ ເຢົາ ດັງ ກອນ ເຢີງ ແກ້ດ ກວາຍ ແຈະ ອີ ແຕ້ອ໌ ເຈີ່. ອັນ ຕາມັອກ ແອິດ ຕິ່ງ ຈັຮ ຕິ່ງ ເຈີ່. 34 ເກົາ ອາຕີ ຕາມັອງ ໂອນ ເຢົາ, ມັຮ ກວາຍ ຕິ່ງ ແດັຍ ໄນ່ ຕາ ເບີນ ກູຈິດ ອິນແຍະ, ອິນ ໂຍ່ງ ແຕ ອິນແຍະ ຮາມິຮ ໄນ່ ແຕ້ອ໌. 35 ເຈີ່ ປີ ເມີງ ມັນລ້ອງ ກະ ກູແຕອໄນ ແກ້ດ ປິດ ອິນແຍະ, ມາ ປັຣ ນາຍ ເກົາ ອາຕີ ຕາ ເບີນ ແກ້ດ ປິດ."

ເມົ້າ ຕາ ເບີນ ດັງ ຕາໄງ ອາແລະ ກອນ ເຢີງ ແກ້ດ ກວາຍ ແຕ້ອ ລັຮ  
(ມາຣະໂກ 13:32-37; ລູກາ 17:26-30, 34-36)

36 "ຕາ ເບີນ ເມົ້າ ດັງ ຕາໄງ ແລະ ແຕ້ລາ ບ້ອງ ກາ ແລະ ຮານະ ກ້ອຍ ແຕ້ອ. ມັຮ ເທວາດາ ເຢີງ ເຈົ້າຮາຊີ ຕິ່ງ ມັນລ້ອງ, ກະ ກອນ ເຢີງ ເຈົ້າຮາຊີ ແຮ້ ລາ ຕາ ເບີນ ດັງ ເຕ່ ຕາໄງ ກ້ອຍ. ແອັງ ມານະ ອິມປໍ່ ເກົ້າ ແຕ້ ດັງ ຕາໄງ ກ້ອຍ. 37 ກອນ ເຢີງ ແກ້ດ ກວາຍ ແຕ້ອ ລັຮ ປໍ່ ກູແຕອ້ ໄມ່ ລາ ນະ ແດັຍ ໂນອາ ແຕ ອິມແປ້. 38 ຕິ່ງ ແດັຍ ໂນອາ ກ້ອຍ, ແຕ ອິນໂຍ່ງ ຮາລໍ່າ ແຕ້ອ ອີ ແຕ້ອ, ກວາຍ ຕິ່ງ ແດັຍ ກ້ອຍ ຈາ ຈ່ອຍ ຮໍ່ອ ບູຍ. ໄລ່ ອິດ ກອນ ລາກວຍ ມັນຕັດ ແຕ ອິນລິ່ງ ເຕ້າ ແຕ້ອ ຕາໄງ ໂນອາ ຊ້ອຮ ຕິ່ງ ຕົວະ. 39 ໄລ່ ຕາ ເບີນ ດັງ ຮາມິ້ຮ ອິນເຕ້າ ເລັຍ ກາ ແຕ້ອ ປີ ໄລ່. ມາ ບ້ອງ ກາ ຮາລໍ່າ ແຕ້ອ ກ້ອຍ ແຕ້ອ, ເຈ້ ແດ້ອ ກ້ອຍ ເດັງ ໄລ່ ຊາໂລຍ ອິນ ແຍ່ະ. ພໍກາ ກອນ ເຢີງ ແກ້ດ ກວາຍ ແຕ້ອ ລັຮ ປໍ່ ກູແຕອ້ ໄມ່ ລາ ມູເຈັງ ກ້ອຍ ເຕ່. 40 ບ້ອງ ກ້ອຍ ເບີນ ບາຮ ນະ ຮາເລົ້າ ແອັດ ຕະ ຮານະ ຕິ່ງ ໄທຣ. ເທວາດາ ເຢີງ ເຈົ້າຮາຊີ ເດັງ ມານະ, ມາ ມານະ ແອັນ ອັນ ໂອນ ແອັດ ລັຮ ຕິ່ງ ໄທຣ ກ້ອຍ. 41 ກະ ບ້ອງ ກ້ອຍ ເຕ່ ເບີນ ບາຮ ນະ ມັນແຊມ ແອັດ ກູກຼິຮ ຫໍ່. ເທວາດາ ກ້ອຍ ເດັງ ມານະ, ກະ ມານະ ແອັນ ອັນ ໂອນ ແອັດ ລັຮ ອີງກ້ອຍ. 42 ນະກ້ອຍ ອີງເຄາະ ເຍົາ ຕາງວຍ ເລືອຍໆ, ຍ່ອນ ເຍົາ ຕາ ດັງ ຕາໄງ ແລະ ອິນເຈົ້າ ເຍົາ ແຕ້ອ ລັຮ ປໍ່ ເຍົາ. 43 ອີງ ເຄາະ ເຍົາ ດັງ ເຕ່, ຄັນ ອິນເຈົ້າ ດຸງ ມາ ດັງ ບ້ອງ ແລະ ກວາຍ ຊາແວງ ອີ ມຸ່ດ ຕູຕວຍ ຕິ່ງ ດຸງ ອັນ, ອິນເຈົ້າ ດຸງ ກ້ອຍ ຕາງວຍ ເລືອຍໆ ຕາ ເບີນ ໂອນ ກວາຍ ຊາແວງ ກ້ອຍ ເຕ່ອ ມຸ່ດ ຕູຕວຍ ຕິ່ງ ດຸງ ອັນ. 44 ນະກ້ອຍ ອີງເຄາະ ເຍົາ ກຽມ ດໍອໍ ເລືອ ຍໆ ເຕ່, ຍ່ອນ ເຍົາ ຕາ ເບີນ ດັງ ບ້ອງ ກາ ແລ ະ ເກົ້າ ກອນ ເຢີງ ແກ້ດ ກວາຍ ແຕ້ອ ລັຮ. ເກົ້າ ແຕ້ອ ຕິ່ງ ຕາໄງ ກາ ເຍົາ ຕາ ເບີນ ຄິດ ອິນເຕ້າ ປາຍ ເກົ້າ ອີ ແຕ້ອ."

ເຢຊູ ອາຕີ ແຕ ຊູລ ອໍ ກະ ຊູລ ຕາ ເບີນ ອໍ  
(ລູກາ 12:41-48)

45 "ຄັນ ເບີນ ກວາຍ ຊູລ ຕະ ອໍ ກະ ຮາໂງ່ອ ຮາ ລັງ, ເນົາຍ ຈັຮ ໂອນ ອັນ ຕະ ຊົດ ເນ່ ມັຮ ກວາຍ ການໍ່ອ ກາ ຕະ ຮານະ ອັນ. ເນົາຍ ອາຕີ ໂອນ ໄລ່ ຈາ ອິນເຕ້າ, ອັນ ອິດ ໂອນ ໄລ່ ຮາມິ້ຮ ກ້ອຍ. 46 ຄັນ ຊູລ ກ້ອຍ ຕະ ປາຍຍໍ ອິນແຍ່ະ ມັຮ ຮານະ ເນົາຍ

ອັນ ອາຕີ, ອັນ ຊ້ອງ ຮໍ່ອ ບ້ອງ ກາ ເນົາຍ ອັນ ເຈົ້າ ລັຮ ປໍ່ ດຸງ! 47 ເກົ້າ ອາຕີ ຕານໍ່ອ ໂອນ ເຍົາ, ປັຮ ແມີ ມັນເຕຣົາ ເນົາຍ ກ້ອຍ ໂອນ ຊູລ ກ້ອຍ ມັນ ກຍາອໍ ອິນແຍ່ະ ມັຮ ມຸ່ນ ອັນ. 48 ມາ ຄັນ ກວາ ຍ ຊູລ ກ້ອຍ ມາ ຕາ ເບີນ ອໍ, ອັນ ຄິດ ຕິ່ງ ຮາງິຮ ອັນ ປາຍ: 'ອິນນ້ອງ ດຸ່ນ, ແຕ ເນົາຍ ເກົ້າ ເຈົ້າ.' 49 ນະກ້ອຍ ອັນ ປາຍາຮ ມັຮ ຊູລ ກາ ຕະ ຮານະ ເນົາຍ ອັນ, ກະ ອັນ ເປາະ ຈາ ຈ່ອຍ ໂອນ ບູລ ລໍາ ແປະ ລັງຮຍາ ນະ ເມົ້າ ເຕ່. 50 ເຈ້ ເນົາຍ ຊູລ ກ້ອຍ ເຈົ້າ, ມາ ຊູລ ກ້ອຍ ຕາ ເບີນ ດັງ ຕາໄງ ກ້ອຍ, ກະ ອັນ ຕາ ເບີນ ຄິດ ອິນເຕ້າ ເລັຍ ແຕ ຮານະ ກ້ອຍ. 51 ນະກ້ອຍ ເນົາຍ ກ້ອຍ ໄປອ້ ຕັຮ ຈະ ກວາຍ ຊູລ ກ້ອຍ. ກະ ເນົາຍ ກ້ອຍ ໂອນ ຊູລ ກ້ອຍ ແອັດ ມັນຕຸ ກະ ໄລ່ ກາ ມາມ ອໍ ມາ ຮາງິຮ ໂກະ. ອິນຕຸ ກ້ອຍ ເມົ້າ ເຍົາມ ກະ ເມົ້າ ກາເຕຣົອກ ກາແນງ ກາ ບາງ ຊ້ອງ ຕຸ່ຮ ກັດ ລາລີ້."

## 25

ເຢຊູ ອາຕີ ປັຮນາຍ ຊາກໍາ ແຕ ມວຍ ຈິດ ນະ ກວາຍ ກູໂມຣ

1 "ເຢີງ ເຈົ້າຮາຊີ ຕະ ຊົດ ລາ ນະ ມວຍ ຈິດ ນະ ກູໂມຣ ກາ ອິດ ຕາກຍາງ ໄລ່, ເຈ້ ໄລ່ ເທຣາະ ອີ ເປາະ ປັຮຊວຍ ກະ ອັນ ກາ ອີ ອິດ ລາກວຍ. 2 ເຊັງ ນະ ກູໂມຣ ກ້ອຍ ລາ ຊາກູລ, ກະ ເຊັງ ນະ ລາ ຮາໂງ່ອ ຮາລັງ. 3 ໄລ່ ກາ ຊາກູລ, ໄລ່ ເດັງ ຕາກ ຍາງ ມາ ໄລ່ ຕາ ເບີນ ເດັງ ອິນຊິ່ງ ກັຮເລີຍ. 4 ມາ ໄລ່ ກາ ຮາໂງ່ອ ຮາລັງ, ໄລ່ ເດັງ ຕາກຍາງ, ກະ ເດີ ງ ອິນຊິ່ງ ຕິ່ງ ກອງ ການໍ່ອ ແຮ້. 5 ມາ ດຸ່ນ ລາລີ້ ອັນ ກາ ເປາະ ອິດ ລາກວຍ ກ້ອຍ ຕາ ເບີນ ແຕ້ອ. ເຈ້ ມັຮ ກູໂມຣ ກ້ອຍ, ອັນ ກາ ບິກູ, ອັນ ກາ ບິ ລາ ບຸ່ດ ເລັຍ.

6 "ແຕ້ອ ດີຕິ່ກ ເມົ້າ ກູອໍ ເຮ່ງ ລາລີ້ ປາຍ: 'ເຍົາ ເນ່! ອັນ ກາ ເປາະ ອິດ ລາກວຍ ແຕ້ອ ເຈ້! ເຍົາ ເປາະ ຮາມິຮ ອັນ!' 7 ອິນແຍ່ະ ມັຮ ມວຍ ຈິດ ນະ ກູໂມຣ ກ້ອຍ ຕາແມີ ອິນແຍ່ະ. ກະ ໄລ່ ກຽມ ດໍອໍ ຕາກຍາງ ໄລ່. 8 ໄລ່ ກາ ຊາກູລ ປາຍ ກະ ໄລ່ ກາ ຮາໂງ່ອ ຮາລັງ ນະໄມ່: 'ແຊອໍ ເຍົາ ອິມແປອໍ ໂອນ ຮີ ແຮ້ ອິນຊິ່ງ ເຍົາ. ຕາກຍາງ ຮີ ອິນແຍ່ະ ອິນຊິ່ງ ເຈ້.' 9 ມາ ໄລ່ ກາ ຮາໂງ່ອ ຮາລັງ ຕາແອີຍ ລັຮ ໄລ່ ປາຍ: 'ຮີ ຕາ ເຕ່ອ ອິມແປອໍ. ອີງກ້ອຮ ອິນ ຊິ່ງ ຮີ ຕາ ເບີນ ດູ ໂອນ ເຍົາ ກະ ຮີ. ປາຍຍໍ ເຍົາ ເປາະ ແຈັງ ປໍ່ ກວາຍ ກາ ຈິ ອິນຊິ່ງ ກ້ອຍ.' 10 ມາ

ບັອງ ກາ ໄລ່ ເປາະ ແຈ້ງ, ບັອງ ກາ ກ້ອຍ ແຕ້ ອັນ ກາ ເປາະ ອິດ ລາກວຍ ແຕ້ອ໌. ກະ ໄລ່ ເຊິງ ນະ ກາ ອິນນ້ອງ ເບິນ ອິນຊິ່ງ, ໄລ່ ມູ່ດ ແຮ ຈາ ປັຣຊວຍ ມັນຕຸ ກະ ອັນ ກາ ອິດ ລາກວຍ. ເຈ້ ເພົ່ ກາໄຕ່ຮ ຕັ້ງ.

11 "ແວັດ ກ້ອຍ, ໄລ່ ກາ ເປາະ ແຈ້ງ ອິນຊິ່ງ ເຈົ້າ. ໄລ່ ກູ້ອ ປາຍ: 'ອິນເຈົ້າ ເອີຍ! ອິນເຈົ້າ ເອີຍ! ເປີ ຮ ກູຕັ້ງ ໂອນ ຮິ ມູ່ດ ເຕ່!' 12 ມາ ອິນເຈົ້າ ກ້ອຍ ຕາແອີຍ ລັຮ ປາຍ: 'ເກົ້າ ອາຕິ ຕາມ້ອງ ໂອນ ເຍົ້າ, ເກົ້າ ຕາ ເບິນ ດັງ ເຍົ້າ.'"

13 ເຈ້ ເຢຊູ ປາຍ ແອັນ: "ນະກ້ອຍ ອົງເຄາະ ເຍົ້າ ແອິດ ຕາງວຍ ເລືອຍໆ, ຍ່ອນ ເຍົ້າ ຕາ ເບິນ ດັງ ຕາໄງ ແລະ ກະ ບັອງ ແລະ ກອນ ເຢັງ ແກິດ ກວາ ຍ ແຕ້ອ໌ ລັຮ ປິ ກູແຕອ໌ ໄນ່."

ເຢຊູ ອາຕິ ປັຣນາຍ ຊາກຳ ແຕ ໄປ ນະ ກວາຍ ຕະ ຮານະ  
(ລູກາ 19:11-27)

14 "ເຢັງ ເຈົ້າຮາຊິ ຕະ ຊິດ ລາ ນະ ມານະ ກວາ ຍ ເປາະ ຕາມອຍ ກຮວາງ ເຢັງ. ບັອງ ກາ ອັນ ແຈະ ອິ ເປາະ, ອັນ ກູ້ອ ກວາຍ ຕະ ຮານະ ອັນ. ເຈ້ ອັນ ມ່ອບ ໂອນ ມັຮ ກວາຍ ກ້ອຍ ປຣະ ມູ່ນ ອັນ. 15 ອັນ ກາ ແຄວ ລາລີ້, ອັນ ໂອນ ເຊິງ ແນນ. ອັນ ກາ ແຄວ ພາດາມ ຊ້ອງ, ອັນ ໂອນ ບາຮ ແນນ. ກະ ອັນ ກາ ແຄວ ປິ້ອ໌, ອັນ ໂອນ ມວຍ ແນນ ຊ້ອງ. ເຈ້ ອິນເຈົ້າ ກ້ອຍ ເປາະ. 16 ອັນ ກາ ຮັບ ເຊິງ ແນນ ກ້ອຍ ເປາະ ຈິແຈ້ງ ແຕ້. ເຈ້ ອັນ ເບິນ ກຳໄລ ເຊິງ ແນນ ແອັນ. 17 ອັນ ກາ ຮັບ ບາຮ ແນນ ກ້ອຍ, ອັນ ຕະ ມູເຈິງ ກ້ອຍ ເຕ່. ເຈ້ ອັນ ເບິນ ກຳໄລ ບາຮ ແນນ ແອັນ. 18 ມາ ອັນ ກາ ຮັບ ມວຍ ແນນ ຊ້ອງ, ອັນ ປິ ປຣຸ່ງ, ເຈ້ ອັນ ແຕັບ ດໍອ໌ ປຣະ ອິນ ເຈົ້າ ອັນ ຕັ້ງ ກູແຕອ໌.

19 "ດູ່ນ ກາໄຊ ດູ່ນ ກູມໍ, ອິນເຈົ້າ ກ້ອຍ ລັບ ເຈົ້າ ລັຮ. ອັນ ຕາແບັບ ລັຮ ມັຮ ປຣະ ກາ ອັນ ໂອນ ປິ ໄລ່. 20 ກວາຍ ກາ ຮັບ ເຊິງ ແນນ, ອັນ ແຕ້ອ໌ ເດິງ ເຊິງ ແນນ ການໍອ໌ ແອັນ. ກະ ອັນ ປາຍ: 'ອິນເຈົ້າ ເອີຍ! ແຕ ຕາແບັບ ອິນເຈົ້າ ໂອນ ເກົ້າ ເຊິງ ແນນ. ມາ ຊານໍ ເກົ້າ ເບິນ ກຳໄລ ເຊິງ ແນນ ແອັນ.' 21 ອິນເຈົ້າ ກ້ອຍ ຕາແອີຍ ປາຍ: 'ມັຮ ຮານະ ໄມ່ ຕະ ລາ ປຍາຍ໌ ອິນແຍ່ະ. ກະ ໄມ່ ລາ ກວາຍ ຕະ ຮາ ນະ ອິ ກະ ປຍາຍ໌ ລາລີ້. ໄມ່ ຕະ ອິ ລາລີ້ ຕັ້ງ ຮາມິຮ ແກດໆ ໄນ່. ນະກ້ອຍ ເກົ້າ ໂອນ ໄມ່ ຕາລາ ຊາອິຍ ຮາມິຮ ປິດ ລາລີ້ ແອັນ. ກະ ເກົ້າ ໂອນ ໄມ່ ເບິນ ແອິດ ຮໍອ໌ ບູຍ ມັນຕຸ ກະ ເກົ້າ ເຕ່.' 22 ກວາຍ ກາ

ຮັບ ບາຮ ແນນ ກ້ອຍ, ອັນ ແຕ້ອ໌ ກະ ເດິງ ບາຮ ແນນ ການໍອ໌ ແອັນ. ກະ ອັນ ປາຍ: 'ອິນເຈົ້າ ເອີຍ! ແຕ ຕາແບັບ ອິນເຈົ້າ ໂອນ ເກົ້າ ບາຮ ແນນ. ມາ ຊາ ນໍ ເກົ້າ ເບິນ ກຳໄລ ບາຮ ແນນ ແອັນ.' 23 ອິນເຈົ້າ ກ້ອຍ ຕາແອີຍ ປາຍ: 'ມັຮ ຮານະ ໄມ່ ຕະ ລາ ປ ຍາຍ໌ ອິນແຍ່ະ. ກະ ໄມ່ ລາ ກວາຍ ຕະ ຮານະ ອິ ກະ ປຍາຍ໌ ລາລີ້. ໄມ່ ຕະ ອິ ລາລີ້ ຕັ້ງ ຮາມິຮ ແກດໆ ໄນ່. ນະກ້ອຍ ເກົ້າ ໂອນ ໄມ່ ຕາລາ ຊາອິຍ ຮາມິຮ ປິດ ລາລີ້ ແອັນ. ກະ ເກົ້າ ໂອນ ໄມ່ ເບິນ ແອິດ ຮໍອ໌ ບູຍ ມັນຕຸ ກະ ເກົ້າ ເຕ່.'

24 "ອິນຕູ່ນ ກ້ອຍ ກວາຍ ກາ ຮັບ ມວຍ ແນນ, ອັນ ແຕ້ອ໌ ກະ ປາຍ: 'ອິນເຈົ້າ ເອີຍ! ເກົ້າ ດັງ ໄມ່ ປາຊິ ລາລີ້ ປຣະ ໄມ່. ໄມ່ ຕາ ເບິນ ຈັຮ, ມາ ໄມ່ ອິ ໂປຍ໌. ກະ ໄມ່ ຕາ ເບິນ ຈັດ, ມາ ໄມ່ ອິ ຊອດ. 25 ຍ່ອນ ເກົ້າ ອົງກ້ອຮ, ເຈ້ ເກົ້າ ແຕັບ ດໍອ໌ ປຣະ ໄມ່ ຕັ້ງ ກູແຕອ໌. ຊານໍ ເກົ້າ ກູລັຮ ລັຮ ໂອນ ອິນເຈົ້າ ປຣະ ໄນ່.' 26 ອິນເຈົ້າ ກ້ອຍ ຕາແອີຍ ປາຍ: 'ໄມ່ ລາ ກວາຍ ຕາ ອິ ກະ ອາລັຮ ລາລີ້. ໄມ່ ດັງ ເຈ້ ເກົ້າ ຕາ ເບິນ ຈັຮ, ມາ ເກົ້າ ອິ ໂປຍ໌. ກະ ເກົ້າ ຕາ ເບິ ນ ຈັດ, ມາ ເກົ້າ ອິ ຊອດ. 27 ຄັນ ນະກ້ອຍ, ຄາອ໌ ໄມ່ ດໍອ໌ ປຣະ ເກົ້າ ຕັ້ງ ທະນາຄານ. ເຈ້ ແຕ້ອ໌ ຕາໄງ ອາແລະ ເກົ້າ ເຈົ້າ ລັຮ, ເກົ້າ ເບິນ ປຣະ ກ້ອຍ ກະ ກຳໄລ ແຮ. 28 ນະກ້ອຍ ຊານໍ, ອິດ ຊ້ອງ ປຣະ ແຕ ກວາຍ ໄນ່, ເຈ້ ໂອນ ອັນ ກາ ເບິນ ມວຍ ຈິດ ແນນ ກ້ອຍ ແອັນ. 29 ອັນ ກາ ເບິນ ຊາອິຍ, ເກົ້າ ໂອນ ອັນ ເບິນ ຊາອິຍ ລາລີ້ ແອັນ, ແກ້ຍ ຕັອກ ແກ້ຍ ຈາ. ມາ ອັນ ກາ ຕາ ເບິນ ເບິນ ອິນເຕົ້າ ເລ້ຍ, ເກົ້າ ໂອນ ອັນ ແອິ ຊ້ອງ. 30 ມັຮ ກວາຍ ກາ ຕະ ຕາ ເບິນ ແກິດ ກຳໄລ ອິນເຕົ້າ, ຕາແກລ ອາລັອຮ ຕັຮ ອັນ ໂອນ ອັນ ແອິດ ຕັ້ງ ອິນຕຸ ການໍາ. ອິນຕຸ ກ້ອຍ ລາ ເມົ້າ ເຍົ້າມຍິດ ກະ ກາເຕຣືອກ ກາແນງ ກາບາງ ຊ້ອງ ຕຸຣ ອາຣິກ ລາລີ້.'"

ກອນ ເຢັງ ແກິດ ກວາຍ ຕັດຊິ່ນ ອິນແຍ່ະ ມັຮ ກວາຍ

31 "ບັອງ ກາ ກອນ ເຢັງ ແກິດ ກວາຍ ແຕ້ອ໌ ລັຮ ແກິດ ເຕົ້າວ ປັຣເຍົ້າ ໂອນ ອິນແຍ່ະ ມັຮ ກວາ ຍ, ບັອງ ກ້ອຍ ອັນ ຕາກູ ຕັ້ງ ຮາກູ ເຕົ້າວ ປັຣເຍົ້າ. ຮຸ່ບເຮົາງ ອັນ ອາງອິຣ, ກະ ແທວາດາ ເຢັງ ເຈົ້າຮາ ຊິ ແຕ້ອ໌ ກະ ອັນ ເຕ່. 32 ບັອງ ກ້ອຍ ອິນແຍ່ະ ມັຮ ກວາຍ ໂຣ່ມ ແອິດ ຍິຣ ເມັງ ອັນ, ກະ ອັນ ກາຍິຣ ອິນແຍ່ະ ມັຮ ກວາຍ ກ້ອຍ ແກິດ ບາຮ ຈຸ່ມ, ນະ ກວາຍ ກຍາອ໌ ກາຍິຣ ແກະ ກະ ອິມແບອ໌. 33 ເຈ້ ອັນ ໂອນ ມັຮ ແກະ ແອິດ ຍິຣ ອາຕຳ, ກະ ອັນ



ໂອນ ມັຮ ອິມແບຣ໌ ແອັດ ຍັຮ ອາເວຣ໌ ອັນ. <sup>34</sup> ເຈົ້າ ເຕົາວ ປັຮເຍົາ ກ້ອຍ ອາຕີ ໂຈະ ໄລ໌ ກາ ແອັດ ຍັຮ ອາຕ້າ ອັນ ປາຍ: 'ອິມບໍ ເກົາ ໂອນ ເຍົາ ເບີນ ບຸ່ນ ຊາອິ້ຍ. ເຍົາ ມຸ່ດ ຕະ ຊົດ ຕຶ້ງ ອິນຕຸ ເຢົາງ ເຈົາຮາຊີ ກຽມ ດໍອ໌ ມຸ່ນ ໂອນ ເຍົາ. ມຸ່ນ ໄມ່ ອັນ ກຽມ ດໍອ໌ ໂອນ ເຍົາ ແຕ ຕາໂງ ອັນ ແຕງ ຕຸກ ຮ່ອຍ ຄໍາ ຮາມິ່ ຮ ຕຶ້ງ ມັນລ້ອງ ກະ ຕຶ້ງ ກູແຕອ໌. <sup>35</sup> ບັອງ ກາ ເກົາ ຊ້ອງ ມາເຍົາຍຮ, ເຍົາ ແຈມ ໂອນ ເກົາ ຈາ. ບັອງ ກາ ເກົາ ອາເຣົາງ ແດັອ໌, ເຍົາ ໂອນ ເກົາ ຈ່ອຍ໌. ບັອງ ກາ ເກົາ ແກັດ ຕາມອຍ ກາ ເຍົາ ຕາ ເບີນ ຊາກັລ, ເຍົາ ຮາບັນ ຕະ ແບຣ໌ ອ໌ ໂອນ ເກົາ ມຸ່ດ ຕຶ້ງ ດຸງ ເຍົາ. <sup>36</sup> ບັອງ ກາ ເກົາ ແອີ ຕໍາປັອກ, ເຍົາ ໂອນ ເກົາ ເບີ ນ ຕໍາປັອກ. ບັອງ ກາ ເກົາ ອາອິ້, ເຍົາ ເປາະ ເກົາ ເກົາ. ບັອງ ກາ ເກົາ ແອັດ ຕຶ້ງ ກໍອ໌, ເຍົາ ເປາະ ຊາ ອົຣ໌ ເກົາ.' <sup>37</sup> ເຈົ້າ ໄລ໌ ກາ ຕາມ້ອງ ອ໌ ກ້ອຍ ຕາແບັບ ປາຍ: 'ອິນເຈົ້າ ເອີຍ! ບັອງ ກາ ແລະ ຮິ ເຣີມ ອິນ ເຈົ້າ ມາເຍົາຍຮ ກະ ຮິ ແຈມ ໂອນ ອິນເຈົ້າ? ແຕ່ລາ ອິນເຈົ້າ ອາເຣົາງ ແດັອ໌ ກາ ຮິ ໂອນ ອິນເຈົ້າ ຈ່ອຍ໌? <sup>38</sup> ບັອງ ກາ ແລະ ຮິ ເຣີມ ອິນເຈົ້າ ແກັດ ກວາຍ ຕາມອຍ ກາ ຮິ ຕາ ເບີນ ຊາກັລ, ກະ ຮິ ຮາບັນ ຕະ ແບຣ໌ ອ໌ ໂອນ ອິນເຈົ້າ ມຸ່ດ ຕຶ້ງ ດຸງ ຮິ? ແຕ່ລາ ອິນເຈົ້າ ແອີ ຕໍາປັອກ ກະ ຮິ ໂອນ ອິນເຈົ້າ ເບີນ ຕໍາ ປັອກ? <sup>39</sup> ກະ ບັອງ ກາ ແລະ ຮິ ເຣີມ ອິນເຈົ້າ ອາ ອິ້ ແຕ່ລາ ແອັດ ຕຶ້ງ ກໍອ໌, ມາ ຮິ ເປາະ ຊາອົຣ໌ ອິນ ເຈົ້າ?' <sup>40</sup> ເຈົ້າ ເຕົາວ ປັຮເຍົາ ກ້ອຍ ຕາແອີຍ ລັຮ ປາຍ: 'ເກົາ ອາຕີ ຕາມ້ອງ ໂອນ ເຍົາ, ບັອງ ກາ ເຍົາ ຕະ ມັຮ ຮານະ ກ້ອຍ ໂຈະ ແຊມອາຍ ເກົາ ກາ ຕາ ເບີນ ເມົາ ອິ ຈ່ອຍ, ໄມ່ ລາ ມູເຈົ້າ ເຍົາ ຕະ ໂຈະ ເກົາ ເຕ!'

<sup>41</sup> "ແວັດ ກ້ອຍ, ເຕົາວ ປັຮເຍົາ ກ້ອຍ ອາຕີ ໂອນ ໄລ໌ ກາ ແອັດ ຍັຮ ອາເວຣ໌ ອັນ ແອັນ ປາຍ: 'ເຍົາ ແອັດ ເຢັງ ແຕ ເກົາ, ຍ່ອນ ເຢັງ ເຈົ້າຮາຊີ ດໍອ໌ ເຍົາ ລາ ກວາຍ ໄລ໌ຍຮ. ອັນ ໂອນ ເຍົາ ແອັດ ຕຶ້ງ ອິນຕຸ ອູຍຮ ເບີ ຊົດ ແດີຍ, ອິນຕຸ ກາ ເຢົາງ ເຈົ້າຮາ ຊີ ກຽມ ດໍອ໌ ໂອນ ເຢົາງ ຊາຕານ ກະ ອິນແຍະ ມັຮ ເຢົາງ ກາ ຊົດ ປິ ເຢົາງ ຊາຕານ. <sup>42</sup> ບັອງ ກາ ເກົາ ຊ້ອງ ມາເຍົາຍຮ, ເຍົາ ຕາ ເບີນ ແຈມ ໂອນ ເກົາ ຈາ. ບັອງ ກາ ເກົາ ອາເຣົາງ ແດັອ໌, ເຍົາ ຕາ ເບີນ ໂອນ ເກົາ ຈ່ອຍ໌. <sup>43</sup> ບັອງ ກາ ເກົາ ແກັດ ກວາຍ ຕາ ມອຍ ກາ ເຍົາ ຕາ ເບີນ ຊາກັລ, ເຍົາ ຕາ ເບີນ ຮາ ບັນ ຕະ ແບຣ໌ ອ໌ ໂອນ ເກົາ ມຸ່ດ ຕຶ້ງ ດຸງ ເຍົາ. ບັອງ ກາ ເກົາ ແອີ ຕໍາປັອກ, ເຍົາ ຕາ ເບີນ ໂອນ ເກົາ ເບີນ ຕໍາປັອກ. ບັອງ ກາ ເກົາ ອາອິ້ ກະ ແອັດ ຕຶ້ງ ກໍອ໌,

ເຍົາ ຕາ ເບີນ ເປາະ ເກົາ ກະ ຊາອົຣ໌ ເກົາ.' <sup>44</sup> ເຈົ້າ ໄລ໌ ກວາຍ ກ້ອຍ ຕາແບັບ ເຕົາວ ປັຮເຍົາ ປາຍ: 'ອິນ ເຈົ້າ ເອີຍ! ບັອງ ກາ ແລະ ຮິ ເຣີມ ອິນເຈົ້າ ຊ້ອງ ມາເຍົາຍຮ, ແຕ່ລາ ອາເຣົາງ ແດັອ໌, ແຕ່ລາ ແກັດ ກວາຍ ຕາມອຍ ຮິ ຕາ ເບີນ ຊາກັລ, ແຕ່ລາ ອິນ ເຈົ້າ ແອີ ຕໍາປັອກ, ແຕ່ລາ ອິນເຈົ້າ ອາອິ້ ກະ ແອັດ ຕຶ້ງ ກໍອ໌, ມາ ຮິ ຕາ ເບີນ ຈ່ອຍ ອິນເຈົ້າ?' <sup>45</sup> ເຈົ້າ ເຕົາວ ປັຮເຍົາ ກ້ອຍ ຕາແອີຍ ລັຮ ໄລ໌ ປາຍ: ເກົາ ອາຕີ ຕາມ້ອງ ໂອນ ເຍົາ, ບັອງ ກາ ເຍົາ ຕາ ເບີນ ຈ່ອຍ ໂອນ ມັຮ ກວາຍ ກາ ຕາ ເບີນ ເມົາ ອິ ຈ່ອຍ, ມູເຈົ້າ ເຍົາ ຕາ ເບີນ ຈ່ອຍ ເກົາ ເຕ.' <sup>46</sup> ນະກ້ອຍ ມັຮ ໄລ໌ ກາ ຕາ ເບີນ ຈ່ອຍ ກ້ອຍ, ໄລ໌ ອິງເຄາະ ມຸ່ດ ຕຶ້ງ ອິນຕຸ ຕຸຣ໌ ກັດ ລືອຍໆ. ມາ ໄລ໌ ກາ ກວາຍ ຕາມ້ອງ ອ໌, ໄລ໌ ເບີນ ມຸ່ດ ຕຶ້ງ ອິນຕຸ ເບີນ ອາມັງ ຊົດ ແດີຍ."

### 26

ກວາຍ ຊົດ ຊັຮຮົງ ອິ ກາຈິດ ເຢຊູ  
(ມາຣະໂກ 14:1-2; ລູກາ 22:1-2; ໂຢຮັນ 11:45-53)

<sup>1</sup> ແວັດ ເຢຊູ ອາຕີ ອິນແຍະ ປັຮນາຍ ກ້ອຍ, ອັນ ອາຕີ ມູ່ ກາ ຮຍານ ແຕ ອັນ ປາຍ: <sup>2</sup> "ເຍົາ ດັງ ເຈົ້າ, ອິນນ້ອງ ບາຣ ຕາໂງ ແອັນ ຈຸ່ມ ໄຮ ອິ ຈາ ຣໍອ໌ ຊາແຍີ ຕາໂງ ເຢົາງ ເຈົ້າຮາຊີ ອາກູຣ໌ ຈຸ່ມ ໄຮ.\* ຕາໂງ ກ້ອຍ ລາ ຕາໂງ ເມົາ ມ່ອບ ເກົາ, ກອນ ເຢົາງ ແກັດ ກວາຍ, ປິ ອາຕີ ກວາຍ ກາ ແຕັຣ ເກົາ ຕຶ້ງ ອາລ່ອງ ຊັງກັງ."

<sup>3</sup> ບັອງ ກ້ອຍ ເບີນ ມັຮ ກວາຍ ຊົດ ມູ່ ກາ ຊາງ ຣິ່ດ ເຢົາງ ເຈົ້າຮາຊີ ກະ ມັຮ ກວາຍ ເທົາແກ ຈຸ່ມ ເຈືອ, ໄລ໌ ແອັດ ໂຣ່ມ ຊັຮຮົງ ຕຶ້ງ ດຸງ ອັນ ກາ ຕາລາ ອິນແຍະ ແຕ ຣິ່ດ ຊາງ ເຢົາງ ເຈົ້າຮາຊີ. ຮາມິ່ຮ ກວາ ຍ ກ້ອຍ ລາ ກາຍະພາ. <sup>4</sup> ໄລ໌ ຊັຮຮົງ ຈໍອ໌ ຣາລິ່ຣ໌ ອິ ໂກບ ກະ ກາຈິດ ເຢຊູ, ມາ ໄລ໌ ຕາ ຍໍອ໌ ອິ ໂອນ ເມົາ ດັງ. <sup>5</sup> ໄລ໌ ປາຍ: "ໄຮ ຕາ ເຕ່ອ໌ ຕະ ນະກ້ອຍ ຕຶ້ງ ຕາໂງ ຈາ ຣໍອ໌, ຍ່ອນ ອິງກ້ອຣ໌ ກວາຍ ກຶ້ງ ກ້ອຍ ໄລ໌ ກັຣຈິດ ລັຮ ກະ ໄຮ."

ມານະ ມັນແຊມ ທໍອ໌ ແດັອ໌ ປາຮວມ ຕຶ້ງ ຈະ ເຢຊູ  
(ມາຣະໂກ 14:3-9; ໂຢຮັນ 12:1-8)

<sup>6</sup> ບັອງ ກາ ເຢຊູ ແອັດ ຕຶ້ງ ວິລ ເບັດທານີ, ອັນ ແອັດ ຕຶ້ງ ດຸງ ຊີໂມນ, ລາ ກວາຍ ກາ ບັອງ ອາໄຣ່ ເບີນ ອາອິ້ ຕຸ່ດ. <sup>7</sup> ເບີນ ມານະ ມັນແຊມ ແຕ່ອ໌

\* 26:2 ຕາໂງ ອາກູຣ໌ ໄລ໌ ຊາແຍີ ຕາໂງ ເທວາດາ ເຢົາງ ເຈົ້າຮາຊີ ແຕ ອິມແບີ ຊາລິຣ໌ ດຸງ ກວາຍ ອິດຊະຮາເອລ ກະ ຕາ ເບີນ ກາຈິດ ກອນ ຮາເລົາ ກັລ ໄລ໌.

ບໍ່ ເຢຊູ. ອັນ ເດີງ ມວຍ ກອງ ແດີ້ອ໌ ປາຣວມ. ກອງ ກ້ອຍ ເມົ້າ ຕະ ແຕ ຕາເມົ້າ ເບີນ ຣາມິ້ຣ 'ອາ ລາບາດ.' ແດີ້ອ໌ ປາຣວມ ຕຶ້ງ ກອງ ກ້ອຍ ເປັງ ລາລີ້. ບັ້ອງ ກາ ເຢຊູ ແອິດ ຈາ, ມັນແຊມ ກ້ອຍ ທໍ້ອ໌ ແດີ້ອ໌ ປາຣວມ ກ້ອຍ ຕຶ້ງ ເປັຼ ເຢຊູ. 8 ພໍກາ ມູ່ ກາ ຣຍານ ແຕ ເຢຊູ ເຣີມ ມັນແຊມ ກ້ອຍ ຕະ ນະກ້ອຍ, ໄລ່ ຊ້ອງ ອີງຄິ້ນ ລາລີ້, ກະ ໄລ່ ປາຍ: "ນານະ ມັນແຊມ ໄນ່ ຕະ ຣານະ ກ້ອຍ, ໄລ່ ເມົ້າດ ມູ່ນ? 9 ຄັນ ຈິ ແດີ້ອ໌ ປາຣວມ ໄນ່, ເບີນ ຊາອິ້ຍ ປຣະ. ແຕ່ອ໌ ອິດ ປຣະ ກ້ອຍ ຈ່ອຍ ໂອນ ມັຣ ກວາ ຍ ກາດິດ!"

10 ມາ ເຢຊູ ຊ້ອງ ໄລ່ ປາຍ ນະກ້ອຍ, ກະ ອັນ ອາຕີ ໄລ່ ປາຍ: "ນານະ ເຍົາ ຕະ ໂອນ ມັນແຊມ ໄນ່ ຕຸ່ຣ? ມັນແຊມ ໄນ່ ຕະ ຣານະ ອໍ ໂອນ ເກົາ. 11 ມັຣ ກວາຍ ກາດິດ ແອິດ ເລືອຍໆ ກະ ເຍົາ. ມາ ຈະ ເກົາ ຕາ ເບີນ ແອິດ ຊົດ ແດີຍ ກະ ເຍົາ. 12 ມັນ ແຊມ ໄນ່ ທໍ້ອ໌ ແດີ້ອ໌ ປາຣວມ ຕຶ້ງ ຈະ ເກົາ, ກຽມ ດໍ້ອ໌ ໂອນ ເມົ້າ ແຕັບ ຈະ ເກົາ ຕຶ້ງ ປຶ້ງ. 13 ເກົາ ອາ ຕີ ຕານ້ອງ ໂອນ ເຍົາ, ຕຶ້ງ ກູ່ ອິນຕຸ ຈວບ ກູແຕອ໌ ໄນ່, ແຕ່ອ໌ ເມົ້າ ອາຕີ ປຣນາຍ ອໍ ແຕ ເຢົາງ ເຈົາຣາ ຊິ, ເມົ້າ ອາຕີ ເຕ່ ກາ ຣານະ ມັນແຊມ ໄນ່ ຕະ, ດໍ້ອ໌ ໂອນ ກວາຍ ຊາແຍິ ລັຣ ອັນ."

ຢູດາ ປຣ່ອມ ຈິ ຕັຣ ເຢຊູ  
(ມາຣະໂກ 14:10-11; ລູກາ 22:3-6)

14 ແວັດ ກ້ອຍ ຢູດາ ອິດຊະກາຣິອ໌ດ, ອັນ ກາ ແຕ ມູ່ ມວຍ ຈິດ ລາ ບາຣ ນະ, ອັນ ແຕ່ອ໌ ປິ ກວາ ຍ ຊົດ ມູ່ ກາ ຊາງ ຣິ່ດ ເຢົາງ ເຈົາຣາຊິ. 15 ກະ ອັນ ອາຕີ ໄລ່ ປາຍ: "ຄັນ ເກົາ ມາ ມ່ອບ ຈະ ເຢຊູ ແຕ່ອ໌ ປິ ອາຕີ ເຍົາ, ອິນເຕົ້າ ເຍົາ ອິ ໂອນ ເກົາ?"

ນະກ້ອຍ ໄລ່ ປຣ່ອມ ໂອນ ໄປ ຈິດ ກູອງ ປຣະ. 16 ແວັດ ກ້ອຍ, ຢູດາ ຈໍ້ອ໌ ຕາໄງ ແລະ ກາ ອໍ ອິ ມ່ອບ ເຢຊູ ໂອນ ໄລ່.

ເຢຊູ ແອິດ ຈາ ມັນຕຸ ກະ ມູ່ ກາ ຣຍານ ແຕ ອັນ  
(ມາຣະໂກ 14:12-21; ລູກາ 22:7-14, 21-23; ໂຢຮັນ 13:21-30)

17 ຕຶ້ງ ມັຣ ຕາໄງ ຈຸ່ມ ອິດຊະຣາເອລ ຈາ ຣໍ້ອ໌ ຊາແຍິ ຕາໄງ ອາກູ້ຣ, ອິນແຍ່ະ ຕາປູລ ຕາໄງ ໄລ່ ຈາ ໂດຍ ບຸຣ ແອິ ບວຣ ຊິ້ອ໌. ຕຶ້ງ ຕາໄງ ມວຍ ກ້ອຍ, ມູ່ ກາ ຣຍານ ແຕ ເຢຊູ ແຕ່ອ໌ ປິ ອັນ ກະ ຕາແບັບ ປາຍ: "ອິນຕຸ ອາແລະ ອາຈານ ຍິ້ອ໌ ອິ ໂອນ ຣິ ເປະ ກຽມ ດໍ້ອ໌ ໂອນ ອາຈານ ຈາ ເປລ ບູຍ ຕາໄງ ອາກູ້ ຣ?"

18 ເຢຊູ ຕາແອິຍ ໄລ່ ປາຍ: "ເຍົາ ມູ່ດ ຕຶ້ງ ເມືອງ; ເຈົ້ ເຍົາ ເປະ ປິ ດຸງ ກວາຍ ກາ ເກົາ ຊາກໍ້ລ ກ້ອຍ. ເຍົາ ປາຍ ໂຈະ ອັນ ນະໄນ່: 'ອາຈານ ປາຍ: ແວ່ະ ອິ ແຕ່ອ໌ ປາແມ່ນ ເກົາ ກູຈິດ ເຈົ້. ເກົາ ກະ ມູ່ ກາ ຣຍານ ແຕ ເກົາ ຍິ້ອ໌ ອິ ຈາ ເປລ ບູຍ ຕາໄງ ອາກູ້ ຣ ຕຶ້ງ ດຸງ ໄນ່.'"

19 ນະກ້ອຍ ມູ່ ກາ ຣຍານ ແຕ ເຢຊູ ເປະ ຕະ ນະ ເຢຊູ ປາຕັບ ໄລ່. ກະ ໄລ່ ກຽມ ຊັຣນາ ຈາ ມວຍ ເປລ ຊາແຍິ ຕາໄງ ອາກູ້ຣ ອີງກ້ອຍ.

20 ແຕ່ອ໌ ຍາຍິ້ມ ເຢຊູ ຕາກູ ຈາ ມັນຕຸ ກະ ມວຍ ຈິດ ລາ ບາຣ ນະ ມູ່ ກາ ຣຍານ ແຕ ອັນ. 21 ບັ້ອງ ກາ ໄລ່ ຈາ, ເຢຊູ ອາຕີ ໄລ່ ປາຍ: "ເກົາ ອາຕີ ຕານ້ ອງ ໂອນ ເຍົາ, ເບີນ ມານະ ແຕ ມູ່ ເຍົາ ອິ ມ່ອບ ໂອນ ເມົ້າ ກາຈິດ ເກົາ."

22 ອິນແຍ່ະ ມັຣ ມູ່ ກາ ຣຍານ ແຕ ອັນ ຊ້ອງ ຕຸ່ຣ ລາລີ້, ກະ ມູ ເຈົ້ ມານະ ໄລ່ ຕາແບັບ ເຢຊູ ປາຍ: "ເກົາ ມາ ຕາ ເບີນ, ອິນເຈົ້າ?"

23 ເຢຊູ ຕາແອິຍ ໄລ່ ປາຍ: "ອັນ ກາ ຕຸ ຈາ ໂດຍ ບຸຣ ມວຍ ຕາງານ ກະ ເກົາ, ອັນ ກ້ອຍ ແຕ່ ມ່ອບ ເກົາ ໂອນ ເມົ້າ ກາຈິດ. 24 ກອນ ເຢົາງ ແກັດ ກວາ ຍ ອີງເຄາະ ກູຈິດ ມັຣ ປຶ້ງ ປຣນາຍ ເຢົາງ ເຈົາຣາຊິ ອາຕີ ເຈົ້ ແຕ ອັນ. ມາ ບາບ ລາລີ້ ແຕ່ອ໌ ປິ ອັນ ກາ ມ່ອບ ກອນ ເຢົາງ ແກັດ ກວາຍ! ປຍາຍ ລາ ອິມ ເປ້ອ໌ ອັນ ອິນໂຈຍ ຣັຣ ອັນ!"

25 ຢູດາ, ອັນ ກາ ອິ ມ່ອບ ເຢຊູ ຕາແບັບ ປາຍ: "ເກົາ ມາ ຕາ ເບີນ, ອາຈານ?"

ເຢຊູ ອາຕີ ອັນ ປາຍ: "ປຍາຍ ນະ ໄນ່ ປາຍ ກ້ອຍ."

ໄລ່ ຈາ ຈ່ອຍ ຊາແຍິ ຈະ ກະ ອາຣາມ ເຢຊູ  
(ມາຣະໂກ 14:22-26; ລູກາ 22:15-20; ໂກຣິນໂທ ມວຍ 11:23-25)

26 ບັ້ອງ ກາ ໄລ່ ຈາ, ເຢຊູ ອິດ ມານໍາ ໂດຍ ບຸຣ. ອັນ ຊາແອິນ ເຢົາງ ເຈົາຣາຊິ, ເຈົ້ ອັນ ປຶຣ ໂດຍ ບຸຣ ກ້ອຍ, ອາແວີຍ ໂອນ ມັຣ ມູ່ ກາ ຣຍານ ແຕ ອັນ. ອັນ ປາຍ: "ເຍົາ ຣັບ ຈາ; ໄນ່ ລາ ຈະ ເກົາ."

27 ແວັດ ກ້ອຍ ອັນ ອິດ ຈອກ ແອິນ. ອັນ ຊາ ແອິນ ເຢົາງ ເຈົາຣາຊິ; ເຈົ້ ອັນ ອາແວີຍ ໂອນ ມູ່ ກາ ຣຍານ ແຕ ອັນ. ອັນ ປາຍ: "ໂອນ ອິນແຍ່ະ ນະ ເຍົາ ຈ່ອຍ. 28 ໄນ່ ລາ ອາຣາມ ເກົາ ລ້ອຣ ຕະ ໂອນ ຣາປຍາຍ ກະ ເຢົາງ ເຈົາຣາຊິ ປຣຄັນ ປຣ ນາຍ ຕາໄມ ໂອນ ອິນແຍ່ະ ມັຣ ກວາຍ. ຍ່ອນ ແຕ ອາຣາມ ເກົາ ເຢົາງ ເຈົາຣາຊິ ຕັຣ ໄລ່ຍຣ ໄລ່. 29 ເກົາ ອາຕີ ເຍົາ ປາຍ: ເກົາ ຕາ ເບີນ ຈ່ອຍ ນ້ອງ ແດີ້ອ໌ ແຕ ປາໄລ ອາງຸ່ນ ເຕົ້າ ແຕ່ອ໌ ຕາໄງ ເກົາ ຈ່ອຍ

ແຕ້ອ໌ ອາງຸ່ນ ຕາໄມ ແອັນ ມັນຕຸ ກະ ເຍົາ ຕຶ່ງ ອິນຕຸ ອິມບໍ່ ເກົາ ຊົດ."

30 ແວັດ ໄລ່ ລໍ່າ ປັຣນາຍ ຍ່ອງ, ເຈົ້າ ໄລ່ ລໍ່ອຣ ແຕ ກ້ອຍ ຊ້ອຣ ຕຶ່ງ ກັຣ ອາໂປ່ນ.

ເຢຊູ ອາຕີ ອິນໂຍ່ງ ແຕ ຣານະ ເປໂຕ ຕະ  
(ມາຣະໂກ 14:27-31; ລູກາ 22:31-34;  
ໂຢຮັນ 13:36-38)

31 ບັອງ ກາ ກ້ອຍ ເຢຊູ ອາຕີ ໄລ່ ປາຍ: "ຊາ ເດົາ ໄມ່ ອິນແຍ່ະ ມັຣ ເຍົາ ຕັຣ ອິນແຍ່ະ ເກົາ. ຕຶ່ງ ບຶ່ງ ປັຣນາຍ ເຢົາ ເຈົ້າຣາຊີ ອາຕີ ເຈົ້າ ປາຍ:

'ເກົາ ໂອນ ເມົ້າ ກາຈິດ ກວາຍ ກາ ກຍາອ໌ ແກະ;  
ເຈົ້າ ອິນ ແຍ່ະ ແກະ ກ້ອຍ ອິມປຣາຍຣຸ  
ອິມປຣັງ ຕາລຸ່ຣ ປີ ໄມ່ ຕາລຸ່ຣ ປີ ກ້ອຍ.'

32 ມາ ແຕ້ອ໌ ເກົາ ອາມັ່ງ ລໍ່ຣ, ເກົາ ເປາະ ອິນໂຍ່ງ ເຍົາ ປີ ແຄງ ຄາລິເລ."

33 ເປໂຕ ອາຕີ ເຢຊູ ປາຍ: "ຄັນ ອິນແຍ່ະ ມັຣ ກວາຍ ການໍ່ອ໌ ມາ ຕັຣ ອາຈານ, ເກົາ ຕາ ເບິນ ຕັຣ!"

34 ເຢຊູ ອາຕີ ລໍ່ຣ ອັນ ປາຍ: "ໄກຣ ລາລີ່ ເກົາ ອາຕີ ໄມ່, ຕຶ່ງ ຊາເດົາ ໄມ່ ແຕ້ ອິນໂຍ່ງ ອິນຕຣວຍ ຕາກາຣ, ໄມ່ ກາແລິຍຣ ເກົາ ເບິນ ໄປ ເຮັບ."

35 ມາ ເປໂຕ ຕາແອິຍ ປາຍ: "ຄັນ ເມົ້າ ກາຈິດ ເກົາ ກະ ອາຈານ, ລາ ເຈົ້າ. ເກົາ ຕາ ເບິນ ກາແລິຍຣ ແລ້!" ກະ ອິນແຍ່ະ ມັຣ ມູ່ ກ້ອຍ ປາຍ ມູເຈິງ ປັຣ ນາຍ ເປໂຕ ແຕ່.

ເຢຊູ ເກົາແຊອ໌ ຕຶ່ງ ຊວນ ເຄັດເຊມານ  
(ມາຣະໂກ 14:32-42; ລູກາ 22:39-46)

36 ເຈົ້າ ເຢຊູ ກະ ມູ່ ກາ ຣຍານ ແຕ ອັນ ແຕ້ອ໌ ປີ ຊວນ ເຄັດເຊມານ. ເຢຊູ ອາຕີ ມູ່ ກາ ຣຍານ ແຕ ອັນ ປາຍ: "ເຍົາ ແອັດ ຕາກູ ອິນໄມ່ ນໍ່. ເກົາ ອີ ເປາະ ເກົາແຊອ໌ ປີ ກ້ອຍ."

37 ເຈົ້າ ເຢຊູ ເດິງ ເປໂຕ ກະ ບາຣ ນະ ແຊມອາຍ ກອນ ເຊເບດາຍ ເປາະ ກະ ອັນ. ຕາແປັ ກ້ອຍ ເຢຊູ ຊ້ອງ ເກຣ່າະ ກະ ຕຸຣ ລາລີ່ ຕຶ່ງ ຣາງິ່ຣ. 38 ອັນ ອາ ຕີ ໄລ່ ໄປ ນະ ກ້ອຍ ປາຍ: "ຣາງິ່ຣ ເກົາ ຊ້ອງ ຕຸຣ ລາລີ່, ຕາ ເຮັບ ອາມັ່ງ ນ້ອງ. ເຍົາ ແອັດ ອິນໄມ່ ເວົ້າຍ. ເຍົາ ຕາງວຍ ເກຣ່າະ ເກົາ."

39 ເຈົ້າ ເຢຊູ ເປາະ ບີອ໌ ແອັນ. ອັນ ປາດິຣ ຕຶ່ງ ກູແຕອ໌ ມູ່ ຕາແຕັບ, ກະ ອັນ ເກົາແຊອ໌ ປາຍ: "ເອີ ອິມບໍ່ ເກົາ ເອິຍ! ຄັນ ໄມ່ ຊ້ອງ ປຍາຍ໌, ເກົາ ແຊອ໌ ໄມ່ ອາຍີ່ ຈອກ ຕຸຣ ກັດ ໄມ່ ໂອນ ແວັດ ແຕ ເກົາ.

ມາ ເກົາ ຕາ ແອອ໌ ຕາປູ່ນ ຣາງິ່ຣ ເກົາ ເບິນ, ມາ ອີ ຕາປູ່ນ ແອິງ ຣາງິ່ຣ ໄມ່ ຊ້ອງ."

40 ເຈົ້າ ເຢຊູ ເຈົ້າ ລໍ່ຣ ປີ ໄປ ນະ ມູ່ ກາ ຣຍານ ແຕ ອັນ. ອັນ ເຮັມ ໄລ່ ກ້ອຍ ປີ. ອັນ ຕາແນັບ ເປໂຕ ປາຍ: "ນານະ ເຍົາ ຕາ ເຮັບ ເກຣ່າະ ມາໂຮຍ ກະ ເກົາ? 41 ອິງເຄາະ ເຍົາ ຕາແມັ ກະ ເກົາແຊອ໌ ອິນ ໂຈຍ ໂອນ ເມົ້າ ປັຣຕີ່ ເຍົາ ຕະ ໂລ່ຍຣ. ຣາງິ່ຣ ເຍົາ ລາ ບັນ ເຣ່ງ, ມາ ຈະຈັນ ເຍົາ ລາ ອຽວ."

42 ເຢຊູ ເປາະ ເຮັບ ກາ ບາຣ ແອັນ ອີ ເກົາແຊອ໌ ລໍ່ຣ ປີ ກ້ອຍ. ອັນ ເກົາແຊອ໌ ປາຍ: "ອິມບໍ່ ເກົາ ເອິຍ! ຄັນ ໄມ່ ຕາ ເບິນ ອາຍີ່ ຈອກ ຕຸຣ ກັດ ໄມ່ ໂອນ ແວັດ ແຕ ເກົາ, ມາ ໄມ່ ໂອນ ເກົາ ງ່ອຍ໌, ເກົາ ປຣ່ອມ ຕາປູ່ນ ແອິງ ຣາງິ່ຣ ໄມ່ ຊ້ອງ."

43 ເຈົ້າ ເຢຊູ ເຈົ້າ ລໍ່ຣ ປີ ໄປ ນະ ມູ່ ກາ ຣຍານ ແຕ ອັນ. ອັນ ເຮັມ ໄລ່ ປີ ລໍ່ຣ. ໄລ່ ຕາ ເຮັບ ກູ ເລືານ; ລາກິບ ເລືອຍໆ ອິງກັຣ ມັດ ໄລ່.

44 ເຢຊູ ລໍ່ອຣ ແຕ ໄລ່ ຊາ, ກະ ອັນ ເປາະ ເກົາ ແຊອ໌ ເຮັບ ກາ ໄປ ແອັນ. ອັນ ເກົາແຊອ໌ ມູເຈິງ ປັຣ ນາຍ ແຕ ອິນໂຍ່ງ ຊາ. 45 ເຈົ້າ ອັນ ເຈົ້າ ລໍ່ຣ ປີ ມູ່ ກາ ຣຍານ ແຕ ອັນ ກະ ປາຍ: "ນານະ ອິນນ້ອງ ເຍົາ ປີ ກະ ຣາລູ່ ລໍ່ຣ? ປາແນ່ນ ເກົາ ແຈ່ ອີ ແຕ້ອ໌ ເຈົ້າ. ກອນ ເຢົາ ເກັດ ກວາຍ, ເມົ້າ ມ່ອບ ອັນ ແຕ້ອ໌ ປີ ອາຕີ ກວາຍ ໂລ່ຍຣ ເຈົ້າ. 46 ຍວຣ ຕາຍິ່ງ! ໄຮ ເປາະ! ເຍົາ ເນ່, ອັນ ກາ ມ່ອບ ເກົາ ແຕ້ອ໌ ເຈົ້າ!"

ເມົ້າ ໂກບ ເຢຊູ  
(ມາຣະໂກ 14:43-50; ລູກາ 22:47-53;  
ໂຢຮັນ 18:3-12)

47 ບັອງ ກາ ເຢຊູ ອິນນ້ອງ ອາຕີ, ເບິນ ຢູດາ, ມານະ ແຕ ມູ່ ມວຍ ຈິດ ລາ ບາຣ ນະ ກ້ອຍ, ແຕ້ອ໌ ມັນຕຸ ກະ ກວາຍ ກຶ່ງ. ມັຣ ກວາຍ ກຶ່ງ ກ້ອຍ, ໄລ່ ແຕ້ອ໌ ແຕ ກວາຍ ຊົດ ມູ່ ກາ ຊາງ ຮິດ ເຢົາ ເຈົ້າຣາ ຊີ ກະ ກວາຍ ເທົາແກ ຈຸມເຈືອ. ໄລ່ ເດິງ ດາວ ກະ ກ່ອນ. 48 ອັນ ກາ ມ່ອບ ເຢຊູ, ອັນ ອາຕີ ດໍອ໌ ໂອນ ມັຣ ກວາຍ ກຶ່ງ ກ້ອຍ ດັງ. ອັນ ອາຕີ ໄລ່ ກ້ອຍ ປາຍ: "ຄັນ ອາແລ່ະ ເຍົາ ເຮັມ ເກົາ ໂຣນ, ລາ ຈະ ອັນ ກາ ເຍົາ ອີ ເບິນ. ເຈົ້າ ໂກບ ອັນ ກ້ອຍ ແຕ້!"

49 ນະກ້ອຍ ຢູດາ ແຕ້ອ໌ ປີ ເຢຊູ, ກະ ອັນ ປາຍ: "ບັນ ຊວານ ແຕ່ ອາຈານ." ເຈົ້າ ອັນ ໂຣນ ເຢຊູ.

50 ເຢຊູ ອາຕີ ຢູດາ ປາຍ: "ເຍົາ ເອິຍ! ຣານະ ອິນເຕົ້າ ໄມ່ ຍິອ໌ ອີ ຕະ, ໄມ່ ຕະ ໄວ່!" ເຈົ້າ ເມົ້າ ແຕ້ອ໌ ໂກບ ເຢຊູ.

51 ເປັນ ມານະ ແຕ ມູ່ ກາ ຕາປຸ່ນ ເຢຊູ ທອດ ດາວ ແຕ ຊອຣ. ອັນ ກັຣໄປຣ ມານະ ຊູລ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົາຣາຊີ, ປ ຍາຍ໌ ຕາລິ່ດ ມວຍ ກັຣ ກູຕູຣ. 52 ເຢຊູ ອາຕີ ອັນ ກ້ອຍ ປາຍ: "ໄມ່ ໂຈະ ລັຣ ດາວ ໄມ່ ຕິ່ງ ຊອຣ. ກວາຍ ອາແລ່ະ ຢຸມ ດາວ, ກວາຍ ກ້ອຍ ກູຈິດ ລັຣ ຣານາ ດາວ ເຕ່. 53 ໄມ່ ດັງ ມາ ຕາ ເບີນ, ຄັນ ເກົາ ຢິອ໌, ເຕ່ອ໌ ເກົາ ແຊອ໌ ແຕ ອິມປໍ່ ເກົາ ໂອນ ອັນ ແປຣີ ເທວາດາ ອັນ ແກ້ຍ ແຕ ມວຍ ຈິ່ດ ລາ ບາຣ ກອງທັບ ແຕ້ອ໌ ຈ່ອຍ ເກົາ? 54 ມາ ຄັນ ເກົາ ຕະ ນະກ້ອຍ, ຕາ ເບີນ ຣາປຍາຍ໌ ມັຣ ເຢິງ ເຈົາຣາຊີ ປາຍ ຕິ່ງ ປັຣນາຍ ອັນ ແຕ ອິມແປີ. ປິ່ງ ກ້ອຍ ປາຍ ມັຣ ຣານະ ໄມ່ ອິ່ງເຄາະ ແກ້ດ."

55 ເຈີ່ ເຢຊູ ຕາແບີບ ມັຣ ກວາຍ ກຶ່ງ ກ້ອຍ ແອ້ນ: "ນານະ ເຍົາ ແຕ້ອ໌ ປີ ໄມ່ ມາ ເດີງ ດາວ ກະ ກ່ອນ ອີ ໂກບ ເກົາ? ເຍົາ ຄິ່ດ ປາຍ ເກົາ ລາ ກວາຍ ຊາແວງ ບໍ່? ກູ່ ຣາໄງ ເກົາ ແອັດ ອາຕີ ຕິ່ງ ດຸງ ຊາງ ປິ່ດ, ມາ ເຍົາ ຕາ ເບີນ ໂກບ ເກົາ. 56 ມາ ຣານະ ໄມ່ ຕະ ໂອນ ແກ້ດ ຣາປຍາຍ໌ ມັຣ ປັຣນາຍ ກວາຍ ອາຕີ ຕາງ ປັຣນາຍ ເຢິງ ເຈົາຣາຊີ ຄຽນ ດໍອ໌ ແຕ ອິມແປີ ຕິ່ງ ປັຣນາຍ ເຢິງ ເຈົາຣາຊີ."

ເຈີ່ ມັຣ ມູ່ ກາ ຣຍານ ແຕ ເຢຊູ, ໄລ່ ຕາລຸ່ຣ ຕັຣ ອັນ.

ເຢຊູ ຕາຍິ່ງ ຢິຣ ເມີງ ຈຸ່ມ ກວາຍ ຊົດ ອິດຊະ ຣາເອລ  
(ມາຣະໂກ 14:53-65; ລູກາ 22:54-55, 63-71; ໂຢຮັນ 18:13-14, 19-24)

57 ແວັດ ກ້ອຍ ໄລ່ ກາ ໂກບ ເຢຊູ ເດີງ ອັນ ເປາະ ປີ ດຸງ ກາຢະພາ, ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົາຣາຊີ. ອິນແຍ່ະ ມັຣ ກວາຍ ເທົາແກ ຈຸ່ມເຈືອ ກະ ກວາຍ ອາຕີ ຄານອດ ເປາະ ໂຣ່ມ ຊັຣ ຮົງ ປີ ອິນຕຸ ກ້ອຍ ເຕ່. 58 ເປັຕ ຣາປວາຍ ເຍີ່ ງາ ອິນຕຸນ ກຣັອງ ເຢຊູ. ອັນ ມູ່ດ ຕິ່ງ ຊັງອາຣ ດຸງ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົາຣາຊີ. ອັນ ຕາກູ ມັນຕຸ ກະ ຕາຣານ ກວາຍ ຊົດ ກ້ອຍ, ຢິອ໌ ອີ ດັງ ອິນເຕົາ ໄລ່ ຕະ ກະ ເຢຊູ. 59 ມັຣ ກວາຍ ຊົດ ມູ່ ກາ ຊາງ ຮິ່ດ ເຢິງ ເຈົາຣາຊີ, ກະ ຈຸ່ມ ໄລ່ ກາ ຊັຣຮົງ ຕັດຊິ່ນ, ໄລ່ ຈໍອ໌ ກວາຍ ກາ ເຕ່ອ໌ ຕູນ ເຢຊູ. ໄລ່ ຢິອ໌ ອີ ກາຈິດ ອັນ. 60 ເປີນ ຊາອິ້ຍ ກວາຍ ແຕ້ອ໌ ຕູນ ເຢຊູ, ມາ ຕາ ເບີນ ຣາປ ຍາຍ໌. ກວາຍ ຊົດ ກ້ອຍ ຕາ ເບີນ ຣາມັຣ ມວຍ ຣາມິ້ຣ ຕາ ອໍ ອິນເຕົາ ແຕ ເຢຊູ ຕະ. ອິນຕຸນ ເລີ່ຍ

ເປີນ ບາຣ ນະ ແອັນ ແຕ້ອ໌ ຕູນ ອັນ ເຕ່. 61 ໄລ່ ປາຍ: "ກວາຍ ໄມ່ ປາຍ: 'ເຕ່ອ໌ ເກົາ ຕາລຸຣ ດຸງ ຊາງ ປິ່ດ ເຢິງ ເຈົາຣາຊີ. ເຈີ່ ເກົາ ຕະ ລັຣ ໄປ ຕາ ໄງ ລາ ເຈີ່ ແຕີ.'"

62 ເຈີ່ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົາຣາຊີ, ອັນ ຢວຣ ຕາຍິ່ງ ກະ ອັນ ຕາແບີບ ເຢຊູ ປາຍ: "ມັຣ ກວາຍ ໄມ່ ປ້ອງ ໄມ່. ປຍາຍ໌ ໄມ່ ປາຍ ນະກ້ອຍ, ມາ ຕາ ເບີນ? ກະ ອິນເຕົາ ໄມ່ ຢິອ໌ ອີ ຕາແອີຍ ລັຣ ໂຈະ ໄລ່ ກ້ອຍ?"

63 ມາ ເຢຊູ ແອັດ ອາວິລ ຊ້ອງ. ອັນ ຕາ ເບີນ ປາຍ ອິນເຕົາ. ເຈີ່ ອັນ ກາ ຕາລາ ຮິ່ດ ກ້ອຍ ປາຍ ແອ້ນ: "ຍິຣ ເມີງ ເຢິງ ເຈົາຣາຊີ, ອັນ ກາ ອາມັງ ເລື້ອຍໆ, ເກົາ ແປຣີ ໄມ່ ຄິນ ກະ ຮີ, ໄມ່ ລາ ມານະ ກຣິດ, ລາ ກອນ ເຢິງ ເຈົາຣາຊີ, ມາ ຕາ ເບີນ?"

64 ເຢຊູ ຕາແອີຍ ອັນ ປາຍ: "ປຍາຍ໌ ມັຣ ໄມ່ ປາຍ. ມາ ເກົາ ອາຕີ ລັຣ ເຍົາ ປາຍ: ເຈີ່ ປີ ເມີງ ເຍົາ ເຮີມ ກອນ ເຢິງ ແກ້ດ ກວາຍ ຕາກູ ຢິຣ ອາ ຕໍ່າ ເຢິງ ເຈົາຣາຊີ ກາ ເບີນ ອໍານາດ ປິ່ດ ລາລີ່, ກະ ອັນ ແຕ້ອ໌ ອິນດີ ຣາມິລ ແຕ ມັນລ້ອງ."

65 ນະກ້ອຍ ອັນ ກາ ຕາລາ ຮິ່ດ ຊາງ ເຢິງ ເຈົາຣາຊີ ແຈຣ໌ ຕໍ່າປັອກ ອັນ ເບີມ ຕະໂອນ ເນົາ ດັງ ປາຍ ອັນ ຊ້ອງ ຕຸ່ຣ ລາລີ່. ກະ ອັນ ປາຍ ໂຈະ ອິນ ແຍ່ະ ມັຣ ກວາຍ ການໍ່ອ໌: "ອັນ ໄມ່ ປາຍ ນະກ້ອຍ, ລາ ນະ ອັນ ພາມາດ ເຢິງ ເຈົາຣາຊີ. ຈໍ່າ ໄຮ ອີ ຕາແບີບ ນັ່ງ ກວາຍ ການໍ່ອ໌? ເຍົາ ຊ້ອງ ເຈີ່ ອັນ ປາຍ ປັຣນາຍ ກ້ອຍ. 66 ນານະ ເຍົາ ຄິ່ດ ແຕ ຣາມິ ຣ ກ້ອຍ?"

ມາ ໄລ່ ກ້ອຍ ຕາແອີຍ ປາຍ: "ປຍາຍ໌ ອັນ ອິ່ງ ເຄາະ ກູຈິດ!"

67 ເຈີ່ ໄລ່ ກູຈົຣ ໂຈະ ມາມ ເຢຊູ, ກະ ຈັກ ອັນ. ມາ ເບີນ ກວາຍ ການໍ່ອ໌ ຕັຣ ອັນ, 68 ກະ ຕາແບີບ ປາຍ: "ເອີ ກຣິດ ເອີຍ! ຄັນ ໄມ່ ລາ ກວາຍ ອາ ຕີ ຕາງ ປັຣນາຍ ເຢິງ ເຈົາຣາຊີ, ເອົາ ໄມ່ ອາຕີ ຮີ, ເນົາ ກາ ຈັກ ໄມ່?"

ເປັຕ ກາແລີຍຣ ເຢຊູ  
(ມາຣະໂກ 14:66-72; ລູກາ 22:56-62; ໂຢຮັນ 18:15-18, 25-27)

69 ເປັຕ ແອັດ ຕາກູ ຕິ່ງ ຊັງອາຣ ດຸງ. ເປີນ ມານະ ມັນແຊມ ກາ ຕະ ຣານະ ໂອນ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົາຣາຊີ, ອັນ ແຕ້ອ໌ ປີ ເປັຕ, ເຈີ່ ອັນ ປາຍ ໂຈະ ເປັຕ: "ໄມ່ ລາ ກວາ ຍ ກາ ແອັດ ກະ ເຢຊູ, ກວາຍ ແຕ ແຄງ ຄາລີເລ."

70 ມາ ເປໂຕ ກາແລ້ຍຮ ເຢຊູ ຍິ່ຮ ມືງ ອິນແຍ່ ະ ນະ ກວາຍ ກ້ອຍ, ປາຍ: "ເກົາ ຕາ ເບີນ ຊາປຸ່ຮ ອິນເຕົ້າ ໄມ່ ປາຍ."

71 ເຈີ່ ອັນ ເປາະ ປີ ງັຮ ຕັງ ກຣ່ອງ. ເບີນ ມັນ ແຊມ ການໍ່ອ ແອັນ ເຮີມ ອັນ, ກະ ປາຍ ໂຈະ ມັຮ ກວາຍ ກື່ງ ກ້ອຍ: "ກວາຍ ໄມ່ ແມ່ນ ອັນ ແອິດ ກະ ເຢຊູ ກວາຍ ແຕ ວິລ ມາຊາເຣັດ ເຕ່."

72 ມາ ເປໂຕ ກາແລ້ຍຮ ຊາ ເຢຊູ, ກະ ອັນ ຄິນ: "ເກົາ ຕາ ດັງ ອັນ ກ້ອຍ ລາ ເມົ້າ!"

73 ມາໂຮຍ ແອັນ ເບີນ ມັຮ ກວາຍ ການໍ່ອ ກາ ແອິດ ແຈ່ະ ກ້ອຍ ແຕ້ອ ປີ ເປໂຕ, ກະ ປາຍ: "ໄກຮ ລາລີ່ ໄມ່ ລາ ແຕ ມູ່ ກ້ອຍ ເຕ່, ຍ່ອນ ຊຽງ ໄມ່ ຕະ ອິນຕີ ລາ ມູເຈິງ ກະ ກວາຍ ກ້ອຍ."

74 ມາ ເປໂຕ ອັນ ຄິນ ກື້ອ ແປື ກື້ອ ໂຊະ. ອັນ ຕາແອິຍ ກະ ຮາຈຽນ ເລືອຍໆ ປາຍ: "ເກົາ ຕາ ທີ່ ຍ ເຮີມ ຕາ ທີ່ຍ ດັງ ກວາຍ ກ້ອຍ!"

ບ້ອງ ກາ ກ້ອຍ ແຕ້ ອິນຕຣວຍ ຕາກາຣ. 75 ເຈີ່ ເປໂຕ ຊາແຍີ ລັຮ ມັຮ ປັຮນາຍ ເຢຊູ ອາຕີ ອັນ ປາຍ: "ແຕ ອິນໂຍ່ງ ອິນຕຣວຍ ຕາ ຢວາຣ ຕາ ກາຣ, ໄມ່ ກາແລ້ຍຮ ເກົາ ເບີນ ໄປ ເຮີບ." ເຈີ່ ເປໂຕ ລັ່ອຮ ແຕ ກ້ອຍ; ກະ ອັນ ເຍີາມ ເລີ່ຍ.

## 27

ເຢຊູ ຕາຍິ່ງ ຍິ່ຮ ມືງ ປີລາດ  
(ມາຣະໂກ 15:1; ລູກາ 23:1-2; ໂຢຮັນ 18:28-32)

1 ພໍກາ ປັງ ຕາຮີ່ບ ປັຮແມີ ແອັນ, ຕາແບີ ຍາ ຍິ່ມ, ອິນແຍ່ະ ມັຮ ກວາຍ ຊົດ ມູ່ ກາ ຊາງ ຮີ່ດ ເຢີງ ເຈົ້າຮາຊີ, ກະ ອິນແຍ່ະ ມັຮ ກວາຍ ເທົາແກ ຈຸ່ມເຈືອ, ໄລ່ ຊັຮຮັງ ຈໍ່ອ ຮານາ ອີ ກາຈິດ ເຢຊູ. 2 ໄລ່ ຊົດ ອັນ ກະ ເດີງ ມ່ອບ ປີ ອາຕີ ປີລາດ, ລາ ກວາຍ ໂຣມ ກາ ຊົດ ຕັງ ກຣວາງ ກ້ອຍ.

ຢູດາ ຢະ  
(ຮານະ ຕະ 1:18-19)

3 ພໍກາ ຢູດາ, ອັນ ກາ ມ່ອບ ເຢຊູ, ຊ້ອງ ກວາ ຍ ຊົດ ປາຍ ເຢຊູ ອິງເຄາະ ກູຈິດ, ອັນ ຊ້ອງ ຕຸ່ຮ ລາລີ່ ຍ່ອນ ອັນ ຕະ ຮານະ ກ້ອຍ. ເຈີ່ ອັນ ເດີງ ລັຮ ໄປ ຈິດ ກູອງ ປຣະ ກ້ອຍ ກູລັຮ ລັຮ ປີ ອິນ ແຍ່ະ ມັຮ ກວາຍ ຊົດ ມູ່ ກາ ຊາງ ຮີ່ດ ເຢີງ ເຈົ້າຮາ ຊີ, ກະ ມັຮ ກວາຍ ເທົາແກ ຈຸ່ມເຈືອ. 4 ອັນ ປາຍ: "ເກົາ ຕະ ໄລ່ຍຮ ຍ່ອນ ເກົາ ມ່ອບ ມານະ ກາ ຕາ ເບີນ ເບີນ ໄລ່ຍຮ ອິນເຕົ້າ."

ມາ ໄລ່ ກ້ອຍ ຕາແອິຍ ຢູດາ ປາຍ: "ຮານະ ກ້ອຍ ຕາ ເບີນ ອິນເຕົ້າ ກະ ຮິ. ຕາມ ໄມ່!"

5 ຢູດາ ແກງ ຕັຮ ປຣະ ກ້ອຍ ຕັງ ດຸງ ຊາງ ປິດ. ເຈີ່ ອັນ ລັ່ອຮ ເປາະ ຢະ, ອັນ ຊ້ອຮ ຊົດ ອິນໄຊ ເກຮົາວ ຕັງ ກັລ ອາລ່ອງ ເຈີ່ ອັນ ຊົດ ຕັງ ຕາກອງ ອັນ ແອັນ, ເຈີ່ ອັນ ປ້ອງ ອາແຊງ ກູຈິດ ເລີ່ຍ.

6 ມັຮ ກວາຍ ຊົດ ມູ່ ກາ ຊາງ ຮີ່ດ ເຢີງ ເຈົ້າຮາ ຊີ ກ້ອຍ, ໄລ່ ໂຕຍິ ລັຮ ປຣະ ກ້ອຍ, ກະ ໄລ່ ປາຍ: "ປຣະ ໄມ່ ລາ ປຣະ ເກົາ ອາຮາມ ກວາຍ. ມະກ້ອຍ ຕາປູ່ນ ຄານອດ ໄຮ ຕາ ເຕ່ອ ດໍອ ປຣະ ໄມ່ ຕັງ ດຸງ ຊາງ ປິດ."

7 ເຈີ່ ໄລ່ ຊັຮຮັງ. ແວັດ ກ້ອຍ ໄລ່ ແຈິງ ມວຍ ອິນຕຸ ກູແຕ່ອ ແຕ ປຣະ ກ້ອຍ. ກູແຕ່ອ ກ້ອຍ ໄລ່ ແຈິງ ແຕ ກວາຍ ເຈີງ ຕະ ເກຮັງ ແຕ ກູແຕ່ອ ກໍອ. ກວາຍ ຊົດ ກ້ອຍ ອີ ແຈິງ ອິນຕຸ ກູແຕ່ອ ກ້ອຍ, ອຽນ ແຕັບ ກວາຍ ກາ ຕາ ເບີນ ຊາກັລ ມາ ກູຈິດ. 8 ມະກ້ອຍ ເຕົ້າ ຕາໄງ ໄມ່ ເມົ້າ ອາມິຣ ກູ ແຕ່ອ ກ້ອຍ ລາ 'ຕາລິງ ອາຮາມ.' 9-10 ມະກ້ອຍ ແກັດ ຮາປາຍາຍ ມັຮ ປັຮນາຍ ເຢເຣມີຢາ, ກວາຍ ອາຕີ ຕາງ ປັຮນາຍ ເຢີງ ເຈົ້າຮາຊີ, ປາຍ:

"ເມົ້າ ອິດ ໄປ ຈິດ ກູອງ ປຣະ  
ກະ ແຈິງ ມວຍ ອິນຕຸ ກູແຕ່ອ ແຕ ກວາຍ  
ເຈີງ ຕະ ເກຮັງ ແຕ ກູແຕ່ອ ກໍອ,  
ມະ ອິນເຈົ້າ ເກົາ ແປຣີ ເກົາ ຕະ.  
ໄປ ຈິດ ກູອງ ປຣະ ກ້ອຍ ລາ ເກົາ ກວາຍ ອິດ  
ຊະຮາເອລ ມັດ ດໍອ ໂອນ ຮາງັຮ ອັນ."

ປີລາດ ຕາແບີບ ເຢຊູ  
(ມາຣະໂກ 15:2-5; ລູກາ 23:3-5; ໂຢຮັນ 18:33-38)

11 ເຢຊູ ແອິດ ຕາຍິ່ງ ຍິ່ຮ ມືງ ປີລາດ, ລາ ກວາຍ ໂຣມ ກາ ຊົດ ຕັງ ກຣວາງ ກ້ອຍ. ກວາ ຍ ຊົດ ກ້ອຍ ຕາແບີບ ເຢຊູ ປາຍ: "ໄມ່ ລາ ເຕົ້າວ ປັຮເຍົາ ຈຸ່ມ ອິດຊະຮາເອລ ບໍ?"

ເຢຊູ ຕາແອິຍ ປາຍ: "ແມ່ນ, ປາຍາຍ ໄມ່ ປາຍ."

12 ມະກ້ອຍ ມັຮ ກວາຍ ຊົດ ມູ່ ກາ ຊາງ ຮີ່ດ ເຢີງ ເຈົ້າຮາຊີ, ກະ ກວາຍ ເທົາແກ ຈຸ່ມເຈືອ, ໄລ່ ປ່ອງ ເຢຊູ. ມາ ເຢຊູ ຕາ ເບີນ ຕາແອິຍ ອິນເຕົ້າ. 13 ເຈີ່ ປີລາດ ຕາແບີບ ແອັນ: "ໄມ່ ຊ້ອງ ມາ ຕາ ເບີນ ໄລ່ ປ່ອງ ໄມ່ ຊາອິ້ຍ ຮາມິຣ?"

14 ມາ ເຢຊູ ຕາ ເບີນ ຕາແອິຍ ອິນເຕົ້າ ເລີ່ຍ. ມະກ້ອຍ ກວາຍ ຊົດ ກ້ອຍ ຊ້ອງ ຈິດ ລາລີ່.

ເມົ້າ ຮຽຮ ເຢຊູ ຈິວ ກູຈິດ  
(ມາຕະໂກ 15:6-15; ລູກາ 23:13-25;  
ໂຢຮັນ 18:39-19:16)

15 ແຕ້ອ ຕາໂງ ກວາຍ ອິດຊະຣາເອລ ໂຮມ ຈາ  
ຣໍ້ອ ຊາແຍີ ຕາໂງ ອາກູຮ, ກວາຍ ຊົດ ກຣວາງ  
ກ້ອຍ ເປີນ ຣິດ ອາໂຣຍຮ ມານະ ກວາຍ ໂຕ່ດ  
ແຕ ກໍ້ອ ຕາມ ຣາງຮ ກອນແຊມ ຮຽຮ ຢໍອ ອີ ອາ  
ໂຣຍຮ. 16 ບ້ອງ ກາ ກ້ອຍ ເປີນ ມານະ ກວາຍ ເມົ້າ  
ໂກບ ດໍອ ຕິ່ງ ກໍ້ອ, ຣາມິ້ຮ ບາຣາບາ. ກຸ່ ນະ ກວາ  
ຍ ດັງ ອິນແຍ່ະ ຣາມິ້ຮ ອັນ. 17 ນະກ້ອຍ, ບ້ອງ  
ກາ ກູງ ກວາຍ ໂຮມ, ປີລາດ ຕາແບີບ ມັຮ ກວາຍ  
ກ້ອຍ ປາຍ: "ກວາຍ ອາແລ່ະ ເຍົາ ຢໍອ ອີ ໂອນ  
ເກົ້າ ອາໂຣຍຮ ໂອນ ເຍົາ, ບາຣາບາ, ແຕ້ລາ ເຢຊູ,  
ລາ ອັນ ກາ ເມົ້າ ດໍອ ກຣິດ?"

18 ປີລາດ ດັງ ເຈີ ຕິ່ງ ຣາງຮ ອັນ ອິນແຍ່ະ ມັຮ  
ກວາຍ ຊົດ ກ້ອຍ ຊັຮແມງ ແຕ ເຢຊູ ຍ່ອນ ມັຮ  
ກອນແຊມ ໄລ່ ຢໍອ ອີ ຕາປຸ່ນ ເຢຊູ. ນະກ້ອຍ ໄລ່  
ເດີງ ເຢຊູ ແຕ້ອ ປິ ອັນ.

19 ບ້ອງ ກາ ປີລາດ ຕາກູ ຕິ່ງ ອິນຕຸ ອັນ ຕັດ  
ຊິ່ນ, ລາກວຍ ອັນ ພາອ ປັຮນາຍ ແຕ້ອ ປິ ອັນ  
ປາຍ: "ໄມ່ ອິນໂຈຍ ຕະ ອິນເຕົ້າ ກະ ກວາຍ ກ້ອຍ,  
ຍ່ອນ ອັນ ຕາ ເປີນ ເປີນ ໄລ່ຍຮ ອິນເຕົ້າ. ຕາປິ  
ປາໄຮ ເກົ້າ ຣາເລົາ ອິມເປົາ ແຕ ອັນ, ເຈີ ຕາໂງ ໄມ່  
ເກົ້າ ຊ້ອງ ເກຣ່າະ ລາລີ."

20 ມາ ອິນແຍ່ະ ກວາຍ ຊົດ ມຸ່ ກາ ຊາງ ຣິດ ເຢົາງ  
ເຈົ້າຣາຊີ, ກະ ອິນແຍ່ະ ກວາຍ ເທົາແກ ຈຸ່ມເຈົ້ອ,  
ໄລ່ ແປຣີ ມັຮ ກວາຍ ກູງ ກ້ອຍ ແຊອ ແຕ ກວາ  
ຍ ຊົດ ໂອນ ອາໂຣຍຮ ບາຣາບາ, ມາ ກາຈິດ ເຢຊູ.

21 ອັນ ກາ ຊົດ ກ້ອຍ ຕາແບີບ ກວາຍ ກູງ ກ້ອຍ  
ປາຍ: "ບາຣ ນະ ກວາຍ ໄມ່, ເຍົາ ຢໍອ ອີ ໂອນ ເກົ້າ  
ອາໂຣຍຮ ອັນ ກາ ອາແລ່ະ?"

ໄລ່ ຕາແອີຍ: "ບາຣາບາ!"

22 ປີລາດ ຕາແບີບ ແອັນ ປາຍ: "ຄັນ  
ນະກ້ອຍ, ນານະ ເຍົາ ໂອນ ເກົ້າ ຕະ ກະ ເຢຊູ, ລາ  
ອັນ ກາ ເມົ້າ ດໍອ ກຣິດ?"

ໄລ່ ກ້ອຍ ຕາແອີຍ ປາຍ: "ແຕ້ຮ ອັນ ຕິ່ງ ອາ  
ລ່ອງ ຊັງກັງ!"

23 ປີລາດ ຕາແບີບ ລັຮ ຊາ: "ນານະ? ອິນເຕົ້າ  
ອັນ ຕະ ໄລ່ຍຮ ກະ ເຍົາ?"

ມາ ໄລ່ ກ້ອຍ ຕາແອີຍ ເຮ່ງ ລາລີ ກາເລີຍ ແຕ  
ອິນໂຍ່ງ: "ແຕ້ຮ ອັນ ຕິ່ງ ອາລ່ອງ ຊັງກັງ!"

24 ພໍກາ ປີລາດ ດັງ ອັນ ຕາ ເຕອ້ ຕະ ອິນເຕົ້າ  
ນ້ອງ ອີ ຈ່ອຍ ເຢຊູ, ກະ ອັນ ອົງກ້ອຮ ກວາຍ ກູງ  
ກ້ອຍ ກັຮຈິດ ແອັນ, ນະກ້ອຍ ອັນ ອິດ ແດ້ອ; ເຈີ

ອັນ ອາເຣົາວ ອາຕີ ຍິ່ຮ ເມີງ ກວາຍ ກູງ ກ້ອຍ,  
ກະ ອັນ ປາຍ: "ໄມ່ ເກົ້າ ຕະ ໂອນ ເຍົາ ດັງ ເກົ້າ ຕາ  
ເປີນ ໂຕ່ດ ອິນເຕົ້າ ແຕ ກວາຍ ໄມ່ ກູຈິດ. ຣານະ  
ກ້ອຍ ຕາມ ເຍົາ."

25 ອິນແຍ່ະ ມັຮ ກວາຍ ກູງ ກ້ອຍ ຕາແອີຍ ລັຮ  
ປາຍ: "ໂຕ່ດ ກວາຍ ກ້ອຍ ກູຈິດ ແຊອ ໂອນ ແຕ້ອ  
ປິ ຮິ ກະ ແຕ້ອ ປິ ກອນ ອາໄກ ຮິ ແຮ້."

26 ເຈີ ປີລາດ ອາໂຣຍຮ ບາຣາບາ ໂອນ ມັຮ ກວາ  
ຍ ກູງ ກ້ອຍ. ມາ ເຢຊູ, ປີລາດ ໂອນ ເມົ້າ ໄປຣັຮ  
ອັນ. ແວັດ ກ້ອຍ ອັນ ມ່ອບ ເຢຊູ ໂອນ ໄລ່ ເດີງ  
ແຕ້ຮ ອັນ ຕິ່ງ ອາລ່ອງ ຊັງກັງ.

ຕາຣານ ອາເຢ ພາມາດ ເຢຊູ  
(ມາຕະໂກ 15:16-20; ໂຢຮັນ 19:2-3)

27 ເຈີ, ມັຮ ຕາຣານ ປີລາດ, ໄລ່ ເດີງ ເຢຊູ ມຸ່ດ  
ຕິ່ງ ດຸງ ເມົ້າ ເກີຍ ຕັດຊິ່ນ ກວາຍ. ອິນຕຸ ກ້ອຍ ເປີ  
ນ ກູງ ຕາຣານ ການໍ້ອ ແຕ້ອ ແອິດ ອິມແປຣ ເຢຊູ.

28 ໄລ່ ຕວດ ຕັຮ ຕໍ່າປັອກ ເຢຊູ, ກະ ໄລ່ ອາແຊີບ  
ອັນ ອາຍ້ອຮ ຕີ ຊິ່ ອາອູຍ. 29 ໄລ່ ຕະ ກຸນຕຣວາອ  
ຊັຮເລົາ ອາປິ່ງ ຕິ່ງ ແປື ອັນ. ກະ ໄລ່ ໂອນ ອັນ ຢຸມ  
ຣາເລີງ ຍິ່ຮ ອາຕີ ອາຕໍ່າ ອັນ. ແວັດ ກ້ອຍ ໄລ່  
ກຸ່ ຣາໂກລ ຍິ່ຮ ເມີງ ອັນ ກະ ອາເຢ ພາມາດ ອັນ  
ປາຍ: "ກູກຸຮ ເມົ້າ ຊາຊາຍ ເຕົ້າວ ປັຮເຍົາ ອິດຊະ  
ຣາເອລ!"

30 ໄລ່ ກູຈັຮ ໂຈະ ຕິ່ງ ຈະ ເຢຊູ, ກະ ໄລ່ ອິດ  
ຣາເລີງ ກ້ອຍ ເຈີ ໄລ່ ປຢາຍຮ ອັນ ຕິ່ງ ແປື ຕາ  
ດັງ ອິນຊີ ເຮີບ. 31 ແວັດ ໄລ່ ອາເຢ ພາມາດ ອັນ  
ນະກ້ອຍ, ເຈີ ໄລ່ ຕວດ ອາຍ້ອຮ ຕີ ກະ ອາແຊີບ  
ລັຮ ຕໍ່າປັອກ ອັນ ເປີມ. ເຈີ ໄລ່ ເດີງ ອັນ ລ້ອຮ  
ກະ ແຕ້ຮ ອັນ ຕິ່ງ ອາລ່ອງ ຊັງກັງ.

ເມົ້າ ແຕ້ຮ ເຢຊູ ຕິ່ງ ອາລ່ອງ ຊັງກັງ  
(ມາຕະໂກ 15:21-32; ລູກາ 23:26-43;  
ໂຢຮັນ 19:17-27)

32 ພໍກາ ໄລ່ ລ້ອຮ ແຕ ເມີອງ, ໄລ່ ຣາມັຮ ຕິ່ງ  
ຣານາ ມານະ ເປີນ ຣາມິ້ຮ ຊິໂມນ. ອັນ ລາ ແຕ  
ກຣວາງ ກິເຣເມ. ໄລ່ ມັນຕຣຸ່ ອັນ ໂອນ ໂດລ ອາ  
ລ່ອງ ຊັງກັງ ເຢຊູ. 33 ໄລ່ ກ້ອຍ ແຕ້ອ ປິ ອິນຕຸ  
ເປີນ ຣາມິ້ຮ ໂຄລະໂຄທາ. ປັຮນາຍ ໄມ່ ອິນຕີ ລັຮ  
ລາ 'ອົງຮາງ ຕາຕາຣ ແປື.' 34 ແອິດ ອິນຕຸ ກ້ອຍ  
ເມົ້າ ໂອນ ເຢຊູ ຈ່ອຍ ບ້ອງ ກາ ເມົ້າ ກູຈ ກະ ເກຣັງ  
ອິນຕັງ. ເຢຊູ ຈິ່ມ, ມາ ອັນ ຕາ ເປີນ ຈ່ອຍ.

35 ເຈົ້າ ໄລ໌ ແຕ້ຮ ເຢຊູ ຕັ້ງ ອາລ່ອງ ຊັງກັງ. ກະ ໄລ໌ ອິມແປອ໌ ຕໍາປັອກ ອັນ ຮານາ ມັນຕັດ ອາຍຸ, ອາແລະ ເບີນ ລາ ໂທຍ. 36 ແວັດ ກ້ອຍ ໄລ໌ ຕາ ກູ ກຍາອ໌ ເຢຊູ. 37 ຢິຣ ແປັງ ແປັງ ເຢຊູ ໄລ໌ ດໍອ໌ ມູ່ ແພນ ກາດານ; ກະ ໄລ໌ ຄຽນ ປັຣນາຍ ປາຍ: ກວາຍ ໄລ໌ ລາ ເຢຊູ. ອັນ ລາ ເຕົາວ ປັຣເຍົາ ກວາ ຍ ອິດຊະຮາເອລ. 38 ບັອງ ກາ ກ້ອຍ ເມົາ ແຕ້ຮ ບາຣ ນະ ກວາຍ ຊາແວງ ແຈະ ເຢຊູ ເຕ່, ມານະ ຢິຣ ອາຕໍາ, ມານະ ຢິຣ ອາເວຣ໌.

39 ມັຣ ກວາຍ ກາ ເປາະ ພາ ອິນຕຸ ກ້ອຍ, ໄລ໌ ກ້ອຍ ງັງຣ໌ ແປັງ ກະ ອາເຍ່ ພາມາດ ເຢຊູ. 40 ໄລ໌ ປາຍ: "ໄມ ໄມ ເອີຍ໌ ກາ ປາຍ ບັອງ ກ້ອຍ ໄມ ຕາ ລຸຣ ດຸງ ຊາງ ເຢັງ ເຈົາຮາຊີ. ເຈົ້າ ໄມ ຕະ ລັຣ ໄປ ຕາໄງ ລາ ເຈົ້າ ແຕ້. ເອົາ ຊານໍ່ ໄມ ຈ່ອຍ ອາມັງ ລັຣ ຈະ ໄມ ເບີມ. ຄັນ ໄມ ລາ ແມ່ນ ກອນ ເຢັງ ເຈົາຮາ ຊີ, ໄມ ແຊງ ແຕ ອາລ່ອງ ຊັງກັງ ກ້ອຍ."

41 ກະ ເບີນ ມັຣ ກວາຍ ຊົດ ມູ່ ກາ ຊາງ ຮິດ ເຢັງ ເຈົາຮາຊີ, ກະ ມັຣ ກວາຍ ອາຕີ ຄານອດ, ກະ ມັຣ ກວາຍ ເທົາແກ ຈຸ່ມເຈີອ, ອິນແຍະ ໄລ໌ ກ້ອຍ ອາເຍ່ ພາມາດ ເຢຊູ ເຕ່. 42 ໄລ໌ ປາຍ: "ກວາຍ ກາ ນໍ່ອ໌ ເຕ່ອ໌ ອັນ ຈ່ອຍ ອາມັງ, ມາ ຈະ ອັນ ເບີມ, ຕາ ເຮີມ ເຕ່ອ໌ ອັນ ຈ່ອຍ. ຄັນ ອັນ ລາ ເຕົາວ ປັຣເຍົາ ກວາຍ ອິດຊະຮາເອລ, ໂອນ ອັນ ແຊງ ເບີມ ແຕ ອາລ່ອງ ຊັງກັງ ກ້ອຍ. ຄັນ ນະກ້ອຍ, ໄຮ ຊາອໍາ ເຕ່ ອັນ. 43 ອັນ ຊາອໍາ ເຢັງ ເຈົາຮາຊີ, ກະ ອັນ ປາຍ ອັນ ລາ ກອນ ເຢັງ ເຈົາຮາຊີ. ຄັນ ນະກ້ອຍ, ໂອນ ເຢັງ ເຈົາຮາຊີ ຈ່ອຍ ອາມັງ ອັນ ຊານໍ່."

44 ກະ ໄລ໌ ບາຣ ນະ ຊາແວງ ກາ ເມົາ ແຕ້ຮ ຕັ້ງ ອາລ່ອງ ຊັງກັງ ມວຍ ເປຣິຣ ກະ ເຢຊູ, ໄລ໌ ອາເຍ່ ພາມາດ ເຢຊູ ເຕ່.

ບັອງ ກາ ເຢຊູ ແຈະ ອີ ກູຈິດ  
(ມາຣະໂກ 15:33-41; ລູກາ 23:44-49;  
ໂຢຣັນ 19:28-30)

45 ແຕ ມັດ ມານາງ ຕິລມູ່ລ ເຕົາ ແຕ້ອ໌ ມານາງ ວິຣ\*, ແກັດ ການໍາ ອິນແຍະ ຕັ້ງ ກຣວາງ ກ້ອຍ. 46 ແຕ້ອ໌ ມານາງ ກູເວີ ອີ ວິຣ ເຢຊູ ກູອ໌ ເຮ່ງ ລາ ລີ້ ປາຍ: "ເອລີ, ເອລີ, ແລມາ ຊາບັກທານີ?" ປັຣ ນາຍ ໄມ ອິນຕີ ລັຣ ລາ: "ເຢັງ ເຈົາຮາຊີ ເກົາ ເອີຍ! ເຢັງ ເຈົາຮາຊີ ເກົາ ເອີຍ! ນານະ ໄມ ຕັຣ ເກົາ?"

47 ເບີນ ກວາຍ ກາ ແອັດ ຕາຢັງ ແຈະ ກ້ອຍ, ໄລ໌ ຊັອງ ເຢຊູ ກູອ໌. ໄລ໌ ປາຍ: "ອັນ ກູອ໌ ເອລີຢາ!"

48 ເບີນ ມານະ ແຕ ໄລ໌ ກ້ອຍ, ອັນ ຕາລຸ່ຣ ອິດ ມວຍ ປານຍາລ ອາຣີ. ອັນ ອາລ ອາຣີ ກ້ອຍ ຕັ້ງ

ບັອງ ອິນເຍາະ, ກະ ອັນ ຊັດ ອາຣີ ກ້ອຍ ຕັ້ງ ຊັຣນ ວາຍຣ. ເຈົ້າ ອັນ ອາເວີຍ ໂອນ ເຢຊູ ກາຢັບ ງ່ອຍ. 49 ມາ ກວາຍ ການໍ່ອ໌ ປາຍ: "ໄຮ ເກຣາະ ເວີຍ. ໄຮ ແມ່ ເວີຍ ເອລີຢາ ແຕ້ອ໌ ຈ່ອຍ ອັນ, ມາ ຕາ ເບີ ມ!"

50 ເຢຊູ ອູໂອຍ ເຮ່ງ ລາລີ້ ຊາ, ເຈົ້າ ອັນ ຕາອ້ອຣ ຮາງັຣ.

51 ບັອງ ກາ ກ້ອຍ ແຕ້ ອາຣີ ກາ ເມົາ ກາຕັງ ກຸງ ຕັ້ງ ດຸງ ຊາງ ປັດ ແກັດ ຮາແຣອ໌ ແຕ ຕີ້ ແຕ້ອ໌ ເຕົາບ, ແກັດ ບາຣ ຊາແຣອ໌. ກູແຕອ໌ ກູກັດ, ກະ ຕາເມົາ ແກັດ ປັຣ. 52 ປັງ ກູມູ່ຍ ນະ ເມົາ ເປີຣ ເບີ ມ ໂອນ ຊາອີ້ຍ ນະ ກວາຍ ກາ ຕາປູ່ນ ຮານະ ເຢັງ ເຈົາຮາຊີ ກາ ກູຈິດ ເບີນ ອາມັງ ລັຣ. 53 ແວັດ ເຢຊູ ອາມັງ ລັຣ, ມັຣ ກວາຍ ກາ ກູຈິດ ກ້ອຍ, ໄລ໌ ລັອຣ ເຕ່ ແຕ ປັງ ໄລ໌. ກະ ໄລ໌ ມູ່ດ ຕັ້ງ ເມີອງ ເຢຣູຊາເລັມ. ແອັດ ອິນຕຸ ກ້ອຍ ເບີນ ກັງ ກວາຍ ການໍ່ອ໌ ເຮີມ ໄລ໌.

54 ບັອງ ກາ ກ້ອຍ ເບີນ ມານະ ຕາຮານ ກາ ຊົດ ມວຍ ຮ່ອຍ ຕາຮານ ການໍ່ອ໌. ອັນ ກະ ຕາຮານ ກາ ນໍ່ອ໌ ກ້ອຍ ແອັດ ກຍາອ໌ ເຢຊູ. ອິນແຍະ ໄລ໌ ກ້ອຍ ເຮີມ ກູແຕອ໌ ກູກັດ, ກະ ໄລ໌ ເຮີມ ອິນແຍະ ຮາມິຣ ການໍ່ອ໌ ແຮີ. ນະກ້ອຍ ໄລ໌ ຊັອງ ອິງກ້ອຣ, ກະ ໄລ໌ ປາຍ: "ແມ່ນ ລາລີ້ ໄມ ລາ ກອນ ເຢັງ ເຈົາຮາຊີ!"

55 ເບີນ ຊາອີ້ຍ ນະ ກວາຍ ມັນແຊມ ແອັດ ແຕ ເຢັງ ຕາເງິອ໌ ແມ່ ປີ ເຢຊູ ເຕ່. ແຕ ອິນໂຍ່ງ ໄລ໌ ກ້ອຍ ຕາປູ່ນ ເຢຊູ ແຕ ແຄງ ຄາລີເລ, ກະ ໄລ໌ ແຈມ ກຍາອ໌ ອັນ. 56 ຕັ້ງ ມູ່ ມັນແຊມ ກ້ອຍ ເບີ ນ ມາຣີ ແຕ ວິລ ມັກດາລາ, ກະ ມາຣີ ລາ ອິມເປ່ ອ໌ ຢາໂກໂບ ກະ ໂຢເຊັບ, ກະ ອິມເປ່ອ໌ ໄລ໌ ບາຣ ນະ ກອນ ເຊເບດາຍ.

ເມົາ ແຕັບ ເຢຊູ  
(ມາຣະໂກ 15:42-47; ລູກາ 23:50-56;  
ໂຢຣັນ 19:38-42)

57 ແຕ້ອ໌ ມານາງ ຕາປີ້ ແຈະ ອິນຕຣວຍ ອີ ມູ່ດ ລັກ, ແຕ້ອ໌ ມານະ ກວາຍ ຊຸ ແຕ ເມີອງ ອາຣີມາທາຍ. ຮາມິຣ ອັນ ລາ ໂຢເຊັບ. ອັນ ລາ ກວາຍ ຣຍານ ແຕ ເຢຊູ ເຕ່. 58 ອັນ ເປາະ ປີ ປີລາດ, ກະ ອັນ ແຊອ໌ ກູມູ່ຍ ເຢຊູ. ປີລາດ ແປຣີ ໂອນ ເມົາ ໂອນ ກູມູ່ຍ ເຢຊູ ປີ ອັນ. 59 ນະກ້ອຍ ອັນ ອິດ ກູມູ່ຍ ເຢຊູ, ກະ ອັນ ຕວມ ກູມູ່ຍ ກ້ອຍ ແຕ ອາຣີ ຕາໄມ ກະ ກໍ່ອ໌ ອໍ. 60 ເຈົ້າ ອັນ ດໍອ໌ ກູມູ່ຍ

\* 27:45 27:45 ແຕ ມັນຈິດ ລາ ບາຣ ໂມງ ແຕ້ອ໌ ໄປ ໂມງ.

ກ້ອຍ ຕຶ້ງ ປຶ້ງ ຕາໄມ ຄອງ ອັນ, ປຶ້ງ ກາ ເມົ້າ ໄປອ່  
ຕຶ້ງ ຕາເມົ້າ. ເຈົ້ ອັນ ວິລ ຕາເມົ້າ ກາຕັ້ງ ງັຮ ປຶ້ງ  
ກ້ອຍ. ແວັດ ກ້ອຍ ອັນ ເປາະ. <sup>61</sup> ມາຮີ ແຕ ວິລ  
ມັກດາລາ, ກະ ມາຮີ ການໍ້ອໍ ແຮີ, ໄລ່ ຕາກູ ຕາເງິອໍ  
ແນ່ ປໍ ງັຮ ປຶ້ງ ກ້ອຍ.

ກວາຍ ຊົດ ໂອນ ຕາຮານ ກຍາອໍ ປຶ້ງ ເຢຊູ  
<sup>62</sup> ມາຮ ຕາໄງ ປັຣແນີ ແອັນ ລາ ຕາໄງ ຮາລູ່.  
ຕາໄງ ກ້ອຍ ມັຮ ກວາຍ ຊົດ ມູ່ ກາ ຊາງ ຮິດ ເຢີງ  
ເຈົ້າຮາຊີ ກະ ມັຮ ກວາຍ ພາຮີຊາຍ, ໄລ່ ເປາະ ຮາມັ  
ຮ ປີລາດ.† <sup>63</sup> ໄລ່ ປາຍ ໂຈະ ປີລາດ: "ອາຈວາຍ  
ຮ ເອີຍ! ຮີ ຊາແຍີ ບັອງ ກາ ກວາຍ ອາໂລກ ກ້ອຍ  
ອິນນ້ອງ ອາມັງ ອັນ ປາຍ: 'ເກົ້າ ກູຈິດ, ມາ ແວັດ  
ໄປ ຕາໄງ ແອັນ ເກົ້າ ອາມັງ ລັຮ.' <sup>64</sup> ນະກ້ອຍ ຮີ  
ແຊອໍ ອາຈວາຍຮ ໂອນ ເມົ້າ ກຍາອໍ ອໍ ປຶ້ງ ກູມູຍໍ  
ກ້ອຍ ເຕົ້າ ແຕ້ອໍ ຕາໄງ ໄປ. ເຈົ້ ມູ່ ກາ ຮຍານ ແຕ  
ອັນ ຕາ ເຕ້ອໍ ເປາະ ອິດ ຕວຍໍ ຈະ ກູມູຍໍ ກ້ອຍ.  
ຄັນ ໄລ່ ເບີນ ຕວຍໍ, ໄລ່ ອາຕີ ກະ ກວາຍ ການໍ້ອໍ  
ປາຍ: 'ເຢຊູ ກູຈິດ, ເຈົ້ ອັນ ອາມັງ ລັຮ.' ຄັນ ໄລ່  
ປາຍ ເຢຊູ ອາມັງ ລັຮ, ອາໂລກ ກ້ອຍ ອິນຕ້ອງ ກາ  
ເລີຍ ແຕ ເມົ້າ ອາໂລກ ປາຍ ອັນ ລາ ກຮິດ."

<sup>65</sup> ເຈົ້ ປີລາດ ຕາແອີຍ ໄລ່ ປາຍ: "ເຍົາ ອິດ  
ຕາຮານ ເຍົາ ເບີນ ໂອນ ໄລ່ ເປາະ ກຍາອໍ ປຶ້ງ ກ້ອຍ,  
ຕາມ ຮາງິຮ ເຍົາ."

<sup>66</sup> ໄລ່ ລ້ອຮ ແຕ ກ້ອຍ, ເຈົ້ ໄລ່ ກາໄຕ່ຮ ດໍອໍ  
ຕະ ໂອນ ຈັບ ລາລີ້ ງັຮ ປຶ້ງ ກ້ອຍ. ກະ ໄລ່ ໂອນ  
ຕາຮານ ກຍາອໍ ອິນຕຸ ກ້ອຍ.

### 28

ເຢຊູ ອາມັງ ລັຮ  
(ມາຮະໂກ 16:1-10; ລູກາ 24:1-12;  
ໂຢຮັນ 20:1-18)

<sup>1</sup> ແວັດ ຕາໄງ ຮາລູ່, ແຕ້ອໍ ຕາໄງ ມວຍ ຕຶ້ງ  
ອາທິດ ຕາໄມ, \* ຕາຮີບ ກ້ອຍ ອິນນ້ອງ ຍາຍິ້ມ  
ເບີນ ມາຮີ ແຕ ວິລ ມັກດາລາ ກະ ມາຮີ ການໍ້ອໍ  
ເປາະ ແນ່ ປຶ້ງ ເຢຊູ. <sup>2</sup> ບັອງ ກ້ອຍ ເບີນ ກູແຕອໍ ກູ  
ກິດ ຮັບ ລາລີ້, ຍ່ອນ ເບີນ ເທວາດາ ເຢີງ ເຈົ້າຮາ  
ຊີ ແຊງ ວິລ ຕາເມົ້າ ກາ ເມົ້າ ກາຕັ້ງ ງັຮ ປຶ້ງ ເຢຊູ,  
ເຈົ້ ຕາກູ ຕຶ້ງ ຕາເມົ້າ ກ້ອຍ. <sup>3</sup> ຮູ່ບເຮີງ ເທວາດາ  
ກ້ອຍ ລາ ນະ ຕາລຍາຮ, ກະ ຕໍ້າປັອກ ອັນ ລາ  
ກູ້ອໍ ຊັຮມຍາລ ມັດ. <sup>4</sup> ມັຮ ຕາຮານ ກາ ກຍາອໍ ປຶ້ງ

ງ ກ້ອຍ ໄລ່ ຊັອງ ອິງກ້ອຮ ລາລີ້ ກະ ກາໄກ່ຮ. ໄລ່  
ແກັດ ນະ ກວາຍ ກູຈິດ.

<sup>5</sup> ເທວາດາ ເຢີງ ເຈົ້າຮາຊີ ອາຕີ ມັນແຊມ ກ້ອຍ  
ປາຍ: "ເຍົາ ອິນໂຈຍ ອິງກ້ອຮ ອິນເຕົ້າ. ເກົ້າ ດັງ  
ເຍົາ ຈໍ້ອໍ ເຢຊູ, ອັນ ກາ ເມົ້າ ແຕ້ຮ ຕຶ້ງ ອາລ່ອງ ຊັງ  
ກັງ. <sup>6</sup> ອັນ ຕາ ເບີນ ແອັດ ອິນໄນ່ ນ້ອງ. ອັນ ອາ  
ມັງ ລັຮ ເຈົ້ ນະ ອັນ ປາຍ ໂຈະ ເຍົາ ແຕ ອິນໂຍ່ງ.  
ເຍົາ ແຕ້ອໍ ປໍ ໄນ່, ແນ່ ປໍ ອິນຕຸ ເມົ້າ ດໍອໍ ກູມູຍໍ ອັນ  
ແຕ ອິນໂຍ່ງ. <sup>7</sup> ເຈົ້ ເຍົາ ເປາະ ໄວ່ ເຈົ້ ອາຕີ ມັຮ ມູ່  
ກາ ຮຍານ ແຕ ອັນ ປາຍ: 'ເຢຊູ ອາມັງ ລັຮ ເຈົ້.  
ຊານໍ້ ອັນ ເປາະ ອິນໂຍ່ງ ເຍົາ ເຈົ້ ປໍ ແຄງ ຄາລີເລ.  
ຕຶ້ງ ອິນຕຸ ກ້ອຍ ເຍົາ ເບີນ ຮາມັຮ ອັນ!' ອິງເຄາະ  
ເຍົາ ຊາແຍີ ລັຮ ມັຮ ປັຣນາຍ ກາ ເກົ້າ ອາຕີ ເຍົາ  
ເຈົ້."

<sup>8</sup> ນະກ້ອຍ ມັນແຊມ ກ້ອຍ ລ້ອຮ ແຕ ປຶ້ງ. ກາ  
ໄລ່ ອິງກ້ອຮ, ກາ ໄລ່ ຮໍ້ອໍ ແຮີ. ໄລ່ ຕາລຸຮ ເປາະ  
ອາຕີ ມັຮ ມູ່ ກາ ຮຍານ ແຕ ເຢຊູ.

<sup>9</sup> ບັອງ ກາ ໄລ່ ເປາະ, ເຢຊູ ຮາມັຮ ໄລ່, ກະ ອັນ  
ກັຮບັນ ໄລ່ ປາຍ: "ໂອນ ເຍົາ ແອັດ ບັນ ຊວານ  
ເຕ່."

ມັນແຊມ ກ້ອຍ ແຕ້ອໍ ປໍ ເຢຊູ, ກຍາວ ອາເຢີງ  
ອັນ, ກະ ຊາງ ອັນ. <sup>10</sup> ເຢຊູ ອາຕີ ໄລ່ ປາຍ: "ເຍົາ  
ອິນໂຈຍ ອິງກ້ອຮ ອິນເຕົ້າ. ເຍົາ ເປາະ ອາຕີ ແຊມ  
ອາຍ ເກົ້າ ໂອນ ໄລ່ ເປາະ ປໍ ແຄງ ຄາລີເລ. ຕຶ້ງ ອິນ  
ຕຸ ກ້ອຍ ໄລ່ ເບີນ ຮາມັຮ ເກົ້າ."

ກວາຍ ຊົດ ໂອນ ມັຮ ຕາຮານ ເບີນ ປຣະ

<sup>11</sup> ບັອງ ກາ ມັນແຊມ ກ້ອຍ ອິນນ້ອງ ເປາະ ຕຶ້ງ  
ຮານາ, ຕາຮານ ກາ ກຍາອໍ ປຶ້ງ ເຢຊູ ເຈົ້ ປໍ ເມືອງ  
ກະ ອາຕີ ມັຮ ກວາຍ ຊົດ ມູ່ ກາ ຊາງ ຮິດ ເຢີງ  
ເຈົ້າຮາຊີ ກູ່ ຮາມັຮ ມັຮ ກາ ໄລ່ ເຮີມ. <sup>12</sup> ມັຮ ກວາ  
ຍ ຊົດ ກ້ອຍ, ໄລ່ ໂຮ່ມ ຊັຮຮົງ ກະ ມັຮ ກວາຍ  
ເທົ້າແກ ຈຸ່ມເຈືອ. ເຈົ້ ໄລ່ ໂອນ ຊາອີຍ ປຣະ ປໍ  
ຕາຮານ ກ້ອຍ. <sup>13</sup> ກະ ໄລ່ ອາຕີ ຕາຮານ ກ້ອຍ  
ປາຍ: "ໂອນ ເຍົາ ປາຍ ມູ່ ກາ ຮຍານ ແຕ ເຢຊູ  
ແຕ້ອໍ ຊາເດົາ ອິດ ຕວຍໍ ຈະ ກູມູຍໍ ເຢຊູ ບັອງ ກາ  
ເຍົາ ປໍ. <sup>14</sup> ມາ ຄັນ ປີລາດ, ອັນ ກາ ຊົດ ກຮວາງ,  
ເບີນ ຊັອງ ແຕ ຮາມັຮ ໄນ່, ຮີ ຮາປາຍ ຈ່ອຍ ເຍົາ  
ເຕ່ ໂອນ ກວາຍ ຊົດ ກ້ອຍ ຕາ ເບີນ ຕະ ອິນເຕົ້າ  
ກະ ເຍົາ."

<sup>15</sup> ມັຮ ກວາຍ ຕາຮານ ກ້ອຍ, ໄລ່ ອິດ ປຣະ  
ກ້ອຍ ກະ ໄລ່ ຕະ ຕາປູ່ນ ມັຮ ປັຣນາຍ ກາ ເມົ້າ ປາ

† **27:62** 27:62 ມັຮ ຕາໄງ ອິນໂຍ່ງ ກ້ອຍ ລາ ຕາໄງ ໄລ່ ກຽມ ດໍອໍ ຕາໄງ ຮາລູ່. \* **28:1** 28:1 ຕາໄງ ຮາລູ່ ລາ ວັນ ເຊົາ, ມາ ຕາໄງ  
ມວຍ ຕຶ້ງ ອາທິດ ລາ ວັນ ອາທິດ.



ຕັບ ໄລ່. ເຕົ້າ ແຕ້ອ໌ ຕາໄງ ໄນ່ ເປັນ ກວາຍ ອິດ  
ຊະຣາເອລ ອາຕີ ປັຣນາຍ ກ້ອຍ ດ້ອຣ ເດີນ ໂອນ  
ກວາຍ ການໍ້ອ໌ ດັງ.

ເຢຊູ ຣາມັຣ ມູ່ ກາ ຣຍານ ແຕ ອັນ ຕິ່ງ ແຄງ  
ຄາລີເລ  
(ມາຣະໂກ 16:14-18; ລູກາ 24:36-49;  
ໂຢຮັນ 20:19-23; ຣານະ ຕະ 1:6-8)

16 ໄລ່ ມວຍ ຈິດ ລາ ມວຍ ນະ ມູ່ ກາ ຣຍານ ແຕ  
ເຢຊູ, ໄລ່ ຊ້ອຣ ປິ ກົຣ ຕິ່ງ ແຄງ ຄາລີເລ ປິ ອິນ  
ຕຸ ເຢຊູ ອາຕີ ໂອນ ໄລ່ ເປາະ. 17 ພໍກາ ໄລ່ ເຮີມ  
ເຢຊູ, ໄລ່ ຊາງ ອັນ; ມາ ເປັນ ບາຣ ໄປ ນະ ແຕ  
ມູ່ ກ້ອຍ ອິນນ້ອງ ກູຄິດ ຕາ ເປັນ ນັບ. 18 ເຢຊູ  
ແຕ້ອ໌ ປິ ໄລ່ ກະ ອາຕີ ໄລ່ ປາຍ: "ອິນແຍະ ອຳນາດ  
ຕິ່ງ ມັນລ້ອງ ກະ ຕິ່ງ ກູແຕອ໌, ເຢີງ ເຈົ້າຣາຊີ ມ່ອບ  
ໂອນ ເກົາ ເຈີ້. 19 ນະກ້ອຍ ອິງເຄາະ ເຍົາ ເປາະ ອາ  
ຕີ ກູ່ ນະ ກວາຍ ໂອນ ໄລ່ ແກ້ດ ກວາຍ ຣຍານ ແຕ  
ເກົາ ເຕ່. ອິງເຄາະ ເຍົາ ຕະ ຣິດ ຕິ່ງ ແຕ້ອ໌ ໂອນ  
ໄລ່, ຍ່ອນ ຣາມັຣ ອິມປໍ່, ຍ່ອນ ຣາມັຣ ກອນ, ກະ  
ຍ່ອນ ຣາມັຣ ຣາເວົ້າຍ ເຢີງ ເຈົ້າຣາຊີ. 20 ອິງເຄາະ  
ເຍົາ ອາຕີ ໄລ່ ໂອນ ໄລ່ ຕະ ຕາປູ່ນ ກູ່ ຣາມັຣ ກາ  
ເກົາ ປາຕັບ ເຍົາ. ກະ ໄກຣ ລາລີ້ ເກົາ ແອັດ ກະ  
ເຍົາ ຊົດ ແດີຍ ເຕົ້າ ແຕ້ອ໌ ຕາໄງ ປັຣຊົດ."

# ມາຣະໂກ ຄຽນ ອາຕິ ປັນນາຍ ອໍ ແຕ ເຢຊູ ກຣິດ

ປັນນາຍ ອາຕິ ອິນໂຍ່ງ

ມາຣະໂກ ອາຕິ ແຕ ເຢຊູ ລາ ມານະ ກາ ເບີນ ອໍາ  
ນາດ ລາລີ້. ອໍານາດ ແຕ ເຢຊູ ເຕ່ອ ໄຮ ເຮີມ ບ້ອງ  
ກາ ອັນ ອາຕິ ປັນນາຍ ເຢືາງ ເຈົ້າຮາຊີ. ອັນ ເບີນ  
ອໍານາດ ເຮົາບ ຕູ່ຍຮ ອາລ້ອຮ ມັຮ ກາ ເຢືາງ ຕາ  
ອໍ, ກະ ອັນ ເບີນ ອໍານາດ ຕັຮ ໄລ່ຍຮ ມັຮ ກວາ  
ຍ. ເຢຊູ ລາ ກອນ ເຢືາງ ແກ້ດ ກວາຍ. ອັນ ມ່ອບ  
ແດີຍ ອາມັ່ງ ອັນ ເບີນ ດໍອໍ ໄທ ອາລ້ອຮ ມັຮ ກວາ  
ຍ ແຕ ຣານະ ໄລ່ຍຮ, ໂອນ ໄລ່ ເຕ່ອ ອາມັ່ງ ເລືອ  
ຍໆ.

ມາຣະໂກ ເບີນ ຮາມິ້ຮ ໂຢຣັນ-ມາຣະໂກ ແຮີ.  
ອັນ ຄຽນ ປັນນາຍ ໄມ່ 50-60 ກູມໍ ແວັດ ເຢຊູ  
ແກ້ດ. ອັນ ອາຕິ ແຕ ມັຮ ຣານະ ເຢຊູ ຕະ ຊາອິ້ຍ  
ກາເລີຍ ແຕ ມັຮ ຮາມິ້ຮ ເຢຊູ ອາຕິ. ຕາແບີ ລາ  
ລີ້, ອັນ ຄຽນ ແຕ ໂຢຣັນ ກາ ຕະ ຮິ່ດ ຕິ່ງ ແດັອ, ແຕ  
ເຢຊູ ຕະ ຮິ່ດ ຕິ່ງ ແດັອ, ກະ ແຕ ເຢືາງ ຊາຕານ  
ລ່ອງ ເຢຊູ. ອັນ ອາຕິ ແຕ ມັຮ ຣານະ ເຢຊູ ຈິວ  
ຮາມິ້ຮ ຕຸ່ຮ ກັດ, ກະ ເມົ້າ ແຕັຮ ອັນ ຕິ່ງ ອາລ່ອງ  
ຊັງກັງ, ເຈີ້ ອັນ ອາມັ່ງ ລັຮ ແຕ ກູຈິດ.

ໂຢຣັນ ກວາຍ ກາ ຕະ ຮິ່ດ ຕິ່ງ ແດັອ

(ມັດທາຍ 3:1-12; ລູກາ 3:1-18; ໂຢຣັນ  
1:19-28)

1 ປັນນາຍ ໄມ່ ຕາແບີ ອາຕິ ປັນນາຍ ອໍ ແຕ  
ເຢຊູ ກຣິດ ກອນ ເຢືາງ ເຈົ້າຮາຊີ.

2 ຣານະ ໄມ່ ເອຊາຢາ, ກວາຍ ອາຕິ ຕາງ ປັນ  
ນາຍ ເຢືາງ ເຈົ້າຮາຊີ ຄຽນ ອາຕິ ດໍອໍ ອິນໂຍ່ງ  
ໂຢຣັນ ອິ ແຕັອ. ເອຊາຢາ ຄຽນ ປາຍ:

"ເກົ້າ ລາ ເຢືາງ ເຈົ້າຮາຊີ ອິ ແປຣີ ກວາຍ ອາຕິ ປັນ  
ນາຍ ເກົ້າ ແຕັອ ອິນໂຍ່ງ ໄມ່.

ອັນ ຈັຮ ຣານາ ໂອນ ໄມ່, ກອນ ເອີຍ.

3 ເບີນ ຊຽງ ກວາຍ ມານະ, ອັນ ຊາບາວ ອາຕິ ເຮັງ  
ລາລີ້ ແຕ ຕຍາຮ ປາຍ:

'ເຍົາ ອິງເຄາະ ອາຕິ ຣານາ ໂອນ ອິນເຈົ້າ ໄຮ.

ຕະ ໂອນ ຕານ້ອງ ຣານາ ອັນ ອິ ເປາະ."

4 ມະກ້ອຍ ແຕັອ ມານະ ຮາມິ້ຮ ໂຢຣັນ. ອັນ  
ແອັດ ຕິ່ງ ຕຍາຮ, ກະ ອັນ ຕະ ຮິ່ດ ຕິ່ງ ແດັອ ໂອນ  
ກວາຍ. ອັນ ເປາະ ອາຕິ ໂອນ ອິນແຍ່ະ ກູ່ ມະ ດັງ

ແຕ ຣານະ ຮິ່ດ ຕິ່ງ ແດັອ. ຮິ່ດ ຕິ່ງ ແດັອ ໄມ່ ລາ  
ຕະ ໂອນ ເມົ້າ ດັງ ກວາຍ ເບີນ ປັນນາຍ ອິດ ຮາມິ້ຮ  
ຕາໄມ ແອັນ, ໂອນ ເຢືາງ ເຈົ້າຮາຊີ ຕັຮ ໄລ່ຍຮ ໄລ່.  
5 ມະກ້ອຍ ກອນແຊມ ຊາອິ້ຍ ມະ ແຕ ແຄງ ຢູດາຍ  
ກະ ແຕ ເມືອງ ເຢຣູຊາເລັມ ແຕັອ ປິ ໂຢຣັນ. ໄລ່  
ກ້ອຍ ງິ່ນ ໄລ່ຍຮ, ເຈີ້ ໂຢຣັນ ຕະ ຮິ່ດ ຕິ່ງ ແດັອ  
ໂອນ ໄລ່ ຕິ່ງ ຕາເລ່ ຈໍແດນ.

6 ໂຢຣັນ ຕັອກ ຫຣິ່ງ ເມົ້າ ຕະ ແຕ ໂຊະ ຊັນ  
ຕຣັນ ອູ່ດ. ອັນ ກັນຕັນ ປັນນາຍ ອິງກັຮ ຕິ່ງ ອິງ  
ກິງ ອັນ; ຊັຮນາ ອັນ ຈາ ລາ ລາມ ກະ ອັນ ງ່ອຍ  
ແດັອ ກາຮຍາລ ແຕ ຕຍາຮ ຊ້ອງ. 7 ອັນ ອາຕິ  
ກອນແຊມ ປາຍ: "ເບີນ ມານະ ອິ ແຕັອ ອິນຕູນ  
ເກົ້າ ກາ ເບີນ ອໍານາດ ປິ່ດ ກາເລີຍ ແຕ ເກົ້າ. ເກົ້າ  
ລາ ຕາ ເບີນ ປາຍາຍ ອາແລັຮ ອິນໄຊ ແກ້ບ ແຕ ອາ  
ເຢືາງ ອັນ, ຍ່ອນ ເກົ້າ ລາ ອໍານາດ ແກດໆ ລາລີ້.  
8 ເກົ້າ ຕະ ຮິ່ດ ໂອນ ເຍົາ ຕິ່ງ ແດັອ ຊ້ອງ, ມາ ອັນ  
ຕະ ຮິ່ດ ໂອນ ເຍົາ ເບີນ ຮາເວົ້າຍ ເຢືາງ ເຈົ້າຮາຊີ."

ໂຢຣັນ ຕະ ຮິ່ດ ຕິ່ງ ແດັອ ໂອນ ເຢຊູ

(ມັດທາຍ 3:13-4:11; ລູກາ 3:21-22;  
4:1-13)

9 ບ້ອງ ກາ ໂຢຣັນ ຕະ ຮິ່ດ ຕິ່ງ ແດັອ ປິ ກ້ອຍ,  
ເຢຊູ ແຕັອ ແຕ ວິລ ມາຊາເຮັດ ແຄງ ຄາລີເລ. ເຈີ້  
ໂຢຣັນ ຕະ ຮິ່ດ ຕິ່ງ ແດັອ ໂອນ ເຢຊູ ຕິ່ງ ຕາເລ່  
ຈໍແດນ. 10 ພໍກາ ເຢຊູ ຊ້ອຮ ແຕ ແດັອ, ອັນ ຕາ  
ເງິ່ອ ອາຊ້ອຮ ປິ ມັນລ້ອງ. ອັນ ເຮີມ ມັນລ້ອງ  
ເປັຮ ອາລ້ອຮ. ເບີນ ຮາເວົ້າຍ ເຢືາງ ເຈົ້າຮາຊີ ມະ  
ແຈມ ປາເຮັດ ແຊງ ປິ ຈະ ເຢຊູ. 11 ເຈີ້ ເບີນ ຊຽງ  
ຊາບາວ ອາຕິ ແຕ ມັນລ້ອງ ປາຍ: "ໄມ່ ລາ ກອນ  
ເກົ້າ, ອັນ ກາ ເກົ້າ ອາໂຢະ ລາລີ້; ເກົ້າ ຊ້ອງ ຮິ່ອ ລາ  
ລີ້ ກະ ໄມ່."

12 ບ້ອງ ກາ ກ້ອຍ ຮາເວົ້າຍ ເຢືາງ ເຈົ້າຮາຊີ ແປຣີ  
ເຢຊູ ເປາະ ປິ ຕຍາຮ. 13 ເຢຊູ ແອັດ ອິງກ້ອຍ ເບີ  
ນ ເຢືາງ ຊາຕານ ລ່ອງ ອັນ ອິນແຍ່ະ ປູນ ຈິ່ດ ຊາ  
ເດົາ ປູນ ຈິ່ດ ຕາໄງ, ອັນ ຍິ້ອ ອິ ປັຮຕິ ເຢຊູ ໂອນ  
ຕະ ໄລ່ຍຮ.\* ເຢຊູ ແອັດ ມັນຕຸ ກະ ຊັນຕຣັນ ກຮ  
ວາງ, ກະ ເບີນ ແທວາດາ ແນ່ ຊາລີ້ ອັນ.

ເຢຊູ ຕາແບີ ຕະ ຣານະ ອັນ ຕິ່ງ ແຄງ ຄາລີເລ  
(ມັດທາຍ 4:12-17; ລູກາ 4:14-15)

14 ແວັດ ເມົ້າ ໂກບ ໂຢຣັນ ໂຈະ ຕິ່ງ ກໍ່ອ, ເຢຊູ  
ເປາະ ປິ ແຄງ ຄາລີເລ ອາຕິ ປັນນາຍ ອໍ ແຕ ເຢືາງ

\* 1:13 1:13 ເຢືາງ ຊາຕານ ຊິດ ອິນແຍ່ະ ເຢືາງ ຕາ ອໍ ການໍ່ອ.

ເຈົ້າຮາຊີ. <sup>15</sup> ອັນ ອາຕີ ປາຍ: "ແຈ່ວ ອີ ແຕ້ອ໌ ເຈີ່ ຕາໄງ ເຢີງ ເຈົ້າຮາຊີ ເອີອ໌ ດ໌ອ໌ ອີ ຕະ ຊົດ ຕຶ້ງ ຮາງື່ຮ ກວາຍ. ອີງເຄາະ ເຍົາ ຕັຮ ຮາງື່ຮ ຕຍາ ອິດ ຮາງື່ຮ ຕາໄມ ກະ ຊາອ໌ ປັຮນາຍ ອ໌ ແຕ ເຢີງ ເຈົ້າຮາຊີ."

ເຢຊູ ກູອ໌ ກວາຍ ຈ໌ອ໌ ອາກາ ປູນ ນະ ໂອນ ເປາະ ກະ ອັນ  
(ມັດທາຍ 4:18-22; ລູກາ 5:1-11)

<sup>16</sup> ບັອງ ກາ ເຢຊູ ເປາະ ຕາມ ປີ່ຮ ແດັອ໌ ທາເລ ຮາບັງ ຄາລີເລ, ອັນ ເຮີມ ບາຮ ນະ ແຊມອາຍ ຮາມີ່ຮ ຊີໂມນ ກະ ອັນເດອາ. ໄລ່ ຕົງ ມ່ອງ ຕຶ້ງ ແດັອ໌ ທາເລ ຮາບັງ ຍ່ອນ ໄລ່ ກ້ອຍ ລາ ກວາຍ ຈ໌ອ໌ ອາກາ. <sup>17</sup> ເຢຊູ ອາຕີ ໄລ່ ປາຍ: "ເຍົາ ເປາະ ກະ ຫົາ. ເຈີ່ ຫົາ ໂອນ ເຍົາ ແກັດ ກວາຍ ຈ໌ອ໌ ກວາຍ ນະ ເຍົາ ຈ໌ອ໌ ອາກາ ເຕ່." <sup>18</sup> ໄລ່ ບາຮ ນະ ແຊມອາຍ ກ້ອຍ ຕັຮ ແຕີ່ ມ່ອງ, ເຈີ່ ໄລ່ ເປາະ ກະ ອັນ.

<sup>19</sup> ເຢຊູ ຕາຢັຮ ເປາະ ບຍາອ໌ ແອັນ, ເຈີ່ ອັນ ເຮີມ ບາຮ ນະ ແຊມອາຍ ຮາມີ່ຮ ຢາໂກໂບ ກະ ໂຢຮັນ ກອນ ຮາເລົາ ເຊເບດາຍ. ໄລ່ ກ້ອຍ ແອັດ ພູງ ມ່ອງ ຕຶ້ງ ຕົວະ. <sup>20</sup> ພໍ ກ້ອຍ ເຢຊູ ກູອ໌ ໄລ່ ບາຮ ນະ ແຊມອາຍ ກ້ອຍ. ເຈີ່ ໄລ່ ບາຮ ນະ ຮາຕັຮ ແຕ ເຊເບດາຍ ອີມບໍ່ ໄລ່, ໂອນ ອັນ ແອັດ ຕຶ້ງ ຕົວະ ກະ ກວາຍ ທູແທ. ເຈີ່ ໄລ່ ບາຮ ນະ ກ້ອຍ ເປາະ ກະ ເຢຊູ.

ກວາຍ ກາ ເບີນ ເຢີງ ຕາ ອ໌ ຕຣວບ  
(ລູກາ 4:31-37)

<sup>21</sup> ເຢຊູ ກະ ມູ່ ກາ ຮຍານ ແຕ ອັນ ເປາະ ບໍ່ ເມືອງ ກາເປນາອູມ. ແຕ້ອ໌ ຕາໄງ ຮາລູ່ ເຢຊູ ມູ່ດ ຕຶ້ງ ດຸງ ຊາງ ກວາຍ ອິດຊະຮາເອລ, ເຈີ່ ອັນ ອາຮ ຍານ ກວາຍ ອີງກ້ອຍ. <sup>22</sup> ອິນແຍ່ະ ນະ ກວາຍ ກາ ໂຮມ ອີງກ້ອຍ ຊ້ອງ ງັດ ລາລີ່ ພໍກາ ໄລ່ ຊ້ອງ ປັຮນາຍ ອັນ ອາຕີ. ອັນ ອາຮຍານ ນະ ກວາຍ ເບີນ ອໍານາດ, ລາ ອີມພາ ແຕ ມູ່ ກາ ອາຕີ ຄານອດ ອາຮຍານ. <sup>23</sup> ຕຶ້ງ ດຸງ ຊາງ ກ້ອຍ ເບີນ ມານະ ກວາ ຍ ຮາເລົາ ກາ ເຢີງ ຕາ ອ໌ ຕຣວບ. ອັນ ແຮຣ ເຮ່ງ ລາລີ່ ປາຍ: <sup>24</sup> "ເຢຊູ ກວາຍ ວີລ ນາຊາຣັດ ເອີຍ! ເຍົາ ແຕ້ອ໌ ຕະ ອິນເຕົາ ບໍ່ ຮີ? ເຍົາ ແຕ້ອ໌ ບໍ່ ໄມ່ ເຍົາ ອີ ອາບັດ ຮີ ບໍ່? ຮີ ຕັງ ເຈີ່ ປາຍ ເຍົາ ແຕ້ອ໌ ແຕ ເຢີງ ເຈົ້າຮາຊີ ກະ ເຍົາ ລາ ຕາ ເບີນ ໄລ່ຍຮ ອິນ ເຕົາ."

<sup>25</sup> ເຢຊູ ກາແອັຮ ເຢີງ ຕາ ອ໌ ກ້ອຍ ປາຍ: "ອິນ ໂຈຍ ຕະ ແບອ໌! ໄມ່ ລ້ອຮ ແຕີ່ ແຕ ຈະ ກວາຍ ໄມ່!"

<sup>26</sup> ເຢີງ ຕາ ອ໌ ຕະ ໂອນ ກວາຍ ກ້ອຍ ດາແດັຮ ອິນແຍ່ະ ເຮ່ງ ກະ ອັນ ແຮຣ ເຮ່ງ ລາລີ່. ເຈີ່ ອັນ ລ້ອຮ ແຕ ຈະ ກວາຍ ກ້ອຍ. <sup>27</sup> ອິນແຍ່ະ ນະ ກວາ ຍ ອີງກ້ອຍ ໄລ່ ຊ້ອງ ງັດ ລາລີ່. ເຈີ່ ໄລ່ ຮາໂຊ ມັນ ຕຸ ປາຍ: "ນານະ ອັນ ອາຕີ ປັຮນາຍ ຕາໄມ? ອັນ ເບີນ ອໍານາດ ປັດ ລາລີ່; ແຕ້ອ໌ ອັນ ກາແອັຮ ເຢີງ ຕາ ອ໌, ເຈີ່ ເຢີງ ຕາ ອ໌ ຊາງັດ ອັນ."

<sup>28</sup> ນະກ້ອຍ ປັຮນາຍ ເມົາ ຕະ ອິນຕີ ແຕ ເຢຊູ ແກັດ ດ້ອຮ ເດີນ ເປາະ ກູ່ ວີລ ຕຶ້ງ ແຄງ ຄາລີເລ.

ເຢຊູ ປົວ ຊາອິ້ຍ ນະ ກວາຍ ອາອິ້  
(ມັດທາຍ 8:14-17; ລູກາ 4:38-41)

<sup>29</sup> ພໍກາ ໄລ່ ລ້ອຮ ແຕ ດຸງ ຊາງ ກ້ອຍ, ຢາໂກໂບ ກະ ໂຢຮັນ ໄລ່ ເປາະ ກະ ເຢຊູ ບໍ່ ດຸງ ຊີໂມນ ກະ ອັນເດອາ. <sup>30</sup> ກູຢາກັນ ຊີໂມນ ບິ ຍ່ອນ ອັນ ອາອິ້ ກູເຕົາ ຈະ; ເຈີ່ ໄລ່ ອາຕີ ໂອນ ເຢຊູ ດັງ ປາຍ ອາຢະ ອາໄມ່ ອາອິ້. <sup>31</sup> ເຢຊູ ເປາະ ບໍ່ ອາຢະ ກ້ອຍ, ເຈີ່ ເຢຊູ ຢຸມ ອາຕີ ອາຢວຮ ອັນ; ພໍກາ ກ້ອຍ ເຈີ່ ອັນ ແກັດ ແບຣັຮ. ເຈີ່ ອັນ ອາລ້ອຮ ໂດຍ ແດັອ໌ ໂອນ ເຢຊູ ກະ ມູ່ ກາ ຮຍານ ແຕ ອັນ ຈາ.

<sup>32</sup> ແວັດ ມານາງ ປັດ ຕາບີ້ ກ້ອຍ, ເມົາ ເດີງ ບໍ່ ເຢຊູ ອິນແຍ່ະ ນະ ກວາຍ ກາ ຕີ່ ອາອິ້ ກະ ມັຮ ກາ ກວາຍ ເຢີງ ຕາ ອ໌ ຕຣວບ. <sup>33</sup> ກອນແຊມ ອິນ ແຍ່ະ ນະ ຕຶ້ງ ເມືອງ ກ້ອຍ ເບີນ ເປາະ ໂຮມ ອີມ ແປຣ ງັຮ ຕຶ້ງ ດຸງ ເຢຊູ ແອັດ. <sup>34</sup> ເຢຊູ ປົວ ຊາອິ້ຍ ນະ ກູ່ ຮາມີ່ຮ ກາ ໄລ່ ອາອິ້. ອັນ ຕູຍຮ ອາລ້ອຮ ເຢີງ ຕາ ອ໌ ແຕ ຈະ ກວາຍ ແຮີ, ອັນ ຕາໂອນ ເຢີງ ຕາ ອ໌ ຕະ ອິນຕີ ອິນເຕົາ, ຍ່ອນ ເຢີງ ຕາ ອ໌ ກ້ອຍ ຊາກັລ ອັນ.

ເຢຊູ ເປາະ ອາຕີ ຕຶ້ງ ແຄງ ຄາລີເລ  
(ລູກາ 4:42-44)

<sup>35</sup> ບໍ່ ຕາຣີບ ຕາໄງ ຕາໄມ ແຕ ການໍາໆ, ເຢຊູ ລ້ອຮ ແຕ ດຸງ, ເຈີ່ ອັນ ເປາະ ບໍ່ ອິນຕຸ ກາ ຕາ ເບີນ ກວາຍ ແອັດ, ກະ ອັນ ແອັດ ເກົາແຊອ໌ ອີງກ້ອຍ. <sup>36</sup> ຊີໂມນ ກະ ເຍົາ ອັນ ໄລ່ ເປາະ ຈ໌ອ໌ ເຢຊູ. <sup>37</sup> ພໍ ກາ ໄລ່ ຮາມັຮ ອັນ, ໄລ່ ອາຕີ ອັນ ປາຍ: "ອິນແຍ່ ະ ກູ່ ນະ ກວາຍ ຈ໌ອ໌ ອີ ຮາມັຮ ໄມ່."

<sup>38</sup> ເຢຊູ ຕາແອີຍ ລັຮ ໄລ່ ກ້ອຍ ປາຍ: "ໄຮ ອີງ ເຄາະ ເປາະ ບໍ່ ວີລ ການໍອ໌ ອີມແປຣ ໄມ່ ແອັນ, ເກົາ ຢັອ໌ ອີ ອາຕີ ກອນແຊມ ກ້ອຍ ແຮີ. ເກົາ ແຕ້ອ໌ ບໍ່ ໄມ່ ລາ ຍ່ອນ ເກົາ ອີ ຕະ ຮານະ ໄມ່."

39 ນະກ້ອຍ ເຢຊູ ເປາະ ອາຕີ ຕິ່ງ ມັຮ ກາ ດຸງ ຊາງ ຕິ່ງ ແຄງ ຄາລີເລ. ອັນ ຕູ່ຍຮ ເຢີງ ຕາ ອໍ ແຕ ຈະ ກວາຍ ແຮີ.

ເຢຊູ ປົວ ກວາຍ ອາອີ ຕູ່ດ  
(ມັດທາຍ 8:1-4; ລູກາ 5:12-16)

40 ເບີນ ມານະ ກວາຍ ຮາເລົາ ອາອີ ຕູ່ດ ແຕ້ອ ປໍ ເຢຊູ. ອັນ ກູ່ ຮາໂກລ ຍັຮ ມື້ງ ເຢຊູ, ກະ ອັນ ປາຍ: "ຄັນ ໄມ່ ຍັຮ ອີ ປົວ ໂອນ ເກົາ ແກັດ ແບ ຣັຮ, ແຕ້ອ ໄມ່ ຕະ."

41 ເຢຊູ ອາໂຢະ ຕະ ກວາຍ ກ້ອຍ, ເຈີ່ ອັນ ຊາ ປະ ອາຕີ ຕິ່ງ ກວາຍ ກ້ອຍ, ກະ ອັນ ປາຍ: "ເກົາ ຍັຮ ອີ ໂອນ ໄມ່ ແກັດ ແບຣັຮ."

42 ພໍກາ ກ້ອຍ ກວາຍ ຮາເລົາ ກາ ອາອີ ຕູ່ດ, ຈະ ອັນ ແກັດ ແບຣັຮ ອໍ ລັຮ ນະ ຕຍາ. 43 ເຢຊູ ໂອນ ກວາຍ ກ້ອຍ ເປາະ, ກະ ອັນ ປາຕັບ ດໍອ ກວາ ຍ ກ້ອຍ ປາຍ: 44 "ອິນໂຈຍ ອາຕີ ໂອນ ກວາຍ ອາ ແລະ ດັງ ແຕ ຮານະ ໄມ່. ມາ ໄມ່ ເປາະ ອາປັຮ ຈະ ໄມ່ ໂອນ ກວາຍ ກາ ຊາງ ຮິ່ດ ເຢີງ ເຈົ້າຮາຊີ ເນ່. ກະ ໄມ່ ມ່ອບ ຊາງ ໂອນ ເຢີງ ເຈົ້າຮາຊີ ມັຮ ຮາມິຮ ກາ ໂມເຊ ປາຕັບ ແຕ ອິມແປ ອາໂຣ່. ໄມ່ ລາ ອາ ປັຮ ໂອນ ກວາຍ ການໍອ ດັງ ໄມ່ ແບຣັຮ ເຈີ່."

45 ມາ ແວັດ ກວາຍ ກ້ອຍ ລ້ອຮ ແຕ ກ້ອຍ, ອັນ ເປາະ ຕະ ອິນຕີ ແຕ ຮານະ ເຢຊູ ຈ່ອຍ ອັນ. ເຈີ່ ປັຮນາຍ ໄມ່ ດ້ອຮ ເດີນ. ຢ່ອນ ນະກ້ອຍ ຄັນ ເຢຊູ ຍັຮ ອີ ມູ່ດ ຕິ່ງ ວິລ, ອິງເຄາະ ອັນ ມູ່ດ ຕວຍ ຕາ ເບີນ ໂອນ ເມົາ ເຮີມ ຈະ ອັນ. ອັນ ແອັດ ປໍ ນໍອ ວິລ ຕິ່ງ ອິນຕຸ ຕາ ເບີນ ເມົາ ແອັດ. ມາ ອິນ ນ້ອງ ເບີນ ກວາຍ ແຕ ຊາອິຍ ອິນຕຸ ແຕ້ອ ປໍ ອັນ.

## 2

ເຢຊູ ປົວ ກວາຍ ແກັດ ລ່ອຍ  
(ມັດທາຍ 9:1-8; ລູກາ 5:17-26)

1 ແວັດ ບາຣ ໄປ ຕາໂງ ເຢຊູ ເຈົ້າ ລັຮ ປໍ ເມືອງ ກາເປນາອູມ. ພໍກາ ເມົາ ຊ້ອງ ຮານ ປາຍ ອັນ ເຈົ້າ ແຕ້ອ ປໍ ດຸງ ເຈີ່. 2 ກວາຍ ເປາະ ໂຣ່ມ ປໍ ດຸງ ອັນ ກິ່ງ ລາລີ່. ຕິ່ງ ງັຮ ຕິ່ງ ດຸງ ຕາ ເບີນ ອິນຕຸ ອີ ມູ່ດ ນ້ອງ, ອິນແຍະ ກູທັດ ເຈີ່. ນະກ້ອຍ ເຢຊູ ອາຕີ ປັຮນາຍ ເຢີງ ເຈົ້າຮາຊີ ໂອນ ໄລ່ ຊາງັດ. 3 ເບີນ ຮາເລົາ ປູນ ນະ ກຮາງ ມານະ ກວາຍ ຮາເລົາ ແກັດ ລ່ອຍ, ເດີງ ອາຊວຍ ອັນ ປໍ ເຢຊູ. 4 ມາ ພໍກາ ໄລ່ ເຮີມ ກິ່ງ ລາລີ່ ກວາຍ ແອັດ ແນ່ດ ເຢຊູ, ເຈີ່ ໄລ່ ຕາ ດັງ ຮານາ ແລະ ອີ ມູ່ດ ປໍ ອັນ. ນະກ້ອຍ ໄລ່ ເປີ ຮ ຮານາ ຕໍາປວລ ດຸງ ຕາປິ່ງ ເຢຊູ ແອັດ, ອີ ໂຢ່ລ

ອາແຊງ ຈຸ່ງຈາງ ກວາຍ ລ່ອຍ ກ້ອຍ. 5 ເຢຊູ ດັງ ໄລ່ ຊາອໍາ ກຣັກ ລາລີ່, ນະກ້ອຍ ອັນ ອາຕີ ກວາ ຍ ລ່ອຍ ປາຍ: "ກອນ ເອີຍ! ໄລ່ຮ ໄມ່ ເກົາ ຕັຮ ເຈີ່."

6 ເບີນ ມັຮ ກວາຍ ກາ ອາຕີ ຄານອດ ຕາກູ ອິງ ກ້ອຍ ແຕ່. ໄລ່ ຄິ່ດ ຕິ່ງ ຮາງິຮ ໄລ່ ປາຍ: 7 "ນານ ະ ກວາຍ ໄມ່ ປາຍ ນະກ້ອຍ? ຕາ ເບີນ ກວາຍ ອາ ແລະ ແຕ້ອ ຕັຮ ໄລ່ຮ ກວາຍ. ມານະ ເຢີງ ເຈົ້າຮາ ຊີ ແຕ້ ແຕ້ອ ຕັຮ ໄລ່ຮ ກວາຍ. ອັນ ຍັຮ ອີ ເບີນ ອໍາມາດ ຮາລີ ກະ ເຢີງ ເຈົ້າຮາຊີ ແຕ່, ເຈີ່ ອັນ ຕະ ອິນຕີ ນະກ້ອຍ."

8 ບ້ອງ ກ້ອຍ ແຕ້ ເຢຊູ ດັງ ໄລ່ ຄິ່ດ ນະກ້ອຍ ຕິ່ງ ຮາງິຮ ໄລ່. ອັນ ອາເບີຮ ໄລ່ ປາຍ: "ນານະ ແຕ ເຍົາ ຄິ່ດ ນະກ້ອຍ? 9 ປັຮນາຍ ອາແລະ ກາ ເຍົາ ຊ້ອງ ອຽນ ກາເລີຍ ເກົາ ອາຕີ ກວາຍ ລ່ອຍ ກ້ອຍ ປາຍ: 'ໄລ່ຮ ໄມ່ ເກົາ ຕັຮ ເຈີ່,' ແຕ້ລາ 'ໄມ່ ຢວຣ ຕາຍິ່ງ ເປາະ. ໄມ່ ເດີງ ອາເຈົ້າ ຈຸ່ງຈາງ ໄມ່.' 10 ມາ ຊານໍ ເກົາ ອີ ຕະ ໂອນ ກວາຍ ລ່ອຍ ໄມ່ ແກັດ ແບ ຣັຮ, ໂອນ ເຍົາ ດັງ ແຈງ ລາລີ່ ປາຍ ເກົາ ລາ ກອນ ເຢີງ ແກັດ ກວາຍ ເບີນ ອໍາມາດ ຕິ່ງ ກູແຕອ ໄມ່. ເກົາ ແຕ້ອ ຕັຮ ໄລ່ຮ ກວາຍ." ແວັດ ກ້ອຍ ເຢຊູ ອາຕີ ໂອນ ກວາຍ ລ່ອຍ ປາຍ: 11 "ເກົາ ໂອນ ໄມ່ ຢວຣ ຕາຍິ່ງ; ໄມ່ ໂດລ ອິດ ຈຸ່ງຈາງ ໄມ່, ເຈີ່ ໄມ່ ເຈົ້າ ລັຮ ປໍ ດຸງ."

12 ພໍກາ ກ້ອຍ ກວາຍ ລ່ອຍ ຢວຣ ຕາຍິ່ງ, ອັນ ອິດ ແຕ້ ຈຸ່ງຈາງ ອັນ, ເຈີ່ ອັນ ລ້ອຮ ແຕ ກວາຍ ກິ່ງ. ພໍກາ ມັຮ ກວາຍ ເຮີມ ຮານະ ກ້ອຍ, ໄລ່ ຊ້ອງ ງິ່ດ ລາລີ່, ກະ ໄລ່ ຢ່ອງ ເຢີງ ເຈົ້າຮາຊີ. ໄລ່ ປາຍ: "ໂຮ ຕາ ເກີຍ ເຮີມ ຮານະ ນະໄມ່."

ເຢຊູ ກູຣ໌ ເລວີ ເປາະ ກະ ອັນ  
(ມັດທາຍ 9:9-13; ລູກາ 5:27-32)

13 ແວັດ ກ້ອຍ ເຢຊູ ເປາະ ລັຮ ຊາ ຕາມ ປັຮ ແຕ້ອ ທາເລ ຮາປັງ ຄາລີເລ. ເບີນ ກວາຍ ກິ່ງ ລາ ລີ່ ແຕ້ອ ປໍ ອັນ, ເຈີ່ ອັນ ອາຕີ ໄລ່ ກ້ອຍ. 14 ພໍ ກາ ອັນ ເປາະ, ອັນ ເຮີມ ເລວີ ກອນ ຮາເລົາ ອາລະ ພາຍ ແອັດ ຕາກູ ຕະ ຮານະ ຕິ່ງ ດຸງ ເມົາ ຕາໂຣມ ອິດ ປຣະ ປາຊີ. ເຢຊູ ປາຍ ກະ ເລວີ ນະໄມ່: "ໂອນ ໄມ່ ເປາະ ອາລິ່ງ ເກົາ." ເຈີ່ ເລວີ ຢວຣ ຕາຍິ່ງ ເປາະ ກະ ອັນ.

15 ພໍກາ ເຢຊູ ເປາະ ຈາ ໂດຍ ຕິ່ງ ດຸງ ເລວີ, ເບີ ນ ກິ່ງ ກວາຍ ແອັດ ອິງກ້ອຍ ກາ ດຸ ຕາໂຣມ ອິດ ປຣະ ປາຊີ, ກະ ກວາຍ ການໍອ ກາ ຕາ ເບີນ ປວາຍ ຄານອດ ແຮີ ຈາ ອາລິ່ງ ເຢຊູ ກະ ມູ່ ກາ ຮຍານ ແຕ

ອັນ, ຍ່ອນ ໄລ່ ເປາະ ກະ ອັນ. 16 ເບີນ ກວາຍ ອາຕີ ຄານອດ ແຕ ຈຸ່ມ ພາຣີຊາຍ ເຮີມ ເຢຊູ ຈາ ໂດຍ ກະ ກວາຍ ຕາໂຣມ ອິດ ປຣະ ປາຊີ ກະ ກວາຍ ກາ ຕາ ເບີນ ເດີງ ຮິດ. ກວາຍ ອາຕີ ຄານອດ ອາເບີຣ ມູ່ ກາ ຣຍານ ແຕ ເຢຊູ ປາຍ: "ນານ່ະ ອັນ ກ້ອຍ ຈາ ກະ ກວາຍ ກາ ອິດ ປຣະ ປາຊີ ກະ ກວາຍ ໄລ່ ຍຣ ການ້ອ້ ແຮ້?"

17 ພໍກາ ເຢຊູ ຊ້ອງ ໄລ່ ກ້ອຍ ປາຍ ນະກ້ອຍ, ເຈີ້ ອັນ ອາຕີ ໄລ່ ປາຍ: "ກວາຍ ບັນ ເຮັງ ອໍ ຕາ ເບີນ ເປາະ ແຊຣ໌ ໂອນ ເມົ້າ ປົວ. ມາ ແອັງ ກວາຍ ອາອີ້ ຊ້ອງ ເປາະ ແຊຣ໌ ໂອນ ເມົ້າ ປົວ. ເກົ້າ ແຕ້ອ້ ປໍ ໄມ່ ເກົ້າ ຕາ ເບີນ ກູອ໌ ກວາຍ ກາ ຕານ້ອງ ອໍ. ມາ ເກົ້າ ກູອ໌ ກວາຍ ກາ ເບີນ ໄລ່ຍຣ."

ເຢຊູ ອາຕີ ແຕ ຮິດ ອົດ ຊ້ຽນາ  
(ມັດທາຍ 9:14-17; ລູກາ 5:33-39)

18 ມັຣ ມູ່ ກາ ຣຍານ ແຕ ໂຢຣັນ ກະ ມັຣ ກວາຍ ພາຣີຊາຍ, ໄລ່ ດູ ຮຽຮ ຕາໄງ ດໍອ໌ ຕະ ຮິດ ອົດ ຊ້ຽນາ.\* ເບີນ ກວາຍ ແຕ້ອ້ ອາເບີຣ ເຢຊູ ປາຍ: "ມູ່ ກາ ຣຍານ ແຕ ໂຢຣັນ ກະ ມູ່ ກາ ຣຍານ ແຕ ພາຣີຊາຍ ໄລ່ ເດີງ ຮິດ ອົດ ຊ້ຽນາ. ນານ່ະ ມູ່ ກາ ຣຍານ ແຕ ໄມ່ ຕາ ເບີນ ຕະ ນະ ໄລ່ ກ້ອຍ ເຕ່?"

19 ເຢຊູ ຕາແອີຍ ລັຣ ໄລ່ ປາຍ: "ບ້ອງ ກາ ປັຣ ລົວະ ແຈ່ະ ອີ ອິດ ລາກວຍ, ມັຣ ເຍົ້າ ກາ ແອັດ ກະ ອັນ ໄລ່ ຕາ ເຕ້ອ້ ອົດ ຊ້ຽນາ. 20 ມາ ພໍກາ ແຕ້ອ້ ຕາໄງ ປັຣລົວະ ກ້ອຍ ຕາ ເບີນ ແອັດ ນ້ອງ ກະ ເຍົ້າ ອັນ, ຕາໄງ ກ້ອຍ ໄລ່ ອີ ອົດ ຊ້ຽນາ ເຕ່.†

21 "ຕາ ເບີນ ກວາຍ ອາແລ່ະ ອິດ ອາຣັຣ ຕາ ໄມ ເຈີ້ ທາບ ໂຈະ ອາຢ້ອຣ ຕຍາ. ຄັນ ອາຣັຣ ຕາ ໄມ ກ້ອຍ ຣາຣັດ, ອັນ ອີ ຕະ ໂອນ ອາຢ້ອຣ ກ້ອຍ ຣາແຣຣ໌ ຕາວັຣ ອົງກວາ ຕຍາ ແອັນ. 22 ກະ ຕາ ເບີນ ກວາຍ ອາແລ່ະ ອິດ ບ້ອງ ຕາໄມ ມາ ຕຣອງ ໂຈະ ຕົງ ຕູຍ ອົງກັຣ ຕຍາ. ຄັນ ເມົ້າ ຕະ ນະກ້ອຍ, ບ້ອງ ຕາໄມ ອັນ ອີ ຕະ ໂອນ ຕູຍ ອົງກັຣ ຕຍາ ແກັດ ປັຣອາອ໌. ອົງເຄາະ ອິດ ບ້ອງ ຕາໄມ ໂຈະ ຕົງ ຕູຍ ອົງກັຣ ຕາໄມ."‡

ເຢຊູ ອາຕີ ແຕ ຮິດ ຕາໄງ ຣາລູ່  
(ມັດທາຍ 12:1-8; ລູກາ 6:1-5)

23 ຕົງ ຕາໄງ ຣາລູ່ ເຢຊູ ກະ ມູ່ ກາ ຣຍານ ແຕ ອັນ ຕາຢັຣ ພາ ອິນດີ ຕົງ ໄທຣ. ບ້ອງ ກາ ໄລ່ ຕາ

ຢັຣ ຕົງ ຣານາ ກ້ອຍ, ມູ່ ກາ ຣຍານ ແຕ ເຢຊູ ກິດ ອິດ ຣາກົງ ໂດຍ ອົງກຣິ ຈາ. 24 ຈຸ່ມ ພາຣີຊາຍ ປາຍ ໂຈະ ເຢຊູ: "ນານ່ະ ມູ່ ກາ ຣຍານ ແຕ ໄມ່ ຕາ ເບີນ ຊາງັດ ຄານອດ ກາ ຕາ ໂອນ ຕະ ຣານະ ຕົງ ຕາໄງ ຣາລູ່?"

25 ເຢຊູ ຕາແອີຍ ໄລ່ ປາຍ: "ເຍົ້າ ຕາ ເກັ້ຍ ອານ ບໍ ຣານະ ດາວິດ ກະ ຈຸ່ມ ອັນ ຕະ, ບ້ອງ ໄລ່ ມາ ເຍົ້າຍຣ ກະ ແອີ ໂດຍ? 26 ບ້ອງ ກ້ອຍ ອາປີອາທາ ແກັດ ອັນ ກາ ຕາລາ ອິນແຍ່ະ ແຕ ຮິດ ຊາງ ເຢົາ ເຈົ້າຣາຊີ. ດາວິດ ມູ່ດ ຕົງ ດຸງ ຊາງ ເຢົາ ເຈົ້າຣາຊີ. ອັນ ຈາ ໂດຍ ບຸຣ ກາ ກວາຍ ມ່ອບ ໂອນ ເຢົາ ເຈົ້າຣາຊີ, ກະ ອັນ ໂອນ ຈຸ່ມ ອັນ ຈາ ເຕ່. ຕາປູນ ຕາມ ຄານອດ ໄຣ ລາ ແອັງ ກວາຍ ຊາງ ຮິດ ຊ້ອງ ເຕ້ອ້ ຈາ ໂດຍ ບຸຣ ກ້ອຍ. ມາ ເຢົາ ເຈົ້າຣາຊີ ຕາ ເບີນ ຕີ ອັນ."

27 ເຢຊູ ອາຕີ ລັຣ ໄລ່ ປາຍ: "ເຢົາ ເຈົ້າຣາຊີ ຕາ ເບີນ ແຕງ ຕາໄງ ຣາລູ່ ມາ ໂອນ ກວາຍ ຢ້າມັບ ຕາໄງ ກ້ອຍ, ມາ ອັນ ແຕງ ຕາໄງ ຣາລູ່ ລາ ຢິອ໌ ອີ ຈ່ອຍ ກວາຍ. 28 ນະກ້ອຍ ເຕ່ ກອນ ເຢົາ ແກັດ ກວາຍ, ອັນ ອິນເຈົ້າ ຕາໄງ ຣາລູ່."

### 3

ມານະ ແກັດ ຣາກູ ອາຕີ  
(ມັດທາຍ 12:9-14; ລູກາ 6:6-11)

1 ແວັດ ກ້ອຍ ເຢຊູ ມູ່ດ ລັຣ ຕົງ ດຸງ ຊາງ ຈຸ່ມ ອິດຊະຣາເອລ. ຕົງ ດຸງ ຊາງ ກ້ອຍ ເບີນ ມານະ ຣາເລົ້າ ຣາກູ ອາຕີ. 2 ມາ ເບີນ ກວາຍ ກາ ແອັດ ອົງກ້ອຍ ຈ່ອມ ແນ່ ເຢຊູ, ອັນ ອີ ປົວ ກວາຍ ກ້ອຍ ຕົງ ຕາໄງ ຣາລູ່ ມາ ຕາ ເບີນ. ໄລ່ ຈ່ອ້ ຣານະ ໄລ່ຍຣ ແຕ ເຢຊູ ໂອນ ເຕ້ອ້ ໄລ່ ປ່ອງ ອັນ. 3 ເຢຊູ ປາຍ ໂຈະ ກວາຍ ກາ ຣາກູ ອາຕີ ກ້ອຍ: "ໄມ່ ຢວຣ ຕາ ຢິ່ງ ຢິ່ຣ ເມົ້າ ກວາຍ ກົງ ໄມ່."

4 ເຈີ້ ເຢຊູ ອາເບີຣ ໄລ່ ປາຍ: "ຕົງ ຕາໄງ ຣາລູ່, ຄານອດ ໄຣ ໂອນ ຕະ ນານ່ະ? ໄຣ ອີ ຕະ ອໍ ມາ ໄຣ ອີ ຕະ ຕາ ອໍ? ໄຣ ອີ ຈ່ອຍ ໂອນ ກວາຍ ອາມົງ, ມາ ໄຣ ອີ ກາຈິດ ກວາຍ?" ມາ ໄລ່ ແອັດ ຣາອຍານ ຊ້ອງ.

5 ເຢຊູ ກູລຽວ ແນ່ ປິ ໄລ່, ກະ ອັນ ຊ້ອງ ອົງຄິ້ນ. ອັນ ຊ້ອງ ຕຸ່ຣ ລາລີ້, ຍ່ອນ ຣາງັຣ ໄລ່ ຕາ ເບີນ ຊາງັດ. ເຢຊູ ອາຕີ ກວາຍ ກາ ຣາກູ ອາຕີ ປາຍ: "ໄມ່

\* 2:18 2:18 ໄລ່ ອົດ ຊ້ຽນາ ຢິອ໌ ອີ ຄິດ ແຕ ຣານະ ເຢົາ ເຈົ້າຣາຊີ. † 2:20 2:20 ຕົງ ປັຣນາຍ ໄມ່, ເຢຊູ ຊາກຳ ອັນ ລາ ນະ ອັນ ກາ ອີ ອິດ ລາກວຍ. ບ້ອງ ກາ ເຢຊູ ອິນນ້ອງ ແອັດ ກະ ມູ່ ກາ ຣຍານ ແຕ ອັນ, ໄລ່ ອິນນ້ອງ ຈາ. ມາ ພໍກາ ອັນ ຊ້ອຣ ປິ ມັນລ້ອງ, ໄລ່ ອົດ ຊ້ຽນາ ເຕ່ ຍ່ອນ ໄລ່ ຢິອ໌ ອີ ຄິດ ລັຣ ມັຣ ປັຣນາຍ ອັນ ອາຕີ ໄລ່. ‡ 2:22 2:22 ເຢຊູ ອາຕີ ປັຣນາຍ ໄມ່ ແຕ ອາຣັຣ ກະ ຕູຍ ອົງກັຣ ບ້ອງ ລາ ອັນ ຊາກຳ ຮິດ ຕຍາ ຕາ ເບີນ ຣາຕອຍ ກະ ປັຣນາຍ ຕາໄມ ອັນ ອາຕີ.

ອາລ້ອຣ ອາຕີ ໄມ່!" ພໍກາ ກວາຍ ກ້ອຍ ອາລ້ອຣ ອາຕີ ອັນ, ເຈີ້ ອາຕີ ອັນ ປຣາຍ ອໍ ລັຣ.

6 ຈຸ່ມ ພາຣີຊາຍ ລ້ອຣ ແຕ ດູງ ໂຣ່ມ ກ້ອຍ. ໄລ່ ເປາະ ຣາມັຣ ຈຸ່ມ ເຮໂຣດ, ເຈີ້ ໄລ່ ກ້ອຍ ຊັຣຮົງ ອີ ຕະ ນານະ ອີ ກາຈິດ ຕັຣ ເຢຊູ.

ກວາຍ ກຼິ່ງ ນະ ເປາະ ກະ ເຢຊູ

7-8 ເຢຊູ ເດີງ ມູ່ ກາ ຣຍານ ແຕ ອັນ ລ້ອຣ ເປາະ ອິມແປຣ ປິຣ ແດີ້ອ ຫາເລ ຣາປັງ ຄາລີເລ. ເບີນ ມັຣ ກອນແຊມ ກຼິ່ງ ນະ ແຕ ແຄງ ຄາລີເລ ກະ ແຄງ ຢູ່ດາຍ ຣາປວາຍ ເນ່ ເຢຊູ. ເບີນ ກວາຍ ແຕ້ອ ແຕ ເມືອງ ເຢຣູຊາເລັມ, ແຕ ກຣວາງ ອິດູມາຍ, ກະ ກຣວາງ ຍັຣ ອິນຕັຣ ຕາເລ່ ຈໍແດນ. ເບີນ ກວາຍ ແຕ ກຣວາງ ອິມແປຣ ເມືອງ ຕີເຣ ກະ ເມືອງ ຊີໂດນ ແຮີ. ໄລ່ ແຕ້ອ ປີ ເຢຊູ ຍ່ອນ ໄລ່ ຊ້ອງ ມັຣ ຣານະ ກາ ອັນ ຕະ. 9 ເຢຊູ ແປຣີ ມູ່ ກາ ຣຍານ ແຕ ອັນ ໂອນ ເປາະ ອິດ ຕົວະ ແກດ ແຕ້ອ ຮັບ ອັນ ກະ ຕາ ໂອນ ກວາຍ ກຼິ່ງ ກ້ອຍ ຣາເນັດ ຈະ ອັນ. 10 ກວາຍ ຕີ້ ອາອີ້ ອີ ເນັດ ຊາປະ ຈະ ອັນ ຍ່ອນ ເຢຊູ ປົວ ກຼິ່ງ ກວາຍ ກາ ຕີ້ ອາອີ້. 11 ພໍກາ ເຢິງ ຕາ ອໍ ເຮີມ ເຢຊູ, ໄລ່ ແດັມ ຍັຣ ເມີງ ເຢຊູ, ເຈີ້ ໄລ່ ປາຍ: "ໄມ່ ລາ ກອນ ເຢິງ ເຈົ້າຣາຊີ."

12 ມາ ເຢຊູ ປາຕັບ ເຢິງ ຕາ ອໍ ກ້ອຍ, ຕາ ໂອນ ໄລ່ ອາຕີ ໂອນ ກວາຍ ການໍ້ອ ດັງ ປາຍ ອັນ ລາ ກອນ ເຢິງ ເຈົ້າຣາຊີ.

ເຢຊູ ຮຽຮ ອິດ ມັນຈິດ ລາ ບາຣ ນະ ໂອນ ຣຍານ ແຕ ອັນ  
(ມັດທາຍ 10:1-4; ລູກາ 6:12-16)

13 ເຢຊູ ຊ້ອຣ ປີ ກັຣ, ເຈີ້ ອັນ ກູອ ອິດ ກວາຍ ກາ ອັນ ອີ ຮຽຮ ໂອນ ແຕ້ອ ປີ ອັນ. ເຈີ້ ໄລ່ ກ້ອຍ ແຕ້ອ ປີ ອັນ. 14 ອັນ ຮຽຮ ອິດ ມັນຈິດ ລາ ບາຣ ນະ, ກະ ອັນ ດໍອ ໄລ່ ກ້ອຍ ລາ ກວາຍ ກາ ອັນ ປາຈຸຣ ໂອນ ເປາະ ຕະ ຣານະ ອັນ. ເຢຊູ ອາຕີ ໄລ່ ປາຍ: "ເກົາ ຮຽຮ ອິດ ເຍົາ ໂອນ ແອັດ ອາລິ່ງ ເກົາ, ກະ ໂອນ ເຍົາ ເປາະ ອາຕີ ປັຣນາຍ ເຢິງ ເຈົ້າຣາຊີ." 15 ອັນ ໂອນ ມູ່ ກ້ອຍ ເບີນ ອໍານາດ ຕູ່ຍຣ ອາລ້ອຣ ເຢິງ ຕາ ອໍ ແຮີ. 16 ມັນຈິດ ລາ ບາຣ ນະ ກາ ເຢຊູ ຮຽຮ ເບີນ ຣາມັຣ ນະໄມ່: ຊີໂມນ ກາ ເຢຊູ ຈັຣ ຣາມັຣ ເປໂຕ, 17 ຢາໂກໂບ ກະ ໂຢຣັນ. ໂຢຣັນ ລາ ອາແອມ ຢາໂກໂບ. ໄລ່ ບາຣ ນະ ລາ

ກອນ ເຊເບດາຍ. ເຢຊູ ຈັຣ ຣາມັຣ ຕາໄມ ໂອນ ໄລ່ ບາຣ ນະ ກ້ອຍ ລາ ໂບອະເມເຄ, ຕະ ອິນຕີ ລັຣ ລາ 'ກອນ ກຣິມ.' 18 ອັນ ກູອ ອັນເດອາ, ພິລິບ, ບາຣໂທໂລມາຍ, ມັດທາຍ, ໂທມາ, ຢາໂກໂບ ກອນ ຣາເລົາ ອາລະພາຍ, ຫາດາຍ, ຊີໂມນ ເຊໂລເຕ,\* 19 ກະ ຢູ່ດາ ອິດຊະກາຣີອັດ, ອັນ ກາ ຈີ ໂອນ ເມົາ ກາຈິດ ເຢຊູ.

ເຢຊູ ກະ ເບເອລເຊບູລ  
(ມັດທາຍ 12:22-32; ລູກາ 11:14-23; 12:10)

20 ແວັດ ກ້ອຍ ເຢຊູ ເຈົ້າ ລັຣ ປີ ດູງ. ເຈີ້ ກຼິ່ງ ລາ ລີ້ ກວາຍ ເປາະ ໂຣ່ມ ລັຣ ປີ ເຢຊູ, ເຕົ້າ ກູທັດ ດູງ. ເຢຊູ ກະ ມູ່ ກາ ຣຍານ ແຕ ອັນ ຕາ ດັງ ເບີນ ຈາ ໂດຍ ນ້ອງ. 21 ພໍກາ ອິມເປັອ ກະ ອາແອມ ເຢຊູ ຊ້ອງ ແຕ ຣານະ ໄມ່, ໄລ່ ຍິອ ອີ ອາລ້ອຣ ເຢຊູ ແຕ ກວາຍ ກຼິ່ງ ກ້ອຍ, ຍ່ອນ ໄລ່ ຊ້ອງ ເມົາ ຕະ ອິນຕີ ປາຍ: "ອິງກັອຣ ອັນ ແກັດ ກວາຍ ຢຸຣ."

22 ເບີນ ຈຸ່ມ ກວາຍ ອາຕີ ຄານອດ ແຊງ ແຕ ເມືອງ ເຢຣູຊາເລັມ. ໄລ່ ປາຍ: "ກວາຍ ໄມ່ ເຢິງ ເບເອລເຊບູລ ຕຣວບ ອັນ ເຈີ້.† ກະ ອັນ ເຕ້ອ ຕູ່ຍຣ ອາລ້ອຣ ເຢິງ ຕາ ອໍ ຍ່ອນ ເຢິງ ກາ ຊົດ ອິນແຍ່ະ ເຢິງ ຕາ ອໍ ໂອນ ອັນ ເບີນ ອໍານາດ ຕູ່ຍຣ ອາລ້ອຣ ເຢິງ ກ້ອຍ."

23 ເຈີ້ ເຢຊູ ກູອ ກວາຍ ອາຕີ ຄານອດ ໂອນ ແຕ້ອ ປີ ອັນ. ອັນ ອາຕີ ໄລ່ ແຕ ປັຣນາຍ ຊາກຳ ປາຍ: "ເຢິງ ຊາຕານ ອີ ຕະ ຈຸ່ມ ອັນ ເບີມ ເບີນ ບໍ່? 24 ຄັນ ເບີນ ມວຍ ກຣວາງ ມາ ອິມແປຣ ແກັດ ຊາອີ້ຍ ຈຸ່ມ ມານະ ຣາຕະ ໂຈະ ມານະ, ເຈີ້ ກຣວາງ ກ້ອຍ ຕາ ເບີນ ແກັດ ນ້ອງ ກຣວາງ. 25 ຄັນ ກວາຍ ຕິ່ງ ດູງຊູ ມາ ມານະ ຣາຕະ ໂຈະ ມານະ, ເຈີ້ ດູງ ກ້ອຍ ລາ ຕາ ເບີນ ແກັດ ນ້ອງ ດູງ. 26 ຄັນ ເຢິງ ຊາຕານ ຣາຕະ ກະ ຈຸ່ມ ອັນ ເບີມ ກະ ຕະ ໂອນ ຈຸ່ມ ອັນ ຣາຕັຣ ອິນແຍ່ະ, ຕາ ເບີນ ແກັດ ຈຸ່ມ ນ້ອງ. ແກັດ ປິດ ອິນແຍ່ະ.

27 "ຕາ ເບີນ ອາແລະ ເຕ້ອ ມູ່ດ ປິນ ຕິ່ງ ດູງ ກວາຍ ບັນ ເຣ່ງ, ຄັນ ຕາ ເບີນ ຊັດ ດໍອ ກວາຍ ກ້ອຍ ອິນໂຢ່ງ. ອິງເຄາະ ຊັດ ດໍອ ກວາຍ ກ້ອຍ ເວົ້າ ແຕ ເຕ້ອ ມູ່ດ ປິນ ອິດ ເກຣັງ ຕິ່ງ ດູງ ອັນ.

28 "ເກົາ ອາຕີ ຕານ້ອງ ໂອນ ເຍົາ, ກູ່ ຣານະ ໄລ່ ຍຣ ກວາຍ ຕະ, ກະ ກູ່ ຣາມັຣ ກວາຍ ດູ ພາມາດ,

\* 3:18 3:18 ເຊໂລເຕ ຕະ ອິນຕີ ລັຣ ລາ ກວາຍ ກາ ອາໂຍະ ລາລີ້ ດູງ ກຣວາງ ເບີມ. ຊີໂມນ ອັນ ຕະ ຣານະ ໂອນ ຈຸ່ມ ກວາຍ ກາ ຍິອ ອີ ຊຳເບີນ ລັຣ ກຣວາງ ອິດຊະຣາເອລ ແຕ ກຣວາງ ໂຣມ, ລາ ຣາມັຣ ເຊໂລເຕ. † 3:22 3:22 ເມົາ ດໍອ ເຢິງ ກາ ຊົດ ເຢິງ ຕາ ອໍ ກ້ອຍ ລາ ຣາມັຣ ເຢິງ ເບເອລເຊບູລ.

ເຕ່ອ ເຢີງ ເຈົ້າຣາຊີ ຕັຣ ໂລ່ຍຣ ກ້ອຍ. 29 ມາ ຄັນ ກວາຍ ອາແລ່ະ ມາ ພາມາດ ຣາເວີຍ ເຢີງ ເຈົ້າຣາ ຊີ, ເຢີງ ເຈົ້າຣາຊີ ຕາ ເບີນ ຕັຣ ໂລ່ຍຣ ກ້ອຍ. ກະ ອັນ ເບີນ ໂລ່ຍຣ ເຕົ້າ ຊົດ ອິນແຍ່ະ ແດີຍ."

30 ເຢຊູ ອາຕີ ປາຍ ນະກ້ອຍ ລາ ຍ່ອນ ໄລ່ ກ້ອຍ ປາຍ: "ເບີນ ເຢີງ ຕາ ອໍ ຕຣວບ ອັນ."

ອິມເປ່ອ ກະ ອາແອມ ເຢຊູ  
(ມັດທາຍ 12:46-50; ລູກາ 8:19-21)

31 ເຈີ້ ອິມເປ່ອ ກະ ອາແອມ ເຢຊູ ໄລ່ ຕາຍັງ ຍັຣ ນໍ່ອ ດຸງ. ໄລ່ ແປຣີ ກວາຍ ເປາະ ກູອໍ ເຢຊູ. 32 ເບີ ນ ກວາຍ ກຼິ່ງ ລາລີ້ ຕາກູ ຮ່ອບ ເຢຊູ. ໄລ່ ກ້ອຍ ອາຕີ ປາຍ: "ອິມເປ່ອ ກະ ອາແອມ ໄມ່ ແອິດ ຍັຣ ນໍ່ອ. ໄລ່ ຍິ່ອ ອີ ຣາມັຣ ໄມ່."

33 ມາ ເຢຊູ ຕາແອີຍ ໄລ່ ປາຍ: "ເມົ້າ ແກິດ ອິມ ເປ່ອ ເກົ້າ ກະ ອາແອມ ເກົ້າ?"

34 ເຈີ້ ເຢຊູ ກູລຍານ ແມ່ ກວາຍ ກາ ຕາກູ ຮ່ອບ ອັນ. ເຢຊູ ອາຕີ ປາຍ: "ໄນ່ ລາ ອິມເປ່ອ ກະ ອາ ແອມ ເກົ້າ. 35 ອາແລ່ະ ລາ ໂທຍ ກາ ຊາງັດ ກະ ຕະ ປວາຍ ປັຣນາຍ ເຢີງ ເຈົ້າຣາຊີ, ໄລ່ ກ້ອຍ ລາ ແຊມອາຍ ແຊມແອີຍ ກະ ອິມເປ່ອ ເກົ້າ."

### 4

ປັຣນາຍ ຊາກໍາ ແຕ ກວາຍ ຕຣີຣ ກູປູອໍ  
(ມັດທາຍ 13:1-9; ລູກາ 8:4-8)

1 ເຢຊູ ຕາແບີ ອາຕີ ກວາຍ ຕື່ງ ອິມແປຣ ທາ ເລ ຣາປັ່ງ ຄາລີເລ. ກຼິ່ງ ລາລີ້ ກວາຍ ແຕ້ອ ປີ້ ອັນ. ເຢຊູ ຊ້ອຣ ຕາກູ ຕື່ງ ຕົວະ, ແອິດ ແຈ່ະ ປີ້ຣ ທາເລ. ເບີນ ຊາອິ້ຍ ນະ ກວາຍ ແອິດ ຊາງັດ ອິມແປຣ ປີ້ຣ ທາເລ ກ້ອຍ. 2 ເຢຊູ ອາຕີ ໄລ່ ກ້ອຍ ຊາອິ້ຍ ປັຣ ນາຍ ຊາກໍາ. ອັນ ອາຕີ ປາຍ: 3 "ໂອນ ເຍົາ ຊາ ງັດ ເວີຍ, ເບີນ ມານະ ກວາຍ ເປາະ ຕຣີຣ ກູປູອໍ.

4 ພໍກາ ອັນ ຕຣີຣ, ເບີນ ກູອງ ກາ ຊາແລັຣ ຕື່ງ ຣາ ມາ, ເຈີ້ ແຈມ ແຊງ ຕອດ ຈາ ກູອງ ກ້ອຍ. 5 ເບີນ ກູອງ ກາ ຊາແລັຣ ຕື່ງ ກູແຕອໍ ກາດາ, ປີ້ນ ກູແຕອໍ ເບີນ ແອີງ ຕາຕາຣ. ເຈີ້ ໄວ່ ລາລີ້ ກູອງ ກ້ອຍ ດັຣ, ຍ່ອນ ກູແຕອໍ ຕາ ເບີນ ອິນຕຣູ່. 6 ພໍກາ ມານງ ຈັຣ ພວາອໍ ແຣ່ງ ລາລີ້, ຊັຣນັຣ ກ້ອຍ ແກິດ ຣັອຣ, ຍ່ອນ ແຣ່ຣ ອັນ ຕາ ເບີນ ອິນຕຣູ່. ອັນ ຣັອຣ, ເຈີ້ ກູຈິດ. 7 ມາ ເບີນ ກູອງ ກາ ຊາແລັຣ ຕື່ງ ກູແຕອໍ ກາ ເບີນ ແຣ່ຣ ຊັຣເລົາ. ພໍກາ ຊັຣເລົາ ກ້ອຍ ປີ້ດ, ອັນ ຣີ້ ດໍອໍ ຊັຣນັຣ ກາ ຕາແບີ ດັຣ ແຕ ກູອງ ກວາ ຍ ກ້ອຍ ຕຣີຣ. ເຈີ້ ກັ່ລ ຊັຣນັຣ ກ້ອຍ ຕາ ແກິດ

ປາໄລ. 8 ເບີນ ມັຣ ກູອງ ກາ ຊາແລັຣ ຕື່ງ ກູແຕອໍ ອໍ; ກູອງ ກ້ອຍ ດັຣ ອໍ; ກັ່ລ ອັນ ແກິດ ປາໄລ ອໍ; ມວຍ ກູອງ, ອັນ ກາ ແກິດ ໄປ ຈິ່ດ ກູອງ, ອັນ ກາ ແກິດ ຕາປັດ ຈິ່ດ ກູອງ, ອັນ ກາ ແກິດ ມູ ຮ່ອຍ ກູອງ."

9 ເຢຊູ ປາຍ: "ອາແລ່ະ ກາ ເບີນ ກູຕູຣ, ໂອນ ອັນ ຊາງັດ ເບີມ."

ເຢຊູ ອາຕີ ແຕ ປັຣນາຍ ຊາກໍາ  
(ມັດທາຍ 13:10-17; ລູກາ 8:9-10)

10 ພໍກາ ເຢຊູ ແອິດ ມານະ ອັນ, ເຈີ້ ມວຍ ຈິ່ດ ລາ ບາຣ ນະ ກາ ຣຍານ ແຕ ອັນ, ກະ ມັຣ ກວາຍ ກາ ແອິດ ອິມແປຣ ອັນ, ໄລ່ ອາເປີຣ ແຕ ປັຣນາຍ ຊາກໍາ ກ້ອຍ. 11 ເຢຊູ ຕາແອີຍ ໄລ່ ປາຍ: "ເຢີງ ເຈົ້າຣາຊີ ໂອນ ເຍົາ ດັງ ແຈງ ເຈີ້, ເຢີງ ເຈົ້າຣາຊີ ຕະ ຊົດ ມັຣ ຣາງັຣ ກວາຍ. ມາ ກວາຍ ການໍ່ອ ເກົ້າ ອາ ຕີ ແຕ ປັຣນາຍ ຊາກໍາ ຊ້ອງ. 12 ເກົ້າ ຕະ ນະໄມ່: 'ໂອນ ໄລ່ ແມ່ ເລື້ອຍໆ, ມາ ໄລ່ ຕາ ເບີນ ເຮີມ;

ໄລ່ ຊາງັດ ເລື້ອຍໆ, ມາ ໄລ່ ຕາ ເບີນ ຊາປຸ່ຣ. ຄັນ ໄລ່ ເຮີມ ກະ ໄລ່ ຊາປຸ່ຣ,

ເຈີ້ ໄລ່ ເຈົ້າ ລັຣ ປີ້ ເຢີງ ເຈົ້າຣາຊີ,  
ເຈີ້ ເຢີງ ເຈົ້າຣາຊີ ຕັຣ ໂລ່ຍຣ ໂອນ ໄລ່."

ເຢຊູ ອາຕີ ລັຣ ປັຣນາຍ ຊາກໍາ ແຕ ກວາຍ ຕຣີຣ ກູປູອໍ

(ມັດທາຍ 13:18-23; ລູກາ 8:11-15)

13 ເຢຊູ ອາເປີຣ ໄລ່ ປາຍ: "ມູ່ ເຍົາ ຕາ ຢວາຣ ດັງ ປັຣນາຍ ຊາກໍາ ໄນ່ ບໍ? ນານະ ເຕ່ອ ເຍົາ ອີ ດັງ ປັຣນາຍ ຊາກໍາ ການໍ່ອ? 14 ກວາຍ ກາ ຕຣີຣ ກູປູອໍ ກ້ອຍ, ລາ ອັນ ກາ ຕຣີຣ ປັຣນາຍ ເຢີງ ເຈົ້າຣາຊີ. 15 ກູອງ ກາ ຊາແລັຣ ຕື່ງ ຣານາ, ລາ ກວາຍ ກາ ຊ້ອງ ປັຣນາຍ ເຢີງ ເຈົ້າຣາຊີ. ເຈີ້ ເຢີງ ຊາຕານ ເຮີດ ອິດ ອິນແຍ່ະ ປັຣນາຍ ໄລ່ ຊ້ອງ. 16 ກູອງ ກາ ຊາແລັຣ ອາແຊງ ຕື່ງ ກູແຕອໍ ກາດາ ເບີນ ຕາຕາຣ ປີ້ນ ກູແຕອໍ, ລາ ນະ ມູ່ ກາ ຊ້ອງ ປັຣ ນາຍ ເຢີງ ເຈົ້າຣາຊີ, ເຈີ້ ໄລ່ ຊ້ອງ ຣັອໍ ອິດ ດໍອໍ ອິນ ແຍ່ະ ຣາງັຣ. 17 ພໍກາ ແຕ້ອ ຕຸຣ ກັດ ກະ ເມົ້າ ໄຄອໍ ແຣ່ງ ຍ່ອນ ໄລ່ ຊາອໍ ເຢີງ ເຈົ້າຣາຊີ, ເຈີ້ ໄລ່ ຕັຣ ແຕ້, ຍ່ອນ ໄລ່ ແອີ ແຣ່ຣ ອິນຕຣູ່ ກະ ຕາ ເຮົາບ ອົດ ດູ່ນ. 18 ກູອງ ກາ ຊາແລັຣ ຕື່ງ ກູແຕອໍ ເບີນ ຊັຣ ເລົາ, ລາ ນະ ກວາຍ ກາ ຊ້ອງ ປັຣນາຍ ເຢີງ ເຈົ້າຣາ ຊີ, 19 ມາ ໄລ່ ອິນເນີມ ຄິດ ແຕ ຣາງັຣ ຕື່ງ ແດີຍ ໄນ່ ກະ ໄລ່ ຍິ່ອ ອີ ຊຸ ອີ ເບີນ. ຣາບູລ ໄລ່ ຄິດ ກູ່

ຮາມິ້ຮ ມັຮ ກາ ໄລ່ ອີ ເບີນ. ທາຣິ່ງ ກ້ອຍ ຣີ່ ດໍອໍ ປັຮນາຍ ເຢີງ ເຈົ້າຮາຊີ ກາ ໄລ່ ຊ້ອງ. ເຈີ່ ປັຮນາຍ ກ້ອຍ ຕາ ເບີນ ແກີດ ຫົາ ອິນເຕົ້າ. <sup>20</sup> ກູອງ ກາ ຊາແລັຮ ຕິ່ງ ກູແຕອໍ ອໍ ກ້ອຍ, ລາ ນະ ໄລ່ ກາ ຊ້ອງ ປັຮນາຍ ເຢີງ ເຈົ້າຮາຊີ ເຈີ່ ໄລ່ ຮັບ ອິດ ດໍອໍ, ເຈີ່ ອັນ ກາ ແກີດ ປາໄລ ໄປ ຈິ່ດ, ອັນ ກາ ແກີດ ປາໄລ ຕາປັດ ຈິ່ດ, ອັນ ກາ ແກີດ ປາໄລ ມູ ຮ່ອຍ."

ປັຮນາຍ ຊາກໍາ ແຕ ຕາກຍາງ  
(ລູກາ 8:6-18)

<sup>21</sup> ເຈີ່ ເຢຊູ ອາຕີ ປາຍ: "ຕາ ເບີນ ກວາຍ ອາ ແລະ ຕາກັດ ຕາກຍາງ ເຈີ່ ກຣວາອໍ ໂຈະ ກາເຣຍ ແຕີລາ ດໍອໍ ປັນ ກາເຈິ່ງ ບິ. ມາ ເມົ້າ ດໍອໍ ຕິ່ງ ໂຮ່ງ ຕາກຍາງ. <sup>22</sup> ກູ່ ຮາມິ້ຮ ກາ ກວາຍ ປາໂຕະ ດໍອໍ, ເຈີ່ ປິ ມົງ ແກີດ ອິມປັຮ ເຮີມ ອິນແຢະ; ປັຮນາຍ ອິນເຕົ້າ ກາ ແກຣະ, ເຈີ່ ປິ ມົງ ເມົ້າ ອາລ້ອຮ ໂອນ ດັງ ອິນແຢະ. <sup>23</sup> ອາແລະ ກາ ເບີນ ກູຕູຣ, ໂອນ ອັນ ຊາງັດ ເບີມ."

<sup>24</sup> ເຢຊູ ອາຕີ ໄລ່ ປາຍ: "ອິງເຄາະ ເຢົາ ຊາງັດ ໂອນ ອໍ ມັຮ ປັຮນາຍ ເຢົາ ຊ້ອງ. ມາແລະ ຊາອິ້ຍ ເຢົາ ຢໍອໍ ອິ ຊາງັດ ປັຮນາຍ ເຢີງ ເຈົ້າຮາຊີ, ເຢີງ ເຈົ້າຮາຊີ ໂອນ ເຢົາ ດັງ ລໍຮ ມາຮ ກ້ອຍ ແຕ່. ກະ ອັນ ໂອນ ຊາອິ້ຍ ກາເລີຍ ແຕ ຕຍາ ແອັນ. <sup>25</sup> ກວາ ຍ ອາແລະ ກາ ເບີນ ເຈີ່, ແຮງ ຫົາ ໂອນ ກວາຍ ກ້ອຍ ເບີນ ຊາອິ້ຍ ລາລີ້ ແອັນ, ມາ ກວາຍ ກາ ຕາ ເບີນ ເບີນ, ແຮງ ຫົາ ອິດ ລໍຮ ອິນແຢະ ແຕ ອັນ."

ປັຮນາຍ ຊາກໍາ ແຕ ກູປູອໍ ດັຮ  
(ມັດທາຍ 13:31-32, 34; ລູກາ 13:18-19)

<sup>26</sup> ເຢຊູ ອາຕີ ແອັນ ປາຍ: "ເຢີງ ເຈົ້າຮາຊີ ຕະ ຊົດ ຕິ່ງ ຮາງິຮ ກວາຍ ລາ ນະ ຮາເລົາ ກາ ຕຣິຮ ກູປູອໍ ຕິ່ງ ກູແຕອໍ. <sup>27</sup> ຮາເລົາ ກ້ອຍ ຊາເດົາ ອັນ ບິ, ຕາໄງ ອັນ ຕາແມີ. ເຈີ່ ກູປູອໍ ກ້ອຍ ດັຮ ແກີດ ປັດ ອາຊ້ອຮ, ມາ ອັນ ຕາ ເບີນ ດັງ ນານະ ກູປູອໍ ແກີດ ນະກ້ອຍ. <sup>28</sup> ຍ່ອນ ກູແຕອໍ ອາເມົາ ໂອນ ກູປູອໍ ດັຮ ອາຊ້ອຮ ອໍ, ເຈີ່ ແກີດ ກໍລ ອິນຍ່ອມ. ກໍລ ອິນຍ່ອມ ປາດ້ອຮ ອາລ້ອຮ ແກີດ ເວີງ. ເຈີ່ ກໍລ ກ້ອຍ ແກີດ ຮາກັງ ກະ ເບີນ ກູອງ ຈອງ ອໍ. <sup>29</sup> ພໍກາ ຊັຮມັຮ ຈິນ, ເຈີ່ ກວາຍ ກ້ອຍ ໂອນ ກວາ ຍ ທູແທ ຮີ ແຕ່, ຍ່ອນ ແຕ່ອໍ ປາແນ່ນ ຮີ ເຈີ່."

<sup>30</sup> ເຢຊູ ປາຍ: "ເຢີງ ເຈົ້າຮາຊີ ຕະ ຊົດ ຕິ່ງ ຮາງິຮ ກວາຍ ລາ ນະ ອິນເຕົ້າ? ນານະ ໄຮ ອີ ຊາ

ກໍາ ໂອນ ເມົ້າ ດັງ ແຕ ເຢີງ ເຈົ້າຮາຊີ ຕະ ຊົດ ຕິ່ງ ຮາງິຮ ກວາຍ? <sup>31</sup> ເຢີງ ເຈົ້າຮາຊີ ຕະ ຊົດ ລາ ນະ ມູ ກູອງ ປາກາດ ເມົ້າ ຕຣິຮ ຕິ່ງ ກູແຕອໍ. ກູອງ ກ້ອຍ ລາ ແກດ ກາເລີຍ ແຕ ກູອງ ການໍອໍ ຕິ່ງ ກຣ ວາງ ກູແຕອໍ ໄມ່. <sup>32</sup> ພໍກາ ຕຣິຮ ຕິ່ງ ກູແຕອໍ, ເຈີ່ ອັນ ດັຮ ອາຊ້ອຮ ປັດ ກາເລີຍ ບັດ ການໍອໍ, ກະ ອັນ ໄບອໍ ແກີດ ອິງເກົາອໍ ເຈີ່ ປົວ ແກີດ ອາແບງ ປັດ; ແຕ່ອໍ ແຈມ ຕະ ຊັຮ ຕິ່ງ ອາແບງ ກ້ອຍ."

<sup>33</sup> ເຢຊູ ອາຕີ ປັຮນາຍ ເຢີງ ເຈົ້າຮາຊີ ໂອນ ກວາຍ ແຕ ປັຮນາຍ ຊາກໍາ; ມາຮ ແລະ ໄລ່ ແຕ່ອໍ ຊາປຸຣ, ອັນ ອາຕີ ມາຮ ກ້ອຍ. <sup>34</sup> ເຢຊູ ອາຕີ ໂຈະ ກວາຍ ກິ່ງ ແອິງ ປັຮນາຍ ຊາກໍາ ຊ້ອງ, ແຕ ບັອງ ກາ ອັນ ແອິດ ກະ ມູ່ ກາ ຮຍານ ແຕ ອັນ, ອັນ ຕະ ອິນຕີ ລໍຮ ປັຮນາຍ ຊາກໍາ ໂອນ ໄລ່ ດັງ ອິນແຢະ ກູ່ ຮາມິ້ຮ.

ເຢຊູ ກາແອັຮ ກູຢາລ  
(ມັດທາຍ 8:23-27; ລູກາ 8:22-25)

<sup>35</sup> ແຕ່ອໍ ມານາງ ຕາປີ ຕາໄງ ກ້ອຍ, ເຢຊູ ອາຕີ ມູ່ ກາ ຮຍານ ແຕ ອັນ ປາຍ: "ໄຮ ໄກ້ອໍ ຢັຮ ອິນ ຕັຮ ທາລ ຮາປັງ ແອັນ."

<sup>36</sup> ເຈີ່ ໄລ່ ລ້ອຮ ແຕ ກວາຍ ກິ່ງ ຊ້ອຮ ຕິ່ງ ຕົວະ ກາ ເຢຊູ ແອິດ ເຈີ່. ໄລ່ ເດິງ ເຢຊູ ເປາະ. ກະ ເບີນ ຕົວະ ການໍອໍ ແຮີ ເປາະ ມູ ເປຣິຮ. <sup>37</sup> ແວັດ ກ້ອຍ ແກີດ ກູຢາລ ຮາປູອໍ ເຮ່ງ ອາຊ້ອຮ ຕະ ໂອນ ແດີອໍ ປ່ອງ ກັຮຊາຍ ອາມຸ່ດ ຕິ່ງ ຕົວະ. ຕົວະ ໄລ່ ແຈະ ອີ ລ້ອງ. <sup>38</sup> ເຢຊູ ອິນນ້ອງ ບິ ຕາໂກລ ຮາໂນລ ແອິດ ຍັຮ ເຕຣີຍ ຕົວະ. ມູ່ ກາ ຮຍານ ແຕ ເຢຊູ ແຕ່ອໍ ອາໄມ່ຮ ອັນ. ເຈີ່ ໄລ່ ປາຍ: "ອາງານ ເອີຍ! ໄມ່ ຕາ ເບີນ ຮາບູລ ບໍ, ໄຮ ແຈະ ອີ ກູຈິດ ເອີຍ?"

<sup>39</sup> ເຢຊູ ຢວຣ ຕາຍິ່ງ ກາແອັຮ ກູຢາລ, ກະ ອັນ ອາຕີ ແດີອໍ ປາຍ: "ແອິດ ອໍ! ໄມ່ ອິນໂຈຍ ປ່ອງ ນ້ອງ." ເຈີ່ ກູຢາລ ຕາງິດ ກະ ແດີອໍ ຕາ ເບີນ ຮາ ໄມ່ ນ້ອງ.

<sup>40</sup> ເຈີ່ ເຢຊູ ອາເບີຮ ມູ່ ກາ ຮຍານ ແຕ ອັນ ປາຍ: "ນານະ ເຢົາ ອິງກ້ອຮ? ເຢົາ ຕາ ຢວາຣ ຊາອໍ ບໍ?"

<sup>41</sup> ມາ ໄລ່ ຊ້ອງ ອິງກ້ອຮ ລາລີ້. ມານະ ອາເບີຮ ມານະ ປາຍ: "ກວາຍ ໄມ່ ລາ ເມົ້າ? ນານະ ແຕ ກູ ຢາລ ກະ ແດີອໍ ລາ ຊາງັດ ອັນ."

### 5

ເຢຊູ ປົວ ຮາເລົາ ກາ ເຢີງ ຕາ ອໍ ຕຣວບ  
(ມັດທາຍ 8:28-34; ລູກາ 8:26-39)



1 ແວ້ດ ກ້ອຍ ເຢຊູ ກະ ມູ່ ກາ ຮຍານ ແຕ ອັນ ໄລ່ ເປາະ ແຕ້ອ ປື້ຮ ອິນຕັ້ຣ ຫາເລ ຣາປັງ ຄາລີເລ ຕິ່ງ ແຄດ ເຄຣາຊາ. 2 ພໍກາ ເຢຊູ ແຊງ ແຕ ຕົວະ ກ້ອຍ, ເບິນ ຣາເລົາ ມານະ ກາ ເຢິງ ຕາ ອໍ ຕຣວບ; ອັນ ລ້ອຣ ແຕ ປິ່ງ ກູມູ່ຍິ ອີ ແຕ້ອ ປໍ ເຢຊູ. 3 ຣາ ເລົາ ໄມ່ ອັນ ແອິດ ຕິ່ງ ປິ່ງ ກູມູ່ຍິ. ຕາ ເບິນ ອາ ແລະ ເຕ້ອ ຊັດ ດໍອ ອັນ. ເມົາ ອິດ ອິນໄຊ ໂຊ ຊັດ ດໍອ ອັນ ລາ ຕາ ເບິນ ແອິດ. 4 ເມົາ ເກ້ຍ ຊັດ ອິນ ໄຊ ໂຊ ຕິ່ງ ອາເຢິງ ອາຕີ ອັນ. ຊາອິຍ ຕໍ່ ເຈ້ ມາ ອັນ ກູເມົາອິ ອິນໄຊ ໂຊ ຕາອັອຣ ກະ ຕາອິ ຕິ່ງ ອາ ເຢິງ ອັນ, ຕາແກ້ຣ ອິນແຍ່ະ ກູ່ ຕໍ່. ຍ່ອນ ອັນ ເຣ່ງ ລາລີ້ ຕາ ເບິນ ອາແລະ ເຕ້ອ ກູຣຍາອິ ດໍອ ອັນ. 5 ກາ ຕາໂງ ກາ ຊາເດົາ ອັນ ຕັນຕຽວ ແອິດ ຕິ່ງ ປິ່ງ ກູມູ່ຍິ ກະ ຕິ່ງ ກັຣ. ເຈ້ ອັນ ແຣຣ ກະ ອິດ ຕາເມົາ ໂຊດ ຈະ ອັນ ເບິນ. 6 ພໍກາ ອັນ ເຮິມ ເຢຊູ ແຕ ເຢິ ງາ ອັນ ຕາລຸ່ຣ ມູ່ດ ປໍ ເຢຊູ ກະ ອັນ ຄຣາບ ຍັຣ ເມິງ ເຢຊູ. 7 ເຈ້ ອັນ ແຣຣ ອິນແຍ່ະ ເຣ່ງ ປາຍ: "ເຢຊູ ກອນ ເຢິງ ເຈົາຣາຊີ ກາ ຊັດ ກາເລີຍ ອິນ ແຍ່ະ ແຕ ການໍອ ອິຍ, ອິນເຕົ້າ ໄມ່ ອີ ເບິນ ແຕ ເກົາ? ເກົາ ແຊອ ໂອນ ໄມ່ ລັບ ກະ ເຢິງ ເຈົາຣາຊີ ປາຍ ໄມ່ ຕາ ເບິນ ຕະ ຕຸ່ຣ ເກົາ."

8 ອັນ ປາຍ ນະໄມ່ ຍ່ອນ ອັນ ຊ້ອງ ເຢຊູ ອາຕີ ປາຍ: "ເຢິງ ຕາ ອໍ ອິຍ! ໄມ່ ລ້ອຣ ເດິຣ ແຕ ຈະ ກວາຍ ໄມ່."

9 ເຢຊູ ອາເປືຣ ອັນ ປາຍ: "ນານະ ຣາມິຣ ໄມ່?"

ອັນ ຕາເອີຍ ປາຍ: "ຣາມິຣ ເກົາ ລາ ກອງທັບ, ຍ່ອນ ຕິ່ງ ຈະ ເກົາ ເບິນ ເຢິງ ຕາ ອໍ ຕິ່ງ ລາລີ້."

10 ອັນ ແຊອ ເລືອຍໆ ແຕ ເຢຊູ ຕາ ໂອນ ຕູ່ຍຣ ອາລັອຣ ໄລ່ ແຕ ກຣວາງ ກ້ອຍ. 11 ແຈະ ກ້ອຍ ເບິນ ຈຸ່ມ ອາລັອຣ ຊາອິຍ ລາລີ້ ແອິດ ຈໍອ ຈາ ຕາມ ຊາຮິງ ກັຣ ກ້ອຍ. 12 ມັຣ ກາ ເຢິງ ຕາ ອໍ ກູກຸຣ ແຊອ ແຕ ເຢຊູ ປາຍ: "ໂອນ ຮິ ມູ່ດ ແອິດ ຕິ່ງ ຈຸ່ມ ອາລັອຣ ກ້ອຍ."

13 ເຢຊູ ໂອນ ໄລ່ ມູ່ດ. ເຈ້ ເຢິງ ຕາ ອໍ ລ້ອຣ ແຕ ກວາຍ ກ້ອຍ, ໄລ່ ມູ່ດ ຕິ່ງ ຈຸ່ມ ອາລັອຣ ແອັນ. ເຈ້ ອາລີ້ອິ ບາຣ ປັນ ລໍາ ກ້ອຍ, ຕາລຸ່ຣ ອາແຊງ ແຕ ຊາຮິງ ກັຣ ຕາຣວາລ ອາປັອງ ປໍ ແດິອິ ຫາເລ ຣາປັງ, ເຈ້ ກູຈິດ ອິນແຍ່ະ.

14 ກວາຍ ກາ ກຍາອິ ອາລີ້ອິ ຕາລຸ່ຣ ເປາະ ອາ ຕີ ຣາມິຣ ກາ ໄລ່ ເຮິມ ໂອນ ກວາຍ ຕິ່ງ ເມືອງ ກະ ກວາຍ ຍັຣ ນໍອ ເມືອງ ໂອນ ເມົາ ດັງ. ນະກ້ອຍ

ມັຣ ກາ ກອນແຊມ ເປາະ ຊາລີອິ ຣານະ ອິນເຕົ້າ ກາ ແກິດ. 15 ພໍກາ ໄລ່ ແຕ້ອ ປໍ ເຢຊູ ໄລ່ ເຮິມ ກວາຍ ກາ ແຕ ອິນໂຍ່ງ ເບິນ ເຢິງ ຕາ ອໍ ຕິ່ງ ລາ ລີ້ ຕຣວບ; ອັນ ໂຈະ ເກຣິ່ງ ກະ ອັນ ຕາກູ ແອິດ ອໍ. ອັນ ຕາ ເບິນ ຢຸ່ຣ ນໍອ. ເຈ້ ກວາຍ ຕິ່ງ ກ້ອຍ ໄລ່ ແກິດ ອິງກ້ອຣ. 16 ກວາຍ ກາ ເຮິມ ຣານະ ກາ ແກິດ ກະ ກວາຍ ກາ ເຢິງ ຕາ ອໍ ຕຣວບ ກະ ຈຸ່ມ ອາລີ້ອິ ກ້ອຍ, ໄລ່ ຕະ ອິນຕີ ຣານະ ກ້ອຍ ໂອນ ກວາຍ ການໍອ ດັງ.

17 ນະກ້ອຍ ໄລ່ ແຊອ ໂອນ ເຢຊູ ລ້ອຣ ແຕ ເມືອງ ໄລ່. 18 ພໍກາ ເຢຊູ ຊ້ອຣ ລັຣ ຕິ່ງ ຕົວະ, ກວາຍ ກາ ເຢິງ ຕາ ອໍ ຕຣວບ ແຊອິ ເປາະ ກະ ອັນ ເຕ່. 19 ເຢຊູ ຕາ ໂອນ ອັນ ເປາະ ອາລີ້ງ, ເຈ້ ອັນ ປາຍ: "ໄມ່ ເຈົາ ປໍ ດູງ ໄມ່, ເປາະ ຣາມິຣ ແຊມ ອາຍ ໄມ່. ເຈ້ ໄມ່ ຕະ ອິນຕີ ຣານະ ປິດ ກາ ເຢິງ ເຈົາຣາຊີ ຈ່ອຍ ໄມ່ ຍ່ອນ ອັນ ອາໂຍ່ະ ຕະ ໄມ່."

20 ເຈ້ ຣາເລົາ ກ້ອຍ ອັນ ເປາະ ອາຕີ ແຕ ຣານະ ເຢຊູ ຈ່ອຍ ອັນ ປໍ ເມືອງ ເດກາໂປລີ. ກະ ກວາຍ ກາ ຊ້ອງ ກ້ອຍ ແກິດ ງິດ ລາລີ້.

ກັຣແມນ ກາ ກູຈິດ ເຈ້ ກະ ມັນແຊມ ກາ ຊາຣີ (ມັດທາຍ 9:18-26; ລູກາ 8:40-56)

21 ເຢຊູ ຈິ່ຣ ຕົວະ ໄກ່ອິ ອິນຕັ້ຣ ຫາເລ ຣາປັງ. ພໍກາ ແຕ້ອ ປື້ຮ ເບິນ ກວາຍ ຕິ່ງ ລາລີ້ ແຕ້ອ ໂຣ່ມ ຈວບ ຈະ ອັນ. 22 ເບິນ ມານະ ກວາຍ ຣາເລົາ ຣາມິຣ ຢາອິໂຣ ກາ ຕາລາ ມວຍ ດູງ ຊາງ ກວາຍ ອິດຊະ ຣາເອລ ຕິ່ງ ກຣວາງ ກ້ອຍ. ພໍກາ ອັນ ເຮິມ ເຢຊູ, ອັນ ຄຣາບ ອາແຊງ ແຈະ ອາເຢິງ ເຢຊູ. 23 ອັນ ແຊອິ ກູກຸຣ ກູກວຍ ໂອນ ເຢຊູ ຈ່ອຍ, ເຈ້ ອັນ ປາຍ: "ກອນ ມັນແຊມ ເກົາ ອາອິ ຮັບ ລາລີ້. ແຊອິ ໄມ່ ເປາະ ຊາປະ ອາຕີ ໂຈະ ກອນ ເກົາ ແຮິ ໂອນ ອັນ ແບຣັຣ ອາມັງ ອໍ."

24 ເຢຊູ ເປາະ ກະ ຢາອິໂຣ. ກວາຍ ຕິ່ງ ລາລີ້ ເປາະ ອາລີ້ງ ເຢຊູ ເຕົ້າ ກູທັດ ຣາແມ່ດ ຈະ ເຢຊູ.

25 ຕິ່ງ ມັຣ ກາ ກວາຍ ກ້ອຍ ເບິນ ມັນແຊມ ມານະ ອັນ ອາອິ ແກິດ ຮີ ອິນແຍ່ະ ມັນຈິດ ລາ ບາຣ ກູມໍ ເຈ້. 26 ອັນ ເປາະ ຈໍອ ມໍ ປົວ. ປິດ ອິນ ແຍ່ະ ປຣະ ແຢງ ໂອນ ມໍ ກ້ອຍ, ມາ ອັນ ຕາ ເບິ ນ ປຣາຍ. ແຮງ ອັນ ແກິດ ອິງກວາ ຕຍາ ແອັນ. 27 ພໍກາ ອັນ ຊ້ອງ ຣານ ເມົາ ປາຍ ແຕ ເຢຊູ, ເຈ້ ອັນ ຕາຍັຣ ອາມູ່ດ ອິນຕຸ່ນ ກຣັອງ ເຢຊູ ມັນຕຸ ກະ ກວາຍ ຕິ່ງ. ອັນ ຊາປະ ອາຍັອຣ ເຢຊູ. 28 ອັນ

ຄິດ ຕັ້ງ ຮາງຶ່ຮ ປາຍ: "ຄັນ ເກົາ ຊາປະ ອາຍ້ອຣ ອັນ, ອາຣັງ ເກົາ ອີ ແບຣັຮ ແຕ້."

29 ພໍກາ ອັນ ຊາປະ ອາຍ້ອຣ ເຢຊູ, ອາອີ້ ລ້ອຣ ອາຮາມ ກ້ອຍ ແກັດ ແບຣັຮ ແຕ້. ອັນ ດັງ ຕັ້ງ ຈະ ອັນ ແບຣັຮ ເຈີ້. 30 ເຈີ້ ເຢຊູ ດັງ ອຳນາດ ລ້ອຣ ແຕ ຈະ ອັນ, ເຈີ້ ອັນ ກູເລີນ ແນ່ ປິ ກວາຍ ກຶ້ງ ກ້ອຍ, ກະ ອັນ ອາເບືອຣ ປາຍ: "ເນົ້າ ກາ ຊາປະ ອາ ຍ້ອຣ ເກົາ?"

31 ມູ່ ກາ ຣຍານ ແຕ ອັນ ຕາເອີຍ ປາຍ: "ໄມ່ ເຮີມ ເຈີ້ ກວາຍ ກຶ້ງ ລາລີ້ ແອັດ ຮາເມ່ດ ຈະ ໄມ່. ນາມະ ໄມ່ ອິນນ້ອງ ອາເບືອຣ ຮິ ປາຍ: 'ເນົ້າ ຊາປະ ອາຍ້ອຣ ເກົາ?'"

32 ມາ ເຢຊູ ອິນເນີມ ກູລຍານ ແນ່ ຮ່ອບ ອິນແຍ່ ະ ກວາຍ ອົງກ້ອຍ, ອັນ ອີ ຊາລີອ໌ ເນົ້າ ກາ ຊາປະ ອັນ. 33 ມັນແຊມ ກ້ອຍ ຊ້ອງ ອົງກ້ອຣ ກາໄກ່ຮ ລາລີ້, ຍ່ອນ ອັນ ດັງ ອິນເຕົ້າ ກາ ແກັດ ກະ ອັນ. ມັນແຊມ ກ້ອຍ ກູ່ ຣາໂກລ ອາແຊງ ຊຳປັຣ ເຢຊູ ເຈີ້ ອັນ ອາຕີ ຕານ້ອງ ໂອນ ເຢຊູ ຊາງັດ. 34 ເຢຊູ ອາຕີ ອັນ ປາຍ: "ອາມ໌ອ໌ ເອີຍ! ຍ່ອນ ໄມ່ ຊາອຳ, ອາອີ້ ໄມ່ ແກັດ ແບຣັຮ ເຈີ້. ໂອນ ໄມ່ ເຈົ້າ ອຽນ ອໍ; ໄມ່ ຕາ ເບີນ ຕຸຣ ນ້ອງ."

35 ບ້ອງ ກາ ເຢຊູ ອິນນ້ອງ ແອັດ ຕະ ອິນຕີ ກ້ອຍ, ເບີນ ກວາຍ ແຕ້ອ໌ ແຕ ດຸງ ຢາອີໂຣ ປາຍ ໂຈະ ຢາອີໂຣ ນະໄນ່: "ກອນ ມັນແຊມ ໄມ່ ກູຈິດ ເຈີ້. ໄມ່ ອິນໂຈຍ ປາຕຸຣ ອາຈານ ນ້ອງ."

36 ເຢຊູ ຕາ ເບີນ ຮາບູລ ອິນເຕົ້າ ແຕ ປັຣນາຍ ໄລ່ ຕະ ອິນຕີ. ເຢຊູ ອາຕີ ຢາອີໂຣ ປາຍ: "ອິນ ໂຈຍ ອົງກ້ອຣ. ໄມ່ ຊາອຳ ຊ້ອງ."

37 ເຢຊູ ໂອນ ແອັງ ເບໂຕ, ຢາໂກໂບ, ກະ ໂຢຣັນ ອາແອມ ຢາໂກໂບ ເປາະ ກະ ອັນ. ກວາຍ ການໍ້ອ໌ ອັນ ຕາ ເບີນ ໂອນ ເປາະ ອາລິ້ງ ອັນ. 38 ພໍກາ ໄລ່ ແຕ້ອ໌ ບໍ ດຸງ ຢາອີໂຣ, ເຢຊູ ເຮີມ ກວາຍ ກຶ້ງ ເຢີາມ ກູມູຍ໌ ເຣ່ງ ລາລີ້. 39 ເຢຊູ ມູ່ດ ຕັ້ງ ດຸງ. ເຈີ້ ອັນ ຕາເບີບ ປາຍ: "ອິນເຕົ້າ ເຢົາ ຕະ ອີກກະທໍ້ກ, ກະ ເຢົາ ເຢີາມ ຕະ ອິນເຕົ້າ? ກັຣແນນ ມັນແຊມ ໄມ່ ອັນ ຕາ ເບີນ ກູຈິດ; ອັນ ບິ ຊ້ອງ."

40 ອິນແຍ່ະ ນະ ກວາຍ ກາ ແອັດ ອົງກ້ອຍ ກັຣ ຈັງ ເຈົ້າດ ເຢຊູ. ເຈີ້ ເຢຊູ ຕຸຍຣ ອາລ້ອຣ ອິນແຍ່ ະ ນະ ໄລ່, ເຈີ້ ອັນ ໂອນ ແອັງ ອິມເປ້ອ໌ ອິມປໍ້ ກັຣ ແນນ ກະ ໄປ ນະ ມູ່ ກາ ຣຍານ ແຕ ອັນ ແຕ້ ມູ່ດ ຕັ້ງ ກູນົງ ກາ ກັຣແນນ ກ້ອຍ ບິ. 41 ເຢຊູ ໂກບ ອາ

ຕີ ກັຣແນນ ກ້ອຍ, ເຈີ້ ອັນ ປາຍ: "ອາມ໌ອ໌ ເອີຍ, ໄມ່ ຢວຣ!"

42 ມັນແຊມ ກ້ອຍ ຢວຣ ຕາຢັງ ແຕ້. ເຈີ້ ອັນ ຕາຢັຣ ເປາະ ອິມແປຣ ກ້ອຍ (ມັນແຊມ ກ້ອຍ ອາ ຍຸ່ ມັນຈິດ ລາ ບາຣ ກູມໍ). ເຈີ້ ຮາງຶ່ຮ ໄລ່ ກ້ອຍ ຊ້ອງ ງິດ ລາລີ້. 43 ເຢຊູ ປາຕັບ ດໍອ໌ ຕາ ເບີນ ໂອນ ໄລ່ ຕະ ອິນຕີ ຮານະ ໄມ່ ໂອນ ອາແລ່ະ ດັງ. ເຈີ້ ອັນ ປາຍ: "ເຢົາ ອິດ ຊັຣນາ ໂອນ ອາມ໌ອ໌ ໄມ່ ຈາ."

### 6

ເຢຊູ ເຈົ້າ ປໍ ວິລ ຕຍາ ອັນ  
(ມັດທາຍ 13:53-58; ລູກາ 4:16-30)

1 ເຢຊູ ລ້ອຣ ແຕ ກ້ອຍ ເຈີ້ ອັນ ເຈົ້າ ລັຣ ປໍ ວິ ລ ອັນ ເບີມ. ມູ່ ກາ ຣຍານ ແຕ ອັນ ລາ ເປາະ ກະ ອັນ ແຕ່. 2 ພໍກາ ແຕ້ອ໌ ຕາໂງ ຮາລູ່, ເຢຊູ ແອັດ ອາ ຕີ ຕັ້ງ ດຸງ ຊາງ. ເບີນ ກວາຍ ກຶ້ງ ລາລີ້ ແອັດ ອົງ ກ້ອຍ. ພໍກາ ໄລ່ ຊ້ອງ ປັຣນາຍ ເຢຊູ ອາຕີ, ໄລ່ ຊ້ອງ ງິດ ລາລີ້. ເຈີ້ ໄລ່ ມານະ ອາເບືອຣ ມານະ ປາຍ: "ປັຣນາຍ ອັນ ອາຕີ ໄມ່ ແຕ້ອ໌ ແຕ ແລ່ະ? ແຕ ແລ່ ະ ອັນ ຮາໂງ່ອ໌ ຮາລິ້ ລາລີ້ ໄມ່? ແຕ້ອ໌ ອັນ ຕະ ຮາ ນະ ຕາ ເກີ້ຍ ເຮີມ.

3 "ເມ່ນ ອັນ ໄມ່ ບໍ ກວາຍ ເຈົ້າ ຕະ ອາລ່ອງ? ອັນ ໄມ່ ບໍ ກອນ ມາຣີ, ອາຍ ຢາໂກໂບ, ໂຢເຊັບ, ຢູດາ, ກະ ຊີໂມນ? ມັຣ ອາແອມ ມັນແຊມ ອັນ ແອັດ ຕັ້ງ ວິລ ໄຣ ໄມ່ ແຕ່ ເມ່ນ ບໍ?" ໄລ່ ພາມາດ ເຢຊູ. 4 ເຈີ້ ເຢຊູ ອາຕີ ໂຈະ ໄລ່ ປາຍ: "ກວາຍ ກາ ອາຕີ ຕາງ ປັຣນາຍ ເຢີາງ ເຈົ້າຮາຊີ, ມັຣ ກວາຍ ແຕ ວິລ ການໍ້ອ໌ ຢາມັບ ອັນ, ມາ ກວາຍ ຕັ້ງ ວິລ ອັນ ເບີມ, ກະ ມັຣ ແຊມອາຍ ຕັ້ງ ດຸງຊູ ອັນ ເບີມ, ໄລ່ ຕາ ເບີນ ຢາມັບ ອັນ."

5 ຍ່ອນ ນະກ້ອຍ ເຢຊູ ຕາ ແຕ້ອ໌ ຕະ ຊາອີ້ຍ ຮາ ນະ ຕາ ເກີ້ຍ ເຮີມ ຕັ້ງ ວິລ ອັນ. ອັນ ຊາປະ ອາ ຕີ ຕັ້ງ ກວາຍ ອາອີ້ ບຍາອ໌ ນະ ຊ້ອງ, ຕະ ໂອນ ໄລ່ ແບຣັຮ. 6 ເຢຊູ ຊ້ອງ ງິດ ຕັ້ງ ຮາງຶ່ຮ ອັນ, ຍ່ອນ ມັຣ ກວາຍ ຕັ້ງ ວິລ ອັນ ຕາ ເບີນ ຊາອຳ ອັນ. ເຈີ້ ເຢຊູ ເປາະ ອາຕີ ກູ່ ວິລ ອິມແປຣ ກຣວາງ ກ້ອຍ.

ເຢຊູ ແປຣີ ມູ່ ກາ ຣຍານ ແຕ ອັນ ມັນຈິດ ລາ ບາຣ ນະ  
(ມັດທາຍ 10:5-15; ລູກາ 9:1-6)

7 ເຢຊູ ແປຣີ ມັນຈິດ ລາ ບາຣ ນະ ມູ່ ກາ ຣຍານ ແຕ ອັນ ໂອນ ເປາະ ແກັດ ກູ່. ເຢຊູ ໂອນ ໄລ່ ເບີ ນ ອຳນາດ ແຕ້ອ໌ ຕຸຍຣ ເຢີາງ ຕາ ອໍ. 8 ເຈີ້ ອັນ ອາ

ຕີ ໄລ່ ປາຍ: "ອິນໂຈຍ ເດີງ ອິນເຕົ້າ ຕຶ້ງ ຈະ ເຍົາ, ອິນໂຈຍ ເດີງ ໂດຍ ຮາແວ້ຮ, ອິນໂຈຍ ເດີງ ຕູຍ, ອິນໂຈຍ ເດີງ ປຣະ ໂຈະ ຕຶ້ງ ບອບ, ມາ ໂອນ ເຍົາ ເດີງ ແອັງ ຮາແລັງ ຊ້ອງ. 9 ໂອນ ເຍົາ ແຊັບ ແກັບ, ມາ ເຍົາ ອິນໂຈຍ ເດີງ ອາຍ້ອນ ບາຣ ປູ້ຮ."

10 ເຢຊູ ອາຕີ ໄລ່ ປາຍ: "ດຸງ ອາແລະ ກາ ຮັບ ເຍົາ, ໂອນ ເຍົາ ແອັດ ດຸງ ອາກ້ອຍ ເຕົ້າ ແຕ້ອ້ ເຍົາ ລ້ອຣ ແຕ ວິລ ກ້ອຍ. 11 ຄັນ ວິລ ອາແລະ ກາ ຕາ ເບີນ ຮັບ ກະ ຕາ ເບີນ ຊາງັດ ປັຣນາຍ ເຍົາ, ພໍກາ ເຍົາ ລ້ອຣ ແຕ ວິລ ກ້ອຍ, ໂອນ ເຍົາ ກັນ ຕຣິຣ ພຸ່ນ ກູແຕອ້ ແຕ ອາເຍີງ ເຍົາ ຕະ ໂອນ ເມົາ ດັງ ປາຍ ວິລ ກ້ອຍ ລາ ຕາ ເບີນ ຮັບ ເຍົາ."

12 ເຈີ້ ມູ່ ກາ ຣຍານ ແຕ ເຢຊູ ໄລ່ ລ້ອຣ ເປາະ ອາຕີ ໂອນ ກວາຍ ຕັຣ ຮາງິຣ ຕຍາ ອິດ ຮາງິຣ ຕາ ໄມ. 13 ໄລ່ ຕຸ່ຍຣ ອາລ້ອຣ ເຢີງ ຕາ ອໍ ແຕ ຈະ ກວາຍ, ກະ ໄລ່ ອາເຕົາ ອິນຊິ່ງ ຕະ ຣິດ ຕຶ້ງ ຈະ ກວາຍ ອາອິ່ ໂອນ ແກັດ ແບຣັຣ.

ເຮໂຣດ ອາຕີ ໂອນ ກ້ອຣ ຕາກອງ ໂຢຣັນ ອັນ ກາ ຕະ ຣິດ ຕຶ້ງ ແດັອ້  
(ມັດທາຍ 14:1-12; ລູກາ 9:7-9)

14 ເຮໂຣດ ແກັດ ຊົດ ຕຶ້ງ ແຄງ ຄາລິເລ. ອັນ ຊ້ອງ ດ້ອຣ ເດີນ ປັຣນາຍ ແຕ ເຢຊູ ປູ້ຮ ກຣວາງ ກ້ອຍ. ເບີນ ກວາຍ ປາຍ: "ໂຢຣັນ ກາ ຕະ ຣິດ ຕຶ້ງ ແດັອ້ ໄມ່ຍຣ ລັຣ ເຈີ້. ຍ່ອນ ນະກ້ອຍ ອັນ ເບີ ນ ອຳນາດ ແຕ່ອ້ ຕະ ຣານະ ຕາ ເກີຍ ເຮີມ."

15 ເບີ ນ ອັນ ກາ ປາຍ: "ອັນ ກ້ອຍ ລາ ເອລິຢາ." ເບີນ ອັນ ກາ ປາຍ: "ອັນ ໄມ່ ລາ ກວາ ຍ ກາ ອາຕີ ຕາງ ປັຣນາຍ ເຢີງ ເຈົ້າຮາຊິ, ມູເຈີງ ນະ ໄລ່ ກາ ອາຕີ ຕາງ ປັຣນາຍ ເຢີງ ເຈົ້າຮາຊິ ແຕ ອິນໂຍ່ງ."

16 ພໍກາ ເຕົາວ ປັຣເຍົາ ເຮໂຣດ ຊ້ອງ ນະກ້ອຍ ເຈີ້ ອັນ ປາຍ: "ແມ່ນ ໂຢຣັນ ກາ ໄຮ ກ້ອຣ ຕາກອງ ກ້ອຍ ໄມ່ຍຣ ລັຣ." 17 ແຕ ອິນໂຍ່ງ ກ້ອຍ ເຮໂຣດ ແປຣີ ໂອນ ເມົາ ໂກບ ໂຢຣັນ ຊົດ ກະ ໂຈະ ດໍອ້ ຕຶ້ງ ກໍ່ ອູ້. ເຮໂຣດ ຕະ ນະກ້ອຍ ຍ່ອນ ເຮໂຣດ ກາ ອັນ ອິດ ຕະ ລາກວຍ. ແຕ ອິນໂຍ່ງ ເຮໂຣດ ແກັດ ລາກວຍ ພິລິບ ອາແອມ ເຮໂຣດ. 18 ໂຢຣັນ ອາຕີ ເຮໂຣດ ປາຍ: "ໄມ່ ຕະ ນະໄມ່ ຕາ ໂກຣ; ໄມ່ ອິດ ກູມັນ ໄມ່ ເບີມ ຕະ ລາກວຍ."

19-20 ນະກ້ອຍ ເຮໂຣດ ຊ້ອງ ອວານ ໂຢຣັນ, ກະ ອີ ກາຈິດ ອັນ. ມາ ອັນ ຕາ ແຕ່ອ້ ກາຈິດ ຍ່ອນ ເຮໂຣດ ກູຣຍາອ້ ດໍອ້ ໂຢຣັນ. ເຮໂຣດ ຍົ້າ ກະ ອີງ ກ້ອຣ ໂຢຣັນ ຍ່ອນ ອັນ ດັງ ໂຢຣັນ ລາ ກວາຍ ອໍ ກະ ກວາຍ ຕານ້ອງ. ພໍກາ ເຮໂຣດ ຊາງັດ ໂຢຣັນ

ຕະ ອິນຕີ, ອັນ ແກັດ ຕຸ່ຣ ຕຶ້ງ ຮາງິຣ. ມາ ອັນ ອິນ ມ້ອງ ຍໍອ້ ອີ ຊາງັດ ປັຣນາຍ ໂຢຣັນ ຕະ ອິນຕີ.

21 ເຈີ້ ແຕ້ອ້ ຕາໄງ ເຮໂຣດ ເບີນ ຮານາ ອີ ກາ ຈິດ ໂຢຣັນ ລາ ນະໄມ່: ຕຶ້ງ ຕາໄງ ກ້ອຍ ເມົາ ຈາ ຮໍອ້ ຊາແຍີ ຕາໄງ ເຕົາວ ປັຣເຍົາ ເຮໂຣດ ແກັດ. ອັນ ການີ້ຍ ມັຣ ກວາຍ ກາ ຊົດ ປັນ ອັນ, ມັຣ ກາ ເນົາຍ ຕາຮານ, ກະ ກວາຍ ປິດ ອິນແຍະ ນະ ຕຶ້ງ ແຄງ ຄາລິເລ ໂອນ ແຕ້ອ້ ຈາ. 22 ພໍກາ ກອນ ກູໂມຣ ເຮໂຣດ ແຕ້ອ້ ມູ່ດ ອິມປ່ອນ, ອັນ ຕະ ໂອນ ເຮໂຣດ ກະ ຕາມອຍ ໂກຣ ຮາງິຣ. ເຈີ້ ເຮໂຣດ ປາຍ ໂຈະ ມັນແຊມ ກ້ອຍ: "ອິນເຕົ້າ ໄມ່ ອີ ເບີນ ໂອນ ໄມ່ ແຊອ. ອິນເຕົ້າ ໄມ່ ແຊອ ເກົາ ອີ ໂອນ ອາກ້ອຍ."

23 ເຕົາວ ປັຣເຍົາ ອິນນ້ອງ ລັບ ປາຍ: "ເກົາ ອີ ໂອນ ໄມ່ ກູ່ ຮາມິຣ ກາ ໄມ່ ແຊອ. ກາ ກຣວາງ ກູແຕອ້ ເກົາ ຕາລາ, ເກົາ ອີ ອິມແປອ້ ຕາຕີ່ ໂອນ ໄມ່."

24 ເຈີ້ ກູໂມຣ ກ້ອຍ ອັນ ເປາະ ອາເບຼິຣ ອິມເປອ້ ອັນ: "ອິນເຕົ້າ ໄມ່ ໂອນ ເກົາ ແຊອ?"

ອິມເປອ້ ອັນ ປາຍ: "ໂອນ ໄມ່ ແຊອ ແປຼີ ໂຢຣັນ ກາ ຕະ ຣິດ ຕຶ້ງ ແດັອ້."

25 ເຈີ້ ອັນ ຕາລຸ່ຣ ເປາະ ອາຕີ ເຮໂຣດ ປາຍ: "ເກົາ ແຊອ ແປຼີ ໂຢຣັນ ອັນ ກາ ຕະ ຣິດ ຕຶ້ງ ແດັອ້ ກ້ອຍ, ໂຈະ ຕຶ້ງ ກູໂຕອ້ ຊານໍ່ ໄມ່ ແຕ້."

26 ຮານະ ໄມ່ ຕະ ໂອນ ເຕົາວ ປັຣເຍົາ ເຮໂຣດ ຊ້ອງ ຕຸ່ຣ ຮາງິຣ ລາລີ. ອັນ ຕາ ເບີນ ອີ ໂອນ ໂຢຣັນ ປິ່ ໄລ່, ມາ ອັນ ຮັບ ແບອ ເຈີ້ ຍິ່ຣ ເມີງ ຕາ ມອຍ ຊາອິ່ຍ ນະ. 27 ເຈີ້ ເຮໂຣດ ແປຣີ ຕາຮານ ໂອນ ເປາະ ອິດ ແປຼີ ໂຢຣັນ. ຕາຮານ ກ້ອຍ ເປາະ ປິ່ ກໍ່ອ້ ເຈີ້ ກ້ອຣ ຕາກອງ ໂຢຣັນ. 28 ເຈີ້ ອັນ ອິດ ແປຼີ ໂຢຣັນ ໂຈະ ຕຶ້ງ ກູໂຕອ້ ແຕ້ອ້ ມ່ອບ ໂອນ ມັນແຊມ ກ້ອຍ. ເຈີ້ ມັນແຊມ ກ້ອຍ ມ່ອບ ໂອນ ອິມເປອ້ ອັນ ແອັນ. 29 ພໍກາ ມູ່ ກາ ຣຍານ ແຕ ໂຢຣັນ ໄລ່ ຊ້ອງ ຮານ ນະກ້ອຍ, ເຈີ້ ໄລ່ ເປາະ ອິດ ຈະ ໂຢຣັນ ເດີງ ແຕີບ.

ເຢຊູ ແຈມ ກວາຍ ເຊີງ ປັນ ນະ  
(ມັດທາຍ 14:13-21; ລູກາ 9:10-17; ໂຢຣັນ 6:1-14)

30 ມູ່ ກາ ຣຍານ ແຕ ເຢຊູ ເຈົ້າ ລັຣ ປິ່ ອັນ. ເຈີ້ ໄລ່ ອາຕີ ໂອນ ເຢຊູ ດັງ ກູ່ ຮາມິຣ ກາ ໄລ່ ຕະ ກະ ກູ່ ຮາມິຣ ໄລ່ ອາຕີ. 31 ເຈີ້ ເຢຊູ ປາຍ: "ໄຮ ເປາະ ຈໍ່ ອິນຕຸ ຮາງຍາອ້ ໂອນ ເຍົາ ຮາລູ່ ບຍາອ້." ຍ່ອນ

ກວາຍ ກຼິ່ງ ລາລີ້ ຕັນຕຽວ ຕະ ໂອນ ເຢຊູ ກະ ມູ່ ກາ ຮຍານ ແຕ ອັນ ຕາ ເຕ່ອ ຈາ ໂດຍ.

32 ເຈີ ເຢຊູ ກະ ມູ່ ກາ ຮຍານ ແຕ ອັນ ໄລ່ ຈິ່ຮ ຕົວະ ອີ ເປາະ ປີ ອິນຕຸ ຮາງຍາອ໌ ອໍ. 33 ມາ ກຼິ່ງ ກວາຍ ເຮີມ ເຢຊູ ກະ ມູ່ ກາ ຮຍານ ແຕ ອັນ ໄກ່ອ໌ ເປາະ ປີ ອິນຕຸ ຕາ ເບີນ ເມົາ ແອັດ. ເຈີ ກວາຍ ກຼິ່ງ ແຕ ຊາອິ້ຍ ວີລ ກ້ອຍ ໄລ່ ຕາລຸ່ຮ ລັດ ຮານາ ກົຮ ເຈີ ໄລ່ ແຕ້ອ໌ ປີ ກ້ອຍ ອິນໂຍ່ງ ເຢຊູ. 34 ພໍກາ ເຢຊູ ແຊງ ແຕ ຕົວະ, ອັນ ເຮີມ ກວາຍ ກຼິ່ງ ກ້ອຍ ແຕ້ອ໌ ອິນໂຍ່ງ, ເຈີ ໄລ່ ຫຣາະ ອັນ. ເຢຊູ ຄິດ ອາໂຍ່ະ ຕະ ໄລ່, ຍ່ອນ ໄລ່ ແກັດ ນະ ຈຸ່ມ ແກະ ກາ ຕາ ເບີນ ກວາຍ ກຍາອ໌. ເຈີ ເຢຊູ ອາຕີ ໂອນ ໄລ່ ດັງ ຊາອິ້ຍ ຮາມິ່ຮ. 35 ພໍກາ ມານາງ ຕາປີ ເຈີ, ມູ່ ກາ ຮຍານ ແຕ້ອ໌ ປີ ເຢຊູ, ເຈີ ໄລ່ ປາຍ: "ມານາງ ຕາປີ ເຈີ. ອິນຕຸ ໄນ່ ລາ ອິນຕຸ ຮາງຍາອ໌. 36 ແຊອ໌ ອາຈານ ອາຕີ ມັຮ ກວາຍ ກຼິ່ງ ກ້ອຍ ເຈົ້າ ແຈັງ ໂດຍ ຮາແວ້ຮ ຈາ ຕິ່ງ ມັຮ ກາ ດຸງ ວີລ ອິມແປຣ ໄນ່."

37 ເຢຊູ ຕາແອັຍ ໄລ່ ປາຍ: "ເຍົາ ແຕ່ ຈໍອ໌ ໂດຍ ຮາແວ້ຮ ໂອນ ໄລ່ ຈາ."

ມູ່ ກາ ຮຍານ ແຕ ເຢຊູ ຕາແອັຍ ປາຍ: "ໄນ່ ໂອນ ຮິ ເປາະ ແຈັງ ໂດຍ ຮາແວ້ຮ ອິນແຍ່ະ ບາຣ ຮ່ອຍ ກຸອງ ປຣະ ອານາມ ໄນ່ ບໍ?"\*

38 ເຢຊູ ອາເບີຣ໌ ໄລ່ ປາຍ: "ເຍົາ ເບີນ ໂດຍ ບຸຣ ອິນຊີ ລໍາ? ເປາະ ຊາລິອ໌ ແມະ."

ໄລ່ ເປາະ ຈໍອ໌, ເຈີ ໄລ່ ອາຕີ ປາຍ: "ເບີນ ເຊັງ ລໍາ ໂດຍ ບຸຣ, ກະ ບາຣ ລໍາ ອາກາ."

39 ເຢຊູ ອາຕີ ມູ່ ກາ ຮຍານ ແຕ ອັນ ປາຍ: "ເຍົາ ໂອນ ໄລ່ ແອັດ ແກັດ ຈຸ່ມ ຕາກູ ແອັດ ຕິ່ງ ບັດ."

40 ນະກ້ອຍ ໄລ່ ຕາກູ ແກັດ ຊາອິ້ຍ ຈຸ່ມ, ມູ ຈຸ່ມ ມວຍ ຮ່ອຍ ນະ, ມູ ຈຸ່ມ ເຊັງ ຈິດ ນະ. 41 ເຈີ ເຢຊູ ອິດ ໂດຍ ບຸຣ ເຊັງ ລໍາ ກະ ອາກາ ບາຣ ລໍາ. ອັນ ຕາເງິອ໌ ອາຊ້ອຣ ປີ ມັນລ້ອງ ຊາແອັນ ເຢັງ ເຈົ້າຮາ ຊີ, ເຈີ ອັນ ປີຣ ໂດຍ ບຸຣ ອາແວັຍ ໂອນ ປີ ມູ່ ກາ ຮຍານ ແຕ ອັນ, ໂອນ ໄລ່ ເປາະ ອິມແປອ໌ ໂອນ ມັຮ ກວາຍ ກຼິ່ງ ກ້ອຍ. ເຢຊູ ອິມແປອ໌ ອາກາ ບາຣ ລໍາ ໂອນ ກວາຍ ເບີນ ຈາ ກູ່ ນະ. 42 ອິນແຍ່ະ ມັຮ ກວາຍ ກ້ອຍ ຈາ ປາໄຊ ກູ່ ນະ. 43 ແວັດ ໄລ່ ຈາ ມູ່ ກາ ຮຍານ ແຕ ເຢຊູ ປາໂຣມ ລັຮ ມັຮ ກາ ໂດຍ ບຸຣ ກະ ອາກາ ກາ ແກ້ຍ ໄລ່ ຈາ, ເບີນ ມັນຈິດ ລາ ບາຣ ກາແຣຍ. 44 ກວາຍ ຮາເລົາ ກາ ຈາ ອີງກ້ອຍ ເບີນ ເຊັງ ປັນ ນະ.

ເຢຊູ ຕາຢິຣ ແປັງ ກຮ້ອງ ແດັອ໌ ທາເລ ຮາປັງ (ມັດທາຍ 14:22-33; ໂຢຮັນ 6:15-21)

45 ເຈີ ເຢຊູ ໂອນ ມູ່ ກາ ຮຍານ ແຕ ອັນ ຊ້ອຣ ຕິ່ງ ຕົວະ ກະ ເປາະ ອິນໂຍ່ງ ອັນ ປີ ອິນຕັຮ ແດັອ໌ ທາເລ ຮາປັງ ປີ ເມືອງ ເບັດຊາອິດາ. ເຢຊູ ອາຕີ ໂອນ ກວາຍ ກຼິ່ງ ກ້ອຍ ເຈົ້າ ລັຮ ປີ ດຸງ ໄລ່. 46 ແວັດ ກວາຍ ກຼິ່ງ ເຈົ້າ ເຈີ, ເຢຊູ ຊ້ອຣ ປີ ກົຮ, ອັນ ອີ ເກົາ ແຊອ໌ ມານະ ອັນ. 47 ພໍກາ ມານາງ ຕາປີ ເຈີ, ຕົວະ ມູ່ ກາ ຮຍານ ແຕ ເຢຊູ ແອັດ ອິນຕີ ແດັອ໌ ທາເລ ຮາປັງ. ມາ ເຢຊູ ອິນນ້ອງ ແອັດ ຕິ່ງ ປີຣ; ອັນ ຕາ ຢວາຣ ເປາະ. 48 ເຢຊູ ເຮີມ ມູ່ ກາ ຮຍານ ແຕ ອັນ ເປົາຍ ຕົວະ ຮາມຸ່ຮ ລາລີ້ ຍ່ອນ ເບີນ ກູຢາລ ເຣ່ງ ກຸ່ຮ ແປັ ຕົວະ. ພໍກາ ກຣວາງ ແຈ່ ອີ ປັງ ເຢຊູ ຕາ ຢິຣ ແປັງ ກຮ້ອງ ແດັອ໌ ເປາະ ປີ ມູ່ ກາ ຮຍານ ແຕ ອັນ. ເຢຊູ ຕາຢິຣ ນະ ອີ ເປັຍ ໄລ່. 49 ພໍກາ ມູ່ ກາ ຮຍານ ແຕ ເຢຊູ ເຮີມ ອັນ ຕາຢິຣ ແປັງ ກຮ້ອງ ແດັອ໌, ໄລ່ ຄິດ ປາຍ ກູມຸຍ໌. ເຈີ ໄລ່ ແຮຣ ເຣ່ງ ລາ ລີ້. 50 ກູ່ ນະ ໄລ່ ເຮີມ ອິນແຍ່ະ, ກະ ໄລ່ ຊ້ອງ ອີງ ກ້ອຣ ລາລີ້. ເຈີ ເຢຊູ ອາຕີ ໂຈະ ໄລ່ ປາຍ: "ໂອນ ຮາງິຣ໌ ເຍົາ ແອັດ ອຽມ ອໍ. ໄນ່ ລາ ຈະ ເກົາ. ເຍົາ ອິນໂຈຍ ອີງກ້ອຣ ອິນເຕົ້າ."

51 ເຈີ ເຢຊູ ຊ້ອຣ ຕິ່ງ ຕົວະ ເປາະ ກະ ໄລ່. ເຈີ ກູຢາລ ລາ ຕາງິດ ເຕ່. ມູ່ ກາ ຮຍານ ແຕ ອັນ ຊ້ອງ ງິດ ລາລີ້ ຕິ່ງ ຮາງິຣ໌ ໄລ່, 52 ຍ່ອນ ໄລ່ ອິນເນີມ ຕາ ເບີນ ດັງ ເຢຊູ ຕະ ອິນເຕົ້າ ບັອງ ກາ ອັນ ປີຣ ອິມ ແປອ໌ ໂດຍ ບຸຣ, ຍ່ອນ ຮາງິຣ໌ ໄລ່ ກ້ອງ ລາລີ້.

ເຢຊູ ປົວ ກວາຍ ຕິ່ງ ເມືອງ ເຄັນເນຊາເຣັດ (ມັດທາຍ 14:34-36)

53 ພໍກາ ໄລ່ ເປາະ ໄກ່ອ໌ ປີຣ ອິນຕັຮ ເຈີ, ໄລ່ ດໍອ໌ ຕົວະ ຕິ່ງ ອິນຕຣິ ນ ແດັອ໌ ເມືອງ ເຄັນເນຊາເຣັດ. 54 ພໍກາ ໄລ່ ແຊງ ແຕ ຕົວະ, ມັຮ ກວາຍ ອີງກ້ອຍ ໄລ່ ຊາກັລ ແຕ່ ເຢຊູ. 55 ໄລ່ ຕາ ລຸ່ຮ ເປາະ ອາຕີ ມັຮ ກາ ກວາຍ ຕິ່ ອາອິ້ ອິມແປຣ ກ້ອຍ, ເຈີ ໄລ່ ອິດ ກວາຍ ຕິ່ ອາອິ້ ກຣາງ ເດີງ ປີ ເຢຊູ. 56 ກູ່ ອິນຕຸ ກາ ເຢຊູ ເປາະ ຕິ່ງ ວີລ, ຕິ່ງ ເມືອງ, ແຕ່ລາ ອິນຕຸ ການໍອ໌ ແຮ້, ກອນແຊມ ໄລ່ ເດີງ ກວາຍ ຕິ່ ອາອິ້ ຊາຣີ້ ຊາກໍ ດໍອ໌ ລຍາບ ຕາ ລາດ, ຕິ່ງ ຊັງອາຣ ວີລ. ມູ່ ກາ ເດີງ ມັຮ ກວາຍ ຕິ່ ອາອິ້ ກ້ອຍ, ໄລ່ ແຊອ໌ ແຕ ເຢຊູ ໂອນ ກວາຍ

\* 6:37 6:37 ບາຣ ຮ່ອຍ ປຣະ ໄນ່ ລາ ມັຮ ເກົາ ກວາຍ ຕະ ຮານະ ບາຣ ຮ່ອຍ ຕາເງິ.

ຕໍ່ ອາອິ້ ຊາປະ ເປັນ ອາຍ້ອນ ຕໍ່ ເຢຊູ. ກູ່ ນະ ກາ ເປັນ ຊາປະ ເປັນ ອາຍ້ອນ ເຢຊູ ລາ ແກ້ດ ແບຣັຮ ອິນແຍ່ະ.

### 7

ປັນນາຍ ອາຕີ ແຕ ຮິດ ອິມແບີ  
(ມັດທາຍ 15:1-9)

1 ມັຮ ກາ ກວາຍ ພາຣີຊາຍ ກະ ມັຮ ກວາຍ ອາ ຕີ ຄານອດ, ໄລ່ ແຕ້ອ້ ແຕ ເມືອງ ເຢຣູຊາເລັມ ກະ ໂຮ່ມ ຮ່ອບ ຈະ ເຢຊູ. 2 ໄລ່ ຈ່ອມ ຊາລີອ້ ເຮີມ ມູ່ ກາ ຣຍານ ແຕ ເຢຊູ ຈາ ໂດຍ ຕາ ເປັນ ກູໂຊຍ໌ ອາ ຕີ ຕາປູ່ນ ຮິດ. 3 ມັຮ ກວາຍ ພາຣີຊາຍ ກະ ກວາ ຍ ອິດຊະຣາເອລ ກູ່ ນະ ກາ ຊາງັດ ປັນນາຍ ອາ ຈ ວາຍຮ ອາເຈ່ຮ ອາຕີ ດໍອ້, ຄັນ ຕາ ເປັນ ກູໂຊຍ໌ ອາ ຕີ ຕາປູ່ນ ຮິດ ລາ ຕາ ເປັນ ເຕ່ອ້ ຈາ ໂດຍ. 4 ມັຮ ທຣື່ງ ຊຮຸນາ ໄລ່ ແຈັງ ແຕ ຕາລາດ ຄັນ ໄລ່ ຕາ ເປີ ນ ອາເຮົາວ ຕະ ຕາປູ່ນ ຮິດ ລາ ໄລ່ ຕາ ເຕ່ອ້ ຈາ, ກະ ໄລ່ ເດີງ ຮິດ ຊາອີ້ຍ ຣາມິ້ຮ, ມວຍ ລາ ຮິດ ອາ ເຮົາວ ອາແດັຮ ຕາງານ ແຮີ. 5 ນະກ້ອຍ ກວາຍ ພາ ຣີຊາຍ ກະ ກວາຍ ອາຕີ ຄານອດ ໄລ່ ອາເບັຮ ເຢຊູ ປາຍ: "ນານະ ແຕ ມູ່ ກາ ຣຍານ ແຕ ໄມ່ ຕາ ເປີນ ຕະ ຕາປູ່ນ ຮິດ ກາ ອາຈວາຍຮ ອາເຈ່ຮ ອາຕີ ດໍອ້ ແຕ ອິມແບີ? ມາ ໄລ່ ຈາ ຕາ ເປີນ ກູໂຊຍ໌ ອາຕີ ຕາ ປູ່ນ ຮິດ?"

6 ເຢຊູ ຕາແອີຍ ໄລ່ ປາຍ: "ເອຊາຢາ ກາ ຕະ ອິນຕີ ຕາງ ປັນນາຍ ເຢືາງ ເຈົ້າຣາຊີ ຕະ ອິນຕີ ໄກຮ ແຕ ເຍົາ. ເຍົາ ລາ ກວາຍ ມາມ ອໍ ມາ ຣາງິຮ ໄກະ, ນະ ອັນ ຄຽນ ດໍອ້ ປາຍ:

'ມັຮ ກວາຍ ໄນ່ ຢ້ານັບ ເກົາ ແອັງ ແບອ໌ ຊ້ອງ,

ມາ ຣາງິຮ ໄລ່ ແອັດ ເຢັງ ແຕ ເກົາ.

7 ກະ ໄລ່ ຊາງ ເລືອຍໆ ເກົາ ມາ ຕາ ເປີນ ແກ້ດ ເກົາ ອິນເຕົາ,

ຍ່ອນ ໄລ່ ອາຕີ ປັນນາຍ ກວາຍ, ມາ ຢໍອ໌ ອີ ໂອນ ເມົາ ການໍອ໌ ຄິດ ປາຍ ປັນນາຍ ເຢືາງ ເຈົ້າຣາຊີ.'

8 ມູ່ ເຍົາ ຕັຮ ຄານອດ ກາ ເຢືາງ ເຈົ້າຣາຊີ ອາຕີ ດໍອ້, ເຈີ້ ເຍົາ ຊາງັດ ປັນນາຍ ກາ ກວາຍ ອາຕີ ດໍອ້ ແອັມ."

9 ເຈີ້ ເຢຊູ ອາຕີ ແອັມ ປາຍ: "ເຍົາ ຣາງິອ໌ ລາ ລໍ້ ອີ ຕັຮ ປັນນາຍ ປາຕັບ ແຕ ເຢືາງ ເຈົ້າຣາຊີ, ກະ ເຍົາ ຕະ ຕາປູ່ນ ຮິດ ເຍົາ ເບີມ. 10 ໂມເຊ ອາຕີ ປາຍ:

'ອິງເຄາະ ເຍົາ ຢ້ານັບ ອິມເປອ໌ ອິມປໍ້ ເຍົາ,' ກະ ອັນ ປາຍ 'ກວາຍ ອາແລະ ກາ ພາມາດ ອິມເປ

ອ໌ ອິມປໍ້, ກວາຍ ກ້ອຍ ອິງເຄາະ ຈີວ ກູ ຈິດ.'

11 ມາ ມູ່ ເຍົາ ອາຕີ ປາຍ: 'ຄັນ ກວາຍ ອາແລະ ມາ ເປີນ ທຣື່ງ ກາ ອັນ ເຕ່ອ້ ຈ່ອຍ ອິມເປອ໌ ອິມປໍ້ ອັນ, ມາ ອັນ ປາຍ ທຣື່ງ ກ້ອຍ ອັນ ເອີອ໌ ອີ ຊາງ ໂອນ ເຢືາງ ເຈົ້າຣາຊີ ເຈີ້, 12 ນະກ້ອຍ ອັນ ຕາ ເປີນ ຕຸ່ຮ ຈ່ອຍ ນ້ອງ ອິມເປອ໌ ອິມປໍ້ ອັນ.' 13 ນະກ້ອຍ ເຍົາ ອິດ ຮິດ ອາຈວາຍຮ ອາເຈ່ຮ ເຍົາ ເບີມ ເຕ່ນ ປັນນາຍ ເຢືາງ ເຈົ້າຣາຊີ. ກະ ຊາອີ້ຍ ຣາມິ້ຮ ການໍ ອ໌ ເຍົາ ດ ຕະ ນະກ້ອຍ ເຕ່."

ຣານະ ກາ ຕະ ໂອນ ກວາຍ ໄລ່ຍຮ  
(ມັດທາຍ 15:10-20)

14 ເຢຊູ ກູອ໌ ຊາ ມັຮ ກອນແຊມ, ກະ ອາຕີ ໄລ່ ປາຍ: "ໂອນ ເຍົາ ຊາງັດ ກຣັກ ປັນນາຍ ເກົາ ອີ ອາຕີ ໂອນ ເຍົາ. 15 ກູ່ ຣາມິ້ຮ ມັຮ ກາ ກວາຍ ຈາ ຕາ ເປີນ ຕະ ໂອນ ກວາຍ ແກ້ດ ໄລ່ຍຮ. ມາ ມັຮ ຣາມິ້ຮ ຕາ ອໍ ກາ ລ້ອຮ ແຕ ຣາງິຮ ກວາຍ ຕະ ໂອນ ກວາຍ ແກ້ດ ຕາ ເປີນ ອໍ. 16 (ອາແລະ ກາ ເປີນ ກູຕູຮ, ໂອນ ອັນ ຊາງັດ ເບີມ.)

17 ພໍກາ ເຢຊູ ຣາຕັຮ ແຕ ກວາຍ ກື່ງ ກ້ອຍ, ເຈີ້ ອັນ ມູ່ດ ຕິ່ງ ດຸງ. ມູ່ ກາ ຣຍານ ແຕ ອັນ ຕາແບີບ ອັນ ແຕ ປັນນາຍ ກ້ອຍ. 18 ເຢຊູ ຕາແອີຍ ໄລ່ ປາຍ: "ນານະ ເຍົາ ອິນນ້ອງ ຕາ ເປີນ ດັງ? ເຍົາ ຕາ ຢວາຮ ຊາປຸ່ຮ ກູ່ ຣາມິ້ຮ ມັຮ ກາ ກວາຍ ຈາ ຕາ ເປີນ ຕະ ໂອນ ກວາຍ ແກ້ດ ໄລ່ຍຮ, 19 ຍ່ອນ ກູ່ ຣາມິ້ຮ ກ້ອຍ ຕາ ເປີນ ມູ່ດ ຕິ່ງ ຣາງິຮ, ມາ ອັນ ມູ່ດ ຕິ່ງ ປຸ່ງ; ເຈີ້ ໄຮ ເປາະ ອິມປຸ່ງ ຕັຮ." (ເຢຊູ ປາຍ ປັນນາຍ ໄນ່ ອາຕີ ໂອນ ດັງ ຊຮຸນາ ກູ່ ຣາມິ້ຮ ລາ ຈາ ເປີນ ອິນແຍ່ະ.)

20 ເຈີ້ ເຢຊູ ຕະ ອິນຕີ ປາຍ: "ມັຮ ຣາມິ້ຮ ຕາ ອໍ ກາ ລ້ອຮ ແຕ ຣາງິຮ ກວາຍ ກ້ອຍ, ກາ ຕະ ໂອນ ກວາຍ ແກ້ດ ຕາ ເປີນ ອໍ. 21 ມັຮ ຣາມິ້ຮ ຕາມມັຮ ກ້ອຍ ລາ ນະໄມ່: ເປີນ ມັນແຊມ ຣາເລົາ ຕະ ໄລ່ ຍຮ, ຕູຕວຍ໌, ກາຈິດ ກວາຍ, ປັຮລີ້ຍ ລາກວຍ ເມົາ ແຕີລາ ກາຢາອ໌ ເມົາ, 22 ກຸມປູ່ຮ ທຣື່ງ ເມົາ, ຕະ ຕາ ອໍ ໂຈະ ເຍົາ, ອາໂລກ ເຍົາ, ຕະ ຣານະ ກູ ມາລ, ຊັຮແມງ ເຍົາ, ຕາແມີຍຮ ເຍົາ, ຍ່ອງ ຈະ ເປີ ມ, ຕະ ຣານະ ຊາກູລ. 23 ອິນແຍ່ະ ມັຮ ຣາມິ້ຮ ໄນ່ ລ້ອຮ ແຕ ຣາງິຮ ກວາຍ ກະ ຕະ ໂອນ ກວາຍ ແກ້ດ ໄລ່ຍຮ."

ມັນແຊມ ມານະ ຊາອໍ ລາລີ້  
(ມັດທາຍ 15:21-28)

24 ເຢຊູ ລ້ອຣ ແຕ ກ້ອຍ, ເຈົ້ ອັນ ເປາະ ປິ ມືອງ ຕີເຣ. ເຢຊູ ມູ່ດ ປິ ມວຍ ດຸງ ຕິ່ງ ມືອງ ກ້ອຍ ມາ ຕາ ເບີນ ໂອນ ເມົ້າ ດັງ ປາຍ ອັນ ແອິດ ອົງກ້ອຍ, ມາ ເຢຊູ ຕາ ເຕ່ອ້ ໂຕ່ະ. 25 ຕິ່ງ ມືອງ ກ້ອຍ ເບີນ ມັນແຊມ ມານະ ກາ ເຢືາງ ຕາ ອໍ ຕຣວບ ກອນ ກູໂມຣ ອັນ. ພໍກາ ອັນ ຊ້ອງ ປາຍ ເຢຊູ ແຕ້ອ້, ເຈົ້ ອັນ ເປາະ ປິ ເຢຊູ ກະ ອັນ ຄຣາບ ອາ ແຊງ ຢັຣ ມືາງ ເຢຊູ. 26 ມັນແຊມ ກ້ອຍ ລາ ກວາ ຍ ກຣີກ; ອັນ ແກິດ ຕິ່ງ ແຄງ ໂພນີເຊຍ ແຄງ ຊີເຣຍ. ອັນ ແຊອ້ ກູກຸຣ ກູກວຍ ແຕ ເຢຊູ ໂອນ ຕູຍຣ ອາລ້ອຣ ເຢືາງ ຕາ ອໍ ແຕ ຈະ ກອນ ກູໂມຣ ອັນ. 27 ເຈົ້ ເຢຊູ ຕາແອິຍ ປາຍ: "ໂອນ ມັຣ ກາ ກັຣແນນ ຈາ ປາໄຊ ເວົ້າຍ. ຕາ ເບີນ ປຍາຍ໌ ຄັນ ອິດ ຊັຣນາ ກັຣແນນ ຊາດຸຣ ໂອນ ອາຈໍ."

28 ມັນແຊມ ກ້ອຍ ຕາແອິຍ ປາຍ: "ເມ່ນ ເຈົ້! ມາ ອາຈໍ ກາ ແອິດ ປື້ນ ກາເຈິ່ງ ອິນເນັມ ເບີນ ຈາ ມັຣ ກາ ອົງກັຣ ກັຣແນນ ຕັຣ."

29 ເຈົ້ ເຢຊູ ອາຕີ ໂຈະ ອັນ ປາຍ: "ຍ່ອນ ປັຣ ນາຍ ໄມ່ ຕະ ອິນຕີ ນະກ້ອຍ, ເຕ່ອ້ ໄມ່ ເຈົ້າ ເຈົ້. ເຢືາງ ຕາ ອໍ ລ້ອຣ ເຈົ້ ແຕ ຈະ ກອນ ໄມ່."

30 ພໍກາ ມັນແຊມ ກ້ອຍ ເຈົ້າ ແຕ້ອ້ ດຸງ, ອັນ ເຮີມ ກອນ ກູໂມຣ ອັນ ແອິດ ຕິ່ງ ກາເຈິ່ງ, ກະ ເຢືາງ ຕາ ອໍ ລ້ອຣ ເຈົ້ ແຕ ຈະ ກອນ ອັນ.

ເຢຊູ ປົວ ກວາຍ ຕຸ່ງ ກູຕູຣ ກະ ເກີອ້  
 31 ພໍກາ ເຢຊູ ລ້ອຣ ແຕ ມືອງ ຕີເຣ ເປາະ ຊາລັຣ ຣານາ ມືອງ ຊີໂດນ, ເຈົ້ ອັນ ເປາະ ປິ ມືອງ ເດກາໂປລີ ແຈະ ແຕ້ອ້ ທາເລ ຣາປັງ ຄາລີເລ. 32 ເບີນ ກວາຍ ເດິງ ມານະ ຣາເລົາ ກາ ຕຸ່ງ ກູຕູຣ ແບອ້ ເກີອ້ ແຕ້ອ້ ປິ ເຢຊູ ກະ ໄລ່ ແຊອ້ ໂອນ ເຢຊູ ຊາປະ ອາຕີ ຕິ່ງ ຈະ ອັນ. 33 ເຢຊູ ເດິງ ກວາຍ ກາ ຕຸ່ງ ກູຕູຣ ກະ ແບອ້ ເກີອ້ ກ້ອຍ ລ້ອຣ ແຕ ກວາ ຍ ກື່ງ, ເຈົ້ ອັນ ອິດ ກັລດອຍ ອາຕີ ບາຣ ກັຣ ເຈົ້ ຈວາຍ໌ ກູຕູຣ ກວາຍ ກ້ອຍ. ອັນ ກູຈັຣ ໂຈະ ຕິ່ງ ອາຕີ ອັນ ເຈົ້ ອັນ ອາແຕັດ ໂຈະ ເລົ້າຍຣ ກວາຍ ກ້ອຍ. 34 ເຢຊູ ຕາເງິອ້ ອາຊ້ອຣ ປິ ມັນລ້ອງ, ເຈົ້ ອັນ ຊາງັຣ ກະ ອາຕີ ປາຍ: "ເອພາທາ!" ປັຣນາຍ ໄມ່ ອາຕີ ລັຣ ປາຍ: "ໂອນ ເປັຣ ອາລ້ອຣ!"

35 ເຈົ້ ກູຕູຣ ກວາຍ ຕຸ່ງ ກ້ອຍ ເຕ່ອ້ ຊ້ອງ, ກະ ເລົ້າຍຣ ອັນ ແກິດ ລາເມ່ນ ອໍ, ເຕ່ອ້ ຕະ ອິນຕີ. 36 ເຢຊູ ອາຕີ ມັຣ ກອນແຊມ ປາຍ: "ອິນໂຈຍ ອາຕີ ໂອນ ອາແລະ ດັງ ຣານະ ໄມ່." ເຢຊູ ປາຕັບ

ຊາອິ້ຍ ຕໍ່, ມາ ໄລ່ ແຮງ ອາຕີ ໂອນ ກວາຍ ດັງ ຊາ ອິ້ຍ ລາລີ້. 37 ມັຣ ກາ ກອນແຊມ ກ້ອຍ ໄລ່ ຊ້ອງ ງິ່ດ ລາລີ້ ກະ ໄລ່ ປາຍ: "ກູ່ ຣາມິ້ຣ ກາ ອັນ ຕະ ແອິງ ອໍ ອິນແຍ່ະ. ກະ ກວາຍ ກາ ກູຕູຣ ຕຸ່ງ ອັນ ຕະ ໂອນ ເຕ່ອ້ ຊ້ອງ. ກວາຍ ກາ ເກີອ້ ອັນ ຕະ ໂອນ ເຕ່ອ້ ຕະ ອິນຕີ ແອັນ."

### 8

ເຢຊູ ແຈມ ກວາຍ ປູນ ປັນ ນະ  
 (ມັດທາຍ 15:32-39)

1 ແວັດ ກ້ອຍ ຕາ ເບີນ ດຸ່ນ, ກອນແຊມ ກື່ງ ລາລີ້ ແຕ້ອ້ ໂຣ່ມ ຊາ. ພໍກາ ໄລ່ ຕາ ເບີນ ອິນເຕົ້າ ອີ ຈາ, ເຢຊູ ກູອ້ ມູ່ ກາ ຣຍານ ແຕ ອັນ, ກະ ອັນ ປາຍ: 2 "ເກົ້າ ອາໂຍ່ະ ຕະ ກວາຍ ຈຸ່ມ ໄມ່, ຍ່ອນ ໄລ່ ແອິດ ອາລິ່ງ ໄຣ ໄປ ຕາໂງ ເຈົ້, ກະ ໄລ່ ຕາ ເບີ ນ ອິນເຕົ້າ ອີ ຈາ. 3 ຄັນ ເກົ້າ ໂອນ ໄລ່ ເຈົ້າ ປິ ວິລ ແຕ້ລາ ປິ ມືອງ ໄລ່ ບັອງ ກາ ໄລ່ ມາເຢົາຍຣ, ອົງ ກ້ອຣ ໄລ່ ອຽວ ຕິ່ງ ຣານາ. ຍ່ອນ ເບີນ ອັນ ກາ ແຕ້ອ້ ແຕ ເຢິງ."

4 ມູ່ ກາ ຣຍານ ແຕ ອັນ ຕາແອິຍ ປາຍ: "ຕິ່ງ ຕຍາຣ ນະໄມ່, ແຕ ແລະ ຮີ ອີ ຈໍ້ອ້ ໂດຍ ຣາແວ້ຣ ອີ ໂອນ ໄລ່ ຈາ ປາໄຊ?"

5 ເຢຊູ ອາເບັຣ ໄລ່ ປາຍ: "ເຢົາ ເບີນ ໂດຍ ບຸຣ ອິນຊີ ລາ?"  
 ໄລ່ ຕາແອິຍ ປາຍ: "ຮີ ເບີນ ຕາປູລ ລາ."

6 ເຢຊູ ອາຕີ ກວາຍ ກື່ງ ກ້ອຍ ໂອນ ໄລ່ ຕາກູ ຕິ່ງ ກູແຕອ້. ເຈົ້ ເຢຊູ ອິດ ໂດຍ ບຸຣ ຕາປູລ ລາ ກ້ອຍ ເຈົ້ ເກົ້າ ຊາແອິນ ເຢືາງ ເຈົ້າຣາຊີ, ເຈົ້ ອັນ ປັຣ ໂດຍ ບຸຣ ໂອນ ມູ່ ກາ ຣຍານ ແຕ ອັນ ເປາະ ອິມແປອ້ ໂອນ ມັຣ ກາ ກວາຍ ກື່ງ ກ້ອຍ ກູ່ ນະ. 7 ກະ ໄລ່ ເບີນ ອາກາ ແກດ ບາຣ ໄປ ລາ. ເຈົ້ ເຢຊູ ອິດ ອາ ກາ ກ້ອຍ ຊາແອິນ ເຢືາງ ເຈົ້າຣາຊີ, ກະ ເຢຊູ ໂອນ ປິ ມູ່ ກາ ຣຍານ ແຕ ອັນ ເປາະ ອິມແປອ້ ໂອນ ກວາ ຍ ກື່ງ ກ້ອຍ ຊາ. 8 ກູ່ ນະ ໄລ່ ຈາ ປາໄຊ ອິນແຍ່ະ; ເຈົ້ ມູ່ ກາ ຣຍານ ແຕ ເຢຊູ ປາໂຣມ ລັຣ ມັຣ ອົງກັຣ ກາ ແກ້ຍ ແຕ ໄລ່ ຈາ ເບີນ ຕາປູລ ກາເຣຍ. 9 ຕິ່ງ ອິນຕຸ ກ້ອຍ ເບີນ ກວາຍ ປູນ ປັນ ນະ ຣາເລົາ ກາ ເບີນ ຈາ; ເຈົ້ ເຢຊູ ອາຕີ ໂອນ ໄລ່ ເຈົ້າ ປິ ວິລ ໄລ່. 10 ເຈົ້ ແວັດ ກ້ອຍ ເຢຊູ ກະ ມູ່ ກາ ຣຍານ ແຕ ອັນ ຈິຣ ຕົວະ ເປາະ ປິ ມືອງ ດານມານຸທາ.

ຈຸ່ມ ພາຣີຊາຍ ແຕ້ອ້ ຣາມັຣ ເຢຊູ  
 (ມັດທາຍ 12:38-40; 16:1-4)

11 ຈຸ່ມ ພາຣີຊາຍ ແຕ້ອ໌ ປີ ເຢຊູ. ເຈີ້ ໄລ່ ຣາ ຈຽນ ກະ ອັນ, ໄລ່ ແຊອ໌ ແຕ ເຢຊູ ໂອນ ອັນ ຕະ ຣານະ ອາປິຣ ໂອນ ໄລ່ ດັງ ອຳນາດ ອັນ ແຕ້ອ໌ ແຕ ເຢືາງ ເຈົ້າຣາຊີ. 12 ເຢຊູ ຊາງັຣ, ເຈີ້ ອັນ ອາເບີຣ ໄລ່ ປາຍ: "ອິນເຕົ້າ ກາ ຕະ ກວາຍ ແດີຍ ຊານໍ່ ມັກ ຈາຈໍອ໌ ຣານະ ກາ ຕາ ເກີ້ຍ ເຮີມ? ເກົາ ອາຕີ ຕານໍ່ ອງ ໂອນ ເຍົາ ປາຍ ເກົາ ຕາ ເບີນ ອີ ອາລໍອຣ ຣາ ນະ ກາ ຕາ ເກີ້ຍ ເຮີມ ໂອນ ເຍົາ ເຮີມ ຊານໍ່."

13 ເຈີ້ ເຢຊູ ແຊງ ຈິຣ ຕົວະ ໄກ້ອ໌ ແດັອ໌ ທາເລ ຣາບັງ ເປາະ ປີ ປິຣ ອິນຕໍຣ ແອັນ.

ບວຣ ຊີ້ອ໌ ແຕ ຈຸ່ມ ພາຣີຊາຍ ກະ ຈຸ່ມ ເຮໂຣດ (ມັດທາຍ 16:5-12)

14 ມູ່ ກາ ຣຍານ ແຕ ເຢຊູ ຊາລິຣ ອິດ ເດີງ ໂດຍ ບຸຣ, ກະ ໄລ່ ເບີນ ໂດຍ ບຸຣ ມານໍາໆ ຕຶງ ຕົວະ. 15 ເຢຊູ ອາຕີ ໄລ່ ປາຍ: "ເຍົາ ເນ່ ອໍ! ໂອນ ເຍົາ ລາວັງ ບວຣ ຊີ້ອ໌ ແຕ ຈຸ່ມ ພາຣີຊາຍ ກະ ຈຸ່ມ ເຮໂຣດ."

16 ໄລ່ ກາ ຣຍານ ແຕ ອັນ ມານະ ຣາໂຊ ມານະ ປາຍ: "ເຮີມ ອັນ ປາຍ ນະກ້ອຍ ຍ່ອນ ໄຣ ຕາ ເບີ ນ ເດີງ ໂດຍ ບຸຣ."

17 ເຢຊູ ດັງ ເຈີ້ ໄລ່ ຄິດ ນະກ້ອຍ, ເຈີ້ ອັນ ອາ ເບີຣ ປາຍ: "ນານະ ເຍົາ ປາຍ ຍ່ອນ ເຍົາ ຕາ ເບີ ນ ເດີງ ໂດຍ ບຸຣ? ເຍົາ ຕາ ດັງ ຍວາຣ ບໍ່? ຣາງັຣ ເຍົາ ອິນນ້ອງ ການໍາ ປິງ ບໍ່? 18 ເຍົາ ເບີນ ມັດ ມາ ເຍົາ ຕາ ເບີນ ເຮີມ; ເຍົາ ເບີນ ກູຕູຣ ມາ ເຍົາ ຕາ ເບີນ ຊ້ອງ. ເຍົາ ເຈີ້ ມາ ຕາ ເບີນ? 19 ບັອງ ກາ ເກົາ ປິຣ ໂດຍ ບຸຣ ເຊີງ ລໍາ ໂອນ ກວາຍ ເຊີງ ປັນ ນະ, ເຍົາ ຕາໂຣມ ມັຣ ອິງກັຣ ກ້ອຍ ເບີນ ອິນຊີ ກາເຣຍ?"

ໄລ່ ຕາແອີຍ ປາຍ: "ມັນຈິດ ລາ ບາຣ ກາ ເຣຍ."

20 ເຢຊູ ອາເບີຣ ໄລ່ ປາຍ: "ບັອງ ກາ ເກົາ ປິຣ ໂດຍ ບຸຣ ຕາປູລ ລໍາ ໂອນ ກວາຍ ປູນ ປັນ ນະ ກ້ອຍ, ເຍົາ ຕາໂຣມ ມັຣ ອິງກັຣ ກ້ອຍ ເບີນ ອິນຊີ ກາເຣຍ?"

ໄລ່ ຕາແອີຍ ປາຍ: "ເບີນ ຕາປູລ ກາເຣຍ."

21 ເຈີ້ ເຢຊູ ອາເບີຣ ໄລ່ ປາຍ: "ເຍົາ ອິນເນັມ ຕາ ຍວາຣ ດັງ ບໍ່?"\*

ເຢຊູ ປົວ ກວາ ຍ ຊູດ ມັດ ປີ ເມືອງ ເບັດຊາອິດາ

22 ເຈີ້ ເຢຊູ ກະ ມູ່ ກາ ຣຍານ ແຕ ອັນ ມູ່ດ ປີ ເມືອງ ເບັດຊາອິດາ. ກວາຍ ຕຶງ ເມືອງ ກ້ອຍ ເດີງ

ອາແຕ້ອ໌ ປີ ເຢຊູ ມານະ ກວາຍ ຣາເລົາ ຊູດ ມັດ, ກະ ໄລ່ ແຊອ໌ ໂອນ ເຢຊູ ຊາປະ ຈະ ກວາຍ ກ້ອຍ.

23 ເຢຊູ ເຕີ ອາຕີ ກວາຍ ຊູດ ມັດ ກ້ອຍ ເດີງ ປີ ນໍ່ອ໌ ເມືອງ. ອັນ ກູຈົຣ ໂຈະ ມັດ ກວາຍ ກ້ອຍ, ເຈີ້ ອັນ ຊາປະ ອາຕີ ໂຈະ ກວາຍ ກ້ອຍ ກະ ອັນ ອາເບີຣ ປາຍ: "ອິນເຕົ້າ ດີ ໄມ່ ເຮີມ ບໍ່?"

24 ກວາຍ ຊູດ ມັດ ກ້ອຍ ຕາເງື້ອ ອາຊ້ອຣ, ເຈີ້ ອັນ ຕາແອີຍ ປາຍ: "ເກົາ ເຮີມ ກວາຍ ແກັດ ນະ ກໍ່ລ ອາລ່ອງ ອິນຕະ ຣາວິລ ຣາວິລ."

25 ເຢຊູ ຊາປະ ອາຕີ ໂຈະ ມັດ ກວາຍ ກ້ອຍ ຊາ. ກວາຍ ກ້ອຍ ອັນ ເຕ່ອ໌ ກູເລີນ ລໍຣ, ເຈີ້ ມັດ ກວາ ຍ ກ້ອຍ ແກັດ ປັງ ລໍຣ ກະ ອັນ ເຮີມ ກູ່ ຣາມິຣ ປັງ ອໍ. 26 ເຢຊູ ອາຕີ ໂອນ ອັນ ເຈົ້າ ປີ ດຸງ, ກະ ອາຕີ ປາຍ: "ໄມ່ ອິນໂຈຍ ມູ່ດ ຕະ ອິນຕີ ໂອນ ກວາຍ ຕຶງ ເມືອງ ກ້ອຍ ດັງ ນໍ່."

ເປໂຕ ງິນ ປາຍ ເຢຊູ ລາ ກຣິດ (ມັດທາຍ 16:13-20; ລູກາ 9:18-21)

27 ແວັດ ກ້ອຍ ເຢຊູ ກະ ມູ່ ກາ ຣຍານ ແຕ ອັນ ເປາະ ປີ ມັຣ ວິລ ກາ ແອັດ ອິມແປຣ ເມືອງ ກາຍຊາເຣຍ ພິລິບປອຍ. ບັອງ ກາ ໄລ່ ເປາະ, ເຢຊູ ອາເບີຣ ໄລ່ ປາຍ: "ມັຣ ກາ ກວາຍ ປາຍ ເກົາ ລາ ເນົ້າ?"

28 ມູ່ ກາ ຣຍານ ແຕ ອັນ ຕາແອີຍ ປາຍ: "ເບີ ນ ອັນ ກາ ປາຍ ອາຈານ ລາ ໂຢຣັນ, ອັນ ກາ ຕະ ຣິດ ຕຶງ ແດັອ໌. ເບີນ ອັນ ກາ ປາຍ ອາຈານ ລາ ເອລິຢາ. ເບີນ ອັນ ກາ ປາຍ ອາຈານ ລາ ກວາຍ ອາຕີ ຕາງ ປຣນາຍ ເຢີງ ເຈົ້າຣາຊີ."

29 ເຈີ້ ເຢຊູ ອາເບີຣ ໄລ່ ປາຍ: "ເຍົາ ແອັນ ປາຍ ເກົາ ລາ ເນົ້າ?"

ເປໂຕ ຕາແອີຍ ປາຍ: "ອາຈານ ລາ ກຣິດ, ອັນ ກາ ເຢີງ ເຈົ້າຣາຊີ ໂອນ ຈ່ອຍ ອາມັງ ກວາຍ."

30 ເຢຊູ ປາຕັບ ມູ່ ກາ ຣຍານ ແຕ ອັນ ປາຍ: "ອິນໂຈຍ ອາຕີ ໂອນ ອາແລະ ດັງ ແຕ ຣານະ ໄນ່."

ເຢຊູ ດັງ ອິນໂຍ່ງ ຕາໄງ ກາ ອັນ ກູຈິດ (ມັດທາຍ 16:21-28; ລູກາ 9:22-27)

31 ເຈີ້ ເຢຊູ ຕາແບີ ອາຕີ ມູ່ ກາ ຣຍານ ແຕ ອັນ ປາຍ: "ເກົາ ລາ ກອນ ເຢີງ ແກັດ ກວາຍ ອິງເຄາະ ຈິວ ຕຸ່ຣ ກັດ ຊາອິ້ຍ ຣາມິຣ. ກະ ກວາຍ ເທົາແກ ຈຸ່ມເຈືອ, ມູ່ ກາ ຊົດ ຊາງ ຣິດ, ກະ ກວາຍ ອາຕີ ຄານອດ, ໄລ່ ຊາອິຣ ກະ ອວານ ເກົາ, ກະ ໄລ່ ກາ ຈິດ ຕັຣ ເກົາ. ມາ ແຕ້ອ໌ ຕາໄງ ໄປ ເກົາ ອາມັງ ລໍຣ ແຕ ກູຈິດ."

\* 8:21 8:21 ເຢຊູ ຕາ ເບີນ ອາຕີ ແຕ ໂດຍ ບຸຣ, ມາ ອັນ ອາຕີ ແຕ ປຣນາຍ ຈຸ່ມ ພາຣີຊາຍ ກະ ຈຸ່ມ ເຮໂຣດ ອາຕີ. ກະ ອັນ ຊ້ອງ ງິດ ໄລ່ ຕາ ເບີນ ຊາອໍາ ອັນ ເຕ່ອ໌ ຈ່ອຍ ມັຣ ຊຽນາ ຈາ ໂອນ ໄລ່.

32 ເຢຊູ ຕະ ອິນຕີ ໂອນ ໄລ່ ດັງ ກູ່ ຮາມິ້ຮ. ເປໂຕ ເດີງ ເຢຊູ ລ້ອຮ ເປາະ ຕະ ອິນຕີ ປີ ນໍ້ອໍ ແອັງ ໄລ່ ບາຣ ນະ ຊ້ອງ. ເຈີ້ ອັນ ກາແອັຣ ຕາ ໂອນ ເຢຊູ ຕະ ອິນຕີ ນ້ອງ ນະກ້ອຍ. 33 ເຢຊູ ກູລຍານ ຊາ ລີອໍ ປີ ມູ່ ກາ ຣຍານ ແຕ ອັນ ກະ ອັນ ກາແອັຣ ເປໂຕ ປາຍ: "ໄມ່ ເປາະ ເຍີ່ງ ແຕ ເກົາ, ຊາຕານ! ໄມ່ ຕາ ເບີນ ຄິດ ນະ ເຢັງ ເຈົ້າຮາຊີ! ມາ ໄມ່ ຄິດ ນະ ກວາຍ ຊ້ອງ!"

34 ແວັດ ກ້ອຍ ເຢຊູ ກູອໍ ກວາຍ ກຼິ້ງ ກະ ມູ່ ກາ ຣຍານ ແຕ ອັນ ໂອນ ແຕ້ອໍ ປີ ອັນ, ເຈີ້ ອັນ ປາຍ: "ຄັນ ກວາຍ ອາແລະ ຍິອໍ ອີ ປວາຍ ເກົາ ອິງເຄາະ ກວາຍ ກ້ອຍ ອິນໂຈຍ ອິດ ຣາງິຣ ອັນ ເບີມ, ມາ ອິງເຄາະ ອັນ ອິດ ໂດລ ອາລ່ອງ ຊັງກັງ ອັນ ເບີມ, ກະ ອິງເຄາະ ອັນ ປວາຍ ເກົາ. 35 ກວາຍ ອາແລະ ກາ ປາຊີ ຣາງິຣ ອັນ ຕຶ້ງ ແດີຍ ໄມ່, ຣາງິຣ ກວາຍ ກ້ອຍ ປິດ ເມົາດ. ມາ ກວາຍ ອາແລະ ກາ ຈີວ ປິດ ຣາງິຣ ອັນ ຍ່ອນ ອັນ ປວາຍ ເກົາ ກະ ຍ່ອນ ອັນ ອາຕີ ປັຣນາຍ ອໍ ແຕ ເກົາ, ຣາງິຣ ກວາຍ ກ້ອຍ ຕາ ເບີນ ແກັດ ປິດ ນ້ອງ. 36 ກວາຍ ອາແລະ ກາ ເບີນ ຕຸກ ມາເລກ ແຊກ ມາການ ເກຣັງ ເກຣົາ ຕຶ້ງ ແດີຍ ໄມ່, ມາ ອັນ ປິດ ຊ້ອງ ຣາງິຣ ອັນ ເບີມ, ອິນເຕົ້າ ລະ ເກົາ ໂອນ ອັນ? 37 ຕາ ເບີນ ເກຣັງ ອິນເຕົ້າ ກວາຍ ແຕ້ອໍ ຣາປຽນ ໂອນ ອາມັງ ຊົດ ແດີຍ ເລ້ຍ ກູມໍ. 38 ຄັນ ກວາຍ ອາແລະ ມາ ກູມາລ ຕະ ແຕ ເກົາ ກະ ກູມາລ ຕະ ແຕ ປັຣນາຍ ເກົາ ຕຶ້ງ ແດີຍ ຊາ ນໍ້ ກາ ຕາ ເບີນ ຕານ້ອງ ກະ ຕາ ເບີນ ຕາປູນ ເຢັງ ເຈົ້າຮາຊີ, ເກົາ ກອນ ເຢັງ ແກັດ ກວາຍ ກູມາລ ຕະ ລ້ຮ ແຕ ກວາຍ ກ້ອຍ ພໍກາ ເກົາ ແຕ້ອໍ ປີ ກູແຕອໍ ໄມ່. ຕາໂງ ກ້ອຍ ເກົາ ເບີນ ອາງອິ້ຣ ແຕ ອິມປໍ ເກົາ ກະ ອິມປໍຣ່ອມ ເປາະ ກະ ເທວາດາ ເຢັງ ເຈົ້າຮາຊີ ກາ ຕາ ເບີນ ໄລ່ຍຣ ອິນເຕົ້າ."

### 9

1 ເຈີ້ ເຢຊູ ຕະ ອິນຕີ ໂຈະ ໄລ່ ປາຍ: "ເກົາ ອາຕີ ຕານ້ອງ ໂອນ ເຍົາ: ເບີນ ກວາຍ ກາ ຕາຢິ່ງ ແອັດ ອິນຕຸ ໄມ່, ໄລ່ ຕາ ເບີນ ກູຈິດ ຢວາຣ ເຕົ້າ ແຕ້ອໍ ໄລ່ ເຮີມ ອໍານາດ ເຢັງ ເຈົ້າຮາຊີ ແຕ້ອໍ ປີ ກູແຕອໍ ໄມ່.

ຮູ່ບເຣີງ ເຢຊູ ແກັດ ອິມພາ ແອັນ  
(ມັດທາຍ 17:1-13; ລູກາ 9:28-36)

2 ແວັດ ຕາປິດ ຕາໂງ ເຢຊູ ເດີງ ເປໂຕ, ຢາໂກໂບ, ກະ ໂຢຣັນ ຊ້ອຣ ປີ ກັຣ ກາ ຕີ່. ແອັດ ຕຶ້ງ ກັຣ

ກ້ອຍ ແອັງ ໄລ່ ປູນ ນະ ຊ້ອງ. ເຈີ້ ໄລ່ ເຮີມ ຈະ ເຢຊູ ປຽນ ຍິ້ຣ ເມັງ ໄລ່. 3 ກົນ ອາຍິອຣ ເຢຊູ ແກັດ ກູອໍ ຊັຣມຍາລ ມັດ. ຕາ ເບີນ ກວາຍ ອາ ແລະ ຕຶ້ງ ກູແຕອໍ ໄມ່ ແຕ້ອໍ ປິຣ ໂອນ ກູອໍ ນະກ້ອຍ. 4 ເຈີ້ ມູ່ ກາ ຣຍານ ແຕ ເຢຊູ ຊັນຕັຣ ເຮີມ ເອລີຢາ ກະ ໂມເຊ ແອັດ ຕະ ອິນຕີ ກະ ເຢຊູ. 5 ເປໂຕ ອາ ຕີ ເຢຊູ ປາຍ: "ອາຈານ ເອີຍ! ອໍ ລາລີ້ ໄຣ ເບີນ ແອັດ ອິນໄມ່. ມາ ຮິ ອີ ຕະ ໄປ ລໍາ ຊູ, ມານໍາ ລາ ຕະ ໂອນ ອາຈານ, ມານໍາ ລາ ຕະ ໂອນ ໂມເຊ, ມາ ນໍາ ແອັນ ລາ ຕະ ໂອນ ເອລີຢາ.

6 ເປໂຕ ຕະ ອິນຕີ ນະກ້ອຍ ລາ ອັນ ຕາ ດັງ ອີ ປາຍ ອິນເຕົ້າ, ຍ່ອນ ໄລ່ ກາ ຣຍານ ໄປ ນະ ຊ້ອງ ອິງກ້ອຣ ຮັບ ລາລີ້. 7 ເຈີ້ ເບີນ ຮາມິ້ລ ແຕ້ອໍ ປີ ກ້ອຍ ເຈີ້ ຕວມ ດໍອໍ ຈະ ໄລ່. ເບີນ ມວຍ ປັຣນາຍ ລ້ອຣ ແຕ ຮາມິ້ລ ກ້ອຍ ປາຍ: "ໄມ່ ລາ ກອນ ເກົາ ກາ ເກົາ ອາຢະ ລາລີ້; ອິງເຄາະ ເຍົາ ຊາງັດ ອັນ ນໍ້."

8 ແວັດ ກ້ອຍ ໄລ່ ໄປ ນະ ກູເລີນ ແນ່ ລ້ຮ ບັອງ ກາ ໄລ່ ຊ້ອງ ປັຣນາຍ ກ້ອຍ, ມາ ໄລ່ ຕາ ເບີນ ເຮີມ ອິນເຕົ້າ ນ້ອງ. ມານະ ເຢຊູ ແຕ້ ແອັດ ກະ ໄລ່.

9 ບັອງ ກາ ໄລ່ ຕາຢິຣ ອາແຊງ ແຕ ກັຣ, ເຢຊູ ອາຕີ ໄລ່ ຕາ ໂອນ ເປາະ ອາຕີ ໂອນ ອາແລະ ດັງ ກູ ຮາມິ້ຣ ກາ ໄລ່ ເຮີມ, ເຕົ້າ ແຕ້ອໍ ກອນ ເຢັງ ແກັດ ກວາຍ ໄມ່ຍຣ ລ້ຮ ແຕ ກູຈິດ.

10 ມູ່ ກາ ຣຍານ ໄປ ນະ ກ້ອຍ ໄລ່ ຕະ ຕາປູນ ເຢຊູ ອາຕີ, ມາ ມານະ ອາປູິຣ ມານະ ປາຍ: "ອິນ ເຕົ້າ ອັນ ປາຍ ໄມ່ຍຣ ລ້ຮ ແຕ ກູຈິດ ກ້ອຍ?"

11 ໄລ່ ອາປູິຣ ເຢຊູ ປາຍ: "ນານະ ມັຣ ກວາ ຍ ອາຕີ ຄານອດ ກະ ກວາຍ ອິດຊະຣາເອລ ປາຍ ເອລີຢາ ອິງເຄາະ ແຕ້ອໍ ອິນໂຍ່ງ ກຣິດ?"

12 ເຢຊູ ຕາແອີຍ ປາຍ: "ແມ່ນ ເຈີ້ ເອລີຢາ ແຕ້ອໍ ອິນໂຍ່ງ, ກະ ອັນ ແຕ້ອໍ ຕະ ໂອນ ກູ່ ຮາມິ້ ຣ ແກັດ ນະ ຕຍາ ລ້ຮ. ມາ ນະ ແຕ ປັຣນາຍ ເຢັງ ເຈົ້າຮາຊີ ຄຽນ ດໍອໍ ປາຍ ກອນ ເຢັງ ແກັດ ກວາ ຍ ອິງເຄາະ ຕຸ່ຣ ກັດ ຊາອິ້ຍ ຮາມິ້ຣ ກະ ເມົາ ພາ ມາດ ອັນ ແຮີ. 13 ມາ ເກົາ ອາຕີ ເຍົາ ປາຍ ເອລີຢາ ແຕ້ອໍ ເຈີ້; ອິນເຕົ້າ ໄລ່ ຍິອໍ ອີ ຕະ ໂຈະ ອັນ ໄລ່ ຕະ ນະກ້ອຍ, ມູເຈິງ ເມົາ ຄຽນ ດໍອໍ ເຈີ້ ຕຶ້ງ ປິ່ງ ປັຣ ນາຍ ເຢັງ ເຈົ້າຮາຊີ ແຕ ອັນ."

ເຢຊູ ປົວ ກັຣແນນ ຮາເລົາ  
(ມັດທາຍ 17:14-21; ລູກາ 9:37-43)

14 ພໍກາ ເຢຊູ ກະ ມູ່ ກາ ຣຍານ ໄປ ນະ ເຈົ້າ ລ້ຮ ປີ ອິນຕຸ ມູ່ ກາ ຣຍານ ແຕ ອັນ ການໍ້ອໍ ແອັດ ເກຣາ ະ, ເບີນ ກວາຍ ກຼິ້ງ ລາລີ້ ໂຣ່ມ ອິງກ້ອຍ, ກະ ມັຣ



ກວາຍ ອາດີ ຄານອດ ຮາຈຽນ ກະ ມູ່ ກາ ຮຍານ ແຕ ເຢຊູ. <sup>15</sup> ເຈີ່ ມັຣ ກາ ກວາຍ ກ້ອຍ ງິ່ດ ລາລີ້ ພໍກາ ໄລ່ ເຮີມ ເຢຊູ ແຕ້ອ້, ເຈີ່ ໄລ່ ປາລ້ອງ ຕາໂຣ່ອ້ ປີ ອັນ. <sup>16</sup> ເຢຊູ ອາເບີຣ ມູ່ ກາ ຮຍານ ແຕ ອັນ ປາຍ: "ອິນເຕ້າ ເຍີາ ຮາຈຽນ?"

<sup>17</sup> ເບີນ ຮາເລົາ ມານະ ແຕ ກວາຍ ກຼິ່ງ ຕາແອີຍ ປາຍ: "ອາຈານ ເອີຍ! ເກົາ ເດີງ ກອນ ຮາເລົາ ເກົາ ເປາະ ປີ ໄມ່, ຍ່ອນ ເຢີງ ຕາ ອໍ ຕຣວບ ກອນ ເກົາ ເຕ້າ ອັນ ຕາ ເກີດ ຕະ ອິນຕີ. <sup>18</sup> ແຕ້ອ້ ເຢີງ ກ້ອຍ ຕຣວບ, ອັນ ຕະ ໂອນ ກັຣແນນ ແດີມ, ກະ ອັນ ໂອນ ກັຣແນນ ກ້ອຍ ເກີດ ດາແດັຣ ກະ ເກີດ ປູ ປິຣ ແບອ້ ກະ ອັນ ກາເຕຣີອກ ກາແນງ, ເຈີ່ ອັນ ເກີດ ກ້ອງ ອິນແຍ່ະ ຈະ. ນະກ້ອຍ ເກົາ ໂອນ ມູ່ ກາ ຮຍານ ແຕ ໄມ່ ຕູ່ຍຣ ອາລ້ອຣ ເຢີງ ຕາ ອໍ ແຕ ຈະ ກອນ ເກົາ ມາ ໄລ່ ຕາ ເຕ້ອ້ ຕະ. <sup>19</sup> ເຈີ່ ເຢຊູ ຕາແອີຍ ປາຍ: "ມູ່ ເຍີາ ກາ ຕາ ເບີນ ຊາອໍາ ເອີຍ! ອິນນ້ອງ ດຸ່ນ ມາແລ່ະ ເກົາ ແອີດ ກະ ເຍີາ ກະ ຈີວ ເຍີາ ຕາ ເບີນ ຊາອໍາ? ເດີງ ໂອນ ກັຣແນນ ກ້ອຍ ແຕ້ອ້ ປີ ເກົາ ແມຣ!"

<sup>20</sup> ເຈີ່ ໄລ່ ກ້ອຍ ເດີງ ກັຣແນນ ແຕ້ອ້ ປີ ເຢຊູ. ເຢີງ ຕາ ອໍ ກ້ອຍ ພໍກາ ອັນ ເຮີມ ເຢຊູ ອັນ ຕະ ໂອນ ກັຣແນນ ກ້ອຍ ແດີມ ກະ ດາແດັຣ ຕິ່ງ ກູ ແຕອ້. ກະ ອັນ ຕະ ໂອນ ກັຣແນນ ກ້ອຍ ປາເລົາ ລູ ເລົາອ້ ລໍບໍລີ້, ເຈີ່ ລ້ອຣ ປູປິຣ ແຕ ແບອ້. <sup>21</sup> ເຢຊູ ອາເບີຣ ອິນປໍ ກັຣແນນ ກ້ອຍ ປາຍ: "ດຸ່ນ ມາແລ່ ະ ເຈີ່ ກອນ ໄມ່ ເກີດ ນະໄມ່?"

ອິນປໍ ກັຣແນນ ກ້ອຍ ປາຍ: "ເກີດ ແຕ ອັນ ແກດໆ. <sup>22</sup> ຊາອິ້ຍ ຕໍ່ ເຈີ່ ເຢີງ ຕາ ອໍ ໄມ່ ອີ ກາ ຈິດ ກອນ ເກົາ. ອັນ ກູແຕັລ ໂຈະ ຕິ່ງ ອູ່ຍຣ ກະ ອັນ ກູແຕັລ ອາປັອງ ປີ ແດີອ້. ຄັນ ເຕ້ອ້ ໄມ່ ຕະ, ແຊອ້ ໄມ່ ຈ່ອຍ ກະ ອາໂຢະ ຕະ ຮິ ແຮີ!"

<sup>23</sup> ເຢຊູ ຕາແອີຍ ປາຍ: "ນານະ ແຕ ໄມ່ ປາຍ ຄັນ ເຕ້ອ້ ໄມ່ ຕະ? ກູ່ ຮາມິ້ຣ ລາ ເຕ້ອ້ ເກີດ ອິນ ແຍ່ະ ຄັນ ໄມ່ ຊາອໍາ."

<sup>24</sup> ເຈີ່ ອິນປໍ ກັຣແນນ ກ້ອຍ ອັນ ປາຍ: "ໄມ່ ຈ່ອຍ ເກົາ ແຮີ; ເກົາ ຊາອໍາ ເຈີ່, ມາ ແຊອ້ ໄມ່ ຈ່ອຍ ໂອນ ເກົາ ຊາອໍາ ເຮັງ ອາຊ້ອຣ ແອີນ!"

<sup>25</sup> ພໍກາ ເຢຊູ ເຮີມ ກວາຍ ກຼິ່ງ ລາລີ້ ຮາແນ່ດ ອີ ມູ່ດ ຊາລີອ້ ແຈ່ະ, ເຢຊູ ຕູ່ຍຣ ອາລ້ອຣ ເຢີງ ຕາ ອໍ ກ້ອຍ ປາຍ: "ເຢີງ ແບອ້ ເກີອ້ ກະ ກູຕູຣ ຕຸ່ງ, ເກົາ ຕູ່ຍຣ ໂອນ ໄມ່ ລ້ອຣ ແຕ ກັຣແນນ ໄມ່. ເຈີ່ ໄມ່ ອິນໂຈຍ ແຕ້ອ້ ມູ່ດ ລ້ຣ ນ້ອງ."

<sup>26</sup> ເຢີງ ຕາ ອໍ ກ້ອຍ ອັນ ແຮຣ ກະ ອັນ ຕະ ໂອນ ກວາຍ ກ້ອຍ ດາແດັຣ ອິນແຍ່ະ ເຮັງ, ເຈີ່ ອັນ ລ້ອຣ ແຕ ກັຣແນນ ກ້ອຍ. ກັຣແນນ ກ້ອຍ ອິນ ຈົນ ໄປຣ່ອ້, ເຈີ່ ກຼິ່ງ ນະ ປາຍ: "ອັນ ກູຈິດ ເຈີ່."

<sup>27</sup> ເຢຊູ ໂກບ ອາດີ ກັຣແນນ ກ້ອຍ, ເຈີ່ ອັນ ກາຕ້ອງ ອາຢວຣ. ກັຣແນນ ກ້ອຍ ຢວຣ ຕາຢິ່ງ ລ້ຣ.

<sup>28</sup> ບ້ອງ ກາ ເຢຊູ ມູ່ດ ປີ ດຸງ, ມູ່ ກາ ຮຍານ ແຕ ອັນ ອາເບີຣ ອັນ ປາຍ: "ນານະ ແຕ ຮິ ຕາ ເຮົາບ ຕູ່ຍຣ ອາລ້ອຣ ເຢີງ ຕາ ອໍ ກ້ອຍ?"

<sup>29</sup> ເຢຊູ ຕາແອີຍ ໄລ່ ປາຍ: "ເຢີງ ຕາ ອໍ ນະ ໄມ່ ເຍີາ ຕາ ເຕ້ອ້ ຕູ່ຍຣ ອາລ້ອຣ ຄັນ ເຍີາ ຕາ ເບີ ນ ເກົາແຊອ້ ແຕ ເຢີງ ເຈົາຮາຊີ."

ເຢຊູ ອາດີ ອິນໂຍ່ງ ເມົາ ອີ ກາຈິດ ອັນ  
(ມັດທາຍ 17:22-23; ລູກາ 9:43ຄ-45)

<sup>30</sup> ເຢຊູ ກະ ມູ່ ກາ ຮຍານ ແຕ ອັນ ລ້ອຣ ແຕ ກ້ອຍ ເຈີ່ ໄລ່ ເປາະ ຊາລັຣ ແຄງ ຄາລີເລ. ເຢຊູ ຕາ ເບີນ ໂອນ ເມົາ ດັງ ປາຍ ອັນ ແອີດ ອິນແລ່ະ, <sup>31</sup> ຍ່ອນ ອັນ ແອີດ ອາດີ ມູ່ ກາ ຮຍານ ແຕ ອັນ.

ອັນ ອາດີ ປາຍ: "ແຈ່ະ ເຈີ່ ເມົາ ອີ ມ່ອບ ເກົາ ກອນ ເຢີງ ເກີດ ກວາຍ ໂອນ ປີ ອາດີ ກວາຍ ຊົດ. ເຈີ່ ໄລ່ ກາຈິດ ເກົາ, ມາ ແວັດ ກ້ອຍ ແຕ້ອ້ ຕາໂງ ໄປ ເກົາ ໄມ່ຍຣ ລ້ຣ ແຕ ກູຈິດ."

<sup>32</sup> ມູ່ ກາ ຮຍານ ແຕ ອັນ ອິນເນີມ ຕາ ເບີນ ດັງ ປັຣນາຍ ກາ ເຢຊູ ປາຍ, ມາ ໄລ່ ຕາ ຍັນ ອາເບີຣ ລ້ຣ ອັນ ແຕ ປັຣນາຍ ກ້ອຍ.

ເມົາ ກາ ປິດ ກາເລີຍ ເຢົາ?  
(ມັດທາຍ 18:1-5; ລູກາ 9:46-48)

<sup>33</sup> ເຢຊູ ກະ ມູ່ ກາ ຮຍານ ແຕ ອັນ ແຕ້ອ້ ປີ ເມືອງ ກາເປນາອູມ. ພໍກາ ໄລ່ ມູ່ດ ຕິ່ງ ດຸງ, ເຈີ່ ເຢຊູ ອາເບີຣ ມູ່ ກາ ຮຍານ ແຕ ອັນ ປາຍ: "ບ້ອງ ໄຮ ເປາະ ຕິ່ງ ຮານາ ກ້ອຍ, ອິນເຕ້າ ເຍີາ ຮາຈຽນ ຕະ?"

<sup>34</sup> ໄລ່ ແອີດ ຮາອຍາບ, ຍ່ອນ ບ້ອງ ກາ ໄລ່ ເປາະ ຕິ່ງ ຮານາ ໄລ່ ຮາຈຽນ ປາຍ ເມົາ ກາ ປິດ ກາເລີຍ ແຕ ເຢົາ ຕິ່ງ ມູ່ ໄລ່. <sup>35</sup> ເຢຊູ ຕາກູ ເຈີ່ ອັນ ກູອ້ ມູ່ ກາ ຮຍານ ແຕ ອັນ ອິນແຍ່ະ ມັນຈິດ ລາ ບາຣ ນະ ແຕ້ອ້ ປີ ອັນ, ເຈີ່ ອັນ ອາດີ ໄລ່ ປາຍ: "ຄັນ ອາແລ່ະ ກາ ຍິອ້ ອີ ເກີດ ປິດ ກາເລີຍ ເຢົາ, ໂອນ ກວາຍ ກ້ອຍ ເກີດ ຊູລ ກູ ນະ."

<sup>36</sup> ເຢຊູ ອິດ ກັຣແນນ ແກດໆ ມານະ ແຕ້ອ້ ຕາ ຢິ່ງ ແອີດ ຍັຣ ເມີງ ໄລ່. ເຢຊູ ກາອີ້ ກັຣແນນ

ກ້ອຍ, ເຈົ້ ອັນ ອາຕີ ມູ່ ກາ ຮຍານ ແຕ ອັນ ປາຍ: 37 "ກວາຍ ອາແລ່ະ ກາ ຮັບ ອໍ ກັຮແມນ ແພດໆ ມ່ະໄນ່ ຍ່ອນ ອັນ ຊາອໍາ ເກົາ, ມ່ະ ອັນ ຮັບ ອໍ ເກົາ ເຕ່. ກະ ກວາຍ ອາແລ່ະ ກາ ຮັບ ອໍ ເກົາ ລາ ມ່ະ ອັນ ຮັບ ອໍ ເຢີງ ເຈົາຮາຊີ ກາ ແປຮີ ເກົາ ແຕ້ອ້ ປີ ໄນ່."

ກວາຍ ກາ ແອິດ ກັ້ຮ ເຢຊູ  
(ລູກາ 9:49-50; ມັດທາຍ 10:42)

38 ໂຢຮັນ ອາຕີ ເຢຊູ ປາຍ: "ອາຈານ ເອີຍ! ຮິ ເຮີມ ກວາຍ ມານະ ຕູ່ຍຮ ອາລ້ອຮ ເຢີງ ຕາ ອໍ ກະ ອັນ ກູອໍ ຮາມັ້ຮ ອາຈານ. ມາ ຮິ ກາແອັຮ ອັນ ຍ່ອນ ອັນ ລາ ຕາ ແກິນ ກວາຍ ໄຮ."

39 ເຢຊູ ອາຕີ ປາຍ: "ອິນໂຈຍ ກາແອັຮ ອັນ, ຍ່ອນ ກວາຍ ອາແລ່ະ ກາ ອິດ ຮາມັ້ຮ ເກົາ ດໍອໍ ຕະ ຮານະ ຕາ ເກິຍ ເຮີມ, ກວາຍ ກ້ອຍ ຕາ ເຕ້ອ້ ປຽນ ປາຍ ຕາ ອໍ ແຕ ເກົາ. 40 ກວາຍ ອາແລ່ະ ກາ ຕາ ເບີນ ຕະ ຕາ ອໍ ໂຈະ ໄຮ, ອັນ ກ້ອຍ ແອິດ ຢັຮ ໄຮ. 41 ເກົາ ອາຕີ ຕາມ້ອງ ໂອນ ເຢົາ, ກວາຍ ອາແລ່ະ ກາ ປິ່ງ ໂອນ ມວຍ ຈອກ ແດັອ້ ໂອນ ເຢົາ ຈ່ອຍ ຍ່ອນ ເຢົາ ແອິດ ຢັຮ ເກົາ, ກວາຍ ກ້ອຍ ຕາ ເບີນ ແອິ ເກົາ.

ອິນເຕົ້າ ກາ ຕະ ໂອນ ກວາຍ ເບີນ ໄລ່ຍຮ?  
(ມັດທາຍ 18:6-9; ລູກາ 17:1-2)

42 "ຄັນ ເບີນ ກວາຍ ອາແລ່ະ ກາ ປັຮຕີ້ ກັຮ ແມນ ກາ ຊາອໍາ ເກົາ ໂອນ ອັນ ຕະ ໄລ່ຍຮ, ຄາອໍ ອິດ ຕາເມົາ ປັດ ຊັດ ໂຈະ ຕິ່ງ ຕາກອງ ອັນ ກ້ອຍ ເຈົ້ ອາປ້ອງ ຕັຮ ຕິ່ງ ແຕ້ອ້ ທາເລ. 43 ຄັນ ອາຕີ ເຢົາ ມັງກັຮ ຕະ ໂອນ ເຢົາ ຕະ ໄລ່ຍຮ, ອິງເຄາະ ເຢົາ ກ້ອຮ ແຫຼງ ຕັຮ ຊ້ອງ. ຄາອໍ ແອິດ ກະ ເຢີງ ເຈົາຮາ ຊີ ເບີນ ອາຕີ ມວຍ ກັ້ຮ ລາ ອໍ ກາເລີຍ ແຕ ເບີນ ອາ ຕີ ບາຮ ກັ້ຮ ມາ ຊາແລັຮ ຕິ່ງ ປຣຸ່ງ ອູ່ຍຮ. 44 ຕິ່ງ ກ້ອຍ ເບີນ ອິມປາງ ກາ ຕາ ແກິດ ກູຈິດ ມ້ອງ, ກະ ອູ່ຍຮ ກາ ເບີ ຕາ ແກິດ ປັດ ມ້ອງ. 45 ຄັນ ອາເຢີ ງ ເຢົາ ມັງກັຮ ຕະ ໂອນ ເຢົາ ເບີນ ໄລ່ຍຮ, ອິງເຄາະ ເຢົາ ກ້ອຮ ຕັຮ ຊ້ອງ. ຄາອໍ ແອິດ ກະ ເຢີງ ເຈົາຮາ ຊີ ເບີນ ອາເຢີງ ມວຍ ກັ້ຮ ລາ ອໍ ກາເລີຍ ແຕ ເບີນ ອາເຢີງ ອິນແຍ່ະ ບາຮ ກັ້ຮ ມາ ຊາແລັຮ ຕິ່ງ ປຣຸ່ງ ອູ່ຍຮ. 46 ຕິ່ງ ກ້ອຍ ເບີນ ອິມປາງ ກາ ຕາ ແກິດ ກູຈິດ ກະ ອູ່ຍຮ ກາ ເບີ ຕາ ແກິດ ປັດ. 47 ຄັນ ກູອງ ມັດ ເຢົາ ມັງກັຮ ຕະ ໂອນ ເຢົາ ຕະ ໄລ່ຍຮ, ອິງເຄາະ ເຢົາ ກູໄລອໍ ຕັຮ ຊ້ອງ. ຄາອໍ ແອິດ ກະ ເຢີງ ເຈົາຮາຊີ ເບີນ ມັດ ມວຍ ກັ້ຮ ລາ ອໍ ກາເລີຍ ແຕ ເບີນ ກູອງ ມັດ ອິນແຍ່ະ ບາຮ ກັ້ຮ ມາ ຊາແລັຮ

ຕິ່ງ ປຣຸ່ງ ອູ່ຍຮ. 48 ຕິ່ງ ກ້ອຍ ເບີນ ອິມປາງ ກາ ຕາ ແກິດ ກູຈິດ ກະ ອູ່ຍຮ ກາ ເບີ ຕາ ແກິດ ປັດ.

49 "ຫຮື່ງ ຮາແວັຮ ອິນເຕົ້າ ກາ ເມົາ ອີ ອັງ ປາແຕງ ອູ່ຍຮ ອິງເຄາະ ເມົາ ເປຍ ໂຈະ ບອຍ. 50 ບອຍ ລາ ຫຮື່ງ ອໍ, ມາ ຄັນ ບອຍ ແກິດ ອິນ ຕຍາຮ, ມານ່ະ ເຢົາ ອີ ຕະ ໂອນ ອັນ ບະ ລັຮ? ອິງ ເຄາະ ເຢົາ ແກິດ ມ່ະ ບອຍ ກະ ແອິດ ຮາຕອຍ ຊັງ ໄກຮ ຮໍ້ອໍ ບູຍ."

### 10

ເຢຊູ ອາຕີ ແຕ ຮາຕັຮ ລາກວຍ ກາຢາອໍ  
(ມັດທາຍ 19:1-12; ລູກາ 16:18)

1 ເຈົ້ ເຢຊູ ລ້ອຮ ແຕ ກ້ອຍ ເປາະ ປີ ແຄງ ຢູ່ດາຍ ກະ ໄກ່ອໍ ຕາເລ່ ຈໍແດນ ເປາະ ປິ້ຮ ຍັຮ ອິນຕັຮ. ເບີ ນ ກວາຍ ກິ່ງ ແຕ້ອ້ ປີ ອັນ, ເຈົ້ ອັນ ອາຕີ ໄລ່ ມ່ະ ອັນ ເກິຍ ອາຕີ ແຕ ອິນໂຍ່ງ. 2 ເບີນ ມັຮ ກວາຍ ພາຮີຊາຍ ແຕ້ອ້ ປີ ເຢຊູ. ໄລ່ ລ່ອງ ຊາລີອໍ ອັນ, ເຈົ້ ໄລ່ ອາເບີຮ ອັນ ປາຍ: "ຕາປູ່ນ ຄານອດ ເຢີງ ເຈົາຮາຊີ, ຮາເລົາ ຕັຮ ລາກວຍ ເບີນ ບໍ?"

3 ເຈົ້ ເຢຊູ ອາເບີຮ ລັຮ ໄລ່ ປາຍ: "ໂມເຊ ອາຕີ ດໍອໍ ເຢົາ ມານ່ະ?"

4 ໄລ່ ຕາແອີຍ ປາຍ: "ໂມເຊ ໂອນ ຄຽນ ມັງຊີ້ ຮາຕັຮ, ເຈົ້ ຮາເລົາ ຕັຮ ລາກວຍ ລາ ເບີນ."

5 ເຢຊູ ຕາແອີຍ ໄລ່ ປາຍ: "ໂມເຊ ຄຽນ ອາ ຕີ ດໍອໍ ມ່ະກ້ອຍ ຍ່ອນ ຮາງັຮ ເຢົາ ຫຼິນ ລາລີ້ ຕາ ແອ້ ອີ ຊາງັດ. 6 ແຕ ອິມແບີ ເຢີງ ເຈົາຮາຊີ ແຕງ ກວາຍ ຮາເລົາ ມານະ ມັນແຊມ ມານະ ມູເຈິງ ເມົາ ຄຽນ ດໍອໍ ເຈົ້ ຕິ່ງ ປິຮນາຍ ເຢີງ ເຈົາຮາ ຊີ. 7 ມ່ະກ້ອຍ ຮາເລົາ ຕັຮ ອິມເປ້ອ້ ອິມປໍ, ເປາະ ແອິດ ອາລິ່ງ ລາກວຍ ອັນ. 8 ເຈົ້ ໄລ່ ບາຮ ມະ ແກິດ ມູ ຈະ. ໄລ່ ບາຮ ມະ ລາ ຕາ ເບີນ ແກິດ ມ້ອງ ບາຮ ມະ, ມາ ໄລ່ ແກິດ ມານະ ຊ້ອງ. 9 ຍ່ອນ ເຢີງ ເຈົາຮາຊີ ຕະ ໂອນ ແກິດ ມານະ ຊ້ອງ, ເຈົ້ ອິນໂຈຍ ໂອນ ກວາຍ ອາແລ່ະ ກາຍັຮ ໂອນ ໄລ່ ຮາຕັຮ."

10 ພໍກາ ໄລ່ ແອິດ ລັຮ ຕິ່ງ ດຸງ ເຈົ້ ມູ່ ກາ ຮຍານ ແຕ ເຢຊູ ອາເບີຮ ອັນ ແຕ ຮານະ ຮາຕັຮ ກ້ອຍ ເຕ່. 11 ເຢຊູ ຕາແອີຍ ໄລ່ ປາຍ: "ຮາເລົາ ອາແລ່ະ ມາ ຕັຮ ລາກວຍ, ເຈົ້ ເປາະ ອິດ ມັນແຊມ ຕາໄມ ແອັນ, ກວາຍ ກ້ອຍ ຕະ ໄລ່ຍຮ ໂຈະ ລາກວຍ ຕຍາ ອັນ ມູເຈິງ ອັນ ເປາະ ປັຮລີຍ. 12 ມ່ະກ້ອຍ ເຕ່ ຄັນ ມັນແຊມ ອາແລ່ະ ກາ ຕັຮ ກາຢາອໍ, ເຈົ້ ອັນ ເປາະ ອິດ ກາຢາອໍ ຕາໄມ ແອັນ, ມັນແຊມ ກ້ອຍ ຕະ ໄລ່

ຍຣ ໂຈະ ກາຢາອ໌ ຕຍາ ອັນ, ມູເຈິງ ອັນ ເປາະ ປັຣ ລີ້ຍ."

ເຢຊູ ໂອນ ກັຣແນນ ຮັບ ບຸນ  
(ມັດທາຍ 19:13-15; ລູກາ 18:15-17)

13 ແວັດ ກ້ອຍ ເມົ້າ ເດິງ ກັຣແນນ ແຕ້ອ໌ ປີ ເຢຊູ ກະ ໂອນ ເຢຊູ ຊາປະ ອາຕີ ໂຈະ ກັຣແນນ ກ້ອຍ ໂອນ ໄລ່ ເບິນ ບຸນ. ມາ ມູ່ ກາ ຣຍານ ແຕ ເຢຊູ ກາແອັຣ ໄລ່ ກ້ອຍ. 14 ພໍກາ ເຢຊູ ເຮິມ ນະກ້ອຍ, ອັນ ກູແທອ໌ ມູ່ ກາ ຣຍານ ແຕ ອັນ. ເຈ້ ອັນ ປາຍ ໂຈະ ໄລ່: "ເຍົາ ໂອນ ກັຣແນນ ແຕ້ອ໌ ປີ ເກົາ. ອິນ ໂຈຍ ກາຕັງ ໄລ່; ເຢິງ ເຈົາຣາຊີ ອີ ຕະ ຊົດ ຕິງ ຣາງິຣ ກວາຍ ລາ ນະ ກັຣແນນ ໄນ່ ເຕ່. 15 ເຈ້ ເຢຊູ ປາຍ: "ເກົາ ອາຕີ ຕານ້ອງ ໂອນ ເຍົາ, ຄັນ ອາແລ່ະ ກາ ຕາ ເບິນ ປຣ່ອມ ໂອນ ເຢິງ ເຈົາຣາຊີ ຕະ ຊົດ ນະ ກັຣແນນ ປຣ່ອມ, ອັນ ຕາ ເຕ້ອ໌ ມູ່ດ ຕິງ ຈຸ່ມ ເຢິງ ເຈົາຣາຊີ ຕະ ຊົດ."

16 ເຈ້ ເຢຊູ ກາອີ້ ກັຣແນນ ກ້ອຍ. ອັນ ຊາປະ ອາຕີ ໂຈະ ກັຣແນນ ກ້ອຍ ກະ ອັນ ອາຕີ ປັຣນາຍ ບຸນ ໂອນ ໄລ່.

ກວາຍ ຊຸ ຕາແບັບ ເຢຊູ  
(ມັດທາຍ 19:16-30; ລູກາ 18:18-30)

17 ພໍກາ ເຢຊູ ເປາະ ຕິງ ຣານາ ກ້ອຍ ເບິນ ຣາ ເລົາ ມານະ ປາລ້ອງ ປີ ເຢຊູ. ອັນ ກຸ່ ຣາໂກລ ຍັຣ ເມິງ ເຢຊູ, ເຈ້ ອັນ ອາເບັຣ ປາຍ: "ອາຈານ ກາ ອໍ ເອີຍ! ນານະ ເກົາ ອີ ຕະ ໂອນ ຕາ ເບິນ ກູຈິດ ກະ ແອັດ ອາມັງ ເລືອຍໆ?"

18 ເຢຊູ ຕາແອີຍ ອັນ ປາຍ: "ນານະ ໄນ່ ກູອ໌ ເກົາ ປາຍ ອາຈານ ກາ ອໍ?" ຕາ ເບິນ ອາແລ່ະ ກາ ຕານ້ອງ ອໍ ແຕ ມານະ, ແອັງ ເຢິງ ເຈົາຣາຊີ ຊ້ອງ ອໍ. 19 ໄນ່ ລາ ດັງ ເຢິງ ເຈົາຣາຊີ ອາຕີ ດີອ໌ ປາຍ: "ອິນໂຈຍ ກາຈິດ ກວາຍ, ອິນໂຈຍ ປັຣລີ້ຍ ລາ ກວຍ ກາຢາອ໌ ເມົ້າ, ອິນໂຈຍ ຕວຍ໌ ເຫຣັງ ເຍົາ, ອິນໂຈຍ ຕູນ ເຍົາ, ອິນໂຈຍ ໄລ່ບ ເຍົາ, ໂອນ ຊາ ງັດ ອິມເປ້ອ໌ ອິມປໍ່ ໄນ່ ເບິມ."

20 ກວາຍ ກ້ອຍ ຕາແອີຍ ປາຍ: "ອາຈານ ເອີຍ! ແຕ ເກົາ ອິນເມິມ ແກດ ແຕ້ອ໌ ຊານໍ່ ໄນ່, ເກົາ ຕະ ຕາປູນ ອິນແຍ່ະ ມັຣ ປັຣນາຍ ໄນ່."

21 ເຈ້ ເຢຊູ ຊາລີອ໌ ປີ ກວາຍ ກ້ອຍ, ກະ ອັນ ຊ້ອງ ອາໂຍ່ະ ກວາຍ ກ້ອຍ, ເຈ້ ອັນ ປາຍ: "ຊານໍ່ ໄນ່ ໄນ່ ອິນນ້ອງ ແອີ ມວຍ ຣາມິຣ, ໂອນ ໄນ່ ເປາະ ຈິ ອິນແຍ່ະ ມັຣ ມຸ່ນ ໄນ່, ເຈ້ ໄນ່ ໂອນ ມັຣ ກວາຍ

ກາດິດ. ນະກ້ອຍ ເຕ້ອ໌ ໄນ່ ເບິນ ມຸ່ນ ອໍ ຕິງ ມັນ ລ້ອງ, ເຈ້ ໄນ່ ແຕ້ອ໌ ປວາຍ ເກົາ."

22 ພໍກາ ອັນ ຊ້ອງ ເຢຊູ ປາຍ ນະກ້ອຍ, ເຈ້ ກວາຍ ກ້ອຍ ແກັດ ຊູບ ແຕ້ ມັດ ມຸ່ຣ ອັນ, ກະ ອັນ ຊ້ອງ ຕຸ່ຣ ຕິງ ຣາງິຣ ອັນ, ຍ່ອນ ອັນ ລາ ກວາ ຍ ຊຸ ລາລີ້.

23 ເຢຊູ ກູລຍານ ເນ່ ຊາ, ເຈ້ ອັນ ອາຕີ ໂຈະ ມູ່ ກາ ຣຍານ ແຕ ອັນ ປາຍ: "ກັດ ລາລີ້ ກວາຍ ກາ ຊຸ ເບິນ ອີ ມູ່ດ ຕິງ ຈຸ່ມ ເຢິງ ເຈົາຣາຊີ ຕະ ຊົດ."

24 ພໍກາ ມູ່ ກາ ຣຍານ ແຕ ອັນ ຊ້ອງ ອັນ ປາຍ ນະກ້ອຍ ໄລ່ ແກັດ ງິດ ລາລີ້. ເຢຊູ ອາຕີ ຊາ ໂຈະ ໄລ່ ປາຍ: "ມັຣ ກອນ ອາໂກ ເກົາ ເອີຍ! ກັດ ລາ ລີ ອີ ມູ່ດ ແອັດ ອາລິງ ຈຸ່ມ ກາ ເຢິງ ເຈົາຣາຊີ ຕະ ຊົດ. 25 ຊົນຕຣັ່ນ ອູ່ດ ລວາຍ໌ ຕາຣັງ ມັນຈິລ ອິນ ເນິມ ອຽນ ກາເລີຍ ແຕ ກວາຍ ຊຸ ເບິນ ອີ ມູ່ດ ຕິງ ຈຸ່ມ ກາ ເຢິງ ເຈົາຣາຊີ ຕະ ຊົດ."

26 ເຈ້ ມູ່ ກາ ຣຍານ ແຕ ອັນ ແຮງ ງິດ ລາລີ້ ແອັນ, ເຈ້ ໄລ່ ມານະ ອາເບັຣ ມານະ ປາຍ: "ຄັນ ນະກ້ອຍ ເມົ້າ ກາ ເຕ້ອ໌ ເບິນ ອາມັງ?"

27 ເຢຊູ ກູລຍານ ເນ່ ປີ ໄລ່ ເຈ້ ອັນ ປາຍ: "ກວາ ຍ ຕາ ເຕ້ອ໌ ຕະ ຣານະ ກ້ອຍ, ມາ ເຢິງ ເຈົາຣາຊີ ເຕ້ອ໌ ຕະ ກູ່ ຣາມິຣ."

28 ເຈ້ ເປັໂຕ ປາຍ: "ຮິ ຕັຣ ອິນແຍ່ະ ກູ່ ຣາມິຣ ຍ່ອນ ຮິ ອີ ເປາະ ກະ ໄນ່."

29 ເຢຊູ ອາຕີ ໂຈະ ໄລ່ ປາຍ: "ເກົາ ອາຕີ ຕານ້ອງ ໂອນ ເຍົາ: ກວາຍ ອາແລ່ະ ກາ ຕັຣ ດຸງ ຕັຣ ແຕ້ອ໌, ຕັຣ ແຊມອາຍ ແຊມແອີຍ, ຕັຣ ອິມເປ້ອ໌ ອິມປໍ່, ຕັຣ ກອນ, ຕັຣ ເນົາ ປຼີ ຍ່ອນ ອີ ເປາະ ອາ ລິງ ເກົາ ກະ ອີ ອາຕີ ປັຣນາຍ ອໍ ແຕ ເຢິງ ເຈົາຣາ ຊີ, 30 ກວາຍ ກ້ອຍ ເບິນ ຮັບ ລັຣ ເຫຣັງ ມວຍ ຣ່ອຍ ຕໍ່ ກາເລີຍ ແຕ ອິນໂຍ່ງ ຕິງ ກູແຕອ໌ ໄນ່ ນະ ດຸງ ແຕ້ອ໌, ແຊມອາຍ ແຊມແອີຍ, ອິມເປ້ອ໌ ອິມປໍ່, ກອນ, ເນົາ ປຼີ, ກະ ເບິນ ເມົ້າ ຕະ ຕຸ່ຣ ຊາອີ້ຍ ແຮ, ມາ ເຈ້ ປີ ເມິງ ອັນ ອາມັງ ເລືອຍໆ. 31 ຊາອີ້ຍ ນະ ກວາຍ ກາ ແກັດ ປິດ ຊານໍ່, ປັຣແນິ ມັນເຕຣີ ໄລ່ ແກັດ ແກດໆ, ມາ ກວາຍ ກາ ແກັດ ແກດໆ ຊານໍ່, ປັຣແນິ ມັນເຕຣີ ໄລ່ ແກັດ ປິດ ແອັນ."

ເຢຊູ ອາຕີ ລັຣ ປາຍ ເມົ້າ ອີ ກາຈິດ ອັນ  
(ມັດທາຍ 20:17-19; ລູກາ 18:31-34)

32 ບັອງ ກາ ເຢຊູ ກະ ມູ່ ກາ ຣຍານ ແຕ ອັນ ເປາະ ປີ ເມິອງ ເຢຣູຊາເລັມ, ເຢຊູ ຕາຢັຣ ເປາະ ອິນ

ໂຍ່ງ ແຕ່ ມູ່ ກາ ຮຍານ ແຕ່ ອັນ. ເຈີ່ ມູ່ ກ້ອຍ ຊ້ອງ ງິດ. ມາ ກວາຍ ການໍ້ອໍ ກາ ເປາະ ຕາຢັຣ ກະ ໄລ່ ຊ້ອງ ອົງກ້ອຣ. ເຢຊູ ເດີງ ມູ່ ກາ ຮຍານ ແຕ່ ອັນ ມັນຈິດ ລາ ບາຣ ນະ ຕາຢັຣ ອາລໍ່ອຣ ແຕ່ ກວາຍ ກົງ, ເຈີ່ ອັນ ອາຕີ ໂອນ ໄລ່ ດັງ ຮານະ ອິນເຕົ້າ ກາ ແຈ່ະ ອີ ແກັດ ກະ ອັນ. <sup>33</sup> ເຈີ່ ເຢຊູ ປາຍ: "ໂອນ ເຍົາ ຊາງັດ! ໄຮ ອີ ຊ້ອຣ ປິ ເມືອງ ເຢຣູຊາເລັມ. ອິນຕຸ ກ້ອຍ ເມົາ ອີ ມ່ອບ ເກົາ ກອນ ເຢົາງ ແກັດ ກວາຍ ໂອນ ກວາຍ ກາ ຊົດ ຊາງ ຮິດ ກະ ກວາຍ ອາຕີ ຄານອດ, ເຈີ່ ໄລ່ ມັດ ດໍອໍ ອົງເຄາະ ເກົາ ຈິວ ກູຈິດ. ກະ ໄລ່ ມ່ອບ ເກົາ ໂອນ ກວາຍ ຕາ ແກັນ ກວາຍ ອິດຊະຣາເອລ. <sup>34</sup> ເຈີ່ ກວາຍ ກ້ອຍ ໄລ່ ອາເຢ່ ກະ ພາມາດ ເກົາ, ໄລ່ ກູຈິຣ ໂຈະ ເກົາ, ກະ ໄລ່ ວັດ, ເຈີ່ ໄລ່ ກາຈິດ ຕັຣ ເກົາ. ມາ ແວັດ ໄປ ຕາ ໄງ ເກົາ ໂມ່ຍຣ ລັຣ ແຕ່ ກູຈິດ ກ້ອຍ."

ຢາໂກໂບ ກະ ໂຢຣັນ ແຊຣ໌ ແຕ່ ເຢຊູ  
(ມັດທາຍ 20:20-28)

<sup>35</sup> ເຈີ່ ຢາໂກໂບ ກະ ໂຢຣັນ ກອນ ເຊບດາຍ ຊໍ້ ອໍ ອາມູດ ແຈ່ະ ເຢຊູ ເຈີ່ ໄລ່ ປາຍ: "ອາຈານ ເອີຍ! ຮິ ບາຣ ນະ ຢໍອໍ ອີ ໂອນ ອາຈານ ຈ່ອຍ ມວຍ ຣາມິ່ ຣ ເບີນ ບໍ?"

<sup>36</sup> ເຢຊູ ອາເບີຣ ໄລ່ ປາຍ: "ອິນເຕົ້າ ເຍົາ ອີ ເບີ ນ ໂອນ ເກົາ ຈ່ອຍ?"

<sup>37</sup> ໄລ່ ຕາແອີຍ ປາຍ: "ພໍກາ ອາຈານ ເບີນ ແອັດ ຕົງ ອິນຕຸ ອາງຮິຣ, ແຊຣ໌ ໂອນ ຮິ ບາຣ ນະ, ມານະ ຕາກູ ຢັຣ ອາຕໍ່າ ມານະ ຕາກູ ຢັຣ ອາເວຣ ອາຈານ."

<sup>38</sup> ເຢຊູ ຕາແອີຍ ໄລ່ ປາຍ: "ເຍົາ ອິນເມີ່ມ ຕາ ຢວາຣ ດັງ ຣາມິ່ຣ ກາ ເຍົາ ແຊຣ໌. ຈອກ ກາ ເກົາ ຈ່ອຍ ກ້ອຍ, ເຍົາ ຈ່ອຍ ເບີນ ບໍ? ກະ ຮິດ ຕົງ ແດັອ ກາ ເກົາ ຮັບ ກ້ອຍ, ເຍົາ ຮັບ ເບີນ ບໍ?"\*

<sup>39</sup> ໄລ່ ຕາແອີຍ ປາຍ: "ເບີນ."

ເຈີ່ ເຢຊູ ອາຕີ ໂຈະ ໄລ່ ປາຍ: "ຈອກ ກາ ເກົາ ຈ່ອຍ, ເຍົາ ເບີນ ຈ່ອຍ ແຕ່. ຮິດ ຕົງ ແດັອ ກາ ເກົາ ຮັບ, ອົງເຄາະ ເຍົາ ເບີນ ຮັບ ແຕ່. <sup>40</sup> ມາ ເມົາ ກາ ເບີນ ຕາກູ ຢັຣ ອາຕໍ່າ ຢັຣ ອາເວຣ ເກົາ, ເກົາ ຕາ ເບີນ ຮຽຣ. ມາ ເຢົາງ ເຈົາຣາຊີ ຮຽຣ ດໍອໍ ກວາຍ ກ້ອຍ ແຕ່ ອິນໂຍ່ງ." <sup>41</sup> ພໍກາ ມູ່ ກາ ຮຍານ ແຕ່ ອັນ ມັນຈິດ ນະ ຊ້ອງ ນະກ້ອຍ, ໄລ່ ກ້ອຍ ຊ້ອງ ອົງຄິນ ລາລີ່ ໂຈະ ຢາໂກໂບ ກະ ໂຢຣັນ. <sup>42</sup> ເຈີ່ ເຢຊູ ກູອໍ ໄລ່ ກ້ອຍ ໂອນ ມູ່ດ ໂຣ່ມ ມັນຕຸ, ເຈີ່ ອັນ ປາຍ:

"ມູ່ ເຍົາ ດັງ ເຈີ່ ເຕົ້າວ ປັຣເຍົາ ກາ ຊົດ ຕົງ ກຣວາງ ການໍ້ອໍ ໄລ່ ຕະ ໂອນ ກອນແຊມ ອົງກ້ອຣ ໄລ່; ມັຣ ກວາຍ ຊົດ ປິນ ອັນ ຕະ ຕຸຣ ກັດ ມັຣ ກອນແຊມ. <sup>43</sup> ມາ ມູ່ ເຍົາ ອິນໂຈຍ ຕະ ນະກ້ອຍ. ຄັນ ກວາຍ ອາແລ່ະ ຕົງ ຈຸ່ມ ເຍົາ ຢໍອໍ ອີ ແກັດ ປິດ, ໂອນ ອັນ ຕະ ຮານະ ຈ່ອຍ ອິນແຍ່ະ ນະ ເຍົາ. <sup>44</sup> ຄັນ ກວາ ຍ ອາແລ່ະ ຢໍອໍ ອີ ແກັດ ປິດ ກາເລີຍ ແຕ່ ການໍ້ອໍ, ໂອນ ອັນ ແກັດ ຊູລ ອິນແຍ່ະ ກູ່ ນະ. <sup>45</sup> ຍ່ອນ ເກົາ ກອນ ເຢົາງ ແກັດ ກວາຍ ຕາ ເບີນ ແຕ້ອ ປິ ໄມ່ ໂອນ ກວາຍ ການໍ້ອໍ ແກັດ ຊູລ ເກົາ, ມາ ເກົາ ແຕ້ອ ປິ ໄມ່ ອີ ແກັດ ຊູລ ກວາຍ ການໍ້ອໍ, ກະ ຈິວ ກູຈິດ ອີ ໄທ ລັຣ ຊາອິຍ ນະ ກວາຍ."

ເຢຊູ ປົວ ກວາຍ ຊູດ ມັດ  
(ມັດທາຍ 20:29-34; ລູກາ 18:35-43)

<sup>46</sup> ເຢຊູ ກະ ມູ່ ກາ ຮຍານ ແຕ່ ອັນ ຕາຢັຣ ເປາະ ແຕ້ອ ເມືອງ ເຢຣີໂກ; ບັອງ ກາ ເຢຊູ ກະ ມູ່ ກາ ຮ ຍານ ແຕ່ ອັນ ລໍ່ອຣ ແຕ່ ເມືອງ ເຢຣີໂກ ເປາະ ມັນຕຸ ກະ ກວາຍ ກົງ, ເບີນ ມານະ ກວາຍ ຊູດ ມັດ ຣາມິ່ ຣ ບາຣຕີມາຍ ກອນ ຣາເລົາ ຕີມາຍ ຕາກູ ຊູແຊຣ໌ ແອັດ ອິມແປຣ ຣາມາ. <sup>47</sup> ພໍກາ ກວາຍ ຊູດ ມັດ ກ້ອຍ ດັງ ປາຍ ເຢຊູ ກວາຍ ແຕ່ ວິລ ນາຊາເຣັດ ເປາະ ຊາລັຣ ແຈ່ະ ອັນ, ເຈີ່ ອັນ ກູອໍ ປາຍ: "ເຢຊູ ກວາຍ ຈຸ່ມເຈີອ ດາວິດ ເອີຍ! ແຊຣ໌ ໄມ່ ອາໂຢ່ະ ຕະ ເກົາ ແຮ້!"

<sup>48</sup> ຊາອິຍ ນະ ກາແອັຣ ໂອນ ອັນ ແອັດ ຮາງ ຍາຣ໌ ຕາ ເບີນ ໂອນ ອັນ ຕະ ແບອ໌, ມາ ແຮງ ອັນ ກູອ໌ ແຮງ ອາຊ້ອຣ ລາລີ່: "ເຢຊູ ຈຸ່ມເຈີອ ດາວິດ ເອີຍ! ແຊຣ໌ ໄມ່ ອາໂຢ່ະ ຕະ ເກົາ ແຮ້!"

<sup>49</sup> ເຢຊູ ຕາງິດ, ເຈີ່ ອັນ ແປຣີ ກວາຍ ກາ ແອັດ ແຈ່ະ ອັນ ປາຍ: "ເຍົາ ໂອນ ອັນ ແຕ້ອ ປິ ໄມ່."

ເຈີ່ ໄລ່ ກ້ອຍ ກູອ໌ ກວາຍ ຊູດ ມັດ ກ້ອຍ ອາຕີ ອັນ ປາຍ: "ໂອນ ໄມ່ ຮໍອ໌ ຣາງິຣ, ເຈີ່ ຢວຣ ຕາຢັງ. ເຢຊູ ກູອ໌ ໄມ່ ໂອນ ເປາະ ປິ ອັນ."

<sup>50</sup> ກວາຍ ຊູດ ມັດ ກ້ອຍ ກູເຕົາງ ຕັຣ ອາຣີ ກາ ອັນ ອົງກວາມ ແຕ່ ຈະ ອັນ, ເຈີ່ ອັນ ຢວຣ ຢຸກຢັກ ຕາຢັຣ ເປາະ ຕາໂຣ່ອ ປິ ເຢຊູ. <sup>51</sup> ເຈີ່ ເຢຊູ ຕາເບີນ ອັນ ປາຍ: "ໄມ່ ໂອນ ເກົາ ຈ່ອຍ ອິນເຕົ້າ ໄມ່?"

ກວາຍ ຊູດ ມັດ ຕາແອີຍ ປາຍ: "ອາຈານ ເອີຍ! ເກົາ ຢໍອໍ ອີ ບຣາງ ເຮີມ ແຕ່."

\* **10:38** 10:38 ແຕ້ອ ເຢຊູ ປາຍ "ຈອກ ກາ ເກົາ ຈ່ອຍ," ອັນ ຊາກໍາ ແຕ່ ອັນ "ຈິວ ຕຸຣ ກັດ." ກະ ອັນ ປາຍ ແຕ່ "ຮິດ ຕົງ ແດັອ ກາ ເກົາ ຮັບ" ອັນ ຊາກໍາ ແຕ່ ອັນ "ຈິວ ກູຈິດ."

52 ເຢຊູ ຕາແອີຍ ປາຍ: "ເປາະ ເລີຍ, ຍ່ອນ ໄມ່ ຊາອຳ ມັດ ໄມ່ ເຕ້ອ ບຮາງ ລັຮ."

ບັອງ ກາ ກ້ອຍ ແຕ່ ມັດ ອັນ ບຮາງ ລັຮ, ເຈີ້ ອັນ ເປາະ ອາລິ່ງ ເຢຊູ.

### 11

ເຢຊູ ມຸ່ດ ຕຶ້ງ ເມືອງ ເຢຣູຊາເລັມ

(ມັດທາຍ 21:1-11; ລູກາ 19:28-40; ໂຢຮັນ 12:12-19)

1 ພໍກາ ເຢຊູ ກະ ມູ່ ກາ ຮຍານ ແຕ ອັນ ມຸ່ດ ແຈ່ວ ອີ ແຕ້ອ ເມືອງ ເຢຣູຊາເລັມ ແຈ່ວ ວິລ ເບັດພາເຄ ກະ ວິລ ເບັດທານີ, ໄລ່ ແຕ້ອ ປີ ກົຮ ອາໂປນ. ເຢຊູ ແປຣີ ມູ່ ກາ ຮຍານ ແຕ ອັນ ບາຮ ນະ ໂອນ ເປາະ ອິນໂຍ່ງ, ເຈີ້ ອັນ ອາຕີ ໄລ່ ປາຍ: 2 "ອິງເຄາະ ເຍົາ ມຸ່ດ ຕຶ້ງ ວິລ ຍິ່ຮ ມືງ ເຍົາ ກ້ອຍ. ພໍກາ ເຍົາ ມຸ່ດ ປີ ກ້ອຍ ເຍົາ ຣາມົຮ ມານຳ ອາແຊັຮ ແຈລ ອິນ ນ້ອງ ນຸ່ມ ເມົາ ຊັດ ດໍອໍ ອິງກ້ອຍ. ອາແຊັຮ ແຈລ ກ້ອຍ ຕາ ເບີນ ອາແລ່ຮ ຈິ່ຮ ຢວາຮ. ເຍົາ ອາແລ່ຮ ອັນ ແຕ ກ້ອຍ; ເຈີ້ ເດີງ ປີ ເກົາ. 3 ຄັນ ເບີນ ອາ ແລ່ຮ ຕາແບັບ ເຍົາ ປາຍ: 'ອິນເຕົາ ເຍົາ ອາແລ່ຮ ຕະ ອາແຊັຮ ໄມ່?' ໂອນ ເຍົາ ຕາແອີຍ ໄລ່ ປາຍ: 'ອິນເຈົາ ໄຮ ອີ ເມົານ. ອິນແນະ ຮີ ກູລັຮ ແຕ້.'"

4 ເຈີ້ ມູ່ ກາ ຮຍານ ແຕ ອັນ ບາຮ ນະ ກ້ອຍ ເປາະ, ເຈີ້ ໄລ່ ຣາມົຮ ອາແຊັຮ ແຈລ ມານຳ ເມົາ ຊັດ ດໍອໍ ຍິ່ຮ ນໍອໍ ດູງ ແຈ່ວ ຮານາ. ບັອງ ກາ ໄລ່ ອາແລ່ຮ ອິນໄຊ ອັນ, 5 ເບີນ ກວາຍ ຕາຢິ່ງ ແອັດ ແຈ່ວ ກ້ອຍ ຕາແບັບ ໄລ່ ປາຍ: "ເຍົາ ອາແລ່ຮ ຕະ ອິນເຕົາ ອາແຊັຮ ແຈລ ໄມ່? ເຍົາ ອີ ເດີງ ປີ ແລ່?"

6 ໄລ່ ຕາແອີຍ ຕາປູນ ເຢຊູ ອາຕີ ແຕ ອິນໂຍ່ງ ກ້ອຍ, ເຈີ້ ກວາຍ ກ້ອຍ ໂອນ ໄລ່ ອິດ ອາແຊັຮ ແຈລ ກ້ອຍ. 7 ເຈີ້ ໄລ່ ບາຮ ນະ ກ້ອຍ ເຕີ ອາແຊັຮ ແຈລ ເດີງ ປີ ເຢຊູ. ໄລ່ ອິດ ອາຍິອຮ ແປັງ ຕວດ ອີ ເຊີນ ຕຶ້ງ ກຮ້ອງ ອາແຊັຮ ແຈລ ກ້ອຍ, ເຈີ້ ໂອນ ເຢຊູ ຊ້ອຮ ຈິ່ຮ. 8 ເບີນ ຊາອິ້ຍ ນະ ກວາຍ ອິດ ອາຍິອຮ ແປັງ ຕວດ ເຊີນ ຕຶ້ງ ຮານາ. ເບີນ ມັຮ ກວາຍ ກາ ໄປໍອໍ ອິດ ປິດ ອາລ່ອງ ເຊີນ ຕຶ້ງ ຮານາ. 9 ກວາຍ ກາ ຕາຍິຮ ອິນໂຍ່ງ ກະ ກວາຍ ກາ ຕາຍິຮ ຕາປູນ ກຮ້ອງ ເຢຊູ ອິມປຣ່ອມ ປາຍ ເຮ່ງ ລາລີ້ ນະໄມ່: "ຍ່ອງ ເຢົາງ ເຈົາຮາຊີ! ແຊອໍ ໂອນ ເຢົາງ ເຈົາຮາຊີ ໂອນ ເຍົາ ເບີນ ບຸ່ນ, ເຍົາ ກາ ແຕ້ອ ຍ່ອນ

ຮາມິ່ຮ ເຢົາງ ເຈົາຮາຊີ! 10 ໂອນ ໄຮ ຍ່ອງ ເຢົາງ ເຈົາຮາຊີ. ແຕ້ອ ເຈີ້ ຊັດ ແຕ ເຕົາວ ປັຮເຍົາ ດາວິດ, ອາຈວາຍຮ ອາເຈ່ຮ ໄຮ! ໂຮຊັນນາ!"\* ຍ່ອງ ເຢົາງ ເຈົາຮາຊີ!"

11 ເຈີ້ ເຢຊູ ມຸ່ດ ປີ ເມືອງ ເຢຣູຊາເລັມ, ກະ ອັນ ມຸ່ດ ຕຶ້ງ ດູງ ຊາງ ປິດ. ພໍກາ ອັນ ກູລຍານ ແນ່ ອິນແຍ່ະ, ເຈີ້ ອັນ ລ້ອຮ ແຕ ດູງ ຊາງ ປິດ ກະ ມູ່ ກາ ຮຍານ ແຕ ອັນ ມັນຈິດ ລາ ບາຮ ນະ. ເຈີ້ ໄລ່ ມຸ່ດ ຕຶ້ງ ວິລ ເບັດທານີ ແອັນ ຍ່ອນ ມານາງ ແຈ່ວ ອີ ຕາປີ້ ເຈີ້.

12 ພໍກາ ຕາໄງ ຕາໄມ ເຢຊູ ກະ ມູ່ ກາ ຮຍານ ແຕ ອັນ ລ້ອຮ ແຕ ວິລ ເບັດທານີ. ເຈີ້ ເຢຊູ ຊ້ອງ ມາເຍົາຍຮ ໂດຍ. 13 ພໍກາ ເຢຊູ ເຮີມ ແຕ ເຢົາງ ມູ ກໍລ ລາວັຮ ເບີນ ຊາລາ ຊາອິ້ຍ, ເຈີ້ ເຢຊູ ມຸ່ດ ແນ່ ເບີນ ມາ ຕາ ເບີນ ປາໄລ, ມາ ອັນ ເຮີມ ຕາ ເບີນ ປາໄລ. ເບີນ ແອັງ ຊາລາ ພິາດ, ຍ່ອນ ຕາ ຢວາຮ ແຕ້ອ ປາແນ່ນ ປາໄລ. 14 ເຢຊູ ປາຍ ໂຈະ ກໍລ ລາວັຮ ກ້ອຍ: "ແຕ ຊານໍ ເດີງ ປີ ກ້ອຍ ແນະ, ອິນໂຈຍ ໂອນ ອາແລ່ຮ ເບີນ ຈາ ປາໄລ ໄມ່ ນ້ອງ." ມູ່ ກາ ຮ ຍານ ແຕ ອັນ ຊ້ອງ ເຢຊູ ປາຍ ນະກ້ອຍ.

ເຢຊູ ຕູ່ຍຮ ກວາຍ ຈູຈີ ຕຶ້ງ ດູງ ຊາງ  
(ມັດທາຍ 21:12-17; ລູກາ 19:45-48; ໂຢຮັນ 2:13-22)

15 ແວັດ ກ້ອຍ ເຢຊູ ກະ ມູ່ ກາ ຮຍານ ແຕ ອັນ ເປາະ ແຕ້ອ ເມືອງ ເຢຣູຊາເລັມ. ເຢຊູ ມຸ່ດ ຕຶ້ງ ຊົງ ອາຮ ດູງ ຊາງ ປິດ, ເຈີ້ ອັນ ຕູ່ຍຮ ອາລ່ອຮ ມັຮ ກວາຍ ຈູຈີ ຕຶ້ງ ດູງ ຊາງ ກ້ອຍ. ເຢຊູ ກາແຕັບ ຕັຮ ມັຮ ອິນຕຸ ເມົາ ປຽນ ປຮະ, ກະ ອິນຕຸ ກວາຍ ຕາ ກູ ຈີ ແຈມ ປາເຮັດ. 16 ເຈີ້ ເຢຊູ ກາແອັຮ ຕາ ໂອນ ກວາຍ ເດີງ ເກຣັງ ຊາລັຮ ດູງ ຊາງ. 17 ເຈີ້ ເຢຊູ ອາຕີ ໄລ່ ປາຍ: "ຕຶ້ງ ປັຮນາຍ ເຢົາງ ເຈົາຮາ ຊີ ຄຽນ ປາຕັບ ດໍອໍ ປາຍ: "ຕຶ້ງ ດູງ ຊາງ ເກົາ ລາ ອິນຕຸ ກວາຍ ກູ່ ກຮວາງ ກູແຕອໍ ເກົາແຊອໍ ຊ້ອງ. ມາ ເຍົາ ຕະ ດູງ ໄມ່ ແກັດ ກິບ ໂອນ ກວາຍ ຊາແວງ ມຸ່ດ ໂຕ່ະ!"

18 ພໍກາ ກວາຍ ຊັດ ມູ່ ກາ ຊາງ ຮິດ ເຢົາງ ເຈົາຮາຊີ ກະ ມູ່ ກາ ອາຕີ ຄານອດ ອິດຊະຮາເອລ ຊ້ອງ ນະກ້ອຍ, ເຈີ້ ໄລ່ ຈໍອໍ ຮານາ ອີ ກາຈິດ ເຢຊູ. ມາ ໄລ່ ອິງກ້ອຮ ເຢຊູ ຍ່ອນ ມັຮ ກອນແຊມ ຊາງັດ ກະ ງິດ ຕຶ້ງ ຮາງິ່ຮ ໄລ່, ຍ່ອນ ແຕ ປັຮນາຍ ເຢຊູ

\* 11:10 11:10 ປັຮນາຍ ເຮັບເຮີ ປາຍ ໂຮຊັນນາ,' ຕຶ້ງ ປັຮນາຍ ໄຮ ລາ 'ຍ່ອງ ເຢົາງ ເຈົາຮາຊີ.'

ອາຕີ. 19 ພໍ່ກາ ມານາງ ຕາປີ້, ເຈົ້າ ເຢຊູ ກະ ມູ່ ກາ ຮຍານ ແຕ ອັນ ລ້ອນ ແຕ ເມືອງ ກ້ອຍ.

ປຽນາຍ ອາຕີ ແຕ ກໍ່ລ ລາວ້ຮ  
(ມັດທາຍ 21:20-22)

20 ປັ່ງ ຕາຮືບ ເຢຊູ ກະ ມູ່ ກາ ຮຍານ ແຕ ອັນ ຕາຍັຮ ຊາລັຮ ກໍ່ລ ລາວ້ຮ ກາ ເຢຊູ ເວ່ນ ແຕ ຕາໄງ ອິນໂຍ່ງ. ມູ່ ກາ ຮຍານ ແຕ ອັນ ເຮີມ ກໍ່ລ ລາວ້ຮ ກ້ອຍ ຮ້ອນ ກູຈິດ ແຕ ໂກຍ໌ ແຕ້ອ ເຮ່ຮ. 21 ເປໂຕ ຄິດ ຊາແຍີ ບ້ອງ ກາ ເຢຊູ ເວ່ນ ດໍອ໌ ກໍ່ລ ອາລ່ອງ ກ້ອຍ, ປາໄຮ. ອັນ ອາຕີ ເຢຊູ ປາຍ: "ອາຈານ ເອີຍ! ຊາລີອ໌ ກ້ອຍ ແມະ, ກໍ່ລ ລາວ້ຮ ກາ ອາຈານ ເວ່ນ ດໍອ໌ ຮ້ອນ ເຈົ້."

22 ເຢຊູ ອາຕີ ມູ່ ກາ ຮຍານ ແຕ ອັນ ປາຍ: "ອີງ ເຄາະ ເຍົາ ຊາອ໌ ເຢົາ ເຈົ້າຮາຊີ. 23 ເກົາ ອາຕີ ຕາມ້ ອງໂອນ ເຍົາ, ອາແລະ ກາ ອາຕີ ກັຮ ໄນ່ ປາຍ 'ເອົາ! ໄມ່ ອາຊິອ໌ ເຈົ້ ຊາແລັຮ ອາແຊງ ປິ ແດ້ອ໌ ທາເລ,' ຄັນ ອັນ ຕາ ເບີນ ກູຄິດ ອິນເຕົ້າ ຕັ້ງ ຮາງິຮ ອັນ ມາ ອັນ ຊາອ໌, ແຕ້ອ ແກັດ ນະ ອັນ ອາຕີ. 24 ເກົາ ອາຕີ ຕາມ້ອງ ໂອນ ເຍົາ, ອິນເຕົ້າ ເຍົາ ແຊອ໌ ແຕ ເຢົາ ເຈົ້າຮາຊີ, ເຍົາ ອີງເຄາະ ຊາອ໌ ຕັ້ງ ຮາງິຮ ເຍົາ ກະ ອີງກ່ອງ ເບີນ, ເຈົ້ ເຍົາ ເບີນ ຮັບ ຮາມິຮ ກ້ອຍ.

25 "ແຕ້ອ໌ ເຍົາ ຕາຍັ່ງ ເກົາແຊອ໌, ຄັນ ອິນເຕົ້າ ເຍົາ ເບີນ ອາກັນ ຮາລິຮ ຕັ້ງ ຮາງິຮ ເຍົາ ໂຈະ ເຍົາ ໄບ ຕັ້ງ ວິລ, ອີງເຄາະ ເຍົາ ຕັຮ ໄລ່ຍຮ ໂອນ ໄລ່; ນະກ້ອຍ ແຕ້ອ໌ ເຢົາ ເຈົ້າຮາຊີ ຕັຮ ໄລ່ຍຮ ໂອນ ເຍົາ. 26 ຄັນ ເຍົາ ມາ ຕາ ເບີນ ຕັຮ ໄລ່ຍຮ ກວາຍ ກາ ຕະ ໄລ່ຍຮ ໂຈະ ເຍົາ, ເຢົາ ເຈົ້າຮາຊີ ຕາ ເບີນ ຕັຮ ໂອນ ແຕ່ ໄລ່ຍຮ ເຍົາ."

ອຳນາດ ເຢຊູ ແຕ້ອ໌ ແຕ ແລະ  
(ມັດທາຍ 21:23-27; ລູກາ 20:1-8)

27 ເຈົ້ ແວັດ ກ້ອຍ ເຢຊູ ກະ ມູ່ ກາ ຮຍານ ແຕ ອັນ ມູ່ດ ຊາ ປິ ເມືອງ ເຢຣຸຊາເລັມ. ພໍ່ກາ ເຢຊູ ຕາ ຍັຮ ຕັ້ງ ດຸງ ຊາງ ປິດ, ຈຸ່ມ ກວາຍ ຊົດ ມູ່ ກາ ຊາງ ຮິດ, ມູ່ ກາ ອາຕີ ຄານອດ, ກະ ມັຮ ກວາຍ ເທົາ ແກ ຈຸ່ມເຈືອ ມັຮ ໄລ່ ກ້ອຍ ແຕ້ອ໌ ປິ ອັນ. 28 ເຈົ້ ໄລ່ ຕາແບີບ ເຢຊູ ປາຍ: "ໄມ່ ເບີນ ອຳນາດ ແຕ ແລະ ໂອນ ຕະ ຮານະ ໄນ່? ເມົາ ກາ ໂອນ ໄມ່ ເບີນ ອຳນາດ ກ້ອຍ?"

29 ເຢຊູ ຕາແອີຍ ໄລ່ ກ້ອຍ ປາຍ: "ເກົາ ຍິອ໌ ອີ ຕາແບີບ ເຍົາ ມວຍ ຮາມິຮ ອິນໂຍ່ງ. ຄັນ ເຍົາ ຕາ ແອີຍ ເກົາ, ເຈົ້ ເກົາ ອາຕີ ໂອນ ເຍົາ ດັງ ເກົາ ຕະ ຮາ ນະ ໄນ່ ລາ ຍ່ອນ ອຳນາດ ອິນເຕົ້າ. 30 ໂອນ ເຍົາ ອາຕີ ເກົາ ເວົ້າຍ: ເມົາ ກາ ໂອນ ອຳນາດ ປິ ໂຢຮັນ

ກາ ຕະ ຮິດ ຕັ້ງ ແດ້ອ໌? ອຳນາດ ກ້ອຍ ແຕ້ອ໌ ແຕ ເຢົາ ເຈົ້າຮາຊີ ມາ ແຕ້ອ໌ ແຕ ກວາຍ ຊ້ອງ?"

31 ໄລ່ ກ້ອຍ ມານະ ຕາແບີບ ມານະ ປາຍ: "ໄຮ ອີ ຕາແອີຍ ນານະ? ຄັນ ໄຮ ຕາແອີຍ ປາຍ: ແຕ້ອ໌ ແຕ ເຢົາ ເຈົ້າຮາຊີ, ອີງກ້ອນ ອັນ ອາເບີຮ ລັຮ ແອັນ ປາຍ: 'ຄັນ ນະກ້ອຍ ນານະ ເຍົາ ຕາ ເບີນ ຊາອ໌ ໂຢຮັນ?' 32 ມາ ຄັນ ໄຮ ຕາແອີຍ ປາຍ: 'ຮານະ ຮິດ ຕັ້ງ ແດ້ອ໌ ໄນ່ ຈຸງ ແຕ້ອ໌ ແຕ ກວາຍ ຊ້ອງ,' ອີງກ້ອນ ກອນແຊມ ໂຄອ໌ ໄຮ, ຍ່ອນ ອິນ ແຍະ ກອນແຊມ ປາຍ ໂຢຮັນ ລາ ກວາຍ ອາຕີ ຕາງ ປຽນາຍ ເຢົາ ເຈົ້າຮາຊີ."

33 ເຈົ້ ໄລ່ ຕາແອີຍ ເຢຊູ ປາຍ: "ຮີ ຕາ ດັງ."

ເຈົ້ ເຢຊູ ຕາແອີຍ ໄລ່ ປາຍ: "ຄັນ ນະກ້ອຍ ເກົາ ຕາ ເບີນ ອາຕີ ເຍົາ ແຕ່ ເມົາ ກາ ໂອນ ເກົາ ເບີນ ອຳ ນາດ ຕະ ມັຮ ຮານະ ໄນ່."

### 12

ປຽນາຍ ຊາກຳ ແຕ ຊວນ ອາງຸ່ນ  
(ມັດທາຍ 21:33-46; ລູກາ 20:9-19)

1 ເຈົ້ ເຢຊູ ຕະ ອິນຕີ ປຽນາຍ ຊາກຳ ປາຍ: "ເບີ ນ ຮາເລົາ ມານະ ຕະ ຊວນ ອາງຸ່ນ. ອັນ ຕະ ດໍອ໌ ກຮ່ອງ ຈວບ ຊວນ, ກະ ອັນ ຈັອຮ ຕາເມົາ ຕະ ດໍອ໌ ຮາເລາະ ອຽນ ອີ ປັດ ໂຈະ ແຕ້ອ໌ ອາງຸ່ນ. ອັນ ຕະ ດໍອ໌ ດຸງ ກຍາອ໌ ແຮີ. ພໍ່ກາ ກ້ອຍ ອັນ ໂອນ ກວາຍ ເມົານ ຕະ, ເຈົ້ ອັນ ເປາະ ກຮວາງ ການໍອ໌. 2 ພໍ່ກາ ແຕ້ອ໌ ປາແນ່ນ ເມົາ ໂປຍ໌ ປາໄລ ອາງຸ່ນ, ອັນ ແປຣີ ມານະ ກວາຍ ຊູລ ອັນ ເປາະ ປິ ມູ່ ກາ ເມົານ ຕະ ຊວນ ກ້ອຍ, ໂອນ ເປາະ ອິດ ຊັຮແນອ໌ ອັນ ແຕ ຊັຮມັຮ ແຕ ມູ່ ກາ ເມົານ ຕະ ຊວນ ກ້ອຍ. 3 ພໍ່ກາ ກວາຍ ຊູລ ເປາະ ແຕ້ອ໌ ຊວນ, ເຈົ້ ໄລ່ ກາ ເມົານ ຕະ ຊວນ ກ້ອຍ ໂກບ ອັນ ກະ ໄລ່ ປຍາຍຮ ອັນ ເຈົ້ ໄລ່ ຕູ່ຍຮ ໂອນ ອັນ ເຈົ້ ລັຮ ແອີງ ຈະ ຊ້ອງ.

4 ເຈົ້ ອິນເຈົ້າ ຊວນ ກ້ອຍ ແປຣີ ກວາຍ ຊູລ ມານະ ແອັນ ເປາະ ປິ ໄລ່ ກ້ອຍ, ເຈົ້ ໄລ່ ກ້ອຍ ປຍາຍຮ ຊູລ ກ້ອຍ ຈົນ ເບີ ແປຼີ ໂຊະ, ກາ ໄລ່ ປາຍ ອາລິຮ ຊູລ ກ້ອຍ. 5 ອິນເຈົ້າ ຊວນ ກ້ອຍ ແປຣີ ລັຮ ຊູລ ມານະ ແອັນ ເປາະ ປິ ກ້ອຍ, ເຈົ້ ໄລ່ ກ້ອຍ ກາຈິດ ຕັຮ ຊູລ ກ້ອຍ. ອິນເຈົ້າ ຊວນ ແປຣີ ລັຮ ຊາ ຊູລ ອັນ ຊາອິຍ ນະ. ອັນ ກາ ມູ່ ກ້ອຍ ຕະ ປຍາຍຮ, ອັນ ກາ ເມົາ ກາຈິດ ຕັຮ ແຮີ. 6 ພໍ່ກາ ປັຮຕູຍ໌ ອິນເນີມ໌ ມານະ ກອນ ຮາເລົາ ກາ ອັນ ອາໂຍະ ລາ ລີ. ອິນເຈົ້າ ຊວນ ກ້ອຍ ແປຣີ ກອນ ອັນ ແອັນ ເປາະ. ອັນ ຄິດ ປາຍ ເມົາ ຢຳນັບ ກອນ ອັນ ເບີ ມ. 7 ມາ ໄລ່ ກາ ເມົານ ຊວນ ກ້ອຍ ປາຍ: "ອັນ

ໄມ້ ກາ ຕາລາ ມັຮ ກາ ມູ່ນ ໄມ້. ອີງເຄາະ ໄຮ ກາຈິດ ຕັຮ ອັນ, ເຈີ້ ອິນແຍ່ະ ມູ່ນ ອັນ ໄຮ ແອັນ ເບິນ ຕາລາ!"<sup>8</sup> ຍ່ອນ ມະກ້ອຍ, ໄລ່ ກ້ອຍ ໂກບ ກອນ ອິນເຈົ້າ ຊວນ ກ້ອຍ ເປາະ ກາຈິດ ຕັຮ, ເຈີ້ ໄລ່ ຕາ ເວ່ງ ອາລ້ອຮ ຢັຮ ນໍ້ອ ຊວນ."

<sup>9</sup> ເຢຊູ ຕາແບິບ ປາຍ: "ຄັນ ແກິດ ມະກ້ອຍ, ອິນເຈົ້າ ຊວນ ອີ ຕະ ນານະ? ອັນ ອີ ເປາະ ກາຈິດ ຕັຮ ອິນແຍ່ະ ມະ ມູ່ ກາ ພົ້ນ ຊວນ ອັນ, ເຈີ້ ຊວນ ອາງຸ່ນ ກ້ອຍ ອັນ ໂອນ ກວາຍ ການໍ້ອ ແອັນ ພົ້ນ ຕະ. <sup>10</sup> ໄກຮ ມາ ຕາ ເບິນ ເຍົາ ອານ ຕິ່ງ ປິ່ງ ປັຮ ນາຍ ເຢົາ ເຈົ້າຮາຊີ ກາ ເມົ້າ ຄຽນ ດໍ້ອ ປາຍ ມະ ໄມ້:

'ຕາເມົາ ກາ ກວາຍ ເຈົ້າ ຕະ ດງ ຕາເວ່ງ ຕັຮ ເຈີ້,  
ມາ ເຢົາ ເຈົ້າຮາຊີ ອິດ ຕາເມົາ ກ້ອຍ ດໍ້ອ ຕິ່ງ  
ກູຈັກ  
ຕະ ໂອນ ດງ ແກິດ ຈັບ.

<sup>11</sup> ຮານະ ໄມ້ ລາ ແຕ້ອ ແຕ ເຢົາ ເຈົ້າຮາຊີ,  
ພໍກາ ມັດ ໄຮ ເຮິມ, ຮາງັຮ ໄຮ ຊ້ອງ ງິດ ລາ  
ລີ້."

<sup>12</sup> ມະກ້ອຍ ໄລ່ ຈໍ້ອ ຮາລິ້ຮ ອີ ໂກບ ເຢຊູ ຍ່ອນ ໄລ່ ດັງ ອັນ ປາຍ ປັຮນາຍ ຊາກໍາ ໄມ້ ແຕ ໄລ່, ມາ ໄລ່ ອີງກ້ອຮ ມັຮ ກອນແຊມ ກ້ອຍ. ເຈີ້ ໄລ່ ເປາະ ຕັຮ ແຕ ເຢຊູ.

ຮານະ ແຕ ປະ ປາຊີ  
(ມັດທາຍ 22:15-22; ລູກາ 20:20-26)

<sup>13</sup> ເຈີ້ ຈຸ່ມ ພາຮີຊາຍ ກະ ມູ່ ເຮໂຣດ ໄລ່ ແປຮີ ກວາຍ ໂອນ ເປາະ ຈໍ້ອ ເຢຊູ, ເຈີ້ ອີງກ້ອຍ ຕາ ຕ່ອຍ ຈໍ້ອ ຮານະ ໄລ່ຍຮ ແຕ ປັຮນາຍ ອັນ ຕະ ອິນຕີ. <sup>14</sup> ໄລ່ ກ້ອຍ ເປາະ ແຕ້ອ ປິ ເຢຊູ ເຈີ້ ໄລ່ ຕາແບິບ ເຢຊູ ປາຍ: "ອາຈານ ເອີຍ! ຮິ ດັງ ເຈີ້ ປາຍ ອາຈານ ລາ ກວາຍ ຕານ້ອງ ອໍ, ກະ ອາຈານ ຕາ ເບິນ ຕາປູ່ນ ອາແລະ, ຍ່ອນ ຢັຮ ມົ້າງ ອາຈານ ອິນແຍ່ະ ມັຮ ກວາຍ ແກິດ ລີຮາລີ ອິນແຍ່ະ. ມາ ອາຈານ ອາຕີ ປັຮນາຍ ຕານ້ອງ ແຕ ເຢົາ ເຈົ້າຮາ ຊີ ໂອນ ກວາຍ ຕະ ປວາຍ. ແຊອ ອາຈານ ອາຕີ ໂອນ ຮິ, ປຍາຍ ມາ ຕາ ເບິນ ໄຮ ອີງເຄາະ ມ່ອບ ປະ ປາຊີ ປິ ເຕົາວ ປັຮເຍົາ ໂຮມ ກາ ກຣິ້ຮ? ຮິ ອີງເຄາະ ໂອນ ບໍ?"

<sup>15</sup> ເຢຊູ ດັງ ປາຍ ໄລ່ ແຕ້ອ ລ່ອງ ອັນ. ເຈີ້ ອັນ ຕາແອີຍ ໄລ່ ປາຍ: "ມູ່ ເຍົາ ແຕ້ອ ລ່ອງ ເກົາ ຕະ ອິນເຕົາ? ເຍົາ ອິດ ປະ ອານາມ ມູ ກອງ ປິ ໄມ້ ໂອນ ເກົາ ຊາລີອ."

<sup>16</sup> ໄລ່ ອິດ ປະ ອານາມ ໂອນ ປິ ເຢຊູ, ເຈີ້ ເຢຊູ ຕາແບິບ ໄລ່ ປາຍ: "ຮູ່ບ ເມົ້າ ກະ ຮາມິ້ຮ ເມົ້າ ຄຽນ ດໍ້ອ ຕິ່ງ ປະ ໄມ້?"

ໄລ່ ຕາແອີຍ ປາຍ: "ຮູ່ບ ເຕົາວ ປັຮເຍົາ ໂຮມ ກາ ກຣິ້ຮ."

<sup>17</sup> ເຢຊູ ອາຕີ ໄລ່ ປາຍ: "ເກຣິ່ງ ເຕົາວ ປັຮເຍົາ ໂຮມ ກາ ກຣິ້ຮ ອີງເຄາະ ເຍົາ ກູລັຮ ລັຮ ໂອນ ເຕົາວ ປັຮເຍົາ ໂຮມ ກາ ກຣິ້ຮ; ກະ ເກຣິ່ງ ເຢົາ ເຈົ້າຮາຊີ ອີງເຄາະ ເຍົາ ກູລັຮ ລັຮ ໂອນ ເຢົາ ເຈົ້າຮາຊີ."

ພໍກາ ອິນແຍ່ະ ມະ ໄລ່ ຊ້ອງ ເຢຊູ ຕາແອີຍ, ໄລ່ ຊ້ອງ ງິດ ລາລີ້ ແຕ ປັຮນາຍ ກ້ອຍ.

ຮານະ ໄມ້ຍຮ ລັຮ ແຕ ກູຈິດ  
(ມັດທາຍ 22:23-33; ລູກາ 20:27-40)

<sup>18</sup> ເບິນ ກວາຍ ແຕ ຈຸ່ມ ຊາດູກາຍ ແຕ້ອ ປິ ເຢຊູ ເຕ່. ໄລ່ ກ້ອຍ ປາຍ ກວາຍ ກາ ກູຈິດ ເຈີ້ ຕາ ເຕ່ອ ອາມັງ ລັຮ. <sup>19</sup> ໄລ່ ຕາແບິບ ເຢຊູ ປາຍ: "ອາຈານ ເອີຍ! ໂມເຊ ຄຽນ ເຈີ້ ໂອນ ໄຮ ດັງ, ຄັນ ອາຍ ກູ ຈິດ, ມາ ລາກວຍ ອັນ ອິນນ້ອງ ອາມັງ ກະ ໄລ່ ຕາ ເກີ້ຍ ເບິນ ກອນ, ມະກ້ອຍ ອາແອມ ອັນ ແອັນ ອີງ ເຄາະ ແຈມ ລາກວຍ ອາຍ, ໂອນ ອັນ ເບິນ ກອນ ແກິດ ຈຸ່ມເຈືອ ອາຍ ອັນ. <sup>20</sup> ອິມແບິ ອາໄຮ່ ເບິ ມ ຕາປູ່ລ ມະ ແຊມອາຍ. ອາຍ ກໍ່ລ ໄລ່ ອິດ ລາ ກວຍ. ເຈີ້ ອັນ ກູຈິດ ແຕ ຕາ ຢວາຮ ເບິນ ກອນ. <sup>21</sup> ເຈີ້ ອາແອມ ກາ ເຕ່ດ ອັນ ແອັນ ເຊິບ ລາກວຍ ອາຍ ອັນ. ມາ ຕາ ຢວາຮ ເບິນ ກອນ ເຈີ້ ອັນ ກູ ຈິດ ເຕ່. ມະກ້ອຍ ອາແອມ ອາລ້ອຮ ແອັນ ລາ ມູ ເຈິງ ອາຍ ອິນຕີ ເຕ່. <sup>22</sup> ໄລ່ ຕາປູ່ລ ມະ ຕະ ມູເຈິງ ກ້ອຍ ເຕ່. ອາແລະ ລາ ຕາ ເບິນ ເບິນ ກອນ, ມາ ພໍກາ ໄລ່ ຕາປູ່ລ ມະ ກູຈິດ ອິນແຍ່ະ; ກະ ອິນຕູ່ນ ແອັນ ມັນແຊມ ກ້ອຍ ກູຈິດ ເຕ່. <sup>23</sup> ພໍກາ ມັຮ ກວາຍ ກູຈິດ ເບິນ ອາມັງ ລັຮ, ມັນແຊມ ກ້ອຍ ລາ ລາກວຍ ເມົ້າ? ຍ່ອນ ຕາປູ່ລ ມະ ໄລ່ ລາ ແກິດ ກາຢາອ ມັນແຊມ ກ້ອຍ."

<sup>24</sup> ເຢຊູ ອາຕີ ລັຮ ໄລ່ ກ້ອຍ ປາຍ: "ເຍົາ ຕະ ອິນຕີ ຕາ ປຍາຍ, ຍ່ອນ ເຍົາ ຕາ ເບິນ ດັງ ປັຮ ນາຍ ແຕ ເຢົາ ເຈົ້າຮາຊີ ກາ ເມົ້າ ຄຽນ ແຕ ອິມ ແບິ; ກະ ເຍົາ ຕາ ເບິນ ດັງ ອໍານາດ ປິດ ລາລີ້ ແຕ ເຢົາ ເຈົ້າຮາຊີ. <sup>25</sup> ພໍກາ ໄລ່ ກາ ກູຈິດ ກ້ອຍ ອາ ມັງ ລັຮ, ໄລ່ ຕາ ເບິນ ຮາອິດ ມ້ອງ ແກິດ ລາກວຍ ກາຢາອ, ມູເຈິງ ເທວາດາ ເຢົາ ເຈົ້າຮາຊີ ຕິ່ງ ມັນ ລ້ອງ ເຕ່.

26 "ມາ ແຕ ຮານະ ກວາຍ ກູຈິດ, ເຈົ້າອາມັງ ລັຮ, ນານະ ເຍົາ ຕາ ເກ້ຍ ອານ ຕິ່ງ ປິ່ງ ໂມເຊ ຄຽນ ແຕ ປູ່ລ ອູ່ຍຮ ກາ ເບີ ມາ ຕາ ເບີນ ກາດ. ປີ ອິນຕຸ ກ້ອຍ ເຢີງ ເຈົ້າຮາຊີ ອາຕີ ໂມເຊ ປາຍ: 'ເກົາ ລາ ເຢີງ ເຈົ້າຮາຊີ ກາ ອັບຮາຮາມ, ອິຊາກ, ກະ ຢາໂຄບ ອິນນ້ອງ ຊາງ ຕິ່ງ ມັນລ້ອງ.'  
 27 ເຕ່ອ໌ ໄຮ ດັງ ໄລ່ ກ້ອຍ ອາມັງ ລັຮ ແຕ ກູຈິດ, ຍ່ອນ ກວາຍ ກູຈິດ ຕາ ເຕ່ອ໌ ຊາງ ເຢີງ ເຈົ້າຮາຊີ. ແອັງ ໄລ່ ກາ ອາມັງ ຊ້ອງ ເຕ່ອ໌ ຊາງ ອັນ. ມາ ເຍົາ ຕາ ເບີນ ດັງ ອິນເຕົ້າ ເລີ້ຍ."

ຄານອດ ເຢີງ ເຈົ້າຮາຊີ ປາຕັບ ປິດ ກາເລີຍ ອິນແຍ່ະ ແຕ ການໍ້ອ໌  
 (ມັດທາຍ 22:34-40; ລູກາ 10:25-28)

28 ເບີນ ມານະ ແຕ ມູ່ ກາ ອາຕີ ຄານອດ ແຕ້ອ໌ ປີ ກ້ອຍ ກະ ຊ້ອງ ໄລ່ ກ້ອຍ ຕະ ອິນຕີ. ອັນ ຊ້ອງ ເຢຊູ ຕາແອີຍ ອໍ ລາລີ້, ນະກ້ອຍ ອັນ ຕາແບັບ ເຢຊູ ປາຍ: "ແຕ ມັຮ ຄານອດ ເຢີງ ເຈົ້າຮາຊີ ປາ ຕັບ, ຄານອດ ອາແລ່ະ ກາ ປິດ ກາເລີຍ ອິນແຍ່ະ ແຕ ການໍ້ອ໌?"

29 ເຢຊູ ຕາແອີຍ ລັຮ ອັນ ປາຍ: "ໄມ່ ລາ ຄາ ນອດ ປິດ ກາເລີຍ ອິນແຍ່ະ ແຕ ການໍ້ອ໌ ເຢີງ ເຈົ້າຮາຊີ ປາຕັບ:

'ກວາຍ ອິດຊະຮາເອລ ເອີຍ! ເຍົາ ຊາງັດ! ເຢີງ ເຈົ້າຮາຊີ, ອິນເຈົ້າ ໄຮ, ເບີນ ແອັງ ມານະ ອັນ ແຕ້. 30 ອິງເຄາະ ເຍົາ ອາໂຢ່ະ ເຢີງ ເຈົ້າຮາຊີ, ອິນເຈົ້າ ເຍົາ, ອິນແຍ່ະ ຮາງິຮ ເຍົາ, ອິນແຍ່ະ ຮາແຮີ ເຍົາ, ອິນແຍ່ະ ການິດ ເຍົາ, ກະ ອິນແຍ່ະ ບັນ ເຮ່ງ ເຍົາ.'

31 ກະ ຄານອດ ປາຕັບ ກາ ບາຣ ປິດ ກາເລີຍ ອິນ ແຍ່ະ ແຕ ການໍ້ອ໌ ລາ ນະໄມ່: 'ອິງເຄາະ ເຍົາ ອາໂຢ່ະ ເຍົາ ມູເຈິງ ເຍົາ ອາໂຢ່ະ ຈະ ເຍົາ ເບີມ.'

ຕາ ເບີນ ຄານອດ ປາຕັບ ອາແລ່ະ ປິດ ກາເລີຍ ແຕ ບາຣ ຄານອດ ປາຕັບ ໄມ່."

32 ອັນ ກາ ແຕ ມູ່ ກາ ອາຕີ ຄານອດ ກ້ອຍ ຕາ ແອີຍ ລັຮ ເຢຊູ ປາຍ: "ອາຈານ ເອີຍ! ໄກຣ ລາລີ້ ອາຈານ ອາຕີ. ອາຈານ ອາຕີ ປຢາຍ໌, ເຢີງ ເຈົ້າຮາຊີ ລາ ມານະ ອັນ ຊ້ອງ, ແວັດ ແຕ ເຢີງ ເຈົ້າຮາຊີ ລາ ຕາ ເບີນ ເຢີງ ອາແລ່ະ ກາ ຊົດ ນ້ອງ. 33 ຄັນ ໄຮ ອາໂຢ່ະ ເຢີງ ເຈົ້າຮາຊີ ອິນແຍ່ະ ຮາງິຮ, ອິນແຍ່ະ ການິດ, ກະ ອິນແຍ່ະ ບັນ ເຮ່ງ, ກະ ໄຮ ອາໂຢ່ະ ເຍົາ ມາຣ ໄຮ ອາໂຢ່ະ ຈະ ໄຮ ເບີມ, ຮານະ ໄມ່ ລາ

ອໍ ກາເລີຍ ແຕ ເມົ້າ ບຸຣ ຊັນຕຣັນ ແຕັລາ ມ່ອບ ເກຣັງ ການໍ້ອ໌ ດໍອ໌ ຊາງ ເຢີງ ເຈົ້າຮາຊີ."

34 ເຢຊູ ຊ້ອງ ອັນ ກ້ອຍ ຕາແອີຍ ແຄວ້ ລາລີ້, ເຈົ້າ ເຢຊູ ອາຕີ ລັຮ ອັນ ປາຍ: "ແຈ່ະ ໄມ່ ອີ ເບີນ ມູ່ດ ຕິ່ງ ຈຸ່ມ ກາ ເຢີງ ເຈົ້າຮາຊີ ຊົດ, ຕາ ເບີນ ດູ່ນ ນ້ອງ."

ແວັດ ກ້ອຍ ຕາ ເບີນ ເມົ້າ ຍັນ ຕາແບັບ ນ້ອງ ເຢຊູ.

ປັຮນາຍ ຕາແບັບ ແຕ ກຣີດ  
 (ມັດທາຍ 22:41-46; ລູກາ 20:41-44)

35 ບ້ອງ ກາ ເຢຊູ ອາຕີ ຕິ່ງ ດູງ ຊາງ ປິດ, ອັນ ຕາແບັບ ປາຍ: "ນານະ ກວາຍ ອາຕີ ຄານອດ ປາຍ ກຣີດ ລາ ແຕ ຈຸ່ມເຈື້ອ ດາວິດ? 36 ກູໂຕ ດາວິດ ແຕ້ ປາຍ ປັຮນາຍ ໄມ່ ຍ່ອນ ແຕ ຮາເວີຍ ເຢີງ ເຈົ້າຮາຊີ ແປຣີ ອັນ ປາຍ ນະໄມ່:

'ເຢີງ ເຈົ້າຮາຊີ ອາຕີ ໄຈະ ອິນເຈົ້າ ເກົາ ປາຍ: "ໄມ່ ຕາກູ ແອັດ ຍິຮ ອາຕົ້າ ເກົາ\*'

ເຕົ້າ ແຕ້ອ໌ ຕາໂງ ແລ່ະ ເກົາ ໂອນ ໄລ່ ກາ ຍິຮ ອີ ກູຈິດ ໄມ່

ແອັດ ປິນ ຕາລາງ ອາເຢັງ ໄມ່, ແກັດ ຊູລ ໄມ່."

37 ກູໂຕ ດາວິດ ແຕ້ ດໍອ໌ ກຣີດ ໄມ່ ລາ 'ອິນເຈົ້າ.' ນານະ ເຕ່ອ໌ ດາວິດ ດໍອ໌ ກວາຍ ແຕ ຈຸ່ມເຈື້ອ ອັນ ເບີມ ລາ 'ອິນເຈົ້າ?'"

ກວາຍ ກູງິ ກ້ອຍ ຊ້ອງ ຮໍອ໌ ອໍ ລາລີ້ ເຢຊູ ອາຕີ ນະກ້ອຍ.

ເຢຊູ ກາແອັຣ ກວາຍ ອິນໂຈຍ ຕະ ມູເຈິງ ກະ ກວາຍ ອາຕີ ຄານອດ  
 (ມັດທາຍ 23:1-36; ລູກາ 20:45-47)

38 ບ້ອງ ກາ ເຢຊູ ອາຕີ, ອັນ ປາຍ ນະໄມ່: "ເຍົາ ອິນໂຈຍ ຕະ ມູເຈິງ ກວາຍ ອາຕີ ຄານອດ. ໄລ່ ກ້ອຍ ຍິຮ ອີ ແຊັບ ລາລີ້ ອາຍໍອຣ ຕ່ອງ, ກະ ໄລ່ ຍິຮ ລາລີ້ ໂອນ ກວາຍ ການໍ້ອ໌ ຮາບັນ ອໍ ໄລ່ ບ້ອງ ກາ ໄລ່ ແອັດ ກະ ກວາຍ ກູງິ. 39 ໄລ່ ຍິຮ ອີ ເບີນ ກາເຈິ່ງ ຕາກູ ອໍ ລາລີ້ ກາເລີຍ ອິນແຍ່ະ ແຕ ການໍ້ອ໌ ແອັດ ຕິ່ງ ດູງ ຊາງ, ກະ ໄລ່ ຍິຮ ອີ ຕາກູ ຍິຮ ຕີ່ ແຕ້ອ໌ ເມົ້າ ການິຍ ໄລ່ ແຕ້ອ໌ ຈາ. 40 ໄລ່ ກ້ອຍ ໄລ່ ບ ມັຮ ດູງ ອິມເປ້ອ ກູມາຍ; ເຈົ້າ ໄລ່ ເກົາແຊອ໌ ປັຮ ນາຍ ຕີ່ ຍິຮ ອີ ໂອນ ເມົ້າ ຍ່ອງ ປາຍ ໄລ່ ແມ່ນ ຕານິ້ ອງ ອໍ. ມາ ເຈົ້ ປີ ເມັງ ໂຕດ ໄລ່ ກ້ອຍ ອິນຕ້ອງ ກາເລີຍ ກວາຍ ການໍ້ອ໌."

\* 12:36 12:36 ຕາປຸ່ນ ຄານອດ ກວາຍ ອິດຊະຮາເອລ, ຄັນ ກວາຍ ອາແລ່ະ ມາ ໄລ່ ຍິຮ ອີ ຢ້ານັບ ລາລີ້, ໄລ່ ໂອນ ກວາຍ ກ້ອຍ ແອັດ ຍິຮ ອາຕົ້າ ໄລ່.



ມານະ ອິມເປ໋ອ ກູມາຍ ໂຈະ ປຣະ ຊາງ  
(ລູກາ 21:1-4)

41 ແວັດ ກ້ອຍ ເຢຊູ ແອັດ ຕາກູ ແຈະ ອິນຕຸ ເມົ້າ ເກີ້ຍ ໂຈະ ປຣະ ຊາງ. ອັນ ເນ່ ກວາຍ ກຶ້ງ ກ້ອຍ ໂຈະ ປຣະ ຊາງ ຕຶ້ງ ຮີບ ກ້ອຍ. ກຶ້ງ ກວາຍ ຊຸ ໂຈະ ປຣະ ຊາອີ້ຍ ລາລີ້. 42 ມາ ເບີນ ມານະ ອິມເປ໋ອ ກູມາຍ ກາດິດ ລາລີ້ ແຕ້ອ໊ ປິ ກ້ອຍ. ອັນ ໂຈະ ບາຣ ກູອງ ປຣະ ກາ ເບີນ ເກົ້າ ບີ້ອ໊ ລາລີ້. 43 ເຈີ່ ເຢຊູ ກູອ໊ ມູ່ ກາ ຣຍານ ແຕ ອັນ ແຕ້ອ໊ ປິ ອັນ, ກະ ອັນ ອາຕີ ໄລ່ ປາຍ: "ເກົ້າ ອາຕີ ຕານ້ອງ ໂອນ ເຍົາ, ອິມເປ໋ອ ກູມາຍ ກາດິດ ໄນ່, ອັນ ໂຈະ ປຣະ ຊາອີ້ຍ ກາເລີຍ ອິນແຍ່ະ ແຕ ມັຮ ກວາຍ ການໍ້ອ໊. 44 ອິນແຍ່ະ ມັຮ ກວາຍ ກ້ອຍ ໂຈະ ປຣະ ແກ້ຍ ໄລ່ ຕັອກ ຈາ; ມາ ອິມເປ໋ອ ກູມາຍ ໄນ່ ແອ ລາລີ້, ມາຣ ແລະ ອັນ ເບີ ນ ອັນ ໂຈະ ອິນແຍ່ະ ມາຣ ກ້ອຍ."

### 13

ເຢຊູ ອາຕີ ແຕ ຕຸ່ຣ ກັດ ກະ ຕາໄງ ອັນ ແຕ້ອ໊ ລັຮ ປິ ກູແຕອ໊ ໄນ່  
(ມັດທາຍ 10:16-25; 24:1-44; ລູກາ 21:5-33)

1 ພໍກາ ເຢຊູ ລັອຣ ແຕ ດຸງ ຊາງ ປັດ, ເບີນ ມານະ ມູ່ ກາ ຣຍານ ແຕ ອັນ ອາຕີ ອັນ ປາຍ: "ອາຈານ ເອີຍ! ເນ່ ປິ ກ້ອຍ! ດຸງ ຊາງ ປັດ ກ້ອຍ ກາ ເມົ້າ ຕະ ແຕ ຕາເມົ້າ ປັດ ລາ ອິ ລາລີ້!"

2 ມາ ເຢຊູ ຕາເບີບ ລັຮ ອັນ: "ໄນ່ ເຮີມ ດຸງ ປັດ ໄນ່ ບໍ່? ເຈີ່ ປິ ເມົ້າ ຕາເມົ້າ ກາ ເມົ້າ ຕະ ດຸງ ປັດ ໄນ່ ຕາ ເບີນ ຣາແຕັດ ນ້ອງ ມັນຕຸ. ອັນ ຣາຕັຮ ອິນ ແຍ່ະ."

3 ແວັດ ກ້ອຍ ເຢຊູ ຕາກູ ແອັດ ຕຶ້ງ ກັຮ ອາໂປນ ຕາປຶ້ງ ດຸງ ຊາງ ປັດ. ເປໂຕ, ຢາໂກໂບ, ໂຢຣັນ, ກະ ອັນເດອາ, ແອັງ ໄລ່ ປູນ ນະ ແຕີ້ ແອັດ ກະ ເຢຊູ. 4 ໄລ່ ກ້ອຍ ຕາເບີບ ອັນ ປາຍ: "ແຊອ໊ ອາຈານ ອາຕີ ໂອນ ຮີ ດັງ, ອິນນ້ອງ ມາແລະ ດຸ່ນ ຣານະ ໄນ່ ແຕ້ອ໊? ອິນເຕົ້າ ກາ ແຕ້ອ໊ ອາປັຮ ອິນໂຍ່ງ ໂອນ ເມົ້າ ດັງ ປາຍ ຣານະ ໄນ່ ອິ ແຕ້ອ໊?"

5 ເຢຊູ ຕາເອີຍ ໄລ່ ປາຍ: "ອິງເຄາະ ເຍົາ ລາ ວັງ ໂອນ ອໍ. ອິນໂຈຍ ໂອນ ເມົ້າ ຣາພິ ເຍົາ. 6 ເຈີ່ ປິ ເມົ້າ ເບີນ ຊາອີ້ຍ ນະ ແຕ້ອ໊ ອາງ ຣາມັຮ ເກົ້າ. ໄລ່ ປາຍ ນະໄນ່: 'ກູໂຕ ເກົ້າ ໄນ່ ແຕີ້ ລາ ກຣິດ!' ນະກ້ອຍ ໄລ່ ຣາພິ ກຶ້ງ ນະ ກວາຍ."

7 "ພໍກາ ເຍົາ ຊ້ອງ ຣານ ເມົ້າ ຣາຕະ ແຈ່ະໆ ເຍີ່ ງໆ, ເຍົາ ອິນໂຈຍ ເກຣ່າະ ອິນເຕົ້າ. ຣານະ ໄນ່ ອິງ ເຄາະ ແຕ້ອ໊ ອິນໂຍ່ງ ເວົ້າຍ. ມາ ຕາ ຢວາຣ ແຕ້ອ໊ ເຈຍ ຕາໄງ ປັຮຊັດ ລາລີ້. 8 ເບີນ ມູ່ ໄນ່ ຣາຕະ ກະ ມູ່ ກ້ອຍ; ກະ ກຣວາງ ໄນ່ ຣາຕະ ກະ ກຣວາງ ກ້ອຍ. ເບີນ ຊາອີ້ຍ ອິນຕຸ ກູແຕອ໊ ຣາໄນ່ ກູກັດ. ກະ ເບີນ ຊາອີ້ຍ ອິນຕຸ ແອີ ຊັຣນາ ຈາ. ມັຮ ຣາມັຮ ໄນ່ ລາ ຕາເບີ ແຕ້ອ໊. ອິນນ້ອງ ເບີນ ຊາອີ້ຍ ແອັນ ຣາມັຮ ຕຸ່ຣ ກັດ ກາ ອິ ແຕ້ອ໊."

9 "ຍ່ອນ ນະກ້ອຍ ອິງເຄາະ ເຍົາ ລາວັງ ໂອນ ອໍ. ເມົ້າ ໂກບ ເຍົາ, ເດິງ ເຍົາ ແຕ້ອ໊ ປິ ກວາຍ ຊັດ. ກະ ເມົ້າ ປຍາຍຣ ເຍົາ ຕຶ້ງ ດຸງ ຊາງ ກວາຍ ອິດຊະຣາ ເອລ. ອິງເຄາະ ເຍົາ ຕາຢິງ ຍິ່ຣ ເມົ້າ ກວາຍ ຊັດ ກະ ກວາຍ ເຕົ້ວ ປັຮເຍົາ ແຮີ ຍ່ອນ ເຍົາ ຕາປູນ ເກົ້າ, ໂອນ ເຍົາ ອາຕີ ໂອນ ໄລ່ ດັງ ແຕ່ ແຕ ເກົ້າ. 10 ອິງເຄາະ ມູ່ ກາ ຕາປູນ ເກົ້າ ອາຕີ ປັຮນາຍ ອໍ ແຕ ເຢັງ ເຈົ້າຣາຊີ ໂອນ ອິນແຍ່ະ ກູ່ ກຣວາງ ກວາ ຍ ດັງ ອິນໂຍ່ງ ຕາໄງ ປັຮຊັດ. 11 ພໍກາ ເມົ້າ ໂກບ ເຍົາ ເດິງ ຕັດຊິນ, ເຍົາ ອິນໂຈຍ ອຸກ ດໍອ໊, ອິນເຕົ້າ ເຍົາ ຍິອ໊ ອິ ປາຍ. ມາ ເຍົາ ປາຍ ຕາປູນ ປັຮນາຍ ເຢັງ ເຈົ້າຣາຊີ ໂອນ ເຍົາ ອາຕີ ບ້ອງ ກາ ກ້ອຍ. ຍ່ອນ ປັຮນາຍ ໄນ່ ລາ ຕາ ແກິນ ປັຮນາຍ ເຍົາ, ມາ ປັຮນາຍ ຣາເວົ້າຍ ເຢັງ ເຈົ້າຣາຊີ ອາຕີ ເຍົາ. 12 ບ້ອງ ກາ ກ້ອຍ, ແຊມອາຍ ອິ ໂກບ ຣາຕວາອ໊ ແຊມອາຍ, ເຈີ່ ມ່ອບ ໂອນ ເມົ້າ ກາຈິດ, ກະ ອິມ ບໍ່ ມ່ອບ ໂອນ ເມົ້າ ກາຈິດ ກອນ. ກອນ ອາໂກ ຣາ ອວານ ໂຈະ ອິມເປ໋ອ ອິມບໍ່ ໄລ່, ກະ ມ່ອບ ອິມເປ໋ອ ອິມບໍ່ ໄລ່ ໂອນ ເມົ້າ ກາຈິດ ຕັຮ. 13 ອິນແຍ່ະ ມັຮ ກວາຍ ຊາອັຣ ເຍົາ ຍ່ອນ ເຍົາ ປວາຍ ຣານະ ເກົ້າ. ມາ ກວາຍ ອາແລະ ກາ ເຮົາບ ຈິວ ເຕົ້າ ຊັດ ແດີຍ ອັນ, ເຢັງ ເຈົ້າຣາຊີ ວ່ອຍ ອາມັງ ກວາຍ ກ້ອຍ."

14 "ປັຮແນີ ມັນເຕຣົາ ເຍົາ ເບີນ ເຮີມ ເມົ້າ ດໍອ໊ ເກຣັງ ແປຣີ ກາ ເຢັງ ເຈົ້າຣາຊີ ຊາອັຣ ຕະ ຕຶ້ງ ດຸງ ຊາງ ປັດ (ກວາຍ ອາແລະ ກາ ອານ ປັຮນາຍ ໄນ່ ອິງເຄາະ ອັນ ຊາປຸ່ຣ ເບີມ ແຕ ປັຮນາຍ ໄນ່). ຕາ ໄງ ກ້ອຍ ກວາຍ ກາ ແອັດ ຕຶ້ງ ແຄງ ຢູດາຍ ອິງ ເຄາະ ຕາລຸ່ຣ ຊັອຣ ແອັດ ຕຶ້ງ ກັຮ ແອັນ. 15 ອັນ ກາ ແອັດ ຕຶ້ງ ແປັງ ຕໍາປວລ ດຸງ ເປົາຣ, ອິນໂຈຍ ແຊງ ອິດ ນ້ອງ ເກຣັງ ຕຶ້ງ ປື້ນ ດຸງ ອັນ. 16 ອັນ ກາ ແອັດ ປິ ໄທຣ, ອິນໂຈຍ ເຈົ້າ ອິດ ນ້ອງ ເກຣັງ ແຕ ດຸງ ອັນ. 17 ຕຶ້ງ ຕາໄງ ກ້ອຍ ໂຕຍ໌ ບາບ ລາ ລີ້ ໄລ່ ກາ ແອັດ ຕຶ້ງ ຈະ ກະ ໄລ່ ກາ ອາອຸອ໊ ກອນ."

18 ອີງເຄາະ ເຍົາ ເກົາແຊອ໌ ອິນໂຈຍ ໂອນ ມັຮ ຣາມິ້ຮ ໄມ່ ແຕ້ອ໌ ຕຶ້ງ ກາໄຊ ຊາແງດ. 19 ຍ່ອນ ຕຶ້ງ ຕາໄງ ກ້ອຍ ເບີນ ຕຸ່ຮ ກັດ ກາເລີຍ ແຕ ຕາແບິ ເຢີງ ເຈົາຣາຊີ ແຕງ ມັນລ້ອງ ກູແຕອ໌ ເຕ້າ ແຕ້ອ໌ ຊານໍ່. ກະ ອິນຕຸ່ນ ແອັນ ຕາ ເບີນ ຕຸ່ຮ ກັດ ນ້ອງ ນະ ຕາໄງ ກ້ອຍ. 20 ຄັນ ເຢີງ ເຈົາຣາຊີ ຕາ ເບີນ ອາຮຸ່ຍ໌ ລັຮ ມັຮ ຕາໄງ ກ້ອຍ, ຕາ ເບີນ ກວາຍ ອາແລະ ເຕ້ອ໌ ອາມັງ ນ້ອງ. ມາ ຍ່ອນ ອັນ ຍິ້ອ ອີ ຈ່ອຍ ມັຮ ກວາຍ ກາ ອັນ ຮຽຮ, ອັນ ອາຮຸ່ຍ໌ ລັຮ ມັຮ ຕາໄງ ກ້ອຍ.

21 "ຄັນ ເມົ່າ ອາຕີ ເຍົາ ປາຍ: 'ໄນ່! ອັນ ໄນ່ ລາ ກຮິດ!' ແຕ້ລາ ຕຶ້ຮ! ອັນ ກາ ແອິດ ປີ ກ້ອຍ ລາ ກຮິດ!' ເຍົາ ອິນໂຈຍ ຊາງັດ ປັຮນາຍ ກ້ອຍ. 22 ຍ່ອນ ປັຮແນິ ມັນເຕຣີ ເບີນ ກວາຍ ກາ ຕາ ແກິນ ກຮິດ, ກະ ຕາ ແກິນ ກວາຍ ກາ ອາຕີ ຕາງ ປັຮນາຍ ເຢີງ ເຈົາຣາຊີ, ໄລ່ ແຕ້ອ໌ ປີ ໄມ່. ໄລ່ ກ້ອຍ ຕະ ຣານະ ຕາ ແກ້ຍ ເຮີມ ອີ ຣາພິ ກວາຍ ກາ ນໍ້ອ໌ ແອິ. ຄັນ ເຕ້ອ໌, ໄລ່ ຍິ້ອ ອີ ຣາພິ ກວາຍ ກາ ເຢີງ ເຈົາຣາຊີ ຮຽຮ ເຈີ້, ໂອນ ຕະ ຣານະ ຕາ ອໍ ເຕ້. 23 ນະກ້ອຍ ອີງເຄາະ ເຍົາ ແອິດ ແມ່ ອໍ. ມັຮ ຣາມິ້ຮ ໄມ່ ເກົາ ອາຕີ ດໍອ໌ ໂອນ ເຍົາ ດັງ ອິນໂຍ່ງ. 24 ມາ ຕຶ້ງ ຕາໄງ ກ້ອຍ, ແວັດ ແຕ ຕາໄງ ຕຸ່ຮ ກັດ ລາລີ້, ມັດ ມານາງ ຕາ ເບີນ ປັງ ນ້ອງ, ກະ ຣາລັງ ກາໄຊ ລາ ຕາ ເບີນ ປັງ ນ້ອງ ເຕ້. 25 ມັນໂຕຮ ຊາ ແລັຮ ແຕ ມັນລ້ອງ, ກະ ມັຮ ຣາມິ້ຮ ອິນເຕ້າ ກາ ເບີນ ອຳນາດ ຕຶ້ງ ມັນລ້ອງ, ເຢີງ ເຈົາຣາຊີ ຕະ ໂອນ ຣາໄມ່ ອິນແຍ່ະ. 26 ພໍກາ ກ້ອຍ, ເມົ່າ ເຮີມ ເກົາ ກອນ ເຢີງ ແກິດ ກວາຍ ແຕ ອິນດີ ຣາມິ້ລ, ເບີນ ອຳນາດ ປັດ ລາລີ້ ກະ ຮຸ່ນເຮີງ ອາງອີຮ. 27 ບ້ອງ ກາ ກ້ອຍ ເກົາ ແປຣີ ເທວາດາ ເຢີງ ເຈົາຣາຊີ ປາ ໂຣມ ກູ່ ນະ ມັຮ ກວາຍ ກາ ເກົາ ຮຽຮ ຈວບ ອິນ ແຍ່ະ ມັນລ້ອງ ກູແຕອ໌ ໄມ່."

28 ເຢຊູ ອາຕີ ແອັນ ປາຍ: "ເຍົາ ຊາງັດ ເກົາ ຊາກຳ ແຕ ອາລ່ອງ ລາວັຮ. ຄັນ ອາແບງ ອາລ່ອງ ກ້ອຍ ອິນນ້ອງ ອິນຍ່ອມ, ອັນ ໄບອ໌ ປາດ້ອຮ ລັຮ ຊາລາ ອິນຍ່ອມ ເຕ້. ນະກ້ອຍ ເຍົາ ດັງ ແຈ່ະ ອີ ແຕ້ອ໌ ກາໄຊ ພວາອ໌. 29 ມູເຈີງ ກ້ອຍ ເຕ້, ຄັນ ເຍົາ ເຮີມ ອິນແຍ່ະ ຣາມິ້ຮ ໄມ່ ແຕ້ອ໌, ນະກ້ອຍ ເຍົາ ດັງ ກອນ ເຢີງ ແກິດ ກວາຍ ແຈ່ະ ອີ ແຕ້ອ໌ ເຈີ້. ເກົາ ຕາມັອກ ແອິດ ຕຶ້ງ ງັຮ ຕຶ້ງ ເຈີ້. 30 ເກົາ ອາຕີ ຕາມັ ອງ ໂອນ ເຍົາ, ມັຮ ກວາຍ ຕຶ້ງ ແດີຍ ໄມ່ ຕາ ເບີ

ນ ກູຈິດ ອິນແຍ່ະ, ອິນໂຍ່ງ ແຕ ອິນແຍ່ະ ຣາມິ້ຮ ໄມ່ ແຕ້ອ໌. 31 ເຈີ້ ປີ ເມົາງ, ມັນລ້ອງ ກະ ກູແຕອ໌ ແກິດ ປັດ ອິນແຍ່ະ, ມາ ປັຮນາຍ ເກົາ ອາຕີ ຕາ ເບີນ ແກິດ ປັດ.

32 "ຕາ ເບີນ ເມົ່າ ດັງ ຕາໄງ ອິນເຕ້າ ແຕ້ລາ ບ້ອງ ແລະ ຣານະ ກ້ອຍ ແຕ້ອ໌. ມັຮ ເທວາດາ ເຢີງ ເຈົາຣາຊີ ຕຶ້ງ ມັນລ້ອງ, ກະ ກອນ ເຢີງ ເຈົາຣາຊີ ແອິ ລາ ຕາ ເບີນ ດັງ ເຕ້ ຕາໄງ ກ້ອຍ. ແອີງ ມານະ ອິມປໍ່ ເກົາ ແຕ້ ດັງ ຕາໄງ ກ້ອຍ.

33 "ນະກ້ອຍ ອີງເຄາະ ເຍົາ ແອິດ ອໍ, ເຍົາ ເກຣາ ະ, ເຍົາ ຕາງວຍ ເລືອຍໆ, ຍ່ອນ ເຍົາ ຕາ ເບີນ ດັງ ຕາໄງ ແລະ ຣານະ ໄມ່ ແຕ້ອ໌. 34 ຣານະ ໄມ່ ລາ ມູ ເຈີງ ມານະ ຣາເລົາ ເປາະ ຕາມອຍ ກຮວາງ ເຢີງ. ພໍ ກາ ອັນ ລ້ອຮ ແຕ ດູງ ອັນ, ອັນ ມ່ອບ ໂອນ ກວາຍ ຕະ ຣານະ ອັນ ອິມພາ ຣານະ ຕະ ຕຶ້ງ ດູງ ອັນ. ກະ ອັນ ປາຕັບ ກວາຍ ກາ ກຍາອ໌ ງັຮ ຕຶ້ງ ໂອນ ອັນ ຕາງວຍ ເລືອຍໆ. 35 ນະກ້ອຍ ອີງເຄາະ ເຍົາ ຕາງວຍ ເລືອຍໆ, ຍ່ອນ ເຍົາ ຕາ ດັງ ຕາໄງ ແລະ ອິນເຈົາ ດູງ ເຈົາ ລັຮ. ປຍາຍ໌ ອັນ ເຈົາ ຊາເດົາ ລາ ເບີນ. ປຍາຍ໌ ອັນ ເຈົາ ດີດິກ ລາ ເບີນ. ປຍາຍ໌ ອັນ ເຈົາ ອິນຕຣວຍ ຕາກາຣ ລາ ເບີນ. ປຍາຍ໌ ອັນ ເຈົາ ຕາຮີບ ລາ ເບີນ. 36 ອີງເຄາະ ເຍົາ ລາວັງ. ອີງກ້ອຮ ຊັຮໂປ ອັນ ເຈົາ, ເຈີ້ ອັນ ຣາມິ້ຮ ເຍົາ ປີ. 37 ມັຮ ຣາມິ້ຮ ເກົາ ອາຕີ ເຍົາ, ເກົາ ອາຕີ ໂອນ ອິນ ແຍ່ະ ມັຮ ກວາຍ ເຕ້: ອີງເຄາະ ເຍົາ ຕາງວຍ ເລືອຍໆ!"

## 14

ກວາຍ ຊົດ ຊັຮຮັງ ອີ ກາຈິດ ເຢຊູ  
(ມັດທາຍ 26:1-5; ລູກາ 22:1-2; ໂຢຮັນ 11:45-53)

1 ອິນນ້ອງ ບາຣ ຕາໄງ ກວາຍ ອິດຊະຣາເອລ ອີ ຈາ ຮໍອ໌ ຊາແຍິ ຕາໄງ ອາກູຮ.\* ກະ ໄລ່ ຕະ ຮິດ ຈາ ໂດຍ ບຸຣ ແອິ ບວຣ ຊີ້ອ໌. ນະກ້ອຍ ກວາຍ ຊົດ ມູ່ ກາ ຊາງ ຮິດ ເຢີງ ເຈົາຣາຊີ ກະ ກວາຍ ອາຕີ ຄານອດ, ໄລ່ ຈໍອ໌ ຣານາ ຍິ້ອ ອີ ໂກບ ເຢຊູ ກະ ອີ ກາຈິດ ອັນ, ມາ ໄລ່ ຕາ ແອອ໌ ໂອນ ກວາຍ ການໍ້ອ໌ ດັງ. 2 ໄລ່ ຊັຮຮັງ ປາຍ: "ໂຮ ຕາ ເຕ້ອ໌ ຕະ ນະ ໄມ່ ຕຶ້ງ ຕາໄງ ຈາ ຮໍອ໌. ອີງກ້ອຮ ກວາຍ ກຶ້ງ ກ້ອຍ ອິມປຣາຍຣ ອິມປຣັງ ອວານ ລັຮ ໂຮ."

\* 14:1 14:1 ຕາໄງ ອາກູຮ ໄລ່ ຊາແຍິ ຕາໄງ ເທວາດາ ເຢີງ ເຈົາຣາຊີ ແຕ ອິມແບິ ຊາລັຮ ດູງ ກວາຍ ອິດຊະຣາເອລ ຕາ ເບີນ ກາຈິດ ກອນ ຣາເລົາ ກັລ ໄລ່. ກະ ຮິດ ຈາ ໂດຍ ບຸຣ ແອິ ບວຣ ຊີ້ອ໌ ລາ ຊາແຍິ ຕາໄງ ໄລ່ ລ້ອຮ ແຕ ກຮວາງ ເອຍິບ ໄລ່ ຕາ ຕັນ ຕະ ໂດຍ ບຸຣ ເບີນ ບວຣ ຊີ້ອ໌.

ມານະ ມັນແຊມ ແຢດ ແດ້ອ໌ ປາຮວມ ຕຶ້ງ ແປ້ ເຢຊູ  
(ມັດທາຍ 26:6-13; ໂຢຮັນ 12:1-8)

3 ບັອງ ກາ ເຢຊູ ແອັດ ຕຶ້ງ ວິລ ເບັດທານີ, ອັນ ແອັດ ຕຶ້ງ ດຸງ ຊີໂມນ, ກວາຍ ກາ ເບີນ ອາອີ ຕູດ ແຕ ອິນໂຍ່ງ. ບັອງ ກາ ເຢຊູ ແອັດ ຈາ, ເບີນ ມານະ ມັນແຊມ ແດ້ອ໌ ປີ ອັນ, ເດິງ ມວຍ ກອງ ແດ້ອ໌ ປາ ຮວມ. ກອງ ກ້ອຍ ເມົ້າ ຕະ ແຕ ຕາເມົ້າ ເບີນ ຮາມິ ຮ 'ອາລາບາດ.' ແດ້ອ໌ ປາຮວມ ຕຶ້ງ ກອງ ກ້ອຍ ເປ່ງ ລາລີ້, ເມົ້າ ດໍອ໌ 'ນາຣາດາ.' ມັນແຊມ ກ້ອຍ ປີຮ ກອງ ກ້ອຍ, ເຈ້ ອັນ ແຢດ ແດ້ອ໌ ປາຮວມ ຕຶ້ງ ແປ້ ເຢຊູ. 4 ເບີນ ກວາຍ ແອັດ ອິງກ້ອຍ ຊ້ອງ ອິງ ຄິ້ນ ລາລີ້, ກະ ໄລ່ ຊັຮຮົງ ປາຍ: "ນານະ ແດ້ອ໌ ປາຮວມ ໄມ່ ມາ ອັນ ຕັຮ ເມົ້າດ ຊ້ອງ ນະກ້ອຍ? 5 ຄັນ ຈິ ແດ້ອ໌ ປາຮວມ ໄມ່, ເບີນ ປຣະ ກາເລີຍ ແຕ ເກົ້າ ເມົ້າ ທູແທ ໄປ ຮ່ອຍ ຕາໄງ. ເຈ້ ແຕ່ອ໌ ອິດ ປຣະ ກ້ອຍ ຈ່ອຍ ໂອນ ກວາຍ ກາດິດ." ເຈ້ ໄລ່ ໄຍັບ ກະ ມັນແຊມ ກ້ອຍ.

6 ມາ ເຢຊູ ອາຕີ ໄລ່ ປາຍ: "ຕາມ ອັນ. ອິນເຕົ້າ ໄຍັບ ຕະ ມັນແຊມ ກ້ອຍ? ນານະ ເຍົ້າ ຕະ ໂອນ ອັນ ຕຸຮ? ອັນ ຕະ ຮານະ ອໍ ໂອນ ເກົ້າ. 7 ກວາຍ ກາດິດ ແອັດ ເລືອຍໆ ກະ ເຍົ້າ. ມາແລ່ະ ເຍົ້າ ຢໍອ໌ ອີ ຈ່ອຍ, ແຕ່ອ໌ ເຍົ້າ ຈ່ອຍ. ມາ ຈະ ເກົ້າ ຕາ ເບີນ ແອັດ ເລືອຍ ກະ ເຍົ້າ. 8 ຮານະ ອິນເຕົ້າ ແຕ່ອ໌ ມັນ ແຊມ ໄມ່ ຕະ, ອັນ ຕະ. ອັນ ແຢດ ແດ້ອ໌ ປາຮວມ ຕຶ້ງ ຈະ ເກົ້າ, ກຽມ ດໍອ໌ ອິນໂຍ່ງ ເມົ້າ ແຕິບ ເກົ້າ ຕຶ້ງ ປິ່ງ. 9 ເກົ້າ ອາຕີ ຕາມ້ອງ ໂອນ ເຍົ້າ, ຕຶ້ງ ກູ່ ອິນ ຕຸ ຈວບ ກູແຕອ໌ ໄມ່, ແຕ່ອ໌ ເມົ້າ ອາຕີ ປຣນາຍ ອໍ ແຕ ເຢົາງ ເຈົ້າຮາຊີ, ເມົ້າ ອາຕີ ຮານະ ມັນແຊມ ໄມ່ ຕະ, ໂອນ ກວາຍ ຊາແຍິ ລັຮ ອັນ."

ຢູດາ ປຣ່ອມ ອີ ຈິ ເຢຊູ  
(ມັດທາຍ 26:14-16; ລູກາ 22:3-6)

10 ແວັດ ກ້ອຍ ຢູດາ ອິດຊະກາຣີອັດ, ມານະ ແຕ ມູ່ ມວຍ ຈິດ ລາ ບາຣ ນະ, ອັນ ແຕ່ອ໌ ປີ ມັຮ ກວາຍ ຊົດ ມູ່ ກາ ຊາງ ຮິດ ເຢົາງ ເຈົ້າຮາຊີ ຢໍອ໌ ອີ ມ່ອບ ເຢຊູ ໂອນ ໄລ່. 11 ພໍກາ ໄລ່ ກ້ອຍ ຊ້ອງ ຮາ ນະ ນະກ້ອຍ, ໄລ່ ແອິນ ລາລີ້, ກະ ໄລ່ ປຣ່ອມ ອີ ໂອນ ຢູດາ ປຣະ. ນະກ້ອຍ ຢູດາ ຈໍອ໌ ຕາໄງ ແລ່ະ ກາ ອໍ ອີ ມ່ອບ ເຢຊູ ໂອນ ໄລ່.

ເຢຊູ ຈາ ມັນຕຸ ມູ່ ກາ ຮຍານ ແຕ ອັນ  
(ມັດທາຍ 26:17-25; ລູກາ 22:7-14, 21-23; ໂຢຮັນ 13:21-30)

12 ຕຶ້ງ ຕາໄງ ກວາຍ ອິດຊະຮາເອລ ຕະ ຮິດ ຈາ ໂດຍ ບຸຣ ແອິ ບວຣ ຊື້ອ ກະ ກຍາກ ແກະ ຊາແຍິ ຕາໄງ ອາກູຮ, ຕາໄງ ກ້ອຍ ມູ່ ກາ ຮຍານ ແຕ ເຢຊູ ຕາແບິບ ອັນ ປາຍ: "ອິນຕຸ ແລ່ະ ໄມ່ ໂອນ ຮິ ເປາະ ກຽມ ດໍອ໌ ຈາ ຊາແຍິ ລັຮ ຕາໄງ ອາກູຮ?"

13 ເຢຊູ ແປຣີ ບາຣ ນະ ມູ່ ກາ ຮຍານ ແຕ ອັນ ປາຍ: "ເຍົ້າ ມູ່ດ ຕຶ້ງ ວິລ ກ້ອຍ. ເຈ້ ເຍົ້າ ເບີນ ຮາມິ ຮ ມານະ ຮາເລົ້າ ຕາແຢອ໌ ອາລວຍ ແດ້ອ໌. ເຍົ້າ ເປາະ ຕາປູ່ນ ກຮ້ອງ ອັນ. 14 ຄັນ ອັນ ມູ່ດ ດຸງ ອາ ແລ່ະ, ເຍົ້າ ອາຕີ ອິນເຈົ້າ ດຸງ ກ້ອຍ ປາຍ: "ອາຈານ ແປຣີ ຮິ ຕາແບິບ ເຍົ້າ ອິນແລ່ະ ກຸງ ຕາມອຍ? ຕຶ້ງ ກຸງ ກ້ອຍ ເກົ້າ ຢໍອ໌ ອີ ຈາ ເປລ ບູຍ ຊາແຍິ ຕາໄງ ອາກູຮ ກະ ມູ່ ກາ ຮຍານ ແຕ ເກົ້າ." 15 ເຈ້ ອັນ ກ້ອຍ ຊາດອຍ ໂອນ ເຍົ້າ ມວຍ ກຸງ ປິດ ຕຶ້ງ ຮານ ແປັງ. ຕຶ້ງ ກຸງ ກ້ອຍ ເບີນ ເຈ້ ກູ່ ຮາມິຮ ມັຮ ເກຣິ່ງ ຕ້ອກ. ເຍົ້າ ກຽມ ໂອນ ໄຮ ຈາ ປໍ ກ້ອຍ."

16 ໄລ່ ບາຣ ນະ ລໍອຣ ແຕ ກ້ອຍ ມູ່ດ ຕຶ້ງ ວິລ. ໄລ່ ຮາມິຮ ອິນແຍ່ະ ນະ ປຣນາຍ ເຢຊູ ອາຕີ ດໍອ໌ ອິນໂຍ່ງ. ເຈ້ ໄລ່ ກຽມ ຊັຮນາ ຈາ ມວຍ ເປລ ຊາ ແຍິ ຕາໄງ ອາກູຮ ອິງກ້ອຍ.

17 ແຕ່ອ໌ ຍາຍິ່ມໆ ເຢຊູ ກະ ມູ່ ກາ ມວຍ ຈິດ ລາ ບາຣ ນະ ແຕ່ອ໌ ປີ ກ້ອຍ. 18 ບັອງ ກາ ໄລ່ ຕາ ກູ ຈາ, ເຢຊູ ອາຕີ ໄລ່ ປາຍ: "ເກົ້າ ອາຕີ ຕາມ້ອງ ໂອນ ເຍົ້າ, ເບີນ ມານະ ແຕ ເຍົ້າ ກາ ຈາ ມັນຕຸ ກະ ເກົ້າ, ປຣແນິ ມັນເຕຣົາ ອັນ ອີ ມ່ອບ ເກົ້າ ໂອນ ເມົ້າ ກາຈິດ."

19 ໄລ່ ກ້ອຍ ຊ້ອງ ຕຸຮ ລາລີ້, ກະ ໄລ່ ຕາແບິບ ເຢຊູ ມູ ເຈິ ມານະ ປາຍ: "ເກົ້າ ມາ ຕາ ເບີນ, ອາຈານ?"

20 ເຢຊູ ຕາແອິຍ ໄລ່ ປາຍ: "ກວາຍ ໄມ່ ລາ ມານະ ແຕ ເຍົ້າ ກາ ມວຍ ຈິດ ລາ ບາຣ ນະ; ອັນ ຕຸ ຈາ ໂດຍ ບຸຣ ມວຍ ຕາງານ ກະ ເກົ້າ ແຕ່. 21 ກອນ ເຢົາງ ແກັດ ກວາຍ ອິງເຄາະ ກູຈິດ ມັຮ ປິ່ງ ປຣ ນາຍ ເຢົາງ ເຈົ້າຮາຊີ ອາຕີ ເຈ້ ແຕ ອັນ. ມາ ອັນ ກາ ຈິ ກອນ ເຢົາງ ແກັດ ກວາຍ, ບາບ ລາລີ້ ແຕ່ອ໌ ປີ ອັນ. ປຍາຍ ລາ ອິມເປອ໌ ອັນ ອິນໂຈຍ ຮັຮ ອັນ."

ໄລ່ ຈາ ຈ່ອຍ໌ ຊາແຍິ ຈະ ກະ ອາຮາມ ເຢຊູ  
(ມັດທາຍ 26:26-30; ລູກາ 22:14-20; ໂກຣິນໂທ ມວຍ 11:23-25)

22 ບັອງ ກາ ໄລ່ ຈາ, ເຢຊູ ອິດ ໂດຍ ບຸຣ. ອັນ ຊາແອິນ ເຢົາງ ເຈົ້າຮາຊີ, ເຈ້ ອັນ ປຣິ ໂດຍ ບຸຣ

ກ້ອຍ, ອາເວີຍ ໂອນ ມູ່ ກາ ຮຍານ ແຕ ອັນ ຈາ. ອັນ ອາຕີ ໄລ່ ປາຍ: "ເຍົາ ຮັບ. ໄນ່ ລາ ຈະ ເກົາ."

23 ແວັດ ກ້ອຍ ອັນ ອິດ ຈອກ. ເຈີ້ ອັນ ຊາ ແອິນ ເຢິງ ເຈົາຮາຊີ, ອັນ ອາເວີຍ ໂອນ ມູ່ ກາ ຮຍານ ແຕ ອັນ ຈ່ອຍ. ເຈີ້ ອິນແຍ່ະ ນະ ໄລ່ ກ້ອຍ ຈ່ອຍ. 24 ກະ ເຢຊູ ອາຕີ ໄລ່ ປາຍ: "ໄນ່ ລາ ອາຮາມ ເກົາ. ອາຮາມ ໄນ່ ລ່ອຮ ຕະ ໂອນ ກວາຍ ດັງ ເຢິງ ເຈົາຮາຊີ ປັຣຄັນ ປັຣນາຍ ຕາໄມ່ ໂອນ ອິນແຍ່ະ ມັຮ ກວາຍ. 25 ເກົາ ອາຕີ ຕາມ້ອງ ໂອນ ເຍົາ, ເກົາ ຕາ ເບິນ ຈ່ອຍ ມ້ອງ ແດັອ້ ແຕ ປາໄລ ອາງຸ່ນ ເຕົ້າ ແຕ້ອ້ ຕາໂງ ເກົາ ຈ່ອຍ ແດັອ້ ກ້ອຍ ຕາ ໄມ່ ແອັນ ຕິ່ງ ອິນຕຸ ເຢິງ ເຈົາຮາຊີ ຕະ ຊົດ."

ເຢຊູ ອາຕີ ອິນໂຍ່ງ ແຕ ຮານະ ເປໂຕ ຕະ (ມັດທາຍ 26:31-35; ລູກາ 22:31-34; ໂຢຮັນ 13:36-38)

26 ແວັດ ໄລ່ ລໍ່າ ຍ່ອງ ເຢິງ ເຈົາຮາຊີ, ເຈີ້ ໄລ່ ລ່ອຮ ແຕ ກ້ອຍ ຊ້ອຣ ຕິ່ງ ກັຮ ອາໂປນ. 27 ເຢຊູ ອາຕີ ໄລ່ ປາຍ: "ອິນແນະ ມັຮ ເຍົາ ຕັຮ ອິນແຍ່ະ ເກົາ. ປິ່ງ ປັຣນາຍ ເຢິງ ເຈົາຮາຊີ ອາຕີ ເຈີ້ ປາຍ: 'ເກົາ ໂອນ ເມົ້າ ກາຈິດ ກວາຍ ກຍາອ້ ແກະ,

ເຈີ້ ອິນແຍ່ະ ແກະ ກ້ອຍ ຮາຕັຮ ຮາຕາຍ.' 28 ມາ ແຕ້ອ້ ເກົາ ອາມັ່ງ ລ່ຮ, ເກົາ ເປາະ ອິນໂຍ່ງ ເຍົາ ຕິ່ງ ແຄງ ຄາລິເລ."

29 ເປໂຕ ອາຕີ ເຢຊູ ປາຍ: "ອິມປີ່ ອິນແຍ່ະ ມັຮ ກວາຍ ການໍ້ອ້ ຕັຮ ໄມ່, ລາ ເກົາ ຕາ ເບິນ ຕັຮ ໄມ່."

30 ເຢຊູ ອາຕີ ລ່ຮ ເປໂຕ ປາຍ: "ເກົາ ອາຕີ ຕາມ້ອງ ໂອນ ໄມ່, ຕິ່ງ ຊາເດົາ ໄນ່ ແຕ້, ອິນໂຍ່ງ ອິນ ຕຣວຍ ຕາກາຣ ບາຣ ເຮີບ, ໄມ່ ກາແລີຍຣ ເກົາ ເບິນ ໄປ ເຮີບ."

31 ມາ ເປໂຕ ຕາແອີຍ ຮາຊວນ ເລືອຍໆ ປາຍ: "ຄັນ ເມົ້າ ກາຈິດ ເກົາ ກະ ໄມ່ ລາ ໂທຍ. ເກົາ ຕາ ເບິນ ກາແລີຍຣ ໄມ່ ເລີ້!"

ກະ ອິນແຍ່ະ ມັຮ ມູ່ ກ້ອຍ ປາຍ ມູ່ເຈິງ ປັຣນາຍ ເປໂຕ ແຕ່.

ເຢຊູ ເກົາແຊຣ້ ຕິ່ງ ຊວນ ເຄັດເຊມາເມ (ມັດທາຍ 26:36-46; ລູກາ 22:39-46)

32 ພໍກາ ໄລ່ ກ້ອຍ ແຕ້ອ້ ມວຍ ຊວນ ກາ ເມົ້າ ດໍ້ອ້ ຮາມິຣ ເຄັດເຊມາເມ, ເຢຊູ ອາຕີ ມູ່ ກາ ຮຍານ ແຕ ອັນ ປາຍ: "ເຍົາ ແອັດ ຕາກູ ອິນໄນ່ ນໍ້. ເກົາ ອີ ເປາະ ເກົາແຊຣ້ ປີ່ ກ້ອຍ."

33 ອັນ ເດິງ ເປໂຕ, ຢາໂກໂບ, ກະ ໂຢຮັນ ເປາະ ກະ ອັນ. ເຈີ້ ຮາງິຣ ເຢຊູ ຊ້ອງ ເກຣ່າະ ກະ ຕຸຣ ລາ

ລີ້. 34 ອັນ ປາຍ ນະໄນ່: "ຮາງິຣ ເກົາ ຊ້ອງ ຕຸຣ ລາລີ້, ຕາ ເຮີບ ອາມັ່ງ ມ້ອງ. ເຍົາ ແອັດ ເກຣ່າະ ເກົາ ອິນໄນ່. ເຍົາ ຕາງວຍ ກະ ເກົາ."

35 ເຈີ້ ເຢຊູ ເປາະ ບິ້ອ້ ແອັນ. ອັນ ປາດິຣ ຕິ່ງ ກູ ແຕຣ້ ມູ່ ຕາແຕິບ. ອັນ ເກົາແຊຣ້ ຄັນ ແຕ້ອ້, ໂອນ ຮານະ ໄນ່ ເປາະ ແວັດ ແຕ ອັນ. 36 ອັນ ເກົາແຊຣ້ ປາຍ: "ອິມປີ່, ອິມປີ່ ເກົາ ເອີຍ! ອິນເຕົ້າ ໄມ່ ອີ ຕະ, ແຕ້ອ້ ໄມ່ ຕະ. ເກົາ ແຊຣ້ ໄມ່ ອາຍີ່ ຈອກ ຕຸຣ ກັດ ໄນ່ ໂອນ ແວັດ ແຕ ເກົາ. ມາ ເກົາ ຕາ ແອັອ້ ອີ ຕາປູ່ນ ຮາງິຣ ເກົາ ເບິນ. ເກົາ ອີ ຕາປູ່ນ ແອັງ ຮາງິຣ ໄມ່ ຊ້ອງ."

37 ເຈີ້ ເຢຊູ ລັບ ລ່ຮ, ກະ ຮາມິຣ ໄລ່ ບີ. ເຈີ້ ອັນ ຕາແບິບ ເປໂຕ ປາຍ: "ຊີໂມນ ເອີຍ! ໄມ່ ບີ ບໍ່? ນານະ ໄມ່ ຕາ ເຮີບ ຕາງວຍ ກະ ເກົາ ມາ ໂຮຍ? 38 ອິງເຄາະ ເຍົາ ຕາແມີ ກະ ເກົາແຊຣ້ ອິນ ໂຈຍ ໂອນ ເມົ້າ ປັຣຕີ່ ເຍົາ ຕະ ໂລ່ຍຣ. ຮາງິຣ ເຍົາ ລາ ບັນ ເຣ່ງ, ມາ ຈະຈັນ ເຍົາ ລາ ອຽວ."

39 ນະກ້ອຍ ເຢຊູ ເປາະ ເກົາແຊຣ້ ລ່ຮ. ອັນ ເກົາ ແຊຣ້ ປັຣນາຍ ມູ່ເຈິງ ແຕ ອິນໂຍ່ງ. 40 ເຈີ້ ອັນ ລັບ ລ່ຮ ບີ ອິນຕຸ ໄລ່ ກ້ອຍ ແອັດ. ອັນ ຮາມິຣ ໄລ່ ບີ ລ່ຮ ຊາ, ຍ່ອນ ມັດ ໄລ່ ອິນຕ້ອງ ລາລີ້ ຕາ ເຮີບ ກູ ເລີນ. ໄລ່ ກ້ອຍ ຕາ ດັງ ນານະ ອີ ຕາແອີຍ ເຢຊູ.

41 ນະກ້ອຍ ເຢຊູ ເຈົາ ລ່ຮ ແຕ້ອ້ ອິນຕຸ ໄລ່ ກ້ອຍ ແອັດ ເຮີບ ກາ ໄປ ແອັນ. ກະ ອັນ ຕາແບິບ ໄລ່ ປາຍ: "ນານະ ອິນນ້ອງ ເຍົາ ບີ ກະ ຮາລູ່ ລ່ຮ ຊາ? ເຍົາ ອິນໂຈຍ ບີ ນ້ອງ. ແຕ້ອ້ ປາແນ່ນ ເຈີ້. ກອນ ເຢິງ ແກັດ ກວາຍ, ເມົ້າ ຈີ ອັນ ບີ ອາຕີ ກວາຍ ໂລ່ຍຣ ເຈີ້. 42 ຢວຣ ຕາຍິ່ງ! ໄຮ ເປາະ! ເຍົາ ແ່ ຕິຣ! ອັນ ກາ ມ່ອບ ເກົາ ແຕ້ອ້ ເຈີ້."

ເມົ້າ ໂກບ ເຢຊູ (ມັດທາຍ 26:47-56; ລູກາ 22:47-53; ໂຢຮັນ 18:3-12)

43 ບັອງ ກາ ເຢຊູ ອິນນ້ອງ ອາຕີ ນະກ້ອຍ, ບັອງ ກາ ກ້ອຍ ແຕ້ ຢູດາ ແຕ້ອ້. ອັນ ລາ ແຕ ມູ່ ກາ ມວຍ ຈິດ ລາ ບາຣ ນະ ກາ ຮຍານ ແຕ ເຢຊູ. ກຶ່ງ ກວາຍ ເດິງ ດາວ ກະ ຮາກັລ ແຕ້ອ້ ກະ ຢູດາ ແຕ ມັຮ ກວາຍ ຊົດ ມູ່ ກາ ຊາງ ຮິດ ເຢິງ ເຈົາຮາ ຊີ, ແຕ ກວາຍ ອາຕີ ຄານອດ, ກະ ກວາຍ ເທົາແກ ຈຸ່ມເຈືອ. 44 ອັນ ກາ ອີ ຈີ ເຢຊູ ອາຕີ ໂອນ ເມົ້າ ດັງ ອິນໂຍ່ງ ປາຍ: "ຄັນ ອາແລ່ະ ເຍົາ ເຮີມ ເກົາ ໂຮນ, ລາ ກູໂຕ ອັນ ກາ ເຍົາ ອີ ເບິນ. ເຈີ້ ເຍົາ ໂກບ ອັນ

† 14:36 14:36 ຕິ່ງ ປັຣນາຍ ເຢຊູ ປາຍ, ອັນ ດໍ້ອ້ ອິມປີ່ ອັນ ລາ 'ອັນບາ.'

ກ້ອຍ ແຕ້! ເຍົາ ຢຸມ ໂອນ ກັກ, ເຈົ້າ ເດີງ ອັນ ແຕ ອິນຕຸ ກ້ອຍ."

45 ເຈົ້າ ຢູດາ ແຕ້ອ໌ ແຕ້ ປີ ເຢຊູ ກະ ປາຍ ນະໄມ່: "ອາຈານ ເອີຍ!"

ເຈົ້າ ອັນ ໂຮນ ເຢຊູ. 46 ນະກ້ອຍ ເມົ້າ ແຕ້ອ໌ ຢຸມ ກະ ໂກບ ເຢຊູ.

47 ມານະ ແຕ ໄລ່ ກາ ຕາຢິ່ງ ແຈ່ ກ້ອຍ ທອດ ດາວ ແຕ ຊອຣ, ເຈົ້າ ອັນ ກັຣໂປຣ ມານະ ຊູລ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົ້າຣາຊີ, ປ ຍາຍ໌ ກູຕູຣ, ເຈົ້າ ຕາອ້ອຣ ມວຍ ກັຣ ກູຕູຣ. 48 ມາ ເຢຊູ ຕາແບັບ ໄລ່ ກ້ອຍ ປາຍ: "ນານະ ເຍົາ ແຕ້ອ໌ ປີ ໄມ່ ມາ ເດີງ ດາວ ກະ ຣາກັລ ອີ ໂກບ ເກົາ? ເຍົາ ຄິ່ດ ປາຍ ເກົາ ລາ ກວາຍ ຊາແວງ ບໍ່? 49 ກູ່ ຣາ ໄງ ເກົາ ອາຕີ ຕິ່ງ ດຸງ ຊາງ ປິດ, ມາ ເຍົາ ຕາ ເບີນ ໂກບ ເກົາ. ມາ ຣານະ ໄມ່ ຕະ ໂອນ ເກີດ ຣາປຍາຍ໌ ມັຣ ປິງ ປັຣນາຍ ເຢິງ ເຈົ້າຣາຊີ ອາຕີ ແຕ ອິມແບີ ເຈົ້າ."

50 ນະກ້ອຍ ອິນແຍ່ະ ມັຣ ໄລ່ ກາ ແອັດ ກະ ເຢຊູ ຕາລຸ່ຣ ອາຕັຣ ອັນ.

51 ເບີນ ມານະ ກວາຍ ນໍ້າ ຕາປູ່ນ ເຢຊູ. ອັນ ອົງກວາມ ແອັງ ເປຣ່ ຕິ່ງ ຈະ ອັນ. ເມົ້າ ກາຕ້ອງ ເປຣ່ ອັນ, ອີ ໂກບ ກາ ອັນ ແຮີ. 52 ເຈົ້າ ອັນ ຕວດ ຕັຣ ຊ້ອງ ເປຣ່ ກ້ອຍ, ຕາລຸ່ຣ ມູລາໂລ່ະ ແອັນ.

ເຢຊູ ຕາຢິ່ງ ຢັຣ ມົງ ຈຸ່ມ ກວາຍ ຊົດ ອິດຊະ ຣາເອລ  
(ມັດທາຍ 26:57-68; ລູກາ 22:54-55, 63-71; ໂຢຮັນ 18:13-14, 19-24)

53 ພໍກາ ກ້ອຍ ໄລ່ ເດີງ ເຢຊູ ແຕ້ອ໌ ປີ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົ້າຣາຊີ. ອິນ ແຍ່ະ ມັຣ ກວາຍ ຊົດ ມູ່ ກາ ຊາງ ຮິ່ດ ເຢິງ ເຈົ້າຣາ ຊີ, ກວາຍ ຊົດ ອິນແຍ່ະ ຈຸ່ມເຈືອ, ກະ ກວາຍ ອາຕີ ຄານອດ ເປາະ ໂຣ່ມ ປີ ກ້ອຍ ແຕ່. 54 ເປໂຕ ຣາປ ວາຍ ເຢິງ ອິນຕູ່ນ ກັຣອງ ເຢຊູ, ເຈົ້າ ອັນ ມູ່ດ ຕິ່ງ ຊົງອາຣ ດຸງ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົ້າຣາຊີ. ອັນ ຕາກູ ມັນຕຸ ກະ ກວາຍ ກາ ກ ຍາຍ໌ ດຸງ ຊາງ, ໄລ່ ແອັດ ອົງແຮງ ອູຍຣ.

55 ມັຣ ກວາຍ ຊົດ ມູ່ ກາ ຊາງ ຮິ່ດ ເຢິງ ເຈົ້າຣາ ຊີ, ກະ ຈຸ່ມ ກວາຍ ຊົດ ອິດຊະຣາເອລ ກາ ຊັຣຮົງ ຕັດຊິ່ນ ຈໍ້ຣ໌ ຣາລິ່ຣ ແຕ ເຢຊູ, ອີ ກາຈິດ ອັນ. ມາ ໄລ່ ຕາ ເບີນ ຣາມັຣ ມວຍ ຣາມິ້ຣ ອິນເຕົ້າ. 56 ເບີ ນ ຊາອິ້ຍ ກວາຍ ຕູນ ເຢຊູ ມາ ຕາ ເບີນ ປຍາຍ໌. ໄລ່ ຕູນ ມາ ຕາ ເບີນ ມວຍ ປັຣນາຍ. 57 ເບີນ ໄລ່

ກາ ຢວຣ ຕາຢິ່ງ ຕູນ ເຢຊູ ປາຍ: 58 "ຮິ ຊ້ອງ ອັນ ກ້ອຍ ປາຍ ເຈົ້າ ນະໄມ່: 'ເກົາ ອີ ຕາລຸຣ ດຸງ ຊາງ ເຢິງ ເຈົ້າຣາຊີ ກາ ອາຕີ ກວາຍ ຕະ. ມາ ແວັດ ໄປ ຕາໄງ ເກົາ ຕະ ດຸງ ຕາໄມ ແອັນ ຕາ ເກີນ ແຕ ອາຕີ ກວາຍ ຕະ.'"

59 ມາ ປັຣນາຍ ໄລ່ ຕູນ ຕາ ເບີນ ຊົງໂກຣ.

60 ພໍກາ ກ້ອຍ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົ້າຣາຊີ ຢວຣ ຕາຢິ່ງ ແອັດ ອິນດີ ໄລ່. ອັນ ຕາແບັບ ເຢຊູ ປາຍ: "ໄມ່ ອີ ຕາແອັຍ ມາ ຕາ ເບີນ? ນານະ ໄມ່ ຊ້ອງ ໄລ່ ກ້ອຍ ອາຕີ ແຕ ໄມ່?"

61 ມາ ເຢຊູ ແອັດ ອາວິລ ຊ້ອງ. ອັນ ຕາ ເບີນ ປາຍ ອິນເຕົ້າ.

ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົ້າຣາຊີ ຕາແບັບ ລັຣ ເຢຊູ ປາຍ: "ໄມ່ ມ່ນ ກຣີ ດ, ກອນ ອັນ ກາ ຮິ ຢ່ອງ, ມາ ຕາ ເບີນ?"

62 ເຢຊູ ຕາແອັຍ ປາຍ: "ມ່ນ! ເຈົ້າ ປີ ມົງ ເຍົາ ເຮີມ ກອນ ເຢິງ ແກັດ ກວາຍ ຕາກູ ຢັຣ ອາ ຕໍ້າ ເຢິງ ເຈົ້າຣາຊີ ກາ ເບີນ ອໍານາດ ລາລີ້, ກະ ອັນ ແຕ້ອ໌ ອິນດີ ຣາມິລ ແຕ ມັນລ້ອງ."

63 ເຈົ້າ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົ້າຣາຊີ ແຈອ໌ ທຣື່ງ ອັນ ເບີມ, ຕະ ໂອນ ເມົ້າ ດົງ ປາຍ ອັນ ຊ້ອງ ຕຸຣ ລາລີ້. ກະ ອັນ ປາຍ ນະໄມ່: "ຕາ ຈໍ້າ ໄຣ ອີ ຕາແບັບ ມ້ອງ ກວາຍ ການໍ ອ໌. 64 ເຍົາ ຊ້ອງ ເຈົ້າ ອັນ ປາຍ ປັຣນາຍ ກ້ອຍ ລາ ມາຣ ອັນ ພາມາດ ເຢິງ ເຈົ້າຣາຊີ. ນານະ ເຍົາ ຄິ່ດ ແຕ ປັຣນາຍ ກ້ອຍ?"

ອິນແຍ່ະ ມັຣ ໄລ່ ກ້ອຍ ປຣອ່ມ ມວຍ ຣາງິຣ ມ່ອບ ເຢຊູ ອົງເຄາະ ຈິວິ ກູຈິດ.

65 ເບີນ ກວາຍ ກູຈິຣ ໂຈະ ເຢຊູ. ໄລ່ ຕັນ ມັດ ອັນ, ເຈົ້າ ໄລ່ ຈັກ ອັນ ກະ ຕາແບັບ ອັນ ປາຍ: "ເມົ້າ ກາ ຈັກ ໄມ່? ເອົາ ໄມ່ ປາຍ ແມະ!"

ກະ ມັຣ ກວາຍ ກາ ກຍາຍ໌ ຕິ່ງ ດຸງ ຊາງ ກ້ອຍ ຕະ ອັນ ແຕ່.

ເປໂຕ ກາແລັຍຣ ເຢຊູ  
(ມັດທາຍ 26:69-75; ລູກາ 22:56-62; ໂຢຮັນ 18:15-18, 25-27)

66 ບ້ອງ ກາ ກ້ອຍ ເປໂຕ ອິນມ້ອງ ແອັດ ຕິ່ງ ຊົງ ອາຣ. ເບີນ ມານະ ມັນແຊມ ກາ ຕະ ຣານະ ໂອນ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢິງ ເຈົ້າຣາ ຊີ ແຕ້ອ໌ ປີ ກ້ອຍ. 67 ພໍກາ ອັນ ເຮີມ ເປໂຕ ແອັດ ອົງແຮງ ອູ່ຍຣ ອົງກ້ອຍ, ອັນ ແ່ ຊັຣກ້ອງ ປີ ມັດ ເປໂຕ ກະ ອັນ ປາຍ ໂຈະ ເປໂຕ ນະໄມ່: "ໄມ່ ລາ ກວາຍ ແອັດ ກະ ເຢຊູ, ກວາຍ ແຕ ວິລ ນາຊາເຣັດ ແຕ່."

68 ມາ ເປໂຕ ຕາ ເບີນ ງິນ, ອັນ ປາຍ: "ຕາ ເບີນ! ເກົາ ຕາ ດັງ ອິນເຕົ້າ ໄມ່ ປາຍ! ກາ ເກົາ ຕາ ເບີນ ຊາປຸ່ຣ ເລີ້ຍ!"

ເຈົ້າ ເປໂຕ ລ້ອຣ ແຕ ອິນຕຸ ກ້ອຍ ຕາຢັຣ ເປາະ ປິ ງັຣ ຕັງ, ກະ ບັອງ ກ້ອຍ ແຕ່ ອິນຕຣວຍ ຕາ ກາຣ. 69 ມາ ມັນແຊມ ກ້ອຍ ເຮີມ ລ້ຣ ຊາ ເປໂຕ, ກະ ອັນ ອາຕີ ກວາຍ ການໍ້ອ ກາ ແອິດ ຕາຢິງ ອິນຕຸ ກ້ອຍ ປາຍ: "ອັນ ໄມ່ ລາ ແຕ ມູ່ ກ້ອຍ ເຕ່."

70 ມາ ເປໂຕ ຕາ ເບີນ ງິນ ຊາ.

ມາໂຣຍ ແອັນ ມັຣ ກວາຍ ກາ ຕາຢິງ ອິງກ້ອຍ ປາຍ ໂຈະ ເປໂຕ: "ແມ່ນ ລາລີ້ ໄມ່ ລາ ແຕ ມູ່ ໄລ່ ກ້ອຍ ເຕ່, ຍ່ອນ ໄມ່ ລາ ກວາຍ ຄາລີເລ."

71 ເປໂຕ, ອັນ ຄິນ ມາງ ກູ້ອ້ ແປ້ ກູ້ອ້ ໂຊະ ກະ ໄລ່ ກ້ອຍ. ອັນ ຕາແອິຍ ຣາຊວນ ເລື້ອຍໆ ປາຍ: "ເຍົາ ຕູນ ເກົາ ແຕ ມູ່ ອັນ ກ້ອຍ, ມາ ເກົາ ຕາ ດັງ ນານະ ຮຸ່ບເຮືງ ອັນ."

72 ບັອງ ກາ ກ້ອຍ ແຕ່ ອິນຕຣວຍ ຕາກາຣ ເຮີບ ກາ ບາຣ. ເຈົ້າ ເປໂຕ ຊາແອິ ປັຣນາຍ ເຢຊູ ອາຕີ ອັນ ແຕ ອິນໂຍ່ງ ປາຍ: "ແຕ ອິນໂຍ່ງ ອິນຕຣວຍ ຕາ ຢວາຣ ຕາກາຣ ບາຣ ເຮີບ, ໄມ່ ກາ ເລີຍຣ ເກົາ ໄປ ເຮີບ."

ພໍ່ກາ ເປໂຕ ຄິດ ຊາແອິ ລ້ຣ ປັຣນາຍ ກ້ອຍ, ເຈົ້າ ອັນ ເຍົາມ.

### 15

ເຢຊູ ຕາຢິງ ຢັຣ ເມີງ ປີລາດ  
(ມັດທາຍ 27:1-2, 11-14; ລູກາ 23:1-5;  
ໂຢຮັນ 18:28-38)

1 ແຕ້ອ້ ປັງ ຕາຮີບ ປັຣແນິ, ອິນນ້ອງ ຍາຍິ່ມໆ, ມັຣ ກວາຍ ຊົດ ມູ່ ກາ ຊາງ ຮິດ ເຢິງ ເຈົາຣາຊີ, ມັຣ ກວາຍ ເທົາແກ ຈຸ່ມເຈືອ, ກະ ມັຣ ກວາຍ ອາຕີ ຄານອດ ໂຣ່ມ ຊັຣຮົງ ມັນຕຸ ກະ ມັຣ ກວາຍ ຊົດ ການໍ້ອ ຕັງ ຈຸ່ມ ໄລ່. ແວັດ ໄລ່ ກ້ອຍ ຊັຣຮົງ, ໄລ່ ຊົດ ເຢຊູ ກະ ເດີງ ອາຊວຍ ອັນ ແຕ້ອ້ ປິ ປີລາດ.\* 2 ປີລາດ ຕາແບີບ ເຢຊູ: "ໄມ່ ລາ ແມ່ນ ເຕົາວ ປັຣເຍົາ ອິດຊະຣາເອລ ບໍ່?"

ເຢຊູ ຕາແອິຍ ປາຍ: "ແມ່ນ, ປຍາຍິ ເຈົ້າ ໄມ່ ປາຍ."

3 ມັຣ ກວາຍ ຊົດ ມູ່ ກາ ຊາງ ຮິດ ເຢິງ ເຈົາຣາຊີ, ໄລ່ ຕູນ ເຢຊູ, ປາຍ ອັນ ຕະ ຊາອິ້ຍ ຣານະ ຕາ ອໍ. 4 ເຈົ້າ ປີລາດ ຕາແບີບ ລ້ຣ ເຢຊູ: "ນານະ ໄມ່

ຕາ ເບີນ ຕາແອິຍ ອິນເຕົ້າ? ໄມ່ ຊ້ອງ ເຈົ້າ ເມົາ ຕິ ໄມ່ ຊາອິ້ຍ ຣາມິຣ."

5 ມາ ເຢຊູ ຕາ ເບີນ ຕາແອິຍ ອິນເຕົ້າ ເລີ້ຍ. ນະກ້ອຍ ປີລາດ ຊ້ອງ ງິດ ລາລີ້.

ເມົາ ຮຽຮ ເຢຊູ ຈິວ ກູຈິດ  
(ມັດທາຍ 27:15-26; ລູກາ 23:13-25;  
ໂຢຮັນ 18:39-19:16)

6 ແຕ້ອ້ ຕາໂງ ກວາຍ ອິດຊະຣາເອລ ໂຣ່ມ ຈາ ຊາແອິ ຕາໂງ ອາກູຣ,† ໄລ່ ເບີນ ຮິດ ໂອນ ກວາຍ ຊົດ ກຣວາງ ກ້ອຍ ອາໂຣຍຣ ມານະ ກວາຍ ໂຕ່ດ ແຕ ກໍ້ອ, ຕາມ ຣາງັຣ ກອນແຊມ ຮຽຮ ຢັອ ອິ ອາ ໂຣຍຣ. 7 ຕາໂງ ກ້ອຍ ຕັງ ກໍ້ອ ກ້ອຍ ເບີນ ມານະ ຣາມິຣ ບາຣາບາ. ອັນ ກ້ອຍ ມານະ ແຕ ມູ່ ກາ ຕໍາ ໂປຣ ຊົດ. ກະ ອັນ ກາຈິດ ກວາຍ ການໍ້ອ ແຮ. 8 ກຶ້ງ ລາລີ້ ກວາຍ ແຕ້ອ້ ປິ ປີລາດ, ແຊຣ໌ ໂອນ ປີລາດ ຕະ ຮິດ ນະ ກູມ ອິນໂຍ່ງ ຊາ. 9 ປີລາດ ຕາ ແບີບ ໄລ່ ກ້ອຍ ປາຍ: "ເຍົາ ໂອນ ເກົາ ອາໂຣຍຣ ເຕົາວ ປັຣເຍົາ ອິດຊະຣາເອລ ບໍ່?"

10 ປີລາດ ດັງ ເຈົ້າ ກວາຍ ຊົດ ມູ່ ກາ ຊາງ ຮິດ ເຢິງ ເຈົາຣາຊີ ຊ້ອງ ອວານ ກະ ເຢຊູ ຍ່ອນ ກອນ ແຊມ ໄລ່ ຢັອ ອິ ຕາປູນ ເຢຊູ. ນະກ້ອຍ ໄລ່ ເດີ ງ ເຢຊູ ແຕ້ອ້ ປິ ອັນ. 11 ມາ ມັຣ ກວາຍ ຊົດ ມູ່ ກາ ຊາງ ຮິດ, ໄລ່ ແປຣີ ກວາຍ ກຶ້ງ ກ້ອຍ ແຊຣ໌ ໂອນ ປີລາດ ອາໂຣຍຣ ບາຣາບາ, ຕາ ເກົນ ເຢຊູ. 12 ປີລາດ ຕາແບີບ ລ້ຣ ໄລ່ ກ້ອຍ ປາຍ: "ອິນເຕົ້າ ເຍົາ ໂອນ ເກົາ ຕະ ກະ ກວາຍ ໄມ່, ກາ ເຍົາ ດໍ້ອ ເຕົາວ ປັຣເຍົາ ອິດຊະຣາເອລ?"

13 ໄລ່ ກ້ອຍ ຕາແອິຍ ເຣ່ງ ລາລີ້ ປາຍ: "ແຕັຣ ອັນ ຕັງ ອາລ່ອງ ຊັງກັງ!"

14 ປີລາດ ຕາແບີບ ລ້ຣ ໄລ່ ກ້ອຍ ປາຍ: "ນານະ ະ? ຣາມິຣ ອິນເຕົ້າ ອັນ ຕະ ຕາ ອໍ?"

ມາ ໄລ່ ກ້ອຍ ຕາແອິຍ ເຣ່ງ ລາລີ້ ກາເລີຍ ແຕ ອິນໂຍ່ງ ແອັນ: "ແຕັຣ ອັນ ຕັງ ອາລ່ອງ ຊັງກັງ!"

15 ປີລາດ ອິ ໂອນ ປຍາຍິ ຣາງັຣ ກວາຍ ກອນ ແຊມ. ນະກ້ອຍ ອັນ ອາໂຣຍຣ ບາຣາບາ ໂອນ ໄລ່, ກະ ອັນ ແປຣີ ໂອນ ເມົາ ວັດ ເຢຊູ ແຕ ອິນໄຊ ອິງ ກັຣ ເມົາ ໂທດ ໂຈະ ຕາອໍ. ແວັດ ກ້ອຍ ອັນ ມ່ອບ ເຢຊູ ໂອນ ໄລ່ ເດີງ ແຕັຣ ຕັງ ອາລ່ອງ ຊັງກັງ.

ຕາຣານ ພາມາດ ເຢຊູ  
(ມັດທາຍ 27:27-31; ໂຢຮັນ 19:2-3)

\* 15:1 15:1 ປີລາດ ລາ ກວາຍ ໂຣມ ກາ ຕະ ຊົດ ອິນແຍະ ແຄງ ຢູດາຍ. † 15:6 15:6 ຕາໂງ ກ້ອຍ ໄລ່ ຊາແອິ ຕາໂງ ເຢິງ ເຈົາຣາຊີ ຈ່ອຍ ໂອນ ໄລ່ ລ້ອຣ ແຕ ກຣວາງ ເອຍິບ ແຕ ອິມແບິ.

16 ເຈົ້າ ຕາຮານ ເດີງ ອາຊວຍ ເຢຊູ ແຕ້ອ໌ ປີ ຊັງ ອາຣ ດຸງ ເມົ້າ ເກີ້ຍ ຕັດຊີ້ນ ກວາຍ. ໄລ່ ກ້ອຍ ກູອ໌ ປາໂຣມ ອິນແຍ່ະ ມັຮ ຕາຮານ ກ້ອຍ. 17 ໄລ່ ກ້ອຍ ອາແຊັບ ເຢຊູ ອາຍ໌ອຣ ຕີ ຊີ້ ອາອູຍ. ໄລ່ ຕະ ກຸນ ຕຣວາອ໌ ຊັຣເລົາ ອາປິງ ໂຈະ ຕິ່ງ ແປ້ ອັນ. 18 ເຈົ້າ ໄລ່ ຕະ ອິນຕີ ອາໂລກ ບັນ ຊວານ ອັນ ປາຍ: "ກຸກຸ ຮ ເມົ້າ ຊາຊາຍ ເຕົ້າວ ປັຣເຍົາ ອິດຊະຣາເອລ."

19 ໄລ່ ກ້ອຍ ໄປຣ່ຣ ອິດ! ໄປຣ່ຣ ອິດ ແຕ ກ່ອນ ຕິ່ງ ແປ້ ອັນ, ກະ ໄລ່ ກູຈັຣ ໂຈະ ຕິ່ງ ຈະ ອັນ. ໄລ່ ກຸ່ ຣາໂກລ ຕະ ນະ ຊາງ ອັນ ແຮີ. 20 ແວັດ ໄລ່ ອາເຢ ພາມາດ ອັນ ນະກ້ອຍ, ໄລ່ ຕວດ ລັຣ ອາ ຍັອຣ ຕີ ຊີ້ ອາອູຍ. ກະ ໄລ່ ອາແຊັບ ລັຣ ເກຣິງ ອັນ ເບີມ. ເຈົ້າ ໄລ່ ເດີງ ອາລັອຣ ອີ ແຕັຣ ອັນ ຕິ່ງ ອາລ່ອງ ຊັງກັງ.

ເມົ້າ ແຕັຣ ເຢຊູ ຕິ່ງ ອາລ່ອງ ຊັງກັງ  
(ມັດທາຍ 27:32-44; ລູກາ 23:26-43;  
ໂຢຮັນ 19:17-27)

21 ບັອງ ກາ ກ້ອຍ ເບີນ ມານະ ຣາມິ່ຣ ຊີໂມນ ແຕ ເມືອງ ກິເຣເນ, ອິມປໍ ອາເລັກຊັນເດີ ກະ ຣູໂພ ເປາະ ພາ ຣານາ ກ້ອຍ. ຊີໂມນ ເຈົ້າ ແຕ ຍັຣ ນໍ້ອ໌ ວິລ. ຕາຮານ ກ້ອຍ ໂກບ ອັນ ໂອນ ໂດລ ອາລ່ອງ ຊັງກັງ ເຢຊູ.

22 ໄລ່ ເດີງ ເຢຊູ ແຕ້ອ໌ ອິນ ຕຸ ເມົ້າ ດໍອ໌ ໂຄລະໂຄທາ. ປັຣນາຍ ໄມ່ ອາຕີ ລັຣ ລາ 'ອິນຕຸ ອິງຮາງ ຕາຕາຣ ແປ້.' 23 ເຈົ້າ ໄລ່ ກ້ອຍ ໂອນ ເຢຊູ ຈ່ອຍ ບັອງ ເມົ້າ ກັຣຈຸ ກະ ຊຽດ ອາລ່ອງ ປາຣວມ. ມາ ອັນ ຕາ ເບີນ ຈ່ອຍ. 24 ໄລ່ ແຕັຣ ອັນ ຕິ່ງ ອາ ລ່ອງ ຊັງກັງ. ກະ ໄລ່ ອິດ ເກຣິງ ຕໍປັອກ ອັນ, ເຈົ້າ ໄລ່ ອິມແປອ໌ ຣານາ ມັນຕັດ ອາຢ່, ອາແລະ ເບີນ ລາ ໂທຍ.

25 ແຕ້ອ໌ ມານາງ ຊາລຍາ, ໄລ່ ແຕັຣ ອັນ ຕິ່ງ ອາລ່ອງ ຊັງກັງ. 26 ກະ ໄລ່ ຄຽນ ດໍອ໌ ແປ້ງ ແປ້ງ ເຢຊູ ປັຣນາຍ ອາຕີ ແຕ ອັນ ປາຍ: "ໄມ່ ລາ ເຕົ້າວ ປັຣເຍົາ ອິດຊະຣາເອລ." 27 ໄລ່ ແຕັຣ ບາຣ ນະ ກວາຍ ຊາແວງ ມັນຕຸ ກະ ເຢຊູ, ມານະ ຍັຣ ອາຕໍ່າ, ມານະ ຍັຣ ອາເວ່ຣ. 28 ນະກ້ອຍ ແກັດ ຣາປຍາຍ໌ ກະ ປິງ ປັຣນາຍ ເຢົາ ເຈົ້າຣາຊີ ແຕ ອິມແປ ປາຍ ນະໄມ່:

"ກວາຍ ເກີ້ຍ ນັບ ອັນ ລາ ກວາຍ ໄລ່ຍຣ ນະ ເມົ້າ ເຕ່." †

29 ກວາຍ ກາ ເປາະ ພາ ອິນຕຸ ເມົ້າ ກາຈິດ ເຢຊູ ໄລ່ ອາວິດ ແປ້ ງື້ຣ ກະ ອາເຢ ພາມາດ ອັນ, ປາຍ: "ໄມ່ ໄມ່ ກາ ປາຍ ບັອງ ກ້ອຍ ໄມ່ ຕາລຸຣ ດຸງ ຊາງ ເຢົາງ ເຈົ້າຣາຊີ, ເຈົ້າ ໄມ່ ຕະ ລັຣ ໄປ ຕາໄງ ເຈົ້າ ແຕ້. 30 ເອົາ ໄມ່ ແຊງ ແຕ ອາລ່ອງ ຊັງກັງ ກ້ອຍ, ຈ່ອຍ ອາມັງ ຈະ ໄມ່ ເບີມ!"

31 ກະ ມັຮ ກວາຍ ຊິດ ມູ່ ກາ ຊາງ ຮິດ ເຢົາ ເຈົ້າຣາຊີ ກະ ອິນແຍ່ະ ມັຮ ກວາຍ ອາຕີ ຄານອດ ອາເຢ ພາມາດ ເຕ່ ເຢຊູ. ໄລ່ ກ້ອຍ ປາຍ: "ກວາຍ ການໍ້ອ໌ ເຕ້ອ໌ ອັນ ຈ່ອຍ ອາມັງ, ມາ ຈະ ອັນ ເບີມ, ຕາ ເຮີມ ເຕ້ອ໌ ອັນ ຈ່ອຍ. 32 ຄັນ ອັນ ແນ່ນ ກຣິດ, ເຕົ້າວ ປັຣເຍົາ ອິດຊະຣາເອລ, ໂອນ ອັນ ແຊງ ແຕ ອາລ່ອງ ຊັງກັງ ໂອນ ໄຣ ເຮີມ. ນະກ້ອຍ ແຕ ເຕ້ອ໌ ໄຣ ຊາອໍາ ເຕ່ ອັນ."

ກະ ໄລ່ ບາຣ ນະ ກາ ເມົ້າ ແຕັຣ ຕິ່ງ ອາລ່ອງ ຊັງ ກັງ ມັນຕຸ ກະ ເຢຊູ, ໄລ່ ອາເຢ ພາມາດ ເຢຊູ ເຕ່.

ເຢຊູ ກູຈິດ  
(ມັດທາຍ 27:45-56; ລູກາ 23:44-49;  
ໂຢຮັນ 19:28-30)

33 ແຕ ມັດ ມານາງ ຕີລມູ່ລ ເຕົ້າ ແຕ້ອ໌ ມານາງ ວິ້ຣ, ຮິ ແກັດ ການໍາ ອິນແຍ່ະ ຕິ່ງ ກຣວາງ ກ້ອຍ. 34 ແຕ້ອ໌ ມານາງ ກູເວີ ອີ ວິ້ຣ ເຢຊູ ກູອ໌ ເຣ່ງ ລາລີ້ ປາຍ: "ເອໂລອີ, ເອໂລອີ,\* ແລມາ ຊາບັກທານີ?"

ປັຣນາຍ ໄມ່ ອາຕີ ລັຣ ລາ, "ເຢົາງ ເຈົ້າຣາຊີ ເກົາ ເອີຍ, ເຢົາງ ເຈົ້າຣາຊີ ເກົາ ເອີຍ, ມານະ ໄມ່ ຕັຣ ເກົາ?"

35 ເບີນ ກວາຍ ແອັດ ຕາຢິ່ງ ແຈ່ະ ກ້ອຍ, ໄລ່ ຊ້ອງ ອັນ ກູອ໌ ນະກ້ອຍ. ເຈົ້າ ໄລ່ ປາຍ: "ກ້ອຍ! ອັນ ກູອ໌ ເອລີຢາ."

36 ກະ ເບີນ ມານະ ແຕ ໄລ່ ກ້ອຍ ຕາລຸຣ ອິດ ມວຍ ປານຍາລ ອາຣີ. ອັນ ອາລຸ ອາຣີ ກ້ອຍ ຕິ່ງ ບັອງ ອິນເຍາະ, ກະ ໂຈະ ຕິ່ງ ຊັຣນວາຍຣ. ເຈົ້າ ອັນ ອາແວີຍ ໂອນ ເຢຊູ ກາຢັບ ຈ່ອຍ. ອັນ ປາຍ: "ໄຣ ເກຣາະ ເວີ້ຍ. ໄຣ ແນ່ ເອລີຢາ ແຕ້ອ໌ ອາລີ້ຣ ອາ ແຊງ ອັນ, ມາ ຕາ ເບີນ."

37 ມາ ເຢຊູ ອູໂອຍ ເຣ່ງ ລາລີ້, ເຈົ້າ ອັນ ຕາອັອຣ ຣາງິ້ຣ. 38 ເບີນ ອາຣີ ກາ ເມົ້າ ກາຕັງ ກຸງ ຕິ່ງ ດຸງ ຊາງ ປິດ ແກັດ ຣາແຣອ໌ ແຕ ຕີ້ ແຕ້ອ໌ ເຕົ້າບ, ແກັດ ບາຣ ຊັນແຕຣອ໌. 39 ບັອງ ກາ ກ້ອຍ ເບີນ ມານະ ຕາຮານ ກາ ຊິດ ມວຍ ຣ່ອຍ ຕາຮານ ການໍ້ອ໌, ອັນ ຕາຢິ່ງ ຍັຣ ເມົາງ ເຢຊູ. ພໍກາ ອັນ ເຮີມ ເຢຊູ ຕາ

† 15:28 15:28 ຊາອິ້ຍ ປິ່ງ ປັຣນາຍ ຕຍາ ຕາ ເບີນ ເບີນ ຣານາ 28 ໄມ່. § 15:33 15:33 ແຕ ມັນຈິດ ລາ ບາຣ ໂມງ ແຕ້ອ໌ ໄປ ໂມງ ຕາປີ່. \* 15:34 15:34 ຕິ່ງ ປັຣນາຍ ເຮັບເຮີ, ປັຣນາຍ ໄມ່ ລາ 'ເອລີ.'

ອ້ອມ ຮາງ້ຮ, ອັນ ປາຍ: "ແມ່ນ ລາລີ້ ໄນ່ ລາ ກອນ ເຢິງ ເຈົ້າຮາຊີ."

40 ເບີນ ມັຮ ກວາຍ ມັນແຊມ ແອິດ ເຢິງໆ ຕາ ງ່ອນ ແນ່ ປີ ກ້ອຍ ເຕ່. ໄປ ນະ ແຕ ມູ່ ໄລ່ ກ້ອຍ ລາ ມາຣີ ແຕ ວິລ ມັກດາລາ, ມາຣີ ລາ ອີມເປ່ອ້ ບາຣ ນະ ແຊມອາຍ ໂຢເຊ ກະ ຢາໂກໂບ ແກດ, ກະ ຊາໂລເມ. 41 ແຕ ອິນໂຍ່ງ, ບ້ອງ ກາ ເຢຊູ ແອິດ ຕິ່ງ ແຄງ ຄາລີເລ, ໄລ່ ໄປ ນະ ມັນແຊມ ໄນ່ ເກີ່ ຍ ຕາປູນ ເຢຊູ ກະ ແນ່ ຊາລີ້ອ້ ຈ່ອຍ ອັນ. ກະ ເບີນ ເຕ່ ປີ ກ້ອຍ ຊາອີ້ຍ ມັນແຊມ ການຸ່ອ້ ກາ ເປາະ ມັນຕຸ ກະ ເຢຊູ ບ້ອງ ກາ ອັນ ຊ້ອຣ ປີ ເມືອງ ເຢຣຸຊາເລັມ.

ເມົ້າ ແຕິບ ເຢຊູ  
(ມັດທາຍ 27:57-61; ລູກາ 23:50-56; ໂຢຮັນ 19:38-42)

42 ຕາໄງ ກ້ອຍ ລາ ຕາໄງ ເມົ້າ ກຽມ ດໍອ້ ອິນໂຍ່ງ ຕາໄງ ຮາລູ່. ແຕ່ອ້ ມານາງ ຕາປີ້ ແຈ່ະ ອິນຕຣວຍ ອີ ມູ່ດ ລັກ, 43 ໂຢເຊັບ ແຕ ເມືອງ ອາຣີມາທາຍ ແຕ່ອ້ ປີ ປີລາດ. ອັນ ລາ ມານະ ແຕ ມູ່ ກວາຍ ຊົດ ກາ ເມົ້າ ຊາງັດ ລາລີ້, ກະ ອັນ ອີງກ່ອງ ເຢິງ ເຈົ້າຮາຊີ ຕະ ຊົດ. ອັນ ຍັນ ແຊອ້ ກູມູ່ຍ ເຢຊູ ແຕ ປີລາດ. 44 ປີລາດ ຊ້ອງ ງິ່ດ ລາລີ້ ເມົ້າ ປາຍ ເຢຊູ ກູຈິດ ເຈີ່. ນະກ້ອຍ ອັນ ກູອ້ ຕາຮານ ກາ ຊົດ ມວຍ ຮ່ອຍ ຕາຮານ ກ້ອຍ ຢິ້ອ ອີ ຕາແບິບ ອັນ ປາຍ ເຢຊູ ກູຈິດ, ມາ ຕາ ຢວາຣ. 45 ແຕ່ອ້ ປີລາດ ດັງ ແຕ ຕາຮານ ກ້ອຍ ປາຍ ເຢຊູ ກູຈິດ ເຈີ່, ອັນ ໂອນ ກູມູ່ຍ ເຢຊູ ປີ ໂຢເຊັບ. 46 ນະກ້ອຍ ໂຢເຊັບ ອິດ ມວຍ ປຸ້ຮ ອາຣີ ລາແມ່ນ ອໍ. ເຈີ່ ອັນ ອາລີ້ຮ ເຢຊູ ອາແຊງ ແຕ ອາລ່ອງ ຊັງກັງ, ອັນ ຕວມ ແຕ ອາຣີ ກ້ອຍ, ກະ ອັນ ດໍອ້ ກູມູ່ຍ ເຢຊູ ຕິ່ງ ປິ່ງ ເມົ້າ ໄປອ້ ຕິ່ງ ຕາເມົ້າ. ເຈີ່ ອັນ ວິລ ຕາເມົ້າ ກາຕັງ ງັຮ ປີ່ ງ ຕາເມົ້າ ໂກ່ລ ກ້ອຍ. 47 ມາຣີ ແຕ ວິລ ມັກດາລາ ກະ ມາຣີ ອີມເປ່ອ້ ໂຢເຊ, ໄລ່ ບາຣ ນະ ເຮີມ ອິນຕຸ ເມົ້າ ດໍອ້ ກູມູ່ຍ ເຢຊູ.

**16**

ເຢຊູ ອາມັງ ລັຮ  
(ມັດທາຍ 28:1-8; ລູກາ 24:1-12; ໂຢຮັນ 20:1-10)

1 ແວັດ ຕາ ໄງ ຮາລູ່, ເຈີ່ ມາຣີ ແຕ ວິລ ມັກດາລາ, ມາຣີ ອີມເປ່ອ້ ຢາໂກໂບ, ກະ ຊາໂລເມ,

\* 16:9 16:9 ປິ່ງ ຕາ ຕາ ເບີນ ເບີນ ຮານາ 9 ແຕ່ອ້ ຮານາ 20.

ໄລ່ ໄປ ນະ ເດີງ ເກຣິ່ງ ປາຣວມ ອີ ເຕົ້າ ຕິ່ງ ກູມູ່ຍ ເຢຊູ. 2 ຕາໄງ ມວຍ ຕິ່ງ ອາທິດ ກ້ອຍ, ປິ່ງ ຕາຣິບ ມັດ ມານາງ ຕາແບິ ລ້ອຣ, ໄລ່ ແຕ່ອ້ ປີ ປິ່ງ ກ້ອຍ. 3 ໄລ່ ມານະ ຕາແບິບ ມານະ ປາຍ: "ເມົ້າ ແຕ່ອ້ ວິລ ຕາເມົ້າ ໂອນ ໄຮ ແຕ ງັຮ ປິ່ງ ກ້ອຍ?"

4 ຕາເມົ້າ ກ້ອຍ ລາ ປິ່ດ ລາລີ້. ມາ ພໍກາ ໄລ່ ຕາງ່ອນ ອາຊ້ອຣ, ໄລ່ ເຮີມ ເມົ້າ ວິລ ເຈີ່ ຕາເມົ້າ ກ້ອຍ. 5 ພໍກາ ໄລ່ ມູ່ດ ຕິ່ງ ປິ່ງ, ໄລ່ ເຮີມ ມານະ ກວາຍ ຮາເລົ້າ ກາ ແຊິບ ອາຍ້ອຣ ຕີ່ ກໍ້ອ້, ຕາກູ ແອິດ ຢິຣ ອາຕ້າ ອິນຕຸ ກ້ອຍ. ເຈີ່ ໄລ່ ກ້ອຍ ຊ້ອງ ອີງກ້ອຣ. 6 ມາ ກວາຍ ຮາເລົ້າ ກ້ອຍ ອາຕີ ໄລ່ ປາຍ: "ເຢົາ ອິນໂຈຍ ອີງກ້ອຣ ອິນເຕົ້າ. ເກົ້າ ດັງ ເຢົາ ຈໍ່ອ້ ເຢຊູ, ກວາຍ ແຕ ວິລ ນາຊາເຣັດ, ອັນ ກາ ເມົ້າ ແຕ້ຣ ຕິ່ງ ອາລ່ອງ ຊັງກັງ. ມາ ອັນ ຕາ ເບີ ນ ແອິດ ອິນໄນ່ ນ້ອງ. ອັນ ອາມັງ ລັຮ ເຈີ່. ເຢົາ ແນ່ ປີ ອິນຕຸ ເມົ້າ ດໍອ້ ກູມູ່ຍ ອັນ. 7 ເຈີ່ ເຢົາ ເປາະ ອາ ຕີ ມູ່ ກາ ຣຍານ ແຕ ເຢຊູ, ກະ ເປັຕ ປາຍ: 'ເຢຊູ ເປາະ ອິນໂຍ່ງ ເຢົາ ປີ ແຄງ ຄາລີເລ. ເຢົາ ເປາະ ປີ ກ້ອຍ, ເຢົາ ຮາມັຮ ອັນ ນະ ອັນ ອາຕີ ເຢົາ ແຕ ອິນ ໂຍ່ງ ເຈີ່.'"

8 ນະກ້ອຍ ໄລ່ ມັນແຊມ ກ້ອຍ ຕາລຸ່ຣ ລ້ອຣ ແວັດ ແຕ ປິ່ງ ກ້ອຍ. ໄລ່ ຊ້ອງ ງິ່ດ ລາລີ້, ກະ ໄລ່ ກາໄກ່ຣ ຍ່ອນ ໄລ່ ຊ້ອງ ອີງກ້ອຣ ລາລີ້. ໄລ່ ຕາ ຍັນ ຕະ ອິນຕີ ອິນເຕົ້າ ໂອນ ກວາຍ ດັງ, ຍ່ອນ ໄລ່ ເກຣ່າະ ລາລີ້.

ມາຣີ ແຕ ວິລ ມັກດາລາ ຮາມັຮ ລັຮ ເຢຊູ  
(ມັດທາຍ 28:9-10; ໂຢຮັນ 20:11-18)

9 ຕາໄງ ມວຍ ຕິ່ງ ອາທິດ ກ້ອຍ, ເຢຊູ ໄມ່ຍຣ ລັຮ ແຕ ປິ່ງ. ແຕ ປິ່ງ ລາລີ້ ຕາຣິບ ກ້ອຍ ອັນ ເປາະ ອາປັຣ ຈະ ອັນ ໂອນ ມາຣີ ແຕ ວິລ ມັກດາລາ ເຮີມ ອັນ. ມາຣີ ໄນ່ ລາ ອັນ ກາ ເຢຊູ ຕູຍຣ ອາລ້ອຣ ຕາ ປູ່ລ ລໍາ ເຢິງ ຕາ ອໍ ກາ ຕຣວບ ອັນ.\* 10 ເຈີ່ ມັນ ແຊມ ກ້ອຍ ເປາະ ອາຕີ ໂອນ ເຢົາ ເຢຊູ ດັງ ມັຮ ຮາ ນະ ອັນ ເຮີມ. ມາ ເຢົາ ເຢຊູ ກ້ອຍ, ໄລ່ ອິນນ້ອງ ເຢົາມ ຊາແຍິ ອັນ. 11 ພໍກາ ເຢົາ ເຢຊູ ຊ້ອງ ມັນ ແຊມ ກ້ອຍ ປາຍ ເຢຊູ ອາມັງ ລັຮ, ກະ ມັນແຊມ ກ້ອຍ ເຮີມ ອັນ ເຈີ່, ໄລ່ ອິນນ້ອງ ຕາ ເບີນ ຕາປູນ ປັຣນາຍ ກ້ອຍ.

ເຢຊູ ຮາມັຮ ບາຣ ນະ ຕິ່ງ ຮານາ  
(ລູກາ 24:13-35)



12 ເຈົ້າ ເປັນ ກວາຍ ຮາເລົາ ບາຣ ນະ ແອັນ ລ້ອຣ ແຕ ເມືອງ ເຢຣູຊາເລັມ. ກະ ເຢຊູ ອາປັຣ ຈະ ອັນ ແກ້ດ ຮູບເຮືາງ ອີມພາ ແອັນ ໂອນ ບາຣ ນະ ກ້ອຍ ເຮີມ. 13 ບາຣ ນະ ກ້ອຍ ເຈົ້າ ອາຕີ ໂອນ ເຍົ່າ ເຢຊູ ປາຍ ໄລ່ ເຮີມ ເຢຊູ, ມາ ເຍົ່າ ກ້ອຍ ຕາ ເປັນ ຕາປູ່ ນ ຊາ ປັຣນາຍ ກວາຍ ກ້ອຍ.

ເຢຊູ ແຕ້ອ ປີ ມູ່ ກາ ຣຍານ ແຕ ອັນ  
(ມັດທາຍ 28:16-20; ລູກາ 24:36-49;  
ໂຢຮັນ 20:19-23; ຣານະ ຕະ 1:6-8)

14 ອິນຕຸ່ນ ແອັນ ເຢຊູ ອາປັຣ ຈະ ອັນ ໂອນ ມູ່ ກາ ມວຍ ຈິ່ດ ລາ ມວຍ ນະ ເຮີມ ເຕ່. ເຢຊູ ຕະ ນະກ້ອຍ ບັອງ ກາ ມູ່ ມວຍ ຈິ່ດ ລາ ມວຍ ນະ ກ້ອຍ ຕາກູ ຈິຈາ. ກະ ເຢຊູ ຕີ ໄລ່ ກ້ອຍ ຍ່ອນ ໄລ່ ເປັນ ຮາງື່ຣ ກ້ອງ ລາລີ້, ຕາ ຍິ້ອ ອີ ຊາອຳ ປາຍ ອັນ ອາມັງ ລັຣ ນະ ມັຣ ກວາຍ ການໍ້ອ ອາຕີ ໄລ່ ເຈົ້. 15 ເຢຊູ ອາຕີ ໄລ່ ກ້ອຍ ປາຍ: "ເຍົາ ເປາະ ອິນແຍ່ະ ກູ່ ກຣວາງ ປິ້ນ ມັນລ້ອງ ກຣຸ່ ໄມ່ ກະ ອາ ຕີ ໂອນ ອິນແຍ່ະ ມັຣ ກວາຍ ດັງ ປັຣນາຍ ອໍ ແຕ ເກົາ. 16 ກວາຍ ອາແລະ ມາ ຊາອຳ ເກົາ, ເຈົ້ ຮັບ ຮິ່ດ ຕຶງ ແດີ້ອ, ເກົາ ຈ່ອຍ ອາມັງ ກວາຍ ກ້ອຍ. ມາ ກວາຍ ອາແລະ ຕາ ເປັນ ຊາອຳ ເກົາ, ກວາຍ ກ້ອຍ ຈິວ ໂຕ່ດ ເປີມ. 17-18 ອາແລະ ກາ ຊາອຳ ເກົາ, ໄລ່ ເຕ້ອ ຕະ ຣານະ ຕາ ເກີ້ຍ ເຮີມ ນະໄມ່: ຍ່ອນ ຣາມິຣ ເກົາ ເຕ້ອ ໄລ່ ຕູ່ຍຣ ອາລ້ອຣ ເຢັາງ ຕາ ອໍ; ເຕ້ອ ໄລ່ ອາຕີ ປັຣນາຍ ການໍ້ອ ກາ ໄລ່ ຕາ ເກີ້ຍ ຊ້ອງ; ເຕ້ອ ໄລ່ ຢຸມ ກູຊັນ ມາ ຕາ ເປັນ ແກ້ດ ອິນເຕົ້າ; ເຕ້ອ ໄລ່ ງ່ອຍ ເກຣັງ ບູລ ມາ ໄລ່ ຕາ ເປີ ນ ບູລ; ກະ ເຕ້ອ ໄລ່ ຊາປະ ອາຕີ ຕຶງ ກວາຍ ອາອີ້ ໂອນ ກວາຍ ອາອີ້ ກ້ອຍ ແກ້ດ ແບຣັຣ."

ເຢຊູ ຊ້ອຣ ລັຣ ປີ ມັນລ້ອງ  
(ລູກາ 24:50-53; ຣານະ ຕະ 1:9-11)

19 ແວັດ ເຢຊູ ປາຍ ນະກ້ອຍ, ເຈົ້ ອັນ ຊ້ອຣ ປີ ມັນລ້ອງ, ກະ ອັນ ຕາກູ ຍິຣ ອາຕຳ ເຢັາງ ເຈົ້າຣາ ຊີ. 20 ເຈົ້ ມູ່ ກາ ຣຍານ ແຕ ເຢຊູ ລ້ອຣ ເປາະ ປີ ໄມ່ ເປາະ ປີ ກ້ອຍ ອາຕີ ເລືອຍໆ ປັຣນາຍ ອໍ ແຕ ເຢຊູ. ກະ ເຢັາງ ເຈົ້າຣາຊີ ຈ່ອຍ ໄລ່, ໂອນ ໄລ່ ເປີ ນ ອຳນາດ ເຕ້ອ ຕະ ຣານະ ຕາ ເກີ້ຍ ເຮີມ, ຍ່ອນ ນະກ້ອຍ ກວາຍ ເຕ້ອ ດັງ ປັຣນາຍ ໄລ່ ອາຕີ ລາ ປ ຍາຍ ລາລີ້.

# ລູກ ຄຽນ ອາຕີ ປັນນາຍ ອໍ ແຕ ເຢຊູ ກຣິດ

ປັນນາຍ ອາຕີ ອິນໂຍ່ງ

ລູກາ ລາ ກວາຍ ແພດ, ກະ ອັນ ລາ ຕາ ແກິນ ກວາຍ ອິດຊະຣາເອລ. ລູກາ ຄຽນ ລັຣ ແຕ ມັຣ ຣາມິ້ຣ ກາ ອັນ ຊ້ອງ ເມົາ ອາຕີ ຣານະ ເຢຊູ ຕະ, ກະ ແຕ ປັນນາຍ ເຢຊູ ອາຕີ. ອັນ ຄຽນ ມັຣ ຣາມິ້ຣ ລາ ໄມ່ ມາຣ 60 ກູມໍ ແວັດ ເຢຊູ ແກິດ.

ເຢຊູ ລາ ມານະ ກາ ເຢິງ ເຈົາຣາຊີ ຣຽຣ ໂອນ ແຕ້ອໍ ຈ່ອຍ ອາມັງ ກວາຍ ອິດຊະຣາເອລ ກະ ອິນ ແຍ່ະ ມັຣ ກວາຍ ຕັ້ງ ກູແຕອໍ ໄມ່. ລູກາ ຄຽນ ອາ ຕີ ແຕ ມັຣ ຣາມິ້ຣ ຣໍ້ອໍ ອໍ ກາ ເຢຊູ ອາແຕ້ອໍ ປິ ມັຣ ກວາຍ ກາ ຕຸ່ຣ ກາດິດ. ອັນ ອາຕີ ແຕ ມານະ ເທວາດາ ເຢິງ ເຈົາຣາຊີ ແຕ້ອໍ ປິ ມາຣີ, ແຕ້ອໍ ປິ ມູ່ ກາ ກຍາອໍ ແກະ, ກະ ແຕ້ອໍ ປິ ປັງ ກູມູ່ຍໍ ບັອງ ກາ ເຢຊູ ອາມັງ ລັຣ ແຕ ກູຈິດ.

ລູກາ ຄຽນ ຊາອິ້ຍ ຣາມິ້ຣ ແອັນ ແຕ ມັຣ ປັງ ມັດທາຍ, ມາຣະໂກ, ກະ ໂຢຣັນ ຕາ ເບິນ ຄຽນ. ຣາມິ້ຣ ກ້ອຍ ອາຕີ ແຕ ໂຢຣັນ ແກິດ, ແຕ ເຢຊູ ອາໄມ່ຍຣ ກອນ ຣາເລົາ ອິມເປອໍ ກູມາຍ, ແຕ ມັນ ແຊມ ກາ ຈູ່ດ ອາເຢິງ ເຢຊູ ແຕ ໂຊະ ອັນ, ແຕ ມັຣ ມັນແຊມ ກາ ຣາຈ່ອຍ ຣານະ ເຢຊູ, ແຕ ເຢຊູ ແປຣີ ກວາຍ ຕາປູ່ລ ຈິ່ດ ລາ ບາຣ ນະ, ແຕ ເຢຊູ ກູອໍ ຊັກ ຄາຍ, ກະ ແຕ ຊາອິ້ຍ ປັນນາຍ ຊາກໍາ ການໍ້ອໍ ກະ ຊາອິ້ຍ ຣານະ ເຢຊູ ປົວ ມັຣ ກວາຍ.

1 ອາຈວາຍຣ ເທໂອພິໂລ ເອີຍ! ເບິນ ກຼິ່ງ ກວາ ຍ ຕະ ອິນແຍ່ະ ແຕ ຣາງິຣ ໄລ່ ຄຽນ ແຕ ຣານະ ເຢຊູ. ມັຣ ປັນນາຍ ກາ ເຢິງ ເຈົາຣາຊີ ອາຕີ ແຕ ເຢຊູ ແກິດ ແມ້ມ ເຈ້ ປິ ໄຣ. 2 ມັຣ ກວາຍ ກ້ອຍ ເບິນ ດັງ ແຕ ຣານະ ເຢຊູ ຕະ, ຍ່ອນ ໄລ່ ເບິນ ຊ້ອງ ແຕ ກວາຍ ກາ ເຣິມ ອັນ ອາຕີ ແຕ ຕາເບິ. ກວາຍ ກ້ອຍ ຕະ ອິນຕີ ແຕ ອິນແຍ່ະ ປັນນາຍ ອໍ ກ້ອຍ ໂອນ ໄຣ ດັງ. 3 ນະກ້ອຍ, ແຕ ຕາເບິ, ເກົາ ຣຍານ ດັງ ແຈງ ລາລີ້ ເຈ້ ອິນແຍ່ະ ປັນນາຍ ມັຣ ກວາຍ ກ້ອຍ ຕະ ອິນຕີ, ຍ່ອນ ເກົາ ຄິ່ດ ອິ ຄຽນ ອິນແຍ່ ະ ຣາມິ້ຣ ໄມ່ ໂອນ ໄມ່ ເບິນ ດັງ ແຕ່. 4 ເກົາ ຕະ

ນະກ້ອຍ ຍິໍ ອິ ໂອນ ໄມ່ ດັງ ແຈງ ລາລີ້ ກູ່ ຣາມິ້ຣ ປຍາຍໍ ແຕ ປັນນາຍ ກາ ເມົາ ອາຕີ ໄມ່ ເຈ້.

ເທວາດາ ເຢິງ ເຈົາຣາຊີ ອາຕີ ແຕ ໂຢຣັນ ກາ ຕະ ຣິ່ດ ຕັ້ງ ແຕ້ອໍ

5 ບັອງ ກາ ເຣໂຣດ\* ແກິດ ເຕົາວ ປັນເຍົາ ຕັ້ງ ແຄງ ຢູ່ດາຍ, ເບິນ ມານະ ແຕ ມູ່ ກາ ຊາງ ຣິ່ດ ເຢິງ ເຈົາຣາຊີ ຣາມິ້ຣ ເຊກາຣີຢາ. ອັນ ລາ ແຕ ຈຸ່ມເຈືອ ອາປີຢາ, ມານະ ກາ ຊາງ ຣິ່ດ ເຢິງ ເຈົາຣາ ຊີ ແຕ ອິມແບິ. ລາກວຍ ເຊກາຣີຢາ ລາ ຣາມິ້ຣ ເອລີຊາເບັດ ແຕ ຈຸ່ມເຈືອ ອາໂຣນ. 6 ໄລ່ ບາຣ ນະ ໄມ່ ລາ ກວາຍ ມັນຕັດ ອໍ ຍິ່ຣ ເມິງ ເຢິງ ເຈົາຣາ ຊີ. ໄລ່ ຊາງັດ ກຣັກ ລາລີ້ ຄານອດ ມັຣ ເຢິງ ເຈົາຣາຊີ ປາຕັບ, ກະ ຕາ ເບິນ ເມົາ ແຕ້ອໍ ຕິ ປາຍ ໄລ່ ຕະ ໄລ່ຍຣ. 7 ໄລ່ ບາຣ ນະ ໄມ່ ຕາ ເບິນ ເບິນ ກອນ, ຍ່ອນ ເອລີຊາເບັດ ລາ ກວາຍ ກາແດງ, ກະ ໄລ່ ບາຣ ນະ ລາ ກວາຍ ເທົາ ເຈ້.

8-9 ມູ່ ກາ ຊາງ ຣິ່ດ ເຢິງ ເຈົາຣາຊີ, ໄລ່ ເບິນ ຣິ່ດ ຣາຊິງ ດໍອໍ ອິມແປອໍ ຣານະ ຕະ. ເບິນ ມວຍ ຕາໄງ ໄລ່ ຣາຊິງ, ໂກຣ ເຊກາຣີຢາ ແອິດ ຊາງ ຣິ່ດ ຍິ່ຣ ເມິງ ເຢິງ ເຈົາຣາຊີ. ໄລ່ ໂອນ ອັນ ມູ່ດ ບຸຣ ເກຣັງ ປາຣວມ ຕັ້ງ ຊັນເຕຣີງ ຣິ່ດ ຕັ້ງ ກູມັງ ດູງ ຊາງ ປິ່ດ. 10 ບັອງ ກາ ເຊກາຣີຢາ ມູ່ດ ບຸຣ ເກຣັງ ປາຣວມ ກ້ອຍ, ເບິນ ກຼິ່ງ ກວາຍ ແອິດ ໂຣ່ມ ເກົາ ແຊອໍ ຍິ່ຣ ນໍ້ອໍ. 11 ເບິນ ເທວາດາ ເຢິງ ເຈົາຣາຊີ ແຕ້ອໍ ປິ ເຊກາຣີຢາ. ເທວາດາ ກ້ອຍ ແອິດ ຕາຍິ່ງ ຍິ່ຣ ອາຕໍາ ຊັນເຕຣີງ ຣິ່ດ ກາ ເມົາ ບຸຣ ເກຣັງ ປາ ຣວມ. 12 ພໍກາ ເຊກາຣີຢາ ເຣິມ ເທວາດາ ກ້ອຍ, ອັນ ຊ້ອງ ງິ່ດ ກະ ອັນ ອິງກ້ອຣ. 13 ມາ ເທວາດາ ກ້ອຍ ອາຕີ ອັນ ປາຍ: "ເຊກາຣີຢາ ເອີຍ! ໄມ່ ອິນ ໂຈຍ ອິງກ້ອຣ, ຍ່ອນ ເຢິງ ເຈົາຣາຊີ ຊ້ອງ ແຕ ປັນ ນາຍ ໄມ່ ເກົາແຊອໍ. ເອລີຊາເບັດ, ລາກວຍ ໄມ່, ປັນແນິ ມັນເຕຣີ ອັນ ຣັຣ ກອນ ຣາເລົາ ມານະ. ອິງເຄາະ ເຍົາ ດໍອໍ ຣາມິ້ຣ ອັນ ໂຢຣັນ. 14 ປັນແນິ ມັນເຕຣີ ຣາງິຣ ໄມ່ ຊ້ອງ ຣໍ້ອໍ ບູຍ ຍ່ອນ ໄມ່ ເບິ ນ ກອນ ຣາເລົາ. ກະ ກຼິ່ງ ກວາຍ ການໍ້ອໍ ແຣິ, ໄລ່ ຊ້ອງ ຣໍ້ອໍ ແຕ່ ແຕ້ອໍ ຕາໄງ ກອນ ຣາເລົາ ໄມ່ ແກິດ, 15 ຍ່ອນ ເຈ້ ປິ ເມິງ ອັນ ແກິດ ປິ່ດ ຍິ່ຣ ເມິງ ເຢິງ ເຈົາຣາຊີ. ອິງເຄາະ ອັນ ອິນໂຈຍ ຈ່ອຍ ບັອງ ອິນ ເຕົາ. ກະ ອັນ ເບິນ ຣາເວີຍ ເຢິງ ເຈົາຣາຊີ ຊິດ ລາລີ້ ຕັ້ງ ຣາງິຣ ອັນ ແຕ ຕາໄງ ອິນນ້ອງ ຕັ້ງ ປຸ່ງ ອິມເປອໍ ອັນ. 16 ປັນແນິ ມັນເຕຣີ ອັນ ຕະ ໂອນ

\* 1:5 1:5 ເຣໂຣດ ໄມ່ ລາ ເມົາ ດໍອໍ 'ເຣໂຣດ ປິ່ດ.'

ກຼິ້ງ ກວາຍ ອິດຊະຮາເອລ ລັບ ລັຮ ປີ ເຢີງ ເຈົ້າຮາຊີ, ອິນເຈົ້າ ໄລ່. <sup>17</sup> ອັນ ເບີນ ຮາງື່ຮ ກະ ອຳນາດ ມູເຈິງ ນະ ເອລິຢາ, ອັນ ກາ ກວາຍ ອາຕີ ຕາງ ປັຣນາຍ ເຢີງ ເຈົ້າຮາຊີ. ອັນ ເປາະ ອິນໂຍ່ງ ແຕ ມານະ ກາ ເຢີງ ເຈົ້າຮາຊີ ຮຽຮ ດໍອ໌ ຈ່ອຍ ອາມັງ ກວາຍ. ອັນ ຕະ ໂອນ ອິມບໍ່ ແກັດ ລັຮ ມວຍ ຮາງື່ຮ ກະ ກອນ. ກະ ອັນ ຕະ ໂອນ ໄລ່ ກາ ຕາ ເບີນ ຊາງັດ ຮານະ ເຢີງ ເຈົ້າຮາຊີ ໂອນ ໄລ່ ຄິດ ລັຮ ຕະ ຮານະ ຕາມັ່ງ ອໍ ແອັນ. ອັນ ຈ່ອຍ ໂອນ ມັຮ ກວາຍ ກາ ນໍອ໌ ອາຕີ ລັຮ ຮາງື່ຮ ໄລ່ ໂອນ ອິນເຈົ້າ ຕະ ຊົດ."

<sup>18</sup> ເຊກາຣີຢາ ຕາແປັບ ລັຮ ເທວາດາ ກ້ອຍ ປາຍ: "ນານະ ເກົາ ເຕ່ອ໌ ດັງ ປັຣນາຍ ໄລ່ ລາ ປ ຍາຍ? ເກົາ ກະ ລາກວຍ ເກົາ ເທົາ ເຈີ່."

<sup>19</sup> ມາ ເທວາດາ ກ້ອຍ ຕາແອັຍ ລັຮ ປາຍ: "ເກົາ ລາ ຮາມິຮ ຄັນຮີເອລ. ເກົາ ລາ ເທວາດາ ເຢີງ ເຈົ້າຮາຊີ ກາ ເກັຍ ຕາຍິງ ຍິຮ ເມັງ ອັນ. ອັນ ແປຣີ ເກົາ ແຕ່ອ໌ ອາຕີ ໄລ່ ໂອນ ໄລ່ ດັງ ແຕ ປັຣນາຍ ອໍ ໄລ່. <sup>20</sup> ຊານໍ່ ໄລ່ ແກັດ ເກີອ໌ ເຕົາ ແຕ່ອ໌ ຕາໄງ ອິນແຍ່ະ ຮາມິຮ ໄລ່ ແຕ່ອ໌, ຍ່ອນ ໄລ່ ຕາ ເບີນ ຊາອໍາ ປັຣນາຍ ເກົາ. ເຢີງ ເຈົ້າຮາຊີ ອີ ຕະ ກູ່ຮາມິຮ ກາ ເກົາ ອາຕີ ໄລ່ ໂອນ ແກັດ ປຍາຍ ກະ ປາ ແນ່ນ ອັນ."

<sup>21</sup> ບັອງ ກ້ອຍ ເບີນ ກຼິ້ງ ກວາຍ ແອັດ ເກຣາ ະ ເຊກາຣີຢາ ຍິຮ ນໍອ໌. ໄລ່ ຊ້ອງ ງິດ ຍ່ອນ ເຊກາຣີຢາ ແອັດ ດູ່ນ ຕິ່ງ ກູນັງ ດູງ ຊາງ ປັດ ກ້ອຍ. <sup>22</sup> ພໍກາ ອັນ ລັອຮ, ອັນ ຕາ ເຕ່ອ໌ ປາຍ ມວຍ ຮາມິຮ ອິນເຕົາ ໂຈະ ໄລ່. ນະກ້ອຍ ໄລ່ ດັງ ອັນ ເຮີມ ເຢີງ ເຈົ້າຮາຊີ ອາປັຣ ເລີຍ ຕິ່ງ ກູນັງ ດູງ ຊາງ ປັດ ກ້ອຍ. ກະ ເຊກາຣີຢາ, ອັນ ຕະ ອິນຕີ ໂຈະ ໄລ່ ແຕ ອາຕີ ຊ້ອງ, ຍ່ອນ ແບອ໌ ອັນ ຕາ ເຕ່ອ໌ ຕະ ອິນຕີ ນັ່ງ.

<sup>23</sup> ແວັດ ເຊກາຣີຢາ ຕະ ແມັມ ຮານະ ອັນ ຕິ່ງ ດູງ ຊາງ, ອັນ ເຈົ້າ ລັຮ ປີ ດູງ ອັນ. <sup>24</sup> ອິນຕູ່ນ ກ້ອຍ ເອລິຊາເບັດ, ລາກວຍ ເຊກາຣີຢາ, ແອັດ ຕິ່ງ ຈະ. ເອລິຊາເບັດ ແອັດ ຕິ່ງ ດູງ ອັນ, ຕາ ເບີນ ເປາະ ປີ ແລະ ເບີນ ເຊີງ ກາໄຊ. <sup>25</sup> ກະ ອັນ ປາຍ: "ຊານໍ່ ເກົາ ຮໍອ໌ ບູຍ ເຢີງ ເຈົ້າຮາຊີ ຈ່ອຍ ໂອນ ເກົາ ແອັດ ຕິ່ງ ຈະ ໂອນ ເກົາ ຕາ ເບີນ ຊ້ອງ ກູມາລ ນັ່ງ ຍິຮ ເມັງ ກວາຍ ການໍອ໌ ຍ່ອນ ເກົາ ແອີ ກອນ."

ເທວາດາ ເຢີງ ເຈົ້າຮາຊີ ອາຕີ ແຕ ມາຣີ ຮັຮ ເຢຊູ

<sup>26</sup> ພໍກາ ເອລິຊາເບັດ ແອັດ ຕິ່ງ ຈະ ຕາປັດ ກາ ໄຊ ເຈີ່. ເຢີງ ເຈົ້າຮາຊີ ແປຣີ ເທວາດາ ອັນ, ຄັນຮີ

ເອລ, ເປາະ ປີ ວິລ ນາຊາເຣັດ ຕິ່ງ ແຄງ ຄາລີເລ. <sup>27</sup> ອັນ ເດີງ ປັຣນາຍ ເຢີງ ເຈົ້າຮາຊີ ເປາະ ປີ ມານະ ກູໂມຮ ກາ ຕາ ເກັຍ ປີ ມັນຕຸ ກະ ກວາຍ ຮາເລົາ. ຮາມິຮ ກູໂມຮ ກ້ອຍ ລາ ມາຣີ. ອິມເປ່ອ໌ ອິມບໍ່ ອັນ ປຣ່ອມ ໂອນ ອັນ ຮາໄກ່ອ໌ ກະ ມານະ ຮາເລົາ ຮາມິຮ ໂຍເຊັບ. ໂຍເຊັບ ໄລ່ ແຕ ຈຸ່ມເຈີອ ເຕົາວ ປັຣເຍົາ ດາວິດ. <sup>28</sup> ເທວາດາ ເຢີງ ເຈົ້າຮາຊີ ກ້ອຍ ເປາະ ປີ ອາມິອ໌ ມາຣີ, ກະ ອັນ ປາຍ: "ບັນ ເຕ່ ມາຣີ. ບຸ່ນ ລາລີ່ ເຢີງ ເຈົ້າຮາຊີ ແອັດ ກະ ໄລ່, ກະ ອັນ ຊ້ອງ ຮໍອ໌ ກະ ໄລ່!"

<sup>29</sup> ພໍກາ ມາຣີ ຊ້ອງ ປັຣນາຍ ເທວາດາ ກ້ອຍ, ອັນ ຊ້ອງ ງິດ ກະ ທຣາະ. ອັນ ຕາ ດັງ ອິນເຕົາ ເທວາດາ ກ້ອຍ ປາຍ ໂຈະ ອັນ. <sup>30</sup> ເທວາດາ ກ້ອຍ ອາຕີ ລັຮ ປາຍ: "ມາຣີ ເອີຍ, ໄລ່ ອິນໂຈຍ ອິງ ກ້ອຍ ອິນເຕົາ, ຍ່ອນ ເຢີງ ເຈົ້າຮາຊີ ຮຽຮ ໄລ່ ໂອນ ເບີນ ບຸ່ນ. <sup>31</sup> ອິນຕູ່ນ ໄລ່ ແອັດ ຕິ່ງ ຈະ; ເຈີ່ ໄລ່ ຮັຮ ກອນ ຮາເລົາ. ອິງເຄາະ ໄລ່ ດໍອ໌ ຮາມິຮ ອັນ ລາ ເຢຊູ. <sup>32</sup> ປັຣແນີ ມັນເຕຣີ ອັນ ແກັດ ຊົດ, ກະ ເມົາ ດໍອ໌ ອັນ ລາ ກອນ ເຢີງ ເຈົ້າຮາຊີ ກາ ປັດ ກາເລີຍ ອິນແຍ່ະ ແຕ ການໍອ໌. ເຢີງ ເຈົ້າຮາຊີ, ອິນເຈົ້າ ໄຮ, ໂອນ ອັນ ເບີນ ອຳນາດ ຕະ ຊົດ ອິນ ແຍ່ະ ມູເຈິງ ອາຈວາຍຮ ອາເຈ່ຮ ອັນ ດາວິດ ແຕ ອິມແປັ. <sup>33</sup> ອັນ ແກັດ ຊົດ ອິນແຍ່ະ ມັຮ ກວາຍ ອິດຊະຮາເອລ ຊົດ ແດີຍ ເລີຍ ກູມໍ. ອັນ ແກັດ ເຕົາວ ປັຣເຍົາ ເຕົາ ຊົດ ອິນແຍ່ະ ມັຮ ແດີຍ!"

<sup>34</sup> ມາຣີ ຕາແອັຍ ເທວາດາ ກ້ອຍ ປາຍ: "ເກົາ ຕາ ເກັຍ ປີ ມັນຕຸ ກະ ກວາຍ ຮາເລົາ ອາແລະ. ນານ ະ ຮາມິຮ ໄລ່ ເຕ່ອ໌ ແຕ່ອ໌ ປີ ເກົາ?"

<sup>35</sup> ມາ ເທວາດາ ກ້ອຍ ຕາແອັຍ ລັຮ ປາຍ: "ອິນຕູ່ນ ແນະ ຮາເວົ້າຍ ເຢີງ ເຈົ້າຮາຊີ ແອັດ ກະ ໄລ່. ກະ ອຳນາດ ເຢີງ ເຈົ້າຮາຊີ ກາ ປັດ ກາເລີຍ ອິນແຍ່ະ ແຕ ການໍອ໌ ແນ່ ຊາລີອ໌ ໄລ່. ນະກ້ອຍ ເມົາ ດໍອ໌ ກອນ ໄລ່ ລາ ກອນ ເຢີງ ເຈົ້າຮາຊີ. ອັນ ຕາ ເບີນ ເບີນ ໂລ່ຍຮ ອິນເຕົາ. <sup>36</sup> ໄລ່ ຊາແຍີ ແຕ ແອັຍ ໄລ່ ເອລິຊາເບັດ. ອັນ ລາ ກວາຍ ເທົາ ເຈີ່. ກະ ເມົາ ປາຍ ອັນ ລາ ກວາຍ ກາແດງ. ມາ ຊານໍ່ ອັນ ແອັດ ຕິ່ງ ຈະ ເບີນ ຕາປັດ ກາໄຊ ເຈີ່. <sup>37</sup> ຕາ ເບີນ ຮານະ ອິນເຕົາ, ເຢີງ ເຈົ້າຮາຊີ ຕາ ເຕ່ອ໌ ຕະ."

<sup>38</sup> ມາຣີ ຕາແອັຍ ລັຮ ປາຍ: "ເກົາ ລາ ກວາຍ ຕະ ຮານະ ເຢີງ ເຈົ້າຮາຊີ. ເກົາ ແຊອ໌ ມັຮ ຮາມິຮ ກາ ໄລ່ ປາຍ ໂອນ ແຕ່ອ໌ ປີ ເກົາ."

ແວັດ ກ້ອຍ ເທວາດາ ກ້ອຍ ເປາະ ແຕ ມາຣີ.

ມາຣີ ເປາະ ຊາອ໌ຮ ເອລິຊາເບັດ

39 ແວ້ດ ກ້ອຍ ຕາ ເບີນ ດຸ່ນ, ມາຣີ ກຽມ ອີ  
 ເປາະ ບໍ່ ມວຍ ເມືອງ ແອັດ ຕຶງ ກັຮ ແຄງ ຢູດາຍ.  
 ອັນ ເປາະ ໄວ້ ລາລີ້, ກຸນເຕົາ ອັນ ອີ ເປາະ ບໍ່  
 ເມືອງ ກ້ອຍ. 40 ອັນ ມຸ່ດ ຕຶງ ດຸງ ເຊກາຣີຢາ,  
 ກະ ອັນ ກັຮ ບັນ ເອລີຊາເບັດ. 41 ບັອງ ກາ  
 ເອລີຊາເບັດ ຊ້ອງ ປັຮນາຍ ມາຣີ ກັຮ ບັນ ອັນ,  
 ກອນ ເອລີຊາເບັດ ຕຣຸ່ຮ ເຕຣິ່ລ ຕຶງ ປຸ່ງ. ກະ ເບີ  
 ນ ຮາເວ້ຍ ເຢັາງ ເຈົາຮາຊີ ແກັດ ຊົດ ຕຶງ ຮາງິ່ຮ  
 ເອລີຊາເບັດ, 42 ເຈີ່ ອັນ ປາຍ ເຮ່ງ ລາລີ້: "ເຢັາງ  
 ເຈົາຮາຊີ ໂອນ ໄມ່ ເບີນ ບຸ່ນ ກາເລີຍ ແຕ ມັນແຊມ  
 ການໍ່ອ. ກະ ກອນ ກາ ແອັດ ຕຶງ ປຸ່ງ ໄມ່ ເບີນ ບຸ່ນ  
 ເຕ! 43 ມານະ ເບີນ ຮານະ ໄມ່ ແຕ້ອ້ ບໍ່ ເກົາ? ອີມ  
 ເປັອ້ ອິນເຈົາ ເກົາ ເປາະ ຊາອັຮ ເກົາ. ຮານະ ໄມ່  
 ລາ ບິ່ດ ລາລີ້! 44 ບັອງ ກາ ເກົາ ຊ້ອງ ປັຮນາຍ ໄມ່  
 ກັຮ ບັນ ເກົາ, ກອນ ຕຶງ ປຸ່ງ ເກົາ, ອັນ ຕຣຸ່ຮ ເຕ  
 ຣິ່ລ ເຕ, ຍ່ອນ ອັນ ຊ້ອງ ຣໍ່ອ ລາລີ້. 45 ໄມ່ ເບີ  
 ນ ບຸ່ນ, ຍ່ອນ ໄມ່ ຊາອໍາ ມັຮ ປັຮນາຍ ກາ ເຢັາງ  
 ເຈົາຮາຊີ ອາຕີ ໄມ່ ແກັດ ປຍາຍ!"

ມາຣີ ລໍ່າ ຍ່ອງ ເຢັາງ ເຈົາຮາຊີ  
 46 ມາຣີ ປາຍ:  
 "ເກົາ ຍ່ອງ ອິນເຈົາ ເກົາ ອິນແຍ່ະ ຮາງິ່ຮ.  
 47 ກະ ຮາເວ້ຍ ເກົາ ຊ້ອງ ຣໍ່ອ ບູຍ,  
 ຍ່ອນ ເຢັາງ ເຈົາຮາຊີ ລາ ເຢັາງ ກາ ຈ່ອຍ ອາ  
 ມັງ ເກົາ.  
 48 ເກົາ ລາ ກວາຍ ແກດໆ ຕະ ຮານະ ອັນ,  
 ມາ ອັນ ອິນມ້ອງ ເຈີ່ ກະ ຈ່ອຍ ເກົາ.  
 ກະ ແຕ ຊານໍ່ ເຕົາ ແຕ້ອ້ ອິນຕຸ່ນ,  
 ກູ່ ແດີຍ ກວາຍ ດໍ່ອ ເກົາ ລາ ກວາຍ ເບີນ  
 ບຸ່ນ,  
 49 ຍ່ອນ ເຢັາງ ເຈົາຮາຊີ, ອັນ ກາ ເບີນ ອໍານາດ  
 ບິ່ດ ລາລີ້,  
 ຕະ ຮານະ ອໍ່ ໂອນ ເກົາ. ອັນ ຕາ ເບີນ ເບີນ  
 ໄລ່ຮ ອິນເຕົາ.  
 50 ອັນ ຊ້ອງ ອາໂຢ່ະ ຕະ ອິນແຍ່ະ ມັຮ ກວາຍ ກາ  
 ອີງກ້ອຮ ອັນ,  
 ແຕ ແດີຍ ໄມ່ ເຕົາ ແຕ້ອ້ ແດີຍ ອິນຕຸ່ນ.  
 51 ອັນ ຕະ ຮານະ ບິ່ດ ແຕ ອາຕີ ອັນ ເບີມ.  
 ກະ ອັນ ຕຸ່ຍຮ ມັຮ ກວາຍ ກາ ຄິ່ດ ປາຍ ໄລ່  
 ບິ່ດ ກະ ອໍ່ ກາເລີຍ ແຕ ກວາຍ ການໍ່ອ.  
 52 ໄລ່ ກາ ຊົດ ບິ່ດ, ເຢັາງ ເຈົາຮາຊີ ຕະ ໂອນ ໄລ່  
 ຕາ ເບີນ ຊົດ ມ້ອງ.

ມາ ໄລ່ ກາ ແກດໆ ຊ້ອງ, ອັນ ອາຊ້ອຮ ໄລ່  
 ໂອນ ແກັດ ບິ່ດ ແອັນ.  
 53 ມັຮ ກວາຍ ກາ ຕຸ່ຮ ກາຕິດ, ອັນ ໂອນ ໄລ່ ເບີນ  
 ກູ່ ເກຣັງ ອໍ່.  
 ມາ ໄລ່ ກາ ຊຸ ເບີນ, ອັນ ໂອນ ໄລ່ ເຈົາ ແອັງ  
 ອາຕີ ເມັດ.  
 54 ອັນ ຈ່ອຍ ມັຮ ກວາຍ ອິດຊະຮາເອລ, ໄລ່ ກາ  
 ຕະ ຮານະ ອັນ.  
 ກະ ອັນ ຕາ ເບີນ ຊາລີຮ ອາໂຢ່ະ ຕະ  
 55 ອັບຮາຮາມ ກະ ອິນແຍ່ະ ຈຸ່ມ ເຈີອ ອັນ ຊົດ  
 ແດີຍ!  
 ມະ ກາ ເຢັາງ ເຈົາຮາຊີ ເອີອໍ່ ດໍ່ອ ກະ ອາຈ  
 ວາຍຮ ອາເຈ່ຮ ໄຮ ແຕ ອີມແບ້."  
 56 ມາຣີ ແອັດ ກະ ເອລີຊາເບັດ ເບີນ ໄປ ກາໄຊ.  
 ແວ້ດ ກ້ອຍ ອັນ ເຈົາ ລັຮ ບໍ່ ດຸງ ອັນ.

ເອລີຊາເບັດ ຮັຮ ໂຢຮັນ  
 57 ແຕ້ອ້ ປາເມ່ນ ເອລີຊາເບັດ ຮັຮ ກອນ, ອັນ  
 ຮັຮ ມານໍາ ກອນ ຮາເລົາ. 58 ມັຮ ກວາຍ ກາ ແອັດ  
 ຕຶງ ວິລ ກ້ອຍ, ກະ ມັຮ ແຊມອາຍ ອັນ ຊ້ອງ ເຢັາງ  
 ເຈົາຮາຊີ ອາໂຢ່ະ ຕະ ລາລີ້ ເອລີຊາເບັດ. ມະກ້ອຍ,  
 ອິນແຍ່ະ ມະ ໄລ່ ຊ້ອງ ຣໍ່ອ ກະ ເອລີຊາເບັດ.  
 59 ພໍກາ ກອນ ກ້ອຍ ເບີນ ຕາກໍອລ ຕາໄງ, ໄລ່  
 ເປາະ ຕະ ຣິ່ດ ກິດ ໂອນ ກອນ.† ໄລ່ ຢໍອ ອີ ຈັຮ  
 ຮາມິ່ຮ ກອນ ກ້ອຍ ລາ 'ເຊກາຣີຢາ,' ດວຍ ຮາມິ່  
 ຮ ອີມບໍ່ ອັນ. 60 ມາ ອີມເປັອ້ ອັນ ປາຍ: "ຕາ ເບີ  
 ນ! ໄຮ ດໍ່ອ ຮາມິ່ຮ ອັນ ລາ 'ໂຢຮັນ."  
 61 ມາ ກວາຍ ການໍ່ອ ກ້ອຍ ປາຍ: "ຕຶງ ແຊມ  
 ອາຍ ໄມ່ ຕາ ເບີນ ເມົາ ເບີນ ຮາມິ່ຮ ມະກ້ອຍ!"  
 62 ໄລ່ ຕາເບີບ ລັຮ ອີມບໍ່ ກັຮແນນ ກ້ອຍ  
 ຕະ ປັຮນາຍ ເກີອໍ່ ແຕ ອາຕີ ໄລ່. ໄລ່ ຕາເບີບ  
 ປາຍ: "ມານະ ໄມ່ ຢໍອ ອີ ຈັຮ ຮາມິ່ຮ ກອນ ໄມ່?"  
 63 ເຊກາຣີຢາ ແຊອໍ່ ມວຍ ແພນ ກາດານ ແກດ;  
 ອັນ ຄຽນ ຕຶງ ກາດານ ກ້ອຍ ປາຍ: "ຮາມິ່ຮ ອັນ  
 ລາ ໂຢຮັນ."  
 ອິນແຍ່ະ ກວາຍ ອີງກ້ອຍ ຊ້ອງ ງິ່ດ ຕຶງ ຮາງິ່ຮ!  
 64 ບັອງ ກາ ກ້ອຍ ແຕ່ ເຕ່ອໍ່ ເຊກາຣີຢາ ຕະ ອິນຕີ  
 ລັຮ, ກະ ອັນ ຍ່ອງ ເຢັາງ ເຈົາຮາຊີ. 65 ອິນແຍ່ະ  
 ກວາຍ ຕຶງ ວິລ ກ້ອຍ ຊ້ອງ ອີງກ້ອຮ ລາລີ້. ກະ  
 ປັຮນາຍ ກ້ອຍ ດ້ອຮ ເດີນ ກູ່ ອິນຕຸ ຕຶງ ກັຮ ແຄງ  
 ຢູດາຍ. 66 ອິນແຍ່ະ ກູ່ ມະ ກວາຍ ກາ ຊ້ອງ ແຕ  
 ຮານະ ໄມ່, ໄລ່ ຄິ່ດ ແຕ ຮານະ ໄມ່, ກະ ໄລ່ ມານະ  
 ຕາເບີບ ມານະ ປາຍ: "ກອນ ໄມ່ ອີ ແກັດ ນານ  
 ະ?" ຍ່ອນ ເຢັາງ ເຈົາຮາຊີ ແອັດ ກະ ອັນ.  
 ເຊກາຣີຢາ ລໍ່າ ຍ່ອງ ເຢັາງ ເຈົາຮາຊີ

† 1:59 1:59 ຣິ່ດ ກ້ອຍ ເມົາ ກິດ ບິ່ອ ອີງກັຮ ແຕ ເກຣັງ ຮາເລົາ.

67 ເຊກຣີຢາ, ອິມບໍ່ ກັຣແນນ ກ້ອຍ, ອັນ ເປີ  
ນ ຣາເວີຍ ເຢີງ ເຈົ້າຣາຊີ ແກັດ ຊົດ ຕິ່ງ ຣາງິຣ  
ອັນ. ນະກ້ອຍ ອັນ ອາຕີ ຕາງ ປັຣນາຍ ເຢີງ  
ເຈົ້າຣາຊີ ປາຍ:

68 "ອິງເຄາະ ໄຮ ຍ່ອງ ອິນເຈົ້າ ໄຮ,  
ລາ ເຢີງ ເຈົ້າຣາຊີ ກາ ກວາຍ ອິດຊະຣາເອລ  
ຊາງ.

ອັນ ແຕ້ອ ຈ່ອຍ ມັຣ ກອນແຊມ ອັນ,  
ກະ ອັນ ໄທ ລັຣ ໄລ່.

69 ອັນ ໂອນ ມານະ ກາ ເປີນ ອຳນາດ ລາລີ້  
ແຕ້ອ ຈ່ອຍ ອາມັງ ໄຮ.

ມານະ ໄນ່ ແຕ້ອ ແຕ ຈຸ່ມ ເຈືອ ເຕົາວ ປັຣເຍົາ  
ດາວິດ,  
ອັນ ກາ ຕະ ຣານະ ເຢີງ ເຈົ້າຣາຊີ.

70 ປັຣນາຍ ໄນ່ ເຢີງ ເຈົ້າຣາຊີ ໂອນ ກວາຍ ອາຕີ  
ແຕ ອິມແບ້.  
ກວາຍ ກ້ອຍ ລາ ຕານ້ອງ ລາລີ້ ກະ ອາຕີ  
ຕາງ ປັຣນາຍ ອັນ.

71 ອັນ ເອີອ ຈ່ອຍ ອາມັງ ໄຮ ແຕ ກວາຍ ກາ ຍໍອ  
ອີ ຕະ ໄຮ,  
ກະ ແຕ ອາຕີ ກວາຍ ກາ ຊາອັຣ ໄຮ.

72 ອັນ ອາປັຣ ໂອນ ໄຮ ດັງ ປາຍ ອັນ ຊ່ອງ ອາໂຢະ  
ຕະ ອິນແຍ່ະ ຈຸ່ມເຈືອ ໄຮ.  
ກະ ອັນ ຕາ ກຳ້ຍ ຊາລິຣ ມັຣ ປັຣນາຍ ອໍ ກາ  
ອັນ ປັຣຄັນ ແຕ ອິນໂຍ່ງ.

73 ອັນ ປັຣຄັນ ກະ ອັບຣາຣາມ,  
ລາ ອາຈວາຍຣ ອາເຈຣ ໄຮ,

74 ກະ ອັນ ເອີອ ອີ ຈ່ອຍ ອາມັງ ໄຮ  
ແຕ ອາຕີ ກວາຍ ກາ ອີ ຕະ ໄຮ.  
ອັນ ໂອນ ໄຮ ຕະ ຣານະ ອັນ  
ອິນໂຈຍ ອິງກ້ອຍ ອິນເຕົ້າ.

75 ນະກ້ອຍ ເຕ້ອ ໄຮ ຕະ ຣານະ ອໍ, ອິນໂຈຍ ຕະ  
ໂລ່ຍຣ ອິນເຕົ້າ ຢັຣ ເມີງ ອັນ  
ເຕົ້າ ອິນແຍ່ະ ແດີຍ ອາມັງ ໄຮ.

76 "ກອນ ເອີຍ! ປັຣແມ້ ມັນເຕຣົາ ເນັ່ງ ດໍອ ໄນ່  
ລາ ກວາຍ ອາຕີ ຕາງ ປັຣນາຍ ເຢີງ ເຈົ້າຣາ  
ຊີ, ອັນ ກາ ປິດ ກາເລີຍ ອິນແຍ່ະ ແຕ ກາ  
ນໍອ.

ໄນ່ ເປາະ ອິນໂຍ່ງ ອິນເຈົ້າ ໄຮ,  
ຈັຣ ຣານາ ໂອນ ອັນ.

77 ກະ ໄນ່ ອາຕີ ມັຣ ກອນແຊມ ອັນ,  
ໂອນ ໄລ່ ດັງ ເຢີງ ເຈົ້າຣາຊີ ຕັຣ ໂລ່ຍຣ ໄລ່,  
ໂອນ ອັນ ເຕ້ອ ຈ່ອຍ ອາມັງ ໄລ່.

78 ຍ່ອນ ເຢີງ ເຈົ້າຣາຊີ ໄຮ ຊ່ອງ ອາໂຢະ ຕະ ໄຮ,  
ນະກ້ອຍ ອັນ ໂອນ ມານະ ແຕ້ອ ປີ ໄຮ,  
ນະ ແຊ ມັດ ມານາງ ລ້ອຣ ປຼີ.

79 ກວາຍ ກ້ອຍ ນະ ແຊ ແຕ ມັນລ້ອງ,

ປາເລີງ ໂຈະ ກວາຍ ຕິ່ງ ການໍາ.  
ອັນ ຕະ ໂອນ ກວາຍ ຕາ ເປີນ ອິງກ້ອຍ ກູຈິດ  
ນ້ອງ.

ກະ ອັນ ອາໂຍ່ງ ໄຮ ໂອນ ເປາະ ຕິ່ງ ຣານາ  
ອຽນ ອໍ."

80 ກັຣແນນ ກ້ອຍ ຈະ ອັນ ປິດ ອາຊ້ອຣ, ກະ  
ຣາງິຣ ອັນ ແກັດ ເຣ່ງ ອາຊ້ອຣ ເຕ່. ອັນ ແອັດ ຕິ່ງ  
ຕຍາຣ ເຕົ້າ ແຕ້ອ ຕາໄງ ອັນ ຕາແບ້ ຕະ ຣານະ ອາ  
ປັຣ ໂອນ ມັຣ ກວາຍ ອິດຊະຣາເອລ ເຮີມ.

## 2

ມາຣີ ຮັຣ ເຢຊູ  
(ມັດທາຍ 1:18-25)

1 ຕິ່ງ ມັຣ ຕາໄງ ກ້ອຍ ໂອຄຸໂຕ, ລາ ເຕົາວ  
ປັຣເຍົາ ໂຣມ ກາ ກຣິຣ, ອັນ ອາຕີ ໂອນ ອິນແຍ່  
ະ ມັຣ ກວາຍ ອິງເຄາະ ເປາະ ຄຽນ ຣາມິຣ ໂອນ  
ອັນ ດັງ ມາແລະ ກຼິ່ງ ກອນແຊມ ອັນ. 2 ໄນ່ ລາ  
ຕາແບ້ ເນັ່ງ ນັບ ກວາຍ, ບັອງ ກາ ກິເຣນີໂອ ຕະ  
ຊົດ ເຕ່ດ ເຕົາວ ປັຣເຍົາ ໂອຄຸໂຕ ຕິ່ງ ແຄງ ຊີເຣຍ.  
3 ອິນແຍ່ະ ກູ່ນະ ມັຣ ກວາຍ ເຈົ້າ ລັຣ ປີ ວິລ ອາ  
ວາຍຣ ອາເຈຣ ໄລ່, ຄຽນ ດໍອ ຣາມິຣ ຕິ່ງ ວິລ ເປີ  
ມ.

4 ນະກ້ອຍ ໂຍເຊັບ ລ້ອຣ ແຕ ແຄງ ຄາລີເລ, ວິ  
ລ ນາຊາເຣັດ. ອັນ ມູ່ດ ຕິ່ງ ແຄງ ຢູດາຍ, ເມືອງ  
ເບັດເລເຣັມ, ລາ ເມືອງ ດາວິດ. ອັນ ມູ່ດ ເມືອງ  
ໄນ່, ຍ່ອນ ອັນ ລາ ແຕ ຈຸ່ມເຈືອ ດາວິດ ເຕ່. 5 ອັນ  
ອີ ຄຽນ ຣາມິຣ ປີ ກ້ອຍ. ກະ ອັນ ເດີງ ກາ ມາຣີ,  
ລາ ມັນແຊມ ກາ ເນັ່ງ ເອີອ ໂອນ ອັນ ຕະ ລາກວຍ.  
ມາຣີ ແອັດ ຕິ່ງ ຈະ. 6 ບັອງ ກາ ໄລ່ ບາຣ ນະ ແອັດ  
ປີ ເມືອງ ເບັດເລເຣັມ ກ້ອຍ, ແຕ້ອ ປາເນ່ນ ມາຣີ  
ອີ ຮັຣ ກອນ. 7 ອັນ ຮັຣ ກອນ ຣາເລົາ ກໍລ. ອັນ  
ອາກວາມ ອາຣີ ໂຈະ ກອນ ອັນ, ເຈີ ອັນ ອາຈຸຣ ຕິ່ງ  
ຕາປ່ອງ ບັດ, ຍ່ອນ ດຸງ ກວາຍ ຕິ່ງ ເມືອງ ກ້ອຍ  
ກູທັດ ອິນແຍ່ະ, ຕາ ເປີນ ນ້ອງ ອິນຕຸ ໂອນ ໄລ່  
ແອັດ.

8 ບັອງ ກາ ກ້ອຍ ເປີນ ກວາຍ ແອັດ ກຍາອ  
ແກະ ຕິ່ງ ກຣວາງ ກ້ອຍ. ຊາເດົາ ກ້ອຍ ໄລ່ ແອັດ  
ກຍາອ ແກະ ໄລ່ ຕິ່ງ ຕຍາຣ ກາ ເປີນ ບັດ. 9 ເປີນ  
ມານະ ເທວາດາ ເຢີງ ເຈົ້າຣາຊີ ແຕ ມັນລ້ອງ ແຕ້ອ  
ປີ ໄລ່. ກະ ປັງ ແຕ ເຢີງ ເຈົ້າຣາຊີ ປາເລີງ ອິມ  
ແປຣ ໄລ່; ໄລ່ ຊ່ອງ ອິງກ້ອຍ ລາລີ້. 10 ເທວາດາ  
ກ້ອຍ ປາຍ ໂຈະ ໄລ່ ນະໄນ່: "ອິນໂຈຍ ອິງກ້ອຍ!  
ເກົາ ອີ ອາຕີ ເຍົາ ມວຍ ປັຣນາຍ ຣໍອ ອໍ ໂອນ ອິນ

ແຍ່ະ ກູ່ນະ ກວາຍ. 11 ຕາໄງ ໄມ່ ຕຶ່ງ ພືອງ ດາວິດ, ເບີນ ມານະ ແກັດ ໂອນ ຈ່ອຍ ອາມັງ ເຍົາ. ອັນ ກ້ອຍ ລາ ກຣິດ, ອັນ ລາ ອິນເຈົາ ໄຮ. 12 ໄມ່ ລາ ໂອນ ເຍົາ ດັງ: ເຍົາ ເບີນ ຣາມັຣ ກອນ ເຊົາໆ ເມົາ ອາກວາມ ໄຈະ ອາຣິ. ເມົາ ອາປິ ຕຶ່ງ ຕາປ່ອງ ບັດ."

13 ບັອງ ກາ ກ້ອຍ ແຕ່ ເບີນ ກຶ້ງ ເທວາດາ ເຢີງ ເຈົາຣາຊິ ແອັດ ມັນຕຸ ກະ ເທວາດາ ອິນໂຍ່ງ ກ້ອຍ. ອິນແຍ່ະ ໄລ່ ຍ່ອງ ເຢີງ ເຈົາຣາຊິ ກະ ໄລ່ ປາຍ:

14 "ແຊຣ໌ ໂອນ ອຳນາດ ອາງອິຣ໌ ແອັດ ກະ ເຢີງ ເຈົາຣາຊິ ຕຶ່ງ ມັນລ້ອງ ກາ ປິດ ກາເລີຍ ອິນແຍ່ະ ແຕ ການໍ້ອ໌, ໂອນ ແຕ້ອ໌ ອຽນ ອໍ ປິ ກວາຍ ກາ ແອັດ ມັນຕັດ ອໍ ຕຶ່ງ ກູແຕອ໌ ໄມ່."

15 ພໍກາ ອິນແຍ່ະ ມັຣ ເທວາດາ ກ້ອຍ ລ້ອຣ ແຕ ກວາຍ ກຍາອ໌ ແກະ, ໄລ່ ເຈົາ ລັຣ ປິ ມັນລ້ອງ. ກວາຍ ກຍາອ໌ ແກະ ມານະ ປຣຕື່ ມານະ ປາຍ: "ໄຮ ເປາະ ປິ ເມືອງ ເບັດເລເຣັມ. ໄຮ ເຣັມ ຣານະ ກາ ແຕ້ອ໌ ມັຣ ເຢີງ ເຈົາຣາຊິ ອາຕິ ໄຮ."

16 ໄລ່ ກ້ອຍ ເປາະ ໄວ່ ລາລີ້. ໄລ່ ຣາມັຣ ມາຣິ ກະ ໂຢເຊັບ ກະ ໄລ່ ເຣັມ ກອນ ແກດ ກ້ອຍ, ເມົາ ອາປິ ຕຶ່ງ ຕາປ່ອງ ບັດ. 17 ແວັດ ໄລ່ ເຣັມ, ໄລ່ ເປາະ ອາຕິ ປິ ໄມ່ ປິ ກ້ອຍ. ໄລ່ ອາຕິ ລັຣ ໂອນ ກວາຍ ການໍ້ອ໌ ດັງ ມັຣ ປຣນາຍ ໄລ່ ຊ້ອງ ແຕ ກັຣ ແນນ ໄມ່. 18 ອິນແຍ່ະ ກວາຍ ກາ ຊາງັດ ປຣນາຍ ມຸ່ ກາ ກຍາອ໌ ແກະ ອາຕິ, ໄລ່ ຊ້ອງ ງິດ ລາລີ້ ແຕ ຣານະ ໄມ່. 19 ມາ ມາຣິ ເຈີ ດໍອ໌ ຕຶ່ງ ຣາງິຣ໌ ອັນ ອິນ ແຍ່ະ ມັຣ ຣານະ ໄມ່. 20 ເຈີ ກວາຍ ກຍາອ໌ ແກະ, ບັອງ ກາ ໄລ່ ເຈົາ, ໄລ່ ຍໍາມັບ ກະ ຍ່ອງ ລາລີ້ ເຢີງ ເຈົາຣາຊິ, ຍ່ອນ ໄລ່ ເຣັມ ຣານະ ໄມ່ ນະ ເມົາ ອາຕິ ໄລ່.

21 ນັບ ແຕ ຕາໄງ ກັຣແນນ ກ້ອຍ ແກັດ ເບີນ ຕາກ່ອລ ຕາໄງ, ໄລ່ ຕະ ຣິດ ກິດ ໂອນ ກອນ ໄລ່ ປວາຍ ຄານອດ ອິດຊະຣາເອລ. ຕາໄງ ກ້ອຍ ໄລ່ ຈັຣ ຣາມັຣ ກອນ ກ້ອຍ ລາ ເຢຊູ. ໄລ່ ອິດ ຣາມັຣ ນະ ເທວາດາ ເຢີງ ເຈົາຣາຊິ ອາຕິ ໄລ່ ແຕ ຕາໄງ ມາຣິ ຕາ ຢວາຣ ແອັດ ຕຶ່ງ ຈະ.

ໂຢເຊັບ ກະ ມາຣິ ມ່ອບ ເຢຊູ ໂອນ ເຢີງ ເຈົາຣາຊິ

22 ແວັດ ກ້ອຍ ໂຢເຊັບ ກະ ມາຣິ ປວາຍ ຣິດ ຕະ ບຣັຣ ຈະ ນະ ຄານອດ ໂມເຊ ອາຕິ. ໄລ່ ເດີງ ກອນ ໄລ່ ເປາະ ປິ ເມືອງ ເຢຣູຊາເລັມ ຊາງ ມ່ອບ ກອນ ໄລ່ ໂອນ ເຢີງ ເຈົາຣາຊິ. 23 ຍ່ອນ ຄານອດ ເຢີງ ເຈົາຣາຊິ ປາຕັບ ກວາຍ ອິດຊະຣາເອລ ແຕ ອິມເບີ ປາຍ: "ກູ່ນະ ກອນ ຣາເລົາ ກັລ

ອິງເຄາະ ມ່ອບ ຊາງ ໂອນ ເຢີງ ເຈົາຣາຊິ."

24 ກະ ໄລ່ ຍິຣ໌ ອິ ມ່ອບ ແຕ່ ເກຣັງ ຊາງ ໂອນ ເຢີງ ເຈົາຣາຊິ, ຍ່ອນ ຄານອດ ເຢີງ ເຈົາຣາຊິ ອາຕິ ກວາຍ ອິດຊະຣາເອລ ປາຍ:

"ແວັດ ມັນແຊມ ແອັດ ອູ່ຍະ ອິງເຄາະ ອັນ ເດີງ ປິ ດຸງ ຊາງ ມວຍ ກູ່ ແຈມ ປາເຣັດ ແຕ້ລາ ບາຣ ລໍາ ແຈມ ຕາປັຣ ກອນ."

ຊິເມໂອນ ກະ ອານາ ອາຕິ ຕາງ ປຣນາຍ ເຢີງ ເຈົາຣາຊິ

25 ເບີນ ມານະ ຕຶ່ງ ພືອງ ເຢຣູຊາເລັມ ຣາມັຣ ຊິເມໂອນ. ອັນ ລາ ກວາຍ ຕະ ຣານະ ອໍ, ກະ ອັນ ຊາງັດ ປຣນາຍ ເຢີງ ເຈົາຣາຊິ ກັກ ລາລີ້. ອັນ ອິງກ່ອງ ຕາໄງ ເຢີງ ເຈົາຣາຊິ ຮຽຣ ມານະ ດໍອ໌ ຈ່ອຍ ອາມັງ ກວາຍ ອິດຊະຣາເອລ. ຣາເວີຍ ເຢີງ ເຈົາຣາຊິ ແອັດ ກະ ຊິເມໂອນ. 26 ກະ ຣາເວີຍ ເຢີງ ເຈົາຣາຊິ ອາຕິ ອັນ ປາຍ ອັນ ຕາ ຢວາຣ ກູ ຈິດ ເຕົ່າ ອັນ ເບີນ ເຣັມ ມານະ ກຣິດ, ອັນ ກາ ເຢີງ ເຈົາຣາຊິ ຮຽຣ ດໍອ໌ ຈ່ອຍ ອາມັງ ກວາຍ. 27 ຕາ ໄງ ກ້ອຍ ຣາເວີຍ ເຢີງ ເຈົາຣາຊິ ເດີງ ຊິເມໂອນ ມຸ່ດ ຕຶ່ງ ດຸງ ຊາງ ປິດ. ບັອງ ກາ ກ້ອຍ ອິມເປ່ອ໌ ອິມປໍ ເຢຊູ ເດີງ ກອນ ໄລ່ ມຸ່ດ ດຸງ ຊາງ ປິດ ຍິຣ໌ ອິ ປວາຍ ຄານອດ ອິດຊະຣາເອລ. 28 ນະກ້ອຍ ຊິເມໂອນ ອິດ ກາອິ້ ກັຣແນນ ກ້ອຍ, ກະ ອັນ ຊາ ແອັດ ເຢີງ ເຈົາຣາຊິ ປາຍ:

29 "ເຢີງ ເຈົາຣາຊິ ເອີຍ! ແຕ້ອ໌ ເຈີ້ ຣານະ ເຍົາ ເອີ ອ໌ ກະ ເກົາ.

ຊານໍ ຄັນ ເຍົາ ໂອນ ເກົາ ກາ ຕະ ຣານະ ເຍົາ ກູຈິດ, ເກົາ ຊ້ອງ ອຽນ ອໍ ລາລີ້,

30 ຍ່ອນ ມັດ ເກົາ ເຣັມ ອັນ ກາ ເຍົາ ຮຽຣ ໂອນ ຈ່ອຍ ອາມັງ ກວາຍ.

31 ຣານະ ໄມ່ ເຍົາ ກຽມ ດໍອ໌ ຍິຣ໌ ເມີງ ອິນ ແຍ່ະ ກູ່ ນະ ກວາຍ.

32 ອັນ ລາ ນະ ອາຣໍາ ປາເລີງ ຣານາ ໂອນ ກວາຍ ຕາ ແກິນ ກວາຍ ອິດຊະຣາເອລ.

ຍ່ອນ ແຕ ອັນ, ເບີນ ເມົາ ຍໍາມັບ ກວາຍ ອິດ ຊະຣາເອລ."

33 ອິມເປ່ອ໌ ອິມປໍ ເຢຊູ ຊ້ອງ ງິດ ລາລີ້ ປຣນາຍ ຊິເມໂອນ ປາຍ ແຕ ກອນ ໄລ່. 34 ຊິເມໂອນ ເກົາແຊຣ໌ ໂອນ ໄລ່ ເບີນ ມຸ່ນ, ກະ ອັນ ອາຕິ ມາຣິ, ອິມເປ່ອ໌ ເຢຊູ, ປາຍ: "ໄມ່ ແ່ ໄມ່, ເຢີງ ເຈົາຣາຊິ ຮຽຣ ດໍອ໌ ກອນ ໄມ່ ຕະ ໂອນ ກຶ້ງ ກວາຍ ອິດຊະຣາເອລ ແຕ່ອ໌ ຢວຣ ຍ່ອນ ອັນ, ກະ ໂອນ ກຶ້ງ ກວາຍ ອິດຊະຣາເອລ ການໍ້ອ໌ ເດີມ ລາ ຍ່ອນ ແຕ ອັນ

ເຕ່.\* ກະ ອັນ ອີ ອາປັຣ ຮານະ ເຢີງ ເຈົ້າຣາຊີ ໂອນ ກວາຍ ດັງ. ມາ ໄລ່ ກາແລ້ຍຣ ອັນ. <sup>35</sup> ນະກ້ອຍ ມັຣ ຣາມິ້ຣ ກາ ກວາຍ ຄິດ ປາໂຕ່ະ ຕຶ້ງ ຣາງິຣ ໄລ່, ມັຣ ຣາມິ້ຣ ກ້ອຍ ແກິດ ອິມປັຣ ອິນແຍ່ະ. ກະ ປັຣແມິ ມັນເຕຣີ ໄມ່ ເບິນ ຣາມິ້ຣ ຕຸ່ຣ ກັດ ແຕ້ອ ປິ ໄມ່ ນະ ປາ ຮໍອ ຈັດ ຕຶ້ງ ມິດ ປາແຣິມ ໄມ່."

<sup>36</sup> ເບິນ ມານະ ອາຢະ ເທົາ ແອິດ ປິ ກ້ອຍ ຣາມິ້ຣ ອານາ, ກອນ ພານູເອລ, ຈຸມ ອາເຊ. ອັນ ລາ ກວາຍ ອາຕິ ຕາງ ປັຣນາຍ ເຢີງ ເຈົ້າຣາຊີ. ແຕ ອິນໂຍ່ງ ອັນ ເບິນ ກາຢາອໍ ອິນແຍ່ະ ຕາປູລ ກູມິ.

<sup>37</sup> ແວັດ ກ້ອຍ ອັນ ແອິດ ກູມາຍ ເຕົ້າ ແຕ້ອ ອາ ຢຸ່ ອັນ ຕາກໍອລ ຈິດ ລາ ປູນ ກູມິ. ອັນ ຕາ ເກົ້ ຍ ລໍ່ອຣ ແຕ ດຸງ ຊາງ ປິດ. ຕາໂງ ກະ ຊາເດົາ ອັນ ແອິດ ຊາງ ເຢີງ ເຈົ້າຣາຊີ. ແຕ້ອ ອັນ ເກົາແຊອໍ, ອັນ ອົດ ຕາ ເບິນ ຈາ ຊັຣນາ ນ້ອງ.

<sup>38</sup> ບ້ອງ ກາ ກ້ອຍ ແຕ້ ອາຢະ ໄນ່ ມູ່ດ ປິ ອິນ ຕຸ ອິມເປ່ອ ອິມປໍ່ ເຢຊູ ແອິດ. ອັນ ຊາແອິນ ເຢີງ ເຈົ້າຣາຊີ. ກະ ອັນ ອາຕິ ແຕ ກັຣແນນ ໄນ່ ໂຈະ ອິນແຍ່ະ ໄລ່ ກາ ອົງກ່ອງ ມານະ ກາ ເຢີງ ເຈົ້າຣາຊີ ຮຽຮ ໂອນ ອາກູ້ຣ ເມືອງ ເຢຣູຊາເລັມ.

<sup>39</sup> ແວັດ ອິມເປ່ອ ອິມປໍ່ ເຢຊູ ຕະ ອິນແຍ່ະ ມັຣ ຮິດ ປວາຍ ຄານອດ ເຢີງ ເຈົ້າຣາຊີ ປາຕັບ ກວາ ຍ ອິດຊະຣາເອລ, ໄລ່ ເຈົ້າ ລໍ່ຣ ປິ ດຸງ ໄລ່ ປິ ວິລ ມາຊາເຣັດ, ແຄງ ຄາລິເລ. <sup>40</sup> ເຢຊູ ປິດ ອາຊ້ອຣ ແກິດ ບັນ ເຣ່ງ. ອັນ ດັງ ຊາອິ້ຍ ກະ ເຢີງ ເຈົ້າຣາ ຊີ ຊ້ອງ ຮໍອ ລາລີ້ ກະ ອັນ.

ບ້ອງ ກາ ອາຢ່ ເຢຊູ ມວຍ ຈິດ ລາ ບາຣ ກູມິ

<sup>41</sup> ກູ ກູມິ ອິມເປ່ອ ອິມປໍ່ ເຢຊູ ເປາະ ປິ ເມືອງ ເຢຣູຊາເລັມ ຈາ ຮໍອ ຊາແອິ ຕາໂງ ເຢີງ ເຈົ້າຣາຊີ ອາກູ້ຣ ໄລ່.† <sup>42</sup> ແຕ້ອ ເຢຊູ ເບິນ ມວຍ ຈິດ ລາ ບາຣ ກູມິ, ໄລ່ ເປາະ ລໍ່ຣ ປວາຍ ຮິດ ຈາ ຮໍອ ຕຶ້ງ ເມືອງ ເຢຣູຊາເລັມ. <sup>43</sup> ແວັດ ຕາໂງ ຈາ ຮໍອ, ໄລ່ ເຈົ້າ ລໍ່ຣ ປິ ດຸງ. ມາ ເຢຊູ ອິນນ້ອງ ແອິດ ລໍ່ຣ ຕຶ້ງ ເມືອງ ເຢຣູຊາເລັມ. ອິມເປ່ອ ອິມປໍ່ ອັນ ຕາ ເບິນ ດັງ ເຢຊູ ແອິດ ລໍ່ຣ ຊາ. <sup>44</sup> ໄລ່ ຄິດ ເຢຊູ ເຈົ້າ ເຕ່ ກະ ເຍົາ ກາ ເປາະ ມັນຕຸ. ນະກ້ອຍ ໄລ່ ເປາະ ອິນ ແຍ່ະ ມວຍ ຕາໂງ. ແຕ້ອ ຊາເດົາ ໄລ່ ຈໍ້ອ ຕາແບິບ ແຊມອາຍ ກະ ເຍົາ ການໍອ ຕຶ້ງ ວິລ ໄລ່. <sup>45</sup> ມາ ໄລ່

ຕາ ເບິນ ຣາມິ້ຣ ເຢຊູ. ນະກ້ອຍ ໄລ່ ລໍ່ຣ ລໍ່ຣ ປິ ເມືອງ ເຢຣູຊາເລັມ, ຈໍ້ອ ອັນ ຕຶ້ງ ກ້ອຍ. <sup>46</sup> ແວັດ ໄປ ຕາໂງ ໄລ່ ຣາມິ້ຣ ອັນ ຕຶ້ງ ດຸງ ຊາງ ປິດ. ອັນ ຕາ ກູ ມັນຕຸ ກະ ມັຣ ອາຈານ ກາ ອາຕິ ຄານອດ ອິດຊະ ຣາເອລ. ອັນ ຊາງັດ ກະ ຕາແບິບ ໄລ່. <sup>47</sup> ອິນແຍ່ ະ ໄລ່ ກາ ຊາງັດ ຊ້ອງ ຈິດ ອັນ ຕາແອິຍ ໄລ່ ແຄວ ລາລີ້. <sup>48</sup> ແຕ້ອ ອິມເປ່ອ ອິມປໍ່ ເຢຊູ ເຮິມ ອັນ ປິ ກ້ອຍ, ໄລ່ ຈິດ ລາລີ້. ອິມເປ່ອ ອັນ ປາຍ ໂຈະ ອັນ: "ນານະ ກອນ ຕະ ນະໄນ່ ກະ ຮິ? ອິມປໍ່ ໄມ່ ກະ ເກົາ ຕັລ ຕວາລ ຈໍ້ອ ໄມ່."

<sup>49</sup> ເຢຊູ ຕາແອິຍ ໄລ່ ປາຍ: "ນະ ແຕ ເຍົາ ຈໍ້ອ ເກົາ? ນະ ເຍົາ ຕາ ເບິນ ດັງ ເກົາ ອົງເຄາະ ແອິດ ຕຶ້ງ ດຸງ ອິມປໍ່ ເກົາ?"

<sup>50</sup> ມາ ໄລ່ ຕາ ເບິນ ດັງ ປັຣນາຍ ກອນ ໄລ່ ປາຍ.

<sup>51</sup> ເຢຊູ ເຈົ້າ ກະ ອິມເປ່ອ ອິມປໍ່ ອັນ ປິ ວິລ ມາຊາເຣັດ. ກະ ອັນ ຊາງັດ ອິນແຍ່ະ ປັຣນາຍ ອິມ ເປ່ອ ອິມປໍ່ ອັນ. ມາ ອິມເປ່ອ ອັນ ເຈີ ດໍອ ຕຶ້ງ ຣາງິຣ ອິນແຍ່ະ ມັຣ ຣາມິ້ຣ ໄນ່. <sup>52</sup> ພໍກາ ເຢຊູ ປິດ ອາຊ້ອຣ, ອັນ ແກິດ ດັງ ຊາອິ້ຍ ອາຊ້ອຣ ແອິນ. ເຢີງ ເຈົ້າຣາຊີ ກະ ມັຣ ກວາຍ ອາຢະ ກະ ຊ້ອງ ຮໍອ ລາລີ້ ກະ ອັນ.

### 3

ອາຕິ ແຕ ຮານະ ໂຢຮັນ ຕະ  
(ມັດທາຍ 3:1-12; ມາຣະໂກ 1:1-8; ໂຢຮັນ 1:19-28)

<sup>1</sup> ບ້ອງ ກາ ກ້ອຍ ກວາຍ ຣາມິ້ຣ ຕິເບຣີໂອ ແກິດ ເຕົາວ ປັຣເຍົາ ໂຣມ ກາ ກຣິ້ຣ ຕະ ຊົດ ມວຍ ຈິດ ລາ ເຊີງ ກູມິ ເຈົ້. ປິນທຽວ ປິລາດ ຕະ ຊົດ ເຕ່ດ ເນົາຍ ຕິເບຣີໂອ ຕຶ້ງ ແຄງ ຢູດາຍ; ກະ ເຮໂຣດ ຕະ ຊົດ ຕຶ້ງ ແຄງ ຄາລິເລ. ພິລິບ, ອາແອມ ເຮໂຣດ, ຕະ ຊົດ ຕຶ້ງ ກຣວາງ ອິຕູຣາຍ ກະ ກຣ ວາງ ທາໂຄນິດ; ກະ ລິຊາເມຍ ຕະ ຊົດ ຕຶ້ງ ແຄງ ອາປິເລນ. <sup>2</sup> ອັນນາ ກະ ກາຢະພາ ຕາລາ ອິນແຍ່ ະ ແຕ ຮິດ ຊາງ ເຢີງ ເຈົ້າຣາຊີ. ບ້ອງ ກາ ກ້ອຍ ປັຣນາຍ ເຢີງ ເຈົ້າຣາຊີ ແຕ້ອ ປິ ໂຢຮັນ, ກອນ ເຊກາຣີຢາ, ແອິດ ຕຶ້ງ ຕຍາຣ. <sup>3</sup> ໂຢຮັນ ເປາະ ຕະ ອິນຕິ ອິນແຍ່ະ ຕຶ້ງ ກຣວາງ ອິມແປຣ ຕາເລ່ ຈໍແດນ ປາຍ: "ໂອນ ເຍົາ ຕັຣ ຣາງິຣ ຕຍາ ກະ ຮັບ ຮິດ ຕຶ້ງ ແດິອ, ໄນ່ ລາ ຕະ ໂອນ ເມົາ ດັງ ປາຍ ເຍົາ

\* 2:34 2:34 ຢວຣ ລາ ຊາກໍາ ແຕ ກວາຍ ອາແລະ ກາ ຊາອໍາ ເຕຣ້ ເບິນ ອາມົງ ກະ ເຢີງ ເຈົ້າຣາຊີ; ແດິມ ລາ ຊາກໍາ ແຕ ກວາຍ ອາແລະ ກາ ຊາອໍຣ ເຢີງ ເຈົ້າຣາຊີ ລາ ຕາ ເບິນ ເຕຣ້ ອາມົງ ອໍ ກະ ເຢີງ ເຈົ້າຣາຊີ. † 2:41 2:41 ຕາໂງ ກ້ອຍ ໄລ່ ຊາແອິ ຕາໂງ ເທວາດາ ເຢີງ ເຈົ້າຣາຊີ ຊາລັຣ ດຸງ ໄລ່ ກະ ຕາ ເບິນ ກາຈິດ ກອນ ຣາເລົາ ກັລ ໄລ່ ບ້ອງ ກາ ເຢີງ ເຈົ້າຣາຊີ ຈ່ອຍ ໂອນ ໄລ່ ລໍ່ຣ ແຕ ກຣວາງ ເອຍິບ ແຕ ອິມແບິ.

ປຽນ ອິດ ຮົ່ງຮ ຕາໄມ ແອັນ, ໂອນ ເຢິງ ເຈົາຮາ ຊີ ຕັຮ ໄລ່ຍຮ ເຍົາ." 4 ອັນ ຕະ ມູເຈິງ ເອຊາຢາ, ກວາຍ ອາຕີ ຕາງ ປັນຍາຍ ເຢິງ ເຈົາຮາຊີ, ຄຽນ ແຕ ອິມແປ້:

"ເບິນ ຊຽງ ຊາບາວ ອາຕີ ເຮ່ງ ລາລີ້ ແຕ ຕຍາຮ. ອັນ ຊາບາວ ປາຍ:

'ເຍົາ ອິງເຄາະ ອາຕີ້ ຮານາ ໂອນ ອິນເຈົາ ໄຮ. ຈັຮ ໂອນ ຕານ້ອງ ຮານາ ອັນ ອີ ເປາະ.

5 ມັຮ ປຣຸ່ງ ຕິ່ງ ຮານາ,

ອິງເຄາະ ກູບິລ ໂອນ ປັນ.

ກະ ອິນແຍ່ະ ກັຮ ອິນແຍ່ະ ແລ້ຮ ອິງເຄາະ ຕະ ໂອນ ເປົາຮ.

ມັຮ ຮານາ ໄກ່ະ,

ອິງເຄາະ ຈັຮ ໂອນ ຕານ້ອງ.

ກະ ມັຮ ຮານາ ຮາຮຸ ຮາໂດຍຮ,

ອິງເຄາະ ປວນ ໂອນ ລີ້ ລັຮ.

6 ນະກ້ອຍ, ກູ່ ນະ ກວາຍ ເຕ່ອ ເຮິມ ກະ ດັງ

ເຢິງ ເຈົາຮາຊີ ຈ່ອຍ ອາມັງ ກວາຍ!"

7 ເບິນ ກຼັງ ກວາຍ ແຕ້ອ ປີ ໂຢຮັນ ຍິ່ອ ອັນ ຕະ ຮິ່ດ ຕິ່ງ ແຕ້ອ ໂອນ ໄລ່. ອັນ ປາຍ ໂຈະ ໄລ່ ກ້ອຍ: "ເຍົາ ລາ ນະ ກູຊັນ ຕຸ່ຮ. ເມົາ ກາ ອາຕີ ເຍົາ ໂອນ ແວັດ ແຕ ເຢິງ ເຈົາຮາຊີ ຕະ ເຍົາ, ແຕ້ອ ອັນ ຕະ ກວາຍ ໄລ່ຍຮ ຕິ່ງ ຕາໄງ ປັຮຊັດ. 8 ອິງ ເຄາະ ເຍົາ ຕະ ຮານະ ອໍ, ໂອນ ແກັດ ປາໄລ ເຕ່ອ ອາປັຮ ໂອນ ເມົາ ດັງ ປາຍ ເຍົາ ຕັຮ ຮົ່ງຮ ຕຍາ ປຽນ ແກັດ ຮົ່ງຮ ຕາໄມ ແອັນ. ເຍົາ ອິນໂຈຍ ຄິ່ດ ປາຍ ເຍົາ ເຕ່ອ ວຍາຮ ແວັດ ໂຕ່ດ, ຍ່ອນ ເຍົາ ປາຍ: 'ອັບຮາຮາມ ລາ ອາຈວາຍຮ ອາເຈ່ຮ ຮິ.' ເກົາ ອາຕີ ຕານ້ອງ ໂອນ ເຍົາ, ຄັນ ເຢິງ ເຈົາຮາຊີ ຍິ່ອ, ເຕ່ອ ອັນ ອິດ ຕາເມົາ, ແຕງ ແກັດ ຈຸ່ມເຈືອ ອັບຮາຮາມ ແຕ ຕາເມົາ ກ້ອຍ! 9 ຊານຸ່ ຊາກຳ ເບິ ນ ຈວາງ ປາ ດໍອ ແຈ່ະ ກັລ ອາລ່ອງ. ກັລ ອາແລ່ະ ມາ ຕາ ເບິນ ແກັດ ປາໄລ ອໍ, ເມົາ ຕາມີ້, ແຫງ ຕັຮ ຕິ່ງ ອູ່ຍຮ."

10 ມັຮ ກວາຍ ກ້ອຍ ຕາແບັບ ໂຢຮັນ ປາຍ: "ຄັນ ນະກ້ອຍ, ນານະ ຮິ ອີ ຕະ?"

11 ໂຢຮັນ ຕາແອິຍ ລັຮ ປາຍ: "ອາແລ່ະ ກາ ເບິ ນ ບາຮ ປັຮ ອາຍ້ອຮ, ອິງເຄາະ ອັນ ໂອນ ກວາຍ ກາ ແອິ ອາຍ້ອຮ ແຊັບ. ກະ ອາແລ່ະ ກາ ເບິນ ທາ ຮິ່ງ ຊັຮນາ ຈາ, ອິງເຄາະ ອັນ ຕະ ມູເຈິງ ກ້ອຍ ເຕ່."

12 ເບິນ ກວາຍ ກາ ປາໂຣມ ປະ ປາຊີ ແຕ້ອ ປີ ໂຢຮັນ ຍິ່ອ ອັນ ຕະ ຮິ່ດ ຕິ່ງ ແຕ້ອ ໂອນ ໄລ່. ໄລ່ ກ້ອຍ ຕາແບັບ ປາຍ: "ອາຈານ ເອິຍ! ຮິ ອິງເຄາະ ຕະ ນານະ?"

13 ໂຢຮັນ ອາຕີ ລັຮ ໄລ່ ປາຍ: "ເຍົາ ອິນໂຈຍ ອິດ ປະ ປາຊີ ກາເລິຍ ແຕ ເມົາ ໂອນ ເຍົາ ອິດ."

14 ກະ ກວາຍ ຕາຮາມ, ໄລ່ ຕາແບັບ ເຕ່: "ມາ ຮິ, ອິງເຄາະ ຮິ ຕະ ນານະ?"

ໂຢຮັນ ອາຕີ ລັຮ ໄລ່ ປາຍ: "ເຍົາ ອິນໂຈຍ ໂລ່ ບ ກວາຍ, ກະ ອິນໂຈຍ ຕູນ ອາປັດ ກວາຍ ການໍ ອໍ. ກະ ເຍົາ ອິນໂຈຍ ຄິ່ດ ອີ ເບິນ ປະ ກາເລິຍ ແຕ ປະ ກາຊີ ເຍົາ."

15 ກວາຍ ກຼັງ ກ້ອຍ ຊ້ອງ ມັຮ ປັນຍາຍ ໂຢຮັນ ອາຕີ, ກະ ໄລ່ ແອັດ ອິງກ່ອງ ຄິ່ດ ຕິ່ງ ຮົ່ງຮ ໄລ່, ຕາ ດັງ ໂຢຮັນ ລາ ແມ່ນ ກຮິດ ມາ ຕາ ເບິນ. 16 ນະກ້ອຍ ໂຢຮັນ ອາຕີ ໂຈະ ໄລ່ ປາຍ: "ເກົາ ຕະ ຮິ່ດ ໄນ່ ໂອນ ເຍົາ ຕິ່ງ ແຕ້ອ. ມາ ອັນ ກາ ແຕ້ອ ອິນຕູ່ນ ເກົາ, ອັນ ກ້ອຍ ຊັດ ກາເລິຍ ແຕ ເກົາ. ເກົາ ລາ ຕາ ເບິນ ປຍາຍ ອາແລ້ຮ ອິນໄຊ ແກັບ ແຕ ອາເຢິງ ອັນ, ຍ່ອນ ອຳນາດ ເກົາ ລາ ແພດ ກາ ເລິຍ ແຕ ອັນ. ອັນ ອີ ຕະ ຮິ່ດ ໄນ່ ໂອນ ເຍົາ ເບິນ ຮາເວົາຍ ເຢິງ ເຈົາຮາຊີ ກະ ອູ່ຍຮ. 17 ອາຕີ ອັນ ຢຸມ ຕາວິ່ງ ດໍອ ອູມ ອິນແຍ່ະ ມັຮ ທຣໍ. ອາແລ່ະ ກາ ຈອງ, ອັນ ດໍອ ຕິ່ງ ຊູ. ອາແລ່ະ ກາ ຊາກາມ, ອັນ ອາປັອງ ຕັຮ ຕິ່ງ ອູ່ຍຮ ກາ ຕາ ເກິຍ ປັດ."

18 ໂຢຮັນ ອາຕີ ຊາອິ່ຍ ປັນຍາຍ ການໍອ ແຮິ ໂອນ ກວາຍ ກ້ອຍ ດັງ ປັນຍາຍ ອໍ ແຕ ເຢິງ ເຈົາຮາ ຊີ. 19 ມາ ໂຢຮັນ ຕີ ເຕົາວ ປັຮເຍົາ ເຮໂຣດ, ຍ່ອນ ອັນ ອິດ ເຮໂຣເດຍ, ລາກວຍ ອາແອມ ອັນ, ກະ ຍ່ອນ ອັນ ຕະ ຊາອິ່ຍ ຮານະ ຕາ ອໍ ການໍອ ແຮິ. 20 ແວັດ ກ້ອຍ ອັນ ຕະ ຮານະ ຕາ ອໍ ຊາອິ່ຍ ອາ ຊ້ອຮ ແອັນ, ເຈິ່ ອັນ ໂຈະ ໂຢຮັນ ຕິ່ງ ກໍອໍ.

ໂຢຮັນ ຕະ ຮິ່ດ ຕິ່ງ ແຕ້ອ ໂອນ ເຢຊູ (ມັດທາຍ 3:13-17; ມາຣະໂກ 1:9-11)

21 ເບິນ ມວຍ ຕາໄງ ແອັນ ໂຢຮັນ ຕະ ຮິ່ດ ຕິ່ງ ແຕ້ອ ໂອນ ມັຮ ກວາຍ ກ້ອຍ, ກະ ອັນ ຕະ ໂອນ ເຢຊູ ແຮິ. ພໍກາ ເຢຊູ ເກົາແຊອໍ, ມັນລ້ອງ ແກັດ ນະ ເມົາ ເປັຮ, 22 ກະ ເບິນ ຮາເວົາຍ ເຢິງ ເຈົາຮາຊີ ແຊງ ແຕ ມັນລ້ອງ ນະ ແຈມ ປາເຮົາດ, ປັກ ຕິ່ງ ຈະ ເຢຊູ. ກະ ເບິນ ຊຽງ ເຢິງ ເຈົາຮາຊີ ຊາບາວ ອາຕີ ແຕ ມັນລ້ອງ ປາຍ: "ໄມ່ ລາ ກອນ ເກົາ, ອັນ ກາ ເກົາ ອາຢະ ລາລີ້. ອິນເຕົາ ໄມ່ ຕະ, ເກົາ ຮໍອໍ ລາ ລີ້."

ອາຕີ ແຕ ອາຈວາຍຮ ອາເຈ່ຮ ເຢຊູ (ມັດທາຍ 1:1-17)

23 ບັອງ ກາ ເຢຊູ ຕາແບັ ຕະ ຮານະ ອັນ, ອັນ ເບິນ ມາຮ ໄປ ຈິ່ດ ກູມໍ. ປວາຍ ນະ ຮົ່ງຮ ກວາ ຍ ຄິ່ດ, ເຢຊູ ລາ ກອນ ໂຢເຊັບ. ກະ ໂຢເຊັບ



ລາ ກອນ ເຮລີ. <sup>24</sup> ເຮລີ ລາ ກອນ ມັດທາດ. ມັດທາດ ລາ ກອນ ເລວີ. ເລວີ ລາ ກອນ ພລະຄີ. ພລະຄີ ລາ ກອນ ຢິນນາ. ຢິນນາ ລາ ກອນ ໂຢເຊັບ. <sup>25</sup> ໂຢເຊັບ ລາ ກອນ ມັດຕາເທຍ. ມັດຕາເທຍ ລາ ກອນ ອາໂມ. ອາໂມ ລາ ກອນ ນາຮຸມ. ນາຮຸມ ລາ ກອນ ເອຊະລີ. ເອຊະລີ ລາ ກອນ ນາຄາຍ. <sup>26</sup> ນາຄາຍ ລາ ກອນ ມາອາດ. ມາອາດ ລາ ກອນ ມັດຕາເທຍ. ມັດຕາເທຍ ລາ ກອນ ເຊເມອິນ. ເຊເມອິນ ລາ ກອນ ໂຢເຊັກ. ໂຢເຊັກ ລາ ກອນ ໂຢດາ. <sup>27</sup> ໂຢດາ ລາ ກອນ ໂຢຮາມິນ. ໂຢຮາມິນ ລາ ກອນ ເຮຊາ. ເຮຊາ ລາ ກອນ ເຊຣຸບບາເບລ. ເຊຣຸບບາເບລ ລາ ກອນ ເຊອານຕີເອລ. ເຊອານຕີເອລ ລາ ກອນ ພຣີ. <sup>28</sup> ພຣີ ລາ ກອນ ພລະຄີ. ພລະຄີ ລາ ກອນ ອັດດີ. ອັດດີ ລາ ກອນ ໂກຊາມ. ໂກຊາມ ລາ ກອນ ເອັລມາດາມ. ເອັລມາດາມ ລາ ກອນ ເອຣະ. <sup>29</sup> ເອຣະ ລາ ກອນ ໂຢຊວຍ. ໂຢຊວຍ ລາ ກອນ ເອລີເອເຊ. ເອລີເອເຊ ລາ ກອນ ໂຢຮິມ. ໂຢຮິມ ລາ ກອນ ມັດທາດ. ມັດທາດ ລາ ກອນ ເລວີ. <sup>30</sup> ເລວີ ລາ ກອນ ຊິເມໂອນ. ຊິເມໂອນ ລາ ກອນ ຢູດາ. ຢູດາ ລາ ກອນ ໂຢເຊັບ. ໂຢເຊັບ ລາ ກອນ ໂຢນາມ. ໂຢນາມ ລາ ກອນ ເອລີອາກິມ. ເອລີອາກິມ ລາ ກອນ ພເລອາ. <sup>31</sup> ພເລອາ ລາ ກອນ ພັນນາ. ພັນນາ ລາ ກອນ ມັດຕາທາ. ມັດຕາທາ ລາ ກອນ ນາທານ. ນາທານ ລາ ກອນ ດາວິດ. <sup>32</sup> ດາວິດ ລາ ກອນ ເຢຊີ. ເຢຊີ ລາ ກອນ ໂອເບັດ. ໂອເບັດ ລາ ກອນ ໂບອາດ. ໂບອາດ ລາ ກອນ ຊິນໂມນ. ຊິນໂມນ ລາ ກອນ ນາໂຊນ. ນາໂຊນ ລາ ກອນ ອຳມິນາດາບ. <sup>33</sup> ອຳມິນາດາບ ລາ ກອນ ອັດມິນ. ອັດມິນ ລາ ກອນ ອາມີ. ອາມີ ລາ ກອນ ເຮຊະໂຣນ. ເຮຊະໂຣນ ລາ ກອນ ເປເຣັດ. ເປເຣັດ ລາ ກອນ ຢູດາ. <sup>34</sup> ຢູດາ ລາ ກອນ ຢາໂຄບ. ຢາໂຄບ ລາ ກອນ ອີຊາກ. ອີຊາກ ລາ ກອນ ອັບຮາຮາມ. ອັບຮາຮາມ ລາ ກອນ ເຕຣາ. ເຕຣາ ລາ ກອນ ມາໂຮ. <sup>35</sup> ມາໂຮ ລາ ກອນ ເຊຣຸກ. ເຊຣຸກ ລາ ກອນ ເຮອູ. ເຮອູ ລາ ກອນ ເປເລັກ. ເປເລັກ ລາ ກອນ ເອເບ. ເອເບ ລາ ກອນ ເຊລາ. <sup>36</sup> ເຊລາ ລາ ກອນ ກາຍນານ. ກາຍນານ ລາ ກອນ ອາກພາຊາດ. ອາກພາຊາດ ລາ ກອນ ເຊມ. ເຊມ ລາ ກອນ ໂນອາ. ໂນອາ ລາ ກອນ ລາເມັກ. <sup>37</sup> ລາເມັກ ລາ ກອນ ມາທຸເຊລາ. ມາທຸເຊລາ ລາ ກອນ ເອມັກ. ເອມັກ ລາ ກອນ ຢາເຣັດ. ຢາເຣັດ ລາ ກອນ ມະຮາລາເລລ. ມະຮາລາເລລ ລາ ກອນ ຫານານ. <sup>38</sup> ຫານານ ລາ ກອນ ເອໂນດ. ເອໂນດ ລາ ກອນ ເຊດ. ເຊດ ລາ ກອນ ອາດາມ. ກະ ອາດາມ ລາ ກອນ ເຢິງ ເຈົ້າຮາຊີ.

**4**

ເຢິງ ຊາຕານ ປັຣຕີ ເຢຊູ ຢົຣ ອັນ ຕະ ໂລ່ຍຮ (ມັດທາຍ 4:1-11; ມາຣະໂກ 1:12-13)

<sup>1</sup> ພໍ່ກາ ເຢຊູ ເຈົ້າ ແຕ ຕາເລ່ ຈໍແດນ, ຮາເວີຍ ເຢິງ ເຈົ້າຮາຊີ ຕະ ຊົດ ຕິ່ງ ຮາງິຣ ອັນ. ຮາເວີຍ ກ້ອຍ ເດີງ ອັນ ເປາະ ປໍ ຕຍາຮ. <sup>2</sup> ນະກ້ອຍ ເຢິງ

ຊາຕານ, ອັນ ກາ ຊົດ ອິນແຍ່ະ ເຢິງ ຕາ ອໍ, ລ່ອງ ເຢຊູ ອິນແຍ່ະ ປູນ ຈິ່ດ ຕາໄງ ປູນ ຈິ່ດ ຊາເດົາ ຍໍຣ ອີ ເດີງ ອັນ ຕະ ໂລ່ຍຮ. ອິນແຍ່ະ ມັຣ ຕາໄງ ກ້ອຍ ເຢຊູ ຕາ ເບີນ ຈາ ອິນເຕົ້າ. ນະກ້ອຍ ແວັດ ມັຣ ຕາໄງ ກ້ອຍ, ອັນ ຊ້ອງ ມາເຍີຍຮ.

<sup>3</sup> ເຢິງ ຊາຕານ ປາຍ ໂຈະ ເຢຊູ: "ຄັນ ໄມ່ ກອນ ເຢິງ ເຈົ້າຮາຊີ, ເອົາ ໄມ່ ຕະ ໂອນ ຕາເມົາ ໄມ່ ແກ້ດ ຊັຣນາ ຈາ."

<sup>4</sup> ມາ ເຢຊູ ຕາແອີຍ ລັຣ ປາຍ: "ຕິ່ງ ປິ່ງ ປັຣ ນາຍ ເຢິງ ເຈົ້າຮາຊີ ຄຽນ ປາຍ:

'ກວາຍ ຕາ ເບີນ ອາມັງ ແຕ ແອັງ ຊັຣນາ ຈາ ຊ້ອງ.'

<sup>5</sup> ເຈົ້ ເຢິງ ຊາຕານ ເດີງ ເຢຊູ ຊ້ອຣ ຕິ່ງ ກັຣ. ອັນ ອາປັຣ ໂອນ ເຢຊູ ເຮີມ ມູ ກັຣແປັຣ ມັດ ມັຣ ກຣວາງ ຕິ່ງ ກູແຕອໍ ໄມ່. <sup>6</sup> ເຢິງ ຊາຕານ ປາຍ ແອັມ ໂຈະ ເຢຊູ: "ເກົາ ໂອນ ໄມ່ ຊົດ ອິນແຍ່ະ ມັຣ ກຣວາງ ໄມ່, ກະ ເກົາ ໂອນ ໄມ່ ເບີນ ມັຣ ອຳນາດ ອາງອິຣ, ຍ່ອນ ເມົາ ໂອນ ເກົາ ຕະ ຊົດ ອິນແຍ່ະ ກູ່ ກຣວາງ ໄມ່. ອາແລະ ເກົາ ຢົຣ ອີ ໂອນ, ລາ ເຕອໍ ເກົາ ໂອນ. <sup>7</sup> ຄັນ ໄມ່ ກູ່ ຮາໂກລ ຊາງ ເກົາ, ເກົາ ມ່ອບ ໂອນ ໄມ່ ຕາລາ ອິນແຍ່ະ."

<sup>8</sup> ມາ ເຢຊູ ຕາແອີຍ ລັຣ ປາຍ: "ຕິ່ງ ປິ່ງ ປັຣ ນາຍ ເຢິງ ເຈົ້າຮາຊີ, ຄຽນ ປາຍ:

'ອິງເຄາະ ເຍົາ ຊາງ ເຢິງ ເຈົ້າຮາຊີ ລາ ອິນເຈົ້າ ເຍົາ, ກະ ຕະ ຮານະ ໂອນ ມານະ ອັນ ຊ້ອງ.'

<sup>9</sup> ເຈົ້ ເຢິງ ຊາຕານ ເດີງ ເຢຊູ ມຸ່ດ ຕິ່ງ ເມືອງ ເຢຣຸຊາເລັມ. ອັນ ໂອນ ເຢຊູ ຕາຍິ່ງ ຕິ່ງ ອານວລ ດຸງ ຊາງ ປິດ. ກະ ອັນ ປາຍ: "ຄັນ ໄມ່ ກອນ ເຢິງ ເຈົ້າຮາຊີ, ເອົາ ໄມ່ ປັອງ ອາແຊງ, <sup>10</sup> ຍ່ອນ ຕິ່ງ ປິ່ງ ປັຣນາຍ ເຢິງ ເຈົ້າຮາຊີ ຄຽນ ດໍອໍ ປາຍ: ເຢິງ ເຈົ້າຮາຊີ ແປຣີ ເທວາດາ ອັນ ກຍາອໍ ໄມ່.

<sup>11</sup> ໄລ່ ຕາແດັງ ຮັບ ໄມ່ ແຕ ອາຕີ ໄລ່, ໂອນ ຕາ ເບີນ ເບີ ອິນເຕົ້າ ອາເຢິງ ໄມ່ ແຕ ຕາເມົາ.'

<sup>12</sup> ມາ ເຢຊູ ຕາແອີຍ ລັຣ ປາຍ: "ຕິ່ງ ປິ່ງ ປັຣ ນາຍ ເຢິງ ເຈົ້າຮາຊີ ອັນ ປາຍ ເຕ່:

'ເຍົາ ອິນໂຈຍ ລ່ອງ ເຢິງ ເຈົ້າຮາຊີ, ອິນເຈົ້າ ເຍົາ.'

<sup>13</sup> ແວັດ ເຢິງ ຊາຕານ ລ່ອງ ເຢຊູ ກູ່ ຮານະ, ເຈົ້ ອັນ ລັອຣ ແຕ ເຢຊູ ເຕົ້າ ແຕ້ອໍ ຕາໄງ ອິນຕູ່ນ ແອັມ.

ເຢຊູ ອາຕີ ຕິ່ງ ວິລ ນາຊາເຣັດ (ມັດທາຍ 4:12-17; 13:53-58; ມາຣະໂກ 1:14-15; 6:1-6)

14 ເຈົ້າ ເຢຊູ ເຈົ້າ ປີ ແຄງ ຄາລີເລ ແອັນ ເບີນ ອຳນາດ ແຕ ຮາເວີຍ ເຢີງ ເຈົ້າຮາຊີ. ກະ ກູ່ ອິນຕຸ ອິມແປຣ ກ້ອຍ ເມົ້າ ຊ້ອງ ຮານ ແຕ ອັນ. 15 ເຢຊູ ອາຕີ ຕຶ້ງ ດຸງ ຊາງ ກວາຍ ອິດຊະຮາເອລ ຕຶ້ງ ກຣວາງ ກ້ອຍ, ກະ ກູ່ ນະ ກວາຍ ແອິດ ອີງກ້ອຍ ຍ່ອງ ອັນ.

16 ເຈົ້າ ເຢຊູ ເປາະ ປີ ວິລ ນາຊາເຣັດ ແອັນ, ລາ ວິລ ອັນ ແອິດ ແຕ ບ້ອງ ອັນ ກັຣແນນ. ຕຶ້ງ ຕາໄງ ຮາລູ່ ອັນ ມຸ່ດ ຕຶ້ງ ດຸງ ຊາງ ອິດຊະຮາເອລ, ນະ ອັນ ເກີ້ຍ ຕະ ແຕ ອິນລິ້ງ. ອັນ ຕາຍິ່ງ ອີ ອານ ແຕ ປັຣນາຍ ເຢີງ ເຈົ້າຮາຊີ ຍັຮ ພົງ ກວາຍ ກາ ແອິດ ອີງກ້ອຍ. 17 ເບີນ ກວາຍ ອາເວີຍ ໂອນ ອັນ ປຶ້ງ ກາ ເອຊາຢາ, ກວາຍ ອາຕີ ຕາງ ປັຣນາຍ ເຢີງ ເຈົ້າຮາຊີ, ຄຽນ ແຕ ອິມແປ. ເຢຊູ ເປີຣ ປຶ້ງ ກ້ອຍ, ກະ ຣາມັຣ ອິນຕຸ ເອຊາຢາ ຄຽນ ປາຍ:

18 "ຮາເວີຍ ເຢີງ ເຈົ້າຮາຊີ ແອິດ ກະ ເກົ້າ, ຍ່ອນ ອັນ ໂອນ ເກົ້າ ເບີນ ອຳນາດ ອາຕີ ປັຣນາຍ ອໍ ແຕ ອັນ ໂອນ ກວາຍ ກາ ດິດ ດັງ.

ອັນ ແປຣີ ເກົ້າ ເປາະ ອາຕີ ຈ່ອຍ ມັຣ ກວາຍ ກາ ເມົ້າ ໂກບ ດໍອ ຕຶ້ງ ກໍ່ອ, ໂອນ ໄລ່ ເຕ່ອໍຣາກັຣ;  
ກະ ມັຣ ກວາຍ ກາ ຊູດ ມັດ, ໂອນ ໄລ່ ແກິດ ບຣາງ ລັຣ.

ອັນ ແປຣີ ເກົ້າ ຈ່ອຍ ກວາຍ ກາ ຈີວ ເມົ້າ ຕະ ຕຸຣ, ກະ ອາໂຣຍຣ ໂອນ ໄລ່ ແມັມ ອິນແຍະ.

19 ກະ ອັນ ໂອນ ເກົ້າ ຊາບາວ ອາຕີ ອິນແຍະ ແຕ ກູມໍ ກາ ເຢີງ ເຈົ້າຮາຊີ ອາໂຍະ ຕະ ກະ ຈ່ອຍ ອາມັງ ກວາຍ!"

20 ແວັດ ເຢຊູ ອານ ມັຣ ປັຣນາຍ ກ້ອຍ, ອັນ ກາແຕິບ ປຶ້ງ ກ້ອຍ, ອາເວີຍ ລັຣ ໂອນ ກວາຍ ກາ ຕະ ຮານະ ຕຶ້ງ ດຸງ ຊາງ ກ້ອຍ, ເຈົ້າ ຕາກູ. ກູ່ ນະ ກວາຍ ຕຶ້ງ ດຸງ ຊາງ ກ້ອຍ, ໄລ່ ແ່ ຊັຣກັ່ງ ປີ ເຢຊູ. 21 ອັນ ອາຕີ ໄລ່ ປາຍ: "ມັຣ ປັຣນາຍ ກາ ເຍົ້າ ຊ້ອງ ເກົ້າ ອານ ແຕ ປຶ້ງ ປັຣນາຍ ເຢີງ ເຈົ້າຮາຊີ, ປັຣນາຍ ກ້ອຍ ແກິດ ຮາປາຍ ຕຶ້ງ ຕາໄງ ໄມ່."

22 ກູ່ ນະ ໄລ່ ລາ ຕະ ອິນຕີ ອໍ ແຕ ເຢຊູ, ກະ ໄລ່ ຈິ່ດ ລາລີ້ ມັຣ ປັຣນາຍ ອັນ ປາຍ ລາ ລາແມ່ນ ອໍ ລາລີ້. ໄລ່ ມານະ ຕາແບັບ ມານະ ປາຍ: "ກວາຍ ໄມ່ ລາ ກອນ ຮາເລົາ ໂຢເຊັບ, ມາ ຕາ ເບີນ?"

23 ເຢຊູ ອາຕີ ລັຣ ໂຈະ ໄລ່ ປາຍ: "ອີງກ້ອຣ ເຍົ້າ ອິດ ປັຣນາຍ ປາຕັບ ອີ ປາຍ ກະ ເກົ້າ ນະໄມ່: 'ກວາຍ ກາ ເກີ້ຍ ປົວ ອາອີ ເອີຍ! ເອົາ ໄມ່ ປົວ ອາອີ ຈະ ໄມ່ ເບີນ.' ອີງກ້ອຣ ເຍົ້າ ຄິດ ຍິອ ອີ ປາຍ

ເກົ້າ ນະໄມ່: 'ຮິ ຊ້ອງ ເຈົ້າ ແຕ ຮານະ ຕາ ເກີ້ຍ ເຮີມ ໄມ່ ຕະ ຕຶ້ງ ເມືອງ ກາເປນາອູມ. ຊານໍ ຮິ ແຊອ ໄມ່ ຕະ ມູເຈິງ ກ້ອຍ ເຕ່ ຕຶ້ງ ວິລ ໄມ່.'"

24 ເຢຊູ ອາຕີ ແອັນ ປາຍ: "ເກົ້າ ອາຕີ ຕານໍ ອງ ໂອນ ເຍົ້າ, ມັຣ ກວາຍ ແອິດ ຕຶ້ງ ວິລ ກາ ເບີນ ມານະ ອາຕີ ຕາງ ປັຣນາຍ ເຢີງ ເຈົ້າຮາຊີ, ກວາຍ ວິລ ກ້ອຍ ຕາ ເບີນ ຢານັບ ອັນ. 25 ກະ ເກົ້າ ອາຕີ ໂອນ ເຍົ້າ ໄກຣ ລາລີ້ ປາຍ: ຕຶ້ງ ແດີຍ ເອລິຢາ ເບີນ ຊາອິ້ຍ ອິມເປ່ອ ກູມາຍ ແອິດ ຕຶ້ງ ກຣວາງ ອິດຊະຮາເອລ. ບ້ອງ ກາ ກ້ອຍ ຕາ ເບີນ ເມົ້າ ອິນແຍະ ໄປ ກູມໍ ຕາປັດ ກາໄຊ. ນະກ້ອຍ, ຕຶ້ງ ກຣວາງ ກ້ອຍ ມັຣ ກວາຍ ມາເຍົ້າຍຣ ຊາອິ້ຍ ລາລີ້ ແອີ ຊັຣນາ ຈາ. 26 ມາ ເຢີງ ເຈົ້າຮາຊີ ຕາ ເບີນ ແປຣີ ເອລິຢາ ເປາະ ປີ ອິມເປ່ອ ກູມາຍ ຕຶ້ງ ກຣວາງ ອິດຊະຮາເອລ. ອັນ ແປຣີ ເອລິຢາ ເປາະ ປີ ມວຍ ນະ ອິມເປ່ອ ກູມາຍ ຕຶ້ງ ວິລ ຊາເຣພັດ ກຣວາງ ຊີໂດນ. 27 ເອລິຊາ ລາ ກວາຍ ອາຕີ ຕາງ ປັຣນາຍ ເຢີງ ເຈົ້າຮາຊີ ເຕ່. ຕຶ້ງ ແດີຍ ອັນ, ເບີນ ຊາອິ້ຍ ນະ ກວາຍ ອາອີ ຕູ່ດ ແອິດ ຕຶ້ງ ກຣວາງ ອິດຊະຮາເອລ. ມາ ເບີນ ມານະ ຊ້ອງ ກວາຍ ອາອີ ຕູ່ດ ແຕ ແຄງ ຊີເຣຍ, ຮາມິ້ຣ ນາອາມານ, ມາ ແກິດ ແບຣັຣ."

28 ແວັດ ອິນແຍະ ມັຣ ກວາຍ ຕຶ້ງ ດຸງ ຊາງ ກ້ອຍ ຊ້ອງ ເຢຊູ ປາຍ ມັຣ ຮາມິ້ຣ ກ້ອຍ, ໄລ່ ຊ້ອງ ອີງຄິນ ລາລີ້ ໂຈະ ເຢຊູ. 29 ໄລ່ ຢວຣ ຕາຍິ່ງ ອິນແຍະ, ເຈົ້າ ກາຕ້ອງ ເຢຊູ ແຕ ດຸງ ຊາງ ກະ ເດີງ ອາລັອຣ ອັນ ແຕ ວິລ. ວິລ ໄລ່ ແອິດ ຕຶ້ງ ກັຣ. ໄລ່ ເດີງ ເຢຊູ ປີ ແລ້ຣ ທັຣຣັຣ ຍິອ ອີ ກູແຕັລ ອາປັອງ ຕັຣ ເຢຊູ ແຕ ປັຣແລີ ແລ້ຣ ກ້ອຍ. 30 ມາ ເຢຊູ ເປາະ ອິນຕີ ກວາຍ ກຶ້ງ ກ້ອຍ, ລັອຣ ແວັດ ແຕ ໄລ່.

ເຢຊູ ປົວ ກວາຍ ເບີນ ເຢີງ ຕາ ອໍ  
(ມາຣະໂກ 1:21-28)

31 ເຈົ້າ ເຢຊູ ມຸ່ດ ຕຶ້ງ ເມືອງ ກາເປນາອູມ, ແຄງ ຄາລີເລ. ຕຶ້ງ ຕາໄງ ຮາລູ່ ອັນ ອາຕີ ກວາຍ ຕຶ້ງ ເມືອງ ກ້ອຍ. 32 ມັຣ ກວາຍ ກ້ອຍ ຊ້ອງ ຈິ່ດ ລາລີ້ ແຕ ປັຣນາຍ ອັນ ອາຕີ, ຍ່ອນ ປັຣນາຍ ອັນ ເບີນ ອຳນາດ ລາລີ້. 33 ຕຶ້ງ ດຸງ ຊາງ ກ້ອຍ ເບີນ ມານະ ກວາຍ ຮາເລົາ ເຢີງ ຕາ ອໍ ຕຣວບ. ກວາຍ ກ້ອຍ ແຣຣ ເຣ່ງ ລາລີ້ ປາຍ: 34 "ເຢຊູ ແຕ ວິລ ນາຊາເຣັດ ເອີຍ, ມານະ ເຍົ້າ ຍິອ ອີ ຕະ ກະ ຮິ? ເຍົ້າ ເປາະ ປີ ໄມ່ ອີ ກາຈິດ ຮິ ບໍ? ເກົ້າ ຊາກັລ ເຍົ້າ

ລາ ແຕ້ອ້ ແຕ ເຢີງ ເຈົ້າຮາຊີ, ກະ ເຍົາ ລາ ຕາ ເບີ  
ນ ໂລ່ຍຮ ອິນເຕົ້າ."

35 ເຢຊູ ກາແອັຮ ເຢີງ ຕາ ອໍ ປາຍ: "ອິນໂຈຍ  
ຕະ ແບອ໌ ໄມ່ ລ້ອຮ ແຕ້ ແຕ ຈະ ກວາຍ ໄມ່!"

ເຢີງ ຕາ ອໍ ຕະໂອນ ກວາຍ ຮາເລົາ ກ້ອຍ ແດັມ  
ຍັຮ ເມີງ ມັຮ ກວາຍ ແອັດ ອົງກ້ອຍ, ເຈ້ ອັນ  
ລ້ອຮ ຕາ ເບີນ ຕະ ເບີ ອິນເຕົ້າ ກວາຍ ກ້ອຍ.  
36 ອາແລ່ະ ອາກ້ອຍ ຊ້ອງ ງິດ ລາລີ້, ເຈ້ ມານະ  
ຕາເບີບ ມານະ ປາຍ: "ນານະ ອັນ ປາຍ? ອັນ ເບີ  
ນ ອໍານາດ ແຕ້ ຕູ່ຍຮ ອາລ້ອຮ ເຢີງ ຕາ ອໍ ແຕ  
ຈະ ກວາຍ, ກະ ເຢີງ ຕາ ອໍ ກ້ອຍ ຊາງັດ ອັນ!"

37 ເຈ້ ປັຮນາຍ ເມົ້າ ຕະ ອິນຕີ ແຕ ເຢຊູ ເປາະ  
ຕົວ ກູ່ ອິນຕຸ ອິມແປຣ ແຄງ ກ້ອຍ.

ເຢຊູ ປົວ ກຶ້ງ ກວາຍ ອາອີ້  
(ມັດທາຍ 8:14-17; ມາຣະໂກ 1:29-34)

38 ເຢຊູ ລ້ອຮ ແຕ ດຸງ ຊາງ ກ້ອຍ, ເຈ້ ມູ່ດ ຕົ້ງ  
ດຸງ ຊີໂມນ ແອັນ. ກູຢາກັນ ຊີໂມນ ເບີນ ອາອີ້ ກູ  
ເຕົ້າ ຈະ ຮັບ ລາລີ້. ເຈ້ ໄລ່ ແຊອ໌ ແຕ ເຢຊູ ໂອນ ອັນ  
ປົວ ອາຢະ ກ້ອຍ. 39 ເຢຊູ ເປາະ ຕາຢິ່ງ ແຈ່ະ ອາ  
ຢະ ກາ ອາອີ້ ກ້ອຍ, ກະ ອັນ ກາແອັຮ ອາອີ້ ກ້ອຍ.  
ເຈ້ ອາຢະ ກ້ອຍ ແກັດ ແບຣັຮ ລັຮ, ແຕ້ ລັຮ ອັນ  
ຢວຣ ຕະ ຊັຮນາ ໂອນ ຕາມອຍ ຈາ.

40 ພໍກາ ມານາງ ປັດ ເຈ້, ເມົ້າ ເດີງ ແຕ້ອ້ ປີ  
ເຢຊູ ກຶ້ງ ກວາຍ ກາ ເບີນ ຊາອີ້ຍ ຮາມິຮ ອາອີ້.  
ອັນ ຊາປະ ອາຕີ ຕົ້ງ ຈະ ອິນແຍ່ະ ມັຮ ກວາຍ ກ້ອຍ  
ໂອນ ໄລ່ ແກັດ ແບຣັຮ. 41 ເບີນ ກາ ເຢີງ ຕາ ອໍ  
ແຮ້ ລ້ອຮ ແຕ ຈະ ຊາອີ້ຍ ນະ ກວາຍ ອາອີ້ ກ້ອຍ.  
ເຢີງ ຕາ ອໍ ກ້ອຍ ແຮຣ ກະ ໄລ່ ປາຍ: "ເຍົາ ລາ  
ກອນ ເຢີງ ເຈົ້າຮາຊີ!"

ເຈ້ ເຢຊູ ກາແອັຮ ເຢີງ ຕາ ອໍ ກ້ອຍ ຕາ ໂອນ  
ຕະ ແບອ໌ ມ້ອງ, ຍ່ອນ ໄລ່ ດັງ ເຈ້ ອັນ ລາ ກຣີ  
ດ, ອັນ ກາ ເຢີງ ເຈົ້າຮາຊີ ຮຽຮ ດໍອ໌ ຈ່ອຍ ອາມັງ  
ກວາຍ.

ເຢຊູ ເປາະ ອາຕີ ຕົ້ງ ວິລ ກວາຍ ອິດຊະຮາ  
ເອລ (ມາຣະໂກ 1:35-39)

42 ປັງ ຕາຣີບ ແຕ ຍາຍິມໆ ເຢຊູ ລ້ອຮ ແຕ ອິນ  
ຕຸ ກ້ອຍ. ເຈ້ ອັນ ມູ່ດ ຕົ້ງ ຕຍາຮ ແອັນ. ເບີນ ກຶ້ງ  
ກວາຍ ການໍອ໌ ຈໍອ໌ ອັນ. ພໍກາ ໄລ່ ຮາມິຮ ອັນ, ໄລ່  
ຕາ ຍິອ໌ ອີ ໂອນ ອັນ ລ້ອຮ ແຕ ໄລ່. 43 ມາ ເຢຊູ  
ອາຕີ ໄລ່ ປາຍ: "ອົງເຄາະ ເກົ້າ ເປາະ ອາຕີ ປັຮນາຍ  
ອໍ ແຕ ເຢີງ ເຈົ້າຮາຊີ ຕະ ຊັດ, ໂອນ ວິລ ການໍອ໌

ດັງ ແຕ້, ຍ່ອນ ນະກ້ອຍ ອິມປໍ ເກົ້າ ແປຣີ ເກົ້າ ເປາະ  
ປໍ ໄມ່."

44 ນະກ້ອຍ ເຢຊູ ອາຕີ ຕົ້ງ ມັຮ ດຸງ ຊາງ ຈວບ  
ກຣວາງ ອິດຊະຮາເອລ.

### 5

ເຢຊູ ກູອ໌ ກວາຍ ຮຍານ ແຕ ອັນ  
(ມັດທາຍ 4:18-22; ມາຣະໂກ 1:16-20)

1 ເບີນ ມວຍ ຕາໄງ ເຢຊູ ຕາຢິ່ງ ແຈ່ະ ປີຮ ທາ  
ເລ ຮາປັງ ເຄັນເນຊາເຣັດ. ເບີນ ກຶ້ງ ກວາຍ, ໄລ່  
ຮາເມັດ ເຢຊູ, ກະ ຍິອ໌ ອີ ຊາງັດ ອັນ ອາຕີ ປັຮ  
ນາຍ ເຢີງ ເຈົ້າຮາຊີ. 2 ເຢຊູ ເຮີມ ບາຣ ລໍາ ຕົວະ  
ແຈ່ະ ປີຮ ແດັອ໌. ກວາຍ ກາ ຕະ ຮານະ ຈໍອ໌ ອາ  
ກາ, ໄລ່ ດໍອ໌ ຕົວະ ອົງກ້ອຍ. ເຈ້ ໄລ່ ເປາະ ປີຮ  
ມ່ອງ. 3 ເຢຊູ ຊ້ອຮ ຕົ້ງ ຕົວະ ຊີໂມນ. ກະ ອັນ  
ໂອນ ຊີໂມນ ອາລ້ອຮ ປີອ໌ ໂອນ ແວັດ ແຕ ປີຮ.  
ເຢຊູ ຕາກູ ຕົ້ງ ຕົວະ, ເຈ້ ອັນ ອາຕີ ກວາຍ ກຶ້ງ ກາ  
ແອັດ ຕົ້ງ ປີຮ ກ້ອຍ.

4 ແວັດ ອັນ ອາຕີ ກວາຍ ກຶ້ງ ກ້ອຍ, ອັນ ແປຣີ  
ຊີໂມນ ປາຍ: "ເອົາ ໄມ່ ເປົ້າຍ ອາລ້ອຮ ຕົວະ ໄມ່  
ເປາະ ປີ ແດັອ໌ ອິນຕຣູ່, ເຈ້ ເຮົາຍ ມ່ອງ."

5 ຊີໂມນ ຕາແອີຍ ປາຍ: "ອາຈານ ເອີຍ! ຮິ ຕະ  
ອິນແຍ່ະ ຊາເດົາ ມາ ອິມໂປຣ ເບີນ ມານໍາ. ມາ ຄັນ  
ອາຈານ ແປຣີ ຮິ ເຮົາຍ, ແຕ້ ຮິ ເຮົາຍ."

6 ເຈ້ ໄລ່ ເຮົາຍ ມ່ອງ, ກະ ອາກາ ໄກຣ ຊາອີ້ຍ ລາ  
ລີ້, ຈົນ ອີ ຮາແຣອ໌ ກາ ມ່ອງ. 7 ໄລ່ ກູວອຍ໌ ກະ ຊາ  
ບາວ ເຍົ້າ ແຕ ຕົວະ ການໍອ໌, ໂອນ ໄລ່ ໂລ່ຍ໌ ຈ່ອຍ,  
ເຈ້ ເຍົ້າ ແຕ້ອ໌ ຈ່ອຍ. ກະ ໄລ່ ໂຈະ ອາກາ ບັນ ອຶນ  
ແຍ່ະ ບາຣ ແລັມ ຕົວະ ກ້ອຍ, ຈົນ ຕົວະ ອີ ຕຣໍາ.  
8 ພໍກາ ຊີໂມນ ເປໂຕ ເຮີມ ຮານະ ກ້ອຍ, ອັນ ກູ່  
ຮາໂກລ ຍັຮ ເມີງ ເຢຊູ, ກະ ອັນ ປາຍ: "ອິນເຈົ້າ  
ເອີຍ, ແຊອ໌ ເປາະ ເຢີງ ແຕ ເກົ້າ, ຍ່ອນ ເກົ້າ ລາ  
ກວາຍ ເບີນ ໂລ່ຍຮ!"

9 ຊີໂມນ ກະ ເຍົ້າ ອັນ, ໄລ່ ຊັນຕັຮ ເບີນ ອາ  
ກາ ຊາອີ້ຍ ລາລີ້. 10 ຢາໂກໂບ ກະ ໂຢຣັນ, ກອນ  
ເຊເບດາຍ, ຊັນຕັຮ ເຮີມ ອາກາ ຊາອີ້ຍ ແຕ່. ໄລ່  
ບາຣ ນະ ກ້ອຍ ຕະ ມັນຕຸ ກະ ຊີໂມນ. ເຢຊູ ອາ  
ຕີ ຊີໂມນ ປາຍ: "ອິນໂຈຍ ອົງກ້ອຮ ອິນເຕົ້າ. ແຕ  
ໄມ່ ເຈ້ ປີ ເມີງ ໄມ່ ແຕ້ອ໌ ຈໍອ໌ ກວາຍ ນະ ໄມ່ ຈໍອ໌  
ອາກາ ຊານໍ ໄມ່ ແຕ່."

11 ໄລ່ ໄປ ນະ ກ້ອຍ ຮອຣ ອາຊ້ອຮ ຕົວະ ໄລ່  
ຕົ້ງ ກັຮ. ໄລ່ ຕັຮ ອິນແຍ່ະ, ເຈ້ ໄລ່ ເປາະ ກະ ເຢຊູ.

ເຢຊູ ປົວ ກວາຍ ອາອີ ຕູ່ດ  
(ມັດທາຍ 8:1-4; ມາຣະໂກ 1:40-45)

12 ບັອງ ກາ ເຢຊູ ແອິດ ຕຶ້ງ ມວຍ ວິລ ກ້ອຍ, ອັນ ຣາມິສ ກວາຍ ຣາເລົາ ອາອີ ຕູ່ດ ຮັບ ລາລີ້. ພໍກາ ກວາຍ ກ້ອຍ ເຮີມ ເຢຊູ, ອັນ ກູກຸຣ ຄຣາບ ຕຶ້ງ ກູແຕອ໌ ຍິ່ຣ ເມີງ ເຢຊູ. ອັນ ແຊອ໌ ແຕ ເຢຊູ ປາຍ: "ອິນເຈົ້າ ເອີຍ, ຄັນ ອິນເຈົ້າ ຍິ່ອ ອີ ຕະ ໂອນ ເກົາ ແກິດ ບຣັຣ ອໍ, ເຕ່ອ ອິນເຈົ້າ ຕະ."

13 ເຢຊູ ອາລ້ອຣ ອາຕີ ຊາປະ ຕຶ້ງ ຈະ ກວາຍ ອາ ອີ ກ້ອຍ. ອັນ ປາຍ: "ເກົາ ຍິ່ອ. ໂອນ ໄມ່ ແກິດ ບຣັຣ ອໍ!" ບັອງ ກາ ກ້ອຍ ແຕ່ ກວາຍ ກ້ອຍ ແກິດ ແບຣັຣ ເລ້ຍ ອາອີ ຕູ່ດ.

14 ເຢຊູ ປາຕັບ ກວາຍ ກ້ອຍ ປາຍ: "ອິນໂຈຍ ຕະ ອິນຕີ ໂອນ ກວາຍ ອາແລະ ດັງ. ໄມ່ ເປະ ອາ ປັຣ ຈະ ໄມ່ ໂອນ ກວາຍ ຊາງ ຮິ່ດ ເຢີງ ເຈົ້າຣາຊີ ແມ່. ເຈີ່ ໄມ່ ມ່ອບ ຊາງ ໂອນ ເຢີງ ເຈົ້າຣາຊີ ມັຣ ຣາມິສ ໂມເຊ ປາຕັບ ແຕ ອິມເບີ ອາໄຣ່. ໄມ່ ລາ ອາປັຣ ໂອນ ກວາຍ ການໍອ໌ ດັງ ໄມ່ ແກິດ ແບຣັຣ ເຈີ່."

15 ມາ ຣານະ ເຢຊູ ຕະ ໂອນ ກວາຍ ກ້ອຍ ແກິດ ດ້ອຣ ເດີນ. ກຶ້ງ ກວາຍ ແຕ່ອ໌ ຊາງັດ ປັຣນາຍ ອັນ ອາຕີ, ກະ ໄລ່ ແຊອ໌ ອັນ ປົວ ອິນແຍະ ຣາມິສ ໄລ່ ອາອີ. 16 ມາ ເຢຊູ ລ້ອຣ ແຕ ອິນຕຸ ກວາຍ ແອິດ, ເປະ ເກົາແຊອ໌ ປີ ອິນຕຸ ຕາ ເບີນ ເມົາ ແອິດ.

ເຢຊູ ປົວ ກວາຍ ອາອີ ລ່ອຍ  
(ມັດທາຍ 9:1-8; ມາຣະໂກ 2:1-12)

17 ເບີນ ມວຍ ຕາໄງ ເຢຊູ ແອິດ ອາຕີ. ຕາໄງ ກ້ອຍ ເບີນ ມັຣ ກວາຍ ພາຣີຊາຍ ກະ ກວາຍ ອາ ຕີ ຄານອດ, ໄລ່ ຕາກູ ອິນຕຸ ກ້ອຍ ເຕ່. ໄລ່ ແຕ່ອ໌ ແຕ ກູ່ ວິລ ຕຶ້ງ ແຄງ ຄາລີເລ ກະ ແຄງ ຢູດາຍ. ໄລ່ ແຕ່ອ໌ ແຕ ເມີອງ ເຢຣູຊາເລັມ ແຮີ. ເຢຊູ ເບີນ ອຳ ນາດ ແຕ ເຢີງ ເຈົ້າຣາຊີ ເຕ່ອ໌ ປົວ ມັຣ ກວາຍ ອາ ອີ ແອິດ ອຶງກ້ອຍ. 18 ເບີນ ເມົາ ກຣາງ ມານະ ກວາ ຍ ຣາເລົາ ອາອີ ລ່ອຍ ຕຶ້ງ ຈຸ່ງຈາງ. ໄລ່ ຍິ່ອ ອີ ມູ່ດ ຕຶ້ງ ດຸງ ດໍອ໌ ອັນ ຍິ່ຣ ເມີງ ເຢຊູ. 19 ມາ ກວາຍ ກຶ້ງ ກູທັດ ດຸງ; ເຈີ່ ໄລ່ ຕາ ດັງ ຣານາ ແລະ ອີ ມູ່ດ ມ້ອງ. ໄລ່ ກຣາງ ອາຊັອຣ ອັນ ຕຶ້ງ ຕຳປວລ ດຸງ. ເຈີ່ ໄລ່ ເປີຣ ຣານາ ຕຳປວລ ໄຢລ ອາແຊງ ກວາຍ ອາອີ ຕຶ້ງ ຈຸ່ງຈາງ ອິນຕີ ກວາຍ ກຶ້ງ ຍິ່ຣ ເມີງ ເຢຊູ. 20 ພໍກາ ເຢຊູ ເຮີມ ຣາງິຣ ໄລ່ ຊາອຳ, ເຈີ່ ອັນ ອາຕີ

ໂຈະ ກວາຍ ລ່ອຍ ກ້ອຍ ປາຍ: "ອາຍ ເອີຍ! ໄລ່ ຍຣ ໄມ່ ເກົາ ຕັຣ ໂອນ ເຈີ່!"

21 ກວາຍ ອາຕີ ຄານອດ ກະ ກວາຍ ພາຣີຊາຍ, ໄລ່ ຄິ່ດ ຕຶ້ງ ຣາງິຣ ໄລ່ ປາຍ: "ກວາຍ ໄມ່ ລາ ເມົາ? ອັນ ຍິ່ອ ອີ ເບີນ ອຳນາດ ຣາລີ້ ກະ ເຢີງ ເຈົ້າຣາຊີ ເຕ່ ບໍ່? ຕາ ເບີນ ກວາຍ ອາແລະ ແຕ່ອ໌ ຕັຣ ໄລ່ຍຣ ກວາຍ. ແອັງ ມານະ ເຢີງ ເຈົ້າຣາຊີ ຊ່ອງ ເຕ່ອ໌ ຕັຣ ໄລ່ຍຣ ກວາຍ."

22 ມາ ເຢຊູ ດັງ ໄລ່ ຄິ່ດ ນະກ້ອຍ; ເຈີ່ ອັນ ຕາ ແບີບ ໄລ່ ກ້ອຍ ປາຍ: "ນານະ ເຍົາ ຄິ່ດ ນະກ້ອຍ ຕຶ້ງ ຣາງິຣ ເຍົາ? 23 ປັຣນາຍ ອາແລະ ກາ ເຍົາ ຊ່ອງ ອຽນ ກາເລີຍ ເກົາ ອາຕີ ກວາຍ ລ່ອຍ ກ້ອຍ ປາຍ: 'ໄລ່ຍຣ ໄມ່ ເກົາ ຕັຣ ໂອນ ເຈີ່,' ແຕີລາ 'ໄມ່ ຢວຣ ຕາຍິ່ງ, ເຈີ່ ໄມ່ ເປະ.' 24 ມາ ຊານໍ ເກົາ ອີ ຕະ ໂອນ ກວາຍ ລ່ອຍ ໄມ່ ແກິດ ແບຣັຣ, ໂອນ ເຍົາ ດັງ ແຈງ ລາລີ້, ເກົາ ລາ ກອນ ເຢີງ ແກິດ ກວາຍ, ເບີນ ອຳນາດ ຕຶ້ງ ກູແຕອ໌ ໄມ່ ກະ ເຕ່ອ໌ ຕັຣ ໄລ່ຍຣ ກວາຍ."

ແວັດ ກ້ອຍ ເຢຊູ ອາຕີ ກວາຍ ລ່ອຍ ປາຍ: "ເກົາ ໂອນ ໄມ່ ຢວຣ ຕາຍິ່ງ! ໄມ່ ໂດລ ອິດ ຈຸ່ງ ຈາງ ໄມ່; ເຈີ່ ໄມ່ ເຈົ້າ ລັຣ ປີ ດຸງ ໄມ່!"

25 ບັອງ ກາ ກ້ອຍ ແຕ່ ກວາຍ ລ່ອຍ ກ້ອຍ ຢວຣ ຕາຍິ່ງ ຍິ່ຣ ເມີງ ກວາຍ ກຶ້ງ ກ້ອຍ. ອັນ ອິດ ໂດລ ຈຸ່ງຈາງ ອັນ; ເຈີ່ ອັນ ເຈົ້າ ປີ ດຸງ ອັນ, ເຈີ່ ອັນ ຍ່ອງ ເຢີງ ເຈົ້າຣາຊີ. 26 ກຶ້ງ ກວາຍ ກ້ອຍ ຊ່ອງ ຈິ່ດ ກະ ຊັນຕັຣ. ໄລ່ ຍ່ອງ ເຢີງ ເຈົ້າຣາຊີ. ໄລ່ ປາຍ: "ຕາໄງ ໄມ່ ໄຮ ເຮີມ ຣານະ ຕາ ເກີ່ຍ ເຮີມ!"

ເຢຊູ ກູອ໌ ເລວີ  
(ມັດທາຍ 9:9-13; ມາຣະໂກ 2:13-17)

27 ແວັດ ກ້ອຍ ເຢຊູ ລ້ອຣ ແຕ ອິນຕຸ ກ້ອຍ. ບັອງ ກາ ອັນ ເປະ ຕຶ້ງ ຣານາ, ອັນ ເຮີມ ກວາຍ ມານະ, ຣາມິສ ເລວີ, ແອິດ ຕາກູ ຕຶ້ງ ດຸງ ປາໂຣມ ປຣະ ປາຊີ. ອັນ ລາ ກວາຍ ເກີ່ຍ ອິດ ປຣະ ປາຊີ. ເຢຊູ ກູອ໌ ອັນ ປາຍ: "ໄມ່ ເປະ ອາລິ່ງ ເກົາ!"

28 ເຈີ່ ເລວີ ຕັຣ ອິນແຍະ ມັຣ ທາຣິ່ງ ອັນ, ຢວຣ ຕາຍິ່ງ, ກະ ເປະ ອາລິ່ງ ເຢຊູ.

29 ແວັດ ກ້ອຍ ເລວີ ຕະ ເປລ ບູຍ ປິດ ລາລີ້ ຮັບ ເຢຊູ. ເບີນ ກຶ້ງ ກວາຍ, ກາ ກວາຍ ປາໂຣມ ປຣະ ປາຊີ ການໍອ໌ ແຮີ, ຈາ ມັນຕຸ ກະ ໄລ່. 30 ມາ ມັຣ ກວາຍ ພາຣີຊາຍ ກະ ກວາຍ ອາຕີ ຄານອດ, ໄລ່ ຕີ ມູ່ ກາ ຣຍານ ແຕ ເຢຊູ ປາຍ: "ນານະ ເຍົາ

ຈາ ມັນຕຸ ກະ ໄລ່ ກາ ປາໂຮມ ປຣະ ປາຊີ ກະ ກວາ ຍ ໄລ່ຍຣ ການໍ້ອ ແຮ້?"

31 ເຢຊູ ຕາແອີຍ ໄລ່ ປາຍ: "ກວາຍ ບັນ ເຮັງ ອໍ ຕາ ເບີນ ເປາະ ແຊຣ໌ ໂອນ ເມົ້າ ປົວ. ມາ ແອັງ ກວາ ຍ ອາອີ້ ຊ້ອງ ເປາະ ແຊຣ໌ ໂອນ ເມົ້າ ປົວ. 32 ເກົາ ແຕ້ອ ບໍ ໄມ່, ເກົາ ຕາ ເບີນ ກູອ໌ ກວາຍ ກາ ຕານ້ອງ ອໍ, ມາ ເກົາ ກູອ໌ ກວາຍ ກາ ເບີນ ໄລ່ຍຣ ໂອນ ໄລ່ ຕັຣ ຣາງິຣ ຕຍາ ປຽນ ແກັດ ຣາງິຣ ຕາໄມ ແອັນ."

ເຢຊູ ອາຕີ ແຕ ຣິດ ອົດ ຊັຣນາ  
(ມັດທາຍ 9:14-17; ມາຣະໂກ 2:18-22)

33 ມັຣ ກວາຍ ພາຣີຊາຍ ກະ ກວາຍ ອາຕີ ຄາ ນອດ, ໄລ່ ອາຕີ ເຢຊູ ປາຍ: "ມັຣ ມູ່ ກາ ຣຍານ ແຕ ໂຢຮັນ, ຊາອີ້ຍ ເບັລ ໄລ່ ຕະ ຣິດ ອົດ ຊັຣນາ, ກະ ໄລ່ ອີ ຫົາແຊຣ໌ ຊ້ອງ. ໄລ່ ກາ ຣຍານ ແຕ ຈຸ່ມ ພາຣີຊາຍ, ໄລ່ ຕະ ມູເຈັງ ກ້ອຍ ແຕ່. ມາ ມູ່ ກາ ຣ ຍານ ແຕ ອາຈານ, ໄລ່ ຈ່ອຍ ຈາ ທໍ."

34 ເຢຊູ ອາຕີ ລັຣ ໄລ່ ແຕ ປັຣນາຍ ຊາກໍາ ປາຍ: "ບ້ອງ ກາ ປັຣລົວະ ອີ ອິດ ລາກວຍ, ມັຣ ເຍົ້າ ກາ ແອັດ ກະ ອັນ ໄລ່ ຕາ ແຕ້ອ ອົດ ຊັຣນາ. 35 ມາ ພໍກາ ຕາໄງ ປັຣລົວະ ກ້ອຍ ຕາ ເບີນ ແອັດ ນ້ອງ ກະ ເຍົ້າ ອັນ, ຕາໄງ ກ້ອຍ ໄລ່ ອີ ອົດ ແຕ່ ຊັຣນາ ຈາ."\*

36 ເຢຊູ ອາຕີ ແອັນ ແຕ ປັຣນາຍ ຊາກໍາ ປາຍ: "ຕາ ເບີນ ກວາຍ ອາແລະ ແຈອ໌ ອາຣ໌ຣ໌ ແຕ ອາ ຍ້ອຣ ຕາໄມ ເຈີ່ ຫາບ ໂຈະ ອາຍ້ອຣ ຕຍາ. ຄັນ ອັນ ຕະ ນະກ້ອຍ ອັນ ຕະ ໄລ່ ເມົ້າ ອາຍ້ອຣ ຕາ ໄມ ກ້ອຍ, ກະ ອາຣ໌ຣ໌ ຕາໄມ ກາ ອັນ ຫາບ ກ້ອຍ ຕາ ເບີນ ຊັງໂກຣ ກະ ອາຍ້ອຣ ຕຍາ. 37 ກະ ຕາ ເບີນ ກວາຍ ອາແລະ ອິດ ບ້ອງ ຕາໄມ ມາ ຕຣອງ ໂຈະ ຕິ່ງ ດູຍ ອິງກັຣ ຕຍາ. ຄັນ ເມົ້າ ຕະ ນະກ້ອຍ, ບ້ອງ ຕາໄມ ອັນ ອີ ຕະ ໂອນ ດູຍ ອິງກັຣ ຕຍາ ປັຣ ອາຣ໌. 38 ອິງເຄາະ ອິດ ບ້ອງ ຕາໄມ ໂຈະ ຕິ່ງ ດູຍ ອິງກັຣ ຕາໄມ."† 39 ກະ ຕາ ເບີນ ເມົ້າ ອີ ຈ່ອຍ ບ້ອງ ຕາໄມ ຄັນ ອັນ ຈ່ອຍ ບ້ອງ ຕຍາ ເຈີ່, ຍ່ອນ ອັນ ປາຍ: 'ບ້ອງ ຕຍາ ແອມ ກາເລີຍ ບ້ອງ ຕາ ໄມ.'"

### 6

ເຢຊູ ອາຕີ ແຕ ຣິດ ຕາໄງ ຣາລູ່  
(ມັດທາຍ 12:1-8; ມາຣະໂກ 2:23-28)

\* 5:35 5:35 ຕິ່ງ ປັຣນາຍ ໄມ່, ເຢຊູ ຊາກໍາ ອັນ ລາ ນະ ອັນ ກາ ອິດ ລາກວຍ. ບ້ອງ ກາ ເຢຊູ ອິນນ້ອງ ແອັດ ກະ ມູ່ ກາ ຣຍານ ແຕ ອັນ, ໄລ່ ອິນນ້ອງ ຈາ. ມາ ພໍກາ ອັນ ຊ້ອຣ ບໍ ມັນລ້ອງ, ໄລ່ ອົດ ຊັຣນາ ແຕ່. † 5:38 5:38 ເຢຊູ ອາຕີ ປັຣນາຍ ໄມ່ ແຕ ອາຣ໌ຣ໌ ກະ ດູຍ ອິງກັຣ ບ້ອງ ລາ ອັນ ຊາກໍາ ກວາຍ ກາ ເບີນ ຣາງິຣ ຕຍາ ຕາ ແຕ້ອ ອິດ ປັຣນາຍ ຕາໄມ ເຢຊູ ອາຕີ ໄລ່. ແອັງ ໄລ່ ກາ ເບີນ ຣາງິຣ ຕາໄມ ຊ້ອງ ແຕ້ອ ອິດ ປັຣນາຍ ກ້ອຍ.

1 ຕິ່ງ ມວຍ ຕາໄງ ຣາລູ່, ເຢຊູ ກະ ມູ່ ກາ ຣຍານ ແຕ ອັນ ມູ່ດ ຕິ່ງ ໄທຣ ເມົ້າ ຈົຣ ທຣໍ ບາລີ. ມູ່ ກາ ຣຍານ ແຕ ເຢຊູ ກິດ ອິດ ຣາກັງ ໂດຍ ກ້ອຍ, ໄລ່ ກູຕອຣ ແຕ ອາຕີ ເຈີ່ ໄລ່ ຈາ. 2 ເບີນ ກວາຍ ແຕ ຈຸ່ມ ພາຣີຊາຍ ຕາແບັບ ໄລ່ ປາຍ: "ນານະ ເຍົາ ຕາ ເບີນ ຊາງັດ ຄານອດ ກາ ຕາ ໂອນ ຕະ ຣານະ ຕິ່ງ ຕາໄງ ຣາລູ່?"

3 ເຢຊູ ຕາແອີຍ ໄລ່ ປາຍ: "ເຍົາ ຕາ ເກັ່ຍ ອານ ບໍ ຣານະ ດາວິດ ກະ ຈຸ່ມ ອັນ ຕະ, ບ້ອງ ໄລ່ ມາ ເຍົາຍຣ ໂດຍ? 4 ດາວິດ ມູ່ດ ຕິ່ງ ດູງ ຊາງ ເຢົາ ເຈົ້າຣາຊີ. ອັນ ຈາ ໂດຍ ບຸຣ ກາ ກວາຍ ມ່ອບ ໂອນ ເຢົາ ເຈົ້າຣາຊີ, ກະ ອັນ ໂອນ ຈຸ່ມ ອັນ ຈາ ແຕ່. ຕາ ປຸ່ນ ຕາມ ຄານອດ ໄຣ ລາ ແອັງ ກວາຍ ຊາງ ຣິດ ຊ້ອງ ແຕ້ອ ຈາ ໂດຍ ບຸຣ ກ້ອຍ (ມາ ເຢົາ ເຈົ້າຣາຊີ ຕາ ເບີນ ຕີ ອັນ)."

5 ກະ ເຢຊູ ປາຍ ແອັນ ນະໄມ່: "ເກົາ, ກອນ ເຢົາ ແກັດ ກວາຍ, ລາ ອິນເຈົ້າ ຕາໄງ ຣາລູ່."

ເຢຊູ ປົວ ກວາຍ ອາຕີ ຣາກູ  
(ມັດທາຍ 12:9-14; ມາຣະໂກ 3:1-6)

6 ເບີນ ມວຍ ຕາໄງ ຣາລູ່ ການໍ້ອ ແອັນ, ເຢຊູ ມູ່ດ ອາຕີ ກວາຍ ຕິ່ງ ດູງ ຊາງ ກວາຍ ອິດຊະຣາ ເອລ. ແອັດ ອິງກ້ອຍ ເບີນ ມານະ ຣາເລົາ ຣາກູ ອາຕີ ຍິ່ຣ ອາຕໍ່າ. 7 ມັຣ ກວາຍ ອາຕີ ຄານອດ ກະ ມັຣ ກວາຍ ພາຣີຊາຍ, ໄລ່ ຈໍ້ອ໌ ຣານະ ໄລ່ຍຣ ແຕ ເຢຊູ ໂອນ ແຕ້ອ ໄລ່ ປ່ອງ. ໄລ່ ເພ່ ລາລີ້ ເຢຊູ, ຍິ່ຣ ອີ ດັງ ອັນ ປົວ ກວາຍ ອາອີ້ ຕິ່ງ ຕາໄງ ຣາລູ່, ມາ ຕາ ເບີນ. 8 ມາ ເຢຊູ ດັງ ໄລ່ ຄິດ ນະກ້ອຍ. ເຈີ່ ອັນ ອາຕີ ໂຈະ ກວາຍ ຣາກູ ອາຕີ ກ້ອຍ ປາຍ: "ໄມ່ ຢວຣ ຕາຍິ່ງ ຍິ່ຣ ເມົາງ ກວາຍ ໄມ່." ເຈີ່ ກວາ ຍ ກ້ອຍ ຢວຣ ແຕ້ ກະ ອັນ ຕາຍິ່ງ ອິງກ້ອຍ.

9 ເຈີ່ ເຢຊູ ອາຕີ ກວາຍ ການໍ້ອ ອິມແປຣ ກ້ອຍ ປາຍ: "ເກົາ ແຊຣ໌ ຕາແບັບ ເຍົາ: ຕິ່ງ ຕາໄງ ຣາລູ່, ປວາຍ ຄານອດ ໄຣ, ອິງເຄາະ ໄຣ ຕະ ອໍ, ແຕີລາ ໄຣ ຕະ ຕາ ອໍ? ໄຣ ອີ ຈ່ອຍ ໂອນ ກວາຍ ອາມັງ, ມາ ໄຣ ອີ ກາຈິດ ກວາຍ?"

10 ແວັດ ກ້ອຍ ເຢຊູ ກູລຍານ ເພ່ ບໍ ມັຣ ກວາຍ ກ້ອຍ, ກະ ອັນ ປາຕັບ ກວາຍ ອາອີ້ ກ້ອຍ ປາຍ: "ໄມ່ ອາລໍ້ອຣ ອາຕີ ໄມ່!"

ພໍ່ກາ ກວາຍ ກ້ອຍ ອາລ້ອຣ ອາຕີ ອັນ, ເຈີ້ ອາຕີ ອັນ ແກ້ດ ແບຣຸ້ຣ. 11 ນະກ້ອຍ ມັຣ ກວາຍ ກ້ອຍ ຊ່ອງ ບັນ ຕຶງ ຣາງັຣ ໄລ່ ອຶງຄິນ, ກະ ໄລ່ ຊັຣຣັງ ມານະ ອີ ຕະ ໄຈະ ເຢຊູ.

ເຢຊູ ຣຽຣ ມວຍ ຈິດ ລາ ບາຣ ນະ ຣຍານ ແຕ ອັນ  
(ມັດທາຍ 10:1-4; ມາຣະໂກ 3:13-19)

12 ແວັດ ກ້ອຍ, ເຢຊູ ຊ້ອຣ ຕຶງ ກັຣ ຍິອ ອີ ຫົາແຊອ ປີ ກ້ອຍ. ອິນແຍ່ະ ຊາເດົາ ກ້ອຍ ອັນ ຫົາແຊອ ແຕ ເຢັງ ເຈົາຣາຊີ. 13 ບັງ ຕາຣິບ ແອັນ, ອັນ ກູອ ໄລ່ ກາ ຣຍານ ແຕ ອັນ, ກະ ອັນ ຣຽຣ ມວຍ ຈິດ ລາ ບາຣ ນະ ແຕ ໄລ່ ກ້ອຍ. ອັນ ດິອ ໄລ່ ກ້ອຍ ລາ ກວາຍ ກາ ອັນ ປາຈຸຣ ໂອນ ເປາະ ຕະ ຣານະ ອັນ. 14 ມັຣ ໄລ່ ກາ ອັນ ຣຽຣ ເບີນ ຣາມິຣ ນະໄມ່: ຊີໂມນ, ອັນ ກາ ເຢຊູ ຈັຣ ຣາມິຣ ເປັຕ ແຮີ, ກະ ອັນເດອາ, ລາ ອາແອມ ຊີໂມນ. ເບີນ ຢາໂກໂບ, ໂຢຣັນ, ພິລິບ ກະ ບາຣໂທໂລມາຍ, 15 ມັດທາຍ, ໂທມາ, ຢາໂກໂບ ກອນ ອາລະພາຍ, ກະ ຊີໂມນ ເຊໂລເຕ,\* 16 ຢູດາ ກອນ ຢາໂກໂບ, ກະ ຢູດາ ອິດຊະກາຣິອັດ, ອັນ ກາ ມ່ອບ ເຢຊູ ໂອນ ເມົາ ກາຈິດ.

ເຢຊູ ອາຕີ ກະ ປົວ ມັຣ ກວາຍ ອາອີ  
(ມັດທາຍ 4:23-25)

17 ແວັດ ກ້ອຍ, ເຢຊູ ແຊງ ແຕ ກັຣ ມັນຕຸ ກະ ກຶງ ກວາຍ ກາ ຣຍານ ແຕ ອັນ. ໄລ່ ຕາຍິ່ງ ຕຶງ ອິນຕຸ ເປົາຣ ກ້ອຍ. ແອັດ ອຶງກ້ອຍ ເບີນ ກຶງ ກວາຍ ການໍອ ແຮີ ແຕ້ອ ແຕ ແຄງ ຢູດາຍ, ແຕ ເມືອງ ເຢຣູຊາເລັມ, ກະ ແຕ ປິຣ ແດັອ ຫາເລ ແຈ່ະ ກະ ເມືອງ ຕິເຣ ກະ ແຕ ເມືອງ ຊີໂດນ. 18 ອິນແຍ່ະ ມັຣ ກວາຍ ກ້ອຍ ແຕ້ອ ອີ ຊາງັດ ປັຣນາຍ ເຢຊູ, ກະ ໄລ່ ຍິອ ອັນ ປົວ ມັຣ ຣາມິຣ ໄລ່ ອາອີ. ໄລ່ ກາ ເບີນ ເຢັງ ຕາ ອໍ ຕຣວບ ແກ້ດ ບັນ ເຣັງ ອໍ. 19 ອິນແຍ່ະ ມັຣ ກຶງ ກວາຍ ອາອີ ກ້ອຍ ຈໍອ ຍິອ ອີ ຊາປະ ເຢຊູ, ຍ່ອນ ເຢຊູ ເບີນ ອຳນາດ ປົວ ອິນແຍ່ະ ມັຣ ກວາຍ ອາອີ.

ເຢຊູ ອາຕີ ແຕ ຣາມິຣ ບຸນ ກະ ບາບ  
(ມັດທາຍ 5:1-12)

20 ເຢຊູ ແນ່ ປີ ໄລ່ ກາ ຣຍານ ແຕ ອັນ, ກະ ປາຍ:  
"ບຸນ ລາລີ ເຍົາ ກາ ກາດິດ,  
ຍ່ອນ ເຍົາ ເບີນ ຈຸງ ແຕ່ ມັຣ ກາ ເຢັງ ເຈົາຣາ  
ຊີ ຕະ ຊົດ!

21 ບຸນ ລາລີ ເຍົາ ກາ ມາເຍົາຍຣ ຊານໍ່,  
ຍ່ອນ ປັຣແນີ ມັນເຕຣົາ ເຍົາ ແກ້ດ ປາໄຊ  
ແອັນ!

ບຸນ ລາລີ ເຍົາ ກາ ເຍົາມ ຊານໍ່,  
ຍ່ອນ ປັຣແນີ ມັນເຕຣົາ ເຍົາ ກາຈັງ ແອັນ!

22 ບຸນ ລາລີ ເຍົາ ບ້ອງ ກວາຍ ການໍອ ຊາອັຣ ເຍົາ, ກາແລັຍຣ ເຍົາ, ອາເຢ່ ພາມາດ ເຍົາ, ກະ ປາຍ ເຍົາ ລາ ຕາ ອໍ ຍ່ອນ ເຍົາ ປວາຍ ກອນ ເຢັງ ແກ້ດ ກວາຍ!

23 "ຕຶງ ຕາໂງ ກ້ອຍ, ອຶງເຄາະ ເຍົາ ຊ່ອງ ຣໍອ, ກະ ອຶງເຄາະ ເຍົາ ແອັນ ຕໍ່ໂປກ, ຍ່ອນ ເຢັງ ເຈົາຣາ ຊີ ດໍອ ໂອນ ເຍົາ ເບີນ ຫົາ ຊາອິ້ຍ ຕຶງ ມັນລ້ອງ. ອາຈວາຍຣ ອາເຈ່ຣ ມັຣ ກວາຍ ກ້ອຍ ຕະ ມູເຈັງ ກ້ອຍ ແຕ່ ໄຈະ ໄລ່ ກາ ອາຕີ ຕາງ ປັຣນາຍ ເຢັງ ເຈົາຣາຊີ.

24 ມາ ບາບ ລາລີ ເຍົາ ກາ ຊຸ ເບີນ ຊານໍ່,  
ຍ່ອນ ເຍົາ ເບີນ ອາມັງ ຣໍອ ຕຶງ ແດັຍ ໄນ  
ຊ່ອງ!

25 ກະ ບາບ ລາລີ ເຍົາ ກາ ເບີນ ປາໄຊ ຊານໍ່,  
ຍ່ອນ ປັຣແນີ ມັນເຕຣົາ ເຍົາ ແກ້ດ ມາ  
ເຍົາຍຣ ແອັນ!

ກະ ບາບ ລາລີ ເຍົາ ກາ ກາຈັງ ຊານໍ່,  
ຍ່ອນ ປັຣແນີ ມັນເຕຣົາ ເຍົາ ເຍົາມ ກູໂກຼຍ  
ແອັນ!

26 "ບາບ ລາລີ ເຍົາ, ຄັນ ອິນແຍ່ະ ມັຣ ກວາຍ ຍ່ອງ ປາຍ ເຍົາ ລາ ອໍ. ຍ່ອນ ແຕ ອິນແບີ, ອາຈວາຍຣ ອາເຈ່ຣ ໄລ່ ກ້ອຍ ຕະ ມູເຈັງ ກ້ອຍ ແຕ່ ໄຈະ ກວາຍ ກາ ຕະ ອິນຕີ ອາໂລກ ປາຍ ໄລ່ ອາຕີ ຕາງ ປັຣນາຍ ເຢັງ ເຈົາຣາຊີ."

ເຢຊູ ອາຕີ ອຶງເຄາະ ເຍົາ ອາໂຢ່ະ ກວາຍ ກາ ດໍອ  
ມັດ ກະ ເຍົາ  
(ມັດທາຍ 5:38-48; 7:12ກ)

27 "ເກົາ ອາຕີ ເຍົາ ກາ ຢິອ ອີ ຊາງັດ ຫົາ ປາຍ: ອຶງເຄາະ ເຍົາ ອາໂຢ່ະ ມັຣ ກວາຍ ກາ ອວານ ເຍົາ. ອຶງເຄາະ ເຍົາ ຕະ ອໍ ໄຈະ ໄລ່ ກາ ຊາອັຣ ເຍົາ. 28 ອຶງເຄາະ ເຍົາ ແຊອ ບຸນ ໂອນ ໄລ່ ກາ ເວ່ນ ເຍົາ. ກະ ອຶງເຄາະ ເຍົາ ຫົາແຊອ ໂອນ ເຢັງ ເຈົາຣາຊີ ຈ່ອຍ ໄລ່ ກາ ຕະ ຕາ ອໍ ໄຈະ ເຍົາ. 29 ຄັນ ເມົາ ຕັຣ ກາ ແລງ ບັງ ເຍົາ ມັງກັຣ, ເຍົາ ດໍ ໂອນ ໄລ່ ຕັຣ ຍິຣ ມັງກັຣ ແອັນ. ກະ ຄັນ ເມົາ ຢິອ ອີ ອິດ ອາຍ້ອຣ ຕຶງ ແປັງ ເຍົາ, ອຶງເຄາະ ເຍົາ ຕວດ ກາ ອາຍ້ອຣ ຕຶງ ປິນ ແຮີ ໂອນ ໄລ່. 30 ຄັນ ກວາຍ ອາແລ່ະ ແຊອ ອິນເຕົາ ແຕ ເຍົາ, ເຍົາ ໂອນ ອັນ. ກະ ຄັນ ກວາຍ ອາແລ່ະ ອິດ ຫາຣິງ ອິນເຕົາ ແຕ ເຍົາ, ເຍົາ ອິນໂຈຍ

\* 6:15 6:15 ເຊໂລເຕ ຕະ ອິນຕີ ລັຣ ລາ ກວາຍ ກາ ອາໂຢ່ະ ລາລີ ດຸງ ກຣວງ ເບີມ. ຊີໂມນ ອັນ ຕະ ຣານະ ໂອນ ຈຸ່ມ ກວາຍ ກາ ຢິອ ອີ ຊາເບີນ ລັຣ ກຣວງ ອິດຊະຣາເອລ ແຕ ກຣວງ ໂຣມ, ລາ ຣາມິຣ ເຊໂລເຕ.

ແຊຣ໌ ລ້ຮ ຫຣິງ ກ້ອຍ ແຕ ອັນ. <sup>31</sup> ອິນເຕົ້າ ເຍົາ ຍົຣ໌ ກວາຍ ການໍ້ອ໌ ຕະ ໂຈະ ເຍົາ, ອິງເຄາະ ເຍົາ ຕະ ໂຈະ ກວາຍ ການໍ້ອ໌ ນະກ້ອຍ ເຕ່.

<sup>32</sup> "ຄັນ ເຍົາ ມາ ອາໂຢະ ແອິງ ກວາຍ ກາ ອາ ໂຢະ ເຍົາ ຊ້ອງ, ອິນເຕົ້າ ເຢັງ ເຈົາຣາຊີ ໂອນ ເຍົາ ເບິນ ເກົ້າ? ໄລ່ ກາ ຕາ ເບິນ ຊາອໍາ ປັຣນາຍ ເຢັງ ເຈົາຣາຊີ, ໄລ່ ອາໂຢະ ລ້ຮ ກວາຍ ກາ ອາໂຢະ ໄລ່ ເຕ່. <sup>33</sup> ກະ ຄັນ ເຍົາ ມາ ຕະ ອໍ ໂຈະ ໄລ່ ກາ ຕະ ອໍ ໂຈະ ເຍົາ ຊ້ອງ, ອິນເຕົ້າ ເຢັງ ເຈົາຣາຊີ ໂອນ ເຍົາ ເບິນ ເກົ້າ? ກວາຍ ກາ ຕາ ເບິນ ຊາອໍາ ປັຣນາຍ ເຢັງ ເຈົາຣາຊີ, ໄລ່ ຕະ ນະກ້ອຍ ເຕ່. <sup>34</sup> ຄັນ ເຍົາ ມາ ໂອນ ກວາຍ ການໍ້ອ໌ ລັບ ປຣະ ເຍົາ, ມາ ເຍົາ ອິງກ່ອງ ອີ ເບິນ ລ້ຮ ປຣະ ເຍົາ ແຕ ກວາຍ ກ້ອຍ, ອິນເຕົ້າ ເຢັງ ເຈົາຣາຊີ ໂອນ ເຍົາ ເບິນ ເກົ້າ? ກວາ ຍ ກາ ຕາ ເບິນ ຊາອໍາ ປັຣນາຍ ເຢັງ ເຈົາຣາຊີ, ໄລ່ ໂອນ ກວາຍ ການໍ້ອ໌ ລັບ ເຕ່ ປຣະ ໄລ່, ຄັນ ໄລ່ ອິງ ກ່ອງ ເບິນ ລ້ຮ ປຣະ ກ້ອຍ. <sup>35</sup> ມາ ອິງເຄາະ ເຍົາ ອາໂຢະ ກວາຍ ກາ ອວານ ເຍົາ. ອິງເຄາະ ເຍົາ ຕະ ອໍ ໂຈະ ໄລ່. ກະ ອິງເຄາະ ເຍົາ ໂອນ ໄລ່ ລັບ ປຣະ ແຕ ເຍົາ, ມາ ເຍົາ ອິນໂຈຍ ອິງກ່ອງ ອີ ເບິນ ລ້ຮ ປຣະ ແຕ ໄລ່. ນະກ້ອຍ, ປັຣເນີ ມັນເຕຣົາ ເຍົາ ເບິ ນ ເກົ້າ ອໍ ລາລີ້, ກະ ເຍົາ ແກັດ ກອນ ອາໂກ ເຢັງ ເຈົາຣາຊີ, ອັນ ກາ ປັດ ກາເລີຍ ອິນແຍ່ະ ແຕ ກາ ນໍ້ອ໌. ອັນ ຕະ ອໍ ໂຈະ ໄລ່ ກາ ຕາ ອໍ ລາລີ້ ກະ ໄລ່ ກາ ຕາ ດັງ ຊາແອິນ. <sup>36</sup> ອິງເຄາະ ເຍົາ ອາໂຢະ ຕະ ກວາຍ ການໍ້ອ໌ ມູເຈິງ ອິມປໍ ເຍົາ ຕິ່ງ ມັນລ້ອງ ອາ ໂຢະ ຕະ ເຍົາ ເຕ່."

ອິນໂຈຍ ຕີ ກວາຍ ການໍ້ອ໌  
(ມັດທາຍ 7:1-5)

<sup>37</sup> ເຢຊູ ປາຍ ແອັນ ນະໄນ່: "ເຍົາ ອິນໂຈຍ ຕີ ກວາຍ ການໍ້ອ໌; ນະກ້ອຍ ເຢັງ ເຈົາຣາຊີ ຕາ ເບິນ ຕີ ເຕ່ ເຍົາ. ກະ ເຍົາ ອິນໂຈຍ ຕະ ໂຕ່ດ ກວາຍ ກາ ນໍ້ອ໌; ນະກ້ອຍ ເຢັງ ເຈົາຣາຊີ ຕາ ເບິນ ຕະ ໂຕ່ດ ເຕ່ ເຍົາ. ອິງເຄາະ ເຍົາ ຕັຣ ໄລ່ຍຣ ກວາຍ ການໍ້ອ໌ ຕະ ໂຈະ ເຍົາ; ນະກ້ອຍ ເຢັງ ເຈົາຣາຊີ ຕັຣ ໄລ່ຍຣ ເຕ່ ເຍົາ. <sup>38</sup> ຄັນ ເຍົາ ໂອນ ມວຍ ກາເຣຍ ຫຣິງ ອິນເຕົ້າ ໂອນ ກວາຍ ການໍ້ອ໌, ເຢັງ ເຈົາຣາຊີ ກູລັຣ ລ້ຮ ເຍົາ ກາເລີຍ ແຕ ກ້ອຍ ແອັນ. ມັຣ ກາເຣຍ ອັນ ຈ່ອຍ ເຍົາ, ອັນ ກັຣຢັຣ, ກະ ອັນ ພອງ; ກະ ອັນ ຍັດ ປັນ ບູບົງ ໂອນ ເຍົາ. ຍ່ອນ ຫຣິງ ອິນ ເຕົ້າ ເຍົາ ຈ່ອຍ ໂອນ ເຍົາ ມູ ກາເຣຍ, ເຢັງ ເຈົາຣາ ຊີ ຈ່ອຍ ລ້ຮ ເຍົາ ມູເຈິງ ເຕ່."

<sup>39</sup> ເຢຊູ ອາຕີ ປັຣນາຍ ຊາກໍາ ໄນ່: "ກວາຍ ຊູດ ມັດ ຕາ ເຕ່ອ໌ ເຕີ ກວາຍ ຊູດ ມັດ ການໍ້ອ໌. ຄັນ ອັນ ເຕີ, ເຈີ່ ໄລ່ ບາຣ ນະ ຊາປັລ ມັນຕຸ ຕິ່ງ ປຣຸ່ງ <sup>40</sup> ອັນ

ກາ ຣຍານ ຕາ ເບິນ ປັດ ກາເລີຍ ແຕ ອາຈານ ອັນ. ມາ ກູ່ ນະ ກາ ຣຍານ, ພໍກາ ອັນ ຣຍານ ແມັມ ອິນ ແຍ່ະ, ເຈີ່ ອັນ ແກັດ ນະ ອາຈານ ອັນ ເຕ່.

<sup>41</sup> "ນານະ ເຍົາ ເຣີມ ບຣິຣ ຕິ່ງ ມັດ ເຍົາ, ມາ ເຍົາ ຕາ ເບິນ ດັງ ປາລິຣ ອາລ່ອງ ກາ ກາຕັງ ມັດ ເຍົາ? <sup>42</sup> ກະ ນານະ ເຍົາ ຍັນ ປາຍ ກະ ເຍົາ ນະໄນ່: 'ໂອນ ເກົ້າ ອິດ ຕັຣ ບຣິຣ ແຕ ມັດ ໄມ່,' ມາ ເຍົາ ຕາ ເບິນ ດັງ ປາລິຣ ອາລ່ອງ ກາ ກາຕັງ ມັດ ເຍົາ? ເຍົາ ລາ ກວາຍ ມາມ ອໍ ມາ ຣຽັຣ ໄກ່ະ! ອິງເຄາະ ເຍົາ ອິດ ຕັຣ ປາລິຣ ອາລ່ອງ ແຕ ມັດ ເຍົາ ເວົ້າຍ. ນະກ້ອຍ ເຕ່ອ໌ ເຍົາ ເຣີມ ແວງ, ເຈີ່ ເຕ່ອ໌ ເຍົາ ອິດ ຕັຣ ບຣິຣ ແຕ ມັດ ເຍົາ."

ເຢຊູ ຊາກໍາ ແຕ ອາລ່ອງ ກະ ປາໄລ  
(ມັດທາຍ 7:16-20; 12:33-35)

<sup>43</sup> "ຕາ ເກີ້ຍ ເບິນ ອາລ່ອງ ອໍ ມາ ແກັດ ປາໄລ ຕາ ອໍ, ກະ ຕາ ເກີ້ຍ ເບິນ ອາລ່ອງ ຕາ ອໍ ມາ ແກັດ ປາໄລ ອໍ. <sup>44</sup> ຄັນ ເຍົາ ເຣີມ ປາໄລ, ເຍົາ ດັງ ກາ ກໍລ. ເຍົາ ຕາ ເກີ້ຍ ໂປຍ໌ ປາໄລ ລາວັຣ ແຕ ກໍລ ຊັຣເລົາ ຕາແກັງ. ກະ ເຍົາ ຕາ ເກີ້ຍ ໂປຍ໌ ປາໄລ ອາງຸ່ນ ແຕ ກໍລ ຊັຣເລົາ ຈົງ. <sup>45</sup> ກວາຍ ມັນຕັດ ອໍ ອັນ ເບິນ ຣານະ ອໍ ແອັດ ຕິ່ງ ຣຽັຣ ອັນ. ນະກ້ອຍ ຣານະ ອໍ ລ້ອຣ ແຕ ຣຽັຣ ກວາຍ ກ້ອຍ. ກະ ກວາ ຍ ຕາ ອໍ ອັນ ເບິນ ຣານະ ຕາ ອໍ ແອັດ ຕິ່ງ ຣຽັຣ ອັນ. ນະກ້ອຍ ຣານະ ຕາ ອໍ ລ້ອຣ ແຕ ຣຽັຣ ກວາ ຍ ກ້ອຍ. ຣານະ ອິນເຕົ້າ ກາ ເບິນ ຕິ່ງ ຣຽັຣ ກວາ ຍ, ແບອ໌ ກວາຍ ກ້ອຍ ປາຍ ອາລ້ອຣ ຣານະ ກ້ອຍ ເຕ່."

ເຢຊູ ຊາກໍາ ແຕ ບາຣ ນະ ກວາຍ ຕະ ດຸງ  
(ມັດທາຍ 7:24-27)

<sup>46</sup> "ນານະ ເຍົາ ກູອ໌ ເກົ້າ ປາຍ: 'ອິນເຈົ້າ ເອີຍ! ອິນເຈົ້າ ເອີຍ!' ມາ ເຍົາ ຕາ ເບິນ ຊາງັດ ມັຣ ປັຣ ນາຍ ເກົ້າ ອາຕີ? <sup>47</sup> ກວາຍ ອາແລະ ມາ ແຕ້ອ໌ ປໍ ເກົ້າ, ເຈີ່ ຊ້ອງ ປັຣນາຍ ເກົ້າ, ກະ ຕະ ປວາຍ ມັຣ ປັຣນາຍ ເກົ້າ, ກວາຍ ກ້ອຍ ລາ ນະ ອິນເຕົ້າ? <sup>48</sup> ກວາຍ ກ້ອຍ ລາ ນະ ກວາຍ ຕະ ດຸງ. ອັນ ປີ ປຣຸ່ງ ໂອນ ອິນຕຣູ່ ກະ ໂຈະ ຕາເມົາ ຕິ່ງ ກ້ອຍ ໂອນ ຕາໂນລ ແກັດ ຈັບ. ພໍກາ ແຕ້ອ໌ ແດັອ໌ ປັດ, ແດັອ໌ ກ້ອຍ ກຸ່ຣ ດຸງ ກ້ອຍ, ມາ ດຸງ ກ້ອຍ ຕາ ເບິນ ຣາ ໄມ່, ຍ່ອນ ກວາຍ ກ້ອຍ ໂຈະ ຕາເມົາ ຕະ ໂອນ ຈັບ ລາລີ້. <sup>49</sup> ມາ ອັນ ກາ ຊ້ອງ ປັຣນາຍ ເກົ້າ, ມາ ອັນ ຕາ ເບິນ ຕະ ປວາຍ, ກວາຍ ກ້ອຍ ລາ ນະ ມານະ ກາ ຕະ ດຸງ ຕິ່ງ ກູແຕອ໌ ເມົາດ. ອັນ ປີ ປຣຸ່ງ ມາ ອິນເຕີລ, ກະ ອັນ ຕາ ເບິນ ໂຈະ ຕາເມົາ ຕິ່ງ ປຣຸ່ງ

ກ້ອຍ. ພໍກາ ແຕ້ອ້ ແດ້ອ້ ປັດ, ແດ້ອ້ ກ້ອຍ ກຸ່ຮ ດຸງ ກ້ອຍ ຮັບ ລາລີ້, ເຈີ້ ດຸງ ກ້ອຍ ແດ້ມ ກະ ຮາ ລຸຮ ອິນແຍ່ະ ເລີ້ຍ."

7

ເຢຊູ ປົວ ກວາຍ ຕະ ຮານະ ກວາຍ ຊົດ ຕາຮານ (ມັດທາຍ 8:5-13)

1 ແວັດ ເຢຊູ ປາຍ ອິນແຍ່ະ ປັຮນາຍ ກ້ອຍ ໂຈະ ມັຮ ກວາຍ, ອັນ ມູ່ດ ຕຶ້ງ ເມືອງ ກາເປນາອູມ ແອັນ. 2 ແອັດ ຕຶ້ງ ເມືອງ ກ້ອຍ ເບິນ ມານະ ກວາຍ ໂຮມ ກາ ຕະ ຊົດ ມວຍ ຮ່ອຍ ນະ ຕາຮານ. ເມີ້ຍ ຕາຮານ ກ້ອຍ, ເບິນ ກວາຍ ຕະ ຮານະ ກາ ອັນ ອາໂຢະ ລາລີ້. ມາ ກວາຍ ກ້ອຍ ອາອີ້ ຊາປັລ, ແຈ່ະ ອີ ກູຈິດ. 3 ພໍກາ ເມີ້ຍ ຕາຮານ ກ້ອຍ ຊ້ອງ ເມົ້າ ປາຍ ແຕ ເຢຊູ, ອັນ ແປຣີ ກວາຍ ເທົ້າແກ ຈຸ່ມ ອິດຊະຮາເອລ ເປາະ ປິ ເຢຊູ ກະ ແຊອ້ ເຢຊູ ເປາະ ປົວ ກວາຍ ກາ ຕະ ຮານະ ອັນ. 4 ໄລ່ ກ້ອຍ ເປາະ ປິ ເຢຊູ, ເຈີ້ ແຊອ້ ອິນແຍ່ະ ຮາງັຮ ຮາແຣີ ໄລ່ ປາຍ: "ອັນ ກາ ເມີ້ຍ ຕາຮານ ຮີ ກ້ອຍ, ແຊອ້ ໂອນ ອາຈານ ຈ່ອຍ ອັນ, ຍ່ອນ ອັນ ລາ ກວາຍ ມັນຕັດ ອໍ. 5 ອັນ ອາໂຢະ ລາລີ້ ໄຮ ກວາຍ ອິດຊະ ຮາເອລ, ກະ ອັນ ຕະ ດຸງ ຊາງ ໂອນ ຮີ ແຣີ."

6 ເຈີ້ ເຢຊູ ເປາະ ກະ ໄລ່. ແຈ່ະ ອີ ແຕ້ອ້ ປິ ດຸງ, ກວາຍ ເມີ້ຍ ຕາຮານ ກ້ອຍ ແປຣີ ເຍົ່າ ອັນ ເປາະ ປິ ເຢຊູ ປາຍ: "ອິນເຈົ້າ ເອີຍ, ເກົ້າ ຕາ ຍັນ ເປາະ ອິດ ອິນເຈົ້າ ໂອນ ມູ່ດ ປິ ດຸງ ເກົ້າ. 7 ກະ ເກົ້າ ຄິ່ດ ເກົ້າ ຕາ ເບິນ ປາຍາຍ ເປາະ ປິ ອິນເຈົ້າ. ມາ ເກົ້າ ແຊອ້ ອິນເຈົ້າ ປາຍ ຊ້ອງ, ເຈີ້ ກວາຍ ຕະ ຮານະ ເກົ້າ ແກັດ ແບຣັຮ. 8 ຍ່ອນ ເກົ້າ ເບິນ ກວາຍ ກາ ຊົດ ເກົ້າ, ກະ ເກົ້າ ລາ ຕະ ຊົດ ແຕ່ ກວາຍ ການໍ້ອ້. ຄັນ ເກົ້າ ແປຣີ ກວາຍ ໄນ່: 'ເປາະ!' ອັນ ເປາະ. ຄັນ ເກົ້າ ແປຣີ ກວາຍ ກ້ອຍ: 'ແຕ້ອ້ ປິ ໄນ່!' ອັນ ແຕ້ອ້. ຄັນ ເກົ້າ ແປຣີ ກວາຍ ກາ ຕະ ຮານະ ເກົ້າ: 'ຕະ ນະໄນ່!' ອັນ ຕະ."

9 ພໍກາ ເຢຊູ ຊ້ອງ ປັຮນາຍ ກ້ອຍ, ອັນ ຊ້ອງ ງິ່ດ ລາລີ້ ຕຶ້ງ ຮາງັຮ ອັນ. ກະ ອັນ ປາຍ ໂຈະ ໄລ່ ກວາຍ ການໍ້ອ້ ກາ ແອັດ ອິມແປຣຸ ອັນ: "ເກົ້າ ອາ ຕີ ຕານໍ້ອງ ໂອນ ເຍົ້າ, ເກົ້າ ຕາ ເກີ້ຍ ເຮີມ ອາແລ່ະ ແຕ ກວາຍ ອິດຊະຮາເອລ ມາ ຊາອໍາ ເຣ່ງ ນະ ກວາຍ ໄນ່."

10 ມັຮ ກວາຍ ເມີ້ຍ ຕາຮານ ກ້ອຍ ແປຣີ ເປາະ ປິ ເຢຊູ, ໄລ່ ເຈົ້າ ລັຮ ປິ ດຸງ ກວາຍ ເມີ້ຍ ຕາຮານ. ເຈີ້ ໄລ່ ເຮີມ ອັນ ກາ ຕະ ຮານະ ເມີ້ຍ ຕາຮານ ແກັດ ແບຣັຮ.

ເຢຊູ ອາໂມ່ຍຮ ກອນ ຮາເລົ້າ ອິມເປ້ອ້ ກູມາຍ

11 ແວັດ ກ້ອຍ ຕາ ເບິນ ດູ່ນ, ເຢຊູ ມູ່ດ ຕຶ້ງ ວິ ລ ນາອິນ. ມູ່ ກາ ຮຍານ ແຕ ອັນ ກະ ກຶ້ງ ກວາຍ ການໍ້ອ້ ແຣີ ເປາະ ກະ ອັນ. 12 ພໍກາ ເຢຊູ ແຕ້ອ້ ປິ ປັຮລັອຮ ກູຕິ່ງ ວຍາງ ວິລ ກ້ອຍ, ປາຍາຍ ເມົ້າ ກຮາງ ອາລັອຮ ກວາຍ ກູຈິດ. ກວາຍ ກາ ກູຈິດ ກ້ອຍ ລາ ກອນ ອິມເປ້ອ້ ກູມາຍ. ອັນ ເບິນ ມາ ນໍ້າ ກອນ ຮາເລົ້າ ກ້ອຍ ແຕ້. ເບິນ ກຶ້ງ ກວາຍ ກາ ນໍ້ອ້ ແຕ ວິລ ກ້ອຍ ເປາະ ມັນຕຸ ກະ ອິມເປ້ອ້ ກູ ມາຍ ກ້ອຍ. 13 ພໍກາ ເຢຊູ ເຮີມ ອິມເປ້ອ້ ກູມາຍ ກ້ອຍ, ອັນ ຊ້ອງ ອາໂຢະ ຕະ, ກະ ອັນ ປາຍ: "ໄມ່ ອິນໂຈຍ ເຍົ້າມ."

14 ອັນ ແຕ້ອ້ ຊາປະ ຈຸ່ງຈາງ ກູມຸ່ຍ ກ້ອຍ; ເຈີ້ ກວາຍ ກາ ກຮາງ ຈຸ່ງຈາງ ກ້ອຍ ຕາງິດ. ເຢຊູ ປາຍ: "ອາແອມ ເອີຍ! ເກົ້າ ໂອນ ໄມ່ ຢວຣ!"

15 ອັນ ກາ ກູຈິດ ກ້ອຍ ຢວຣ ຕາກູ ກະ ຕາ ແບີ ຕະ ອິນຕີ ລັຮ. ເຈີ້ ເຢຊູ ມ່ອບ ອັນ ໂອນ ລັຮ ປິ ອິມເປ້ອ້ ອັນ. 16 ອິນແຍ່ະ ມັຮ ກວາຍ ກ້ອຍ ຊ້ອງ ອິງກ້ອຮ ລາລີ້ ກະ ໄລ່ ຍ່ອງ ເຢີງ ເຈົ້າຮາຊີ. ໄລ່ ປາຍ: "ເບິນ ມານະ ອາຕີ ຕາງ ປັຮນາຍ ເຢີງ ເຈົ້າຮາຊີ ກາ ປັດ ລາລີ້ ແຕ້ອ້ ປິ ໄຮ ເຈີ້!" ກະ ໄລ່ ປາຍ ແອັນ: "ເຢີງ ເຈົ້າຮາຊີ ແຕ້ອ້ ຈ່ອຍ ອາມັງ ມັຮ ກອນແຊມ ອັນ."

17 ຮານະ ເຢຊູ ຕະ ໄມ່ ດັອຮ ເດິນ ກູ່ ອິນຕຸ ຕຶ້ງ ແຄງ ຢູດາຍ ກະ ກູ່ ອິນຕຸ ແອັດ ອິມແປຣ ກ້ອຍ.

ເຢຊູ ອາຕີ ແຕ ໂຢຮັນ ກາ ຕະ ຮິ່ດ ຕຶ້ງ ແດ້ອ້ (ມັດທາຍ 11:2-19)

18 ມູ່ ກາ ຮຍານ ແຕ ໂຢຮັນ ເປາະ ອາຕີ ໂຢຮັນ ອິນແຍ່ະ ມັຮ ຮານະ ໄລ່ ເຮີມ ເຢຊູ ຕະ. ໂຢຮັນ ກູອ້ ບາຮ ນະ ແຕ ມູ່ ກາ ຮຍານ ແຕ ອັນ, 19 ກະ ອັນ ແປຣີ ໄລ່ ເປາະ ຕາແບີບ ເຢຊູ ປາຍ: "ອາຈານ ເອີຍ! ປາຍາຍ ມາ ຕາ ເບິນ, ອາຈານ ລາ ມານະ ກາ ເຢີງ ເຈົ້າຮາຊີ ຮຽຮ ໂອນ ຈ່ອຍ ອາມັງ ອິນແຍ່ະ ມັຮ ກວາຍ? ແຕ່ລາ ອິງເຄາະ ຮີ ອິງກ່ອງ ກວາຍ ການໍ້ອ້ ແອັນ ບໍ?"

20 ພໍກາ ໄລ່ ບາຮ ນະ ແຕ້ອ້ ປິ ເຢຊູ, ໄລ່ ປາຍ: "ໂຢຮັນ ກາ ເກີ້ຍ ຕະ ຮິ່ດ ຕຶ້ງ ແດ້ອ້ ແປຣີ ຮີ ແຕ້ອ້ ຕາແບີບ ອາຈານ ປາຍ: 'ແມ່ນ ມາ ຕາ ເບິນ, ອາຈານ ລາ ມານະ ກາ ເຢີງ ເຈົ້າຮາຊີ ຮຽຮ ໂອນ ຈ່ອຍ ອາມັງ ອິນແຍ່ະ ມັຮ ກວາຍ? ແຕ່ລາ ອິງ ເຄາະ ຮີ ອິງກ່ອງ ກວາຍ ການໍ້ອ້ ແອັນ ບໍ?"

21 ບັອງ ກາ ໄລ່ ອິນນ້ອງ ແອັດ ປິ ກ້ອຍ, ເຢຊູ ປົວ ຊາອິ້ຍ ຮາມິ້ຮ ກວາຍ ອາອີ້, ກວາຍ ເບິນ ອາ ອີ້ ຊາຮີ້, ກະ ກວາຍ ກາ ເບິນ ເຢີງ ຕາ ອໍ ແຣີ. ກະ



ມັຮ ກວາຍ ກາ ຊູດ ມັດ, ອັນ ຕະ ໂອນ ໄລ່ ແກ້ດ ບຮາງ ລັຮ. 22 ເຈີ່ ເຢຊູ ຕາແອ້ຍ ລັຮ ບາຮ ນະ ມູ່ ກາ ຮຍາມ ແຕ ໂຢຮັນ ປາຍ: "ເຍີ ເຈົ້າ ອາຕີ ໂອນ ໂຢຮັນ ມັຮ ຮານະ ກາ ເຍົາ ຊ້ອງ ກະ ເຍົາ ເຮີມ ເຈີ່. ກວາຍ ຊູດ ມັດ ແກ້ດ ບຮາງ ລັຮ. ກວາຍ ໂຢດ ເຕ່ອ ເປາະ ລັຮ. ກວາຍ ອາອີ ຕູ່ດ ແກ້ດ ແບຣັຮ ອິນແຍ່ະ. ກວາຍ ຕຸ່ງ ແກ້ດ ຊ້ອງ ລັຮ. ກວາຍ ກາ ກູຈິດ ເຈີ່, ຢວຣ ອາມັງ ລັຮ. ກະ ກວາຍ ກາ ດິດ ເບີນ ຊ້ອງ ເຕ່ ປັຮນາຍ ອໍ ແຕ ເຢົາ ເຈົ້າຮາ ຊີ. 23 ບຸ່ນ ລາລີ້ ກວາຍ ກາ ຕາ ເບີນ ຕັຮ ຊາອໍ ເກົ້າ!"

24 ແວັດ ມູ່ ກາ ຮຍາມ ແຕ ໂຢຮັນ ເຈົ້າ ລັຮ ປີ ອັນ, ເຢຊູ ອາຕີ ແຕ ໂຢຮັນ ໂອນ ກວາຍ ກຶ່ງ ກ້ອຍ ຊ້ອງ. ອັນ ຕາແບີບ ໄລ່ ປາຍ: "ພໍກາ ເຍົາ ເປາະ ຮາມັຮ ໂຢຮັນ ຕຶ່ງ ຕຍາຮ, ອິນເຕົ້າ ເຍົາ ຍິອ ອີ ເຮີມ ຕຶ່ງ ອິນຕຸ ກ້ອຍ? ເຍົາ ຍິອ ອີ ເຮີມ ກູຢາລ ແປ້ ບັດ ຕາຕຶ່ງ ຕາໂຕະ ບໍ່? 25 ມາ ເຍົາ ເປາະ, ເຍົາ ຍິອ ອີ ເຮີມ ອິນເຕົ້າ? ເຍົາ ຍິອ ອີ ເຮີມ ມານະ ແຊັບ ອາຍ້ອຣ ອໍ ບໍ່? ໄລ່ ກາ ແຊັບ ອາຍ້ອຣ ອໍ ກະ ຕ້ອກ ຈາ ປຣຍາອໍ, ໄລ່ ກ້ອຍ ແອັດ ຕຶ່ງ ດຸງ ເຕົ້ວ ປັຮເຍົາ. 26 ມາ ອິນເຕົ້າ ເຍົາ ຍິອ ອີ ເຮີມ ຕຶ່ງ ອິນຕຸ ກ້ອຍ? ເຍົາ ຄິດ ຍິອ ອີ ເຮີມ ກວາຍ ອາຕີ ຕາງ ປັຮນາຍ ເຢົາ ເຈົ້າຮາຊີ ບໍ່? ເກົ້າ ອາຕີ ຕາມ້ອງ ໂອນ ເຍົາ, ໂຢຮັນ ລາ ກວາຍ ອາຕີ ຕາງ ປັຮນາຍ ເຢົາ ເຈົ້າຮາຊີ ເຕ່, ມາ ອັນ ເບີນ ອໍານາດ ປິດ ກາເລີຍ ອິນແຍ່ະ ແຕ ກວາຍ ການໍອໍ ກາ ອາຕີ ຕາງ ປັຮນາຍ ເຢົາ ເຈົ້າຮາຊີ. 27 ຕຶ່ງ ປຶງ ປັຮນາຍ ເຢົາ ເຈົ້າຮາຊີ ແຕ ອິນເບີ, ກວາຍ ຄຽມ ເຈີ່ ມັຮ ເຢົາ ເຈົ້າຮາຊີ ອາຕີ ອິນໂຍ່ງ ແຕ ໂຢຮັນ ປາຍ:

'ເກົ້າ ອີ ແປຣີ ກວາຍ ກາ ເດີງ ປັຮນາຍ ເກົ້າ ແຕ້ອ ອິນໂຍ່ງ ໄມ່.'

ອັນ ອີ ຈັຮ ຮານາ ໂອນ ໄມ່.' 28 ເກົ້າ ອາຕີ ເຍົາ, ມັຮ ກູ່ນະ ກວາຍ ກາ ມັນແຊມ ຮັຮ ຕຶ່ງ ກູແຕອ ໄມ່, ຕາ ເບີນ ເມົ້າ ປິດ ກາເລີຍ ແຕ ໂຢຮັນ, ອັນ ກາ ເກ້ຍ ຕະ ຮິດ ຕຶ່ງ ແດັອ. ມາ ເກົ້າ ອາຕີ ເຍົາ ແອ້ນ: ກວາຍ ອາແລະ ມາ ຕາ ເບີນ ປິດ ອິນເຕົ້າ ຕຶ່ງ ມູ່ ກາ ເຢົາ ເຈົ້າຮາຊີ ຊົດ, ເຢົາ ເຈົ້າຮາຊີ ໂອນ ກວາຍ ກ້ອຍ ເບີນ ອໍານາດ ກາເລີຍ ແຕ ໂຢຮັນ ເບີນ."

29 ອິນແຍ່ະ ມັຮ ກວາຍ ກາ ຊ້ອງ ປັຮນາຍ ກ້ອຍ, ກາ ກວາຍ ປາໂຣມ ປຣະ ປາຊີ, ອິນແຍ່ະ ໄລ່ ກ້ອຍ ງິນ ເຢົາ ເຈົ້າຮາຊີ ລາ ຕາມ້ອງ ອໍ, ຍ່ອນ ແຕ ອິນໂຍ່ງ ໂຢຮັນ ຕະ ຮິດ ຕຶ່ງ ແດັອ ໂອນ ໄລ່.

30 ມາ ມັຮ ກວາຍ ພາຣີຊາຍ ກະ ກວາຍ ອາຕີ ຄາ ນອດ ໂມເຊ, ໄລ່ ຕາ ຍິອ ອີ ອິດ ຮານະ ອໍ ກາ ເຢົາ ເຈົ້າຮາຊີ ອີ ໂອນ ປີ ໄລ່. ຍ່ອນ ນະກ້ອຍ ແຕ ໄລ່ ຕາ ໂອນ ໂຢຮັນ ຕະ ຮິດ ຕຶ່ງ ແດັອ ໂອນ ໄລ່.

31 ເຢຊູ ປາຍ ແອ້ນ: "ອິນເຕົ້າ ເກົ້າ ເຕ່ອ ຊາກໍາ ມັຮ ກວາຍ ແອັດ ຕຶ່ງ ແດັອ ໄມ່? ໄລ່ ລາ ນະ ອິນ ເຕົ້າ? 32 ໄກຣ ລາລີ້ ມັຮ ກວາຍ ແອັດ ຕຶ່ງ ແດັອ ໄມ່ ລາ ນະ ກັຣແນນ ແອັດ ຮາເຈ່າະ ຕຶ່ງ ຕາລາດ. ມູ ຈຸ່ມ ກັຣແນນ ກ້ອຍ ກູອ ເຍົາ ໄລ່, ປາຍ: 'ອີ ປຶງ ຕາຣິລ ເຈີ່ ຮາເຈ່າະ ຕະ ເຊັບ ດົນຕີ. ມາ ເຍົາ ຕາ ເບີນ ມູ່ດ ອາເຍີນ ກະ ອິມປ່ອນ ປະໆ ກະ ຮີ! ກະ ຮີ ຮາເຈ່າະ ຕະ ຮາເບີບ, ມາ ເຍົາ ຕາ ເບີນ ປຣ່ອມ ມູ່ດ ເຍົາມ ກູໂກຢ ກະ ຮີ!' 33 ໂຢຮັນ ກາ ຕະ ຮິດ ຕຶ່ງ ແດັອ ແຕ້ອ ບີ ໄມ່ ຕາ ເບີນ ງ່ອຍ ຈາ ນະ ກວາຍ ການໍອໍ,\* ເຈີ່ ເຍົາ ປາຍ ອັນ ລາ ກວາຍ ຢູຣ. 34 ມາ ເກົ້າ, ລາ ກອນ ເຢົາ ແກ້ດ ກວາຍ, ແຕ້ອ ງ່ອຍ ຈາ ມູເຈີງ ກວາຍ ການໍອໍ ເຕ່, ເຈີ່ ເຍົາ ປາຍ ເກົ້າ ນະໄມ່: 'ຕິຣ! ອັນ ກ້ອຍ ຍິອ ອີ ງ່ອຍ ຈາ ກຸມປູຣ ຊ້ອງ! ກະ ອັນ ແກ້ດ ເຍົາ ກະ ກວາຍ ກາ ປາໂຣມ ປຣະ ປາ ຊີ ກະ ກວາຍ ໄລ່ຍຣ ການໍອໍ ແຮ!' 35 ມາ ກວາຍ ອາແລະ ກາ ຮັນ ຮາໂງ່ອ, ປັຮແນີ ມັນເຕຣີ ກວາຍ ການໍອໍ ງິນ ປາຍ ກວາຍ ກ້ອຍ ລາ ປຍາຍ, ຍ່ອນ ໄລ່ ເຮີມ ຮານະ ກວາຍ ກ້ອຍ ຕະ."

ເຢຊູ ຈາ ຕຶ່ງ ດຸງ ມານະ ກວາຍ ພາຣີຊາຍ

36 ເບີນ ມານະ ແຕ ຈຸ່ມ ພາຣີຊາຍ ການີ້ຍ ເຢຊູ ແຕ້ອ ຈາ ມວຍ ເບ່ລ ຕຶ່ງ ດຸງ ອັນ. ເຈີ່ ເຢຊູ ເປາະ ກະ ຕາກູ ຈາ ຊາຍວາງປຣວງ ມູ ກາແກງ. 37 ແອັດ ຕຶ່ງ ເມືອງ ກ້ອຍ ເບີນ ມານະ ມັນແຊມ ກາ ຕະ ຊາ ອີ້ຍ ຮານະ ໄລ່ຍຣ. ອັນ ຊ້ອງ ເມົ້າ ປາຍ ເຢຊູ ຈາ ຕຶ່ງ ດຸງ ກວາຍ ພາຣີຊາຍ ກ້ອຍ, ເຈີ່ ອັນ ເດີງ ມວຍ ກອງ ແດັອ ປາຣວມ. ກອງ ກ້ອຍ ເມົ້າ ຕະ ແຕ ຕາ ເມົ້າ ກາ ເບີນ ຮາມິຣ 'ອາລາບາດ.' 38 ມັນແຊມ ກ້ອຍ ແຕ້ອ ຕາຍິ່ງ ແຈ່ະ ອາເຢີງ ເຢຊູ. ອັນ ເຍົາມ, ກະ ຊັຣລັງ ມັດ ອັນ ຮອຍ ລາຍັບ ອິນແຍ່ະ ອາເຢີ ງ ເຢຊູ. ເຈີ່ ອັນ ຈຸ່ດ ອາເຢີງ ເຢຊູ ແຕ ໂຊະ ອັນ. ອັນ ໂຣນ ເຮັດ ອາເຢີງ ເຢຊູ, ເຈີ່ ອັນ ທໍ້ ແດັອ ປາຣວມ ຕຶ່ງ ອາເຢີງ ເຢຊູ. 39 ພໍກາ ກວາຍ ພາຣີ ຊາຍ ກາ ການີ້ຍ ເຢຊູ ເຮີມ ຮານະ ກ້ອຍ, ອັນ ຄິດ ຕຶ່ງ ຮາງິຣ ອັນ ປາຍ: "ຄັນ ກວາຍ ໄມ່ ມາ ມານະ ອາຕີ ຕາງ ປັຮນາຍ ເຢົາ ເຈົ້າຮາຊີ, ອັນ ດັງ ມັນ

\* 7:33 7:33 ຕຶ່ງ ປັຮນາຍ ກຣິກ ປາຍ: "ຕາ ເບີນ ຈາ ໂດຍ ບຸຣ ແຕ້ລາ ງ່ອຍ ບ້ອງ ອາງຸນ."

# 8

ແຊມ ກາ ຊາປະ ອັນ ລາ ກວາຍ ອິນເຕົ້າ. ອັນ ລາ ມັນແຊມ ກາ ຕະ ຊາອິຍ ຮານະ ໂລ່ຍຮ." "

40 ເຢຊູ ອາຕີ ນະໄມ່ ໂຈະ ກວາຍ ກ້ອຍ: "ຊີໂມນ ເອີຍ! ເກົາ ເບີນ ມວຍ ປຣນາຍ ຍິ້ອ ອີ ອາຕີ ໄມ່." ຊີໂມນ ຕາ ແອີຍ: "ເອີ ອໍ, ອາຈານ. ແຊອໍ ອາຈານ ອາຕີ ເລີ້ຍ."

41 ເຈີ້ ເຢຊູ ປາຍ: "ເບີນ ບາຣ ນະ ລັບ ປຣະ ແຕ ກວາຍ ກາ ອິນເຈົ້າ ປຣະ. ມານະ ຕູ່ ເຊີງ ຮ່ອຍ ກຸງ ປຣະ ອານາມ.† ມານະ ຕູ່ ເຊີງ ຈິດ. 42 ບາຣ ນະ ກ້ອຍ, ໄລ່ ຕາ ເບີນ ອິນເຕົ້າ ອີ ກູລັຮ ລັຮ ປຣະ ອັນ ກາ ອິນເຈົ້າ ກ້ອຍ. ນະກ້ອຍ ອັນ ຕັຮ ອິນແຍ່ ະ ປຣະ ໄລ່ ຕູ່ ອັນ. ມາ ແຕ ບາຣ ນະ ໄລ່ ກ້ອຍ, ອາແລະ ອາໂຢະ ກາເລີຍ ອັນ ກາ ອິນເຈົ້າ ປຣະ?"

43 ຊີໂມນ ຕາແອີຍ ປາຍ: "ເກົາ ຄິດ ອັນ ກາ ຕູ່ ຊາອິຍ ກ້ອຍ, ອາໂຢະ ກາເລີຍ."

ເຢຊູ ປາຍ: "ປຍາຍ໌ ໄມ່ ຄິດ ນະກ້ອຍ."

44 ເຈີ້ ເຢຊູ ກູເລີນ ແນ່ ປິ ມັນແຊມ ກ້ອຍ ກະ ອັນ ອາຕີ ຊີໂມນ ປາຍ: "ໄມ່ ເຮີມ, ມາ ຕາ ເບີນ, ມັນແຊມ ໄມ່? ພໍກາ ເກົາ ແຕ້ອ໌ ປິ ດຸງ ໄມ່, ໄມ່ ຕາ ເບີນ ໂອນ ແຕ້ອ໌ ອາເຮົາວ ອາເຢີງ. ມາ ມັນ ແຊມ ໄມ່, ອັນ ອາເຮົາວ ອາເຢີງ ເກົາ ແຕ ຊັຮລັງ ມັດ ອັນ. ກະ ອັນ ອິດ ໂຊະ ອັນ ຈູ່ດ ອາເຢີງ ເກົາ.

45 ພໍກາ ເກົາ ແຕ້ອ໌ ປິ ດຸງ ໄມ່, ໄມ່ ຕາ ເບີນ ໂຮນ ເຮັດ ເກົາ ປວາຍ ຕິ່ງ ຮິດ ຊາອິຮ ຕາມອຍ. ມາ ມັນແຊມ ໄມ່, ອັນ ໂຮນ ເຮັດ ອາເຢີງ ເກົາ ແຕ ເກົາ ມູ່ດ ຕິ່ງ ດຸງ ເຕົ້າ ແຕ້ອ໌ ຊານໍ່. 46 ໄມ່ ຕາ ເບີນ ອິດ ແຕ້ອ໌ ອິນຊິ່ງ ອາໂປນ ເຕົ້າ ຕິ່ງ ແປື ເກົາ ປວາຍ ຕິ່ງ ຮິດ ຮັບ ຕາມອຍ. ມາ ມັນແຊມ ໄມ່, ອັນ ທໍ່ອ໌ ແຕ້ອ໌ ປາຣວມ ລາເກົາ ເປ່ງ ລາລີ້ ຕິ່ງ ອາເຢີງ ເກົາ. 47 ນະກ້ອຍ ເກົາ ອາຕີ ໄມ່: ໂລ່ຍຮ ມັນແຊມ ໄມ່ ລາ ຊາອິຍ ລາລີ້, ມາ ເກົາ ຕັຮ ເຈີ້, ຍ່ອນ ອັນ ອາ ໂຢະ ລາລີ້ ເກົາ. ມາ ອັນ ກາ ຄິດ ອັນ ເບີນ ໂລ່ຍຮ ປິ້ອ໌ ຊ້ອງ ໂອນ ເກົາ ຕັຮ, ກວາຍ ກ້ອຍ ອາໂຢະ ເກົາ ປິ້ອ໌ ເຕ່."

48 ເຈີ້ ເຢຊູ ອາຕີ ໂຈະ ມັນແຊມ ກ້ອຍ ປາຍ: "ໂລ່ຍຮ ໄມ່ ເກົາ ຕັຮ ເຈີ້."

49 ມັຮ ກວາຍ ກາ ແອັດ ຈາ ກະ ເຢຊູ, ໄລ່ ມານະ ຕາແບັບ ມານະ ປາຍ: "ກວາຍ ໄມ່ ລາ ເມົ້າ, ມາ ຍັນ ອັນ ປາຍ ເຕ່ອ໌ ອັນ ຕັຮ ໂລ່ຍຮ ກວາຍ?"

50 ມາ ເຢຊູ ອາຕີ ລັຮ ໂຈະ ມັນແຊມ ກ້ອຍ ປາຍ: "ຍ່ອນ ໄມ່ ຊາອໍ, ເຢີງ ເຈົ້າຮາຊີ ຈ່ອຍ ອາ ມັ່ງ ໄມ່ ເຈີ້. ໄມ່ ເປາະ ໂອນ ບັນ ຊວານ ອຽນ ອໍ."

ມັຮ ມັນແຊມ ກາ ເປາະ ມັນຕຸ ກະ ເຢຊູ

1 ແວັດ ກ້ອຍ, ເຢຊູ ມູ່ດ ຊາອິຍ ວີລ ຊາອິຍ ເມືອງ ອາຕີ ປຣນາຍ ອໍ ແຕ ເຢີງ ເຈົ້າຮາຊີ ຕະ ຊິດ ຕິ່ງ ຮາຮິຮ ກວາຍ. ມວຍ ຈິດ ລາ ບາຣ ນະ ມູ່ ກາ ຮຍານ ແຕ ອັນ ເປາະ ມັນຕຸ ກະ ອັນ ເຕ່. 2 ກະ ເບີນ ມັຮ ກວາຍ ມັນແຊມ ແຮີ ເປາະ ມັນຕຸ ກະ ເຢຊູ. ແຕ ມັນແຊມ ກ້ອຍ ເບີນ ໄລ່ ກາ ເຢຊູ ຕູ່ຍຮ ອາລ້ອຮ ເຢີງ ຕາ ອໍ ແຕ ອິນໂຢ່ງ, ກະ ເບີ ນ ໄລ່ ກາ ອັນ ປົວ ແຕ ຊາອິຍ ຮາມິ້ຮ ອາອິ້ ການໍ່ ອ໌ ແຮີ. ແຕ ມັນແຊມ ກ້ອຍ ເບີນ ມານະ ຮາມິ້ຮ ມາຮີ ແຕ ວີລ ມັກດາລາ. ເບີນ ຕາປູລ ເຢີງ ຕາ ອໍ ລ້ອຮ ແຕ ຈະ ອັນ. 3 ບາຣ ລາ ໂຢຮັນນາ, ລາ ກວຍ ຈູຊາ. ຈູຊາ ລາ ກວາຍ ກາ ກຍາອ໌ ເກຮິ່ງ ດຸງ ເຕົ້າວ ປັຮເຍົາ ເຮໂຣດ. ໄປ ລາ ຊູຊັນນາ. ກະ ເບີ ນ ກິ່ງ ກວາຍ ມັນແຊມ ການໍ່ອ໌ ແຮີ. ອິນແຍ່ະ ໄລ່ ກ້ອຍ ອິດ ປຣະ ໄລ່ ເບີມ ຈ່ອຍ ໂອນ ເຢຊູ ກະ ມູ່ ກາ ຮຍານ ແຕ ອັນ ເບີນ ເກຮິ່ງ ຊັຮນາ ຈາ.

ປຣນາຍ ຊາກໍາ ແຕ ກວາຍ ຕຣິ້ຮ ກູປູອ໌ (ມັດທາຍ 13:1-9; ມາຣະໂກ 4:1-9)

4 ກິ່ງ ລາລີ້ ກວາຍ ແຕ້ອ໌ ປິ ເຢຊູ ແຕ ຊາອິຍ ເມືອງ. ເຈີ້ ເຢຊູ ອາຕີ ໄລ່ ກ້ອຍ ປຣນາຍ ຊາກໍາ ນະໄມ່: 5 "ເບີນ ມານະ ກວາຍ ເປາະ ຕຣິ້ຮ ກູປູອ໌. ພໍກາ ອັນ ຕຣິ້ຮ, ເບີນ ກຸງ ກາ ຊາແລັຮ ຕິ່ງ ຮາ ມາ. ກວາຍ ຊາເຕົ້າຍ໌ ກຸງ ກ້ອຍ ກະ ແຈມ ຕອດ ຈາ. 6 ເບີນ ກຸງ ກາ ຊາແລັຮ ຕິ່ງ ກູແຕອ໌ ກາດາ ເບີນ ຕາຕາຣ ປິນ ກູແຕອ໌. ພໍກາ ກຸງ ກ້ອຍ ດັຮ, ອັນ ແກັດ ຮ້ອຮ ກູຈິດ, ຍ່ອນ ແອີ ແຕ້ອ໌. 7 ເບີ ນ ກຸງ ກາ ຊາແລັຮ ຕິ່ງ ກູແຕອ໌ ກາ ເບີນ ເຣ່ຮ ຊັຮເລົາ. ພໍກາ ຊັຮເລົາ ກ້ອຍ ດັຮ, ອັນ ຮິ້ ດໍອ໌ ຊັຮມິຮ ກາ ຕາແບີ ດັຮ ແຕ ກຸງ ກວາຍ ກ້ອຍ ຕຣິ້ຮ. 8 ກະ ເບີນ ກຸງ ການໍ່ອ໌ ແອັນ ຊາແລັຮ ຕິ່ງ ກູແຕອ໌ ອໍ. ກຸງ ກ້ອຍ ດັຮ ອາຊ້ອຮ ແກັດ ປາໄລ ອໍ. ມວຍ ກຸງ ເບີນ ລັຮ ມວຍ ຮ່ອຍ ກຸງ."

ເຢຊູ ປາຍ ແອັນ ນະໄມ່: "ອາແລະ ກາ ເບີນ ກູ ຕູຣ, ໂອນ ອັນ ຊາງັດ ເບີມ."

ເຢຊູ ອາຕີ ແຕ ປຣນາຍ ຊາກໍາ (ມັດທາຍ 13:10-17; ມາຣະໂກ 4:10-12)

† 7:41 7:41 ຕິ່ງ ປຣນາຍ ກຣິກ ປາຍ 'ເດນາຮິອັນ.' ມວຍ ເດນາຮິອັນ ລາ ມາຣ ປຣະ ເກົາ ຕະ ຮານະ ມວຍ ຕາງ.

9 ມັຮ ມູ່ ກາ ຮຍານ ແຕ ເຢຊູ ຕາແບັບ ລັຮ ອັນ ປັຮນາຍ ໄນ່ ລາ ຊາກຳ ອິນເຕົ້າ. 10 ເຢຊູ ຕາແອັຍ ໄລ່ ປາຍ: "ອິນແຍ່ະ ມັຮ ປັຮນາຍ ປາໂຕ່ະ ແຕ ເຢືາງ ເຈົ້າຮາຊີ ຕະ ຊົດ ຕິງ ຮາງິຮ ກວາຍ, ເຢືາງ ເຈົ້າຮາຊີ ໂອນ ເຍົາ ດັງ. ມາ ກວາຍ ກາມໍ້ອໍ ຊ້ອງ ແອັງ ປັຮນາຍ ຊາກຳ ຊ້ອງ. ມະກ້ອຍ ໄລ່ ແມ່ ມາ ຕາ ເບີນ ເຮີມ, ກະ ໄລ່ ຊາງັດ ມາ ຕາ ເບີນ ຊາ ປຸ່ຮ." "

ເຢຊູ ອາຕີ ລັຮ ປັຮນາຍ ຊາກຳ ແຕ ກວາຍ ຕຣິຮ ກູປູອໍ

(ມັດທາຍ 13:18-23; ມາຣະໂກ 4:13-20)

11 "ປັຮນາຍ ຊາກຳ ໄນ່ ລາ ມະໄນ່: ກູປູອໍ ກາ ກວາຍ ຕຣິຮ ລາ ຊາກຳ ແຕ ປັຮນາຍ ເຢືາງ ເຈົ້າຮາ ຊີ. 12 ກູອງ ຊາແລັຮ ຕິງ ຮານາ ລາ ຊາກຳ ແຕ ກວາຍ ກາ ຊ້ອງ ປັຮນາຍ ເຢືາງ ເຈົ້າຮາຊີ, ມາ ເຢືາງ ຊາຕານ ແຕ້ອໍ ເຮີດ ອິດ ປັຮນາຍ ກ້ອຍ ແຕ ຮາງິຮ ກວາຍ ກ້ອຍ ໂອນ ໄລ່ ຕາ ແຕ່ອໍ ຊາອຳ, ກະ ໂອນ ເຢືາງ ເຈົ້າຮາຊີ ຕາ ແຕ່ອໍ ຈ່ອຍ ອາມັງ ໄລ່. 13 ກູອງ ກາ ຊາແລັຮ ຕິງ ກູແຕອໍ ກາດາ ເບີນ ຕາ ຕາຮ ປິນ ກູແຕອໍ ລາ ຊາກຳ ແຕ ກວາຍ ກາ ຊ້ອງ ປັຮນາຍ ເຢືາງ ເຈົ້າຮາຊີ ກະ ປຣ່ອມ ຊາອຳ ປັຮ ນາຍ ກ້ອຍ ຮໍ່ອໍ ອໍ. ມາ ໄລ່ ແອີ ເຣ່ຮ ອິນຕູຣູ່. ໄລ່ ຊາອຳ ມາໂຮຍ ຊ້ອງ. ແຕ້ອໍ ໄລ່ ຮາມັຮ ຕູຣ ກັດ, ເຈີ່ ໄລ່ ຕັຮ ຕາ ແອອໍ ອີ ຊາອຳ ມ້ອງ. 14 ກູອງ ກາ ຊາແລັຮ ຕິງ ກູແຕອໍ ກາ ເບີນ ຊັຮເລົາ ຊາກຳ ແຕ ກວາຍ ກາ ຊ້ອງ ປັຮນາຍ ເຢືາງ ເຈົ້າຮາຊີ, ມາ ຮາບູລ ຮານະ ຕິງ ແດັຍ ໄນ່, ຍິອໍ ອີ ຊູ, ກະ ຍິອໍ ອີ ປຣຍາອໍ, ມູ່ດ ຕິງ ຮາງິຮ ໄລ່. ມັຮ ກາ ຮາມິ ຮ ກ້ອຍ ຮິ່ ດໍອໍ ປັຮນາຍ ເຢືາງ ເຈົ້າຮາຊີ ຕະ ໂອນ ປາໄລ ໄລ່ ຕາ ເບີນ ແກັດ ຈິນ. 15 ມາ ກູອງ ກາ ຊາ ແລັຮ ຕິງ ກູແຕອໍ ອໍ ຊາກຳ ແຕ ກວາຍ ກາ ຊ້ອງ ປັຮນາຍ ເຢືາງ ເຈົ້າຮາຊີ, ກະ ໄລ່ ເບີນ ຮາງິຮ ຕານໍ ອງ ອໍ, ຍິອໍ ອີ ຊາງັດ ປວາຍ ຮານະ ເຢືາງ ເຈົ້າຮາຊີ. ໄລ່ ເຈີ່ ດໍອໍ ປັຮນາຍ ກ້ອຍ, ເຈີ່ ແຕ້ອໍ ປາແນ່ນ ໄລ່ ແກັດ ປາໄລ ຊາອິ້ຍ ລາລີ້."

ເຢຊູ ຊາກຳ ແຕ ຕາກຍາງ (ມາຣະໂກ 4:21-25)

16 "ຕາ ເບີນ ເມົາ ຕາກັດ ຕາກຍາງ, ເຈີ່ ອິດ ແຈັຮ ກຣວາອໍ ແຕີລາ ດໍອໍ ປິນ ກາເຈັງ. ມາ ເມົາ ດໍອໍ ຕາກຍາງ ກ້ອຍ ຕິງ ໂຮງ ໂອນ ກູ່ ມະ ກວາຍ ກາ ມູ່ດ ແຕ່ອໍ ເຮີມ ປັງ. 17 ມູເຈັງ ກ້ອຍ ແຕ່, ປັຮ

ນາຍ ອິນເຕົ້າ ເມົາ ປູລ ປາໂຕ່ະ ຊານໍ່, ເຈີ່ ປິ ເມົາງ ປັຮນາຍ ກ້ອຍ ເມົາ ຕາ ແຕ່ອໍ ປູລ ປາໂຕ່ະ ມ້ອງ. ກະ ຮານະ ອິນເຕົ້າ ເມົາ ຕະ ແກຣະ ຊານໍ່, ເຈີ່ ປິ ເມົາງ ຮານະ ກ້ອຍ ເມົາ ຕາ ແຕ່ອໍ ຕະ ແກຣະ ມ້ອງ.

18 "ປັຮນາຍ ອິນເຕົ້າ ເຍົາ ຊ້ອງ ເກົາ ອາຕີ, ອິງ ເຄາະ ເຍົາ ຊາງັດ ໂອນ ອໍ ລາລີ້ ປັຮນາຍ ກ້ອຍ. ກວາຍ ອາແລະ ກາ ເບີນ ເຈີ່, ເກົາ ຈ່ອຍ ກວາຍ ກ້ອຍ ເບີນ ຊາອິ້ຍ ລາລີ້ ແອັມ. ມາ ກວາຍ ອາແລ ະ ກາ ຕາ ເບີນ ເບີນ, ມັຮ ຮາມິຮ ກວາຍ ກ້ອຍ ຄິດ ເບີນ ເຈີ່, ແກັດ ປິດ ລັຮ ອິນແຍ່ະ."

ອິມເປອໍ ກະ ແຊມອາຍ ເຢຊູ (ມັດທາຍ 12:46-50; ມາຣະໂກ 3:31-35)

19 ເບີນ ມວຍ ຕາໂງ ອິມເປອໍ ກະ ແຊມອາຍ ເຢຊູ ແຕ້ອໍ ຍິອໍ ອີ ຮາມັຮ ອັນ, ມາ ໄລ່ ຕາ ແຕ່ອໍ ແຕ້ອໍ ປິ ອັນ, ຍ່ອນ ກູທັດ ລາລີ້ ກວາຍ ຕິງ ດູງ ກ້ອຍ. 20 ເບີນ ກວາຍ ອາຕີ ເຢຊູ ປາຍ: "ອິມເປ ອໍ ກະ ແຊມອາຍ ອາຈານ ແອັດ ຍິຮ ນໍ່ອໍ. ໄລ່ ຍິອໍ ອີ ຮາມັຮ ອາຈານ."

21 ມາ ເຢຊູ ອາຕີ ລັຮ ໄລ່ ປາຍ: "ອິມເປອໍ ກະ ແຊມອາຍ ເກົາ ລາ ອິນແຍ່ະ ມັຮ ກວາຍ ກາ ຊາງັດ ກະ ຕະ ປວາຍ ປັຮນາຍ ເຢືາງ ເຈົ້າຮາຊີ."

ເຢຊູ ກາແອັຮ ກູຢາລ ກະ ແດີອໍ (ມັດທາຍ 8:23-27; ມາຣະໂກ 4:35-41)

22 ເບີນ ມວຍ ຕາໂງ, ເຢຊູ ຊ້ອຮ ຕິງ ຕົວະ ກະ ມູ່ ກາ ຮຍານ ແຕ ອັນ. ເຢຊູ ປາຍ ໂຈະ ໄລ່: "ໄຮ ໄກ້ອໍ ຍິຮ ອິນຕິຮ ທາເລ ຮາປັງ ແອັມ."

ເຈີ່ ໄລ່ ໄກ້ອໍ. 23 ແຕ້ອໍ ອິນດີ ແດີອໍ, ເຢຊູ ປິ. ມາ ເບີນ ກູຢາລ ຮາປູອໍ ແຕ້ອໍ ກຸຣ ແດີອໍ ກ້ອຍ, ກະ ແດີອໍ ກັຮຊາຍ ອາມູ່ດ ຕິງ ຕົວະ ກ້ອຍ ແຈະ ອີ ລ້ອງ. ໄລ່ ແຈະ ອີ ເຕຣົາ ເອີຍ. 24 ມູ່ ກາ ຮຍານ ແຕ ເຢຊູ ແຕ້ອໍ ປິ ອັນ ກະ ອາໄມ່ຮ ອັນ. ໄລ່ ປາຍ: "ອາຈານ ເອີຍ, ອາຈານ! ໄຮ ແຈະ ອີ ກູຈິດ ເອີຍ."

ເຢຊູ ຢວຣ ຕາຢິງ. ອັນ ກາແອັຮ ກູຢາລ ກະ ແດີອໍ ປ່ອງ ກ້ອຍ. ເຈີ່ ກູຢາລ ກະ ແດີອໍ ກ້ອຍ ຕາງັດ; ເຈີ່ ໄລ່ ເຮີມ ອຽມ ອໍ ລັຮ. 25 ເຢຊູ ຕາ ແບັບ ມູ່ ກາ ຮຍານ ແຕ ອັນ ປາຍ: "ນານະ ເລີ່ ເຍົາ ຕາ ເບີນ ຊາອຳ?"

ມາ ໄລ່ ກ້ອຍ ງິດ ລາລີ້ ກະ ໄລ່ ອິງກ້ອຮ. ມານະ ປາຍ ໂຈະ ມານະ: "ກວາຍ ໄນ່ ລາ ເມົາ? ອັນ ກາ ແອັຮ ກູຢາລ ກະ ແດີອໍ. ເຈີ່ ກູຢາລ ກະ ແດີອໍ ຊາ ງັດ ອັນ!"

ເຢຊູ ຕູ້ຍຮ ອາລ໌ອຣ ເຢີງ ຕາ ອໍ ແຕ ກວາຍ ຮາເລົາ ມານະ  
(ມັດທາຍ 8:28-34; ມາຣະໂກ 5:1-20)

26 ໄລ່ ໄກ່ອ້ ຫາເລ ຮາປັງ ແຕ້ອ້ ປິ ກຣວາງ ເຄຣາຊາ ແອັນ. ກຣວາງ ເຄຣາຊາ ໄມ່ ແອິດ ຍັຮ ອິນຕັຮ ຫາເລ ຮາປັງ ກ້ອຍ ກະ ແຄງ ຄາລີເລ. 27 ບັອງ ກາ ເຢຊູ ແຊງ ແຕ ຕົວະ, ເບິນ ມານະ ກວາຍ ຮາເລົາ ແຕ ວິລ ກ້ອຍ ກາ ເບິນ ເຢີງ ຕາ ອໍ ຕຣວບ ແຕ້ອ້ ຣາມັຮ ອັນ. ດູ່ນ ເຈ້ ກວາຍ ກ້ອຍ ແອິດ ອາຈ່ອງ. ອັນ ຕາ ເບິນ ແອິດ ຕຶ້ງ ດຸງ, ອັນ ເປາະ ແອິດ ປິ ປັງ ກູມູ່ຍ. 28 ພໍກາ ອັນ ເຮິມ ເຢຊູ, ອັນ ແຮຣ ເຮ່ງ ລາລີ, ກູ່ ຮາໂກລ, ກະ ອັນ ປາຍ ເຮ່ງ ລາລີ: "ເຢຊູ ເອີຍ! ອິນເຕົ້າ ເຍົາ ຍິ້ອ ອີ ຕະ ໂຈະ ເກົ້າ? ເຍົາ ລາ ກອນ ເຢີງ ເຈົ້າຣາຊີ, ອັນ ກາ ປິດ ກາເລີຍ ອິນແຍ່ະ ແຕ ການໍ້ອ. ເກົ້າ ແຊອໍ ເຍົາ ອິນ ໂຈຍ ຕະ ຕຸ່ຮ ເກົ້າ."

29 ອັນ ປາຍ ນະກ້ອຍ, ຍ່ອນ ເຢຊູ ຕູ້ຍຮ ອາ ລ໌ອຣ ເຢີງ ຕາ ອໍ ເຈ້ ແຕ ຈະ ກວາຍ ກ້ອຍ. ຊາ ອິ້ຍ ຕໍ່ ເຈ້ ເຢີງ ຕາ ອໍ ຕະ ກວາຍ ກ້ອຍ. ກະ ຄັນ ກວາຍ ການໍ້ອ ໂກບ ອັນ ກະ ຊາກັບ ອິນໄຊ ໂຊ, ແຕ້ລາ ຊັດ ກາດາຍ ອາຕີ ອັນ ແຕ ອິນໄຊ ເກຣົາວ, ອັນ ຕະ ຕາອັອຣ ອິນແຍ່ະ. ກະ ເຢີງ ຕາ ອໍ ເກ້ຍ ເດີງ ອັນ ເປາະ ປິ ຕຍາຮ.

30 ເຢຊູ ຕາແບິບ ກວາຍ ກ້ອຍ ປາຍ: "ນານະ ຮາມິ້ຮ ໄມ່?"

ກວາຍ ກ້ອຍ ຕາແອີຍ ປາຍ: "ຮາມິ້ຮ ເກົ້າ ລາ ກອງທັບ."

ອັນ ປາຍ ນະກ້ອຍ, ຍ່ອນ ເບິນ ຊາອິ້ຍ ເຢີງ ຕາ ອໍ ແອິດ ຕຶ້ງ ຈະ ອັນ. 31 ອິນແຍ່ະ ມັຮ ເຢີງ ຕາ ອໍ ກ້ອຍ ແຊອໍ ແຕ ເຢຊູ ອິນໂຈຍ ຕູ້ຍຮ ໄລ່ ເປາະ ປິ ປຣຸ່ງ ອູ່ຍຮ.

32 ຕຶ້ງ ກັຮ ກ້ອຍ ເບິນ ອາລ໌ອ້ ມວຍ ຈຸ່ມ ຊາ ອິ້ຍ ລາລີ ໄລ່ ບັອງ ຈໍ້ອ ຈາ. ອິນແຍ່ະ ມັຮ ເຢີງ ຕາ ອໍ ກ້ອຍ ກູກຸຮ ແຊອໍ ແຕ ເຢຊູ ໂອນ ໄລ່ ມູ່ດ ຕຶ້ງ ມັຮ ອາລ໌ອ້ ກ້ອຍ. ເຈ້ ເຢຊູ ໂອນ ໄລ່ ມູ່ດ. 33 ນະກ້ອຍ ມັຮ ເຢີງ ຕາ ອໍ ລ໌ອຣ ແຕ ຈະ ກວາຍ ກ້ອຍ, ມູ່ດ ຕຶ້ງ ຈຸ່ມ ອາລ໌ອ້ ແອັນ. ເຈ້ ອິນແຍ່ະ ມັຮ ອາລ໌ອ້ ກ້ອຍ ຕາລຸ່ຮ ໄວ່ ລາລີ ແຕ ແລ້ຮ ຕາຣ ວາລ ອາປັອງ ປິ ຫາເລ ຮາປັງ, ເຈ້ ກູຈິດ ອິນແຍ່ະ.

34 ກວາຍ ກາ ກຍາອໍ ຈຸ່ມ ອາລ໌ອ້ ກ້ອຍ, ໄລ່ ເຮິມ ອິນແຍ່ະ ຮານະ ກ້ອຍ. ເຈ້ ໄລ່ ຕາລຸ່ຮ ເຈົ້າ

ອາຕີ ມັຮ ກວາຍ ແອິດ ຕຶ້ງ ວິລ ກະ ແອິດ ປິ ນໍ້ ອໍ ວິລ ດັງ. 35 ກຶ້ງ ກວາຍ ແຕ້ອ້ ຍິ້ອ ອີ ໄມ່ ຮານະ ກາ ຕາແບິ ແຕ້ອ້. ໄລ່ ກ້ອຍ ແຕ້ອ້ ປິ ເຢຊູ, ກະ ໄລ່ ເຮິມ ກວາຍ ກາ ບັອງ ກ້ອຍ ເບິນ ເຢີງ ຕາ ອໍ ຕຣວບ. ອັນ ກ້ອຍ ຕາກູ ແຈ່ະ ອາເຢີງ ເຢຊູ. ອັນ ຕັອກ ເກຣິ່ງ, ກະ ອັນ ຕາ ເບິນ ແກ້ດ ຢຸຮ ມ້ອງ. ເຈ້ ອິນແຍ່ະ ກວາຍ ກ້ອຍ ຊ້ອງ ອິງກ້ອຣ ລາລີ. 36 ມັຮ ໄລ່ ກາ ເຮິມ ເຢຊູ ຕະ ຮານະ ຕາ ເກ້ ຍ ເຮິມ ກ້ອຍ, ໄລ່ ອາຕີ ລັຮ ໂອນ ກວາຍ ກາ ຕາ ເບິນ ເຮິມ, ໂອນ ໄລ່ ດັງ ແຕ່ ອິນເຕົ້າ ເຢຊູ ຕະ ໂອນ ກວາຍ ກ້ອຍ ແກ້ດ ແບຣັຮ.

37 ມັຮ ກວາຍ ກຶ້ງ ແຕ ກຣວາງ ເຄຣາຊາ ແຊອໍ ເຢຊູ ລ໌ອຣ ແຕ ກຣວາງ ໄລ່, ຍ່ອນ ໄລ່ ອິງກ້ອຣ ລາລີ. ເຈ້ ເຢຊູ ຊ້ອຣ ຕຶ້ງ ຕົວະ ລັຮ, ລ໌ອຣ ແຕ ອິນຕຸ ກ້ອຍ. 38 ກວາຍ ກາ ເຢີງ ຕາ ອໍ ລ໌ອຣ ແຕ ຈະ ອັນ ແຊອໍ ອີ ເປາະ ອາລິ່ງ ເຢຊູ ແຕ່. ມາ ເຢຊູ ອາຕີ ໂອນ ອັນ ເຈົ້າ, ກະ ເຢຊູ ປາຕັບ ອັນ ປາຍ: 39 "ໄມ່ ເຈົ້າ ປິ ດຸງ ໄມ່. ເຈ້ ໄມ່ ອາຕີ ລັຮ ແຕ ກູ່ ຮານະ ເຢີງ ເຈົ້າຣາຊີ ຈ່ອຍ ໂອນ ໄມ່."

ນະກ້ອຍ ກວາຍ ກ້ອຍ ເປາະ ກູ່ ອິນຕຸ ຕຶ້ງ ເມືອງ ອັນ, ອັນ ອາຕີ ລັຮ ແຕ ກູ່ ຮານະ ເຢຊູ ຈ່ອຍ ອັນ.

ເຢຊູ ປົວ ກອນ ມັນແຊມ ຢາອີໂຣ ກະ ມັນ ແຊມ ກາ ຊາປະ ອາຍັອຣ ຕ່ອງ ອັນ

(ມັດທາຍ 9:18-26; ມາຣະໂກ 5:21-43)

40 ພໍກາ ເຢຊູ ເຈົ້າ ລັຮ ຍັຮ ກ້ອຍ ຫາເລ ຮາປັງ, ກວາຍ ກຶ້ງ ຮາບັນ ອັນ ຣໍ້ອ ອໍ, ຍ່ອນ ໄລ່ ເກຣາະ ອັນ ຕຶ້ງ ອິນຕຸ ກ້ອຍ. 41 ມາ ເບິນ ມານະ ຮາມິ້ຮ ຢາອີໂຣ ແຕ້ອ້ ປິ ກ້ອຍ. ອັນ ລາ ກວາຍ ຕາລາ ດຸງ ຊາງ ອິດຊະຣາເອລ ຕຶ້ງ ເມືອງ ກ້ອຍ. ອັນ ກູ່ ຮາ ໂກລ ປູບ ແຈ່ະ ອາເຢີງ ເຢຊູ, ກະ ອັນ ແຊອໍ ໂອນ ເຢຊູ ແຕ້ອ້ ປິ ດຸງ ອັນ, 42 ຍ່ອນ ກອນ ມັນແຊມ ອັນ ອາອິ້ ຮັບ ລາລີ. ກອນ ອັນ ມານໍ້າ ກ້ອຍ ແຕ້. ອາຍຸ່ ອັນ ຕາແບິ ມວຍ ຈິດ ລາ ບາຣ ກູມໍ, ມາ ອັນ ອາອິ້ ແຈ່ະ ອີ ກູຈິດ.

ບັອງ ກາ ເຢຊູ ເປາະ ຕຶ້ງ ຮານາ, ກຶ້ງ ລາລີ ກວາຍ ແນ່ດ ເຢຊູ. 43 ກະ ເບິນ ມານະ ມັນແຊມ ແອິດ ຕຶ້ງ ກ້ອຍ ກາ ເບິນ ອາອິ້ ແກ້ດ ຮີ້. ອິນແຍ່ະ ມວຍ ຈິດ ລາ ບາຣ ກູມໍ ມາ ຕາ ແກ້ດ ປຣາຍ ອາຣາມ ກ້ອຍ. ປຣະ ອັນ ອິນແຍ່ະ ປິດ ໂອນ ກວາຍ ກາ ປົວ, ມາ ຕາ ເບິນ ແບຣັຮ ອິນເຕົ້າ.\* 44 ອັນ ປາລ້ອງ ອາ

\* 8:43 8:43 ຊາອິ້ຍ ປັງ ຕຍາ ຕາ ເບິນ ເບິນ ປັຮນາຍ ກາ ປາຍ: "ປຣະ ອັນ ອິນແຍ່ະ ປິດ ໂອນ ກວາຍ ກາ ປົວ."

ມູ່ດ ຍັ່ນ ກຮ້ອງ ເຢຊູ, ເຈົ້າ ອາຕີ ອັນ ຕາແວ້ ຊາປະ ເປັນ ອາຍັອນ ເຢຊູ. ບັ້ງ ກາ ກ້ອຍ ແຕ່ ອາຮາມ ຕາ ເປັນ ລ້ອນ ນ້ອງ ແຕ ຈະ ອັນ.

45 ເຢຊູ ຕາແປບ ປາຍ: "ເມົ້າ ກາ ຊາປະ ເກົ້າ?"

ມາ ອາແລະ ລາ ຕາ ເປັນ ງິ້ນ. ກະ ເປໂຕ ປາຍ: "ອາຈານ ເອີຍ! ກິ້ງ ລາລີ້ ກວາຍ ແອິດ ກູທັດ, ກະ ໄລ່ ແມ່ດ ຈະ ອາຈານ."

46 ມາ ເຢຊູ ປາຍ ລ້ອນ ນະໄນ່: "ເປັນ ກວາຍ ຊາ ປະ ເກົ້າ, ຍ່ອນ ເກົ້າ ຊ້ອງ ເຮ່ງ ເກົ້າ ລ້ອນ ຈ່ອຍ ກວາຍ ການໍ້ອ."

47 ນະກ້ອຍ ມັນ ແຊມ ກາ ຊາປະ ອາຍັອນ ກ້ອຍ, ອັນ ຄິດ ຕາ ເປັນ ແກຣະ ນ້ອງ. ອັນ ກາ ໄກ່ຮ ອີງກ້ອນ ລາລີ້, ກະ ອັນ ປູບ ອາແຊງ ຈະ ອັນ ແຈະ ອາເຢິງ ເຢຊູ. ຍັ່ນ ເມີງ ກວາຍ ກິ້ງ ກ້ອຍ, ມັນ ແຊມ ກ້ອຍ ງິ້ນ ບໍ່ ເຢຊູ. ອັນ ອາຕີ ຕານ້ອງ ໂອນ ເຢຊູ ດັງ ຍ່ອນ ນານະ ແຕ ອັນ ແຕ້ອ ຊາປະ ອາຍັອນ ເຢຊູ ກະ ອາອີ້ ອັນ ແກິດ ແບຣັຮ ເລີ້ຍ.

48 ເຢຊູ ຕາແອີຍ ມັນ ແຊມ ກ້ອຍ ປາຍ: "ອາມໍ້ອ ເອີຍ! ຍ່ອນ ໄມ່ ຊາອໍາ, ອາອີ້ ໄມ່ ແກິດ ແບຣັຮ. ໄມ່ ເຈົ້າ ອຽນ ອໍ."

49 ບັ້ງ ກາ ເຢຊູ ອິນນ້ອງ ຕະ ອິນຕີ ກະ ມັນ ແຊມ ກ້ອຍ, ແຕ້ອ ມານະ ກວາຍ ແຕ ດຸງ ຢາອີໂຣ, ອັນ ກາ ຕະ ຊົດ ດຸງ ຊາງ ກ້ອຍ. ອັນ ອາຕີ ຢາອີໂຣ ປາຍ: "ກອນ ມັນ ແຊມ ໄມ່ ກູຈິດ ເຈົ້. ໄມ່ ອິນໂຈຍ ປາຕຸຣ ອາຈານ ນ້ອງ."

50 ເຢຊູ ຊ້ອງ ກວາຍ ກ້ອຍ ປາຍ ນະກ້ອຍ, ເຈົ້ ອັນ ອາຕີ ຢາອີໂຣ ປາຍ: "ອິນໂຈຍ ອີງກ້ອນ, ໄມ່ ຊາອໍາ ຊ້ອງ. ອິນຕຸ່ນ ກອນ ໄມ່ ແກິດ ແບຣັຮ ອໍ."

51 ພໍກາ ອັນ ແຕ້ອ ປໍ ດຸງ ຢາອີໂຣ, ເຢຊູ ໂອນ ເປໂຕ, ຢາໂກໂບ, ໂຢຮັນ, ກະ ອິມເປ້ອ ອິມປໍ້ ກອນ ມັນ ແຊມ ກ້ອຍ ມູ່ດ ຕິ່ງ ດຸງ. ກວາຍ ການໍ້ອ ອັນ ຕາ ໂອນ ມູ່ດ. 52 ອິນແຍະ ມັຮ ກວາຍ ກ້ອຍ ເຍີາມ ກອນ ມັນ ແຊມ ກູຈິດ ກ້ອຍ. ເຢຊູ ປາຍ: "ອິນ ໂຈຍ ເຍີາມ. ກວາຍ ໄມ່ ຕາ ເປັນ ກູຈິດ. ອັນ ບິ ຊ້ອງ."

53 ໄລ່ ກາ ຊ້ອງ ເຢຊູ ປາຍ ນະກ້ອຍ, ໄລ່ ກັຮ ຈັງ ເຈົ້າ ອັນ, ຍ່ອນ ໄລ່ ດັງ ປາຍ ກວາຍ ກ້ອຍ ກູຈິດ ເຈົ້. 54 ມາ ເຢຊູ ໂກບ ອາຕີ ມັນ ແຊມ ກາ ກູ ຈິດ ກ້ອຍ ກະ ອັນ ກູອໍ ປາຍ: "ອາມໍ້ອ ເອີຍ! ໄມ່ ຢວຣ!"

55 ນະກ້ອຍ ຮາເວີຍ ກວາຍ ກ້ອຍ ເຈົ້າ ລ້ອນ ບໍ່ ອັນ, ກະ ອັນ ຢວຣ ແຕ້. ເຢຊູ ອາຕີ ໂອນ ເມົ້າ ຈໍ້ອ

ໂດຍ ຮາແວ້ຮ ໂອນ ອາມໍ້ອ ກ້ອຍ ຈາ. 56 ອິມເປ້ ອໍ ອິມປໍ້ ມັນ ແຊມ ກ້ອຍ ຊ້ອງ ງິດ ລາລີ້, ມາ ເຢຊູ ປາຕັບ ໄລ່ ອິນໂຈຍ ໂອນ ອາແລະ ດັງ ແຕ ຮານະ ໄມ່.

### 9

ເຢຊູ ແປຣີ ມວຍ ຈິດ ລາ ບາຣ ນະ ເປາະ ຕະ ຮານະ ອັນ  
(ມັດທາຍ 10:5-15; ມາຣະໂກ 6:7-13)

1 ເຢຊູ ປາໂຣມ ມວຍ ຈິດ ລາ ບາຣ ນະ ກາ ຮ ຍານ ແຕ ອັນ. ອັນ ໂອນ ໄລ່ ເປັນ ອໍານາດ ດໍອ ຕູ່ຍຮ ອາລ້ອນ ເຢິງ ຕາ ອໍ ກາ ຕຣວບ ກວາຍ, ກະ ປົວ ມັຮ ກວາຍ ອາອີ້. 2 ເຈົ້ ອັນ ແປຣີ ໄລ່ ເປາະ ອາຕີ ແຕ ເຢິງ ເຈົ້າຮາຊີ ຕະ ຊົດ, ກະ ອັນ ແປຣີ ໄລ່ ເປາະ ປົວ ມັຮ ກວາຍ ອາອີ້. 3 ອັນ ປາ ຕັບ ໄລ່ ປາຍ: "ເຍົາ ອິນໂຈຍ ເດິງ ອິນເຕົ້າ ຕິ່ງ ຈະ ເຍົາ. ອິນໂຈຍ ເດິງ ຮາແລິງ. ອິນໂຈຍ ປະ ຕູຍ. ອິນໂຈຍ ເດິງ ເກຣິ່ງ ຊັຮນາ ຈາ. ອິນໂຈຍ ເດິງ ປຣະ. ກະ ອິນໂຈຍ ເດິງ ບາຣ ປູ່ຮ ອາຍັອນ. 4 ພໍ ກາ ເຍົາ ມູ່ດ ຕິ່ງ ວິລ, ອິງເຄາະ ເຍົາ ແອິດ ມວຍ ດຸງ ຊ້ອງ ເຕົ້າ ແຕ້ອ ເຍົາ ລ້ອນ ແຕ ວິລ ກ້ອຍ. 5 ຄັນ ເຍົາ ມູ່ດ ຕິ່ງ ວິລ ແລະ, ມາ ເມົ້າ ຕາ ເປັນ ຮັບ ເຍົາ, ພໍກາ ເຍົາ ລ້ອນ ແຕ ວິລ ກ້ອຍ, ອິງເຄາະ ເຍົາ ກັນ ຕຣິ່ຮ ພຸ່ນ ກູແຕອ ແຕ ອາເຢິງ. ໄມ່ ລາ ໂອນ ເມົ້າ ດັງ ກວາຍ ຕິ່ງ ວິລ ກ້ອຍ ຕາ ເປັນ ຮັບ ເຍົາ."

6 ນະກ້ອຍ ໄລ່ ກ້ອຍ ເປາະ ວິລ ແກດ ວິລ ປິດ ອາຕີ ປຣນາຍ ອໍ ແຕ ເຢິງ ເຈົ້າຮາຊີ. ກະ ໄລ່ ປົວ ມັຮ ກວາຍ ອາອີ້.

ເຮໂຣດ ຮານຸຣ ຮາງິຣ  
(ມັດທາຍ 14:1-12; ມາຣະໂກ 6:14-29)

7 ເຮໂຣດ, ອັນ ກາ ຊົດ ຕິ່ງ ແຄງ ຄາລີເລ, ອັນ ຊ້ອງ ແຕ ມັຮ ຮານະ ເຢຊູ ຕະ. ນະກ້ອຍ ອັນ ຮານຸຣ ຮາງິຣ, ຍ່ອນ ອັນ ຊ້ອງ ເມົ້າ ປາຍ ໂຢຮັນ ກາ ເກີ້ຍ ຕະ ຮິດ ຕິ່ງ ແດີອ ອາມັງ ລ້ອນ ແຕ ປິ່ງ.

8 ເປັນ ກວາຍ ການໍ້ອ ປາຍ ເອລີຢາ ແຕ້ອ ລ້ອນ ເຈົ້. ກະ ເປັນ ກວາຍ ການໍ້ອ ແອັນ ປາຍ ມານະ ອາຕີ ຕາງ ປຣນາຍ ເຢິງ ເຈົ້າຮາຊີ ອາມັງ ລ້ອນ ແຕ ອັນ ກູຈິດ. 9 ມາ ເຮໂຣດ ປາຍ: "ເກົ້າ ກ້ອນ ເຈົ້ ຕາກອງ ໂຢຮັນ, ມາ ກວາຍ ໄມ່ ລາ ເມົ້າ ກາ ເກົ້າ ຊ້ອງ ກວາຍ ປາຍ ອັນ ຕະ ຮານະ ນະກ້ອຍ?"

ນະກ້ອຍ ເຮໂຣດ ຈໍ້ອ ອີ ຮາມັຮ ເຢຊູ.

ເຢຊູ ແຈມ ກວາຍ ເຊິ່ງ ປັນ ນະ  
(ມັດທາຍ 14:13-21; ມາຕະໂກ 6:30-44;  
ໂຢຮັນ 6:1-14)

10 ມູ່ ກາ ເຢຊູ ແປຣີ ກ້ອຍ, ໄລ່ ເຈົ້າ ອາຕີ  
ລັ່ຣ ອັນ ມັຣ ຣານະ ໄລ່ ຕະ ເຈີ້. ອັນ ເດິງ ໄລ່  
ກ້ອຍ ເປາະ ກະ ອັນ ແຕ້ອ໌ ມວຍ ອິນຕຸ ແຈ່ະ ເມືອງ  
ເບັດຊາອິດາ. ອິນຕຸ ກ້ອຍ ຕາ ເບິນ ກວາຍ ແອັດ.

11 ມາ ພໍກາ ກຶ້ງ ກວາຍ ການໍ້ອ໌ ດັງ ເຢຊູ ເປາະ ປິ  
ອິນຕຸ ກ້ອຍ, ໄລ່ ເປາະ ຕາປູ່ນ ອັນ ແຕ່. ເຢຊູ ຮັບ  
ຮໍ້ອ໌ ບູຍ ໄລ່ ກ້ອຍ, ກະ ອັນ ອາຕີ ໄລ່ ແຕ ເຢິງ  
ເຈົ້າຣາຊີ ຕະ ຊົດ. ກະ ອັນ ປົວ ກວາຍ ອາແລະ ກາ  
ເບິນ ອາອິ້.

12 ແຈ່ະ ມານາງ ອີ ຕາປີ້, ມູ່ ກາ ຣຍານ ແຕ ເຢຊູ  
ແຕ້ອ໌ ປິ ອັນ ກະ ປາຍ: "ແຊອ໌ ອາຈານ ອາຕີ ມັຣ  
ກວາຍ ກຶ້ງ ໄນ່ ເຈົ້າ ປິ ເມືອງ ແກດ ເມືອງ ປິດ ອິມ  
ແປຣ ໄນ່ ໂອນ ໄລ່ ຈໍ້ອ໌ ອິນຕຸ ແອັດ, ກະ ໂອນ ໄລ່  
ແຈິງ ເບິມ ເກຣິ່ງ ຊັຣນາ ຈາ, ຍ່ອນ ອິນຕຸ ໄນ່ ເຢິງ  
ແຕ ກວາຍ ແອັດ."

13 ມາ ເຢຊູ ອາຕີ ລັ່ຣ ໄລ່ ປາຍ: "ເຍົາ ແຕ້ ໂອນ  
ໄລ່ ເບິນ ເກຣິ່ງ ຊັຣນາ ຈາ."

ໄລ່ ກ້ອຍ ປາຍ ລັ່ຣ ນະໄນ່: "ຮີ ເບິນ ແອິງ ເຊິງ  
ລໍາ ໂດຍ ບຸຣ ກະ ບາຣ ລໍາ ອາກາ ຊ້ອງ. ອາຈານ  
ຍໍ້ອ໌ ຮີ ເປາະ ແຈິງ ເກຣິ່ງ ຊັຣນາ ໂອນ ກວາຍ ກຶ້ງ  
ໄນ່ ຈາ ບໍ່?"

14 ແອັດ ອິນຕຸ ກ້ອຍ ເບິນ ມາຣ ເຊິ່ງ ປັນ ນະ  
ກວາຍ ຊາຊາຍ ຣາເລົາ, ມາ ຕາ ເບິນ ນັບ ມັນແຊມ  
ກະ ກັຣແນນ. ເຈີ້ ເຢຊູ ອາຕີ ມູ່ ກາ ຣຍານ ແຕ ອັນ  
ປາຍ: "ໂອນ ອິນແຍ່ະ ມັຣ ກວາຍ ກຶ້ງ ໄນ່ ຕາກູ,  
ມວຍ ອິນຕຸ ເຊິງ ຈິດ ນະ."

15 ເຈີ້ ມູ່ ກາ ຣຍານ ແຕ ເຢຊູ ໂອນ ກວາຍ ກຶ້ງ  
ຕາກູ. 16 ເຢຊູ ອິດ ເຊິງ ລໍາ ໂດຍ ບຸຣ ກະ ບາຣ ລໍາ  
ອາກາ ກ້ອຍ. ອັນ ຕາເງິ້ອ໌ ອາຊ້ອຍ ປິ ມັນລ້ອງ ກະ  
ຊາແອິນ ເຢິງ ເຈົ້າຣາຊີ ເບິນ ເກຣິ່ງ ຊັຣນາ ຈາ ໄນ່.  
ແວັດ ກ້ອຍ, ອັນ ປີຣ ໂດຍ ບຸຣ ກະ ມ່ອບ ໂອນ ມູ່  
ກາ ຣຍານ ແຕ ອັນ ອິມແປອ໌ ໂອນ ອິນແຍ່ະ ມັຣ  
ກວາຍ ຈາ. 17 ໄລ່ ກ້ອຍ ຈາ ປາໄຊ ກູ່ ນະ. ແວັດ  
ໄລ່ ຈາ, ມູ່ ກາ ຣຍານ ແຕ ເຢຊູ ປາໂຣມ ລັ່ຣ ມັຣ  
ອິງກັຣ ແກຼິຍ ໄລ່ ຈາ, ເບິນ ມວຍ ຈິດ ລາ ບາຣ ກາ  
ເຣຍ.

ເຢຊູ ອາຕີ ແຕ ອັນ ອິງເຄາະ ກູຈິດ  
(ມັດທາຍ 16:13-28; ມາຕະໂກ 8:27-  
9:1)

18 ເບິນ ມວຍ ຕາໄງ ບ້ອງ ກາ ເຢຊູ ແອັດ ເກົາ  
ແຊອ໌ ມານະ ອັນ, ເຈີ້ ມູ່ ກາ ຣຍານ ແຕ ອັນ ແຕ້ອ໌.  
ເຢຊູ ຕາເບິບ ໄລ່ ປາຍ: "ມັຣ ກວາຍ ກຶ້ງ ກ້ອຍ,  
ໄລ່ ປາຍ ເກົາ ລາ ເພົາ?"

19 ໄລ່ ຕາແອິຍ ປາຍ: "ເບິນ ອັນ ກາ ປາຍ  
ອາຈານ ລາ ໂຢຮັນ, ອັນ ກາ ເກິຍ ຕະ ຮິດ ຕິ່ງ  
ແຕ້ອ໌. ເບິນ ອັນ ກາ ປາຍ ອາຈານ ລາ ເອລີຢາ,  
ກະ ເບິນ ອັນ ກາ ປາຍ ອາຈານ ລາ ກວາຍ ອາຕີ  
ຕາງ ປັຣນາຍ ເຢິງ ເຈົ້າຣາຊີ ອາມັງ ລັ່ຣ ແຕ ກູ  
ຈິດ."

20 ເຢຊູ ຕາເບິບ ລັ່ຣ ໄລ່ ປາຍ: "ມາ ເຍົາ ແອັນ  
ປາຍ ເກົາ ລາ ເພົາ?"

ເປໂຕ ຕາແອິຍ ປາຍ: "ອາຈານ ລາ ກຣິດ, ອັນ  
ກາ ເຢິງ ເຈົ້າຣາຊີ ຮຽຣ ດໍ້ອ໌ ໂອນ ຈ່ອຍ ອາມັງ  
ກວາຍ!"

21 ເຢຊູ ປາຕັບ ໄລ່ ອິນໂຈຍ ອາຕີ ໂອນ ກວາຍ  
ການໍ້ອ໌ ດັງ ແຕ ຣາມິ້ຣ ໄນ່. 22 ກະ ອັນ ອາຕີ ແອັນ  
ປາຍ: "ເຈີ້ ປິ ເມືາງ ເກົາ, ກອນ ເຢິງ ແກັດ ກວາ  
ຍ, ອິງເຄາະ ຈິວ ຊາອິ້ຍ ຣາມິ້ຣ ດຸຣ ກັດ ແຕ້ອ໌ ປິ  
ເກົາ. ມັຣ ກວາຍ ເທົາແກ ຈຸ່ມເຈືອ, ມັຣ ກວາຍ  
ຊົດ ມູ່ ກາ ຊາງ ຮິດ ເຢິງ ເຈົ້າຣາຊີ, ກະ ມັຣ ກວາ  
ຍ ອາຕີ ຄານອດ, ອິນແຍ່ະ ໄລ່ ກ້ອຍ ຊາອັຣ ກະ  
ອວານ ເກົາ, ເຈີ້ ກາຈິດ ເກົາ. ມາ ແຕ້ອ໌ ຕາໄງ ໄປ  
ເກົາ ອາມັງ ລັ່ຣ."

23 ແວັດ ກ້ອຍ, ເຢຊູ ອາຕີ ອິນແຍ່ະ ມັຣ ໄລ່  
ກ້ອຍ ນະໄນ່: "ຄັນ ເບິນ ກວາຍ ອາແລະ ມາ ຍໍ້ອ໌  
ອີ ປວາຍ ເກົາ, ອິງເຄາະ ອັນ ຕັຣ ຣານະ ອັນ ເບີ  
ມ. ອິງເຄາະ ກູ່ ຣາໄງ ອັນ ອິດ ໂດລ ອາລ່ອງ ຊັງກັງ  
ອັນ ເບິມ, ກະ ອິງເຄາະ ອັນ ປວາຍ ເກົາ. 24 ກວາຍ  
ອາແລະ ມາ ປາຊີ ຣາງິ້ຣ ອັນ ຕິ່ງ ແດິຍ ໄນ່, ຣາງິ້ຣ  
ກວາຍ ກ້ອຍ ປິດ. ມາ ກວາຍ ອາແລະ ມາ ຈິວ ປິດ  
ຣາງິ້ຣ ອັນ ຍ່ອນ ອັນ ປວາຍ ເກົາ, ຣາງິ້ຣ ກວາຍ  
ກ້ອຍ ຕາ ແກັດ ປິດ. 25 ຄັນ ກວາຍ ອາແລະ ມາ  
ເບິນ ດຸ່ກ ມາເລ່ກ ແຊກ ມາການ ເກຣິ່ງ ເກຣົາ ຕິ່ງ  
ແດິຍ ໄນ່ ຕາ ເບິນ ແອິ ອິນເຕົ້າ, ມາ ອັນ ແກັດ ປິດ  
ເມົາດ ຊ້ອງ, ອິນເຕົ້າ ລະ ເກົາ ໂອນ ອັນ? 26 ຄັນ  
ກວາຍ ອາແລະ ມາ ກູມາລ ຕະ ແຕ ເກົາ ກະ ກູມາລ  
ຕະ ແຕ ປັຣນາຍ ເກົາ ຍໍ້ຣ ເມືາງ ກວາຍ ຕິ່ງ ແດິຍ  
ໄນ່, ປັຣແນີ ມັນເຕຣົາ ເກົາ, ກອນ ເຢິງ ແກັດ ກວາ  
ຍ, ກູມາລ ຕະ ລັ່ຣ ແຕ່ ອັນ ຕິ່ງ ຕາໄງ ເກົາ ແຕ້ອ໌  
ລັ່ຣ ປິ ກູແຕອ໌ ໄນ່. ຕາໄງ ກ້ອຍ ເກົາ ເບິນ ອາງອິ້ຣ  
ແຕ ອິມປໍ ເກົາ, ກະ ອິມປຣ່ອມ ເປາະ ກະ ມັຣ ກາ  
ເທວາດາ ເຢິງ ເຈົ້າຣາຊີ ກາ ຕາ ເບິນ ໄລ່ຍຣ ອິນ  
ເຕົ້າ. 27 ເກົາ ອາຕີ ຕາມ້ອງ ໂອນ ເຍົາ, ເບິນ ກວາ  
ຍ ກາ ຕາຍິ່ງ ແອັດ ອິນຕຸ ໄນ່ ຊານໍ້, ໄລ່ ຕາ ເບິນ ກູ

ຈິດ ຢວາຣ ເຕົ້າ ແຕ້ອ໌ ໄລ່ ເບີນ ເຮີມ ເຢີງ ເຈົາຣາ ຊີ ຕະ ຊົດ."

ຮູ່ບເຮີງ ເຢຊູ ແກິດ ອີມພາ ແອັນ  
(ມັດທາຍ 17:1-8; ມາຣະໂກ 9:2-8)

28 ແວັດ ເຢຊູ ປາຍ ມັຮ ປັຮນາຍ ກ້ອຍ, ເບີນ ມາຣ ຕາກ່ອລ ຕາໄງ ແອັນ, ເຈີ່ ເຢຊູ ເດີງ ເປໂຕ, ໂຢຮັນ, ກະ ຢາໂກໂບ ຊ້ອຣ ກະ ອັນ ຕຶ້ງ ກັຮ, ອີ ເກົາແຊອ໌ ອົງກ້ອຍ. 29 ບັອງ ກາ ເຢຊູ ເກົາແຊອ໌, ອັນ ຊຳປູນ ຕຶ້ງ ມັດ ໄລ່ ແກິດ ຮູ່ບເຮີງ ອີມພາ ແອັນ, ກະ ເກຣິ່ງ ອັນ ແກິດ ກູ້ອ໌ ຊັຣມຍາລ ມັດ. 30 ເບີນ ບາຣ ນະ ຕະ ອິນຕີ ກະ ເຢຊູ. ໄລ່ ບາຣ ນະ ລາ ໂມເຊ ກະ ເອລີຢາ. 31 ຮູ່ບເຮີງ ໄລ່ ອາງ ອິ່ຣ, ກະ ໄລ່ ອາຕີ ແຕ ເຢຊູ ຈີວ ກູຈິດ ຕຶ້ງ ເມືອງ ເຢຣຸຊາເລັມ. 32 ມາ ເປໂຕ ກະ ເຍົາ ອັນ, ໄລ່ ຊ້ອງ ຍິ່ອ ອີ ບີ ລາລີ້. ມາ ພໍກາ ເປໂຕ ກະ ເຍົາ ອັນ ຕາເມີ, ໄລ່ ເຮີມ ອາງອິ່ຣ ຮູ່ບເຮີງ ເຢຊູ, ກະ ໄລ່ ບາຣ ນະ ກວາຍ ການໍອ໌ ກ້ອຍ ແອິດ ຕາຍິ່ງ ກະ ເຢຊູ. 33 ພໍກາ ໄລ່ ບາຣ ນະ ກ້ອຍ ລ້ອຣ ແຕ ເຢຊູ, ເປໂຕ ອາຕີ ເຢຊູ ປາຍ: "ອາຈານ ເອີຍ! ຮິ ແອິດ ອິນໄນ່ ລາ ອໍ ລາລີ້. ຮິ ອີ ຕະ ໄປ ລຳ ຊູ, ມານຳ ລາ ຕະ ໂອນ ອາຈານ, ມານຳ ລາ ຕະ ໂອນ ໂມເຊ, ກະ ມານຳ ລາ ຕະ ໂອນ ເອລີຢາ." ມາ ເປໂຕ ປາຍ ນະກ້ອຍ ລາ ອັນ ຕາ ເບີນ ດັງ ອັນ ປາຍ ອິນ ເຕົ້າ.

34 ບັອງ ກາ ເປໂຕ ອິນນ້ອງ ຕະ ອິນຕີ, ເບີ ນ ຣາມິລ ແຕ້ອ໌ ບີ ກ້ອຍ ເຈີ່ ຕວມ ດໍອ໌ ຈະ ໄລ່. ນະກ້ອຍ ໄລ່ ຊ້ອງ ອົງກ້ອຣ ລາລີ້. 35 ກະ ເບີນ ຊຽງ ຊາບາວ ອາຕີ ແຕ ຣາມິລ ກ້ອຍ ປາຍ: "ໄນ່ ລາ ກອນ ເກົາ ກາ ເກົາ ຣຽຣ. ອິນເຕົ້າ ອັນ ອາຕີ, ອົງເຄາະ ເຍົາ ຊາງັດ ອັນ ນໍ!"

36 ແວັດ ຊຽງ ກ້ອຍ ຮາງຍາອ໌, ໄລ່ ເຮີມ ແອິງ ເຢຊູ ຊ້ອງ ແອິດ ອິນຕຸ ກ້ອຍ. ເຈີ່ ໄລ່ ໄປ ນະ ມູ່ ກາ ຣຍານ ແຕ ເຢຊູ, ໄລ່ ເຈີ່ ດໍອ໌ ມັຮ ຣາມິຣ ກ້ອຍ ຕຶ້ງ ຣາງິຣ ໄລ່ ມາ ໄລ່ ຕາ ເບີນ ອາຕີ ຢວາຣ ໂອນ ກວາຍ ການໍອ໌ ດັງ ແຕ ຣາມິຣ ກາ ໄລ່ ເຮີມ.

ເຢຊູ ປົວ ກວາຍ ຣາເລົາ ກາ ເຢີງ ຕາ ອໍ ຕຣວບ  
(ມັດທາຍ 17:14-18; ມາຣະໂກ 9:14-27)

37 ມາຣ ຕາໄງ ປັຣແນີ ແອັນ, ແຕ້ອ໌ ໄລ່ ແຊງ ແຕ ກັຮ, ເບີນ ກຶ້ງ ກວາຍ ຣາມິຣ ເຢຊູ. 38 ເບີ ນ ມານະ ແຕ ກວາຍ ກຶ້ງ ກ້ອຍ ຊາບາວ ເຣ່ງ ລາລີ້ ປາຍ: "ອາຈານ ເອີຍ! ເກົາ ແຊອ໌ ອາຈານ ເປະ ແມ່ ກອນ ຣາເລົາ ເກົາ. ເກົາ ເບີນ ກອນ ຣາເລົາ ມານຳ

ໄນ່ ແຕ້. 39 ກະ ເຢີງ ຕາ ອໍ ຕຣວບ ອັນ. ພໍກາ ອັນ ຕະ, ຊັນຕັຣ ອັນ ແຣຣ ຊ້ອງ, ກະ ເຢີງ ຕາ ອໍ ກ້ອຍ ແດັຣ ອັນ, ເຈີ່ ລ້ອຣ ປູບັຣ ແຕ ແບອ໌. ອັນ ແດັຣ ປຸງໆ ກອນ ເກົາ, ເຈີ່ ອັນ ຕາງິດ, ມາ ອັນ ຕາ ເບີນ ຕັຣ ແຕ ຈະ ກອນ ເກົາ! 40 ເກົາ ແຊອ໌ ເຈີ່ ມູ່ ກາ ຣຍານ ແຕ ອາຈານ ໂອນ ຕູ່ຍຣ ອາລ້ອຣ ເຢີງ ຕາ ອໍ ແຕ ຈະ ກອນ ເກົາ, ມາ ໄລ່ ຕູ່ຍຣ ອັນ ຕາ ເຮົາບ."

41 ເຢຊູ ຕາແອິຍ ປາຍ: "ເຍົາ ກາ ແອິດ ຕຶ້ງ ແດ້ຍ ໄນ່ ເອີຍ! ເຍົາ ຕາ ເບີນ ຊາອຳ ກະ ເຍົາ ລາ ກວາຍ ກາ ຫຼິນ ລາລີ້! ອິນນ້ອງ ດູ່ນ ມາແລະ ເກົາ ແອິດ ກະ ເຍົາ ກະ ຈີວ ເຍົາ ຕາ ເບີນ ຊາອຳ? ເດີງ ໂອນ ກອນ ໄນ່ ແຕ້ອ໌ ບີ ເກົາ ແມຣ!"

42 ບັອງ ກາ ຣາເລົາ ກ້ອຍ ແຕ້ອ໌, ເຢີງ ຕາ ອໍ ກ້ອຍ ແດັຣ ອັນ, ເຈີ່ ອາໄຕຣ ອັນ ຕຶ້ງ ກູແຕອ໌. ເຢຊູ ກາແອັຣ ເຢີງ ຕາ ອໍ ໂອນ ອັນ ລ້ອຣ ແຕ ຈະ ກັຣແນນ ກ້ອຍ. ເຈີ່ ກັຣແນນ ກ້ອຍ ແກິດ ແບຸ ຣັຣ. ເຢຊູ ມ່ອບ ລັຣ ກັຣແນນ ກ້ອຍ ບີ ອິມປໍ ອັນ. 43 ອິນແຍະ ມັຮ ກວາຍ ກ້ອຍ ຊ້ອງ ງິດ ລາ ລີ້ ຍ່ອນ ໄລ່ ເຮີມ ເຢີງ ເຈົາຣາຊີ ເບີນ ອຳນາດ ປິດ ລາລີ້ ນະກ້ອຍ.

ເຢຊູ ອາຕີ ລັຣ ແຕ ອັນ ອົງເຄາະ ຈີວ ກູຈິດ  
(ມັດທາຍ 17:22-23; ມາຣະໂກ 9:30-32)

ບັອງ ກາ ອິນແຍະ ມັຮ ກວາຍ ກ້ອຍ ອິນນ້ອງ ຊ້ອງ ງິດ ແຕ ຣານະ ເຢຊູ ຕະ ນະກ້ອຍ, ເຢຊູ ອາ ຕີ ມູ່ ກາ ຣຍານ ແຕ ອັນ ປາຍ: 44 "ເຍົາ ຊາງັດ ອໍ ປັຮນາຍ ເກົາ ອາຕີ ເຍົາ ໄນ່! ແຈະ ເຈີ່ ເນົ້າ ອີ ມ່ອບ ເກົາ, ກອນ ເຢີງ ແກິດ ກວາຍ, ບີ ອາຕີ ກວາຍ ຊົດ!"

45 ມາ ໄລ່ ກ້ອຍ ຕາ ເບີນ ຊາປຸຣ ປັຮນາຍ ກ້ອຍ. ເຢີງ ເຈົາຣາຊີ ປາໂຕະ ຣາມິຣ ປັຮນາຍ ກ້ອຍ ໂອນ ໄລ່ ຕາ ເບີນ ດັງ. ກະ ໄລ່ ຕາ ຍັນ ຕາ ແປັບ ເຢຊູ ແຕ ຣາມິຣ ກ້ອຍ.

ເນົ້າ ປິດ ກາເລີຍ ອິນແຍະ ແຕ ການໍອ໌?  
(ມັດທາຍ 18:1-5; ມາຣະໂກ 9:33-37)

46 ມັຮ ມູ່ ກາ ຣຍານ ແຕ ເຢຊູ, ໄລ່ ຣາຮຽນ ປາຍ ເນົ້າ ກາ ປິດ ກາເລີຍ ແຕ ເຍົາ ຕຶ້ງ ມູ່ ໄລ່. 47 ເຢຊູ ດັງ ໄລ່ ຕະ ອິນຕີ ນະກ້ອຍ. ເຈີ່ ເຢຊູ ເຕີ ອາຕີ ມວຍ ນະ ກັຣແນນ, ໂອນ ກັຣແນນ ກ້ອຍ ຕາຍິ່ງ ແຈະ ອັນ. 48 ອັນ ອາຕີ ມູ່ ກາ ຣຍານ ແຕ ອັນ ປາຍ: "ກວາຍ ອາແລະ ມາ ຣັບ ອໍ ກັຣແນນ ນະໄນ່ ຍ່ອນ ອັນ ຊາອຳ ເກົາ, ກວາຍ ກ້ອຍ ຣັບ ອໍ

ກາ ເກົາ ແຮ້. ກະ ກວາຍ ອາແລະ ກາ ຮັບ ອໍ ເກົາ, ມູ ເຈິງ ກວາຍ ກ້ອຍ ຮັບ ອໍ ອັນ ກາ ແປຣີ ເກົາ ແຕ້ອໍ ບໍ່ ໄມ່ ເຕ່. ກວາຍ ອາແລະ ກາ ອາແຊງ ຈະ ແກ້ດ ແກດ ກາເລີຍ ອິນແຍ່ະ ແຕ ເຍົາ ຕຶ້ງ ມູ່ ເຍົາ, ກວາຍ ກ້ອຍ ແກ້ດ ປັດ ກາເລີຍ ແຕ ເຍົາ."

ອາແລະ ກາ ຕາ ເບີນ ດໍອໍ ມັດ ກະ ໄຮ, ອັນ ຈ່ອຍ ໄຮ  
(ມາຕະໂນ 9:38-40)

49 ໂຢຮັນ ອາຕີ ເຢຊູ ປາຍ: "ອາຈານ ເອີຍ! ຮິ ເຮີມ ເຈີ່ ມານະ ກວາຍ ຕຸ່ຍຮ ອາລ້ອຮ ເຢິງ ຕາ ອໍ ກະ ອັນ ກູອໍ ຣາມິຣ ອາຈານ. ມາ ຮິ ຕາ ໂອນ ອັນ ຕະ ນ້ອງ ຣານະ ກ້ອຍ, ຍ່ອນ ອັນ ລາ ຕາ ແກ້ນ ກວາຍ ໄຮ."

50 ມາ ເຢຊູ ອາຕີ ລັຮ ໂຢຮັນ ປາຍ: "ເຍົາ ອິນ ໂຈຍ ກາຕັງ ອັນ. ກວາຍ ອາແລະ ກາ ຕາ ເບີນ ດໍອໍ ມັດ ກະ ເຍົາ, ໄມ່ ລາ ມູເຈິງ ກວາຍ ກ້ອຍ ແອັດ ກະ ເຍົາ ເຕ່."

ເຢຊູ ເປາະ ເບີຍ ວິລ ກວາຍ ຊາມາເຣຍ

51 ແຈ່ ອີ ແຕ້ອໍ ເຈີ່ ຕາໄງ ເຢຊູ ຊ້ອຮ ລັຮ ບໍ່ ມັນລ້ອງ; ນະກ້ອຍ ເຢຊູ ຄິດ ອີ ເປາະ ບໍ່ ເມືອງ ເຢຣູຊາເລັມ. 52 ອັນ ແປຣີ ມັຮ ກວາຍ ເດິງ ປັຮ ນາຍ ເປາະ ອິນໂຍ່ງ. ກວາຍ ກ້ອຍ ມູ່ດ ຕຶ້ງ ມວຍ ວິລ ກວາຍ ຊາມາເຣຍ. ໄລ່ ກຽມ ດໍອໍ ໂອນ ເຢຊູ ແຕ້ອໍ. 53 ມາ ກວາຍ ແອັດ ຕຶ້ງ ວິລ ກ້ອຍ ຕາ ເບີ ນ ຮັບ ເຢຊູ, ຍ່ອນ ໄລ່ ດັງ ອັນ ຍິອໍ ອີ ເປາະ ບໍ່ ເມືອງ ເຢຣູຊາເລັມ. 54 ພໍກາ ຢາໂກໂບ ກະ ໂຢຮັນ, ໄລ່ ບາຣ ນະ ແຕ ມູ່ ກາ ຣຍານ ແຕ ເຢຊູ, ເຮີມ ຣານະ ກ້ອຍ, ໄລ່ ຕາແບັບ ເຢຊູ ປາຍ: "ອິນເຈົ້າ ເອີຍ! ອິນເຈົ້າ ຍິອໍ ຮິ ກູອໍ ອູ່ຍຮ ແຕ ມັນລ້ອງ ແຊງ ຈ້ອງ ໄລ່ ກ້ອຍ ບໍ່?"

55 ມາ ເຢຊູ ກູລຽວ, ກະ ອັນ ກາແອັຮ ໄລ່ ອິນ ໂຈຍ ຄິດ ນະກ້ອຍ. 56 ເຈີ່ ໄລ່ ເປາະ ບໍ່ ວິລ ການໍອໍ ແອັນ.

ອິງເຄາະ ໄຮ ຕະ ນານະ ອີ ປວາຍ ເຢຊູ?

(ມັດທາຍ 8:19-22)

57 ບັອງ ກາ ໄລ່ ເປາະ ຕຶ້ງ ຣານາ, ເບີນ ມານະ ຣາ ເລົາ ແຕ້ອໍ ບໍ່ ເຢຊູ ກະ ອັນ ປາຍ: "ອາຈານ ເອີຍ! ບໍ່ ແລະ ອາຈານ ເປາະ, ເກົາ ປວາຍ ອາຈານ ບໍ່ ກ້ອຍ ເຕ່."

58 ເຢຊູ ອາຕີ ລັຮ ອັນ ປາຍ: "ຕາຈໍອໍ ອິນນ້ອງ ເບີນ ກິ້ບ, ແຈມ ອິນນ້ອງ ເບີນ ຊາມິຣ, ມາ ກອນ

ເຢິງ ແກ້ດ ກວາຍ ຕາ ເບີນ ອິນຕຸ ແລະ ໂອນ ອັນ ບິ."

59 ເຢຊູ ແປຣີ ມານະ ກວາຍ ການໍອໍ: "ໄມ່ ປວາຍ ເກົາ."

ມາ ກວາຍ ກ້ອຍ ປາຍ ລັຮ ນະໄມ່: "ອິນເຈົ້າ ເອີຍ! ທາຣາະ ອິມບໍ່ ເກົາ ກູຈິດ ເວົ້າຍ. ແວັດ ເກົາ ແຕັບ ອິມບໍ່ ເກົາ, ເຈີ່ ເກົາ ປວາຍ ອິນເຈົ້າ."

60 ເຢຊູ ອາຕີ ລັຮ ອັນ ປາຍ: "ດໍອໍ ໂອນ ກວາຍ ກູຈິດ ແຕັບ ກວາຍ ກູຈິດ.\* ມາ ໄມ່, ອິງເຄາະ ໄມ່ ເປາະ ອາຕີ ແຕ ເຢິງ ເຈົ້າຣາຊີ ຕະ ຊົດ."

61 ເບີນ ກວາຍ ການໍອໍ ແອັນ ປາຍ: "ອິນເຈົ້າ ເອີຍ! ເກົາ ຍິອໍ ອີ ປວາຍ ອິນເຈົ້າ ເຕ່, ມາ ເກົາ ແຊອໍ ເຈົ້າ ກ່ອນ ກວາຍ ຕຶ້ງ ດຸງ ເກົາ ເວົ້າຍ."

62 ເຢຊູ ອາຕີ ກວາຍ ກ້ອຍ ປາຍ: "ກວາຍ ອາ ແລະ ມາ ຢູມ ອິງກໍລ ໄທ ຊວນ ອັນ, ອິງເຄາະ ກວາຍ ກ້ອຍ ອິນໂຈຍ ກູລຍານ ບໍ່ ກຣັອງ. ອັນ ກາ ຕະ ຣານະ ເຢິງ ເຈົ້າຣາຊີ ລາ ມູເຈິງ ກ້ອຍ ເຕ່. ຄັນ ອັນ ເບີນ ບາຣ ຣາງິຣ, ເຢິງ ເຈົ້າຣາຊີ ຕາ ເບີນ ຕະ ຊົດ ອັນ."

## 10

ເຢຊູ ແປຣີ ຕາປູລ ຈິດ ລາ ບາຣ ນະ ເປາະ ອິນ ໂຍ່ງ ອັນ

1 ແວັດ ກ້ອຍ ແອັນ ເຢຊູ ຣຽຮ ກວາຍ ຕາປູລ ຈິດ ລາ ບາຣ ນະ. ອັນ ແປຣີ ໄລ່ ກ້ອຍ ເປາະ ອິນ ໂຍ່ງ ອັນ, ມັນຕຸ ບາຣ ນະ, ມູ່ດ ອິນແຍ່ະ ກູ່ ເມືອງ ກູ່ ອິນຕຸ ອັນ ຄິດ ອີ ເປາະ. 2 ອັນ ອາຕີ ໄລ່ ກ້ອຍ ປາຍ: "ທອ້ ຕຶ້ງ ໄທຣ ຕາວັຣ ລາລີ່ ຈິນ ເຈີ່, ມາ ເບີ ນ ບີອໍ ນະ ກວາຍ ເປາະ ຊອດ ທອ້ ກ້ອຍ. ອິງເຄາະ ເຍົາ ແຊອໍ ແຕ ອິນເຈົ້າ ໄທຣ ໂອນ ອັນ ແປຣີ ເບີນ ຊາອີຍ ນະ ແອັນ ເປາະ ຊອດ ທອ້ ກ້ອຍ. 3 ເຍົາ ເປາະ! ເກົາ ແປຣີ ເຍົາ ເປາະ ນະ ແກະ ກອນ ແອັດ ອິນຕີ ຊັນຕຣັນ ຊາກ້ອງ. 4 ເຍົາ ອິນໂຈຍ ເດິງ ປຣະ. ອິນໂຈຍ ປະ ຕູຍ ນະ ກວາຍ ຊູແຊອໍ. ອິນ ໂຈຍ ເດິງ ບາຣ ກູ່ ແກັບ. ກະ ແຕ້ອໍ ເຍົາ ຣາມິຣ ເຍົາ ຕຶ້ງ ຣານາ, ເຍົາ ອິນໂຈຍ ຕາກູ ຕະ ອິນຕີ ກະ ໄລ່. 5 ແຕ້ອໍ ເຍົາ ມູ່ດ ຕຶ້ງ ດຸງ ອາແລະ, ແຕ ຕາແບັ ລາ ລີ່ ເຍົາ ປາຍ: 'ແຊອໍ ເຢິງ ເຈົ້າຣາຊີ ຈ່ອຍ ໂອນ ດຸງ ຊູ ໄມ່ ເບີນ ບັນ ຊວານ ອຽນ ອໍ ເລືອຍໆ.' 6 ຄັນ ກວາຍ ແອັດ ຕຶ້ງ ດຸງ ກ້ອຍ ເບີນ ຣາງິຣ ຍິອໍ ອີ ຮັບ ບຸ່ນ ກ້ອຍ, ເຢິງ ເຈົ້າຣາຊີ ໂອນ ໄລ່ ເບີນ. ມາ ຄັນ ໄລ່ ຕາ ເບີນ ຍິອໍ ອີ ຮັບ, ເຢິງ ເຈົ້າຣາຊີ ໂອນ ເຍົາ

\* 9:60 9:60 ປັຮນາຍ ຊາກໍ ໄມ່ ເຢຊູ ປາຍ: "ດໍອໍ ໂອນ ໄລ່ ກາ ຕາ ເບີນ ຊາອໍ ເກົາ ແນ່ ຊາລີອໍ ເບີມ ກວາຍ ການໍອໍ ກາ ຕາ ເບີນ ຊາອໍ ເກົາ."



ແອັນ ເບີນ ບຸນ ກ້ອຍ. <sup>7</sup> ອີງເຄາະ ເຍົາ ແອີດ ມວຍ ດຸງ ຊ້ອງ. ເຍົາ ອິນໂຈຍ ເປາະ ແອີດ ດຸງ ອາໄນ່ ດຸງ ອາກ້ອຍ ແຮ້. ກະ ຊຸຣນາ ຈາ ອິນເຕົ້າ ກວາຍ ດຸງ ກ້ອຍ ໂອນ ເຍົາ ຈາ, ເຍົາ ຈາ ຊຸຣນາ ກ້ອຍ. ກວາຍ ກາ ຕະ ຣານະ ຈ່ອຍ ກວາຍ ການໍ່ອໍ, ອີງເຄາະ ກວາຍ ການໍ່ອໍ ກ້ອຍ ຈ່ອຍ ລໍ່ ໂອນ ອັນ ກາ ຕະ ກ້ອຍ ເບີນ ເກຣິງ ຊຸຣນາ ຈາ. <sup>8</sup> ແຕ້ອໍ ເຍົາ ມູ່ດ ຕຶງ ເມືອງ, ຄັນ ກວາຍ ກ້ອຍ ຮັບ ຣາບັນ ອໍ ໂຈະ ເຍົາ, ອີງເຄາະ ເຍົາ ຈາ ມັຣ ເກຣິງ ຊຸຣນາ ຈາ ໄລ່ ໂອນ. <sup>9</sup> ຕຶງ ເມືອງ ກ້ອຍ ອີງເຄາະ ເຍົາ ປົວ ມັຣ ກວາຍ ອາ ອໍ. ກະ ອີງເຄາະ ເຍົາ ອາຕີ ໄລ່ ປາຍ: 'ແຈະ ອີ ແຕ້ອໍ ປາແນ່ນ ເຈົ້ ເຢົາ ເຈົ້າຣາຊີ ຕະ ຊົດ.' <sup>10</sup> ແຕ້ອໍ ເຍົາ ມູ່ດ ຕຶງ ວິລ ກວາຍ, ມາ ກວາຍ ຕຶງ ວິລ ກ້ອຍ ຕາ ເບີນ ຮັບ ຣາບັນ ອໍ ໂຈະ ເຍົາ, ອີງເຄາະ ເຍົາ ລໍ່ອໍ ລໍ່ ປີ ຣານາ ກະ ປາຍ: <sup>11</sup> 'ພຸ່ນ ກູແຕອໍ ແຕ ວິລ ເຍົາ ກາ ແຕັດ ອາເຢົງ ຮິ; ຮິ ອີ ກັນຕຣິຣ ຕັຣ. ມະກ້ອຍ ລາ ຕະ ໂອນ ເມົ້າ ດັງ ເຍົາ ຕາ ເບີນ ຮັບ ຮິ.' ມາ ອີງເຄາະ ເຍົາ ດັງ ເຕ່ ປາຍ, ແຈະ ອີ ແຕ້ອໍ ປາແນ່ນ ເຈົ້ ເຢົາ ເຈົ້າຣາຊີ ຕະ ຊົດ!"

<sup>12</sup> ເຈົ້ ເຢຊູ ອາຕີ ແອັນ ປາຍ: "ເກົາ ອາຕີ ເຍົາ ລາ ແຕ້ອໍ ຕາໂງ ເຢົາ ເຈົ້າຣາຊີ ອາເບື້ອ ອິນແຍະ ມັຣ ກວາຍ, ອັນ ຕະ ໂອນ ໄລ່ ກາ ແອີດ ຕຶງ ວິລ ກ້ອຍ ເບີນ ຕຸຣ ກັດ ກາເລີຍ ແຕ ໄລ່ ກາ ແອີດ ຕຶງ ເມືອງ ໂຊໂດນ ແຕ ອິມແບ້."

ເຢຊູ ເວ່ນ ດໍອໍ ເມືອງ ກາ ຕາ ຢໍອໍ ອີ ຊາອໍ  
(ມັດທາຍ 11:20-24)

<sup>13</sup> "ບາບ ລາລີ້ ແຕ້ອໍ ປີ ເຍົາ ກາ ແອີດ ຕຶງ ເມືອງ ໂຄຣາຊິນ! ກະ ບາບ ລາລີ້ ໂອນ ເຍົາ ກາ ແອີດ ຕຶງ ເມືອງ ເບັດຊາອິດາ! ຄັນ ເກົາ ມາ ຕະ ຣານະ ຕາ ເກ້ຍ ເຮີມ ຕຶງ ເມືອງ ຕິເຣ ກະ ເມືອງ ຊີໂດນ ມູເຈິງ ເກົາ ຕະ ເຈົ້ ຕຶງ ເມືອງ ເຍົາ, ດຸ່ນ ເຈົ້ ກວາຍ ຕຶງ ເມືອງ ກ້ອຍ ຕັຣ ຣາງິຣ ຕຍາ ປຽນ ແກັດ ຣາງິຣ ຕາໄມ ແອັນ. ກະ ດຸ່ນ ເຈົ້ ໄລ່ ກ້ອຍ ຕັອກ ຕໍາ ປັອກ ເຍົາມ ຕຸຣ, ກະ ອາປີ ໂຈະ ບັອຣ ຕຶງ ຈະ ໄລ່, ຕະ ໂອນ ເມົ້າ ດັງ ປາຍ ໄລ່ ຊ້ອງ ຕຸຣ ຍ່ອນ ໄລ່ ເບີນ ໄລ່ຍຣ. <sup>14</sup> ແຕ້ອໍ ຕາໂງ ເຢົາ ເຈົ້າຣາຊີ ອາ ເບື້ອ ອິນແຍະ ມັຣ ກວາຍ, ຕາໂງ ກ້ອຍ ອັນ ຊ້ອງ ອາໂຢະ ຕະ ກວາຍ ກາ ແອີດ ຕຶງ ເມືອງ ຕິເຣ ກະ ເມືອງ ຊີໂດນ ກາເລີຍ ແຕ ອັນ ຊ້ອງ ອາໂຢະ ຕະ ເຍົາ. <sup>15</sup> ກະ ເຍົາ ກາ ແອີດ ຕຶງ ເມືອງ ກາເປນາອູມ

ເອີຍ! ເຍົາ ຄິດ ປາຍ ເຍົາ ເຕ່ອໍ ຊ້ອຣ ປີ ມັນລ້ອງ ບໍ່? ໄກຣ ລາລີ້, ປັຣເມີ ມັນເຕຣີ ເຢົາ ເຈົ້າຣາຊີ ອາປັອງ ຕັຣ ເຍົາ ຕຶງ ປຣຸ່ງ ອູ່ຍຣ!"

<sup>16</sup> ເຈົ້ ເຢຊູ ອາຕີ ໂຈະ ຕາປູລ ຈິດ ລາ ບາຣ ນະ ກ້ອຍ ປາຍ: "ກວາຍ ອາແລະ ມາ ຊາງັດ ປັຣນາຍ ເຍົາ, ໄນ່ ລາ ມູເຈິງ ອັນ ຊາງັດ ປັຣນາຍ ເກົາ ເຕ່. ກະ ກວາຍ ອາແລະ ມາ ຕາ ເບີນ ອີ ຊາງັດ ປັຣນາຍ ເຍົາ, ໄນ່ ລາ ມູເຈິງ ອັນ ຕາ ເບີນ ອີ ຊາງັດ ປັຣນາຍ ເກົາ ເຕ່. ກະ ກວາຍ ອາແລະ ມາ ຕາ ເບີນ ອີ ຊາງັດ ປັຣນາຍ ເກົາ, ໄນ່ ລາ ມູເຈິງ ອັນ ຕາ ເບີນ ອີ ຊາງັດ ປັຣນາຍ ອັນ ກາ ແປຣີ ເກົາ ແຕ້ອໍ ປີ ໄນ່ ເຕ່."

ມູ່ ຕາປູລ ຈິດ ລາ ບາຣ ນະ ລັບ ເຈົ້ ລໍ່

<sup>17</sup> ມູ່ ຕາປູລ ຈິດ ລາ ບາຣ ນະ ກ້ອຍ ເຈົ້ ລໍ່, ກະ ໄລ່ ຊ້ອງ ຣໍ່ ລາລີ້. ໄລ່ ອາຕີ ເຢຊູ ປາຍ: "ອິນ ເຈົ້ ເອີຍ! ກາ ມັຣ ເຢົາ ຕາ ອໍ ຊາງັດ ປັຣນາຍ ຮິ ບັອງ ກາ ຮິ ຕຸຍຣ ໄລ່ ກະ ຮິ ກູອໍ ຣາມິຣ ອິນເຈົ້!"

<sup>18</sup> ເຢຊູ ອາຕີ ລໍ່ ໄລ່ ກ້ອຍ ປາຍ: "ເກົາ ເຮີມ ເຢົາ ຊາຕານ ຊາແລັຣ ແຕ ມັນລ້ອງ ນະ ຕາລ ຍາຣ.\* <sup>19</sup> ເຍົາ ຊາງັດ! ເກົາ ໂອນ ເຍົາ ເບີນ ອໍາ ນາດ ໂອນ ເຍົາ ເຕ່ອໍ ຊາເຕີຍ ກູຊິນ ກະ ຕຸ່ງເຕີງ, ກະ ໂອນ ເຍົາ ເຮີບ ຣາຊູ່ ລໍ່ ເຢົາ ຊາຕານ. ກະ ຕາ ເບີນ ຣາມິຣ ອິນເຕົ້າ ເຕ່ອໍ ຕະ ເຍົາ. <sup>20</sup> ມາ ເຢົາ ອິນໂຈຍ ແອັນ ຍ່ອນ ເຢົາ ຕາ ອໍ ຊາງັດ ເຍົາ. ອີງ ເຄາະ ເຍົາ ແອັນ ຍ່ອນ ເຢົາ ເຈົ້າຣາຊີ ຄຽນ ຣາມິ ຣ ເຍົາ ຕຶງ ມັນລ້ອງ."

ເຢຊູ ຊາແອັນ ອິມປໍ່ ອັນ

(ມັດທາຍ 11:25-27; 13:16-17)

<sup>21</sup> ບັອງ ກາ ກ້ອຍ ຣາເວີຍ ເຢົາ ເຈົ້າຣາຊີ ໂອນ ເຢຊູ ຊ້ອງ ຣໍ່ ລາລີ້. ນະກ້ອຍ ອັນ ປາຍ ນະໄນ່ ກະ ເຢົາ ເຈົ້າຣາຊີ: "ອິມປໍ່ ເອີຍ! ໄນ່ ລາ ອິນເຈົ້ ມັນລ້ອງ ກະ ກູແຕອໍ ໄນ່! ເກົາ ຊາແອັນ ໄນ່ ອາປັຣ ເຈົ້ ຣານະ ໄນ່ ໂອນ ກວາຍ ກາ ນະ ກັຣແນນ ແກດ ໆ, ໄລ່ ກາ ຕາ ເບີນ ດັງ ອິນເຕົ້າ. ມາ ໄນ່ ປາໂຕະ ຣານະ ໄນ່ ແຕ ກວາຍ ກາ ຣາໂງ່ອໍ ຣາລັງ, ໄລ່ ກາ ຣ ຍານ ຊາອິ້ຍ ເຈົ້. ປຍາຍ, ອິມປໍ່ ເອີຍ, ເກົາ ຍ່ອງ ໄນ່, ຍ່ອນ ຣານະ ກ້ອຍ ອໍ ຢັຣ ເມີງ ໄນ່.

<sup>22</sup> "ກູ່ ຣາມິຣ ອິມປໍ່ ເກົາ ມ່ອບ ໂອນ ເກົາ ເບີນ. ຕາ ເບີນ ກວາຍ ອາແລະ ດັງ ຣາງິຣ ກອນ ເຢົາ ເຈົ້າຣາຊີ. ແອິງ ອິມປໍ່ ອັນ ແຕ່ ດັງ ຣາງິຣ ກອນ ອັນ. ກະ ຕາ ເບີນ ກວາຍ ອາແລະ ດັງ ຣາງິຣ ອິມ

\* 10:18 10:18 ເຢຊູ ອາຕີ ໂອນ ໄລ່ ດັງ ເຢົາ ຊາຕານ, ອັນ ກາ ຊິດ ອິນແຍະ ເຢົາ ຕາ ອໍ, ປິດ ອໍານາດ ອັນ ເຈົ້.

ບໍ່ ຕັ້ງ ມັນລ້ອງ. ແອັງ ກອນ ອັນ ແຕ່ ດັງ ຮາງຶ່ຮ ອີມບໍ່ ອັນ. ກະ ກວາຍ ອາແລະ ກາ ກອນ ເຢີງ ເຈົ້າຮາຊີ ຮຽຮ, ອັນ ອາປັຣ ໂອນ ກວາຍ ກ້ອຍ ດັງ ແຕ່ ແຕ ຮາງຶ່ຮ ອີມບໍ່ ອັນ."

23 ແວັດ ກ້ອຍ ເຢຊູ ກູລຽວ ລັບ ລັຮ ປີ ມູ່ ກາ ຮຍານ ແຕ ອັນ. ອັນ ອາຕີ ແອັງ ໄລ່ ກ້ອຍ ຊ້ອງ ປາຍ: "ບຸ່ນ ລາລີ້ ກວາຍ ອາແລະ ມາ ເບີນ ເຮີມ ມັຮ ຮາມິ້ຮ ເຍີ້ ເຮີມ. 24 ທົ້າ ອາຕີ ຕາມັ່ງ ໂອນ ເຍີ້, ເບີນ ຊາອິ້ຍ ນະ ກວາຍ ອາຕີ ຕາງ ປັຣນາຍ ເຢີງ ເຈົ້າຮາຊີ, ກະ ເບີນ ຊາອິ້ຍ ນະ ເຕົ້າວ ປັຣເຍີ້, ກາ ຍິ້ອ ອີ ເຮີມ ມັຮ ຮານະ ເຍີ້ ເຮີມ ຊານຸ່, ມາ ໄລ່ ຕາ ດັງ ເບີນ ເຮີມ. ກະ ໄລ່ ກ້ອຍ ຍິ້ອ ອີ ຊ້ອງ ມັຮ ປັຣນາຍ ເຍີ້ ຊ້ອງ ຊານຸ່, ມາ ໄລ່ ຕາ ດັງ ເບີນ ຊ້ອງ."

ເຢຊູ ຊາກຳ ແຕ ກວາຍ ອີມພາ ກຣວາງ

25 ມານະ ກວາຍ ອາຈານ ອາຕີ ຄານອດ ອິດຊະ ຮາເອລ ແຕ້ອ ປີ ເຢຊູ. ອັນ ຕາແບັບ ອີ ລ່ອງ ເຢຊູ ປາຍ: "ອາຈານ ເອີຍ! ນານະ ທົ້າ ອີ ຕະ ໂອນ ທົ້າ ເບີນ ອາມັງ ເລື້ອຍໆ?"

26 ເຢຊູ ຕາແອີຍ ປາຍ: "ຕັ້ງ ຄານອດ ເຢີງ ເຈົ້າຮາຊີ ຄຽນ ອິນເຕ້າ? ແຕ້ອ ເຍີ້ ອານ, ອິນ ເຕ້າ ເຍີ້ ຊ້ອງ ແຕ ປັຣນາຍ ກ້ອຍ?"

27 ກວາຍ ກ້ອຍ ຕາແອີຍ ລັຮ ປາຍ: "ປັຣນາຍ ເຢີງ ເຈົ້າຮາຊີ ອາຕີ ປາຍ: 'ອີງເຄາະ ເຍີ້ ອາໂຢະ ເຢີງ ເຈົ້າຮາຊີ, ອິນເຈົ້າ ເຍີ້, ອິນແຍະ ຮາງຶ່ຮ ເຍີ້, ອິນແຍະ ຮາແຮີ ເຍີ້, ອິນແຍະ ບັນ ເຣ່ງ ເຍີ້, ກະ ອິນແຍະ ການິດ ເຍີ້.'"

ກະ ອັນ ປາຍ ແອັງ ນະໄນ: 'ອີງເຄາະ ເຍີ້ ອາໂຢະ ເຍີ້ ມູເຈິງ ເຍີ້ ອາໂຢະ ຈະ ເຍີ້ ເບີມ ແຕ່.'"

28 ເຢຊູ ຕາແອີຍ ກວາຍ ກ້ອຍ ປາຍ: "ປຍາຍ໌ ໄມ່ ປາຍ. ຄັນ ໄມ່ ຕະ ນະກ້ອຍ, ໄມ່ ເບີນ ອາມັງ ເລື້ອຍໆ."

29 ມາ ກວາຍ ກ້ອຍ, ອັນ ຍິ້ອ ອີ ອາປັຣ ຮາງຶ່ຮ ອັນ, ໂອນ ເຢຊູ ຢ່ອງ ປາຍ ອັນ ລາ ກວາຍ ຕາມັ່ງ ອງ ອໍ. ນະກ້ອຍ ອັນ ຕາແບັບ ແອັງ ເຢຊູ ປາຍ: "ເມົ້າ ລາ ເຍົ້າ ທົ້າ?"

30 ເຢຊູ ຕາແອີຍ ປັຣນາຍ ຊາກຳ ປາຍ:

"ເບີນ ມານະ ກວາຍ ຮາເລົາ ເປາະ ຕັ້ງ ຮານາ ແຊງ ແຕ ເມີອງ ເຢຣູຊາເລັມ ເປາະ ປີ ເມີອງ ເຢຣີ ໂກ. ບັ້ອງ ກາ ອັນ ເປາະ ຕັ້ງ ຮານາ ກ້ອຍ, ເບີນ ກວາຍ ຊາແວງ ປາລ້ອງ ປິນ ທາຮິ່ງ ອັນ. ກະ ໄລ່ ປ

ຍາຍຮ ອັນ ແຮີ, ອິນຈົນ ອັນ ອີ ກູຈິດ. ເຈົ້ ໄລ່ ຕາ

ລຸ່ຮ ຕັຮ ແຕ ອັນ. 31 ຕັ້ງ ຕາໄງ ກ້ອຍ ເບີນ ມານະ

ແຕ ມູ່ ກາ ຊາງ ຮິດ ເຢີງ ເຈົ້າຮາຊີ ເປາະ ຮານາ

ກ້ອຍ ແຕ່, ເຈົ້ ອັນ ເຮີມ ກວາຍ ກາ ເມົ້າ ປິນ ກ້ອຍ

ແຈະ ອີ ກູຈິດ, ມາ ອັນ ເປາະ ວຍາຣ ຕັຮ. 32 ພໍກາ

ກ້ອຍ ແຕ້ອ ກວາຍ ກາ ຕະ ຮານະ ຕັ້ງ ດຸງ ຊາງ ລາ

ຕະ ມູເຈິງ ກ້ອຍ ແຕ່. ອັນ ເຮີມ ກວາຍ ເບີ ກ້ອຍ.

ກະ ອັນ ແຕ້ອ ຕາງ່ອນ ແນ່ ມາໂຮຍ, ເຈົ້ ອັນ ເປາະ

ວຍາຣ ຊ້ອງ ແຕ ກວາຍ ກ້ອຍ. 33 ມາ ເບີນ ມານະ

ແຕ ກຣວາງ ຊາມາເຣຍ† ເປາະ ຕັ້ງ ຮານາ ກ້ອຍ

ແຕ່. ອັນ ເຮີມ ກວາຍ ເບີ ກ້ອຍ, ກະ ອັນ ຄິດ ອາ

ໂຢະ ຕະ ກວາຍ ກ້ອຍ. 34 ອັນ ແຕ້ອ ປີ ກວາຍ

ເບີ ກ້ອຍ, ອັນ ທໍ່ອ ແຕ້ອ ຮາເຮົາ ກະ ບັ້ອງ ຕັ້ງ

ເບີ, ເຈົ້ ອັນ ຕວມ ໂຈະ ອາຣີ. ແວັດ ກ້ອຍ ອັນ ອາ

ແຮີ ກວາຍ ເບີ ກ້ອຍ ອາຊ້ອຣ ຕັ້ງ ກຣັອງ ອາແຊັຮ

ແຈລ ອັນ, ເຈົ້ ອັນ ເດິງ ກວາຍ ກ້ອຍ ແຕ້ອ ປີ ດຸງ

ກວາຍ ຕາມອຍ ຮາລູ່. ແອັດ ອີງກ້ອຍ ກວາຍ

ຊາມາເຣຍ ແນ່ ຊາລີ້ອ ກວາຍ ເບີ ກ້ອຍ. 35 ແຕ້ອ

ຕາໄງ ປັຣແນີ ອັນ ອິດ ບາຣ ກູອງ ປຣະ ອານາມ

ແຕ ຕູຍ ອັນ ໂອນ ປີ ກວາຍ ອິນເຈົ້າ ດຸງ. ກະ ອັນ

ປາຕັບ ອິນເຈົ້າ ດຸງ ກ້ອຍ ປາຍ: 'ທົ້າ ແຊອ ເຍີ້ ແນ່

ຈ່ອຍ ກວາຍ ໄມ່. ກະ ປັຣແນີ ມັນເຕຣີ້ ທົ້າ ເຈົ້າ

ລັຮ ຮານາ ໄມ່, ມາແລະ ຊາອິ້ຍ ປຣະ ເຍີ້ ປິດ ໂອນ

ອັນ ຈາ, ທົ້າ ກູລັຮ ລັຮ ໂອນ ເຍີ້ ມາຮ ກ້ອຍ.'"

36 ແວັດ ເຢຊູ ອາຕີ ປັຣນາຍ ຊາກຳ ໄມ່, ອັນ

ຕາແບັບ ກວາຍ ກາ ລ່ອງ ອັນ ປາຍ: "ແຕ ກວາຍ

ໄປ ນະ ກາ ເປາະ ຕັ້ງ ຮານາ ກ້ອຍ, ກວາຍ ອາແລະ

ລາ ເຍົ້າ ກວາຍ ກາ ຊາແວງ ປິນ ກ້ອຍ?"

37 ອັນ ກາ ອາຕີ ຄານອດ ອິດຊະຮາເອລ ກ້ອຍ

ຕາແອີຍ ລັຮ ເຢຊູ ປາຍ: "ກວາຍ ກາ ຈ່ອຍ ອັນ

ກາ ຊາແວງ ປິນ ກ້ອຍ ທົ້າ ເຍົ້າ ອັນ." ນະກ້ອຍ ເຢຊູ ອາຕີ ລັຮ ອັນ ປາຍ: "ອີງເຄາະ ໄມ່ ຕະ ມູເຈິງ ກວາຍ ກ້ອຍ ແຕ່."

† 10:33 10:33 ກວາຍ ຊາມາເຣຍ ລາ ຕາ ເບີນ ຊົງໂກຣ ກະ ກວາຍ ອິດຊະຮາເອລ.

ມາທາ, ອັນ ເມົາອ໌ ຕັລ ຊາອີຍ ຮານະ. ນະກ້ອຍ ອັນ ແຕ້ອ໌ ປີ ເຢຊູ ປາຍ: "ອິນເຈົ້າ ເອີຍ! ອາແອມ ເກົາ ໂອນ ມານະ ເກົາ ຊ້ອງ ຕະ ຮານະ. ນານະ ອິນ ເຈົ້າ ຄິດ ແຕ ຮານະ ໄມ່? ເກົາ ແຊອ໌ ອິນເຈົ້າ ແປຣີ ອາແອມ ເກົາ ແຕ້ອ໌ ຈ່ອຍ ເກົາ ແຮີ."

<sup>41</sup> ມາ ເຢຊູ ຕາແອີຍ ອັນ ປາຍ: "ເອີ ມາທາ, ມາທາ ເອີຍ! ກັດ ລາລີ້ ໂອນ ໄມ່; ໄມ່ ເກຣ່າະ ກະ ຕັລ ຊາອີຍ ຮານະ. <sup>42</sup> ມາ ເປີນ ມວຍ ຮາມິ້ຮ ຊ້ອງ ອົງເຄາະ ໄມ່ ຮຽຮ. ມາຣີ ຮຽຮ ເຈີ້ ຮາມິ້ຮ ກ້ອຍ, ກະ ຮາມິ້ຮ ກ້ອຍ ເມົາ ຕາ ແຕ້ອ໌ ອິດ ລັຮ ແຕ ອັນ."

### 11

ເຢຊູ ອາຕີ ແຕ ປັຣນາຍ ເກົາແຊອ໌  
(ມັດທາຍ 6:9-13; 7:7-11)

<sup>1</sup> ເປີນ ມວຍ ຕາໄງ ເຢຊູ ແອັດ ເກົາແຊອ໌ ຕົ້ງ ມວຍ ອິນຕຸ. ແວັດ ອັນ ເກົາແຊອ໌, ເປີນ ມານະ ມຸ່ ກາ ຮຍານ ແຕ ອັນ ແຊອ໌ ປາຍ: "ອິນເຈົ້າ ເອີຍ! ແຊອ໌ ອິນເຈົ້າ ອາຕີ ໂອນ ຮີ ດັງ ເກົາແຊອ໌, ມູເຈິງ ໂຢຮັນ ອາຕີ ມຸ່ ກາ ຮຍານ ແຕ ອັນ ແຕ."

<sup>2</sup> ນະກ້ອຍ, ເຢຊູ ອາຕີ ໄລ່ ກ້ອຍ ປາຍ: "ແຕ້ອ໌ ເຍົາ ເກົາແຊອ໌, ເຍົາ ເກົາແຊອ໌ ປາຍ: 'ກູຣຸ ອິມປີ ຮີ ເອີຍ!

ແຊອ໌ ເຍົາ ຈ່ອຍ ໂອນ ອິນແຍ່ະ ມັຮ ກວາຍ ຢານັບ ຮາມິ້ຮ ເຍົາ. ແຊອ໌ ເຍົາ ແກັດ ຊັດ ກຸ່ ຮາງິຮ ກວາຍ ຕົ້ງ ກູແຕອ໌ ໄມ່.

<sup>3</sup> ແຊອ໌ ເຍົາ ຈ່ອຍ ໂອນ ຮີ ເປີນ ຄຳ ຈາ ກຸ່ ຮາໄງ.

<sup>4</sup> ແຊອ໌ ເຍົາ ຕັຮ ໄລ່ຍຮ ກາ ຮີ ຕະ ເຈີ້, ມູເຈິງ ຮີ ຕັຮ ໄລ່ຍຮ ເມົາ ຕະ ໂຈະ ຮີ.

ແຊອ໌ ເຍົາ ອິນໂຈຍ ໂອນ ເມົາ ລ່ອງ ຮີ ຕະ ຮານະ ຕາ ອໍ."

<sup>5</sup> ເຢຊູ ອາຕີ ແອັນ ໂຈະ ມຸ່ ກາ ຮຍານ ແຕ ອັນ ປາຍ: "ເກົາ ຊາກຳ ນະໄມ່: ນານະ ເຍົາ ຄິດ ຄັນ ເຍົາ ເປີນ ເຍົາ, ກະ ເຍົາ ເປາະ ປີ ດຸງ ເຍົາ ດີດີກ, ເຈີ້ ປາຍ: 'ອາຍ ເອີຍ! ເກົາ ແຊອ໌ ລັບ ໄປ ລອງ ອາແຊີ ໄມ່,\* <sup>6</sup> ຍ່ອນ ເປີນ ກວາຍ ຕາມອຍ ແຕ້ອ໌ ປີ ດຸງ ເກົາ, ມາ ເກົາ ຕາ ເປີນ ອິນເຕົ້າ ອີ ອາລັອຮ ໂອນ ຕາມອຍ ກ້ອຍ ຈາ.' <sup>7</sup> ອົງກັອຮ ປຍາຍົ ເຍົາ ກ້ອຍ ຕາແອີຍ ລັຮ ເຍົາ ປາຍ: 'ໄມ່ ອິນໂຈຍ ກູອ໌ ປາຕຸຣ ເກົາ ຊານຸ່, ຍ່ອນ ເກົາ ກາໄຕຣ ຕົ້ງ ເຈີ້. ເກົາ ກະ ກອນ ອາໄກ ເກົາ ປີ ເຈີ້. ເກົາ ຕາ ແຕ້ອ໌ ຢວຣຸ ອິດ ໂອນ ໄມ່.' <sup>8</sup> ມາ ເກົາ ອາຕີ ເຍົາ ປາຍ: ອິມປີ

ເຍົາ ແກັດ ເຍົາ ກະ ອັນ ລາ ອັນ ຕາ ເປີນ ໂອນ ເຍົາ ອາແຊີ. ມາ ຄັນ ເຍົາ ແຊອ໌ ມາຍິ້ຮ ມາຍິດ ແຕ ອັນ, ລາ ອັນ ໂອນ ມາຮ ແລະ ເຍົາ ອີ ເປີນ. <sup>9</sup> ກະ ເກົາ ປາຍ ແອັນ ໂຈະ ເຍົາ: ຄັນ ເຍົາ ແຊອ໌ ມາຍິ້ຮ ມາຍິດ, ເຍົາ ເປີນ. ຄັນ ເຈຍ ເຍົາ ຈ່ອຍ, ເຍົາ ຮາມິ ຮ. ຄັນ ເຍົາ ກູໂຕຍຮ ຕົ້ງ ຊາໂກຣ ຊາກຸວານ, ເມົາ ເປີຮ ໂອນ. <sup>10</sup> ຍ່ອນ ກຸ່ ນະ ອາແລະ ກາ ແຊອ໌, ອັນ ເປີນ. ອາແລະ ກາ ຈ່ອຍ, ອັນ ຮາມິຮ. ອາແລະ ກາ ກູໂຕຍຮ ຕົ້ງ, ເມົາ ເປີຮ ໂອນ. <sup>11</sup> ມັຮ ເຍົາ ກາ ເປີນ ກອນ ເຈີ້, ນານະ ຄັນ ກອນ ເຍົາ ແຊອ໌ ອາກາ, ເຍົາ ໂອນ ອັນ ກູຊັນ ບໍ່? <sup>12</sup> ກະ ຄັນ ອັນ ແຊອ໌ ອິນເຕຣລ໌ ອິນເຕຣວຍ, ເຍົາ ໂອນ ອັນ ຕຸ່ງ ເຕີງ ບໍ່? <sup>13</sup> ເຍົາ ລາ ອິນແຍ່ະ ກວາຍ ໄລ່ຍຮ, ມາ ອິນມ້ອງ ເຍົາ ດັງ ໂອນ ເກຣັງ ອໍ ປີ ກອນ ເຍົາ. ກາເລີຍ ແຕ ກ້ອຍ ແອັນ ອິມປີ ເຍົາ ຕົ້ງ ມັນລ້ອງ ໂອນ ເຍົາ ເປີນ ຮາເວີຍ ເຢີງ ເຈົ້າຮາຊີ ຄັນ ເຍົາ ແຊອ໌ ແຕ ອັນ!"

ເຢຊູ ກະ ເຢີງ ຕາ ອໍ  
(ມັດທາຍ 12:22-30, 43-45; ມາຣະໂກ 3:20-27)

<sup>14</sup> ບັອງ ກາ ກ້ອຍ ເຢຊູ ຕຸ່ຍຮ ອາລັອຮ ເຢີງ ຕາ ອໍ ກາ ຕະ ໂອນ ກວາຍ ກ້ອຍ ແກັດ ເກີອ໌. ແວັດ ເຢີງ ຕາ ອໍ ກ້ອຍ ລັອຮ ແຕ ຈະ ກວາຍ ກ້ອຍ, ເຈີ້ ກວາຍ ກ້ອຍ ແຕ້ອ໌ ລັຮ ຕະ ອິນຕີ. ກວາຍ ກຶ້ງ ກ້ອຍ, ໄລ່ ຊ້ອງ ຈິດ ລາລີ້. <sup>15</sup> ມາ ເປີນ ກວາຍ ແຕ ໄລ່ ກ້ອຍ ປາຍ: "ອັນ ໄມ່ ຕຸ່ຍຮ ອາລັອຮ ເຢີງ ຕາ ອໍ ຍ່ອນ ເຢີງ ເບເອລເຊບູລ ໂອນ ອັນ ເປີນ ອຳ ມາດ ຕະ ຮານະ ກ້ອຍ. ເຢີງ ເບເອລເຊບູລ ໄມ່ ລາ ຊັດ ອິນແຍ່ະ ເຢີງ ຕາ ອໍ."†

<sup>16</sup> ກະ ເປີນ ກວາຍ ການໍອ໌ ຢິອ໌ ອີ ລ່ອງ ເຢຊູ; ເຈີ້ ໄລ່ ແຊອ໌ ແຕ ເຢຊູ ໂອນ ອັນ ຕະ ຮານະ ຕາ ເກີ ຍ ເຮີມ ອາປັຮ ໂອນ ໄລ່ ດັງ ອຳນາດ ອັນ ແຕ້ອ໌ ແຕ ເຢີງ ເຈົ້າຮາຊີ. <sup>17</sup> ມາ ເຢຊູ ດັງ ການໍດ໌ ໄລ່ ຄິດ ນະກ້ອຍ, ເຈີ້ ອັນ ອາຕີ ໄລ່ ກ້ອຍ ປາຍ: "ຄັນ ເປີນ ມວຍ ກຮວາງ ມາ ຮາຕັຮ ແກັດ ຊາອີຍ ຈຸມ ມານະ ຮາຕະ ໂຈະ ມານະ, ເຈີ້ ກຮວາງ ກ້ອຍ ຕາ ເປີ ນ ແກັດ ນ້ອງ ກຮວາງ. ກະ ຄັນ ແອັດ ມຸ່ ດຸງ ມາ ມານະ ຮາຕະ ໂຈະ ມານະ, ເຈີ້ ດຸງ ກ້ອຍ ຕາ ເປີນ ແກັດ ນ້ອງ ດຸງ. <sup>18</sup> ຄັນ ຈຸມ ເຢີງ ຊາຕານ, ມານະ ຮາຕະ ໂຈະ ມານະ, ເຈີ້ ຈຸມ ເຢີງ ຊາຕານ ກ້ອຍ ຕາ ເປີນ ແກັດ ນ້ອງ ຈຸມ. ມາ ເຍົາ ປາຍ ເກົາ ຕຸ່ຍຮ

\* **11:5** 11:5 ຕົ້ງ ປັຣນາຍ ກຣິກ ປາຍ ອັນ ແຊອ໌ ໄປ ລຳ ໂດຍ ບຸຣ. † **11:15** 11:15 ແຕ້ອ໌ ກາ ເມົາ ດັອ໌ ເຢີງ ຊາຕານ ລາ ຮາມິ້ຮ ເບເອລເຊບູລ ແຮີ.

ອາລ້ອຣ ເຢີງ ຕາ ອໍ ຍ່ອນ ເຢີງ ເບເອລເຊບູລ ໂອນ ເກົາ ເບີນ ອຳນາດ ຕະ ຣານະ ກ້ອຍ. <sup>19</sup> ມາ ຄັນ ກວາຍ ແຕ ມູ່ ເຍົາ ຕະ ຣານະ ມູເຈີງ ກ້ອຍ ເຕ່, ເຍົາ ຕາ ເບີນ ປາຍ ໄລ່ ເບີນ ອຳນາດ ແຕ ເຢີງ ເບ ເອລເຊບູລ. ນະກ້ອຍ, ກວາຍ ແຕ ມູ່ ເຍົາ ແຕ່ ກາ ເຕ່ອ້ ຕັດຊິນ ເຍົາ ແຕ ຣານະ ໄນ່. <sup>20</sup> ມາ ຄັນ ເກົາ ຕູ່ຍຣ ອາລ້ອຣ ເຢີງ ຕາ ອໍ ຍ່ອນ ແຕ ອຳນາດ ເຢີງ ເຈົາຣາຊີ ໂອນ ເກົາ ຕະ, ຣານະ ໄນ່ ອາປັຣ ໂອນ ເຍົາ ດັງ ເຢີງ ເຈົາຣາຊີ ຕະ ຊົດ ແຕ່ອ້ ເຈີ່ ປໍ ເຍົາ.

<sup>21</sup> "ຄັນ ເບີນ ກວາຍ ບັນ ເຮ່ງ ລາລີ້, ກະ ອັນ ເບີນ ຊາອີ້ຍ ເກຣັງ ປູາ ດໍອໍ ກຍາອໍ ເກຣັງ ອັນ, ເກຣັງ ອັນ ຕາ ເບີນ ປິດ ອິນເຕ້າ. <sup>22</sup> ມາ ຄັນ ເບີນ ກວາຍ ບັນ ເຮ່ງ ກາເລີຍ ແຕ ອັນ ແອັນ, ກວາຍ ກ້ອຍ ຣາຕະ ກະ ເຣົາບ ອັນ, ເຈີ່ ອິດ ອິນແຍ່ະ ເກຣັງ ປູາ ແຕ ດຸງ ອັນ. ເຈີ່ ກວາຍ ກາ ເຣົາບ ກ້ອຍ ອິມແປອໍ ອິນແຍ່ະ ເກຣັງ ກ້ອຍ, ໂອນ ໄລ່ ກາ ເປາະ ກະ ອັນ.†

<sup>23</sup> "ກວາຍ ອາແລະ ມາ ຕາ ເບີນ ປຣ່ອມ ມວຍ ຣາງິຣ ກະ ເກົາ, ກວາຍ ກ້ອຍ ຕາ ແອອໍ ເກົາ. ກະ ກວາຍ ອາແລະ ມາ ຕາ ເບີນ ຕະ ຣານະ ຈ່ອຍ ໂອນ ກວາຍ ການໍອໍ ແຕ່ອ້ ປໍ ເກົາ, ໄນ່ ລາ ມູເຈີງ ກວາຍ ກ້ອຍ ຕາ ຍິອໍ ອິ ໂອນ ກວາຍ ການໍອໍ ປວາຍ ເກົາ.

<sup>24</sup> "ພໍກາ ເຢີງ ຕາ ອໍ ລ້ອຣ ແວັດ ແຕ ຈະ ກວາຍ, ເຈີ່ ເຢີງ ຕາ ອໍ ກ້ອຍ ເປາະ ຕິ່ງ ອິນຕຸ ຊາແອັດ. ອັນ ຈ່ອ້ ອິນຕຸ ອິ ຣາລູ່, ມາ ອັນ ຕາ ເບີນ ຣາມິຣ. ເຈີ່ ອັນ ຄິດ ປາຍ: 'ເກົາ ເຈົາ ລ້ຣ ປໍ ອິນຕຸ ກາ ເກົາ ລ້ອຣ ແຕ ອິນໂຍ່ງ ຊາ.' <sup>25</sup> ພໍກາ ອັນ ເຈົາ ປໍ ອິນຕຸ ກ້ອຍ, ອັນ ເຮັມ ແອັງ ອິນຕຸ ເມັດ ຊ້ອງ. ອິນຕຸ ກ້ອຍ ຊຽລ ອໍ, ກະ ເກຣັງ ອິນເຕ້າ ຕິ່ງ ອິນຕຸ ກ້ອຍ ອາຕີ່ ອໍ ອິນແຍ່ະ ເຈີ່. <sup>26</sup> ເຈີ່ ອັນ ເປາະ ອິດ ເດີງ ອາເຈົາ ຕາປູ່ລ ນະ ເຢີງ ຕາ ອໍ ການໍອໍ ແອັນ ໂອນ ແອັດ ກະ ອັນ ຕິ່ງ ອິນຕຸ ກ້ອຍ. ໄລ່ ລາ ຕາ ອໍ ກາເລີຍ ແຕ ອັນ ແອັນ. ນະກ້ອຍ ແດີຍ ອາມັງ ກວາຍ ກ້ອຍ ຕາ ອໍ ກາເລີຍ ແຕ ອິນໂຍ່ງ ແອັນ."

<sup>27</sup> ບັອງ ກາ ເຢຊູ ອາຕີ່ ປັຣນາຍ ກ້ອຍ, ເບີນ ມັນແຊມ ມານະ ແຕ ກວາຍ ກຶ່ງ ກ້ອຍ ປາຍ ເຮ່ງ ລາລີ້ ໂຈະ ອັນ: "ບຸ່ນ ລາລີ້ ມັນແຊມ ກາ ກາແມັດ ອາຈານ, ກະ ໂອນ ອາຈານ ອູອໍ ຕັຣ!"

<sup>28</sup> ມາ ເຢຊູ ອາຕີ່ ລ້ຣ ປາຍ: "ຣາມິຣ ກ້ອຍ ລາ ປຍາຍິ ເຕ່, ມາ ບຸ່ນ ກາເລີຍ ແຕ ກ້ອຍ ແອັນ ລາ

ກວາຍ ກາ ຊ້ອງ ປັຣນາຍ ເຢີງ ເຈົາຣາຊີ ກະ ຕະ ປວາຍ ອິນແຍ່ະ ປັຣນາຍ ກ້ອຍ!"

ກວາຍ ກຶ່ງ ແຊອໍ ເຢຊູ ຕະ ຣານະ ຕາ ເກີ້ຍ ເຮັມ (ມັດທາຍ 12:38-42)

<sup>29</sup> ບັອງ ກາ ກຶ່ງ ກວາຍ ແອັດ ໂຣ່ມ ອິມແປຣ ເຢຊູ, ອັນ ອາຕີ່ ໄລ່ ກ້ອຍ ປາຍ: "ມັຣ ກວາຍ ກາ ແອັດ ຕິ່ງ ແດີຍ ໄນ່ ລາ ຕາ ອໍ ລາລີ້! ໄລ່ ແຊອໍ ແຕ ເກົາ ມວຍ ຣາມິຣ ຕາ ເກີ້ຍ ເຮັມ, ມາ ເກົາ ຕາ ເບີນ ຕະ ໂອນ ໄລ່. ເກົາ ອິ ອາປັຣ ໄລ່ ແອັງ ຣາມິຣ ຕາ ເກີ້ຍ ເຮັມ ແຕ ໂຢນາ, ລາ ກວາຍ ອາຕີ່ ຕາງ ປັຣນາຍ ເຢີງ ເຈົາຣາຊີ ແຕ ອິມແປ. <sup>30</sup> ໂຢນາ ແກັດ ມວຍ ຣານະ ຕາ ເກີ້ຍ ເຮັມ ໂອນ ກວາຍ ກາ ແອັດ ຕິ່ງ ເມືອງ ນິນາເວ. ມູເຈີງ ກ້ອຍ ເຕ່ ເກົາ ກອນ ເຢີງ ແກັດ ກວາຍ ແກັດ ຣານະ ຕາ ເກີ້ຍ ເຮັມ ໂອນ ກວາຍ ກາ ແອັດ ຕິ່ງ ແດີຍ ໄນ່. <sup>31</sup> ແຕ່ອ້ ຕາໄງ ເຢີງ ເຈົາຣາຊີ ອາເບັຣ ອິນແຍ່ະ ມັຣ ກວາຍ, ເບີນ ມັນແຊມ ກາ ແກັດ ເຕົາວ ປັຣເຍົາ ແຕ ອິມແປ, ຕິ່ງ ກຣວາງ ເຊບາ, ອັນ ຕິ ກວາຍ ແອັດ ຕິ່ງ ແດີຍ ໄນ່. ອັນ ເຕ່ອ້ ຕິ ນະກ້ອຍ, ຍ່ອນ ອັນ ແຕ່ອ້ ແຕ ກຣວາງ ເຢັງ ລາລີ້ ຍິອໍ ອິ ຊາງັດ ປັຣນາຍ ແຄວ້ ແຕ ເຕົາວ ປັຣເຍົາ ໂຊໂລໂມນ ອາຕີ. ມາ ຊານໍ, ແອັດ ອິນຕຸ ໄນ່ ເບີນ ມານະ ແຄວ້ ກາ ເລີຍ ແຕ ໂຊໂລໂມນ ແອັນ! <sup>32</sup> ແຕ່ອ້ ຕາໄງ ເຢີງ ເຈົາຣາຊີ ອາເບັຣ ອິນແຍ່ະ ມັຣ ກວາຍ, ກວາຍ ແຕ ເມືອງ ນິນາເວ ແຕ ອິມແປ ລາລີ້ ຕິ ກວາຍ ແອັດ ຕິ່ງ ແດີຍ ໄນ່. ໄລ່ ເຕ່ອ້ ຕິ ນະກ້ອຍ, ລາ ຍ່ອນ ບັອງ ກາ ໄລ່ ຊ້ອງ ປັຣນາຍ ໂຢນາ ອາຕີ, ໄລ່ ຕັຣ ຣາງິຣ ຕຍາ ເຈີ່ ອິດ ຣາງິຣ ຕາໂມ ແອັນ. ມາ ຊານໍ, ແອັດ ອິນຕຸ ໄນ່ ເບີນ ມານະ ປິດ ກາເລີຍ ແຕ ໂຢນາ!"

ເຢຊູ ຊານໍ ແຕ ຕາກຍາງ (ມັດທາຍ 5:15; 6:22-23)

<sup>33</sup> ເຢຊູ ອາຕີ່ ແອັນ ປາຍ: "ຕາ ເບີນ ເມົາ ຕາ ກັດ ຕາກຍາງ, ເຈີ່ ປາໂຕ່ະ ດໍອໍ, ແຕລາ ກຣວາອໍ ໂຈະ ກາເຣຍ. ມາ ເມົາ ດໍອໍ ຕິ່ງ ໂຮ່ງ ໂອນ ກູ່ ນະ ກວາຍ ກາ ມູ່ດ ເຕ່ອ້ ເຮັມ ປັງ. <sup>34</sup> ມັດ ກວາຍ ລາ ນະ ຕາບອງ ໂອນ ຈະ ກວາຍ. ຄັນ ມັດ ເຍົາ ມາ ເຮັມ, ອິນແຍ່ະ ຈະ ເຍົາ ແກັດ ປັງ ເຕ່. ມາ ຄັນ ມັດ ເຍົາ ຕາ ເບີນ ເຮັມ, ອິນແຍ່ະ ຈະ ເຍົາ ແກັດ ການໍ ເຕ່. <sup>35</sup> ນະກ້ອຍ ອີງເຄາະ ເຍົາ ແພ່ ອໍ, ອີງກ້ອຣ ປຍາຍິ ຣານະ ກາ ເຍົາ ຄິດ ປາຍ ປັງ, ມາ ຕາ ເບີນ

† 11:22 11:22 ເຢຊູ ຊານໍ ປາຍ: "ເກົາ ລາ ບັນ ເຮ່ງ ກາເລີຍ ແຕ ເຢີງ ຊາຕານ. ນະກ້ອຍ ເຕ່ອ້ ເກົາ ຣາຕະ ກະ ເຣົາບ ອັນ, ກະ ອິດ ອິນແຍ່ະ ມັຣ ເກຣັງ ປູາ ແຕ ອັນ, ກະ ອິມແປອໍ ອິນແຍ່ະ ເກຣັງ ອັນ ໂອນ ໄລ່ ກາ ປວາຍ ເກົາ."

ປັງ. 36 ຄັນ ເຍົາ ມາ ປວາຍ ອິນແຍ່ະ ຣາມິ່ຣ ປັງ, ຕາ ເບີນ ປວາຍ ຣາມິ່ຣ ການໍາ ອິນເຕົ້າ, ນະກ້ອຍ ອິນແຍ່ະ ຣາງິ່ຣ ເຍົາ ເກີດ ປັງ. ໄນ່ ລາ ນະ ຕາກ ຍາງ ປາເລີງ ໂອນ ເຍົາ ເຕ໋ອ ເຮີມ ປັງ."

ເຢຊູ ຕິ ມັຣ ກວາຍ ພາຣີຊາຍ ກະ ມັຣ ກວາຍ ອາຕີ ຄານອດ  
(ມັດທາຍ 23:1-36; ມາຣະໂກ 12:38-40)

37 ບັອງ ກາ ເຢຊູ ອິນນ້ອງ ອາຕີ, ເບີນ ມານະ ແຕ ຈຸມ ພາຣີຊາຍ ການີ່ຍ ເຢຊູ ແຕ້ອ ຈາ ມວຍ ເປ ລ ປິ ດຸງ ອັນ. ເຈ້ ເຢຊູ ເປາະ ຈາ ປິ ກ້ອຍ. 38 ກວາ ຍ ພາຣີຊາຍ ກ້ອຍ ຊ້ອງ ງິດ ລາລີ້ ອັນ ເຮີມ ເຢຊູ ຕາ ເບີນ ກູໂຊຍ໌ ອາຕີ ປວາຍ ຣິດ ແຕ ອິນໂຍ່ງ ອັນ ອີ ຈາ. 39 ນະກ້ອຍ ເຢຊູ ອາຕີ ໂຈະ ກວາຍ ກ້ອຍ ປາຍ: "ເຍົາ ກວາຍ ພາຣີຊາຍ ລາ ນະ ຕາງານ ກະ ກູໂຕອ໌ ເມົາ ອາເຮົາວ ໂອນ ຊຽລ ອໍ ແອັງ ຍິ່ຣ ປິນ ໂກະ ຊ້ອງ, ມາ ຕິ່ງ ແປັງ ງິ່ຣ ກ້ອຍ ແອັງ ແປຣີ້. ແປ ຣີ້ ກ້ອຍ ລາ ເຍົາ ກຸມປຸ່ຣ ອີ ເບີນ ຊາອີ່ຍ ຣາມິ່ຣ ກະ ເຍົາ ລາ ຕາ ອໍ ລາລີ້! 40 ເຍົາ ລາ ກວາຍ ຊາ ກູລ ລາລີ້! ອັນ ກາ ແຕງ ຈະ ກວາຍ, ອັນ ແຕງ ກາ ຣາງິ່ຣ ແຮ. 41 ມາ ອິງເຄາະ ເຍົາ ເບີນ ຣາງິ່ຣ ອີ ຈ່ອຍ ກວາຍ ກາດິດ. ຄັນ ນະກ້ອຍ, ເຍົາ ເກີດ ຊຽລ ອໍ ຍິ່ຣ ກຸງ ກະ ຍິ່ຣ ນໍ້ອ."

42 "ບາບ ລາລີ້ ແຕ້ອ ປິ ເຍົາ ກວາຍ ພາຣີຊາຍ ເອີຍ! ເຍົາ ມ່ອບ ຊາງ ໂອນ ເຢີງ ເຈົາຣາຊີ ມວຍ ປຸ່ນ ມັນຈິດ ແຕ ບັດ ບາຍ ອາຊາຍ ປາຕຽມ ເຍົາ. ມາ ເຍົາ ຕາ ແອອ໌ ອີ ຕະ ປວາຍ ປັຣນາຍ ປາຕຸບ ໂອນ ຕະ ຊົງໂກຣ ອໍ ກະ ອາໂຢະ ເຢີງ ເຈົາຣາຊີ. ເກົາ ຕາ ເບີນ ໂອນ ເຍົາ ຕັຣ ຣິດ ມ່ອບ ຊາງ ກ້ອຍ, ມາ ບາຣ ຣາມິ່ຣ ການໍ້ອ ກ້ອຍ ອິງເຄາະ ເຍົາ ຕະ ປວາຍ."

43 "ບາບ ລາລີ້ ແຕ້ອ ປິ ເຍົາ ກວາຍ ພາຣີຊາຍ ເອີຍ! ເຍົາ ຍິ່ອ ອີ ເບີນ ກາເຈັງ ຕາກູ ອໍ ກາເລີຍ ອິນແຍ່ະ ແຕ ການໍ້ອ ຕິ່ງ ດຸງ ຊາງ. ກະ ເຍົາ ຍິ່ອ ກວາຍ ການໍ້ອ ຣາບັນ ອໍ ເຍົາ ບັອງ ກາ ເຍົາ ແອັດ ກະ ກວາຍ ກິ່ງ. 44 ບາບ ລາລີ້ ແຕ້ອ ປິ ເຍົາ ກວາຍ ພາຣີຊາຍ ເອີຍ! ເຍົາ ລາ ນະ ປັງ ກູມຸ່ຍ໌ ຕາ ເບີນ ຕະ ໂອນ ເມົາ ດັງ. ນະກ້ອຍ ກວາຍ ການໍ້ອ ເປາະ ຊາເຕົາຍ໌ ປັງ ກ້ອຍ, ມາ ໄລ່ ຕາ ເບີນ ດັງ ອິນຕຸ ກ້ອຍ ລາ ແປຣີ້."

45 ເບີນ ມານະ ກວາຍ ອາຕີ ຄານອດ ປາຍ ໂຈະ ເຢຊູ: "ອາຈານ ເອີຍ! ອາຈານ ປາຍ ນະກ້ອຍ, ລາ ມູເຈັງ ອາຈານ ຕິ ຣິ ກາ ກວາຍ ອາຕີ ຄານອດ ເຕ້!"

46 ເຢຊູ ອາຕີ ອັນ ປາຍ: "ບາບ ລາລີ້ ເຕ້ ແຕ້ອ ປິ ເຍົາ ກາ ກວາຍ ອາຕີ ຄານອດ! ເຍົາ ອາຕີ ໂອນ ກວາຍ ການໍ້ອ ປວາຍ ຄານອດ ກັດ ລາລີ້ ນະ ເຍົາ ໂອນ ໄລ່ ໂດລ ເກຣັງ ອິນຕ້ອງ. ມາ ອາຕີ ເຍົາ ຕາ ເບີນ ອິດ ຈ່ອຍ ອິນເຕົ້າ ເກຣັງ ອິນຕ້ອງ ແຕ ໄລ່."

47 ບາບ ລາລີ້ ແຕ້ອ ປິ ເຍົາ! ເຍົາ ຕະ ປັງ ອໍ ໂອນ ກວາຍ ກາ ອາຕີ ຕາງ ປັຣນາຍ ເຢີງ ເຈົາຣາຊີ, ມາ ອາຈວາຍຣ ອາເຈ່ຣ ເຍົາ ແຕ້ ກາຈິດ ກວາຍ ອາຕີ ຕາງ ປັຣນາຍ ເຢີງ ເຈົາຣາຊີ ກ້ອຍ. 48 ນະກ້ອຍ, ໄນ່ ລາ ມູເຈັງ ເຍົາ ງິ່ນ ເຍົາ ປຣ່ອມ ເຕ້ ກະ ຣານະ ອາຈວາຍຣ ອາເຈ່ຣ ເຍົາ ຕະ, ຍ່ອນ ໄລ່ ກາຈິດ ມັຣ ກວາຍ ອາຕີ ຕາງ ປັຣນາຍ ເຢີງ ເຈົາຣາຊີ, ກະ ເຍົາ ຕະ ປັງ ໂອນ ກວາຍ ກ້ອຍ. 49 ມາ ເຢີງ ເຈົາຣາ ຊີ ອາຕີ ແຄວ້ ລາລີ້ ປາຍ: 'ປັຣແນີ ມັນເຕຣົາ ເກົາ ແປຣີ ມັຣ ກວາຍ ອາຕີ ຕາງ ປັຣນາຍ ເກົາ ກະ ມັຣ ກວາຍ ເປາະ ອາຕີ ປັຣນາຍ ເກົາ ແຕ້ອ ປິ ໄລ່. ເບີນ ກວາຍ ແຕ ມູ ກ້ອຍ, ອັນ ກາ ໄລ່ ກາຈິດ, ອັນ ກາ ໄລ່ ປຍາຍຣ.' 50 ນະກ້ອຍ ມັຣ ໄລ່ ກາ ກາຈິດ ຕັຣ ອິນແຍ່ະ ມັຣ ກວາຍ ອາຕີ ຕາງ ປັຣນາຍ ກ້ອຍ, ໂຕ ດ ໄລ່ ກ້ອຍ ເຢີງ ເຈົາຣາຊີ ໂອນ ແຕ້ອ ປິ ກວາຍ ແອັດ ຕິ່ງ ແດີຍ ໄນ່. 51 ໂຕດ ກ້ອຍ ເບີນ ແຕ ຕາ ໄງ ໄລ່ ກາຈິດ ອາເບລ, ເຕົ້າ ໂອນ ແຕ້ອ ໄລ່ ກາ ຈິດ ເຊກາຣີຢາ ແອັນ. ໄລ່ ກາຈິດ ຕັຣ ເຊກາຣີຢາ ຕິ່ງ ດຸງ ຊາງ ປິດ ແຈະ ຊັນເຕຣົາ ກາ ໄລ່ ຊາງ ຣິດ. ເກົາ ອາຕີ ຕານ້ອງ ໂອນ ເຍົາ, ກູ ຣາມິ່ຣ ໂຕດ ກ້ອຍ ແຕ້ອ ປິ ກວາຍ ກາ ແອັດ ຕິ່ງ ແດີຍ ໄນ່!

52 "ບາບ ລາລີ້ ແຕ້ອ ປິ ເຍົາ ກາ ກວາຍ ອາຕີ ຄານອດ, ຍ່ອນ ເຍົາ ຕາ ແອອ໌ ອີ ປວາຍ ຣານະ ເຢີງ ເຈົາຣາຊີ ໂອນ ເຍົາ ປວາຍ. ກະ ກວາຍ ການໍ້ອ ກາ ຍິ່ອ ອີ ປວາຍ, ເຈ້ ເຍົາ ຕາ ໂອນ ປວາຍ ເຕ້! ໄນ່ ລາ ນະ ເຍົາ ໄກ່ຣ ດໍອ໌ ງິ່ຣ ຕິ່ງ ກາ ເຍົາ ຕາ ແອອ໌ ອີ ມູດ, ໂອນ ກວາຍ ການໍ້ອ ຕາ ເຕ໋ອ ມູດ ເຕ້!"

53 ບັອງ ກາ ເຢຊູ ລ້ອຣ ແຕ ດຸງ ກ້ອຍ, ມັຣ ກວາຍ ອາຕີ ຄານອດ ກະ ມັຣ ກວາຍ ພາຣີຊາຍ, ໄລ່ ຕາແບິ ຈໍອ໌ ຣານາ ອີ ຕະ ອັນ ກະ ໄລ່ ຕາແບິບ ເຢຊູ ແຕ ຊາອີ່ຍ ຣາມິ່ຣ. 54 ໄລ່ ຊາງິດ ທໍ ຍິ່ອ ອີ ດັງ ແຕ ປັຣນາຍ ເຢຊູ ປາຍ, ໂອນ ໄລ່ ເຕ໋ອ ຕູນ ປາຍ ອັນ ຕະ ອິນຕີ ໄລ່ຢຣ."

## 12

ປັຣນາຍ ກາໄຕ່ຣ ໂອນ ມູ ກາ ຣຍານ ແຕ ອັນ ລາວັງ

(ມັດທາຍ 10:19-20, 26-33; 12:32; ມາຣະໂກ 8:15)

1 ບັ້ງ ກາ ກ້ອຍ ຕາ ດັງ ອິນຊີ ປັນ ນະ ກວາຍ ຍ ແອັດ ໂຣມ ອົງກ້ອຍ. ກຶ່ງ ລາລີ ກວາຍ, ມານະ ຊາຕິຍ໌ ອາເຢັງ ມານະ. ອິນໂຍ່ງ ເຢຊູ ອາຕິ ກວາຍ ການໍ້ອ໌, ອັນ ອາຕິ ມູ່ ກາ ຮຍານ ແຕ ອັນ ປາຍ: "ໂອນ ເຍົາ ລາວັງ ບວຣ ຊີ້ອ໌ ແຕ ຈຸມ ພາຣີຊາຍ. ບວຣ ຊີ້ອ໌ ກ້ອຍ ລາ ຊາກໍາ ແຕ ໄລ່ ອາຕິ ປັຣນາຍ ເຢັງ ເຈົາຣາຊີ ມາ ໄລ່ ຕາ ເບີນ ຕະ ປວາຍ. 2 ຄັນ ເບີນ ຣາມິ່ຣ ອິນເຕົ້າ ເມົາ ປູລ ປາໂຕ່ະ ຊານໍ້, ເຈີ່ ປິ ເມັງ ຣາມິ່ຣ ກ້ອຍ ເມົາ ຕາ ເຕ່ອ໌ ປູລ ປາໂຕ່ະ ນ້ອງ. ກະ ຣານະ ອິນເຕົ້າ ເມົາ ຕະ ແກຣະ ຊານໍ້, ເຈີ່ ປິ ເມັງ ຣານະ ກ້ອຍ ເມົາ ຕາ ເຕ່ອ໌ ຕະ ແກຣະ ນ້ອງ. 3 ນະກ້ອຍ, ປັຣນາຍ ອິນເຕົ້າ ເຍົາ ອາຕິ ຕຶ່ງ ການໍາ, ປັຣເນີ ມັນເຕຣີ ກວາຍ ຊ້ອງ ຕຶ່ງ ປັງ ແອັນ ປັຣນາຍ ກ້ອຍ. ກະ ປັຣນາຍ ອິນເຕົ້າ ເຍົາ ຣາຣາຍ ຕຶ່ງ ກູຕູຣ ກວາຍ ຕຶ່ງ ກູ ແກຣະ, ປັຣເນີ ມັນເຕຣີ ເມົາ ອາຕິ ເຣ່ງ ລາລີ່ ແຕ ຕໍາປວລ ດຸງ.

4 "ເຍົາ ເອີຍ! ເກົາ ອາຕິ ຕານ້ອງ ໂອນ ເຍົາ ປາຍ: ອິນໂຈຍ ອົງກ້ອຍ ໄລ່ ກາ ເຕ່ອ໌ ກາຈິດ ແອັງ ຈະ ເຍົາ ຊ້ອງ, ມາ ແວັດ ໄລ່ ກາຈິດ ຈະ ເຍົາ, ໄລ່ ຕາ ເຕ່ອ໌ ຕະ ອິນເຕົ້າ ນ້ອງ ໂຈະ ເຍົາ. 5 ເກົາ ອາຕິ ໂອນ ເຍົາ ດັງ ເຍົາ ອົງເຄາະ ອົງກ້ອຍ ເມົາ. ເຍົາ ອົງ ເຄາະ ອົງກ້ອຍ ເຢັງ ເຈົາຣາຊີ, ຍ່ອນ ເຢັງ ເຈົາຣາ ຊີ ເຕ່ອ໌ ກາຈິດ ຈະ ເຍົາ, ກະ ຣາເວັຍ ເຍົາ ເຕ່ອ໌ ອັນ ອາປັອງ ຕຶ່ງ ປຣຸ່ງ ອູ່ຍຣ. ເກົາ ອາຕິ ຕານ້ອງ ໂອນ ເຍົາ, ອົງເຄາະ ເຍົາ ອົງກ້ອຍ ເຢັງ ເຈົາຣາຊີ!

6 "ເຊັງ ລໍາ ແຈມ ຈາບ ເມົາ ຈິ, ມາ ເກົາ ອັນ ບາຣ ຢາດ ຊ້ອງ. ມາ ເຢັງ ເຈົາຣາຊີ ຕາ ເບີນ ຊາລິຣ ມາ ນໍາ ແຕ ແຈມ ກ້ອຍ. 7 ມາ ກູ່ ເຊັນ ໂຊະ ຕຶ່ງ ແປ້ ເຍົາ, ເຢັງ ເຈົາຣາຊີ ນັບ ເຈີ່. ນະກ້ອຍ ເຍົາ ອິນ ໂຈຍ ອົງກ້ອຍ ອິນເຕົ້າ ນ້ອງ, ຍ່ອນ ຣາງິຣ ເຍົາ ລາ ເຢັງ ເຈົາຣາຊີ ປາຊີ ກາເລີຍ ແຕ ຊາອິ້ຍ ລໍາ ແຈມ ຈາບ.

8 "ເກົາ ອາຕິ ເຍົາ ປາຍ: ກວາຍ ອາແລະ ມາ ງິນ ຍິ່ຣ ເມັງ ກວາຍ ການໍ້ອ໌, ປາຍ ອັນ ເບີນ ມວຍ ຣາງິຣ ກະ ເກົາ, ມູເຈັງ ກ້ອຍ ເຕ່ ເກົາ, ກອນ ເຢັງ ແກັດ ກວາຍ, ງິນ ລັຣ ອັນ ຍິ່ຣ ເມັງ ເທວາດາ ເຢັງ ເຈົາຣາຊີ. 9 ມາ ຄັນ ກວາຍ ອາແລະ ມາ ກາ ແລີຍຣ ເກົາ ຍິ່ຣ ເມັງ ກວາຍ ການໍ້ອ໌, ມູເຈັງ ກ້ອຍ ເຕ່ ເກົາ ກາແລີຍຣ ລັຣ ອັນ ຍິ່ຣ ເມັງ ເທວາດາ ເຢັງ ເຈົາຣາຊີ.

10 "ກວາຍ ອາແລະ ມາ ພາມາດ ເກົາ, ກອນ ເຢັງ ແກັດ ກວາຍ, ເຢັງ ເຈົາຣາຊີ ເຕ່ອ໌ ຕັຣ ໄລ່ ຍຣ ກ້ອຍ. ມາ ຄັນ ກວາຍ ອາແລະ ມາ ພາມາດ

ຣາເວັຍ ເຢັງ ເຈົາຣາຊີ, ເຢັງ ເຈົາຣາຊີ ຕາ ເບີນ ຕັຣ ນ້ອງ ໄລ່ຍຣ ກ້ອຍ.

11 "ແຕ່ອ໌ ເມົາ ຕູນ ເຍົາ ປິ ດຸງ ຊາງ, ແຕ່ລາ ຍິ່ຣ ເມັງ ກວາຍ ຊົດ, ເຍົາ ອິນໂຈຍ ອຸກ ດໍອ໌ ອິນເຕົ້າ ເຍົາ ຍິ່ອ໌ ອິ ຕາແອີຍ ໂຈະ ໄລ່. 12 ບັ້ງ ກາ ກ້ອຍ ເບີນ ຣາເວັຍ ເຢັງ ເຈົາຣາຊີ ອິ ອາຕິ ເຍົາ ມັຣ ປັຣ ນາຍ ອິນເຕົ້າ ເຍົາ ຍິ່ອ໌ ອິ ປາຍ."

ເຢຊູ ຊາກໍາ ແຕ ກວາຍ ຊຸ ເບີນ

13 ເບີນ ມານະ ຕຶ່ງ ກວາຍ ກຶ່ງ ກ້ອຍ ປາຍ ກະ ເຢຊູ ນະໄນ່: "ອາຈານ ເອີຍ! ແຊອ໌ ອາຈານ ແປຣີ ອາຍ ເກົາ ອິນແປອ໌ ໂອນ ເກົາ ມູ່ນ ອິມປິ່ ຣິ."

14 ເຢຊູ ຕາແບັບ ລັຣ ກວາຍ ກ້ອຍ ປາຍ: "ເມົາ ກາ ໂອນ ເກົາ ເບີນ ອໍານາດ ດໍອ໌ ຕັດຊິ່ນ ອິມແປອ໌ ມູ່ນ ເຍົາ ບາຣ ນະ?"

15 ເຈີ່ ເຢຊູ ອາຕິ ໂອນ ອິນແຍ່ະ ມັຣ ກວາຍ ອິມ ແປຣ ກ້ອຍ ປາຍ: "ເຍົາ ລາວັງ ອໍ, ອົງກ້ອຍ ຣາງິຣ ເຍົາ ແກັດ ຮາຣ ຍິ່ອ໌ ອິ ຊຸ ເບີນ, ມາ ກວາຍ ຕາ ເບີ ນ ອາມັງ ຍ່ອນ ເບີນ ທາຣິ່ງ ຊາອິ້ຍ."

16 ເຢຊູ ອາຕິ ປັຣນາຍ ຊາກໍາ ປາຍ: "ເບີນ ມານະ ກວາຍ ຊຸ, ປາໄລ ຊັຣນິຣ ຕຶ່ງ ໄທຣ ອັນ ແກັດ ຊາອິ້ຍ ລາລີ່. 17 ກວາຍ ກ້ອຍ ຄິດ ຕຶ່ງ ຣາງິຣ ອັນ ປາຍ: 'ຕາ ເບີນ ນ້ອງ ອິນຕຸ ອິ ດໍອ໌ ປາໄລ ແຕ ໄທຣ ເກົາ. ມານະ ເກົາ ອິ ຕະ?' 18 ເຈີ່ ອັນ ຄິດ ແອັນ: 'ເກົາ ອິ ຕະ ນະໄນ່: ເກົາ ອິ ມາງ ດຸງ ຕຍາ, ຕະ ລັຣ ດຸງ ຕາໄມ ປິດ ກາເລີຍ ແອັນ; ກະ ເກົາ ອິ ປາໂຣມ ດໍອ໌ ຕຶ່ງ ກ້ອຍ ອິນແຍ່ະ ທຣໍ ເກົາ ກະ ອິນແຍ່ະ ທາຣິ່ງ ເກົາ. 19 ເຈີ່ ເກົາ ຄິດ ນະ ໄນ່: ເກົາ ເບີນ ຊາອິ້ຍ ລາລີ່. ຊາອິ້ຍ ກູມໍ ເກົາ ຕາ ເບີນ ຕັລ ອິ ຕະ ນ້ອງ, ມາ ເກົາ ເບີນ ຈາ ເລືອຍໆ. ນະກ້ອຍ ເກົາ ແອັດ ອຽນ, ຕັອກ ຊ້ອງ, ງ່ອຍ ຈາ ຊ້ອງ.' ນະກ້ອຍ ກວາຍ ຊຸ ກ້ອຍ ຄິດ. 20 ມາ ເຢັງ ເຈົາຣາຊີ ປາຍ ໂຈະ ກວາຍ ຊຸ ກ້ອຍ ນະໄນ່: 'ໄມ່ ລາ ກວາຍ ຊາກູລ ລາລີ່. ຊາເດົາ ໄມ່ ແຕ່ ອິນ ແຍ່ະ ແດີຍ ອາມັງ ໄມ່. ເຈີ່ ອິນແຍ່ະ ມັຣ ຊານົກ ໄມ່ ປາໂຣມ, ເມົາ ແອັນ ເບີນ ຕາລາ?'"

21 ເຈີ່ ເຢຊູ ປາຍ: "ມູເຈັງ ກ້ອຍ ເຕ່ ກວາຍ ກາ ຍິ່ອ໌ ອິ ປາໂຣມ ຊາອິ້ຍ ທາຣິ່ງ, ມາ ອັນ ຕາ ເບີນ ຊຸ ອິນເຕົ້າ ຍິ່ຣ ເມັງ ເຢັງ ເຈົາຣາຊີ."

ເຢຊູ ອາຕິ ອິນໂຈຍ ອຸກ ອິນເຕົ້າ  
(ມັດທາຍ 6:19-21, 25-34)

22 ເຈົ້າ ເຢຊູ ອາດີ ແອ້ນ ໂຈະ ມູ່ ກາ ຮຍານ ແຕ ອັນ ປາຍ: "ນະກ້ອຍ ເກົາ ອາດີ ເຍົາ, ເຍົາ ອິນໂຈຍ ອຸກ ແຕ ແດ້ຍ ອາມົ່ງ ເຍົາ ຊານັ່ນ, ຊັຮນາ ເຍົາ ຈາ, ແດ້ອ້ ເຍົາ ຈ່ອຍ, ກະ ຕຳປ້ອກ ເຍົາ ຕ້ອກ. 23 ໄຮ ເບິນ ອາມົ່ງ ລາ ປັດ ກາເລີຍ ແຕ ໄຮ ເບິນ ເກຣັງ ຊັຮນາ ຈາ. ກະ ໄຮ ເບິນ ຈະຈັນ ລາ ປັດ ກາເລີຍ ແຕ ໄຮ ເບິນ ຕຳປ້ອກ ຕ້ອກ. 24 ເຍົາ ແນ່ ປີ ແຈມ ກາອາອ້. ແຈມ ກ້ອຍ ຕາ ເບິນ ຈັດ ຈອຍ, ຕາ ເບິນ ຊອດ, ກະ ຕາ ເບິນ ດໍອ້ ຊັຮນາ ອິນເຕົາ ຕຶງ ຊູ. ມາ ເຢົາງ ເຈົ້າຮາຊີ ແຈມ ກຍາອ້ ໂອນ ແຈມ ກ້ອຍ. ເຍົາ ລາ ເຢົາງ ເຈົ້າຮາຊີ ປາຊີ ກາເລີຍ ແຕ ແຈມ ກ້ອຍ ແອ້ນ. 25 ຕາ ເບິນ ກວາຍ ອາແລະ ມາ ເຕ້ອ້ ຕໍ ອາຍຸ້ ອັນ ໂອນ ອິນຕຣິງ ບິອ້ ແອ້ນ ຍ່ອນ ອັນ ອຸກ ຊາອິ້ຍ. 26 ຄັນ ເຍົາ ມາ ຕາ ເຕ້ອ້ ຕະ ມວຍ ຮານະ ແກດ ນະກ້ອຍ, ນານະ ແຕ ເຍົາ ຍິອ້ ອີ ອຸກ ແຕ້ອ້ ຮານະ ການໍອ້ ແອ້ນ?

27 "ເຍົາ ແນ່ ປີ ປຍາຣ ບັດ. ປຍາຣ ກ້ອຍ ຕາ ເບິນ ຕຸ່ຣ ຕະ ຮານະ ແຕ້ລາ ຕານ ຕຳປ້ອກ ຕ້ອກ. ມາ ເກົາ ອາດີ ເຍົາ, ເຕົາວ ປັຣເຍົາ ໂຊໂລໂມນ, ອັນ ລາ ກວາຍ ຊຸ ລາລີ້, ມາ ອັນ ຕາ ເບິນ ຕ້ອກ ຕຳປ້ອກ ອໍ ນະ ປຍາຣ ໄນ່. 28 ເຢົາງ ເຈົ້າຮາຊີ ແຕ້ ໂອນ ປຍາຣ ບັດ ກ້ອຍ ແກ້ດ ອໍ. ມາ ປຍາຣ ກ້ອຍ ອາມົ່ງ ມາໂຮຍ ຊ້ອງ. ຕາໄງ ໄນ່ ອັນ ຈັຮ, ມາ ຕາໄງ ປັຣແນີ ເນົາ ອາປ້ອງ ຕັຮ ຕຶງ ອູ່ຍຣ. ມາ ເຢົາງ ເຈົ້າຮາຊີ ຈ່ອຍ ເຍົາ ໂອນ ເບິນ ຕຳປ້ອກ ຕ້ອກ ກາເລີຍ ແຕ ບັດ ກ້ອຍ ແອ້ນ. ມາ ນານະ ແຕ ເຍົາ ຊາອໍ ບິອ້ ລາລີ້? 29 ນະກ້ອຍ ເຍົາ ອິນໂຈຍ ອຸກ ປາຍ, ອິນເຕົາ ອີ ຈາ ກະ ອິນເຕົາ ອີ ຈ່ອຍ. 30 ອິນ ແຍ່ະ ມັຣ ຮາມິ່ຣ ໄນ່ ກວາຍ ກາ ຕາ ເບິນ ດັງ ເຢົາງ ເຈົ້າຮາຊີ ໄລ່ ຊ້ອງ ອຸກ ລາລີ້. ມາ ອິມບໍ່ ເຍົາ ຕຶງ ມັນລ້ອງ ດັງ ເຈົ້າ ເຍົາ ອິງເຄາະ ເບິນ ມັຣ ຮາມິ່ຣ ກ້ອຍ. 31 ມາ ອິງເຄາະ ເຍົາ ຈໍອ້ ເຢົາງ ເຈົ້າຮາຊີ ຕະ ຊົດ ເຍົາ. ຄັນ ເຍົາ ຕະ ນະກ້ອຍ, ອັນ ຈ່ອຍ ແຕ່ ມັຣ ຮາມິ່ຣ ກາ ເຍົາ ອິງເຄາະ ເບິນ.

32 "ເຍົາ ກາ ຈຸ່ມ ແກະ ເກົາ ເອີຍ! ເຍົາ ບິອ້ ນະ ຊ້ອງ, ມາ ອິນໂຈຍ ອິງກ້ອຣ ອິນເຕົາ, ຍ່ອນ ອິມ ບໍ່ ເຍົາ ຕຶງ ມັນລ້ອງ ຊ້ອງ ຮໍອ້ ຮາງິຣ ໂອນ ເຍົາ ເບິນ ອຳນາດ ຕຶງ ອິນຕຸ ອັນ ຊົດ. 33 ອິງເຄາະ ເຍົາ ຈິ ມູ່ນ ເຍົາ, ເຈົ້າ ຈ່ອຍ ໂອນ ກວາຍ ກາດິດ. ນະກ້ອຍ ເຍົາ ດໍອ້ ມັຣ ກາ ມູ່ນ ເຍົາ ຕຶງ ມັນລ້ອງ. ກະ ອິງກ້ອຍ ເຍົາ ເບິນ ຕູຍ ປະ ກາ ຕາ ແກ້ດ ຮຸ່ງ. ມູ່ນ ຕຶງ ມັນລ້ອງ ຕາ ເບິນ ແກ້ດ ປັດ; ຊາແວງ ຕາ ແຕ້ອ້ ມູ່ດ ຕວຍ, ກະ ອິນຕຣຸ່ນ ເລີນ ຕາ ເບິນ ຈາ.

34 ຍ່ອນ ອິນຕຸ ແລະ ເຍົາ ດໍອ້ ມັຣ ມູ່ນ ເຍົາ, ຮາງິຣ ເຍົາ ແອັດ ຄິດ ເລືອຍໆ ແຕ ອິນຕຸ ກ້ອຍ ແຕ່."

ເຢຊູ ອາດີ ແຕ ກວາຍ ຕະ ຮານະ  
 35 "ອິງເຄາະ ເຍົາ ກຽມ ດໍອ້ ອິນໂຍ່ງ ກະ ອິງ ເຄາະ ເຍົາ ຕາແນີ ກະ ຕາກັດ ຕາກຍາງ ເລືອຍໆ.  
 36 ເຍົາ ຕະ ມູເຈິງ ກວາຍ ກາ ຕະ ຮານະ ເກຣາະ ເນົາຍ ໄລ່ ເຈົ້າ ແຕ ຈາ ຮໍອ້ ບູຍ. ແຕ້ອ້ ເນົາຍ ກ້ອຍ ເຈົ້າ, ອັນ ກູໂຕຍຣ ງິຣ ຕັງ. ເຈົ້າ ໄລ່ ເປັຣ ແຕ້ ໂອນ ອິນເຈົ້າ ໄລ່. 37 ແຕ້ອ້ ອັນ ເຈົ້າ, ອັນ ເຣິມ ອໍ ກວາຍ ກາ ຕະ ຮານະ ອັນ, ໄລ່ ແອັດ ເກຣາະ ກະ ຕາ ເບິນ ບິ. ມູ່ນ ລາລີ້ ແຕ້ອ້ ບິ ໄລ່ ກາ ຕະ ຮານະ ກ້ອຍ, ຍ່ອນ ເນົາຍ ໄລ່ ເຣິມ ໄລ່ ຕະ ເລືອຍໆ. ເກົາ ອາດີ ຕານ້ອງ ໂອນ ເຍົາ, ເນົາຍ ກ້ອຍ, ອັນ ກຽມ ດໍອ້, ເຈົ້າ ອັນ ໂອນ ມັຣ ກວາຍ ກາ ຕະ ຮານະ ອັນ ຕາ ກູ, ກະ ອັນ ອາລໍອຣ ເກຣັງ ຊັຮນາ ໂອນ ໄລ່ ຈາ. 38 ປຍາຍ ເນົາຍ ກ້ອຍ ເຈົ້າ ດີດິກ ແຕ້ລາ ແຈະ ອີ ປັງ ລາ ເບິນ. ມາ ອິນແຍ່ະ ກວາຍ ກາ ຕະ ຮານະ ອັນ ອິນນ້ອງ ເບິນ ມູ່ນ ລາລີ້, ຍ່ອນ ໄລ່ ແອັດ ຕາ ງວຍ ແນ່ ເລືອຍໆ. 39 ອິງເຄາະ ເຍົາ ດັງ ແຕ່, ຄັນ ຕາລາ ດຸງ ດັງ ບ້ອງ ແລະ ກວາຍ ຊາແວງ ອີ ມູ່ດ ຕູຕວຍ ຕຶງ ດຸງ ອັນ, ອັນ ຕາງວຍ ເລືອຍໆ ຕາ ເບິນ ໂອນ ກວາຍ ຊາແວງ ແຕ້ອ້ ມູ່ດ ຕູຕວຍ ຕຶງ ດຸງ ອັນ. 40 ນະກ້ອຍ ແຕ່, ອິງເຄາະ ເຍົາ ກຽມ ດໍອ້ ເລືອຍໆ ແຕ່, ຍ່ອນ ເຍົາ ຕາ ເບິນ ດັງ ຕາໄງ ແລະ ເກົາ, ກອນ ເຢົາງ ແກ້ດ ກວາຍ, ແຕ້ອ້ ລັຣ. ເກົາ ແຕ້ອ້ ບ້ອງ ກາ ຕາໄງ ເຍົາ ຕາ ເບິນ ຄິດ ອິນເຕົາ ປາຍ ເກົາ ອີ ແຕ້ອ້."

ຊູລ ກາ ມັນຕັດ ອໍ  
 (ມັດທາຍ 24:45-51)

41 ເຈົ້າ ເປໂຕ ຕາແບັບ ເຢຊູ ປາຍ: "ອິນເຈົ້າ ເອີຍ! ອິນເຈົ້າ ອາດີ ປັຣນາຍ ຊາກຳ ໄນ່ ໂອນ ແອັງ ຮີ ຊ້ອງ, ແຕ້ລາ ອິນເຈົ້າ ອາດີ ໂອນ ກູ່ ນະ ກວາຍ?"

42 ເຢຊູ ຕາແອີຍ ປາຍ: "ຄັນ ເບິນ ກວາຍ ຊູລ ກາ ມັນຕັດ ກະ ຮາໂງ່ຣ ຮາລັງ, ເນົາຍ ອັນ ຈົຣ ໂອນ ອັນ ຕະ ຊົດ ແນ່ ມັຣ ກວາຍ ການໍອ້ ກາ ຕະ ຮານະ ອັນ. ອິນເຕົາ ເນົາຍ ແປຣີ ໂອນ ອິມແປອ້, ອັນ ອິມແປອ້ ຮາມິ່ຣ ກ້ອຍ. 43 ຄັນ ຊູລ ກ້ອຍ ຕະ ປຍາຍ ອິນແຍ່ະ ມັຣ ຮານະ ເນົາຍ ອັນ ແປຣີ, ອັນ ເບິນ ແອັດ ຮໍອ້ ບູຍ ບ້ອງ ກາ ເນົາຍ ອັນ ເຈົ້າ ລັຣ ປີ ດຸງ. 44 ເກົາ ອາດີ ຕານ້ອງ ໂອນ ເຍົາ, ປັຣແນີ ມັນ ເຕຣົາ ເນົາຍ ກ້ອຍ ໂອນ ຊູລ ກ້ອຍ ແນ່ ຊາລີອ້ ອິນ ແຍ່ະ ມັຣ ມູ່ນ ອັນ. 45 ມາ ຄັນ ກວາຍ ຊູລ ກ້ອຍ

ຕາ ເບີນ ມັນຕັດ ອໍ, ອັນ ຄິດ ຕັ້ງ ຮົ່ງຮ ອັນ ປາຍ: 'ອິນນ້ອງ ດຸ່ນ ເນີຍ ເກົາ ອີ ເຈົ້າ.' ນະກ້ອຍ, ອັນ ປາຍຮ ມັຮ ກວາຍ ມັນແຊມ ກະ ຮາເລົາ ກາ ຕະ ຮານະ ເນີຍ ອັນ, ກະ ອັນ ເປາະ ຈາ ງ່ອຍ ບູລ ລໍາ ແປະ ລັງຮຍາ. <sup>46</sup> ເຈົ້ ເນີຍ ຊູລ ກ້ອຍ ເຈົ້າ, ມາ ຊູລ ກ້ອຍ ຕາ ເບີນ ດັງ ຕາໄງ ກ້ອຍ, ກະ ອັນ ຕາ ເນີນ ຄິດ ອິນເຕົ້າ ເລີ້ຍ ແຕ ຮານະ ກ້ອຍ. ນະກ້ອຍ ເນີຍ ກ້ອຍ ໄປ້ອ ຕັຮ ຈະ ກວາຍ ຊູລ ກ້ອຍ. ກະ ເນີຍ ໂອນ ຊູລ ກ້ອຍ ແອິດ ມັນຕຸ ກະ ໄລ່ ກາ ຕາ ເບີນ ຕະ ປວາຍ ອັນ.

<sup>47</sup> "ຊູລ ກາ ດັງ ແຕ ຮົ່ງຮ ເນີຍ ອັນ, ມາ ອັນ ຕາ ເບີນ ກຽມ ກະ ອັນ ຕາ ເບີນ ຕະ ປວາຍ, ເນີຍ ໂອນ ເນົ້າ ປາຍຮ ຊູລ ກ້ອຍ ຮັບ ລາລີ້. <sup>48</sup> ມາ ຊູລ ກາ ຕາ ເບີນ ດັງ ແຕ ຮົ່ງຮ ເນີຍ ອັນ, ກະ ອັນ ຕະ ຮານະ ໄລຍຮ, ເນີຍ ໂອນ ເນົ້າ ປາຍຮ ອັນ ປີ້ອ ຊ້ອງ. ກວາຍ ອາແລ່ະ ມາ ເນົ້າ ໂອນ ຊາ ອີ່ຍ, ເນົ້າ ອົງກ່ອງ ລັຮ ແຕ ກວາຍ ກ້ອຍ ຊາອີ່ຍ ແຕ່. ກະ ກວາຍ ອາແລ່ະ ມາ ເນົ້າ ພາອ ຊາອີ່ຍ, ເນົ້າ ອົງກ່ອງ ກວາຍ ກ້ອຍ ກູລັຮ ລັຮ ກາເລີຍ ແຕ ກ້ອຍ ແອິນ."

ເຢຊູ ອາຕີ ແຕ ອັນ ແຕ້ອ ປີ ກູແຕອໄ ໄນ່  
(ມັດທາຍ 10:34-36; 16:2-3; 5:25-26)

<sup>49</sup> "ເກົາ ແຕ້ອ ປີ ໄນ່ ລາ ເກົາ ເດີງ ອູ່ຍຮ ອາ ປ້ອງ ປີ ກູແຕອໄ ໄນ່. ເກົາ ຍິອ ລາລີ້ ຄັນ ອູ່ຍຮ ໄນ່ ເບີ ເຈົ້. <sup>50</sup> ອົງເຄາະ ເກົາ ຈິວ ຊາອີ່ຍ ຮາມິຮ ຕຸ່ຮ ກັດ;\* ກະ ຮົ່ງຮ ເກົາ ຕຸ່ຮ ອາຮິກ ລາລີ້ ເຕົ້າ ໂອນ ແຕ້ອ ຮານະ ກ້ອຍ ແກິດ ແມິມ! <sup>51</sup> ເຍົາ ຄິດ ປາຍ ເກົາ ແຕ້ອ ປີ ກູແຕອໄ ໄນ່ ເດີງ ໂອນ ກວາຍ ແອິດ ອຽນ ອໍ ບໍ? ຕາ ແກິນ! ເກົາ ແຕ້ອ ປີ ໄນ່, ເກົາ ອີ ຕະ ໂອນ ກວາຍ ແກິດ ມານະ ຕາ ເບີນ ຊັງໄກຮ ໂຈະ ມານະ. <sup>52</sup> ແຕ ຕາໄງ ໄນ່ ເຕົ້າ ແຕ້ອ ຕາໄງ ອິນຕຸ່ນ, ຄັນ ເບີນ ມວຍ ດຸງ ກາ ເບີນ ກວາຍ ເຊີງ ນະ, ໄປ ນະ ຕາ ເບີນ ຊັງໄກຮ ໂຈະ ບາຮ ນະ, ກະ ບາຮ ນະ ຕາ ເບີນ ຊັງໄກຮ ລັຮ ໂຈະ ໄປ ນະ. <sup>53</sup> ອິມປໍ່ ຕາ ເບີນ ຊັງໄກຮ ກະ ກອນ ຮາເລົາ; ກະ ກອນ ຮາເລົາ ຕາ ເບີນ ຊັງໄກຮ ກະ ອິມປໍ່. ອິມເປອໄ ຕາ ເບີນ ຊັງໄກຮ ກະ ກອນ ມັນແຊມ; ກະ ກອນ ມັນແຊມ ຕາ ເບີນ ຊັງໄກຮ ກະ ອິມເປອໄ. ກູຢາກັນ ຕາ ເບີ ນ ຊັງໄກຮ ກະ ກູມັນ; ກະ ກູມັນ ຕາ ເບີນ ຊັງໄກຮ ກະ ກູຢາກັນ."

\* 12:50 12:50 ເຢຊູ ປາຍ "ອົງເຄາະ ເກົາ ຈິວ ຮິດ ຕັ້ງ ແດ້ອ."

<sup>54</sup> ເຢຊູ ອາຕີ ໂຈະ ມັຮ ກວາຍ ກ້ອຍ ແອິນ ປາຍ: "ແຕ້ອ ເຍົາ ເຮິມ ຮາມິລ ກູມ ແຕ້ອ ແຕ ຍິ່ຮ ມັດ ມານາງ ປັດ, ເຍົາ ປາຍ ກຮວາງ ອີ ເນົາ. ລີ້ ອັນ ເນົາ. <sup>55</sup> ແຕ້ອ ເຍົາ ຊ້ອງ ກູຢາລ ແປ້ ແຕ ຍິ່ຮ ກຮວາງ ພວາອໄ, ເຍົາ ປາຍ ກຮວາງ ເຍົາ ອີ ພ ວາອໄ. ລີ້ ອັນ ພວາອໄ. <sup>56</sup> ເຍົາ ລາ ກວາຍ ມາມ ອໍ ມາ ຮົ່ງຮ ໂກະ! ເຍົາ ດັງ ຊາກັລ ອິນແຍ່ະ ຕັ້ງ ກູ ແຕອໄ ໄນ່ ກະ ຕັ້ງ ມັນລ້ອງ, ມາ ເຍົາ ຕາ ເບີນ ດັງ ອິນເຕົ້າ ແຕ ຮານະ ເຢົາງ ເຈົ້າຮາຊີ ໂອນ ເຍົາ ດັງ ຕັ້ງ ແດ້ຍ ໄນ່.

<sup>57</sup> "ນານະ ເຍົາ ຕາ ເບີນ ດັງ ຮຽຮ ອິດ ເບີມ ຮາ ນະ ອາແລ່ະ ກາ ປາຍາຍ? <sup>58</sup> ແຕ້ອ ເຍົາ ຮາໄລຍຮ ກະ ກວາຍ ການໍອໄ, ກວາຍ ກ້ອຍ ເດີງ ເຍົາ ເປາະ ຮາມິຮ ກວາຍ ຊົດ. ອົງເຄາະ ເຍົາ ປຣ່ອມ ຮາຕອຍ ລັຮ ບັອງ ກາ ເຍົາ ຕາ ຢວາຮ ຮາມິຮ ກວາຍ ຊົດ. ຄັນ ເຍົາ ຕາ ເບີນ ປຣ່ອມ ຮາຕອຍ ໄວ່, ອົງກ້ອຮ ປາຍາຍ ກວາຍ ກ້ອຍ ເດີງ ເຍົາ ແຕ້ອ ປີ ກວາຍ ກາ ຕັດຊິນ ແອິນ. ເຈົ້ ກວາຍ ກ້ອຍ ມ່ອບ ໂອນ ເນົ້າ ໂຈະ ເຍົາ ຕັ້ງ ກໍ່ອໄ. <sup>59</sup> ເຍົາ ຕາ ແຕ່ອ ລັຮ ແຕ ກໍ່ ອໄ ກ້ອຍ ເຕົ້າ ແຕ້ອ ເຍົາ ຈິວ ກູລັຮ ອິນແຍ່ະ ມັຮ ປຣະ ກວາຍ ຊົດ ກ້ອຍ ປາຍ."

**13**

ເຢຊູ ປາຕັບ ກວາຍ ອົງເຄາະ ປຽນ ແກິດ ຮົ່ງຮ ຕາໄມ ແອິນ

<sup>1</sup> ບັອງ ກາ ກ້ອຍ ເບີນ ກວາຍ ແອິດ ອົງກ້ອຍ ອາຕີ ໂອນ ເຢຊູ ດັງ ແຕ ຮານະ ປິລາດ ຕະ ກາ ຈິດ ມັຮ ກວາຍ ຄາລີເລ ບັອງ ກາ ໄລ່ ກຍາກ ຊັນ ຕຣັນ ຊາງ ເຢົາງ ເຈົ້າຮາຊີ. <sup>2</sup> ເຢຊູ ອາຕີ ໄລ່ ກ້ອຍ ປາຍ: "ນານະ ເຍົາ ຄິດ? ມັຮ ກວາຍ ຄາລີເລ ກາ ຈິວ ກູຈິດ ນະກ້ອຍ, ໄລ່ ເບີນ ໄລຍຮ ກາເລີຍ ແຕ ກວາຍ ຄາລີເລ ການໍອໄ ບໍ? <sup>3</sup> ຕາ ແກິນ! ເກົາ ອາຕີ ຕານໍ້ອງ ໂອນ ເຍົາ, ຄັນ ເຍົາ ມາ ຕາ ເບີນ ຕັຮ ຮົ່ງຮ ຕຍາ ປຽນ ແກິດ ຮົ່ງຮ ຕາໄມ ແອິນ, ເຍົາ ອົງເຄາະ ກູຈິດ ແຕ່, ມູເຈີງ ໄລ່ ກ້ອຍ. <sup>4</sup> ກະ ອິນເຕົ້າ ເຍົາ ຄິດ ແຕ ມວຍ ຈິດ ຕາກໍອລ ນະ ກາ ແອິດ ຕັ້ງ ຊີໂລອາມ ບັອງ ກາ ດຸງ ຍາມ ຕີ ຮາລິຮ ກາແຕດ ກາຈິດ ໄລ່? ເຍົາ ຄິດ ໄລ່ ມວຍ ຈິດ ຕາກໍ ອລ ນະ ກ້ອຍ ເບີນ ໄລຍຮ ກາເລີຍ ແຕ ກວາຍ ກາ ນໍ້ອໄ ແອິດ ຕັ້ງ ເມືອງ ເຢຣູຊາເລັມ ບໍ? <sup>5</sup> ຕາ ແກິນ! ເກົາ ອາຕີ ຕານໍ້ອງ ໂອນ ເຍົາ, ຄັນ ເຍົາ ມາ ຕາ ເບີນ ຕັຮ ຮົ່ງຮ ຕຍາ ປຽນ ແກິດ ຮົ່ງຮ ຕາໄມ ແອິນ, ເຍົາ ຈິວ ກູຈິດ ມູເຈີງ ໄລ່ ກ້ອຍ ແຕ່."



ເຢຊູ ຊາກຳ ແຕ ກໍລ ລາວັຣ ກາ ຕາ ເປັນ ປາໄລ  
 6 ເຈົ້າ ເຢຊູ ອາຕີ ໄລ່ ປັຣມາຍ ຊາກຳ ປາຍ: "ເປີ  
 ນ ມານະ ກວາຍ ເປັນ ມວຍ ກໍລ ລາວັຣ ດັຣ ຕຶງ  
 ຊວນ ອັນ. ອັນ ເປາະ ຈໍ່ ປາໄລ ແຕ ກໍລ ກ້ອຍ,  
 ມາ ອັນ ເຮີມ ຕາ ເປັນ ປາໄລ. 7 ນະກ້ອຍ ອັນ ອາ  
 ຕີ ໂຈະ ກວາຍ ກາ ກຍາອ໌ ຊວນ ກ້ອຍ ປາຍ: 'ໄມ່  
 ໄມ່! ໄປ ກູມ໌ ໄມ່ ເຈົ້າ ເກົາ ແຕ້ອ໌ ຈໍ່ ປາໄລ ແຕ ກໍລ  
 ໄມ່, ມາ ເກົາ ຕາ ເປັນ ເຮີມ ອັນ ເປັນ ປາໄລ ອິນ  
 ເຕົາ. ເຈົ້າ ໄມ່ ຕາມີ້ ດັຣ ຊ້ອງ ກໍລ ໄມ່. ອິນໂຈຍ  
 ໂອນ ອັນ ດັຣ ນ້ອງ ຕຶງ ກູແຕອ໌ ອໍ ໄມ່.' 8 ມາ ອັນ  
 ກາ ກຍາອ໌ ຊວນ ກ້ອຍ ຕາແອີຍ ປາຍ: 'ອິນເຈົ້າ  
 ເອີຍ! ແຊອ໌ ໄມ່ ດໍອ໌ ກໍລ ໄມ່ ໂອນ ອາມັງ ມວຍ ກູ  
 ມໍ ເວີຍ. ເກົາ ອີ ປີ່ ປຣຸງ ອິມແປຣ ກໍລ ໄມ່. ເຈົ້າ  
 ເກົາ ອີ ໂຈະ ພົນ ແອັນ. 9 ແຕ້ອ໌ ກູມ໌ ອິນຕຸ່ນ, ຄັນ  
 ກໍລ ໄມ່ ມາ ແກັດ ປາໄລ, ໄຮ ເປັນ ຈາ. ມາ ຄັນ  
 ອັນ ຕາ ເປັນ ແກັດ ປາໄລ, ໄຮ ຕາມີ້ ດັຣ ກໍລ ອາ  
 ລ່ອງ ໄມ່.'"

ເຢຊູ ປົວ ກວາຍ ກຣັອງ ຊາໂກ່ ຕຶງ ຕາໂງ ຣາລູ່  
 10 ເປັນ ມວຍ ຕາໂງ ຣາລູ່, ເຢຊູ ອາຕີ ຕຶງ ດຸງ  
 ຊາງ ກວາຍ ອິດຊະຣາເອລ. 11 ແອັດ ອົງກ້ອຍ  
 ເປັນ ມານະ ມັນແຊມ ກາ ກຣັອງ ຊາໂກ່ ມວຍ ຈິດ  
 ຕາກໍອລ ກູມ໌ ເຈົ້າ. ເປັນ ເຢັງ ຕາ ອໍ ຕະ ໂອນ ອັນ  
 ຕາ ເຕ້ອ໌ ຕາຢັງ ຕານ້ອງ. 12 ພໍກາ ເຢຊູ ເຮີມ ມັນ  
 ແຊມ ກ້ອຍ, ອັນ ກູອ໌ ກະ ປາຍ: "ອາຢະ ເອີຍ!  
 ຊານໍ່, ອາຢະ ຕາ ເປັນ ອາອິ້ ນະກ້ອຍ ນ້ອງ!"

13 ແວັດ ກ້ອຍ, ເຢຊູ ຊາປະ ອາຕີ ອັນ ຕຶງ ຈະ  
 ມັນແຊມ ກ້ອຍ. ບ້ອງ ກາ ກ້ອຍ ແຕ້ ກຣັອງ ມັນ  
 ແຊມ ກ້ອຍ ແກັດ ຕານ້ອງ ລັຣ, ກະ ອັນ ຢ່ອງ  
 ເຢັງ ເຈົ້າຣາຊີ.

14 ມາ ອັນ ກາ ຕະ ຊົດ ດຸງ ຊາງ ກ້ອຍ, ອັນ  
 ຊ້ອງ ອວານ ລາລີ້ ເຢຊູ ປົວ ກວາຍ ອາອິ້ ຕຶງ ຕາ  
 ໂງ ຣາລູ່. ນະກ້ອຍ ກວາຍ ຕະ ຊົດ ດຸງ ຊາງ ກ້ອຍ  
 ປາຍ ໂຈະ ມັຣ ກວາຍ ກາ ແອັດ ອົງກ້ອຍ: "ເປັນ  
 ຕາປັດ ຕາໂງ ໄຮ ເຕ້ອ໌ ຕະ ຣານະ. ນະກ້ອຍ ແອັງ  
 ຕາປັດ ຕາໂງ ກ້ອຍ ຊ້ອງ ເຍົາ ເຕ້ອ໌ ແຕ້ອ໌ ໂອນ ເມົາ  
 ປົວ ຈະ ເຍົາ. ເຍົາ ອິນໂຈຍ ແຕ້ອ໌ ໂອນ ເມົາ ປົວ ຈະ  
 ເຍົາ ຕຶງ ຕາໂງ ຣາລູ່!"

15 ມາ ເຢຊູ ອາຕີ ລັຣ ໂຈະ ກວາຍ ກາ ຕະ ຊົດ  
 ດຸງ ຊາງ ກ້ອຍ ປາຍ: "ເຍົາ ລາ ກວາຍ ມາມ ອໍ ມາ  
 ຣາງັຣ ໂກະ! ອິນແຍະ ນະ ເຍົາ, ຄັນ ເຍົາ ເປັນ ຕາ  
 ແກງ ແຕ້ລາ ອາແຊັຣ ແຈລ ຕຶງ ກໍ່ອ໌, ເຍົາ ເປັຣ  
 ໂອນ ອັນ ເຕ້ອ໌ ລັອຣ ງ່ອຍ ແດັອ໌ ຕຶງ ຕາໂງ ຣາລູ່.

16 ມັນແຊມ ໄມ່ ລາ ແຕ ຈຸ່ມເຈືອ ອັບຣາຣາມ ມູ  
 ເຈິງ ເຍົາ ເຕ່, ມາ ເຢັງ ຊາຕານ ຕະ ອັນ ອິນແຍະ  
 ມວຍ ຈິດ ຕາກໍອລ ກູມ໌ ເຈົ້າ. ນານະ ຕາ ເຕ້ອ໌ ຈ່ອຍ  
 ອັນ ຕຶງ ຕາໂງ ຣາລູ່?"

17 ບ້ອງ ກາ ເຢຊູ ປາຍ ນະກ້ອຍ, ອິນແຍະ ໄລ່  
 ກາ ອວານ ກະ ອັນ, ໄລ່ ຊ້ອງ ກູມາລ ລາລີ້. ມາ  
 ກວາຍ ກຶງ ການໍ່ອ໌ ກາ ແອັດ ອົງກ້ອຍ ເຕ່, ໄລ່  
 ຊ້ອງ ຣໍ່ອ໌ ລາລີ້ ແຕ ອິນແຍະ ຣານະ ອໍ ເຢຊູ ຕະ.

ເຢຊູ ຊາກຳ ແຕ ກູອງ ປາກາດ  
 (ມັດທາຍ 13:31-32; ມາຣະໂກ 4:30-32)  
 18 ເຢຊູ ອາຕີ ແອັນ ປາຍ: "ເຢັງ ເຈົ້າຣາຊີ ຕະ  
 ຊົດ ຕຶງ ຣາງັຣ ກວາຍ ລາ ນະ ອິນເຕົາ? ກະ ຣາມິ້ຣ  
 ອິນເຕົາ ເຕ້ອ໌ ເກົາ ຊາກຳ ແຕ ຊົດ ກ້ອຍ? 19 ຊົດ  
 ກ້ອຍ ລາ ນະ ມວຍ ກູອງ ປາກາດ. ເປັນ ມານະ  
 ອິດ ກູອງ ກູປູອ໌ ກ້ອຍ ກະ ຕຣິຣ ຕຶງ ໄທຣ ອັນ.  
 ເຈົ້າ ກູອງ ກ້ອຍ ດັຣ ແກັດ ປັດ ນະ ອາລ່ອງ. ເຕ້ອ໌  
 ແຈມ ຕະ ຊາມັຣ ຕຶງ ອາແບງ ອັນ."

ເຢຊູ ຊາກຳ ແຕ ບວຣ ຊິ້ອ  
 (ມັດທາຍ 13:33)  
 20 ເຢຊູ ປາຍ ແອັນ: "ເຢັງ ເຈົ້າຣາຊີ ຕະ ຊົດ  
 ລາ ເກົາ ອີ ຊາກຳ ນະ ອິນເຕົາ? 21 ຊົດ ກ້ອຍ ນະ  
 ບວຣ ຊິ້ອ ກາ ມັນແຊມ ອິດ ບິ້ອ ເຈົ້າ ເປຍ ໂຈະ ແປງ  
 ຕຶງ ອາແດັຣ ປັດ. ເຈົ້າ ແປງ ກ້ອຍ ແກັດ ປຣຸຣ ອາ  
 ຊ້ອຣ ອິນແຍະ."

ງັຣ ຕຶງ ແກ່ບ  
 (ມັດທາຍ 7:13-14, 21-23)

22 ບ້ອງ ກາ ເຢຊູ ເປາະ ຕຶງ ຣານາ ອີ ເປາະ ປີ່  
 ເມືອງ ເຢຣູຊາເລັມ, ອັນ ແວ້ຣ ຕຶງ ວິລ ແກດ ວິ  
 ລ ປັດ ອາຕີ ກວາຍ ຕຶງ ມັຣ ວິລ ກ້ອຍ. 23 ເປັນ  
 ມານະ ຕາແບັບ ອັນ ປາຍ: "ອິນເຈົ້າ ເອີຍ! ເຢັງ  
 ເຈົ້າຣາຊີ ຈ່ອຍ ອາມັງ ແອັງ ບິ້ອ ນະ ກວາຍ ຊ້ອງ  
 ບໍ່?"

ເຈົ້າ ເຢຊູ ອາຕີ ອິນແຍະ ມັຣ ກວາຍ ກ້ອຍ ປາຍ:  
 24 "ອົງເຄາະ ເຍົາ ປາຍາອ໌ ອີ ມູດ ຕຶງ ງັຣ ຕຶງ ແກ່ບ.  
 ເກົາ ອາຕີ ຕານ້ອງ ໂອນ ເຍົາ, ເປັນ ກຶງ ກວາຍ ຢໍຣ໌  
 ອີ ມູດ ຕຶງ ງັຣ ຕຶງ ແກ່ບ ກ້ອຍ, ມາ ໄລ່ ຕາ ດັງ ເປີ  
 ນ ມູດ.

25 "ແຕ້ອ໌ ອິນເຈົ້າ ດຸງ ຢວຣ ກາໄຕຣ ງັຣ ຕຶງ,  
 ອິນແຍະ ມັຣ ເຍົາ ແອັດ ຢໍຣ໌ ນໍ່ອ໌ ກູໂຕຍຣ ຕຶງ  
 ກ້ອຍ ກະ ກູອ໌ ປາຍ: 'ອິນເຈົ້າ ເອີຍ! ແຊອ໌ ອິນ  
 ເຈົ້າ ເປັຣ ຕຶງ ໂອນ ຣິ ມູດ!' ມາ ອິນເຈົ້າ ກ້ອຍ ຕາ

ແອີຍ ເຍົາ ປາຍ: 'ເກົາ ຕາ ເບີນ ດັງ ແຕ ແລະ ເຍົາ ແຕ້ອ້!' <sup>26</sup> ເຈົ້ ເຍົາ ອາຕີ ລັ່ ປາຍ: 'ຮິ ງ່ອຍ ຈາ ມັນຕຸ ກະ ອິນເຈົ້ ເຈົ້, ກະ ອິນເຈົ້ ອາຕີ ເຈົ້ ຕິ່ງ ວິ ລ ຮິ!' <sup>27</sup> ມາ ອິນເຈົ້ ກ້ອຍ ຕາແອີຍ ລັ່ ປາຍ: 'ເກົາ ຕາ ດັງ ແຕ ແລະ ເຍົາ ແຕ້ອ້. ເຍົາ ເປະ ເຍີ ງ ແຕ ເກົາ, ເຍົາ ລາ ແອັງ ກວາຍ ໂລ່ຍຮ ຊ້ອງ!' <sup>28</sup> ໄກຮ ລາລີ້, ປຣແນີ ມັນເຕຣົາ ເຍົາ ເຍົາມ ເລືອ ຍໆ, ກະ ເຍົາ ກາຕັດ ກາແນງ ກາບາງ ຊ້ອງ ຕຸ່ຮ ກັດ ລາລີ້, ບ້ອງ ກາ ເຍົາ ເຮີມ ຕິ່ງ ອິນຕຸ ເຢັງ ເຈົ້າຮາ ຊິ ຊົດ ລາ ອັບຮາຮາມ, ອີຊາກ, ກະ ຢາໂຄບ, ກະ ມັຮ ກວາຍ ອາຕີ ຕາງ ປຣນາຍ ເຢັງ ເຈົ້າຮາຊິ, ມາ ເຍົາ ເມົ້າ ຕູ່ຍຮ ອາລັອຮ ຕາ ເບີນ ໂອນ ມູ່ດ. <sup>29</sup> ເບີນ ມັຮ ກວາຍ ການໍ່ອ້ ແຮີ ແຕ້ອ້ ແຕ ຍັຮ ມາ ນາງ ລ້ອຮ, ຍັຮ ມານາງ ປັດ, ຍັຮ ແປັງ ກະ ຍັຮ ກາແຕັບ. ໄລ່ ກ້ອຍ ເບີນ ແອັດ ຈາ ຕິ່ງ ອິນຕຸ ເຢັງ ເຈົ້າຮາຊິ ຊົດ ຕິ່ງ ມັນລ້ອງ. <sup>30</sup> ນະກ້ອຍ, ໄລ່ ກາ ແກັດ ອິນຕຸນ ຊານໍ່, ເຈົ້ ບິ ເມັງ ໄລ່ ແກັດ ອິນໂຍ່ງ ແອັນ. ກະ ໄລ່ ກາ ແກັດ ອິນໂຍ່ງ ຊານໍ່, ເຈົ້ ບິ ເມັງ ໄລ່ ກ້ອຍ ແກັດ ອິນຕຸນ ແອັນ."

ເຢຊູ ອາໂຍ່ ລາລີ້ ກວາຍ ກາ ແອັດ ຕິ່ງ ເມັອງ ເຢຣູຊາເລັມ  
(ມັດທາຍ 23:37-39)

<sup>31</sup> ບ້ອງ ກາ ກ້ອຍ ເບີນ ກວາຍ ແຕ ຈຸ່ມ ພາ ຮິຊາຍ ແຕ້ອ້ ບິ ເຢຊູ ອາຕີ ອັນ ປາຍ: "ອິງເຄາະ ອາຈານ ລ້ອຮ ແຕ ອິນຕຸ ໄນ່, ເປະ ບິ ອິນຕຸ ການໍ່ ອ້ ແອັນ, ຍ່ອນ ເຕົ້ວ ປຣເຍົາ ເຮໂຣດ ອິ ກາຈິດ ອາຈານ."

<sup>32</sup> ເຢຊູ ຕາແອີຍ ໄລ່ ປາຍ: "ເຍົາ ເປະ ອາຕີ ຕາຈໍອ້ ກ້ອຍ ປາຍ: 'ຕາໄງ ໄນ່ ກະ ປຣແນີ ເກົາ ອິ ຕູ່ຍຮ ອາລັອຮ ເຢັງ ຕາ ອໍ ກະ ປົວ ອິນແຍະ ມັຮ ຮາມິຮ ກວາຍ ຕິ່ ອາອິ້. ເຈົ້ ແຕ້ອ້ ຕາໄງ ມັນ ເຕຣົາ ເກົາ ຕະ ໂອນ ແມັມ ອິນແຍະ.' <sup>33</sup> ມາ ຊານໍ່ ກະ ປຣແນີ ມັນເຕຣົາ, ອິງເຄາະ ເກົາ ປວາຍ ຮານະ ເຢັງ ເຈົ້າຮາຊິ ເຈົ້ ບິ ເມັອງ ເຢຣູຊາເລັມ, ຍ່ອນ ກວາຍ ອາຕີ ຕາງ ປຣນາຍ ເຢັງ ເຈົ້າຮາຊິ ຕາ ແຕ່ອ້ ກູຈິດ ຍັຮ ນໍ່ອ້ ເມັອງ ເຢຣູຊາເລັມ.

<sup>34</sup> "ເອີ ເຢຣູຊາເລັມ, ເຍົາ ກາ ແອັດ ຕິ່ງ ເມັອງ ເຢຣູຊາເລັມ ເອີຍ! ເຍົາ ລາ ກວາຍ ກາ ເກັຍ ກາຈິດ ກວາຍ ກາ ອາຕີ ຕາງ ປຣນາຍ ເຢັງ ເຈົ້າຮາຊິ, ກະ ເຍົາ ແກງ ຕາເມົາ ໂຈະ ມັຮ ກວາຍ ກາ ເຢັງ ເຈົ້າຮາ ຊິ ແປຣີ ແຕ້ອ້ ບິ ເຍົາ. ເບີນ ຊາອິ້ຍ ຕໍ່ ເຈົ້ ເກົາ ຍິ່ອ້ ອິ ປາໂຣມ ອິນແຍະ ມັຮ ເຍົາ ນະ ອິນຕຣູວຍ ອາ ກັນ ກູຕຣຸກ ກູອ້ ກອນ ອັນ ໂອນ ແອັດ ປືນ ຊານໍ່

ງ. ມາ ເຍົາ ຕາ ປຣອມ! <sup>35</sup> ເຢັງ ເຈົ້າຮາຊິ ຕາ ເບີ ນ ຈ່ອຍ ນ້ອງ ເມັອງ ເຍົາ. ນະກ້ອຍ ເກົາ ອາຕີ ເຍົາ ປາຍ: ປຣແນີ ມັນເຕຣົາ ເຍົາ ຕາ ເບີນ ເຮີມ ນ້ອງ ເກົາ, ເຕົ້າ ແຕ້ອ້ ຕາໄງ ເຍົາ ປາຍ: 'ບຸ່ນ ລາລີ້ ອັນ ກາ ແຕ້ອ້ ຕະ ຮານະ ຍ່ອນ ຮາມິຮ ອິນເຈົ້ ໄຮ.'"

**14**

ເຢຊູ ປົວ ມານະ ກວາຍ ຮາເລົາ ອາອິ້ ຕິ່ງ ຕາໄງ ຮາລູ່

<sup>1</sup> ເບີນ ມວຍ ຕາໄງ ຮາລູ່, ເຢຊູ ເປະ ຈາ ມວຍ ເປລ ຕິ່ງ ດຸງ ມານະ ກວາຍ ຊົດ ຕິ່ງ ຈຸ່ມ ພາຮິຊາຍ. ອິນແຍະ ນະ ໄລ່ ແອັດ ອິງກ້ອຍ ແນ່ ເລືອຍໆ ບິ ເຢຊູ. <sup>2</sup> ເບີນ ມານະ ຮາເລົາ ແຕ້ອ້ ບິ ເຢຊູ ເບີນ ອາອິ້ ອູໂອຮ. <sup>3</sup> ເຢຊູ ຕາແບັບ ມັຮ ກວາຍ ອາຕີ ຄານອດ ກະ ມັຮ ກວາຍ ພາຮິຊາຍ ກ້ອຍ ປາຍ: "ປວາຍ ຄານອດ ໄຮ, ແຕ່ອ້ ບິ ໄຮ ປົວ ກວາຍ ອາ ອິ້ ຕິ່ງ ຕາໄງ ຮາລູ່?"

<sup>4</sup> ມາ ໄລ່ ກ້ອຍ ຮາວິ້ລ ຊ້ອງ ຕາ ເບີນ ຕາແອີຍ ອິນເຕົ້າ. ນະກ້ອຍ ເຢຊູ ເຕີ ອາຕີ ກວາຍ ອາອິ້ ກ້ອຍ, ກະ ອັນ ປົວ ກວາຍ ກ້ອຍ. ເຈົ້ ເຢຊູ ໂອນ ອັນ ເຈົ້. <sup>5</sup> ແວັດ ກ້ອຍ ເຢຊູ ອາຕີ ປາຍ: "ຄັນ ເບີນ ມານະ ແຕ ເຍົາ ມາ ເບີນ ກອນ ຮາເລົາ ແຕເລົາ ຕາແກງ ມາ ຊາບິລ ຕິ່ງ ແຕ້ອ້ ກ້ອຮ ຕິ່ງ ຕາໄງ ຮາ ລູ່, ເຍົາ ອາແຮີ ອາຊ້ອຮ ບ້ອງ ກາ ກ້ອຍ ແຕີ, ມາ ຕາ ເບີນ?"

<sup>6</sup> ມາ ໄລ່ ກ້ອຍ ຕາ ແຕ່ອ້ ຕາແອີຍ ເຢຊູ ອິນເຕົ້າ ແຕ ປຣນາຍ ກ້ອຍ.

ເຢຊູ ອາຕີ ແຕ ຮານະ ຮັບ ຕາມອຍ

<sup>7</sup> ເຢຊູ ເຮີມ ມັຮ ກວາຍ ຕາມອຍ ກ້ອຍ ຮຽຮ ຕາກູ ຍັຮ ຕິ່. ນະກ້ອຍ ອັນ ອາຕີ ໂຈະ ໄລ່ ປຣນາຍ ຊາກຳ ປາຍ: <sup>8</sup> "ແຕ້ອ້ ເມົ້າ ການິ້ຍ ເຍົາ ເປະ ຈາ ຮໍ່ອ້ ບູຍ, ເຍົາ ອິນໂຈຍ ຈໍ່ອ້ ອິ ຕາກູ ອິງເຄາະ ຍັຮ ຕິ່. ອິງກ້ອຮ ປຍາຍ ເບີນ ມານະ ປັດ ກາເລີຍ ແຕ ເຍົາ ແອັນ ແຕ້ອ້ ແຕ. <sup>9</sup> ນະກ້ອຍ ອັນ ກາ ການິ້ຍ ແຕ້ອ້ ບິ ເຍົາ ປາຍ: 'ເຍົາ ປາງ ໂອນ ກວາຍ ຊົດ ໄນ່ ຕາກູ ອິນຕຸ ກ້ອຍ.' ນະກ້ອຍ ເຍົາ ຊ້ອງ ກູມາລ ກະ ອິງເຄາະ ເຍົາ ແອັດ ຕາກູ ຍັຮ ເຕົ້ບ ແອັນ. <sup>10</sup> ມາ ຄັນ ເມົ້າ ການິ້ຍ ເຍົາ, ອໍ ກາເລີຍ ເຍົາ ແອັດ ຍັຮ ເຕົ້ບ. ນະກ້ອຍ ອັນ ກາ ການິ້ຍ ເຍົາ ແຕ້ອ້ ບິ ເຍົາ ກະ ປາຍ: 'ອາຍ ເອີຍ! ແຊ່ອ້ ອາຍ ຊ້ອຮ ຕາກູ ຍັຮ ຕິ່.' ນະກ້ອຍ ອັນ ກາ ການິ້ຍ ເຍົາ, ອັນ ຍົາ ນັບ ເຍົາ ຍັຮ ເມັງ ມັຮ ກວາຍ ຕາມອຍ ກ້ອຍ. <sup>11</sup> ຍ່ອນ ກວາຍ ອາແລະ ມາ ອາຊ້ອຮ ຈະ ອັນ ເບີ

ມ, ປັດແນີ ມັນເຕຣີ ກວາຍ ກ້ອຍ ແກ້ດ ແກດ. ກະ ກວາຍ ອາແລະ ມາ ອາແຊງ ຈະ ອັນ ເບີມ, ປັດ ແນີ ມັນເຕຣີ ກວາຍ ກ້ອຍ ແກ້ດ ປັດ."

12 ແວັດ ກ້ອຍ ເຢຊູ ອາຕີ ໂຈະ ກວາຍ ກາ ການີ ຍ ອັນ ປາຍ: "ຄັນ ໄມ່ ຕະ ເປລ ບູຍ ປັດ ແຕີລາ ແກດ, ໄມ່ ອິນໂຈຍ ການີ ເຢ່າ, ແຕີລາ ແຊມອາຍ, ແຕີລາ ກວາຍ ກາ ຊຸ ຕິ່ງ ເມືອງ ໄມ່. ອິງກ້ອຍ ປ ຍາຍ ໄລ່ ກູລັຮ ແຕີອ໌ ໂຈະ ໄມ່ ນະ ໄມ່ ການີ ໄລ່ ແຕ່. 13 ມາ ແຕີອ໌ ໄມ່ ຕະ ເປລ ບູຍ, ອິງເຄາະ ໄມ່ ການີ ມັຮ ກວາຍ ກາດິດ, ມັຮ ກວາຍ ໂຢດ, ມັຮ ກວາຍ ຕາລິດ ອາເຢັງ, ກະ ມັຮ ກວາຍ ຊູດ ມັດ. 14 ນະກ້ອຍ ໄມ່ ເບີນ ບຸ່ນ ຊາອີຍ, ຍ່ອນ ກວາຍ ກ້ອຍ ຕາ ແຕ່ອ໌ ກູລັຮ ແຕີອ໌ ລັຮ ໂອນ ໄມ່. ເຢັງ ເຈ້າຣາຊີ ແຕ່ ກູລັຮ ລັຮ ກົາ ໄມ່ ຕາງ ໄລ່ ກ້ອຍ, ບັອງ ກາ ກວາຍ ຕາມັອງ ອໍ ອາມັງ ລັຮ ແຕ ໄລ່ ກູ ຈິດ."

ເຢຊູ ຊາກໍາ ແຕ ມວຍ ເປລ ບູຍ  
(ມັດທາຍ 22:1-10)

15 ເບີນ ມານະ ຕາກູ ຈາ ອິງກ້ອຍ ຊ້ອງ ເຢຊູ ອາ ຕີ ປັຮນາຍ ກ້ອຍ, ກະ ອັນ ປາຍ ໂຈະ ເຢຊູ: "ບຸ່ນ ລາລີ ໄລ່ ກາ ຈາ ເປລ ບູຍ ຕິ່ງ ອິນຕຸ ເຢັງ ເຈ້າຣາ ຊີ ຊິດ!"

16 ມາ ເຢຊູ ອາຕີ ລັຮ ອັນ ປາຍ: "ເບີນ ມານະ ກວາຍ ຕະ ເປລ ບູຍ, ກະ ອັນ ການີ ກິ່ງ ກວາຍ ແຕ່ອ໌ ຈາ. 17 ແຕ່ອ໌ ປາແມ່ນ ຈາ ເປລ ກ້ອຍ, ອັນ ແປຣີ ກວາຍ ຕະ ຮານະ ອັນ ເປາະ ອິດ ມັຮ ກວາຍ ກາ ອັນ ການີ, ເຈີ ອັນ ປາຍ: 'ເຍີ ແຕີອ໌ ເດີຮາ! ຮິ ແຕງ ແມັມ ເຈີ!' 18 ມາ ມັຮ ກວາຍ ກາ ອັນ ການີ ຍ ກ້ອຍ, ໄລ່ ເບີນ ມວຍ ຮາງິຮ ຕາ ແອອ໌ ອີ ເປາະ ຈາ. ເບີນ ມານະ ແຕ ໄລ່ ກ້ອຍ ປາຍ: 'ເກົາ ແຈັງ ມູ ເລັງ ກູແຕອ໌ ໄທຣ ເຈີ. ເກົາ ແຊອ໌ ໄລ່ຍຮ ໄມ່, ອິງເຄາະ ເກົາ ເປາະ ແນ່ ກູແຕອ໌ ກ້ອຍ!' 19 ເບີນ ມານະ ແອັນ ປາຍ: 'ເກົາ ແຈັງ ຕາແກງ ເຊັງ ກູ. ເກົາ ແຊອ໌ ໄລ່ຍຮ ໄມ່, ອິງເຄາະ ເກົາ ເປາະ ແນ່ ຕາແກງ.' 20 ກະ ເບີນ ມານະ ແອັນ ປາຍ: 'ເກົາ ຕາແປ ອິດ ລາກວຍ. ນະກ້ອຍ ເກົາ ເປາະ ຕາ ເບີນ.' 21 ເຈີ ກວາຍ ຕະ ຮານະ ກ້ອຍ ເຈ້າ ອາຕີ ລັຮ ອິນເຈ້າ ອັນ ມັຮ ປັຮນາຍ ກ້ອຍ. ອິນເຈ້າ ກ້ອຍ ຊ້ອງ ອວານ ລາລີ, ກະ ອັນ ແປຣີ ກວາຍ ຕະ ຮານະ ອັນ ປາຍ: 'ໄມ່ ເປາະ ໄວ່ ກູ່ ຮານາ ກູ່ ປັຮແວັຮ ຕິ່ງ ເມືອງ, ກະ ເປາະ ອິດ ມັຮ ກວາຍ ກາດິດ, ມັຮ ກວາຍ ໂຢດ, ມັຮ ກວາຍ ຊູດ ມັດ, ກະ ມັຮ ກວາຍ ຕາລິດ ອາ ເຢັງ ໂອນ ໄລ່ ເປາະ ປິ ໄມ່.' 22 ແຕ່ອ໌ ກວາຍ ຕະ

ຮານະ ກ້ອຍ ເຈ້າ, ອັນ ປາຍ: 'ອິນເຈ້າ ເອີຍ! ມັຮ ປັຮນາຍ ອິນເຈ້າ ແປຣີ, ເກົາ ຕະ ເຈີ, ມາ ຕິ່ງ ດູງ ອິນເຈ້າ ອິນນັອງ ຕາ ເບີນ ປັນ.' 23 ເຈີ ອິນເຈ້າ ກ້ອຍ ແປຣີ ລັຮ ກວາຍ ຕະ ຮານະ ອັນ ປາຍ: 'ໄມ່ ລັອຮ ແຕ ເມືອງ, ເປາະ ປິ ຮານາ ປັດ ກະ ກູ່ ປັຮ ແວັຮ ແກດ ແຮ. ກວາຍ ອາແລະ ໄມ່ ຮາມັຮ, ໄມ່ ການີ ກູກຸຣ ກູກວຍ ໂອນ ກວາຍ ກ້ອຍ ເປາະ ລີ, ໂອນ ກູທັດ ດູງ ເກົາ. 24 ມາ ມັຮ ກວາຍ ກາ ເກົາ ການີ ແຕ ອິນໂຍ່ງ, ຕາ ເບີນ ມານະ ແຕ ໄລ່ ແຕ່ອ໌ ແຕ່ອ໌ ຈາ ຣິ່ອ໌ ຕິ່ງ ດູງ ເກົາ.'"

ຍິອ໌ ອີ ປວາຍ ເຢຊູ, ອິງເຄາະ ຕະ ນານະ?  
(ມັດທາຍ 10:37-38; 5:13; ມາຣະໂກ 9:50)

25 ເບີນ ກິ່ງ ກວາຍ ເປາະ ມັນຕຸ ກະ ເຢຊູ. ອັນ ລັບ ແນ່ ປິ ໄລ່ ກ້ອຍ ກະ ອາຕີ ໂຈະ ໄລ່ ປາຍ: 26 "ຄັນ ກວາຍ ອາແລະ ຍິອ໌ ອີ ປວາຍ ເກົາ, ມາ ອັນ ອາໂຍະ ອິມເປອ໌ ອິມປິ ອັນ, ກອນ ລາກວຍ ອັນ, ແຊມອາຍ ແຊມເອີຍ ອັນ, ແຕີລາ ອັນ ອາ ໂຍະ ຮາງິຮ ອັນ ເບີນ ກາເລີຍ ແຕ ອັນ ອາໂຍະ ເກົາ, ກວາຍ ກ້ອຍ ຕາ ແຕ່ອ໌ ແກ້ດ ກວາຍ ກູ ຮຍານ ແຕ ເກົາ. 27 ກວາຍ ອາແລະ ມາ ຕາ ເບີນ ອິດ ໂດລ ອາ ລ່ອງ ຊິງກິງ ອັນ ເບີມ ກະ ຕາ ເບີນ ປວາຍ ເກົາ, ໄທຣ ລາລີ ກວາຍ ກ້ອຍ ຕາ ແຕ່ອ໌ ແກ້ດ ກວາຍ ຮ ຍານ ແຕ ເກົາ. 28-29 ຄັນ ເບີນ ມານະ ແຕ ເຍີ ຍິອ໌ ອີ ຕະ ມານໍາ ດູງ ຕິ, ແຕ ຕາແປ ລາລີ ອິງເຄາະ ອັນ ຄິດ ອິນແຍະ ມັຮ ອາລ່ອງ ອາໄລ່ ກາໄຣ ລໍາປິອ໌ ເວີຍ. ຄັນ ກວາຍ ກ້ອຍ ຕາ ເບີນ ຕະ ນະກ້ອຍ, ອິງກ້ອຍ ປຍາຍ ອັນ ປາຕິ່ງ ເຈີ ດູງ ກ້ອຍ, ມາ ອັນ ຕາ ເບີນ ຄໍາ ເກຣັງ ອີ ຕະ ໂອນ ເຈີ. ນະກ້ອຍ ກູ່ ນະ ກວາຍ ເຮີມ ດູງ ກ້ອຍ ຕາ ເບີນ ເຈີ, ກະ ໄລ່ ກາ ຈັງ ອັນ. 30 ໄລ່ ປາຍ: 'ກວາຍ ໄມ່ ຕະ ດູງ, ມາ ຕາ ເບີນ ແກ້ດ ເຈີ ນັອງ!'

31 "ຄັນ ເບີນ ເຕົາວ ປັຮເຍີ ກາ ເບີນ ຕາຮານ ມວຍ ຈິດ ປັນ, ມາ ອັນ ອີ ເປາະ ຮາຕະ ກະ ເຕົາວ ປັຮເຍີ ການັອ໌ ກາ ເບີນ ຕາຮານ ບາຣ ຈິດ ປັນ, ແຕ ຕາແປ ລາລີ ເຕົາວ ປັຮເຍີ ກ້ອຍ ອິງເຄາະ ຄິດ ຕະ ນານະ ມາ ແຕ່ອ໌ ເຮົາບ. 32 ຄັນ ອັນ ຕາ ເຮົາບ, ບັອງ ກາ ເຕົາວ ປັຮເຍີ ການັອ໌ ກ້ອຍ ອິນນັອງ ແອັດ ເຢັງ, ອິງເຄາະ ອັນ ແປຣີ ມັຮ ກວາຍ ຕະ ຮາ ນະ ອັນ ເປາະ ແຊອ໌ ແຕ ເຕົາວ ປັຮເຍີ ກ້ອຍ ອິນ ໂຈຍ ຮາຕະ ນັອງ ໂອນ ແຕ່ອ໌ ແອັດ ອຽນ ອໍ. 33 ມູ ເຈັງ ກ້ອຍ ແຕ່, ຄັນ ເບີນ ກວາຍ ອາແລະ ແຕ ເຍີ ມາ ຕາ ເບີນ ດັຮ ກູ່ ຮາມັຮ ອັນ ເບີນ, ອັນ ຕາ ແຕ່ອ໌ ແກ້ດ ກວາຍ ຮຍານ ແຕ ເກົາ.

34 "ບອຍ ລາ ຫຼື ອໍ. ມາ ຄັນ ບອຍ ແກ້ດ ອິນຕຍາຣ, ນານະ ອີ ຕະ ໂອນ ອັນ ແກ້ດ ບະ ລັຮ? 35 ຕາ ເຕ່ອ ຕະ ອິນເຕ້າ ນ້ອງ ກະ ບອຍ ກ້ອຍ. ໄຮ ແກງ ຕັຮ ປິ ກູແຕອ. ກວາຍ ອາແລະ ເບີນ ກູຕູຮ, ໂອນ ອັນ ຊາງັດ ເບີມ!"

### 15

ແກະ ປິດ ມາ ຣາມັຮ ລັຮ  
(ມັດທາຍ 18:12-14)

1 ເບີນ ມັຮ ກວາຍ ປາໂຣມ ປຣະ ປາຊີ ກະ ກວາຍ ໄລ່ຍຮ ການໍອ ແຮ ແຕ້ອ ຍິ້ອ ອີ ຊາງັດ ເຢຊູ. 2 ມັຮ ກວາຍ ພາຣີຊາຍ ກະ ມັຮ ກວາຍ ອາຕີ ຄານອດ, ອິນແຍະ ໄລ່ ກ້ອຍ ຕີ ເຢຊູ, ປາຍ: "ກວາຍ ໄມ່ ແອັດ ມັນຕຸ ກະ ກວາຍ ໄລ່ຍຮ, ກະ ອັນ ຈາ ມັນຕຸ ກະ ໄລ່."

3 ເຢຊູ ອາຕີ ໄລ່ ແຕ ປັຣນາຍ ຊາກໍາ ປາຍ: 4 "ຄັນ ມານະ ແຕ ເຍົາ ເບີນ ມວຍ ຮ້ອຍ ລໍາ ແກະ ມາ ປິດ ມານໍາ, ອັນ ດໍອ ຕາທ່ຮ ຈິດ ຕາທ່ຮ ລໍາ ແກະ ກ້ອຍ ຕຶງ ຕຶງ ບັດ ເວົ້າຍ. ເຈ້ ອັນ ເປາະ ຈໍອ ແຕ້ ແກະ ມານໍາ ກ້ອຍ ເຕ້າ ອັນ ຣາມັຮ ລັຮ. 5 ແຕ້ອ ອັນ ຣາມັຮ ລັຮ ແກະ ກ້ອຍ, ເຈ້ ຣາງັຮ ອັນ ຊ້ອງ ຮໍອ ລາລີ້. ນະກ້ອຍ ອັນ ອິດ ຕໍາປຼາງ ແກະ ກ້ອຍ ຕຶງ ປາລ ອັນ ເດີງ ອາເຈົ້າ ປີ ດຸງ. 6 ແວັດ ກ້ອຍ ອັນ ປາໂຣມ ເຍົາ ອາຕີ ໄລ່ ປາຍ: 'ເຍົາ ແຕ້ອ ຮໍອ ກະ ເກົາ! ເກົາ ຣາມັຮ ລັຮ ແກະ ເກົາ ກາ ປິດ ກ້ອຍ.' 7 ມູເຈິງ ປັຣນາຍ ຊາກໍາ ໄມ່ ເຕ່, ເກົາ ອາຕີ ເຍົາ ເຢົາງ ເຈົ້າຣາຊີ ຊ້ອງ ຮໍອ ແຕ ມານະ ກ້ອຍ ກາ ເລີຍ ແຕ ອັນ ຊ້ອງ ຮໍອ ແຕ ຕາທ່ຮ ຈິດ ຕາທ່ຮ ນະ ກວາຍ ການໍອ ໄລ່ ກາ ຄິດ ຕານ້ອງ ອໍ ກະ ຕາ ເບີນ ອິງເຄາະ ຕັຮ ຣາງັຮ ຕຍາ ປຽນ ແກ້ດ ຣາງັຮ ຕາໄມ ແອັນ."

ເຢຊູ ອາຕີ ແຕ ກູອງ ປຣະ ປິດ ມາ ຣາມັຮ ລັຮ 8 "ແຕ້ລາ ຄັນ ເບີນ ມານະ ມັນແຊມ ກາ ເບີນ ມວຍ ຈິດ ກູອງ ປຣະ ມາ ປິດ ມວຍ ກູອງ. ນານະ ອັນ ອີ ຕະ? ອັນ ຕາກັດ ຕາກຍາງ, ແປຣ ດຸງ, ກະ ແມ່ ຈໍອ ອິນແຍະ ຕຶງ ກາຈັກ ດຸງ ເຕ້າ ອັນ ຣາມັຮ ລັຮ ກູອງ ປຣະ ອັນ. 9 ແຕ້ອ ຣາມັຮ ເຈ້, ນະກ້ອຍ ອັນ ປາໂຣມ ເຍົາ ອາຕີ ໄລ່ ກ້ອຍ ປາຍ: 'ເຍົາ ແຕ້ອ ຮໍອ ກະ ເກົາ! ຍ່ອນ ເກົາ ຣາມັຮ ລັຮ ປຣະ ເກົາ ກາ ປິດ ກ້ອຍ.' 10 ມູເຈິງ ປັຣນາຍ ຊາກໍາ ໄມ່, ເກົາ ອາຕີ ເຍົາ, ມັຮ ແທວາດາ ເຢົາງ ເຈົ້າຣາຊີ, ໄລ່ ຊ້ອງ ຮໍອ ລາລີ້ ເບີນ ມານະ ກວາຍ ໄລ່ຍຮ ມາ ຕັຮ ຣາງັຮ ຕຍາ ປຽນ ແກ້ດ ຣາງັຮ ຕາໄມ ແອັນ."

ກອນ ຣາເລົ້າ ປິດ ມາ ຣາມັຮ ລັຮ 11 ເຢຊູ ຊາກໍາ ແອັນ ປາຍ: "ເບີນ ມານະ ກວາຍ ກາ ເບີນ ບາຣ ລໍາ ກອນ ຣາເລົ້າ. 12 ກອນ ອາລ້ອຣ ກ້ອຍ ແຊອ ແຕ ອິມປໍ ອັນ ປາຍ: 'ອິມປໍ ເອີຍ! ເກົາ ແຊອ ໄມ່ ອິມແປອ ຫຼື ຫຼື ຫຼື ມຸ່ນ ໄມ່. ເກົາ ອີ ເບີນ ປູດ ເກົາ ຊານໍ ແຕ້.' ນະກ້ອຍ ອິມປໍ ໄລ່ ອິມແປອ ມຸ່ນ ອັນ ໂອນ ໄລ່ ບາຣ ນະ ແຊມອາຍ. 13 ຕາ ເບີນ ດູ່ນ ນ້ອງ ກອນ ອາລ້ອຣ ກ້ອຍ ອິດ ຫຼື ຫຼື ຫຼື ອັນ, ເຈ້ ອັນ ເປາະ. ອັນ ລ້ອຣ ແຕ ກຣວາງ ອັນ, ເປາະ ກູເກີງ ປິ ກຣວາງ ເຢັງ. ແອັດ ອິງກ້ອຍ ອັນ ແຈິງ ຊະຊາຍ ອິນແຍະ ປຣະ ອັນ. 14 ອັນ ຕັອກ ຈາ ອິນແຍະ ຫຼື ຫຼື ອັນ. ເຈ້, ຕຶງ ກຣວາງ ກ້ອຍ ແກ້ດ ມາເຍົາຍຮ ລາລີ້. ກອນ ອາລ້ອຣ ກ້ອຍ ອັນ ແກ້ດ ແອີ ເຕ່. 15 ນະກ້ອຍ ອັນ ເປາະ ແຊອ ທູແທ ແຕ ມານະ ກວາຍ ຕຶງ ກຣວາງ ກ້ອຍ, ກະ ອິນເຈົ້າ ກ້ອຍ ແປຣີ ອັນ ລ້ອຣ ເປາະ ກຍາອ ອາລີ້ ປິ ຕຶງ ເນົາ. 16 ອັນ ຊ້ອງ ມາເຍົາຍຮ ລາລີ້. ອັນ ຍິ້ອ ອີ ຈາ ໂອນ ປາ ໄຊ ອາລີ້ ຊັຣມາ ຈາ ອາລີ້ ກ້ອຍ, ມາ ເມົາ ຕາ ເບີນ ໂອນ ອັນ ຈາ. 17 ນະກ້ອຍ ອັນ ຄິດ ຊາແຍີ ລັຮ ປາຍ: 'ເອີ ປີ ດຸງ ອິມປໍ ເກົາ ເບີນ ກຶງ ກວາຍ ທູແທ. ໄລ່ ກ້ອຍ ຈາ ໂດຍ ລາ ປາໄຊ, ເຕ້າ ປາ ອັດ ປຸງ. ມາ ເກົາ ໄມ່ ແຈະ ອີ ກູຈິດ ຊາລາອ ຕຶງ ໄມ່. 18 ເຈ້ ເກົາ ອີ ເຈົ້າ ລັຮ ປິ ອິມປໍ ເກົາ, ກະ ເກົາ ອີ ອາຕີ ອັນ ປາຍ: "ອິມປໍ ເອີຍ! ເກົາ ຕະ ໄລ່ ຍຮ ໂຈະ ເຢົາງ ເຈົ້າຣາຊີ ກະ ເກົາ ຕະ ໄລ່ຍຮ ໂຈະ ໄມ່ ແຮ. 19 ເກົາ ລາ ໄມ່ ຕາ ເຕ່ອ ດໍອ ນ້ອງ ກອນ. ມາ ເກົາ ແຊອ ໄມ່ ໂອນ ເກົາ ທູແທ ໂອນ ໄມ່ ມູເຈິງ ເນົາ ເຕ່." 20 ບັອງ ກາ ກ້ອຍ ແຕ້ ອັນ ຢວຣ ຕາ ຢິ່ງ ລົບ ເຈົ້າ ປິ ອິມປໍ ອັນ.

"ອັນ ເຈົ້າ ອິນນ້ອງ ແຕ ເຢັງ, ອິມປໍ ອັນ ເຮີມ ອິມປັຣ ຕາບັອງ. ອັນ ຊ້ອງ ອາຢະ ຕະ ກອນ ອັນ. ອັນ ປາລ້ອງ ແຕ້ ປິ ກອນ ອັນ; ເຈ້ ກຍາວ ກະ ໂຮນ ເຮັດ ກອນ ອັນ. 21 ກອນ ອັນ ປາຍ ກະ ອິມ ປໍ ອັນ: 'ອິມປໍ ເອີຍ! ເກົາ ຕະ ໄລ່ຍຮ ໂຈະ ເຢົາງ ເຈົ້າຣາຊີ ກະ ຕະ ໄລ່ຍຮ ໂຈະ ໄມ່ ແຮ. ເກົາ ລາ ຕາ ເບີນ ປຍາຍ ໄມ່ ດໍອ ກອນ ນ້ອງ.' 22 ມາ ອິມປໍ ກ້ອຍ ອາຕີ ກວາຍ ຊູ ປາຍ: 'ເອົາ ຕະ ໄວ້! ເດີງ ອາຍ້ອຣ ກາ ອໍ ລາລີ້ ກາເລີຍ ອິນແຍະ ແຕ ການໍອ; ເຈ້ ອາແຊັບ ຕຶງ ຈະ. ອິດ ພູມີ ອາຊັບ ຕຶງ ອາຕີ ອັນ, ກະ ອິດ ແກັບ ອາແຊັບ ຕຶງ ອາເຢັງ ອັນ. 23 ເຍົາ ອິດ ກອນ ຕາແກງ ກາ ປຶ້ມ ອໍ ເຍົາ ກຍາກ ໄຮ ຈາ ເປລ ຮໍອ ບູຍ, 24 ຍ່ອນ ກອນ ເກົາ ໄມ່ ນະ

ອັນ ກູຈິດ, ມາ ຊານໍ່ ນະ ອັນ ອາມົງ ລ້ຮ. ແຕ ອິນ ໂຍ່ງ ອັນ ປິດ, ມາ ຊານໍ່ ເກົາ ຣາມົຮ ລ້ຮ!' ອິນແຍ່ ະ ນະ ໄລ່ ຕຶ່ງ ກ້ອຍ ແກ້ດ ຮໍ່ອ ບູຍ.

25 "ບັອງ ກາ ກ້ອຍ ອັນ ກາ ອາຍ ອິນນ້ອງ ຕະ ໄທຣ. ແຕ້ອ ອັນ ເຈົ້າ ປີ ດຸງ, ແຈະ ອີ ແຕ້ອ ດຸງ, ອັນ ຊ້ອງ ຊຽງ ກອງ ເມົ້າ ລໍ່າ, ເມົ້າ ອິມປ່ອນ.

26 ອັນ ກູອ ມານະ ກວາຍ ທູແທ, ເຈົ້ ຕາແບັບ ປາຍ: 'ອິນເຕົ້າ ເມົ້າ ຕະ ນະກ້ອຍ?' 27 ກວາຍ ທູແທ ຕາແອິຍ ປາຍ: 'ອາແອມ ໄມ່ ເຈົ້າ. ອິມປໍ່ ໄມ່ ກຍາກ ຕາແກງ ກອນ ກາ ປຼິມ, ອັນ ຮັບ ກອນ ອັນ ເຈົ້າ ລ້ຮ ເບີນ ບັນ ເຮ່ງ ອໍ່.'

28 "ອັນ ກາ ອາຍ ກ້ອຍ ຊ້ອງ ອິງຄິ້ນ ລາລີ້ ຕຶ່ງ ຮາງື່ຮ ອັນ. ອັນ ຕາ ຍິອ ອີ ມູ່ດ ນ້ອງ ປີ ດຸງ. ເຈົ້ ອິມປໍ່ ອັນ ລ້ອຮ ປ່ອຍ ຮາງື່ຮ ກອນ ອັນ ໂອນ ມູ່ດ ລ້ຮ. 29 ກອນ ກ້ອຍ ປາຍ: 'ຕາ ດັງ ອິນຊີ ກູມໍ່ ໄມ່ ເຈົ້ ເກົາ ຕະ ຣານະ ໂອນ ໄມ່ ນະ ຊູລ. ອິນເຕົ້າ ໄມ່ ແປຣີ ເກົາ ຕະ, ເກົາ ຕະ ອາກ້ອຍ. ມາ ໄມ່ ຕາ ເກີຍ ໂອນ ເກົາ ມານໍາ ກອນ ອິມແບອໍ່ ໂອນ ເກົາ ຈາ ຮໍ່ອ ກະ ເຍົ້າ. 30 ມາ ຊານໍ່ ກອນ ອາລ້ອຮ ໄມ່ ເຈົ້າ ເຈົ້. ອັນ ຈາຍ ຕັຮ ອິນແຍ່ະ ປຣະ ມັຮ ກາ ມຸ່ນ ໄມ່ ໂອນ ປີ ມັນແຊມ ກາ ຈີ ຈະ. ມາ ອິນນ້ອງ ໄມ່ ກຍາກ ຕາແກງ ກອນ ກາ ປຼິມ ໂອນ ອັນ.'

31 "ອິມປໍ່ ຕາແອິຍ ປາຍ: 'ກອນ ເອີຍ! ໄມ່ ເບີ ນ ແອັດ ເລືອຍໆ ກະ ເກົາ. ອິນແຍ່ະ ມັຮ ຫຣິງ ຫຣາ ຮໍ່າ ເກົາ ເບີນ ລາ ແກັດ ຄອງ ໄມ່ ອິນແຍ່ະ. 32 ມາ ໄຮ ອິງເຄາະ ຕະ ໂອນ ຮໍ່ອ ອໍ່, ຍ່ອນ ອາແອມ ໄມ່ ນະ ອັນ ກູຈິດ, ມາ ຊານໍ່ ນະ ອັນ ອາມົງ ລ້ຮ. ອັນ ປິດ ເຈົ້, ມາ ຊານໍ່ ໄຮ ອິນນ້ອງ ຣາມົຮ ລ້ຮ.'"

### 16

ເຢຊູ ຊາກໍາ ແຕ ກວາຍ ຕະ ຣານະ ຕາ ເບີນ ຕານ້ອງ

1 ເຢຊູ ອາຕີ ມູ່ ກາ ຣຍານ ແຕ ອັນ ປາຍ: "ເບີ ນ ມານະ ກວາຍ ຊຸ ກະ ເບີນ ມານະ ແນ່ ຊາລີອໍ່ ມູ່ນ ອັນ. ມາ ເມົ້າ ຕີ ກວາຍ ກ້ອຍ, ປາຍ ອັນ ຕາອຽຮ ມູ່ນ ອິນເຈົ້າ ອັນ. 2 ນະກ້ອຍ ອິນເຈົ້າ ກ້ອຍ ກູອ ກວາຍ ກ້ອຍ, ກະ ອັນ ຕາແບັບ ປາຍ: 'ອິນເຕົ້າ ເມົ້າ ປາຍ ໄມ່ ຕະ ຕາ ປຍາຍົ ໂຈະ ເກົາ? ໄມ່ ອາຕີ ລ້ຮ ໂອນ ເກົາ ມາຮ ແລະ ໄມ່ ອິດ, ກະ ມາຮ ແລະ ໄມ່ ໂອນ ເມົ້າ. ໄມ່ ຕາ ແຕ້ອ ແກັດ ນ້ອງ ກວາຍ ແນ່ ຊາລີອໍ່ ມູ່ນ ເກົາ.' 3 ນະກ້ອຍ ກວາຍ ກ້ອຍ ຄິດ ຕຶ່ງ ຮາງື່ຮ ອັນ ປາຍ: 'ເກົາ ອີ ຕະ ນານະ? ອິນເຈົ້

ຕາ ເບີນ ໂອນ ເກົາ ແນ່ ຊາລີອໍ່ ນ້ອງ ມູ່ນ ອັນ. ຄັນ ເກົາ ອີ ປີ່ ກູແຕອໍ່ ລາ ເກົາ ຕາ ເບີນ ບັນ ເຮ່ງ. ມາ ຄັນ ເກົາ ເປາະ ຊູແຊອໍ່, ລາ ເກົາ ກູມາລ ຕະ ເມົ້າ. 4 ເກົາ ດັງ ເຈົ້ ນານະ ເກົາ ອີ ຕະ. ເຈົ້ ແຕ້ອ ຕາໄງ ເກົາ ຕາ ເບີນ ແນ່ ຊາລີອໍ່ ນ້ອງ ມູ່ນ ອິນເຈົ້າ, ຕາໄງ ກ້ອຍ ເບີນ ເຍົ້າ ເກົາ ກາ ຮັບ ດໍອ ອໍ່ ປີ ດຸງ ໄລ່.'

5 "ອັນ ກູອ ມັຮ ກວາຍ ກາ ຕູ່ ອິນເຈົ້າ ອັນ. ອັນ ຕາແບັບ ກວາຍ ກາ ແຕ້ອ ອານໍ່ ປາຍ: 'ມາແລ່ ະ ໄມ່ ຕູ່ ອິນເຈົ້າ ເກົາ?'

6 ກວາຍ ກ້ອຍ ຕາແອິຍ ປາຍ: 'ເກົາ ຕູ່ ມວຍ ຮ່ອຍ ກູຕຸກ ແຕ້ອ ອິນຊີ່ງ.'

ເຈົ້ ກວາຍ ກາ ແນ່ ຊາລີອໍ່ ອາຕີ ປາຍ: 'ໄມ່ ອາ ລ້ອຮ ບັນຊີ ໄມ່ ຕາກູ ຄຽນ ໂຈະ ເຊີງ ຈິ່ດ ກູຕຸກ ຊ້ອງ.'

7 ເຈົ້ ອັນ ຕາແບັບ ກວາຍ ການໍ່ອ ແອັນ ປາຍ: 'ມາ ໄມ່, ມາແລະ ໄມ່ ຕູ່?'

ກວາຍ ກ້ອຍ ຕາແອິຍ ປາຍ: 'ເກົາ ຕູ່ ມວຍ ຮ່ອຍ ອາປິອໍ່ ທຣໍ່.'

ກວາຍ ກ້ອຍ ປາຍ ລ້ຮ: 'ເກົາ ໂອນ ໄມ່ ກູລ້ຮ ລ້ຮ ຕາກໍອລ ຈິ່ດ ອາປິອໍ່ ຊ້ອງ.'

8 "ແວັດ ກ້ອຍ, ອິນເຈົ້າ ຍ່ອງ ກວາຍ ກາ ຕາ ເບີນ ຕານ້ອງ ກາ ແນ່ ຊາລີອໍ່ ກ້ອຍ, ຍ່ອນ ອັນ ຕະ ແຄວ້. ໄກຣ ລາລີ້ ກວາຍ ກາ ຕາ ເບີນ ປວາຍ ຣາ ນະ ເຢີງ ເຈົ້າຣາຊີ, ໄລ່ ຕະ ໂຈະ ເຍົ້າ ໄລ່ ແຄວ້ ກາ ເລີຍ ແຕ ກວາຍ ກາ ປວາຍ ຣານະ ເຢີງ ເຈົ້າຣາຊີ ຕະ ໂຈະ ເຍົ້າ ໄລ່.

9 "ເກົາ ອາຕີ ແອັນ ເຍົ້າ ປາຍ: ຫຣິງ ອິນເຕົ້າ ກາ ເຍົ້າ ເບີນ, ອິງເຄາະ ເຍົ້າ ຈ່ອຍ ໂອນ ເຍົ້າ ແຮ, ນະກ້ອຍ ຊານົກ ເຍົ້າ ຕະ ໂອນ ກຼິງ ກວາຍ ແກັດ ເຍົ້າ ເຍົ້າ. ເຈົ້ ແຕ້ອ ຕາໄງ ຊານົກ ເຍົ້າ ປິດ ອິນແຍ່ ະ, ຕາໄງ ກ້ອຍ ເຢີງ ເຈົ້າຣາຊີ ໂອນ ເຍົ້າ ແອັດ ຕຶ່ງ ອິນຕູ ແຕ້ອ ອາມົງ ຊິດ ແດີຍ.

10 "ຄັນ ເຍົ້າ ຕະ ອໍ່ ຣານະ ກາ ແກດ ຊານໍ່, ປັຣ ແນີ ມັນເຕຣີາ ເຍົ້າ ຕະ ອໍ່ ແຕ່ ຣານະ ກາ ປິດ. ກະ ຄັນ ເຍົ້າ ມາ ຕາ ເບີນ ຕະ ອໍ່ ຣານະ ກາ ແກດ ຊານໍ່, ປັຣແນີ ມັນເຕຣີາ ເຍົ້າ ຕາ ເບີນ ຕະ ອໍ່ ແຕ່ ຣານະ ກາ ປິດ. 11 ນະກ້ອຍ, ຄັນ ເຍົ້າ ຕາ ເບີນ ຕະ ອໍ່ ກະ ຫຣິງ ຊານົກ ເຍົ້າ ຕຶ່ງ ແດີຍ ໄມ່, ນານະ ແຕ້ອ ເຢີງ ເຈົ້າຣາຊີ ອີ ໂອນ ເຍົ້າ ເບີນ ມູ່ນ ກາ ຕາ ແກັດ ປິດ ຕຶ່ງ ມັນລ້ອງ. 12 ກະ ຄັນ ເຍົ້າ ຕາ ເບີນ ຕະ ອໍ່ ກະ ຫຣິງ ກວາຍ ການໍ່ອ ໂອນ ເຍົ້າ ກຍາອໍ່, ຕາ ເບີ ນ ອາແລະ ມ່ອບ ໂອນ ເຍົ້າ ເບີນ ຫຣິງ ເຍົ້າ ເບີນ.

13 "ຕາ ເປັນ ອາແລະ ມາ ເຕ້ອ ແກ້ດ ຊູລ ໂອນ ບາຣ ນະ ອິນເຈົ້າ. ປຍາຍ ອັນ ຊາອັຣ ອິນເຈົ້າ ໄມ່, ມາ ອາໂຍ່ ອິນເຈົ້າ ກ້ອຍ. ແຕ່ລາ ອັນ ຊາງັດ ອິນເຈົ້າ ໄມ່, ມາ ຕາ ເປັນ ຊາງັດ ອິນເຈົ້າ ກ້ອຍ. ມູເຈິງ ກ້ອຍ ເຕ່ ເຍົາ ຕາ ເຕ້ອ ປວາຍ ຣາມະ ເຢິງ ເຈົ້າຣາ ຊິ ມວຍ ເປຣິຣ ກະ ປວາຍ ຣາມະ ຢິອ ອິ ເປັນ ເກຣິງ ຊາມັກ ຕິ່ງ ແດິຍ ໄມ່ ແຮ້."

ເຢຊູ ປາຕັບ ແອັນ  
(ມັດທາຍ 11:12-13; 5:31-32; ມາຣະໂກ 10:11-12)

14 ມັຣ ກວາຍ ພາຣີຊາຍ ຊ້ອງ ເຢຊູ ອາຕີ ນະກ້ອຍ. ມາ ໄລ່ ພາມາດ ເຢຊູ, ຍ່ອນ ໄລ່ ປາ ຊິ ລາລີ້ ມັຣ ເກຣິງ ຊາມັກ ຕິ່ງ ແດິຍ ໄມ່. 15 ເຢຊູ ອາຕີ ໂຈະ ໄລ່ ປາຍ: "ເຍົາ ລາ ກວາຍ ກາ ຕະ ຣາມະ ອໍ ຢິອ ອິ ໂອນ ກວາຍ ປາຍ ເຍົາ ຕາມ້ອງ ອໍ, ມາ ເຢິງ ເຈົ້າຣາຊິ ດັງ ຣາງິ້ຣ ເຍົາ. ອິນເຕົ້າ ກວາຍ ເກ້ ຍ ຄິດ ປາຍ ອໍ ລາລີ້, ຣາມັຣ ກ້ອຍ ເຢິງ ເຈົ້າຣາຊິ ຕາ ເປັນ ປາຊິ ອິນເຕົ້າ.

16 "ຄານອດ ເຢິງ ເຈົ້າຣາຊິ ປາຕັບ ຣານາ ໂມເຊ, ກະ ມັຣ ປັຣນາຍ ກວາຍ ອາຕີ ຕາງ ປັຣນາຍ ເຢິງ ເຈົ້າຣາຊິ ອາຕີ ແຕ ອິມເປີ, ລາ ແມ່ນ ຣານາ ກ້ອຍ ເຢິງ ເຈົ້າຣາຊິ ອາຕີ ເຕົ້າ ແຕ້ອ ແດິຍ ໂຢຣັນ, ອັນ ກາ ຕະ ຣິດ ຕິ່ງ ແດ້ອ. ແຕ ຕາໄງ ໂຢຣັນ ແຕ້ອ, ເມົ້າ ອາຕີ ປັຣນາຍ ອໍ ແຕ ເຢິງ ເຈົ້າຣາຊິ ຕະ ຊົດ. ກະ ກູ່ ນະ ກວາຍ ຢິອ ອິ ມູ່ດ ລາລີ້ ຕິ່ງ ຈຸ່ມ ເຢິງ ເຈົ້າຣາຊິ ຕະ ຊົດ, ມາ ໄລ່ ຄິດ ໄລ່ ເຕ້ອ ມູ່ດ ຍ່ອນ ຣາງິ້ຣ ໄລ່ ເປັນ. 17 ມັນລ້ອງ ກະ ກູແຕອ ໄມ່ ແກ້ດ ປິດ ມາໂຣຍ, ມາ ມວຍ ຣາມັຣ ຮ ເມົ້າ ຄຽນ ດໍອ ຕິ່ງ ຄານອດ ເຢິງ ເຈົ້າຣາຊິ ຕາ ເກ້ຍ ແກ້ດ ປິດ.

18 "ກວາຍ ອາແລະ ມາ ຕັຣ ລາກວຍ ອັນ ເຈິ່ ອິດ ມັນແຊມ ຕາໄມ ແອັນ, ກວາຍ ກ້ອຍ ຕະ ໄລ່ ຍຣ ໂຈະ ລາກວຍ ຕຍາ ອັນ ມູເຈິງ ອັນ ເປາະ ປັຣລີ້ຍ. ກະ ກວາຍ ອາແລະ ມາ ອິດ ລາກວຍ ກາ ເມົ້າ ຕັຣ, ຣາມະ ກ້ອຍ ລາ ໄລ່ຍຣ ເຕ່ ນະ ກວາຍ ກ້ອຍ ປັຣລີ້ຍ ລາກວຍ ເມົ້າ."

ເຢຊູ ຊາກຳ ແຕ ກວາຍ ຊຸ ກະ ລາຊາໂຣ

19 "ເປັນ ມານະ ກວາຍ ຊຸ ເປັນ. ອັນ ແຊັບ ອາ ຍ່ອຣ ອໍ ລາລີ້, ກະ ກູ່ ຣາໂງ ອັນ ຕັອກ ຈາ ປຣຍາອໍ ອໍ. 20 ກະ ເປັນ ມານະ ກວາຍ ກາດິດ, ຣາມັຣ ລາ ຊາໂຣ. ເມົ້າ ເດິງ ດໍອ ອັນ ແອິດ ຢິຣ ນໍອ ແຈະ ງັຣ ຕິ່ງ ດຸງ ກວາຍ ຊຸ ກ້ອຍ. ຕິ່ງ ຈະ ອັນ ແອິງ ອິມ ປັຣ. 21 ອັນ ອິງກ່ອງ ຢິອ ອິ ຈາ ອິງກັຣ ແຕ ກວາຍ ຊຸ ກ້ອຍ ຈາ. ກະ ເປັນ ອາຈໍ ແຕ້ອ ແຢລ ອິມປັຣ

ອັນ. 22 ເຈິ່ ແວັດ ກ້ອຍ, ກວາຍ ກາດິດ ກ້ອຍ ກູຈິດ, ກະ ເທວາດາ ເຢິງ ເຈົ້າຣາຊິ ເດິງ ອັນ ແອິດ ມັນຕຸ ກະ ອັບຣາຣາມ. ກວາຍ ຊຸ ກ້ອຍ ກູຈິດ ເຕ່, ເຈິ່ ເມົ້າ ເດິງ ແຕັບ ອັນ. 23 ກວາຍ ຊຸ ກ້ອຍ ແອິດ ຕິ່ງ ປຣຸ່ງ ອູ່ຍຣ ຊ້ອງ ຕຸຣ ກັດ ລາລີ້. ອັນ ຕາງອນ ອາຊ້ອຣ, ເຈິ່ ອັນ ເຮີມ ອັບຣາຣາມ ແອິດ ເຢິງ ລາລີ້ ແຕ ອັນ. ກະ ອັນ ເຮີມ ລາຊາໂຣ ແອິດ ມັນຕຸ ກະ ອັບຣາຣາມ ເຕ່. 24 ນະກ້ອຍ ກວາຍ ຊຸ ກ້ອຍ ກູອໍ ເຣ່ງ ລາລີ້ ປາຍ: 'ເອີ ອັບຣາຣາມ, ລາ ອາຈວາຍຣ ອາເຈ່ຣ ເກົາ ເອີຍ! ແຊອໍ ເຍົາ ອາໂຍ່ ຕະ ເກົາ ແຮ້. ແຊອໍ ເຍົາ ແປຣີ ລາຊາໂຣ ແຕ້ອ ປິ ເກົາ, ກະ ໂອນ ອັນ ອາລຸ ອາຕີ ອັນ ຕິ່ງ ແດ້ອ; ເຈິ່ ອາ ເຢາະ ຕິ່ງ ເລົ້າຍຣ ເກົາ, ຍ່ອນ ເກົາ ຊ້ອງ ອາອີ ຕຸຣ ກັດ ລາລີ້ ຕິ່ງ ອູ່ຍຣ ໄມ່!'

25 "ມາ ອັບຣາຣາມ ຕາແອິຍ ອັນ ປາຍ: 'ກອນ ເອີຍ! ໄມ່ ຊາແຍີ ລັຣ ແຕ ບັອງ ໄມ່ ອິນນ້ອງ ອາມັງ, ໄມ່ ເປັນ ແອິງ ເກຣິງ ຊາມັກ ອໍ ເຈິ່, ມາ ລາຊາໂຣ ເປັນ ຕຸຣ ກັດ ກະ ກາດິດ ລາລີ້. ມາ ຊານໍ ຕິ່ງ ອິນຕຸ ໄມ່ ອັນ ເປັນ ຕາລິ້ນ ຣາງິ້ຣ ອັນ, ມາ ໄມ່ ແອິດ ອິນຕຸ ກ້ອຍ ເປັນ ຕຸຣ ກັດ ລາລີ້. 26 ກະ ມວຍ ຣາມັຣ ແອັນ, ເປັນ ຊາຣິງ ປຣຸ່ງ ອິນຕຸຣຸ່ ກະ ຕາວັຣ ລາລີ້ ອິນຕຸ ໄຣ. ກວາຍ ອາແລະ ມາ ຢິອ ອິ ຢາງ ແຕ ອິນຕຸ ຮີ ເປາະ ປິ ໄມ່, ລາ ຕາ ເຕ້ອ. ກະ ກວາຍ ອາແລະ ມາ ຢິອ ອິ ຢາງ ແຕ ອິນຕຸ ໄມ່ ອິ ເປາະ ປິ ຮີ, ລາ ຕາ ເຕ້ອ.'

27 "ເຈິ່ ກວາຍ ຊຸ ກ້ອຍ ປາຍ ແອັນ: 'ຄັນ ນະກ້ອຍ, ເກົາ ແຊອໍ ເຍົາ ແປຣີ ລາຊາໂຣ ເປາະ ປິ ດຸງ ອິມປິ ເກົາ. 28 ເກົາ ອິນນ້ອງ ເປັນ ເຊິງ ນະ ແຊມອາຍ ແອິດ ປິ ດຸງ. ໂອນ ລາຊາໂຣ ເປາະ ອາຕີ ໄລ່ ກ້ອຍ ອິງກັຣ ໄລ່ ຣາມັຣ ຕຸຣ ກັດ ນະ ເກົາ ເຕ່.'

29 "ມາ ອັບຣາຣາມ ປາຍ: 'ແຊມອາຍ ໄມ່ ເປັນ ເຈິ່ ປັຣນາຍ ໂມເຊ ອາຕີ ກະ ປັຣນາຍ ກວາຍ ອາຕີ ຕາງ ປັຣນາຍ ເຢິງ ເຈົ້າຣາຊິ ແຕ ອິມເປີ. ອິງເຄາະ ແຊມອາຍ ໄມ່ ຊາງັດ ກະ ປວາຍ ປັຣນາຍ ໄລ່.'

30 "ກວາຍ ຊຸ ກ້ອຍ ປາຍ ແອັນ: 'ເອີ ອັບຣາຣາມ, ລາ ອາຈວາຍຣ ອາເຈ່ຣ ເກົາ ເອີຍ! ໄລ່ ຕາ ເປັນ ຊາງັດ ປັຣນາຍ ໄລ່ ກ້ອຍ. ມາ ຄັນ ເປັນ ກວາຍ ກູຈິດ ມາ ອາມັງ ລັຣ ເປາະ ອາຕີ ແຊມອາຍ ເກົາ, ໄລ່ ຕັຣ ຣາງິ້ຣ ຕຍາ ປຽນ ແກ້ດ ຣາງິ້ຣ ຕາໄມ ແອັນ.'

31 "ມາ ອັບຣາຣາມ ຕາແອິຍ ລັຣ ປາຍ: 'ຄັນ ແຊມອາຍ ໄມ່ ມາ ຕາ ເປັນ ຊາງັດ ປັຣນາຍ ໂມເຊ ກະ ມັຣ ກວາຍ ກາ ອາຕີ ຕາງ ປັຣນາຍ ເຢິງ ເຈົ້າຣາ

ຊີ, ໄລ່ ຕາ ເປັນ ຊາງັດ ແຕ່ ຄັນ ເປັນ ກວາຍ ກູຈິດ ມາ ອາມັ່ງ ລັຮ."

### 17

ເຢຊູ ອາຕີ ແຕ ກວາຍ ຕະ ໄລ່ຍຮ  
(ມັດທາຍ 18:6-7, 21-22; ມາຣະໂກ 9:42)

<sup>1</sup> ເຢຊູ ອາຕີ ໂຈະ ມູ່ ກາ ຣຍານ ແຕ ອັນ ປາຍ: "ໄກຣ ລາລີ້ ຕາ ເປັນ ແອີ ຣາມິ້ຮ ກາ ຍິ້ອ ອີ ປັຣຕິ້ ກວາຍ ຕະ ໄລ່ຍຮ, ມາ ບາບ ລາລີ້ ແຕ້ອ ປິ້ ກວາຍ ກາ ປັຣຕິ້ ກວາຍ ການໍ້ອ ເດີງ ຕະ ໄລ່ຍຮ. <sup>2</sup> ຄັນ ກວາຍ ອາແລ່ະ ມາ ປັຣຕິ້ ມານະ ກາ ນະ ກັຣແນນ ໄມ່ ໂອນ ອັນ ຕະ ໄລ່ຍຮ, ຄາອໍ ອິດ ຕາເມົາ ປັດ ຊັດ ໂຈະ ຕິ້ງ ຕາກອງ ອັນ ກ້ອຍ ເຈີ້ ອາປ້ອງ ຕັຮ ອັນ ຕິ້ງ ແດັອ ທາເລ. <sup>3</sup> ເຍົາ ເມ່ ອໍ ຣາງິ້ຮ ເຍົາ ເບີ ມ! ຄັນ ເປັນ ເຍົາ ເຍົາ ມາ ຕະ ໄລ່ຍຮ ໂຈະ ເຍົາ, ອີງ ເຄາະ ເຍົາ ກາແອັຣ ອັນ. ກະ ຄັນ ອັນ ງິ້ນ ໄລ່ຍຮ, ອີງເຄາະ ເຍົາ ຕັຮ ໄລ່ຍຮ ອັນ. <sup>4</sup> ຄັນ ເຍົາ ເຍົາ ຕະ ໄລ່ຍຮ ໂຈະ ເຍົາ ມູ ຕາໂງ ຕາປູ່ລ ເຮີບ, ມາ ຄັນ ອັນ ແຕ້ອ ປິ້ ເຍົາ ງິ້ນ ລັຮ ອິນແຍ່ະ ຕາປູ່ລ ເຮີບ ກ້ອຍ, ເຈີ້ ປາຍ: 'ແຊອໍ ໄມ່ ຕັຮ ໄລ່ຍຮ ເກົາ,' ອີງ ເຄາະ ເຍົາ ຕັຮ ໄລ່ຍຮ ອັນ."

ເຢຊູ ອາຕີ ແຕ ຣານະ ຊາອໍາ

<sup>5</sup> ມູ່ ກາ ຣຍານ ແຕ ເຢຊູ ແຊອໍ ແຕ ອັນ ປາຍ: "ແຊອໍ ອິນເຈົາ ຕະ ໂອນ ຮິ ຊາອໍາ ຊາອິ້ຍ ລາລີ້ ແອັນ."

<sup>6</sup> ເຢຊູ ອາຕີ ລັຮ ໄລ່ ປາຍ: "ຄັນ ເຍົາ ຊາອໍາ, ອິມປີ້ ເປັນ ມາຣ ມູ ກູອງ ປາກາດ ຊ້ອງ, ແຕ້ອ ເຍົາ ແປຣີ ກັ່ລ ອາລ່ອງ ໄມ່ ປາຍ: 'ອາລ່ອງ ເອີຍ, ເອົາ ໄມ່ ເຮີອໍ ກັ່ລ ໄມ່ ເບີມ, ເຈີ້ ໄມ່ ຈັຮ ລັຮ ກັ່ລ ໄມ່ ຕິ້ງ ແດັອ ທາເລ ແອັນ,' ເຈີ້ ກັ່ລ ອາລ່ອງ ກ້ອຍ ອັນ ຊາງັດ ປັຣນາຍ ເຍົາ."

ເຢຊູ ອາຕີ ແຕ ກວາຍ ຕະ ຣານະ

<sup>7</sup> "ຄັນ ມານະ ແຕ ມູ່ ເຍົາ ມາ ເປັນ ຊູລ ຕະ ຣາ ນະ ຕາລ ໄທຣ ແຕ້ລາ ກຍາອໍ ແກະ, ແຕ້ອ ຊູລ ກ້ອຍ ເຈົາ ຕາປີ້, ອິນເຈົາ ກ້ອຍ ຕາ ເປັນ ອາຕີ ໂຈະ ອັນ ປາຍ: 'ເອົາ ໄມ່ ມູ່ດ ຈາ ຊານໍ້ ແຕ້.' <sup>8</sup> ອັນ ຕາ ເປັນ ປາຍ ນະກ້ອຍ! ມາ ອິນເຈົາ ເກີ້ຍ ປາຍ ນະໄມ່ ໂຈະ ຊູລ ກ້ອຍ: 'ເອົາ ໄມ່ ອາລ່ອຣ ເກຣັງ ຊັຣນາ ໂອນ ເກົາ ຈາ. ກະ ໄມ່ ທຣາວ ເກຣັງ; ເຈີ້ ໄມ່ ແອັດ ແມ່ ເຕົ້າ ເຈີ້ ເກົາ ຈາ. ແວັດ ກ້ອຍ, ແຕ້ອ ໄມ່ ຈາ.' <sup>9</sup> ມາ ອິນເຈົາ ກ້ອຍ ຕາ ເປັນ ຊາແອັນ ຊູລ ກ້ອຍ ຕະ ຣານະ ປວາຍ ປັຣນາຍ ອັນ ແປຣີ. <sup>10</sup> ເຍົາ ລາ

ມູເຈີງ ຊູລ ກ້ອຍ ແຕ່. ແຕ້ອ ເຍົາ ຕະ ເຈີ້ ມັຮ ກູ່ ຣານະ ເຢົາງ ເຈົາຣາຊີ ແປຣີ ເຍົາ ຕະ, ອີງເຄາະ ເຍົາ ປາຍ: 'ຮິ ລາ ຊູລ ເຢົາງ ເຈົາຣາຊີ. ຮິ ຕາ ເປັນ ຂິ້ດ ປາຍ ເຢົາງ ເຈົາຣາຊີ ອີງເຄາະ ຍ່ອງ ຮິ, ຍ່ອນ ຮິ ຕະ ແອັງ ຣານະ ເຢົາງ ເຈົາຣາຊີ ແປຣີ ຊ້ອງ."

ເຢຊູ ປົວ ມວຍ ຈິ້ດ ນະ ກວາຍ ອາອິ້ ຕູ່ດ

<sup>11</sup> ບັອງ ກາ ເຢຊູ ເປາະ ອິນ ດີ ປີ້ ເມີອງ ເຢຣູຊາເລັມ, ອັນ ເປາະ ພາ ຣາ ລັ່ນ ແຄງ ຊາມາເຣຍ ກະ ຄາລີເລ. <sup>12</sup> ແຈ່ະ ອັນ ອີ ມູ່ດ ວີ້ ລ, ອັນ ຣາມິຣ ມວຍ ຈິ້ດ ນະ ກວາຍ ອາອິ້ ຕູ່ດ. ໄລ່ ແອັດ ເຢັງ ແຕ ອັນ. <sup>13</sup> ໄລ່ ກູຣ ອັນ ປາຍ: "ອິນເຈົາ ເຢຊູ ເອີຍ! ແຊອໍ ໄມ່ ອາໂຢະ ຕະ ຈ່ອຍ ຮິ ແຮີ!"

<sup>14</sup> ເຢຊູ ເຮີມ ໄລ່, ເຈີ້ ອັນ ປາຍ: "ເຍົາ ເປາະ ອາ ປັຣ ຈະ ເຍົາ ໂອນ ກວາຍ ຊາງ ຮິ້ດ ເຢົາງ ເຈົາຣາຊີ ເຮີມ."

ບັອງ ກາ ໄລ່ ເປາະ, ໄລ່ ແກັດ ແບຣັຣ ອາອິ້ ຕູ່ດ. <sup>15</sup> ມານະ ແຕ ໄລ່ ມວຍ ຈິ້ດ ນະ ກ້ອຍ, ພໍກາ ອັນ ເຮີມ ອັນ ແບຣັຣ, ເຈີ້ ອັນ ລັບ ລັຮ ປີ້ ເຢຊູ, ກະ ອັນ ຊາແອັນ ເຢົາງ ເຈົາຣາຊີ ແຮງ ລາລີ້. <sup>16</sup> ອັນ ກູກູ ຮ ຄຣາບ ຍິ່ຣ ເມີງ ເຢຊູ ກະ ຊາແອັນ ອັນ. ກວາຍ ກ້ອຍ ລາ ກວາຍ ຊາມາເຣຍ. <sup>17</sup> ເຢຊູ ປາຍ: "ເບີ ນ ມວຍ ຈິ້ດ ນະ ແກັດ ແບຣັຣ. ປີ້ ແລ່ະ ໄລ່ ຕາ ເກຣ ນະ ແອັນ? <sup>18</sup> ແອັງ ມານະ ໄມ່ ແຕ້ ຊາແອັນ ເຢົາງ ເຈົາຣາຊີ. ກະ ອັນ ລາ ກວາຍ ແຕ ກຣວາງ ການໍ້ອ."

<sup>19</sup> ເຈີ້ ເຢຊູ ອາຕີ ກວາຍ ກ້ອຍ: "ໄມ່ ຢວຣ ຕາ ສິ່ງ, ເຈີ້ ໄມ່ ເປາະ. ຍ່ອນ ໄມ່ ຊາອໍາ, ໄມ່ ແກັດ ແບ ຣັຮ ອໍ."

ເຢຊູ ອາຕີ ແຕ ເຢົາງ ເຈົາຣາຊີ ຕະ ຊົດ

(ມັດທາຍ 24:23-28, 37-41)

<sup>20</sup> ເປັນ ມັຮ ກວາຍ ແຕ ຈຸ່ມ ພາຣີຊາຍ ຕາແບີບ ເຢຊູ ອິນນ້ອງ ມາແລ່ະ ດູ່ນ ແຕ ເຢົາງ ເຈົາຣາຊີ ອີ ຕະ ຊົດ ຕິ້ງ ກຣວາງ ກູແຕອໍ ໄມ່. ເຢຊູ ຕາແອີຍ ໄລ່ ກ້ອຍ ປາຍ: "ເຢົາງ ເຈົາຣາຊີ ຕະ ຊົດ ອັນ ຕາ ເບີ ນ ອາປັຣ ໂອນ ກວາຍ ແຕ້ອ ເຮີມ ກະ ດັງ. <sup>21</sup> ຕາ ເປັນ ເມົາ ແຕ້ອ ປາຍ: 'ໄມ່! ເຢົາງ ເຈົາຣາຊີ ຕະ ຊົດ ລາ ຕິ້ງ ອິນຕຸ ໄມ່, ແຕ້ລາ ອິນຕຸ ກ້ອຍ!' ເມົາ ຕາ ແຕ້ອ ປາຍ ນະກ້ອຍ, ຍ່ອນ ເຢົາງ ເຈົາຣາຊີ ຕະ ຊົດ ລາ ແອັດ ອິນດີ ມູ່ລ ມູ່ ເຍົາ."

<sup>22</sup> ເຈີ້ ເຢຊູ ອາຕີ ມູ່ ກາ ຣຍານ ແຕ ອັນ ປາຍ: "ປັຣແນີ ມັນເຕຣົາ ແຕ້ອ ຕາໂງ ເຍົາ ຊ້ອງ ຍິ້ອ ອີ

ເຮົາມາລື້ ກອນ ເຢັຽ ແກ້ດ ກວາຍ ແອັດ ລັຮ ປິ ກູແຕອ໌ ໄນ່ ແອັງ ມວຍ ຕາໄງ ຊ້ອງ ລາ ໂທຍ, ມາ ເຍົາ ຕາ ດັງ ເບີນ ເຮົາ. <sup>23</sup> ເບີນ ກວາຍ ການ້ອ໌ ອິ ປາຍ ໂຈະ ເຍົາ ນະໄນ່: 'ກອນ ເຢັຽ ແກ້ດ ກວາຍ ແອັດ ອິນຕຸ ໄນ່' ແຕ່ລາ 'ແອັດ ອິນຕຸ ກ້ອຍ.' ມາ ເຍົາ ອິນໂຈຍ ເປາະ, ກະ ອິນໂຈຍ ຊາງັດ ປັຮນາຍ ໄລ່ ກ້ອຍ. <sup>24</sup> ຕາໄງ ເກົາ, ກອນ ເຢັຽ ແກ້ດ ກວາ ຍ, ແຕ້ອ໌ ລັຮ ລາ ນະ ຕາລາຍາຣ ກັລກາງ ແຕ ເປີບ ໄນ່ ແຕ້ອ໌ ເປີບ ກ້ອຍ ຕັ້ງ ມັນລ້ອງ. <sup>25</sup> ມາ ແຕ ອິນ ໂຍ່ງ ຕາໄງ ກ້ອຍ, ເກົາ ອົງເຄາະ ຈິວ໌ ຊາອິ້ຍ ຣາມິຣ ຕຸຣ ກັດ ກະ ມັຮ ກວາຍ ແອັດ ຕັ້ງ ແດັຍ ໄນ່ ກາ ແລັຍຣ ຕັຣ ເກົາ. <sup>26</sup> ພໍກາ ເກົາ, ກອນ ເຢັຽ ແກ້ດ ກວາຍ, ເຈົ້າ ລັຮ ປິ ກູແຕອ໌ ໄນ່ ລາ ນະ ແດັຍ ໂນອາ ແຕ ອິມແບິ ເຕ່. <sup>27</sup> ຕັ້ງ ແດັຍ ໂນອາ, ກູ່ ນະ ກວາ ຍ ຈາ ຈ່ອຍ໌ ຣັອ໌ ປູຍ ລາລື້, ກະ ໄລ່ ອິດ ກອນ ລາ ກວຍ ມັນຕັດ ແຕ ອິນລິ້ງ ເຕົ້າ ແຕ້ອ໌ ຕາໄງ ໂນອາ ຊ້ອຣ ຕັ້ງ ຕົວະ. ເຈ້ ແດັອ໌ ຣາເລົາບ ແຕ້ອ໌, ຕະ ໂອນ ກູ່ ນະ ກວາຍ ຕັ້ງ ແດັຍ ກ້ອຍ ກູຈິດ ອິນແຍ່ ະ. <sup>28</sup> ກະ ປາແມ່ນ ເກົາ, ກອນ ເຢັຽ ແກ້ດ ກວາຍ, ເຈົ້າ ລັຮ ລາ ນະ ແດັຍ ໂລດ ແຕ ອິມແບິ ເຕ່. ມັຮ ກວາຍ ຕັ້ງ ແດັຍ ກ້ອຍ ຈາ ຈ່ອຍ໌ ຣັອ໌ ປູຍ ລາລື້, ໄລ່ ຈິແຈັງ, ໄລ່ ຈັດ ຈອຍ, ກະ ໄລ່ ຕະ ດຸງ. <sup>29</sup> ມາ ຕາໄງ ໂລດ ກ້ອຍ ລ້ອຣ ແຕ ເມືອງ ໂຊໂດມ, ເຢັຽ ເຈົ້າຣາຊິ ອາປັອງ ໂຈະ ກາເຈຍ ກະ ປັຣລາ ອູ່ຍຣ ນະ ເມົາ ຊາແລັຣ ແຕ ມັນລ້ອງ, ກະ ກູ່ ນະ ກວາຍ ຕັ້ງ ເມືອງ ກ້ອຍ ກູຈິດ. <sup>30</sup> ຕາໄງ ເກົາ, ກອນ ເຢັຽ ແກ້ດ ກວາຍ, ແຕ້ອ໌ ອາປັຣ ລັຮ ລາ ມູເຈັງ ກ້ອຍ ເຕ່.

<sup>31</sup> "ຕັ້ງ ຕາໄງ ກ້ອຍ, ຄັນ ເບີນ ກວາຍ ອາແລ່ ະ ມາ ແອັດ ຕັ້ງ ຕໍາປວລ ດຸງ ເປົາຣ, ອົງເຄາະ ອັນ ອິນໂຈຍ ແຊງ ອິດ ນ້ອງ ເກຣັງ ຕັ້ງ ປື້ນ ດຸງ ອັນ. ມູເຈັງ ກ້ອຍ ເຕ່, ອັນ ກາ ຕະ ໄທຣ, ອົງເຄາະ ອັນ ອິນໂຈຍ ເຈົ້າ ປິ ດຸງ ນ້ອງ. <sup>32</sup> ອົງເຄາະ ເຍົາ ຊາແຍິ ລັຮ ແຕ ລາກວຍ ໂລດ ແຕ ອິມແບິ! <sup>33</sup> ກວາຍ ອາແລ່ ມາ ປາຊິ ຣາງິຣ ອັນ ຕັ້ງ ແດັຍ ໄນ່, ຣາງິຣ ກວາຍ ກ້ອຍ ປິດ. ມາ ກວາຍ ອາແລ່ ມາ ຈິວ໌ ປິດ ຣາງິຣ ອັນ ຕັ້ງ ແດັຍ ໄນ່, ຣາງິຣ ກວາຍ ກ້ອຍ ຕາ ເບີນ ແກ້ດ ປິດ ນ້ອງ. <sup>34</sup> ເກົາ ອາຕິ ຕານ້ອງ ໂອນ ເຍົາ, ຕັ້ງ ຊາເດົາ ກ້ອຍ ເບີນ ບາຣ ນະ ປິ ມວຍ ອິນ ຕຸ. ມານະ, ເຢັຽ ເຈົ້າຣາຊິ ເດິງ ເປາະ ກະ ອັນ; ມາ ມານະ ແອັນ, ເຢັຽ ເຈົ້າຣາຊິ ດໍອ໌ ລັຮ ອົງກ້ອຍ.

<sup>35</sup> ປັອງ ກາ ກ້ອຍ ເບີນ ບາຣ ນະ ມັນແຊມ ແອັດ ກູກຸ້ຣ ທຣໍ. ເຢັຽ ເຈົ້າຣາຊິ ເດິງ ມານະ ເປາະ ກະ ອັນ, ມາ ມານະ ແອັນ, ເຢັຽ ເຈົ້າຣາຊິ ດໍອ໌ ລັຮ ອົງ ກ້ອຍ. <sup>36</sup> ກະ ປັອງ ກາ ກ້ອຍ ເບີນ ບາຣ ນະ ຣາ ເລົາ ແອັດ ຕັ້ງ ໄທຣ. ເຢັຽ ເຈົ້າຣາຊິ ເດິງ ມານະ ເປາະ ກະ ອັນ, ມາ ມານະ ແອັນ, ເຢັຽ ເຈົ້າຣາຊິ ດໍອ໌ ລັຮ ອົງກ້ອຍ."\*

<sup>37</sup> ແວັດ ເຢຊູ ປາຍ ນະກ້ອຍ, ມູ່ ກາ ຣຍານ ແຕ ອັນ ຕາແບິບ ປາຍ: "ອິນເຈົ້າ ເອີຍ! ປິ ແລ່ະ ຣາ ນະ ໄນ່ ເກັດ?"  
ເຢຊູ ຕາແອັຍ ໄລ່ ແຕ ປັຣນາຍ ຕໍາແປຣ໌ ປາຍ: "ອິນຕຸ ແລ່ະ ເບີນ ກວາຍ ກູຈິດ, ອິນຕຸ ກ້ອຍ ເບີ ນ ແຈມ ກາລາງ ແຊງ ໂຮ່ມ ຈາ ກູມັບ ກ້ອຍ."

### 18

ປັຣນາຍ ຊາກໍາ ແຕ ອິມເປ່ອ໌ ກູມາຍ ກາ ເປາະ ແຊອ໌ ເລືອຍໆ

<sup>1</sup> ເຈ້ ເຢຊູ ອາຕິ ມູ່ ກາ ຣຍານ ແຕ ອັນ ມວຍ ປັຣນາຍ ຊາກໍາ ຍິອ໌ ອິ ໂອນ ໄລ່ ດັງ ອົງເຄາະ ໄລ່ ເກົາແຊອ໌ ເລືອຍໆ, ອິນໂຈຍ ລາແກ້ຣ ລາເກົາຍ.

<sup>2</sup> ອັນ ປາຍ: "ເບີນ ມານະ ກວາຍ ຊົດ ກາ ຕັດຊິ້ນ ກວາຍ ຕັ້ງ ເມືອງ. ອັນ ຕາ ເບີນ ອົງກ້ອຣ ອິນເຕົ້າ ເຢັຽ ເຈົ້າຣາຊິ, ກະ ອັນ ຕາ ເບີນ ຊາງັດ ກວາຍ.

<sup>3</sup> ຕັ້ງ ເມືອງ ກ້ອຍ ເບີນ ມານະ ອິມເປ່ອ໌ ກູມາຍ. ອັນ ແຕ້ອ໌ ດຸໆ ປິ ກວາຍ ຊົດ ກ້ອຍ, ກະ ອັນ ປາຍ: 'ແຊອ໌ ອາຈວາຍຣ ຕັດຊິ້ນ ໂອນ ປຍາຍ໌, ເຈ້ ເຕ່ອ໌ ເກົາ ເມັມ ແຕ ກວາຍ ກາ ຕະ ເກົາ!'

<sup>4</sup> "ດູ່ນ ເຈ້ ກວາຍ ຊົດ ກ້ອຍ ຕາ ຍິອ໌ ອິ ຊາງັດ ປັຣນາຍ ອິມເປ່ອ໌ ກູມາຍ ກ້ອຍ. ມາ ແຕ້ອ໌ ຕາໄງ ອັນ ຄິດ ຕັ້ງ ຣາງິຣ ອັນ ປາຍ: 'ເກົາ ຕາ ເບີນ ອົງ ກ້ອຣ ເຢັຽ ເຈົ້າຣາຊິ, ກະ ເກົາ ຕາ ເບີນ ຊາງັດ ກາ ກວາຍ ແຮ. <sup>5</sup> ມາ ຍ່ອນ ອິມເປ່ອ໌ ກູມາຍ ໄນ່ ແຕ້ອ໌ ແຊອ໌ ດຸໆ ແຕ ເກົາ, ຍ່ອນ ນະກ້ອຍ ເກົາ ຈ່ອຍ ກະ ຕະ ປຍາຍ໌ ໂອນ ອັນ. ຄັນ ເກົາ ຕາ ເບີນ ຈ່ອຍ, ອັນ ແຕ້ອ໌ ປາຕຸຣ ເກົາ ເລືອຍໆ, ກະ ອັນ ຕະ ໂອນ ເກົາ ແກ້ດ ຊາອິຣ!' "

<sup>6</sup> ເຈ້ ເຢຊູ ປາຍ ແອັນ: "ໂອນ ເຍົາ ຊາງັດ ແຕ ປັຣນາຍ ກວາຍ ກາ ຕາ ເບີນ ຕານ້ອງ ອໍ ກາ ຕັດຊິ້ ນ ໂອນ ອິມເປ່ອ໌ ກູມາຍ ກ້ອຍ. <sup>7</sup> ມາ ເຢັຽ ເຈົ້າຣາ ຊິ, ອັນ ຕັດຊິ້ນ ປຍາຍ໌ ລາລື້ ຈ່ອຍ ໄລ່ ກາ ປວາຍ ຣານະ ອັນ, ໄລ່ ກາ ກູອ໌ ອັນ ກູ່ ຣາໄງ ກູ່ ຊາເດົາ. ມາໂຮຍ ລາລື້ ອັນ ຈ່ອຍ ໄລ່. <sup>8</sup> ເກົາ ອິ ອາຕິ ໂອນ ເຍົາ ດັງ, ເຢັຽ ເຈົ້າຣາຊິ ຕັດຊິ້ນ ປຍາຍ໌ ໂອນ ໄລ່

\* 17:36 17:36 ຊາອິ້ຍ ປັງ ປັຣນາຍ ແຕ ອິມແບິ ຕາ ເບີນ ເບີນ ຣານາ 36 ໄນ່.



ກາ ປວາຍ ຮານະ ອັນ, ກະ ອັນ ຕະ ຮານະ ກ້ອຍ ໄວ່ ລາລີ້. ມາ ແຕ້ອ້ ເກົາ, ກອນ ເຢິງ ແກັດ ກວາຍ, ເຈົ້າ ລັ່ ປີ ກູແຕ້ອ້ ໄມ່, ເກົາ ຮາມັຣ ກວາຍ ກາ ອິນນ້ອງ ຊາອໍາ ບໍ?"

ປັຣນາຍ ຊາກໍາ ແຕ ກວາຍ ພາຣີຊາຍ ກະ ກວາຍ ອິດ ປຣະ ປາຊີ

9 ເຢຊູ ອາຕີ ປັຣນາຍ ຊາກໍາ ແອັ້ນ ໂຈະ ກວາຍ ກາ ຄິດ ປາຍ ໄລ່ ຕານ້ອງ ອໍ ມາ ກວາຍ ການໍ້ອ ຕາ ເບິນ ອໍ ອິນເຕົ້າ. 10 ອັນ ປາຍ: "ເບິນ ບາຣ ນະ ຣາ ເລົາ ມູ່ດ ຕິ່ງ ດຸງ ຊາງ ປິດ ຍິ້ອ ອີ ເກົາແຊຣ້. ມານະ ລາ ກວາຍ ພາຣີຊາຍ, ກະ ມານະ ລາ ກວາຍ ອິດ ປຣະ ປາຊີ. 11 ອັນ ກາ ກວາຍ ພາຣີຊາຍ, ອັນ ຕາ ຍິ່ງ ມານະ ອັນ ເກົາແຊຣ້ ປາຍ: 'ກູກຸຣ ເຢິງ ເຈົ້າຣາ ຊີ, ເກົາ ຊາແອັ້ນ ເຍົາ ຍ່ອນ ເກົາ ຕາ ເບິນ ຕະ ໄລ່ ຍຣ ນະ ກວາຍ ການໍ້ອ. ເກົາ ຕາ ເບິນ ຍິ້ອ ອີ ເບິນ ທາຣິງ ເມົາ. ເກົາ ຕາ ເບິນ ອາໂລກ ເມົາ. ເກົາ ຕາ ເບິນ ໂກະ ລາກວຍ ເມົາ. ເກົາ ຊາແອັ້ນ ເຍົາ, ເກົາ ຕາ ເບິນ ນະ ກວາຍ ກາ ອິດ ປຣະ ປາຊີ ໄມ່. 12 ເກົາ ອົດ ຕາ ເບິນ ຈາ ຊັຣນາ ມວຍ ອາທິດ ບາຣ ຕາໄງ. ກະ ອິນແຍ່ະ ມູ່ນ ເກົາ, ຄັນ ເບິນ ມວຍ ຈິ່ດ ປູດ, ເກົາ ມ່ອບ ຊາງ ມວຍ ປູດ ໂອນ ເຍົາ.' 13 ມາ ກວາຍ ກາ ອິດ ປຣະ ປາຊີ ກ້ອຍ, ອັນ ແອັດ ເຍິ່ງ ແຕ ກວາຍ ພາຣີຊາຍ. ອັນ ຕາ ຍັນ ຕາຕິ່ງອ ອາຊ້ອຣ ປີ ມັນລ້ອງ. ອັນ ແກ້ ອາເປັມ ອັນ ເບີມ ຍ່ອນ ອັນ ຊ້ອງ ຕຸ່ຣ. ກະ ອັນ ປາຍ: 'ເອີ ເຢິງ ເຈົ້າຣາຊີ ເອີຍ! ແຊຣ້ ເຍົາ ອາຢະ ຕະ ເກົາ ແຮີ, ຍ່ອນ ເກົາ ລາ ກວາຍ ໄລ່ຍຣ!"

14 ເຈີ ເຢຊູ ປາຍ: "ເກົາ ອາຕີ ຕານ້ອງ ໂອນ ເຍົາ, ກວາຍ ກາ ອິດ ປຣະ ປາຊີ ໄມ່, ອັນ ເຈົ້າ ປີ ດຸງ, ອັນ ຕານ້ອງ ອໍ ຍິ່ຣ ເມິງ ເຢິງ ເຈົ້າຣາຊີ. ມາ ກວາຍ ພາຣີຊາຍ ກ້ອຍ ຕາ ເບິນ ຕານ້ອງ ອໍ ອິນ ເຕົ້າ ຍິ່ຣ ເມິງ ເຢິງ ເຈົ້າຣາຊີ. ຄັນ ກວາຍ ອາແລ່ ະ ມາ ອາຊ້ອຣ ຈະ ເບິນ ຍິ້ອ ອີ ແກັດ ປິດ, ປັຣເນີ ມັນເຕຣົາ ກວາຍ ກ້ອຍ ແກັດ ແກດ ແອັ້ນ. ກະ ກວາຍ ອາແລ່ະ ກາ ອາແຊງ ຈະ ອັນ ໂອນ ແກດ ຊາ ນໍ່, ປັຣເນີ ມັນເຕຣົາ ອັນ ແກັດ ປິດ ແອັ້ນ."

ເຢຊູ ເກົາແຊຣ້ ໂອນ ກັຣແນນ ແກດ (ມັດທາຍ 19:13-15; ມາຣະໂກ 10:13-16)

15 ເບິນ ກວາຍ ເດີງ ກັຣແນນ ແກດໆ ແຕ້ອ້ ປີ ເຢຊູ, ຍິ້ອ ອີ ໂອນ ເຢຊູ ຊາປະ ອາຕີ ຕິ່ງ ກັຣ ແນນ ກ້ອຍ. ມາ ມູ່ ກາ ຣຍານ ແຕ ເຢຊູ ເຮີມ ໄລ່ ແຕ້ອ້; ເຈີ ໄລ່ ກາແອັຣ ມັຣ ກວາຍ ກາ ເດີງ ກັຣ ແນນ ກ້ອຍ. 16 ມາ ເຢຊູ ກູຣ້ ກັຣແນນ ກ້ອຍ

ໂອນ ແຕ້ອ້ ປີ ອັນ; ເຈີ ອັນ ປາຍ: "ເຍົາ ໂອນ ກັຣ ແນນ ແຕ້ອ້ ປີ ເກົາ. ອິນໂຈຍ ກາຕັງ ໄລ່, ຍ່ອນ ຕິ່ງ ຈຸ່ມ ເຢິງ ເຈົ້າຣາຊີ ຕະ ຊົດ ເບິນ ແອັງ ກວາຍ ກາ ເບິນ ຣາງິຣ ນະ ກັຣແນນ ໄມ່ ແຕ່. 17 ເກົາ ອາ ຕີ ຕານ້ອງ ໂອນ ເຍົາ, ຄັນ ກວາຍ ອາແລ່ະ ມາ ຕາ ເບິນ ປຣ່ອມ ໂອນ ເຢິງ ເຈົ້າຣາຊີ ຕະ ຊົດ ນະ ກັຣ ແນນ ປຣ່ອມ, ກວາຍ ກ້ອຍ ຕາ ແຕ້ອ້ ມູ່ດ ຕິ່ງ ຈຸ່ມ ເຢິງ ເຈົ້າຣາຊີ ຕະ ຊົດ."

ມານະ ກວາຍ ຊຸ (ມັດທາຍ 19:16-30; ມາຣະໂກ 10:17-31)

18 ເບິນ ມານະ ກວາຍ ຊົດ ຕິ່ງ ຈຸ່ມ ອິດຊະຣາ ເອລ ແຕ້ອ້ ຕາແບັບ ເຢຊູ ປາຍ: "ອາຈານ ກາ ອໍ ເອີຍ! ເກົາ ອິງເຄາະ ຕະ ນານະ ໂອນ ແຕ້ອ້ ເກົາ ເບີ ນ ອາມັງ ເລື້ອຍໆ?"

19 ເຢຊູ ຕາແອັຍ ລັ່ຣ ອັນ ປາຍ: "ນານະ ໄມ່ ດໍ້ອ ເກົາ ອໍ? ແອັງ ເຢິງ ເຈົ້າຣາຊີ ຊ້ອງ ກາ ອໍ. 20 ໄມ່ ດັງ ເຈີ ເຢິງ ເຈົ້າຣາຊີ ປາຕັບ: 'ອິນໂຈຍ ໂກະ ລາກວຍ ກາຢາຣ້ ເມົາ; ອິນໂຈຍ ກາຈິດ ກວາຍ ການໍ້ອ; ອິນໂຈຍ ຕູຕວຍ; ອິນໂຈຍ ຕະ ອິນຕີ ອາໂລກ; ກະ ຍໍານັບ ອິມເປັອ ອິມປໍ່ ໄມ່.'"

21 ກວາຍ ກ້ອຍ ປາຍ ລັ່ຣ ນະໄມ່: "ກູ່ ປັຣນາຍ ປາຕັບ ກ້ອຍ ເກົາ ຕະ ຕາປຸ່ນ ແຕ ເກົາ ອິນນ້ອງ ແກດ."

22 ພໍກາ ເຢຊູ ຊ້ອງ ອັນ ປາຍ ນະກ້ອຍ, ເຢຊູ ອາຕີ ລັ່ຣ ອັນ ປາຍ: "ໄມ່ ອິນນ້ອງ ແອີ ມວຍ ຣາມິ ຣ. ໂອນ ໄມ່ ເປາະ ຈິ ອິນແຍ່ະ ມັຣ ມູ່ນ ໄມ່; ເຈີ ອິດ ປຣະ ກ້ອຍ ຈ່ອຍ ໂອນ ກວາຍ ກາດິດ. ຄັນ ໄມ່ ຕະ ນະກ້ອຍ, ໄມ່ ເບິນ ມູ່ນ ອໍ ຕິ່ງ ມັນລ້ອງ. ເຈີ ໄມ່ ແຕ້ອ້ ປວາຍ ເກົາ."

23 ບັ້ອງ ກາ ກວາຍ ກ້ອຍ ຊ້ອງ ປັຣນາຍ ເຢຊູ ປາຍ ນະກ້ອຍ, ອັນ ຊ້ອງ ຕຸ່ຣ ຕິ່ງ ຣາງິຣ ອັນ, ຍ່ອນ ອັນ ລາ ກວາຍ ຊຸ ລາລີ້.

24 ເຢຊູ ເຮີມ ກວາຍ ກ້ອຍ ຊ້ອງ ຕຸ່ຣ. ເຈີ ອັນ ອາຕີ ແອັ້ນ ປາຍ: "ມັຣ ກາ ກວາຍ ຊຸ ເບິນ, ກັດ ລາລີ້ ໂອນ ໄລ່ ກ້ອຍ ມູ່ດ ຕິ່ງ ຈຸ່ມ ເຢິງ ເຈົ້າຣາຊີ ຕະ ຊົດ! 25 ຊັນຕຣັ້ນ ອູ່ດ ລວາຍ໌ ຕາຣັງ ມັນຈິ່ລ ອິນເນີ້ມ ອຽນ ກາເລີຍ ແຕ ກວາຍ ຊຸ ເບິນ ອີ ມູ່ດ ຕິ່ງ ຈຸ່ມ ເຢິງ ເຈົ້າຣາຊີ ຕະ ຊົດ."

26 ໄລ່ ກາ ຊ້ອງ ເຢຊູ ປາຍ ນະກ້ອຍ, ໄລ່ ຕາ ແບັບ ອັນ ປາຍ: "ຄັນ ນະກ້ອຍ, ເມົາ ແຕ້ອ້ ເບິນ ອາມັງ ເລື້ອຍໆ?"

27 ເຢຊູ ຕາແອີຍ ປາຍ: "ກວາຍ ຕາ ເຕ່ອ້ ຕະ ເບີມ ຮານະ ກ້ອຍ, ມາ ເຢີງ ເຈົ້າຣາຊີ ເຕ່ອ້ ຕະ ກູ່ ຣາມິ້ຣ." "

28 ເຈີ້ ເປໂຕ ປາຍ ກະ ເຢຊູ: "ໄນ! ຮິ ຕັຣ ອິນ ແຍ່ະ ກູ່ ຣາມິ້ຣ ຮິ ເບີນ, ຍ່ອນ ຮິ ອິ ເປາະ ກະ ອາຈານ."

29 ເຢຊູ ຕາແອີຍ ໄລ່ ປາຍ: "ເກົາ ອາຕີ ຕານີ້ ອງ ໂອນ ເຍົາ, ກວາຍ ອາແລະ ກາ ຕັຣ ດຸງຊູ, ຕັຣ ອິມເປ່ອ້ ອິມປໍ່, ຕັຣ ແຊມອາຍ, ກະ ຕັຣ ກອນ ລາກວຍ, ຍ່ອນ ອັນ ຍິ່ອ ອິ ໂອນ ເຢີງ ເຈົ້າຣາຊີ ຕະ ຊິດ, 30 ກວາຍ ກ້ອຍ ເບີນ ລັຣ ກາເລີຍ ແຕ ຣາມິ້ຣ ກາ ອັນ ຕັຣ ແຕ ອິນໂຍ່ງ. ກະ ເຈີ້ ປິ ເມີງ ກວາຍ ກ້ອຍ ເບີນ ອາມັງ ເລື້ອຍໆ."

ເຢຊູ ອາຕີ ລັຣ ແຕ ອັນ ກູຈິດ  
(ມັດທາຍ 20:17-19; ມາຣະໂກ 10:32-34)

31 ເຢຊູ ເດີງ ແອີງ ມູ່ ກາ ຣຍານ ແຕ ອັນ ເປາະ ກະ ອັນ; ເຈີ້ ອັນ ອາຕີ ໄລ່ ປາຍ: "ໂອນ ເຍົາ ຊາ ງັດ! ໄຣ ຊ້ອຣ ປິ ເມີອງ ເຢຣຸຊາເລັມ. ແອີດ ຕິ່ງ ເມີອງ ກ້ອຍ ແກັດ ຣາປຍາຍ໌ ກູ່ ຣາມິ້ຣ ກວາຍ ອາ ຕີ ຕາງ ປັຣນາຍ ເຢີງ ເຈົ້າຣາຊີ ແຕ ອິມເບີ ຄຽນ ເຈີ້ ແຕ ກອນ ເຢີງ ແກັດ ກວາຍ. 32 ເມົາ ມ່ອບ ອັນ ແຕ້ອ້ ປິ ອາຕີ ກວາຍ ຕາ ແກັດ ກວາຍ ອິດ ຊະຣາເອລ. ໄລ່ ກ້ອຍ ອາເຍ່ ພາມາດ ອັນ, ເວ່ນ ອັນ, ກະ ກູຈັຣ ໂຈະ ຕິ່ງ ຈະ ອັນ. 33 ໄລ່ ໄປຣັຣ ອັນ, ກະ ກາຈິດ ຕັຣ ອັນ. ມາ ແຕ້ອ້ ຕາໄງ ໄປ ອັນ ເບີນ ອາມັງ ລັຣ."

34 ມາ ມູ່ ກາ ຣຍານ ແຕ ເຢຊູ ຕາ ເບີນ ຊາປຸ່ຣ ອິນເຕົ້າ ແຕ ປັຣນາຍ ໄນ, ຍ່ອນ ປັຣນາຍ ກ້ອຍ ປາໂຕ່ະ ແກຣະ ລາລີ້. ນະກ້ອຍ ໄລ່ ຕາ ເບີນ ດັງ ແຈງ ແຕ ເຢຊູ ອາຕີ ນະກ້ອຍ.

ເຢຊູ ປົວ ກວາຍ ຊູດ ມັດ ຕິ່ງ ເມີອງ ເຢຣີໂກ  
(ມັດທາຍ 20:29-34; ມາຣະໂກ 10:46-52)

35 ພໍກາ ເຢຊູ ແຕ້ອ້ ແຈ່ະ ເມີອງ ເຢຣີໂກ, ເບີນ ມານະ ກວາຍ ຊູດ ມັດ ແອັດ ຊູແຊອ້ ຕິ່ງ ປິ້ຣ ຣາ ນາ. 36 ບັອງ ກາ ອັນ ຊ້ອງ ກວາຍ ກຶ່ງ ເປາະ ຊາ ລັຣ ແຈ່ະ ອັນ, ອັນ ຕາເບີບ ປາຍ: "ອິນເຕົ້າ ເຍົາ ຕະ ໂຣຮີວ?"

37 ມັຮ ກວາຍ ກ້ອຍ ຕາແອີຍ ອັນ ປາຍ: "ເບີນ ເຢຊູ ແຕ້ອ້ ແຕ ວິລ ນາຊາເຣັດ ເປາະ ຊາລັຣ ແຈ່ະ ໄນ."

38 ນະກ້ອຍ ກວາຍ ຊູດ ມັດ ກ້ອຍ ກູອ້ ເຣ່ງ ລາລີ້ ປາຍ: "ເອີ ເຢຊູ ແຕ ຈຸ່ມເຈືອ ດາວິດ ເອີຍ! ແຊອ້ ໄມ່ ອາໂຍ່ະ ຕະ ເກົາ ແຮ້."

39 ກວາຍ ກາ ເປາະ ຕິ່ງ ຣານາ ກ້ອຍ ກາແອັຣ ອັນ ປາຍ: "ໄມ່ ອິນໂຈຍ ຕະ ແບອ້!"

ມາ ອັນ ປາຍ ເຣ່ງ ລາລີ້ ແອັນ: "ເອີ ເຍົາ ແຕ ຈຸ່ມເຈືອ ດາວິດ ເອີຍ! ແຊອ້ ໄມ່ ອາໂຍ່ະ ຕະ ເກົາ ແຮ້."

40 ເຢຊູ ຕາງິດ, ກະ ອັນ ແປຣີ ໂອນ ເມົາ ເດີງ ກວາຍ ຊູດ ມັດ ກ້ອຍ ແຕ້ອ້ ປິ ອັນ. ພໍກາ ອັນ ແຕ້ອ້, ເຢຊູ ຕາເບີບ ອັນ ປາຍ: 41 "ອິນເຕົ້າ ໄມ່ ໂອນ ເກົາ ຈ້ອຍ?"

ກວາຍ ຊູດ ມັດ ກ້ອຍ ຕາແອີຍ ລັຣ: "ອິນເຈົ້າ ເອີຍ! ເກົາ ຍິ່ອ ອິ ບຣາງ ເຮີມ ເຕ່!"

42 ເຈີ້ ເຢຊູ ອາຕີ ລັຣ ອັນ ປາຍ: "ມັດ ໄມ່ ແກັດ ບຣາງ! ຍ່ອນ ໄມ່ ຊາອໍາ ມັດ ໄມ່ ເຕ່ອ້ ບຣາງ ລັຣ."

43 ບັອງ ກາ ກ້ອຍ ແຕ້ ມັດ ກວາຍ ກ້ອຍ ແກັດ ປິ່ງ. ເຈີ້ ອັນ ປວາຍ ເຢຊູ ກະ ຍ່ອງ ເຢີງ ເຈົ້າຣາຊີ. ພໍກາ ກວາຍ ກຶ່ງ ເຮີມ ຮານະ ກ້ອຍ, ໄລ່ ຍ່ອງ ເຕ່ ເຢີງ ເຈົ້າຣາຊີ.

### 19

ເຢຊູ ກະ ຊັກຄາຍ

1 ເຢຊູ ເປາະ ຕິ່ງ ຣານາ ມູ່ດ ຕິ່ງ ເມີອງ ເຢຣີໂກ.

2 ແອັດ ຕິ່ງ ເມີອງ ກ້ອຍ ເບີນ ມານະ, ຣາມິ້ຣ ຊັກ ຄາຍ. ອັນ ແກັດ ຊິດ ກວາຍ ອິດ ປຣະ ປາຊີ, ກະ ອັນ ລາ ຊາ ລາລີ້. 3 ອັນ ຍິ່ອ ອິ ເຮີມ ເຢຊູ ລາ ເມົາ. ມາ ອັນ ລາ ກວາຍ ແຈລ. ອັນ ຕາ ເຕ່ອ້ ເຮີມ ເຢຊູ, ຍ່ອນ ກວາຍ ກຶ່ງ ກ້ອຍ ກາຕັງ ອັນ.

4 ນະກ້ອຍ ອັນ ຕາລຸ່ຣ ເປາະ ອິນໂຍ່ງ ກວາຍ ກຶ່ງ ກ້ອຍ. ເຈີ້ ອັນ ຊ້ອຣ ຕິ່ງ ກໍລ ລາວັຣ\* ຍິ່ອ ອິ ເຮີມ ເຢຊູ ເປາະ ຊາລັຣ ແຈ່ະ ອາລ່ອງ ກ້ອຍ.

5 ບັອງ ກາ ເຢຊູ ແຕ້ອ້ ປິ ກໍລ ອາລ່ອງ ກ້ອຍ, ອັນ ຕາງອນ ອາຊ້ອຣ ປິ ອາລ່ອງ, ກະ ອັນ ກູອ້ ຊັກຄາຍ ປາຍ: "ຊັກຄາຍ ເອີຍ! ໄມ່ ແຊງ ໄວ່, ຍ່ອນ ຕາໄງ ໄນ ເກົາ ອິ ເປາະ ປິ ດຸງ ໄມ່."

6 ນະກ້ອຍ ຊັກຄາຍ ແຊງ ແຕ້, ກະ ອັນ ຮັບ ເຢຊູ ຮໍ່ອ້ ບູຍ ລາລີ້. 7 ມັຮ ກວາຍ ການໍອ້ ກ້ອຍ ເຮີມ ນະກ້ອຍ, ກູ່ ນະ ໄລ່ ບູແບະ ບູບິບ ປາຍ: "ກວາຍ ໄນ ເປາະ ຈິຈາ ປິ ດຸງ ກວາຍ ໄລ່ຍຣ."

8 ມາ ຊັກຄາຍ, ອັນ ຕາຍິ່ງ ຢັຣ ເມີງ ມັຮ ກວາ ຍ ກະ ອາຕີ ເຢຊູ ປາຍ: "ອິນເຈົ້າ ເອີຍ! ມັຮ ມູ່ນ

\* 19:4 19:4 ຕິ່ງ ປັຣນາຍ ກຣີກ ເມົາ ດໍອ້ ອາລ່ອງ ກ້ອຍ ລາ 'ຊູ ກູໂມຣ.'

ເກົາ, ເກົາ ອິດ ຕາຕີ ຈ່ອຍ ມັຮ ກວາຍ ກາດິດ. ກະ ຄັນ ເບີນ ກວາຍ ອາແລະ ມາ ເກົາ ໄລ່ ອັນ ມວຍ ປູດ, ຊານໍ ເກົາ ກູລັຮ ລັຮ ອັນ ປູນ ປູດ ແອັນ."

9 ເຢຊູ ອາຕີ ລັຮ ອັນ ປາຍ: "ຕາໂງ ໄນ່ ເຢີງ ເຈົາຮາຊີ ຈ່ອຍ ອາມັງ ດຸງຊູ ໄນ່, ຍ່ອນ ກວາຍ ໄນ່ ແຕ ຈຸ່ມເຈືອ ອັບຮາຮາມ ມູເຈິງ ໄຮ ເຕ່. 10 ໄກຮ ລາລີ້ ເກົາ, ກອນ ເຢີງ ແກັດ ກວາຍ, ແຕ້ອ້ ປີ ໄນ່ ຢິ້ອ ອີ ຈໍ້ອ ກະ ຈ່ອຍ ອາມັງ ໄລ່ ກາ ແກ້ ຮາມາ ເຈ້."

ປັຮນາຍ ຊາກໍາ ແຕ ປຣະ ແນນ  
(ມັດທາຍ 25:14-30)

11 ແວັດ ກ້ອຍ, ເຢຊູ ອາຕີ ປັຮນາຍ ຊາກໍາ ໂຈະ ກວາຍ ກາ ຊ້ອງ ອັນ ປາຍ ນະກ້ອຍ. ອັນ ແຕ້ອ້ ແຈະ ເມືອງ ເຢຣູຊາເລັມ ເຈ້, ກະ ກວາຍ ການໍ່ອ້ ຄິ້ດ ຕິ່ງ ຮາງິຮ ໄລ່ ແຈະ ອີ ແຕ້ອ້ ເຈ້ ຕາໂງ ເຢີງ ເຈົາຮາຊີ ຕະ ຊົດ ຕິ່ງ ກຮວງ ໄລ່. 12 ເຈ້ ເຢຊູ ປາຍ: "ເບີນ ມານະ ກວາຍ ປິດ ເປາະ ປີ ກຮວງ ການໍ່ອ້ ໂອນ ມັຮ ກວາຍ ຊົດ ຕິ່ງ ກຮວງ ກ້ອຍ ຈົຮ ໂອນ ອັນ ແກັດ ເຕົາວ ປັຮເຍົາ ຕິ່ງ ກຮວງ ອັນ ເບີມ. ແວັດ ກ້ອຍ ອັນ ອີ ເຈົາ ລັຮ ປີ ກຮວງ ອັນ. 13 ແຕ ອິນໂຍ່ງ ອັນ ເປາະ, ອັນ ກູອໍ ມວຍ ຈິ່ດ ນະ ກວາຍ ກາ ຕະ ຮານະ ໂອນ ອັນ. ອັນ ໂອນ ມານະ ມູ ແນນ ປຣະ, ກະ ອັນ ປາຕັບ ປາຍ: 'ເຍົາ ຕະ ມານະ ໂອນ ປຣະ ໄນ່ ແກັດ ເບີນ ກໍາໄລ ເຕົາ ແຕ້ອ້ ຕາໂງ ເກົາ ເຈົາ ລັຮ.' 14 ມັຮ ກວາຍ ກອນ ແຊມ ແອັດ ຕິ່ງ ກຮວງ ອັນ, ໄລ່ ຊາອັຮ ອັນ ກະ ຕາ ແອອໍ ອີ ໂອນ ອັນ ແກັດ ເຕົາວ ປັຮເຍົາ ໄລ່. ນະກ້ອຍ ໄລ່ ແປຣີ ເມົາ ເປາະ ອາຕີ ລັຮ ກວາຍ ຊົດ ປິດ ລາລີ້ ກາ ອີ ຈົຮ ອັນ ປາຍ: 'ອີ ຕາ ແອອໍ ອີ ໂອນ ອັນ ໄນ່ ແກັດ ຊົດ ອີ.'

15 ມາ ກວາຍ ກ້ອຍ ແກັດ ເຕົາວ ປັຮເຍົາ, ກະ ອັນ ເຈົາ ລັຮ ປີ ກຮວງ ອັນ. ອັນ ກູອໍ ລັຮ ມັຮ ກວາຍ ກາ ຕະ ຮານະ ອັນ, ໄລ່ ກາ ຮັບ ປຣະ ແຕ ອັນ, ຢິ້ອ ອີ ດັງ ມາແລະ ໄລ່ ເບີນ ກໍາໄລ ແຕ ປຣະ ກ້ອຍ.

16 ອັນ ກາ ອິນໂຍ່ງ ແຕ້ອ້ ປາຍ: 'ອິນເຈົາ ເອີຍ! ເກົາ ເບີນ ກໍາໄລ ມວຍ ຈິ່ດ ແນນ ແອັນ ແຕ ມວຍ ແນນ ອິນເຈົາ ໂອນ ເກົາ.'

17 ອັນ ກາ ຊົດ ກ້ອຍ ປາຍ: 'ອໍ ລາລີ້ ໄນ່ ຕະ! ໄນ່ ລາ ກວາຍ ອໍ ຕະ ຮານະ ເກົາ! ຍ່ອນ ໄນ່ ຕະ ອໍ ກະ ບິອໍ ປຣະ ໄນ່, ນະກ້ອຍ ເກົາ ຈົຮ ໄນ່ ຕະ ຊົດ ຕິ່ງ ມວຍ ຈິ່ດ ເມືອງ.'

18 ເບີນ ມານະ ແອັນ ແຕ້ອ້ ປີ ກວາຍ ຊົດ ກະ ປາຍ: 'ອິນເຈົາ ເອີຍ! ເກົາ ເບີນ ກໍາໄລ ເຊິງ ແນນ ແອັນ ແຕ ມວຍ ແນນ ອິນເຈົາ ໂອນ ເກົາ.'

19 ກວາຍ ຊົດ ກ້ອຍ ປາຍ ໂຈະ ກວາຍ ກ້ອຍ: ເກົາ ຈົຮ ໄນ່ ໂອນ ຕະ ຊົດ ຕິ່ງ ເຊິງ ເມືອງ.'

20 ກະ ມານະ ແອັນ ແຕ້ອ້ ປີ ກວາຍ ຊົດ, ອັນ ປາຍ: 'ອິນເຈົາ ເອີຍ! ໄນ່ ລາ ປຣະ ແນນ ອິນ ເຈົາ ໂອນ ເກົາ. ເກົາ ປຸ່ງ ດໍອໍ ປຣະ ໄນ່ ຕິ່ງ ອາຣິ.

21 ເກົາ ອິງກ້ອຮ, ຍ່ອນ ເກົາ ດັງ ໄນ່ ລາ ກວາຍ ກ້ອງ ຮາງິຮ. ໄນ່ ຕາ ເບີນ ດໍອໍ, ມາ ໄນ່ ອີ ເບີນ. ໄນ່ ຕາ ເບີນ ຈັດ, ມາ ໄນ່ ອີ ຊອດ ເຕ່.'

22 ກວາຍ ຊົດ ກ້ອຍ ປາຍ ໂຈະ ກວາຍ ກ້ອຍ: 'ໄນ່ ລາ ກວາຍ ກາ ຕະ ຮານະ ເກົາ ໄລ່ ລາລີ້! ປັຮ ນາຍ ໄນ່ ຕີ ລັຮ ໄນ່ ເບີມ. ໄນ່ ດັງ ເຈ້ ເກົາ ລາ ກວາ ຍ ກ້ອງ. ກະ ໄນ່ ດັງ ເຈ້ ເກົາ ຕາ ເບີນ ດໍອໍ, ມາ ເກົາ ອີ ເບີນ. ກະ ເກົາ ຕາ ເບີນ ຈັດ, ມາ ເກົາ ອີ ຊອດ ເຕ່.

23 ຄັນ ນະກ້ອຍ, ຄາອໍ ໄນ່ ດໍອໍ ປຣະ ເກົາ ຕິ່ງ ທະນາຄານ. ເຈ້ ແຕ້ອ້ ຕາໂງ ເກົາ ເຈົາ ລັຮ, ເກົາ ເບີ ນ ປຣະ ກ້ອຍ ກະ ເບີນ ກໍາໄລ ແຮ້.'

24 ແວັດ ກ້ອຍ, ກວາຍ ຊົດ ກ້ອຍ ອາຕີ ມັຮ ກວາຍ ກາ ແອັດ ອິມແປຣ ກ້ອຍ ປາຍ: 'ອິດ ລັຮ ມວຍ ແນນ ປຣະ ກ້ອຍ ແຕ ກວາຍ ໄນ່. ເຈ້ ໂອນ ປີ ອັນ ກາ ເບີນ ມວຍ ຈິ່ດ ແນນ ກ້ອຍ ແອັນ.'

25 ມາ ມັຮ ກວາຍ ກ້ອຍ ອາຕີ ກວາຍ ຊົດ ກ້ອຍ ປາຍ: 'ອິນເຈົາ ເອີຍ! ກວາຍ ກ້ອຍ ເບີນ ມວຍ ຈິ່ດ ແນນ ເຈ້!'

26 ມາ ກວາຍ ຊົດ ກ້ອຍ ຕາແອີຍ ປາຍ: 'ອັນ ກາ ເບີນ ຊາອິ້ຍ, ແຮງ ເກົາ ໂອນ ອັນ ເບີນ ຊາອິ້ຍ ລາລີ້ ແອັນ. ມາ ກວາຍ ກາ ຕາ ເບີນ ເບີນ, ແຮງ ເກົາ ອິດ ລັຮ ອິນແຍະ ແຕ ກວາຍ ກ້ອຍ. 27 ມາ ມັຮ ໄລ່ ກາ ຕາ ແອອໍ ອີ ໂອນ ເກົາ ແກັດ ເຕົາວ ປັຮເຍົາ ໄລ່, ເດິງ ໄລ່ ໂອນ ແຕ້ອ້ ປີ ໄນ່ ກະ ກາຈິດ ຕັຮ ຊ້ອງ ໄລ່ ຢິຮ ເມີງ ເກົາ!'"

ກອນແຊມ ຮັບ ເຢຊູ ນະ ເຕົາວ ປັຮເຍົາ ຕິ່ງ ເມືອງ ເຢຣູຊາເລັມ

(ມັດທາຍ 21:1-11; ມາຣະໂກ 11:1-11; ໂຢຮັນ 12:12-19)

28 ແວັດ ເຢຊູ ປາຍ ນະກ້ອຍ, ອັນ ຮາໄລ່ອໍ ເປາະ ອິນໂຍ່ງ ມັຮ ກວາຍ ກາ ເປາະ ປີ ເມືອງ ເຢຣູຊາເລັມ. 29 ແຈະ ອັນ ອີ ແຕ້ອ້ ປີ ວີລ ເບັດ ພາເຄ ກະ ວີລ ເບັດທານີ, ປີ ອິນຕຸ ກົຮ ອາໂປ່ນ, ອັນ ແປຣີ ບາຣ ນະ ມູ່ ກາ ຮຍານ ແຕ ອັນ ເປາະ ອິນໂຍ່ງ. 30 ອັນ ປາຕັບ ໄລ່ ບາຣ ນະ ກ້ອຍ ປາຍ: "ເຍົາ ເປາະ ປີ ວີລ ໄນ່. ພໍກາ ເຍົາ ມູດ ປີ ກ້ອຍ, ເຍົາ ຮາມົຮ ມານໍ ອາແຊຮ ແຈລ ກາ ເມົາ ຊົດ ດໍອໍ

ບໍ່ ກ້ອຍ. ອາແຊັຣ ແຈລ ກ້ອຍ ຕາ ເປັນ ອາແລ່ ະ ຈິ່ຣ ຢວາຣ. ເຍົາ ອາແລ່ຣ ອັນ ແຕ ກ້ອຍ; ເຈີ່ ເດີງ ບໍ່ ເກົາ. 31 ຄັນ ເປັນ ອາແລ່ະ ຕາແບັບ ເຍົາ ປາຍ: 'ອິນເຕົ້າ ເຍົາ ອາແລ່ຣ ຕະ ອາແຊັຣ ໄນ່?' ໂອນ ເຍົາ ຕາແອີຍ ໂຈະ ໄລ່ ປາຍ: 'ອິນເຈົາ ໄຣ ອີ ເມົານ ອາແຊັຣ ໄນ່.'

32 ເຈີ່ ໄລ່ ບາຣ ນະ ກ້ອຍ ເປາະ, ກະ ໄລ່ ເຮີມ ປຍາຍ ມັຣ ປັຣນາຍ ເຢຊູ ອາຕີ ໄລ່. 33 ບັອງ ກາ ໄລ່ ອາແລ່ຣ ອາແຊັຣ ແຈລ ກ້ອຍ, ກວາຍ ຕາລາ ອາແຊັຣ ກ້ອຍ ຕາແບັບ ໄລ່ ປາຍ: "ອິນເຕົ້າ ເຍົາ ອາແລ່ຣ ຕະ ອາແຊັຣ ໄນ່?"

34 ໄລ່ ບາຣ ນະ ຕາແອີຍ ປາຍ: "ອິນເຈົາ ໄຣ ອີ ເມົານ ອາແຊັຣ ໄນ່."

35 ເຈີ່ ໄລ່ ເດີງ ອາແຊັຣ ແຈລ ກ້ອຍ ໂອນ ບໍ່ ເຢຊູ. ແວັດ ກ້ອຍ ໄລ່ ອິດ ຕໍາປັອກ; ເຈີ່ ໄລ່ ເຊີນ ຕິ່ງ ກຣັອງ ອາແຊັຣ ກ້ອຍ. ເຈີ່ ໄລ່ ໂຕຣງ ອາ ຊັອຣ ເຢຊູ ໂອນ ຈິ່ຣ ຕິ່ງ ກຣັອງ ອາແຊັຣ ກ້ອຍ.

36 ບັອງ ກາ ອັນ ເປາະ, ກວາຍ ເຊີນ ຕໍາປັອກ ຕິ່ງ ຮານາ ໂອນ ອັນ ຊາເຕົ້າຍ. 37 ພໍກາ ອັນ ແຕ້ອ ແຈ່ະ ເມືອງ ເຢຣູຊາເລັມ, ບໍ່ ອິນຕຸ ຮານາ ແຊງ ແຕ ກົຣ ອາໂຟນ, ກິ່ງ ລາລີ້ ກວາຍ ກາ ຕາປູນ ອັນ ໄລ່ ຕຣຍາວ ຮອນໆ. ເຣ່ງ ລາລີ້ ໄລ່ ຊາແອິນ ກະ ຍ່ອງ ເຢົາ ເຈົາຣາຊີ ມັຣ ຣາມິ່ຣ ຕາ ເກີຍ ເຮີມ ໄລ່ ເຮີມ ເຈີ່. 38 ໄລ່ ປາຍ: "ແຊຣ໌ ເຢົາ ເຈົາຣາຊີ ອາປັອງ ບຸ່ນ ໂອນ ເຕົ້າວ ປັຣເຍົາ ກາ ແຕ້ອ ບໍ່ ໄນ່ ຍ່ອນ ເຢົາ ເຈົາຣາຊີ ແປຣີ. ແຊຣ໌ ອຽນ ອໍ ແຕ້ອ ບໍ່ ມັນ ລ້ອງ ກະ ອໍານາດ ອາງອິ່ຣ ແຕ້ອ ບໍ່ ເຢົາ ເຈົາຣາຊີ ກາ ປັດ ກາເລີຍ ອິນແຍ່ະ ແຕ ການໍ່ອ."

39 ຕິ່ງ ຈຸ່ມ ກວາຍ ກິ່ງ ກ້ອຍ ເປັນ ກວາຍ ພາ ຣິຊາຍ ແຣີ. ໄລ່ ກ້ອຍ ປາຍ ໂຈະ ເຢຊູ: "ອາຈານ ເອີຍ! ອິງເຄາະ ອາຈານ ກາແອັຣ ກວາຍ ກາ ຕາປູ ນ ອາຈານ ອິນໂຈຍ ໂອນ ໄລ່ ຕຣຍາວ ນ້ອງ."

40 ມາ ເຢຊູ ຕາແອີຍ ໄລ່ ປາຍ: "ຄັນ ໄລ່ ໄນ່ ຕາ ເປັນ ຕຣຍາວ ນະກ້ອຍ, ເກົາ ອາຕີ ຕານ້ອງ ໂອນ ເຍົາ, ເຢົາ ເຈົາຣາຊີ ໂອນ ຕາເມົາ ແອັນ ຕຣຍາວ."

ເຢຊູ ຊ້ອງ ຕຸ່ຣ ຣາງິ່ຣ ແຕ ເມືອງ ເຢຣູຊາເລັມ

41 ພໍ ກາ ເຢຊູ ແຈ່ະ ອີ ແຕ້ອ ບໍ່ ເມືອງ ເຢຣູຊາເລັມ, ອັນ ຕາງ່ອນ ບໍ່ ເມືອງ ກ້ອຍ, ເຈີ່ ອັນ ເຍົາມ. 42 ກະ ອັນ ປາຍ: "ຕາໂງ ໄນ່ ເກົາ ຍິ່ອ ລາລີ້ ມັຣ ເຍົາ ກາ ແອັດ ຕິ່ງ ເມືອງ ໄນ່ ດັງ ອິງເຄາະ ເຍົາ ຕະ ນານະ ໂອນ ແຕ້ອ ເຍົາ ແອັດ ອຽນ ອໍ. ມາ ຊານໍ່ ເຍົາ ຕາ ແຕ້ອ ຊາປຸ່ຣ ແຕ ປັຣນາຍ ໄນ່. 43 ປັຣເນີ

ມັນເຕຣົາ ແຕ້ອ ຕາໂງ ໄລ່ ກາ ອີ ກາຈິດ ເຍົາ, ໄລ່ ບໍ່ ປຣຸ່ງ ຕະ ຄັນ ຈວບ ອິນແຍ່ະ ອິນແປຣ ເມືອງ ເຍົາ, ກະ ໄລ່ ຕາ ໂອນ ເຍົາ ລ້ອຣ ແຕ ເມືອງ. ໄລ່ ກາຕັງ ດໍອ ກູ່ ຮານາ. 44 ໄລ່ ກາຈິດ ຕັຣ ກູ່ ນະ ເຍົາ ກະ ຕາລຸຣ ອິນແຍ່ະ ເມືອງ ເຍົາ. ໄລ່ ຕະ ໂອນ ຕາ ເປັນ ຣາກັຣ ມວຍ ຣາມິ່ຣ ອິນເຕົ້າ ຕິ່ງ ເມືອງ ເຍົາ, ຍ່ອນ ເຍົາ ຕາ ເປັນ ຣາບູລ ແຕ ຕາໂງ ເຢົາ ເຈົາຣາ ຊີ ແຕ້ອ ຈ່ອຍ ອາມັງ ເຍົາ!"

ເຢຊູ ຕຸ່ຣ ກວາຍ ຈິແຈັງ ຕິ່ງ ດຸງ ຊາງ ປັດ (ມັດທາຍ 21:12-17; ມາຣະໂກ 11:15-19; ໂຢຮັນ 2:13-22)

45 ເຢຊູ ມູ່ດ ຕິ່ງ ຊັງອາຣ ດຸງ ຊາງ ປັດ, ເຈີ່ ອັນ ຕຸ່ຣ ອາລ້ອຣ ໄລ່ ກາ ຈິແຈັງ ຕິ່ງ ກ້ອຍ. 46 ອັນ ອາຕີ ໄລ່ ປາຍ: "ຕິ່ງ ປັຣນາຍ ເຢົາ ເຈົາຣາຊີ ຄຽນ ປາຕັບ ດໍອ ປາຍ: 'ເມົາ ດໍອ ດຸງ ເກົາ ລາ ດຸງ ໂອນ ເກົາແຊຣ໌.'

ມາ ເຍົາ ຕະ ດຸງ ໄນ່ ເກັດ ນະ ກິ່ບ ໂອນ ກວາຍ ຊາ ແວງ ມູ່ດ ໂຕ່ະ!"

47 ກູ່ ຮາໂງ ເຢຊູ ອາຕີ ຕິ່ງ ດຸງ ຊາງ ປັດ ກ້ອຍ. ມັຣ ກວາຍ ຊົດ ມູ່ ກາ ຊາງ ຣິດ ເຢົາ ເຈົາຣາຊີ, ກວາຍ ອາຕີ ຄານອດ, ກະ ກວາຍ ຊົດ ການໍ່ອ ແຣີ, ອິນແຍ່ະ ນະ ໄລ່ ກ້ອຍ ຈໍອ ຮານາ ອີ ກາຈິດ ເຢຊູ. 48 ມາ ໄລ່ ຕາ ດັງ ອີ ຕະ ນານະ ອີ ກາຈິດ ອັນ, ຍ່ອນ ມັຣ ກວາຍ ການໍ່ອ ໄລ່ ຍິ່ອ ອີ ຊາງັດ ລາລີ້ ປັຣນາຍ ເຢຊູ ອາຕີ.

## 20

ເມົາ ຕາແບັບ ເຢຊູ ແຕ ອໍານາດ ອັນ (ມັດທາຍ 21:23-27; ມາຣະໂກ 11:27-33)

1 ເປັນ ມວຍ ຕາໂງ ເຢຊູ ອາຕີ ປັຣນາຍ ອໍ ແຕ ເຢົາ ເຈົາຣາຊີ ໂອນ ກວາຍ ກອນແຊມ ຕິ່ງ ດຸງ ຊາງ ປັດ. ບັອງ ກາ ກ້ອຍ ເປັນ ມັຣ ກວາຍ ຊົດ ມູ່ ກາ ຊາງ ຣິດ ເຢົາ ເຈົາຣາຊີ, ກວາຍ ອາຕີ ຄານອດ, ກະ ກວາຍ ເທົາແກ ຈຸ່ມເຈີອ, ອິນແຍ່ະ ໄລ່ ກ້ອຍ ແຕ້ອ ບໍ່ ອັນ ກະ ຕາແບັບ ອັນ ປາຍ: 2 "ໄມ່ ເປີ ນ ອໍານາດ ແຕ ແລ່ະ ກາ ໄມ່ ຕະ ຮານະ ໄນ່? ເມົາ ໂອນ ໄມ່ ເປັນ ອໍານາດ ກ້ອຍ?"

3 ເຢຊູ ຕາແອີຍ ໄລ່ ປາຍ: "ເກົາ ຍິ່ອ ອີ ຕາ ແບັບ ເຍົາ ມວຍ ຣາມິ່ຣ ອິນໂຍ່ງ. ແຊຣ໌ ເຍົາ ຕາ ແອີຍ ໂອນ ເກົາ: 4 ເມົາ ໂອນ ອໍານາດ ບໍ່ ໂຢຮັນ ກາ ຕະ ຣິດ ຕິ່ງ ແດັອ? ອໍານາດ ກ້ອຍ ແຕ້ອ ແຕ ເຢົາ ເຈົາຣາຊີ ມາ ແຕ້ອ ແຕ ກວາຍ ຊ້ອງ?"

5 ໄລ່ ມານະ ຊຸ່ຮຽງ ມານະ ປາຍ: "ຄັນ ໄຮ ຕາ ແອີຍ ອັນ ປາຍ: 'ຮານະ ຮິດ ຕຶ້ງ ແດີອ໌ ໄມ່ ແຕ້ອ໌ ແຕ ເຢີງ ເຈົ້າຮາຊີ,' ອີງກ້ອຮ ອັນ ຕາແບີບ ລັຮ ໄຮ ປາຍ: 'ຄັນ ນະກ້ອຍ, ມານະ ເຍົາ ຕາ ເບີນ ຊາ ອໍາ ໂຢຮັນ?' 6 ມາ ຄັນ ໄຮ ຕາແອີຍ ອັນ ປາຍ: 'ຮານະ ຮິດ ຕຶ້ງ ແດີອ໌ ໄມ່ ຈຸງ ແຕ້ອ໌ ແຕ ກວາຍ ຊ້ອງ,' ໄຮ ອີງກ້ອຮ ກອນແຊມ ແກງ ຕາເມົາ ໂຈະ ໄຮ, ຍ່ອນ ໄລ່ ຊາອໍາ ໂຢຮັນ ລາ ກວາຍ ອາຕີ ຕາງ ປັຮນາຍ ເຢີງ ເຈົ້າຮາຊີ."

7 ນະກ້ອຍ ໄລ່ ຕາແອີຍ ເຢຊູ ປາຍ: "ຮີ ຕາ ດັງ."

8 ເຈີ່ ເຢຊູ ຕາແອີຍ ລັຮ ໄລ່ ປາຍ: "ເຈີ່ ເກົາ ຕາ ເບີນ ອາຕີ ແຕ່ ໂອນ ເຍົາ ດັງ ເມົາ ກາ ໂອນ ເກົາ ເບີນ ອໍານາດ ຕະ ມັຮ ຮານະ ໄມ່."

ປັຮນາຍ ຊາກໍາ ແຕ ມານະ ຈັຮ ປາໄລ ອາງຸ່ນ ຕຶ້ງ ຊວນ  
(ມັດທາຍ 21:33-46; ມາຣະໂກ 12:1-12)

9 ເຢຊູ ອາຕີ ມັຮ ກວາຍ ກຶ້ງ ກ້ອຍ ແຕ ປັຮນາຍ ຊາກໍາ ປາຍ: "ເບີນ ຮາເລົາ ມານະ ຈັຮ ວັຮ ອາງຸ່ນ ຕຶ້ງ ຊວນ. ອັນ ໂອນ ກວາຍ ການໍ່ອ໌ ເມີນ ຕະ ຊວນ ກ້ອຍ. ໄລ່ ປັຮອມ ຕາລາ ປັຮອມ ອີມ ແປອ໌ ປາໄລ ກ້ອຍ. ເຈີ່ ອັນ ເປາະ ກຣວາງ ການໍ່ອ໌.

10 ແຕ້ອ໌ ປາເນ່ນ ປາໄລ ກ້ອຍ ຈີນ, ອິນເຈົ້າ ກ້ອຍ ແປຮີ ກວາຍ ຊູລ ແຕ້ອ໌ ປີ ໄລ່ ກາ ເມີນ ຕະ ຊວນ ອັນ. ອັນ ໂອນ ຊູລ ກ້ອຍ ອິດ ປູ່ດ ອັນ ແຕ ຊວນ ກ້ອຍ. ມາ ໄລ່ ກາ ຕູຕະ ຮານະ ຕຶ້ງ ຊວນ ກ້ອຍ, ໄລ່ ປາຍຮ ກວາຍ ຊູລ ກ້ອຍ, ກະ ໄລ່ ຕູ່ຍຮ ໂອນ ອັນ ເຈົ້າ ລັຮ ແອີງ ຈະ ຊ້ອງ. 11 ນະກ້ອຍ ອິນ ເຈົ້າ ກ້ອຍ ແປຮີ ຊູລ ການໍ່ອ໌ ແອັນ ເປາະ ປີ ຊວນ ກ້ອຍ. ມາ ກວາຍ ກາ ເມີນ ຕະ ຊວນ ກ້ອຍ, ໄລ່ ປາຍຮ ຊາ ກວາຍ ຊູລ ກ້ອຍ, ກະ ໄລ່ ເວ່ນ ພາມາດ ອັນ; ເຈີ່ ໄລ່ ຕູ່ຍຮ ໂອນ ອັນ ເຈົ້າ ແອີງ ຈະ ຊາ. 12 ແວັດ ກ້ອຍ ອິນເຈົ້າ ແປຮີ ຊູລ ມານະ ແອັນ ເປາະ. ມາ ກວາຍ ກາ ເມີນ ຕະ ຊວນ ກ້ອຍ, ໄລ່ ຕະ ເບີ ອິນແຍ່ະ ຊູລ ກ້ອຍ, ກະ ໄລ່ ຕູ່ຍຮ ອາ ລ້ອຮ ອັນ ແຮີ. 13 ເຈີ່ ອິນເຈົ້າ ຊວນ ກ້ອຍ ຄິດ ປາຍ: 'ມານະ ແອັນ ເກົາ ອີ ຕະ? ເກົາ ແປຮີ ໂອນ ກອນ ຮາເລົາ ກາ ເກົາ ປາຊີ ລາລີ້ ແອັນ ໂອນ ເປາະ. ໄກຣ ລາລີ້ ໄລ່ ກ້ອຍ ຢ້າມັບ ອັນ.' 14 ມາ ແຕ້ອ໌ ໄລ່ ກາ ເມີນ ຕະ ຊວນ ກ້ອຍ ເຮີມ ກອນ ຮາເລົາ ອິນເຈົ້າ ຊວນ, ໄລ່ ມານະ ອາຕີ ມານະ ປາຍ: 'ໄມ່ ລາ ກອນ ອິນເຈົ້າ ກາ ຕາລາ ຊວນ. ໄຮ! ໄຮ ກາ ຈິດ ຕັຮ ອັນ! ເຈີ່ ອິນແຍ່ະ ມູ່ນ ອັນ ໄຮ ແອັນ ເບີນ ຕາລາ!' 15 ເຈີ່ ໄລ່ ກາຕ້ອງ ອາລ້ອຮ ກອນ ອິນ

ເຈົ້າ ກ້ອຍ ແຕ ຊວນ, ກະ ໄລ່ ກາຈິດ ຕັຮ ອັນ. ເຈີ່! ມານະ ອິນເຈົ້າ ຊວນ ອີ ຕະ ໂຈະ ກວາຍ ກາ ເມີນ ຕະ ຊວນ ອັນ? 16 ອັນ ອີ ເປາະ ກາຈິດ ຕັຮ ອິນແຍ່ະ ກວາຍ ກ້ອຍ, ກະ ອັນ ໂອນ ກວາຍ ການໍ່ອ໌ ແອັນ ເມີນ ຕະ ຊວນ ອັນ."

ມັຮ ກວາຍ ກາ ຊ້ອງ ປັຮນາຍ ກ້ອຍ, ໄລ່ ປາຍ: "ອິນໂຈຍ ໂອນ ແກັດ ນະກ້ອຍ!"

17 ມາ ເຢຊູ ແນ່ ປີ ໄລ່ ກະ ຕາແບີບ ປາຍ: "ຄັນ ຕາ ເບີນ ນະກ້ອຍ, ອິນເຕົ້າ ຮານະ ຕຶ້ງ ປຶ້ງ ປັຮນາຍ ເຢີງ ເຈົ້າຮາຊີ ປາຍ ແຕ ອິມແບີ:

'ຕາເມົາ ກາ ກວາຍ ເຈີງ ຕະ ດຸງ ຕາເວ່ງ ຕັຮ ເຈີ່, ມາ ເຢີງ ເຈົ້າຮາຊີ ອິດ ຕາເມົາ ກ້ອຍ ດໍອ໌ ຕຶ້ງ ກູຈັກ ຕະ ໂອນ ດຸງ ແກັດ ຈັບ.'

18 ກວາຍ ອາແລ່ະ ມາ ແດີມ ຕຶ້ງ ຕາເມົາ ກ້ອຍ, ອັນ ກູຈິດ ເລີ້ຍ. ມາ ຄັນ ຕາເມົາ ໄມ່ ຊາແລັຮ ໄກຣ ຕຶ້ງ ຈະ ກວາຍ, ກວາຍ ກ້ອຍ ເປຣັຍ ເລີ້ຍ."

ເຢຊູ ອາຕີ ແຕ ປຣະ ປາຊີ  
(ມັດທາຍ 22:15-22; ມາຣະໂກ 12:13-17)

19 ມັຮ ກວາຍ ຊົດ ມູ່ ກາ ຊາງ ຮິດ ເຢີງ ເຈົ້າຮາ ຊີ ກະ ມູ່ ກາ ອາຕີ ຄານອດ ຈໍອ໌ ຮານາ ອີ ໂກບ ແຕ່ ເຢຊູ, ຍ່ອນ ໄລ່ ດັງ ເຢຊູ ອາຕີ ປັຮນາຍ ຊາ ກໍາ ກ້ອຍ ແຕ ໄລ່. ມາ ໄລ່ ຕາ ຍັນ, ຍ່ອນ ໄລ່ ອີງ ກ້ອຮ ກວາຍ ກອນແຊມ. 20 ມາ ໄລ່ ຕາຕ້ອຍ໌ ເລືອຍໆ ແຕ ເຢຊູ. ໄລ່ ແປຮີ ກວາຍ ການໍ່ອ໌ ເປາະ ຈໍອ໌ ແນ່ ແຕ ອັນ. ກວາຍ ກ້ອຍ ຕະ ອິນຕີ ອາໂລກ ປາຍ ໄລ່ ລາ ກວາຍ ມັນຕັດ ອໍ, ມາ ໄລ່ ແຕ້ອ໌ ປີ ເຢຊູ ຍິອ໌ ອີ ຈໍອ໌ ຮາລີ້ ແຕ ອັນ. ໄລ່ ຍິອ໌ ອີ ໂກບ ອັນ ກະ ມ່ອບ ໂອນ ປີ ອາຕີ ກວາຍ ຊົດ. 21 ມັຮ ກວາຍ ກາ ຈໍອ໌ ແນ່ ກ້ອຍ ໄລ່ ຕາແບີບ ເຢຊູ ປາຍ: "ອາຈານ ເອີຍ! ຮີ ດັງ ເຈີ່ ອາຈານ ອາຕີ ປັຮນາຍ ປາຍຍ໌ ຊັງໄກຣ ອໍ. ກະ ຍິຮ ເມີງ ອາຈານ, ອິນແຍ່ະ ມັຮ ກວາຍ ແກັດ ລີຣາລີ້ ອິນແຍ່ະ. ອາຈານ ອາຕີ ຮານະ ເຢີງ ເຈົ້າຮາຊີ ປາຍຍ໌ ລາລີ້. 22 ນະກ້ອຍ ຮີ ແຊອ໌ ອາຈານ ອາຕີ ໂອນ ຮີ, ອິນເຕົ້າ ອາຈານ ຄິດ, ປາຍຍ໌ ມາ ຕາ ເບີນ ໄຮ ອີງເຄາະ ມ່ອບ ປຣະ ປາຊີ ໂອນ ເຕົ້າວ ປັຮເຍົາ ໂຮມ?"

23 ມາ ເຢຊູ ດັງ ເຈີ່ ໄລ່ ເບີນ ຮາງິຣ ໂກຣະ; ເຈີ່ ອັນ ປາຍ ໂຈະ ໄລ່: 24 "ເຍົາ ໂອນ ເກົາ ແນ່ ມວຍ ກຸອງ ປຣະ! ກຸອງ ປຣະ ໄມ່ ເບີນ ຮູ່ບ ເມົາ ກະ ຮາມິຣ ເມົາ ຄຽນ ດໍອ໌ ຕຶ້ງ ປຣະ ໄມ່?"

25 ໄລ່ ກ້ອຍ ຕາແອີຍ ປາຍ: "ເຕົ້າວ ປັຮເຍົາ ໂຮມ."

ນະກ້ອຍ ເຢຊູ ອາດີ ລັຮ ໄລ່ ປາຍ: "ຫຼ້າຮິ່ງ ເຕົ້າວ ປຣເຍົາ ໂຣມ, ອົງເຄາະ ເຍົາ ກູລັຮ ລັຮ ໂອນ ເຕົ້າວ ປຣເຍົາ ໂຣມ, ກະ ຫຼ້າຮິ່ງ ເຢົາງ ເຈົ້າຣາຊີ, ອົງ ເຄາະ ເຍົາ ກູລັຮ ລັຮ ໂອນ ເຢົາງ ເຈົ້າຣາຊີ."

26 ບັອງ ກາ ເຢຊູ ອາດີ ຍິ່ຮ ເມົາງ ກວາຍ ກຼິ່ງ ກ້ອຍ, ໄລ່ ກາ ລ່ອງ ເຢຊູ ຕາ ເບີນ ເຮີມ ໂລ່ຍຮ ອິນເຕົ້າ ແຕ ປຣນາຍ ເຢຊູ ອາດີ. ກະ ໄລ່ ຊ້ອງ ງິ່ງ ເຢຊູ ຕາແອັຍ ນະກ້ອຍ. ເຈີ່ ໄລ່ ຕາ ເບີນ ຕະ ແບຣ໌ ອິນເຕົ້າ ນ້ອງ.

ຈຸ່ມ ຊາດູກາຍ ຕາແບັບ ເຢຊູ ແຕ ກູຈິດ ອາມັງ ລັຮ (ມັດທາຍ 22:23-33; ມາຣະໂກ 12:18-27)

27 ເບີນ ກວາຍ ແຕ ຈຸ່ມ ຊາດູກາຍ ແຕ້ອ໌ ບີ ເຢຊູ. ໄລ່ ກ້ອຍ ປາຍ ກວາຍ ກາ ກູຈິດ ເຈີ່ ຕາ ເຕ້ອ໌ ອາມັງ ລັຮ. ໄລ່ ອາດີ ເຢຊູ ປາຍ: 28 "ອາຈານ ເອີຍ! ໂມເຊ ຄຽນ ໂອນ ໄຮ ດັງ ປາຍ: 'ຄັນ ອາຍ ກູຈິດ ເຈີ່, ມາ ລາກວຍ ອັນ ອິນນ້ອງ ອາມັງ, ກະ ໄລ່ ຕາ ເກີ່ຍ ເບີນ ກອນ, ນະກ້ອຍ ອາແອມ ອັນ ແອັນ ອົງເຄາະ ເຊັບ ລາກວຍ ອາຍ, ໂອນ ອັນ ເບີ ນ ກອນ ດໍອ໌ ແກັດ ກອນ ຈຸ່ມເຈີອ ອາຍ ອັນ.' 29 ອິມແບີ ອາໄຣ່ ເບີນ ຕາປູລ ນະ ແຊມອາຍ. ອາຍ ກໍ່ລ ໄລ່ ອິດ ລາກວຍ. ເຈີ່ ອັນ ກູຈິດ ແຕ ຕາ ຢວາຣ ເບີນ ກອນ. 30 ເຈີ່ ອາແອມ ກາ ເຕ່ດ ອັນ ແອັນ ເຊັບ ລາກວຍ ອາຍ ອັນ. 31 ກະ ມູເຈີງ ກ້ອຍ ເຕ່ ແຕ ອາແອມ ອິນດີ ເຕົ້າ ແຕ້ອ໌ ອາແອມ ອາລັອຣ. ຕາປູລ ນະ ໄລ່ ລາ ມູເຈີງ ອິນແຍ່ະ. ໄລ່ ກ້ອຍ ກູຈິດ ມາ ຕາ ຢວາຣ ເບີນ ກອນ. 32 ປຣ ຊົດ ເລີ້ຍ ມັນແຊມ ກ້ອຍ ກູຈິດ ເຕ່. 33 ພິກາ ມັຮ ກວາຍ ກູຈິດ ອາມັງ ລັຮ, ມັນແຊມ ກ້ອຍ ແກັດ ລາກວຍ ເມົາ? ຍ່ອນ ໄລ່ ຕາປູລ ນະ ຕາລາ ອິນ ແຍ່ະ ມັນແຊມ ກ້ອຍ!"

34 ເຢຊູ ຕາແອັຍ ໄລ່ ກ້ອຍ ປາຍ: "ມັນແຊມ ຣາເລົາ ອິດ ລາກວຍ ກາຢາອ໌ ລາ ແອັງ ຕື່ງ ແດີຍ ໄລ່ ຊ້ອງ. 35 ມາ ໄລ່ ກາ ເຢົາງ ເຈົ້າຣາຊີ ຊ້ອງ ໄກຣ, ເຢົາງ ເຈົ້າຣາຊີ ໂອນ ໄລ່ ກ້ອຍ ອາມັງ ລັຮ ແຕ ກູ ຈິດ, ກະ ອັນ ໂອນ ໄລ່ ອາມັງ ຊົດ ແດີຍ ຕື່ງ ອິນຕຸ ອັນ ຊົດ. ກວາຍ ກ້ອຍ ຕາ ເບີນ ຣາອິດ ນ້ອງ ແກັດ ລາກວຍ ກາຢາອ໌. 36 ໄລ່ ກ້ອຍ ລາ ນະ ເທວາດາ ເຢົາງ ເຈົ້າຣາຊີ; ໄລ່ ຕາ ເບີນ ກູຈິດ ນ້ອງ. ໄລ່ ແກັດ ກອນ ອາໄກ ເຢົາງ ເຈົ້າຣາຊີ, ແຕ ຕາໄງ

ໄລ່ ອາມັງ ລັຮ ແຕ ກູຈິດ ເຈີ່. 37 ແຕ ຣາມິ່ຮ ກວາ ຍ ກູຈິດ ມາ ອາມັງ ລັຮ ໄລ່, ໂມເຊ ໂອນ ໄຮ ດັງ ແຈງ ແຕ ຣາມິ່ຮ ກ້ອຍ ເຈີ່, ບັອງ ກາ ອັນ ຄຽນ ອາດີ ແຕ ປູລ ອູ່ຍຮ ເບີ ມາ ຕາ ເບີນ ກາດ. ອິນ ຕຸ ກ້ອຍ ອັນ ດໍອ໌ ເຢົາງ ເຈົ້າຣາຊີ ລາ 'ເຢົາງ ເຈົ້າຣາ ຊີ ກາ ອັບຣາຣາມ, ອີຊາກ, ກະ ຢາໂຄບ ອິນນ້ອງ ຊາງ ຕື່ງ ມັນລ້ອງ.' 38 ເຕ້ອ໌ ໄຮ ດັງ ໄລ່ ກ້ອຍ ອາ ມັງ ລັຮ ແຕ ກູຈິດ, ຍ່ອນ ກວາຍ ກູຈິດ ຕາ ເຕ້ອ໌ ຊາງ ເຢົາງ ເຈົ້າຣາຊີ. ແອັງ ໄລ່ ກາ ອາມັງ ຊ້ອງ ເຕ້ອ໌ ຊາງ ອັນ, ກະ ຍິ່ຮ ເມົາງ ເຢົາງ ເຈົ້າຣາຊີ ມັຮ ກວາຍ ແກັດ ອາມັງ ອິນແຍ່ະ."

39 ເຈີ່ ເຢຊູ ປາຍ ນະກ້ອຍ, ເບີນ ມັຮ ກວາຍ ອາດີ ຄານອດ ປາຍ ໂຈະ ອັນ: "ອາຈານ ເອີຍ! ປ ຍາຍ໌ ມັຮ ປຣນາຍ ອາຈານ ປາຍ!"

40 ແວັດ ກ້ອຍ, ໄລ່ ຕາ ຍິ່ນ ຕາແບັບ ນ້ອງ ເຢຊູ ມູ ປຣນາຍ ອິນເຕົ້າ ແຕ ອັນ.

ປຣນາຍ ຕາແບັບ ແຕ ກຣິດ (ມັດທາຍ 22:41-46; ມາຣະໂກ 12:35-37)

41 ເຢຊູ ຕາແບັບ ມັຮ ກວາຍ ກ້ອຍ ປາຍ: "ຍ່ອນ ນານະ ກວາຍ ເຕ້ອ໌ ປາຍ ກຣິດ ແຕ້ອ໌ ແຕ ຈຸ່ມເຈີອ ດາວິດ? 42 ກູໂຕ ດາວິດ ແຕ້ ອາດີ ຕື່ງ ບິ່ງ ປຣນາຍ ລໍ່າ ຍ່ອງ ເຢົາງ ເຈົ້າຣາຊີ ປາຍ: 'ເຢົາງ ເຈົ້າຣາຊີ ອາດີ ໂຈະ ອິນເຈົ້າ ເກົາ ປາຍ: 'ໄມ້ ຕາກູ ແອັດ ຍິ່ຮ ອາຕໍ່າ ເກົາ\*"

43 ເຕົ້າ ແຕ້ອ໌ ຕາໄງ ແລ່ະ ເກົາ ໂອນ ໄລ່ ກາ ຢິອ໌ ອີ ກາຈິດ ໄມ້ ແອັດ ປິ່ນ ຕາລາງ ອາເຢັງ ໄມ້, ຕະ ຊູລ ໄມ້."

44 ກູໂຕ ດາວິດ ແຕ້ ດໍອ໌ ກຣິດ ໄມ້ ລາ 'ອິນເຈົ້າ.' ນານະ ເຕ້ອ໌ ດາວິດ ດໍອ໌ ກວາຍ ແຕ ຈຸ່ມເຈີອ ອັນ ເບີນ ລາ 'ອິນເຈົ້າ?'"

ເຢຊູ ກາແອັຣ ກວາຍ ອິນໂຈຍ ຕະ ມູເຈີງ ມູ່ ກາ ອາດີ ຄານອດ (ມັດທາຍ 23:1-36; ມາຣະໂກ 12:38-40)

45 ບັອງ ກາ ກວາຍ ກຼິ່ງ ແອັດ ຊາງັດ ປຣນາຍ ເຢຊູ, ອັນ ອາດີ ມູ່ ກາ ຣຍານ ແຕ ອັນ ປາຍ: 46 "ເຍົາ ອິນໂຈຍ ຕະ ມູເຈີງ ກວາຍ ອາດີ ຄານອດ. ໄລ່ ກ້ອຍ ຢິອ໌ ລາລີ່ ອີ ແຊັບ ອາຍ່ອຣ ຕ່ອງ. ກະ ໄລ່ ຢິອ໌ ລາລີ່ ໂອນ ກວາຍ ການໍອ໌ ຣາບັນ ອໍ ໄລ່ ບັອງ ກາ ໄລ່ ແອັດ ກະ ກວາຍ ກຼິ່ງ. ກະ ໄລ່ ຢິອ໌ ອີ ເບີນ ກາເຈັງ ຕາກູ ອໍ ລາລີ່ ກາເລີຍ ອິນແຍ່ະ ແຕ ການໍອ໌ ແອັດ ຕື່ງ ດຸງ ຊາງ ກວາຍ ອິດຊະຣາ

\* 20:42 20:42 ປວາຍ ຣິດ ກວາຍ ອິດຊະຣາອລ, ຄັນ ກວາຍ ອາແລະ ມາ ຢິອ໌ ອີ ຢານໍ້ ກວາຍ ການໍອ໌, ນະກ້ອຍ ອັນ ໂອນ ກວາຍ ກ້ອຍ ແອັດ ຢິຮ ອາຕໍ່າ ອັນ.

ເອລ. ກະ ໄລ່ ຍິ້ອ ອີ ຕາກູ ຍິ້ອ ຕີ້ ແຕ້ອ້ ເມົ້າ ການີ້ ຍ ໄລ່ ແຕ້ອ້ ຈາ. <sup>47</sup> ໄລ່ ໄລ່ບ ອິນແຍ່ະ ມູ່ນ ອິມເປ່ ອ໌ ກູມາຍ. ກະ ໄລ່ ເກົ້າແຊອ໌ ຕີ້ ຍິ້ອ ອີ ໂອນ ເມົ້າ ປາຍ ໄລ່ ຕານ້ອງ ອໍ. ນະກ້ອຍ ເຈີ້ ປີ ມືງ ໂຕ່ດ ໄລ່ ກ້ອຍ ລາ ອິນຕ້ອງ ກາເລີຍ ແຕ ກວາຍ ການໍ່ ອ!"

### 21

ມານະ ອິມເປ່ອ໌ ກູມາຍ ໂຈະ ປຣະ ຊາງ  
(ມາຣະໂກ 12:41-44)

<sup>1</sup> ເຢຊູ ແນ່ ປີ ອິນຕຸ ກວາຍ ໂຈະ ປຣະ ຊາງ ຕຶ່ງ ດຸງ ຊາງ ປິດ. ອັນ ເຮີມ ກວາຍ ຊຸ ເບີນ ໂຈະ ປຣະ ຕຶ່ງ ກ້ອຍ. <sup>2</sup> ກະ ອັນ ເຮີມ ມານະ ອິມເປ່ອ໌ ກູມາຍ ກາ ກາດິດ ລາລີ້ ໂຈະ ບາຣ ກູອງ ປຣະ ຊ້ອງ. ເກົ້າ ບາຣ ກູອງ ປຣະ ໄນ່ ປິ່ອ໌ ລາລີ້. <sup>3</sup> ເຢຊູ ປາຍ: "ເກົ້າ ອາຕີ ຕານ້ອງ ໂອນ ເຍົາ, ອິມເປ່ອ໌ ກູມາຍ ໄນ່, ອັນ ກາດິດ ລາລີ້, ມາ ອັນ ໂຈະ ປຣະ ຊາງ ຊາອິ້ຍ ກາ ເລີຍ ອິນແຍ່ະ ແຕ ກວາຍ ການໍ່ອ໌. <sup>4</sup> ອິນແຍ່ະ ມັຣ ກວາຍ ການໍ່ອ໌ ກ້ອຍ ໂຈະ ປຣະ ແກຼຍ ໄລ່ ຕ້ອກ ຈາ, ມາ ອິມເປ່ອ໌ ກູມາຍ ໄນ່ ແອີ ລາລີ້. ມາແລ່ະ ອັນ ເບີນ, ອັນ ໂຈະ ອິນແຍ່ະ ມາຣ ກ້ອຍ."

ເຢຊູ ອາຕີ ແຕ ເມົ້າ ຕາລຸຣ ດຸງ ຊາງ ປິດ  
(ມັດທາຍ 24:1-2; ມາຣະໂກ 13:1-2)

<sup>5</sup> ເບີນ ກວາຍ ຕະ ອິນຕີ ແຕ ດຸງ ຊາງ ປິດ. ໄລ່ ປາຍ ອໍ ລາລີ້ ດຸງ ຊາງ ກ້ອຍ, ຍ່ອນ ເມົ້າ ອິດ ຕາ ມົ້າ ອໍ ຕະ. ກະ ຕຶ່ງ ດຸງ ຊາງ ກ້ອຍ ເບີນ ຊາອິ້ຍ ເກຣິ່ງ ອໍ ເມົ້າ ຊາງ ໂອນ ເຢົາງ ເຈົ້າຣາຊີ. <sup>6</sup> ມາ ເຢຊູ ອາຕີ ກວາຍ ກ້ອຍ ປາຍ: "ດຸງ ປິດ ເຍົາ ເຮີມ ຕຶ່ງ ອິນຕຸ ໄນ່, ເຈີ້ ປີ ມືງ ຕາເມົ້າ ເມົ້າ ຕະ ດຸງ ໄນ່ ຕາ ເບີນ ຣາແຕັດ ນ້ອງ ມັນຕຸ. ອັນ ຣາຕັຣ ອິນແຍ່ ະ."

ເຢຊູ ອາຕີ ແຕ ຕຸ່ຣ ກັດ ແຕ້ອ໌ ປີ ກວາຍ  
(ມັດທາຍ 10:16-25; 24:3-14; ມາຣະໂກ 13:3-13)

<sup>7</sup> ໄລ່ ຕາແບັບ ເຢຊູ ປາຍ: "ອາຈານ ເອີຍ! ແຊອ໌ ອາຈານ ອາຕີ ໂອນ ຮີ ດັງ, ອິນນ້ອງ ມາແລ່ະ ດຸ່ນ ຣານະ ໄນ່ ແຕ້ອ໌? ອິນເຕົ້າ ກາ ແຕ້ອ໌ ອາປັຣ ອິນໂຍ່ງ ໂອນ ເມົ້າ ດັງ ຣານະ ໄນ່ ອີ ແຕ້ອ໌?"

<sup>8</sup> ເຢຊູ ຕາແອີຍ ໄລ່ ປາຍ: "ອິງເຄາະ ເຍົາ ລາວັງ ໂອນ ອໍ; ອິນໂຈຍ ໂອນ ເມົ້າ ຣາພີ ເຍົາ. ເຈີ້ ປີ ມືງ ເບີນ ຊາອິ້ຍ ນະ ແຕ້ອ໌ ອາງ ຣາມິ້ຣ ເກົ້າ, ໄລ່ ປາຍ:

'ກູໂຕ ເກົ້າ ໄນ່ ແຕ້ ລາ ກຣິດ!' ກະ ໄລ່ ປາຍ ນະໄນ່ ແຮີ: 'ຕາໄງ ປັຣຊິດ ອີ ແຕ້ອ໌ ເຈີ້!' ມາ ເຍົາ ອິນ ໂຈຍ ປວາຍ ໄລ່. <sup>9</sup> ພໍກາ ເຍົາ ຊ້ອງ ຣານ ເມົ້າ ຣາ ຕະ ກະ ເມົ້າ ຕໍາໂປຣ ອີ ແກັດ ຊິດ ແຈ່ະໆ ເຢັ່ງໆ, ເຍົາ ອິນໂຈຍ ເກຣາະ ອິນເຕົ້າ. ຣານະ ໄນ່ ອິງເຄາະ ແຕ້ອ໌ ອິນໂຍ່ງ ເວົ້າຍ. ມາ ຕາ ຢວາຣ ແຕ້ອ໌ ຕາໄງ ປັຣຊິດ."

<sup>10</sup> ເຢຊູ ອາຕີ ແອັນ ປາຍ: "ຕາໄງ ກ້ອຍ ເບີນ ມູ່ ໄນ່ ຣາຕະ ກະ ມູ່ ກ້ອຍ, ກະ ກຣວາງ ໄນ່ ຣາຕະ ກະ ກຣວາງ ກ້ອຍ. <sup>11</sup> ເບີນ ຊາອິ້ຍ ອິນຕຸ ກູແຕອ໌ ຕັນຕິ້ຣ ກະ ກູກິດ. ເບີນ ຊາອິ້ຍ ອິນຕຸ ແອີ ຊັຣນາ ຈາ. ກະ ເບີນ ຊາອິ້ຍ ຣາມິ້ຣ ອາອິ້, ມານະ ແຕັດ ແຕ ມານະ. ເບີນ ຊາອິ້ຍ ຣາມິ້ຣ ຕຸ່ຣ ກັດ ແຕ້ອ໌, ກະ ຊາອິ້ຍ ຣາມິ້ຣ ກາ ຕາ ເກີ້ຍ ເຮີມ ແຕ້ອ໌ ແຕ ມັນລ້ອງ ເຕ່.

<sup>12</sup> "ມາ ອິນໂຍ່ງ ມັຣ ຣາມິ້ຣ ກ້ອຍ ອີ ແຕ້ອ໌, ເບີ ນ ເມົ້າ ໂທບ ເຍົາ ກະ ຕະ ຕຸ່ຣ ກັດ ເຍົາ. ໄລ່ ເດີງ ຕັດ ຊິ່ນ ເຍົາ ປີ ດຸງ ຊາງ ກວາຍ ອິດຊະຣາເອລ, ກະ ໄລ່ ໂຈະ ເຍົາ ຕຶ່ງ ກໍ່ອ໌. ໄລ່ ເດີງ ເຍົາ ຍິ້ອ ເມີງ ມັຣ ກວາ ຍ ເຕົ້າວ ປັຣເຍົາ ກະ ຍິ້ອ ເມີງ ມັຣ ກວາຍ ຊິດ ກາ ນໍ່ອ໌ ແອີ ຍ່ອນ ເຍົາ ປວາຍ ຣາມິ້ຣ ເກົ້າ. <sup>13</sup> ມັຣ ຣາມິ້ຣ ກ້ອຍ ຕະ ໂອນ ເຍົາ ເຕ່ອ໌ ອາຕີ ແຕ ຣານະ ເກົ້າ. <sup>14</sup> ອິງເຄາະ ເຍົາ ອິນໂຈຍ ອຸກ ດໍອ໌ ອິນເຕົ້າ ເຍົາ ຍິ້ອ ອີ ປາຍ ໂຈະ ກວາຍ ຊິດ ກ້ອຍ. <sup>15</sup> ບ້ອງ ກາ ກ້ອຍ, ເກົ້າ ແຕ້ ອາຕີ ໂອນ ເຍົາ ເບີນ ປັຣນາຍ ແຄວ໌ ໂອນ ເຍົາ ເຕ່ອ໌ ຕະ ອິນຕີ ໂຈະ ໄລ່ ກາ ອີ ຕະ ເຍົາ. ເຈີ້ ໄລ່ ຕາ ເຕ່ອ໌ ຣາຈຽນ ອິນເຕົ້າ ນ້ອງ ໂຈະ ເຍົາ. <sup>16</sup> ອິມເປ່ອ໌ ອິມປໍ, ແຊມອາຍ, ແຄີຍ ກູຢາ, ກະ ເຍົາ ເຍົາ, ອິນແຍ່ະ ໄລ່ ກ້ອຍ ມ່ອບ ເຍົາ ປີ ອາ ຕີ ກວາຍ ກາ ອີ ຕະ ເຍົາ. ກະ ເບີນ ກວາຍ ແຕ ມູ່ ເຍົາ, ເມົ້າ ກາຈິດ ຕັຣ. <sup>17</sup> ອິນແຍ່ະ ມັຣ ກວາຍ ຊາ ອັຣ ເຍົາ ຍ່ອນ ເຍົາ ປວາຍ ເກົ້າ. <sup>18</sup> ມາ ໂຊະ ຕຶ່ງ ແປຼ ເຍົາ ຕາ ເບີນ ປິດ ມວຍ ເຊັນ ອິນເຕົ້າ ເລັ່ຍ. <sup>19</sup> ຍ່ອນ ເຍົາ ຈິວ໌ ເລືອຍໆ, ນະກ້ອຍ ເຍົາ ເບີນ ອາມັງ ຊິດ ແດີຍ."

ເຢຊູ ອາຕີ ແຕ ເມົ້າ ຕາລຸຣ ເມືອງ ເຢຣູຊາເລັມ  
(ມັດທາຍ 24:15-21; ມາຣະໂກ 13:14-19)

<sup>20</sup> "ແຕ້ອ໌ ເຍົາ ເຮີມ ກຶ່ງ ຕາຣານ ແອັດ ອິມແປຣ ເມືອງ ເຢຣູຊາເລັມ, ນະກ້ອຍ ເຍົາ ດັງ ແຈ່ະ ເຈີ້ ເມົ້າ ອີ ຕາລຸຣ ຕັຣ ເມືອງ ກ້ອຍ. <sup>21</sup> ບ້ອງ ກາ ກ້ອຍ, ໄລ່ ກາ ແອັດ ຕຶ່ງ ແຄງ ຢູດາຍ, ອິງເຄາະ ໄລ່ ຕາ

ລ່ຽ ຊ້ອນ ແອິດ ປີ ກົນ ແອິນ. ໄລ່ ກາ ແອິດ ຕຶ້ງ ມືອງ ເຢຊູຊາເລັມ, ອົງເຄາະ ໄລ່ ລ້ອນ ແຕ ມືອງ ກ້ອຍ. ໄລ່ ກາ ແອິດ ຍິນ ນ້ອນ ມືອງ ເຢຊູຊາເລັມ, ອົງເຄາະ ໄລ່ ອິນໂຈຍ ມູ່ດ ຕຶ້ງ ມືອງ ກ້ອຍ. 22 ຕາ ໄງ ກ້ອຍ ລາ ຕາໄງ ເຢິງ ເຈົ້າຮາຊີ ຕະ ມັຮ ຈຸ່ມ ອິດ ຊະຮາເອລ ຍ່ອນ ໄລ່ ຕາ ເບິນ ຊາງັດ, ໂອນ ແກິດ ຊົງໄກຮ ມັຮ ປັຮນາຍ ເມົ້າ ຄຽນ ຕຶ້ງ ປຶ້ງ ປັຮນາຍ ເຢິງ ເຈົ້າຮາຊີ ແຕ ອິມແບິ. 23 ຕຶ້ງ ຕາໄງ ກ້ອຍ ໂຕຍົ ບາບ ລາລີ້ ໄລ່ ກາ ແອິດ ຕຶ້ງ ຈະ ກະ ໄລ່ ກາ ອາອຸອ ກອນ. ຍ່ອນ ຕາໄງ ກ້ອຍ ເບິນ ຕຸ່ຮ ກັດ ລາລີ້ ແຕ້ອ ປີ ກຮວາງ ໄນ່, ກະ ເຢິງ ເຈົ້າຮາຊີ ຕະ ມັຮ ກວາຍ ໄນ່. 24 ອັນ ກາ ເມົ້າ ໄປ້ອ ແຕ ດາວ. ອັນ ກາ ເມົ້າ ໂກບ, ເດິງ ຕະ ຊູລ ປີ ກຮວາງ ການ້ອ ແອິນ. ກະ ມັຮ ກວາຍ ກາ ຕາ ແກິນ ກວາຍ ອິດຊະ ຮາເອລ, ໄລ່ ຕາລຸຮ ອິນແຍ່ະ ມືອງ ເຢຊູຊາເລັມ ເຕົ້າ ຊົດ ແດິຍ ໄລ່."

ເຢຊູ ອາຕີ ແຕ ກອນ ເຢິງ ແກິດ ກວາຍ ແຕ້ອ ລ້ຮ (ມັດທາຍ 24:29-31; ມາຣະໂກ 13:24-27)

25 "ແວັດ ກ້ອຍ, ແກິດ ຄານະ ຕຶ້ງ ມັດ ມານາງ, ຕຶ້ງ ຮາລັງ ກາໄຊ, ກະ ຕຶ້ງ ມັນໂຕຮ ແຮິ. ກະ ຕຶ້ງ ກູ ແຕອ ໄນ່ ເບິນ ຊາອິ້ຍ ກຮວາງ ກວາຍ ຊ້ອງ ຈຶ່ງ ກະ ອົງກ້ອຮ ລາລີ້. ແຕ້ອ ທາເລ ແກິດ ປ່ອງ ໂຮ ເຣ່ງ ລາລີ້. 26 ກວາຍ ປິດ ຮາງຶຮ ຍ່ອນ ໄລ່ ອົງກ້ອຮ ກະ ໄລ່ ທຣາະ ລາລີ້ ຮາມິ້ຮ ຕຸ່ຮ ກັດ ແຕ້ອ ປີ ກູ່ ກຮວາງ. ກະ ມັຮ ຮາມິ້ຮ ອິນເຕົ້າ ເບິນ ອຳນາດ ຕຶ້ງ ມັນລ້ອງ, ເຢິງ ເຈົ້າຮາຊີ ຕະ ໂອນ ຮາໄນ່ ອິນ ແຍ່ະ. 27 ແວັດ ກ້ອຍ ເມົ້າ ເຮິມ ກອນ ເຢິງ ແກິດ ກວາຍ ແຕ້ອ ອິນດີ ຮາມິ້ລ, ອັນ ເບິນ ອຳນາດ ປິດ ລາລີ້ ກະ ຮຸ່ບເຮືງ ອັນ ອາງອິຮ. 28 ບ້ອງ ກາ ເຢົາ ເຮິມ ຮາມິ້ຮ ໄນ່ ແຕ້ອ, ເຢົາ ຕາຍິ່ງ ຕາງ່ອນ ອາຊ້ອຮ, ຍ່ອນ ແຈ່ະ ອີ ແຕ້ອ ເຈີ້ ປາແນ່ນ ເຢິງ ເຈົ້າຮາຊີ ຈ່ອຍ ອາມິ່ງ ເຢົາ."

ປັຮນາຍ ຊາກຳ ແຕ ອາລ່ອງ ລາວັຮ (ມັດທາຍ 24:32-35; ມາຣະໂກ 13:28-31)

29 ເຈີ້ ເຢຊູ ອາຕີ ໄລ່ ແຕ ປັຮນາຍ ຊາກຳ ປາຍ: "ເຢົາ ແນ່ ປີ ກັລ ລາວັຮ ກະ ປີ ກັລ ອາລ່ອງ ການ້ອ ອິ ແຮິ. 30 ແຕ້ອ ເຢົາ ເຮິມ ອາລ່ອງ ກ້ອຍ ໄບອິ

ຊາລາ, ນະກ້ອຍ ເຢົາ ດັງ ແຈ່ະ ອີ ແຕ້ອ ກາໄຊ ພ ວາອິ. 31 ມູເຈິງ ກ້ອຍ ເຕ່, ແຕ້ອ ເຢົາ ເຮິມ ມັຮ ຮາມິ້ຮ ເກົາ ອາຕີ ເຢົາ, ເຢົາ ດັງ ປາຍ ແຈ່ະ ເຈີ້ ເຢິງ ເຈົ້າຮາຊີ ຕະ ຊົດ. 32 ເກົາ ອາຕີ ຕານ້ອງ ໂອນ ເຢົາ, ກວາຍ ແອິດ ຕຶ້ງ ແດິຍ ໄນ່ ຕາ ເບິນ ກູຈິດ ອິນແຍ່ ະ, ອິນໂຍ່ງ ແຕ ອິນແຍ່ະ ຮາມິ້ຮ ໄນ່ ແຕ້ອ. 33 ມັນ ລ້ອງ ກະ ກູແຕອ ແກິດ ປິດ ອິນແຍ່ະ, ມາ ປັຮນາຍ ເກົາ ອາຕີ ເຢົາ ຕາ ເບິນ ແກິດ ປິດ."

ເຢຊູ ອາຕີ ອົງເຄາະ ເຢົາ ລາວັງ ອິ ຈະ ເຢົາ ເບິ ມ

34 "ອົງເຄາະ ເຢົາ ລາວັງ ອິ ຈະ ເຢົາ ເບິມ. ອິນ ໂຈຍ ໂອນ ຮາງຶຮ ເຢົາ ຄິດ ຍິອ ອີ ຈ່ອຍ ຈາ ຊາອິ້ຍ ແຕ້ລາ ບູລ ລຳແປະ ລັງຮຍາ; ກະ ອິນໂຈຍ ອຸກ ອົງກ້ອຮ ແອິ ເກຣິ່ງ ຕັອກ ຈາ ຕຶ້ງ ແດິຍ ອາມິ່ງ ເຢົາ. ຄັນ ນະກ້ອຍ, ແຕ້ອ ຕາໄງ ເກົາ ເຈົ້າ ລັຮ ປີ ກູແຕອ ໄນ່, ຕາໄງ ກ້ອຍ ເກົາ ແຕ້ອ ໄວ່ ລາລີ້, ມາ ອົງກ້ອຮ ປາຍຍົ ເຢົາ ຕາ ເບິນ ຄິດ ອິນເຕົ້າ ແຕ ເກົາ ອີ ແຕ້ອ ລັຮ. 35 ຕາໄງ ກ້ອຍ ແຕ້ອ ປີ ກູ່ ນະ ກວາຍ ແອິດ ຕຶ້ງ ກູແຕອ ໄນ່, ລາ ໄວ່ ລາລີ້ ນະ ຕາ ຮິ ໄລ່ຮ. 36 ນະກ້ອຍ ອົງເຄາະ ເຢົາ ຄິດ ເລືອຍາ ກະ ທຣາະ ເລືອຍາ ຕາໄງ ກ້ອຍ. ອົງເຄາະ ເຢົາ ເກົາແຊອິ ໂອນ ເຕອິ ເຢົາ ວຍາຮ ແວັດ ແຕ ຮາມິ ຮ ຕຸ່ຮ ກັດ ກ້ອຍ, ກະ ໂອນ ເຕອິ ເຢົາ ຕາຍິ່ງ ຍິຮ ເມິງ ອັນ, ແຕ້ອ ຕາໄງ ກອນ ເຢິງ ແກິດ ກວາຍ ອາເບຼຮ ອິນແຍ່ະ ມັຮ ກວາຍ."

37 ກູ່ ຮາໄງ ເຢຊູ ອາຕີ ຕຶ້ງ ດຸງ ຊາງ ປິດ, ມາ ແຕ້ອ ຊາເດົາ ອັນ ເປາະ ບິ ປີ ກົນ ອາໂປນ. 38 ແຕ້ອ ປັງ ຕາຮິບ ແຕ ປຶ້ ເບິນ ກຶ້ງ ກວາຍ ແຕ້ອ ອິນແຍ່ະ ປີ ດຸງ ຊາງ ປິດ ອີ ຊາງັດ ເຢຊູ ອາຕີ.

## 22

ກວາຍ ຊົດ ຈໍອິ ຮານາ ອີ ກາຈິດ ເຢຊູ (ມັດທາຍ 26:1-5; ມາຣະໂກ 14:1-2; ໂຢຮັນ 11:45-53)

1 ແຈ່ະ ອີ ແຕ້ອ ຕາໄງ ຈຸ່ມ ອິດຊະຮາເອລ ຕະ ຮິດ ຈາ ໂດຍ ບຸຮ ແອິ ບວຮ ຊິ້ອິ ຕາປູລ ຕາໄງ. ມາ ຕາໄງ ມວຍ ຕຶ້ງ ຕາປູລ ຕາໄງ ກ້ອຍ ໄລ່ ຕະ ຮິດ ຊາແຍິ ຕາໄງ ເຢິງ ເຈົ້າຮາຊີ ອາກູຮ ໄລ່.\* 2 ມັຮ ກວາຍ ຊົດ ມູ່ ກາ ຊາງ ຮິດ ເຢິງ ເຈົ້າຮາຊີ ກະ ມັຮ

\* 22:1 22:1 ຕາໄງ ອາກູຮ ລາ ຕາໄງ ໄລ່ ຊາແຍິ ທາດາ ເຢິງ ເຈົ້າຮາຊີ ແຕ ອິມແບິ ຊາລຮ ດຸງ ກວາຍ ອິດຊະຮາເອລ ຕາ ເບິນ ກາຈິດ ກອນ ຮາເລົາ ກັລ ໄລ່. ກະ ຮິດ ຈາ ໂດຍ ບຸຮ ແອິ ບວຮ ຊິ້ອິ ລາ ຊາແຍິ ຕາໄງ ໄລ່ ລ້ອນ ແຕ ກຮວາງ ເອຍິບ ໄລ່ ຕາ ຕັນ ຕະ ໂດຍ ບຸຮ ເບິນ ບວຮ ຊິ້ອິ.



ກາ ກວາຍ ອາຕີ ຄານອດ, ໄລ່ ຈໍ້ອ ຮາມາ ຍິ້ອ ອີ ກາຈິດ ເຢຊູ. ມາ ໄລ່ ອີງກ້ອນ ກອນແຊມ ໄລ່.

ຢູດາ ປຣ່ອມ ມ່ອບ ເຢຊູ  
(ມັດທາຍ 26:14-16; ມາຕະໂກ 14:10-11)

3 ບັອງ ກາ ກ້ອຍ ເຢິງ ຊາຕານ ມຸ່ດ ຕຶ້ງ ຮາງື່ຮ ຢູດາ ອິດ ຊະກາຣີອົດ. ຢູດາ ໄມ່ ລາ ແຕ ໄລ່ ມວຍ ຈິ່ດ ລາ ບາຣ ນະ ກາ ຣຍານ ແຕ ເຢຊູ ເຕ່.  
4 ນະກ້ອຍ ຢູດາ ເປາະ ຣາມິຣ ມັຣ ກວາຍ ຊິດ ມູ່ ກາ ຊາງ ຮິ່ດ ເຢິງ ເຈົາຣາຊີ ກະ ໄລ່ ກາ ກຍາອ ດຸງ ຊາງ ປິ່ດ. ອັນ ຊັຣຣົງ ກະ ໄລ່ ນານະ ອີ ຕະ ໂອນ ເຕ້ອ ເບິນ ໂກບ ເຢຊູ. 5 ໄລ່ ກ້ອຍ ຊ້ອງ ແອິນ ລາ ລີ່, ກະ ໄລ່ ປຣ່ອມ ອີ ໂອນ ຢູດາ ປຣະ. 6 ຢູດາ ປຣ່ອມ, ເຈີ່ ອັນ ຈໍ້ອ ຕາໄງ ແລະ ກາ ອໍ ມ່ອບ ເຢຊູ ໂອນ ໄລ່, ລາ ຕາໄງ ກາ ຕາ ເບິນ ກຶ້ງ ກວາຍ ແອິດ ແຈະ ເຢຊູ.

ເຢຊູ ກະ ມູ່ ກາ ຣຍານ ແຕ ອັນ ຈາ ຊາແຍີ ຕາ ໄງ ອາກຸ້ຣ  
(ມັດທາຍ 26:17-30; ມາຕະໂກ 14:12-26; ໂຢຮັນ 13:21-30; ໂກຣິນໂທ ມວຍ 11:23-25)

7 ແຕ້ອ ເຈີ່ ຕາໄງ ກວາຍ ອິດຊະຣາເອລ ຕະ ຮິ່ດ ຈາ ໂດຍ ບຸຣ ແອີ ບວຣ ຊີ້ອ. ຕາໄງ ກ້ອຍ ອີງເຄາະ ໄລ່ ກຍາກ ແກະ ນຸ່ມ ປວາຍ ຄານອດ ຊາແຍີ ຕາໄງ ເຢິງ ເຈົາຣາຊີ ອາກຸ້ຣ ໄລ່. 8 ນະກ້ອຍ ເຢຊູ ແປຣີ ແປໂຕ ກະ ໂຢຮັນ ປາຍ: "ເຍົາ ເປາະ ແຕງ ຊັຣນາ ຈາ ໂອນ ໄຣ ຈາ ຊາແຍີ ລັຣ ຕາໄງ ອາກຸ້ຣ."

9 ມາ ໄລ່ ຕາແບັບ ລັຣ ເຢຊູ: "ອິນຕຸ ແລະ ອາຈານ ໂອນ ຮິ ກຽມ?"

10 ເຈີ່ ເຢຊູ ອາຕີ ໄລ່ ປາຍ: "ເຍົາ ຊາງັດ ໂອນ ອໍ. ບັອງ ກາ ເຍົາ ມຸ່ດ ຕຶ້ງ ວີ່ລ, ເຍົາ ເບິນ ຣາມິ ຣ ມານະ ຮາເລົາ ຕາແຢອ້ ແຈັຣ ແຕ້ອ. ເຍົາ ປ ວາຍ ອິນຕຸນ ກຣັອງ ກວາຍ ກ້ອຍ. ດຸງ ອາແລະ ອັນ ມຸ່ດ, ເຍົາ ມຸ່ດ ດຸງ ກ້ອຍ ເຕ່. 11 ເຈີ່ ເຍົາ ອາ ຕີ ກວາຍ ອິນເຈົາ ດຸງ ກ້ອຍ, ປາຍ: 'ອາຈານ ຍິ້ອ ອີ ຕາແບັບ ໄມ່ ປາຍ: "ອິນແລະ ກຸງ ຕາມອຍ? ຕຶ້ງ ກຸງ ກ້ອຍ ເກົາ ຍິ້ອ ອີ ຈາ ເປລ ບູຍ ຊາແຍີ ຕາ ໄງ ອາກຸ້ຣ ກະ ມູ່ ກາ ຣຍານ ແຕ ເກົາ.'" 12 ແວັດ ເຍົາ ຕາແບັບ ນະກ້ອຍ, ເຈີ່ ອັນ ຊາດອຍ ໂອນ ເຍົາ ມວຍ ກຸງ ປິ່ດ ຕຶ້ງ ຮານ ແປງ. ກຸງ ກ້ອຍ ເບິນ ເຈີ່ ກູ່ ຣາມິຣ ມັຣ ທາຣິງ ຕັອກ. ເຍົາ ກຽມ ຕຶ້ງ ກຸງ ກ້ອຍ."

13 ເຈີ່ ໄລ່ ບາຣ ນະ ແປໂຕ ກະ ໂຢຮັນ ເປາະ, ກະ ໄລ່ ຣາມິຣ ນະ ເຢຊູ ອາຕີ ດໍອ ແຕ ອິນໂຍງ. ເຈີ່ ໄລ່ ກຽມ ຊັຣນາ ຈາ ມວຍ ເປລ ຊາແຍີ ຕາໄງ ອາກຸ້ຣ ອີງກ້ອຍ. 14 ແຕ້ອ ປາແນ່ນ ຈາ, ເຢຊູ ຕາກູ ຈາ ມັນຕຸ ກະ ໄລ່ ມວຍ ຈິ່ດ ລາ ບາຣ ນະ ກາ ອັນ ຣຽຣ. 15 ເຈີ່ ເຢຊູ ອາຕີ ໄລ່ ປາຍ: "ເກົາ ຊ້ອງ ຍິ້ອ ອີ ຈາ ຈ່ອຍ ລາລີ່ ກະ ເຍົາ ຊາແຍີ ຕາໄງ ອາກຸ້ຣ ແຕ ອິນໂຍງ ເກົາ ຕາ ຢວາຣ ຣາມິຣ ຕຸຣ ກັດ. 16 ເກົາ ອາຕີ ເຍົາ, ເກົາ ຕາ ເບິນ ຈາ ຈ່ອຍ ນ້ອງ ກະ ເຍົາ ນະ ເປລ ໄມ່ ເຕ້າ ແຕ້ອ ຕາໄງ ແກັດ ຣາປຍາຍ ມັຣ ຣາມິຣ ເມົາ ຊາແຍີ ຈາ ຈ່ອຍ ເປລ ໄມ່. ຕາໄງ ກ້ອຍ ລາ ຕາໄງ ເຢິງ ເຈົາຣາຊີ ຕະ ຊັດ."

17 ແວັດ ເຢຊູ ປາຍ ນະກ້ອຍ, ອັນ ອິດ ຈອກ ແຕ້ອ ກະ ຊາແອິນ ເຢິງ ເຈົາຣາຊີ. ເຈີ່ ອັນ ປາຍ "ເຍົາ ອິດ ອິມແປອ້ ແຕ້ອ ໄມ່ ໂອນ ເຍົາ ຈ່ອຍ. 18 ເກົາ ອາຕີ ເຍົາ, ເກົາ ຕາ ເບິນ ຈ່ອຍ ນ້ອງ ແຕ້ອ ແຕ ປາໄລ ອາງຸ່ນ ໄມ່ ເຕ້າ ແຕ້ອ ຕາໄງ ເຢິງ ເຈົາຣາ ຊີ ຕະ ຊັດ."

19 ເຈີ່ ອັນ ອິດ ໂດຍ ບຸຣ ແອິນ ກະ ຊາແອິນ ເຢິງ ເຈົາຣາຊີ. ເຈີ່ ອັນ ປີຣ ອາແວີຍ ໂອນ ໄລ່. ອັນ ປາຍ "ໂດຍ ບຸຣ ໄມ່ ລາ ຈະ ເກົາ ກາ ເກົາ ມ່ອບ ໂອນ ເຍົາ. ໂອນ ເຍົາ ຈາ ດຸ ໂດຍ ບຸຣ ໄມ່ ດໍອ ຊາ ແຍີ ລັຣ ເກົາ."

20 ແມິມ ໄລ່ ຈາ ໂດຍ ບຸຣ ອັນ ຕະ ມູເຈິງ ກ້ອຍ ເຕ່. ເຢຊູ ອິດ ຈອກ ແຕ້ອ, ເຈີ່ ອັນ ປາຍ: "ແຕ້ອ ໄມ່ ລາ ອາຮາມ ເກົາ, ອາຮາມ ໄມ່ ຕາໂຣະ ລາ ຕະ ໂອນ ເຍົາ ດັງ ປາຍ ເຢິງ ເຈົາຣາຊີ ປີຣຄັນ ປີຣນາຍ ຕາໄມ ກະ ເຍົາ.

21 "ມາ ໄກຣ ລາລີ່, ແຕ ເຍົາ ກາ ຈາ ມວຍ ອິນ ຕຸ ກະ ເກົາ ຊານຸ່, ເບິນ ມານະ ກາ ອີ ມ່ອບ ເກົາ ໂອນ ເມົາ ກາຈິດ. 22 ກອນ ເຢິງ ແກັດ ກວາຍ ອີງ ເຄາະ ກູຈິດ ນະ ເຢິງ ເຈົາຣາຊີ ປາຍ ດໍອ ເຈີ່. ມາ ບາບູ ລາລີ່ ໂອນ ກວາຍ ກາ ມ່ອບ ອັນ ໂອນ ເມົາ ກາຈິດ.

23 ເຈີ່ ໄລ່ ມານະ ຕາແບັບ ມານະ ປາຍ: "ເມົາ ແຕ ມູ່ ໄຣ ກາ ອີ ຕະ ຣານະ ໄມ່?"

ເມົາ ປິ່ດ ກາເລີຍ ຕຶ້ງ ມູ່ ກາ ຣຍານ ແຕ ເຢຊູ?  
24 ມັຣ ມູ່ ກາ ຣຍານ ແຕ ເຢຊູ ຣາຈຽນ ຣາຕ ວາອ ຍິ້ອ ອີ ດັງ ເມົາ ຕຶ້ງ ມູ່ ໄລ່ ກາ ປິ່ດ ກາເລີຍ ແຕ ການໍອ. 25 ເຢຊູ ອາຕີ ໄລ່ ປາຍ: "ໄລ່ ກາ ແກັດ ເຕົາວ ປີຣເຍົາ ຕຶ້ງ ແດີຍ ໄມ່ ໄລ່ ຕະ ໂອນ ກອນແຊມ ອີງກ້ອນ ໄລ່; ກະ ມັຣ ກວາຍ ເບິນ ອໍາ ມາດ ຍິ້ອ ອີ ໂອນ ກວາຍ ການໍອ ຍ່ອງ ປາຍ ໄລ່

ລາ ກວາຍ ເກີ້ຍ ຈ່ອຍ ເຍົາ. 26 ມາ ເຍົາ ອີນໂຈຍ ຕະ ນະ ກ້ອຍ. ຄັນ ອາແລະ ແຕ ມູ່ ເຍົາ ມາ ປິດ ກາ ເລີຍ, ໂອນ ອັນ ຕະ ນະ ກວາຍ ແກດ. ກະ ອັນ ກາ ແກັດ ອາຣຍາຍຮ, ໂອນ ອັນ ແກັດ ນະ ກວາຍ ຕະ ຣານະ. 27 ກວາຍ ອາແລະ ເຍົາ ເຮີມ ປິດ ກາເລີຍ, ອັນ ກາ ຕາກູ ຈາ ຊ້ອງ, ແຕ່ລາ ອັນ ກາ ຕະ ຣານະ ແຕງ ຊ້ຽນ ໂອນ ເມົາ ຈາ? ອັນ ກາ ຕາກູ ຈາ, ລາ ປິດ ກາເລີຍ. ມາ ເກົາ ແອັດ ກະ ເຍົາ ລາ ນະ ກວາ ຍ ຕະ ຣານະ ຊ້ອງ.

28 "ເຍົາ ລາ ມູ່ ກາ ແອັດ ກະ ເກົາ; ເຍົາ ຕາ ເບີ ນ ຕັຮ ເກົາ ບັອງ ກາ ເກົາ ຣາມັຮ ຊາອີ້ຍ ຕຸ່ຮ ກັດ. 29 ອີມບໍ່ ເກົາ ມ່ອບ ໂອນ ເກົາ ເບີນ ອຳນາດ. ມູ ເຈິງ ກ້ອຍ ແຕ່ ເກົາ ມ່ອບ ໂອນ ເຍົາ ເບີນ ອຳນາດ. 30 ເກົາ ໂອນ ເຍົາ ຈາ ຈ່ອຍ ມັນຕຸ ກະ ເກົາ ບັອງ ກາ ເກົາ ຕະ ຊັດ. ກະ ເກົາ ໂອນ ເຍົາ ຕາກູ ຕັດຊີ້ນ ອີນ ແຍ່ະ ມວຍ ຈິດ ລາ ບາຣ ຈຸ່ມ ກວາຍ ອິດຊະຣາ ເອລ."

ເຢຊູ ອາຕີ ອີນໂຍ່ງ ແຕ ຣານະ ເປໂຕ ຕະ (ມັດທາຍ 26:31-35; ມາຣະໂກ 14:27-31; ໂຢຮັນ 13:36-38)

31 "ຊີໂມນ, ຊີໂມນ ເອີຍ! ເຢິງ ຊາຕານ ແຊອ໌ ເຈິ່ ອີ ເບີນ ເຍົາ. ອັນ ຍິອ໌ ອີ ຕະ ຕຸ່ຮ ກັດ ເຍົາ ນະ ເມົາ ອູມ ອີງກຣອຍ ທໍຣ໌. 32 ມາ ເກົາ ເກົາແຊອ໌ ໂອນ ຣາງິຣ ໄມ່ ຊາອຳ ຕາ ເບີນ ແກັດ ຮຸ່ງ. ແຕ່ອ໌ ໄມ່ ລັບ ຊາອຳ ລັຮ ເກົາ, ອີງເຄາະ ໄມ່ ຈ່ອຍ ມັຮ ກາ ແຊມອາຍ ໄມ່ ກາ ເກົາ ຣຽຮ ເຈິ່, ໂອນ ຣາງິຣ ໄລ່ ຊາອຳ ເຣ່ງ ອາຊ້ອຮ ແອັນ."

33 ມາ ເປໂຕ ຕາແອີຍ ລັຮ ເຢຊູ ປາຍ: "ອີນ ເຈົ້າ ເອີຍ! ເກົາ ປຣ່ອມ ເຈິ່ ອີ ເປາະ ກະ ອີນເຈົ້າ. ຄັນ ເມົາ ໂກບ ອີນເຈົ້າ ໂຈະ ຕິ່ງ ກໍ່ອ໌, ແຕ່ລາ ເມົາ ກາຈິດ, ລາ ເກົາ ປຣ່ອມ ເປາະ ກະ ອີນເຈົ້າ ແຕ່."

34 ມາ ເຢຊູ ອາຕີ ລັຮ ເປໂຕ ປາຍ: "ເປໂຕ ເອີຍ! ອີນໂຍ່ງ ອີນຕຣວຍ ຕາກາຣ, ໄມ່ ກາແລີຍຮ ປາຍ ຕາ ເບີນ ດັງ ເກົາ ໄປ ເຮີບ."

ເຢຊູ ປາຕັບ ເຕີມ ແອັນ ໂຈະ ມູ່ ກາ ຣຍານ ແຕ ອັນ 35 ເຢຊູ ຕາແບີບ ມູ່ ກາ ຣຍານ ແຕ ອັນ ປາຍ: "ບັອງ ກາ ເກົາ ແປຣີ ເຍົາ ເປາະ ມາ ເກົາ ຕາ ເບີນ ໂອນ ເຍົາ ເດີງ ຕູຍ ປຣະ, ແຕ່ລາ ຕູຍ ເກຣັງ, ແຕ່ ລາ ແກັບ, ບັອງ ກາ ກ້ອຍ ເຍົາ ແອີ ອີນເຕົ້າ ບໍ່?"

ໄລ່ ຕາແອີຍ: "ຮີ ຕາ ເບີນ ແອີ ອີນເຕົ້າ."

36 ເຈິ່ ເຢຊູ ປາຍ ແອັນ ໂຈະ ໄລ່: "ມາ ຊານຸ່ ເກົາ ອາຕີ ເຍົາ ປາຍ: ອາແລະ ກາ ເບີນ ຕູຍ ປຣະ, ໂອນ

ອັນ ກາຕັນ. ອາແລະ ກາ ເບີນ ຕູຍ ເກຣັງ, ໂອນ ອັນ ເດີງ. ອາແລະ ກາ ແອີ ດາວ, ໂອນ ອັນ ຈີ ອາ ຍ້ອຮ ຕ່ອງ, ເຈິ່ ແຈິງ ດາວ ແອັນ. 37 ຍ່ອນ ເກົາ ອາຕີ ເຍົາ, ຊານຸ່ ອີງເຄາະ ແກັດ ຣາປຍາຍ໌ ແຕ ປັຣ ມາຍ ເຢິງ ເຈົ້າຣາຊີ ອາຕີ ນະໄມ່ ແຕ ເກົາ:

'ເມົາ ປາຍ ອັນ ລາ ກວາຍ ໂລ່ຍຮ ຄານອດ ມູເຈິງ ເມົາ ແຕ່.'

ກະ ປັຣມາຍ ການໍ້ອ໌ ເມົາ ປາຍ ແຕ ເກົາ ລາ ແກັດ ຣາປຍາຍ໌ ແຕ່."

38 ມູ່ ກາ ຣຍານ ແຕ ເຢຊູ ອາຕີ ອັນ ປາຍ: "ອີນ ເຈົ້າ ເອີຍ! ໄມ່! ເບີນ ເຈິ່ ບາຣ ມາ ດາວ."

ເຈິ່ ເຢຊູ ຕາແອີຍ: "ເອີ. ແປະ ເອີຍ."

ເຢຊູ ເກົາແຊອ໌ (ມັດທາຍ 26:36-46; ມາຣະໂກ 14:32-42)

39 ເຢຊູ ລັອຣ ແຕ ອີນຕຸ ກ້ອຍ ເປາະ ປິ ກັຣ ອາ ໂປ່ນ, ລາ ອີນຕຸ ອັນ ເກີ້ຍ ເປາະ ແຕ ອີນໂຍ່ງ. ມັຮ ມູ່ ກາ ຣຍານ ແຕ ອັນ ເປາະ ແຕ່ ກະ ອັນ. 40 ແຕ່ອ໌ ປິ ອີນຕຸ ກ້ອຍ ອັນ ອາຕີ ມູ່ ກາ ຣຍານ ແຕ ອັນ ປາຍ: "ອີງເຄາະ ເຍົາ ເກົາແຊອ໌ ອີນໂຈຍ ໂອນ ເມົາ ປັຣຕີ່ ເຍົາ ຕະ ໂລ່ຍຮ."

41 ເຢຊູ ລັອຣ ແຕ ໄລ່ ເບີນ ມາຣ ມວຍ ຈິດ ອາຈ້ອງ. ເຈິ່ ອັນ ກຸ່ ຣາໂກລ, ກະ ອັນ ເກົາແຊອ໌.

42 ອັນ ເກົາແຊອ໌ ປາຍ: "ອີມບໍ່ ເອີຍ! ຄັນ ໄມ່ ປຣ່ອມ, ເກົາ ແຊອ໌ ໄມ່ ອາຍີ່ ຈອກ ຕຸ່ຮ ກັດ ໄມ່ ໂອນ ແວັດ ແຕ ເກົາ. ມາ ອີມບໍ່ ອີນໂຈຍ ປວາຍ ນະ ຣາງິຣ ເກົາ ອີ ເບີນ, ມາ ປວາຍ ນະ ຣາງິຣ ອີມ ບໍ່ ຍິອ໌ ຊ້ອງ."

43 ເຈິ່ ເບີນ ມານະ ເທວາດາ ເຢິງ ເຈົ້າຣາຊີ ແຕ ມັນລ້ອງ ແຕ່ອ໌ ປິ ເຢຊູ ຈ່ອຍ ໂອນ ຣາງິຣ ອັນ ເຮີບ ຈິວ ຣາມິຣ ຕຸ່ຮ ກັດ ກ້ອຍ.† 44 ເຢຊູ ຊ້ອງ ຕຸ່ຮ ກັດ ອາຣິກ ລາລີ່ ຕິ່ງ ຣາງິຣ ອັນ. ເຈິ່ ອັນ ເກົາ ແຊອ໌ ອີນແຍ່ະ ຣາງິຣ ຣາແອີ. ເບີນ ປາຮູຣ ລັອຣ ແຕ ຈະ ອັນ ນະ ອາຣາມ ຕາເຢາະ ຕິ່ງ ກູແຕອ໌.

45 ພິກາ ເຢຊູ ຢວຣ ແຕ ອັນ ເກົາແຊອ໌, ອັນ ເຈົ້າ ລັຮ ປິ ມູ່ ກາ ຣຍານ ແຕ ອັນ. ອັນ ເຮີມ ໄລ່ ປິ, ຍ່ອນ ໄລ່ ຊ້ອງ ລາແກັຣ ຄິດ ຊາອີ້ຍ ຣາມິຣ ຕຸ່ຮ. 46 ເຢຊູ ຕາແບີບ ໄລ່: "ນານະ ເຍົາ ປິ? ເຍົາ ຕາແມີ! ກະ ອີງເຄາະ ເຍົາ ເກົາແຊອ໌ ອີນໂຈຍ ໂອນ ເມົາ ປັຣຕີ່ ເຍົາ ຕະ ໂລ່ຍຮ."

† 22:43 22:43 ເບີນ ມັຮ ປິ່ງ ປັຣມາຍ ແຕ ອີມແບີ ຕາ ເບີນ ເບີນ ຣານາ 43 ກະ 44 ໄມ່.

ເມົ້າ ໂກບ ເຢຊູ  
(ມັດທາຍ 26:47-56; ມາຣະໂກ 14:43-50; ໂຢຮັນ 18:3-11)

47 ບັ້ອງ ກາ ເຢຊູ ອິນມັ້ອງ ອາຕີ ມູ່ ກາ ຮຍານ ແຕ ອັນ, ເບິນ ກຶ້ງ ກວາຍ ແຕ້ອ້ ປິ ໄລ່. ກະ ຢູດາ, ອັນ ກາ ແຕ ມວຍ ຈິດ ລາ ບາຣ ມະ ກາ ຮຍານ ແຕ ເຢຊູ ເຕ່, ອັນ ເດີງ ກວາຍ ກຶ້ງ ກ້ອຍ ແຕ້ອ້ ແຈ່ະ ເຢຊູ. ເຈີ່ ອັນ ໂຮນ ເຢຊູ. 48 ມາ ເຢຊູ ຕາ ແບິບ ຢູດາ ປາຍ: "ຢູດາ ເອີຍ, ໄມ່ ໂຮນ ເກົາ ກອນ ເຢີງ ແກັດ ກວາຍ, ຍ່ອນ ໄມ່ ມ່ອບ ໂອນ ເມົ້າ ກາ ຈິດ ເກົາ ບໍ່?"

49 ພໍກາ ມູ່ ກາ ຮຍານ ແຕ ເຢຊູ ເຮິມ ຮານະ ກາ ອີ ແຕ້ອ້ ກ້ອຍ, ໄລ່ ຕາແບິບ ເຢຊູ: "ອິນເຈົ້າ ເອີຍ! ປຍາຍ ບໍ່, ໂຮ ໄປ້ອ້ ໄລ່ ແຕ ດາວ?"

50 ກະ ມານະ ແຕ ໄລ່ ກ້ອຍ ໄປ້ອ້ ມານະ ກວາ ຍ ຊູລ ອັນ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົ້າຮາຊີ, ຕາອ້ອຣ ກູຕູຣ ຍັຣ ອາຕໍ່າ.

51 ເຢຊູ ປາຍ ກະ ໄລ່ ນະໄນ່: "ອິນໂຈຍ! ໂອນ ໄລ່ ຕະ." ເຈີ່ ອັນ ອາແຕັດ ລັຣ ກູຕູຣ ກວາຍ ກ້ອຍ ໂອນ ອັນ ແກັດ ແບຣັຣ.

52 ເຈີ່ ເຢຊູ ປາຍ ໂຈະ ມັຣ ກວາຍ ຊົດ ມູ່ ກາ ຊາງ ຮິດ ເຢີງ ເຈົ້າຮາຊີ, ມັຣ ຕາຮານ ກາ ກຍາອ້ ດຸງ ຊາງ ປິດ, ກະ ມັຣ ກວາຍ ເທົາແກ ຈຸ່ມເຈີ້ອ, ໄລ່ ກາ ແຕ້ອ້ ໂກບ ອັນ ປາຍ: "ນານະ ເຍົາ ເດີງ ດາວ ກະ ຮາກັລ ແຕ້ອ້ ໂກບ ເກົາ? ເຍົາ ຄຶດ ເກົາ ລາ ກວາຍ ຊາແວງ ບໍ່? 53 ກູ່ ຮາໂງ ເກົາ ແອັດ ກະ ເຍົາ ຕິ່ງ ດຸງ ຊາງ ປິດ ມາ ເຍົາ ຕາ ເບິນ ຕະ ອິນເຕົ້າ ກະ ເກົາ. ມາ ຕາໂງ ໄມ່ ເຍົາ ເຕ່ອ້ ປວາຍ ຮາງິ່ຣ ເຍົາ ເບິມ, ປວາຍ ຮານະ ການໍາ."

ເປໂຕ ກາແລິຍຣ ເຢຊູ  
(ມັດທາຍ 26:57-58, 69-75; ມາຣະໂກ 14:53-54, 66-72; ໂຢຮັນ 18:12-18, 25-27)

54 ເຈີ່ ໄລ່ ໂກບ ເຢຊູ, ກະ ໄລ່ ເດີງ ອັນ ແຕ້ອ້ ບໍ່ ດຸງ ອັນ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົ້າຮາຊີ. ເປໂຕ ຮາປວາຍ ເຢີງໆ ອິນຕຸ່ນ ກຣັອງ ເຢຊູ. 55 ແຕ້ອ້ ໄລ່ ມູ່ດ ຕິ່ງ ຊັງອາຣ ດຸງ ກວາຍ ກ້ອຍ, ໄລ່ ຍຸ່ ອູ່ຍຣ. ເຈີ່ ໄລ່ ຕາກູ ອິງແຮງ ອູ່ຍຣ ມັນຕຸ. ກະ ເປໂຕ ລາ ອິງແຮງ ກະ ໄລ່ ກ້ອຍ ເຕ່.

56 ມາ ເບິນ ມານະ ມັນແຊມ ກາ ຕະ ຮານະ ຕິ່ງ ດຸງ ກ້ອຍ ເຮິມ ເປໂຕ ຕາກູ ອິງແຮງ ອູ່ຍຣ ອິງກ້ອຍ. ອັນ ແມ່ ຊັຣກ້ອງ ບໍ່ ເປໂຕ; ເຈີ່ ອັນ ປາຍ: "ອັນ ໄມ່ ລາ ແອັດ ກະ ເຢຊູ ກ້ອຍ ເຕ່."

57 ມາ ເປໂຕ ຕາ ເບິນ ງິ່ນ. ອັນ ປາຍ: "ໄມ່ ອິນ ໂຈຍ ລາ ອາມໍ້ອ້! ເກົາ ຕາ ເບິນ ດັງ ອັນ ກ້ອຍ."

58 ເຈີ່ ມາໂຮຍ ແຕ້ອ້ ກວາຍ ການໍ້ອ້ ແອັນ ເຮິມ ເປໂຕ, ກະ ກວາຍ ກ້ອຍ ປາຍ: "ໄມ່ ລາ ແຕ ມູ່ ກ້ອຍ ເຕ່."

ມາ ເປໂຕ ຕາແອິຍ: "ເກົາ ຕາ ເກົນ ແຕ ມູ່ ກ້ອຍ ແດັຣ!"

59 ແວັດ ແຕ ກ້ອຍ ເບິນ ມັຣ ມວຍ ໂມງ ແອັນ, ແຕ້ອ້ ມານະ ຮາເລົາ ການໍ້ອ້ ຊາກັລ ເປໂຕ. ອັນ ປາຍ: "ໂກຣ ລາລີ້ ກວາຍ ໄມ່ ແອັດ ກະ ເຢຊູ, ຍ່ອນ ອັນ ລາ ກວາຍ ຄາລີເລ ເຕ່."

60 ມາ ເປໂຕ ຕາແອິຍ: "ເກົາ ຕາ ດັງ ອິນເຕົ້າ ໄມ່ ປາຍ."

ບັ້ອງ ກາ ເປໂຕ ປາຍ ນະກ້ອຍ, ອິນຕຣວຍ ຕາ ກາຣ ແຕ້. 61 ເຈີ່ ເຢຊູ ກູລຽວ ແມ່ ບໍ່ ເປໂຕ. ກະ ເປໂຕ ຊາແອິ ລັຣ ເຢຊູ ປາຍ ກະ ອັນ ນະໄນ່: "ແຕ ອິນໂຍ່ງ ອິນຕຣວຍ ຕາ ຢວາຣ ຕາກາຣ, ໄມ່ ກາ ແລິຍຣ ເກົາ ເບິນ ໄປ ເຮິບ."

62 ເຈີ່ ເປໂຕ ລັຣອຣ ແຕ ກ້ອຍ ກະ ອັນ ເຍົາມ ລາ ລີ້.

ເມົ້າ ອາເຢ່ ພາມາດ ເຢຊູ  
(ມັດທາຍ 26:67-68; ມາຣະໂກ 14:65)

63 ກວາຍ ກາ ກຍາອ້ ເຢຊູ ໄລ່ ອາເຢ່ ພາມາດ ອັນ ກະ ປຍາຍຣ ອັນ ແຮິ. 64 ໄລ່ ຕັນ ມັດ ອັນ; ເຈີ່ ໄລ່ ປາຍ: "ເອົາ ໄມ່ ປາຍ, ໄມ່ ກາ ອາຕີ ຕາງ ປັຣມາຍ ເຢີງ ເຈົ້າຮາຊີ, ເມົ້າ ກາ ຈົກ ໄມ່."

65 ກະ ຊາອິ້ຍ ຮາມິ້ຣ ການໍ້ອ້ ໄລ່ ພາມາດ ອັນ.

ເຢຊູ ແອັດ ຍັຣ ເມີງ ຈຸ່ມ ກວາຍ ຊົດ ອິດຊະ ຮາອາລູ  
(ມັດທາຍ 26:59-66; ມາຣະໂກ 14:55-64; ໂຢຮັນ 18:19-24)

66 ແຕ້ອ້ ປັງ ຕາຮິບ ປັຣແນິ ແອັນ ມັຣ ກວາຍ ເທົາແກ ຈຸ່ມເຈີ້ອ, ມັຣ ກວາຍ ຊົດ ມູ່ ກາ ຊາງ ຮິດ ເຢີງ ເຈົ້າຮາຊີ, ກະ ມັຣ ໄລ່ ກາ ອາຕີ ຄານອດ, ໄລ່ ໂຮມ ມັນຕຸ. ເມົ້າ ເດີງ ເຢຊູ ແຕ້ອ້ ບໍ່ ໄລ່. ເຈີ່ ໄລ່ ຕາແບິບ ອັນ ປາຍ: 67 "ໄມ່ ລາ ກຣິດ, ມາ ຕາ ເບິນ? ໂອນ ໄມ່ ອາຕີ ຮິ."

ມາ ເຢຊູ ຕາແອິຍ ໄລ່ ປາຍ: "ຄັນ ເກົາ ອາຕີ ເຍົາ, ລາ ເຍົາ ຕາ ເບິນ ຊາງັດ. 68 ກະ ຄັນ ເກົາ ຕາ ແບິບ ເຍົາ, ລາ ເຍົາ ຕາ ເບິນ ຕາແອິຍ ເກົາ. 69 ມາ ແຕ ໄມ່ ເຈີ່ ບໍ່ ເມີງ, ເກົາ ກອນ ເຢີງ ແກັດ ກວາ ຍ, ຕາກູ ຍັຣ ອາຕໍ່າ ເຢີງ ເຈົ້າຮາຊີ."

70 ເຈີ່ ອິນແຍ່ະ ມັຣ ໄລ່ ຕາແບິບ ອັນ: "ໄມ່ ລາ ກອນ ເຢີງ ເຈົ້າຮາຊີ ມາ ຕາ ເບິນ?"

ເຢຊູ ຕາແອິຍ ປາຍ: "ປຍາຍ ມັຣ ເຍົາ ປາຍ."

71 ເຈົ້າ ໄລ່ ປາຍ: "ຕາຈຳ ໄຮ ອີ ຕາແບັບ ນ້ອງ ກວາຍ ການໍ້ອ. ໄຮ ຊ້ອງ ແຕ ແບອ໌ ອັນ ເບີມ ປາຍ ລາ ແປະ."

### 23

ເຢຊູ ຕາຍຶ່ງ ຍັຮ ເມີງ ປີລາດ

(ມັດທາຍ 27:1-2, 11-14; ມາຣະໂກ 15:1-5; ໂຢຮັນ 18:28-38)

1 ບ້ອງ ກາ ກ້ອຍ ອິນແຍ່ະ ມູ່ ໄລ່ ຊັຮຮົງ ເດີງ ອາຊວຍ ເຢຊູ ແຕ້ອ໌ ປີ ປີລາດ.\* 2 ແອັດ ປີ ກ້ອຍ ໄລ່ ຕູນ ເຢຊູ, ປາຍ: "ຮິ ຣາມິຮ ກວາຍ ໄນ່, ອັນ ອີ ຕະ ໂອນ ກຣວງ ໄຮ ແກັດ ຕາ ເບີນ ຊັງໄກຣ. ອັນ ປາຍ: 'ເຍົາ ອິນໂຈຍ ມ່ອບ ປຣະ ປາຊີ ປີ ເຕົາວ ປັຣເຢົາ ກວາຍ ໂຣມ.' ກະ ອັນ ປາຍ ອັນ ລາ ກຮິ ດ, ເຕົາວ ປັຣເຢົາ ກວາຍ ອິດຊະຣາເອລ."

3 ປີລາດ ຕາແບັບ ເຢຊູ: "ແມ່ນ ມາ ຕາ ເບີນ ໄມ່ ລາ ເຕົາວ ປັຣເຢົາ ກວາຍ ອິດຊະຣາເອລ?" ເຢຊູ ຕາແອັຍ ອັນ: "ແມ່ນ, ປຍາຍ໌ ໄມ່ ປາຍ."

4 ເຈົ້າ ປີລາດ ອາຕີ ມັຮ ກວາຍ ຊົດ ມູ່ ກາ ຊາງ ຮິດ ເຢີງ ເຈົາຣາຊີ, ກະ ມັຮ ກວາຍ ກອນແຊມ ປາຍ: "ເກົາ ຕາ ເບີນ ຣາມິຮ ມວຍ ຣາມິຮ ອິນ ເຕົາ ໄລ່ຍຮ ແຕ ກວາຍ ໄນ່."

5 ມາ ໄລ່ ແປຣີ ເລືອຍໆ ໂອນ ປີລາດ ຕະ ເຢຊູ. ໄລ່ ປາຍ: "ແຕ ຕາແບັ ລາລີ້ ກວາຍ ໄນ່ ເປາະ ກູ ຈຸກ ຕຶ້ງ ແຄງ ຄາລີເລ. ແວັດ ກ້ອຍ ອັນ ເປາະ ກູ ຈຸກ ຕົວ ແຄງ ຢູດາຍ. ຊານໍ່ ອັນ ແຕ້ອ໌ ກູຈຸກ ປີ ໄນ່ ແອັນ."

6 ພໍກາ ປີລາດ ຊ້ອງ ໄລ່ ປາຍ ແຕ ແຄງ ຄາລີເລ, ອັນ ຕາແບັບ ໄລ່ ກ້ອຍ, ເຢຊູ ລາ ກວາຍ ຄາລີເລ, ມາ ຕາ ເບີນ. 7 ເຈົ້າ ແຕ້ອ໌ ປີລາດ ດັງ ເຢຊູ ລາ ກວາຍ ຄາລີເລ, ອັນ ດັງ ຊົດ ເຢຊູ ລາ ປີ ເຕົາວ ປັຣເຢົາ ເຮໂຣດ. ເຈົ້າ ອັນ ແປຣີ ເມົາ ເດີງ ເຢຊູ ເປາະ ປີ ເຮໂຣດ ແອັນ. ຕາໄງ ກ້ອຍ ເຮໂຣດ ແອັດ ຕຶ້ງ ເມືອງ ເຢຣູຊາເລັມ ເຈົ້າ.

ເຢຊູ ຕາຍຶ່ງ ຍັຮ ເມີງ ເຕົາວ ປັຣເຢົາ ເຮໂຣດ

8 ພໍກາ ເຮໂຣດ ເຮີມ ເຢຊູ, ອັນ ແອັນ ລາລີ້. ດຸ່ນ ເຈົ້າ ອັນ ຍິອ໌ ອີ ຣາມິຮ ເຢຊູ, ຍ່ອນ ອັນ ຊ້ອງ ຊາອິ້ຍ ຣາມິຮ ເມົາ ອາຕີ ແຕ ເຢຊູ. ກະ ອັນ ຍິອ໌ ອີ ເຮີມ ເຢຊູ ຕະ ຣານະ ຕາ ເກັຍ ເຮີມ. 9 ເຈົ້າ ອັນ ຕາແບັບ ເຢຊູ ຊາອິ້ຍ ຣາມິຮ. ມາ ເຢຊູ ຕາ ເບີ ນ ຕາແອັຍ ອັນ ມວຍ ຣາມິຮ ອິນເຕົາ. 10 ມັຮ ກວາຍ ຊົດ ມູ່ ກາ ຊາງ ຮິດ ເຢີງ ເຈົາຣາຊີ, ກະ

ມັຮ ກວາຍ ອາຕີ ຄານອດ, ໄລ່ ແອັດ ຕາຍຶ່ງ ຕູນ ເຢຊູ. 11 ເຈົ້າ ເຮໂຣດ ກະ ຕາຮານ ອັນ ປາຍ ເຢຊູ ນະ ອິມປູຣ ຊາແນຣ. ກະ ໄລ່ ຣາຢອຍ໌ ອັນ. ໄລ່ ອາແຊັບ ເຢຊູ ອາຍ້ອຣ ຕ່ອງ ນະ ເຕົາວ ປັຣເຢົາ ເກັຍ ແຊັບ. ເຈົ້າ ໄລ່ ໂອນ ເມົາ ເປາະ ອາຊວຍ ລັຮ ອັນ ປີ ປີລາດ. 12 ພໍກາ ຕາໄງ ກ້ອຍ ເຮໂຣດ ກະ ປີລາດ ແກັດ ຣາຕອຍ ລັຮ, ຍ່ອນ ແຕ ອິນໂຍ່ງ ໄລ່ ມານະ ອວານ ມານະ.

ເມົາ ຮຽຮ ເຢຊູ ອົງເຄາະ ກູຈິດ

(ມັດທາຍ 27:15-26; ມາຣະໂກ 15:6-15; ໂຢຮັນ 18:39-19:16)

13 ເຈົ້າ ປີລາດ ປາໂຣມ ລັຮ ມັຮ ກວາຍ ຊົດ ມູ່ ກາ ຊາງ ຮິດ ເຢີງ ເຈົາຣາຊີ, ມັຮ ກວາຍ ຊົດ ກາ ນໍ້ອ, ກະ ມັຮ ກວາຍ ກອນແຊມ; 14 ເຈົ້າ ອັນ ປາຍ ໂຈະ ໄລ່ ນະໄນ່: "ເຍົາ ເດີງ ກວາຍ ໄນ່ ແຕ້ອ໌ ປີ ເກົາ, ເຍົາ ປາຍ ອັນ ປັຣຕື້ ກວາຍ ການໍ້ອ ຕະ ຕາ ປຍາຍ໌. ມາ ເກົາ ຕາແບັບ ອັນ ເຈົ້າ ຍັຮ ເມີງ ເຍົາ, ກະ ເກົາ ຕາ ເບີນ ຣາມິຮ ມວຍ ຣາມິຮ ອິນເຕົາ ໄລ່ຍຮ ອັນ ຕະ ມັຮ ປັຣນາຍ ເຍົາ ຕູນ ອັນ. 15 ກະ ເຮໂຣດ ຕາ ເບີນ ຣາມິຮ ໄລ່ຍຮ ອິນເຕົາ ເຕ່, ຍ່ອນ ອັນ ເດີງ ລັຮ ກວາຍ ໄນ່ ແຕ້ອ໌ ປີ ເກົາ. ຕາ ເບີນ ຣາມິຮ ອິນ ເຕົາ ອັນ ຕະ ມາ ເຕ້ອ໌ ກາຈິດ ອັນ. 16 ນະກ້ອຍ ເກົາ ໂອນ ເມົາ ປຍາຍຣ ຊ້ອງ, ເຈົ້າ ເກົາ ໂອນ ອາ ໂຣຍຣ."

17 ຍ່ອນ ຕາໄງ ກ້ອຍ ລາ ເມົາ ຕະ ຮິດ ອາກັຮ, ອົງເຄາະ ປີລາດ ອາໂຣຍຣ ມານະ ກວາຍ ເມົາ ໂທບ ດໍອ໌ ຕຶ້ງ ກໍ່ອ.† 18 ມາ ກວາຍ ກຶ້ງ ກ້ອຍ ປາຍ ມວຍ ແປຣິຣ ເຮ່ງ ລາລີ້ ປາຍ: "ອິດ ເດີງ ຊ້ອງ ອັນ ໄນ່! ອາໂຣຍຣ ໂອນ ຮິ ບາຣາບາ!"

19 ບາຣາບາ ໄນ່ ລາ ອິນນ້ອງ ໂຕ່ດ ຕຶ້ງ ກໍ່ອ, ຍ່ອນ ອັນ ລາ ກວາຍ ກາ ກູຈຸກ ຕຶ້ງ ເມືອງ ກ້ອຍ, ກະ ອັນ ກາຈິດ ກວາຍ ການໍ້ອ໌ ແຮີ. 20 ປີລາດ ຍິອ໌ ອີ ອາໂຣຍຣ ເຢຊູ; ເຈົ້າ ອັນ ປາຍ ລັຮ ໂຈະ ມັຮ ກວາຍ ກຶ້ງ ກ້ອຍ. 21 ມາ ໄລ່ ກ້ອຍ ປາຍ ເຮ່ງ ລາ ລີ້ ແອັນ: "ແຕ້ຣ ອັນ ຕຶ້ງ ອາລ່ອງ ຊັງກັງ! ແຕ້ຣ ອັນ ຕຶ້ງ ອາລ່ອງ ຊັງກັງ!"

22 ເຈົ້າ ປີລາດ ຕາແບັບ ລັຮ ໄລ່ ແຕ້ອ໌ ໄປ ເຮີບ: "ອິນເຕົາ ໄລ່ຍຮ ເຍົາ ເຮີມ ອັນ ຕະ? ເກົາ ຕາ ເບີ ນ ຣາມິຮ ມວຍ ຣາມິຮ ອິນເຕົາ ມາ ເຕ້ອ໌ ກາຈິດ ອັນ. ນະກ້ອຍ ເກົາ ໂອນ ປຍາຍຣ ຊ້ອງ ອັນ, ເຈົ້າ ເກົາ ໂອນ ອາໂຣຍຣ."

\* 23:1 23:1 ປີລາດ ລາ ກວາຍ ໂຣມ ກາ ຕະ ຊົດ ອິນແຍ່ະ ແຄງ ຢູດາຍ. † 23:17 23:17 ຊາອິ້ຍ ປຶ້ງ ປັຣນາຍ ແຕ ອິມເບີ ຕາ ເບີນ ເບີນ ຣານ 17 ໄນ່.

23 ມາ ໄລ່ ແປຣີ ເລືອຍໆ ປີລາດ, ກະ ໄລ່ ປາຍ ເຮ່ງ ລາລີ້ ໂອນ ປີລາດ ແຕ້ຮ ເຢຊູ ຕຶ້ງ ອາລ່ອງ ຊັງກັງ. ເຈີ້ ປີລາດ ຊາງັດ ປັຣນາຍ ໄລ່ ກ້ອຍ.  
 24 ນະກ້ອຍ ປີລາດ ແປຣີ ເມົ້າ ຕະມັຮ ປັຣນາຍ ໄລ່ ກູຈຸກ. 25 ກະ ອັນ ອາໂຣຍຮ ໂອນ ໄລ່ ບາຣາບາ, ອັນ ກາ ໄລ່ ແຊຣ໌ ແຕ ອານໍ່. ກວາຍ ກ້ອຍ ເມົ້າ ໂກບ ດໍອ໌ ຕຶ້ງ ກໍ່ອ໌ ຍ່ອນ ອັນ ກູຈຸກ ກວາຍ ຕຶ້ງ ເມືອງ ກ້ອຍ, ກະ ອັນ ກາຈິດ ກວາຍ ການໍ່ອ໌ ແຮີ. ມາ ປີລາດ ມ່ອບ ເຢຊູ ໂອນ ໄລ່. ໄລ່ ອີ ຕະ ນານ ະ, ຕາມ ໄລ່.

ເມົ້າ ແຕ້ຮ ເຢຊູ ຕຶ້ງ ອາລ່ອງ ຊັງກັງ  
 (ມັດທາຍ 27:32-44; ມາຣະໂກ 15:21-32; ໂຢຮັນ 19:17-27)

26 ບັອງ ກາ ໄລ່ ເດີງ ເຢຊູ ລ້ອຣ, ໄລ່ ຣາມັຮ ມານະ ຣາມີ້ຮ ຊີໂມນ ແຕ ກຣວາງ ກິເຣເມ ເຈົ້າ ແຕ ຍິ່ຮ ນໍ່ອ໌ ເມືອງ. ເຈີ້ ໄລ່ ໂກບ ອັນ, ກະ ແປຣີ ອັນ ໂອນ ໂດລ ອາລ່ອງ ຊັງກັງ ເຢຊູ. ເຈີ້ ອັນ ປວາຍ ຍິ່ຮ ກຣັອງ ເຢຊູ.

27 ເບີນ ກຶ້ງ ລາລີ້ ກວາຍ ປວາຍ ເຢຊູ. ກາ ມັນ ແຊມ ແຮີ ປວາຍ ອັນ, ກະ ໄລ່ ເຍົາມ. 28 ມາ ເຢຊູ ກູລຽວ ປີ ກຣັອງ; ເຈີ້ ອັນ ປາຍ ກະ ໄລ່ ກ້ອຍ ນະ ໄມ່: "ມັນແຊມ ແຕ ເມືອງ ເຢຣູຊາເລັມ ເອີຍ! ເຍົາ ອິນໂຈຍ ເຍົາມ ໂອນ ເກົ້າ. ເຍົາ ເຍົາມ ໂອນ ຈະ ເຍົາ ເບີມ ກະ ກອນ ອາໄກ ເຍົາ ເບີມ. 29 ໄກຣ ລາລີ້ ປັຣເນີ ມັນເຕຣົາ ແຕ້ອ໌ ຕາໄງ ເມົ້າ ປາຍ: 'ບຸ່ນ ລາ ລີ້ ໄລ່ ກາ ກວາຍ ກາແດງ, ໄລ່ ກາ ຕາ ເກີ່ຍ ເບີນ ກອນ. ກະ ບຸ່ນ ເຕ່ ໄລ່ ກາ ເບີນ ຕັຣ ມາ ຕາ ເກີ່ຍ ອາອູອ໌ ກອນ. 30 ຕຶ້ງ ຕາໄງ ກ້ອຍ ໄລ່ ແຊຣ໌ ໂອນ ກັຣ ຣາລິ້ຮ ກາແຕດ ໄລ່ ກະ ໄລ່ ແຊຣ໌ ໂອນ ແລ້ຮ ກາແຕັບ ຕັຣ ໄລ່.'"

31 ເຈີ້ ເຢຊູ ຊາກໍາ ແອັນ ປາຍ: "ຄັນ ອາລ່ອງ ອາມັງ ມາ ເມົ້າ ໄປໍອ໌ ຕັຣ, ແຮງ ກາຕົກ ອາລ່ອງ ຮ້ອຣ ເມົ້າ ໄປໍອ໌ ກາເລີຍ ແຕ ກ້ອຍ ແອັນ." †

32 ກະ ເມົ້າ ເດີງ ບາຣ ນະ ກວາຍ ໂຕ່ດ ແອັນ, ອີ ກາຈິດ ມັນຕຸ ກະ ເຢຊູ ເຕ່. 33 ພໍກາ ໄລ່ ແຕ້ອ໌ ປີ ອິນຕຸ ເມົ້າ ດໍອ໌ 'ອິນຕຸ ອິງຮາງ ຕາຕາຣ ແປຶ', ອິນຕຸ ກ້ອຍ ແຕ້ ເມົ້າ ກາຈິດ ໄລ່ ໄປ ນະ ກ້ອຍ, ກະ ແຕ້ຮ ໄລ່ ຕຶ້ງ ອາລ່ອງ ຊັງກັງ. ເຢຊູ ເມົ້າ ແຕ້ຮ ຕຶ້ງ ອາລ່ອງ ຊັງກັງ ອິນດີ. ບາຣ ນະ ກວາຍ ໂຕ່ດ ກ້ອຍ ເມົ້າ ແຕ້ຮ ມານະ ຍິ່ຮ ອາຕໍ່າ, ມານະ ຍິ່ຮ ອາ

ເວ່ຣ ເຢຊູ. 34 ເຈີ້ ເຢຊູ ປາຍ: "ອິມປໍ່ ເອີຍ! ແຊຣ໌ ອິມປໍ່ ຕັຣ ໄລ່ຍຮ ໄລ່ ກາ ຕະ ເກົ້າ, ຍ່ອນ ໄລ່ ຕາ ເບີນ ດັງ ໄລ່ ຕະ ອິນເຕົ້າ."

ເຈີ້ ຕາຮານ ກ້ອຍ ອິມແປຣ໌ ເກຮັງ ຕໍາປັອກ ເຢຊູ ຮານາ ມັນຕັດ ອາຍຸ, ອາແລະ ເບີນ ລາ ໂທຍ. 35 ເບີນ ກວາຍ ຊົດ ແອິດ ຕາຍິ່ງ ມັນຕຸ ກະ ກວາ ຍ ກອນແຊມ ຍິ່ອ໌ ອີ ເນ່ ເຢຊູ. ມັຮ ກວາຍ ຊົດ ກ້ອຍ ອາເຢ່ ພາມາດ ເຢຊູ ປາຍ: "ກວາຍ ການໍ່ອ໌ ເຕ້ອ໌ ອັນ ຈ່ອຍ ອາມັງ. ຄັນ ອັນ ເມ່ນ ກຣິດ, ອັນ ກາ ເຢົາງ ເຈົ້າຣາຊີ ຣຽຣ, ໂອນ ອັນ ຈ່ອຍ ອາມັງ ຈະ ອັນ ເບີມ."

36 ກະ ກວາຍ ຕາຮານ ແຮີ ອາເຢ່ ພາມາດ ອັນ ເຕ່. ໄລ່ ອາເວີຍ ໂອນ ອັນ ກາຍັບ ງ່ອຍ ບັອງ ອິນ ເຍາະ. 37 ໄລ່ ປາຍ: "ຄັນ ໄມ່ ລາ ເຕົ້າວ ປັຣເຍົາ ກວາຍ ອິດຊະຣາເອລ, ເອົາ ໄມ່ ຈ່ອຍ ອາມັງ ຈະ ໄມ່ ເບີມ."

38 ເຈີ້ ເມົ້າ ຄຽນ ດໍອ໌ ປັຣນາຍ ໄມ່ ແປັງ ແປຶ ເຢຊູ ປາຍ: "ກວາຍ ໄມ່ ລາ ເຕົ້າວ ປັຣເຍົາ ກວາຍ ອິດຊະຣາເອລ."

39 ໄລ່ ບາຣ ນະ ກວາຍ ກາ ເມົ້າ ແຕ້ຮ ມັນຕຸ ກະ ເຢຊູ, ອັນ ກາ ມານະ ພາມາດ ເຢຊູ ປາຍ: "ຄັນ ໄມ່ ເມ່ນ ກຣິດ, ເອົາ ໄມ່ ຈ່ອຍ ຈະ ໄມ່ ເບີມ, ກະ ໄມ່ ຈ່ອຍ ຮິ ແຮີ."

40 ມາ ອັນ ກາ ມານະ ກ້ອຍ ກາແອັຣ ອັນ ກາ ປາຍ ນະກ້ອຍ. ອັນ ປາຍ: "ນານະ ໄມ່ ຕາ ເບີນ ອິງກ້ອຣ ເຢົາງ ເຈົ້າຣາຊີ ຕະ ໄມ່? ໄມ່ ກະ ອັນ ລາ ເມົ້າ ຕະ ມູເຈິງ ກ້ອຍ ເຕ່. 41 ໄຮ, ໄກຣ ເມົ້າ ຕະ, ຍ່ອນ ໄຮ ລາ ເມົ້າ ກູລັຮ ແດິອ໌ ມັຮ ຣານະ ໄຮ ຕະ. ມາ ກວາຍ ໄມ່ ຕາ ເບີນ ຕະ ໄລ່ຍຮ ອິນເຕົ້າ."

42 ເຈີ້ ກວາຍ ກາ ກາແອັຣ ກ້ອຍ ປາຍ ແອັນ ໂຈະ ເຢຊູ ນະໄມ່: "ເຢຊູ ເອີຍ! ແຕ້ອ໌ ໄມ່ ແກິດ ຊົດ ປັຣເນີ ມັນເຕຣົາ, ແຊຣ໌ ໄມ່ ອິນໂຈຍ ຊາລິຣ ເກົ້າ."

43 ເຈີ້ ເຢຊູ ຕາແອີຍ ອັນ ປາຍ: "ເກົ້າ ອາຕີ ຕານ້ອງ ໂອນ ໄມ່, ຕາໄງ ໄມ່ ແຕ້ ໄມ່ ແອິດ ກະ ເກົ້າ ຕຶ້ງ ກຣວາງ ອໍ ຕຶ້ງ ມັນລ້ອງ."

ເຢຊູ ກູຈິດ  
 (ມັດທາຍ 27:45-56; ມາຣະໂກ 15:33-41; ໂຢຮັນ 19:28-30)

44 ບັອງ ກາ ມານາງ ອີ ຕາແວີ ຕີລມູ່ລ, ແກິດ ການໍາ ອິນແຍະ ຕຶ້ງ ກຣວາງ ກ້ອຍ ເຕົ້າ ແຕ້ອ໌ ມາ ນາງ ວິຣ. 45 ມານາງ ແກິດ ຕາ ເບີນ ປັງ ນ້ອງ, ກະ ອາຣີ ກາ ເມົ້າ ກາງ ກຸ້ນ ກຸ້ຮ ຮິບ ປັຣນາຍ ປັຣ

† 23:31 23:31 ເຢຊູ ຊາກໍາ ອັນ ລາ ນະ ອາລ່ອງ ອາມັງ, ມາ ກວາຍ ອິດຊະຣາເອລ ລາ ນະ ອາລ່ອງ ຮ້ອຣ ເຈີ້. 23:44 23:44 ແຕ ມັນຈິດ ລາ ບາຣ ໂມງ ແຕ້ອ໌ ໄປ ໂມງ ຕາປີ.

ຄັນ ຕັ້ງ ດຸງ ຊາງ ປິດ ຮາແຮອ້ ແກ້ດ ບາຣ ຊັນ ແຕຣອ້. <sup>46</sup> ເຢຊູ ອູໂອຍ ເຮ່ງ ລາລີ້, ປາຍ: "ອິມ ບໍ່ ເອີຍ! ເກົາ ແຊອ້ ມ່ອບ ຮາເວົ້າຍ ເກົາ ປິ ອາຕິ ໄມ້."

ພໍກາ ຕາງິດ ຊຽງ ອັນ ປາຍ, ຊາໄຕອ້ ແຕ່ ຮາງິຣ ອັນ.

<sup>47</sup> ເປີນ ມານະ ກາ ຊົດ ມວຍ ຮ່ອຍ ນະ ຕາຮານ, ອັນ ເຮີມ ມັຮ ຮານະ ກາ ແກ້ດ ກ້ອຍ. ອັນ ຍ່ອງ ເຢິງ ເຈົາຮາຊິ, ກະ ອັນ ປາຍ: "ແມ່ນ ລາລີ້ ກວາຍ ໄນ່ ລາ ຕາມ້ອງ ອໍ."

<sup>48</sup> ກະ ອິນແຍ່ະ ມັຮ ໄລ່ ກາ ໂຮ່ມ ແຈ່ະ ກ້ອຍ, ໄລ່ ຊ້ອງ ອິງກ້ອຣ ລາລີ້. ກະ ໄລ່ ແກ້ ອາເປີມ, ເຈີ້ ໄລ່ ເຈົາ ອິນແຍ່ະ ປິ ດຸງ. <sup>49</sup> ມັຮ ຊັຣກັລ ເຢຊູ ກະ ມັນແຊມ ກາ ປວາຍ ອັນ ແຕ ແຄງ ຄາລີເລ, ໄລ່ ແອິດ ເຢິງໆ ຕາງ່ອນ ແມ່ ມັຮ ຮານະ ກາ ເມົາ ຕະ.

ເມົາ ແຕິບ ເຢຊູ

(ມັດທາຍ 27:57-61; ມາຣະໂກ 15:42-47; ໂຢຮັນ 19:38-42)

<sup>50</sup> ເປີນ ມານະ ຮາມິ້ຣ ໂຢເຊັບ ແຕ ມູ່ ກາ ຊົດ ກວາຍ ອິດຊະຮາເອລ. ອັນ ລາ ກວາຍ ອໍ ກະ ຕາມ້ອງ. <sup>51</sup> ອັນ ຕາ ເປີນ ປຣ່ອມ ກະ ມູ່ ກາ ຊົດ ກ້ອຍ ພໍກາ ໄລ່ ອີ ຕະ ເຢຊູ. ອັນ ລາ ແຕ ແຄງ ຢູດາຍ, ວິລ ອາຣິມາທາຍ. ກະ ອັນ ອິງກ່ອງ ເຢິງ ເຈົາຮາ ຊິ ຕະ ຊົດ. <sup>52</sup> ໂຢເຊັບ ໄນ່ ເປາະ ແຕ້ອ້ ປິ ປີລາດ ແຊອ້ ກູມຸ່ຍ ເຢຊູ. <sup>53</sup> ເຈີ້ ອັນ ແຕ້ອ້ ອາລີ້ຣ ກູມຸ່ຍ ເຢຊູ ແຕ ອາລ່ອງ ຊັງກັງ. ອັນ ຕວມ ແຕ ອາຣິ, ກະ ອັນ ດໍອ້ ຕັ້ງ ປິ່ງ ເມົາ ໄປອ້ ຕັ້ງ ຕາເມົາ. ປິ່ງ ກ້ອຍ ເມົາ ຕາ ເກີ້ຍ ດໍອ້ ກວາຍ ຢວາຣ. <sup>54</sup> ຕາໄງ ກ້ອຍ ລາ ເມົາ ກຽມ ແຈ່ະ ອີ ແຕ້ອ້ ຕາໄງ ຮາລຸ່.

<sup>55</sup> ກວາຍ ມັນແຊມ ກາ ປວາຍ ເຢຊູ ແຕ ແຄງ ຄາລີເລ, ໄລ່ ເປາະ ແມ່ ເຈີ້ ປິ່ງ ເຢຊູ. ກະ ໄລ່ ເຮີມ ກວາຍ ກ້ອຍ ດໍອ້ ກູມຸ່ຍ ເຢຊູ ຕັ້ງ ປິ່ງ. <sup>56</sup> ແວັດ ກ້ອຍ ໄລ່ ເຈົາ ປິ່ງ ດຸງ. ໄລ່ ກຽມ ເກຣັງ ປາຣວມ ໂຈະ ຕັ້ງ ກູມຸ່ຍ ເຢຊູ. ກະ ຕັ້ງ ຕາໄງ ຮາລຸ່, ໄລ່ ຮາລຸ່ ປວາຍ ແຕ ຄານອດ ປາຕັບ.

ມັຮ ເກຣັງ ປາຣວມ ກາ ໄລ່ ກຽມ ດໍອ້ ເຈີ້. <sup>2</sup> ໄລ່ ເຮີມ ຕາເມົາ ກາ ກາຕັງ ງັຣ ປິ່ງ ກ້ອຍ ເມົາ ວິລ ອາ ລ່ອຣ ເຈີ້. <sup>3</sup> ເຈີ້ ໄລ່ ມູ່ດ ຕັ້ງ ປິ່ງ ກ້ອຍ, ມາ ໄລ່ ຕາ ເປີນ ເຮີມ ນ້ອງ ກູມຸ່ຍ ເຢຊູ. <sup>4</sup> ໄລ່ ແອິດ ຕາ ຢິ່ງ ອິງກ້ອຍ ຊ້ອງ ງິດ ລາລີ້. ບ້ອງ ກາ ກ້ອຍ ໄລ່ ເຮີມ ບາຣ ນະ ຮາເລົາ ແຊັບ ອາຍ້ອຣ ກູ້ອ້ ລາລີ້ ປາ ເລີງ ໂຈະ ມັດ ໄລ່. <sup>5</sup> ມັຮ ມັນແຊມ ກ້ອຍ ຊ້ອງ ອິງກ້ອຣ ລາລີ້, ເຈີ້ ໄລ່ ປູບ ມັດ ໄລ່ ປິ່ງ ກູແຕອ້. ມາ ກວາຍ ຮາເລົາ ກ້ອຍ ປາຍ ໂຈະ ໄລ່: "ນານະ ເຍົາ ຈໍອ້ ກວາຍ ອາມັງ ຕັ້ງ ອິນຕຸ ໄນ່? ອິນຕຸ ໄນ່ ລາ ເມົາ ດໍອ້ ກວາຍ ກູຈິດ. <sup>6</sup> ອັນ ກາ ເຍົາ ຈໍອ້, ອັນ ຕາ ເປີນ ແອິດ ອິນໄນ່ ນ້ອງ; ອັນ ອາມັງ ລ່ຣ ເຈີ້. ເຍົາ ຊາແຍິ ມັຮ ກາ ອັນ ຕະ ອິນຕິ ກະ ເຍົາ ບ້ອງ ກາ ອິນນ້ອງ ອັນ ແອິດ ກະ ເຍົາ ຕັ້ງ ແຄງ ຄາລີເລ. <sup>7</sup> ອັນ ປາຍ: 'ກອນ ເຢິງ ແກ້ດ ກວາຍ ອິງເຄາະ ເມົາ ມ່ອບ ປິ ອາຕິ ກວາຍ ຕາ ອໍ. ເຈີ້ ໄລ່ ກາຈິດ ອັນ, ແຕັຣ ອັນ ຕັ້ງ ອາລ່ອງ ຊັງກັງ. ມາ ແຕ້ອ້ ຕາ ໄງ ໄປ ອັນ ອາມັງ ລ່ຣ.'"

<sup>8</sup> ເຈີ້ ມັຮ ມັນແຊມ ກ້ອຍ ຊາແຍິ ລ່ຣ ມັຮ ປັຣ ນາຍ ເຢຊູ ອາຕິ. <sup>9</sup> ແວັດ ກ້ອຍ ໄລ່ ເຈົາ ແຕ ປິ່ງ ກ້ອຍ. ໄລ່ ອາຕິ ອິນແຍ່ະ ມັຮ ຮາມິ້ຣ ໄນ່ ໂອນ ໄລ່ ມັນຈິດ ລາ ມວຍ ນະ ກາ ຮຍານ ແຕ ເຢຊູ ດັງ. ກະ ໄລ່ ອາຕິ ໂອນ ອິນແຍ່ະ ມັຮ ກວາຍ ການໍອ້ ດັງ ແຕ່. <sup>10</sup> ມັນແຊມ ກາ ອາຕິ ຮາມິ້ຣ ໄນ່ ໂອນ ມູ່ ກາ ຮຍານ ແຕ ເຢຊູ ລາ ມາຣິ ແຕ ວິລ ມັກດາລາ, ໂຢຮັນນາ, ກະ ມາຣິ ອິມເປ້ອ ຢາໂກໂບ. ເປີນ ມັນ ແຊມ ການໍອ້ ແຮີ ເປາະ ກະ ໄລ່. <sup>11</sup> ມາ ມູ່ ກາ ຮ ຍານ ແຕ ເຢຊູ ຕາ ເປີນ ຊາງັດ ປັຣນາຍ ມັນແຊມ ກ້ອຍ ປາຍ. ໄລ່ ຄິດ ປາຍ ມັຮ ມັນແຊມ ກ້ອຍ ອາຕິ ເມົາດ ຊ້ອງ. <sup>12</sup> ມາ ເປໂຕ ຢວຣ ຕາຍິ່ງ. ອັນ ຕາລຸ່ ເປາະ ແຕ້ອ້ ປິ່ງ ເຢຊູ. ອັນ ປູບ ຕາແລນ ປິ່ງ ກ້ອຍ, ເຈີ້ ອັນ ເຮີມ ແອິງ ອາຣິ ເມົາດ ຕັ້ງ ປິ່ງ ກ້ອຍ. ເຈີ້ ອັນ ເຈົາ, ກະ ຮາງິຣ ອັນ ຊ້ອງ ງິດ ລາລີ້ ພໍກາ ອັນ ເຮີມ ຮານະ ໄນ່ ແກ້ດ.\*

**24**

ເຢຊູ ອາມັງ ລ່ຣ

(ມັດທາຍ 28:1-10; ມາຣະໂກ 16:1-8; ໂຢຮັນ 20:1-10)

<sup>1</sup> ເຈີ້ ຕາໄງ ມວຍ ຕັ້ງ ອາທິດ ອິນຕຸນ, ແຕ ປິ່ງ ລາລີ້ ມັຮ ມັນແຊມ ແຕ້ອ້ ປິ່ງ ເຢຊູ. ໄລ່ ເດີງ

ເຢຊູ ຮາມັຣ ເຍົາ ຕັ້ງ ຮານາ (ມາຣະໂກ 16:12-13)

<sup>13</sup> ຕັ້ງ ຕາໄງ ກ້ອຍ ເປີນ ບາຣ ນະ ກວາຍ ກາ ຮຍານ ແຕ ເຢຊູ ເປາະ ຕັ້ງ ຮານາ ເຈົາ ປິ່ງ ເມືອງ ເອມາອູດ. ເມືອງ ກ້ອຍ ເຢິງ ແຕ ເມືອງ ເຢຣູຊາເລັມ ເປີນ ມາຣ ມວຍ ຈິດ ລາ ມວຍ ລັກ.

\* 24:12 24:12 ເປີນ ປິ່ງ ປັຣນາຍ ແຕ ອິມເບີ ກາ ຕາ ເປີນ ເປີນ ຮານາ 12 ໄນ່.

14 ບັງ ກາ ໄລ່ ເປາະ, ໄລ່ ມານະ ຕະ ອິນຕີ ກະ ມານະ ແຕ ມັຮ ຣາມິ້ຮ ກາ ແກັດ ແຕ ເຢຊູ.  
 15 ບັງ ກາ ໄລ່ ຕະ ອິນຕີ ນະກັອຍ, ເຢຊູ ແຕ້ອ໌ ປີ ໄລ່ ກະ ອັນ ເປາະ ມັນຕຸ ກະ ໄລ່. 16 ໄລ່ ເຮີມ ເຢຊູ, ມາ ມັດ ໄລ່ ຕາ ແຕ້ອ໌ ຊາກັລ ອັນ ຢວາຣ. 17 ເຢຊູ ຕາແບັບ ໄລ່: "ຣາມິ້ຮ ອິນຕ້າ ເຍົາ ຕະ ອິນຕີ ແຕ ອາມິ້, ບັງ ກາ ເຍົາ ຕາຢັຮ ຕຶງ ຣາມາ?"

ເຈ້ ໄລ່ ຕາງັດ ກະ ມັດ ມຸ່ຮ ໄລ່ ຕຸ່ຮ ລາລີ້.

18 ມານະ ແຕ ໄລ່ ບາຣ ນະ ກັອຍ, ຣາມິ້ຮ ກະໂລປາ, ຕາແບັບ ປາຍ: "ນານະ ໄມ່ ລາ ຕາມອຍ ບໍ່, ແຕ ໄມ່ ຕາ ເບີນ ດັງ ເມົາ ຕະ ອິນຕ້າ ຕຶງ ເມືອງ ເຢຣູຊາເລັມ ບາຣ ໄປ ຕາໄງ ໄມ່?"

19 ເຢຊູ ຕາແບັບ ໄລ່: "ຣານະ ອິນຕ້າ ເມົາ ຕະ?"

ເຈ້ ໄລ່ ອາຕີ ອັນ ປາຍ: "ມັຮ ຣານະ ແຕ ເຢຊູ, ກວາຍ ແຕ ວີລ ນາຊາເຣັດ. ອັນ ລາ ກວາຍ ອາ ຕີ ຕາງ ປັຣນາຍ ເຢົາ ເຈົາຣາຊີ. ຄານະ ລາລີ້ ຣາ ນະ ອັນ ຕະ, ກະ ແບງ ລາລີ້ ປັຣນາຍ ອັນ ປາຍ, ຍັຮ ເມືງ ເຢົາ ເຈົາຣາຊີ ກະ ອິນແຍ່ະ ມັຮ ກວາ ຍ. 20 ມາ ມັຮ ກວາຍ ຊົດ ມຸ່ ກາ ຊາງ ຮິ່ດ ເຢົາ ເຈົາຣາຊີ, ກະ ມັຮ ກວາຍ ການໍ້ອ໌ ກາ ຊົດ ຮິ ແຮ, ໄລ່ ມ່ອບ ໂອນ ເມົາ ກາຈິດ ຕັຮ ອັນ, ແຕັຮ ອັນ ຕຶງ ອາລ່ອງ ຊັງກັງ. 21 ມາ ບັງ ກັອຍ ຮິ ຄິດ ອັນ ລາ ກວາຍ ເຢົາ ເຈົາຣາຊີ ຮຽຮ ດໍອ໌ ຈ່ອຍ ອາມັງ ກວາຍ ອິດຊະຣາເອລ. ຊານໍ່ ເບີນ ໄປ ຕາໄງ ເຈ້ ແຕ ເມົາ ຕະ ມັຮ ຣານະ ໄມ່. 22 ກະ ເບີນ ກວາຍ ມັນແຊມ ຕຶງ ມຸ່ ຮິ ຕະ ອິນຕີ ໂອນ ຮິ ຊ່ອງງິດ ລາ ລີ້. ໄລ່ ກັອຍ ເປາະ ແຕ ປື້ ລາລີ້ ແຕ້ອ໌ ປີ ປຶງ ເຢຊູ. 23 ໄລ່ ຕາ ເບີນ ຣາມິ້ຮ ກູມຸ່ຍ໌ ເຢຊູ; ເຈ້ ໄລ່ ເຈົາ ລັຮ. ໄລ່ ປາຍ ໄລ່ ເຮີມ ເທວາດາ ເຢົາ ເຈົາຣາຊີ, ກະ ເທວາດາ ກັອຍ ອາຕີ ໄລ່ ປາຍ ເຢຊູ ອາມັງ ລັຮ ເຈ້. 24 ກະ ເບີນ ກວາຍ ການໍ້ອ໌ ແຕ ມຸ່ ຮິ ເປາະ ປີ ປຶງ ກັອຍ ແຕ່. ໄລ່ ເຮີມ ນະ ມັນແຊມ ກັອຍ ອາຕີ. ມາ ໄລ່ ຕາ ເບີນ ເຮີມ ເຢຊູ."

25 ເຈ້ ເຢຊູ ອາຕີ ໄລ່ ບາຣ ນະ ກັອຍ ປາຍ: "ເຍົາ ລາ ເຈຍ ຊາກູລ, ກະ ກຣິ ລາລີ້ ເຍົາ ຊາອຳ ມັຮ ກາ ປັຣນາຍ ກວາຍ ອາຕີ ຕາງ ປັຣນາຍ ເຢົາ ເຈົາຣາຊີ ປາຍ ແຕ ອິມແປ ເຈ້. 26 ນານະ ເຍົາ ຕາ ເບີນ ດັງ ກຣິດ ອິງເຄາະ ຈິວ ຕຸ່ຮ ກັດ ໄມ່, ໂອນ ແຕ້ອ໌ ອັນ ເບີນ ອຳນາດ ອາງອີຣ ລາລີ້?"

27 ເຈ້ ເຢຊູ ຕະ ອິນຕີ ລັຮ ໂອນ ໄລ່ ດັງ ອິນແຍ່ະ ແຕ ມັຮ ປຶງ ປັຣນາຍ ເຢົາ ເຈົາຣາຊີ ປາຍ ແຕ ອັນ, ແຕ ປັຣນາຍ ໂມເຊ ຄຽນ ໂອນ ເຕົາ ແຕ້ອ໌ ອິນແຍ່ ະ ປັຣນາຍ ກວາຍ ອາຕີ ຕາງ ປັຣນາຍ ເຢົາ ເຈົາຣາ ຊີ ອາຕີ.

28 ແຈ່ະ ໄລ່ ອີ ແຕ້ອ໌ ເມືອງ ກາ ໄລ່ ບາຣ ນະ ກັອຍ ຢັອ໌ ອີ ແອັດ, ເຢຊູ ຕະ ນະ ອັນ ອີ ເປາະ ເປືອງ ເມືອງ ກັອຍ. 29 ມາ ໄລ່ ບາຣ ນະ ກັອຍ ກາ ຕ້ອງ ດໍອ໌ ອັນ ກະ ປາຍ: "ແຊອ໌ ໄມ່ ແອັດ ກະ ຮິ ເວົາຍ. ຕາປີ້ ເຈ້, ແຈ່ະ ອີ ຊາເດົາ."

ເຈ້ ເຢຊູ ມຸ່ດ ແອັດ ກະ ໄລ່ ອິງກັອຍ ເວົາຍ. 30 ແຕ້ອ໌ ໄລ່ ຕາກູ ຈາ, ເຢຊູ ອິດ ໂດຍ ບຸຮ. ອັນ ຊາເອີນ ເຢົາ ເຈົາຣາຊີ. ເຈ້ ອັນ ປັຣ ໂດຍ ບຸຮ ກັອຍ ອາເວົຍ ໂອນ ໄລ່ ຈາ. 31 ເຈ້ ມັດ ໄລ່ ເບີນ ຊາກັລ ອັນ. ມາ ບັງ ກາ ກັອຍ ແຕ່ ປາຍິຮ ເຢຊູ, ໄລ່ ຕາ ເບີນ ເຮີມ ມ້ອງ ອັນ. 32 ກະ ໄລ່ ມານະ ຕາ ແບັບ ມານະ ປາຍ: "ເມ່ນ ມາ ຕາ ເບີນ, ຣາງິຮ ໄຮ ຊ່ອງ ຮໍອ໌ ອໍ ລາລີ້ ບັງ ກາ ອັນ ຕະ ອິນຕີ ກະ ໄຮ ຕາໄງ ໄມ່ ຕຶງ ຣາມາ, ກະ ບັງ ກາ ອັນ ອາຕີ ໂອນ ໄຮ ປັຣນາຍ ເຢົາ ເຈົາຣາຊີ?"

33 ເຈ້ ໄລ່ ບາຣ ນະ ກັອຍ ຢວຣ ແຕ້; ໄລ່ ລັບ ເຈົາ ລັຮ ປີ ເມືອງ ເຢຣູຊາເລັມ ແອັມ. ໄລ່ ຣາມິ້ຮ ມຸ່ ໄລ່ ມັນຈິດ ລາ ມວຍ ນະ ກາ ຣຍານ ແຕ ເຢຊູ ແອັດ ໂຮ່ມ ມັນຕຸ ກະ ກວາຍ ການໍ້ອ໌ ແຮ. ນະກັອຍ ໄລ່ ບາຣ ນະ ກັອຍ ເບີນ ຊ່ອງ ເຈ້ ມັຮ ມຸ່ ກາ ໂຮ່ມ ກັອຍ ຕະ ອິນຕີ ປາຍ: 34 "ໄກຣ ລາລີ້ ອິນເຈົາ ໄຮ ອາມັງ ລັຮ! ຊີໂມນ ຣາມິ້ຮ ເຈ້ ອັນ."

35 ເຈ້ ໄລ່ ບາຣ ນະ ກັອຍ ແອັມ ອາຕີ ໂອນ ໄລ່ ກາ ໂຮ່ມ ກັອຍ ແຕ ຣານະ ໄລ່ ເຮີມ ຕຶງ ຣາມາ, ກະ ອາຕີ ແຕ ໄລ່ ຊາກັລ ເຢຊູ ບັງ ກາ ອັນ ປັຣ ໂດຍ ບຸຮ.

ເຢຊູ ແຕ້ອ໌ ລັຮ ປີ ມຸ່ ກາ ຣຍານ ແຕ ອັນ  
 (ມັດທາຍ 28:16-20; ມາຣະໂກ 16:14-18; ໂຢຮັນ 20:19-23; ຣານະ ຕະ 1:6-8)

36 ໄລ່ ອິນນ້ອງ ຕະ ອິນຕີ ນະກັອຍ, ກູໂຕ ເຢຊູ ແຕ້ ປາລັຮ ອິນຕີ ໄລ່. ກະ ອັນ ປາຍ ໂຈະ ໄລ່ ນະ ໄມ່: "ເຍົາ ແອັດ ອຽນ ອໍ."

37 ມາ ໄລ່ ອິງກັອຍ ລາລີ້ ກະ ກາໄກຣ, ຍ່ອນ ໄລ່ ຄິດ ປາຍ ກູມຸ່ຍ໌ ເຢຊູ ລິດ ໄລ່. 38 ເຈ້ ເຢຊູ ຕາ ແບັບ ໄລ່ ປາຍ: "ນານະ ເຍົາ ອິງກັອຍ? ກະ ນານ ະ ເຍົາ ອິນນ້ອງ ກູຄິດ ຕາມມັຮ ຕຶງ ຣາງິຮ ເຍົາ? 39 ເຍົາ ເນ່ ປີ ອາເຢົາ ອາຕີ ເກົາ. ກູໂຕ ຈະ ເກົາ ແຕ້

ອາໄນ໌. ເຍົາ ແຕ້ອ໌ ຊາປະ ຊາລີ໌ອ໌ ແນ່ ເກົາ. ເຈົ້ ເຍົາ ດັງ ເກົາ ລາ ແມ່ນ ຈະ ກວາຍ, ຍ່ອນ ກູມຸ່ຍ໌ ຕາ ເບີນ ເບີນ ໄຊອ໌ ກະ ອົງຮາງ ນະ ເກົາ ເບີນ."

<sup>40</sup> ແວັດ ເຢຊູ ປາຍ ນະກ້ອຍ, ອັນ ອາປັຣ ໂອນ ໄລ໌ ເຮີມ ອາເຢັງ ອາຕີ ອັນ. <sup>41</sup> ໄລ໌ ຕາ ເບີນ ຊາ ງັດ ຢວາຣ ຍ່ອນ ໄລ໌ ຊ້ອງ ຮໍ່ອ໌ ລາລີ໌ ກະ ໄລ໌ ງັດ. ນະກ້ອຍ ເຢຊູ ປາຍ ໂຈະ ໄລ໌: "ເຍົາ ເບີນ ເກຣິ່ງ ຊັຣນາ ຈາ ຕິ່ງ ໄນ່ ບໍ?"

<sup>42</sup> ໄລ໌ ໂອນ ບໍ ອັນ ມວຍ ແບະ ອາກາ ອັງ. <sup>43</sup> ເຈົ້ ອັນ ອິດ ຈາ ຍັຣ ເມັງ ໄລ໌ ແຕ້.

<sup>44</sup> ກະ ເຢຊູ ປາຍ ນະໄນ່ ໂຈະ ໄລ໌: "ອິນແຍະ ມັຣ ປັຣນາຍ ໄນ່ ເກົາ ອາຕີ ບໍ ເຍົາ ບັອງ ກາ ອິນນ້ອງ ເກົາ ແອັດ ກະ ເຍົາ. ເກົາ ອາຕີ ເຍົາ ອົງເຄາະ ແຕ້ອ໌ ມັຣ ຣາມິ້ຣ ປັຣນາຍ ເຢັງ ເຈົາຣາຊີ ອາຕີ ແຕ ເກົາ ແຕ ອິມແບີ ເຈົ້ ຕິ່ງ ຄານອດ ໂມເຊ ໂອນ, ຕິ່ງ ປັຣນາຍ ກວາຍ ອາຕີ ຕາງ ປັຣນາຍ ເຢັງ ເຈົາຣາຊີ ປາຍ, ກະ ຕິ່ງ ບິ່ງ ປັຣນາຍ ລໍ່າ ຍ່ອງ ເຢັງ ເຈົາຣາຊີ ແອີ."

<sup>45</sup> ເຈົ້ ເຢຊູ ເປີຣ ຣາງິ້ຣ ໄລ໌ ໂອນ ໄລ໌ ດັງ ແຈງ ມັຣ ປັຣນາຍ ເຢັງ ເຈົາຣາຊີ. <sup>46</sup> ອັນ ອາຕີ ໄລ໌ ປາຍ: "ເມົາ ຄຽນ ເຈົ້ ແຕ ກຣິດ ອົງເຄາະ ອັນ ຈິວ ຊາອິ້ຍ ຣາມິ້ຣ ຕຸ່ຣ ກັດ, ກະ ເມົາ ກາຈິດ ອັນ, ມາ ແຕ້ອ໌ ຕາໄງ ໄປ ອັນ ຢວຣ ອາມັງ ລໍ່ຣ. <sup>47</sup> ກະ ຍ່ອນ ແຕ ຣາມິ້ຣ ອັນ, ອົງເຄາະ ເມົາ ອາຕີ ໂອນ ກູ່ ກຣວາງ ດັງ, ກວາຍ ອົງເຄາະ ຕັຣ ຣາງິ້ຣ ຕຍາ ປຽນ ແກັດ ຣາງິ້ຣ ຕາໄມ ແອັນ, ໂອນ ເຕ່ອ໌ ເຢັງ ເຈົາຣາຊີ ຕັຣ ໄລ໌ຍຣ ໄລ໌. ແຕ ຕາແບີ ລາລີ໌ ອົງ ເຄາະ ເມົາ ອາຕີ ຕິ່ງ ເມັອງ ເຢຣູຊາເລັມ. <sup>48</sup> ເຍົາ ແຕ້ ເກົາ ໂອນ ເດິງ ອາຕີ ປັຣນາຍ ໄນ່. <sup>49</sup> ໄກຣ ລາລີ໌ ເກົາ ອີ ໂອນ ເຍົາ ເບີນ ຣາມິ້ຣ ກາ ອິມບໍ່ ເກົາ ເອີອ໌ ເຈົ້ ອີ ໂອນ ເຍົາ. ມາ ອົງເຄາະ ເຍົາ ເກຣາະ ເວີຍ ຕິ່ງ ເມັອງ ເຢຣູຊາເລັມ ເຕົ້າ ແຕ້ອ໌ ເຍົາ ເບີນ ອໍານາດ ແຕ ຣາເວີຍ ເຢັງ ເຈົາຣາຊີ ແຊງ ແອັດ ກະ ເຍົາ."

ເຢຊູ ຊ້ອຣ ບໍ ມັນລ້ອງ  
(ມາຣະໂກ 16:19-20; ຣານະ ຕະ 1:9-11)

<sup>50</sup> ເຈົ້ ເຢຊູ ເດິງ ໄລ໌ ລ້ອຣ ແຕ ເມັອງ ກ້ອຍ ເປາະ ແຈະ ບໍ ວິລ ເບັດທານີ ແອັນ. ອັນ ອາແຣັ ບາຣ ກັຣ ອາຕີ; ເຈົ້ ເກົາແຊອ໌ ເຢັງ ເຈົາຣາຊີ ໂອນ ບຸ່ນ ບໍ ໄລ໌. <sup>51</sup> ບັອງ ກາ ອັນ ອິນນ້ອງ ເກົາແຊອ໌ ບຸ່ນ ໂອນ ໄລ໌, ບັອງ ກ້ອຍ ແຕ້ ອັນ ລ້ອຣ ແຕ ໄລ໌ ຊ້ອຣ ບໍ ມັນລ້ອງ. <sup>52</sup> ໄລ໌ ຊາງ ເຢຊູ; ເຈົ້ ເຈົາ ລ້ຣ

ບໍ ເມັອງ ເຢຣູຊາເລັມ, ຊ້ອງ ຮໍ່ອ໌ ລາລີ໌. <sup>53</sup> ໄລ໌ ເປາະ ເລື້ອຍໆ ບໍ ດຸງ ຊາງ ບິ້ດ, ຍ່ອງ ກະ ຊາແອັນ ເຢັງ ເຈົາຣາຊີ.



# ໂຢຮັນ ຄຽນ ອາຕີ ປັນນາຍ ອໍ ແຕ ເຢຊູ ກຣິດ

ປັນນາຍ ອາຕີ ອິນໂຍ່ງ

ໂຢຮັນ ລາ ມານະ ແຕ ມູ່ ກາ ເຢຊູ ຮຽຮ ປາ ຈຸ່ຮ ໂອນ ເປາະ ຕະ ຣານະ ອັນ. ອັນ ລາ ອາແອມ ຢາໂກໂບ, ກອນ ຣາເລົາ ເຊເບດາຍ. ອັນ ຄຽນ ປິ່ງ ໄນ່ ມາຮ 85-90 ກູມໍ ແວັດ ເຢຊູ ແກັດ.

ໂຢຮັນ ຄຽນ ອາຕີ ປາຍ ເຢຊູ ແຕ່ ລາ ປັນນາຍ ເຢິງ ເຈົາຣາຊີ ແຊງ ປີ ກູແຕອໍ ໄນ່. ອັນ ແກັດ ກວາຍ ກະ ແອັດ ມັນຕຸ ກະ ກວາຍ. ໂຢຮັນ ຄຽນ ປັນນາຍ ໄນ່ ໂອນ ກວາຍ ຊາອໍາ ເຢຊູ ລາ ກອນ ເຢິງ ເຈົາຣາຊີ, ອັນ ກາ ຈ່ອຍ ອາມັງ ກວາຍ. ກວາ ຍ ອາແລ່ະ ກາ ຮັບ ຊາອໍາ ອັນ, ກວາຍ ກ້ອຍ ເປີ ນ ອາມັງ ຊົດ ແດີຍ. ໂຢຮັນ ຄຽນ ອາຕີ ລັຮ ມັຮ ຣານະ ຕາ ກິ່ຍ ເຮີມ ດໍອໍ ອາປັຮ ເຢຊູ ລາ ອັນ ກາ ເຢິງ ເຈົາຣາຊີ ເອີອໍ ແຕ ອິນໂຍ່ງ ໂອນ ແຕ້ອໍ ຈ່ອຍ ອາມັງ ກວາຍ. ໂຢຮັນ ອາຕີ ແຕ ເມົາ ຕະ ເຢຊູ ກະ ເມົາ ແຕັຮ ອັນ ຕິ່ງ ອາລ່ອງ ຊັງກັງ; ເຈີ່ ອັນ ກູຈິດ ກະ ອາມັງ ລັຮ. ແວັດ ກ້ອຍ, ເຢຊູ ອາປັຮ ຈະ ອັນ ໂອນ ມູ່ ກາ ຣຍານ ແຕ ອັນ ເຮີມ ລັຮ ອັນ.

ປັນນາຍ ເຢິງ ເຈົາຣາຊີ ແກັດ ຈະຈັນ ມູເຈິງ ກວາຍ ແຕ່

1 ແຕ ອິມແບີ, ອິນໂຍ່ງ ແຕ ເຢິງ ເຈົາຣາຊີ ຕາ ຢວາຣ ແຕງ ມວຍ ຣາມິ້ຮ ອິນເຕົາ, ປັນນາຍ ເຢິງ ເຈົາຣາຊີ ເປີນ ເຈີ່.\* ອັນ ແອັດ ເລືອຍໆ ກະ ເຢິງ ເຈົາຣາຊີ. ອັນ ລາ ແມ່ນ ເຢິງ ເຈົາຣາຊີ. 2 ອັນ ແອັດ ກະ ເຢິງ ເຈົາຣາຊີ ແຕ ອິມແບີ ລາລີ້. 3 ຍ່ອນ ແຕ ປັນນາຍ ອັນ, ເຢິງ ເຈົາຣາຊີ ແຕງ ຕຸ່ກ ຣາມິ້ຮ ຕິ່ງ ປີ່ນ ກະ ຕິ່ງ ແປັງ. ຕາ ເປີນ ມວຍ ຣາມິ້ຮ ອິນເຕົາ ເຢິງ ເຈົາຣາຊີ ແຕງ ມາ ຕາ ເປີນ ຍ່ອນ ແຕ ອັນ. 4 ຍ່ອນ ແຕ ປັນນາຍ ອັນ, ກູ່ ຣາມິ້ຮ ແຕ້ອໍ ອາມັງ, ກະ ປັນນາຍ ອາມັງ ກ້ອຍ ລາ ກັລ ປິ່ງ ໂອນ ອິນແຍ່ະ ມັຮ ກວາຍ. 5 ກັລ ປິ່ງ ກ້ອຍ ປາເລິງ ຕິ່ງ ອິນຕຸ ການໍາ, ກະ ການໍາ ຕາ ເຮົາບ ອາ ປິດ ປິ່ງ ໄນ່.

6-7 ເປີນ ມານະ ກາ ເຢິງ ເຈົາຣາຊີ ແປຣີ ແຕ້ອໍ ອາຕີ ໂອນ ກວາຍ ດັງ ແຕ ກັລ ປິ່ງ ໄນ່. ຣາມິ້ຮ

ອັນ ລາ ໂຢຮັນ. ອັນ ຍິອໍ ກູ່ ນະ ກວາຍ ແຕ້ອໍ ຊາ ອໍາ ຍ່ອນ ແຕ ອັນ ອາຕີ. 8 ໂຢຮັນ ລາ ຕາ ແກັດ ກັລ ປິ່ງ, ມາ ໂຢຮັນ ແຕ້ອໍ ອາຕີ ແຕ ກັລ ປິ່ງ ໄນ່. 9 ກັລ ປິ່ງ ໄນ່ ລາ ເຢຊູ ກຣິດ. ອັນ ເຕິງ ປິ່ງ ກາ ປ ຍາຍ ລາລີ້. ອັນ ແຕ້ອໍ ປີ ກູແຕອໍ ໄນ່ ກະ ອັນ ປາ ເລິງ ກູ່ ຣາງິຮ ກວາຍ ຕິ່ງ ກູແຕອໍ ໄນ່.

10 ອັນ ແອັດ ຕິ່ງ ກູແຕອໍ ໄນ່. ກູແຕອໍ ໄນ່ ລາ ອັນ ແຕ້ ແຕງ, ມາ ກວາຍ ແອັດ ຕິ່ງ ກູແຕອໍ ໄນ່, ໄລ່ ຕາ ເປີນ ຊາກັລ ອັນ. 11 ອັນ ແຕ້ອໍ ປີ ກຣວາງ ອັນ ເປີມ, ມາ ກວາຍ ກ້ອຍ ຕາ ເປີນ ຮັບ ອັນ. 12 ຄັນ ກວາຍ ອາແລ່ະ ກາ ຮັບ ກະ ຊາອໍາ ອັນ, ອັນ ໂອນ ມັຮ ກວາຍ ກ້ອຍ ເປີນ ຊິດ ແກັດ ກອນ ເຢິງ ເຈົາຣາຊີ. 13 ຕາ ແກັດ ໄລ່ ແກັດ ກອນ ເຢິງ ເຈົາຣາຊີ ນະ ມັນແຊມ ຮັຮ ກອນ, ແຕີລາ ຍ່ອນ ແຕ ແກັດ ລາກວຍ ກາຢາອໍ, ແຕີລາ ຕາປູ່ນ ຣາງິຮ ກາຢາອໍ ຍິອໍ. ມາ ໄລ່ ແກັດ ກອນ ເຢິງ ເຈົາຣາຊີ ຍ່ອນ ເຢິງ ເຈົາຣາຊີ ແຕງ.

14 ນະກ້ອຍ, ປັນນາຍ ເຢິງ ເຈົາຣາຊີ ແກັດ ຈະ ຈັນ ມູເຈິງ ໄຮ ກວາຍ ແຕ່. ອັນ ແອັດ ມັນຕຸ ກະ ໄຮ. ໄຮ ເຮີມ ເຈີ່ ອັນ ເປີນ ອາງອິຣ ປິດ ລາລີ້. ແອັງ ກອນ ເຢິງ ເຈົາຣາຊີ ຊ້ອງ ແຕ້ອໍ ເປີນ ອາງ ອິຣ ໄນ່. ອັນ ເປີນ ຣາງິຮ ຍິອໍ ອີ ຈ່ອຍ ເມົາດ ມັຮ ກວາຍ, ກະ ອັນ ອາປັຮ ໂອນ ໄຮ ດັງ ຣານະ ປຍາຍ ແຕ ເຢິງ ເຈົາຣາຊີ.

15 ໂຢຮັນ ເປາະ ຕະ ອິນຕີ ແຕ ເຢຊູ ປາຍ: "ມານະ ໄນ່, ເກົາ ອາຕີ ເຈີ່ ແຕ ອັນ: 'ອັນ ແຕ້ອໍ ອິນຕູ່ນ ເກົາ, ມາ ອັນ ເປີນ ອໍານາດ ປິດ ກາເລີຍ ແຕ ເກົາ. ແຕ ອິນໂຍ່ງ ເກົາ ຕາ ຢວາຣ ແກັດ, ອັນ ເປີນ ເຈີ່ ຕິ່ງ ມັນລ້ອງ.' 16 ອິນແຍ່ະ ກູ່ ນະ ໄຮ ເປີ ນ ບຸ່ນ ຊາອິ່ຍ ເຈີ່, ຍ່ອນ ອັນ ຈ່ອຍ ເມົາດ ເລືອ ຍໆ ໄຮ. 17 ເຢິງ ເຈົາຣາຊີ ໂອນ ຈຸ່ມ ອິດຊະຣາ ເອລ ເປີນ ຄານອດ ອັນ ຣານາ ໂມເຊ, ມາ ຣານະ ຈ່ອຍ ເມົາດ ກະ ຣານະ ປຍາຍ ແຕ້ອໍ ແຕ ເຢຊູ ກຣິ ດ ຊ້ອງ. 18 ຕາ ເປີນ ກວາຍ ອາແລ່ະ ເປີນ ເຮີມ ເຢິງ ເຈົາຣາຊີ. ເຢິງ ເຈົາຣາຊີ ເປີນ ແອັງ ມານໍາ ກອນ ຊ້ອງ. ອັນ ລາ ຣາລີ ກະ ເຢິງ ເຈົາຣາຊີ, ກະ ອັນ ເປີນ ມູ ຣາງິຮ ກະ ອິມປໍ່ ອັນ. ອັນ ອາຕີ ໂອນ ກວາຍ ດັງ ແຕ ເຢິງ ເຈົາຣາຊີ."

ໂຢຮັນ ລາ ກວາຍ ກາ ຕະ ຮິດ ຕິ່ງ ແດັອໍ (ມັດທາຍ 3:1-12; ມາຣະໂກ 1:1-8; ລູກາ 3:1-18)

\* 1:1 1:1 ປັນນາຍ ເຢິງ ເຈົາຣາຊີ ໄນ່ ລາ ເຢຊູ ກຣິດ.

19 ໄມ່ ລາ ປັຣນາຍ ໂຢຮັນ ອາຕີ ບັອງ ກາ ກວາຍ ຍ ຊົດ ອິດຊະຣາເອລ ຕິ່ງ ເມືອງ ເຢຣູຊາເລັມ ແປຣີ ກວາຍ ແຕ ມູ່ ກາ ຊາງ ຮິ່ດ ເຢືາງ ເຈົ້າຣາຊີ ກະ ແຕ ຈຸ່ມ ເລວີ ແຕ້ອ ຕາແບັບ ໂຢຮັນ ປາຍ: "ໄມ່ ລາ ເມົ້າ?"

20 ໂຢຮັນ ງິ່ນ ມັຣ ຣານະ ອັນ ຕະ. ອັນ ຕາ ເບີນ ແກ້ອ ອິນເຕົ້າ. ອັນ ຕາແອີຍ ລັຣ ໄລ່ ກ້ອຍ ປາຍ: "ເກົ້າ ລາ ຕາ ແກ້ນ ກຣິດ."

21 ໄລ່ ກ້ອຍ ຕາແບັບ ລັຣ ຊາ ໂຢຮັນ ປາຍ: "ຄັນ ນະກ້ອຍ, ໄມ່ ລາ ເມົ້າ? ໄມ່ ລາ ເອລີຢາ ບໍ່?" ໂຢຮັນ ຕາແອີຍ ລັຣ: "ເກົ້າ ລາ ຕາ ແກ້ນ ເອລີຢາ."

ໄລ່ ຕາແບັບ ລັຣ ອັນ: "ໄມ່ ລາ ກວາຍ ອາຕີ ຕາງ ປັຣນາຍ ເຢືາງ ເຈົ້າຣາຊີ ກາ ຮີ ອິງກ້ອງ ບໍ່?"

ໂຢຮັນ ຕາແອີຍ ລັຣ: "ຕາ ແກ້ນ."

22 ໄລ່ ຕາແບັບ ລັຣ ຊາ: "ຄັນ ນະກ້ອຍ, ໄມ່ ລາ ເມົ້າ? ແຊອ໌ ໄມ່ ອາຕີ ຮີ ໂອນ ຮີ ເດິງ ປັຣນາຍ ໄມ່ ເຈົ້າ ປິ ກວາຍ ກາ ແປຣີ ຮີ ແຕ້ອ ປິ ໄມ່. ແຊອ໌ ໄມ່ ງິ່ນ ໄມ່ ລາ ເມົ້າ?"

23 ໂຢຮັນ ຕາແອີຍ ລັຣ ມູ ເຈິງ ປັຣ ນາຍ ເອຊາຢາ ກວາຍ ອາຕີ ຕາງ ປັຣນາຍ ເຢືາງ ເຈົ້າຣາຊີ ປາຍ: "ເກົ້າ ລາ 'ຊຽງ ຊາບາວ ອາຕີ ເຣັງ ລາລີ້ ແຕ ອິນຕຸ ຕຍາຣ ປາຍ: ເຍົາ ຕະ ໂອນ ຕານ້ອງ ຣານາ ອິນເຈົ້າ ໄຮ.'" "

24 ເບີນ ກວາຍ ແຕ ຈຸ່ມ ພາຣີຊາຍ ແຕ້ອ 25 ຕາ ແບັບ ລັຣ ໂຢຮັນ: "ຄັນ ໄມ່ ຕາ ແກ້ນ ກຣິດ, ແຕີ ລາ ເອລີຢາ, ແຕີລາ ມານະ ອາຕີ ຕາງ ປັຣນາຍ ເຢືາງ ເຈົ້າຣາຊີ, ມານະ ໄມ່ ຕະ ຮິ່ດ ຕິ່ງ ແດິອ໌ ໂອນ ກວາຍ?"

26-27 ໂຢຮັນ ຕາແອີຍ ລັຣ ປາຍ: "ເກົ້າ ຕະ ຮິ່ດ ໄມ່ ໂອນ ເຍົາ ຕິ່ງ ແດິອ໌, ມາ ເບີນ ມານະ ແຕ້ອ ອິນ ຕູ່ນ ເກົ້າ. ຊານໍ່ ອັນ ແອັດ ຕາຢິ່ງ ອິນດີ ເຍົາ, ມາ ເຍົາ ຕາ ເບີນ ຊາກໍ່ລ ອັນ. ເກົ້າ ລາ ຕາ ເບີນ ປ ຍາຍ໌ ໂອນ ອາແລ້ຣ ອິນໄຊ ແກັບ ແຕ ອາຢິງ ອັນ, ຍ່ອນ ເກົ້າ ລາ ອຳນາດ ກາ ແກດ ລາລີ້."

28 ອິນແຍ່ະ ຣານະ ໄມ່ ແກັດ ຕິ່ງ ວິລ ເບັດທານີ, ຍິ່ຣ ອິນຕັຣ ຕາເລ່ ຈໍແດນ ກັຣ ມານາງ ລ້ອຣ ປິ ອິນຕຸ ໂຢຮັນ ຕະ ຮິ່ດ ຕິ່ງ ແດິອ໌.

ໂຢຮັນ ອາຕີ ແຕ ເຢຊູ

29 ມາຣ ຕາໄງ ປັຣແນີ ແອັນ, ໂຢຮັນ ເຮີມ ເຢຊູ ແຕ້ອ ປິ ອັນ, ເຈີ່ ອັນ ປາຍ: "ຕິຣ! ເຍົາ ເມ່! ອັນ ລາ ແກະ ກອນ ແຕ ເຢືາງ ເຈົ້າຣາຊີ. ອັນ ລາ ນະ ຊັນຕຣັນ ເມົ້າ ກຍາກ ຊາງ ໂອນ ເຢືາງ ເຈົ້າຣາຊີ, ໂອນ ເຢືາງ ເຈົ້າຣາຊີ ຕັຣ ໄລ່ຍຣ ອິນແຍ່ະ ມັຣ ກວາ

ຍ. 30 ເກົ້າ ອາຕີ ເຈີ່ ແຕ ອັນ ປາຍ: 'ເບີນ ມານະ ແຕ້ອ ອິນຕູ່ນ ເກົ້າ, ມາ ອຳນາດ ອັນ ປິ່ດ ກາເລີຍ ແຕ ເກົ້າ. ແຕ ອິນໂຍ່ງ ເກົ້າ ຕາ ຢວາຣ ແກັດ, ລາ ອັນ ເບີນ ເຈີ່ ຕິ່ງ ມັນລ້ອງ.' 31 ແຕ ອິນໂຍ່ງ, ເກົ້າ ຕາ ເບີນ ດັງ ແຕ່ ອັນ. ມາ ເກົ້າ ແຕ້ອ ຕະ ຮິ່ດ ຕິ່ງ ແດິອ໌ ໂອນ ຈຸ່ມ ອິດຊະຣາເອລ ແຕ່ອ ດັງ ອັນ."

32 ໂຢຮັນ ອາຕີ ລັຣ ມັຣ ຣານະ ອັນ ເຮີມ ເຈີ່ ປາຍ: "ເກົ້າ ເຮີມ ຣາເວີ້ຍ ເຢືາງ ເຈົ້າຣາຊີ ແຊງ ແຕ ມັນລ້ອງ ນະ ແຈມ ປາເຣັດ. ເຈີ່ ຣາເວີ້ຍ ເຢືາງ ເຈົ້າຣາຊີ ແອັດ ເລີ້ຍ ກະ ອັນ. 33 ຕາໄງ ກ້ອຍ ເກົ້າ ຕາ ຢວາຣ ດັງ ແຕ່ ມັຣ ຣານະ ເຢຊູ ຍິອ໌ ອີ ຕະ, ມາ ເຢືາງ ເຈົ້າຣາຊີ, ອັນ ກາ ແປຣີ ເກົ້າ ຕະ ຮິ່ດ ຕິ່ງ ແດິອ໌, ອາຕີ ເກົ້າ ປາຍ: 'ແຕ້ອ໌ ໄມ່ ເຮີມ ເບີນ ມານະ ກາ ຣາເວີ້ຍ ເຢືາງ ເຈົ້າຣາຊີ ແຊງ ແອັດ, ມານະ ໄມ່ ລາ ກວາຍ ກາ ຕະ ຮິ່ດ ໄມ່ ຣານາ ຣາເວີ້ຍ ເຢືາງ ເຈົ້າຣາຊີ.' 34 ເກົ້າ ເຮີມ ເຈີ່ ຣານະ ໄມ່, ກະ ເກົ້າ ອາຕີ ເຍົາ ຕານ້ອງ ລາລີ້, ເຢຊູ ໄມ່ ລາ ແມ່ນ ກອນ ເຢືາງ ເຈົ້າຣາຊີ."

ກວາຍ ກາ ຣຍານ ແຕ ເຢຊູ ອິນໂຍ່ງ ລາລີ້

35 ຕາໄງ ປັຣແນີ ໂຢຮັນ ກາ ຕະ ຮິ່ດ ຕິ່ງ ແດິອ໌ ແອັດ ອິງກ້ອຍ ຊາ ມັນຕຸ ກະ ກວາຍ ກາ ຣຍານ ແຕ ອັນ ບາຣ ນະ. 36 ພໍກາ ອັນ ເຮີມ ເຢຊູ ເປາະ ພາ, ໂຢຮັນ ແມ່ ປິ ເຢຊູ, ກະ ອັນ ປາຍ: "ຕິຣ! ເຍົາ ເມ່! ອັນ ໄມ່ ແຕ່ ລາ ແກະ ກອນ ແຕ ເຢືາງ ເຈົ້າຣາ ຊີ."

37 ພໍກາ ໄລ່ ບາຣ ນະ ຣຍານ ແຕ ໂຢຮັນ ຊ້ອງ ອັນ ປາຍ ນະກ້ອຍ, ໄລ່ ປວາຍ ເຢຊູ. 38 ເຢຊູ ກູລຽວ ເຮີມ ໄລ່ ບາຣ ນະ ກ້ອຍ ຣາປວາຍ ຍິ່ຣ ກຣັອງ ອັນ, ເຈີ່ ອັນ ຕາແບັບ ໄລ່ ກ້ອຍ ປາຍ: "ອິນເຕົ້າ ເຍົາ ອີ ເບີນ ເຍົາ ປວາຍ ເກົ້າ?"

ໄລ່ ບາຣ ນະ ຕາແອີຍ ປາຍ: "ອາຈານ ເອີຍ, ອິນແລ່ະ ອາຈານ ແອັດ?"

39 ເຢຊູ ຕາແອີຍ ໄລ່ ປາຍ: "ເຍົາ ແຕ້ອ໌ ເມ່."

ນະກ້ອຍ ບາຣ ນະ ກ້ອຍ ປວາຍ ເຢຊູ ກະ ເຮີມ ອິນຕຸ ເຢຊູ ແອັດ. ເຈີ່ ໄລ່ ແອັດ ກະ ເຢຊູ ອິນແຍ່ ະ ມູ ຕາໄງ ກ້ອຍ; ແຈ່ະ ມານາງ ຕາປີ່ ເຈີ່.

40 ອັນເດອາ, ອາແອມ ຊີໂມນ ເປໂຕ, ລາ ມານະ ແຕ ໄລ່ ບາຣ ນະ ກາ ຊ້ອງ ໂຢຮັນ ອາຕີ, ເຈີ່ ໄລ່ ປວາຍ ເຢຊູ. 41 ອັນເດອາ ເປາະ ຣາມັຣ ແຕ່ ຊີໂມນ, ອາຍ ອັນ; ເຈີ່ ອາຕີ ອັນ ປາຍ: "ຮີ ຣາມັຣ ເຈີ່ ເມຊີອາ, ອັນ ກາ ເຢືາງ ເຈົ້າຣາຊີ ຮຽຮ ໂອນ ຈ່ອຍ ອາມັງ ກວາຍ." (ຕິ່ງ ປັຣນາຍ ກຣີກ ເມົ້າ ດໍອ໌ ອັນ ລາ ກຣິດ.)

# 2

42 ອັນເດອາ ເດີງ ຊີໂມນ ແຕ້ອ໌ ປີ ເຢຊູ. ເຢຊູ ແມ່ ປີ ຊີໂມນ ກະ ອາຕີ ອັນ ປາຍ: "ໄມ່ ເບີນ ຮາມິ ຮ ຊີໂມນ, ກອນ ໂຢຮັນ. ມາ ຊານໍ່ ເກົາ ໂອນ ໄມ່ ເບີນ ຮາມິຮ ຕາໄມ ແອັນ ລາ ທາພາ." (ຮາມິຮ 'ທາ ພາ' ໄມ່ ປັຣນາຍ ກຣິກ ດໍອ໌ ລາ 'ເປໂຕ.')

ເຢຊູ ກູອ໌ ພິລິບ ກະ ນະທານາເອັລ

43 ມາຮ ຕາໄງ ປັຣເນີ ແອັນ ເຢຊູ ຄິດ ອີ ເປາະ ປີ ແຄງ ຄາລິເລ. ພໍກາ ອັນ ເປາະ, ອັນ ຮາມິຮ ພິລິບ ກະ ອາຕີ ພິລິບ ປາຍ: "ອີງເຄາະ ໄມ່ ເປາະ ກະ ເກົາ!"

44 ພິລິບ ໄມ່ ແອິດ ມູ ວິລ ກະ ອັນເດອາ ກະ ເປໂຕ. ຮາມິຮ ວິລ ກ້ອຍ ລາ ເບັດຊາອິດາ. 45 ເຈິ່ ພິລິບ ຮາມິຮ ນະທານາເອັລ ກະ ອາຕີ ອັນ ປາຍ: "ຮິ ຮາມິຮ ເຈິ່ ອັນ ກາ ໄມເຊ ດຽນ ຕິ່ງ ປິ່ງ ຄານອດ ຈຸ່ມ ອິດຊະຮາເອລ. ກະ ກວາຍ ອາຕີ ຕາງ ປັຣນາຍ ເຢິງ ເຈົ້າຮາຊີ ແຕ ອິມເບີ ອາຕີ ແຕ ມານະ ໄມ່ ເຕ່. ຮາມິຮ ກວາຍ ໄມ່ ລາ ເຢຊູ, ກອນ ໂຢເຊັບ ແຕ ວິລ ນາຊາເຣັດ."

46 ມາ ນະທານາເອັລ ຕາເບີບ ປາຍ: "ເບີນ ອໍ ອິນເຕົ້າ ກາ ແຕ້ອ໌ ແຕ ວິລ ມາຊາເຣັດ?"

ພິລິບ ຕາເອີຍ: "ເອົາ ໄມ່ ເປາະ ຊາລິອ໌ ແມ່!"

47 ພໍກາ ເຢຊູ ເຮີມ ນະທານາເອັລ ແຕ້ອ໌ ປີ ອັນ, ເຢຊູ ອາຕີ ແຕ ນະທານາເອັລ ປາຍ: "ອັນ ໄມ່ ລາ ເຈຍ ກວາຍ ອິດຊະຮາເອລ. ອັນ ຕາ ເບີນ ຮາມິ ອິນເຕົ້າ."

48 ນະທານາເອັລ ຕາເບີບ ເຢຊູ: "ນານະ ອາຈານ ດັງ ແຕ ຮາງິຮ ເກົາ?"

ເຢຊູ ຕາເອີຍ ອັນ ປາຍ: "ແຕ ອິນໂຍ່ງ ພິລິບ ຕາ ຢວາຣ ກູອ໌ ໄມ່, ບັອງ ກາ ໄມ່ ແອິດ ປິ່ນ ກໍ່ລ ລາວັຮ, ເກົາ ດັງ ເຈິ່ ໄມ່."

49 ນະທານາເອັລ ປາຍ: "ອາຈານ ເອີຍ! ໄກຮ ລາລີ້ ອາຈານ ລາ ກອນ ເຢິງ ເຈົ້າຮາຊີ. ກະ ໄກຮ ລາລີ້ ອາຈານ ລາ ເຕົາວ ປັຣເນີ ຈຸ່ມ ອິດຊະຮາ ເອລ."

50 ເຢຊູ ປາຍ: "ເກົາ ຕາເບີ ປາຍ, 'ເກົາ ດັງ ເຈິ່ ໄມ່ ບັອງ ກາ ໄມ່ ແອິດ ປິ່ນ ອາລ້ອງ ກ້ອຍ,' ມາ ນານະ ໄມ່ ຊາອໍາ ແຕ່? ປັຣເນີ ມັນເຕຣີ ໄມ່ ເບີນ ເຮີມ ຮານະ ປັດ ແກ້ຍ ແຕ ໄມ່ ແອັນ!"

51 ເຢຊູ ປາຍ ແອັນ: "ເກົາ ອາຕີ ຕານ້ອງ ໂອນ ເຍົາ, ປັຣເນີ ມັນເຕຣີ ເຍົາ ເບີນ ເຮີມ ມັນລ້ອງ ເປັຣ ກະ ເທວາດາ ເຢິງ ເຈົ້າຮາຊີ ຊ້ອຮໆ ແຊງໆ ແຕ ມັນລ້ອງ ຍ່ອນ ແຕ ກອນ ເຢິງ ແກ້ດ ກວາຍ."

ເມົ້າ ຈາ ປັຣຊວຍ ຕິ່ງ ວິລ ການາ

1 ແວັດ ບາຣ ຕາໄງ ແອັນ ເບີນ ກວາຍ ເປາະ ຈາ ປັຣຊວຍ ຕິ່ງ ວິລ ການາ, ແຄງ ຄາລິເລ. ອິມເປອ໌ ເຢຊູ ແອິດ ຕິ່ງ ກ້ອຍ ເຕ່. 2 ເມົ້າ ການີ້ຍ ເຢຊູ ກະ ມູ່ ກາ ຮຍານ ແຕ ອັນ ເປາະ ໂຮ່ມ ຈາ ປີ ກ້ອຍ ເຕ່.

3 ແຕ້ອ໌ ບັອງ ອາງຸ່ນ ອິນແຍ່ະ ເຈິ່, ອິມເປອ໌ ເຢຊູ ປາຍ ໂຈະ ເຢຊູ: "ຊານໍ່ ບັອງ ໄລ່ ອິນແຍ່ະ ເຈິ່."

4 ເຢຊູ ຕາເອີຍ ລັຮ ອິມເປອ໌ ອັນ ປາຍ: "ຕາ ເບີນ ອິນເຕົ້າ, ອິມເປອ໌. ໄມ່ ລາ ຕາ ແກ້ນ ຮານະ ໄມ່. ປາແນ່ນ ຮານະ ເກົາ ຕາ ຢວາຣ ແຕ້ອ໌."

5 ອິມເປອ໌ ເຢຊູ ອາຕີ ກວາຍ ຕະ ຮານະ ຕິ່ງ ດຸງ ກ້ອຍ ປາຍ: "ອິນເຕົ້າ ອັນ ແປຣີ ເຍົາ ຕະ, ເຍົາ ຕະ ອາກ້ອຍ."

6 ຈຸ່ມ ອິດຊະຮາເອລ ເບີນ ຮິດ ອີງເຄາະ ອາ ເຮົາວ ອາຕີ ອິນໂຍ່ງ ອີ ຈິຈາ. ນະກ້ອຍ ອິນຕຸ ກ້ອຍ ເບີນ ຕາປັດ ລໍາ ແອງ ຕາເມົ້າ ດໍອ໌ ຕາປູ່ນ ຮິດ ກ້ອຍ. ມານໍາ ແອງ ກ້ອຍ ຕາເດີງ ເບີນ ມາຮ ມວຍ ຮ່ອຍ ລິດ ແດັອ໌ ແຕ ປັນ. 7 ເຢຊູ ແປຣີ ກວາຍ ກາ ຕະ ຮານະ ກ້ອຍ ປາຍ: "ຊານໍ່ ເຍົາ ໂຈະ ປັນ ມັຮ ແດັອ໌ ຕິ່ງ ແອງ ກ້ອຍ."

ເຈິ່ ກວາຍ ກ້ອຍ ໂຈະ ແດັອ໌ ລີ່ງຮ ແອງ. 8 ແວັດ ກ້ອຍ ເຢຊູ ແປຣີ ໄລ່ ກ້ອຍ ແອັນ: "ຊານໍ່ ເຍົາ ຕາ ກອຍ໌ ແດັອ໌ ແຕ ແອງ ໄມ່; ເຈິ່ ອາລ້ອຣ ໂອນ ເທົາ ແກ ຈ່ອຍ."

ກວາຍ ຕະ ຮານະ ເດີງ ແດັອ໌ ກ້ອຍ ອາແຕ້ອ໌ ໂອນ ເທົາແກ. 9 ເຈິ່ ເທົາແກ ຈິມ ແດັອ໌ ກ້ອຍ, ມາ ແດັອ໌ ກ້ອຍ ແກ້ດ ບັອງ ອາງຸ່ນ. ເທົາແກ ກ້ອຍ ຕາ ດັງ ແຕ ແລະ ບັອງ ໄມ່ ແຕ້ອ໌, ມາ ໄລ່ ກາ ຕະ ຮາ ນະ ກ້ອຍ, ໄລ່ ກາ ຕາກອຍ໌ ແດັອ໌ ກ້ອຍ, ໄລ່ ດັງ ເຈິ່. ນະກ້ອຍ ເທົາແກ ກູອ໌ ປັຣລວະ ກາ ອິດ ລາ ກວຍ. 10 ອັນ ອາຕີ ປາຍ: "ແຕ້ອ໌ ເມົ້າ ການີ້ຍ ກວາຍ ການໍ່ອ໌, ເກີຍ ເມົ້າ ໂອນ ຈ່ອຍ໌ ບັອງ ແອມ ອິນໂຍ່ງ ເວົ້າຍ. ແວັດ ຕາມອຍ ຈ່ອຍ໌ ບູລ ອິນແຍ່ະ ເຈິ່, ເມົ້າ ອາລ້ອຣ ບັອງ ອິນເຍາະ. ມາ ເຮີບ ໄມ່ ເຍົາ ອາລ້ອຣ ບັອງ ແອມ ອິນຕູ່ນ ແອັນ."

11 ເຢຊູ ຕະ ໂອນ ແດັອ໌ ແກ້ດ ບັອງ ຕິ່ງ ເມືອງ ການາ ແຄງ ຄາລິເລ. ໄມ່ ລາ ຮານະ ຕາ ເກີຍ ເຮີມ ແຕ ຕາເບີ ລາລີ້ ອັນ ຕະ. ອັນ ຕະ ນະໄມ່ ດໍອ໌ ອາປັຣ ອໍານາດ ອາງອິຣ ແຕ ອັນ, ກະ ມູ່ ກາ ຮ ຍານ ແຕ ອັນ ຊາອໍາ ອັນ. 12 ແວັດ ກ້ອຍ ເຢຊູ

† 1:42 1:42 ກະ ຮາມິຮ 'ເປໂຕ' ໄມ່ ປັຣນາຍ ກາຕາງ ດໍອ໌ ລາ 'ຕາເມົ້າ.'

ກະ ອິມເປ໋ອ ອັນ, ອາແອມ ຮາເລົາ ອັນ, ກະ ມູ່ ກາ ຣຍານ ແຕ ອັນ, ອິນແຍ່ະ ມັຮ ໄລ່ ແຊງ ເຈົ້າ ປີ ມືອງ ກາເປນາອູມ. ໄລ່ ແອັດ ອົງກ້ອຍ ຕາ ເບີນ ດູ່ນ ບາຣ ໄປ ຕາໄງ.

ເຢຊູ ມູ່ດ ຕົ້ງ ດຸງ ຊາງ ປິດ ຈຸ່ມ ອິດຊະຮາເອລ (ມັດທາຍ 21:12-13; ມາຣະໂກ 11:15-17; ລູກາ 19:45-46)

13 ແຈ່ະ ອີ ແຕ້ອ໌ ຕາໄງ ຈຸ່ມ ອິດຊະຮາເອລ ຈາ ຊາແຍ້ ຕາໄງ ເຢົາຮາຊີ ອາກູ້ຮ ໄລ່.\* ນະກ້ອຍ ເຢຊູ ຊ້ອຣ ປີ ມືອງ ເຢຣູຊາເລັມ. 14 ຕົ້ງ ຊັງອາຣ ດຸງ ຊາງ ປິດ ຈຸ່ມ ອິດຊະຮາເອລ, ເຢຊູ ຣາມັຮ ກວາຍ ຈິແຈັງ ຕາແກງ, ແກະ, ກະ ແຈມ ປາເຣົາດ. ກະ ເບີນ ກວາຍ ປຽນ ປຣະ ແຮີ ຕົ້ງ ອິນຕຸ ກ້ອຍ. 15 ນະກ້ອຍ ເຢຊູ ຕະ ມວຍ ອິນແຕຣັຣ ອິນໄຊ ໄປຣັຣ, ເຈ້ ອັນ ຕູ່ຍຣ ອາລ້ອຣ ອິນແຍ່ະ ຊັນຕຣັ້ນ ແຕ ຊັງອາຣ ດຸງ ຊາງ ກ້ອຍ, ກາ ແກະ, ກາ ຕາແກງ. ກະ ອັນ ກູແຕັລ ຕັຣ ກາເຈັງ ກວາຍ ປຽນ ປຣະ ໂອນ ມັຮ ປຣະ ກ້ອຍ ຊາແລັຣ ອິນແຍ່ະ. 16 ເຈ້ ເຢຊູ ແປຣີ ກວາຍ ກາ ຈິ ແຈມ ປາເຣົາດ ກ້ອຍ ປາຍ: "ເຍົາ ອາລ້ອຣ ປາເຣົາດ ແຕ ອິນຕຸ ໄມ່! ເຍົາ ອິນໂຈຍ ຕະ ຕາລາດ ຕົ້ງ ດຸງ ອິມປໍ ເກົາ!"

17 ມູ່ ກາ ຣຍານ ແຕ ເຢຊູ ຊາແຍ້ ລັຣ ເມົາ ຄຽນ ຕົ້ງ ປຶງ ປຣນາຍ ເຢົາຮາຊີ ແຕ ອິມແບີ ປາຍ: "ເກົາ ອູອຍາຣ ອູໂອຣ໌ ຢິອ໌ ອີ ຕະ ຮານະ

ຈ່ອຍ ດຸງ ຊາງ ເຢົາຮາຊີ ອິນແຍ່ະ ຮາງິຣ ຮາແຮີ ເກົາ."

18 ແວັດ ກ້ອຍ ກວາຍ ຊົດ ອິດຊະຮາເອລ ຕາ ແບີບ ເຢຊູ ປາຍ: "ຮານະ ຕາ ເກ້ຍ ເຮີມ ອິນເຕົ້າ ອາຈານ ອາປັຣ ໂອນ ຮິ ດັງ ອາຈານ ເບີນ ອຳນາດ ຕະ ຮານະ ໄມ່?"

19 ເຢຊູ ຕາແອີຍ ລັຣ ປາຍ: "ຄັນ ຕາລຸຣ ດຸງ ຊາງ ໄມ່, ເຈ້ ເກົາ ຕະ ລັຣ ໄປ ຕາໄງ ລາ ເຈ້ ແຕ້."

20 ກວາຍ ຊົດ ອິດຊະຮາເອລ ຕາແບີບ ລັຣ ເຢຊູ: "ນານະ ອາຈານ ປາຍ ອາຈານ ມາ ຕະ ເບີນ ດຸງ ຊາງ ໄມ່ ລາ ໄປ ຕາໄງ ຊ້ອງ? ຮິ ຕະ ດຸງ ຊາງ ໄມ່ ດູ່ນ ເບີນ ປູນ ຈິດ ຕາປັດ ກູມັ."

21 ມາ ປຣນາຍ ກ້ອຍ ເຢຊູ ຊາກຳ ແຕ ຈະ ອັນ ເບີມ ລາ ນະ ດຸງ ຊາງ ແຕ່. 22 ແຕ້ອ໌ ແວັດ ເຢຊູ ກູ ຈິດ, ເຈ້ ອັນ ອາມັງ ລັຣ, ມູ່ ກາ ຣຍານ ແຕ ເຢຊູ ຊາແຍ້ ລັຣ ປຣນາຍ ເຢຊູ ປາຍ ໄມ່. ເຈ້ ໄລ່ ຊາງັດ

ລາລີ້ ປຶງ ປຣນາຍ ເຢົາຮາຊີ ກະ ອິນແຍ່ະ ປັຣ ມາຍ ເຢຊູ ປາຍ.

23 ເຢຊູ ແອັດ ລັຣ ຕົ້ງ ມືອງ ເຢຣູຊາເລັມ ມັຮ ຕາໄງ ຈຸ່ມ ອິດຊະຮາເອລ ຈາ ຊາແຍ້ ຕາໄງ ເຢົາຮາຊີ ອາກູ້ຮ ໄລ່. ບັອງ ກາ ເຢຊູ ແອັດ ອິນຕຸ ກ້ອຍ ເບີນ ກຶ້ງ ກວາຍ ຊາອຳ ອັນ, ຍ່ອນ ໄລ່ ເຮີມ ຮານະ ຕາ ເກ້ຍ ເຮີມ ອັນ ຕະ. 24 ມາ ເຢຊູ ຕາ ເບີ ນ ຊາອຳ ໄລ່, ຍ່ອນ ອັນ ດັງ ອິນແຍ່ະ ຕົ້ງ ຮາງິຣ ກວາຍ. 25 ອັນ ຕາ ເບີນ ຕຸຣ ເມົາ ອາຕີ ອັນ ແຕ ຮາງິຣ ກວາຍ, ຍ່ອນ ອັນ ດັງ ແຈງ ລາລີ້ ເຈ້ ອິນ ແຍ່ະ ແຕ ຮາງິຣ ກວາຍ.

### 3

ເຢຊູ ຕະ ອິນຕີ ກະ ນິໂກເດມ

1 ເບີນ ມານະ ແຕ ຈຸ່ມ ພາຣີຊາຍ ລາ ຮາມັຣ ນິໂກເດມ. ອັນ ກ້ອຍ ແຕ ຈຸ່ມ ໄລ່ ກາ ຊົດ ກວາຍ ອິດຊະຮາເອລ. 2 ເບີນ ມວຍ ຊາເດົາ ອັນ ແຕ້ອ໌ ປີ ເຢຊູ ກະ ປາຍ: "ອາຈານ ເອີຍ! ຮິ ດັງ ເຈ້ ອາຈານ ແຕ້ອ໌ ແຕ ເຢົາຮາຊີ. ຕາ ເບີນ ເມົາ ແຕ້ອ໌ ຕະ ຮານະ ຕາ ເກ້ຍ ເຮີມ ມູເຈັງ ອາຈານ ຕະ, ຄັນ ເຢົາຮາຊີ ຕາ ເບີນ ແອັດ ກະ ອັນ."

3 ມາ ເຢຊູ ຕາແອີຍ ປາຍ: "ເກົາ ອາຕີ ຕານ້ອງ ໂອນ ໄມ່, ຄັນ ກວາຍ ອາແລະ ມາ ຕາ ເບີນ ຣັຣ ລັຣ, ອັນ ກ້ອຍ ຕາ ແຕ້ອ໌ ເຮີມ ເຢົາຮາຊີ ຕະ ຊົດ."

4 ເຈ້ ນິໂກເດມ ຕາແບີບ ລັຣ ປາຍ: "ນານະ ກວາຍ ເກົາ ເຈ້ ມາ ແຕ້ອ໌ ຣັຣ ລັຣ? ອາແລະ ລາ ຕາ ແຕ້ອ໌ ມູ່ດ ນ້ອງ ຕົ້ງ ປຸງ ອິມເປ໋ອ ກະ ຣັຣ ລັຣ ມູ ເຮີບ ແອັນ!"

5 ເຢຊູ ຕາແອີຍ ລັຣ ແອັນ: "ເກົາ ອາຕີ ຕານ້ອງ ໂອນ ໄມ່, ຄັນ ເບີນ ກວາຍ ອາແລະ ມາ ຕາ ເບີນ ຣັຣ ຮານາ ແຕ້ອ໌ ກະ ຮານາ ຮາເວີຍ ເຢົາຮາ ຊີ, ກວາຍ ກ້ອຍ ຕາ ແຕ້ອ໌ ມູ່ດ ຕົ້ງ ອິນຕຸ ເຢົາຮາຊີ ຊົດ. 6 ຄັນ ແກັດ ແຕ ກວາຍ ລາ ກວາ ຍ ພົາດ ຊ້ອງ, ມາ ຄັນ ແກັດ ແຕ ຮາເວີຍ ເຢົາຮາຊີ ລາ ເບີນ ຮາເວີຍ ອັນ. 7 ໄມ່ ອິນໂຈຍ ຈິດ ປຣນາຍ ເກົາ ປາຍ, ເຍົາ ອົງເຄາະ ຣັຣ ລັຣ ຕາ ໄມ່ ແອັນ. 8 ມູເຈັງ ກູຢາລ ແປ້ ແຕ່, ປິ ແລະ ອັນ ຢິອ໌ ອີ ແປ້ ລາ ອັນ ແປ້ ປີ ກ້ອຍ. ໄມ່ ແຕ້ອ໌ ຊ້ອງ ໂຮ ກູຢາລ ກ້ອຍ, ມາ ໄມ່ ຕາ ດັງ ແຕ ແລະ ອັນ ແຕ້ອ໌, ກະ ຕາ ດັງ ປີ ແລະ ອັນ ເປາະ. ມູເຈັງ ກ້ອຍ

\* 2:13 2:13 ຕາໄງ ກ້ອຍ ໄລ່ ຊາແຍ້ ຕາໄງ ເທວາດາ ເຢົາຮາຊີ ແຕ ອິມແບີ ປາຍ ດຸງ ກວາຍ ອິດຊະຮາເອລ ຕາ ເບີນ ກາຈິດ ກອນ ຮາເລົາ ກັລ ໄລ່.

ເຕັ ໂອນ ອິນແຍ່ະ ມັຮ ກວາຍ ກາ ຣັຮ ລັຮ ແຕ ຮາ ເວ້າຍ ເຢິງ ເຈົ້າຮາຊີ."

9 ແວັດ ເຢຊູ ປາຍ ນະກັອຍ ນີໂກເດມ ຕາແບັບ ລັຮ ຊາ: "ຈິ່ງ ເອີຍ! ນານະ ເຕ່ອ ກວາຍ ຣັຮ ລັຮ ແອ້ນ?"

10 ເຢຊູ ຕາແອີຍ ລັຮ ປາຍ: "ໄມ່ ລາ ອາຈານ ອາຕີ ກວາຍ ອິດຊະຮາເອລ, ມາ ໄມ່ ຕາ ເບີນ ຊາ ບຸ່ຮ ຮາມິຮ ໄມ່ ບໍ່? 11 ທົ້າ ອາຕີ ຕາມ້ອງ ໂອນ ໄມ່, ຮິ ອາຕີ ແຕ ຮາມິຮ ຮິ ດັງ ເຈີ່, ກະ ຮິ ອາຕີ ແຕ ຮາມິຮ ຮິ ເຮີມ ເຈີ່, ມາ ຕາ ເບີນ ເມົ້າ ແຕ ເຍົາ ຢິອ ອີ ຊາງັດ ປຣນາຍ ຮິ. 12 ຄັນ ທົ້າ ອາຕີ ເຍົາ ແຕ ຮາມິຮ ຕິ່ງ ກູແຕອ ໄມ່, ມາ ເຍົາ ຕາ ເບີນ ຊາ ອໍາ ທົ້າ, ແຮງ ກາຕົກ ທົ້າ ອາຕີ ມັຮ ຮາມິຮ ແຕ ມັນລ້ອງ ແອ້ນ, ນານະ ເຕ່ອ ເຍົາ ຊາອໍາ? 13 ເບີ ນ ແອັງ ມານະ ຊ້ອງ ຊ້ອຮ ບໍ່ ມັນລ້ອງ. ມານະ ໄມ່ ລາ ກອນ ເຢິງ ແກັດ ກວາຍ, ອັນ ກາ ແຊງ ເຈີ່ ແຕ ມັນລ້ອງ. ມາ ມັຮ ກວາຍ ການໍອ, ຕາ ເບີນ ເມົ້າ ຊ້ອຮ ບໍ່ ມັນລ້ອງ.

14 "ແຕ ອິມແບີ ໂມເຊ ຕາຢ້ອງ ກູຊັນ ຕິ່ງ ອິນ ຕຸ ຕຍາຮ. ປຣເນີ ມັນເຕຣົາ ເມົ້າ ຕາຢ້ອງ ກອນ ເຢິງ ແກັດ ກວາຍ ມູເຈິງ ກັອຍ ເຕ່.\* 15 ຄັນ ກວາຍ ອາແລະ ມາ ຊາອໍາ ອັນ, ກວາຍ ກັອຍ ຕາ ເບີນ ກູຈິດ ບິດ, ມາ ອັນ ເບີນ ອາມັງ ຊົດ ແດີຍ. 16 ຍ່ອນ ເຢິງ ເຈົ້າຮາຊີ ອາໂຢະ ອິນແຍ່ະ ມັຮ ກວາ ຍ, ນະກັອຍ ອັນ ໂອນ ກອນ ອັນ ມານໍາ ແຊງ ແອັດ ຕິ່ງ ກູແຕອ ໄມ່. ກວາຍ ອາແລະ ກາ ຊາອໍາ ກອນ ໄມ່, ຮາເວ້າຍ ກວາຍ ກັອຍ ຕາ ເບີນ ກູຈິດ ບິດ, ມາ ອັນ ເບີນ ອາມັງ ເລືອຍໆ. 17 ເຢິງ ເຈົ້າຮາຊີ ຕາ ເບີນ ແປຣີ ກອນ ອັນ ແຊງ ບໍ່ ກູແຕອ ໄມ່ ໂອນ ຕະ ໂຕ່ດ ກວາຍ, ມາ ເຢິງ ເຈົ້າຮາຊີ ຢິອ ອີ ຈ່ອຍ ອາມັງ ອິນແຍ່ະ ມັຮ ກວາຍ ຍ່ອນ ກອນ ອັນ.

18 "ກວາຍ ອາແລະ ກາ ຊາອໍາ ກອນ ເຢິງ ເຈົ້າຮາຊີ, ເຢິງ ເຈົ້າຮາຊີ ຕາ ເບີນ ຕະ ໂຕ່ດ ກວາ ຍ ກັອຍ. ມາ ກວາຍ ອາແລະ ກາ ຕາ ເບີນ ຊາອໍາ, ເຢິງ ເຈົ້າຮາຊີ ຕະ ໂຕ່ດ ກວາຍ ກັອຍ ເຈີ່, ຍ່ອນ ກວາຍ ກັອຍ ຕາ ເບີນ ຊາອໍາ ກອນ ອັນ. 19 ເຢິງ ເຈົ້າຮາຊີ ຕະ ໂຕ່ດ ກວາຍ ນະໄມ່: ຍ່ອນ ຮານະ ບັງ ແຕ້ອ ເຈີ່ ບໍ່ ກູແຕອ ໄມ່, ມາ ກວາຍ ປາຊີ ຮານະ ການໍາ ກາເລີຍ ແຕ ຮານະ ບັງ, ຍ່ອນ ຮານະ ໄລ່ ຕະ ຕາມມັຮ. 20 ອິນແຍ່ະ ມັຮ ກວາຍ ກາ ຕະ ຮາ ນະ ຕາມມັຮ, ໄລ່ ຊາອັຮ ລາລີ ຮານະ ບັງ. ກະ ໄລ່ ຕາ ຢິອ ອີ ແຕ້ອ ບໍ່ ອິນຕຸ ບັງ, ຍ່ອນ ໄລ່ ອິງກັອຮ

ເມົ້າ ດັງ ຮານະ ໄລ່ ຕະ ຕາ ເບີນ ອໍ. 21 ມາ ກວາ ຍ ອາແລະ ກາ ຕະ ຮານະ ປຍາຍົ, ກວາຍ ໄມ່ ຢິອ ອີ ແຕ້ອ ບໍ່ ອິນຕຸ ບັງ. ອັນ ຢິອ ອີ ໂອນ ບັງ ອາ ປັຮ ອິນແຍ່ະ ຮານະ ອັນ ຕະ ລາ ອັນ ຊາງັດ ເຢິງ ເຈົ້າຮາຊີ."

ໂຢຮັນ ກາ ຕະ ຮິດ ຕິ່ງ ແດ້ອ ອາຕີ ແອ້ນ ແຕ ເຢຊູ

22 ແວັດ ເຢຊູ ປາຍ ນະກັອຍ, ອັນ ກະ ມູ່ ກາ ຮ ຍານ ແຕ ອັນ ມຸ່ດ ຕິ່ງ ແຄງ ຢູດາຍ. ໄລ່ ແອັດ ບໍ່ ກັອຍ ຕະ ຮິດ ຕິ່ງ ແດ້ອ ໂອນ ກວາຍ. 23 ບັອງ ກາ ກັອຍ ໂຢຮັນ ຕະ ຮິດ ຕິ່ງ ແດ້ອ ຕິ່ງ ອິນຕຸ ໄອມັນ ແຈະ ວິລ ຊາລິມ, ຍ່ອນ ອິນຕຸ ກັອຍ ເບີນ ແດ້ອ ຊາອິ້ຍ. ກະ ກວາຍ ແຕ້ອ ເລືອຍໆ ບໍ່ ໂຢຮັນ ຢິອ ອັນ ຕະ ຮິດ ຕິ່ງ ແດ້ອ ໂອນ ໄລ່. 24 (ບັອງ ກາ ກັອຍ, ເມົ້າ ຕາ ຢວາຮ ໂກບ ໂຢຮັນ ໂຈະ ຕິ່ງ ກໍ່ອ.)

25 ແວັດ ກັອຍ ມູ່ ກາ ຮຍານ ແຕ ໂຢຮັນ ຮາ ຈຽນ ກະ ມານະ ກວາຍ ອິດຊະຮາເອລ ແຕ ຮິດ ຕະ ບຣັຮ. 26 ເຈີ່ ມູ່ ກາ ຮຍານ ແຕ ໂຢຮັນ ແຕ້ອ ບໍ່ ອັນ ກະ ອາຕີ ປາຍ: "ອາຈານ ເອີຍ! ອັນ ກາ ແອັດ ກະ ອາຈານ ບັອງ ກາ ອາຈານ ແອັດ ຢິຮ ຕາ ເລ່ ຈໍແດນ, ອັນ ກາ ອາຈານ ອາຕີ ເຈີ່ ໂອນ ຮິ ດັງ ແຕ ອັນ, ຊານໍ ອັນ ກັອຍ ຕະ ຮິດ ຕິ່ງ ແດ້ອ ໂອນ ກວາຍ ເຕ່. ກະ ອິນແຍ່ະ ມັຮ ກວາຍ ແຕ້ອ ບໍ່ ອັນ."

27 ໂຢຮັນ ຕາແອີຍ ລັຮ ປາຍ: "ກວາຍ ຕາ ເຕ່ອ ເບີນ ມວຍ ຮາມິຮ ອິນເຕົ້າ, ຄັນ ເຢິງ ເຈົ້າຮາຊີ ຕາ ເບີນ ໂອນ ອັນ ເບີນ. 28 ເຍົາ ດັງ ເຈີ່ ທົ້າ ປາຍ: 'ເກົ້າ ລາ ຕາ ເກີນ ກຣິດ. ມາ ເຢິງ ເຈົ້າຮາຊີ ແປຣີ ເກົ້າ ແຕ້ອ ອິນໂຍ່ງ ກຣິດ.' 29 ຮານະ ໄມ່ ລາ ນະ ປຣນາຍ ຊາກໍາ ປາຍ: ເບີນ ມານະ ເປາະ ອິດ ລາ ກວຍ, ກະ ເຍົາ ອັນ ຕາຢິ່ງ ຊາງັດ ອັນ ຕະ ອິນຕີ. ເຍົາ ອັນ ໄລ່ ຊ້ອງ ຮໍອ ພໍກາ ໄລ່ ຊ້ອງ ຊຽງ ປຣ ລົວະ ກັອຍ. ທົ້າ ລາ ມູເຈິງ ເຍົາ ອັນ ເຕ່. ຊານໍ ເກົ້າ ຊ້ອງ ຮໍອ ຕິ່ງ ຮາງິຮ ເກົ້າ, ຍ່ອນ ອັນ ແຕ້ອ ເຈີ່. 30 ອັນ ກັອຍ ອິງເຄາະ ແກັດ ບິດ ອາຊ້ອຮ, ມາ ເກົ້າ ອິງເຄາະ ແກັດ ແກດ ອາແຊງ.

31 "ອັນ ກາ ແຕ້ອ ແຕ ເປັງ, ອັນ ບິດ ແກ້ຍ ອິນແຍ່ະ. ອັນ ກາ ແຕ້ອ ແຕ ກູແຕອ, ອັນ ແອັດ ຕິ່ງ ກູແຕອ, ກະ ອັນ ອາຕີ ແຕ ຮາມິຮ ຕິ່ງ ກູແຕອ ຊ້ອງ. ມາ ອັນ ກາ ແຕ້ອ ແຕ ມັນລ້ອງ, ອັນ ບິດ ແກ້ຍ ອິນແຍ່ະ ແຕ ກູ່ ຮາມິຮ. 32 ອັນ ກັອຍ ອາຕີ

\* 3:14 3:14 ຕິ່ງ ແດີຍ ໂມເຊ ອັນ ຕາຢ້ອງ ກູຊັນ ໂອນ ກວາຍ ເນ່. ອາແລະ ກາ ເນ່ ບໍ່ ກູຊັນ ກັອຍ. ອັນ ເບີນ ອາມັງ. ມູເຈິງ ກັອຍ ເຕ່ ອາແລະ ກາ ເນ່ ບໍ່ ເຢຊູ ກຣິດ ອັນ ເບີນ ອາມັງ ເຕ່.

ມັຮ ຮາມິ້ຮ ອັນ ເຮີມ ກະ ອັນ ຊ້ອງ, ມາ ຕາ ເບີນ ເມົ່າ ຢໍຣີ ອີ ຊາງັດ ປັຮນາຍ ອັນ. <sup>33</sup> ອາແລ່ະ ກາ ຮັບ ປັຮນາຍ ອັນ ປາຍ, ກວາຍ ກ້ອຍ ງິ່ນ ປາຍ ເຢີງ ເຈົ້າຮາຊີ ລາ ປຍາຍ ລາລີ້. <sup>34</sup> ເຢີງ ເຈົ້າຮາ ຊີ ແປຣີ ເຢຊູ ແຕ້ອ້ ອາຕີ ປັຮນາຍ ເຢີງ ເຈົ້າຮາ ຊີ. ຍ່ອນ ນະກ້ອຍ ເຢີງ ເຈົ້າຮາຊີ ໂອນ ເຢຊູ ເບີ ນ ແອິງ ຮາເວົ້າຍ ອັນ. <sup>35</sup> ອິມບໍ່ ອາໂຢ່ະ ກອນ, ກະ ມ່ອບ ອິນແຍ່ະ ຕຸ່ກ ຮາມິ້ຮ ໂອນ ອັນ ຕະ ຊັດ. <sup>36</sup> ກວາຍ ອາແລ່ະ ກາ ຊາອໍາ ກອນ ເຢີງ ເຈົ້າຮາຊີ, ກວາຍ ກ້ອຍ ເບີນ ອາມັງ ເລື້ອຍໆ. ມາ ກວາຍ ອາ ແລ່ະ ກາ ຕາ ເບີນ ຊາອໍາ ກອນ ອັນ, ກວາຍ ກ້ອຍ ຕາ ເບີນ ອາມັງ ເລື້ອຍ, ມາ ເຢີງ ເຈົ້າຮາຊີ ຕະ ໂຕ່ດ ອັນ ເລື້ອຍໆ."

### 4

ເຢຊູ ຕະ ອິນຕີ ກະ ມັນແຊມ ຊາມາເຣຍ

<sup>1</sup> ຈຸ່ມ ພາຣີຊາຍ ຊ້ອງ ເມົ່າ ປາຍ ເຢຊູ ເບີນ ຊາ ອິ້ຍ ກວາຍ ຮຍານ ແຕ ອັນ, ກະ ອັນ ຕະ ຮິ່ດ ຕິ່ງ ແດ້ອ້ ໂອນ ກວາຍ ຊາອິ້ຍ ກາເລີຍ ແຕ ໂຢຮັນ. <sup>2</sup> ມາ ຕາ ເກີນ ເຢຊູ ຕະ ຮິ່ດ ຕິ່ງ ແດ້ອ້ ໂອນ ໄລ່, ແອິງ ມູ່ ກາ ຮຍານ ແຕ ເຢຊູ ຊ້ອງ ຕະ ຮິ່ດ ໄມ່. <sup>3</sup> ພໍກາ ເຢຊູ ດັງ ຈຸ່ມ ພາຣີຊາຍ ຊ້ອງ ເມົ່າ ປາຍ ນະກ້ອຍ, ອັນ ລ້ອຮ ແຕ້ ແຕ ແຄງ ຢູດາຍ. ເຈ້ ອັນ ລໍ່ບ ເຈົ້າ ລໍ່ຮ ບໍ່ ແຄງ ຄາລີເລ. <sup>4</sup> ຮາມາ ເຢຊູ ເປາະ ອິງເຄາະ ອັນ ຊາລັຮ ແຄງ ຊາມາເຣຍ ເວົ້າຍ. <sup>5</sup> ຕິ່ງ ແຄງ ຊາມາເຣຍ ອັນ ແຕ້ອ້ ບໍ່ ວິລ ຊີຄາ. ວິ ລ ກ້ອຍ ແຈ່ະ ກູແຕອ້ ກາ ຢາໂຄບ ໂອນ ໂຢເຊັບ ກອນ ຮາເລົາ ອັນ ແຕ ອິມແບີ. <sup>6</sup> ກະ ເບີນ ແດ້ອ້ ກ້ອຮ ກາ ຢາໂຄບ ບໍ່ ແຕ ອິມແບີ ບໍ່ ອິນຕຸ ກ້ອຍ. ເຢຊູ ຊ້ອງ ລາແກ້ຮ ລາລີ້, ຍ່ອນ ອັນ ຕາຢັຮ ເລື້ອ ຍໆ ຕິ່ງ ຮາມາ. ນະກ້ອຍ ເຢຊູ ຕາກູ ແຈ່ະ ແດ້ອ້ ກ້ອຮ ກ້ອຍ; ແຈ່ະ ອີ ແຕ້ອ້ ມານາງ ຕີລມູ່ລ ເຈ້.

<sup>7</sup> ເບີນ ມານະ ມັນແຊມ ຊາມາເຣຍ ແຕ້ອ້ ຢິດ ແດ້ອ້. ເຈ້ ເຢຊູ ປາຍ ໂຈະ ມັນແຊມ ກ້ອຍ: "ແອິຍ ເອີຍ! ເກົ້າ ແຊອ້ ຈ່ອຍ ແດ້ອ້ ໄມ່ ແຮີ."

<sup>8</sup> (ບ້ອງ ກາ ກ້ອຍ ມູ່ ກາ ຮຍານ ແຕ ເຢຊູ ມູ່ດ ບໍ່ ເມືອງ ອີ ແຈິງ ຮາແວ້ຮ ຈາ.) <sup>9</sup> ມັນແຊມ ຊາມາເຣຍ ກ້ອຍ ຕາແອິຍ ເຢຊູ ປາຍ: "ເອົາ! ນານ່ ະ ໄມ່ ລາ ກວາຍ ອິດຊະຮາເອລ, ມາ ແຊອ້ ຈ່ອຍ ແດ້ອ້ ແຕ ເກົ້າ? ເກົ້າ ລາ ກວາຍ ຊາມາເຣຍ." ອັນ ປາຍ ນະກ້ອຍ ຍ່ອນ ຈຸ່ມ ອິດຊະຮາເອລ ຕາ ເບີນ ຮາຕອຍ ກະ ຈຸ່ມ ຊາມາເຣຍ.

<sup>10</sup> ເຢຊູ ປາຍ ລໍ່ຮ ກະ ມັນແຊມ ກ້ອຍ: "ຄັນ ໄມ່ ມາ ດັງ ອິນເຕົ້າ ເຢີງ ເຈົ້າຮາຊີ ອີ ຈ່ອຍ ເມົ້າດ ກວາຍ, ກະ ຄັນ ໄມ່ ດັງ ອັນ ກາ ປາຍ: 'ແອິຍ ເອີຍ! ເກົ້າ ແຊອ້ ຈ່ອຍ ແດ້ອ້ ໄມ່ ແຮີ.' ນະກ້ອຍ ໄມ່ ອີ ແຊອ້ ແຕ ອັນ, ເຈ້ ອັນ ໂອນ ໄມ່ ເບີນ ແດ້ອ້ ກາ ໂອນ ອາມັງ."

<sup>11</sup> ມັນແຊມ ກ້ອຍ ຕາແອິຍ ລໍ່ຮ ເຢຊູ ປາຍ: "ອາຈານ ເອີຍ! ອາຈານ ແອິ ເກຣິ່ງ ຢິດ ແດ້ອ້, ກະ ແດ້ອ້ ກ້ອຮ ໄມ່ ອິນຕຸຮູ່ ລາລີ້. ນານະ ອາຈານ ອີ ເບີນ ແດ້ອ້ ກາ ໂອນ ອາມັງ? <sup>12</sup> ອາຈວາຍຮ ອາ ເຈ້ຮ ໄຮ, ຢາໂຄບ, ຕະ ດໍອ້ ໂອນ ໄຮ ແດ້ອ້ ກ້ອຮ ໄມ່. ອັນ ກະ ອິນແຍ່ະ ກອນ ຮາເລົາ ອັນ, ກາ ຊັນ ຕຣັນ ດຸງ ອັນ, ແຕ ອິມແບີ ອິນແຍ່ະ ມັຮ ໄລ່ ຈ່ອຍ ແຕ້ ແດ້ອ້ ກ້ອຮ ໄມ່. ນານະ ອາຈານ ປິ່ດ ກາເລີຍ ແຕ ຢາໂຄບ ບໍ່?"

<sup>13</sup> ເຢຊູ ຕາແອິຍ ອັນ ປາຍ: "ກວາຍ ອາແລ່ະ ກາ ຈ່ອຍ ແຕ ແດ້ອ້ ກ້ອຮ ໄມ່, ອິນນ້ອງ ອັນ ອາ ເຣີງ ລໍ່ຮ ຊາ. <sup>14</sup> ມາ ກວາຍ ອາແລ່ະ ມາ ຈ່ອຍ ແດ້ອ້ ກາ ເກົ້າ ໂອນ ອັນ ເບີນ, ອັນ ຕາ ເບີນ ອາ ເຣີງ ນ້ອງ. ມາ ແດ້ອ້ ກາ ເກົ້າ ໂອນ ກ້ອຍ ແກິດ ນະ ແດ້ອ້ ປັຮໂລ່ຍ ລ້ອຮ ເລື້ອຍໆ ຕິ່ງ ຮາງິຮ ອັນ. ກະ ແດ້ອ້ ໄມ່ ໂອນ ອັນ ເບີນ ອາມັງ ເລື້ອຍໆ."

<sup>15</sup> ມັນແຊມ ກ້ອຍ ປາຍ: "ອາຈານ ເອີຍ! ແຊອ້ ອາຈານ ໂອນ ເກົ້າ ແຮີ ແດ້ອ້ ກ້ອຍ, ອຽນ ເກົ້າ ຕາ ເບີນ ອາເຣີງ ນ້ອງ, ກະ ເກົ້າ ຕາ ເບີນ ຕຸຮ ເປາະ ຢິດ ນ້ອງ ແຕ ແດ້ອ້ ກ້ອຮ ໄມ່."

<sup>16</sup> ເຢຊູ ຕາແອິຍ ປາຍ: "ໄມ່ ເປາະ ກູອ້ ກາຢາອ້ ໄມ່ ແຕ ດຸງ. ເຈ້ ໄມ່ ລໍ່ບ ລໍ່ຮ ບໍ່ ໄມ່ ນໍ່."

<sup>17</sup> ມັນແຊມ ກ້ອຍ ປາຍ: "ເກົ້າ ຕາ ເບີນ ເບີນ ກາຢາອ້."

ເຢຊູ ຕາແອິຍ ປາຍ: "ປຍາຍ ໄມ່ ປາຍ ໄມ່ ຕາ ເບີນ ເບີນ ກາຢາອ້. <sup>18</sup> ມາ ໄມ່ ເບີນ ກາຢາອ້ ເຊິງ ລໍ່າ ເຈ້. ກະ ຮາເລົາ ກາ ແອິດ ກະ ໄມ່ ຊານໍ່, ລາ ຕາ ແກີນ ກາຢາອ້ ໄມ່. ປຍາຍ ນະ ໄມ່ ປາຍ ເຈ້."

<sup>19</sup> ມັນແຊມ ກ້ອຍ ປາຍ ລໍ່ຮ: "ອາຈານ ເອີຍ! ເກົ້າ ຕາແບີ ດັງ ອາຈານ ລາ ກວາຍ ອາຕີ ຕາງ ປັຮ ນາຍ ເຢີງ ເຈົ້າຮາຊີ. <sup>20</sup> ອາຈວາຍຮ ອາເຈ້ຮ ຮີ ຊາງ ເຢີງ ເຈົ້າຮາຊີ ດຸ່ນ ເຈ້ ຕິ່ງ ກັຮ ໄມ່, ມາ ເຍົາ ຈຸ່ມ ອິດຊະຮາເອລ ປາຍ ອິນຕຸ ຊາງ ເຢີງ ເຈົ້າຮາ ຊີ ລາ ອິງເຄາະ ຕິ່ງ ເມືອງ ເຢຣູຊາເລັມ ຊ້ອງ."

<sup>21</sup> ເຢຊູ ປາຍ: "ແອິຍ ເອີຍ! ໄມ່ ຊາງັດ ປັຮ ນາຍ ເກົ້າ. ແຈ່ະ ອີ ແຕ້ອ້ ຕາງ ກວາຍ ກາ ຢໍຣີ ອີ ຊາງ ອິມບໍ່ ໄຮ ຕິ່ງ ມັນລ້ອງ, ໄລ່ ຕາ ເບີນ ອິງເຄາະ ຊາງ ອັນ ຕິ່ງ ກັຮ ໄມ່ ແຕີລາ ຕິ່ງ ເມືອງ ເຢຣູຊາເລັມ. <sup>22</sup> ເຍົາ ຈຸ່ມ ຊາມາເຣຍ ຕາ ຢວາຮ

ດັງ ແຈງ ເຍົາ ຊາງ ເມົ້າ. ມາ ຮິ ຈຸ່ມ ອິດຊະຮາເອລ ດັງ ແຈງ ເຈີ່ ຮິ ຊາງ ເມົ້າ, ຍ່ອນ ເຢີງ ເຈົ້າຮາຊິ ຈ່ອຍ ອາມັງ ກວາຍ ລາ ຍ່ອນ ແຕ ຈຸ່ມ ອິດຊະຮາ ເອລ. <sup>23</sup> ມາ ແຈ່ ອິ ແຕ້ອ້ ກະ ແຕ້ອ້ ເຈີ່ ຕາໄງ ກວາຍ ກາ ອິ ຊາງ ປຍາຍ, ໄລ່ ກ້ອຍ ຊາງ ອິມບໍ່ ໄຮ ຕິ່ງ ມັນລ້ອງ ປວາຍ ຮາເວີຍ ເຢີງ ເຈົ້າຮາຊິ ກະ ຊາງ ໂອນ ປຍາຍ. ອິມບໍ່ ໄຮ ຍິ້ອ ລາລີ້ ກວາຍ ກາ ຊາງ ອັນ ນະໄມ່. <sup>24</sup> ເຢີງ ເຈົ້າຮາຊິ ລາ ເຢີງ ຮາ ເວີຍ. ນະກ້ອຍ, ກວາຍ ອາແລ່ະ ກາ ຍິ້ອ ອິ ຊາງ ອັນ ອົງເຄາະ ຊາງ ປວາຍ ຮາເວີຍ ເຢີງ ເຈົ້າຮາຊິ ກະ ຊາງ ໂອນ ປຍາຍ."

<sup>25</sup> ແວັດ ເຢຊູ ປາຍ ນະກ້ອຍ, ມັນແຊມ ກ້ອຍ ປາຍ ແອັນ: "ເກົາ ດັງ ເຈີ່ ປັຣ ແນີ ມັນເຕຣີ ເມຊີອາ ອິ ແຕ້ອ້, ອັນ ກາ ເມົ້າ ດໍອໍ ຮາມິ້ຮ ກຮິ ດ. ພໍກາ ອັນ ແຕ້ອ້, ອັນ ອິ ອາຕີ ໂອນ ໄຮ ດັງ ກູ່ ຮາມິ້ຮ."

<sup>26</sup> ເຢຊູ ປາຍ ໂຈະ ມັນແຊມ ກ້ອຍ: "ເກົາ ກາ ຕະ ອິນຕີ ກະ ໄມ່ ຊານໍ່, ລາ ອັນ ກ້ອຍ ເອີຍ."

<sup>27</sup> ບັອງ ກາ ກ້ອຍ ມູ່ ກາ ຮຍານ ແຕ ເຢຊູ ເຈົ້າ ແຕ ວິລ. ໄລ່ ຊ້ອງ ງິດ ລາລີ້ ເຢຊູ ຕະ ອິນຕີ ກະ ມັນແຊມ ກ້ອຍ. ມາ ຕາ ເບີນ ເມົ້າ ຕາແບີບ ມັນ ແຊມ ປາຍ: "ອິນເຕົ້າ ໄມ່ ອິ ເບີນ?" ກະ ຕາ ເບີນ ເມົ້າ ຕາແບີບ ເຢຊູ ປາຍ: "ນານະ ອາຈານ ຕະ ອິນ ຕີ ກະ ອັນ?"

<sup>28</sup> ມັນແຊມ ກ້ອຍ ຕັຮ ດໍອໍ ອາລວຍ ແດີອໍ ອັນ; ເຈີ່ ອັນ ເຈົ້າ ຕະ ອິນຕີ ກະ ກວາຍ ຕິ່ງ ເມືອງ ກ້ອຍ. <sup>29</sup> ມັນແຊມ ກ້ອຍ ປາຍ: "ເອົາ! ເຍົາ ເປາະ ແນ່ ມານະ ກວາຍ ກາ ອາຕີ ເກົາ ອິນແຍ່ະ ມັຮ ຮາ ນະ ເກົາ ຕະ. ກວາຍ ໄມ່ ລາ ເມັນ ກຮິດ ບໍ?"

<sup>30</sup> ນະກ້ອຍ ມັຮ ກວາຍ ແຕ ວິລ ກ້ອຍ ລ້ອຮ ເປາະ ແຕ້ອ້ ບໍ່ ອິນຕຸ ເຢຊູ ແອັດ.

<sup>31</sup> ບັອງ ກາ ກວາຍ ລ້ອຮ ແຕ ວິລ ອິນນ້ອງ ອິນຕີ ຮານາ, ມູ່ ກາ ຮຍານ ແຕ ເຢຊູ ອາຕີ ອັນ ປາຍ: "ອາຈານ ເອີຍ, ມູ່ດ ຈາ ໂດຍ ເວີຍ."

<sup>32</sup> ມາ ເຢຊູ ຕາແອີຍ ລ້ຮ ໄລ່ ປາຍ: "ເກົາ ເບີ ນ ຊັຮນາ ຈາ ເຈີ່, ມາ ເຍົາ ຕາ ຢວາຮ ດັງ ຮາແວັຮ ກ້ອຍ."

<sup>33</sup> ນະກ້ອຍ ມູ່ ກາ ຮຍານ ແຕ ເຢຊູ, ມານະ ຕາ ແບີບ ມານະ ປາຍ: "ເບີນ ກວາຍ ເດີງ ຊັຮນາ ໂອນ ອັນ ຈາ ເຈີ່ ບໍ?"

<sup>34</sup> ມາ ເຢຊູ ຕາແອີຍ ລ້ຮ ປາຍ: "ຊັຮນາ ເກົາ ຈາ ລາ ເກົາ ຕາປູນ ຮາງິຮ ອັນ ກາ ແປຮີ ເກົາ ແຕ້ອ້, ກະ ຕະ ໂອນ ເຈີ່ ມັຮ ຮານະ ອັນ ໂອນ ເກົາ ຕະ.

<sup>35</sup> ເຍົາ ດ ອິ ປາຍ: 'ອິນນ້ອງ ປູນ ກາໄຊ ແອັນ ແຕ້ອ້ ຍາມ ຊູຊອດ.' ມາ ເກົາ ອາຕີ ເຍົາ ປາຍ: ເຍົາ ຕາງ່ອນ ແນ່ ອາຊ້ອຮ ບໍ່ ໄທຮ. ທໍຮ ກ້ອຍ ຈິນ ເຈີ່, ແຕ້ອ້ ປາເມ່ນ ຊອດ ເຈີ່. <sup>36</sup> ກວາຍ ກາ ຊອດ ຕິ່ງ ໄທຮ ກ້ອຍ, ອັນ ເບີນ ກົງ ເກົາ ອັນ. ກະ ຮານະ ອັນ ຕະ ແກັດ ປາໄລ ນະໄມ່: ກວາຍ ເບີນ ອາ ມົງ ເລືອຍໆ. ນະກ້ອຍ ກວາຍ ກາ ຈັດ ກະ ກວາຍ ກາ ຊອດ ໄລ່ ຊ້ອງ ອິມປຣ່ອມ ຮໍອໍ ບູຍ. <sup>37</sup> ເມົ້າ ດ ປາຍ ນະໄມ່: 'ອັນ ໄມ່ ຈັດ. ອັນ ກ້ອຍ ຊອດ.' ປັຣນາຍ ໄມ່ ລາ ປຍາຍ ລາລີ້. <sup>38</sup> ເກົາ ແປຮີ ເຍົາ ຊອດ ຕິ່ງ ໄທຮ ກາ ເຍົາ ຕາ ເບີນ ຕະ. ກວາຍ ກາ ນໍອໍ ຕະ ຕິ່ງ ກ້ອຍ ເຈີ່, ມາ ເຍົາ ອິດ ປາໄລ ແຕ ເກົາ ເຮ່ງ ໄລ່."

<sup>39</sup> ຊາອິ້ຍ ນະ ກວາຍ ຊາມາເຣຍ ແຕ ວິລ ກ້ອຍ ຊາອໍ ເຢຊູ ຍ່ອນ ມັນແຊມ ກ້ອຍ ອາຕີ ໄລ່ ປາຍ: "ອັນ ກ້ອຍ ອາຕີ ເກົາ ອິນແຍ່ະ ມັຮ ຮາມິ້ຮ ເກົາ ຕະ."

<sup>40</sup> ນະກ້ອຍ, ພໍກາ ກວາຍ ຊາມາເຣຍ ແຕ້ອ້ ບໍ່ ເຢຊູ, ໄລ່ ກາຕ້ອງ ອັນ ໂອນ ແອັດ ກະ ໄລ່. ເຈີ່ ເຢຊູ ແອັດ ກະ ໄລ່ ອິນແຍ່ະ ບາຮ ຕາໄງ. <sup>41</sup> ຊາ ອິ້ຍ ນະ ແອັນ ຊາອໍ ພໍກາ ໄລ່ ຊ້ອງ ປັຣນາຍ ເຢຊູ ອາຕີ. <sup>42</sup> ກວາຍ ກາ ຊາອໍ ກ້ອຍ ອາຕີ ມັນແຊມ ກ້ອຍ ປາຍ: "ແຕ ອິນໂຍ່ງ ຮິ ຊາອໍ ເຢຊູ ລາ ຍ່ອນ ແຕ ໄມ່ ອາຕີ ຮິ, ມາ ຊານໍ່ ຮິ ຊ້ອງ ປັຣນາຍ ອັນ ອາຕີ ເຈີ່. ນະກ້ອຍ ຮິ ດັງ ແຈງ ລາລີ້ ອັນ ໄມ່ ລາ ກວາຍ ກາ ຈ່ອຍ ອາມັງ ອິນແຍ່ະ ມັຮ ກວາຍ."

ເຢຊູ ປົວ ກອນ ຮາເລົາ ກວາຍ ຊົດ <sup>43</sup> ແວັດ ບາຮ ຕາໄງ ກ້ອຍ, ເຢຊູ ເປາະ ຊາ ບໍ່ ແຄງ ຄາລີເລ. <sup>44</sup> ແຕ ອິນໂຍ່ງ ເຢຊູ ປາຍ ເຈີ່: "ກວາຍ ອາຕີ ຕາງ ປັຣນາຍ ເຢີງ ເຈົ້າຮາຊິ, ຕາ ເບີນ ເມົ້າ ຢານັບ ອັນ ຕິ່ງ ກຮວາງ ອັນ ເບີມ."

<sup>45</sup> ພໍກາ ເຢຊູ ແຕ້ອ້ ບໍ່ ແຄງ ຄາລີເລ, ກວາຍ ຄາລີເລ ຮັບ ອັນ ຮໍອໍ ອໍ, ຍ່ອນ ໄລ່ ເຮີມ ເຈີ່ ອິນ ແຍ່ະ ຮານະ ອັນ ຕະ ບໍ່ ເມືອງ ເຢຣູຊາເລັມ ຕາໄງ ຈຸ່ມ ອິດຊະຮາເອລ ຈາ ຮໍອໍ ຕາປູນ ຮິດ ຕາໄງ ເຢີງ ເຈົ້າຮາຊິ ອາກູຮ ໄລ່.\* ບັອງ ກາ ກ້ອຍ ເບີນ ກວາ ຍ ຄາລີເລ ເປາະ ເຕ່ ບໍ່ ເມືອງ ເຢຣູຊາເລັມ.

<sup>46</sup> ເຈີ່ ເຢຊູ ແຕ້ອ້ ລ້ຮ ບໍ່ ວິລ ການາ ຕິ່ງ ແຄງ ຄາລີເລ. ຕິ່ງ ວິລ ກ້ອຍ ເຢຊູ ຕະ ເຈີ່ ໂອນ ແດີອໍ ມາ ແກັດ ບັອງ ອາງຸ່ນ. ບໍ່ ວິລ ກ້ອຍ ເບີນ ມານະ ກວາຍ ຊົດ ກາ ເບີນ ກອນ ຮາເລົາ ບໍ່ ອາອໍ ບໍ່ ເມືອງ

\* 4:45 4:45 ຕາໄງ ກ້ອຍ ໄລ່ ຊາແອີ ຕາໄງ ເຢີງ ເຈົ້າຮາຊິ ຈ່ອຍ ໂອນ ໄລ່ ລ້ອຮ ແຕ ກຮວາງ ເອຢິບ ແຕ ອິມເບີ.

ກາເປນາອູມ. 47 ພໍກາ ກວາຍ ຊົດ ໄມ່ ຊ້ອງ ເຢຊູ ລ້ອຣ ແຕ ແຄງ ຢູດາຍ ແຕ້ອ ປີ ແຄງ ຄາລີເລ, ອັນ ແຕ້ອ ປີ ເຢຊູ, ກະ ອັນ ແຊຣ໌ ເຢຊູ ເປາະ ກະ ອັນ ໂອນ ປົວ ກອນ ຣາເລົາ ອັນ. ກອນ ອັນ ແຈ່ ອີ ກູຈິດ ເຈີ. 48 ເຢຊູ ອາຕີ ອັນ ປາຍ: "ຄັນ ເຍົາ ຕາ ເບີນ ເຮີມ ຣານະ ກາ ເຍົາ ຕາ ທີ່ຍ ເຮີມ, ເຍົາ ຕາ ເບີນ ຊາອໍາ."

49 ກວາຍ ຊົດ ກ້ອຍ ຕາເອີຍ ລ້ຣະ: "ອິນເຈົ້າ ເອີຍ! ແຊຣ໌ ອິນເຈົ້າ ເປາະ ກະ ທົາ, ໂອນ ຊາແຕີມ ບັອງ ກາ ກອນ ທົາ ອິນນ້ອງ ອາມັງ."

50 ເຢຊູ ຕາເອີຍ ອັນ ປາຍ: "ເປາະ! ໄມ່ ເຈົ້າ. ຊານໍ່ ກອນ ຣາເລົາ ໄມ່ ເຍົາອ໌ ເຈີ."

ນະກ້ອຍ ກວາຍ ຊົດ ກ້ອຍ ຊາອໍາ ປັຣນາຍ ເຢຊູ; ເຈີ ອັນ ເຈົ້າ. 51 ອັນ ເປາະ ອິນນ້ອງ ອິນ ດີ ຣານາ; ອັນ ຣາມັຣ ກວາຍ ກາ ຕະ ຣານະ ອັນ. ກວາຍ ກ້ອຍ ອາຕີ ອັນ ປາຍ: "ກອນ ຣາເລົາ ອິນ ເຈົ້າ ປາຍ ເຈີ."

52 ກວາຍ ຊົດ ກ້ອຍ ຕາເບີບ ໄລ່ ປາຍ: "ບັອງ ກາ ແລ່ ກອນ ຣາເລົາ ທົາ ປາຍ ລ້ຣະ?" ໄລ່ ຕາ ແອີຍ ອັນ ປາຍ: "ກອນ ອິນເຈົ້າ ປິດ ກູເຕົາ ຈະ ຕາໄງ ປາໄຮ ບັອງ ກາ ມານງ ວິຣ."

53 ເຈີ ກວາຍ ຊົດ ກ້ອຍ ຊາແຍີ ລ້ຣະ ບັອງ ກາ ເຢຊູ ອາຕີ ກະ ອັນ ປາຍ: "ຊານໍ່ ກອນ ຣາເລົາ ໄມ່ ເຍົາອ໌ ເຈີ."

ນະກ້ອຍ ກວາຍ ຊົດ ກ້ອຍ ກະ ອິນແຍ່ ດຸງຊູ ອັນ ຊາອໍາ ເຢຊູ. 54 ຣານະ ໄມ່ ລາ ເຮີບ ກາ ບາຣ ເຢຊູ ຕະ ຣານະ ຕາ ທີ່ຍ ເຮີມ ພໍກາ ແວັດ ອັນ ລ້ອຣ ແຕ ແຄງ ຢູດາຍ ແຕ້ອ ປີ ແຄງ ຄາລີເລ.

### 5

ເຢຊູ ປົວ ກວາຍ ແອັດ ແຈ່ ພາຍ

1 ແວັດ ກ້ອຍ ເຢຊູ ເປາະ ປິ ມືອງ ເຢຣູຊາເລັມ. ຕາໄງ ກ້ອຍ ຈຸ່ມ ອິດຊະຣາເອລ ຈາ ຣີ່ອ໌ ຕາປູ່ນ ຣິ່ດ ໄລ່. 2 ຕຶງ ມືອງ ເຢຣູຊາເລັມ ກ້ອຍ, ແຈ່ ກູຕັງ ກາ ເບີນ ຣາມິຣ ງັຣ ຕັງ ແກະ, ເບີນ ແດັອ໌ ພາຍ ມວຍ ອິນຕຸ. ຕຶງ ປັຣນາຍ ອິດຊະຣາເອລ ແດັອ໌ ພາຍ ໄມ່ ເນົາ ດໍອ໌ ເບັດຊະທາ. ອິມແປຣ ແດັອ໌ ພາຍ ໄມ່ ເບີນ ຊູ ເຊີງ ລໍາ. 3 ກຶງ ລາລີ້ ກວາ ຍ ອາອີ ປິ ຕຶງ ຊູ ກ້ອຍ: ກວາຍ ຊູດ ມັດ, ກວາຍ ໂຢດ, ກະ ກວາຍ ອາອີ ລ່ອຍ. (ກວາຍ ອາອີ ກ້ອຍ ທາຣາະ ແດັອ໌ ຕຶງ ພາຍ ກ້ອຍ ປ່ອງ, 4 ຍ່ອນ ເບີນ ມານະ ເທວາດາ ເຢີງ ເຈົ້າຣາຊີ ແຊງ ຕະ ໂອນ ແດັອ໌

ກ້ອຍ ແກັດ ປ່ອງ. ແຕ້ອ໌ ແດັອ໌ ກ້ອຍ ປ່ອງ, ອາ ແລ່ ກາ ແຊງ ອິນໂຍ່ງ ຕຶງ ແດັອ໌ ກ້ອຍ, ອາອີ ອິນ ເຕົາ ລາ ແກັດ ແບຣັຣ ອິນແຍ່). \* 5 ອິນຕຸ ກ້ອຍ ເບີນ ມານະ ຣາເລົາ ອາອີ ໄປ ຈິ່ດ ຕາກ່ອນ ກູມິ ເຈີ. 6 ເຢຊູ ເຮີມ ອັນ ປິ ແອັດ ອິງກ້ອຍ, ກະ ເຢຊູ ດັງ ກວາຍ ໄມ່ ອາອີ ດູ່ນ ເຈີ. ນະກ້ອຍ ເຢຊູ ຕາເບີບ ອັນ ປາຍ: "ໄມ່ ຢິອ໌ ອີ ແກັດ ແບຣັຣ ບໍ?"

7 ກວາຍ ອາອີ ກ້ອຍ ຕາເອີຍ: "ອິນເຈົ້າ ເອີຍ! ທົາ ຕາ ເບີນ ເນົາ ຈ່ອຍ ທົາ ແຊງ ຕຶງ ແດັອ໌ ພາຍ ພໍກາ ແດັອ໌ ກ້ອຍ ປ່ອງ. ບັອງ ກາ ກ້ອຍ ທົາ ຢິອ໌ ອີ ແຊງ ແຕ່, ມາ ເບີນ ກວາຍ ການໍ່ອ໌ ແຊງ ອິນໂຍ່ງ ທົາ."

8 ເຢຊູ ອາຕີ ລ້ຣະ ອັນ ປາຍ: "ໄມ່ ຢວຣ ຕາຢິງ! ອິດ ຣາຈາອ໌ ໄມ່! ເຈີ ໄມ່ ເປາະ!"

9 ບັອງ ກາ ກ້ອຍ ແຕ່ ກວາຍ ອາອີ ກ້ອຍ ແກັດ ແບຣັຣ ເລີ່ຍ. ອັນ ອິດ ຣາຈາອ໌, ເຈີ ອັນ ເປາະ. ຕາໄງ ກ້ອຍ ລາ ຕາໄງ ຣາລູ່.

10 ນະກ້ອຍ ເບີນ ກວາຍ ຊົດ ອິດຊະຣາເອລ ອາຕີ ກວາຍ ແກັດ ແບຣັຣ ກ້ອຍ ປາຍ: "ຕາໄງ ໄມ່ ລາ ຕາໄງ ຣາລູ່. ຕາປູ່ນ ຣິ່ດ ໂຮ ໄມ່ ຕາ ແຕ່ອ໌ ເດີງ ຣາຈາອ໌ ໄມ່ ຕຶງ ຕາໄງ ໄມ່."

11 ມາ ກວາຍ ກ້ອຍ ຕາເອີຍ ປາຍ: "ອັນ ກາ ປົວ ທົາ ອາຕີ ທົາ ປາຍ: 'ໄມ່ ອິດ ຣາຈາອ໌ ໄມ່, ເຈີ ໄມ່ ເປາະ!'"

12 ກວາຍ ຊົດ ອິດຊະຣາເອລ ຕາເບີບ ລ້ຣະ ອັນ ປາຍ: "ເນົາ ກາ ອາຕີ ໄມ່ ອິດ ຣາຈາອ໌ ໄມ່, ເຈີ ໄມ່ ເປາະ?"

13 ມາ ກວາຍ ແກັດ ແບຣັຣ ກ້ອຍ ຕາ ເບີນ ດັງ ເນົາ ກາ ປົວ ອັນ, ຍ່ອນ ເຢຊູ ແກັດ ປິດ ຕຶງ ກວາ ຍ ກຶງ ກ້ອຍ. 14 ແຕ້ອ໌ ອິນຕຸ່ນ ແອັນ, ເຢຊູ ຣາມິ ຣ ລ້ຣະ ກວາຍ ກາ ແກັດ ແບຣັຣ ກ້ອຍ ຕຶງ ດຸງ ຊາງ ປິດ. ເຈີ ເຢຊູ ອາຕີ ອັນ ປາຍ: "ຊານໍ່ ໄມ່ ແບຣັຣ ເຈີ. ໄມ່ ອິນໂຈຍ ຕະ ນ້ອງ ຣານະ ໂລ່ຍຣ. ຄັນ ໄມ່ ຕະ ໂລ່ຍຣ, ອິງກ້ອຍ ໄມ່ ຣາມິຣ ດຸຣ ກັດ ແກຼຍ ແຕ ອິນໂຍ່ງ ແອັນ."

15 ກວາຍ ກ້ອຍ ລ້ອຣ ແຕ ອິນຕຸ ກ້ອຍ, ກະ ອັນ ອາຕີ ໂອນ ກວາຍ ຊົດ ອິດຊະຣາເອລ ດັງ ປາຍ ເຢຊູ ຕະ ໂອນ ອັນ ແກັດ ແບຣັຣ.

ເຢຊູ ອາຕີ ກວາຍ ອິດຊະຣາເອລ

16 ຍ່ອນ ເຢຊູ ຕະ ຣານະ ກ້ອຍ ຕຶງ ຕາໄງ ຣາ ລູ່, ນະກ້ອຍ ກວາຍ ຊົດ ອິດຊະຣາເອລ ຕະ ດຸຣ ເຢຊູ. 17 ມາ ເຢຊູ ຕາເອີຍ ໄລ່ ປາຍ: "ອິມປໍ່ ທົາ

\* 5:4 5:4 ຊາອິ້ຍ ປຶງ ປັຣນາຍ ແຕ ອິມແບີ ຕາ ເບີນ ເບີນ ປັຣນາຍ ແອັດ ຕຶງ ອິນຕີ ບາຣ ລໍາ ມາຍ ວົງລັບ ໄມ່.



ຕະ ຮານະ ເຕົ້າ ຊານໍ້, ກະ ຫົາ ລາ ຕະ ມູເຈິງ ກ້ອຍ ເຕ່."

18 ຍ່ອນ ເຢຊູ ປາຍ ນະກ້ອຍ, ກວາຍ ຊົດ ອິດ ຊະຮາເອລ ຈໍອໍ ຊາອິ້ຍ ຮານາ ແອັນ ຍິອໍ ອີ ກາຈິດ ອັນ. ໄລ່ ປາຍ ເຢຊູ ຕະ ບາຣ ຮາມິ້ຣ ຕາ ເບີນ ປ ຍາຍໍ. ມວຍ ລາ ອັນ ດັຣ ຄານອດ ຕາໄງ ຮາລູ; ບາຣ ລາ ອັນ ດໍອໍ ເຢີງ ເຈົາຮາຊີ ລາ ອີມບໍ່ ອັນ. ຕະ ນະກ້ອຍ ລາ ມູເຈິງ ອັນ ປາຍ ອັນ ລາ ຮາລີ ກະ ເຢີງ ເຈົາຮາຊີ ເຕ່.

19 ນະກ້ອຍ ເຢຊູ ຕາແອິຍ ໄລ່ ປາຍ: "ເກົາ ອາ ຕີ ຕານ້ອງ ໂອນ ເຍົາ, ເກົາ ກອນ ເຢີງ ເຈົາຮາຊີ ຕາ ເຕ່ອໍ ຕະ ມວຍ ຮານະ ອິນເຕົ້າ ປວາຍ ຮາງິ້ຣ ເກົາ ເບີມ. ກອນ ຕະ ມັຣ ກອນ ເຮີມ ອີມບໍ່ ຕະ. ຮານະ ອິນເຕົ້າ ອີມບໍ່ ຕະ, ກອນ ຕະ ມູເຈິງ ກ້ອຍ ເຕ່. 20 ຍ່ອນ ອີມບໍ່ ອາໂຢະ ກອນ, ນະກ້ອຍ ອີມ ບໍ່ ອາປັຣ ກອນ ອິນແຍະ ຕຸກ ຮາມິ້ຣ ອັນ ຕະ. ປັຣ ແນີ ມັນເຕຣົາ ອີມບໍ່ ອາປັຣ ກອນ ຕະ ຮານະ ປິດ ແກ້ຍ ແຕ ຮານະ ໄນ່, ໂອນ ເຍົາ ງິດ ລາລີ້ ແອັນ. 21 ນະ ອີມບໍ່ ໂອນ ກວາຍ ກາ ກູຈິດ ເຈີ້ ມາ ເບີນ ອາມັງ ລັຣ, ນະກ້ອຍ ເຕ່ ກອນ ໂອນ ເບີນ ອາມັງ ບໍ່ ອິນແຍະ ມັຣ ກວາຍ ອັນ ຍິອໍ ອີ ໂອນ. 22 ອີມ ບໍ່ ຕາ ເບີນ ຕັດຊິນ ອາແລະ, ມາ ອັນ ໂອນ ກອນ ອັນ ຕັດຊິນ ອິນແຍະ. 23 ນະກ້ອຍ, ກວາຍ ອາ ແລະ ຍິອໍ ອີ ຢໍານັບ ອີມບໍ່, ກວາຍ ກ້ອຍ ອີງເຄາະ ຢໍານັບ ກອນ ມູເຈິງ ກ້ອຍ ເຕ່. ກວາຍ ອາແລະ ມາ ຕາ ເບີນ ຢໍານັບ ກອນ, ກວາຍ ກ້ອຍ ຕາ ເບີນ ຢໍານັບ ເຕ່ ອີມບໍ່, ອັນ ກາ ແປຣີ ກອນ ແຕ້ອໍ ບໍ່ ກູ ແຕອໍ ໄນ່.

24 "ເກົາ ອາຕີ ຕານ້ອງ ໂອນ ເຍົາ, ກວາຍ ອາແລະ ກາ ຊາງັດ ປັຣນາຍ ເກົາ, ກະ ຊາອໍ ອັນ ກາ ແປຣີ ເກົາ ແຕ້ອໍ, ກວາຍ ກ້ອຍ ເບີນ ອາມັງ ເລືອຍໆ. ຕາ ເບີນ ເມົາ ຕັດຊິນ ອັນ ນ້ອງ. ນະກ້ອຍ ອັນ ແວັດ ແຕ ກູຈິດ ເຈີ້; ມາ ອັນ ເບີນ ອາມັງ ຊ້ອງ. 25 ເກົາ ອາຕີ ຕານ້ອງ ໂອນ ເຍົາ, ແລະ ອີ ແຕ້ອໍ ກະ ແຕ້ອໍ ເຈີ້ ຕາໄງ ມັຣ ກວາຍ ກາ ກູຈິດ ເບີນ ຊ້ອງ ຊຽງ ກອນ ເຢີງ ເຈົາຮາຊີ; ເຈີ້ ໄລ່ ກາ ຊ້ອງ ຊຽງ ກ້ອຍ ເບີນ ອາມັງ.† 26 ຍ່ອນ ອີມບໍ່ ເຕ່ອໍ ໂອນ ກວາຍ ອາມັງ, ນະກ້ອຍ ເຕ່ ອັນ ໂອນ ກອນ ເຕ່ອໍ ຈ່ອຍ ກວາຍ ເບີນ ອາມັງ. 27 ກະ ອີມບໍ່ ໂອນ ກອນ ເບີນ ອໍານາດ ດໍອໍ ຕັດຊິນ ກວາຍ, ຍ່ອນ ອັນ ລາ ກອນ ເຢີງ ແກັດ ກວາຍ. 28 ເຍົາ ອິນໂຈຍ ງິດ

ແຕ ປັຣນາຍ ໄນ່, ຍ່ອນ ອີ ແຕ້ອໍ ຕາໄງ ກວາຍ ກູ ຈິດ ແອັດ ຕິ່ງ ບິ່ງ, ໄລ່ ຊ້ອງ ຊຽງ ກອນ ກ້ອຍ.

29 ເຈີ້ ໄລ່ ລ້ອຣ ແຕ ບິ່ງ ໄລ່, ກວາຍ ອາແລະ ກາ ຕະ ຮານະ ອໍ, ກວາຍ ກ້ອຍ ລ້ອຣ ກະ ເບີນ ອາມັງ. ມາ ກວາຍ ອາແລະ ກາ ຕະ ຮານະ ຕາ ອໍ, ກວາຍ ກ້ອຍ ລ້ອຣ ມາ ອິນນ້ອງ ເບີນ ເມົາ ຕັດຊິນ ໂຈະ ໂຕ່ດ ອັນ. 30 ເກົາ ຕາ ເຕ່ອໍ ຕະ ອິນເຕົ້າ ຕາປູນ ຮາງິ້ຣ ເກົາ ເບີມ. ມາ ປັຣນາຍ ອິນເຕົ້າ ເກົາ ຊ້ອງ ແຕ ອີມບໍ່ ເກົາ, ເກົາ ຕັດຊິນ ກວາຍ ຕາປູນ ປັຣ ນາຍ ກ້ອຍ. ນະກ້ອຍ ປັຣນາຍ ເກົາ ຕັດຊິນ ລາ ຕານ້ອງ ລາລີ້, ຍ່ອນ ເກົາ ຕາ ເບີນ ຕາປູນ ຮາງິ້ຣ ເກົາ ເບີມ, ມາ ເກົາ ຕາປູນ ຮາງິ້ຣ ອັນ ກາ ແປຣີ ເກົາ ແຕ້ອໍ.

31 "ຄັນ ເກົາ ອາຕີ ແຕ ຮາງິ້ຣ ເກົາ ເບີມ, ປັຣ ນາຍ ໄນ່ ຕາ ເບີນ ຊັງໄກຣ. 32 ມາ ເບີນ ມານະ ອາ ຕີ ແຕ ເກົາ ເຕ່, ກະ ເກົາ ດັງ ປັຣນາຍ ອັນ ອາຕີ ແຕ ເກົາ ລາ ປຍາຍ ອິນແຍະ. 33 ເຍົາ ແປຣີ ກວາ ຍ ແຕ້ອໍ ບໍ່ ໂຢຮັນ ເຈີ້, ກະ ອັນ ອາຕີ ປັຣນາຍ ປ ຍາຍໍ. 34 ມາ ເກົາ ຕາ ເບີນ ຕຸຣ ອີງເຄາະ ເບີນ ກວາ ຍ ອາຕີ ແຕ ເກົາ. ເກົາ ອາຕີ ຮານະ ໄນ່ ໂອນ ເຍົາ ເບີນ ອາມັງ. 35 ໂຢຮັນ ລາ ນະ ຕາບອງ ເບີ້ ປາ ເລີງ ໂອນ ບິ່ງ. ເຍົາ ຣໍອໍ ມາໂຣຍ ຊ້ອງ ຮານະ ບິ່ງ ແຕ ອັນ. 36 ມາ ເກົາ ເບີນ ປັຣນາຍ ກາ ປິດ ກາ ເລີຍ ແຕ ປັຣນາຍ ໂຢຮັນ ອາຕີ ແຕ ເກົາ. ອິນແຍະ ຮານະ ເກົາ ຕະ ລາ ຮານະ ອີມບໍ່ ເກົາ ມ່ອບ ໂອນ ເກົາ ຕະ. ອິນແຍະ ຮານະ ໄນ່ ອາປັຣ ໂອນ ກວາຍ ດັງ ເກົາ ແຕ້ອໍ ແຕ ອີມບໍ່ ເກົາ. 37 ກະ ອີມບໍ່ ເກົາ, ອັນ ກາ ແປຣີ ເກົາ ແຕ້ອໍ, ອັນ ກ້ອຍ ອາຕີ ແຕ ເກົາ ເຕ່. ເຍົາ ຕາ ເກ້ຍ ຊ້ອງ ຊຽງ ອັນ, ແຕີລາ ເຮີມ ຮຸ່ບເຮີງ ອັນ, 38 ກະ ປັຣນາຍ ອັນ ຕາ ເບີນ ແອັດ ຕິ່ງ ຮາງິ້ຣ ເຍົາ, ຍ່ອນ ເຍົາ ຕາ ເບີນ ຊາອໍ ອັນ ກາ ອີມບໍ່ ແປຣີ ແຕ້ອໍ ເຈີ້. 39 ເຍົາ ຊາແຮິງ ຣຍານ ຊາ ອິ້ຍ ແຕ ປັຣນາຍ ເຢີງ ເຈົາຮາຊີ, ຍ່ອນ ເຍົາ ຄິດ ປາຍ ປັຣນາຍ ກ້ອຍ ເຕ່ອໍ ໂອນ ອາມັງ ເລືອຍໆ. ປັຣນາຍ ເຢີງ ເຈົາຮາຊີ ໄນ່ ອາຕີ ແຕ ເກົາ, 40 ມາ ອິນນ້ອງ ເຍົາ ຕາ ແອອໍ ອີ ແຕ້ອໍ ບໍ່ ເກົາ ໂອນ ເບີນ ອາມັງ ເລືອຍໆ.

41 "ເກົາ ຕາ ເບີນ ຈໍອໍ ໂອນ ກວາຍ ຍ່ອງ ເກົາ. 42 ມາ ເກົາ ດັງ ເຍົາ ເຈີ້. ຕິ່ງ ຮາງິ້ຣ ເຍົາ ຕາ ເບີນ ອາໂຢະ ເຢີງ ເຈົາຮາຊີ. 43 ເກົາ ແຕ້ອໍ ບໍ່ ໄນ່ ຍ່ອນ ອໍານາດ ແຕ ອີມບໍ່ ເກົາ, ມາ ອິນນ້ອງ ເຍົາ ຕາ ແອອໍ ຣັບ ເກົາ. ມາ ຄັນ ເບີນ ກວາຍ ການໍອໍ ແຕ້ອໍ ອາງ

† 5:25 5:25 ກວາຍ ກູຈິດ ຊາອໍ ມັຣ ກວາຍ ກາ ຕາ ເບີນ ດັງ ກະ ຕາ ເບີນ ຊາອໍ ກອນ ເຢີງ ເຈົາຮາຊີ.

ອຳນາດ ອັນ ເບີມ, ເຍົາ ຮັບ ອັນ ກ້ອຍ. <sup>44</sup> ມານະ ເຕ່ອ ເຍົາ ຊາອຳ ເກົາ, ເຍົາ ຍິອ ລາລີ ກວາຍ ການອ້ອ ຢ່ອງ ເຍົາ, ມາ ເຍົາ ຕາ ເບີມ ຈ້ອ ໂອນ ເຢີງ ເຈົາຮາຊີ ຊີ ຢ່ອງ ເຍົາ? ແອີງ ອັນ ແຕ່ ລາ ເຢີງ ເຈົາຮາຊີ. <sup>45</sup> ມາ ເຍົາ ອິນໂຈຍ ຄິດ ອິນເຕົ້າ ອີງກ້ອຍ ເກົາ ປ່ອງ ເຍົາ ໂຈະ ອິມບໍ່ ເກົາ. ໂມເຊ ກາ ເຍົາ ອີງກ່ອງ ຈ່ອຍ ເຍົາ, ອັນ ແຕ່ ອີ ປ່ອງ ເຍົາ. <sup>46</sup> ມາ ຄັນ ເຍົາ ຊາອຳ ໂມເຊ, ລາ ເຍົາ ຊາອຳ ເກົາ ເຕ່, ຍ່ອນ ໂມເຊ ຄຽນ ແຕ ເກົາ ເຈົ້. <sup>47</sup> ມາ ຄັນ ເຍົາ ຕາ ເບີມ ຊາ ອຳ ປັຣນາຍ ໂມເຊ ຄຽນ, ມານະ ເຍົາ ເຕ່ອ ຊາອຳ ປັຣນາຍ ເກົາ ອາຕີ ຊານໍ່?"

### 6

ເຢຊູ ແຈມ ເຊີງ ປັນ ນະ ກວາຍ

(ມັດທາຍ 14:13-21; ມາຣະໂກ 6:30-44; ລູກາ 9:10-17)

<sup>1</sup> ແວັດ ກ້ອຍ, ເຢຊູ ໄກ່ອ ແດັອ ທາເລ ຮາ ປັງ ຄາລີເລ. ແດັອ ໄນ່ ເມົາ ດໍອ ທາເລ ຮາປັງ ຕິເບເຣຍ ແຮີ. <sup>2</sup> ກຼິ່ງ ລາລີ ກວາຍ ປວາຍ ເຢຊູ, ຍ່ອນ ໄລ່ ເຮີມ ເຈົ້ ຮານະ ຕາ ເກ້ຍ ເຮີມ ອັນ ປົວ ກວາຍ ອາອີ. <sup>3</sup> ເຢຊູ ຊ້ອຣ ຕື່ງ ກັຣ, ຕາກູ ອິນຕຸ ກ້ອຍ ກະ ມູ່ ກາ ຣຍານ ແຕ ອັນ. <sup>4</sup> ແຈ່ ອີ ແຕ່ອ້ ຕາໄງ ຈຸ່ມ ອິດຊະຣາເອລ ຈາ ຊາແຍີ ຕາໄງ ອາກັຣ.\* <sup>5</sup> ພໍກາ ເຢຊູ ຕາເງິອ ອາຊ້ອຣ, ອັນ ເຮີມ ກຼິ່ງ ກວາຍ ແຕ່ອ້ ປີ ອັນ; ເຈົ້ ອັນ ປາຍ ໂຈະ ພິລິບ: "ປີ ແລ່ະ ໄຮ ອີ ແຈັງ ຊ້ຣນາ ໂອນ ຄຳ ອິນແຍ່ະ ມັຣ ກວາຍ ໄນ່ ຈາ?"

<sup>6</sup> ເຢຊູ ຕາແບັບ ນະກ້ອຍ ຢິອ ອີ ລ່ອງ ຮາງິຣ ພິລິບ ຊ້ອງ, ຍ່ອນ ອັນ ດັງ ເຈົ້ ຮານະ ອັນ ຢິອ ອີ ຕະ. <sup>7</sup> ພິລິບ ຕາແອີຍ ເຢຊູ ປາຍ: "ຄັນ ເມົາ ອິດ ປຣະ ທູແທ ຕາກ່ອລ ກາໄຊ ເປາະ ແຈັງ ຊ້ຣ ນາ ໂອນ ມັຣ ກວາຍ ໄນ່ ຈາ ມານະ ມູ ແມ່ງ ລາ ຕາ ຄຳ."

<sup>8</sup> ເບີນ ມານະ ແອັນ ມູ່ ກາ ຣຍານ ແຕ ເຢຊູ ຮານິ ຣ ອັນເດອາ, ອາແອມ ຊີໂມນ ເປໂຕ. <sup>9</sup> ອັນເດອາ ປາຍ: "ເບີນ ມານະ ກັຣແນນ ຮາເລົາ ແອີດ ອິນ ໄນ່. ອັນ ເບີນ ເຊີງ ລຳ ໂດຍ ບຸຣ ກະ ບາຣ ລຳ ອາ ກາ. ມາ ນານະ ເຕ່ອ ຄຳ ໂອນ ອິນແຍ່ະ ມັຣ ກວາຍ ໄນ່ ຈາ?"

<sup>10</sup> ເຢຊູ ຕາແອີຍ ປາຍ: "ໂອນ ກວາຍ ກຼິ່ງ ໄນ່ ຕາກູ."

ຕື່ງ ອິນຕຸ ກ້ອຍ ເບີນ ບັດ ຊາອີ້ຍ; ເຈົ້ ໄລ່ ຕາ ກູ ອີງກ້ອຍ. ອິນແຍ່ະ ນະ ໄລ່ ນັບ ແອີງ ກວາ

ຍ ຊາຊາຍ ຮາເລົາ ລາ ເບີນ ມາຣ ເຊີງ ປັນ ນະ. <sup>11</sup> ເຢຊູ ອິດ ໂດຍ ບຸຣ ກ້ອຍ, ກະ ຊາແອັນ ເຢີງ ເຈົາຮາຊີ. ແວັດ ກ້ອຍ ອັນ ອິມແປອ້ ໂອນ ອິນແຍ່ ະ ມັຣ ກວາຍ ກາ ຕາກູ ອີງກ້ອຍ. ອັນ ຕະ ມູເຈັງ ກ້ອຍ ເຕ່ ກະ ອາກາ, ມາແລ່ະ ໄລ່ ຢິອ ອີ ຈາ, ໄລ່ ຕື່ງ ຈາ. <sup>12</sup> ແວັດ ອິນແຍ່ະ ມັຣ ກວາຍ ຈາ ປາໄຊ ເຈົ້, ເຢຊູ ແປຣີ ມູ່ ກາ ຣຍານ ແຕ ອັນ ປາຍ: "ເຍົາ ປາໂຣມ ລັຣ ມັຣ ອີງກັຣ ແກຼຍ ແຕ ໄລ່ ຈາ. ອິນ ໂຈຍ ໂອນ ຊາໄລອ້ ມວຍ ແບະ ອິນເຕົ້າ."

<sup>13</sup> ນະກ້ອຍ ໄລ່ ປາໂຣມ ລັຣ ມັຣ ອີງກັຣ ເບີນ ມວຍ ຈິດ ລາ ບາຣ ກາເຣຍ ແກຼຍ ເມົາ ຈາ ແຕ ເຊີງ ລຳ ໂດຍ ບຸຣ.

<sup>14</sup> ອິນແຍ່ະ ມັຣ ກວາຍ ກາ ເຮີມ ເຢຊູ ຕະ ຮາ ນະ ຕາ ເກ້ຍ ເຮີມ ໄນ່, ໄລ່ ກ້ອຍ ປາຍ: "ກວາຍ ໄນ່ ລາ ແມ່ນ ມານະ ອາຕີ ຕາງ ປັຣນາຍ ເຢີງ ເຈົາຮາຊີ, ອັນ ກາ ເຢີງ ເຈົາຮາຊີ ເອີອ້ ໂອນ ແຕ່ອ້ ປີ ກູແຕອ້ ໄນ່."

<sup>15</sup> ພໍກາ ເຢຊູ ດັງ ມັຣ ກວາຍ ກ້ອຍ ແຕ່ອ້ ມັນ ຕຣຸ່ ໂອນ ອັນ ແກັດ ເຕົາວ ປັຣເຍົາ, ເຈົ້ ເຢຊູ ລ້ອຣ ແຕ ອິນຕຸ ກ້ອຍ. ອັນ ຊ້ອຣ ລັຣ ຕື່ງ ກັຣ ມານະ ອັນ.

ເຢຊູ ຕາຢັຣ ຕື່ງ ກຣ້ອງ ແດັອ

(ມັດທາຍ 14:22-33; ມາຣະໂກ 6:45-52)

<sup>16</sup> ແຕ່ອ້ ຕາປີ່, ມູ່ ກາ ຣຍານ ແຕ ເຢຊູ ແຊງ ປີ ປັຣ ແດັອ ທາເລ ຮາປັງ. <sup>17</sup> ອິນຕຸ ກ້ອຍ ໄລ່ ຈິ່ຣ ຕົວະ ຢິອ ອີ ໄກ່ອ ຍິຣ ອິນຕັຣ ແດັອ ທາເລ ຮາປັງ, ເປາະ ປີ ເມີອງ ກາເປນາອູມ. ມັນລ້ອງ ກາ ນຳ, ມາ ເຢຊູ ຕາ ຢວາຣ ແຕ່ອ້ ປີ ໄລ່. <sup>18</sup> ກູຢາລ ແປ້ ແຣ່ງ ລາລີ, ກະ ແດັອ ປ່ອງ. <sup>19</sup> ມູ່ ກາ ຣຍານ ແຕ ເຢຊູ ເປົາຍ ຕົວະ ມາຣ ເຊີງ ຕາປັດ ລັກ ເຈົ້. ໄລ່ ເຮີມ ເຢຊູ ຕາຢັຣ ຕື່ງ ແປັງ ກຣ້ອງ ແດັອ ແຈ່ ອີ ແຕ່ອ້ ຕົວະ ໄລ່. ເຈົ້ ໄລ່ ຊ້ອງ ອີງກ້ອຍ ລາລີ. <sup>20</sup> ມາ ເຢຊູ ອາຕີ ໄລ່ ປາຍ: "ໄນ່ ລາ ຈະ ເກົາ. ເຍົາ ອິນໂຈຍ ອີງກ້ອຍ ອິນເຕົ້າ."

<sup>21</sup> ແວັດ ກ້ອຍ, ໄລ່ ໂອນ ເຢຊູ ຊ້ອຣ ຕື່ງ ຕົວະ ໄລ່; ເຈົ້ ບັອງ ກາ ກ້ອຍ ແຕ່ ຕົວະ ໄລ່ ແຕ່ອ້ ປີ ປັຣ ອິນຕຸ ໄລ່ ອີ ເປາະ.

ເຢຊູ ອາຕີ ແຕ ຊັຣນາ ແຕ ມັນລ້ອງ

<sup>22</sup> ປັງ ຕາຣິບ ແອັນ ກວາຍ ກຼິ່ງ ກ້ອຍ ອິນນ້ອງ ແອີດ ຕື່ງ ປັຣ ແດັອ ທາເລ ຮາປັງ ຍິຣ ໄນ່. ໄລ່

\* 6:4 6:4 ຕາໄງ ກ້ອຍ ໄລ່ ຊາແຍີ ຕາໄງ ເຢີງ ເຈົາຮາຊີ ຈ່ອຍ ໂອນ ໄລ່ ລ້ອຣ ແຕ ກຣວາງ ເອຍິບ ແຕ ອິມເບີ.

ກ້ອຍ ດັງ ຊາເດົາ ໄຮ ອິນຕຸ ໄນ່ ເບີນ ແອິງ ມານາ ຊ້ອງ ຕົວະ. ກະ ໄລ່ ດັງ ເຕ່ ເຢຊູ ຕາ ເບີນ ຈິ່ຣ ຕິ່ງ ຕົວະ ກ້ອຍ ກະ ມູ່ ກາ ຮຍານ ແຕ ອັນ. ມາ ແອິງ ມູ່ ກາ ຮຍານ ແຕ ອັນ ຊ້ອງ ເປາະ ຕິ່ງ ຕົວະ ກ້ອຍ. 23 ມາ ຕາໄງ ກ້ອຍ ເບີນ ຕົວະ ການໍ່ອໍ ແອັນ ແຕ່ອໍ ແຕ ເມືອງ ຕິເບເຣຍ. ຕົວະ ໄນ່ ແອິດ ຕິ່ງ ປິ່ຣ ແຈ່ວ ອິນຕຸ ເຢຊູ ຊາເອັນ ໂດຍ ບຸຣ ໂອນ ກວາຍ ກຶ່ງ ຈາ. 24 ພໍກາ ກວາຍ ກຶ່ງ ເຮີມ ເຢຊູ ກະ ມູ່ ກາ ຮຍານ ແຕ ອັນ ຕາ ເບີນ ແອິດ ນ້ອງ ອິນຕຸ ກ້ອຍ, ໄລ່ ຈິ່ຣ ຕິ່ງ ຕົວະ ເຕ່, ກະ ໄລ່ ເປາະ ປິ່ ເມືອງ ກາເປນາອູມ ຈໍ່ອໍ ເຢຊູ.

25 ພໍກາ ກວາຍ ກຶ່ງ ຣາມົຣ ເຢຊູ ຢິ່ຣ ອິນ ຕິ່ຣ ແຕ່ອໍ ທາເລ ຣາປັງ, ໄລ່ ຕາແບັບ ອັນ ປາຍ: "ອາຈານ ເອີຍ! ບ້ອງ ກາ ແລ່ະ ອາຈານ ແຕ່ອໍ ປິ່ ໄນ່?"

26 ມາ ເຢຊູ ຕາແອີຍ ປາຍ: "ເກົາ ອາຕິ ຕານໍ່ ອງ ໂອນ ເຍົາ, ມັຣ ເຍົາ ຈໍ່ອໍ ເກົາ, ຕາ ແກິນ ຍ່ອນ ເຍົາ ເຮີມ ຣານະ ຕາ ເກີຍ ເຮີມ ເກົາ ຕະ, ມາ ເຍົາ ຈໍ່ອໍ ເກົາ ຊານໍ່, ຍ່ອນ ປາໄຮ ເຍົາ ຈາ ປາໄຊ ຊັຣ ມາ ແຕ ເກົາ. ມະກ້ອຍ ຊານໍ່ ເຍົາ ຈໍ່ອໍ ຢິ່ຣ ອິ ຈາ ຊາ. 27 ອົງເຄາະ ເຍົາ ອິນໂຈຍ ຕະ ຣານະ ຈໍ່ອໍ ອິ ເບີນ ຊັຣນາ ຕິ່ງ ແດີຍ ໄນ່ ຊ້ອງ. ຊັຣນາ ໄນ່ ຕາ ເຕ່ອໍ ແອິດ ດູ່ນ. ມາ ອົງເຄາະ ເຍົາ ຕະ ຣານະ ຈໍ່ ອໍ ຊັຣນາ ໂອນ ເຍົາ ເຕ່ອໍ ອາມົ່ງ ເລືອຍໆ. ຊັຣ ມາ ໄນ່ ກອນ ເຢີງ ແກິດ ກວາຍ ໂອນ ເຍົາ ເບີນ, ຍ່ອນ ເຢີງ ເຈົາຣາຊິ ອິມປໍ່ ອັນ, ກາຕິຣ ຕາ ເຈີ່ ໂອນ ກອນ ອັນ ຕະ ຣານະ ຕາງ ອັນ."

28 ເຈີ່ ກວາຍ ກຶ່ງ ຕາແບັບ ເຢຊູ ປາຍ: "ຮິ ອົງ ເຄາະ ຕະ ຣານະ ອິນເຕົ້າ ໂອນ ຕະ ໂກຣ ຣາງິຣ ເຢີງ ເຈົາຣາຊິ ຢິ່ຣ?"

29 ເຢຊູ ຕາແອີຍ ໄລ່ ປາຍ: "ໄນ່ ລາ ຣານະ ເຢີງ ເຈົາຣາຊິ ໂອນ ເຍົາ ຕະ: ອົງເຄາະ ເຍົາ ຊາອໍ ອັນ ກາ ເຢີງ ເຈົາຣາຊິ ແປຣີ ແຕ່ອໍ ປິ່ ໄນ່."

30 ໄລ່ ກ້ອຍ ຕາແບັບ ອັນ ປາຍ: "ໄນ່ ອິ ຕະ ຣານະ ຕາ ແກີຍ ເຮີມ ອິນເຕົ້າ ໂອນ ເຕ່ອໍ ຮິ ເຮີມ ກະ ຊາອໍ ໄນ່? ນານະ ໄນ່ ຕະ? 31 ອາຈວາຍຣ ອາ ເຈ່ຣ ໄຮ ແຕ ອິມແບັ ຈາ ມານາ ແຕ ມັນລ້ອງ ຕິ່ງ ອິນຕຸ ຕຍາຣ. ຣານະ ໄນ່ ເມົາ ຄຽນ ເຈີ່ ຕິ່ງ ປິ່ງ ປັຣນາຍ ເຢີງ ເຈົາຣາຊິ ປາຍ: 'ອັນ ໂອນ ໄລ່ ຈາ ຊັຣນາ ແຕ ມັນລ້ອງ.'"

32 ເຢຊູ ປາຍ ໄຈະ ໄລ່: "ເກົາ ອາຕິ ຕານໍ່ອງ ໂອນ ເຍົາ, ຕາ ແກິນ ໂມເຊ ໂອນ ເຍົາ ຈາ ຊັຣນາ ແຕ ມັນ ລ້ອງ. ມາ ແອິງ ອິມປໍ່ ເກົາ ແຕ່ ໂອນ ເຍົາ ຈາ ຊັຣ ມາ ກາ ກຣັກ ອໍ, ຊັຣນາ ໄນ່ ອັນ ອາແຊງ ແຕ ມັນ ລ້ອງ. 33 ຊັຣນາ ເຢີງ ເຈົາຣາຊິ ລາ ອັນ ກາ ແຊງ ແຕ ມັນລ້ອງ, ກະ ຊັຣນາ ໄນ່ ໂອນ ກວາຍ ຕິ່ງ ກູ ແຕ່ອໍ ໄນ່ ເບີນ ອາມົ່ງ."

34 ໄລ່ ຕາແອີຍ ລ້ຽ ປາຍ: "ອິນເຈົ້າ ເອີຍ! ແຊ່ອ ອິນເຈົ້າ ໂອນ ຮິ ເບີນ ເລືອຍໆ ຊັຣນາ ໄນ່."

35 ເຢຊູ ອາຕິ ໄລ່ ປາຍ: "ເກົາ ໄນ່ ແຕ່ ລາ ຊັຣ ມາ ໂອນ ເຍົາ ອາມົ່ງ. ກວາຍ ອາແລ່ະ ກາ ແຕ່ອໍ ປິ່ ເກົາ, ກວາຍ ກ້ອຍ ຕາ ເບີນ ຊ້ອງ ມາເຍົາຍຣ ນ້ອງ. ກະ ກວາຍ ອາແລ່ະ ກາ ຊາອໍ ເກົາ, ກວາຍ ກ້ອຍ ຕາ ເບີນ ຊາລາອໍ ນ້ອງ."

36 "ມາ ເກົາ ອາຕິ ເຍົາ ເຈີ່, ເຍົາ ເຮີມ ເກົາ, ມາ ອິນນ້ອງ ເຍົາ ຕາ ເບີນ ຊາອໍ ເກົາ. 37 ມັຣ ກວາ ຍ ກາ ອິມປໍ່ ເກົາ ໂອນ ແຕ່ອໍ ປິ່ ເກົາ, ອິນແຍ່ະ ມັຣ ກວາຍ ກ້ອຍ ແຕ່ອໍ ປິ່ ເກົາ. ກະ ອິນແຍ່ະ ມັຣ ກວາ ຍ ກາ ແຕ່ອໍ ປິ່ ເກົາ, ເກົາ ຕາ ແກີຍ ດູ່ຍຣ ໄລ່ ກ້ອຍ. 38 ຍ່ອນ ເກົາ ແຊງ ແຕ ມັນລ້ອງ ຕາ ແກິນ ເກົາ ອິ ຕາປູ່ນ ຣາງິຣ ເກົາ ເບີມ, ມາ ເກົາ ອິ ຕາປູ່ນ ຣາງິຣ ອັນ ກາ ແປຣີ ເກົາ ແຕ່ອໍ ປິ່ ໄນ່. 39 ໄນ່ ລາ ຣາງິຣ ອັນ ກາ ແປຣີ ເກົາ ແຕ່ອໍ: ອັນ ຕາ ໂອນ ເກົາ ປິ່ດ ມານະ ແຕ ອິນແຍ່ະ ມັຣ ກວາຍ ກາ ອັນ ໂອນ ເກົາ ເບີນ. ກະ ແຕ່ອໍ ຕາໄງ ປັຣຊິດ ອັນ ຢິ່ຣ ເກົາ ໂອນ ອິນແຍ່ະ ມັຣ ກວາຍ ກ້ອຍ ອາມົ່ງ ລ້ຽ. 40 ໄນ່ ລາ ຣາງິຣ ອິມປໍ່ ເກົາ: ອິນແຍ່ະ ມັຣ ກວາຍ ກາ ເຮີມ ກອນ ອັນ ກະ ຊາອໍ ກອນ ກ້ອຍ, ອິນແຍ່ະ ໄລ່ ກ້ອຍ ເບີນ ອາມົ່ງ ເລືອຍໆ. ກະ ແຕ່ອໍ ຕາໄງ ປັຣ ຊິດ ເກົາ ໂອນ ອິນແຍ່ະ ມັຣ ກວາຍ ກ້ອຍ ອາມົ່ງ ລ້ຽ."

41 ແວັດ ເຢຊູ ປາຍ ມະກ້ອຍ, ຈຸ່ມ ອິດຊະຣາ ເອລ ກ້ອຍ ໂຍ່ບ ບູແບະ ບູປິ່ບ ແຕ ເຢຊູ, ຍ່ອນ ອັນ ປາຍ: "ເກົາ ລາ ຊັຣນາ ກາ ແຊງ ແຕ ມັນ ລ້ອງ."

42 ຈຸ່ມ ອິດຊະຣາເອລ ປາຍ: "ປຍາຍົ ມາ ຕາ ເບີນ, ກວາຍ ໄນ່ ລາ ເຢຊູ, ກອນ ໂຍເຊັບ? ໄຮ ດັງ ເຈີ່ ອິມເປ່ອ ອິມປໍ່ ອັນ. ນານະ ເຕ່ອໍ ອັນ ປາຍ ອັນ ແຊງ ແຕ ມັນລ້ອງ?"

43 ເຢຊູ ຕາແອີຍ ໄລ່ ກ້ອຍ ປາຍ: "ເຍົາ ອິນ ໂຈຍ ບູແບະ ນ້ອງ ຕາ ແກິດ ຣາມົຣ. 44 ຄັນ ອິມປໍ່ ເກົາ ຕິ່ງ ມັນລ້ອງ, ອັນ ກາ ແປຣີ ເກົາ ແຕ່ອໍ ປິ່ ໄນ່,

† 6:31 6:31 ມານາ ລາ ຊັຣນາ ກາ ເຢີງ ເຈົາຣາຊິ ໂອນ ກວາຍ ອິດຊະຣາເອລ ຈາ ຕິ່ງ ແດີຍ ໂມເຊ.

ມາ ຕາ ເປັນ ເດີງ ກວາຍ ແຕ້ອ໌ ປີ ເກົາ, ຕາ ເປັນ ເມົ້າ ແຕ້ອ໌ ແຕ້ອ໌ ປີ ເກົາ. ກະ ແຕ້ອ໌ ຕາໄງ ປັຣຊົດ, ກວາຍ ອາແລະ ກາ ແຕ້ອ໌ ປີ ເກົາ, ເກົາ ໂອນ ກວາຍ ກ້ອຍ ເປັນ ອາມັງ ລັຮ. 45 ເປັນ ເມົ້າ ຄຽນ ເຈີ່ ຕຶ້ງ ປຶ້ງ ກວາຍ ອາຕີ ຕາງ ປັຣນາຍ ເຢີງ ເຈົ້າຣາຊິ ປາຍ:

'ເຢີງ ເຈົ້າຣາຊິ ອາຕີ ອິນແຍ່ະ ມັຮ ກວາຍ.'

ອາແລະ ກາ ຊາງັດ ປັຣນາຍ ອິມບໍ່ ຕຶ້ງ ມັນລ້ອງ ກະ ຮຍານ ແຕ ອັນ, ມັຮ ກວາຍ ກ້ອຍ ແຕ້ອ໌ ປີ ເກົາ. 46 ຕາ ເປັນ ກວາຍ ອາແລະ ເຮີມ ອິມບໍ່ ເກົາ ຕຶ້ງ ມັນລ້ອງ, ມາ ອັນ ກາ ແຕ້ອ໌ ແຕ ເຢີງ ເຈົ້າຣາຊິ, ແອັງ ອັນ ແຕ້ ເປັນ ເຮີມ ອິມບໍ່. 47 ເກົາ ອາຕີ ຕາມັ່ງ ໂອນ ເຍົາ, ກວາຍ ອາແລະ ກາ ຊາອຳ ເກົາ, ກວາຍ ກ້ອຍ ເປັນ ອາມັງ ເລືອຍໆ. 48 ເກົາ ລາ ຊັຣນາ ກາ ໂອນ ກວາຍ ເປັນ ອາມັງ. 49 ອາຈວາຍ ຮ ອາເຈ່ຮ ເຍົາ ຈາ ມານາ ແຕ ມັນລ້ອງ ຕຶ້ງ ອິນຕຸ ຕຍາຮ, ມາ ອິນນ້ອງ ໄລ່ ກູຈິດ. 50 ມາ ໄລ່ ລາ ຊັຣນາ ກາ ແຊງ ແຕ ມັນລ້ອງ; ຄັນ ກວາຍ ອາແລະ ຈາ ຊັຣນາ ໄລ່, ກວາຍ ກ້ອຍ ຕາ ເປັນ ກູຈິດ ນ້ອງ. 51 ເກົາ ລາ ຊັຣນາ ອາມັງ ກາ ແຊງ ແຕ ມັນລ້ອງ. ຄັນ ອາແລະ ຈາ ຊັຣນາ ໄລ່, ກວາຍ ກ້ອຍ ເປັນ ອາມັງ ເລືອຍໆ. ມາ ຊັຣນາ ໄລ່ ລາ ໄຊຣ໌ ເກົາ, ກາ ເກົາ ອີ ໂອນ ອິນແຍ່ະ ມັຮ ກວາຍ ດໍອ໌ ແຕ້ອ໌ ອາມັງ ເລືອຍໆ."

52 ແວັດ ເຢຊູ ປາຍ ນະກ້ອຍ, ກວາຍ ແຕ ຈຸມ ອິດຊະຣາເອລ ໄລ່ ຮາຈຽນ ຮາຕວາອ໌; ເຈີ່ ຕາ ແບິບ ປາຍ: "ນານະ ອັນ ໄລ່ ໂອນ ໄຮ ຈາ ໄຊຣ໌ ອັນ ແອັນ?"

53 ເຢຊູ ອາຕີ ລັຮ ໄລ່ ປາຍ: "ເກົາ ອາຕີ ຕາມັ່ງ ໂອນ ເຍົາ, ຄັນ ເຍົາ ຕາ ເປັນ ຈາ ໄຊຣ໌ ກອນ ເຢີງ ແກັດ ກວາຍ ກະ ຕາ ເປັນ ຈ່ອຍ໌ ອາຮາມ ອັນ, ເຍົາ ຕາ ເປັນ ອາມັງ. 54 ກວາຍ ອາແລະ ຈາ ໄຊຣ໌ ເກົາ ກະ ຈ່ອຍ໌ ອາຮາມ ເກົາ, ກວາຍ ກ້ອຍ ເປັນ ອາມັງ ເລືອຍໆ; ກະ ແຕ້ອ໌ ຕາໄງ ປັຣຊົດ, ເກົາ ໂອນ ອັນ ອາມັງ ລັຮ. 55 ຍ່ອນ ໄຊຣ໌ ເກົາ ລາ ຊັຣນາ ປຍາຍ໌ ລາລີ້, ກະ ອາຮາມ ເກົາ ລາ ເກຣັງ ຈ່ອຍ໌ ປຍາຍ໌ ລາລີ້. 56 ກວາຍ ອາແລະ ກາ ຈາ ໄຊຣ໌ ເກົາ ກະ ຈ່ອຍ໌ ອາຮາມ ເກົາ, ກວາຍ ກ້ອຍ ແອັດ ມູ ຮາງິຮ ກະ ເກົາ, ກະ ເກົາ ແອັດ ມູ ຮາງິຮ ກະ ອັນ. 57 ອິມບໍ່ ເກົາ ກາ ອາມັງ ເລືອຍໆ, ອັນ ກ້ອຍ ແປຣີ ເກົາ ແຕ້ອ໌. ເກົາ ອາມັງ ຍ່ອນ ອິມບໍ່ ເກົາ ໂອນ ເກົາ ອາມັງ. ມູເຈີງ ກ້ອຍ ແຕ່, ກວາຍ ອາແລະ ກາ ຈາ ໄຊຣ໌ ເກົາ, ກວາຍ ກ້ອຍ ເປັນ ອາມັງ ຍ່ອນ ເກົາ. 58 ໄລ່

ລາ ຊັຣນາ ກາ ແຊງ ແຕ ມັນລ້ອງ. ຊັຣນາ ໄລ່ ອິມພາ ແຕ ຊັຣນາ ແຕ ມັນລ້ອງ ກາ ອາຈວາຍຮ ອາເຈ່ຮ ໄຮ ຈາ ແຕ ອິມແບີ. ໄລ່ ຈາ ຊັຣນາ ກ້ອຍ, ມາ ອິນນ້ອງ ໄລ່ ກູຈິດ. ກວາຍ ອາແລະ ກາ ຈາ ຊັຣນາ ເກົາ, ກວາຍ ກ້ອຍ ເປັນ ອາມັງ ເລືອຍໆ."

59 ມັຮ ປັຣນາຍ ໄລ່ ເຢຊູ ອາຕີ ຕຶ້ງ ດູງ ຊາງ ກວາຍ ອິດຊະຣາເອລ ຕຶ້ງ ເມືອງ ກາເປນາອູມ.

60 ແຕ້ອ໌ ກຶ້ງ ກວາຍ ກາ ປວາຍ ເຢຊູ ຊາງັດ ອັນ ອາຕີ ປັຣນາຍ ກ້ອຍ, ໄລ່ ປາຍ: "ກັດ ລາລີ້ ຣາມິຮ ອັນ ອາຕີ ໄລ່. ເມົ້າ ແຕ້ອ໌ ດັງ ຣາມິຮ ກ້ອຍ?"

61 ເຢຊູ ດັງ ມັຮ ມູ່ ກາ ປວາຍ ອັນ, ໄລ່ ບູແບະ ບູບິບ ນະກ້ອຍ; ເຈີ່ ອັນ ອາຕີ ໄລ່ ປາຍ: "ຣາມິຮ ໄລ່ ຕະ ໂອນ ເຍົາ ຊ້ອງ ຕາ ແອອ໌ ອີ ປວາຍ ນ້ອງ ບໍ່? 62 ຄັນ ນະກ້ອຍ, ນານະ ເຍົາ ຄິດ ຄັນ ເຍົາ ເຮີມ ກອນ ເຢີງ ແກັດ ກວາຍ ຊ້ອຮ ລັຮ ປີ ອິນຕຸ ອັນ ແອັດ ແຕ ອິນໂຍ່ງ? 63 ໄກຮ ເຈີ່, ຮາເວີຍ ເຢີງ ເຈົ້າຣາຊິ ຕະ ໂອນ ກວາຍ ເປັນ ອາມັງ, ມາ ໄຊຣ໌ ກວາຍ ຕາ ແຕ້ອ໌ ຕະ ນະກ້ອຍ. ມັຮ ປັຣນາຍ ເກົາ ອາຕີ ເຍົາ ເຈີ່, ປັຣນາຍ ໄລ່ ແຕ້ອ໌ ແຕ ຮາເວີຍ, ກະ ປັຣນາຍ ໄລ່ ແຕ້ອ໌ ໂອນ ອາມັງ. 64 ມາ ອິນນ້ອງ ເປັນ ເມົ້າ ແຕ ເຍົາ ຕາ ເປັນ ຊາອຳ ເກົາ."

ເຢຊູ ປາຍ ນະກ້ອຍ, ອັນ ດັງ ແຕ ອິນໂຍ່ງ ເຈີ່ ມັຮ ກວາຍ ຕາ ເປັນ ຊາອຳ ອັນ, ກະ ອັນ ດັງ ເຈີ່ ຕຶ້ງ ມູ່ ອັນ ເປັນ ມານະ ອີ ມ່ອບ ອັນ ໂອນ ເມົ້າ ກາຈິດ. 65 ກະ ເຢຊູ ປາຍ ແອັນ: "ນະກ້ອຍ ເກົາ ອາຕີ ເຍົາ ແຕ ອິນໂຍ່ງ ເຈີ່, ຄັນ ອິມບໍ່ ເກົາ ຕຶ້ງ ມັນລ້ອງ ຕາ ເປັນ ໂອນ ເມົ້າ ແຕ້ອ໌ ປີ ເກົາ, ຕາ ເປັນ ອາແລະ ແຕ້ອ໌ ແຕ້ອ໌ ປີ ເກົາ."

66 ພໍກາ ເຢຊູ ປາຍ ອິນແຍ່ະ ມັຮ ປັຣນາຍ ກ້ອຍ, ເປັນ ຊາອິ້ຍ ນະ ແຕ ມູ່ ກາ ປວາຍ ອັນ ຕັຮ ຕາ ແອອ໌ ອີ ປວາຍ ນ້ອງ ເຢຊູ. 67 ເຢຊູ ຕາ ແບິບ ໄລ່ ມວຍ ຈິດ ລາ ບາຮ ນະ ແອັນ: "ເຍົາ ຍິອ໌ ອີ ລ້ອຮ ແຕ່ ບໍ່?"

68 ຊີໂມນ ເປໂຕ ຕາເອີຍ ລັຮ ປາຍ: "ອິນເຈົ້າ ເອີຍ! ຕາ ເປັນ ເມົ້າ ຮິ ອີ ປວາຍ ນ້ອງ. ແອັງ ອິນເຈົ້າ ຊ້ອງ ເປັນ ປັຣນາຍ ກາ ໂອນ ກວາຍ ເປັນ ອາມັງ ເລືອຍໆ. 69 ຮິ ຊາອຳ ເຈີ່ ກະ ດັງ ແຈງ ລາລີ້ ອິນເຈົ້າ ລາ ອັນ ກາ ຕາມັ່ງ ອໍ ກາ ແຕ້ອ໌ ແຕ ເຢີງ ເຈົ້າຣາຊິ."

70 ເຈີ່ ເຢຊູ ຕາເອີຍ ປາຍ: "ເກົາ ຮຽຮ ເຍົາ ມວຍ ຈິດ ລາ ບາຮ ນະ ເຈີ່. ມາ ເປັນ ມານະ ແຕ ເຍົາ ອີ ແກັດ ເຢີງ ຕາ ອີ."

71 ປັນນາຍ ໄມ່ ເຢຊູ ອາຕີ ແຕ ຢູດາ, ກອນ ຊີໂມນ ອິດຊະກາຣີອັດ. ຢູດາ ລາ ມານະ ແຕ ມູ່ ໄລ່ ມັນຈິດ ລາ ບາຣ ນະ, ມາ ປັຣແມິ ມັນເຕຣີ ອັນ ອີ ມ່ອນ ເຢຊູ.

7

ເຢຊູ ອາຕີ ຕຶ່ງ ເມືອງ ເຢຣູຊາເລັມ ຕຶ່ງ ຕາໄງ ຈົຣ ຊູ

1 ແວັດ ກ້ອຍ ເຢຊູ ເປາະ ປັຣ ອິນແຍະ ຕຶ່ງ ແຄງ ຄາລີເລ. ອັນ ຕາ ແອອ໌ ອີ ມູ່ດ ຕຶ່ງ ແຄງ ຢູດາຍ, ຍ່ອນ ກວາຍ ຊົດ ອິດຊະຣາເອລ ປີ ກ້ອຍ ຢິອ໌ ອີ ກາຈິດ ອັນ. 2 ແຈ່ະ ອີ ແຕ້ອ໌ ຈຸ່ມ ອິດຊະຣາເອລ ຈາ ຮໍອ໌ ຕາໄງ ຈົຣ ຊູ.\* 3 ແຊມອາຍ ເຢຊູ ອາຕີ ອັນ ປາຍ: "ອໍ ໄມ່ ລ້ອຣ ແຕ ອິນຕຸ ໄມ່, ເປາະ ປີ ແຄງ ຢູດາຍ ແອັນ. ນະກ້ອຍ ອິນແຍະ ກວາຍ ກາ ປວາຍ ໄມ່ ເຕອ໌ ເຮີມ ມັຣ ຣານະ ໄມ່ ຕະ; 4 ຄັນ ກວາຍ ອາແລະ ຢິອ໌ ກວາຍ ການໍອ໌ ດັງ ຣາມິຣ ອັນ, ອັນ ຕາ ເບີນ ຕະ ຣານະ ປາໂຕະ. ມັຣ ຣານະ ອິນ ເຕົາ ໄມ່ ຕະ, ອິງເຄາະ ໄມ່ ອາປັຣ ໂອນ ກູ່ ນະ ເບີນ ເຮີມ ເຕ່."

5 ມາ ແຊມອາຍ ເຢຊູ ລາ ຕາ ເບີນ ຊາອໍາ ເຕ່ ອັນ. 6 ນະກ້ອຍ ເຢຊູ ຕາແອິຍ ໄລ່ ປາຍ: "ຕາ ຢ ວາຣ ແຕ້ອ໌ ປາແນ່ນ ເກົາ ອາປັຣ ໂອນ ກູ່ ນະ ດັງ. ມາ ປາແນ່ນ ເຍົາ, ເປາະ ບັອງ ແລະ ລາ ເຕອ໌. 7 ກວາ ຍ ຕຶ່ງ ແດິຍ ໄມ່ ຕາ ເຕອ໌ ຊາອັຣ ເຍົາ, ມາ ໄລ່ ຊາ ອັຣ ເກົາ ຍ່ອນ ເກົາ ອາຕີ ອິນແຍະ ຣານະ ໄລ່ ຕະ ລາ ຕາ ອໍ ລາລີ. 8 ແອິງ ເຍົາ ຊ້ອງ ເປາະ ຈາ ຮໍອ໌ ຊາ ແຍິ ຕາໄງ ຈົຣ ຊູ. ເກົາ ຕາ ຢວາຣ ເປາະ ປີ ກ້ອຍ, ຍ່ອນ ຕາ ຢວາຣ ແຕ້ອ໌ ປາແນ່ນ ເກົາ ເປາະ."

9 ແວັດ ເຢຊູ ປາຍ ນະກ້ອຍ, ອັນ ອິນນ້ອງ ແອິດ ຕຶ່ງ ແຄງ ຄາລີເລ.

10 ແວັດ ແຊມອາຍ ອັນ ເປາະ, ເຈີ່ ເຢຊູ ເປາະ ເຕ່, ມາ ອັນ ເປາະ ໂຕະ ຕວຍ໌. 11 ພໍກາ ໄລ່ ຈາ ຮໍອ໌ ກ້ອຍ, ກວາຍ ຊົດ ອິດຊະຣາເອລ ຈໍອ໌ ເຢຊູ ກະ ໄລ່ ຕາແບິບ ປາຍ: "ປີ ແລະ ອັນ ກ້ອຍ?"

12 ກະ ກຶງ ກວາຍ ກ້ອຍ ຣາຣາຍ໌ ແຕ ເຢຊູ ເຕ່. ເບີນ ອັນ ກາ ປາຍ: "ເຢຊູ ໄມ່ ລາ ກວາຍ ອໍ."

ມາ ເບີນ ອັນ ກາ ປາຍ: "ຕາ ເກີນ! ເຢຊູ ໄມ່, ອັນ ບູນວກ ກວາຍ ການໍອ໌."

13 ມາ ຕາ ເບີນ ເມົາ ຍັນ ຕະ ອິນຕີ ແຕ ເຢຊູ ໂອນ ກວາຍ ການໍອ໌ ດັງ, ຍ່ອນ ໄລ່ ອິງກ້ອຣ ກວາ ຍ ຊົດ ອິດຊະຣາເອລ.

14 ຕາປູລ ຕາໄງ ເມົາ ເກີຍ ຈາ ຮໍອ໌ ຊາແຍິ ຕາໄງ ຈົຣ ຊູ. ມາ ແຕ້ອ໌ ຕາໄງ ປູນ ເຢຊູ ມູ່ດ ຕຶ່ງ ຊັງອາຣ ດຸງ ຊາງ ປັດ. ອັນ ຕາແບິ ອາຕີ ຕຶ່ງ ອິນຕຸ ກ້ອຍ.

15 ກວາຍ ຊົດ ອິດຊະຣາເອລ ຊ້ອງ ຈຶ່ງດ ລາລີ, ກະ ໄລ່ ຕາແບິບ ປາຍ: "ນານະ ອັນ ໄມ່ ຕາ ຢວາຣ ຣ ຍານ, ມາ ອັນ ດັງ ຊາອິຍ?"

16 ເຢຊູ ຕາແອິຍ ໄລ່ ກ້ອຍ ປາຍ: "ປັນນາຍ ເກົາ ອາຕີ ຕາ ເບີນ ແຕ້ອ໌ ແຕ ເກົາ ເບີມ, ມາ ປັຣ ນາຍ ໄມ່ ແຕ້ອ໌ ແຕ ອັນ ກາ ແປຣີ ເກົາ ແຕ້ອ໌ ປີ ໄມ່. 17 ຄັນ ກວາຍ ອາແລະ ຢິອ໌ ອີ ຕາປູນ ຣາງັຣ ເຢີງ ເຈົາຣາຊີ, ກວາຍ ກ້ອຍ ດັງ ປັນນາຍ ເກົາ ອາ ຕີ ແຕ້ອ໌ ແຕ ເຢີງ ເຈົາຣາຊີ, ແຕີລາ ແຕ້ອ໌ ແຕ ເກົາ ເບີມ. 18 ກວາຍ ອາແລະ ກາ ອາຕີ ປັນນາຍ ແຕ ອັນ ເບີມ, ກວາຍ ກ້ອຍ ຢິອ໌ ອີ ໂອນ ກວາຍ ກາ ນໍອ໌ ຍ່ອງ ອັນ. ມາ ກວາຍ ອາແລະ ກາ ຕະ ຣານະ ໂອນ ເມົາ ຍ່ອງ ອັນ ກາ ແປຣີ ອັນ ແຕ້ອ໌, ກວາຍ ກ້ອຍ ລາ ກວາຍ ກຣັກ ລາລີ, ກະ ອັນ ຕາ ເບີນ ເບີນ ມວຍ ຣາມິຣ ອິນເຕົາ ຕາ ອໍ ຕຶ່ງ ຣາງັຣ ອັນ. 19 ໂມເຊ ໂອນ ເຍົາ ເບີນ ຄານອດ ເຢີງ ເຈົາຣາຊີ ເຈີ່. ມາ ຕາ ເບີນ ເມົາ ແຕ ເຍົາ ຕະ ປວາຍ ຄາ ນອດ ກ້ອຍ. ຍ່ອນ ນານະ ເຍົາ ຈໍອ໌ ຣາລິຣ໌ ອີ ກາ ຈິດ ເກົາ?"

20 ກວາຍ ກຶງ ກ້ອຍ ຕາແອິຍ ເຢຊູ ປາຍ: "ໄມ່ ລາ ນະ ກວາຍ ເຢີງ ຕາ ອໍ ຕຣວບ. ເມົາ ກາ ຢິອ໌ ອີ ກາຈິດ ໄມ່?"

21 ເຢຊູ ຕາແອິຍ ລັຣ ໄລ່ ກ້ອຍ: "ເກົາ ຕະ ມວຍ ຣານະ ຕາ ເກີຍ ເຮີມ ຕາແບິ ມູ່ ເຮີບ ຊ້ອງ; ເຈີ່ ເຍົາ ຈຶ່ງດ. 22 ໂມເຊ ໂອນ ເຍົາ ຕະ ຮິ່ດ ກິດ.† ມາ ຄັນ ປຍາຍ໌ ຕຶ່ງ ຕາໄງ ຣາລູ່, ລາ ເຍົາ ຕະ ເຕ່. (ມາ ໄກຣ ລາລີ ຮິ່ດ ໄມ່ ຕາ ເບີນ ແຕ້ອ໌ ແຕ ໂມເຊ, ມາ ຮິ່ດ ໄມ່ ແຕ້ອ໌ ແຕ ອາຈວາຍຣ ອາເຈ່ຣ ເຍົາ.) 23 ຄັນ ເຍົາ ເຕອ໌ ຕະ ຮິ່ດ ກິດ ໂອນ ກອນ ຣາເລົາ ຕຶ່ງ ຕາໄງ ຣາລູ່ ຕາ ຢິອ໌ ອີ ຕັຣ ຄານອດ ໂມເຊ, ນານະ ເຍົາ ອວານ ກະ ເກົາ ຍ່ອນ ເກົາ ປົວ ກວາ ຍ ອາອິ ຕຶ່ງ ຕາໄງ ຣາລູ່? 24 ຄັນ ເຍົາ ເຮີມ ກວາ ຍ ຕະ ອິນເຕົາ, ເຍົາ ອິນໂຈຍ ກຸນເຕົາ ຕັດຊິ່ນ ຢ ວາຣ. ມາ ຄັນ ເຍົາ ອີ ຕັດຊິ່ນ ອິນເຕົາ, ອິງເຄາະ ເຍົາ ຕາຕ່ອຍ໌ ໂອນ ກຣັກ ເວົ້າຍ."

ເຢຊູ ແມ່ນ ກຣິດ ບໍ່?

25 ເບີນ ມັຣ ກວາຍ ແຕ ເມືອງ ເຢຣູຊາເລັມ ຕາ ແບິບ ປາຍ: "ປຍາຍ໌ ບໍ່, ອັນ ໄມ່ ກາ ເມົາ ຢິອ໌ ອີ

\* 7:2 7:2 ຕາໄງ ຈົຣ ຊູ ລາ ຕາໄງ ຈຸ່ມ ອິດຊະຣາເອລ ຕະ ຊູ ແອິດ ແຕີ ຕາປູລ ຕາໄງ ດໍອ໌ ຊາແຍິ ຕາໄງ ແຕ ອິມແບິ ໄລ່ ແອິດ ຕຶ່ງ ອິນຕຸ ຕຍາຣ. † 7:22 7:22 ຮິ່ດ ກ້ອຍ ເມົາ ກິດ ບິ້ຣ ອິງກັຣ ແຕ ເກຣັງ ຣາເລົາ.

ກາຈິດ? <sup>26</sup> ຊານຸ່ອັນ ແອິດ ອາຕີ ໂອນ ກຸ່ນະ ຊ້ອງ ປັຣນາຍ ອັນ, ມາ ຕາ ເບີນ ເມົາ ປາຍ ອິນເຕົ້າ ແຕ ອັນ. ມາ ກວາຍ ຊົດ ດັງ ແຈງ ອັນ ໄນ່ ລາ ກຣິດ ບໍ່? <sup>27</sup> ມານະ ເຕ້ອ ແກັດ? ຍ່ອນ ພໍກາ ກຣິດ ແຕ້ອ, ຕາ ເບີນ ເມົາ ດັງ ແຕ ແລະ ອັນ ແຕ້ອ. ມາ ເຢຊູ ໄນ່, ໄຮ ດັງ ເຈົ້ ແຕ ແລະ ອັນ ແຕ້ອ."

<sup>28</sup> ນະກ້ອຍ ເຢຊູ ອາຕີ ເຣ່ງ ລາລີ້ ຕຶ່ງ ດຸງ ຊາງ ປຶ້ດ ປາຍ: "ເຍົາ ດັງ ເກົາ ບໍ່? ກະ ເຍົາ ດັງ ແຕ ແລະ ເກົາ ແຕ້ອ ບໍ່? ຕາ ແກ້ນ ເກົາ ຈຸງ ອີ ແຕ້ອ. ມາ ເບີນ ອັນ ກາ ແປຣີ ເກົາ ແຕ້ອ, ອັນ ກ້ອຍ ລາ ປ ຍາຍ. ມາ ໄກຣ ເຈົ້ ເຍົາ ຕາ ເບີນ ດັງ ອັນ. <sup>29</sup> ມາ ເກົາ ດັງ ອັນ, ຍ່ອນ ເກົາ ແຕ້ອ ແຕ ອັນ, ກະ ອັນ ແປຣີ ເກົາ ແຕ້ອ."

<sup>30</sup> ແວັດ ເຢຊູ ປາຍ ນະກ້ອຍ, ເບີນ ກວາຍ ຍິ່ອ ອີ ໂກບ ອັນ, ມາ ຕາ ເບີນ ອາແລະ ກູແວີ ອາຕີ ໂກບ ອັນ, ຍ່ອນ ຕາ ຢວາຣ ແຕ້ອ ປາແນ່ນ ອັນ ຈີວ ກູ ຈິດ. <sup>31</sup> ມາ ແຕ ກວາຍ ກຶ່ງ ກ້ອຍ ເບີນ ຊາອິ້ຍ ນະ ຊາອຳ ເຢຊູ. ໄລ່ ຕາແບັບ ປາຍ: "ຄັນ ກຣິດ ແຕ້ອ, ອັນ ຕະ ຣານະ ຕາ ເກີ້ຍ ເຮີມ ອໍ ແກຼ້ຍ ແຕ ອັນ ໄນ່ ຕະ ບໍ່?"

<sup>32</sup> ກວາຍ ພາຣີຊາຍ ຊ້ອງ ກວາຍ ກຶ່ງ ກ້ອຍ ຣາ ຣາຍິ ນະກ້ອຍ ແຕ ເຢຊູ. ເຈົ້ ມັຣ ກວາຍ ພາຣີຊາຍ ກະ ມັຣ ກວາຍ ຊົດ ມູ່ ກາ ຊາງ ຣິ່ດ ເຢົາງ ເຈົາຣາ ຊີ, ໄລ່ ແປຣີ ກວາຍ ກາ ກຍາອໍ ຕຶ່ງ ດຸງ ຊາງ ເປາະ ໂກບ ເຢຊູ. <sup>33</sup> ເຢຊູ ປາຍ: "ອິນນ້ອງ ບິ່ອ ຕາໄງ ຊ້ອງ ເກົາ ແອິດ ກະ ເຍົາ. ແວັດ ກ້ອຍ ເກົາ ເຈົ້ ບໍ່ ອັນ ກາ ແປຣີ ເກົາ ແຕ້ອ. <sup>34</sup> ຕາໄງ ກ້ອຍ ເຍົາ ຈໍ່ອ ເກົາ, ມາ ເຍົາ ຕາ ເບີນ ຣາມັຣ ເກົາ. ກະ ອິນຕຸ ເກົາ ແອິດ, ເຍົາ ຕາ ເຕ້ອ ເປາະ ອິນຕຸ ກ້ອຍ."

<sup>35</sup> ນະກ້ອຍ ກວາຍ ຊົດ ອິດຊະຣາເອລ ກ້ອຍ ມານະ ຕາແບັບ ມານະ: "ອິນຕຸ ແລະ ກວາຍ ໄນ່ ອີ ເປາະ, ມາ ໄຮ ຕາ ເຕ້ອ ຈໍ່ອ ຣາມັຣ ອັນ? ອິນນ້ອງ ອັນ ອີ ເປາະ ປີ ກວາຍ ອິດຊະຣາເອລ ກາ ແອິດ ກຣວາງ ເຢິງ, ດໍອ ອາຕີ ໄລ່ ກາ ຕາ ແກ້ນ ກວາຍ ອິດຊະຣາເອລ ຕຶ່ງ ກຣວາງ ກ້ອຍ ບໍ່? <sup>36</sup> ອິນນໍ່ ອັນ ປາຍ: 'ເຍົາ ຈໍ່ອ ເກົາ, ມາ ເຍົາ ຕາ ເບີນ ຣາມັຣ ຮ ເກົາ.' ກະ ອັນ ປາຍ ນະໄນ່ ແຮ: 'ອິນຕຸ ເກົາ ແອິດ, ເຍົາ ຕາ ເຕ້ອ ເປາະ ອິນຕຸ ກ້ອຍ.' ປັຣນາຍ ອິນເຕົ້າ ກາ ອັນ ປາຍ ນະໄນ່?"

<sup>37</sup> ຕາໄງ ປັຣຊົດ ເມົາ ຈາ ຣິ່ອ ກ້ອຍ ລາ ຕາໄງ ປຶ້ດ ແກຼ້ຍ ແຕ ຕາໄງ ອິນໂຢ່ງ. ຕາໄງ ກ້ອຍ ເຢຊູ ຢວຣ ຕາຢິ່ງ ກະ ອາຕີ ເຣ່ງ ປາຍ: "ຄັນ ກວາຍ ອາແລະ ຊ້ອງ ອີ ຊາລາອໍ, ອິງເຄາະ ກວາຍ ກ້ອຍ

ແຕ້ອ ບໍ່ ເກົາ; ເຈົ້ ໂອນ ອັນ ຈຸ່ຍ. <sup>38</sup> ກວາຍ ອາ ແລະ ກາ ຊາອຳ ເກົາ, ກວາຍ ກ້ອຍ ລາ ນະ ອັນ ເບີ ນ ແຕ້ອ ກາ ໂອນ ອາມິ່ງ ຮອຍ ເລືອຍໆ ແຕ ຣາງິຣ ອັນ. ປຶ້ງ ປັຣນາຍ ເຢົາງ ເຈົາຣາຊີ ແຕ ອິມແບັ ປາຍ ນະກ້ອຍ ເຈົ້."

<sup>39</sup> ເຢຊູ ປາຍ ນະກ້ອຍ, ອັນ ອາຕີ ແຕ ຣາເວົ້າຍ ເຢົາງ ເຈົາຣາຊີ. ກວາຍ ອາແລະ ກາ ຊາອຳ ເຢຊູ, ປັຣແນີ ມັນເຕຣົາ ກວາຍ ກ້ອຍ ເບີນ ຮັບ ຣາເວົ້າຍ ເຢົາງ ເຈົາຣາຊີ. ຕຶ່ງ ຕາໄງ ກ້ອຍ ຣາເວົ້າຍ ເຢົາງ ເຈົາຣາຊີ ຕາ ຢວາຣ ແຕ້ອ, ຍ່ອນ ເຢຊູ ຕາ ຢວາຣ ກູຈິດ ກະ ຮັບ ອາງອິຣ ແຕ ມັນລ້ອງ.

<sup>40</sup> ຊາອິ້ຍ ນະ ແຕ ກວາຍ ກຶ່ງ ກ້ອຍ ຊ້ອງ ເຢຊູ ປາຍ ນະກ້ອຍ, ກະ ໄລ່ ກ້ອຍ ປາຍ: "ໄກຣ ລາລີ້ ກວາຍ ໄນ່ ລາ ກວາຍ ອາຕີ ຕາງ ປັຣນາຍ ເຢົາງ ເຈົາຣາຊີ ກາ ອິ ອິງກ່ອງ."

<sup>41</sup> ກວາຍ ການໍ່ອ ປາຍ: "ໄກຣ ລາລີ້ ອັນ ໄນ່ ລາ ກຣິດ."

ມາ ເບີນ ກວາຍ ການໍ່ອ ແອັມ ປາຍ: "ກຣິດ ຕາ ເບີນ ແຕ້ອ ແຕ ແຄງ ຄາລີເລ. <sup>42</sup> ປຶ້ງ ປັຣນາຍ ເຢົາງ ເຈົາຣາຊີ ແຕ ອິມແບັ ປາຍ ກຣິດ ລາ ແຕ ຈຸ່ມ ເຈືອ ດາວິດ. ກະ ກຣິດ ອິງເຄາະ ແກັດ ຕຶ່ງ ເມືອງ ເບັດເລເຮັມ ລາ ເມືອງ ດາວິດ ແອິດ."

<sup>43</sup> ນະກ້ອຍ ກວາຍ ກຶ່ງ ກ້ອຍ ມານະ ປາຍ ນະ ໄນ່, ມານະ ປາຍ ນະກ້ອຍ, ແຕ ເຢຊູ. <sup>44</sup> ຕຶ່ງ ກວາ ຍ ກຶ່ງ ກ້ອຍ ເບີນ ກວາຍ ຍິ່ອ ອີ ໂກບ ອັນ, ມາ ຕາ ເບີນ ເມົາ ອາລໍອຣ ອາຕີ ໂກບ ອັນ.

ກວາຍ ຊົດ ອິດຊະຣາເອລ ຕາ ເບີນ ຊາອຳ

<sup>45</sup> ແວັດ ກ້ອຍ ກວາຍ ກຍາອໍ ດຸງ ຊາງ ປຶ້ດ ເຈົ້ ລໍ່ຣ ປີ ມັຣ ກວາຍ ຊົດ ມູ່ ກາ ຊາງ ຣິ່ດ ເຢົາງ ເຈົາຣາ ຊີ, ກະ ປີ ຈຸ່ມ ພາຣີຊາຍ ແຮ. ມັຣ ກວາຍ ຊົດ ກ້ອຍ ຕາແບັບ ກວາຍ ກຍາອໍ ປາຍ: "ມານະ ເຍົາ ຕາ ເບີນ ໂກບ ກວາຍ ກ້ອຍ?"

<sup>46</sup> ກວາຍ ກຍາອໍ ກ້ອຍ ຕາແອິຍ ປາຍ: "ຮີ ຕາ ເກີ້ຍ ຊ້ອງ ກວາຍ ຕະ ອິນຕີ ນະ ອັນ ໄນ່ ຕະ ອິນ ຕີ."

<sup>47</sup> ຈຸ່ມ ພາຣີຊາຍ ຕາແບັບ ລໍ່ຣ ປາຍ: "ກາ ເຍົາ ຊາງັດ ເຕ່ ມັຣ ປັຣນາຍ ອັນ ຕະ ອິນຕີ ອາໂລກ ກ້ອຍ ບໍ່? <sup>48</sup> ເບີນ ອາແລະ ເຍົາ ເຮີມ ກວາຍ ຊົດ ແຕ້ລາ ກວາຍ ແຕ ຈຸ່ມ ພາຣີຊາຍ ຊາອຳ ອັນ? <sup>49</sup> ມາ ມັຣ ກອນແຊມ ໄນ່, ໄລ່ ຕາ ດັງ ອິນເຕົ້າ ເລີ້ຍ ແຕ ຄານອດ ໂມເຊ. ນະກ້ອຍ ເຢົາງ ເຈົາຣາຊີ ເວ່ນ ໄລ່ ກ້ອຍ."

<sup>50</sup> ເບີນ ມານະ ແຕ ມູ່ ກວາຍ ຊົດ ກ້ອຍ, ຣາມິ ຮ ອັນ ລາ ນີໂກເຕມ. ບ້ອງ ອາໄຣ່ ອັນ ແຕ້ອ ບໍ່

ເຢຊູ ເຈົ້າ. ອັນ ຕາແບັບ ກວາຍ ຊົດ ການໍ້ອ ກ້ອຍ ປາຍ: <sup>51</sup> "ຄັນ ປວາຍ ຄານອດ ໄຮ, ເຕ້ອ ບໍ່ ໄຮ ຕັດຊິ້ນ ປັຣນາຍ ກວາຍ ຄັນ ໄຮ ຕາ ຢວາຣ ຊ້ອງ ກະ ຕາ ຢວາຣ ດັງ ອິນເຕ້າ ອັນ ໂລ່ຍຮ?"

<sup>52</sup> ຈຸ່ມ ກວາຍ ຊົດ ຕາແອ້ຍ ນິໂກດມ ປາຍ: "ໄມ່ ລາ ກວາຍ ແຕ ແຄງ ຄາລິເລ ເຕ່ ບໍ່? ຄັນ ໄມ່ ຈໍ່ອ ຕິ່ງ ປຶ້ງ ປັຣນາຍ ເຢິງ ເຈົ້າຮາຊີ, ໄມ່ ຕາ ເບີນ ຣາມັຮ ອິນຕຸ ອາແລະ ປັຣນາຍ ກ້ອຍ ອາຕີ ແຕ ມານະ ອາຕີ ຕາງ ປັຣນາຍ ເຢິງ ເຈົ້າຮາຊີ ແຕ້ອ້ ແຕ ແຄງ ຄາລິເລ."

<sup>53</sup> ແວັດ ກ້ອຍ ອິນແຍ່ະ ມັຮ ໄລ່ ກ້ອຍ ລໍ່ບ ເຈົ້າ ລໍ່ຮ ບໍ່ ດຸງ ໄລ່.†

### 8

ມັນແຊມ ກາ ປັຣລິ້ຍ ກະ ຮາເລົາ

<sup>1</sup> ມາ ເຢຊູ ຊ້ອຮ ບໍ່ ກົຮ ອາໂປນ. <sup>2</sup> ແຕ້ອ ປຶ້ງ ຕາຮິບ ເຢຊູ ເປາະ ລໍ່ຮ ບໍ່ ຊັງອາຣ ດຸງ ຊາງ ປັດ. ເບີນ ກຶ່ງ ກວາຍ ໂຮ່ມ ອິມແປຣ ອັນ. ມະກ້ອຍ ອັນ ຕາກູ ອາຕີ ໄລ່ ກ້ອຍ. <sup>3</sup> ຈຸ່ມ ກາ ອາຕີ ຄານອດ ກະ ຈຸ່ມ ພາຣິຊາຍ, ໄລ່ ເດິງ ອາຊວຍ ມັນແຊມ ກາ ປັຣ ລິ້ຍ ກະ ຮາເລົາ. ໄລ່ ໂອນ ມັນແຊມ ກ້ອຍ ຕາຢິ່ງ ອິນຕີ ມູ່ ກາ ແອັດ ອິມແປຣ ເຢຊູ. <sup>4</sup> ກະ ໄລ່ ອາຕີ ເຢຊູ ປາຍ: "ອາຈານ ເອີຍ! ເບີນ ກວາຍ ຮາມັຮ ມັນແຊມ ໄມ່ ປັຣລິ້ຍ ກະ ຮາເລົາ. <sup>5</sup> ຕິ່ງ ຄານອດ ໄຮ, ໂມເຊ ອາຕີ ເຈົ້ ປາຍ: ຄັນ ກວາຍ ອາແລະ ຕະ ຕາ ອໍ່ ມະໄມ່, ອິງເຄາະ ແຫຼງ ຕາເມົາ ໂຈະ ອັນ ເຕົ້າ ອັນ ກູຈິດ.\* ມາ ນານະ ອາຈານ ປາຍ ແຕ ຮານະ ໄມ່?"

<sup>6</sup> ໄລ່ ຕາແບັບ ມະກ້ອຍ ຍໍ້ອ ອີ ລ່ອງ ເຢຊູ. ໄລ່ ຈໍ່ອ ຮານະ ອີ ປ່ອງ ເຢຊູ. ມາ ເຢຊູ ປູບ ອາແຊງ ອິດ ກັລດອຍ ອາຕີ ຄຽນ ຕິ່ງ ກູແຕອ້. <sup>7</sup> ພິກາ ໄລ່ ກາ ເດິງ ມັນແຊມ ກ້ອຍ ຕາແບັບ ເລືອຍໆ ອັນ, ເຢຊູ ຢວຣ ກະ ອາຕີ ໄລ່ ປາຍ: "ຄັນ ເບີນ ມານະ ແຕ ເຍົາ ມາ ຕາ ເບີນ ໂລ່ຍຮ ອິນເຕ້າ, ໂອນ ກວາຍ ກ້ອຍ ແຫຼງ ອິນໂຍ່ງ ຕາເມົາ ໂຈະ ມັນແຊມ ໄມ່."

<sup>8</sup> ເຈົ້ ເຢຊູ ຄຽນ ຕິ່ງ ກູແຕອ້ ຊາ.

<sup>9</sup> ພິກາ ກວາຍ ກ້ອຍ ຊ້ອງ ປັຣນາຍ ເຢຊູ ປາຍ ມະໄມ່, ອິນແຍ່ະ ມັຮ ໄລ່ ລ້ອຮ ແຕ ອິນຕຸ ກ້ອຍ, ມັຮ ກວາຍ ເກົາ ລ້ອຮ ອິນໂຍ່ງ, ເຕົ້າ ກາ ອິນນ້ອງ ແອິງ ເຢຊູ ກະ ມັນແຊມ ກ້ອຍ ຊ້ອງ ແອັດ ອິນຕຸ ກ້ອຍ. <sup>10</sup> ເຢຊູ ຢວຣ ລໍ່ຮ ກະ ຕາແບັບ ມັນແຊມ

ກ້ອຍ ປາຍ: "ອາມໍ້ອ ເອີຍ! ບໍ່ ແລະ ກວາຍ ກາ ຕີ ໄມ່? ໄລ່ ອິນນ້ອງ ອີ ຕີ ໄມ່ ບໍ່?"

<sup>11</sup> ມັນແຊມ ກ້ອຍ ຕາແອ້ຍ ປາຍ: "ຕາ ເບີນ ເມົ້າ ນ້ອງ, ອິນເຈົ້າ ເອີຍ."

ເຢຊູ ຕາແອ້ຍ ລໍ່ຮ: "ເກົາ ຕາ ເບີນ ຕີ ໄມ່ ເຕ່. ເຕ້ອ ໄມ່ ເປາະ, ມາ ໄມ່ ອິນໂຈຍ ຕະ ໂລ່ຍຮ ນ້ອງ."

ເຢຊູ ລາ ກັລ ຮານະ ປຶ້ງ

<sup>12</sup> ເຢຊູ ອາຕີ ລໍ່ຮ ກວາຍ ອິດຊະຮາເອລ ປາຍ: "ເກົາ ລາ ກັລ ປຶ້ງ ໂອນ ອິນແຍ່ະ ມັຮ ກວາຍ. ກວາ ຍ ອາແລະ ກາ ປວາຍ ເກົາ ຕາ ເບີນ ເປາະ ຕິ່ງ ອິນ ຕຸ ການໍ້າ, ມາ ອັນ ເບີນ ແອິງ ປຶ້ງ ກາ ໂອນ ອັນ ອາ ມັງ."

<sup>13</sup> ຈຸ່ມ ພາຣິຊາຍ ອາຕີ ເຢຊູ ປາຍ: "ຊານໍ່ ໄມ່ ອາຕີ ແຕ ຈະ ໄມ່ ເບີມ. ມະກ້ອຍ ປັຣນາຍ ໄມ່, ຮິ ຕາ ເຕ້ອ ອິດ."

<sup>14</sup> ເຢຊູ ຕາແອ້ຍ ໄລ່ ປາຍ: "ຕາ ເບີນ ອິນເຕົ້າ ເກົາ ອາຕີ ແຕ ເກົາ ເບີມ; ອິນແຍ່ະ ປັຣນາຍ ເກົາ ລາ ປຍາຍ໌, ຍ່ອນ ເກົາ ດັງ ເຈົ້ ແຕ ແລະ ເກົາ ແຕ້ອ ກະ ບໍ່ ແລະ ເກົາ ອີ ເປາະ. ມາ ເຍົາ ຕາ ເບີນ ດັງ ແຕ ແລະ ເກົາ ແຕ້ອ ກະ ບໍ່ ແລະ ເກົາ ອີ ເປາະ. <sup>15</sup> ເຍົາ ຕັດຊິ້ນ ກວາຍ ການໍ້ອ, ລາ ຕາປູນ ຮານະ ກວາຍ ຊ້ອງ, ມາ ເກົາ ຕາ ເບີນ ຕັດຊິ້ນ ກວາຍ ອາແລະ. <sup>16</sup> ມາ ຄັນ ເກົາ ຕັດຊິ້ນ, ມັຮ ປັຣນາຍ ເກົາ ປາຍ ລາ ປຍາຍ໌ ລາລີ້, ຍ່ອນ ອິມບໍ່ ກາ ແປຣີ ເກົາ ແຕ້ອ, ອັນ ແອັດ ກະ ເກົາ ເຕ່; ຕາ ເກົນ ເກົາ ແອັດ ມານະ ເກົາ ຊ້ອງ. <sup>17</sup> ເບີນ ກວາຍ ຄຽນ ເຈົ້ ຕິ່ງ ຄານອດ ເຍົາ ປາຍ: ຄັນ ບາຣ ມະ ມາ ປາຍ ມູ່ ປັຣນາຍ, ເຕ້ອ ອິດ ປັຣນາຍ ກ້ອຍ. <sup>18</sup> ເກົາ ອາຕີ ແຕ ເກົາ ເບີມ, ກະ ອິມບໍ່ ກາ ແປຣີ ເກົາ ແຕ້ອ, ອັນ ອາຕີ ແຕ ເກົາ ເຕ່."

<sup>19</sup> ເຈົ້ ຈຸ່ມ ພາຣິຊາຍ ຕາແບັບ ເຢຊູ ປາຍ: "ອິມ ບໍ່ ໄມ່ ແອັດ ອິນແລະ?"

ເຢຊູ ຕາແອ້ຍ ໄລ່ ປາຍ: "ເຍົາ ຕາ ເບີນ ດັງ ເກົາ ແຕ້ລາ ອິມບໍ່ ເກົາ. ຄັນ ເຍົາ ມາ ດັງ ເກົາ, ເຍົາ ດັງ ເຕ່ ອິມບໍ່ ເກົາ."

<sup>20</sup> ເຢຊູ ອາຕີ ອິນແຍ່ະ ປັຣນາຍ ໄມ່ ຕິ່ງ ຊັງອາຣ ດຸງ ຊາງ ປັດ ແຈະ ອິນຕຸ ໄລ່ ໂຈະ ປຣະ ຊາງ. ມາ ອິນນ້ອງ ເມົ້າ ຕາ ຢວາຣ ເບີນ ໂກບ ອັນ, ຍ່ອນ ປາ ແນ່ນ ອັນ ຈິວ ກູຈິດ ຕາ ຢວາຣ ແຕ້ອ້.

† 7:53 7:53 ຊາອິ້ຍ ປຶ້ງ ປັຣນາຍ ແຕ ອິມເບີ ຕາ ເບີນ ເບີນ ຮານາ 7:53 ແຕ້ອ 8:11. \* 8:5 8:5 ຕິ່ງ ປັຣນາຍ ເຢິງ ເຈົ້າຮາຊີ ອາຕີ ແຕ ຄານອດ ໂມເຊ ປາຍ: "ຄັນ ຮາເລົາ ອາແລະ ມາ ປັຣລິ້ຍ ລາກວຍ ແຊມອາຍ ຈຸ່ມ ອິດຊະຮາເອລ, ອິງເຄາະ ຮາເລົາ ກະ ມັນແຊມ ກ້ອຍ ຮັບ ໂຕ່ດ ເຕົ້າ ກູຈິດ." ມາ ຈຸ່ມ ກາ ອາຕີ ຄານອດ ກະ ຈຸ່ມ ພາຣິຊາຍ, ໄລ່ ຮາປຽນ ຄານອດ ກ້ອຍ.

21 ແວັດ ກ້ອຍ ເຢຊູ ອາດີ ລັຮ ໄລ່ ປາຍ: "ປັຣ ແມີ ມັນເຕຣີ ເກົາ ເປາະ ອິນຕຸ ການໍ່ອໍ. ເຍົາ ຈໍ່ອໍ ເກົາ, ມາ ເຍົາ ກູຈິດ ຍ່ອນ ໄລ່ຍຮ ເຍົາ ເບີມ. ອິນ ຕຸ ເກົາ ເປາະ, ເຍົາ ຕາ ເຕ້ອໍ ເປາະ ອິນຕຸ ກ້ອຍ."

22 ເຈີ່ ກວາຍ ຊົດ ອິດຊະຣາເອລ ຕາແບີບ ປາຍ: "ນານະ ອັນ ໄນ່ ປາຍ ໄຮ ຕາ ເຕ້ອໍ ເປາະ ປໍ ອິນຕຸ ອັນ ເປາະ? ອິນນ້ອງ ອັນ ອີ ຢະ ບໍ?"

23 ມາ ເຢຊູ ປາຍ ແອັນ: "ເຍົາ ແຕ້ອໍ ແຕ ປິ່ນ, ມາ ເກົາ ແຕ້ອໍ ແຕ ແປັງ. ເຍົາ ລາ ແຕ ກູແຕ້ອໍ ໄນ່, ມາ ເກົາ ລາ ຕາ ແກັນ ແຕ ກູແຕ້ອໍ ໄນ່. 24 ນະກ້ອຍ ເກົາ ອາດີ ເຍົາ ເຈີ່, ເຍົາ ກູຈິດ ຍ່ອນ ມັຮ ໄລ່ຍຮ ເຍົາ ເບີມ. ຄັນ ເຍົາ ຕາ ເບີນ ຊາອໍ ເກົາ ກາ ເຕ້ອໍ ຈ່ອຍ ອາມັງ ເຍົາ, ເຍົາ ກູຈິດ ມາ ເຍົາ ອິນນ້ອງ ເບີ ນ ໄລ່ຍຮ."

25 ໄລ່ ຕາແບີບ ລັຮ ເຢຊູ ປາຍ: "ໄນ່ ລາ ເມົາ?"

ເຢຊູ ຕາແອີຍ ປາຍ: "ນະ ເກົາ ປາຍ ກະ ເຍົາ ແຕ ອິນໂຍ່ງ ເຈີ່. 26 ເກົາ ອິນນ້ອງ ເບີນ ຊາອໍ ຍ ປັຣນາຍ ຕັດຊິ່ນ ເຍົາ. ມາ ອັນ ກາ ແປຣີ ເກົາ ແຕ້ອໍ ລາ ຊາເບັງ ອໍ ລາລີ່. ອິນເຕົາ ກາ ເກົາ ຊ້ອງ ແຕ ອັນ, ເກົາ ອາດີ ອິນແຍ່ະ ໂອນ ກວາຍ ຕຶງ ກູ ແຕ້ອໍ ໄນ່."

27 ມາ ກວາຍ ຊົດ ອິດຊະຣາເອລ ຕາ ເບີນ ດັງ ອິນເຕົາ ມັຮ ປັຣນາຍ ເຢຊູ ອາດີ ແຕ ອິມບໍ່ ອັນ ຕຶງ ມັນລ້ອງ. 28 ນະກ້ອຍ ເຢຊູ ອາດີ ໄລ່ ປາຍ: "ແຕ້ອໍ ຕາໄງ ເຍົາ ຕາຢ້ອງ ກອນ ເຢັງ ແກັດ ກວາ ຍ ຕຶງ ອາລ່ອງ ຊັງກັງ, ບ້ອງ ກາ ກ້ອຍ ເຍົາ ເບີນ ດັງ ເກົາ ລາ ເມົາ. ກະ ບ້ອງ ກາ ກ້ອຍ ເຍົາ ດັງ ແຈງ, ເກົາ ຕາ ເບີນ ຕະ ຣານະ ແຕ ຮາງັຮ ເກົາ ເບີມ, ມາ ມັຮ ປັຣນາຍ ເກົາ ອາດີ ລາ ປັຣນາຍ ອິມບໍ່ ເກົາ ອາດີ ເກົາ ເຈີ່. 29 ອັນ ກາ ແປຣີ ເກົາ ແຕ້ອໍ, ອັນ ກ້ອຍ ແອັດ ເລືອຍໆ ກະ ເກົາ. ອັນ ຕາ ເບີນ ຕັຮ ໂອນ ເກົາ ແອັດ ມານະ, ຍ່ອນ ຣານະ ເກົາ ຕະ, ເກົາ ຕະ ໂອນ ຮໍ່ອໍ ຮາງັຮ ອັນ."

30 ພໍກາ ເມົາ ຊ້ອງ ເຢຊູ ປາຍ ນະກ້ອຍ, ຊາອໍ ຍ ນະ ກວາຍ ຊາອໍ ອັນ.

ເຢຊູ ອາດີ ແຕ ກວາຍ ຊູລ ກະ ຕາ ເບີນ ຊູລ

31 ເຢຊູ ອາດີ ກວາຍ ອິດຊະຣາເອລ ກາ ຊາອໍ ອັນ ປາຍ: "ຄັນ ເຍົາ ຊາງັດ ປັຣນາຍ ເກົາ ອາດີ, ເຍົາ ລາ ກວາຍ ຣຍານ ແຕ ເກົາ. 32 ຄັນ ນະກ້ອຍ ເຍົາ ດັງ ປັຣນາຍ ປຍາຍໍ ລາ ອິນເຕົາ, ກະ ປັຣນາຍ ປຍາຍໍ ໄນ່ ອາໂຣຍຮ ເຍົາ ແຕ ແກັດ ຊູລ."

33 ມາ ກວາຍ ກ້ອຍ ຕາແອີຍ ເຢຊູ ປາຍ: "ຮິ ລາ ຈຸ່ມເຈືອ ອັບຣາຮາມ. ຮິ ຕາ ເກີຍ ແກັດ ຊູລ

ເມົາ. ນານະ ອາຈານ ປາຍ ອາໂຣຍຮ ຮິ ແຕ ແກັດ ຊູລ?"

34 ເຢຊູ ອາດີ ລັຮ ໄລ່ ປາຍ: "ເກົາ ອາດີ ຕານໍ່ ອງ ໂອນ ເຍົາ, ກວາຍ ອາແລ່ະ ກາ ຕະ ໄລ່ຍຮ ອິນເຕົາ, ກວາຍ ກ້ອຍ ແກັດ ຊູລ ໄລ່ຍຮ ກ້ອຍ.

35 ຄັນ ກວາຍ ອາແລ່ະ ຢໍ່ອໍ ອີ ຕັຮ ກວາຍ ຊູລ ອັນ, ເຕ້ອໍ ອັນ ຕັຮ, ມາ ກອນ ຣາເລົາ ອັນ ເບີມ ເຕ້ອໍ ແອັດ ເລືອຍໆ ຕຶງ ດຸງຊູ ອັນ. 36 ນະກ້ອຍ ຄັນ ກອນ ເຢັງ ເຈົາຣາຊີ ອາໂຣຍຮ ເຍົາ, ເຈີ່ ເຍົາ ຕາ ເບີນ ແກັດ ຊູລ ນ້ອງ. 37 ເກົາ ດັງ ເຈີ່ ເຍົາ ລາ ແຕ ຈຸ່ມເຈືອ ອັບຣາຮາມ. ມາ ເຍົາ ອິນນ້ອງ ອີ ກາ ຈິດ ເກົາ, ຍ່ອນ ປັຣນາຍ ເກົາ ອາດີ ຕາ ເບີນ ມຸ່ດ ຕຶງ ຮາງັຮ ເຍົາ. 38 ເກົາ ອາດີ ມັຮ ຣານະ ອິມບໍ່ ເກົາ ອາປັຣ ໂອນ ເກົາ ເຮີມ, ມາ ເຍົາ ປວາຍ ມັຮ ກາ ເຍົາ ຊ້ອງ ແຕ ອິມບໍ່ ເຍົາ."

39 ໄລ່ ຕາແອີຍ ເຢຊູ ປາຍ: "ອັບຣາຮາມ ລາ ອິມບໍ່ ຮິ."

ມາ ເຢຊູ ປາຍ ລັຮ: "ຄັນ ເຍົາ ແກັດ ກອນ ອັບຣາຮາມ, ເຍົາ ຕະ ຣານະ ມູເຈັງ ອັບຣາຮາມ ຕະ ເຕ່. 40 ເກົາ ອາດີ ມັຮ ປັຣນາຍ ເກົາ ຊ້ອງ ເຈີ່ ແຕ ເຢັງ ເຈົາຣາຊີ, ມາ ເຍົາ ຄິ່ດ ອີ ກາຈິດ ເກົາ. ອັບຣາຮາມ ຕາ ເບີນ ຕະ ນະ ເຍົາ. 41 ຊານໍ່ ເຍົາ ຕະ ປວາຍ ຣານະ ອິມບໍ່ ເຍົາ, ມາ ອິມບໍ່ ເຍົາ ຕາ ແກັນ ອັບຣາຮາມ."

ມາ ໄລ່ ຕາແອີຍ ເຢຊູ ປາຍ: "ຮິ ລາ ຕາ ແກັນ ກອນ ຕຸງ. ຮິ ເບີນ ມານໍາ ອິມບໍ່ ຊ້ອງ. ເຢັງ ເຈົາຣາຊີ ລາ ອິມບໍ່ ຮິ."

42 ມາ ເຢຊູ ອາດີ ລັຮ ໄລ່ ປາຍ: "ຄັນ ເຢັງ ເຈົາຣາຊີ ລາ ອິມບໍ່ ເຍົາ, ນະກ້ອຍ ເຍົາ ອາໂຢ່ະ ເກົາ ເຕ່, ຍ່ອນ ເກົາ ແຕ້ອໍ ແຕ ເຢັງ ເຈົາຣາຊີ. ຊານໍ່ ເກົາ ແອັດ ອິນໄນ່, ເກົາ ຕາ ເບີນ ແຕ້ອໍ ປີ ໄນ່ ປວາຍ ຮາງັຮ ເກົາ ເບີມ, ມາ ເຢັງ ເຈົາຣາຊີ ແປຣີ ໂອນ ເກົາ ແຕ້ອໍ. 43 ນານະ ເຍົາ ຊ້ອງ ປັຣນາຍ ເກົາ ອາ ດີ ຕາ ເບີນ ແຈງ ບໍ່? ເຍົາ ຕາ ເບີນ ຊ້ອງ, ຍ່ອນ ເຍົາ ຕາ ຢໍ່ອໍ ອີ ຊາງັດ ປັຣນາຍ ເກົາ. 44 ເຍົາ ລາ ກອນ ເຢັງ ຊາຕານ. ອັນ ກ້ອຍ ລາ ອິມບໍ່ ເຍົາ. ກະ ເຍົາ ຢໍ່ອໍ ອີ ປວາຍ ຣານະ ອິມບໍ່ ເຍົາ. ແຕ ອິມ ແບີ, ເຢັງ ຊາຕານ ໄນ່ ອັນ ເກີຍ ກາຈິດ ກວາຍ. ອັນ ຕາ ເບີນ ຢຸ່ມ ປັຣນາຍ ປຍາຍໍ, ຍ່ອນ ຕາ ເບີນ ມູ ປັຣນາຍ ປຍາຍໍ ອິນເຕົາ ຕຶງ ຮາງັຮ ອັນ. ພໍກາ ອັນ ປາຍ ປັຣນາຍ ອາໂລກ ອັນ ປວາຍ ປັຣນາຍ ອັນ ເບີມ, ຍ່ອນ ອັນ ເກີຍ ອາໂລກ ເລືອຍໆ ກະ ອັນ ລາ ອິມບໍ່ ປັຣນາຍ ອາໂລກ. 45 ມາ ຍ່ອນ ເກົາ ອາດີ ເຍົາ ປັຣນາຍ ປຍາຍໍ, ນະກ້ອຍ ເຍົາ ຕາ ເບີນ



ຊາອຳ ເກົາ. 46 ກວາຍ ອາແລະ ແຕ ເຍົາ ແກ້ດ ພາ ເຍົານ ປາຍ ເກົາ ຕະ ຮານະ ໂລຍຮຸ? ຄັນ ເກົາ ອາຕີ ປຍາຍ໌, ນານະ ເຍົາ ຕາ ເບີນ ຊາອຳ ເກົາ? 47 ກວາ ຍ ອາແລະ ກາ ແກ້ດ ກອນ ເຢີງ ເຈົາຮາຊີ, ກວາຍ ກ້ອຍ ຊາງັດ ປັຣນາຍ ເຢີງ ເຈົາຮາຊີ. ມາ ເຍົາ ຕາ ຍິອ໌ ອີ ຊາງັດ ປັຣນາຍ ເຢີງ ເຈົາຮາຊີ, ຍ່ອນ ເຍົາ ຕາ ແກ້ນ ກອນ ອັນ."

ເຢຊູ ອາຕີ ແຕ ອັບຮາຮາມ

48 ກວາຍ ອິດຊະຮາເອລ ພາມາດ ເຢຊູ ກະ ປາຍ: "ປຍາຍ໌ ມາ ຕາ ເບີນ ຮີ ປາຍ ໄມ່ ລາ ກອນ ຕຸງ ມູເຈິງ ກວາຍ ຊາມາເຣຍ ແຕ່, ກະ ເບີນ ເຢີງ ຕາ ອໍ ແຮື ຕຣວບ ໄມ່?"

49 ເຢຊູ ຕາແອີຍ ໄລ່ ປາຍ: "ເຢີງ ຕາ ອໍ ຕາ ເບີນ ຕຣວບ ເກົາ. ເກົາ ຢ່າມັບ ອີມປໍ່ ເກົາ, ມາ ເຍົາ ຕາ ເບີນ ຢ່າມັບ ເກົາ. 50 ເກົາ ຕາ ເບີນ ຈໍອ໌ ໂອນ ເມົາ ຍ່ອງ ເກົາ. ມາ ເບີນ ມານະ ກາ ຈໍອ໌ ຮາ ນະ ກ້ອຍ ໂອນ ເກົາ. ອັນ ກ້ອຍ ຕັດຊິນ ເຍົາ ກະ ເກົາ. 51 ເກົາ ອາຕີ ຕານ້ອງ ໂອນ ເຍົາ, ຄັນ ເບີນ ກວາຍ ອິດ ປັຣນາຍ ເກົາ, ກວາຍ ກ້ອຍ ຕາ ເບີນ ກູຈິດ."

52 ແຕ້ອ໌ ເຢຊູ ປາຍ ນະກ້ອຍ, ກວາຍ ອິດຊະ ຮາເອລ ປາຍ: "ຊານໍ່ ຮີ ດັງ ກຮັກ ລາລີ່ ເບີນ ເຢີງ ຕາ ອໍ ຕຣວບ ໄມ່. ອັບຮາຮາມ ກູຈິດ ເຈີ່. ກະ ອິນ ແຍ່ະ ກວາຍ ອາຕີ ຕາງ ປັຣນາຍ ເຢີງ ເຈົາຮາຊີ ລາ ກູຈິດ ແຕ່. ມາ ຊານໍ່ ໄມ່ ປາຍ ຄັນ ເບີນ ກວາຍ ອິດ ປັຣນາຍ ໄມ່, ກວາຍ ກ້ອຍ ຕາ ເບີນ ກູຈິດ.

53 ໄມ່ ປິດ ກາເລີຍ ແຕ ອັບຮາຮາມ ອາຈວາຍຮ ອາເຈ່ຣ໌ ຮີ ບໍ່? ອັບຮາຮາມ ກູຈິດ ເຈີ່, ກະ ກວາຍ ອາຕີ ຕາງ ປັຣນາຍ ເຢີງ ເຈົາຮາຊີ ລາ ກູຈິດ ແຕ່. ໄມ່ ຄິດ ໄມ່ ລາ ເມົາ?"

54 ນະກ້ອຍ ເຢຊູ ຕາແອີຍ ໄລ່ ປາຍ: "ຄັນ ເກົາ ມາ ຍ່ອງ ຈະ ເກົາ ເບີມ, ລາ ຕາ ເບີນ ແກ້ດ ເກົາ ອິນເຕົ້າ. ອັນ ກາ ຍ່ອງ ເກົາ ລາ ອີມປໍ່ ເກົາ, ລາ ອັນ ກາ ເຍົາ ປາຍ ເຢີງ ກາ ເຍົາ ຊາງ ແຕ່. 55 ເຍົາ ຕາ ເບີນ ດັງ ອັນ, ມາ ເກົາ ດັງ ອັນ. ຄັນ ເກົາ ປາຍ ເກົາ ຕາ ເບີນ ດັງ ອັນ, ລາ ເກົາ ຕະ ອິນຕີ ອາໂລກ ມູເຈິງ ເຍົາ ແຕ່. ມາ ເກົາ ດັງ ອັນ, ກະ ເກົາ ຊາງັດ ປັຣນາຍ ອັນ. 56 ອັບຮາຮາມ, ລາ ອາຈວາຍຮ ອາ ເຈ່ຣ໌ ເຍົາ, ອັນ ອູອຍາຣ ອູໄອອ໌ ລາລີ່ ຍິອ໌ ອີ ເຮີມ ເກົາ ແຕ້ອ໌ ປີ ກູແຕອ໌ ໄມ່. ອັນ ເຮີມ ຮານະ ໄມ່ ກຮັກ ເຈີ່; ນະກ້ອຍ ອັນ ແອີນ ລາລີ່."

57 ກວາຍ ອິດຊະຮາເອລ ກ້ອຍ ປາຍ ລັຮະ: "ອາ ຢຸ່ ໄມ່ ຕາ ຢວາຮ ແຕ້ອ໌ ເຊິງ ຈິດ ກູມໍ. ມາ ນານະ ໄມ່ ປາຍ ໄມ່ ເຮີມ ເຈີ່ ອັບຮາຮາມ?"

58 ເຢຊູ ຕາແອີຍ ລັຮະ ໄລ່ ປາຍ: "ເກົາ ອາຕີ ຕານ້ອງ ໂອນ ເຍົາ, ອິນໂຍ່ງ ອັບຮາຮາມ ຕາ ຢວາຮ ແກ້ດ, ມາ ເກົາ ເບີນ ເຈີ່."

59 ແວັດ ເຢຊູ ປາຍ ນະກ້ອຍ, ກວາຍ ອິດຊະ ຮາເອລ ອິດ ຕາເມົາ ອີ ແກງ ໂຈະ ອັນ. ມາ ເຢຊູ ມຸ່ດ ກັຮຈຸ ຕິ່ງ ກວາຍ ກຼິ່ງ ກ້ອຍ; ເຈີ່ ອັນ ລັອຣ ແຕ ດຸງ ຊາງ ປິດ ກ້ອຍ.

### 9

ເຢຊູ ຕະ ບຮາງ ກວາຍ ຊູດ ມັດ ແຕ ອີມເປ້ອ໌ ອັນ ຮັຮ

1 ພໍກາ ເຢຊູ ຕາຍັຮ ເປາະ ຕິ່ງ ຮານາ, ອັນ ເຮີມ ມານະ ກວາຍ ຮາເລົາ ກາ ຊູດ ມັດ ແຕ ອີມເປ້ອ໌ ອັນ ຮັຮ. 2 ມູ່ ກາ ຮຍານ ແຕ ເຢຊູ ໄລ່ ຕາແບີບ ອັນ ປາຍ: "ອາຈານ ເອີຍ! ເມົາ ຕະ ໂລ່ຍຮ ໂອນ ກວາຍ ໄມ່ ຊູດ ມັດ ແຕ ອີມເປ້ອ໌ ອັນ ຮັຮ? ອັນ ເບີມ, ແຕ້ລາ ອີມເປ້ອ໌ ອີມປໍ່ ອັນ ຕະ ໂລ່ຍຮ?"

3 ເຢຊູ ຕາແອີຍ ໄລ່ ກ້ອຍ ປາຍ: "ຮານະ ກ້ອຍ ຕາ ເບີນ ຍ່ອນ ໂລ່ຍຮ ອັນ, ແຕ້ລາ ໂລ່ຍຮ ອີມເປ້ ອ໌ ອີມປໍ່ ອັນ. ມາ ແມ່ນ ເຢີງ ເຈົາຮາຊີ ອີ ອາປັຮ ຮານະ ອັນ ຍ່ອນ ແຕ ກວາຍ ຊູດ ມັດ ໄມ່. 4 ບ້ອງ ກາ ອິນນ້ອງ ຕາໄງ, ໄຮ ອິງເຄາະ ຕະ ອິນແຍ່ະ ຮາ ນະ ອັນ ກາ ແປຣີ ເກົາ ແຕ້ອ໌. ແຕ້ອ໌ ຊາເດົາ, ໄຮ ຕາ ແຕ້ອ໌ ຕະ ຮານະ ອິນເຕົ້າ ນ້ອງ. 5 ບ້ອງ ກາ ເກົາ ແອີດ ຕິ່ງ ກູແຕອ໌, ລາ ເກົາ ເດິງ ບິ່ງ ໂອນ ອິນແຍ່ະ ມັຮ ກວາຍ ຕິ່ງ ກູແຕອ໌ ໄມ່."

6 ແວັດ ເຢຊູ ປາຍ ນະກ້ອຍ, ອັນ ກູຈັຮ ຕິ່ງ ກູ ແຕອ໌. ອັນ ກັຮຈຸ ແດັອ໌ ວຍາ ກະ ກູແຕອ໌ ແກ້ດ ຮາໂລ່ອ໌. ເຈີ່ ອັນ ອາເຕົາ ຮາໂລ່ອ໌ ຕິ່ງ ມັດ ກວາຍ ຊູດ ກ້ອຍ. 7 ເຢຊູ ແປຣີ ກວາຍ ຊູດ ມັດ ກ້ອຍ ປາຍ: "ເປາະ! ໄມ່ ເປາະ ກູລຍາ ມັດ ຕິ່ງ ແດັອ໌ ພາຍ ຊີໂລອາມ."

(ປັຣນາຍ ຊີໂລອາມ ໄມ່, ຄັນ ອິນຕີ ລັຮະ ລາ 'ແປຣີ.') ເຈີ່ ກວາຍ ຊູດ ມັດ ກ້ອຍ ເປາະ ກູລຍາ ມັດ ອັນ, ກະ ອັນ ລັບ ລັຮະ ປີ ດຸງ. ມັດ ອັນ ແກ້ດ ບຮາງ ແອັນ.

8 ກວາຍ ກາ ແອີດ ມູ່ ວີລ ກະ ອັນ, ກະ ກວາຍ ກາ ເຮີມ ອັນ ແອີດ ຊູແຊອ໌ ແຕ ອິນໂຍ່ງ, ອິນແຍ່ະ ນະ ໄລ່ ກ້ອຍ ຕາແບີບ ປາຍ: "ປຍາຍ໌ ມາ ຕາ ເບີ ນ ອັນ ໄມ່ ລາ ກວາຍ ຊູດ ມັດ ກາ ເກີຍ ຕາກູ ຊູ ແຊອ໌?"

9 ເບີນ ກວາຍ ຕາແອີຍ ປາຍ: "ປຍາຍ໌ ອັນ."

ມາ ກວາຍ ການໍ້ອ ປາຍ: "ຕາ ແກ້ນ ອັນ ມາ ຮູ້ບເຮືອງ ກວາຍ ໄມ່ ນະ ກວາຍ ຊູດ ກ້ອຍ ເຕ່."

ມາ ກວາຍ ກ້ອຍ ປາຍ ລັຮ ນະໄມ່: "ກູໂຕ ເກົາ ໄມ່ ແຕ່ ກວາຍ ຊູດ ມັດ ກ້ອຍ."

10 ນະກ້ອຍ ກວາຍ ການໍ້ອ ຕາແບັບ ອັນ: "ຄັນ ແມ່ນ ໄມ່ ກວາຍ ກ້ອຍ, ຍ່ອນ ນານະ ແຕ ມັດ ໄມ່ ແກ້ດ ບຮາງ ແອ້ນ?"

11 ອັນ ຕາແອັຍ ໄລ່ ປາຍ: "ເບີນ ມານະ ຮາ ເລົາ ຮາມິຣ ເຢຊູ, ອັນ ຕາລຸ ຮາໂລ່ອ; ເຈີ້ ອັນ ອາ ເຕົາ ຕຶ່ງ ມັດ ເກົາ, ກະ ອັນ ແປຣີ ເກົາ ເປາະ ກູລຍາ ມັດ ຕຶ່ງ ແດັອ້ ພາຍ ຊີໂລອາມ. ເກົາ ເປາະ ປີ ແດັອ້ ພາຍ ກ້ອຍ ກູລຍາ ມັດ ເກົາ. ເຈີ້ ມັດ ເກົາ ແກ້ດ ບຮາງ ແຕ່."

12 ໄລ່ ຕາແບັບ ລັຮ ປາຍ: "ປີ ແລະ ອັນ ຊາ ນຸ່?"

ມາ ອັນ ຕາແອັຍ ປາຍ: "ເກົາ ຕາ ດັງ, ນັງ ປີ ແລະ ອັນ."

ຈຸ່ມ ພາຣີຊາຍ ອາເບັຣ ແຕ ຮານະ ປົວ ມັດ ແກ້ດ ບຮາງ

13 ແວັດ ກ້ອຍ ເມົາ ເດີງ ອາຊວຍ ກວາຍ ຮາ ເລົາ ກາ ຊູດ ມັດ ແກ້ດ ບຮາງ ແຕັອ້ ປີ ຈຸ່ມ ພາຣີ ຊາຍ. 14 ຕາໄງ ເຢຊູ ຕາລຸ ຮາໂລ່ອ ກະ ຕະ ໂອນ ມັດ ກວາຍ ຊູດ ແກ້ດ ບຮາງ, ຕາໄງ ກ້ອຍ ລາ ຕາ ໄງ ຮາລູ. 15 ນະກ້ອຍ ຈຸ່ມ ພາຣີຊາຍ ຕາແບັບ ລັຮ ກວາຍ ຊູດ ມັດ ກ້ອຍ ປາຍ: "ນານະ ມັດ ແຕ ໄມ່ ແກ້ດ ບຮາງ ແອ້ນ?"

ກວາຍ ຊູດ ມັດ ຕາແອັຍ ໄລ່ ກ້ອຍ ປາຍ: "ອັນ ກ້ອຍ ອາເຕົາ ຮາໂລ່ອ ຕຶ່ງ ມັດ ເກົາ. ເຈີ້ ເກົາ ກູລ ຍາ ມັດ; ນະກ້ອຍ ຊານຸ່ ເກົາ ແກ້ດ ບຮາງ."

16 ເບີນ ກວາຍ ແຕ ຈຸ່ມ ພາຣີຊາຍ ປາຍ: "ກວາ ຍ ໄມ່ ຕາ ເບີນ ແຕັອ້ ແຕ ເຢັງ ເຈົາຮາຊີ, ຍ່ອນ ກວາຍ ໄມ່ ຕັຮ ຄານອດ ຕາໄງ ຮາລູ."

ມາ ເບີນ ກວາຍ ການໍ້ອ ປາຍ: "ນານະ ກວາຍ ໂລ່ຍຮ ມາ ເຕັອ້ ຕະ ຮານະ ຕາ ເກີຍ ເຮີມ ໄມ່?"

ເຈີ້ ຈຸ່ມ ພາຣີຊາຍ ກ້ອຍ ແກ້ດ ບາຣ ປັຣນາຍ, ອັນ ກາ ປາຍ ນະໄມ່, ອັນ ກາ ປາຍ ນະກ້ອຍ. 17 ເຈີ້ ຈຸ່ມ ພາຣີຊາຍ ຕາແບັບ ລັຮ ກວາຍ ຊູດ ມັດ ກ້ອຍ ປາຍ: "ອັນ ກາ ຕະ ໂອນ ມັດ ໄມ່ ແກ້ດ ບຮາງ, ອັນ ກ້ອຍ ລາ ເມົາ?"

ກວາຍ ຊູດ ມັດ ກ້ອຍ ຕາແອັຍ ປາຍ: "ອັນ ກ້ອຍ ລາ ກວາຍ ອາຕີ ຕາງ ປັຣນາຍ ເຢັງ ເຈົາຮາ ຊີ."

18 ມາ ກວາຍ ຊົດ ອິດຊະຮາເອລ ອິນນ້ອງ ຕາ ເບີນ ຊາອໍ ຊາ ປາຍ ກວາຍ ກ້ອຍ ຊູດ ມັດ ແຕ ອິນໂຍ່ງ ມາ ແກ້ດ ບຮາງ ແອ້ນ. ນະກ້ອຍ ໄລ່ ເປາະ ອິດ ອິມເປ້ອ ອິມປໍ້ ອັນ. 19 ເຈີ້ ໄລ່ ຕາເບີບ ອິມ ເປ້ອ ອິມປໍ້ ອັນ ປາຍ: "ປຍາຍ ມາ ຕາ ເບີນ, ອັນ ໄມ່ ລາ ກອນ ຮາເລົາ ເຍົາ? ອັນ ຊູດ ມັດ ແຕ ຕາ ໄງ ເຍົາ ຮັຮ ອັນ ບໍ? ຍ່ອນ ນານະ ແຕ ຊານຸ່ ອັນ ແກ້ດ ບຮາງ ແອ້ນ?"

20 ອິມເປ້ອ ອິມປໍ້ ອັນ ຕາແອັຍ ປາຍ: "ແມ່ນ ເຈີ້, ໄມ່ ລາ ກອນ ຮາເລົາ ຮີ. ກະ ຮີ ເຮີມ ອັນ ຊູດ ມັດ ແຕ ຕາໄງ ຮີ ຮັຮ ອັນ. 21 ມາ ນານະ ອັນ ເບີນ ບຮາງ ແອ້ນ ຊານຸ່, ຮີ ຕາ ດັງ ເຕ່. ກະ ຮີ ຕາ ດັງ, ນັງ ເມົາ ຕະ ໂອນ ອັນ ແກ້ດ ບຮາງ. ເຍົາ ຕາແບັບ ອັນ. ອັນ ລາ ກວາຍ ຊາຊາຍ ເຈີ້. ເຕັອ້ ອັນ ຕາ ແອັຍ ເບີມ."

22 ອິມເປ້ອ ອິມປໍ້ ກວາຍ ຊູດ ມັດ ປາຍ ນະກ້ອຍ, ຍ່ອນ ໄລ່ ອິງກ້ອຣ ກວາຍ ຊົດ ອິດຊະ ຮາເອລ. ກວາຍ ຊົດ ອິດຊະຮາເອລ ຊັຮຮັງ ເຈີ້, ຄັນ ກວາຍ ອາແລະ ມາ ປາຍ ເຢຊູ ລາ ກຣິດ, ອັນ ກາ ເຢັງ ເຈົາຮາຊີ ຮຽຮ ໂອນ ຈ່ອຍ ອາມົງ ກວາ ຍ, ອິງເຄາະ ຕູ່ຍຣ ອາລ້ອຣ ກວາຍ ກ້ອຍ ແຕ ດູງ ຊາງ ໄລ່. 23 ຍ່ອນ ນະກ້ອຍ ອິມເປ້ອ ອິມປໍ້ ກວາ ຍ ຊູດ ມັດ ກ້ອຍ ປາຍ: "ອັນ ລາ ກວາຍ ຊາຊາຍ ເຈີ້. ເຍົາ ຕາແບັບ ອັນ ເບີມ."

24 ມູ່ເຮີບ ແອ້ນ ກວາຍ ຊົດ ອິດຊະຮາເອລ ກູອ໌ ກວາຍ ຊູດ ມັດ ກ້ອຍ ກະ ປາຍ ນະໄມ່ ໂຈະ ອັນ: "ອິງເຄາະ ໄມ່ ຍ່ອງ ແອັງ ເຢັງ ເຈົາຮາຊີ ຊ້ອງ. ຮີ ດັງ ເຈີ້ ປາຍ ກວາຍ ກ້ອຍ ລາ ກວາຍ ໂລ່ຍຮ."

25 ມາ ກວາຍ ຊູດ ມັດ ກ້ອຍ ປາຍ ລັຮ ນະໄມ່: "ເກົາ ຕາ ດັງ ກວາຍ ກ້ອຍ ເບີນ ໂລ່ຍຮ, ແຕີລາ ຕາ ເບີນ ໂລ່ຍຮ. ເກົາ ດັງ ປີ້ອ໌ ມູ ຮາມິຣ ຊ້ອງ. ບ້ອງ ອາໄຮ່ ມັດ ເກົາ ຊູດ, ມາ ຊານຸ່ ມັດ ເກົາ ແກ້ດ ບຮາງ!"

26 ເຈີ້ ກວາຍ ຊົດ ກ້ອຍ ຕາແບັບ ລັຮ ອັນ ປາຍ: "ກວາຍ ກ້ອຍ ຕະ ຮານະ ອິນເຕົາ ໂອນ ໄມ່? ນານະ ແຕ່ ອັນ ຕະ ມັດ ໄມ່ ເບີນ ແກ້ດ ບຮາງ?"

27 ກວາຍ ຊູດ ມັດ ກ້ອຍ ຕາແອັຍ ປາຍ: "ເກົາ ອາຕີ ເຍົາ ເຈີ້, ມາ ເຍົາ ຕາ ຢິອ໌ ຊາງັດ. ນານະ ອິນ ນ້ອງ ເຍົາ ໂອນ ເກົາ ອາຕີ ລັຮ ຊາ? ເຍົາ ອີ ປວາຍ ຮານະ ອັນ ເຕ່ ບໍ?"

28 ເຈີ້ ມັຮ ກວາຍ ຊົດ ປາຍ ພາມາດ ອັນ; ເຈີ້ ໄລ່ ປາຍ: "ປຍາຍ ໄມ່ ລາ ປວາຍ ຮານະ ກວາຍ ກ້ອຍ! ມາ ຮີ ປວາຍ ຮານະ ໂມເຊ! 29 ຮີ ດັງ ເຢັງ

ເຈົ້າຮາຊີ ອາຕີ ຮາມາ ໂມເຊ. ມາ ກວາຍ ກ້ອຍ, ຮິ ຕາ ດັງ ແຕ ແລະ ອັນ ແຕ້ອ້." "

30 ເຈົ້ ກວາຍ ຊູດ ມັດ ກ້ອຍ ຕາແອີຍ ປາຍ: "ເກົ້າງິ້ດ ເອີຍ! ເຍົາ ຕາ ດັງ ແຕ ແລະ ກວາຍ ກ້ອຍ ແຕ້ອ້, ມາ ອັນ ຕະ ໂອນ ມັດ ເກົ້າ ແກ້ດ ບຮາງ!  
31 ໄຮ ດັງ ເຈົ້ ເຢີງ ເຈົ້າຮາຊີ ຕາ ເບີນ ຊາງັດ ກວາ ຍ ໂລ່ຍຮ, ມາ ອັນ ຊາງັດ ກວາຍ ກາ ຢ້ານັບ ອັນ ກະ ປວາຍ ຮານະ ອັນ. 32 ແຕ ຕາແບີ ເຢີງ ເຈົ້າຮາ ຊີ ແຕງ ກູແຕອ້ ໄມ່, ຕາ ເກີ້ຍ ຊ້ອງ ເບີນ ກວາຍ ເຕອ້ ປົວ ກວາຍ ຊູດ ມັດ ແຕ ຕາໂງ ອີມເປອ້ ອັນ ຮັຮ ມາ ແກ້ດ ບຮາງ. 33 ຄັນ ເຢີງ ເຈົ້າຮາຊີ ຕາ ເບີນ ຈ່ອຍ ກວາຍ ກ້ອຍ, ກວາຍ ກ້ອຍ ຕາ ເຕອ້ ຕະ ມູ ຮານະ ອິນເຕົ້າ ຕາ ເກີ້ຍ ເຮີມ."

34 ມາ ມັຮ ກວາຍ ຊົດ ປາຍ ຊາ ນະໄມ່: "ໄມ່ ລາ ກວາຍ ໂລ່ຍຮ ແຕ ຕາໂງ ອີມເປອ້ ໄມ່ ຮັຮ! ມານະ ໄມ່ ຍັນ ອີ ອາຕີ ຮິ?"

ແວັດ ກ້ອຍ ໄລ່ ຕູ່ຍຮ ອາລ້ອຮ ກວາຍ ຊູດ ມັດ ກ້ອຍ ແຕ ດຸງ ຊາງ.

35 ເຢຊູ ຊ້ອງ ເມົ້າ ປາຍ ໄລ່ ຕູ່ຍຮ ກວາຍ ຊູດ ມັດ ກ້ອຍ. ເຈົ້ ອັນ ຈຸ່ອ້ ຮາມັຮ ກວາຍ ກ້ອຍ ກະ ຕາແບີບ ອັນ ປາຍ: "ໄມ່ ຊາອໍາ ກອນ ເຢີງ ແກ້ດ ກວາຍ ບໍ?"

36 ກວາຍ ຊູດ ມັດ ຕາແອີຍ ລັຮ: "ອາຈວາຍຮ ເອີຍ, ອັນ ກ້ອຍ ລາ ເມົ້າ? ແຊອໍ ອາຈວາຍຮ ອາ ຕີ ເກົ້າ ໂອນ ເກົ້າ ດັງ. ເກົ້າ ຍິອໍ ອີ ຊາອໍາ ອັນ ເຕ່."

37 ເຢຊູ ປາຍ ລັຮ: "ໄມ່ ເຮີມ ເຈົ້ ອັນ, ກະ ອັນ ກາ ອາຕີ ໄມ່ ຊານໍ ລາ ແມ່ນ ອັນ ກ້ອຍ ແຕ້." "

38 ນະກ້ອຍ ກວາຍ ຊູດ ມັດ ກ້ອຍ ຕາແອີຍ: "ອິນເຈົ້າ ເອີຍ! ແມ່ນ, ເກົ້າ ຊາອໍາ!" ເຈົ້ ອັນ ກຸ່ ຮາ ໂກລ ຊາງ ເຢຊູ.

39 ເຢຊູ ປາຍ ຊາ: "ເກົ້າ ແຕ້ອ້ ປິ ກູແຕອ້ ໄມ່ ດໍອໍ ຕັດຊິນ ກວາຍ. ເກົ້າ ຕະ ໂອນ ກວາຍ ຊູດ ມັດ ແກ້ດ ບຮາງ, ມາ ກວາຍ ມັດ ປັງ ອໍ ແກ້ດ ຊູດ ແອັນ." \*

40 ເບີນ ກວາຍ ແຕ ຈຸ່ມ ພາຮິຊາຍ ຊ້ອງ ເຢຊູ ປາຍ ນະກ້ອຍ. ໄລ່ ຕາແບີບ ເຢຊູ ປາຍ: "ໄມ່ ປາຍ ຮິ ລາ ກວາຍ ຊູດ ມັດ ເຕ່ ບໍ?"

41 ເຢຊູ ຕາແອີຍ ໄລ່ ປາຍ: "ຄັນ ເຍົາ ງິ່ນ ເຍົາ ລາ ນະ ກວາຍ ຊູດ ມັດ, ເຍົາ ຕາ ເບີນ ເບີນ ໂລ່ ຍຮ ອິນເຕົ້າ. ມາ ຊານໍ ເຍົາ ປາຍ ມັດ ເຍົາ ປັງ ອໍ,

ນະກ້ອຍ ໂລ່ຍຮ ເຍົາ ອິນມ້ອງ ແອັດ ເລື້ອຍໆ ກະ ເຍົາ."

# 10

ກວາຍ ກຍາອໍ ແກະ ມັນຕັດ ອໍ

1 ເຢຊູ ປາຍ ແອັນ ນະໄມ່: "ເກົ້າ ອາຕີ ຕານ້ອງ ໂອນ ເຍົາ, ກວາຍ ອາແລະ ກາ ຕາ ເບີນ ມູ່ດ ຕິ່ງ ກໍ່ ອໍ ແກະ ຮາມາ ງັຮ ຕິ່ງ, ມາ ຊ້ອຮ ຮາມາ ການໍອໍ, ກວາຍ ກ້ອຍ ລາ ກວາຍ ຊາແວງ ກະ ກວາຍ ຮາ ປິນ. 2 ອັນ ກາ ມູ່ດ ຮາມາ ງັຮ ຕິ່ງ, ກວາຍ ກ້ອຍ ລາ ແມ່ນ ກວາຍ ກຍາອໍ ແກະ. 3 ກວາຍ ກາ ກຍາອໍ ງັຮ ຕິ່ງ ກໍ່ອໍ, ເປີຮ ກູຕິ່ງ ໂອນ ກວາຍ ກຍາອໍ ແກະ ເຕອ້ ມູ່ດ, ກະ ແກະ ອັນ ຊາງັດ ຊຽງ ອັນ ກູອໍ. ອັນ ກູອໍ ຮາມິຮ ແກະ ອັນ; ເຈົ້ ອັນ ອາໂຣຍຮ ຈຸ່ມ ແກະ ອັນ. 4 ແຕ້ອ້ ອັນ ອາລ້ອຮ ອິນແຍະ ແກະ ອັນ, ອັນ ເປາະ ອິນໂຍ່ງ. ກະ ຈຸ່ມ ແກະ ເປາະ ຕາ ປູ່ນ ກຮ້ອງ ອັນ, ຍ່ອນ ແກະ ກ້ອຍ ຊາກໍລ ຊຽງ ອັນ ກາ ກຍາອໍ. 5 ມາ ແກະ ຕາ ເບີນ ປວາຍ ກວາ ຍ ການໍອໍ. ໄລ່ ຕາລຸ່ຮ ແຕ ກວາຍ ກ້ອຍ, ຍ່ອນ ໄລ່ ຕາ ເບີນ ຊາກໍລ ຊຽງ ກວາຍ ກ້ອຍ."

6 ເຢຊູ ອາຕີ ແຕ ປັຮນາຍ ຊາກໍາ ໄມ່, ມາ ໄລ່ ກ້ອຍ ຕາ ເບີນ ຊາປຸ່ຮ ປັຮນາຍ ອັນ.

7 ນະກ້ອຍ ເຢຊູ ອາຕີ ລັຮ ໄລ່ ປາຍ: "ເກົ້າ ອາ ຕີ ຕານ້ອງ ໂອນ ເຍົາ, ເກົ້າ ລາ ງັຮ ຕິ່ງ ກໍ່ອໍ ແກະ ມູ່ດ ລ້ອຮ. 8 ອິນແຍະ ກວາຍ ການໍອໍ ກາ ແຕ້ອ້ ອິນໂຍ່ງ ເກົ້າ, ມັຮ ກວາຍ ກ້ອຍ ລາ ກວາຍ ຊາແວງ ກະ ກວາຍ ຕູຕວຍໍ. ມາ ແກະ ຕາ ເບີນ ຊາງັດ ຊຽງ ໄລ່. 9 ເກົ້າ ລາ ງັຮ ຕິ່ງ ກໍ່ອໍ. ກວາຍ ອາແລະ ກາ ມູ່ດ ຮາມາ ເກົ້າ, ກວາຍ ກ້ອຍ ເບີນ ອາມັງ. ເຕອ້ ອັນ ມູ່ດ ລ້ອຮ, ກະ ຮາມັຮ ຊັຮນາ ຈາ. 10 ກວາຍ ຊາແວງ ມູ່ດ ຍິອໍ ອີ ຕູຕວຍໍ, ຍິອໍ ອີ ກາຈິດ, ກະ ຍິອໍ ອີ ຕາລຸຮ ຊ້ອງ. ມາ ເກົ້າ ແຕ້ອ້ ໂອນ ແກະ ເບີ ນ ອາມັງ, ຕາ ເບີນ ແອີ ມູ ຮາມິຮ ອິນເຕົ້າ.

11 "ເກົ້າ ລາ ກວາຍ ກຍາອໍ ແກະ ອໍ. ກວາຍ ກ ຍາອໍ ແກະ ອໍ ເຮົາບ ກູຈິດ ຕາງ ໂອນ ແກະ ອັນ ອາ ມັງ. 12 ກວາຍ ກາ ທູແທ ກຍາອໍ ແກະ, ອັນ ຕາ ເບີນ ຕາລາ ແກະ. ຄັນ ອັນ ເຮີມ ຊາກ້ອງ ແຕ້ອ້, ອັນ ຕາລຸຮ ຕັຮ ແກະ ກ້ອຍ. ນະກ້ອຍ ຊາກ້ອງ ປາ ລ້ອງ ກັບ ແກະ; ເຈົ້ ມັຮ ແກະ ກ້ອຍ ອິມປຣາຍຮ ອິມປຣັງ. 13 ກວາຍ ທູແທ ຕາລຸຮ ຕັຮ ແກະ ຍ່ອນ ອັນ ລາ ກວາຍ ກຍາອໍ ເມົ້າ ຈາງ ຊ້ອງ. ອັນ ຕາ ເບີ

\* 9:39 9:39 ຮາມາ ໄມ່ ເຢຊູ ຊາກໍາ ກວາຍ ອາແລະ ເບີນ ໂລ່ຍຮ ມາ ແຕ້ອ້ງິ່ນ ປິ ອັນ, ອັນ ຕັຮ ໂລ່ຍຮ ໂອນ ໄລ່. ຮານະ ກ້ອຍ ລາ ນະ ກວາຍ ຊູດ ມັດ ມາ ແກ້ດ ບຮາງ ລັຮ. ມາ ກວາຍ ອາແລະ ກາ ປາຍ ອັນ ຕາ ເບີນ ໂລ່ຍຮ ອິນເຕົ້າ, ເຢຊູ ຕາ ເຕອ້ ຕັຮ ໂລ່ຍຮ ໂອນ ໄລ່. ຮານະ ກ້ອຍ ລາ ນະ ກວາຍ ກາ ປາຍ ມັດ ອັນ ປັງ ອໍ, ມາ ແກ້ດ ຊູດ ມັດ.

ນ ປາຊີ ອິນເຕົ້າ ແຕ ແກະ. 14-15 ເກົາ ລາ ກວາຍ ກຍາອ໌ ແກະ ອໍ. ນະ ອິມບໍ່ ຕຶ້ງ ມັນລ້ອງ ດັງ ເກົາ, ກະ ເກົາ ດັງ ອິມບໍ່ ຕຶ້ງ ມັນລ້ອງ, ມູເຈິງ ກ້ອຍ ເຕ່ ເກົາ ດັງ ແກະ ເກົາ, ກະ ແກະ ເກົາ ດັງ ເກົາ. ເກົາ ເຮົາບ ກູຈິດ ຕາງ ໂອນ ມັຮ ແກະ ກ້ອຍ. 16 ເບີນ ແກະ ການໍ້ອ໌ ລາ ຄອງ ເກົາ ເຕ່, ມາ ຕາ ເບີນ ແອິດ ຕຶ້ງ ກໍ່ອ໌ ໄມ່. ເກົາ ອິງເຄາະ ເປາະ ອິດ ເຕ່ ມັຮ ແກະ ກ້ອຍ. ປັຣແນີ ມັນເຕຣີ ແກະ ກ້ອຍ ຊາງັດ ຊຽງ ເກົາ. ເຈີ່ ແກິດ ມູ ຈຸ່ມ ຊ້ອງ, ກະ ເບີນ ມານະ ກວາ ຍ ກຍາອ໌ ຊ້ອງ. 17 ອິມບໍ່ ຕຶ້ງ ມັນລ້ອງ ອາໂຍ່ະ ລາ ລີ່ ເກົາ, ຍ່ອນ ເກົາ ປຣ່ອມ ຈິວ ກູຈິດ ຕາງ ອິນແຍ່ ະ ມັຮ ກວາຍ. ເກົາ ຈິວ ກູຈິດ ນະກ້ອຍ ລາ ຍ່ອນ ເກົາ ອິງກ່ອງ ເບີນ ອາມັງ ລັຮ. 18 ເມົາ ຕາ ເຕ່ອ໌ ກາ ຈິດ ຮາງິຮ ເກົາ, ມາ ເກົາ ຈຸງ ປຣ່ອມ ອີ ຈິວ ກູຈິດ. ເກົາ ເບີນ ອຳນາດ ກູຈິດ. ກະ ເກົາ ເບີນ ອຳນາດ ເຕ່ອ໌ ອາມັງ ລັຮ. ຮານະ ໄມ່ ລາ ອິມບໍ່ ເກົາ ແປຣີ ໂອນ ເກົາ ຕະ."

19 ແວັດ ເຢຊູ ປາຍ ນະກ້ອຍ, ຈຸ່ມ ອິດຊະຮາ ເອລ ຮາຕັຮ ແກິດ ບາຣ ຈຸ່ມ. 20 ເບີນ ຊາອີຍ ນະ ຕຶ້ງ ຈຸ່ມ ໄລ່ ປາຍ: "ອັນ ກ້ອຍ ເບີນ ເຢີງ ຕາ ອໍ ຕຣວບ ເຈີ່. ອັນ ລາ ກວາຍ ຢຸຣ. ນານະ ເຍົາ ຊາ ງັດ ປັຣນາຍ ອັນ?"

21 ມາ ຈຸ່ມ ການໍ້ອ໌ ປາຍ: "ຄັນ ອັນ ໄມ່ ມາ ເຢີງ ຕາ ອໍ ຕຣວບ, ນານະ ເຕ່ອ໌ ອັນ ອາຕີ ມັຮ ປັຣນາຍ ອັນ ອາຕີ. ເຢີງ ຕາ ອໍ ຕະ ບຣາງ ມັດ ກວາຍ ຊູດ ເຕ່ອ໌ ບໍ່?"

ຈຸ່ມ ອິດຊະຮາເອລ ຕາ ຍິອ໌ ອີ ຊາອໍ

22 ແຕ້ອ໌ ກາໄຊ ຊາແງດ ຕຶ້ງ ເມືອງ ເຢຣູຊາເລັມ, ຈຸ່ມ ອິດຊະຮາເອລ ຈາ ຣໍ່ອ໌ ຊາແຍີ ຕາໄງ ເບີນ ລັຮ ດຸງ ຊາງ ແຕ ອິມແບີ.\* 23 ເຢຊູ ມູ່ດ ຕຶ້ງ ຊັງອາຣ ດຸງ ຊາງ ປັດ, ກະ ອັນ ຕາຢັຮ ເປາະ ຕຶ້ງ ລາບຍາງ ໂຊໂລໂມນ. 24 ຈຸ່ມ ອິດຊະຮາເອລ ໂຣ່ມ ອິມແປຣ ເຢຊູ, ກະ ໄລ່ ຕາແບີບ ອັນ ປາຍ: "ອິນນ້ອງ ມາ ແລະ ດຸ່ນ ໄມ່ ໂອນ ຮີ ແອິດ ຫຣາະ? ຄັນ ໄມ່ ລາ ກຣິດ, ແຊອ໌ ໄມ່ ອາຕີ ໂອນ ຮີ ດັງ ແຈງ."

25 ເຢຊູ ຕາແອີຍ ໄລ່ ປາຍ: "ເກົາ ອາຕີ ເຍົາ ເຈີ່, ມາ ເຍົາ ຕາ ຍິອ໌ ອີ ຊາອໍ ເກົາ. ຮານະ ເກົາ ຕະ ຍ່ອນ ແຕ ຮາມິຮ ອິມບໍ່ ເກົາ, ຮານະ ໄມ່ ອາ ປັຣ ເກົາ ແຕ້ອ໌ ແຕ ເຢີງ ເຈົາຮາຊີ. 26 ມາ ເຍົາ ຕາ ເບີນ ຊາອໍ ເກົາ, ຍ່ອນ ເຍົາ ຕາ ແກິນ ແກະ ເກົາ. 27 ຈຸ່ມ ແກະ ເກົາ ຊາງັດ ຊຽງ ເກົາ. ເກົາ ດັງ ໄລ່,

ກະ ໄລ່ ປວາຍ ເກົາ. 28 ເກົາ ໂອນ ໄລ່ ອາມັງ ເລືອ ຍາ; ນະກ້ອຍ ອັນ ຕາ ເກີຍ ກູຈິດ. ກວາຍ ອາແລ່ ະ ລາ ຕາ ເຕ່ອ໌ ກາຕ້ອງ ໄລ່ ແຕ ອາຕີ ເກົາ. 29 ອິມ ບໍ່ ເກົາ ລາ ປັດ ແກຼີຍ ອິນແຍ່ະ ແຕ ການໍ້ອ໌. ອັນ ໂອນ ເກົາ ເບີນ ຈຸ່ມ ແກະ ກ້ອຍ. ກວາຍ ອາແລ່ະ ລາ ຕາ ເຕ່ອ໌ ກາຕ້ອງ ແກະ ກ້ອຍ ແຕ ອາຕີ ອິມ ບໍ່ ເກົາ. 30 ເກົາ ກະ ອິມບໍ່ ເກົາ ລາ ມາຮ ມານະ ຊ້ອງ."

ຈຸ່ມ ອິດຊະຮາເອລ ຍິອ໌ ອີ ຕະ ເຢຊູ

31 ແວັດ ເຢຊູ ປາຍ ນະກ້ອຍ, ຈຸ່ມ ອິດຊະຮາ ເອລ ກ້ອຍ ອິດ ຕາເມົາ ຍິອ໌ ອີ ແກງ ໂຈະ ເຢຊູ.

32 ມາ ອັນ ອາຕີ ໄລ່ ປາຍ: "ເກົາ ຕະ ຊາອີຍ ຮານະ ອໍ ມັຮ ອິມບໍ່ ເກົາ ໂອນ ເກົາ ຕະ. ຍ່ອນ ແຕ ຮາ ນະ ອາແລະ ເກົາ ຕະ ກາ ເຍົາ ອີ ແກງ ຕາເມົາ ໂຈະ ເກົາ?"

33 ຈຸ່ມ ອິດຊະຮາເອລ ກ້ອຍ ຕາແອີຍ ລັຮ: "ຮີ ຕາ ເບີນ ແກງ ຍ່ອນ ໄມ່ ຕະ ຮານະ ອໍ. ມາ ຮີ ຕະ ໄມ່ ຍ່ອນ ໄມ່ ພາມາດ ຮາມິຮ ເຢີງ ເຈົາຮາຊີ. ໄມ່ ລາ ກວາຍ ຊ້ອງ, ມາ ໄມ່ ຍິອ໌ ກວາຍ ການໍ້ອ໌ ດໍ່ອ໌ ໄມ່ ລາ ເຢີງ ເຈົາຮາຊີ ເຕ່."

34 ເຢຊູ ຕາແອີຍ ລັຮ ໄລ່ ປາຍ: "ຕຶ້ງ ຄານອດ ເຍົາ, ເບີນ ກວາຍ ຄຽນ ເຈີ່ ເຢີງ ເຈົາຮາຊີ ປາຍ: 'ເຍົາ ແກິດ ນະ ເຢີງ ເຕ່.' 35 ໄຮ ດັງ ເຈີ່ ປັຣນາຍ ເຢີງ ເຈົາຮາຊີ ລາ ຕາ ເບີນ ປັດ. ກະ ເຢີງ ເຈົາຮາ ຊີ ດໍ່ອ໌ ໄລ່ ກາ ຮັບ ປັຣນາຍ ອັນ ລາ ນະ 'ເຢີງ' ເຕ່. 36 ມາ ເກົາ ໄມ່, ອິມບໍ່ ເກົາ ຮຽຮ ເກົາ, ກະ ອັນ ແປຣີ ເກົາ ແຕ້ອ໌ ບໍ່ ກູແຕອ໌ ໄມ່. ນານະ ເຍົາ ປາຍ ເກົາ ພາມາດ ຮາມິຮ ເຢີງ ເຈົາຮາຊີ ຍ່ອນ ເກົາ ປາຍ ເກົາ ລາ ກອນ ເຢີງ ເຈົາຮາຊີ? 37 ຄັນ ເກົາ ຕາ ເບີນ ຕະ ຮານະ ອິມບໍ່ ເກົາ, ເຍົາ ອິນໂຈຍ ຊາອໍ ເກົາ. 38 ມາ ຄັນ ເກົາ ຕະ ຮານະ ເຢີງ ເຈົາຮາ ຊີ, ມາ ເຍົາ ຕາ ແອອ໌ ຊາອໍ ເກົາ, ອິງເຄາະ ເຍົາ ຊາ ອໍ ມັຮ ຮານະ ເກົາ ຕະ. ນະກ້ອຍ ເຍົາ ເຕ່ອ໌ ດັງ ແຈງ ລາລີ່ ລາ ອິມບໍ່ ເກົາ ແອິດ ມູ ຮາງິຮ ກະ ເກົາ, ກະ ເກົາ ແອິດ ມູ ຮາງິຮ ກະ ອິມບໍ່ ເກົາ."

39 ແວັດ ເຢຊູ ປາຍ ນະກ້ອຍ, ຈຸ່ມ ອິດຊະຮາ ເອລ ໄລ່ ຈໍ່ອ໌ ຮານາ ຊາ ອີ ໂກບ ເຢຊູ. ມາ ເຢຊູ ນິ້ອ໌ ແຕ ອາຕີ ໄລ່ ກ້ອຍ; ເຈີ່ ໄລ່ ຕາ ດັງ ເບີນ ໂກບ ອັນ.

40 ເຢຊູ ເຈົາ ລັຮ ເຈີ່ ໄກ່ອ໌ ຕາເລ່ ຈໍ່ແດນ ແຕ້ອ໌ ບໍ່ ອິນຕຸໂຢຮັນ ຕະ ຮິດ ຕຶ້ງ ແຕ້ອ໌ ແຕ ບ້ອງ ອາໂຮ່.

\* 10:22 10:22 ຕາໄງ ກ້ອຍ ໄລ່ ຊາແຍີ ອາຈວາຍຮ ອາເຈ່ຮ ໄລ່ ຕະ ລັຮ ດຸງ ຊາງ ປັດ ຕຶ້ງ ກູມ໌ 164 ອິນໂຍ່ງ ແຕ ເຢຊູ ແກິດ, ແວັດ ກວາຍ ຊີເຣຍ ໂລບ ດຸງ ຊາງ ກ້ອຍ ໄປ ກູມ໌ ອິນໂຍ່ງ. ເຈີ່ ກວາຍ ອິດຊະຮາເອລ ເບີນ ຊາງ ລັຮ ຕຶ້ງ ດຸງ ຊາງ ກ້ອຍ.

ເຢຊູ ແອິດ ອິນຕຸ ກ້ອຍ ເວ້າຍ. 41 ກຼິ່ງ ກວາຍ ແຕ້ອ ປິ ອັນ; ເຈີ່ ໄລ່ ປາຍ: "ໂຢຮັນ ຕາ ເບີນ ຕະ ມວຍ ຮານະ ຕາ ທີ່ຍ ເຮີມ ອິນເຕ້າ, ມາ ມັຮ ປັຮ ນາຸຍ ອັນ ອາຕີ ແຕ ກວາຍ ໄມ່ ລາ ປາຍາຍ ອິນແຍ່ ັ."

42 ອິນຕຸ ກ້ອຍ ຊາອີ້ຍ ນະ ກວາຍ ຊາອໍາ ເຢຊູ.

# 11

## ລາຊາໂຣ ກູຈິດ

1 ເບີນ ກວາຍ ຮາເລົາ ມານະ ຮາມີ້ຮ ລາຊາໂຣ, ແກັດ ອາອີ້. ອັນ ແອິດ ຕື່ງ ວິລ ເບັດທານີ. ມາຣີ ລາ ແອິດ ຕື່ງ ເມືອງ ກ້ອຍ ແຕ່ ກະ ແອິຍ ອັນ, ຮາມີ້ ຮ ມາທາ. 2 ມາຣີ ໄມ່ ລາ ມັນແຊມ ກາ ທໍ້ອ ແດັອ ປາຮວມ ຕື່ງ ອາເຢັງ ເຢຊູ, ກະ ຈຸ່ດ ອາເຢັງ ເຢຊູ ແຕ ໂຊະ ແປັ ອັນ. ລາຊາໂຣ, ກາ ອາອີ້ ກ້ອຍ, ລາ ອາເມັງ ມາຣີ ໄມ່. 3 ບາຣ ນະ ແຊມແອິຍ ກ້ອຍ ແປຣີ ກວາຍ ເປາະ ອາຕີ ເຢຊູ ປາຍ: "ອິນເຈົ້າ ເອີຍ! ອັນ ກາ ອິນເຈົ້າ ອາໂຢະ ລາລີ້, ຊານຸ່ ອັນ ອາອີ້."

4 ພໍກາ ເຢຊູ ຊ້ອງ ປັຮນາຍ ກ້ອຍ, ອັນ ປາຍ: "ລາຊາໂຣ ອາອີ້, ມາ ອັນ ຕາ ເບີນ ກູຈິດ ເລີ່. ຍ່ອນ ອັນ ເບີນ ອາອີ້ ໄມ່, ນະກ້ອຍ ກວາຍ ເບີນ ຍ່ອງ ເຢັງ ເຈົ້າຮາຊີ ກະ ກອນ ເຢັງ ເຈົ້າຮາຊີ."

5 ເຢຊູ ອາໂຢະ ມາທາ, ມາຣີ, ກະ ລາຊາໂຣ. 6 ພໍ ກາ ເຢຊູ ຊ້ອງ ຮານ ປາຍ ລາຊາໂຣ ອາອີ້, ມາ ອັນ ອິນນ້ອງ ແອິດ ຕື່ງ ອິນຕຸ ຕຍາ ບາຣ ຕາໄງ ແອັນ. 7 ແວັດ ບາຣ ຕາໄງ, ເຢຊູ ອາຕີ ມູ່ ກາ ຮຍານ ແຕ ອັນ ປາຍ: "ໄຮ ລັບ ເຈົ້າ ລັຮ ປິ ແຄງ ຢູ່ດາຍ."

8 ມາ ມູ່ ກາ ຮຍານ ແຕ ເຢຊູ ອາຕີ ລັຮ ອັນ ປາຍ: "ອາຈານ ເອີຍ! ຕາ ເບີນ ຢວາຣ ຈຸ່ມ ອິດຊະຮາເອລ ປິ ກ້ອຍ ຢິອ ອີ ແຫຼງ ຕາເມົາ ໂຈະ ອາຈານ. ມາ ມານະ ຊານຸ່ ອາຈານ ຢິອ ລັບ ລັຮ ປິ ກ້ອຍ?"

9 ເຢຊູ ຕາແອິຍ ໄລ່ ປາຍ: "ມວຍ ຕາໄງ ຕື່ງ ກູ ແຕອ ໄມ່ ເບີນ ປັງ ມັນຈິດ ລາ ບາຣ ໂມງ ມາ ຕາ ເບີນ? ຄັນ ເບີນ ກວາຍ ເປາະ ຕື່ງ ຕາໄງ, ອັນ ຕາ ເບີນ ແດິມ; ຍ່ອນ ປັງ, ແຕ້ອ ອັນ ເຮີມ. 10 ມາ ຄັນ ອັນ ເປາະ ຕື່ງ ຊາເດົາ, ອັນ ແດິມ; ຍ່ອນ ກາ ນໍາ ອັນ ຕາ ບຮາງ ເຮີມ."

11 ແວັດ ເຢຊູ ປາຍ ນະກ້ອຍ, ອັນ ປາຍ ແອັນ: "ເຍົາ ໄຮ, ລາຊາໂຣ, ອັນ ປິ, ມາ ຊານຸ່ ເກົາ ອີ ເປາະ ອາໄມ່ຮ ໂອນ ອັນ ຕາເມີ."

12 ມູ່ ກາ ຮຍານ ແຕ ເຢຊູ ຕາແອິຍ ປາຍ: "ອິນ ເຈົ້າ ເອີຍ! ຄັນ ອັນ ປິ, ລາ ອັນ ປຣາຍ ໄວ່ ແຕ່."

13 ເຢຊູ ອາຕີ ແຕ ລາຊາໂຣ ກູຈິດ ເຈີ່, ມາ ມູ່ ກາ ຮຍານ ແຕ ເຢຊູ ຄິດ ລາ ເຢຊູ ປາຍ ລາຊາໂຣ ປິ ຊ້ອງ. 14 ນະກ້ອຍ ເຢຊູ ອາຕີ ໄລ່ ແຈງ ລາລີ້ ປາຍ: "ລາຊາໂຣ ກູຈິດ ເຈີ່. 15 ເກົາ ຮໍ້ອ ແຕ່ ເກົາ ຕາ ເບີນ ແຕ້ອ ບ້ອງ ກາ ອັນ ອາອີ້. ມາ ຊານຸ່ ເກົາ ເປາະ ໂອນ ເຍົາ ແຕ້ອ ຊາອໍາ ແຈ່ງ ລາລີ້. ເຈີ່ ຊານຸ່ ໄຮ ເປາະ ປິ ລາຊາໂຣ."

16 ແວັດ ກ້ອຍ ໂທມາ, ກາ ເມົາ ດໍອ ດີດີມ\* ແຮີ, ອັນ ປາຍ ໂຈະ ເຍົາ ອັນ, ໄລ່ ກາ ຮຍານ ມັນຕຸ ແຕ ເຢຊູ ປາຍ: "ໄຮ ເປາະ ແຕ່. ໄຮ ປຣ່ອມ ກູຈິດ ມັນຕຸ ກະ ອາຈານ."

## ເຢຊູ ຕາລີ້ນ ບາຣ ນະ ແຊມແອິຍ

17 ພໍກາ ເຢຊູ ແຕ້ອ ປິ ອິນຕຸ ກ້ອຍ, ອັນ ຊ້ອງ ປາຍ ເມົາ ແຕິບ ລາຊາໂຣ ປູນ ຕາໄງ ເຈີ່. 18 ວິ ລ ເບັດທານີ ຮາເຢັງ ເບີນ ໄປ ລັກ ແຕ ເມືອງ ເຢຣູຊາເລັມ. 19 ນະກ້ອຍ ຊາອີ້ຍ ນະ ຈຸ່ມ ອິດ ຊະຮາເອລ ເປາະ ອາລີ້ນ ມາທາ ກະ ມາຣີ, ຍ່ອນ ອາເມັງ ໄລ່ ກູຈິດ.

20 ພໍກາ ມາທາ ຊ້ອງ ເຢຊູ ແຈ່ວ ອີ ແຕ້ອ ກາຕຣໍ ວິລ, ເຈີ່ ອັນ ເປາະ ທາຮາະ ເຢຊູ. ມາ ມາຣີ, ອັນ ອິນນ້ອງ ແອິດ ອິນຕຸ. 21 ມາທາ ປາຍ ໂຈະ ເຢຊູ: "ອິນເຈົ້າ ເອີຍ! ຄັນ ອິນເຈົ້າ ແອິດ ອິນໄມ່ ບ້ອງ ກາ ກ້ອຍ, ອາເມັງ ເກົາ ຕາ ເບີນ ກູຈິດ. 22 ມາ ເກົາ ດັງ ຊານຸ່ ຮາມີ້ຮ ອິນເຕ້າ ອິນເຈົ້າ ແຊອ ແຕ ເຢັງ ເຈົ້າຮາຊີ ລາ ເຢັງ ເຈົ້າຮາຊີ ໂອນ."

23 ເຢຊູ ອາຕີ ມາທາ ປາຍ: "ອາເມັງ ໄມ່ ເບີນ ອາມັງ ລັຮ."

24 ເຈີ່ ມາທາ ປາຍ: "ເກົາ ດັງ ເຈີ່ ອາເມັງ ເກົາ ອາມັງ ລັຮ ແຕ້ອ ຕາໄງ ປັຮຊັດ. ຕາໄງ ກ້ອຍ ອິນ ແຍ່ະ ມັຮ ກວາຍ ກາ ກູຈິດ ເບີນ ອາມັງ."

25 ເຢຊູ ອາຕີ ລັຮ ມາທາ ປາຍ: "ເກົາ ໄມ່ ແຕ່ ແຕ້ອ ໂອນ ກວາຍ ກູຈິດ ຢວຣ ລັຮ ແຕ ປັງ, ກະ ເກົາ ໂອນ ໄລ່ ເບີນ ອາມັງ. ອາແລະ ກາ ຊາອໍາ ເກົາ, ແຕ້ອ ອັນ ກູຈິດ, ລາ ນ້ອງ ອັນ ອາມັງ. 26 ກວາຍ ອາແລະ ກາ ອິນນ້ອງ ອາມັງ ກະ ອັນ ຊາອໍາ ເກົາ, ອັນ ກ້ອຍ ຕາ ເບີນ ກູຈິດ. ໄມ່ ຊາອໍາ ປັຮນາຍ ໄມ່ ບໍ່?"

27 ມາທາ ຕາແອິຍ ປາຍ: "ອິນເຈົ້າ ເອີຍ, ເກົາ ຊາອໍາ! ເກົາ ຊາອໍາ ອິນເຈົ້າ ລາ ກຣິດ, ກອນ ເຢັງ

\* 11:16 ຮາມີ້ຮ 'ດີດີມ' ອາຕີ ລັຮ ລາ 'ກວາຍ ປູ້ອຮ.'

ເຈົ້າຮາຊີ, ອັນ ກາ ເຢິງ ເຈົ້າຮາຊີ ແປຣີ ແຕ້ອ ບໍ່ ກູ ແຕ້ອ ໄມ່."

<sup>28</sup> ແວັດ ມາທາ ປາຍ ນະກັອຍ, ອັນ ເຈົ້າ ປິ ດຸງ, ເຈົ້ ອັນ ຮາຮາຍ ກະ ມາຣີ, ອາແອມ ອັນ, ປາຍ: "ອາຈານ ແຕ້ອ ເຈົ້. ອັນ ຍິ້ອ ອີ ຮາມັຮ ໄມ່."

<sup>29</sup> ພໍກາ ມາຣີ ຊ້ອງ ນະກັອຍ, ຍຸກຍັກ ແຕ້ ອັນ ຢວຣ ເປາະ ປິ ເຢຊູ. <sup>30</sup> ເຢຊູ ຕາ ຢວາຣ ມູ່ດ ຕິ່ງ ວິລ. ອິນນ້ອງ ອັນ ແອັດ ຕິ່ງ ອິນຕຸ ມາທາ ຮາມັຮ ອັນ. <sup>31</sup> ກວາຍ ອິດຊະຮາເອລ, ໄລ່ ກາ ເປາະ ອາ ລິ້ນ ຕິ່ງ ດຸງ ມາຣີ, ໄລ່ ເຮິມ ມາຣີ ຢວຣ ໄວ່ ລາລີ້ ລ້ອຣ ແຕ ດຸງ; ເຈົ້ ໄລ່ ເປາະ ຕາປູນ ອັນ. ໄລ່ ຄິ້ດ ປາຍ ອັນ ເປາະ ເຍີາມ ບິ ປິ່ງ ອາເມິງ ອັນ.

<sup>32</sup> ພໍກາ ມາຣີ ແຕ້ອ ປິ ເຢຊູ ກະ ເຮິມ ອັນ, ມາຣີ ຄຣາບ ແຈ່ະ ອາເຢິງ ເຢຊູ, ປາຍ: "ອິນເຈົ້າ ເອີຍ! ຄັນ ອິນເຈົ້າ ແອັດ ອິນໄນ່ ບັອງ ກາ ກັອຍ, ອາເມິງ ເກົາ ຕາ ເບິນ ກູຈິດ."

<sup>33</sup> ພໍກາ ເຢຊູ ເຮິມ ມາຣີ ເຍີາມ, ກະ ມັຮ ກວາ ຍ ອິດຊະຮາເອລ ກາ ປວາຍ ມາຣີ ເຍີາມ ແຕ່, ເຢຊູ ຊ້ອງ ອາໂຍ່ະ ກະ ຕຸຣ ລາລີ້ ຕິ່ງ ຮາງິຣ ອັນ. <sup>34</sup> ອັນ ຕາແບັບ ປາຍ: "ອິນຕຸ ແລ່ະ ເຍີາ ແຕັບ ອັນ?"

ໄລ່ ປາຍ: "ອິນເຈົ້າ ເອີຍ! ຊານ່ ໄຮ ເປາະ ເນ່."

<sup>35</sup> ເຢຊູ ເຍີາມ. <sup>36</sup> ນະກັອຍ ກວາຍ ອິດຊະຮາ ເອລ ປາຍ: "ເອົາ! ເຮິມ! ອັນ ອາໂຍ່ະ ລາລີ້ ລາ ຊາໂຣ!"

<sup>37</sup> ມາ ເບິນ ກວາຍ ປາຍ: "ອັນ ໄນ່ ຕະ ເຈົ້ ມັດ ກວາຍ ຊູດ ແກັດ ບຣາງ. ບັອງ ກາ ລາຊາໂຣ ຕາ ຢວາຣ ກູຈິດ, ແຕ້ອ ບິ ອັນ ຕະ ໂອນ ລາຊາໂຣ ຕາ ເບິນ ກູຈິດ?"

ລາຊາໂຣ ອາມັງ ລ້ອຣ

<sup>38</sup> ເຢຊູ ແຕ້ອ ປິ ປິ່ງ. ຮາງິຣ ອັນ ຊ້ອງ ຕຸຣ ລາ ລີ້ ຊາ. ປິ່ງ ໄນ່ ລາ ຕິ່ງ ກິບ, ເບິນ ຕາເມົາ ປິດ ກາ ຕັງ ງິຣ ກິບ. <sup>39</sup> ເຢຊູ ແປຣີ ປາຍ: "ອິງເຄາະ ເຍີາ ວິລ ອາລ້ອຣ ຕາເມົາ ແຕ ງິຣ ໄນ່."

ມາ ມາທາ, ອາມັອ ອັນ ກາ ກູຈິດ ກັອຍ ປາຍ: "ອິນເຈົ້າ ເອີຍ! ອິນໂຊະ ເຈົ້, ຍ່ອນ ເມົາ ແຕັບ ອັນ ຕິ່ງ ໄນ່ ປູນ ຕາໂງ ເຈົ້."

<sup>40</sup> ເຢຊູ ຕາແບັບ ແອັນ ປາຍ: "ເກົາ ອາຕີ ເຍີາ ເຈົ້ ມາ ຕາ ເບິນ, ຄັນ ເຍີາ ຊາອຳ, ເຍີາ ເບິນ ເຮິມ ອຳນາດ ອາງອິຣ ແຕ ເຢິງ ເຈົ້າຮາຊີ?"

<sup>41</sup> ນະກັອຍ ໄລ່ ວິລ ຕາເມົາ ກັອຍ. ເຈົ້ ເຢຊູ ຕາງິ້ອ ອາຊ້ອຣ ບິ ມັນລ້ອງ ກະ ອັນ ປາຍ: "ອິມ ບິ ເກົາ ເອີຍ! ເກົາ ຊາແອັນ ໄມ່, ຍ່ອນ ໄນ່ ຊາງັດ

ເກົາ. <sup>42</sup> ເກົາ ດັງ ອິມບໍ່ ຊາງັດ ເກົາ ເລື້ອຍໆ, ມາ ເກົາ ປາຍ ນະໄນ່ ໂອນ ກວາຍ ກາ ແອັດ ແຈ່ະ ເກົາ ໄນ່, ແຕ້ອ ໄລ່ ຊາອຳ ເຮ່ງ ລາລີ້ ອິມບໍ່ ແປຣີ ເກົາ ແຕ້ອ ບິ ໄນ່."

<sup>43</sup> ແວັດ ເຢຊູ ປາຍ ນະກັອຍ, ອັນ ກູອ໌ ເຮ່ງ ລາ ລີ້: "ລາຊາໂຣ ເອີຍ! ໄມ່ ລ້ອຣ ແຕ ປິ່ງ!"

<sup>44</sup> ເຈົ້ ກວາຍ ກູຈິດ ກັອຍ ລ້ອຣ ແຕ ປິ່ງ. ອາຕີ ກະ ອາເຢິງ ອັນ ອິນແຍ່ະ ເມົາ ຕວມ ອາຣີ. ກະ ອັນ ເບິນ ອາຣີ ການໍ້ອ ຕວມ ມາມ ກະ ແປຼ ອັນ. ເຢຊູ ແປຣີ ກວາຍ ການໍ້ອ ກັອຍ ປາຍ: "ອາແລ້ຣ ຕັຣ ອາຣີ ກາ ເມົາ ຕວມ ແຕ ຈະ ອັນ ໂອນ ອັນ ເຈົ້."

ກວາຍ ການໍ້ອ ຈໍ້ຣ ຮານາ ອີ ກາຈິດ ເຢຊູ (ມັດທາຍ 26:1-5; ມາຣະໂກ 14:1-2; ລູກາ 22:1-2)

<sup>45</sup> ຊາອິ້ຍ ນະ ກວາຍ ອິດຊະຮາເອລ, ໄລ່ ກາ ເປາະ ອາລິ້ນ ມາຣີ, ໄລ່ ເຮິມ ຮານະ ເຢຊູ ຕະ. ນະກັອຍ ໄລ່ ຊາອຳ ອັນ ແຕ່. <sup>46</sup> ມາ ເບິນ ກວາຍ ກາ ນໍ້ອ ແຕ ຈຸ່ມ ອິດຊະຮາເອລ, ໄລ່ ເປາະ ບິ ຈຸ່ມ ພາ ຣີຊາຍ ອາຕີ ໄລ່ ມັຮ ຮານະ ເຢຊູ ຕະ. <sup>47</sup> ນະກັອຍ ຈຸ່ມ ພາຣີຊາຍ ກະ ມັຮ ກວາຍ ຊົດ ມູ່ ກາ ຊາງ ຮິດ ເຢິງ ເຈົ້າຮາຊີ, ໄລ່ ກູອ໌ ອິນແຍ່ະ ມັຮ ກວາຍ ຊົດ ອິດຊະຮາເອລ; ເຈົ້ ໄລ່ ຊັຣຣົງ. ໄລ່ ປາຍ: "ກວາ ຍ ໄນ່ ຕະ ຮານະ ຕາ ເກີ່ຍ ເຮິມ ຊາອິ້ຍ ລາລີ້ ເຈົ້. ນານະ ໄຮ ອີ ຕະ ຊານ່? <sup>48</sup> ຄັນ ໄຮ ໂອນ ອັນ ຕະ ນະກັອຍ ເລື້ອຍໆ, ອິນແຍ່ະ ມັຮ ກວາຍ ຊາອຳ ອິນແຍ່ະ ອັນ. ເຈົ້ ກວາຍ ໂຣມ ແຕ້ອ ຕາລຸຣ ດຸງ ຊາງ ປິດ ໄຮ ກະ ອິນແຍ່ະ ກຣວາງ ໄຮ ແຮີ."

<sup>49</sup> ຕິ່ງ ຈຸ່ມ ໄລ່ ເບິນ ມານະ ຮາມັຣ ກາຢະພາ. ກູມ໌ ກັອຍ ອັນ ຕາລາ ອິນແຍ່ະ ແຕ ຮິດ ຊາງ ເຢິງ ເຈົ້າຮາຊີ. ອັນ ປາຍ: "ເຍົາ ຕາ ດັງ ອິນເຕົາ ເລີ້ຍ. <sup>50</sup> ເຍົາ ຕາ ເບິນ ຕາຕ່ອຍ໌ ບິ? ຄັນ ໄຮ ດິ້ອ ມານະ ໄນ່ ອາມັງ, ກອນແຊມ ໄຮ ອິນແຍ່ະ ກູຈິດ, ກະ ກຣ ວາງ ໄຮ ລາ ຣາລຸຣ ອິນແຍ່ະ ແຕ່. ມາ ຄາອ໌ ໄຮ ໂອນ ມານະ ອັນ ຊ້ອງ ກູຈິດ ແຕ ອິນແຍ່ະ ນະ ກວາຍ ໄຮ ກູຈິດ."

<sup>51</sup> ມາ ອັນ ຕາ ເບິນ ຈຸງ ອີ ປາຍ ແຕ ຮາງິຣ ອັນ ຊ້ອງ. ມັຮ ຮານະ ກາຢະພາ ອາຕີ ແຕ ເຢຊູ ກູຈິດ ຕາງ ໂອນ ອິນແຍ່ະ ກວາຍ ອິດຊະຮາເອລ, ເຢິງ ເຈົ້າຮາຊີ ໂອນ ອັນ ອາຕີ ອິນໂຍ່ງ ຮານະ ກັອຍ, ຍ່ອນ ບັອງ ກາ ກັອຍ ກາຢະພາ ຕາລາ ອິນແຍ່ະ ແຕ ຮິດ ຊາງ ເຢິງ ເຈົ້າຮາຊີ. <sup>52</sup> ເຢຊູ ຕາ ເບິນ ກູ ຈິດ ຕາງ ໂອນ ແອິງ ກວາຍ ອິດຊະຮາເອລ ຊ້ອງ, ມາ ອັນ ກູຈິດ ຕາງ ໂອນ ກູ່ ນະ ກອນ ອາໄກ ເຢິງ

ເຈົ້າຮາຊີ. ຊານໍ່ ກວາຍ ໄມ່ ຮາຕັຮ ຮາຕາຍ໌ ຊາອີ້ຍ ອິນຕຸ, ມາ ປັຣແນີ ມັນເຕຣີາ ໄລ່ ໂຣ່ມ ລັຮ ແກັດ ມວຍ ຈຸ່ມ. <sup>53</sup> ນະກ້ອຍ ແຕ ຕາໄງ ກ້ອຍ ກວາຍ ຊົດ ອິດຊະຮາເອລ ຈໍ້ຮ໌ ຮາມາ ອີ ກາຈິດ ເຢຊູ. <sup>54</sup> ແວັດ ກ້ອຍ ເຢຊູ ຕາ ເບີນ ແອັດ ມັນຕຸ ກະ ກວາຍ ກຼິ່ງ ຈຸ່ມ ອິດຊະຮາເອລ. ມາ ອັນ ເປາະ ປີ ອິນຕຸ ຕຍາຮ ແຈ່ະ ເມືອງ ເອພຣາອິມ. ອັນ ແອັດ ອິນຕຸ ກ້ອຍ ກະ ມູ່ ກາ ຮຍານ ແຕ ອັນ.

<sup>55</sup> ແຈ່ະ ອີ ແຕ້ອ໌ ຕາໄງ ກວາຍ ອິດຊະຮາເອລ ຈາ ຊາແຍີ ຕາໄງ ອາກູຮ.† ນະກ້ອຍ ກຼິ່ງ ກວາຍ ກາ ແອັດ ນໍ້ອ໌ ເມືອງ ມູ່ດ ຕື່ງ ເມືອງ ເຢຣູຊາເລັມ, ຍິ້ອ ອີ ປວາຍ ຮິ່ດ ຕະ ບຣັຮ ແຕ ອິນໂຍ່ງ ໄລ່ ຈາ ຮໍ້ອ໌ ຕາໄງ ກ້ອຍ. <sup>56</sup> ຈຸ່ມ ໄລ່ ຈໍ້ອ໌ ເລື້ອຍໆ ເຢຊູ. ໄລ່ ແອັດ ຕາຍິ່ງ ຕື່ງ ຊົງອາຮ ດຸງ ຊາງ ປິ່ດ, ກະ ໄລ່ ມານະ ຕາແບັບ ມານະ: "ນານະ ໄມ່ ຄິດ? ອັນ ກ້ອຍ ແຕ້ອ໌ ຈາ ຮໍ້ອ໌ ຊາແຍີ ຕາໄງ ກ້ອຍ ແຕ່, ມາ ຕາ ເບີນ?"

<sup>57</sup> ອິນແຍ່ະ ກວາຍ ຊົດ ມູ່ ກາ ຊາງ ຮິ່ດ ເຢືາງ ເຈົ້າຮາຊີ, ກະ ຈຸ່ມ ພາຣິຊາຍ, ໄລ່ ປາຕັບ ປາຍ, ຄັນ ກວາຍ ອາແລ່ະ ດັງ ອິນຕຸ ເຢຊູ ແອັດ, ອິງ ເຄາະ ອັນ ເປາະ ອາຕີ ໂອນ ໄລ່ ດັງ, ຍ່ອນ ໄລ່ ຍິ້ອ ອີ ໂກບ ອັນ.

## 12

ມາຣີ ທໍ້ອ໌ ແດັອ໌ ປາຮວມ ຕື່ງ ອາເຢີງ ເຢຊູ  
(ມັດທາຍ 26:6-13; ມາຣະໂກ 14:3-9)

<sup>1</sup> ອິນນ້ອງ ຕາປັດ ຕາໄງ ແອັນ ຈຸ່ມ ອິດຊະຮາ ເອລ ຈາ ຊາແຍີ ຕາໄງ ອາກູຮ. ຕາໄງ ກ້ອຍ ເຢຊູ ເປາະ ປີ ວິລ ເບັດທານີ, ລາ ອິນຕຸ ລາຊາໂຣ ແອັດ. ລາຊາໂຣ ລາ ອັນ ກາ ເຢຊູ ອາໂມ່ຍຮ ລັຮ ແຕ ປີ ງ. <sup>2</sup> ແອັດ ອິນຕຸ ກ້ອຍ ໄລ່ ຮັບໂຈມ ເຢຊູ. ມາທາ ອາລໍ່ອຍ ຊັຮນາ ໂອນ ໄລ່ ຈາ, ກະ ລາຊາໂຣ ຕາ ກູ ຈາ ມັນຕຸ ກະ ໄລ່ ແຕ່. <sup>3</sup> ບ້ອງ ກາ ກ້ອຍ ມາຣີ ອິດ ແດັອ໌ ປາຮວມ ຕາຕີ່ ລິ່ດ. ແດັອ໌ ປາຮວມ ກ້ອຍ ເບີນ ເກົາ ເປ່ງ ລາລີ້. ມາຣີ ທໍ້ອ໌ ແດັອ໌ ປາ ຮວມ ກ້ອຍ ຕື່ງ ອາເຢີງ ເຢຊູ, ເຈີ່ ອັນ ອິດ ໄຊະ ແປ້ ອັນ ຈຸ່ດ ອາເຢີງ ເຢຊູ. ອິນແຍ່ະ ດຸງ ກ້ອຍ ຊ້ອງ ປາຮວມ ຈັນຈີ່. <sup>4</sup> ເບີນ ມານະ ມູ່ ກາ ຮຍານ ແຕ ເຢຊູ, ຮາມິ້ຮ ຢູດາ ອິດຊະກາຣີອັດ, ອັນ ກາ ປັຣແນີ ມັນເຕຣີາ ອີ ມ່ອບ ເຢຊູ, ປາຍ: <sup>5</sup> "ນານະ

ອັນ ຕາ ເບີນ ຈີ ແດັອ໌ ປາຮວມ, ເຈີ່ ອິດ ປຣະ ເກົາ ກ້ອຍ ຈ່ອຍ ກວາຍ ກາຕິດ? ເກົາ ແດັອ໌ ປາຮວມ ໄມ່ ລີ ກະ ປຣະ ເກົາ ເມົາ ທູແທ ໄປ ຮ່ອຍ ຕາໄງ."

<sup>6</sup> ຢູດາ ປາຍ ນະໄມ່, ຕາ ແກ້ນ ອັນ ຍິ້ອ ອີ ຈ່ອຍ ກວາຍ ກາຕິດ, ມາ ອັນ ຍິ້ອ ອີ ເປັບ ປຣະ ກ້ອຍ, ຍ່ອນ ອັນ ລາ ກວາຍ ຢຸ່ມ ປຣະ ຈຸງ ຕື່ງ ມູ່ ກາ ຮ ຍານ ແຕ ເຢຊູ. ອັນ ເກົ້ຍ ອິດ ຕັອກ ຈາ ແອັງ ອັນ, ແຕ ປຣະ ຈຸງ ກ້ອຍ. <sup>7</sup> ມາ ເຢຊູ ຕາແອີຍ ຢູດາ ປາຍ: "ອິນໂຈຍ ໄຄອ໌ ມັນແຊມ ໄມ່. ຍ່ອນ ອັນ ກຽມ ດໍ້ອ໌ ແດັອ໌ ປາຮວມ ໄມ່ ໂອນ ແຕ້ອ໌ ຕາ ໄງ ເມົາ ອີ ແຕັບ ເກົາ. <sup>8</sup> ກວາຍ ກາຕິດ ແອັດ ເລື້ອ ຍໆ ກະ ເຍົາ. ມາ ຈະ ເກົາ ຕາ ເບີນ ແອັດ ຊົດ ແດັຍ ກະ ເຍົາ."

<sup>9</sup> ກຼິ່ງ ກວາຍ ອິດຊະຮາເອລ ຊ້ອງ ເມົາ ປາຍ ເຢຊູ ແອັດ ຕື່ງ ວິລ ເບັດທານີ. ນະກ້ອຍ ໄລ່ ເປາະ ປີ ກ້ອຍ ແຕ່. ໄລ່ ຕາ ເບີນ ເປາະ ຍິ້ອ ອີ ຮາມິ້ຮ ແອັງ ເຢຊູ ຊ້ອງ, ມາ ໄລ່ ຍິ້ອ ອີ ເຮີມ ລາຊາໂຣ ແຮີ, ອັນ ກາ ເຢຊູ ອາໂມ່ຍຮ ລັຮ ແຕ ປີ່ງ. <sup>10</sup> ນະກ້ອຍ ມັຮ ກວາຍ ຊົດ ມູ່ ກາ ຊາງ ຮິ່ດ ເຢືາງ ເຈົ້າຮາຊີ ຊັຮ ຮົງ ອີ ກາຈິດ ກາ ລາຊາໂຣ ແຮີ. <sup>11</sup> ຍ່ອນ ແຕ ລາ ຊາໂຣ, ເບີນ ກຼິ່ງ ກວາຍ ອິດຊະຮາເອລ ຕັຮ ຮິ່ດ ຕຍາ, ເຈີ່ ໄລ່ ຊາອໍາ ເຢຊູ ແອັນ.

ເຢຊູ ມູ່ດ ຕື່ງ ເມືອງ ເຢຣູຊາເລັມ  
(ມັດທາຍ 21:1-11; ມາຣະໂກ 11:1-11;  
ລູກາ 19:28-40)

<sup>12</sup> ມາຮ ຕາໄງ ປັຣແນີ ແອັນ ກຼິ່ງ ກວາຍ ກາ ແຕ້ອ໌ ຈາ ຮໍ້ອ໌ ຊາແຍີ ຕາໄງ ອາກູຮ, ໄລ່ ຊ້ອງ ເມົາ ປາຍ ເຢຊູ ແຈ່ະ ອີ ມູ່ດ ຕື່ງ ເມືອງ ເຢຣູຊາເລັມ ແຕ່. <sup>13</sup> ນະກ້ອຍ ໄລ່ ອິດ ອົງກວາງ ຕາວາອ໌ ເຈີ່ ໄລ່ ເປາະ ຫາຮາະ ເຢຊູ ແຕ້ອ໌. ໄລ່ ຕຣຍາວ ເຮ່ງ ລາລີ້ ປາຍ: "ໂຮຊັນນາ!\*" ຍ່ອງ ອັນ ກາ ເຢືາງ ເຈົ້າຮາຊີ ຮຽຮ ແຕ້ອ໌ ຈ່ອຍ ອາມົງ ກວາຍ. ຍ່ອງ ເຕົາວ ປັຣເຍົາ ກວາຍ ອິດຊະຮາເອລ."

<sup>14</sup> ເຢຊູ ຮາມິ້ຮ ມານໍາ ກອນ ອາແຊັຮ ແຈລ. ອັນ ຕາກູ ຕື່ງ ກຣັອງ ອາແຊັຮ ກ້ອຍ ມູເຈິງ ປັຣ ນາຍ ເຢືາງ ເຈົ້າຮາຊີ ແຕ ອິມແບີ ອາຕີ ເຈີ່ ປາຍ: <sup>15</sup> "ເມືອງ ເຢຣູຊາເລັມ ເອີຍ! ອິນໂຈຍ ອົງກ້ອຮ ອິນເຕົາ.

ຊານໍ່ ເຕົາວ ປັຣເຍົາ ເຍົາ ແຕ້ອ໌ ເຈີ່.  
ອັນ ຕາກູ ຕື່ງ ກຣັອງ ອາແຊັຮ ແຈລ ກອນ."

† 11:55 11:55 ຕາໄງ ກ້ອຍ ໄລ່ ຊາແຍີ ຕາໄງ ເຢືາງ ເຈົ້າຮາຊີ ຈ່ອຍ ໂອນ ໄລ່ ລ້ອຮ ແຕ ກຮວາງ ເອຍິບ ແຕ ອິນແບີ. \* 12:13 12:13 ປັຣນາຍ 'ໂຮຊັນນາ' ອາຕີ ລັຮ ລາ 'ຊາແອັນ ລາລີ້' ແຕ່ລາ 'ຈ່ອຍ ອາມົງ.'

16 ຕາໄງ ກ້ອຍ ມູ່ ກາ ຮຍານ ແຕ ເຢຊູ ຕາ ຢວາຣ ຊາປຸ່ຣ ຮານະ ໄມ່. ມາ ແວັດ ເຢຊູ ຢວຣ ອາ ມັ່ງ ລັຣ, ໄລ່ ຊາເຍີ ລັຣ ມັຣ ປັຣນາຍ ເຢີງ ເຈົາຣາ ຊີ ເມົາ ຄຽນ ອາຕີ ແຕ ເຢຊູ. ກະ ໄລ່ ຊາເຍີ ລັຣ ໄລ່ ຕະ ໄກຣ ເຈີ້ ແຕ ມັຣ ປັຣນາຍ ເຢີງ ເຈົາຣາຊີ ປາຍ ແຕ ເຢຊູ.

17 ກຼິ່ງ ກວາຍ ກາ ເຮີມ ເຢຊູ ກູຣ໌ ລາຊາໂຣ ລັອຣ ແຕ ປິ່ງ ກະ ອາມັ່ງ ລັຣ, ມັຣ ກວາຍ ກ້ອຍ ເປາະ ອາຕີ ໂອນ ຕົວ ມັຣ ຮານະ ໄມ່. 18 ເຈີ້ ກຼິ່ງ ກວາຍ ກາ ມັ່ງ ເປາະ ຮາມັຣ ເຢຊູ ແຕ່, ຍ່ອນ ໄລ່ ຊ້ອງ ເຢຊູ ຕະ ຮານະ ຕາ ເກີ້ຍ ເຮີມ ໄມ່. 19 ນະກ້ອຍ ຈຸ່ມ ພາຣີຊາຍ, ມານະ ຕະ ອິນຕີ ໂຈະ ມານະ ປາຍ: "ຕິຣ! ເຍົາ ເຮີມ ບໍ່? ອິນແຍະ ມັຣ ກວາຍ ຕິ່ງ ກູ ແຕຣ໌ ປວາຍ ອິນແຍະ ອັນ. ຕະ ນານະ ລາ ໄຣ ຕາ ເຮົາ ແຕ ອັນ ເຈີ້."

ເຢຊູ ອາຕີ ແຕ ອັນ ອິງເຄາະ ກູຈິດ

20 ຕາໄງ ໄລ່ ຈາ ຊາເຍີ ກ້ອຍ ເບີນ ຈຸ່ມ ກວາຍ ກຣີກ ເປາະ ປີ ເມືອງ ເຢຣູຊາເລັມ ຢິຣ໌ ອີ ໂຣ່ມ ປີ ກ້ອຍ ແຕ່. 21 ຈຸ່ມ ກວາຍ ກຣີກ ກ້ອຍ ແຕ່ອິ້ ປີ ພິລິບ, ລາ ກວາຍ ແຕ ເມືອງ ເບັດຊາອິຕາ ຕິ່ງ ແຄງ ຄາລິເລ. ໄລ່ ກ້ອຍ ແຊຣ໌ ແຕ ພິລິບ ປາຍ: "ອາຈວາຍຣ ເອີຍ! ຮິ ຢິຣ໌ ອີ ຮາມັຣ ເຢຊູ."

22 ນະກ້ອຍ ພິລິບ ເປາະ ອາຕີ ອັນເດອາ; ເຈີ້ ອັນເດອາ ກະ ພິລິບ ແຕ່ອິ້ ອາຕີ ເຢຊູ. 23 ເຢຊູ ອາຕີ ໄລ່ ປາຍ: "ແຈະ ອີ ແຕ່ອິ້ ປາເມ່ນ ເຢີງ ເຈົາຣາ ຊີ ອາປັຣ ອຳນາດ ອາງອິຣ ແຕ ກອນ ເຢີງ ແກັດ ກວາຍ. 24 ເກົາ ອາຕີ ຕາມັ່ງ ໂອນ ເຍົາ, ຄັນ ເບີນ ມວຍ ກູອງ ທຣ໌ ຊາແລັຣ ຕິ່ງ ກູແຕຣ໌, ອັນ ດັຣ ແກັດ ກໍ່ລ; ເຈີ້ ກູອງ ກ້ອຍ ແກັດ ປິດ. ຄັນ ເມົາ ຕາ ເບີນ ຈັຣ ກູອງ ກ້ອຍ, ອັນ ອິນນັ່ງ ແກັດ ກູອງ ນະ ຕຍາ. ມາ ຄັນ ເມົາ ຈັຣ ກູອງ ກ້ອຍ, ອັນ ແກັດ ຊາອິ້ຍ ປາໄລ. 25 ກວາຍ ອາແລະ ກາ ປາຊີ ຮາງິຣ ອັນ ຕິ່ງ ແດີຍ ໄມ່, ຮາງິຣ ກວາຍ ກ້ອຍ ແກັດ ປິດ ຊ້ອງ. ມາ ກວາຍ ອາແລະ ກາ ຕາ ເບີນ ປາຊີ ຮາງິຣ ອັນ ຕິ່ງ ແດີຍ ໄມ່, ກວາຍ ກ້ອຍ ເບີນ ອາມັ່ງ ຊິດ ແດີຍ. 26 ກວາຍ ອາແລະ ຢິຣ໌ ອີ ຕະ ຮານະ ເກົາ, ອິງເຄາະ ກວາຍ ກ້ອຍ ປວາຍ ເກົາ. ອິນຕຸ ແລະ ເກົາ ແອັດ, ກວາຍ ກາ ຕະ ຮານະ ເກົາ ແອັດ ອິນຕຸ ກ້ອຍ ແຕ່. ກະ ກວາຍ ກາ ຕະ ຮານະ ເກົາ, ອິມປໍ ເກົາ ຢ້ານັບ ແຕ່ ກວາຍ ກ້ອຍ.

27 "ຊານໍ່ ຮາງິຣ ເກົາ ຊ້ອງ ຕຸ່ຣ ອາຣິກ ລາລີ້. ນານະ ເກົາ ອີ ປາຍ? ເກົາ ອີ ປາຍ ນະໄມ່: 'ອິມ ບໍ່ ເອີຍ! ຈ່ອຍ ໂອນ ເກົາ ແຕ່ອິ້ ວຍາຣ ແຕ ກູຈິດ ໄມ່.' ມາ ເກົາ ຕາ ແຕ່ອິ້ ປາຍ ນະກ້ອຍ, ຍ່ອນ ເກົາ ແຕ່ອິ້ ປີ ກູແຕຣ໌ ໄມ່ ໂອນ ແຕ່ອິ້ ຈິວ ຮານະ ກູຈິດ ກ້ອຍ. 28 ອິມປໍ ເອີຍ, ແຊຣ໌ ໄມ່ ຕະ ໂອນ ກວາຍ ຍ່ອງ ຮາມັຣ ອາງອິຣ ໄມ່!"

ແວັດ ເຢຊູ ປາຍ ນະກ້ອຍ, ຊຽງ ເຢີງ ເຈົາຣາ ຊີ ປາຍ ແຕ ມັນລ້ອງ ນະໄມ່: "ເກົາ ຕະ ເຈີ້ ໂອນ ກວາຍ ຍ່ອງ ຮາມັຣ ອາງອິຣ ເກົາ, ກະ ປັຣແນີ ມັນ ເຕຣົາ ເກົາ ຕະ ລັຣ ມູເຈີງ ກ້ອຍ ຊາ."

29 ກຼິ່ງ ກວາຍ ກາ ແອັດ ອິນຕຸ ກ້ອຍ, ໄລ່ ຊ້ອງ ຊຽງ ກ້ອຍ ນະ ຊຽງ ກຣິ້ມ. ເບີນ ອັນ ກາ ປາຍ ເທວາດາ ເຢີງ ເຈົາຣາຊີ ຕະ ອິນຕີ ກະ ເຢຊູ. 30 ມາ ເຢຊູ ປາຍ: "ຊຽງ ໄມ່ ຕາ ເບີນ ອາຕີ ໂອນ ເກົາ, ມາ ອັນ ອາຕີ ໂອນ ເຍົາ. 31 ຊານໍ່ ແຕ່ອິ້ ປາເມ່ນ ເກົາ ອາເບີຣ ອິນແຍະ ມັຣ ກວາຍ. ກະ ຊານໍ່ ເຢີງ ກາ ຊິດ ຕິ່ງ ກູແຕຣ໌ ໄມ່, ເກົາ ຕຸ່ຍຣ ຕັຣ ອັນ. 32 ພໍ ກາ ເມົາ ອາແຣັ ອາຊ້ອຣ ເກົາ ແຕ ກູແຕຣ໌,† ເກົາ ໂອນ ອິນແຍະ ມັຣ ກວາຍ ແຕ່ອິ້ ປີ ເກົາ."

33 ເຢຊູ ປາຍ ນະກ້ອຍ, ອັນ ຢິຣ໌ ອີ ອາຕີ ໂອນ ກວາຍ ດັງ ຮານາ ອິນເຕົ້າ ອັນ ກູຈິດ. 34 ມາ ກຼິ່ງ ກວາຍ ກ້ອຍ ອາຕີ ລັຣ ປາຍ: "ຄານອດ ຮິ ອາຕີ ຮິ ປາຍ ກຣີດ ອາມັ່ງ ເລືອຍໆ. ນະກ້ອຍ ນານະ ອາຈານ ປາຍ ກອນ ເຢີງ ແກັດ ກວາຍ ອິງເຄາະ ເມົາ ອາແຣັ ອາຊ້ອຣ? ເມົາ ແຕ່ ກາ ແກັດ ກອນ ເຢີງ ແກັດ ກວາຍ?"

35 ເຢຊູ ຕາແອີຍ ໄລ່ ປາຍ: "ເຍົາ ເບີນ ປິ່ງ ອິນນັ່ງ ບິ້ຣ ຕາໄງ ຊ້ອງ. ຊານໍ່ ອິງເຄາະ ເຍົາ ເປາະ ຕິ່ງ ຮານາ ປິ່ງ ໄມ່, ຍ່ອນ ເຍົາ ຕາ ເບີນ ດັງ ບັອງ ກາ ແລະ ຊັຣບິ່ນ ການໍາ ແຕ່ອິ້. ບັອງ ກາ ກ້ອຍ ເຍົາ ຕາ ດັງ ອີ ເປາະ ບໍ່ ແລະ ນັ່ງ. 36 ເຍົາ ອິນນັ່ງ ເບີນ ປິ່ງ. ນະກ້ອຍ ອິງເຄາະ ເຍົາ ຊາອໍ ອັນ ກາ ເດີງ ປິ່ງ ບໍ່ ເຍົາ, ເຈີ້ ເຍົາ ແກັດ ກອນ ອາໄກ ອັນ ກາ ເດີງ ປິ່ງ."

ແວັດ ເຢຊູ ປາຍ ນະກ້ອຍ, ອັນ ລັອຣ ແຕ ໄລ່ ກ້ອຍ, ກະ ອັນ ເປາະ ຕວຍ໌ ແຕ ໄລ່.

ຈຸ່ມ ອິດຊະຣາເອລ ອິນນັ່ງ ຕາ ແອອ໌ ອີ ຊາອໍ ຊາ

37 ເຢຊູ ຕະ ຊາອິ້ຍ ຮານະ ຕາ ເກີ້ຍ ເຮີມ ຍິ່ຣ ມັດ ເມີງ ໄລ່ ເຈີ້, ມາ ນັ່ງ ໄລ່ ຕາ ເບີນ ຊາອໍ ອັນ.

† 12:32 12:32 'ອາແຣັ ອາຊ້ອຣ ແຕ ກູແຕຣ໌' ລາ ອາຕີ ແຕ ເຢຊູ ກູຈິດ ຕິ່ງ ອາລ່ອງ ຊັງກັງ.



38 ນະກ້ອຍ ຮາປຍາຍ໌ ກະ ປັນນາຍ ເອຊາຢາ, ກວາຍ ອາຕີ ຕາງ ປັນນາຍ ເຢີງ ເຈົ້າຮາຊີ, ຄຽນ ແຕ ອິມແບີ ປາຍ:

"ອິນເຈົ້າ ເອີຍ! ເມົ້າ ກາ ຊາອໍາ ປັນນາຍ ຮິ ອາຕີ? ອິນເຈົ້າ ອາປັຮ ອໍານາດ ອິນເຈົ້າ ໂຈະ ເມົ້າ?"

39 ນະກ້ອຍ ຈຸ່ມ ອິດຊະຮາເອລ ຕາ ເຮົາບ ຊາ ອໍາ, ນະ ເອຊາຢາ ຄຽນ ປາຍ ແອັນ:

40 "ເຢີງ ເຈົ້າຮາຊີ ຕະ ໂອນ ມັດ ໄລ່ ແກັດ ຊູດ, ກະ ຮາງິຮ ໄລ່ ແກັດ ກ້ອງ.

ນະກ້ອຍ ມັດ ໄລ່ ຕາ ເຕ່ອ ເຮີມ.

ກະ ຮາງິຮ ໄລ່ ຕາ ເຕ່ອ ດັງ.

ໄລ່ ຕາ ຍິອ ອີ ແຕ້ອ ປີ ເກົ້າ;

ໂອນ ເຕ່ອ ເກົ້າ ປົວ ໂອນ ໄລ່."

41 ເອຊາຢາ ປາຍ ນະກ້ອຍ, ຍ່ອນ ອັນ ເຮີມ ອໍານາດ ອາງອິຣ ແຕ ເຢຊູ ເຈີ່. ນະກ້ອຍ ແຕ ອັນ ເຕ່ອ ຕະ ອິນຕີ ປັນນາຍ ໄມ່ ແຕ ເຢຊູ.

42 ມາ ອິນນ້ອງ ເບີນ ຊາອິ້ຍ ນະ ແຕ ກວາຍ ຊົດ ຊາອໍາ ເຢຊູ. ມາ ໄລ່ ກາ ຊາອໍາ ກ້ອຍ, ໄລ່ ຕາ ເບີນ ອາຕີ ໂອນ ກວາຍ ການໍ້ອ ດັງ ປາຍ ໄລ່ ຊາ ອໍາ, ຍ່ອນ ໄລ່ ອິງກ້ອຍ ຈຸ່ມ ພາຣີຊາຍ ຕຸ່ຍຮ ໄລ່ ແຕ ດຸງ ຊາງ. 43 ນະກ້ອຍ ໄລ່ ຍິອ ອີ ໂອນ ກວາຍ ການໍ້ອ ຍ່ອງ ໄລ່ ແກຼຍ ແຕ ໄລ່ ຍິອ ອີ ໂອນ ເຢີງ ເຈົ້າຮາຊີ ຍ່ອງ ໄລ່.

44 ແວັດ ແຕ ກ້ອຍ ເຢຊູ ອາຕີ ເຣ່ງ ລາລີ້ ປາຍ: "ກວາຍ ອາແລ່ະ ກາ ຊາອໍາ ເກົ້າ, ກວາຍ ກ້ອຍ ຕາ ເບີນ ຊາອໍາ ແອັງ ເກົ້າ ຊ້ອງ, ມາ ອັນ ຊາອໍາ ກາ ອັນ ກາ ແປຣີ ເກົ້າ ແຕ້ອ ແຮີ. 45 ກວາຍ ອາແລ່ະ ເຮີມ ເກົ້າ, ກວາຍ ກ້ອຍ ເຮີມ ກາ ອັນ ກາ ແປຣີ ເກົ້າ ແຕ້ອ ເຕ່. 46 ເກົ້າ ລາ ເດີງ ປັງ ແຕ້ອ ປີ ກູແຕອ່ ໄມ່. ນະກ້ອຍ ກວາຍ ອາແລ່ະ ກາ ຊາອໍາ ເກົ້າ, ກວາຍ ກ້ອຍ ຕາ ເບີນ ແອັດ ນ້ອງ ຕິ່ງ ການໍາ. 47 ກວາຍ ອາແລ່ະ ກາ ຊາງັດ ປັນນາຍ ເກົ້າ, ມາ ອັນ ຕາ ເບີນ ຕະ ຕາປູນ ປັນນາຍ ກ້ອຍ, ເກົ້າ ຕາ ເບີນ ຕີ ກວາຍ ກ້ອຍ. ເກົ້າ ຕາ ເບີນ ແຕ້ອ ອີ ຕີ ກວາຍ, ມາ ເກົ້າ ແຕ້ອ ອີ ຈ່ອຍ ອາມັງ ອິນແຍ່ະ ມັຮ ກວາຍ. 48 ເບີນ ອັນ ກາ ຕັດຊິນ ກວາຍ ກາ ຕາ ແອອ່ ເກົ້າ, ກະ ກວາຍ ກາ ຕາ ເບີນ ອິດ ປັນນາຍ ເກົ້າ. ແຕ້ອ ຕາໄງ ປັຮຊົດ, ມັຮ ປັນນາຍ ເກົ້າ ອາຕີ ເຈີ່, ປັນນາຍ ກ້ອຍ ແຕ່ ກາ ຕີ ອັນ. 49 ເກົ້າ ຕາ ເບີນ ອາຕີ ແຕ ຮາງິຮ ເກົ້າ ເບີມ. ມາ ອິມບໍ່ ກາ ແປຣີ ເກົ້າ ແຕ້ອ ປີ ໄມ່, ອັນ ແຕ່ ອາຕີ ເກົ້າ ມັຮ ປັນນາຍ ເກົ້າ ປາຍ. 50 ມັຮ ປັນນາຍ ອັນ ປາຕັບ, ເກົ້າ ດັງ ປັນນາຍ ກ້ອຍ ໂອນ ກວາຍ ເບີນ ອາມັງ ເລືອຍໆ.

ນະກ້ອຍ, ປັນນາຍ ອິນເຕົ້າ ເກົ້າ ປາຍ ລາ ມູເຈີງ ປັນນາຍ ອິມບໍ່ ປາຕັບ ເກົ້າ."

### 13

ເຢຊູ ອາເຮົາວ ອາເຢີງ ມູ່ ກາ ຮຍານ ແຕ ອັນ

1 ອິນນ້ອງ ມວຍ ຕາໄງ ແອັນ, ກວາຍ ອິດຊະຮາເອລ ອີ ຈາ ຊາແຍີ ຕາໄງ ອາກັຮ.\* ຕາໄງ ກ້ອຍ ເຢຊູ ດັງ ແຈ່ະ ເຈີ່ ຕາໄງ ອັນ ແວັດ ແຕ ກູແຕອ່ ໄມ່ ເຈົ້າ ລັຮ ປີ ອິມບໍ່ ອັນ. ອັນ ອາໂຢ່ະ ອິນແຍ່ະ ມັຮ ກວາຍ ຕິ່ງ ກູແຕອ່ ໄມ່ ກາ ເບີນ ມູ ຮາງິຮ ກະ ອັນ. ອັນ ອາໂຢ່ະ ລາລີ້ ໄລ່ ເຕົ້າ ອັນ ກູຈິດ.

2 ອິນໂຍ່ງ ເຢຊູ ກະ ມູ່ ກາ ຮຍານ ແຕ ອັນ ໂຣ່ມ ຈາ ເປ່ລ ຕາປີ້, ເຢີງ ຊາຕານ ຕະ ຕິ່ງ ຮາງິຮ ຢູດາ, ກອນ ຊິໂມນ ອິດຊະກາຣີອັດ, ໂອນ ອັນ ມ່ອບ ເຢຊູ. 3 ເຢຊູ ດັງ ອິມບໍ່ ອັນ ໂອນ ອັນ ເບີນ ອໍານາດ ໂອນ ອັນ ຊົດ ກູ່ ຮາມັຮ. ກະ ອັນ ດັງ ອັນ ແຕ້ອ ແຕ ເຢີງ ເຈົ້າຮາຊີ, ກະ ແຈ່ະ ອັນ ອີ ເຈົ້າ ລັຮ ປີ ເຢີງ ເຈົ້າຮາຊີ. 4 ນະກ້ອຍ ເຢຊູ ຢວຣ ຕາຍິ່ງ ແຕ ອິນຕຸ ອັນ ຈາ. ອັນ ຕວດ ດໍອ່ ອາຍ້ອຣ ຕີ່ ອັນ; ເຈີ່ ອັນ ອິດ ອາຣີ ຕີ່ ກາຕັນ ຕິ່ງ ອິງກິງ. 5 ແວັດ ກ້ອຍ ເຢຊູ ໂຈະ ແດັອ ຕິ່ງ ກູບານ, ເຈີ່ ຕາ ແບີ ອາເຮົາວ ອາເຢີງ ມູ່ ກາ ຮຍານ ແຕ ອັນ. ກະ ອັນ ອິດ ອາຣີ ຕີ່ ແຕ ອິງກິງ ອັນ; ເຈີ່ ຈຸ່ດ ອາເຢີ ງ ໄລ່ ກ້ອຍ. 6 ພໍກາ ອັນ ແຕ້ອ ປີ ຊິໂມນ ເປໂຕ, ເຈີ່ ເປໂຕ ຕາເບີບ ອັນ ປາຍ: "ອິນເຈົ້າ ເອີຍ! ອິນ ເຈົ້າ ອີ ອາເຮົາວ ອາເຢີງ ເກົ້າ ບໍ່?"

7 ເຢຊູ ຕາແອີຍ ອັນ ປາຍ: "ໄມ່ ຕາ ເບີນ ຊາ ປຸ່ຮ ຮານະ ເກົ້າ ຕະ ຊານໍ່, ມາ ອິນຕຸນ ແອັນ ໄມ່ ດັງ."

8 ເປໂຕ ປາຍ ແອັນ ໂຈະ ເຢຊູ: "ຕາ ປຍາຍ໌ ເລີ້ ອິນເຈົ້າ ມາ ອາເຮົາວ ອາເຢີງ ເກົ້າ."

ມາ ເຢຊູ ຕາແອີຍ ອັນ ປາຍ: "ຄັນ ເກົ້າ ຕາ ເບີນ ອາເຮົາວ ອາເຢີງ ໄມ່, ໄມ່ ຕາ ເບີນ ແກັດ ມູ ຮາງິຮ ກະ ເກົ້າ."

9 ເຈີ່ ຊິໂມນ ເປໂຕ ປາຍ: "ອິນເຈົ້າ ເອີຍ! ຄັນ ນະກ້ອຍ, ແຊອ່ ອິນເຈົ້າ ອິນໂຈຍ ອາເຮົາວ ແອັງ ອາເຢີງ ຊ້ອງ. ມາ ອາເຮົາວ ອາຕີ ກະ ແປຼ ເກົ້າ ແຮີ!"

10 ເຢຊູ ປາຍ ແອັນ ໂຈະ ອັນ: "ກວາຍ ອາແລ່ະ ກາ ເຈີ່ ອິມເບີຍ ແດັອ, ອິນແຍ່ະ ຈະ ກວາຍ ກ້ອຍ ບຣັຮ ເຈີ່. ແວັດ ອັນ ອິມເບີຍ ແດັອ, ອິງເຄາະ ອາ

\* 13:1 13:1 ຕາໄງ ກ້ອຍ ໄລ່ ຊາແຍີ ຕາໄງ ເຢີງ ເຈົ້າຮາຊີ ຈ່ອຍ ໂອນ ໄລ່ ລັອຣ ແຕ ກວາງ ເອຢິບ ແຕ ອິມແບີ.

ເຮົາວ ລ້ຮ ແອິງ ອາເຢິງ ຊ້ອງ. ຊານຸ່ ເຍົາ ບຣັຮ ເຈີ່, ມາ ອິນນ້ອງ ມານະ ແຕ ເຍົາ ຕາ ເບີນ ບຣັຮ. "

11 ເຢຊູ ປາຍ ມານະ ແຕ ໄລ່ ຕາ ເບີນ ບຣັຮ, ຍ່ອນ ອັນ ດັງ ເຈີ່ ມານະ ກາ ຍິຣ ອີ ມ່ອບ ອັນ.

12 ແວັດ ເຢຊູ ອາເຮົາວ ອາເຢິງ ໄລ່, ອັນ ແຊ້ບ ລ້ຮ ອາຍ້ອຣ ຕີ່ ອັນ, ກະ ອັນ ຕາກູ ລ້ຮ ອິນຕຸ ອັນ ຈາ ຊາ. ອັນ ຕາແບີບ ໄລ່ ປາຍ: "ເຍົາ ຊາ ປຸ່ຣ ມາ ຕາ ເບີນ, ຣານະ ເກົາ ຕະ ກະ ເຍົາ ໄລ່?"

13 ເຍົາ ດໍອົ ເກົາ ລາ ອາຈານ ກະ ອິນເຈົາ. ປຍາຍົ ເຍົາ ປາຍ ນະກ້ອຍ. ໄກຣ ລາລີ່ ເກົາ ລາ ບາຣ ຮາມີ ຣ ກ້ອຍ. 14 ເກົາ ລາ ອິນເຈົາ ເຍົາ ກະ ອາຈານ ເຍົາ, ມາ ເກົາ ອາເຮົາວ ອາເຢິງ ເຍົາ. ນະກ້ອຍ ເຍົາ ອີງ ເຄາະ ຕະ ມູເຈິງ ກ້ອຍ ເຕ່, ມານະ ອາເຮົາວ ອາເຢິງ ມານະ. 15 ເກົາ ຕະ ອາຍ້ອງ ໂອນ ເຍົາ ເຮີມ, ເຈີ່ ເຕ່ອ້ ເຍົາ ຕະ ມູເຈິງ ເກົາ ຕະ ໂອນ ເຍົາ ເຕ່. 16 ເກົາ ອາຕີ ຕານ້ອງ ໂອນ ເຍົາ, ກວາຍ ຊູລ ຕາ ເບີນ ປິ່ດ ແກ້ຍ ແຕ ອິນເຈົາ ອັນ, ກະ ກວາຍ ກາ ເດິງ ປັຣ ນາຍ ຕາ ເບີນ ປິ່ດ ກາເລີຍ ແຕ ອັນ ກາ ແປຣີ ອັນ ເປາະ. 17 ຄັນ ເຍົາ ດັງ ອິນແຍະ ຣາມີຣ ໄລ່, ກະ ເຍົາ ຕາປຸ່ນ ກຣັກ ລາລີ່, ນະກ້ອຍ ເຍົາ ເບີນ ບຸ່ນ ລາລີ່. 18 ມາ ເກົາ ຕາ ເບີນ ອາຕີ ແຕ ອິນແຍະ ມັຣ ເຍົາ. ເກົາ ດັງ ມັຣ ກວາຍ ກາ ເກົາ ຮຽຣ ເຈີ່. ມາ ຣາປຍາຍົ ກະ ປັຣນາຍ ເຢິງ ເຈົາຣາຊີ ແຕ ອິມແບີ ປາຍ:

'ເບີນ ມານະ ກາ ຈາ ໂດຍ ກະ ເກົາ;  
ອັນ ກ້ອຍ ເບີນ ຣາງິຣ ອີ ກາຈິດ ເກົາ.'

19 "ຊານຸ່ ເກົາ ອາຕີ ເຍົາ ບັອງ ກາ ຣານະ ໄລ່ ຕາ ຢວາຣ ແຕ້ອ້. ມາ ພໍກາ ຣານະ ໄລ່ ແຕ້ອ້, ເຍົາ ເຕ່ອ້ ຊາອໍາ ເກົາ ລາ ມານະ ກາ ເກົາ ປາຍ ເຈີ່. 20 ເກົາ ອາ ຕີ ຕານ້ອງ ໂອນ ເຍົາ, ກວາຍ ອາແລະ ຊາງັດ ປັຣ ນາຍ ກວາຍ ກາ ເກົາ ແປຣີ ໂອນ ເປາະ ອາຕີ, ໄລ່ ລາ ມູເຈິງ ອັນ ຊາງັດ ປັຣນາຍ ເກົາ ເຕ່. ກະ ກວາ ຍ ອາແລະ ຊາງັດ ປັຣນາຍ ເກົາ, ໄລ່ ລາ ມູເຈິງ ອັນ ຊາງັດ ປັຣນາຍ ອັນ ກາ ແປຣີ ເກົາ ແຕ້ອ້ ເຕ່."

ເຢຊູ ອາຕີ ແຕ ມານະ ອີ ຈີ ອັນ  
(ມັດທາຍ 26:20-25; ມາຣະໂກ 14:17-21; ລູກາ 22:21-23)

21 ແວັດ ເຢຊູ ປາຍ ນະກ້ອຍ, ຣາງິຣ ອັນ ຊ້ອງ ຕຸ່ຣ ອາຣິກ ລາລີ່. ອັນ ປາຍ: "ເກົາ ອາຕີ ຕານ້ອງ ໂອນ ເຍົາ, ເບີນ ມານະ ແຕ ເຍົາ ອີ ມ່ອບ ເກົາ."

22 ມູ່ ກາ ຣຍານ ແຕ ເຢຊູ, ໄລ່ ມານະ ແຕ່ ຊັຣກ້ອງ ໄຈະ ມານະ. ໄລ່ ຊ້ອງ ງິ່ດ ເຕ່, ຕາ ດັງ ເມົາ ເຢຊູ ປາຍ. 23 ເບີນ ມານະ ແຕ ມູ່ ກາ ຣຍານ

ແຕ ເຢຊູ ກາ ຣາຕອຍ ລາລີ່ ກະ ອັນ, ອັນ ກ້ອຍ ແອັດ ແຈ່ະ ເຢຊູ ບັອງ ກາ ກ້ອຍ.† 24 ຊີໂມນ ເປໂຕ ກູວອຍ ກະ ແປຣີ ອັນ ປາຍ: "ໄລ່ ຕາແບີບ ເຢຊູ, ອັນ ອາຕີ ແຕ ເມົາ."

25 ເຈີ່ ອັນ ຊີຣົ ແຈ່ະ ເຢຊູ ກະ ປາຍ: "ແຊຣົ ອິນ ເຈົາ ອາຕີ ໂອນ ເກົາ ດັງ ເມົາ ກາ ຈີ ໄລ່?"

26 ເຢຊູ ຕາແອິຍ ປາຍ: "ຊານຸ່ ເກົາ ຕຸ ມວຍ ແມ່ງ ໂດຍ ບຸຣ ຕິ່ງ ຕາງານ. ເຈີ່ ເກົາ ອາແວິຍ ໂອນ ປີ່ ອັນ ກາ ອີ່ ຈີ ເກົາ."

ນະກ້ອຍ ເຢຊູ ອິດ ມວຍ ແມ່ງ ໂດຍ ບຸຣ. ອັນ ຕຸ ໂດຍ ບຸຣ ກ້ອຍ ຕິ່ງ ຕາງານ. ເຈີ່ ອັນ ອາແວິຍ ໂອນ ຢູດາ, ກອນ ຊີໂມນ ອິດຊະກາຣິອັດ. 27 ພໍ ກາ ຢູດາ ຮັບ ໂດຍ ບຸຣ ກ້ອຍ, ບັອງ ກາ ກ້ອຍ ແຕ່ ເຢິງ ຊາຕານ ມູ່ດ ຕິ່ງ ຣາງິຣ ອັນ. ເຈີ່ ເຢຊູ ອາຕີ ຢູດາ ປາຍ: "ຣານະ ອິນເຕົາ ໄລ່ ອີ ຕະ, ໄລ່ ຕະ ໄວ່!"

28 ກວາຍ ການໍອົ ກາ ຕາກູ ຈາ ອິນຕຸ ກ້ອຍ, ໄລ່ ຕາ ເບີນ ຊາປຸ່ຣ ປັຣນາຍ ເຢຊູ ປາຍ ກະ ຢູດາ.

29 ກວາຍ ການໍອົ ກ້ອຍ ຄິ່ດ ປາຍ ເຢຊູ ແປຣີ ຢູດາ ໂອນ ເປາະ ແຈິງ ຫຣັງ ກຽມ ດໍອົ ຕິ່ງ ຕາໄງ ຈາ ຈໍອົ, ແຕ້ລາ ຈ່ອຍ ກວາຍ ກາຕິດ, ຍ່ອນ ຢູດາ ຢຸມ ປຣະ ຈຸງ ແຕ ມູ່ ກ້ອຍ. 30 ແວັດ ຢູດາ ຮັບ ໂດຍ ບຸຣ ກ້ອຍ, ເຈີ່ ອັນ ລ້ອຣ ແຕ່. ບັອງ ກາ ກ້ອຍ ມັນ ລ້ອງ ຊາເດົາ ເຈີ່.

ເຢຊູ ປາຕັບ ມວຍ ຣາມີຣ ຕາໄມ

31 ແວັດ ຢູດາ ລ້ອຣ, ເຢຊູ ປາຍ: "ຊານຸ່ ເມົາ ເບີນ ເຮີມ ອໍານາດ ອາງອິຣ ກອນ ເຢິງ ແກັດ ກວາ ຍ. ກະ ເມົາ ຍ່ອງ ເຢິງ ເຈົາຣາຊີ ແຣີ ຍ່ອນ ແຕ ກອນ ອັນ. 32 ຄັນ ເມົາ ຍ່ອງ ອໍານາດ ອາງອິຣ ເຢິງ ເຈົາຣາຊີ ຍ່ອນ ແຕ ກອນ ອັນ, ມູເຈິງ ກ້ອຍ ເຕ່ ເຢິງ ເຈົາຣາຊີ ຕະ ໂອນ ເມົາ ຍ່ອງ ອໍານາດ ອາງ ອິຣ ກອນ ອັນ ຍ່ອນ ແຕ ເຢິງ ເຈົາຣາຊີ. ກະ ອັນ ຕະ ໂອນ ເມົາ ຍ່ອງ ແຕ່ ອັນ. 33 ມັຣ ກອນ ເກົາ ເອີຍ! ເກົາ ແອັດ ກະ ເຍົາ ອິນນ້ອງ ບີ່ອົ ຕາໄງ ຊ້ອງ. ເຍົາ ຈໍອົ ເກົາ, ມາ ເກົາ ອາຕີ ເຍົາ ມູເຈິງ ເກົາ ອາຕີ ມັຣ ກວາຍ ຊິດ ອິດຊະຣາເອລ ເຈີ່: 'ເຍົາ ຕາ ເຕ່ອ້ ເປາະ ປີ່ ອິນຕຸ ເກົາ ເປາະ.' 34 ຊານຸ່ ເກົາ ປາ ຕັບ ໂອນ ເຍົາ ມວຍ ປັຣນາຍ ຕາໄມ ແອັນ: ອີງ ເຄາະ ເຍົາ ມານະ ອາຍ້ະ ມານະ. ມູເຈິງ ເກົາ ອາຍ້ະ ເຍົາ ເຈີ່, ນະກ້ອຍ ເຕ່ ເຍົາ ອີງເຄາະ ມານະ ອາຍ້ະ

† 13:23 13:23 ເບີນ ຊາອິຍ ນະ ກວາຍ ກາ ຄິ່ດ ປາຍ ມານະ ແຕ ມູ່ ກາ ຣຍານ ແຕ ເຢຊູ ໄລ່ ລາ ໂຢຮັນ.

ມານະ. <sup>35</sup> ຄັນ ເຍົາ ມານະ ອາໂຢະ ມານະ, ອິນແຍະ ມັຮ ກວາຍ ດັງ ປາຍ ເຍົາ ຕາປູນ ຮານະ ເກົາ ກຮັກ ລາລີ້."

ເຢຊູ ອາຕີ ອິນໂຍ່ງ ແຕ ຮານະ ເປໂຕ ຕະ (ມັດທາຍ 26:31-35; ມາຣະໂກ 14:27-31; ລູກາ 22:31-34)

<sup>36</sup> ຊີໂມນ ເປໂຕ ຕາແບັບ ເຢຊູ: "ອິນເຈົາ ເອີຍ! ປີ ແລະ ອິນເຈົາ ອີ ເປາະ?"

ເຢຊູ ຕາແອີຍ ອັນ ປາຍ: "ອິນຕຸ ເກົາ ເປາະ, ຊາ ນໍ່ ໄມ່ ຕາ ເຕ່ອ ປວາຍ ເກົາ. ມາ ປັຣແນີ ມັນເຕຣີ ເຕ່ອ ໄມ່ ປວາຍ ເກົາ."

<sup>37</sup> ເປໂຕ ຕາແບັບ ແອັນ: "ອິນເຈົາ ເອີຍ! ນານ ະ ແຕ ເກົາ ຕາ ເຕ່ອ ປວາຍ ອິນເຈົາ ຊານໍ່? ເກົາ ເຮົາ ຈິວ ກູຈິດ ກະ ອິນເຈົາ."

<sup>38</sup> ມາ ເຢຊູ ອາເປັຣ ລັຮ ອັນ ປາຍ: "ມ່ນ ບໍ່? ໄມ່ ເຮົາ ຈິວ ກູຈິດ ກະ ເກົາ ບໍ່? ເກົາ ອາຕີ ຕານ້ອງ ໂອນ ໄມ່: ອິນໂຍ່ງ ອິນຕຣວຍ ຕາ ຢວາຣ ຕາ ກາຣ, ໄມ່ ກາແລີຍຮ ເກົາ ເປັນ ໄປ ເຮັບ."

### 14

ເຢຊູ ອາຕີ ແຕ ອິມບໍ່ ອັນ

<sup>1</sup> ເຢຊູ ອາຕີ ແອັນ ປາຍ: "ອິນໂຈຍ ໂອນ ຮາງັຮ ເຍົາ ເກົາດ ຕຸຣ ອາຣິກ. ນານະ ເຍົາ ຊາອໍາ ເຢັງ ເຈົາຮາຊີ, ອິງເຄາະ ເຍົາ ຊາອໍາ ເກົາ ນະກ້ອຍ ເຕ່.

<sup>2</sup> ຕິ່ງ ດຸງ ອິມບໍ່ ເກົາ ເປັນ ຊາອີຍ ອິນຕຸ ແອັດ. ຊານໍ່ ເກົາ ເປາະ ກຽມ ດໍອ ອິນຕຸ ໂອນ ເຍົາ ແອັດ. ຄັນ ຮານະ ໄມ່ ມາ ຕາ ເປັນ ປຍາຍ໌, ເກົາ ຕາ ເປັນ ອາຕີ ຮານະ ໄມ່ ໂອນ ເຍົາ. <sup>3</sup> ແວັດ ເກົາ ເປາະ ກຽມ ດໍອ ອິນຕຸ ໂອນ ເຍົາ ແອັດ, ເກົາ ແຕ່ອ ລັຮ ເດັງ ເຍົາ ເປາະ ກະ ເກົາ. ປີ ແລະ ເກົາ ແອັດ, ເຍົາ ແອັດ ປີ ກ້ອຍ ເຕ່. <sup>4</sup> ກະ ເຍົາ ດັງ ເຈີ່ ຮານາ ເກົາ ອີ ເປາະ ປີ ອິນຕຸ ກ້ອຍ."

<sup>5</sup> ມາ ໂທມາ ຕາແບັບ ເຢຊູ ປາຍ: "ອິນເຈົາ ເອີຍ! ຮິ ຕາ ດັງ ປີ ແລະ ອິນເຈົາ ອີ ເປາະ. ນານະ ເຕ່ອ ຮິ ດັງ ຮານາ ເປາະ ປີ ກ້ອຍ?"

<sup>6</sup> ເຢຊູ ຕາແອີຍ ອັນ ປາຍ: "ເກົາ ລາ ຮານາ ເປາະ; ເກົາ ລາ ຮານາ ປຍາຍ໌; ກະ ເກົາ ລາ ຮານາ ອາມັງ. ຕາ ເປັນ ເມົາ ເຕ່ອ ແຕ່ອ ປີ ອິມບໍ່ ເກົາ, ຄັນ ຕາ ເປັນ ເປາະ ຮານາ ເກົາ. <sup>7</sup> ຄັນ ເຍົາ ດັງ ເກົາ, ເຍົາ ດັງ ອິມບໍ່ ເກົາ ເຕ່. ມາ ແຕ ໄມ່ ເຈີ່ ປີ ເມັງ ເຍົາ ດັງ ອັນ, ກະ ເຍົາ ເຮັມ ອັນ ເຈີ່."

<sup>8</sup> ພິລິບ ປາຍ ກະ ເຢຊູ: "ແຊອ໌ ອິນເຈົາ ອາປັຣ ອິມບໍ່ ອິນເຈົາ ໂອນ ຮິ ດັງ ອັນ, ລາ ເຈີ່."

<sup>9</sup> ເຢຊູ ຕາແອີຍ ອັນ ປາຍ: "ພິລິບ ເອີຍ! ເກົາ ແອັດ ກະ ເຍົາ ດຸ່ນ ເຈີ່, ມາ ນານະ ອິນນ້ອງ ໄມ່ ຕາ

ຢວາຣ ດັງ ເກົາ? ກວາຍ ອາແລະ ກາ ເຮັມ ເກົາ ເຈີ່, ມູເຈິງ ອັນ ເຮັມ ອິມບໍ່ ເກົາ ເຕ່. ນານະ ໄມ່ ແຊອ໌ ໂອນ ເກົາ ອາປັຣ ອິມບໍ່ ເກົາ ໂອນ ເຍົາ ດັງ ອັນ? <sup>10</sup> ນານະ ເຍົາ ຕາ ເປັນ ຊາອໍາ ເກົາ ແອັດ ມູ ຮາງັຮ ກະ ອິມບໍ່, ກະ ອິມບໍ່ ແອັດ ມູ ຮາງັຮ ກະ ເກົາ? ປັຣນາຍ ເກົາ ອາຕີ ເຢັງ ຕາ ແກ້ນ ປັຣນາຍ ແຕ ເກົາ ເປັນ, ມາ ໄກຣ ລາລີ້ ອິມບໍ່ ກາ ແອັດ ມູ ຮາງັຮ ກະ ເກົາ, ອັນ ຕະ ອິນແຍະ ມັຮ ຮານະ ໄມ່ ລາ ຮານະ ອັນ ເປັນ. <sup>11</sup> ອິງເຄາະ ເຍົາ ຊາອໍາ ເກົາ ບ້ອງ ກາ ເກົາ ປາຍ ເກົາ ແອັດ ມູ ຮາງັຮ ກະ ອິມບໍ່, ກະ ອິມບໍ່ ແອັດ ມູ ຮາງັຮ ກະ ເກົາ. ມາ ຄັນ ເຍົາ ຕາ ຢໍອ ອີ ຊາອໍາ, ອິງເຄາະ ເຍົາ ຊາອໍາ ເກົາ ຢ່ອນ ແຕ ຮານະ ຕາ ເກີຍ ເຮັມ ເກົາ ຕະ ເຈີ່. <sup>12</sup> ເກົາ ອາ ຕີ ຕານ້ອງ ໂອນ ເຍົາ, ກວາຍ ອາແລະ ກາ ຊາອໍາ ເກົາ, ກວາຍ ກ້ອຍ ຕະ ຮານະ ມູເຈິງ ເກົາ ເຕ່. ມາ ອັນ ຕະ ຮານະ ປິດ ແກ້ຍ ແຕ ກ້ອຍ ແອັນ, ຢ່ອນ ຊານໍ່ ເກົາ ເຈົາ ປີ ອິມບໍ່ ເກົາ. <sup>13</sup> ຮານະ ອິນເຕົາ ເຍົາ ແຊອ໌ ຢ່ອນ ແຕ ຮາມິຮ ເກົາ, ເກົາ ໂອນ ເຍົາ ເປັນ ຮາມິຮ ກາ ເຍົາ ແຊອ໌. ເກົາ ຕະ ນະກ້ອຍ ໂອນ ເມົາ ຢ່ອງ ອໍານາດ ອາງອິຣ ອິມບໍ່ ເກົາ ຕິ່ງ ມັນລ້ອງ ຢ່ອນ ແຕ ກອນ ອັນ. <sup>14</sup> ຄັນ ເຍົາ ແຊອ໌ ອິນເຕົາ ຢ່ອນ ແຕ ຮາມິຮ ເກົາ, ເກົາ ໂອນ ເຍົາ ເປັນ ອາກ໌ ອຍ."

ເຢຊູ ເອີອ໌ ໂອນ ຮາເວີຍ ເຢັງ ເຈົາຮາຊີ

<sup>15</sup> "ຄັນ ເຍົາ ອາໂຢະ ເກົາ, ນະກ້ອຍ ອິງເຄາະ ເຍົາ ຕະ ຕາປູນ ອິນແຍະ ປັຣນາຍ ເກົາ ປາຕັບ. <sup>16-17</sup> ເຈີ່ ເກົາ ແຊອ໌ ແຕ ອິມບໍ່ ເກົາ, ກະ ອັນ ໂອນ ເຍົາ ເປັນ ຮາເວີຍ ປຍາຍ໌ ເລືອຍໆ. ຮາເວີຍ ກ້ອຍ ເຕ່ນ ເກົາ ຈ່ອຍ ເຍົາ, ກະ ແອັດ ເລືອຍໆ ກະ ເຍົາ. ມາ ກວາຍ ການໍ່ອ, ໄລ່ ກາ ຕາ ເປັນ ຊາອໍາ, ໄລ່ ກ້ອຍ ຕາ ເຕ່ອ ເປັນ ຮາເວີຍ ໄມ່, ຢ່ອນ ໄລ່ ຕາ ເປັນ ຊາກໍລ ກະ ຕາ ເປັນ ດັງ ອັນ. ມາ ເຍົາ ດັງ ອັນ, ຢ່ອນ ອັນ ແອັດ ເລືອຍໆ ກະ ເຍົາ, ກະ ອັນ ແອັດ ຕິ່ງ ຮາງັຮ ເຍົາ. <sup>18</sup> ເກົາ ຕາ ເປັນ ຕັຣ ເຍົາ ໂອນ ເຍົາ ເກົາດ ນະ ກອນ ກູມູຍ໌. ເກົາ ອິນນ້ອງ ອີ ແຕ່ອ ລັຮ ປີ ເຍົາ. <sup>19</sup> ນ້ອງ ປີອ໌ ຕາໄງ ຊ້ອງ, ມັຮ ກວາຍ ຕິ່ງ ແດີຍ ໄມ່ ຕາ ເປັນ ເຮັມ ນ້ອງ ເກົາ, ມາ ເຍົາ ອິນນ້ອງ ເຮັມ ເກົາ. ຢ່ອນ ເກົາ ອາມັງ, ນະກ້ອຍ ປັຣແນີ ມັນເຕຣີ ເຍົາ ອາມັງ ເຕ່. <sup>20</sup> ຕິ່ງ ຕາໄງ ກ້ອຍ ເຍົາ ດັງ ແຈງ ເກົາ ແອັດ ມູ ຮາງັຮ ກະ ອິມບໍ່ ເກົາ, ກະ ເຍົາ ແອັດ ມູ ຮາງັຮ ກະ ເກົາ ມູເຈິງ ເກົາ ແອັດ ມູ ຮາງັຮ ກະ ເຍົາ."

21 "ກວາຍ ອາແລະ ຮຸ້ນ ອິນແຍ່ະ ປັນນາຍ ເກົາ ປາຕັບ, ກະ ຕະ ຕາປຸ່ນ ອິນແຍ່ະ ປັນນາຍ ກ້ອຍ, ກວາຍ ກ້ອຍ ອາໂຢະ ເກົາ, ອິມປໍ່ ເກົາ ອາໂຢະ ອັນ ກາ ອາໂຢະ ເກົາ. ເກົາ ອາໂຢະ ເຕ່ ອັນ ກ້ອຍ, ກະ ເກົາ ອາປັຣ ຣານະ ເກົາ ໂອນ ອັນ ກ້ອຍ ດັງ ເກົາ."

22 ແວັດ ເຢຊູ ປາຍ ນະກ້ອຍ, ຢູດາ (ຢູດາ ໄມ່ ຕາ ແກິນ ຢູດາ ອິດຊະກາຣິອົດ) ຕາເບີບ ເຢຊູ: "ອິນເຈົ້າ ເອີຍ, ນາມະ ແຕ່ ອິນເຈົ້າ ອາປັຣ ຣານະ ອິນເຈົ້າ ໂອນ ແອັງ ຣິ ຊ້ອງ, ມາ ອິນເຈົ້າ ຕາ ເບີນ ອາປັຣ ໂອນ ມັຣ ກວາຍ ຕິງ ແດັຍ ໄມ່?"

23 ເຢຊູ ຕາແອີຍ ອັນ ປາຍ: "ກວາຍ ອາແລະ ກາ ອາໂຢະ ເກົາ, ກວາຍ ກ້ອຍ ຕະ ຕາປຸ່ນ ອິນ ແຍ່ະ ປັນນາຍ ເກົາ. ອິມປໍ່ ເກົາ ອາໂຢະ ກວາຍ ກ້ອຍ. ເກົາ ກະ ອິມປໍ່ ເກົາ ແຕ້ອ໌ ປິ ກວາຍ ກ້ອຍ; ເຈິ່ ແອັດ ເລືອຍໆ ກະ ອັນ. 24 ມາ ກວາຍ ອາແລະ ກາ ຕາ ເບີນ ອາໂຢະ ເກົາ, ກວາຍ ກ້ອຍ ຕາ ເບີນ ຕະ ຕາປຸ່ນ ປັນນາຍ ເກົາ. ປັນນາຍ ເຍົາ ຊ້ອງ ຊານໍ່, ປັນນາຍ ໄມ່ ລາ ຕາ ແກິນ ປັນນາຍ ເກົາ, ມາ ປັນນາຍ ໄມ່ ລາ ປັນນາຍ ອິມປໍ່ ເກົາ ກາ ແປຣີ ໂອນ ເກົາ ແຕ້ອ໌ ປິ ໄມ່."

25 "ເກົາ ອາຕີ ອິນແຍ່ະ ປັນນາຍ ໄມ່ ມັອງ ກາ ເກົາ ອິນມ້ອງ ແອັດ ກະ ເຍົາ. 26 ມາ ຣາເວີຍ ເຢີງ ເຈົ້າຣາຊີ, ອັນ ກາ ອິມປໍ່ ເກົາ ແປຣີ ຈ່ອຍ ເຍົາ ເຕ່ນ ເກົາ, ຣາເວີຍ ກ້ອຍ ອາຕີ ເຍົາ ຕຸ່ກ ຣາມິ້ຣະ; ກະ ອັນ ຈ່ອຍ ໂອນ ເຍົາ ຊາແຍີ ອິນແຍ່ະ ປັນນາຍ ເກົາ ອາຕີ ເຍົາ ເຈິ່. 27 ເກົາ ໂອນ ຣາງິ້ຣ ເຍົາ ເບີນ ອຽນ ອໍ່. ເກົາ ໂອນ ເຍົາ ເບີນ ຣາງິ້ຣ ອຽນ ອໍ່ ແຕ່ ເກົາ ເບີມ. ເກົາ ຕາ ເບີນ ໂອນ ມູເຈິງ ກວາຍ ຕິງ ແດັຍ ໄມ່ ໂອນ. ເຍົາ ອິນໂຈຍ ໂອນ ຣາງິ້ຣ ເຍົາ ຊ້ອງ ຕຸ່ຣ ອາຣິກ. ກະ ເຍົາ ອິນໂຈຍ ອິງກ້ອຣ ອິນ ເຕ້າ. 28 ເຍົາ ຊ້ອງ ເຈິ່ ເກົາ ປາຍ ເກົາ ອີ ປາະ ແຕ່ ເຍົາ ມາ ປັຣແນີ ມັນເຕຣີາ ເກົາ ແຕ້ອ໌ ລັຣ ປິ ເຍົາ ຊາ. ຄັນ ເຍົາ ມາ ອາໂຢະ ເກົາ, ເຍົາ ຊ້ອງ ຣໍ້ອ໌ ເຕ່ ເກົາ ເບີນ ເຈົ້າ ປິ ອິມປໍ່ ເກົາ, ຍ່ອນ ອິມປໍ່ ເກົາ ລາ ປິດ ແກຼຍ ແຕ່ ເກົາ. 29 ເກົາ ອາຕີ ເຍົາ ອິນໂຍ່ງ ແຕ່ ຣານະ ໄມ່ ຕາ ຍວາຣ ແຕ້ອ໌. ນະກ້ອຍ ຕາໄງ ແລະ ອັນ ແຕ້ອ໌, ກ້ອຍ ແຕ່ ເຍົາ ຊາອໍາ ປັນນາຍ ເກົາ. 30 ເກົາ ຕາ ເຕ່ອ໌ ອາຕີ ຊາອິ້ຍ ມ້ອງ ກະ ເຍົາ, ຍ່ອນ ເຢີງ ກາ ຊົດ ຕິງ ກູແຕອ໌ ໄມ່, ອັນ ແລະ ອີ ແຕ້ອ໌ ເຈິ່. ອັນ ກ້ອຍ ຕາ ເຕ່ອ໌ ຕາລາ ເກົາ. 31 ມາ ເກົາ ຕະ ມັຣ ຣານະ ໄມ່ ໂອນ ອິນແຍ່ະ ມັຣ ກວາຍ ດັງ ແຈງ ລາລີ້ ປາຍ ເກົາ ອາໂຢະ ອິມປໍ່ ເກົາ. ກະ ເກົາ ຕະ ຕາປຸ່ນ ອິນແຍ່ະ ມັຣ ຣານະ ອິມປໍ່ ເກົາ ປາຕັບ ເກົາ ເຈິ່. ຊານໍ່ ເຍົາ ຢວຣ ຕາຢິງ! ໄຣ ລັອຣ ແຕ່

ອິນຕຸ ໄມ່!"

# 15

ເຢຊູ ລາ ວັຣ ອາງຸ່ນ ກາ ປຍາຍ໌

1 ເຢຊູ ປາຍ ແອັນ ນະໄມ່: "ເກົາ ລາ ວັຣ ອາງຸ່ນ ກາ ປຍາຍ໌ ລາລີ້. ກະ ອິມປໍ່ ເກົາ ລາ ອັນ ກາ ຊາມາ ວັຣ ກ້ອຍ. 2 ອາແບງ ອາແລະ ກາ ຕາ ເບີນ ແກັດ ປາໄລ, ອັນ ກັຣໄປຣ ຕັຣ. ກະ ອາແບງ ອາແລະ ມາ ແກັດ ປາໄລ, ອັນ ກິດ ໂອນ ປາຕັອຣ ແກັດ ຊາ ອິ້ຍ ແອັນ ອາແບງ ກ້ອຍ. ນະກ້ອຍ ອາແບງ ກ້ອຍ ແກັດ ປາໄລ ຊາອິ້ຍ ລາລີ້ ແອັນ. 3 ເຍົາ ລາ ນະ ອາ ແບງ ກາ ເມົາ ກິດ ເຈິ່ ຍ່ອນ ແຕ່ ປັນນາຍ ເກົາ ອາ ຕີ ເຍົາ. 4 ອິງເຄາະ ເຍົາ ແອັດ ມູ ຣາງິ້ຣ ເລືອຍໆ ກະ ເກົາ, ກະ ເກົາ ແອັດ ມູ ຣາງິ້ຣ ເລືອຍໆ ກະ ເຍົາ. ຄັນ ອາແບງ ມາ ຕາ ເບີນ ຣາແຕັດ ກະ ວັຣ ອັນ, ອັນ ຕາ ເຕ່ອ໌ ແກັດ ປາໄລ. ມູເຈິງ ກ້ອຍ ເຕ່, ຄັນ ເຍົາ ຕາ ເບີນ ແອັດ ມູ ຣາງິ້ຣ ເລືອຍໆ ກະ ເກົາ, ເຍົາ ຕາ ເຕ່ອ໌ ແກັດ ປາໄລ ອິນເຕ້າ. 5 ເກົາ ລາ ວັຣ ອາງຸ່ນ ມາ ເຍົາ ລາ ອາແບງ. ຄັນ ກວາຍ ອາແລະ ມາ ແອັດ ມູ ຣາງິ້ຣ ເລືອຍໆ ກະ ເກົາ, ກະ ເກົາ ແອັດ ມູ ຣາງິ້ຣ ເລືອຍໆ ກະ ອັນ, ກວາຍ ກ້ອຍ ແກັດ ຊາອິ້ຍ ປາໄລ. ຄັນ ເຍົາ ມາ ຊາກັຣ ແຕ່ ເກົາ, ເຍົາ ຕາ ເຕ່ອ໌ ຕະ ອິນເຕ້າ ມ້ອງ. 6 ກວາຍ ອາແລະ ກາ ຕາ ເບີນ ແອັດ ມູ ຣາງິ້ຣ ເລືອຍໆ ກະ ເກົາ, ກວາຍ ກ້ອຍ ເມົາ ແກງ ຕັຣ ນະ ເມົາ ແກງ ຕັຣ ອາແບງ ວັຣ ເຕ່. ນະກ້ອຍ ອາແບງ ກ້ອຍ ແກັດ ຣັອຣ. ເຈິ່ ເມົາ ອິດ ອາແບງ ກ້ອຍ ແກງ ໂຈະ ຕິງ ອູ່ຍຣ ໂອນ ກາດ ອິນແຍ່ະ. 7 ຄັນ ເຍົາ ແອັດ ມູ ຣາງິ້ຣ ເລືອຍໆ ກະ ເກົາ, ກະ ປັນນາຍ ເກົາ ແອັດ ເລືອຍໆ ຕິງ ຣາງິ້ຣ ເຍົາ, ນະກ້ອຍ ຣານະ ອິນເຕ້າ ເຍົາ ແຊຣ໌, ເຍົາ ເບີນ ຣານະ ກ້ອຍ. 8 ຄັນ ເຍົາ ແກັດ ຊາອິ້ຍ ປາໄລ, ເຍົາ ໂອນ ກວາຍ ການໍ້ອ໌ ດັງ ເຍົາ ຕາປຸ່ນ ປັນນາຍ ເກົາ, ກະ ເຍົາ ອາປັຣ ອໍາມາດ ອາງອິ້ຣ ແຕ່ ອິມປໍ່ ເກົາ ເຕ່."

9 "ເກົາ ອາໂຢະ ເຍົາ ມູເຈິງ ອິມປໍ່ ເກົາ ອາໂຢະ ເກົາ ເຕ່. ອິງເຄາະ ເຍົາ ຊາແຍີ ເລືອຍໆ ມັຣ ເກົາ ອາໂຢະ ເຍົາ. 10 ຄັນ ເຍົາ ຕະ ຕາປຸ່ນ ປັນນາຍ ເກົາ ປາຕັບ, ເກົາ ອາໂຢະ ເລືອຍໆ ເຍົາ, ມູເຈິງ ເກົາ ຕະ ຕາປຸ່ນ ອິນແຍ່ະ ມັຣ ປັນນາຍ ອິມປໍ່ ເກົາ ປາຕັບ ກະ ອິມປໍ່ ອາໂຢະ ເກົາ ເລືອຍໆ ເຕ່. 11 ເກົາ ອາຕີ ໂອນ ເຍົາ ອິນແຍ່ະ ມັຣ ຣາມິ້ຣ ໄມ່ ໂອນ ເຍົາ ເບີ

ນ ຮາງ໊ຮ ຮໍ້ອ ແຕ ເກົາ, ກະ ໂອນ ເຍົາ ເບີນ ແອັງ ຮາງ໊ຮ ຮໍ້ອ ໄມ່ ຊ້ອງ.

12 "ປັຣນາຍ ເກົາ ປາຕັບ ລາ ນະໄມ່: ອົງເຄາະ ເຍົາ ມານະ ອາໂຢະ ມານະ ມູເຈັງ ເກົາ ອາໂຢະ ເຍົາ ເຕ່. 13 ຮານະ ອາໂຢະ ປັດ ແກ້ຍ ອິນແຍ່ະ ແຕ ກາ ນໍ້ອ ລາ ເບີນ ມານະ ກູຈິດ ຕາງ ເຍົາ ອັນ. 14 ເຍົາ ລາ ເຍົາ ເກົາ, ຄັນ ເຍົາ ຕະ ຕາປູ່ນ ປັຣນາຍ ເກົາ ປາ ຕັບ. 15 ເກົາ ຕາ ເບີນ ດໍ້ອ ນ້ອງ ເຍົາ ລາ ກວາຍ ທູແທ, ຍ່ອນ ກວາຍ ທູແທ ຕາ ເບີນ ດັງ ອິນເຕົ້າ ອິນເຈົ້າ ອັນ ອິ ຕະ. ມາ ເກົາ ດໍ້ອ ເຍົາ ລາ ເຍົາ ເກົາ, ຍ່ອນ ເກົາ ໂອນ ເຍົາ ດັງ ອິນແຍ່ະ ມັຮ ຮາມັຮ ກາ ເກົາ ຊ້ອງ ແຕ ອິມປໍ່ ເກົາ. 16 ເຍົາ ຕາ ເບີນ ຮຽຮ ເກົາ, ມາ ເກົາ ຮຽຮ ເຍົາ. ກະ ເກົາ ຈັຮ ເຍົາ, ດໍ້ອ ໂອນ ເຍົາ ເປາະ ກະ ແກັດ ປາໄລ, ລາ ປາໄລ ຈອງ ກະ ອໍ ລາລີ້. ນະກ້ອຍ ອິນເຕົ້າ ເຍົາ ແຊຣ໌ ຍ່ອນ ຮາມັຮ ເກົາ, ອິມປໍ່ ເກົາ ໂອນ ເຍົາ ເບີນ ອາກ້ອຍ. 17 ໄມ່ ລາ ປັຣນາຍ ເກົາ ປາຕັບ ເຍົາ: ອົງເຄາະ ເຍົາ ມານະ ອາໂຢະ ມານະ."

ເຢຊູ ປາຍ ກວາຍ ຕົ້ງ ແດີຍ ໄມ່ ຊາອັຣ ມູ່ ກາ ຊາອໍາ ອັນ

18 "ຄັນ ກວາຍ ຕົ້ງ ແດີຍ ໄມ່ ມາ ຊາອັຣ ເຍົາ, ໂອນ ເຍົາ ດັງ ປາຍ ໄລ່ ຊາອັຣ ເກົາ ອິນໂຍ່ງ ແຕ ເຍົາ ເຈົ້. 19 ຄັນ ເຍົາ ປຣ່ອມ ມູ ຮາງ໊ຮ ກະ ກວາ ຍ ຕົ້ງ ແດີຍ ໄມ່, ໄລ່ ກ້ອຍ ອາໂຢະ ເຍົາ ນະ ແຊມ ອາຍ ໄລ່ ເຕ່. ມາ ເກົາ ຮຽຮ ເຍົາ ເຈົ້ ແຕ ກວາຍ ກ້ອຍ. ກະ ເຍົາ ຕາ ເບີນ ປຣ່ອມ ມູ ຮາງ໊ຮ ນ້ອງ ກະ ໄລ່. ຍ່ອນ ນະກ້ອຍ ແຕ ກວາຍ ກ້ອຍ ຊາອັຣ ເຍົາ. 20 ອົງເຄາະ ເຍົາ ຊາແຍີ ປັຣນາຍ ເກົາ ອາຕີ ເຍົາ ປາຍ: 'ກວາຍ ຊູລ ຕາ ເບີນ ປັດ ກາເລີຍ ແຕ ອິນເຈົ້າ ອັນ.' ຄັນ ເມົ້າ ມາ ຕະ ເກົາ, ປັຣແນີ ມັນ ເຕຣົາ ເມົ້າ ຕະ ເຕ່ ເຍົາ. ຄັນ ເມົ້າ ຊາງັດ ປັຣນາຍ ເກົາ, ປັຣແນີ ມັນເຕຣົາ ເມົ້າ ຊາງັດ ເຕ່ ປັຣນາຍ ເຍົາ. 21 ໄລ່ ຕະ ມັຮ ຮານະ ໄມ່ ໂຈະ ເຍົາ ລາ ຍ່ອນ ແຕ ເຍົາ ຊາອໍາ ຮາມັຮ ເກົາ, ຍ່ອນ ໄລ່ ຕາ ເບີນ ດັງ ອັນ ກາ ແປຣີ ເກົາ ແຕ້ອ. 22 ຄັນ ເກົາ ຕາ ເບີ ນ ເປາະ ອາຕີ ໄລ່, ໄລ່ ຕາ ເບີນ ເບີນ ໄລ່ຍຮ. ມາ ຊານໍ່ ໄລ່ ຕາ ເຕ້ອ ຮາງຽນ ປາຍ ໄລ່ ຕາ ເບີນ ໄລ່ ຍຮ ອິນເຕົ້າ. 23 ກວາຍ ອາແລະ ກາ ຊາອັຣ ເກົາ, ລາ ອັນ ຊາອັຣ ກາ ອິມປໍ່ ເກົາ ແຮີ. 24 ຄັນ ເກົາ ຕາ ເບີນ ຕະ ຊາອີ້ຍ ຮານະ ມັຮ ກວາຍ ການໍ້ອ ຕາ ເຕ້ອ ຕະ, ໄລ່ ຕາ ເບີນ ເບີນ ໄລ່ຍຮ. ມາ ຊານໍ່ ໄລ່ ເຮີມ ເຈົ້ ມັຮ ຮານະ ກ້ອຍ, ມາ ອິນນ້ອງ ໄລ່ ຊາອັຣ ເກົາ ກາ ອິມປໍ່ ເກົາ ແຮີ. 25 ມາ ຮານະ ໄມ່

ຮາປຍາຍ໌ ມັຮ ປັຣນາຍ ເຢັງ ເຈົ້າຮາຊີ ປາຍ ແຕ ອິມແປີ ນະໄມ່:

'ເກົາ ຕາ ເບີນ ຕະ ໄລ່ຍຮ ອິນເຕົ້າ, ມາ ໄລ່ ຈຸງ ຊາອັຣ ເກົາ.'

26 "ປັຣແນີ ມັນເຕຣົາ ອັນ ກາ ເກົາ ແປຣີ ແຕ້ອ ຈ່ອຍ ເຍົາ, ອັນ ແຕ້ອ ແຕ ອິມປໍ່ ເກົາ. ອັນ ລາ ຮາເວີຍ ປຍາຍ໌ ເລື້ອຍໆ, ກະ ອັນ ອາຕີ ແຕ ເກົາ. 27 ມາ ເຍົາ ອົງເຄາະ ອາຕີ ແຕ ເກົາ ເຕ່, ຍ່ອນ ເຍົາ ແອັດ ກະ ເກົາ ແຕ ຕາແປີ ເຈົ້."

### 16

ເຢຊູ ອາຕີ ແຕ ຮາເວີຍ ເຢັງ ເຈົ້າຮາຊີ

1 "ເກົາ ອາຕີ ເຍົາ ອິນແຍ່ະ ຮາມັຮ ໄມ່ ໂອນ ເຍົາ ຕາ ເບີນ ຊາປີລ. 2 ປັຣແນີ ມັນເຕຣົາ ກວາຍ ອິດ ຊະຮາເອລ ຕູຍຮ ອາລໍ້ອຮ ເຍົາ ແຕ ດຸງ ຊາງ ໄລ່. ກະ ແຕ້ອ ຕາໄງ ກ້ອຍ ກວາຍ ກາ ກາຈິດ ເຍົາ, ໄລ່ ຄໍ້ດ ປາຍ ໄລ່ ຕະ ຮານະ ເຢັງ ເຈົ້າຮາຊີ ເຕ່. 3 ໄລ່ ຕະ ຮານະ ກ້ອຍ ຍ່ອນ ໄລ່ ຕາ ດັງ ອິມປໍ່ ເກົາ, ກະ ຕາ ດັງ ເກົາ ແຮີ. 4 ເກົາ ອາຕີ ເຍົາ ມັຮ ຮາມັຮ ໄມ່ ໂອນ ແຕ້ອ ຕາໄງ ຮາມັຮ ໄມ່ ແຕ້ອ, ເຍົາ ຊາແຍີ ເກົາ ອາຕີ ເຈົ້ ເຍົາ. ແຕ ອິນໂຍ່ງ ເກົາ ຕາ ເບີນ ຕຸ່ຮ ອາຕີ ເຍົາ ແຕ ມັຮ ຮາມັຮ ໄມ່, ຍ່ອນ ເກົາ ອິນນ້ອງ ແອັດ ກະ ເຍົາ.

5 "ມາ ຊານໍ່ ເກົາ ອິ ເຈົ້າ ລໍ້ຮ ປີ ອັນ ກາ ແປຣີ ເກົາ ແຕ້ອ ປີ ໄມ່. ມາ ອິນນ້ອງ ຕາ ເບີນ ເມົ້າ ແຕ ເຍົາ ຕາແປີບ ເກົາ ປາຍ: 'ປີ ແລະ ອາຈານູ ອິ ເປາະ?' 6 ມາ ຍ່ອນ ເກົາ ອາຕີ ເຍົາ ມັຮ ຮາມັຮ ໄມ່, ເຍົາ ຊ້ອງ ຕຸ່ຮ ລາລີ້. 7 ມາ ຊານໍ່ ເກົາ ອາຕີ ຕານ້ອງ ໂອນ ເຍົາ, ເກົາ ເປາະ ແຕ ເຍົາ, ລາ ແກັດ ເກົາ ໂອນ ເຍົາ. ຄັນ ເກົາ ຕາ ເບີນ ລໍ້ອຮ ແຕ ເຍົາ, ອັນ ກາ ຈ່ອຍ ເຍົາ ຕາ ເຕ້ອ ແຕ້ອ ປີ ເຍົາ. ມາ ຄັນ ເກົາ ເປາະ, ເກົາ ອິ ແປຣີ ອັນ ໂອນ ແຕ້ອ ປີ ເຍົາ. 8 ພໍ ກາ ອັນ ແຕ້ອ, ອັນ ອາຕີ ອິນແຍ່ະ ມັຮ ກວາຍ ໂອນ ໄລ່ ດັງ ແຈງ ລາລີ້ ແຕ ຮານະ ໄລ່ຍຮ, ແຕ ຮາ ນະ ຕານ້ອງ ອໍ, ກະ ແຕ ຮານະ ຕັດຊິ້ນ. 9 ອັນ ອາຕີ ແຕ ຮານະ ໄລ່ຍຮ ໄມ່ ຍ່ອນ ກວາຍ ຕາ ເບີ ນ ຊາອໍາ ເກົາ. 10 ອັນ ອາຕີ ແຕ ຮານະ ຕານ້ອງ ອໍ ຍ່ອນ ເກົາ ເຈົ້ ປີ ອິມປໍ່ ເກົາ, ກະ ເຍົາ ຕາ ເບີນ ເຮີມ ເກົາ ນ້ອງ. 11 ອັນ ອາຕີ ແຕ ຮານະ ຕັດຊິ້ນ ຍ່ອນ ເຢັງ ເຈົ້າຮາຊີ ຕັດຊິ້ນ ເຈົ້ ເຢັງ ກາ ຊົດ ຕົ້ງ ກູແຕ້ອ ໄມ່, ກະ ເຢັງ ກ້ອຍ ເປ່.

12 "ອິນນ້ອງ ເບີນ ຊາອີ້ຍ ຮານະ ເກົາ ອິ ອາ ຕີ ເຍົາ, ມາ ຮານະ ກ້ອຍ ອິນຕ້ອງ ລາລີ້; ເຍົາ ຕາ ເຮີບ ນ້ອງ. 13 ມາ ພໍກາ ແຕ້ອ ຮາເວີຍ ກາ ປ

ຍາຍ ລາລີ້, ອັນ ອາໂຍ່ງ ເຍົາ ໂອນ ເຍົາ ດັງ ອິນ ແຍ່ະ ຮານະ ປຍາຍ. ອັນ ຕາ ເບີນ ອາຕີ ແຕ ຮານະ ອັນ ເບີນ, ມາ ອັນ ອາຕີ ເຍົາ ມັຮ ຮານະ ອັນ ຊ້ອງ ເຈີ້. ກະ ອັນ ອາຕີ ເຍົາ ແຕ ຮານະ ຕາ ຢວາຮ ແຕ້ອ. <sup>14</sup> ອັນ ກ້ອຍ ອາປັຮ ອຳນາດ ອາງອີຣ ແຕ ເກົາ, ຍ່ອນ ອັນ ອິດ ປັຮນາຍ ແຕ ເກົາ, ກະ ອັນ ອາຕີ ລັຮ ປັຮນາຍ ກ້ອຍ ໂອນ ເຍົາ. <sup>15</sup> ອິນແຍ່ະ ມູນ ອິມປໍ ເກົາ ລາ ຄອງ ເກົາ ແຕ່. ນະກ້ອຍ ແຕ້ອ ເກົາ ປາຍ ລາ ຮາເວົ້າຍ ເຢັງ ເຈົາຮາຊີ ອິດ ປັຮນາຍ ເກົາ ກະ ອາຕີ ລັຮ ໂອນ ເຍົາ."

ເຢຊູ ອາຕີ ແຕ ຮານະ ຕຸຣ ແກັດ ລັຮ ຮານະ ຮໍ້ອ ແອັ້ນ

<sup>16</sup> "ຕາ ເບີນ ດຸ່ນ ນ້ອງ, ເຍົາ ຕາ ເບີນ ເຮີມ ນ້ອງ ເກົາ. ເຈີ້ ແຕ ຕາໄງ ກ້ອຍ ຕາ ເບີນ ດຸ່ນ ນ້ອງ, ເຍົາ ເຮີມ ລັຮ ເກົາ."

<sup>17</sup> ມູ ກາ ຮຍານ ແຕ ເຢຊູ, ໄລ່ ມານະ ຕາແບີບ ມານະ ປາຍ: "ອິນເຕົ້າ ກາ ອັນ ປາຍ ກະ ໄຮ? ອັນ ປາຍ: 'ຕາ ເບີນ ດຸ່ນ ນ້ອງ ເຍົາ ຕາ ເບີນ ເຮີມ ນ້ອງ ເກົາ. ເຈີ້ ແຕ ຕາໄງ ກ້ອຍ ຕາ ເບີນ ດຸ່ນ ນ້ອງ, ເຍົາ ເຮີມ ລັຮ ເກົາ.' ກະ ອັນ ປາຍ: 'ຍ່ອນ ເກົາ ເຈົາ ປິ ອິມປໍ ເກົາ.' <sup>18</sup> ອິນເຕົ້າ ອັນ ອີ ປາຍ ແຕ ປັຮນາຍ ໄນ: 'ຕາ ເບີນ ດຸ່ນ ນ້ອງ?' ໄຮ ຕາ ເບີນ ດັງ ອິນ ເຕົ້າ ເລີຍ ອັນ ປາຍ ໄນ."

<sup>19</sup> ເຢຊູ ດັງ ຮາງັຮ ໄລ່ ຍິ້ອ ອີ ຕາແບີບ ອັນ. ນະກ້ອຍ ອັນ ອາຕີ ໄລ່ ປາຍ: "ເກົາ ອາຕີ ເຍົາ ເຈີ້: ຕາ ເບີນ ດຸ່ນ ນ້ອງ ເຍົາ ຕາ ເບີນ ເຮີມ ນ້ອງ ເກົາ. ເຈີ້ ແຕ ຕາໄງ ກ້ອຍ ຕາ ເບີນ ດຸ່ນ ນ້ອງ ເຍົາ ເຮີມ ລັຮ ເກົາ. ນານະ ແຕ ເຍົາ ມານະ ຕາແບີບ ມານະ ແຕ ຮານະ ໄນ? <sup>20</sup> ເກົາ ອາຕີ ຕານ້ອງ ໂອນ ເຍົາ, ປັຮແນີ ມັນເຕຣົາ ເຍົາ ເຍົາມ ກະ ຮາງັຮ ເຍົາ ຊ້ອງ ຕຸຣ, ມາ ກວາຍ ຕິ່ງ ແດີຍ ໄນ, ໄລ່ ຊ້ອງ ຮໍ້ອ ບູຍ ລາລີ້. ເຍົາ ຊ້ອງ ຕຸຣ, ມາ ຮານະ ຕຸຣ ກ້ອຍ ປງຸນ ລັຮ ໂອນ ເຍົາ ແກັດ ຮໍ້ອ ບູຍ ແອັ້ນ. <sup>21</sup> ໄນ ລາ ນະ ມັນແຊມ ຮັຮ ກອນ ແຕ່. ບ້ອງ ກາ ກ້ອຍ ອັນ ຊ້ອງ ຕີ້ ລາລີ້, ຍ່ອນ ແຕ້ອ ຄວບ ກູມິ ເຈີ້. ມາ ແວັດ ອັນ ຮັຮ ກອນ, ອັນ ຕາ ເບີນ ຊາແຍີ ນ້ອງ ມັຮ ອັນ ຈີວ ຕຸຣ ກັດ ກ້ອຍ. ອັນ ຊ້ອງ ຮໍ້ອ ລາລີ້ ຍ່ອນ ເບີນ ມານະ ແກັດ ຕິ່ງ ກູແຕອໄນ. <sup>22</sup> ເຍົາ ລາ ມູເຈີງ ກ້ອຍ ແຕ່. ຊານໍ່ ເຍົາ ຊ້ອງ ຕຸຣ ລາລີ້, ມາ ປັຮແນີ ມັນເຕຣົາ ເກົາ ເຮີມ ລັຮ ເຍົາ. ຕາໄງ ກ້ອຍ ເຍົາ ຊ້ອງ ຮໍ້ອ ບູຍ ລັຮ, ກະ ຕາ ເບີນ ເມົາ ແຕ້ອ ອິດ ຮານະ ຮໍ້ອ ກ້ອຍ ແຕ ເຍົາ. <sup>23</sup> ຕິ່ງ ຕາໄງ ກ້ອຍ,

ເຍົາ ຕາ ເບີນ ຕາແບີບ ມວຍ ຮາມິຣ ອິນເຕົ້າ ນ້ອງ ແຕ ເກົາ. ເກົາ ອາຕີ ຕານ້ອງ ໂອນ ເຍົາ, ອິມປໍ ເກົາ ໂອນ ເຍົາ ເບີນ ຮາມິຣ ອິນເຕົ້າ ເຍົາ ແຊອ ຍ່ອນ ແຕ ຮາມິຣ ເກົາ. <sup>24</sup> ເຕົ້າ ຊານໍ່ ເຍົາ ຕາ ເບີນ ແຊອ ອິນເຕົ້າ ຢວາຮ ຍ່ອນ ແຕ ຮາມິຣ ເກົາ. ອິງເຄາະ ເຍົາ ແຊອ, ເຈີ້ ເຍົາ ເບີນ, ໂອນ ຮາງັຮ ເຍົາ ເບີນ ແອັງ ຮາມິຣ ຮໍ້ອ.

<sup>25</sup> "ເກົາ ອາຕີ ເຍົາ ມັຮ ຮານະ ໄນ ຮານາ ປັຮ ນາຍ ຊາກໍາ. ມາ ປັຮແນີ ມັນເຕຣົາ ເກົາ ຕາ ເບີນ ອາຕີ ນ້ອງ ຮານາ ປັຮນາຍ ຊາກໍາ. ຕາໄງ ກ້ອຍ ເກົາ ອາຕີ ແຈງ ແອັ້ນ ໂອນ ເຍົາ ດັງ ແຕ ອິມປໍ ເກົາ. <sup>26</sup> ຕິ່ງ ຕາໄງ ກ້ອຍ ຮາມິຣ ອິນເຕົ້າ ເຍົາ ແຊອ ແຕ ເຢັງ ເຈົາຮາຊີ, ເຍົາ ແຊອ ຍ່ອນ ແຕ ຮາມິຣ ເກົາ. ເກົາ ຕາ ເບີນ ຕຸຣ ແຊອ ອິນເຕົ້າ ນ້ອງ ແຕ ອິມ ປໍ ເກົາ ໂອນ ເຍົາ, <sup>27</sup> ຍ່ອນ ອິມປໍ ເກົາ ອາໂຢະ ແຕ່ ເຍົາ. ອິມປໍ ເກົາ ອາໂຢະ ເຍົາ ຍ່ອນ ເຍົາ ອາໂຢະ ເກົາ ເຈີ້, ກະ ຍ່ອນ ເຍົາ ຊາອໍາ ເກົາ ແຕ້ອ ແຕ ເຢັງ ເຈົາຮາຊີ. <sup>28</sup> ເກົາ ລັອຣ ແຕ ອິມປໍ ເກົາ ແຕ ຕາໄງ ເກົາ ແຕ້ອ ປິ ກູແຕອໄນ. ເຈີ້ ຊານໍ່ ເກົາ ລັອຣ ແຕ ກູແຕອໄນ ເຈົາ ລັຮ ປິ ອິມປໍ ເກົາ."

<sup>29</sup> ແວັດ ເຢຊູ ປາຍ ນະກ້ອຍ, ມູ ກາ ຮຍານ ແຕ ອັນ ປາຍ: "ຊານໍ່ ອາຈານ ອາຕີ ແຈງ ລາລີ້ ເຈີ້. ອາຈານ ຕາ ເບີນ ອາຕີ ນ້ອງ ຕິ່ງ ປັຮນາຍ ຊາ ກໍາ. <sup>30</sup> ຊານໍ່ ຮິ ດັງ ເຈີ້ ອາຈານ ຊາປຸຣ ກູ ຮາມິຣ. ກະ ຕາ ເບີນ ຕຸຣ ເມົາ ຕາແບີບ ອິນເຕົ້າ ນ້ອງ ແຕ ອາຈານ. ຍ່ອນ ນະກ້ອຍ, ຮິ ຊາອໍາ ລາລີ້ ອາຈານ ແຕ້ອ ແຕ ເຢັງ ເຈົາຮາຊີ."

<sup>31</sup> ເຢຊູ ຕາແບີບ ໄລ່ ປາຍ: "ແມ່ນ ບໍ່! ຊານໍ່ ເຍົາ ຊາອໍາ ລາລີ້ ບໍ່? <sup>32</sup> ແຈ່ະ ອີ ແຕ້ອ ເຈີ້ ປາແນ່ນ ເຍົາ ອິມປຣາຍຮ ອິມປຣັງ ແກັດ ຮາຕັຮ ຮາຕາຍ໌ ແອັດ ດຸງ ອາແລ່ະ ດຸງ ອັນ. ເຈີ້ ເຍົາ ຕັຮ ດໍອ໌ ແອັງ ມານະ ເກົາ ຊ້ອງ. ມາ ເກົາ ຕາ ເບີນ ແອັດ ແອັງ ເກົາ ຊ້ອງ, ຍ່ອນ ອິມປໍ ເກົາ ແອັດ ເລືອຍໆ ກະ ເກົາ. ມາ ປາແນ່ນ ກ້ອຍ ແຕ້ອ ເຈີ້. <sup>33</sup> ເກົາ ອາຕີ ເຍົາ ມັຮ ຮາມິຣ ໄນ ໂອນ ເຍົາ ເບີນ ອງຸນ ອໍ ຍ່ອນ ເຍົາ ແອັດ ມູ ຮາງັຮ ກະ ເກົາ. ຕິ່ງ ແດີຍ ໄນ ເຍົາ ຮາມິຣ ຊາອິ້ຍ ຕຸຣ ກັດ. ມາ ອິງເຄາະ ເຍົາ ແອັດ ໂອນ ຊາ ເບັງ ອໍ! ເກົາ ເຮົາບ ເຈີ້ ຕິ່ງ ແດີຍ ໄນ!"

**17**

ເຢຊູ ເກົາແຊອ໌ ແຕ ອິມປໍ ອັນ

1 ແວັດ ເຢຊູ ປາຍ ນະກັອຍ, ອັນ ຕາງື່ອນ ອາ  
 ຊັອຍ ປີ ມັນລ້ອງ ກະ ອັນ ປາຍ: "ອິມບໍ່ ເອີຍ!  
 ປາແນ່ນ ເກົາ ແຕ້ອ້ ເຈີ່. ຊານໍ່ ເກົາ ແຊອ໌ ໄມ່ ອາປັຣ  
 ອຳນາດ ອາງອີຣ ເກົາ ໂອນ ກວາຍ ການໍ່ອ໌ ດັງ, ໂອນ  
 ເກົາ ເຕ່ອ໌ ອາປັຣ ລັຣ ອຳນາດ ອາງອີຣ ໄມ່. 2 ໄມ່  
 ໂອນ ເກົາ ເບີນ ຊົດ ກູ່ ນະ ກວາຍ ເຈີ່. ນະກັອຍ  
 ເຕ່ອ໌ ເກົາ ໂອນ ອາມັງ ເລືອຍໆ ອິນແຍ່ະ ມັຣ ກວາ  
 ຍ ກາ ໄມ່ ມ່ອບ ໂອນ ເກົາ. 3 ໄມ່ ລາ ແດີຍ ອາມັງ  
 ເລືອຍໆ: ກວາຍ ເບີນ ດັງ ໄມ່. ແອັງ ໄມ່ ແຕ້ ລາ  
 ເຢັງ ກາ ປຍາຍ໌ ລາລີ້. ກະ ໄລ່ ເບີນ ດັງ ເຢຊູ ກາ  
 ຣິດ, ອັນ ກາ ໄມ່ ແປຣີ ແຕ້ອ້ ປີ ກູແຕອ໌ ໄມ່. 4 ເກົາ  
 ອາປັຣ ເຈີ່ ອຳນາດ ອາງອີຣ ໄມ່ ຕັ້ງ ກູແຕອ໌ ໄມ່.  
 ກະ ເກົາ ຕະ ອິນແຍ່ະ ເຈີ່ ມັຣ ຮານະ ໄມ່ ແປຣີ ໂອນ  
 ເກົາ ຕະ. 5 ອິມບໍ່ ເອີຍ, ຊານໍ່ ເກົາ ອີ ເຈົາ ແອັດ  
 ລັຣ ປີ ໄມ່. ເກົາ ແຊອ໌ ໄມ່ ໂອນ ເກົາ ເບີນ ອຳນາດ  
 ອາງອີຣ ແອັດ ກະ ໄມ່, ມູເຈິງ ເກົາ ເບີນ ແຕ ໄມ່ ຕາ  
 ຢວາຣ ແຕງ ກູແຕອ໌ ໄມ່."

ເຢຊູ ເກົາແຊອ໌ ໂອນ ມູ່ ກາ ຣຍານ ແຕ ອັນ

6 "ມັຣ ກວາຍ ກາ ໄມ່ ມ່ອບ ໂອນ ເກົາ ເບີນ ຕັ້ງ  
 ແດີຍ ໄມ່, ເກົາ ອາຕີ ເຈີ່ ໄລ່ ກັອຍ ແຕ ໄມ່. ໄລ່  
 ກັອຍ ລາ ກວາຍ ໄມ່; ໄມ່ ມ່ອບ ໄລ່ ກັອຍ ໂອນ  
 ເກົາ. ກະ ໄລ່ ຕະ ຕາປູ່ນ ເຈີ່ ປັຣນາຍ ໄມ່. 7 ຊານໍ່  
 ໄລ່ ກັອຍ ດັງ ແຈງ ເຈີ່ ມັຣ ຣາມິຣ ກາ ໄມ່ ໂອນ ປີ  
 ເກົາ ລາ ແຕ້ອ້ ແຕ ໄມ່ ອິນແຍ່ະ. 8 ຍ່ອນ ເກົາ ອາ  
 ຕີ ໂອນ ໄລ່ ເຈີ່ ມັຣ ປັຣນາຍ ໄມ່ ອາຕີ ໂອນ ເກົາ;  
 ກະ ໄລ່ ຮັບ ອິນແຍ່ະ ປັຣນາຍ ກັອຍ. ໄລ່ ດັງ ແຈງ  
 ລາລີ້ ເຈີ່ ປາຍ ເກົາ ແຕ້ອ້ ແຕ ໄມ່, ກະ ໄລ່ ຊາອຳ  
 ເຈີ່ ປາຍ ໄມ່ ກາ ແປຣີ ໂອນ ເກົາ ແຕ້ອ້ ປີ ໄມ່.

9 "ເກົາ ເກົາແຊອ໌ ໂອນ ໄລ່ ກັອຍ; ຊານໍ່ ເກົາ ຕາ  
 ເບີນ ເກົາແຊອ໌ ໂອນ ກວາຍ ຕັ້ງ ແດີຍ ໄມ່, ມາ ເກົາ  
 ເກົາແຊອ໌ ໂອນ ໄລ່ ກາ ໄມ່ ມ່ອບ ໂອນ ເກົາ, ຍ່ອນ  
 ໄລ່ ກັອຍ ລາ ກວາຍ ໄມ່. 10 ອິນແຍ່ະ ມັຣ ມູ່ນ ເກົາ  
 ລາ ມູ່ນ ໄມ່ ເຕ່, ກະ ອິນແຍ່ະ ມັຣ ມູ່ນ ໄມ່ ລາ ມູ່ນ  
 ເກົາ ເຕ່. ກວາຍ ການໍ່ອ໌ ເບີນ ຍ່ອງ ອຳນາດ ອາງ  
 ອີຣ ເກົາ ຍ່ອນ ແຕ ໄລ່ ກັອຍ ຕາປູ່ນ ເກົາ. 11 ເກົາ  
 ຕາ ເບີນ ແອັດ ນ້ອງ ຕັ້ງ ກູແຕອ໌ ໄມ່. ມາ ໄລ່ ກັອຍ  
 ອິນນ້ອງ ແອັດ ຕັ້ງ ກູແຕອ໌ ໄມ່. ກະ ເກົາ ອີ ເຈົາ  
 ລັຣ ປີ ໄມ່. ອິມບໍ່ ເອີຍ, ໄມ່ ລາ ແອີ ໂລ່ຍຣ! ເກົາ  
 ແຊອ໌ ໄມ່ ກຍາອ໌ ປາຊີ ໄລ່ ຍ່ອນ ອຳນາດ ແຕ ຣາມິ  
 ຣ ໄມ່. ຣາມິຣ ໄມ່ ລາ ຣາມິຣ ໄມ່ ໂອນ ປີ ເກົາ ເຈີ່.  
 ນະກັອຍ ໄລ່ ເຕ່ອ໌ ແອັດ ມູ ຣາງິຣ, ມູເຈິງ ໄລ່ ເຕ່.

12 ບ້ອງ ເກົາ ອິນນ້ອງ ແອັດ ກະ ໄລ່, ເກົາ ກຍາອ໌  
 ປາຊີ ໄລ່ ຍ່ອນ ອຳນາດ ແຕ ຣາມິຣ ໄມ່, ລາ ຣາມິ  
 ຣ ກາ ໄມ່ ໂອນ ປີ ເກົາ. ເກົາ ກຍາອ໌ ໄລ່, ມາ ປິດ  
 ແອັງ ມານະ ຊ້ອງ. ກວາຍ ການໍ່ອ໌ ຕາ ເບີນ ອາແລ  
 ະ ປິດ. ອັນ ກາ ປິດ ໄມ່ ລາ ອັນ ກາ ເນົາ ນັດ ດໍອ໌  
 ອັງເຄາະ ເປາະ ປີ ປຣຸ່ງ ອູຍຣ ໂອນ ຣາປຍາຍ໌ ກະ  
 ປັຣນາຍ ເຢັງ ເຈົາຣາຊີ ອາຕີ ແຕ ອິມແບີ.

13 "ຊານໍ່ ເກົາ ເຈົາ ປີ ໄມ່. ມາ ເກົາ ອາຕີ ອິນແຍ່ະ  
 ຣາມິຣ ໄມ່ ບ້ອງ ກາ ເກົາ ອິນນ້ອງ ແອັດ ຕັ້ງ ແດີຍ  
 ໄມ່, ໂອນ ມັຣ ກວາຍ ເບີນ ແອັງ ຣາງິຣ ຣໍອ໌ ຊ້ອງ.

14 ເກົາ ອາຕີ ເຈີ່ ປັຣນາຍ ໄມ່ ໂອນ ໄລ່. ນະກັອຍ  
 ກວາຍ ຕັ້ງ ແດີຍ ໄມ່ ຊາອັຣ ໄລ່, ຍ່ອນ ໄລ່ ຕາ ເບີ  
 ນ ຕາປູ່ນ ຣານະ ຕັ້ງ ແດີຍ ໄມ່, ມູເຈິງ ເກົາ ຕາ ເບີ  
 ນ ຕາປູ່ນ ຣານະ ຕັ້ງ ແດີຍ ໄມ່ ເຕ່. 15 ເກົາ ຕາ ເບີ  
 ນ ແຊອ໌ ໂອນ ໄມ່ ເດີງ ໄລ່ ລ້ອຣ ແຕ ແດີຍ ໄມ່,  
 ມາ ເກົາ ແຊອ໌ ໂອນ ໄມ່ ກຍາອ໌ ປາຊີ ໄລ່ ໂອນ ໄລ່  
 ແວັດ ແຕ ອາຕີ ເຢັງ ຊາຕານ. 16 ໄລ່ ກັອຍ ຕາ  
 ເບີນ ຕາປູ່ນ ຣານະ ຕັ້ງ ແດີຍ ໄມ່ ມູເຈິງ ເກົາ ຕາ  
 ເບີນ ຕາປູ່ນ ຣານະ ຕັ້ງ ແດີຍ ໄມ່ ເຕ່. 17 ປັຣນາຍ  
 ໄມ່ ລາ ປັຣນາຍ ປຍາຍ໌ ລາລີ້. ເກົາ ແຊອ໌ ໄມ່ ກາ  
 ຢັຣ ໄລ່ ແຕ ກວາຍ ຕັ້ງ ແດີຍ ໄມ່ ຍ່ອນ ປັຣນາຍ  
 ປຍາຍ໌ ແຕ ໄມ່. 18 ນະ ໄມ່ ແປຣີ ເກົາ ແຕ້ອ້ ປີ  
 ກວາຍ ຕັ້ງ ແດີຍ ໄມ່, ມູເຈິງ ກັອຍ ເຕ່ ເກົາ ແປຣີ  
 ໄລ່ ກາ ຕາປູ່ນ ເກົາ ເປາະ ປີ ກວາຍ ຕັ້ງ ແດີຍ ໄມ່.  
 19 ຍ່ອນ ແຕ ປັຣນາຍ ປຍາຍ໌ ໄມ່, ເກົາ ກາຍັຣ ເບີ  
 ມ ແຕ ມັຣ ຣານະ ຕັ້ງ ແດີຍ ໄມ່. ເກົາ ຕະ ນະກັອຍ  
 ໂອນ ໄລ່ ກາ ຕາປູ່ນ ເກົາ ເຕ່ອ໌ ກາຍັຣ ແຕ ມັຣ ຣາ  
 ນະ ຕັ້ງ ແດີຍ ໄມ່, ກະ ເບີນ ມູ ຣາງິຣ ກະ ໄມ່ ມູເຈິງ  
 ເກົາ ເຕ່."

ເຢຊູ ເກົາແຊອ໌ ໂອນ ອິນແຍ່ະ ມັຣ ມູ່ ກາ ຊາ  
 ອຳ

20 "ເກົາ ຕາ ເບີນ ເກົາແຊອ໌ ໂອນ ແອັງ ໄລ່ ໄມ່  
 ຊ້ອງ. ມາ ເກົາ ເກົາແຊອ໌ ໂອນ ອິນແຍ່ະ ມັຣ ກວາຍ  
 ກາ ຊາອຳ ເກົາ ຍ່ອນ ປັຣນາຍ ໄລ່ ໄມ່ ອາຕີ. 21 ເກົາ  
 ແຊອ໌ ໂອນ ອິນແຍ່ະ ນະ ໄລ່ ແອັດ ມູ ຣາງິຣ ຊ້ອງ,  
 ມູເຈິງ ໄມ່ ແອັດ ມູ ຣາງິຣ ກະ ເກົາ, ກະ ເກົາ ແອັດ  
 ມູ ຣາງິຣ ກະ ໄມ່. ກະ ເກົາ ແຊອ໌ ໂອນ ໄລ່ ແອັດ  
 ມູ ຣາງິຣ ກະ ໄລ່ ເຕ່. ນະກັອຍ ກວາຍ ການໍ່ອ໌ ຕັ້ງ  
 ແດີຍ ໄມ່ ເຕ່ອ໌ ຊາອຳ ປາຍ ໄມ່ ແປຣີ ເກົາ ແຕ້ອ້.  
 22 ເກົາ ໂອນ ໄລ່ ກັອຍ ເບີນ ອຳນາດ ອາງອີຣ ມູ  
 ເຈິງ ໄມ່ ໂອນ ເກົາ ເບີນ ເຈີ່, ໂອນ ໄລ່ ເຕ່ອ໌ ແອັດ  
 ມູ ຣາງິຣ ມູເຈິງ ໄລ່ ເຕ່. 23 ເກົາ ແອັດ ມູ ຣາງິຣ

ກະ ໄລ່, ກະ ໄມ່ ແອັດ ມູ ຮາງື່ຮ ກະ ເກົາ. ນະກ້ອຍ ໂອນ ອິນແຍ່ະ ມັຮ ໄລ່ ແກັດ ມູ ຮາງື່ຮ ຊ້ອງ, ໂອນ ກວາຍ ຕຶງ ແດ້ຍ ໄມ່ ດັງ ປາຍ ໄມ່ ແປຣີ ເກົາ ແຕ້ອ ປີ ໄມ່, ກະ ໂອນ ໄລ່ ກ້ອຍ ດັງ ປາຍ ໄມ່ ອາໂຢະ ໄລ່ ມູເຈິງ ໄມ່ ອາໂຢະ ເກົາ ແຕ່.

24 "ອິມປໍ່ ເອີຍ! ມັຮ ໄລ່ ກາ ໄມ່ ມ່ອບ ໂອນ ເກົາ ເຈີ່, ອິນຕຸ ແລ່ະ ເກົາ ແອັດ, ເກົາ ຍໍ້ອ ໄລ່ ກ້ອຍ ແອັດ ອິນຕຸ ກ້ອຍ ແຕ່. ນະກ້ອຍ ໄລ່ ແຕ້ອ ເຮີມ ອຳນາດ ອາງອີ່ຮ ແຕ ເກົາ, ລາ ອຳນາດ ໄມ່ ໂອນ ເກົາ ເບີນ ຍ່ອນ ໄມ່ ອາໂຢະ ເກົາ ແຕ ໄມ່ ຕາ ຍວາຮ ແຕງ ມັນລ້ອງ ກູແຕ້ອ ໄມ່. 25 ອິມປໍ່ ເອີຍ! ໄມ່ ລາ ຕາມ້ອງ ອໍ. ມັຮ ກວາຍ ຕຶງ ແດ້ຍ ໄມ່ ໄລ່ ຕາ ເບີນ ດັງ ໄມ່. ມາ ເກົາ ດັງ ໄມ່, ກະ ໄລ່ ກາ ຕາປຸ່ນ ເກົາ ດັງ ປາຍ ໄມ່ ແປຣີ ເກົາ ແຕ້ອ. 26 ເກົາ ອາຕີ ໄລ່ ໂອນ ໄລ່ ດັງ ແຕ່ ໄມ່. ກະ ແຕ ໄມ່ ເຈີ່ ປີ ເມັງ, ເກົາ ອາຕີ ແອັມ ຮານະ ໄມ່ ໂອນ ໄມ່ ແຕ້ອ ອາໂຢະ ໄລ່ ກ້ອຍ ມູເຈິງ ໄມ່ ອາໂຢະ ເກົາ ແຕ່, ກະ ໂອນ ເກົາ ແຕ້ອ ແອັດ ມູ ຮາງື່ຮ ເລືອຍໆ ກະ ໄລ່."

### 18

ເມົາ ໂກບ ເຢຊູ

(ມັດທາຍ 26:47-56; ມາຣະໂກ 14:43-50; ລູກາ 22:47-53)

1 ແວັດ ເຢຊູ ເກົາແຊອໍ ນະກ້ອຍ, ເຈີ່ ອັນ ກະ ມູ່ ກາ ຮຍານ ແຕ ອັນ ລ້ອຮ ແຕ ອິນຕຸ ກ້ອຍ. ເຈີ່ ໄລ່ ໄກ້ອ ຍໍ້ຮ ອິນຕໍ່ຮ ແດ້ອ ຕູມ ກິດໂຣນ. ອິນຕຸ ກ້ອຍ ເບີນ ຊວນ ອາໂປນ. ເຈີ່ ເຢຊູ ກະ ມູ່ ກາ ຮຍານ ແຕ ອັນ ມຸ່ດ ຕຶງ ຊວນ ກ້ອຍ. 2 ຢູດາ, ອັນ ກາ ອີ ຈີ ເຢຊູ, ອັນ ດັງ ແຕ່ ອິນຕຸ ກ້ອຍ, ຍ່ອນ ເຢຊູ ເກີ້ຍ ໂຮ່ມ ອິນຕຸ ກ້ອຍ ກະ ມູ່ ກາ ຮຍານ ແຕ ອັນ. 3 ນະກ້ອຍ ຢູດາ ອາໂຢ່ງ ມວຍ ຈຸ່ມ ຕາຮານ, ກະ ແລງ ແຕ ມັຮ ກວາຍ ຊົດ ມູ່ ກາ ຊາງ ຮິ່ດ ເຢັງ ເຈົາຮາຊີ ກະ ກວາຍ ພາຣີຊາຍ ແຮີ, ເດິງ ໄລ່ ເປາະ ປີ ຊວນ ກ້ອຍ. ໄລ່ ກ້ອຍ ຕາແຢອ້ ເກຣິ່ງ ປູາ, ຕາກຍາງ, ກະ ອາຣຳ. 4 ເຢຊູ ດັງ ເຈີ່ ມັຮ ຮາມິ່ຮ ກາ ອີ ແຕ້ອ ປີ ອັນ. ນະກ້ອຍ ອັນ ລ້ອຮ ຕາແບັບ ໄລ່ ກ້ອຍ: "ເມົາ ເຍົາ ຈໍ້ອ ໄມ່?"

5 ໄລ່ ຕາແອີຍ: "ຮີ ຈໍ້ອ ເຢຊູ, ອັນ ກາ ແຕ ວິລ ນາຊາເຣັດ."

ເຢຊູ ຕາແອີຍ ລັຮ ປາຍ: "ເກົາ ໄມ່ ແຕ້ ລາ ອັນ."

ຢູດາ, ອັນ ກາ ມ່ອບ ເຢຊູ, ອັນ ຕາຢິ່ງ ມັນຕຸ ກະ ໄລ່ ກ້ອຍ ແຕ່. 6 ພໍກາ ເຢຊູ ຕາແອີຍ: "ເກົາ ໄມ່ ແຕ້ ລາ ອັນ," ນະກ້ອຍ ໄລ່ ກ້ອຍ ຕາລຸ່ຮ ປູ ພຣາອໍ; ເຈີ່ ຮາລຍາກ ໄລ່ ແດິມ ເລີ້ຍ ຕຶງ ກູແຕ້ອ. 7 ເຈີ່ ເຢຊູ ຕາແບັບ ລັຮ ໄລ່ ປາຍ: "ເມົາ ເຍົາ ຈໍ້ອ ໄມ່?"

ໄລ່ ຕາແອີຍ ລັຮ ປາຍ: "ຮີ ຈໍ້ອ ເຢຊູ, ອັນ ກາ ແຕ ວິລ ນາຊາເຣັດ."

8 ເຢຊູ ຕາແອີຍ ລັຮ ໄລ່ ປາຍ: "ເກົາ ອາຕີ ເຍົາ ເຈີ່, ເກົາ ໄມ່ ແຕ້ ລາ ອັນ. ຄັນ ເຍົາ ຈໍ້ອ ເກົາ, ເຍົາ ໂອນ ມູ່ ກາ ຮຍານ ແຕ ເກົາ ເປາະ ເວ້າຍ."

9 ເຢຊູ ປາຍ ນະກ້ອຍ ໂອນ ຮາປຍາຍ ກະ ປັຮ ນາຍ ອັນ ປາຍ ແຕ ອິນໂຍ່ງ ເຈີ່. ແຕ ອິນໂຍ່ງ ອັນ ປາຍ: "ອິມປໍ່ ເອີຍ! ເກົາ ຕາ ເບີນ ໂອນ ປິ່ດ ອາ ແລ່ະ ແຕ ໄລ່ ກາ ໄມ່ ມ່ອບ ໂອນ ເກົາ."

10 ຊີໂມນ ເປໂຕ ເບີນ ມວຍ ປູາ ດາວ. ອັນ ທອດ ດາວ ແຕ ຊອຣ; ເຈີ່ ກັຮໂປຣ ຊູລ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢັງ ເຈົາຮາຊີ, ຕາ ອັອຮ ກູຕູຮ ຍໍ້ຮ ອາຕໍ່າ. ຮາມິ່ຮ ກວາຍ ຊູລ ກ້ອຍ ລາ ມາລະໂຄ. 11 ເຢຊູ ແປຣີ ເປໂຕ ປາຍ: "ໄມ່ ໂຈະ ລັຮ ດາວ ໄມ່ ຕຶງ ຊອຣ! ໄກຣ ລາລີ່ ເກົາ ອິງເຄາະ ຈ່ອຍ ແຕ ຈອກ ກາ ອິມປໍ່ ເກົາ ໂອນ ເກົາ ຈ່ອຍ."\*

ເຢຊູ ແອັດ ຍໍ້ຮ ເມັງ ອັນນາ

(ມັດທາຍ 26:57; ມາຣະໂກ 14:53-54; ລູກາ 22:54)

12 ປ້ອງ ກາ ກ້ອຍ ມູ່ ຕາຮານ ກະ ອັນ ກາ ຊົດ ໄລ່, ກະ ມັຮ ກາ ແລງ ກວາຍ ຊົດ ແຕ ຈຸ່ມ ອິດ ຊະຮາເອລ, ອິນແຍ່ະ ໄລ່ ກ້ອຍ ໂກບ ເຢຊູ; ເຈີ່ ໄລ່ ຊົດ ອັນ. 13 ໄລ່ ເດິງ ເຢຊູ ແຕ້ອ ປີ ອັນນາ, ກູ ຢາກູນ ກາຢະພາ. ຕຶງ ກູມໍ່ ກ້ອຍ ກາຢະພາ ຕາລາ ອິນແຍ່ະ ແຕ ຮິ່ດ ຊາງ ເຢັງ ເຈົາຮາຊີ. 14 ກາຢະ ພາ ໄມ່ ລາ ມານະ ກາ ອາຕີ ຈຸ່ມ ອິດຊະຮາເອລ ແຕ ອິນໂຍ່ງ ປາຍ: "ຄາອໍ ໄຮ ໂອນ ມານະ ໄມ່ ຊ້ອງ ກູ ຈິດ ແຕ ອິນແຍ່ະ ກວາຍ ໄຮ ກູຈິດ."

ເປໂຕ ກາແລີຍຮ ເຢຊູ

(ມັດທາຍ 26:69-70; ມາຣະໂກ 14:66-68; ລູກາ 22:55-57)

15 ຊີໂມນ ເປໂຕ ກະ ມານະ ມູ່ ກາ ຮຍານ ແຕ ເຢຊູ,† ໄລ່ ບາຣ ນະ ປວາຍ ຕາປຸ່ນ ກຣັອງ ເຢຊູ. ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢັງ ເຈົາຮາ

\* 18:11 18:11 ພໍກາ ອັນ ປາຍ "ຈ່ອຍ ແຕ ຈອກ," ເຢຊູ ຊາກໍາ ອິງເຄາະ ອັນ ຈິວ ຮານະ ຕຸຮ ກັດ ມັຮ ອິມປໍ່ ໂອນ ອັນ ຈິວ.

† 18:15 18:15 ເບີນ ຊາອິ້ຍ ນະ ກວາຍ ກາ ຄິ່ດ ປາຍ ມານະ ມູ່ ກາ ຮຍານ ແຕ ເຢຊູ ໄມ່ ລາ ໂຢຮັນ.



ຊີ, ອັນ ຊາກັລ ມານະ ກ້ອຍ. ນະກ້ອຍ ອັນ ໂອນ ມານະ ກາ ຮຍານ ກ້ອຍ ມູ່ດ ມັນຕຸ ກະ ເຢຊູ ຕຶ້ງ ຊົງອາຣ ອິມແປຣ ດຸງ ອັນ ເຕ່. 16 ມາ ເປໂຕ ແອິດ ຍິ່ຣ ນໍ້ອ ງັຣ ຕຶ້ງ. ນະກ້ອຍ ມານະ ກ້ອຍ ລົບ ລັຣ ປໍ ງັຣ ຕຶ້ງ, ກະ ອັນ ແຊອ ແຕ ມັນແຊມ ກາ ກຍາອ ງັຣ ຕຶ້ງ ໂອນ ເປໂຕ ມູ່ດ ເຕ່. 17 ມັນແຊມ ກາ ກຍາອ ກູຕຶ້ງ ກ້ອຍ ຕາແບິບ ເປໂຕ: "ໄມ່ ລາ ມູ່ ກາ ຮຍານ ແຕ ກວາຍ ກ້ອຍ ບໍ່?"

ເປໂຕ ຕາແອິຍ: "ເກົາ ຕາ ເບິນ ແຕ ມູ່ ກ້ອຍ."

18 ມັຣ ກວາຍ ຕະ ຮານະ ກະ ກວາຍ ຕາຮານ ແອິດ ອິນຕຸ ກ້ອຍ, ໄລ່ ຊ້ອງ ຊາແງດ. ນະກ້ອຍ ໄລ່ ຍຸ ອູ່ຍຣ; ເຈີ່ ໄລ່ ອົງແຮງ. ເປໂຕ ຕາຍິ່ງ ອົງ ແຮງ ອູ່ຍຣ ກະ ໄລ່ ກ້ອຍ ເຕ່.

ອັນ ກາ ຕາລາ ຮິດ ຊາງ ຕາແບິບ ເຢຊູ  
(ມັດທາຍ 26:59-66; ມາຣະໂກ 14:55-64; ລູກາ 22:66-71)

19 ອັນ ກາ ຕາລາ ອິນແຍ່ະ ແຕ ຮິດ ຊາງ ເຢິງ ເຈົາຣາຊີ ຕາແບິບ ເຢຊູ ແຕ ມູ່ ກາ ຮຍານ ແຕ ອັນ, ກະ ແຕ ປັຣນາຍ ອັນ ອາຕີ. 20 ເຢຊູ ຕາແອິຍ ປາຍ: "ເກົາ ອາຕີ ແງ ເຈີ່ ໂອນ ອິນແຍ່ະ ມັຣ ກວາຍ ດັງ. ເກົາ ອາຕີ ເລືອຍໆ ຕຶ້ງ ດຸງ ຊາງ ແກດ ກະ ຕຶ້ງ ດຸງ ຊາງ ປິດ ປິ ອິນຕຸ ອິນແຍ່ະ ມັຣ ກວາຍ ອິດ ຊະຣາເອລ ໂຣມ. ເກົາ ຕາ ເບິນ ປາໂຕ່ະ ມູ ຣາມິ່ຣ ອິນເຕົ້າ ມັຣ ປັຣນາຍ ເກົາ ອາຕີ. 21 ນະກ້ອຍ ນາງ ນະ ແຕ ເຍົາ ຕາແບິບ ເກົາ? ຄາອໍ ເຍົາ ຕາແບິບ ໄລ່ ກາ ຊ້ອງ ປັຣນາຍ ເກົາ ອາຕີ. ໄລ່ ດັງ ອິນແຍ່ະ ມັຣ ກາ ເກົາ ປາຍ."

22 ແວັດ ເຢຊູ ປາຍ ນະກ້ອຍ, ເບິນ ແລງ ກວາຍ ຊົດ ກ້ອຍ ຕັຣ ເຢຊູ ກະ ປາຍ: "ອິນເຕົ້າ ໄມ່ ປາຍ ຕະ ນະກ້ອຍ ຍິ່ຣ ເມັງ ອັນ ກາ ຕາລາ ອິນ ແຍ່ະ ແຕ ຮິດ ຊາງ ເຢິງ ເຈົາຣາຊີ?"

23 ເຢຊູ ຕາແອິຍ ອັນ ກ້ອຍ ປາຍ: "ຄັນ ເກົາ ປາຍ ຕາ ປຍາຍ, ອໍ ໄມ່ ອາຕີ ເກົາ. ມາ ຄັນ ເກົາ ປາຍ ປຍາຍ, ນານະ ແຕ ໄມ່ ຕັຣ ເກົາ?"

24 ແວັດ ກ້ອຍ ອັນນາ ແປຣີ ເມົາ ເດິງ ເຢຊູ ມຸ່ອບ ປິ ກາຢະພາ, ອັນ ກາ ຕາລາ ອິນແຍ່ະ ແຕ ຮິດ ຊາງ ເຢິງ ເຈົາຣາຊີ. ມາ ເຢຊູ, ອິນນ້ອງ ໄລ່ ຊົດ ດິອໍ ອັນ.

ເປໂຕ ອາຕີ ລັຣ ອັນ ຕາ ດັງ ເຢຊູ  
(ມັດທາຍ 26:71-75; ມາຣະໂກ 14:69-72; ລູກາ 22:58-62)

25 ເປໂຕ ອິນນ້ອງ ຕາຍິ່ງ ອົງແຮງ ອູ່ຍຣ. ກວາຍ ການໍ້ອ ກ້ອຍ ຕາແບິບ ເປໂຕ: "ໄມ່ ລາ ມູ່ ກາ ຮຍານ ແຕ ອັນ ກ້ອຍ ບໍ່?"

ເປໂຕ ກາແລ້ຍຣ ເຢຊູ, ປາຍ: "ເກົາ ຕາ ແກິນ ແຕ ມູ່ ກ້ອຍ."

26 ເບິນ ມານະ ກວາຍ ຊູລ ອັນ ກາ ຕາລາ ອິນ ແຍ່ະ ແຕ ຮິດ ຊາງ ເຢິງ ເຈົາຣາຊີ ແອິດ ອິນຕຸ ກ້ອຍ ເຕ່. ກວາຍ ຊູລ ກ້ອຍ ລາ ແຊມອາຍ ກະ ກວາຍ ກາ ເປໂຕ ກັຣໄປຣ ກູຕູຣ. ກວາຍ ຊູລ ກ້ອຍ ຕາແບິບ ເປໂຕ ປາຍ: "ປຍາຍ ມາ ຕາ ເບິນ, ເກົາ ເຮິມ ໄມ່ ແອິດ ຕຶ້ງ ຊວນ ກະ ອັນ ກ້ອຍ?"

27 ມາ ເປໂຕ ກາແລ້ຍຣ ຊາ ເຢຊູ. ບັອງ ກາ ກ້ອຍ ແຕ່ ອິນຕຣວຍ ຕາກາຣ.

ເຢຊູ ແອິດ ຍິ່ຣ ເມັງ ປີລາດ  
(ມັດທາຍ 27:1-2, 11-14; ມາຣະໂກ 15:1-5; ລູກາ 23:1-5)

28 ແວັດ ກ້ອຍ, ແຕ ປຶ້ ຕາຮິບ ກ້ອຍ, ໄລ່ ເດິງ ເຢຊູ ແຕ ດຸງ ກາຢະພາ ເປະ ປິ ອິນຕຸ ເມົາ ຕັດຊິນ ກວາຍ. ມາ ກວາຍ ອິດຊະຣາເອລ ຕາ ແອອໍ ອິ ມູ່ດ ຕຶ້ງ ອິນຕຸ ເມົາ ຕັດຊິນ, ຍ່ອນ ໄລ່ ຕັນ ຄັນ ໄລ່ ມູ່ດ ຕຶ້ງ ກ້ອຍ ແຕ ອິນໂຍ່ງ ໄລ່ ຕາ ຢວາຣ ຈາ ຊາແຍິ ຕາໄງ ອາກູຣ.† 29 ຍ່ອນ ຈຸ່ມ ອິດຊະຣາ ເອລ ຕາ ແອອໍ ອິ ມູ່ດ ອິນຕຸ ເມົາ ຕັດຊິນ ກ້ອຍ, ນະກ້ອຍ ປີລາດ, ອັນ ກາ ແກິດ ຊົດ, ລ້ອຣ ບໍ ໄລ່. ອັນ ຕາແບິບ ໄລ່ ກ້ອຍ ປາຍ: "ຍ່ອນ ຮານະ ອິນ ເຕົ້າ ແຕ ເຍົາ ປ່ອງ ອັນ ໄມ່?"

30 ໄລ່ ຕາແອິຍ ປາຍ: "ຄັນ ອັນ ໄມ່ ຕາ ເບິນ ກູເກາະ ອິນເຕົ້າ, ຮິ ຕາ ເບິນ ເດິງ ອັນ ແຕ່ອໍ ປິ ອາ ຈວາຍຣ."

31 ປີລາດ ອາຕີ ລັຣ ໄລ່ ປາຍ: "ອົງເຄາະ ເຍົາ ເດິງ ລັຣ ອັນ; ເຈີ່ ເຍົາ ຕັດຊິນ ອັນ ຕາປູນ ຮິດ ເຍົາ ເບິມ."

ມາ ກວາຍ ອິດຊະຣາເອລ ກ້ອຍ ຕາແອິຍ ປາຍ: "ຮິ ເມົາ ຕາ ໂອນ ກາຈິດ ກວາຍ."

32 ນະກ້ອຍ ແກິດ ຮາປຍາຍ ກະ ປັຣນາຍ ເຢຊູ ອາຕີ ແຕ ອິນໂຍ່ງ ເຈີ່. ອັນ ອາຕີ ແຕ ຮານາ ອັນ ອົງເຄາະ ຈິວ ກູຈິດ.

33 ແວັດ ກ້ອຍ ປີລາດ ມູ່ດ ລັຣ ປິ ດຸງ, ກະ ອັນ ກູອໍ ເຢຊູ. ອັນ ຕາແບິບ ເຢຊູ ປາຍ: "ໄມ່ ລາ ເຕົ້າວ ປັຣເຍົາ ຈຸ່ມ ອິດຊະຣາເອລ ແມ່ນ ບໍ່?"

34 ເຈີ່ ເຢຊູ ຕາແບິບ ລັຣ ອັນ ປາຍ: "ຮານະ ໄມ່ ໄມ່ ອິນຈຸງ ອິ ປາຍ, ແຕ່ລາ ກວາຍ ການໍ້ອ ອາ ຕີ ໂອນ ໄມ່ ດັງ ແຕ ເກົາ?"

† 18:28 18:28 ຕາໄງ ກ້ອຍ ໄລ່ ຊາແຍິ ຕາໄງ ເຢິງ ເຈົາຣາຊີ ຈ່ອຍ ໂອນ ໄລ່ ລ້ອຣ ແຕ ກຣວງ ເອຍິບ ແຕ ອິມເບີ.

35 ປີລາດ ຕາແອີຍ ລັຮ ປາຍ: "ເກົາ ຕາ ເບີນ ດັງ! ເກົາ ລາ ຕາ ແກ້ນ ກວາຍ ອິດຊະຮາເອລ. ກວາຍ ໄມ່ ກະ ກວາຍ ຊົດ ກາ ຊາງ ຮິດ ຕິ່ງ ກຮ ວາງ ໄມ່, ໄລ່ ກ້ອຍ ເດິງ ໄມ່ ແຕ້ອ ປິ ເກົາ. ອິນເຕົ້າ ໄມ່ ຕະ ໂລ່ຍຮ?"

36 ເຢຊູ ຕາແອີຍ ລັຮ ປາຍ: "ເກົາ ຕະ ຊົດ ລາ ຕາ ແກ້ນ ຕິ່ງ ແດິຍ ໄມ່. ຄັນ ເກົາ ຕະ ຊົດ ຕິ່ງ ແດິຍ ໄມ່, ກອນແຊມ ເກົາ ຮາຊູ່ ແຕ່ ກະ ມັຮ ກວາ ຍ ຊົດ ອິດຊະຮາເອລ ໂອນ ໄລ່ ຕາ ແຕ້ອ ເບີນ ໂກບ ເກົາ. ມາ ອຳນາດ ເກົາ ເບີນ ຊານຸ່ ລາ ຕາ ແກ້ນ ຕິ່ງ ແດິຍ ໄມ່."

37 ປີລາດ ຕາແອີຍ ລັຮ: "ນະກ້ອຍ ໄມ່ ລາ ເຕົ້າ ປັຮເຍົາ ບໍ?"

ເຢຊູ ຕາແອີຍ ປາຍ: "ປຍາຍ໌ ນະ ໄມ່ ປາຍ, ເກົາ ລາ ເຕົ້າ ປັຮເຍົາ. ເກົາ ແກ້ດ ກວາຍ ຕິ່ງ ແດິຍ ໄມ່ ລາ ອິ ອາຕີ ແຕ ຮານະ ປຍາຍ໌. ກວາຍ ອາແລະ ກາ ເບີນ ມູ ຮາງິຮ ກະ ຮານະ ປຍາຍ໌, ກວາຍ ກ້ອຍ ຊາ ງັດ ປັຮນາຍ ເກົາ."

38 ປີລາດ ຕາແອີຍ ລັຮ: "ອິນເຕົ້າ ຮານະ ປ ຍາຍ໌ ກ້ອຍ?"

ເມົ້າ ຮຽຮ ເຢຊູ ຈິວ ກູຈິດ

(ມັດທາຍ 27:15-31; ມາຣະໂກ 15:6-20; ລູກາ 23:13-25)

ແວັດ ປີລາດ ປາຍ ນະກ້ອຍ, ອັນ ລ້ອຮ ແຕ ດຸງ ເປະ ລັຮ ປິ ກວາຍ ອິດຊະຮາເອລ. ອັນ ອາຕີ ໄລ່ ປາຍ: "ເກົາ ຕາ ເບີນ ຮາມັຮ ມວຍ ຮາມິຮ ໂລ່ຍຮ ອິນເຕົ້າ ແຕ ອັນ. 39 ມາ ແຕ້ອ ຕາໂງ ເຍົາ ຈາ ຊາ ແຍີ ກ້ອຍ, ເຍົາ ເບີນ ຮິດ ຮຽຮ ມານະ ກວາຍ ເມົ້າ ໂກບ ດໍອ໌ ຕິ່ງ ກໍອ໌ ໂອນ ເກົາ ອາໂຣຍຮ. ນະກ້ອຍ ເຍົາ ໂອນ ເກົາ ອາໂຣຍຮ ເຕົ້າ ປັຮເຍົາ ຈຸມ ອິດຊະ ຮາເອລ ບໍ?"

40 ໄລ່ ຮັບ ແບອ໌ ປີລາດ ແຮ່ງ ລາລີ້: "ອິນໂຈຍ ອາໂຣຍຮ ອັນ! ອາໂຣຍຮ ບາຮາບາ!"

ບາຮາບາ ໄມ່ ລາ ມານະ ແຕ ມູ່ ກາ ຕຳໂປຣ ອິ ຕະ ຊົດ.

### 19

ປີລາດ ມ່ອບ ລັຮ ເຢຊູ ປິ ອາຕີ ກວາຍ ອິດ ຊະຮາເອລ

1 ແວັດ ກ້ອຍ ປີລາດ ກູອ໌ ລັຮ ເຢຊູ, ເຈີ່ ອັນ ແປຣີ ໂອນ ເມົ້າ ໄປຣັຮ ເຢຊູ. 2 ກວາຍ ຕາຮານ ຕະ ກຸນຕຣວາອ໌ ຊັຮເລົາ ອາປິ່ງ ຕິ່ງ ແປຣີ ເຢຊູ. ກະ ໄລ່ ອາແຊັບ ເຢຊູ ອາຍັອຮ ຕີ່ ຊີ່ ອາອູຍ. 3 ເຈີ່ ໄລ່ ແຕ້ອ໌ ແຈ່ະ ເຢຊູ ປາຍ ອັນ ນະໄມ່: "ກູກູຮ ເມົ້າ

ຊາຊາຍ ເຕົ້າວ ປັຮເຍົາ ອິດຊະຮາເອລ!" ກະ ໄລ່ ຕັຮ ມາມ ອັນ ແຮີ.

4 ປີລາດ ລັອຮ ລັຮ ຊາ ປິ ກວາຍ ອິດຊະຮາ ເອລ, ກະ ອັນ ອາຕີ ໄລ່ ປາຍ: "ແມ່ ໄມ່! ເກົາ ເດິງ ອາລັອຮ ອັນ ໄມ່ ແຕ້ອ໌ ປິ ເຍົາ, ໂອນ ເຍົາ ດັງ ປາຍ ເກົາ ຕາ ເບີນ ຮາມັຮ ມວຍ ຮາມິຮ ໂລ່ຍຮ ອິນເຕົ້າ ແຕ ອັນ."

5 ພໍກາ ເຢຊູ ລັອຮ, ອັນ ອິນນ້ອງ ຕາປິ່ງ ກຸນ ຕຣວາອ໌ ຊັຮເລົາ, ກະ ແຊັບ ອາຍັອຮ ຕີ່ ຊີ່ ອາອູຍ. ປີລາດ ອາຕີ ໂຈະ ກວາຍ ກິ່ງ ກ້ອຍ ປາຍ: "ເຍົາ ແມ່ ກວາຍ ໄມ່!"

6 ພໍກາ ມັຮ ກວາຍ ຊົດ ມູ່ ກາ ຊາງ ຮິດ ເຢິງ ເຈົ້າຮາຊີ, ກະ ມັຮ ກາ ແລງ ແຕ ດຸງ ຊາງ ປິດ ເຮີມ ເຢຊູ, ອິນແຍ່ະ ມັຮ ໄລ່ ປາຍ ແຮ່ງ ລາລີ້: "ແຕ້ຮ ອັນ ຕິ່ງ ອາລ່ອງ ຊັງກັງ! ແຕ້ຮ ອັນ ຕິ່ງ ອາລ່ອງ ຊັງກັງ!"

ມາ ປີລາດ ປາຍ ໂຈະ ໄລ່: "ເອົາ ເຍົາ ເດິງ ແຕ້ຮ ອັນ ຕິ່ງ ອາລ່ອງ ຊັງກັງ! ມາ ເກົາ ຕາ ເບີນ ຮາມັຮ ມວຍ ຮາມິຮ ໂລ່ຍຮ ອິນເຕົ້າ ແຕ ອັນ!"

7 ມັຮ ກວາຍ ຊົດ ອິດຊະຮາເອລ ກ້ອຍ ຕາ ແອີຍ ລັຮ ປາຍ: "ຕາປຸ່ນ ຄານອດ ຮິ, ອັນ ກ້ອຍ ອິງເຄາະ ກູຈິດ, ຢ່ອນ ອັນ ປາຍ ອັນ ລາ ກອນ ເຢິງ ເຈົ້າຮາຊີ."

8 ພໍກາ ປີລາດ ຊັອງ ປັຮນາຍ ກ້ອຍ, ຮາງິຮ ອັນ ທາຣາະ ລາລີ້. 9 ອັນ ມູ່ດ ລັຮ ຕິ່ງ ດຸງ ຕັດຊີ່ ນ ກ້ອຍ, ເຈີ່ ອັນ ຕາແອີຍ ເຢຊູ ປາຍ: "ແຕ ແລະ ໄມ່ ແຕ້ອ໌?"

ມາ ເຢຊູ ຕາ ເບີນ ຕາແອີຍ ອິນເຕົ້າ. 10 ປີລາດ ປາຍ: "ນານະ ໄມ່ ຕາ ເບີນ ຕາແອີຍ ເກົາ? ໄມ່ ດັງ ມາ ຕາ ເບີນ, ເກົາ ເບີນ ອຳນາດ ອາໂຣຍຮ ໄມ່, ແຕີ ລາ ແຕ້ຮ ໄມ່ ຕິ່ງ ອາລ່ອງ ຊັງກັງ?"

11 ເຢຊູ ຕາແອີຍ ອັນ ປາຍ: "ຄັນ ເຢິງ ເຈົ້າຮາ ຊີ ຕາ ເບີນ ໂອນ, ໄມ່ ຕາ ແຕ້ອ໌ ຕະ ອິນເຕົ້າ ໂຈະ ເກົາ. ນະກ້ອຍ, ອັນ ກາ ມ່ອບ ເກົາ ແຕ້ອ໌ ປິ ໄມ່, ອັນ ກ້ອຍ ເບີນ ໂລ່ຍຮ ກາເລີຍ ແຕ ໄມ່."

12 ແວັດ ປີລາດ ຊັອງ ນະກ້ອຍ, ອັນ ຈໍອ໌ ຮານາ ຍິອ໌ ອິ ອາໂຣຍຮ ເຢຊູ. ມາ ມັຮ ກວາຍ ຊົດ ອິດ ຊະຮາເອລ, ໄລ່ ປາຍ ແຮ່ງ ລາລີ້ ລັຮ: "ຄັນ ອາຈ ວາຍຮ ອາໂຣຍຮ ກວາຍ ໄມ່, ອາຈວາຍຮ ຕາ ເບີນ ຮາຕອຍ ນ້ອງ ກະ ເຕົ້າວ ປັຮເຍົາ ໂຣມ ກາ ກຣິຮ. ກວາຍ ອາແລະ ກາ ປາຍ ອັນ ລາ ເຕົ້າວ ປັຮເຍົາ, ມາຮ ອັນ ຮາຊູ່ ກະ ເຕົ້າວ ປັຮເຍົາ ໂຣມ ກາ ກຣິຮ ເຈີ່."

13 ພໍ່າ ປີລາດ ຊ້ອງ ປັນນາຍ ກ້ອຍ, ອັນ ເດີ ງ ອາລ້ອຣ ເຢຊູ ກະ ອັນ ຕາກູ ຕິ່ງ ກາເຈິ່ງ ເມົ່າ ຕັດ ຊິ່ນ. ກາເຈິ່ງ ກ້ອຍ ລາ ແອິດ ຕິ່ງ ອິນຕຸ ເມົ່າ ດໍອົ 'ຊັງອາຣ ຕາເມົ່າ', ມາ ຕິ່ງ ປັນນາຍ ອິດຊະຣາເອລ ໄລ່ ດໍອົ ອິນຕຸ ກ້ອຍ ລາ 'ຄັບບາທາ.'

14 ບ້ອງ ກາ ກ້ອຍ ມານາງ ແຈ່ວ ຕິລມູ່ລ ຕິ່ງ ຕາ ໄງ ກວາຍ ອິດຊະຣາເອລ ກຽມ ດໍອົ ຈາ ຊາແຍິ ຕາ ໄງ ອາກູຣ. ປີລາດ ອາຕີ ກວາຍ ອິດຊະຣາເອລ: "ໄມ່ ລາ ເຕົ້າວ ປັຣເຍົາ ເຍົາ!"

15 ມາ ມັຣ ກວາຍ ກ້ອຍ ປາຍ ລັຣ ເຣ່ງ ລາລີ່: "ເດິງ ອັນ ເປາະ! ເດິງ ອັນ ເປາະ! ແຕັຣ ອັນ ຕິ່ງ ອາລ້ອງ ຊັງກັງ!"

ປີລາດ ຕາແບິບ ລັຣ ໄລ່: "ເຍົາ ໂອນ ເກົາ ແຕັຣ ເຕົ້າວ ປັຣເຍົາ ເຍົາ ຕິ່ງ ອາລ້ອງ ຊັງກັງ ບໍ່?"

ມາ ໄລ່ ກາ ຊົດ ມູ່ ກາ ຊາງ ຮິ່ດ ເຢິງ ເຈົາຣາຊີ ຕາແອິຍ ປາຍ: "ອັນ ຕາ ແກ້ນ ເຕົ້າວ ປັຣເຍົາ ຮິ! ເຕົ້າວ ປັຣເຍົາ ຮິ ລາ ແອິງ ເຕົ້າວ ປັຣເຍົາ ໂຣມ ກາ ກໍຣິຣ ຊ້ອງ!"

16 ແວັດ ກ້ອຍ ປີລາດ ມ່ອບ ເຢຊູ ປີ ອາຕີ ໄລ່ ກ້ອຍ ໂອນ ໄລ່ ແຕັຣ ອັນ ຕິ່ງ ອາລ້ອງ ຊັງກັງ. ເຈິ່ ຕາຣານ ເດິງ ເຢຊູ ລ້ອຣ ແຕ ອິນຕຸ ກ້ອຍ.

ໄລ່ ແຕັຣ ເຢຊູ ຕິ່ງ ອາລ້ອງ ຊັງກັງ  
(ມັດທາຍ 27:32-44; ມາຣະໂກ 15:21-32; ລູກາ 23:26-43)

17 ເຢຊູ ລ້ອຣ ແຕ ກ້ອຍ, ເຈິ່ ອັນ ໂດລ ເບິມ ອາລ້ອງ ຊັງກັງ ອັນ. ອັນ ແຕ້ອິ ປີ ອິນຕຸ ເມົ່າ ດໍອົ "ອິນຕຸ ອິງຮາງ ຕາຕາຣ ແປ້." ຕິ່ງ ປັນນາຍ ອິດຊະຣາເອລ ເມົ່າ ດໍອົ ອິນຕຸ ກ້ອຍ ລາ "ໂຄລະໂຄທາ."

18 ຕິ່ງ ອິນຕຸ ກ້ອຍ ເມົ່າ ແຕັຣ ເຢຊູ ຕິ່ງ ອາລ້ອງ ຊັງກັງ. ເບິນ ບາຣ ນະ ການໍອົ ແຮິ ເມົ່າ ແຕັຣ ອິງກ້ອຍ ແຕ່, ມານະ ຍິຣ ອາເວ່ຣ ມານະ ຍິຣ ອາຕໍ່າ ເຢຊູ. ເຢຊູ ແອິດ ອິນຕີ ໄລ່ ບາຣ ນະ ກ້ອຍ. 19 ປີລາດ ຄຽນ ຕິ່ງ ມວຍ ແພນ ກາດານ, ເຈິ່ ແຕັຣ ຕາຍ້ອງ ດໍອົ ແພນ ກ້ອຍ ຕິ່ງ ອາລ້ອງ ຊັງກັງ ເຢຊູ. ອັນ ຄຽນ ປາຍ ຕິ່ງ ແພນ ກ້ອຍ: "ເຢຊູ, ກວາຍ ແຕ ວິລ ມາຊາເຣັດ. ອັນ ລາ ເຕົ້າວ ປັຣເຍົາ ກວາຍ ອິດ ຊະຣາເອລ." 20 ກິ່ງ ກວາຍ ອິດຊະຣາເອລ ອານ ແພນ ໄມ່, ຍ່ອນ ອິນຕຸ ໄລ່ ກາຈິດ ເຢຊູ ລາ ແຈ່ວ ກະ ເມືອງ. ກະ ເມົ່າ ຄຽນ ຕິ່ງ ແພນ ໄມ່ ໄປ ປັນນາຍ: ປັນນາຍ ອິດຊະຣາເອລ, ປັນນາຍ ໂຣມ,

ກະ ປັນນາຍ ກຣີກ. 21 ມາ ມັຣ ກວາຍ ຊົດ ມູ່ ກາ ຊາງ ຮິ່ດ ເຢິງ ເຈົາຣາຊີ ແຕ ຈຸມ ອິດຊະຣາເອລ, ໄລ່ ອາຕີ ປີລາດ ປາຍ: "ອິນໂຈຍ ຄຽນ ປາຍ 'ອັນ ລາ ເຕົ້າວ ປັຣເຍົາ ກວາຍ ອິດຊະຣາເອລ.' ປຍາຍ ລາລີ່ ໄມ່ ຄຽນ ປາຍ 'ອັນ ກ້ອຍ ປາຍ ອັນ ລາ ເຕົ້າວ ປັຣເຍົາ ກວາຍ ອິດຊະຣາເອລ.'"

22 ມາ ປີລາດ ປາຍ ລັຣ ໂຈະ ໄລ່ ກ້ອຍ: "ເກົາ ຄຽນ ແວັດ ເຈິ່ ປັນນາຍ ໄມ່. ຈໍ່າ ອີ ອາຕີ ນ້ອງ."

23 ແວັດ ກວາຍ ຕາຣານ ແຕັຣ ເຢຊູ ຕິ່ງ ອາ ລ້ອງ ຊັງກັງ, ໄລ່ ອິດ ຕໍ່າປັອກ ອັນ, ກະ ໄລ່ ອິມ ແປອິ ປູນ ປູດ, ມານະ ມວຍ ປູດ. ກະ ໄລ່ ອິດ ອາ ຍ້ອຣ ຕີ່ ເຢຊູ ແຮິ. ອາຍ້ອຣ ໄມ່ ເມົ່າ ຕານ ມວຍ ໄຊອິ ຊ້ອງ, ຕາ ເບິນ ຊັນຕິຣ ອິນເຕ້າ ແຕ ແປັງ ແຕ້ອິ ປິນ. 24 ນະກ້ອຍ ຕາຣານ ກ້ອຍ, ມານະ ອາ ຕີ ມານະ: "ໄຣ ອິນໂຈຍ ແຈອິ ອາຍ້ອຣ ຕີ່ ໄມ່. ໄຣ ມັນຕັດ ອາຍຸ ອາຍ້ອຣ ໄມ່. ອາແລະ ເບິນ ລາ ໂທຍ."

ນະກ້ອຍ ຮາປຍາຍ ກະ ປັນນາຍ ເຢິງ ເຈົາຣາຊີ ປາຍ ແຕ ອິມແບິ ເຈິ່: "ໄລ່ ອິມແປອິ ອາຣີ ກາ ເກົາ ເກິ່ຍ ຕັອກ, ກະ ມັນຕັດ ອາຍຸ ຕໍ່າປັອກ ເກົາ." ນະກ້ອຍ ມັຣ ຕາຣານ ກ້ອຍ ຕະ.

25 ເບິນ ກວາຍ ກາ ຕາຍິ່ງ ແຈ່ວ ອາລ້ອງ ຊັງກັງ ເຢຊູ. ໄລ່ ກ້ອຍ ລາ ອິມແປອິ ເຢຊູ, ອາເວົ້າ ເຢຊູ, ມາຣີ ລາກວຍ ກະໂລປາ, ກະ ມາຣີ ແຕ ວິລ ມັກດາລາ ແຮິ. 26 ພໍ່າ ເຢຊູ ເຮິມ ອິມແປອິ ອັນ ກະ ເກົາ\* ກາ ຣາຕອຍ ລາລີ່ ກະ ອັນ ແອິດ ຕາຍິ່ງ ແຈ່ວ ກ້ອຍ, ເຢຊູ ປາຍ ກະ ອິມແປອິ ອັນ: "ອິມແປອິ ເອິຍ! ຕິຣ ລາ ກອນ ໄມ່."

27 ແວັດ ກ້ອຍ ເຢຊູ ອາຕີ ເກົາ ປາຍ: "ໄມ່ ລາ ອິມແປອິ ໄມ່."

ພໍ່າ ກ້ອຍ, ເກົາ ເດິງ ອິມແປອິ ເຢຊູ ເຈົາ ແອິດ ຕິ່ງ ດຸງ ເກົາ ແອັນ.

ເຢຊູ ກູຈິດ  
(ມັດທາຍ 27:45-56; ມາຣະໂກ 15:33-41; ລູກາ 23:44-49)

28 ເຈິ່ ເຢຊູ ປາຍ: "ເກົາ ຊ້ອງ ອາເຣິງ ແດິອິ." ອັນ ປາຍ ນະກ້ອຍ ໂອນ ແກິດ ຮາປຍາຍ ກະ ປິ່ງ ປັນນາຍ ເຢິງ ເຈົາຣາຊີ ແຕ ອິມແບິ.

ແວັດ ກ້ອຍ, ອັນ ດັງ ອັນ ຕະ ອິນແຍ່ະ ເຈິ່ ມັຣ ຣາມິຣ ເມົ່າ ຄຽນ ອາຕີ ແຕ ອັນ ຕິ່ງ ປິ່ງ ກ້ອຍ. 29 ຕິ່ງ ອິນຕຸ ກ້ອຍ ເບິນ ມານໍາ ແຈັຣ ບ້ອງ ອິນ

\* 19:26 19:26 ແຕ້ອິ ອັນ ປາຍ ແຕ ຈະ ອັນ ເບິມ, ຕິ່ງ ປັນນາຍ ກຣີກ ໂຢຮັນ ຕາ ເບິນ ປາຍ "ເກົາ." ອັນ ປາຍ "ມານະ ແຕ ມູ່ ກາ ຣຍານ ແຕ ເຢຊູ ກາ ຣາຕອຍ ລາລີ່ ກະ ອັນ."

ເຍາະ. ໄລ່ ກ້ອຍ ອາລຸ ມວຍ ໂກກ ອາຣີ ຕຶ້ງ ປູ້ອງ ກ້ອຍ, ເຈີ່ ໄລ່ ຊັດ ຕຶ້ງ ຊັຮນວາຍຮ. ໄລ່ ອາແວ້ຍ ອາຣີ ກ້ອຍ ປີ ແບອ໌ ເຢຊູ. <sup>30</sup> ແວັດ ເຢຊູ ຢູບ ແຕ່ ອາຣີ ກ້ອຍ ອັນ ປາຍ: "ແມ້ມ ເຈີ່ ມັຮ ຮານະ ເກົ້າ!"

ແວັດ ກ້ອຍ ເຢຊູ ງ່ ອາແຊງ ແປຼ, ເຈີ່ ອັນ ຕາ ອັອຣ ຮາງັຮ.

<sup>31</sup> ຕາໄງ ກ້ອຍ ຈຸ່ມ ອິດຊະຮາເອລ ກຽມ ດໍອ໌ ອີ ຈາ ຮໍອ໌ ຕາໄງ ປັຣແມີ, ຕຶ້ງ ຕາໄງ ຮາລູ່. ມັຮ ກວາຍ ຊັດ ອິດຊະຮາເອລ ຕາ ແອອ໌ ອີ ດໍອ໌ ກູມູຍ໌ ຕຶ້ງ ອາລ່ອງ ຊັງກັງ ຕຶ້ງ ຕາໄງ ຮາລູ່. ນະກ້ອຍ ໄລ່ ກ້ອຍ ແຊອ໌ ແຕ ປີລາດ ໂອນ ອັນ ແປຣີ ເມົ້າ ປ ຍາຍຮ ໂອນ ຕາແກ້ຮ ອາເຢັງ ກວາຍ ກາ ເມົ້າ ແຕັຮ ກ້ອຍ, ກະ ໂອນ ໄລ່ ອາແຊງ ກູມູຍ໌ ແຕ ອາລ່ອງ ຊັງກັງ ກ້ອຍ. <sup>32</sup> ເຈີ່ ຕາຮານ ແຕ້ອ໌ ປຍາຍຮ ໂອນ ຕາແກ້ຮ ອາເຢັງ ບາຣ ນະ ກວາຍ ກາ ເມົ້າ ແຕັຮ ມັນຕຸ ກະ ເຢຊູ. <sup>33</sup> ມາ ພໍກາ ຕາຮານ ກ້ອຍ ແຕ້ອ໌ ປີ ເຢຊູ, ໄລ່ ເຮີມ ເຢຊູ ກູຈິດ ເຈີ່. ນະກ້ອຍ ໄລ່ ຕາ ເບີນ ປຍາຍຮ ນັ່ງ ອາເຢັງ ອັນ. <sup>34</sup> ມາ ເບີນ ມານະ ຕາຮານ ອິດ ຮໍອ໌ ຈັດ ມວຍ ກັຮ ຈະ ເຢຊູ. ເຈີ່ ອາຮາມ ກະ ແດ້ອ໌ ລ້ອຣ ແຕ ຈະ ເຢຊູ. <sup>35</sup> ເກົ້າ ເຮີມ ອິນແຍ່ະ ຮາມິ້ຮ ໄນ່. ເກົ້າ ແຕ້ອ໌ ອາຕີ ແຕ ຮາມິ້ຮ ໄນ່, ກະ ປັຣນາຍ ເກົ້າ ອາຕີ ລາ ປຍາຍ໌ ລາ ລີ່. ເກົ້າ ດັງ ເບີມ ເກົ້າ ປາຍ ປຍາຍ໌, ກະ ເກົ້າ ອາ ຕີ ນະກ້ອຍ ໂອນ ເຢົ້າ ເຕ້ອ໌ ຊາອໍາ. <sup>36</sup> ອິນແຍ່ະ ຮາມິ້ຮ ໄນ່ ຕະ ໂອນ ຮາປຍາຍ໌ ກະ ປັຣນາຍ ເຢົ້າ ເຈົ້າຮາຊີ ແຕ ອິມແບີ ປາຍ:

"ອິງຮາງ ອັນ ມວຍ ອິນແຕຣັຮ ລາ ຕາ ເບີນ ຕາ ແກ້ຮ."

<sup>37</sup> ກະ ອິນຕຸ ການໍອ໌ ແອັນ ຕຶ້ງ ປັຣນາຍ ເຢົ້າ ເຈົ້າຮາຊີ ປາຍ:

"ໄລ່ ກາ ຈັດ ອັນ ແນ່ ລັຮ ອັນ ເຕ່."

ເມົ້າ ແຕັບ ເຢຊູ

(ມັດທາຍ 27:57-61; ມາຣະໂກ 15:42-47; ລູກາ 23:50-56)

<sup>38</sup> ແວັດ ກ້ອຍ ໂຢເຊັບ ແຕ ເມືອງ ອາຣີມາທາຍ ແຊອ໌ ກູມູຍ໌ ເຢຊູ ແຕ ປີລາດ. ໂຢເຊັບ ລາ ກວາ ຍ ກາ ຕາປູນ ເຢຊູ ເຕ່, ມາ ອັນ ຕາປູນ ແກຣະ, ຍ່ອນ ອັນ ອິງກ້ອຣ ກວາຍ ຊັດ ອິດຊະຮາເອລ. ປີລາດ ໂອນ ອັນ ອິດ, ເຈີ່ ໂຢເຊັບ ເປາະ ອິດ ກູມູຍ໌ ເຢຊູ. <sup>39</sup> ເບີນ ກາ ນີໂກເດມ ເປາະ ກະ ໂຢເຊັບ ເຕ່. ນີໂກເດມ ລາ ອັນ ກາ ເປາະ ຊາອັຣ ເຢຊູ ມູ ຊາເດົາ ແຕ ອິນໂຍ່ງ. ອັນ ເດີງ ເກຣັງ ປາຮວມ ກາ ອັນ ກູ

ຈຸ ແຕ ບາຣ ຮາມິ້ຮ ອາລ່ອງ, ລາ ຊຽດ ອາລ່ອງ ປາຮວມ ກະ ອາໂຣເອ. ເກຣັງ ປາຮວມ ກ້ອຍ ອິນ ຕັອງ ໄປ ຈິດ ລາ ປູນ ໂລ. <sup>40</sup> ໄລ່ ບາຣ ນະ ອິດ ກູມູຍ໌ ເຢຊູ ເຈີ່ ຕວມ ໂຈະ ອາຣີ. ໄລ່ ໂຈະ ເກຣັງ ປາຮວມ ຕຶ້ງ ອາຣີ ກ້ອຍ ແຮີ. ຕະ ນະກ້ອຍ ໄລ່ ຕາປູນ ຮິດ ຈຸ່ມ ອິດຊະຮາເອລ ກຽມ ດໍອ໌ ເກັຍ ແຕັບ ກູມູຍ໌. <sup>41</sup> ແຈ່ະ ອິນຕຸ ເມົ້າ ກາຈິດ ເຢຊູ ເບີ ນ ຊວນ. ຕຶ້ງ ຊວນ ກ້ອຍ ເບີນ ປິ່ງ ຕາໄມ ເມົ້າ ຕະ ດໍອ໌, ອຽນ ເມົ້າ ອີ ແຕັບ ກູມູຍ໌. <sup>42</sup> ຍ່ອນ ຕາ ໄງ ກ້ອຍ ລາ ຕາໄງ ຈຸ່ມ ອິດຊະຮາເອລ ກຽມ ດໍອ໌ ອີ ຈາ ຮໍອ໌, ກະ ຍ່ອນ ປິ່ງ ກ້ອຍ ແຈ່ະ ອິນຕຸ ເມົ້າ ກາຈິດ ອັນ, ເຈີ່ ໄລ່ ບາຣ ນະ ແຕັບ ເຢຊູ ຕຶ້ງ ປິ່ງ ກ້ອຍ.

## 20

ເຢຊູ ອາມິ່ງ ລັຮ

(ມັດທາຍ 28:1-8; ມາຣະໂກ 16:1-8; ລູກາ 24:1-12)

<sup>1</sup> ຕາໄງ ມວຍ ຕຶ້ງ ອາທິດ ກ້ອຍ, ອິນນ້ອງ ຍາ ຍິ່ມ ລາລີ່, ມາຣີ ແຕ ວິລ ມັກດາລາ ແຕ້ອ໌ ປີ ປິ່ງ ກ້ອຍ. ອັນ ເຮີມ ເມົ້າ ວິລ ເຈີ່ ຕາເມົ້າ ປິດ ແຕ ງັຮ ປິ່ງ ກ້ອຍ. <sup>2</sup> ນະກ້ອຍ ອັນ ຕາລຸ່ຮ ເຈົ້າ ປີ ຊີໂມນ ເປໂຕ ກະ ມານະ ກາ ຣຍານ ແຕ ເຢຊູ. ມາຣີ ປາຍ ໂຈະ ໄລ່ ບາຣ ນະ: "ເມົ້າ ອິດ ເຈີ່ ອິນເຈົ້າ ໄຮ ແຕ ປິ່ງ, ກະ ຮີ ຕາ ດັງ ປີ ແລ່ະ ເມົ້າ ດໍອ໌ ອັນ."

<sup>3</sup> ນະກ້ອຍ ເປໂຕ ກະ ມານະ ກ້ອຍ ເປາະ ປີ ປິ່ງ ກ້ອຍ. <sup>4</sup> ໄລ່ ບາຣ ນະ ຕາລຸ່ຮ, ມາ ມານະ ກ້ອຍ ຮາ ໄລ່ອ໌ ເປໂຕ. ນະກ້ອຍ ອັນ ແຕ້ອ໌ ອິນໂຍ່ງ ປີ ປິ່ງ. <sup>5</sup> ເຈີ່ ອັນ ປູບ ແນ່ ກະ ເຮີມ ແອັງ ອາຣີ ເມົ້າ ຕຶ້ງ ປີ ງ. ມາ ອັນ ຕາ ເບີນ ມູດ ຕຶ້ງ ກູງ ປິ່ງ. <sup>6</sup> ເຈີ່ ຊີໂມນ ເປໂຕ ແຕ້ອ໌ ເຕ່, ກະ ອັນ ມູດ ແຕ້ ຕຶ້ງ ກູງ ປິ່ງ. ອັນ ເຮີມ ແອັງ ອາຣີ ເມົ້າ ເຕ່. <sup>7</sup> ກະ ອັນ ເຮີມ ອາຣີ ກາ ເມົ້າ ປູລ ແປຼ ເຢຊູ. ອາຣີ ໄນ່ ນະ ເມົ້າ ດົບ, ເຈີ່ ເມົ້າ ດໍອ໌ ອິມພາ ກະ ອາຣີ ກາ ເມົ້າ ຕວມ ຈະ. <sup>8</sup> ແວັດ ກ້ອຍ, ມານະ ກາ ແຕ້ອ໌ ອິນໂຍ່ງ ກ້ອຍ ມູດ ເຕ່. ອັນ ເຮີມ ກະ ອັນ ຊາອໍາ. <sup>9</sup> ບັງ ກ້ອຍ ໄລ່ ຕາ ຢວຣ ດັງ ແຈງ ປັຣນາຍ ເຢົ້າ ເຈົ້າຮາຊີ ອາຕີ ແຕ ເຢຊູ ອິງເຄາະ ກູຈິດ ມາ ຢວຣ ອາມິ່ງ ລັຮ.

ເຢຊູ ຮາມິຣ ມາຣີ ແຕ ວິລ ມັກດາລາ

(ມັດທາຍ 28:9-10; ມາຣະໂກ 16:9-11)

10 ແວ້ດ ກ້ອຍ ໄລ່ ບາຣ ນະ ເຈົ້າ ລັຮ ປີ ດຸງ.  
 11 ມາ ມາຣີ ອິນນ້ອງ ຕາຍິ່ງ ເຍົາມ ຍັຮ ນໍ້ອ ປິ່ງ ກ້ອຍ. ບັອງ ກາ ອັນ ເຍົາມ ອັນ ຕາແລນ ຕິ່ງ ປິ່ງ.  
 12 ອັນ ເຮົມ ບາຣ ນະ ເທວາດາ ເຢົາງ ເຈົ້າຣາ ຊີ ແຊັບ ອາຍ້ອຣ ກໍ້ອ ກະ ຕາກູ ປິ່ງ ອິນຕຸ ເມົ້າ ດໍ້ອ ກູມູຍ໌ ເຢຊູ ແຕ ອິນໂຍ່ງ. ມານະ ຕາກູ ຍັຮ ແປຼ, ມານະ ຕາກູ ຍັຮ ອາເຢົາງ. 13 ໄລ່ ຕາແບັບ ມາຣີ ປາຍ: "ອາເວົ້າ ເອີຍ! ນະ ແຕ ໄມ່ ເຍົາມ?"

ມາຣີ ຕາແອີຍ ປາຍ: "ເມົ້າ ອິດ ອິນເຈົ້າ ເກົ້າ, ກະ ເກົ້າ ຕາ ດັງ ປິ່ງ ແລະ ເມົ້າ ເດີງ ອັນ."

14 ແວ້ດ ກ້ອຍ ມາຣີ ກູລຽວ ເຮົມ ເຢຊູ ຕາ ຍິ່ງ ອິນຕຸ ກ້ອຍ, ມາ ອັນ ຕາ ເບີນ ຊາກໍ່ລ ເຢຊູ.  
 15 ເຢຊູ ປາຍ ນະໄມ່ ກະ ອັນ: "ອາເວົ້າ ເອີຍ! ນະ ແຕ ໄມ່ ເຍົາມ? ເມົ້າ ໄມ່ ຈໍ້ອ?"

ມາຣີ ຄິດ ປາຍ ອັນ ລາ ກວາຍ ຕະ ຕິ່ງ ຊວນ ອິງກ້ອຍ. ນະກ້ອຍ ອັນ ຕາແອີຍ ປາຍ: "ອາຈ ວາຍຣ ເອີຍ! ຄັນ ອາຈວາຍຣ ກາ ເດີງ ອາລໍ່ອຣ ອັນ ກ້ອຍ, ແຊອ໌ ໂອນ ອາຈວາຍຣ ອາຕີ ອິນຕຸ ແລະ ອາຈວາຍຣ ດໍ້ອ. ເຈົ້ ເກົ້າ ອີ ເປາະ ອິດ ອັນ."

16 ເຈົ້ ເຢຊູ ປາຍ ໂຈະ ອັນ: "ມາຣີ."

ມາຣີ ກູລຽວ ລັຮ ປີ ເຢຊູ ກະ ປາຍ: "ຮັບໂບນີ ເອີຍ!" (ປິຣ ນາຍ 'ຮັບໂບນີ' ອາ ຕີ ລັຮ ລາ 'ອາຈານ.')

17 ເຢຊູ ອາຕີ ມາຣີ ປາຍ: "ອິນໂຈຍ ຢຸມ ດໍ້ອ ເກົ້າ, ຍ່ອນ ເກົ້າ ຕາ ຢວາຣ ຊ້ອຣ ປິ່ງ ອິມປໍ່ ເກົ້າ. ມາ ຊານ໌ ໄມ່ ເຈົ້ ປິ່ງ ແຊມອາຍ ເກົ້າ, ກະ ອາຕີ ໄລ່ ປາຍ: "ເກົ້າ ຊ້ອຣ ປິ່ງ ອິມປໍ່ ເກົ້າ ກະ ອິມປໍ່ ເຍົາ. ເກົ້າ ຊ້ອຣ ປິ່ງ ເຢົາງ ເຈົ້າຣາຊີ ເກົ້າ ກະ ເຢົາງ ເຈົ້າຣາ ຊີ ເຍົາ."

18 ນະກ້ອຍ, ມາຣີ ແຕ ວິລ ມັກດາລາ ເຈົ້ ປິ່ງ ມູ່ ກາ ຣຍານ ແຕ ເຢຊູ. ອັນ ອາຕີ ໄລ່ ປາຍ: "ເກົ້າ ເຮົມ ເຈົ້ ອິນເຈົ້າ ໄຮ."

ກະ ອັນ ອາຕີ ໄລ່ ມັຣ ປິຣນາຍ ເຢຊູ ປາຕັບ ອັນ.

ເຢຊູ ຣາມັຣ ມູ່ ກາ ຣຍານ ແຕ ອັນ  
 (ມັດທາຍ 28:16-20; ມາຣະໂກ 16:14-18; ລູກາ 24:36-49)

19 ຕາໄງ ມວຍ ຕິ່ງ ອາທິດ ກ້ອຍ, ແຕ້ອ໌ ຕາປິ່ ເຈົ້, ມູ່ ກາ ຣຍານ ແຕ ເຢຊູ ໂຮ່ມ ມັນຕຸ. ກະ ໄລ່ ໄກ່ຮ ກູຕິ່ງ, ຍ່ອນ ໄລ່ ອິງກ້ອຣ ກວາຍ ຊິດ ອິດ ຊະຣາເອລ. ເຈົ້ ເຢຊູ ແຕ້ອ໌ ຕາຍິ່ງ ອິນຕີ ໄລ່. ອັນ ປາຍ: "ເຍົາ ແອັດ ອຽນ ອໍ."

20 ແວ້ດ ອັນ ປາຍ ນະກ້ອຍ, ເຢຊູ ອາປັຣ ໂອນ ໄລ່ ກ້ອຍ ແມ່ ຕາລາງ ອາຕີ ກະ ກັຮ ຈະ ອັນ. ອິນ

ແຍະ ມູ່ ກາ ຣຍານ ແຕ ເຢຊູ ຊ້ອງ ຮໍ້ອ ລາລີ່ ຍ່ອນ ໄລ່ ເບີນ ເຮົມ ລັຮ ອິນເຈົ້າ ໄລ່. 21 ເຢຊູ ອາຕີ ລັຮ ຊາ: "ເຍົາ ແອັດ ອຽນ ອໍ. ນະ ອິມປໍ່ ເກົ້າ ແປຣີ ເກົ້າ ໂອນ ເປາະ, ມູເຈິງ ກ້ອຍ ແຕ່, ເກົ້າ ແປຣີ ເຍົາ ໂອນ ເປາະ."

22 ແວ້ດ ເຢຊູ ປາຍ ນະກ້ອຍ, ອັນ ຕາງິ່ຣ ໂຈະ ໄລ່ ກະ ປາຍ: "ເຍົາ ຮັບ ຣາເວົ້າຍ ເຢົາງ ເຈົ້າຣາຊີ. 23 ຄັນ ເຍົາ ຕັຣ ໄລ່ຍຣ ເມົ້າ, ໄລ່ຍຣ ກ້ອຍ ແກັດ ປິ່ດ. ມາ ຄັນ ເຍົາ ຕາ ເບີນ ຕັຣ ໄລ່ຍຣ ເມົ້າ, ໄລ່ ຍຣ ກ້ອຍ ຕາ ເບີນ ແກັດ ປິ່ດ."

ເຢຊູ ຣາມັຣ ໂທມາ

24 ໂທມາ, ອັນ ກາ ເມົ້າ ດໍ້ອ ດີດີມ ແຮ, ອັນ ລາ ແຕ ມູ່ ມວຍ ຈິດ ລາ ບາຣ ນະ ແຕ່, ມາ ອັນ ຕາ ເບີ ນ ແອັດ ກະ ມູ່ ກ້ອຍ ຕິ່ງ ຕາໄງ ເຢຊູ ແຕ້ອ໌ ເຮີບ ອິນໂຍ່ງ. 25 ພໍ່ກາ ໄລ່ ອາຕີ ໂທມາ ໄລ່ ເຮົມ ອິນ ເຈົ້າ ໄລ່ ເຈົ້, ໂທມາ ຕາແອີຍ ໄລ່ ປາຍ: "ຄັນ ເກົ້າ ຕາ ເບີນ ເຮົມ ຣາປິດ ຕິ່ງ ຕາລາງ ອາຕີ ອັນ, ກະ ຄັນ ເກົ້າ ຕາ ເບີນ ຊາປະ ຣາດອຍ ອາຕີ ເກົ້າ ຕິ່ງ ຣາປິດ ກ້ອຍ, ກະ ຄັນ ເກົ້າ ຕາ ເບີນ ຊາປະ ອາຕີ ເກົ້າ ຕິ່ງ ກັຮ ຈະ ອັນ, ເກົ້າ ຕາ ເບີນ ຊາອໍາ."

26 ແວ້ດ ຕາກໍ່ອລ ຕາໄງ ແອັນ ມູ່ ກາ ຣຍານ ແຕ ເຢຊູ ແອັດ ຕິ່ງ ດູງ ກ້ອຍ ຊາ, ກະ ໂທມາ ແອັດ ກະ ໄລ່ ກ້ອຍ ແຕ່. ເຈົ້ ໄລ່ ໄກ່ຮ ລັຮ ຊາງັຣ ຕິ່ງ ກ້ອຍ. ມາ ເຢຊູ ແຕ້ອ໌ ລັຮ ຕາຍິ່ງ ອິນຕີ ໄລ່. ເຢຊູ ປາຍ: "ເຍົາ ແອັດ ອຽນ ອໍ." 27 ແວ້ດ ກ້ອຍ ອັນ ປາຍ ໂຈະ ໂທມາ: "ໄມ່ ລາ ຕາລາງ ອາຕີ ເກົ້າ. ໄມ່ ອາ ລໍ່ອຣ ຣາດອຍ ອາຕີ ໄມ່ ປູເປີຣ ຊາງັດ ຕາລາງ ອາ ຕີ ເກົ້າ. ກະ ໄມ່ ອາລໍ່ອຣ ອາຕີ ໄມ່ ປູເປີຣ ຊາງັດ ກັຮ ຈະ ເກົ້າ. ໄມ່ ອິນໂຈຍ ຕື້ານ ນ້ອງ. ມາ ອິງເຄາະ ໄມ່ ຊາອໍາ!" 28 ໂທມາ ຕາແອີຍ ແຕ້: "ອິນເຈົ້າ ເກົ້າ, ກະ ເຢົາງ ເຈົ້າຣາຊີ ເກົ້າ!" 29 ເຢຊູ ປາຍ ລັຮ ໂຈະ ໂທມາ: "ຍ່ອນ ໄມ່ ເຮົມ ຈະ ເກົ້າ ເຈົ້, ກ້ອຍ ແຕ ໄມ່ ຊາອໍາ. ມາ ບຸ່ນ ລາລີ່ ໄລ່ ກາ ຊາອໍາ ເກົ້າ, ມາ ຕາ ເກີຍ ເຮົມ ເກົ້າ."

30 ເຢຊູ ຕະ ຊາອິຍ ຣານະ ຕາ ເກີຍ ເຮົມ ກາ ນໍ້ອ ຍັຮ ເມີງ ມູ່ ກາ ຣຍານ ແຕ ອັນ, ມາ ຕາ ເບີ ນ ຄຽນ ອິນແຍະ ຕິ່ງ ປິ່ງ ໄມ່. 31 ມາ ມັຣ ຣາມິ່ ຣ ກາ ຄຽນ ຕິ່ງ ປິ່ງ ໄມ່ ເຈົ້, ລາ ໂອນ ເຍົາ ຊາອໍາ ເຢຊູ ລາ ກຣີດ, ກອນ ເຢົາງ ເຈົ້າຣາຊີ. ຄັນ ເຍົາ ຊາອໍາ ນະກ້ອຍ, ເຍົາ ເບີນ ອາມົງ ເລືອຍໆ ຍ່ອນ ແຕ ຣາມິ່ຣ ອັນ.

# 21

ເຢຊູ ແຕ້ອ໌ ປີ ກວາຍ ຈໍ່ອ໌ ອາກາ

1 ແວັດ ແຕ ກ້ອຍ ເຢຊູ ແຕ້ອ໌ ປີ ມູ່ ກາ ຮຍານ ແຕ ອັນ ມວຍ ເຮີບ ແອັນ ຕຶ້ງ ປື້ຮ ທາເລ ຣາປັງ ຄາລີເລ. ຮານະ ໄມ່ ແກັດ ນະໄມ່: 2 ໄລ່ ກາ ແອັດ ມັນຕຸ ກ້ອຍ ລາ ຊີໂມນ ເປໂຕ, ໂທມາ (ອັນ ກາ ເນົ້າ ດໍອ໌ ດີຕິມ ແຮີ), ນະທານາເອັລ ແຕ ເມືອງ ການາ ຕຶ້ງ ແຄງ ຄາລີເລ, ບາຣ ນະ ກອນ ຣາເລົາ ເຊເບດາຍ, ກະ ບາຣ ນະ ການໍອ໌ ແຕ ມູ່ ກາ ຮຍານ ແຕ ເຢຊູ. 3 ຊີໂມນ ເປໂຕ ປາຍ: "ເກົ້າ ເປາະ ຕິງ ມ່ອງ ຈໍ່ອ໌ ອາກາ."

ເຈົ້າ ມັຮ ກວາຍ ການໍອ໌ ກ້ອຍ ປາຍ: "ຮີ ອີ ເປາະ ເຕ່ ກະ ໄມ່."

ນະກ້ອຍ ອິນແຍະ ມັຮ ໄລ່ ຊ້ອຣ ຕຶ້ງ ຕົວະ. ມາ ອິນແຍະ ມູ ຊາເດົາ ກ້ອຍ ໄລ່ ຕາ ເບີນ ເບີນ ມານໍາ ອາກາ. 4 ປັງ ຕາຮືບ ອິນນ້ອງ ຍາຢິມ ເຢຊູ ແອັດ ຕຶ້ງ ປື້ຮ ທາເລ ຣາປັງ ກ້ອຍ, ມາ ໄລ່ ມູ່ ກາ ຮຍານ ແຕ ອັນ ຕາ ເບີນ ດັງ ປາຍ ເຢຊູ. 5 ເຢຊູ ຊາບາວ ປາຍ: "ເຍົ້າ ເອີຍ! ເຍົ້າ ເບີນ ອາກາ ບໍ່?"

ໄລ່ ຕາແອີຍ ລໍຮ: "ຕາ ເບີນ!"

6 ເຢຊູ ປາຍ ແອັນ: "ເຍົ້າ ຕິງ ມ່ອງ ເຍົ້າ ຢິ່ຮ ອາ ຕໍ່າ ແອັນ, ເຈົ້າ ເຍົ້າ ເບີນ ອາກາ."

ພໍກາ ໄລ່ ຕະ ນະກ້ອຍ, ມ່ອງ ໄລ່ ໂກຣ ອາກາ ຊາ ອິ່ຍ ລາລີ້. ໄລ່ ຕາ ເຮົາບ ກາຕ້ອງ ອາຊ້ອຣ ນ້ອງ ມ່ອງ ຕຶ້ງ ຕົວະ. 7 ເຈົ້າ ມານະ ແຕ ມູ່ ກາ ຮຍານ ກາ ຣາຕອຍ ລາລີ້ ກະ ເຢຊູ ອາຕີ ເປໂຕ ປາຍ: "ອັນ ກ້ອຍ ລາ ອິນເຈົ້າ ໄຮ!"

ແວັດ ຊີໂມນ ເປໂຕ ຊ້ອງ ອັນ ປາຍ: "ອັນ ກ້ອຍ ລາ ອິນເຈົ້າ ໄຮ," ນະກ້ອຍ ເປໂຕ ແຊັບ ແຕ້ ອາຢ້ອຣ, ຍ່ອນ ແຕ ອິນໂຍ່ງ ອັນ ຕວດ ດໍອ໌ ເຈົ້າ. ແວັດ ກ້ອຍ ອັນ ປັອງ ຕຶ້ງ ແຕ້ອ໌. 8 ນະກ້ອຍ ມັຮ ມູ່ ກາ ຮຍານ ການໍອ໌ ຕາປຸ່ນ ອິນຕຸ່ນ ອັນ ຮານາ ຕົວະ. ກະ ໄລ່ ຮອຣ ມ່ອງ ປັນ ອາກາ ເຈົ້າ. ໄລ່ ແອັດ ເຢັງ ແຕ ປື້ຮ ມາຣ ຕາທ່ຣ ຈິດ ແມັດ ຊ້ອງ.

9 ພໍກາ ໄລ່ ແຕ້ອ໌ ປີ ປືຣ, ໄລ່ ເຮີມ ອູ່ຍຣ ຮັງ ແຮີ, ກະ ເບີນ ອາກາ ກະ ໂດຍ ບຸຣ ຕຶ້ງ ຕາແປັຣ ກ້ອຍ. 10 ເຢຊູ ແປຣີ ໄລ່: "ເຍົ້າ ເດີງ ປີ ໄມ່ ອາກາ ກາ ຕາແປັ ໂກຣ."

11 ຊານໍ ແຕ້ ຊີໂມນ ເປໂຕ ເປາະ ຮອຣ ມ່ອງ ເດີງ ປີ ປືຣ. ມ່ອງ ກ້ອຍ ປັນ ແອັງ ອາກາ; ເບີນ ມວຍ ຮ່ອຍ ເຊັງ ຈິດ ລາ ໄປ ລໍາ ອາກາ ປື້ດ, ມາ ມ່ອງ ກ້ອຍ ຕາ ເບີນ ປຣຸຣ. 12 ເຢຊູ ອາຕີ ໄລ່ ປາຍ: "ເຍົ້າ ແຕ້ອ໌ ຈາ ເວົ້າຍ."

ຕາ ເບີນ ອາແລະ ແຕ ມູ່ ກາ ຮຍານ ແຕ ອັນ ຍັນ ຕາເບີບ ອັນ: "ອາຈານ ລາ ເນົ້າ?" ຍ່ອນ ອິນແຍະ ະ ມັຮ ໄລ່ ດັງ ເຈົ້າ ໄມ່ ລາ ອິນເຈົ້າ ໄລ່. 13 ນະກ້ອຍ ເຢຊູ ເປາະ ອິດ ໂດຍ ບຸຣ; ເຈົ້າ ອັນ ອາແວີຍ ໂອນ ໄລ່ ຈາ. ກະ ອັນ ອາແວີຍ ອາກາ ແຮີ. 14 ໄປ ເຮີບ ເຈົ້າ ຕຶ້ງ ໄມ່ ເຢຊູ ຣາມັຣ ກະ ມູ່ ກາ ຮຍານ ແຕ ອັນ ແວັດ ຕາໄງ ອັນ ຢວຣ ອາມັງ ລໍຮ.

ເຢຊູ ຕະ ອິນຕີ ກະ ເປໂຕ

15 ແວັດ ໄລ່ ຈິຈາ ເຈົ້າ, ເຢຊູ ຕາເບີບ ຊີໂມນ ເປໂຕ ປາຍ: "ຊີໂມນ, ກອນ ໂຢຮັນ ເອີຍ! ໄມ່ ອາ ໂຢະ ເກົາ ກາເລີຍ ອິນແຍະ ແຕ ຣາມັຣ ການໍອ໌ ບໍ່?"

ເປໂຕ ຕາແອີຍ ປາຍ: "ເອີອ໌. ອິນເຈົ້າ ດັງ ເຈົ້າ ເກົາ ອາໂຢະ ອິນເຈົ້າ."

ເຈົ້າ ເຢຊູ ອາຕີ ອັນ ປາຍ: "ອິງເຄາະ ໄມ່ ແຈມ ແກະ ກອນ ເກົາ ນໍ່."

16 ມວຍ ເຮີບ ແອັນ ເຢຊູ ຕາເບີບ ເປໂຕ ປາຍ: "ຊີໂມນ, ກອນ ໂຢຮັນ ເອີຍ! ໄມ່ ອາໂຢະ ເກົາ ບໍ່?"

ເປໂຕ ຕາແອີຍ ລໍຮ ຊາ: "ເອີອ໌. ອິນເຈົ້າ ດັງ ເຈົ້າ ເກົາ ອາໂຢະ ອິນເຈົ້າ."

ເຈົ້າ ເຢຊູ ອາຕີ ລໍຮ ອັນ: "ອິງເຄາະ ໄມ່ ກຍາອ໌ ແກະ ເກົາ ນໍ່."

17 ມວຍ ເຮີບ ແອັນ ເຢຊູ ຕາເບີບ ລໍຮ ເປໂຕ ປາຍ: "ຊີໂມນ, ກອນ ໂຢຮັນ ເອີຍ! ໂກຣ ລາລີ້ ໄມ່ ອາໂຢະ ເກົາ ບໍ່?"

ເປໂຕ ຊ້ອງ ຕຸຣ ລາລີ້ ຍ່ອນ ເຢຊູ ແອັດ ຕາ ເບີບ ເລືອຍໆ ອັນ ໄປ ເຮີບ ເຈົ້າ ປາຍ: "ໂກຣ ລາ ລີ້ ໄມ່ ອາໂຢະ ເກົາ ບໍ່?"

ເຈົ້າ ເປໂຕ ຕາແອີຍ ລໍຮ ຊາ: "ອິນເຈົ້າ ເອີຍ! ອິນເຈົ້າ ດັງ ອິນແຍະ ກູ່ ຣາມັຣ ເຈົ້າ. ນະກ້ອຍ ອິນ ເຈົ້າ ດັງ ເກົາ ອາໂຢະ ອິນເຈົ້າ."

ເຈົ້າ ເຢຊູ ອາຕີ ລໍຮ ອັນ: "ອິງເຄາະ ໄມ່ ແຈມ ແກະ ເກົາ ນໍ່. 18 ເກົາ ອາຕີ ຕານ້ອງ ໂອນ ໄມ່, ແຕ ອິນໂຍ່ງ ບັອງ ໄມ່ ອິນນ້ອງ ແກັດ ກວາຍ ມຸ່ມ, ເຕ້ອ໌ ໄມ່ ອິດ ຣາງິຣ ໄມ່ ເບີມ. ໄມ່ ຢິອ໌ ອີ ເປາະ ປີ ແລະ, ໄມ່ ເປາະ. ມາ ປັຣແນີ ມັນເຕຣົາ ແຕ້ອ໌ ໄມ່ ແກັດ ກວາຍ ເກົາ, ໄມ່ ຢັງ ອາຕີ ໄມ່ ກະ ກວາຍ ການໍອ໌ ຊັດ ໄມ່. ກະ ໄລ່ ເດີງ ໄມ່ ເປາະ ອິນຕຸ ໄມ່ ຕາ ຢິອ໌ ອີ ເປາະ."

19 ເຢຊູ ປາຍ ນະກ້ອຍ, ອັນ ອາຕີ ຮານາ ອິນ ເຕົ້າ ເປໂຕ ຈິວ ກູຈິດ. ກະ ອັນ ເດີງ ກວາຍ ການໍອ໌ ຍ່ອງ ເຢັງ ເຈົ້າຣາຊີ ຍ່ອນ ແຕ ຮານະ ອັນ ຕະ. ແວັດ ກ້ອຍ ເຢຊູ ແປຣີ ເປໂຕ: "ອິງເຄາະ ໄມ່ ຕາປຸ່ ນ ເກົາ!"

20 ເປໂຕ ກູລຽວ ປີ ກຮ້ອງ. ອັນ ເຮີມ ມານະ ແຕ ມູ່ ກາ ຮຍານ ກາ ຣາຕອຍ ກະ ເຢຊູ ແອິດ ປີ ກ້ອຍ ເຕ່. ມານະ ກ້ອຍ ລາ ອັນ ກາ ແອິດ ແຈ່ວ ເຢຊູ ບ້ອງ ກາ ໄລ່ ຈາ ໂດຍ ມັນຕຸ ເບ່ລ ຕາປີ ກ້ອຍ. ອັນ ໄນ່ ແຕ່ ຕາເບີບ ເຢຊູ ເນົ້າ ກາ ອີ ມ່ອບ ອັນ.

21 ພໍກາ ເປໂຕ ເຮີມ ອັນ, ອັນ ຕາເບີບ ເຢຊູ ປາຍ: "ອິນເຈົ້າ ເອີຍ! ອັນ ໄນ່ ກູຈິດ ຣານາ ອິນເຕົ້າ?"

22 ເຢຊູ ຕາເອີຍ ເປໂຕ ປາຍ: "ຄັນ ເກົາ ໂອນ ອັນ ໄນ່ ແອິດ ເຕົ້າ ເກົາ ແຕ່ອ້ ລັຮ ປີ ໄນ່, ໄນ່ ລາ ຕາ ແກິນ ຣານະ ອິງເຄາະ ໄມ່ ດັງ. ມາ ໄມ່, ອິງເຄາະ ໄມ່ ຕາປູ່ນ ເກົາ."

23 ແວັດ ເຢຊູ ປາຍ ນະກ້ອຍ, ປັຣນາຍ ກ້ອຍ ເປາະ ຕົວ ປີ ກວາຍ ກາ ຊາອໍາ ເຢຊູ. ນະກ້ອຍ ໄລ່ ຄິ່ດ ປາຍ ມານະ ກ້ອຍ ຕາ ເບີນ ກູຈິດ ນ້ອງ. ມາ ເຢຊູ ຕາ ເບີນ ປາຍ ມານະ ກ້ອຍ ຕາ ເບີນ ກູຈິດ. ເຢຊູ ປາຍ ນະໄນ່: "ຄັນ ເກົາ ໂອນ ອັນ ໄນ່ ແອິດ ເຕົ້າ ເກົາ ແຕ່ອ້ ລັຮ ປີ ໄນ່, ໄນ່ ລາ ຕາ ແກິນ ຣານະ ອິງເຄາະ ໄມ່ ດັງ."

24 ອັນ ໄນ່ ແຕ່ ລາ ກວາຍ ແຕ ມູ່ ກາ ຮຍານ ແຕ ເຢຊູ ກາ ອາຕີ ອິນແຍ່ະ ຣາມິ່ຮ ໄນ່, ກະ ອັນ ຄຽນ ອິນແຍ່ະ ຣາມິ່ຮ ໄນ່ ເຕ່. ເຕ່ອ້ ເຍົາ ຊາອໍາ ອິນແຍ່ະ ປັຣນາຍ ໄນ່ ລາ ປຍາຍ ລາລີ່.

25 ອິນນ້ອງ ເບີນ ຊາອິ່ຍ ຣານະ ແອັນ ເຢຊູ ຕະ. ເກົາ ຄິ່ດ, ຄັນ ເນົ້າ ຢິອ້ ອີ ຄຽນ ອິນແຍ່ະ ຣາມິ່ຮ ກ້ອຍ, ຕາ ເບີນ ອິນແລ່ະ ອີ ດໍອ້ ນ້ອງ ປິ່ງ ກ້ອຍ, ກູທັດ ອິນແຍ່ະ ຕິ່ງ ກູແຕອ້ ໄນ່.

# ມູ່ ກາ ເຢຊູ ຮຽນ ປາຈຸ່ຮ ໂອນ ເປາະ ຕະ ຮານະ ອັນ

ປັຽນາຍ ອາຕີ ອິນໂຍ່ງ

ປຶ່ງ ໄນ່ ລູກາ ຄຽນ ຕໍ່ ລັ່ຮ ປຶ່ງ ກາ ອັນ ຄຽນ ອິນໂຍ່ງ ແຕ ແດີຍ ອາມັ່ງ ເຢຊູ. ອັນ ຄຽນ ປຶ່ງ ໄນ່ ມາຮ 60 ກູມໍ ແວັດ ເຢຊູ ແກັດ. ປຶ່ງ ໄນ່ ອາ ຕີ ແຕ ເຢຊູ ຊ້ອຮ ປໍ ມັນລ້ອ່ງ. ເຈີ່ ມູ່ ກາ ຮຍານ ແຕ ອັນ ເຈົ້າ ລັ່ຮ ປໍ ມືອງ ເຢຣູຊາເລັມ, ກະ ທາຮາ ະ ຮາເວີຍ ເຢີງ ເຈົ້າຮາຊີ ແຊງ ແອັດ ກະ ໄລ່.

ຮາເວີຍ ເຢີງ ເຈົ້າຮາຊີ ແຊງ ແອັດ ກະ ໄລ່ ໂອນ ໄລ່ ແກັດ ຍັນ ລາລີ່ ເປາະ ອາຕີ ປັຽນາຍ ເຢີງ ເຈົ້າຮາຊີ, ກະ ອາໂຍ່ງ ມັຮ ມູ່ ກາ ຊາອໍາ. ໄລ່ ເບີ ນ ອໍານາດ ດໍອໍ ຕຸ່ຍຮ ອາລ້ອຮ ມັຮ ເຢີງ ຕາ ອໍ ແຕ ຈະ ກວາຍ, ກະ ປົວ ມັຮ ກວາຍ ອາອໍ.

ປຶ່ງ ໄນ່ ອາຕີ ລັ່ຮ ມັຮ ຮານະ ມູ່ ກາ ເຢຊູ ຮຽນ ປາຈຸ່ຮ ຕະ ແຕ ອໍານາດ ຮາເວີຍ ເຢີງ ເຈົ້າຮາຊີ. ໄລ່ ເປາະ ອາຕີ ປັຽນາຍ ອໍ ແຕ ເຢີງ ເຈົ້າຮາຊີ ຕຶ່ງ ມືອງ ເຢຣູຊາເລັມ, ຕຶ່ງ ແຄງ ຢູດາຍ, ຕຶ່ງ ແຄງ ຊາມາເຣຍ, ກະ ເຕົ້າ ປຶຽ ອິນແຍ່ະ ມັຮ ກຮວາງ ປື້ນ ມັນລ້ອ່ງ ກຣໍ່ ໄນ່.

1 ອາຈວາຍຮ ເທໂອພິໂລ ເອີຍ! ເກົາ ລາ ລູກາ ຄຽນ ແຕ ອິນໂຍ່ງ ເຈີ່ ມວຍ ປຶ່ງ ໂອນ ໄນ່ ດັງ ແຈງ ລາລີ່ ອິນແຍ່ະ ຮານະ ເຢຊູ ຕະ ກະ ອິນແຍ່ະ ຮາມີ່ ຮ ອັນ ອາຕີ, 2 ເຕົ້າ ແຕ້ອໍ ຕາໄງ ອັນ ຊ້ອຮ ປໍ ມັນລ້ອ່ງ. ອິນໂຍ່ງ ອັນ ອີ ຊ້ອຮ, ຮາເວີຍ ເຢີງ ເຈົ້າຮາຊີ ໂອນ ອັນ ປາຕັບ ມູ່ ກາ ອັນ ຮຽນ ປາຈຸ່ຮ ໂອນ ເປາະ ຕະ ຮານະ ອັນ, ໂອນ ໄລ່ ດັງ ແຕ ມັຮ ຮານະ ໄລ່ ອີງເຄາະ ຕະ. 3 ເຢຊູ ຮາມັຮ ຕຸ່ຮ ກັດ ຊາອິ້ຍ ລາລີ່ ເຈີ່. ແວັດ ອັນ ກູຈິດ ອັນ ອາມັ່ງ ລັ່ຮ, ກະ ອັນ ເຈົ້າ ລັ່ຮ ປໍ ມູ່ ກາ ອັນ ຮຽນ. ອັນ ແອັດ ກະ ໄລ່ ອິນແຍ່ະ ປູນ ຈິ່ດ ຕາໄງ ປູນ ຈິ່ດ ຊາເດົາ. ບັອງ ກາ ກ້ອຍ, ອັນ ຕະ ຊາອິ້ຍ ຮານະ ໂອນ ໄລ່ ເຕ້ອໍ ດັງ ແຈງ ລາລີ່ ປາຍ ອັນ ອາມັ່ງ ລັ່ຮ, ກະ ອັນ ອາຕີ ໄລ່ ມັຮ ຮາມີ່ຮ ແຕ ເຢີງ ເຈົ້າຮາຊີ ຕະ ຊັດ. 4 ບັອງ ກາ ເຢຊູ ແອັດ ໂຮ່ມ ກະ ໄລ່ ກ້ອຍ, ອັນ ອາຕີ ໄລ່ ປາຍ: "ເຍົາ ອິນໂຈ່ຍ ລ້ອຮ ຢູວາຮ ແຕ ມືອງ ເຢຣູຊາເລັມ. ມາ ເຍົາ ທາຮາະ ເວີຍ ໂອນ ແຕ້ອໍ ຮາເວີຍ ເຢີງ ເຈົ້າຮາຊີ ມາຮ ອິມປໍ່ ເກົາ ເອີ ອໍ ໂອນ ເຍົາ, ນະ ເກົາ ອາຕີ ເຍົາ ແຕ ອິນໂຍ່ງ ເຈີ່.

5 ບັອງ ກ້ອຍ ໂຢຮັນ ຕະ ຮິດ ໂອນ ເຍົາ ແຕ ແຕ້ອໍ. ມາ ຕາ ເບີນ ດຸ່ນ ນ້ອ່ງ ຮາເວີຍ ເຢີງ ເຈົ້າຮາຊີ ອີ ແຕ້ອໍ. ກະ ອັນ ອີ ມູ່ດ ແອັດ ຕຶ່ງ ຮາງິ່ຮ ເຍົາ. ໄນ່ ລາ ນະ ເຍົາ ຮັບ ຮິດ ແຕ ຮາເວີຍ ເຢີງ ເຈົ້າຮາ ຊີ."

ເຢຊູ ຊ້ອຮ ປໍ ມັນລ້ອ່ງ

6 ບັອງ ກາ ເຢຊູ ໂຮ່ມ ກະ ມູ່ ກາ ອັນ ຮຽນ, ໄລ່ ຕາເບີບ ອັນ ປາຍ: "ຊານໍ່ ອິນເຈົ້າ ອີ ຕະ ໂອນ ກຮວາງ ອິດຊະຮາເອລ ຊົດ ເບີມ ລັ່ຮ ບໍ່?"

7 ເຢຊູ ຕາແອີຍ ໄລ່ ປາຍ: "ເຍົາ ຕາ ເບີນ ຕຸ່ຮ ດັງ ຮາມີ່ຮ ໄນ່. ມັຮ ຮາມີ່ຮ ໄນ່ ແອັງ ເຢີງ ເຈົ້າຮາ ຊີ ຊ້ອງ ດັງ, ຢ່ອນ ອັນ ແຕ່ ກາ ຕະ ດໍອໍ ພານັດ.

8 ມາ ພໍກາ ຮາເວີຍ ເຢີງ ເຈົ້າຮາຊີ ມູ່ດ ແອັດ ຕຶ່ງ ຮາງິ່ຮ ເຍົາ, ອັນ ໂອນ ເຍົາ ເບີນ ອໍານາດ ເຮົາບ ເປາະ ອາຕີ ປັຽນາຍ ແຕ ເກົາ. ປັຽແນີ ມັນເຕຣົາ ເຍົາ ເບີນ ອາຕີ ຮານະ ໄນ່ ຕຶ່ງ ມືອງ ເຢຣູຊາເລັມ, ແຄງ ຢູດາຍ, ແຄງ ຊາມາເຣຍ, ກະ ປຶຽ ອິນແຍ່ະ ກຮວາງ ປື້ນ ມັນລ້ອ່ງ ກຣໍ່ ໄນ່."

9 ແວັດ ເຢຊູ ປາຍ ນະກ້ອຍ, ເຢີງ ເຈົ້າຮາຊີ ຮັບ ອັນ ຊ້ອຮ ປໍ ມັນລ້ອ່ງ, ກະ ຮາມີ່ລ ກາຕັງ ຈະ ອັນ. ໄລ່ ກາ ແອັດ ຕຶ່ງ ກູແຕອໍ ຕາ ເບີນ ເຮີມ ນ້ອ່ງ ເຢຊູ.

10 ພໍກາ ເຢຊູ ຊ້ອຮ ປໍ ມັນລ້ອ່ງ, ໄລ່ ແອັດ ຕາ ງ່ອນ ເນ່ ເລື້ອຍໆ. ບັອງ ກາ ກ້ອຍ ແຕ່ ເບີນ ບາຮ ນະ ກວາຍ ຮາເລົາ ແອັດ ແຈ່ະ ໄລ່. ບາຮ ນະ ໄນ່ ແຊັບ ອາຍ້ອຮ ກູ້ອໍ, 11 ກະ ປາຍ: "ກວາຍ ແຕ ແຄງ ຄາລີເລ ເອີຍ! ນານະ ເຍົາ ແອັດ ຕາຢິ່ງ ອິນ ຕຸ ໄນ່ ກະ ອິນເຕົ້າ ເຍົາ ເນ່ ອາຊ້ອຮ ປໍ ມັນລ້ອ່ງ? ເຢຊູ ໄນ່, ອັນ ກາ ເຢີງ ເຈົ້າຮາຊີ ຮັບ ຊ້ອຮ ປໍ ມັນ ລ້ອ່ງ, ປັຽແນີ ມັນເຕຣົາ ອັນ ແຊງ ລັ່ຮ ປໍ ກູແຕອໍ ໄນ່ ມູເຈີງ ເຍົາ ເຮີມ ອັນ ຊ້ອຮ ປໍ ມັນລ້ອ່ງ ຊານໍ່ ເຕ່."

12 ພໍກາ ໄລ່ ແຊງ ແຕ ກົຮ ອາໂປ່ນ, ເຈີ່ ໄລ່ ເຈົ້າ ລັ່ຮ ປໍ ມືອງ ເຢຣູຊາເລັມ. ແຕ ກົຮ ໄນ່ ກະ ມືອງ ເຢຣູຊາເລັມ ເຢີງ ລາ ມັນ ເບີນ ມວຍ ລັກ.

13 ແຕ້ອໍ ມືອງ ກ້ອຍ ໄລ່ ເຈົ້າ ລັ່ຮ ປໍ ດຸງ ກາ ໄລ່ ເກີ່ຍ ແອັດ ແຕ ອິນລິ່ງ. ຕຶ່ງ ດຸງ ກ້ອຍ, ໄລ່ ຊ້ອຮ ຕຶ່ງ ຮານ ແປັງ, ມູ່ດ ແອັດ ຕຶ່ງ ມວຍ ກຸງ. ມັຮ ກວາຍ ກາ ໂຮ່ມ ອີງກ້ອຍ ລາ: ເປໂຕ, ໂຢຮັນ, ຢາໂກໂບ, ອັນເດອາ, ພິລິບ, ໂທມາ, ບາຮໂທໂລມາ ຍ, ມັດທາຍ, ຢາໂກໂບ ກອນ ອາລະພາຍ, ຊີໂມນ



ຊີໂລດ,\* ກະ ຢູດາ ກອນ ຢາໂກໂບ. 14 ອິນແຍ່ະ ມັຮ ໄລ່ ກາ ເກ້ຍ ໂຮ່ມ ອິມປ່ຣອມ ເກົາແຊອ໌ ມວຍ ຮາງື່ຮ ຕື່ງ ອິນຕຸ ກ້ອຍ. ເບິນ ມັຮ ມັນແຊມ, ມາຣີ ອິມເປ່ອ໌ ເຢຊູ, ກະ ມັຮ ອາແອມ ຮາເລົາ ເຢຊູ ລາ ໂຮ່ມ ອິງກ້ອຍ ເຕ່.

15 ເບິນ ມວຍ ຕາໄງ ອິນຕຸ່ນ ແອັນ ເປໂຕ ຢວຣ ຕາຍິ່ງ ອາຕີ ມູ່ ກາ ຊາອຳ ເຢຊູ ແອິດ ໂຮ່ມ ປີ ກ້ອຍ. ຈຸ່ມ ໄລ່ ກ້ອຍ ເບິນ ມາຣ ມວຍ ຮ່ອຍ ບາຣ ຈິດ ນະ. ເປໂຕ ປາຍ: 16 "ແຊມອາຍ ເອີຍ! ມັຮ ປັຣ ນາຍ ເຢິງ ເຈົາຮາຊີ ອາຕີ ແຕ ອິມແປ, ໄຮ ເຮີມ ເຈີ່ ແກິດ ຮາປຍາຍ ແຕ ຮານະ ຢູດາ ອິດຊະກາຣີ ອົດ. ຢູດາ ຕະ ນະ ຮາເວົ້າຍ ເຢິງ ເຈົາຮາຊີ ໂອນ ດາວິດ ອາຕີ ແຕ ອິມແປ, ອັນ ເດີງ ກວາຍ ເປາະ ໂກບ ເຢຊູ. 17 ຢູດາ ໄນ່ ລາ ແຕ ມູ່ ໄຮ ເຕ່, ຕະ ຮາ ນະ ມູເຈິງ ໄຮ ເຕ່. 18 ມາ ຢູດາ ອິດ ປຣະ ເມົາ ຈາງ ໂອນ ຕະ ຮານະ ຕາ ອໍ, ອັນ ອາໂຢ່ງ ຮານາ ໂອນ ເມົາ ແຕ້ອ໌ ໂກບ ເຢຊູ. ເຈີ່ ອັນ ເປາະ ແຈິງ ມວຍ ອິນຕຸ ກູແຕອ໌. ແວັດ ກ້ອຍ ຢູດາ ຢະ. ປຸ່ງ ອັນ ແກິດ ຊີ້ອ໌, ເຈີ່ ປາດ້ອຣະ; ກະ ຮ່ອຍ໌ ອັນ ລ້ອຣ ອິນແຍ່ະ. 19 ພໍກາ ກວາຍ ກາ ແອິດ ຕື່ງ ເມືອງ ເຢຣູຊາເລັມ ຊ້ອງ ຮານະ ກ້ອຍ, ໄລ່ ອາມິຣ ອິນ ຕຸ ກ້ອຍ ລາ ອະເກັນດາມາ. ປັຣນາຍ ກ້ອຍ ອິນຕີ ລ້ຮ ລາ 'ຕາລິງ ອາຮາມ.' 20 ອິນແຍ່ະ ຮາມິຣ ໄນ່ ເຕົາວ ປັຣເຍົາ ດາວິດ ອາຕີ ເຈີ່ ຕື່ງ ປື່ງ ປັຣນາຍ ລຳ ຍ່ອງ ເຢິງ ເຈົາຮາຊີ ປາຍ: 'ໂອນ ດຸງ ອັນ ແກິດ ດຸງ ເມົາດ ຊ້ອງ.

ຕາ ເບິນ ເມົາ ແອິດ ນ້ອງ ຕື່ງ ດຸງ ກ້ອຍ.' ກະ ດາວິດ ອາຕີ ມວຍ ປັຣນາຍ ການໍອ໌ ແອັນ ອິນ ຕຸ ກ້ອຍ:

'ໂອນ ກວາຍ ການໍອ໌ ໄປຣ ລ້ຮ ຮານະ ອັນ ຕະ.'

21-22 ມູ່ ຮີ ອິງເຄາະ ເບິນ ລ້ຮ ມານະ ແອັນ ຕະ ຮານະ ກະ ຮີ. ອິງເຄາະ ໄຮ ຮຽຣ ມານະ ກາ ແອິດ ກະ ຮີ ແຕ ຕາໄງ ໂຢຮັນ ຕະ ຮິດ ຕື່ງ ແດ້ອ໌ ໂອນ ເຢຊູ, ເຕົາ ແຕ້ອ໌ ຕາໄງ ເຢຊູ ຊ້ອຣ ປີ ມັນລ້ອງ. ກວາຍ ໄນ່ ອິງເຄາະ ອັນ ເບິນ ເຮີມ ເຢຊູ ກູຈິດ ເຈີ່ ອາມັງ ລ້ຮ. ນະກ້ອຍ ເຕ່ອ໌ ອັນ ອາຕີ ມັນຕຸ ກະ ຮີ ໂອນ ກວາຍ ການໍອ໌ ດັງ ເຕ່."

23 ນະກ້ອຍ ໄລ່ ຮຽຣ ເບິນ ບາຣ ນະ, ມາ ໄລ່ ອີ ອິດ ມານະ ຊ້ອງ. ຮາມິຣ ບາຣ ນະ ກ້ອຍ ລາ

ມັດເທຍ ກະ ໂຢເຊັບ. ໂຢເຊັບ ໄນ່, ເມົາ ດໍອ໌ ອັນ ບາຣ ຊັບບາ ແຕ້ລາ ຢູຊະໂຕ ແຮ. 24-25 ເຈີ່ ອິນ ແຍ່ະ ມູ່ ກ້ອຍ ເກົາແຊອ໌ ປາຍ: "ອິນເຈົາ ຮີ ເອີຍ! ເຍົາ ດັງ ອິນແຍ່ະ ກູ່ ຮາມິຣ ຕື່ງ ຮາງື່ຮ ກວາຍ. ນະກ້ອຍ ອິນເຈົາ ເອີຍ, ແຊອ໌ ເຍົາ ອາປັຣ ຈະ ກວາ ຍ ອາແລະ ແຕ ບາຣ ນະ ໄນ່ ກາ ເຍົາ ອີ ຮຽຣ ໂອນ ອັນ ຕະ ເຕ່ນ ລ້ຮ ຮານະ ຢູດາ ຕະ. ຢູດາ ຕັຣ ຮາ ນະ ໄນ່, ກະ ອັນ ເປາະ ແອິດ ຕື່ງ ອິນຕຸ ກວາຍ ຕາ ອໍ ແອິດ."

26 ແວັດ ໄລ່ ເກົາແຊອ໌ ເຈີ່, ໄລ່ ມັນຕັດ ອີ ຮຽຣ ມານະ ແຕ ບາຣ ນະ ກ້ອຍ. ໄລ່ ຮຽຣ ປຍາຍ໌ ມັດເທຍ. ນະກ້ອຍ ມັດເທຍ ມູ່ດ ຕະ ຮານະ ມັນ ຕຸ ກະ ໄລ່ ກາ ມັນຈິດ ລາ ມວຍ ນະ. ເຈີ່ ເມົາ ດໍອ໌ ໄລ່ ກາ ມວຍ ຈິດ ລາ ບາຣ ນະ ກ້ອຍ ລາ ກວາຍ ກາ ເຢຊູ ຮຽຣ ໂອນ ເປາະ ຕະ ຮານະ ອັນ.

## 2

ຮາເວົ້າຍ ເຢິງ ເຈົາຮາຊີ ແຕ້ອ໌

1 ພໍກາ ແຕ້ອ໌ ຕາໄງ ຈຸ່ມ ອິດຊະຮາເອລ ຈາ ຮໍອ໌ ຕາໄງ ຕັຣ ຊອດ,\* ມູ່ ກາ ຕາປຸ່ນ ເຢຊູ ເປາະ ໂຮ່ມ ມັນຕຸ. 2 ບັອງ ກາ ໄລ່ ໂຮ່ມ, ໄລ່ ຊັນຕັຣ ຊ້ອງ ຊຽງ ແຕ ມັນລ້ອງ ນະ ຊຽງ ກູຢາລ ຮາປູອ໌. ຊຽງ ໄນ່ ມູ່ດ ປັຣ ອິນແຍ່ະ ຕື່ງ ກຸງ ດຸງ ໄລ່ ຕາກູ. 3 ໄລ່ ເຮີມ ປັຣລາ ອູ່ຍະ ຮາຕັຣ ແກິດ ນະ ຮູ່ບ ເລົາຍຣ ເຈີ່ ແຕັດ ແອິດ ຕື່ງ ຈະ ກວາຍ ກູ່ ນະ. 4 ພໍກາ ກ້ອຍ ຮາເວົ້າຍ ເຢິງ ເຈົາຮາຊີ ມູ່ດ ຕະ ຊົດ ຕື່ງ ຮາງື່ຮ ໄລ່. ກະ ມັຮ ກວາຍ ກ້ອຍ ຕາແປ ຕະ ອິນ ຕີ ຊາອິ້ຍ ປັຣນາຍ ກວາຍ ການໍອ໌ ແອັນ, ຍ່ອນ ຮາ ເວົ້າຍ ເຢິງ ເຈົາຮາຊີ ໂອນ ໄລ່ ເຕ່ອ໌ ປາຍ.

5 ຕາໄງ ກ້ອຍ, ແອິດ ຕື່ງ ເມືອງ ເຢຣູຊາເລັມ ເບິ ນ ກວາຍ ອິດຊະຮາເອລ ແຕ ອິນແຍ່ະ ມັຮ ກຣວາງ ປິນ ມັນລ້ອງ ກຣຸ່ ເປາະ ໂຮ່ມ ປີ ກ້ອຍ. ໄລ່ ກ້ອຍ ຕາປຸ່ນ ຄານອດ ເຢິງ ເຈົາຮາຊີ ກຣັກ ລາລີ. 6 ພໍ ກາ ໄລ່ ຊ້ອງ ຊຽງ ກ້ອຍ, ກື່ງ ກວາຍ ເປາະ ໂຮ່ມ ປີ ດຸງ ມູ່ ກາ ຕາປຸ່ນ ເຢຊູ ແອິດ. ກູ່ ນະ ກວາຍ ກ້ອຍ ຊ້ອງ ເມົາ ຕະ ອິນຕີ ນະ ປັຣນາຍ ໄລ່ ເບີ ມ; ເຈີ່ ໄລ່ ຊ້ອງ ຈິດ ລາລີ. 7 ໄລ່ ຊ້ອງ ຊັນຕັຣ, ກະ ໄລ່ ປາຍ: "ມັຮ ກວາຍ ກາ ອາຕີ ໄນ່, ໄລ່ ລາ ກວາຍ ຄາລີເລ ອິນແຍ່ະ. 8 ມາ ນຸນະ ແຕ ໄຮ ຊ້ອງ ໄລ່ ຕະ ອິນຕີ ປັຣນາຍ ແຕ ອິມເປ່ອ໌ ອິມ

\* 1:13 1:13 "ຊີໂລດ" ຕະ ອິນຕີ ລ້ຮ ລາ "ກວາຍ ກາ ອາໂຢະ ດຸງ ກຣວາງ ເບິນ ລາລີ." ຊີໂນນ ອັນ ຕະ ຮານະ ໂອນ ຈຸ່ມ ກວາຍ ກາ ຍິອ໌ ອີ ຊຳເບິນ ລ້ຮ ກຣວາງ ອິດຊະຮາເອລ ແຕ ກຣວາງ ໂຮມ, ລາ ຮາມິຣ ຊີໂລດ. \* 2:1 2:1 ຕາໄງ ຕັຣ ຊອດ ລາ ຕາໄງ ໄລ່ ດໍອ໌ ເພັນເຕຄໍຊະຕ, ຍ່ອນ ແຕ ຕາໄງ ອາກັຣ ແຕ້ອ໌ ຕາໄງ ຕັຣ ຊອດ ເບິນ 50 ຕາໄງ. ຕາໄງ ກ້ອຍ ເຊິງ ຈິດ ຕາໄງ ແວັດ ເຢຊູ ກູຈິດ.

ບໍ່ ໄຮ ເບີມ? <sup>9</sup> ໄຮ ລາ ກວາຍ ແຕ ຊາອີ້ຍ ກຮວາງ. ເບີນ ກວາຍ ແຕ ກຮວາງ ປາເທຍ, ເມເດຍ, ເອລາມ, ເມໂຊໂປຕາເມຍ, ຢູດາຍ, ກາປາໂດທາຍ, ປິນໂຕ, ເອເຊຍ, <sup>10</sup> ພິເຄຍ, ປາພິເລຍ, ເອຢິບ, ກະ ລິເບຍ ແຈ່ວ ກິເຣເນ. ກະ ເບີນ ກວາຍ ຕາມອຍ ແຕ ເມືອງ ໂຮມ ແຮ້. <sup>11</sup> ມວຍ ຈຸ່ມ ລາ ໄຮ ກວາຍ ອິດຊະຮາເອລ, ມວຍ ຈຸ່ມ ລາ ກວາຍ ການໍ້ອໍ ກາ ປຣໍອມ ຕາປູນ ຄານອດ ອິດຊະຮາເອລ. ມວຍ ຈຸ່ມ ໄຮ ລາ ກວາຍ ກະເຣເຕ, ມວຍ ຈຸ່ມ ລາ ກວາຍ ອາຣັບ. ໄຮ ລາ ກວາຍ ແຕ ອິມພາ ກຮວາງ, ມາ ໄຮ ເຕ່ອໍ ຊ້ອງ ຕຶ້ງ ປຣນາຍ ໄຮ ເບີມ ໄລ່ ອາຕີ ແຕ ຮານະ ປິດ ເຢີງ ເຈົ້າຮາຊີ ຕະ."

<sup>12</sup> ມະກ້ອຍ ອິນແຍ່ະ ມັຮ ໄລ່ ຊັນຕັຣ ກະ ຊ້ອງ ງິດ ລາລີ້ ຕຶ້ງ ຮາງິຣ ໄລ່. ມານະ ຕາແບັບ ມານະ ປາຍ: "ຮານະ ໄມ່ ແກັດ ນານະ ນໍ້?"

<sup>13</sup> ມາ ເບີນ ກວາຍ ການໍ້ອໍ ອາເຢ່ ພາມາດ ປາຍ: "ໄລ່ ກ້ອຍ ບູລ ມ້ອງ."

ເປໂຕ ອາຕີ ກວາຍ ກຶ້ງ

<sup>14</sup> ເຈີ່ ເປໂຕ ກະ ເຍົາ ອັນ ມວຍ ຈິດ ລາ ມວຍ ນະ, ໄລ່ ຢວຣ ຕາຢິງ. ເປໂຕ ອາຕີ ກວາຍ ກຶ້ງ ກ້ອຍ ເຣ່ງ ລາລີ້ ປາຍ: "ກວາຍ ອິດຊະຮາເອລ ກະ ເຍົາ ກາ ແອັດ ຕຶ້ງ ເມືອງ ເຢຣູຊາເລັມ ເອີຍ! ເຍົາ ຊາງັດ ໂອນ ກຣັກ ລາລີ້ ປຣນາຍ ເກົາ ອາຕີ ໂອນ ເຍົາ. <sup>15</sup> ເຍົາ ຄິດ ປາຍ ຮິ ບູລ ມ້ອງ. ມາ ຮິ ຕາ ເບີນ ບູລ ອິນເຕົ້າ. ຕາແບັ ມານາງ ຈັຮ ຊາລຍາ, ອິນແລ່ະ ຮິ ອີ ບູລ? <sup>16</sup> ມັຮ ຮາມິຣ ອິນເຕົ້າ ເຍົາ ຊ້ອງ ຊານໍ່, ຮາມິຣ ກ້ອຍ ລາ ໄກຣ ລາລີ້ ໂຢເອລ, ກວາຍ ອາຕີ ຕາງ ປຣນາຍ ເຢີງ ເຈົ້າຮາຊີ, ອາຕີ ແຕ ອິມແບັ ປາຍ:

<sup>17</sup> 'ເຢີງ ເຈົ້າຮາຊີ ປາຕັບ ກວາຍ ປາຍ:

"ຕຶ້ງ ມັຮ ຕາໄງ ແຈ່ວ ອີ ແຕ້ອໍ ຕາໄງ ປຣຊັດ, ເກົາ ໂອນ ຮາເວີຍ ເກົາ ມູ່ດ ຕຶ້ງ ຮາງິຣ ອິນ ແຍ່ະ ມັຮ ກວາຍ.

ມະກ້ອຍ ກອນ ຮາເລົາ ກອນ ມັນແຊມ ເຍົາ, ເຕ່ອໍ ໄລ່ ອາຕີ ຕາງ ປຣນາຍ ແຕ ເກົາ.

ມັຮ ກວາຍ ຮາເລົາ ມຸ່ມ ແຕ ມູ່ ເຍົາ, ຮາເວີຍ ເກົາ ໂອນ ດັງ ອິນໂຍ່ງ ຮານະ ຕາ ຢວາຣ ແຕ້ອໍ.

ກະ ມັຮ ກວາຍ ຮາເລົາ ເທົາ ແຕ ມູ່ ເຍົາ, ຮາເວີຍ ເກົາ ອາຕີ ໄລ່ ແຕ້ອໍ ຮານາ ຮາເລົາ ອິມເປົາ.

<sup>18</sup> ຕຶ້ງ ຕາໄງ ກ້ອຍ ເກົາ ໂອນ ມັຮ ກວາຍ ກາ ຕະ ຮານະ ເກົາ ເບີນ ຮາເວີຍ ເກົາ, ກາ ຮາເລົາ, ກາ ມັນແຊມ, ໂອນ ໄລ່ ເຕ່ອໍ ອາຕີ ຕາງ ປຣນາຍ ແຕ ເກົາ.

<sup>19</sup> ເກົາ ຕະ ຮານະ ຕຶ້ງ ມັນລ້ອງ ກາ ເມົາ ຕາ ເກີ້ຍ ເຮີມ.

ກະ ເກົາ ຕະ ຮານະ ຕຶ້ງ ກູແຕອໍ ກາ ເມົາ ຕາ ເກີ້ຍ ດັງ.

ຮານະ ໄມ່ ລາ ອາຮາມ, ອູ່ຍຮ, ກະ ປາຣ ຍາອໍ.

<sup>20</sup> ມັດ ມານາງ ແກັດ ການໍາ ຊ້ອງ, ກະ ຮາລັງ ກາໄຊ ແກັດ ກູເຊົາ ມະ ອາຮາມ.

ພໍກາ ເຍົາ ເຮີມ ຮານະ ໄມ່, ອິນເຈົ້າ ເຍົາ ແຈ່ວ ອີ ແຕ້ອໍ ເອີຍ.

<sup>21</sup> ກວາຍ ອາແລ່ະ ກາ ກູອໍ ຮາມິຣ ອິນເຈົ້າ, ອິນເຈົ້າ ຈ່ອຍ ອາມັງ ກວາຍ ກ້ອຍ."

<sup>22</sup> ເຈີ່ ເປໂຕ ອາຕີ ແອັນ ປາຍ: "ກວາຍ ອິດຊະ ຮາເອລ ເອີຍ! ເຍົາ ຊາງັດ ປຣນາຍ ເກົາ. ເຢຊູ, ລາ ກວາຍ ແຕ ວິລ ນາຊາເຣັດ, ເຢີງ ເຈົ້າຮາຊີ ໂອນ ອັນ ຕະ ຊາອີ້ຍ ຮານະ ຕາ ເກີ້ຍ ເຮີມ ກະ ຮາ ມະ ການໍ້ອໍ ແຮ້ ໂອນ ເຍົາ ດັງ ແຈງ ລາລີ້ ປາຍ ອັນ ລາ ແຕ້ອໍ ແຕ ເຢີງ ເຈົ້າຮາຊີ. ເຍົາ ດັງ ເຈີ່ ອັນ ຕະ ຮານະ ໄມ່. <sup>23</sup> ເຢຊູ ໄມ່ ເຢີງ ເຈົ້າຮາຊີ ດັງ ແຕ ອິນ ໂຍ່ງ ກະ ອັນ ນັດ ດໍອໍ ໂອນ ເຍົາ ມ່ອບ ເຢຊູ ແຕ້ອໍ ປີ ມັຮ ກວາຍ ຕາ ແກັນ ກວາຍ ອິດຊະຮາເອລ ໂອນ ໄລ່ ກາຈິດ ອັນ, ແຕັຣ ອັນ ຕຶ້ງ ອາລອງ ຊັງ ກັງ. <sup>24</sup> ມາ ເຢີງ ເຈົ້າຮາຊີ ໂອນ ເຢຊູ ອາມັງ ລັຮ. ບ້ອງ ກາ ກ້ອຍ ລາ ມະ ຮານະ ກູຈິດ ຊັດ ເຢຊູ ຈັບ ລາລີ້, ມາ ເຢີງ ເຈົ້າຮາຊີ ອາແລັຣ ລັຮ ແຕ ຮານະ ກູຈິດ ກ້ອຍ. ຍ່ອນ ອັນ ຕາ ໂອນ ຮານະ ກູຈິດ ຕະ ຊັດ ນ້ອງ ກອນ ອັນ. <sup>25</sup> ເຕົາວ ປຣເຍົາ ດາວິດ ອາ ຕີ ແຕ ອິມແບັ ເຈີ່ ແຕ ເຢຊູ. ອັນ ປາຍ:

'ເກົາ ເຮີມ ເຢີງ ເຈົ້າຮາຊີ ລາ ແອັດ ເລືອຍໆ ກະ ເກົາ.

ຍ່ອນ ອັນ ແອັດ ຍັຮ ອາຕໍ່າ ເກົາ, ຕາ ເບີນ ຮານະ ຊິນເຕົ້າ ເຕ່ອໍ ຕະ ໂອນ ເກົາ ຕາ ເບີນ ຊາເບັງ.

<sup>26</sup> ມະກ້ອຍ ເກົາ ຊ້ອງ ຮໍອໍ ລາລີ້, ກະ ປຣນາຍ ເກົາ ຍ່ອງ ລາ ຮໍອໍ ເຕ່.

ເກົາ ຕາ ເບີນ ອິງກ້ອຣ ຈະ ເກົາ ກູຈິດ, ຍ່ອນ ເກົາ ດັງ ແຈງ ລາລີ້ ເຈີ່ ປຣແນີ ມັນ ເຕຣົາ ເກົາ ເບີນ ອາມັງ ລັຮ,

<sup>27</sup> ຍ່ອນ ເຍົາ ຕາ ເບີນ ອາປ້ອງ ຕັຣ ເກົາ ຕຶ້ງ ອິນຕຸ ກວາຍ ກູຈິດ ແອັດ.

ເຍົາ ຕາ ເບີນ ໂອນ ກວາຍ ກາ ຕະ ຮານະ ເຍົາ ກາ ຕາ ເບີນ ໄລ່ຍຮ ອິນເຕົ້າ ມາ ແກັດ ລາ ບວຍິ.

28 ເຍົາ ຊາດອຍ ເຈົ້າ ໂອນ ເກົາ ດັງ ຮານາ ເປາະ ປິ ອິນຕຸ ອາມັງ ເລື້ອຍໆ.

ຍ້ຮ ເມັງ ເຍົາ, ຮາງ້ຮ ເກົາ ແກັດ ຮໍ້ອ ລາ ລໍ້."

29 ເຈົ້າ ເປັຕ ອາຕີ ແອັນ ປາຍ: "ແຊມອາຍ ເອີຍ! ເກົາ ອົງເຄາະ ອາຕີ ໂອນ ເຍົາ ດັງ ແຈງ ລາ ລໍ້ ແຕ ດາວິດ. ອັນ ລາ ອາວຈາຍຮ ອາເຈ່ຮ ໄຮ. ໄກຮ ລາລີ້ ອັນ ກູຈິດ ເຈົ້າ, ກະ ເມົາ ແຕັບ ອັນ ຕົງ ປິ່ງ. ຕາໄງ ໄນ່ ໄຮ ດັງ ອິນຕຸ ປິ່ງ ອັນ. 30 ມາ ດາວິດ ໄນ່, ອັນ ລາ ກວາຍ ອາຕີ ຕາງ ປັຮນາຍ ເຢັງ ເຈົ້າຮາຊີ ເຕ່. ດາວິດ ດັງ ປຍາຍ ເຢັງ ເຈົ້າຮາ ຊີ ປຣ່ອມ ກະ ອັນ ປັຮແນີ ມັນເຕຣີາ ເບີນ ມານະ ແຕ ຈຸ່ມເຈັອ ອັນ ແກັດ ເຕົາວ ປັຮເຍົາ ຕາງ ລໍ້ຮ ອັນ. 31 ດາວິດ ລາ ແດັຍ ອິນໂຍ່ງ, ອິນຕຸ່ນ ລາລີ້ ລາ ແດັຍ ເຢຊູ. ມາ ດາວິດ ດັງ ອິນໂຍ່ງ ປາຍ, ກຣິ ດ ກູຈິດ ມາ ເຕ່ອ ອາມັງ ລໍ້ຮ. ນະກ້ອຍ ດາວິດ ດັງ ແຈງ ຮາເວົ້າຍ ອັນ ຕາ ເບີນ ແອັດ ຕົງ ອິນຕຸ ກວາຍ ກູຈິດ ແອັດ, ກະ ຈະ ອັນ ກູຈິດ ລາ ຕາ ເບີ ນ ລາບວຍ ອິນເຕົາ. 32 ຮານະ ເຢຊູ ອາມັງ ລໍ້ຮ ໄນ່, ມັດ ຮິ ເຮີມ. ຍ່ອນ ນະກ້ອຍ ເຕ່ອ ຮິ ອາຕີ ໂອນ ເຍົາ ຊ້ອງ ແຈງ. 33 ເຢັງ ເຈົ້າຮາຊີ ໂອນ ເຢຊູ ແອັດ ຍ້ຮ ອາຕົ່ ອັນ. ກະ ເຢັງ ເຈົ້າຮາຊີ ໂອນ ຮາ ເວົ້າຍ ອັນ ປິ ເຢຊູ, ມັຮ ອັນ ເອີອັ ແຕ ອິນໂຍ່ງ. ເຈົ້າ ເຢຊູ ພາອັ ຮາເວົ້າຍ ເຢັງ ເຈົ້າຮາຊີ ໂອນ ແອັດ ຕົງ ແດັຍ ຊານຸ່. ນະກ້ອຍ ຮານະ ເຍົາ ຊ້ອງ ກະ ເຮີມ ຊານຸ່, ຮານະ ໄນ່ ລາ ຮາເວົ້າຍ ເຢັງ ເຈົ້າຮາຊີ ຕະ. 34-35 ກະ ມັຮ ປັຮນາຍ ດາວິດ ອາຕີ, ຕາ ແກັນ ອັນ ປາຍ ແຕ ຈະ ອັນ ເບີມ ອີ ຊ້ອຮ ປິ ມັນລ້ອງ. ມາ ດາວິດ ອາຕີ ປາຍ:

'ເຢັງ ເຈົ້າຮາຊີ ອາຕີ ໂຈະ ອິນເຈົ້າ ເກົາ ປາຍ:  
"ໄນ່ ຕາກູ ແອັດ ຍ້ຮ ອາຕົ່ ເກົາ  
ເຕົ່າ ແຕ້ອ ຕາໄງ ແລະ ເກົາ ໂອນ ໄລ່ ກາ ຍິອ ອີ ຕະ  
ໄນ່  
ແອັດ ປິ່ນ ຕາລາງ ອາເຢັງ ໄນ່."

36 ເຈົ້າ ເປັຕ ອາຕີ ແອັນ ປາຍ: "ມັຮ ກວາຍ ອິດຊະຮາເອລ ເອີຍ! ເກົາ ອາຕີ ໂອນ ເຍົາ ດັງ ແຈງ ຮານະ ໄນ່. ເຢັງ ເຈົ້າຮາຊີ ໂອນ ເຢຊູ ແກັດ ອິນເຈົ້າ ອິນແຍະ ມັຮ ກວາຍ. ກະ ເຢັງ ເຈົ້າຮາ ຊີ ໂອນ ເຢຊູ ແກັດ ກຣິດ, ອັນ ກາ ເຢັງ ເຈົ້າຮາຊີ ຮຽຮ ດໍອ ຈ່ອຍ ອາມັງ ກວາຍ. ມາ ເຍົາ ກາຈິດ ເຈົ້າ ເຢຊູ."

37 ພໍກາ ກວາຍ ກ້ອຍ ຊ້ອງ ປັຮນາຍ ໄນ່, ຮາງ້ຮ ໄລ່ ຊ້ອງ ຕຸຣ ລາລີ້. ໄລ່ ຕາແບັບ ເປັຕ

ກະ ເຍົາ ອັນ ປາຍ: "ແຊມອາຍ ເອີຍ! ນານະ ຮິ ອີ ຕະ ຊານຸ່?"

38 ເປັຕ ຕາແອັຍ ໄລ່ ປາຍ: "ອົງເຄາະ ເຍົາ ຕັຮ ຮາງ້ຮ ຕຍາ ປຽນ ແກັດ ຮາງ້ຮ ຕາໄມ ແອັນ. ກະ ອົງເຄາະ ເຍົາ ຮັບ ຮິ່ດ ຕົງ ແດັອ ຍ່ອນ ຮາມິ່ຮ ເຢຊູ ກຣິດ. ນະກ້ອຍ ເຢັງ ເຈົ້າຮາຊີ ຕັຮ ໄລ່ຍຮ ເຍົາ, ກະ ເຢັງ ເຈົ້າຮາຊີ ອີ ໂອນ ເຍົາ ເບີນ ຮາເວົ້າຍ ອັນ ແອັດ ກະ ເຍົາ. 39 ເຢັງ ເຈົ້າຮາຊີ ຍິອ ອີ ໂອນ ຮາ ເວົ້າຍ ອັນ ປິ ເຍົາ, ກອນ ເຍົາ ກະ ປິ ມັຮ ກວາຍ ແຕ ກຮວາງ ເຢັງ ແຮີ. ເຢັງ ເຈົ້າຮາຊີ ອິນເຈົ້າ ໄຮ ໂອນ ອິນແຍະ ມັຮ ກວາຍ ກາ ອັນ ຮຽຮ ດໍອ ແຕ້ອ ປິ ອັນ."

40 ເປັຕ ອາຕີ ຊາອິ້ຍ ລາລີ້ ແອັນ ແຕ ຮານະ ເຢຊູ. ກະ ອັນ ຕາໄມຮ ໄລ່ ປາຍ: "ອົງເຄາະ ເຍົາ ຕັຮ ຊ້ອງ ຮານະ ຕາ ອໍ, ໂອນ ເຍົາ ເຕ່ອ ວຍາຮ ແວັດ ແຕ ໂຕ່ດ ກາ ອີ ແຕ້ອ ປິ ກວາຍ ກາ ຮາງ້ຮ ໄກະ ຕົງ ແດັຍ ໄນ່."

41 ເບີນ ມາຮ ໄປ ປິ່ນ ນະ ກວາຍ ກາ ຊາອໍ ປັຮ ນາຍ ເປັຕ ອາຕີ. ກະ ໄລ່ ຮັບ ຮິ່ດ ຕົງ ແດັອ, ຕະ ໂອນ ເມົາ ດັງ ປາຍ ໄລ່ ຊາອໍ ເຢຊູ ກຣິດ. ນະກ້ອຍ ໄລ່ ປຣ່ອມ ມວຍ ຮາງ້ຮ ກະ ມູ ກາ ຕາປູ່ນ ເຢຊູ. 42 ໄລ່ ໄນ່ ເປາະ ໂຮ່ມ ດຸໆ ກະ ມູ ກາ ເຢຊູ ຮຽຮ ປາ ຈຸ່ຮ ໂອນ ເປາະ ຕະ ຮານະ ອັນ. ໄລ່ ໂຮ່ມ ເກົາແຊອ ມັນຕຸ, ກະ ໄລ່ ປັຮ ໂດຍ ບຸຣ ຈາ ຊາແຍີ ເຢຊູ ກູ ຈິດ ຕາງ ໄລ່.

ມູ ກາ ຊາອໍ ເຢຊູ ປຣ່ອມ ມວຍ ຮາງ້ຮ

43 ອິນແຍະ ມັຮ ກວາຍ ການໍອ ງິ່ດ ກະ ຊ້ອງ ແດັດ ຮາງ້ຮ, ຍ່ອນ ໄລ່ ເຮີມ ມູ ກາ ເຢຊູ ຮຽຮ ປາ ຈຸ່ຮ ຕະ ຊາອິ້ຍ ຮານະ ຕາ ເກີ້ຍ ເຮີມ ມັຮ ເຢັງ ເຈົ້າຮາຊີ ໂອນ ໄລ່ ຕະ. 44 ອິນແຍະ ໄລ່ ກາ ຊາອໍ ເຢຊູ, ໄລ່ ແກັດ ມວຍ ຮາງ້ຮ. ມັຮ ເກຣັງ ໄລ່ ເບີ ນ, ໄລ່ ປຣ່ອມ ຈຸງ. 45 ໄລ່ ຈິ ກູແຕອ ກະ ເກຣັງ ໄລ່; ເຈົ້າ ປຣະ ກ້ອຍ ໄລ່ ປາໂຮ່ມ ດໍອ ມວຍ ອິນ ຕຸ. ກວາຍ ອາແລະ ແອີ, ໄລ່ ຈ່ອຍ ກວາຍ ກ້ອຍ. 46 ກູ ຮາໄງ ໄລ່ ເປາະ ໂຮ່ມ ປິ ດຸງ ຊາງ. ກະ ໄລ່ ໂຮ່ມ ຈາ ຮໍ້ອ ມັນຕຸ ແຮີ, ມວຍ ຕາໄງ ດຸງ ອັນ ໄນ່, ມວຍ ຕາໄງ ດຸງ ອັນ ກ້ອຍ. ໄລ່ ແກັດ ຮໍ້ອ ລາລີ້ ຕົງ ຮາງ້ຮ ໄລ່, ມານະ ຈ່ອຍ ມານະ ອິນແຍະ ແຕ ຮາງ້ຮ. 47 ໄລ່ ຍ່ອງ ເຢັງ ເຈົ້າຮາຊີ ເລື້ອຍໆ. ອິນ ແຍະ ມັຮ ກວາຍ ຕົງ ເມືອງ ເຢຣູຊາເລັມ ຍ່ອງ ໄລ່ ກາ ຊາອໍ ເຢຊູ. ກະ ກູ ຮາໄງ ເຢັງ ເຈົ້າຮາຊີ ກູອັ

ໂອນ ກວາຍ ການໍ້ອໍ ຊາອໍາ ເຢຊູ; ເຈີ້ ໄລ່ ມູ່ດ ຕິ່ງ ມູ່ ກາ ຊາອໍາ ເຢຊູ ເຕ່.

### 3

ກວາຍ ໂຢດ ແບຣັຮ

1 ເບີນ ມວຍ ຕາໂງ ແຕ້ອໍ ມານາງ ວິ່ຮ ລາ ປາ ເມ່ນ ເມົາ ດຸ ເກົາແຊອໍ, ເປໂຕ ກະ ໂຢຮັນ ເປາະ ປິ ດຸງ ຊາງ ປິ່ດ. 2 ໄລ່ ແຈ່ະ ອີ ແຕ້ອໍ ງັຮ ຕິ່ງ ກາ ເມົາ ດໍອໍ ງັຮ ຕິ່ງ ອໍ. ແຈ່ະ ງັຮ ຕິ່ງ ກ້ອຍ ໄລ່ ເຮີມ ມານະ ຮາເລົາ ໂຢດ ແອິດ ຕາກູ. ອັນ ໂຢດ ແຕ ອິມເປ ອໍ ອັນ ຮັຮ. ກູ່ ຮາໂງ ເມົາ ເດິງ ດໍອໍ ອັນ ປິ ອິນຕຸ ກ້ອຍ, ໂອນ ອັນ ແຊອໍ ປຣະ ແຕ ກວາຍ ກາ ມູ່ດ ຕິ່ງ ງັຮ ຕິ່ງ ກ້ອຍ. 3 ພໍກາ ກວາຍ ໂຢດ ໄນ່ ເຮີມ ເປໂຕ ກະ ໂຢຮັນ ອີ ມູ່ດ ດຸງ ຊາງ, ອັນ ແຊອໍ ປຣະ ແຕ ໄລ່. 4 ເຈີ້ ເປໂຕ ກະ ໂຢຮັນ ເມ່ ຊັຮກູ່ອງ ປິ ກວາຍ ໂຢດ ກ້ອຍ, ກະ ເປໂຕ ປາຍ: "ໄນ່ ເມ່ ປິ ຮິ ໄນ່."

5 ເຈີ້ ກວາຍ ໂຢດ ກ້ອຍ ເມ່ ປິ ໄລ່. ອັນ ຄິ່ດ ປາຍ ໄລ່ ບາຣ ນະ ອີ ໂອນ ອັນ ປຣະ. 6 ມາ ເປໂຕ ປາຍ ລັຮ ນະໄນ່: "ປຣະ ແຢງ ເກົາ ຕາ ເບີນ ເຕ່. ມາ ອິນເຕົາ ເກົາ ເບີນ, ເກົາ ຍິໍ ອີ ຈ່ອຍ ໂອນ ໄນ່. ຍ່ອນ ຮາມິ່ຮ ເຢຊູ ກຣິດ ແຕ ວິລ ນາຊາເຣັດ, ເອົາ! ໄນ່ ຢວຣ ຕາຍິງ; ເຈີ້ ໄນ່ ເປາະ!"

7 ເປໂຕ ເຕີ ອາຕີ ອາຕົ່ ກວາຍ ໂຢດ ກ້ອຍ ອາ ຢວຣ ອັນ ຕາຍິງ. ບັອງ ກາ ກ້ອຍ ແຕ່ ອາເຢັງ ອັນ ແກິດ ແບຣັຮ. 8 ຢຸກຢັກ ແຕ່ ອັນ ຢວຣ. ອັນ ເປາະ ຮານາ ອາເຢັງ ມູ່ດ ຕິ່ງ ດຸງ ຊາງ ມັນຕຸ ກະ ເປໂຕ ກະ ໂຢຮັນ. ບັອງ ອັນ ເປາະ ບັອງ ອັນ ອິມ ປ່ອນ ຕຣຸ່ຮ; ອັນ ຍ່ອງ ເຢັງ ເຈົາຮາຊີ. 9 ອິນແຍ ະ ມັຮ ກວາຍ ຕິ່ງ ດຸງ ຊາງ ກ້ອຍ, ໄລ່ ເຮີມ ອັນ ຕາ ຢັຮ ອາເຢັງ ກະ ຍ່ອງ ເຢັງ ເຈົາຮາຊີ. 10 ໄລ່ ຊາກໍ ລ ອັນ ໄນ່ ລາ ກວາຍ ເກີ້ຍ ເທຣາະ ແຊອໍ ປຣະ ແຈ່ະ ງັຮ ຕິ່ງ ອໍ. ໄລ່ ງິ່ດ ເຕ່ ພໍກາ ເຮີມ ອາເຢັງ ກວາຍ ໄນ່ ແກິດ ອໍ ລັຮ.

ເປໂຕ ອາຕີ ຕິ່ງ ດຸງ ຊາງ ປິ່ດ

11 ຕິ່ງ ດຸງ ຊາງ ກ້ອຍ ເບີນ ມານໍາ ລາບຍາງ ເມົາ ດໍອໍ ລາບຍາງ ໂຊໂລໂມນ. ເປໂຕ ກະ ໂຢຮັນ ແອິດ ຕິ່ງ ລາບຍາງ ກ້ອຍ; ກະ ອັນ ກາ ອາເຢັງ ແກິດ ແບຣັຮ ລາ ແອິດ ຢຸມ ດໍອໍ ໄລ່ ເຕ່. ກິ່ງ ກວາຍ ປັຣລັອງ ແຕ້ອໍ ປິ ອິນຕຸ ໄລ່ ແອິດ, ກະ ໄລ່ ຊັອງ ງິ່ດ ລາລີ້. 12 ພໍກາ ເປໂຕ ເຮີມ ກວາຍ ກິ່ງ ກ້ອຍ, ອັນ ອາຕີ ໄລ່ ປາຍ: "ກວາຍ ອິດຊະຮາເອລ ເອີຍ! ນານະ ເຍົາ ງິ່ດ ແຕ ຮານະ ໄນ່? ນານະ ເຍົາ ເມ່

ຊັຮກູ່ອງ ເລືອຍໆ ປິ ຮິ? ເຍົາ ຄິ່ດ ປາຍ ເຕ່ອໍ ຮິ ຕະ ເບີມ ຮານະ ໄນ່ ປິ່? ກະ ເຍົາ ຄິ່ດ ປາຍ ຮິ ອໍ ກາເລີຍ ແຕ ເຍົາ ການໍ້ອໍ ຍິ່ຮ ເມົາງ ເຢັງ ເຈົາຮາຊີ ປິ່? ຕາ ແກິນ ແຕ ຮິ, ມາ ກວາຍ ໄນ່ ແກິດ ແບ ຣັຮ. 13 ເຢັງ ເຈົາຮາຊີ ໄຮ, ອັນ ກາ ອາຈວາຍຮ ອາເຈ່ຮ ໄຮ ອັບຮາຮາມ, ອິຊາກ, ກະ ຢາໂຄບ ຊາງ, ເຢັງ ເຈົາຮາຊີ ໂອນ ເຢຊູ, ກອນ ອັນ, ແກິດ ຊົດ ລາລີ້. ມາ ເຍົາ ມ່ອບ ເຢຊູ ປິ ອາຕີ ປີລາດ, ລາ ກວາຍ ຊົດ ຕິ່ງ ກຣວາງ ໄນ່. ພໍກາ ປີລາດ ຍິໍ ອີ ອາໂຣຍຮ ເຢຊູ, ເຍົາ ຕາ ເບີນ ໂອນ ອັນ ອາໂຣຍຮ. 14 ມາ ເຍົາ ຕັຮ ຊັອງ ເຢຊູ, ລາ ກວາຍ ກາ ຕານ້ອງ ອໍ, ຕາ ເບີນ ໄລ່ຍຮ ອິນເຕົາ. ເຈີ້ ເຍົາ ອາໂຣຍຮ ກວາຍ ກາ ເກີ້ຍ ກາຈິດ ກວາຍ. 15 ເຍົາ ກາຈິດ ເຢຊູ, ອັນ ກາ ໂອນ ໄຮ ເບີນ ອາມັງ. ມາ ເຢັງ ເຈົາຮາຊີ ໂອນ ອັນ ອາມັງ ລັຮ. ຮິ ດັງ ຮານະ ໄນ່ ປຍາຍິ, ຍ່ອນ ຮິ ເຮີມ ເຈີ້ ມັຮ ຮານະ ໄນ່. 16 ເຍົາ ຊາກໍລ ກວາຍ ໂຢດ ໄນ່ ແຕ ອິນໂຢ່ງ. ຍ່ອນ ຮິ ຊາ ອໍາ ເຢຊູ, ກະ ຍ່ອນ ຮາມິ່ຮ ອັນ, ມາ ກວາຍ ໄນ່ ແກິດ ແບຣັຮ. ເຢຊູ ແຕ່ ຕະ ຮານະ ໄນ່ ໂອນ ມັດ ເຍົາ ເຮີມ.

17 "ແຊມອາຍ ເອີຍ! ເກົາ ດັງ ເຈີ້ ເຍົາ ກາຈິດ ເຢຊູ ຍ່ອນ ເຍົາ ຕາ ເບີນ ດັງ, ກະ ກວາຍ ຊົດ ເຍົາ ລາ ຕາ ເບີນ ດັງ ເຕ່. 18 ມາ ຮານະ ໄນ່ ເຢັງ ເຈົາຮາຊີ ອາຕີ ເຈີ້ ແຕ ອິມແບີ ຮານາ ກວາຍ ອາ ຕີ ຕາງ ປັຣນາຍ ອັນ. ໄລ່ ປາຍ ກຣິດ, ອັນ ກາ ເຢັງ ເຈົາຮາຊີ ຮຽຮ ດໍອໍ ຈ່ອຍ ອາມັງ ກວາຍ, ອິງ ເຄາະ ຈິວ ຊາອິຍ ຮາມິ່ຮ ຕຸ່ຮ ກັດ. ປັຣນາຍ ໄນ່ ແກິດ ຊັງໂກຣ ກະ ເຢຊູ. 19 ນະກ້ອຍ, ອິງເຄາະ ກູ່ ນະ ເຍົາ ຕັຮ ຮາງິຮ ຕຍາ ປຽນ ແກິດ ຮາງິຮ ຕາ ໄມ ແອັນ, ກະ ປຽນ ລັຮ ຕາປູ່ນ ເຢັງ ເຈົາຮາຊີ. ເຈີ້ ອັນ ອາເຮົາວ ໄລ່ຍຮ ເຍົາ ໂອນ ບຣັຮ. ຄັນ ນະກ້ອຍ, ແຕ່ອໍ ເຢັງ ເຈົາຮາຊີ ຈ່ອຍ ຮາງິຮ ເຍົາ ແກິດ ລາແຮີຍ ລັຮ. 20 ກະ ປັຣແນີ ມັນເຕຣີ ເຢັງ ເຈົາຮາຊີ ແປຣີ ເຢຊູ ກຣິດ ແຕ້ອໍ ລັຮ ປິ ກູ ແຕອໍ ໄນ່ ມູເຈິງ ອັນ ປາຍ ແຕ ອິນໂຢ່ງ ເຈີ້. 21 ມາ ຊານໍ່ ເຢຊູ ອິງເຄາະ ແອິດ ຕິ່ງ ມັນລັອງ ເຕົາ ແຕ້ອໍ ຕາໂງ ເຢັງ ເຈົາຮາຊີ ອາຕີ ກູແຕອໍ ໄນ່ ໂອນ ອໍ ລັຮ ນະ ຕາແບີ ອັນ ແຕງ ແຕ ກໍ ຊາ. ເຢັງ ເຈົາຮາຊີ ອາຕີ ດໍອໍ ເຈີ້ ຮານະ ກ້ອຍ ຮານາ ກວາຍ ອາຕີ ຕາງ ປັຣນາຍ ອັນ ແຕ ອິມແບີ. 22 ມານະ ແຕ ກວາຍ ອາຕີ ຕາງ ປັຣນາຍ ກ້ອຍ ລາ ໂມເຊ. ອັນ ປາຍ:

'ປັຣແນີ ມັນເຕຣີ ເຢັງ ເຈົາຮາຊີ ແປຣີ ມານະ ແຕ ຈຸ່ມ ໄຮ

ຕະ ຮານະ ອາຕີ ຕາງ ປັນນາຍ ອັນ ມູເຈິງ  
ເກົ້າ ເຕ່  
ອີງເຄາະ ເຍົາ ຊາງັດ ກະ ຕະ ຕາປຸ່ນ ປັນນາຍ  
ອັນ ອາຕີ.

23 ກວາຍ ອາແລະ ຕາ ເບີນ ຕະ ຕາປຸ່ນ ປັນນາຍ  
ກວາຍ ໄມ່,  
ເຢິງ ເຈົ້າຮາຊີ ກາແລ້ຍຮ ຕັຮ ຊ້ອງ ກວາຍ  
ກ້ອຍ ແຕ ຈຸ່ມ ກາ ອັນ ຊົດ.'

24 "ອິນແຍະ ມັຮ ກວາຍ ອາຕີ ຕາງ ປັນນາຍ  
ເຢິງ ເຈົ້າຮາຊີ ແຕ ແດ້ຍ ຊາມູເອລ, ອາຕີ ເຈີ້ ແຕ  
ຮານະ ກາ ໄຮ ເຮີມ ຕິ່ງ ແດ້ຍ ຊາມໍ່ ໄມ່. 25 ມູ່ ກວາ  
ຍ ອາຕີ ຕາງ ປັນນາຍ ເຢິງ ເຈົ້າຮາຊີ ໄມ່ ລາ ອາ  
ວາຍຮ ອາເຈ່ຮ ໄຮ ເຕ່. ກະ ໄຮ ລາ ຈຸງ ເຕ່ ມັຮ ຮາມິ  
ຮ ເຢິງ ເຈົ້າຮາຊີ ປັຮຄັນ ກະ ອາວາຍຮ ອາເຈ່ຮ  
ໄຮ ອັບຮາຮາມ. ເຢິງ ເຈົ້າຮາຊີ ປັຮຄັນ ປາຍ:  
'ປັຮແນີ ມັນເຕຣີ ຍ່ອນ ແຕ ຈຸ່ມເຈີອ ໄມ່

ກູ່ ຈຸ່ມເຈີອ ກວາຍ ປິນ ມັນລ້ອງ ກຸ່ ໄມ່ ເບີ  
ນ ບຸ່ນ.'

26 ນະກ້ອຍ ເຢິງ ເຈົ້າຮາຊີ ແປຣີ ເຢຊູ, ລາ ກວາ  
ຍ ຕະ ຮານະ ອັນ, ໂອນ ແຕ້ອໍ ປິ ເຍົາ ອິນໂຍ່ງ ແຕ  
ກວາຍ ການໍ້ອໍ. ອັນ ໂອນ ເຍົາ ເບີນ ບຸ່ນ, ໂອນ ເຍົາ  
ເຕ້ອໍ ປຽນ ຕັຮ ຮານະ ຕາ ອໍ ເຍົາ."

### 4

ເປໂຕ ກະ ໂຢຮັນ ແອັດ ຍິຮ ເມິງ ກວາຍ ຊົດ

1 ບັອງ ກາ ເປໂຕ ກະ ໂຢຮັນ ອິນນ້ອງ ອາຕີ,  
ມັຮ ກວາຍ ຊົດ ແຕ້ອໍ ແຕ້ ປິ ອິນຕຸ ກ້ອຍ. ກວາ  
ຍ ຊົດ ໄມ່ ລາ ແຕ ມູ່ ກາ ຊາງ ຮິ່ດ ເຢິງ ເຈົ້າຮາຊີ,  
ກະ ອັນ ກາ ຊົດ ຕາຮານ ກຍາອໍ ດຸງ ຊາງ ປິ່ດ, ກາ  
ກວາຍ ແຕ ຈຸ່ມ ຊາດຸກາຍ ແຮີ. 2 ມັຮ ກວາຍ ຊົດ  
ກ້ອຍ, ໄລ່ ຊ້ອງ ປາອັດ ຮາງິຮ ລາລີ້ ໂຈະ ເປໂຕ ກະ  
ໂຢຮັນ, ຍ່ອນ ໄລ່ ບາຮ ນະ ກ້ອຍ ອາຕີ ແຕ ເຢຊູ  
ອາມັງ ລ້ຮ ເຈີ້. ກະ ໄລ່ ປາຍ ຍ່ອນ ເຢຊູ ອາມັງ  
ລ້ຮ, ນະກ້ອຍ ກວາຍ ການໍ້ອໍ ເຕ້ອໍ ອາມັງ ລ້ຮ ນະ  
ເຢຊູ ເຕ່. 3 ນະກ້ອຍ ມັຮ ກວາຍ ຊົດ ໂອນ ເມົາ  
ໂກບ ແຕ້ ໄລ່ ບາຮ ນະ ກ້ອຍ ເດິງ ໂຈະ ຕິ່ງ ກໍ້ອໍ.  
ຕາໄງ ກ້ອຍ ແຈະ ອີ ຊາດົາ ເຈີ້. ເຈີ້ ໄລ່ ດໍອໍ ຕາໄງ  
ປັຮແນີ ແອັນ ແຕ ຕາເບີບ ບາຮ ນະ ກ້ອຍ. 4 ມາ  
ກູ້ງ ລາລີ້ ກວາຍ ກາ ຊ້ອງ ປັນນາຍ ໄລ່ ບາຮ ນະ  
ອາຕີ, ໄລ່ ຊາອໍາ. ມັຮ ກວາຍ ຮາເລົາ ກາ ຊາອໍາ  
ບັອງ ກາ ກ້ອຍ ເບີນ ມາຮ ເຊິງ ປິນ ນະ.

5-6 ແຕ້ອໍ ຕາໄງ ປັຮແນີ ແອັນ, ມັຮ ກວາຍ ຊົດ  
ອິດຊະຮາເອລ, ມັຮ ກວາຍ ເທົາແກ ຈຸ່ມເຈີອ, ກະ  
ມັຮ ກວາຍ ອາຕີ ຄານອດ, ອິນແຍະ ນະ ໄລ່ ໂຮ່ມ

ຊັຮຮົງ ຕິ່ງ ເມືອງ ເຢຣູຊາເລັມ. ໄລ່ ເປາະ ຮາມິຮ  
ອັນມາ, ອັນ ກາ ຕາລາ ອິນແຍະ ແຕ ຮິ່ດ ຊາງ ເຢິງ  
ເຈົ້າຮາຊີ. ກະ ເບີນ ກາຢະພາ, ໂຢຮັນ, ກະ ອາເລັກ  
ຊັມເດີ ກະ ກວາຍ ການໍ້ອໍ ແຕ ດູງຊູ ອັນມາ ແອັດ  
ປິ ກ້ອຍ ເຕ່. 7 ກວາຍ ຊົດ ກ້ອຍ ແປຣີ ໂອນ ເມົາ  
ເດິງ ເປໂຕ ກະ ໂຢຮັນ ແຕ້ອໍ ປິ ໄລ່; ເຈີ້ ໄລ່ ຕາ  
ເບີບ ບາຮ ນະ ກ້ອຍ ປາຍ: "ເມົາ ໂອນ ເຍົາ ເບີນ  
ອຳນາດ ປົວ ກວາຍ ໂຢດ ກ້ອຍ? ນານະ ຮາມິຮ  
ອັນ?"

8 ບັອງ ກ້ອຍ ເປໂຕ ເບີນ ຮາເວີຍ ເຢິງ ເຈົ້າຮາ  
ຊີ ແກັດ ຊົດ ຕິ່ງ ຮາງິຮ ອັນ, ເຈີ້ ອັນ ປາຍ: "ອາ  
ຍີ້ ອາກູນ ເອີຍ! ເກົາ ແຊອໍ ອາຕີ ເຍົາ. 9 ຄັນ ເຍົາ  
ຍິ້ອ ອີ ເຊີບ ຮິ ແຕ ຮິ ຈ່ອຍ ກວາຍ ໂຢດ ໄມ່ ກະ  
ຕະ ໂອນ ອັນ ແກັດ ແບຣັຮ, 10 ອີງເຄາະ ເຍົາ ກະ  
ອິນແຍະ ມັຮ ກວາຍ ອິດຊະຮາເອລ ການໍ້ອໍ ແຮີ  
ດັງ ແຈງ ແຕ ກວາຍ ໂຢດ ໄມ່ ແກັດ ແບຣັຮ ເຈີ້.  
ຮານະ ໄມ່ ແອິງ ເຢຊູ ກຣິດ ຊ້ອງ ເຕ້ອໍ ຕະ. ເຢຊູ  
ໄມ່, ອັນ ລາ ກວາຍ ແຕ ວິລ ນາຊາເຣັດ ກາ ເຍົາ ກາ  
ຈິດ ເຈີ້, ແຕັຮ ອັນ ຕິ່ງ ອາລ່ອງ ຊັງກັງ. ມາ ເຢິງ  
ເຈົ້າຮາຊີ ໂອນ ອັນ ອາມັງ ລ້ຮ. 11 ອັນ ລາ ນະ ຕາ  
ເມົາ ກາ ເຍົາ ກວາຍ ເຈິງ ຕະ ດຸງ ຕາເວ່ງ ຕັຮ ເຈີ້.  
ມາ ເຢິງ ເຈົ້າຮາຊີ ອິດ ຕາເມົາ ກ້ອຍ ດໍອໍ ຕິ່ງ ກູ  
ຈັກ ຕະ ໂອນ ດຸງ ແກັດ ຈັບ. 12 ປິນ ມັນລ້ອງ ໄມ່  
ຮາມິຮ ການໍ້ອໍ ຕາ ເບີນ ເຕ້ອໍ ຈ່ອຍ ອາມັງ ກວາຍ.  
ແອິງ ຮາມິຮ ເຢຊູ ແຕ້ ເຢິງ ເຈົ້າຮາຊີ ໂອນ ເຕ້ອໍ  
ຈ່ອຍ ອາມັງ ໄຮ."

13 ມັຮ ກວາຍ ຊົດ ກ້ອຍ ຊ້ອງ ງິ່ດ ລາລີ້ ເປໂຕ  
ກະ ໂຢຮັນ ຕະ ອິນຕີ ຍັນ ລາລີ້, ຍ່ອນ ໄລ່ ດັງ ບາຮ  
ນະ ກ້ອຍ ລາ ກວາຍ ກອນແຊມ ຊ້ອງ ກະ ຕາ ເບີ  
ນ ຮຍານ ຊາອິ້ຍ. ມາ ກວາຍ ຊົດ ດັງ ໄລ່ ບາຮ  
ນະ ກ້ອຍ ແອັດ ກະ ເຢຊູ. 14 ມາ ມັຮ ກວາຍ ຊົດ  
ຕາ ເຕ້ອໍ ຕິ ອິນເຕົາ ແຕ ຮານະ ເປໂຕ ກະ ໂຢຮັນ  
ຕະ, ຍ່ອນ ໄລ່ ເຮີມ ກວາຍ ໂຢດ ກາ ແກັດ ແບຣັຮ  
ເຈີ້ ແອັດ ຕາຍິງ ມັນຕຸ ກະ ໄລ່ ເຕ່. 15 ນະກ້ອຍ  
ໄລ່ ແປຣີ ເປໂຕ ກະ ໂຢຮັນ ລ້ອຮ ແຕ ອິນຕຸ ໄລ່  
ໂຮ່ມ. ໄລ່ ຍິ້ອ ອີ ຊັຮຮົງ ແອິງ ໄລ່ ຊ້ອງ. 16 ໄລ່  
ປາຍ: "ນານະ ໄຮ ອີ ຕະ ກະ ໄລ່ ບາຮ ນະ ໄມ່? ອິນ  
ແຍະ ມັຮ ກວາຍ ຕິ່ງ ເມືອງ ເຢຣູຊາເລັມ ເຮີມ ເຈີ້  
ໄລ່ ບາຮ ນະ ຕະ ຮານະ ຕາ ເທິ້ຍ ເຮີມ ໂອນ ກວາ  
ຍ ໂຢດ ໄມ່. ໄຮ ຕາ ເຕ້ອໍ ຮາຈຽນ ປາຍ ໄລ່ ຕາ  
ເບີນ ຕະ ຮານະ ກ້ອຍ. 17 ມາ ໄຮ ອິນໂຈຍ ໂອນ  
ຮານະ ໄມ່ ຮິ່ຮ ເປາະ ຕົວ ໂອນ ກວາຍ ການໍ້ອໍ ດັງ.  
ນະກ້ອຍ ອີງເຄາະ ໄຮ ກາແອັຮ ໄລ່ ອິນໂຈຍ ໂອນ  
ໄລ່ ເປາະ ອາຕີ ນັ້ອງ ຍ່ອນ ຮາມິຮ ໄມ່."

18 ແວ້ດ ກ້ອຍ ໄລ່ ກູ້ອ ລັ່ສ ເປັຕ ກະ ໂຢຮັນ ແຕ້ອ ລັ່ສ ປິ ໄລ່. ໄລ່ ໄຄອ ບາຣ ນະ ກ້ອຍ ຕາ ເບີ ນ ໂອນ ເປາະ ອາຕີ ນ້ອງ ຍ່ອນ ແຕ ຣາມິຣ ເຢຊູ.

19 ມາ ເປັຕ ກະ ໂຢຮັນ ຕາ ເອີຍ ມັຮ ກວາຍ ຊົດ ກ້ອຍ ປາຍ: "ນານະ ເຍົາ ຄິດ, ຣານະ ອາແລະ ເຢົາ ເຈົາຣາຊີ ເຮີມ ອໍ ກາເລີຍ? ອໍ ຮິ ຕະ ຕາປຸ່ນ ປັຣນາຍ ເຍົາ, ມາ ອໍ ຮິ ຕະ ຕາປຸ່ນ ປັຣນາຍ ເຢົາ ເຈົາຣາຊີ? 20 ຮິ ຕາ ເຕ້ອ ຕາງິ່ດ ເປາະ ອາຕີ. ອົງ ເຄາະ ຮິ ອາຕີ ໂອນ ກວາຍ ການໍ້ອ ດັງ ມັຮ ຣາມິຣ ກາ ຮິ ເຮີມ ເຢຊູ ຕະ ກະ ຮິ ຊ້ອງ ເຢຊູ ອາຕີ."

21 ມັຮ ກວາຍ ຊົດ ກ້ອຍ ປາລິດ ໄລ່ ບາຣ ນະ ຕາ ໂອນ ອາຕີ ນ້ອງ ປັຣນາຍ ໄນ່, ເຈີ່ ໄລ່ ອາ ໂຣຍຮ. ກວາຍ ຊົດ ກ້ອຍ ຕາ ເບີນ ດັງ ຣານາ ແລະ ເຕ້ອ ໄລ່ ຕະ ໂຕ້ດ ບາຣ ນະ ກ້ອຍ, ຍ່ອນ ອິນ ແຮະ ກອນແຊມ ຍ່ອງ ເຢົາ ເຈົາຣາຊີ ຍ່ອນ ແຕ ຣານະ ກ້ອຍ. 22 ກວາຍ ໂຢດ ກາ ແກັດ ແບ ຣັຮ ຍ່ອນ ແຕ ຣານະ ຕາ ເກີຍ ເຮີມ ໄນ່, ອາຢຸ່ ອັນ ກາເລີຍ ປູນ ຈິ່ດ ກູມິ.

ມູ່ ກາ ຊາອໍາ ເຢຊູ ເກົາແຊອໍ ຍິອ ອີ ແກັດ ຍັນ ລາລີ້ ແອັນ

23 ພໍ ກາ ກວາຍ ຊົດ ອາໂຣຍຮ ເປັຕ ກະ ໂຢຮັນ, ໄລ່ ເຈົາ ລັ່ສ ປິ ມູ່ ໄລ່, ອາຕີ ລັ່ສ ມັຮ ປັຣນາຍ ກວາຍ ຊົດ ມູ່ ກາ ຊາງ ຮິ່ດ ເຢົາ ເຈົາຣາ ຊີ ກະ ກວາຍ ເທົາແກ ຈຸ່ມເຈີອ ປາຍ ໂຈະ ໄລ່. 24 ນະກ້ອຍ ອິນແຍະ ມັຮ ມູ່ ກ້ອຍ ໂຮ່ມ ເກົາແຊອໍ ມວຍ ຮາງິຮ ປາຍ: "ເຢົາ ເຈົາຣາຊີ ເອີຍ, ເຍົາ ກາ ຊົດ ອິນແຍະ ກູ່ ຣາມິຣ! ເຍົາ ແຕງ ມັນລ້ອງ, ກູ ແຕ້ອ ໄນ່, ແດັອ ທາເລ, ກະ ຕຸ່ກ ຣາມິຣ ແອັດ ຕິ່ງ ກ້ອຍ. 25 ແຕ ອິມແບັ ເຍົາ ອາຕີ ຮິ, ຣານາ ອາ ຈວາຍຮ ອາເຈ່ຮ ຮິ ດາວິດ, ມັຮ ຣາມິຣ ຣາເວີຍ ເຢົາ ເຈົາຣາຊີ ໂອນ ອັນ ອາຕີ. ດາວິດ ປາຍ:

'ຍ່ອນ ນານະ ມັຮ ກວາຍ ຕິ່ງ ກຣວາງ ກູແຕ້ອ ໄນ່ ອວານ ກະ ເຢົາ ເຈົາຣາຊີ?

ຍ່ອນ ນານະ ໄລ່ ຊັຮຮົງ ຣານະ ຕາ ເບີນ ແກັດ ເກົາ ອິນເຕົາ?

26 ມັຮ ກວາຍ ເຕົາວ ປັຣເຍົາ ຕິ່ງ ກູແຕ້ອ ໄນ່, ກະ ມັຮ ກວາຍ ຊົດ ການໍ້ອ ແຮີ,

ອິນແຍະ ນະ ໄລ່ ອິມປ່ຣ່ອມ ຊັຮຮົງ ອີ ຕະ ເຊີກ ກະ ເຢົາ ເຈົາຣາຊີ ກະ ກຣິດ ແຮີ,

ອັນ ກາ ເຢົາ ເຈົາຣາຊີ ຮຽຮ ໂອນ ຈ່ອຍ ອາ ມົ່ງ ກວາຍ.'

27 ໄກຣ ລາລີ້ ມັຮ ດາວິດ ອາຕີ ແຕ ອິມແບັ, ຊານໍ້ ຮິ ເຮີມ ຣານະ ໄນ່ ແຕ້ອ ເຈີ່. ເຮໂຣດ ກະ ປິນທຽວ

ປີລາດ, ໄລ່ ໂຮ່ມ ຕິ່ງ ເມືອງ ເຢຊູຊາເລັມ ໄນ່ ມັນ ຕຸ ກະ ກວາຍ ອິດຊະຣາເອລ ກະ ກວາຍ ແຕ ກຣ ວາງ ການໍ້ອ ແຮີ ຍິອ ອີ ຕະ ເຢຊູ. ເຢຊູ ໄນ່, ອັນ ລາ ກວາຍ ຕະ ຣານະ ເຍົາ ກາ ຕາ ເບີນ ໄລ່ຍຮ ອິນ ເຕົາ. ແອັງ ມານະ ອັນ ແຕ້ ເຍົາ ຮຽຮ ໂອນ ຈ່ອຍ ອາມົ່ງ ກວາຍ. 28 ມັຮ ກວາຍ ຊົດ ກ້ອຍ ໂຮ່ມ ຕະ ມັຮ ຣານະ ເຍົາ ນັດ ດໍ້ອ ແຕ ອິມແບັ ເຈີ່. 29 ຊາ ນໍ້, ອິນເຈົາ ຮິ ເອີຍ, ເຍົາ ຊ້ອງ ປັຣນາຍ ໄລ່ ກວາ ຍ ຊົດ ກ້ອຍ ຍິອ ອີ ຕະ ຮິ. ແຊອໍ ເຍົາ ຈ່ອຍ ໂອນ ຮາງິຮ ຮິ ແກັດ ຍັນ ລາລີ້ ອາຕີ ເລືອຍໆ ແຕ ປັຣ ນາຍ ເຍົາ. 30 ຮິ ແຊອໍ ເຍົາ ປົວ ຊາປະ ກວາຍ ອາ ອິ່ ໂອນ ແກັດ ແບຣັຮ. ກະ ຮິ ແຊອໍ ເຍົາ ອາປັຣ ຣານະ ຕາ ເກີຍ ເຮີມ ກະ ຣານະ ແຕ ອໍານາດ ເຍົາ ຍ່ອນ ຣາມິຣ ເຢຊູ, ອັນ ກາ ຕະ ຣານະ ເຍົາ ກະ ຕາ ເບີນ ໄລ່ຍຮ ອິນເຕົາ."

31 ແວ້ດ ໄລ່ ເກົາແຊອໍ, ດຸງ ກາ ໄລ່ ໂຮ່ມ ແກັດ ຣາໄນ່ ກູກິ່ດ. ກະ ຣາເວີຍ ເຢົາ ເຈົາຣາຊີ ແກັດ ຊົດ ຕິ່ງ ຮາງິຮ ໄລ່. ເຈີ່ ໄລ່ ອາຕີ ປັຣນາຍ ເຢົາ ເຈົາຣາຊີ ຍັນ ລາລີ້ ແອັນ.

ມູ່ ກາ ຕາປຸ່ນ ເຢຊູ ອິມປ່ຣ່ອມ ຈຸງ ມຸ່ນ ໄລ່

32 ອິນແຍະ ມູ່ ກາ ຊາອໍາ ເຢຊູ, ໄລ່ ແກັດ ມວຍ ຮາງິຮ ມວຍ ມິ່ດ. ອາແລະ ກາ ເບີນ ມຸ່ນ ອິນເຕົາ, ລາ ອັນ ຕາ ເບີນ ອາງ ປາຍ ອັນ ຕາລາ ມານະ ອັນ ຊ້ອງ. ອິນແຍະ ມັຮ ໄລ່ ອິມປ່ຣ່ອມ ຈຸງ ມຸ່ນ ກ້ອຍ.

33 ມູ່ ກາ ເຢຊູ ຮຽຮ ປາຈຸ່ຮ ໂອນ ເປາະ ຕະ ຣານະ ອັນ, ໄລ່ ອາຕີ ແຕ ອິນເຈົາ ໄລ່ ອາມົ່ງ ລັ່ສ, ກະ ປັຣ ນາຍ ໄລ່ ແກັດ ແບງ ລາລີ້. ກະ ເຢົາ ເຈົາຣາຊີ ໂອນ ບຸ່ນ ປິ ໄລ່ ກາ ຕາປຸ່ນ ເຢຊູ. 34-35 ຕິ່ງ ຈຸ່ມ ໄລ່ ຕາ ເບີນ ເມົາ ແອີ ອິນເຕົາ. ອາແລະ ກາ ເບີນ ກູແຕ້ອ ແຕີລາ ດຸງ, ໄລ່ ເບີນ ມວຍ ຮາງິຮ ຍິອ ອີ ຈ່ອຍ ເຍົາ. ໄລ່ ຈິ ຊ້ອງ ມຸ່ນ ໄລ່, ກະ ໄລ່ ປ່ຣ່ອມ ປາໂຣມ ດໍ້ອ ປະະ ກ້ອຍ ປິ ອາເຢັງ ມູ່ ກາ ເຢຊູ ຮຽຮ ປາ ຈຸ່ຮ. ເຈີ່ ມູ່ ກ້ອຍ ອິມແບັ ໂອນ ກວາຍ ອາແລະ ກາ ແອີ.

36-37 ມານະ ກາ ຕະ ນະກ້ອຍ ລາ ໂຢເຊັບ ແຕ ຈຸ່ມເຈີອ ເລວີ. ອັນ ແຕ້ອ ແຕ ກຣວາງ ໄຊປຣັດ. ອັນ ເບີນ ມວຍ ເລັງ ໄທຣ, ເຈີ່ ອັນ ຈິ ຊ້ອງ ກະ ເດີງ ອາຊວຍ ປະະ ກ້ອຍ ປິ ອາເຢັງ ມູ່ ກາ ເຢຊູ ຮຽຮ ປາຈຸ່ຮ. ໄລ່ ດໍ້ອ ອັນ ລາ ຣາມິຣ ບາຣນາບາ ແຮີ. ປັຣນາຍ ບາຣນາບາ ອາຕີ ລັ່ສ ລາ 'ຕາລິ້ນ ລັ່ສ ຮາງິຮ ກວາຍ ເບີນ ຕຸ່ຮ ຈູ່.'

### 5

ອານາເນຍ ກະ ຊະພິຣາ

1 ເບີນ ຮາເລົາ ມານະ ຮາມິ້ຮ ອານາເນຍ. ອັນ ກະ ລາກວຍ ອັນ, ຮາມິ້ຮ ຊະພິຣາ, ໄລ່ ຈີ ເຕ່ ມວຍ ອິນຕຸ ກູແຕອ໌. 2 ມູ ປູ່ດ ປຣະ ກ້ອຍ, ອານາເນຍ ເດີງ ອາຊວຍ ປິ່ ມູ່ ກາ ເຢຊູ ຮຽຮ ປາຈຸ່ຮ. ມາ ມູ ປູ່ດ ແອັນ, ອັນ ປາໂຕ່ະ ດໍອ໌ ລໍ່ຮ. ລາກວຍ ອັນ ລາ ດັງ ເຕ່ ກາຢາອ໌ ຕະ ນະກ້ອຍ. 3 ເຈີ່ ເປໂຕ ອາ ຕີ ອານາເນຍ ປາຍ: "ອານາເນຍ ເອີຍ! ມານະ ໄມ່ ຕາປູ່ນ ຮາງິຮ ເຢີງ ຊາຕານ? ມານະ ແຕ ໄມ່ ແກອ໌ ໂຈະ ຮາເວີຍ ເຢີງ ເຈົາຮາຊີ? ປຣະ ກົາ ເຍົາ ຈີ ກູ ແຕອ໌, ເຍົາ ດໍອ໌ ລໍ່ຮ ມູ ປູ່ດ ມາ ໂອນ ມູ ປູ່ດ ຊ້ອງ. 4 ບັອງ ກາ ເຍົາ ຕາ ຢວາຮ ຈີ, ລາ ແກັດ ກູແຕອ໌ ເຍົາ. ປຣະ ກົາ ຈີ ກູແຕອ໌ ກ້ອຍ ແກັດ ປຣະ ເຍົາ. ມານະ ເຍົາ ປາຍ ມ່ອບ ອິນແຍ່ະ ປຣະ ກົາ ກູແຕອ໌ ກ້ອຍ, ມາ ອິນນ້ອງ ເຍົາ ດໍອ໌ ລໍ່ຮ ມູ ປູ່ດ? ເຍົາ ຕາ ເບີນ ແກອ໌ ກະ ກວາຍ, ມາ ເຍົາ ແກອ໌ ກະ ເຢີງ ເຈົາຮາຊີ."

5 ແວັດ ເປໂຕ ອາຕີ ນະກ້ອຍ, ບັອງ ກາ ກ້ອຍ ແຕ່ ອານາເນຍ ແດິມ; ເຈີ່ ກູຈິດ ລີ່ຍ. ນະກ້ອຍ ອິນແຍ່ະ ມັຮ ກວາຍ ຊ້ອງ ອີງກ້ອຮ ລາລີ່. 6 ມັຮ ກວາຍ ຮາເລົາ ນຸ່ມ ມູ່ດ ຕວມ ກູມູຍ໌ ກ້ອຍ. ແວັດ ໄລ່ ຕວມ, ເຈີ່ ໄລ່ ເດີງ ແຕິບ ແຕ່.

7 ແວັດ ກ້ອຍ, ມາຮ ຈິນ ໄປ ຮວາດ ໂດຍ, ເຈີ່ ລາກວຍ ອານາເນຍ ແອັນ ມູ່ດ ຕິ່ງ ອິນຕຸ ກ້ອຍ. ອັນ ຕາ ຢວາຮ ດັງ ປາຍ ກາຢາອ໌ ອັນ ເຈີ່ ກູຈິດ. 8 ເປໂຕ ຕາແບິບ ອັນ ແອັນ ປາຍ: "ເຍົາ ເດີງ ອິນ ແຍ່ະ ເຈີ່ ມັຮ ປຣະ ເຍົາ ຈີ ກູແຕອ໌ ກ້ອຍ ມາ ຕາ ເບີ ນ?"

ມັນແຊມ ກ້ອຍ ຕາແອີຍ: "ເອີອ໌. ປຣະ ຮິ ຈີ ກູແຕອ໌ ກ້ອຍ ອິນແຍ່ະ ກາຢາອ໌ ກົາ ເດີງ ເຈີ່."

9 ເປໂຕ ປາຍ ແອັນ: "ມານະ ເຍົາ ບາຮ ນະ ປຣ່ອມ ມວຍ ຮາງິຮ ຢໍອ໌ ອີ ລ່ອງ ຮາເວີຍ ເຢີງ ເຈົາຮາຊີ? ກາຢາອ໌ ໄມ່ ເມົາ ເດີງ ແຕິບ ເຈີ່. ຊານຸ່ ໄລ່ ກາ ເປາະ ແຕິບ ກາຢາອ໌ ໄມ່, ໄລ່ ແຕ້ອ໌ ງິຮ ຕິ່ງ ເຈີ່. ຊານຸ່ ໄລ່ ອີ ເດີງ ແຕິບ ໄມ່ ແອັນ."

10 ພໍກາ ອັນ ຊ້ອງ ເປໂຕ ປາຍ ນະກ້ອຍ, ອັນ ແດິມ ແຈ່ະ ອາເຢີງ ເປໂຕ; ເຈີ່ ອັນ ກູຈິດ ເຕ່. ມັຮ ກວາຍ ຮາເລົາ ນຸ່ມ ມູ່ດ ເຮີມ ອັນ ກູຈິດ; ເຈີ່ ໄລ່ ເດີ ງ ແຕິບ ອັນ ແຈ່ະ ປິ່ງ ກາຢາອ໌ ອັນ ເຕ່. 11 ນະກ້ອຍ ອິນແຍ່ະ ມັຮ ມູ່ ກາ ຊາອໍາ ເຢຊູ ກະ ກວາຍ ການໍອ໌ ແຮ, ພໍກາ ໄລ່ ຊ້ອງ ຮານະ ໄນ່, ໄລ່ ອີງກ້ອຮ ລາ ລີ່.

ເບີນ ຊາອິ້ຍ ຮານະ ຕາ ເກີ້ຍ ເຮີມ

12 ມູ່ ກາ ເຢຊູ ຮຽຮ ປາຈຸ່ຮ ຕະ ຊາອິ້ຍ ຮານະ ຕາ ເກີ້ຍ ເຮີມ ຍິ່ຮ ເມີງ ກວາຍ. ກະ ອິນແຍ່ະ ມູ່ ກາ ຊາອໍາ ເຢຊູ ເກີ້ຍ ໂຮ່ມ ຕິ່ງ ລາບຍາງ ໂຊໂລໂມນ ຕິ່ງ ດຸງ ຊາງ ປິດ ກ້ອຍ. 13 ມັຮ ກວາຍ ກາ ຕາ ຢ ວາຮ ຊາອໍາ, ໄລ່ ຢ່ອງ ມູ່ ກາ ຊາອໍາ ເຢຊູ, ມາ ເບີນ ຊາອິ້ຍ ນະ ໄລ່ ຕາ ຍັນ ມູ່ດ ກະ ມູ່ ກາ ຊາອໍາ ເຢຊູ. 14 ມາ ເບີນ ກວາຍ ຮາເລົາ ກະ ມັນແຊມ ຍັນ ມູ່ດ ຊາອໍາ ເຢຊູ ກິ່ງ ລາລີ່ ແອັນ. 15 ເມົາ ເດີງ ມັຮ ກວາ ຍ ອາອິ້; ເຈີ່ ດໍອ໌ ຕິ່ງ ຮານາ ໂອນ ໄລ່ ບິ ຕິ່ງ ຮາຈາອ໌ ກະ ຕິ່ງ ຈຸ່ງຈາງ. ໄລ່ ແອັດ ອີງກ່ອງ ເປໂຕ ແຕ້ອ໌, ຢໍອ໌ ອີ ເບີນ ມູ່ລ ອັນ ໂອນ ກາບັງ ມັຮ ກວາຍ ກາ ອາອິ້ ກ້ອຍ ໂອນ ໄລ່ ແກັດ ແບຣັຮ. 16 ກິ່ງ ກວາຍ ແຕ ເມີອງ ການໍອ໌ ແອັດ ແຈ່ະ ເມີອງ ເຢຊູຊາເລັມ, ໄລ່ ເປາະ ອິດ ກວາຍ ກາ ອາອິ້ ກະ ກວາຍ ກາ ເບີນ ເຢີງ ຕາ ອໍ ຕະ ເດີງ ດໍອ໌ ບິ ກ້ອຍ, ເຈີ່ ໄລ່ ແກັດ ແບຣັຮ ອິນແຍ່ະ.

ມູ່ ກາ ເຢຊູ ຮຽຮ ປາຈຸ່ຮ ຮາມິຮ ຕຸ່ຮ ກໍ່ດ

17 ມາ ອັນ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົາຮາຊີ ກະ ເຍົາ ອັນ ແຕ ຈຸ່ມ ຊາດູກາຍ, ໄລ່ ຊ້ອງ ຊັຮແມງ ກະ ມູ່ ກາ ເຢຊູ ຮຽຮ ປາຈຸ່ຮ. 18 ເຈີ່ ໄລ່ ໂກບ ກະ ໂຈະ ຕິ່ງ ກໍ່ອ໌. 19 ມາ ພໍກາ ຊາ ເດົາ ກ້ອຍ ມານະ ແທວາດາ ເຢີງ ເຈົາຮາຊີ ແຕ້ອ໌ ເປີຮ ງິຮ ຕິ່ງ ກໍ່ອ໌, ກະ ອັນ ເດີງ ອາລ້ອຮ ໄລ່ ແຕ ກໍ່ອ໌ ກ້ອຍ. 20 ແທວາດາ ກ້ອຍ ອາຕີ ໄລ່ ປາຍ: "ເຍົາ ເປາະ ຕາຢິ່ງ ຕິ່ງ ຊັງອາຮ ດຸງ ຊາງ ປິດ ອາຕີ ໂອນ ກວາຍ ດັງ ອິນແຍ່ະ ແຕ ແດີຍ ອາມິ່ງ ຕາໄມ ໄນ່." 21 ນະກ້ອຍ ໄລ່ ຕະ ຕາປູ່ນ ປັຮນາຍ ກ້ອຍ. ພໍກາ ປິ່ງ ຕາຮິບ ໄລ່ ມູ່ດ ອາຕີ ຕິ່ງ ດຸງ ຊາງ ປິດ. ບັອງ ກາ ໄລ່ ອາຕີ ອີງກ້ອຍ, ອັນ ກາ ຕາລາ ອິນ ແຍ່ະ ແຕ ຮິດ ຊາງ ເຢີງ ເຈົາຮາຊີ ກະ ເຍົາ ອັນ, ໄລ່ ໂຮ່ມ ມັນຕຸ ກະ ກວາຍ ຊົດ ອິດຊະຮາເອລ. ມັຮ ກວາຍ ຊົດ ກ້ອຍ ແປຮີ ຕາຮານ ເປາະ ອິດ ມູ່ ກາ ເຢຊູ ຮຽຮ ປາຈຸ່ຮ ແຕ ກໍ່ອ໌, ເຈີ່ ເດີງ ບິ ອິນຕຸ ໄລ່ ໂຮ່ມ.

22 ມາ ພໍກາ ຕາຮານ ມູ່ດ ແ່ ຕິ່ງ ກໍ່ອ໌, ໄລ່ ຕາ ເບີນ ເຮີມ ນ້ອງ ມູ່ ກາ ເຢຊູ ຮຽຮ ປາຈຸ່ຮ ກ້ອຍ. ກວາຍ ຕາຮານ ກ້ອຍ ເຈົາ ອາຕີ ລັຮ ກວາຍ ຊົດ. 23 ໄລ່ ປາຍ: "ພໍກາ ຮິ ແຕ້ອ໌ ບິ ກໍ່ອ໌ ກ້ອຍ, ຮິ ແ່ ກາແຈ ຕາ ເບີນ ເມົາ ເປີຮ ຢວາຮ, ກະ ໄລ່ ກາ ກ ຍາອ໌ ແອັດ ເລືອຍໆ ອີງກ້ອຍ. ມາ ພໍກາ ຮິ ເປີຮ ກູຕິ່ງ ກໍ່ອ໌, ຕາ ເຮີມ ອາແລະ ນ້ອງ ຕິ່ງ ກ້ອຍ."

24 ອັນ ກາ ຊົດ ມັຮ ຕາຮານ ກາ ກຍາອ໌ ດຸງ ຊາງ ກ້ອຍ ກະ ໄລ່ ກາ ຊົດ ມູ່ ກາ ຊາງ ຮິ່ດ ເຢີງ ເຈົ້າຮາ ຊີ, ພໍກາ ໄລ່ ຊ້ອງ ປັຮນາຍ ກ້ອຍ, ໄລ່ ງິ່ດ ລາລີ້ ຕິ່ງ ຮາງິ່ຮ ໄລ່. ກະ ໄລ່ ແອິດ ຄິ່ດ ຕາ ດັງ ຮານະ ອິນເຕົ້າ ແອັນ ອີ ແກິດ. 25 ແວັດ ກ້ອຍ ເບີນ ກວາ ຍ ແຕ້ອ໌ ອາຕີ ໄລ່ ກາ ຊົດ ກ້ອຍ ປາຍ: "ມັຮ ກວາ ຍ ກາ ເຍົາ ໂຈະ ຕິ່ງ ກໍ່ອ໌ ຊາເດົາ ໄຮ, ຊານໍ່ ໄລ່ ອາຕີ ກວາຍ ຕິ່ງ ດຸງ ຊາງ ປິ່ດ."

26 ມະກ້ອຍ ເນົາຍ ຕາຮານ ກ້ອຍ, ອັນ ເດີງ ຕາຮານ ອັນ ເປາະ ອິດ ມູ່ ກ້ອຍ. ມາ ໄລ່ ຕະ ລາ ເວົ້າຍ, ຍ່ອນ ໄລ່ ອີງກ້ອຍ ຄັນ ໄລ່ ຕະ ຮັບ ໂຈະ ມູ່ ກ້ອຍ, ມັຮ ກວາຍ ກອນແຊມ ແອິດ ອີງກ້ອຍ ແກງ ຕາເມົາ ໂຈະ ໄລ່.

27 ຕາຮານ ກ້ອຍ ເດີງ ມູ່ ກາ ເຢຊູ ຮຽຮ ປາຈຸຮ ໂອນ ໄລ່ ມູ່ດ ຕາຍິ່ງ ຍິ່ຮ ເມົາງ ກວາຍ ຊົດ. ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢີງ ເຈົ້າຮາຊີ ອັນ ຕີ ໄລ່ ປາຍ: 28 "ແຕ ອິນໂຍ່ງ ຮິ ກາແອັຮ ເຍົາ ເຈົ້. ຕາ ໂອນ ເຍົາ ອາຕີ ນ້ອງ ແຕ ຮານິ່ຮ ເຢຊູ ໄນ່. ມາ ຊານໍ່ ເຍົາ ອາຕີ ປັຮນາຍ ໄນ່ ເປາະ ປັຮ ອິນແຍ່ະ ເມືອງ ເຢຊູຊາເລັມ. ກະ ເຍົາ ປາຍ ໂຈະ ກວາຍ ກາ ນໍ່ອ໌ ຍິ່ ອີ ໂອນ ເມົາ ປາຍ ຮິ ກາຈິດ ເຢຊູ ແຮ້."

29 ແປໂຕ ກະ ເຍົາ ອັນ ຕາແອັຮ ປາຍ: "ຄາອ໌ ຮິ ຊາງັດ ປັຮນາຍ ເຢີງ ເຈົ້າຮາຊີ ແຕ ຮິ ຊາງັດ ປັຮ ນາຍ ກວາຍ. 30 ປຍາຍ໌ ເຍົາ ກາຈິດ ເຈົ້ ເຢຊູ ຕິ່ງ ອາລ່ອງ ຊັງກັງ. ມາ ເຢີງ ເຈົ້າຮາຊີ, ອັນ ກາ ອາ ວາຍຮ ອາເຈັຮ ໄຮ ຊາງ ແຕ ອິມແບ້, ຈ່ອຍ ໂອນ ອັນ ອາມັງ ລັຮ. 31 ຊານໍ່ ເຢີງ ເຈົ້າຮາຊີ ໂອນ ເຢຊູ ແອິດ ຍິ່ຮ ອາຕໍ່ ອັນ, ແກິດ ຊົດ ປິ່ດ ລາລີ້, ແຕ້ອ໌ ອັນ ຈ່ອຍ ອາມັງ ກວາຍ. ເຢີງ ເຈົ້າຮາຊີ ຍິ່ ອີ ຈ່ອຍ ຈຸ່ມ ອິດຊະຮາເອລ ໂອນ ໄລ່ ຕັຮ ຮາງິ່ຮ ຕຍາ ປຽນ ແກິດ ຮາງິ່ຮ ຕາໄມ ແອັນ; ເຈົ້ ເຢີງ ເຈົ້າຮາຊີ ຕັຮ ໄລ່ຍຮ ໄລ່. 32 ຮິ ໄນ່ ລາ ກວາຍ ກາ ເຮີມ ກະ ແຕ້ອ໌ ອາຕີ ລັຮ ມັຮ ຮານະ ກ້ອຍ. ກະ ຮາເວົ້າຍ ເຢີງ ເຈົ້າຮາຊີ ລາ ອາຕີ ມະກ້ອຍ ແຕ່. ຄັນ ກວາ ຍ ອາແລ່ະ ມາ ຕະ ຕາປູ່ນ ປັຮນາຍ ອັນ, ເຢີງ ເຈົ້າຮາຊີ ໂອນ ຮາເວົ້າຍ ອັນ ແອິດ ເລ້ຍ ກະ ກວາຍ ກ້ອຍ."

33 ພໍກາ ກວາຍ ຊົດ ກ້ອຍ ຊ້ອງ ມະກ້ອຍ, ໄລ່ ຊ້ອງ ອີງຄິ່ນ ລາລີ້. ກະ ໄລ່ ຍິ່ ອີ ກາຈິດ ມູ່ ກາ ເຢຊູ ຮຽຮ ປາຈຸຮ. 34 ມາ ເບີນ ມານະ ຮານິ່ຮ ຄາ ມາລີເອລ ແຕ ມູ່ ກວາຍ ຊົດ ກ້ອຍ ຢວຮ ຕາຍິ່ງ. ອັນ ລາ ແຕ ຈຸ່ມ ພາຮີຊາຍ. ອັນ ລາ ກວາຍ ອາ ຕີ ແຕ ຄານອດ ອິດຊະຮາເອລ, ກະ ອາແລ່ະ ລາ ຍໍານັບ ອັນ. ອັນ ແປຮິ ຕາຮານ ເດີງ ມູ່ ກາ ເຢຊູ

ຮຽຮ ປາຈຸຮ ລັອຮ ແຕ ອິນຕຸ ກ້ອຍ. 35 ເຈົ້ ອັນ ອາຕີ ໂຈະ ມັຮ ກວາຍ ຊົດ ກ້ອຍ ປາຍ: "ແຊມ ອາຍ ເອີຍ! ອີງເຄາະ ເຍົາ ຕະ ອໍ່ ແດັຮ ໂຈະ ກວາ ຍ ໄນ່. 36 ອີງເຄາະ ເຍົາ ຊາແຍີ ແຕ ອິນໂຍ່ງ ເບີນ ມານະ ຮານິ່ຮ ທູດາ. ອັນ ຍິ່ ອີ ໂອນ ເມົາ ປາຍ ອັນ ລາ ກວາຍ ປິ່ດ. ເບີນ ມາຮ ປູນ ຮ່ອຍ ນະ ແຕ່ ເກີຍ ຕາປູ່ນ ອັນ. ມາ ເບີນ ເມົາ ກາຈິດ ອັນ. ກະ ມັຮ ມູ່ ກາ ຕາປູ່ນ ອັນ, ໄລ່ ປັຮ ປິ່ ໄນ່ ປິ່ ກ້ອຍ, ເຈົ້ ມັຮ ຮານະ ໄລ່ ຕະ ແກິດ ປິ່ດ ອິນແຍ່ະ. 37 ແວັດ ກ້ອຍ ແຕ້ອ໌ ຕາໂງ ກວາຍ ຊົດ ນັບ ມັຮ ກວາຍ, ເບີນ ມານະ ແອັນ ຮານິ່ຮ ຢູດາ ແຕ ແຄງ ຄາລີເລ. ອັນ ຢວຮ ຕະ ຊົດ, ກະ ເບີນ ກິ່ງ ກວາຍ ຕາປູ່ນ ອັນ ແຕ່. ມາ ເມົາ ກາຈິດ ອັນ, ກະ ມັຮ ມູ່ ກາ ຕາ ປູ່ນ ອັນ, ໄລ່ ປັຮ ປິ່ ໄນ່ ປິ່ ກ້ອຍ. 38 ມະກ້ອຍ ເກົາ ອາຕີ ເຍົາ ຊານໍ່, ເຍົາ ອິນໂຈຍ ຕະ ອິນເຕົ້າ ກະ ໄລ່ ໄນ່. ຄັນ ປັຮນາຍ ໄລ່ ປາຍ, ກະ ຮານະ ໄລ່ ຕະ ລາ ແຕ ຮາງິ່ຮ ໄລ່ ເບີມ, ຕາ ເບີນ ດູ່ນ ນ້ອງ ຮາ ນະ ກ້ອຍ ແກິດ ປິ່ດ. 39 ມາ ຄັນ ຮານະ ໄລ່ ຕະ ແຕ້ອ໌ ແຕ ເຢີງ ເຈົ້າຮາຊີ, ເຍົາ ຕາ ແຕ້ອ໌ ອາປິດ. ຄັນ ເຍົາ ຍິ່ ອີ ອາປິດ ຮານະ ກ້ອຍ, ລາ ເຍົາ ຮາ ຈິ່ລ ກະ ເຢີງ ເຈົ້າຮາຊີ."

40 ເຈົ້ ກວາຍ ຊົດ ກ້ອຍ ຊາງັດ ປັຮນາຍ ອັນ. ໄລ່ ກູອ໌ ລັຮ ມູ່ ກ້ອຍ ໂອນ ແຕ້ອ໌ ປິ່ ໄລ່. ເຈົ້ ໄລ່ ໂອນ ເມົາ ປຍາຍຮ ມູ່ ກ້ອຍ. ກະ ໄລ່ ກາແອັຮ ລັຮ ຊາ ມູ່ ກ້ອຍ ຕາ ໂອນ ໄລ່ ອາຕີ ນ້ອງ ປັຮນາຍ ແຕ ເຢຊູ. ແວັດ ໄລ່ ກາແອັຮ, ເຈົ້ ໄລ່ ອາໂຣຍຮ. 41 ກະ ມູ່ ກາ ເຢຊູ ຮຽຮ ປາຈຸຮ ລັອຮ ແຕ ກ້ອຍ. ໄລ່ ຊ້ອງ ຮິ່ອ໌ ລາລີ້ ຍ່ອນ ເຢີງ ເຈົ້າຮາຊີ ໂອນ ໄລ່ ເຮົາບ ຈິວ ມັຮ ຕຸ່ຮ ກັດ ເມົາ ພາມາດ ຍ່ອນ ໄລ່ ເດີ ງ ຮານິ່ຮ ເຢຊູ. 42 ກູ່ ຮາໂງ ມູ່ ໄລ່ ມູ່ດ ຕິ່ງ ດຸງ ຊາງ ປິ່ດ, ກະ ໄລ່ ມູ່ດ ຕິ່ງ ດຸງ ກວາຍ ແຮ້, ເຈົ້ ໄລ່ ອາ ຕີ ເລືອຍາງ ປັຮນາຍ ອໍ່ ປາຍ ເຢຊູ ລາ ກຮິດ, ອັນ ກາ ເຢີງ ເຈົ້າຮາຊີ ຮຽຮ ໂອນ ຈ່ອຍ ອາມັງ ກວາ ຍ.

## 6

ໄລ່ ຮຽຮ ຕາປູ່ລ ນະ ມູ່ ກາ ຈ່ອຍ ກວາຍ ຊົດ ມູ່ ກາ ຊາອາ

1 ຕິ່ງ ມັຮ ຕາໂງ ກ້ອຍ, ມູ່ ກາ ຕາປູ່ນ ເຢຊູ ແກິດ ກິ່ງ ລາລີ້ ແອັນ. ກະ ເບີນ ມູ ຈຸ່ມ ແຕ ໄລ່ ກ້ອຍ ລາ ກວາຍ ອິດຊະຮາເອລ ແຕ່, ມາ ໄລ່ ຕະ ອິນຕີ ປັຮ ນາຍ ກຮິກ. ໄລ່ ຮາຈຽນ ປາຍ: "ກູ່ ຮາໂງ ອິມເປ່



ອ໌ ກູມາຍ ຮິ ອິດ ຫຣິງ ຕັອກ ຈາ ຕາ ເບີນ ຮາລີ ກະ ອິມເປ໌ອ໌ ກູມາຍ ກວາຍ ອິດຊະຮາເອລ ກາ ຕະ ອິນຕີ ປັຣນາຍ ເຮັບເຮີ."

2 ມະກ້ອຍ ໄລ່ ມວຍ ຈິ່ດ ລາ ບາຣ ນະ ກາ ເຢຊູ ຮຽຮ ປາຈຸ່ຮ ກ້ອຍ ປາໂຣມ ອິນແຍ່ະ ມັຮ ມູ່ ກາ ຊາອຳ ເຢຊູ. ໄລ່ ປາຍ: "ຕາ ເບີນ ປຍາຍ໌ ຮິ ມວຍ ຈິ່ດ ລາ ບາຣ ນະ ມາ ຕາ ເບີນ ອາຕີ ນ້ອງ ປັຣນາຍ ເຢີງ ເຈົາຮາຊີ, ມາ ໂອນ ຮິ ອິມແປ໌ອ໌ ຫຣິງ ຕັອກ ຈາ ໂອນ ເຍົາ. 3 ມະກ້ອຍ ອີງເຄາະ ອິນແຍ່ະ ເຍົາ ຮຽຮ ແຕ ຈຸ່ມ ເຍົາ ເບີມ, ອິດ ຕາປູ່ລ ນະ ກວາ ຍ ກາ ເມົາ ດັງ ປາຍ ອ໌ ກະ ໄລ່ ກາ ເບີນ ຮາເວົ້າຍ ເຢີງ ເຈົາຮາຊີ ຊິດ ຕິ່ງ ຮາງິ່ຮ ໄລ່. ເຈີ່ ຮິ ມ່ອບ ໂອນ ມູ່ ໄລ່ ຕາປູ່ລ ນະ ກ້ອຍ ຊິດ ອິນແຍ່ະ ຮານະ ອິມແປ໌ອ໌ ຫຣິງ ຮາແວ້ຮ ຈາ ໂອນ ເຍົາ. 4 ເຈີ່ ຮິ ເບີນ ເກົາແຊອ໌, ກະ ຮິ ເບີນ ເປາະ ອາຕີ ປັຣນາຍ ເຢີງ ເຈົາຮາຊີ ແຮີ."

5 ພິກາ ມູ່ ກາ ຊາອຳ ເຢຊູ ຊ້ອງ ປັຣນາຍ ກ້ອຍ, ອິນແຍ່ະ ມັຮ ໄລ່ ປຣຸ່ອມ ຮໍ່ອ໌ ລາລີ້. ມະກ້ອຍ ໄລ່ ຮຽຮ ຊະເຕພາໂນ; ອັນ ລາ ກວາຍ ກາ ຊາອຳ ເຢຊູ ຈັບ ລາລີ້, ກະ ອັນ ເບີນ ຮາເວົ້າຍ ເຢີງ ເຈົາຮາຊີ ຊິດ ຕິ່ງ ຮາງິ່ຮ ອັນ. ກະ ໄລ່ ຮຽຮ ກວາຍ ການໍ່ອ໌ ແຮີ, ເບີນ ຮາມິ່ຮ ໄມ່: ພິລິບ, ໂປໂຄໂລ, ນິກາໂນ, ຕິໂມນ, ປາເມນາ, ກະ ນິໂກລາໂອ. ນິໂກລາໂອ ໄມ່ ລາ ແຕ ເມືອງ ອັນຕິໂອເຄຍ. ບັອງ ອາໄຮ່ ອັນ ຕາ ເກີນ ກວາຍ ອິດຊະຮາເອລ, ມາ ອັນ ມູ່ດ ຕາປູ່ ນ ຄານອດ ອິດຊະຮາເອລ. ແວັດ ກ້ອຍ ອັນ ມູ່ດ ຕາປູ່ນ ເຢຊູ ແອັນ. 6 ມະກ້ອຍ ໄລ່ ກາ ຕາປູ່ລ ນະ ກ້ອຍ ແອັດ ຍິ່ຮ ເມີງ ມູ່ ກາ ເຢຊູ ຮຽຮ ປາຈຸ່ຮ. ມູ່ ກ້ອຍ ເກົາແຊອ໌ ກະ ຊາປະ ອາຕີ ຕິ່ງ ຈະ ໄລ່ ຕາ ປູ່ລ ນະ.\* 7 ເຈີ່ ປັຣນາຍ ເຢີງ ເຈົາຮາຊີ ແກັດ ເປາະ ປູ້ຮ ຊາອິ່ຍ ອິນຕຸ. ເບີນ ກຶ່ງ ລາລີ້ ກວາຍ ຕິ່ງ ເມືອງ ເຢຣູຊາເລັມ ມູ່ດ ຕາປູ່ນ ເຢຊູ. ກະ ເບີ ນ ກຶ່ງ ກວາຍ ກາ ຊາງ ຮິດ ເຢີງ ເຈົາຮາຊີ ລາ ຊາ ອຳ ເຢຊູ ເຕ່.

ເມົາ ໂກບ ຊະເຕພາໂນ

8 ຊະເຕພາໂນ ລາ ກວາຍ ກາ ເບີນ ອິນຊະ ເຢີງ. ກະ ຮາເວົ້າຍ ເຢີງ ເຈົາຮາຊີ ໂອນ ອັນ ເບີນ ອຳນາດ ຕະ ຮານະ ຕາ ເກີຍ ເຮີມ ຍິ່ຮ ເມີງ ກວາຍ ການໍ່ ອ໌. 9 ມາ ເບີນ ກວາຍ ແຕ ມວຍ ດຸງ ຊາງ ຈຸ່ມ ອິດຊະຮາເອລ ຍິ່ອ໌ ອີ ຮາຈຽນ ກະ ຊະເຕພາໂນ. ມັຮ ກວາຍ ກາ ເປາະ ໂຮ່ມ ປີ ດຸງ ຊາງ ກ້ອຍ, ແຕ ອິນໂຍ່ງ ຊາອິ່ຍ ນະ ໄລ່ ລາ ກວາຍ ຊູລ, ມາ ຊານໍ່

ໄລ່ ຕາ ເບີນ ແກັດ ຊູລ ນ້ອງ. ໄລ່ ກ້ອຍ ລາ ແຕ ເມືອງ ກິເຣເນ, ແຕ ເມືອງ ອາເລັກຊັມເດຍ, ແຕ ແຄງ ກິລິທາຍ, ກະ ແຕ ແຄງ ເອເຊຍ ແຮີ. 10 ມາ ຮາເວົ້າຍ ເຢີງ ເຈົາຮາຊີ ໂອນ ຊະເຕພາໂນ ຕາແອີຍ ກວາຍ ກ້ອຍ ຮາໂງ່ອ໌ ລາລີ້. ເຈີ່ ຈຸ່ມ ໄລ່ ກ້ອຍ ຕາ ດັງ ອີ ປາຍ ນານະ ນ້ອງ ໂຈະ ຊະເຕພາໂນ. 11 ເຈີ່ ຈຸ່ມ ກ້ອຍ ຈາງ ປຣະ ໂອນ ກວາຍ ການໍ່ອ໌ ຕະ ອິນຕີ ຕູນ ຊະເຕພາໂນ. ກວາຍ ກ້ອຍ ປາຍ: "ຮິ ຊ້ອງ ເຈີ່ ຊະເຕພາໂນ ພາມາດ ໂມເຊ ກະ ເຢີງ ເຈົາຮາ ຊີ."

12 ມະກ້ອຍ ຈຸ່ມ ໄລ່ ອາຍົວະ ກວາຍ ແອັດ ຕິ່ງ ເມືອງ ກ້ອຍ, ກາ ກວາຍ ເທົາແກ ຈຸ່ມເຈືອ ກະ ມັຮ ກວາຍ ອາຕີ ຄານອດ, ລາ ຍິ່ອ໌ ອີ ຕະ ຊະເຕພາ ໂນ. ອິນແຍ່ະ ມັຮ ໄລ່ ກ້ອຍ ເປາະ ໂກບ ຊະເຕພາ ໂນ ເດີງ ອັນ ປີ ກວາຍ ຊິດ. 13 ໄລ່ ເດີງ ຊາ ກວາຍ ແຕ້ອ໌ ຕູນ ຊະເຕພາໂນ, ປາຍ: "ຊະເຕພາໂນ ໄມ່, ອັນ ເກີຍ ພາມາດ ເລືອຍໆ ແຕ ດຸງ ຊາງ ປິດ, ກະ ອັນ ພາມາດ ຄານອດ ເຢີງ ເຈົາຮາຊີ ອາຕີ ຮານາ ໂມເຊ ແຮີ. 14 ກະ ຮິ ຊ້ອງ ເຈີ່ ອັນ ປາຍ ແຕ ມານະ ຮາມິ່ຮ ເຢຊູ ແຕ ວິ່ລ ນາຊາເຣັດ ຍິ່ອ໌ ອີ ຕາລຸຮ ດຸງ ຊາງ ປິດ, ກະ ຍິ່ອ໌ ອີ ຮາປຽນ ລັຮ ມັຮ ຄານອດ ໂມເຊ ປາຕັບ ໄຮ."

15 ແວັດ ກ້ອຍ ອິນແຍ່ະ ມັຮ ກວາຍ ໂຮ່ມ ອິນ ຕຸ ກ້ອຍ, ໄລ່ ແ່ ຊັຮກ້ອງ ເລືອຍໆ ປີ ຊະເຕພາ ໂນ. ໄລ່ ເຮີມ ມາມ ຊະເຕພາໂນ ມະ ມາມ ເທວາດາ ເຢີງ ເຈົາຮາຊີ.

### 7

ຊະເຕພາໂນ ອາຕີ ແຕ ກວາຍ ອິດຊະຮາເອລ ຕາ ເບີນ ຊາງັດ ເຢີງ ເຈົາຮາຊີ

1 ເຈີ່ ອັນ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົາຮາຊີ ຕາແບັບ ຊະເຕພາໂນ ປາຍ: "ແມ່ນ ມາ ຕາ ເບີນ ມັຮ ຮາມິ່ຮ ໄລ່ ປາຍ ໄມ່?"

2 ຊະເຕພາໂນ ຕາແອີຍ ລັຮ ປາຍ: "ອິນແຍ່ ະ ມັຮ ແຊມອາຍ ອາຍີ່ ອາກູນ ເອີຍ! ແຊອ໌ ເຍົາ ຊາງັດ ປັຣນາຍ ເກົາ ເມົາຍ. ເຢີງ ເຈົາຮາ ຊີ ໄຮ, ອັນ ກາ ເບີນ ອຳນາດ ອາງ ອິ່ຮ ກາ ເລີຍ ແຕ ເຢີງ ການໍ່ອ໌, ອັນ ແຕ້ອ໌ ອາຕີ ອາຈ ວາຍຮ ອາເຈ່ຮ ໄຮ ອັບຮາຮາມ ແຕ ອິມແບີ ເຈີ່. ບັອງ ກ້ອຍ ອັບຮາຮາມ ອິນນ້ອງ ແອັດ ຕິ່ງ ກຣ ວາງ ເມໂຊໂປຕາເມຍ ຕາ ຢວາຮ ເປາະ ປີ ກຣວາງ ຮາຮາມ. 3 ເຢີງ ເຈົາຮາຊີ ແປຮີ ອັບຮາຮາມ ປາຍ: 'ໄມ່ ລ້ອຮ ແຕ ກຣວາງ ໄມ່, ກະ ໄມ່ ຕັຮ ຊ້ອງ ແຊມ

\* 6:6 6:6 ໄລ່ ຊາປະ ອາຕີ ລາ ຕະ ໂອນ ກວາຍ ດັງ ປາຍ ໄລ່ ຕະ ຮານະ ເຢີງ ເຈົາຮາຊີ.

ອາຍ ໄມ່. ເຈີ່ ໄມ່ ເປາະ ແອິດ ກຽວງ ອາແລ່ະ ເກົາ ຊາດອຍ ໂອນ ໄມ່ ແອິດ.' 4 ເຈີ່ ອັບຮາຮາມ ລ້ອຮ ແຕ ກຽວງ ເຄນເດຍ ເປາະ ແອິດ ປີ ກຽວງ ຮາຮານ ແອັນ. ມາ ພໍກາ ອີມປໍ່ ອັນ ກູຈິດ, ເຢິງ ເຈົ້າຮາຊີ ເດິງ ອາຊວຍ ອັນ ແອິດ ຕິ່ງ ກຽວງ ໄຮ ແອິດ ຊານໍ່. 5 ແຕ ມາຮ ມູ ອາຈ້ອງ ລາ ເຢິງ ເຈົ້າຮາຊີ ຕາ ເບີນ ໂອນ ອັນ ຕາລາ ຢວາຮ ຕິ່ງ ກູ ແຕອໍ ໄມ່. ມາ ເຢິງ ເຈົ້າຮາຊີ ເອີອໍ ກະ ອັບຮາຮາມ ແມ່ນ ຈຸ່ມເຈືອ ອັນ ເບີນ ຕາລາ ອີນແຍ່ະ ກຽວງ ໄມ່. ມາ ບ້ອງ ກາ ເຢິງ ເຈົ້າຮາຊີ ປາຍ ນະກ້ອຍ ກະ ອັບຮາຮາມ, ອັບຮາຮາມ ຕາ ຢວາຮ ເບີນ ກອນ. 6 ກະ ເຢິງ ເຈົ້າຮາຊີ ອາຕີ ແອັນ ອັບຮາຮາມ ປາຍ: 'ຈຸ່ມເຈືອ ໄມ່, ປັຣແມີ ມັນເຕຣົາ ໄລ່ ລ້ອຮ ແຕ ກຽວງ ໄມ່ ເປາະ ແອິດ ຕິ່ງ ກຽວງ ກວາຍ ການໍ່ ອໍ. ແອິດ ຕິ່ງ ກຽວງ ກ້ອຍ ໄລ່ ແກິດ ຊູລ ອີນ ແຍ່ະ ປູນ ຮ່ອຍ ກູມໍ່, ກະ ກວາຍ ກາ ຕາລາ ໄລ່ ຕະ ຕຸ່ຮ ກັດ ຊາອີຍ ລາລີ້ ໂຈະ ໄລ່. 7 ມາ ອີນ ຕູ່ນ ແອັນ, ເກົາ ຕະ ໂຕ່ດ ໂຈະ ກວາຍ ຕິ່ງ ກຽວງ ກ້ອຍ ກາ ຕະ ຊູລ ຈຸ່ມເຈືອ ໄມ່. ແວັດ ກ້ອຍ ຈຸ່ມ ເຈືອ ໄມ່ ເບີນ ລ້ອຮ ແຕ ກຽວງ ກ້ອຍ ກະ ແອິດ ຊາງ ເກົາ ປີ ອີນຕຸ ໄມ່ ແອັນ.' 8 ເຈີ່ ເຢິງ ເຈົ້າຮາຊີ ປັຣຄັນ ກະ ອັບຮາຮາມ. ພໍກາ ອັນ ປັຣຄັນ, ອັນ ແປຣີ ອັບຮາຮາມ ຕະ ຮິດ ກິດ ໂອນ ກອນ ຮາເລົາ ແຮ. \* ຮິດ ໄມ່ ລາ ໂອນ ເມົາ ດັງ ອັນ ປຣອມ ກະ ເຢິງ ເຈົ້າຮາຊີ. ພໍກາ ອັບຮາຮາມ ເບີນ ກອນ ຮາ ເລົາ, ອັນ ດໍອໍ ຮາມິ້ຮ ກອນ ກ້ອຍ ລາ ອີຊາກ. ແຕ້ອໍ ຕາໂງ ຕາກໍອລ ມັບ ແຕ ອີມເປ້ອໍ ອັນ ຮັຮ, ອັບຮາຮາມ ຕະ ຮິດ ກິດ ໂອນ ອັນ. ມູເຈິງ ກ້ອຍ ແຕ່ ອີຊາກ ຕະ ຮິດ ກ້ອຍ ໂອນ ຢາໂຄບ, ກອນ ອັນ. ກະ ຢາໂຄບ ຕະ ແຕ່ ໂອນ ກອນ ຮາເລົາ ອັນ. ຢາໂຄບ ເບີນ ມູວຍ ຈິດ ລາ ບາຮ ນະ ກອນ ຮາ ເລົາ. ອີນແຍ່ະ ໄລ່ ກ້ອຍ ລາ ແກິດ ອາຈວາຍຮ ອາ ເຈ່ຮ ມັຮ ຈຸ່ມເຈືອ ໄຮ ແຕ ຕາແປ ລາລີ້.

9 "ເບີນ ມານະ ແຕ ໄລ່ ກາ ມັນຈິດ ລາ ບາຮ ກອນ ຢາໂຄບ, ອັນ ລາ ຮາມິ້ຮ ໂຢເຊັບ. ມັຮ ອາຍ ໂຢເຊັບ ຊ້ອງ ຊັຮແມງ ກະ ອັນ. ນະກ້ອຍ ໄລ່ ຈິ ອັນ. ເຈີ່ ກວາຍ ແຕ ກຽວງ ເອຍິບ ເດິງ ອັນ ຕະ ຊູລ ປີ ກຽວງ ໄລ່. ມາ ເຢິງ ເຈົ້າຮາຊີ ແອິດ ອາ ລິ່ງ ກະ ໂຢເຊັບ. 10 ນະກ້ອຍ ອັນ ຈ່ອຍ ໂຢເຊັບ ແວັດ ອີນແຍ່ະ ມັຮ ຮານະ ຕຸ່ຮ ກັດ ແຕ ເມົາ ຢໍອໍ ອີ ຕະ ອັນ. ກະ ເຢິງ ເຈົ້າຮາຊີ ຕະ ຕິ່ງ ຮາງິ້ຮ ເຕົາວ ປັຣເຍົາ ກຽວງ ເອຍິບ ໂອນ ອັນ ຊ້ອງ ອາຢະ ລາ

ລີ້ ໂຢເຊັບ. ກະ ເຢິງ ເຈົ້າຮາຊີ ຕະ ໂອນ ໂຢເຊັບ ແກິດ ຮາໂງ່ອ ຮາລິ່ງ. ນະກ້ອຍ ເຕົາວ ປັຣເຍົາ ຕິ່ງ ກຽວງ ເອຍິບ ຈັຮ ໂຢເຊັບ ໂອນ ຕະ ຊິດ ຕິ່ງ ກຽວງ ກ້ອຍ, ກະ ຕະ ຊິດ ກາ ດຸງ ເຕົາວ ປັຣເຍົາ ແຮ. 11 ແວັດ ກ້ອຍ ເບີນ ຊາອີ້ຍ ກູມໍ່ ແອີ ເກຣິ່ງ ຊັຮ ມາ ຈາ ຕິ່ງ ກຽວງ ເອຍິບ ກະ ກຽວງ ການາອານ; ຕາ ເບີນ ແກິດ ອີນເຕົາ ເລີ້ຍ. ກວາຍ ຕິ່ງ ກຽວງ ກ້ອຍ ໂຕຍໍ ບາບ. ກະ ອາຈວາຍຮ ອາເຈ່ຮ ໄຮ ຈໍອໍ ເກຣິ່ງ ຊັຮມາ ຈາ, ມາ ຕາ ເບີນ ເບີນ ອີນເຕົາ. 12 ພໍ ກາ ຢາໂຄບ ຊ້ອງ ເມົາ ປາຍ: ກວາຍ ຕິ່ງ ກຽວງ ເອຍິບ ເບີນ ເກຣິ່ງ ຊັຮມາ ຈາ, ເຈີ່ ອັນ ແປຣີ ກອນ ຮາເລົາ ອັນ, ມັຮ ອາຈວາຍຮ ອາເຈ່ຮ ໄຮ, ເປາະ ປີ ກຽວງ ເອຍິບ ເຮີບ ກາ ຕາແປ ລາລີ້. 13 ເຈີ່ ໄລ່ ເປາະ ປີ ກ້ອຍ ມວຍ ເຮີບ ອີນຕູ່ນ ແອັນ. ເຮີບ ກ້ອຍ ໂຢເຊັບ ໂອນ ໄລ່ ດັງ ປາຍ ອັນ ລາ ແຊມ ອາຍ ໄລ່. ກະ ໂຢເຊັບ ອາມັຮ ແຊມອາຍ ອັນ ກະ ເຕົາວ ປັຣເຍົາ ຕິ່ງ ກຽວງ ເອຍິບ. 14 ນະກ້ອຍ ໂຢເຊັບ ປາຕັບ ຢາໂຄບ, ອີມປໍ່ ອັນ, ໂອນ ອີນແຍ່ ະ ຈຸ່ມເຈືອ ອັນ ເປາະ ແອິດ ກະ ອັນ ຕິ່ງ ກຽວງ ເອຍິບ. ອີນແຍ່ະ ມັຮ ກວາຍ ຕິ່ງ ຈຸ່ມເຈືອ ອັນ ເບີ ນ ຕາປູ່ລ ຈິດ ລາ ເຊິງ ນະ. 15 ເຈີ່ ຢາໂຄບ ມູ່ດ ຕິ່ງ ກຽວງ ເອຍິບ. ອັນ ກະ ອີນແຍ່ະ ອາຈວາຍຮ ອາ ເຈ່ຮ ໄຮ, ໄລ່ ແອິດ ເລີ້ຍ ຕິ່ງ ກຽວງ ກ້ອຍ ເຕົາ ຊິດ ແດີຍ ໄລ່. 16 ແວັດ ກ້ອຍ ເມົາ ເດິງ ອາເຈົ້າ ລັຮ ກູມູ່ຮ ໄລ່ ປີ ເມືອງ ຊິເຄມ ໂຈະ ຕິ່ງ ປິ່ງ ກິ່ບ ກາ ອັບຮາຮາມ ເຈິງ ແຕ ມັຮ ກອນ ຮາເລົາ ຮາໂມ.

17 "ແຈ່ຮ ອີ ແຕ້ອໍ ຕາໂງ ເຢິງ ເຈົ້າຮາຊີ ອີ ຕະ ມັຮ ຮານະ ອັນ ເອີອໍ ກະ ອັບຮາຮາມ ແຕ ອີນໂຢ່ງ, ເຈີ່ ຈຸ່ມເຈືອ ໄຮ ຮິ່ຮ ອາຊ້ອຮ ແກິດ ກິ່ງ ລາລີ້ ຕິ່ງ ກຽວງ ເອຍິບ. 18 ເຈີ່ ເບີນ ມານະ ແກິດ ເຕົາວ ປັຣເຍົາ ຕິ່ງ ກຽວງ ເອຍິບ ກາ ຕາ ເບີນ ດັງ ອີນ ເຕົາ ເລີ້ຍ ແຕ ໂຢເຊັບ. 19 ເຕົາວ ປັຣເຍົາ ໄມ່ ເດີ ງ ຕຸ່ຮ ກັດ ລາລີ້ ຈຸ່ມເຈືອ ໄຮ ແຕ ອີມແປ. ອັນ ມັນຕຣຸ່ ອາແລ່ະ ກາ ຕາແປ ຮັຮ ກອນ ຮາເລົາ ອີງ ເຄາະ ເປາະ ຕັຮ ປີ ກຽວງ. ເຕົາວ ປັຣເຍົາ ໄມ່ ຢໍອໍ ອີ ໂອນ ປິດ ຊ້ອງ ຈຸ່ມເຈືອ ໄຮ. 20 ຕິ່ງ ຕາໂງ ຕຸ່ຮ ກັດ ກ້ອຍ, ອີມແປອໍ ໂມເຊ ຮັຮ ອັນ. ເຢິງ ເຈົ້າຮາ ຊີ ຮັຮ ລາລີ້ ກະ ໂມເຊ. ອີມແປອໍ ອີມປໍ່ ອັນ ກ ຍາອໍ ອັນ ຕິ່ງ ດຸງ ອີນແຍ່ະ ໄປ ກາໄຊ. 21 ພໍກາ ຕາ ແຕ້ອໍ ປາໂຕ່ະ ນ້ອງ ກອນ ກ້ອຍ, ເມົາ ເດິງ ໂພດ ໂມເຊ ປີ ແດີອໍ, ໂຈະ ຕິ່ງ ອີນຈຸ່ງ ແກດ. ມາ ພໍກາ

\* 7:8 7:8 ຮິດ ກ້ອຍ ເມົາ ກິດ ບຍາອໍ ອີງກັຮ ແຕ ເກຣິ່ງ ຮາເລົາ.

ກອນ ກູໂມຣ ເຕົ້າວ ປັດເຢົາ ຮາມັຣ, ເຈົ້າ ອັນ ອິດ ຕະ ກອນ ອັນ. <sup>22</sup> ນະກັອຍ ໂມເຊ ເປັນ ຮຍານ ອິນແຍ່ະ ຮານະ ແຄວ້ ແຕ ກວາຍ ເອຍິບ. ເຈົ້າ ປັດ ນາຍ ອັນ ປາຍ ລາ ແບງ ລາລີ້, ກະ ຮານະ ອັນ ຕະ ລາ ແຄວ້ ລາລີ້.

<sup>23</sup> "ພໍ່ກາ ໂມເຊ ແກ້ດ ຊາຊາຍ, ອາຍຸ່ ອັນ ເປັນ ປູນ ຈິດ ກູມໍ ເຈົ້າ, ອັນ ຊ້ອງ ຍິອໍ ອີ ເປາະ ຊາອົຣ ແຊມອາຍ ແຊມແອ້ຍ ອັນ ກວາຍ ອິດຊະຮາເອລ. <sup>24</sup> ບັອງ ກາ ໂມເຊ ເປາະ ຊາອົຣ ກັອຍ, ອັນ ຮາມັ ຣ ມານະ ກວາຍ ເອຍິບ ຕະ ມານະ ກວາຍ ອິດຊະ ຮາເອລ. ໂມເຊ ຊ້ອງ ອາຍິ່ະ ຕະ ກວາຍ ອິດຊະຮາ ເອລ ກັອຍ, ກະ ຍິອໍ ອີ ຈ່ອຍ ອັນ. ເຈົ້າ ໂມເຊ ກາ ຈິດ ລັຣ ກວາຍ ເອຍິບ ກັອຍ. <sup>25</sup> ໂມເຊ ຄິດ ຕຶ້ງ ຮາງືຣ ອັນ ລາ ກວາຍ ອິດຊະຮາເອລ ດັງ ເຈົ້າ ເຢັາງ ເຈົ້າຮາຊີ ພາອໍ ໂອນ ອັນ ຈ່ອຍ ອາມັງ ກວາຍ ອິດ ຊະຮາເອລ. ມາ ກວາຍ ອິດຊະຮາເອລ ຕາ ເປັນ ດັງ ແຕ ຮານະ ໄມ່. <sup>26</sup> ຕາໄງ ປັດແນີ ແອັນ ໂມເຊ ຮາມັຣ ບາຣ ນະ ກວາຍ ອິດຊະຮາເອລ ຮາໂລຍຣ. ໂມເຊ ຍິອໍ ອີ ກາຍິຣ ໄລ່ ຕາ ໂອນ ໄລ່ ຮາໂລຍຣ ນັ້ອງ. ອັນ ອາຕີ ໄລ່ ກັອຍ ປາຍ: ເຍົາ ລາ ແຊມ ອາຍ. ນານະ ເຍົາ ມານະ ໂຍ່ບ ໂຈະ ມານະ, ມານະ ຕະ ມານະ?" <sup>27</sup> ມາ ອັນ ກາ ປຍາຍຣ ເຍົາ, ອັນ ກູ ແຕ້ລ ໂມເຊ ກະ ອັນ ປາຍ: 'ເມົ້າ ກາ ຈັຣ ໄມ່ ໂອນ ແກ້ດ ຊົດ ແຕ່ອໍ ຕັດຊິນ ຮີ?' <sup>28</sup> ໄມ່ ຍິອໍ ອີ ກາ ຈິດ ເກົາ ມູເຈິງ ໄມ່ ກາຈິດ ກວາຍ ເອຍິບ ປາໄຮ ບໍ?" <sup>29</sup> ພໍ່ກາ ໂມເຊ ຊ້ອງ ປັດນາຍ ກັອຍ, ອັນ ຕາລຸ່ຣ ແຕ ກຣວາງ ເອຍິບ ເປາະ ແອັດ ຕຶ້ງ ກຣ ວາງ ມີຕີອານ ແກ້ດ ນະ ກວາຍ ໂກຣ່. ແອັດ ຕຶ້ງ ກຣວາງ ກັອຍ ອັນ ອາເມົາ ບາຣ ລໍາ ກອນ ຮາເລົາ.

<sup>30</sup> "ອິນແຍ່ະ ປູນ ຈິດ ກູມໍ ໂມເຊ ແອັດ ຕຶ້ງ ອິນ ຕຸ ຕຍາຣ ແຈ່ະ ກັຣ ຊິນາຍ. ແວັດ ກັອຍ ມານະ ເທວາດາ ເຢັາງ ເຈົ້າຮາຊີ ອາປັຣ ໂອນ ໂມເຊ ເຮີມ ປັຣລາ ອູ່ຍຣ ແຕ ປູ່ລ ອາລ່ອງ. <sup>31</sup> ພໍ່ກາ ໂມເຊ ເຮີມ ອູ່ຍຣ ກັອຍ, ອັນ ຊ້ອງ ຈິດ ລາລີ້. ອັນ ເປາະ ແຈ່ະ ຍິອໍ ອີ ແນ່ ແຈງ ອາລ່ອງ ກັອຍ, ເຈົ້າ ອັນ ຊ້ອງ ຊຽງ ເຢັາງ ເຈົ້າຮາຊີ ອາຕີ ອັນ ປາຍ: <sup>32</sup> 'ເກົາ ລາ ແມ່ນ ເຢັາງ ເຈົ້າຮາຊີ ກາ ອາຈວາຍຣ ອາເຈ່ຣ ເຍົາ ອັບຮາຣາມ, ອິຊາກ, ກະ ຢາໂຄບ ຊາງ.' ເຈົ້າ ໂມເຊ ກາໄກ່ຣ ອິງກັອຣ ລາລີ້, ກະ ອັນ ຕາ ຍິນ ແນ່ ນັ້ອງ ປິ ອູ່ຍຣ ກັອຍ. <sup>33</sup> ເຈົ້າ ເຢັາງ ເຈົ້າຮາຊີ ອາຕີ ແອັນ ປາຍ: 'ໄມ່ ຕວດ ແກ້ບ ແຕ ອາເຢັງ ໄມ່. ອິນຕຸ ໄມ່ ຕາຍິ່ງ ຊານໍ່ ໄມ່ ລາ ອິນຕຸ ອໍ ໄມ່ອໍ ໂອນ ເກົາ.

<sup>34</sup> ເກົາ ເຮີມ ມັຣ ກອນແຊມ ເກົາ ຈິວ ຊາອິ້ຍ ຕຸ່ຣ

ອາຣິກ ຕຶ້ງ ກຣວາງ ເອຍິບ. ເກົາ ຊ້ອງ ເຈົ້າ ມັຣ ກອນແຊມ ເກົາ ກູໂກຍ. ນະກັອຍ ເກົາ ແຊງ ບໍ່ ໄມ່ ຍິອໍ ອີ ຈ່ອຍ ອາມັງ ໄລ່ ກັອຍ. ກະ ຊານໍ່ ເກົາ ແປຣີ ໄມ່ ໂອນ ເຈົ້າ ລັຣ ປິ ກຣວາງ ເອຍິບ.'

<sup>35</sup> "ແຕ ອິນໂຍ່ງ, ໂມເຊ ຍິອໍ ອີ ຈ່ອຍ ແຕ່ ຈຸ່ມ ອິດຊະຮາເອລ, ມາ ໄລ່ ກັອຍ ຕາ ຍິອໍ ອີ ໂອນ ອັນ ຈ່ອຍ. ບັອງ ກາ ກັອຍ ໄລ່ ປາຍ: 'ເມົ້າ ກາ ຈັຣ ໄມ່ ແກ້ດ ຊົດ ກະ ຕັດຊິນ ຮີ?' ມາ ເທວາດາ ເຢັາງ ເຈົ້າຮາຊີ ແອັດ ຕຶ້ງ ອາລ່ອງ ກາ ເປົຼ ກັອຍ, ອັນ ອາ ຕີ ໂອນ ໂມເຊ ດັງ ເຢັາງ ເຈົ້າຮາຊີ ແຕ່ ຮຽຣ ອັນ ໂອນ ຕະ ຊົດ ຈຸ່ມ ອິດຊະຮາເອລ ກະ ຈ່ອຍ ອາມັງ ໄລ່. <sup>36</sup> ນະກັອຍ ໂມເຊ ເດິງ ອາຊວຍ ຈຸ່ມ ອິດຊະ ຮາເອລ ລັອຣ ແຕ ກຣວາງ ເອຍິບ. ອັນ ຕະ ຮານະ ຕາ ເກັຍ ເຮີມ ຕຶ້ງ ກຣວາງ ເອຍິບ ກະ ບັອງ ກາ ອັນ ຈ່ອຍ ໄລ່ ເປາະ ພາ ທາເລ ກູເຊົາ. ແວັດ ກັອຍ, ໄລ່ ແຕ້ອໍ ປິ ຕຍາຣ; ເຈົ້າ ໄລ່ ແອັດ ປິ ກັອຍ ປູນ ຈິດ ກູມໍ. <sup>37</sup> ກະ ໂມເຊ ອາຕີ ຈຸ່ມ ອິດຊະຮາເອລ ປາຍ: 'ປັດແນີ ມັນເຕຣົາ ເຢັາງ ເຈົ້າຮາຊີ ແປຣີ ມານະ ແຕ ມູ່ ເຍົາ ອາຕີ ຕາງ ປັດນາຍ ອັນ ມູເຈິງ ເກົາ ແຕ່.' <sup>38</sup> ໂມເຊ ແອັດ ກະ ອາຈວາຍຣ ອາເຈ່ຣ ໄຮ ກວາ ຍ ອິດຊະຮາເອລ ຕຶ້ງ ອິນຕຸ ຕຍາຣ ກັອຍ, ກະ ຈະ ອັນ ແຕ່ ກາ ຕະ ອິນຕີ ກະ ເທວາດາ ເຢັາງ ເຈົ້າຮາ ຊີ ຕຶ້ງ ກັຣ ຊິນາຍ. ບັອງ ກາ ກັອຍ ອັນ ຮັບ ປັຣ ນາຍ ອາມັງ ແຕ ເຢັາງ ເຈົ້າຮາຊີ, ເຈົ້າ ອາຕີ ລັຣ ໂອນ ໄຮ ດັງ ປັດນາຍ ກັອຍ.

<sup>39</sup> "ມາ ອາຈວາຍຣ ອາເຈ່ຣ ໄຮ ຕາ ເປັນ ຊາ ງັດ ປັດນາຍ ກັອຍ. ໄລ່ ຍິອໍ ອີ ຕັຣ ໂມເຊ, ກະ ໄລ່ ຍິອໍ ອີ ເຈົ້າ ລັຣ ປິ ກຣວາງ ເອຍິບ. <sup>40</sup> ບັອງ ກາ ໂມເຊ ອິນນັ້ອງ ແອັດ ຕຶ້ງ ກັຣ ຊິນາຍ, ອາຈວາຍຣ ອາເຈ່ຣ ໄຮ ແປຣີ ອາໂຣນຸ່ ປາຍ: 'ເອົາ ໄມ່ ເມົ້ານ ມັຣ ເຢັາງ ໂອນ ອັນ ອາຍິ່ງ ຮານາ ໂອນ ໄຮ. ຍ່ອນ ຕາ ດັງ ຮານະ ອິນເຕົ້າ ກາ ແຕ້ອໍ ປິ ໂມເຊ, ກວາຍ ກາ ເດິງ ອາຊວຍ ໄຮ ລັອຣ ແຕ ກຣວາງ ເອຍິບ.' <sup>41</sup> ນະກັອຍ ໄລ່ ຕະ ມານາ ຮູ່ບ ຕາແກງ ກອນ. ໄລ່ ຈູຈໍາ ຊາງ ຮູ່ບ ກັອຍ. ໄລ່ ຈາ ກະ ຮາເວ່າະ ຣໍ້ອໍ. ໄລ່ ແອັນ ເປັນ ຮູ່ບ ກາ ໄລ່ ຕະ ເປີມ. <sup>42</sup> ນະກັອຍ ເຢັາງ ເຈົ້າຮາຊີ ກາແລ້ຍຣ ໄລ່, ໂອນ ໄລ່ ຊາງ ມັດ ມານາງ, ຮາລັງ ກາໄຊ, ກະ ມັຣ ມັນໂຕຣ ແອັນ. ໄລ່ ປາຍ ມັຣ ຮາມິຣ ໄມ່ ລາ ເຢັາງ ໄລ່. ມາ ອິນແຍ່ະ ຮາມິຣ ໄມ່ ເຢັາງ ເຈົ້າຮາຊີ ອາຕີ ຕຶ້ງ ປຶ້ງ ກວາຍ ອາ ຕີ ຕາງ ປັດນາຍ ອັນ ແຕ ອິມແປີ, ປາຍ:

'ຈຸ່ມ ອິດຊະຮາເອລ ເອີຍ! ເຍົາ ແອັດ ຕຶ້ງ ອິນຕຸ ຕ

† 7:40 7:40 ອາໂຣນ ລາ ອາຍ ໂມເຊ.

ຍາຮ ປູນ ຈິ່ດ ກູມິ ກ້ອຍ,  
 ມາ ເຍົາ ມ່ອບ ຊັບຕຣັ່ນ ຊາງ ໂອນ ເຢິງ ກາ  
 ນໍ້ອ໌, ຕາ ແກ້ນ ໂອນ ເກົາ.  
 43 ເຍົາ ແກ້ວ ດຸງ ອາຣີ ໂອນ ເຢິງ ໂມເລັກ.  
 ກະ ເຍົາ ແກ້ວ ຮູ່ບ ມັນໂຕຣ, ຕະ ໂອນ ຊາງ  
 ເຢິງ ເຣພານ.  
 ອາແລ່ະ ເຍົາ ຊ້ອງ ຍິ່ອ ອີ ຊາງ,  
 ເຍົາ ຕະ ຮູ່ບ ອາກ້ອຍ.  
 ຍ່ອນ ຮານະ ກ້ອຍ, ເກົາ ຕູ່ຍຮ ເຍົາ  
 ໂອນ ເມົາ ເດິງ ເຍົາ ເປາະ ແວັດ ແຕ ກຮວງ  
 ບາບີໂລນ."

44 ກະ ຊະເຕພາໂນ ປາຍ ເຕີມ ແອັມ ນະໄມ່:  
 "ບ້ອງ ກາ ອາຈວາຍຮ ອາເຈ່ຮ ໄຮ ແອັດ ຕິ່ງ ອິນ  
 ຕຸ ຕຍາຮ, ໄລ່ ປຣ່ອມ ເດິງ ມານໍາ ດຸງ ຊາງ ອາຣີ  
 ດໍອ໌ ຊາງ ເຢິງ ເຈົາຮາຊີ. ດຸງ ຊາງ ກ້ອຍ ໄລ່ ຕະ  
 ນະ ເຢິງ ເຈົາຮາຊີ ອາຕີ ໄລ່ ຮານາ ໂມເຊ, ກະ ນະ  
 ເຢິງ ເຈົາຮາຊີ ອາປັຣ ໂອນ ໂມເຊ ເຮີມ. ດຸງ ຊາງ  
 ກ້ອຍ ອາປັຣ ໂອນ ເມົາ ດັງ ປາຍ ເຢິງ ເຈົາຮາຊີ  
 ແອັດ ກະ ໄລ່. 45 ອາຈວາຍຮ ອາເຈ່ຮ ໄຮ ກາ  
 ແດັຍ ກອນ ໄລ່ ແອັມ ລາ ເບີນ ຕາລາ ເຕ່ ດຸງ ຊາງ  
 ອາຣີ ໄມ່. ບ້ອງ ກາ ໂຢຊວຍ ເດິງ ອາຊວຍ ອາຈ  
 ວາຍຮ ອາເຈ່ຮ ໄຮ ມູ່ດ ຕິ່ງ ກຮວງ ເຢິງ ເຈົາຮາຊີ  
 ເອີອ໌ ໂອນ ໄລ່ ຕາລາ, ໄລ່ ເດິງ ກາ ດຸງ ຊາງ ອາຣີ  
 ກ້ອຍ. ນະກ້ອຍ ເຢິງ ເຈົາຮາຊີ ຕູ່ຍຮ ມັຮ ກວາ  
 ຍ ແອັດ ຕິ່ງ ກຮວງ ກ້ອຍ ໂອນ ຈຸ່ມ ໄຮ ແອັມ  
 ແອັດ ປີ ກ້ອຍ. ເຈີ່ ດຸງ ຊາງ ອາຣີ ກ້ອຍ ອິນນ້ອງ  
 ເລີ້ອຍໆ ຕິ່ງ ກຮວງ ໄມ່ ເຕົ້າ ແຕ້ອ໌ ຕາໄງ ດາວິດ  
 ແກັດ ເຕົ້າວ ປັຣເຍົາ ຈຸ່ມ ອິດຊະຮາເອລ. 46 ເຢິງ  
 ເຈົາຮາຊີ ຮຽຮ ດາວິດ ກະ ອັນ ໂອນ ດາວິດ ເບີນ  
 ບຸ່ນ. ກະ ດາວິດ ແຊອ໌ ແຕ ເຢິງ ເຈົາຮາຊີ ໂອນ  
 ອັນ ເບີນ ຕະ ດຸງ ປັດ ດໍອ໌ ຊາງ ເຢິງ ເຈົາຮາຊີ ກາ  
 ຢາໂຄບ, ອາຈວາຍຮ ອາເຈ່ຮ ໄຮ, ຊາງ ເຕ່. 47 ມາ  
 ເຢິງ ເຈົາຮາຊີ ຕາ ໂອນ ດາວິດ ຕະ ດຸງ ຊາງ ປັດ  
 ໂອນ ອັນ. ເຢິງ ເຈົາຮາຊີ ໂອນ ໂຊໂລໂມນ, ກອນ  
 ດາວິດ, ຕະ. 48 ມາ ໄກຣ ລາລີ້ ເຢິງ ເຈົາຮາຊີ ຕາ  
 ເບີນ ແອັດ ຕິ່ງ ດຸງ ອາຕີ ກວາຍ ຕະ. ເຢິງ ເຈົາຮາ  
 ຊີ ປາຍ ຮານາ ກວາຍ ອາຕີ ຕາງ ປັຣນາຍ ອັນ ນະ  
 ໄມ່:

49 'ເກົາ ຕາກູ ຕະ ຊົດ ຕິ່ງ ມັນລ້ອງ,  
 ກະ ກູແຕອ໌ ລາ ແກັດ ອິນຕຸ ເກົາ ອາຈຸຮ ອາ  
 ເຢິງ ເກົາ.  
 ຄັນ ນະກ້ອຍ, ເຍົາ ຍິ່ອ ອີ ຕະ ດຸງ ອິນເຕົ້າ ໂອນ  
 ເກົາ ແອັດ?  
 ເກົາ ຕາ ເບີນ ລາແກັຮ ອິນເຕົ້າ.  
 ນານະ ແຕ ເຍົາ ຕະ ດຸງ ໂອນ ເກົາ ຮາລູ?

50 ເກົາ ແຕ້ ກາ ແຕງ ມັຮ ຮາມິ່ຮ ກາ ເບີນ ເຈີ່, ປ  
 ຍາຍ໌ ບໍ່?"

51 ເຈີ່ ຊະເຕພາໂນ ອາຕີ ແອັມ ປາຍ: "ເຍົາ ເບີ  
 ນ ຮາງິຮ ກ້ອງ ລາລີ້. ກະ ກູຕູຮ ເຍົາ ຕາ ເບີນ  
 ຊາງັດ ເລີ້ຍ. ເຍົາ ຕາ ເບີນ ຊາງັດ ປັຣນາຍ ເຢິງ  
 ເຈົາຮາຊີ. ກະ ເຍົາ ຕາ ໂອນ ຮາເວົ້າຍ ເຢິງ ເຈົາຮາ  
 ຊີ ຕະ ຊົດ ຕິ່ງ ຮາງິຮ ເຍົາ. ເຍົາ ຕະ ມູເຈິງ ລັຮ ກະ  
 ອາຈວາຍຮ ອາເຈ່ຮ ເຍົາ ແຕ ອິມແບີ ເຕ່. 52 ໄລ່  
 ຕະ ຕູຮ ກັດ ມັຮ ກວາຍ ອາຕີ ຕາງ ປັຣນາຍ ເຢິງ  
 ເຈົາຮາຊີ. ກະ ໄລ່ ກາຈິດ ກວາຍ ກາ ອາຕີ ອິນໂຍ່ງ  
 ໂອນ ໄລ່ ດັງ ປັຣແນີ ມັນເຕຣົາ ເບີນ ອັນ ກາ ເມົາ  
 ດໍອ໌ ກວາຍ ຕານ້ອງ ອໍ ກາ ເຢິງ ເຈົາຮາຊີ ແປຣີ  
 ໂອນ ແຊງ ປີ ກູແຕອ໌ ໄມ່. ຊານຸ່ ອັນ ແຕ້ອ໌ ເຈີ່ ຕິ່ງ  
 ກູແຕອ໌ ໄມ່, ມາ ເຍົາ ຈີ ອັນ, ກະ ເຍົາ ກາຈິດ ອັນ.

53 ເທວາດາ ເຢິງ ເຈົາຮາຊີ ອາຕີ ເຈີ່ ໂອນ ເຍົາ ດັງ  
 ຄານອດ ແຕ ເຢິງ ເຈົາຮາຊີ, ມາ ເຍົາ ຕາ ເບີນ ຊາ  
 ງັດ ປັຣນາຍ ກ້ອຍ."

ເມົາ ກາຈິດ ຊະເຕພາໂນ  
 54 ພໍກາ ກວາຍ ຊົດ ກ້ອຍ ຊ້ອງ ອິນແຍ່ະ ປັຣ  
 ນາຍ ກ້ອຍ, ໄລ່ ຊ້ອງ ປັລອິ່ນ ແຕ້ ຕິ່ງ ຮາງິຮ ໄລ່.  
 ກະ ໄລ່ ກາເຕຣີອກ ກາແນງ ກາບາງ ໂຈະ ຊະເຕພາ  
 ໂນ. 55 ມາ ຊະເຕພາໂນ, ອັນ ເບີນ ຮາເວົ້າຍ ເຢິງ  
 ເຈົາຮາຊີ ແກັດ ຊົດ ຕິ່ງ ຮາງິຮ ອັນ. ເຈີ່ ອັນ ຕາ  
 ເງີ່ອ໌ ອາຊ້ອຮ ປີ ມັນລ້ອງ; ອັນ ເຮີມ ອໍານາດ ອາງ  
 ອິຮ ແຕ ເຢິງ ເຈົາຮາຊີ. ກະ ອັນ ເຮີມ ເຢຊູ ແອັດ  
 ຕາຍິ່ງ ຍິ່ຮ ອາຕໍາ ເຢິງ ເຈົາຮາຊີ. 56 ເຈີ່ ຊະເຕພາ  
 ໂນ ປາຍ: "ຕິຮ! ເຍົາ ຕາເງີ່ອ໌ ປີ ມັນລ້ອງ ກ້ອຍ!  
 ເກົາ ເຮີມ ມັນລ້ອງ ນະ ເມົາ ເປີຮ, ກະ ເກົາ ເຮີມ  
 ກອນ ເຢິງ ແກັດ ກວາຍ ແອັດ ຕາຍິ່ງ ຍິ່ຮ ອາຕໍາ  
 ເຢິງ ເຈົາຮາຊີ."

57 ພໍກາ ກວາຍ ການໍ້ອ໌ ຊ້ອງ ປັຣນາຍ ກ້ອຍ,  
 ໄລ່ ກູໂກຍ໌ ເຮ່ງ ລາລີ້. ໄລ່ ກູປັດ ກູຕູຮ; ເຈີ່ ໄລ່  
 ປາລ້ອງ ປີ ຊະເຕພາໂນ. 58 ໄລ່ ກາຕ້ອງ ຊະເຕພາ  
 ໂນ ອາລ້ອຮ ຍິ່ຮ ນໍ້ອ໌ ເມືອງ. ກະ ໄລ່ ແກງ ຕາເມົາ  
 ໂຈະ ອັນ ເຕົ້າ ຊະເຕພາໂນ ກູຈິດ. ມູ່ ກາ ກາຈິດ  
 ຊະເຕພາໂນ, ໄລ່ ໂອນ ມານະ ກວາຍ ນຸ່ມ, ຮາມິ່ຮ  
 ໂຊໂລ, ແອັດ ກຍາອ໌ ເກຣິ່ງ ໄລ່. 59 ບ້ອງ ກາ ໄລ່  
 ແກງ ຕາເມົາ ໂຈະ ຊະເຕພາໂນ, ຊະເຕພາໂນ ເກົາ  
 ແຊອ໌ ປາຍ: "ອິນເຈົາ ເຢຊູ ເອີຍ! ແຊອ໌ ເຍົາ ຮັບ  
 ຮາເວົ້າຍ ເກົາ."

60 ນະກ້ອຍ ອັນ ກຸ່ ຮາໂກລ ກະ ປາຍ ເຮ່ງ ລາ  
 ລີ້: "ອິນເຈົາ ເອີຍ! ແຊອ໌ ເຍົາ ອິນໂຈຍ ກໍາໂກລ  
 ໄລ່ຍຮ ໄລ່ ໄມ່ ຕະ ໂຈະ ເກົາ ຊານຸ່."

ແວັດ ອັນ ປາຍ ນະກ້ອຍ, ເຈົ້ ອັນ ກູຈິດ.

**8**

<sup>1</sup> ມາ ໂຊໂລ, ອັນ ອິມປຣ່ອມ ເຕ່ ກະ ໄລ່ ກາ ກາ ຈິດ ຊະເຕພາໂນ.

ໂຊໂລ ຕະ ຕຸ່ຮ ກັດ ມູ່ ກາ ຊາອຳ ເຢຊູ

ບັອງ ກາ ກ້ອຍ ມູ່ ກາ ຊາອຳ ເຢຊູ ແອັດ ຕຶ້ງ ເມືອງ ເຢຣູຊາເລັມ, ໄລ່ ຕາແປ ຮາມັຣ ເມົ່າ ຕະ ຕຸ່ຮ ກັດ ຊາອຳ ລາລີ້ ໂຈະ ໄລ່. ນະກ້ອຍ ຈຸ່ມ ໄລ່ ກ້ອຍ ຕາລຸ່ຮ ອິມປຣາຍຮ. ເບີນ ອັນ ກາ ແອັດ ລັຮ ຕຶ້ງ ແຄງ ຢູດາຍ, ກະ ເບີນ ອັນ ກາ ຕາລຸ່ຮ ແອັດ ປີ ແຄງ ຊາມາເຣຍ ແອັນ. ມາ ມູ່ ກາ ເຢຊູ ຮຽຮ ປາ ຈຸ່ຮ ອິນນັ່ງ ແອັດ ລັຮ ຕຶ້ງ ເມືອງ ເຢຣູຊາເລັມ. <sup>2</sup> ເບີນ ກວາຍ ຮາເລົາ, ໄລ່ ກາ ຊາງັດ ຕາປູ່ນ ເຢິງ ເຈົ້າຮາຊີ ເຕ່, ໄລ່ ອິດ ກູມູ່ຍ ຊະເຕພາໂນ ກະ ເດີ ງ ແຕັບ. ໄລ່ ເຍົາມ ອັນ. <sup>3</sup> ມາ ໂຊໂລ ອັນ ອີ ອາ ປິດ ອິນແຍ່ະ ມູ່ ກາ ຊາອຳ ເຢຊູ. ນະກ້ອຍ ອັນ ຈາ ຈໍ່ອ ກູ່ ດຸງ. ຄັນ ອັນ ຮາມັຣ ກວາຍ ຊາອຳ, ອັນ ກາຕ້ອງ ອາລ້ອຮ, ກາ ມັນແຊມ, ກາ ຮາເລົາ, ເດີງ ໂຈະ ຕຶ້ງ ກໍ່ອ.

ປັຮນາຍ ອໍ ແຕ ເຢຊູ ກຣິດ ແຕ້ອ ປີ ຊາມາເຣຍ

<sup>4</sup> ມັຮ ກວາຍ ກາ ຊາອຳ ເຢຊູ ກາ ຕາລຸ່ຮ ແຕ ເມືອງ ເຢຣູຊາເລັມ, ອັນ ກາ ເປາະ ປີ ໄລ່, ອັນ ກາ ເປາະ ປີ ກ້ອຍ ອາຕີ ເລີ້ຍ ປັຮນາຍ ອໍ ແຕ ເຢຊູ ກຣິດ. <sup>5</sup> ພິລິບ ແຊງ ປີ ມວຍ ເມືອງ ຕຶ້ງ ແຄງ ຊາມາເຣຍ ກະ ອາຕີ ກວາຍ ຕຶ້ງ ເມືອງ ກ້ອຍ ແຕ ເຢຊູ ກຣິດ. \* <sup>6</sup> ພິລິບ ຕະ ຊາອຳ ຮານະ ຕາ ກີ່ຍ ເຮີມ; ຍ່ອນ ນະກ້ອຍ ກຶ້ງ ລາລີ້ ກວາຍ ຕຶ້ງ ເມືອງ ກ້ອຍ ຊາງັດ ປັຮນາຍ ອັນ ອາຕີ. <sup>7</sup> ເບີນ ຊາອຳ ນະ ກາ ເບີນ ເຢິງ ຕາ ອໍ ຕະ ໄລ່. ພໍກາ ພິລິບ ຕຸ່ຍຮ ເຢິງ ຕາ ອໍ ກ້ອຍ ແຕ ຈະ ກວາຍ ເຈົ້, ເຢິງ ກ້ອຍ ແຮຣ ເຮ່ງ ລາລີ້ ກະ ອັນ ລ້ອຮ ເລີ້ຍ. ມັຮ ກວາຍ ກາ ອາອີ ກ້ອງ, ກະ ມັຮ ກວາຍ ໂຢດ, ອິນ ແຍ່ະ ໄລ່ ກ້ອຍ ລາ ອັນ ປົວ ໂອນ ແບຣັຮ. <sup>8</sup> ຍ່ອນ ນະກ້ອຍ ມັຮ ກວາຍ ຕຶ້ງ ເມືອງ ກ້ອຍ ຊ້ອງ ຮໍ່ອ ລາລີ້.

<sup>9</sup> ແອັດ ຕຶ້ງ ເມືອງ ກ້ອຍ ເບີນ ມານະ ຮາມັຣ ຊີໂມນ. ແຕ ອິນໂຍ່ງ ອັນ ລາ ກວາຍ ມໍ. ກວາຍ ແຕ ແຄງ ຊາມາເຣຍ ກ້ອຍ, ໄລ່ ຈຶ່ງ ລາລີ້ ແຕ ຮາ ນະ ອັນ ຕະ. ກະ ອັນ ຍິ້ອ ອີ ແກັດ ດ້ອຮ ເດີນ

ໂອນ ເມົ່າ ຍ່ອງ ປາຍ ອັນ ລາ ກວາຍ ມໍ ຄິດ ລາລີ້. <sup>10</sup> ມັຮ ກວາຍ ຊິດ ກະ ມັຮ ກວາຍ ກອນແຊມ ຕຶ້ງ ເມືອງ ກ້ອຍ, ໄລ່ ກ້ອຍ ຊາງັດ ອິນແຍ່ະ ປັຮນາຍ ອັນ ອາຕີ. ໄລ່ ປາຍ: "ອຳນາດ ກວາຍ ໄລ່ ລາ ນະ ເຢິງ ເຈົ້າຮາຊີ ເຕ່."

<sup>11</sup> ມັຮ ກວາຍ ຕຶ້ງ ເມືອງ ກ້ອຍ, ໄລ່ ຕາປູ່ນ ຊີໂມນ, ຍ່ອນ ແຕ ດູ່ນ ໄລ່ ຊ້ອງ ຈຶ່ງ ລາລີ້ ແຕ ມັນ ອັນ ຕະ. <sup>12</sup> ມາ ພໍກາ ພິລິບ ອາຕີ ປັຮນາຍ ອໍ ແຕ ເຢິງ ເຈົ້າຮາຊີ ຕະ ຊິດ, ກະ ພໍກາ ອັນ ອາຕີ ປັຮນາຍ ອໍ ແຕ ເຢຊູ ກຣິດ, ເບີນ ກວາຍ ຕຶ້ງ ວິລ ກ້ອຍ ຊາອຳ, ກະ ໄລ່ ຮັບ ຮິດ ຕຶ້ງ ແດັອ, ກາ ຮາ ເລົາ, ກາ ມັນແຊມ. <sup>13</sup> ເຈົ້ ຊີໂມນ ລາ ຊາອຳ ເຕ່, ກະ ອັນ ຮັບ ຮິດ ຕຶ້ງ ແດັອ ແຮ. ປີ ແລະ ພິລິບ ເປາະ, ຊີໂມນ ເປາະ ປີ ກ້ອຍ ເຕ່. ນະກ້ອຍ ຊີໂມນ ເບີນ ເຮີມ ມັຮ ຮານະ ຕາ ກີ່ຍ ເຮີມ ກາ ປິດ ລາ ລີ້ ແກັດ ອີງກ້ອຍ. ອັນ ຊ້ອງ ຈຶ່ງ ລາລີ້ ຕຶ້ງ ຮາງັຮ ອັນ.

<sup>14</sup> ມູ່ ກາ ເຢຊູ ຮຽຮ ປາຈຸ່ຮ ອິນນັ່ງ ແອັດ ຕຶ້ງ ເມືອງ ເຢຣູຊາເລັມ. ພໍກາ ໄລ່ ຊ້ອງ ຮານ ປາຍ ກວາຍ ຕຶ້ງ ເມືອງ ຊາມາເຣຍ ຊາອຳ ປັຮນາຍ ເຢິງ ເຈົ້າຮາຊີ ເຈົ້, ໄລ່ ແປຣີ ເປໂຕ ກະ ໂຢຣັນ ເປາະ ປີ ກ້ອຍ. <sup>15</sup> ພໍກາ ເປໂຕ ກະ ໂຢຣັນ ແຕ້ອ ປີ ເມືອງ ກ້ອຍ, ໄລ່ ກີ້າແຊອ ໂອນ ກວາຍ ກາ ຊາ ອຳ ເບີນ ຮັບ ຮາເວີຍ ເຢິງ ເຈົ້າຮາຊີ ແອັດ ກະ ໄລ່. <sup>16</sup> ບັອງ ກາ ກ້ອຍ ຮາເວີຍ ເຢິງ ເຈົ້າຮາຊີ ຕາ ຢວາຮ ແອັດ ກະ ໄລ່, ມາ ໄລ່ ຮັບ ຮິດ ຕຶ້ງ ແດັອ ຍ່ອນ ຮາມັຣ ເຢຊູ ຊ້ອງ. <sup>17</sup> ມາ ພໍກາ ເປໂຕ ກະ ໂຢຣັນ ຊາປະ ອາຕີ ຕຶ້ງ ຈະ ກວາຍ ກາ ຊາອຳ ກ້ອຍ, ເຈົ້ ຮາເວີຍ ເຢິງ ເຈົ້າຮາຊີ ມູ່ດ ແອັດ ແຕ່ ຕຶ້ງ ຮາງັຮ ໄລ່.

<sup>18</sup> ຊີໂມນ, ອັນ ກາ ແກັດ ກວາຍ ມໍ ແຕ ອິນ ໂຍ່ງ, ພໍກາ ອັນ ເຮີມ ເປໂຕ ກະ ໂຢຣັນ ຊາປະ ອາຕີ ຕຶ້ງ ຈະ ກວາຍ ການໍ່ອ, ເຈົ້ ຮາເວີຍ ເຢິງ ເຈົ້າຮາ ຊີ ມູ່ດ ແຕ່ ຕຶ້ງ ຮາງັຮ ກວາຍ ກ້ອຍ, ນະກ້ອຍ ອັນ ເດີງ ໂອນ ໄລ່ ກ້ອຍ ປຣະ ຍ່ອນ ອັນ ຍິ້ອ ອີ ເບີນ ເຕ່ ອຳນາດ ນະກ້ອຍ. <sup>19</sup> ຊີໂມນ ປາຍ: "ອຳນາດ ໄລ່ ກີ້າ ແຊອ ເຍົາ ໂອນ ກີ້າ ເບີນ ເຕ່, ດໍ່ອ ກີ້າ ຊາ ປະ ອາຕີ ກີ້າ ຕຶ້ງ ຈະ ກວາຍ ການໍ່ອ ໂອນ ໄລ່ ເບີນ ເຕ່ ຮາເວີຍ ເຢິງ ເຈົ້າຮາຊີ."

<sup>20</sup> ມາ ເປໂຕ ຕາແອີຍ ອັນ: "ປຣະ ໄລ່ ກະ ຈະ ໄລ່ ໂອນ ປິດ ມູ ເຮີບ ແຕ່. ນານະ ໄລ່ ຄິດ ອຳນາດ ເຢິງ ເຈົ້າຮາຊີ ມາ ແຕ່ອ ແຈັງ ແຕ ປຣະ? <sup>21</sup> ໄລ່ ຕາ ແຕ່ອ ຕະ ຮານະ ໄລ່, ຍ່ອນ ຮາງັຮ ໄລ່ ຕາ ຢວາຮ

\* 8:5 8:5 ພິລິບ ໄລ່ ລາ ມານະ ແຕ ມູ່ ຕາປູ່ລ ນະ ກາ ຈ່ອຍ ກວາຍ ຊິດ ຕຶ້ງ ມູ່ ກາ ຊາອຳ.

ຕາມັ່ງ ຍັດ ເມີງ ເຢົາ ເຈົ້າຮາຊີ. 22 ນະກ້ອຍ ອີງ ເຄາະ ໄມ່ ຕັຣ ຊ້ອງ ຮາງິຣ ຕາ ອໍ ໄມ່ ຄິດ ໄມ່, ອິດ ຮາງິຣ ຕາໄມ່ ແອັນ. ຄັນ ໄມ່ ຫົາແຊຣ໌ ແຕ ເຢົາ ເຈົ້າຮາຊີ, ອີງກ້ອຍ ປາຍຍ໌ ອັນ ຕັຣ ໂລຍຣ ໄມ່ ແຕ ຮາມະ ກາ ໄມ່ ຄິດ ຍິຣ໌ ອີ ຕະ. 23 ຫົາ ເຮີມ ຮາງິຣ ໄມ່ ຊັຣແມງ ແຕ ຮາມະ ຮິ ຕະ, ໄມ່ ຍິຣ໌ ອີ ເປີນ ມູເຈິງ ຮິ ເຕ່, ກະ ຮາມະ ຕາ ອໍ ຕະ ຊັດ ຕິ່ງ ຮາງິຣ ໄມ່."

24 ນະກ້ອຍ ຊີໂມນ ຕາແອີຍ ລັຣ ເປໂຕ ປາຍ: "ແຊຣ໌ ໄມ່ ຫົາແຊຣ໌ ແຕ ເຢົາ ເຈົ້າຮາຊີ ໂອນ ຈ່ອຍ ຫົາ, ອິນໂຈຍ ໂອນ ມັຣ ຮາມະ ກ້ອຍ ແຕ້ອ໌ ປິ ຫົາ."

25 ແວັດ ເປໂຕ ກະ ໂຢຣັນ ອາຕີ ປັຣນາຍ ເຢົາ ເຈົ້າຮາຊີ ຕິ່ງ ເມືອງ ກ້ອຍ, ກະ ອາຕີ ອິນແຍະ ຮາ ນະ ເຢຊູ ຕະ ມັຣ ໄລ່ ເຮີມ ເຈີ່, ເຈີ່ ໄລ່ ເຈົ້າ ລັຣ ປິ ເມືອງ ເຢຣູຊາເລັມ. ບັອງ ກາ ໄລ່ ເປາະ ຕິ່ງ ຮາ ນາ, ໄລ່ ມູ່ດ ອາຕີ ປັຣນາຍ ເຢົາ ເຈົ້າຮາຊີ ຕິ່ງ ມັຣ ກາ ວິລ ການໍ່ອ໌ ຕິ່ງ ແຄງ ຊາມາເຣຍ ກາ ແອິດ ອິມ ແປຣ ຮານາ.

ພິລິບ ກະ ກວາຍ ເອທິໂອເປຍ

26 ບັອງ ກາ ກ້ອຍ ເປີນ ມວຍ ນະ ເທວາດາ ເຢົາ ເຈົ້າຮາຊີ ປາຍ ກະ ພິລິບ ນະໄມ່: "ເອົາ ໄມ່ ເປາະ ປິ ກາເດັບ. ໄມ່ ເປາະ ຮານາ ແຕ ເມືອງ ເຢຣູຊາເລັມ ແຕ້ອ໌ ປິ ເມືອງ ກາຊາ, ຮານາ ກາ ຊາ ລັຣ ຕາປິ່ງ ອິນຕຸ ຕຍາຣ."

27 ນະກ້ອຍ ພິລິບ ຢວຣ ຕາຍິ່ງ, ເຈີ່ ເປາະ. ຕິ່ງ ຮານາ ກ້ອຍ ອັນ ເຮີມ ມານະ ກວາຍ ຮາເລົາ ແຕ ກຣວາງ ເອທິໂອເປຍ. ກວາຍ ຮາເລົາ ໄມ່, ອັນ ຕະ ຮາມະ ປິດ ລາລີ່ ຈ່ອຍ ກັນເດກາ, ລາ ເຕົາວ ປັຣເຍົາ ມັນແຊມ ຕິ່ງ ກຣວາງ ເອທິໂອເປຍ. ອັນ ກຍາຣ໌ ອິນແຍະ ມັຣ ຊັຣນັຣ ເຕົາວ ປັຣເຍົາ ມັນ ແຊມ ກ້ອຍ. ກວາຍ ຮາເລົາ ໄມ່ ເປາະ ຊາງ ເຢົາ ເຈົ້າຮາຊີ ປິ ເມືອງ ເຢຣູຊາເລັມ. 28 ມາ ຊານໍ່ ອັນ ເຈົ້າ ປິ ກຣວາງ ອັນ, ຮານາ ລໍ ອາແຊັຣ. ອັນ ແອິດ ຕິ່ງ ລໍ ອາແຊັຣ ກ້ອຍ ກະ ອັນ ຮ່ອຍຣ ແຕ ປິ່ງ ປັຣນາຍ ເອຊາຢາ, ລາ ກວາຍ ອາຕີ ຕາງ ປັຣນາຍ ເຢົາ ເຈົ້າຮາຊີ, ຄຽນ ແຕ ອິມເບີ. 29 ຮາເວີຍ ເຢົາ ເຈົ້າຮາຊີ ອາຕີ ພິລິບ ປາຍ: "ໄມ່ ເປາະ ຮາ ແຈ່ ກວາຍ ກາ ແອິດ ຕິ່ງ ລໍ ອາແຊັຣ ກ້ອຍ."

30 ນະກ້ອຍ ພິລິບ ຕາລຸຣ ຊາແຕັມ ລໍ ອາແຊັຣ ກ້ອຍ. ອັນ ຊ້ອງ ກວາຍ ຕິ່ງ ລໍ ອາແຊັຣ ກ້ອຍ ແອິດ ຮ່ອຍຣ ແຕ ປິ່ງ ເອຊາຢາ. ນະກ້ອຍ ພິລິບ ຕາແບີບ ອັນ ປາຍ: "ມັຣູ ຮາມິຣ ໄມ່ ຮ່ອຍຣ ກ້ອຍ, ໄມ່ ຊາປຸຣ ມາ ຕາ ເປີນ?"

31 ອັນ ຕາແອີຍ ພິລິບ ປາຍ: "ນະ ເຕຣ໌ ຫົາ ອີ ຊາປຸຣ ຄັນ ຕາ ເປີນ ເມົາ ອາຕີ ຫົາ?"

ນະກ້ອຍ ອັນ ການິຍ ພິລິບ ຊ້ອຣ ຕິ່ງ ລໍ ອາ ແຊັຣ ອັນ, ຕາກູ ກະ ອັນ. 32 ຕິ່ງ ປິ່ງ ເອຊາຢາ ກວາຍ ກ້ອຍ ຮ່ອຍຣ ປາຍ:

"ເມົາ ເດິງ ກວາຍ ໄມ່ ນະ ເມົາ ເດິງ ຍິຣ໌ ອີ ກາຈິດ ແກະ ເຕ່.

ມູເຈິງ ເມົາ ກ້ອຍ ໂຊະ ແກະ ກອນ, ມາ ອັນ ຕາ ເປີນ ແຣຣ, ນະກ້ອຍ ເຕ່ ກວາຍ ໄມ່ ຕາ ເປີນ ຕະ ແບຣ໌ ອິນເຕົາ.

33 ໄລ່ ຕະ ອັນ ນະ ອັນ ຕາ ເປີນ ຫົາ ອິນເຕົາ. ກະ ໄລ່ ຕັດຊິມ ຕາ ເປີນ ປາຍຍ໌.

ໄຮ ຕາ ເຕຣ໌ ປາຍ ອິນເຕົາ ແຕ ກອນຕ້ອງ ອັນ, ຍ່ອນ ໄລ່ ກາຈິດ ອັນ, ຕາ ໂອນ ອັນ ອາມັງ ນ້ອງ ຕິ່ງ ກູແຕຣ໌ ໄມ່."

34 ແວັດ ອັນ ຮ່ອຍຣ, ກວາຍ ເອທິໂອເປຍ ກ້ອຍ ຕາແບີບ ພິລິບ ປາຍ: "ເອຊາຢາ ໄມ່, ອັນ ອາຕີ ແຕ ເມົາ? ອັນ ອາຕີ ແຕ ຈະ ອັນ ເປີມ, ມາ ອັນ ອາຕີ ແຕ ກວາຍ ການໍ່ອ໌?"

35 ເຈີ່ ພິລິບ ຕາແບີ ຕະ ອິນຕີ ແຕ ເຢຊູ. ອັນ ອາຕີ ກວາຍ ກ້ອຍ ໂອນ ດັງ ແຈງ ແຕ ປັຣນາຍ ກາ ເອຊາຢາ ຄຽນ ອາຕີ ແຕ ເຢຊູ ໄມ່. 36 ບັອງ ກາ ໄລ່ ອິນນ້ອງ ເປາະ ຕິ່ງ ຮານາ ກ້ອຍ, ໄລ່ ແຕ້ອ໌ ປິ ອິນຕຸ ເປີນ ແດ້ອ໌. ກວາຍ ເອທິໂອເປຍ ກ້ອຍ ປາຍ: "ຕິຣ! ໄມ່ ແນ່ ແດ້ອ໌ ກ້ອຍ. ເຕຣ໌ ໄມ່ ຕະ ຮິດ ຕິ່ງ ແດ້ອ໌ ໂອນ ຫົາ ຊານໍ່ ແຕ້ ບໍ?"

37 ພິລິບ ຕາແອີຍ ອັນ ປາຍ: "ຄັນ ໄມ່ ຊາອໍາ, ເຕຣ໌ ຫົາ ຕະ ຮິດ ຕິ່ງ ແດ້ອ໌ ໂອນ ໄມ່."

ກວາຍ ກ້ອຍ ຕາແອີຍ: "ແມ່ນ ຫົາ ຊາອໍາ ເຢຊູ ກຣິດ ລາ ກອນ ເຢົາ ເຈົ້າຮາຊີ."†

38 ນະກ້ອຍ ກວາຍ ເອທິໂອເປຍ ກ້ອຍ ໂອນ ລໍ ອາແຊັຣ ຕາງິດ ແຈ່ ແດ້ອ໌. ເຈີ່ ໄລ່ ບາຣ ນະ ແຊງ ປິ ແດ້ອ໌, ກະ ພິລິບ ຕະ ຮິດ ຕິ່ງ ແດ້ອ໌ ໂອນ ກວາ ຍ ກ້ອຍ. 39 ພໍກາ ໄລ່ ຊ້ອຣ ແຕ ແດ້ອ໌, ຮາເວີຍ ເຢົາ ເຈົ້າຮາຊີ ອາແຣັ ພິລິບ ເດິງ ປິ ອິນຕຸ ການໍ່ ອ໌ ແອັນ. ກວາຍ ເອທິໂອເປຍ ຕາ ເປີນ ເຮີມ ນ້ອງ ພິລິບ, ມາ ອັນ ເປາະ ມານະ ອັນ ແອັນ ຕິ່ງ ຮານາ ກ້ອຍ, ກະ ຮາງິຣ ອັນ ຊ້ອງ ຮໍຣ໌ ລາລີ່. 40 ມາ ເປີນ ກວາຍ ເຮີມ ພິລິບ ແອິດ ຕິ່ງ ເມືອງ ອາໂຊໂຕ ແອັນ. ອັນ ອາຕີ ປັຣນາຍ ອໍ ແຕ ເຢຊູ ກຣິດ ຕິ່ງ ກູ ວິລ ອັນ ມູ່ດ ເຕົາ ອັນ ແຕ້ອ໌ ປິ ເມືອງ ກາຍຊາເຣຍ.

† 8:37 8:37 ຊາອໍ້ຍ ປິ່ງ ປັຣນາຍ ຕຍາ ຕາ ເປີນ ເປີນ ຮານາ 37 ໄມ່.

# 9

ໂຊໂລ ຮາມັສ ເຢຊູ ຕຶ້ງ ຮານາ  
(ສາມະ ຕະ 22:6-16; 26:12-18)

1-2 ມາ ໂຊໂລ ອິນນ້ອງ ອວານ ໂຈະ ກວາຍ ກາ ຕາປູນ ເຢຊູ, ກະ ອັນ ຢັອ ອິ ກາຈິດ ລືອຍໆ ມູ່ ກ້ອຍ. ນະກ້ອຍ ອັນ ເປາະ ແຊອ ເຈຍ ປັຣນາຍ ແຕ ກວາຍ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົ້າຮາຊີ ໂອນ ອັນ ເຕ່ອ ໂທບ ມັຣ ກວາຍ ກາ ຕາ ປູນ ເຢຊູ, ກາ ຮາເລົາ, ກາ ມັນແຊມ, ແອິດ ຕຶ້ງ ເມືອງ ດາມັດກັດ. ອັນ ຢັອ ອິ ອາປັຣ ເຈຍ ປັຣ ນາຍ ໄມ່ ໂອນ ກວາຍ ຊົດ ມັຣ ດຸງ ຊາງ ກວາຍ ອິດຊະຮາເອລ ຕຶ້ງ ເມືອງ ດາມັດກັດ ກ້ອຍ, ໂອນ ໄລ່ ກ້ອຍ ດັງ ເຕ່ ເຕ່ອ ອັນ ໂທບ ກວາຍ. ກວາຍ ອາແລະ ກາ ອັນ ໂທບ ແຕ ມູ່ ກາ ຕາປູນ 'ຮານາ ເຢຊູ', ອັນ ຢັອ ອິ ຊົດ ໄລ່ ເດີງ ອາເຈົ້າ ປິ ເມືອງ ເຢຣູຊາເລັມ. <sup>3</sup> ແວັດ ກວາຍ ຊົດ ກ້ອຍ ໂອນ ອັນ ເຈຍ ປັຣນາຍ ເຈີ້ ອັນ ເປາະ. ບັອງ ກາ ໂຊໂລ ເປາະ ຕຶ້ງ ຮານາ ແຈ່ະ ອິ ແຕ່ອ້ ເມືອງ ດາມັດກັດ, ບຣິນ ອັນ ຊັນຕັຣ ເຮີມ ປັງ ປາເລີງ ອາແຊງ ແຕ ມັນ ລ້ອງ ປິ ຈະ ອັນ. <sup>4</sup> ອັນ ແດິມ ຕຶ້ງ ກູແຕອ. ກະ ອັນ ຊ້ອງ ຊຽງ ເມົ້າ ຊາບາວ ອັນ ປາຍ: "ໂຊໂລ ເອີຍ! ເອີ ໂຊໂລ! ນານະ ໄມ່ ຕະ ຕຸ່ຣ ເກົ້າ?"

<sup>5</sup> ໂຊໂລ ຕາແອີຍ ປາຍ: "ອິນເຈົ້າ ເອີຍ! ເຍົາ ລາ ເມົ້າ?"

ຊຽງ ກ້ອຍ ຕາແອີຍ ລັຣ ໂຊໂລ ປາຍ: "ເກົ້າ ລາ ເຢຊູ ກາ ໄມ່ ຕະ ຕຸ່ຣ. <sup>6</sup> ໄມ່ ຢວຣ ຕາຍັງ, ເຈີ້ ມູ່ດ ຕຶ້ງ ເມືອງ. ຕຶ້ງ ເມືອງ ກ້ອຍ ເບີນ ກວາຍ ກາ ອາຕີ ໄມ່ ອິງເຄາະ ໄມ່ ຕະ ນານະ."

<sup>7</sup> ມັຣ ໄລ່ ກາ ເປາະ ກະ ໂຊໂລ, ໄລ່ ຊ້ອງ ຈິ່ດ ລາລີ້, ຕາ ເຕ່ອ ຕະ ແບອ ອິນເຕົ້າ ນ້ອງ. ໄລ່ ຊ້ອງ ຊຽງ ກ້ອຍ, ມາ ໄລ່ ຕາ ເບີນ ເຮີມ ເມົ້າ. <sup>8</sup> ເຈີ້ ໂຊໂລ ຢວຣ ຕາຍັງ. ພໍກາ ອັນ ກູລຍານ, ອັນ ເກິດ ຊູດ ມັດ. ນະກ້ອຍ ເຍົ່ ອັນ ເຕີ ອາຕີ ອັນ ຢວາຣ ອາ ມູ່ດ ປິ ເມືອງ ດາມັດກັດ. <sup>9</sup> ອິນແຍ່ະ ໄປ ຕາໄງ ອັນ ຕາ ບຣາງ ເຮີມ ອິນເຕົ້າ, ກະ ອັນ ຕາ ເບີນ ຈາ ຈ່ອຍ ອິນເຕົ້າ.

<sup>10</sup> ແອິດ ຕຶ້ງ ເມືອງ ດາມັດກັດ ກ້ອຍ ເບີນ ມານະ ກວາຍ ຕາປູນ ເຢຊູ ຮາມັຣ ອານາເນຍ. ເຢີງ ເຈົ້າຮາຊີ ອາປັຣ ລື້າຍ ໂອນ ອັນ ເຮີມ ເຢຊູ. ເຢຊູ ກູອ ອັນ ປາຍ: "ອານາເນຍ ເອີຍ!"

ອານາເນຍ ຕາແອີຍ ເຢຊູ ນະໄມ່: "ເອີ. ອິນເຕົ້າ ອິນເຈົ້າ ອິ ເບີນ ເກົ້າ?"

<sup>11</sup> ເຢຊູ ອາຕີ ອັນ ປາຍ: "ອິງເຄາະ ໄມ່ ເປາະ ຊາ ນໍ່ ແຕ່ ປິ ຮານາ ກາ ເມົ້າ ດໍອ ຮານາ ຕານ້ອງ. ແຕ່ອ້ ປິ ກ້ອຍ ໄມ່ ຈໍອ ມານະ ແຕ ເມືອງ ຕາໂຊ, ຮາມັຣ ໂຊໂລ. ອັນ ແອິດ ຕຶ້ງ ດຸງ ຢູດາ. ຊານໍ່ ໂຊໂລ ເກົ້າ ແຊອ ແຕ ເກົ້າ. <sup>12</sup> ກະ ເກົ້າ ອາປັຣ ລື້າຍ ໂອນ ໂຊໂລ ເຮີມ ມານະ ຮາມັຣ ອານາເນຍ ແຕ່ອ້ ຊາປະ ອາຕີ ຕຶ້ງ ຈະ ອັນ ໂອນ ອັນ ບຣາງ ລັຣ."

<sup>13</sup> ອານາເນຍ ຕາແອີຍ ປາຍ: "ອິນເຈົ້າ ເອີຍ! ຊາອ້ຍ ກວາຍ ປາຍ ແຕ ກວາຍ ໄມ່, ອັນ ຕະ ຕຸ່ຣ ກັດ ລາລີ້ ກວາຍ ກາ ຕາປູນ ເຍົາ ຕຶ້ງ ເມືອງ ເຢຣູຊາເລັມ. <sup>14</sup> ກະ ຊານໍ່ ອັນ ເບີນ ເຈຍ ແຕ ມັຣ ກວາຍ ຊົດ ມູ່ ກາ ຊາງ ຮິດ ເຢີງ ເຈົ້າຮາຊີ ໂອນ ເຕ່ອ ອັນ ໂທບ ອິນແຍ່ະ ມັຣ ກວາຍ ກາ ຊາອໍາ ເຍົາ ຕຶ້ງ ເມືອງ ດາມັດກັດ ໄມ່."

<sup>15</sup> ມາ ເຢຊູ ອາຕີ ອານາເນຍ ແອັນ ປາຍ: "ອິງ ເຄາະ ໄມ່ ເປາະ ຕະ ມັຣ ຮານະ ເກົ້າ ອາຕີ ໄມ່, ຢ່ອນ ເກົ້າ ຮຽຮ ກວາຍ ໄມ່. ເກົ້າ ໂອນ ອັນ ເດີງ ຮາມັຣ ເກົ້າ ແກິດ ປູຣ ປິ ມັຣ ກວາຍ ຕາ ແກິນ ກວາຍ ອິດ ຊະຮາເອລ ກະ ເຕົ້ວ ປັຣເຍົາ ໄລ່, ກະ ອັນ ແຕ່ອ້ ປິ ກວາຍ ອິດຊະຮາເອລ ແອີ. <sup>16</sup> ກະ ເກົ້າ ອິ ໂອນ ອັນ ດັງ ອິງເຄາະ ອັນ ຈິວ ຮານະ ຕຸ່ຣ ກັດ ຢ່ອນ ອັນ ເດີງ ຮາມັຣ ເກົ້າ."

<sup>17</sup> ນະກ້ອຍ ອານາເນຍ ເປາະ ມູ່ດ ຕຶ້ງ ດຸງ ຢູດາ. ອັນ ຊາປະ ອາຕີ ຕຶ້ງ ຈະ ໂຊໂລ, ກະ ອາຕີ ໂຊໂລ ປາຍ: "ໂຊໂລ ເອີຍ! ໄມ່ ລາ ແຊມອາຍ ເກົ້າ. ອິນ ເຈົ້າ ໄຮ, ເຢຊູ, ຮາມັຣ ໄມ່ ຕຶ້ງ ຮານາ. ອັນ ແປຣີ ເກົ້າ ແຕ່ອ້ ປິ ໄມ່ ດໍອ ໂອນ ມັດ ໄມ່ ແກິດ ບຣາງ ລັຣ, ກະ ອັນ ດໍອ ໂອນ ຮາເວົ້າຍ ເຢີງ ເຈົ້າຮາຊີ ແກິດ ຊົດ ຕຶ້ງ ຮາງິຣ ໄມ່."

<sup>18</sup> ບັອງ ກາ ກ້ອຍ ແຕ່ ຊາແລັຣ ແຕ ມັດ ອັນ ນະ ອິນແຊລ ອາກາ, ເຈີ້ ມັດ ອັນ ແກິດ ປັງ ລັຣ. ອັນ ຢວຣ ຕາຍັງ ກະ ຮັບ ຮິດ ຕຶ້ງ ແຕ່ອ້. <sup>19</sup> ອັນ ຈາ ລັຣ ໂດຍ, ກະ ອັນ ຊ້ອງ ມັນ ເຣ່ງ ລັຣ. ເຈີ້ ອັນ ແອິດ ເບີນ ປິອ ຕາໄງ ແອັນ ຕຶ້ງ ເມືອງ ດາມັດກັດ ກ້ອຍ ອາລິ້ງ ກວາຍ ກາ ຕາປູນ ເຢຊູ.

ໂຊໂລ ອາຕີ ຕຶ້ງ ເມືອງ ດາມັດກັດ

<sup>20</sup> ເຈີ້ ໂຊໂລ ເປາະ ແຕ່ອ້ ປິ ມັຣ ດຸງ ຊາງ ກວາ ຍ ອິດຊະຮາເອລ ກະ ອາຕີ ອິງກ້ອຍ ປາຍ ເຢຊູ ລາ ກອນ ເຢີງ ເຈົ້າຮາຊີ. <sup>21</sup> ອິນແຍ່ະ ມັຣ ກວາຍ ກາ ຊາງັດ ປັຣນາຍ ອັນ ອາຕີ, ໄລ່ ຊ້ອງ ຈິ່ດ ລາລີ້. ໄລ່ ປາຍ: "ແມ່ນ ມາ ຕາ ເບີນ ອັນ ໄມ່ ຕາລຸຣ ມູ່ ກາ ຊາອໍາ ເຢຊູ ຕຶ້ງ ເມືອງ ເຢຣູຊາເລັມ? ກະ ອັນ

ແຕ້ອ້ ປີ ໄມ່ ແອ້ນ ລາ ອັນ ອີ ໂກບ ມັຮ ກວາຍ ກາ ແກວ ຮາມິ້ຮ ເຢຊູ. ອັນ ອີ ຊັດ ເດີງ ອາເຈົ້າ ໄລ່ ກ້ອຍ ອາແຕ້ອ້ ປີ ມັຮ ກວາຍ ຊັດ ມູ່ ກາ ຊາງ ຮິ່ດ ເຢີງ ເຈົ້າຮາຊີ."

22 ມາ ປັນຍາຍ ໂຊໂລ ອາຕີ ແກ້ດ ແບູ ລາລີ້ ແອ້ນ. ພໍກາ ຈຸ່ມ ອິດຊະຮາເອລ ແອັດ ຕິ່ງ ເມືອງ ດາມັດກັດ ກ້ອຍ ຊ້ອງ ອັນ ອາຕີ ປາຍ ເຢຊູ ລາ ກຮິດ, ອັນ ກາ ເຢີງ ເຈົ້າຮາຊີ ຮຽຮ ດໍອໍ ຈ່ອຍ ອາ ມັ່ງ ກວາຍ, ໄລ່ ຕາ ເຕ້ອ້ ຮາຈຽນ ອິນເຕົ້າ ນ້ອງ.

23 ແວັດ ແຕ ກ້ອຍ ມັຮ ກວາຍ ຊັດ ອິດຊະຮາ ເອລ ຊັຮຽງ ຢັອ ອີ ກາຈິດ ໂຊໂລ. 24 ໄລ່ ພາຮາ ະ ອິນແຍ່ະ ຕິ່ງ ງັຮ ຕິ່ງ ວຍາງ ເມືອງ ກ້ອຍ ຢັອ ອີ ກາຈິດ ອັນ. ມາ ໂຊໂລ ຊ້ອງ ເຈ້ ໄລ່ ຢັອ ອີ ກາຈິດ ອັນ. 25 ນະກ້ອຍ, ແຕ້ອ້ ຊາເດົາ ກວາຍ ກາ ຕາປູ່ ນ ເຢຊູ ຊ້ອຮ ຕິ່ງ ວຍາງ. ໄລ່ ໂອນ ໂຊໂລ ແອັດ ຕິ່ງ ອາປໍອໍ; ເຈ້ ໄລ່ ໂຢ່ລ ອາແຊງ ຢັຮ ນໍ້ອໍ ວຍາງ.

ໂຊໂລ ຕິ່ງ ເມືອງ ເຢຣູຊາເລັມ

26 ແວັດ ກ້ອຍ ໂຊໂລ ເປາະ ປີ ເມືອງ ເຢຣູຊາເລັມ ແອ້ນ. ອັນ ຢັອ ອີ ມູ່ດ ແອັດ ກະ ມູ່ ກາ ຊາອໍາ ເຢຊູ ຕິ່ງ ເມືອງ ກ້ອຍ ເຕ່. ມາ ມູ່ ກ້ອຍ ອີງກ້ອຮ ລາລີ້ ອັນ. ໄລ່ ຕາ ເບີນ ຊາອໍາ ປາຍ ອັນ ຕາປູ່ນ ເຢຊູ ເຈ້. 27 ມາ ເບີນ ມານະ ຕິ່ງ ມູ່ ກ້ອຍ, ຮາມິ້ຮ ບາຮນາບາ. ອັນ ເປາະ ອາ ຊວຍ ໂຊໂລ ແຕ້ອ້ ປີ ມູ່ ໄລ່ ກາ ເຢຊູ ຮຽຮ ເປາະ ອາຕີ ປັນຍາຍ ອໍ. ກະ ອັນ ຕະ ອິນຕີ ກະ ມູ່ ກ້ອຍ ໂອນ ໄລ່ ດັງ ປາຍ ໂຊໂລ ເຮີມ ເຈ້ ເຢຊູ ຕິ່ງ ຮານາ, ກະ ອັນ ຊ້ອງ ເຈ້ ເຢຊູ ປາຍ ໂຈະ ອັນ. ບາຮນາ ບາ ປາຍ ໂຊໂລ ອາຕີ ຍັນ ລາລີ້ ປັນຍາຍ ແຕ ເຢຊູ ຕິ່ງ ເມືອງ ດາມັດກັດ. 28 ນະກ້ອຍ ມູ່ ກ້ອຍ ໂອນ ໂຊໂລ ແອັດ ກະ ໄລ່ ຕິ່ງ ເມືອງ ເຢຣູຊາເລັມ. ອັນ ເປາະ ອິນແຍ່ະ ຕິ່ງ ເມືອງ ເຢຣູຊາເລັມ ອາຕີ ຍັນ ລາລີ້ ປັນຍາຍ ແຕ ເຢຊູ ກຮິດ. 29 ອັນ ຕະ ອິນຕີ ກະ ຮາຊຸນ ກະ ມວຍ ຈຸ່ມ ກວາຍ ອິດຊະຮາເອລ ກາ ຕະ ອິນຕີ ປັນຍາຍ ກຮິກ. ມາ ມັຮ ກວາຍ ກ້ອຍ ຈາຈໍອໍ ຮານາ ຢັອ ອີ ກາຈິດ ໂຊໂລ. 30 ພໍ ກາ ມູ່ ກາ ຊາອໍາ ເຢຊູ ຊ້ອງ ຮານະ ກ້ອຍ, ໄລ່ ເປາະ ອາຊວຍ ໂຊໂລ ປີ ເມືອງ ກາຍຊາເຣຍ. ແຕ້ອ້ ຕາ ໄງ ອິນຕຸ່ນ ໄລ່ ໂອນ ອັນ ເຈົ້າ ລັຮ ປີ ເມືອງ ອັນ, ລາ ເມືອງ ຕາໂຊ.

31 ບ້ອງ ກາ ກ້ອຍ ມັຮ ມູ່ ກາ ຊາອໍາ ເຢຊູ ຕາ ເບີນ ຮາມິ້ຮ ນ້ອງ ຕຸ່ຮ ກັດ ຕິ່ງ ແຄງ ຢູດາຍ, ແຄງ ຄາລີເລ, ກະ ແຄງ ຊາມາເຣຍ. ໄລ່ ຊາອໍາ ແກ້ດ ເຮ່ງ ອາຊ້ອຮ ກະ ຢໍາມັບ ເຢີງ ເຈົ້າຮາຊີ. ກະ ຮາ ເວີຍ ເຢີງ ເຈົ້າຮາຊີ ຕາລິ້ນ ຮາງິ້ຮ ໄລ່ ໂອນ ແອັດ ອຽນ ອໍ ລັຮ. ກວາຍ ຊາອໍາ ເຢຊູ ແກ້ດ ກິ່ງ ລາລີ້ ແອ້ນ.

ເປໂຕ ຕິ່ງ ເມືອງ ລິດດາ ກະ ເມືອງ ຢິບປາ

32 ບ້ອງ ກາ ກ້ອຍ ເປໂຕ ເປາະ ຊາອິຮ ກູ່ ອິນ ຕຸ ເບີນ ກວາຍ ຊາອໍາ ເຢຊູ ຕິ່ງ ກຮວາງ ກ້ອຍ. ນະກ້ອຍ ອັນ ເປາະ ຊາອິຮ ມູ່ ກາ ຊາອໍາ ຕິ່ງ ເມືອງ ລິດດາ. 33 ຕິ່ງ ເມືອງ ກ້ອຍ ອັນ ຮາມິ້ຮ ມານະ ຮາມິ້ຮ ໂອເນ ກາ ເບີນ ອາອໍ ກ້ອງ. ອັນ ຊາຮີ້ ອາອໍ ຕິ່ງ ຮາຈາອໍ ອິນແຍ່ະ ຕາກໍອລ ກູມໍ ເຈ້. 34 ເປໂຕ ອາຕີ ອັນ ປາຍ: "ໂອເນ ເອີຍ! ເຢຊູ ກຮິດ ຕະ ໂອນ ໄມ່ ແບຣັຮ. ໄມ່ ຢວຣ ຕາຢິ່ງ. ໄມ່ ປອມ ດໍອໍ ຮາຈາອໍ ໄມ່."

ບ້ອງ ກາ ກ້ອຍ ແຕ້ ໂອເນ ຢວຣ ຕາຢິ່ງ. 35 ອິນ ແຍ່ະ ມັຮ ກວາຍ ຕິ່ງ ເມືອງ ລິດດາ ກະ ຕິ່ງ ເມືອງ ຊາໂຣນ, ໄລ່ ເຮີມ ໂອເນ ແກ້ດ ແບຣັຮ. ນະກ້ອຍ ໄລ່ ຊາອໍາ ເຢຊູ ກຮິດ ເຕ່.

36 ຕິ່ງ ເມືອງ ຢິບປາ ເບີນ ມານະ ມັນແຊມ ຕິ່ງ ມູ່ ກາ ຕາປູ່ນ ເຢຊູ, ຮາມິ້ຮ ຕາບີທາ. ຕິ່ງ ປັນຍາຍ ກຮິກ ເມົ້າ ດໍອໍ ຮາມິ້ຮ ອັນ ລາ ໂດຣະກາ.\* ມັນ ແຊມ ໄມ່ ຕະ ຮານະ ອໍ ເລື້ອຍໆ, ກະ ອັນ ຈ່ອຍ ຊາອິ້ຍ ນະ ກວາຍ ກາດິດ. 37 ບ້ອງ ກາ ກ້ອຍ ອັນ ແກ້ດ ອາອິ້; ເຈ້ ອັນ ກູຈິດ. ເຢົ່າ ອັນ ອິດ ແດັອ ອາເຮົາວ ຈະ ກູມູ່ຍ ກ້ອຍ ຕາປູ່ນ ຮິ່ດ ໄລ່ ເກ້ຍ ຕະ. ແວັດ ໄລ່ ອາເຮົາວ, ເຈ້ ໄລ່ ດໍອໍ ຈະ ກູມູ່ຍ ກ້ອຍ ຕິ່ງ ກູງ ຮານ ແປັງ ຕິ່ງ ດຸງ ກ້ອຍ. 38 ເມືອງ ຢິບປາ ໄມ່ ແຈ່ະ ເມືອງ ລິດດາ. ນະກ້ອຍ ພໍກາ ມູ່ ກາ ຊາອໍາ ເຢຊູ ຕິ່ງ ເມືອງ ຢິບປາ ຊ້ອງ ຮານ ເປໂຕ ແອັດ ຕິ່ງ ເມືອງ ລິດດາ, ໄລ່ ແປຣີ ບາຮ ນະ ເປາະ ອິດ ເປໂຕ. ໄລ່ ປາຍ ກະ ເປໂຕ ນະໄມ່: "ແຊອໍ ໄມ່ ເປາະ ແຕ້ອ້ ປີ ເມືອງ ຮິ."

39 ເຈ້ ເປໂຕ ເປາະ ກະ ໄລ່. ພໍກາ ອັນ ແຕ້ອ້ ປີ ດຸງ ກ້ອຍ, ໄລ່ ເດີງ ອັນ ຊ້ອຮ ຕິ່ງ ກູງ ຮານ ແປັງ. ກິ່ງ ລາລີ້ ມັຮ ອິມເປ້ອ ກູມາຍ ຕິ່ງ ກູງ ກ້ອຍ. ໄລ່ ເຍີມ ກະ ໄລ່ ອາລໍອຮ ເກຣັງ ໂດຣະກາ ຢິຮ ໂອນ ໄລ່ ແຕ ອິນໂຍ່ງ. 40 ເປໂຕ ໂອນ ອິນແຍ່ະ ມັຮ

\* 9:36 9:36 ຕິ່ງ ປັນຍາຍ ກາຕາງ ຮາມິ້ຮ ໄມ່ ລາ "ໂປຍຮ."



ໄລ່ ລ້ອຮ ແຕ ກຸງ ກ້ອຍ. ເຈີ່ ອັນ ກູ່ ຮາໂກລ ກະ ອັນ ເກົາແຊຣ໌ ແຕ ເຢິງ ເຈົາຮາຊີ. ແວັດ ອັນ ເກົາ ແຊຣ໌, ເຈີ່ ອັນ ລົບ ເນ່ ປີ ກູມຸ່ຍ ກ້ອຍ. ກະ ອັນ ປາຍ: "ຕາບິທາ ເອີຍ! ໄມ່ ຢວຣ ຕາຍິ່ງ."

ບັອງ ກາ ກ້ອຍ ແຕ່ີ່ ມັນແຊມ ກາ ກູຈິດ ກ້ອຍ ເຕ່ອ໌ ກູເລີນ ລັຮ ມັດ ອັນ. ພໍກາ ອັນ ເຮີມ ເປັຕ, ອັນ ຢວຣ ຕາກູ. 41 ເປັຕ ເຕີ ອາຕີ ມັນ ແຊມ ກ້ອຍ ໂອນ ອັນ ຢວຣ ຕາຍິ່ງ. ແວັດ ກ້ອຍ ເປັຕ ກູຮ໌ ມູ່ ກາ ຊາອໍາ ເຢຊູ ກະ ມັຮ ອິມເປ່ອ໌ ກູ ມາຍ. ອັນ ອາລ້ອຮ ມັນແຊມ ກ້ອຍ ໂອນ ອິນແຍ່ ະ ມັຮ ໄລ່ ກ້ອຍ ດັງ ມັນແຊມ ກ້ອຍ ອາມັງ ລັຮ. 42 ພໍກາ ຮານະ ໄມ່ ແກັດ ເປາະ ປູຣ ຈວບ ອິນແຍ່ ເມືອງ ຍົບປາ, ກຶ່ງ ລາລີ້ ແອັນ ກວາຍ ຊາອໍາ ເຢຊູ. 43 ເປັຕ ແອັດ ຕິ່ງ ເມືອງ ຍົບປາ ໄມ່ ຕາ ດັງ ອິນຊີ ຕາໄງ ແອັນ. ອັນ ແອັດ ກະ ມານະ ຮາມິ້ຮ ຊີໂມນ. ຊີໂມນ ໄມ່, ອັນ ລາ ກວາຍ ເຈິງ ຕະ ອິງກັຣ ຊັນ ຕຣັ່ນ.

### 10

ເປັຕ ກະ ໂກເລລີໂອ

1 ຕິ່ງ ເມືອງ ກາຍຊາເຣຍ ເບີນ ມານະ ຮາມິ້ຮ ໂກເລລີໂອ. ອັນ ຕະ ຊິດ ມວຍ ຣ້ອຍ ນະ ຕາຮານ. ມູ່ ຕາຮານ ໄມ່ ລາ ມວຍ ຈຸ່ມ ຕິ່ງ ກອງທັບ ອິຕາລີ. 2 ໂກເລລີໂອ ໄມ່ ກະ ອິນແຍ່ ດູງຊູ ອັນ ຢຳນັບ ກະ ຊາງ ເຢິງ ເຈົາຮາຊີ. ອັນ ຈ່ອຍ ປຣະ ໂອນ ກວາຍ ກາດິດ. ອັນ ເກົາແຊຣ໌ ເລືອຍໆ ແຕ ເຢິງ ເຈົາຮາ ຊີ. 3 ເບີນ ມວຍ ຕາໄງ, ແຕ່ອ໌ ມານງ ວິ້ຮ, ເຢິງ ເຈົາຮາຊີ ອາປັຮ ໂອນ ອັນ ເຮີມ ມານະ ເທວາດາ ເຢິງ ເຈົາຮາຊີ ແຕ່ອ໌ ປີ ອັນ ກະ ກູຮ໌ ອັນ ປາຍ: "ໂກເລລີໂອ ເອີຍ!"

4 ມາ ໂກເລລີໂອ ອິງກັອຮ ລາລີ້. ອັນ ເນ່ ຊັຮກ້ອງ ເລືອຍໆ ເທວາດາ ກ້ອຍ, ກະ ອັນ ຕາ ແບັບ ປາຍ: "ອິນເຈົາ ເອີຍ! ອິນເຕົ້າ ເຍົາ ອີ ເບີນ ເກົາ?"

ເທວາດາ ເຢິງ ເຈົາຮາຊີ ຕາແອີຍ ອັນ ປາຍ: "ເຢິງ ເຈົາຮາຊີ ຊ້ອງ ເຈີ່ ປັຮນາຍ ໄມ່ ເກົາແຊຣ໌ ແຕ ອັນ. ກະ ມັຮ ປຣະ ກາ ໄມ່ ຈ່ອຍ ກວາຍ ກາດິດ ລາ ເຢິງ ເຈົາຮາຊີ ນັບ ນະ ໄມ່ ມ່ອບ ຊາງ ໂອນ ອັນ. 5 ຊາມໍ່ ໄມ່ ແປຣີ ກວາຍ ເປາະ ປີ ເມືອງ ຍົບປາ ຈໍ່ ອ໌ ມານະ ຮາມິ້ຮ ຊີໂມນ. ເນົ້າ ດໍອ໌ ອັນ ລາ ຮາມິ້ຮ ເປັຕ ແຮີ. ໄມ່ ແຊຣ໌ ໂອນ ອັນ ແຕ່ອ໌ ປີ ດຸງ ໄມ່. 6 ກວາຍ ກາ ອິນເຈົາ ດຸງ ກາ ເປັຕ ແອັດ ລາ ຮາມິ້ ຮ ຊີໂມນ ເຕ່. ອັນ ລາ ກວາຍ ເຈິງ ຕະ ອິງກັຣ ຊັນຕຣັ່ນ. ດຸງ ອັນ ແຈ່ ແຕ່ອ໌ ທາເລ."

7 ແວັດ ເທວາດາ ເຢິງ ເຈົາຮາຊີ ລ້ອຮ ແຕ ກ້ອຍ, ໂກເລລີໂອ ກູຮ໌ ບາຣ ນະ ກວາຍ ຕະ ຮານະ ຕິ່ງ ດຸງ ອັນ, ກະ ອັນ ກູຮ໌ ມານະ ກວາຍ ຕາຮານ ແຮີ. ກວາຍ ຕາຮານ ໄມ່, ອັນ ຊາງັດ ຕາປູ່ນ ເຢິງ ເຈົາຮາຊີ ເຕ່, ກະ ອັນ ຈຸງ ປຣ່ອມ ຢັອ ອີ ຈ່ອຍ ຮາມະ ໂອນ ໂກເລລີໂອ. 8 ໂກເລລີໂອ ອາຕີ ລັຮ ໄລ່ ໄປ ນະ ກ້ອຍ ອິນແຍ່ ມັຮ ປັຮນາຍ ເທວາດາ ເຢິງ ເຈົາຮາຊີ ອາຕີ ອັນ. ເຈີ່ ອັນ ແປຣີ ໄລ່ ໄປ ນະ ກ້ອຍ ເປາະ ປີ ເມືອງ ຍົບປາ.

9 ມາຣ ຕາໄງ ປັຮແນີ ແຈ່ ມານາງ ຕິລມູ່ລ, ບັອງ ກາ ໄລ່ ໄປ ນະ ອິນນ້ອງ ແອັດ ຕິ່ງ ຮານາ ແຈ່ ເມືອງ ຍົບປາ, ເປັຕ ຊ້ອຣ ຕິ່ງ ຕໍາປວລ ດຸງ ກາ ອັນ ແອັດ. ອັນ ຊ້ອຣ ອີ ເກົາແຊຣ໌ ຕິ່ງ ຕໍາ ປວລ ເປົາຮ ກ້ອຍ. 10 ບັອງ ກາ ກ້ອຍ ເປັຕ ຊ້ອງ ມາເຍົາຮ, ຢັອ ອີ ຈາ ໂດຍ. ບັອງ ເນົ້າ ຕະ ຈາ, ອັນ ເຮີມ ມວຍ ຮາມິ້ຮ ເຢິງ ເຈົາຮາຊີ ອາປັຮ ໂອນ ອັນ. 11 ອັນ ເຮີມ ມັນລ້ອງ ນະ ເນົ້າ ເປີຮ. ກະ ອັນ ເຮີມ ນະ ອາຣີ ຕາວິ້ຮ ລາລີ້. ອັນ ເຮີມ ນະ ເນົ້າ ຊັດ ອິນໄຊ ປູນ ເປັບ ອາຣີ ກ້ອຍ; ເຈີ່ ເນົ້າ ອາ ຢອກ ອາແຊງ ແຕ ມັນລ້ອງ. 12 ຕິ່ງ ອາຣີ ກ້ອຍ ອັນ ເຮີມ ກູ່ ຮາມິ້ຮ ຊັນຕຣັ່ນ, ອັນ ກາ ເປາະ ຮາ ມາ ອາເຢິງ, ອັນ ກາ ເປາະ ລາລ້ອຮ, ກະ ອັນ ກາ ປັຮ ຕິ່ງ ແປັງ. 13 ກະ ເປັຕ ຊ້ອງ ຊຽງ ເນົ້າ ອາຕີ ອັນ ປາຍ: "ເປັຕ ເອີຍ! ໄມ່ ຢວຣ ຕາຍິ່ງ. ມັຮ ກາ ຊັນຕຣັ່ນ ໄມ່ ເຕ່ອ໌ ອິນແຍ່ ໄມ່ ຈາ. ຊັນຕຣັ່ນ ອາແລ່ ໄມ່ ອີ ຈາ, ໄມ່ ຕະ ຊັນຕຣັ່ນ ກ້ອຍ."

14 ມາ ເປັຕ ຕາແອີຍ ປາຍ: "ແຕີ! ເກົາ ຕາ ແອ໌ ອີ ຈາ, ອິນເຈົາ ເອີຍ. ແຕ ແກດ ເຕົ້າ ປັດ ເກົາ ຕາ ເກີ້ຍ ຈາ ເກຣັງ ກາ ຕາ ເບີນ ບຣັຮ ຕາປູ່ນ ຄານອດ ອິດຊະຮາເອລ."

15 ມາ ຊຽງ ກ້ອຍ ອາຕີ ລັຮ ເປັຕ ປາຍ: "ໄມ່ ອິນໂຈຍ ປາຍ ຕາ ເບີນ ບຣັຮ ເກຣັງ ກາ ເຢິງ ເຈົາຮາຊີ ຕະ ໂອນ ບຣັຮ."

16 ໄປ ເຮີບ ຊຽງ ກ້ອຍ ອາຕີ ເປັຕ ນະກ້ອຍ. ແວັດ ກ້ອຍ ອາຣີ ກ້ອຍ ນະ ເນົ້າ ກາຕ້ອງ ອາຊ້ອຣ ລັຮ ປີ ມັນລ້ອງ. 17 ເປັຕ ຊ້ອງ ງິດ ລາລີ້ ມັຮ ຮາມິ້ຮ ອັນ ເຮີມ. ບັອງ ກາ ເປັຕ ແອັດ ຄິດ ນະກ້ອຍ, ໄລ່ ໄປ ນະ ແຕ ໂກເລລີໂອ ກາ ຈໍ່ ດຸງ ຊີໂມນ, ໄລ່ ຮາມິຮ. ເຈີ່ ໄລ່ ແອັດ ແຈ່ ງິ້ຮ ຕິ່ງ ຊັງ ອາຣ ດຸງ ຊີໂມນ. 18 ໄລ່ ຕາແບັບ ເຣັງ ລາລີ້ ປາຍ: "ເຍົາ ເຮີມ ຊີໂມນ ເປັຕ ແອັດ ຕິ່ງ ດຸງ ໄມ່ ບໍ່?"

19 ມາ ບັອງ ກາ ເປັຕ ອິນນ້ອງ ແອັດ ຄິດ ລັຮ ມັຮ ຮາມິ້ຮ ອັນ ເຮີມ, ຮາເວົ້າຍ ເຢິງ ເຈົາຮາຊີ ອາ

ຕີ ໂຈະ ອັນ ປາຍ: "ເບີນ ໄປ ນະ ແຕ້ອ໌ ປີ ໄມ່ ຍິອ໌ ອີ ຣາມັຣ ໄມ່. <sup>20</sup> ໄມ່ ແຊງ ຣາມັຣ ໄລ່, ກະ ໄມ່ ອິນ ໂຈຍ ອິງກ້ອຣ ເປາະ ກະ ໄລ່, ຍ່ອນ ເກົາ ແປຣີ ໂອນ ໄລ່ ແຕ້ອ໌ ປີ ໄມ່."

<sup>21</sup> ນະກ້ອຍ ເປໂຕ ແຊງ ຣາມັຣ ໄລ່ ກະ ປາຍ: "ເກົາ ໄມ່ ລາ ອັນ ກາ ເຍົາ ຈໍອ໌. ອິນເຕົ້າ ເຍົາ ອີ ເບີນ ເກົາ?"

<sup>22</sup> ໄລ່ ຕາແອ້ຍ ອັນ ປາຍ: "ຮີ ແຕ້ອ໌ ປີ ໄມ່ ຍ່ອນ ໂກເລລີໂອ, ອັນ ກາ ແກັດ ເນ້ຍ ຣ່ອຍ ຕາຣານ, ແປຣີ ຮີ ເປາະ ອິດ ໄມ່. ອັນ ລາ ກວາຍ ກາ ຍໍນັບ ກະ ຊາງ ເຢັງ ເຈົາຣາຊີ. ອິນແຍ່ະ ມັຣ ກວາຍ ອິດຊະຣາເອລ ປາຍ ໂກເລລີໂອ ລາ ກວາຍ ອໍ. ກະ ເທວາດາ ເຢັງ ເຈົາຣາຊີ ແປຣີ ໂກເລລີໂອ ເປາະ ອິດ ໄມ່ ເປາະ ປີ ດຸງ ອັນ ໂອນ ອັນ ເບີນ ຊ້ອງ ແຕ່ ປັຣນາຍ ອິນເຕົ້າ ໄມ່ ອີ ອາຕີ ອັນ."

<sup>23</sup> ນະກ້ອຍ ເປໂຕ ໂອນ ໄລ່ ໄປ ນະ ມູ່ດ ຕິ່ງ ດຸງ, ເຈີ່ ປີ ອິງກ້ອຍ ມວຍ ຊາດົາ. ປັ່ງ ຕາຮີບ ປັຣແນີ ເປໂຕ ກະ ກວາຍ ກາ ຊາອໍ ເຢຊູ ຕິ່ງ ເມືອງ ຍົບປາ ເປາະ ກະ ໄລ່ ໄປ ນະ ກ້ອຍ. <sup>24</sup> ມັຣ ຕາໄງ ມັນເຕຣີ ແອັນ ໄລ່ ແຕ້ອ໌ ປີ ເມືອງ ກາຍຊາເຣຍ. ໂກເລລີໂອ ແອິດ ຫາຣາະ ໄລ່ ຕິ່ງ ດຸງ ອັນ. ໂກເລລີໂອ ປາໂຣມ ແຊມອາຍ ກະ ເຍົາ ກາ ຣາຕອຍ ກະ ອັນ, ໂອນ ໄລ່ ໂຣ່ມ ຕິ່ງ ດຸງ ອັນ. <sup>25</sup> ແວ່ ເປໂຕ ອີ ມູ່ດ ຕິ່ງ ດຸງ ກ້ອຍ, ໂກເລລີໂອ ລ່ອຣ ຣາມັຣ ອັນ. ໂກເລລີໂອ ກູ່ ຣາໂກລ ກູກຸຣ ເປໂຕ; ອັນ ຄິດ ປາຍ ເຢັງ. <sup>26</sup> ມາ ເປໂຕ ເຕີ ອາຕີ ໂກເລລີໂອ ໂອນ ອັນ ຍວຣ ຕາຢິ່ງ, ກະ ອັນ ອາຕີ ໂກເລລີໂອ ປາຍ: "ໄມ່ ຍວຣ ຕາຢິ່ງ. ເກົາ ລາ ກວາຍ ມູເຈິງ ໄມ່ ແຕ່."

<sup>27</sup> ບັອງ ກາ ໄລ່ ອິນນ້ອງ ຕະ ອິນຕີ, ໄລ່ ມູ່ດ ຕິ່ງ ດຸງ. ກະ ເປໂຕ ເຮີມ ກຼິ່ງ ລາລີ່ ກວາຍ ໂຣ່ມ ຕິ່ງ ດຸງ ກ້ອຍ. <sup>28</sup> ເຈີ່ ເປໂຕ ອາຕີ ໂອນ ອິນແຍ່ະ ມັຣ ໄລ່ ກ້ອຍ ປາຍ: "ເຍົາ ດັງ ເຈີ່ ຄານອດ ອິດຊະຣາ ເອລ ຕາ ໂອນ ກວາຍ ອິດຊະຣາເອລ ຣາຕອຍ ກະ ກວາຍ ຕາ ແກິນ ກວາຍ ອິດຊະຣາເອລ. ມາ ເຢັງ ເຈົາຣາຊີ ອາຕີ ເກົາ ເຈີ່, ເກົາ ຕາ ແຕ່ອ໌ ປາຍ ນ້ອງ ຕາ ແຕ່ອ໌ ຣາຕອຍ ກະ ກວາຍ ການ້ອ໌ ແຕີລາ ປາຍ ກວາຍ ການ້ອ໌ ຕາ ເບີນ ບຣັຣ ອໍ ຕາປູນ ຄານອດ. <sup>29</sup> ຍ່ອນ ນະກ້ອຍ ເກົາ ຕາ ເບີນ ອິງກ້ອຣ ແຕ້ອ໌ ປີ ໄມ່. ຊານໍ່ ເກົາ ຍິອ໌ ອີ ດັງ ຍ່ອນ ນານະ ເຍົາ ແຊອ໌ ໂອນ ເກົາ ແຕ້ອ໌ ປີ ໄມ່?"

<sup>30</sup> ໂກເລລີໂອ ຕາແອ້ຍ ອັນ ປາຍ: "ຕາໄງ ອິນ ໄຕຣ໌ ອາໄຣ໌ ເກົາ ແອິດ ເກົາແຊອ໌ ຕິ່ງ ດຸງ ເກົາ ບັອງ ກາ ມານາງ ວິຣ ມາຣ ຊານໍ່ ໄມ່. ຊັນຕັຣ ເບີນ ມານະ ຕາຢິ່ງ ຍິຣ ເມີງ ເກົາ. ອັນ ຕັອກ ຫາຣິ່ງ

ອາງອິຣ, <sup>31</sup> ກະ ອາຕີ ເກົາ ປາຍ: "ໂກເລລີໂອ ເອີຍ! ເຢັງ ເຈົາຣາຊີ ຊ້ອງ ເຈີ່ ໄມ່ ເກົາແຊອ໌, ກະ ເຢັງ ເຈົາຣາຊີ ຊາແຍີ ຣານະ ກາ ໄມ່ ຈ່ອຍ ກວາຍ ກາ ດິດ. <sup>32</sup> ນະກ້ອຍ ຊານໍ່ ໄມ່ ແປຣີ ກວາຍ ເປາະ ປີ ເມືອງ ຍົບປາ ເປາະ ອິດ ມານະ ເບີນ ຣາມັຣ ຊີໂມນ, ອັນ ກາ ເມົາ ດໍອ໌ ເປໂຕ ແຮີ. ໄມ່ ແຊອ໌ ໂອນ ອັນ ແຕ້ອ໌ ປີ ດຸງ ໄມ່. ອັນ ແອິດ ຕິ່ງ ດຸງ ຊີໂມນ ແຈ່ະ ແຕ້ອ໌ ຫາເລ. ຊີໂມນ ກ້ອຍ, ອັນ ລາ ກວາຍ ເຈັງ ຕະ ອິງກັຣ ຊັນຕຣົນ.' <sup>33</sup> ບັອງ ກາ ກ້ອຍ ແຕ່ ເກົາ ແປຣີ ກວາຍ ເປາະ ອິດ ໄມ່ ແຕ້ອ໌ ປີ ໄມ່. ນະກ້ອຍ, ໂກຣ ລາລີ່ ໄມ່ ແຕ້ອ໌ ປີ ໄມ່. ຊານໍ່ ເຢັງ ເຈົາຣາຊີ ເຮີມ ເຈີ່ ອິນແຍ່ະ ນະ ຮີ ກາ ໂຣ່ມ ໄມ່ ຍິອ໌ ອີ ຊາ ງັດ ປັຣນາຍ ເຢັງ ເຈົາຣາຊີ ແປຣີ ໄມ່ ອາຕີ ໂອນ ຮີ ດັງ."

ເປໂຕ ອາຕີ ຕິ່ງ ດຸງ ໂກເລລີໂອ

<sup>34</sup> ແວັດ ໂກເລລີໂອ ປາຍ ນະກ້ອຍ, ເປໂຕ ອາ ຕີ ໄລ່ ນະໄມ່: "ຊານໍ່ ເກົາ ດັງ ແຈງ ລາລີ່ ປາຍ ເຢັງ ເຈົາຣາຊີ ນັບ ອິນແຍ່ະ ມັຣ ກວາຍ ລີຣາລີ ອິນແຍ່ະ. <sup>35</sup> ກູ່ ກຣວາງ, ຄັນ ກວາຍ ອາແລ່ະ ມາ ຍໍນັບ ເຢັງ ເຈົາຣາຊີ ກະ ຕະ ຣານະ ຕານ້ອງ ອໍ, ເຢັງ ເຈົາຣາຊີ ນັບ ກວາຍ ກ້ອຍ ລາ ກອນ ອາໂກ ອັນ ແຕ່. <sup>36</sup> ເຍົາ ດັງ ເຈີ່ ເຢັງ ເຈົາຣາຊີ ໂອນ ປັຣ ນາຍ ອໍ ປີ ກວາຍ ອິດຊະຣາເອລ. ປັຣນາຍ ອໍ ໄມ່ ອາຕີ ແຕ ຣານະ ອຽນ ອໍ ແຕ ເຢຊູ ກຣິດ, ລາ ອິນເຈົາ ອິນແຍ່ະ ມັຣ ກວາຍ. <sup>37</sup> ເຍົາ ຊ້ອງ ເຈີ່ ແຕ ໂຢຣັນ, ອັນ ອາຕີ ໂອນ ກວາຍ ຮັບ ຮິດ ຕິ່ງ ແຕ້ອ໌. ແວັດ ກ້ອຍ, ເຢຊູ ຕາແບີ ອາຕີ ປັຣນາຍ ເຢັງ ເຈົາຣາຊີ ຕິ່ງ ແຄງ ຄາລີເລ. ເຈີ່ ອັນ ອາຕີ ຕິ່ງ ແຄງ ຢູດາຍ ແອັນ. <sup>38</sup> ເຢຊູ ໄມ່, ອັນ ລາ ກວາຍ ແຕ ວິລ ນາຊາເຣັດ. ເຢັງ ເຈົາຣາຊີ ຮຽຮ ອັນ ກະ ໂອນ ອັນ ເບີນ ຣາເວີຍ ເຢັງ ເຈົາຣາຊີ. ນະກ້ອຍ ເຢຊູ ເບີນ ອໍານາດ ປິດ ລາລີ່. ອັນ ເປາະ ປີ ໄມ່ ເປາະ ປີ ກ້ອຍ ຕະ ຣານະ ອໍ ກະ ປົວ ມັຣ ກວາຍ ກາ ເຢັງ ຕາ ອໍ ຕຣວບ. <sup>39</sup> ຮີ ເຮີມ ເຈີ່ ມັຣ ຣານະ ເຢຊູ ຕະ ຕົວ ອິນແຍ່ະ ກຣວາງ ອິດຊະຣາເອລ ກະ ຕິ່ງ ເມືອງ ເຢຣູຊາເລັມ. ຈຸ່ມ ອິດຊະຣາເອລ ກາ ຈິດ ອັນ ຕິ່ງ ອາລ່ອງ ຊັງກັງ. <sup>40-41</sup> ມາ ແຕ້ອ໌ ຕາ ໄງ ໄປ ເຢັງ ເຈົາຣາຊີ ໂອນ ອັນ ອາມັງ ລ່ຣ. ແວັດ ເຢຊູ ອາມັງ ລ່ຣ, ເຢັງ ເຈົາຣາຊີ ໂອນ ມັຣ ມູ່ ຮີ ເຮີມ ຈະ ອັນ. ມາ ເຢັງ ເຈົາຣາຊີ ຕາ ໂອນ ອິນແຍ່ະ ມັຣ ກວາຍ ເຮີມ ຈະ ອັນ. ອັນ ໂອນ ແອິງ ໄລ່ ກາ ອັນ ຮຽຮ ແຕ ອິນຍ່ອງ ເບີນ ເຮີມ ຈະ ອັນ. ແວັດ ເຢຊູ ອາມັງ ລ່ຣ, ອິນແຍ່ະ ມູ່ ຮີ ແອິດ ຈາ ງ່ອຍ

ມັນຕຸ ກະ ອັນ. <sup>42</sup> ເຢຊູ ແປຣີ ມູ່ ຮີ ໂອນ ເປາະ ອາ ຕີ ໂອນ ກວາຍ ດັງ ເຢຊູ ລາ ອັນ ກາ ເຢິງ ເຈົ້າຮາຊີ ຮຽຮ ໂອນ ຕັດຊິ້ນ ອິນແຍ່ະ ມັຮ ກວາຍ, ໄລ່ ກາ ອິນນ້ອງ ອາມັງ, ກະ ໄລ່ ກາ ກູຈິດ ເຈີ້. <sup>43</sup> ອິນແຍ່ະ ມັຮ ກວາຍ ອາຕີ ຕາງ ປັຮນາຍ ເຢິງ ເຈົ້າຮາຊີ ແຕ ອິມແບີ, ໄລ່ ຄຽນ ເຈີ້ ແຕ ຮານະ ເຢຊູ ຕະ. ກະ ໄລ່ ຄຽນ ເຈີ້, ຄັນ ກວາຍ ອາແລ່ະ ຊາອໍາ ເຢຊູ, ເຢິງ ເຈົ້າຮາຊີ ຕັຮ ໄລ່ຍຮ ກວາຍ ກ້ອຍ ຍ່ອນ ຮາມັຮ ເຢຊູ."

ຮາເວີຍ ເຢິງ ເຈົ້າຮາຊີ ມູ່ດ ຕິ່ງ ຮາງັຮ ກວາຍ ກ້ອຍ

<sup>44</sup> ບັອງ ກາ ເປັຕ ອິນນ້ອງ ອາຕີ ນະກ້ອຍ, ຮາ ເວີຍ ເຢິງ ເຈົ້າຮາຊີ ມູ່ດ ແຕ່ ຕະ ຊົດ ຕິ່ງ ຮາງັຮ ມັຮ ກວາຍ ກາ ຊາງັດ ປັຮນາຍ ເປັຕ ອາຕີ. <sup>45</sup> ກະ ໄລ່ ກາ ແຕ້ອ ແຕ ເມືອງ ຍິບປາ ອາລິ່ງ ເປັຕ, ໄລ່ ກ້ອຍ ຊ້ອງ ງິ່ດ ລາລີ່ ປາຍ ກວາຍ ຕາ ແກິນ ກວາ ຍ ອິດຊະຮາເອລ ມາ ເບີນ ຮາເວີຍ ເຢິງ ເຈົ້າຮາ ຊີ ແຕ່. ໄລ່ ກ້ອຍ ລາ ກວາຍ ອິດຊະຮາເອລ, ມາ ໄລ່ ຊາອໍາ ເຢຊູ ເຈີ້. <sup>46</sup> ໄລ່ ຊ້ອງ ກວາຍ ກາ ໂຮ່ມ ແອັດ ຕິ່ງ ດຸງ ໂກເນລີໂອ ກ້ອຍ ຕະ ອິນຕີ ປັຮນາຍ ຕາ ເກີຍ ຊ້ອງ, ກະ ຍ່ອງ ເຢິງ ເຈົ້າຮາຊີ ແຮີ.

ນະກ້ອຍ ເປັຕ ອາຕີ ແອັນ ປາຍ: <sup>47</sup> "ມັຮ ກວາ ຍ ໄນ່ ເບີນ ຮາເວີຍ ເຢິງ ເຈົ້າຮາຊີ ເຈີ້, ນະ ຮີ ເບີ ນ ແຕ ອິນໂຍ່ງ ແຕ່. ຕາ ເບີນ ເມົ່າ ແຕ້ອ ກາຕັງ ຕາ ໂອນ ຮີ ຕະ ຮິ່ດ ຕິ່ງ ແດັອ ໂອນ ມັຮ ກວາຍ ໄນ່ ຊາ ນຸ່."

<sup>48</sup> ເປັຕ ແປຣີ ເມົ່າ ຕະ ຮິ່ດ ຕິ່ງ ແດັອ ໂອນ ໄລ່ ຍ່ອນ ຮາມັຮ ເຢຊູ ກຮິດ. ໄລ່ ກາ ຕາແບີ ຮັບ ຮິ່ດ ຕິ່ງ ແດັອ ແຊອ ໂອນ ເປັຕ ແອັດ ກະ ໄລ່ ບາຮ ໄປ ຕາໄງ ແອັນ.

# 11

ເປັຕ ຕະ ອິນຕີ ລັຮ ໂອນ ມູ່ ກາ ຊາອໍາ ເຢຊູ ຕິ່ງ ເມືອງ ເຢຣູຊາເລັມ ດັງ

<sup>1</sup> ແວັດ ກ້ອຍ ມູ່ ກາ ເຢຊູ ຮຽຮ ປາຈຸ່ຮ ໂອນ ເປາະ ຕະ ຮານະ ອັນ ກະ ອິນແຍ່ະ ມັຮ ຈຸ່ມ ກາ ຊາ ອໍາ ເຢຊູ ແຕ ແຄງ ຍູດາຍ, ໄລ່ ຊ້ອງ ເຈີ້ ເມົ່າ ປາຍ ກວາຍ ຕາ ແກິນ ກວາຍ ອິດຊະຮາເອລ ຊາອໍາ ປັຮ ນາຍ ເຢິງ ເຈົ້າຮາຊີ ແຕ່. <sup>2</sup> ເບີນ ມວຍ ຈຸ່ມ ແຕ ກວາຍ ຊາອໍາ ເຢຊູ, ໄລ່ ຄິ່ດ ກວາຍ ອາແລ່ະ ຍິອ ອີ ຕາປູນ ເຢຊູ ອິງເຄາະ ຕະ ຮິ່ດ ກິດ ນະ ກວາຍ ອິດຊະຮາເອລ ແຕ່. ນະກ້ອຍ ພໍກາ ເປັຕ ເຈົ້າ ລັຮ

ປໍ ເມືອງ ເຢຣູຊາເລັມ, ໄລ່ ໂຍ່ບ ໂຈະ ອັນ. <sup>3</sup> ໄລ່ ຕີ ເປັຕ, ປາຍ: "ໄນ່ ເປາະ ແອັດ ກະ ຕາກຸ ຈາ ມັນຕຸ ກະ ກວາຍ ຕາ ຢວາຮ ຕະ ຮິ່ດ ກິດ."

<sup>4</sup> ນະກ້ອຍ ເປັຕ ຮ່ອຍຮ ລັຮ ໂອນ ໄລ່ ຊ້ອງ ອິນແຍ່ະ ມັຮ ຮານະ ອັນ ເຮີມ.

<sup>5</sup> ອັນ ປາຍ: "ເບີນ ມວຍ ຕາໄງ ເກົາ ແອັດ ຕິ່ງ ເມືອງ ຍິບປາ. ພໍກາ ເກົາ ເກົາແຊອ, ເກົາ ເຮີມ ມວຍ ຮາມັຮ ເຢິງ ເຈົ້າຮາຊີ ອາປັຮ ເລີຍ ໂອນ ເກົາ ເຮີມ. ເກົາ ເຮີມ ນະ ຮັນ ອາຮີ ຕາວັຮ ລາລີ່. ເຈີ້ ເກົາ ເຮີມ ນະ ເມົ່າ ຊັດ ອິນໄຊ ປູນ ເປັບ ອາຮີ ກ້ອຍ, ກະ ເມົ່າ ອາຢອກ ອາແຊງ ແຕ ມັນລ້ອງ ແຕ້ອ ປໍ ເກົາ. <sup>6</sup> ເກົາ ເນ່ ຕິ່ງ ອາຮີ ກ້ອຍ. ເກົາ ເຮີມ ມັຮ ຊັນຕຣັ້ນ ດຸງ ກະ ຊັນຕຣັ້ນ ກຮວາງ, ອັນ ກາ ເປາະ ຮານາ ອາເຢິງ, ອັນ ກາ ເປາະ ລາ ລ່ອຮ, ກະ ອັນ ກາ ປັຮ ຕິ່ງ ແປັງ. <sup>7</sup> ກະ ເກົາ ຊ້ອງ ຊຽງ ອາຕີ ເກົາ ປາຍ: 'ເປັຕ ເອີຍ! ໄນ່ ຢວຮ ຕາ ຢິ່ງ. ມັຮ ຊັນຕຣັ້ນ ໄນ່ ແຕ້ອ ອິນແຍ່ະ ໄນ່ ຈາ. ຊັນຕຣັ້ນ ອາແລ່ະ ໄນ່ ອີ ຈາ, ໄນ່ ຕະ ຊັນຕຣັ້ນ ກ້ອຍ.' <sup>8</sup> ມາ ເກົາ ຕາແອີຍ ຊຽງ ກ້ອຍ: 'ແຕີ, ອິນເຈົ້າ ເອີຍ! ເກົາ ຕາ ແອັອ ອີ ຈາ. ແຕ ແກດ ໆ ເຕົ່າ ປັດ ເກົາ ຕາ ເກີຍ ຈາ ເກຣິ່ງ ກາ ຕາ ເບີ ນ ບຣັຮ ຕາປູນ ຄານອດ ອິດຊະຮາເອລ.' <sup>9</sup> ມາ ຊຽງ ກ້ອຍ ອາຕີ ລັຮ ເກົາ ປາຍ: 'ໄນ່ ອິນໂຈຍ ປາຍ ຕາ ເບີນ ບຣັຮ ເກຣິ່ງ ກາ ເຢິງ ເຈົ້າຮາຊີ ຕະ ໂອນ ບຣັຮ.' <sup>10</sup> ໄປ ເຮີບ ຊຽງ ກ້ອຍ ອາຕີ ເກົາ ນະກ້ອຍ, ແວັດ ກ້ອຍ, ນະ ເມົ່າ ກາຕ້ອງ ອາຊ້ອຮ ລັຮ ອາຮີ ກ້ອຍ ປໍ ມັນລ້ອງ. <sup>11</sup> ບັອງ ກາ ກ້ອຍ ແຕ່ ເບີນ ໄປ ນະ ແຕ ເມືອງ ກາຍຊາເຣຍ ແອັດ ຢິຮ ນໍ້ອ ດຸງ ກາ ເກົາ ແອັດ. ໄລ່ ໄປ ນະ ກ້ອຍ ແຕ້ອ ຈໍ ອໍ ເກົາ. <sup>12</sup> ກະ ຮາເວີຍ ເຢິງ ເຈົ້າຮາຊີ ອາຕີ ໂອນ ເກົາ ເປາະ ກະ ໄລ່ ໄປ ນະ ກ້ອຍ, ອິນໂຈຍ ອິງກ້ອຮ ອິນເຕົ່າ. ນະກ້ອຍ ເບີນ ຕາປັດ ນະ ແຊມອາຍ ແຕ ມູ່ ກາ ຊາອໍາ ເຢຊູ ຕິ່ງ ເມືອງ ຍິບປາ, ໄລ່ ເປາະ ກະ ເກົາ ມູ່ດ ຕິ່ງ ດຸງ ໂກເນລີໂອ. <sup>13</sup> ໂກເນລີໂອ ອາຕີ ຮີ ມັຮ ອັນ ເຮີມ ເທວາດາ ເຢິງ ເຈົ້າຮາຊີ ປາລັຮ ຕິ່ງ ດຸງ ອັນ. ເທວາດາ ກ້ອຍ ອາຕີ ອັນ ປາຍ: 'ໄນ່ ແປຣີ ກວາຍ ເປາະ ອິດ ຊິໂມນ ເປັຕ ແຕ ເມືອງ ຍິບປາ. <sup>14</sup> ເປັຕ ໄນ່, ອັນ ອາຕີ ໂອນ ໄນ່ ກະ ອິນ ແຍ່ະ ດຸງ ໄນ່ ດັງ ເຢິງ ເຈົ້າຮາຊີ ແຕ້ອ ຈ່ອຍ ອາມັງ ເຍົາ.' <sup>15</sup> ບັອງ ກາ ເກົາ ອາຕີ ໄລ່ ກາ ໂຮ່ມ ປໍ ດຸງ ກ້ອຍ, ຮາເວີຍ ເຢິງ ເຈົ້າຮາຊີ ມູ່ດ ແກັດ ຊົດ ຕິ່ງ ຮາງັຮ ໄລ່ ມູເຈິງ ໄຮ ແຕ ອິນໂຍ່ງ ແຕ່. <sup>16</sup> ຕາແບີ ກ້ອຍ ເກົາ ຊາແຍີ ປັຮນາຍ ເຢຊູ ອາຕີ ຮີ ແຕ ອິນ

ໂຍ່ງ ເຈີ້. ເຢຊູ ປາຍ: 'ໂຢຮັນ ຕະ ຮິດ ໂອນ ເຍົາ ຕິ່ງ ແດີອ໌, ມາ ປັຣແມີ ມັນເຕຣີ ເຢົາ ເຈົ້າຮາຊີ ຕະ ຮິດ ໄນ໌ ໂອນ ເຍົາ ແຕ ຮາເວີຍ ອັນ ແອັນ.'  
 17 ນະກ້ອຍ ຊານ໌ ເຢົາ ເຈົ້າຮາຊີ ໂອນ ຮາເວີຍ ອັນ ປີ ກວາຍ ຕາ ແກ້ນ ກວາຍ ອິດຊະຮາເອລ ແຮີ, ມູເຈິງ ອັນ ໂອນ ຮາເວີຍ ອັນ ປີ ຮີ ກາ ຊາອຳ ເຢຊູ ກຣິດ ແຕ ອິນໂຍ່ງ ເຕ່. ນານະ ເຍົາ ຄິດ ເກົາ ເຕ່ອ໌ ກາແອັຣ ເຢົາ ເຈົ້າຮາຊີ ບໍ່? ຮານະ ອິນເຕົ້າ ອັນ ຢໍອ໌ ອີ ຕະ, ອັນ ຕະ."

18 ພໍກາ ມູ່ ກ້ອຍ ຊ້ອງ ປັຣນາຍ ເປໂຕ ອາ ຕີ ນະກ້ອຍ, ໄລ່ ຕາ ເຕ່ອ໌ ຕີ ອິນເຕົ້າ ນ້ອງ. ມາ ໄລ່ ຍ່ອງ ເຢົາ ເຈົ້າຮາຊີ ປາຍ: "ໄກຣ ລາລີ ເຢົາ ເຈົ້າຮາຊີ ໂອນ ກວາຍ ຕາ ແກ້ນ ກວາຍ ອິດຊະຮາ ເອລ ເຕ່ອ໌ ຕັຣ ຮາງິຣ ຕຍາ ປຽນ ແກ້ດ ຮາງິຣ ຕາ ໄມ ແອັນ; ເຈີ້ ເຢົາ ເຈົ້າຮາຊີ ຈ່ອຍ ອາມັງ ໄລ່ ເຕ່."

ມູ່ ກາ ຊາອຳ ເຢຊູ ຕິ່ງ ເມືອງ ອັນຕີໂອເຄຍ

19 ແວັດ ຕາໄງ ເມົ້າ ກາຈິດ ຊະເຕພາໂນ, ອິນແຍ່ ະ ມັຣ ມູ່ ກາ ຊາອຳ ເຢຊູ ຈິວ ຊາອິ້ຍ ຕຸຣ ກັດ. ເຈີ້ ໄລ່ ລ້ອຣ ແຕ ເມືອງ ເຢຣູຊາເລັມ, ອັນ ກາ ເປາະ ຕາຕິ່ງ ອັນ ກາ ເປາະ ຕາໂຕະ. ກິ່ງ ກວາຍ ກ້ອຍ ມູ່ດ ຕິ່ງ ເມືອງ ໂພນິເຊຍ, ໂບດ ໄຊປັຣັດ, ກະ ເມືອງ ອັນຕີໂອເຄຍ. ອິນຕຸ ອາແລະ ໄລ່ ແອັດ, ໄລ່ ອາ ຕີ ປັຣນາຍ ເຢົາ ເຈົ້າຮາຊີ ອິນຕຸ ກ້ອຍ. ມາ ໄລ່ ອາຕີ ແອິງ ຈຸ່ມ ອິດຊະຮາເອລ ຊ້ອງ. 20 ມາ ຕິ່ງ ຈຸ່ມ ຕາປູ່ນ ເຢຊູ, ເບິນ ກວາຍ ແຕ ໂບດ ປິດ ໄຊ ປັຣັດ ກະ ກຣວງ ກິເຣເມ ແຮີ. ພໍກາ ໄລ່ ກ້ອຍ ມູ່ດ ຕິ່ງ ເມືອງ ອັນຕີໂອເຄຍ, ໄລ່ ອາຕີ ປັຣນາຍ ອໍ ແຕ ເຢຊູ ກຣິດ ໂອນ ກວາຍ ຕາ ແກ້ນ ກວາຍ ອິດຊະຮາເອລ ດັງ ເຕ່ ປັຣນາຍ ກ້ອຍ. 21 ອຳນາດ ເຢົາ ເຈົ້າຮາຊີ ຈ່ອຍ ໂອນ ໄລ່ ອາຕີ ປັຣນາຍ ເຢົາ ເຈົ້າຮາຊີ. ນະກ້ອຍ ກິ່ງ ລາລີ ກວາຍ ຊາອຳ ກະ ຕາ ປູ່ນ ເຢຊູ ກຣິດ ເຕ່.

22 ພໍກາ ມູ່ ກາ ຊາອຳ ເຢຊູ ແອັດ ຕິ່ງ ເມືອງ ເຢຣູຊາເລັມ ຊ້ອງ ເມົ້າ ປາຍ ກິ່ງ ກວາຍ ຊາອຳ ເຢຊູ ຕິ່ງ ເມືອງ ອັນຕີໂອເຄຍ, ໄລ່ ແປຣີ ບາຣນາບາ ເປາະ ຊາອິຣ ປີ ເມືອງ ອັນຕີໂອເຄຍ. 23 ພໍກາ ບາຣ ນາບາ ແຕ່ອ໌ ປີ ເມືອງ ກ້ອຍ, ອັນ ເຮີມ ເຢົາ ເຈົ້າຮາ ຊີ ອາແຊງ ບຸ່ນ ໂອນ ມັຣ ກວາຍ ຕິ່ງ ເມືອງ ກ້ອຍ. ນະກ້ອຍ ບາຣນາບາ ຊ້ອງ ຮໍອ໌ ເຕ່ ຕິ່ງ ຮາງິຣ ອັນ. ກະ ອັນ ປາຕັບ ກວາຍ ຊາອຳ ກ້ອຍ ໂອນ ໄລ່ ຊາ

ອຳ ເຣ່ງ ອາຊ້ອຣ, ກະ ຕາປູ່ນ ແອິງ ເຢຊູ ກຣິດ ຊ້ອງ. 24 ບາຣນາບາ ໄນ໌ ລາ ກວາຍ ມັນຕັດ ລາ ລີ້. ອັນ ລາ ກວາຍ ກາ ຊາອຳ ເຢຊູ ກຣິດ ຈັບ ລາ ລີ້, ກະ ຮາເວີຍ ເຢົາ ເຈົ້າຮາຊີ ຕະ ຊົດ ຕິ່ງ ຮາງິຣ ອັນ. ຍ່ອນ ນະກ້ອຍ, ເບິນ ກິ່ງ ກວາຍ ການໍອ໌ ຊາ ອຳ ເຢຊູ ກຣິດ ເຕ່.

25 ແວັດ ກ້ອຍ, ບາຣນາບາ ເປາະ ຈໍອ໌ ໂຊໂລ ຕິ່ງ ເມືອງ ຕາໂຊ. 26 ພໍກາ ອັນ ຮາມັຣ ໂຊໂລ, ເຈີ້ ອັນ ເຕິງ ໂຊໂລ ເປາະ ປີ ເມືອງ ອັນຕີໂອເຄຍ. ໄລ່ ແອັດ ໂຣ່ມ ກະ ມູ່ ກາ ຊາອຳ ເຢຊູ ຕິ່ງ ເມືອງ ກ້ອຍ ອິນ ແຍ່ະ ມວຍ ກູມໍ. ກະ ໄລ່ ອາຕີ ແອັນ ມູ່ ກ້ອຍ ແຕ ປັຣນາຍ ເຢົາ ເຈົ້າຮາຊີ. ຕິ່ງ ເມືອງ ອັນຕີໂອເຄຍ ຕາແປີ ເມົ້າ ດໍອ໌ ມູ່ ກາ ຕາປູ່ນ ປັຣນາຍ ເຢຊູ ລາ 'ກວາຍ ກາ ຊາອຳ ເຢຊູ ກຣິດ.'

27 ຕິ່ງ ມັຣ ຕາໄງ ກ້ອຍ ເບິນ ມັຣ ກວາຍ ອາຕີ ຕາງ ປັຣນາຍ ເຢົາ ເຈົ້າຮາຊີ ແຕ ເມືອງ ເຢຣູຊາເລັມ ເປາະ ປີ ເມືອງ ອັນຕີໂອເຄຍ. 28 ເບີ ນ ມານະ ແຕ ມູ່ ໄນ໌ ຮາມິຣ ອາຄະໂບ. ອັນ ຢວຣ ຕາຍິ່ງ ກະ ອັນ ອາຕີ ປັຣນາຍ ມັຣ ຮາເວີຍ ເຢົາ ເຈົ້າຮາຊີ ໂອນ ອັນ ອາຕີ. ອັນ ປາຍ ແຈ່ະ ອີ ແຕ່ອ໌ ຕາໄງ ອິນແຍ່ະ ກຣວງ ປິນ ມັນລ້ອງ ກຸ່ ໄນ໌ ແອີ ເກຣິ່ງ ຊັຣມາ ຈາ. ເຈີ້ ອິນຕຸ່ນ ແອັນ ເບິນ ນະ ອັນ ປາຍ, ບ້ອງ ກາ ກະລາວຕີໂອ ແກັດ ເຕົາວ ປັຣເຍົາ ຕິ່ງ ກຣວງ ໂຣມ. 29 ນະກ້ອຍ ມູ່ ກາ ຊາອຳ ເຢຊູ ຕິ່ງ ເມືອງ ອັນຕີໂອເຄຍ ກ້ອຍ, ໄລ່ ປຣ່ອມ ຈ່ອຍ ປຣະ ໂອນ ເຍົາ ກາ ຕາປູ່ນ ເຢຊູ ຕິ່ງ ແຄງ ຢູດາຍ. ມາແລະ ໄລ່ ເຕ່ອ໌ ຈ່ອຍ, ໄລ່ ຈ່ອຍ ມາຣ ກ້ອຍ. 30 ແວັດ ໄລ່ ປາໂຣມ ປຣະ ກ້ອຍ, ໄລ່ ແປຣີ ບາຣ ນາບາ ກະ ໂຊໂລ ເຕິງ ອາຊວຍ ປຣະ ກ້ອຍ ໂອນ ປີ ກວາຍ ຊົດ ມູ່ ກາ ຊາອຳ ເຢຊູ ຕິ່ງ ແຄງ ຢູດາຍ.

## 12

ເຮໂຣດ ກາຈິດ ຢາໂກໂບ ກະ ໂກບ ເປໂຕ ໂຈະ ຕິ່ງ ກໍອ໌

1 ບ້ອງ ກາ ກ້ອຍ ເຕົາວ ປັຣເຍົາ ເຮໂຣດ\* ຕະ ຕຸຣ ກັດ ລາລີ ມັຣ ມູ່ ກາ ຊາອຳ ເຢຊູ. 2 ອັນ ໂອນ ເມົ້າ ກັຣໂປຣ ຢາໂກໂບ, ອາຍ ໂຢຮັນ, ແຕ ດາວ. 3 ພໍກາ ເຮໂຣດ ໂອນ ເມົ້າ ກາຈິດ ຢາໂກໂບ, ກວາ ຍ ອິດຊະຮາເອລ ຊ້ອງ ຮໍອ໌ ລາລີ. ຍ່ອນ ອັນ ເຮີມ ກວາຍ ອິດຊະຮາເອລ ຮໍອ໌ ແຕ ຮານະ ໄນ໌, ເຈີ້ ອັນ ໂກບ ເປໂຕ ແອັນ. ຕາໄງ ກ້ອຍ ກວາຍ

\* 12:1 12:1 ເຕົາວ ປັຣເຍົາ ເຮໂຣດ ໄນ໌ ລາ ອາເຈົ້າ ເຮໂຣດ ປິດ. ເຈຍ ຮາມິຣ ອັນ ລາ ເຮໂຣດ ອັກຄູຢາ ກາ ມວຍ. ອັນ ຊົດ ອິນແຍ່ະ ແຄງ ປາແລັດຊະຕິນ.

ອິດຊະຣາເອລ ຕະ ຮິດ ຈາ ໂດຍ ບຸຣ ແອິ ບວຣ ຊີ້ອໍ. 4 ເຕົ້າວ ປັຣເຍົາ ເຮໂຣດ ໂຈະ ເປໂຕ ຕຶ່ງ ກໍ່ ອໍ ກະ ອັນ ໂອນ ມວຍ ຈິດ ຕາປັດ ນະ ຕາຮານ ກູ ຍາອໍ ເປໂຕ. ແວັດ ຈຸມ ອິດຊະຣາເອລ ຈາ ຊາແຍິ ຕາໂງ ອາກູຣ, ັ ເຮໂຣດ ຍິອໍ ອິ ຕັດຊິນ ເປໂຕ ຍິຣ ເມົາງ ມັຣ ກວາຍ ກອນແຊມ. 5 ນະກ້ອຍ ເມົາ ໂຈະ ເປໂຕ ຕຶ່ງ ກໍ່ອໍ. ມາ ມັຣ ມຸ່ ກາ ຊາອໍ ເຢດູ, ໄລ່ ເກົາ ແຊອໍ ເລືອຍໆ ແຊອໍ ເຢົາງ ເຈົາຣາຊີ ຈ່ອຍ ອັນ.

6 ຊາເດົາ ກ້ອຍ ໄລ່ ກຍາອໍ ເປໂຕ ກຣັກ ລາລີ້, ຍ່ອນ ຕາໂງ ປັຣເມິ ເຕົ້າວ ປັຣເຍົາ ເຮໂຣດ ອິ ຕັດ ຊິນ ອັນ. ໄລ່ ໂອນ ເປໂຕ ບິ ອິນດີ ບາຣ ນະ ກວາ ຍ ຕາຮານ. ໄລ່ ຊັດ ດໍອໍ ອາເຢົາ ອາຕິ ເປໂຕ ແຕ້ອໍ ບາຣ ອິນແຕຣັຣ ອິນໄຊ ໂຊ. ກະ ເບິນ ຕາຮານ ກາ ນໍ່ອໍ ແອັນ ກຍາອໍ ງັຣ ຕຶ່ງ ກໍ່ອໍ ກ້ອຍ. 7 ມາ ຊັນ ຕັຣ ເບິນ ເທວາດາ ເຢົາງ ເຈົາຣາຊີ ປາລັຣ ຕຶ່ງ ກໍ່ ອໍ ກ້ອຍ ແຈ່ ເປໂຕ. ກະ ເກັດ ປັ່ງ ອິນແຍ່ະ ຕຶ່ງ ກູງ ກໍ່ອໍ ກ້ອຍ. ເທວາດາ ກ້ອຍ ເຕົາຣ ຕຶ່ງ ອິງຮາງ ບຣານ ເປໂຕ ອາໄມ່ຣ ໂອນ ອັນ ຕາແມິ. ເທວາດາ ກ້ອຍ ປາຍ ໂຈະ ເປໂຕ ນະໄມ່: "ໄມ່ ຢວຣ ຕາຍິງ ແຕ້!"

ບັງ ກາ ກ້ອຍ ແຕ້ ອິນໄຊ ໂຊ ເກັດ ຣາເກົາອໍ ແຕ ອາຕິ ເປໂຕ. 8 ກະ ເທວາດາ ເຢົາງ ເຈົາຣາຊີ ອາ ຕິ ເປໂຕ ປາຍ: "ໄມ່ ກາຕິງ ລັຣ ອາຍໍອອຣ, ກະ ໄມ່ ແຊິບ ເກັບ."

ແວັດ ເປໂຕ ແຊິບ ເກັບ, ເຈ້ ເທວາດາ ເຢົາງ ເຈົາຣາຊີ ອາຕິ ແອັນ ປາຍ: "ໄມ່ ແຊິບ ອາຍໍອອຣ ຕິ ໄມ່; ເຈ້ ໄມ່ ເປາະ ຕາປຸ່ນ ເກົາ."

9 ນະກ້ອຍ ເປໂຕ ລັອຣ ຕາປຸ່ນ ເທວາດາ ເຢົາງ ເຈົາຣາຊີ. ອັນ ຕາ ດັງ ນັງ ເທວາດາ ກ້ອຍ ເດິງ ອັນ ລັອຣ ແຕ ກໍ່ອໍ, ແຕ້ລາ ອັນ ຣາເລົາ ອິມເປົາ ຊ້ອງ. 10 ມາ ໄລ່ ເປາະ ແວັດ ບາຣ ອິນຕຸ ຕາຮານ ກຍາອໍ, ກະ ແຕ້ອໍ ງັຣ ຕຶ່ງ ຕາອໍ ລັອຣ ປິ ນໍ່ອໍ. ຕຶ່ງ ຕາອໍ ກ້ອຍ ຣາເປຣ ເບິມ; ເຈ້ ໄລ່ ລັອຣ. ພໍກາ ໄລ່ ເປາະ ຕຶ່ງ ຣານາ, ເທວາດາ ເຢົາງ ເຈົາຣາຊີ ເກັດ ປາຍິຣ, ຕາ ເບິນ ເຮິມ ນ້ອງ.

11 ນະກ້ອຍ ແຕ ເປໂຕ ດັງ ປາຍ ຣານະ ກ້ອຍ ລາ ເກັດ ລີ້, ຕາ ເກິນ ອັນ ຣາເລົາ ອິມເປົາ. ອັນ ແອິດ ຄິດ ປາຍ: "ຊານໍ່ ເກົາ ດັງ ແຈງ ລາລີ້ ຣາ ນະ ໄມ່ ປຍາຍໍ. ເຢົາງ ເຈົາຣາຊີ ໂອນ ເທວາດາ ອັນ ແຕ້ອໍ ຈ່ອຍ ອາມັງ ເກົາ ແຕ ເຕົ້າວ ປັຣເຍົາ ເຮໂຣດ

ຍິອໍ ອິ ກາຈິດ ເກົາ, ກະ ແຕ ອິນແຍ່ະ ມັຣ ຣາມັຣ ຈຸມ ອິດຊະຣາເອລ ຍິອໍ ອິ ຕະ ເກົາ."

12 ບັງ ກາ ເປໂຕ ອິນນ້ອງ ຄິດ ຣານະ ກ້ອຍ, ອັນ ແຕ້ອໍ ປິ ດຸງ ມາຣີ, ອິມເປ້ອໍ ໂຢຣັນ ມາຣະໂກ. ກຶ່ງ ກວາຍ ແຕ ມຸ່ ກາ ຕາປຸ່ນ ເຢດູ ເປາະ ໂຣ່ມ ເກົາ ແຊອໍ ຕຶ່ງ ດຸງ ກ້ອຍ. 13 ເປໂຕ ກູໂຕຍຣ ຕຶ່ງ, ກູອໍ ກວາຍ ຕຶ່ງ ດຸງ ກ້ອຍ. ເບິນ ມານະ ມັນແຊມ ກູ ໂມຣ ຕະ ຣານະ ຕຶ່ງ ດຸງ ກ້ອຍ, ຣາມັຣ ໂຣດາ; ອັນ ເປາະ ເມ່ ຍິອໍ ອິ ດັງ ເມົາ ກາ ກູໂຕຍຣ ຕຶ່ງ. 14 ພໍກາ ມັນແຊມ ໄມ່ ຊາກັລ ຊຽງ ເປໂຕ, ອັນ ຊ້ອງ ຣໍ່ອໍ ລາລີ້ ຕຶ່ງ ຣາງິຣ ອັນ. ມາ ອັນ ຊາລິຣ ເປຣ ຕຶ່ງ ໂອນ ເປໂຕ ມູ່ດ, ຍ່ອນ ກຸນເຕົາ ອັນ ຕາລຸຣ ອາຕິ ມັຣ ກວາຍ ຕຶ່ງ ດຸງ, ປາຍ ເປໂຕ ແອິດ ຕາຍິງ ຍິຣ ນໍ່ອໍ ງັຣ ຕຶ່ງ. 15 ກວາຍ ກາ ແອິດ ຕຶ່ງ ດຸງ ກ້ອຍ ປາຍ ໂຈະ ມັນແຊມ ກ້ອຍ ນະໄມ່: "ອິງກ້ອຣ ໄມ່ ຢູ່ຣ!"

ມາ ມັນແຊມ ກ້ອຍ ຕາແອິຍ ລັຣ ປາຍ: "ຕາ ເບິນ! ເມ່ນ ອັນ ແອິດ ຍິຣ ນໍ່ອໍ ງັຣ ຕຶ່ງ ກ້ອຍ."

ມາ ກວາຍ ກ້ອຍ ປາຍ ລັຣ ໂຈະ ອັນ ນະໄມ່: "ຊຽງ ໄມ່ ລາ ຊຽງ ເທວາດາ ເຢົາງ ເຈົາຣາຊີ ກາ ກ ຍາອໍ ເປໂຕ. ຕາ ເກິນ ເມ່ນ ຈະ ເປໂຕ."

16 ມາ ເປໂຕ ກູໂຕຍຣ ກູອໍ ລັຣ ຊາ ໂອນ ໄລ່ ເປີ ຮ ຕຶ່ງ. ພໍກາ ໄລ່ ເປຣ ຕຶ່ງ, ໄລ່ ເຮິມ ເມ່ນ ເປໂຕ. ນະກ້ອຍ ໄລ່ ຊ້ອງ ງິດ ລາລີ້. 17 ເປໂຕ ອາວິດ ອາ ຕິ ອັນ ກາແອັຣ ໄລ່ ຕາ ໂອນ ຕະ ແບອໍ. ກະ ອັນ ອາຕິ ໄລ່ ນານະ ແຕ້ ເຢົາງ ເຈົາຣາຊີ ຕະ ໂອນ ອັນ ເບິນ ຣາກູຣ ແຕ ກໍ່ອໍ ກ້ອຍ. ກະ ອັນ ປາຕັບ ໄລ່ ປາຍ: "ເຍົາ ອາຕິ ລັຣ ມັຣ ຣານະ ໄມ່ ໂອນ ຢາໂກໂບ ກະ ອິນແຍ່ະ ແຊມອາຍ ໂຣ ດັງ ເຕ້." ແວັດ ກ້ອຍ ເປໂຕ ລັອຣ ແຕ ກ້ອຍ ເປາະ ອິນຕຸ ການໍ່ອໍ ແອັນ.

18 ຕາແປ ປັ່ງ ຍາຍິມ, ຕາຮານ ກາ ກຍາອໍ ກໍ່ ອໍ ກ້ອຍ, ໄລ່ ຕາ ດັງ ນານະ ອິ ຕະ ນ້ອງ ປາຍິຣ ເປໂຕ ແຕ ກໍ່ອໍ ກ້ອຍ. 19 ເຕົ້າວ ປັຣເຍົາ ເຮໂຣດ ແປຣີ ກວາຍ ເປາະ ຈໍ່ ລັຣ ເປໂຕ. ມາ ໄລ່ ຕາ ເບິນ ຣາມັຣ ນ້ອງ ອັນ. ເຕົ້າວ ປັຣເຍົາ ເຮໂຣດ ຕາແປບ ລັຣ ຕາຮານ ກາ ກຍາອໍ ກໍ່ອໍ ກ້ອຍ, ມາ ໄລ່ ຕາ ດັງ ນານະ ເປໂຕ ເບິນ ລັອຣ ແຕ ກ້ອຍ. ນະກ້ອຍ ເຮໂຣດ ໂອນ ເມົາ ກາຈິດ ຕາຮານ ກ້ອຍ. ແວັດ ກ້ອຍ ເຕົ້າວ ປັຣເຍົາ ເຮໂຣດ ລັອຣ ແຕ ແຄງ ຢູດາຍ ເປາະ ແອິດ ຕຶ່ງ ເມືອງ ກາຍຊາເຣຍ ແອັນ.

† 12:4 12:4 ຕາໂງ ອາກູຣ ໄລ່ ຊາແຍິ ຕາໂງ ເທວາດາ ເຢົາງ ເຈົາຣາຊີ ແຕ ອິມເປິ ຊາລັຣ ດຸງ ກວາຍ ອິດຊະຣາເອລ ຕາ ເບິນ ກາຈິດ ກອນ ຣາເລົາ ກັລ ໄລ່. ກະ ຮິດ ຈາ ໂດຍ ບຸຣ ແອິ ບວຣ ຊີ້ອໍ ລາ ຊາແຍິ ຕາໂງ ໄລ່ ລັອຣ ແຕ ກຣວງ ເອຍິບ ໄລ່ ຕາ ຕັນ ຕະ ໂດຍ ບຸຣ ເບິນ ບວຣ ຊີ້ອໍ.

ເທວາດາ ເຢີງ ເຈົ້າຮາຊີ ກາຈິດ ເຮໂຣດ

20 ພໍ່າກາ ເຮໂຣດ ແອິດ ຕິ່ງ ພືອງ ກາຍຊາເຣຍ, ເບີນ ມວຍ ຈຸ່ມ ແຕ ພືອງ ຕິເຣ ກະ ພືອງ ຊີໂດນ ຍິ່ອ ອີ ຣາມັຣ ອັນ. ແຕ ອິນໂຍ່ງ ເຮໂຣດ ອວານ ກະ ກວາຍ ແຕ ບາຣ ພືອງ ກ້ອຍ. ມາ ຊານຸ່ ໄລ່ ຍິ່ອ ອີ ຣາຕອຍ ລັຣ ກະ ເຮໂຣດ ຍ່ອນ ຊາອິ່ຍ ທາຣິ່ງ ຊັຣນາ ຈາ ແຕ ກຣວາງ ເຮໂຣດ ເນົ້າ ອາ ມູ່ດ ປີ ພືອງ ໄລ່. ນະກ້ອຍ ໄລ່ ຕະ ອິນຕີ ອິນ ໂຍ່ງ ກະ ມານະ ກວາຍ ກາ ຕະ ຣານະ ເຕົ້າວ ປັຣເຍົາ ເຮໂຣດ, ຣາມິ່ຣ ບາຊະໂຕ. ໄລ່ ຍິ່ອ ບາຊະໂຕ ເປາະ ອາຕີໂອນ ເຕົ້າວ ປັຣເຍົາ ເຮໂຣດ ດັງ ປາຍ ໄລ່ ຍິ່ອ ອີ ຣາຕອຍ ກະ ອັນ. 21 ຕິ່ງ ຕາໂງ ກ້ອຍ ເຕົ້າວ ປັຣເຍົາ ເຮໂຣດ ຕັອກ ທາຣິ່ງ ອໍ ລາລີ່, ກະ ອັນ ຕາ ກູ ຕິ່ງ ກາເຈິ່ງ ເຕົ້າວ ປັຣເຍົາ. ອັນ ອາຕີ ກວາຍ ກອນແຊມ ມວຍ ປັຣນາຍ ໂອນ ໄລ່ ຊ້ອງ. 22 ກິ່ງ ກວາຍ ກ້ອຍ ຊາງັດ ປັຣນາຍ ອັນ; ເຈິ່ ໄລ່ ປາຍ ເຣ່ງ ລາລີ່: "ເມ່ນ ປັຣນາຍ ໄມ່ ລາ ຕາ ແກິນ ປັຣ ນາຍ ກວາຍ, ມາ ປັຣນາຍ ເຢີງ."

23 ບັອງ ກາ ກ້ອຍ ແຕ່ ມານະ ເທວາດາ ເຢີງ ເຈົ້າຮາຊີ ຕະ ເຮໂຣດ ໂອນ ອັນ ແກິດ ອາອີ ຣັບ ລາລີ່. ເບີນ ອິມປູຣ ຈາ ຕິ່ງ ປຸ່ງ; ເຈິ່ ອັນ ກູຈິດ. ເທວາດາ ຕະ ເຮໂຣດ ນະກ້ອຍ ລາ ຍ່ອນ ເຮໂຣດ ຕາ ເບີນ ຊາງັດ ຕາປູ່ນ ເຢີງ ເຈົ້າຮາຊີ.

24 ແວັດ ກ້ອຍ ປັຣນາຍ ເຢີງ ເຈົ້າຮາຊີ ແກິດ ຣິ່ຣ ລາລີ່ ແອັນ, ກະ ກິ່ງ ລາລີ່ ກວາຍ ຊາອໍາ ປັຣ ນາຍ ອັນ.

25 ບາຣນາບາ ກະ ໂຊໂລ, ໄລ່ ຕະ ແມິ່ມ ຣານະ ຈ່ອຍ ເຍົາ ຕິ່ງ ພືອງ ເຢຣູຊາເລັມ; ເຈິ່ ໄລ່ ລັບ ເຈົ້າ ລັຣ ປີ ພືອງ ອັນຕີໂອເຄຍ. ກະ ໄລ່ ເດິງ ໂຢຮັນ ມາຣະໂກ ເປາະ ກະ ໄລ່ ເຕ່.

### 13

ຮາເວົ້າຍ ເຢີງ ເຈົ້າຮາຊີ ຮຽຮ ບາຣນາບາ ກະ ໂຊໂລ

1 ມູ່ ກາ ຊາອໍາ ເຢຊູ ຕິ່ງ ພືອງ ອັນຕີໂອເຄຍ ເບີ ນ ມັຣ ກວາຍ ອາຕີ ຕາງ ປັຣນາຍ ເຢີງ ເຈົ້າຮາຊີ ກະ ເບີນ ແອັນ ກວາຍ ກາ ອາຕີ ແຕ ປິ່ງ ປັຣນາຍ ເຢີງ ເຈົ້າຮາຊີ. ຣາມິ່ຣ ໄລ່ ກ້ອຍ ລາ: ບາຣນາ ບາ, ຊີເມໂອນ (ເນົ້າ ດໍອໍ ອັນ ຣາມິ່ຣ ອາກູມ ແຮ), ລູກີໂອ ແຕ ກຣວາງ ກິເຣເນ, ມານາເອນ (ອັນ ລາ ນະ ແຊມອາຍ ກະ ເຕົ້າວ ປັຣເຍົາ ເຮໂຣດ ຍ່ອນ ເນົ້າ ກຍາອໍ ໄລ່ ບາຣ ນະ ມັນຕຸ ແຕ ບັອງ ກາ ໄລ່ ອິນນ້ອງ ແກດໆ), ກະ ໂຊໂລ. 2 ເບີນ ມວຍ ຕາໂງ ບັອງ ກາ ໄລ່ ກ້ອຍ ຊາງ ເຢີງ ເຈົ້າຮາຊີ ກະ ໄລ່ ອົດ

ຊັຣນາ, ຮາເວົ້າຍ ເຢີງ ເຈົ້າຮາຊີ ອາຕີ ໄລ່ ກ້ອຍ ປາຍ: "ເຍົາ ປາຈຸຣ ບາຣນາບາ ກະ ໂຊໂລ ໂອນ ໄລ່ ຕະ ຣານະ ປີ ນໍ້ອໍ ກາ ແກິ ແປຣີ ໄລ່ ຕະ."

3 ແວັດ ໄລ່ ອົດ ຊັຣນາ ກະ ແກົ້າແຊອໍ, ເຈິ່ ໄລ່ ຊາ ປະ ອາຕີ ຕິ່ງ ບາຣນາບາ ກະ ໂຊໂລ. ກະ ໄລ່ ແປຣີ ບາຣ ນະ ກ້ອຍ ໂອນ ເປາະ ຕະ ຣານະ ມັຣ ຮາເວົ້າຍ ເຢີງ ເຈົ້າຮາຊີ ແປຣີ ໄລ່ ຕະ.

ໂຊໂລ ກະ ບາຣນາບາ ຕິ່ງ ໂບດ ປິດ ໄຊປຣັດ

4 ນະກ້ອຍ ບາຣນາບາ ກະ ໂຊໂລ ລໍ້ອຣ ແຕ ກ້ອຍ ເປາະ ປີ ພືອງ ແຊລູທາຍ ມາຣ ຮາເວົ້າຍ ເຢີງ ເຈົ້າຮາຊີ ເດິງ ໄລ່ ເປາະ. ແຕ ພືອງ ກ້ອຍ ໄລ່ ບາຣ ນະ ເປາະ ຣານາ ຕົວະ ຊໍາເປົ້າ ແຕ້ອໍ ປີ ໂບດ ປິດ ໄຊປຣັດ. 5 ແຕ້ອໍ ປີ ໂບດ ໄຊປຣັດ, ໄລ່ ແຊງ ແຕ ຕົວະ ຊໍາເປົ້າ ອິນຕຸ ພືອງ ຊາລາມີ. ເຈິ່ ໄລ່ ມູ່ດ ຕິ່ງ ມັຣ ດຸງ ຊາງ ກວາຍ ອິດຊະຮາເອລ ຕິ່ງ ພືອງ ກ້ອຍ. ໄລ່ ເບີນ ອາຕີ ປັຣນາຍ ອໍ ແຕ ເຢີງ ເຈົ້າຮາຊີ. ກາ ໂຢຮັນ ມາຣະໂກ ແຮີ ເປາະ ກະ ໄລ່ ກ້ອຍ ຕະ ຣານະ ຈ່ອຍ ໄລ່. 6 ແວັດ ກ້ອຍ ໄລ່ ເປາະ ຕິ່ງ ໂບດ ໄຊປຣັດ ກ້ອຍ ແຕ ຍິ່ຣ ໄມ່ ເຕົ້າ ແຕ້ອໍ ເປີບ ຍິ່ຣ ຕິຣ; ເຈິ່ ໄລ່ ມູ່ດ ຕິ່ງ ພືອງ ປາ ໂພ. ຕິ່ງ ພືອງ ກ້ອຍ ໄລ່ ຣາມັຣ ມານະ ກວາຍ ອິດຊະຮາເອລ ຣາມິ່ຣ ບາຣເຢຊູ. ອັນ ລາ ກວາຍ ມູ່, ກະ ຍິ່ອ ອີ ໂອນ ເນົ້າ ປາຍ ອັນ ລາ ກວາຍ ອາ ຕີ ຕາງ ປັຣນາຍ ເຢີງ ເຈົ້າຮາຊີ, ມາ ອັນ ຕາ ເບີ ນ ອາຕີ ປັຣນາຍ ເຢີງ ເຈົ້າຮາຊີ. ບາຣເຢຊູ ໄມ່, ເນົ້າ ດໍອໍ ອັນ ລາ ເອລີມາ ແຮີ. 7 ເອລີມາ ແອິດ ກະ ມານະ ກາ ຊົດ ໂບດ ປິດ ໄຊປຣັດ, ຣາມິ່ຣ ເຊຄີໂອ ໂປໂລ. ອັນ ລາ ກວາຍ ແຄວ້ ລາລີ່. ກວາຍ ຊົດ ໄມ່ ກູອໍ ບາຣນາບາ ກະ ໂຊໂລ ຍິ່ອ ອີ ຊາງັດ ປັຣນາຍ ເຢີງ ເຈົ້າຮາຊີ. 8 ມາ ເອລີມາ ຕາ ໂອນ ກວາຍ ຊົດ ໄມ່ ຊາງັດ ກະ ຊາອໍາ ປັຣນາຍ ກ້ອຍ. 9 ເຈິ່ ໂຊໂລ, ອັນ ກາ ເນົ້າ ດໍອໍ ຣາມິ່ຣ ໂປໂລ, ເບີນ ຮາເວົ້າຍ ເຢີງ ເຈົ້າຮາຊີ ຕະ ຊົດ ຕິ່ງ ຣາງິ່ຣ ອັນ. ນະກ້ອຍ ອັນ ແມ່ ຊັຣກ້ອງ ເລືອຍໆ ປີ ເອລີມາ. 10 ອັນ ປາຍ ໂຈະ ເອລີມາ: "ໄມ່ ລາ ກວາຍ ແກ້ຍ ອາໂລກ, ກະ ຍິ່ອ ອີ ຣາພິ ເລືອຍໆ. ໄມ່ ລາ ກອນ ເຢີງ ຊາຕານ. ໄມ່ ຍິ່ອ ອີ ອາປິດ ຣານະ ຕານ້ອງ ອໍ. ໄມ່ ຕາ ເບີ ນ ປຣາຍ ຣາປຽນ ຣານະ ຕານ້ອງ ອໍ ແຕ ອິນເຈົ້າ ໄຣ, ໂອນ ແກິດ ຣານະ ອາໂລກ ແຕ ໄມ່ ບໍ? 11 ຊາ ນຸ່ ອາຕີ ເຢີງ ເຈົ້າຮາຊີ ແຕ້ ອີ ຕະ ໂຕດ ໂອນ ໄມ່ ແກິດ ຊູດ ມັດ. ຕາ ດັງ ມາແລະ ດູ່ນ ແຕ ໄມ່ ເຕ່ອໍ ເບີນ ເຮີມ ລັຣ."

ບ້ອງ ກາ ກ້ອຍ ແຕ່ ເອລິມາ ແກ້ດ ຊູດ ມັດ, ເຈົ້າ ອັນ ຕາ ເບີນ ເຮີມ ອິນເຕົ້າ ນ້ອງ. ເຈົ້າ ອັນ ວູເວີຣ ອາຕີ ຈໍ່ອ ກວາຍ ຢໍ່ອ ອີ ໂອນ ພໍ້າ ເຕີ ອັນ. 12 ພໍ້າ ກາ ກວາຍ ຊົດ ກຣວາງ ກ້ອຍ ເຮີມ ຮານະ ໄມ່, ອັນ ຊ້ອງ ຈຶ່ງ ລາລື້. ກະ ອັນ ຊາອໍ່າ ເຢຊູ ກຣີດ ເຕ່.

ໂປໂລ ກະ ບາຣນາບາ ຕຶ້ງ ເມືອງ ອັນຕີໂອເຄຍ ແຄງ ບີຊີເດຍ

13 ແວັດ ກ້ອຍ ໂປໂລ ກະ ເຍົາ ອັນ, ໄລ່ ຊ້ອຣ ຕຶ້ງ ຕົວະ ຊໍ່າເປົ້າ ລໍ່ອຣ ແຕ ເມືອງ ປາໂພ ເປາະ ປີ ເມືອງ ເປກາ ຕຶ້ງ ແຄງ ບໍາພິເລຍ. ແອັດ ຕຶ້ງ ແຄງ ກ້ອຍ ໂຢຮັນ ມາຣະໂກ ຕາ ເບີນ ເປາະ ນ້ອງ ກະ ບາຣນາບາ ກະ ໂປໂລ, ມາ ອັນ ຢໍ່ອ ອີ ເຈົ້າ ລໍ່ຣ ປີ ເມືອງ ເຢຣູຊາເລັມ. 14 ເຈົ້າ ບາຣນາບາ ກະ ໂປໂລ ລໍ່ອຣ ແຕ ເມືອງ ເປກາ ມຸ່ດ ຕຶ້ງ ເມືອງ ອັນຕີໂອ ເຄຍ ຕຶ້ງ ແຄງ ບີຊີເດຍ. ຕຶ້ງ ຕາໄງ ຮາລູ່ ໄລ່ ບາຣ ນະ ມຸ່ດ ຕາກູ ໂຣ່ມ ຕຶ້ງ ດຸງ ຊາງ ກວາຍ ອິດຊະຣາ ເອລ ຕຶ້ງ ເມືອງ ກ້ອຍ. 15 ແວັດ ເນົ້າ ອານ ແຕ ຄານອດ ໂມເຊ ອາຕີ ແຕ ອິມແບີ ໂອນ ຈຸ່ມ ອິດຊະຣາ ເອລ, ກະ ອານ ແຕ ປຶ້ງ ກວາຍ ອາຕີ ຕາງ ປັຣນາຍ ເຢິງ ເຈົ້າຣາຊີ ຄຽນ ແຕ ອິມແບີ, ໄລ່ ກາ ຕາລາ ດຸງ ຊາງ ກ້ອຍ ປາຍ ໂຈະ ບາຣນາບາ ກະ ໂປໂລ ນະ ໄມ່: "ແຊມອາຍ ເອີຍ! ຄັນ ເຍົາ ເບີນ ປັຣນາຍ ຕາໄມຣ ອາຕີ, ແຊອ ເຍົາ ອາຕີ ຊານໍ່ ໂອນ ມູ່ ຮີ ດັງ ເຕ່ ປັຣນາຍ ກ້ອຍ."

16 ນະກ້ອຍ ໂປໂລ ຢວຣ ຕາຢິ່ງ ກະ ອາວິດ ອາຕີ ອັນ ຕາໂອນ ໄລ່ ຕະ ແບອໍ. ເຈົ້າ ອັນ ອາຕີ ໄລ່ ປາຍ: "ອິນແຍ່ະ ມັຣ ແຊມອາຍ ກວາຍ ອິດຊະຣາເອລ ເອີຍ! ກະ ອິນແຍ່ະ ນະ ເຍົາ ກາ ຕາ ແກ້ນ ກວາຍ ອິດຊະຣາເອລ ກາ ຢໍ່າມັບ ເຢິງ ເຈົ້າຣາຊີ ເຕ່, ແຊອ ເຍົາ ຊາງັດ ປັຣນາຍ ເກົາ. 17 ເຢິງ ເຈົ້າຣາຊີ ກາ ອິນແຍ່ະ ມັຣ ກວາຍ ອິດຊະຣາເອລ ຊາງ, ອັນ ແຕ່ ຮຽຣ ອາຈວາຍຣ ອາເຈ່ຣ ໄຮ. ບ້ອງ ກາ ໄລ່ ກ້ອຍ ແອັດ ຕຶ້ງ ກຣວາງ ເອຍິບ, ເຢິງ ເຈົ້າຣາຊີ ໂອນ ໄລ່ ແກ້ດ ກຶ້ງ ລາລື້. ແຕ້ອ ເຢິງ ເຈົ້າຣາຊີ ໂອນ ຈຸ່ມເຈືອ ໄຮ ລໍ່ອຣ ອິນແຍ່ະ ແຕ ກຣວາງ ເອຍິບ, ກູ່ ນະ ດັງ ອິນແຍ່ະ ອັນ ລາ ເຢິງ ຊົດ ອິນ ແຍ່ະ. 18 ຈຸ່ມ ອິດຊະຣາເອລ ແອັດ ຕຶ້ງ ອິນຕຸ ຕຍາຣ ອິນແຍ່ະ ປູນ ຈິ່ດ ກູມໍ. ໄລ່ ຕາ ເກ້ຍ ຊາງັດ ປັຣນາຍ ເຢິງ ເຈົ້າຣາຊີ, ມາ ອິນນ້ອງ ເຢິງ ເຈົ້າຣາຊີ ອາໂຢ່ະ ໄລ່. 19 ກະ ຕຶ້ງ ກຣວາງ ການາອານ, ເຢິງ ເຈົ້າຣາຊີ ຕະ ໂອນ ປິດ ອິນແຍ່ະ ຕາປູລ ກຣວາງ ກວາຍ ກາ ແອັດ ຕຶ້ງ ກ້ອຍ. ກະ ເຢິງ ເຈົ້າຣາ

ຊີ ໂອນ ຈຸ່ມເຈືອ ໄຮ ແອັນ ຕະ ຊົດ ອິນແຍ່ະ ມັຣ ກູແຕອໍ ຕຶ້ງ ກຣວາງ ກ້ອຍ. 20 ແຕ້ອ ຈຸ່ມ ອິດຊະຣາເອລ ເບີນ ຕະ ຊົດ ກຣວາງ ກ້ອຍ ອິນແຍ່ະ ປູນ ຮ່ອຍ ເຊິງ ຈິ່ດ ກູມໍ ເຈົ້າ, ເຢິງ ເຈົ້າຣາຊີ ຮຽຣ ກວາຍ ຊົດ ໂອນ ຕັດຊິນ ຈຸ່ມ ອິດຊະຣາເອລ ເຕົ້າ ແຕ້ອ ແດ້ຍ ຊາມູເອລ, ອັນ ກາ ອາຕີ ຕາງ ປັຣນາຍ ເຢິງ ເຈົ້າຣາຊີ.

21 "ແວັດ ກ້ອຍ ຈຸ່ມ ອິດຊະຣາເອລ ແຊອ ເຢິງ ເຈົ້າຣາຊີ ໂອນ ໄລ່ ເບີນ ເຕົ້າວ ປັຣເຍົາ. ນະກ້ອຍ ເຢິງ ເຈົ້າຣາຊີ ໂອນ ໂຊລ ແກ້ດ ເຕົ້າວ ປັຣເຍົາ ໄລ່. ໂຊລ ລາ ກອນ ກິເຊ, ແຕ ມູ່ ເບີນຢາມິນ. ກະ ໂຊລ ແກ້ດ ເຕົ້າວ ປັຣເຍົາ ອິນແຍ່ະ ປູນ ຈິ່ດ ກູມໍ. 22 ແວັດ ກ້ອຍ ເຢິງ ເຈົ້າຣາຊີ ອາລິ່ຣ ໂຊລ, ມາ ຈັຣ ດາວິດ ແອັນ ແກ້ດ ເຕົ້າວ ປັຣເຍົາ. ເຢິງ ເຈົ້າຣາຊີ ປາຍ ແຕ ດາວິດ ນະໄມ່:

'ດາວິດ, ກອນ ເຢຊີ, ອັນ ເບີນ ມວຍ ຮາງິຣ ກະ ເກົາ.

ກະ ອິນເຕົ້າ ເກົາ ໂອນ ອັນ ຕະ, ອັນ ຕະ ອາກ້ອຍ.'

23 ມັຣ ເຢິງ ເຈົ້າຣາຊີ ເອີອໍ ແຕ ອິນໂຢ່ງ, ອັນ ໂອນ ມານະ ແຕ ຈຸ່ມເຈືອ ດາວິດ ແຕ້ອ ຈ່ອຍ ອາມັງ ກວາຍ ອິດຊະຣາເອລ. ມານະ ໄມ່ ລາ ເຢຊູ. 24 ບ້ອງ ກາ ເຢຊູ ຕາ ຢວາຣ ເປາະ ອາຕີ, ໂຢຮັນ ອາຕີ ເຈົ້າ ໂອນ ມັຣ ຈຸ່ມ ອິດຊະຣາເອລ ຮັບ ຮິ່ດ ຕຶ້ງ ແດ້ອໍ, ອາປັຣ ໄລ່ ຕັຣ ຮາງິຣ ຕຍາ ປຽນ ແກ້ດ ຮາງິຣ ຕາ ໄມ ແອັນ. 25 ພໍ້າ ໂຢຮັນ ຕະ ມັຣ ຮານະ ເຢິງ ເຈົ້າຣາຊີ ແປຣີ ອັນ ແຈ່ະ ອີ ແວັດ ເຈົ້າ, ອັນ ປາຍ: 'ເກົາ ລາ ຕາ ແກ້ນ ມານະ ກາ ເຍົາ ແອັດ ອິງກ່ອງ. ມາ ອິນຕຸ່ນ, ອັນ ກາ ເຍົາ ອິງກ່ອງ ອີ ແຕ້ອ. ກະ ເກົາ ລາ ຕາ ເບີນ ປຍາຍ ອາແລ້ຣ ອິນໄຊ ແກ້ບ ແຕ ອາຢິງ ອັນ.'

26 "ແຊມອາຍ ເອີຍ! ໄຮ ກາ ແຕ ຈຸ່ມເຈືອ ອັບຣາຮາມ, ກະ ມັຣ ເຍົາ ກວາຍ ຕາ ແກ້ນ ກວາຍ ອິດຊະຣາເອລ ກາ ຢໍ່າມັບ ເຢິງ ເຈົ້າຣາຊີ, ເຢິງ ເຈົ້າຣາຊີ ໂອນ ໄຮ ເບີນ ປັຣນາຍ ອັນ, ໂອນ ໄຮ ດັງ ປາຍ ອັນ ເຕ່ອ ຈ່ອຍ ອາມັງ ກວາຍ. 27 ກວາຍ ກອນແຊມ ຕຶ້ງ ເມືອງ ເຢຣູຊາເລັມ ກະ ກວາຍ ຊົດ ໄລ່ ແຮ, ອິນແຍ່ະ ມັຣ ໄລ່ ກ້ອຍ ຕາ ເບີນ ດັງ ປາຍ ເຢຊູ ລາ ກອນ ເຢິງ ເຈົ້າຣາຊີ. ກູ່ ຕາໄງ ຮາລູ່ ຕຶ້ງ ດຸງ ຊາງ, ໄລ່ ອານ ແຕ ປຶ້ງ ກວາຍ ອາຕີ ຕາງ ປັຣນາຍ ເຢິງ ເຈົ້າຣາຊີ ຄຽນ ແຕ ອິມແບີ, ມາ ໄລ່ ຕາ ເບີນ ຊາປູຣ ອິນເຕົ້າ ປັຣນາຍ ແຕ ປຶ້ງ ກ້ອຍ. ມາ ພໍ້າ ໄລ່ ອີ ກາຈິດ ເຢຊູ, ໄລ່ ຕະ ຊັງໄກຣ ນະ ກວາຍ ອາຕີ ຕາງ ປັຣນາຍ ເຢິງ ເຈົ້າຣາຊີ ແຕ ອິມ

ແບ້. 28 ມັຮ ກວາຍ ຕຶ້ງ ເມືອງ ເຢຮູຊາເລັມ, ໄລ່ ຈໍ້ຮ ຮາລິ່ຮ ຢິຮ ອີ ກາຈິດ ເຢຮູ, ມາ ໄລ່ ຕາ ເບີນ ຮາມັຮ ມວຍ ຮາມິ່ຮ ອິນເຕ້າ ກາ ເຕ່ຮ ກາຈິດ ອັນ. ມາ ອິນນ້ອງ ໄລ່ ແຊຮ ແຕ ປີລາດ ໂອນ ອັນ ກາ ຈິດ ເຢຮູ. ເຈ້ ໄລ່ ກາຈິດ ອັນ. 29 ໄລ່ ຕະ ອິນແຍ່ ະ ມັຮ ຮານະ ກາ ກວາຍ ອາຕີ ຕາງ ປັຮນາຍ ເຢີງ ເຈ້າຮາຊີ ຄຽນ ດໍຮ ອິນໂຍ່ງ ແຕ ເຢຮູ. ເຈ້ ໄລ່ ອາ ລິ່ຮ ອາແຊງ ເຢຮູ ແຕ ອາລ່ອງ ຊັງກັງ, ເດີງ ແຕັບ ອັນ ຕຶ້ງ ປຶ້ງ. 30 ມາ ເຢີງ ເຈ້າຮາຊີ ໂອນ ເຢຮູ ອາ ມັ່ງ ລັຮ. 31 ເຈ້ ອັນ ແອັດ ກະ ມູ່ ໄລ່ ກາ ຕາປຸ່ນ ອັນ ແຕ ແຄງ ຄາລິເລ ແຕ້ຮໍ ປີ ເມືອງ ເຢຮູຊາເລັມ ແກຼຍ ມວຍ ກາໄຊ. ຊານຸ່ ມູ່ ໄລ່ ເປາະ ອາຕີ ໂອນ ກວາຍ ອິດຊະຮາເອລ ກາ ຕາ ຢວາຮ ດັງ ແຕ ຮາ ນະ ເຢຮູ ຕະ. 32-33 ນະກ້ອຍ ຮິ ແຕ້ຮໍ ອາຕີ ປັຮ ນາຍ ອໍ ໄລ່ ໂອນ ເຍີ້ ດັງ ເຕ່, ລາ ປັຮນາຍ ເຢີງ ເຈ້າຮາຊີ ເອີຮໍ ກະ ອາວາຍຮ ອາເຈ່ຮ ໄຮ. ແຕ້ຮໍ ເຢີງ ເຈ້າຮາຊີ ໂອນ ເຢຮູ ອາມັ່ງ ລັຮ, ອັນ ຕະ ປ ຍາຍ ມັຮ ຮານະ ອັນ ເອີຮໍ ກະ ອາວາຍຮ ອາເຈ່ຮ ໄຮ ແຕ ອິນໂຍ່ງ. ເຢີງ ເຈ້າຮາຊີ ອາຕີ ເຈ້ ຮານະ ໄລ່ ຕຶ້ງ ປຸ່ນ ບາຮ ປຶ້ງ ປັຮນາຍ ລໍ່າ ຍ່ອງ. ອິນຕຸ ກ້ອຍ ເຢີງ ເຈ້າຮາຊີ ປາຍ ແຕ ເຢຮູ ນະໄລ່:

'ໄລ່ ລາ ກອນ ເກົ້າ.  
ຕາໄງ ໄລ່ ເກົ້າ ແກັດ ອິນປໍ່ ໄລ່.'

34 ກະ ອິນຕຸ ການໍ່ຮ ແອັນ ຕຶ້ງ ປຶ້ງ ປັຮນາຍ ເຢີງ ເຈ້າຮາຊີ, ອັນ ປາຍ ແຕ ເຢຮູ ນະໄລ່:  
'ເກົ້າ ຕະ ໂອນ ໄລ່ ມັຮ ຮານະ ອໍ ເກົ້າ ເອີຮໍ ກະ ດາວິດ ແຕ ອິນແບ້ ເຈ້.'  
ປັຮນາຍ ໄລ່ ອາຕີ ແຕ ເຢີງ ເຈ້າຮາຊີ ໂອນ ເຢຮູ ອາມັ່ງ ລັຮ, ກະ ເຢີງ ເຈ້າຮາຊີ ຕາ ເບີນ ໂອນ ເຢຮູ ກູຈິດ ນ້ອງ. 35 ກະ ອິນຕຸ ການໍ່ຮ ແອັນ ຕຶ້ງ ປຶ້ງ ປັຮນາຍ ລໍ່າ ຍ່ອງ, ດາວິດ ປາຍ:

'ເຍີ້ ຕາ ເບີນ ໂອນ ແກັດ ລາບວຍ໌  
ຈະ ກວາຍ ຕະ ຮານະ ເຍີ້ ກາ ຕາ ເບີນ ໄລ່ ຍຮ ອິນເຕ້າ.'

36 ບັອງ ກາ ດາວິດ ອິນນ້ອງ ອາມັ່ງ ອັນ ຕະ ອິນ ແຍ່ະ ມັຮ ຮານະ ກາ ເຢີງ ເຈ້າຮາຊີ ໂອນ ອັນ ຕະ. ມາ ແວັດ ກ້ອຍ ອັນ ກູຈິດ, ກະ ເມົ້າ ແຕັບ ອັນ ຕຶ້ງ ປຶ້ງ ອາວາຍຮ ອາເຈ່ຮ ອັນ ເຕ່. ຈະ ອັນ ແກັດ ລາ ບວຍ໌. 37 ມາ ເຢຮູ, ເຢີງ ເຈ້າຮາຊີ ໂອນ ອັນ ອາ ມັ່ງ ລັຮ, ກະ ຈະ ອັນ ຕາ ເບີນ ແກັດ ລາບວຍ໌ ອິນ ເຕ້າ. 38-39 ນະກ້ອຍ, ແຊມອາຍ ເອີຍ, ເກົ້າ ໂອນ ເຍີ້ ດັງ ແຈງ ລາລິ່, ແອັງ ມານະ ເຢຮູ ແຕ້ ເຕ່ຮໍ ຕັຮ ໄລ່ຍຮ ເຍີ້. ມັຮ ຄານອດ ໂມເຊ ໂອນ ເຍີ້,

ຄານອດ ກ້ອຍ ຕາ ເຕ່ຮ ໂອນ ເຍີ້ ແກັດ ຕານ້ອງ ອໍ ຍິ່ຮ ເມີງ ເຢີງ ເຈ້າຮາຊີ. ມາ ກວາຍ ອາແລ່ະ ກາ ຊາອໍາ ເຢຮູ, ກວາຍ ກ້ອຍ ແກັດ ຕານ້ອງ ອໍ ຍິ່ຮ ເມີງ ເຢີງ ເຈ້າຮາຊີ. 40 ນະກ້ອຍ ເຍີ້ ເພ່ ອໍ, ໂອນ ເຍີ້ ເຕ່ຮ ວຍາຮ ແຕ ຮາມິ່ຮ ຕຸ່ຮ ກັດ ກາ ກວາຍ ອາຕີ ຕາງ ປັຮນາຍ ເຢີງ ເຈ້າຮາຊີ ປາຍ ແຕ ອິນ ແບ້ ນະໄລ່:

41 'ອີງເຄາະ ເຍີ້ ຊາງັດ ໂອນ ອໍ,  
ມັຮ ເຍີ້ ກາ ອາເຢ ພາມາດ ປັຮນາຍ ເຢີງ ເຈ້າຮາຊີ.

ຍ່ອນ ເກົ້າ ອີ ຕະ ຮານະ ອໍ ລາລິ່ ຕຶ້ງ ແດີຍ ເຍີ້,  
ມາ ແຕ້ຮໍ ເມົ້າ ອາຕີ ເຍີ້ ຮານະ ໄລ່,  
ເຍີ້ ຕາ ເບີນ ຊາອໍາ.

ນະກ້ອຍ ເຍີ້ ເບີນ ຫາຮ່າະ ລາລິ່,  
ກະ ກູຈິດ ປິດ ຊ້ອງ.'

42 ພໍກາ ໂປໂລ ກະ ບາຮນາບາ ລ້ອຮ ແຕ ດູງ ຊາງ ກ້ອຍ, ເບີນ ກວາຍ ກາ ແຊຮ ໂອນ ໄລ່ ອາຕີ ລັຮ ແອັນ ປັຮນາຍ ກ້ອຍ ແຕ້ຮໍ ຕາໄງ ຮາລູ່ ອິນ ຕຸ່ນ. 43 ແວັດ ໄລ່ ໂຮ່ມ ເຈ້, ຊາອິ່ຍ ນະ ແຕ ຈຸ່ມ ອິດຊະຮາເອລ ກະ ຊາອິ່ຍ ນະ ກວາຍ ຕາ ແກິນ ກວາຍ ອິດຊະຮາເອລ ກາ ຕາປຸ່ນ ຄານອດ ອິດຊະ ຮາເອລ, ອິນແຍ່ະ ໄລ່ ກ້ອຍ ເປາະ ຕາປຸ່ນ ໂປໂລ ກະ ບາຮນາບາ. ນະກ້ອຍ ໂປໂລ ກະ ບາຮນາບາ ຕະ ອິນຕີ ກະ ໄລ່, ກະ ປາຕັບ ໂອນ ໄລ່ ຊາອໍາ ຈັບ ລາ ລິ່ ມັຮ ຮານະ ເຢີງ ເຈ້າຮາຊີ ຈ່ອຍ ເມັດ ໂອນ ໄລ່.

44 ແຕ້ຮໍ ຕາໄງ ຮາລູ່ ອິນຕຸ່ນ ແອັນ, ມັນ ອິນ ແຍ່ະ ກວາຍ ແຕ ເມືອງ ກ້ອຍ ເປາະ ໂຮ່ມ ຍິ່ຮ ອີ ຊາ ງັດ ປັຮນາຍ ເຢີງ ເຈ້າຮາຊີ. 45 ພໍກາ ກວາຍ ອິດ ຊະຮາເອລ ເຮີມ ກຶ້ງ ລາລິ່ ກວາຍ ໂຮ່ມ, ໄລ່ ຊ້ອງ ຊັຮແມງ, ຕາ ຍິ່ຮ ອີ ໂອນ ກວາຍ ຊາງັດ ປັຮນາຍ ໂປໂລ. ເຈ້ ໄລ່ ພາມາດ ໂປໂລ. 46 ມາ ໂປໂລ ກະ ບາຮນາບາ, ໄລ່ ອາຕີ ຍັນ ລາລິ່ ແອັນ ປາຍ: "ອີງ ເຄາະ ຮິ ອາຕີ ໂອນ ເຍີ້ ກວາຍ ອິດຊະຮາເອລ ຊາ ງັດ ປັຮນາຍ ເຢີງ ເຈ້າຮາຊີ ອິນໂຍ່ງ ແຕ ກວາຍ ກາ ນໍ່ຮ. ມາ ເຍີ້ ຕາ ຍິ່ຮ ອີ ຊາງັດ ປັຮນາຍ ໄລ່, ກະ ເຍີ້ ຕາ ເບີນ ປຍາຍ໌ ອີ ອາມັ່ງ ເລືອຍໆ. ນະກ້ອຍ ຊານຸ່ ຮິ ເປາະ ອາຕີ ໂອນ ກວາຍ ກາ ຕາ ແກິນ ກວາ ຍ ອິດຊະຮາເອລ ແອັນ. 47 ຍ່ອນ ນະກ້ອຍ ເຢີງ ເຈ້າຮາຊີ ແປຮິ ຮິ ປາຍ:

'ເກົ້າ ແຕງ ເຍີ້ ໂອນ ເຍີ້ ເປາະ ອາຕີ ເຕ່ ກວາຍ ກຮ ວາງ ການໍ່ຮ,  
ໂອນ ອິນແຍ່ະ ມັຮ ກຮວາງ ປຶ້ນ ມັນລ້ອງ  
ກຸ່ ໄລ່  
ເບີນ ດັງ ປາຍ ເກົ້າ ຍິ່ຮ ອີ ຈ່ອຍ ອາມັ່ງ  
ໄລ່.'



48 ພໍກາ ກວາຍ ຕາ ແກ້ນ ກວາຍ ອິດຊະຮາເອລ ຊ້ອງ ປັຣນາຍ ກ້ອຍ, ໄລ່ ຊ້ອງ ຮໍ່ອໍ ບູຍ ລາລີ້ ຕຶ້ງ ຮາງຶ່ຮ ໄລ່, ກະ ໄລ່ ຍ່ອງ ປັຣນາຍ ເຢີງ ເຈົ້າຮາຊີ. ມັຮ ໄລ່ ກາ ເຢີງ ເຈົ້າຮາຊີ ກູອໍ ໂອນ ອາມົງ ເລືອ ຍາ, ໄລ່ ຊາອໍາ ປັຣນາຍ ກ້ອຍ.

49 ນະກ້ອຍ ປັຣນາຍ ເຢີງ ເຈົ້າຮາຊີ ແກ້ດ ເປາະ ປັຣ ຕົວ ອິນແຍະ ກຣວາງ ກ້ອຍ. 50 ມາ ກວາຍ ອິດຊະຮາເອລ, ໄລ່ ເປາະ ຍາຍົວະ ໂຈະ ມັຮ ກວາຍ ຊົດ ຕຶ້ງ ເມືອງ ກ້ອຍ ກະ ໂຈະ ມັຮ ກວາຍ ອາຍະ ກາ ຊາງ ເຢີງ ເຈົ້າຮາຊີ. ກວາຍ ອາຍະ ກ້ອຍ ລາ ເມົ້າ ຊາງັດ ຕາປຸ່ນ ລາລີ້ ໄລ່. ນະກ້ອຍ ມັຮ ກວາຍ ອິດຊະຮາເອລ ຊາອັຣ ຕະ ໂປໂລ ກະ ບາຣນາ ບາ, ກະ ຕູ່ຍຣ ອາລ້ອຣ ໄລ່ ບາຣ ນະ ກ້ອຍ ໂອນ ແວັດ ແຕ ຮາລັ່ນ ກູແຕອໍ ໄລ່. 51 ມາ ໄລ່ ບາຣ ນະ ກ້ອຍ ກັນຕຣິ້ຣ ຜຸ່ນ ແຕ ອາເຢີງ, ຕະ ໂອນ ກວາຍ ຕຶ້ງ ເມືອງ ກ້ອຍ ດັງ ປາຍ ໄລ່ ຕາ ເບີນ ປຣ່ອມ ກະ ມັຮ ກວາຍ ກ້ອຍ. ເຈົ້ ໄລ່ ບາຣ ນະ ເປາະ ບໍ ເມືອງ ອີໂກນິອົມ ແອັນ. 52 ມາ ມັຮ ກວາຍ ກາ ຊາອໍາ ເຈົ້ ແອັດ ຕຶ້ງ ເມືອງ ອັນຕີໂອເຄຍ, ໄລ່ ຊ້ອງ ຮໍ່ອໍ ລາ ລີ້, ກະ ຮາເວີຍ ເຢີງ ເຈົ້າຮາຊີ ຕະ ຊົດ ຕຶ້ງ ຮາງຶ່ຮ ໄລ່.

# 14

ໂປໂລ ກະ ບາຣນາບາ ຕຶ້ງ ເມືອງ ອີໂກນິອົມ

1 ພໍກາ ໂປໂລ ກະ ບາຣນາບາ ແຕ້ອໍ ບໍ ເມືອງ ອີ ໂກນິອົມ, ໄລ່ ມູດ ອາຕີ ຊາ ຕຶ້ງ ດຸງ ຊາງ ກວາຍ ອິດຊະຮາເອລ. ປັຣນາຍ ໄລ່ ປາຍ ລາ ແບຸງ ລາ ລີ້. ນະກ້ອຍ ກຶ້ງ ກວາຍ ແຕ ຈຸ່ມ ອິດຊະຮາເອລ ກະ ກຶ້ງ ກວາຍ ຕາ ແກ້ນ ກວາຍ ອິດຊະຮາເອລ ແຮ, ຊາອີ້ຍ ນະ ແຕ ໄລ່ ຕາປຸ່ນ ກະ ຊາອໍາ ເຢຊູ. 2 ມາ ມັຮ ຈຸ່ມ ອິດຊະຮາເອລ ກາ ຕາ ຍິອໍ ອີ ຊາ ອໍາ ກ້ອຍ, ໄລ່ ຍາຍົວະ ໂຈະ ກວາຍ ຕາ ແກ້ນ ກວາຍ ອິດຊະຮາເອລ ໂອນ ໄລ່ ອວານ ໂຈະ ໄລ່ ກາ ຊາ ອໍາ ເຢຊູ. 3 ນະກ້ອຍ ໂປໂລ ກະ ບາຣນາບາ ແອັດ ອາຕີ ປັຣນາຍ ເຢີງ ເຈົ້າຮາຊີ ດູ່ນ ລາລີ້ ຕຶ້ງ ເມືອງ ກ້ອຍ. ຍັນ ໄລ່ ອາຕີ ແຕ ມັຮ ຮານະ ເຢີງ ເຈົ້າຮາຊີ ຈ່ອຍ ເມັດ ໄລ່. ກະ ເຢີງ ເຈົ້າຮາຊີ ອາປັຣ ໂອນ ກວາຍ ດັງ ປັຣນາຍ ໄນ່ ລາ ແມ່ນ ປັຣນາຍ ເຢີງ ເຈົ້າຮາຊີ, ຍ່ອນ ອັນ ໂອນ ໄລ່ ເບີນ ອໍານາດ ແຕ້ອໍ ຕະ ຮານະ ຕາ ເກີ້ຍ ເຮີມ. 4 ມາ ມັຮ ກວາຍ ຕຶ້ງ ເມືອງ ກ້ອຍ, ໄລ່ ກັຣຍັຣ ແກ້ດ ບາຣ ຈຸ່ມ. ມວຍ ຈຸ່ມ ຍິອໍ ອີ ຕາປຸ່ນ ປັຣນາຍ ຈຸ່ມ ອິດຊະຮາເອລ ກາ ຕາ ຢວາຣ ຊາອໍາ. ມວຍ ຈຸ່ມ ແອັນ ຍິອໍ ອີ ຕາ

ປຸ່ນ ປັຣນາຍ ໂປໂລ ກະ ບາຣນາບາ. 5 ເຈົ້ ກວາຍ ອິດຊະຮາເອລ ກາ ຕາ ເບີນ ຊາອໍາ, ໄລ່ ປຣ່ອມ ກະ ກວາຍ ຕາ ແກ້ນ ກວາຍ ອິດຊະຮາເອລ ກະ ກວາຍ ຊົດ ຕຶ້ງ ເມືອງ ແຮ, ໂອນ ອິນແຍະ ມັຮ ໄລ່ ຕະ ຕຸ່ຣ ໂປໂລ ກະ ບາຣນາບາ, ກະ ແຫຼງ ຕາເມົ້າ ໂຈະ ໄລ່ ບາຣ ນະ. 6 ມາ ພໍກາ ໄລ່ ບາຣ ນະ ຊ້ອງ ນະກ້ອຍ, ໄລ່ ຕາລຸ່ຣ ອາລ້ອຣ ແຕ ເມືອງ ກ້ອຍ ເປາະ ບໍ ກຣ ວາງ ລິກາໂອເນຍ ມູດ ຕຶ້ງ ເມືອງ ລິຊະຕຣາ, ເມືອງ ເດຣະເບ, ກະ ມັຮ ເມືອງ ອິມແປຣ ກ້ອຍ. 7 ແອັດ ຕຶ້ງ ກຣວາງ ກ້ອຍ ໄລ່ ອາຕີ ປັຣນາຍ ອໍ ແຕ ເຢຊູ ກຣິດ.

ໂປໂລ ກະ ບາຣນາບາ ຕຶ້ງ ເມືອງ ລິຊະຕຣາ

8 ແອັດ ຕຶ້ງ ເມືອງ ລິຊະຕຣາ ກ້ອຍ ເບີນ ມານະ ກວາຍ ຮາເລົ້າ ໂຢດ ອາເຢີງ ແຕ ອິມເປ້ອ ອັນ ຮໍ່ຣ. ອັນ ຕາ ແຕ້ອໍ ເປາະ ບໍ ແລະ. 9 ມານະ ໄນ່ ຊາງັດ ແຕ່ ປັຣນາຍ ໂປໂລ ອາຕີ. ພໍກາ ໂປໂລ ແນ່ ຊັຣກຸ່ງ ບໍ ອັນ, ໂປໂລ ເຮີມ ກວາຍ ໄນ່ ຊາອໍາ ເຢີງ ເຈົ້າຮາຊີ ແຕ້ອໍ ປົວ ອາເຢີງ ອັນ. 10 ນະກ້ອຍ ໂປໂລ ແປຣີ ອັນ ເຣ່ງ ລາລີ້: "ໄນ່ ຢວຣ ຕາຢຶ່ງ!" ຢຸກຍັກ ແຕ້ ກວາຍ ກ້ອຍ ຢວຣ. ເຈົ້ ອັນ ເປາະ. 11 ກຶ້ງ ລາ ລີ້ ກວາຍ ກາ ເຮີມ ໂປໂລ ຕະ ຮານະ ໄນ່, ອິນແຍະ ມັຮ ໄລ່ ປຣ່ອມ ປາຍ ເຣ່ງ ລາລີ້ ແຕ່ ປັຣນາຍ ໄລ່, ລາ ປັຣນາຍ ລິກາໂອເນຍ, ປາຍ: "ເຢີງ ເອີຍ໌ ໄລ່ ບາຣ ນະ ໄນ່! ເຢີງ ຊໍາບິນ ແກ້ດ ກວາຍ!"

12 ກະ ໄລ່ ດໍອໍ ບາຣນາບາ ລາ ເຢີງ ຊູດ, ກະ ໂປໂລ ໄລ່ ດໍອໍ ເຢີງ ເຣຣະເມ. ໄລ່ ດໍອໍ ໂປໂລ ເຢີງ ເຣຣະເມ ຍ່ອນ ອັນ ລາ ກວາຍ ອິງຮາລ ແບຣ ນະ ເຢີງ ກ້ອຍ ແຕ່. 13 ກະ ມູ່ ກາ ຊາງ ເຢີງ ຊູດ, ໄລ່ ເບີນ ມານໍາ ຊັນເຕຣີງ ຮິດ ອິນຕຸ ປັຣລ້ອຣ ວີ ລ. ອັນ ກາ ຢຸມ ຕໍາປິກ ເຢີງ ກ້ອຍ, ອັນ ເດີງ ຕາ ແກງ ທູນ ກະ ປາຣ ແຮ ແຕ້ອໍ ບໍ ງັຣ ຕັງ ວຍາງ ວີລ ກ້ອຍ ຍິອໍ ອີ ຈູຈໍາ ໂອນ ບາຣນາບາ ກະ ໂປໂລ. 14 ພໍກາ ບາຣນາບາ ກະ ໂປໂລ, ໄລ່ ກາ ເຢຊູ ຮຽຣ ປາຈຸ່ຣ, ຊ້ອງ ມູ່ ກ້ອຍ ຍິອໍ ອີ ຊາງ ໄລ່, ໄລ່ ບາຣ ນະ ແຈຣ ອາຍັອຣ ໄລ່, ຕະ ໂອນ ເມົ້າ ດັງ ປາຍ ໄລ່ ຊ້ອງ ຕຸ່ຣ ຮາງຶ່ຮ ກະ ມັຮ ກວາຍ ກ້ອຍ. ເຈົ້ ໄລ່ ບາຣ ນະ ຕາລຸ່ຣ ບໍ ກວາຍ ກຶ້ງ ກ້ອຍ ກະ ປາຍ ເຣ່ງ ລາລີ້ ນະໄນ່: "ແຊມອາຍ ເອີຍ໌! ນານະ ເຍົາ ຍິອໍ ອີ ຈູຈໍາ ໂອນ ຮີ? 15 ຮີ ລາ ກວາຍ ມູເຈິງ ເຍົາ ແຕ່. ຮີ ແຕ້ອໍ ບໍ ໄນ່ ຍິອໍ ອີ ອາຕີ ໂອນ ເຍົາ ດັງ ປັຣນາຍ ອໍ ແຕ ເຢີງ ເຈົ້າຮາຊີ, ຍ່ອນ ມັຮ ເຢີງ ການໍອໍ ກ້ອຍ ຕາ ແຕ້ອໍ ຈ່ອຍ ອິນເຕົ້າ ເຍົາ. ມາ ອິງເຄາະ ເຍົາ ຊາງ ແອັງ ເຢີງ ເຈົ້າຮາຊີ ຊ້ອງ. ແອັງ ເຢີງ ເຈົ້າຮາຊີ ແຕ້

ລາ ເຢີງ ອາມັງ ເລື້ອຍໆ. ແອັງ ເຢີງ ເຈົ້າຮາຊີ ແຕ້ ແຕງ ມັນລ້ອງ, ກູແຕອ໌, ແດັອ໌, ກະ ອິນແຍ່ະ ມັຮ ຮາມິ້ຮ ແອັດ ຕິ້ງ ກ້ອຍ. 16 ຕິ້ງ ມັຮ ແດັຍ ອິນ ໂຍ່ງ ເຢີງ ເຈົ້າຮາຊີ ໂອນ ອິນແຍ່ະ ມັຮ ກວາຍ ຕາ ປຸ່ນ ຮາງິ່ຮ ໄລ່ ເບີມ. 17 ມາ ອິນນ້ອງ ເຢີງ ເຈົ້າຮາ ຊີ ຕະ ຊາອິ້ຍ ຮານະ ອໍ ໂອນ ອິນແຍ່ະ ມັຮ ກວາຍ ກ້ອຍ ດັງ ແຈງ ອັນ ລາ ພ່ນ ເຢີງ ເຈົ້າຮາຊີ. ອັນ ໂອນ ອິນແຍ່ະ ມັຮ ກວາຍ ເບີນ ພວາອ໌ ເມົາ. ກະ ທາຮິງ ຊັຮນັຮ ແກັດ ອໍ. ນະກ້ອຍ ຮາງິ່ຮ ກວາຍ ແກັດ ຮໍອ໌ ລາລີ້."

18 ມາ ໂປໂລ ມັນ ອີ ເປ່ ກາແອັຣ ໄລ່ ອິນໂຈຍ ຈູຈ້າ ໂອນ ອັນ ກະ ບາຮນາບາ.

19 ຕາ ເບີນ ດຸ່ນ ນ້ອງ ຈຸ່ມ ອິດຊະຮາເອລ ແຕ ເມືອງ ອັນຕີໂອເຄຍ ຕິ້ງ ກຮວາງ ປີຊີເດຍ, ກະ ແຕ ເມືອງ ອີໂກນິອັມ, ໄລ່ ແຕ້ອ໌ ແຕ້. ໄລ່ ປັຮຕີ້ ກວາ ຍ ກອນແຊມ ໂອນ ໄລ່ ແຫງ ຕາເມົາ ໂຈະ ໂປໂລ ຍິອ໌ ອີ ໂອນ ອັນ ກູຈິດ. ເຈ້ ໄລ່ ຮອຣ ອາລ້ອຣ ຈະ ອັນ ຍໍຣ ນໍອ໌ ເມືອງ. ໄລ່ ຄິດ ປາຍ ໂປໂລ ກູຈິດ ເຈ້. 20 ມາ ພໍກາ ມູ່ ກາ ຊາອໍາ ເຢຊູ ໂຮ່ມ ອິມແປຣ ຈະ ໂປໂລ, ໂປໂລ ຢວຣ ຕາຢິ່ງ ກະ ອັນ ມູ່ດ ລໍຣ ຕິ້ງ ເມືອງ ກ້ອຍ. ມາຮ ຕາໄງ ປັຮແນີ ແອັນ ໂປໂລ ກະ ບາຮນາບາ ລໍອຣ ແຕ ເມືອງ ກ້ອຍ ເປາະ ປີ ເມືອງ ເດຣະເບ ແອັນ.

ໄລ່ ເຈ້ ປີ ເມືອງ ອັນຕີໂອເຄຍ ຕິ້ງ ແຄງ ຊີເຣຍ ຊາ

21 ຕິ້ງ ເມືອງ ເດຣະເບ ກ້ອຍ ໄລ່ ອາຕີ ຊາ ປັຮ ນາຍ ອໍ ແຕ ເຢຊູ ກຮິດ. ກະ ກຼິ້ງ ກວາຍ ກ້ອຍ ແກັດ ກວາຍ ກາ ຕາປຸ່ນ ເຢຊູ ກຮິດ ແຕ່. ແວັດ ໄລ່ ອາຕີ ຕິ້ງ ເມືອງ ເດຣະເບ, ໄລ່ ລົບ ເຈ້ ລໍຣ ເປາະ ປີ ເມືອງ ລິຊະຕຣາ, ເມືອງ ອີໂກນິອັມ, ກະ ເມືອງ ອັນຕີໂອເຄຍ ຕິ້ງ ກຮວາງ ປີຊີເດຍ. 22 ຕິ້ງ ມັຮ ເມືອງ ກ້ອຍ ໂປໂລ ກະ ບາຮນາບາ ອາເລີ້ມ ອິນ ແຍ່ະ ມັຮ ມູ່ ກາ ຕາປຸ່ນ ເຢຊູ ໂອນ ໄລ່ ກ້ອຍ ຊາອໍາ ອິນແຍ່ະ ຮາງິ່ຮ ກະ ໂອນ ໄລ່ ຢຸມ ດໍອ໌ ປັຮນາຍ ໄລ່ ຊາອໍາ ເຈ້. ໄລ່ ອາຕີ ມູ່ ກ້ອຍ ປາຍ: "ຄັນ ໄຮ ຍິອ໌ ອີ ມູ່ດ ຕິ້ງ ອິນຕຸ ເຢີງ ເຈົ້າຮາຊີ ຊົດ, ອິງເຄາະ ໄຮ ຈິວ ຊາອິ້ຍ ຮາມິ້ຮ ຕຸ່ຣ ກັດ."

23 ແຕ ມູ່ກາ ຊາອໍາ ກູ່ ເມືອງ, ໂປໂລ ກະ ບາຮນາ ບາ ຮຽຮ ມັຮ ກວາຍ ຕະ ຊົດ ມູ່ ກາ ຊາອໍາ ເມືອງ ກ້ອຍ. ໄລ່ ໂຮ່ມ ເກົາແຊອ໌ ກະ ອົດ ຊັຮນາ. ເຈ້ ໄລ່ ມ່ອບ ປີ ເຢີງ ເຈົ້າຮາຊີ ອິນເຈ້າ ໄຮ ມັຮ ກວາຍ ໄລ່ ຮຽຮ ເຈ້, ແຊອ໌ ໂອນ ອັນ ບັນ ກຍາອ໌ ມັຮ ກວາຍ

ກ້ອຍ, ຍ່ອນ ມັຮ ກວາຍ ກ້ອຍ ຊາອໍາ ອິນເຈ້າ ໄຮ ກຮັກ ລາລີ້.

24 ແວັດ ກ້ອຍ ໂປໂລ ກະ ບາຮນາບາ ເປາະ ພາ ກຮວາງ ປີຊີເດຍ ແຕ້ອ໌ ປີ ແຄງ ປາພິເລຍ ແອັນ. 25-26 ໄລ່ ມູ່ດ ຕິ້ງ ເມືອງ ເປກາ; ເຈ້ ໄລ່ ອາຕີ ປັຮ ນາຍ ເຢີງ ເຈົ້າຮາຊີ ປີ ກ້ອຍ. ແວັດ ກ້ອຍ ໄລ່ ມູ່ດ ຕິ້ງ ເມືອງ ອັດຕາເລຍ ແອັນ. ແຕ ເມືອງ ກ້ອຍ ໄລ່ ຊ້ອຣ ຕິ້ງ ຕົວະ ຊໍາເປ້າ ເຈ້ ລໍຣ ປີ ເມືອງ ອັນຕີໂອ ເຄຍ ຕິ້ງ ແຄງ ຊີເຣຍ. ມູ່ ກາ ຊາອໍາ ຕິ້ງ ເມືອງ ອັນ ຕີໂອເຄຍ ເກ້ຍ ໂຮ່ມ ເກົາແຊອ໌ ຈ່ອຍ ໂອນ ໂປໂລ ກະ ບາຮນາບາ ອິນໂຍ່ງ ແຕ ບາຮ ນະ ໄນ່ ຕາ ຢ ວາຣ ເປາະ ອາຕີ. ໄລ່ ແຊອ໌ ເຢີງ ເຈົ້າຮາຊີ ຈ່ອຍ ໂອນ ໄລ່ ບາຮ ນະ ເປາະ ຕະ ຮານະ ກາ ເຢີງ ເຈົ້າຮາ ຊີ ຮຽຮ ໂອນ ໄລ່ ຕະ. ຊານໍ່ ໄລ່ ບາຮ ນະ ຕະ ແມ້ມ ເຈ້ ຮານະ ໄນ່. 27 ພໍກາ ໂປໂລ ກະ ບາຮນາບາ ແຕ້ອ໌ ລໍຣ ປີ ເມືອງ ອັນຕີໂອເຄຍ, ໄລ່ ປາໂຮມ ລໍຣ ມັຮ ມູ່ ກາ ຊາອໍາ ເຢຊູ ຍິອ໌ ອີ ຕະ ອິນຕີ ລໍຣ ມັຮ ຮາ ນະ ເຢີງ ເຈົ້າຮາຊີ ຈ່ອຍ ໄລ່ ຕະ. ກະ ໄລ່ ອາຕີ ມູ່ ກາ ຊາອໍາ ກ້ອຍ ປາຍ; ເຢີງ ເຈົ້າຮາຊີ ເປັຮ ຮານາ ໂອນ ກວາຍ ກາ ຕາ ແກ້ນ ກວາຍ ອິດຊະຮາເອລ ຊາອໍາ ປັຮນາຍ ອັນ ແຕ່. 28 ນະກ້ອຍ ໂປໂລ ກະ ບາຮນາບາ, ໄລ່ ແອັດ ດຸ່ນ ກະ ແຊມອາຍ ກາ ຊາ ອໍາ ເຢຊູ ຕິ້ງ ເມືອງ ອັນຕີໂອເຄຍ ແຄງ ຊີເຣຍ.

## 15

ມັຮ ກວາຍ ຊົດ ກາ ຊາອໍາ ເຢຊູ ໂຮ່ມ ຕິ້ງ ເມືອງ ເຢຣູຊາເລັມ

1 ແວັດ ກ້ອຍ ເບີນ ກວາຍ ແຕ ແຄງ ຢູດາຍ ແຕ້ອ໌ ອາຕີ ມູ່ ກາ ຊາອໍາ ເຢຊູ ຕິ້ງ ເມືອງ ອັນຕີ ໂອເຄຍ. ໄລ່ ປາຍ: "ຄັນ ກວາຍ ອາແລະ ຕາ ຢ ວາຣ ຕະ ຮິດ ກິດ ຕາປຸ່ນ ຄານອດ ໂມເຊ, ເຢີງ ເຈົ້າຮາຊີ ຕາ ເບີນ ຈ່ອຍ ອາມັງ ກວາຍ ກ້ອຍ." 2 ໂປໂລ ກະ ບາຮນາບາ ຕາ ເບີນ ປຣ່ອມ ກະ ປັຮ ນາຍ ໄນ່. ໄລ່ ຮາຈຽນ ອາຊ້ອຣ ລາລີ້ ກະ ມູ່ ແຕ ແຄງ ຢູດາຍ ແຕ ຮານະ ໄນ່. ນະກ້ອຍ ມັຮ ມູ່ ກາ ຊາອໍາ ເຢຊູ ຕິ້ງ ເມືອງ ກ້ອຍ, ໄລ່ ແປຣີ ໂປໂລ ກະ ບາຮນາບາ ກະ ກວາຍ ການໍອ໌ ແຮີ ແຕ ມູ່ ກ້ອຍ, ໂອນ ໄລ່ ເປາະ ຕາແບັບ ມູ່ ກາ ເຢຊູ ຮຽຮ ປາຈຸ່ຣ ກະ ມັຮ ກວາຍ ການໍອ໌ ກາ ຊົດ ມູ່ ກາ ຊາອໍາ ເຢຊູ ຕິ້ງ ເມືອງ ເຢຣູຊາເລັມ ແຕ ຮານະ ໄນ່.

3 ອິນແຍ່ະ ມູ່ ກາ ຊາອໍາ ເຢຊູ ຕິ້ງ ເມືອງ ອັນ ຕີໂອເຄຍ, ໄລ່ ເປາະ ອາຊວຍ ມູ່ ໂປໂລ ກະ ບາຮ ນາບາ ແວັດ ປັຮລ້ອຣ ເມືອງ ໂອນ ໄລ່ ເປາະ ປີ ເມືອງ ເຢຣູຊາເລັມ. ບ້ອງ ກາ ໄລ່ ເປາະ ປີ ເມືອງ

ເຢຣູຊາເລັມ, ໄລ່ ພາ ຮາມາ ແຄງ ໂພນິເຊຍ ກະ ແຄງ ຊາມາເຣຍ. ກະ ໄລ່ ຕະ ອິນຕີ ເລີ້ຍ ໄຈະ ກວາຍ ຕາປູນ ເຢຊູ ຕຶ້ງ ບາຣ ແຄງ ກ້ອຍ, ໂອນ ໄລ່ ດັງ ເບີນ ກວາຍ ຕາ ແກິນ ກວາຍ ອິດຊະຮາເອລ ຊາອຳ ເຕ່ ເຢຊູ ກຣິດ. ພໍກາ ມັຮ ມູ່ ກາ ຊາອຳ ເຢຊູ ຕຶ້ງ ບາຣ ແຄງ ກ້ອຍ ຊ້ອງ ປຣນາຍ ໄນ່, ໄລ່ ຣໍ່ອໍ ລາລີ້. <sup>4</sup> ພໍກາ ໂປໂລ ກະ ບາຣນາບາ ກະ ເຍົາ ໄລ່ ແຕ້ອໍ ບໍ ເມືອງ ເຢຣູຊາເລັມ, ມັຮ ມູ່ ກາ ຊາອຳ ເຢຊູ ຕຶ້ງ ເມືອງ ກ້ອຍ, ກາ ມູ່ ກາ ເຢຊູ ຮຽຮ ປາຈຸ່ຮ ກະ ມັຮ ກວາຍ ຊົດ ການໍ່ອໍ ແຮ, ອິນແຍ່ະ ໄລ່ ກ້ອຍ ຮຸ້ນໂຈມ ອໍ. ເຈົ້າ ໂປໂລ ກະ ບາຣນາບາ ຕະ ອິນຕີ ລັຮ ມັຮ ຮານະ ເຢີງ ເຈົ້າຮາຊີ ຈ່ອຍ ໂອນ ໄລ່ ຕະ. <sup>5</sup> ມາ ເບີນ ກວາຍ ແຕ ຈຸ່ມ ພາຣີຊາຍ ກາ ຊາອຳ ເຢຊູ ເຕ່, ໄລ່ ຕາຢິ່ງ ກະ ປາຍ: "ມັຮ ກວາຍ ຕາ ແກິນ ກວາຍ ອິດຊະຮາເອລ, ຄັນ ໄລ່ ຢົອໍ ອີ ຕາປູນ ເຢຊູ ກຣິດ ເຕ່, ອິງເຄາະ ໄລ່ ຕະ ຣິດ ກິດ ກະ ຕາປູນ ມັຮ ຄານອດ ໂມເຊ ປາຕັບ ຈຸ່ມ ອິດຊະຮາເອລ ແຕ ອິມເບີ."

<sup>6</sup> ນະກ້ອຍ ມູ່ ກາ ເຢຊູ ຮຽຮ ປາຈຸ່ຮ ກະ ມັຮ ກວາຍ ການໍ່ອໍ ກາ ຊົດ ມູ່ ກາ ຊາອຳ ເຢຊູ, ອິນແຍ່ະ ໄລ່ ກ້ອຍ ຊ້ຽຮງ ແຕ ຮານະ ໄນ່. <sup>7</sup> ໄລ່ ຊ້ຽຮງ ດຸ່ນ ລາລີ້; ເຈົ້າ ເປໂຕ ຢວຣ ຕາຢິ່ງ ກະ ປາຍ ໄຈະ ໄລ່ ນະໄນ່: "ແຊມອາຍ ເອີຍ! ເຍົາ ດັງ ເຈົ້າ ແຕ ອິນໂຍ່ງ, ເຢີງ ເຈົ້າຮາຊີ ຮຽຮ ພົາ ໂອນ ອາຕີ ມັຮ ກວາຍ ຕາ ແກິນ ກວາຍ ອິດຊະຮາເອລ ໂອນ ໄລ່ ດັງ ເຕ່ ປຣນາຍ ອໍ ແຕ ເຢຊູ ກຣິດ, ກະ ໂອນ ໄລ່ ຊາອຳ ເຕ່ ປຣນາຍ ກ້ອຍ. <sup>8</sup> ເຢີງ ເຈົ້າຮາຊີ ດັງ ອິນແຍ່ະ ຕຶ້ງ ຮາງຶ່ຮ ກວາຍ. ພໍກາ ເຢີງ ເຈົ້າຮາຊີ ໂອນ ກວາຍ ກາ ຕາ ແກິນ ກວາຍ ອິດຊະຮາເອລ ເບີນ ຮາເວົ້າຍ ອັນ ມູເຈິງ ອັນ ໂອນ ໄຮ ເຕ່, ເຢີງ ເຈົ້າຮາຊີ ອາປຣ໌ ໂອນ ໄຮ ດັງ ປາຍ ອັນ ຢົອໍ ອີ ໂອນ ກວາຍ ຕາ ແກິນ ກວາຍ ອິດຊະຮາເອລ ຕາປູນ ອັນ ເຕ່. <sup>9</sup> ເຢີງ ເຈົ້າຮາຊີ ອາໂຢ່ະ ໄລ່ ກ້ອຍ ຮາລີ້ ກະ ໄຮ ເຕ່. ກວາຍ ອາແລ່ະ ກາ ຊາອຳ ອັນ ກຣັກ ລາລີ້, ເຢີງ ເຈົ້າຮາຊີ ອາເຮົາວ ຮາງຶ່ຮ ກວາຍ ກ້ອຍ ແກິດ ບຣັຮ ອໍ ແອັນ. <sup>10</sup> ມາ ຊານໍ່ ນານະ ເຍົາ ອີ ລ່ອງ ເຢີງ ເຈົ້າຮາຊີ ນະກ້ອຍ? ນານະ ເຍົາ ຢົອໍ ອີ ມັນຕຣຸ່ ກວາຍ ຊາອຳ ກາ ຕາ ແກິນ ກວາຍ ອິດຊະຮາເອລ ໂອນ ໄລ່ ຕາປູນ ຄານອດ ກັດ ລາລີ້? ຄານອດ ໄນ່, ໄຮ ກະ ອາຈວາຍຮ ອາເຈ່ຮ ໄຮ ລາ ຕາ ເຮົາບ ຕາປູນ. <sup>11</sup> ມາ ໄຮ, ໄຮ ຊາອຳ ປາຍ ເຢີງ ເຈົ້າຮາຊີ ເຕ່ອໍ ຈ່ອຍ ອາມັງ ໄຮ ຍ່ອນ ແຕ ເຢຊູ ກຣິດ, ອັນ ກາ ຈ່ອຍ ເມົາດ ໄຮ. ກະ ເຢີງ ເຈົ້າຮາຊີ ຕະ ມູເຈິງ ໄນ່ ເຕ່ ໂອນ ມັຮ ກວາຍ

ຕາ ແກິນ ກວາຍ ອິດຊະຮາເອລ ກາ ຊາອຳ ເຢຊູ."

<sup>12</sup> ແວັດ ກ້ອຍ ໄລ່ ຕາ ເບີນ ຊ້ຽຮງ ນ້ອງ. ກະ ໄລ່ ຊາງັດ ປຣນາຍ ບາຣນາບາ ກະ ໂປໂລ ຣ່ອຍຮ ລັຮ ມັຮ ເຢີງ ເຈົ້າຮາຊີ ໂອນ ໄລ່ ເຕ່ອໍ ຕະ ຮານະ ຕາ ແກິນ ເຮີມ ໂອນ ກວາຍ ຕາ ແກິນ ກວາຍ ອິດຊະຮາເອລ. <sup>13</sup> ແວັດ ໄລ່ ບາຣ ນະ ກ້ອຍ ຕະ ອິນຕີ ນະກ້ອຍ, ເຈົ້າ ຢາໂກໂບ ແອັນ ຕະ ອິນຕີ ນະໄນ່: "ແຊມອາຍ ເອີຍ! ແຊອໍ ເຍົາ ຊາງັດ ປຣນາຍ ພົາ. <sup>14</sup> ຊີໂມນ ເປໂຕ ອາຕີ ໄຮ ເຈົ້າ ມັຮ ເຢີງ ເຈົ້າຮາຊີ ຕາແບີ ອາປຣ໌ ອັນ ອາໂຢ່ະ ມັຮ ກວາຍ ກາ ຕາ ແກິນ ກວາຍ ອິດຊະຮາເອລ ໂອນ ໄລ່ ແກິດ ກອນ ອາໂກ ອັນ ເຕ່. <sup>15</sup> ຮານະ ກາ ແຕ້ອໍ ຊານໍ່ ໄນ່ ລາ ກວາຍ ອາຕີ ຕາງ ປຣນາຍ ເຢີງ ເຈົ້າຮາຊີ ຄຽນ ແຕ ອິມ ແບີ ເຈົ້າ. ອັນ ຄຽນ ປາຍ:

<sup>16-17</sup> 'ປຣແມີ ມັນເຕຣົາ ພົາ ແຕ້ອໍ ລັຮ,  
 ກະ ພົາ ແຕງ ລັຮ ໂອນ ກວາຍ ແຕ ຈຸ່ມເຈືອ  
 ດາວິດ  
 ແກິດ ເຕົາວ ປຣເຍົາ ຕຶ້ງ ກຣວາງ ອິດຊະຮາ  
 ເອລ.  
 ນະກ້ອຍ ອິນແຍ່ະ ມັຮ ກວາຍ ແຕ ກູ່ ກຣວາງ  
 ເຕ່ອໍ ຕາປູນ ຮານະ ພົາ.  
 ພົາ ຕະ ນະກ້ອຍ ໂອນ ກວາຍ ຕາ ແກິນ ກວາຍ  
 ອິດຊະຮາເອລ  
 ເຕ່ອໍ ແກິດ ຈຸ່ມ ພົາ ເຕ່.  
 ພົາ ລາ ເຢີງ ເຈົ້າຮາຊີ  
 ອີ ຕະ ມັຮ ຮານະ ໄນ່.'

<sup>18</sup> ມັຮ ຮານະ ໄນ່ ເຢີງ ເຈົ້າຮາຊີ ອາຕີ ແຕ ອິມເບີ ເຈົ້າ."

<sup>19</sup> ຢາໂກໂບ ອາຕີ ແອັນ ປາຍ: "ຕາປູນ ຮາງຶ່ຮ ພົາ ລາ ນະໄນ່: ມັຮ ກວາຍ ຕາ ແກິນ ກວາຍ ອິດຊະຮາເອລ ກາ ຕາປູນ ຮານະ ເຢີງ ເຈົ້າຮາຊີ ເຈົ້າ, ໄຮ ອິນໂຈຍ ຕະ ໂອນ ໄລ່ ຊ້ອງ ກັດ. <sup>20</sup> ມາ ອິງ ເຄາະ ໄຮ ຄຽນ ປຣນາຍ ພາອໍ ອາຕີ ໄລ່ ອິນໂຈຍ ຈາ ນ້ອງ ມັຮ ຫຣິ່ງ ເມົາ ຈູຈຳ. ກວາຍ ມັນແຊມ ຮາເລົາ ຕາ ເບີນ ແກິດ ລາກວຍ ກາຢາອໍ ອິນໂຈຍ ບິ ມັນຕຸ. ອິນໂຈຍ ຈາ ໄຊຣໍ ຊັນຕຣັນ ເມົາ ງ້ອກ ຕາ ເບີນ ລ່ອຣ ອາຮາມ. ກະ ອິນໂຈຍ ຈາ ອາຮາມ ຊັນຕຣັນ. <sup>21</sup> ໄຮ ຕະ ນະກ້ອຍ ລາ ອິນໂຈຍ ໂອນ ກວາຍ ອິດຊະຮາເອລ ຊ້ອງ ຖ່ຮ. ຍ່ອນ ແຕ ອິມ ແບີ ແຕ້ອໍ ຊານໍ່, ກູ່ ຕາງ ຮາລູ່ ກວາຍ ອິດຊະຮາ ເອລ ອານ ອາຕີ ລັຮ ແຕ ຄານອດ ໂມເຊ ຕຶ້ງ ດຸງ ຊາງ ກວາຍ ອິດຊະຮາເອລ ກູ່ ເມືອງ."

ປຣນາຍ ພາອໍ ໂອນ ກວາຍ ຕາ ແກິນ ກວາຍ ອິດຊະຮາເອລ

<sup>22</sup> ແວັດ ຢາໂກໂບ ອາຕີ ນະກ້ອຍ, ມູ່ ກາ ເຢຊູ ຮຽຮ ປາຈຸ່ຮ ກະ ມັຮ ກວາຍ ການໍ່ອໍ ກາ ຊົດ ມູ່

ກາ ຊາອຳ ເຢຊູ, ອິນແຍ່ະ ມັຮ ໄລ່ ປຣ່ອມ ກະ ປັຣນາຍ ຢາໂກໂບ. ໄລ່ ຮຽຮ ບາຣ ນະ, ຢູດາ ບາຣຊັບ ບາ ກະ ຊິລາ, ລາ ກວາຍ ກາ ຕະ ຊົດ ຕຶງ ມູ່ ກາ ຊາອຳ ເຢຊູ, ໂອນ ໄລ່ ບາຣ ນະ ເປາະ ອິມປຣ່ອມ ປັ ເມືອງ ອັນຕີໂອເຄຍ ກະ ໂປໂລ ກະ ບາຣນາບາ.

23 ນະກ້ອຍ ໄລ່ ເດີງ ປັຣນາຍ ກາ ເມົາ ຄຽນ ນະ ໄນ່: "ແຊມອາຍ ເອີຍ! ຮິ ລາ ມູ່ ກາ ເຢຊູ ຮຽຮ ປາຈຸຣ ໂອນ ເປາະ ຕະ ຮານະ ອັນ, ມັນຕຸ ກະ ອິນແຍ່ະ ມູ່ ກາ ຊາອຳ ເຢຊູ ຕຶງ ເມືອງ ເຢຣູຊາເລັມ ກະ ມັຮ ກວາຍ ຊົດ ມູ່ ກ້ອຍ, ອິນແຍ່ະ ມັຮ ຮິ ປຣ່ອມ ຄຽນ ປັຣນາຍ ໄນ່ ພາຣ໌ ຊາອົຣ ອິນແຍ່ະ ມັຮ ມູ່ ແຊມອາຍ ຮິ ກາ ຕາ ແກິນ ກວາຍ ອິດຊະຣາເອລ ຕຶງ ເມືອງ ອັນຕີໂອເຄຍ ແຄງ ຊິເຣຍ, ກະ ແຄງ ກິລິທາຍ ແຮີ. 24 ຮິ ຊ້ອງ ເຈີ ເບີນ ກວາຍ ແຕ ຮິ ເປາະ ຕະ ໂອນ ເຍົາ ແກິດ ຣາມຸຣ ຣາງິຣ ລາລີ້. ມາ ຮິ ຕາ ເບີນ ແປຣີ ໄລ່ ກ້ອຍ ເປາະ ອາຕີ ໂຈະ ເຍົາ ນະກ້ອຍ. 25 ຍ່ອນ ນະກ້ອຍ ຮິ ແປຣີ ບາຣ ນະ ແຕ ມູ່ ຮິ ໂອນ ໄລ່ ເປາະ ກະ ເຍົາ ໄຣ ໂປໂລ ກະ ບາຣນາບາ ເປາະ ຊາອົຣ ເຍົາ. 26 ບາຣນາບາ ກະ ໂປໂລ ໄນ່, ຕາ ດັງ ອິນຊິ ເຮີບ ເຈີ ໄລ່ ຈິວ ເມົາ ຕະ ຍ່ອນ ໄລ່ ເດີງ ປັຣນາຍ ເຢຊູ ກຣິດ, ອິນເຈົາ ໄຣ. 27 ເຈີ ຮິ ແປຣີ ຢູດາ ກະ ຊິລາ ແຮີ ໂອນ ເປາະ ອາຕີ ເຍົາ, ໂອນ ເຍົາ ດັງ ແຈງ ແຕ ປັຣນາຍ ໄນ່. 28 ຣາ ເວົ້າຍ ເຢົາ ເຈົາຣາຊີ ຈ່ອຍ ຮິ ເຕຣ໌ ຊຸຣຮົງ ຮານະ ໄນ່; ນະກ້ອຍ ຮິ ປຣ່ອມ ຕາ ຍິຣ໌ ອີ ໂອນ ເຍົາ ຕາ ປູນ ຄານອດ ກັດ ລາລີ້. ມາ ຮິ ຄຽນ ໂອນ ເຍົາ ໄປ ປູນ ຣາມິຣ ຊ້ອງ ໂອນ ເຍົາ ຕາປູນ. 29 ເຍົາ ອິນ ໂຈຍ ຈາ ນ້ອງ ເກຣັງ ຊັຣນາ ເມົາ ຈູຈຳ. ເຍົາ ອິນ ໂຈຍ ຈາ ອາຣາມ ຊັນຕຣັນ. ເຍົາ ອິນໂຈຍ ຈາ ໄຊຣ໌ ຊັນຕຣັນ ກາ ເມົາ ງັອກ ຕາ ເບີນ ລ້ອຣ ອາຣາມ. ກະ ກວາຍ ມັນແຊມ ຣາເລົາ ຕາ ເບີນ ລາກວຍ ກາ ຢາອ໌ ອິນໂຈຍ ປີ ມັນຕຸ. ຄັນ ເຍົາ ຕະ ຕາປູນ ມັຮ ຮານະ ປາຕັບ ໄນ່, ເຍົາ ຕະ ປຍາຍ໌ ເຈີ. ອິນແຍ່ະ ມາຣ ກ້ອຍ ແຕ່ ຮິ ອີ ປາຕັບ ເຍົາ. ແຊຣ໌ ເຢົາ ເຈົາຣາຊີ ໂອນ ເຍົາ ແອິດ ບັນ ຊວານ ອຽນ ອໍ ເລືອ ຍາ."

30 ເຈີ ມູ່ ກາ ຊາອຳ ເຢຊູ ຕຶງ ເມືອງ ເຢຣູຊາເລັມ, ໄລ່ ແປຣີ ຢູດາ ກະ ຊິລາ ເປາະ ກະ ໂປໂລ ກະ ບາຣນາບາ ເຈົາ ປີ ເມືອງ ອັນຕີໂອເຄຍ. ພໍກາ ໄລ່ ແຕ່ອ໌ ປີ ເມືອງ ກ້ອຍ, ໄລ່ ປາໂຣມ ມູ່ ກາ ຊາອຳ ເຢຊູ ກະ ອາເວັຍ ໂອນ ໄລ່ ປັຣນາຍ ກ້ອຍ. 31 ພໍກາ ໄລ່ ອານ ປັຣນາຍ ກ້ອຍ, ກະ ໄລ່ ດັງ ແຈງ ອິນແຍ່ະ ມັຮ ຮານະ ຕຶງ ກ້ອຍ, ໄລ່ ຊ້ອງ ຣໍ້ອ໌ ລາລີ້

ຕຶງ ຣາງິຣ ໄລ່ ຍ່ອນ ເຍົາ ອາເລີ້ມ ໄລ່ ນະກ້ອຍ. 32 ເຈີ ຢູດາ ກະ ຊິລາ ອາຕີ ມູ່ ກາ ຊາອຳ ເຢຊູ ຕຶງ ເມືອງ ກ້ອຍ ໂອນ ໄລ່ ດັງ ຊາອິ້ຍ ລາລີ້ ແອັນ ຣາ ນະ ເຢົາ ເຈົາຣາຊີ. ຢູດາ ກະ ຊິລາ ລາ ກວາຍ ອາຕີ ຕາງ ປັຣນາຍ ເຢົາ ເຈົາຣາຊີ ແຕ່. 33 ພໍກາ ຢູດາ ກະ ຊິລາ ແອິດ ປີ ກ້ອຍ ດຸ່ນ ເຈີ, ມູ່ ກາ ຊາອຳ ເຢຊູ ຕຶງ ເມືອງ ກ້ອຍ ຣາບັນ ຣາຊວານ ໂອນ ໄລ່ ເຈົາ ອຽນ ອໍ ປີ ເມືອງ ເຢຣູຊາເລັມ ຍິຣ໌ ອີ ຣາມິຣ ລັຣ ມູ່ ກາ ແປຣີ ໄລ່ ເປາະ. 34 ມາ ຊິລາ ອິນ ນ້ອງ ປຣ່ອມ ອີ ແອິດ ລັຣ ປີ ກ້ອຍ.\* 35 ໂປໂລ ກະ ບາຣນາບາ ອິນນ້ອງ ແອິດ ຕຶງ ເມືອງ ອັນຕີໂອເຄຍ. ໄລ່ ບາຣ ນະ ກ້ອຍ ກະ ກຶງ ກວາຍ ການໍ່ອ໌ ແຮີ ແອິດ ອາຕີ ເລືອຍາ ປັຣນາຍ ອໍ ແຕ ເຢຊູ ກຣິດ ຕຶງ ເມືອງ ກ້ອຍ.

ໂປໂລ ກະ ບາຣນາບາ ເປາະ ອິມພາ ຮານາ 36 ແວັດ ມັຮ ຕາໂງ ກ້ອຍ, ໂປໂລ ຊັຣຮົງ ກະ ບາຣນາບາ ປາຍ: "ໄຣ! ໄຣ ເປາະ ຊາອົຣ ລັຣ ມັຮ ເມືອງ ກາ ໄຣ ອາຕີ ແຕ ອິນໂຍ່ງ ປັຣນາຍ ອໍ ແຕ ເຢຊູ ກຣິດ. ຍິຣ໌ ອີ ດັງ ໄລ່ ແອິດ ນານະ ຊານໍ່."

37 ບາຣນາບາ ປຣ່ອມ ເປາະ, ກະ ຍິຣ໌ ອີ ເດີງ ໂຢຣັນ ມາຣະໂກ ເປາະ ກະ ໄລ່ ແຕ່. 38 ມາ ໂປໂລ ຕາ ເບີນ ປຣ່ອມ ໂອນ ໂຢຣັນ ມາຣະໂກ ເປາະ ກະ ໄລ່, ຍ່ອນ ໂຢຣັນ ມາຣະໂກ ຕັຣ ໄລ່ ຕຶງ ແຄງ ປີ ພິເລຍ ບັອງ ກ້ອຍ, ກະ ຕາ ຍິຣ໌ ອີ ຈ່ອຍ ນ້ອງ ຮານະ ໄລ່. 39 ນະກ້ອຍ ບາຣນາບາ ກະ ໂປໂລ ຣາ ຈຽນ ແຕ ຮານະ ໄນ່; ເຈີ ໄລ່ ເປາະ ອິມພາ ຮານາ ແອັນ. ບາຣນາບາ ເດີງ ໂຢຣັນ ມາຣະໂກ ຊ້ອຣ ຕຶງ ຕົວະ ຊຳເນົາ ເປາະ ປີ ໂບດ ປັດ ໄຊປຣັດ. 40 ມາ ໂປໂລ ຮຽຮ ຊິລາ ໂອນ ເປາະ ກະ ອັນ. ແວັດ ມູ່ ກາ ຊາອຳ ເຢຊູ ຕຶງ ເມືອງ ກ້ອຍ ເກົາແຊຣ໌ ເຢົາ ເຈົາຣາ ຊີ ໂອນ ຈ່ອຍ ໄລ່, ເຈີ ໂປໂລ ກະ ຊິລາ ເປາະ ແຕ່. 41 ໄລ່ ເປາະ ເປືອຍ ແຄງ ຊິເຣຍ ກະ ແຄງ ກິລິທາຍ. ໄລ່ ອາຕີ ມັຮ ມູ່ ກາ ຊາອຳ ເຢຊູ ຕຶງ ກຣວາງ ກ້ອຍ ໂອນ ໄລ່ ຊາອຳ ເຣ່ງ ອາຊ້ອຣ ແອັນ.

### 16

ຕີໂມທຽວ ເປາະ ກະ ໂປໂລ ກະ ຊິລາ 1 ແວັດ ກ້ອຍ ໂປໂລ ກະ ຊິລາ ເປາະ ລັຣ ປີ ເມືອງ ເດຣະເບ ກະ ເມືອງ ລິຊະຕຣາ. ຕຶງ ເມືອງ ລິຊະຕຣາ ໄລ່ ຣາມິຣ ມານະ ແຕ ມູ່ ກາ ຕາປູນ ເຢຊູ ຣາມິຣ ຕີໂມທຽວ. ອິມເປ່ອ໌ ອັນ ລາ ກວາຍ ອິດຊະຣາ ເອລ ກາ ຊາອຳ ເຢຊູ ແຕ່. ມາ ອິມປໍ ຕີໂມທຽວ

\* 15:34 15:34 ຊາອິ້ຍ ປຶງ ປັຣນາຍ ຕຍາ ຕາ ເບີນ ເບີນ ຮານາ 34 ໄນ່.

ລາ ກວາຍ ກຣີກ. <sup>2</sup> ມຸ່ ກາ ຊາອຳ ເຢຊູ ຕຶ່ງ ມືອງ ລີຊະຕຣາ ກະ ມືອງ ອີໂກນິອົມ, ກູ່ ນະ ໄລ່ ຍ່ອງ ຕີໂມທຽວ ປາຍ ອັນ ລາ ກວາຍ ມັນຕັດ ລາລີ້. <sup>3</sup> ນະກ້ອຍ ໂປໂລ ຍິອ ອີ ເດິງ ຕີໂມທຽວ ເປາະ ກະ ໄລ່ ເຕ່. ມາ ອິນໂຍ່ງ ໄລ່ ລ້ອຣ ແຕ ມືອງ ກ້ອຍ, ໂປໂລ ໂອນ ຕີໂມທຽວ ຕະ ຮິດ ກິດ ຕາປູ່ນ ຄາ ນອດ ອິດຊະຣາເອລ. ໂປໂລ ຕະ ຮິດ ນະກ້ອຍ ຍ່ອນ ຊາອິ້ຍ ອິນຕຸ ໄລ່ ຍິອ ອີ ເປາະ ເບິນ ຊາອິ້ຍ ກວາຍ ອິດຊະຣາເອລ. ກະ ໂປໂລ ຄິດ ອົງເຄາະ ຕະ ຕາປູ່ນ ຮາງິຣ ໄລ່ ຍິອ, ຍ່ອນ ໄລ່ ດັງ ອິມປໍ ອັນ ລາ ກວາຍ ກຣີກ, ຕາ ແກິນ ກວາຍ ອິດຊະຣາ ເອລ. <sup>4</sup> ພໍກາ ໄລ່ ມູ່ດ ມັຣ ກາ ມືອງ, ໄລ່ ອາຕີ ມູ່ ກາ ຊາອຳ ເຢຊູ ມັຣ ຮານະ ມູ່ ກາ ເຢຊູ ຮຽຮ ປາຈຸ່ຣ ກະ ມັຣ ກວາຍ ຊົດ ມູ່ ກາ ຊາອຳ ເຢຊູ ຕຶ່ງ ມືອງ ເຢຣູຊາເລັມ ອິມປຣ່ອມ ເຈິ່ ໂອນ ກວາຍ ຕາ ແກິນ ກວາຍ ອິດຊະຣາເອລ ເຕ່ອໍ ຕາປູ່ນ ຮານະ ກ້ອຍ. <sup>5</sup> ນະກ້ອຍ ມູ່ ກາ ຊາອຳ ເຢຊູ ຕຶ່ງ ມັຣ ມືອງ ກ້ອຍ, ໄລ່ ຊາອຳ ລາລີ້ ແອັນ. ກະ ກູ່ ຮາໂງ ຊາອິ້ຍ ນະ ກວາ ຍ ມູ່ດ ຊາອຳ ນະ ໄລ່ ເຕ່.

ມານະ ແຕ ແຄງ ມາຫາໂດເນຍ ກູອໍ ໂປໂລ

<sup>6</sup> ຮາເວີຍ ເຢີງ ເຈົາຣາຊີ ຕາ ເບິນ ໂອນ ໂປໂລ ກະ ເຍົາ ອັນ ມູ່ດ ອາຕີ ປັຣນາຍ ອໍ ແຕ ເຢຊູ ກຣີ ດ ຕຶ່ງ ແຄງ ເອເຊຍ. ນະກ້ອຍ ໄລ່ ເປາະ ປໍ ມືອງ ພິເຄຍ ກະ ມືອງ ຄາລາເຕຍ. <sup>7</sup> ພໍກາ ໄລ່ ແຕ້ອໍ ຮາລັ່ນ ກຣວາງ ມີເຊຍ, ໄລ່ ຍິອ ອີ ມູ່ດ ຕຶ່ງ ແຄງ ປີທິເນຍ ແອັນ. ມາ ຮາເວີຍ ເຢີງ ເຈົາຣາຊີ ຕາ ໂອນ ໄລ່ ມູ່ດ ຕຶ່ງ ກ້ອຍ. <sup>8</sup> ນະກ້ອຍ ໄລ່ ເປາະ ອິມແປຣ ກຣວາງ ມີເຊຍ ມູ່ດ ຕຶ່ງ ມືອງ ໂທອາດ ແອັນ. <sup>9</sup> ພໍກາ ຊາເດົາ ເຢີງ ເຈົາຣາຊີ ອາປັຣ ໂອນ ໂປໂລ ເຮີມ ມານະ ແຕ ແຄງ ມາຫາໂດເນຍ. ກວາຍ ກ້ອຍ ຕາຍິ່ງ ກູໂກຣ໌ ໂຈະ ໂປໂລ ປາຍ: "ແຊອໍ ໄມ່ ແຕ້ອໍ ປໍ ແຄງ ມາຫາໂດເນຍ, ຈ່ອຍ ຮິ ແຮີ!"

<sup>10</sup> ພໍກາ ໂປໂລ ເຮີມ ມານະ ກ້ອຍ, ໂປໂລ ກະ ເຍົາ ອັນ, ກາ ເກົາ (ລາ ລູກາ), ອິນແຍະ ມັຣ ຮິ ຕາແບີ ປັຣຕີ່ ເປາະ ປໍ ແຄງ ມາຫາໂດເນຍ. ຮິ ຄິດ ໄກຣ ລາລີ້ ເຢີງ ເຈົາຣາຊີ ຍິອ ອີ ໂອນ ຮິ ເປາະ ປໍ ກ້ອຍ ອາຕີ ປັຣນາຍ ອໍ ແຕ ເຢຊູ ກຣີດ ຕຶ່ງ ກຣ ວາງ ກ້ອຍ ແອັນ.

ມັນແຊມ ຮາມິ້ຣ ລິເດຍ ຕາແບີ ຊາອຳ ເຢຊູ ກຣີດ

<sup>11</sup> ເຈິ່ ຮິ ຊ້ອຣ ຕຶ່ງ ຕົວະ ຊຳເປົ່າ ແຕ ມືອງ ໂທອາດ, ເປາະ ປໍ ໂບດ ຊາໂມທາທາ. ມາຣ ຕາໂງ ປັຣແນີ ແອັນ ຮິ ແຕ້ອໍ ປໍ ມືອງ ເນອາໂປລີ ຕຶ່ງ ແຄງ ມາຫາໂດເນຍ. <sup>12</sup> ພໍກາ ແຕ້ອໍ ມືອງ ກ້ອຍ, ຮິ ແຊງ ແຕ ຕົວະ ຊຳເປົ່າ, ເຈິ່ ເປາະ ປໍ ມືອງ ພິລິບ ປອຍ. ຮິ ເບິນ ແອິດ ຕຶ່ງ ມືອງ ກ້ອຍ ຕາ ດັງ ອິນ ຊີ ຕາໂງ. ມືອງ ພິລິບປອຍ ໄມ່ ລາ ມືອງ ປິດ ລາ ລີ້ ຕຶ່ງ ແຄງ ມາຫາໂດເນຍ, ກະ ເບິນ ກວາຍ ໂຣມ ແກິດ ຊົດ ຕຶ່ງ ມືອງ ກ້ອຍ. <sup>13</sup> ພໍກາ ແຕ້ອໍ ຕາ ໂງ ຮາລູ່ ຮິ ລ້ອຣ ແຕ ມືອງ ກ້ອຍ ແຕ້ອໍ ປໍ ປີ້ຣ ແຕ້ອໍ ຕູມ. ອິນຕຸ ໄມ່ ຈຸ່ມ ອິດຊະຣາເອລ ເກ້ຍ ເປາະ ໂຣມ ເກົາແຊອໍ. ຕຶ່ງ ອິນຕຸ ກ້ອຍ ຮິ ຕາກູ ກະ ອາຕີ ປັຣນາຍ ອໍ ແຕ ເຢຊູ ກຣີດ ໂອນ ມັຣ ມັນແຊມ ກາ ໂຣມ ປໍ ກ້ອຍ. <sup>14</sup> ແຕ ໄລ່ ກ້ອຍ ເບີ ນ ມານະ ມັນແຊມ ແຕ ມືອງ ທົວເຕຣາ, ຮາມິ້ຣ ລິເດຍ. ມັນແຊມ ໄມ່, ອັນ ຈິ ອາຣີ ຊີ່ ອາອູຍ ອໍ ລາລີ້. ອັນ ລາ ກວາຍ ຊາງ ເຢີງ ເຈົາຣາຊີ ເຕ່. ກະ ເຢີງ ເຈົາຣາຊີ ເປີຣ ຮາງິຣ ອັນ ໂອນ ຊາງັດ ລາລີ້ ມັຣ ປັຣນາຍ ໂປໂລ ອາຕີ. <sup>15</sup> ນະກ້ອຍ ມັນແຊມ ໄມ່ ກະ ອິນແຍະ ດຸງຊູ ອັນ ຮັບ ຮິດ ຕຶ່ງ ແຕ້ອໍ. ແວັດ ກ້ອຍ ອັນ ການິຍ ຮິ ປາຍ: "ຄັນ ເຍົາ ເຮີມ ປາຍ ເກົາ ເຈຍ ຊາອຳ ເຢຊູ ກຣີດ ອິນເຈົ້າ ໄຮ, ເກົາ ແຊອໍ ເຍົາ ມູ່ດ ແອິດ ຕຶ່ງ ດຸງ ເກົາ."

ມັນແຊມ ໄມ່ ແອິດ ແຊອໍ ເລືອຍໆ ໂອນ ຮິ ມູ່ດ ຕຶ່ງ ດຸງ ອັນ, ຍ່ອນ ນະກ້ອຍ ແຕ ຮິ ມູ່ດ ແອິດ ປໍ ດຸງ ອັນ.

ໂປໂລ ກະ ຊິລາ ແອິດ ຕຶ່ງ ກໍ່ອໍ ຕຶ່ງ ມືອງ ພິ ລິບປອຍ

<sup>16</sup> ເບິນ ມວຍ ຕາໂງ, ບັອງ ກາ ຮິ ເປາະ ປໍ ອິນຕຸ ຮິ ເກ້ຍ ໂຣມ ເກົາແຊອໍ, ຮິ ຮາມັຣ ມານະ ມັນແຊມ ນຸ່ມ ແກິດ ຊູລ ກະ ເບິນ ເຢີງ ຕາ ອໍ ຕຣວບ ອັນ. ມັນແຊມ ໄມ່ ລາ ມູ່ດ, ກະ ກູ່ ນະ ອິນເຈົ້າ ອັນ ເບິນ ຊາອິ້ຍ ປຣະ ເກົາ ແຕ ຮານະ ອັນ ຕະ. <sup>17</sup> ມັນແຊມ ໄມ່ ຕາປູ່ນ ໂປໂລ ກະ ຮິ, ກະ ອັນ ປາຍ ເຣ່ງ ລາລີ້ ນະໄມ່: "ກວາຍ ໄມ່ ຕະ ຮານະ ເຢີງ ເຈົາຣາຊີ, ກະ ໄລ່ ອາຕີ ເຍົາ ແຕ ຮານາ ເຢີງ ເຈົາຣາຊີ ຈ່ອຍ ອາ ມົງ ເຍົາ."

<sup>18</sup> ມັນແຊມ ໄມ່ ອາຕີ ນະກ້ອຍ ເລືອຍໆ ຊາອິ້ຍ ຕາໂງ ເຈິ່. ມາ ໂປໂລ ຊ້ອງ ຕາ ແມ່ນ ຕະ; ເຈິ່ ອັນ ລັບ ແມ່ ປໍ ມັນແຊມ ກ້ອຍ. ອັນ ປາຍ ໂຈະ ເຢີງ ຕາ ອໍ ກ້ອຍ ນະໄມ່: "ຍ່ອນ ຮາມິ້ຣ ເຢຊູ ກຣີດ ເກົາ ແປຣີ ໄມ່ ລ້ອຣ ແຕ້ ແຕ ຈະ ມັນແຊມ ໄມ່."

ພໍກາ ໂປໂລ ອາຕີ ນະກ້ອຍ, ເຢິງ ຕາ ອໍ ກ້ອຍ ລ້ອຣ ແຕ່ ແຕ ຈະ ມັນແຊມ ກ້ອຍ. 19 ພໍກາ ອິນ ເຈົ້າ ມັນແຊມ ກ້ອຍ ດັງ ໄລ່ ຕາ ເບີນ ເບີນ ນ້ອງ ປຣະ ເກົ້າ ແຕ ຮານະ ມັນແຊມ ກ້ອຍ ຕະ, ໄລ່ ໂກບ ໂປໂລ ກະ ຊິລາ. ເຈົ້ ໄລ່ ກາຕ້ອງ ບາຣ ນະ ກ້ອຍ ເດີງ ເປາະ ປີ ອິນຕຸ ກວາຍ ຊົດ ຊັຣຽງ. 20 ໄລ່ ຣາມັຣ ກວາຍ ຊົດ; ເຈົ້ ໄລ່ ອາຕີ ປາຍ: "ໄລ່ ບາຣ ນະ ໄມ່ ລາ ກວາຍ ແຕ ຈຸ່ມ ອິດຊະຣາເອລ. ຊາ ນຸ່ ໄລ່ ປັຣຕິ ກຼິງ ກວາຍ ຍາຍົວະ ຕິງ ເມືອງ ໄຮ. 21 ໄລ່ ອາຕີ ຮິດ ອິມພາ ແອັນ ແຕ ຄານອດ ເມືອງ ໄຮ. ໄຮ ລາ ກວາຍ ເມືອງ ໂຣມ, ຕາ ເຕ່ອ ຕາປູນ ມັຣ ກາ ໄລ່ ອາຕີ."

22 ກຼິງ ລາລີ້ ກວາຍ ໂຣ່ມ ຍິ່ອ ອີ ຕະ ໂປໂລ ກະ ຊິລາ. ກະ ກວາຍ ຊົດ ກ້ອຍ ແປຣີ ໂອນ ເມົ້າ ແຈອ ເກຣັງ ໄລ່; ເຈົ້ ວັດ ໄລ່ ບາຣ ນະ ກ້ອຍ ແຕ ຣາວັດ. 23 ໄລ່ ວັດ ຮັບ ລາລີ້, ເຈົ້ ໄລ່ ຍັດ ອາມູ່ດ ຕິງ ກໍ່ອ. ກະ ກວາຍ ຊົດ ປາຕັບ ອັນ ກາ ຕາລາ ກໍ່ອ ໂອນ ອັນ ກຍາອ ອໍ ລາລີ້ ບາຣ ນະ ກ້ອຍ. 24 ນະກ້ອຍ ກວາຍ ກາ ຕາລາ ກໍ່ອ ກ້ອຍ, ອັນ ໂຈະ ໂປໂລ ກະ ຊິລາ ຕິງ ມວຍ ກຸງ ກໍ່ອ ຈັບ ລາລີ້. ອັນ ຊາກັບ ໂຈະ ກາລົກ ຕິງ ອາເຢິງ ໄລ່.

25 ຊາເດົາ ກ້ອຍ ແຕ່ອ ດີດິກ, ໂປໂລ ກະ ຊິລາ ເກົ້າແຊອ ແຕ ເຢິງ ເຈົ້າຣາຊີ, ກະ ໄລ່ ລໍ່າ ຍ່ອງ ເຢິງ ເຈົ້າຣາຊີ. ມັຣ ກວາຍ ການໍອ ກາ ເມົ້າ ໂກບ ດໍອ ຕິງ ກໍ່ອ ກ້ອຍ ຊ້ອງ ໄລ່ ຕະ ນະກ້ອຍ. 26 ມາ ບ້ອງ ກາ ກ້ອຍ ແຕ່ ກູແຕອ ກູກິດ ຮັບ ລາລີ້. ກໍ່ອ ກ້ອຍ ແກັດ ຕັນດິຣ ອິນແຍ່ະ, ກະ ອິນແຍ່ະ ມັຣ ງັຣ ຕິງ ກໍ່ອ ກ້ອຍ ແກັດ ຣາເປີຣ. ອິນໄຊ ໂຊ ກາ ເມົ້າ ຊາກັບ ກວາຍ ກາ ເມົ້າ ໂກບ ດໍອ ຕິງ ກໍ່ອ ກ້ອຍ, ອັນ ແກັດ ຣາເກົ້າອ ອິນແຍ່ະ. 27 ພໍກາ ກວາຍ ກາ ກຍາອ ກໍ່ອ ກ້ອຍ ຕາເມີ, ອັນ ເຮີມ ງັຣ ຕິງ ແກັດ ຣາເປີຣ. ນະກ້ອຍ ອັນ ທອດ ດາວ ແຕ ຊອຣ ອັນ, ຍິ່ອ ອີ ຈັດ ຈະ ອັນ ເບີມ, ຍ່ອນ ອັນ ຄິດ ປາຍ ມັຣ ກວາຍ ກາ ເມົ້າ ໂກບ ດໍອ ຕິງ ກໍ່ອ ກ້ອຍ ຣາກັຣ ອິນແຍ່ະ ເຈົ້. 28 ມາ ໂປໂລ ປາຍ ເຣງ ລາລີ້: "ໄມ່ ອິນໂຈຍ ຢະ! ອິນແຍ່ະ ນະ ຮິ ອິນນ້ອງ ຕິງ ກໍ່ອ ໄມ່!"

29 ເຈົ້ ກວາຍ ກາ ກຍາອ ກໍ່ອ ກ້ອຍ ກູອ ໂອນ ເມົ້າ ເດີງ ຕາບອງ ໂອນ ປີ ອັນ. ອັນ ຕາລຸ່ຣ ປີ ໂປໂລ ກະ ຊິລາ ໄວ່ ລາລີ້. ອັນ ຊ້ອງ ເກຣັງ ລາລີ້ ກະ ກາໄກ່ຣ ແຮີ. ອັນ ກູ່ ຣາໂກລ ຢິຣ ເມືງ ໄລ່ ບາຣ ນະ ກ້ອຍ. 30 ອັນ ເດີງ ອາລ້ອຣ ໄລ່ ບາຣ

ນະ ກະ ອັນ ຕາເບີບ ໄລ່ ປາຍ: "ອາຈວາຍຣ ເອີຍ! ອິນເຕົ້າ ເກົ້າ ອິງເຄາະ ຕະ ໂອນ ເກົ້າ ເຕ່ອ ແວັດ ແຕ ຮານະ ໄລ່ຍຣ?"

31 ໄລ່ ຕາເອີຍ ປາຍ: "ອິງເຄາະ ໄມ່ ຊາອໍາ ເຢຊູ ກຣິດ ອິນເຈົ້າ ໄຮ; ເຈົ້ ໄມ່ ກະ ດຸງຊູ ໄມ່ ເບີນ ແວັດ ແຕ ຮານະ ໄລ່ຍຣ."

32 ແວັດ ກ້ອຍ, ໄລ່ ບາຣ ນະ ອາຕີ ອັນ ກະ ອິນ ແຍ່ະ ດຸງຊູ ອັນ ດັງ ປັຣນາຍ ອໍ ແຕ ເຢຊູ ກຣິດ.

33 ຊາເດົາ ກ້ອຍ ອິນນ້ອງ ດີດິກ, ກວາຍ ກາ ກຍາອ ກໍ່ອ ກ້ອຍ ເດີງ ຣາເຮົາ ປົວ ເບີ ໄລ່ ບາຣ ນະ. ແວັດ ອັນ ປົວ ເບີ, ເຈົ້ ອັນ ກະ ອິນແຍ່ະ ດຸງຊູ ອັນ ຮັບ ຮິດ ຕິງ ແດິອ. 34 ເຈົ້ ກ້ອຍ ອັນ ເດີງ ໂປໂລ ກະ ຊິລາ ມູ່ດ ຕິງ ດຸງ ອັນ, ກະ ອັນ ໂຈະ ໂອນ ໄລ່ ເກຣັງ ຊັຣນາ ຈາ. ອັນ ກະ ອິນແຍ່ະ ດຸງຊູ, ໄລ່ ຊ້ອງ ຮໍອ ລາລີ້ ຕິງ ຣາຼັຣ ໄລ່, ຍ່ອນ ໄລ່ ຊາອໍາ ເຢິງ ເຈົ້າຣາຊີ ເຈົ້.

35 ພໍກາ ປັງ ຕາຣິບ ປັຣແນີ, ມັຣ ກວາຍ ຊົດ ຕິງ ເມືອງ ກ້ອຍ ແປຣີ ກວາຍ ເປາະ ອາຕີ ອັນ ກາ ກຍາອ ກໍ່ອ ໂອນ ອັນ ອາໂຣຍຣ ໂປໂລ ກະ ຊິລາ.

36 ເຈົ້ ກວາຍ ກາ ກຍາອ ກໍ່ອ ກ້ອຍ ອາຕີ ລັຣ ໂປໂລ ປາຍ: "ມັຣ ກວາຍ ຊົດ ແປຣີ ໂອນ ເກົ້າ ອາໂຣຍຣ ເຍົາ. ຊານຸ່ ເຍົາ ລ້ອຣ ແຕ ໄມ່. ປີ ແລ່ະ ເຍົາ ອີ ເປາະ, ເຍົາ ເປາະ ອຽນ ອໍ."

37 ມາ ໂປໂລ ອາຕີ ລັຣ ໄລ່ ກາ ແຕ່ອ ເດີງ ປັຣ ນາຍ ກວາຍ ຊົດ ກ້ອຍ ປາຍ: "ຮິ ລາ ເມ່ນ ກວາ ຍ ເມືອງ ໂຣມ ເຕ່. ແຕ ອິນໂຍ່ງ ມັຣ ກວາຍ ຊົດ ຕາ ຢວາຣ ຣາດັງ ຮານະ ໄລ່ຍຣ ຮິ ຕະ, ມາ ກຸນເຕົ້າ ໄລ່ ປຍາຍຣ ຮິ ໂອນ ກວາຍ ກຼິງ ເຮີມ. ກະ ໄລ່ ໂຈະ ຮິ ຕິງ ກໍ່ອ. ຊານຸ່ ໄລ່ ຍິ່ອ ອີ ອາໂຣຍຣ ຮິ, ມາ ໄລ່ ຕະ ແກຣ່ະ ຕາ ໂອນ ກວາຍ ການໍອ ດັງ. ນະກ້ອຍ ຮິ ຕາ ເບີນ ປຣ່ອມ ກະ ມັຣ ກວາຍ ຊົດ ກາ ຕະ ນະໄມ່. ໄລ່ ຕະ ຕາ ໂກຣ ກະ ຮິ ລາ ກວາຍ ເມືອງ ໂຣມ. ຄັນ ໄລ່ ຍິ່ອ ອີ ອາໂຣຍຣ ຮິ ແຕ ກໍ່ອ ໄມ່, ອິງເຄາະ ໄລ່ ແຕ່ອ ອາໂຣຍຣ ເບີມ."

38 ເຈົ້ ໄລ່ ກາ ເດີງ ປັຣນາຍ ມັຣ ກວາຍ ຊົດ ກ້ອຍ, ໄລ່ ເຈົ້ ອາຕີ ລັຣ ກວາຍ ຊົດ ມັຣ ປັຣ ນາຍ ໂປໂລ ປາຕັບ ແຕ ໄລ່. ພໍກາ ມັຣ ກວາຍ ຊົດ ກ້ອຍ ຊ້ອງ ປາຍ ໂປໂລ ກະ ຊິລາ ເມ່ນ ກວາຍ ເມືອງ ໂຣມ ເຕ່, ນະກ້ອຍ ໄລ່ ຊ້ອງ ເກຣັງ ລາລີ້.

39 ເຈົ້ ມັຣ ກວາຍ ຊົດ ກ້ອຍ ເປາະ ປີ ກໍ່ອ ແຊອ ໄລ່ ຍຣ ໂປໂລ ກະ ຊິລາ, ກະ ແຊອ ໂອນ ໄລ່ ລ້ອຣ ແຕ ເມືອງ ກ້ອຍ. 40 ນະກ້ອຍ ໂປໂລ ກະ ຊິລາ ລ້ອຣ ແຕ ກໍ່ອ ກ້ອຍ ມູ່ດ ຕິງ ດຸງ ລິເດຍ. ຕິງ ດຸງ ກ້ອຍ ໄລ່ ໂຣ່ມ, ກະ ໄລ່ ອາເລີມ ມັຣ ມູ່ ກາ ຊາອໍາ ເຢຊູ.

ແວັດ ໄລ່ ອາຕີ ນະກ້ອຍ, ໄລ່ ບາຣ ນະ ລ້ອຣ ແຕ ມືອງ ກ້ອຍ.

# 17

ໂປໂລ ກະ ຊິລາ ຕິ່ງ ມືອງ ເທຊະໂລນິກ

1 ເຈີ່ ໂປໂລ ກະ ຊິລາ ເປາະ ເປຼຍ ມືອງ ອຳໂພໂລລີ ກະ ມືອງ ອາໂປໂລນີ ມູ່ດ ຕິ່ງ ມືອງ ເທຊະໂລນິກ. ຕິ່ງ ມືອງ ກ້ອຍ ເບີນ ມວຍ ດຸງ ຊາງ ກວາຍ ອິດຊະ ຣາເອລ. 2 ກູ່ ຕາໄງ ຣາລູ່ ໂປໂລ ທີ່ຍ ມູ່ດ ຕິ່ງ ດຸງ ຊາງ. ນະກ້ອຍ ອັນ ມູ່ດ ຕິ່ງ ດຸງ ຊາງ ມືອງ ກ້ອຍ. ໂປ ອາທິດ ຕິ່ງ ຕາໄງ ຣາລູ່ ໂປໂລ ອາຕີ ກວາຍ ກາ ໂຣ່ມ ກ້ອຍ ແຕ ປິ່ງ ປຣນາຍ ເຢີງ ເຈົາຣາຊີ. 3 ອັນ ອາຕີ ໂອນ ໄລ່ ດັງ ແຕ ກຣິດ, ອັນ ກາ ເຢີງ ເຈົາຣາ ຊີ ຣຽຣ ດໍອ ຈ່ອຍ ອາມັງ ກວາຍ, ອິງເຄາະ ຈີວ ຊາ ອິ່ຍ ຕຸ່ຣ ກັດ ກະ ຈີວ ກູຈິດ; ມາ ອັນ ເບີນ ອາມັງ ລ້ຣ. ນະກ້ອຍ ອັນ ອາຕີ ແອັນ ໂອນ ໄລ່ ກ້ອຍ ປາຍ: "ເຢຊູ ໄນ່, ອັນ ກາ ເກົາ ອາຕີ ໂອນ ເຍົາ ດັງ, ອັນ ແຕ່ ລາ ກຣິດ."

4 ເບີນ ກວາຍ ແຕ ຈຸ່ມ ອິດຊະຣາເອລ ກາ ຊາ ອຳ ປຣນາຍ ກ້ອຍ; ໄລ່ ຕາປູນ ຮານະ ໂປໂລ ກະ ຊິລາ. ກະ ກິ່ງ ກວາຍ ກຣິກ ແຮີ, ໄລ່ ກາ ຊາງັດ ຕາ ປູນ ເຢີງ ເຈົາຣາຊີ, ໄລ່ ຊາອຳ ເຢຊູ ແຕ່. ເບີນ ຊາ ອິ່ຍ ນະ ກວາຍ ມັນແຊມ ກາ ເມົາ ຢຳນັບ ຕິ່ງ ມືອງ ກ້ອຍ, ໄລ່ ຊາອຳ ແຕ່.

5 ມາ ເບີນ ກວາຍ ອິດຊະຣາເອລ ກາ ຕາ ແອອິ ອີ ຊາອຳ ປຣນາຍ ກ້ອຍ, ໄລ່ ຊ້ອງ ຊັຣແມງ ລາລີ່. ນະກ້ອຍ ໄລ່ ປາໂຣມ ມັຣ ກວາຍ ຕາ ອໍ ກະ ກວາ ຍ ຢຸ່ຣາ ເດີງ ເປາະ ຕະ ເຊີກ ກະ ກວາຍ ຕິ່ງ ມືອງ ກ້ອຍ. ໄລ່ ມູ່ດ ແຕ່ ຕິ່ງ ດຸງ ຢາຊົນ, ຈໍອ ໂປໂລ ກະ ຊິລາ. ໄລ່ ຢິອ ອີ ເດີງ ໄລ່ ບາຣ ນະ ກ້ອຍ ປິ ມູ່ ໄລ່.

6 ມາ ພໍກາ ໄລ່ ຕາ ເບີນ ຣາມັຣ ໂປໂລ ກະ ຊິລາ ຕິ່ງ ດຸງ ກ້ອຍ, ໄລ່ ຣອຣ ຢາຊົນ ກະ ກວາຍ ການໍອ ແຕ ມູ່ ກາ ຊາອຳ ເຢຊູ, ໂອນ ໄລ່ ແອິດ ຕາຢິ່ງ ຢິ່ຣ ມືງ ກວາຍ ຊົດ ມືອງ ກ້ອຍ. ເຈີ່ ໄລ່ ປາຍ ເຣ່ງ ລາລີ່ ນະໄນ່: "ບາຣ ນະ ໄລ່ ກ້ອຍ ມູ່ດ ກຣວາງ ອາແລະ, ໄລ່ ຕະ ເຊີກ ຕິ່ງ ກຣວາງ ອາກ້ອຍ. ຊານໍ ໄລ່ ມູ່ດ ຕິ່ງ ມືອງ ໄຣ ແອັນ. 7 ເຈີ່ ຢາຊົນ ໄນ່, ອັນ ໂອນ ໄລ່ ບາຣ ນະ ກ້ອຍ ແອິດ ຕິ່ງ ດຸງ ອັນ. ອິນແຍ່ະ ໄລ່ ຕັຣ ຊ້ອງ ຄານອດ ເຕົາວ ປັຣເຍົາ ໄຣ, ກະ ໄລ່ ອາຕີ ເບີນ ເຕົາວ ປັຣເຍົາ ການໍອ ແອັນ ຊົດ ອິນ ແຍ່ະ ມັຣ ກຣວາງ. ເຕົາວ ປັຣເຍົາ ໄນ່ ລາ ຣາມັຣ ເຢຊູ."

8 ປຣນາຍ ໄລ່ ກາ ຕູນ ກ້ອຍ ແກິດ ແບູງ ລາ ລີ່. ພໍກາ ມັຣ ກວາຍ ກິ່ງ ກ້ອຍ ກະ ມັຣ ກວາຍ ຊົດ ກ້ອຍ ຊ້ອງ ປຣນາຍ ໄລ່, ຣາງິຣ ອິນແຍ່ະ ມັຣ ກວາຍ ກ້ອຍ ຊ້ອງ ກັດ ລາລີ່. 9 ເຈີ່ ໄລ່ ແປຣີ ອິງ ເຄາະ ຢາຊົນ ກະ ກວາຍ ການໍອ ແຕ ມູ່ ກາ ຊາອຳ ເຢຊູ ກ້ອຍ ໂອນ ປຣະ ປິ ກວາຍ ຊົດ, ດໍອ ໂອນ ຕາ ເບີນ ແກິດ ເຊີກ ມ້ອງ. ແວັດ ກ້ອຍ ກວາຍ ຊົດ ອາໂຣຍຣ ໂອນ ໄລ່ ເຈົາ.

ໂປໂລ ກະ ເຍົາ ອັນ ແອິດ ຕິ່ງ ມືອງ ເບຣຍ  
10 ເຈີ່ ແຕ່ອິ ຊາເດົາ ກ້ອຍ, ມູ່ ກາ ຊາອຳ ເຢຊູ ໂອນ ໂປໂລ ກະ ຊິລາ ເປາະ ປິ ມືອງ ເບຣຍ ແອັນ. ພໍກາ ໄລ່ ແຕ່ອິ ມືອງ ເບຣຍ, ໄລ່ ມູ່ດ ແຕ່ ຕິ່ງ ດຸງ ຊາງ ກວາຍ ອິດຊະຣາເອລ. 11 ກວາຍ ອິດຊະ ຣາເອລ ແອິດ ຕິ່ງ ມືອງ ກ້ອຍ ເບີນ ຣາງິຣ ຢິອ ອີ ຊາງັດ ກາເລີຍ ແຕ ກວາຍ ຕິ່ງ ມືອງ ເທຊະໂລນິກ. ໄລ່ ຊາງັດ, ກະ ໄລ່ ຢິອ ອີ ດັງ ແຈງ ແຕ ປຣນາຍ ເຢີງ ເຈົາຣາຊີ. ນະກ້ອຍ ໄລ່ ຣຍານ ປິ່ງ ປຣນາຍ ເຢີງ ເຈົາຣາຊີ ກູ່ ຣາໄງ ຢິອ ອີ ດັງ ປຣນາຍ ໂປໂລ ອາຕີ ປາຍ ລາລີ່ ມາ ຕາ ເບີນ ແຕ ປຣນາຍ ເຢີງ ເຈົາຣາຊີ. 12 ກິ່ງ ກວາຍ ອິດຊະຣາເອລ ຕິ່ງ ມືອງ ກ້ອຍ ຊາອຳ ເຢຊູ ກຣິດ, ກະ ກິ່ງ ກວາຍ ກຣິກ ແຮີ, ກາ ມັນແຊມ, ກາ ຣາເລົາ, ໄລ່ ກາ ເມົາ ທີ່ຍ ຢຳນັບ ຕິ່ງ ມືອງ ກ້ອຍ. 13 ມາ ພໍກາ ຈຸ່ມ ອິດຊະ ຣາເອລ ຕິ່ງ ມືອງ ເທຊະໂລນິກ ຊ້ອງ ໂປໂລ ອາຕີ ປຣນາຍ ເຢີງ ເຈົາຣາຊີ ຕິ່ງ ມືອງ ເບຣຍ ແອັນ, ໄລ່ ເປາະ ຕາປູນ ປິ ມືອງ ເບຣຍ ແຕ່. ກະ ໄລ່ ຍູ ຍົວະ ກິ່ງ ກວາຍ ໂອນ ໄລ່ ກ້ອຍ ແອັນ ຕະ ໂປໂລ. 14 ນະກ້ອຍ ມູ່ ກາ ຊາອຳ ເຢຊູ ຕິ່ງ ມືອງ ກ້ອຍ ໂອນ ໂປໂລ ລ້ອຣ ແຕ່, ເປາະ ປິ ປິຣ ແຕ່ອິ ທາເລ. ມາ ຊິລາ ກະ ຕີໂມທຽວ ອິນນ້ອງ ແອິດ ຕິ່ງ ມືອງ ເບຣຍ. 15 ເບີນ ກວາຍ ເປາະ ອາຊວຍ ໂປໂລ ແຕ່ອິ ປິ ມືອງ ອາແທນ ແອັນ. ພໍກາ ໄລ່ ລົບ ລ້ຣ ປິ ມືອງ ໄລ່, ໂປໂລ ປາຕັບ ໄລ່ ໂອນ ອາຕີ ຊິລາ ກະ ຕີໂມທຽວ ໂອນ ໄລ່ ແຕ່ອິ ຕາປູນ ອັນ ມາແລະ ແຕ່ອິ ໄລ່ ແຕ່ອິ.

ໂປໂລ ອາຕີ ຕິ່ງ ມືອງ ອາແທນ  
16 ບັອງ ກາ ໂປໂລ ແອິດ ທຣາະ ໄລ່ ບາຣ ນະ ຊິລາ ກະ ຕີໂມທຽວ ຕິ່ງ ມືອງ ອາແທນ, ອັນ ເຮີມ ຕິ່ງ ມືອງ ກ້ອຍ ເບີນ ຊາອິ່ຍ ຮູ່ບ ເຢີງ ກາ ເມົາ ຊາງ. ເຈີ່ ຣາງິຣ ອັນ ຊ້ອງ ຕຸ່ຣ ລາລີ່. 17 ນະກ້ອຍ ໂປໂລ ອາຕີ ເລືອຍາ ຕິ່ງ ດຸງ ຊາງ ກວາຍ ອິດຊະ

ຮາເອລ. ອັນ ອາຕີ ກວາຍ ອິດຊະຮາເອລ ກະ ມັຮ ກວາຍ ການໍ້ອ ກາ ຢຳມັບ ເຢີງ ເຈົາຮາຊີ ແຮີ. ກະ ກູ່ ຮາໂງ ໂປໂລ ອາຕີ ໂອນ ມັຮ ກວາຍ ຕິ່ງ ຕາລາດ ເມືອງ ກ້ອຍ. <sup>18</sup> ເຈີ້ ແຕ້ອ ປີ ອັນ ກວາຍ ແຕ ມູ່ ເອປີກູຣຽວ ກະ ມູ່ ຊະໂຕອິກ. ບາຣ ມູ່ ກ້ອຍ ຢິ້ອ ອີ ຣຍານ ແຕ ມັຮ ຮານະ ແຄວ້ ຕິ່ງ ແດີຍ ໄມ່. ໄລ່ ກ້ອຍ ປາຍ ແຕ ໂປໂລ ນະໄມ່: "ອັນ ໄມ່ ລາ ກວາຍ ຊາກູລ. ອັນ ອາຕີ ຕາ ແກ້ດ ກູອງ."

ມາ ກວາຍ ການໍ້ອ ປາຍ: "ອິງກ້ອຍ ປຍາຍ໌ ອັນ ອາຕີ ແຕ ເຢີງ ກາ ໄຮ ຕາ ຢວາຣ ດັງ."

ໄລ່ ປາຍ ນະກ້ອຍ ຍ່ອນ ໂປໂລ ອາຕີ ແຕ ເຢຊູ, ກະ ອັນ ອາຕີ ແຕ ກວາຍ ກາ ກູຈິດ ເຈີ້ ແກ້ດ ອາມັງ ລັຣ. <sup>19</sup> ກວາຍ ກ້ອຍ ເດີງ ອາຊວຍ ໂປໂລ ແຕ້ອ ມວຍ ອິນຕຸ ກວາຍ ຊົດ ເກີ້ຍ ອີ ຊັຣຮົງ. ອິນຕຸ ໄມ່ ລາ ຕິ່ງ ກັຮ ອາເຣໂອປາໂຄ. ໄລ່ ກ້ອຍ ອາຕີ ໂປໂລ ປາຍ: "ຮີ ຢິ້ອ ອີ ດັງ ແຈງ ລາລີ້ ປັຣນາຍ ຕາໄມ ກາ ໄມ່ ອາຕີ ໄມ່ ລາ ປັຣນາຍ ອິນເຕ້າ. <sup>20</sup> ຮີ ຊັນຕັຣ ຊ້ອງ ຕິ່ງ ຮາງັຮ ຮີ ປັຣນາຍ ໄມ່ ຕະ ອິນຕີ ນະໄມ່; ຮີ ຢິ້ອ ອີ ດັງ ອິນແຍ່ະ ແຕ ປັຣນາຍ ໄມ່."

<sup>21</sup> (ມັຮ ກວາຍ ອາແທນ, ກະ ມັຮ ກວາຍ ການໍ້ອ ກາ ແອິດ ຕິ່ງ ເມືອງ ກ້ອຍ, ພໍກາ ໄລ່ ກ້ອຍ ຊ້ອງ ປັຣນາຍ ຕາໄມ, ໄລ່ ຢິ້ອ ລາລີ້ ອີ ຊັຣຮົງ ແຕ ປັຣນາຍ ກ້ອຍ. ໄລ່ ອາລັຣ ອີ ຕະ ນ້ອງ ຮານະ ການໍ້ອ.)

<sup>22</sup> ນະກ້ອຍ ໂປໂລ ຕາ ຢິ່ງ ຕິ່ງ ກັຮ ອາເຣໂອປາໂຄ ກະ ອາຕີ ໄລ່ ປາຍ: "ກວາຍ ແອິດ ຕິ່ງ ເມືອງ ອາແທນ ໄມ່ ເອີຍ! ເກົາ ເຮີມ ເຈີ້ ເຍົາ ຊາງ ກຣັກ ລາລີ້ ເຢີງ ເຍົາ. <sup>23</sup> ຍ່ອນ ບ້ອງ ກາ ເກົາ ເປາະ ຕິ່ງ ເມືອງ ເຍົາ, ເກົາ ເຮີມ ຊາອິ້ຍ ລາລີ້ ຊັນເຕຣີງ ຮິດ ເຍົາ ຊາງ ຊາອິ້ຍ ຮາມິ້ຮ ເຢີງ. ກະ ເກົາ ເຮີມ ມວຍ ຊັນເຕຣີງ ຮິດ ເມົາ ຄຽນ ປັຣນາຍ ຕິ່ງ ກ້ອຍ, ປາຍ: 'ຊັນເຕຣີງ ໄມ່ ລາ ຊັນເຕຣີງ ຮິດ ເຢີງ ເມົາ ຕາ ຢວາຣ ດັງ ຮາມິ້ຮ ອັນ.' ນະກ້ອຍ ເຢີງ ໄມ່ ເຍົາ ອີ ຊາງ, ມາ ເຍົາ ຕາ ຢວາຣ ດັງ. ຮາມິ້ຮ ເຢີງ ໄມ່ ເກົາ ອີ ອາຕີ ເຍົາ. <sup>24</sup> ເຢີງ ໄມ່ ລາ ເຢີງ ເຈົາຮາຊີ. ອັນ ແຕງ ມັນລ້ອງ, ກະ ອັນ ແຕງ ອິນແຍ່ະ ກູ່ ຮາມິ້ຮ ຕິ່ງ ປືນ ມັນລ້ອງ ກຣຸ່ ໄມ່. ອັນ ຊົດ ອິນແຍ່ະ ມັຮ ຮາມິ້ຮ ຕິ່ງ ແປັງ ມັນລ້ອງ ກະ ຕິ່ງ ປືນ ມັນລ້ອງ. ອັນ ຕາ ເບີນ ແອິດ ຕິ່ງ ຊັນເຕຣີງ ຮິດ ກາ ອາຕີ ກວາຍ ຕະ. <sup>25</sup> ໄຮ ຕາ ແຕ້ອ ຕະ ອິນເຕ້າ ຈ່ອຍ ໂອນ ເຢີງ ເຈົາຮາຊີ, ຍ່ອນ ອັນ ຕາ ເບີນ ແອິ ອິນເຕ້າ. ເຢີງ ເຈົາຮາຊີ ໂອນ ໄຮ ອາມັງ, ກະ ໂອນ ໄຮ ແຕ້ອ ຕາງິ້ຮ. ກະ

ອັນ ແຕງ ອິນແຍ່ະ ຮາມິ້ຮ ໂອນ ມັຮ ກວາຍ ເບີນ. <sup>26</sup> ເຢີງ ເຈົາຮາຊີ ແຕງ ອິນແຍ່ະ ມັຮ ຈຸ່ມ ກວາຍ ລາ ແກ້ດ ແຕ ມານະ ຊ້ອງ. ກະ ເຢີງ ເຈົາຮາຊີ ໂອນ ມັຮ ຈຸ່ມ ກວາຍ ໄມ່ ແອິດ ກູ່ ກຣວາງ ຕິ່ງ ກູແຕອ໌ ໄມ່. ແອັງ ເຢີງ ເຈົາຮາຊີ ແຕ້ ມັດ ດໍອ໌ ໂອນ ກູ່ ຈຸ່ມ ກວາຍ, ຕາໂງ ໄລ່ ແຕ້ອ ກະ ອິນຕຸ ໄລ່ ແອິດ, ແຕ ອິນໂຍ່ງ ຈຸ່ມ ກ້ອຍ ຕາ ຢວາຣ ເບີນ. <sup>27</sup> ເຢີງ ເຈົາຮາຊີ ຕະ ນະກ້ອຍ, ລາ ໂອນ ອິນແຍ່ະ ມັຮ ກວາຍ ຈາຈໍ້ອ໌ ກະ ຮາມິ້ຮ ອັນ. ມາ ເຢີງ ເຈົາຮາຊີ ຕາ ເບີນ ແອິດ ເຢີງ ແຕ ໄຮ. <sup>28</sup> ຍ່ອນ ເຢີງ ເຈົາຮາຊີ ແຕ້ ແຕ ໄຮ ເບີນ ອາມັງ; ປູເປາະ, ກະ ຕູຕະ. ຮາມິ້ຮ ໄມ່ ລາ ນະ ກວາຍ ແຕ ມູ່ ເຍົາ ຄຽນ ປາຍ: 'ຍ່ອນ ເຢີງ ແຕງ ໄຮ, ນະກ້ອຍ ໄຮ ແກ້ດ ກອນ ອັນ.' <sup>29</sup> ຄຸ້ນ ໄຮ ແກ້ດ ກອນ ເຢີງ ເຈົາຮາຊີ, ໄຮ ອິນໂຈຍ ຄິດ ເຢີງ ເຈົາຮາຊີ ລາ ນະ ເມົາ ຕະ ຮຸ່ບ ແຕ ແຢງ, ແຕ ປຣະ, ກະ ແຕ ຕາ ເມົາ. ອິນແຍ່ະ ຮາມິ້ຮ ໄມ່ ລາ ກວາຍ ຈຸງ ຄິດ ແຕ ຮາງິ້ຮ ໄລ່ ເບີມ. <sup>30</sup> ມາ ແຕ ອິນໂຍ່ງ ເຢີງ ເຈົາຮາຊີ ແຕ ຊ້ອງ ໄລ່ ຕະ ຮານະ ນະກ້ອຍ. ໄລ່ ຕາ ຢວາຣ ດັງ ຊາອິ້ຍ ມາແລະ. ມາ ຊານໍ້ ເຢີງ ເຈົາຮາຊີ ອາຕີ ໂອນ ອິນແຍ່ະ ມັຮ ກວາຍ ດັງ ອິງເຄາະ ໄລ່ ຕັຣ ຮາງິ້ຮ ຕຍາ ປຽນ ແກ້ດ ຮາງິ້ຮ ຕາໄມ ແອັນ. <sup>31</sup> ຍ່ອນ ເຢີງ ເຈົາຮາຊີ ຮຽຮ ຕາໂງ ເຈີ້ ປີ ເມົາ ອີ ໂອນ ມານະ ກາ ອັນ ຮຽຮ ເຈີ້ ຕັດຊິນ ຕານ້ອງ ອິນແຍ່ະ ມັຮ ກວາຍ. ເຢີງ ເຈົາຮາຊີ ໂອນ ເຢຊູ ອາມັງ ລັຣ ໂອນ ເມົາ ດັງ ແຈງ ລາລີ້ ອັນ ຮຽຮ ເຢຊູ ດໍອ໌ ຕັດຊິນ ໂອນ ປຍາຍ໌ ອິນແຍ່ະ ມັຮ ກວາຍ."

<sup>32</sup> ພໍກາ ເມົາ ຊ້ອງ ປັຣນາຍ ໂປໂລ ປາຍ ກວາຍ ກູຈິດ ແຕ້ອ ອາມັງ ລັຣ, ເບີນ ອັນ ກາ ອາເຢ ພາ ມາດ ໂປໂລ. ມາ ເບີນ ອັນ ກາ ປາຍ: "ອິນຕຸນ ຮີ ຢິ້ອ ອີ ຊາງັດ ແອັນ ປັຣນາຍ ໄມ່."

<sup>33</sup> ແວັດ ກ້ອຍ ໂປໂລ ລ້ອຣ ແຕ ອິນຕຸ ກ້ອຍ. <sup>34</sup> ມາ ເບີນ ກວາຍ ແຕ ມູ່ ກ້ອຍ ຊາງັດ ກະ ຊາອໍາ, ກະ ໄລ່ ເປາະ ກະ ໂປໂລ ແຮີ. ມານະ ແຕ ກວາຍ ໄມ່ ຮາມິ້ຮ ດີໂອນິຊີໂອ. ອັນ ລາ ແຕ ກວາຍ ຊົດ ກາ ເກີ້ຍ ຊັຣຮົງ ຕິ່ງ ກັຮ ອາເຣໂອປາໂຄ. ກະ ເບີນ ມານະ ມັນແຊມ ແຮີ ຊາອໍາ ແຕ່. ຮາມິ້ຮ ອັນ ລາ ດາມາຣີ. ກະ ເບີນ ກວາຍ ການໍ້ອ ແອັນ, ໄລ່ ຊາອໍາ ເຢຊູ ແຕ່.

18

ໂປໂລ ຕິ່ງ ເມືອງ ໂກຣິນໂທ



1 ແວ້ດ ກ້ອຍ ໂປໂລ ລ້ອຣ ແຕ ເມືອງ ອາແທນ ມູ່ດ ຕຶງ ເມືອງ ໂກຣິນໂທ ແອັນ. 2 ຕຶງ ເມືອງ ກ້ອຍ ອັນ ຣາມິຣ ມານະ ແຕ ຈຸ່ມ ອິດຊະຣາເອລ, ຣາມິຣ ອາກິລາ. ອັນ ລາ ແຕ ແຄງ ປົນໂຕ. ກະ ລາ ກວຍ ອັນ ລາ ຣາມິຣ ປີຊະກິລາ. ໄລ່ ບາຣ ນະ ລາ ກວຍ ກາຢາຣ໌ ຕາແປ ແຕ້ອ໌ ແຕ ກຣວງ ອິຕາລີ, ຍ່ອນ ເຕົາວ ປັຣເຍົາ ກະລາວດີໂອ ຕູ່ຍຣ ອາລ້ອຣ ອິນແຍ່ະ ຈຸ່ມ ອິດຊະຣາເອລ ແຕ ເມືອງ ໂຣມ ຕຶງ ກຣວງ ອິຕາລີ. ນະກ້ອຍ ບາຣ ນະ ລາກວຍ ກາຢາຣ໌ ລ້ອຣ ແຕ ກຣວງ ກ້ອຍ, ມູ່ດ ຕຶງ ເມືອງ ໂກຣິນໂທ ແອັນ. ເຈ້ ໂປໂລ ເປາະ ຊາຣ໌ຣ ບາຣ ນະ ກ້ອຍ. 3 ອັນ ມູ່ດ ແອິດ ກະ ໄລ່, ຍ່ອນ ໄລ່ ບາຣ ນະ ຕະ ຣານະ ມູເຈິງ ໂປໂລ ແຕ່. ໄລ່ ຕະ ດຸງ ແຕ ອາຣິ; ເຈ້ ຈິ ໂອນ ເປັນ ເກຣິງ ຣາແວ້ຣ ຈາ. 4 ກູ່ ຕາໄງ ຣາລູ່ ໂປໂລ ອາຕິ ເລືອຍໆ ຕຶງ ດຸງ ຊາງ ກວາຍ ອິດຊະຣາເອລ, ໂອນ ກວາຍ ອິດຊະຣາເອລ ກະ ກວາຍ ກຣິກ. ອັນ ປັຣຕິ ເດິງ ໄລ່ ຊາອຳ ເຢຊູ ກຣິດ.

5 ພໍກາ ຊິລາ ກະ ຕົໂມທຽວ ແຊງ ແຕ ແຄງ ມາເກໂດເນຍ, ໂປໂລ ກູຕົງ ອາຕິ ຈຸ່ມ ອິດຊະຣາເອລ ໂອນ ໄລ່ ດັງ ແຈງ ເຢຊູ ລາ ກຣິດ ອັນ ກາ ໄລ່ ແອິດ ເກຣາະ, ລາ ກວາຍ ກາ ເຢິງ ເຈ້າຣາຊິ ຮຽຮ ໂອນ ຈ່ອຍ ອາມົງ ໄລ່. 6 ມາ ຈຸ່ມ ອິດຊະຣາເອລ ເມືອງ ກ້ອຍ, ໄລ່ ຕາ ຍິຣ໌ ອິ ຊາງັດ ກະ ໄລ່ ພາມາດ ໂປໂລ. ນະກ້ອຍ ໂປໂລ ຕາຕຽຣ ມັຣ ກາ ບຣິຣ ແຕ ກົນ ອາຍ້ອຣ ອັນ, ຕະ ໂອນ ເມ້າ ດັງ ປາຍ ໂຕດ ໄລ່ ໂອນ ໄລ່ ຮັບ ເປັນ. ກະ ໂປໂລ ອາຕິ ໄລ່ ປາຍ: "ຄັນ ເຍົາ ຕາ ແອອ໌ ຣາເວ້າຍ ເຍົາ ແອິດ ອາມົງ ເລືອຍໆ ກະ ເຢິງ ເຈ້າຣາຊິ, ຕາມ ເຍົາ. ເກົາ ແວ້ດ ເຈ້ ອິມໂປລ ກະ ເຍົາ. ຊານໍ ເກົາ ເປາະ ອາຕິ ກວາຍ ຕາ ແກິນ ກວາຍ ອິດຊະຣາເອລ ແອັນ."

7 ເຈ້ ໂປໂລ ລ້ອຣ ແຕ ໄລ່ ກ້ອຍ ມູ່ດ ຕຶງ ດຸງ ຕິໂຢ ຢູຊະໂຕ. ອັນ ລາ ຕາ ແກິນ ກວາຍ ອິດຊະຣາເອລ ມາ ອັນ ຊາງ ເຢິງ ເຈ້າຣາຊິ ແຕ່. ກະ ດຸງ ອັນ ແອິດ ແຈ່ະ ດຸງ ຊາງ ກວາຍ ອິດຊະຣາເອລ. 8 ເປັນ ມານະ ແອັນ ຣາມິຣ ກິຊະໂປ. ອັນ ລາ ກວາຍ ຕາລາ ດຸງ ຊາງ ກວາຍ ອິດຊະຣາເອລ ກ້ອຍ. ອັນ ກະ ອິນແຍ່ະ ດຸງຊູ ອັນ ຊາອຳ ອິນເຈ້າ ໄຣ. ກະ ເປັນ ກຶງ ກວາຍ ໂກຣິນໂທ ການໍອ໌, ໄລ່ ຊ້ອງ ປັຣນາຍ ອໍ ແຕ ເຢຊູ ກຣິດ; ເຈ້ ໄລ່ ຊາອຳ ກະ ຮັບ ຮິ່ດ ຕຶງ ແຕ້ອ໌.

9 ເປັນ ມວຍ ຊາເດົາ, ເຢິງ ເຈ້າຣາຊິ ອາປັຣ ໂອນ ໂປໂລ ເຮິມ ເຢຊູ ກຣິດ. ກະ ເຢຊູ ອາຕິ ອັນ ປາຍ: "ໄມ່ ອິນໂຈຍ ອິງກ້ອຣ ອິນເຕົາ. ອິງເຄາະ

ໄມ່ ອາຕິ ເລືອຍໆ ປັຣນາຍ ແຕ ເກົາ. ໄມ່ ອິນໂຈຍ ກູແມມ ແບອ໌ ໄມ່. 10 ຍ່ອນ ເກົາ ແອິດ ເລືອຍໆ ກະ ໄມ່. ກວາຍ ການໍອ໌ ຕາ ແຕ່ອ໌ ຕະ ອິນເຕົາ ກະ ໄມ່. ຍ່ອນ ເກົາ ເປັນ ກຶງ ກວາຍ ຕຶງ ເມືອງ ໄມ່."

11 ນະກ້ອຍ ໂປໂລ ແອິດ ຕຶງ ເມືອງ ກ້ອຍ ອິນແຍ່ະ ມວຍ ກູມໍ ຕາຕິ, ກະ ອັນ ອາຕິ ເລືອຍໆ ປັຣນາຍ ເຢິງ ເຈ້າຣາຊິ.

12 ບັອງ ກາ ຄາລີໂອ ແກິດ ຊົດ ຕຶງ ແຄງ ອະຄາຢາ, ເປັນ ກວາຍ ແຕ ຈຸ່ມ ອິດຊະຣາເອລ ຄິດ ຍິຣ໌ ອິ ຕະ ໂປໂລ. ນະກ້ອຍ ໄລ່ ເດິງ ອາຊວຍ ໂປໂລ ແຕ້ອ໌ ປິ ຄາລີໂອ ໂອນ ອັນ ຕັດຊິນ. 13 ກວາຍ ກ້ອຍ ຕູນ ໂປໂລ ປາຍ: "ກວາຍ ໄມ່ ອາຕິ ຍິຣ໌ ອິ ໂອນ ເມ້າ ຊາງ ເຢິງ ເຈ້າຣາຊິ, ມາ ຕາ ເປັນ ຕາປູນ ຄານອດ ຮິ."

14 ແຕ້ອ໌ ໂປໂລ ອິ ຕາແອິຍ ປັຣນາຍ ກ້ອຍ, ຄາລີໂອ ອາຕິ ແຕ່ ໂອນ ຈຸ່ມ ອິດຊະຣາເອລ ກ້ອຍ ປາຍ: "ມູ່ ເຍົາ ອິດຊະຣາເອລ ເອິຍ! ຄັນ ມານະ ໄມ່ ມາ ອັນ ຕູຕວຍ໌, ແຕ້ລາ ກາຈິດ ກວາຍ, ແຕ້ລາ ຕະ ຣານະ ຕາ ອໍ ການໍອ໌, ແຕ້ອ໌ ເກົາ ຕັດຊິນ ໂອນ ເຍົາ. 15 ມາ ຄັນ ເຍົາ ອວານ ແຕ ອັນ ຍ່ອນ ອັນ ອາຕິ ປັຣນາຍ ອິມພາ ແຕ ຄານອດ ເຍົາ, ຕາມ ເຍົາ. ເກົາ ຕາ ແອອ໌ ອິ ຕັດຊິນ ຣານະ ໄມ່."

16 ນະກ້ອຍ ກວາຍ ຊົດ ກ້ອຍ ຕູ່ຍຣ ອາລ້ອຣ ໄລ່ ແຕ ອັນ. 17 ເຈ້ ກວາຍ ກຶງ ກ້ອຍ, ໄລ່ ໂກບ ໂຊຊະເທນ ແອັນ. ໂຊຊະເທນ ລາ ກວາຍ ຕາລາ ດຸງ ຊາງ ກວາຍ ອິດຊະຣາເອລ ຕຶງ ເມືອງ ກ້ອຍ. ໄລ່ ປຍາຍຣ ອັນ ຍິຣ໌ ເມືງ ກວາຍ ຊົດ. ມາ ຄາລີໂອ ຕະ ນະ ຕາ ເປັນ ເຮິມ.

ໂປໂລ ເຈ້າ ລ້ອຣ ປິ ເມືອງ ອັນຕິໂອເຄຍ ຕຶງ ແຄງ ຊິເຣຍ

18 ເຈ້ ໂປໂລ ແອິດ ຕຶງ ເມືອງ ໂກຣິນໂທ ດູ່ນ ຕາໄງ. ອິນຕູ່ນ ກ້ອຍ ອັນ ກູບັນ ກູຊວານ ມູ່ ກາ ຊາອຳ ເຢຊູ ປິ ກ້ອຍ; ເຈ້ ອັນ ເປາະ ປິ ເມືອງ ຫັນເຄໂອ ແອັນ. ອາກິລາ ກະ ປີຊະກິລາ ເປາະ ກະ ອັນ ປິ ກ້ອຍ ແຕ່. ຕຶງ ເມືອງ ຫັນເຄໂອ ກ້ອຍ, ໂປໂລ ແທແປຼ ອັນ ອາລຸງ ອິນແຍ່ະ, ຕະ ໂອນ ເມ້າ ດັງ ອັນ ເອິຣ໌ ກະ ເຢິງ ເຈ້າຣາຊິ ຕະ ມວຍ ຣາມິຣ. ແວ້ດ ກ້ອຍ, ໄລ່ ໄປ ນະ ຊ້ອຣ ຕຶງ ຕົວະ ຊຳເປົ່າ ເປາະ ປິ ແຄງ ຊິເຣຍ ແອັນ. 19 ພໍກາ ໄລ່ ແຕ້ອ໌ ປິ ເມືອງ ເອເພໂຊ, ໂປໂລ ເປາະ ອິມພາ ຣານາ ແຕ ອາກິລາ ກະ ປີຊະກິລາ. ເຈ້ ອັນ ມູ່ດ ຕຶງ ດຸງ ຊາງ ກວາຍ ອິດຊະຣາເອລ, ກະ ອັນ ອາຕິ ຈຸ່ມ ອິດຊະຣາເອລ ຕຶງ ດຸງ ຊາງ ກ້ອຍ. 20 ໄລ່ ກ້ອຍ ແຊຣ໌ ອັນ ແອິດ

ດູ່ນ ກະ ໄລ່, ມາ ອັນ ກຸນເຕົາ ອີ ເປາະ ປີ ການໍ້ອໍ ແອັນ. <sup>21</sup> ແຕ້ອໍ ອັນ ລໍ້ອຣ ແຕ ໄລ່, ອັນ ປາຍ: "ຄັນ ເຢິງ ເຈົາຣາຊີ ໂອນ, ເຈີ່ ປີ ເມິງ ເກົາ ລໍ່ ລໍ່ ປີ ເຍົາ."

ແວັດ ອັນ ປາຍ ນະກ້ອຍ, ອັນ ຊ້ອຣ ຕິ່ງ ຕົວະ ຊຳເມົາ ລໍ້ອຣ ແຕ ເມິງ ເອເພໂຊ. <sup>22</sup> ເຈີ່ ອັນ ແຕ້ອໍ ປີ ເມິງ ກາຍຊາເຣຍ. ແຕ ເມິງ ກ້ອຍ ອັນ ເປາະ ປີ ເມິງ ເຢຣູຊາເລັມ ແອັນ, ຢໍອໍ ອີ ຊາອໍຣ ມູ່ ກາ ຊາອຳ ເຢຣູ ຕິ່ງ ເມິງ ກ້ອຍ. ແວັດ ກ້ອຍ ອັນ ເປາະ ປີ ເມິງ ອັນຕີໂອເຄຍ ແອັນ. <sup>23</sup> ອັນ ແອັດ ຕິ່ງ ເມິງ ອັນຕີໂອເຄຍ ຊາອິ້ຍ ຕາໂງ, ເຈີ່ ອັນ ເປາະ ເປັຍ ອິນແຍະ ບາຣ ແຄງ ຄາລາເຕຍ ກະ ພິເຄຍ. ອັນ ອາຕີ ມູ່ ກາ ຊາອຳ ເຢຣູ ຕິ່ງ ແຄງ ກ້ອຍ ໂອນ ຣາງິຣ ໄລ່ ຊາອຳ ເຣ່ງ ລາລີ່ ແອັນ.

ອາໂປໂລ ຕິ່ງ ເມິງ ເອເພໂຊ ກະ ເມິງ ໂກຣິນໂທ

<sup>24</sup> ຕິ່ງ ຕາໂງ ກ້ອຍ, ເບິນ ມານະ ຣາມິຣ ອາໂປໂລ ແຕ້ອໍ ປີ ເມິງ ເອເພໂຊ. ອັນ ລາ ກວາຍ ອິດຊະ ຣາເອລ ແຕ ເມິງ ອາເລັກຊັນເດຍ. ປັຣນາຍ ອັນ ອາຕີ ລາ ແຄວ ລາລີ່. ກະ ອັນ ດັງ ແຈງ ລາລີ່ ແຕ ປິ່ງ ປັຣນາຍ ເຢິງ ເຈົາຣາຊີ. <sup>25</sup> ເມົາ ອາຕີ ອັນ ເຈີ່ ອິນແຍະ ມັຣ ຣານະ ແຕ ເຢຣູ ກຣິດ. ອັນ ເບິນ ຣາງິຣ ຢໍອໍ ອີ ອາຕີ ປຍາຍ ລາລີ່ ແຕ ອັນ ກາ ເຢິງ ເຈົາຣາຊີ ຣຽຣ ດໍອໍ ຈ່ອຍ ອາມັງ ກວາ ຍ. ມາ ອັນ ດັງ ແອັງ ຣິດ ຕິ່ງ ແດັອ ແຕ ໂຢຣັນ ຕະ. <sup>26</sup> ອາໂປໂລ ໄນ່ ອາຕີ ຍິນ ລາລີ່ ຕິ່ງ ດຸງ ຊາງ ກວາຍ ອິດຊະຣາເອລ. ເຈີ່ ແຕ້ອໍ ໄລ່ ບາຣ ນະ, ອາກິລາ ກະ ປີຊະກິລາ ຊ້ອງ ອັນ ອາຕີ ນະກ້ອຍ, ໄລ່ ເດັງ ອັນ ເປາະ ປີ ດຸງ ໄລ່; ເຈີ່ ໄລ່ ຕະ ອິນຕີ ກະ ອາໂປໂລ, ໂອນ ອັນ ດັງ ຊາອິ້ຍ ແອັນ ແຕ ຣານະ ເຢິງ ເຈົາຣາຊີ. <sup>27</sup> ແວັດ ກ້ອຍ ອາໂປໂລ ຢໍອໍ ອີ ມູດ ຕິ່ງ ແຄງ ອະຄາຢາ ແອັນ. ນະກ້ອຍ ມູ່ ກາ ຊາ ອຳ ເຢຣູ ຕິ່ງ ເມິງ ເອເພໂຊ ປຣ່ອມ ມູ ຣາງິຣ ກະ ອັນ, ກະ ຄຽນ ມັງຊີ່ ໂອນ ອັນ ເດັງ ປີ ມູ່ ກາ ຊາ ອຳ ເຢຣູ ຕິ່ງ ແຄງ ອະຄາຢາ, ໂອນ ໄລ່ ຮັບ ອໍ ອັນ. ພໍກາ ອາໂປໂລ ແຕ້ອໍ ປີ ແຄງ ອະຄາຢາ, ອັນ ຈ່ອຍ ຊາອິ້ຍ ລາລີ່ ໂອນ ໄລ່ ກາ ຊາອຳ ຍ່ອນ ແຕ ຣານະ ເຢິງ ເຈົາຣາຊີ ຈ່ອຍ ເມົາດ ໄລ່. <sup>28</sup> ຍ່ອນ ແຕ້ອໍ ອັນ ຊັຣຣັງ ແຕ ປັຣນາຍ ເຢິງ ເຈົາຣາຊີ ກະ ມັຣ ກວາຍ ອິດຊະຣາເອລ, ເຢິງ ເຈົາຣາຊີ ໂອນ ຕາ ເບີ

ນ ເມົາ ແຕ້ອໍ ຣາຈຽນ ນ້ອງ. ນະກ້ອຍ ອາໂປໂລ ອາ ຕີ ແຕ ປິ່ງ ປັຣນາຍ ເຢິງ ເຈົາຣາຊີ ໂອນ ໄລ່ ດັງ ແຈງ ລາລີ່ ເຢຣູ ລາ ກຣິດ, ອັນ ກາ ເຢິງ ເຈົາຣາຊີ ຣຽຣ ດໍອໍ ຈ່ອຍ ອາມັງ ກວາຍ.

### 19

ໂປໂລ ຕິ່ງ ເມິງ ເອເພໂຊ

<sup>1</sup> ປັອງ ກາ ອາໂປໂລ ແອັດ ຕິ່ງ ເມິງ ໂກຣິນໂທ, ໂປໂລ ເປາະ ຍໍຣ ແປັງ ເປັຍ ແຄງ ກາ ອັນ ເປາະ ແຕ ອິນໂຍ່ງ; ເຈີ່ ເຈົາ ລໍ່ ປີ ເມິງ ເອເພໂຊ ຊາ. ຕິ່ງ ເມິງ ກ້ອຍ ອັນ ຣາມິຣ ກວາຍ ກາ ຕາປູນ ເຢຣູ. <sup>2</sup> ໂປໂລ ຕາແບັບ ໄລ່ ກ້ອຍ ປາຍ: "ພໍກາ ເຍົາ ຊາ ອຳ, ເຍົາ ເບິນ ຮັບ ຣາເວົ້າຍ ເຢິງ ເຈົາຣາຊີ ມູດ ຕິ່ງ ຣາງິຣ ເຍົາ ມາ ຕາ ຢວາຣ?"

ໄລ່ ຕາແອັຍ ອັນ ປາຍ: "ຮິ ຕາ ຊ້ອງ ເລີ່ຍ ແຕ ຣາເວົ້າຍ ເຢິງ ເຈົາຣາຊີ."

<sup>3</sup> ນະກ້ອຍ ໂປໂລ ຕາແບັບ ແອັນ ປາຍ: "ພໍກາ ເຍົາ ຮັບ ຣິດ ຕິ່ງ ແດັອ, ເຍົາ ຕາປູນ ຣານະ ເມົາ?"

ໄລ່ ຕາແອັຍ ປາຍ: "ຮິ ຕາປູນ ຣານະ ໂຢຣັນ, ອັນ ກາ ເກັຍ ຕະ ຣິດ ຕິ່ງ ແດັອ."

<sup>4</sup> ໂປໂລ ອາຕີ ແອັນ ໄລ່ ປາຍ: "ໂຢຣັນ ຕະ ຣິດ ຕິ່ງ ແດັອ ໂອນ ກວາຍ ກາ ຕັຣ ຣາງິຣ ຕຍາ ປຽນ ແກັດ ຣາງິຣ ຕາໄມ ແອັນ. ກະ ອັນ ອາຕີ ໂອນ ກວາ ຍ ດັງ ອິງເຄາະ ໄລ່ ຊາອຳ ມານະ ກາ ແຕ້ອໍ ອິນຕູນ ອັນ. ອັນ ໄນ່ ລາ ຣາມິຣ ເຢຣູ."

<sup>5</sup> ພໍກາ ໄລ່ ຊ້ອງ ປັຣນາຍ ໄນ່, ໄລ່ ຮັບ ຣິດ ຕິ່ງ ແດັອ ຍ່ອນ ຣາມິຣ ເຢຣູ. <sup>6</sup> ພໍກາ ໂປໂລ ຊາປະ ອາ ຕີ ອັນ ຕິ່ງ ຈະ ໄລ່ ກ້ອຍ, ຣາເວົ້າຍ ເຢິງ ເຈົາຣາຊີ ມູດ ແຕ້ ຕິ່ງ ຣາງິຣ ໄລ່. ເຈີ່ ໄລ່ ຕະ ອິນຕີ ປັຣນາຍ ຕາ ເກັຍ ຊ້ອງ ແອັນ ກາ ໄລ່ ຕາ ຢວາຣ ຣຍານ. ກະ ໄລ່ ອາຕີ ຕາງ ປັຣນາຍ ເຢິງ ເຈົາຣາຊີ. <sup>7</sup> ມູ່ ໄລ່ ເບິນ ມັຣ ມວຍ ຈິ່ດ ລາ ບາຣ ນະ.

<sup>8</sup> ອິນແຍະ ໄປ ກາໄຊ ໂປໂລ ມູດ ອາຕີ ເລືອຍາ ຕິ່ງ ດຸງ ຊາງ ກວາຍ ອິດຊະຣາເອລ. ອັນ ອາຕີ ຍິນ ລາລີ່ ແຕ ປັຣນາຍ ເຢິງ ເຈົາຣາຊີ ກະ ອາຕີ ແຕ ເຢິງ ເຈົາຣາຊີ ຕະ ຊົດ, ໂອນ ໄລ່ ຊາອຳ ແຕ ປັຣນາຍ ກ້ອຍ. <sup>9</sup> ມາ ເບິນ ກວາຍ ແຕ ມູ່ ໄລ່ ເບິນ ຣາງິຣ ກ້ອງ, ຕາ ແອອໍ ອີ ຊາງັດ ປັຣນາຍ ກ້ອຍ. ກະ ໄລ່ ປາຍ ຕາ ອໍ ແຕ 'ຣານາ ເຢຣູ.'\* ນະກ້ອຍ ໂປໂລ ກະ ມັຣ ກວາຍ ຊາອຳ ລໍ້ອຣ ແຕ ອິນຕູ ກ້ອຍ, ເຈີ່ ມູດ ຕິ່ງ ດຸງ ຣຍານ ກາ ຕີຣາໂນ

\* 19:9 19:9 'ຣານາ ເຢຣູ' ລາ ຊາກຳ ແຕ ປັຣນາຍ ເຢຣູ ອາຕີ ໂອນ ໄຣ ເບິນ ອາມັງ.

ຕາລາ. ກູ່ ຮາໂງ ໂປໂລ ອາຕີ ຕິ່ງ ດຸງ ຮຍານ ກ້ອຍ. 10 ໂປໂລ ອາຕີ ຕິ່ງ ດຸງ ຮຍານ ກ້ອຍ ອິນແຍ່ະ ບາຣ ກູມໍ. ນະກ້ອຍ ອິນແຍ່ະ ມັຮ ກວາຍ ຕິ່ງ ແຄງ ເອເຊຍ ຊາງັດ ປັຣນາຍ ອໍ ແຕ ເຢຊູ ກຣິດ, ກາ ກວາຍ ອິດຊະຮາເອລ, ກາ ກວາຍ ຕາ ແກິນ ກວາ ຍ ອິດຊະຮາເອລ.

ກອນ ຮາເລົາ ຊະເກວາ

11 ເຢິງ ເຈົ້າຮາຊີໂອນ ໂປໂລ ເບິນ ອໍານາດ ເຕ່ອໍ ຕະ ຊາອີ້ຍ ຮາມິ້ຮ ຕາ ເກິ້ຍ ເຮິມ. 12 ຄັນ ກວາຍ ອິດ ເປຣ່ ຈຸ່ດ ປາຮູຣ ແຕ້ລາ ເກຣິ່ງ ໂປໂລ ຕັອກ; ເຈິ່ ອາແຕັດ ຕິ່ງ ຈະ ກວາຍ ກາ ອາອີ້, ກວາຍ ອາ ອີ້ ກ້ອຍ ແກິດ ແບຣັຮ ອິນແຍ່ະ, ກະ ເຢິງ ຕາ ອໍ ລໍ່ອຣ ແຕ ຈະ ກວາຍ ກ້ອຍ. 13 ເຈິ່ ເບິນ ມວຍ ມູ່ ກວາຍ ອິດຊະຮາເອລ ກາ ເປາະ ປີ ໄມ່ ເປາະ ປີ ກ້ອຍ ແກິດ ມໍ ຍິອໍ ອີ ຕູ່ຍຣ ອາລໍ່ອຣ ເຢິງ ຕາ ອໍ ແຕ ຈະ ກວາຍ. ໄລ່ ຄິດ ຍິອໍ ອີ ກູອໍ ຮາມິ້ຮ ເຢຊູ ດໍອໍ ຕູ່ຍຣ ອາລໍ່ອຣ ເຢິງ ຕາ ອໍ ນະ ໂປໂລ ຕະ ເຕ່. ນະກ້ອຍ ໄລ່ ອາຕີ ເຢິງ ຕາ ອໍ ປາຍ: "ຮີ ແປຣີ ໄມ່ ຍ່ອນ ຮີ ກູອໍ ຮາມິ້ຮ ເຢຊູ, ອັນ ກາ ໂປໂລ ເກິ້ຍ ອາ ຕີ, ໄມ່ ລໍ່ອຣ ຊ້ອງ ແຕ ຈະ ກວາຍ ໄມ່."

14 ໄລ່ ກາ ຕະ ຮານະ ກ້ອຍ ລາ ຕາປູລ ນະ ແຊມ ອາຍ, ກອນ ຮາເລົາ ຊະເກວາ. ຊະເກວາ ລາ ກວາ ຍ ຊົດ ມູ່ ກາ ຊາງ ຮິດ ເຢິງ ເຈົ້າຮາຊີ. 15 ມາ ເຢິງ ຕາ ອໍ ຕາແອິຍ ໄລ່ ຕາປູລ ນະ ກ້ອຍ ປາຍ: "ເຢຊູ ເກົາ ດັງ, ກະ ໂປໂລ ເກົາ ຊາກໍ່ລ, ມາ ເຍົາ ລາ ເມົາ?"

16 ນະກ້ອຍ ກວາຍ ກາ ເບິນ ເຢິງ ຕາ ອໍ ກ້ອຍ, ອັນ ປາລັງ ປີ ມູ່ ໄລ່ ຕາປູລ ນະ ກ້ອຍ. ອັນ ເຮງ ກາເລີຍ ແຕ ໄລ່ ຕາປູລ ນະ ກ້ອຍ. ອັນ ຕະ ໄລ່ ກ້ອຍ ເບີ ຮັບ ລາລີ້ ກະ ອາຮາມ ລໍ່ອຣ ລາລວຍ. ເຈິ່ ໄລ່ ລໍ່ອຣ ແຕ ດຸງ ກ້ອຍ ມູ່ ລາໂລ່ະ ຊ້ອງ. 17 ຮາ ນະ ໄມ່ ເປາະ ປັຣ ຈວບ ເມືອງ ເອເພໂຊ ໄວ່ ລາລີ້. ອິນແຍ່ະ ກວາຍ ອິດຊະຮາເອລ, ກະ ອິນແຍ່ະ ກວາ ຍ ຕາ ແກິນ ກວາຍ ອິດຊະຮາເອລ, ພໍກາ ໄລ່ ຊ້ອງ ນະໄມ່, ໄລ່ ອົງກ້ອຣ ກະ ຍ່ອງ ລາລີ້ ເຢຊູ ກຣິດ.

18 ເບິນ ກຶ້ງ ກວາຍ ແຕ ມູ່ ກາ ຊາອໍາ ເຢຊູ, ໄລ່ ງິນ ໂລ່ຍຣ, ກະ ໄລ່ ອາຕີ ໂອນ ກວາຍ ການໍອໍ ດັງ ລາ ໄລ່ ຕາປູນ ກວາຍ ມໍ ເຕ່. ມາ ຊານໍ່ ໄລ່ ຕາ ແອອໍ ອີ ຕາປູນ ນ້ອງ. 19 ຊາອີ້ຍ ນະ ແຕ ມູ່ ໄລ່ ຕະ ນະ ກວາຍ ມໍ ເຕ່ ແຕ ອິນໂຍ່ງ. ມາ ຊານໍ່ ໄລ່ ປາໂຣມ ມວຍ ອິນຕຸ ມັຮ ປິ່ງ ກາ ໄລ່ ຮຍານ ແກິດ ມໍ. ເຈິ່ ໄລ່ ບຸຣ ຕັຣ ຍິ່ຣ ເມືງ ກວາຍ ກຶ້ງ. ຄິດ ລໍ່ຣ ເກົາ ໄລ່ ແຈິງ ປິ່ງ ໄມ່ ແຕ່ອໍ ເຊິງ ຈິດ ປັນ ກຸອງ ປຣະ ອາ

ນາມ. 20 ນະກ້ອຍ ປັຣນາຍ ອໍ ແຕ ເຢຊູ ກຣິດ ເປາະ ປັຣ ກູ່ ອິນຕຸ. ກະ ປັຣນາຍ ກ້ອຍ ແກິດ ຈວບ ລາລີ້ ແອັນ.

ກຶ້ງ ກວາຍ ເອເພໂຊ ອວານ ລາລີ້ ກະ ມູ່ ກາ ຊາອໍາ ເຢຊູ ກຣິດ

21 ແວັດ ກ້ອຍ ໂປໂລ ຄິດ ຍິອໍ ອີ ເປາະ ເປື້ຍ ແຄງ ມາເກໂດເນຍ ກະ ແຄງ ອະຄາຢາ, ອີ ເປາະ ປີ ເມືອງ ເຢຣູຊາເລັມ ແອັນ. ອັນ ປາຍ: "ແວັດ ເກົາ ເປາະ ປີ ເມືອງ ເຢຣູຊາເລັມ, ເກົາ ຍິອໍ ອີ ເປາະ ປີ ເມືອງ ໂຣມ ແຮີ."

22 ໂປໂລ ແປຣີ ບາຣ ນະ ຕີໂມທຽວ ກະ ເອຣາຊະໂຕ ເປາະ ອິນໂຍ່ງ ປີ ແຄງ ມາເກໂດເນຍ. ໄລ່ ກ້ອຍ ເກິ້ຍ ຕະ ຮານະ ຈ່ອຍ ໂປໂລ. ມາ ໂປໂລ ຍິອໍ ອີ ແອິດ ລໍ່ຣ ຕິ່ງ ແຄງ ເອເຊຍ.

23 ຕິ່ງ ມັຮ ຕາໄງ ກ້ອຍ ຕິ່ງ ເມືອງ ເອເພໂຊ ກຶ້ງ ກວາຍ ອວານ ລາລີ້ ກະ ມູ່ ກາ ຕາປູນ 'ຮານາ ເຢຊູ.' 24 ເບິນ ມານະ ຕິ່ງ ເມືອງ ກ້ອຍ ຮາມິ້ຮ ເດເມທິໂອ. ອັນ ລາ ກວາຍ ເຈິງ ຕະ ຮູ່ບ ເຢິງ ອາເຕມາ ແຕ ປຣະ. ອັນ ກະ ເຍົາ ອັນ, ໄລ່ ເບິນ ກໍາໄລ ຊາອີ້ຍ ລາລີ້ ໄລ່ ຈິ ຮູ່ບ ກ້ອຍ. 25 ອັນ ກູອໍ ມັຮ ເຍົາ ອັນ ກະ ກວາຍ ການໍອໍ ກາ ຕະ ຮານະ ມູ ເຈິງ ໄລ່ ເຕ່. ອັນ ອາຕີ ໄລ່ ກ້ອຍ ປາຍ: "ແຊມ ອາຍ ເອີຍ! ເຍົາ ດັງ ເຈິ່ ໄຮ ເບິນ ຊາອີ້ຍ ກໍາໄລ ແຕ ຮານະ ໄຮ ຕະ. 26 ເຍົາ ເຮິມ, ກະ ເຍົາ ຊ້ອງ

ແຕ ຮານະ ກວາຍ ຮາມິ້ຮ ໂປໂລ ໄມ່ ຕະ. ອັນ ອາ ຕີ ອິນແຍ່ະ ມັຮ ກວາຍ ປາຍ ເຢິງ ແຕ ອາຕີ ກວາ ຍ ຕະ ລາ ຕາ ແກິນ ເຢິງ. ເບິນ ກຶ້ງ ກວາຍ ເຈິ່ ຕາ ປູນ ຮານະ ໂປໂລ ອາຕີ, ຕາ ແກິນ ຕິ່ງ ເມືອງ ເອ ເພໂຊ ໄມ່ ຊ້ອງ ມາ ຈວບ ອິນແຍ່ະ ແຄງ ເອເຊຍ ແຮີ. 27 ຮານະ ໄມ່ ລົບ ລາລີ້ ໂອນ ໄຮ. ອົງກ້ອຣ ຮານະ ໄຮ ຕະ ແກິດ ປິດ ອິນແຍ່ະ. ກະ ອົງກ້ອຣ ຕາ ເບິນ ດຸ່ນ ນ້ອງ ດຸງ ຊາງ ເຢິງ ອາເຕມາ ໄມ່ ເມົາ ຕາ ເບິນ ຢ້ານັບ ນ້ອງ. ຊານໍ່ ກຶ້ງ ກວາຍ ຕິ່ງ ແຄງ ເອເຊຍ ກະ ອິນແຍ່ະ ກຣວາງ ການໍອໍ ແຮີ ຊາງ ເຢິງ ອາເຕມາ ໄມ່, ມາ ອົງກ້ອຣ ປັຣແມີ ມັນເຕຣີ ຕາ ເບິນ ເມົາ ອີ ຊາງ ນ້ອງ ເຢິງ ອາເຕມາ."

28 ພໍກາ ກຶ້ງ ກວາຍ ກາ ໂຣ່ມ ກ້ອຍ ຊ້ອງ ປັຣ ນາຍ ໄມ່, ຮາງັຣ ໄລ່ ແກິດ ອົງຄິນ ລາລີ້. ກະ ໄລ່ ປາຍ ເຮງ ລາລີ້ ນະໄມ່: "ປິດ ລາລີ້ ເຢິງ ອາເຕມາ ໄຮ, ລາ ເຢິງ ອິນແຍ່ະ ມັຮ ເມືອງ ເອເພໂຊ ຊາງ."

29 ເຈິ່ ມັຮ ກວາຍ ຕິ່ງ ເມືອງ ກ້ອຍ ເປາະ ຕາຕິ່ງ ເປາະ ຕາໂຕະ, ປຣ່ອມ ແຮຣ ເຮງ ລາລີ້. ກະ ໄລ່ ໂກບ ໄຄໂຍ ກະ ອາຣິດຕາໂຄ, ບາຣ ນະ ເຍົາ ໂປໂລ

ກາ ເກີ້ຍ ເປາະ ມັນຕຸ ກະ ອັນ. ບາຣ ນະ ກ້ອຍ ລາ ແຕ ແຄງ ມາຫ໌ໂດເນຍ. ກວາຍ ກຼິ່ງ ກ້ອຍ ເດີງ ໄລ່ ແຕ້ອ໌ ປີ ອິນຕຸ ເມົ້າ ເກີ້ຍ ອີ ຮາເຈ່າະ. 30 ໂປໂລ ຍິອ໌ ອີ ມູ່ດ ແຕ່ ຕື່ງ ອິນຕຸ ກ້ອຍ ຍິອ໌ ອີ ອາຕີ ໂອນ ກວາຍ ກຼິ່ງ ກ້ອຍ, ມາ ມູ່ ກາ ຊາອຳ ເຢຊູ ຕາ ໂອນ ອັນ ມູ່ດ. 31 ເບີນ ກວາຍ ຊົດ ຕື່ງ ເມືອງ ກ້ອຍ ແຮີ, ໄລ່ ລາ ເຍົ່າ ໂປໂລ ແຕ່. ກວາຍ ຊົດ ກ້ອຍ ພາອ໌ ປັຣນາຍ ແຊອ໌ ໂປໂລ ອິນໂຈຍ ມູ່ດ ຕື່ງ ກວາ ຍ ກຼິ່ງ ກ້ອຍ. 32 ເຈີ້ ກວາຍ ກຼິ່ງ ກ້ອຍ, ໄລ່ ແຮຣ ເຣ່ງ ລາລີ້. ມານະ ແຮຣ ປາຍ ນະໄນ່, ມານະ ແອັນ ແຮຣ ປາຍ ນະກ້ອຍ. ມາ ຊາອີ້ຍ ນະ ແຕ ມູ່ ກວາ ຍ ກຼິ່ງ ກ້ອຍ ຕາ ດັງ ອິນເຕົ້າໆ ໄລ່ ໂຮ່ມ ອິນຕຸ ກ້ອຍ. 33 ນະກ້ອຍ ກວາຍ ອິດຊະຮາເອລ, ໄລ່ ກູ ແຕັລ ແປຣີ ມານະ ຣາມີ້ຮ ອາເລັກຊັມເດີ ຕາຢິ່ງ ຍິ່ຣ ເມີງ ກວາຍ ກຼິ່ງ ກ້ອຍ ໂອນ ອັນ ອາຕີ ໄລ່ ກ້ອຍ. ໄລ່ ອາຕີ ອາເລັກຊັມເດີ ເຈີ້ ມັຮ ຮານະ ອາ ຕີ ໂອນ ກວາຍ ໂຮ່ມ ປີ ກ້ອຍ. ນະກ້ອຍ ອາເລັກ ຊັມເດີ ອາວິດ ອາຕີ ອັນ ໂອນ ໄລ່ ອິນໂຈຍ ຕະ ແບອ໌ ນ້ອງ. ອັນ ຍິອ໌ ອີ ອາຕີ ກວາຍ ກຼິ່ງ ກ້ອຍ ອິນໂຈຍ ອວານ ກະ ຈຸ່ມ ອິດຊະຮາເອລ. 34 ມາ ພໍກາ ກວາຍ ກຼິ່ງ ກ້ອຍ ຊາກັລ ອາເລັກຊັມເດີ ລາ ກວາຍ ອິດຊະຮາເອລ ແຕ່, ກະ ໄລ່ ດັງ ກວາຍ ອິດ ຊະຮາເອລ ຕາ ເບີນ ຊາງ ເຢີງ ອາເຕມາ, ໄລ່ ປາຍ ເຣ່ງ ລາລີ້ ແອັນ ມັນ ຈິນ ບາຣ ຮວາດ ໂດຍ ປາຍ: "ປີດ ລາລີ້ ເຢີງ ອາເຕມາ ໄຮ, ລາ ເຢີງ ອິນແຍ່ະ ມັຮ ເມືອງ ເອເພໂຊ ຊາງ."

35 ແວັດ ກ້ອຍ ເບີນ ມານະ ແຕ ເມືອງ ເອເພໂຊ ກາ ຕະ ປິ່ງ ໂອນ ກວາຍ ຊົດ ຕື່ງ ເມືອງ ກ້ອຍ. ອັນ ແຊອ໌ ກວາຍ ກຼິ່ງ ກ້ອຍ ແອັດ ຮາງຍາອ໌ ດໍອ໌ ອັນ ອາຕີ ໄລ່ ມວຍ ຣາມີ້ຮ. ອັນ ອາຕີ ປາຍ: "ແຊມ ອາຍ ແຕ ເມືອງ ເອເພໂຊ ເອີຍ! ອິນແຍ່ະ ມັຮ ກວາ ຍ ດັງ ເຈີ້ ເມືອງ ເອເພໂຊ ໄນ່ ກຍາອ໌ ເລືອຍໆ ດຸງ ຊາງ ປີດ ເຢີງ ອາເຕມາ. ກະ ອິນແຍ່ະ ມັຮ ກວາ ຍ ດັງ ເຈີ້ ໄຮ ກຍາອ໌ ເລືອຍໆ ຮູ່ບ ເຢີງ ອາເຕມາ ກາ ແຊງ ແຕ ມັນລ້ອງ. 36 ຕາ ເບີນ ເມົ້າ ແຕ້ອ໌ ຮາ ຈຽນ ແຕ ຮານະ ໄນ່. ນະກ້ອຍ ເຍົ່າ ແອັດ ອໍ. ເຍົ່າ ອິນໂຈຍ ກຸນເຕົ້າ. 37 ໄລ່ ບາຣ ນະ ກາ ເຍົ່າ ເດີງ ປີ ໄນ່, ໄລ່ ຕາ ເບີນ ຕວຍ໌ ອິນເຕົ້າ ແຕ ດຸງ ຊາງ ເຢີງ ອາເຕມາ. ກະ ໄລ່ ຕາ ເບີນ ພາມາດ ອິນເຕົ້າ ແຕ ເຢີງ ໄນ່. 38 ຄັນ ເດເມທິໂອ ກະ ເຍົ່າ ອັນ ເບີ

ນ ຣາລີ້ຮ ອິນເຕົ້າ, ໂອນ ໄລ່ ເປາະ ປ່ອງ ປີ ກວາຍ ຊົດ. ຕາ ເບີນ ແອີ ກວາຍ ຕັດຊິ່ນ ປັຣນາຍ ກ້ອຍ. 39 ຄັນ ເຍົ່າ ເບີນ ຮານະ ອິນເຕົ້າ ແອັນ, ອິງເຄາະ ເຍົ່າ ອາຕີ ໂອນ ກວາຍ ຊົດ ຕັດຊິ່ນ. ນະກ້ອຍ ລາ ຄານອດ ໄຮ. 40 ມາ ມັຮ ເຍົ່າ ໂຮ່ມ ອິນຕຸ ໄນ່ ຊາ ນໍ່, ເກົ້າ ອິງກ້ອຣ ລາລີ້ ກວາຍ ຊົດ ໄຮ ຄິດ ປາຍ ໄຮ ຍິອ໌ ອີ ຕຳໂປຣ ຊົດ ແຕ ໄລ່. ຄັນ ກວາຍ ຊົດ ໄຮ ມາ ຄິດ ນະກ້ອຍ, ອິນແຍ່ະ ນະ ໄຮ ຕາ ແຕ້ອ໌ ປາຍ ອິນເຕົ້າ ນ້ອງ."

41 ແວັດ ກວາຍ ກ້ອຍ ອາຕີ ປັຣນາຍ ກ້ອຍ, ເຈີ້ ອັນ ໂອນ ມັຮ ກວາຍ ກ້ອຍ ລ້ອຣ ອິນແຍ່ະ.

## 20

ໂປໂລ ເປາະ ລັຮ ປີ ແຄງ ມາຫ໌ໂດເນຍ

1 ພໍກາ ເມືອງ ເອເພໂຊ ແກັດ ອຽນ ລັຮ ເຈີ້, ໂປໂລ ກູອ໌ ມັຮ ມູ່ ກາ ຊາອຳ ເຢຊູ. ອັນ ຕາລີ້ນ ຮາງິ້ຮ ໄລ່ ໂອນ ແກັດ ຮໍອ໌ ລັຮ. ແວັດ ກ້ອຍ ໂປໂລ ກ່ອບ ໄລ່. ເຈີ້ ອັນ ລ້ອຣ ແຕ ເມືອງ ກ້ອຍ ເປາະ ປີ ແຄງ ມາຫ໌ໂດເນຍ ແອັນ. 2 ອັນ ເປາະ ເມືອງ ແລ່ ະ, ລາ ອັນ ເປາະ ຊາອິຣ໌ ມູ່ ກາ ຊາອຳ ເຢຊູ. ກະ ອັນ ຕາລີ້ນ ໂອນ ຮາງິ້ຮ ໄລ່ ແກັດ ຮໍອ໌ ລາລີ້ ແອັນ. ແວັດ ກ້ອຍ ໂປໂລ ເປາະ ປີ ກຣວາງ ກຣິກ ແອັນ. 3 ອັນ ແອັດ ຕື່ງ ກຣວາງ ກຣິກ ອິນແຍ່ະ ໄປ ກາ ໄຊ. ອັນ ຄິດ ຍິອ໌ ອີ ເຈົ້າ ປີ ແຄງ ຊິເຣຍ ແອັນ, ມາ ອັນ ຊ້ອງ ອິນໂຍ່ງ ເຈີ້ ຈຸ່ມ ອິດຊະຮາເອລ ຍິອ໌ ອີ ຕະ ອັນ. ພໍກາ ອັນ ດັງ ນະກ້ອຍ, ອັນ ຄິດ ອໍ ເຈົ້າ ຮານາ ແຄງ ມາຫ໌ໂດເນຍ ແອັນ. 4 ເບີນ ຕາປູ ລ ນະ ເປາະ ກະ ອັນ. ຮາມີ້ຮ ໄລ່ ຕາປູລ ນະ ໄນ່ ລາ: ໂຊປາເຕ ກອນ ປີໂຣ ແຕ ເມືອງ ເບເຣຍ, ອາ ຣິດຕາໂຄ ກະ ເຊກຸນໂດ ແຕ ເມືອງ ເທຊະໂລນິກ, ໄຄໂຍ ແຕ ເມືອງ ເດຣະເບ, ຕີຄີໂກ ກະ ໂທພິໂມ ແຕ ແຄງ ເອເຊຍ, ກະ ຕີໂມທຽວ. 5 ອິນແຍ່ະ ມັຮ ຕາປູລ ນະ ໄນ່ ເປາະ ອິນໂຍ່ງ ເກຣາະ ຮິ ຕື່ງ ເມືອງ ໂທອາດ.\* 6 ແວັດ ມັຮ ຕາໄງ ຈຸ່ມ ອິດຊະຮາເອລ ຕະ ຮິດ ຈາ ໂດຍ ບຸຣ ແອີ ບວຣ ຊິ້ອ໌, ຮິ ຊ້ອຣ ຕື່ງ ຕົວະ ຊຳເປົ້າ ລ້ອຣ ແຕ ເມືອງ ພິລິບປອຍ. ແວັດ ເຊີງ ຕາໄງ ແອັນ ຮິ ແຕ້ອ໌ ປີ ເມືອງ ໂທອາດ. ຮິ ແອັດ ປີ ກ້ອຍ ອິນແຍ່ະ ຕາປູລ ຕາໄງ.

ໂປໂລ ຕື່ງ ເມືອງ ໂທອາດ

7 ຕາໄງ ມວຍ ຕື່ງ ອາທິດ ກ້ອຍ, ພໍກາ ຊາເດົາ, ມູ່ ກາ ຊາອຳ ເຢຊູ ໂຮ່ມ ຈາ ງ່ອຍ໌ ຊາແຍີ ເຢຊູ ກູ

\* 20:5 20:5 ເຕີ ອັນ ປາຍ ຮິ ລາ ລູກາ ອາຕີ ໂອນ ໄຮ ດັງ ປາຍ ອັນ ລາ ເປາະ ກະ ໂປໂລ ແຕ ເມືອງ ພິລິບປອຍ ແຕ່.

ຈິດ. ກະ ໂປໂລ ອາຕີ ໄລ່ ກ້ອຍ ແຕ ແປ້ ຕາປີ້ ແຕ້ອ້  
 ດີດີກ. ອັນ ອາຕີ ດຸ່ນ ມາຮ ກ້ອຍ ຍ່ອນ ອັນ ຄິ້ດ  
 ຕາໄງ ປັຣແນີ ອັນ ຍິ້ອ ອີ ລ້ອຣ ແຕ ກ້ອຍ ເປາະ ປີ  
 ການໍ້ອ ແອັນ. <sup>8</sup> ໄລ່ ໂຣ່ມ ດຸງ ກ້ອຍ ຕຶງ ຮານ ໄປ,  
 ກະ ຕຶງ ກຸງ ກ້ອຍ ເບີນ ຊາອີ້ຍ ຕາກຍາງ. <sup>9</sup> ເບີນ  
 ມານະ ກວາຍ ປັຣລົວະ, ຮາມິ້ຮ ຢູຕິໂຄ, ອັນ ຕາກູ  
 ຕຶງ ງັຮ ຕຶງ ມານໍ້ກໄດ. ມາ ໂປໂລ ອາຕີ ດຸ່ນ ລາລີ້.  
 ມະກ້ອຍ ກວາຍ ປັຣລົວະ ກ້ອຍ ຊ້ອງ ລາແກ້ຮ,  
 ເຈີ້ ອັນ ບິກູ. ມາ ແວັດ ກ້ອຍ ອັນ ບິ ລາບຸ່ດ ເລີ້ຍ;  
 ເຈີ້ ອັນ ຊາແລັຮ ແຕ ງັຮ ຕຶງ ຮານ ໄປ ກ້ອຍ ແຕ້ອ້  
 ປີ ກູແຕອ້. ກວາຍ ເປາະ ອາແຣີ້ ອັນ, ມາ ອັນ ກູ  
 ຈິດ ເລີ້ຍ. <sup>10</sup> ໂປໂລ ແຊງ ກຍາວ ກູມຸ່ຍ ກ້ອຍ, ກະ  
 ອັນ ອາຕີ ປາຍ: "ເຍົາ ອິນໂຈຍ ເກຣ່າະ. ອັນ ອາ  
 ມົງ ລ້ຣ ເຈີ້."

<sup>11</sup> ແວັດ ໂປໂລ ອາຕີ ມະກ້ອຍ, ອັນ ຊ້ອຣ ລ້ຣ  
 ຕຶງ ແປ້ງ. ອັນ ປັຣ ໂດຍ ບຸຣ ກະ ເດີງ ອິນແຍ່ະ  
 ມັຮ ເຍົາ ກ້ອຍ ຈາ ຊາແຍີ ເຢຊູ ກູຈິດ. ແວັດ ກ້ອຍ  
 ອັນ ອາຕີ ໄລ່ ເຕົ້າ ປັງ. ປັງ ຕາຣິບ ອັນ ລ້ອຣ ແຕ  
 ມູ່ ກ້ອຍ. <sup>12</sup> ເຈີ້ ກວາຍ ປັຣລົວະ ກາ ອາມົງ ລ້ຣ  
 ກ້ອຍ, ເຍົາ ອັນ ເປາະ ອາຊວຍ ອັນ ເຈົ້າ ປີ ດຸງ ອັນ.  
 ໄລ່ ຊ້ອງ ຣໍ້ອ ລາລີ້ ຕຶງ ຮາງິຮ ໄລ່ ຍ່ອນ ເຍົາ ໄລ່  
 ແກັດ ອາມົງ ລ້ຣ.

ໂປໂລ ກະ ເຍົາ ອັນ ເປາະ ປີ ມືອງ ມີເລໂຕ  
 ແອັນ

<sup>13</sup> ແຕ ກ້ອຍ ໂປໂລ ຍິ້ອ ອີ ເປາະ ປີ ມືອງ ອາໂຊ  
 ແອັນ. ອັນ ເປາະ ຮານາ ອາຢັງ. ມາ ຮິ ເປາະ ຮາ  
 ມາ ຕົວະ ຊຳເປົ້າ. ໂປໂລ ຄິ້ດ ພໍກາ ອັນ ແຕ້ອ້ ປີ  
 ມືອງ ອາໂຊ, ອັນ ອີ ຊ້ອຣ ຕຶງ ຕົວະ ຊຳເປົ້າ ກະ  
 ຮິ ເຕ. <sup>14</sup> ແຕ້ອ້ ຮິ ຮາມັຮ ລ້ຣ ໂປໂລ ຕຶງ ມືອງ  
 ອາໂຊ, ອັນ ຊ້ອຣ ຕຶງ ຕົວະ ຊຳເປົ້າ ກະ ຮິ. ເຈີ້ ອິນ  
 ແຍ່ະ ມະ ຮິ ເປາະ ມັນຕຸ ປີ ມືອງ ມິຕິເລເນ ແອັນ.

<sup>15</sup> ມາຮ ຕາໄງ ປັຣແນີ ແອັນ ຕົວະ ຊຳເປົ້າ ຮິ ພາ  
 ໂບດ ຄິໂອ. ມາຮ ຕາໄງ ມັນເຕຣີ ຮິ ແຕ້ອ້ ປີ ໂບດ  
 ຊາໂມ. ເຈີ້ ມາຮ ຕາໄງ ມັນໄຕຣ່ ຮິ ແຕ້ອ້ ປີ ມືອງ  
 ມີເລໂຕ ແອັນ. <sup>16</sup> ພໍກາ ກ້ອຍ ໂປໂລ ຄິ້ດ ຍິ້ອ ອີ  
 ເປາະ ເປຼຍ ມືອງ ເອເພໂຊ ຕຶງ ແຄງ ເອເຊຍ. ອັນ  
 ຕາ ແອອ້ ອີ ແອັດ ດຸ່ນ ຕຶງ ແຄງ ເອເຊຍ. ອັນ ຍິ້ອ  
 ອີ ເປາະ ໄວ່ ປີ ມືອງ ເຢຣູຊາເລັມ ໂອນ ເຕ່ອ້ ຊາ  
 ແຕັມ ຈຸ່ມ ອິດຊະຮາເອລ ຈາ ຣໍ້ອ ຕາໄງ ຕັຮ ຊອດ.

ໂປໂລ ອາຕີ ກວາຍ ຊົດ ມູ່ ກາ ຊາອຳ ເຢຊູ ແຕ  
 ມືອງ ເອເພໂຊ

<sup>17</sup> ມາ ແຕ ມືອງ ມີເລໂຕ ໄນ່, ໂປໂລ ປາຕັບ ຮາ  
 ມາ ກວາຍ ກາ ເປາະ ປີ ມືອງ ເອເພໂຊ, ໂອນ ມັຮ  
 ກວາຍ ຊົດ ມູ່ ກາ ຊາອຳ ເຢຊູ ຕຶງ ມືອງ ກ້ອຍ  
 ແຕ້ອ້ ຊາອັຣ ອັນ ຕຶງ ມືອງ ມີເລໂຕ. <sup>18</sup> ພໍກາ  
 ໄລ່ ແຕ້ອ້ ປີ ອັນ, ໂປໂລ ປາຍ ກະ ໄລ່ ກ້ອຍ ມະ  
 ໄນ່: "ເຍົາ ດັງ ເຈີ້ ມານະ ເກົາ ຕະ ບັອງ ກາ ເກົາ  
 ແອັດ ກະ ເຍົາ ແຕ ຕາໄງ ເກົາ ຕາແບີ ມູ່ດ ຕຶງ ແຄງ  
 ເອເຊຍ. <sup>19</sup> ກະ ເຍົາ ດັງ ແຈງ ເຈີ້ ເກົາ ຕະ ຮານະ  
 ເຢົາງ ເຈົ້າຮາຊີ ອິນແຍ່ະ ແຕ ຮາງິຮ ເກົາ. ເກົາ ຕາ  
 ເບີນ ໂອນ ເມົາ ອິງເຄາະ ຢຳນັບ ເກົາ. ກະ ເກົາ ເຍົາມ  
 ຍ່ອນ ເມົາ ຕາ ຍິ້ອ ອີ ຕາປຸ່ນ ຮານະ ເຢົາງ ເຈົ້າຮາຊີ.  
 ເຍົາ ດັງ ເຈີ້ ເກົາ ຈິວ ຊາອີ້ຍ ຕຸ່ຣ ກັດ ມັຮ ຈຸ່ມ ອິດ  
 ຊະຮາເອລ ຕະ ເກົາ. <sup>20</sup> ເຍົາ ດັງ ເຕ່, ຮານະ ອາແລ່  
 ມາ ແກັດ ເກົາ ໂອນ ເຍົາ, ເກົາ ອາຕີ ອິນແຍ່ະ ໂອນ  
 ເຍົາ; ເກົາ ຕາ ເບີນ ປາໂຕ່ະ ຮາມິ້ຮ ອິນເຕົ້າ. ເກົາ  
 ອາຕີ ເລືອຍໆ ເຍົາ ຕຶງ ອິນຕຸ ເຍົາ ໂຣ່ມ ກຶງ ແຕັລາ  
 ຕຶງ ດຸງ ເຍົາ. <sup>21</sup> ເກົາ ອາຕີ ຣາລີ ກວາຍ ອິດຊະຮາ  
 ເອລ ກະ ກວາຍ ຕາ ແກັນ ກວາຍ ອິດຊະຮາເອລ  
 ອິງເຄາະ ໄລ່ ຕັຮ ຮາງິຮ ຕຍາ ປຽນ ແກັດ ຮາງິຮ  
 ຕາໄມ ແອັນ ໂຈະ ເຢົາງ ເຈົ້າຮາຊີ ກະ ຊາອຳ ເຣ່ງ ລາ  
 ລີ້ ເຢຊູ ກຣິດ. <sup>22</sup> ຊານໍ່ ຮາເວົ້າຍ ເຢົາງ ເຈົ້າຮາຊີ  
 ໂອນ ເກົາ ເຈົ້າ ປີ ມືອງ ເຢຣູຊາເລັມ. ເກົາ ຕາ ດັງ  
 ອິນເຕົ້າໆ ເມົາ ອີ ຕະ ກະ ເກົາ ປີ ກ້ອຍ. <sup>23</sup> ມາ ກູ່  
 ມືອງ ເກົາ ມູ່ດ, ລາ ຮາເວົ້າຍ ເຢົາງ ເຈົ້າຮາຊີ ອາຕີ  
 ເກົາ, ເກົາ ອີ ຮາມັຮ ຊາອີ້ຍ ຮາມິ້ຮ ຕຸ່ຣ ກັດ, ກະ  
 ເມົາ ອີ ໂຈະ ເກົາ ຕຶງ ກໍ່ອ ແຮ. <sup>24</sup> ມາ ອິນແຍ່ະ ຮາມິ້  
 ຮ ໄນ່ ເກົາ ຕາ ເບີນ ຊ້ອງ ອິງກ້ອຣ ອິນເຕົ້າ. ຕາ  
 ເບີນ ອິນເຕົ້າ ປິດ ເມົາດ ຮາງິຮ ເກົາ. ມາ ເກົາ ຍິ້ອ  
 ມວຍ ຮາມິ້ຮ ຊ້ອງ. ເກົາ ຍິ້ອ ອີ ຕະ ໂອນ ເຈີ້ ອິນ  
 ແຍ່ະ ມັຮ ຮານະ ເຢຊູ ກຣິດ ແປຣີ ເກົາ ຕະ. ຮານະ  
 ໄນ່ ລາ ເກົາ ອາຕີ ເລືອຍໆ ປັຣນາຍ ອໍ ແຕ ເຢົາງ  
 ເຈົ້າຮາຊີ ຈ່ອຍ ເມົາດ ກວາຍ.

<sup>25</sup> "ແຕ ອິນໂຍ່ງ ເກົາ ອາຕີ ອິນແຍ່ະ ມັຮ ເຍົາ ເຈີ້  
 ແຕ ປັຣນາຍ ເຢົາງ ເຈົ້າຮາຊີ ຕະ ຊົດ. ມາ ຊານໍ່ ເກົາ  
 ອາຕີ ເຍົາ, ແຕ ຕາໄງ ໄນ່ ເຍົາ ຕາ ເບີນ ເຮັມ ນ້ອງ  
 ຮູ່ບເຮົາງ ເກົາ ຕຶງ ກູແຕອ້ ໄນ່. <sup>26</sup> ເກົາ ອາຕີ ເຍົາ  
 ຕາໄງ ໄນ່, ຄັນ ເມົາ ແຕ ເຍົາ ຕາ ຢວາຣ ຊາອຳ ເຢຊູ  
 ກຣິດ, ເກົາ ແວັດ ເຈີ້ ອິມໂປລ ກະ ເຍົາ. <sup>27</sup> ເກົາ ອາ  
 ຕີ ເຍົາ ເຈີ້ ເກົາ ຕາ ເບີນ ປາໂຕ່ະ ມູ ຮາມິ້ຮ ອິນເຕົ້າ  
 ອິນແຍ່ະ ມັຮ ຮາມິ້ຮ ເຢົາງ ເຈົ້າຮາຊີ ໂອນ ເຍົາ ດັງ.  
<sup>28</sup> ມະກ້ອຍ ອິງເຄາະ ເຍົາ ກຍາອ້ ອໍ ຈະ ເຍົາ ເປີ  
 ມ. ກະ ອິງເຄາະ ເຍົາ ກຍາອ້ ມູ່ ກາ ຊາອຳ ເຢຊູ ມະ

ກວາຍ ກຸຍາອ໌ ແກະ ແຕ່. ຮານະ ໄນ່ ລາ ຮານະ ຮາ ເວ້າຍ ເຢີງ ເຈົ້າຮາຊີ ໂອນ ເຍົາ ຕະ. ມູ່ ກາ ຊາອຳ ເຢຊູ ລາ ມ່ນ ກອນ ເຢີງ ເຈົ້າຮາຊີ, ຍ່ອນ ອາຮາມ ເຢຊູ ໄທ ລັຮ ແຕ ໂລ່ຍຮ ໄລ່. <sup>29</sup> ເກົາ ດັງ ແຈງ ລາ ລື້, ພໍກາ ເກົາ ລັອຮ ແຕ ເຍົາ, ເບິນ ກວາຍ ແຕ້ອ໌ ອີ ອາປິດ ຕັຮ ປັຮນາຍ ເຢຊູ. ກວາຍ ກ້ອຍ ລາ ມ່ະ ຊາກ້ອງ ປາລ້ອງ ຢັອ໌ ອີ ກັບ ຈາ ແກະ. <sup>30</sup> ກະ ປັຮແນີ ມັນເຕຣີ ເບິນ ກວາຍ ແຕ ມູ່ ເຍົາ ເບິນ ປຽນ ປັຮນາຍ ຕານ້ອງ ຕະ ໂອນ ແກັດ ໄກ່ະ. ໄລ່ ຕະ ອິນຕີ ປັຮນາຍ ລາມ່ນ ອໍ ກາຕ້ອງ ໂອນ ເຍົາ ຕາປູນ ໄລ່, ກະ ໄລ່ ຕາລຸຮ ຕັຮ ປັຮນາຍ ເຢຊູ. <sup>31</sup> ມ່ະກ້ອຍ ອີງເຄາະ ເຍົາ ລາວັງ ໂອນ ອໍ. ອິນໂຈຍ ໂອນ ຮງັຮ ເຍົາ ຄິດ ຢັອ໌ ອີ ຕາປູນ ປັຮນາຍ ເມົາ ອາໂລກ. ເຍົາ ຊາແຍີ ອິນແຍ່ະ ໄປ ກູມໍ ເກົາ ແອັດ ກະ ເຍົາ, ກະ ເກົາ ອາຕີ ດຸຸ ເຍົາ ອິນແຍ່ະ ຕາໄງ ອິນແຍ່ະ ຊາເດົາ; ກາ ເກົາ ເຍົາມ ຍ່ອນ ເກົາ ຊ້ອງ ອາໂຍ່ະ ຕະ ເຍົາ.

<sup>32</sup> "ຊານໍ່ ເກົາ ແຊອ໌ ເຢີງ ເຈົ້າຮາຊີ ກຸຍາອ໌ ເຍົາ. ກະ ເກົາ ແຊອ໌ ປັຮນາຍ ແຕ ເຢີງ ເຈົ້າຮາຊີ ຈ່ອຍ ເມັດ ເຍົາ ກະ ບັນ ກຸຍາອ໌ ຮງັຮ ເຍົາ. ປັຮນາຍ ກ້ອຍ ແຕ້ອ໌ ຕະ ໂອນ ເຍົາ ຊາອຳ ເຮັງ ອາຊ້ອຮ ແອັນ, ກະ ໂອນ ເຍົາ ຈຸງ ແຕ່ ມັຮ ມູ່ນ ເຢີງ ເຈົ້າຮາ ຊີ ປຣ່ອມ ໂອນ ໄລ່ ກາ ອັນ ຮຽຮ. <sup>33</sup> ເກົາ ຕາ ເກີ ຍ ຢັອ໌ ອີ ເບິນ ປຣະ ກະ ຕຳປັອກ ເມົາ. <sup>34</sup> ເຍົາ ດັງ ເຈີ້, ອາຕີ ເກົາ ເບິນ ຕະ ຮານະ ໂອນ ເກົາ ກະ ເຍົາ ເກົາ ເບິນ ຄຳ ຕັອກ ຄຳ ຈາ. <sup>35</sup> ເກົາ ອາປັຮ ໂອນ ເຍົາ ດັງ ອີງເຄາະ ໄຮ ຕະ ຮານະ ໂອນ ຊາແຮັງ ລາ ລື້, ໂອນ ແຕ້ອ໌ ໄຮ ຈ່ອຍ ກວາຍ ຕຸ່ຮ ກາດິດ. ຕະ ມ່ະກ້ອຍ ໄຮ ຊາແຍີ ປັຮນາຍ ເຢຊູ ກຣິດ ອິນເຈົ້າ ໄຮ ປາຍ: 'ຄັນ ເຍົາ ໂອນ ເກຣັງ ເຍົາ ຈ່ອຍ ໂອນ ກວາຍ ການໍ່ອ໌, ຮານະ ກ້ອຍ ລາ ຣໍ່ອ໌ ກາເລີຍ ແຕ ເຍົາ ຮັບ ເກຣັງ ກວາຍ ການໍ່ອ໌ ຈ່ອຍ ໂອນ ເຍົາ.'"

<sup>36</sup> ແວັດ ໂປໂລ ອາຕີ ອິນແຍ່ະ ປັຮນາຍ ກ້ອຍ, ອັນ ກູ່ ຮາໂກລ, ກະ ອັນ ເກົາແຊອ໌ ມັນຕຸ ກະ ໄລ່ ແຕ ເມືອງ ເອເພໂຊ. <sup>37-38</sup> ເຈີ້ ໄລ່ ກຍາວ ໂປໂລ ກະ ໂຮນ ອັນ. ກະ ໄລ່ ເຍົາມ ຊາແຍີ ປັຮນາຍ ໂປໂລ ອາຕີ ໄລ່ ປາຍ ໄລ່ ຕາ ເບິນ ເຮີມ ນ້ອງ ຈະ ອັນ ຕັງ ກູແຕອ໌ ໄນ່. ຮານະ ກ້ອຍ ໄລ່ ຊ້ອງ ຕຸ່ຮ ລາ ລື້. ແວັດ ກ້ອຍ ໄລ່ ເປາະ ອາຊວຍ ໂປໂລ ແຕ້ອ໌ ປິ ຕົວະ ຊຳເປົ້າ.

# 21

ໂປໂລ ເຈົ້າ ລັຮ ປິ ເມືອງ ເຢຣູຊາເລັມ

<sup>1</sup> ພໍກາ ຮິ ຮາຕັຮ ກະ ໄລ່ ແຕ ເມືອງ ເອເພໂຊ, ຮິ ຊ້ອຮ ຕັງ ຕົວະ ຊຳເປົ້າ ເປາະ ຕານ້ອງ ປິ ໂບດ ໂກດ. ຕາໄງ ອິນຕຸ່ນ ແອັນ ຮິ ແຕ້ອ໌ ປິ ໂບດ ໂຮໂດ. ແຕ ໂບດ ກ້ອຍ ຮິ ແຕ້ອ໌ ປິ ເມືອງ ປາຕາຮາ. <sup>2</sup> ຕັງ ເມືອງ ກ້ອຍ ຮິ ຮາມັຮ ຕົວະ ຊຳເປົ້າ ມວຍ ແລ້ມ ເປາະ ປິ ແຄງ ໂພນີເຊຍ, ເຈີ້ ຮິ ຊ້ອຮ ຕັງ ຕົວະ ກ້ອຍ. <sup>3</sup> ຮິ ເປາະ ວຍາຮ ໂບດ ປິດ ໄຊປຣັດ ຍັຮ ກາເດີບ. ກະ ຮິ ແຕ້ອ໌ ປິ ເມືອງ ຕິເຣ ຕັງ ແຄງ ຊິເຣຍ. ຕັງ ເມືອງ ກ້ອຍ ໄລ່ ກາ ຕາລາ ຕົວະ ຊຳ ເປົ້າ ອີງໂກຍ ເກຣັງ ແຕ ຕົວະ ຊຳເປົ້າ ກ້ອຍ. <sup>4</sup> ຕັງ ເມືອງ ຕິເຣ ກ້ອຍ ຮິ ຮາມັຮ ມູ່ ກາ ຕາປູນ ເຢຊູ ກະ ຮິ ແອັດ ກະ ໄລ່ ຕາປູລ ຊາເດົາ. ຮາເວ້າຍ ເຢີງ ເຈົ້າຮາຊີ ໂອນ ໄລ່ ກ້ອຍ ອາຕີ ໂປໂລ ອິນໂຈຍ ເປາະ ປິ ເມືອງ ເຢຣູຊາເລັມ. <sup>5</sup> ມາ ແຕ້ອ໌ ຕາໄງ ຕາກໍ ອລ ຮິ ຊ້ອຮ ລັຮ ຕັງ ຕົວະ ຊຳເປົ້າ ຊາ; ເຈີ້ ລັອຮ ແຕ ໄລ່ ກ້ອຍ. ກະ ອິນແຍ່ະ ມູ່ ກາ ຊາອຳ ກ້ອຍ, ມັນແຊມ ຮາເລົາ, ກັຮແນນ ຊາຊາຍ, ໄລ່ ເປາະ ອາ ຊວຍ ຮິ ແວັດ ປັຮລັອຮ ເມືອງ. ແຕ້ອ໌ ປິຮ ແດັອ໌ ທາເລ ຮິ ກູ່ ຮາໂກລ; ເຈີ້ ເກົາແຊອ໌. <sup>6</sup> ແວັດ ເກົາ ແຊອ໌, ຮິ ກ່ອບ ກັຮບັນ ກັຮຊວານ ໄລ່ ກ້ອຍ. ເຈີ້ ຮິ ຊ້ອຮ ຕັງ ຕົວະ ຊຳເປົ້າ, ມາ ໄລ່ ກ້ອຍ ເຈົ້າ ລັຮ ປິ ດຸງ ໄລ່.

<sup>7</sup> ຮິ ລັອຮ ແຕ ເມືອງ ຕິເຣ ມຸ່ດ ຕັງ ເມືອງ ປະໂຕເລມາຍ ແອັນ. ຕັງ ເມືອງ ກ້ອຍ ຮິ ມຸ່ດ ຊາ ອັຮ ມູ່ ກາ ຊາອຳ ເຢຊູ, ກະ ຮິ ແອັດ ກະ ໄລ່ ມວຍ ຕາໄງ ມູ ຊາເດົາ. <sup>8</sup> ມາຮ ຕາໄງ ປັຮແນີ ຮິ ລັອຮ ແຕ ເມືອງ ປະໂຕເລມາຍ ເປາະ ປິ ເມືອງ ກາຍຊາເຣຍ ແອັນ. ຕັງ ເມືອງ ກ້ອຍ ຮິ ແອັດ ຕັງ ດຸງ ພິລິບ. ອັນ ລາ ແຕ ມູ່ ໄລ່ ຕາປູລ ມະ ກາ ເມົາ ຮຽຮ ໂອນ ອິມແປອ໌ ເກຣັງ ຕັອກ ຈາ ຕັງ ເມືອງ ເຢຣູຊາເລັມ. ກະ ພິລິບ ເປາະ ອາຕີ ປັຮນາຍ ອໍ ແຕ ເຢຊູ ກຣິ ດ ໂອນ ກວາຍ ການໍ່ອ໌ ຊ້ອງ ແຕ່. <sup>9</sup> ອັນ ເບິນ ປູນ ລຳ ກອນ ມັນແຊມ, ອິນນ້ອງ ກູໂມຮ ກາ ອາ ຕີ ຕາງ ປັຮນາຍ ເຢີງ ເຈົ້າຮາຊີ. <sup>10</sup> ຮິ ແອັດ ປິ ກ້ອຍ ເບິນ ໄປ ປູນ ຕາໄງ; ເຈີ້ ແຕ້ອ໌ ມານະ ຮາມິ ຮ ອາຄະໂບ ແຕ ແຄງ ຢູດາຍ. ອັນ ລາ ກວາຍ ອາ ຕີ ຕາງ ປັຮນາຍ ເຢີງ ເຈົ້າຮາຊີ. <sup>11</sup> ອັນ ແຕ້ອ໌ ປິ ຮິ, ກະ ອັນ ອິດ ກັນຕັນ ແຕ ອີງກິງ ໂປໂລ; ເຈີ້ ອັນ ຊັດ ອາເຢີງ ອາຕີ ອັນ ເບິນ. ອັນ ປາຍ: "ຮາເວ້າຍ ເຢີງ ເຈົ້າຮາຊີ ໂອນ ເກົາ ປາຍ: 'ອັນ ກາ ຕາລາ ກັນ ຕັນ ໄນ່, ປັຮແນີ ມັນເຕຣີ ຈຸ່ມ ອິດຊະຮາເອລ ຕັງ ເມືອງ ເຢຣູຊາເລັມ ຊັດ ຕັຮ ອັນ ມູເຈີງ ເກົາ ຊັດ

ອາເຢັງ ອາຕີ ເກົາ ຊານໍ່. ກະ ຈຸ່ມ ອິດຊະຮາເອລ ອາແຕ້ອ໌ ອັນ ປູ້ ອາຕີ ກວາຍ ຕາ ເກົນ ກວາຍ ອິດ ຊະຮາເອລ ແຮ້."

12 ແຕ້ອ໌ ຮິ ຊ້ອງ ປັຣນາຍ ໄນ່, ຮິ ກະ ອິນແຍ່ ະ ມູ່ ກາ ຊາອໍາ ເຢຊູ ກ້ອຍ, ອິນແຍ່ະ ນະ ຮິ ຕາ ໄມຮ ໂປໂລ ແຊອ໌ ໂອນ ອັນ ອິນໂຈຍ ເປາະ ນ້ອງ ປິ້ ມືອງ ເຢຣູຊາເລັມ. 13 ມາ ໂປໂລ ຕາແອີຍ ຮິ ປາຍ: "ອິນເຕ້າ ເຍົາ ເຍົາມ ຕະ? ແຊອ໌ ເຍົາ ອິນ ໂຈຍ ກາຕ້ອງ ເກົາ. ເກົາ ຕາ ເປັນ ອີງກ້ອຣ. ຕາ ເປັນ ອິນເຕ້າ ເມົາ ຊັດ ອາເຢັງ ອາຕີ ເກົາ. ກະ ຕາ ເປັນ ອິນເຕ້າ ໄລ່ ກາຈິດ ເກົາ. ເກົາ ຕາ ເປັນ ອີງ ກ້ອຣ ອິນເຕ້າ ເມົາ ຕະ ເກົາ ຍ່ອນ ເກົາ ເດີງ ປັຣ ນາຍ ເຢຊູ ກຣິດ."

14 ນະກ້ອຍ ໂປໂລ ຕາ ເປັນ ຊາງັດ ປັຣນາຍ ຮິ ກາ ຕຽຣ ອັນ. ເຈ້ ຮິ ຕາ ເປັນ ປາຍ ອິນເຕ້າ ນ້ອງ. ຮິ ປາຍ ປິ້ອ໌ ນະໄນ່ ຊ້ອງ: "ຕາມ ເຢັງ ເຈົາຮາຊີ. ຮານະ ອິນເຕ້າ ເຢັງ ເຈົາຮາຊີ ຢິອ໌ ອິ ຕະ, ອັນ ຕະ."

15 ແວັດ ກ້ອຍ ອິນແຍ່ະ ນະ ຮິ ກຽມ ມັຣ ຫາ ຮິ່ງ ອິ ຊ້ອຣ ປິ້ ມືອງ ເຢຣູຊາເລັມ. 16 ເປັນ ກວາ ຍ ແຕ ມູ່ ກາ ຕາປູ່ນ ເຢຊູ ຕິ່ງ ມືອງ ກາຍຊາເຣຍ ເປາະ ກະ ຮິ ເຕ່. ຕິ່ງ ມືອງ ເຢຣູຊາເລັມ ໄລ່ ເດີງ ອາຊວຍ ຮິ ແຕ້ອ໌ ດຸງ ມະນາໂຊນ. ມະນາໂຊນ ລາ ກວາຍ ແຕ ໂບດ ປັດ ໄຊປຣັດ, ກະ ອັນ ຕາປູ່ນ ເຢຊູ ດຸ່ນ ເຈ້.

ໂປໂລ ເປາະ ຊາອົຣ ຢາໂກໂບ

17 ພໍກາ ຮິ ແຕ້ອ໌ ປິ້ ມືອງ ເຢຣູຊາເລັມ, ມູ່ ກາ ຊາອໍາ ເຢຊູ ຕິ່ງ ມືອງ ກ້ອຍ ຮາບັນ ຮັບ ຮິ ຕະ ແບອ໌ ຮໍອ໌ ບູຍ. 18 ມາ ຕາໄງ ປັຣແນີ ໂປໂລ ກະ ຮິ ເປາະ ຊາອົຣ ຢາໂກໂບ ກະ ອິນແຍ່ະ ມັຣ ກວາ ຍ ຊັດ ມູ່ ກາ ຊາອໍາ ເຢຊູ ຕິ່ງ ມືອງ ເຢຣູຊາເລັມ. 19 ໂປໂລ ຮາບັນ ໄລ່, ກະ ອັນ ອາຕີ ໄລ່ ອິນແຍ່ ະ ຮາມິ້ຣ ເຢັງ ເຈົາຮາຊີ ຕະ ຈ່ອຍ ກວາຍ ກາ ຕາ ເກົນ ກວາຍ ອິດຊະຮາເອລ ບ້ອງ ກາ ອັນ ເປາະ ອາຕີ ໄລ່. 20 ພໍກາ ໄລ່ ຊ້ອງ ປັຣນາຍ ໂປໂລ ອາຕີ, ໄລ່ ຍ່ອງ ເຢັງ ເຈົາຮາຊີ. ເຈ້ ໄລ່ ປາຍ ກະ ໂປໂລ ນະໄນ່: "ອາຍ ເອີຍ! ໄມ່ ດັງ ເຈ້ ເປັນ ຊາອິ້ຍ ປັນ ນະ ແຕ ຈຸ່ມ ອິດຊະຮາເອລ ຊາອໍາ ເຢຊູ ກຣິດ. ໄລ່ ກ້ອຍ ປາຍ ອິນແຍ່ະ ມັຣ ກວາຍ ອິດຊະຮາເອລ ກາ ຕາປູ່ນ ຮານະ ເຢຊູ ອີງເຄາະ ຊາງັດ ຄານອດ ໂມເຊ ແຮ້. 21 ເປັນ ເມົາ ປ່ອງ ໄມ່ ປິ້ ກວາຍ ອິດ ຊະຮາເອລ, ປາຍ ໄມ່ ອາຕີ ຈຸ່ມ ອິດຊະຮາເອລ ກາ ແອັດ ຕິ່ງ ກຣວາງ ການໍ່ອ໌ ໂອນ ໄລ່ ອິນໂຈຍ ຕາປູ່

ນ ນ້ອງ ຄານອດ ໂມເຊ, ກະ ໂອນ ໄລ່ ອິນໂຈຍ ຕະ ນ້ອງ ຮິັດ ກິດ ໂອນ ກອນ ໄລ່. ກະ ໄລ່ ປ່ອງ ນະໄນ່ ແຮ້ ປາຍ ໄມ່ ອາຕີ ຕາ ເປັນ ຕາປູ່ນ ນ້ອງ ລາ ໂທຍ ມັຣ ຮິັດ ອາຈວາຍຣ ອາເຈ່ຣ ໄຮ. 22 ຕາ ເປັນ ດູ່ນ ນ້ອງ ໄລ່ ກາ ປ່ອງ ໄມ່ ດັງ ແຕ້ ໄມ່ ແຕ້ອ໌ ປິ້ ມືອງ ໄມ່. ນະກ້ອຍ ນານະ ໄຮ ອິ ຕະ ຊານໍ່? 23 ຮິ ຄິດ ອໍ ໂອນ ໄມ່ ຊາງັດ ປັຣນາຍ ຮິ ເວ້າຍ. ເປັນ ປູນ ນະ ຮາເລົາ ແຕ ມູ່ ຮິ, ໄລ່ ເອີອ໌ ເຈ້ ກະ ເຢັງ ເຈົາຮາ ຊີ ຕະ ມູ ຮາມິ້ຣ, ມາ ຕາ ຢວາຣ ເຈ້. 24 ໄມ່ ເປາະ ກະ ປູນ ນະ ໄມ່. ກະ ໄມ່ ຕະ ມູເຈັງ ໄລ່ ເຕ່ ຕາປູ່ນ ຄານອດ ອິດຊະຮາເອລ, ໂອນ ອິນແຍ່ະ ມັຣ ເຍົາ ແກັດ ບຣັຣ ປວາຍ ຮິັດ. ຫາຮິ່ງ ອິນເຕ້າ ໄລ່ ປູນ ນະ ກ້ອຍ ຢິອ໌ ອິ ແຈັງ ກາ ອິ ຕະ ຮິັດ, ໄມ່ ໂອນ ປຣະ ໂອນ ໄລ່ ແຈັງ. ເຈ້ ໂອນ ໄລ່ ແທ ອາລຸງ ແປຼີ ໄລ່. ນະກ້ອຍ ຈຸ່ມ ອິດຊະຮາເອລ ເປັນ ດັງ ແຈງ, ຕາ ເປັນ ປຍາຍ໌ ເມົາ ປ່ອງ ໄມ່. ເຈ້ ໄລ່ ດັງ ໄມ່ ອິນ ນ້ອງ ຕາປູ່ນ ຄານອດ ໂມເຊ ເຕ່. 25 ມາ ມັຣ ກວາ ຍ ກາ ຕາ ເກົນ ກວາຍ ອິດຊະຮາເອລ ກາ ຊາອໍາ ເຢຊູ ກຣິດ ເຈ້, ຮິ ຕະ ເຈຍ ໂອນ ໄລ່ ດັງ ອິນເຕ້າ ຮິ ໂອນ ໄລ່ ຕະ. ໂອນ ໄລ່ ອິນໂຈຍ ຈາ ຫາຮິ່ງ ຮາ ແວ້ຣ ກາ ເມົາ ຈູຈໍາ ເຈ້; ອິນໂຈຍ ຈາ ອາຮາມ; ອິນ ໂຈຍ ຈາ ຊັນຕຣັນ ເມົາ ຈ້ອກ; ກະ ມັນແຊມ ຮາເລົາ ຕາ ເປັນ ລາກວຍ ກາຢາອ໌ ອິນໂຈຍ ບິ ມັນຕຸ."

26 ເຈ້ ຕາໄງ ອິນຕູນ, ໂປໂລ ເປາະ ກະ ປູນ ນະ ກ້ອຍ ຕະ ນະ ໄລ່ ເອີອ໌ ກະ ເຢັງ ເຈົາຮາຊີ. ແວັດ ກ້ອຍ ອັນ ມູ່ດ ຕິ່ງ ດຸງ ຊາງ ປັດ ຈຸ່ມ ອິດຊະຮາ ເອລ ໂອນ ອິນແຍ່ະ ມັຣ ກວາຍ ດັງ ແຈງ ອິນຊີ ຕາ ໄງ ແອັນ ອັນ ຕະ ເຈ້ ຮິັດ ແກັດ ບຣັຣ. ອັນ ປາຍ ເປັນ ຕາປູ່ລ ຕາໄງ ແອັນ ໄລ່ ອິ ໂອນ ຫາຮິ່ງ ຊາງ ແຮ້ ຕາປູ່ນ ຄານອດ ອິດຊະຮາເອລ.

ເມົາ ໂກບ ໂປໂລ ຕິ່ງ ດຸງ ຊາງ ປັດ

27 ແຈ່ະ ອິ ອິນແຍ່ະ ຕາປູ່ລ ຕາໄງ ກ້ອຍ, ເປີ ນ ມັຣ ກວາຍ ອິດຊະຮາເອລ ແຕ ແຄງ ເອເຊຍ, ໄລ່ ເຮີມ ໂປໂລ ຕິ່ງ ດຸງ ຊາງ ປັດ ຈຸ່ມ ອິດຊະຮາ ເອລ. ເຈ້ ໄລ່ ຍາຍົວະ ມັຣ ກວາຍ ກຼິ່ງ ຢິອ໌ ອິ ໂອນ ໄລ່ ກ້ອຍ ອວານ ກະ ໂປໂລ. ນະກ້ອຍ ກວາຍ ກຼິ່ງ ກ້ອຍ ໂກບ ໂປໂລ. 28 ກະ ໄລ່ ປາຍ ເຣ່ງ ລາລີ້ ນະ ໄນ່: "ອິນແຍ່ະ ມັຣ ກວາຍ ອິດຊະຮາເອລ ເອີຍ! ເຍົາ ຈ່ອຍ ຮິ ແຮ້! ໂກຣ ລາລີ້ ກວາຍ ໄນ່ ເອີຍ ກາ ເປາະ ອາຕີ ກູ່ ກຣວາງ ປັຣນາຍ ຕາ ເປັນ ປ ຍາຍ໌ ແຕ ຈຸ່ມ ກວາຍ ອິດຊະຮາເອລ, ແຕ ຄານອດ ໂມເຊ, ກະ ແຕ ດຸງ ຊາງ ປັດ ໄຮ. ອັນ ເດີງ ກວາຍ

ຕາ ແກ້ນ ກວາຍ ອິດຊະຮາເອລ ມູ່ດ ຕຶ້ງ ຊັງອາຣ ດຸງ ຊາງ ປິດ ໄຮ ແຮ້. ຕະ ນະກ້ອຍ, ອັນ ຕະ ໂອນ ດຸງ ຊາງ ໄຮ ແກ້ດ ຕາ ເບີນ ບຣັຣ ອໍ ນ້ອງ."

29 ໄລ່ ປາຍ ນະກ້ອຍ, ຍ່ອນ ໄລ່ ເຮີມ ໂປໂລ ເປາະ ກະ ໂທພິໂມ ຕຶ້ງ ຮານາ ເມືອງ ກ້ອຍ. ໂທພິ ໂມ ລາ ກວາຍ ແຕ ເມືອງ ເອເພໂຊ. ນະກ້ອຍ ໄລ່ ກ້ອຍ ຄິດ ໂປໂລ ເດີງ ໂທພິໂມ ມູ່ດ ຕຶ້ງ ຊັງອາຣ ດຸງ ຊາງ ປິດ ຈຸ່ມ ອິດຊະຮາເອລ. ມາ ໂທພິໂມ ຕາ ເບີນ ມູ່ດ ຕຶ້ງ ດຸງ ຊາງ ກ້ອຍ. 30 ອິນແຍ່ະ ເມືອງ ກ້ອຍ ປຣລັອງ ຢິ້ອ ອີ ຕະ ໂປໂລ; ເຈ້ ໄລ່ ກາຕ້ອງ ອາລັອຣ ໂປໂລ ແຕ ດຸງ ຊາງ ປິດ. ແວັດ ໄລ່ ຕະ ນະກ້ອຍ, ໄລ່ ກາໄຕຣ ຕັຣ ງັຣ ຕຶ້ງ ດຸງ ຊາງ ປິດ.

31 ອິນແຍ່ະ ໄລ່ ກ້ອຍ ຕະ ໂປໂລ ຍິ້ອ ອີ ໂອນ ອັນ ກູຈິດ ຊ້ອງ. ມາ ເບີນ ກວາຍ ເປາະ ອາຕີ ກວາຍ ຊົດ ຕາຮານ ໂຣມ ຕຶ້ງ ເມືອງ ເຢຣູຊາເລັມ, ປາຍ ອິນແຍ່ະ ກວາຍ ຕຶ້ງ ເມືອງ ປຣຍາວໆ ອີ ກາຈິດ ກວາຍ ກ້ອຍ. 32 ເຈ້ ກວາຍ ຊົດ ຕາຮານ ກ້ອຍ ເດີງ ກວາຍ ຊົດ ປື້ນ ອັນ ກະ ຕາຮານ ການໍ້ອ ເປາະ ໄວ່ ປີ ອິນຕຸ ຊຽງ ຊັຣູອໍອໍ ຊັຣເມອໍ ກ້ອຍ. ພໍກາ ກວາຍ ກຶ້ງ ກ້ອຍ ເຮີມ ຕາຮານ ແຕ້ອ, ໄລ່ ຕາ ເບີ ນ ປຍາຍຣ ນ້ອງ ໂປໂລ. 33 ກວາຍ ຊົດ ຕາຮານ ກ້ອຍ ເປາະ ແຈ່ະ ໂປໂລ, ກະ ອັນ ແປຣີ ຕາຮານ ໂກບ ໂປໂລ, ເຈ້ ຊົດ ອັນ ບາຣ ອິນແຕຣັຣ ອິນໄຊ ໂຊ. ແວັດ ກ້ອຍ ອັນ ຕາແບີບ: "ອັນ ໄນ່ ລາ ເມ້າ? ອິນເຕ້າ ອັນ ຕະ?"

34 ມັຣ ກວາຍ ກຶ້ງ ກ້ອຍ ຕາແອີຍ ປາຍ ເຣ່ງ ລາ ລີ້. ອັນ ກາ ປາຍ ນະໄນ່, ອັນ ກາ ປາຍ ນະກ້ອຍ. ມາ ກວາຍ ຊົດ ຕາ ເຕ້ອ ໂກບ ອິດ ມັຣ ປຣນາຍ ໄລ່ ປາຍ. ເຈ້ ກວາຍ ຊົດ ກ້ອຍ ແປຣີ ຕາຮານ ເດີ ງ ໂປໂລ ເຈ້າ ປີ ເກີຍ ຕາຮານ. 35 ພໍກາ ໄລ່ ແຕ້ອ ປີ ອິນຕຣ່ອງ ມູ່ດ ຕຶ້ງ ດຸງ, ຕາຮານ ກ້ອຍ ກາຕ້ອງ ອາຊັອຣ ໂປໂລ, ອິງກ້ອຣ ກວາຍ ກຶ້ງ ກາຈິດ ອັນ. 36 ກວາຍ ກຶ້ງ ກ້ອຍ ຕາປູນ ແຈ່ະ ລາລີ້ ກະ ປາຍ ເຣ່ງ ລາລີ້: "ກາຈິດ ຕັຣ ອັນ ໄນ່!"

ໂປໂລ ອາຕີ ລັຣ ອິນແຍ່ະ ຮານະ ອັນ ຕະ ເຈ້  
37 ພໍກາ ໄລ່ ແຈ່ະ ອີ ມູ່ດ ຕຶ້ງ ດຸງ ກ້ອຍ, ໂປໂລ ອາຕີ ກວາຍ ຊົດ ຕາຮານ ແຕ ປຣນາຍ ກຣິກ ປາຍ: "ເກ້າ ແຊອໍ ຕະ ອິນຕີ ມາໂຣຍ ກະ ໄນ່."

ກວາຍ ຊົດ ກ້ອຍ ຊ້ອງ ງິດ ລາລີ້, ກະ ອັນ ຕາ ແອີຍ ປາຍ: "ນານະ ໄນ່ ມາ ດັງ ປຣນາຍ ກຣິກ? 38 ແມ່ນ ບໍ່, ໄນ່ ລາ ກວາຍ ແຕ ກຣວາງ ເອຍິບ ກາ ຍິ້ອ ອີ ຕໍາໂປຣ ຊົດ ກຣວາງ ໄນ່? ກະ ໄນ່ ເດີງ ອາ

ຊວຍ ກວາຍ ປູນ ປິ່ນ ນະ ປີ ອິນຕຸ ຕາຍາຣ, ເຈ້ ລັອຣ ຣາຈິລ, ແມ່ນ ບໍ່?"

39 ມາ ໂປໂລ ຕາແອີຍ ອັນ ປາຍ: "ຕາ ແກ້ນ. ເກ້າ ລາ ກວາຍ ອິດຊະຮາເອລ ເຕ້. ອິມເປ້ອ ເກ້າ ຣັຣ ເກ້າ ຕຶ້ງ ເມືອງ ຕາໂຊ, ລາ ເມືອງ ປິດ ລາລີ້ ຕຶ້ງ ແຄງ ກິລິທາຍ. ເກ້າ ແຊອໍ ໄນ່ ໂອນ ເກ້າ ຕະ ອິນຕີ ກະ ກວາຍ ກຶ້ງ ໄນ່."

40 ນະກ້ອຍ ກວາຍ ຊົດ ກ້ອຍ ໂອນ ໂປໂລ ຕະ ອິນຕີ ກະ ກວາຍ ກຶ້ງ ກ້ອຍ. ເຈ້ ໂປໂລ ຕາຍິ່ງ ຕຶ້ງ ອິນຕຣ່ອງ, ກະ ອາວິດ ອາຕີ ອັນ ໂອນ ກວາຍ ກຶ້ງ ກ້ອຍ ອິນໂຈຍ ຕະ ແບອໍ. ພໍກາ ໄລ່ ແອິດ ຮາງ ຍາອໍ, ໂປໂລ ອາຕີ ໄລ່ ແຕ ປຣນາຍ ເຮັບເຮີ, ລາ ປຣນາຍ ກວາຍ ອິດຊະຮາເອລ.

## 22

1 ໂປໂລ ອາຕີ ປາຍ: "ມັຣ ອາຍີ້ ອາກູນ, ມັຣ ແຊມອາຍ ເອີຍ! ເຍ້າ ຊາງັດ ປຣນາຍ ເກ້າ. ມັຣ ຮານະ ເກ້າ ຕະ, ເກ້າ ຍິ້ອ ອີ ຕະ ອິນຕີ ໂອນ ເຍ້າ ດັງ."

2 ພໍກາ ໄລ່ ຊ້ອງ ໂປໂລ ອາຕີ ໄລ່ ແຕ ປຣນາຍ ເຮັບເຮີ, ລາ ປຣນາຍ ໄລ່ ເບີມ, ໄລ່ ແອິດ ຮາງຍາອໍ ຍິ້ອ ອີ ຊາງັດ ລາລີ້. 3 ນະກ້ອຍ ໂປໂລ ອາຕີ ແອັນ: "ເກ້າ ລາ ກວາຍ ອິດຊະຮາເອລ ເຕ້. ອິມເປ້ອ ຣັຣ ເກ້າ ຕຶ້ງ ເມືອງ ຕາໂຊ ແຄງ ກິລິທາຍ. ມາ ແຕ ເກ້າ ອິນນ້ອງ ແກດໆ, ເກ້າ ແອິດ ເລືອຍໆ ຕຶ້ງ ເມືອງ ເຢຣູຊາເລັມ ໄນ່. ເກ້າ ຣຍານ ແຕ ອາຈານ ຄາມາລີ ເອລ ໂອນ ດັງ ແຈງ ລາລີ້ ກູ່ ຮາມິ້ຣ ຕຶ້ງ ຄານອດ ອາຈວາຍຣ ອາເຈ່ຣ ໄຮ. ກະ ເກ້າ ອູອຍາຣ ອູໄອອໍ ລາລີ້ ຍິ້ອ ອີ ຍໍາມັບ ເຢັງ ເຈ້າຣາຊີ ມູເຈິງ ເຍ້າ ຊາ ນຸ່ ເຕ້. 4 ບັອງ ກ້ອຍ ເກ້າ ຍິ້ອ ອີ ອາປິດ ຕັຣ ຮາ ນະ ເຢຊູ. ເກ້າ ໂກບ ມັຣ ກວາຍ ກາ ຕາປູນ ຮານະ ກ້ອຍ, ກາ ມັນແຊມ, ກາ ຮາເລ້າ, ໂຈະ ໄລ່ ຕຶ້ງ ກໍ້ອ ຍິ້ອ ອີ ໂອນ ເມ້າ ກາຈິດ ໄລ່. 5 ອັນ ກາ ຕາລາ ອິນ ແຍ່ະ ແຕ ຣິດ ຊາງ ເຢັງ ເຈ້າຣາຊີ ກະ ມັຣ ກວາຍ ຊົດ ການໍ້ອ ແຮ້, ໄລ່ ກ້ອຍ ດັງ ເກ້າ ປາຍ ປຍາຍ, ຍ່ອນ ໄລ່ ກ້ອຍ ແຕ່ ໂອນ ເກ້າ ເບີນ ເຈຍ ປຣນາຍ ເຕ້ອ ໂກບ ກວາຍ ຊາອໍາ ເຢຊູ ຕຶ້ງ ເມືອງ ດາມັດ ກັດ. ພໍກາ ເກ້າ ອາປິຣ ເຈຍ ປຣນາຍ ກ້ອຍ ໂອນ ມັຣ ກວາຍ ຊົດ ອິດຊະຮາເອລ ຕຶ້ງ ເມືອງ ກ້ອຍ, ໄລ່ ກ້ອຍ ດັງ ແຈງ ປາຍ ເກ້າ ເຕ້ອ ເປາະ ຈໍ້ອ ກະ ໂກບ ມັຣ ກວາຍ ກາ ຕາປູນ ຮານະ ເຢຊູ, ກະ ຊົດ ເດີງ ອາຊວຍ ໄລ່ ປີ ເມືອງ ເຢຣູຊາເລັມ ໂອນ ເມ້າ ຕະ ໄລ່ ຕຶ້ງ ເມືອງ ກ້ອຍ."



ໂປໂລ ອາຕີ ລັຮ ອັນ ຮາມັຮ ເຢຊູ ຕຶ້ງ ຮານາ (ຮານ: ຕ: 9:1-19; 26:12-18)

6 "ແຈ່ວ ມັດ ມານາງ ຕິລມູ່ລ, ເກົາ ແອັດ ຕຶ້ງ ຮານາ ແຈ່ວ ເມືອງ ດາມັດກັດ. ບ້ອງ ກາ ກ້ອຍ ແຕ່ ບັ້ງ ແຕ ມັນລ້ອງ ປາເລີງ ອາແຊງ ບິ ຈະ ເກົາ. 7 ເຈີ່ ເກົາ ເດີມ ຕຶ້ງ ຮານາ, ກະ ເກົາ ຊ້ອງ ຊຽງ ເມົາ ຊາ ບາວ ເກົາ ປາຍ: 'ໂຊໂລ ເອີຍ! ເອີ ໂຊໂລ! ນານະ ໄມ່ ຕະ ຕຸ່ຮ ເກົາ?' 8 ເຈີ່ ເກົາ ຕາແອີຍ ຊຽງ ກ້ອຍ ປາຍ: 'ອິນເຈົາ ເອີຍ! ເຍົາ ລາ ເມົາ?' ອັນ ຕາແອີຍ ລັຮ ເກົາ ປາຍ: 'ເກົາ ລາ ເຢຊູ ແຕ ວິລ ມາຊາເຣັດ ກາ ໄມ່ ຕະ ຕຸ່ຮ.' 9 ມັຮ ໄລ່ ກາ ເປາະ ກະ ເກົາ, ໄລ່ ເຮີມ ແຕ່ ບັ້ງ ກ້ອຍ, ມາ ໄລ່ ຕາ ເບີນ ຊ້ອງ ອິນ ເຕົ້າ ຊຽງ ກ້ອຍ ປາຍ. 10 ເຈີ່ ເກົາ ຕາແບີບ ປາຍ: 'ອິນເຈົາ ເອີຍ! ນານະ ເກົາ ອີ ຕະ ຊານຸ່?' ເຢຊູ ຕາແອີຍ ລັຮ ເກົາ ປາຍ: 'ໄມ່ ຢວຣ ຕາຍິ່ງ; ເຈີ່ ໄມ່ ມູ່ດ ຕຶ້ງ ເມືອງ ດາມັດກັດ. ຕຶ້ງ ເມືອງ ກ້ອຍ ເບີນ ກວາຍ ອາຕີ ໂອນ ໄມ່ ດັງ ຮານະ ອິນເຕົ້າ ເກົາ ຢິຣ ອີ ໂອນ ໄມ່ ຕະ.' 11 ພໍກາ ບັ້ງ ກ້ອຍ ປາເລີງ ຕຶ້ງ ຈະ ເກົາ, ມັດ ເກົາ ແກັດ ຊູດ. ນະກ້ອຍ ເຍົາ ເກົາ ເຕີ ອາຢວຣ ເກົາ ມູ່ດ ຕຶ້ງ ເມືອງ ດາມັດກັດ.

12 "ຕຶ້ງ ເມືອງ ດາມັດກັດ ກ້ອຍ ເບີນ ມານະ ຮາມັຮ ອານາເນຍ. ອັນ ຕະ ຕາປຸ່ນ ລາລີ່ ຄານອດ ໄຮ, ກະ ຈຸ່ມ ອິດຊະຮາເອລ ຕຶ້ງ ເມືອງ ກ້ອຍ ຢົາ ມັບ ລາລີ່ ອັນ. 13 ອານາເນຍ ແຕ່ອິ ອາຕີ ເກົາ ປາຍ: 'ໂຊໂລ ເອີຍ! ໄມ່ ລາ ແຊມອາຍ ເກົາ. ໂອນ ມັດ ໄມ່ ແກັດ ບັ້ງ ລັຮ.' ບ້ອງ ກາ ກ້ອຍ ແຕ່ ມັດ ເກົາ ແກັດ ບັ້ງ ລັຮ, ກະ ເກົາ ເຮີມ ອານາເນຍ. 14 ເຈີ່ ອັນ ອາຕີ ເກົາ ແອັນ ປາຍ: 'ເຢົາງ ເຈົາຮາ ຊິ ກາ ອາຈວາຍຮ ອາເຈ່ຮ ໄຮ ຊາງ ແຕ ອິມແບີ, ອັນ ແຕ່ ຮຽຮ ໄມ່ ໂອນ ດັງ ຮາງິຮ ອັນ. ອັນ ຮຽຮ ໂອນ ໄມ່ ເບີນ ເຮີມ ເຢຊູ, ອັນ ກາ ຕານ້ອງ ອໍ ກະ ຕາ ເບີນ ໄລ່ຍຮ ອິນເຕົ້າ. ກະ ອັນ ຮຽຮ ໄມ່ ໂອນ ເບີນ ຊ້ອງ ຊຽງ ເຢຊູ. 15 ເຢົາງ ເຈົາຮາຊິ ໂອນ ໄມ່ ເປາະ ອາຕີ ອິນແຍ່ະ ມັຮ ກວາຍ ດັງ ອິນແຍ່ະ ມັຮ ຮາມັຮ ໄມ່ ເຮີມ ກະ ຊ້ອງ ເຈີ່. 16 ນານະ ໄມ່ ອິນນ້ອງ ເກຣາະ? ໄມ່ ຢວຣ ຕາຍິ່ງ ຮັບ ຮິດ ຕຶ້ງ ແດັອ. ໄມ່ ເກົາແຊອ໌ ແຕ ເຢຊູ ໂອນ ອາເຮົາວ ອິນ ແຍ່ະ ມັຮ ໄລ່ຍຮ ໄມ່.'"

ເຢຊູ ແປຣີ ໂປໂລ ອາຕີ ກວາຍ ຕາ ແກິນ ກວາ ຍ ອິດຊະຮາເອລ

17-18 "ພໍກາ ເກົາ ເຈົາ ບິ ເມືອງ ເຢຣູຊາເລັມ, ເກົາ ມູ່ດ ຕຶ້ງ ດຸງ ຊາງ ປັດ ຢິຣ ອີ ເກົາແຊອ໌. ບ້ອງ

ກາ ເກົາ ເກົາແຊອ໌, ເກົາ ເຮີມ ເຢຊູ ອາປັຮ ຈະ ອັນ, ກະ ອາຕີ ເກົາ ປາຍ: 'ເປາະ ໄວ່! ໄມ່ ລັຮ ຊານຸ່ ແຕ່ ແຕ ເມືອງ ເຢຣູຊາເລັມ ໄມ່. ກວາຍ ແອັດ ຕຶ້ງ ເມືອງ ໄມ່, ໄລ່ ຕາ ຢິຣ ອີ ຊາງັດ ປັຮນາຍ ໄມ່ ອາ ຕີ ແຕ ເກົາ.' 19 ເຈີ່ ເກົາ ຕາແອີຍ ລັຮ ເຢຊູ ປາຍ: 'ອິນເຈົາ ເອີຍ! ມູ່ ໄມ່ ດັງ ເຈີ່ ບ້ອງ ກ້ອຍ ເກົາ ເກິ່ຍ ມູ່ດ ຕຶ້ງ ດຸງ ຊາງ ອີ ໂກບ ມັຮ ມູ່ກາ ຊາອໍາ ອິນເຈົາ. ກະ ເກົາ ໂອນ ເມົາ ໄຈະ ໄລ່ ຕຶ້ງ ກໍ່ອິ ຢິຣ ອີ ກາຈິດ ໄລ່. 20 ບ້ອງ ກາ ເມົາ ກາຈິດ ຊະເຕພາໂມ, ຢ່ອນ ອັນ ອາຕີ ປັຮນາຍ ເຍົາ, ເກົາ ລາ ປຣ່ອມ ແຕ່ ກະ ໄລ່ ກາ ກາຈິດ ອັນ. ເກົາ ແອັດ ກຍາອ໌ ຕໍາປັອກ ໄລ່.' 21 ມາ ເຢຊູ ຕາແອີຍ ລັຮ ເກົາ ປາຍ: 'ໂອນ ໄມ່ ເປາະ! ເກົາ ແປຣີ ໄມ່ ເປາະ ເຢິງ ບິ ກຣວາງ ກວາ ຍ ການໍອ໌ ກາ ຕາ ແກິນ ກວາຍ ອິດຊະຮາເອລ.'"

ກວາຍ ຊົດ ຕາຮານ ຢິຣ ອີ ປຍາຍຮ ໂປໂລ 22 ແຕ ຕາແບີ ໂປໂລ ອາຕີ ກວາຍ ກຶ້ງ ກ້ອຍ, ໄລ່ ຊາງັດ ກຣັກ ລາລີ່. ມາ ພໍກາ ໄລ່ ຊ້ອງ ອັນ ປາຍ ເຢຊູ ແປຣີ ອັນ ເປາະ ອາຕີ ກວາຍ ຕາ ແກິນ ກວາຍ ອິດຊະຮາເອລ ແອັນ, ໄລ່ ຕາ ຢິຣ ອີ ຊາງັດ ນ້ອງ ປັຮນາຍ ອັນ. ກະ ໄລ່ ປາຍ ເຣ່ງ ລາລີ່: "ໄຮ ຕັຮ ຊ້ອງ ກວາຍ ໄມ່! ກາຈິດ ຕັຮ ອັນ! ອິນໂຈຍ ໂອນ ອັນ ອາມັງ ນ້ອງ ຕຶ້ງ ກູແຕອ໌ ໄມ່!"

23 ກວາຍ ກຶ້ງ ກ້ອຍ ປາຍ ເຣ່ງ ເລືອຍໆ ນະກ້ອຍ. ໄລ່ ແຈອ໌ ອາຢ້ອຣ ໄລ່ ເບີມ, ກະ ໄລ່ ປຣິຮ ກູແຕອ໌ ພຸ່ນ, ຕະ ໂອນ ເມົາ ດັງ ປາຍ ໄລ່ ຊ້ອງ ອິງຄິນ ລາລີ່. 24 ເຈີ່ ກວາຍ ຊົດ ຕາຮານ ກ້ອຍ ແປຣີ ເມົາ ເດີງ ໂປໂລ ອາມູ່ດ ຕຶ້ງ ເກົາຍ ຕາຮານ. ກະ ອັນ ແປຣີ ໄລ່ ປຍາຍຮ ໂປໂລ, ຢິຣ ອີ ດັງ ແຈງ ໂປໂລ ຕະ ໄລ່ຍຮ ອິນເຕົ້າ ກະ ກວາຍ ອິດຊະຮາເອລ. 25 ພໍກາ ໄລ່ ຊົດ ໂປໂລ ຢິຣ ອີ ປ ຍາຍຮ ອັນ, ໂປໂລ ເຮີມ ອັນ ກາ ຊົດ ມວຍ ຮ່ອຍ ຕາຮານ ແອັດ ຕາຍິ່ງ ແຈ່ວ ອັນ. ເຈີ່ ອັນ ຕາແບີບ ກວາຍ ກ້ອຍ ປາຍ: "ນານະ ແຕ່ອ໌ ບໍ, ເມົາ ປຍາຍ ຮ ກອນແຊມ ກຣວາງ ໂຮມ ຄັນ ຕາ ຢ່ວາຮ ຮາດັງ ໄລ່ຍຮ ອິນເຕົ້າ?"

26 ພໍກາ ຕາຮານ ກ້ອຍ ຊ້ອງ ປັຮ ນາຍ ນະກ້ອຍ, ອັນ ເປາະ ອາຕີ ແຕ່ ກວາຍ ຊົດ ອັນ ປາຍ: "ນານະ ໄມ່ ຢິຣ ອີ ຕະ ກວາຍ ໄມ່? ອັນ ລາ ກອນແຊມ ກຣວາງ ໂຮມ!"

27 ເຈີ່ ກວາຍ ຊົດ ກ້ອຍ ແຕ່ອ໌ ແຕ່ ບິ ໂປໂລ, ກະ ຕາແບີບ ອັນ ປາຍ: "ໄມ່ ອາຕີ ເກົາ ແຈງ, ໄມ່ ແມ່ນ ກອນແຊມ ກຣວາງ ໂຮມ ບໍ?" ໂປໂລ ຕາແອີຍ ປາຍ: "ເອີອ໌. ເກົາ ລາ ກອນ ແຊມ ກຣວາງ ໂຮມ."

28 ກວາຍ ຊົດ ກ້ອຍ ປາຍ ແອ້ນ ນະໄມ່: "ເກົາ ປິດ ປຣະ ຊາອິຍ ລາລີ້ ຢິອ໌ ອີ ແກັດ ກອນແຊມ ກຣວງ ໂຣມ."

ໂປໂລ ອາຕີ ລັຮ ອັນ ປາຍ: "ມາ ເກົາ ລາ ກອນ ແຊມ ກຣວງ ໂຣມ, ຍ່ອນ ອິມປໍ ເກົາ ລາ ກອນ ແຊມ ກຣວງ ໂຣມ."

29 ພໍກາ ໄລ່ ຊ້ອງ ໂປໂລ ອາຕີ ນະກ້ອຍ, ມັຮ ຕາຮານ ກາ ອີ ຕະ ອັນ, ໄລ່ ແດອ໌ ລັອຮ. ກະ ກວາຍ ຊົດ ຕາຮານ ກ້ອຍ ລາ ອິງກ້ອຮ ແຕ່, ຍ່ອນ ອັນ ແປຣີ ເມົາ ຊົດ ໂປໂລ, ລາ ມານະ ກອນແຊມ ກຣວງ ໂຣມ.

ໂປໂລ ຕາຍິ່ງ ຍັຮ ເມົາ ມູ່ ກາ ຊົດ ກວາຍ ອິດ ຊະຮາເອລ

30 ກວາຍ ຊົດ ຕາຮານ ກ້ອຍ ຢິອ໌ ອີ ດັງ ແຈງ ລາລີ້ ມານະ ຈຸ່ມ ອິດຊະຮາເອລ ຢິອ໌ ອີ ຕະ ໂປໂລ. ນະກ້ອຍ ຕາໄງ ປັຣແນີ ແອ້ນ, ກວາຍ ຊົດ ຕາຮານ ກ້ອຍ ແປຣີ ເມົາ ອາແລັຮ ອິນໄຊ ໄຊ ແຕ ອາຍິງ ໂປໂລ ກະ ອັນ ແປຣີ ມັຮ ກວາຍ ຊົດ ມູ່ ກາ ຊາງ ຮິດ ເຢິງ ເຈົາຮາຊີ, ກະ ມັຮ ກວາຍ ຊົດ ການໍ້ອ໌ ແຕ ຈຸ່ມ ອິດຊະຮາເອລ, ໂອນ ອິນແຍ່ະ ໄລ່ ໂຣ່ມ ມັນຕຸ. ເຈ້ ອັນ ເດິງ ອາຊວຍ ໂປໂລ ຕາຍິ່ງ ຍັຮ ເມົາ ໄລ່ ກາ ກວາຍ ຊົດ ກ້ອຍ.

### 23

1 ໂປໂລ ແນ່ ຊັຮກ້ອງ ປິ ຈຸ່ມ ກວາຍ ຊົດ ອິດຊະຮາເອລ ກ້ອຍ, ກະ ອັນ ປາຍ: "ແຊມອາຍ ເອີຍ! ແຕ ເກົາ ແກດ ເຕົາ ເກົາ ປິດ ຕາໄງ ໄມ່ ເກົາ ຕາ ເບີນ ຊ້ອງ ເກົາ ຕະ ໄລ່ຍຮ ອິນເຕົາ ໂຈະ ເຢິງ ເຈົາຮາຊີ."

2 ມາ ພໍກາ ໂປໂລ ປາຍ ນະກ້ອຍ, ອານາເນຍ, ອັນ ກາ ຕາລາ ອິນແຍ່ະ ແຕ ຮິດ ຊາງ ເຢິງ ເຈົາຮາຊີ, ແປຣີ ກວາຍ ກາ ແອັດ ແຈ່ະ ໂປໂລ ຕັຮ ແບອ໌ ໂປໂລ. 3 ເຈ້ ໂປໂລ ປາຍ ໂຈະ ກວາຍ ຊົດ ກ້ອຍ ນະໄມ່: "ປັຣແນີ ມັນເຕຣີ ເຢິງ ເຈົາຮາຊີ ຕະ ໄມ່ ນະໄມ່ ຕະ ເກົາ ຊານໍ້ ແຕ່. ແບອ໌ ໄມ່ ຕະ ອິນຕີ ນະ ອໍ, ມາ ຕິ່ງ ຮາງິຮ ໄມ່ ໂກະ. ໄມ່ ຢິອ໌ ອີ ຕັດຊິນ ເກົາ ຕາປູນ ຄານອດ ເຢິງ ເຈົາຮາຊີ, ມາ ໄມ່ ໂອນ ເມົາ ຕັຮ ເກົາ. ນະກ້ອຍ ໄມ່ ຕັຮ ຄານອດ ເຢິງ ເຈົາຮາຊີ."

4 ແວັດ ໂປໂລ ປາຍ ນະກ້ອຍ, ກວາຍ ແອັດ ແຈ່ະ ອັນ ອາຕີ ອັນ ປາຍ: "ນານະ ຍັນ ໄມ່ ເວ່ນ ດໍອ໌ ອັນ ກາ ຕາລາ ອິນແຍ່ະ ແຕ ຮິດ ຊາງ ເຢິງ ເຈົາຮາຊີ?"

5 ໂປໂລ ຕາແອີຍ ລັຮ ປາຍ: "ແຊມອາຍ ເອີຍ! ເກົາ ຕາ ເບີນ ດັງ ອັນ ມາ ຕາລາ ອິນແຍ່ະ ແຕ ຮິດ ຊາງ ເຢິງ ເຈົາຮາຊີ. ຄັນ ເກົາ ດັງ, ເກົາ ຕາ ເບີນ

ປາຍ ນະກ້ອຍ, ຍ່ອນ ປິ່ງ ປັຣນາຍ ເຢິງ ເຈົາຮາຊີ ອາຕີ ໄຮ ປາຍ: "ອິນໂຈຍ ປາຍ ຕາ ອໍ ແຕ ກວາຍ ຊົດ ເຍົາ."

6 ໂປໂລ ດັງ ມັຮ ກວາຍ ຊົດ ກ້ອຍ ເບີນ ກວາຍ ແຕ ບາຣ ຈຸ່ມ. ມວຍ ລາ ຈຸ່ມ ຊາດູກາຍ, ກະ ບາຣ ລາ ຈຸ່ມ ພາຣີຊາຍ. ນະກ້ອຍ ອັນ ອາຕີ ເຮ່ງ ລາລີ້ ປາຍ: "ແຊມອາຍ ເອີຍ! ເກົາ ລາ ແຕ ຈຸ່ມ ພາຣີຊາຍ. ກະ ອິມປໍ ເກົາ ກວາຍ ພາຣີຊາຍ ແຕ່. ເຮີມ ເກົາ ຕາຍິ່ງ ຍັຮ ເມົາ ຊານໍ້, ລາ ຍ່ອນ ເກົາ ຊາ ອໍ ກວາຍ ກາ ກູຈິດ ແຕ່ອ໌ ອາມັງ ລັຮ."

7 ພໍກາ ກວາຍ ຊົດ ກ້ອຍ ຊ້ອງ ໂປໂລ ປາຍ ນະກ້ອຍ, ໄລ່ ບາຣ ຈຸ່ມ ກ້ອຍ ຮາຈຽນ ຮາຕວາອ໌. ນະກ້ອຍ ກວາຍ ຊົດ ກ້ອຍ, ໄລ່ ແກັດ ອິມພາ ຮາງິຮ. 8 ຈຸ່ມ ພາຣີຊາຍ, ໄລ່ ຊາອໍ ກວາຍ ກູຈິດ ແຕ່ອ໌ ອາມັງ ລັຮ. ໄລ່ ຊາອໍ ລາລີ້ ເບີນ ແທວາ ດາ ເຢິງ ເຈົາຮາຊີ. ກະ ໄລ່ ຊາອໍ ອິນແຍ່ະ ມັຮ ກວາຍ ກູ ນະ ເບີນ ຮາເວີຍ. ມາ ຈຸ່ມ ຊາດູກາຍ, ໄລ່ ຕາ ເບີນ ຊາອໍ ມັຮ ຮານະ ໄມ່. 9 ນະກ້ອຍ ບາຣ ຈຸ່ມ ກ້ອຍ ຮາຈຽນ ເຮ່ງ ລາລີ້. ເບີນ ກວາຍ ອາຕີ ຄານອດ ແຕ ຈຸ່ມ ພາຣີຊາຍ, ໄລ່ ຢວຣ ຕາ ຍິ່ງ ກະ ປາຍ: "ເມ່ນ ຮິ ຕາ ເບີນ ເຮີມ ຮານະ ອິນ ເຕົາ ໄລ່ຍຮ ກວາຍ ໄມ່ ຕະ. ອິງກ້ອຮ ປຢາຍ໌ ເບີນ ຮາເວີຍ ແຕ່ລາ ແທວາດາ ເຢິງ ເຈົາຮາຊີ ອາຕີ ອັນ."

10 ນະກ້ອຍ ໄລ່ ບາຣ ຈຸ່ມ ກ້ອຍ ຮາໂລຍຮ ລາ ລີ້ ແອ້ນ. ກວາຍ ຊົດ ຕາຮານ ກ້ອຍ, ອັນ ອິງ ກ້ອຮ ໂປໂລ ກູຈິດ, ຍ່ອນ ໄລ່ ບາຣ ຈຸ່ມ ກາຕ້ອງ ຈະ ໂປໂລ. ນະກ້ອຍ ອັນ ແປຣີ ຕາຮານ ອັນ ກາ ຕ້ອງ ໂປໂລ ແຕ ອິນຕຸ ກ້ອຍ ເດິງ ອາເຈົ້າ ປິ ເກີຍ ແອ້ນ. 11 ມາ ຊາເດົາ ກ້ອຍ, ອິນເຈົ້າ ແຕ້ອ໌ ປິ ໂປໂລ ກະ ອາຕີ ອັນ ປາຍ: "ອິນໂຈຍ ອິງກ້ອຮ ອິນ ເຕົາ. ເກົາ ໂອນ ໄມ່ ອາຕີ ປັຣນາຍ ອໍ ແຕ ເກົາ ຕິ່ງ ເມືອງ ໂຣມ, ນະ ໄມ່ ອາຕີ ຕິ່ງ ເມືອງ ເຢຣູຊາເລັມ ໄມ່ ແຕ່."

ໄລ່ ປຣ່ອມ ມູ ຮາງິຮ ອີ ກາຈິດ ຕັຮ ໂປໂລ

12 ປິ່ງ ຕາຮິບ ປັຣແນີ ເບີນ ມວຍ ຈຸ່ມ ກວາຍ ອິດຊະຮາເອລ, ໄລ່ ປຣ່ອມ ມູ ຮາງິຮ ຕາ ເບີນ ຈາ ຈຸ່ມ ອິນເຕົາ ເຕົາ ແຕ້ອ໌ ຕາໄງ ໄລ່ ເບີນ ກາຈິດ ໂປໂລ. ໄລ່ ຄິນ ນະກ້ອຍ ກະ ເຢົາ ໄລ່. 13 ໄລ່ ກາ ປຣ່ອມ ຕະ ນະກ້ອຍ ເບີນ ກາເລີຍ ປູນ ຈິດ ນະ.

14 ໄລ່ ເປາະ ປິ ກວາຍ ກາ ຊົດ ມູ່ ກາ ຊາງ ຮິດ ເຢິງ ເຈົາຮາຊີ, ກະ ມັຮ ກວາຍ ຊົດ ການໍ້ອ໌ ຕິ່ງ ຈຸ່ມ ອິດ ຊະຮາເອລ, ປາຍ: "ອິນແຍ່ະ ນະ ມູ່ ຮິ ຄິນ ຮິ ຕາ

ເປັນ ຈາ ງ່ອຍ ອິນເຕົ້າ ເຕົ້າ ແຕ້ອ້ ຕາໄງ ຮິ ເປັນ ກາ ຈິດ ໂປໂລ. <sup>15</sup> ຊານໍ່ ເຍົາ ຈ່ອຍ ຮິ. ແຊອ ເຍົາ ກະ ອິນແຍ່ະ ມັຮ ຈຸ່ມ ກວາຍ ຊົດ ອິດຊະຮາເອລ ຕະ ເຈຍ ປັຮນາຍ ໂອນ ກວາຍ ຊົດ ຕາຮານ, ໂອນ ອັນ ເດີງ ອາລ້ອຮ ລັຮ ໂປໂລ. ເຍົາ ຕະ ອິນຕີ ອາໂລກ ຍິ້ອ ອີ ຕາແບັບ ລັຮ ໂປໂລ. ເຈີ ຮິ ແອັດ ເກຮາະ ອິນຕີ ຮານາ. ໂປໂລ ຕາ ຢາວາຮ ແຕ້ອ້ ປິ ເຍົາ, ຮິ ກາຈິດ ຕັຮ ອັນ ອິນໂຍ່ງ."

<sup>16</sup> ມາ ປຍາຍ໌ ຮາມອນ ໂປໂລ ຊ້ອງ ປັຮນາຍ ກ້ອຍ. ອັນ ເຈົ້າ ແຕ້ອ້ ປິ ກ້າຍ ຕາຮານ; ເຈີ ອາ ຕີ ລັຮ ໂອນ ໂປໂລ ດັງ ອິນແຍ່ະ ປັຮນາຍ ກ້ອຍ. <sup>17</sup> ໂປໂລ ກູອ໌ ກວາຍ ຊົດ ມວຍ ຮ່ອຍ ນະ ຕາຮານ, ກະ ອາຕີ ອັນ ປາຍ: "ໄມ່ ເດີງ ອາຊວຍ ກວາຍ ນຸ່ມ ໄມ່ ແຕ້ອ້ ປິ ກວາຍ ຊົດ ອິນແຍ່ະ ມັຮ ຕາຮານ. ອັນ ຍິ້ອ ອີ ອາຕີ ມູ ຮາມິ້ຮ ໂອນ ກວາຍ ຊົດ ກ້ອຍ ດັງ."

<sup>18</sup> ນະກ້ອຍ ຕາຮານ ກ້ອຍ ເດີງ ອາຊວຍ ຮາມ ອນ ໂປໂລ ແຕ້ອ້ ປິ ກວາຍ ຊົດ ກ້ອຍ ກະ ອາຕີ ອັນ ປາຍ: "ໂປໂລ, ອັນ ກາ ແອັດ ຕຶງ ກໍ່ອ້ ກູອ໌ ເກົ້າ, ແຊອ ເກົ້າ ເປາະ ອາຊວຍ ກວາຍ ນຸ່ມ ໄມ່ ແຕ້ອ້ ປິ ໄມ່. ອັນ ຍິ້ອ ອີ ຮາມິ້ຮ ໄມ່."

<sup>19</sup> ກວາຍ ຊົດ ກ້ອຍ ເຕີ ອາຕີ ກວາຍ ນຸ່ມ, ເດີ ງ ອັນ ເຍິ່ງ ແຕ ກວາຍ ການໍ່ອ້; ເຈີ ຕາແບັບ ອັນ ປາຍ: "ອິນເຕົ້າ ໄມ່ ຍິ້ອ ອີ ຕະ ອິນຕີ ກະ ເກົ້າ?"

<sup>20</sup> ກວາຍ ນຸ່ມ ຕາແອັຍ ປາຍ: "ມັຮ ກວາຍ ອິດ ຊະຮາເອລ, ໄລ່ ປຣ່ອມ ກະ ມູ່ ກາ ຊົດ ໄລ່ ແຊອ ແຕ ອາວຈາຍຮ ເດີງ ອາຊວຍ ລັຮ ໂປໂລ ແຕ້ອ້ ປິ ກວາຍ ຊົດ ໄລ່ ຕາໄງ ປັຮແນີ. ໄລ່ ຕະ ອິນຕີ ອາ ໂລກ ຍິ້ອ ອີ ຕາແບັບ ລັຮ ໂປໂລ. <sup>21</sup> ມາ ອາວຈາຍ ຮ ອິນໂຈຍ ຊາງັດ ປັຮນາຍ ໄລ່. ກາເລີຍ ປູນ ຈິດ ນະ ກວາຍ ຄິນ ດໍອ໌ ຕາ ເປັນ ຈາ ງ່ອຍ ອິນເຕົ້າ ເຕົ້າ ແຕ້ອ້ ຕາໄງ ໄລ່ ເປັນ ກາຈິດ ໂປໂລ. ນະກ້ອຍ ມູ່ ກ້ອຍ ແອັດ ເກຮາະ ອິນຕີ ຮານາ. ໄລ່ ແອັດ ເກຮາ ະ ໂປໂລ ແຕ້ອ້, ອີ ກາຈິດ ຕັຮ ອັນ. ໄລ່ ປັຮຕີ້ ເຈີ ຕະ ຮານະ ກ້ອຍ, ມາ ອິນນ້ອງ ໄລ່ ແອັດ ເກຮາະ ຍິ້ອ ອີ ຊ້ອງ ອາວຈາຍຮ ຕາແອັຍ ນານະ ກະ ໄລ່."

<sup>22</sup> ເຈີ ກວາຍ ຊົດ ກ້ອຍ ປາຕັບ ກວາຍ ນຸ່ມ ກ້ອຍ ປາຍ: "ອິນໂຈຍ ອາຕີ ໂອນ ກວາຍ ການໍ່ອ້ ດັງ ປັຮນາຍ ໄມ່ ອາຕີ ເກົ້າ ໄມ່."

ແວັດ ອັນ ປາຕັບ ນະກ້ອຍ, ອັນ ໂອນ ກວາຍ ນຸ່ມ ກ້ອຍ ເຈົ້າ.

ມູ່ ຕາຮານ ເດີງ ອາຊວຍ ໂປໂລ ແຕ້ອ້ ປິ ເພ ລິກ

<sup>23</sup> ກວາຍ ຊົດ ຕາຮານ ກ້ອຍ ກູອ໌ ບາຮ ນະ ກວາຍ ກາ ຊົດ ມວຍ ຮ່ອຍ ຕາຮານ. ເຈີ ອັນ ແປຮີ ບາຮ ນະ ກ້ອຍ ປາຍ: "ເຍົາ ປັຮຕີ້ ດໍອ໌ ບາຮ ຮ່ອຍ ຕາຮານ ເປາະ ຮານາ ອາເຢັງ, ຕາປູລ ຈິດ ຕາຮານ ເປາະ ຮານາ ອາແຊັຮ, ກະ ບາຮ ຮ່ອຍ ຕາຮານ ແອັດ ໂອນ ເດີງ ຮໍອ໌. ຕາເກັຮ ໂມງ ຊາເດົາ ໄມ່ ອິນແຍ່ະ ມັຮ ເຍົາ ເປາະ ປິ ເມືອງ ກາຍຊາເຣຍ. <sup>24</sup> ເຍົາ ກຽມ ດໍອ໌ ອາແຊັຮ ໂອນ ໂປໂລ ຈິຮ; ເຈີ ເຍົາ ເດີງ ອາຊວຍ ໂປໂລ ໂອນ ອັນ ເຈົ້າ ອຽນ ອໍ ແຕ້ອ້ ປິ ເພລິກ, ລາ ກວາຍ ຊົດ ກຮວາງ ໄມ່."

<sup>25</sup> ແວັດ ກ້ອຍ ກວາຍ ຊົດ ຕາຮານ ກ້ອຍ ຄຽນ ປັຮນາຍ ຊາອົຮ ອາຕີ ເພລິກ ປາຍ: <sup>26</sup> "ເກົ້າ ລາ ຮາມິ້ຮ ກາວດີໂອລິເຊຍ ຄຽນ ປັຮນາຍ ໄມ່ ພາອ໌ ຊາອົຮ ອາວຈາຍຮ ເພລິກ ກາ ຊົດ ກຮວາງ ໄມ່. <sup>27</sup> ເກົ້າ ຄຽນ ປັຮນາຍ ຕຶງ ເຈຍ ໄມ່, ເກົ້າ ແຊອ ອາ ຕີ ອາວຈາຍຮ ມູ ຮາມິ້ຮ ແຕ ມານະ ຮາມິ້ຮ ໂປໂລ. ກວາຍ ໄມ່, ຈຸ່ມ ອິດຊະຮາເອລ ໂກບ ອີ ກາຈິດ ອັນ. ພໍກາ ເກົ້າ ດັງ ໂປໂລ ລາ ກອນແຊມ ກຮວາງ ໂຮມ, ເກົ້າ ກະ ມູ່ ຕາຮານ ເກົ້າ ເປາະ ອິດ ໂປໂລ ແຕ ອິນຕຸ ໄລ່ ອີ ກາຈິດ ອັນ. <sup>28</sup> ເກົ້າ ຍິ້ອ ອີ ດັງ ແຈງ ລາລີ້ ຮາມິ້ຮ ອິນເຕົ້າ ໂປໂລ ໄມ່ ຕະ ໄລ່ຍຮ ໂຈະ ໄລ່. ເຈີ ເກົ້າ ເດີງ ອາມົຮ ອັນ ກະ ຈຸ່ມ ກວາຍ ຊົດ ອິດຊະ ຮາເອລ ຍິ້ອ ອີ ຊາງັດ ໄລ່ ຕາແບັບ ອັນ ອິນເຕົ້າ. <sup>29</sup> ພໍກາ ກ້ອຍ ເກົ້າ ດັງ ຈຸ່ມ ອິດຊະຮາເອລ ອວານ ກະ ໂປໂລ, ຍ່ອນ ໄລ່ ຄິດ ໂປໂລ ຕາ ເປັນ ຊາງັດ ຄານອດ ໄລ່. ມາ ເກົ້າ ຕາ ເປັນ ຮາມົຮ ໄລ່ຍຮ ອິນ ເຕົ້າ ແຕ ຮານະ ໂປໂລ ຕະ ໂອນ ເນົ້າ ເຕອ໌ ໂຈະ ອັນ ຕຶງ ກໍ່ອ້ ກະ ກາຈິດ ອັນ. <sup>30</sup> ມາ ພໍກາ ເກົ້າ ຊ້ອງ ຈຸ່ມ ອິດຊະຮາເອລ ປຣ່ອມ ມູ ຮາງິຮ ຍິ້ອ ອີ ກາ ຈິດ ໂປໂລ ອິນຕີ ຮານາ ແອັດ, ນະກ້ອຍ ເກົ້າ ໂອນ ອັນ ເປາະ ແຕ້ອ້ ປິ ອາວຈາຍຮ. ກະ ເກົ້າ ແປຮີ ຈຸ່ມ ອິດຊະຮາເອລ ເປາະ ປິ ອາວຈາຍຮ ເຕ່. ອິນເຕົ້າ ໄລ່ ຍິ້ອ ອີ ປ່ອງ ແຕ ຮານະ ໂປໂລ ຕະ ໄລ່ຍຮ, ໂອນ ໄລ່ ປ່ອງ ປິ ອາວຈາຍຮ. ຊານໍ່ ເກົ້າ ອິນແຍ່ະ ປັຮ ນາຍ ຕະ ອິນຕີ ກະ ອາວຈາຍຮ."

<sup>31</sup> ນະກ້ອຍ ມູ່ ຕາຮານ ກ້ອຍ ຊາງັດ ປັຮນາຍ ອັນ ກາ ຊົດ ໄລ່. ຊາເດົາ ກ້ອຍ ໄລ່ ເດີງ ອາຊວຍ ໂປໂລ ແຕ້ອ້ ປິ ເມືອງ ອັນຕີປາຕີ. <sup>32</sup> ມາຮ ຕາໄງ ປັຮແນີ ຕາຮານ ກາ ເປາະ ຮານາ ອາເຢັງ, ໄລ່ ເຈົ້າ ລັຮ ປິ ກ້າຍ. ມາ ໄລ່ ກາ ເປາະ ຮານາ ອາແຊັຮ, ອິນນ້ອງ ໄລ່ ເປາະ ກະ ໂປໂລ. <sup>33</sup> ພໍກາ ໄລ່ ແຕ້ອ້ ປິ ເມືອງ ກາຍຊາເຣຍ, ໄລ່ ອາແວີຍ ເຈຍ ປິ ອາ ວາຍຮ ກາ ຊົດ. ກະ ໄລ່ ມ່ອບ ໂປໂລ ປິ ກວາຍ ຊົດ ກ້ອຍ. <sup>34</sup> ແວັດ ກວາຍ ຊົດ ອານ ປັຮນາຍ ຕຶງ ເຈຍ ກ້ອຍ, ອັນ ຕາແບັບ ໂປໂລ ປາຍ: "ໄມ່

ກວາຍ ແຕ ກວາງ ອາແລະ?"

ໂປໂລ ຕາແອີຍ ປາຍ: "ເກົາ ລາ ກວາຍ ແຕ ແຄງ ກິລິເກຍ."

35 ພໍກາ ອັນ ຊ້ອງ ໂປໂລ ປາຍ ນະກ້ອຍ, ກວາຍ ຊົດ ກ້ອຍ ອາຕີ ລັຮ ອັນ ປາຍ: "ເກຣາະ ໄລ່ ກາ ປ່ອງ ໄມ່ ແຕ້ອ ປີ ໄມ່; ເກົາ ອີ ຊາງັດ ຮານະ ອິນ ເຕົ້າ ໄມ່ ຍິ້ອ ອີ ປາຍ ກະ ເກົາ."

ແວັດ ອັນ ປາຍ ນະກ້ອຍ, ກວາຍ ຊົດ ກ້ອຍ ແປຣີ ເມົາ ກຍາອ໌ ໂປໂລ ຕຶ້ງ ດຸງ ປິດ ເຕົ້ວ ປັຣເຍົາ ເຮໂຣດ ຕະ ແຕ ບັອງ ກ້ອຍ.

### 24

ຈຸ່ມ ອິດຊະຮາເອລ ປ່ອງ ລັຮ ໂປໂລ

1 ແຕ້ອ ເຊິງ ຕາ ໄງ ອິນ ຕຸ່ນ ແອັນ ເປີນ ອານາເນຍ, ອັນ ກາ ຕາລາ ອິນແຍ່ະ ແຕ ຮິດ ຊາງ ເຢິງ ເຈົ້າຮາຊີ, ກະ ກວາຍ ຊົດ ການໍ້ອ ຈຸ່ມ ອິດຊະ ຮາເອລ, ກະ ມານະ ຮາມິ້ຮ ເຕຕູໂລ, ອິນແຍ່ະ ໄລ່ ກ້ອຍ ແຕ້ອ ປີ ເມືອງ ກາຍຊາເຣຍ ເຕ່. ເຕຕູໂລ ໄມ່ ລາ ກວາຍ ເມົາ ເມືານ ໂອນ ຮາປາຍ ຈ່ອຍ ເຢົາ. ອິນແຍ່ະ ມັຮ ໄລ່ ປ່ອງ ໂປໂລ ໂອນ ອາວາຍຮ ຊົດ ກ້ອຍ ຊາງັດ.

2 ພໍກາ ເມົາ ເດິງ ໂປໂລ ແຕ້ອ ປີ ອິນຕຸ ໄລ່ ໂຣ່ມ, ເຕຕູໂລ ປ່ອງ ໂປໂລ ປາຍ: "ເກົາ ແຊຣ໌ ໄລ່ຍຮ, ເກົາ ຍິ້ອ ອີ ຕະ ອິນຕີ ກະ ອາວາຍຮ ຊານໍ່. ຮິ ຊາແອິນ ອາວາຍຮ ຍ່ອນ ຊານໍ່ ຮິ ເປີນ ແອິດ ອຽນ ອໍ ລາ ລີ້. ກະ ກວາງ ຮິ ແກັດ ຮໍ້ອ ລາລີ້ ຊານໍ່, ຍ່ອນ ອາວາຍຮ ຕະ ຮານະ ອໍ ລາລີ້ ໂອນ ກວາງ ຮິ. 3 ອາວາຍຮ ເອີຍ! ຮິ ຍິນັບ ລາລີ້ ອາວາຍຮ, ກະ ຮິ ຊາແອິນ ລາລີ້ ອາວາຍຮ. 4 ຮິ ດັງ ອາ ຈວາຍຮ ເປີນ ຊາອີ້ຍ ເມົາອ໌, ມາ ຮິ ແຊຣ໌ ອາ ຈວາຍຮ ຮໍ້ອ ຮາງິຮ ຊາງັດ ບິ້ອ ຮິ ອີ ຕະ ອິນຕີ ແຕ ໂປໂລ ໄມ່. 5 ກວາຍ ໄມ່, ອາແລະ ລາ ຕາ ຍິ້ອ ອີ ເຮີມ ອັນ. ອັນ ເປາະ ກວາງ ອາແລະ, ອັນ ຕາລຸຮ ກວາຍ ອິດຊະຮາເອລ ກວາງ ກ້ອຍ. ກະ ອັນ ອາ ໂຢ່ງ ມູ່ ກາ ຕາປູ່ນ ຮານະ ເຢຊູ ແຕ ວິລ ມາຊາເຣັດ ແຮີ. 6 ອັນ ຕະ ຮານະ ຕາ ປາຍຍ໌ ຕຶ້ງ ດຸງ ຊາງ ຮິ. ຍ່ອນ ນະກ້ອຍ ຮິ ໂກບ ອັນ. 7 ຮິ ຍິ້ອ ອີ ຕັດຊິ່ນ ອັນ ຕາປູ່ນ ຄານອດ ຮິ. ມາ ລີເຊຍ, ອັນ ກາ ຊົດ ຕາຮານ ກ້ອຍ, ອັນ ແຕ້ອ ໄວ່ ລາລີ້, ກະ ອັນ ກາ ຕ້ອງ ເຮັງ ລາລີ້ ໂປໂລ ແຕ ຮິ.\* 8 ກະ ລີເຊຍ ແປຣີ ຮິ ແຕ້ອ ປີ ອາວາຍຮ ແຮີ. ຄັນ ອາວາຍຮ ຕາ

ແບັບ ໂປໂລ, ອາວາຍຮ ຊ້ອງ ເປີນ ອິນແຍ່ະ ຮາ ນະ ຮິ ອາຕີ ແຕ ອັນ ລາ ປາຍຍ໌."

9 ແວັດ ເຕຕູໂລ ປາຍ ປັຣນາຍ ກ້ອຍ, ນະກ້ອຍ ອິນແຍ່ະ ຈຸ່ມ ອິດຊະຮາເອລ ແອິດ ອິນຕຸ ກ້ອຍ ປາຍ ເມ່ນ ປາຍຍ໌ ອິນແຍ່ະ ມັຮ ປັຣນາຍ ກ້ອຍ.

ໂປໂລ ອາຕີ ເພລິກ

10 ແວັດ ກ້ອຍ, ອາວາຍຮ ຊົດ ກ້ອຍ ໂອນ ໂປໂລ ແອິນ ອາຕີ ລັຮ ແຕ ມັຮ ຮານະ ກ້ອຍ, ນະກ້ອຍ ໂປໂລ ອາຕີ ປາຍ: "ອາວາຍຮ ເອີຍ! ເກົາ ດັງ ເຈີ ອາວາຍຮ ຕັດຊິ່ນ ກຶ້ງ ລາລີ້ ກວາຍ ກະ ຊາອີ້ຍ ກູມ໌ ເຈີ ຕຶ້ງ ກວາງ ໄມ່. ນະກ້ອຍ, ອາ ຈວາຍຮ ເອີຍ! ເກົາ ຮໍ້ອ ລາລີ້ ເປີນ ອາຕີ ປັຣນາຍ ໄມ່ ໂອນ ອາວາຍຮ ດັງ. 11 ຕາແບີ ມວຍ ຈິດ ລາ ບາຣ ຕາໄງ ອິນໂຢ່ງ ໄມ່, ເກົາ ເປາະ ປີ ເມືອງ ເຢຣູຊາເລັມ ຍິ້ອ ອີ ຊາງ ເຢິງ ເຈົ້າຮາຊີ. ຄັນ ອາ ຈວາຍຮ ຍິ້ອ ອີ ດັງ ແຈງ ຮານະ ໄມ່, ເປີນ ກວາຍ ການໍ້ອ ອາຕີ ນະ ເກົາ ເຕ່. 12 ຈຸ່ມ ອິດຊະຮາເອລ ໄມ່, ໄລ່ ຕາ ເປີນ ຮາມິ້ຮ ເກົາ ຮາຈຽນ ກະ ເມົາ ຕຶ້ງ ດຸງ ຊາງ ປິດ, ແຕີລາ ຕຶ້ງ ດຸງ ຊາງ ແກດ, ແຕີລາ ຍູ ຍົວະ ອິນຕຸ ການໍ້ອ ຕຶ້ງ ເມືອງ ເຢຣູຊາເລັມ ກ້ອຍ. 13 ມາ ໄລ່ ຈູງ ອີ ປ່ອງ ເກົາ ຊ້ອງ. ຄັນ ເມ່ນ ໄລ່ ເຮີມ ຮານະ ຕາ ອໍ, ເຈີ ໂອນ ໄລ່ ອາລໍ້ອຮ. ມາ ໄລ່ ຕາ ເປີນ ເປີນ ຮານະ ກ້ອຍ. 14 ມາ ມວຍ ຮາມິ້ຮ ປາຍຍ໌ ໄລ່ ປ່ອງ. ຮາມິ້ຮ ກ້ອຍ ລາ ເກົາ ຕາປູ່ນ ຮານາ ຕາໄມ ຍິ້ອ ອີ ຊາງ ເຢິງ ເຈົ້າຮາຊີ, ລາ ເຢິງ ກາ ອາວາຍຮ ອາເຈັຣ ຮິ ຊາງ ແຕ ອິມແບີ. ມູ່ ກາ ຊົດ ກວາຍ ອິດຊະຮາເອລ ໄມ່, ໄລ່ ຄິດ ຮານາ ຕາ ໄມ່ ໄມ່ ຕາ ເປີນ ປາຍຍ໌. ມາ ເກົາ ຊາອໍ ເຕ່ ອິນ ແຍ່ະ ຮາມິ້ຮ ມັຮ ໂມເຊ, ກະ ກວາຍ ອາຕີ ຕາງ ປັຣ ນາຍ ເຢິງ ເຈົ້າຮາຊີ ຄຽນ ດໍ້ອ ແຕ ອິມແບີ ຕຶ້ງ ປຶ້ງ ປັຣນາຍ ເຢິງ ເຈົ້າຮາຊີ. 15 ກະ ເກົາ ອີງກ່ອງ ນະ ໄລ່ ກ້ອຍ ເຕ່ ເຢິງ ເຈົ້າຮາຊີ ຕະ ໂອນ ກວາຍ ກູຈິດ ເປີນ ອາມັງ ລັຮ, ກາ ກວາຍ ຕາມ້ອງ ອໍ, ກາ ກວາ ຍ ໂກະ. 16 ຍ່ອນ ນະກ້ອຍ ເກົາ ປາໄຮຣ໌ ລາລີ້ ຕະ ຮານະ ອໍ ເລື້ອຍໆ ໂຈະ ເຢິງ ເຈົ້າຮາຊີ ກະ ໂຈະ ມັຮ ກວາຍ ໂອນ ຮາງິຮ ເກົາ ຕາ ເຕ້ອ ຕີ ລັຮ ເກົາ.

17 "ນະກ້ອຍ ແວັດ ເກົາ ເປາະ ປີ ການໍ້ອ ເປີນ ບິ້ອ ກູມ໌, ເຈີ ເກົາ ເຈົ້າ ລັຮ ປີ ເມືອງ ເຢຣູຊາເລັມ. ເກົາ ເດິງ ປຣະ ແຮີ ຈ່ອຍ ກວາຍ ຕຶ້ງ ກວາງ ເກົາ. ກະ ເກົາ ເດິງ ເກຣັງ ຍິ້ອ ອີ ຊາງ ໂອນ ເຢິງ ເຈົ້າຮາຊີ ເຕ່. 18 ພໍກາ ເກົາ ມູ່ດ ຕຶ້ງ ດຸງ ຊາງ ປິດ ຈຸ່ມ ອິດ ຊະຮາເອລ ຍິ້ອ ອີ ໂອນ ເກຣັງ ຊາງ ກ້ອຍ. ເກົາ ບຣັຮ ເຈີ ປວາຍ ຮິດ. ບັອງ ກາ ກ້ອຍ ເກົາ ຕາ ເປີ

\* 24:7 24:7 ຊາອີ້ຍ ປຶ້ງ ປັຣນາຍ ຕຍາ ຕາ ເປີນ ເປີນ ຮານາ 7 ໄມ່ ກະ ມູ່ ຕາຕີ້ ແຕ ຕາແບີ ຮານາ 8.

ນ ເດີງ ກຼີ້ ກວາຍ ມູ່ດ ຕຶ້ງ ດຸງ ຊາງ ປິ້ດ ກ້ອຍ, ກະ ອິນແຍ່ະ ນະ ຮີ ແອັດ ອໍ ຕຶ້ງ ກ້ອຍ. 19 ມາ ເບີນ ມວຍ ຈຸ່ມ ອິດຊະຮາເອລ ແຕ ແຄງ ເອເຊຍ, ໄລ່ ແຕ້ອໍ ປິ ດຸງ ຊາງ ກ້ອຍ ແຕ່. ຄັນ ເກົາ ຕະ ໄລ່ ຍຮ ອິນເຕົ້າ ກະ ໄລ່ ກ້ອຍ, ອຶງເຄາະ ໄລ່ ເປາະ ປ່ອງ ເກົາ ປິ ອາຈວາຍຮ. 20 ມາ ມັຮ ຈຸ່ມ ອິດຊະຮາເອລ ແອັດ ອິນໄນ່ ຊານໍ່, ໄລ່ ຕາແບັບ ເຈີ້ ເກົາ. ຄັນ ໄລ່ ຮາມັຮ ມູ ຮາມັຮ ອິນເຕົ້າ ເກົາ ຕະ ໄລ່ຍຮ ໂຈະ ໄລ່, ໂອນ ໄລ່ ອາຕີ ໂອນ ອາຈວາຍຮ ດັງ. 21 ມາ ເບີນ ມວຍ ຮາມັຮ ແຕ້ ເກົາ ປາຍ ເຮ່ງ ລາລີ້ ຍັຮ ມືງ ໄລ່. ເກົາ ປາຍ: 'ເຮີມ ເກົາ ຕາຍຶງ ຍັຮ ມືງ ເຍົາ ຊານໍ່, ລາ ຍ່ອນ ເກົາ ຊາອໍ ກວາຍ ກາ ກູຈິດ ແຕ້ອໍ ອາມັງ ລັຮ.'"

22 ພໍກາ ອັນ ຊ້ອງ ມັຮ ປັຮນາຍ ໄນ່, ອາຈວາຍ ຮ ເພລິກ ຄິ້ດ ຍິອໍ ອີ ຕັດຊິ່ນ ລັຮ ຕາໄງ ອິນຕຸ່ນ ແອັນ. ອັນ ປາຍ: "ແຕ້ອໍ ຕາໄງ ລິເຊຍ, ອັນ ກາ ຊົດ ຕາຮານ ຕຶ້ງ ມືອງ ເຢຣູຊາເລັມ, ແຕ້ອໍ ປິ ໄນ່, ເກົາ ຕັດຊິ່ນ ລັຮ ໂອນ ເຍົາ."

ເພລິກ ດັງ ຊາອີ້ຍ ເຈີ້ ຮານາ ມູ່ ກາ ຊາອໍ ເຢຣູ ຕາປູ່ນ. 23 ເຈີ້ ເພລິກ ແປຣີ ຕາຮານ ກຍາອໍ ໂປໂລ ແອັດ ຕຶ້ງ ດຸງ. ມາ ອັນ ແປຣີ ຕາຮານ ອິນໂຈຍ ກາ ຕັງ ເຍົາ ໂປໂລ ມູ່ດ ຊາອິຮ ກະ ຈ່ອຍ ອັນ.

24 ເບີນ ປິ້ອ ຕາໄງ ແອັນ ເພລິກ ແຕ້ອໍ ລັຮ ປິ ອິນຕຸ ອັນ ຕັດຊິ່ນ ກວາຍ. ລາກວຍ ອັນ, ຮາມັຮ ດູຊິນລາ, ແຕ້ອໍ ກະ ອັນ. ດູຊິນລາ ລາ ກວາຍ ອິດ ຊະຮາເອລ. ເພລິກ ແປຣີ ເມົາ ເດີງ ໂປໂລ ແຕ້ອໍ ປິ ອັນ. ອັນ ຍິອໍ ອີ ໂອນ ໂປໂລ ອາຕີ ອັນ ມານະ ອັນ ອີ ຕະ ຍິອໍ ອີ ຊາອໍ ເຢຣູ ກຣິດ. 25 ໂປໂລ ອາ ຕີ ເພລິກ ປາຍ ເຢົາ ເຈົາຮາຊີ ຍິອໍ ອີ ໂອນ ກວາ ຍ ເບີນ ຮາງິຮ ຕາມ້ອງ ອໍ. ກະ ເຢົາ ເຈົາຮາຊີ ຍິອໍ ອີ ໂອນ ກວາຍ ເບີນ ຮາງິຮ ແຕ້ອໍ ວຍາຮ ຮານະ ຕາ ອໍ. ກະ ເຈີ້ ປິ ມືງ ເຢົາ ເຈົາຮາຊີ ອາເປືຮ ອິນແຍ່ ະ ມັຮ ກວາຍ. ພໍກາ ເພລິກ ຊ້ອງ ອິນແຍ່ະ ປັຮ ນາຍ ກ້ອຍ, ອັນ ຊ້ອງ ອຶງກ້ອຍ ລາລີ້; ເຈີ້ ອັນ ອາ ຕີ ໂປໂລ ປາຍ: "ຊານໍ່ ເກົາ ມື້ອໍ. ຄັນ ປັຮແນີ ມັນເຕຣົາ ເກົາ ຕາ ເບີນ ມື້ອໍ ອິນເຕົ້າ, ເກົາ ກູອໍ ລັຮ ໄມ່ ຍິອໍ ອີ ຊາງັດ ແອັນ ໄມ່ ອາຕີ."

26 ບັງ ກາ ເພລິກ ອາຕີ ນະກ້ອຍ, ເພລິກ ອຶງກ່ອງ ໂປໂລ ຈາງ ປຣະ ໂອນ ອັນ ອາໂຣຍຮ. ນະກ້ອຍ ຍ່ອນ ອັນ ກູອໍ ໂປໂລ ຊາອີ້ຍ ເຮີບ ແອັນ ຍິອໍ ອີ ຕະ ອິນຕີ ກະ ໂປໂລ. 27 ແວັດ ບາຮ ກູມໍ ແອັນ, ເບີນ ມານະ ຮາມັຮ ໂປກີໂອ ເພຊະໂຕ ແຕ່ນ

ລັຮ ເພລິກ ແກັດ ຊົດ ຕຶ້ງ ກຮວາງ ກ້ອຍ. ມາ ເພ ລິກ, ອັນ ຍິອໍ ອີ ໂອນ ຈຸ່ມ ອິດຊະຮາເອລ ແອັດ ຮໍ້ອໍ ກະ ອັນ. ນະກ້ອຍ ອັນ ດໍ້ອໍ ເລືອຍໆ ໂປໂລ ຕຶ້ງ ກໍ້ອໍ, ອັນ ຕາ ເບີນ ອາໂຣຍຮ.

## 25

ໂປໂລ ແຊອໍ ໂອນ ເຕົ້ວ ປັຮເຍົາ ກຮວາງ ໂຮມ ຕັດຊິ່ນ ໂອນ ອັນ

1 ເພຊະໂຕ ແກັດ ຊົດ ຕາແບັ ໄປ ຕາໄງ ຕຶ້ງ ແຄງ ກ້ອຍ; ເຈີ້ ອັນ ລັອຮ ແຕ ມືອງ ກາຍຊາເຣຍ ເປາະ ຊາອິຮ ຕຶ້ງ ມືອງ ເຢຣູຊາເລັມ. 2 ແອັດ ຕຶ້ງ ມືອງ ກ້ອຍ ມັຮ ກວາຍ ຊົດ ມູ່ ກາ ຊາງ ຮິ້ດ ເຢົາ ເຈົາຮາຊີ, ກະ ອິນແຍ່ະ ມັຮ ກວາຍ ຊົດ ການໍ້ອໍ ແຕ ຈຸ່ມ ອິດຊະຮາເອລ, ໄລ່ ກ້ອຍ ປ່ອງ ໂປໂລ ໂຈະ ເພຊະໂຕ ແອັນ. 3 ໄລ່ ແຊອໍ ມູ ຮາມັຮ ແຕ ເພຊະໂຕ. ໄລ່ ແຊອໍ ເພຊະໂຕ ໂອນ ໂປໂລ ເຈົາ ປິ ມືອງ ເຢຣູຊາເລັມ. ໄລ່ ປຣ່ອມ ຍິອໍ ອີ ກາ ຈິດ ໂປໂລ ຕຶ້ງ ຮານາ ຊາ. 4 ມາ ເພຊະໂຕ ອາຕີ ລັຮ ໄລ່ ປາຍ: "ໂປໂລ ເມົາ ກຍາອໍ ດໍ້ອໍ ຕຶ້ງ ມືອງ ກາຍຊາເຣຍ. ອິນນ້ອງ ປິ້ອ ເກົາ ເຈົາ ປິ ມືອງ ກ້ອຍ ແຕ່. 5 ນະກ້ອຍ ເຍົາ ແປຣີ ກວາຍ ແຕ ມູ່ ເຍົາ ເຈົາ ກະ ເກົາ ປິ ມືອງ ກາຍຊາເຣຍ. ຄັນ ໂປໂລ ເບີນ ໄລ່ຍຮ ອິນເຕົ້າ ກະ ເຍົາ, ເຍົາ ປ່ອງ ອັນ ປິ ກ້ອຍ."

6 ເຈີ້ ເພຊະໂຕ ແອັດ ຕຶ້ງ ມືອງ ເຢຣູຊາເລັມ ມັນ ມວຍ ຈິ້ດ ຕາໄງ ແອັນ. ແວັດ ກ້ອຍ ອັນ ເຈົາ ລັຮ ປິ ມືອງ ກາຍຊາເຣຍ. ກະ ມາຮ ຕາໄງ ປັຮ ແນີ ອັນ ມູ່ດ ຕາກູ ຕຶ້ງ ອິນຕຸ ກ້ອຍ ອັນ ຕັດຊິ່ນ ກວາຍ. ອັນ ແປຣີ ເມົາ ເດີງ ໂປໂລ ແຕ້ອໍ ປິ ອັນ. 7 ພໍກາ ໂປໂລ ແຕ້ອໍ ອິນຕຸ ກ້ອຍ, ຈຸ່ມ ອິດຊະຮາ ເອລ ແຕ ມືອງ ເຢຣູຊາເລັມ, ໄລ່ ແອັດ ອິມແປຣ ໂປໂລ ກະ ປ່ອງ ອັນ, ປາຍ ອັນ ຕະ ໄລ່ຍຮ ປິ້ດ ລາ ລີ້. ມາ ໄລ່ ຈຸງ ປ່ອງ ຊ້ອງ, ແອີ ຮານະ ອິນເຕົ້າ. 8 ນະກ້ອຍ ໂປໂລ ປາຍ: "ມ່ນ ເກົາ ຕາ ເບີນ ຕະ ໄລ່ຍຮ ອິນເຕົ້າ ແຕ ຄານອດ ຈຸ່ມ ອິດຊະຮາເອລ, ແຕີລາ ແຕ ດຸງ ຊາງ ປິ້ດ ຈຸ່ມ ອິດຊະຮາເອລ, ແຕີ ລາ ແຕ ເຕົ້ວ ປັຮເຍົາ ກຮວາງ ໂຮມ."

9 ມາ ເພຊະໂຕ ຍິອໍ ອີ ແຈິງ ຮາງິຮ ກວາຍ ອິດ ຊະຮາເອລ ໂອນ ໄລ່ ອາໂຢະ ອັນ. ນະກ້ອຍ ອັນ ຕາແບັບ ໂປໂລ ປາຍ: "ໄມ່ ປຣ່ອມ ເຈົາ ປິ ມືອງ ເຢຣູຊາເລັມ ໂອນ ເກົາ ຕັດຊິ່ນ ເຍົາ ຕຶ້ງ ມືອງ ກ້ອຍ ບໍ່?"

10 ມາ ໂປໂລ ຕາແອີຍ ອັນ ປາຍ: "ຕາ ປຍາຍ ເມົ້າ ຕັດຊິ້ນ ປິ ເມືອງ ກ້ອຍ. ອິນຕຸ ໂນ່ ແຕ່ ລາ ປ ຍາຍ ເມົ້າ ຕັດຊິ້ນ ກວາຍ ກຣວງ ໂຣມ. ອາຈວາຍ ຮ ດັງ ເຈີ່ ປາຍ ເກົາ ຕາ ເບີນ ຕະ ຮານະ ຕາ ອໍ ອິນ ເຕົ້າ ກະ ຈຸ່ມ ອິດຊະຣາເອລ. 11 ຄັນ ເກົາ ຕາ ເບີ ນ ຕະ ຕາປູນ ຄານອດ ເຍົາ, ເຍົາ ກາຈິດ ເກົາ ລາ ໂທຍ, ເກົາ ຈິວ ກູຈິດ. ມາ ຄັນ ໄລ່ ປ່ອງ ເກົາ ຕາ ເບີນ ປຍາຍ, ເຍົາ ຕາ ເຕ່ອ ມ່ອນ ເກົາ ປິ ໄລ່. ຊາ ນຸ່ ເກົາ ແຊອ ເຕົ້າວ ປັຣເຍົາ ກຣວງ ໂຣມ ແຕ່ ຕັດ ຊິ້ນ ໂອນ ເກົາ."

12 ແວັດ ໂປໂລ ປາຍ ນະກ້ອຍ, ເພຊະໂຕ ຊັຣ ຮົງ ລັຣ ກະ ເຍົາ ອັນ. ເຈີ່ ອັນ ປາຍ ໂຈະ ໂປໂລ: "ໄມ່ ແຊອ ເຕົ້າວ ປັຣເຍົາ ກຣວງ ໂຣມ ແຕ່ ຕັດຊິ້ນ ໂອນ ໄມ່. ເກົາ ໂອນ ໄມ່ ເປາະ ປິ ເຕົ້າວ ປັຣເຍົາ ກຣວງ ໂຣມ."

ເພຊະໂຕ ອາຕີ ອັກຄີປາ ແຕ ໂປໂລ

13 ຕາ ເບີນ ດຸ່ນ ຕາໄງ ນ້ອງ, ເຕົ້າວ ປັຣເຍົາ ອັກຄີປາ\* ກະ ອາມໍອ ອັນ, ຮາມິຣ ເບນິທາ, ເປາະ ປິ ເມືອງ ກາຍຊາເຣຍ ຊາຣັຣ ອາຈວາຍຮ ເພຊະ ໂຕ. 14 ໄລ່ ບາຣ ນະ ແອັດ ປິ ກ້ອຍ ຊາອິຍ ຕາ ໄງ; ເຈີ່ ເພຊະໂຕ ອາຕີ ເຕົ້າວ ປັຣເຍົາ ອັກຄີປາ ແຕ ໂປໂລ. ອັນ ປາຍ: "ເບີນ ມານະ ກວາຍ ເມົ້າ ໂກບ ດໍອ ຕິ່ງ ກໍອ ແອັດ ປິ ໄມ່ ແຕ ຕາໄງ ເພລິກ ອິນ ນ້ອງ ຕະ ຊົດ ກຣວງ ໄມ່. ເພລິກ ຕາ ຢວາຣ ອາໂຣຍຮ ກວາຍ ກ້ອຍ. 15 ພໍກາ ເກົາ ເປາະ ປິ ເມືອງ ເຢຣູຊາເລັມ, ມັຣ ກວາຍ ຊົດ ມູ ກາ ຊາງ ຮິດ ເຍົາ ເຈົ້າຣາຊີ, ກະ ມັຣ ກວາຍ ຊົດ ອິນແຍ່ ະ ຈຸ່ມເຈືອ ແຕ ຈຸ່ມ ອິດຊະຣາເອລ, ອິນແຍ່ະ ໄລ່ ກ້ອຍ ປ່ອງ ກວາຍ ໄມ່ ຍິອ ອີ ໂອນ ເກົາ ຕະ ອັນ. 16 ມາ ເກົາ ຕາແອີຍ ໂອນ ຈຸ່ມ ອິດຊະຣາເອລ ກ້ອຍ ປາຍ: 'ຮິດ ກວາຍ ກຣວງ ໂຣມ ລາ ນະໄມ່: ຕາ ເຕ່ອ ຕະ ກວາຍ ຄັນ ຕາ ຢວາຣ ຣາດັງ ໄລ່ຍຮ. ອິງເຄາະ ເບີນ ບາຣ ກັຣ ຣາມິຣ ມັນຕຸ ໂອນ ກວາ ຍ ກາ ເມົ້າ ປ່ອງ ເຕ່ອ ຕາແອີຍ ປັຣນາຍ ເມົ້າ ປ່ອງ ອັນ.' 17 ມາ ພໍກາ ຈຸ່ມ ອິດຊະຣາເອລ ແຕ່ອ້ ປິ ເມືອງ ກາຍຊາເຣຍ ໄມ່, ນະ ປັຣແນີ ເກົາ ຕັດຊິ້ນ ແຕ່ ປັຣນາຍ ກ້ອຍ. 18 ແຕ ອິນໂຢ່ງ ເກົາ ຄິດ ໂປໂລ ໄມ່ ເບີນ ໄລ່ຍຮ ປິດ ລາລີ. ມາ ພໍກາ ເກົາ ຊ້ອງ ເມົ້າ ປ່ອງ ອັນ, ເກົາ ຕາ ເບີນ ຊ້ອງ ຮາມິຣ ອິນເຕົ້າ ໄລ່ຍຮ ປິດ. 19 ໄລ່ ປ່ອງ ໂປໂລ ແອັງ ແຕ ຮິດ ຊາງ ຊ້ອງ. ກະ ໄລ່ ປາຍ ແຕ ມານະ ເບີນ ຮາມິ ຣ ເຢຊູ ແອີ. ໄລ່ ກ້ອຍ ປາຍ ເຢຊູ ກູຈິດ ເລີ່ຍ,

ມາ ໂປໂລ ປາຍ ອັນ ອິນນ້ອງ ອາມົ່ງ. 20 ນະກ້ອຍ ເກົາ ແຕັດ ຮາງິຣ, ຕາ ດັງ ນານະ ອີ ຕັດຊິ້ນ ໂອນ ໄລ່. ເຈີ່ ເກົາ ຕາແບັບ ໂປໂລ, ອັນ ປຣໍອມ ເຈົ້າ ປິ ເມືອງ ເຢຣູຊາເລັມ ມາ ຕາ ເບີນ. ເກົາ ຄິດ ອໍ ໂອນ ເກົາ ຕັດຊິ້ນ ໄລ່ ຕິ່ງ ເມືອງ ກ້ອຍ. 21 ມາ ໂປໂລ ແຊອ ເຕົ້າວ ປັຣເຍົາ ກຣວງ ໂຣມ ແຕ່ ຕັດ ຊິ້ນ ໂອນ ອັນ. ນະກ້ອຍ ເກົາ ແປຣີ ເມົ້າ ກຍາອ ອັນ ໂອນ ເຕົ້າ ແຕ່ອ້ ຕາໄງ ເກົາ ເຕ່ອ ພາອ ອັນ ປິ ເຕົ້າວ ປັຣເຍົາ ກຣວງ ໂຣມ."

22 ແວັດ ເພຊະໂຕ ອາຕີ ນະກ້ອຍ, ອັກຄີປາ ຕາ ແອີຍ ອັນ ປາຍ: "ເກົາ ຍິອ ອີ ຊາງັດ ເຕ່ ປັຣນາຍ ກວາຍ ໄມ່."

ກະ ເພຊະໂຕ ຕາແອີຍ ລັຣ ອັກຄີປາ ປາຍ: "ອໍ ເຈີ່ ຕາໄງ ປັຣແນີ ໄມ່ ຊ້ອງ ປັຣນາຍ ອັນ."

23 ມາຣ ຕາໄງ ປັຣແນີ ອັກຄີປາ ກະ ເບນິທາ, ໄລ່ ຕັອກ ທາຣິ່ງ ອໍ ລາລີ ກະ ມູ່ດ ຕິ່ງ ອິນຕຸ ເກີຍ ເມົ້າ ຕັດຊິ້ນ. ເຈີ່ ກວາຍ ການໍອ ເປາະ ແຮ ໄລ່ ປິ ດຸງ ກ້ອຍ ເຕ່. ຕິ່ງ ອິນຕຸ ກ້ອຍ ເບີນ ຊາອິຍ ນະ ກວາ ຍ ຊົດ ຕາຮານ, ກະ ກວາຍ ກາ ຊົດ ກອນແຊມ ຕິ່ງ ເມືອງ ກ້ອຍ. ນະກ້ອຍ ເພຊະໂຕ, ອັນ ແປຣີ ເມົ້າ ເປາະ ອິດ ໂປໂລ ແຕ່ອ້ ປິ ອິນຕຸ ກ້ອຍ. 24 ເຈີ່ ເພ ຊະໂຕ ປາຍ: "ເຕົ້າວ ປັຣເຍົາ ອັກຄີປາ ເອີຍ! ກະ ມັຣ ແຊມອາຍ ອາຍີ ອາກູນ ແອັດ ອິນໄມ່! ເຍົາ ເຮີມ ກວາຍ ໄມ່ ກາ ຈຸ່ມ ອິດຊະຣາເອລ ປ່ອງ ປິ ເກົາ. ໄລ່ ປ່ອງ ອັນ ຕິ່ງ ເມືອງ ເຢຣູຊາເລັມ ກະ ຕິ່ງ ເມືອງ ໄມ່ ແອີ. ໄລ່ ແຊອ ເລືອຍໆ ແຕ ເກົາ ໂອນ ເກົາ ກາຈິດ ຕັຣ ອັນ. 25 ມາ ເກົາ ຕາ ເບີນ ຮາມິ ຣ ຮານະ ອິນເຕົ້າ ໄລ່ຍຮ ໂອນ ເຕ່ອ ກາຈິດ ອັນ. ມາ ຊານໍ ໂປໂລ ແຊອ ໂອນ ເຕົ້າວ ປັຣເຍົາ ກຣວງ ໂຣມ ແຕ່ ຕັດຊິ້ນ ອັນ. ນະກ້ອຍ ເກົາ ຄິດ ຍິອ ອີ ພາອ ອັນ ແຕ່ອ້ ປິ ເຕົ້າວ ປັຣເຍົາ ກຣວງ ໂຣມ. 26 ມາ ຊານໍ ເກົາ ຕາ ດັງ ອີ ຄຽນ ຮາມິຣ ອິນເຕົ້າ ຕິ່ງ ເຈຍ ປັຣນາຍ ອາຕີ ໂອນ ເຕົ້າວ ປັຣເຍົາ ກຣ ວາງ ໂຣມ ດັງ ແຈງ ຮານະ ອິນເຕົ້າ ໂປໂລ ຕະ ໄລ່ ຍຮ. ນະກ້ອຍ ເກົາ ເດີງ ໂປໂລ ປິ ອິນແຍ່ະ ມັຣ ເຍົາ ກະ ປິ ເຕົ້າວ ປັຣເຍົາ ອັກຄີປາ ໄມ່. ແຊອ ເຍົາ ຕາແບັບ ໂອນ ດັງ ແຈງ ຮານະ ອິນເຕົ້າ ໂປໂລ ໄລ່ ຍຮ, ອຽນ ເກົາ ຄຽນ ປັຣນາຍ ອາຕີ ຕິ່ງ ເຈຍ ໂອນ ເຕົ້າວ ປັຣເຍົາ ກຣວງ ໂຣມ ດັງ. 27 ເກົາ ຄິດ ລາ ຕາ ເບີນ ອໍ ພາອ ກວາຍ ເມົ້າ ໂກບ ດໍອ ຕິ່ງ ກໍອ ແຕ່ອ້ ປິ ເຕົ້າວ ປັຣເຍົາ ກຣວງ ໂຣມ, ມາ ຕາ ເບີ

\* 25:13 25:13 ອັກຄີປາ ໄມ່ ລາ ອັກຄີປາ ກາ ບາຣ, ລາ ກອນ ອັກຄີປາ ກາ ມວຍ.

ນ ອາຕີ ຣາມິ້ຮ ອິນເຕ້າ ກວາຍ ໄມ່ ຕະ ໂລ່ຍຮ. "

### 26

ໂປໂລ ອາຕີ ລັຮ ຢັຮ ມືງ ອັກຄູີປາ

<sup>1</sup> ແວັດ ເພຊະໂຕ ປາຍ ນະກັອຍ, ອັກຄູີປາ ປາຍ ໂຈະ ໂປໂລ ນະໄມ່: "ອິນເຕ້າ ໄມ່ ຢັຮ ອີ ຕະ ອິນຕີ, ໄມ່ ອາຕີ ຊານຸ່."

ເຈ້ ໂປໂລ ອາແຮ້ ອາຕີ ຕາແບິ ຣາຊວນ ລັຮ ປາຍ: <sup>2</sup> "ເຕົາວ ປັຮເຍົາ ອັກຄູີປາ ເອີຍ! ຫົາ ຊ້ອງ ຮໍ່ອ ລາລີ້ ຫົາ ເບິນ ຕະ ອິນຕີ ກະ ເຍົາ ອິນແຍ່ະ ມັຮ ຣາມິ້ຮ ຈຸ່ມ ອິດຊະຣາເອລ ປ່ອງ ຫົາ. <sup>3</sup> ຍ່ອນ ເຍົາ ດັງ ເຈ້ ອິນແຍ່ະ ມັຮ ຄານອດ ຈຸ່ມ ອິດຊະຣາ ເອລ, ກະ ອິນແຍ່ະ ມັຮ ຣານະ ກວາຍ ອິດຊະຣາ ເອລ ຫື້ຍ ຊັຮຮັງ. ນະກັອຍ ຫົາ ແຊອ ເຍົາ ຊາງັດ ໂອນ ອໍ ລາລີ້ ປັຮນາຍ ຫົາ ອາຕີ ເຍົາ.

<sup>4</sup> "ອິນແຍ່ະ ຈຸ່ມ ອິດຊະຣາເອລ ດັງ ແຈງ ລາ ລີ້ ມັຮ ຣານະ ຫົາ ຕະ ບັອງ ຫົາ ອິນນັ້ງ ນຸ່ມ ແອັດ ຕິ່ງ ກຣວາງ ຫົາ, ກະ ແອັດ ຕິ່ງ ເມືອງ ເຢຣູຊາເລັມ. <sup>5</sup> ຄັນ ໄລ່ ຢັຮ, ເຕ້ອ ໄລ່ ປາຍ ຫົາ ລາ ກວາຍ ພາຣີຊາຍ ເຕ່. ເຍົາ ດັງ ເຈ້ ມັຮ ຈຸ່ມ ພາ ຣີຊາຍ ຊາງັດ ຄານອດ ອິດຊະຣາເອລ ກາເລີຍ ອິນ ແຍ່ະ ແຕ ຈຸ່ມ ການຸ່ອ. <sup>6</sup> ມາ ຊານຸ່ ຫົາ ຕາຢິ່ງ ຢັຮ ມືງ ເຍົາ ຍ່ອນ ຫົາ ຊາອໍາ ປັຮນາຍ ເຢັງ ເຈ້ຣາຊີ ເອີອັ ກະ ອາຈວາຍຮ ອາເຈ່ຮ ຮີ ແຕ ອິມແບິ. <sup>7</sup> ອິນ ແຍ່ະ ມັຮ ມວຍ ຈິດ ລາ ບາຣ ຈຸ່ມ ກວາຍ ອິດຊະ ຣາເອລ ໄຮ, ໄລ່ ຊາງ ເລືອຍໆ ເຢັງ ເຈ້ຣາຊີ ກູ່ ຕາ ໄງ ກູ່ ຊາເດົາ. ກະ ໄລ່ ອີງກ່ອງ ເລືອຍໆ ມັຮ ຣາມິ້ ຮ ເຢັງ ເຈ້ຣາຊີ ເອີອັ ກະ ໄລ່. ນະກັອຍ ເຕົາວ ປັຮເຍົາ ເອີຍ, ຍ່ອນ ຫົາ ຊາອໍາ ຣາມິ້ຮ ອີງກ່ອງ ໄມ່, ໄລ່ ອວານ ຫົາ, ເຈ້ ໄລ່ ປ່ອງ ຫົາ. <sup>8</sup> ນານະ ເຍົາ ຄິດ ປາຍ ເຢັງ ເຈ້ຣາຊີ ຕາ ເຕ້ອ ຕະ ກວາຍ ກູຈິດ ແກັດ ອາມັງ ລັຮ ບໍ່?

<sup>9</sup> "ບັອງ ກັອຍ ຫົາ ຄິດ ປຍາຍ ຫົາ ຕະ ຕຸ່ຮ ກັດ ມັຮ ກວາຍ ກາ ຕາປູນ ຣານະ ເຢຊູ ແຕ ວີລ ນາຊາເຣັດ. <sup>10</sup> ມັຮ ກວາຍ ຊົດ ມູ່ ກາ ຊາງ ຮິດ ເຢັງ ເຈ້ຣາຊີ ຕິ່ງ ເມືອງ ເຢຣູຊາເລັມ ໂອນ ຫົາ ເບິນ ອໍານາດ ເຕ້ອ ໂຈະ ມັຮ ມູ່ ກາ ຊາອໍາ ເຢຊູ ຕິ່ງ ກໍ່ອ. ຄັນ ກວາຍ ຊົດ ຢັຮ ອີ ກາຈິດ ໄລ່, ຫົາ ປຣ່ອມ ເຕ່. <sup>11</sup> ຊາອິ້ຍ ເຮີບ ເຈ້ ຫົາ ຕະ ໄລ່, ຢັຮ ອີ ໂອນ ໄລ່ ຕັຮ ຊ້ອງ ຣານະ ເຢຊູ ກະ ພາມາດ ຣາມິ້ຮ ອັນ. ຫົາ ຕະ ນະກັອຍ ຊາອິ້ຍ ອິນຕຸ ຕິ່ງ ດຸງ ຊາງ ກວາຍ ອິດຊະຣາເອລ. ຣາງິ້ຮ ຫົາ ຊ້ອງ

ອວານ ລາລີ້ ໂຈະ ມັຮ ກວາຍ ກາ ຊາອໍາ ເຢຊູ. ກະ ຫົາ ເປາະ ຕະ ໄລ່ ຕິ່ງ ກຣວາງ ການຸ່ອ ແຮ້."

ໂປໂລ ອາຕີ ລັຮ ອັນ ຣາມິ້ຮ ເຢຊູ ຕິ່ງ ຣານາ (ສາມະ ຕະ 9:1-19; 22:6-16)

<sup>12</sup> "ມູ ຕາໄງ, ບັອງ ກາ ຫົາ ເປາະ ປິ ເມືອງ ຕາມັດກັດ, ຫົາ ຢັຮ ອີ ເປາະ ໂກບ ມັຮ ກວາຍ ກາ ຊາອໍາ ເຢຊູ. ມັຮ ກວາຍ ຊົດ ມູ່ ກາ ຊາງ ຮິດ ເຢັງ ເຈ້ຣາຊີ, ໄລ່ ຄຽນ ປັຮນາຍ ຕິ່ງ ເຈຍ ໂອນ ຫົາ ເຕ້ອ ໂກບ ກວາຍ ຊາອໍາ. <sup>13</sup> ຕາໄງ ກັອຍ, ເຕົາວ ປັຮເຍົາ ເອີຍ, ແຕ້ອ ມັດ ມານາງ ຕິລມູ່ລ ບັອງ ກາ ຫົາ ອິນນັ້ງ ຕາຢັຮ ຕິ່ງ ຣານາ, ຫົາ ເຮີມ ບັງ ປາ ເລີງ ແຕ ມັນລ້ອງ. ບັງ ກັອຍ ກາເລີຍ ແຕ ບັງ ມັດ ມານາງ. ອັນ ປາເລີງ ຈວບ ອິນແຍ່ະ ຈະ ຫົາ ກະ ເຍົາ ກາ ເປາະ ກະ ຫົາ. <sup>14</sup> ອິນແຍ່ະ ນະ ຮີ ແດິມ ປຣັຮ ອິນແຍ່ະ ຕິ່ງ ກູແຕອ. ກະ ຫົາ ຊ້ອງ ຊຽງ ເນ້າ ຊາບາວ ອາຕີ ຫົາ ແຕ ປັຮນາຍ ຫົາ ເບິມ, ລາ ປັຮນາຍ ເຮັບເຮີ, ປາຍ: 'ໂຊໂລ ເອີຍ! ເອີ ໂຊໂລ! ນານະ ໄມ່ ຕະ ຕຸ່ຮ ຫົາ? ໄມ່ ຕະ ນະກັອຍ ລາ ໄມ່ ຕະ ນະ ຕາຣຍາອັ ເນ້າ ກຸຣ ມຸ່ຮ ອີ ເຕີ ອັນ ເປາະ ປິ ດິຮ, ມາ ອັນ ຍັກ ອີ ເປາະ ປິ ການຸ່ອ, ຕາ ຢັຮ ຕາປູນ ອິນເຈົາ ອັນ. ໄມ່ ຕະ ນະກັອຍ ກັດ ລາລີ້ ໂອນ ໄມ່.' <sup>15</sup> ມາ ຫົາ ຕາແອີຍ ຊຽງ ກັອຍ ປາຍ: 'ອິນເຈົາ ເອີຍ! ເຍົາ ລາ ເນ້າ?' ເຈ້ ຊຽງ ກັອຍ ຕາ ແອີຍ ລັຮ ຫົາ ປາຍ: 'ຫົາ ລາ ເຢຊູ ກາ ໄມ່ ຕະ ຕຸ່ຮ. <sup>16</sup> ມາ ຊານຸ່ ໄມ່ ຢວຣ ຕາຢິ່ງ. ຫົາ ແຕ້ອ ປິ ໄມ່ ຊານຸ່ ຍ່ອນ ຫົາ ຢັຮ ອີ ໂອນ ໄມ່ ຕະ ຣານະ ຫົາ. ກະ ຫົາ ຢັຮ ອີ ໂອນ ໄມ່ ອາຕີ ໂອນ ກວາຍ ການຸ່ອ ດັງ ເຕ່ ແຕ ມັຮ ຣາມິ້ຮ ໄມ່ ເຮີມ ຊານຸ່, ກະ ມັຮ ຣາມິ້ຮ ຫົາ ອາປັຮ ໄມ່ ປັຮເນີ ມັນເຕຣີ ແຮ້. <sup>17</sup> ຫົາ ຈ່ອຍ ໄມ່ ໂອນ ໄມ່ ແວັດ ແຕ ກວາຍ ອິດ ຊະຣາເອລ, ກະ ກວາຍ ຕາ ແກັນ ກວາຍ ອິດຊະຣາ ເອລ, ກາ ຢັຮ ອີ ຕະ ໄມ່. ຫົາ ແປຣີ ໄມ່ ເປາະ ອາ ຕີ ກວາຍ ຕາ ແກັນ ກວາຍ ອິດຊະຣາເອລ, <sup>18</sup> ເຈ້ ຫົາ ເປີຣ ຣາງິ້ຮ ໄລ່ ໂອນ ເຕ້ອ ໄລ່ ລັອຣ ແຕ ອິນຕຸ ການໍາ, ເຈ້ ໄລ່ ແອັດ ຕິ່ງ ອິນຕຸ ບັງ ແອັມ. ກະ ຫົາ ໂອນ ໄລ່ ຕາ ເບິນ ແກັດ ຊູລ ນັ້ງ ເຢັງ ຊາຕານ, ມາ ໂອນ ໄລ່ ຕາປູນ ແອັງ ຣານະ ເຢັງ ເຈ້ຣາຊີ ຊ້ອງ. ເຈ້ ຫົາ ຕັຮ ໄລ່ຍຮ ໄລ່, ກະ ຫົາ ໂອນ ໄລ່ ຣາຈຸງ ເຕ່ ມັຮ ມູ່ນ ກາ ຫົາ ປຣ່ອມ ໂອນ ມູ່ ກາ ຊາ ອໍາ ຫົາ.'"

ໂປໂລ ອາຕີ ຊາ ແຕ ຣານະ ອັນ ຕະ ເຈ້

<sup>19</sup> "ນະກັອຍ, ເຕົາວ ປັຮເຍົາ ອັກຄູີປາ ເອີຍ, ຫົາ ຊາງັດ ອິນແຍ່ະ ປັຮນາຍ ເຢຊູ ອາຕີ ຫົາ ແຕ

ມັນລ້ອງ. <sup>20</sup> ຫົາ ອາຕີ ກວາຍ ອົງເຄາະ ໄລ່ ຕັຮ  
 ຮງື່ຮ ຕຍາ ປຽນ ແກ້ດ ຮງື່ຮ ຕາໄມ ແອັນ, ກະ  
 ອົງເຄາະ ໄລ່ ຕາປຸ່ນ ແອັງ ຮານະ ເຢັງ ເຈົາຮາຊີ  
 ຊ້ອງ. ກະ ຫົາ ອາຕີ ໄລ່ ອົງເຄາະ ໄລ່ ຕະ ຮານະ  
 ໂອນ ອໍ ເລືອຍໆ, ໂອນ ກວາຍ ດັງ ແຈງ ລາລື້  
 ປາຍ ໄລ່ ຕັຮ ຮງື່ຮ ຕຍາ ປຽນ ແກ້ດ ຮງື່ຮ ຕາໄມ  
 ແອັນ. ຫົາ ອາຕີ ມັຮ ຮາມື່ຮ ໄມ່ ຕຶ່ງ ເມືອງ ດາມັດ  
 ກັດ ອິນໂຍ່ງ. ເຈີ່ ອາຕີ ຕຶ່ງ ເມືອງ ເຢຣູຊາເລັມ ກະ  
 ອິນແຍ່ະ ຕຶ່ງ ແຄງ ຢູດາຍ ແຮີ. ແວັດ ກ້ອຍ ຫົາ  
 ອາຕີ ປິ ກຮວາງ ກວາຍ ການໍ່ອໍ ແອັນ. <sup>21</sup> ຍ່ອນ  
 ຫົາ ຕະ ຮານະ ໄມ່ ກວາຍ ອິດຊະຮາເອລ ໂກບ ຫົາ  
 ຕຶ່ງ ດຸງ ຊາງ ປຶ້ດ, ກະ ອີ ກາຈິດ ຕັຮ ຫົາ. <sup>22</sup> ມາ  
 ເຕ້າ ແຕ້ອໍ ຕາໂງ່ ໄມ່ ເຢັງ ເຈົາຮາຊີ ຈ່ອຍ ຫົາ ຕາ  
 ເບີນ ໂອນ ເມ້າ ເຕ່ອໍ ກາຈິດ ຫົາ. ນະກ້ອຍ ຫົາ  
 ເຕ່ອໍ ຕາຢັງ ອາຕີ ປັຮນາຍ ອໍ ໂອນ ອິນແຍ່ະ ມັຮ  
 ກວາຍ ຊ້ອງ, ກາ ກວາຍ ຊາຊາຍ, ກາ ກວາຍ ກັຮ  
 ແນນ. ຫົາ ອາຕີ ລັຮ ແອັງ ປັຮນາຍ ເຢັງ ເຈົາຮາ  
 ຊີ ໂອນ, ນະ ໂມເຊ ກະ ກວາຍ ອາຕີ ຕາງ ປັຮນາຍ  
 ອັນ ແຕ ອິມແບີ ອາຕີ ດໍອໍ. <sup>23</sup> ໄລ່ ປາຍ ແຕ ກຣິ  
 ດ, ອັນ ກາ ເຢັງ ເຈົາຮາຊີ ຮຽຮ ດໍອໍ ຈ່ອຍ ອາມັງ  
 ກວາຍ, ອັນ ອົງເຄາະ ຈິວ ຊາອິຍ ຕຸຮ ກັດ, ກະ ເມ້າ  
 ກາຈິດ ອັນ. ເຈີ່ ອັນ ອາມັງ ລັຮ ອິນໂຍ່ງ ແຕ ກວາ  
 ຍ ການໍ່ອໍ. ອັນ ລາ ນະ ປັງ ປາເລີງ ໂອນ ຈຸ່ມ ອິດ  
 ຊະຮາເອລ ກະ ກວາຍ ຕາ ແກ້ນ ກວາຍ ອິດຊະຮາ  
 ເອລ ແຮີ."

<sup>24</sup> ແວັດ ໂປໂລ ຕະ ອິນຕີ ປັຮນາຍ ກ້ອຍ ໂອນ  
 ກວາຍ ຊົດ ກ້ອຍ ຊ້ອງ, ເພຊະໂຕ ປາຍ ເຮ່ງ ລາລື້  
 ນະໄມ່: "ໂປໂລ ເອີຍ! ໄມ່ ລາ ກວາຍ ຢຸ່ຮ! ຍ່ອນ  
 ໄມ່ ຮຍານ ຊາອິຍ ລາລື້, ໄມ່ ແກ້ດ ຢຸ່ຮ!"

<sup>25</sup> ມາ ໂປໂລ ຕາແອີຍ ລັຮ ປາຍ: "ອາຈວາຍຮ  
 ເພຊະໂຕ ເອີຍ! ຫົາ ຕາ ເບີນ ຢຸ່ຮ. ມັຮ ປັຮນາຍ  
 ຫົາ ອາຕີ ລາ ປຍາຍ ກະ ເຕ່ອໍ ນັບ. <sup>26</sup> ກະ ເຕົາວ  
 ປັຮເຍົາ ອັກຄຼີປາ ເອີຍ! ຍ່ອນ ເຍົາ ດັງ ເຈີ່ ອິນແຍ່ະ  
 ຮາມື່ຮ ໄມ່, ນະກ້ອຍ ຍັນ ຫົາ ອາຕີ ເຍົາ. ອິນແຍ່  
 ະ ມັຮ ຮາມື່ຮ ໄມ່ ຕາ ເບີນ ເມ້າ ປາໂຕະ. ນະກ້ອຍ  
 ຫົາ ດັງ ເຍົາ ດັງ ເຈີ່ ມັຮ ຮາມື່ຮ ໄມ່. <sup>27</sup> ເຕົາວ  
 ປັຮເຍົາ ອັກຄຼີປາ ເອີຍ! ເຍົາ ຊາອໍ ປັຮນາຍ ກວາ  
 ຍ ອາຕີ ຕາງ ປັຮນາຍ ເຢັງ ເຈົາຮາຊີ ຄຽນ ບໍ?  
 ຫົາ ຄິດ ປາຍ ເຍົາ ຊາອໍ ເຕ່."

<sup>28</sup> ມາ ອັກຄຼີປາ ຕາແອີຍ ລັຮ ໂປໂລ ປາຍ: "ໄມ່  
 ອາຕີ ຫົາ ມາໂຮຍ ລາລື້. ນານະ ໄມ່ ຄິດ ຫົາ ມູ່ດ  
 ຊາອໍ ເຢຊູ ເຕ່ ບໍ?"

<sup>29</sup> ເຈີ່ ໂປໂລ ຕາແອີຍ ລັຮ ອັນ ປາຍ: "ດຸ່ນ ແຕີ  
 ລາ ມາໂຮຍ, ຕາ ເບີນ ອິນເຕົາ. ຫົາ ແຊຣໍ ເຢັງ

ເຈົາຮາຊີ ໂອນ ເຍົາ ກະ ອິນແຍ່ະ ມັຮ ກວາຍ ກາ ຊາ  
 ງັດ ປັຮນາຍ ຫົາ ຊານໍ່, ໂອນ ອິນແຍ່ະ ເຍົາ ຊາອໍ  
 ມູເຈັງ ຫົາ ຊາອໍ ເຕ່. ມາ ຫົາ ຕາ ຍິອໍ ອີ ໂອນ ເມ້າ  
 ຊົດ ເຍົາ ນະ ເມ້າ ຊົດ ຫົາ ແຕ ອິນໄຊ ໄຊ ໄມ່."

<sup>30</sup> ແວັດ ໂປໂລ ປາຍ ນະກ້ອຍ, ເຕົາວ ປັຮເຍົາ  
 ອັກຄຼີປາ, ອາຈວາຍຮ ເພຊະໂຕ, ເບນີເກ, ກະ ອິນ  
 ແຍ່ະ ມັຮ ກວາຍ ແອັດ ອິນຕຸ ກ້ອຍ, ໄລ່ ຢວຮ ຕາ  
 ຢັງ. <sup>31</sup> ກະ ໄລ່ ຕະ ອິນຕີ ປາຍ: "ໂປໂລ ຕາ ເບີ  
 ນ ໄລ່ຍຮ ອິນເຕົາ ເມ້າ ອີ ກາຈິດ ອັນ, ແຕີລາ ໂຈະ  
 ອັນ ຕຶ່ງ ກໍ່ອໍ."

<sup>32</sup> ເຈີ່ ອັກຄຼີປາ ອາຕີ ເພຊະໂຕ ປາຍ: "ຄັນ  
 ໂປໂລ ຕາ ເບີນ ແຊຣໍ ໂອນ ເຕົາວ ປັຮເຍົາ ກຮວາງ  
 ໂຮມ ຕັດຊິ່ນ ໂອນ ອັນ, ເຕ່ອໍ ໂຮ ອາໂຮຍຮ ອັນ."

## 27

ໂປໂລ ເປາະ ປິ ເມືອງ ໂຮມ

<sup>1</sup> ພໍກາ ກວາຍ ຊົດ ກ້ອຍ ກຽມ ອີ ພາຣໍ ໂປໂລ  
 ປິ ກຮວາງ ອີຕາລີ, ຫົາ (ລາ ລູກາ), ເປາະ ກະ  
 ໂປໂລ ເຕ່. ກວາຍ ຊົດ ກ້ອຍ ມ່ອບ ໂປໂລ ກະ  
 ມັຮ ກາ ກວາຍ ເມ້າ ໂກບ ດໍອໍ ຕຶ່ງ ກໍ່ອໍ ການໍ່ອໍ ປິ  
 ຢູລີໂອ, ລາ ກວາຍ ກາ ຊົດ ມູ ຮ່ອຍ ນະ ຕາຮານ.  
 ມູ່ ຕາຮານ ກາ ອັນ ຊົດ ເມ້າ ດໍອໍ ມູ່ ໂອຄຸໂຕ. <sup>2</sup> ຮິ  
 ຊ້ອຮ ຕົວະ ຊໍາເປົ່າ ຕຶ່ງ ເມືອງ ອາຣະມິດ. ຕົວະ  
 ຊໍາເປົ່າ ໄມ່ ຍິອໍ ອີ ມູ່ດ ກູ່ ເມືອງ ກວາຍ ກາ ແອັດ  
 ແຈະ ປື້ຮ ແຕ້ອໍ ທາເລ ຕຶ່ງ ແຄງ ເອເຊຍ. ເບີນ  
 ມານະ ເຍົາ ແອັນ ເປາະ ກະ ຮິ, ຮາມື່ຮ ອາຣິດຕາ  
 ໂຄ. ອັນ ລາ ແຕ ເມືອງ ເທຊະໂລນິກ ຕຶ່ງ ແຄງ  
 ມາເກໂດເນຍ. <sup>3</sup> ມາຮ ຕາໂງ່ ປັຮແນີ ຮິ ແຕ້ອໍ ປິ  
 ເມືອງ ຊີໂດນ ແອັນ. ຢູລີໂອ ຊ້ອງ ອາໂຢະ ຕະ  
 ໂປໂລ; ເຈີ່ ອັນ ໂອນ ໂປໂລ ເປາະ ຊາອົຮ ເຍົາ ອັນ  
 ຕຶ່ງ ເມືອງ ກ້ອຍ, ກະ ໂອນ ເຍົາ ໂປໂລ ຈ່ອຍ ແຮີ  
 ອັນ. <sup>4</sup> ເຈີ່ ຮິ ລ່ອຮ ແຕ ເມືອງ ຊີໂດນ, ມາ ກູຢາລ  
 ແປ້ ຮັບ ລາລື້ ອີ ເດີງ ກາ ຕົວະ ຊໍາເປົ່າ. ນະກ້ອຍ  
 ຕົວະ ຊໍາເປົ່າ ຮິ ເປາະ ວຍາຮ ໂບດ ໄຊປຣັດ ຍິຮ  
 ກາ ຕາ ເບີນ ກູຢາລ ເຮ່ງ. <sup>5</sup> ແວັດ ກ້ອຍ ຮິ ເປາະ  
 ເປັຍ ແຄງ ກິລິທາຍ ກະ ແຄງ ປໍາພິເລຍ; ເຈີ່ ແຕ້ອໍ  
 ປິ ເມືອງ ມີຮາ ຕຶ່ງ ແຄງ ລິທາຍ.

<sup>6</sup> ຕຶ່ງ ເມືອງ ກ້ອຍ ອັນ ກາ ຊົດ ມູ ຮ່ອຍ  
 ຕາຮານ, ອັນ ຈໍ່ອໍ ຕົວະ ຊໍາເປົ່າ ການໍ່ອໍ ແອັນ. ພໍ  
 ກາ ອັນ ຮາມົຮ ມູ່ ແລ້ມ ຕົວະ ຊໍາເປົ່າ ກາ ແຕ້ອໍ ແຕ  
 ເມືອງ ອາເລັກຊັມເດຍ ອີ ເປາະ ປິ ກຮວາງ ອີຕາລີ,  
 ອັນ ໂອນ ຮິ ຊ້ອຮ ຕຶ່ງ ຕົວະ ຊໍາເປົ່າ ກ້ອຍ ແອັນ.  
<sup>7</sup> ຕາ ດັງ ອິນຊີ ຕາໂງ່ ຮິ ອົງກ່ອຍ ເປາະ. ກັດ ລາ



ລີ້ ກູຢາລ ແປ້; ມັນ ອີ ຕາ ເຕ່ອ ແຕ້ອ ປິ ມືອງ ກະນິໂດ. ມາ ແວັດ ກ້ອຍ ກູຢາລ ແປ້ ຮັບ ລາລີ້ ແອັນ. ມະກ້ອຍ ຮິ ເປາະ ເປຼຍ ຊ້ອງ ມືອງ ຊລ ໂມນ ເປາະ ແຈ່ະ ປີ່ຮ ແດັອ ໂບດ ກະເຣເຕ ແອັນ. 8 ຮິ ເປາະ ອິມແປຣ ປີ່ຮ ແດັອ ໂບດ ກະເຣເຕ, ກະ ຮິ ຈອດ ຕົວະ ຊຳເປ້າ ຮິ ຕຶງ ອິນຕຣິນ ແດັອ ຊຳວີ ແຈ່ະ ມືອງ ລາເຊ.

9 ຮິ ແອັດ ດຸ່ນ ລາລີ້ ຕຶງ ມືອງ ກ້ອຍ; ເຈ້ ຮິ ຍິອ ອີ ເປາະ ແອັນ, ມາ ກາໄຊ ກ້ອຍ ແຈ່ະ ອີ ອິນ ແຍ່ະ ກູມໍ ເຈ້. ກາໄຊ ກ້ອຍ ມັນລ້ອງ ພົາ ຈົ່ນ ລາ ລີ້, ກະ ກູຢາລ ຮາປູ້ອ. ກັດ ລາລີ້ ເປາະ ຮານາ ຕົວະ ຊຳເປ້າ. ມະກ້ອຍ ໂປໂລ ກາແອັຣ ໄລ່ ປາຍ: 10 "ແຊມອາຍ ເອີຍ! ຄັນ ໄຮ ເປາະ ຊານໍ່ ແຕ ອິນ ຕຸ ໄມ່, ເກົາ ຄິດ ໄຮ ຣາມັຣ ຊາອິ່ຍ ຕຸຣ ກັດ. ຕາ ເບິນ ປິດ ແອັງ ທຣິ່ງ ກະ ຕົວະ ຊຳເປ້າ ຊ້ອງ, ມາ ຈະ ໄຮ ລາ ກູຈິດ ເຕ່."

11 ມາ ກວາຍ ຊົດ ມວຍ ຮ່ອຍ ຕາຮານ ກ້ອຍ ຕາ ເບິນ ຊາງັດ ປຣນາຍ ໂປໂລ ອາຕີ. ອັນ ຊາງັດ ປຣນາຍ ອັນ ກາ ເດີງ ຕົວະ ຊຳເປ້າ, ກະ ອັນ ກາ ອິນເຈົ້າ ຕົວະ ຊຳເປ້າ ກ້ອຍ. 12 ອິນຕຣິນ ແດັອ ຊຳວີ ກ້ອຍ ຕາ ເບິນ ອໍ ດໍອ ຕົວະ ຊຳເປ້າ ຕຶງ ກາໄຊ ຊາແງດ. ມະກ້ອຍ ແວັດ ໄລ່ ຊັຣຣັງ ມັຣ ກວາຍ ກາ ອີ ເປາະ ຕຶງ ຕົວະ ຊຳເປ້າ ກ້ອຍ, ກຶ່ງ ໄລ່ ກາ ອີ ເປາະ, ແຕ ມູ່ ກາ ອີ ແອັດ. ໄລ່ ປາໄຣັຣ ຮິ ເປາະ ປິ ມືອງ ພິນິກ ຕຶງ ໂບດ ກະເຣເຕ. ໄລ່ ຍິອ ອີ ແອັດ ປິ ມືອງ ກ້ອຍ ຕຶງ ກາໄຊ ຊາແງດ, ຍ່ອນ ມືອງ ກ້ອຍ ເບິນ ອິນຕຸ ຊຳວີ ກາ ແອັດ ອິນດີ ມູ່ລ ມາ ນາງ ປັດ ຍິ່ຣ ກາແດັບ, ກະ ມານາງ ປັດ ຍິ່ຣ ແປັງ.

ເບິນ ຮາປູ້ອ ຕຶງ ແດັອ ທາເລ

13 ພໍກາ ໄລ່ ເຮັມ ກູຢາລ ແປ້ ລາເວີ້ຍ ອໍ, ມັຣ ກວາຍ ຕຶງ ຕົວະ ຊຳເປ້າ, ໄລ່ ຄິດ ເຕ່ອ ເປາະ. ມະກ້ອຍ ໄລ່ ອາແລັຣ ຕົວະ ຊຳເປ້າ ກ້ອຍ; ເຈ້ ຮິ ເປາະ ແຈ່ະ ປີ່ຮ ແດັອ ໂບດ ກະເຣເຕ. 14 ມາ ຕາ ເບິນ ດຸ່ນ ມ້ອງ ກູຢາລ ຮາປູ້ອ ຮັບ ລາລີ້ ແຕ ຍິ່ຣ ໂບດ ກະເຣເຕ ກ້ອຍ. 15 ກະ ກູຢາລ ກ້ອຍ ກຸ່ຣ ຕົວະ ຊຳ ເປ້າ ແຮ່ງ ລາລີ້. ມະກ້ອຍ ຮິ ຕາ ເຕ່ອ ອາວິ່ຣ ມ້ອງ ຕົວະ ຊຳເປ້າ ຮິ, ຍ່ອນ ກູຢາລ ເດີງ ເລືອຍໆ ກະ ຮິ ມັນໂລຍ ຕາມ ກູຢາລ ເດີງ. 16 ມະກ້ອຍ ຕົວະ ຊຳເປ້າ ຮິ ເປາະ ເປຼຍ ໂບດ ແກດ ຮາມິ່ຣ ກາວດາ. ແອັດ ອົງກ້ອຍ ກູຢາລ ລາເວີ້ຍ ປີ່ອ. ມະກ້ອຍ ຕົວະ ແກດໆ ກາ ຮິ ຮອຣ ຍິ່ຣ ກຣັອງ ກ້ອຍ, ຮິ ເຮົາບ ກາຕ້ອງ ອາຊ້ອຣ ຕຶງ ຕົວະ ຊຳເປ້າ ປິດ ຮິ

ແອັນ. 17 ແວັດ ຮິ ອາຊ້ອຣ ຕົວະ ແກດໆ ກ້ອຍ, ເຈ້ ຮິ ອິດ ອິນໄຊ, ຊັດ ຕົວະ ຊຳເປ້າ ປິດ ແອັນ ອົງ ກ້ອຣ ປຶຣ. ກະ ກວາຍ ກາ ເດີງ ຕົວະ ຊຳເປ້າ ຮິ, ໄລ່ ອົງກ້ອຣ ລາລີ້ ຕົວະ ຊຳເປ້າ ຮິ ມູ່ດ ອິນຕຸ ຊົງ ອາຍ ຊາອິ່ຍ ກ້ອຍ. ອິນຕຸ ຊົງອາຍ ຊາອິ່ຍ ກ້ອຍ ເມ້າ ດໍອ ຊິຣະຕີ. ມະກ້ອຍ ໄລ່ ກ້ອຍ ຍິ່ງ ຕັຣ ອາຣິ ກາ ເມ້າ ຍິ່ງ ຕຶງ ຕົວະ ຊຳເປ້າ ໂອນ ກູຢາລ ກຸ່ຣ. ເຈ້ ໄລ່ ຕາ ເບິນ ວ່ະ ມ້ອງ ຕົວະ ຊຳເປ້າ; ໄລ່ ມັນໂລຍ ໂອນ ກູຢາລ ເດີງ ຊ້ອງ. 18 ມາຣ ຕາໄງ ປຣແນິ ກູ ຢາລ ແປ້ ຮັບ ລາລີ້ ແອັນ. ມະກ້ອຍ ກວາຍ ກາ ເດີງ ຕົວະ ຊຳເປ້າ ຮິ, ໄລ່ ແຫງ ອາແຊງ ອິນແຍ່ະ ຕຶງ ແດັອ ມັຣ ທຣິ່ງ ໄລ່ ປາຕຸ. ໄລ່ ຍິອ ອີ ໂອນ ຕົວະ ຊຳເປ້າ ແກັດ ອົງຮາລ. 19 ເຈ້ ມັຣ ຕາໄງ ມັນ ເຕຣົາ ແອັນ, ຮິ ແຫງ ກາ ອາຣິ ກະ ຊັຣວາ ອາປ້ອງ ຕັຣ ຕຶງ ແດັອ ເຕ່. 20 ຊາອິ່ຍ ຕາໄງ ເຈ້ ຮິ ຕາ ເບິນ ເຮັມ ມ້ອງ ມັດ ມານາງ ກະ ມັນໂຕຣ, ຍ່ອນ ຮາ ປູ້ອ ຮັບ ເລືອຍໆ. ຮິ ຕາ ເບິນ ອົງກ້ອງ ເຕ່ອ ເບິນ ອາມົງ ມ້ອງ.

21 ຊາອິ່ຍ ຕາໄງ ເຈ້ ຮິ ຕາ ເບິນ ຈາ ອິນເຕ້າ. ມະກ້ອຍ ໂປໂລ ຕາຍິ່ງ ຍິ່ຣ ພຶງ ອິນແຍ່ະ ກວາຍ ຕຶງ ຕົວະ ຊຳເປ້າ ຮິ, ກະ ອັນ ອາຕີ ໄລ່ ກ້ອຍ ປາຍ: "ແຊມອາຍ ເອີຍ! ຄັນ ເຍົາ ຊາງັດ ປຣນາຍ ເກົາ ອາຕີ ແຕ ອິນໂຍ່ງ, ເຍົາ ຕາ ເບິນ ລ້ອຣ ແຕ ໂບດ ກະເຣເຕ ກ້ອຍ. ເຈ້ ໄຮ ຕາ ເບິນ ຮາມັຣ ຕຸຣ ກັດ ໄມ່, ກະ ທຣິ່ງ ໄຮ ຕາ ເບິນ ປິດ ອິນຕິຣ. 22 ມາ ຊານໍ່ ເຍົາ ອິນໂຈຍ ອົງກ້ອຣ ອິນເຕ້າ. ອິນແຍ່ະ ມະ ມັຣ ໄຮ ກາ ແອັດ ຕຶງ ຕົວະ ຊຳເປ້າ ໄມ່ ຕາ ເບິນ ກູຈິດ ມ້ອງ. ມາ ປິດ ແອັງ ຕົວະ ຊຳເປ້າ ຊ້ອງ. 23 ອິນແຍ່ະ ເຍົາ ດັງ ເຈ້ ເກົາ ລາ ກວາຍ ຕະ ຮາ ມະ ເຢັງ ເຈົ້າຮາຊີ. ຊາເດົາ ໄຮ ເບິນ ແທວາດາ ເຢັງ ເຈົ້າຮາຊີ ແຕ້ອ ປິ ເກົາ. 24 ອັນ ອາຕີ ເກົາ ປາຍ: 'ໂປໂລ ເອີຍ! ໄມ່ ອິນໂຈຍ ອົງກ້ອຣ ອິນ ເຕ້າ. ອົງເຄາະ ໄມ່ ຮາມັຣ ເຕົາວ ປຣເຍົາ ກຣວາງ ໂຣມ. ຍ່ອນ ແຕ ໄມ່ ເຢັງ ເຈົ້າຮາຊີ ຈ່ອຍ ອິນແຍ່ະ ມັຣ ກວາຍ ກາ ແອັດ ມັນຕຸ ກະ ໄມ່ ຕຶງ ຕົວະ ຊຳ ເປ້າ ໄມ່ ໂອນ ຕາ ເບິນ ກູຈິດ.' 25 ມະກ້ອຍ ແຊມ ອາຍ ເອີຍ, ເຍົາ ອິນໂຈຍ ອົງກ້ອຣ ອິນເຕ້າ. ເກົາ ຊາອໍາ ກຣັກ ລາລີ້ ມັຣ ປຣນາຍ ກາ ເຢັງ ເຈົ້າຮາຊີ ເອີອ ກະ ເກົາ. ອັນ ຕະ ອິນແຍ່ະ ມັຣ ຮາມິ່ຣ ອັນ ເອີອ ກ້ອຍ. 26 ມາ ກູຢາລ ໄມ່ ເດີງ ໄຮ ແຕ້ອ ປິ ອິນຕຸ ໂບດ; ເຈ້ ໄຮ ຕໍາ ໂຈະ ປິ ໂບດ."

27 ອິນແຍ່ະ ມວຍ ຈິດ ລາ ປູນ ຕາໄງ ກູຢາລ ເດີ

ງ ຕາຕິ່ງ ຕາໂຕະ ຕົວະ ຊຳເປົ້າ ຮິ ເປາະ ຕິ່ງ ແດື້ອ ທາເລ ເມດີແຕຣາເມ. ຕິ່ງ ຊາເດົາ ມວຍ ຈິ່ດ ລາ ປູນ ກ້ອຍ ແຈ່ະ ດີຕິກ, ກວາຍ ກາ ເດີງ ຕົວະ ຊຳ ເປົ້າ ຮິ, ໄລ່ ຄິດ ຕົວະ ຊຳເປົ້າ ຮິ ແຈ່ະ ອີ ແຕ້ອ ປິ່ຮ ເຈີ່. <sup>28</sup> ມະກ້ອຍ ໄລ່ ເຕ່ກ ແດື້ອ ກ້ອຍ ຍິອ ອີ ດັງ ມາແລ່ະ ອິນຕຣູ່ ແດື້ອ. ເຈີ່ ໄລ່ ດັງ ແດື້ອ ກ້ອຍ ລາ ອິນຕຣູ່ ແຈ່ະ ອີ ເບີນ ບາຣ ຈິ່ດ ອາຈ້ອງ. ໄລ່ ເປາະ ບິ່ອ ແອັນ, ໄລ່ ດັງ ອິນຕຣູ່ ກ້ອຍ ອິນຕຣູ່ ແຈ່ະ ອີ ເບີນ ມວຍ ຈິ່ດ ລາ ເຊີງ ອາຈ້ອງ. <sup>29</sup> ໄລ່ ອີງກ້ອຣ ຕົວະ ຊຳເປົ້າ ຮິ ກຸ່ຣ ຕາເມົາ, ເຈີ່ ປູຣ. ມະກ້ອຍ ໄລ່ ເບີນ ປູນ ໂກກ ຕາອ ອິນຕ້ອງ, ໄລ່ ຊິດ ອິນໄຊ ທາຮາວ; ເຈີ່ ໄລ່ ອາປັອງ ຕາອ ກ້ອຍ ແຕ ເຕຣາຍ ຕົວະ ຊຳເປົ້າ ຕິ່ງ ແດື້ອ ຍິອ ອີ ໂອນ ຕົວະ ຊຳເປົ້າ ແອິດ ຕາງິດ ມັນຕູ ຊ້ອງ. ກະ ໄລ່ ເກົາແຊອ ເລືອ ຍາ ໂອນ ປັງ ໄວ່ ຊາເດົາ ກ້ອຍ. <sup>30</sup> ເບີນ ກວາຍ ກາ ເດີງ ຕົວະ ຊຳເປົ້າ ຮິ, ໄລ່ ອາແຊງ ລັຣ ຕົວະ ແກດໆ ກ້ອຍ ຕິ່ງ ແດື້ອ. ໄລ່ ປາຍ ຍິອ ອີ ອາປັອງ ຕັຣ ໂກກ ຕາອ ການໍອ ແອັນ ຕິ່ງ ແດື້ອ ແຈ່ະ ແປື ຕົວະ ຊຳເປົ້າ. ມາ ໄລ່ ຕະ ອິນຕີ ອາໂລກ ຊ້ອງ. ໄລ່ ຍິອ ອີ ເປາະ ຕວຍ ແຕ ຕົວະ ຊຳເປົ້າ ກ້ອຍ. <sup>31</sup> ມາ ໂປໂລ ອາຕີ ເມົາຍ ຕາຮານ ກະ ມັຣ ຕາຮານ ຕິ່ງ ຕົວະ ຊຳເປົ້າ ຮິ ປາຍ: "ຄັນ ກວາຍ ກາ ເດີງ ຕົວະ ຊຳເປົ້າ ໄຣ ໄນ່ ຕາ ເບີນ ແອິດ ເລືອຍໆ ຕິ່ງ ຕົວະ ຊຳເປົ້າ ໄນ່, ອິນແຍ່ະ ມັຣ ເຍົາ ກູຈິດ ອິນແຍ່ ະ."

<sup>32</sup> ມະກ້ອຍ ກວາຍ ຕາຮານ ກ້ອຍ ກ້ອຣ ຕັຣ ອິນໄຊ ທາຮາວ ກາ ເມົາ ຊິດ ຕົວະ ແກດ ກ້ອຍ; ເຈີ່ ໄລ່ ຕັຣ ເລີ່ຍ.

<sup>33</sup> ຊາເດົາ ກ້ອຍ ແຈ່ະ ອີ ປັງ, ໂປໂລ ອາຕີ ໂອນ ອິນແຍ່ະ ມະ ຕິ່ງ ຕົວະ ຊຳເປົ້າ ກ້ອຍ ຈາ ໂດຍ. ອັນ ປາຍ: "ອິນແຍ່ະ ມວຍ ຈິ່ດ ລາ ປູນ ຊາເດົາ ເຈີ່ ເຍົາ ຕາ ເບີນ ຈາ ອິນເຕົ້າ. <sup>34</sup> ເກົາ ແຊອ ໂອນ ເຍົາ ຈາ. ໄກຣ ລາລີ່ ເຍົາ ຕາ ເບີນ ເບີ ອິນເຕົ້າ."

<sup>35</sup> ແວັດ ໂປໂລ ປາຍ ມະກ້ອຍ, ອັນ ອິດ ໂດຍ ບຸຣ; ເຈີ່ ອັນ ເກົາ ຊາເອັນ ເຢີງ ເຈົາຣາຊີ ຍິ່ຣ ເມົາງ ອິນແຍ່ະ ມັຣ ກວາຍ ຕິ່ງ ຕົວະ ຊຳເປົ້າ ກ້ອຍ. ແວັດ ກ້ອຍ ອັນ ປີຣ ໂດຍ ບຸຣ; ເຈີ່ ອັນ ຈາ. <sup>36</sup> ພໍກາ ໄລ່ ກ້ອຍ ເຮີມ ໂປໂລ ຕະ ມະກ້ອຍ, ໄລ່ ຊ້ອງ ຮໍອ ເຕ່ ຕິ່ງ ຣາງິ່ຣ ໄລ່. ມະກ້ອຍ ໄລ່ ຈາ ເຕ່. <sup>37</sup> ຕິ່ງ ຕົວະ ຊຳເປົ້າ ຮິ ເບີນ ບາຣ ຣ່ອຍ ຕາປູລ ຈິ່ດ ຕາ ປັດ ມະ. <sup>38</sup> ແວັດ ອິນແຍ່ະ ມັຣ ກວາຍ ກ້ອຍ ຈາ

ປາໄຊ; ເຈີ່ ຮິ ອາປັອງ ຕັຣ ອິນແຍ່ະ ທຣີ ແຕ ຕົວະ ຊຳເປົ້າ ຮິ ໂອນ ຕົວະ ຊຳເປົ້າ ເກິດ ອີງຮາລ ລັຣ.

ຕົວະ ຊຳເປົ້າ ກ້ອຍ ເກິດ ປູຣ ຊ້ອງ  
<sup>39</sup> ແຕ້ອ ປັງ ຕາຮິບ, ອິນແຍ່ະ ມັຣ ກວາຍ ຕິ່ງ ຕົວະ ຊຳເປົ້າ ຮິ ຕາ ເບີນ ເມົາ ດັງ ເລີ່ຍ ປິ່ຮ ກ້ອຍ. ມາ ກວາຍ ກາ ເດີງ ຕົວະ ຊຳເປົ້າ ຮິ, ໄລ່ ເຮີມ ມັນຕູ ຊຳວີ ຕິ່ງ ປິ່ຮ ກ້ອຍ. ໄລ່ ປາໄຣ່ຣ ເດີງ ຕົວະ ຊຳເປົ້າ ຮິ ອາມູ່ດ ປີ ຊຳວີ ກ້ອຍ. <sup>40</sup> ໄລ່ ກ້ອຣ ຕັຣ ອິນ ໄຊ ທາຮາວ ກາ ໄລ່ ຊິດ ໂກກ ຕາອ ໂອນ ຊາແລ່ຣ ຊ້ອງ ຕິ່ງ ແດື້ອ. ກະ ໄລ່ ອາແລ່ຣ ຕັຣ ຊັຣວາ ຕົວະ ຊຳເປົ້າ ກ້ອຍ. ໄລ່ ຊ້ອຣ ຍັງ ລັຣ ອາຣີ ຕິ່ງ ແປື ຕົວະ ຊຳເປົ້າ ໂອນ ກູຢາລ ກຸ່ຣ, ຍິອ ອີ ໂອນ ຕົວະ ຊຳເປົ້າ ຮິ ເປາະ ຕານ້ອງ ປີ ປິ່ຮ ອິນຕູ ເບີນ ຊຳວີ ກ້ອຍ. <sup>41</sup> ມາ ຕົວະ ຊຳເປົ້າ ຮິ ແຕ້ອ ມວຍ ອິນຕູ ແດື້ອ ຣາຈັດ. ເຈີ່ ມະ ເມົາ ຈາຈິດ ແປື ຕົວະ ຊຳເປົ້າ ຕິ່ງ ຊັງອາຍ ຈັບ ລາລີ່. ກະ ຍິ່ຣ ເຕຣາຍ ຕົວະ ຊຳ ເປົ້າ ກ້ອຍ ແດື້ອ ກຸ່ຣ ເລືອຍໆ; ເຈີ່ ປູຣ ອິນແຍ່ະ ເຕຣາຍ ຕົວະ ຊຳເປົ້າ.

<sup>42</sup> ມະກ້ອຍ ຕາຮານ ຕິ່ງ ຕົວະ ຊຳເປົ້າ ຮິ, ໄລ່ ຄິດ ຍິອ ອີ ກາຈິດ ອິນແຍ່ະ ມັຣ ກວາຍ ເມົາ ໂກບ ດໍອ ຕິ່ງ ຕົວະ ຊຳເປົ້າ ກ້ອຍ. ໄລ່ ອີງກ້ອຣ ກວາ ຍ ກາ ເມົາ ໂກບ ດໍອ ກ້ອຍ ໄລ່ຍ ອາມູ່ດ ປີ ປິ່ຮ; ເຈີ່ ຕາລຸ່ຣ ປີ ການໍອ. <sup>43</sup> ມາ ກວາຍ ຊິດ ຕາຮານ ກ້ອຍ, ອັນ ຕາ ແອອ ອີ ໂອນ ເມົາ ກາຈິດ ໂປໂລ. ມະກ້ອຍ ອັນ ຕາ ເບີນ ໂອນ ຕາຮານ ອັນ ກາຈິດ ມັຣ ກວາຍ ກາ ເມົາ ໂກບ ດໍອ. ເຈີ່ ອັນ ແປຣີ ມັຣ ກວາຍ ຕິ່ງ ຕົວະ ຊຳເປົ້າ ກ້ອຍ ອາແລ່ະ ດັງ ໄລ່ຍ, ປັອງ ອິນໂຍ່ງ; ເຈີ່ ໄລ່ຍ ອາມູ່ດ ປີ ປິ່ຮ. <sup>44</sup> ມັຣ ກວາຍ ກາ ຕາ ດັງ ໄລ່ຍ ແດື້ອ, ອັນ ແປຣີ ໄລ່ ອິດ ກາດານ ກະ ທາຮິງ ການໍອ ຈ່ອຍ ໂອນ ໄລ່ ເຕ່ອ ໄລ່ ຍ ອາມູ່ດ ປີ ປິ່ຮ ເຕ່. ມະກ້ອຍ ກູ່ນະ ຮິ ແຕ້ອ ອິນ ແຍ່ະ ປີ ປິ່ຮ. ອາແລ່ະ ລາ ຕາ ເບີນ ເບີ ອິນເຕົ້າ.

**28**

ໂປໂລ ແອິດ ຕິ່ງ ໂບດ ມັລຕາ  
<sup>1</sup> ພໍກາ ຮິ ແຕ້ອ ປີ ປິ່ຮ ກ້ອຍ, ເມົາ ອາຕີ ຮິ ຣາມິ່ຣ ໂບດ ກ້ອຍ ລາ ມັລຕາ. <sup>2</sup> ມັຣ ກວາຍ ກາ ແອິດ ຕິ່ງ ໂບດ ກ້ອຍ, ໄລ່ ອາໂຍ່ະ ຕະ ລາລີ່ ມັຣ ມູ່ ຮິ. ມັນລ້ອງ ອິນມ້ອງ ເມົາ, ໄລ່ ເຮີມ ຮິ ຊາແງດ ລາລີ່. ມະກ້ອຍ ໄລ່ ຈໍອ ໂອນ ຮິ ອູ່ຍຣ ອິນລູ່ຍ; ເຈີ່ ໄລ່ ຍຸ່ ໂອນ ຮິ ອີງແຮງ. <sup>3</sup> ໂປໂລ ຈໍອ ອູ່ຍຣ

ແຕ່. ພໍກາ ອັນ ອີ ຢູ່ ຕິ່ງ ຕາແປຣ ກ້ອຍ, ເບີນ ມາ ນໍາ ກູຊັນ ລ້ອຣ ແຕ ອູ່ຍຣ ກ້ອຍ; ເຈ້ ຕອດ ອາຕີ ອັນ ຕາ ເບີນ ຕັຣ ນ້ອງ. <sup>4</sup> ແຕ້ອ້ ກວາຍ ແອິດ ຕິ່ງ ໂບດ ກ້ອຍ ເຮີມ ກູຊັນ ແອິດ ກັບ ດໍອໍ ເລືອຍໆ ອາຕີ ໂປໂລ, ມານະ ອາຕີ ມານະ ປາຍ: "ໄກຣ ລາລີ້ ອັນ ໄນ່ ກາຈິດ ກວາຍ. ນະກ້ອຍ ເຢີງ ກາ ກູລັຣ ແດັອ້ ໂອນ ອັນ ອິງເຄາະ ກູຈິດ ແຕ່. ອັນ ແວັດ ແຕ ແດັອ້, ເຈ້ ອັນ ກູຈິດ ຮານາ ກິຣ ແອັນ."

<sup>5</sup> ມາ ໂປໂລ ກັນຕຣິຣ ອາປັອງ ຕັຣ ຕິ່ງ ຕາແປຣ ອູ່ຍຣ ກູຊັນ ກ້ອຍ, ກະ ອາຕີ ອັນ ຕາ ເບີນ ຕີ່ ອິນ ເຕ້າ. <sup>6</sup> ກວາຍ ຕິ່ງ ໂບດ ກ້ອຍ ແນ່, ກະ ໄລ່ ຄິດ ອາ ຕີ ອັນ ແກັດ ໄອຣ; ເຈ້ ອັນ ແດິມ ກູຈິດ ແຕ້. ໄລ່ ແອິດ ທາຣາະ ແນ່ ດູ່ນ ລາລີ້, ມາ ໄລ່ ເຮີມ ໂປໂລ ຕາ ເບີນ ແກັດ ອິນເຕ້າ. ເຈ້ ໄລ່ ປາຍ ແອັນ: "ກວາຍ ໄນ່ ລາ ເຢີງ."

<sup>7</sup> ກວາຍ ຊົດ ໂບດ ກ້ອຍ ຣາມິຣ ປັບລີໂອ. ແຈ່ວ ອິນຕຸ ຮິ ແອິດ ຕິ່ງ ປິຣ ແດັອ້ ທາເລ ກ້ອຍ, ກວາຍ ຊົດ ໄນ່ ເບີນ ຊາອິຍ ອິນຕຸ ກູແຕອ້. ນະກ້ອຍ ອັນ ຮັບ ຣາບັນ ຮິ ຮໍອໍ ບູຍ, ກະ ອັນ ໂອນ ຮິ ແອິດ ກະ ອັນ ອິນແຍ່ະ ໄປ ຕາໄງ. <sup>8</sup> ອິນປໍ່ ປັບລີໂອ ໄນ່, ອັນ ແກັດ ອາອິ ກູເຕ້າ ຈະ ກະ ອາອິ ຕະ ປຸ່ງ ແຮີ. ນະກ້ອຍ ໂປໂລ ມູ່ດ ຕິ່ງ ກູ ອິນປໍ່ ປັບລີໂອ, ກະ ອັນ ເກົາແຊອໍ ໂອນ ເຢີງ ເຈ້າຣາຊີ ຈ່ອຍ ອັນ. ໂປໂລ ຊາປະ ອາຕີ ຕິ່ງ ຈະ ອາຈວາຍຣ ກ້ອຍ; ເຈ້ ອິນປໍ່ ປັບລີໂອ ແກັດ ແບຣັຣ ແຕ້. <sup>9</sup> ພໍກາ ມັຮ ກວາຍ ເຮີມ ນະກ້ອຍ, ອິນແຍ່ະ ມັຣ ໄລ່ ກາ ເບີ ນ ຕີ່ ອິນເຕ້າ ຕິ່ງ ໂບດ ກ້ອຍ ແຕ້ອ້ ປີ ໂປໂລ. ກະ ອິນແຍ່ະ ມັຣ ໄລ່ ແກັດ ແບຣັຣ ແຕ່. <sup>10</sup> ນະກ້ອຍ ກວາຍ ຕິ່ງ ໂບດ ກ້ອຍ ກັຣບັນ ກັຣຊວານ ກະ ຢາ ນັບ ຮິ ຮໍອໍ ອໍ. ກະ ແຕ້ອ້ ຕາໄງ ຮິ ລ້ອຣ ແຕ ໂບດ ກ້ອຍ, ໄລ່ ກຽມ ດໍອໍ ຊາອິຍ ລາລີ້ ທາຣິງ ທາຣ້າ ຈ່ອຍ ຮິ.

ໂປໂລ ແຕ້ອ້ ປີ ເມືອງ ໂຣມ

<sup>11</sup> ຮິ ແອິດ ຕິ່ງ ໂບດ ກ້ອຍ ອິນແຍ່ະ ໄປ ກາໄຊ. ແວັດ ກ້ອຍ ຮິ ຊ້ອຣ ຕິ່ງ ຕົວະ ຊໍາເປ້າ ກາ ແຕ້ອ້ ແຕ ເມືອງ ອາເລັກຊັນເດຍ. ຕົວະ ຊໍາເປ້າ ໄນ່ ເບີນ ຣາມິຣ 'ເຢີງ ປັອຣ.' ຕົວະ ຊໍາເປ້າ ໄນ່ ແອິດ ຕິ່ງ ໂບດ ກ້ອຍ ອິນແຍ່ະ ມັຣ ກາໄຊ ຊາແງດ. <sup>12</sup> ເຈ້ ຮິ ແຕ້ອ້ ປີ ເມືອງ ຊິຣະກູ. ຮິ ແອິດ ປີ ກ້ອຍ ອິນແຍ່ະ ໄປ ຕາໄງ. <sup>13</sup> ແຕ ເມືອງ ກ້ອຍ ຮິ ເປາະ ຮານາ ຕົວະ ຊໍາເປ້າ ຊາ ແຕ້ອ້ ປີ ເມືອງ ເຣຄີໂອມ ແອັນ. ມາຣ

ຕາໄງ ປັຣແມີ ກູຢາລ ແປ້ ແຕ ຢິຣ ກາແດັບ ຕົວະ ຊໍາເປ້າ ຮິ. ນະກ້ອຍ ບາຣ ຕາໄງ ຊ້ອງ ຮິ ແຕ້ອ້ ແຕ້ ປີ ເມືອງ ໂປຕີໂອລີ. <sup>14</sup> ພໍກາ ຮິ ແຊງ ແຕ ຕົວະ ຊໍາເປ້າ, ຮິ ຣາມິຣ ກວາຍ ແຕ ມູ່ ກາ ຊາອໍ ເຢຊູ ຕິ່ງ ເມືອງ ກ້ອຍ. ໄລ່ ແຊອໍ ມູ່ ຮິ ແອິດ ກະ ໄລ່ ອິນແຍ່ະ ຕາປູລ ຕາໄງ. ແວັດ ກ້ອຍ ຮິ ເປາະ ຕິ່ງ ຮານາ ປີ ເມືອງ ໂຣມ. <sup>15</sup> ມາ ມູ່ ກາ ຊາອໍ ເຢຊູ ຕິ່ງ ເມືອງ ໂຣມ, ໄລ່ ຊ້ອງ ຮານ ຮິ ແຕ້ອ້. ເຈ້ ໄລ່ ເປາະ ທາຣາະ ຮິ ອິນຕີ ຮານາ. ມວຍ ຈຸ ໄລ່ ຣາມິຣ ຮິ ຢິຣ ເມີງ ຕາລາດ ອາປີໂອ. ກະ ມວຍ ຈຸ ແອັນ ຣາມິຣ ຮິ ຕິ່ງ ເມືອງ ຣາມິຣ ໄປ ອິນຕຸ ກວາຍ ຣາ ລູ່. ພໍກາ ໂປໂລ ເຮີມ ໄລ່ ແຕ ມູ່ ກາ ຊາອໍ ເຢຊູ, ອັນ ຊາແອັນ ເຢີງ ເຈ້າຣາຊີ, ກະ ຣາງິຣ ອັນ ຊ້ອງ ຮໍອໍ ລ້ຣ.

ໂປໂລ ອາຕີ ແຕ ເຢຊູ ຕິ່ງ ເມືອງ ໂຣມ

<sup>16</sup> ແອິດ ຕິ່ງ ເມືອງ ໂຣມ, ອິນຕຸ ແລະ ໂປໂລ ຢິອໍ ອີ ແອິດ, ລາ ເມ້າ ໂອນ ອັນ ແອິດ. ມາ ອິນນ້ອງ ກວາຍ ຕາຣານ ກຍາອໍ ເລືອຍໆ ອັນ. <sup>17</sup> ພໍກາ ຮິ ແອິດ ຕິ່ງ ເມືອງ ໂຣມ ໄປ ຕາໄງ, ໂປໂລ ກູອໍ ມັຣ ກວາຍ ຊົດ ອິດຊະຣາເອລ ຕິ່ງ ເມືອງ ກ້ອຍ. ໄລ່ ແຕ້ອ້ ປີ ອັນ; ເຈ້ ອັນ ອາຕີ ໄລ່ ປາຍ: "ແຊມອາຍ ຊູອິຍ! ເກົາ ຕາ ເບີນ ຕະ ໄລ່ຍຣ ອິນເຕ້າ ກະ ກວາຍ ໄຣ. ກະ ເກົາ ຕາ ເບີນ ຕັຣ ມັຣ ຄານອດ ອາຈວາຍ ຣ ອາເຈັຣ ໄຣ ອາຕີ ແຕ ອິນແບີ. ມາ ອິນນ້ອງ ໄລ່ ໂກບ ເກົາ ຕິ່ງ ເມືອງ ເຢຣູຊາເລັມ, ກະ ມ່ອບ ເກົາ ປີ ກວາຍ ກຣວາງ ໂຣມ. <sup>18</sup> ມັຣ ກວາຍ ກຣວາງ ໂຣມ ກ້ອຍ ຕາແບີບ ເກົາ ແຕ ຮານະ ເກົາ ຕະ. ມາ ໄລ່ ຕາ ເບີນ ຣາມິຣ ຣາມິຣ ອິນເຕ້າ ກາ ແຕ້ອ້ ກາຈິດ ເກົາ. ນະກ້ອຍ ໄລ່ ຢິອໍ ອີ ອາໂຣຍຣ ເກົາ. <sup>19</sup> ມາ ຍ່ອນ ຈຸມ ອິດຊະຣາເອລ ຕາ ຢິອໍ ອີ ໂອນ ອັນ ອາໂຣຍຣ, ນະກ້ອຍ ເກົາ ແຊອໍ ແຕ ເຕົາວ ປັຣເຍົາ ກຣວາງ ໂຣມ ແອັນ ຕັດຊິນ ເກົາ. ມາ ເກົາ ຕາ ເບີນ ປ່ອງ ອິນເຕ້າ ແຕ ມູ່ ກວາຍ ໄຣ. <sup>20</sup> ນະກ້ອຍ ເກົາ ກູອໍ ແຊອໍ ເຍົາ ແຕ້ອ້ ປີ ໄນ່ ຢິອໍ ອີ ຣາມິຣ ເຍົາ. ກະ ເກົາ ຢິອໍ ອີ ອາຕີ ໂອນ ເຍົາ ດັງ ແຈງ ລາລີ້ ແຕ ເກົາ. ຍ່ອນ ເກົາ ຊາອໍ ອັນ ກາ ອິນແຍ່ະ ມັຣ ກວາຍ ອິດຊະຣາເອລ ອິງກ່ອງ, ເມ້າ ຊັດ ເກົາ ແຕ ອິນ ໄຊ ໂຊ ໄນ່."

<sup>21</sup> ແວັດ ໂປໂລ ອາຕີ ນະກ້ອຍ, ຈຸມ ອິດຊະຣາ ເອລ ກ້ອຍ ຕາແອິຍ ລັຣ ໂປໂລ ປາຍ: "ຮິ ຕາ ເບີ ນ ຮັບ ປັຣນາຍ ອິນເຕ້າ ແຕ ກວາຍ ແຄງ ຢູດາຍ ຄຽນ ອາຕີ ແຕ ໄນ່. ກະ ຮິ ຕາ ເບີນ ຊ້ອງ ເມ້າ ປາຍ ອິນເຕ້າ ແຕ ໄນ່. <sup>22</sup> ມາ ຮິ ຊ້ອງ ຈຸດ ລາລີ້,

ຕຶ່ງ ກູ່ ເມືອງ ເມົ້າ ປາຍ ຕາ ອໍ ມູ່ ກາ ຊາອໍາ ເຢຊູ ໄມ່.  
ນະກ້ອຍ ຊານໍ່ ຮິ ຢໍອໍ ອີ ຊາງັດ ແຕ ໄມ່ ແອັນ, ນານໍ່  
ະ ໄມ່ ຄິດ ແຕ ຮານະ ກ້ອຍ."

23 ໄລ່ ປຣ່ອມ ເປາະ ໂຣ່ມ ລັ່ຣ ຕາໄງ ອິນຕູນ  
ແອັນ ກະ ໂປໂລ. ເຈີ້ ແຕີ້ອໍ ຕາໄງ ກ້ອຍ ຊາອິ້ຍ ກາ  
ເລີຍ ແອັນ ຈຸ່ມ ອິດຊະຮາເອລ ເປາະ ໂຣ່ມ ຕຶ່ງ ດຸງ  
ກາ ໂປໂລ ຈາງ. ແຕ ປັ່ງ ຕາຮີບ ເຕົ້າ ແຕີ້ອໍ ຕາປີ້  
ໂປໂລ ອາຕີ ໄລ່ ແຕ ເຢືາງ ເຈົາຮາຊີ ຕະ ຊົດ. ອັນ  
ອິດ ແຕ ຄານອດ ໂມເຊ, ກະ ແຕ ປັ່ງ ກວາຍ ອາຕີ  
ຕາງ ປັຣນາຍ ເຢືາງ ເຈົາຮາຊີ ຄຽນ ແຕ ອິມແບີ.  
ອັນ ຢໍອໍ ອີ ໂອນ ໄລ່ ດັງ, ເຈີ້ ຊາອໍາ ເຢຊູ. 24 ແຕ  
ຈຸ່ມ ອິດຊະຮາເອລ ກ້ອຍ, ເບີນ ໄລ່ ກາ ຊາງັດ ປັຣ  
ນາຍ ໂປໂລ ອາຕີ. ກະ ເບີນ ໄລ່ ກາ ຕາ ແອອໍ ອີ  
ຊາງັດ. 25 ຈຸ່ມ ອິດຊະຮາເອລ ກ້ອຍ ຕາ ເບີນ  
ປຣ່ອມ ມວຍ ຮາງິຣ. ບັອງ ໄລ່ ອີ ລັ່ອຣ, ໂປໂລ  
ອາຕີ ແອັນ ໂອນ ໄລ່ ກ້ອຍ ປາຍ: "ມັຮູ ປັຣນາຍ  
ເອຊາຢາ ອາຕີ ຕາງ ປັຣນາຍ ຮາເວ້າຍ ເຢືາງ ເຈົາຮາ  
ຊີ ແຕ ອິມແບີ ໂຈະ ອາຈວາຍຮ ອາເຈ່ຣ ໄຮ, ປັຣ  
ນາຍ ໄມ່ ລາ ປຍາຍິ ລາລີ້. ອັນ ອາຕີ ປາຍ:

26 "ໄມ່ ອິງເຄາະ ເປາະ ອາຕີ ຈຸ່ມ ອິດຊະຮາເອລ ໄມ່  
ປາຍ:

"ເຍົາ ຊາງັດ ເລື້ອຍໆ,  
ມາ ເຍົາ ຕາ ເບີນ ຊ້ອງ.

ເຍົາ ແນ່ ເລື້ອຍໆ,  
ມາ ເຍົາ ຕາ ເບີນ ເຮີມ.

27 ຍ່ອນ ກວາຍ ໄມ່ ເບີນ ຮາງິຣ ກ້ອງ,  
ນະກ້ອຍ ໄລ່ ກູ່ປັດ ກູ່ຕູຣ, ຕາ ແອອໍ ອີ

ຊ້ອງ.

ກະ ໄລ່ ກາແຍດ ມັດ, ຕາ ແອອໍ ອີ ເຮີມ.

ຄັນ ມັດ ໄລ່ ມາ ເຮີມ, ກູ່ຕູຣ ໄລ່ ມາ ຊ້ອງ, ກະ

ຮາງິຣ ໄລ່ ມາ ດັງ,

ອິງກ້ອຣ ປຍາຍິ ໄລ່ ອີ ລັບ ລັ່ຣ ປຽນ ແກິດ

ຮາງິຣ ຕາໄມ່,  
ໂອນ ເຕ້ອໍ ຫົາ ປົວ ໂອນ ໄລ່."

28 ໂປໂລ ອາຕີ ຈຸ່ມ ອິດຊະຮາເອລ ກ້ອຍ ແອັນ

ປາຍ: "ຊານໍ່ ອິງເຄາະ ເຍົາ ດັງ ແຈງ ລາລີ້ ປັຣນາຍ

ອໍ ແຕ ເຢຊູ ກຮິດ ແຕີ້ອໍ ປີ ກວາຍ ຕາ ແກິນ ກວາ

ຍ ອິດຊະຮາເອລ ແຮີ. ໄລ່ ຊາງັດ. ກະ ຮັບ ອິດ

ປັຣນາຍ ກ້ອຍ."

29 ແວັດ ໂປໂລ ປາຍ ນະກ້ອຍ, ອິນແຍ່ະ ຈຸ່ມ  
ອິດຊະຮາເອລ ກ້ອຍ ລັ່ອຣ ແຕ ອິນຕູ ກ້ອຍ; ເຈີ້  
ໄລ່ ຮາຈຽນ ແຕ ຮານະ ໂປໂລ ອາຕີ ກ້ອຍ.\*

30 ເຈີ້ ໂປໂລ ແອິດ ຕຶ່ງ ດຸງ ກາ ອັນ ຈາງ ກ້ອຍ  
ອິນແຍ່ະ ບາຣ ກູມໍ. ກະ ອັນ ຮັບ ກັຣບັນ ອໍ ລາ

ລີ້ ອິນແຍ່ະ ມັຮ ກວາຍ ກາ ເກີ້ຍ ແຕີ້ອໍ ປີ ອັນ.  
31 ອັນ ອາຕີ ຍິ້ນ ລາລີ້ ແຕ ປັຣນາຍ ເຢືາງ ເຈົາຮາ  
ຊີ ຕະ ຊົດ. ກະ ອັນ ອາຕີ ອິນແຍ່ະ ປັຣນາຍ ແຕ  
ເຢຊູ ກຮິດ ແຮີ. ຕາ ເບີນ ກວາຍ ອາແລະ ມາ ກາ  
ດັງ ອັນ.

\* 28:29 28:29 ຊາອິ້ຍ ປັ່ງ ປັຣນາຍ ຕຍາ ຕາ ເບີນ ເບີນ ຮານາ 29 ໄມ່.

# ປັນຍາ ຊາວໂປໂລ ຄຽນ ໂອນ ມູ່ ກາ ຊາອຳ ແອິດ ຕຶ່ງ ເມືອງ ໂຮມ

ປັນຍາ ອາຕີ ອິມໂຍ່ງ

ໂປໂລ ລາ ກວາຍ ກາ ເຢຊູ ຮຽນ ປາຈຸ່ຮ ໂອນ ເປາະ ອາຕີ ປັນຍາ ອໍ ປິ ກວາຍ ຕຶ່ງ ກວາງ ການໍ ອ. ຕຶ່ງ ປຶ່ງ ໄມ່, ອັນ ຄຽນ ປັນຍາ ຊາວໂປໂລ ພາວໂອນ ມູ່ ກາ ຊາອຳ ແອິດ ຕຶ່ງ ເມືອງ ໂຮມ. ອັນ ຄຽນ ປຶ່ງ ໄມ່ ມາຮ 57-58 ກູ່ມ ແວັດ ແຕ ເຢຊູ ແກັດ. ໂປໂລ ປາຍ ອັນ ຍິ່ອ ອີ ຕະ ຮານະ ເຢືາ ເຈົ້າຮາຊີ ຕຶ່ງ ເມືອງ ໂຮມ; ແວັດ ກ້ອຍ ອັນ ຍິ່ອ ອີ ເປາະ ອາຕີ ປັນຍາ ອໍ ໄມ່ ປິ ກວາງ ຊະເປນ ແອີ. ຕາ ແບີ ລາລີ່ ໂປໂລ ຄຽນ ປິ່ອ ດໍອ ຮາບັນ ໄລ່; ແວັດ ກ້ອຍ ອັນ ອາຕີ ໂອນ ໄລ່ ດັງ ອັນ ເກົາ ຈ່ອຍ ເລືອ ຍາ ໄລ່. ກະ ອັນ ອາຕີ ກວາຍ ອິດຊະຮາເອລ ກະ ກວາຍ ຕາ ແກ້ນ ກວາຍ ອິດຊະຮາເອລ ດັງ ໄລ່ ເຕ່ອ ຮາຕອຍ ລັ່ຮ ກະ ເຢືາ ເຈົ້າຮາຊີ ຍ່ອນ ແຕ ເຢຊູ ກຣິດ, ຍ່ອນ ກູ່ ນະ ກວາຍ ແອິດ ເຢັ່ງ ແຕ ເຢືາ ເຈົ້າຮາຊີ, ກະ ແກັດ ຊູລ ຮານະ ໄລ່ຍຮ. ປັນຍາ ຊາວໂປໂລ ຄຽນ ດໍອ ກາໄຕ່ຮ ມັຮ ກວາຍ ຊາອຳ ອິງເຄາະ ຕະ ນານະ ໂອນ ແກັດ ຕານ້ອງ ອໍ ຍິ່ຮ ເມັງ ເຢືາ ເຈົ້າຮາຊີ. ຕຶ່ງ ປັນຍາ ຊາວໂປໂລ ໄມ່ ແມ່ນ ລາລີ່ ໂປໂລ ອາຕີ, ລາ ກູ່ ນະ ກວາຍ ເຕ່ອ ແກັດ ຕານ້ອງ ອໍ ຍິ່ຮ ເມັງ ເຢືາ ເຈົ້າຮາຊີ ຍ່ອນ ແອັງ ແຕ ໄລ່ ຊາອຳ ເຢຊູ ກຣິດ ຊ່ອງ. ກະ ກວາຍ ເຕ່ອ ເປັນ ແດັຍ ອາມັງ ຕາໄມ ກະ ແອິດ ຮາຕອຍ ກະ ເຢືາ ເຈົ້າຮາຊີ ລາ ຍ່ອນ ແຕ ເຢຊູ ກຣິດ ເຕ່. ຮາເວັຍ ເຢືາ ເຈົ້າຮາຊີ ຈ່ອຍ ກະ ອາໂຍ່ງ ມັຮ ກວາຍ ຊາອຳ, ໂອນ ເຕ່ອ ໄລ່ ແອິດ ອຽນ ອໍ ກະ ແອິດ ຮໍ່ອ ບູຍ ຕຶ່ງ ແດັຍ ອາມັງ ໄລ່.

1 ເກົາ ລາ ໂປໂລ ຄຽນ ປັນຍາ ໄມ່ ພາວໂອນ ເຢົາ. ເກົາ ລາ ກວາຍ ຕະ ຮານະ ເຢຊູ ກຣິດ. ເຢືາ ເຈົ້າຮາຊີ ແຕ່ ຮຽນ ປາຈຸ່ຮ ເກົາ ໂອນ ເປາະ ຕະ ຮານະ ອັນ, ກະ ແປຣີ ເກົາ ໂອນ ເປາະ ອາຕີ ປັນຍາ ອໍ ແຕ ອັນ. 2 ແຕ ອິມແບີ ເຢືາ ເຈົ້າຮາຊີ ເອີອໂອນ ປັນຍາ ອໍ ໄມ່ ຮານາ ກວາຍ ອາຕີ ຕາງ ປັນຍາ ອັນ ຄຽນ ແຕ ຮາມິ່ຮ ກ້ອຍ ຕຶ່ງ ປຶ່ງ ປັນຍາ ເຢືາ ເຈົ້າຮາຊີ. 3 ປັນຍາ ອໍ ໄມ່ ອາຕີ ແຕ ກອນ ເຢືາ ເຈົ້າຮາຊີ. ຕຶ່ງ ກູແຕ່ອ ໄມ່ ອັນ ແຕ້ອ ແຕ ຈຸ່ມ

ເຈືອ ຕົ້າວ ປັຣເຍົາ ດາວິດ. ອັນ ເປັນ ຈະຈັນ ມູ ເຈັງ ກວາຍ ເຕ່. 4 ມາ ຍ່ອນ ແຕ ຮາເວັຍ ເຢືາ ເຈົ້າຮາຊີ ກາ ເປັນ ອຳນາດ ປິດ ລາລີ່, ອັນ ເປັນ ອາມັງ ລັ່ຮ ແຕ ກູຈິດ. ນະກ້ອຍ ເມົາ ດັງ ແຈງ ລາລີ່ ປາຍ ອັນ ລາ ກອນ ເຢືາ ເຈົ້າຮາຊີ. ກອນ ເຢືາ ເຈົ້າຮາຊີ ໄມ່ ລາ ເຢຊູ ກຣິດ, ອິມເຈົ້າ ໄຮ. 5 ຍ່ອນ ແຕ ອັນ, ເຢືາ ເຈົ້າຮາຊີ ຈ່ອຍ ເມັດ ເກົາ ກະ ຮຽນ ປາຈຸ່ຮ ເກົາ ໂອນ ຕະ ຮານະ ເຢຊູ, ກະ ຈ່ອຍ ໂອນ ກວາຍ ກູ່ ກວາງ ຊາອຳ ກະ ຊາງັດ ອັນ. 6 ເຍົາ ລາ ແຕ ມູ່ ກ້ອຍ ເຕ່, ຍ່ອນ ເຢືາ ເຈົ້າຮາຊີ ກູ່ອ ເຍົາ ໂອນ ແກັດ ມູ່ ກາ ຊາອຳ ເຢຊູ ກຣິດ. 7 ນະກ້ອຍ ເກົາ ຄຽນ ເຈຍ ໄມ່ ພາວໂອນ ເຢົາ ກາ ຊາອຳ ແອິດ ຕຶ່ງ ເມືອງ ໂຮມ. ເຢືາ ເຈົ້າຮາຊີ ອາໂຍ່ະ ລາລີ່ ເຍົາ. ອັນ ກູ່ອ ເຍົາ ໂອນ ແກັດ ກອນແຊມ ອັນ. ເກົາ ແຊອໂ ເຢືາ ເຈົ້າຮາຊີ ອິມປໍ່ ໄຮ, ກະ ເຢຊູ ກຣິດ ອິມເຈົ້າ ໄຮ, ຈ່ອຍ ເມັດ ເຍົາ, ໂອນ ເຍົາ ແອິດ ບັນ ຊວານ ອຽນ ອໍ ເລືອຍາ.

ໂປໂລ ຍິ່ອ ອີ ຊາວໂປໂລ ເມືອງ ໂຮມ

8 ອິມໂຍ່ງ ລາລີ່, ລາ ເກົາ ຊາແອັມ ເຢືາ ເຈົ້າຮາຊີ ກາ ເກົາ ຊາງ, ຍ່ອນ ແຕ ເຢຊູ ກຣິດ. ເກົາ ຊາແອັມ ນະກ້ອຍ ຍ່ອນ ຮານ ແຕ ເຍົາ ຊາອຳ ເປາະ ປັຣ ກູ່ ກວາງ ຕຶ່ງ ກູແຕ່ອ ໄມ່. 9 ເຢືາ ເຈົ້າຮາຊີ ດັງ ເຈັ ມັຮ ປັນຍາ ເກົາ ດູ ເກົາແຊອໂ ໂອນ ເຍົາ. ເກົາ ຕະ ຮານະ ເຢືາ ເຈົ້າຮາຊີ, ກະ ເກົາ ອາຕີ ປັນຍາ ອໍ ແຕ ກອນ ອັນ ອິມແຍ່ະ ຮາງັຮ ຮາແອີ ເກົາ. 10 ເກົາ ດູ ເກົາແຊອໂ ແຕ ເຢືາ ເຈົ້າຮາຊີ ຍິ່ອ ອີ ເປາະ ຊາວໂອນ ເຍົາ. ຄັນ ເຢືາ ເຈົ້າຮາຊີ ໂອນ, ຕາ ເປັນ ດູ່ນ ນ້ອງ ເກົາ ອີ ເປາະ ປິ ອິນຕູ ເຍົາ ແອິດ. 11 ເກົາ ອູອຍາຮ ອູໂອອໂ ລາລີ່ ຍິ່ອ ອີ ຮາມັຮ ເຍົາ, ຍ່ອນ ເກົາ ຍິ່ອ ອີ ອິມແປອໂ ໂອນ ເຍົາ ແຕ ຮາມິ່ຮ ອໍ ກາ ຮາເວັຍ ເຢືາ ເຈົ້າຮາຊີ ອາປັຣ ໂອນ ເກົາ ດັງ ເຈັ. ນະກ້ອຍ ຮາງັຮ ເຍົາ ເຕ່ອ ຊາອຳ ເຮ່ງ ອາຊ້ອຮ ລາລີ່ ແອັມ. 12 ຕະ ນະກ້ອຍ, ໄຮ ມານະ ຈ່ອຍ ມານະ. ເກົາ ອາຕີ ຈ່ອຍ ເຍົາ, ກະ ເຍົາ ອາຕີ ຈ່ອຍ ເກົາ. ນະກ້ອຍ ຮາງັຮ ໄຮ ຊາອຳ ແກັດ ເຮ່ງ ອາຊ້ອຮ ລາລີ່ ແອັມ. 13 ແຊມອາຍ ເອີຍ! ເກົາ ຍິ່ອ ເຍົາ ດັງ ເກົາ ຄິດ ອີ ແຕ້ອ ປິ ເຍົາ ຊາອິ່ຍ ເຮີບ ເຈັ, ມາ ເປັນ ຮາມິ່ຮ ກາ ກາຕັງ ດໍອ ເກົາ. ເກົາ ຍິ່ອ ມັຮ ຮານະ ເກົາ ຕະ ໂອນ ແກັດ ປາໄລ ຕຶ່ງ ມູ່ ເຍົາ, ມູເຈັງ ກະ ກວາຍ ການໍອໂ ກາ ຕາ ແກ້ນ ກວາຍ ອິດຊະຮາເອລ ເຕ່. 14 ເກົາ ຕູ່ ກູ່ ນະ ກວາຍ ກາ ເກົາ ຕາ ຢວາຮ ອາຕີ ໄລ່ ປັນຍາ ອໍ ແຕ ເຢືາ ເຈົ້າຮາຊີ. ອິງເຄາະ ເກົາ

\* 1:14 1:14 ຕຶ່ງ ປັນຍາ ຕາຍາ ອັນ ປາຍ: "ກວາຍ ກຣິກ ກະ ກວາຍ ຕາ ແກ້ນ ກຣິກ."

ອາຕີ ມັຮ ກວາຍ ຕະ ການ ກະ ມັຮ ກວາຍ ກາ ຕະ ໄທຣ ຕະ ເນົາ.\* ອີງເຄາະ ເກົາ ອາຕີ ມັຮ ກວາຍ ຮາໂງ່ອ ຮາລັງ ກະ ມັຮ ກວາຍ ຊາກູລ. 15 ຍ່ອນ ນະກ້ອຍ, ເກົາ ອອຍາຣ ອອໄອອ ລາລີ່ ຍິອ ອີ ອາຕີ ປັຣນາຍ ອໍ ແຕ ເຢັງ ເຈົາຣາຊີ ໂອນ ເຍົາ ກາ ແອັດ ຕຶ້ງ ເມືອງ ໂຮມ ແຮີ.

ເຢັງ ເຈົາຣາຊີ ຈ່ອຍ ອາມັງ ໄຣ ຍ່ອນ ໄຣ ຊາ ອໍາ

16 ເກົາ ຕາ ເບີນ ກູມາລ ຕະ ອິນເຕົ້າ ອາຕີ ປັຣ ນາຍ ອໍ ແຕ ເຢຊູ ກຣິດ, ຍ່ອນ ເຢັງ ເຈົາຣາຊີ ເບີ ນ ຈ່ອຍ ອາມັງ ກວາຍ ລາ ຍ່ອນ ອໍານາດ ແຕ ປັຣ ນາຍ ກ້ອຍ. ກວາຍ ອາແລະ ມາ ຊາອໍາ ປັຣນາຍ ກ້ອຍ, ເຢັງ ເຈົາຣາຊີ ຈ່ອຍ ອາມັງ ກວາຍ ກ້ອຍ. ອິນໂຍ່ງ ລາລີ່ ເຢັງ ເຈົາຣາຊີ ຈ່ອຍ ອາມັງ ກວາຍ ແຕ ຈຸມ ອິດຊະຣາເອລ. ກະ ອັນ ຈ່ອຍ ອາມັງ ກວາ ຍ ຕາ ແກ້ນ ກວາຍ ອິດຊະຣາເອລ ແຮີ. 17 ປັຣ ນາຍ ອໍ ໄມ່ ອາຕີ ນາມະ ເຢັງ ເຈົາຣາຊີ ອີ ຕະ ຍິອ ອີ ໂອນ ກວາຍ ແອັດ ຕາມ້ອງ ອໍ ຍິ່ຮ ເມັງ ອັນ. ແຕ ກໍລ ແຕ້ອ້ ໂກຣຍ ອັນ ຕະ ນະກ້ອຍ ລາ ຍ່ອນ ໄລ່ ຊາອໍາ. ຕຶ້ງ ປຶ້ງ ປັຣນາຍ ເຢັງ ເຈົາຣາຊີ ແຕ ອິມເບີ ເນົາ ຄຽນ ເຈີ່ ປາຍ:

"ກວາຍ ແອັດ ຕາມ້ອງ ອໍ ຍິ່ຮ ເມັງ ເຢັງ ເຈົາຣາ ຊີ, ກວາຍ ກ້ອຍ ອາມັງ ເລືອຍໆ ລາ ຍ່ອນ ອັນ ຊາອໍາ."

ກູ່ ນະ ກວາຍ ເບີນ ໄລ່ຍຮ

18 ເຢັງ ເຈົາຣາຊີ ຊ້ອງ ອວານ ລາລີ່ ແຕ ມັນ ລ້ອງ ເຮີມ ກວາຍ ຕະ ໄລ່ຍຮ, ກະ ໄລ່ ຕະ ເລືອ ຍໆ ຮານະ ຕາ ອໍ. ມັຮ ກວາຍ ກ້ອຍ ຕາ ແອອ ອີ ເບີນ ປັຣນາຍ ປາຍາຍ ຍ່ອນ ໄລ່ ຍິອ ອີ ຕະ ຮານະ ຕາ ອໍ ຊ້ອງ. 19 ແຕ້ອ ໄລ່ ດັງ ປັຣນາຍ ປາຍາຍ ແຕ ເຢັງ ເຈົາຣາຊີ, ຍ່ອນ ເຢັງ ເຈົາຣາຊີ ອາປັຣ ເຈີ່ ຮາມິຣ ກ້ອຍ ໂອນ ໄລ່. 20 ມັດ ກວາຍ ຕາ ແຕ້ອ ເຮີມ ເຢັງ ເຈົາຣາຊີ. ມາ ເຢັງ ເຈົາຣາຊີ ອາປັຣ ອໍານາດ ອັນ ແຕ ມັຮ ຮາມິຣ ອັນ ແຕງ. ນະກ້ອຍ ໄລ່ ແຕ້ອ ດັງ ແຈງ ແອັງ ເຢັງ ເຈົາຣາຊີ ແຕ່ ເບີນ ອໍານາດ ເລືອຍໆ ແຕ ຕາໄງ ອັນ ແຕງ ມັນລ້ອງ ກູ ແຕອ້ ແຕ້ ແຕ້ອ້ ຊານໍ່. ກະ ໄລ່ ຕາ ແຕ້ອ ຮາຈຽນ ປາຍ ໄລ່ ຕາ ດັງ ອິນເຕົ້າ ເລີຍ ແຕ ເຢັງ ເຈົາຣາ ຊີ. 21 ໄລ່ ດັງ ແຕ່ ເຢັງ ເຈົາຣາຊີ, ມາ ໄລ່ ຕາ ເບີ ນ ຍໍານັບ ປາຍ ອັນ ລາ ເຢັງ ກາ ຊົດ ລາລີ່. ກະ ໄລ່ ຕາ ເບີນ ຊາແອັນ ອັນ. ມາ ໄລ່ ຄິດ ເລືອຍໆ ແຕ ຮານະ ກາມ້ອ້ ກາ ຕາ ເບີນ ແກັດ ເກົາ ອິນເຕົ້າ.

ນະກ້ອຍ ຮາງິຣ ຊາກູລ ໄລ່ ແກັດ ຊາກູລ ຊາອິ້ຍ ອາຊ້ອຣ, ແກັດ ການໍາ ແອັນ. 22 ໄລ່ ປາຍ ໄລ່ ລາ ຮາໂງ່ອ ຮາລັງ, ມາ ໄລ່ ແຮງ ແກັດ ຊາກູລ ລາລີ່ ແອັນ. 23 ເຢັງ ເຈົາຣາຊີ ເບີນ ອາງອິຣ ຕາ ເກີ່ຍ ປິດ. ມາ ອິນນ້ອງ ໄລ່ ຕາ ຍິອ ອີ ຊາງ ອັນ. ໄລ່ ຍິອ ອີ ຊາງ ຮູບ ກວາຍ, ຮູບ ແຈມ, ຮູບ ຊັນຕຣັນ ກາ ເປາະ ມູຢາຍິ່ງ, ກະ ຮູບ ຊັນຕຣັນ ກາ ເປາະ ມູ ຕາແຕັບ ແຮີ. ມາ ມັຮ ຮາມິຣ ກ້ອຍ ອີງເຄາະ ປິດ.

24 ນະກ້ອຍ ເຢັງ ເຈົາຣາຊີ ຕັຣ ໄລ່ ກ້ອຍ, ໂອນ ໄລ່ ຕຶ້ງ ຕະ ຮານະ ຕາ ອໍ ຕາປຸ່ນ ຮາງິຣ ໄລ່ ເບີນ. ນະກ້ອຍ ໄລ່ ມານະ ຕະ ຮານະ ຕາງຮາງ ໄຈະ ມານະ. 25 ໄລ່ ຕັຣ ຮານະ ປາຍາຍ ແຕ ເຢັງ ເຈົາຣາຊີ; ເຈີ່ ໄລ່ ຍຸມ ຮານະ ຕາ ປາຍາຍ ແອັນ. ໄລ່ ຊາອໍາ ກະ ຊາງ ເຫຣັງ ກາ ເຢັງ ເຈົາຣາຊີ ແຕງ. ມາ ໄລ່ ຕາ ເບີນ ຊາງ ເຢັງ ເຈົາຣາຊີ, ອັນ ກາ ແຕງ ກູ່ ຮາມິຣ. ແອັງ ເຢັງ ເຈົາຣາຊີ ຊ້ອງ ໄຣ ອີງເຄາະ ຍ່ອງ ຊົດ ແດີຍ. ອາແມນ.†

26 ນະກ້ອຍ ເຢັງ ເຈົາຣາຊີ ກູມາ ໄລ່ ກ້ອຍ ໂອນ ໄລ່ ຕຶ້ງ ຕາປຸ່ນ ຮາງິຣ ຕາ ອໍ ໄລ່ ເບີນ. ເບີນ ມັຮ ມັນແຊມ ກາ ຕາ ຍິອ ອີ ເບີນ ນ້ອງ ຮາເລົາ. ມາ ໄລ່ ອີ ເບີນ ມັນແຊມ ຮາຕວາອ້ ມັນແຊມ. 27 ມັຮ ຮາເລົາ ມູເຈັງ ກ້ອຍ ແຕ່. ໄລ່ ຕາ ຍິອ ອີ ເບີນ ນ້ອງ ມັນແຊມ. ນະກ້ອຍ ຮາງິຣ ຮາເລົາ ກ້ອຍ ແດັກ ປາ ແດັກ ຍິອ ອີ ຕະ ຮານະ ຕາ ອໍ, ໄລ່ ຍິອ ອີ ເບີນ ຮາເລົາ ຮາຕວາອ້ ຮາເລົາ. ຍ່ອນ ຮານະ ຕາ ອໍ ໄລ່ ຕະ, ນະກ້ອຍ ໄລ່ ອີງເຄາະ ຈິວ ໄດ້ດ.

28 ຍ່ອນ ມັຮ ກວາຍ ກ້ອຍ ຕາ ແອອ ເຢັງ ເຈົາຣາຊີ ຕາລາ ຮາງິຣ ໄລ່, ນະກ້ອຍ ເຢັງ ເຈົາຣາຊີ ກູມາ ໂອນ ຮານະ ຕາ ອໍ ແອັນ ຕາລາ ຕຶ້ງ ຮາງິຣ ໄລ່. ໄລ່ ຕະ ຮານະ ຕາ ເບີນ ປາຍາຍ ໂອນ ຕະ. 29 ຕຶ້ງ ຮາງິຣ ໄລ່ ເບີນ ແອັງ ຮານະ ຕາ ອໍ ຊ້ອງ. ໄລ່ ເຮາະ ລາລີ່; ໄລ່ ໄລ່ບ ເຫຣັງ ເນົາ; ໄລ່ ຕະ ຕາ ອໍ ໄຈະ ເຍົາ; ໄລ່ ມານະ ຊັຣແມງ ແຕ ມານະ; ໄລ່ ມານະ ກາຈິດ ມານະ; ໄລ່ ຮາໂລຍຮ; ໄລ່ ອາໂລກ ເຍົາ; ໄລ່ ຊາອັຣ ເຍົາ; ໄລ່ ຕາແມີຍຮ ເຍົາ; 30 ໄລ່ ປາຍ ຮາຍົວະ; ໄລ່ ຊາອັຣ ເຢັງ ເຈົາຣາຊີ; ໄລ່ ໂອດ ກະ ພາມາດ ເຍົາ; ໄລ່ ຍິອ ກວາຍ ກາມ້ອ້ ອາເຈັງ ໄລ່ ກະ ຍ່ອງ ໄລ່; ໄລ່ ແຄວ້ ລາລີ່ ຕະ ຮານະ ຕາ ອໍ; ໄລ່ ຕາ ເບີນ ຊາ ງັດ ປັຣນາຍ ອິມເປອ້ ອິມປໍ; 31 ໄລ່ ຊາກູລ ລາລີ່; ໄລ່ ເອີອ ເມັດ ຊ້ອງ; ໄລ່ ຕາ ເບີນ ເບີນ ຮາງິຣ ອາ ໂຢະ ເຍົາ; ຕາ ເບີນ ຊ້ອງ ອາໂຢະ ຕະ ເຍົາ. 32 ໄລ່ ດັງ ເຈີ່ ຄານອດ ເຢັງ ເຈົາຣາຊີ ອາຕີ ດໍອ ກວາຍ

† 1:25 1:25 ປັຣນາຍ 'ອາແມນ' ອາຕີ ລັຣ ລາ 'ກຣັກ ນະກ້ອຍ' ແຕ້ລາ 'ແຊອ້ ໂອນ ແກັດ ນະກ້ອຍ.'

ກາ ຕະ ຮານະ ນະ ກ້ອຍ ອົງເຄາະ ກູຈິດ. ມາ ອິນ ນ້ອງ ໄລ່ ຕາ ແອ້ອ ອີ ຕັຣ ຮານະ ກ້ອຍ. ກະ ໄລ່ ຊ້ອງ ຣໍ້ອ ຄັນ ເຍົາ ການໍ້ອ ຕະ ເຕ່ ນະ ກ້ອຍ.

## 2

ເຢີງ ເຈົາຣາຊີ ຕັດຊິນ ກູ່ ນະ ກວາຍ

1 ນະ ກ້ອຍ ເຍົາ ອິນໂຈຍ ຄິດ ປາຍ ເຢີງ ເຈົາຣາຊີ ຕາ ເບີນ ຕັດຊິນ ເຍົາ. ເຍົາ ທິຍ ຕິ ກວາຍ ກາ ນໍ້ອ ຕະ ໄລ່ຍຮ, ມາ ແຕ້ອ ເຍົາ ຕະ ໄລ່ຍຮ ມູເຈິງ ກ້ອຍ ເຕ່, ລາ ບ້ອງ ເຍົາ ຕິ ຈະ ເຍົາ ເບີມ. 2 ໄຮ ດັງ ເຈີ່ ເຢີງ ເຈົາຣາຊີ ອີ ຕັດຊິນ ມັຮ ກວາຍ ກາ ຕະ ຮານະ ໄລ່ຍຮ; ກະ ເຢີງ ເຈົາຣາຊີ ຕັດຊິນ ລາ ປຸຍາຍ ລາລີ້. 3 ເຍົາ ກາ ຕິ ກວາຍ ການໍ້ອ ຕະ ໄລ່ຍຮ, ມາ ເຍົາ ຕະ ຮານະ ມູເຈິງ ກ້ອຍ ເຕ່, ເຍົາ ອິນໂຈຍ ຄິດ ປາຍ ເຢີງ ເຈົາຣາຊີ ຕາ ເບີນ ຕັດຊິນ ເຍົາ. 4 ເຍົາ ດັງ ເຈີ່ ເຢີງ ເຈົາຣາຊີ ອາໂຢະ ຕະ ເຍົາ ຊາອິ້ຍ ລາລີ້, ກະ ອັນ ຈິວ ເລືອຍໆ ເຍົາ. ມາ ມາມະ ເຍົາ ອິນນ້ອງ ຍິ້ອ ອີ ພາມາດ ຮານະ ກ້ອຍ? ເຢີງ ເຈົາຣາຊີ ອາໂຢະ ຕະ ເຍົາ ຍ່ອນ ອັນ ຍິ້ອ ເຍົາ ຕັຣ ຣາງິຣ ຕຍາ ປຽນ ແກັດ ຣາງິຣ ຕາໄມ ແອັນ. 5 ເຍົາ ເບີນ ຣາງິຣ ກ້ອງ ລາລີ້, ຕາ ແອ້ອ ອີ ຊາ ງັດ ເຢີງ ເຈົາຣາຊີ ກະ ຕາ ຍິ້ອ ອີງິນ ໄລ່ຍຮ ປຽນ ແກັດ ຣາງິຣ ຕາໄມ ແອັນ. ຕະ ນະ ກ້ອຍ ລາ ເຍົາ ປາໂຣມ ຊາອິ້ຍ ຮານະ ກາ ເຢີງ ເຈົາຣາຊີ ຕະ ໂຕ່ດ ເຍົາ, ເຕ້າ ແຕ້ອ ຕາໄງ ອັນ ຕັດຊິນ ອິນແຍະ ມັຮ ກວາຍ. ຕາໄງ ກ້ອຍ, ເຢີງ ເຈົາຣາຊີ ອາປັຣ ອັນ ຕັດຊິນ ຕານ້ອງ ລາລີ້ ອິນແຍະ ມັຮ ກວາຍ. 6 ຕິ່ງ ຕາໄງ ກ້ອຍ, ເຢີງ ເຈົາຣາຊີ ກູລັຮ ລັຮ ທົາ ໂອນ ກູ່ ນະ ກວາຍ, ຕາປູນ ມັຮ ຮານະ ໄລ່ ຕະ. 7 ເບີ ນ ກວາຍ ກາ ປາໂຣຣ ເລືອຍໆ ຕະ ຮານະ ອໍ ຍ່ອນ ໄລ່ ຍິ້ອ ລາລີ້ ອີ ເບີນ ອາງອິຣ ແຕ ເຢີງ ເຈົາຣາຊີ. ໄລ່ ຍິ້ອ ອັນ ຍ່ອງ ໄລ່, ກະ ໂອນ ໄລ່ ຕາ ທິຍ ກູຈິດ. ມັຮ ກວາຍ ກ້ອຍ ເຢີງ ເຈົາຣາຊີ ໂອນ ອາ ມັງ ເລືອຍໆ. 8 ມາ ເບີນ ກວາຍ ການໍ້ອ ກາ ເບີນ ຣາງິຣ ທິຍ ອິດ ຣາງິຣ ເບີມ. ໄລ່ ຕາ ແອ້ອ ອີ ຊາ ງັດ ຣາມິຣ ປຍາຍ. ໄລ່ ຍິ້ອ ອີ ຕາປູນ ຣາມິຣ ຕາ ເບີນ ປຍາຍ ຊ້ອງ. ມັຮ ກວາຍ ກ້ອຍ ເຢີງ ເຈົາຣາຊີ ຊ້ອງ ອວານ ລາລີ້, ກະ ອັນ ຕະ ໂຕ່ດ ລາລີ້ ໂຈະ ໄລ່. 9 ໄກຣ ເຈີ່, ມັຮ ຣາມິຣ ກາ ຕິ ອາອໍ ກະ ຣາມິຣ ຕຸຣ ກັດ ແຕ້ອ ປິ ກູ່ ນະ ກວາຍ ກາ ຕະ ຮານະ ຕາ ອໍ. ອິນໂຢ່ງ ລາລີ້ ຮານະ ໄນ ແຕ້ອ ປິ ກວາຍ ອິດຊະຣາເອລ. ກະ ຮານະ ໄນ ແຕ້ອ ປິ ກວາຍ ກາ

ຕາ ແກັນ ກວາຍ ອິດຊະຣາເອລ ແຮ. 10 ມາ ມັຮ ກວາຍ ກາ ຕະ ຮານະ ອໍ, ເຢີງ ເຈົາຣາຊີ ໂອນ ໄລ່ ເບີນ ອາງອິຣ ກະ ອັນ. ອັນ ຍ່ອງ ໄລ່, ກະ ອັນ ໂອນ ໄລ່ ແອັດ ອຽນ ອໍ ເລືອຍໆ. ອິນໂຢ່ງ ລາລີ້ ຮານະ ໄນ ແຕ້ອ ປິ ກວາຍ ອິດຊະຣາເອລ. ເຈີ່ ຮານະ ໄນ ແຕ້ອ ປິ ກວາຍ ຕາ ແກັນ ກວາຍ ອິດຊະຣາເອລ ແຮ. 11 ຍ່ອນ ເຢີງ ເຈົາຣາຊີ ຕັດຊິນ, ກູ່ ນະ ກວາຍ ລາ ຣາລີ້ ອິນແຍະ.

ໄຮ ອົງເຄາະ ຕະ ຕາປູນ ຄານອດ ເຢີງ ເຈົາຣາຊີ

12 ກວາຍ ຕາ ແກັນ ກວາຍ ອິດຊະຣາເອລ ຕາ ເບີນ ດັງ ຄານອດ ເຢີງ ເຈົາຣາຊີ ອາຕິ ແຕ ອິມ ແປ ຮານາ ໂມເຊ. ຄັນ ກວາຍ ກ້ອຍ ຕະ ໄລ່ຍຮ, ຕາ ເບີນ ອິນເຕ້າ ໄລ່ ດັງ ມາ ຕາ ເບີນ ແຕ ຄານອດ ໂມເຊ, ເຢີງ ເຈົາຣາຊີ ອິນນ້ອງ ໂອນ ໄລ່ ກູຈິດ ປິດ. ມາ ມັຮ ຈຸມ ອິດຊະຣາເອລ, ໄລ່ ດັງ ເຈີ່ ຄານອດ ໂມເຊ. ແຕ້ອ ໄລ່ ຕະ ໄລ່ຍຮ, ເຢີງ ເຈົາຣາຊີ ຕະ ໂຕ່ດ ໄລ່ ຕາປູນ ຄານອດ ໂມເຊ. 13 ໄກຣ ລາລີ້, ກວາຍ ຕາ ເຕ້ອ ແກັດ ຕານ້ອງ ອໍ ຍິ້ອ ມົງ ເຢີງ ເຈົາຣາຊີ ຍ່ອນ ແຕ ໄລ່ ດັງ ຄານອດ ໂມເຊ. ມາ ກວາຍ ແກັດ ຕານ້ອງ ອໍ ຍິ້ອ ມົງ ເຢີງ ເຈົາຣາຊີ ລາ ຍ່ອນ ໄລ່ ຕະ ຕາປູນ ຄານອດ ກ້ອຍ. 14 ກວາຍ ຕາ ແກັນ ກວາຍ ອິດຊະຣາເອລ, ໄລ່ ຕາ ເບີນ ເບີນ ຄານອດ ໂມເຊ. ມາ ແຕ້ອ ໄລ່ ຕະ ຮານະ ອໍ ນະ ຄານອດ ອາຕິ, ການິດ ກ້ອຍ ແກັດ ຊັງໄກຣ ຕາມ ໄລ່ ຕາ ທິຍ ຊ້ອງ ຄານອດ ກ້ອຍ. 15 ກວາຍ ອາແລະ ກາ ຕະ ນະ ກ້ອຍ, ໄລ່ ອາປັຣ ໄລ່ ເບີນ ຄານອດ ຕິ່ງ ຣາງິຣ ໄລ່. ກະ ການິດ ໄລ່ ເບີມ ອາປັຣ ນະ ກ້ອຍ ເຕ່, ຍ່ອນ ການິດ ໄລ່ ຕິ, ແຕ້ລາ ປຣອມ ຮານະ ໄລ່ ຕະ. 16 ມັຮ ຣາມິຣ ກ້ອຍ, ເຢີງ ເຈົາຣາຊີ ອາປັຣ ແຕ້ອ ຕາໄງ ອັນ ໂອນ ເຢຊູ ກຣິດ ຕັດຊິນ ອິນແຍະ ມັຮ ກວາຍ. ຕາໄງ ກ້ອຍ ອັນ ຕັດຊິນ ອິນແຍະ ມັຮ ຮານະ ປາໂຕະ ຕິ່ງ ຣາງິຣ ກວາຍ, ຕາປູນ ປັຣມາຍ ອໍ ກາ ທົາ ອາຕິ ເຈີ່.

ຈຸມ ອິດຊະຣາເອລ ກະ ຄານອດ ເຢີງ ເຈົາຣາຊີ

17 ມາ ມັຮ ເຍົາ ກາງິນ ປາຍ ເຍົາ ລາ ກວາຍ ອິດຊະຣາເອລ, ເຍົາ ຕາກະ ແຕ ຄານອດ ເຢີງ ເຈົາຣາຊີ ໂອນ ເຍົາ, ກະ ເຍົາ ໂອດ ປາຍ ເຍົາ ຣາຕອຍ ກະ ເຢີງ ເຈົາຣາຊີ. 18 ເຍົາ ປາຍ ເຍົາ ດັງ ເຈີ່ ຮານະ ເຢີງ ເຈົາຣາຊີ ຍິ້ອ ເຍົາ ຕະ, ກະ ເຍົາ ດັງ ຮຽຮ ຕາ ອໍ ກະ ອໍ, ຍ່ອນ ເຍົາ ຣຍານ ຄານອດ ໂມເຊ.

19 ເຍົາ ຄິ້ດ ເຍົາ ລາ ກວາຍ ອາໂຢ່ງ ກວາຍ ຊູດ ມັດ, ໄລ່ ກາ ຕາ ຢວາຣ ດັງ ແຕ ຮາມະ ເຢີງ ເຈົ້າຮາຊີ. ເຍົາ ປາຍ ເຍົາ ລາ ນະ ຕາບອງ ໂອນ ໄລ່ ກາ ແອິດ ຕຶ້ງ ອິນຕຸ ການໍາ. 20 ເຍົາ ຄິ້ດ ເຍົາ ລາ ມັຮ ກວາຍ ອາຈານ ອາຕີ ກວາຍ ຊາກູລ. ກະ ເຍົາ ແກິດ ນະ ອາຈານ ອາຕີ ກວາຍ ກາ ນະ ກັຮແມນ ກາ ຕາ ແບິ ດັງ ປິຣ໌ ຊ້ອງ ແຕ ຮາມະ ເຢີງ ເຈົ້າຮາຊີ. ເຍົາ ປາຍ ນະກ້ອຍ, ເຍົາ ຄິ້ດ ຍ່ອນ ເຍົາ ເບິນ ຄານອດ ເຢີງ ເຈົ້າຮາຊີ, ເຍົາ ເບິນ ດັງ ກູ່ ຮາມິ້ຮ ອໍ ກະ ກູ່ ຮາມິ້ຮ ປຍາຍ. 21 ເຍົາ ອາຕີ ກວາຍ ການໍ້ອ, ມາ ເຍົາ ຕາ ເບິນ ອາຕີ ຈະ ເຍົາ ເບິມ. ເຍົາ ອາຕີ ກວາຍ ການໍ້ອ: "ອິນໂຈຍ ຕູຕວຍ!", ມາ ເຍົາ ແຕ່ ອິນ ນໍ້ອງ ຕູຕວຍ. 22 ກະ ເຍົາ ປາຍ ໂຈະ ກວາຍ ກາ ນໍ້ອ: "ອິນໂຈຍ ປັຣລິຍ ລາກວຍ ແຕ່ລາ ກາຢາອ ເມົາ!", ມາ ເຍົາ ແຕ່ ປັຣລິຍ ເມົາ. ເຍົາ ປາຍ ເຍົາ ຊາອັຮ ລາລີ ຮູບ ເຢີງ ການໍ້ອ ກາ ເມົາ ຊາງ, ມາ ເຍົາ ແຕ່ ມູ່ດ ຕວຍ ແຕ ດຸງ ຊາງ ໄລ່. 23 ເຍົາ ໂອດ ປາຍ ເຍົາ ເບິນ ຄານອດ ເຢີງ ເຈົ້າຮາຊີ, ມາ ເຍົາ ຕາ ເບິນ ຊາງັດ ຄານອດ ກ້ອຍ. ນະກ້ອຍ ເຍົາ ຕະ ໂອນ ມັຮ ກວາຍ ຕາ ເບິນ ຢານັບ ເຢີງ ເຈົ້າຮາຊີ. 24 ເບິນ ປຶ້ງ ປັຣນາຍ ເຢີງ ເຈົ້າຮາຊີ ແຕ ອິມແບິ ປາຍ ເຈີ້ ແຕ ເຍົາ ນະໄນ່:

"ກວາຍ ຕາ ແກິນ ກວາຍ ອິດຊະຮາເອລ ເກີ້ຍ ພາ ມາດ ເຢີງ ເຈົ້າຮາຊີ  
ລາ ຍ່ອນ ຮາມະ ເຍົາ ຈຸ່ມ ອິດຊະຮາເອລ ຕະ."

25 ເຍົາ ກາ ຈຸ່ມ ອິດຊະຮາເອລ ຕະ ຮິ່ດ ກິດ ຕາ ປຸ່ນ ຄານອດ ເຢີງ ເຈົ້າຮາຊີ.\* ຄັນ ເຍົາ ຕະ ຕາ ປຸ່ນ ຄານອດ ເຢີງ ເຈົ້າຮາຊີ, ຮາມະ ກ້ອຍ ແກິດ ເກົາ ໂອນ ເຍົາ. ມາ ຄັນ ເຍົາ ຕາ ເບິນ ຕະ ຕາປຸ່ນ ຄານອດ ກ້ອຍ, ຮາມະ ເຍົາ ຕະ ຕຶ້ງ ຈະ ເຍົາ ຕາ ເບິນ ແກິດ ເກົາ ອິນເຕົາ. 26 ມັຮ ກວາຍ ຕາ ແກິນ ກວາຍ ອິດຊະຮາເອລ ຕາ ເບິນ ຕະ ຮິ່ດ ກ້ອຍ. ມາ ຄັນ ໄລ່ ຕະ ຕາປຸ່ນ ຄານອດ ເຢີງ ເຈົ້າຮາຊີ, ເຢີງ ເຈົ້າຮາຊີ ແ່ ປິ ໄລ່ ນະ ໄລ່ ເບິນ ຮິ່ດ ກ້ອຍ ແຕ່. 27 ເຍົາ ກາ ຈຸ່ມ ອິດຊະຮາເອລ ເບິນ ຄານອດ ເຢີງ ເຈົ້າຮາຊີ ຕຶ້ງ ປຶ້ງ ປັຣນາຍ ເຈີ້, ກະ ເຍົາ ຕະ ຮິ່ດ ກິດ ເຈີ້ ດໍອ໌ ອາປັຣ ເຍົາ ຕາປຸ່ນ ຮາມະ ເຢີງ ເຈົ້າຮາຊີ. ມາ ອິນນ້ອງ ເຍົາ ຕາ ເບິນ ຕະ ຕາປຸ່ນ ຄານອດ ເຢີງ ເຈົ້າຮາຊີ. ມາ ໄລ່ ກາ ຕາ ແກິນ ຈຸ່ມ ເຍົາ, ໄລ່ ຕາ ເບິນ ຕະ ຮິ່ດ ກ້ອຍ, ມາ ອິນນ້ອງ ໄລ່ ຕະ ຕາປຸ່ນ ຄານອດ ເຢີງ ເຈົ້າຮາຊີ. ຕະ ນະກ້ອຍ

ໄລ່ ກ້ອຍ ຕິ ເຍົາ ຈຸ່ມ ອິດຊະຮາເອລ ລາ ກວາຍ ໄລ່ ຍຮ. 28 ຄັນ ນະກ້ອຍ, ເມົາ ກາ ເຈຍ ກວາຍ ອິດ ຊະຮາເອລ? ຕາ ເບິນ ກູ່ ນະ ແຕ ຈຸ່ມເຈີ້ອ ຢາໂຄບ ກາ ຕະ ຮິ່ດ ກິດ ຕາປຸ່ນ ຄານອດ ໂມເຊ ລາ ເຈຍ ກວາຍ ອິດຊະຮາເອລ ອິນແຍະ. 29 ກວາຍ ກາ ຊາ ອໍ ກະ ຕະ ຕາປຸ່ນ ປັຣນາຍ ເຢີງ ເຈົ້າຮາຊີ, ກວາຍ ກ້ອຍ ລາ ເຈຍ ກວາຍ ອິດຊະຮາເອລ ຍັຮ ເມີງ ເຢີງ ເຈົ້າຮາຊີ. ເຢີງ ເຈົ້າຮາຊີ ຍ່ອງ ກວາຍ ກ້ອຍ, ຕາ ແກິນ ກວາຍ ການໍ້ອ ຍ່ອງ ໄລ່. ກວາຍ ກ້ອຍ ລາ ມູເຈິງ ໄລ່ ຮັບ ຮິ່ດ ກິດ ຕຶ້ງ ຮາງັຮ ໄລ່, ຕາ ແກິນ ຮັບ ຮິ່ດ ກິດ ຕຶ້ງ ຈະ. ຮິ່ດ ກ້ອຍ ແອິງ ຮາ ເວົ້າຍ ເຢີງ ເຈົ້າຮາຊີ ແຕ່ອ໌ ຕະ ຕຶ້ງ ຮາງັຮ ໄລ່. ມັຮ ຄານອດ ເຢີງ ເຈົ້າຮາຊີ ກາ ເມົາ ຄຽນ ແຕ ອິມແບິ ຕາ ແຕ່ອ໌ ຕະ ຮາມະ ໄນ່ ຕຶ້ງ ຮາງັຮ ໄລ່.

### 3

ຄານອດ ຕາ ເບິນ ແຕ່ອ໌ ໂອນ ກວາຍ ແອິດ ຕານ້ອງ ອໍ ຍັຮ ເມີງ ເຢີງ ເຈົ້າຮາຊີ

1 ນະກ້ອຍ, ຈຸ່ມ ອິດຊະຮາເອລ ເບິນ ຮາມິ້ຮ ອໍ ກາເລີຍ ແຕ ກວາຍ ການໍ້ອ. ກະ ຮິ່ດ ກິດ ໄລ່ ຕະ ລາ ເບິນ ເກົາ ລາລີ. 2 ໂກຣ ລາລີ ຈຸ່ມ ອິດຊະຮາ ເອລ ຮັບ ຊາອິຍ ຮາມິ້ຮ ປິດ ແຕ ເຢີງ ເຈົ້າຮາຊີ ເຈີ້. ຮາມິ້ຮ ປິດ ແກຼ້ຍ ແຕ ການໍ້ອ ລາ ເຢີງ ເຈົ້າຮາ ຊີ ໂອນ ຈຸ່ມ ອິດຊະຮາເອລ ກຍາອ໌ ປຶ້ງ ປັຣນາຍ ອັນ. 3 ເບິນ ກວາຍ ແຕ ຈຸ່ມ ອິດຊະຮາເອລ ກາ ຕາ ເບິນ ຊາອໍ ເຢີງ ເຈົ້າຮາຊີ, ມາ ອິມປີ້ ນະກ້ອຍ ລາ ອິນນ້ອງ ອັນ ຕາ ເບິນ ຕັຮ ມັຮ ປັຣນາຍ ອັນ ເອີອ໌ ກະ ໄລ່. 4 ຕາມ ອິນແຍະ ມັຮ ກວາຍ ຕຶ້ງ ກູແຕອ໌ ໄນ່ ຕະ ອິນຕິ ອາໂລກ, ມາ ແຕ່ອ໌ ໄຮ ດັງ ເຢີງ ເຈົ້າຮາຊີ ລາ ຕານ້ອງ ອໍ, ອັນ ອາຕີ ປັຣນາຍ ປຍາຍ ຊ້ອງ. ຕຶ້ງ ປຶ້ງ ປັຣນາຍ ເຢີງ ເຈົ້າຮາຊີ ແຕ ອິມແບິ ເມົາ ຄຽນ ເຈີ້ ແຕ ເຢີງ ເຈົ້າຮາຊີ ປາຍ:

"ແຕ່ອ໌ ກວາຍ ດັງ ອິນເຈົ້າ ຕານ້ອງ ອໍ  
ແຕ່ອ໌ ໄລ່ ຊ້ອງ ປັຣນາຍ ເຍົາ ປາຍ.  
ແຕ່ອ໌ ເມົາ ອິ ຕິ ເຍົາ,  
ປັຣນາຍ ເຍົາ ເຮົາບ ເລືອຍໆ."

5 ກວາຍ ຕຶ້ງ ແດືຍ ໄນ່ ເກີ້ຍ ປາຍ ນະໄນ່: "ຄັນ ໄຮ ມາ ຕະ ໄລ່ຍຮ, ກວາຍ ເຮົາມ ແຈງ ກາເລີຍ ແອັນ ເຢີງ ເຈົ້າຮາຊີ ຕານ້ອງ ອໍ, ຍ່ອນ ອັນ ຕາ ເບິນ ຕະ ໄລ່ຍຮ ນະ ໄຮ." ກະ ໄລ່ ປາຍ ນະໄນ່ ແອັນ: "ເຢີງ ເຈົ້າຮາຊີ ຕະ ຕາ ປຍາຍ ຄັນ ອັນ ຕະ ໂຕ່ດ ໄຮ ຍ່ອນ ໄຮ ຕະ ຮາມະ ໄລ່ຍຮ."

\* 2:25 2:25 ຮິ່ດ ກ້ອຍ ເມົາ ກິດ ປິ້ອ ອິງກັຮ ແຕ ເກຣິ່ງ ຮາເລົາ.



6 ມາ ໄກຮ ລາລີ້ ຕາ ເຕ້ອ ປາຍ ເຢິງ ເຈົ້າຮາຊີ ຕະ ຕາ ປາຍຍໍ! ຄັນ ເຢິງ ເຈົ້າຮາຊີ ຕາ ເບີນ ຕານໍ້ ອງ, ມານະ ເຕ້ອ ອັນ ຕັດຊິ້ນ ອິນແຍ່ະ ມັຮ ກວາ ຍ?

7 ເບີນ ກວາຍ ຕາແບັບ ປາຍ: "ຄັນ ກົາ ອາ ຕີ ອາໂລກ, ມາ ຕະ ໂອນ ເມົາ ຍ່ອງ ເຢິງ ເຈົ້າຮາຊີ ປາຍ ອັນ ອາຕີ ຕານໍ້ອງ ລາລີ້, ມານະ ເຢິງ ເຈົ້າຮາ ຊີ ອິນນໍ້ອງ ອີ ຕະ ໂຕ້ດ ປາຍ ກົາ ຕະ ໂລ່ຍຮ?"

8 ເຈີ້ ເບີນ ອັນ ກາ ອີ ປາຍ ນະໄນ່: "ເອົາ! ໄຮ ຕະ ໂລ່ຍຮ ລາລີ້ ແອັນ! ນະກ້ອຍ ເມົາ ເບີນ ຍ່ອງ ເຢິງ ເຈົ້າຮາຊີ ຊາອີຍ ອາຊ້ອຮ ແອັນ."

ກະ ເບີນ ກວາຍ ຕູນ ກົາ, ປາຍ ກົາ ອາຕີ ປັຮນາຍ ນະກ້ອຍ ເຕ່. ມາ ປັຮແນີ ມັນເຕຣີ ເຢິງ ເຈົ້າຮາຊີ ອີ ຕະ ໂຕ້ດ ມັຮ ກວາຍ ກາ ປາຍ ນະກ້ອຍ.

9 ນະກ້ອຍ ກວາຍ ອິດຊະຮາເອລ ອິມພາ ແຕ ກວາຍ ການໍ້ອ ບໍ່? ຕາ ແກິນ! ກົາ ອາຕີ ເຈີ້, ກວາຍ ອິດຊະຮາເອລ ກະ ກວາຍ ຕາ ແກິນ ກວາ ຍ ອິດຊະຮາເອລ ລາ ມູເຈິງ ອິນແຍ່ະ. ກູ່ ນະ ໄລ່ ລາ ແອິດ ປິນ ຮານະ ໂລ່ຍຮ. 10 ຕິ່ງ ປິ່ງ ປັຮນາຍ ເຢິງ ເຈົ້າຮາຊີ ແຕ ອິມແບີ ເມົາ ຄຽນ ເຈີ້ ປາຍ:

"ຕາ ເບີນ ເມົາ ແອິດ ຕານໍ້ອງ ອໍ ຍັຮ ເມິງ ເຢິງ ເຈົ້າຮາຊີ,  
ຕາ ເບີນ ມານະ ເລີຍ.

11 ຕາ ເບີນ ເມົາ ດັງ ຮານະ ເຢິງ ເຈົ້າຮາຊີ.  
ກະ ຕາ ເບີນ ເມົາ ຈໍ້ອ ຍັຮ ອີ ດັງ ແຕ ເຢິງ ເຈົ້າຮາຊີ.

12 ກູ່ ນະ ໄລ່ ຕັຮ ເຈີ້ ເຢິງ ເຈົ້າຮາຊີ;  
ເຈີ້ ໄລ່ ເບີນ ໂລ່ຍຮ ອິນແຍ່ະ.  
ຕາ ເບີນ ເມົາ ຕະ ຮານະ ອໍ,

ແອິ ແຕ ມານະ ເລີຍ.  
13 ລາແຮີຍ ແຕ ປັຮນາຍ ໄລ່ ຕະ ອິນຕີ  
ນະ ເມົາ ເປີຮ ປິ່ງ ກູມູຍໍ, ອິນໂຊະ ລາລີ້.

ໄລ່ ເກີ້ຍ ປາຍ ປັຮນາຍ ອາໂລກ.  
ກະ ແບອ໌ ໄລ່ ອາລໍ້ອຮ ປັຮນາຍ ນະ ປິ່ຮ ກູ  
ຊິນ.

14 ແບອ໌ ໄລ່ ຕະ ອິນຕີ  
ແອິງ ປັຮນາຍ ຮາເວ່ນ ກະ ອິນຕັງ ອາແຮັຮ.

15 ໄວ່ ລາລີ້ ໄລ່ ຍັຮ ອີ ຕະ  
ກະ ກາຈິດ ກວາຍ ການໍ້ອ.  
16 ອິນຕຸ ແລະ ໄລ່ ເປາະ ໄລ່ ຕາລຸຮ ອິນຕຸ ກ້ອຍ,  
ກະ ໄລ່ ຕະ ໂອນ ເມົາ ຊ້ອງ ຕຸຮ ລາລີ້.

17 ໄລ່ ຕາ ເບີນ ດັງ ແອິດ ຮາຕອຍ ກະ ເຢົາ.  
18 ກະ ໄລ່ ຕາ ເບີນ ດັງ ອິງກ້ອຮ ເຢິງ ເຈົ້າຮາ  
ຊີ."

19 ໄຮ ດັງ ເຈີ້, ເຢິງ ເຈົ້າຮາຊີ ໂອນ ຈຸ່ມ ອິດຊະ ຮາເອລ ເບີນ ຄານອດ ອັນ ຍັຮ ໄລ່ ຕາປູ່ນ ກັກກ ລາລີ້ ຄານອດ ກ້ອຍ. ເຢິງ ເຈົ້າຮາຊີ ຕະ ນະກ້ອຍ ໂອນ ກູ່ ນະ ໄລ່ ດັງ ອິນແຍ່ະ ໄລ່ ເບີນ ໂລ່ຍຮ. ຕາ ເບີນ ກວາຍ ອາແລະ ເຕ້ອ ຮາຈຽນ ປາຍ ອັນ ເຕ້ອ ແວັດ ແຕ ເຢິງ ເຈົ້າຮາຊີ ຕັດຊິ້ນ. 20 ນະກ້ອຍ ຕາ ເບີນ ກວາຍ ອາແລະ ເຕ້ອ ແກິດ ຕານໍ້ອງ ອໍ ຍັຮ ເມິງ ເຢິງ ເຈົ້າຮາຊີ ຍ່ອນ ອັນ ຕະ ຕາປູ່ນ ຄານອດ ໂມເຊ. ມາ ເຢິງ ເຈົ້າຮາຊີ ໂອນ ຄານອດ ກ້ອຍ ຕະ ໂອນ ອິນແຍ່ະ ມັຮ ກວາຍ ດັງ ປາຍ ໄລ່ ເບີນ ໂລ່ຍຮ.

ເຢິງ ເຈົ້າຮາຊີ ຕະ ໂອນ ກວາຍ ເຕ້ອ ແກິດ ຕານໍ້ອງ ອໍ ຍັຮ ເມິງ ອັນ ຍ່ອນ ເຢຊູ ກຣິດ

21 ມາ ຊານໍ້ ເຢິງ ເຈົ້າຮາຊີ ອາປັຮ ໂອນ ມັຮ ກວາຍ ດັງ, ເຕ້ອ ໄລ່ ແກິດ ຕານໍ້ອງ ອໍ ຍັຮ ເມິງ ອັນ. ຄານອດ ເຢິງ ເຈົ້າຮາຊີ ໂອນ ຮາມາ ໂມເຊ ອາຕີ ແຕ ຮາມິ້ຮ ໄນ່. ກະ ກວາຍ ຕາງ ປັຮນາຍ ເຢິງ ເຈົ້າຮາຊີ ແຕ ອິມແບີ ອາຕີ ນະກ້ອຍ ເຕ່. ມາ ໄຮ ຕາ ເຕ້ອ ເບີນ ຮາງິຮ ຕານໍ້ອງ ອໍ ໄນ່ ຍ່ອນ ແຕ ຄານອດ. 22 ເຢິງ ເຈົ້າຮາຊີ ຕະ ໂອນ ກວາຍ ແກິດ ຕານໍ້ອງ ອໍ ຍັຮ ເມິງ ອັນ ຍ່ອນ ໄລ່ ຊາອໍ ເຢຊູ ກຣິດ. ອັນ ຕະ ນະກ້ອຍ ໂອນ ກູ່ ນະ ກວາ ຍ ກາ ຊາອໍ, ຍ່ອນ ກູ່ ນະ ກວາຍ ລາ ຮາລີ້ ອິນ ແຍ່ະ. 23 ກູ່ ນະ ກວາຍ ລາ ເບີນ ໂລ່ຍຮ, ກະ ໄລ່ ແອິດ ເຢິງ ແຕ ອໍານາດ ອາງອິ້ຮ ແຕ ເຢິງ ເຈົ້າຮາ ຊີ. 24 ມາ ເຢິງ ເຈົ້າຮາຊີ ຈ່ອຍ ເມິດ ໂອນ ກວາຍ ເຕ້ອ ແກິດ ຕານໍ້ອງ ອໍ ຍັຮ ເມິງ ອັນ. ອັນ ໂອນ ເຢຊູ ກຣິດ ແຊງ ຈ່ອຍ ໄລ່ ເບີນ ແວັດ ແຕ ກູຈິດ. 25 ເຢິງ ເຈົ້າຮາຊີ ໂອນ ເຢຊູ ກຣິດ ກູຈິດ ຕາງ ກວາ ຍ. ຄັນ ກວາຍ ອາແລະ ມາ ຊາອໍ ປາຍ ເຢຊູ ກຣິດ ກູຈິດ ຕາງ ອັນ, ເຢິງ ເຈົ້າຮາຊີ ຕັຮ ໂລ່ຍຮ ກວາຍ ກ້ອຍ. ເຢິງ ເຈົ້າຮາຊີ ຕະ ນະກ້ອຍ, ດິອ໌ ອາປັຮ ອັນ ຕະ ປາຍຍໍ ລາລີ້ ບ້ອງ ອັນ ຈິວ ຕາ ເບີນ ອີ ຕະ ມັຮ ກວາຍ ກາ ຕະ ໂລ່ຍຮ ແຕ ອິນໂຍ່ງ. 26 ມາ ຊານໍ້ ເຢິງ ເຈົ້າຮາຊີ ຍັຮ ອີ ອາປັຮ ອັນ ລາ ຕານໍ້ ອງ ອໍ ລາລີ້. ນະກ້ອຍ ອັນ ຕະ ໂອນ ກວາຍ ເຕ້ອ ແກິດ ຕານໍ້ອງ ອໍ ຍັຮ ເມິງ ອັນ, ຍ່ອນ ໄລ່ ຊາອໍ ເຢຊູ ກຣິດ.

27 ຄັນ ເຢິງ ເຈົ້າຮາຊີ ຕະ ນະກ້ອຍ ໂອນ ໄຮ, ເບີນ ເມົາ ເຕ້ອ ໂອດ ປາຍ ອັນ ຕະ ເບີນ ໂອນ ແກິດ ຕານໍ້ອງ ອໍ ກ້ອຍ ບໍ່? ຕາ ເຕ້ອ. ຍ່ອນ ມານະ ໄລ່ ຕາ ເຕ້ອ ປາຍ ນະກ້ອຍ? ຍ່ອນ ກວາຍ ຕາ ເຕ້ອ ແກິດ ຕານໍ້ອງ ອໍ ຍັຮ ເມິງ ເຢິງ ເຈົ້າຮາຊີ ຍ່ອນ ແຕ ໄລ່ ຕະ ຕາປູ່ນ ຄານອດ ໂມເຊ. ເຢິງ ເຈົ້າຮາ

ຊີ ຕະ ໂອນ ມັຮ ກວາຍ ເຕ່ອ ແກ້ດ ຕານ້ອງ ອໍ ຍິຮ ມືງ ອັນ, ລາ ຍ່ອນ ໄລ່ ຊາອໍາ ເຢຊູ ກຣິດ ຊ້ອງ. <sup>28</sup> ມະກ້ອຍ ໄຮ ດັງ ກຣັກ ລາລີ້ ມັຮ ກວາຍ ເຕ່ອ ແກ້ດ ຕານ້ອງ ອໍ ຍິຮ ມືງ ເຢົາຮາຊີ ລາ ຍ່ອນ ໄລ່ ຊາອໍາ ເຢຊູ ກຣິດ, ຕາ ແກ້ນ ຍ່ອນ ໄລ່ ຕະ ຕາປຸ່ນ ຄານອດ ໂມເຊ. <sup>29</sup> ເຍົາ ຄິ້ດ ປາຍ ເຢົາຮາຊີ ຈ່ອຍ ແອັງ ກວາຍ ອິດຊະຮາເອລ ບໍ່? ຄັນ ຕາ ແກ້ນ ກວາຍ ອິດຊະຮາເອລ ອັນ ຈ່ອຍ ມາ ຕາ ເບິນ? ໄກຮ ລາລີ້, ເຢົາ ເຈົາຮາຊີ ຈ່ອຍ ອິນແຍ່ະ ມັຮ ກວາຍ. <sup>30</sup> ເບິນ ແອັງ ມວຍ ເຢົາ ເຈົາຮາຊີ ຊ້ອງ. ຈຸ່ມ ອິດຊະຮາເອລ ເຕ່ອ ແກ້ດ ຕານ້ອງ ອໍ ຍິຮ ມືງ ເຢົາ ເຈົາຮາຊີ, ຄັນ ໄລ່ ຊາອໍາ. ກະ ກວາຍ ຕາ ແກ້ນ ກວາຍ ອິດຊະຮາເອລ ເຕ່ອ ແກ້ດ ຮາງື່ຮ ຕານ້ອງ ອໍ ຍິຮ ມືງ ເຢົາ ເຈົາຮາຊີ ເຕ່, ຄັນ ໄລ່ ຊາອໍາ, ລາ ມູເຈັງ ອິນແຍ່ະ. <sup>31</sup> ຄັນ ໄຮ ຊາອໍາ ເຢຊູ ກຣິດ, ໄຮ ປາຍ ຄານອດ ເຢົາ ເຈົາຮາຊີ ໂອນ ຮານາ ໂມເຊ ຕາ ເບິນ ແກ້ດ ເກົາ ນ້ອງ ບໍ່? ຕາ ເບິນ ມະກ້ອຍ! ຄັນ ໄຮ ຊາອໍາ ເຢຊູ, ລາ ອິນນ້ອງ ໄຮ ງິ່ນ ປາຍ ຄານອດ ລາ ປ ຍາຍ້.

**4**

ອັບຮາຮາມ ແອັດ ຕານ້ອງ ອໍ ຍິຮ ມືງ ເຢົາ ເຈົາຮາຊີ ຍ່ອນ ອັນ ຊາອໍາ

<sup>1</sup> ຊານຸ່ ເກົາ ຍິຮ ອີ ອາຕີ ເຍົາ ແຕ ອັບຮາຮາມ, ລາ ອາວຈາຍຮ ອາເຈ່ຮ ໄຮ ຈຸ່ມ ອິດຊະຮາເອລ ແຕ ຕາແບີ ລາລີ້. <sup>2</sup> ຄັນ ອັບຮາຮາມ ມາ ແກ້ດ ຕານ້ອງ ອໍ ຍິຮ ມືງ ເຢົາ ເຈົາຮາຊີ ຍ່ອນ ແຕ ຮານະ ອັນ ຕະ, ເຕ່ອ ອັນ ໂອດ. ມາ ໄກຮ ລາລີ້ ອັນ ຕາ ເຕ່ອ ໂອດ ມະກ້ອຍ ຍິຮ ມືງ ເຢົາ ເຈົາຮາຊີ. <sup>3</sup> ປຶງ ປຣນາຍ ເຢົາ ເຈົາຮາຊີ ແຕ ອິມແບີ ປາຍ ເຈີ້ ແຕ ອັບຮາຮາມ ມະໄມ່:

"ອັບຮາຮາມ ຊາອໍາ ມັຮ ປຣນາຍ ກາ ເຢົາ ເຈົາຮາຊີ ເອີອໍ ອັນ;

ມະກ້ອຍ ເຢົາ ເຈົາຮາຊີ ນັບ ອັນ ລາ ກວາຍ ຕານ້ອງ ອໍ."

<sup>4</sup> ເກົາ ຊາກໍາ ມະໄມ່: ຄັນ ເບິນ ກວາຍ ທູແທ, ອັນ ເບິນ ປຣະ ເກົາ ອັນ. ປຣະ ກ້ອຍ ໄຮ ຕາ ເຕ່ອ ປາຍ ອິນເຈົາ ອັນ ຈ່ອຍ ມາັດ ຊ້ອງ. ມາ ປຣະ ກ້ອຍ ລາ ປຣະ ເກົາ ອັນ ຕະ ຮານະ. <sup>5</sup> ມາ ເຢົາ ເຈົາຮາຊີ ຈ່ອຍ ກວາຍ ໄລ່ຍຮ ໂອນ ແກ້ດ ຕານ້ອງ ອໍ ຍິຮ ມືງ ອັນ, ລາ ຍ່ອນ ກວາຍ ກ້ອຍ ຊາອໍາ ອັນ, ຕາ ແກ້ນ ຍ່ອນ ໄລ່ ຕະ ຮານະ ອິນເຕົາ. <sup>6</sup> ແຕ ອິມແບີ, ເຕົາວ ປຣເຍົາ ດາວິດ ອາຕີ ມູເຈັງ ກ້ອຍ ເຕ່. ອັນ ປາຍ ບຸ່ນ ລາລີ້ ກວາຍ ກາ ເຢົາ ເຈົາຮາຊີ

ນັບ ຕານ້ອງ ອໍ ຍ່ອນ ອັນ ຊາອໍາ, ຕາ ແກ້ນ ຍ່ອນ ແຕ ຮານະ ອັນ ຕະ. <sup>7</sup> ດາວິດ ປາຍ ມະໄມ່:

"ບຸ່ນ ລາລີ້ ມັຮ ກວາຍ ກາ ເຢົາ ເຈົາຮາຊີ ຕັຮ ໄລ່ ຍຮ ໄລ່.

ຍ່ອນ ອັນ ປູ່ລ ແກຣະ ເຈີ້ ໄລ່ຍຮ ໄລ່, ຕາ ເບິນ ເຮີມ ນ້ອງ.

<sup>8</sup> ບຸ່ນ ລາລີ້ ກວາຍ ກາ ເຢົາ ເຈົາຮາຊີ ຕາ ເບິນ ນັບ ນ້ອງ ໄລ່ຍຮ ໄລ່."

<sup>9</sup> ຮາມິຣ ບຸ່ນ ໄມ່ ແຕ່ອ້ ແອັງ ປີ ກວາຍ ກາ ຕະ ຮິ່ດ ກິດ ບໍ່? ຕາ ແກ້ນ ມະກ້ອຍ! ຮາມິຣ ບຸ່ນ ໄມ່ ແຕ່ອ້ ປີ ກວາຍ ກາ ຕາ ເບິນ ຕະ ຮິ່ດ ກິດ ແອີ. ໄຮ ດັງ ເຈີ້ ແຕ ອັບຮາຮາມ, ເຢົາ ເຈົາຮາຊີ ນັບ ອັນ ຕານ້ອງ ອໍ ລາ ຍ່ອນ ອັນ ຊາອໍາ. <sup>10</sup> ບັງ ກາ ແລະ ເຢົາ ເຈົາຮາຊີ ນັບ ອັບຮາຮາມ ຕານ້ອງ ອໍ? ອິນໂຍ່ງ ເຕີລາ ອິນຕຸ່ນ ອັບຮາຮາມ ຕະ ຮິ່ດ ກິດ? ໄກຮ ລາລີ້ ເຢົາ ເຈົາຮາຊີ ນັບ ອັບຮາຮາມ ຕານ້ອງ ອໍ ອິນໂຍ່ງ ແຕ ອັນ ຕະ ຮິ່ດ ກິດ, ຕາ ແກ້ນ ອິນ ຕຸ່ນ ອັນ ຕະ ຮິ່ດ ກ້ອຍ. <sup>11</sup> ແວັດ ເຢົາ ເຈົາຮາຊີ ນັບ ອັບຮາຮາມ ຕານ້ອງ ອໍ, ເຈີ້ ອັບຮາຮາມ ຕະ ຮິ່ດ ກິດ ດໍອໍ ອາປຣ ຮາງື່ຮ ອັນ ລາ ຕານ້ອງ ອໍ.

ມາ ອັບຮາຮາມ ເບິນ ຮາງື່ຮ ຕານ້ອງ ອໍ ຍ່ອນ ອັນ ຊາອໍາ, ແຕ ອິນໂຍ່ງ ອັນ ຕະ ຮິ່ດ ກິດ. ມະກ້ອຍ ອັບຮາຮາມ ແກ້ດ ມະ ອາວຈາຍຮ ອາເຈ່ຮ ກວາຍ ກາ ຕາ ເບິນ ຕະ ຮິ່ດ ກິດ ເຕ່, ຄັນ ໄລ່ ຊາອໍາ ເຢົາ ເຈົາຮາຊີ ໂອນ ອັນ ເຕ່ອ ນັບ ໄລ່ ລາ ກວາຍ ຕານ້ອງ ອໍ. <sup>12</sup> ກະ ອັບຮາຮາມ ລາ ອາວຈາຍຮ ອາເຈ່ຮ ມັຮ ໄລ່ ກາ ຕະ ຮິ່ດ ກິດ ເຕ່. ມາ ອັນ ຕາ ເບິນ ແກ້ດ ອາວຈາຍຮ ອາເຈ່ຮ ໄລ່ ຍ່ອນ ໄລ່ ຕະ ຮິ່ດ ກິດ ຊ້ອງ. ມາ ອັນ ແກ້ດ ອາວຈາຍຮ ອາເຈ່ຮ ໄລ່, ຍ່ອນ ໄລ່ ຊາອໍາ ມູເຈັງ ອັນ ຊາອໍາ ແຕ ອັນ ຕາ ຢ ວາຮ ຕະ ຮິ່ດ ກ້ອຍ.

ຄັນ ຍິຮ ອີ ເບິນ ຮາມິຣ ກາ ເຢົາ ເຈົາຮາຊີ ເອີ ອໍ ອິງເຄາະ ຊາອໍາ

<sup>13</sup> ເຢົາ ເຈົາຮາຊີ ເອີອໍ ກະ ອັບຮາຮາມ ກະ ອິນ ແຍ່ະ ຈຸ່ມເຈີ້ ອັບຮາຮາມ ລາ ເຢົາ ເຈົາຮາຊີ ໂອນ ໄລ່ ຕາລາ ມັຮ ກຮວາງ ກູແຕອ້ ໄມ່. ເຢົາ ເຈົາຮາຊີ ເອີອໍ ມະກ້ອຍ ລາ ຍ່ອນ ອັບຮາຮາມ ຊາອໍາ, ຕາ ແກ້ນ ຍ່ອນ ອັນ ຕະ ຕາປຸ່ນ ຄານອດ. ຍ່ອນ ອັບຮາຮາມ ຊາອໍາ, ມະກ້ອຍ ເຢົາ ເຈົາຮາຊີ ນັບ ອັບຮາຮາມ ລາ ກວາຍ ຕານ້ອງ ອໍ. <sup>14</sup> ຄັນ ເຢົາ ເຈົາຮາຊີ ເອີອໍ ຈ່ອຍ ແອັງ ໄລ່ ກາ ຕາປຸ່ນ ຄານອດ ໂມເຊ ຊ້ອງ, ຕາ ເບິນ ເກົາ ອິນເຕົາ ໄຮ ຊາອໍາ, ກະ ຕາ ເບິນ ເກົາ ອິນເຕົາ ເຢົາ ເຈົາຮາຊີ ເອີອໍ ກະ

ອັບຮາຮາມ ກະ ຈຸມເຈືອ ອັນ. <sup>15</sup> ຄັນ ກວາຍ ອາ ແລະ ມາ ຕັຮ ຄານອດ ເຢີງ ເຈົາຮາຊີ, ເຢີງ ເຈົາຮາ ຊີ ຕະ ໄຕ່ດ ກວາຍ ກ້ອຍ. ມາ ຄັນ ເຢີງ ເຈົາຮາ ຊີ ຕາ ເບີນ ໂອນ ຄານອດ ອິນເຕົ້າ, ໄຮ ຕາ ເຕ່ອ ປາຍ ກວາຍ ເບີນ ໂລ່ຍຮ ຄານອດ.

<sup>16</sup> ມັຮ ຣາມິ່ຮ ເຢີງ ເຈົາຮາ ຊີ ເອີອ ກະ ອັບຮາຮາມ, ເບີນ ແຕ້ອ ປີ ອັບຮາຮາມ ລາ ຍ່ອນ ອັນ ຊາອໍາ. ເຢີງ ເຈົາຮາຊີ ຕະ ນະກ້ອຍ, ຍ່ອນ ອັນ ຢໍ່ອ ອີ ຈ່ອຍ ເມັດ ອິນແຍະ ມັຮ ຈຸມເຈືອ ອັບຮາຮາມ. ຕາ ແກິນ ອັນ ອີ ຈ່ອຍ ແອິງ ໄລ່ ກາ ຕາປຸ່ນ ຄານອດ ໂມເຊ, ມາ ອັນ ອີ ຈ່ອຍ ໄລ່ ກາ ຊາອໍາ ນະ ອັບຮາຮາມ ຊາອໍາ ເຕ່. ນະກ້ອຍ ອັບຮາຮາມ ລາ ນະ ອາວຈາຍຮ ອາເຈ່ຮ ກູ່ ນະ ໄຮ ກາ ຊາອໍາ. <sup>17</sup> ໄນ່ ລາ ມູເຈິງ ເມົ້າ ຄຽນ ເຈີ່ ແຕ ອັບຮາຮາມ ຕຶ່ງ ປຶ່ງ ປັຮນາຍ ເຢີງ ເຈົາຮາຊີ ແຕ ອິມເບີ. ເມົ້າ ຄຽນ ນະໄນ່:

"ເທົ້າ ຕະ ໂອນ ໄມ່ ແກິດ ອາວຈາຍຮ ອາເຈ່ຮ ຊາ ອິ່ຍ ກຮວາງ."

ອັບຮາຮາມ ຊາອໍາ ປັຮນາຍ ເຢີງ ເຈົາຮາຊີ ກະ ມັຮ ຣາມິ່ຮ ເຢີງ ເຈົາຮາຊີ ເອີອ. ອັນ ຊາອໍາ ເຢີງ ເຈົາຮາຊີ, ອັນ ກາ ເຕ່ອ ຈ່ອຍ ກວາຍ ກູຈິດ ໂອນ ອາມັງ ລັຮ. ກະ ເຢີງ ເຈົາຮາຊີ ເຕ່ອ ຕະ ຣາມິ່ຮ ກາ ຕາ ເບີນ ເບີນ ໂອນ ແກິດ ເບີນ. <sup>18</sup> ອັບຮາຮາມ ແວັດ ປາແນ່ນ ເຕ່ອ ເບີນ ກອນ ເຈີ່, ມາ ອິນນ້ອງ ອັນ ອີງກ່ອງ ເຢີງ ເຈົາຮາຊີ ໂອນ ອັນ ເບີນ ກອນ ຣາເລົ້າ, ຍ່ອນ ເຢີງ ເຈົາຮາຊີ ເອີອ ເຈີ່ ກະ ອັນ. ນະກ້ອຍ, ອັບຮາຮາມ ແກິດ ອາວຈາຍຮ ອາເຈ່ຮ ຊາອິ່ຍ ກຮວາງ, ຍ່ອນ ເຢີງ ເຈົາຮາຊີ ເອີອ ກະ ອັນ ນະໄນ່: "ຈຸມເຈືອ ໄມ່ ອີ ແກິດ ຮິຮ ຊາອິ່ຍ, ນະ ມັນໂຕຮ ຕຶ່ງ ມັນລ້ອງ." <sup>19</sup> ອັບຮາຮາມ ເທົ້າ ລາລີ່ ເຈີ່. ອາຍຸ່ອັນ ແຈະ ອີ ເບີນ ມວຍ ຮ່ອຍ ກູມຸ່. ກະ ຊາຣາ, ລາກວຍ ອັນ, ແວັດ ປາແນ່ນ ອັນ ອາ ເມົ້າ ກອນ. ມາ ອິນນ້ອງ ອັບຮາຮາມ ຊາອໍາ ເລືອ ຍາ, ຕາ ເບີນ ແກິດ ຣາລຽນ. <sup>20</sup> ອັນ ຕາ ເບີນ ກູຄິດ ອິນເຕົ້າ ແຕ ປັຮນາຍ ເຢີງ ເຈົາຮາຊີ ເອີອ ກະ ອັນ. ມາ ອັນ ຊາອໍາ ເຮ່ງ ອາຊ້ອຮ ລາລີ່ ແອັນ. ກະ ອັນ ຍ່ອງ ທໍ ເຢີງ ເຈົາຮາຊີ. <sup>21</sup> ອັນ ດັງ ແຈງ ລາລີ່ ປາຍ ເຢີງ ເຈົາຮາຊີ ເຕ່ອ ຕະ ຣານະ ອິນເຕົ້າ ກາ ອັນ ເອີອ ເຈີ່. <sup>22</sup> ນະກ້ອຍ ເຢີງ ເຈົາຮາຊີ ນັບ ອັບຮາຮາມ ລາ ກວາຍ ຕານ້ອງ ອໍ ຢໍຮ ເມົ້າ ອັນ. <sup>23</sup> ຕຶ່ງ ປຶ່ງ ປັຮນາຍ ເຢີງ ເຈົາຮາຊີ ແຕ ອິມເບີ ເມົ້າ ຄຽນ ເຈີ່ ປາຍ:

"ເຢີງ ເຈົາຮາຊີ ນັບ ອັນ ຕານ້ອງ ອໍ, ຍ່ອນ ອັນ ຊາອໍາ."

ອັນ ກາ ຄຽນ ປັຮນາຍ ກ້ອຍ, ອັນ ຕາ ເບີນ ອາຕີ ແອິງ ແຕ ອັບຮາຮາມ ຊ້ອງ. <sup>24</sup> ມາ ອັນ ອາຕີ ແຕ ໄຮ ແຮ, ຍ່ອນ ເຢີງ ເຈົາຮາຊີ ນັບ ໄຮ ລາ ກວາຍ ຕານ້ອງ ອໍ ເຕ່, ຄັນ ໄຮ ຊາອໍາ ເຢີງ ເຈົາຮາຊີ, ອັນ ຕະ ໂອນ ເຢຊູ ອິນເຈົ້າ ໄຮ, ອາມັງ ລັຮ ແຕ ກູຈິດ. <sup>25</sup> ເຢີງ ເຈົາຮາຊີ ມ່ອບ ໂອນ ເຢຊູ ກູຈິດ ຍ່ອນ ໄລ່ ຍຮ ໄຮ. ກະ ອັນ ໂອນ ເຢຊູ ຍວຮ ອາມັງ ລັຮ ໂອນ ໄຮ ເຕ່ອ ແອິດ ຕານ້ອງ ອໍ ຢໍຮ ເມົ້າ ເຢີງ ເຈົາຮາ ຊີ.

### 5

ໄຮ ແກິດ ຕານ້ອງ ອໍ ຢໍຮ ເມົ້າ ເຢີງ ເຈົາຮາຊີ

<sup>1</sup> ເຢີງ ເຈົາຮາຊີ ໂອນ ໄຮ ແກິດ ຕານ້ອງ ອໍ ຢໍຮ ເມົ້າ ອັນ ຍ່ອນ ໄຮ ຊາອໍາ ເຢຊູ ກຮິດ. ນະກ້ອຍ ໄຮ ແອິດ ອຽນ ອໍ ກະ ເຢີງ ເຈົາຮາຊີ ຍ່ອນ ແຕ ເຢຊູ ກຮິດ, ອິນເຈົ້າ ໄຮ. <sup>2</sup> ຍ່ອນ ໄຮ ຊາອໍາ ເຢຊູ, ນະກ້ອຍ ໄຮ ເຕ່ອ ແຕ້ອ ປີ ເຢີງ ເຈົາຮາຊີ ແຊ້ອ ແຕ ອັນ ກະ ອີງກ່ອງ ອັນ ຈ່ອຍ ເມັດ ໄຮ. ກະ ໄຮ ຊ້ອງ ຮໍ່ອ ລາລີ່, ຍ່ອນ ໄຮ ອີງກ່ອງ ຕາໂງ ໄຮ ເບີ ນ ຈູງ ເຕ່ ອາງອິຮ ແຕ ເຢີງ ເຈົາຮາຊີ. <sup>3</sup> ກະ ໄຮ ຊ້ອງ ຮໍ່ອ ເຕ່ ແຕ້ອ ໄຮ ຣາມິຮ ຕຸ່ຮ ກັດ. ຍ່ອນ ໄຮ ດັງ, ຄັນ ໄຮ ຈິວ ຕຸ່ຮ ກັດ ຊານຸ່, ຣາມິຮ ກ້ອຍ ອາຣຍານ ໂອນ ໄຮ ເຮົາບ ຈິວ ຣາມິຮ ຕຸ່ຮ ກັດ ອິນ ຕຸ່ນ ແອັນ. <sup>4</sup> ຄັນ ໄຮ ເຮົາບ ຈິວ ຣາມິຮ ຕຸ່ຮ ກັດ, ຮາງິຮ ໄຮ ແກິດ ເຮ່ງ ອາຊ້ອຮ, ກະ ເຢີງ ເຈົາຮາຊີ ຊ້ອງ ຮໍ່ອ ກະ ໄຮ. ຄັນ ໄຮ ດັງ ເຢີງ ເຈົາຮາຊີ ຊ້ອງ ຮໍ່ອ ກະ ໄຮ, ເຈີ່ ໄຮ ອີງກ່ອງ ເຢີງ ເຈົາຮາຊີ ຈ່ອຍ ໄຮ. <sup>5</sup> ຄັນ ໄຮ ອີງກ່ອງ ເຢີງ ເຈົາຮາຊີ ຈ່ອຍ ໄຮ, ໄຮ ຕາ ເບີນ ຊ້ອງ ເປ່ ອິນເຕົ້າ, ຍ່ອນ ເຢີງ ເຈົາຮາ ຊີ ໂອນ ຣາເວົ້າຍ ອັນ ແອິດ ຕຶ່ງ ຮາງິຮ ໄຮ ເຈີ່. ກະ ຣາເວົ້າຍ ເຢີງ ເຈົາຮາຊີ ໂອນ ໄຮ ດັງ ປາຍ ເຢີງ ເຈົາຮາຊີ ອາໂຢະ ໄຮ.

<sup>6</sup> ໄກຮ ລາລີ່, ບັອງ ກາ ໄຮ ຕາ ເຕ່ອ ຕະ ອິນເຕົ້າ ຈ່ອຍ ອາມັງ ຈະ ໄຮ ເບີມ, ບັອງ ກາ ກ້ອຍ ແຕ້ອ ປາແນ່ນ ກາ ເຢີງ ເຈົາຮາຊີ ນັດ ດໍອ ໂອນ ເຢຊູ ກຮິດ ກູຈິດ ຕາງ ກວາຍ ໄລ່ຍຮ. <sup>7</sup> ບີ້ອ ນະ ກວາຍ ມາ ປຮ່ອມ ກູຈິດ ເຕ່ນ ເຍົ້າ, ຕາມ ເຍົ້າ ກ້ອຍ ລາ ກວາຍ ຕານ້ອງ ອໍ. ມາ ປຍາຍ ເບີນ ກວາຍ ກາ ເຮົາບ ຈິວ ກູຈິດ ຕາງ ເຍົ້າ, ຄັນ ເຍົ້າ ກ້ອຍ ກວາຍ ອໍ. <sup>8</sup> ມາ ອິນແຍະ ນະ ໄຮ ລາ ກວາຍ ໄລ່ຍຮ, ມາ ອິນນ້ອງ ເຢຊູ ກຮິດ ກູຈິດ ຕາງ ໄຮ. ຕະ ນະກ້ອຍ ເຢີງ ເຈົາຮາຊີ ອາປັຮ ອັນ ອາໂຢະ ໄຮ ຊາອິ່ຍ ລາລີ່.

9 ຍ່ອນ ເຢຊູ ກູຈິດ ຕາງ ໄຮ,\* ໄຮ ແກ້ດ ຕາມ້ອງ ອໍ ຢັຮ ເມີງ ອັນ ອໍ ຢັຮ ເມີງ ເຢີງ ເຈົ້າຮາຊີ. ນະກ້ອຍ ໄຮ ຕາ ເບີນ ອິງກ້ອຍ ນ້ອງ ເຢີງ ເຈົ້າຮາຊີ ໂຢ່ບ ກະ ໄຮ ແຕ້ອ້ ຕາໄງ ອັນ ຕະ ໂຕ້ດ ມັຮ ກວາຍ ໂລ່ຍຮ. 10 ບ້ອງ ກ້ອຍ ໄຮ ເກີ່ຍ ດໍ້ອ ມັດ ກະ ເຢີງ ເຈົ້າຮາຊີ, ມາ ຊານໍ່ ໄຮ ແກ້ດ ຮາຕອຍ ລັຮ ກະ ອັນ ຍ່ອນ ກອນ ອັນ ຈິວ ກູຈິດ ຕາງ ໄຮ. ກະ ແກ້ຍ ແຕ ກ້ອຍ ແອັນ ຍ່ອນ ໄຮ ແອັດ ຮາຕອຍ ກະ ເຢີງ ເຈົ້າຮາຊີ, ໄຮ ດັງ ອັນ ຈ່ອຍ ອາມັງ ໄຮ ຍ່ອນ ເຢຊູ ອາມັງ ລັຮ ແຕ ກູຈິດ ກະ ອາມັງ ເລືອຍໆ. 11 ມາ ແກ້ຍ ແຕ ກ້ອຍ ແອັນ, ໄຮ ແກ້ດ ຣໍ້ອ ອໍ ກະ ເຢີງ ເຈົ້າຮາຊີ ຍ່ອນ ເຢຊູ ກຮິດ, ອິນເຈົ້າ ໄຮ, ຕະ ໂອນ ໄຮ ແກ້ດ ຮາຕອຍ ລັຮ ກະ ເຢີງ ເຈົ້າຮາຊີ.

ອາດາມ ກະ ເຢຊູ ກຮິດ

12 ແຕ ຕາແບ້ ລາລີ້ ຮານະ ໂລ່ຍຮ ແຕ້ອ້ ປີ ກູ ແຕ້ອ້ ໄນ່ ຍ່ອນ ແຕ ກວາຍ ມານະ.† ກະ ຮານະ ກູ ຈິດ ແຕ້ອ້ ເຕ່ ຍ່ອນ ຮານະ ໂລ່ຍຮ ກ້ອຍ. ຮານະ ກູຈິດ ໄນ່ ປູຮ ກູ່ ຈະ ກວາຍ ປິນ ມັນລ້ອງ ກຮຸ່ ໄນ່, ຍ່ອນ ກູ່ ນະ ກວາຍ ເບີນ ໂລ່ຍຮ. 13 ອິນໂຍ່ງ ແຕ ເຢີງ ເຈົ້າຮາຊີ ໂອນ ຄານອດ ຮານາ ໂມເຊ, ຮານະ ໂລ່ຍຮ ເບີນ ເຈີ່ ຕິ່ງ ກູແຕ້ອ້ ໄນ່. ມາ ບ້ອງ ກາ ເຢີງ ເຈົ້າຮາຊີ ຕາ ຍວາຮ ໂອນ ຄານອດ ອັນ, ຕາ ແຕ້ອ້ ມັບ ປາຍ ກວາຍ ເບີນ ໂລ່ຍຮ ໂຈະ ຄານອດ ເຢີງ ເຈົ້າຮາຊີ. 14 ມາ ແຕ ແດີຍ ອາດາມ ເຕ້້າ ແຕ້ອ້ ແດີຍ ໂມເຊ, ກູ່ ນະ ກວາຍ ກູຈິດ, ກາ ໄລ່ ກາ ຕາ ເບີນ ຕະ ໂລ່ຍຮ ນະ ອາດາມ, ອັນ ກາ ຕາ ເບີນ ຊາ ງັດ ປຮນາຍ ເຢີງ ເຈົ້າຮາຊີ ປາຕັບ. ອາດາມ ໄນ່ ລາ ກັລ ໂອນ ອິນແຍ່ະ ມັຮ ກວາຍ, ມູເຈິງ ເຢຊູ, ອັນ ກາ ແຕ້ອ້ ອິນຕຸ່ນ ລາ ກັລ ໂອນ ອິນແຍ່ະ ມັຮ ກວາຍ ເຕ່.

15 ມາ ບາຮ ກັລ ໄນ່ ຕາ ເບີນ ມູເຈິງ. ມວຍ ລາ ກັລ ຮານະ ໂລ່ຍຮ, ມວຍ ລາ ກັລ ຮານະ ຈ່ອຍ ເມັດ. ກິ່ງ ກວາຍ ກູຈິດ ຍ່ອນ ອາດາມ ຕະ ໂລ່ ຍຮ. ມາ ປິດ ແກ້ຍ ແຕ ຮາມິຣ ກ້ອຍ ລາ ເຢີງ ເຈົ້າຮາຊີ ຈ່ອຍ ເມັດ ກວາຍ ຍ່ອນ ແຕ ເຢຊູ ກຮິດ. ນະກ້ອຍ ກິ່ງ ລາລີ້ ກວາຍ ແຕ້ອ້ ອາມັງ ຍ່ອນ ເຢຊູ ກຮິດ ຈ່ອຍ ເມັດ ໄລ່. 16 ເຢີງ ເຈົ້າຮາຊີ ຈ່ອຍ ເມັດ ລາ ອິມພາ ແຕ ຮານະ ໂລ່ຍຮ ອາດາມ ຕະ. ຍ່ອນ ມານະ ອາດາມ ຕະ ໂລ່ຍຮ, ນະກ້ອຍ ເຢີງ ເຈົ້າຮາຊີ ນັດ ດໍ້ອ ກູ່ ນະ ກວາຍ ອິງເຄາະ ຈິວ ກູຈິດ. ມາ ຍ່ອນ ເຢີງ ເຈົ້າຮາຊີ ຈ່ອຍ ເມັດ ໄຮ, ນະກ້ອຍ ຕາ ເບີນ ອິນເຕ້້າ ໄຮ ເບີນ ໂລ່ຍຮ ຊາ

ອິ່ຍ, ໄຮ ແຕ້ອ້ ແກ້ດ ຕາມ້ອງ ອໍ ຢັຮ ເມີງ ອັນ. 17 ຍ່ອນ ແຕ ມານະ ອາດາມ ຕະ ໂລ່ຍຮ, ນະກ້ອຍ ກູ່ ນະ ກວາຍ ອິງເຄາະ ກູຈິດ ນະ ອັນ ເຕ່. ມາ ປິດ ແກ້ຍ ແຕ ກ້ອຍ ລາ ຮານະ ເຢຊູ ກຮິດ ຕະ ຈ່ອຍ ໄຮ. ຍ່ອນ ແຕ ມານະ ເຢຊູ ກຮິດ, ເຢີງ ເຈົ້າຮາຊີ ແຕ້ອ້ ຈ່ອຍ ເມັດ ໂອນ ໄຮ ແກ້ດ ຕາມ້ອງ ອໍ ຢັຮ ເມີງ ອັນ. ກະ ໄຮ ເບີນ ອາມັງ ຕະ ຊົດ ກະ ອັນ ເຕ່.

18 ນະກ້ອຍ, ຍ່ອນ ແຕ ມວຍ ຮານະ ໂລ່ຍຮ, ເຢີງ ເຈົ້າຮາຊີ ນັດ ດໍ້ອ ກູ່ ນະ ກວາຍ ອິງເຄາະ ກູ ຈິດ. ມູເຈິງ ກ້ອຍ ເຕ່, ຍ່ອນ ແຕ ມວຍ ຮານະ ອໍ, ເຢີງ ເຈົ້າຮາຊີ ໂອນ ອິນແຍ່ະ ມັຮ ກວາຍ ແຕ້ອ້ ແກ້ດ ຕາມ້ອງ ອໍ ຢັຮ ເມີງ ອັນ, ກະ ໂອນ ໄລ່ ເບີນ ອາມັງ. 19 ຊາອິ່ຍ ນະ ກວາຍ ແກ້ດ ໂລ່ຍຮ ຍ່ອນ ແຕ ມານະ ອາດາມ ຕາ ເບີນ ຊາງັດ ເຢີງ ເຈົ້າຮາຊີ. ມູເຈິງ ກ້ອຍ ເຕ່, ຊາອິ່ຍ ນະ ກວາຍ ແຕ້ອ້ ແກ້ດ ຕາມ້ອງ ອໍ ຢັຮ ເມີງ ເຢີງ ເຈົ້າຮາຊີ, ຍ່ອນ ແຕ ມານະ ເຢຊູ ກຮິດ ຊາງັດ ເຢີງ ເຈົ້າຮາຊີ. 20 ເຢີງ ເຈົ້າຮາຊີ ໂອນ ຄານອດ ອັນ ຮານາ ໂມເຊ, ຍ່ອນ ອັນ ຢິອ ອິ ໂອນ ກວາຍ ດັງ ປາຍ ໄລ່ ເບີນ ໂລ່ຍຮ ຊາອິ່ຍ. ມາ ອິນຕຸ ແລ່ະ ເບີນ ກວາຍ ຕະ ໂລ່ຍຮ ຊາ ອິ່ຍ, ອິນຕຸ ກ້ອຍ ເຢີງ ເຈົ້າຮາຊີ ຈ່ອຍ ເມັດ ກວາ ຍ ຊາອິ່ຍ ແກ້ຍ ແຕ ຮານະ ໂລ່ຍຮ ກ້ອຍ. 21 ແຕ ອິນໂຍ່ງ, ຮາມິຣ ໂລ່ຍຮ ແກ້ດ ຊົດ ຕິ່ງ ຮາງິຣ ກວາ ຍ. ກະ ຍ່ອນ ແຕ ຮາມິຣ ໂລ່ຍຮ ກ້ອຍ, ກວາຍ ກູຈິດ. ມາ ຊານໍ່ ເຢີງ ເຈົ້າຮາຊີ ໂອນ ຮານະ ຈ່ອຍ ເມັດ ແອັນ ແກ້ດ ຊົດ ຕິ່ງ ຮາງິຣ ກວາຍ. ດໍ້ອ ໂອນ ກວາຍ ແຕ້ອ້ ເບີນ ຮາງິຣ ຕາມ້ອງ ອໍ, ກະ ເບີ ນ ອາມັງ ຊົດ ແດີຍ ຍ່ອນ ແຕ ເຢຊູ ກຮິດ, ອິນ ເຈົ້າ ໄຮ.

6

ຮານະ ໂລ່ຍຮ ຕະ ໂອນ ກວາຍ ກູຈິດ; ມາ ເຢຊູ ຕະ ໂອນ ກວາຍ ອາມັງ

1 ຄັນ ນະກ້ອຍ, ນານະ ໄຮ ອິ ປາຍ? ອໍ ມາ ຕາ ເບີນ ໄຮ ຕະ ໂລ່ຍຮ ເລືອຍໆ, ໂອນ ເຢີງ ເຈົ້າຮາຊີ ແຕ້ອ້ ຈ່ອຍ ເມັດ ໄຮ ຊາອິ່ຍ ແອັນ? 2 ຕາ ແກ້ນ ນະກ້ອຍ! ໄຮ ລາ ນະ ກູຈິດ ແຕ ຮານະ ໂລ່ຍຮ. ຄັນ ກວາຍ ກູຈິດ ເຈີ່, ໄລ່ ຕາ ແຕ້ອ້ ຕະ ໂລ່ຍຮ ນ້ອງ. 3 ນານະ ປາຍ ເຢົາ ຕາ ເບີນ ດັງ ແຕ ຮິດ ຕິ່ງ ແດີອ້? ບ້ອງ ກາ ໄຮ ຮັບ ຮິດ ຕິ່ງ ແດີອ້, ໄຮ ຕະ ໂອນ ກູ່ ນະ ດັງ ປາຍ ໄຮ ເບີນ ມວຍ ຮາງິຣ ກະ

\* 5:9 5:9 ຕິ່ງ ປຮນາຍ ກຮິກ ປາຍ: "ຍ່ອນ ອາຮາມ ອັນ."

† 5:12 5:12 ກວາຍ ມານະ ກ້ອຍ ເບີນ ຮາມິຣ ອາດາມ.

ເຢຊູ ກຣິດ. ໃນ ລາ ນະ ໄຮ ກູຈິດ ກະ ເຢຊູ ເຕ່. 4 ພໍກາ ໄຮ ຮັບ ຮິດ ຕິ່ງ ແດິ້ອ, ນະ ກ້ອຍ ນະ ໄຮ ກູຈິດ ມັນຕຸ ກະ ເຢຊູ, ກະ ນະ ເມົາ ແຕິບ ໄຮ ມັນ ຕຸ ກະ ເຢຊູ ເຕ່. ມາ ຍ່ອນ ອຳນາດ ອາງອີ້ຮ ແຕ ເຢິງ ເຈົາຣາຊີ, ອັນ ຕະ ໂອນ ເຢຊູ ອາມົ່ງ ລັຮ ແຕ ກູຈິດ. ກະ ອັນ ຕະ ມູເຈິງ ກ້ອຍ ເຕ່ ໂອນ ໄຮ ເຕ່ອ້ ອາມົ່ງ ລັຮ ຕາໄມ ແອັນ.

5 ຄັນ ໄຮ ອິມປຣ່ອມ ກູຈິດ ມັນຕຸ ກະ ເຢຊູ, ນະ ກ້ອຍ ໄຮ ເບິນ ອາມົ່ງ ລັຮ ມູເຈິງ ອັນ ອາມົ່ງ ລັຮ ເຕ່. 6 ໄຮ ດັງ ເຈິ່ ຣາງິ້ຮ ຕຍາ ໄຮ ກູຈິດ ມັນ ຕຸ ກະ ເຢຊູ ກຣິດ ຕິ່ງ ອາລ່ອງ ຊັງກັງ. ບັອງ ກາ ກ້ອຍ ເຢິງ ເຈົາຣາຊີ ອາບິດ ອິນແຍ່ະ ມັຮ ໂລ່ຍຮ ແຕ ຣາງິ້ຮ ຕຍາ; ເຈິ່ ໄຮ ຕາ ເບິນ ແກິດ ນັ່ອງ ນະ ຊູລ ຣານະ ໂລ່ຍຮ. 7 ຄັນ ກວາຍ ອາແລະ ກາ ກູ ຈິດ ເຈິ່, ນະ ກ້ອຍ ຣານະ ໂລ່ຍຮ ຕາ ເຕ່ອ້ ປັຮຕິ່ ນັ່ອງ ອັນ ຕະ ຣານະ ໂລ່ຍຮ. 8 ຄັນ ໄຮ ມາ ກູຈິດ ມັນຕຸ ກະ ເຢຊູ ກຣິດ, ນະ ກ້ອຍ ໄຮ ຊາອຳ ໄຮ ເບິ ນ ອາມົ່ງ ມັນຕຸ ກະ ອັນ ເຕ່. 9 ໄຮ ດັງ ເຈິ່ ເຢຊູ ກຣິດ ອາມົ່ງ ລັຮ ແຕ ອັນ ກູຈິດ, ກະ ອັນ ຕາ ເຕ່ອ້ ກູ ຈິດ ລັຮ. ຣານະ ກູຈິດ ຕາ ເຮົາບ ຕະ ອິນເຕົ້າ ນັ່ອງ ອັນ. 10 ເຢຊູ ກຣິດ ກູຈິດ ດໍອໍ ຈ່ອຍ ກວາຍ ໂລ່ ຍຮ ມວຍ ເຮິບ ຊ້ອງ. ເຈິ່ ຊານຸ່ ອັນ ອາມົ່ງ ລັຮ ດໍອໍ ຕະ ຣານະ ເຢິງ ຊ້ອງ. 11 ມູເຈິງ ກ້ອຍ ເຕ່, ອິງເຄາະ ເຍົາ ຄິດ ຕິ່ງ ຣາງິ້ຮ ເຍົາ ລາ ເຍົາ ນະ ກູຈິດ ແຕ ຣານະ ໂລ່ຍຮ, ຕາ ເຕ່ອ້ ຕະ ນັ່ອງ ຣານະ ໂລ່ ຍຮ. ມາ ເຍົາ ອາມົ່ງ ດໍອໍ ຕະ ຣານະ ເຢິງ ເຈົາຣາຊີ ຊ້ອງ ຍ່ອນ ແຕ ເຢຊູ ກຣິດ.

12 ອິນໂຈຍ ໂອນ ຣາມິ້ຮ ໂລ່ຍຮ ຕະ ຊົດ ນັ່ອງ ຕິ່ງ ຣາງິ້ຮ ເຍົາ. ກະ ເຍົາ ອິນໂຈຍ ຕາປູນ ນັ່ອງ ຣາງິ້ຮ ເຍົາ ເບິມ. 13 ອິນໂຈຍ ມ່ອບ ຈະ ເຍົາ ໂອນ ຕະ ຣານະ ໂລ່ຍຮ ນະ ຣາງິ້ຮ ຕາ ອໍ ເກິ່ຍ ຍິ້ອ ອິ ຕະ. ມາ ອິງເຄາະ ເຍົາ ມ່ອບ ຈະ ເຍົາ ໂອນ ເຢິງ ເຈົາຣາ ຊີ, ຍ່ອນ ເຢິງ ເຈົາຣາຊີ ໂອນ ເຍົາ ອາມົ່ງ ລັຮ ແຕ ກູຈິດ, ກະ ອັນ ຈ່ອຍ ເຍົາ ໂອນ ຕະ ຣານະ ຕານັ່ ອງ ອໍ. 14 ຣານະ ໂລ່ຍຮ ຕາ ເຕ່ອ້ ຕາລາ ນັ່ອງ ຕິ່ງ ຣາງິ້ຮ ເຍົາ, ຍ່ອນ ຄານອດ ໂມເຊ ຕາ ເບິນ ຕາລາ ນັ່ອງ ເຍົາ. ມາ ເຢິງ ເຈົາຣາຊີ ແຕ່ ຕາລາ ເຍົາ, ກະ ອັນ ຕາລາ ເຍົາ ແຕ ຣານາ ຈ່ອຍ ເມິດ.

ມູ່ ກາ ຊາອຳ ເຢຊູ ຍິ້ອ ອິ ຕະ ຕານັ່ອງ ອໍ

15 ຄັນ ນະ ກ້ອຍ, ນາມະ ໄຮ ອິ ປາຍ? ຊານຸ່ ເຢິງ ເຈົາຣາຊີ ຈ່ອຍ ເມິດ ໄຮ, ກະ ຄານອດ ໂມເຊ

ຕາ ເບິນ ຕາລາ ນັ່ອງ ໄຮ. ນະ ກ້ອຍ, ໄຮ ເຕ່ອ້ ຕະ ຣານະ ໂລ່ຍຮ ມູ່? ຕາ ເບິນ ເຕ່ອ້ ຕະ! 16 ນາມະ ເຮົາງ ປາຍ ເຍົາ ຕາ ເບິນ ດັງ, ຄັນ ເຍົາ ຕະ ຕາ ປູນ ຣານະ ແລະ, ເຍົາ ແກິດ ຊູລ ຣານະ ກ້ອຍ. ນະ ກ້ອຍ, ຄັນ ເຍົາ ຕະ ຕາປູນ ຣານະ ໂລ່ຍຮ, ເຍົາ ແກິດ ຊູລ ໂອນ ຣານະ ໂລ່ຍຮ. ເຈິ່ ເກົາ ແຕ ຣາ ນະ ກ້ອຍ ລາ ເຍົາ ກູຈິດ. ມາ ຄັນ ເຍົາ ຕະ ຕາ ປູນ ຣານະ ເຢິງ ເຈົາຣາຊີ, ເຍົາ ແກິດ ຊູລ ໂອນ ເຢິງ ເຈົາຣາຊີ. ກະ ເຢິງ ເຈົາຣາຊີ ໂອນ ເຍົາ ເບິນ ເກົາ ລາ ເຍົາ ເບິນ ແອິດ ຕານັ່ງ ອໍ ຍິ້ຮ ເມິງ ອັນ. 17 ເກົາ ຊາແອິນ ເຢິງ ເຈົາຣາຊີ! ແຕ ອິນໂຍ່ງ ເຍົາ ແກິດ ຊູລ ໂອນ ຣານະ ໂລ່ຍຮ, ມາ ຊານຸ່ ເຍົາ ຕະ ຕາປູນ ອິນແຍ່ະ ຣາງິ້ຮ ຣາແອິ ມັຮ ປັຮນາຍ ປາຍາຍ ແຕ ເຢຊູ ກຣິດ ກາ ເມົາ ອາຕິ ເຍົາ ເຈິ່. 18 ເຢິງ ເຈົາຣາຊີ ອາໂຣຍຮ ເຍົາ ແຕ ແກິດ ຊູລ ຣານະ ໂລ່ ຍຮ, ກະ ອັນ ຕະ ໂອນ ເຍົາ ແກິດ ຊູລ ຣານະ ຕານັ່ ອງ ອໍ ແອັນ. 19 ເກົາ ອາຕິ ເຍົາ ແຕ ປັຮນາຍ ຊາກຳ ໃນໂ ໂອນ ເຍົາ ດັງ ແຈງ. ແຕ ອິນໂຍ່ງ ເຍົາ ມ່ອບ ຈະ ເຍົາ ແກິດ ຊູລ ຕະ ຣານະ ຕາ ອໍ ຊ້ອງ. ນະ ກ້ອຍ ຣາງິ້ຮ ເຍົາ ແກິດ ຕາ ອໍ ລາລີ່ ແອັນ. ມາ ຊານຸ່ ອິງ ເຄາະ ເຍົາ ມ່ອບ ຈະ ເຍົາ ໂອນ ແກິດ ຊູລ ຣານະ ຕານັ່ງ ອໍ. ນະ ກ້ອຍ ຣາງິ້ຮ ເຍົາ ແກິດ ບຣັຮ ອໍ ລາລີ່ ແອັນ.

20 ບັອງ ເຍົາ ແກິດ ຊູລ ຣານະ ຕາ ອໍ, ຣານະ ຕານັ່ງ ອໍ ຕາ ເຕ່ອ້ ຕາລາ ເຍົາ. 21 ຣານະ ເຍົາ ຕາປູນ ບັອງ ກ້ອຍ ແກິດ ເກົາ ອິນເຕົ້າ? ຕາ ເບິນ ເກົາ ອໍ ອິນເຕົ້າ. ຊານຸ່ ເຍົາ ຊ້ອງ ກູມາລ ຕະ ລາລີ່ ຍ່ອນ ຣານະ ຕາ ອໍ ກ້ອຍ ເບິນ ເກົາ ໂອນ ເຍົາ ກູ ຈິດ. 22 ມາ ຊານຸ່ ເຢິງ ເຈົາຣາຊີ ອາໂຣຍຮ ເຍົາ ເຈິ່ ແຕ ຣານະ ໂລ່ຍຮ. ນະ ກ້ອຍ, ເຍົາ ແກິດ ຊູລ ເຢິງ ເຈົາຣາຊີ ແອັນ. ເກົາ ແຕ ຣານະ ກ້ອຍ ລາ ເຍົາ ເບິ ນ ຣາງິ້ຮ ບຣັຮ ອໍ ກະ ເຍົາ ເບິນ ອາມົ່ງ ຊົດ ແດິຍ. 23 ໄກຮ ລາລີ່, ເກົາ ແຕ ຣານະ ໂລ່ຍຮ ລາ ໄຮ ກູ ຈິດ. ມາ ເຢິງ ເຈົາຣາຊີ ຈ່ອຍ ເມິດ ໂອນ ໄຮ ອາ ມົ່ງ ຊົດ ແດິຍ ຍ່ອນ ແຕ ເຢຊູ ກຣິດ, ອິນເຈົາ ໄຮ.

### 7

ຊາກຳ ແຕ ລາກວຍ ກາຢາອໍ

1 ແຊມອາຍ ເອີຍ! ເຍົາ ລາ ກວາຍ ກາ ດັງ ເຈິ່ ແຕ ຄານອດ ໂມເຊ. ນະ ກ້ອຍ ເຍົາ ດັງ ອິງເຄາະ ກວາຍ ຕະ ຕາປູນ ຄານອດ ແອິງ ບັອງ ກາ ອິນນັ່ງ ອາມົ່ງ. ຄັນ ໄລ່ ກູຈິດ, ໄລ່ ຕາ ເຕ່ອ້ ຕາປູນ ນັ່ງ. 2 ເກົາ ຊາກຳ ນະ ໃນໂ: ເບິນ ມານະ ມັນແຊມ ກາ ເບິ ນ ກາຢາອໍ. ຄານອດ ປາຕັບ ລາ ອິງເຄາະ ມັນແຊມ

ກ້ອຍ ແອິດ ເລື້ອຍໆ ກະ ກາຢາອ໌ ອັນ, ເຕົ້າ ອິນ ແຍ່ະ ແດີຍ ກາຢາອ໌ ອັນ. ມາ ແວັດ ກາຢາອ໌ ອັນ ກູ ຈິດ, ມັນແຊມ ກ້ອຍ ຮາກຽຮ ເຈີ້ ແຕ ປັນນາຍ ອັນ ເອີອ໌ ແກິດ ລາກວຍ. <sup>3</sup> ນະກ້ອຍ, ຄັນ ກາຢາອ໌ ມັນແຊມ ກ້ອຍ ອິນນ້ອງ ອາມັງ, ມາ ອັນ ແອິດ ກະ ຮາເລົາ ການໍ້ອ໌, ເມົ້າ ດໍ້ອ໌ ມັນແຊມ ກ້ອຍ ລາ "ມັນແຊມ ກາ ເປາະ ປັນນາຍ ກະ ຮາເລົາ." ມາ ຄັນ ກາຢາອ໌ ອັນ ກູຈິດ ເຈີ້, ອັນ ຕາ ເບີນ ຕະ ໂລ່ຍຮ ອິນເຕົ້າ ຄັນ ອັນ ຈໍ້ອ໌ ກາຢາອ໌ ຕາໄມ. ກະ ຕາ ເບີນ ເມົ້າ ດໍ້ອ໌ ອັນ ລາ "ມັນແຊມ ກາ ເປາະ ປັນນາຍ ກະ ຮາເລົາ."

<sup>4</sup> ນະກ້ອຍ ແຊມອາຍ ເອີຍ, ເຍົາ ລາ ມູເຈິງ ກ້ອຍ ເຕ່. ຍ່ອນ ເຢຊູ ກຣິດ ກູຈິດ ກະ ອັນ ແວັດ ແຕ ຄານອດ, ນະກ້ອຍ ນະ ເຍົາ ກູຈິດ ເຕ່. ເຈີ້ ຄານອດ ໂມເຊ ຕາ ເຕ່ອ໌ ຕາລາ ນ້ອງ ເຍົາ. ມາ ເຢຊູ ກຣິດ ອາມັງ ລັຮ ແຕ ອັນ ກູຈິດ. ນະກ້ອຍ, ອໍ ໂອນ ເຍົາ ແກິດ ມວຍ ຮາກຽຮ ກະ ອັນ, ໂອນ ເຍົາ ເຕ່ອ໌ ຕະ ຮານະ ອໍ ແຕ ເຢິງ ເຈົ້າຮາຊີ. <sup>5</sup> ບ້ອງ ກາ ໄຮ ຕາ ຢວາຮ ຊາອໍາ, ໄຮ ຕາປູນ ຮາກຽຮ ໄຮ ເບີມ. ນະກ້ອຍ ຄານອດ ໂມເຊ ຕະ ໂອນ ຮາກຽຮ ໄຮ ຄິດ ອີ ຕະ ຮານະ ໂລ່ຍຮ ຊາອິ້ຍ ລາລີ້ ແອັນ. ພໍກາ ໄຮ ຕະ ຮານະ ກ້ອຍ, ໄຮ ເບີນ ເກົາ ລາ ໄຮ ກູຈິດ. <sup>6</sup> ມາ ຊານໍ້ ຄານອດ ໂມເຊ ຕາ ເຕ່ອ໌ ໂກບ ດໍ້ອ໌ ນ້ອງ ໄຮ, ຍ່ອນ ໄຮ ນະ ກູຈິດ ເຈີ້. ນະກ້ອຍ ໄຮ ຕາ ເບີນ ຕະ ນ້ອງ ຮານະ ຕຍາ ຕາປູນ ຄານອດ ນະ ເມົ້າ ຄຽນ ເຈີ້. ມາ ຊານໍ້ ໄຮ ຕະ ຮານະ ຕາໄມ ແອັນ ຍ່ອນ ຮາ ເວົ້າຍ ເຢິງ ເຈົ້າຮາຊີ ໂອນ ໄຮ ເບີນ ຮາກຽຮ ຕາໄມ.

ຮານະ ໂລ່ຍຮ ລໍ່ອຮ ແຕ ຄານອດ ບໍ່?  
<sup>7</sup> ຄັນ ນະກ້ອຍ, ນານະ ໄຮ ອີ ປາຍ? ໄຮ ອີ ປາຍ ຄານອດ ໂມເຊ ລາ ໂລ່ຍຮ ບໍ່? ຕາ ແກິນ ນະກ້ອຍ! ມາ ຄານອດ ກ້ອຍ ອາປັຮ ໂອນ ໄຮ ດັງ ຮານະ ໂລ່ຍຮ ລາ ອິນເຕົ້າ. ໄກຮ ລາລີ້ ເກົາ ຕາ ເບີນ ດັງ ເກົາ ຕະ ໂລ່ຍຮ ຢິອ໌ ອີ ເບີນ ແກຣິງ ເມົ້າ, ຄັນ ຄານອດ ຕາ ເບີນ ປາຍ ນະໄປ່: "ເຍົາ ອິນໂຈຍ ຢິອ໌ ອີ ເບີນ ແກຣິງ ເມົ້າ."

<sup>8</sup> ມາ ແຕ່ອ໌ ປັນນາຍ ປາຕັບ ກ້ອຍ ອາປັຮ ໂອນ ເກົາ ດັງ ເກົາ ຕະ ໂລ່ຍຮ ຢິອ໌ ອີ ເບີນ ແກຣິງ ເມົ້າ, ເຈີ້ ຮາກຽຮ ເກົາ ແກິດ ຢິອ໌ ອີ ເບີນ ຊາອິ້ຍ ລາລີ້ ແອັນ. ມາ ຄັນ ເກົາ ຕາ ເບີນ ດັງ ແຕ ຄານອດ ເຢິງ ເຈົ້າຮາຊີ, ຮານະ ໂລ່ຍຮ ແກິດ ຕາ ເບີນ ເຮ່ງ ມາແລ່ະ. <sup>9</sup> ແຕ ອິນໂຍ່ງ ເກົາ ຕາ ຢວາຮ ດັງ ຄານອດ ແຕ ເຢິງ ເຈົ້າຮາຊີ, ນະກ້ອຍ ເກົາ ຄິດ ຮາກຽຮ ເກົາ ລາ ອໍ. ມາ ແຕ່ອ໌ ຕາໄງ ເກົາ ດັງ ປັນນາຍ ປາຕັບ ແຕ

ເຢິງ ເຈົ້າຮາຊີ, ຕາໄງ ກ້ອຍ ເກົາ ດັງ ຮາກຽຮ ເກົາ ໂລ່ຍຮ ລາລີ້, <sup>10</sup> ເຈີ້ ເກົາ ລາ ນະ ກວາຍ ກູຈິດ. ເຢິງ ເຈົ້າຮາຊີ ໂອນ ປັນນາຍ ປາຕັບ ກ້ອຍ ຍ່ອນ ອັນ ຢິອ໌ ອີ ໂອນ ກວາຍ ເຕ່ອ໌ ອາມັງ. ມາ ພໍກາ ເກົາ ດັງ ແຕ ປັນນາຍ ປາຕັບ ກ້ອຍ, ນະກ້ອຍ ເກົາ ດັງ ເກົາ ອິງເຄາະ ຈິວ ກູຈິດ ຍ່ອນ ເກົາ ຕາ ເບີນ ຕະ ຕາປູນ ປັນນາຍ ກ້ອຍ. <sup>11</sup> ຮານະ ໂລ່ຍຮ ຕິ່ງ ຮາກຽຮ ເກົາ ອາໂລກ ໂອນ ເກົາ ຕາ ເບີນ ຕະ ຕາປູນ ປັນນາຍ ປາຕັບ ແຕ ເຢິງ ເຈົ້າຮາຊີ. ນະກ້ອຍ, ຮານະ ໂລ່ຍຮ ໄມ່ ກາຈິດ ເກົາ.

<sup>12</sup> ໄກຮ ລາລີ້ ຄານອດ ແຕ ເຢິງ ເຈົ້າຮາຊີ ລາ ອໍ. ກະ ມັຮ ປັນນາຍ ເຢິງ ເຈົ້າຮາຊີ ປາຕັບ ລາ ບຣັຮ ອໍ ກະ ຕານ້ອງ ອໍ ອິນແຍ່ະ. <sup>13</sup> ຄັນ ນະກ້ອຍ, ຮາມິຣ ອໍ ໄມ່ ຕະ ໂອນ ເກົາ ກູຈິດ ບໍ່? ຕາ ແກິນ ນະກ້ອຍ! ແອິງ ຮານະ ໂລ່ຍຮ ແຕ່ ຕະ ໂອນ ເກົາ ກູຈິດ. ມາ ປັນນາຍ ປາຕັບ ແຕ ເຢິງ ເຈົ້າຮາຊີ ອາປັຮ ໂລ່ຍຮ ເກົາ. ນະກ້ອຍ ປັນນາຍ ປາຕັບ ກ້ອຍ ລາ ອໍ, ກະ ປັນນາຍ ກ້ອຍ ອາປັຮ ໂລ່ຍຮ ເກົາ ລາ ຕາ ອໍ ລາລີ້.

ກວາຍ ກາ ເບີນ ບາຮ ຮາກຽຮ

<sup>14</sup> ໄຮ ດັງ ເຈີ້ ປາຍ ຄານອດ ແຕ່ອ໌ ແຕ ຮາເວົ້າຍ ເຢິງ ເຈົ້າຮາຊີ. ມາ ເກົາ ລາ ກວາຍ ເມິດ ກາ ເຕ່ອ໌ ກູຈິດ, ກະ ແຕ ອິນໂຍ່ງ ເກົາ ມ່ອບ ຈະ ເກົາ ໂອນ ແກິດ ຊູລ ຮານະ ໂລ່ຍຮ. <sup>15</sup> ເກົາ ຈິດ ລາລີ້, ແຕ ມັຮ ຮານະ ເກົາ ຕະ ຕາ ດັງ ນານະ ເກົາ ມາ ຕະ ນະກ້ອຍ. ມັຮ ຮານະ ອໍ ເກົາ ຢິອ໌ ອີ ຕະ, ແກິດ ເກົາ ຕາ ເບີນ ຕະ ຮານະ ກ້ອຍ. ມາ ມັຮ ຮານະ ຕາ ອໍ ເກົາ ຕາ ແອອ໌ ອີ ຕະ, ແກິດ ເກົາ ຕະ ຮານະ ກ້ອຍ. <sup>16</sup> ຄັນ ເກົາ ຕາ ແອອ໌ ອີ ຕະ ຮານະ ຕາ ອໍ, ມາ ອິນນ້ອງ ເກົາ ຕະ ຮານະ ກ້ອຍ, ຮາກຽຮ ເກົາ ຈິນ ຄານອດ ແຕ ເຢິງ ເຈົ້າຮາຊີ ລາ ປາຍ. <sup>17</sup> ນະກ້ອຍ ຮາກຽຮ ເກົາ ເບີມ ຕາ ແອອ໌ ອີ ຕະ ຮານະ ຕາ ອໍ, ມາ ເບີນ ຮາມິຣ ໂລ່ຍຮ ຕິ່ງ ຮາກຽຮ ເກົາ ເບີມ ກາ ຕະ ຮານະ ຕາ ອໍ. <sup>18</sup> ເກົາ ດັງ ເຈີ້ ຕາ ເບີນ ມວຍ ຮາມິຣ ອໍ ອິນເຕົ້າ ແອິດ ຕິ່ງ ຮາກຽຮ ເກົາ, ຄັນ ຕາປູນ ຮາກຽຮ ເກົາ ເບີມ. ຕາມ ຮາກຽຮ ເກົາ ຄິດ ອີ ຕະ ອໍ, ມາ ເກົາ ຕາ ເຮົາບ ຕະ ອໍ ນ້ອງ. <sup>19</sup> ມັຮ ຮານະ ອໍ ເກົາ ຢິອ໌ ອີ ຕະ, ແກິດ ເກົາ ຕາ ເບີນ ຕະ. ມາ ມັຮ ຮານະ ຕາ ອໍ ເກົາ ຕາ ແອອ໌ ອີ ຕະ, ແກິດ ເກົາ ຕະ. <sup>20</sup> ຄັນ ເກົາ ຕະ ມັຮ ຮານະ ເກົາ ຕາ ແອອ໌ ອີ ຕະ, ໄມ່ ລາ ຕາ ແກິນ ເກົາ ເບີມ ກາ ຕະ ນະກ້ອຍ, ມາ ຮານະ ໂລ່ຍຮ ກາ ແອິດ ຕິ່ງ ຮາກຽຮ ເກົາ ກາ ຕະ ນະກ້ອຍ.

<sup>21</sup> ເຮົາ ປາຍ ເກົາ ເບີນ ບາຮ ຮາກຽຮ. ແຕ່ອ໌ ເກົາ ຊ້ອງ ຢິອ໌ ອີ ຕະ ຮານະ ອໍ, ແກິດ ແກ້ ໂອນ ເກົາ ຕະ

ຮານະ ຕາ ອໍ ແອ້ມ. <sup>22</sup> ຮາງື່ຮ ເກົາ ຢໍຮໍ ລາລີ້ ຕາ ປູ່ນ ຄານອດ ເຢີງ ເຈົາຮາຊີ. <sup>23</sup> ມາ ນະ ປາຍ ເບີ ນ ບາຮ ຮາງື່ຮ ຮາຊື່ ຕຶ່ງ ຈະ ເກົາ. ເກົາ ຄິ້ດ ຢໍຮໍ ອີ ຕະ ຮານະ ອໍ. ມາ ຈະ ເກົາ ລາ ແກ້ດ ຊູລ ຮານະ ຕາ ອໍ. <sup>24</sup> ເອີຍ໌! ບາບ ລາລີ້ ເກົາ! ເມົ້າ ກາ ເຮົາບ ຈ່ອຍ ເກົາ ໂອນ ຮາກຸ້ຮ ແຕ່ ຮານະ ຕາ ອໍ ໄມ່ ກາ ຢໍຮໍ ອີ ກາຈິດ ເກົາ? <sup>25</sup> ເກົາ ຊາເອີນ ເຢີງ ເຈົາຮາ ຊີ ຍ່ອນ ເຢຊູ ກຣິດ, ອິນເຈົ້າ ໄຮ, ເຮົາບ ຈ່ອຍ ເກົາ ນະກ້ອຍ!

ຄັນ ຕາ ເບີນ ເຢຊູ ກຣິດ ຈ່ອຍ, ເກົາ ລາ ນະໄມ່: ຮາງື່ຮ ເກົາ ຢໍຮໍ ອີ ຕາປູ່ນ ຄານອດ ເຢີງ ເຈົາຮາຊີ, ມາ ຈະ ເກົາ ອິນນ້ອງ ອີ ຕາປູ່ນ ຮານະ ໄລ່ຍຮ.

### 8

ຮາເວີຍ ເຢີງ ເຈົາຮາຊີ ແອັດ ກະ ໄຮ

<sup>1</sup> ຊານໍ່, ມັຮ ກວາຍ ກາ ແອັດ ມວຍ ຮາງື່ຮ ກະ ເຢຊູ ກຣິດ, ເຢີງ ເຈົາຮາຊີ ຕາ ເບີນ ນັບ ນ້ອງ ກວາຍ ກ້ອຍ ລາ ກວາຍ ໄລ່ຍຮ. <sup>2</sup> ຄັນ ຕາປູ່ນ ຮານະ ໄລ່ຍຮ, ໄຮ ອິງເຄາະ ກູຈິດ. ມາ ຍ່ອນ ໄຮ ແອັດ ມວຍ ຮາງື່ຮ ກະ ເຢຊູ ກຣິດ, ຮາເວີຍ ເຢີງ ເຈົາຮາຊີ ລາ ຮາເວີຍ ກາ ໂອນ ກວາຍ ອາມັງ, ອາກຸ້ຮ ແຕ່ ອິງເຄາະ ໄຮ ກູຈິດ ຍ່ອນ ໄຮ ຕະ ໄລ່ຍຮ. <sup>3</sup> ນະກ້ອຍ ຄານອດ ເຢີງ ເຈົາຮາຊີ ຕາ ແຕ່ຮໍ ຈ່ອຍ ອາມັງ ກວາຍ, ຍ່ອນ ຈະ ໄຮ ຢໍຮໍ ອີ ຕະ ຮານະ ໄລ່ ຍຮ ເລືອຍໆ ກະ ຕາ ເຮົາບ ຕະ ຕາປູ່ນ ຄານອດ ກ້ອຍ ກຣັກ ລາລີ້. ມາ ເຢີງ ເຈົາຮາຊີ ໂອນ ກອນ ອັນ ແຊງ ແຕ້ຮໍ ປໍ ກູແຕຣ໌ ໄມ່. ກອນ ກ້ອຍ ເບີນ ຈະ ມູເຈິງ ກວາຍ ແຕ່, ມາ ອັນ ຕາ ເບີນ ຕະ ຮານະ ໄລ່ຍຮ ອິນເຕົ້າ. ເຢີງ ເຈົາຮາຊີ ໂອນ ກອນ ອັນ ຈິວ ກູຈິດ ຕາງ ມັຮ ກວາຍ ໄລ່ຍຮ, ໂອນ ຮານະ ໄລ່ ຍຮ ຕາ ແຕ່ຮໍ ຕະ ຊົດ ນ້ອງ ຕຶ່ງ ຮາງື່ຮ ໄຮ. <sup>4</sup> ອັນ ຕະ ນະກ້ອຍ ໂອນ ໄຮ ແຕ່ຮໍ ຕະ ຮານະ ຕານ້ອງ ອໍ ຕາປູ່ນ ຄານອດ ເຢີງ ເຈົາຮາຊີ. ໄຮ ລາ ກວາຍ ກາ ຕາປູ່ນ ຮາງື່ຮ ຮາເວີຍ ເຢີງ ເຈົາຮາຊີ ຊ້ອງ, ຕາ ເບີນ ຕາປູ່ນ ຮາງື່ຮ ໄຮ ເບີມ. <sup>5</sup> ມັຮ ກວາຍ ກາ ຕາ ປູ່ນ ຮາງື່ຮ ໄລ່ ເບີມ, ໄລ່ ກ້ອຍ ຄິ້ດ ແຕ່ ຮານະ ຕຶ່ງ ແດັຍ ຊ້ອງ. ມາ ມັຮ ກວາຍ ກາ ຕາປູ່ນ ຮາງື່ຮ ຮາ ເວີຍ ເຢີງ ເຈົາຮາຊີ, ໄລ່ ກ້ອຍ ຄິ້ດ ອີ ຕະ ຮານະ ໂອນ ຮໍຮໍ ຮາງື່ຮ ຮາເວີຍ ເຢີງ ເຈົາຮາຊີ. <sup>6</sup> ມັຮ ກວາຍ ກາ ຕະ ຮານະ ຕາປູ່ນ ຮາງື່ຮ ໄລ່ ຊ້ອງ ຢໍຮໍ, ຮານະ ໄລ່ ຕະ ແກ້ດ ເກົາ ລາ ໄລ່ ກູຈິດ. ມາ ມັຮ ກວາຍ ກາ ຕະ ຮານະ ຕາປູ່ນ ຮາງື່ຮ ຮາເວີຍ ເຢີງ

ເຈົາຮາຊີ, ຮານະ ໄລ່ ຕະ ແກ້ດ ເກົາ ໄລ່ ເບີນ ອາມັງ ເລືອຍໆ ກະ ໄລ່ ແອັດ ອຽນ ອໍ ກະ ເຢີງ ເຈົາຮາຊີ. <sup>7</sup> ຄັນ ໄຮ ຕາປູ່ນ ຮາງື່ຮ ໄຮ ເບີມ, ລາ ໄຮ ອວານ ກະ ເຢີງ ເຈົາຮາຊີ, ກະ ໄຮ ຕາ ແອຮໍ ອີ ຕາປູ່ນ ຄານອດ ເຢີງ ເຈົາຮາຊີ. ຕາມ ໄຮ ຢໍຮໍ, ລາ ໄຮ ຕາ ເຮົາບ ຕາປູ່ນ ຄານອດ ອັນ. <sup>8</sup> ນະກ້ອຍ, ມັຮ ກວາຍ ກາ ຕາປູ່ນ ຮາງື່ຮ ໄລ່ ເບີມ, ໄລ່ ຕາ ແຕ່ຮໍ ຕະ ຮໍຮໍ ຮາງື່ຮ ເຢີງ ເຈົາຮາຊີ.

<sup>9</sup> ມາ ເຍົາ ເບີນ ຮາເວີຍ ເຢີງ ເຈົາຮາຊີ ແອັດ ຕຶ່ງ ຮາງື່ຮ ເຍົາ. ນະກ້ອຍ ເຍົາ ຕາ ເບີນ ຕາປູ່ນ ນ້ອງ ຮາງື່ຮ ເຍົາ ເບີມ, ມາ ເຍົາ ຕາປູ່ນ ຮາງື່ຮ ຮາ ເວີຍ ເຢີງ ເຈົາຮາຊີ. ກວາຍ ອາແລະ ມາ ຕາ ເບີນ ເບີນ ຮາເວີຍ ເຢີງ ເຈົາຮາຊີ ແອັດ ຕຶ່ງ ຮາງື່ຮ ອັນ, ກວາຍ ກ້ອຍ ຕາ ເບີນ ມວຍ ຮາງື່ຮ ກະ ເຢຊູ ກຣິດ. <sup>10</sup> ຈະ ໄຮ ອິງເຄາະ ກູຈິດ ຍ່ອນ ຮານະ ໄລ່ ຍຮ. ມາ ຄັນ ເຢຊູ ກຣິດ ແອັດ ຕຶ່ງ ຮາງື່ຮ ໄຮ, ນະກ້ອຍ ຮາເວີຍ ໄຮ ແອັດ ອາມັງ ຊົດ ແດັຍ, ຍ່ອນ ເຢີງ ເຈົາຮາຊີ ນັບ ໄຮ ລາ ກວາຍ ຕານ້ອງ ອໍ. <sup>11</sup> ເຢີງ ເຈົາຮາຊີ ໂອນ ເຢຊູ ອາມັງ ລັຮ ແຕ່ ກູຈິດ ເຈົ້. ນະກ້ອຍ ຄັນ ເຍົາ ເບີນ ຮາເວີຍ ເຢີງ ເຈົາຮາຊີ ແອັດ ຕຶ່ງ ຮາງື່ຮ ເຍົາ, ປັຮແນີ ມັນເຕຣີ ເຢີງ ເຈົາຮາຊີ ຕະ ໂອນ ຈະ ເຍົາ ອາມັງ ລັຮ ແຕ່ ກູ ຈິດ ແຕ່. ອັນ ຕະ ນະກ້ອຍ ລາ ຍ່ອນ ແຕ່ ຮາເວີຍ ອັນ ກາ ແອັດ ກະ ເຍົາ.

<sup>12</sup> ນະກ້ອຍ, ແຊມອາຍ ເອີຍ, ໄຮ ຕາ ເບີນ ຕູ່ ນ້ອງ ແຕ່ ຮານະ ຕຍາ. ໄຮ ຕາ ເບີນ ຕາປູ່ນ ນ້ອງ ຮາງື່ຮ ໄຮ ເບີມ. <sup>13</sup> ໄກຮ ລາລີ້ ຄັນ ເຍົາ ຕາປູ່ນ ຮາງື່ຮ ເຍົາ ເບີມ, ເຍົາ ກູຈິດ. ມາ ຄັນ ເຍົາ ກາ ຈິດ ຮານະ ໄລ່ຍຮ ແຕ່ ຮາງື່ຮ ເຍົາ ເບີມ, ຍ່ອນ ຮາເວີຍ ເຢີງ ເຈົາຮາຊີ ຈ່ອຍ ເຍົາ ຕະ ນະກ້ອຍ, ເຍົາ ເບີນ ອາມັງ. <sup>14</sup> ອິນແຍະ ກວາຍ ກາ ຕາປູ່ນ ຮາງື່ຮ ຮາເວີຍ ເຢີງ ເຈົາຮາຊີ, ໄລ່ ກ້ອຍ ລາ ກອນ ອາໄກ ເຢີງ ເຈົາຮາຊີ. <sup>15</sup> ພໍກາ ເຍົາ ເບີນ ຮາເວີຍ ເຢີງ ເຈົາຮາຊີ ຕຶ່ງ ຮາງື່ຮ ເຍົາ, ເຍົາ ແກ້ດ ມາຮ ກອນ ອາໄກ ເຢີງ ເຈົາຮາຊີ; ເຍົາ ຕາ ເບີນ ນ້ອງ ນະ ກວາຍ ຊູລ. ເຈົ້ ເຍົາ ຕາ ເບີນ ອິງກ້ອຮ ນ້ອງ ນະ ກວາຍ ຊູລ ເກີ້ຍ ອິງກ້ອຮ. ຍ່ອນ ໄຮ ເບີນ ຮາເວີຍ ເຢີງ ເຈົາຮາຊີ, ນະກ້ອຍ ແຕ່ຮໍ ໄຮ ກູຮ ເຢີງ ເຈົາຮາຊີ ປາຍ: "ອັບບາ ເອີຍ! (ແຕ່ລາ ອິ້ມ ປໍ່ ເອີຍ!)"\* <sup>16</sup> ຮາເວີຍ ເຢີງ ເຈົາຮາຊີ ແຕ້ ຈ່ອຍ ໂອນ ຮາງື່ຮ ໄຮ ດັງ ກຣັກ ລາລີ້ ໄຮ ລາ ກອນ ອາ ໄກ ເຢີງ ເຈົາຮາຊີ. <sup>17</sup> ຄັນ ໄຮ ລາ ກອນ ອາໄກ

\* 8:15 8:15 ຕຶ່ງ ປັຮນາຍ ໄບໂລ ຕະ ອິນຕີ ອັນ ດໍຮໍ 'ອິມປໍ' ລາ 'ອັບບາ.'

ເຢີງ ເຈົ້າຮາຊີ, ໄຮ ອີງກ່ອງ ເບີນ ຕາລາ ເຕ່ ມູ່ນ ອັນ ມັນຕຸ ກະ ເຢຊູ ກຣິດ. ກະ ຄັນ ໄຮ ຈິວ ຕຸ່ຮ ກັດ ມັນຕຸ ກະ ເຢຊູ, ປັຣເນີ ມັນເຕຣີ ໄຮ ເບີນ ແອິດ ອຽນ ອໍ ກະ ອັນ ຕຶ່ງ ອິນຕຸ ອາງອີ່ຮ ເຕ່.

ມັຮ ກອນ ອາໄກ ເຢີງ ເຈົ້າຮາຊີ ເກຣະ ຣາມິ່ ຮ ກາ ຕາ ຢວາຣ ແຕ່ອ້

18 ເກົາ ຄິດ ນະໄມ່: ຕາ ເບີນ ອິນເຕົ້າ ໄຮ ຈິວ ຣາມິ່ຮ ຕຸ່ຮ ກັດ ຊານໍ່, ຍ່ອນ ປັຣເນີ ມັນເຕຣີ ໄຮ ເບີນ ຣາມິ່ຮ ອາງອີ່ຮ ລາລີ່. ຕາໄງ ກ້ອຍ ເຢີງ ເຈົ້າຮາຊີ ໂອນ ໄຮ ແອິດ ກະ ອັນ, ເບີນ ອໍານາດ ອາງອີ່ຮ ມັນຕຸ ກະ ອັນ ເຕ່. 19 ເຢີງ ເຈົ້າຮາຊີ ແຕງ ເຈີ່ ກູ່ ຣາມິ່ຮ ຕຶ່ງ ປິ່ນ ກະ ຕຶ່ງ ແປັງ. ມັຮ ຣາມິ່ຮ ກ້ອຍ ອອຍາຣ ອູໂອອໍ ອີງກ່ອງ ຕາໄງ ເຢີງ ເຈົ້າຮາຊີ ອາປັຣ ອິນແຍ່ະ ມັຮ ກອນ ອາໄກ ອັນ. 20 ອິນແຍ່ະ ມັຮ ຣາມິ່ຮ ເຢີງ ເຈົ້າຮາຊີ ແຕງ ລາ ຕາ ເບີນ ແກິດ ອໍ ຢວາຣ, ຍ່ອນ ເຢີງ ເຈົ້າຮາຊີ ນັດ ດໍອໍ ມັຮ ຣາມິ່ຮ ກ້ອຍ ອີງເຄາະ ອີງກ່ອງ ຕາ ໄງ ກ້ອຍ ເຕ່. 21 ຊານໍ່ ມັຮ ຣາມິ່ຮ ໄມ່ ອີງເຄາະ ກູ ຈິດ ກະ ລາບວຍ໌. ມາ ແຕ່ອ້ ຕາໄງ ອິນແຍ່ະ ກອນ ອາໄກ ເຢີງ ເຈົ້າຮາຊີ ເບີນ ອໍານາດ ອາງອີ່ຮ ມັນ ຕຸ ກະ ອັນ, ກູ່ ຣາມິ່ຮ ມັຮ ກາ ເຢີງ ເຈົ້າຮາຊີ ແຕງ ເຈີ່ ແກິດ ອໍ ແອັນ ເຕ່. ມັຮ ຣາມິ່ຮ ກ້ອຍ ຕາ ເບີ ນ ກູຈິດ ກະ ລາບວຍ໌ ນ້ອງ. 22 ໄຮ ດັງ ເຕ່, ກູ່ ຣາມິ່ຮ ຕຶ່ງ ມັນລ່ອງ ກະ ຕຶ່ງ ກູແຕອ້ ຣາມິ່ຮ ຕຸ່ຮ ແຕ ອິມແບີ ອາໄຮ່ ເຕົ້າ ຊານໍ່. ມັຮ ຣາມິ່ຮ ກ້ອຍ ລາ ນະ ມັນແຊມ ກາ ຊາຊິຣ ບັອງ ກາ ອັນ ຣັຮ ກອນ. 23 ໄຮ ລາ ຊາຊິຣ ມູເຈີງ ກ້ອຍ ເຕ່, ຍ່ອນ ໄຮ ອີງກ່ອງ ຕາໄງ ກາ ເຢີງ ເຈົ້າຮາຊີ ອີ ຣັບ ໄຮ ໂອນ ແກິດ ກອນ ອາໄກ ອັນ. ເຢີງ ເຈົ້າຮາຊີ ໂອນ ຣາເວີຍ ອັນ ແອິດ ຕຶ່ງ ຣາງິ່ຮ ໄຮ ເຈີ່ ໂອນ ໄຮ ດັງ ກູຣັກ ລາລີ່ ປັຣເນີ ມັນເຕຣີ ໄຮ ເບີນ ຈະ ຕາ ໄມ ແອັນ. 24 ບັອງ ກາ ເຢີງ ເຈົ້າຮາຊີ ຈ່ອຍ ອາ ມັ່ງ ໄຮ, ອັນ ເອີອໍ ໂອນ ໄຮ ເບີນ ຈະ ຕາໄມ ແອັນ. ນະກ້ອຍ ໄຮ ອິນນ້ອງ ອີງກ່ອງ ຣາມິ່ຮ ກ້ອຍ. ຄັນ ໄຮ ເບີນ ເຈີ່ ຣາມິ່ຮ ກາ ໄຮ ອີງກ່ອງ, ໄຮ ຕາ ເບີນ ຕຸ່ຮ ອີງກ່ອງ ນ້ອງ. ນານະ ໄຮ ອິນນ້ອງ ອີງກ່ອງ ຣາມິ່ຮ ກາ ໄຮ ເບີນ ເຈີ່? 25 ມາ ຊານໍ່ ໄຮ ຕາ ຢ ວາຣ ເບີນ ຣາມິ່ຮ ກາ ເຢີງ ເຈົ້າຮາຊີ ເອີອໍ ອີ ໂອນ ໄຮ. ນະກ້ອຍ ໄຮ ເກຣະ ຈິວ ຊ້ອງ, ກະ ໄຮ ອີ ງກ່ອງ ປັຣເນີ ມັນເຕຣີ ໄຮ ເບີນ ຣາມິ່ຮ ກ້ອຍ.

26 ກະ ຣາເວີຍ ເຢີງ ເຈົ້າຮາຊີ ຢິອໍ ອີ ຈ່ອຍ ໄຮ, ຍ່ອນ ໄຮ ລາ ອຽວ ລາລີ່, ຕາ ດັງ ນານະ ອີ

ເກົາແຊອໍ ແຕ ເຢີງ ເຈົ້າຮາຊີ. ບັອງ ກາ ໄຮ ເກົາ, ຣາເວີຍ ເຢີງ ເຈົ້າຮາຊີ ແຕ່ ເດີງ ລັຮ ປັຣນາຍ ໄຮ ອີ ເກົາແຊອໍ ກ້ອຍ ອາແຕ່ອ້ ປີ ເຢີງ ເຈົ້າຮາຊີ. ອັນ ເກົາ ກູໂກຍ໌ ແກຼຍ ແຕ ປັຣນາຍ ກວາຍ ເຕ່ອ້ ປາຍ.

27 ເຢີງ ເຈົ້າຮາຊີ ດັງ ກູ່ ຣາມິ່ຮ ຕຶ່ງ ຣາງິ່ຮ ກວາຍ. ກະ ອັນ ດັງ ເຕ່ ຣາເວີຍ ເຢີງ ເຈົ້າຮາຊີ ເກົາແຊອໍ ອິນເຕົ້າ ຕາງ ກວາຍ ຊາອໍ. ຣາເວີຍ ເຢີງ ເຈົ້າຮາ ຊີ ເກົາແຊອໍ ນະກ້ອຍ, ອັນ ຕາປູ່ນ ປຍາຍ໌ ລາລີ່ ຣາງິ່ຮ ເຢີງ ເຈົ້າຮາຊີ.

28 ໄຮ ດັງ ເຈີ່, ເຢີງ ເຈົ້າຮາຊີ ຕະ ໂອນ ແກິດ ອໍ ແຕ ກູ່ ຣາມິ່ຮ ອິນເຕົ້າ ກາ ແຕ່ອ້ ປີ ມັຮ ກວາຍ ກາ ອາໂຢະ ອັນ, ກະ ມັຮ ກວາຍ ກາ ເຢີງ ເຈົ້າຮາຊີ ກູອໍ ໂອນ ປວາຍ ຣາງິ່ຮ ອັນ. 29 ແຕ ຕາແບີ ລາລີ່ ເຢີງ ເຈົ້າຮາຊີ ດັງ ໄຮ ເຈີ່, ກະ ອັນ ນັດ ດໍອໍ ອີ ຕະ ໂອນ ໄຮ ແກິດ ນະ ກອນ ອັນ ເຕ່. ນະກ້ອຍ ເຢຊູ ກຣິດ ລາ ນະ ກອນ ກັລ ເຢີງ ເຈົ້າຮາຊີ, ກະ ໄຮ ກາ ແຕ່ອ້ ອິນຕູ່ນ ລາ ນະ ອາແອມ ເຢຊູ. 30 ເຢີງ ເຈົ້າຮາຊີ ນັດ ດໍອໍ ອີ ຕະ ຣານະ ໄມ່ ໂອນ ກວາຍ ແຕ ອິມແບີ ເຈີ່. ມັຮ ກວາຍ ກາ ອັນ ນັດ ດໍອໍ, ເຈີ່ ອັນ ກູອໍ; ມັຮ ກວາຍ ກາ ອັນ ກູອໍ, ອັນ ຕະ ໂອນ ແກິດ ຕານໍ່ ອງ ຍິ່ຮ ເມີງ ອັນ. ມັຮ ກວາຍ ກາ ອັນ ຕະ ໂອນ ແກິດ ຕານໍ່ອງ ອໍ ຍິ່ຮ ເມີງ ອັນ, ອັນ ໂອນ ໄລ່ ເບີ ນ ແອິດ ກະ ອັນ, ເບີນ ອໍານາດ ອາງອີ່ຮ ມັນຕຸ ກະ ອັນ ເຕ່.

ເຢີງ ເຈົ້າຮາຊີ ອາໂຢະ ໄຮ ຊາອິ່ຍ ລາລີ່  
31 ນານະ ໄຮ ອີ ປາຍ ແຕ ຣານະ ໄມ່? ຄັນ ເຢີງ ເຈົ້າຮາຊີ ແອິດ ຍິ່ຮ ໄຮ ນະກ້ອຍ, ຕາ ເບີນ ເມົາ ເຕ່ອ້ ຕະ ອິນເຕົ້າ ໂຈະ ໄຮ. 32 ເຢີງ ເຈົ້າຮາ ຊີ ໂອນ ກອນ ອັນ ກູຈິດ ຕາງ ໄຮ ເຈີ່. ຄັນ ອັນ ມາ ຈ່ອຍ ໄຮ ນະກ້ອຍ, ໄຮ ດັງ ອັນ ຈ່ອຍ ເຕ່ ມັຮ ຣາມິ່ຮ ກາ ໄຮ ຢິອໍ ອີ ເບີນ ໂອນ ໄຮ ເຕ່ອ້ ຕະ ຣາ ນະ ອັນ. 33 ຕາ ເບີນ ເມົາ ເຕ່ອ້ ປັອງ ໄຮ ກາ ເຢີງ ເຈົ້າຮາຊີ ຣຽຮ ເຈີ່, ຍ່ອນ ເຢີງ ເຈົ້າຮາຊີ ແຕ່ ນັບ ໄຮ ລາ ຕານໍ່ອງ ອໍ. 34 ກະ ຕາ ເບີນ ເມົາ ຕະ ໂຕ່ດ ໄຮ ຍ່ອນ ໄລ່ຍຣ ໄຮ. ເຢຊູ ກຣິດ ແຕ່ ກູຈິດ ຕາງ ໄຮ, ຊານໍ່ ອັນ ແອິດ ຍິ່ຮ ອາເຕົ້າ ເຢີງ ເຈົ້າຮາຊີ, ກະ ອັນ ແຊອໍ ຈ່ອຍ ໄຮ ແຕ ເຢີງ ເຈົ້າຮາຊີ. ກະ ອັນ ອາມັ່ງ ລັຮ ເຈີ່ ແຕ ອັນ ກູຈິດ. 35 ເຢຊູ ກຣິດ ອາ ໂຢະ ລາລີ່ ໄຮ ກະ ຕາ ເບີນ ມວຍ ຣາມິ່ຮ ອິນເຕົ້າ ເຕ່ອ້ ກາຍິ່ຮ ໄຮ ແຕ ອັນ ອາໂຢະ ກ້ອຍ. ຄັນ ໄຮ ຣາມິ່ຮ ຕຸ່ຮ ກັດ ອາຣິກ, ແຕ່ລາ ຕຸ່ຮ ກາດິດ, ແຕ່ ລາ ເມົາ ຕະ ໄຮ, ແຕ່ລາ ໄຮ ຊ້ອງ ມາເຍີຍຣ ຊາ ລາອໍ, ແຕ່ລາ ແອີ ຕໍ່ປັອກ ຕັອກ, ແຕ່ລາ ຣາມິ່ຮ



ທຳຮ້າ, ແຕ່ລາ ເມົ້າ ກັຮໂປຣ ແຕ ດາວ, ມັຮ ຣາມິຮ ໄມ່ ຕາ ເຕ່ອ ຕະ ໂອນ ເຢຊູ ກຣິດ ຕາ ເບີນ ອາ ໂຢະ ໄຮ. <sup>36</sup> ມູເຈິງ ເມົ້າ ຄຽນ ເຈ້ ຕິ່ງ ບິ່ງ ປັຮນາຍ ເຢິງ ເຈົ້າຣາຊີ ແຕ ອິມແບ ປາຍ:

"ຍ່ອນ ຮິ ຕາປູນ ເຍົາ,  
ນະກ້ອຍ ກູ່ ຣາໂງ ເມົ້າ ຈໍ້ອ ຣາມາ ອິ ກາຈິດ ຮິ.

ເມົ້າ ແ່ ປິ ຊິ ນະ ເມົ້າ ແ່ ປິ ແກະ ກາ ແຈະ ເມົ້າ ອິ ກາຈິດ."

<sup>37</sup> ມາ ຕາ ເບີນ ອິນເຕົ້າ ມັຮ ຣາມິຮ ຕຸຣ ກັດ ໄມ່ ແຕ້ອ ປິ ໄຮ, ໄຮ ເຣົາບ ມັຮ ຣາມິຮ ກ້ອຍ, ຍ່ອນ ອັນ ກາ ອາໂຢະ ລາລີ ໄຮ ຈ່ອຍ ເລືອຍໆ ໄຮ. <sup>38-39</sup> ເກົາ ດັງ ແຈງ ລາລີ ລາ ຕາ ເບີນ ມວຍ ຣາມິຮ ອິນເຕົ້າ ເຕ່ອ ກາຍັຣ ໄຮ ແຕ ເຢິງ ເຈົ້າຣາຊີ ອາໂຢະ ໄຮ. ຄັນ ເບີນ ກູຈິດ, ແຕ່ລາ ອາມັງ, ຄັນ ເບີນ ເທວາດາ ເຢິງ ເຈົ້າຣາຊີ, ແຕ່ລາ ເຢິງ ການໍ່ອ, ຄັນ ເບີນ ຣາມິຮ ອິນເຕົ້າ ຕິ່ງ ແດິຍ ໄມ່, ແຕ່ລາ ຕິ່ງ ແດິຍ ອິນຕູນ ແອັນ, ເບີນ ຣາມິຮ ກາ ຊົດ, ຄັນ ເບີນ ຣາມິຮ ແຕ ແປັງ ແຕ່ລາ ແຕ ປິນ, ແຕ່ລາ ເບີນ ຣາມິຮ ອິນເຕົ້າ ການໍ່ອ ແອັນ, ຣາມິຮ ອິນເຕົ້າ ລາ ຕາ ເຕ່ອ ຕະ ໂອນ ເຢິງ ເຈົ້າຣາຊີ ຕາ ເບີນ ອາໂຢະ ໄຮ. ອັນ ອາໂຢະ ເລືອຍໆ ໄຮ, ຍ່ອນ ໄຮ ແອິດ ມວຍ ຣາງິຣ ກະ ເຢຊູ ກຣິດ, ອິນ ເຈົ້າ ໄຮ.

### 9

ໂປໂລ ອາໂຢະ ຈຸ່ມ ອິດຊະຣາເອລ

<sup>1</sup> ເກົາ ຍິອ ເຍົາ ດັງ ເກົາ ປາຍ ປຍາຍ ລາລີ, ເກົາ ຕາ ເບີນ ປາຍ ອາໂລກ. ຍ່ອນ ແຕ ຣາງິຣ ເກົາ ເບີ ມ, ກະ ຍ່ອນ ເກົາ ແອິດ ມວຍ ຣາງິຣ ກະ ເຢຊູ ກຣິດ ກະ ຣາເວົ້າຍ ເຢິງ ເຈົ້າຣາຊີ ແຮ. ເຕ່ອ ເຍົາ ຊາ ອໍາ ປັຮນາຍ ເກົາ ອາຕີ. <sup>2</sup> ເກົາ ຍິອ ເຍົາ ດັງ ນະໄມ່: ເກົາ ຊ້ອງ ຕິ່ ລາລີ ຕິ່ງ ຣາງິຣ ເກົາ, ກະ ເກົາ ຕາ ເກີ ຍ ປິດ ຣາງິຣ ຕຸຣ ຈຸ່ ໄມ່. <sup>3</sup> ແກຼ້ຍ ແຕ ກູ່ ຣາມິຮ ການໍ່ອ ຕິ່ງ ແດິຍ ອາມັງ ເກົາ, ເກົາ ຍິອ ແອິດ ມວຍ ຣາງິຣ ກະ ເຢຊູ ກຣິດ. ມາ ຄັນ ເກົາ ມາ ຈິວ ຣາຕັຣ ແຕ ເຢຊູ ກຣິດ, ເຈ້ ຣາມິຮ ກ້ອຍ ເຕ່ອ ຈ່ອຍ ໂອນ ກວາຍ ອິດຊະຣາເອລ ແກິດ ຊາອໍາ ອັນ, ລາ ເກົາ ຈິວ ຣາຕັຣ ແຕ່. ຍ່ອນ ເກົາ ອາໂຢະ ແຊມອາຍ ເກົາ, ລາ ກວາຍ ອິດຊະຣາເອລ, ກາເລີຍ ແຕ ເກົາ ອາໂຢະ ຈະ ເກົາ ເບີມ. <sup>4</sup> ຈຸ່ມ ອິດຊະຣາເອລ ລາ ນະ ກອນ ອາໂກ ເຢິງ ເຈົ້າຣາຊີ ເຕ່. ໄລ່ ເຮີມ ອໍານາດ

ອາງອິຣ ເຢິງ ເຈົ້າຣາຊີ ເຈ້. ເຢິງ ເຈົ້າຣາຊີ ປັຮ ຄັນ ກະ ໄລ່, ກະ ໂອນ ໄລ່ ເບີນ ຄານອດ ອັນ. ໄລ່ ຊາງ ເຢິງ ເຈົ້າຣາຊີ ດູ່ນ ລາລີ ເຈ້. ກະ ເຢິງ ເຈົ້າຣາຊີ ເອິອ ເຈ້ ກະ ໄລ່. <sup>5</sup> ໄລ່ ລາ ມວຍ ຈຸ່ມເຈືອ ກະ ອັບຣາຣາມ, ອິຊາກ, ກະ ຢາໂຄບ. ບັອງ ກາ ເຢຊູ ກຣິດ ແກິດ ກວາຍ, ອັນ ລາ ແຕ ຈຸ່ມ ອິດຊະຣາ ເອລ ເຕ່. ເຢຊູ ກຣິດ ແຕ່ ຊົດ ແກຼ້ຍ ອິນແຍະ ແຕ ການໍ່ອ. ອັນ ຣາລີ ກະ ເຢິງ ເຈົ້າຣາຊີ ເຕ່. ອິງເຄາະ ໄຮ ຍ່ອງ ອັນ ຊົດ ແດິຍ ເລີ້ຍ ກູມໍ. ອາແມນ.

ເຢິງ ເຈົ້າຣາຊີ ຮຽຮ ກວາຍ  
<sup>6</sup> ເກົາ ຕາ ເບີນ ປາຍ ປັຮນາຍ ເຢິງ ເຈົ້າຣາຊີ ເອິ ອໍ ມາ ຕາ ເບີນ ແກິດ ເກົາ ອິນເຕົ້າ. ມາ ເຢິງ ເຈົ້າຣາຊີ ຕາ ເບີນ ຮຽຮ ກູ່ ນະ ກວາຍ ແຕ ຈຸ່ມ ອິດຊະຣາເອລ. <sup>7</sup> ກະ ເຢິງ ເຈົ້າຣາຊີ ຕາ ເບີນ ນັບ ກູ່ ນະ ໄລ່ ກາ ແຕ ຈຸ່ມ ອັບຣາຣາມ ປາຍ ໄລ່ ລາ ຈຸ່ມເຈືອ ອັບຣາຣາມ. ເຢິງ ເຈົ້າຣາຊີ ອາຕີ ເຈ້ ອັບຣາຣາມ ປາຍ: "ອິຊາກ ແຕ່ ເບີນ ອິນແຍະ ຣາມິຮ ກາ ເກົາ ເອິອ ກະ ໄມ່."

<sup>8</sup> ຣາມິຮ ໄມ່ ລາ ນະໄມ່: ມັຮ ກວາຍ ກາ ແຕ ຈຸ່ມເຈືອ ອັບຣາຣາມ, ຕາ ເບີນ ອິນແຍະ ມັຮ ໄລ່ ລາ ກອນ ອາໂກ ເຢິງ ເຈົ້າຣາຊີ. ມາ ມັຮ ກວາຍ ກາ ເຢິງ ເຈົ້າຣາຊີ ເອິອ ກະ ໄລ່ ເຈ້, ແອິງ ໄລ່ ກ້ອຍ ຊ້ອງ ລາ ກອນ ອາໂກ ເຢິງ ເຈົ້າຣາຊີ. <sup>9</sup> ໄມ່ ລາ ປັຮ ນາຍ ເຢິງ ເຈົ້າຣາຊີ ເອິອ ກະ ອັບຣາຣາມ: "ອິນ ນັອງ ມວຍ ກູມໍ ແອັນ ເກົາ ແຕ່ອິ ລັຣ ປິ ໄມ່. ຕາໂງ ກ້ອຍ ຊາຣາ, ລາກວຍ ໄມ່, ອັນ ຣັຣ ມານໍາ ກອນ ຣາເລົາ."

<sup>10</sup> ກະ ເກົາ ອາຕີ ມວຍ ຣາມິຮ ແອັນ ແຕ ເຣເບກາ. ເຣເບກາ ໄມ່ ລາ ລາກວຍ ອິຊາກ, ອາ ຈວາຍຮ ອາເຈ່ຣ ໄຮ. ພໍກາ ເຣເບກາ ແອິດ ຕິ່ງ ຈະ, ເຢິງ ເຈົ້າຣາຊີ ອາຕີ ອັນ ປາຍ: "ແຕ່ອິ ຕາໂງ ໄມ່ ຣັຣ ກອນ, ໄມ່ ເບີນ ບາຣ ລໍາ ກອນ ຣາເລົາ."

<sup>11-12</sup> ກະ ເຢິງ ເຈົ້າຣາຊີ ອາຕີ ແອັນ ອັນ ປາຍ: "ປັຮແນີ ມັນເຕຣົາ ອັນ ກາ ອາແອມ, ຊົດ ກາເລີຍ ແຕ ອາຍ ອັນ."

ເຢິງ ເຈົ້າຣາຊີ ປາຍ ນະກ້ອຍ ແຕ ເຣເບກາ ຕາ ຢວາຣ ຣັຣ ກອນ ອັນ. ນະກ້ອຍ ເຢິງ ເຈົ້າຣາຊີ ຮຽຮ ກອນ ອາລັອຣ, ມາ ອັນ ຕາ ເບີນ ຮຽຮ ຕາ ປູນ ຣານະ ອໍ ແຕ່ລາ ຣານະ ຕາ ເບີນ ອໍ ແຕ ບາຣ ນະ ກອນ ກ້ອຍ ຕະ ເຈ້. ມາ ເຢິງ ເຈົ້າຣາຊີ ຮຽຮ ຕາປູນ ຣາງິຣ ອັນ ຄິດ ແຕ ອິນໂຍ່ງ. <sup>13</sup> ເມົ້າ ຄຽນ ເຈ້ ແຕ ບາຣ ນະ ກອນ ເຣເບກາ ຕິ່ງ ບິ່ງ ປັຮນາຍ ເຢິງ ເຈົ້າຣາຊີ ແຕ ອິມແບ ປາຍ:

\* 9:13 9:13 ເບີນ ເມົ້າ ແປ ປັຮນາຍ ໄມ່ ປາຍ: "ເຢິງ ເຈົ້າຣາຊີ ອາໂຢະ ຢາໂຄບ, ມາ ອັນ ຊາອິຣ ເອຊາວ."

"ເກົາ ອີ ເປັນ ຢາໂຄບ, ມາ ເກົາ ຕາ ແອຣ໌ ເອຊາວ."\*

14 ນານະ ໄຮ ຢັອ ອີ ປາຍ ແຕ ຣາມິຣຸ ກ້ອຍ? ໄຮ ອີ ປາຍ ເຢິງ ເຈົາຣາຊີ ຕະ ຕາ ປຍາຍິ ບໍ? ຕາ ແກິນ ນະກ້ອຍ! 15 ນະກ້ອຍ ເຢິງ ເຈົາຣາຊີ ອາຕິ ໂມເຊ ປາຍ: "ຕາມ ເກົາ! ຄັນ ເກົາ ຊ້ອງ ອາໂຢ່ະ ຕະ ອາແລະ, ເກົາ ອາໂຢ່ະ ຕະ. ກະ ຄັນ ເກົາ ຊ້ອງ ອີ ວ່ອຍ ອາແລະ, ເກົາ ວ່ອຍ."

16 ນະກ້ອຍ ຣາມິຣຸ ກ້ອຍ ຕາມ ເຢິງ ເຈົາຣາຊີ. ຄັນ ອັນ ຊ້ອງ ອາໂຢ່ະ ຕະ, ອັນ ອາໂຢ່ະ ຕະ. ກວາ ຍ ຕາ ເຕ່ອ ຄິດ ອິນເຕົ້າ ແຕ່ລາ ຕະ ອິນເຕົ້າ ອີ ເປັນ ຣາມິຣຸ ກ້ອຍ. 17 ຕຶງ ປຶງ ປຶຣນາຍ ເຢິງ ເຈົາຣາຊີ ແຕ ອິມແບິ ເມົາ ຄຽນ ເຈິ່ ລາ ເຢິງ ເຈົາຣາຊີ ປາຍ ໂຈະ ເຕົ້າວ ປຶຣເຢົາ ກຣວາງ ເອຍິບ:

"ເກົາ ໂອນ ໄມ່ ແກິດ ຊົດ, ຍ່ອນ ເກົາ ອີ ອາປຶຣ ອຳນາດ ເກົາ ລາ ປິດ ລາລີ້.

ກະ ເກົາ ຢັອ ກູ່ ກຣວາງ ຕຶງ ກູແຕອ໌ ໄມ່ ເປັນ ດັງ ຣາມິຣຸ ເກົາ."

18 ນະກ້ອຍ ຕາມ ເຢິງ ເຈົາຣາຊີ. ຄັນ ອັນ ຊ້ອງ ຢັອ, ອັນ ອາໂຢ່ະ ຕະ ກວາຍ. ຄັນ ອັນ ຊ້ອງ ຢັອ ອີ ຕະ ໂອນ ຣາງິຣ ໄລ່ ກ້ອງ, ລາ ເຕ່ອ ອັນ ຕະ.†

19 ອີງກ້ອຍ ປຍາຍິ ເຍົາ ອີ ຕາແບິບ ເກົາ ປາຍ: "ຄັນ ນະກ້ອຍ, ນານະ ເຢິງ ເຈົາຣາຊີ ຕິ ໄຮ, ປາຍ ໄຮ ເປັນ ໄລ່ຍຣ? ໄຮ ຕາ ເຮົາບ ຕະ ຣານະ ຕາ ອໍ ອິນເຕົ້າ ຄັນ ເຢິງ ເຈົາຣາຊີ ຕາ ເປັນ ໂອນ ໄຮ ຕະ."

20 ມາ ເກົາ ຕາແອິຍ ລັຣ ເຍົາ ປາຍ: "ເອີ ແຊມ ອາຍ ເອີຍ! ນານະ ເຍົາ ຍິ່ນ ປາຍ ນະກ້ອຍ ໂຈະ ເຢິງ ເຈົາຣາຊີ? ອາແດັຣ ກູແຕອ໌ ຕາ ເຕ່ອ ຣາ ຈຽນ ລັຣ ໂຈະ ກວາຍ ກາ ເມົານ ອັນ ປາຍ ນະໄມ່: 'ນານະ ໄມ່ ຕະ ຮູບເຮົາງ ເກົາ ນະໄມ່?'"

21 ອັນ ກາ ເມົານ ບາຣ ລຳ ອາແດັຣ ແຕ ມວຍ ໂກກ ກູແຕອ໌, ເຕ່ອ ອັນ ເມົານ ມວຍ ແບງ ຕ້ອກ ດໍອ໌ ຮັບ ຕາມອຍ, ກະ ມວຍ ແບງ ແອັນ ດໍອ໌ ຕ້ອກ ຕຶງ ດຸງ, ຕາມ ຣາງິຣ ອັນ.

22 ມູເຈິງ ກ້ອຍ ເຕ່ ເຢິງ ເຈົາຣາຊີ ຕາລາ ອິນ ແຍ່ະ ມັຣ ກວາຍ. ອັນ ອີງຄິ່ນ ລາລີ້ ໂຈະ ໄລ່ ກາ ຕະ ແອິງ ຣານະ ຕາ ອໍ. ນະກ້ອຍ, ປຶຣແນິ ມັນເຕຣົາ ອັນ ອາປິດ ໄລ່ ກ້ອຍ. ມາ ເຢິງ ເຈົາຣາຊີ ຢັອ ອີ ອາປຶຣ ອຳນາດ ອັນ ເຕ່. ນະກ້ອຍ ອັນ ອິດ ດຸ່ນ ໂຈະ ກວາຍ ກາ ຕະ ຣານະ ຕາ ອໍ ກ້ອຍ. 23 ເຢິງ ເຈົາຣາຊີ ຕະ ນະກ້ອຍ, ຍ່ອນ ອັນ ຢັອ ອີ ອາປຶຣ ໂອນ ໄຮ ດັງ ອັນ ເປັນ ອຳນາດ ອາງອິຣ ປິດ ລາລີ້,

ກະ ອັນ ອາໂຢ່ະ ຕະ ໄຮ ຊາອິ້ຍ ລາລີ້. ອັນ ຣຽຣ ໄຮ ແຕ ອິມແບິ ໂອນ ໄຮ ເຕ່ອ ຣາງ ເຕ່ ອຳນາດ ອາງອິຣ ແຕ ອັນ. 24 ເຢິງ ເຈົາຣາຊີ ກູອ໌ ໄຮ ກາ ກວາຍ ອິດຊະຣາເອລ, ກະ ອັນ ກູອ໌ ກາ ກວາຍ ຕາ ແກິນ ກວາຍ ອິດຊະຣາເອລ. 25 ມູເຈິງ ກ້ອຍ ເຕ່ ເຢິງ ເຈົາຣາຊີ ປາຍ ຕຶງ ປຶງ ໄຮເຊອາ ຄຽນ ແຕ ອິມແບິ ປາຍ:

"ແຕ ອິນໂຍ່ງ ເມົາ ຕາ ເປັນ ດໍອ໌ ໄລ່ ກ້ອຍ ກອນ ແຊມ ເກົາ,

ມາ ຊານໍ່ ເກົາ ດໍອ໌ ໄລ່ ລາ ກອນແຊມ ເກົາ ເຕ່.

ແຕ ບັອງ ອາໄຣ່ ເກົາ ຕາ ເປັນ ອາໂຢ່ະ ໄລ່, ມາ ຊານໍ່ ເກົາ ອາໂຢ່ະ ລາລີ້ ໄລ່.

26 ປິ ອິນຕຸ ກາ ເຢິງ ເຈົາຣາຊີ ປາຍ ກະ ກວາຍ ກ້ອຍ ນະໄມ່: 'ເຍົາ ລາ ຕາ ແກິນ ກອນແຊມ ເກົາ,' ອິນຕຸ ກ້ອຍ ແຕ່ ເມົາ ດໍອ໌ ກວາຍ ກ້ອຍ ລາ ກອນ ອາໄກ ເຢິງ ເຈົາຣາຊີ, ອັນ ກາ ອາມັງ ເລືອຍໆ."

27 ກະ ເອຊາຢາ, ກວາຍ ອາຕິ ຕາງ ປຶຣນາຍ ເຢິງ ເຈົາຣາຊີ, ປາຍ ແຕ ຈຸ່ມ ອິດຊະຣາເອລ:

"ຈຸ່ມ ອິດຊະຣາເອລ ລາ ກຶງ ລາລີ້. ໄລ່ ຣິຣ ນະ ຊາງາຍ ຕຶງ ປຶຣ ທາເລ,

ມາ ເຢິງ ເຈົາຣາຊີ ວ່ອຍ ອາມັງ ບິອ໌ ນະ ຊ້ອງ.

28 ໄວ່ ລາລີ້ ເຢິງ ເຈົາຣາຊີ ຕັດຊິ່ນ ອິນແຍ່ະ ມັຣ ກວາຍ ຕຶງ ກູແຕອ໌ ໄມ່ ກະ ຕະ ໂອນ ເຈິ່ ມວຍ ເຮິບ ຊ້ອງ."

29 ກະ ເອຊາຢາ ປາຍ ແຕ ອິນໂຍ່ງ ນະໄມ່: "ເຢິງ ເຈົາຣາຊີ ວ່ອຍ ໂອນ ໄຮ ເປັນ ຈຸ່ມເຈືອ ບິອ໌

ຄັນ ເຢິງ ເຈົາຣາຊີ ມາ ຕາ ເປັນ ວ່ອຍ ໂອນ ໄຮ ເປັນ ຈຸ່ມເຈືອ,

ໄຮ ແກິດ ມູເຈິງ ເມືອງ ໂຊໂດມ ກະ ເມືອງ ໂກໂມຣາ ເຕ່, ປິດ ອິນແຍ່ະ."

ຈຸ່ມ ອິດຊະຣາເອລ ຕາ ຢັອ ອີ ຊາອຳ

30 ຄັນ ນະກ້ອຍ, ນານະ ໄຮ ອີ ປາຍ ແຕ ຣາມິຣຸ ຮ ໄມ່? ໄຮ ອີ ປາຍ ນະໄມ່: ກວາຍ ກາ ຕາ ແກິນ ຈຸ່ມ ອິດຊະຣາເອລ ຕາ ເປັນ ຈໍອ໌ ແອິດ ຕານ້ອງ ອໍ ຢັອ ເມືງ ເຢິງ ເຈົາຣາຊີ, ມາ ໄລ່ ເປັນ ຣາມິຣຸ ກ້ອຍ ຍ່ອນ ໄລ່ ຊາອຳ ເຢຊູ ກຣິດ. 31 ມາ ມັຣ ກວາຍ ແຕ ຈຸ່ມ ອິດຊະຣາເອລ, ໄລ່ ຄິດ ໄລ່ ແອິດ ຕານ້ອງ ອໍ ຢັອ ເມືງ ເຢິງ ເຈົາຣາຊີ ຍ່ອນ ໄລ່ ຕາ

† 9:18 9:18 ເຕົ້າວ ປຶຣເຢົາ ເອຍິບ ລາ ກວາຍ ກາ ເປັນ ຣາງິຣ ກ້ອງ ກະ ອັນ ເດິງ ຕຸຣ ກວາຍ ອິດຊະຣາເອລ ເຈິ່ ເຢິງ ເຈົາຣາຊີ ອາປຶຣ ອຳນາດ ອັນ, ກະ ຕະ ເຕົ້າວ ປຶຣເຢົາ ກ້ອຍ.

ປຸ່ນ ຄານອດ ໂມເຊ. ມາ ໄລ່ ຕາ ເບີນ ເບີນ ຮາມື່ຮ ກ້ອຍ. <sup>32</sup> ຍ່ອນ ນານະ ໄລ່ ຕາ ເບີນ ເບີນ? ຍ່ອນ ໄລ່ ຕາ ເບີນ ຊາອຳ ເຢຊູ ກຣິດ. ໄລ່ ຄິດ ໄລ່ ອີງ ເຄາະ ຕະ ຕາປຸ່ນ ຄານອດ ຊ້ອງ. ນະກ້ອຍ ເຢຊູ ກຣິດ ແກ້ດ ນະ ຕາເມົາ ຕິ່ງ ຮານາ ໂອນ ຈຸ່ມ ອິດ ຊະຮາເອລ. ໄລ່ ກ້ອຍ ຕາ ຍິ່ອ ອີ ຊາອຳ, ນະກ້ອຍ ນະ ໄລ່ ກູຕ້ຮ ຕາເມົາ ກ້ອຍ. <sup>33</sup> ເຢິງ ເຈົາຮາຊີ ປາຍ ເຈິ່ ຕິ່ງ ປິ່ງ ປັຣນາຍ ອັນ ແຕ ເຢຊູ ກຣິດ ນະ ໄລ່:

"ເກົາ ໂອນ ມານະ ແອັດ ຕິ່ງ ກັຮ ຊິໂອນ.  
ອັນ ລາ ນະ ຕາເມົາ ກາ ຕະ ໂອນ ກວາຍ ກູ  
ຕ້ຮ.  
ໄລ່ ກູຕ້ຮ, ເຈິ່ ໄລ່ ແດັມ.

ມາ ກວາຍ ອາແລະ ກາ ຊາອຳ ອັນ,  
ກວາຍ ກ້ອຍ ຕາ ເບີນ ອີງກ້ອຮ ອິນເຕົ້າ  
ປາຍ ອັນ ຊາອຳ ພົາດ."

### 10

ເຢິງ ເຈົາຮາຊີ ຍິ່ອ ອີ ຈ່ອຍ ອາມັງ ອິນແຍະ  
ມັຮ ກວາຍ

<sup>1</sup> ແຊມອາຍ ເອີຍ! ຮາງິ່ຮ ເກົາ ຊ້ອງ ຍິ່ອ ລາລິ່  
ເຢິງ ເຈົາຮາຊີ ຈ່ອຍ ອາມັງ ອິນແຍະ ຈຸ່ມ ອິດຊະ  
ຮາເອລ, ກະ ເກົາ ເກີ້ຍ ເກົາແຊຣ໌ ນະໄລ່. <sup>2</sup> ເກົາ  
ເຮັມ ໄລ່ ອູອຍາຮ ອູໄອອ໌ ຍິ່ອ ອີ ຕາປຸ່ນ ຮານະ  
ເຢິງ ເຈົາຮາຊີ, ມາ ໄລ່ ຕາ ດັງ ອີ ຕະ ນານະ ໂອນ  
ປຍາຍ. <sup>3</sup> ໄລ່ ຕາ ດັງ ເຢິງ ເຈົາຮາຊີ ອາຕີ ຮານາ  
ໂອນ ກວາຍ ເຕ່ອ໌ ແອັດ ຕານ້ອງ ອໍ ຍິ່ຮ ພົງ ອັນ.  
ມາ ໄລ່ ຕາປຸ່ນ ຮານະ ໄລ່ ເບີມ ຈ່ອຍ ຍິ່ອ ອີ ເບີນ  
ຮາມື່ຮ ກ້ອຍ. ໄລ່ ຕາ ຍິ່ອ ອີ ຕາປຸ່ນ ຮານາ ກາ  
ເຢິງ ເຈົາຮາຊີ ອາຕີ ໂອນ ກວາຍ ເຕ່ອ໌ ແອັດ ຕານ້  
ອງ ອໍ ຍິ່ຮ ພົງ ອັນ. <sup>4</sup> ເຢຊູ ກຣິດ ຕະໂອນ ແວັດ  
ເຈິ່ ຄານອດ ໂມເຊ. ນະກ້ອຍ ກວາຍ ອາແລະ ກາ  
ຊາອຳ ເຢຊູ ກຣິດ, ກວາຍ ກ້ອຍ ເບີນ ແອັດ ຕານ້  
ອງ ອໍ ຍິ່ຮ ພົງ ເຢິງ ເຈົາຮາຊີ.

<sup>5</sup> ໂມເຊ ອາຕີ ເຈິ່ ແຕ ກວາຍ ກາ ຍິ່ອ ອີ ແອັດ  
ຕານ້ອງ ອໍ ຍິ່ຮ ພົງ ເຢິງ ເຈົາຮາຊີ ຍ່ອນ ໄລ່ ຕະ  
ຕາປຸ່ນ ຄານອດ ເຢິງ ເຈົາຮາຊີ ອາຕີ ຮານາ ອັນ.  
ອັນ ອາຕີ ແຕ ໄລ່ ກ້ອຍ ປາຍ:

"ກວາຍ ອາແລະ ກາ ຕະ ຕາປຸ່ນ ກູ ຮາມື່ຮ ແຕ ຄາ  
ນອດ ເຢິງ ເຈົາຮາຊີ,  
ກວາຍ ກ້ອຍ ເບີນ ອາມັງ ຍ່ອນ ແຕ ຮາມື່ຮ  
ກ້ອຍ."

<sup>6</sup> ມາ ກວາຍ ອາແລະ ກາ ຊາອຳ ເຢຊູ ກຣິດ ເຕ່ອ໌  
ໂອນ ອັນ ແອັດ ຕານ້ອງ ອໍ ຍິ່ຮ ພົງ ເຢິງ ເຈົາຮາ  
ຊີ, ກວາຍ ກ້ອຍ ຕາ ເບີນ ຕຸ່ຮ ຄິດ ປາຍ: "ເຍົາ  
ອິນໂຈຍ ຄິດ ປາຍ: 'ເມົາ ເຕ່ອ໌ ຊ້ອຮ ປິ່ ມັນລ້ອງ,  
ດໍອ໌ ອິດ ເຢຊູ ໂອນ ແຊງ ຈ່ອຍ ໄຮ?' <sup>7</sup> ກະ ອັນ  
ຕາ ເບີນ ຕຸ່ຮ ຄິດ ປາຍ: 'ເມົາ ເຕ່ອ໌ ແຊງ ປິ່ ປິ່ນ  
ປິ່ ອິນຕຸ ຮາເວີຍ ກວາຍ ກູຈິດ ແອັດ, ດໍອ໌ ອິດ  
ເຢຊູ ໂອນ ອາມັງ ລ້ຮ ແຕ ກູຈິດ?'"

<sup>8</sup> ມາ ປັຣນາຍ ເຢິງ ເຈົາຮາຊີ ປາຍ ອິນເຕົ້າ ແຕ  
ຮາມື່ຮ ຕານ້ອງ ອໍ ໄລ່? ອັນ ປາຍ ນະໄລ່:  
"ແອັດ ຕານ້ອງ ອໍ ຍິ່ຮ ພົງ ເຢິງ ເຈົາຮາຊີ  
ຕາ ເບີນ ເຢິງ ແຕ ເຍົາ."

ໄລ່ ລາ ມູເຈິງ ປັຣນາຍ ຮິ ອາຕີ ເຍົາ ເຈິ່ ໂອນ ເຍົາ  
ເບີນ ຊາອຳ ເຢຊູ ກຣິດ. <sup>9</sup> ຄັນ ແບອ໌ ເຍົາ ມາ  
ງິ່ນ ປາຍ ເຢຊູ ລາ ອິນເຈົາ ເຍົາ, ກະ ຮາງິ່ຮ ເຍົາ  
ຊາອຳ ປາຍ ເຢິງ ເຈົາຮາຊີ ໂອນ ເຢຊູ ອາມັງ ລ້ຮ  
ແຕ ອັນ ກູຈິດ, ເຢິງ ເຈົາຮາຊີ ຈ່ອຍ ອາມັງ ເຍົາ.

<sup>10</sup> ໄຮ ແອັດ ຕານ້ອງ ອໍ ຍິ່ຮ ພົງ ເຢິງ ເຈົາຮາຊີ,  
ລາ ຍ່ອນ ຮາງິ່ຮ ໄຮ ຊາອຳ ອັນ. ກະ ເຢິງ ເຈົາຮາ  
ຊີ ຈ່ອຍ ອາມັງ ໄຮ, ລາ ຍ່ອນ ແບອ໌ ໄຮ ງິ່ນ ປາຍ  
ເຢຊູ ກຣິດ ລາ ອິນເຈົາ ໄຮ. <sup>11</sup> ຕິ່ງ ປິ່ງ ປັຣນາຍ  
ເຢິງ ເຈົາຮາຊີ ແຕ ອິມແບິ ເມົາ ປາຍ ເຈິ່ ນະໄລ່:

"ກວາຍ ອາແລະ ກາ ຊາອຳ ອັນ,  
ກວາຍ ກ້ອຍ ຕາ ເບີນ ຊ້ອງ ປາຍ ອັນ ຊາ  
ອຳ ພົາດ ຊ້ອງ."

<sup>12</sup> ຍິ່ຮ ພົງ ເຢິງ ເຈົາຮາຊີ ຕາ ເບີນ ອິມພາ ອິນ  
ເຕົ້າ ກວາຍ ອິດຊະຮາເອລ ກະ ກວາຍ ຕາ ແກິນ  
ກວາຍ ອິດຊະຮາເອລ. ເຢຊູ ກຣິດ, ອິນເຈົາ ໄຮ,  
ຈ່ອຍ ຊາອິ່ຍ ຮາມື່ຮ ບຸ່ນ ໂອນ ກູ່ ນະ ກາ ແຊຣ໌  
ແຕ ອັນ. <sup>13</sup> ຍ່ອນ ປິ່ງ ປັຣນາຍ ເຢິງ ເຈົາຮາຊີ  
ແຕ ອິມແບິ ປາຍ:

"ອິນເຈົາ ໄຮ ຈ່ອຍ ອາມັງ ກູ່ ນະ ກວາຍ  
ກາ ເກົາແຊຣ໌ ແຕ ອັນ."

<sup>14</sup> ມາ ນານະ ເຕ່ອ໌ ກວາຍ ເກົາແຊຣ໌ ແຕ ອັນ,  
ຄັນ ໄລ່ ຕາ ຢວາຮ ຊາອຳ ອັນ? ກະ ນານະ ເຕ່ອ໌  
ໄລ່ ຊາອຳ ອັນ, ຄັນ ໄລ່ ຕາ ຢວາຮ ເບີນ ຊ້ອງ ອິນ  
ເຕົ້າ ແຕ ອັນ? ກະ ນານະ ໄລ່ ເຕ່ອ໌ ເບີນ ຊ້ອງ ແຕ  
ອັນ, ຄັນ ຕາ ເບີນ ເມົາ ເປາະ ອາຕີ ໄລ່? <sup>15</sup> ກະ  
ນານະ ກວາຍ ເຕ່ອ໌ ເປາະ ອາຕີ ໄລ່, ຄັນ ຕາ ເບີນ  
ເມົາ ແບຣິ ໂອນ ໄລ່ ເປາະ? ຕິ່ງ ປິ່ງ ປັຣນາຍ ເຢິງ  
ເຈົາຮາຊີ ແຕ ອິມແບິ ເມົາ ປາຍ ນະໄລ່:

\* 10:15 10:15 ປັຣນາຍ ຕຍາ ປາຍ: "ອໍ ລາລິ່ ອາເຢິງ ກາ ເງິງ ປັຣນາຍ ອໍ."

"ບຸ່ນ ລາລີ້ ກວາຍ ກາ ເດີງ ປັຣນາຍ ອໍ ໂອນ ກວາຍ ການໍ້ອໍ ດັງ."\*

16 ມາ ຕາ ເບີນ ກູ່ ນະ ຢໍອໍ ອີ ຊາງັດ ປັຣນາຍ ອໍ ແຕ ເຢຊູ ກຣິດ. ມູເຈິງ ເອຊາຢາ ປາຍ ແຕ ອິມ ແບີ ນະໄນ່:

"ອິນເຈົ້າ ເອີຍ! ຕາ ເບີນ ກວາຍ ອາແລະ ຊາງັດ ປັຣນາຍ ຮິ ອາຕີ."

17 ນະກ້ອຍ, ກວາຍ ອາແລະ ກາ ຊາອໍ, ລາ ຍ່ອນ ໄລ່ ເບີນ ຊ້ອງ ອິນໂຍ່ງ. ກະ ກວາຍ ອາແລະ ກາ ເບີນ ຊ້ອງ, ລາ ຍ່ອນ ເມົາ ອາຕີ ປັຣນາຍ ອໍ ແຕ ເຢຊູ ກຣິດ.

18 ມາ ເກົາ ອີ ຕາແບີບ ເຍົາ ປາຍ: ຈຸ່ມ ອິດຊະຮາເອລ ຊ້ອງ ປັຣນາຍ ໄນ່ ມາ ຕາ ຢວາຣ? ໄລ່ ຊ້ອງ ເຈີ້. ຍ່ອນ ປຶ່ງ ປັຣນາຍ ເຢິງ ເຈົ້າຮາຊີ ອາຕີ ແຕ ອິມແບີ ປາຍ ນະໄນ່:

"ເມົາ ອາຕີ ເຈີ້ ປັຣນາຍ ໄນ່ ຈວບ ອິນແຍະ ຕຶ່ງ ກູ ແຕອໍ ໄນ່.

ປັຣນາຍ ໄນ່ ປູຮ ກູ່ ອິນຕຸ ກວາຍ ແອິດ."

19 ເກົາ ອີ ຕາແບີບ ເຍົາ ນະໄນ່ ແອັນ: ນານະ ຈຸ່ມ ອິດຊະຮາເອລ ຕາ ເບີນ ດັງ ບໍ່? ໂມເຊ ອາຕີ ມັຮ ເຢິງ ເຈົ້າຮາຊີ ປາຍ ແຕ ອິມແບີ ນະໄນ່:

"ເກົາ ຕະ ໂອນ ກວາຍ ຕາ ແກິນ ກວາຍ ອິດຊະຮາເອລ

ແກິດ ກອນ ອາໄກ ເກົາ ເຕ່. ອິມແບີ ອາໄຮ່ ໄລ່ ຊາກູລ,

ມາ ຊານໍ່ ໄລ່ ດັງ.

ນະກ້ອຍ ເກົາ ຕະ ໂອນ ເຍົາ ຊ້ອງ ຊັຮແຟງ

ຍໍອໍ ອີ ເບີນ ນະ ໄລ່ ກ້ອຍ ເບີນ.

ກະ ເກົາ ຕະ ໂອນ ເຍົາ ຊ້ອງ ອວານ ໂຈະ ໄລ່."

20 ກະ ເອຊາຢາ ອາຕີ ຍໍ້ນ ກາເລີຍ ແຕ ໂມເຊ. ອັນ ອາຕີ ຕາງ ປັຣນາຍ ເຢິງ ເຈົ້າຮາຊີ ປາຍ:

"ໄລ່ ກາ ຕາ ເບີນ ຈໍອໍ ເກົາ,

ໄລ່ ຮາມັຮ ເກົາ.

ກະ ໄລ່ ກາ ຕາ ເບີນ ແຊອໍ ແຕ ເກົາ,

ເກົາ ໂອນ ໄລ່ ດັງ ຮານະ ເກົາ."

21 ກະ ເຢິງ ເຈົ້າຮາຊີ ປາຍ ແອັນ ແຕ ຈຸ່ມ ອິດຊະຮາເອລ ນະໄນ່:

"ກູ່ ຮາໂງ ເກົາ ກູອໍ ເລືອຍໆ ກວາຍ ໄນ່,

ມາ ໄລ່ ຕາ ເບີນ ຊາງັດ ເກົາ,

ກະ ໄລ່ ດໍອໍ ມັດ ໂຈະ ເກົາ."

### 11

ເຢິງ ເຈົ້າຮາຊີ ອິນນ້ອງ ຈ່ອຍ ອາມັງ ກວາຍ ອິດຊະຮາເອລ

1 ເຈີ້ ເກົາ ອີ ຕາແບີບ ເຍົາ ປາຍ: ເຢິງ ເຈົ້າຮາຊີ ຕັຮ ຈຸ່ມ ອິດຊະຮາເອລ ບໍ່? ຕາ ແກິນ ນະກ້ອຍ! ເກົາ ໄນ່ ແຕ່ ລາ ກວາຍ ອິດຊະຮາເອລ. ເກົາ ລາ ແຕ ຈຸ່ມເຈືອ ອັບຮາຮາມ ເຕ່. ກະ ເກົາ ລາ ແຕ ຈຸ່ມ

ເບັນຢາມິນ. 2 ເຢິງ ເຈົ້າຮາຊີ ຮຽຮ ຈຸ່ມ ອິດຊະຮາເອລ ແຕ ອິມແບີ ເຈີ້. ເຕົ້າ ຊານໍ່ ອັນ ຕາ ເບີນ ຕັຮ ໄລ່. ເຍົາ ດັງ ເຈີ້ ມັຮ ປັຣນາຍ ເຢິງ ເຈົ້າຮາຊີ ອາຕີ ແຕ ເອລີຢາ, ອັນ ກາ ຕະ ຮານະ ເຢິງ ເຈົ້າຮາຊີ ແຕ ອິມແບີ. ເອລີຢາ ປ່ອງ ຈຸ່ມ ອິດຊະຮາເອລ ໂຈະ ເຢິງ ເຈົ້າຮາຊີ, ປາຍ:

3 "ເຢິງ ເຈົ້າຮາຊີ ເອີຍ! ໄລ່ ກ້ອຍ ກາຈິດ ເຈີ້ ກວາຍ ອາຕີ ຕາງ ປັຣນາຍ ເຍົາ.

ກະ ໄລ່ ຕາລຸຮ ກາ ຊັນເຕຣິງ ຮິ່ດ ກາ ເກີຍ ຊາງ ເຍົາ ແຮີ.

ແອິງ ເກົາ ແຕ່ ອິນນ້ອງ ອາມັງ.

ກະ ເກົາ ລາ ໄລ່ ອີ ກາຈິດ ເຕ່."

4 ມາ ອິນເຕົ້າ ເຢິງ ເຈົ້າຮາຊີ ຕາແອີຍ ເອລີຢາ? ເຢິງ ເຈົ້າຮາຊີ ຕາແອີຍ ອັນ ປາຍ:

"ເກົາ ອິນນ້ອງ ເບີນ ຕາປູລ ປັນ ນະ ກວາຍ ຮາເລົາ ຈຸ່ມ ອິດຊະຮາເອລ ກາ ຊາງ ເກົາ.

ໄລ່ ກ້ອຍ ຕາ ເບີນ ປຣ່ອມ ກູ່ ຮາໂກລ ຊາງ ເຢິງ ບາອາລ."

5 ຊານໍ່ ລາ ມູເຈິງ ກ້ອຍ ເຕ່. ອິນນ້ອງ ເບີນ ບີອໍ ນະ ກວາຍ ອິດຊະຮາເອລ ກາ ເຢິງ ເຈົ້າຮາຊີ ຮຽຮ ເຈີ້, ຍ່ອນ ອັນ ເບີນ ຮາງິຮ ອີ ຈ່ອຍ ເມົາດ ໄລ່. 6 ອັນ ຮຽຮ ໄລ່ ຍ່ອນ ອັນ ອີ ຈ່ອຍ ເມົາດ ໄລ່, ຕາ ແກິນ ຍ່ອນ ໄລ່ ຕະ ຮານະ ອໍ. ຄັນ ອັນ ຮຽຮ ໄລ່ ຍ່ອນ ໄລ່ ຕະ ຮານະ ອໍ, ໄຮ ຕາ ເຕອໍ

ປາຍ ນ້ອງ ອັນ ຈ່ອຍ ເມົາດ ໄລ່. 7 ຄັນ ນະກ້ອຍ, ນານະ ໄຮ ອີ ປາຍ? ໄຮ ອີ ປາຍ: ອິນແຍະ ມັຮ ກວາຍ ອິດຊະຮາເອລ ຍໍອໍ ອີ ແອິດ ຕານ້ອງ ອໍ

ຍໍຮ ເມິງ ເຢິງ ເຈົ້າຮາຊີ. ມາ ບີອໍ ລາລີ້ ໄລ່ ຮາມັຮ ຮາມັຮ ກ້ອຍ. ແອິງ ໄລ່ ກາ ເຢິງ ເຈົ້າຮາຊີ ຮຽຮ

ຊ້ອງ ຮາມັຮ ຮາມັຮ ກ້ອຍ. ມາ ໄລ່ ກາ ຕາ ແອອໍ ອີ ຊາອໍ, ຮາງິຮ ໄລ່ ແກິດ ກ້ອງ ລາລີ້ ແອັນ. 8 ປຶ່ງ ປັຣນາຍ ເຢິງ ເຈົ້າຮາຊີ ປາຍ:

"ເຕົ້າ ຊານໍ່, ເຢິງ ເຈົ້າຮາຊີ ຕະ ໂອນ ຮາງິຮ ໄລ່ ແກິດ ປຶງ ກັຮລິງ ຕາ ດັງ ອິນເຕົ້າ.

ໄລ່ ເບີນ ມັດ, ມາ ນະ ໄລ່ ຕາ ເບີນ ເຮີມ.

ໄລ່ ເບີນ ກູຕູຮ, ມາ ນະ ໄລ່ ຕາ ເບີນ ຊ້ອງ."

9 ກະ ດາວິດ ປາຍ ແຕ ອິມແບີ ນະໄນ່:

"ໄລ່ ຈ່ອຍ ຈາ ຮໍອໍ ຊ້ອງ.

ໄລ່ ຕາ ເບີນ ຄິດ ຫຣາະ ກຣຍາດ ອິນເຕົ້າ ແຕ່ອໍ ປຶ ໄລ່.

ນະກ້ອຍ ເຢິງ ເຈົ້າຮາຊີ ເອີຍ,

ເກົາ ແຊອໍ ເຍົາ ຕະ ໂອນ ຮາມັຮ ໄລ່ ຈາ ຮໍອໍ ກ້ອຍ ແກິດ ນະ ອາກັບ ແຕ່ລາ ມ່ອງ ດໍອໍ ກັຮລັຮ ແດັອ້ ໂຈະ ໄລ່.

10 ເກົາ ແຊອໍ ເຍົາ ຕະ ໂອນ ມັດ ໄລ່ ແກິດ ຊູດ.

ກະ ຫົາ ແຊ້ອ ເຍົາ ຕະ ໂອນ ກຮ້ອງ ໄລ່ ແກ້ດ ຊາ ໂກ້,  
ຍ່ອນ ໄລ່ ຈິວ ຕຸ່ຮ ກັດ ຊາອີ້ຍ. "

11 ນະກ້ອຍ ຫົາ ຢັອ ອີ ຕາແບັບ ເຢົາ ປາຍ: ຍ່ອນ ຈຸ່ມ ອິດຊະຮາເອລ ຕາ ເບິນ ຊາອໍາ ເຢຊູ ຊານໍ່, ນະກ້ອຍ ເຢົາ ເຈົາຮາຊີ ຕັຮ ເລີ້ຍ ໄລ່ ກ້ອຍ ບໍ່? ຕາ ແກ້ນ ນະກ້ອຍ! ຍ່ອນ ຈຸ່ມ ອິດຊະຮາເອລ ຕາ ເບິນ ຊາອໍາ, ນະກ້ອຍ ເຢົາ ເຈົາຮາຊີ ຈ່ອຍ ອາ ມັ່ ມັຮ ກວາຍ ຕາ ແກ້ນ ກວາຍ ອິດຊະຮາເອລ ແອ້ນ. ເຢົາ ເຈົາຮາຊີ ຕະ ນະກ້ອຍ ໂອນ ຮາງືຮ ຈຸ່ມ ອິດຊະຮາເອລ ແກ້ດ ຊັຮແມງ ຢັອ ອີ ເບິນ ມູ ເຈັງ ກວາຍ ກ້ອຍ ເຕ່. 12 ຍ່ອນ ຈຸ່ມ ອິດຊະຮາ ເອລ ຕາ ແອ້ອ ອີ ຊາງັດ ເຢົາ ເຈົາຮາຊີ, ນະກ້ອຍ ມັຮ ກວາຍ ການໍ່ອ ແອ້ນ ເບິນ ບຸ່ນ ຊາອີ້ຍ ແຕ ເຢົາ ເຈົາຮາຊີ. ຄັນ ນະກ້ອຍ, ກາເລີຍ ແຕ ກ້ອຍ ແອ້ນ, ປຣແນິ ມັນເຕຣົາ ເຢົາ ເຈົາຮາຊີ ຈ່ອຍ ອິນ ແຍ່ະ ມັຮ ກວາຍ, ແຕ້ອ ກາ ມັຮ ກວາຍ ອິດຊະຮາ ເອລ ຊາອໍາ ເຢຊູ ກຮິດ ເຕ່.

ເຢົາ ເຈົາຮາຊີ ຈ່ອຍ ອາມັ່ງ ກວາຍ ຕາ ແກ້ນ ກວາຍ ອິດຊະຮາເອລ

13 ຊານໍ່ ຫົາ ຢັອ ອີ ອາຕີ ເຍົາ ກາ ຕາ ແກ້ນ ກວາ ຍ ອິດຊະຮາເອລ. ເຢົາ ເຈົາຮາຊີ ແປຣີ ຫົາ ອາຕີ ປຣນາຍ ອັນ ໂອນ ເຍົາ ເບິນ ຊັອງ ເຕ່. ນະກ້ອຍ ຫົາ ຊັອງ ຮໍ້ອ ຕະ ຮານະ ໄນ່ ອິນແຍ່ະ ຮາງືຮ ຮາແຮີ ຫົາ. 14 ຫົາ ຕະ ນະກ້ອຍ, ລາ ຫົາ ຢັອ ອີ ໂອນ ຈຸ່ມ ອິດຊະຮາເອລ ແກ້ດ ຊັຮແມງ ແຕ ເຍົາ. ຄັນ ເບິນ ມວຍ ຈຸ່ມ ແຕ ໄລ່ ຊາອໍາ ເຕ່, ເຈັ ເຢົາ ເຈົາຮາ ຊີ ຈ່ອຍ ອາມັ່ງ ໄລ່ ແຮີ. 15 ແຕ້ອ ເຢົາ ເຈົາຮາຊີ ຕັຮ ກວາຍ ອິດຊະຮາເອລ ກາ ຕາ ເບິນ ຊາອໍາ, ອັນ ອິດ ເຍົາ ກາ ຕາ ແກ້ນ ກວາຍ ອິດຊະຮາເອລ ແອ້ນ ແກ້ດ ມວຍ ຮາງືຮ ກະ ອັນ. ມາ ປຣແນິ ມັນ ເຕຣົາ ເຢົາ ເຈົາຮາຊີ ກູອ ລັຮ ກວາຍ ອິດຊະຮາ ເອລ. ເຈັ ອິນເຕົາ ເບິນ ຫົາ ແຕ ຮາມິຮ ກ້ອຍ? ຮາມິຮ ກ້ອຍ ເບິນ ຫົາ ລາ ນະ ກວາຍ ກູຈິດ ເບິນ ອາມັ່ງ ລັຮ.

16 ຫົາ ຊາກໍາ ນະໄນ່: ຄັນ ອິດ ມານໍາ ໂດຍ ບຸຮ, ມາ ຊາງ ມວຍ ແບະ ໂອນ ເຢົາ ເຈົາຮາຊີ, ເຈັ ອິນ ແຍ່ະ ມັຮ ໂດຍ ບຸຮ ກ້ອຍ ແກ້ດ ຄອງ ເຢົາ ເຈົາຮາ ຊີ ເຕ່. ຄັນ ຊາງ ເຮ່ຮ ອາລ່ອງ ໂອນ ເຢົາ ເຈົາຮາຊີ, ເຈັ ອິນແຍ່ະ ມັຮ ອາແບງ ອາກ່ອງ ລາ ແກ້ດ ຄອງ ອັນ ເຕ່. 17 ຄັນ ເບິນ ອາແບງ ອາລ່ອງ ອາໂປ່ນ ຕຶ່ງ ຊວນ\* ມາ ເມົາ ແປລ ຕັຮ ຊັອງ, ເຈັ ເມົາ ອິດ ອາແບງ ອາລ່ອງ ອາໂປ່ນ ແຕ ກຮວາງ ແອ້ນ ອາຕີ

ໄປຣ ລັຮ ອາແບງ ກາ ເມົາ ແປລ ຕັຮ ກ້ອຍ. ຈຸ່ມ ເຍົາ ກາ ຕາ ແກ້ນ ກວາຍ ອິດຊະຮາເອລ ລາ ນະ ອາແບງ ອາລ່ອງ ອາໂປ່ນ ແຕ ກຮວາງ ກ້ອຍ ເຕ່. ມາ ຊານໍ່ ເຍົາ ເບິນ ເຮ່ງ ກະ ເບິນ ອາມັ່ງ ຍ່ອນ ແຕ ກວາຍ ອິດຊະຮາເອລ. 18 ເຍົາ ອິນໂຈຍ ຄິດ ປາຍ ເຍົາ ລາ ອໍ ກາເລີຍ ແຕ ຈຸ່ມ ອິດຊະຮາເອລ. ຄັນ ເຍົາ ຄິດ ນະກ້ອຍ, ອິງເຄາະ ເຍົາ ຄິດ ລັຮ ປາຍ: ອາແບງ ຕາ ເບິນ ອາເມົາ ເຮ່ຮ, ມາ ເຮ່ຮ ອາເມົາ ອາ ແບງ. 19 ອິງກ້ອຍ ປຍາຍ ເຍົາ ກາ ຕາ ແກ້ນ ກວາ ຍ ອິດຊະຮາເອລ ຢັອ ອີ ປາຍ: "ເຢົາ ເຈົາຮາຊີ ແປລ ຕັຮ ຊັອງ ອາແບງ ຕຍາ ແຕ ກັລ ກ້ອຍ ຢັອ ອີ ອາຕີ ຮິ ແອ້ນ ຕຶ່ງ ກັລ ກ້ອຍ."

20 ປຍາຍ ເຍົາ ປາຍ. ມາ ເຢົາ ເຈົາຮາຊີ ແປລ ຕັຮ ໄລ່ ກ້ອຍ, ຍ່ອນ ໄລ່ ຕາ ເບິນ ຊາອໍາ. ກະ ອັນ ອາຕີ ລັຮ ເຍົາ ລາ ຍ່ອນ ເຍົາ ຊາອໍາ. ນະກ້ອຍ ເຍົາ ອິນໂຈຍ ໂອດ ປາຍ ເຍົາ ລາ ອໍ ກາເລີຍ ແຕ ຈຸ່ມ ອິດຊະຮາເອລ. ມາ ອິງເຄາະ ເຍົາ ອິງກ້ອຍ ເຢົາ ເຈົາຮາຊີ. 21 ຄັນ ເຢົາ ເຈົາຮາຊີ ແປລ ຕັຮ ອາ ແບງ ຕຍາ ແຕ ກັລ ກ້ອຍ ຍ່ອນ ໄລ່ ຕາ ເບິນ ຊາ ອໍາ, ອັນ ຕະ ມູເຈັງ ກ້ອຍ ເຕ່ ກະ ເຍົາ, ຄັນ ເຍົາ ຕາ ເບິນ ຊາອໍາ. 22 ນະກ້ອຍ ໄຮ ດັງ ປາຍ ເຢົາ ເຈົາຮາຊີ ອາໂຢະ ຕະ ກວາຍ, ກະ ອັນ ອິງຄິນ ໂຈະ ກວາຍ ແຮີ. ອັນ ອິງຄິນ ໂຈະ ໄລ່ ກາ ຕາ ເບິນ ຊາ ອໍາ. ມາ ອັນ ອາໂຢະ ຕະ ເຍົາ ຊາອີ້ຍ ລາລີ້, ຄັນ ເຍົາ ຕະ ເປາະ ເລືອຍໆ ຕຶ່ງ ຮາມິຮ ອາໂຢະ ກ້ອຍ. ມາ ຄັນ ເຍົາ ຕາ ເບິນ ຕະ ນະກ້ອຍ, ເຢົາ ເຈົາຮາ ຊີ ແປລ ຕັຮ ເຍົາ ມູເຈັງ ໄລ່ ກ້ອຍ ເຕ່. 23 ມາ ຄັນ ຈຸ່ມ ອິດຊະຮາເອລ ຊາອໍາ, ປຣແນິ ມັນເຕຣົາ, ເຢົາ ເຈົາຮາຊີ ອາຕີ ລັຮ ໄລ່. ເຢົາ ເຈົາຮາຊີ ເຕ້ອ ອາຕີ ລັຮ ໄລ່ ບໍ່ ອິນຕຸ ກາ ອັນ ແປລ ໄລ່ ແຕ ອິນ ໂຍ່ງ. 24 ເຍົາ ກາ ຕາ ແກ້ນ ກວາຍ ອິດຊະຮາເອລ ລາ ນະ ອາແບງ ແຕ ກັລ ອາໂປ່ນ ກາ ຕັຮ ຕຶ່ງ ກຮ ວາງ. ມາ ເຢົາ ເຈົາຮາຊີ ອາຕີ ເຍົາ ບໍ່ ກັລ ອາໂປ່ ນ ກາ ອັນ ຈົຮ ກະ ອັນ ຊາມາ ຕຶ່ງ ຊວນ ອັນ. ຈຸ່ມ ອິດຊະຮາເອລ ລາ ນະ ອາແບງ ຕຍາ ແຕ ກັລ ອາ ໂປ່ນ ກາ ເຢົາ ເຈົາຮາຊີ ຈົຮ. ຄັນ ເຢົາ ເຈົາຮາຊີ ມາ ເຕ້ອ ອາຕີ ອາແບງ ແຕ ກຮວາງ, ອຽນ ກາເລີຍ ແອ້ນ ເຢົາ ເຈົາຮາຊີ ອາຕີ ລັຮ ອາແບງ ຕຍາ ກ້ອຍ ບໍ່ ກັລ ຕຍາ ອັນ.

ປຣແນິ ມັນເຕຣົາ ເຢົາ ເຈົາຮາຊີ ຈ່ອຍ ອາມັ່ງ ກວາຍ ອິດຊະຮາເອລ

25 ແຊມອາຍ ເອີຍ! ຫົາ ຢັອ ອີ ໂອນ ເຍົາ ດັງ ແຕ ຮາມິຮ ປາໂຕ່ະ ໄນ່, ເຢົາອ ເຍົາ ຕາ ເບິນ ໂອດ

\* 11:17 11:17 ອາລ່ອງ ອາໂປ່ນ ຕຶ່ງ ຊວນ ລາ ຊາກໍາ ແຕ ກວາຍ ອິດຊະຮາເອລ.

ປາຍ ເຍົາ ດັງ ກາເລີຍ ແຕ ກວາຍ ການໍ້ອໍ. ຊານໍ້ ເປັນ ມວຍ ຈຸ່ມ ແຕ ກວາຍ ອິດຊະຮາເອລ ກາ ເປີ ນ ຮາງື່ຮ ກ້ອງ. ມາ ແວັດ ອັນ ກູອໍ ໂອນ ກູ່ ມາຮ ອັນ ອີ ເປັນ ແຕ ກວາຍ ກາ ຕາ ແກ້ນ ກວາຍ ອິດ ຊະຮາເອລ, ເຈີ້ ອັນ ກູອໍ ກວາຍ ອິດຊະຮາເອລ ແອັນ. <sup>26</sup> ແຕ້ອໍ ຕາໂງ່ ກ້ອຍ ເຢີງ ເຈົ້າຮາຊີ ຈ່ອຍ ອາມັງ ອິນແຍ່ະ ມັຮ ຈຸ່ມ ອິດຊະຮາເອລ. ຕຶງ ປຶງ ປັຮນາຍ ເຢີງ ເຈົ້າຮາຊີ ແຕ ອິມແປ້, ເຢີງ ເຈົ້າຮາ ຊີ ປາຍ:

"ອັນ ກາ ຈ່ອຍ ອາມັງ ກວາຍ, ອັນ ແຕ້ອໍ ແຕ ກົຮ ຊີໂອນ.

ອັນ ຕະ ໂອນ ຈຸ່ມເຈີອ ຢາໂຄບ ຕາ ເປີນ ຕະ ໂລ້ຍຮ ນ້ອງ.

<sup>27</sup> ພໍກາ ເກົາ ຕັຮ ໂລ້ຍຮ ໄລ່, ຕາໂງ່ ກ້ອຍ ເກົາ ຕະ ໂອນ ເຈີ້ ມັຮ ປັຮນາຍ ກາ ເກົາ ປັຮຄັນ ກະ ໄລ່ ແຕ ອິມແປ້ ເຈີ້."

<sup>28</sup> ຊາອິ້ຍ ລາລີ້ ກວາຍ ອິດຊະຮາເອລ ຕາ ແອອໍ ອີ ຊາອໍ ປັຮນາຍ ອໍ ແຕ ເຢຊູ ກຮິດ. ນະກ້ອຍ ໄລ່ ກ້ອຍ ລາ ນະ ໄລ່ ດໍອໍ ມັດ ໂຈະ ເຢີງ ເຈົ້າຮາຊີ. ຍ່ອນ ໄລ່ ຕະ ນະກ້ອຍ, ຊານໍ້ ເຍົາ ກາ ຕາ ແກ້ນ ກວາຍ ອິດຊະຮາເອລ ແຕ້ອໍ ຊາອໍ ເຢຊູ ກຮິດ ແຕ່. ມາ ຈຸ່ມ ອິດຊະຮາເອລ ລາ ກວາຍ ກາ ເຢີງ ເຈົ້າຮາ ຊີ ຮຽຮ ແຕ ອິນໂຍ່ງ ເຈີ້. ນະກ້ອຍ ເຢີງ ເຈົ້າຮາ ຊີ ອິນນ້ອງ ອາໂຍ່ະ ໄລ່ ຍ່ອນ ອັນ ເອີອໍ ກະ ອາ ຈວາຍຮ ອາເຈ່ຮ ໄລ່. <sup>29</sup> ເຢີງ ເຈົ້າຮາຊີ ຕາ ເກີ່ຍ ຮາປຽນ ມັຮ ຮາມິ່ຮ ກາ ອັນ ເອີອໍ ເຈີ້. ຮາມິ່ຮ ອິນ ແຕ້ ອັນ ໂອນ, ອັນ ຕາ ເກີ່ຍ ອິດ ລັຮ. ກະ ກວາ ຍ ອັນ ຮຽຮ, ອັນ ຕາ ເກີ່ຍ ຕັຮ. <sup>30</sup> ແຕ ອິນໂຍ່ງ ເຍົາ ຕາ ເປີນ ຊາງັດ ເຢີງ ເຈົ້າຮາຊີ. ມາ ຊານໍ້ ເຢີງ ເຈົ້າຮາຊີ ອາໂຍ່ະ ຕະ ເຍົາ ຕາງ ຈຸ່ມ ອິດຊະຮາເອລ ກາ ຕາ ຍິອໍ ອີ ຊາງັດ ອັນ. <sup>31</sup> ຊານໍ້ ຈຸ່ມ ອິດຊະຮາ ເອລ ຕາ ເປີນ ຕະ ຕາປູນ ເຢີງ ເຈົ້າຮາຊີ. ມາ ປັຮ ແມ້ ມັນເຕຣີ ເຢີງ ເຈົ້າຮາຊີ ອາໂຍ່ະ ຕະ ໄລ່ ມູເຈີງ ອັນ ອາໂຍ່ະ ຕະ ເຍົາ ຊານໍ້ ແຕ່. <sup>32</sup> ເຢີງ ເຈົ້າຮາຊີ ໂອນ ກູ່ ນະ ກວາຍ ແກັດ ນະ ກວາຍ ເມົາ ໂກບ ດໍອໍ ຕຶງ ກໍອໍ ຍ່ອນ ໄລ່ ຕາ ເປີນ ຊາງັດ ອັນ, ດໍອໍ ແຕ້ອໍ ອັນ ອາປັຮ ອັນ ອາໂຍ່ະ ຕະ ກູ່ ນະ ໄລ່.

ຍ່ອງ ເຢີງ ເຈົ້າຮາຊີ

<sup>33</sup> ໂອ! ຮາໂງ່ອໍ ຮາລັງ ລາລີ້ ເຢີງ ເຈົ້າຮາຊີ! ອັນ ດັງ ກູ່ ຮາມິ່ຮ. ໄຮ ຕາ ແຕ້ອໍ ຊາປູຮ ມັຮ ຮາມິ່ ຮ ກາ ອັນ ດັງ. ກະ ໄຮ ຕາ ແຕ້ອໍ ດັງ ມັຮ ຮານະ ກາ ອັນ ຍິອໍ ອີ ຕະ ກະ ມັຮ ການິດ ອັນ ຄິດ. <sup>34</sup> ຕຶງ

ປຶງ ປັຮນາຍ ເຢີງ ເຈົ້າຮາຊີ ແຕ ອິມແປ້ ເມົາ ຕາ ແປັບ ປາຍ:

"ເປີນ ກວາຍ ອາແລ່ະ ແຕ້ອໍ ດັງ ຮາງື່ຮ ເຢີງ ເຈົ້າຮາ ຊີ ບໍ່?

ແຕ້ລາ ເປີນ ກວາຍ ອາແລ່ະ ແຕ້ອໍ ຕຽຮ ອາ ຕີ ເຢີງ ເຈົ້າຮາຊີ ບໍ່?

<sup>35</sup> ແຕ້ລາ ເປີນ ກວາຍ ອາແລ່ະ ແຕ້ອໍ ປາຍ ເຢີງ ເຈົ້າຮາຊີ ຕູ່ ອັນ ມວຍ ຮາມິ່ຮ ອິນແຕ້, ຍ່ອນ ອັນ ໂອນ ເຢີງ ເຈົ້າຮາຊີ ແຕ ອິນໂຍ່ງ ເຈີ້ ບໍ່?"

<sup>36</sup> ເຢີງ ເຈົ້າຮາຊີ ແຕ້ ແຕງ ຕຸ່ກ ມາເລ່ກ ແຊກ ມາການ ຕຶງ ປຶນ ກະ ຕຶງ ແປັງ. ກູ່ ຮາມິ່ຮ ກ້ອຍ ລາ ອັນ ຕາລາ ອິນແຍ່ະ. ກະ ອັນ ຊົດ ກູ່ ຮາມິ່ຮ ມັຮ ກາ ອັນ ແຕງ. ອິງເຄາະ ໄຮ ຍ່ອງ ເລີ້ຍໆ ເຢີງ ເຈົ້າຮາຊີ ຊົດ ແດີຍ ເລີ້ຍ ກູ່ມໍ. ອາແມນ.

## 12

ຮານະ ກວາຍ ຕະ ຕາ ເປີນ ມູເຈີງ

<sup>1</sup> ແຊມອາຍ ເອີຍ! ຍ່ອນ ເຢີງ ເຈົ້າຮາຊີ ອາ ໂຍ່ະ ຕະ ເຍົາ ຊາອິ້ຍ ລາລີ້, ເກົາ ແຊອໍ ເຍົາ ມ່ອບ ຈະ ເຍົາ ປີ ເຢີງ ເຈົ້າຮາຊີ. ຕະ ນະກ້ອຍ, ຈະ ເຍົາ ລາ ນະ ຊົນຕຣັນ ເມົາ ມ່ອບ ຊາງ ໂອນ ເຢີງ ເຈົ້າຮາ ຊີ, ບັອງ ເຍົາ ອິນນ້ອງ ອາມັງ. ໄນ່ ລາ ເກຣັງ ຊາງ ບຣັຮ ອໍ ກາ ຕະ ໂອນ ເຢີງ ເຈົ້າຮາຊີ ຊ້ອງ ຣໍອໍ ຮາງື່ຮ. <sup>2</sup> ເຍົາ ອິນໂຈຍ ດວຍ໌ ນ້ອງ ນະ ຮານະ ກວາ ຍ ຕຶງ ແດີຍ ໄນ່ ຕະ. ມາ ອິງເຄາະ ເຍົາ ໂອນ ເຢີງ ເຈົ້າຮາຊີ ປຽນ ລັຮ ຮາງື່ຮ ເຍົາ ໂອນ ການິດ ເຍົາ ຄິດ ຮານະ ຕາໄມ ແອັນ. ຕະ ນະກ້ອຍ, ເຍົາ ດັງ ຮານະ ອິນແຕ້ ເຢີງ ເຈົ້າຮາຊີ ຍິອໍ ເຍົາ ຕະ. ຮານະ ກ້ອຍ ລາ ອໍ, ກະ ຮານະ ຕະ ໂອນ ເຢີງ ເຈົ້າຮາຊີ ຊ້ອງ ຣໍອໍ ຮາງື່ຮ ແຮີ. ກະ ຮານະ ປຍາຍ໌ ໂອນ ເຍົາ ຕະ.

<sup>3</sup> ເກົາ ຊາແອັນ ເຢີງ ເຈົ້າຮາຊີ ຈ່ອຍ ເມົາດ ໂອນ ເກົາ ເປີນ ອາຕີ ເຍົາ ກູ່ ນະ ປາຍ: ເຍົາ ອິນໂຈຍ ອາ ຊ້ອຮ ຈະ ເປັຍ ແຕ ເມົາ ໂອນ ເຍົາ ຕະ ແຕ ຮານະ ເຢີງ ເຈົ້າຮາຊີ. ມາ ອິງເຄາະ ເຍົາ ຕາຕ່ອຍ໌ ໂອນ ດັງ ຮານະ ເຢີງ ເຈົ້າຮາຊີ ໂອນ ເຍົາ ຕະ ຕາປູນ ຮາງື່ຮ ຊາອໍ ກາ ອັນ ໂອນ ເຍົາ ເປີນ. <sup>4</sup> ຈະ ກວາຍ ອິງ ເຄາະ ເປີນ ຊາອິ້ຍ ຮາມິ່ຮ ນະ ແຕ້ອໍ ແກັດ ກວາຍ. ກະ ກູ່ ຮາມິ່ຮ ກ້ອຍ ເປີນ ອິມພາ ຮານະ ຕະ. <sup>5</sup> ມູ ເຈີງ ກ້ອຍ ແຕ່, ໄຮ ກວາຍ ກາ ຊາອໍ ເຢຊູ ກຮິດ ລາ ກຶງ, ມາ ໄຮ ແກັດ ມວຍ ຈຸ່ມ. ນະກ້ອຍ ຊາ ນູ່ ໄຮ ອິມປຣ່ອມ ມານະ ຈ່ອຍ ມານະ. <sup>6</sup> ອິນແຍ່ະ ມັຮ ໄຮ ເປີນ ອິມພາ ຮານະ ເຢີງ ເຈົ້າຮາຊີ ໂອນ ໄຮ

ຕະ. ຄັນ ອັນ ໂອນ ກວາຍ ອາແລະ ອາຕີ ຕາງ ປັຣ  
 ມາຍ ເຢິງ ເຈົ້າຮາຊີ, ອີງເຄາະ ກວາຍ ກ້ອຍ ອາຕີ  
 ປັຣນາຍ ກ້ອຍ ຕາປຸ່ນ ຮາງື່ຮ ອັນ ຊາອຳ. <sup>7</sup> ກວາ  
 ຍ ອາແລະ ກາ ເຢິງ ເຈົ້າຮາຊີ ໂອນ ຈ່ອຍ ເຍົາ, ອີງ  
 ເຄາະ ກວາຍ ກ້ອຍ ຕະ ຮານະ ກ້ອຍ. ກວາຍ ອາ  
 ແລະ ກາ ເຢິງ ເຈົ້າຮາຊີ ໂອນ ອາຕີ ກວາຍ ການ້ອ, ອີງ  
 ເຄາະ ກວາຍ ກ້ອຍ ຕະ ຮານະ ກ້ອຍ. <sup>8</sup> ກວາ  
 ຍ ອາແລະ ກາ ເຢິງ ເຈົ້າຮາຊີ ໂອນ ອາຈວຣ ເຍົາ  
 ຕະ ຮານະ ອໍ, ອີງເຄາະ ກວາຍ ກ້ອຍ ຕະ ຮານະ  
 ກ້ອຍ. ກວາຍ ອາແລະ ກາ ເຢິງ ເຈົ້າຮາຊີ ໂອນ  
 ຈ່ອຍ ຮັງອອຍ ໂອນ ເຍົາ, ອີງເຄາະ ກວາຍ ກ້ອຍ  
 ຈ່ອຍ ອິນແຍ່ະ ຮາງື່ຮ ຮາແອີ. ກວາຍ ອາແລະ  
 ກາ ເຢິງ ເຈົ້າຮາຊີ ໂອນ ຕະ ຊົດ ຕຶ່ງ ມູ່ ກາ ຊາອຳ,  
 ອີງເຄາະ ກວາຍ ກ້ອຍ ປາໄຮ່ຮ ຕະ ຮານະ ຊົດ. ກະ  
 ກວາຍ ອາແລະ ກາ ເຢິງ ເຈົ້າຮາຊີ ໂອນ ເປັນ ຮາງື່ຮ  
 ຊ້ອງ ອາໂຍ່ະ ຕະ ເຍົາ, ອີງເຄາະ ກວາຍ ກ້ອຍ ຮໍ່ອ  
 ເລືອຍໆ ຕະ ຮານະ ກ້ອຍ.

ປັຣນາຍ ປາຕັບ ໂອນ ມູ່ ກາ ຊາອຳ

<sup>9</sup> ອີງເຄາະ ເຍົາ ອາໂຍ່ະ ລາລີ້ ເຍົາ; ອິນໂຈຍ ອາ  
 ໂຍ່ະ ແອັງ ແບອ ຊ້ອງ. ກະ ອີງເຄາະ ເຍົາ ວຍາຣ  
 ອິນແຍ່ະ ມັຮ ຮານະ ຕາ ອໍ, ໂອນ ເຍົາ ຕະ ແອັງ ຮາ  
 ນະ ອໍ ຊ້ອງ. <sup>10</sup> ອີງເຄາະ ເຍົາ ມານະ ອາໂຍ່ະ ມານະ;  
 ຍ່ອນ ອິນແຍ່ະ ນະ ເຍົາ ລາ ນະ ແຊມອາຍ. ກະ ອີງ  
 ເຄາະ ເຍົາ ຢານັບ ເຍົາ ໂອນ ປັດ ກາເລີຍ ແຕ ເຍົາ.  
<sup>11</sup> ເຍົາ ອິນໂຈຍ ອາລັຮ ຕະ ຮານະ ກາ ເຢິງ ເຈົ້າຮາ  
 ຊີ ໂອນ ເຍົາ ຕະ. ມາ ອີງເຄາະ ເຍົາ ຕະ ຮານະ ກ້ອຍ  
 ອິນແຍ່ະ ຮາງື່ຮ ຮາແອີ ເຍົາ. <sup>12</sup> ອີງເຄາະ ເຍົາ ຊ້ອງ  
 ຮໍ່ອ ອໍ ບັອງ ກາ ເຍົາ ແອັດ ອີງກ່ອງ ເຢິງ ເຈົ້າຮາ  
 ຊີ ຈ່ອຍ ເຍົາ. ກະ ອີງເຄາະ ເຍົາ ຈິວ ເລືອຍໆ ມັຮ  
 ຮາມິຣ ຕຸ່ຮ ກັດ ກາ ແຕ້ອ ປິ ເຍົາ. ອີງເຄາະ ເຍົາ  
 ເກົາແຊອ ເລືອຍໆ ແຕ ເຢິງ ເຈົ້າຮາຊີ. <sup>13</sup> ຄັນ ເປີ  
 ນ ເມົາ ແຕ ມູ່ ກາ ຊາອຳ ມາ ຕຸ່ຮ ກາດິດ, ອີງເຄາະ  
 ເຍົາ ຈ່ອຍ ກວາຍ ກ້ອຍ. ອີງເຄາະ ເຍົາ ຕະ ປັງ ມັດ  
 ມຸ່ຮ ໂຈະ ກວາຍ ຕາມອຍ ກາ ແຕ້ອ ປິ ເຍົາ. <sup>14</sup> ອີງ  
 ເຄາະ ເຍົາ ແຊອ ເຢິງ ເຈົ້າຮາຊີ ໂອນ ບຸ່ນ ປິ ກວາຍ  
 ກາ ຍິ້ອ ອີ ຕະ ເຍົາ. ເຍົາ ເກົາແຊອ ໂອນ ກະ ອິນ  
 ໂຈຍ ປາຍ ປາຕ້ອງ ປານໍ ໄລ່ ກ້ອຍ. <sup>15</sup> ຄັນ ເປີນ  
 ເມົາ ຊ້ອງ ຮໍ່ອ, ອີງເຄາະ ເຍົາ ປຣ່ອມ ຮໍ່ອ ກະ ໄລ່  
 ແຕ່. ຄັນ ເມົາ ຮາມິຣ ຕຸ່ຮ ກັດ, ອີງເຄາະ ເຍົາ ເຍົາມ  
 ກະ ໄລ່ ແຕ່. <sup>16</sup> ອີງເຄາະ ອິນແຍ່ະ ນະ ເຍົາ ປຣ່ອມ  
 ມວຍ ຮາງື່ຮ. ເຍົາ ອິນໂຈຍ ອາຊ້ອຣ ຈະ ເຍົາ ເປີ  
 ມ. ມາ ອີງເຄາະ ເຍົາ ແອັດ ຮາຕອຍ ກະ ກວາຍ ກາ

ດິດ ແຕ່. ກະ ເຍົາ ອິນໂຈຍ ຄູ່ດ ປາຍ ເຍົາ ລາ ຮາ  
 ໄງ່ອ ກາເລີຍ ແຕ ກວາຍ ການ້ອ.

<sup>17</sup> ຄັນ ເປີນ ກວາຍ ຕະ ຕາ ອໍ ໂຈະ ເຍົາ, ເຍົາ  
 ອິນໂຈຍ ກັຮລັຮ ແຕ້ອ ໂຈະ ໄລ່. ມາ ອີງເຄາະ ເຍົາ  
 ປາໄຮ່ຮ ຕະ ຮານະ ອໍ ເລືອຍໆ, ໂອນ ອິນແຍ່ະ ມັຮ  
 ກວາຍ ແຕ້ອ ເຮັມ ປາຍ ເຍົາ ລາ ກວາຍ ອໍ. <sup>18</sup> ຄັນ  
 ແຕ້ອ, ອີງເຄາະ ເຍົາ ປາໄຮ່ຮ ອິນແຍ່ະ ຮາງື່ຮ ຮາ  
 ແອີ ເຍົາ ໂອນ ແອັດ ຮາຕອຍ ອໍ ກະ ກູ່ ນະ ກວາ  
 ຍ. <sup>19</sup> ແຊມອາຍ ເອີຍ! ເກົາ ອາໂຍ່ະ ລາລີ້ ເຍົາ.  
 ເກົາ ປາຕັບ ເຍົາ ປາຍ: ອິນໂຈຍ ກັຮລັຮ ແຕ້ອ ໂຈະ  
 ກວາຍ ອາແລະ. ອີງເຄາະ ເຍົາ ໂອນ ເຢິງ ເຈົ້າຮາຊີ  
 ຊ້ອງ ຕະ ລັຮ ໄລ່ ກາ ຕະ ເຍົາ. ຍ່ອນ ຕຶ່ງ ປັງ ປັຣ  
 ມາຍ ເຢິງ ເຈົ້າຮາຊີ, ອັນ ປາຍ:

"ເກົາ ແຕ້ ແຕ້ ກັຮລັຮ ແຕ້ອ ໂອນ ກວາຍ.  
 ເກົາ ອີ ກູລັຮ ເກົາ ໂອນ ກູ່ ນະ ກວາຍ,  
 ຕາປຸ່ນ ຮານະ ໄລ່ ຕະ."

<sup>20</sup> ອິນຕຸ ການ້ອ ຕຶ່ງ ປັງ ປັຣນາຍ ເຢິງ ເຈົ້າຮາ  
 ຊີ ປາຍ ແອັມ:

"ຄັນ ເປີນ ກວາຍ ກາ ດໍ່ອ ມັດ ກະ ເຍົາ ມາ ອັນ  
 ຊ້ອງ ມາເຍົາຍຮ ໂດຍ,  
 ອີງເຄາະ ເຍົາ ໂອນ ອັນ ຈາ.  
 ຄັນ ອັນ ຊ້ອງ ອາເຣັງ ແຕ້ອ,  
 ອີງເຄາະ ເຍົາ ໂອນ ອັນ ຈ່ອຍ.

ຄັນ ເຍົາ ຕະ ນະກ້ອຍ, ກວາຍ ກ້ອຍ ຊ້ອງ ກູມາລ  
 ຕະ ແຕ່ ແຕ ຮາງື່ຮ ກາ ອັນ ຍິ້ອ ອີ ຕະ  
 ເຍົາ."

<sup>21</sup> ເຍົາ ອິນໂຈຍ ໂອນ ຮານະ ຕາ ອໍ ເຮົາບ ເຍົາ  
 ເດັງ ເຍົາ ຕະ ຮານະ ຕາ ອໍ. ມາ ອີງເຄາະ ເຍົາ ຕະ  
 ເລືອຍໆ ຮານະ ອໍ. ນະກ້ອຍ ເຍົາ ເຮົາບ ອິນແຍ່ະ  
 ຮານະ ຕາ ອໍ ກ້ອຍ.

**13**

ກວາຍ ຊາອຳ ອີງເຄາະ ຕະ ນານະ ກະ ກວາຍ  
 ຊົດ?

<sup>1</sup> ອີງເຄາະ ກູ່ ນະ ເຍົາ ຊາງັດ ປັຣນາຍ ໄລ່ ກາ ຊົດ  
 ເຍົາ. ເຢິງ ເຈົ້າຮາຊີ ແຕ່ ຈົຮ ກວາຍ ກ້ອຍ ໂອນ  
 ແກ້ດ ຊົດ. ຄັນ ເຢິງ ເຈົ້າຮາຊີ ຕາ ເປີນ ຮຽຮ,  
 ກວາຍ ກ້ອຍ ຕາ ແຕ້ອ ຕະ ຊົດ. <sup>2</sup> ນະກ້ອຍ ຄັນ  
 ກວາຍ ອາແລະ ກາ ຫຼິ້ນ ຕາ ແອອ ອີ ຊາງັດ ກວາຍ  
 ຊົດ, ລາ ນະ ອັນ ຕາ ແອອ ຊາງັດ ເຢິງ ເຈົ້າຮາຊີ  
 ແຕ່. ອິນຕຸນ ກວາຍ ກ້ອຍ ຮາມິຣ ຊາອິຍ ຮາມິຣ  
 ຕຸ່ຮ ກັດ. <sup>3</sup> ມັຮ ກວາຍ ກາ ຕະ ຮານະ ອໍ ຕາ ເປີນ  
 ຕຸ່ຮ ອີງກ້ອຣ ກວາຍ ຊົດ. ແອັງ ໄລ່ ກາ ຕະ ຮານະ  
 ໄລ່ຍຮ ຊ້ອງ ອີງກ້ອຣ ກວາຍ ຊົດ. ຄັນ ເຍົາ ມາ ຕາ  
 ແອອ ກວາຍ ຊົດ ໂຈະ ໄຕ່ດ ເຍົາ, ອີງເຄາະ ເຍົາ ຕະ  
 ຮານະ ອໍ. ນະກ້ອຍ ໄລ່ ກວາຍ ຊົດ ຍ່ອງ ແຕ່ ເຍົາ.

\* 12:20 12:20 ຕຶ່ງ ຮານາ ໄນ່ ອັນ ປາຍ: "ຄັນ ເຍົາ ຕະ ນະກ້ອຍ, ເຍົາ ປາໂຮມ ດໍ່ອ ຮັງເຮີ ອູ່ຮ ຕຶ່ງ ແປ້ ອັນ."

4 ກວາຍ ຊົດ ຕະ ຣານະ ໂອນ ເຢີງ ເຈົ້າຣາຊີ, ດໍອໍ ແກ້ດ ເກົ້າ ໂອນ ເຢີງ. ມາ ຄັນ ເຍົາ ຕະ ຣານະ ຕາ ອໍ, ເຍົາ ອົງເຄາະ ອົງກ້ອນ ໄລ່ ກາ ຕະ ຊົດ, ຍ່ອນ ເຕ່ອໍ ໄລ່ ຕະ ໂຕ່ດ ເຍົາ. ເຢີງ ເຈົ້າຣາຊີ ໂອນ ໄລ່ ເປີ ນ ອຳນາດ ໂຈະ ໂຕ່ດ ກວາຍ ກາ ຕະ ຣານະ ຕາ ອໍ. 5 ນະກ້ອຍ ອົງເຄາະ ເຍົາ ຊາງັດ ມັຮ ກວາຍ ຊົດ, ມາ ເຍົາ ອິນໂຈຍ ຊາງັດ ໄລ່ ຍ່ອນ ເຍົາ ອົງກ້ອນ ເມົາ ໂຈະ ໂຕ່ດ ຊ້ອງ, ມາ ອົງເຄາະ ເຍົາ ຊາງັດ ໄລ່ ໂອນ ຣາງັຮ ເຍົາ ຕາ ເປີນ ຕີ ປາຍ ເຍົາ ຕະ ໄລ່ຍຮ. 6 ມູເຈິງ ກ້ອຍ ເຕ່, ອົງເຄາະ ເຍົາ ມ່ອນ ປາຊີ ໂອນ ປິ ກວາຍ ຊົດ, ຍ່ອນ ເຕ່ອໍ ໄລ່ ຕະ ຣານະ ກ້ອຍ ໄລ່ ຕະ ເຕ່ ຣານະ ເຢີງ ເຈົ້າຣາຊີ. 7 ນະກ້ອຍ, ອົງ ເຄາະ ເຍົາ ກູລັຮ ໂອນ ກູ່ ນະ, ຕາປູ່ນ ມັຮ ຣາມິ້ຮ ອິນເຕົ້າ ປຍາຍ໌ ໂອນ ອັນ ເປີນ ຮັບ. ຄັນ ປຍາຍ໌ ເຍົາ ໂອນ ປຣະ ປາຊີ, ເຍົາ ໂອນ. ຄັນ ປຍາຍ໌ ເຍົາ ໂອນ ປຣະ ເມົາ ຈັດ, ເຍົາ ໂອນ ປຣະ ກ້ອຍ. ຄັນ ປຍາຍ໌ ເຍົາ ຢຳນັບ, ເຍົາ ຢຳນັບ. ຄັນ ປຍາຍ໌ ເຍົາ ຍ່ອງ, ເຍົາ ຍ່ອງ.

ຣາມິ້ຮ ປິດ ກາເລີຍ ອິນແຍ່ະ ແຕ ການໍອໍ ລາ ອາໂຍ່ະ ເຍົາ

8 ແວັດ ເຍົາ ກູລັຮ ອິນແຍ່ະ ມັຮ ຣາມິ້ຮ ກາ ເຍົາ ຕູ່, ເຍົາ ອິນນ້ອງ ຕູ່ ມວຍ ຣາມິ້ຮ ແອັນ. ຣາມິ້ຮ ໄລ່ ລາ ອົງເຄາະ ເຍົາ ມານະ ອາໂຍ່ະ ມານະ. ກວາຍ ອາແລ່ະ ກາ ອາໂຍ່ະ ເຍົາ, ກວາຍ ກ້ອຍ ຕາປູ່ນ ອິນ ແຍ່ະ ຄານອດ ເຢີງ ເຈົ້າຣາຊີ ໂອນ ຣານາ ໂມເຊ. 9 ເຢີງ ເຈົ້າຣາຊີ ປາຕັບ ປາຍ:

"ອິນໂຈຍ ປັຣລິ້ຍ ລາກວຍ ແຕ່ລາ ກາຢາອ໌ ເມົາ. ອິນໂຈຍ ກາຈິດ ກວາຍ. ອິນໂຈຍ ຕູ່ຕວຍ໌.

ອິນໂຈຍ ຍິອ໌ ອີ ເປີນ ເກຣັງ ເມົາ."  
ອິນແຍ່ະ ປັຣນາຍ ປາຕັບ ໄລ່, ກະ ອິນແຍ່ະ ປັຣ ນາຍ ການໍອໍ ກາ ເຢີງ ເຈົ້າຣາຊີ ປາຕັບ, ແກ້ດ ມວຍ ປັຣນາຍ ປາຕັບ ຊ້ອງ. ຄັນ ໄຮ ຕະ ຕາປູ່ ນ ປັຣນາຍ ປາຕັບ ໄລ່, ໄຮ ຕະ ຕາປູ່ນ ກູ່ ປັຣນາຍ ປາຕັບ ການໍອໍ ເຕ່. ປັຣນາຍ ປາຕັບ ປິດ ກາເລີຍ ອິນແຍ່ະ ແຕ ການໍອໍ ລາ ນະໄມ່: ອົງເຄາະ ເຍົາ ອາ ໂຍ່ະ ເຍົາ ມູເຈິງ ເຍົາ ອາໂຍ່ະ ຈະ ເຍົາ ເປີມ. 10 ກວາ ຍ ອາແລ່ະ ກາ ອາໂຍ່ະ ເຍົາ, ກວາຍ ກ້ອຍ ຕາ ເກີ້ຍ ຕະ ຕາ ອໍ ໂຈະ ເຍົາ. ນະກ້ອຍ, ຄັນ ໄຮ ດັງ ອາໂຍ່ະ ເຍົາ, ລາ ໄຮ ຕະ ຕາປູ່ນ ກູ່ ປັຣນາຍ ປາຕັບ ແຕ ເຢີງ ເຈົ້າຣາຊີ ເຈີ້.

11 ອົງເຄາະ ໄຮ ປາໄຮ່ຮ ຕະ ນະກ້ອຍ, ຍ່ອນ ໄຮ ດັງ ແຈ່ະ ອີ ແຕ້ອ໌ ຕາໄງ ເຢຊູ ແຕ້ອ໌ ອິດ ໄຮ ເດິງ ເປາະ ກະ ອັນ. ຊານໍ່ ຕາໄງ ກ້ອຍ ແຈ່ະ ແກຼ້ຍ ແຕ ຕາໄງ ໄຮ ຕາແບີ ຊາອຳ. ນະກ້ອຍ, ອົງເຄາະ ໄຮ

ເກຣາະ ທໍ ອົງກ່ອງ ຕາໄງ ກ້ອຍ. 12 ອິນໂຈຍ ຕະ ນ້ອງ ຣານະ ຕິ່ງ ແຕີຍ ໄລ່. ຣານະ ກ້ອຍ ລາ ນະ ເມົາ ຕະ ຕິ່ງ ຊາເດົາ. ມາ ຊານໍ່ ແຈ່ະ ແຕ້ອ໌ ຕາໄງ ເຢຊູ ເຈົ້າ ລັຮ ປິ ກູແຕອ໌ ໄລ່. ໄລ່ ລາ ນະ ແຈ່ະ ອີ ປັງ ຕາຮິບ. ນະກ້ອຍ, ອົງເຄາະ ໄຮ ຕັຮ ມັຮ ຣານະ ກາ ເມົາ ເກີ້ຍ ຕະ ຕິ່ງ ການຳ. ໄຮ ຕະ ມັຮ ຣານະ ເຢີງ ເຈົ້າຣາຊີ ໂອນ ໄຮ ຕະ ຊ້ອງ. ຣານະ ກ້ອຍ ລາ ຣານະ ເມົາ ເກີ້ຍ ຕະ ຕິ່ງ ປັງ. 13 ກູ່ ຣານະ ໄຮ ຕະ, ອົງເຄາະ ໄຮ ຕະ ອໍ ນະ ກວາຍ ກາ ຕະ ຣານະ ຕິ່ງ ປັງ. ຕະ ນະກ້ອຍ, ໄຮ ຕາ ເປີນ ອົງກ້ອນ ອິນ ເຕົ້າ ກວາຍ ການໍອ໌ ເຮີມ ຣານະ ໄຮ ຕະ. ເຍົາ ອິນ ໂຈຍ ງ່ອຍ໌ ຈາ ກູຕາ ກູລຍາອ໌. ອິນໂຈຍ ບູລ ບູອງ. ອິນໂຈຍ ບິ ມັນຕຸ ຄັນ ຕາ ເປີນ ລາກວຍ ກາຢາອ໌. ອິນໂຈຍ ຕະ ກູເກາະ. ອິນໂຈຍ ຣາໂລຍຮ. ອິນໂຈຍ ຊັຮແມງ ຍິອ໌ ອີ ເປີນ ເກຣັງ ເມົາ. 14 ມາ ອົງເຄາະ ເຍົາ ແຊອ໌ ເຢຊູ ກຣິດ, ອິນເຈົ້າ ໄຮ, ກຍາອ໌ ຣາງັຮ ເຍົາ. ກະ ເຍົາ ອິນໂຈຍ ຄິດ ນ້ອງ ອີ ຕາປູ່ນ ຣານະ ຕາ ອໍ ນະ ຣາງັຮ ຕຍາ ກາ ເຍົາ ເກີ້ຍ ຍິອ໌.

## 14

ມານະ ອິນໂຈຍ ຕີ ມານະ

1 ຄັນ ເປີນ ກວາຍ ອາແລ່ະ ຊາອຳ ເຢຊູ ເຈີ້, ມາ ອັນ ຕາ ຢວາຣ ດັງ ຊາອິ້ຍ ແຕ ຣານະ ກ້ອຍ, ອົງ ເຄາະ ເຍົາ ຮັບ ກວາຍ ກ້ອຍ ຮໍອ໌ ອໍ. ກະ ເຍົາ ອິນ ໂຈຍ ຣາຈຽນ ກະ ອັນ ແຕ ມັຮ ຣາມິ້ຮ ອັນ ດັງ ຕາ ຢວາຣ ແຈງ. 2 ເປີນ ກວາຍ ແຕ ມູ່ ກາ ຊາອຳ, ໄລ່ ຄິດ ໄລ່ ເຕ່ອ໌ ຈາ ຊັຮນາ ກູ່ ຣາມິ້ຮ, ຕາ ເປີນ ໄລ່ຍຮ ອິນເຕົ້າ. ມາ ເປີນ ໄລ່ ກາ ຕາ ຢວາຣ ດັງ ແຈງ, ໄລ່ ຄິດ ຕາ ເປີນ ອໍ ຈາ ມັຮ ກາ ໄຊອ໌. 3 ໄລ່ ກາ ຈາ ຊັຮນາ ກູ່ ຣາມິ້ຮ ຕາ ເຕ່ອ໌ ພາມາດ ໄລ່ ກາ ຕາ ເປີນ ຈາ ໄຊອ໌. ກະ ໄລ່ ກາ ຕາ ເປີນ ຈາ ໄຊອ໌ ຕາ ເຕ່ອ໌ ປາຍ ໄລ່ຍຮ ໄລ່ ກາ ຈາ ຊັຮນາ ກູ່ ຣາມິ້ ຮ. ມານະ ຕາ ເຕ່ອ໌ ຕີ ມານະ, ຍ່ອນ ເຢີງ ເຈົ້າຣາ ຊີ ຮັບ ເຈີ້ ໄລ່ ກ້ອຍ. 4 ມານະ ເຍົາ ຍັນ ຕີ ກວາຍ ກາ ຕະ ຣານະ ໂອນ ກວາຍ ການໍອ໌? ແອິງ ເນີ້ຍ ອັນ ແຕ້ ເຕ່ອ໌ ປາຍ ກວາຍ ກ້ອຍ ຕະ ຣານະ ອໍ ແຕ້ ລາ ຕາ ອໍ. ກະ ໄຮ ດັງ ເຢີງ ເຈົ້າຣາຊີ ເປີນ ອຳນາດ ເຕ່ອ໌ ຈ່ອຍ ໂອນ ກວາຍ ກ້ອຍ ແອິດ ຊາເບິງ ອໍ.

5 ເປີນ ກວາຍ ຄິດ ອົງເຄາະ ຢຳນັບ ມັຮ ຕາໄງ ເມົາ ຕາປູ່ນ ຮິດ ຊາງ ເຢີງ ເຈົ້າຣາຊີ. ມາ ເປີນ ກວາຍ ການໍອ໌ ຄິດ ກູ່ ຮາໂງ ລາ ມູເຈິງ ອິນແຍ່ະ. ອົງເຄາະ ກູ່ ນະ ຕາຕ່ອຍ໌ ໂອນ ກຣັກ, ອິນເຕົ້າ ເຢີງ ເຈົ້າຣາຊີ ໂອນ ອັນ ຕະ ແຕ ຣາມິ້ຮ ໄລ່. 6 ອັນ ກາ



ຍໍານັບ ມວຍ ຕາໄງ ໂອນ ຕາປູນ ຮິດ ຊາງ ເຢີງ ເຈົ້າຣາຊີ, ອັນ ຕະ ຍ່ອນ ອັນ ຍໍານັບ ເຢີງ ເຈົ້າຣາຊີ. ກະ ອັນ ກາ ຈາ ຊັຣນາ ກຸ່ ຣາມິ້ຣ, ອັນ ຕະ ນະກ້ອຍ ລາ ອັນ ຍໍານັບ ເຢີງ ເຈົ້າຣາຊີ ເຕ່, ຍ່ອນ ອັນ ຊາແອິນ ເຢີງ ເຈົ້າຣາຊີ ໂອນ ເກຣັງ ຊັຣນາ ກ້ອຍ. ມູເຈິງ ກ້ອຍ ເຕ່, ອັນ ກາ ຕາ ເບີນ ຈາ ຊັຣນາ ກຸ່ ຣາມິ້ຣ, ອັນ ຕະ ນະກ້ອຍ ລາ ອັນ ຍໍານັບ ເຢີງ ເຈົ້າຣາຊີ ເຕ່. ກະ ອັນ ຊາແອິນ ເຢີງ ເຈົ້າຣາຊີ ຍ່ອນ ເບີນ ເກຣັງ ຊັຣນາ ມັຣ ອັນ ຈາ. <sup>7</sup> ຕາ ເບີນ ອາແລະ ແຕ ໄຮ ມາ ອາມັງ ໂອນ ມານະ ອັນ ຊ້ອງ. ກະ ຕາ ເບີນ ອາແລະ ແຕ ໄຮ ກູຈິດ ໂອນ ມານະ ອັນ ຊ້ອງ. <sup>8</sup> ຄັນ ໄຮ ອາມັງ, ລາ ອາມັງ ດໍອ ຕະ ຣານະ ເຢີງ ເຈົ້າຣາຊີ. ຄັນ ໄຮ ກູຈິດ, ລາ ໄຮ ເປາະ ແອິດ ກະ ເຢີງ ເຈົ້າຣາຊີ. ນະກ້ອຍ ໄຮ ອາມັງ ແຕີ ລາ ໄຮ ກູຈິດ, ລາ ໄຮ ແກິດ ຄອງ ເຢີງ ເຈົ້າຣາຊີ ອິນແຍະ. <sup>9</sup> ເຢຊູ ກຣິດ ກູຈິດ ກະ ອັນ ອາມັງ ລັຣ ແຕ ອັນ ກູຈິດ, ດໍອ ອັນ ແກິດ ອິນເຈົ້າ ກຸ່ ນະ ກວາຍ, ໄລ່ ກາ ອາມັງ ກະ ໄລ່ ກາ ກູຈິດ. <sup>10</sup> ນະກ້ອຍ, ມານະ ເຍົາ ອີ ຕີ ແຊມອາຍ ເຍົາ? ກະ ມານະ ເຍົາ ພາມາດ ແຊມອາຍ ເຍົາ? ປັຣແນີ ມັນເຕຣົາ ອິນ ແຍະ ມັຣ ໄຮ ອົງເຄາະ ແອິດ ຕາຍິ່ງ ຍັຣ ພົງ ເຢີງ ເຈົ້າຣາຊີ ໂອນ ຕັດຊິນ ໄຮ. <sup>11</sup> ເມົ້າ ຄຽນ ເຈີ່ ຕິ່ງ ປິ່ງ ປັຣນາຍ ເຢີງ ເຈົ້າຣາຊີ ແຕ ອິມແບີ ປາຍ:

"ເຢີງ ເຈົ້າຣາຊີ ປາຍ ເຈີ່: 'ເກົ້າ ອາມັງ ຊົດ ແດີຍ. ນະກ້ອຍ ປັຣແນີ ມັນເຕຣົາ ກຸ່ ນະ ກວາຍ ກຸ່ ຣາ ໂກລ ຍັຣ ພົງ ເກົ້າ.

ກະ ກຸ່ ນະ ກວາຍ ງິນ ປາຍ ເກົ້າ ລາ ເຢີງ ເຈົ້າຣາຊີ.'"

<sup>12</sup> ນະກ້ອຍ ປັຣແນີ ມັນເຕຣົາ ອິນແຍະ ນະ ໄຮ ອົງເຄາະ ງິນ ຍັຣ ພົງ ເຢີງ ເຈົ້າຣາຊີ ມັຣ ຣານະ ໄຮ ຕະ ຕິ່ງ ແດີຍ ໄນ່.

ອິນໂຈຍ ຣາເດີງ ເຍົາ ຕະ ໂລ່ຍຣ

<sup>13</sup> ຍ່ອນ ນະກ້ອຍ, ໄຮ ມານະ ອິນໂຈຍ ຕີ ມານະ ນ້ອງ. ມາ ອົງເຄາະ ໄຮ ຄິດ ນະໄນ່ ແອັນ: ໄຮ ອິນໂຈຍ ຕະ ນ້ອງ ໂອນ ແຊມອາຍ ແກິດ ເປ່ ຣາງິ້ຣ ແຕີ ລາ ຕັຣ ຣານະ ເຢີງ ເຈົ້າຣາຊີ. <sup>14</sup> ຍ່ອນ ເກົ້າ ແອິດ ມວຍ ຣາງິ້ຣ ກະ ເຢຊູ ກຣິດ, ອິນເຈົ້າ ໄຮ, ນະກ້ອຍ ເກົ້າ ດັງ ກຣັກ ລາລີ ລາ ກຸ່ ຣາມິ້ຣ ເກຣັງ ຊັຣນາ ຕາ ເບີນ ໂລ່ຍຣ ອິນເຕົ້າ ໂອນ ກວາຍ ຈາ. ມາ ຄັນ ກວາຍ ອາແລະ ຄິດ ປາຍ ເບີນ ເກຣັງ ຊັຣນາ ເຢີງ ເຈົ້າຣາຊີ ຕາ ໂອນ ອັນ ຈາ, ນະກ້ອຍ ເກຣັງ ກ້ອຍ ຕາ ປຍາຍ໌ ໂອນ ອັນ ຈາ. <sup>15</sup> ຄັນ ເຍົາ ມາ ຈາ ມວຍ

ຣາມິ້ຣ ອິນເຕົ້າ, ມາ ແຊມອາຍ ເຍົາ ຄິດ ໂລ່ຍຣ ຈາ ຣາມິ້ຣ ກ້ອຍ, ແຊມອາຍ ກ້ອຍ ຊ້ອງ ຕຸຣ ລາ ລີ່ ເຣີມ ເຍົາ ຈາ ເກຣັງ ກ້ອຍ. ເຍົາ ຕະ ນະກ້ອຍ, ເຍົາ ຕາ ເບີນ ອາໄຢະ ແຊມອາຍ ເຍົາ. ເຍົາ ອິນໂຈຍ ໂອນ ເກຣັງ ຊັຣນາ ເຍົາ ຈາ ມາ ຕະ ໂອນ ແຊມອາຍ ເຍົາ ຊ້ອງ ຕຸຣ ຣາງິ້ຣ, ຍ່ອນ ເຢຊູ ກຣິດ ກູຈິດ ຕາງ ກວາຍ ກ້ອຍ ເຕ່. <sup>16</sup> ເຍົາ ອິນໂຈຍ ຕະ ມັຣ ຣານະ ກາ ເຍົາ ເຣີມ ປຍາຍ໌, ມາ ເຍົາ ດັງ ແຊມອາຍ ເຍົາ ອີ ປາຍ ໂລ່ຍຣ ແຕ ຣານະ ກ້ອຍ. <sup>17</sup> ຍ່ອນ ຕິ່ງ ຈຸ່ມ ກວາຍ ກາ ເຢີງ ເຈົ້າຣາຊີ ຊົດ ອັນ ຕາ ເບີນ ນັບ ແຕ ເກຣັງ ໄລ່ ຈາ ແຕີລາ ງ່ອຍ. ມາ ອັນ ນັບ ແຕ ໄລ່ ເບີນ ຣາງິ້ຣ ຕານ້ອງ, ໄລ່ ແອິດ ຣາຕອຍ ກະ ເຍົາ, ກະ ໄລ່ ແອິດ ຮໍອ ເລືອຍໆ ຍ່ອນ ຣາເວີຍ ເຢີງ ເຈົ້າຣາຊີ ແອິດ ຕິ່ງ ຣາງິ້ຣ ໄລ່. <sup>18</sup> ກວາຍ ອາ ແລະ ມາ ຕະ ຣານະ ເຢຊູ ກຣິດ ຕາປູນ ຣານາ ໄນ່, ເຢີງ ເຈົ້າຣາຊີ ຊ້ອງ ຮໍອ ກະ ອັນ, ກະ ກວາຍ ການໍອ ຕະ ອິນເຕີ ອໍ ແຕ ກວາຍ ກ້ອຍ ເຕ່. <sup>19</sup> ນະກ້ອຍ, ອົງເຄາະ ໄຮ ປາໄຣັຣ ແອິດ ຣາຕອຍ ເລືອຍໆ ກະ ເຍົາ ຕິ່ງ ມູ່ ກາ ຊາອໍາ, ກະ ອົງເຄາະ ໄຮ ມານະ ຈ່ອຍ ມານະ ໂອນ ເບີນ ຣາງິ້ຣ ຊາອໍາ ເຣ່ງ ອາຊ້ອຣ ແອັນ.

<sup>20</sup> ກຸ່ ຣາມິ້ຣ ເກຣັງ ຊັຣນາ ລາ ອໍ ໂອນ ກວາຍ ຈາ. ມາ ຄັນ ແຊມອາຍ ເຍົາ ເຣີມ ເຍົາ ຈາ ເກຣັງ ຊັຣນາ ກາ ອັນ ຄິດ ເຢີງ ເຈົ້າຣາຊີ ຕາ ໂອນ ອັນ ຈາ, ລາ ອັນ ຈາ ເຕ່ ເກຣັງ ກ້ອຍ. ເຈີ່ ອັນ ຕະ ຣານະ ກາ ອັນ ຊ້ອງ ໂລ່ຍຣ ຄັນ ອັນ ຕະ. ຄັນ ນະກ້ອຍ, ເຍົາ ແອັນ ຕະ ໂລ່ຍຣ ໂຈະ ເຢີງ ເຈົ້າຣາຊີ, ລາ ຍ່ອນ ແຕ ຊັຣນາ ເຍົາ ຈາ. <sup>21</sup> ນະກ້ອຍ, ອໍ ກາເລີຍ ເຍົາ ອິນໂຈຍ ຈາ ໄຊອໍ, ອິນໂຈຍ ງ່ອຍ ປັ້ອງ, ອິນໂຈຍ ຕະ ຣານະ ການໍອ ເຕ່, ຄັນ ຣານະ ກ້ອຍ ຕະ ໂອນ ແຊມອາຍ ເຍົາ ຕະ ໂລ່ຍຣ. <sup>22</sup> ຄັນ ເຍົາ ດັງ ຕິ່ງ ຣາງິ້ຣ ເຍົາ, ຣານະ ເຍົາ ຕະ ມາ ຕາ ເບີນ ໂລ່ຍຣ ອິນເຕົ້າ, ເຍົາ ດໍອ ຣາມິ້ຣ ກ້ອຍ ຕິ່ງ ຣາງິ້ຣ ເຍົາ ຊ້ອງ, ຍ່ອນ ເຢີງ ເຈົ້າຣາຊີ ດັງ ຣາງິ້ຣ ເຍົາ. ບຸ່ນ ລາລີ ກວາຍ ກາ ຕະ ຣານະ, ມາ ຣາງິ້ຣ ອັນ ຕາ ເບີນ ຕີ ອັນ ແຕ ຣານະ ກ້ອຍ. <sup>23</sup> ມາ ຄັນ ກວາຍ ອາແລະ ຄິດ ຕິ່ງ ຣາງິ້ຣ ອັນ ລາ ໂລ່ຍຣ ຈາ ຊັຣນາ ອິນເຕົ້າ, ມາ ອິນນ້ອງ ອັນ ຈາ ເກຣັງ ກ້ອຍ, ອັນ ຕະ ໂລ່ຍຣ, ຍ່ອນ ຣານະ ອັນ ຕະ ລາ ຕາ ເບີນ ແຕ່ອໍ ແຕ ຣາງິ້ຣ ກາ ຊາອໍາ ເຢີງ ເຈົ້າຣາຊີ. ກຸ່ ຣານະ ກວາຍ ຕະ, ມາ ຕາ ເບີນ ຕະ ຍ່ອນ ອັນ ຊາອໍາ ເຢີງ ເຈົ້າຣາຊີ, ຣານະ ກ້ອຍ ລາ ໂລ່ຍຣ.

**15**

ກວາຍ ອາແລະ ກາ ຊາອໍາ ເຣ່ງ ອົງເຄາະ ຈ່ອຍ

ເຍົາ

1 ໄຮ ກາ ຊາອຳ ເຮ່ງ ເຈົ້ ອົງເຄາະ ໄຮ ຈ່ອຍ ເຍົາ, ກາ ອິນນ້ອງ ຊາອຳ ອງວ. ໄຮ ອິນໂຈຍ ຕະ ໂອນ ປຍາຍ໌ ຮາງິຮ ໄຮ ຊ້ອງ. 2 ມາ ກຸ່ ນະ ໄຮ ອົງເຄາະ ຕະ ອໍ ໂອນ ກວາຍ ການໍ້ອໍ ເບີນ ຊາອຳ ເຮ່ງ ອາ ຊ້ອຮ ແອັນ. 3 ຕະ ນະກ້ອຍ ໄຮ ດວຍ໌ ເຢຊູ ກຣິດ ແຕ່, ຍ່ອນ ອັນ ຕາ ເບີນ ຕະ ໂອນ ຮໍ່ອໍ ຮາງິຮ ອັນ ເບີມ. ຕົ່ງ ປຶ້ງ ປັຣນາຍ ເຢືາງ ເຈົ້າຮາຊີ ແຕ ອິມແບີ ເມົ້າ ຄຽນ ອິນໂຍ່ງ ແຕ ປັຣນາຍ ເຢຊູ ປາຍ ໂຈະ ເຢືາງ ເຈົ້າຮາຊີ:

"ປັຣນາຍ ເມົ້າ ອີ ພາມາດ ໄມ່, ລາ ເມົ້າ ພາມາດ ເກົ້າ ແອີ."

4 ມັຮ ປັຣນາຍ ເມົ້າ ຄຽນ ຕົ່ງ ປຶ້ງ ປັຣນາຍ ເຢືາງ ເຈົ້າຮາຊີ ແຕ ອິມແບີ, ເມົ້າ ຄຽນ ດໍ້ອໍ ອາ ຕີ ໄຮ. ນະກ້ອຍ, ແຕ່ອໍ ໄຮ ແອີດ ຊາເບີງ ກະ ອົງ ກ່ອງ ມັຮ ຮາມິຮ ອໍ ເຢືາງ ເຈົ້າຮາຊີ ຍໍ້ອໍ ອີ ຕະ ໂອນ ໄຮ, ຍ່ອນ ປັຣນາຍ ເຢືາງ ເຈົ້າຮາຊີ ຕາລິ້ນ ໄຮ ກະ ຈ່ອຍ ໄຮ ແອີດ ຈິວ. 5 ເກົ້າ ແຊຣ໌ ເຢືາງ ເຈົ້າຮາຊີ, ອັນ ກາ ຕະ ໂອນ ເຍົາ ແຕ່ອໍ ແອີດ ຈິວ, ກະ ອັນ ກາ ຕາລິ້ນ ເລືອຍ ເຍົາ, ເກົ້າ ແຊຣ໌ ອັນ ຕະ ໂອນ ເຍົາ ແກັດ ມູ ຮາງິຮ ມູ ຮາເຮີ ຕາປຸ່ນ ເຢຊູ ກຣິດ. 6 ຕະ ນະກ້ອຍ ເຍົາ ເບີນ ມວຍ ປັຣໄລຮ ມວຍ ປັຣນາຍ ຍ່ອງ ເຢືາງ ເຈົ້າຮາຊີ, ອິມປໍ ເຢຊູ ກຣິດ, ອິນເຈົ້າ ໄຮ. 7 ນະກ້ອຍ, ອົງເຄາະ ເຍົາ ມານະ ຮັບ ໂຈມ ມານະ ນະ ເຢຊູ ກຣິດ ຮັບໂຈມ ເຍົາ ແຕ່, ດໍ້ອໍ ກວາຍ ການໍ້ອໍ ເບີນ ຍ່ອງ ເຢືາງ ເຈົ້າຮາຊີ ຍ່ອນ ແຕ ຮານະ ເຍົາ ຕະ.\* 8 ເກົ້າ ອາຕີ ໂອນ ເຍົາ ດັງ ນະໄມ່: ເຢຊູ ກຣິດ ແກັດ ນະ ກວາຍ ຕະ ຮານະ ດໍ້ອໍ ຈ່ອຍ ໂອນ ຈຸ່ມ ອິດຊະຮາເອລ, ໂອນ ກວາຍ ແຕ່ອໍ ດັງ ປັຣນາຍ ເຢືາງ ເຈົ້າຮາຊີ ລາ ປຍາຍ໌ ລາລີ້, ຍ່ອນ ເຢືາງ ເຈົ້າຮາຊີ ເອີອໍ ເຈົ້ ຮາມິຮ ກ້ອຍ ກະ ອາ ຈວາຍຮ ອາເຈ່ຮ ຈຸ່ມ ອິດຊະຮາເອລ ແຕ ອິມແບີ. 9 ກະ ເຢຊູ ຕະ ໂອນ ກວາຍ ຕາ ແກັນ ກວາຍ ອິດ ຊະຮາເອລ ແຕ່ອໍ ຍ່ອງ ເຢືາງ ເຈົ້າຮາຊີ ແຕ່, ຍ່ອນ ເຢືາງ ເຈົ້າຮາຊີ ຊ້ອງ ອາໂຍ່ະ ຕະ ໄລ່. ເມົ້າ ຄຽນ ອິນໂຍ່ງ ແຕ ເຢຊູ ຕົ່ງ ປຶ້ງ ປັຣນາຍ ເຢືາງ ເຈົ້າຮາຊີ ແຕ ອິມແບີ ປາຍ:

"ເກົ້າ ຍ່ອງ ໄມ່ ຍິຮ ເມີງ ກວາຍ ຕາ ແກັນ ກວາຍ ອິດຊະຮາເອລ.

ກະ ເກົ້າ ລຳ ຍ່ອງ ຮາມິຮ ໄມ່."

10 ອິນຕຸ ການໍ້ອໍ ແອັນ ເມົ້າ ຄຽນ ເຈົ້ ຕົ່ງ ປຶ້ງ ປັຣ ນາຍ ເຢືາງ ເຈົ້າຮາຊີ ປາຍ:

"ມັຮ ເຍົາ ກາ ຕາ ແກັນ ກວາຍ ອິດຊະຮາເອລ ເອີຍ!

ອົງເຄາະ ເຍົາ ແອີດ ຮໍ່ອໍ ບູຍ ມັນຕຸ ກະ ຈຸ່ມ ໄລ່ ກາ ເຢືາງ ເຈົ້າຮາຊີ ຮຽຮ!"

11 ກະ ອິນຕຸ ການໍ້ອໍ ແອັນ ເມົ້າ ຄຽນ ປາຍ:

"ອິມແຍ່ະ ມັຮ ເຍົາ ກາ ຕາ ແກັນ ກວາຍ ອິດຊະຮາ ເອລ,

ອົງເຄາະ ເຍົາ ຍ່ອງ ເຢືາງ ເຈົ້າຮາຊີ! ກຸ່ ຈຸ່ມ ກວາຍ ອົງເຄາະ ຍ່ອງ ເລືອຍໆ ອັນ!"

12 ເບີນ ມວຍ ອິນຕຸ ການໍ້ອໍ ແອັນ ຕົ່ງ ປຶ້ງ ປັຣ ນາຍ ເຢືາງ ເຈົ້າຮາຊີ, ເອຊາຢາ ຄຽນ ປາຍ:

"ແຕ ຈຸ່ມເຈີອ ເຢຊີ ແກັດ ມານຳ ກອນ ຮາເລົາ.† ກອນ ຮາເລົາ ໄມ່ ແກັດ ຊົດ ກວາຍ ກາ ຕາ ແກັນ ກວາຍ ອິດຊະຮາເອລ.

ກະ ໄລ່ ກ້ອຍ ອົງກ່ອງ ອັນ ຈ່ອຍ ອາມັງ ໄລ່."

13 ເກົ້າ ແຊຣ໌ ເຢືາງ ເຈົ້າຮາຊີ, ອັນ ກາ ກໍ່ລ ຮາມິ ຮ ອົງກ່ອງ, ຈ່ອຍ ໂອນ ເຍົາ ແອີດ ຮໍ່ອໍ ເລືອຍໆ ຍ່ອນ ເຍົາ ຊາອຳ. ກະ ເກົ້າ ແຊຣ໌ ອັນ ໂອນ ຮາ ເວີຍ ອັນ ຈ່ອຍ ໂອນ ເຍົາ ເບີນ ຮາງິຮ ອົງກ່ອງ ແກ້ຍ ແກ້ຍ.

ຮານະ ໂປໂລ ຕະ

14 ແຊມອາຍ ເອີຍ! ເກົ້າ ດັງ ເຈົ້ ເຍົາ ລາ ກວາ ຍ ອໍ ລາລີ້. ກະ ເຍົາ ເບີນ ຮາງິຮ ດັງ ຊາອິ້ຍ ເຈົ້. ນະກ້ອຍ ແຕ່ອໍ ເຍົາ ມານະ ອາຕີ ຈ່ອຍ ມານະ.

15 ມາ ເກົ້າ ຕາ ເບີນ ອົງກ້ອຮ ອິນເຕົ້າ ຄຽນ ປັຣ ນາຍ ຊາອິຮ ໄມ່ ອາຣຍານ ລັຮ ເຍົາ. ເກົ້າ ຕາ ເບີນ ອົງກ້ອຮ, ຍ່ອນ ເຢືາງ ເຈົ້າຮາຊີ ຈ່ອຍ ເມີດ ເກົ້າ ໂອນ ຕະ ຮານະ ໄມ່. 16 ອັນ ໂອນ ເກົ້າ ຕະ ຮາ ນະ ເຢຊູ ກຣິດ, ດໍ້ອໍ ອາຕີ ປັຣນາຍ ອໍ ແຕ ເຢືາງ ເຈົ້າຮາຊີ ປໍ ກວາຍ ກາ ຕາ ແກັນ ກວາຍ ອິດຊະ ຮາເອລ. ເກົ້າ ຍິຮ ອີ ມ່ອບ ໄລ່ ປໍ ເຢືາງ ເຈົ້າຮາຊີ ແກັດ ນະ ຫຣິ່ງ ເມົ້າ ມ່ອບ ຊາງ, ໂອນ ຮໍ່ອໍ ຮາງິຮ ເຢືາງ ເຈົ້າຮາຊີ. ຮາເວີຍ ເຢືາງ ເຈົ້າຮາຊີ ແຕ່ ຕະ ໂອນ ໄລ່ ແກັດ ກວາຍ ບຣັຮ ອໍ. 17 ຍ່ອນ ເກົ້າ ເບີນ ມວຍ ຮາງິຮ ກະ ເຢຊູ ກຣິດ, ນະກ້ອຍ ເກົ້າ ຊ້ອງ ຮໍ່ອໍ ມັຮ ຮານະ ເຢືາງ ເຈົ້າຮາຊີ ໂອນ ເກົ້າ ຕະ.

18 ເກົ້າ ຕາ ແຕ່ອໍ ປາຍ ອິນເຕົ້າ ແຕ ຮານະ ເຢືາງ ເຈົ້າຮາຊີ ໂອນ ກວາຍ ການໍ້ອໍ ຕະ. ມາ ແຕ່ອໍ ເກົ້າ ອາຕີ ແຕ ຮານະ ເຢຊູ ກຣິດ ຈ່ອຍ ໂອນ ເກົ້າ ຕະ. ຮານະ ໄມ່ ລາ ເຢືາງ ເຈົ້າຮາຊີ ໂອນ ກວາຍ ກາ ຕາ

\* 15:7 15:7 ຕົ່ງ ຮານາ ໄມ່ "ໂປໂລ ຍິຮ ອີ ໂອນ ກວາຍ ອິດຊະຮາເອລ ກະ ກວາຍ ຕາ ແກັນ ກວາຍ ອິດຊະຮາເອລ, ມານະ ຮັບໂຈມ ມານະ ມູເຈີງ ເຢຊູ ກຣິດ ຮັບໂຈມ ກວາຍ ແຕ ບາຮ ຈຸ່ມ ກ້ອຍ." † 15:12 15:12 ເຢຊີ ລາ ອິມປໍ "ເຕົ້ວ ປັຣເອົາ ດາວິດ."

ແກ້ນ ກວາຍ ອິດຊະຮາເອລ ຊາອຳ ເຕ່, ຍ່ອນ ໄລ່ ຊາງັດ ປັຣນາຍ ເກົາ ອາຕີ, ກະ ຍ່ອນ ໄລ່ ເຮີມ ຮາ ນະ ເກົາ ຕະ, <sup>19</sup> ກະ ຍ່ອນ ຮາເວີຍ ເຢີງ ເຈົ້າຮາຊີ ໂອນ ເກົາ ເບີນ ອຳນາດ ຕະ ຮານະ ຕາ ເກີຍ ເຮີມ ກະ ຮານະ ການໍ້ອ ໂອນ ກວາຍ ເບີນ ເຮີມ, ເຈີ່ ເກົາ ອາຕີ ປັຣນາຍ ອໍ ແຕ ເຢຊູ ກຣິດ ຕິ່ງ ກູ່ ອິນຕຸ ແຕ ເມືອງ ເຢຣູຊາເລັມ ເຕ້າ ແຕ້ອ ປິ ແຄງ ອີລິຣິກັນ.

<sup>20</sup> ເກົາ ຕະ ນະກ້ອຍ ຍ່ອນ ເກົາ ຍິ້ອ ລາລີ້ ອາຕີ ປັຣນາຍ ອໍ ແຕ ເຢຊູ ກຣິດ ໂອນ ໄລ່ ກາ ຕາ ຢ ວາຣ ຊ້ອງ ອິນເຕ້າ ແຕ ອັນ. ເກົາ ຕາ ແອ້ອ ເປາະ ອາຕີ ປິ ອິນຕຸ ກວາຍ ການໍ້ອ ເປາະ ອາຕີ ເຈີ່. ຄັນ ເກົາ ມາ ຕະ ນະກ້ອຍ, ລາ ນະ ເກົາ ຕະ ດຸງ ຕິ່ງ ອິນ ຕຸ ກວາຍ ການໍ້ອ ຈັຣ ຕາໂນລ ເຈີ່. <sup>21</sup> ເພົາ ຄຽນ ເຈີ່ ຕິ່ງ ປິ່ງ ປັຣນາຍ ເຢີງ ເຈົ້າຮາຊີ ແຕ ອິມແບ ປາຍ:

"ມັຣ ໄລ່ ກາ ຕາ ຢວາຣ ຊ້ອງ ປັຣນາຍ ອໍ ແຕ ເຢີງ ເຈົ້າຮາຊີ,

ປັຣແນີ ມັນເຕຣີາ ໄລ່ ເບີນ ຊ້ອງ ເຕ່ ປັຣ ນາຍ ກ້ອຍ,

ກະ ໄລ່ ກາ ຕາ ຢວາຣ ດັງ ແຕ ອັນ,

ປັຣແນີ ມັນເຕຣີາ ໄລ່ ເບີນ ດັງ ເຕ່."

ຮານະ ໂປໂລ ຍິ້ອ ອີ ຕະ ປັຣແນີ ມັນເຕຣີາ

<sup>22</sup> ຍ່ອນ ເກົາ ອິນນ້ອງ ເມົາອ ຕະ ຮານະ ກ້ອຍ, ເກົາ ຕາ ຢວາຣ ເຕ້ອ ແຕ້ອ ຊາອິຣ ເຍົາ. ມາ ຊາ ອິ້ຍ ເຮີບ ເຈີ່ ເກົາ ຍິ້ອ ອີ ແຕ້ອ ປິ ເຍົາ. <sup>23</sup> ດູນ ເຈີ່ ເກົາ ອູອຍາຣ ອູໄອອ ຍິ້ອ ອີ ແຕ້ອ ປິ ເຍົາ, ກະ ຊານໍ້ ເກົາ ຕະ ແມັມ ເຈີ່ ຮານະ ເກົາ ຕິ່ງ ກຣວາງ ໄມ່. <sup>24</sup> ແຕ້ອ ເກົາ ເບີນ ເປາະ ປິ ກຣວາງ ຊະເປນ, ລາ ເກົາ ອີ ມູ່ດ ຊາອິຣ ກັຣຮານ ຕິ່ງ ເມືອງ ເຍົາ ເວີຍ. ເຈີ່ ແວັດ ເກົາ ຊາອິຣ ກັຣຮານ ເຍົາ, ເກົາ ແຊອ ເຍົາ ຈ່ອຍ ເກົາ ໂອນ ເປາະ ແຕ້ອ ປິ ກຣວາງ ຊະເປນ ແອັມ.

<sup>25</sup> ມາ ຊານໍ້ ເກົາ ເປາະ ປິ ເມືອງ ເຢຣູຊາເລັມ ຍິ້ອ ອີ ຈ່ອຍ ຮັງອອຍ ປິ ມັຣ ມູ່ ກາ ຊາອຳ ແອັດ ຕິ່ງ ເມືອງ ກ້ອຍ. <sup>26</sup> ມັຣ ກວາຍ ຊາອຳ ຕິ່ງ ແຄງ ມາເທໂດເມຍ ກະ ແຄງ ອະຄາຢາ, ໄລ່ ກ້ອຍ ຮໍ້ອ ຮາງິຣ ປາໂຣມ ປຣະ ດິ້ອ ຈ່ອຍ ມັຣ ກວາຍ ຊາອຳ ຕິ່ງ ເມືອງ ເຢຣູຊາເລັມ, ໄລ່ ກາ ຕຸ່ຣ ກາດິດ ລາລີ້.

<sup>27</sup> ໄລ່ ກາ ແອັດ ຕິ່ງ ແຄງ ມາເທໂດເມຍ ກະ ແຄງ ອະຄາຢາ, ໄລ່ ລາ ຕາ ແກ້ນ ກວາຍ ອິດຊະຮາເອລ. ມາ ໄລ່ ຮໍ້ອ ຮາງິຣ ຍິ້ອ ອີ ຈ່ອຍ ມັຣ ກວາຍ ຊາອຳ ແຕ ຈຸ່ມ ອິດຊະຮາເອລ. ໄລ່ ກ້ອຍ ຕູ່ ຈຸ່ມ ອິດ ຊະຮາເອລ ເຕ່, ຍ່ອນ ແຕ ອິນໂຍ່ງ ກວາຍ ອິດຊະ ຮາເອລ ຈ່ອຍ ໂອນ ໄລ່ ເບີນ ດັງ ປັຣນາຍ ອໍ ແຕ

ເຢີງ ເຈົ້າຮາຊີ. ນະກ້ອຍ, ອໍ ໂອນ ໄລ່ ຈ່ອຍ ເກ ຮິ່ງ ໂອນ ກວາຍ ອິດຊະຮາເອລ ກາ ຕຸ່ຣ ກາດິດ.

<sup>28</sup> ພໍກາ ເກົາ ຕະ ເຈີ່ ຮານະ ມ່ອບ ເກຣັງ ໂອນ ກວາ ຍ ຊາອຳ ແອັດ ຕິ່ງ ເມືອງ ເຢຣູຊາເລັມ, ເຈີ່ ເກົາ ອີ ເປາະ ປິ ກຣວາງ ຊະເປນ ແອັມ. ມາ ເກົາ ອີ ມູ່ດ ຊາອິຣ ເຍົາ ຕິ່ງ ເມືອງ ໂຮມ ເວີຍ. <sup>29</sup> ເກົາ ດັງ, ພໍ ກາ ເກົາ ແຕ້ອ ປິ ເຍົາ, ລາ ເກົາ ເດີງ ກູ່ ຮາມິຣ ບຸ່ນ ແຕ ເຢຊູ ກຣິດ ໂອນ ເຍົາ.

<sup>30</sup> ຍ່ອນ ເຍົາ ແອັດ ມວຍ ຮາງິຣ ກະ ເຢຊູ ກຣິ ດ ເຈີ່, ກະ ຍ່ອນ ຮາເວີຍ ເຢີງ ເຈົ້າຮາຊີ ຈ່ອຍ ເຍົາ ມານະ ອາໂຍະ ມານະ, ນະກ້ອຍ ເກົາ ແຊອ ເຍົາ ອິມປຣ່ອມ ເກົາແຊອ ຈ່ອຍ ໂອນ ເກົາ. ກະ ໂອນ ໄຣ ເກົາແຊອ ແຕ ເຢີງ ເຈົ້າຮາຊີ ອິນແຍະ ຮາງິຣ ຮາເຣີ ໄຣ. <sup>31</sup> ແຊອ ເຍົາ ເກົາແຊອ ໂອນ ເກົາ ເຕ້ອ ແວັດ ແຕ ອາຕີ ໄລ່ ກາ ຕາ ເບີນ ຊາອຳ ເຢຊູ ຕິ່ງ ແຄງ ຢູດາຍ. ກະ ແຊອ ເຍົາ ເກົາແຊອ ຈ່ອຍ ເກົາ ແຕ ມັຣ ຮານະ ເກົາ ອີ ຕະ ຈ່ອຍ ໄລ່ ກາ ຊາອຳ ຕິ່ງ ເມືອງ ເຢຣູຊາເລັມ, ໂອນ ໄລ່ ຮໍ້ອ ຮາງິຣ ຮັບ ເກຣັງ ກ້ອຍ. <sup>32</sup> ແວັດ ກ້ອຍ, ຄັນ ເຢີງ ເຈົ້າຮາ ຊີ ໂອນ, ເກົາ ແຕ້ອ ປິ ເຍົາ ເບີນ ຮາງິຣ ຮໍ້ອ ລາ ລີ້. ເຈີ່ ເກົາ ເບີນ ໄປຣຣ ລັຣ ຍ່ອນ ເບີນ ຊາອິຣ ເຍົາ. <sup>33</sup> ເກົາ ແຊອ ເຢີງ ເຈົ້າຮາຊີ, ອັນ ກາ ໂອນ ໄຣ ແອັດ ອຽນ ອໍ, ແຊອ ອັນ ແອັດ ເລືອຍໆ ກະ ເຍົາ. ອາແນນ.

## 16

ໂປໂລ ຕາແບັບ ກາຮານ ເຢົາ

<sup>1</sup> ເກົາ ແຊອ ເຍົາ ຮັບໂຈມ ແຊມແອັຍ ໄຣ, ຮາມິ ຣ ພອຍເບ. ອັນ ຕະ ຮານະ ເຢີງ ເຈົ້າຮາຊີ ຕິ່ງ ມູ່ ກາ ຊາອຳ ຕິ່ງ ເມືອງ ເກັມເຄໄອ. <sup>2</sup> ແຊອ ເຍົາ ຮັບ ອັນ ນະ ເຢຊູ ກຣິດ ໂອນ ໄຣ ຮັບໂຈມ ກູ່ ນະ ກາ ຊາອຳ ອັນ ເຈີ່. ເກົາ ແຊອ ເຍົາ ຈ່ອຍ ແຮີ ມັນແຊມ ໄມ່ ອິນເຕ້າ ອັນ ແຊອ ແຕ ເຍົາ, ຍ່ອນ ອັນ ຈ່ອຍ ຊາອິ້ຍ ກວາຍ, ກາ ເກົາ ແຮີ.

<sup>3</sup> ເກົາ ຍິ້ອ ອີ ກາຮານ ອາກິລາ ກະ ລາກວຍ ອັນ, ປີຊະກິລາ. ໄລ່ ບາຣ ນະ ກ້ອຍ ຕະ ຮານະ ເຢຊູ ກຣິ ດ ມັນຕຸ ກະ ເກົາ. <sup>4</sup> ໄລ່ ບາຣ ນະ ກ້ອຍ ອິມປຣ່ອມ ຈີວ ກູຈິດ ດິ້ອ ຈ່ອຍ ເກົາ. ນະກ້ອຍ ເກົາ ຊາແອັມ ໄລ່ ກ້ອຍ. ກະ ກູ່ ມູ່ ກາ ຊາອຳ ກາ ຕາ ແກ້ນ ແຕ ຈຸ່ມ ອິດຊະຮາເອລ, ໄລ່ ກ້ອຍ ຊາແອັມ ບາຣ ນະ ກ້ອຍ ເຕ່. <sup>5</sup> ເກົາ ອີ ກາຮານ ເຕ່ ມູ່ ກາ ຊາອຳ ກາ ເກີຍ ໂຣ່ມ ຕິ່ງ ດຸງ ໄລ່ ບາຣ ນະ ກ້ອຍ.

ເກົາ ພາອ໌ ປັຣນາຍ ຊາອ໌ຮ ເຍົາ ເກົາ, ເອປາຍເນດ. ແຕ່ ຕາແປ ລາລີ້ ມານະ ອັນ ແຕ່ ຊາອ໌ ເຢຊູ ກຣິດ ຕັ້ງ ແຄງ ເອເຊຍ. <sup>6</sup> ເກົາ ອີ ກາຮານ ມາຮີ. ອັນ ຕັລ ລາລີ້ ຕະ ຮານະ ໂອນ ເຍົາ. <sup>7</sup> ເກົາ ອີ ກາຮານ ໄລ່ ບຸຣ ນະ ອັນດາໂຣນີໂກ ກະ ຢູເນຍ. ໄລ່ ບາຣ ນະ ໄນ່ ລາ ແຊມອາຍ ກວາຍ ອິດຊະຣາເອລ ມູເຈິງ ເກົາ ເຕ່. ກະ ໄລ່ ບາຣ ນະ ໄນ່ ເມົາ ໂທບ ໂຈະ ຕັ້ງ ກໍ່ອ໌ ມັນຕຸ ກະ ເກົາ ແຮີ. ມັຮ ກວາຍ ການໍ່ອ໌ ມັບ ໄລ່ ບາຣ ນະ ລາ ນະ ກວາຍ ກາ ເຢຊູ ຣຽຮ ປາຈຸຮ. ກະ ໄລ່ ບາຣ ນະ ກ້ອຍ ຊາອ໌ ເຢຊູ ກຣິດ ອິນໂຍ່ງ ແຕ່ ເກົາ. <sup>8</sup> ເກົາ ອີ ກາຮານ ອໍ່າປຼເຍ ແຮີ. ອັນ ລາ ເຍົາ ເກົາ ຊັງໂກຣ ລາລີ້, ຍ່ອນ ຮີ ຊາອ໌ ເຢຊູ ກຣິດ ມັນຕຸ. <sup>9</sup> ເກົາ ອີ ກາຮານ ອຸຣະບານ, ອັນ ກາ ຕະ ຮານະ ເຢຊູ ກຣິດ ມັນຕຸ ກະ ເກົາ. ກະ ເກົາ ອີ ກາຮານ, ຊະຕາຄີ ລາ ເຍົາ ກາ ຣາຕອຍ ລາລີ້. <sup>10</sup> ເກົາ ອີ ກາຮານ ອະເປເລ ແຮີ. ອັນ ກ້ອຍ ອາປັຣ ອັນ ເປັນ ມວຍ ຣາງັຮ ກະ ເຢຊູ ກຣິດ. ກະ ເກົາ ອີ ກາຮານ ກູ່ ນະ ໄລ່ ຕັ້ງ ດຸງຊູ ອາຮີຊະໂຕບູໂລ ແຮີ. <sup>11</sup> ເກົາ ອີ ກາຮານ ເຮໂຣດໂອນ, ອັນ ລາ ແຊມອາຍ ກວາຍ ອິດຊະຣາເອລ ມູເຈິງ ກະ ເກົາ ເຕ່. ກະ ເກົາ ອີ ກາຮານ ກູ່ ນະ ກວາຍ ຕັ້ງ ດຸງຊູ ນາຣະກິດ ກາ ຊາອ໌ ເຢຊູ ເຈີ້.

<sup>12</sup> ເກົາ ພາອ໌ ປັຣນາຍ ຊາອ໌ຮ ໄລ່ ບາຣ ນະ ແຊມອາຍ ຕີພາຍນາ ກະ ທີໂພຊາ. ໄລ່ ກ້ອຍ ຕະ ຮານະ ເຢຊູ ກຣິດ ເຕ່. ກະ ເກົາ ພາອ໌ ຊາອ໌ຮ ເຍົາ ເກົາ, ເປຊີຕາ. ອັນ ກ້ອຍ ຊາແຮິງ ລາລີ້ ຕະ ຮານະ ເຢຊູ ກຣິດ. <sup>13</sup> ເກົາ ອີ ກາຮານ ຮູໂພ, ກະ ອິມເປອ໌ ອັນ ແຮີ. ຮູໂພ ໄນ່, ອັນ ຊາອ໌ ເຢຊູ ກຣິດ ຊາແຮິງ ລາລີ້, ກະ ອິມເປອ໌ ອັນ ລາ ນະ ອິມເປອ໌ ເກົາ ເຕ່. <sup>14</sup> ເກົາ ອີ ຊາອ໌ຮ ເຕ່ ໄລ່ ອາຊິນກຣິດ, ພະເລໂກນ, ເຮຣະມີ, ປະໂຕບາ, ເຮຣະມາ, ກະ ມັຮ ແຊມອາຍ ການໍ່ອ໌ ກາ ແອິດ ກະ ໄລ່. <sup>15</sup> ເກົາ ອີ ກາຮານ ເຕ່ ໄລ່ ພິໂລໂລກ ກະ ຢູລີອາ, ເນເຣ ກະ ອາ ມໍ່ອ໌ ອັນ, ກະ ໂອລິມປາ, ກະ ກູ່ ນະ ກວາຍ ຊາອ໌ ກາ ແອິດ ກະ ໄລ່.

<sup>16</sup> ແຊອ໌ ເຍົາ ມານະ ກັຣຮານ ອໍ່ ໂຈະ ມານະ. ນະກ້ອຍ ເມົາ ດັງ ເຍົາ ມານະ ອາຢະ ມານະ. ອິນ ແຍ່ະ ມັຮ ມູ່ ກາ ຊາອ໌ ເຢຊູ ກຣິດ ແອິດ ອິນໄນ່, ໄລ່ ຕາແປບ ກາຮານ ເຍົາ ເຕ່.

ເຍົາ ອິນໂຈຍ ຊາງັດ ປັຣນາຍ ເມົາ ຣາຍົວະ

<sup>17</sup> ແຊມອາຍ ເອີຍ! ເກົາ ຍໍ່ອ໌ ອີ ປາຕັບ ເຍົາ, ອິງເຄາະ ເຍົາ ເພ່ ອໍ່! ເປັນ ກວາຍ ຍໍ່ອ໌ ອີ ເດິງ ຣາ ຍົວະ ເຍົາ ໂອນ ຣາໂລຍຮ. ກະ ໄລ່ ອີ ອາຢ່ງ ເຍົາ

ເດິງ ຕະ ຮານະ ຕາ ອໍ່. ຮານະ ໄລ່ ຕະ ອິມພາ ແຕ ເມົາ ອາຕີ ເຍົາ ແຕ ຮານະ ເຢິງ ເຈົາຣາຊີ. ນະກ້ອຍ ອໍ່ ໂອນ ເຍົາ ວຍາຣ ແຕ ໄລ່ ກ້ອຍ. <sup>18</sup> ໄລ່ ກ້ອຍ ຕາປູນ ຣາງັຮ ໄລ່ ເປີມ. ໄລ່ ຕາ ແອອ໌ ອີ ຕະ ຮານະ ເຢຊູ ກຣິດ, ອິນເຈົາ ໄຮ. ໄລ່ ຍໍ່ອ໌ ອີ ອາໂລກ ກວາຍ ກາ ຊາກູລ. ໄລ່ ຍ່ອງ ເຍົາ ກະ ປາຍ ປັຣນາຍ ແອມ ອໍ່ ໂຈະ ເຍົາ. ມາ ປັຣນາຍ ໄລ່ ຕາ ເປັນ ປຍາຍ໌ ອິນເຕົາ. <sup>19</sup> ກູ່ ກຣວງ ຊ້ອງ ເຈີ້ ປາຍ ເຍົາ ຊາງັດ ອໍ່ ລາລີ້ ປັຣນາຍ ເຢິງ ເຈົາຣາຊີ. ນະກ້ອຍ ຣາງັຮ ເກົາ ຊ້ອງ ຮໍ່ອ໌ ລາລີ້. ເກົາ ຍໍ່ອ໌ ເຍົາ ແກິດ ຣາງັຮ ຣາລັງ ດໍ່ອ໌ ຕະ ຮານະ ອໍ່, ມາ ເຍົາ ອິນໂຈຍ ຣາງັຮ ອີ ຕະ ຮານະ ຕາ ອໍ່. <sup>20</sup> ເຢິງ ເຈົາຣາຊີ ແຕ່ ໂອນ ໄຮ ແອິດ ອຽນ ອໍ່. ຕາ ເປັນ ດຸ່ນ ມ້ອງ ອັນ ເຮົາບ ເຢິງ ຊາຕານ ກະ ໂອນ ເຢິງ ຊາຕານ ແອິດ ປື້ນ ຕາລາງ ອາເຢິງ ເຍົາ. ເກົາ ແຊອ໌ ເຢຊູ ກຣິດ, ອິນເຈົາ ໄຮ, ຈ່ອຍ ເມົາດ ເຍົາ.

ເຍົາ ໂປໂລ ພາອ໌ ປັຣນາຍ ຊາອ໌ຮ ເຕ່

<sup>21</sup> ດີໂມທຽວ, ອັນ ກາ ຕະ ຮານະ ເຢິງ ເຈົາຣາຊີ ມັນຕຸ ກະ ເກົາ, ອັນ ພາອ໌ ປັຣນາຍ ຊາອ໌ຮ ເຍົາ. ໄລ່ ໄປ ນະ ລູກີໂອ, ຢາຊົນ, ກະ ຊູຊີປາໂທ, ໄລ່ ອີ ກາຮານ ເຍົາ ເຕ່. ໄລ່ ກ້ອຍ ລາ ແຊມອາຍ ກວາຍ ອິດຊະຣາເອລ ມູເຈິງ ນະ ເກົາ ເຕ່. <sup>22</sup> ເກົາ ລາ ເຕຣະຕຽວ ຄຽນ ປັຣນາຍ ຊາອ໌ຮ ໄນ່ ຈ່ອຍ ໂປໂລ. ເກົາ ຍໍ່ອ໌ ອີ ກາຮານ ອິນແຍ່ະ ມັຮ ເຍົາ ເຕ່, ຍ່ອນ ໄຮ ເປັນ ມວຍ ຣາງັຮ ກະ ເຢຊູ ກຣິດ, ອິນເຈົາ ໄຮ.

<sup>23</sup> ໄຄໂຍ ພາອ໌ ປັຣນາຍ ກາຮານ ເຍົາ ເຕ່. ອັນ ກ້ອຍ ຮໍ່ອ໌ ຣາງັຮ ຊານາ ເກົາ ຕັ້ງ ດຸງ ອັນ. ກະ ອັນ ໂອນ ມູ່ ກາ ຊາອ໌ ເປາະ ໂຣມ ປີ ດຸງ ອັນ ແຮີ. ເອຣາຊະໂຕ ລາ ກາຮານ ເຍົາ ເຕ່. ອັນ ລາ ກວາຍ ຢຸມ ປຣະ ໂອນ ເມືອງ ໂກຣິນໂທ. ກູອາໂຕ ລາ ກາຮານ ເຍົາ ເຕ່. ອັນ ກ້ອຍ ລາ ແຊມອາຍ ໄຮ. <sup>24</sup> ເກົາ ແຊອ໌ ເຢຊູ ກຣິດ, ອິນເຈົາ ໄຮ, ຈ່ອຍ ເມົາດ ເຍົາ. ອາແມນ.\*

ຍ່ອງ ເຢິງ ເຈົາຣາຊີ

<sup>25</sup> ໂອນ ໄຮ ຍ່ອງ ເຢິງ ເຈົາຣາຊີ, ອັນ ກາ ເຕ່ອ໌ ຕະ ໂອນ ຣາງັຮ ເຍົາ ຊາອ໌ ເຮ່ງ ອາຊ້ອຣ ລາລີ້ ປັຣນາຍ ອໍ່ ແຕ ເຢຊູ ກຣິດ, ມັຮ ເກົາ ອາຕີ ເຍົາ ເຈີ້. ເຢິງ ເຈົາຣາຊີ ອາປັຣ ເຈີ້ ປັຣນາຍ ໄນ່ ໂອນ ໄຮ ດັງ. ແຕ່ ຕາໂງ ເຢິງ ເຈົາຣາຊີ ແຕງ ມັນລ່ອງ ກູ ແຕ່ອ໌, ອັນ ປາໂຕະ ປັຣນາຍ ໄນ່, <sup>26</sup> ມາ ອັນ ໂອນ ກວາຍ ຕາງ ປັຣນາຍ ອັນ ຄຽນ ດໍ່ອ໌ ແຕ່ ອິນໂຍ່ງ ປັຣນາຍ ໄນ່. ເຈີ້ ຊານໍ່ ອັນ ໂອນ ອິນແຍ່ະ ມັຮ

\* 16:24 16:24 ຊາອິ້ຍ ປັງ ປັຣນາຍ ຕຍາ ຕາ ເປັນ ເປັນ ຮານາ 24 ໄນ່.

ກວາຍ ດັງ. ເຢີງ ເຈົ້າຮາຊີ ລາ ເຢີງ ອາມົງ ເລືອ  
 ຍາ. ອັນ ແຕ້ ແປຣີ, ອາຕີ ໂອນ ກວາຍ ກູ່ ກຮ  
 ວາງ ດັງ ເຕ່ ປັຣນາຍ ໄນ່, ດໍອ໌ ໂອນ ອິນແຍ່ະ ມັຮ  
 ກວາຍ ເຕ່ອ໌ ຊາອໍາ ກະ ຕະ ຕາປູ່ນ ປັຣນາຍ ໄນ່.  
 27 ໂອນ ໄຮ ຍ່ອງ ເຢີງ ເຈົ້າຮາຊີ ຍ່ອນ ແຕ ເຢຊູ  
 ກຣິດ. ແອີງ ອັນ ແຕ້ ດັງ ກູ່ ຮາມິຮ. ໄຮ ຍ່ອງ  
 ເລືອຍາ ອັນ ຊົດ ແດີຍ ເລີຍ ກູມ໌. ອາແນນ.

# ປັນຍາ ຊາອົຣ ມວຍ ໂປໂລ ຄຽນ ໂອນ ມູ່ ກາ ຊາອຳ ແອິດ ຕຶ່ງ ເມືອງ ໂກຣິນໂທ

ປັນຍາ ອາຕີ ອິນໂຢ່ງ  
ໂປໂລ ຄຽນ ປັນຍາ ຊາອົຣ ໄນ່ ພາອົ ຊາອົຣ ມູ່ ກາ ຊາອຳ ແອິດ ຕຶ່ງ ເມືອງ ໂກຣິນໂທ ມາຣ 55 ກູ່ມ໌ ແວັດ ເຢຊູ ແກິດ. ໂປໂລ ຍົອ້ ອີ ອາຕີ ໄລ່ ໂອນ ຈິລ ເຮົາບ ມັຣ ຣາມິ້ຣ ຕຸ່ຣ ກັດ ກາ ໄລ່ ຣາມິ້ຣ ຕຶ່ງ ກູແຕອ້ ໄນ່, ຍ່ອນ ແຕ ໄລ່ ຊາອຳ. ໂກຣິນໂທ ລາ ເມືອງ ກາ ປວາຍ ຣິດ ກວາຍ ກາຣິກ. ເມືອງ ໄນ່ ລາ ປິດ ກະ ຣາມ ດ້ອຣ ເດິນ ລາລີ້ ຍ່ອນ ແຕ ໄລ່ ຈິ ແຈິງ ກະ ຍ່ອນ ແຕ ໄລ່ ຊາງ ຊາອິ້ຍ ຣາມິ້ຣ ເຢັາງ.

ມັຣ ຣາມິ້ຣ ກາ ໂປໂລ ອາຕີ ລາ ແຕ ຈຸ່ມ ມູ່ ກາ ຊາອຳ ກັຣຍັຣ, ແຕ ຄານອດ ລາກວຍ ກາຢາອົ ຕຶ່ງ ມູ່ ກາ ຊາອຳ, ແຕ ຣິດ ກຣ່ອງ ໄລ່ ຊາງ, ກະ ແຕ ມັຣ ຣາມິ້ຣ ກາ ຣາເວົາຍ ເຢັາງ ເຈົາຣາຊີ ຈ່ອຍ ຕຶ່ງ ມູ່ ກາ ຊາອຳ. ໂປໂລ ປາຍ ມູ່ ກາ ຊາອຳ ລາ ນະ ຈະ ເຢຊູ ກາຣິດ. ເຢຊູ ກາຣິດ ລາ ແປ້, ກະ ມູ່ ກາ ຊາອຳ ລາ ນະ ຈະ ອັນ. ກະ ກູ່ ຣາມິ້ຣ ຕຶ່ງ ຈະ ເບິນ ອິມ ພາ ຣາມະ ຕະ.

ປຸ່ນ 13 ຕຶ່ງ ປຶ່ງ ໄນ່ ອາປັຣ ໂອນ ໄຣ ດັງ ຣາມິ້ຣ ປິດ ກາເລີຍ ອິນແຍະ ແຕ ການໍອໍ ລາ ອິງເຄາະ ໄຣ ເບິນ ຣາງິຣ ອາໂຢະ.

1-2 ເກົາ ລາ ໂປໂລ ຄຽນ ປັນຍາ ໄນ່ ພາອົ ຊາອົຣ ມູ່ ກາ ຊາອຳ ເຢັາງ ເຈົາຣາຊີ ແອິດ ຕຶ່ງ ເມືອງ ໂກຣິນໂທ. ເຢັາງ ເຈົາຣາຊີ ຮຽຣ ປາຈຸ່ຣ ເກົາ ໂອນ ເປາະ ຕະ ຣາມະ ເຢຊູ ກາຣິດ. ເບິນ ກາ ໂຊຊະເທນ ແຮິ ແອິດ ມູ ອິນຕຸ ກະ ເກົາ. ອັນ ລາ ແຊມອາຍ ກວາຍ ຊາອຳ ເຢຊູ ກາຣິດ ມູເຈິງ ໄຣ ເຕ່.

ຮິ ກາຣານ ອິນແຍະ ກູ່ ນະ ມັຣ ກວາຍ ກາ ເຢັາງ ເຈົາຣາຊີ ຮຽຣ ໂອນ ແກິດ ກວາຍ ອັນ ຍ່ອນ ແຕ ເຢຊູ ກາຣິດ. ມູ່ ກາ ຊາອຳ ກູ່ ອິນຕຸ ກາ ຕາບາອົ ຣາມິ້ຣ ເຢຊູ ກາຣິດ ໄລ່ ຈູງ ມວຍ ອິນເຈົາ ມູເຈິງ ໄຣ ເຕ່. 3 ເກົາ ແຊອົ ເຢັາງ ເຈົາຣາຊີ ອິມປໍ້ ໄຣ, ກະ ເຢຊູ ກາຣິດ ອິນເຈົາ ໄຣ, ຈ່ອຍ ເມົາດ ເຍົາ, ກະ ໂອນ ເຍົາ ແອິດ ບັນ ຊວານ ອຽນ ອໍ ເລືອຍໆ.

ເບິນ ບຸ່ນ ແຕ້ອ້ ແຕ ເຢຊູ ກາຣິດ  
4 ເກົາ ຊາແອິນ ເຢັາງ ເຈົາຣາຊີ ເລືອຍໆ, ອັນ ເບິນ ຈ່ອຍ ເມົາດ ເຍົາ ກູ່ ຣາມິ້ຣ ຍ່ອນ ເຢຊູ ກາຣິດ

ດ. 5 ຍ່ອນ ເຍົາ ແອິດ ມູ ຣາງິຣ ກະ ເຢຊູ ກາຣິດ, ນະກ້ອຍ ເຍົາ ດັງ ກຣັກ ລາລີ້ ແຕ ກູ່ ປັນຍາ ປ ຍາຍົ ອໍ, ກະ ເຕ້ອ້ ເຍົາ ອາຕີ ຣາໄລ່ຣ ລາລີ້ ແຕ ປັນຍາ ກ້ອຍ ແຮິ. 6 ກະ ປັນຍາ ອໍ ແຕ ເຢຊູ ກາຣິດ ກາ ຮິ ອາຕີ ແກິດ ຈັບ ລາລີ້ ຕຶ່ງ ຣາງິຣ ເຍົາ. 7 ນະກ້ອຍ ເຍົາ ຕາ ເບິນ ແອິ ມູ ຣາມິ້ຣ ອໍ ອິນເຕົາ ແຕ ຣາເວົາຍ ເຢັາງ ເຈົາຣາຊີ ໂອນ, ບ້ອງ ກາ ເຍົາ ແອິດ ທາຣາະ ເຢຊູ ກາຣິດ ແຕ້ອ້ ລັຣ ປິ ກູແຕອ້ ໄນ່. 8 ເຢັາງ ເຈົາຣາຊີ ຕະ ໂອນ ຣາງິຣ ເຍົາ ຊາອຳ ຈັບ ລາ ລີ້ ເຕົາ ແຕ້ອ້ ຕາໄງ ເຢຊູ ກາຣິດ, ອິນເຈົາ ໄຣ, ແຕ້ອ້ ລັຣ ປິ ກູແຕອ້ ໄນ່. ຕຶ່ງ ຕາໄງ ກ້ອຍ ເຢຊູ ຕາ ເບິ ນ ຕີ ເຍົາ ເບິນ ໂລ່ຍຣ ອິນເຕົາ. 9 ເຢັາງ ເຈົາຣາຊີ ຮຽຣ ເຍົາ ໂອນ ແອິດ ມູ ຣາງິຣ ກະ ກອນ ອັນ ລາ ເຢຊູ ກາຣິດ, ອິນເຈົາ ໄຣ. ກະ ອິນເຕົາ ເຢັາງ ເຈົາຣາ ຊີ ເອີອົ, ລາ ລີ້ ອັນ ຕະ.

ມູ່ ກາ ຊາອຳ ຣາຕັຣ ແກິດ ຊາອິ້ຍ ຈຸ່ມ  
10 ແຊມອາຍ ເອີຍ! ຍ່ອນ ແຕ ຣາມິ້ຣ ເຢຊູ ກາຣິດ, ອິນເຈົາ ໄຣ, ເກົາ ແຊອົ ເຍົາ ອິມປຣ່ອມ ມວຍ ປັນຍາ ຊ້ອງ, ໂອນ ເຍົາ ຕາ ເບິນ ຣາຕັຣ ແກິດ ຊາອິ້ຍ ຈຸ່ມ ນ້ອງ. ອິງເຄາະ ເຍົາ ອິມປຣ່ອມ ມູ ຣາງິຣ, ກະ ຕາປຸ່ນ ມວຍ ປັນຍາ ຊ້ອງ. 11 ແຊມອາຍ ເອີຍ! ເບິນ ກວາຍ ແຕ ດຸງຊູ ຄະ ໂລເອ, ໄລ່ ເບິນ ອາຕີ ເກົາ ແຈງ ເຈິ່ ປາຍ ມູ່ ເຍົາ ຣາໂລຍຣ ຣາຈຽນ ຊາອິ້ຍ ລາລີ້. 12 ຊານໍ ເກົາ ເບິ ມູ ມວຍ ປັນຍາ ເກົາ ຍົອ້ ອີ ຕະ ອິນຕີ ກະ ເຍົາ. ເບິນ ກວາຍ ແຕ ເຍົາ, ອັນ ກາ ປາຍ: "ເກົາ ໄນ່ ປ ວາຍ ປັນຍາ ໂປໂລ." ອັນ ກາ ປາຍ: "ເກົາ ໄນ່ ປ ວາຍ ປັນຍາ ອາໂປໂລ." ອັນ ກາ ປາຍ: "ເກົາ ໄນ່ ປວາຍ ປັນຍາ ເປໂຕ." ກະ ກວາຍ ການໍອົ ແອິນ ປາຍ: "ເກົາ ໄນ່ ປວາຍ ປັນຍາ ກາຣິດ." 13 ຄັນ ນະກ້ອຍ, ອາຣັງ ປາຍ ເບິນ ຊາອິ້ຍ ກາຣິດ! ປຍາຍົ ລາລີ້, ໂປໂລ ຕາ ເບິນ ກູຈິດ ຕາງ ເຍົາ ຕຶ່ງ ອາລ່ອງ ຊັງກັງ! ກະ ປຍາຍົ ລາລີ້, ຕາ ເກີ້ຍ ເມົາ ຕາບາອົ ຣາມິ້ຣ ໂປໂລ ໂອນ ຕະ ຣິດ ຕຶ່ງ ແດ້ອ້ ໂອນ ເຍົາ. 14 ເກົາ ຊາແອິນ ເຢັາງ ເຈົາຣາຊີ, ເກົາ ຕາ ເບິນ ຕະ ຣິດ ຕຶ່ງ ແດ້ອ້ ໂອນ ຊາອິ້ຍ ນະ ກວາຍ ແຕ ມູ່ ເຍົາ. ມາ ເກົາ ຕະ ຣິດ ຕຶ່ງ ແດ້ອ້ ໂອນ ບາຣ ນະ ກິ ຊະໂປ ກະ ໄຄໂຢ ຊ້ອງ. 15 ນະກ້ອຍ ຕາ ເບິນ ເມົາ ເຕ້ອ້ ປາຍ ເຍົາ ຮັບ ຣິດ ຕຶ່ງ ແດ້ອ້ ຍ່ອນ ແຕ ຣາມິ້ ຣ ເກົາ. 16 ໂອ! ກະ ເກົາ ຕະ ຣິດ ຕຶ່ງ ແດ້ອ້ ໂອນ ຊະເຕພານາ ກະ ດຸງຊູ ອັນ ແຮິ. ມາ ມັຣ ກວາຍ ກາ ນໍອົ, ເກົາ ຕາ ເບິນ ຊາແອິ ຕະ ຣິດ ຕຶ່ງ ແດ້ອ້ ໂອນ

ໄລ່. 17 ເຢຊູ ກຣິດ ຕາ ເບີນ ແປຣີ ເກົາ ຕະ ຣິດ ຕິ່ງ ແດ້ອ໌ ໂອນ ກວາຍ. ມາ ອັນ ກູອ໌ ເກົາ ອາຕີ ປັຣ ນາຍ ອໍ ແຕ ອັນ. ເກົາ ອາຕີ ປັຣນາຍ ກ້ອຍ, ມາ ເກົາ ຕາ ເບີນ ອາຕີ ປັຣນາຍ ແຄວ້ ຄິດ ແຕ ກວາ ຍ. ຄົນ ເກົາ ອາຕີ ປັຣນາຍ ອິນຕຣູ, ປັຣນາຍ ຣາ ໄງ່ອ໌ ຣາລັງ, ປັຣນາຍ ເຍົາ ກັດ ດັງ, ປັຣນາຍ ເຢຊູ ກູຈິດ ຕິ່ງ ອາລ່ອງ ຊັງກັງ ລາ ຕາ ເບີນ ເກົາ ຕາ ອິນເຕົາ ໂອນ ເຍົາ.

ອຳນາດ ແຕ ເຢຊູ ກຣິດ ກະ ປັຣນາຍ ຣາໄງ່ອ໌ ຣາລັງ ແຕ ເຢົາ ເຈົາຣາຊີ

18 ຄົນ ໄຮ ອາຕີ ແຕ ເຢຊູ ກູຈິດ ຕາງ ໄຮ ຕິ່ງ ອາລ່ອງ ຊັງກັງ ໂອນ ກວາຍ ກາ ຕາ ຍິອ໌ ອີ ຊາອຳ ເຢົາ ເຈົາຣາຊີ, ມັຮ ກວາຍ ກ້ອຍ ປາຍ ປັຣນາຍ ກ້ອຍ ລາ ປັຣນາຍ ກວາຍ ຢຸຣ. ມາ ໄຮ ກາ ເຢົາ ເຈົາຣາຊີ ເບີນ ຈ່ອຍ ອາມັງ, ໄຮ ດັງ ເຢົາ ເຈົາຣາຊີ ເບີນ ອຳນາດ ຈ່ອຍ ອາມັງ ກວາຍ ຍ່ອນ ແຕ ປັຣ ນາຍ ກ້ອຍ. 19 ຕິ່ງ ປຶ່ງ ປັຣນາຍ ເຢົາ ເຈົາຣາຊີ ເມົາ ຄຽນ ເຈົ້ ປາຍ:

"ເກົາ ອາປິດ ຕັຣ ອິນແຍ່ະ ມັຮ ປັຣນາຍ ກາ ແຄວ້ ແຕ ກວາຍ ກາ ຣາໄງ່ອ໌ ຣາລັງ.

ກະ ເກົາ ຕະ ໂອນ ກວາຍ ກາ ຣຍານ ຊາອິ້ຍ ໂອນ ຣາມິ້ຣ ໄລ່ ຣຍານ ຕາ ເບີນ ເກົາ ຕາ ອິນເຕົາ."

20 ນະກ້ອຍ ກວາຍ ຣາໄງ່ອ໌, ອິນນ້ອງ ອີ ຣາໄງ່ອ໌ ຣາລັງ ຊາ ບໍ? ກວາຍ ກາ ຣຍານ ຊາອິ້ຍ, ອິນ ນ້ອງ ດັງ ຊາອິ້ຍ ບໍ? ກະ ກວາຍ ກາ ດັງ ຕະ ອິນ ຕີ ແບງ, ອິນນ້ອງ ແບງ ບໍ? ປຍາຍ໌ ລາລີ້ ຕາ ເບີ ນ ເກົາ ຕາ ນະກ້ອຍ ນ້ອງ, ຍ່ອນ ເຢົາ ເຈົາຣາຊີ ເບີ ນ ຕະ ໂອນ ຣາງິ້ຣ ຣາໄງ່ອ໌ ຣາລັງ ຕິ່ງ ກູແຕອ໌ ໄນ່ ເກົາ ຣາງິ້ຣ ຊາກູລ ເມົາດ.

21 ຣາໄງ່ອ໌ ຣາລັງ ລາລີ້ ເຢົາ ເຈົາຣາຊີ! ອັນ ຕະ ໂອນ ກວາຍ ຕາ ເຕ່ອ໌ ດັງ ແຕ ຣາງິ້ຣ ອັນ ຍ່ອນ ໄລ່ ດັງ ມັຮ ຣາງິ້ຣ ຣາໄງ່ອ໌ ຣາລັງ ໄລ່ ເບີມ. ມາ ເຢົາ ເຈົາຣາຊີ ຣິ້ອ໌ ຣາງິ້ຣ ຈ່ອຍ ອາມັງ ກວາຍ ກາ ຊາອຳ ອັນ ຍ່ອນ ແຕ ປັຣນາຍ ໄຮ ອາຕີ, ລາ ປັຣນາຍ ກວາຍ ແດ້ຍ ໄນ່ ປາຍ ປັຣນາຍ ຢຸຣ. 22 ກວາຍ ອິດຊະຣາເອລ ຍິອ໌ ອີ ເຣີມ ຣານະ ຕາ ເກີ້ຍ ເຣີມ, ກະ ກວາຍ ກຣິກ ຈາຈໍອ໌ ປັຣນາຍ ຣາໄງ່ອ໌ ຣາລັງ.

23 ມາ ໄຮ ໄນ່, ໄຮ ອາຕີ ແຕ ຣາງິ້ຣ ກຣິດ, ອັນ ກາ ກູຈິດ ຕິ່ງ ອາລ່ອງ ຊັງກັງ. ປັຣນາຍ ກ້ອຍ ກວາຍ ອິດຊະຣາເອລ ຊາອັຣ ຕະ ຕາ ແອອ໌ ອີ ຊາ ງັດ. ກະ ກວາຍ ກາ ຕາ ແກິນ ກວາຍ ອິດຊະຣາ ເອລ ປາຍ ປັຣນາຍ ກ້ອຍ ລາ ປັຣນາຍ ກວາຍ ຊາ

ກູລ. 24 ມາ ມັຮ ກວາຍ ກາ ເຢົາ ເຈົາຣາຊີ ກູອ໌, ກາ ກວາຍ ອິດຊະຣາເອລ, ກະ ກວາຍ ຕາ ແກິນ ກວາຍ ອິດຊະຣາເອລ ແຮ, ມັຮ ກວາຍ ກ້ອຍ ດັງ ກຣິດ ໄນ່ ເບີນ ອຳນາດ ກະ ປັຣນາຍ ຣາໄງ່ອ໌ ຣາລັງ ແຕ ເຢົາ ເຈົາຣາຊີ. 25 ເບີນ ກວາຍ ຍິອ໌ ອີ ປາຍ ເຢົາ ເຈົາຣາຊີ ລາ ຊາກູລ, ມາ ປັຣນາຍ ຊາກູລ ແຕ ເຢົາ ເຈົາຣາຊີ ຣາໄງ່ອ໌ ຣາລັງ ກາເລີຍ ແຕ ປັຣນາຍ ກວາຍ ຣາໄງ່ອ໌ ຣາລັງ. ໄລ່ ປາຍ ເຢົາ ເຈົາຣາຊີ ລາ ອຽວ, ມາ ຣານະ ເມົາ ປາຍ ອຽວ ແຕ ເຢົາ ເຈົາຣາ ຊີ, ລາ ບັນ ເຣ່ງ ກາເລີຍ ແຕ ຣານະ ເຣ່ງ ແຕ ກວາ ຍ.

26 ແຊມອາຍ ເອີຍ! ອິງເຄາະ ເຍົາ ກູຄິດ ແຕ ກວາຍ ກາ ແອິດ ຕິ່ງ ມູ່ ເຍົາ. ຕາປຸ່ນ ຣາງິ້ຣ ກວາ ຍ ດ ຄິດ, ບິ້ອ໌ ນະ ເຍົາ ລາ ກວາຍ ຣາໄງ່ອ໌ ຣາລັງ. ບິ້ອ໌ ນະ ເຍົາ ລາ ກວາຍ ປິດ. ກະ ບິ້ອ໌ ນະ ເຍົາ ລາ ແຕ ຈຸມເຈືອ ກວາຍ ຊຸ ເບີນ. 27 ມາ ເຢົາ ເຈົາຣາຊີ ຣຽຮ ມັຮ ກວາຍ ຊາກູລ, ຕະ ໂອນ ໄລ່ ກາ ຣາໄງ່ອ໌ ຣາລັງ ຊ່ອງ ກູມາລ; ກະ ມັຮ ກວາຍ ກາ ຕາ ເບີນ ປິດ ອິນເຕົາ ໂອນ ກວາຍ ປິດ ລາລີ້ ເກົາ ກູມາລ ຕະ. 28 ເຢົາ ເຈົາຣາຊີ ຣຽຮ ອິດ ມັຮ ກາ ກວາ ຍ ຕຸ່ຣ ກາດິດ ຕາ ເບີນ ເກົາ ຕາ ຕິ່ງ ແດ້ຍ ໄນ່. ອັນ ຣຽຮ ມັຮ ກວາຍ ກາ ກວາຍ ກາມໍອ໌ ດ ພາມາດ. ກະ ເຢົາ ເຈົາຣາຊີ ຣຽຮ ນະກ້ອຍ, ລາ ອັນ ຍິອ໌ ອີ ອາປິດ ກູ່ ຣາມິ້ຣ ກາ ກວາຍ ຄິດ ປາຍ ປິດ ກະ ອໍ ລາລີ້ ຕິ່ງ ແດ້ຍ ໄນ່. 29 ນະກ້ອຍ ຕາ ເບີນ ກວາ ຍ ອາແລ່ະ ເຕ່ອ໌ ໂອດ ຍິ່ຣ ເມົາ ເຢົາ ເຈົາຣາຊີ.

30 ປຍາຍ໌ ລາລີ້ ເຢົາ ເຈົາຣາຊີ ໂອນ ເຍົາ ແອິດ ມູ ຣາງິ້ຣ ກະ ເຢຊູ ກຣິດ ເຈົ້. ຍ່ອນ ແຕ ເຢຊູ ກຣິດ, ໄຮ ເບີນ ປັຣນາຍ ຣາໄງ່ອ໌ ຣາລັງ ແຕ ເຢົາ ເຈົາຣາ ຊີ. ໄຮ ແອິດ ຕາມ້ອງ ອໍ ຍິ່ຣ ເມົາ ເຢົາ ເຈົາຣາ ຊີ; ໄຮ ແກົາ ຕາ ເບີນ ໄລ່ຍຣ ອິນເຕົາ, ກະ ໄຮ ເບີ ນ ຣານະ ຈ່ອຍ ອາມັງ ຍ່ອນ ເຢຊູ ກູຈິດ ເຕ່ນ ໄຮ ເຈົ້. 31 ນະກ້ອຍ, ແກົາ ຊັງໄກຣ ມັຮ ກາ ປຶ່ງ ປັຣ ນາຍ ເຢົາ ເຈົາຣາຊີ ປາຍ ແຕ ອິມແບ ນະໄນ່:

"ກວາຍ ອາແລ່ະ ຍິອ໌ ອີ ໂອນ ເມົາ ຍ່ອງ ອິນເຕົາ, ອິງເຄາະ ອັນ ຍ່ອງ ແຕ ຣານະ ເຢົາ ເຈົາຣາ ຊີ."

## 2

ໂປໂລ ອາຕີ ແຕ ເຢຊູ ກູຈິດ ຕິ່ງ ອາລ່ອງ ຊັງ ກັງ

1 ແຊມອາຍ ເອີຍ! ບັອງ ກາ ເກົາ ແຕ້ອ໌ ບໍ ເຍົາ ອາຕີ ເຍົາ ປັຣນາຍ ປຍາຍ໌ ແຕ ເຢົາ ເຈົາຣາຊີ, ລາ ເກົາ ຕາ ເບີນ ອາຕີ ປັຣນາຍ ຣາໄງ່ອ໌ ຣາລັງ ກະ ປັຣ

ນາຍ ອິນຕຣູ. <sup>2</sup> ແຕ້ອ ເກົາ ແອັດ ກະ ເຍົາ, ເກົາ ຄິ້ດ ອີ ອາຕີ ແຕ ເຢຊູ ກຣິດ ກູຈິດ ຕິ່ງ ອາລ່ອງ ຊັງກັງ ຊ້ອງ. ເກົາ ຕາ ເບິນ ອີ ອາຕີ ແຕ ປັຣນາຍ ການໍ່ອ. <sup>3</sup> ມາ ພໍກາ ເກົາ ແຕ້ອ ປໍ ເຍົາ, ເກົາ ຊ້ອງ ອຽວ ລາແກ້ຮ ກະ ເກົາ ກາໄກ່ຮ ອິງກ້ອຮ ລາລີ້. <sup>4</sup> ປັຣໄລຮ ກະ ປັຣນາຍ ກາ ເກົາ ອາຕີ ໂອນ ເຍົາ, ເກົາ ຕາ ເບິນ ອາຕີ ແຕ້ອ ປັຣນາຍ ຮໍ່ອ ມັຮ ກວາຍ ຮາໂງ່ອ ຮາລັງ ດ ອີ ປາຍ. ມາ ເກົາ ອາຕີ ມັຮ ປັຣນາຍ ກາ ຮາເວົ້າຍ ເຢິງ ເຈົາຮາຊີ ໂອນ ເກົາ ເບິນ ອຳນາດ ອາຕີ. <sup>5</sup> ເຍົາ ຊາອຳ ຍ່ອນ ແຕ ອຳນາດ ເຢິງ ເຈົາຮາຊີ; ເຍົາ ຕາ ເບິນ ຊາອຳ ຍ່ອນ ເຍົາ ຊ້ອງ ປັຣນາຍ ຮາໂງ່ອ ຮາລັງ ແຕ ກວາຍ ອາຕີ.

ປັຣນາຍ ຮາໂງ່ອ ຮາລັງ ແຕ ເຢິງ ເຈົາຮາຊີ

<sup>6</sup> ມາ ປາຍາຍ ລາລີ້ ຮິ ອາຕີ ປັຣນາຍ ຮາໂງ່ອ ຮາລັງ ແຕ່ ໂອນ ກວາຍ ກາ ເບິນ ຊາອຳ ເຮ່ງ ເຈົ້. ມາ ປັຣນາຍ ຮາໂງ່ອ ຮາລັງ ໄມ່ ຕາ ເບິນ ມູເຈິງ ກະ ປັຣນາຍ ຮາໂງ່ອ ຮາລັງ ແຕ ກວາຍ ຕິ່ງ ກູແຕອ້ ໄມ່, ແຕ່ລາ ແຕ ກວາຍ ປັດ ຕິ່ງ ກູແຕອ້ ໄມ່. ເຈ້ ປໍ ພົງ ອຳນາດ ກວາຍ ປັດ ກ້ອຍ ແກັດ ປັດ. <sup>7</sup> ປັຣນາຍ ຮາໂງ່ອ ຮາລັງ ເຢິງ ເຈົາຮາຊີ ຕະ ດໍອ້ ແຕ ອິນໂຍ່ງ ເຈ້, ແຕ ອັນ ຕາ ຢວາຮ ແຕງ ກູແຕອ້ ໄມ່. ຍ່ອນ ອັນ ຕະ ດໍອ້ ໂອນ ກວາຍ ໄຮ ເບິນ ອຳນາດ ອາງ ອິຣ ແຕ ອັນ. <sup>8</sup> ມັຮ ກວາຍ ປັດ ຕິ່ງ ກູແຕອ້ ໄມ່, ໄລ່ ຕາ ເບິນ ດັງ ແຕ ປັຣນາຍ ຮາໂງ່ອ ຮາລັງ ໄມ່. ຄັນ ໄລ່ ມາ ດັງ ປັຣນາຍ ຮາໂງ່ອ ຮາລັງ ໄມ່, ໄລ່ ຕາ ເບິນ ກາຈິດ ອິນເຈົາ ໄຮ ຕິ່ງ ອາລ່ອງ ຊັງກັງ, ອັນ ກາ ເບິນ ອຳນາດ ອາງອິຣ. <sup>9</sup> ມາ ຕິ່ງ ປັຣນາຍ ເຢິງ ເຈົາຮາຊີ ແຕ ອິມແບ້, ເບິນ ເນົ້າ ຄຽນ ນະໄມ່:

"ມັດ ກວາຍ ຕາ ເກ້ຍ ເຮີມ,  
ກູຕູຮ ກວາຍ ຕາ ເກ້ຍ ຊ້ອງ,  
ກະ ຮາງິຣ ກວາຍ ຕາ ເກ້ຍ ຄິ້ດ ແຕ ປັຣນາຍ  
ອິນເຕົ້າ ເຢິງ ເຈົາຮາຊີ ເບິນ ຕະ ດໍອ້ ໂອນ  
ມັຮ ກວາຍ ກາ ອາໂຢະ ອັນ."

<sup>10</sup> ມາ ເຢິງ ເຈົາຮາຊີ ໂອນ ໄຮ ດັງ ປັຣນາຍ ກ້ອຍ ຍ່ອນ ແຕ ຮາເວົ້າຍ ອັນ. ຮາເວົ້າຍ ເຢິງ ເຈົາຮາຊີ ດັງ ກູ່ ຮາມິຣ, ອັນ ດັງ ກາ ປັຣນາຍ ອິນຕຣູ ແຕ ເຢິງ ເຈົາຮາຊີ. <sup>11</sup> ມັຮ ກວາຍ, ມານະ ຕາ ເບິນ ດັງ ຮາງິຣ ມານະ. ໄລ່ ດັງ ແອິງ ຮາງິຣ ໄລ່ ເບີມ. ມູເຈິງ ກ້ອຍ ແຕ່, ແອິງ ຮາເວົ້າຍ ເຢິງ ເຈົາຮາຊີ ແຕ່ ກາ ດັງ ກູ່ ຮາມິຣ ແຕ ເຢິງ ເຈົາຮາຊີ. <sup>12</sup> ໄຮ ຕາ

ເບິນ ຮັບ ຮາເວົ້າຍ ແຕ ແດັຍ ໄມ່, ມາ ໄຮ ເບິນ ຮັບ ປັຣນາຍ ຮາເວົ້າຍ ເຢິງ ເຈົາຮາຊີ, ໂອນ ແຕ່ອ້ ໄຮ ດັງ ແຕ ກູ່ ຮາມິຣ ມັຮ ເຢິງ ເຈົາຮາຊີ ຈ່ອຍ ເມັດ ໂອນ ໄຮ.

<sup>13</sup> ນະກ້ອຍ ຮິ ຕາ ເບິນ ອາຕີ ປັຣນາຍ ຮິ ຮຍານ ແຕ ກວາຍ ຮາໂງ່ອ ຮາລັງ. ມາ ຮິ ອາຕີ ປັຣນາຍ ມັຮ ຮາເວົ້າຍ ເຢິງ ເຈົາຮາຊີ ອາຕີ ຮິ. ຮິ ອາຕີ ປັຣນາຍ ປາຍາຍ ແຕ ເຢິງ ເຈົາຮາຊີ ໂອນ ກວາຍ ກາ ເບິນ ຮາເວົ້າຍ ເຢິງ ເຈົາຮາຊີ ແອັດ ຕິ່ງ ຮາງິຣ ໄລ່ ເຈ້. <sup>14</sup> ມາ ມັຮ ກວາຍ ກາ ຕາ ເບິນ ເບິນ ຮາເວົ້າຍ ເຢິງ ເຈົາຮາຊີ ແອັດ ຕິ່ງ ຮາງິຣ ໄລ່, ໄລ່ ກ້ອຍ ຕາ ແຕ່ອ້ ຮັບ ອິດ ມັຮ ປັຣນາຍ ຮາເວົ້າຍ ເຢິງ ເຈົາຮາຊີ ອາຕີ ອັນ. ກວາຍ ກ້ອຍ ຄິ້ດ ປັຣນາຍ ກ້ອຍ ລາ ປັຣນາຍ ຊາກູລ. ຄັນ ໄລ່ ຕາ ເບິນ ເບິນ ຮາເວົ້າຍ ເຢິງ ເຈົາຮາຊີ, ໄລ່ ຊ້ອງ ປັຣນາຍ ກ້ອຍ ມາ ຕາ ເບິນ ຊາປຸ່ຮ. <sup>15</sup> ມັຮ ກວາຍ ກາ ເບິນ ຮາເວົ້າຍ ເຢິງ ເຈົາຮາຊີ ແອັດ ຕິ່ງ ຮາງິຣ ໄລ່, ໄລ່ ກ້ອຍ ປາຍາຍ ຕາຕ່ອຍ ມັຮ ຮາງິຣ ເຢິງ ເຈົາຮາຊີ. ມາ ກວາຍ ການໍ່ອ, ໄລ່ ຕາ ແຕ່ອ້ ຕາຕ່ອຍ ອິນເຕົ້າ ແຕ ຮາງິຣ ກວາຍ ກາ ເບິນ ຮາເວົ້າຍ ເຢິງ ເຈົາຮາຊີ. <sup>16</sup> ຕິ່ງ ປັຣນາຍ ເຢິງ ເຈົາຮາຊີ ແຕ ອິມແບ້, ອັນ ອາເປືຣ ນະໄມ່:

"ກວາຍ ອາແລະ ແຕ່ອ້ ດັງ ອິນເຕົ້າ ເຢິງ ເຈົາຮາຊີ ຄິ້ດ?  
ກະ ກວາຍ ອາແລະ ແຕ່ອ້ ຕາໄມຮ ເຢິງ ເຈົາຮາຊີ?"

ມາ ໄຮ ເບິນ ຮາງິຣ ຄິ້ດ ແຕ ເຢຊູ ກຣິດ.

**3**

ມັຮ ກວາຍ ກາ ຕະ ຮານະ ເຢິງ ເຈົາຮາຊີ  
<sup>1</sup> ແຊມອາຍ ເອີຍ! ພໍກາ ເກົາ ແອັດ ກະ ເຍົາ, ເກົາ ຕາ ແຕ່ອ້ ອາຕີ ໂອນ ເຍົາ ນະ ກວາຍ ກາ ຕາ ປູ່ນ ຮາງິຣ ຮາເວົ້າຍ ເຢິງ ເຈົາຮາຊີ ກຣັກ ລາລີ້, ຍ່ອນ ເຍົາ ອິນນ້ອງ ຕາປູ່ນ ຮາງິຣ ເຍົາ ເບີມ. ເຍົາ ຕາ ເບິນ ຊາອຳ ເຮ່ງ ຢວາຮ. ເຍົາ ລາ ນະ ກວາຍ ຕາແບ້ ຊາອຳ ເຢຊູ ກຣິດ. <sup>2</sup> ຕາໂງ່ ກ້ອຍ ເກົາ ເບິນ ອາຕີ ແຕ ປັຣນາຍ ເຢິງ ເຈົາຮາຊີ ໂອນ ເຍົາ. ເກົາ ອາຕີ ໂອນ ເຍົາ ມັຮ ກາ ປັຣນາຍ ອຽນ ຊ້ອງ, ໂອນ ເຍົາ ຊາປຸ່ຮ ໄວ່. ເກົາ ຕາ ເບິນ ອາຕີ ປັຣນາຍ ກັດ, ຍ່ອນ ເຍົາ ຕາ ເບິນ ຊາປຸ່ຮ ແຕ ປັຣນາຍ ກັດ ກ້ອຍ.\* ກະ ເຕົ້າ ຊານໍ່, ເຍົາ ຕາ ເບິນ ຊາປຸ່ຮ ແຕ ປັຣນາຍ ກັດ ກ້ອຍ, <sup>3</sup> ຍ່ອນ ເຍົາ ອິນນ້ອງ ອິດ ຮາງິຣ ເຍົາ ເບີມ. ຄັນ ເຍົາ ອິນນ້ອງ ມານະ ອວານ ມານະ, ກະ ເຍົາ ຮາໄລຍຮ, ກ້ອຍ ລາ ອິນ

\* 3:2 3:2 ໂປໂລ ຊາກຳ ປັຣນາຍ ອຽນ ລາ ນະ ແດັອ ຕິຣ, ມາ ປັຣນາຍ ກັດ ນະ ຊິຣນາ ກວາຍ ອິມປັດ.



ນ້ອງ ເຍົາ ຕາປູນ ຮຽ້ຮ ເຍົາ ເບີມ ນະ ກວາຍ ການໍ່  
 ອໍ ເຕ່. <sup>4</sup> ເບີນ ກວາຍ ກາ ປາຍ: "ເກົາ ລາ ກວາຍ  
 ກາ ຮຍານ ແຕ ໂປໂລ." ເບີນ ອັນ ກາ ປາຍ: "ເກົາ  
 ລາ ກວາຍ ກາ ຮຍານ ແຕ ອາໂປໂລ." ເຍົາ ປາຍ  
 ນະ ກ້ອຍ, ເຍົາ ມູເຈິງ ນະ ກວາຍ ຕາ ເບີນ ຊາອໍາ  
 ເຕ່. <sup>5</sup> ຄັນ ນະ ກ້ອຍ ອາໂປໂລ ລາ ເມົາ? ກະ ໂປໂລ  
 ລາ ເມົາ? ຮິ ບາຣ ນະ ລາ ກວາຍ ຕະ ຮານະ ເຢິງ  
 ເຈົາຣາຊີ ຊ້ອງ. ຮິ ໂອນ ເຍົາ ຊາອໍາ ເຢິງ ເຈົາຣາ  
 ຊີ. ເຢິງ ເຈົາຣາຊີ ແຕ່ ໂອນ ຮິ ບາຣ ນະ ຕະ ຮານະ  
 ອັນ, ມານະ ອິມພາ ແຕ ຮານະ. <sup>6</sup> ເກົາ ລາ ກວາຍ  
 ເບີນ ອາຕີ ອິນໂຍ່ງ ໂອນ ເຍົາ ປັຣນາຍ ເຢິງ ເຈົາຣາ  
 ຊີ. ໄນ່ ລາ ນະ ເກົາ ຈົຣ. ມາ ອາໂປໂລ ເບີນ ອາຕີ  
 ເຍົາ ອິນຕູນ ແອັນ. ໄນ່ ລາ ນະ ອັນ ຮົ່ຣ. ມາ ປ  
 ຍາຍ ລາລີ້, ແອິງ ເຢິງ ເຈົາຣາຊີ ຊ້ອງ ໂອນ ກໍ່ລ  
 ກ້ອຍ ດັຣ. <sup>7</sup> ນະ ກ້ອຍ ອັນ ກາ ຈົຣ ກະ ອັນ ກາ  
 ຣົຣ, ລາ ຕາ ເບີນ ອິນເຕົາ. ມາ ແອິງ ເຢິງ ເຈົາຣາ  
 ຊີ ຊ້ອງ ເຕ່ອໍ ໂອນ ກຸອງ ກ້ອຍ ດັຣ ກະ ປິດ ອາ  
 ຊ້ອຣ. <sup>8</sup> ຢິ່ຣ ເມິງ ເຢິງ ເຈົາຣາຊີ ອັນ ກາ ຈົຣ ກະ  
 ອັນ ກາ ຣົ່ຣ ລາ ມູເຈິງ ອິນແຍ່ະ. ມາ ອິນຕູນ, ໄລ່  
 ເບີນ ເກົາ ຕາປູນ ຮານະ ໄລ່ ຕະ ເຕ່.

<sup>9</sup> ຮິ ບາຣ ນະ ຕະ ຮານະ ເຢິງ ເຈົາຣາຊີ ມັນຕຸ,  
 ມາ ເຍົາ ລາ ນະ ຊວນ ເຢິງ ເຈົາຣາຊີ. ກະ ເຍົາ ລາ  
 ນະ ດຸງ ເຢິງ ເຈົາຣາຊີ ຕະ. <sup>10</sup> ເກົາ ລາ ນະ ກວາ  
 ຍ ຈົຣ ຕາໂນລ ດຸງ ຊ້ອງ, ມາ ເບີນ ກວາຍ ການໍ່  
 ອໍ ແອັນ ຕະ ໂອນ ເຈີ ດຸງ ກ້ອຍ. ມາ ມັຣ ກວາຍ  
 ກາ ຕະ ກ້ອຍ, ອິງເຄາະ ໄລ່ ຕະ ໂອນ ກຣັກ ອໍ ດຸງ  
 ກ້ອຍ. <sup>11</sup> ເບີນ ມວຍ ອິນຕຸ ຊ້ອງ ເຢິງ ເຈົາຣາຊີ  
 ໂອນ ຈົຣ ຕາໂນລ. ອິນຕຸ ກ້ອຍ ລາ ເຢຊູ ກຣິດ.  
 ເມົາ ຕາ ເຕ່ອໍ ຈົຣ ອິນຕຸ ອິມພາ ແຕ ເຢຊູ ກຣິດ.  
<sup>12</sup> ມາ ເບີນ ກວາຍ ກາ ຕະ ດຸງ ຕິ່ງ ອິນຕຸ ກ້ອຍ.  
 ເບີນ ອັນ ກາ ຕະ ແຕ ແຢງ, ປຣະ, ຕາເມົາ, ກະ ເບີ  
 ນ ກວາຍ ການໍ່ອໍ ກາ ຕະ ດຸງ ແຕ ອາລ່ອງ, ປຸ່ງ, ແຕີ  
 ລາ ຊໍ່ອໍ ໂດຍ ຊ້ອງ.† <sup>13</sup> ແຕ່ອໍ ຕາໄງ ປັຣຊິດ, ເບີ  
 ນ ອູຍຣ ລ່ອງ ຊາລີ້ອໍ ມັຣ ຮານະ ກູ່ ນະ ກວາຍ ຕະ,  
 ອໍ ມາ ຕາ ເບີນ. ຍ່ອນ ເບີນ ອູຍຣ ລ່ອງ, ນະ ກ້ອຍ  
 ກວາຍ ເຕ່ອໍ ດັງ ມັຣ ຮານະ ອັນ ຕະ ກ້ອຍ ປຍາຍໍ  
 ມາ ຕາ ເບີນ. <sup>14</sup> ຄັນ ດຸງ ກາ ອັນ ຕະ ກ້ອຍ ມາ ຕາ  
 ເບີນ ກາດ, ເຢິງ ເຈົາຣາຊີ ໂອນ ກວາຍ ກ້ອຍ ເບີ  
 ນ ຮັບ ເກົາ. <sup>15</sup> ມາ ຄັນ ເບີນ ກວາຍ ອາແລ່ະ ມາ  
 ຕະ ດຸງ ອິດ ຫາຣິ່ງ ຕາ ເບີນ ຈັບ, ດຸງ ກວາຍ ກ້ອຍ  
 ກາດ. ເຢິງ ເຈົາຣາຊີ ອິນນ້ອງ ຈ່ອຍ ອາມັງ ກວາ  
 ຍ ກ້ອຍ, ມາ ມັຣ ຮານະ ກວາຍ ກ້ອຍ ຕະ ປິດ ນະ  
 ກາດ ອິນແຍ່ະ.

ມັຣ ກວາຍ ຊາອໍາ ລາ ນະ ດຸງ ຊາງ ເຢິງ ເຈົາຣາ  
 ຊີ

<sup>16</sup> ມານະ ເຍົາ ຕາ ເບີນ ດັງ, ເຍົາ ກາ ຊາອໍາ ລາ  
 ນະ ດຸງ ຊາງ ເຢິງ ເຈົາຣາຊີ, ກະ ຮາເວົ້າຍ ເຢິງ  
 ເຈົາຣາຊີ ແອິດ ຕິ່ງ ຮຽ້ຮ ເຍົາ? <sup>17</sup> ຄັນ ກວາຍ ອາ  
 ແລ່ະ ຕາລຸຣ ດຸງ ຊາງ ເຢິງ ເຈົາຣາຊີ, ເຢິງ ເຈົາຣາ  
 ຊີ ອາປິດ ຕັຣ ກວາຍ ກ້ອຍ, ຍ່ອນ ເຢິງ ເຈົາຣາຊີ  
 ປາຊີ ດຸງ ຊາງ ອັນ. ກະ ຊານໍ່ ເຍົາ ລາ ນະ ດຸງ ຊາງ  
 ກ້ອຍ.

<sup>18</sup> ເຍົາ ອິນໂຈຍ ອາໂລກ ຮຽ້ຮ ເຍົາ ເບີມ. ຄັນ  
 ເບີນ ເມົາ ແຕ ເຍົາ ມາ ຄິດ ອັນ ຮາໄງ່ອໍ ຮາລັງ ຕາປູ  
 ນ ຮຽ້ຮ ຕິ່ງ ແດ້ຍ ໄນ່, ໂອນ ອັນ ຕັຣ ຊ້ອງ ຮຽ້ຮ  
 ຮາໄງ່ອໍ ຮາລັງ ກ້ອຍ, ເຈີ່ ອິດ ຮຽ້ຮ ຮາໄງ່ອໍ ຮາລັງ  
 ແຕ ເຢິງ ເຈົາຣາຊີ ແອັນ. <sup>19</sup> ຮຽ້ຮ ອິນເຕົາ ກວາ  
 ຍ ຄິດ ລາ ຮາໄງ່ອໍ ຮາລັງ ຕິ່ງ ແດ້ຍ ໄນ່, ຍິ່ຣ ເມິງ  
 ເຢິງ ເຈົາຣາຊີ ຮຽ້ຮ ກ້ອຍ ລາ ຊາກູລ ເມົາດ. ຕິ່ງ  
 ປຸ່ງ ປັຣນາຍ ເຢິງ ເຈົາຣາຊີ ແຕ ອິມແບີ, ເມົາ ຄຽນ  
 ດໍ່ອໍ ປາຍ:

"ເຢິງ ເຈົາຣາຊີ ດັງ ເຈີ່ ຮຽ້ຮ ມັຣ ກວາຍ ຮາໄງ່ອໍ  
 ໂລ່ບ ເຍົາ,  
 ກະ ອັນ ກາຕັງ ດໍ່ອໍ ມັຣ ຮານະ ກາ ໄລ່ ຄິດ  
 ຍິ່ຣ ອີ ຕະ."

<sup>20</sup> ກະ ຕິ່ງ ປຸ່ງ ປັຣນາຍ ເຢິງ ເຈົາຣາຊີ ອິນນ້ອງ  
 ຄຽນ ນະໄນ່ ປາຍ:

"ເຢິງ ເຈົາຣາຊີ ດັງ ມັຣ ການິດ ກວາຍ ຮາໄງ່ອໍ ລາ  
 ຕາ ເບີນ ເກົາ ອິນເຕົາ."

<sup>21</sup> ນະ ກ້ອຍ ເຍົາ ອິນໂຈຍ ອາຊ້ອຣ ກວາຍ ໂອນ  
 ມານະ ກາເລີຍ ແຕ ມານະ, ຍ່ອນ ກູ່ ຮາມິ່ຣ ລາ  
 ເຍົາ ຕາລາ ຈຸງ ອິນແຍ່ະ, <sup>22</sup> ເຍົາ ຕາລາ ໂປໂລ,  
 ອາໂປໂລ, ເປໂຕ, ກະ ກູ່ ຮາມິ່ຣ ຕິ່ງ ກູແຕອໍ ໄນ່ ກາ  
 ອາມັງ ແຕີລາ ກູຈິດ, ຕິ່ງ ແດ້ຍ ຊານໍ່, ກະ ແດ້ຍ ກາ  
 ອີ ແຕ່ອໍ ອິນຕູນ. ມັຣ ຮາມິ່ຣ ໄນ່, ເຍົາ ຕາລາ ຈຸງ  
 ອິນແຍ່ະ. <sup>23</sup> ເຢຊູ ກຣິດ ຕາລາ ອິນແຍ່ະ ກູ່ ນະ  
 ເຍົາ. ກະ ເຢິງ ເຈົາຣາຊີ ຕາລາ ເຢຊູ ກຣິດ.

**4**

ແອິງ ເຢິງ ເຈົາຣາຊີ ຊ້ອງ ເຕ່ອໍ ປາຍ ກວາຍ ອໍ  
 ມາ ຕາ ອໍ

<sup>1</sup> ອິງເຄາະ ເຍົາ ນັບ ປາຍ ຮິ ລາ ກວາຍ ກາ ຕະ  
 ຮານະ ເຢຊູ ກຣິດ. ເຢິງ ເຈົາຣາຊີ ຮຽຮ ໂອນ ຮິ  
 ກຍາອໍ ປັຣນາຍ ອໍ ແຕ ອັນ, ມັຣ ປັຣນາຍ ອໍ ກາ  
 ອັນ ຕາ ຢວາຣ ໂອນ ກວາຍ ດັງ. <sup>2</sup> ອັນ ກາ ກ

† 3:12 3:12 ໂປໂລ ຊາກໍາ ກວາຍ ກາ ຕະ ດຸງ ກຣັກ ອໍ ລາ ກວາຍ ກາ ອາຕີ ປັຣນາຍ ປຍາຍໍ ປວາຍ ຮຽ້ຮ ເຢິງ ເຈົາຣາຊີ. ໄລ່ ກາ ຕະ  
 ດຸງ ແຕ ອາລ່ອງ, ປຸ່ງ, ກະ ຊໍ່ອໍ ໂດຍ ລາ ຊາກໍາ ກວາຍ ກາ ອາຕີ ປັຣນາຍ ຕາ ເບີນ ປວາຍ ຮຽ້ຮ ເຢິງ ເຈົາຣາຊີ.

ຍາຣ໌ ຮາມິຣ ອິນເຕ້າ, ອີງເຄາະ ກວາຍ ກ້ອຍ ເປັນ ຮາງຮ ອໍ ລາລີ້ ໂອນ ກວາຍ ກາ ແປຣີ ອັນ ເຕຣ໌ ຊາອໍາ ອັນ. <sup>3</sup> ຕາ ເປັນ ອິນເຕ້າ ເຍົາ ແຕີລາ ກວາຍ ການໍ້ອໍ ປາຍ ອໍ ແຕີລາ ຕາ ອໍ ແຕ ເກົາ. ມາ ເກົາ ແອັນ, ເກົາ ຕາ ເຕຣ໌ ປາຍ ອໍ ແຕີລາ ຕາ ອໍ ແຕ ເກົາ ເປັນ. <sup>4</sup> ເກົາ ຄິດ ຕັ້ງ ຮາງຮ ເກົາ ຕາ ເປັນ ເປັນ ໂລ່ຍ ຍຣ ອິນເຕ້າ. ມາ ຮາມິຣ ເກົາ ຄິດ ກ້ອຍ ຕາ ເປັນ ໂອນ ເກົາ ແອິດ ຕານໍ້ອງ ອໍ ຍິຣ ເມີງ ເຢີງ ເຈົາຮາຊີ. ແອັງ ເຢີງ ເຈົາຮາຊີ ຊ້ອງ ເຕຣ໌ ປາຍ ເກົາ ຕານໍ້ອງ ແຕີລາ ຕາ ເປັນ ຕານໍ້ອງ. <sup>5</sup> ນະກ້ອຍ ຕາ ປາຍ ເຍົາ ປາຍ ອໍ ແຕີລາ ຕາ ອໍ ແຕ ກວາຍ ການໍ້ອໍ, ບັອງ ກາ ເຢຊູ ຕາ ຢວາຣ ເຈົາ ລັຣ ປິ ກູແຕອໍ ໄນ່. ຕັ້ງ ຕາໄງ ອັນ ແຕ້ອໍ ລັຣ, ເຢຊູ ອາປິຣ ມັຣ ຮາມິຣ ອິນເຕ້າ ກາ ເມົາ ປາໄຕະ ຕັ້ງ ອິນຕຸ ການໍ້າ, ກະ ອັນ ອາປິຣ ໂອນ ກູ່ ນະ ດັງ ແຕ ມັຣ ຮາມິຣ ອິນເຕ້າ ກາ ແອິດ ຕັ້ງ ຮາງຮ ໄລ່. ຕາໄງ ກ້ອຍ ເຢີງ ເຈົາຮາຊີ ຍ່ອງ ໄລ່ ຕາປູນ ຣານະ ໄລ່ ຕະ.

ກວາຍ ຕະ ຣານະ ເຢຊູ ຈີວ ຊາອິ້ຍ ຮາມິຣ ຕຸຣ ກັດ

<sup>6</sup> ແຊມອາຍ ເອີຍ! ຍ່ອນ ເກົາ ຍິຣ ອີ ໂອນ ເຍົາ ດັງ ແຈງ, ນະກ້ອຍ ເກົາ ຊາກໍາ ແຕ ເກົາ ກະ ອາໂປໂລ. ເກົາ ຍິຣ ອີ ໂອນ ເຍົາ ຮຍານ ແຕ ຮິ, ໂອນ ເຍົາ ຕາ ເປັນ ຕະ ອິມພາ ແຕ ປັຣນາຍ ເຢີງ ເຈົາຮາຊີ ອາຕີ ແຕ ອິມແບີ. ຕາ ປາຍ ເຍົາ ອາ ຊ້ອຣ ກວາຍ ໄນ່, ມາ ອາແຊງ ກວາຍ ກ້ອຍ. <sup>7</sup> ແຕ ເມົາ ເຍົາ ດັງ ປາຍ ອໍ ກວາຍ ໄນ່, ມາ ຕາ ອໍ ກວາຍ ກ້ອຍ? ມັຣ ຮາມິຣ ອິນເຕ້າ ເຍົາ ເປັນ, ແອັງ ເຢີງ ເຈົາຮາຊີ ໂອນ ເຍົາ ເປັນ ຮາມິຣ ກ້ອຍ. ຄັນ ເຢີງ ເຈົາຮາຊີ ໂອນ ເຍົາ ເປັນ ມັຣ ຮາມິຣ ກ້ອຍ, ມານະ ເຍົາ ໂອດ ປາຍ ເຍົາ ເປັນ ເປັນ? <sup>8</sup> ຊານໍ້ ເຍົາ ຄິດ ເຍົາ ດັງ ອິນແຍະ ກູ່ ຮາມິຣ ແຕ ປັຣນາຍ ເຢີງ ເຈົາຮາຊີ ເຈົ້, ກະ ເຍົາ ຄິດ ປາຍ ເຍົາ ລາ ກວາຍ ຮາ ໄງ້ອໍ ຮາລັງ ລາລີ້ ເຈົ້! ເຍົາ ຄິດ ປາຍ ເຍົາ ແກັດ ມັຣ ກວາຍ ອິມປິດ ເຈົ້, ມາ ຮິ, ຮິ ລາ ຕາ ເປັນ ແກັດ ອິມປິດ ນະກ້ອຍ! ເອົາ! ໂອນ ເຍົາ ແກັດ ປິດ, ໂອນ ໄຮ ເຕຣ໌ ແກັດ ປິດ ມັນຕຸ! <sup>9</sup> ມາ ເກົາ ຄິດ ເຢີງ ເຈົາຮາຊີ ໂອນ ຮິ ກາ ກວາຍ ເຢຊູ ຮຽຣ ປາຈຸຣ ແອິດ ປິນ ອິນແຍະ ກູ່ ນະ ກວາຍ ການໍ້ອໍ. ຮິ ລາ ນະ ກວາຍ ໂຕດ ກາ ເມົາ ນັດ ດໍອໍ ອີງເຄາະ ກູ ຈິດ ຍິຣ ເມີງ ກູ່ ນະ ກວາຍ ແອິດ ຕັ້ງ ກູແຕອໍ ໄນ່, ກະ ຍິຣ ເມີງ ແທວາດາ ເຢີງ ເຈົາຮາຊີ ແຮີ. <sup>10</sup> ເມົາ ປາຍ ຮິ ລາ ກວາຍ ຊາກຸລ, ຍ່ອນ ຮິ ປວາຍ ເຢຊູ

ກຣິດ. ມາ ເມົາ ປາຍ ເຍົາ ເປັນ ກູ່ ປັຣນາຍ ຮາໄງ້ອໍ ຮາລັງ ແຕ ເຢຊູ ກຣິດ ເຈົ້. ຮິ ລາ ກວາຍ ອຽວ, ມາ ເຍົາ ລາ ກວາຍ ບັນ ເຣງ. ເຍົາ ລາ ເມົາ ຢານັບ; ມາ ຮິ, ເມົາ ຕາ ເປັນ ຢານັບ ອິນເຕ້າ ເລີ້ຍ. <sup>11</sup> ເຕ້າ ຊານໍ້ ຮິ ມາເຍົາຍຣ ໂດຍ ອາເຣີງ ແດັອ. ທຣິງ ຕັອກ ຮິ ລາ ອິນແຍະ ອາໂຍຣ. ເມົາ ຕະ ທໍ ຮິ. ກະ ຮິ ຕາ ເປັນ ຮອດ ດຸງ ແອິດ. <sup>12</sup> ຮິ ຕູຕະ ລາແກັຣ ລາລີ້ ໂອນ ເປັນ ທຣິງ ຊັຣນາ ຈາ. ຄັນ ເມົາ ເວ່ນ ຮິ, ຮິ ເກົາແຊອໍ ບຸ່ນ ໂອນ ກວາຍ ກ້ອຍ. ຄັນ ເມົາ ຕະ ຮິ, ຮິ ຈີວ ຊ້ອງ. <sup>13</sup> ຄັນ ເມົາ ພາມາດ ຮິ, ຮິ ຕາເອີຍ ປັຣນາຍ ລາແມ່ນ ອໍ ໂຈະ ໄລ່. ເຕ້າ ແຕ້ອໍ ຕາໄງ ໄນ່, ກວາຍ ຕັ້ງ ກູແຕອໍ ໄນ່ ແນ່ ຈະ ຮິ ນະ ເທ ຣິ່ງ ແປຣີ ກາ ເມົາ ຕັຣ!

ໂປໂລ ລາ ນະ ອິມປໍ້ ໂອນ ກວາຍ ໂກຣິນໂທ

<sup>14</sup> ເກົາ ຕາ ເປັນ ຄຽນ ປັຣນາຍ ໄນ່ ໂອນ ເຍົາ ຊ້ອງ ກູມາລ. ມາ ເກົາ ຄຽນ ອາຕີ ເຍົາ, ຍ່ອນ ເຍົາ ລາ ນະ ກອນ ອາໂກ ກາ ເກົາ ອາໂຍະ ລາລີ້. <sup>15</sup> ຕາ ເປັນ ອິນເຕ້າ, ຄັນ ເປັນ ມັນຈິດ ປິນ ນະ ອາຕີ ເຍົາ ແຕ ປັຣນາຍ ເຢຊູ ກຣິດ, ເກົາ ໄນ່ ແຕ່ ອາຕີ ອິນໂຍ່ງ ປັຣນາຍ ເຢຊູ ກຣິດ ໂອນ ເຍົາ. ມານະ ເກົາ ຊ້ອງ ລາ ນະ ອິມປໍ້ ເຍົາ. <sup>16</sup> ນະກ້ອຍ ເກົາ ແຊອໍ ເຍົາ ດວຍ ເກົາ. <sup>17</sup> ຍ່ອນ ນະກ້ອຍ ເກົາ ແປຣີ ຕີໂທທຽວ ເປາະ ປິ ເຍົາ, ອາຕີ ໂອນ ເຍົາ ດັງ ແຈງ ມັຣ ປັຣນາຍ ເກົາ ຕາປູນ ແຕ ເຢຊູ ກຣິດ. ອັນ ລາ ນະ ກອນ ກາ ເກົາ ອາໂຍະ ລາລີ້. ເຕ້ອໍ ເຍົາ ຊາງັດ ອັນ, ແຕ້ອໍ ອັນ ອາຕີ ປັຣນາຍ ກາ ເກົາ ດຸ ອາຕີ ໂອນ ກູ່ ມູ່ ກາ ຊາອໍາ ການໍ້ອໍ ດັງ ເຕ່.

<sup>18</sup> ເປັນ ກວາຍ ແຕ ເຍົາ ອາຊ້ອຣ ຈະ ປາຍ ໄລ່ ເປັນ ອໍານາດ ແຕ ເຢີງ ເຈົາຮາຊີ ຊາອິ້ຍ ກາເລີຍ ແຕ ເກົາ. ໄລ່ ຄິດ ປາຍ ເກົາ ຕາ ເປັນ ແຕ້ອໍ ຊາອິຣ ເຍົາ. <sup>19</sup> ມາ ຄັນ ເຢີງ ເຈົາຮາຊີ ໂອນ, ຕາ ເປັນ ດູ່ນ ນໍ້ອງ ເກົາ ແຕ້ອໍ ຊາອິຣ ເຍົາ. ບັອງ ກາ ກ້ອຍ ເກົາ ອີ ດັງ ແຕ ກວາຍ ກາ ຄິດ ປາຍ ໄລ່ ເປັນ ອໍານາດ, ໄລ່ ເປັນ ລີ້ ມາ ອິນຈຸງ ໄລ່ ປາຍ ຊ້ອງ. <sup>20</sup> ເຢີງ ເຈົາຮາຊີ ອາປິຣ ອໍານາດ ອັນ ຕັ້ງ ຮາງຮ ກວາຍ, ຍ່ອນ ແຕ ຣານະ ໄລ່ ຕະ, ຕາ ແກັນ ຍ່ອນ ແຕ ປັຣ ນາຍ ໄລ່ ປາຍ. <sup>21</sup> ອິນເຕ້າ ເຍົາ ອີ ເປັນ ພໍກາ ເກົາ ແຕ້ອໍ ປິ ເຍົາ? ເຍົາ ອີ ເປັນ ອາລ່ອງ ຮາວັດ, ມາ ເຍົາ ຍິຣ ອີ ໂອນ ເກົາ ອາໂຍະ ກະ ເປັນ ຮາງຮ ລາ ແມ່ນ ອໍ ໂຈະ ເຍົາ?

### 5

ຕັດຊີ້ນ ກວາຍ ຕຶ້ງ ມູ່ ກາ ຊາອຳ ກາ ອິດ ມັນ ແຊມ ກາ ຕາ ແກ້ນ ລາກວຍ ອັນ

1 ຫົາ ຊ້ອງ ເຈີ່ ເມົາ ຕະ ອິນຕີ ແຕ ມານະ ຕຶ້ງ ຈຸ່ມ ເຍົາ ຕະ ຣານະ ຕາ ອໍ ລາລີ້. ຣານະ ກ້ອຍ ລາ ອັນ ບິ ກະ ລາກວຍ ອິມປໍ່ ອັນ. ປັຣນາຍ ໄມ່ ດ້ອຣ ເດີນ ເປາະ ກູ່ ອິນຕຸ ເຈີ່. ມັຣ ກວາຍ ກາ ຕາ ເບີນ ຊາອຳ ປັຣນາຍ ເຢັງ ເຈົາຣາຊີ, ລາ ຕາ ເກີ້ຍ ຕະ ຣານະ ຕາ ອໍ ນະກ້ອຍ. 2 ນານະ ເຍົາ ອິນນ້ອງ ໂອດ ປາຍ ເຍົາ ລາ ກວາຍ ອໍ ຢັຣ ມືງ ເຢັງ ເຈົາຣາຊີ? ຄາອໍ ເຍົາ ຊ້ອງ ຕຸຣ ຈຸ່ ແຕ ຣານະ ຕາ ອໍ ກ້ອຍ. ອໍ ໂອນ ເຍົາ ຕູ່ຍຣ ຕັຣ ຊ້ອງ ອັນ ກາ ຕະ ຣານະ ຕາ ອໍ ກ້ອຍ. 3 ຈະ ຫົາ ໄມ່ ແອັດ ເຢັງ ແຕ ເຍົາ, ມາ ຣາງັຣ ຫົາ ແອັດ ມັນຕຸ ກະ ເຍົາ. ຍ່ອນ ເຢຊູ ກຣິດ ໂອນ ຫົາ ເບີນ ອຳນາດ, ຫົາ ຄິດ ເຈີ່ ຕຶ້ງ ຣາງັຣ ຫົາ, ອິນເຕົ້າ ຢັອ ອິ ຕະ ໂອນ ກວາຍ ກາ ຕະ ຣາ ມະ ຕາ ອໍ ກ້ອຍ. 4-5 ຫົາ ຄິດ ນະໄມ່: ພູ່ກາ ເຍົາ ໂຣ່ມ ລາ ນະ ຫົາ ໂຣ່ມ ມັນຕຸ ກະ ເຍົາ ເຕ່. ບັອງ ກາ ກ້ອຍ ອຶງເຄາະ ເຍົາ ມ່ອບ ອັນ ກາ ຕະ ຣານະ ຕາ ອໍ ກ້ອຍ ໂອນ ເຢັງ ຊາຕານ ຕະ ຈະ ອັນ, ໂອນ ຣາເວີຍ ອັນ ເບີນ ອາມັງ ຕຶ້ງ ຕາໄງ ເຢຊູ ເຈົາ ລັຣ ບິ ກູແຕອໍ ໄມ່. ເຍົາ ຕະ ຣານະ ກ້ອຍ ຍ່ອນ ເຍົາ ເບີນ ອຳນາດ ແຕ ເຢຊູ ກຣິດ, ອິນເຈົາ ໄຣ.

6 ຕາ ໄກຣ ເຍົາ ຄິດ ປາຍ ເຍົາ ລາ ກວາຍ ຕານ້ອງ ອໍ ຢັຣ ມືງ ເຢັງ ເຈົາຣາຊີ. ເຍົາ ດັງ ເຈີ່ ປັຣນາຍ ຊາກຳ ແຕ ບວຣ ຊີ້ອໍ ນະໄມ່: "ຄັນ ເບີນ ບິ້ອໍ ບວຣ ຊີ້ອໍ, ມາ ເຍົາ ເປຍ ກະ ແປງ, ອິນແຍ່ະ ແປງ ກ້ອຍ ແກັດ ຊີ້ອໍ ອາຊ້ອຣ ອິນແຍ່ະ." 7 ບວຣ ຊີ້ອໍ ໄມ່ ລາ ຊາກຳ ແຕ ຣານະ ໂລ່ຍຣ. ອຶງເຄາະ ເຍົາ ຕາເວ່ງ ຕັຣ ຣານະ ຕຍາ ແຕ ຣາງັຣ ເຍົາ, ໂອນ ເຍົາ ແກັດ ຣາງັຣ ຕາໄມ ແອັນ. ເຢຊູ ກຣິດ ກູຈິດ ຕາງ ໄຣ ເຈີ່. ນະກ້ອຍ ໄຣ ແກັດ ຣາງັຣ ຕາໄມ ແອັນ. ເຢຊູ ລາ ນະ ແກະ ກາ ມັຣ ກວາຍ ອິດ ຊະຣາເອລ ດຸ ກຍາກ ຈາ ຊາແອີ ຕາໄງ ອາກູຣ.\* 8 ຍ່ອນ ນະກ້ອຍ, ອຶງເຄາະ ໄຣ ຊາແອີ ຕາໄງ ກ້ອຍ, ຈາ ໂດຍ ບຸຣ ຕາ ເບີນ ເບີນ ບວຣ ຊີ້ອໍ. ບວຣ ຊີ້ອໍ ໄມ່ ລາ ນະ ຣານະ ໂລ່ຍຣ ກະ ມັຣ ຣາງັຣ ຕາ ອໍ. ມາ ອໍ ໂອນ ໄຣ ຈາ ໂດຍ ບຸຣ ແອີ ບວຣ ຊີ້ອໍ. ໄມ່ ລາ ນະ ໄຣ ຕາ ເບີນ ເບີນ ໂລ່ຍຣ ນ້ອງ ກະ ຕາປູນ ກຣັກ ລາລີ້ ປັຣນາຍ ປາຍ ອໍ.

\* 5:7 5:7 ຕາໄງ ກ້ອຍ ໄລ່ ຊາແອີ ຕາໄງ ເຢັງ ເຈົາຣາຊີ ຈ່ອຍ ໂອນ ໄລ່ ລັອຣ ແຕ ກຣວາງ ເອຍິບ.

9 ຕຶ້ງ ປັຣນາຍ ຊາອໍຣ ອິນໂຍ່ງ ຫົາ ພາອໍ ໂອນ ເຍົາ, ຫົາ ອາຕີ ເຍົາ ອິນໂຈຍ ຣາຕອຍ ກະ ກວາຍ ກາ ມັກ ປັຣລີ້ຍ ລາກວຍ ກາຢາອໍ ເມົາ. 10 ຕຶ້ງ ປັຣນາຍ ຊາອໍຣ ກ້ອຍ, ຫົາ ຕາ ເບີນ ໄຄອໍ ເຍົາ ຣາຕອຍ ກະ ກວາຍ ຕາ ເບີນ ຊາອຳ ກາ ປັຣລີ້ຍ ລາ ກວຍ ກາຢາອໍ ເມົາ, ແຕີລາ ອິດ ເກຣັງ ເມົາ, ແຕີລາ ຊາງ ເຢັງ ການໍອໍ. ຄັນ ເຍົາ ຕາ ແອອໍ ອິ ຣາຕອຍ ມັຣ ກວາຍ ນະກ້ອຍ, ອຶງເຄາະ ເຍົາ ລັອຣ ແຕ ກູແຕອໍ ໄມ່! 11 ມາ ຕຶ້ງ ປັຣນາຍ ຊາອໍຣ ກ້ອຍ, ຫົາ ອາຕີ ເຍົາ ແຕ ກວາຍ ກາ ຊາອຳ ເຈີ່, ມາ ອິນນ້ອງ ໄລ່ ຕະ ຣານະ ຕາ ອໍ ຕາ ເບີນ ລາກວຍ ກາຢາອໍ ມາ ບິ ມັນຕຸ, ແຕີລາ ກຸມປູຣ ຢັອ ອິ ເບີນ ຊາອິ້ຍ, ແຕີລາ ຊາງ ເຢັງ ຕາ ອໍ, ແຕີລາ ຕາແມັຍຣ ກວາຍ ການໍອໍ, ແຕີລາ ບູລ ບັອງ, ແຕີລາ ໄລ່ບ ອິດ ເກຣັງ ກວາຍ ການໍອໍ. ຫົາ ປາຕັບ ເຍົາ ນະໄມ່: ເຍົາ ອິນໂຈຍ ຈາ ມັນຕຸ ກະ ມັຣ ກວາຍ ກ້ອຍ.

12-13 ຕາ ແກ້ນ ຣານະ ຫົາ ອິ ຕັດຊີ້ນ ແຕ ກວາຍ ກາ ຕາ ເບີນ ຊາອຳ. ແອັງ ເຢັງ ເຈົາຣາຊີ ຊ້ອງ ຕັດຊີ້ນ ກວາຍ ກ້ອຍ. ມາ ມັຣ ກວາຍ ຊາອຳ ຕຶ້ງ ຈຸ່ມ ເຍົາ, ອຶງເຄາະ ເຍົາ ຕັດຊີ້ນ ເບີມ; ເຈີ່ ເຍົາ ຕູ່ຍຣ ຕັຣ ກວາຍ ກາ ຕະ ຣານະ ຕາ ອໍ ກ້ອຍ ແຕ ຈຸ່ມ ເຍົາ, ຕາປູນ ປັຣນາຍ ເຢັງ ເຈົາຣາຊີ ປາຍ ແຕ ອິມແປ ເຈີ່.

### 6

ອິນໂຈຍ ໂອນ ກວາຍ ຕາ ເບີນ ຊາອຳ ຕັດຊີ້ນ ເຍົາ ກາ ຊາອຳ ເຈີ່

1 ຄັນ ເບີນ ຕຶ້ງ ມູ່ ເຍົາ ກາ ຊາອຳ, ມານະ ຣາໂລຍຣ ກະ ມານະ, ນານະ ເຍົາ ຍັນ ເປາະ ບິ ກວາຍ ກາ ຕາ ເບີນ ຊາອຳ ໂອນ ໄລ່ ຕັດຊີ້ນ ເຍົາ? ອໍ ກາເລີຍ ລາ ເຍົາ ເປາະ ບິ ກວາຍ ກາ ຊາອຳ ເຈີ່ ໂອນ ໄລ່ ກ້ອຍ ຕັດຊີ້ນ ເຍົາ. 2 ເຍົາ ດັງ ມາ ຕາ ເບີນ, ອິນຕູນ ກວາຍ ກາ ຊາອຳ ເຢັງ ເຈົາຣາຊີ, ໄລ່ ເບີນ ອຳນາດ ຕັດຊີ້ນ ອິນແຍ່ະ ກູ່ ນະ ກວາຍ ການໍອໍ? ຄັນ ອິນຕູນ ເຍົາ ມາ ຕັດຊີ້ນ ກູ່ ນະ ກວາຍ ການໍອໍ, ນານະ ຣານະ ກາ ແກດ ມາ ເຍົາ ຕາ ເຕອໍ ຕັດຊີ້ນ? 3 ເຍົາ ດັງ ມາ ຕາ ເບີນ, ອິນຕູນ ໄຣ ເບີນ ອຳນາດ ຕັດຊີ້ນ ເທວາດາ ເຢັງ ເຈົາຣາຊີ ແຮີ? ຄັນ ນະກ້ອຍ, ລາ ອຽນ ກາເລີຍ ໄຣ ຕັດຊີ້ນ ມັຣ ຣາງັຣ ຕຶ້ງ ກູແຕອໍ ໄມ່. 4 ນະກ້ອຍ ຄັນ ກວາຍ ຕຶ້ງ ມູ່ ເຍົາ ມາ ມານະ ຣາໂລຍຣ ໂຈະ ມານະ ແຕ ແຕັຍ

ອາມັງ ໄມ່, ມານ່ະ ເຍົາ ໂອນ ກວາຍ ກາ ຕາ ເບີນ ຊາອໍາ ຕັດຊິ້ນ ເຍົາ? <sup>5</sup> ຫົາ ປາຍ ນ່ະກ້ອຍ ໂອນ ເຍົາ ຊ້ອງ ກູມາລ. ອາຣັງ ປາຍ ຕາ ເບີນ ກວາຍ ຮາໄງ່ອ່ ຮາລັງ ເຕ່ອ່ ຕັດຊິ້ນ ຕຶງ ມູ່ ເຍົາ. <sup>6</sup> ມາ ອິນນ້ອງ ເຍົາ ມານະ ຮາໂລຍຮ ກະ ມານະ, ກະ ເຍົາ ໂອນ ກວາຍ ກາ ຕາ ເບີນ ຊາອໍາ ມາ ຕັດຊິ້ນ ເຍົາ!

<sup>7</sup> ຍ່ອນ ຕຶງ ມູ່ ເຍົາ ມັຮ ກວາຍ ກາ ຊາອໍາ ເບີນ ມານະ ຮາໂລຍຮ ກະ ມານະ; ໄມ່ ລາ ຮານະ ເຍົາ ຕາ ເບີນ ຕາປູນ ປັຣນາຍ ເຢົາງ ເຈົາຮາຊີ ກັຮັກ ລາ ລື້. ອໍ ກາເລີຍ ເຍົາ ຈີວັ ກວາຍ ການໍ່ອ່ ຕະ ເຍົາ. ກະ ອໍ ກາເລີຍ ເຍົາ ຈີວັ ກວາຍ ການໍ່ອ່ ອິດ ຫຣິງ ເຍົາ. <sup>8</sup> ມາ ຕຶງ ຈຸ່ມ ເຍົາ ເບີມ, ກາ ມານະ ຕະ ມານະ, ກະ ມານະ ອິດ ຫຣິງ ມານະ! <sup>9-10</sup> ເຍົາ ດັງ ເຈີ່, ມັຮ ກວາຍ ກາ ຕາ ເບີນ ຕະ ຕານ້ອງ ອໍ, ເຢົາງ ເຈົາຮາຊີ ຕາ ເບີນ ຊົດ ຮາງືຮ ກວາຍ ກ້ອຍ. ເຍົາ ອິນໂຈຍ ອາໂລກ ຈະ ເຍົາ ເບີມ, ເຢົາງ ເຈົາຮາຊີ ຕາ ເບີນ ຊົດ ຕຶງ ຮາງືຮ ກວາຍ ກາ ຕະ ຮານະ ນ່ະໄມ່: ກວາຍ ກາ ຕາ ເບີນ ລາກວຍ ກາຢາອ່ ມາ ບິ ມັນຕຸ, ຊາງ ເຢົາງ ການໍ່ອ່, ປັຣລີຍ ລາກວຍ ກາຢາອ່ ເມົາ, ມັນແຊມ ອິ ເບີນ ມັນແຊມ, ຮາເລົາ ອິ ເບີນ ຮາ ເລົາ, ຕູຕວຍ໌, ຮາປົນ ຫຣິງ ເມົາ, ບູລ ມັອງ, ຕາ ແມີຍຮ ເມົາ, ກະ ອິດ ຫຣິງ ເມົາ. <sup>11</sup> ບ້ອງ ກ້ອຍ, ກວາຍ ຕຶງ ຈຸ່ມ ເຍົາ ຕະ ຮານະ ກ້ອຍ ເຈີ່. ມາ ຊາ ນໍ່, ຍ່ອນ ແຕ ເຢຊູ ກຣິດ, ອິນເຈົາ ໄຮ, ກະ ຍ່ອນ ແຕ ຮາເວີຍ ເຢົາງ ເຈົາຮາຊີ, ເຢົາງ ເຈົາຮາຊີ ເບີນ ອາເຣົາວ ຮາງືຮ ເຍົາ ເຈີ່, ໂອນ ເຍົາ ແກ້ດ ບຣັຮ ອໍ, ກະ ໂອນ ເຍົາ ແກ້ດ ຕານ້ອງ ອໍ ຢັຮ ເມົາງ ອັນ.

ອິງເຄາະ ເຍົາ ວຍາຣ ແຕ ຮານະ ກາ ກວາຍ ຕາ ເບີນ ລາກວຍ ກາຢາອ່ ມາ ບິ ມັນຕຸ

<sup>12</sup> ມັຮ ຮານະ ອິນເຕົາ ຫົາ ຢິອ່ ອິ ຕະ, ເຕ່ອ່ ຫົາ ຕະ; ມາ ມັຮ ຮານະ ກ້ອຍ ຕາ ເບີນ ຫົາ ອິນ ແຍ່ະ. ມັຮ ຮານະ ອິນເຕົາ ຫົາ ຢິອ່ ອິ ຕະ, ເຕ່ອ່ ຫົາ ຕະ; ມາ ຫົາ ຕາ ແອອ່ ມັຮ ຮານະ ກ້ອຍ ຕະ ໂອນ ຫົາ ແກ້ດ ຊູລ ອັນ. <sup>13</sup> ເຢົາງ ເຈົາຮາຊີ ແຕງ ກວາຍ ເບີນ ປຸ່ງ ໂອນ ດໍອ່ ຊັຮມາ ຈາ. ກະ ອັນ ແຕງ ຫຣິງ ຊັຮມາ ໂອນ ປຸ່ງ ຕາ ເບີນ ຊ້ອງ ມາ ເຍົາຍຮ. ມາ ອິນຕຸ່ນ ເຢົາງ ເຈົາຮາຊີ ອາປິດ ອິນ ແຍ່ະ ບາຣ ຮາມິຮ ກ້ອຍ. ມູເຈິງ ກ້ອຍ ເຕ່ ເຢົາງ ເຈົາຮາຊີ ຕາ ເບີນ ແຕງ ຈະ ກວາຍ ດໍອ່ ໂອນ ກວາ ຍ ຕາ ເບີນ ລາກວຍ ກາຢາອ່ ມາ ບິ ມັນຕຸ. ເຢົາງ ເຈົາຮາຊີ ແຕງ ຈະ ກວາຍ ໂອນ ຕະ ຮານະ ອັນ, ກະ ອັນ ປາຊີ ລາລີ້ ຈະ ກວາຍ. <sup>14</sup> ອໍານາດ ເຢົາງ ເຈົາຮາຊີ ຕະ ໂອນ ເຢຊູ ອາມັງ ລັຮ ແຕ ກູຈິດ, ກະ

ອິນຕຸ່ນ ອັນ ໂອນ ໄຮ ເບີນ ອາມັງ ລັຮ ນ່ະ ເຢຊູ ເຕ່.

<sup>15</sup> ເຍົາ ດັງ ມາ ຕາ ເບີນ, ກູ່ ນະ ຕຶງ ມູ່ ກາ ຊາອໍາ ລາ ແກ້ດ ຈະຈັນ ເຢຊູ ກຣິດ? ມານ່ະ ເຍົາ ຄິດ, ອໍ ມາ ຕາ ອໍ ຫົາ ອິດ ມວຍ ຮາມິຮ ແຕ ຈະ ເຢຊູ ກຣິ ດ, ເຈີ່ ອາມັຮ ກະ ມັນແຊມ ກາ ຈິ ຈະ ອັນ? ອິນ ໂຈຍ ໂອນ ແກ້ດ ນ່ະກ້ອຍ! <sup>16</sup> ກະ ເຍົາ ດັງ ມາ ຕາ ເບີນ, ກວາຍ ອາແລ່ະ ກາ ເປາະ ບິ ກະ ມັນແຊມ ຈິ ຈະ, ໄລ່ ບາຣ ນະ ກ້ອຍ ແກ້ດ ນ່ະ ມວຍ ໄຊອ່ ຊ້ອງ? ຕຶງ ປຶງ ປັຣນາຍ ເຢົາງ ເຈົາຮາຊີ ແຕ ອິມ ແບີ, ອັນ ປາຍ ນ່ະໄມ່: "ບາຣ ນະ ກ້ອຍ ແກ້ດ ນ່ະ ມູ ໄຊອ່ ຊ້ອງ."

<sup>17</sup> ມາ ຄັນ ເຍົາ ມ່ອບ ຊາງ ຈະ ເຍົາ ໂອນ ອິນເຈົາ ໄຮ, ເຈີ່ ເຍົາ ແກ້ດ ມູ ຮາງືຮ ກະ ອັນ.

<sup>18</sup> ອິງເຄາະ ເຍົາ ວຍາຣ ໂອນ ແວັດ ແຕ ມັຮ ຮາ ນະ ຕາ ອໍ ຕາ ເບີນ ລາກວຍ ກາຢາອ່ ມາ ບິ ມັນ ຕຸ. ຮານະ ຕາ ອໍ ໄມ່ ລາ ອິມພາ ແຕ ຮານະ ຕາ ອໍ ການໍ່ອ່, ຍ່ອນ ຮານະ ຕາ ອໍ ໄມ່ ລາ ຕະ ຕາ ອໍ ໂຈະ ຈະ ເບີມ. <sup>19</sup> ເຍົາ ດັງ ມາ ຕາ ເບີນ, ຈະ ເຍົາ ລາ ນ່ະ ດຸງ ຊາງ ໂອນ ຮາເວີຍ ເຢົາງ ເຈົາຮາຊີ ແອັດ? ເຢົາງ ເຈົາຮາຊີ ໂອນ ເຍົາ ເບີນ ຮາເວີຍ ອັນ. ເຍົາ ຕາ ເບີນ ຕາລາ ຈະ ເຍົາ ເບີມ, ມາ ເຢົາງ ເຈົາຮາຊີ ຕາລາ ຈະ ເຍົາ. <sup>20</sup> ຍ່ອນ ອັນ ແຈິງ ເຍົາ ລາເກົາ ເປ່ ງ ລາລີ້, ນ່ະກ້ອຍ ອິງເຄາະ ມ່ອບ ຈະ ເຍົາ ດໍອ່ ຢາ ນັບ ອໍ ອັນ.

### 7

ໂປໂລ ອາຕີ ແຕ ອິດ ລາກວຍ ກາຢາອ່

<sup>1</sup> ຊານໍ່ ຫົາ ຢິອ່ ຕາແອີຍ ເຍົາ ແຕ ມັຮ ປັຣນາຍ ເຍົາ ຄຽນ ໂອນ ຫົາ ແຕ ອິນໂຍ່ງ. ຫົາ ຄິດ ລາ ອໍ ຄັນ ກວາຍ ຕາ ເບີນ ອິດ ລາກວຍ ກາຢາອ່. <sup>2</sup> ມາ ໂອນ ເຍົາ ເຕ່ອ່ ວຍາຣ ແຕ ຮານະ ຕາ ອໍ ຕາ ເບີນ ລາກວຍ ກາຢາອ່ ມາ ບິ ມັນຕຸ, ອໍ ເຕ່ ໂອນ ກູ່ ນະ ຮາເລົາ ອິງເຄາະ ອິດ ລາກວຍ, ກະ ກູ່ ນະ ມັນ ແຊມ ອິງເຄາະ ຈໍອ່ ກາຢາອ່. <sup>3</sup> ກາຢາອ່ ອິງເຄາະ ມ່ອບ ຈະ ອັນ ເບີມ ໂອນ ລາກວຍ. ກະ ລາກວຍ ອິງເຄາະ ມ່ອບ ຈະ ອັນ ເບີມ ໂອນ ກາຢາອ່. <sup>4</sup> ມັນ ແຊມ ກາ ເບີນ ກາຢາອ່ ເຈີ່, ອັນ ຕາ ເບີນ ຕາລາ ຈະ ອັນ ແອິງ ອັນ ຊ້ອງ, ມາ ກາຢາອ່ ອັນ ຕາລາ ເຕ່. ມູເຈິງ ກ້ອຍ ເຕ່, ຮາເລົາ ກາ ເບີນ ລາກວຍ ເຈີ່, ອັນ ຕາ ເບີນ ຕາລາ ຈະ ອັນ ແອິງ ອັນ ຊ້ອງ, ມາ ລາກວຍ ອັນ ຕາລາ ເຕ່. <sup>5</sup> ມາ ມັນແຊມ ກາ ເບີນ ກາຢາອ່ ກະ ຮາເລົາ ກາ ເບີນ ລາກວຍ ເຈີ່, ອິງ ເຄາະ ໄລ່ ອິນໂຈຍ ອາລັຮ ບິ ມັນຕຸ. ມາ ຄັນ ອິນ ແຍ່ະ ບາຣ ນະ ລາກວຍ ກາຢາອ່ ອິມປຣ່ອມ ຕາ ເບີນ ບິ ມັນຕຸ ບິອ່ ຕາໄງ, ຍ່ອນ ໄລ່ ຢິອ່ ອິ ຫົາ

ແຊ່ອ ແຕ ເຢິງ ເຈົ້າຮາຊີ, ເຕ່ອ ໄລ່ ຕະ ນະກ້ອຍ. ມາ ແວັດ ແຕ ກ້ອຍ ອິງເຄາະ ໄລ່ ບິ ມັນຕຸ ລັຮ ຊາ, ໂອນ ເຢິງ ຊາຕານ ຕາ ເຕ່ອ ຮາເຕິງ ໄລ່ ຕະ ຮານະ ໂລ່ຍຮ ອີ ເບິນ ກວາຍ ການໍ່ອໍ. <sup>6</sup> ປັຣນາຍ ໄມ່ ຕາ ແກິນ ເກົາ ແປຣີ, ມາ ເກົາ ຄິດ ອໍ ໂອນ ເຍົາ ຕະ. <sup>7</sup> ເກົາ ຢິອ ອີ ໂອນ ອິນແຍ່ະ ກຸ່ ນະ ກວາຍ ລາ ມູ ເຈິງ ເກົາ ເຕ່ ຕາ ເບິນ ຊ້ອງ ຢິອ ອີ ອິດ ລາກວຍ. ມາ ເຢິງ ເຈົ້າຮາຊີ ໂອນ ກຸ່ ນະ ກວາຍ ມານະ ອິມ ພາ ແຕ ມານະ. ອັນ ກາ ເຕ່ອ ຕະ ນະໄມ່, ອັນ ກາ ເຕ່ອ ຕະ ນະກ້ອຍ.

<sup>8</sup> ຊານໍ່ ເກົາ ຢິອ ອີ ອາຕີ ມັຮ ກວາຍ ກາ ຕາ ເບິນ ອິດ ລາກວຍ ກາຢາອໍ, ກະ ມັຮ ກວາຍ ອິມເປ່ອ ກູມາຍ ແອິນ: ອໍ ກາເລີຍ ໂອນ ເຍົາ ຕາ ເບິນ ອິດ ລາກວຍ ກາຢາອໍ ນະ ເກົາ ເຕ່. <sup>9</sup> ມາ ຄັນ ເຍົາ ຕາ ເຮົາບ ແອິດ ມານະ, ເຕ່ອ ເຍົາ ອິດ ລາກວຍ ກາຢາອໍ. ຄາອ ເຍົາ ອິດ ຊ້ອງ ແຕ ເຍົາ ກູຄິດ ເລືອ ຍາ ຢິອ ອີ ບິ ກະ ກວາຍ ການໍ່ອໍ.

ໂປໂລ ອາຕີ ມັຮ ກວາຍ ກາ ອິດ ລາກວຍ ກາ ຢາອໍ ເຈິ່

<sup>10</sup> ມັຮ ກວາຍ ກາ ເບິນ ລາກວຍ ກາຢາອໍ ເຈິ່, ເກົາ ຢິອ ອີ ອາຕີ ນະໄມ່: "ລາກວຍ ຕຸ ເຕ່ອ ຕັຮ ກາຢາອໍ." (ປັຣນາຍ ໄມ່ ລາ ອິນເຈົ້າ ໄຮ ປາຕັບ, ຕາ ແກິນ ແຕ ເກົາ ປາຍ ຊ້ອງ.) <sup>11</sup> ຄັນ ລາກວຍ ຕັຮ ກາຢາອໍ, ອັນ ອິນໂຈຍ ຈໍອໍ ນ້ອງ ກາຢາອໍ ຕາ ໄມ, ແຕີລາ ອິງເຄາະ ອັນ ເຈົ້າ ລັຮ ບິ ດຸງ ກາຢາອໍ ຕຸຍາ. ກະ ກາຢາອໍ ລາ ຕາ ເຕ່ອ ຕັຮ ເຕ່ ລາກວຍ ອັນ.

<sup>12</sup> ເກົາ ປາຕັບ ມັຮ ກວາຍ ກາ ຊາອໍ ເຈິ່, ຄັນ ໄລ່ ເບິນ ລາກວຍ ກາ ຕາ ເບິນ ຊາອໍ, ມາ ລາກວຍ ກ້ອຍ ອິມປຣ່ອມ ແອິດ ກະ ໄລ່, ອິງເຄາະ ໄລ່ ອິນ ໂຈຍ ຕັຮ ລາກວຍ ກ້ອຍ. (ປັຣນາຍ ໄມ່ ຕາ ແກິນ ແຕ ອິນເຈົ້າ ໄຮ ປາຕັບ, ມາ ປັຣນາຍ ປາຕັບ ໄມ່ ລາ ແຕ ເກົາ ເບິມ.) <sup>13</sup> ຄັນ ເບິນ ມັນແຊມ ຊາອໍ ເຈິ່ ແຕ ຈຸ່ມ ເຍົາ ມາ ເບິນ ກາຢາອໍ ຕາ ເບິນ ຊາອໍ, ມາ ກາຢາອໍ ກ້ອຍ ອິນນ້ອງ ຢິອ ອີ ເບິນ ອັນ, ອິງ ເຄາະ ອັນ ອິນໂຈຍ ຕັຮ ກາຢາອໍ ອັນ. <sup>14</sup> ຄັນ ເບິນ ກາຢາອໍ ຕາ ເບິນ ຊາອໍ, ມາ ລາກວຍ ອັນ ຊາ ອໍ, ເຢິງ ເຈົ້າຮາຊີ ນັບ ກາຢາອໍ ມັນແຊມ ກ້ອຍ ລາ ກວາຍ ອັນ ເຕ່ ຍ່ອນ ລາກວຍ ອັນ ຊາອໍ. ກະ ຄັນ ເບິນ ລາກວຍ ຕາ ເບິນ ຊາອໍ, ມາ ກາຢາອໍ ອັນ ຊາອໍ, ເຢິງ ເຈົ້າຮາຊີ ນັບ ລາກວຍ ກວາຍ ກ້ອຍ ລາ ກວາຍ ອັນ ເຕ່ ຍ່ອນ ກາຢາອໍ ອັນ ຊາ ອໍ. ຄັນ ເຢິງ ເຈົ້າຮາຊີ ຕາ ເບິນ ຈ່ອຍ ນະກ້ອຍ, ມັຮ ກອນ ອາໄກ ໄລ່ ລາ ນະ ກອນ ກວາຍ ກາ ຕາ ເບິນ ຊາອໍ. ມາ ຊານໍ່ ເຢິງ ເຈົ້າຮາຊີ ຈ່ອຍ ກອນ ໄລ່ ລາ ນະ ກອນ ກວາຍ ກາ ຊາອໍ ເຕ່. <sup>15</sup> ມາ

ຄັນ ອາແລ່ະ ກາ ຕາ ເບິນ ຊາອໍ ຢິອ ອີ ຕັຮ ລາ ກວຍ ແຕີລາ ກາຢາອໍ ກາ ຊາອໍ, ໂອນ ອັນ ເປາະ ຊ້ອງ. ຄັນ ນະກ້ອຍ, ລາກວຍ ແຕີລາ ກາຢາອໍ ກາ ຊາອໍ ຕາ ເຕ່ອ ກາຕ້ອງ ດໍອໍ. ຍ່ອນ ເຢິງ ເຈົ້າຮາຊີ ຢິອ ອີ ໂອນ ໄຮ ກາ ແກິດ ລາກວຍ ກາຢາອໍ ແອິດ ຮາຕອຍ ອຽນ ອໍ ມັນຕຸ. <sup>16</sup> ມັນແຊມ ກາ ແກິດ ລາກວຍ ເອີຍ! ເຈິ່ ບິ ເມິງ ອິງກ້ອຮ ປຢາຍໍ ໄມ່ ເຕ່ອ ຈ່ອຍ ກາຢາອໍ ໄມ່ ໂອນ ອັນ ຊາອໍ ເຕ່, ຄັນ ໄມ່ ຕາປຸ່ນ ປັຣນາຍ ເຢຊູ ກຣິດ ກຣັກ ລາລີ. ກະ ຮາເລົາ ກາ ແກິດ ກາຢາອໍ ເອີຍ! ເຈິ່ ບິ ເມິງ ອິງ ກ້ອຮ ປຢາຍໍ ໄມ່ ເຕ່ອ ຈ່ອຍ ລາກວຍ ໄມ່ ໂອນ ອັນ ຊາອໍ ເຕ່, ຄັນ ໄມ່ ຕາປຸ່ນ ປັຣນາຍ ເຢຊູ ກຣິດ ກຣັກ ລາລີ.

ມັຮ ກວາຍ ອິງເຄາະ ຕະ ນະ ເຢິງ ເຈົ້າຮາຊີ ແປຣີ

<sup>17</sup> ເກົາ ປາຕັບ ປັຣນາຍ ໄມ່ ໂອນ ກຸ່ ມູ່ ກາ ຊາ ອໍ. ເຍົາ ອິງເຄາະ ຕະ ຮານະ ມັຮ ກາ ເຢິງ ເຈົ້າຮາ ຊີ ແປຣີ ໂອນ ເຍົາ ຕະ. <sup>18</sup> ຄັນ ເບິນ ກວາຍ ອິດ ຊະຮາເອລ ກາ ຕະ ຮິດ ກິດ\* ຕາປຸ່ນ ຄານອດ ອິດ ຊະຮາເອລ, ມາ ອັນ ຊາອໍ ເຢຊູ ກຣິດ, ອິນໂຈຍ ໂອນ ອັນ ຕັຮ ຮິດ ກ້ອຍ. ກະ ຄັນ ເບິນ ກວາຍ ອາແລ່ະ ກາ ຕາ ເບິນ ຕະ ຮິດ ກິດ, ມາ ອັນ ຊາອໍ ເຢຊູ ກຣິດ ເຕ່, ອິນໂຈຍ ໂອນ ອັນ ຕະ ຮິດ ກ້ອຍ ຕິ່ງ ຈະ ອັນ. <sup>19</sup> ຕະ ຮິດ ກ້ອຍ ແຕີລາ ຕາ ເບິນ ຕະ, ລາ ຕາ ເບິນ ແກິດ ອິນເຕົາ. ມາ ຮານະ ປິດ ລາລີ ລາ ອິງເຄາະ ຢານັບ ກຣັກ ລາລີ ມັຮ ປັຣນາຍ ປາຕັບ ແຕ ເຢິງ ເຈົ້າຮາຊີ. <sup>20</sup> ນານະ ເຈົ້າ ເຍົາ ແຕ ອິນຢວາຮ ເຍົາ ຊາອໍ, ລາ ໂອນ ເຍົາ ແອິດ ທໍ ນະກ້ອຍ ເອີຍ. <sup>21</sup> ຄັນ ເຍົາ ລາ ກວາຍ ຊູລ ພໍ ກາ ເຢິງ ເຈົ້າຮາຊີ ໂອນ ເຍົາ ຊາອໍ, ເຍົາ ອິນໂຈຍ ຄິດ ອິນເຕົາ ແຕ ເຍົາ ຕະ ຮານະ ຊູລ. ມາ ຄັນ ເນີຍ ເຍົາ ຕາ ເບິນ ໂອນ ເຍົາ ແກິດ ຊູລ ນ້ອງ, ເຕ່ອ ເຍົາ ຕະ ຮານະ ການໍ່ອໍ ແອິນ. <sup>22</sup> ຄັນ ເຢິງ ເຈົ້າຮາຊີ ໂອນ ເຍົາ ຊາອໍ ອັນ ບ້ອງ ກາ ເຍົາ ອິນ ນ້ອງ ແກິດ ຊູລ, ອິງເຄາະ ເຍົາ ຊາແຍິ ເຢຊູ ກຣິດ ອາໂຣຍຮ ເຍົາ ເຈິ່. ກະ ຄັນ ເຢິງ ເຈົ້າຮາຊີ ໂອນ ເຍົາ ຊາອໍ ມາ ເຍົາ ຕາ ແກິນ ກວາຍ ຊູລ, ອິງເຄາະ ເຍົາ ຊາແຍິ ຊານໍ່ ເຍົາ ແກິດ ຊູລ ໂອນ ເຢຊູ ກຣິດ ແອິນ. <sup>23</sup> ເຢິງ ເຈົ້າຮາຊີ ແຈິ່ງ ເຍົາ ລາເກົາ ເປ່ ງ ລາລີ. ນະກ້ອຍ ເຍົາ ອິນໂຈຍ ແກິດ ຊູລ ນ້ອງ ກວາຍ. <sup>24</sup> ແຊມອາຍ ເອີຍ! ນານະ ເຈົ້າ ເຍົາ ເກີຍ ແກິດ ພໍກາ ເຢິງ ເຈົ້າຮາຊີ ກູອໍ ເຍົາ, ອິງເຄາະ

\* 7:18 7:18 ຮິດ ກ້ອຍ ເມົາ ຕະ ຮານະ ກິດ ບິອ ອິງກ້ຮ ແຕ ຫຣິງ ຮາເລົາ.

ເຍົາ ຕະ ເປາະ ແຕ ອິນໂຍ່ງ ກ້ອຍ ປວາຍ ລັຮ ເຈົ້າດ ກ້ອຍ ຊາ.

ໂປໂລ ຕະ ອິນຕີ ແຕ ກວາຍ ປຽວ

25 ຊານຸ່ ເກົາ ຢັອ ອີ ອາຕີ ເຍົາ ແຕ ມັນແຊມ ປຽວ. ອິນເຈົ້າ ໄຮ ຕາ ເບິນ ແປຣີ ເກົາ ອາຕີ ແຕ ຣາມັຮ ໄນ່. ມາ ຍ່ອນ ອິນເຈົ້າ ໄຮ ອາໂຢະ ຕະ ເກົາ, ແຕ່ອ ເຍົາ ຊາອໍ ປັຣນາຍ ເກົາ.

26 ຍ່ອນ ຕຶ່ງ ແດຢ ຊານຸ່ ໄນ່ ເບິນ ຊາອິ້ຍ ຕຸ່ຮ ກັດ, ເກົາ ຄິດ ລາ ອໍ ກາເລີຍ ກວາຍ ປຽວ ຕາ ເບິນ ອິດ ລາກວຍ ກາຢາອ. 27 ມາ ຄັນ ເຍົາ ເບິນ ລາກວຍ ເຈົ້, ອິນໂຈຍ ຕັຮ ລາກວຍ ກ້ອຍ. ກະ ຄັນ ເຍົາ ຕາ ເບິນ ເບິນ ລາກວຍ, ຄາອ ເຍົາ ອິນ ໂຈຍ ອິດ ລາກວຍ. 28 ມາ ຄັນ ເຍົາ ຢັອ ອີ ອິດ ລາກວຍ, ເຍົາ ຕາ ເບິນ ໂລ່ຍຮ ອິນເຕົ້າ. ກະ ຄັນ ກູໂມຣ ຢັອ ອີ ຈໍອໍ ກາຢາອ, ອັນ ຕາ ເບິນ ໂລ່ຍຮ ອິນເຕົ້າ ແຕ່. ມາ ມັຮ ກວາຍ ກາ ເບິນ ລາກວຍ ກາ ຢາອ, ໄລ່ ເບິນ ຮາງິຮ ຕຸ່ຮ ກັດ ກາເລີຍ ແຕ ກວາ ຍ ກາ ຕາ ເບິນ ເບິນ ລາກວຍ ກາຢາອ. ເກົາ ຢັອ ອີ ໂອນ ເຍົາ ວຍາຣ ແຕ ຕຸ່ຮ ກັດ ກ້ອຍ.

29 ແຊມອາຍ ເອີຍ, ປັຣນາຍ ໄນ່ ເກົາ ອາຕີ ເຍົາ, ຍ່ອນ ຕາໂງ ປັຣຊັດ ແວ່ ອີ ແຕ້ອ ເຈົ້. ນະກ້ອຍ ກວາຍ ກາ ເບິນ ລາກວຍ ແຕ່ລາ ກາຢາອ ເຈົ້ ລາ ໄລ່ ແອັດ ນະ ກວາຍ ກາ ຕາ ຢວາຣ ເບິນ ແຕ່. 30 ໂອນ ໄລ່ ກາ ເຍົາມຍິດ ແກັດ ນະ ຕາ ເບິນ ເຍົາມ; ໂອນ ໄລ່ ກາ ຊ້ອງ ຮໍອໍ ອໍ ແກັດ ນະ ຕາ ເບິນ ຮໍອໍ ອໍ ນ້ອງ, ໂອນ ໄລ່ ກາ ແຈັງ ເກຣັງ ລາ ຕາ ເບິນ ຊ້ອງ ໄລ່ ນ້ອງ ເກຣັງ ກ້ອຍ. 31 ກະ ກວາຍ ກາ ຕະ ຣາ ນະ ອີ ເບິນ ຕັອກ ຈາ ແອັດ ຕຶ່ງ ແດຢ ໄນ່, ອິງເຄາະ ໄລ່ ອິນໂຈຍ ຢັອ ປາເລີຍ, ຍ່ອນ ອິນຕຸ່ນ ມັຮ ເກ ຣິ່ງ ຕຶ່ງ ກູແຕອ ໄນ່ ແກັດ ປິດ ອິນແຍ່ະ.

32 ເກົາ ຢັອ ອີ ໂອນ ເຍົາ ອິນໂຈຍ ອຸກ ແຕ ມັຮ ຣາມັຮ ຕຶ່ງ ແດຢ ໄນ່. ມັຮ ກວາຍ ກາ ຕາ ເບິນ ອິດ ລາກວຍ, ປຍາຍ ໄລ່ ຢັອ ອີ ຕະ ຣານະ ເຢັງ ເຈົ້າຣາ ຊີ, ຍ່ອນ ໄລ່ ຢັອ ເຢັງ ເຈົ້າຣາຊີ ຊ້ອງ ຮໍອໍ ຮາງິຮ. 33 ມາ ມັຮ ກວາຍ ກາ ເບິນ ລາກວຍ ເຈົ້, ອິງເຄາະ ໄລ່ ຊາແຮັງ ຕະ ຣານະ ຕຶ່ງ ແດຢ ໄນ່ ແຮ, ຍ່ອນ ໄລ່ ຢັອ ອີ ໂອນ ລາກວຍ ໄລ່ ຊ້ອງ ຮໍອໍ ຮາງິຮ. 34 ນະກ້ອຍ ໄລ່ ອິງເຄາະ ຄິດ ບາຣ ຣານາ. ມູເຈັງ ກ້ອຍ ແຕ່, ມັນແຊມ ກາ ອິນນ້ອງ ກູໂມຣ, ແຕ່ລາ ມັນແຊມ ກາ ແອີ ນ້ອງ ກາຢາອ, ໄລ່ ອິມພາ ແຕ ມັນແຊມ ກາ ເບິນ ກາຢາອ. ໄລ່ ກ້ອຍ ແຕ່ອ ປ

ວາຍ ຮາງິຮ ເຢັງ ເຈົ້າຣາຊີ, ຍ່ອນ ໄລ່ ຢັອ ອີ ຕະ ຣານະ ເຢັງ ເຈົ້າຣາຊີ ອິນແຍ່ະ ຮາງິຮ ກະ ອິນແຍ່ະ ຈະ ໄລ່. ມາ ມັນແຊມ ກາ ເບິນ ກາຢາອ, ອິງເຄາະ ໄລ່ ຊາແຮັງ ຕະ ຣານະ ໄລ່ ຕຶ່ງ ແດຢ ໄນ່ ແຮ, ຍ່ອນ ໄລ່ ຢັອ ອີ ໂອນ ກາຢາອ ໄລ່ ຊ້ອງ ຮໍອໍ ຮາງິຮ.

35 ເກົາ ປາຍ ນະກ້ອຍ ໂອນ ເຍົາ, ຍ່ອນ ເກົາ ຢັອ ອີ ຈ່ອຍ ເຍົາ. ເກົາ ຕາ ເບິນ ກາຕັງ ເຍົາ. ມາ ເກົາ ຢັອ ເຍົາ ດັງ ແຕ ປັຣນາຍ ປຍາຍ ກະ ອໍ ໂອນ ເຍົາ ແຕ່ອ ຕະ ຣານະ ເຢັງ ເຈົ້າຣາຊີ ອິນແຍ່ະ ຮາງິຮ ເຍົາ.

36 ຄັນ ເບິນ ປັຣລົວະ ກາ ໂຈະ ຣາອອຍ ເຈົ້, ມາ ອັນ ຄິດ ຕາ ຢັອ ອີ ຣາອິດ ຢວາຣ. ມາ ຄັນ ດຸ່ນ ແຕ ກ້ອຍ ອັນ ຊ້ອງ ຕາ ປຍາຍ ຄັນ ອັນ ຕາ ເບິນ ອິດ ກູໂມຣ ກ້ອຍ, ກະ ອັນ ຊ້ອງ ຢັອ ອີ ເບິ ນ; ໂອນ ອັນ ອິດ. ອັນ ຕາ ເບິນ ໂລ່ຍຮ ອິນເຕົ້າ. 37 ມາ ຄັນ ປັຣລົວະ ກ້ອຍ ຕາ ເບິນ ອາແລະ ກາ ຕາໂມຣ ອັນ, ມາ ອັນ ຄິດ ຕາ ເບິນ ອີ ອິດ ກູໂມຣ ກ້ອຍ, ໂອນ ອັນ ອິນໂຈຍ ອິດ. 38 ນະກ້ອຍ ອັນ ກາ ອິດ, ລາ ອັນ ຕະ ອໍ, ມາ ອັນ ກາ ຕາ ເບິນ ອິດ, ອັນ ກ້ອຍ ຕະ ອໍ ກາເລີຍ ແອັນ.†

39 ມັນແຊມ ກາ ເບິນ ກາຢາອ ເຈົ້, ອັນ ຕາ ແຕ່ອ ຈໍອໍ ກາຢາອ ຕາໄມ ນ້ອງ ອິນຈົນ ກາຢາອ ອັນ ກູ ຈິດ. ມາ ແວັດ ກາຢາອ ອັນ ກູຈິດ, ແຕ່ອ ອັນ ຈໍອໍ ກາຢາອ ຕາໄມ. ມາ ອິງເຄາະ ອັນ ຈໍອໍ ກາຢາອ ກາ ຊາອໍ ເຢັງ ເຈົ້າຣາຊີ ແຕ່. 40 ຕາປຸ່ນ ຮາງິຮ ເກົາ, ຄັນ ອັນ ເຮົາບ ຕາ ເບິນ ຈໍອໍ ກາຢາອ ນ້ອງ, ອັນ ຮໍອໍ ກາເລີຍ ແຕ ອັນ ຈໍອໍ ກາຢາອ. ມາຮ ກ້ອຍ ເກົາ ອາຕີ ເຍົາ. ກະ ເກົາ ຄິດ ຣາເວົ້າຍ ເຢັງ ເຈົ້າຣາ ຊີ ໂອນ ເກົາ ອາຕີ ນະກ້ອຍ ແຕ່.

### 8

ໂປໂລ ອາຕີ ແຕ ເກຣັງ ຈູຈໍາ

1 ຊານຸ່ ເກົາ ອາຕີ ແຕ ເກຣັງ ຈູຈໍາ ເຢັງ ການໍອໍ. ເຍົາ ປາຍ ເຍົາ ດັງ ຊາອິ້ຍ ເຈົ້. ເຍົາ ຄິດ ນະກ້ອຍ, ເຍົາ ອາຊ້ອຣ ຈະ ເຍົາ ເບິມ. ມາ ຕາ ເບິນ ປິດ ອິນ ເຕົ້າ ດັງ ຊາອິ້ຍ. ຣານະ ກາ ປິດ ລາລີ້ ລາ ດັງ ອາ ໂຢະ ເຍົາ; ນະກ້ອຍ ເຍົາ ຈ່ອຍ ເຍົາ ໂອນ ຊາອໍ ຊາ ອິ້ຍ ລາລີ້ ແອັນ. 2 ຄັນ ເບິນ ກວາຍ ອາແລະ ກາ ຄິດ ອັນ ດັງ ຊາອິ້ຍ ເຈົ້, ອັນ ກ້ອຍ ຕາ ເບິນ ດັງ ອິນເຕົ້າ ແຕ ມັຮ ປັຣນາຍ ອັນ ອິງເຄາະ ດັງ. 3 ຄັນ ກວາຍ ອາແລະ ມາ ອາໂຢະ ເຢັງ ເຈົ້າຣາຊີ, ເຢັງ ເຈົ້າຣາຊີ ດັງ ກວາຍ ກ້ອຍ.

† 7:38 7:38 ຕຶ່ງ ໂປ ຣານາ ໄນ່, ເບິນ ກວາຍ ແປ ປັຣນາຍ ໂປໂລ ອາຕີ ແຕ ກວາຍ ອິມປໍ ກາ ເບິນ ກອນ ກູໂມຣ ແວັດ ປາແນ່ນ ອິດ ກາຢາອ. ຄັນ ອັນ ໂອນ ກອນ ກູໂມຣ ອັນ ຈໍອໍ ກາຢາອ, ລາ ອັນ ຕະ ອໍ. ມາ ຄັນ ອັນ ໂອນ ກອນ ອັນ ຕາ ເບິນ ຈໍອໍ ກາຢາອ, ລາ ອັນ ຕະ ອໍ ກາເລີຍ ແອັນ.

4 ນະກ້ອຍ ຊານໍ້, ເກົາ ຍິ້ອ ອີ ອາຕີ ແຕ ຈາ ທາ ຣິ່ງ ຈູຈຳ ກາ ເມົາ ຊາງ ເຢີງ ການໍ້ອ. ໄຮ ດັງ ເຈີ່ ເຢີງ ການໍ້ອ ຕາ ເບີນ ປິດ ອິນເຕົ້າ. ກະ ໄຮ ດັງ ເຈີ່ ປາຍ ເບີນ ແອັງ ເຢີງ ເຈົາຣາຊີ ຊ້ອງ ກາ ປິດ ລາລີ້. 5 ເບີນ ຊາອິ້ຍ ເຢີງ ແອັດ ຕິ່ງ ມັນລ້ອງ ກະ ແອັດ ຕິ່ງ ກູແຕອ໌ ເມົາ ດຸ ຊາງ, ກະ ເມົາ ຢຳນັບ ມັຮ ເຢີງ ກ້ອຍ ນະ ອິນເຈົາ ໄລ່. 6 ມາ ໄຮ ເບີນ ແອັງ ມວຍ ເຢີງ ເຈົາຣາຊີ ຊ້ອງ, ອັນ ລາ ອິມປໍ ໄຮ ຕິ່ງ ມັນລ້ອງ. ອັນ ແຕງ ຕຸ່ກ ຣາມິ້ຮ ເຈີ່, ກະ ອັນ ໂອນ ໄຮ ອາມັງ ແອັດ ຍ່ອງ ອັນ. ກະ ໄຮ ເບີນ ແອັງ ມວຍ ອິນເຈົາ ຊ້ອງ, ລາ ເຢຊູ ກຣິດ. ເຢີງ ເຈົາຣາຊີ ແຕງ ຕຸ່ກ ຣາມິ້ຮ ຍ່ອນ ແຕ ອັນ, ກະ ໄຮ ອາມັງ ລາ ຍ່ອນ ແຕ ອັນ ແຕ່.

7 ມາ ຕາ ເບີນ ກູ່ ນະ ກວາຍ ດັງ ແຕ ຣານະ ກ້ອຍ. ເບີນ ກວາຍ ແຕ ມູ່ ກາ ຊາອຳ, ເຕົ້າ ຊານໍ້ ໄລ່ ອິນນ້ອງ ຊາແອີ ເຢີງ ໄລ່ ດຸ ຊາງ ແຕ ອິນໂຍ່ງ. ກະ ຄັນ ໄລ່ ຈາ ທາຣິ່ງ ຈູຈຳ, ໄລ່ ອິນນ້ອງ ນັບ ເຢີງ ກ້ອຍ. ຣາງິ້ຮ ກວາຍ ກ້ອຍ ຕາ ເບີນ ຊາອຳ ເຣ່ງ; ຍ່ອນ ນະກ້ອຍ ໄລ່ ຊ້ອງ ໄລ່ຍຮ ຄັນ ໄລ່ ຈາ ທາຣິ່ງ ຈູຈຳ ກ້ອຍ. 8 ກູ່ ຣາມິ້ຮ ມັຮ ກາ ຊັຣນາ, ຄັນ ໄຮ ຈາ ແຕ້ລາ ຕາ ເບີນ ຈາ, ຕາ ເບີນ ຈ່ອຍ ໂອນ ໄຮ ແກັດ ອໍ ຍິ້ຮ ເມັງ ເຢີງ ເຈົາຣາຊີ.

9-10 ອິມປໍ ກູ່ ຣາມິ້ຮ ມັຮ ກາ ຊັຣນາ ເຍົາ ແຕ້ອ ຈາ ອິນແຍ່ະ, ມາ ອິງເຄາະ ເຍົາ ຕະ ໂອນ ອໍ ໂຈະ ກວາຍ ກາ ຊາອຳ ຕາ ເບີນ ເຣ່ງ ມາແລ້ະ ຢວາຮ. ຄັນ ກວາຍ ກ້ອຍ ເຮີມ ເຍົາ ກາ ດັງ ຊາອິ້ຍ ເຈີ່, ມາ ຈາ ທາຣິ່ງ ຈູຈຳ ຕິ່ງ ດູງ ຊາງ ເຢີງ ກ້ອຍ, ຣາ ນະ ກ້ອຍ ນະ ເຍົາ ຣາເດີງ ໂອນ ໄລ່ ຈາ ຕາປູ່ນ ເຍົາ ແຕ່. ນະກ້ອຍ ເຍົາ ຕະ ໂອນ ໄລ່ ເບີນ ໄລ່ຍຮ. 11 ນະກ້ອຍ, ຍ່ອນ ແຕ ເຍົາ ກາ ດັງ ຊາອິ້ຍ, ເຍົາ ຕະ ໂອນ ແຊມອາຍ ເຍົາ ກາ ຕາ ເບີນ ຊາອຳ ເຣ່ງ ຢວາຮ, ໂອນ ໄລ່ ຕັຮ ເຢີງ ເຈົາຣາຊີ. ມາ ເຢຊູ ກຣິດ ກູຈິດ ຕາງ ຈ່ອຍ ໄລ່ ກ້ອຍ ແຕ່. 12 ຍ່ອນ ເຍົາ ຕະ ໄລ່ຍຮ ໂອນ ແຊມອາຍ ເຍົາ ກາ ຕາ ເບີນ ຊາ ອຳ ເຣ່ງ ຢວາຮ, ເຍົາ ເບີນ ໄລ່ຍຮ ກະ ເຢຊູ ກຣິດ. 13 ນະກ້ອຍ, ມັຮ ກາ ຊັຣນາ ອິນເຕົ້າ ກາ ເກົາ ຈາ, ມາ ຄັນ ຊັຣນາ ກ້ອຍ ຕະ ໂອນ ແຊມອາຍ ເກົາ ແກັດ ໄລ່ຍຮ, ເກົາ ຕາ ແອອ໌ ອີ ຈາ ນ້ອງ ຊັຣນາ ກ້ອຍ ຈົນ ອິນແຍ່ະ ແດີຍ ອາມັງ ເກົາ, ຍ່ອນ ເກົາ ຕາ ຍິ້ອ ອີ ໂອນ ແຊມອາຍ ເກົາ ເບີນ ໄລ່ຍຮ.

9

ກວາຍ ກາ ເຢຊູ ຣຽຮ ປາຈຸ່ຮ ໂອນ ເປາະ ຕະ

ຣານະ ອັນ

1 ປຍາຍ ລາລີ້ ເກົາ ລາ ກວາຍ ເຢຊູ ຣຽຮ ປາ ຈຸ່ຮ. ຣານະ ອິນເຕົ້າ ເກົາ ຍິ້ອ ອີ ຕະ, ແຕ້ອ ເກົາ ຕະ. ປຍາຍ ລາລີ້ ມັດ ເກົາ ເຮີມ ເຈີ່ ເຢຊູ, ອິນເຈົາ ໄຮ. ຍ່ອນ ເກົາ ຕະ ຣານະ ເຢີງ ເຈົາຣາຊີ ນະກ້ອຍ, ເຍົາ ຊາອຳ ອັນ ລາ ຍ່ອນ ແຕ ຣານະ ເກົາ. 2 ເບີນ ກວາຍ ການໍ້ອ ຕາ ເບີນ ນັບ ປາຍ ເກົາ ລາ ກວາຍ ເຢຊູ ຣຽຮ ປາຈຸ່ຮ, ມາ ເກົາ ຕະ ຣານະ ກ້ອຍ ໂອນ ເຍົາ. ເຍົາ ເບີນ ມູ ຣາງິ້ຮ ກະ ເຢຊູ ກຣິດ ຍ່ອນ ເກົາ ອາຕີ ເຍົາ. ນະກ້ອຍ ເຍົາ ລາ ນະ ຕາ ກາ ເມົາ ກາ ຕິຮ ເຈີ່ ໂອນ ກວາຍ ດັງ ປາຍ ເກົາ ລາ ກວາຍ ກາ ເຢຊູ ຣຽຮ ປາຈຸ່ຮ.

3 ໄລ່ ກາ ປາຍ ເກົາ, ເກົາ ແຕ້ອ ອາເບີຣ ລັຮ ໄລ່ ນະໄນ: 4 ປຍາຍ ມາ ຕາ ເບີນ, ຄັນ ເກົາ ແຊອ໌ ແຕ ໄລ່ ກາ ຊ້ອງ ປຣນາຍ ເກົາ ໂອນ ໄລ່ ຊານາ ໂດຍ ຣາ ແວ້ຮ ໂອນ ເກົາ? 5 ຄັນ ເກົາ ເບີນ ລາກວາຍ ເປາະ ຕະ ຣານະ ເຢີງ ເຈົາຣາຊີ ມັນຕຸ ກະ ເກົາ, ປຍາຍ ມາ ຕາ ເບີນ ເຍົາ ອິງເຄາະ ແນ່ ຊາລິອ໌ ຮີ ມູເຈີງ ມັຮ ຈຸ່ມ ກາ ຊາອຳ ເບີນ ແນ່ ຊາລິອ໌ ເປັດ ກະ ມັຮ ອາແອມ ອິນເຈົາ ໄຮ, ກະ ກວາຍ ການໍ້ອ ກາ ເຢຊູ ຣຽຮ ປາ ຈຸ່ຮ? 6 ມາ ນານະ ເຍົາ ໂອນ ເກົາ ກະ ບາຣນາບາ ອິງເຄາະ ຈໍອ໌ ຊັຣນາ ດໍອ໌ ຊານາ ຈະ ຮີ ເບີມ ບໍ? 7 ຕາ ເກີ້ຍ ເບີນ ກວາຍ ແກັດ ຕາຣານ ມາ ຕາ ເບີ ນ ຈາ ປຣະ ກາໄຊ. ກະ ຕາ ເກີ້ຍ ເບີນ ກວາຍ ຕະ ຊວນ, ມາ ຕາ ເບີນ ຈາ ປາໄລ ແຕ ຊວນ ກ້ອຍ. ກະ ຕາ ເກີ້ຍ ເບີນ ກວາຍ ກາ ກຍາອ໌ ແກະ, ມາ ຕາ ເບີນ ຈາ ໄຊອ໌ ແກະ ກ້ອຍ. 8 ເກົາ ປາຍ ນະກ້ອຍ, ເກົາ ຊາກຳ ແຕ ຈະ ເກົາ ເບີມ ຕາປູ່ນ ປຣນາຍ ກວາ ຍ ດຸ ອີ ປາຍ. ມາ ຕິ່ງ ຄານອດ ໂມເຊ, ອັນ ອາຕີ ມູເຈີງ ກ້ອຍ ແຕ່. 9 ອັນ ປາຍ:

"ແຕ້ອ ຕາແກງ ຊາເຕີ້ຍ ທຣ໌ ໂອນ ແກັດ ອາແຊີ ຈ່ອຍ ເຍົາ,

ເຍົາ ອິນໂຈຍ ກິມ ດໍອ໌ ແບອ໌ ອັນ.

ອິງເຄາະ ເຍົາ ໂອນ ອັນ ຈາ ແຕ່,

ຍ່ອນ ອັນ ຕະ ຣານະ ໂອນ ເຍົາ."

ເຢີງ ເຈົາຣາຊີ ປາຍ ນະກ້ອຍ, ອັນ ຕາ ເບີນ ອາຕີ ແຕ ແອັງ ຕາແກງ ຊ້ອງ. 10 ມາ ປຍາຍ ລາລີ້ ເຢີງ ເຈົາຣາຊີ ອາຕີ ປຣນາຍ ກ້ອຍ, ລາ ອັນ ອາຕີ ໄຮ ແຮີ. ຄັນ ເບີນ ບາຣ ນະ ອິມປຣ່ອມ ຕະ ໄທຣ, ມານະ ຈັດ ກະ ມານະ ແອັມ ຊອດ, ໄລ່ ບາຣ ນະ ກ້ອຍ ອິມປຣ່ອມ ເບີນ ເກົາ ແຕ ຣານະ ໄລ່ ຕະ. 11 ຮີ ອາຕີ ເຈີ່ ປຣນາຍ ເຢີງ ເຈົາຣາຊີ ໂອນ ເຍົາ. ໄນ່ ລາ ນະ ຮີ ຈົຮ ກູອງ ໂອນ ເຍົາ. ນະກ້ອຍ, ຄັນ ຮີ ແຊອ໌ ເຍົາ ຈ່ອຍ ໂອນ ຮີ ເບີນ ທາຣິ່ງ ຊັຣນາ ຈາ, ນານະ ເຍົາ ຄິດ ຮີ ຕະ ຕາ ປຍາຍ ບໍ? 12 ຄັນ ເບີ ນ ກວາຍ ການໍ້ອ ມາ ອາຕີ ເຍົາ, ເຍົາ ຢຳນັບ ໄລ່

ກ້ອຍ, ກະ ເຍົາ ຊາມາ ໄລ່. ປຍາຍ ລາ ເຍົາ ຢ້າມັບ ຮິ ກາເລີຍ ແຕ ໄລ່ ກ້ອຍ, ຍ່ອນ ຮິ ອາຕີ ເຍົາ ແຕ ອິນໂຍ່ງ ລາລີ້. ມາ ຮິ ຕາ ເບີນ ແຊອ ອິນເຕ້າ ແຕ ເຍົາ. ຮິ ຈິວ ກຸ່ ຣາມິ້ຣ ຕຸ່ຣ ກັດ ຕາ ເບີນ ໂອນ ອິນ ເຕ້າ ກາຕັງ ປັຣນາຍ ອໍ ແຕ ເຢຊູ ກຣິດ. <sup>13</sup> ເຍົາ ດັງ ເຈີ່ ມັຣ ກວາຍ ກາ ຕະ ຣານະ ຕິ່ງ ດຸງ ຊາງ ປິດ, ໄລ່ ອິດ ຊັຣນາ ແຕ ດຸງ ຊາງ ກ້ອຍ ເຕ່. ກະ ໄລ່ ກາ ມ່ອບ ຫຣິ່ງ ຊາງ ຕິ່ງ ຊັນເຕຣິງ ຮິດ ຕິ່ງ ດຸງ ຊາງ ປິດ, ໄລ່ ກ້ອຍ ຈາ ມູ ປູດ ແຕ ຫຣິ່ງ ຊາງ ກ້ອຍ ເຕ່. <sup>14</sup> ມູເຈິງ ກ້ອຍ ເຕ່, ເຢິງ ເຈົາຣາຊີ ແປຣີ ເຈີ່ ມັຣ ກວາຍ ກາ ຊາງັດ ປັຣນາຍ ອໍ ແຕ ອັນ, ອິງ ເຄາະ ໄລ່ ຊາມາ ກວາຍ ກາ ອາຕີ ປັຣນາຍ ກ້ອຍ ໂອນ ໄລ່.

<sup>15</sup> ມາ ເກົາ ຕາ ຫິ່ຍ ແຊອ ອິນເຕ້າ ແຕ ເຍົາ. ກະ ເກົາ ຕາ ເບີນ ຄຽນ ປັຣນາຍ ໄນ່ ໂອນ ເຍົາ ອິງ ເຄາະ ຊາມາ ເກົາ. ຄາອ໌ ເກົາ ກູຈິດ ຊ້ອງ ແຕ ເມ້າ ປາຍ ເກົາ ອາຕີ ເຍົາ ຍ່ອນ ເກົາ ຢິອ໌ ອີ ໂອນ ເຍົາ ຊາມາ ເກົາ. <sup>16</sup> ເກົາ ຕາ ເບີນ ໂອດ ອິນເຕ້າ ຍ່ອນ ເກົາ ອາຕີ ປັຣນາຍ ອໍ ແຕ ເຢິງ ເຈົາຣາຊີ, ຍ່ອນ ເຢິງ ເຈົາຣາຊີ ແປຣີ ເກົາ ຕະ ຣານະ ກ້ອຍ. ບາບ ລາລີ້ ເກົາ, ຄັນ ເກົາ ຕາ ເບີນ ອາຕີ ປັຣນາຍ ອໍ ແຕ ເຢິງ ເຈົາຣາຊີ. <sup>17</sup> ຄັນ ເກົາ ຕະ ຣານະ ໄນ່ ຍ່ອນ ເກົາ ຢິອ໌ ອີ ຕະ, ເກົາ ເບີນ ເກົາ. ມາ ເກົາ ຕາ ເບີ ນ ຕະ ຣານະ ໄນ່ ປວາຍ ຣາງິຣ ເກົາ ເບີມ. ເຢິງ ເຈົາຣາຊີ ແປຣີ ເກົາ ຕະ ຣານະ ໄນ່. ນະກ້ອຍ ເກົາ ຕາ ເຕ່ອ໌ ປາຍ ອິນເຕ້າ. <sup>18</sup> ນະກ້ອຍ ອິນເຕ້າ ກາ ເກົາ ໂອນ ເກົາ? ເກົາ ເກົາ ລາ ນະໄນ່: ເກົາ ຊ້ອງ ຮໍ່ອ໌ ຣາງິຣ ແຕ່ອ໌ ເກົາ ອາຕີ ປັຣນາຍ ອໍ ແຕ ເຢິງ ເຈົາຣາຊີ. ເຈີ່ ເກົາ ອາຕີ ເມັດ ຊ້ອງ, ຕາ ເບີນ ອິດ ເກົາ ອິນເຕ້າ ແຕ ກວາຍ ການໍ່ອ໌. ຄັນ ເກົາ ຢິອ໌ ອີ ອິດ, ລາ ເຕ່ອ໌ ເກົາ ອິດ ນະ ກວາຍ ການໍ່ອ໌ ເຕ່.

<sup>19</sup> ເກົາ ຕາ ເບີນ ແກັດ ຊູລ ກວາຍ ອາແລ່ະ, ມາ ເກົາ ປຣ່ອມ ແກັດ ຊູລ ກຸ່ ນະ ກວາຍ. ເກົາ ຕະ ນະກ້ອຍ ໂອນ ເຕ່ອ໌ ຊາອິ້ຍ ກວາຍ ຊາອໍາ ເຢຊູ ກຣິດ ຍ່ອນ ແຕ ເກົາ ອາຕີ ໄລ່. <sup>20</sup> ແຕ່ອ໌ ເກົາ ອາ ຕີ ມັຣ ກວາຍ ອິດຊະຣາເອລ, ເກົາ ຕະ ນະ ກວາ ຍ ອິດຊະຣາເອລ ເຕ່ ໂອນ ເຕ່ອ໌ ໄລ່ ກ້ອຍ ຊາອໍາ ເຢຊູ ກຣິດ. ເກົາ ຕາ ເບີນ ຕາປຸ່ນ ນ້ອງ ຄານອດ ໂມເຊ, ມາ ພໍກາ ເກົາ ອາຕີ ກວາຍ ກາ ຕາປຸ່ນ ຄາ ນອດ ຮິດ ກ້ອຍ, ເກົາ ຕະ ມູເຈິງ ໄລ່ ເຕ່ ໂອນ ເຕ່ອ໌ ໄລ່ ກ້ອຍ ຊາອໍາ ເຢຊູ ກຣິດ. <sup>21</sup> ເກົາ ຕະ ມູເຈິງ ກ້ອຍ ເຕ່, ກະ ກວາຍ ກາ ຕາ ແກິນ ກວາຍ ອິດຊະ ຣາເອລ, ໂອນ ເຕ່ອ໌ ໄລ່ ກ້ອຍ ຊາອໍາ ເຢິງ ເຈົາຣາ ຊີ. ເກົາ ຕະ ມູເຈິງ ໄລ່ ກ້ອຍ ເຕ່, ມາ ເກົາ ຕາ ເບີ ນ ຕັຣ ປັຣນາຍ ເຢິງ ເຈົາຣາຊີ ກະ ປັຣນາຍ ເຢຊູ

ກຣິດ. <sup>22</sup> ມັຣ ໄລ່ ກາ ຕາ ເບີນ ຊາອໍາ ເຣ່ງ ຢາວາຣ, ເກົາ ແກັດ ນະ ໄລ່ ກ້ອຍ ເຕ່ ໂອນ ເຕ່ອ໌ ໄລ່ ກ້ອຍ ຊາອໍາ ເຣ່ງ ອາຊິອຣ ແອິນ. ນະກ້ອຍ ເກົາ ແກັດ ເຍົາ ຣາຕອຍ ກະ ກຸ່ ນະ ກວາຍ ໂອນ ເຕ່ອ໌ ໄລ່ ຊາ ອໍາ ເຢຊູ ກຣິດ. ກຸ່ ຣານະ ເກົາ ຕະ, ເກົາ ຢິອ໌ ອີ ໂອນ ກວາຍ ຊາອໍາ ເຢຊູ ກຣິດ ຍ່ອນ ແຕ ຣານະ ກ້ອຍ. <sup>23</sup> ກຸ່ ຣາມິ້ຣ ກ້ອຍ ເກົາ ຕະ ໂອນ ກວາຍ ການໍ່ອ໌ ດັງ ປັຣນາຍ ອໍ ແຕ ເຢຊູ ກຣິດ. ນະກ້ອຍ ເກົາ ເບີນ ບຸ່ນ ແຕ ປັຣນາຍ ກ້ອຍ ເຕ່.

<sup>24</sup> ຄັນ ເບີນ ຊາອິ້ຍ ນະ ກວາຍ ຕາລຸ່ຣ ຣາຊິງ, ເບີນ ມານະ ຊ້ອງ ກາ ຮັບ ເກົາ ຍ່ອນ ອັນ ຕາລຸ່ຣ ໄຈ. ນະກ້ອຍ ອິງເຄາະ ເຍົາ ຕະ ມູເຈິງ ກວາຍ ກ້ອຍ ເຕ່. ອິງເຄາະ ເຍົາ ຊາແຣິງ ຕາປຸ່ນ ປັຣນາຍ ເຢຊູ ກຣິດ ໂອນ ເຍົາ ເບີນ ຮັບ ເກົາ ເຕ່. <sup>25</sup> ອິນແຍ່ະ ກຸ່ ນະ ກວາຍ ກາ ຢິອ໌ ອີ ຣາຊິງ, ອິງເຄາະ ໄລ່ ຊາ ແຣິງ ແອບ ກະ ຣາບັນ ໂອນ ອໍ ຈະ ໄລ່ ເບີມ. ຍ່ອນ ມານະ ໄລ່ ມາ ຕະ ນະກ້ອຍ? ຍ່ອນ ໄລ່ ຢິອ໌ ອີ ເບີ ນ ເກົາ ແຕ ຣາຊິງ ກ້ອຍ. ມາ ເກົາ ກ້ອຍ ປິດ ໄຈ ລາລີ້. ມາ ໄຮ ອິງເຄາະ ຊາແຣິງ ຣຍານ ແຕ ປັຣ ນາຍ ເຢຊູ ກຣິດ, ຍ່ອນ ໄຮ ຢິອ໌ ອີ ເບີນ ເກົາ ກາ ຕາ ເກິ່ຍ ປິດ. <sup>26</sup> ນະກ້ອຍ ເກົາ ຕະ ຊາແຣິງ ອີ ເບີ ນ ເກົາ ກ້ອຍ, ນະ ເກົາ ຕາລຸ່ຣ ຕານ້ອງ ໂອນ ແຕ່ອ໌ ໄຈ. ກະ ເກົາ ລາ ນະ ກວາຍ ຣາຊິງ ຣາຈັກ ເຕ່; ເກົາ ຕາ ເບີນ ຈັກ ແມັດແມີ ຊ້ອງ. ມູເຈິງ ກ້ອຍ ເຕ່, ເກົາ ຕາ ເບີນ ຕະ ຣານະ ເຢິງ ເຈົາຣາຊີ ແມັດແມີ ຊ້ອງ. <sup>27</sup> ນະກ້ອຍ ເກົາ ແອບ ຈະ ເກົາ ເບີມ ເຣ່ງ ລາລີ້, ຢິອ໌ ອີ ໂອນ ອັນ ຊາງັດ ຣາງິຣ ເກົາ. ອິງ ກ້ອຣ ແວັດ ເກົາ ອາຕີ ໂອນ ກວາຍ ການໍ່ອ໌, ເກົາ ເບີມ ຕາ ເບີນ ຮັບ ເກົາ ຍ່ອນ ເກົາ ຕະ ຕາ ປຍາຍ.

### 10

ປັຣນາຍ ເຢິງ ເຈົາຣາຊີ ອາຕີ ແຕ ກວາຍ ອິມ ແບີ

<sup>1</sup> ແຊມອາຍ ເອີຍ! ເກົາ ອາຕີ ໂອນ ເຍົາ ຊາ ແຍີ່ ມັຣ ອາວຈາຍຣ ອາເຈ່ຣ ໄຮ ແຕ ອິມແບີ. ໄລ່ ແອັດ ຕິ່ງ ຕຍາຣ ມາ ເບີນ ຣາມິລ ແຕ ເຢິງ ເຈົາຣາ ຊີ ແອັດ ກາບັງ ກະ ກຍາອ໌ ໄລ່. ກະ ໄລ່ ເປາະ ຕິ່ງ ອິນຕີ ແຕ່ອ໌ ຫາເລ. ບ້ອງ ກາ ໄລ່ ເປາະ ກ້ອຍ, ເຢິງ ເຈົາຣາຊີ ຕະ ໂອນ ແກັດ ຊາແອັດ ອິນແຍ່ະ. <sup>2</sup> ພໍກາ ຣາມິລ ແອັດ ກາບັງ ໄລ່, ເຈີ່ ໄລ່ ແກັດ ນະ ຮັບ ຮິດ ຕິ່ງ ແຕ່ອ໌. ເຈີ່ ໄລ່ ອິມປຣ່ອມ ຕາປຸ່ນ ມູ ຣາງິຣ ກະ ໂມເຊ. <sup>3</sup> ອິນແຍ່ະ ກຸ່ ນະ ໄລ່ ເບີນ ຈາ ມູ ຣາມິ້ຣ ຫຣິ່ງ ອໍ ແຕ ເຢິງ ເຈົາຣາຊີ. <sup>4</sup> ກະ ອິນແຍ່ະ ກຸ່ ນະ ໄລ່ ເບີນ ຈ່ອຍ ມູ ຣາມິ້ຣ ແຕ່ອ໌ ອໍ



ແຕ ເຢີງ ເຈົ້າຮາຊີ, ຍ່ອນ ໄລ່ ງ່ອຍ ແຕ ຕາເມົາ ກາ ເຢີງ ເຈົ້າຮາຊີ ໂອນ. ຕາເມົາ ກ້ອຍ ຊາກໍາ ແຕ ກຣີ ດ. <sup>5</sup> ມາ ເບີນ ຊາອິ້ຍ ນະ ແຕ ໄລ່ ກ້ອຍ, ເຢີງ ເຈົ້າຮາຊີ ຕາ ເບີນ ຮໍ້ອ ກະ ໄລ່. ນະກ້ອຍ ມັຮ ກວາ ຍ ກ້ອຍ ກູຈິດ ອິນແຍ່ະ ຕຶ່ງ ຕຍາຮ.

<sup>6</sup> ມັຮ ຣາມິ້ຮ ກ້ອຍ ກາແອັຮ ໂອນ ໄຮ ດັງ ອິນ ໂຈຍ ຍິ້ອ ອີ ຕາປຸ່ນ ມັຮ ຣາມິ້ຮ ຕາ ອໍ, ມູເຈິງ ໄລ່ ກາ ກູຈິດ ກ້ອຍ ຕະ. <sup>7</sup> ກະ ເຍົາ ອິນໂຈຍ ຊາງ ຮຸ່ບ ເຢີງ ການໍ້ອ, ນະ ໄລ່ ກ້ອຍ ຊາງ. ຕຶ່ງ ບຶ່ງ ປັຮນາຍ ເຢີງ ເຈົ້າຮາຊີ ແຕ ອິມແບ້, ອັນ ປາຍ ເຈົ້: "ໄລ່ ຕາກູ ໂຮ່ມ ງ່ອຍ ຈາ.

ແວັດ ກ້ອຍ, ໄລ່ ຕາຍິ່ງ ອິມປ່ອນ ລໍ່າ ຕາປຸ່ນ ຣານະ ເຢີງ ການໍ້ອ."

<sup>8</sup> ອິງເຄາະ ໄຮ ອິນໂຈຍ ບີ ມັນຕຸ ຄັນ ຕາ ແກິນ ລາ ກວຍ ກາຢາອໍ, ນະ ໄລ່ ກ້ອຍ. ມູ ຕາໄງ ກ້ອຍ ເບີ ນ ບາຮ ຈິດ ລາ ໄປ ບັ້ນ ນະ ກວາຍ ກູຈິດ, ຍ່ອນ ໄລ່ ຕະ ຣານະ ຕາ ອໍ ກ້ອຍ. <sup>9</sup> ອິງເຄາະ ໄຮ ອິນ ໂຈຍ ລ່ອງ ເຢີງ ເຈົ້າຮາຊີ, ມູເຈິງ ໄລ່ ກ້ອຍ ຕະ. ນະກ້ອຍ ກູຊັນ ຕອດ ຊາອິ້ຍ ລາລີ້ ກວາຍ ກ້ອຍ. ເຈົ້ ໄລ່ ກູຈິດ, ຍ່ອນ ໄລ່ ຕະ ຣານະ ຕາ ອໍ ກ້ອຍ. <sup>10</sup> ກະ ອິງເຄາະ ເຍົາ ອິນໂຈຍ ຊູຊວລ ຕາມມັຮ, ນະ ໄລ່ ກ້ອຍ ຊູຊວລ. ຍ່ອນ ໄລ່ ຕະ ຣານະ ຕາ ອໍ ກ້ອຍ, ນະກ້ອຍ ເທວາດາ ເຢີງ ເຈົ້າຮາຊີ ກາຈິດ ໄລ່.

<sup>11</sup> ກູ ຣາມິ້ຮ ກ້ອຍ ເຢີງ ເຈົ້າຮາຊີ ຕະ ກະ ອາ ຈວາຍຮ ອາເຈັຮ ໄຮ, ດໍ້ອ ອາປັຮ ກະ ອາຕີ ໂອນ ກວາຍ ການໍ້ອ ດັງ. ກະ ເພົາ ຄຽນ ຣາມິ້ຮ ກ້ອຍ ດໍ້ອ ກາແອັຮ ໄຮ ແຮີ. ແດີຍ ໄຮ ໄນ່ ລາ ແຈ່ະ ອີ ແຕ້ອ ຕາໄງ ປັຮຊົດ ເຈົ້. <sup>12</sup> ນະກ້ອຍ, ຄັນ ກວາຍ ອາແລະ ມາ ຄິດ ຮາງຶຮ ອັນ ຊາອໍາ ຈັບ ລາລີ້, ອິງ ເຄາະ ກວາຍ ກ້ອຍ ແນ່ ອໍ ຮາງຶຮ ອັນ, ອິງກ້ອຮ ປ ຍາຍ ຮາງຶຮ ຕາ ອໍ ຕະ ໂອນ ອັນ ແດັມ. <sup>13</sup> ກູ ຣາມິ້ ຮ ຕາ ອໍ ກາ ອີ ລ່ອງ ເຍົາ ລາ ມູເຈິງ ຣາມິ້ຮ ຕາ ອໍ ກາ ອີ ລ່ອງ ກວາຍ ການໍ້ອ ແຕ່. ມາ ແຕ່ອ ເຍົາ ຊາ ອໍາ ເຢີງ ເຈົ້າຮາຊີ ຈັບ ລາລີ້. ອັນ ຕາ ເບີນ ໂອນ ມັຮ ຣາມິ້ຮ ຕາ ອໍ ລ່ອງ ເຍົາ ແກຼຍ ແຕ ເຍົາ ເຮົາບ ຈິວ. ມາ ພໍກາ ມັຮ ຣາມິ້ຮ ຕາ ອໍ ອີ ລ່ອງ ເຍົາ, ເຢີງ ເຈົ້າຮາຊີ ອາປັຮ ຣານາ ໂອນ ເຍົາ ແວັດ ແຕ ຣາມິ້ຮ ຕາ ອໍ ກ້ອຍ. ນະກ້ອຍ ຣາມິ້ຮ ຕາ ອໍ ກ້ອຍ ຕາ ແຕ່ອ ເດິງ ເຍົາ ຕະ ໄລ່ຍຮ.

ອິນໂຈຍ ຊາງ ເຢີງ ການໍ້ອ

<sup>14</sup> ນະກ້ອຍ ອາລ້ອຮ ເອີຍ, ເຍົາ ອິນໂຈຍ ຊາງ ເຢີງ ການໍ້ອ. <sup>15</sup> ເກົາ ອາຕີ ເຍົາ ມູເຈິງ ເກົາ ອາ

ຕີ ກວາຍ ແຄວ ຄິດ ແຕ່. ອິງເຄາະ ເຍົາ ຄິດ ເບີນ ແຕ ມັຮ ປັຮນາຍ ເກົາ ອາຕີ. <sup>16</sup> ແຕ້ອ ໄຮ ງ່ອຍ ແຕ້ອ ແຕ ຈອກ ຊາກໍາ ແຕ ອາຮາມ ເຢຊູ ກຣີດ, ພໍກາ ກ້ອຍ ໄຮ ອິມປ່ຣ່ອມ ມູ ຮາງຶຮ ຕາປຸ່ນ ປັຮ ນາຍ ອັນ. ເຈົ້ ໄຮ ຊາແອິນ ເຢີງ ເຈົ້າຮາຊີ ໄຮ ເບີ ນ ງ່ອຍ ອາຮາມ ກອນ ອັນ. ກະ ພໍກາ ໄຮ ປັຮ ຈາ ໂດຍ ບຸຮ ລາ ຊາກໍາ ແຕ ຈະ ເຢຊູ ກຣີດ, ພໍກາ ກ້ອຍ ໄຮ ອິມປ່ຣ່ອມ ມູ ຮາງຶຮ ຕາປຸ່ນ ປັຮນາຍ ອັນ. <sup>17</sup> ໄຮ ເບີນ ມານໍາ ໂດຍ ບຸຮ ຊ່ອງ ໂອນ ອິນ ແຍ່ະ ກູ່ ນະ ໄຮ ຈາ. ຈຸ່ມ ໄຮ ກຶ່ງ ລາລີ້, ມາ ແກັດ ມູ ຮາງຶຮ ຊ່ອງ, ຍ່ອນ ອິນແຍ່ະ ກູ່ ນະ ໄຮ ຈາ ຈຸງ ແຕ ມານໍາ ໂດຍ ບຸຮ ກ້ອຍ.

<sup>18</sup> ເກົາ ໂອນ ເຍົາ ຄິດ ແຕ ກວາຍ ອິດຊະຮາ ເອລ. ໄລ່ ຈາ ເກຣັງ ໄລ່ ມ່ອບ ຊາງ ໂອນ ເຢີງ ເຈົ້າຮາຊີ. ນະກ້ອຍ ໄລ່ ອິມປ່ຣ່ອມ ມູ ຮາງຶຮ ຕາ ປຸ່ນ ເຢີງ ເຈົ້າຮາຊີ ຊ່ອງ. <sup>19</sup> ເກົາ ຕະ ອິນຕີ ນະກ້ອຍ, ລາ ມານະ ເກົາ ອີ ປາຍ? ເກົາ ຍິ້ອ ອີ ປາຍ ລາ ເຢີງ ການໍ້ອ ກະ ເກຣັງ ຈູຈໍາ ກ້ອຍ ລາ ອໍ ອິນເຕ້າ ບໍ່? <sup>20</sup> ຕາ ແກິນ ນະກ້ອຍ! ເກົາ ຍິ້ອ ອີ ປາຍ ນະໄນ່: ເກຣັງ ກາ ກວາຍ ຕາ ເບີນ ຊາອໍາ ມ່ອບ ຊາງ, ໄລ່ ຊາງ ໂອນ ເຢີງ ຕາ ອໍ, ຕາ ແກິນ ໄລ່ ຊາງ ເຢີງ ເຈົ້າຮາຊີ. ກະ ເກົາ ຕາ ຍິ້ອ ອີ ໂອນ ເຍົາ ອິມປ່ຣ່ອມ ມູ ຮາງຶຮ ກະ ເຢີງ ຕາ ອໍ. <sup>21</sup> ເຍົາ ຕາ ແຕ້ອ ງ່ອຍ ແຕ ຈອກ ອິນເຈົ້າ ໄຮ, ເຈົ້ ງ່ອຍ ແຕ ຈອກ ເຢີງ ຕາ ອໍ ແອັນ. ກະ ເຍົາ ຕາ ແຕ້ອ ຈາ ຊັຮ ນາ ແຕ ອິນເຈົ້າ ໄຮ, ເຈົ້ ຈາ ຊັຮນາ ແຕ ເຢີງ ຕາ ອໍ ແອັນ. <sup>22</sup> ພໍກາ ເຍົາ ຊາງ ເຢີງ ຕາ ອໍ ນະກ້ອຍ, ເຍົາ ຍິ້ອ ອີ ໂອນ ເຢີງ ເຈົ້າຮາຊີ ຊັຮແມງ ບໍ່? ກະ ເຍົາ ຄິດ ເຍົາ ປິດ ກາເລີຍ ແຕ ເຢີງ ເຈົ້າຮາຊີ ບໍ່?

ອິງເຄາະ ເຍົາ ຄິດ ແຕ ເຍົາ ກາ ຕາ ເບີນ ຊາອໍາ ເຮັງ

<sup>23</sup> ເຍົາ ປາຍ ເຍົາ ແຕ້ອ ຕະ ກູ່ ຣາມິ້ຮ. ມາ ປ ວາຍ ຮາງຶຮ ເຢີງ ເຈົ້າຮາຊີ, ຕາ ເບີນ ກູ່ ຣາມິ້ຮ ກ້ອຍ ແກັດ ເກົາ ອິນແຍ່ະ. ປຍາຍ ລາລີ້ ກູ່ ຣາມິ້ ຮ ອິນເຕ້າ ເຍົາ ແຕ້ອ ຕະ, ມາ ຕາ ເບີນ ກູ່ ຣາມິ້ຮ ກ້ອຍ ຈ່ອຍ ໂອນ ເຍົາ ເຍົາ ຊາອໍາ ເຮັງ ອາຊ້ອຮ. <sup>24</sup> ອິງເຄາະ ເຍົາ ອິນໂຈຍ ຕະ ອໍ ໂຈະ ຈະ ເຍົາ ເບີນ, ມາ ອິງເຄາະ ເຍົາ ຕະ ອໍ ໂຈະ ກວາຍ ການໍ້ອ ແຮີ. <sup>25</sup> ແຕ້ອ ເຍົາ ຈາ ກູ່ ຣາມິ້ຮ ໄຊຣໍ ເຍົາ ແຈິງ ແຕ ຕາ ລາດ, ມາ ອໍ ໂອນ ເຍົາ ອິນໂຈຍ ອາເບັຮ ອິນເຕ້າ ແຕ ໄຊຣໍ ກ້ອຍ ໂອນ ຮາງຶຮ ເຍົາ ຕາ ເບີນ ຕີ ຈະ

ເຍົາ ເບີມ. <sup>26</sup> ຕັ້ງ ປຶ້ງ ປັຣນາຍ ເຢົາງ ເຈົ້າຣາຊີ ແຕ ອິມແບ້, ອັນ ປາຍ ເຈົ້:

"ອິນແຍ່ະ ກຣວາງ ກູແຕອ໌ ໄນ່ ກະ ກູ່ ຣາມິ່ຣ ແອັດ ຕັ້ງ ກ້ອຍ, ລາ ຄອງ ເຢົາງ ເຈົ້າຣາຊີ ອິນແຍ່ະ."

<sup>27</sup> ຄັນ ກວາຍ ຕາ ເບີນ ຊາອໍາ ເຢຊູ ກຣິດ, ມາ ການິຍ ເຍົາ ໂຣ່ມ ຈາ ມັນຕຸ ກະ ໄລ່, ກະ ຄັນ ເຍົາ ຢັອ ອີ ເປາະ, ເຕ່ອ ເຍົາ ຈາ ກູ່ ຣາມິ່ຣ ໄລ່ ອາລ້ອຣ ໂອນ ເຍົາ ຈາ. ມາ ເຍົາ ອິນໂຈຍ ອາເປັຣ ອິນເຕົ້າ ແຕ ຊັຣນາ ກ້ອຍ ໂອນ ຣາງິ່ຣ ເຍົາ ຕາ ເບີນ ຕິ ຈະ ເຍົາ ເບີມ. <sup>28</sup> ມາ ຄັນ ເມົ້າ ອາຕີ ເຍົາ ປາຍ: "ຫຼາ ຣິງ ໄນ່ ເມົ້າ ຈູຈໍາ ເຈົ້," ເຍົາ ອິນໂຈຍ ຈາ ຫຼາຣິງ ກ້ອຍ, ໂອນ ກວາຍ ກາ ອາຕີ ກ້ອຍ ຕາ ເບີນ ຊ້ອງ ຕຸ່ຣ ຣາງິ່ຣ ປາຍ ເຍົາ ຕະ ໄລ່ຍຣ. <sup>29</sup> ເກົາ ຕາ ເບີ ນ ປາຍ ແຕ ຣາງິ່ຣ ເຍົາ, ມາ ເກົາ ອົງກ້ອຣ ໄລ່ຍຣ ຣາງິ່ຣ ກວາຍ ກ້ອຍ. ອົງກ້ອຣ ປຍາຍົ ເຍົາ ຢັອ ອີ ອາເປັຣ ເກົາ ນະໄນ່: "ຮິ ດັງ, ຄັນ ຮິ ຈາ ຊັຣນາ ໄນ່ ລາ ຕາ ເບີນ ແກັດ ອິມເຕົ້າ. ມາ ນານະ ຮິ ຕາ ເຕ່ອ ຈາ ຍ່ອນ ກວາຍ ການິຍ ຄິດ ປາຍ ຕາ ເຕ່ອ. <sup>30</sup> ຄັນ ຮິ ມາ ຊາເອິນ ເຢົາງ ເຈົ້າຣາຊີ ອັນ ໂອນ ຮິ ເບີນ ຊັຣນາ ຈາ ກ້ອຍ, ນານະ ກວາຍ ການິຍ ອິນ ນ້ອງ ຕິ ຮິ ຈາ ຫຼາຣິງ ກ້ອຍ?"

<sup>31</sup> ພໍກາ ເຍົາ ຈາ, ແຕ່ລາ ງ່ອຍ, ແຕ່ລາ ຕະ ຣາ ນະ ອິນເຕົ້າ, ອົງເຄາະ ເຍົາ ຕະ ກູ່ ຣາມິ່ຣ ກ້ອຍ ໂອນ ເມົ້າ ຢ້າມັບ ເຢົາງ ເຈົ້າຣາຊີ. <sup>32</sup> ອົງເຄາະ ເຍົາ ຕະ ອໍ ໂຈະ ຈຸ່ມ ອິດຊະຣາເອລ, ກະ ໂອນ ກວາຍ ກາ ຕາ ແກັດ ກວາຍ ອິດຊະຣາເອລ, ກະ ໂອນ ກວາຍ ກາ ຊາອໍາ ເຈົ້ ໂອນ ໄລ່ ອິນໂຈຍ ເປ່ ຣາງິ່ຣ ແຕ ຣານະ ເຍົາ ຕະ. <sup>33</sup> ນະກ້ອຍ ກູ່ ຣານະ ອິນເຕົ້າ ເກົາ ຕະ, ເກົາ ຢັອ ອີ ຕະ ໂອນ ກູ່ ນະ ກວາຍ ຊ້ອງ ຣິ່ອ ອໍ ກະ ຣານະ ກ້ອຍ. ເກົາ ຕາ ເບີນ ຄິດ ຢັອ ອີ ຕະ ອໍ ໂຈະ ຈະ ເກົາ ຊ້ອງ, ມາ ເກົາ ຄິດ ຕະ ອໍ ໂອນ ກູ່ ນະ ກວາຍ ໂອນ ເຢົາງ ເຈົ້າຣາຊີ ເຕ່ອ ຈ່ອຍ ອາມົງ ໄລ່ ເຕ່.

### 11

<sup>1</sup> ນະກ້ອຍ ອົງເຄາະ ເຍົາ ດວຍ ເກົາ, ມູເຈິງ ເກົາ ດວຍ ເຢຊູ ກຣິດ ເຕ່.

ອາຕີ ແຕ ມັຣ ມັນແຊມ ຕາປຶງ ເປຣ່ ບ້ອງ ກາ ຊາງ ເຢົາງ ເຈົ້າຣາຊີ

\* **11:5** 11:5 ຕັ້ງ ແດັຍ ກ້ອຍ, ຄັນ ຣາເລົາ ອາແລະ ກາ ຕາປຶງ ເປຣ່ ລາ ນະ ອັນ ຕາ ເບີນ ຢ້າມັບ ກວາຍ ກາ ປິດ ກາເລີຍ ແຕ ອັນ. ມາ ມັນແຊມ ອາແລະ ກາ ຕາ ເບີນ ຕາປຶງ ເປຣ່ ລາ ນະ ອັນ ຕາ ເບີນ ຢ້າມັບ ກວາຍ ກາ ປິດ ກາເລີຍ ແຕ ອັນ, ມາ ຄັນ ມັນແຊມ ອາແລະ ກາ ຕະ ໂອນ ກາຢາອ໌ ອັນ ກູມາລ, ເມົ້າ ກັດ ຕະ ອາລຸງ ອິນແຍ່ະ ແປ້ ອັນ. † **11:10** 11:10 ແຕ່ລາ "ຕະ ໂອນ ເມົ້າ ດັງ ໄລ່ ເບີນ ອໍານາດ ເຕ່ ຢັຣ ມົງ ແທວາດາ ເຢົາງ ເຈົ້າຣາຊີ."

<sup>2</sup> ເກົາ ຍ່ອງ ເຍົາ, ຍ່ອນ ເຍົາ ຊາແຍີ ເກົາ, ກະ ເຍົາ ຢ້າມັບ ມັຣ ປັຣນາຍ ເກົາ ອາຕີ ເຍົາ ເຈົ້. <sup>3</sup> ມາ ເກົາ ຢັອ ອີ ໂອນ ເຍົາ ດັງ ແຈງ ນະໄນ່: ເຢົາງ ເຈົ້າຣາ ຊີ ແກັດ ແປ້ ກຣິດ; ກຣິດ ແກັດ ແປ້ ກວາຍ ຣາ ເລົາ; ກາຢາອ໌ ແກັດ ແປ້ ລາກວຍ. <sup>4</sup> ນະກ້ອຍ, ຄັນ ເບີນ ມານະ ຣາເລົາ ເກົາແຊອ໌ ແຕ່ລາ ອາຕີ ຕາງ ປັຣ ນາຍ ເຢົາງ ເຈົ້າຣາຊີ ໂອນ ກວາຍ ການິຍ, ມາ ອັນ ຕາປຶງ ເປຣ່, ອັນ ຕະ ໂອນ ກຣິດ ຊ້ອງ ກູມາລ, ຍ່ອນ ກຣິດ ລາ ແກັດ ແປ້ ໂອນ ກວາຍ ຣາເລົາ. <sup>5</sup> ກະ ຄັນ ມານະ ມັນແຊມ ເກົາແຊອ໌ ແຕ່ລາ ອາຕີ ຕາງ ປັຣນາຍ ເຢົາງ ເຈົ້າຣາຊີ ໂອນ ກວາຍ ການິຍ, ມາ ອັນ ຕາ ເບີນ ຕາປຶງ ເປຣ່, ອັນ ຕະ ໂອນ ກາ ຢາອ໌ ອັນ ຊ້ອງ ກູມາລ, ຍ່ອນ ກາຢາອ໌ ລາ ແກັດ ແປ້ ໂອນ ລາກວຍ. ຣານະ ກ້ອຍ ລາ ນະ ເມົ້າ ກັດ ຕະ ອາລຸງ ອິນແຍ່ະ ແປ້ ມັນແຊມ ກ້ອຍ.\* <sup>6</sup> ຄັນ ມັນແຊມ ຕາ ເບີນ ຕາປຶງ ເປຣ່, ຄາອ໌ ມັນແຊມ ກ້ອຍ ກັດ ອາລຸງ ອິນແຍ່ະ ແປ້ ອັນ. ມາ ຄັນ ມັນ ແຊມ ກ້ອຍ ມາ ຊ້ອງ ກູມາລ ອັນ ເບີນ ແປ້ ອາ ລຸງ, ຄາອ໌ ໂອນ ອັນ ຕາປຶງ ເປຣ່. <sup>7</sup> ກວາຍ ຣາ ເລົາ ອິນໂຈຍ ຕາປຶງ ເປຣ່, ຍ່ອນ ເຢົາງ ເຈົ້າຣາຊີ ແຕງ ຣາເລົາ ກ້ອຍ ມູເຈິງ ອັນ ເບີນ ເຕ່. ນະກ້ອຍ, ຍ່ອນ ແຕ ກວາຍ ຣາເລົາ ເມົ້າ ຍ່ອງ ເຢົາງ ເຈົ້າຣາ ຊີ. ກະ ຍ່ອນ ແຕ ມັນແຊມ ເມົ້າ ຍ່ອງ ກວາຍ ຣາ ເລົາ. <sup>8</sup> ເຢົາງ ເຈົ້າຣາຊີ ຕາ ເບີນ ແຕງ ຣາເລົາ ແຕ ຈະ ມັນແຊມ, ມາ ເຢົາງ ເຈົ້າຣາຊີ ແຕງ ມັນແຊມ ແຕ ຈະ ຣາເລົາ. <sup>9</sup> ກະ ເຢົາງ ເຈົ້າຣາຊີ ຕາ ເບີນ ແຕງ ຣາເລົາ ດິອ໌ ໂອນ ມັນແຊມ, ມາ ອັນ ແຕງ ມັນແຊມ ດິອ໌ ໂອນ ຣາເລົາ. <sup>10</sup> ຍ່ອນ ນະກ້ອຍ, ພໍກາ ມັຣ ກາ ກວາຍ ມັນແຊມ ຊາງ ເຢົາງ ເຈົ້າຣາ ຊີ, ອົງເຄາະ ໄລ່ ຕາປຶງ ເປຣ່, ໂອນ ເມົ້າ ດັງ ປາຍ ໄລ່ ລາ ແທດ ກາເລີຍ ແຕ ກວາຍ ຣາເລົາ ຢັຣ ມົງ ແທວາດາ ເຢົາງ ເຈົ້າຣາຊີ.† <sup>11</sup> ມາ ຢັຣ ມົງ ເຢົາງ ເຈົ້າຣາຊີ, ກວາຍ ມັນແຊມ ອົງເຄາະ ບ້ອງ ຣາເລົາ, ຣາເລົາ ອົງເຄາະ ບ້ອງ ມັນແຊມ. <sup>12</sup> ແຕ ອິນໂຍ່ງ ເຢົາງ ເຈົ້າຣາຊີ ແຕງ ມັນແຊມ ແຕ ຈະ ຣາເລົາ. ມາ ອິນຕຸ່ນ ແອັມ, ກູ່ ນະ ຣາເລົາ ລັອຣ ແຕ ຈະ ມັນ ແຊມ. ມາ ອິນແຍ່ະ ຣາມິ່ຣ ກ້ອຍ ແຕ່ຣິ ແຕ ເຢົາງ ເຈົ້າຣາຊີ.

<sup>13</sup> ອົງເຄາະ ເຍົາ ຄິດ ເບີມ ແຕ ຣາມິ່ຣ ໄນ່: ອໍ ມາ ຕາ ອໍ, ພໍກາ ກວາຍ ມັນແຊມ ເກົາແຊອ໌ ແຕ ເຢົາງ ເຈົ້າຣາຊີ, ມາ ຕັ້ງ ແປ້ ອັນ ຕາ ເບີນ ຕາປຶງ

ອິນເຕົ້າ? 14 ກວາຍ ຮາເລົາ ດູ ຄິດ ເບີມ, ຄັນ ໄລ່ ດໍອ໌ ໂຊະ ຕີ້, ໄລ່ ຊ້ອງ ກູມາລ ເບີມ. 15 ມາ ຄັນ ມັນແຊມ ດໍອ໌ ໂຊະ ຕີ້, ລາ ອໍ ໂອນ ໄລ່, ຍ່ອນ ໂຊະ ມູເຈິງ ຫຣິງ ໄລ່ ຕາປິງ ຕິ່ງ ເປັ. 16 ມາ ຄັນ ເບີ ນ ເມົາ ຍໍອ໌ ອີ ຮາຈຽມ ແຕ ປັຣນາຍ ໄນ່, ເກົາ ອີ ປາຍ: ຮິ ໄນ່, ກະ ກູ່ ຈຸ່ມ ມັຣ ກາ ຊາອໍາ ການໍອ໌, ຕາ ເບີນ ຕະ ອິມພາ ແຕ ຮານະ ໄນ່ ພໍກາ ຮິ ຊາງ ເຢິງ ເຈົາຣາຊີ.

ຮິດ ຈາ ຈ່ອຍ ຊາແຍີ ເຢຊູ ກຣິດ

17 ມັຣ ປັຣນາຍ ປາຕັບ ອິນຕຸ່ນ ໄນ່ ເກົາ ຕາ ເບີນ ຍ່ອງ ເຍົາ, ຍ່ອນ ພໍກາ ເຍົາ ໂຣ່ມ ຊາງ ເຢິງ ເຈົາຣາຊີ, ເຍົາ ຕະ ໂລ່ຍຣ ຊາອິ່ຍ ອິງກວາ ເຍົາ ຕະ ອໍ. 18 ແຕ ອິນໂຍ່ງ ລາລີ້, ເກົາ ຊ້ອງ ເມົາ ປາຍ ແຕ ມູ ເຍົາ ກາ ຊາອໍາ ນະໄນ່: ພໍກາ ເຍົາ ໂຣ່ມ ຊາງ ເຢິງ ເຈົາຣາຊີ, ຈຸ່ມ ໄນ່ ຣາຕັຣ ແຕ ຈຸ່ມ ກ້ອຍ. ກະ ເກົາ ຄິດ ປຍາຍ ເມົາ ປາຍ ປັຣນາຍ ກ້ອຍ. 19 ແຕ່ອ໌ ຈຸ່ມ ເຍົາ ຣາຕັຣ ແກັດ ຊາອິ່ຍ ຈຸ່ມ ແອັນ, ເຍົາ ອາ ປັຣ ໂອນ ກວາຍ ການໍອ໌ ດັງ ຈຸ່ມ ອາແລະ ກາ ຕະ ປຍາຍ ລາລີ້ ຍັຣ ເມິງ ເຢິງ ເຈົາຣາຊີ. 20 ແຕ່ອ໌ ເຍົາ ໂຣ່ມ ຕະ ຮິດ ຈາ ຈ່ອຍ ຊາແຍີ ເຢຊູ ກູຈິດ ຕາງ ເຍົາ, ເຍົາ ຕາ ເບີນ ຕາປູ່ນ ຮິດ ກ້ອຍ ກຣັກ ລາ ລີ້. 21 ຍ່ອນ ຕິ່ງ ຮານະ ຕະ ຮິດ ຈາ ກ້ອຍ, ກູ່ ນະ ເຍົາ ອິມພາ ຈາ. ນະກ້ອຍ ເບີນ ອັນ ກາ ຕາ ຄໍາ ຈາ, ມາ ເບີນ ອັນ ກາ ແກ້ຍ ຈ່ອຍ ຈາ ອິນຈົນ ບູລ. 22 ນານະ ອາຣັງ ປາຍ ເຍົາ ແອີ ດູງ ອິງເຄາະ ເປາະ ຈ່ອຍ ຈາ ຕິ່ງ ດູງ ຊາງ? ນານະ ເຍົາ ຕາ ເບີນ ຍໍາ ນັບ ມູ່ ກາ ຊາອໍາ ເຢິງ ເຈົາຣາຊີ? ກະ ນານະ ເຍົາ ຕະ ໂອນ ກວາຍ ກາດິດ ຊ້ອງ ກູມາລ? ອິນເຕົ້າ ເຍົາ ຍໍອ໌ ເກົາ ອາຕີ ແຕ ຮາມິ້ຣ ໄນ່? ເຍົາ ຍໍອ໌ ເກົາ ຍ່ອງ ເຍົາ ບໍ່? ເກົາ ຕາ ເບີນ ຍ່ອງ ເຍົາ ແຕ ຮານະ ກ້ອຍ!

23 ຍ່ອນ ເກົາ ອາຕີ ເຍົາ ເຈີ້ ແຕ ມັຣ ປັຣນາຍ ກາ ອິນເຈົາ ໄຣ ໂອນ ເກົາ ດັງ. ຕິ່ງ ຊາເດົາ ກາ ເມົາ ມ່ອບ ເຢຊູ, ຊາເດົາ ກ້ອຍ ເຢຊູ, ອິນເຈົາ ໄຣ, ອິດ ມານໍາ ໂດຍ ບຸຣ. 24 ເຈີ້ ອັນ ຊາແອັນ ເຢິງ ເຈົາຣາ ຊີ ກະ ປັຣ ໂດຍ ບຸຣ ກ້ອຍ. ອັນ ປາຍ: "ໂດຍ ບຸຣ ໄນ່ ລາ ຊາກໍາ ແຕ ຈະ ເກົາ ກາ ກູຈິດ ຕາງ ເຍົາ. ແຕ່ອ໌ ເຍົາ ຈາ ໂດຍ ບຸຣ ໄນ່, ເຍົາ ຊາແຍີ ລັຣ ເກົາ."

25 ມູເຈິງ ກ້ອຍ ແຕ່, ແວັດ ໄລ່ ຈາ ໂດຍ ບຸຣ ກ້ອຍ, ເຈີ້ ເຢຊູ ອິດ ຈອກ ແດີອ໌ ກະ ປາຍ: "ແດີອ໌ ໄນ່ ລາ ຊາກໍາ ແຕ ປັຣນາຍ ຕາໄມ ເຢິງ ເຈົາຣາຊີ

ປັຣຄັນ ກະ ເຍົາ ຍ່ອນ ແຕ ອາຮາມ ເກົາ. ແຕ່ອ໌ ເຍົາ ຈ່ອຍ ແດີອ໌ ໄນ່, ເຍົາ ຊາແຍີ ລັຣ ເກົາ."

26 ນະກ້ອຍ, ພໍກາ ເຍົາ ຈາ ໂດຍ ບຸຣ ໄນ່ ກະ ຈ່ອຍ ແດີອ໌ ແຕ ຈອກ ໄນ່, ລາ ເຍົາ ອາປັຣ ໂອນ ເມົາ ດັງ ປາຍ ອິນເຈົາ ໄຣ ເບີນ ກູຈິດ ຕາງ ເຍົາ ເຈີ້. ໂອນ ເຍົາ ຕະ ຮານະ ໄນ່ ເຕົ້າ ແຕ່ອ໌ ຕາງ ອິນເຈົາ ໄຣ ເຈົາ ລັຣ ປີ ກູແຕອ໌ ໄນ່.

27 ຍ່ອນ ນະກ້ອຍ, ກວາຍ ອາແລະ ກາ ຈາ ໂດຍ ບຸຣ ໄນ່ ແຕ່ລາ ຈ່ອຍ ແດີອ໌ ໄນ່, ມາ ອັນ ຈາ ຈ່ອຍ ຕາ ປຍາຍ, ໄນ່ ລາ ມູເຈິງ ອັນ ຕະ ໂລ່ຍຣ ໂຈະ ຈະ ກະ ອາຮາມ ເຢຊູ ແຕ່. 28 ນະກ້ອຍ ກວາຍ ອາແລະ ມາ ຈາ ໂດຍ ບຸຣ ໄນ່ ກະ ຈ່ອຍ ແດີອ໌ ໄນ່, ອິງ ເຄາະ ກວາຍ ກ້ອຍ ຕາຕ່ອຍ ລັຣ ຮາງິຣ ອັນ ເບີ ມ. ແວັດ ກ້ອຍ ແຕ່ອ໌ ອັນ ຈາ ຈ່ອຍ ຫຣິງ ກ້ອຍ. 29 ຄັນ ເບີນ ກວາຍ ອາແລະ ຈາ ຈ່ອຍ ມາ ຕາ ເບີ ນ ຕາຕ່ອຍ ແຕ ໂດຍ ບຸຣ ກະ ແດີອ໌ ໄນ່ ຊາກໍາ ແຕ ຈະ ເຢຊູ, ເຢິງ ເຈົາຣາຊີ ຕະ ໂຕ່ດ ອັນ. 30 ຍ່ອນ ນະກ້ອຍ ເຍົາ ຊາອິ່ຍ ຕີ້ ອາອິ້, ກະ ເບີນ ອັນ ກາ ກູຈິດ ປິດ ແຮີ. 31 ມາ ຄັນ ໄຣ ຕາຕ່ອຍ ອິນໂຍ່ງ ຮາງິຣ ໄຣ ເບີມ, ໄຣ ເບີນ ແວັດ ແຕ ເຢິງ ເຈົາຣາ ຊີ ຕະ ໂຕ່ດ ໄຣ. 32 ເຢິງ ເຈົາຣາຊີ ຕະ ໂຕ່ດ ໄຣ ນະກ້ອຍ ຍ່ອນ ອັນ ຍໍອ໌ ອີ ກາແອັຣ ໄຣ ຊ້ອງ, ກະ ອັນ ຍໍອ໌ ອີ ໂອນ ໄຣ ແວັດ ແຕ ອັນ ຕະ ໂຕ່ດ ມັຣ ກວາຍ ກາ ຕາ ເບີນ ຊາອໍາ.

33 ນະກ້ອຍ ແຊມອາຍ ເອີຍ, ພໍກາ ເຍົາ ໂຣ່ມ ຈາ ມັນຕູ ຍໍອ໌ ອີ ຊາແຍີ ເຢຊູ ກູຈິດ ຕາງ ເຍົາ, ອິງ ເຄາະ ເຍົາ ມານະ ຫຣາະ ມານະ. 34 ຄັນ ເບີນ ກວາ ຍ ອາແລະ ຊ້ອງ ມາເຍົາຍຣ, ໂອນ ກວາຍ ກ້ອຍ ຈາ ອິນໂຍ່ງ ຕິ່ງ ດູງ ອັນ ເວົ້າຍ. ນະກ້ອຍ ເຢິງ ເຈົາຣາ ຊີ ຕາ ເບີນ ຕີ້ ເຍົາ ຕະ ຕາ ປຍາຍ ພໍກາ ເຍົາ ໂຣ່ມ.

ມາ ມັຣ ຮາມິ້ຣ ການໍອ໌ ແອັນ, ພໍກາ ເກົາ ແຕ່ອ໌ ປີ ເຍົາ, ເກົາ ອີ ອາຕີ ເຍົາ ແຕ ຮາມິ້ຣ ກ້ອຍ.

12

ຮາມິ້ຣ ຮາເວົ້າຍ ເຢິງ ເຈົາຣາຊີ ໂອນ

1 ແຊມອາຍ ເອີຍ! ຊານໍ ເກົາ ຍໍອ໌ ອີ ອາຕີ ເຍົາ ແຕ ມັຣ ຮາມິ້ຣ ຮາເວົ້າຍ ເຢິງ ເຈົາຣາຊີ ຈ່ອຍ ໂອນ ກວາຍ ຕະ. ເກົາ ຍໍອ໌ ອີ ໂອນ ເຍົາ ດັງ ແຈງ ແຕ ຮາມິ້ຣ ກ້ອຍ. 2 ບັອງ ກາ ເຍົາ ຕາ ເບີນ ດັງ ອິນ ເຕົ້າ ແຕ ປັຣນາຍ ເຢິງ ເຈົາຣາຊີ, ເມົາ ເດິງ ເຍົາ ຊາງ ຊາອິ່ຍ ຮາມິ້ຣ ເຢິງ ກາ ຕາ ແຕ່ອ໌ ຕະ ແບອ໌ ອິນເຕົ້າ. 3 ຍ່ອນ ຮານະ ກ້ອຍ, ອິງເຄາະ ເຍົາ ດັງ ແຈງ ນະໄນ່: ກວາຍ ອາແລະ ມາ ເບີນ ຮາເວົ້າຍ ເຢິງ ເຈົາຣາຊີ ແອັດ ກະ ອັນ, ກວາຍ ກ້ອຍ ຕາ ແຕ່ອ໌ ປາຍ: "ໂອນ ເມົາ ເວ່ນ ເຢຊູ."

ກະ ຄັນ ຮາເວີຍ ເຢີງ ເຈົ້າຮາຊີ ຕາ ເບີນ ແອັດ ກະ ອັນ, ນະກ້ອຍ ກວາຍ ກ້ອຍ ຕາ ເຕ່ອ້ງິນ ປາຍ: "ເຢຊູ ລາ ອິນເຈົ້າ."

4 ຮາເວີຍ ເຢີງ ເຈົ້າຮາຊີ ໂອນ ກວາຍ ເຕ່ອ້ ຕະ ຊາອິ້ຍ ຮາມິ້ຣ ມາ ຕາ ເບີນ ມູເຈີງ. ມາ ເບີນ ແອັງ ມວຍ ຮາເວີຍ ເຢີງ ເຈົ້າຮາຊີ ຊ້ອງ ເຕ່ອ້ ຈ່ອຍ ກູ່ ຮາມິ້ຣ ກ້ອຍ. 5 ຊາອິ້ຍ ຮານະ ອິມພາ ເນົ້າ ຕະ ຕາປຸ່ນ ຮາງິຣ ເຢີງ ເຈົ້າຮາຊີ, ມາ ກູ່ ມັຣ ຮານະ ກ້ອຍ ເບີນ ມວຍ ອິນເຈົ້າ ໄຮ ຊ້ອງ ກາ ໂອນ ໄຮ ຕະ. 6 ກູ່ ນະ ກວາຍ ເບີນ ອິມພາ ຮານະ ຕະ, ມາ ເບີນ ແອັງ ເຢີງ ເຈົ້າຮາຊີ ຊ້ອງ ຕະ ໂອນ ກວາຍ ເບີນ ມັຣ ຮານະ ກ້ອຍ. 7 ຮາເວີຍ ເຢີງ ເຈົ້າຮາ ຊີ ໂອນ ກູ່ ນະ ກວາຍ ກາ ຊາອໍາ ເບີນ ມານະ ມວຍ ຮານະ, ໂອນ ມານະ ເຕ່ອ້ ຈ່ອຍ ມານະ ຕິ່ງ ມູ່ ມັຣ ກາ ຊາອໍາ. 8 ອັນ ກາ ຮາເວີຍ ເຢີງ ເຈົ້າຮາຊີ ໂອນ ຮາໂງ່ອ້ ຮາລັງ ເຕ່ອ້ ອາຕີ ກວາຍ ການໍອໍ. ອັນ ກາ ຮາເວີຍ ເຢີງ ເຈົ້າຮາຊີ ໂອນ ດັງ ຊາອິ້ຍ ຮາມິ້ຣ. 9 ອັນ ກາ ຮາເວີຍ ເຢີງ ເຈົ້າຮາຊີ ໂອນ ເຕ່ອ້ ຊາອໍາ ເຢີງ ເຈົ້າຮາຊີ ຈັບ ລາລີ້. ອັນ ກາ ຮາເວີຍ ເຢີງ ເຈົ້າຮາຊີ ໂອນ ເບີນ ອໍານາດ ເຕ່ອ້ ປົວ ກວາຍ ຕິ່ ອາອິ້. 10 ອັນ ກາ ຮາເວີຍ ເຢີງ ເຈົ້າຮາຊີ ໂອນ ເບີ ນ ອໍານາດ ເຕ່ອ້ ຕະ ຮານະ ຕາ ເກີ້ຍ ເຮີມ. ອັນ ກາ ຮາເວີຍ ເຢີງ ເຈົ້າຮາຊີ ໂອນ ອາຕີ ຕາງ ປັຣນາຍ ເຢີງ ເຈົ້າຮາຊີ. ອັນ ກາ ຮາເວີຍ ເຢີງ ເຈົ້າຮາຊີ ໂອນ ເບີນ ຮາງິຣ ແຄວ້ ຄິດ ຕາຕ່ອຍ້ ມັຣ ປັຣນາຍ ແຕ ເຢີງ ການໍອໍ ກະ ປັຣນາຍ ແຕ ເຢີງ ເຈົ້າຮາຊີ. ອັນ ກາ ຮາເວີຍ ເຢີງ ເຈົ້າຮາຊີ ໂອນ ເຕ່ອ້ ຕະ ອິນ ຕີ ປັຣນາຍ ຕາ ເກີ້ຍ ຊ້ອງ. ກະ ອັນ ກາ ຮາເວີຍ ເຢີງ ເຈົ້າຮາຊີ ໂອນ ອັນ ເຕ່ອ້ ອາຕີ ລັຣ ປັຣນາຍ ກ້ອຍ. 11 ເບີນ ແອັງ ມວຍ ຮາເວີຍ ເຢີງ ເຈົ້າຮາ ຊີ ຊ້ອງ ເຕ່ອ້ ຕະ ກູ່ ມັຣ ຮາມິ້ຣ ກ້ອຍ. ນະກ້ອຍ, ມັຣ ຮາມິ້ຣ ຮາເວີຍ ເຢີງ ເຈົ້າຮາຊີ ໂອນ ກວາຍ ຕະ, ອັນ ມ່ອບ ໂອນ ກູ່ ນະ ກວາຍ ເບີນ ຮາມິ້ຣ ກ້ອຍ, ມານະ ອິມພາ ແຕ ມານະ.

ໂປໂລ ຊາກໍາ ແຕ ຈະ ກວາຍ

12 ຕິ່ງ ຈະ ກວາຍ ເບີນ ຊາອິ້ຍ ຮາມິ້ຣ. ມາ ອິນແຍ່ະ ມັຣ ຮາມິ້ຣ ກ້ອຍ ແກັດ ມູ ຈະ ຊ້ອງ. ນະກ້ອຍ ເຕ່, ກູ່ ມູ່ ຊາອໍາ ເບີນ ຊາອິ້ຍ ນະ ກວາຍ, ມູ່ ກ້ອຍ ລາ ຊາກໍາ ນະ ຈະ ເຢຊູ ກຣິດ. 13 ຍ່ອນ ຮາເວີຍ ເຢີງ ເຈົ້າຮາຊີ, ອິນແຍ່ະ ກູ່ ນະ ໄຮ ຣັບ ຣິດ ຕິ່ງ ແດັອ້ ແກັດ ມວຍ ຈຸ່ມ, ກວາຍ ອິດຊະຮາ ເອລ ກະ ກວາຍ ຕາ ແກັນ ກວາຍ ອິດຊະຮາເອລ,

ກວາຍ ຊູລ ກະ ກວາຍ ຕາ ເບີນ ຊູລ. ນະກ້ອຍ, ກູ່ ນະ ໄຮ ເບີນ ຮາເວີຍ ເຢີງ ເຈົ້າຮາຊີ ແອັດ ຕິ່ງ ຮາງິຣ ໄຮ.\*

14 ອົງເຄາະ ເບີນ ຊາອິ້ຍ ຮາມິ້ຣ, ແຕ ແກັດ ຈະ ກວາຍ, ຕາ ແກັນ ມວຍ ຮາມິ້ຣ ຊ້ອງ. 15 ຄັນ ອາ ເຢີງ ປາຍ: "ເກົ້າ ລາ ຕາ ແກັນ ອາຕີ. ນະກ້ອຍ ເກົ້າ ລາ ຕາ ແກັນ ແຕ ຈະ," ອາເຢີງ ກ້ອຍ ປາຍ ຕາ ປຍາຍ, ຍ່ອນ ອັນ ລາ ແຕ ຈະ ເຕ່. 16 ກະ ຄັນ ກູດູຣ ປາຍ: "ເກົ້າ ລາ ຕາ ແກັນ ມັດ. ນະກ້ອຍ ເກົ້າ ຕາ ແກັນ ແຕ ຈະ," ກູດູຣ ກ້ອຍ ປາຍ ຕາ ປ ຍາຍ, ຍ່ອນ ອັນ ລາ ແຕ ຈະ ກ້ອຍ ເຕ່. 17 ຄັນ ຈະ ມາ ເບີນ ແອັງ ມັດ ຊ້ອງ, ນານະ ອັນ ເຕ່ອ້ ຊ້ອງ? ກະ ຄັນ ຈະ ມາ ເບີນ ແອັງ ກູດູຣ ຊ້ອງ, ນານະ ອັນ ເຕ່ອ້ ຊ້ອງ ອິມໂພງ ອິນເຕ້າ? 18 ມາ ພໍກາ ເຢີງ ເຈົ້າຮາຊີ ແຕງ ຈະ ກວາຍ, ອັນ ແຕງ ຊາອິ້ຍ ຮາມິ ຮ ນະ ຮາງິຣ ອັນ ຍິ້ອ ອິ ແຕງ. 19 ຄັນ ເບີນ ແອັງ ມູ ຮາມິ້ຣ ຊ້ອງ, ຕາ ເຕ່ອ້ ແກັດ ຈະ. 20 ມາ ຊານໍ ໄຮ ດັງ ແຈງ ເຈີ່ ປາຍ, ມວຍ ຈະ ອົງເຄາະ ເບີນ ຊາ ອິ້ຍ ຮາມິ້ຣ.

21 ນະກ້ອຍ ມັດ ຕາ ເຕ່ອ້ ປາຍ ໂຈະ ອາຕີ: "ໄມ່ ຕາ ດັງ ຕະ ຮານະ ອິນເຕ້າ ຈ່ອຍ ເກົ້າ." ກະ ແປ້ ຕາ ເຕ່ອ້ ປາຍ ໂຈະ ອາເຢີງ: "ໄມ່ ຕາ ດັງ ຕະ ຮານະ ອິນເຕ້າ ຈ່ອຍ ເກົ້າ!" 22 ມາ ເບີນ ຊາອິ້ຍ ຮາມິ້ຣ ຕິ່ງ ຈະ ໄຮ, ມາ ໄຮ ຄິດ ຮາມິ້ຣ ໄມ່ ແຕ່ລາ ຮາມິ້ຣ ກ້ອຍ ລາ ຕາ ເບີນ ປິດ ອິນເຕ້າ. ມາ ຈະ ໄຮ ອົງ ເຄາະ ເບີນ ກູ່ ມັຣ ຮາມິ້ຣ ກ້ອຍ. 23 ກະ ມັຣ ຮາມິ ຮ ໄຮ ຄິດ ຕາ ເບີນ ປິດ ອິນເຕ້າ ຕິ່ງ ຈະ ໄຮ, ຮາມິ ຮ ກ້ອຍ ໄຮ ດຸ ຮາບັນ ກາເລີຍ ແຕ ຮາມິ້ຣ ການໍ ອໍ. ກະ ມັຣ ຮາມິ້ຣ ກາ ໄຮ ຕາ ແອອໍ ໂອນ ກວາ ຍ ເຮີມ, ເຈີ່ ໄຮ ດຸ ກຍາອໍ ໂອນ ອໍ ຮາມິ້ຣ ກ້ອຍ. 24 ມາ ມັຣ ຮາມິ້ຣ ກາ ໄຮ ຄິດ ປິດ, ເຈີ່ ຕາ ເບີນ ຕຸຣ ຮາບັນ ມັຣ ຮາມິ້ຣ ກ້ອຍ. ເຢີງ ເຈົ້າຮາຊີ ຕະ ກູ່ ຮາມິ້ຣ ຕິ່ງ ຈະ ໄຮ ໂອນ ແອັດ ມັນຕຸ. ກະ ມັຣ ຮາມິ້ຣ ໄຮ ຕາ ເບີນ ຄິດ ປິດ ອິນເຕ້າ, ມັຣ ຮາມິ ຮ ໄມ່ ແກັດ ປິດ ແອັນ. 25 ນະກ້ອຍ ມັຣ ຮາມິ້ຣ ຕິ່ງ ຈະ ໄຮ ຕາ ເບີນ ຮາຕັຣ. ມາ ມັຣ ກາ ຮາມິ້ຣ ກ້ອຍ ມານະ ຈ່ອຍ ມານະ. 26 ຄັນ ມູ ຮາມິ້ຣ ຕິ່ງ ຈະ ມາ ຕິ່, ກູ່ ມັຣ ຮາມິ້ຣ ຕິ່ງ ຈະ ກ້ອຍ ລາ ຕິ່ ເຕ່. ກະ ຄັນ ມູ ຮາມິ້ຣ ຕິ່ງ ຈະ ມາ ຣໍອໍ ອໍ, ກູ່ ຮາມິ້ຣ ຕິ່ງ ຈະ ລາ ຣໍອໍ ອໍ ເຕ່.

27 ມູ່ ເຢົາ ກາ ຊາອໍາ ລາ ນະ ຈະ ເຢຊູ ກຣິດ.

\* 12:13 12:13 ຕິ່ງ ປັຣນາຍ ກຣິກ ອັນ ປາຍ: "ເຢີງ ເຈົ້າຮາຊີ ໂອນ ໄຮ ຈ່ອຍ ມວຍ ຮາເວີຍ ຊ້ອງ."

ນະກ້ອຍ ກູ່ ນະ ເຍົາ ລາ ນະ ມູ ຣາມິ້ຮ ແຕ ຈະ ກ້ອຍ. <sup>28</sup> ກະ ເຢົາງ ເຈົ້າຣາຊີ ຣຽຮ ເຈິ່ ກູ່ ນະ ເຍົາ ໂອນ ຕະ ຣານະ ຕິ່ງ ມູ່ ກາ ຊາອໍາ. ອັນ ກາ ກວາຍ ເຢຊູ ຣຽຮ ປາຈຸ່ຮ ໂອນ ເປາະ ຕະ ຣານະ ອັນ. ອັນ ກາ ອາຕີ ຕາງ ປັຣນາຍ ເຢົາງ ເຈົ້າຣາຊີ. ອັນ ກາ ແກັດ ອາຈານ. ອັນ ກາ ຕະ ຣານະ ຕາ ເກີ່ຍ ເຮີມ. ອັນ ກາ ເບີນ ອໍານາດ ປົວ ກວາຍ ຕິ່ ອາອິ, ແຕີລາ ຈ່ອຍ ເຍົາ, ແຕີລາ ຊາລິ້ອ ມູ່ ກາ ຊາອໍາ, ແຕີລາ ຕະ ອິນຕີ ປັຣນາຍ ຕາ ເກີ່ຍ ຊ້ອງ. <sup>29</sup> ມາ ຕາ ເບີ ນ ກູ່ ນະ ແກັດ ກວາຍ ເຢຊູ ຣຽຮ ປາຈຸ່ຮ, ແຕີລາ ອາຕີ ຕາງ ປັຣນາຍ ເຢົາງ ເຈົ້າຣາຊີ, ແຕີລາ ແກັດ ອາຈານ. ຕາ ເບີນ ກູ່ ນະ ໄລ່ ມາ ເບີນ ອໍານາດ ຕະ ຣານະ ຕາ ເກີ່ຍ ເຮີມ, <sup>30</sup> ແຕີລາ ປົວ ກວາຍ ຕິ່ ອາອິ, ແຕີລາ ຕະ ອິນຕີ ປັຣນາຍ ຕາ ເກີ່ຍ ຊ້ອງ, ແຕີລາ ອາຕີ ລັຮ ແຕ ປັຣນາຍ ກ້ອຍ. <sup>31</sup> ເບີນ ຊາ ອິ່ຍ ຣາມິ້ຮ ຣາເວີ້ຍ ເຢົາງ ເຈົ້າຣາຊີ ໂອນ ເຍົາ ເຕ່ອ້ ຕະ. ນະກ້ອຍ ອົງເຄາະ ເຍົາ ອູອຍາຣ ອູໂອອ້ ຢິອ້ ອີ ເບີນ ຣາມິ້ຮ ອໍ ກາເລີຍ ແຕ ຣາມິ້ຮ ການໍ້ອ.

ຊານຸ່ ເກົາ ຍິອ້ ອີ ອາຕີ ເຍົາ ແຕ ຣາມິ້ຮ ປັດ ກາ ເລີຍ ອິນແຍ່ະ ແຕ ການໍ້ອ.

### 13

ຮາງິຮ ອາໂຢ່ະ

<sup>1</sup> ຄັນ ເຕ່ອ້ ເກົາ ຕະ ອິນຕີ ອິນແຍ່ະ ມັຮ ປັຣ ນາຍ ກວາຍ, ກະ ອິນແຍ່ະ ມັຮ ປັຣນາຍ ເທວາດາ ເຢົາງ ເຈົ້າຣາຊີ ແຮ, ມາ ຄັນ ເກົາ ແອີ ຮາງິຮ ອາ ໂຢ່ະ, ນະກ້ອຍ ປັຣນາຍ ເກົາ ປາຍ ມູເຈິງ ເມົາ ຕັນ ປັຣນັອຣ, ເມົາ ປັຣແກ້ຮ ຊາຣ. <sup>2</sup> ຄັນ ເຕ່ອ້ ເກົາ ອາຕີ ຕາງ ອິນແຍ່ະ ແຕ ປັຣນາຍ ເຢົາງ ເຈົ້າຣາຊີ, ກະ ຄັນ ເກົາ ດັງ ອິນແຍ່ະ ຣາມິ້ຮ ກວາຍ ເຕ່ອ້ ຣ ຍານ ກະ ອິນແຍ່ະ ຣາມິ້ຮ ປາໂຕ່ະ ແຮ, ກະ ຄັນ ເກົາ ຊາອໍາ ຊາອິ່ຍ ລາລີ້, ໂອນ ເຕ່ອ້ ເກົາ ຕະ ໂອນ ກັຮ ຣາວິ້ຮ, ມາ ຄັນ ເກົາ ແອີ ຮາງິຮ ອາໂຢ່ະ, ເກົາ ຕາ ເບີນ ເກົາ ອິນເຕົາ. <sup>3</sup> ຄັນ ເກົາ ຈ່ອຍ ອິນແຍ່ ະ ເກຣິງ ເກຣົາ ເກົາ ໂອນ ກວາຍ ກາດິດ, ແຕີລາ ເກົາ ຈິວ ໂອນ ເມົາ ຈ້ອງ ຈະ ເກົາ, ມາ ຄັນ ເກົາ ແອີ ຮາງິຮ ອາໂຢ່ະ, ເກົາ ຕາ ເບີນ ແກັດ ເກົາ ອິນເຕົາ.

<sup>4</sup> ຮາງິຮ ອາໂຢ່ະ ລາແມ່ນ ອໍ ໂຈະ ກວາຍ ການໍ້ ອ, ກະ ຢິອ້ ອີ ຈ່ອຍ ກວາຍ ການໍ້ອ. ຮາງິຮ ອາ ໂຢ່ະ ຕາ ເບີນ ຊັຣແມງ, ຕາ ເບີນ ຍ່ອງ ຈະ ອັນ ເບີ ມ, ກະ ຕາ ເບີນ ໂອດ ໂຈະ ເຍົາ. <sup>5</sup> ກວາຍ ກາ ເບີ ນ ຮາງິຮ ອາໂຢ່ະ ຕາ ເບີນ ແອີ ຣິດ ແພບ, ຕາ ເບີ ນ ອິດ ຮາງິຮ ອັນ ເບີມ, ກະ ຕາ ເບີນ ໂຍ່ບ ໄວ່.

ຮາງິຮ ອາໂຢ່ະ ຕາ ເບີນ ນັບ ໄລ່ຍຮ ກວາຍ ການໍ້ ອ. <sup>6</sup> ຮາງິຮ ອາໂຢ່ະ ຕາ ເບີນ ຊ້ອງ ຣິ້ອ ກະ ຣາ ນະ ຕາ ອໍ, ມາ ອັນ ຊ້ອງ ຣິ້ອ ຕິ່ງ ຣານະ ອໍ ກະ ຣາ ນະ ປຍາຍ. <sup>7</sup> ຮາງິຮ ອາໂຢ່ະ ຕາ ເກີ່ຍ ຊ້ອງ ອວານ ໂຈະ ກວາຍ ກາ ຢິອ້ ອີ ຕະ ອັນ. ອັນ ຊາອໍາ. ອັນ ອົງກ່ອງ ຮາມິ້ຮ ອໍ. ກະ ອັນ ຈິວ ມັຮ ຮາມິ້ຮ ຕຸຮ ກັດ.

<sup>8</sup> ມູ ຮາມິ້ຮ ຊ້ອງ ຕາ ເກີ່ຍ ແກັດ ປັດ; ຮາມິ້ຮ ກ້ອຍ ລາ ຮາງິຮ ອາໂຢ່ະ. ອິນແຍ່ະ ຮາມິ້ຮ ກວາຍ ອາຕີ ຕາງ ແຕ ປັຣນາຍ ເຢົາງ ເຈົ້າຣາຊີ, ອິນຕູນ ເມົາ ຕາ ເບີນ ອາຕີ ນ້ອງ. ກະ ມັຮ ປັຣນາຍ ຕາ ເກີ່ ຍ ຊ້ອງ ກວາຍ ດ ຕະ ອິນຕີ, ອິນຕູນ ເມົາ ຕາ ເບີ ນ ຕະ ອິນຕີ ນ້ອງ ປັຣນາຍ ກ້ອຍ. ກະ ອິນແຍ່ະ ມັຮ ຮາມິ້ຮ ກວາຍ ດ ຣຍານ ຕິ່ງ ກູແຕອ້ ໄນ່, ອິນ ຕູນ ແກັດ ປັດ ອິນແຍ່ະ. <sup>9</sup> ຍ່ອນ ອິນແຍ່ະ ຮາມິ້ ຮ ໄຮ ຣຍານ ລາ ໄຮ ຕາ ດັງ ອິນແຍ່ະ; ກະ ອິນແຍ່ ະ ມັຮ ປັຣນາຍ ໄຮ ອາຕີ ຕາງ ແຕ ປັຣນາຍ ເຢົາງ ເຈົ້າຣາຊີ ລາ ໄຮ ຕາ ເບີນ ດັງ ອິນແຍ່ະ. <sup>10</sup> ມາ ອິນ ຕູນ ໄຮ ເບີນ ແອັດ ກະ ອັນ, ໄຮ ເບີນ ດັງ ປັຣນາຍ ປຍາຍ ລາລີ້. ເຈິ່ ອິນແຍ່ະ ມັຮ ຮາມິ້ຮ ກາ ຕາ ເບີ ນ ປຍາຍ ລາລີ້ ແກັດ ປັດ ອິນແຍ່ະ.

<sup>11</sup> ບ້ອງ ກາ ເກົາ ອິນນ້ອງ ກັຮແມນ, ເກົາ ຕະ ອິນຕີ ນະ ກັຮແມນ ຕະ ອິນຕີ, ເກົາ ຊ້ອງ ນະ ກັຮ ແມນ ຊ້ອງ, ເກົາ ຄິດ ນະ ກັຮແມນ ຄິດ. ມາ ແຕ່ອ້ ເກົາ ແກັດ ກວາຍ ຊາຊາຍ, ເກົາ ຕັຮ ຣານະ ກາ ນະ ກັຮແມນ. <sup>12</sup> ຊານຸ່ ລາ ນະ ໄຮ ເນ່ ຕິ່ງ ຊັຣລັງ ມາ ຕາ ເບີນ ແຈງ. ເຈິ່ ປີ ເມົາງ ໄຮ ເນ່ ນະ ມານະ ເນ່ ໂຈະ ມານະ. ຊານຸ່ ເກົາ ດັງ ບິອ້ ຊ້ອງ, ມາ ອິນຕູນ ເກົາ ດັງ ອິນແຍ່ະ, ນະ ເຢົາງ ເຈົ້າຣາຊີ ດັງ ເກົາ ຊາ ນຸ່. <sup>13</sup> ຕິ່ງ ແດີຍ ໄນ່ ເບີນ ໄປ ຮາມິ້ຮ ປັດ ລາລີ້. ມວຍ ລາ ໄຮ ຊາອໍາ, ບາຣ ລາ ໄຮ ອົງກ່ອງ, ໄປ ລາ ໄຮ ອາໂຢ່ະ. ມາ ແຕ ໄປ ຮາມິ້ຮ ໄນ່, ຮາມິ້ຮ ປັດ ກາເລີຍ ອິນແຍ່ະ ແຕ ການໍ້ອ ລາ ຮາມິ້ຮ ອາໂຢ່ະ.

### 14

ໂປໂລ ອາຕີ ແຕ ຮາມິ້ຮ ຣາເວີ້ຍ ເຢົາງ ເຈົ້າຣາ ຊີ ໂອນ ກວາຍ ຕະ

<sup>1</sup> ນະກ້ອຍ ອົງເຄາະ ເຍົາ ຊາແຮງ ຈໍ້ອ ໂອນ ເບີນ ຮາງິຮ ອາໂຢ່ະ. ກະ ອົງເຄາະ ເຍົາ ອູອຍາຣ ອູໂອອ້ ອີ ເບີນ ມັຮ ຮາມິ້ຮ ຣາເວີ້ຍ ເຢົາງ ເຈົ້າຣາຊີ ໂອນ ເຍົາ ຕະ. ມວຍ ຮາມິ້ຮ ປັດ ແຕ ມັຮ ຮາມິ້ຮ ຣາ ເວີ້ຍ ເຢົາງ ເຈົ້າຣາຊີ ໂອນ ຕະ ລາ ອາຕີ ຕາງ ປັຣ ນາຍ ເຢົາງ ເຈົ້າຣາຊີ. <sup>2</sup> ກວາຍ ອາແລະ ມາ ອາຕີ ແຕ ປັຣນາຍ ຕາ ເກີ່ຍ ຊ້ອງ, ກວາຍ ກ້ອຍ ຕາ ເບີ

ນ ຕະ ອິນຕີ ກະ ກວາຍ, ມາ ອັນ ຕະ ອິນຕີ ກະ ເຢິງ ເຈົ້າຣາຊີ, ຍ່ອນ ກວາຍ ຕາ ເບີນ ຊາປຸ່ຣ ອິນ ເຕົ້າ ແຕ ປັຣນາຍ ກ້ອຍ. ກວາຍ ກາ ອາຕີ ກ້ອຍ, ຣາເວີຍ ເຢິງ ເຈົ້າຣາຊີ ໂອນ ອັນ ປາຍ ປັຣນາຍ ປາໂຕ່ະ ແຕ ເຢິງ ເຈົ້າຣາຊີ. <sup>3</sup> ມາ ກວາຍ ອາແລະ ມາ ອາຕີ ຕາງ ປັຣນາຍ ເຢິງ ເຈົ້າຣາຊີ, ກວາຍ ກ້ອຍ ອາຕີ ໂອນ ກວາຍ ການໍ້ອໍ ເຕ່ອໍ ຊາອໍາ ເຣ່ງ ອາຊ້ອຣ ແອັນ. ອັນ ອາຕີ ຈ່ອຍ ກະ ອາເລີ້ມ ກວາຍ ການໍ້ອໍ ແຮີ. <sup>4</sup> ກວາຍ ອາແລະ ມາ ອາຕີ ປັຣນາຍ ຕາ ເກີ້ຍ ຊ້ອງ, ກວາຍ ກ້ອຍ ຕະ ໂອນ ຊາອໍາ ເຣ່ງ ແອິງ ຣາງິ່ຣ ອັນ ເບີມ. ມາ ກວາຍ ອາແລະ ມາ ອາຕີ ຕາງ ປັຣນາຍ ເຢິງ ເຈົ້າຣາຊີ, ກວາຍ ກ້ອຍ ຕະ ໂອນ ມັຣ ມູ່ ກາ ຊາອໍາ ແກິດ ຊາອໍາ ເຣ່ງ ອາຊ້ອຣ ແອັນ.

<sup>5</sup> ເກົາ ຢໍອໍ ອີ ໂອນ ອິນແຍ່ະ ນະ ເຍົາ ຕະ ອິນຕີ ປັຣນາຍ ຕາ ເກີ້ຍ ຊ້ອງ; ມາ ເກົາ ຢໍອໍ ອີ ໂອນ ເຍົາ ອາຕີ ຕາງ ປັຣນາຍ ເຢິງ ເຈົ້າຣາຊີ ຊາອິ້ຍ ກາເລີຍ ແຕ ກ້ອຍ ແອັນ. ກວາຍ ອາແລະ ມາ ອາຕີ ຕາງ ປັຣນາຍ ເຢິງ ເຈົ້າຣາຊີ, ອັນ ຕະ ຣານະ ອໍ ກາເລີຍ ແຕ ກວາຍ ກາ ອາຕີ ປັຣນາຍ ຕາ ເກີ້ຍ ຊ້ອງ. ມາ ຄັນ ເບີນ ກວາຍ ອາແລະ ມາ ເຕ່ອໍ ອາຕີ ລັຣ ປັຣນາຍ ກ້ອຍ, ອໍ ເຕ່ ໂອນ ກວາຍ ກາ ຕະ ອິນຕີ ປັຣນາຍ ຕາ ເກີ້ຍ ຊ້ອງ. ອັນ ຕະ ໂອນ ມັຣ ມູ່ ກາ ຊາອໍາ ແກິດ ຊາອໍາ ເຣ່ງ ອາຊ້ອຣ ແອັນ. <sup>6</sup> ແຊມອາຍ ເອີຍ! ຄັນ ເກົາ ແຕ່ອໍ ປີ ເຍົາ, ມາ ອາຕີ ປັຣນາຍ ຕາ ເກີ້ຍ ຊ້ອງ, ອິນເຕົ້າ ແກິດ ເກົາ ໂອນ ເຍົາ? ມາ ຄັນ ເກົາ ແຕ່ອໍ ອາຕີ ເຍົາ ມັຣ ປັຣນາຍ ກາ ເຢິງ ເຈົ້າຣາຊີ ອາປັຣ ເລີຍ ໂອນ ເກົາ, ແຕ່ລາ ມັຣ ຣານະ ເກົາ ດັງ ແຕ ອັນ, ແຕ່ລາ ມັຣ ຣານະ ກາ ເຢິງ ເຈົ້າຣາຊີ ໂອນ ເກົາ ອາຕີ ຕາງ, ແຕ່ລາ ມັຣ ປັຣນາຍ ປາຕັບ ແຕ ເຢິງ ເຈົ້າຣາຊີ, ຣານະ ກ້ອຍ ແກິດ ເກົາ ໂອນ ເຍົາ.

<sup>7</sup> ເກົາ ຢໍອໍ ອີ ຊາກໍາ ແຕ ເກຣິ່ງ ດົມຕີ. ມັຣ ເກຣິ່ງ ກ້ອຍ ຕາ ເບີນ ອາມັງ. ມາ ຄັນ ເມົາ ປົງ ຕາ ຣິລ ແຕ່ລາ ຕາໂປຣ ພິນ, ມາ ຕາ ເບີນ ດັງ, ກວາຍ ກາ ຊາງັດ ຕາ ເບີນ ຊ້ອງ ຣໍ້ອໍ ອິນເຕົ້າ ຊຽງ ກ້ອຍ. <sup>8</sup> ກະ ຄັນ ເມົາ ປົງ ແກ ກູອໍ ໂອນ ຕາຣານ ເປາະ ຣາປັນ, ມາ ອັນ ປົງ ຕາ ເບີນ ປາຍາຍ, ມັຣ ກວາຍ ຕາຣານ ຕາ ເບີນ ດັງ ຕະ ອິນເຕົ້າ. <sup>9</sup> ມູເຈິງ ກ້ອຍ ເຕ່, ຄັນ ແບອໍ ເຍົາ ອາຕີ, ມາ ເມົາ ຕາ ເບີນ ຊາປຸ່ຣ, ກວາຍ ການໍ້ອໍ ຕາ ເບີນ ດັງ, ອິນເຕົ້າ ເຍົາ ຢໍອໍ ອີ ປາຍ. ນະກ້ອຍ ປັຣນາຍ ເຍົາ ຕາ ເບີນ ແກິດ ເກົາ ອິນເຕົ້າ! <sup>10</sup> ປິນ ມັນລ້ອງ ກຣໍ ໄມ່ ເບີນ ຊາອິ້ຍ ປັຣນາຍ. ກະ ກູ່ ປັຣນາຍ ກ້ອຍ ແກິດ ເກົາ ອິນແຍ່ະ. <sup>11</sup> ມາ ຄັນ ເກົາ ຊ້ອງ ກວາຍ ຕະ

ອິນຕີ ແຕ ປັຣນາຍ ກາ ເກົາ ຕາ ເບີນ ດັງ, ກວາຍ ກ້ອຍ ແມ່ ປີ ເກົາ ນະ ກວາຍ ແຕ ການໍ້ອໍ. ກະ ເກົາ ແມ່ ປີ ກວາຍ ກ້ອຍ ນະ ກວາຍ ແຕ ການໍ້ອໍ ເຕ່, <sup>12</sup> ນະກ້ອຍ, ຄັນ ເຍົາ ອູອາຣ ອູໂອອໍ ຢໍອໍ ອີ ເບີນ ຣາມິ່ຣ ຣາເວີຍ ເຢິງ ເຈົ້າຣາຊີ ໂອນ ຕະ, ອິງ ເຄາະ ເຍົາ ຈໍ້ອໍ ໂອນ ເບີນ ຣາມິ່ຣ ອໍ ກາເລີຍ ແຕ ການໍ້ອໍ ໂອນ ຈ່ອຍ ມັຣ ມູ່ ກາ ຊາອໍາ ແກິດ ເຣ່ງ ອາຊ້ອຣ ແອັນ ແຕ ປັຣນາຍ ເຢິງ ເຈົ້າຣາຊີ.

<sup>13</sup> ກວາຍ ອາແລະ ມາ ຕະ ອິນຕີ ແຕ ປັຣນາຍ ຕາ ເກີ້ຍ ຊ້ອງ, ອິງເຄາະ ກວາຍ ກ້ອຍ ເກົາແຊອໍ ເຢິງ ເຈົ້າຣາຊີ ໂອນ ອັນ ເຕ່ອໍ ອາຕີ ລັຣ ຣາມິ່ຣ ແຕ ປັຣນາຍ ກ້ອຍ. <sup>14</sup> ຄັນ ເກົາ ມາ ເກົາແຊອໍ ແຕ ປັຣນາຍ ຕາ ເກີ້ຍ ຊ້ອງ, ນະກ້ອຍ ຣາງິ່ຣ ເກົາ ເກົາແຊອໍ, ມາ ການິດ ເກົາ ຕາ ເບີນ ຊາປຸ່ຣ. <sup>15</sup> ຄັນ ນະກ້ອຍ, ນານະ ເກົາ ອີ ຕະ? ເກົາ ອີ ເກົາແຊອໍ ແຕ ປັຣນາຍ ຕາ ເກີ້ຍ ຊ້ອງ, ກະ ເກົາ ອີ ເກົາແຊອໍ ແຕ ປັຣນາຍ ເກົາ ເບີມ ແຮີ. ເກົາ ລໍາ ຍ່ອງ ເຢິງ ເຈົ້າຣາຊີ ປັຣນາຍ ຕາ ເກີ້ຍ ຊ້ອງ, ກະ ເກົາ ລໍາ ຍ່ອງ ປັຣນາຍ ເກົາ ເບີມ ແຮີ. <sup>16</sup> ຄັນ ເຍົາ ເກົາ ຊາແອິນ ເຢິງ ເຈົ້າຣາຊີ ຕິ່ງ ຣາງິ່ຣ ເຍົາ ແຕ ປັຣນາຍ ຕາ ເກີ້ຍ ຊ້ອງ, ນານະ ເຕ່ອໍ ກວາຍ ກາ ແອິດ ອິງກ້ອຍ ອິມປຣ່ອມ ເກົາແຊອໍ ມູ ຣາງິ່ຣ ກະ ເຍົາ? ໄລ່ ຕາ ເບີນ ດັງ ປັຣນາຍ ອິນເຕົ້າ ເຍົາ ເກົາແຊອໍ. <sup>17</sup> ຄັນ ເຍົາ ເກົາ ຊາແອິນ ເຢິງ ເຈົ້າຣາຊີ ແຕ ປັຣນາຍ ຕາ ເກີ້ຍ ຊ້ອງ, ລາ ອໍ, ມາ ປັຣນາຍ ເກົາແຊອໍ ກ້ອຍ ຕາ ເບີນ ຈ່ອຍ ກວາຍ ການໍ້ອໍ ໂອນ ຊາອໍາ ເຣ່ງ ອາຊ້ອຣ ແອັນ.

<sup>18</sup> ເກົາ ຊາແອິນ ເຢິງ ເຈົ້າຣາຊີ, ອັນ ໂອນ ເກົາ ຕະ ອິນຕີ ແຕ ປັຣນາຍ ຕາ ເກີ້ຍ ຊ້ອງ ກາເລີຍ ແຕ ອິນແຍ່ະ ກູ່ ນະ ເຍົາ. <sup>19</sup> ມາ ແຕ່ອໍ ເກົາ ໂຣ່ມ ກະ ມັຣ ມູ່ ກາ ຊາອໍາ, ເກົາ ຢໍອໍ ລາລີ້ ອາຕີ ເຊິງ ຊັນ ຕອຍ໌ ໂອນ ໄລ່ ຊ້ອງ ແຈງ, ກາເລີຍ ແຕ ເກົາ ຢໍອໍ ອີ ອາຕີ ມວຍ ຈິດ ປິນ ຊັນຕອຍ໌ ແຕ ປັຣນາຍ ຕາ ເກີ້ຍ ຊ້ອງ.

<sup>20</sup> ແຊມອາຍ ເອີຍ! ແຕ ຣານະ ຕະ ອິນຕີ ແຕ ປັຣນາຍ ຕາ ເກີ້ຍ ຊ້ອງ, ເຍົາ ອິນໂຈຍ ຄິດ ນະ ກັຣ ແນນ ຕາ ເບີນ ດັງ ອິນເຕົ້າ. ມາ ອິງເຄາະ ເຍົາ ຄິດ ນະ ກວາຍ ຊາຊາຍ. ມາ ແຕ ຣານະ ຕາ ອໍ, ປາຍາຍ ເຍົາ ຄິດ ນະ ກັຣແນນ ເຊົາໆ. <sup>21</sup> ຕິ່ງ ປົງ ປັຣນາຍ ເຢິງ ເຈົ້າຣາຊີ ແຕ ອິມແບິ ເມົາ ຄຽນ ດໍອໍ ນະໄມ່:

"ເຢິງ ເຈົ້າຣາຊີ ປາຍ: 'ເຈິ່ ປີ ພົງ ເກົາ ກູອໍ ກວາຍ ແຕ ກຣວາງ ການໍ້ອໍ ເປາະ ອາຕີ ກວາຍ ອິດຊະຣາເອລ ໄມ່.

ກວາຍ ກ້ອຍ ອາຕີ ແຕ ປຣນາຍ ອິມພາ ແຕ ປຣນາຍ ອິດຊະຣາເອລ.

ມາ ອິນນ້ອງ ກວາຍ ອິດຊະຣາເອລ ຕາ ແອຣ໌ ອີ ຊາງດ ປຣນາຍ ເກົາ."

22 ນະກ້ອຍ, ຕະ ອິນຕີ ແຕ ປຣນາຍ ຕາ ເກີຍ ຊ້ອງ ລາ ໂອນ ກວາຍ ກາ ຕາ ເບິນ ຊາອໍາ ເຮີມ, ຕາ ແກິນ ໂອນ ກວາຍ ກາ ຊາອໍາ ເຈີ. ມາ ປຣນາຍ ອາຕີ ຕາງ ແຕ ເຢີງ ເຈົາຣາຊີ ລາ ໂອນ ມັຣ ກວາຍ ກາ ຊາອໍາ ເຈີ, ຕາ ແກິນ ໂອນ ກວາຍ ກາ ຕາ ຢວາຣ ຊາອໍາ. 23 ນະກ້ອຍ, ຄັນ ອິນແຍ່ະ ມູ່ ກາ ຊາອໍາ ໂຣ່ມ ມັນຕຸ, ກະ ກຸ່ ນະ ໄລ່ ຕະ ອິນຕີ ແຕ ປຣນາຍ ຕາ ເກີຍ ຊ້ອງ, ນະກ້ອຍ ກວາຍ ກາ ຕາ ເບິນ ຊາອໍາ, ແຕີລາ ກວາຍ ຊາອໍາ ກາ ຕາ ເກີຍ ຊ້ອງ ເມົາ ຕະ ອິນຕີ ແຕ ປຣນາຍ ກ້ອຍ, ຄັນ ໄລ່ ມູ່ດ ມາ ຊ້ອງ ມັຣ ກວາຍ ຊາອໍາ ຕະ ອິນຕີ, ໄລ່ ປາຍ ອິນແຍ່ະ ຈຸ່ມ ກ້ອຍ ລາ ກວາຍ ຢຸ່ຣ. 24 ມາ ຄັນ ເຍົາ ອາຕີ ຕາງ ປຣນາຍ ເຢີງ ເຈົາຣາຊີ ພໍກາ ກວາຍ ກ້ອຍ ມູ່ດ, ໄລ່ ດັງ ແຕີ້ ອິນເຕົາ ໄລ່ ໄລ່ຍຣ, ຍ່ອນ ໄລ່ ຊ້ອງ ປຣນາຍ ເຍົາ ອາຕີ. ກະ ໄລ່ ດັງ ເຢີງ ເຈົາຣາຊີ ຕັດຊິນ ໄລ່. 25 ຣາມິຣ ຕາ ອໍ ອິນເຕົາ ກາ ໄລ່ ປາໂຕະ ຕິງ ຣາງິຣ ໄລ່, ໄລ່ ຕາ ເບິນ ປາໂຕະ ນ້ອງ. ມາ ໄລ່ ກຸ່ ຣາໂກລ ຊາງ ເຢີງ ເຈົາຣາຊີ, ກະ ໄລ່ ປາຍ: "ປຍາຍ ລາລີ້ ເຢີງ ເຈົາຣາຊີ ແອັດ ກະ ເຍົາ."

ອິງເຄາະ ຕະ ກຸ່ ຣາມິຣ ໂອນ ປຍາຍ ອໍ

26 ຄັນ ນະກ້ອຍ, ນານະ ອີ ຕະ? ແຕ້ອ ເຍົາ ໂຣ່ມ ມັນຕຸ ເຍົາ ຕະ ນະໄມ: ອັນ ກາ ເບິນ ລໍາ ຍ່ອງ ເຢີງ ເຈົາຣາຊີ, ອັນ ກາ ເບິນ ປຣນາຍ ອັນ ຢໍອ ອີ ອາຕີ, ອັນ ກາ ອາຕີ ມັຣ ຣາມິຣ ເຢີງ ເຈົາຣາຊີ ອາປຣ ລາຍ ໂອນ ອັນ, ອັນ ກາ ຕະ ອິນຕີ ແຕ ປຣນາຍ ຕາ ເກີຍ ຊ້ອງ, ກະ ອັນ ກາ ເຕ້ອ ອາຕີ ລັຣ ປຣນາຍ ກ້ອຍ ແຣີ. ມັຣ ຣາມິຣ ເຍົາ ຕະ, ອິງເຄາະ ເຍົາ ຈ່ອຍ ໂອນ ອິນແຍ່ະ ມັຣ ມູ່ ກາ ຊາອໍາ ແກັດ ຊາອໍາ ເຮ່ງ ອາຊ້ອຣ ແອັນ. 27 ຄັນ ເບິນ ມັຣ ກວາຍ ກາ ຢໍອ ອີ ຕະ ອິນຕີ ແຕ ປຣນາຍ ຕາ ເກີຍ ຊ້ອງ, ແອັງ ບາຣ ໄປ ນະ ຊ້ອງ ເຕ້ອ ຕະ ອິນຕີ ນະກ້ອຍ, ມາ ອິງເຄາະ ມູ ເຈີ້ ມານະ. ກະ ອິງເຄາະ ເບິນ ກວາຍ ການໍອ ອາຕີ ລັຣ ແຕ ປຣນາຍ ໄລ່ ປາຍ. 28 ມາ ຄັນ ແອີ ກວາຍ ອາຕີ ລັຣ ປຣນາຍ ກ້ອຍ, ອໍ ກວາຍ ກາ ຢໍອ ອີ ອາຕີ ແຕ ປຣນາຍ ຕາ ເກີຍ ຊ້ອງ, ອິນໂຈຍ ອາຕີ ໂອນ ກວາຍ ກາ ໂຣ່ມ ກ້ອຍ. ມາ ເຕ້ອ ອັນ ຕະ ອິນຕີ ມານະ ອັນ ກະ ເຢີງ ເຈົາຣາຊີ. 29 ຄັນ ເບິນ ບາຣ ໄປ ນະ ຢໍອ ອີ ອາຕີ ຕາງ ປຣນາຍ ເຢີງ ເຈົາຣາຊີ, ໂອນ ໄລ່ ອາຕີ, ມາ ໂອນ ມັຣ

ກວາຍ ກາ ແອັດ ອິງກ້ອຍ ຕາຕ່ອຍ ລັຣ ມັຣ ປຣນາຍ ກ້ອຍ ປູຍາຍ ມາ ຕາ ເບິນ. 30 ແຕ້ອ ກາ ໄລ່ ອາຕີ, ຄັນ ເບິນ ມານະ ແອັນ ແອັດ ອິງກ້ອຍ, ມາ ອັນ ເບິນ ມູ ຣາມິຣ ເຢີງ ເຈົາຣາຊີ ອາປຣ ລາຍ ໂອນ ອັນ, ອິງເຄາະ ກວາຍ ກາ ອາຕີ ອິນໂຍ່ງ ກ້ອຍ ແອັດ ຣາງຍາອ ເວົ້າຍ. 31 ຍ່ອນ ກຸ່ ນະ ເຍົາ ເຕ້ອ ອິນແຍ່ະ ອາຕີ ຕາງ ປຣນາຍ ເຢີງ ເຈົາຣາຊີ, ມາ ອິງເຄາະ ເຍົາ ອາຕີ ມູ ເຈີ້ ມານະ, ໂອນ ກຸ່ ນະ ຕິງ ມູ່ ກາ ຊາອໍາ ດັງ ກະ ຊາອໍາ ຊາອິຍ ລາລີ້ ແອັນ. 32 ກວາຍ ກາ ອາຕີ ຕາງ ປຣນາຍ ເຢີງ ເຈົາຣາຊີ, ເຕ້ອ ໄລ່ ຣຽຣ ອາຕີ ມາ ຕາ ເບິນ ອາຕີ ຕາມ ຣາງິຣ ໄລ່. 33 ຍ່ອນ ເຢີງ ເຈົາຣາຊີ ຕາ ແອຣ໌ ໂອນ ໄຣ ຕະ ຕາມມັຣ, ມາ ອັນ ໂອນ ໄຣ ຕະ ຣາອຍາບ ມັນຕຸ. ມາ ກຸ່ ຈຸ່ມ ມັຣ ມູ່ ກາ ຊາອໍາ ການໍອ ກ້ອຍ ຕະ ມູເຈິງ ເຕ່.

34 ແຕ້ອ ເຍົາ ໂຣ່ມ, ອິງເຄາະ ມັຣ ອາຍະ ອາເວົ້າ ແອັດ ຣາງຍາອ; ໄລ່ ຕາ ເຕ້ອ ຕະ ອິນຕີ ອິນເຕົາ ພໍກາ ໄລ່ ໂຣ່ມ ກະ ເຍົາ. ກະ ໄລ່ ຕາ ເບິນ ເຕ້ອ ຕະ ຊັດ. ຕິງ ປຣນາຍ ເຢີງ ເຈົາຣາຊີ ແຕ ອິມເບີ ເມົາ ອາຕີ ເຈີ້ ມັຣ ຣາມິຣ ກ້ອຍ. 35 ຄັນ ເບິນ ຣານະ ອິນເຕົາ ໄລ່ ຢໍອ ອີ ອາເບັຣ, ອິງເຄາະ ໄລ່ ເຈົາ ອາເບັຣ ກາຢາອ ໄລ່ ປີ ດຸງ. ຕາ ເບິນ ອໍ ອາຍະ ອາເວົ້າ ຕະ ອິນຕີ ບ້ອງ ກາ ເຍົາ ໂຣ່ມ ຊາງ ເຢີງ ເຈົາຣາຊີ. 36 ຕາ ເບິນ ປຍາຍ ຄັນ ເຍົາ ຄິ້ດ ປາຍ ເຍົາ ຊາອໍາ ອິນໂຍ່ງ ແຕ ກວາຍ ການໍອ, ກະ ແອັງ ມູ່ ເຍົາ ຊ້ອງ ດັງ ປຣນາຍ ເຢີງ ເຈົາຣາຊີ.

37 ຄັນ ເບິນ ກວາຍ ແຕ ເຍົາ ຄິ້ດ ປາຍ ອັນ ດັງ ອາຕີ ຕາງ ປຣນາຍ ເຢີງ ເຈົາຣາຊີ, ແຕີລາ ອັນ ຄິ້ດ ປາຍ ຣາເວົ້າຍ ເຢີງ ເຈົາຣາຊີ ແອັດ ກະ ອັນ, ໂອນ ກວາຍ ກ້ອຍ ງິນ ປາຍ ເຢີງ ເຈົາຣາຊີ ແປຣີ ເກົາ ຄຽນ ອິນແຍ່ະ ປຣນາຍ ໄມ່. 38 ມາ ຄັນ ເບິນ ເມົາ ກາ ຕາ ເບິນ ຊາງດ ປຣນາຍ ກ້ອຍ, ເຍົາ ອິນໂຈຍ ຣາບູລ ກະ ໄລ່. 39 ນະກ້ອຍ ແຊມອາຍ ເອີຍ, ອິງເຄາະ ເຍົາ ອອຍາຣ ອູໂອຣ ຢໍອ ອີ ອາຕີ ຕາງ ປຣນາຍ ເຢີງ ເຈົາຣາຊີ, ມາ ເຍົາ ອິນໂຈຍ ກາ ດັງ ໄລ່ ກາ ຢໍອ ອີ ອາຕີ ປຣນາຍ ຕາ ເກີຍ ຊ້ອງ. 40 ອິງເຄາະ ເຍົາ ຕະ ກຸ່ ຣາມິຣ ໂອນ ຊັງໂກຣ ກະ ປຍາຍ ອໍ ອິນແຍ່ະ.

### 15

ກຣິດ ອາມັງ ລັຣ ແຕ ກູຈິດ

1 ແຊມອາຍ ເອີຍ! ຊານໍ ເກົາ ຢໍອ ອີ ອາຕີ ລັຣ ປຣນາຍ ອໍ ແຕ ເຢີງ ເຈົາຣາຊີ ມັຣ ເກົາ ອາຕີ ເຍົາ ເຈີ້. ເຍົາ ອິດ ເຈີ້ ປຣນາຍ ກ້ອຍ. ກະ ເຍົາ ຊາ

ອໍາ ເຮັງ ເຈີ່ ຍ່ອນ ແຕ ປັຣນາຍ ກ້ອຍ. <sup>2</sup> ຍ່ອນ ແຕ ປັຣນາຍ ອໍ ກ້ອຍ ເຢີງ ເຈົາຣາຊີ ຈ່ອຍ ອາມັງ ເຍົາ. ມາ ຄັນ ຮາງຮ ເຍົາ ຕາ ເບີນ ຕາມ້ອງ ອໍ, ແຕີ ລາ ເຍົາ ຊາອໍາ ຮໍ້ອ ຊ້ອງ, ເກົາ ຕາ ເບີນ ປາຍ ເຢີງ ເຈົາຣາຊີ ຈ່ອຍ ອາມັງ ເຍົາ.

<sup>3</sup> ເກົາ ອາຕີ ເຈີ່ ເຍົາ ປັຣນາຍ ປັດ ກາເລີຍ ອິນ ແຍ່ະ ແຕ ການໍ້ອ ມັຮ ເຢີງ ເຈົາຣາຊີ ອາຕີ ເກົາ. ປັຣນາຍ ກ້ອຍ ລາ ນະໄນ່: ກຣິດ ກູຈິດ ຍ່ອນ ໂລ່ຍຮ ໄຮ, ມູເຈີງ ປັຣນາຍ ເຢີງ ເຈົາຣາຊີ ອາຕີ ແຕ ອິມແບີ ເຈີ່. <sup>4</sup> ເມົາ ແຕີບ ເຈີ່ ອັນ, ມາ ຕິ່ງ ຕາໄງ ກາ ໄປ ເຢີງ ເຈົາຣາຊີ ຈ່ອຍ ອາມັງ ລັຮ ອັນ ຕາປູ່ນ ນະ ປັຣນາຍ ເຢີງ ເຈົາຣາຊີ ອາຕີ ແຕ ອິມແບີ ເຈີ່. <sup>5</sup> ແວັດ ອັນ ອາມັງ ລັຮ, ເປັຕ ກະ ອິນແຍ່ະ ນະ ໄລ່ ກາ ມັນຈິດ ລາ ບາຮ ນະ ເຮີມ ຈະ ອັນ. <sup>6</sup> ພໍກາ ກ້ອຍ ແອັນ, ເບີນ ແກ້ຍ ເຊີງ ຮ່ອຍ ນະ ກາ ຕາປູ່ນ ປັຣນາຍ ອັນ ເຮີມ ຈະ ອັນ ແຕ່. ກວາຍ ແຕ ຈຸ່ມ ກ້ອຍ ອັນ ກາ ກູຈິດ ເຈີ່, ກະ ອັນ ກາ ອິນນ້ອງ ອາ ມັງ. ໄລ່ ກາ ອິນນ້ອງ ອາມັງ ລາ ກູງ ກາເລີຍ ແຕ ໄລ່ ກາ ກູຈິດ. <sup>7</sup> ແວັດ ກ້ອຍ, ອັນ ອາປັຮ ຈະ ອັນ ປິ ຢາໂກໂບ ກະ ອິນແຍ່ະ ມັຮ ກວາຍ ກາ ອັນ ຮຽຮ ປາຈຸຮ. <sup>8</sup> ເຈີ່ ອິນຕຸ່ນ ລາລີ່, ອັນ ອາປັຮ ຈະ ອັນ ໂອນ ເກົາ ແອັນ, ນະກ້ອຍ ເກົາ ລາ ນະ ກັຮແນນ ກາ ແກັດ ອິນໂຍ່ງ ປາເມ່ນ ແກັດ. <sup>9</sup> ເກົາ ລາ ກວາ ຍ ເຢຊູ ຮຽຮ ປາຈຸຮ ກາ ແກດ ກາເລີຍ ແຕ ການໍ້ອ. ເກົາ ຕາ ດັງ ນາມະ ເຢີງ ເຈົາຣາຊີ ໂອນ ເກົາ ຕະ ຣານະ ກ້ອຍ, ຍ່ອນ ເກົາ ຕະ ຕຸຣ ກັດ ລາລີ່ ໂຈະ ໄລ່ ກາ ຊາອໍາ ອັນ. <sup>10</sup> ມາ ເກົາ ຕະ ຣານະ ໄນ່ ຍ່ອນ ເຢີງ ເຈົາຣາຊີ ຢໍ້ອ ອີ ຈ່ອຍ ເມັດ ເກົາ. ມາ ຣານະ ອັນ ຢໍ້ອ ອີ ຈ່ອຍ ເມັດ ກ້ອຍ ແກັດ ເກົາ ແຕ່, ຍ່ອນ ເກົາ ຕະ ຣານະ ເຢີງ ເຈົາຣາຊີ ຊາແຮັງ ກາເລີຍ ແຕ ເຍົາ ເກົາ ກາ ເຢຊູ ຮຽຮ ປາຈຸຮ. ຕາ ແກ້ນ ເກົາ ມາ ແຕ່ອ້ ຕະ ຣານະ ກ້ອຍ. ມາ ຍ່ອນ ເຢີງ ເຈົາຣາຊີ ຢໍ້ອ ອີ ຈ່ອຍ ເມັດ ເກົາ, ນະກ້ອຍ ແຕ່ອ້ ເກົາ ຕະ ຣານະ ກ້ອຍ. <sup>11</sup> ນະກ້ອຍ ເຍົາ ຊາ ອໍາ ປັຣນາຍ ອໍ ແຕ ເຢຊູ ກຣິດ, ລາ ຕາ ເບີນ ອິນ ແຕ້ ເກົາ ອາຕີ, ແຕີລາ ກວາຍ ການໍ້ອ ອາຕີ ເຍົາ ປັຣນາຍ ກ້ອຍ, ລາ ມູເຈີງ ປັຣນາຍ ເຍົາ ຊາອໍາ.

ຣານະ ກາ ກວາຍ ກູຈິດ ແຕ່ອ້ ອາມັງ ລັຮ

<sup>12</sup> ມາ ຄັນ ຮິ ອາຕີ ປາຍ ກຣິດ ເບີນ ອາມັງ ລັຮ ເຈີ່, ນາມະ ເບີນ ກວາຍ ແຕ ເຍົາ ມາ ປາຍ ມັຮ ກວາຍ ກູຈິດ ຕາ ແຕ່ອ້ ອາມັງ ລັຮ? <sup>13</sup> ມາ ຄັນ ມັຮ ກວາຍ ກູຈິດ ຕາ ເບີນ ແຕ່ອ້ ອາມັງ ລັຮ, ກຣິດ ຕາ ເບີນ ອາມັງ ລັຮ ແຕ່. <sup>14</sup> ຄັນ ກຣິດ ມາ ຕາ ເບີນ ອາມັງ ລັຮ, ມັຮ ປັຣນາຍ ຮິ ອາຕີ ເຍົາ ຕາ

ເບີນ ອິນແຕ້, ກະ ເຍົາ ຊາອໍາ ລາ ຕາ ເບີນ ແກັດ ເກົາ ອິນແຕ້ ແຕ່. <sup>15</sup> ຊາອິ້ຍ ແຕ ກ້ອຍ ແອັນ, ຮິ ລາ ກວາຍ ຕະ ອິນຕີ ອາໂລກ ຊ້ອງ, ຍ່ອນ ຮິ ອາ ຕີ ເຈີ່ ປາຍ ເຢີງ ເຈົາຣາຊີ ຕະ ໂອນ ກຣິດ ອາມັງ ລັຮ. ມາ ປັຣນາຍ ກ້ອຍ ຕາ ເບີນ ປາຍ ອິນແຕ້, ຄັນ ກວາຍ ກາ ກູຈິດ ເຈີ່ ມາ ຕາ ເບີນ ແຕ່ອ້ ອາມັງ ລັຮ. <sup>16</sup> ຄັນ ກວາຍ ກາ ກູຈິດ ມາ ຕາ ແຕ່ອ້ ອາມັງ ລັຮ, ກຣິດ ຕາ ເບີນ ແຕ່ອ້ ອາມັງ ລັຮ ແຕ່. <sup>17</sup> ກະ ຄັນ ກຣິດ ມາ ຕາ ເບີນ ອາມັງ ລັຮ, ເຍົາ ຊາອໍາ ຕາ ແກັດ ເກົາ ອິນແຕ້, ກະ ເຍົາ ອິນນ້ອງ ຈິວ ໂລ່ຍຮ ເຍົາ ເບີມ. <sup>18</sup> ເຈີ່ ມັຮ ໄລ່ ກາ ຊາອໍາ ກຣິດ, ມາ ໄລ່ ກູຈິດ, ນະກ້ອຍ ໄລ່ ກູຈິດ ເລີ້ຍ, ຕາ ເບີນ ອາມັງ ນ້ອງ. <sup>19</sup> ຄັນ ໄຮ ຊາອໍາ ປັຣນາຍ ກຣິດ ມາ ປັຣ ນາຍ ກ້ອຍ ຈ່ອຍ ບ້ອງ ກາ ໄຮ ອາມັງ ຕິ່ງ ແດັຍ ໄນ່ ຊ້ອງ, ນະກ້ອຍ ໄຮ ບາບ ກາເລີຍ ແຕ ອິນແຍ່ະ ກູ ນະ ກວາຍ ການໍ້ອ.

<sup>20</sup> ມາ ປາຍາຍ ລາລີ່ ກຣິດ ເບີນ ອາມັງ ລັຮ ເຈີ່. ນະກ້ອຍ ອັນ ອາມັງ ລັຮ ອິນໂຍ່ງ ແຕ ມັຮ ກວາ ຍ ການໍ້ອ ກາ ກູຈິດ ເຈີ່, ກະ ອັນ ລາ ອາປັຮ ໂອນ ໄຮ ດັງ ມັຮ ກວາຍ ກາ ກູຈິດ ແຕ່ອ້ ອາມັງ ລັຮ. <sup>21</sup> ຣານະ ກູຈິດ ແຕ່ອ້ ປິ ກູແຕອ້ ໄນ່ ລາ ຍ່ອນ ແຕ ມານະ. ມາ ຣານະ ອາມັງ ລັຮ ແຕ່ອ້ ປິ ກູແຕອ້ ໄນ່ ລາ ຍ່ອນ ແຕ ມານະ ແຕ່. <sup>22</sup> ກູ່ ນະ ກວາຍ ອິງເຄາະ ກູຈິດ, ລາ ຍ່ອນ ແຕ ອາຕາມ. ມູເຈີງ ກ້ອຍ ແຕ່, ກູ່ ນະ ກວາຍ ແຕ່ອ້ ອາມັງ ລັຮ, ລາ ຍ່ອນ ແຕ ກຣິດ. <sup>23</sup> ມາ ກຣິດ ອາມັງ ລັຮ ອິນໂຍ່ງ ແຕ ກວາຍ ການໍ້ອ. ກະ ອິນຕຸ່ນ ແອັນ, ແຕ່ອ້ ຕາໄງ ອັນ ແຕ່ອ້ ລັຮ ປິ ກູແຕອ້ ໄນ່, ມັຮ ກວາຍ ກາ ຕາປູ່ນ ປັຣ ນາຍ ອັນ ເບີນ ອາມັງ ລັຮ ແຕ່. <sup>24</sup> ແວັດ ກ້ອຍ, ແຕ່ອ້ ຕາໄງ ປັຣຊົດ. ກຣິດ ເບີນ ເຮົາບ ກູ່ ຣາມິ້ຮ ເຢີງ, ກູ່ ຣາມິ້ຮ ຊົດ, ກະ ກູ່ ຣາມິ້ຮ ອໍານາດ. ກະ ຕາໄງ ກ້ອຍ, ກຣິດ ມ່ອບ ລັຮ ມັຮ ອໍານາດ ອັນ ໂອນ ອິມບໍ່ ອັນ, ລາ ເຢີງ ເຈົາຣາຊີ, ກາ ມ່ອບ ໂອນ ອັນ. <sup>25</sup> ກຣິດ ແກັດ ຊົດ ແຕ້ ແຕ່ອ້ ຕາໄງ ອັນ ເຮົາບ ກູ່ ຣາມິ້ຮ ກາ ຣາຊູ່ ກະ ອັນ. ແຕ່ອ້ ຕາ ໄງ ກ້ອຍ, ກູ່ ມັຮ ຣາມິ້ຮ ກ້ອຍ ແອັດ ປິ່ນ ຕາລາງ ອາເຢີງ ອັນ. <sup>26</sup> ຣາມິ້ຮ ກາ ປັຣຊົດ ລາລີ່, ກາ ເຢີງ ເຈົາຣາຊີ ອິງເຄາະ ອາປັດ, ລາ ຣາມິ້ຮ ກູຈິດ. <sup>27</sup> ຍ່ອນ ເຢີງ ເຈົາຣາຊີ ປາຍ ເຈີ່ ອັນ ຕະ ໂອນ ກູ່ ຣາມິ້ຮ ກາ ເບີນ ອໍານາດ ແກັດ ປິ່ນ ຕາລາງ ອາເຢີງ ກຣິດ. ມາ ເຢີງ ເຈົາຣາຊີ ຕາ ເບີນ ປາຍ ອັນ ເບີມ



ມາ ແກ້ດ ປື້ນ ກຣິດ ເຕ່, ຍ່ອນ ເຢິງ ເຈົ້າຣາຊີ ເບີມ ກາ ໂອນ ກຣິດ ແກ້ດ ເນີຍ. <sup>28</sup> ແວັດ ເຢິງ ເຈົ້າຣາຊີ ຊີ ໂອນ ກູ່ ຣາມິ້ຮ ແອັດ ປື້ນ ກອນ ອັນ, ເຈີ່ ກອນ ກ້ອຍ ແອັນ ແອັດ ປື້ນ ເຢິງ ເຈົ້າຣາຊີ. ນະກ້ອຍ ກູ່ ມັຮ ຣາມິ້ຮ ອິນເຕ້າ ລາ ເຢິງ ເຈົ້າຣາຊີ ຕາລາ ອິນແຍ່ະ. <sup>29</sup> ຄັນ ກວາຍ ກູຈິດ ມາ ຕາ ເບີນ ອາມັງ ລັຮ, ຍ່ອນ ອິນເຕ້າ ມາ ເບີນ ກວາຍ ແຕ ເຍົາ ຄິ້ດ ໄລ່ ເຕ້ອ ຮັບ ຮິດ ຕິ່ງ ແດ້ອ້ ເຕ່ນ ໄລ່ ກາ ກູຈິດ ເຈີ່? ຍ່ອນ ນານະ ແຕ ໄລ່ ຍິ້ອ ອີ ຕະ ນະກ້ອຍ, ຄັນ ມັຮ ກວາຍ ກູຈິດ ມາ ຕາ ເບີນ ອາມັງ ລັຮ? <sup>30</sup> ກະ ຮິ ໄມ່, ຄັນ ກວາຍ ກູຈິດ ມາ ຕາ ເບີນ ອາມັງ ລັຮ, ນານະ ຮິ ຈິວ ຕຸຮ ກັດ ກູ່ ຣາໂງ ຍິ້ອ ອີ ອາຕີ ກວາຍ ແຕ ປັຣນາຍ ກ້ອຍ? <sup>31</sup> ແຊມອາຍ ເອີຍ! ເກົາ ຮໍ່ອ ລາລີ້ ກະ ເຍົາ ຍ່ອນ ໄຮ ອິມປຣ່ອມ ຊາ ອໍາ ເຢຊູ ກຣິດ, ອິນເຈົ້າ ໄຮ. ຍ່ອນ ນະກ້ອຍ ເກົາ ເຕ້ອ ອາຕີ ເຍົາ ແຈງ ລາລີ້ ນະໄມ່: ກູ່ ຣາໂງ ລາ ນະ ຮັນ ເກົາ ກູຈິດ. <sup>32</sup> ເກົາ ຈິວ ຊາອິ້ຍ ຣາມິ້ຮ ຕຸຮ ກັດ ຕິ່ງ ວີ້ລ ເອເພໂຊ. ມາ ຄັນ ກວາຍ ກາ ກູຈິດ ເຈີ່ ມາ ຕາ ເບີນ ອາມັງ ລັຮ, ອິນເຕ້າ ລາ ເກົາ ໂອນ ເກົາ? ຄັນ ກວາຍ ກູຈິດ ມາ ຕາ ເບີນ ອາມັງ ລັຮ, ຄາອ້ ໄຮ ຕາປຸ່ນ ກວາຍ ກາ ປາຍ: "ໄຮ ຈຸ່ອຍ ຈາ ປຣຍາອ້, ຍ່ອນ ໄຮ ຕາ ເບີນ ດັງ ຕາໂງ ແລ່ະ ໄຮ ກູ ຈິດ."

<sup>33</sup> ມາ ເຍົາ ອິນໂຈຍ ຊາປິ່ລ ມັຮ ປັຣນາຍ ກວາ ຍ ຍິ້ອ ອີ ອາໂລກ ເຍົາ. ຄັນ ເຍົາ ຣາຕອຍ ກະ ເຍົາ ກາ ຕະ ຣານະ ຕາ ອີ, ເຍົາ ຣາແຕັດ ຕະ ນະ ໄລ່ ເຕ່. <sup>34</sup> ອິງເຄາະ ເຍົາ ເບີນ ລັຮ ການິດ ຄິ້ດ ຍິ້ອ ອີ ຕະ ປຍາຍ້, ກະ ຕາ ເບີນ ຕະ ໄລ່ຍຮ ນ້ອງ, ຍ່ອນ ເບີ ນ ກວາຍ ແຕ ເຍົາ ຕາ ເບີນ ດັງ ແຈງ ແຕ ປັຣນາຍ ເຢິງ ເຈົ້າຣາຊີ. ເກົາ ປາຍ ນະກ້ອຍ ລາ ໂອນ ເຍົາ ຊ້ອງ ກູມາລ.

ຈະ ກວາຍ ກາ ອາມັງ ລັຮ ແຕ ກູຈິດ

<sup>35</sup> ເບີນ ກວາຍ ແຕ ເຍົາ ອີ ອາເບີຮ ປາຍ: "ນານະ ກວາຍ ກາ ກູຈິດ ເຈີ່ ມາ ເຕ້ອ ອາມັງ ລັຮ? ກະ ຈະ ກວາຍ ກ້ອຍ ແກ້ດ ຈະ ນານະ ແອັນ?"

<sup>36</sup> ເຍົາ ຊາກູລ! ແຕ້ອ້ ເຍົາ ຈັຮ ມວຍ ກູອງ ກູປູອ້ ຕິ່ງ ກູແຕອ້, ຄັນ ເຍົາ ຕາ ເບີນ ກູປິລ, ອັນ ຕາ ເບີນ ດັຮ. <sup>37</sup> ຄັນ ເຍົາ ຕຣິ້ຮ ກູປູອ້ ຕິ່ງ ກູ ແຕອ້, ແຕ້ອ້ ກູອງ ກ້ອຍ ດັຮ, ກໍ່ລ ອັນ ແກ້ດ ອິມ ພາ ແອັນ ແຕ ກາ ກູອງ ເຍົາ ຕຣິ້ຮ ກ້ອຍ. <sup>38</sup> ເຢິງ ເຈົ້າຣາຊີ ຕະ ໂອນ ກູ່ ກູອງ ເບີນ ອິມພາ ຮຸ່ບເຣີງ, ຕາມ ຣາງິ້ຮ ອັນ ຍິ້ອ ອີ ຕະ.

<sup>39</sup> ກູ່ ຣາມິ້ຮ ຈະ ລາ ອິມພາ ເຕ່. ຈະ ກວາຍ, ຈະ ແຈມ, ຈະ ອາກາ, ກະ ຈະ ຊັນຕຣັນ ການໍ່ອ້ ແຮ, ກູ່ ຣາມິ້ຮ ຈະ ກ້ອຍ ລາ ອິມພາ ອິນແຍ່ະ.

<sup>40</sup> ເບີນ ຈະ ຕິ່ງ ມັນລ້ອງ ກະ ເບີນ ກາ ຈະ ຕິ່ງ ກູແຕອ້ ແຮ. ມາ ຈະ ຕິ່ງ ມັນລ້ອງ ເບີນ ອາງອິ້ຮ ອິມພາ ແຕ ຈະ ຕິ່ງ ກູແຕອ້ ໄມ່. <sup>41</sup> ເບີນ ອາງອິ້ຮ ແຕ ມັດ ມານງ ກະ ອາງອິ້ຮ ແຕ ຣາລັງ ກາໄຊ ກະ ອາງອິ້ຮ ແຕ ມັນໂຕຣ ແຮ. ກູ່ ຣາມິ້ຮ ກ້ອຍ ລາ ອາງອິ້ຮ ອິມພາ ອິນແຍ່ະ. ກະ ກູ່ ລໍາ ມັນໂຕຣ ລາ ອາງອິ້ຮ ອິມພາ ອິນແຍ່ະ ເຕ່.

<sup>42</sup> ກວາຍ ກາ ກູຈິດ ອາມັງ ລັຮ ລາ ນະກ້ອຍ ເຕ່. ແຕ້ອ້ ເນົ້າ ແຕັບ ຈະ ກວາຍ, ຈະ ກວາຍ ກ້ອຍ ລາບວຍ ອິນແຍ່ະ. ມາ ແຕ້ອ້ ກວາຍ ກ້ອຍ ອາມັງ ລັຮ, ຈະ ອັນ ຕາ ເກີ້ຍ ລາບວຍ ນ້ອງ. <sup>43</sup> ຈະ ກວາ ຍ ຕິ່ງ ກູແຕອ້ ໄມ່ ລາ ອຽວ ກະ ຕາ ເບີນ ອໍ ອິນ ເຕ້າ. ມາ ແຕ້ອ້ ກວາຍ ອາມັງ ລັຮ ແຕ ອັນ ກູຈິດ, ຈະ ອັນ ລາ ເຣ່ງ ກະ ອໍ ລາລີ້. <sup>44</sup> ແຕ້ອ້ ກວາຍ ກູ ຈິດ, ພໍກາ ເນົ້າ ແຕັບ, ອັນ ເບີນ ຈະ ມູເຈິງ ກວາ ຍ ການໍ່ອ້ ເຕ່. ມາ ພໍກາ ອັນ ອາມັງ ລັຮ, ຈະ ອັນ ແກ້ດ ອິມພາ ແຕ ຈະ ອິນໂຍ່ງ ອັນ ຕາ ຢວາຣ ກູ ຈິດ. ບັອງ ກາ ໄຮ ອາມັງ ໄຮ ເບີນ ຈະ ນະ ກວາຍ ການໍ່ອ້ ເຕ່, ມາ ແຕ້ອ້ ໄຮ ກູຈິດ ມາ ອາມັງ ລັຮ ໄຮ ເບີນ ຈະ ອິມພາ ແອັນ. <sup>45</sup> ຕິ່ງ ປຶ່ງ ປັຣນາຍ ເຢິງ ເຈົ້າຣາຊີ ແຕ ອິມແບີ, ອັນ ອາຕີ ປາຍ:

"ເບີນ ມານະ ກວາຍ ແຕ ກໍ, ລາ ອາດາມ;  
ເຢິງ ເຈົ້າຣາຊີ ແຕງ ຈະ ອັນ ໂອນ ອາມັງ."

ມາ ເຢຊູ ລາ ນະ ອາດາມ ກາ ແຕ້ອ້ ອິນຕຸ່ນ ລາລີ້; ອັນ ເບີນ ອໍານາດ ຕະ ໂອນ ກວາຍ ເຕ້ອ ອາມັງ ລັຮ. <sup>46</sup> ແຕ ອິນໂຍ່ງ ເຢິງ ເຈົ້າຣາຊີ ແຕງ ກວາຍ ໂອນ ເບີນ ຈະ ແອັດ ຕິ່ງ ກູແຕອ້ ໄມ່. ມາ ອິນຕຸ່ນ ແອັນ, ເຢິງ ເຈົ້າຣາຊີ ໂອນ ກວາຍ ເບີນ ຈະ ອິມ ພາ ແອັນ ໂອນ ແອັດ ຕິ່ງ ມັນລ້ອງ. <sup>47</sup> ອັນ ກາ ແຕ ກໍ ລາລີ້, ເຢິງ ເຈົ້າຣາຊີ ແຕງ ແຕ ກູແຕອ້. ມາ ອັນ ກາ ແຕ້ອ້ ອິນຕຸ່ນ ແອັນ, ອັນ ແຕ້ອ້ ແຕ ມັນ ລ້ອງ. <sup>48</sup> ມັຮ ກວາຍ ກາ ຕາປຸ່ນ ຣາງິ້ຮ ອາດາມ, ໄລ່ ແກ້ດ ນະ ອາດາມ ເຕ່. ມາ ມັຮ ກວາຍ ກາ ຕາ ປຸ່ນ ຣາງິ້ຮ ເຢຊູ, ໄລ່ ແກ້ດ ນະ ເຢຊູ ເຕ່. <sup>49</sup> ຊານໍ່ ອິນແຍ່ະ ກູ່ ນະ ໄຮ ເບີນ ຮຸ່ບເຣີງ ນະ ອັນ ກາ ເຢິງ ເຈົ້າຣາຊີ ແຕງ ແຕ ກູແຕອ້. ມາ ອິນຕຸ່ນ ແອັນ ໄຮ ເບີນ ຮຸ່ບເຣີງ ນະ ອັນ ກາ ແຕ້ອ້ ແຕ ມັນລ້ອງ.

50 ແຊມອາຍ ເອີຍ! ໄມ່ ລາ ປັຣນາຍ ເກົາ ຍິ້ອ ອີ ໂອນ ເຍົາ ດັງ: ຈະ ກະ ອາຣາມ ກວາຍ ຕາ ເຕ້ອ ແອັດ ຕຶ້ງ ອິນຕຸ ເຢົາງ ເຈົາຣາຊີ ຊົດ. ຣາມິ້ຮ ອິນ ເຕົ້າ ກາ ຮຸ່ງ ກະ ລາບວຍ ຕາ ເຕ້ອ ແອັດ ກະ ຣາມິ້ຮ ກາ ຕາ ເບີນ ຮຸ່ງ ກະ ຕາ ເບີນ ລາບວຍ.

51-52 ຊານຸ່ ເກົາ ຍິ້ອ ອີ ອາຕີ ເຍົາ ມວຍ ປັຣນາຍ ກາ ເຍົາ ຕາ ເບີນ ດັງ: ອິນແຍ່ະ ກຸ່ ນະ ໄຮ ຕາ ເບີນ ກູຈິດ ອິນແຍ່ະ, ມາ ໄວ່ ລາລີ້ ຕາ ເບີນ ເຕ້ອ ມູ ກັຣແບັຣ ມັດ ຈະ ໄຮ ປຽນ ແກັດ ຮູ່ບເຣົາງ ອິມພາ ແອັນ. ເຕ້ອ ກ້ອຍ ໄຮ ຊ້ອງ ຊຽງ ເມົາ ປຼິງ ແພ ຕຶ້ງ ມັນລ້ອງ. ເຈີ່ ມັຮ ກາ ກວາຍ ກາ ກູຈິດ ເບີນ ອາມັງ ລັຮ. ພໍກາ ໄລ່ ອາມັງ ລັຮ, ໄລ່ ຕາ ເກີ່ ຍ ກູຈິດ ນ້ອງ. ກະ ອິນແຍ່ະ ກຸ່ ນະ ໄຮ ເບີນ ຈະ ແກັດ ຮູ່ບເຣົາງ ອິມພາ ແອັນ. 53 ຈະ ກາ ຮຸ່ງ ກະ ລາບວຍ ອົງເຄາະ ແກັດ ຈະ ຕາ ເບີນ ຮຸ່ງ ກະ ຕາ ເບີນ ລາບວຍ ນ້ອງ. ກະ ຈະ ກາ ດຸ ກູຈິດ ອົງເຄາະ ແກັດ ຈະ ກາ ຕາ ເບີນ ກູຈິດ ນ້ອງ. 54 ນະກ້ອຍ ບ້ອງ ກາ ຈະ ຮຸ່ງ ກະ ລາບວຍ ມາ ແກັດ ຈະ ຕາ ເບີນ ຮຸ່ງ ກະ ຕາ ເບີນ ລາບວຍ, ກະ ຈະ ດຸ ກູຈິດ ມາ ແກັດ ຈະ ຕາ ເບີນ ກູຈິດ, ບ້ອງ ກ້ອຍ ແກັດ ຊົງໄກຣ ກະ ປຶ້ງ ປັຣນາຍ ເຢົາງ ເຈົາຣາຊີ ແຕ ອິມແປ ປາຍ:

"ຣານະ ກູຈິດ ແກັດ ປິດ ເຈີ່.

ອັນ ຕາ ເຕ້ອ ກາຈິດ ນ້ອງ ກວາຍ.

55 ຣານະ ກູຈິດ ເອີຍ! ເອົາ ໄມ່ ຕະ ຄິດ ແອັນ!

ເອົາ ໄມ່ ກາຈິດ ແອັນ ກວາຍ!"

56 ຍ່ອນ ກວາຍ ເບີນ ໄລ່ຍຮ, ນະກ້ອຍ ຣານະ ກູຈິດ ເບີນ ອໍານາດ ເຕ້ອ ກາຈິດ ໄລ່. ກະ ກວາຍ ດັງ ໄລ່ ເບີນ ໄລ່ຍຮ ຍ່ອນ ເບີນ ຄານອດ ແຕ ເຢົາງ ເຈົາຣາຊີ. 57 ມາ ຊາແອັນ ເຢົາງ ເຈົາຣາຊີ! ຍ່ອນ ແຕ ເຢຊູ ກຣິດ, ອິນເຈົາ ໄຮ, ເຢົາງ ເຈົາຣາຊີ ຕະ ໂອນ ໄຮ ເຣົາບ ຣານະ ກູຈິດ, ກະ ອັນ ໂອນ ໄຮ ເຣົາບ ຣານະ ໄລ່ຍຮ ແຣີ.

58 ນະກ້ອຍ ແຊມອາຍ ເອີຍ, ອົງເຄາະ ເຍົາ ຊາ ອໍາ ໂອນ ຊາເບິງ ອໍ. ອິນໂຈຍ ໂອນ ຣານະ ການໍ້ອ ເດິງ ເຍົາ. ອົງເຄາະ ເຍົາ ຊາແຣັງ ຕະ ຣານະ ເຢົາງ ເຈົາຣາຊີ, ຍ່ອນ ເຍົາ ດັງ ຣານະ ອິນເຕົ້າ ເຍົາ ຕະ ໂອນ ເຢົາງ ເຈົາຣາຊີ ລາ ຕາ ເບີນ ແອີ ເກົາ.

### 16

ກວາຍ ຊາອໍາ ຕາໂຣມ ປຣະ ຈ່ອຍ ກວາຍ ຊາ ອໍາ ການໍ້ອ

1 ຊານຸ່ ເກົາ ຍິ້ອ ອີ ອາຕີ ເຍົາ ແຕ ຣານະ ຕາ ໂຣມ ປຣະ ຈ່ອຍ ໂອນ ກວາຍ ຊາອໍາ ກາ ກາຕິດ. ອົງເຄາະ ເຍົາ ຕະ ມູເຈິງ ເກົາ ອາຕີ ກະ ມູ່ ກາ ຊາອໍາ

ຕຶ້ງ ແຄງ ຄາລາເຕຍ ເຕ່. 2 ກຸ່ ອາທິດ, ຕຶ້ງ ຕາໄງ ມວຍ, ກຸ່ ນະ ເຍົາ ອົງເຄາະ ດໍ້ອ ມູ ປູດ ແຕ ມັຮ ປຣະ ກາ ເຢົາງ ເຈົາຣາຊີ ໂອນ ເຍົາ ເບີນ ຕຶ້ງ ຕາປັດ ຕາໄງ ອິນໂຍ່ງ. ເຍົາ ດໍ້ອ ປຣະ ກ້ອຍ ຕຶ້ງ ດຸງ ເຍົາ ເວົ້າຍ, ເຕົ້າ ເກົາ ເຕ້ອ ປິ ເຍົາ. ຕະ ນະກ້ອຍ ເຍົາ ຕາ ເບີນ ຕັລ ຕາໂຣມ ນ້ອງ ຕາໄງ ກາ ເກົາ ເຕ້ອ. 3 ຕາໄງ ແລະ ເກົາ ເຕ້ອ, ເກົາ ແປຣີ ມັຮ ກວາຍ ກາ ເຍົາ ຣຽຮ ໂອນ ໄລ່ ເດິງ ປຣະ ກ້ອຍ ເຕ້ອ ປິ ຈຸ່ມ ກວາຍ ຊາອໍາ ຕຶ້ງ ເມືອງ ເຢຊູຊາເລັມ. ກະ ເກົາ ຄຽນ ປັຣນາຍ ຊາອິຣ ໂອນ ໄລ່ ດັງ ປາຍ ເຍົາ ຍິ້ອ ອີ ຈ່ອຍ ໂອນ ມັຮ ມູ່ ກາ ຊາອໍາ ຕຶ້ງ ກຣວາງ ໄລ່. 4 ກະ ຄັນ ປາຍາຍ ເກົາ ເປາະ, ໄລ່ ກ້ອຍ ເປາະ ອາລິ້ງ ເກົາ ເຕ່.

ໂປໂລ ຄິດ ຍິ້ອ ອີ ເປາະ ຊາອິຣ

5 ເກົາ ຄິດ ຍິ້ອ ອີ ເປາະ ປິ ແຄງ ມາຫໂດເນຍ. ເຕ້ອ ເກົາ ເປາະ ປິ ກຣວາງ ກ້ອຍ, ເກົາ ອີ ເປາະ ຊາອິຣ ເຍົາ ເລີ້ຍ. 6 ເກົາ ຕາ ເບີນ ດັງ ດຸ່ນ ມາແລະ ເກົາ ແອັດ ກະ ເຍົາ, ປາຍາຍ ອິນແຍ່ະ ກາໄຊ ອາງິນ ລາ ເບີນ. ແວັດ ກ້ອຍ, ອິນຕຸ ແລະ ເກົາ ຍິ້ອ ອີ ເປາະ, ເຕ້ອ ເຍົາ ຈ່ອຍ ໂອນ ເກົາ ເປາະ ອິນຕຸ ກ້ອຍ. 7 ເກົາ ຕາ ແອອ ອີ ເຕ້ອ ປິ ເຍົາ ມາ ແອັດ ມາໂຣຍ ຊ້ອງ, ເຈີ່ ເປາະ ເຕີ່. ເກົາ ຍິ້ອ ອີ ແອັດ ດຸ່ນ ກະ ເຍົາ, ຄັນ ເຢົາງ ເຈົາຣາຊີ ໂອນ ເກົາ ແອັດ.

8 ມາ ເກົາ ຄິດ ເກົາ ແອັດ ຕຶ້ງ ວີລ ເອເພໂຊ ໄມ່ ເຕົ້າ ເຕ້ອ ຕາໄງ ເມົາ ຈາ ຮໍ້ອ ຕາໄງ ຕັຮ ຊອດ. 9 ຕຶ້ງ ອິນຕຸ ໄມ່ ເບີນ ຊາອິຍ ກວາຍ ຍິ້ອ ອີ ຊາງັດ ປັຣນາຍ ເກົາ ອາຕີ. ມາ ເບີນ ຊາອິຍ ນະ ເຕ່ ກາ ຣາ ຄັດ ຕາ ແອອ ອີ ຊາງັດ ປັຣນາຍ ເກົາ.

10 ຄັນ ຕີໂມທຽວ ເຕ້ອ ຊາອິຣ ເຍົາ, ໂອນ ເຍົາ ຕາເບີບ ຮໍ້ອ ປູຍ ອັນ, ຍ່ອນ ອັນ ຕະ ຣານະ ອິນເຈົາ ໄຮ ມູເຈິງ ເກົາ ເຕ່. 11 ອິນໂຈຍ ໂອນ ອາແລະ ແຕ ເຍົາ ພາມາດ ອັນ ຍ່ອນ ອັນ ລາ ກວາຍ ອິນ ນ້ອງ ມຸ່ມ. ມາ ອົງເຄາະ ເຍົາ ຈ່ອຍ ໂອນ ອັນ ເປາະ ບັນ ຊວານ ອຽນ ອໍ, ໂອນ ອັນ ເຕ້ອ ເຈົາ ລັຮ ປິ ເກົາ. ເກົາ ອົງກ່ອງ ອັນ ເຈົາ ອິມປຣ່ອມ ກະ ກວາຍ ຊາອໍາ ກາ ອີ ເຕ້ອ ປິ ໄມ່.

12 ຊານຸ່ ເກົາ ຍິ້ອ ອີ ອາຕີ ເຍົາ ແຕ ອາໂປໂລ. ອັນ ລາ ແຊມອາຍ ໄຮ ເຕ່. ຊາອິຍ ຕໍ່ ເຈີ່ ເກົາ ຍິ້ອ ອີ ໂອນ ອັນ ເຕ້ອ ຊາອິຣ ເຍົາ, ມາ ອັນ ຕາ ແອອ ອີ ເປາະ ຢວາຣ. ມາ ອິນຕຸ່ນ ແອັນ, ຄັນ ອັນ ຕາ ເບີນ ເມົາອ, ອັນ ເຕ້ອ ຊາອິຣ ເຍົາ.

ປາຕັບ ກະ ພາອ໌ ປັຣນາຍ ຊາອິຣ

13 ອີງເຄາະ ເຍົາ ເນ່ ອໍ; ຊາອໍາ ກຣັກ ລາລີ້; ໂອນ ເຍົາ ບັນ ເຮ່ງ; ກະ ຕາ ເປັນ ອີງກ້ອນ ອິນເຕົ້າ.

14 ກູ່ ມັຮ ຣານະ ອິນເຕົ້າ ເຍົາ ຕະ, ອີງເຄາະ ເຍົາ ມານະ ອາໂຢະ ມານະ.

15-16 ເຍົາ ດັງ ເຈີ້ ແຕ ຊະເຕພານາ ກະ ອິນແຍ່ ະ ດຸງຊູ ອັນ. ໄລ່ ລາ ກວາຍ ຊາອໍາ ເຢຊູ ກຣິດ ແຕ ອິນໂຍ່ງ ລາລີ້ ຕຶ່ງ ແຄງ ອະຄາຢາ. ກະ ໄລ່ ຊາແຮຶງ ລາລີ້ ຕະ ຣານະ ຈ່ອຍ ມັຮ ມູ່ ກາ ຊາອໍາ ອິນແຍ່ະ ຣາງຶ່ຮ ແຮີ ໄລ່. ແຊມອາຍ ເອີຍ! ເກົາ ແຊອໍ ເຍົາ ຢໍາມັບ ກວາຍ ກາ ນະກ້ອຍ, ກະ ເຍົາ ຢໍາມັບ ເຕ່ ມັຮ ກວາຍ ກາ ຕະ ມັນຕຸ ກະ ໄລ່.

17 ເກົາ ຊ້ອງ ຮໍ່ອໍ ລາລີ້ ເປັນ ໄປ ນະ ຊະເຕພາ ນາ, ພອກຕູນາໂຕ, ກະ ອະຄາອີໂກ ແຕ້ອໍ ຊາອໍຮ ເກົາ. ໄລ່ ກ້ອຍ ແຕ້ອໍ ຈ່ອຍ ເກົາ ລາ ນະ ອິນແຍ່ ະ ກູ່ ນະ ເຍົາ ແຕ້ອໍ ຈ່ອຍ ເກົາ ເຕ່. 18 ກະ ໄລ່ ຕະ ໂອນ ຣາງຶ່ຮ ເກົາ ຊ້ອງ ຮໍ່ອໍ ລາລີ້ ມູເຈິງ ໄລ່ ຕະ ໂອນ ເຍົາ ເຕ່. ອີງເຄາະ ເຍົາ ຢໍາມັບ ລາລີ້ ກວາຍ ກາ ນະກ້ອຍ.

19 ມັຮ ມູ່ ກາ ຊາອໍາ ຕຶ່ງ ແຄງ ເອເຊຍ ອາເບີຮ ກາຮານ ເຍົາ ເຕ່. ອາກິລາ ກະ ປີຊະກິລາ, ກະ ອິນ ແຍ່ະ ມັຮ ມູ່ ກາ ຊາອໍາ ກາ ໂຮ່ມ ຕຶ່ງ ດຸງ ໄລ່, ອິນ ແຍ່ະ ກູ່ ນະ ໄລ່ ກ້ອຍ ກາຮານ ເຍົາ ເຕ່. ໄລ່ ກ້ອຍ ອາໂຢະ ລາລີ້ ເຍົາ ຍ່ອນ ເຍົາ ຊາອໍາ ມູເຈິງ ໄລ່ ເຕ່.

20 ກູ່ ນະ ກວາຍ ຊາອໍາ ແອິດ ອິນຕຸ ໄນ່ ອາເບີຮ ກາຮານ ເຍົາ ເຕ່. ແຊອໍ ເຍົາ ມານະ ຣາບັນ ອໍ ໂຈະ ມານະ. ນະກ້ອຍ ແຕ ເມົາ ດັງ ປາຍ ເຍົາ ມານະ ອາ ໂຢະ ມານະ.

21 ປັຣນາຍ ປັຣຊົດ ໄນ່, ອາຕີ ເກົາ ເບີມ ຄຽນ ກາຮານ ເຍົາ.

22 ກວາຍ ອາແລະ ມາ ຕາ ເປັນ ອາໂຢະ ອິນເຈົາ ໄຮ, ໂອນ ເມົາ ເວ່ນ ດໍອໍ ກວາຍ ກ້ອຍ. ເອີ ອິນເຈົາ ຮິ ເອີຍ! ແຊອໍ ເຍົາ ແຕ້ອໍ ໄຈ ປິ ກູແຕອໍ ໄນ່!

23 ເກົາ ແຊອໍ ເຢຊູ, ອິນເຈົາ ໄຮ, ຈ່ອຍ ເມີດ ເຍົາ.

24 ຣາງຶ່ຮ ເກົາ ຊ້ອງ ອາໂຢະ ລາລີ້ ເຍົາ, ຍ່ອນ ເຍົາ ຊາອໍາ ເຢຊູ ກຣິດ ມູເຈິງ ເກົາ ເຕ່.

# ປັນນາຍ ຊາອົຣ ບາຣ ໂປໂລ ຄຽນ ໂອນ ມູ່ ກາ ຊາອຳ ແອິດ ຕຶ່ງ ເມືອງ ໂກຣິນໂທ

ປັນນາຍ ອາຕີ ອິນໂຍ່ງ ໂປໂລ ຄຽນ ປັນນາຍ ຊາອົຣ ບາຣ ໃນ່ ພາອ໌ ຊາອົຣ ມູ່ ກາ ຊາອຳ ແອິດ ຕຶ່ງ ເມືອງ ໂກຣິນໂທ ມາຣ 56 ກູມ໌ ແວັດ ເຢຊູ ແກັດ. ບັອງ ໂປໂລ ຄຽນ ປັນນາຍ ຊາອົຣ ມວຍ, ອັນ ຊ້ອງ ຕາ ເບີນ ຮໍອ໌ ກະ ມູ່ ກາ ຊາອຳ ຕຶ່ງ ເມືອງ ໃນ່, ຍ່ອນ ໄລ່ ຕະ ຕາ ເບີນ ປຍາຍ໌, ກະ ເບີນ ກວາຍ ກາ ຍິອ໌ ອີ ຣາຈິລ ລັຣ ກະ ໂປໂລ. ໂປໂລ ຄຽນ ປັນນາຍ ຊາອົຣ ບາຣ ໃນ່ ຍິອ໌ ອີ ໂອນ ມູ່ ກາ ຊາອຳ ຕຶ່ງ ເມືອງ ໂກຣິນໂທ ຣາ ຈ່ອຍ ມັຣ ກອນ ອາໂກ ເຢັງ ເຈົາຣາຊີ ແອິດ ຕຶ່ງ ແຄງ ຢູດາຍ.

ມັຣ ປຸ່ນ ປັຣຊິດ, ໂປໂລ ອາຕີ ແຕ ອັນ ແກັດ ກວາຍ ກາ ເຢຊູ ກຣິດ ຮຽຮ ປາຈຸຣ. ໂປໂລ ປາຍ ນະກ້ອຍ ຍ່ອນ ເບີນ ກວາຍ ເມືອງ ໂກຣິນໂທ ກາ ຕາ ເບີນ ຢຳນັບ ອັນ, ກະ ໄລ່ ອາຊ້ອຣ ຈະ ຄິດ ປາຍ ໄລ່ ເບີນ ອຳນາດ ມູເຈັງ ກະ ມູ່ ກາ ເຢຊູ ຮຽຮ ປາຈຸຣ ແຕ່.

1 ເກົາ ລາ ໂປໂລ ຄຽນ ປັນນາຍ ໃນ່ ພາອ໌ ຊາອົຣ ມູ່ ກາ ຊາອຳ ເຢັງ ເຈົາຣາຊີ ແອິດ ຕຶ່ງ ເມືອງ ໂກຣິນໂທ ກະ ອິນແຍ່ະ ມັຣ ມູ່ ກາ ຊາອຳ ແອິດ ຕຶ່ງ ແຄງ ອະຄາຢາ. ເກົາ ລາ ກວາຍ ເຢຊູ ກຣິດ ຮຽຮ ປາຈຸຣ ໂອນ ເປາະ ຕະ ຣານະ ອັນ. ກະ ຕິໂມທຽວ ລາ ແຊມອາຍ ໄຣ ຕຶ່ງ ມູ່ ກາ ຊາອຳ ລາ ແອິດ ມັນຕຸ ກະ ເກົາ. 2 ເກົາ ແຊອ໌ ເຢັງ ເຈົາຣາຊີ, ອິມປໍ່ ໄຣ, ກະ ເຢຊູ ກຣິດ, ອິນເຈົາ ໄຣ, ຈ່ອຍ ເມົາດ ເຍົາ, ກະ ໂອນ ເຍົາ ແອິດ ບັນ ຊວານ ອຽນ ອໍ ເລືອຍໆ.

ໂປໂລ ຊາແອັນ ເຢັງ ເຈົາຣາຊີ 3 ໂອນ ໄຣ ຊາແອັນ ເຢັງ ເຈົາຣາຊີ, ອິມປໍ່ ເຢຊູ ກຣິດ, ອິນເຈົາ ໄຣ. ອັນ ລາ ອິມປໍ່ ກາ ເບີນ ຮາງິຣ ອາໂຍ່ະ ຕະ ໄຣ. ອັນ ລາ ເຢັງ ກາ ແຕ່ອ໌ ຕາລິ້ນ ໄຣ. 4 ກູ່ ມັຣ ຣາມິຣ ຕຸຣ ກັດ ຮິ ຣາມິຣ, ອັນ ຕາລິ້ນ ຮິ. ໂອນ ແຕ່ອ໌ ຮິ ຕາລິ້ນ ລັຣ ໂອນ ກວາຍ ການໍອ໌ ແອັນ, ອາແລະ ກາ ເບີນ ຕຸຣ ກັດ ອິນເຕົາ. 5 ຄັນ ຮິ ຣາມິຣ ຕຸຣ ກັດ ຍ່ອນ ຮິ ຕາປຸ່ນ ຣານະ ກຣິດ, ກຣິດ ຕາລິ້ນ ຮິ ຊາອິ້ຍ ກາເລີຍ ແຕ ຣາມິຣ ຮິ ຈິວ ກ້ອຍ. 6 ນະກ້ອຍ, ຄັນ ຮິ ມາ ຣາມິຣ ຕຸຣ ກັດ,

ຮິ ຈິວ ຕຸຣ ກັດ ຍ່ອນ ຍິອ໌ ອີ ຕາລິ້ນ ເຍົາ, ກະ ຍິອ໌ ເຢັງ ເຈົາຣາຊີ ຈ່ອຍ ອາມັງ ເຍົາ. ຄັນ ເຢັງ ເຈົາຣາຊີ ຕາລິ້ນ ຮິ, ລາ ນະ ອັນ ຕາລິ້ນ ເຍົາ ແຕ່, ກະ ອັນ ໂອນ ເຍົາ ເຮົາບ ຈິວ ມັຣ ຣາມິຣ ຕຸຣ ກັດ ນະ ຮິ ເກ້ຍ ຣາມິຣ ແຕ່. 7 ຮິ ອົງກ່ອງ ແຕ ເຍົາ, ລາ ເຍົາ ຕາ ເບີນ ຕັຣ ຣານະ ເຢຊູ ກຣິດ, ຍ່ອນ ຮິ ດັງ ເຈີ້ ແຕ້ອ໌ ເຍົາ ຈິວ ຕຸຣ ກັດ ນະ ຮິ ຈິວ, ເຢັງ ເຈົາຣາຊີ ຕາລິ້ນ ເຍົາ ມູເຈັງ ອັນ ຕາລິ້ນ ຮິ ແຕ່.

8 ແຊມອາຍ ເອີຍ! ຮິ ຍິອ໌ ເຍົາ ດັງ ແຈງ ແຕ ຣາມິຣ ຕຸຣ ກັດ ກາ ແຕ້ອ໌ ປິ ຮິ ແອິດ ຕຶ່ງ ແຄງ ເອເຊຍ. ຕຸຣ ກັດ ໃນ່ ຊາອິ້ຍ ເປີຍ ແຕ ຮິ ເຮົາບ ຈິວ. ຮິ ຄິດ ລາ ຮິ ຕາ ເບີນ ອາມັງ ນ້ອງ. 9 ຮິ ລາ ນະ ກວາຍ ກາ ເມົາ ນັດ ດໍອ໌ ອົງເຄາະ ກູຈິດ. ມັຣ ຣາມິຣ ກ້ອຍ ແຕ້ອ໌ ປິ ຮິ ຕະ ໂອນ ຮິ ຕາ ເບີນ ປ້ອງ ຮາງິຣ ຮິ ເບີມ, ມາ ປ້ອງ ແອັງ ຮາງິຣ ເຢັງ ເຈົາຣາຊີ ຊ້ອງ. ເຢັງ ເຈົາຣາຊີ ລາ ເຢັງ ກາ ເບີນ ອຳນາດ ແຕ່ອ໌ ຈ່ອຍ ມັຣ ກວາຍ ກາ ກູຈິດ ໂອນ ແຕ່ອ໌ ອາມັງ ລັຣ. 10 ເຢັງ ເຈົາຣາຊີ ຈ່ອຍ ອາມັງ ເຈີ້ ຮິ ໂອນ ຮິ ຕາ ເບີນ ກູຈິດ, ກະ ຊາມໍ່ ອັນ ອິນມ້ອງ ຈ່ອຍ ອາມັງ ຮິ, ກະ ຮິ ອົງກ່ອງ ປັຣແນີ ມັນເຕຣົາ ອັນ ຈ່ອຍ ອາມັງ ຊາ ຮິ. 11 ມາ ອົງເຄາະ ເຍົາ ເກົາແຊອ໌ ຈ່ອຍ ຮິ ແຕ່. ນະກ້ອຍ ມັຣ ຣາມິຣ ອໍ ແຕ້ອ໌ ປິ ຮິ ຍ່ອນ ກຼິງ ກວາຍ ເກົາແຊອ໌ ໂອນ ຮິ. ເຈີ້ ມັຣ ກວາຍ ກ້ອຍ, ໄລ່ ເບີນ ຊາແອັນ ເຢັງ ເຈົາຣາຊີ ຍ່ອນ ອັນ ຈ່ອຍ ຮິ.

ຍ່ອນ ນານະ ໂປໂລ ຕາ ຢວາຣ ລັບ ລັຣ ປິ ເມືອງ ໂກຣິນໂທ

12 ຮິ ຊ້ອງ ຮໍອ໌ ລາລີ້ ເບີນ ມວຍ ຣາມິຣ ນະ ໃນ່: ຮາງິຣ ຮິ ດັງ ຊັງໂກຣ ລາ ອິນແຍ່ະ ແດີຍ ອາ ມັງ ຮິ, ຮິ ຕາ ເບີນ ເບີນ ບາຣ ຮາງິຣ, ມາ ຮິ ຕະ ກຣັກ ເລືອຍໆ ໂຈະ ເຍົາ ກະ ໂຈະ ກວາຍ ການໍອ໌ ຕຶ່ງ ແດີຍ ໃນ່. ຮິ ຕະ ນະກ້ອຍ, ຮິ ຕາ ເບີນ ອິດ ຮາງິຣ ຣາໂງ່ອ໌ ແຕ ແດີຍ ໃນ່, ມາ ຮິ ຕະ ນະກ້ອຍ ຍ່ອນ ເຢັງ ເຈົາຣາຊີ ຈ່ອຍ ຮິ. 13-14 ຊາມໍ່ ຮິ ຄຽນ ໂອນ ເຍົາ ແອັງ ປັນນາຍ ເຍົາ ແຕ່ອ໌ ດັງ ຊ້ອງ. ກະ ມັຣ ຣາມິຣ ເຍົາ ດັງ ບິ້ອ໌ ເຈີ້, ຮິ ຍິອ໌ ເຍົາ ດັງ ຊາອິ້ຍ ແອັນ. ນະກ້ອຍ ແຕ້ອ໌ ຕາໄງ ເຢຊູ, ອິນເຈົາ ໄຣ, ແຕ້ອ໌ ລັຣ ປິ ກູແຕອ໌ ໃນ່, ຮິ ເບີນ ຮໍອ໌ ຍ່ອນ ແຕ ເຍົາ, ກະ ເຍົາ ເບີນ ຮໍອ໌ ຍ່ອນ ແຕ ຮິ.

15 ຍ່ອນ ຣາມິຣ ກ້ອຍ, ເກົາ ຄິດ ອີ ມູ່ດ ຊາອົຣ ເຍົາ ບາຣ ເຮົາ ເຈີ້ ໂອນ ເຍົາ ແຕ່ອ໌ ຊ້ອງ ຮໍອ໌.

16 ຫົກ ຄິດ ອີ ຊາອົຣ ເຍົາ ອິນໂຍ່ງ, ບັອງ ກາ ຫົກ ປາະ ປີ ແຄງ ມາເກໂດເມຍ. ກະ ແຕ້ອ ຫົກ ເຈົ້າ ລັຣ ແຕ ແຄງ ມາເກໂດເມຍ ຫົກ ຄິດ ອີ ມູ່ດ ຊາ ໂອນ ເຍົາ ເຕ້ອ ຈ່ອຍ ປຣະ ໂອນ ຫົກ ປາະ ປີ ກຣ ວາງ ຢູ່ດາຍ ແອັມ. 17 ຫົກ ຄິດ ອີ ຕະ ນະກ້ອຍ, ເຍົາ ເຮັມ ຫົກ ແກັດ ບາຣ ຮາງິຣ ບໍ່? ກະ ເຍົາ ຄິດ ຫົກ ລາ ກວາຍ ຕາ ອໍ ກາ ຫົກ ປາຍ ບາຣ ປັຣນາຍ ບໍ່? 18 ຄັນ ເຍົາ ເຕ້ອ ຊາອໍ ເຢັງ ເຈົ້າຣາຊິ ຕາ ຫົ ຍ ຕະ ອິນຕີ ອາໂລກ, ນະກ້ອຍ ເຕ້ ເຍົາ ເຕ້ອ ຊາອໍ ຫົກ ຕາ ເບີນ ປາຍ: "ປຍາຍ" ເຈ້ ປຽນ ປັຣນາຍ ປາຍ: "ຕາ ເບີນ ປຍາຍ." 19 ຮິ ໄປ ນະ: ຫົກ, ຊິລາ,\* ກະ ຕິໂມທຽວ ອາຕີ ເຍົາ ເຈ້ ແຕ ເຢຊູ ກຣິ ດ ລາ ກອນ ເຢັງ ເຈົ້າຣາຊິ. ຕິ່ງ ເຢຊູ ກຣິດ ຕາ ເບີ ນ ບາຣ ປັຣນາຍ: "ປຍາຍ" ເຈ້ ປຽນ ປາຍ: "ຕາ ເບີນ ປຍາຍ," ມາ ຕິ່ງ ເຢຊູ ກຣິດ ເບີນ ມວຍ ປັຣ ນາຍ ປຍາຍ ຊ້ອງ. 20 ກູ່ ປັຣນາຍ ອິນເຕ້າ ເຢັງ ເຈົ້າຣາຊິ ປັຣຄັນ ກະ ກວາຍ ເຈ້ ແກັດ ປຍາຍ ເລືອ ຍາ ຍ່ອນ ແຕ ເຢຊູ ກຣິດ. ຍ່ອນ ແຕ ອັນ ໄຮ ປາຍ "ອາແມນ," † ດໍອ ເມົາ ຍ່ອງ ເຢັງ ເຈົ້າຣາຊິ. 21 ໄກຣ ລາລີ້ ເຢັງ ເຈົ້າຣາຊິ ຕະ ໂອນ ໄຮ ຊາອໍ ເຢຊູ ກຣິດ ເຣ່ງ ອາຊ້ອຣ ລາລີ້. ອັນ ແຕ້ ຮຽຣ ໄຮ ໂອນ ຕະ ຣານະ ອັນ. 22 ກະ ເຢັງ ເຈົ້າຣາຊິ ກາ ຕິຣ ຕາ ໂອນ ກວາຍ ດັງ ໄຮ ລາ ກວາຍ ກາ ອັນ ຕາລາ. ອັນ ຈໍ ດໍອ ຣາເວີຍ ອັນ ໂອນ ແອັດ ຕິ່ງ ຮາງິຣ ໄຮ, ລາ ອັນ ລັບ ອີ ລັບ ອິດ ລັຣ ໄຮ.

23 ຫົກ ແຊອ ເຢັງ ເຈົ້າຣາຊິ ເຮັມ ຕິ່ງ ຮາງິຣ ຫົກ, ຫົກ ປາຍ ອາໂລກ ມາ ຫົກ ປາຍ ປຍາຍ: ເຮັມ ຫົກ ຕາ ຍວາຣ ແຕ້ອ ປີ ເມັອງ ໂກຣິນໂທ, ລາ ຍ່ອນ ຫົກ ອິງກ້ອຣ ຄັນ ຫົກ ແຕ້ອ ປີ ເຍົາ, ຫົກ ຕະ ໂອນ ເຍົາ ຊ້ອງ ຕຸຣ ຈູ່. 24 ຕາ ແກັນ ຫົກ ຍິອ ອີ ມັນຕຣຸ ເຍົາ ຊາອໍ ນະໄມ້ ແຕີລາ ຊາອໍ ນະກ້ອຍ, ຍ່ອນ ເຍົາ ຊາອໍ ກຣັກ ລາລີ້ ເຈ້. ມາ ຮິ ຍິອ ອີ ຈ່ອຍ ໂອນ ເຍົາ ເບີນ ຮາງິຣ ຣໍອ ຊ້ອງ.

## 2

1 ນະກ້ອຍ, ຫົກ ຄິດ ຊັງໄກຣ ລາລີ້ ເຈ້ ຕາ ແອອ ອີ ປາະ ຊາອົຣ ນ້ອງ ເຍົາ, ຍ່ອນ ຫົກ ອິງກ້ອຣ ຄັນ ຫົກ ປາະ ຊາອົຣ ຕະ ໂອນ ເຍົາ ແກັດ ຕຸຣ ຈູ່. 2 ຄັນ ຫົກ ມາ ຕະ ໂອນ ເຍົາ ແກັດ ຕຸຣ ຈູ່, ເມົາ ແອັນ ກາ ອີ ຕະ ໂອນ ຫົກ ແກັດ ຣໍອ? ໄກຣ ລາລີ້ ແອັງ ເຍົາ ແຕ້ ເຕ້ອ ຕະ ນະກ້ອຍ. ມາ ນານະ ເຍົາ

ເຕ້ອ ຕະ ນະກ້ອຍ, ຄັນ ຫົກ ຕະ ໂອນ ເຍົາ ແກັດ ຕຸຣ ຈູ່? 3 ນະກ້ອຍ ແຕ ອິນໂຍ່ງ, ຫົກ ຄຽນ ເຈ້ ຣານະ ກ້ອຍ ຕິ່ງ ປັຣນາຍ ຊາອົຣ ໂອນ ເຍົາ. ຫົກ ຕາ ແອອ, ບັອງ ກາ ຫົກ ແຕ້ອ ປີ ເຍົາ, ມາ ເຍົາ ເບີ ນ ຮາງິຣ ຕຸຣ ຈູ່, ຍ່ອນ ເຍົາ ລາ ກວາຍ ກາ ຫົກ ຕະ ໂອນ ຫົກ ແກັດ ຣໍອ. ຫົກ ດັງ ກຣັກ ຕິ່ງ ຮາງິຣ ຫົກ, ບັອງ ກາ ຫົກ ຊ້ອງ ຣໍອ, ເຍົາ ຊ້ອງ ຣໍອ ເຕ້. 4 ບັອງ ກາ ຫົກ ຄຽນ ປັຣນາຍ ຊາອົຣ ກ້ອຍ ໂອນ ເຍົາ, ຮາງິຣ ຫົກ ແກັດ ຕຸຣ ຈູ່ ອິນຕ້ອງ ລາລີ້, ກະ ຊັຣລັງ ມັດ ຫົກ ຣອຍ. ຫົກ ຄຽນ ນະກ້ອຍ, ຫົກ ຕາ ແອອ ອີ ໂອນ ເຍົາ ແກັດ ຕຸຣ ຈູ່, ມາ ຫົກ ຍິອ ອີ ໂອນ ເຍົາ ດັງ ມາແລະ ຫົກ ອາໂຢະ ເຍົາ ກູ່ ນະ.

ອັນ ກາ ຕະ ໄລ່ຍຣ, ອໍ ໂອນ ເຍົາ ຕັຣ ໄລ່ຍຣ ອັນ 5 ຄັນ ເບີນ ກວາຍ ອາແລະ ມາ ຕະ ໄລ່ຍຣ ໂອນ ກວາຍ ການໍອ ແກັດ ຕຸຣ ຈູ່, ອັນ ຕາ ເບີນ ຕະ ໂອນ ແອັງ ຫົກ ຊ້ອງ ແກັດ ຕຸຣ ຈູ່, ມາ ອັນ ຕະ ໂອນ ກວາ ຍ ແຕ ເຍົາ ແກັດ ຕຸຣ ຈູ່ ເຕ້. ຫົກ ຕາ ແອອ ອີ ຕີ ອັນ ຮັບ ລາລີ້, ນະກ້ອຍ ຫົກ ຕາ ເບີນ ປາຍ ອັນ ຕະ ໂອນ ອິນແຍະ ມັຣ ເຍົາ ແກັດ ຕຸຣ ຈູ່. 6 ແປະ ເຈ້ ເຍົາ ໂຈະ ໂຕ່ດ ກວາຍ ກ້ອຍ.\* 7 ຊານໍ ອໍ ໂອນ ເຍົາ ຕັຣ ໄລ່ຍຣ ອັນ ກະ ຕາລີ້ນ ອັນ, ໂອນ ອັນ ຕາ ເບີນ ແກັດ ເປ່ ຍ່ອນ ແຕ ຮາງິຣ ອັນ ຕຸຣ ຈູ່ ກ້ອຍ. 8 ຫົກ ແຊອ ເຍົາ ອາປັຣ ໂອນ ກວາຍ ກ້ອຍ ດັງ ເຍົາ ອາໂຢະ ລາລີ້ ອັນ. 9 ຍ່ອນ ນະກ້ອຍ ແຕ ຫົກ ຄຽນ ປັຣນາຍ ອິນໂຍ່ງ ກ້ອຍ ໂອນ ເຍົາ: ຫົກ ຍິອ ອີ ຕິມ ຮາງິຣ ເຍົາ, ເຮັມ ເຍົາ ຕະ ຕາປຸ່ນ ອິນແຍະ ມັຣ ປັຣນາຍ ຫົກ ອາຕີ ມາ ຕາ ເບີນ. 10 ຄັນ ເຍົາ ຕັຣ ໄລ່ຍຣ ເມົາ, ຫົກ ຕັຣ ໄລ່ຍຣ ອັນ ເຕ້. ຄັນ ຫົກ ມາ ຕັຣ ໄລ່ຍຣ, ຫົກ ຕະ ນະກ້ອຍ ຢັຣ ເມັງ ເຢຊູ ກຣິດ, ຍ່ອນ ຫົກ ຍິອ ອີ ຈ່ອຍ ເຍົາ. 11 ຫົກ ຍິອ ອີ ຕະ ໂອນ ເຢັງ ຊາຕານ ຕາ ເບີນ ເຮົາບ ນ້ອງ ໄຮ, ຍ່ອນ ໄຮ ດັງ ເຈ້ ຣານະ ອັນ ອີ ຕະ.

ໂປໂລ ອາຕີ ແຕ ອັນ ແອັດ ຕິ່ງ ເມັອງ ໂທອາດ 12 ບັອງ ກາ ຫົກ ແຕ້ອ ປີ ເມັອງ ໂທອາດ ດໍອ ອາຕີ ປັຣນາຍ ອໍ ແຕ ເຢຊູ ກຣິດ, ບັອງ ກ້ອຍ ອິນເຈົ້າ ໄຮ ເປັຣ ຣານາ ໂອນ ຫົກ ເຕ້ອ ຕະ ຣານະ ຕິ່ງ ອິນຕຸ ກ້ອຍ. 13 ມາ ຮາງິຣ ຫົກ ຊ້ອງ ຕາ ເບີ ນ ຣໍອ, ຍ່ອນ ຫົກ ຕາ ເບີນ ຣາມັຣ ຕິໂຕ ແຊມ ອາຍ ໄຮ ປີ ກ້ອຍ. ນະກ້ອຍ ຫົກ ກ່ອບ ມັຣ ກວາ

\* 1:19 1:19 ຣາມັຣ 'ຊິລາ' ໄມ້ ແຕ້ອ ກາ ເມົາ ດໍອ 'ຊິລາວານ' ແອັ. † 1:20 1:20 ປັຣນາຍ 'ອາແມນ' ອາຕີ ລັຣ ລາ 'ກຣັກ ນະກ້ອຍ' ແຕີລາ 'ແຊອ ໂອນ ແກັດ ນະກ້ອຍ.' \* 2:6 2:6 ເນ້ ແຕ ໂກຣິນໂທ ມວຍ 5:1.

ຍ ກາ ແອິດ ຕັ້ງ ເມືອງ ກ້ອຍ, ເຈົ້າ ທີ່ ເປາະ ບໍ່ ແຄງ ມາທາດໂນຍ ແອິນ.

ເຕ້ອ໌ ໄຮ ເຮົາບ ຍ່ອນ ເຢຊູ ກຣິດ ຈ່ອຍ

14 ຊາແອິນ ເຢົາ ເຈົ້າຣາຊີ! ອັນ ໂອນ ຮິ ເຮົາບ ເລື້ອຍໆ ຍ່ອນ ແຕ ກຣິດ. ຮິ ລາ ນະ ແຮືຍ ປາ ຮວມ ປູ້ຮ ກູ່ ອິນຕຸ ຍ່ອນ ເຢົາ ເຈົ້າຣາຊີ ໂອນ ຮິ ອາຕິ ໂອນ ກູ່ ນະ ກວາຍ ດັງ ແຕ ກຣິດ. 15 ຮິ ແກ້ດ ນະ ອິມໂພງ ປາຮວມ ກາ ເຢຊູ ກຣິດ ມ່ອນ ຊາງ ໂອນ ເຢົາ ເຈົ້າຣາຊີ. ແຮືຍ ປາຮວມ ກ້ອຍ ປູ້ຮ ໂອນ ກູ່ ນະ ກວາຍ ເຕ້ອ໌ ຊ້ອງ, ກວາຍ ກາ ເຢົາ ເຈົ້າຣາຊີ ຈ່ອຍ ອາມັງ, ກະ ກວາຍ ກາ ເຢົາ ເຈົ້າຣາຊີ ອາປິດ. 16 ມັຮ ກວາຍ ກາ ເຢົາ ເຈົ້າຣາ ຊີ ອາປິດ, ແຮືຍ ກ້ອຍ ລາ ນະ ແຮືຍ ເກຣັງ ບູລ; ເຈົ້າ ໄລ່ ກູຈິດ. ມາ ແຕ ມັຮ ກວາຍ ກາ ເຢົາ ເຈົ້າຣາ ຊີ ອີ ຈ່ອຍ ອາມັງ, ແຮືຍ ກ້ອຍ ນະ ແຮືຍ ປາຮວມ ກາ ຕະ ໂອນ ໄລ່ ອາມັງ. ຕາ ເບິນ ເມົ້າ ມາ ປຍາຍ໌ ຕະ ຣານະ ໄມ່. 17 ຮິ ຕາ ເບິນ ນະ ກວາຍ ກາ ນຸ່ ອາຕິ ປັຮນາຍ ເຢົາ ເຈົ້າຣາຊີ ນະ ກວາຍ ກາ ຈິ ແຈັງ ອີ ເບິນ ກໍາໄລ ຊ້ອງ. ມາ ຍ່ອນ ເຢົາ ເຈົ້າຣາ ຊີ ແປຣິ ຮິ ຕະ ຣານະ ໄມ່, ຮິ ອາຕິ ກຣັກ ລາລີ່ ຢັຮ ເມົ້າ ອັນ, ຍ່ອນ ຮິ ເບິນ ມວຍ ຮາງັຮ ກະ ກຣິດ.

**3**

ຕາປຸ່ນ ເຢຊູ ກຣິດ ລາ ອໍ ກາເລີຍ ແຕ ຕາປຸ່ນ ຄານອດ ໂມເຊ

1 ຊານໍ່ ເຍົາ ຄິດ ທີ່ ຍິ່ອ ອີ ຍ່ອງ ລັຮ ຈະ ທີ່ ເບິນ ບໍ່? ທີ່ ຕາ ເບິນ ຕຸ່ຮ ອີງເຄາະ ເບິນ ປັຮນາຍ ຍ່ອງ ອາປັຮ ໂອນ ເຍົາ, ແຕ່ລາ ເບິນ ປັຮນາຍ ແຕ ເຍົາ ອາປັຮ ໂອນ ກວາຍ ການຸ່ອ. 2 ເຍົາ ແຕ່ ລາ ນະ ປັຮນາຍ ຍ່ອງ ກາ ທີ່ ດໍອ໌ ຕັ້ງ ຮາງັຮ. ຄັນ ເມົ້າ ຍິ່ອ ອີ ດັງ ແຕ ທີ່, ເຕ້ອ໌ ໄລ່ ເຮິມ ແຕ ຣານະ ເຍົາ ຕະ. 3 ເມົ້າ ດັງ ແຈງ ເຍົາ ລາ ນະ ປັຮນາຍ ແຕ ກຣິ ດ ແຕ່ ຄຽນ, ມາ ທີ່ ລາ ກວາຍ ກາ ອາຊວຍ ປັຮ ນາຍ ກ້ອຍ. ປັຮນາຍ ກ້ອຍ ເມົ້າ ຕາ ເບິນ ຄຽນ ແຕ ແດິອ໌ ມິກ, ມາ ເມົ້າ ຄຽນ ແຕ ຣາເວີຍ ເຢົາ ເຈົ້າຣາຊີ, ອັນ ກາ ເຢົາ ອາມັງ ເລື້ອຍໆ. ກະ ເມົ້າ ຕາ ເບິນ ຄຽນ ຕັ້ງ ຕາເມົ້າ,\* ມາ ເມົ້າ ຄຽນ ຕັ້ງ ຮາງັຮ ກວາຍ.

4 ທີ່ ເຕ້ອ໌ ປາຍ ປັຮນາຍ ໄມ່ ຍ່ອນ ທີ່ ຊາອໍ ເຢົາ ເຈົ້າຣາຊີ ລາ ຍ່ອນ ແຕ ເຢຊູ ກຣິດ. 5 ມາ ມັຮ ຣານະ ອິນເຕົ້າ ທີ່ ຄິດ ອີ ຕະ, ທີ່ ຕາ ເຕ້ອ໌ ຕະ ເບິນ ມັຮ ຣານະ ກ້ອຍ, ມາ ແອັງ ເຢົາ ເຈົ້າຣາ ຊີ ແຕ່ ໂອນ ທີ່ ເຕ້ອ໌ ຕະ ນະກ້ອຍ. 6 ໂກຣ ລາລີ່

ເຢົາ ເຈົ້າຣາຊີ ໂອນ ທີ່ ເຕ້ອ໌ ຕະ ຣານະ ອາຕິ ປັຮ ນາຍ ປັຮຄັນ ຕາໄມ ກາ ອັນ ໂອນ. ປັຮນາຍ ປັຮ ຄັນ ຕາໄມ ໄມ່ ຕາ ເບິນ ນະ ມັຮ ຄານອດ ໂມເຊ ໂອນ, ມາ ປັຮນາຍ ປັຮຄັນ ຕາໄມ ໄມ່ ແຕ່ອ໌ ແຕ ຣາເວີຍ ເຢົາ ເຈົ້າຣາຊີ. ຄັນ ໄຮ ຕາປຸ່ນ ຄານອດ ມັຮ ໂມເຊ ໂອນ, ໄຮ ກູຈິດ, ມາ ຄັນ ໄຮ ຕາປຸ່ນ ປັຮ ນາຍ ປັຮຄັນ ຕາໄມ ກາ ແຕ່ອ໌ ແຕ ຣາເວີຍ ເຢົາ ເຈົ້າຣາຊີ, ໄຮ ເບິນ ອາມັງ.

7 ຄານອດ ມັຮ ເຢົາ ເຈົ້າຣາຊີ ໂອນ ຣານາ ໂມເຊ ແຕ ອິມແບິ, ອັນ ຄຽນ ດໍອ໌ ຕັ້ງ ຕາເມົ້າ. ບັອງ ກາ ເຢົາ ເຈົ້າຣາຊີ ໂອນ ໂມເຊ ຄານອດ ກ້ອຍ, ໂມເຊ ເຮິມ ອາງອິຣ໌ ແຕ ເຢົາ ເຈົ້າຣາຊີ ປາເລີງ ບໍ່ ອິນຕຸ ອັນ ແອິດ. ນະກ້ອຍ ມັຮ ກວາຍ ອິດຊະຣາເອລ ຕາ ເຮົາບ ແນ່ ປີ ມາມ ໂມເຊ, ຍ່ອນ ເບິນ ອາງອິຣ໌ ປາເລີງ ແກ້ດ ຊັຮມຍາລ ມັດ ໄລ່. ມາ ປັງ ກ້ອຍ ອີງກ່ອຍ ບິດ ແຕ ມາມ ໂມເຊ. ຄັນ ປັຮນາຍ ຕຍາ ກາ ໂອນ ກວາຍ ດັງ ອີງເຄາະ ກູຈິດ ມາ ອິນນ້ອງ ເບິນ ອາງອິຣ໌, 8 ກາເລີຍ ແຕ ກ້ອຍ ແອິນ ປັຮນາຍ ຕາໄມ ແຕ ຣາເວີຍ ເຢົາ ເຈົ້າຣາຊີ ເບິນ ອາງອິຣ໌ ກາເລີຍ ແຕ ກ້ອຍ ແອິນ. 9 ຄັນ ປັຮນາຍ ຕຍາ ກາ ຕະ ໂອນ ກວາຍ ດັງ ໄລ່ ຕະ ໄລ່ຍຮ ລາ ເບິນ ອາງ ອິຣ໌, ນະກ້ອຍ ປັຮນາຍ ຕາໄມ ກາ ຕະ ໂອນ ກວາຍ ແກ້ດ ຕານ້ອງ ອໍ ຢັຮ ເມົ້າ ເຢົາ ເຈົ້າຣາຊີ ລາ ເບິນ ອາງອິຣ໌ ແກ້ຍ ແຕ ກ້ອຍ ແອິນ. 10 ຄັນ ເບິນ ປັຮ ນາຍ ອິນເຕົ້າ ໄຮ ເຮິມ ອາງອິຣ໌, ມາ ແຕ່ອ໌ ມວຍ ປັຮນາຍ ອາງອິຣ໌ ກາເລີຍ ແອິນ, ປັຮນາຍ ກາ ໄຮ ເຮິມ ອາງອິຣ໌ ແຕ ອິນໂຍ່ງ ໄຮ ຕາ ເບິນ ເຮິມ ອາງ ອິຣ໌ ນ້ອງ. 11 ນະກ້ອຍ, ຄັນ ປັຮນາຍ ຕຍາ ລາ ເບິ ນ ອາງອິຣ໌, ມາ ອາງອິຣ໌ ກ້ອຍ ອີງກ່ອຍ ບິດ ນະ ປັງ ອີງກ່ອຍ ບິດ, ປັຮນາຍ ຕາໄມ ກາ ແອິດ ຊົດ ແດັຍ ເບິນ ອາງອິຣ໌ ກາເລີຍ ແຕ ປັຮນາຍ ຕຍາ.

12 ຍ່ອນ ທີ່ ອີງກ່ອງ ຮາມິຣ໌ ໄມ່ ລາ ທີ່ ຍັນ ລາລີ່ ອາຕິ ປັຮນາຍ ໄມ່. 13 ທີ່ ຕາ ເບິນ ຕະ ນະ ໂມເຊ ຕະ ແຕ ອິມແບິ; ອັນ ອິດ ເປຣ໌, ເຈົ້າ ປູ່ ລ ມາມ ອັນ ໂອນ ກວາຍ ອິດຊະຣາເອລ ຕາ ເຕ້ອ໌ ເຮິມ ປັງ ກາ ອີງກ່ອຍ ບິດ ແຕ ມາມ ອັນ. 14 ມາ ມັຮ ກວາຍ ອິດຊະຣາເອລ ກ້ອຍ, ໄລ່ ເບິນ ຮາງັຮ ກ້ອງ. ກະ ເຕົ້າ ຕາໄງ ໄມ່, ແຕ່ອ໌ ໄລ່ ກ້ອຍ ອານ ແຕ ປັງ ປັຮນາຍ ປັຮຄັນ ຕຍາ, ໄລ່ ຕາ ເບິນ ດັງ ແຈງ, ນະ ເບິນ ເປຣ໌ ປູ່ລ ມັດ ໄລ່. ມາ ແອັງ ກວາຍ ກາ ເບິນ ມວຍ ຮາງັຮ ກະ ເຢຊູ ກຣິດ ຊ້ອງ ເຕ້ອ໌ ແກ້ດ ບິດ ເປຣ໌ ກ້ອຍ. 15 ໂກຣ ລາລີ່ ເຕົ້າ ຕາໄງ

\* 3:3 3:3 ແຕ່ອ໌ ອັນ ປາຍ "ຄຽນ ຕັ້ງ ຕາເມົ້າ," ອັນ ຊາກໍາ ແຕ ຄານອດ ເຢົາ ເຈົ້າຣາຊີ ໂອນ ຣານາ ໂມເຊ.

ໄມ່, ແຕ້ອ໌ ໄລ່ ອານ ແຕ ປຶງ ປັຣນາຍ ມັຮ ໂມເຊ ຄຽນ, ໄລ່ ຕາ ເບີນ ຊ້ອງ ແຈງ, ນະ ມວຍ ແບະ ເປຣ່ ປູລ ຮາງັຮ ໄລ່. <sup>16</sup> ມາ ຄັນ ກວາຍ ອາແລະ ແຕ້ອ໌ ຊາອຳ ອິນເຈົາ, ນະ ເປຣ່ ກ້ອຍ ຕາ ເບີນ ປູລ ນ້ອງ. <sup>17</sup> ອິນເຈົາ ໄຮ ລາ ຣາເວີຍ ເຢີງ ເຈົາຣາຊີ, ກະ ກວາຍ ອາແລະ ກາ ເບີນ ຣາເວີຍ ເຢີງ ເຈົາຣາ ຊີ ແອັດ ກະ ອັນ, ຮາງັຮ ກວາຍ ກ້ອຍ ຕາ ເບີນ ຊ້ອງ ຕຸຣ ຕັລ ອິນເຕົ້າ ນ້ອງ ແວັດ ແຕ ຮານະ ຕາ ອໍ. <sup>18</sup> ນະກ້ອຍ ອິນແຍ່ະ ມັຮ ໄຮ ກາ ຊາອຳ ເຢຊູ ກຣິດ ເຈົ້, ໄຮ ຕາ ເບີນ ນະ ເປຣ່ ປູລ ມາມ ໄຮ. ມາ ໄຮ ລາ ນະ ຊັຣລັງ ກາ ປາເລີງ ລັຮ ອາງອິຣ ແຕ ອິນເຈົາ ໄຮ. ກະ ຍ່ອນ ຣາເວີຍ ເຢີງ ເຈົາຣາຊີ ຕະ ຮານະ ຕຶງ ຮາງັຮ ໄຮ, ນະກ້ອຍ ກຸ່ ຮາໂງ ຮາງັຮ ໄຮ ແກັດ ອາງອິຣ ອາຊ້ອຣ ນະ ຮາງັຮ ອິນເຈົາ ໄຮ ເຕ່.

### 4

ໂປໂລ ອາຕີ ແຕ ເຢຊູ ກຣິດ, ອິນເຈົາ ໄຮ

<sup>1</sup> ທົາ ເບີນ ຕະ ຮານະ ໄມ່ ຍ່ອນ ເຢີງ ເຈົາຣາ ຊີ ອາໂຢະ ຕະ ທົາ. ຍ່ອນ ນະກ້ອຍ ຮາງັຮ ທົາ ຕາ ເບີນ ຊ້ອງ ເປ່. <sup>2</sup> ທົາ ຕາ ເບີນ ອາໂລກ ເມົາ ຍິຣ ອີ ໂອນ ໄລ່ ຊາອຳ ເຢີງ ເຈົາຣາຊີ. ກະ ທົາ ຕາ ເບີ ນ ອາຕີ ອິມພາ ແຕ ປັຣນາຍ ເຢີງ ເຈົາຣາຊີ. ທົາ ຕັຣ ອິນແຍ່ະ ຮານະ ແກຣ່ະ ກະ ຮານະ ກູມາລ ຕະ. ມາ ທົາ ອາປັຣ ໂອນ ກຸ່ ນະ ກວາຍ ດັງ ແຈງ ແຕ ປັຣນາຍ ປຍາຍ໌ ແຕ ເຢີງ ເຈົາຣາຊີ. ທົາ ໂອນ ກຸ່ ນະ ກວາຍ ຕາຕ່ອຍ໌ ແຕ ຮານະ ທົາ ຕະ ປຍາຍ໌ ແຕ້ລາ ຕາ ເບີນ ປຍາຍ໌ ຍິຣ ເມີງ ເຢີງ ເຈົາຣາຊີ.

<sup>3</sup> ມາ ຄັນ ເມົາ ປາຍ ທົາ ປາໂຕ່ະ ປັຣນາຍ ອໍ, ກວາຍ ກາ ປາຍ ນະກ້ອຍ ລາ ກວາຍ ກາ ຕາ ແອອ໌ ອີ ຊາງັດ ແຕ ປັຣນາຍ ທົາ. ກະ ປັຣເນີ ມັນເຕຣົາ ເຢີງ ເຈົາຣາຊີ ອາປັດ ຊ້ອງ ກວາຍ ກ້ອຍ. <sup>4</sup> ໄລ່ ຕາ ແອອ໌ ອີ ຊາອຳ, ຍ່ອນ ເຢີງ ຊາຕານ ປູລ ຕຶງ ຮາງັຮ ໄລ່. ນະກ້ອຍ ໄລ່ ຕາ ເຕອ໌ ຊາປຸຣ ອຳນາດ ອາງອິຣ ແຕ ປັຣນາຍ ອໍ ເຢຊູ ກຣິດ, ອັນ ກາ ມູ ເຈິງ ເລີ້ຍ ກະ ເຢີງ ເຈົາຣາຊີ. <sup>5</sup> ທົາ ຕາ ເບີນ ອາຕີ ໂອນ ເຍົາ ຕາປູນ ທົາ, ມາ ທົາ ອາຕີ ໂອນ ເຍົາ ຕາ ປູນ ແອັງ ເຢຊູ ກຣິດ, ອິນເຈົາ ໄຮ. ທົາ ລາ ກວາ ຍ ຕະ ຮານະ ເຍົາ ຍ່ອນ ທົາ ຕາປູນ ເຢຊູ ກຣິດ.

<sup>6</sup> ເຢີງ ເຈົາຣາຊີ ປາຍ ເຈົ້: "ອີງເຄາະ ເບີນ ປັງ ປາ ເລີງ ຕຶງ ອິນຕຸ ການຳ." ອັນ ກ້ອຍ ແຕ່ ຕະ ຕຶງ ຮາງັຮ ທົາ ໂອນ ເຕອ໌ ທົາ ດັງ ອຳນາດ ອາງອິຣ ແຕ ເຢີງ ເຈົາຣາຊີ ກາ ເຢຊູ ກຣິດ ອາປັຣ ໂອນ ໄຮ ເຣີມ.

ໂປໂລ ຊາກຳ ແຕ ອາແດັຣ ກູແຕອ໌

<sup>7</sup> ຈະ ຮິ ລາ ນະ ອາແດັຣ ກູແຕອ໌. ຮິ ເບີນ ຮານະ ອໍ ແຕ ເຢີງ ເຈົາຣາຊີ ລາ ນະ ອັນ ດໍອ໌ ທາຮັງ ທົາ ເປ່ງ ລາລີ້ ຕຶງ ອາແດັຣ ກູແຕອ໌. ອັນ ຕະ ນະກ້ອຍ ໂອນ ກຸ່ ນະ ກວາຍ ເຕອ໌ ດັງ ມັຮ ຮານະ ອໍ ຮິ ເຕອ໌ ຕະ ລາ ແຕ້ອ໌ ແຕ ເຢີງ ເຈົາຣາຊີ, ຕາ ແກິນ ແຕ ຮິ ເບີມ. <sup>8</sup> ຊາອິ້ຍ ເຮີບ ເຈົ້ ເມົາ ຊຳເບີນ ຮິ, ມາ ໄລ່ ຕາ ດັງ ເບີນ. ຊາອິ້ຍ ເຮີບ ເຈົ້ ຮິ ຊ້ອງ ງັດ, ມາ ຮາງັຮ ຮິ ຕາ ເບີນ ເປ່. <sup>9</sup> ຊາອິ້ຍ ເຮີບ ເຈົ້ ເມົາ ຕະ ກະ ອີ ກາຈິດ ຮິ, ມາ ເຢີງ ເຈົາຣາຊີ ຕາ ເບີນ ຕັຣ ຮິ. ກະ ຊາອິ້ຍ ເຮີບ ເຈົ້ ເມົາ ຕະ ຮິ ແດັມ, ມາ ເຢີງ ເຈົາຣາຊີ ຕາ ເບີນ ໂອນ ໄລ່ ກາຈິດ ຮິ. <sup>10</sup> ດ ລາລີ້ ຈະ ຮິ ມັນ ອີ ກູຈິດ ມູເຈິງ ເຢຊູ ເຕ່. ໄມ່ ລາ ຮານະ ໂອນ ກຸ່ ນະ ກວາຍ ເຕອ໌ ດັງ ເຢຊູ ອາມັງ ກະ ອັນ ຈ່ອຍ ຮິ ແຮ. <sup>11</sup> ຕຶງ ແດັຍ ອາມັງ ຮິ, ເມົາ ມ່ອບ ເລືອຍໆ ຮິ ໂອນ ເມົາ ກາຈິດ, ຍ່ອນ ຮິ ຕະ ຮານະ ເຢຊູ. ຮານະ ໄມ່ ອາປັຣ ໂອນ ເມົາ ເຮີມ ເຢຊູ ອາ ມັງ ຕຶງ ຈະ ຮິ. <sup>12</sup> ນະກ້ອຍ ຮິ ຈິວ ທໍ ເມົາ ອີ ກາ ຈິດ ຮິ, ດໍອ໌ ໂອນ ເຍົາ ເບີນ ອາມັງ ເລືອຍໆ.

<sup>13</sup> ຕຶງ ປັງ ປັຣນາຍ ເຢີງ ເຈົາຣາຊີ ແຕ ອິມແປ ເບີນ ເມົາ ຄຽນ ປາຍ:

"ທົາ ຊາອຳ ເຈົ້, ຍ່ອນ ນະກ້ອຍ ທົາ ອາຕີ." ຮິ ຊາອຳ ມູເຈິງ ກວາຍ ກ້ອຍ ເຕ່. ຍ່ອນ ນະກ້ອຍ ຮິ ອາຕີ. <sup>14</sup> ຮິ ດັງ ອັນ ກາໂອນ ເຢຊູ, ອິນເຈົາ ໄຮ, ອາມັງ ລັຮ ແຕ ກູຈິດ, ອັນ ອີ ໂອນ ຮິ ອາມັງ ລັຮ ແຕ ກູຈິດ ມັນຕຸ ກະ ເຢຊູ, ກະ ອັນ ອີ ໂອນ ອິນ ແຍ່ະ ມັຮ ໄຮ ແອັດ ມັນຕຸ ຍິຣ ເມີງ ອັນ. <sup>15</sup> ກຸ່ ຣາມິຣ ໄມ່ ແຕ້ອ໌ ຍ່ອນ ອັນ ຍິຣ ອີ ຈ່ອຍ ເຍົາ. ກະ ຄັນ ອັນ ຈ່ອຍ ເມັດ ກຶງ ກວາຍ, ໄລ່ ອີ ທົາ ຊາ ແອິນ ອັນ ກະ ຍ່ອງ ອຳນາດ ອາງອິຣ ແຕ ອັນ ຊາ ອິ້ຍ ແອັນ.

<sup>16</sup> ນະກ້ອຍ ຮາງັຮ ຮິ ຕາ ເບີນ ຊ້ອງ ເປ່ ອິນ ເຕົ້າ. ຈະ ຮິ ບ້ອງ ແກັດ ຮຸ່ງ, ມາ ຮາງັຮ ຮິ ແກັດ ອາມັງ ລັຮ ກຸ່ ຮາໂງ. <sup>17</sup> ຕຸຣ ກັດ ຮິ ຈິວ ຕຶງ ແດັຍ ໄມ່ ລາ ປິອ໌ ຊ້ອງ ກະ ມາໂຮຍ ຊ້ອງ. ກະ ຕຸຣ ກັດ ໄມ່ ຕະ ໂອນ ຮິ ເບີນ ອາງອິຣ ຕຶງ ແດັຍ ອິນຕຸນ ແອັນ ກາ ຕາ ເບີນ ແກັດ ປັດ. <sup>18</sup> ໄຮ ຕາ ເບີນ ແນ່ ປີ ຣາມິຣ ຕຶງ ແດັຍ ໄມ່ ມັຮ ມັດ ໄຮ ເຕອ໌ ເຮີມ, ມາ ໄຮ ແນ່ ເລືອຍໆ ປີ ຣາມິຣ ຕຶງ ແດັຍ ອິນຕຸນ ມັຮ ມັດ ໄຮ ຕາ ຢວາຣ ເຮີມ. ຣາມິຣ ອິນເຕົ້າ ໄຮ

ເຕ່ອ ເຮີມ, ແອັດ ມາໂຮຍ ຊ້ອງ, ມາ ມັຮ ຣາມິ່ຮ ໄຮ ຕາ ເຕ່ອ ເຮີມ, ແອັດ ຊົດ ແດີຍ.

### 5

ອິນຕຸ ແອັດ ຕຶ່ງ ມັນລ້ອງ

1 ຈະ ໄຮ ລາ ນະ ດຸງ ແອັດ ມາໂຮຍ ຕຶ່ງ ແດີຍ ໄນ່. ມາ ໄຮ ດັງ ຄັນ ດຸງ ໄນ່ ອາໂຍຮ ແກັດ ຮຸ່ງ, ໄຮ ເບິນ ດຸງ ຕາໄມ ແອັດ ຕຶ່ງ ມັນລ້ອງ ແອັນ. ດຸງ ກ້ອຍ ແອັດ ຊົດ ແດີຍ, ຍ່ອນ ເຢິງ ເຈົ້າຣາຊິ ຕະ ດຸງ ກ້ອຍ, ຕາ ແກິນ ອາຕິ ກວາຍ ຕະ. 2 ຕຶ່ງ ຈະ ໄຮ ຊານຸ່, ໄຮ ກູໂກຣ໌ ເລືອຍໆ ຢັອ ອິ ເບິນ ຈະ ຕາ ໄມ ຕຶ່ງ ມັນລ້ອງ, ນະ ໄຮ ອິ ແຊັບ ອາຍ້ອຣ ຕາໄມ. 3 ຍ່ອນ ແຕ້ອ໌ ໄຮ ເບິນ ຈະ ຕາໄມ ກ້ອຍ, ຣາເວີຍ ໄຮ ຕາ ເບິນ ແອັດ ມູລາໄລະ. 4 ໄຮ ແອັດ ກູໂກຣ໌ ເລືອຍໆ ຕຶ່ງ ແດີຍ ໄນ່ ຍ່ອນ ໄຮ ຊ້ອງ ຕາ ແອອ໌ ອິ ຕັຮ ຈະ ໄນ່, ມາ ໄຮ ອູອຍາຣ ອູໄອອ໌ ຢັອ ອິ ເບິນ ຈະ ຕາໄມ ຕຶ່ງ ແດີຍ ອິນຕຸນ. ໄນ່ ລາ ນະ ຣາງິຮ ອາ ມັ່ງ ເລືອຍໆ ຕາລຸຣ ຣາງິຮ ອາມັ່ງ ຕຶ່ງ ແດີຍ ໄນ່. 5 ເຢິງ ເຈົ້າຣາຊິ ກຽມ ດໍອ໌ ນະກ້ອຍ ໂອນ ໄຮ. ອັນ ໂອນ ໄຮ ເບິນ ຣາເວີຍ ອັນ ເຈີ່ ດໍອ໌ ຕະ ໂອນ ໄຮ ດັງ ອັນ ອິ ຕະ ໂອນ ເຈີ່ ມັຮ ອັນ ເອີອ໌.

6 ນະກ້ອຍ ໄຮ ອົງກ່ອງ ເລືອຍໆ ຕຶ່ງ ຣາງິຮ ໄຮ, ກະ ໄຮ ດັງ ບັອງ ກາ ຈະ ໄຮ ອິນນ້ອງ ແອັດ ອາ ມັ່ງ ຕຶ່ງ ກູແຕອ໌ ໄນ່, ໄຮ ແອັດ ເຢິງ ແຕ ອິນຕຸ ອິນ ເຈົ້າ ແອັດ. 7 ໄຮ ອາມັ່ງ ຍ່ອນ ໄຮ ຕາປຸ່ນ ຣາມິ່ຮ ໄຮ ຊາອໍາ, ຕາ ແກິນ ຍ່ອນ ໄຮ ຕາປຸ່ນ ຣາມິ່ຮ ໄຮ ເຮີມ. 8 ໄຮ ຕາ ເບິນ ອົງກ້ອຣ ອິນເຕົ້າ, ກະ ໄຮ ຄິດ ອໍ ກາເລີຍ ໄຮ ກູຈິດ, ເຈີ່ ໄຮ ເຈົ້າ ແອັດ ມັນຕຸ ກະ ອິນເຈົ້າ ໄຮ. 9 ມາ ກາເລີຍ ແຕ ຣາມິ່ຮ ການໍອ໌ ໄຮ ຢັອ ອິ ຕະ ໂອນ ອິນເຈົ້າ ໄຮ ຊ້ອງ ຮໍອ໌ ຣາງິຮ ກະ ໄຮ, ຕາ ເບິນ ອິນເຕົ້າ ໄຮ ແອັດ ຕຶ່ງ ກູແຕອ໌ ໄນ່ ແຕີລາ ແອັດ ຕຶ່ງ ມັນລ້ອງ. 10 ແຕ້ອ໌ ຕາໂງ ກຣິດ ຕັດຊິນ ອິນແຍະ ມັຮ ກວາຍ, ກຸ່ ນະ ໄຮ ແອັດ ຕາ ຢິ່ງ ຍິຣ ເມີງ ອັນ; ເຈີ່ ໄຮ ເບິນ ທົ້າ ຕາປຸ່ນ ຣານະ ອິນເຕົ້າ ໄຮ ຕະ ຕຶ່ງ ແດີຍ ອາມັ່ງ ໄຮ, ຣານະ ອໍ ແຕີ ລາ ຣານະ ຕາ ອໍ.

ໄຮ ແອັດ ຣາຕອຍ ກະ ເຢິງ ເຈົ້າຣາຊິ ຍ່ອນ ແຕ ເຢຊູ ກຣິດ

11 ຮິ ດັງ ອົງກ້ອຣ ເຢິງ ເຈົ້າຣາຊິ ເຈີ່. ຍ່ອນ ນະກ້ອຍ ຮິ ອາຕິ ກວາຍ ການໍອ໌ ໂອນ ໄລ່ ຊາອໍາ ເຕ່. ເຢິງ ເຈົ້າຣາຊິ ດັງ ເຈີ່ ກຸ່ ຣານະ ຕຶ່ງ ຣາງິຮ

ຮິ. ກະ ຮິ ຢັອ ເຍົາ ດັງ ເຕ່ ມັຮ ຣານະ ແຕ ຣາງິຮ ຮິ. 12 ຮິ ຕາ ເບິນ ປາຍ ນະກ້ອຍ ໂອນ ເຍົາ ຄິດ ຮິ ຍ່ອງ ຈະ ຮິ ເບີມ. ມາ ຮິ ຢັອ ເຍົາ ເບິນ ມວຍ ຣາມິ່ຮ ອໍ ອາຕິ ແຕ ຮິ. ນະກ້ອຍ ເຍົາ ເຕ່ອ໌ ຕາ ແອີຍ ລັຮ ໂຈະ ໄລ່ ກາ ຢັອ ອິ ໂອດ ປາຍ ໄລ່ ຕະ ອໍ ຍິຣ ເມີງ ກວາຍ ຢັອ ອິ ໂອນ ກວາຍ ເຮີມ, ມາ ຣາງິຮ ໄລ່ ຕາ ເບິນ ອໍ ອິນເຕົ້າ. 13 ເບິນ ກວາຍ ປາຍ ຮິ ລາ ກວາຍ ຢຸຣ. ຮິ ຢຸຣ ແຕີລາ ຕາ ເບິນ ຢຸຣ, ລາ ຕາ ເບິນ ອິນເຕົ້າ. ຮິ ຢັອ ອິ ຕະ ຣານະ ເຢິງ ເຈົ້າຣາຊິ ກະ ຈ່ອຍ ເຍົາ ຊ້ອງ. 14 ຣາງິຮ ອາ ໂຢະ ແຕ ເຢຊູ ກຣິດ ມັນຕຸຣິ ຮິ. ນະກ້ອຍ ຮິ ຄິດ ນະໄນ່: ຄັນ ເບິນ ມານະ ກູຈິດ ຕາງ ກຸ່ ນະ ກວາ ຍ, ຣາມິ່ຮ ກ້ອຍ ລາ ນະ ກຸ່ ນະ ກວາຍ ກູຈິດ ເຕ່. 15 ເຢຊູ ກູຈິດ ເຈີ່ ຕາງ ກຸ່ ນະ ກວາຍ, ໂອນ ໄລ່ ກາ ອິນນ້ອງ ອາມັ່ງ ຕາ ເບິນ ຕາປຸ່ນ ນ້ອງ ຣາງິຮ ໄລ່ ເບີມ, ມາ ໂອນ ຕາປຸ່ນ ຣາງິຮ ອັນ ກາ ກູຈິດ ກະ ອາມັ່ງ ລັຮ ຕາງ ໄລ່.

16 ນະກ້ອຍ ແຕ ຕາໂງ ໄນ່ ເຕົ້າ ແຕ້ອ໌ ຕາໂງ ອິນ ຕຸ່ນ, ຮິ ຕາ ເບິນ ຄິດ ນ້ອງ ແຕ ກວາຍ ການໍອ໌, ໄລ່ ອໍ ມາ ຕາ ເບິນ ອໍ ຕາປຸ່ນ ຣານະ ກວາຍ ເກີຍ ຄິດ. ບັອງ ອາໄຮ່ ຮິ ຄິດ ນະກ້ອຍ ເຕ່ ແຕ ເຢຊູ ກຣິດ, ມາ ຊານຸ່ ຮິ ຕາ ເບິນ ຄິດ ນ້ອງ ນະກ້ອຍ. 17 ນະກ້ອຍ ຄັນ ກວາຍ ອາແລະ ມາ ເບິນ ມວຍ ຣາງິຮ ກະ ເຢຊູ ກຣິດ, ກວາຍ ກ້ອຍ ແກັດ ຕາໄມ ລັຮ. ມັຮ ຣານະ ຕຍາ ປິດ ອິນແຍະ ເຈີ່. ແຕ້ອ໌ ຣານະ ຕາໄມ ແອັນ. 18 ອິນແຍະ ຣານະ ໄນ່ ລາ ແຕ້ອ໌ ແຕ ເຢິງ ເຈົ້າຣາຊິ. ຍ່ອນ ແຕ ເຢຊູ ກຣິດ ເຢິງ ເຈົ້າຣາຊິ ປຣ່ອມ ໂອນ ໄຮ ເຕ່ອ໌ ຣາຕອຍ ລັຮ ກະ ອັນ. ກະ ອັນ ໂອນ ຮິ ຕະ ຣານະ ອາຕິ ລັຮ ໂອນ ກວາຍ ການໍອ໌ ດັງ ນະໄນ່: 19 ຍ່ອນ ແຕ ເຢຊູ ກຣິດ, ເຢິງ ເຈົ້າຣາຊິ ຕະ ໂອນ ກຸ່ ນະ ກວາ ຍ ເຕ່ອ໌ ຣາຕອຍ ລັຮ ກະ ອັນ. ອັນ ຕາ ເບິນ ຕະ ໂຕ່ດ ນ້ອງ ມັຮ ໄລ່ຍຣ ໄລ່. ກະ ອັນ ໂອນ ໄຮ ເບິນ ຣານະ ອາຕິ ລັຮ ໂອນ ກວາຍ ການໍອ໌ ດັງ ເຕ່.

20 ຮິ ລາ ກວາຍ ເດີງ ປັຣນາຍ ເຢຊູ ກຣິດ ອາ ຕິ ໂອນ ເຍົາ. ນະກ້ອຍ, ເຢິງ ເຈົ້າຣາຊິ ແປຮິ ຮິ ອາຕິ ຕາງ ປັຣນາຍ ອັນ. ຍ່ອນ ແຕ ເຢຊູ ກຣິດ, ຮິ ແຊອ໌ ເຍົາ ປຣ່ອມ ຣາຕອຍ ລັຮ ກະ ເຢິງ ເຈົ້າຣາຊິ. 21 ເຢຊູ ກຣິດ ຕາ ເບິນ ເບິນ ໄລ່ຍຣ ອິນເຕົ້າ. ມາ ເຢິງ ເຈົ້າຣາຊິ ໂອນ ອັນ ຈິວ ກູຈິດ ຕາງ ໄລ່ຍຣ ໄຮ. ຍ່ອນ ໄຮ ເບິນ ມວຍ ຣາງິຮ ກະ ເຢຊູ, ນະກ້ອຍ ໄຮ ແກັດ ຕານ້ອງ ອໍ ຍິຣ ເມີງ ເຢິງ ເຈົ້າຣາຊິ.



**6**

1 ຮິ ຕະ ມວຍ ຣານະ ກະ ເຢີງ ເຈົ້າຣາຊີ. ອັນ ຈ່ອຍ ພົດ ເຍົາ ເຈີ້, ຍ່ອນ ນະກ້ອຍ ຮິ ແຊອ ເຍົາ ອິນໂຈຍ ຕັຣ ມັຣ ຣານະ ອັນ ຈ່ອຍ ເຍົາ. 2 ເຢີງ ເຈົ້າຣາຊີ ອາຕີ ເຈີ້ ຕຶ້ງ ປຶງ ປຶຣນາຍ ອັນ ແຕ ອິມ ແບີ ປາຍ:

"ແຕ້ອ ປາແນ່ນ ເກົາ ອີ ຈ່ອຍ ພົດ ເຍົາ,  
ຕາໂງ ກ້ອຍ ເກົາ ຊ້ອງ ປຶຣນາຍ ເຍົາ ເກົາ  
ແຊອ."

ກະ ແຕ້ອ ປາແນ່ນ ເກົາ ຍິອ ອີ ຈ່ອຍ ອາມັງ ເຍົາ,  
ຕາໂງ ກ້ອຍ ເກົາ ຈ່ອຍ."

ໂກຣ ລາລີ້, ຕາໂງ ໄນ່ ແຕ້ ເຢີງ ເຈົ້າຣາຊີ ອີ ຈ່ອຍ  
ເຍົາ, ກະ ຕາໂງ ໄນ່ ແຕ້ ອັນ ອີ ຈ່ອຍ ອາມັງ ເຍົາ.

ມັຣ ກວາຍ ຕະ ຣານະ ເຢີງ ເຈົ້າຣາຊີ, ໄລ່ ຈີວ  
ຊາອິ້ຍ ຕຸ່ຣ ກັດ

3 ຮິ ຕາ ເບີນ ຕະ ອິມເຕົ້າ ໂອນ ກວາຍ ການຸ່ອ  
ຕາ ແອອ ອີ ຊາອຳ, ແຕ້ລາ ໂອນ ໄລ່ ແຕ້ອ ຕີ ມັຣ  
ຣານະ ຮິ ຕະ. 4 ມາ ກູ່ ຣາມິ້ຣ ອິນເຕົ້າ ຮິ ຕະ, ຮິ  
ອາປັຣ ຮິ ຕະ ຣານະ ເຢີງ ເຈົ້າຣາຊີ. ຣານະ ຮິ ອາ  
ປັຣ ລາ ນະໄນ່: ຮິ ຈີວ ຊາອິ້ຍ ຣາມິ້ຣ ຕຸ່ຣ ກັດ,  
ຕຸ່ຣ ກາດິດ, ກະ ໂຕຍ໌ ບາບ. 5 ຮິ ຈີວ ເມົາ ປາຍ  
ຮ ຮິ, ເມົາ ໂຈະ ຮິ ຕຶ້ງ ກໍ້ອ, ກະ ເມົາ ຣາຍົວະ ໂອນ  
ເມົາ ຕະ ຮິ. ຮິ ຕະ ຣານະ ລາແກ້ຣ ລາລີ້. ແຕ້ອ ຊາ  
ເດົາ ກາ ຮິ ພົາອ, ຮິ ຕາ ເບີນ ບິ ເລີ້ຍ. ກະ ຮິ ຈີວ  
ມາເຍົາຍຣ ຊາລາອ. 6 ຮິ ອາປັຣ ຮິ ລາ ກວາຍ ຕະ  
ຣານະ ເຢີງ ເຈົ້າຣາຊີ ຍ່ອນ ຮິ ເບີນ ຣາງິຣ ບຣັຣ  
ອໍ ຍິຣ ເມີງ ເຢີງ ເຈົ້າຣາຊີ, ຍ່ອນ ຮິ ດັງ ແຕ ຣາ  
ນະ ເຢຊູ ກຣິດ, ຍ່ອນ ຮິ ຈີວ ເມົາ ຕະ ຮິ, ຍ່ອນ ຮິ  
ຈ່ອຍ ເຍົາ, ຍ່ອນ ຮິ ເບີນ ຣາເວົ້າຍ ເຢີງ ເຈົ້າຣາຊີ  
ແອັດ ກະ ຮິ, ຍ່ອນ ຮິ ອາໂຢະ ເຍົາ ອິນແຍະ ຣາງິຣ,  
7 ຍ່ອນ ຮິ ອາຕີ ປຶຣນາຍ ອໍ ແຕ ເຢີງ ເຈົ້າຣາຊີ,  
ກະ ຍ່ອນ ເຢີງ ເຈົ້າຣາຊີ ໂອນ ຮິ ເບີນ ອຳນາດ ແຕ  
ອັນ. ຮິ ແອັດ ຕານ້ອງ ອໍ ຍິຣ ເມີງ ເຢີງ ເຈົ້າຣາ  
ຊີ, ໄນ່ ລາ ນະ ຮິ ຢຸມ ເກຣັງ ປາ ຕຶ້ງ ບາຣ ກັຣ ອາ  
ຕີ ຮິ. 8 ເບີນ ກວາຍ ກາ ຍ່ອງ ຮິ, ມາ ເບີນ ອັນ  
ກາ ອາເຍ່ ພາມາດ ຮິ. ເບີນ ກວາຍ ກາ ຕາແມັຍຣ  
ຮິ ປາຍ ຕະ ຕາ ອໍ, ມາ ເບີນ ອັນ ກາ ປາຍ ຮິ ລາ  
ກວາຍ ອໍ. ເບີນ ກວາຍ ກາ ປາຍ ຮິ ລາ ກວາຍ ອາ  
ໂລກ, ມາ ເບີນ ອັນ ກາ ປາຍ ຮິ ອາຕີ ປາຍາຍ ອິນ  
ແຍະ. 9 ເບີນ ກວາຍ ກາ ຕະ ນະ ຕາ ເບີນ ຊາກັລ  
ຮິ, ມາ ເບີນ ອັນ ກາ ຊາກັລ ຮິ. ຊາອິ້ຍ ເຮີບ ເຈີ້  
ຮິ ມັນ ອີ ກູຈິດ, ມາ ອິນນ້ອງ ຮິ ເບີນ ອາມັງ. ເມົາ  
ຕັນ ຮິ, ມາ ຮິ ຕາ ເບີນ ກູຈິດ. 10 ຊາອິ້ຍ ເຮີບ ເຈີ້

ຮິ ເບີນ ຣາງິຣ ງໍ້, ມາ ອິນນ້ອງ ເຢີງ ເຈົ້າຣາຊີ ໂອນ  
ຮິ ຊ້ອງ ຮໍ້ອ ເລື້ອຍໆ. ຮິ ກາດິດ ລາລີ້ ຕຶ້ງ ແດັຍ  
ໄນ່, ມາ ຮິ ຈ່ອຍ ໂອນ ກຶ້ງ ກວາຍ ແກັດ ຊຸ ເບີນ.  
ຮິ ລາ ນະ ກວາຍ ແອີ ອິນເຕົ້າ ເລີ້ຍ, ມາ ອິນນ້ອງ  
ຮິ ເບີນ ກູ່ ຣາມິ້ຣ ກາ ເຢີງ ເຈົ້າຣາຊີ ໂອນ ຮິ ເບີນ.

11 ເອີ ເຍົາ ກວາຍ ໂກຣິນໂທ ເອີຍ! ຮິ ອາຕີ  
ກຣັກ ລາລີ້ ໂອນ ເຍົາ, ກະ ຮິ ອາໂຢະ ເຍົາ ອິນແຍະ  
ະ ຣາງິຣ ຮິ. 12 ຕາ ແກິນ ຮິ ຕາ ເບີນ ອາໂຢະ ເຍົາ,  
ມາ ເຍົາ ຕາ ເບີນ ອາໂຢະ ຮິ. 13 ຊານຸ່ ເກົາ ອາຕີ  
ເຍົາ ນະ ເຍົາ ລາ ກອນ ອາໂກ ເກົາ: ຮິ ຍິອ ເຍົາ ຕະ  
ໂຈະ ຮິ ມູເຈີງ ຮິ ຕະ ໂຈະ ເຍົາ. ຮິ ຍິອ ເຍົາ ອາໂຢະ  
ຮິ ອິນແຍະ ຣາງິຣ ເຍົາ.

ເຢຊູ ກຣິດ ກະ ເຢີງ ຊາຕານ

14 ເຍົາ ອິນໂຈຍ ປຣ່ອມ ຣາຕອຍ\* ກະ ກວາຍ  
ກາ ຕາ ເບີນ ຊາອຳ ເຢຊູ ກຣິດ. ຣານະ ຕານ້ອງ ອໍ  
ຕາ ເບີນ ປຣ່ອມ ກະ ຣານະ ຕາ ອໍ. ຣານະ ປຶງ ຕາ  
ເບີນ ຊັງໂກຣ ກະ ຣານະ ການຳ. 15 ເຢຊູ ກຣິດ ຕາ  
ເບີນ ປຣ່ອມ ກະ ເຢີງ ຊາຕານ. ກະ ອັນ ກາ ຊາອຳ  
ເຈີ້, ອັນ ຕາ ແຕ້ອ ປຣ່ອມ ກະ ກວາຍ ກາ ຕາ ເບີນ  
ຊາອຳ. 16 ດຸງ ຊາງ ເຢີງ ເຈົ້າຣາຊີ ອິມພາ ແຕ ຮຸ່ນ  
ເຢີງ ຕາ ອໍ. ໄຣ ແຕ້ ລາ ດຸງ ຊາງ ເຢີງ ເຈົ້າຣາຊີ.  
ເຢີງ ເຈົ້າຣາຊີ ປາຍ ເຈີ້:

"ເກົາ ເປາະ ກະ ແອັດ ກະ ໄລ່.  
ເກົາ ແກັດ ເຢີງ ເຈົ້າຣາຊີ ໄລ່,  
ກະ ໄລ່ ແກັດ ກອນແຊມ ເກົາ."

17 ກະ ເຢີງ ເຈົ້າຣາຊີ ປາຍ ແອັນ ນະໄນ່:  
"ອິງເຄາະ ເຍົາ ອິນໂຈຍ ດວຍ໌ ແຕ  
ຣານະ ກວາຍ ກາ ຕາ ເບີນ ຊາອຳ ເກົາ,  
ກະ ອິງເຄາະ ເຍົາ ຕະ ອິມພາ ແຕ ຣານະ ໄລ່ ກ້ອຍ.  
ເຍົາ ອິນໂຈຍ ອາຕູຍຣ ມັຣ ເກຣັງ ກາ ເກົາ ຊາອັຣ  
ຕະ.  
ເຈີ້ ເກົາ ງິ່ນ ເຍົາ ລາ ກອນ ອາໂກ ເກົາ.

18 ເກົາ ແກັດ ອິມບໍ່ ເຍົາ,  
ກະ ເຍົາ ແກັດ ກອນ ຣາເລົາ ກອນ ມັນແຊມ  
ເກົາ.

ນະກ້ອຍ ເກົາ, ລາ ອິນເຈົ້າ ກາ ເບີນ ອຳນາດ ປັດ  
ກາເລີຍ ອິນແຍະ ແຕ ການໍ້ອ, ປາຍ ຊັນ  
ຕອຍ໌ ໄນ່."

**7**

1 ນະກ້ອຍ ອາລັອຣ ເອີຍ! ຍ່ອນ ໄຣ ຊ້ອງ ເຈີ້  
ມັຣ ປຶຣນາຍ ເອີອ ກ້ອຍ, ອິງເຄາະ ໄຣ ຕະ ບຣັຣ  
ກູ່ ຣາມິ້ຣ ກາ ຕາ ເບີນ ອໍ ຕຶ້ງ ຈະ ກະ ຕຶ້ງ ຣາງິຣ

\* 6:14 6:14 ຕຶ້ງ ປຶຣນາຍ ກຣິກ ອັນ ປາຍ: "ອິນໂຈຍ ຈຸງ ມານຳ ແອກ."

ໄຮ, ໂອນ ເຕ່ອ໌ ໄຮ ຕະ ໂອນ ເຈີ່ ກູ່ ຮາມະ ອໍ ຍ່ອນ ໄຮ ຊາງັດ ເຢິງ ເຈົ້າຣາຊີ.

ໂປໂລ ຊ້ອງ ຮໍ່ອ໌ ຣາງິ່ຮ ຍ່ອນ ແຕ ກວາຍ ໂກຣິນໂທ

2 ຮິ ແຊອ໌ ເຍົາ ອາໂຢະ ລັຮ ຮິ. ຮິ ຕາ ເບີນ ຕະ ຕາ ອໍ ອິນເຕົ້າ ໂຈະ ເມົາ. ຮິ ຕາ ເບີນ ປັຣຕິ້ ເມົາ ເດີງ ຕະ ຕາ ອໍ. ກະ ຮິ ຕາ ເບີນ ໂລ່ບ ທາຣິງ ເມົາ. 3 ເກົາ ຕາ ເບີນ ປາຍ ນະກ້ອຍ ຢໍອ໌ ອິ ຕິ ເຍົາ, ຍ່ອນ ຮິ ອາຕິ ເຍົາ ເຈີ່ ລາ ຮິ ອາໂຢະ ລາລີ້ ເຍົາ. ຮິ ຮໍ່ອ໌ ຣາງິ່ຮ ກູຈິດ ແຕີລາ ອາມັງ ມັນຕຸ ກະ ເຍົາ. 4 ເກົາ ຊາອໍ ເຍົາ ຕະ ປຍາຍ໌ ເລືອຍໆ, ກະ ເກົາ ຍ່ອງ ເຍົາ ຍິ່ຮ ເມີງ ກວາຍ ການໍ່ອ໌. ຮິ ອິນນ້ອງ ຈິວ ຕຸ່ຮ ກັດ, ມາ ເກົາ ຊ້ອງ ຮໍ່ອ໌ ອາຊ້ອຣ ນະ ເມົາ ຕາລີ້ນ ເກົາ.

5 ບ້ອງ ກາ ຮິ ແຕ້ອ໌ ປິ ແຄງ ມາຫາໂດເນຍ, ຮິ ຕາ ເບີນ ແອິດ ອຽນ ອໍ ອິນເຕົ້າ. ອິນແປຣ ຮິ ເບີ ນ ແອິງ ຕຸ່ຮ ກັດ ຊ້ອງ. ອິນແປຣ ຈະ ຮິ, ແອິງ ເມົາ ຢໍອ໌ ອິ ຕະ ຮິ. ຕິ່ງ ຣາງິ່ຮ ຮິ ຄິດ ແອິງ ຣາມິ່ຮ ອິງ ກ້ອຣ. 6 ມາ ເຢິງ ເຈົ້າຣາຊີ, ອັນ ກາ ຕາລີ້ນ ກວາ ຍ ກາ ເບີນ ຕຸ່ຮ ຈຸ່, ອັນ ກ້ອຍ ຕາລີ້ນ ຣາງິ່ຮ ຮິ ຍ່ອນ ເບີນ ຕິໂຕ ແຕ້ອ໌ ປິ ຮິ. 7 ມາ ຮິ ຊ້ອງ ຮໍ່ອ໌ ຕາ ເບີນ ແອິງ ແຕ ຕິໂຕ ແຕ້ອ໌ ຊ້ອງ. ມາ ຮິ ຊ້ອງ ຮໍ່ອ໌ ລາລີ້ ຍ່ອນ ເຍົາ ຕະ ອໍ ໂຈະ ອັນ. ອັນ ອາຕິ ຮິ ລາ ເຍົາ ຢໍອ໌ ອິ ຣາມິ່ຮ ເກົາ, ກະ ເຍົາ ຊ້ອງ ຕຸ່ຮ ຈຸ່ ເຍົາ ຕະ ໂລ່ຍຣ ໂຈະ ເກົາ ແຕ ອິນໂຍ່ງ, ກະ ຊານໍ່ ເຍົາ ເບີນ ຣາງິ່ຮ ອໍ ລັຮ ໂຈະ ເກົາ. ຍ່ອນ ນະກ້ອຍ ເກົາ ຊ້ອງ ຮໍ່ອ໌ ອາຊ້ອຣ.

8 ຄັນ ປັຣນາຍ ຊາອິຣ ເກົາ ພາອ໌ ໂອນ ເຍົາ ແຕ ອິນໂຍ່ງ ມາ ຕະ ໂອນ ເຍົາ ຊ້ອງ ຕຸ່ຮ ຣາງິ່ຮ, ເກົາ ຄິດ ເກົາ ຕາ ເບີນ ຕະ ໂລ່ຍຣ ອິນເຕົ້າ ຄຽນ ປັຣ ນາຍ ໄນ່. ມາ ພໍກາ ເກົາ ດັງ ເຍົາ ເບີນ ຕຸ່ຮ ຣາງິ່ຮ ມາໂຮຍ ແຕ ປັຣນາຍ ໄນ່, ເກົາ ຄິດ ຕາ ເບີນ ອໍ ເຕ່ ເກົາ ຄຽນ ນະກ້ອຍ. 9 ມາ ຊານໍ່ ເກົາ ຊ້ອງ ຮໍ່ອ໌ ບູຍ. ຕາ ແກິນ ເກົາ ແອິນ ເຍົາ ຕຸ່ຮ ຣາງິ່ຮ, ມາ ເກົາ ແອິນ ຍ່ອນ ຕຸ່ຮ ຣາງິ່ຮ ກ້ອຍ ຈ່ອຍ ໂອນ ເຍົາ ປຽນ ແກິດ ຣາງິ່ຮ ຕາໄມ. ຣາງິ່ຮ ຕຸ່ຮ ຈຸ່ ໄນ່ ລາ ແຕ ເຢິງ ເຈົ້າຣາຊີ ໂອນ ເຍົາ. ເກົາ ຕາ ເບີນ ຕະ ໂລ່ຍຣ ອິນເຕົ້າ ກະ ເຍົາ. 10 ຣາງິ່ຮ ຕຸ່ຮ ຈຸ່ ມັຮ ເຢິງ ເຈົ້າຣາຊີ ໂອນ ເຍົາ, ຕະ ໂອນ ກວາຍ ຕັຮ ຣາງິ່ຮ ຕຍາ ປຽນ ແກິດ ຣາງິ່ຮ ຕາໄມ ແອິນ ໂອນ ອັນ ເຕ່ອ໌ ຈ່ອຍ ອາມັງ ໄລ່. ໄຮ ຕາ ເຕ່ອ໌ ປາຍ ຕຸ່ຮ

ຈຸ່ ກ້ອຍ ລາ ຕາ ອໍ. ມາ ຄັນ ເບີນ ຕຸ່ຮ ຈຸ່ ຕາປູນ ຮາມະ ຕິ່ງ ແດີຍ ໄນ່, ຕຸ່ຮ ຈຸ່ ກ້ອຍ ຕະ ໂອນ ເຍົາ ກູຈິດ. 11 ນະກ້ອຍ ອິງເຄາະ ເຍົາ ຄິດ ແຕ ຣາມິ່ ຮ ອໍ ກາ ແຕ້ອ໌ ປິ ເຍົາ ຍ່ອນ ເຢິງ ເຈົ້າຣາຊີ ໂອນ ເຍົາ ເບີນ ຕຸ່ຮ ຈຸ່ ກ້ອຍ ແຕ ອິນໂຍ່ງ. ຊານໍ່ ເຍົາ ຢໍອ໌ ອິ ຊາງັດ ລາລີ້ ຮາມະ ເຢິງ ເຈົ້າຣາຊີ. ເຍົາ ຣາ ຈຽນ ລັຮ ຄັນ ເມົາ ປາຍ ເຍົາ ປັຣອມ ກະ ຮາມະ ຕາ ອໍ. ເຍົາ ຢໍອ໌ ອິ ຣາຈິ່ລ ລັຮ ຮາມະ ຕາ ອໍ. ເຍົາ ອິງກ້ອຣ ເຢິງ ເຈົ້າຣາຊີ ແອິນ. ເຍົາ ຢໍອ໌ ອິ ຣາມິ່ຮ ລັຮ ເກົາ. ເຍົາ ອູອຍາຣ ອູໂອອ໌ ຢໍອ໌ ອິ ຕະ ຮາມະ ອໍ. ກະ ເຍົາ ຕະ ຊັງໄກຣ ອໍ ບ້ອງ ກາ ເຍົາ ໂຈະ ໂຕ່ ດ ກວາຍ ກາ ຕະ ຮາມະ ຕາ ອໍ. ເຍົາ ຕະ ນະກ້ອຍ, ລາ ເຍົາ ອາປັຣ ໂອນ ກວາຍ ການໍ່ອ໌ ດັງ ເຍົາ ຕາ ເບີນ ປັຣອມ ກະ ຮາມະ ຕາ ອໍ ກ້ອຍ.\*

12 ນະກ້ອຍ ເກົາ ຄຽນ ປັຣນາຍ ຊາອິຣ ແຕ ອິນໂຍ່ງ ໄນ່ ຕາ ແກິນ ຍ່ອນ ກວາຍ ກາ ຕະ ຕາ ອໍ, ກະ ຕາ ແກິນ ຍ່ອນ ກວາຍ ກາ ຈິວ ຣາມິ່ຮ ຕາ ອໍ ກ້ອຍ. ມາ ເກົາ ຄຽນ ປັຣນາຍ ກ້ອຍ ດ້ອ໌ ອາປັຣ ໂອນ ເຍົາ ດັງ ຍິ່ຮ ເມີງ ເຢິງ ເຈົ້າຣາຊີ ລາ ເຍົາ ອາ ໂຢະ ລາລີ້ ຮິ. 13 ມັຮ ຣາມິ່ຮ ກ້ອຍ ຕາລີ້ນ ຣາງິ່ຮ ຮິ. ມາ ຮິ ຊ້ອງ ຮໍ່ອ໌ ລາລີ້ ແອິນ, ພໍກາ ຮິ ເຮີມ ຕິໂຕ ຊ້ອງ ຮໍ່ອ໌, ຍ່ອນ ເຍົາ ຕະ ໂອນ ຣາງິ່ຮ ອັນ ແກິດ ລາແຮີຍ ລັຮ. 14 ເກົາ ຍ່ອງ ເຍົາ ອິນໂຍ່ງ ເຈີ່ ໂຈະ ຕິໂຕ, ກະ ຣາມິ່ຮ ເກົາ ຍ່ອງ ກ້ອຍ ແກິດ ປຍາຍ໌, ນະກ້ອຍ ເກົາ ຕາ ເບີນ ຊ້ອງ ກູມາລ. ຮິ ອາຕິ ປຍາຍ໌ ເລືອຍໆ ໂຈະ ເຍົາ, ກະ ປັຣນາຍ ຮິ ອາຕິ ແຕ ເຍົາ ໂຈະ ຕິໂຕ, ອິນແຍ່ະ ປັຣນາຍ ກ້ອຍ ແກິດ ປຍາຍ໌ ເຕ່. 15 ນະກ້ອຍ ຕິໂຕ ໄນ່, ອັນ ອາ ໂຢະ ເຍົາ ຊາອິ້ຍ ລາລີ້ ແອິນ ພໍກາ ອັນ ຊາແຍີ ເຍົາ ຊາງັດ ປັຣນາຍ ອັນ, ກະ ເຍົາ ຢານໍ່ບ ລາລີ້ ອັນ. 16 ເກົາ ຊ້ອງ ຮໍ່ອ໌ ບູຍ, ເຕ່ອ໌ ເກົາ ຊາອໍ ເຍົາ ຕະ ອໍ ເລືອຍໆ.

### 8

ກວາຍ ມາຫາໂດເນຍ ເບີນ ຣາງິ່ຮ ອາໂຢະ ເຍົາ 1 ແຊມອາຍ ເອີຍ! ເກົາ ຢໍອ໌ ອິ ໂອນ ເຍົາ ດັງ ຮາມະ ເຢິງ ເຈົ້າຣາຊີ ຈ່ອຍ ເມີດ ມັຮ ມູ່ ກາ ຊາ ອໍ ແອິດ ຕິ່ງ ແຄງ ມາຫາໂດເນຍ. 2 ໄລ່ ກ້ອຍ ຈິວ ຕຸ່ຮ ກັດ ອິນຕ້ອງ ລາລີ້, ກະ ໄລ່ ລາ ກວາຍ ຕຸ່ຮ ກາຕິດ, ມາ ໄລ່ ເບີນ ຣາງິ່ຮ ຊ້ອງ ຮໍ່ອ໌ ອາຊ້ອຣ. ນະກ້ອຍ ຣາງິ່ຮ ໄລ່ ຊ້ອງ ຢໍອ໌ ອິ ຈ່ອຍ ກວາຍ ກາ ນໍ່ອ໌. 3 ເກົາ ອາຕິ ໄກຣ ລາລີ້, ໄລ່ ຕະ ນະໄນ່: ມັຮ ປຣະ ໄລ່ ຄິດ ເຕ່ອ໌ ໄລ່ ໂອນ, ໄລ່ ໂອນ ແກຼຍ ແຕ

\* 7:11 ເພ່ ແຕ ໂກຣິນໂທ ມວຍ 5:1.

ໄລ່ ຄິດ. <sup>4</sup> ໄລ່ ແຊ້ອ ເລືອຍໆ ແຕ ຮິ ໂອນ ໄລ່ ເປີ  
 ນ ປຸນ ຣາວ່ອຍ ໂອນ ມັຮ ມູ່ ກາ ຊາອຳ ແອິດ ຕຶ່ງ  
 ເມືອງ ເຢຣູຊາເລັມ. <sup>5</sup> ໄລ່ ຕະ ແກ້ຍ ແຕ ຮິ ຄິດ  
 ໄລ່ ເຕ້ອ ຕະ. ມາ ແຕ ຕາແບິ ລາລີ້, ໄລ່ ມ່ອບ ກາ  
 ຈະ ໄລ່ ໂອນ ເຢິງ ເຈົາຣາຊີ, ກະ ໄລ່ ປຣ່ອມ ມວຍ  
 ຣາງິຮ ກະ ຮິ ເຕ່. ນະກ້ອຍ ໄລ່ ຕາປຸນ ຣາງິຮ ເຢິງ  
 ເຈົາຣາຊີ ກຣັກ ລາລີ້. <sup>6</sup> ນະກ້ອຍ ຮິ ແປຣີ ຕິໂຕ  
 ເປາະ ແຕ້ອ ປິ ເຍົາ ໂອນ ອັນ ຈ່ອຍ ລັຮ ຣານະ ເຍົາ  
 ຕະ ແຕ ອິນໂຍ່ງ ມາ ຕາ ຢວາຣ ເຈ້. ຣານະ ກ້ອຍ  
 ລາ ເຍົາ ປາໂຣມ ປຣະ ດໍອ ອິ ຈ່ອຍ ເຍົາ. <sup>7</sup> ເຍົາ ດັງ  
 ຊາອິ້ຍ ເຈ້ ມັຮ ຣານະ ໄນ່: ເຍົາ ຊາອຳ ກຣັກ ລາລີ້,  
 ເຍົາ ແຄວ້ ອາຕີ ກວາຍ ການໍ່ອ, ເຍົາ ດັງ ຊາອິ້ຍ  
 ຣານະ ແຕ ເຢິງ ເຈົາຣາຊີ, ເຍົາ ປາໂຣຣ ຕະ ຣານະ  
 ເຢິງ ເຈົາຣາຊີ, ກະ ເຍົາ ອາຢະ ລາລີ້ ຮິ. ຊານໍ່ ຮິ  
 ຢໍອ ອິ ໂອນ ເຍົາ ຕະ ຊາອິ້ຍ ອາຊ້ອຣ ແອັນ ແຕ  
 ຣານະ ຈ່ອຍ ເຍົາ.

ອົງເຄາະ ເຍົາ ຕະ ໂອນ ເຈ້ ມັຮ ຣານະ ເຍົາ ຕາ  
 ແບິ ຕະ

<sup>8</sup> ຫົາ ປາຍ ປຣນາຍ ກ້ອຍ, ຫົາ ຕາ ເບິນ ແປຣີ  
 ເຍົາ. ມາ ຫົາ ຢໍອ ອິ ອາຕີ ເຍົາ ລາ ເບິນ ກວາຍ  
 ການໍ່ອ ກາ ຕະ ຣານະ ຈ່ອຍ ເຍົາ, ໄລ່ ຕະ ປາໂຣຣ  
 ລາລີ້. ນະກ້ອຍ ຫົາ ຢໍອ ອິ ລ່ອງ ແມ່ ເຍົາ ເບິນ  
 ຣາງິຮ ອາຢະ ກຣັກ ລາລີ້ ມາ ຕາ ເບິນ. <sup>9</sup> ເຍົາ ດັງ  
 ເຈ້ ເຢຊູ ກຣິດ, ອິນເຈົາ ໄຮ, ເບິນ ຣາງິຮ ຢໍອ ອິ  
 ຈ່ອຍ ເມິດ ເຍົາ ນະໄນ່: ແຕ ອິນໂຍ່ງ ອັນ ຕາ ຢ  
 ວາຣ ແຊງ ປິ ກູແຕອ ໄນ່ ອັນ ຊຸ ເບິນ ເຈ້, ມາ ອັນ  
 ຈູງ ຕະ ເບິນ ໂອນ ແກ້ດ ກາດິດ ແອັນ ຢ່ອນ ອັນ  
 ອິ ຈ່ອຍ ເຍົາ. ອັນ ແກ້ດ ກາດິດ ນະກ້ອຍ ໂອນ  
 ເຍົາ ແອັນ ແກ້ດ ຊຸ.

<sup>10</sup> ຕາປຸນ ຣາງິຮ ຫົາ ແຕ ຣາມິຮ ໄນ່, ຫົາ ຢໍອ  
 ອາຕີ ເຍົາ ປາຍ: ແຕ ກູມໍ ໄຮ ເຍົາ ຊ້ອງ ເຈ້ ຢໍອ ອິ  
 ຕະ ຣານະ ຈ່ອຍ ເຍົາ, ກະ ເຍົາ ຕາແບິ ປາໂຣມ ປຣະ  
 ອິ ຕະ ຣານະ ກ້ອຍ. <sup>11</sup> ນະກ້ອຍ ຊານໍ່, ອົງເຄາະ  
 ເຍົາ ຕະ ໂອນ ເຈ້ ຣານະ ໄນ່! ມາຮຸ ແລະ ເຍົາ ເຕ້ອ  
 ຈ່ອຍ, ເຍົາ ຈ່ອຍ ມາຮ ກ້ອຍ. ນະ ເຍົາ ຊ້ອງ ຢໍອ  
 ອິ ຕະ ແຕ ອິນໂຍ່ງ, ຊານໍ່ ອົງເຄາະ ເຍົາ ຕະ ປາໂຣຣ  
 ລາລີ້ ໂອນ ເຈ້. <sup>12</sup> ຄັນ ເຍົາ ມາ ເບິນ ຣາງິຮ ຊ້ອງ  
 ຢໍອ ອິ ຈ່ອຍ ເຍົາ, ເຍົາ ໂອນ ມາແລະ ລາ ເຕ້ອ.  
 ເຢິງ ເຈົາຣາຊີ ຢໍອ ເຍົາ ໂອນ ມັຮ ຫຣິງ ກາ ເຍົາ  
 ເບິນ, ຕາ ແກ້ນ ຫຣິງ ແອິ ລາ ອົງເຄາະ ເຍົາ ໂອນ.

<sup>13</sup> ຫົາ ຕາ ເບິນ ແປຣີ ໂອນ ເຍົາ ອິດ ອິນແຍ່  
 ະ ມັຮ ຫຣິງ ເຍົາ, ເຈ້ ເຍົາ ຈ່ອຍ ອິນແຍ່ ໂອນ  
 ກວາຍ ກາດິດ. ຄັນ ເຍົາ ຕະ ນະກ້ອຍ, ເຍົາ ແອັນ

ແກ້ດ ກາດິດ. ຫົາ ຢໍອ ອິ ຕະ ອໍ ໂອນ ກູ່ ນະ ເຍົາ.  
<sup>14</sup> ຊານໍ່ ເຍົາ ເບິນ ຊາອິ້ຍ. ນະກ້ອຍ ເຕ້ອ ເຍົາ  
 ຈ່ອຍ ໂອນ ກວາຍ ກາ ແອິ. ແຕ້ອ ປຶຣແນິ ມັນ  
 ເຕຣົາ ຄັນ ໄລ່ ເບິນ, ມາ ເຍົາ ແອິ, ເຕ້ອ ໄລ່ ຈ່ອຍ  
 ລັຮ ໂອນ ເຍົາ ເຕ່. ນະກ້ອຍ ມານະ ຈ່ອຍ ມານະ.  
<sup>15</sup> ຕຶ່ງ ປຶງ ປຣນາຍ ເຢິງ ເຈົາຣາຊີ ແຕ ອິມແບິ ອັນ  
 ປາຍ ເຈ້:

"ອັນ ກາ ປາໂຣມ ຊາອິ້ຍ  
 ລາ ຕາ ເບິນ ແກ້ຍ.

ມາ ອັນ ກາ ປາໂຣມ ປຶຣ  
 ລາ ຕາ ເບິນ ແອິ."

ໂປໂລ ແປຣີ ຕິໂຕ ກະ ບາຣ ນະ ການໍ່ອ ເປາະ  
 ອິດ ປຣະ ແຕ ເມືອງ ໂກຣິນໂທ

<sup>16</sup> ຮິ ຊາເອິນ ເຢິງ ເຈົາຣາຊີ, ອັນ ຈ່ອຍ ໂອນ  
 ຕິໂຕ ເບິນ ຣາງິຮ ຢໍອ ອິ ຈ່ອຍ ເຍົາ ມູເຈິງ ຮິ ເຕ່.

<sup>17</sup> ອັນ ຊາງັດ ປຣນາຍ ຮິ ອາຕີ ອັນ ໂອນ ເປາະ ຊາ  
 ອົຮ ເຍົາ, ກະ ກາເລີຍ ແຕ ກ້ອຍ ແອັນ, ອັນ ຄິດ  
 ເບິນ ຢໍອ ອິ ເປາະ ເຕ່. <sup>18</sup> ຮິ ແປຣີ ຕິໂຕ ເປາະ ມັນ  
 ຕຸ ກະ ມານະ ແຊມອາຍ ກາ ອາຕີ ປຣນາຍ ອໍ ແຕ  
 ເຢິງ ເຈົາຣາຊີ. ມັຮ ມູ່ ກາ ຊາອຳ ແອິດ ກູ່ ອິນຕຸ,  
 ໄລ່ ຢ່ອງ ເລືອຍໆ ກວາຍ ໄນ່, ຢ່ອນ ອັນ ອາຕີ ປ  
 ຍາຍ ລາລີ້. <sup>19</sup> ມາ ມວຍ ຣາມິຮ ແອັນ, ອິນແຍ່  
 ມູ່ ກາ ຊາອຳ ຮຽຮ ກວາຍ ໄນ່ ໂອນ ຈ່ອຍ ຮິ ເດິງ  
 ປຣະ ກາ ຮິ ຕາແບິ ປາໂຣມ ໂອນ ອາເຈົາ ປິ ເມືອງ  
 ເຢຣູຊາເລັມ. ຮິ ຢໍອ ອິ ຕະ ໂອນ ເຈ້ ຣານະ ໄນ່  
 ໂອນ ມັຮ ກວາຍ ເຕ້ອ ຢ່ອງ ເຢິງ ເຈົາຣາຊີ, ກະ  
 ໂອນ ໄລ່ ດັງ ຮິ ເບິນ ຣາງິຮ ຢໍອ ອິ ຈ່ອຍ ໄລ່.

<sup>20</sup> ຮິ ຢໍອ ອິ ວຍາຣ ແຕ ກວາຍ ການໍ່ອ ປາຍ ຮິ  
 ຕ້ອກ ຈາ ແຕ ປຣະ ຊາອິ້ຍ ໄນ່. <sup>21</sup> ຕາ ແກ້ນ ຮິ ອິ  
 ຕະ ອໍ ແອິງ ຢໍຮ ເມິງ ເຢິງ ເຈົາຣາຊີ ຊ້ອງ, ມາ ຮິ  
 ຢໍອ ອິ ຕະ ອໍ ຢໍຮ ເມິງ ກວາຍ ແຮິ.

<sup>22</sup> ກະ ເບິນ ມານະ ແອັນ ແຊມອາຍ ຮິ ແປຣີ  
 ເປາະ ມັນຕຸ ກະ ໄລ່ ບາຣ ນະ. ຮິ ລ່ອງ ກວາຍ ໄນ່  
 ຊາອິ້ຍ ເຮິບ ເຈ້, ນະກ້ອຍ ຮິ ດັງ ອັນ ເບິນ ຣາງິຮ  
 ຢໍອ ອິ ຈ່ອຍ ເຍົາ. ກະ ຊານໍ່ ອັນ ອູອາຣ ອູໄອອ  
 ລາລີ້ ຢໍອ ອິ ຈ່ອຍ, ຢ່ອນ ອັນ ດັງ ເຍົາ ຊາອຳ ກຣັກ  
 ລາລີ້. <sup>23</sup> ຕິໂຕ ໄນ່, ອັນ ຕະ ຣານະ ມັນຕຸ ກະ ຫົາ  
 ອິ ຈ່ອຍ ເຍົາ. ມາ ບາຣ ນະ ກາ ເປາະ ມັນຕຸ ກະ  
 ອັນ, ໄລ່ ລາ ກວາຍ ເປາະ ຕາງ ອິນແຍ່ ມູ່ ກາ ຊາ  
 ອຳ. ໄລ່ ຕະ ຣານະ ໄນ່ ໂອນ ກວາຍ ການໍ່ອ ເຕ້ອ  
 ຢ່ອງ ກຣິດ. <sup>24</sup> ແຊ້ອ ເຍົາ ອາປຣ ໂອນ ໄລ່ ໄປ ນະ  
 ໄນ່ ເຮິມ ເຍົາ ອາຢະ ເຍົາ. ຄັນ ນະກ້ອຍ, ມັຮ ມູ່  
 ກາ ຊາອຳ ການໍ່ອ ດັງ ເຍົາ ເບິນ ຣາງິຮ ອາຢະ ໄລ່,  
 ກະ ໄລ່ ດັງ ເຕ່ ບ້ອງ ກາ ຮິ ຢ່ອງ ເຍົາ, ຮິ ປາຍ ປ  
 ຍາຍ ລາລີ້.

# 9

ໄຮ ຕະ ນານະ ຈ່ອຍ ກວາຍ ຊາອຳ

1 ມັຮ ຣານະ ເຍົາ ຍິ້ອ ອີ ຈ່ອຍ ມູ່ ກາ ຊາອຳ ແອິດ ຕຶ່ງ ກວາງ ຢູດາຍ, ເກົາ ຕາ ເປັນ ຕຸ່ຮ ຄຽນ ອິນເຕົ້າ ນ້ອງ ໂອນ ເຍົາ. 2 ເກົາ ດັງ ເຈົ້ ຣາງຶ່ຮ ເຍົາ ປຣ່ອມ ຢິ້ອ ອີ ຣາຈ່ອຍ. ນະກ້ອຍ ເກົາ ຍ່ອງ ເຍົາ ເຈົ້, ໂຈະ ກວາຍ ແອິດ ຕຶ່ງ ແຄງ ມາຫໂດເພຍ ໄນ່ ປາຍ: "ກວາຍ ແອິດ ຕຶ່ງ ເມືອງ ໂກຣິນໂທ ຕຶ່ງ ແຄງ ອະຄາຢາ ກ້ອຍ, ໄລ່ ກຽມ ດິ້ອ ແຕ ກູມໍ ໄຮ ເຈົ້ ອີ ຈ່ອຍ ຣານະ ໄນ່."

ນະກ້ອຍ ເປັນ ກຶ່ງ ກວາຍ ການໍ້ອ ຍິ້ອ ອີ ຈ່ອຍ ເຕ່, ຍ່ອນ ໄລ່ ດັງ ແຕ ເຍົາ. 3 ຊານໍ່ ເກົາ ແປຣີ ໄລ່ ໄປ ນະ ແຊມອາຍ ກ້ອຍ ແຕ້ອ ປິ ເຍົາ ຍິ້ອ ອີ ດັງ ເຍົາ ກຽມ ດິ້ອ ມັຮ ປຣະ ເຍົາ ຍິ້ອ ອີ ຈ່ອຍ, ມາ ຕາ ຢວາຣ. ເກົາ ຕາ ແອ້ອ ເມົາ ປາຍ ເກົາ ຍ່ອງ ເຍົາ ຕາ ປຍາຍໍ. 4 ເກົາ ອົງກ້ອຣ ເລ້, ຄັນ ກວາຍ ແຕ ແຄງ ມາຫໂດເພຍ ມາ ແຕ້ອ ມັນຕຸ ກະ ເກົາ, ມາ ເຮີມ ເຍົາ ຕາ ຢວາຣ ກຽມ ດິ້ອ ປຣະ ໄນ່, ເກົາ ຊ້ອງ ກູມາລ, ກະ ເຍົາ ຊ້ອງ ກູມາລ ເຕ່, ຍ່ອນ ເກົາ ປາຍ ເຍົາ ກຽມ ດິ້ອ ເຈົ້. 5 ນະກ້ອຍ ເກົາ ຄິດ ລາ ອໍ ໂອນ ໄລ່ ໄປ ນະ ກ້ອຍ ເປາະ ປິ ເຍົາ ອິນໂຍ່ງ, ໂອນ ໄລ່ ເຕ້ອ ກຽມ ດິ້ອ ອິນໂຍ່ງ ມັຮ ປຣະ ເຍົາ ເອີອໍ ໂອນ. ນະກ້ອຍ ບ້ອງ ກາ ແລະ ເກົາ ແຕ້ອ, ເຍົາ ຕະ ໂອນ ເຈົ້, ກະ ກວາຍ ການໍ້ອ ດັງ ເຍົາ ຈ່ອຍ ເຍົາ ນະໄນ່, ລາ ເຍົາ ຈຸງ ອີ ຈ່ອຍ, ຕາ ເກິນ ເມົາ ມັນຕຸຊໍ່ ເຍົາ.

6 ອົງເຄາະ ເຍົາ ຊາເຍີ ເລືອຍໆ ນະໄນ່: ອັນ ກາ ຈັຮ ບິ້ອ, ອັນ ເປັນ ຊອດ ບິ້ອ ເຕ່. ກະ ອັນ ກາ ຈັຮ ຊາອິ້ຍ, ອັນ ເປັນ ຊອດ ຊາອິ້ຍ ເຕ່. 7 ນະກ້ອຍ ກູ່ ນະ ກວາຍ ອົງເຄາະ ຈ່ອຍ ເຍົາ ຕາປູນ ຣາງຶ່ຮ ອັນ ຊ້ອງ ຍິ້ອ ອີ ຈ່ອຍ. ອິນໂຈຍ ມັນຕຸຊໍ່ ອັນ ອົງເຄາະ ໂອນ ແກ້ຍ ແຕ ຣາງຶ່ຮ ອັນ ຊ້ອງ ຍິ້ອ, ຍ່ອນ ເຢັງ ເຈົ້າຣາຊີ ອາໂຢະ ອັນ ກາ ຣິ້ອ ຣາງຶ່ຮ ຊ້ອງ ຍິ້ອ ອີ ໂອນ. 8 ເຢັງ ເຈົ້າຣາຊີ ເຕ້ອ ໂອນ ເຍົາ ເປັນ ກາ ເລີຍ ແຕ ກູ່ ຣາມິ້ຮ ເຍົາ ອົງເຄາະ ເປັນ ໂອນ ເຕ້ອ ອາມົງ, ກະ ກາເລີຍ ແຕ ກ້ອຍ ແອັນ, ອັນ ໂອນ ເຍົາ ເປັນ ຄຳ ເຕ້ອ ເຍົາ ຕະ ມັຮ ຣານະ ອໍ ກາ ເຍົາ ຍິ້ອ ອີ ຕະ. 9 ນະກ້ອຍ ປຣນາຍ ເຢັງ ເຈົ້າຣາຊີ ປາຍ ເຈົ້:

"ກວາຍ ຕານ້ອງ ອິມແປຣີ ເກຣັງ ອັນ ຈ່ອຍ ໂອນ ມັຮ ກວາຍ ກາດິດ, ກະ ຣາງຶ່ຮ ອັນ ຊ້ອງ ອາໂຢະ ຕະ ເລືອຍໆ."

10 ເຢັງ ເຈົ້າຣາຊີ ໂອນ ກູປູອໍ ໂອນ ກວາຍ ຈັຮ, ກະ ອັນ ໂອນ ກູປູອໍ ກ້ອຍ ເກິດ ປາໄລ ໂອນ ກວາ ຍ ເຕ້ອ ຈາ. ອັນ ແຕ້ ໂອນ ເຍົາ ເປັນ ກູປູອໍ ຄຳ ຈັຮ, ກະ ອັນ ຕະ ໂອນ ກູປູອໍ ກ້ອຍ ເກິດ ຮິ້ຮ ຊາ ອິ້ຍ ແອັນ, ດິ້ອ ເຕ້ອ ເຍົາ ຕະ ຣານະ ອໍ ຈ່ອຍ ເຍົາ. 11 ໄກຣ ລາລີ້, ເຢັງ ເຈົ້າຣາຊີ ອີ ໂອນ ເຍົາ ເປັນ ຊາອິ້ຍ, ດິ້ອ ເຍົາ ເຕ້ອ ຈ່ອຍ ຊາອິ້ຍ. ກະ ແຕ້ອ ຮິ ເດັງ ປຣະ ກາ ເຍົາ ອີ ຈ່ອຍ ໂອນ ກວາຍ ກາ ດິດ, ໄລ່ ຊາເອັນ ເຢັງ ເຈົ້າຣາຊີ ກາ ເຍົາ ຈ່ອຍ ໄລ່. 12 ນະກ້ອຍ ເປັນ ບາຣ ຣາມິ້ຮ ອໍ ເກິດ ແຕ ຣານະ ເຍົາ ຈ່ອຍ ເຍົາ. ມວຍ, ລາ ເຍົາ ຈ່ອຍ ມັຮ ກວາຍ ກາດິດ. ບາຣ, ລາ ຣາງຶ່ຮ ກວາຍ ກ້ອຍ ຊ້ອງ ຣິ້ອ ອາຊ້ອຣ ອີ ຊາເອັນ ເຢັງ ເຈົ້າຣາຊີ. 13 ເຍົາ ຕະ ຣານະ ກ້ອຍ, ເກິດ ໂອນ ກວາຍ ການໍ້ອ ດັງ ເຍົາ ຕາປູນ ກຣັກ ລາລີ້ ຣານະ ເຢຊູ ກຣິດ, ນະ ເຍົາ ປາຍ ເຈົ້. ນະກ້ອຍ ກວາຍ ເປັນ ຍ່ອງ ເຢັງ ເຈົ້າຣາ ຊີ, ກະ ໄລ່ ຊ້ອງ ຣິ້ອ ເຕ່ ເຍົາ ຈ່ອຍ ໄລ່ ກະ ກວາ ຍ ການໍ້ອ ແຮີ. 14 ກະ ໄລ່ ເກົາແຊອໍ ອິນແຍະ ແຕ ຣາງຶ່ຮ ຊ້ອງ ອາໂຢະ ລາລີ້ ເຍົາ, ຍ່ອນ ເຢັງ ເຈົ້າຣາ ຊີ ຈ່ອຍ ເມົາ ເຍົາ ຊາອິ້ຍ ອາຊ້ອຣ. 15 ຊາເອັນ ຊາອິ້ຍ ລາລີ້ ເຢັງ ເຈົ້າຣາຊີ ຈ່ອຍ ເມົາ ຣາມິ້ຮ ອໍ ໄນ່ ໂອນ ກວາຍ ເປັນ; ຕາ ດັງ ນານະ ອີ ປາຍ ນ້ອງ ແຕ ຣາມິ້ຮ ອໍ ໄນ່.

# 10

ໂປໂລ ອາຕີ ແຕ ຣານະ ອັນ ຕະ  
1 ເກົາ ລາ ໂປໂລ ຍິ້ອ ອີ ແຊອໍ ມວຍ ຣາມິ້ຮ ແຕ ເຍົາ. ເປັນ ກວາຍ ປາຍ ເກົາ ລາ ຍັນ ລາລີ້ ບ້ອງ ກາ ເກົາ ແອິດ ເຢັງ ແຕ ເຍົາ. ມາ ແຕ້ອ ເກົາ ເປາະ ປິ ເຍົາ ເກົາ ເກິດ ຕາ ຍັນ ອິນເຕົ້າ. ຍ່ອນ ເຢຊູ ກຣິ ດ ເປັນ ຣາງຶ່ຮ ລາເວີຍ ກະ ລາເມ່ນ ອໍ, ເກົາ ອິດ ຣາງຶ່ຮ ກ້ອຍ ເຕ່ ແຊອໍ ແຕ ເຍົາ ນະໄນ່: 2 ແຕ້ອ ເກົາ ເປາະ ປິ ເຍົາ, ແຊອໍ ເຍົາ ອິນໂຈຍ ໂອນ ເກົາ ອົງເຄາະ ເກິດ ຍັນ ຕາໄມຣ ໂຈະ ມວຍ ຈຸ່ມ ແຕ ເຍົາ ກາ ຄິດ ຮິ ຕະ ຣານະ ຕາປູນ ຣານະ ຕຶ່ງ ແດີຍ ໄນ່. 3 ປຍາຍ ຮິ ແອິດ ຕຶ່ງ ແດີຍ ໄນ່, ມາ ບ້ອງ ກາ ຮິ ຣາຈິລ ກະ ມັຮ ຣານະ ຕາ ອໍ, ຮິ ຕາ ເປັນ ອິດ ຣາງຶ່ຮ ຕຶ່ງ ແດີຍ ໄນ່. 4 ເກຣັງ ປູາ ມັຮ ຮິ ຢຸມ ລາ ອິມພາ ແຕ ເກຣັງ ປູາ ຕຶ່ງ ແດີຍ ໄນ່. ຍ່ອນ ເຢັງ ເຈົ້າຣາຊີ ໂອນ, ເກຣັງ ປູາ ຮິ ລາ ເຣ່ງ ລາລີ້; ເຕ້ອ ຮິ ຕາລຸຣ ເກີຍ ປິດ ແຕ ເກຣັງ ປູາ ໄນ່. ຍ່ອນ ເກຣັງ ປູາ ໄນ່, ຮິ ເຮົາບ ຕາລຸຣ ມັຮ ຣານະ ຕາ ເປີ

ນ ປຍາຍ, <sup>5</sup> ກະ ກູ່ ຮານະ ເມົາ ໂອດ ປາຍ ປັດ ກາ ເລີຍ ແຕ ຮານະ ເຢັງ ເຈົາຣາຊີ. ກະ ຮິ ເຕ່ອ ມັນ ຕຣຸ່ ມັຣ ຣາງິຣ ກວາຍ ໂອນ ໄລ່ ຊາງັດ ຮານະ ເຢຊູ ກຣິດ ແອັນ. <sup>6</sup> ແຕ້ອ ເຍົາ ຊາງັດ ກຣັກ ລາລີ້, ຮິ ກຽມ ດໍອ ອີ ໂຈະ ໂຕ່ດ ໄລ່ ກາ ຕາ ເບີນ ຊາງັດ.

<sup>7</sup> ເຍົາ ແນ່ ປິ ຮິ, ເຈີ່ ເຍົາ ຄິ່ດ ຮິ ລາ ກວາຍ ຕາ ເບີນ ອໍ ອິນເຕົ້າ, ມາ ເຍົາ ຕາ ເບີນ ດັງ ຮານະ ອິນ ເຕົ້າ ຕິ່ງ ຣາງິຣ ຮິ. ຄັນ ເບີນ ເມົາ ແຕ ເຍົາ ຄິ່ດ ເຍົາ ເບີນ ມວຍ ຣາງິຣ ກະ ເຢຊູ ກຣິດ, ຮິ ລາ ເບີນ ມູ ເຈັງ ກ້ອຍ ເຕ່. <sup>8</sup> ອິງກ້ອຣ ປຍາຍ ເຍົາ ຄິ່ດ ເກົາ ອາຕີ ເປຼຍ ແຕ ມັຣ ອຳນາດ ອິນເຈົາ ໄຣ ໂອນ ເກົາ ເບີນ. ມາ ເກົາ ຕາ ເບີນ ຊ້ອງ ກູມາລ ອິນເຕົ້າ ເກົາ ປາຍ ນະກ້ອຍ. ອິນເຈົາ ໄຣ ໂອນ ເກົາ ເບີນ ອຳນາດ ກ້ອຍ ດໍອ ໂອນ ເກົາ ຈ່ອຍ ເຍົາ ເຕ່ອ ຊາອຳ ແຮງ ອາຊ້ອຣ ແອັນ, ຕາ ແກິນ ໂອນ ເກົາ ຕາລຸຣ ເຍົາ.

<sup>9</sup> ເກົາ ຕາ ແອອ ເຍົາ ຄິ່ດ ເກົາ ຄຽນ ປັຣນາຍ ຊາ ອັຣ ຕະ ໂອນ ເຍົາ ຊ້ອງ ອິງກ້ອຣ. <sup>10</sup> ເບີນ ກວາ ຍ ປາຍ ເກົາ ນະໄນ່: "ປັຣນາຍ ຊາອັຣ ແຕ ໂປໂລ ອັນ ອາຕີ ແຮງ ກະ ແບຼງ ລາລີ້, ມາ ບັອງ ກາ ອັນ ແອິດ ມັນຕຸ ກະ ໄຣ, ກ້ອຍ ອັນ ອຽວ ກະ ມັຣ ປັຣ ນາຍ ອັນ ປາຍ ຕາ ເບີນ ແບຼງ ອິນເຕົ້າ." <sup>11</sup> ກວາຍ ອາແລ່ະ ກາ ປາຍ ນະກ້ອຍ, ອິງເຄາະ ກວາຍ ກ້ອຍ ດັງ, ຮານະ ຮິ ຄຽນ ຕິ່ງ ປັຣນາຍ ຊາອັຣ ບັອງ ກາ ຮິ ແອິດ ເຢັງ ແຕ ເຍົາ ລາ ມູເຈັງ ປັຣນາຍ ຮິ ອາຕີ ບັອງ ກາ ຮິ ແອິດ ມັນຕຸ ກະ ເຍົາ ເຕ່.

<sup>12</sup> ຮິ ຕາ ແອອ ຕາລີ ກະ ມັຣ ກວາຍ ກາ ອາ ຊ້ອຣ ຈະ. ໄລ່ ງິນ ປາຍ ໄລ່ ລາ ອໍ, ມາ ຮິ ຕາ ຍັນ ປາຍ ຮິ ລາ ອໍ ມູເຈັງ ໄລ່. ໄລ່ ມານະ ແນ່ ມານະ, ມານະ ຕາລີ ແຕ ມານະ ຍິອ ອີ ດັງ ອາແລ່ະ ກາ ອໍ ກະ ອາແລ່ະ ຕາ ເບີນ ອໍ. ໄລ່ ຕະ ນະກ້ອຍ, ໄລ່ ຊາກູລ ລາລີ້. <sup>13</sup> ຮິ ຕາ ເບີນ ອາຊ້ອຣ ຈະ ຮິ ເບີ ມ ໂອນ ເປຼຍ ມັຣ ເຢັງ ເຈົາຣາຊີ ຣຽຣ ໂອນ ຮິ ຕະ. ມາ ຮິ ຕະ ມາແລ່ະ ເຢັງ ເຈົາຣາຊີ ໂອນ ຮິ ຕະ ຊ້ອງ. ກະ ອັນ ໂອນ ຮິ ຕະ ຮານະ ອາຕີ ເຍົາ. <sup>14</sup> ນະກ້ອຍ, ຍ່ອນ ເຢັງ ເຈົາຣາຊີ ໂອນ ຮິ ແຕ້ອ ປິ ເຍົາ, ຮິ ຕາ ເບີນ ຕະ ກາເລີຍ ແຕ ເມົາ ໂອນ, ບັອງ ຮິ ອາຕີ ເຍົາ ປັຣນາຍ ອໍ ແຕ ເຢຊູ ກຣິດ. <sup>15</sup> ຮານະ ເຢັງ ເຈົາຣາຊີ ໂອນ ກວາຍ ການໍອ ຕະ, ຮິ ຕາ ເບີນ ປາຍ ຮິ ຕະ ຮານະ ກ້ອຍ. ຄັນ ຮິ ຕະ ນະກ້ອຍ, ຮິ ກາເລີຍ ຊ້ອງ ມັຣ ຮານະ ເຢັງ ເຈົາຣາ ຊີ ຣຽຣ ໂອນ ຮິ. ມາ ຮິ ຍິອ ເຍົາ ຊາອຳ ແຮງ ອາ ຊ້ອຣ ແອັນ, ໂອນ ຮິ ເຕ່ອ ຕະ ຮານະ ປັດ ກາເລີຍ ແອັນ ຕິ່ງ ມູ່ ເຍົາ, ມັຣ ເຢັງ ເຈົາຣາຊີ ໂອນ ຮິ ຕະ. <sup>16</sup> ແວັດ ກ້ອຍ ຮິ ເຕ່ອ ອາຕີ ປັຣນາຍ ອໍ ແຕ ເຢຊູ

ກຣິດ ຕິ່ງ ກຣວາງ ການໍອ ແຮ, ເຢັງ ແຕ ກຣວາງ ເຍົາ. ຣາງິຣ ຮິ ຕາ ແອອ ອີ ຕະ ຮານະ ເຢັງ ເຈົາຣາ ຊີ ຕິ່ງ ອິນຕຸ ເບີນ ເມົາ ຕະ ເຈີ່, ອິງກ້ອຣ ເມົາ ປາຍ ຮິ ອາຊ້ອຣ ຈະ ເບີມ ອີ ຕະ ຮານະ ກາ ເຢັງ ເຈົາຣາ ຊີ ໂອນ ກວາຍ ການໍອ ຕະ.

<sup>17</sup> ຕິ່ງ ປິ່ງ ປັຣນາຍ ເຢັງ ເຈົາຣາຊີ ແຕ ອິມແປ ອັນ ປາຍ: "ຄັນ ກວາຍ ອາແລ່ະ ຍິອ ອີ ປັຣໂອດ, ອິງເຄາະ ອັນ ປັຣໂອດ ແຕ ອິນເຈົາ ຊ້ອງ."

<sup>18</sup> ກວາຍ ອາແລ່ະ ມາ ຍ່ອງ ຈະ ອັນ ເບີມ, ຮານະ ກ້ອຍ ຕາ ເບີນ ອໍ ອິນເຕົ້າ; ມາ ກວາຍ ອາແລ່ະ ກາ ອິນເຈົາ ໄຣ ຍ່ອງ, ຮານະ ກ້ອຍ ລາ ອໍ ລາລີ້.

### 11

ໂປໂລ ອາຕີ ແຕ ມັຣ ກວາຍ ກາ ອາຕີ ປັຣນາຍ ຕາ ເບີນ ປູຍາຍ

<sup>1</sup> ຄັນ ເຍົາ ຊ້ອງ ເກົາ ມາ ຕະ ອິນຕີ ນະ ກວາຍ ຊາກູລ ຊານໍ, ເກົາ ຍິອ ອີ ໂອນ ເຍົາ ຈິວ ຊາງັດ ມາ ໂຮຍ ປັຣນາຍ ເກົາ. <sup>2</sup> ເກົາ ອູອຍາຣ ອູໂອອ ຍິອ ອີ ໂອນ ເຍົາ ອາຢະ ເຢັງ ເຈົາຣາຊີ. ເກົາ ຊາກຳ ເຍົາ ລາ ນະ ມວຍ ນະ ກູໂມຣ ກາ ຕາ ຢວາຣ ປິ ກະ ຣາ ເລົາ. ເກົາ ປຣອມ ເຈີ່ ໂອນ ເຍົາ ແກິດ ນະ ລາກວຍ ໂອນ ມານຳ ກາຢາອ ຊ້ອງ. ກາຢາອ ໄນ່ ລາ ເຢຊູ ກຣິດ. <sup>3</sup> ມາ ເກົາ ອິງກ້ອຣ ປຍາຍ ເມົາ ປັຣຕີ່ ໂອນ ເຍົາ ຕັຣ ຮານະ ອໍ ແຕ ເຢຊູ ກຣິດ, ມູເຈັງ ກູຊັນ ປູາ ແຕ ອິມແປ ບູບວກ ເອວາ ໂອນ ຕະ ຮານະ ໄລ່ ຍຣ. <sup>4</sup> ຄັນ ເບີນ ເມົາ ແຕ້ອ ປິ ເຍົາ ມາ ອາຕີ ແຕ ເຢຊູ ອິມພາ ແຕ ເຢຊູ ກາ ຮິ ອາຕີ ເຍົາ ເຈີ່, ແຕີລາ ເບີນ ຣາເວີຍ ອິມພາ ແຕ ຣາເວີຍ ເຢັງ ເຈົາຣາຊີ ກາ ເຍົາ ຮັບ ເຈີ່, ແຕີລາ ເບີນ ປັຣນາຍ ອໍ ອິມພາ ແຕ ປັຣນາຍ ອໍ ແຕ ເຢັງ ເຈົາຣາຊີ ກາ ເຍົາ ຊາອຳ ເຈີ່, ໄວ່ ລາລີ້ ເຍົາ ອິດ ມັຣ ປັຣນາຍ ກ້ອຍ! <sup>5</sup> ເກົາ ຄິ່ດ ເກົາ ຕູ ເບີນ ເປ່ ມວຍ ຣາມິຣ ອິນເຕົ້າ ແຕ ໄລ່ ກາ ອາຕີ ແຕ ຮານະ ຕາ ເບີນ ປຍາຍ ກ້ອຍ. ເຍົາ ນັບ ໄລ່ ກ້ອຍ ຕະ ຮານະ ເຢຊູ ກຣິດ ອໍ ລາລີ້. <sup>6</sup> ເກົາ ຕາ ເບີນ ຣຍານ ຊາອິ້ຍ ໂອນ ອາຕີ ແຄວ, ມາ ເກົາ ດັງ ກຣັກ ລາລີ້ ແຕ ຮານະ ເກົາ ຍິອ ອີ ອາ ຕີ. ເຍົາ ດັງ ແຈງ ເຈີ່ ຣາມິຣ ກ້ອຍ ລາ ປຍາຍ, ຍ່ອນ ເຍົາ ເຮີມ ຮານະ ເກົາ ຕະ ກະ ເຍົາ. <sup>7</sup> ເກົາ ຕາ ເບີນ ອິດ ເກຣັງ ອິນເຕົ້າ ແຕ ເຍົາ, ບັອງ ກາ ເກົາ ອາຕີ ປັຣນາຍ ອໍ ແຕ ເຢັງ ເຈົາຣາ ຊີ ໂອນ ເຍົາ. ກະ ເກົາ ຕາ ເບີນ ອາຊ້ອຣ ຈະ ອິນ ເຕົ້າ ກະ ເຍົາ, ໂອນ ເຍົາ ເຕ່ອ ເບີນ ບຸ່ນ ແຕ ເຢັງ ເຈົາຣາຊີ. ເກົາ ຕະ ນະໄນ່, ເຍົາ ເຮີມ ໄລ່ຍຣ ບໍ? <sup>8</sup> ບັອງ ກາ ເກົາ ຕະ ຮານະ ກະ ເຍົາ, ເບີນ ມູ່ ກາ ຊາ ອຳ ການໍອ ຈ່ອຍ ໂອນ ເກົາ. ໄນ່ ລາ ນະ ເກົາ ຕວຍ

ແຕ ໄລ່, ດໍອ໌ ຈ່ອຍ ເຍົາ. <sup>9</sup> ບ້ອງ ກາ ເກົາ ແອິດ ກະ ເຍົາ, ແຕ້ອ໌ ເກົາ ແອິ, ລາ ເກົາ ຕາ ເບີນ ແຊອ໌ ມວຍ ຣາມິ້ຣ ອິນເຕ້າ ແຕ ເຍົາ, ຍ່ອນ ເບີນ ກວາຍ ຊາອໍາ ແຕ ແຄງ ມາເກໂດເນຍ ແຕ້ອ໌ ຈ່ອຍ ເກຣັງ ໂອນ ເກົາ. ບ້ອງ ກາ ກ້ອຍ ເກົາ ຕາ ແອອ໌ ໂອນ ເຍົາ ຕັລ ຊານາ ເກົາ, ກະ ປັຣເນີ ມັນເຕຣີ ລາ ເກົາ ຕາ ແອອ໌ ເຕ່. <sup>10</sup> ຍ່ອນ ຣານະ ປຍາຍ໌ ແຕ ເຢຊູ ກຣິດ ແອິດ ຕຶງ ຣາງິ້ຣ ເກົາ, ເກົາ ອາຕີ ເຍົາ ນະໄມ່: ຕາ ເບີນ ກວາຍ ອາແລະ ຕຶງ ແຄງ ອະຄາຍາ ມາ ເຕອ໌ ກູ ປັດ ແບອ໌ ເກົາ, ຕາ ເບີນ ໂອນ ເກົາ ຕະ ອິນຕີ ແຕ ເກົາ ຕາ ເບີນ ອິດ ມວຍ ຣາມິ້ຣ ເກຣັງ ອິນເຕ້າ ແຕ ເຍົາ. <sup>11</sup> ມານະ ເກົາ ອາຕີ ເຍົາ ນະໄມ່? ຍ່ອນ ເກົາ ຕາ ເບີນ ອາໂຢະ ເຍົາ ບໍ? ມາ ເຢິງ ເຈົາຣາຊີ ດັງ ເຈີ ເກົາ ອາໂຢະ ລາລີ້ ເຍົາ. <sup>12</sup> ມາ ປັຣເນີ ມັນເຕຣີ ລາ ເກົາ ຕາ ເບີນ ອິດ ຊາ ເກຣັງ ແຕ ເຍົາ, ໂອນ ໄລ່ ກາ ຍ່ອງ ໄລ່ ເບີມ ຕາ ເຕອ໌ ປາຍ ນ້ອງ ໄລ່ ຕະ ຣາ ນະ ເຢິງ ເຈົາຣາຊີ ຣາລີ ກະ ເກົາ. <sup>13</sup> ມາ ກວາຍ ກ້ອຍ ເຢຊູ ກຣິດ ຕາ ເບີນ ຮຽຮ. ໄລ່ ຕະ ອິນຕີ ອາໂລກ ຊ້ອງ ປາຍ ເຢຊູ ກຣິດ ຮຽຮ ປາຈຸ່ຣ ໄລ່ ໂອນ ຕະ ຣານະ ອັນ. <sup>14</sup> ມາ ເກົາ ຕາ ເບີນ ຊ້ອງ ຈຶ່ງ ອິນເຕ້າ! ເຢິງ ຊາຕານ ແຕ້ ເຕອ໌ ຣາພິ ອາ ໂລກ ປາຍ ອັນ ລາ ເທວາດາ ເຢິງ ເຈົາຣາຊີ ກາ ປັງ ເຕ່. <sup>15</sup> ນະກ້ອຍ ຕາ ເບີນ ຈຶ່ງ ອິນເຕ້າ ຄັນ ກວາຍ ຕະ ຣານະ ເຢິງ ຊາຕານ ອາໂລກ ນະ ໄລ່ ຕະ ຣານະ ຕາມ້ອງ ອໍ ເຕ່. ມາ ແຕ້ອ໌ ຕາໄງ ປັຣຊັດ, ໄລ່ ເບີນ ເກົາ ຕາປູນ ມັຣ ຣານະ ໄລ່ ຕະ.

ໂປໂລ ຈີວ໌ ຊາອິ້ຍ ຣາມິ້ຣ ຕຸ່ຣ ກັດ

<sup>16</sup> ມວຍ ເຮີບ ແອັນ ເກົາ ຢໍອ໌ ອິ ອາຕີ ລັຣ ເຍົາ ປາຍ: ເຍົາ ອິນໂຈຍ ຄິດ ເກົາ ລາ ກວາຍ ຊາກູລ ແຕ້ອ໌ ເກົາ ອາຕີ ນະກ້ອຍ. ມາ ຄັນ ເຍົາ ຄິດ ເກົາ ລາ ກວາຍ ຊາກູລ, ເກົາ ແຊອ໌ ເຍົາ ຊາງັດ ປັຣນາຍ ເກົາ ເວົາຍ ໂອນ ເຕອ໌ ເກົາ ຍ່ອງ ບິ້ອ໌ ຈະ ເກົາ ເບີ ມ ເຕ່. <sup>17</sup> ເກົາ ປາຍ ຣາມິ້ຣ ໄມ່, ຕາ ແກິນ ເຢິງ ເຈົາຣາຊີ ໂອນ ເກົາ ປາຍ, ມາ ເກົາ ປາຍ ນະໄມ່, ລາ ນະ ປັຣນາຍ ກວາຍ ຊາກູລ ອິ ອາຊ້ອຣ ຈະ ເບີມ ຊ້ອງ. <sup>18</sup> ຄັນ ເບີນ ກຶງ ກວາຍ ການໍອ໌ ຍ່ອງ ຈະ ໄລ່ ເບີມ ຕາປູນ ຣານະ ກວາຍ, ເກົາ ເຕອ໌ ຍ່ອງ ມູ ເຈິງ ກ້ອຍ ເຕ່. <sup>19</sup> ເອົາ, ເຍົາ ກາ ກວາຍ ຣາໄງ້ອ໌ ຣາ ລັງ ລາລີ້! ມານະ ເຍົາ ອິນນ້ອງ ຊ້ອງ ຣໍອ໌ ຊາງັດ ປັຣນາຍ ກວາຍ ຊາກູລ? <sup>20</sup> ເຍົາ ຈີວ໌ ໄລ່ ກາ ຕະ ອິນຕີ ອາໂລກ ກ້ອຍ ຕະ ໂອນ ເຍົາ ແກິດ ນະ ຊູລ ໄລ່, ແຕ້ລາ ໄລ່ບ ມູນ ເຍົາ, ແຕ້ລາ ອິດ ປຣະ ເຍົາ, ແຕ້ລາ ຍໍອ໌ ເຍົາ ຢໍາມັບ ໄລ່, ແຕ້ລາ ເວົ້າ ໂອນ ເຍົາ

ກູມາລ. <sup>21</sup> ເກົາ ຊ້ອງ ກູມາລ ຕະ ຄັນ ເກົາ ມາ ຕະ ຣານະ ນະກ້ອຍ ໄຈະ ເຍົາ!

ມາ ຄັນ ເບີນ ເມົ້າ ເຮີບ ຍ່ອງ ຈະ ອັນ ເບີມ, ເກົາ ເຮີບ ຍ່ອງ ນະກ້ອຍ ເຕ່. ຊານໍ ເກົາ ອາຕີ ນະ ກວາ ຍ ຊາກູລ ຊາ. <sup>22</sup> ໄລ່ ກ້ອຍ ລາ ກວາຍ ເຮັບເຮີ ບໍ? ເກົາ ລາ ນະກ້ອຍ ເຕ່. ໄລ່ ໄມ່ ລາ ກວາຍ ອິດຊະຣາ ເອລ ບໍ? ເກົາ ລາ ນະກ້ອຍ ເຕ່. ໄລ່ ແຕ ຈຸ່ມເຈືອ ອັບຣາຣາມ ບໍ? ເກົາ ລາ ແຕ ກ້ອຍ ເຕ່. <sup>23</sup> ໄລ່ ຕະ ຣານະ ໂອນ ກຣິດ ບໍ? (ຊານໍ ເກົາ ອາຕີ ນະ ກວາຍ ຊາກູລ ຊາ.) ເກົາ ຕະ ຣານະ ກ້ອຍ ກາເລີຍ ແຕ ໄລ່. ເກົາ ຈີວ໌ ຕະ ຣານະ ລາແກ້ຣູ ລາລີ້ ກາ ເລີຍ ແຕ ໄລ່. ເກົາ ຈີວ໌ ເມົ້າ ໄຈະ ຕຶງ ກໍອ໌ ຊາອິ້ຍ ເຮີບ ກາເລີຍ ແຕ ໄລ່. ເກົາ ຈີວ໌ ເມົ້າ ປຍາຍຣ ຊາ ອິ້ຍ ເຮີບ ກາເລີຍ ແຕ ໄລ່. ເກົາ ມັນ ອິ ກູຈິດ ຊາ ອິ້ຍ ເຮີບ ກາເລີຍ ແຕ ໄລ່. <sup>24</sup> ເຊິງ ເຮີບ ເຈີ ກວາຍ ອິດຊະຣາເອລ ວັດ ເກົາ ເບີນ ໄປ ຈິດ ຕາທ່ຣ ປັຣ ໄລຣ. <sup>25</sup> ໄປ ເຮີບ ເຈີ ເມົ້າ ປຍາຍຣ ເກົາ ແຕ ອາ ລ່ອງ. ມວຍ ເຮີບ ເກົາ ຈີວ໌ ເມົ້າ ແກງ ຕາເມົ້າ ໄຈະ ເກົາ. ໄປ ເຮີບ ເຈີ ເກົາ ແອິດ ຕຶງ ຕົວະ, ມາ ຕົວະ ກ້ອຍ ຮຸ່ງ ລ່ອງ ຕຶງ ແດ້ອ໌. ນະກ້ອຍ ເກົາ ແອິດ ຕຶງ ກຣັອງ ແດ້ອ໌ ເບີນ ມູ ຕາໄງ ມູ ຊາເດົາ. <sup>26</sup> ຊາ ອິ້ຍ ເຮີບ ເກົາ ເປາະ ຕຶງ ຣານາ, ເກົາ ຣາມິ້ຣ ເກຣັຣະ ແຕ ແດ້ອ໌ ປິດ. ເກົາ ຣາມິ້ຣ ເກຣັຣະ ແຕ ກວາຍ ຣາປິນ. ເກົາ ຣາມິ້ຣ ເກຣັຣະ ແຕ ກວາຍ ກາ ມວຍ ກຣວາງ ກະ ເກົາ. ເກົາ ຣາມິ້ຣ ເກຣັຣະ ແຕ ກວາຍ ອິມພາ ກຣວາງ ກະ ເກົາ. ເກົາ ຣາມິ້ຣ ເກຣັຣະ ຕຶງ ເມືອງ. ເກົາ ຣາມິ້ຣ ເກຣັຣະ ຕຶງ ກຣວາງ. ເກົາ ຣາມິ ຣ ເກຣັຣະ ຕຶງ ແດ້ອ໌ ທາເລ. ກະ ເກົາ ຣາມິ້ຣ ເກຣັຣະ ແຕ ກວາຍ ກາ ຕະ ອິນຕີ ອາໂລກ ປາຍ ໄລ່ ຕາປູ ນ ຣານະ ເຢິງ ເຈົາຣາຊີ ແຮີ. <sup>27</sup> ເກົາ ຈີວ໌ ຕຸ່ຣ ຈີວ໌ ກັດ, ຈີວ໌ ຊາອິ້ຍ ເຮີບ ແອິ ບິ, ຈີວ໌ ມາເຍົາຍຣ ຊາ ລາອ໌. ເບີນ ຊາອິ້ຍ ເຮີບ ເກົາ ຕາ ເບີນ ຈາ, ກະ ຊາ ອິ້ຍ ເຮີບ ເກົາ ຊ້ອງ ຊາແງດ, ແອິ ຕໍາປັອກ. <sup>28</sup> ກະ ມວຍ ຣາມິ້ຣ ແອັນ, ກູ ຣາໄງ ເກົາ ຄິດ ເລືອຍໆ ແຕ ມູ ກາ ຊາອໍາ ກູ ອິນຕູ, ອິງກ້ອຣ ໄລ່ ຕາ ເບີນ ຕາປູ ນ ເຢິງ ເຈົາຣາຊີ ກຣັກ ລາລີ້. <sup>29</sup> ຄັນ ເບີນ ກວາຍ ອາແລະ ມາ ຕາ ເບີນ ຕາປູນ ເຢິງ ເຈົາຣາຊີ ກຣັກ ລາລີ້, ຣາງິ້ຣ ເກົາ ຢໍອ໌ ອິ ຈ່ອຍ ອັນ ກ້ອຍ ຕາປູນ ກຣັກ ລາລີ້. ກະ ຄັນ ເບີນ ກວາຍ ອາແລະ ມາ ເມົ້າ ປັຣຕີ້ ຕະ ໄລ່ຍຣ, ເກົາ ຊ້ອງ ຕຸ່ຣ ກະ ອັນ ກາ ເມົ້າ ປັຣຕີ້ ກ້ອຍ ເຕ່.

<sup>30</sup> ຄັນ ເກົາ ມາ ອິງເຄາະ ຍ່ອງ ຈະ ເກົາ ເບີມ, ເກົາ ຍ່ອງ ແຕ ມັຣ ຣາມິ້ຣ ເກົາ ຊ້ອງ ອຽວ. <sup>31</sup> ເຢິງ

ເຈົ້າຮາຊີ ດັງ ຫົາ ຕາ ເບີນ ປາຍ ອາໂລກ. ເຢີງ ເຈົ້າຮາຊີ ໄມ່ ລາ ອິມບໍ່ ເຢຊູ ກຣິດ, ອິນເຈົ້າ ໄຮ. ອໍ ໂອນ ໄຮ ຍ່ອງ ອັນ ຊົດ ແດ້ຍ. <sup>32</sup> ບັອງ ກາ ຫົາ ແອິດ ຕຶ່ງ ເມືອງ ດາມັດກັດ, ເບີນ ແລງ ເຕົ້າວ ປັຣເຍົາ ອາເຣຕາ, ອັນ ແປຣີ ຕາຮານ ອັນ ກຍາຍ ງັຮ ຕຶ່ງ ເມືອງ ກ້ອຍ ຢິວ ອີ ໂກບ ຫົາ. <sup>33</sup> ມາ ເບີນ ແຊມອາຍ ຕຶ່ງ ມຸ່ ກາ ຊາອໍາ, ໄລ່ ຈ່ອຍ ຫົາ. ໄລ່ ໂຈະ ຈະ ຫົາ ຕຶ່ງ ອາປໍຣ໌. ເຈີ່ ໄລ່ ໄຢ່ລ ອາແຊງ ຫົາ ປໍ ກູແຕອ໌ ແຕ ມາມັກໄດ ຕຶ່ງ ວຍາງ ເມືອງ ກ້ອຍ. ມະກ້ອຍ ຫົາ ເບີນ ແວັດ ແຕ ອາຕີ ໄລ່ ກາ ອີ ໂກບ ຫົາ.

## 12

ໂປໂລ ອາຕີ ແຕ ເຢີງ ເຈົ້າຮາຊີ ອາປັຣ ເລີຍ ໂອນ ອັນ ບັອງ ອາໄຮ່

<sup>1</sup> ຄັນ ຫົາ ຍ່ອງ ຈະ ຫົາ ເບີມ, ຫົາ ດັງ ຮາມິ່ຮ ກ້ອຍ ຕາ ເບີນ ແກັດ ຫົາ ອິນເຕົ້າ. ມາ ຫົາ ຢິວ ອີ ອາຕີ ແອັນ ໂອນ ເຍົາ ດັງ ແຕ ຮາມິ່ຮ ເຢີງ ເຈົ້າຮາຊີ ອາປັຣ ເລີຍ ໂອນ ຫົາ. ກະ ຫົາ ຢິວ ອີ ອາຕີ ແຕ ຮາມິ່ຮ ເຢີງ ເຈົ້າຮາຊີ ອາຕີ ໂອນ ຫົາ ດັງ. <sup>2-3</sup> ເບີນ ມວຍ ຈິ່ດ ລາ ປູນ ກູມ໌ ເຈີ່ ແຕ ຫົາ ຊ້ອຮ ປິ ມັນລ້ອງ. ຫົາ ຕາ ເບີນ ດັງ ເຕ່ ປາຍ ຈະ ຫົາ ເປາະ, ແຕ່ລາ ແອັງ ຮາເວີຍ ຫົາ ຊ້ອງ ເປາະ. ແອັງ ເຢີງ ເຈົ້າຮາຊີ ຊ້ອງ ດັງ ຮາມິ່ຮ ກ້ອຍ. ມາ ຫົາ ດັງ ຫົາ ເປາະ. <sup>4</sup> ແອິດ ຕຶ່ງ ມັນລ້ອງ ຫົາ ຊ້ອງ ປັຣນາຍ ເມົ້າ ປາຍ, ມາ ກວາຍ ຕາ ເຕ່ອ໌ ຕະ ອິນຕີ ປັຣນາຍ ກ້ອຍ. ກະ ອັນ ກາ ປາຍ ປັຣນາຍ ກ້ອຍ ກະ ຫົາ, ອັນ ຕາ ໂອນ ຫົາ ຕະ ອິນຕີ ລັຮ ໂອນ ກວາຍ ການໍ່ອ໌. <sup>5</sup> ແຕ ຮານະ ກ້ອຍ, ຫົາ ເຕ່ອ໌ ຍ່ອງ ຈະ ຫົາ. ມາ ຫົາ ຕາ ແອອ໌ ຍ່ອງ ມະກ້ອຍ. ຫົາ ຢິວ ອີ ຍ່ອງ ແຕ ມັຮ ຮານະ ຫົາ ອຽວ ຊ້ອງ.

<sup>6</sup> ຄັນ ຫົາ ຢິວ ອີ ຍ່ອງ ແຕ ຮາມິ່ຮ ກ້ອຍ, ຫົາ ຕາ ເບີນ ມະ ກວາຍ ຊາກູລ, ຍ່ອນ ຮາມິ່ຮ ກ້ອຍ ລາ ປຍາຍ໌. ມາ ຫົາ ຕາ ເບີນ ຍ່ອງ ມະກ້ອຍ, ຍ່ອນ ຫົາ ອິງກ້ອຮ ເບີນ ອັນ ກາ ອາຊ້ອຮ ຫົາ ເປຼີຍ ແຕ ປຍາຍ໌ ຍ່ອນ ແຕ ຮານະ ກ້ອຍ. ຫົາ ຢິວ ເມົ້າ ຕາ ເຕ່ອ໌ ແອັງ ແຕ ຮານະ ຫົາ ຕະ ກະ ປັຣນາຍ ຫົາ ອາຕີ ຊ້ອງ.

<sup>7</sup> ມາ ເຢີງ ເຈົ້າຮາຊີ ຕາ ແອອ໌ ອີ ໂອນ ຫົາ ໂອດ ແຕ ມັຮ ຮາມິ່ຮ ອໍ ກາ ອັນ ອາປັຣ ໂອນ ຫົາ. ມະກ້ອຍ ອັນ ໂອນ ຫົາ ຈິວ໌ ມວຍ ຮາມິ່ຮ ອາອີ. ຮາມິ່ຮ ອາອີ ກ້ອຍ ລາ ມະ ປັລ ຊັຮເລົາ ຕຶ່ງ ຈະ ຫົາ. ກະ ຮາມິ່ຮ ອາອີ ກ້ອຍ ລາ ມະ ເຢີງ ຊາຕານ ແປຣີ ໂອນ ເມົ້າ ຕະ ຫົາ. <sup>8</sup> ເບີນ ໄປ ເຮີບ ເຈີ່ ຫົາ ຫົາແຊອ໌ ແຕ ອິນເຈົ້າ ໄຮ ໂອນ ຮາມິ່ຮ ອາອີ ກ້ອຍ

ແກັດ ປິດ. <sup>9</sup> ມາ ອິນເຈົ້າ ໄຮ ປາຍ ໂຈະ ຫົາ: "ຫົາ ຈ່ອຍ ເມັດ ໄມ່; ໄມ່ ລາ ກູ່ ເຈີ່ ໂອນ ໄມ່, ຍ່ອນ ບັອງ ກາ ໄມ່ ແກັດ ອຽວ, ອໍານາດ ຫົາ ແກັດ ເຮັງ ອາຊ້ອຮ."

ມະກ້ອຍ ຫົາ ຊ້ອງ ຮໍ່ອ໌ ບູຍ ລາລີ່ ອາຕີ ແຕ ມັຮ ຮາມິ່ຮ ອຽວ ແຕ ຫົາ, ໂອນ ອໍານາດ ແຕ ເຢຊູ ກຣິດ ແອິດ ເລືອຍາ ກະ ຫົາ. <sup>10</sup> ຫົາ ຊ້ອງ ຮໍ່ອ໌ ລາລີ່ ແຕ່ອ໌ ຫົາ ຊ້ອງ ອຽວ, ແຕ່ລາ ເມົ້າ ອາເຢ ພາມາດ ຫົາ, ແຕ່ລາ ຫົາ ຈິວ໌ ຮາມິ່ຮ ໂຕຍ໌ ບາບ, ແຕ່ລາ ເມົ້າ ຕະ ຫົາ, ແຕ່ລາ ຫົາ ຮາມິ່ຮ ຕຸຣ໌ ກັດ ຍ່ອນ ຫົາ ຕະ ຮານະ ເຢຊູ ກຣິດ, ຍ່ອນ ບັອງ ກາ ຫົາ ຊ້ອງ ອຽວ, ບັອງ ກາ ກ້ອຍ ເຢຊູ ກຣິດ ໂອນ ຫົາ ມັນ ເຮັງ.

ໂປໂລ ຄິ່ດ ເລືອຍາ ແຕ ກວາຍ ໂກຣິນໂທ

<sup>11</sup> ຫົາ ຕະ ອິນຕີ ມະ ກວາຍ ຊາກູລ ຍ່ອນ ເຍົາ ຕະ ໂອນ ຫົາ ອິງເຄາະ ຕະ ອິນຕີ ມະກ້ອຍ. ປຍາຍ໌ ລາລີ່ ລາ ເຍົາ ຍ່ອງ ຫົາ. ຫົາ ລາ ກວາຍ ຕາ ເບີນ ປິດ ອິນເຕົ້າ, ມາ ຫົາ ຕາ ເບີນ ເປ່ ມວຍ ຮາມິ່ຮ ອິນເຕົ້າ ແຕ ໄລ່ ກາ ເຍົາ ຄິ່ດ ຕະ ຮານະ ເຢຊູ ກຣິດ ອໍ ລາລີ່. <sup>12</sup> ຫົາ ຕະ ເຈີ່ ຊາອີຍ໌ ຮານະ ຕາ ຫີ່ຍ ເຮີມ ບັອງ ກາ ຫົາ ແອິດ ກະ ເຍົາ. ບັອງ ກາ ຫົາ ຕະ ມະກ້ອຍ, ຫົາ ຈິວ໌ ຊາອີຍ໌ ຮາມິ່ຮ ຕຸຣ໌ ກັດ ເຕ່. ຮານະ ຕາ ຫີ່ຍ ເຮີມ ກ້ອຍ ຕະ ໂອນ ເຍົາ ດັງ ຫົາ ລາ ກວາຍ ເຢຊູ ກຣິດ ຮຽຮ ປາຈຸ່ຮ ກຣັກ ລາລີ່. <sup>13</sup> ເບີນ ມວຍ ຮານະ ຊ້ອງ ຫົາ ຕະ ກະ ເຍົາ ອິມ ພາ ແຕ ຫົາ ຫີ່ຍ ຕະ ກະ ມັຮ ມຸ່ ກາ ຊາອໍາ ການໍ່ອ໌. ຮານະ ກ້ອຍ ລາ ມະໄມ່: ຫົາ ຕາ ເບີນ ໂອນ ເຍົາ ຕຸຣ໌ ແຈມ ຫົາ. ຫົາ ແຊອ໌ ໄລຍ໌ ເຍົາ, ຍ່ອນ ຫົາ ຕະ ຕາ ປຍາຍ໌ ມະກ້ອຍ!

<sup>14</sup> ຊານໍ່ ຫົາ ຢິວ ອີ ແຕ່ອ໌ ລັຮ ປິ ເຍົາ. ແກັດ ໄປ ເຮີບ ຕຶ່ງ ໄມ່ ຫົາ ແຕ່ອ໌ ປິ ເຍົາ. ມາ ຫົາ ຕະ ມູ ເຈີງ ແຕ ອິນໂຍ່ງ ຊາ. ຫົາ ຕາ ເບີນ ໂອນ ເຍົາ ຕຸຣ໌ ແຈມ ຫົາ, ຍ່ອນ ຫົາ ຕາ ເບີນ ຢິວ ອີ ຈໍ່ອ໌ ມູ່ນ ເຍົາ, ມາ ຫົາ ຢິວ ອີ ຈໍ່ອ໌ ຮາງິ່ຮ ເຍົາ ຊ້ອງ. ໄກຮ ລາລີ່, ກອນ ຕາ ເບີນ ແຈມ ອິມເປ່ອ໌ ອິມບໍ່, ມາ ອິມເປ່ອ໌ ອິມບໍ່ ແຈມ ກອນ. <sup>15</sup> ກະ ຫົາ ຊ້ອງ ຮໍ່ອ໌ ລາລີ່ ປິດ ອິນແຍ່ະ ມູ່ນ ຫົາ ກະ ອິນແຍ່ະ ຮາງິ່ຮ ຫົາ ເບີມ ຢິວ ອີ ຈ່ອຍ ໂອນ ເຍົາ. ມາ ແຕ່ອ໌ ຫົາ ອາໂຍ່ະ ເຍົາ ຊາອີຍ໌ ອາຊ້ອຮ, ເຍົາ ອາໂຍ່ະ ຫົາ ບິວ໌ ອາແຊງ ແອັນ ບໍ?

<sup>16</sup> ເບີນ ກວາຍ ແຕ ຈຸ່ມ ເຍົາ ກາ ປາຍ ຫົາ ມະ ໄມ່: "ໄຮ ດັງ ອັນ ກ້ອຍ ຕາ ເບີນ ອິດ ຫາຣິ່ງ ອິນ

ເຕົ້າ ແຕ ໄຮ. ມາ ອີງກ້ອນ ອັນ ໂລບ ໄຮ ຣາມາ ກາ ນໍ້ອ ມາ ໄຮ ຕາ ເບີນ ດັງ."

17 ມັຮ ກວາຍ ກາ ເກົາ ແປຣີ ແຕ້ອ ປິ ເຍົາ, ໄລ່ ຈໍ່ອ ອູອິດ ເກຣັງ ເຍົາ ໂອນ ເກົາ ບໍ? 18 ເກົາ ແປຣີ ຕິໂຕ ກະ ມານະ ແຊມອາຍ ການໍ້ອ ແຕ້ອ ປິ ເຍົາ. ເຍົາ ເຮີມ ຕິໂຕ ໄນ່ ຈໍ່ອ ອູອິດ ເກຣັງ ເຍົາ ບໍ? ຕາ ເບີນ, ຍ່ອນ ຕິໂຕ ກະ ເກົາ, ຮິ ເບີນ ແອັງ ມວຍ ຣາງິຮ ຊ່ອງ ກະ ຮິ ຕະ ມູເຈັງ ອິນແຍ່ະ.

19 ອີງກ້ອນ ປຍາຍ ເຍົາ ກູຄິດ ປາຍ ດຸ່ນ ເຈັ ເກົາ ແກອ໌ ແຕ ຣາມິຮ ກ້ອຍ ຍິຮ ມົງ ເຍົາ. ຕາ ປ ຍາຍ ເຍົາ ຄິດ ນະກ້ອຍ! ກູ ຣາມິຮ ເກົາ ອາຕີ, ລາ ເກົາ ອາຕີ ຍິຮ ມົງ ເຢັງ ເຈົາຣາຊີ, ຍ່ອນ ເກົາ ເບີ ນ ມວຍ ຣາງິຮ ກະ ເຢຊູ ກຣິດ. ອາລ້ອຮ ເອີຍ! ກູ ຮານະ ເກົາ ຕະ, ລາ ເກົາ ຍິຮ ອີ ຈ່ອຍ ໂອນ ເຍົາ ຊາອໍາ ເຣັງ ອາຊ້ອຮ ແອັນ. 20 ເກົາ ອີງກ້ອນ ບ້ອງ ກາ ເກົາ ແຕ້ອ ປິ ເຍົາ, ເກົາ ຕາ ເບີນ ຊ່ອງ ຮໍ່ອ ກະ ເຍົາ, ເຮີມ ເຍົາ ຕະ ຮານະ ຕາ ອໍ, ກະ ເຍົາ ຕາ ເບີ ນ ຮໍ່ອ ບ້ອງ ກາ ເກົາ ອາຕີ ເຍົາ ແຕ ຮານະ ກ້ອຍ. ເກົາ ອີງກ້ອນ ເຍົາ ຕະ ຊາອິ້ຍ ຮານະ ຕາ ອໍ ນະໄນ່: ຣາໂລຍຮ, ມານະ ຊັຮແມງ ແຕ ມານະ, ໄວ່ ອີງຄິນ, ຣາຕັຮ ແກັດ ຊາອິ້ຍ ຈຸ່ມ, ພາມາດ ເນົ້າ, ປາຍ ຕາ ອໍ ແຕ ເນົ້າ, ຍິຮ ອີ ໂອດ, ກະ ເຍົາ ຣາຍົວະ ກວາ ຍ ການໍ້ອ. 21 ເກົາ ອີງກ້ອນ ບ້ອງ ກາ ເກົາ ແຕ້ອ ປິ ເຍົາ, ເຢັງ ເຈົາຣາຊີ ຕະ ໂອນ ເກົາ ຊ່ອງ ກູມາລ ແຕ ເຍົາ, ເຈັ ເກົາ ອີ ເຍົາມ ຍ່ອນ ຊາອິ້ຍ ນະ ແຕ ເຍົາ ຕະ ຮານະ ໄລ່ຍຮ, ມາ ຕາ ຢວາຮ ງິນ ໄລ່ຍຮ ກ້ອຍ. ຮານະ ໄລ່ຍຮ ກ້ອຍ ລາ ນະໄນ່: ໄລ່ ຍິຮ ອີ ເບີນ ເນົ້າ, ຕາ ເບີນ ລາກວຍ ກາຢາອ໌ ມາ ໄລ່ ປິ ມັນຕຸ, ກະ ໄລ່ ຕະ ຮານະ ຊັຮມວາອ໌.

### 13

ປັຮນາຍ ອາຕີ ປັຮຊົດ ກະ ກັຮບັນ

1 ເຮີບ ກາ ໄປ ເອີຍ ກາ ເກົາ ອີ ແຕ້ອ ຊາອິຮ ເຍົາ ໄນ່. ພໍກາ ເກົາ ແຕ້ອ ປິ ເຍົາ, ໄຮ ປຣ່ອມ ຕະ ຕາປູ ນ ປິ່ງ ປັຮນາຍ ເຢັງ ເຈົາຣາຊີ ແຕ ອິມແປ ປາຍ: "ຄັນ ເບີນ ບາຣ ໄປ ນະ ມາ ປຣ່ອມ ປ້ອງ ກວາຍ ການໍ້ອ ຕະ ໄລ່ຍຮ, ເນົ້າ ນັບ ປັຮນາຍ ໄລ່."

2 ບ້ອງ ກາ ເກົາ ແຕ້ອ ປິ ເຍົາ ເຮີບ ບາຣ ກ້ອຍ, ເກົາ ກາແອັຮ ເຈັ ເຍົາ ກາ ຕະ ໄລ່ຍຮ. ກະ ຊານຸ່ ເກົາ ແອັດ ເຢັງ ແຕ ເຍົາ, ມາ ເກົາ ຍິຮ ອີ ປາຍ ຊາ ໂຈະ ເຍົາ ນະໄນ່: ມາແລະ ເກົາ ແຕ້ອ ປິ ເຍົາ ເຮີບ ອິນ ດຸ່ນ ແອັນ, ເຍົາ ຕາ ແຕ້ອ ວຍາຮ ແວັດ ແຕ ເກົາ

ໂຈະ ໂຕ່ດ ເຍົາ, ກະ ໂຈະ ໂຕ່ດ ມັຮ ກວາຍ ການໍ້ອ ມາ ຕະ ໄລ່ຍຮ. 3 ເກົາ ປາຍ ນະໄນ່ ຍ່ອນ ເຍົາ ຈໍ່ ອິ ຮານະ ຍິຮ ອີ ດັງ ເກົາ ອາຕີ ຕາງ ເຢຊູ ກຣິດ ມາ ຕາ ເບີນ. ບ້ອງ ກາ ເຢຊູ ກຣິດ ຕະ ອິນເຕົ້າ ກະ ເຍົາ, ອັນ ຕາ ເບີນ ອຽວ ອິນເຕົ້າ, ມາ ອັນ ຕະ ເຣັງ ລາລີ້. 4 ຈະ ອັນ ອຽວ ບ້ອງ ກາ ອັນ ຈິວ ກູ ຈິດ ຕິ່ງ ອາລ່ອງ ຊັງກັງ, ມາ ຊານຸ່ ອັນ ອາມັງ ຍ່ອນ ອໍານາດ ປັດ ລາລີ້ ແຕ ເຢັງ ເຈົາຣາຊີ. ຈະ ຮິ ລາ ອຽວ ມູເຈັງ ຈະ ເຢຊູ ແຕ່, ມາ ບ້ອງ ກາ ຮິ ຕະ ຮາ ນະ ກະ ເຍົາ, ຮິ ອາມັງ ມັນຕຸ ກະ ເຢຊູ ຍ່ອນ ເບີນ ອໍານາດ ແຕ ເຢັງ ເຈົາຣາຊີ.

5 ອີງເຄາະ ເຍົາ ຄິດ ລັຮ, ເຍົາ ຊາອໍາ ເຢຊູ ກຣິດ, ມາ ຕາ ເບີນ. ກະ ອີງເຄາະ ເຍົາ ຕາຕ່ອຍ໌ ແຕ ຣາງິຮ ເຍົາ ເບີມ, ເຍົາ ດັງ ເຢຊູ ກຣິດ ແອັດ ຕິ່ງ ຣາງິຮ ເຍົາ ມາ ຕາ ເບີນ. ຄັນ ເຍົາ ຕາ ເບີນ ດັງ ຣາມິຮ ກ້ອຍ, ເຍົາ ຊາອໍາ ຕາ ເບີນ ປຍາຍ. 6 ແວັດ ເຍົາ ຕາຕ່ອຍ໌ ນະກ້ອຍ, ເກົາ ຄິດ ເຍົາ ດັງ ຮິ ລາ ກວາຍ ຊາອໍາ ເຢັງ ເຈົາຣາຊີ ປຍາຍ ລາລີ້. 7 ຮິ ເກົາແຊອ໌ ແຕ ເຢັງ ເຈົາຣາຊີ ໂອນ ອັນ ຈ່ອຍ ເຍົາ ອິນໂຈຍ ຕະ ຮານະ ຕາ ອໍ ອິນເຕົ້າ. ຮິ ຕະ ນະກ້ອຍ, ຕາ ແອອ໌ ອີ ໂອນ ເນົ້າ ຍ່ອງ ຮິ, ມາ ຮິ ຍິຮ ເຍົາ ຕະ ອໍ ທໍ, ຕາ ເບີນ ອິນເຕົ້າ ເນົ້າ ຍ່ອງ ຮິ, ແຕີລາ ເນົ້າ ປາຍ ຮິ ເປ. 8 ຮິ ຕາ ແຕ້ອ ຕະ ຮານະ ອິນເຕົ້າ ດໍອ໌ ຮາຈິລ ຮານະ ປຍາຍ, ມາ ຮິ ແຕ້ອ ຕະ ອໍ ຊ່ອງ ຕາປູນ ຮາ ນະ ປຍາຍ. 9 ຮິ ຊ່ອງ ຮໍ່ອ ລາລີ້, ຄັນ ຮິ ອຽວ ມາ ເຍົາ ເຣັງ. ຍ່ອນ ນະກ້ອຍ ຮິ ເກົາແຊອ໌ ໂອນ ເຍົາ ລົບ ແກັດ ອໍ ລັຮ ນະ ແຕ ອິນໂຍ່ງ. 10 ເກົາ ຄຽນ ປັຮນາຍ ຊາອິຮ ໄນ່ ໂອນ ເຍົາ ບ້ອງ ກາ ເກົາ ອິນ ນ້ອງ ແອັດ ເຢັງ ແຕ ເຍົາ, ຍ່ອນ ບ້ອງ ແລະ ເກົາ ແຕ້ອ ປິ ເຍົາ ເກົາ ຕາ ເບີນ ອີງເຄາະ ປາຍ ເຣັງ ໂຈະ ເຍົາ ຕາປູນ ອໍານາດ ເຢຊູ ກຣິດ ໂອນ ເກົາ. ອັນ ໂອນ ເກົາ ເບີນ ອໍານາດ ກ້ອຍ ດໍອ໌ ຈ່ອຍ ເຍົາ ຊາ ອໍາ ເຣັງ ອາຊ້ອຮ, ຕາ ແກີນ ໂອນ ເກົາ ຕາລຸຮ ເຍົາ.

11 ປັຮນາຍ ປັຮຊົດ ເກົາ ອາຕີ ເຍົາ ລາ ນະໄນ່: ແຊມອາຍ ເອີຍ ເກົາ ກ່ອບ ເຍົາ. ອີງເຄາະ ເຍົາ ລົບ ແກັດ ອໍ ລັຮ ນະ ແຕ ອິນໂຍ່ງ. ອີງເຄາະ ເຍົາ ຊາງັດ ປັຮນາຍ ເກົາ ແຊອ໌ ແຕ ເຍົາ. ອີງເຄາະ ເຍົາ ປຣ່ອມ ມວຍ ຣາງິຮ. ອີງເຄາະ ເຍົາ ມານະ ຣາຕອຍ ກະ ມານະ. ເຈັ ເຢັງ ເຈົາຣາຊີ ອາໂຢະ ເຍົາ ກະ ໂອນ ເຍົາ ແອັດ ບັນ ຊວານ ອຽນ ອໍ ເລື້ອຍໆ.

12 ແຊອ໌ ເຍົາ ມານະ ກັຮບັນ ອໍ ໂຈະ ມານະ. 13 ກູ ນະ ກວາຍ ຊາອໍາ, ໄລ່ ຕາແບັບ ກາຮານ ເຍົາ ແຕ່.



14 ເກົາ ແຊອ໌ ເຢຊູ ກຣິດ, ອິນເຈົ້າ ໄຮ, ຈ່ອຍ  
ເມັດ ເຍົາ. ເກົາ ແຊອ໌ ເຢືາງ ເຈົ້າຮາຊີ ອາໂຢະ ເລືອ  
ຍໆ ເຍົາ. ກະ ເກົາ ແຊອ໌ ຮາເວີຍ ເຢືາງ ເຈົ້າຮາຊີ  
ແອັດ ເລືອຍໆ ກະ ກູ່ ນະ ເຍົາ.

# ປັນນາຍ ຊາອົຣ໌ ໂປໂລ ຄຽນ ໂອນ ມູ່ ກາ ຊາອຳ ແອັດ ຕິ່ງ ແຄງ ຄາລາເຕຍ

ປັນນາຍ ອາຕີ ອິນໂຢ່ງ  
ໂປໂລ ຄຽນ ປັນນາຍ ຊາອົຣ໌ ໄນ່ ພາອົ ໂອນ ມູ່  
ກາ ຊາອຳ ຕິ່ງ ແຄງ ຄາລາເຕຍ ມາຮ 50-58 ກູມໍ  
ແວັດ ເຢຊູ ແກັດ.

ຕິ່ງ ແຄງ ຄາລາເຕຍ ເປັນ ກວາຍ ກາ ອາຕີ ປາຍ  
ອິງເຄາະ ຕາປຸ່ນ ຄານອດ ໂມເຊ ກ້ອຍ ແຕ ແກັດ  
ຕາມ້ອງ ອໍ ຢັຣ ເມັງ ເຢັງ ເຈົາຣາຊີ. ໂປໂລ ຄຽນ  
ປັນນາຍ ຊາອົຣ໌ ໄນ່ ດໍອົ ອາຕີ ລັຣ໌ ໂອນ ມູ່ ກາ ຊາ  
ອຳ ແອັດ ຕິ່ງ ແຄງ ຄາລາເຕຍ ດັງ ແຈງ ປາຍ, ຕາ  
ເຕ່ອ້ ແກັດ ຕາມ້ອງ ອໍ ຍ່ອນ ຕະ ຕາປຸ່ນ ຄານອດ  
ກວາຍ ອິດຊະຣາເອລ; ຍ່ອນ ກູ່ ນະ ກວາຍ ແກັດ  
ຕາມ້ອງ ອໍ ຢັຣ ເມັງ ເຢັງ ເຈົາຣາຊີ ລາ ຍ່ອນ ໄລ່  
ຊາອຳ ເຢຊູ ຊ້ອງ. ໂປໂລ ພາອົ ປັນນາຍ ຊາອົຣ໌ ໄນ່  
ໂອນ ກວາຍ ຄາລາເຕຍ ດໍອົ ອາໂຢ່ງ ມັຣ ກາ ກອນ  
ອາໄກ ເຢັງ ເຈົາຣາຊີ ຕິ່ງ ແຄງ ໄນ່ ດັງ ລັຣ໌ ອິງເຄາະ  
ຕະ ນານະ ໂອນ ປາຍາຍີ.

ໂປໂລ ອາຕີ ໂອນ ໄລ່ ດັງ ແຈງ ປາຍ ອຳນາດ ອັນ  
ລາ ແຕ່ອ້ ແຕ ເຢັງ ເຈົາຣາຊີ. ກະ ຣານະ ອັນ ຕະ  
ລາ ຕາ ແກັນ ແຕ ກວາຍ, ມາ ເຢັງ ເຈົາຣາຊີ ກູອົ  
ອັນ ດໍອົ ອາຕີ ລັຣ໌ ປັນນາຍ ເຢັງ ເຈົາຣາຊີ ໂອນ  
ກວາຍ ຕາ ແກັນ ກວາຍ ອິດຊະຣາເອລ.

ປັຣຊົດ ຕິ່ງ ປັນນາຍ ຊາອົຣ໌ ໄນ່, ໂປໂລ ຄຽນ  
ໂອນ ໄລ່ ດັງ ປາຍ ຕາມ ໄລ່ ຕາ ເປັນ ຕຸ່ຣ ຕາປຸ່ນ  
ນ້ອງ ຄານອດ ອິດຊະຣາເອລ, ມາ ອິງເຄາະ ໄລ່ ເປີ  
ນ ແດັຍ ອາມັງ ຍ່ອນ ແຕ ຣາງິຣ ອາໂຢະ ກະ ຊາອຳ  
ເຢຊູ ກຣິດ ຈັບ ລາລີ້.

ໂປໂລ ຄຽນ ປັນນາຍ ຊາອົຣ໌ ກວາຍ  
ຄາລາເຕຍ

1-2 ເກົາ ລາ ໂປໂລ ຄຽນ ປັນນາຍ ໄນ່ ພາອົ  
ຊາອົຣ໌ ອິນແຍ່ະ ມູ່ ກາ ຊາອຳ ເຢຊູ ຕິ່ງ ແຄງ  
ຄາລາເຕຍ. ເກົາ ລາ ກວາຍ ເປາະ ອາຕີ ປັນນາຍ ອໍ  
ແຕ ເຢຊູ ກຣິດ, ອັນ ກາ ເຢັງ ເຈົາຣາຊີ ໂອນ ອາ  
ມັງ ລັຣ໌. ໄກຣ ລາລີ້ ເຢຊູ ກຣິດ ກະ ເຢັງ ເຈົາຣາ  
ຊີ, ອິມບໍ່ ໄຮ, ຮຽຮ ປາຈຸ່ຣ ເກົາ ເປາະ ຕະ ຣານະ  
ໄນ່. ຕາ ແກັນ ແຕ ກວາຍ ຮຽຮ. ນະກ້ອຍ ເກົາ  
ພາອົ ປັນນາຍ ຊາອົຣ໌ ໄນ່ ຢັຣ໌ ອີ ຊາອົຣ໌ ເຢົາ. ກະ

ອິນແຍ່ະ ມັຣ ກວາຍ ຊາອຳ ເຢຊູ ແອັດ ອິນຕຸ ໄນ່,  
ໄລ່ ປັຣອມ ເຕ່ ແຕ ປັນນາຍ ຊາອົຣ໌ ໄນ່.

3 ເກົາ ແຊອົ ເຢັງ ເຈົາຣາຊີ, ອິມບໍ່ ໄຮ, ກະ ເຢຊູ  
ກຣິດ, ອິນເຈົາ ໄຮ, ຈ່ອຍ ເມັດ ເຢົາ, ກະ ໂອນ ເຢົາ  
ແອັດ ບັນ ຊວານ ອຽນ ອໍ ເລືອຍໆ. 4 ເຢຊູ ກຣິດ  
ຈູງ ຈິວິ ກູຈິດ ຍ່ອນ ໄລ່ຍຣ ໄຮ. ອັນ ຕະ ນະກ້ອຍ  
ດໍອົ ຈ່ອຍ ອາມັງ ໄຮ ແຕ ອິນແຍ່ະ ຣານະ ຕາ ອໍ  
ຕິ່ງ ແດັຍ ຕາ ອໍ ໄນ່. ມັຣ ຣານະ ເຢຊູ ຕະ ລາ ຣາປ  
ຍາຍີ ກະ ຣາງິຣ ເຢັງ ເຈົາຣາຊີ, ອິມບໍ່ ໄຮ ຍິຣ໌.  
5 ນະກ້ອຍ ອິງເຄາະ ເມົາ ຍ່ອງ ເລືອຍໆ ແອັງ ເຢັງ  
ເຈົາຣາຊີ ຊ້ອງ ຊົດ ແດັຍ ເລີ່ຍ ກູມໍ. ອາແມນ.\*

ຕາ ເປັນ ປັນນາຍ ການໍອົ ເຕ່ອ້ ຈ່ອຍ ອາມັງ  
6 ເກົາ ງິ່ດ ເຕ່, ໄວ່ ລາລີ້ ເຢົາ ຕັຣ ເຢັງ ເຈົາຣາ  
ຊີ, ອັນ ກາ ຮຽຮ ເຢົາ ໂອນ ເຢົາ ເປັນ ອາມັງ ເລືອ  
ຍໆ ລາ ຍ່ອນ ແຕ ເຢຊູ ກຣິດ ຈ່ອຍ ເມັດ ເຢົາ.  
ຊານໍ ເຢົາ ຄິ່ດ ຣານະ ການໍອົ ແອັນ ຈ່ອຍ ອາມັງ  
ເຢົາ. 7 ໄກຣ ລາລີ້ ຕາ ເປັນ ເປັນ ຣານະ ການໍອົ  
ເຕ່ອ້ ຈ່ອຍ ອາມັງ ເຢົາ. ມາ ເປັນ ກວາຍ ການໍອົ  
ແຕ່ອ້ ປີ ເຢົາ ຍິຣ໌ ເຢົາ ແກ້ ກູ່ ກະ ຍິຣ໌ ອີ ປຽນ  
ປັນນາຍ ອໍ ແຕ ເຢຊູ ກຣິດ. 8 ຄັນ ເປັນ ກວາຍ  
ອາແລະ ແຕ່ອ້ ປີ ເຢົາ, ກາ ຈະ ເກົາ, ກາ ເທວາດາ  
ເຢັງ ເຈົາຣາຊີ ແຕ ມັນລ້ອງ, ຍິຣ໌ ອາຕີ ເຢົາ ປັຣ  
ນາຍ ອິມພາ ແອັນ ແຕ ປັນນາຍ ອໍ ແຕ ເຢຊູ ກຣິ  
ດ ນະ ຮິ ອາຕີ ເຢົາ ແຕ ອິນໂຢ່ງ ເຈີ່, ເກົາ ຍິຣ໌ ເຢັງ  
ເຈົາຣາຊີ ເວ່ນ ດໍອົ ກວາຍ ກ້ອຍ. 9 ນະກ້ອຍ ເກົາ  
ອາຕີ ລັຣ໌ ຊາ ປັນນາຍ ໄນ່ ໂອນ ເຢົາ, ຄັນ ກວາ  
ຍ ອາແລະ ອາຕີ ປັນນາຍ ອິມພາ ແຕ ປັນນາຍ ອໍ  
ແຕ ເຢຊູ ກຣິດ ນະ ເຢົາ ຊາອຳ ເຈີ່, ເກົາ ຍິຣ໌ ເຢັງ  
ເຈົາຣາຊີ ອາປິດ ຊ້ອງ ກວາຍ ກ້ອຍ.

10 ເກົາ ປາຍ ນະກ້ອຍ ເຢົາ ຄິ່ດ ປາຍ ເກົາ ຍິຣ໌  
ກວາຍ ຍ່ອງ ເກົາ ບໍ? ຕາ ແກັນ ນະກ້ອຍ! ເກົາ  
ຍິຣ໌ ແອັງ ເຢັງ ເຈົາຣາຊີ ຊ້ອງ ຍ່ອງ ເກົາ. ຄັນ ເກົາ  
ຍິຣ໌ ອີ ແອັດ ອໍ ຢັຣ ເມັງ ກວາຍ ຊ້ອງ, ເກົາ ຕາ  
ເຕ່ອ້ ຕະ ຣານະ ເຢຊູ ກຣິດ.

ແອັງ ເຢຊູ ກຣິດ ຊ້ອງ ຮຽຮ ປາຈຸ່ຣ ໂອນ  
ໂປໂລ ຕະ ຣານະ

11 ແຊມອາຍ ເອີຍ, ເກົາ ຍິຣ໌ ເຢົາ ດັງ ແຈງ ລາ  
ລີ້, ປັນນາຍ ອໍ ແຕ ເຢຊູ ກຣິດ ກາ ເກົາ ອາຕີ ໂອນ  
ເຢົາ, ປັນນາຍ ໄນ່ ຕາ ແກັນ ແຕ ກວາຍ. 12 ປັຣ  
ນາຍ ໄນ່ ເກົາ ຕາ ເປັນ ຮັບ ແຕ ກວາຍ. ມາ ເກົາ  
ຮັບ ແຕ ເຢຊູ ກຣິດ ອາປັຣ ເລີ່ຍ ໂອນ ເກົາ. ຕາ  
ເປັນ ກວາຍ ອາແລະ ອາຕີ ເກົາ.

\* 1:5 1:5 ປັນນາຍ 'ອາແມນ' ອາຕີ ລັຣ໌ ລາ 'ກັຣ໌ກ ນະກ້ອຍ' ແຕີລາ 'ແຊອົ ໂອນ ແກັດ ນະກ້ອຍ.'

13 ເຍົາ ຊ້ອງ ເຈົ້າ ອິນແຍ່ະ ຮານະ ເກົາ ຕະ ບັອງ ກາ ເກົາ ຕາປູນ ຮິດ ຈຸ່ມ ອິດຊະຮາເອລ. ບັອງ ກ້ອຍ ເກົາ ຕະ ຕຸ່ຣ ກັດ ລາລີ້ ໂຈະ ອິນແຍ່ະ ມັຮ ມູ່ ກາ ຊາອຳ ເຢຊູ. ເກົາ ອີ ອາປິດ ອິນແຍ່ະ ມັຮ ໄລ່ ກາ ຊາອຳ ເຢຊູ ກຣິດ. 14 ຕຶ້ງ ຕາໄງ ກ້ອຍ ເກົາ ຕະ ຕາປູນ ຮິດ ຈຸ່ມ ອິດຊະຮາເອລ ແກ້ຍ ອິນແຍ່ະ ແຕ ໄລ່ ກາ ມວຍ ໂປຣ່ອ ກະ ເກົາ. ຮາງິຣ ເກົາ ຢິ່ອ ລາລີ້ ຕາປູນ ຄານອດ ຈຸ່ມເຈືອ ເກົາ ແຕ ອິມແບີ. 15 ມາ ເຢັງ ເຈົ້າຮາຊີ, ອັນ ຈ່ອຍ ເມັດ ເກົາ, ຍ່ອນ ອັນ ຮຽຮ ເກົາ ໂອນ ຕະ ຮານະ ອັນ ແຕ ເກົາ ອິນ ນ້ອງ ແອັດ ຕຶ້ງ ປຸ່ງ ອິມແປ່ອ. ແຕ່ອ້ ອັນ ກູ່ອ ເກົາ, ອັນ ຊ້ອງ ຮໍ່ອ ຮາງິຣ 16 ອາປິຣ ເລີຍ ໂອນ ເກົາ ດັງ ແຈງ ເຢຊູ ກຣິດ ລາ ເມ່ນ ກອນ ອັນ. ເຢັງ ເຈົ້າຮາຊີ ຕະ ນະກ້ອຍ ໂອນ ເກົາ ແຕ່ອ້ ອາຕີ ປິຣ ນາຍ ແຕ ເຢຊູ ກຣິດ ໂອນ ມັຮ ກວາຍ ຕາ ແກ້ນ ກວາຍ ອິດຊະຮາເອລ ດັງ ປິຣນາຍ ໄນ່ ແຕ່. ເກົາ ຕາ ເບີນ ຊ້ຣຮັງ ມັຮ ຮານະ ໄນ່ ກະ ກວາຍ ການໍ່ ອ້. 17 ກະ ເກົາ ຕາ ເບີນ ເຈົ້າ ຊ້ຣຮັງ ກະ ຈຸ່ມ ເຢຊູ ຮຽຮ ປາຈຸ່ຣ ຕຶ້ງ ເມືອງ ເຢຣູຊາເລັມ, ໄລ່ ກາ ຕະ ຮານະ ໄນ່ ອິນໂຍ່ງ ແຕ ເກົາ. ມາ ເກົາ ເປາະ ປິ ກຣ ວາງ ອາຮາເບຍ. ແວັດ ກ້ອຍ ເກົາ ເຈົ້າ ປິ ເມືອງ ດາມັດກັດ ແອັນ.

18 ແວັດ ໄປ ກູ່ມ ແຕ ເກົາ ຊ້ອຣ ປິ ເມືອງ ເຢຣູຊາເລັມ, ຢິ່ອ ອີ ຊາອິຣ ເປັຕ. ເກົາ ແອັດ ກະ ອັນ ອິນແຍ່ະ ມັນຈິດ ລາ ເຊີງ ຕາໄງ. 19 ມາ ຈຸ່ມ ເຢຊູ ຮຽຮ ປາຈຸ່ຣ ການໍ່ອ້, ເກົາ ຮາມັຣ ມານະ ຢາໂກໂບ ຊ້ອງ, ລາ ອາແອມ ອິນເຈົ້າ ໄຮ. 20 ມັຮ ປິຣນາຍ ເກົາ ຄຽນ ໂອນ ເຍົາ ຊານໍ່ ລາ ປຍາຍ ລາລີ້. ເຢັງ ເຈົ້າຮາຊີ ດັງ ປາຍ ເກົາ ຕາ ເບີນ ອາ ໂລກ. 21 ອິນຕຸ່ນ ກ້ອຍ ເກົາ ລໍ່ອຣ ແຕ ເມືອງ ເຢຣູຊາເລັມ ມູ່ດ ຕຶ້ງ ແຄງ ຊີເຣຍ ກະ ກິລິທາຍ. 22 ໄກຣ ລາລີ້ ອິນແຍ່ະ ມູ່ ກາ ຊາອຳ ເຢຊູ ຕຶ້ງ ແຄງ ຢູດາຍ, ໄລ່ ຕາ ຢວາຣ ເຮີມ ຮູ່ບເຮີງ ເກົາ. 23 ມາ ອິນແຍ່ະ ໄລ່ ກ້ອຍ ຊ້ອງ ເມົາ ປາຍ ແຕ ເກົາ ນະ ໄນ່: "ກວາຍ ໄນ່ ກາ ຕະ ໄຮ ແຕ ອິນໂຍ່ງ. ຕຶ້ງ ຕາ ໄງ ກ້ອຍ ອັນ ຢິ່ອ ອີ ໂອນ ປິດ ອິນແຍ່ະ ມັຮ ຮາ ນະ ແຕ ເຢຊູ ກຣິດ. ມາ ຊານໍ່ ອັນ ອາຕີ ເລືອຍໆ ໂອນ ກວາຍ ການໍ່ອ້ ດັງ ຮານະ ໄນ່." 24 ນະກ້ອຍ ອິນແຍ່ະ ມັຮ ໄລ່ ກ້ອຍ ຍ່ອງ ເຢັງ ເຈົ້າຮາຊີ ຍ່ອນ ແຕ ເກົາ.

2

ໂປໂລ ຮາມັຣ ກວາຍ ອາໂຍ່ງ ຕຶ້ງ ມູ່ ກາ ຊາອຳ  
 1 ແວັດ ມວຍ ຈິດ ລາ ປູນ ກູ່ມ, ເກົາ ຊ້ອຣ ລໍ່ອ ປິ ເມືອງ ເຢຣູຊາເລັມ. ກະ ບາຣ ນະ ແອັນ, ບາຣນາບາ ກະ ຕີໂຕ, ໄລ່ ເປາະ ມັນຕຸ ກະ ເກົາ ແຕ່. 2 ເກົາ ເປາະ ປິ ເມືອງ ເຢຣູຊາເລັມ ຍ່ອນ ເຢັງ ເຈົ້າຮາຊີ ອາປິຣ ເລີຍ ແປຣີ ເກົາ ເປາະ. ເກົາ ອາຕີ ແອັງ ໄລ່ ກາ ອາໂຍ່ງ ມູ່ ກາ ຊາອຳ ເຢຊູ ຕຶ້ງ ເມືອງ ເຢຣູຊາເລັມ ໂອນ ໄລ່ ດັງ ອິນແຍ່ະ ມັຮ ຮາມັຣ ກາ ເກົາ ອາຕີ ເຈົ້າ ໂອນ ກວາຍ ຕາ ແກ້ນ ກວາຍ ອິດ ຊະຮາເອລ. ມັຮ ຮານະ ເກົາ ຕະ ເຈົ້າ, ກະ ມັຮ ຮາ ນະ ເກົາ ຕະ ຊານໍ່ ແອັງ ຈ່ອຍ ກວາຍ ຕາ ແກ້ນ ກວາ ຍ ອິດຊະຮາເອລ, ເກົາ ຕາ ແອ່ອ ມັຮ ຮານະ ກ້ອຍ ຕາ ເບີນ ແກ້ດ ເກົາ ອິນເຕົ້າ. 3 ຕີໂຕ ກາ ເປາະ ກະ ເກົາ, ອັນ ລາ ຕາ ແກ້ນ ກວາຍ ອິດຊະຮາເອລ. ມາ ໄລ່ ກາ ອາໂຍ່ງ ຕຶ້ງ ມູ່ ກາ ຊາອຳ ເຢຊູ, ໄລ່ ຕາ ເບີນ ປາຍ ອິນເຕົ້າ ຕີໂຕ ອົງເຄາະ ຕະ ຮິດ ກິດ ຕາປູນ ຄານອດ ອິດຊະຮາເອລ.\* 4 ມາ ເບີນ ກວາຍ ກາ ນໍ່ອ້, ໄລ່ ອາໂລກ ປາຍ ໄລ່ ຊາອຳ, ເຈົ້າ ໄລ່ ມູ່ດ ຕຶ້ງ ມູ່ ກາ ຊາອຳ ເຢຊູ. ໄລ່ ກ້ອຍ ຢິ່ອ ຕີໂຕ ຕະ ຮິດ ກ້ອຍ, ໄລ່ ລາ ມະ ກວາຍ ຈ່ອມ ແນ່ ຕາຕ່ອຍ ຢິ່ອ ອີ ຕີ ໄຮ ຍ່ອນ ໄຮ ຕາ ເບີນ ມັນຕຸຣ ຈຸ່ມ ກາ ຕາປູ ນ ເຢຊູ ໂອນ ຕາປູນ ປຍາຍ ລາລີ້ ຄານອດ ອິດຊະ ຮາເອລ. ໄລ່ ຢິ່ອ ໄຮ ແກ້ດ ຊູລ ຄານອດ ໄລ່. 5 ປິ ອ້ ລາ ຮິ ຕາ ແອ່ອ ອີ ຕະ ຕາປູນ ຮານະ ໄລ່, ຍ່ອນ ຮິ ຕາ ແອ່ອ ອີ ໂອນ ເຍົາ ຄິດ ເຢຊູ ຈ່ອຍ ອາມັງ ແອັງ ກວາຍ ກາ ຕາປູນ ຄານອດ ອິດຊະຮາເອລ ຊ້ອງ.

6 ມາ ມັຮ ກວາຍ ກາ ອາໂຍ່ງ ກ້ອຍ, ໄລ່ ຕາ ເບີ ນ ອາຕີ ມວຍ ຮາມັຣ ຕາໄມ ອິນເຕົ້າ ອິມພາ ແຕ ເກົາ ອາຕີ ແຕ ອິນໂຍ່ງ. ໄກຣ ລາລີ້ ໄລ່ ກ້ອຍ ຊົດ ມາ ຕາ ເບີນ ຊົດ, ລາ ຕາ ເບີນ ອິນເຕົ້າ ໂອນ ເກົາ. ເຢັງ ເຈົ້າຮາຊີ ຕາ ເບີນ ແນ່ ຍິ່ຣ ນໍ່ອ້ ຊ້ອງ. 7 ມາ ກວາຍ ກາ ອາໂຍ່ງ ກ້ອຍ ດັງ ກຣັກ ເຈົ້າ ລາ ເຢັງ ເຈົ້າຮາຊີ ແປຣີ ເກົາ ອາຕີ ປິຣນາຍ ອໍ ແຕ ເຢຊູ ກຣິດ ໂອນ ກວາຍ ຕາ ແກ້ນ ກວາຍ ອິດຊະຮາ ເອລ ດັງ ແຕ່, ນະ ເຢັງ ເຈົ້າຮາຊີ ແປຣີ ເປັຕ ອາ ຕີ ຈຸ່ມ ອິດຊະຮາເອລ. 8 ໄກຣ ລາລີ້ ເຢັງ ເຈົ້າຮາ ຊີ ຮຽຮ ປາຈຸ່ຣ ໂອນ ເກົາ ແກ້ດ ກວາຍ ເປາະ ອາ ຕີ ປິຣນາຍ ອໍ ໂອນ ກວາຍ ຕາ ແກ້ນ ກວາຍ ອິດ ຊະຮາເອລ ນະ ເຢັງ ເຈົ້າຮາຊີ ຮຽຮ ປາຈຸ່ຣ ເປັຕ ແກ້ດ ກວາຍ ເປາະ ອາຕີ ປິຣນາຍ ອໍ ໂອນ ກວາ ຍ ອິດຊະຮາເອລ ແຕ່. 9 ຮາມັຣ ໄລ່ ກາ ເມົາ ດໍ່ອ້ ແປຼ ກ້ອຍ ລາ ຢາໂກໂບ, ເປັຕ, ກະ ໂຢຣັນ. ໄລ່

\* 2:3 2:3 ຮິດ ກ້ອຍ ເມົາ ກິດ ບິ່ອ ອົງກັຣ ແຕ ຫາຮິ່ງ ຮາເລົາ.

ກ້ອຍ ດັງ ເຢີງ ເຈົ້າຮາຊີ ຈ່ອຍ ເມີດ ເກົາ, ກະ ໄລ່ ປຣ່ອມ ໂອນ ບາຣ ນະ ຮີ, ເກົາ ກະ ບາຣນາບາ, ອິນ ນ້ອງ ອາຕີ ໂອນ ກວາຍ ຕາ ແກ້ນ ກວາຍ ອິດຊະ ຮາເອລ. ມາ ໄລ່ ອິນນ້ອງ ແອິດ ອາຕີ ຈຸ່ມ ອິດຊະ ຮາເອລ. <sup>10</sup> ກະ ໄລ່ ປາຕັບ ໂອນ ຮີ ບາຣ ນະ ຊາ ແຍິ ຈ່ອຍ ເລືອຍ ກວາຍ ກາດິດ. ມາ ຮາມິ້ຮ ກ້ອຍ ເກົາ ຢັອ ອີ ຕະ ແຕ ອິນໂຍ່ງ ເຈີ້.

ໂປໂລ ກາແອັຣ ເປໂຕ ຕິ່ງ ເມືອງ ອັນຕີໂອເຄຍ

<sup>11</sup> ມາ ພໍກາ ເປໂຕ ແຕ້ອ ປໍ ເມືອງ ອັນຕີໂອ ເຄຍ, ເກົາ ຕາຢິ່ງ ຍັຮ ເມີງ ມັຮ ກວາຍ, ກະ ເກົາ ກາແອັຣ ອັນ ຕະ ຮານະ ຕາ ເບິນ ປຍາຍໍ.

<sup>12</sup> ແຕ ຕາແບິ ເປໂຕ ຈາ ມັນຕຸ ກະ ກວາຍ ຕາ ແກ້ນ ກວາຍ ອິດຊະຮາເອລ. ມາ ພໍກາ ຢາໂກໂບ ພາອໍ ມວຍ ຈຸ່ມ ກວາຍ ອັນ, ໂອນ ໄລ່ ເປາະ ແຕ້ອ ປໍ ເມືອງ ອັນຕີໂອເຄຍ, ເປໂຕ ຕາ ແອອໍ ອີ ຈາ ນ້ອງ ກະ ກວາຍ ຕາ ແກ້ນ ກວາຍ ອິດຊະຮາເອລ. ອັນ ອິງກ້ອຮ ຈຸ່ມ ອິດຊະຮາເອລ ຄິດ ປາຍ ອັນ ຕັຮ ຄານອດ ອິດຊະຮາເອລ. <sup>13</sup> ນະກ້ອຍ ອິນແຍ່ະ ມັຮ ແຊມອາຍ ຈຸ່ມ ອິດຊະຮາເອລ, ໄລ່ ກາ ຊາອໍາ ເຢຊູ ຕິ່ງ ເມືອງ ອັນຕີໂອເຄຍ, ໄລ່ ດວຍໍ ມູເຈິງ ເປໂຕ ແຕ່. ກາ ບາຣນາບາ ລາ ຕະ ມັນຕັດ ກ້ອຍ ແຕ່. ນະກ້ອຍ ໄລ່ ແກ້ດ ນະ ກວາຍ ຢັອ ອີ ເປາະ ບາຣ ຮານາ.

<sup>14</sup> ພໍກາ ເກົາ ເຮິມ ໄລ່ ກ້ອຍ ຕາ ເບິນ ຕາປູ່ນ ຕານ້ອງ ປັຮນາຍ ອໍ ແຕ ເຢຊູ ກຣິດ, ເກົາ ອາຕີ ເປໂຕ ຍັຮ ເມີງ ອິນແຍ່ະ ມັຮ ກວາຍ ກ້ອຍ ປາຍ: "ໄມ່ ລາ ກວາຍ ອິດຊະຮາເອລ. ມາ ຈະ ໄມ່ ແຕ້ ຕາ ເບິນ ຕາປູ່ນ ຄານອດ ອິດຊະຮາເອລ. ນານະ ແຕ້ອ ໄມ່ ປາຊິດ ທໍ ກວາຍ ຕາ ແກ້ນ ກວາຍ ອິດຊະຮາ ເອລ ໂອນ ໄລ່ ຕາປູ່ນ ອິນແຍ່ະ ຄານອດ ກ້ອຍ?"

<sup>15</sup> ໄກຣ ລາລີ້ ໄຮ ລາ ກວາຍ ອິດຊະຮາເອລ ແຕ ຕາໄງ ໄຮ ແກ້ດ. ນະກ້ອຍ ໄຮ ອິມພາ ແຕ ກວາຍ ຕາ ແກ້ນ ກວາຍ ອິດຊະຮາເອລ ກາ ເມົາ ດໍອໍ ກວາ ຍ ໄລ່ຍຮ. <sup>16</sup> ມາ ໄຮ ດັງ ແຕ່ ກວາຍ ກາ ຕາປູ່ນ ອິນແຍ່ະ ຄານອດ ອິດຊະຮາເອລ, ໄລ່ ຕາ ຢວາຣ ແອິດ ຕານ້ອງ ອໍ ຍັຮ ເມີງ ເຢີງ ເຈົ້າຮາຊີ. ອິງ ເຄາະ ໄລ່ ຊາອໍາ ແອິງ ເຢຊູ ກຣິດ ຊ້ອງ, ແຕ ແຕ້ອ ໄລ່ ແອິດ ຕານ້ອງ ອໍ ຍັຮ ເມີງ ເຢີງ ເຈົ້າຮາຊີ. ເຮິມ ເຢີງ ເຈົ້າຮາຊີ ນັບ ໄຮ ຕານ້ອງ ອໍ, ລາ ຍ່ອນ ໄຮ ຊາອໍາ ເຢຊູ ກຣິດ, ຕາ ເບິນ ຍ່ອນ ໄຮ ຕາປູ່ນ ຄານອດ ອິດຊະຮາເອລ. ໄກຣ ລາລີ້ ຄັນ ກວາຍ ຕາປູ່ນ ແອິງ ຄານອດ ອິດຊະຮາເອລ ຊ້ອງ, ເຢີງ ເຈົ້າຮາຊີ ຕາ ເບິນ ນັບ ໄລ່ ແອິດ ຕານ້ອງ ອໍ ຍັຮ ເມີງ ອັນ.

<sup>17</sup> ພໍກາ ໄຮ ຊາອໍາ ເຢຊູ ກຣິດ ຢັອ ອີ ແອິດ ຕານ້ອງ ອໍ ຍັຮ ເມີງ ເຢີງ ເຈົ້າຮາຊີ, ນະກ້ອຍ ໄຮ ດັງ ໄຮ ລາ ກວາຍ ເບິນ ໄລ່ຍຮ ຍັຮ ເມີງ ເຢີງ ເຈົ້າຮາຊີ. ຄັນ ປັຮນາຍ ໄມ່ ລາ ປຍາຍໍ, ເຢຊູ ຕະ ໂອນ ໄຮ ແກ້ດ ໄລ່ຍຮ ບໍ? ຕາ ແກ້ນ! ຕາ ເບິນ ນະກ້ອຍ! <sup>18</sup> ມາ ຄັນ ເກົາ ອີ ອິດ ລັຮ ມັຮ ຮານະ ເກົາ ຕັຮ ແຕ ອິນໂຍ່ງ ເຈີ້, ເກົາ ອາປັຮ ເກົາ ຕະ ໄລ່ ຍຮ ຕາປູ່ນ ຄານອດ.

<sup>19</sup> ຕາປູ່ນ ຄານອດ ອິດຊະຮາເອລ ເກົາ ລາ ນະ ກູຈິດ ເຈີ້. ນະກ້ອຍ ຊານໍ່ ຄານອດ ອິດຊະຮາເອລ ຕາ ເບິນ ຕາລາ ນ້ອງ ເກົາ. ຍ່ອນ ເກົາ ກູຈິດ, ຊານໍ່ ແຕ້ອ ເກົາ ຕາປູ່ນ ແອິງ ຮານະ ເຢີງ ເຈົ້າຮາຊີ ຊ້ອງ.

<sup>20</sup> ເກົາ ລາ ນະ ກູຈິດ ກະ ເຢຊູ ກຣິດ ຕິ່ງ ອາລ່ອງ ຊັງກັງ ແຕ່. ເກົາ ອາມັງ ຊານໍ່ ຕາ ແກ້ນ ຮາງິຮ ເກົາ. ມາ ເກົາ ອາມັງ ລາ ຍ່ອນ ແຕ ຮາງິຮ ເຢຊູ ກຣິດ. ເຮິມ ອິນນ້ອງ ເກົາ ອາມັງ ຊານໍ່ ລາ ຍ່ອນ ເກົາ ຊາ ອໍາ ກອນ ເຢີງ ເຈົ້າຮາຊີ. ອັນ ອາຢະ ເກົາ ກະ ອັນ ເບິນ ຮາງິຮ ຈິວ ກູຈິດ ຕາງ ເກົາ. <sup>21</sup> ເກົາ ຕາ ເບິນ ຕະ ໂອນ ປິດ ເມີດ ມັຮ ຮານະ ກາ ເຢີງ ເຈົ້າຮາຊີ ຈ່ອຍ ເມີດ ເກົາ. ມາ ຄັນ ກວາຍ ກາ ຕາປູ່ນ ອິນ ແຍ່ະ ຄານອດ ອິດຊະຮາເອລ ມາ ແຕ້ອ ແອິດ ຕານໍ່ ອງ ອໍ ຍັຮ ເມີງ ເຢີງ ເຈົ້າຮາຊີ, ເຢຊູ ກຣິດ ກູຈິດ ໄລ່ ເມີດ.

### 3

ຍ່ອນ ນານະ ຮາເວີຍ ເຢີງ ເຈົ້າຮາຊີ ແອິດ ກະ ເຍົາ?

<sup>1</sup> ກວາຍ ຄາລາເຕຍ ເອີຍ! ເຍົາ ລາ ກວາຍ ຊາ ກູລ! ເມົາ ຊໍາປູິນ ມັນ ຊາດາລ ມັດ ເຍົາ? ຍ່ອນ ແຕ ອິນໂຍ່ງ ເຍົາ ດັງ ກຣັກ ເຈີ້ ແຕ ເຢຊູ ກຣິດ ກູ ຈິດ ຕິ່ງ ອາລ່ອງ ຊັງກັງ. <sup>2</sup> ເກົາ ຢັອ ອີ ດັງ ມວຍ ຮາມິ້ຮ ຊ້ອງ ແຕ ເຍົາ. ເຍົາ ເບິນ ຮາເວີຍ ເຢີງ ເຈົ້າຮາຊີ ແອິດ ກະ ເຍົາ ຍ່ອນ ເຍົາ ຕະ ຕາປູ່ນ ຄາ ນອດ ອິດຊະຮາເອລ ມາ ຍ່ອນ ເຍົາ ຊາອໍາ ປັຮ ນາຍ ອໍ ແຕ ເຢຊູ ກຣິດ? <sup>3</sup> ປາລະ ເຍົາ ຊາກູລ! ແຕ ຕາແບິ ເຍົາ ແຕ້ອ ແອິດ ອໍ ກະ ເຢີງ ເຈົ້າຮາຊີ ລາ ຍ່ອນ ຮາເວີຍ ເຢີງ ເຈົ້າຮາຊີ ແອິດ ກະ ເຍົາ. ມາ ຊານໍ່ ນານະ ເຍົາ ຄິດ ເຍົາ ແຕ້ອ ແອິດ ອໍ ກະ ເຢີງ ເຈົ້າຮາຊີ ລາ ຍ່ອນ ເຍົາ ຕະ ຮານະ ເຍົາ ເບິ ມ? <sup>4</sup> ເຍົາ ຈິວ ຊາອິຍ ຮາມິ້ຮ ຕຸຣ ກັດ ເຈີ້ ຍ່ອນ ເຍົາ ຊາອໍາ ປັຮນາຍ ອໍ ແຕ ເຢຊູ ກຣິດ. ອິນແຍ່ະ ຮາມິ້ຮ ຕຸຣ ກັດ ກ້ອຍ ແກ້ດ ເກົາ ມາ ຕາ ເບິນ ໂອນ ເຍົາ? ປຍາຍໍ ເຈີ້ ຮາມິ້ຮ ກ້ອຍ ອິງເຄາະ ແກ້ດ ເກົາ ໂອນ ເຍົາ. <sup>5</sup> ນະກ້ອຍ ເກົາ ອີ ຕາແບິ ລັຮ ເຍົາ:

ພໍກາ ເຢີງ ເຈົ້າຮາຊີ ໂອນ ເຍົາ ເປັນ ຮາເວົ້າຍ ອັນ ກະ ອັນ ຕະ ຮານະ ຕາ ກ້ຍ ເຮີມ ໂອນ ເຍົາ, ອັນ ຕະ ອິນແຍ່ະ ຮານະ ໄນ ຍ່ອນ ເຍົາ ຕາປູນ ຄານອດ ອິດຊະຮາເອລ ແຕ່ລາ ຍ່ອນ ເຍົາ ຊາງັດ ກະ ຊາອໍາ ປັນນາຍ ອໍ ແຕ ເຢີງ ເຈົ້າຮາຊີ?

6 ຮາມິ້ຮ ໄນ່ ມູເຈິງ ກະ ອັບຮາຮາມ ແຕ ອິມແບິ ແຕ່. ຍ່ອນ ອັນ ຊາອໍາ ເຢີງ ເຈົ້າຮາຊີ, ເຢີງ ເຈົ້າຮາຊີ ມັບ ອັນ ລາ ກວາຍ ຕາມ້ອງ ອໍ. 7 ນະກ້ອຍ ເຍົາ ແຕ່ອ້ ດັງ, ອິນແຍ່ະ ມັຮ ກວາຍ ກາ ຊາອໍາ ເຢີງ ເຈົ້າຮາຊີ, ແອິງ ໄລ່ ກ້ອຍ ຊ້ອງ ແກິດ ຈຸ່ມ ເຈືອ ອັບຮາຮາມ. 8 ປຶ່ງ ປັນນາຍ ເຢີງ ເຈົ້າຮາຊີ ແຕ ອິມແບິ ປາຍ ເຈິ່ ເຢີງ ເຈົ້າຮາຊີ ໂອນ ກວາຍ ຕາ ແກິນ ກວາຍ ອິດຊະຮາເອລ ແກິດ ອໍ ຍັຮ ມືງ ອັນ, ຍ່ອນ ໄລ່ ຊາອໍາ ອັນ. ເຢີງ ເຈົ້າຮາຊີ ອາຕິ ອັບຮາຮາມ ປາຍ:

"ເກົາ ໂອນ ບຸ່ນ ປີ ອິນແຍ່ະ ມັຮ ກຮວາງ ກວາຍ, ລາ ຍ່ອນ ແຕ ໄນ່."

9 ນະກ້ອຍ, ຄັນ ກວາຍ ອາແລ່ະ ມາ ຊາອໍາ ເຢີງ ເຈົ້າຮາຊີ ມູເຈິງ ອັບຮາຮາມ, ໄລ່ ເປັນ ບຸ່ນ ນະ ອັນ ແຕ່.

10 ມາ ກວາຍ ອາແລ່ະ ກາ ຄິດ ໄລ່ ແຕ່ອ້ ແອິດ ຕາມ້ອງ ອໍ ຍັຮ ມືງ ເຢີງ ເຈົ້າຮາຊີ ຍ່ອນ ໄລ່ ຕາ ປູນ ຄານອດ ອິດຊະຮາເອລ, ໄລ່ ກ້ອຍ ຕາ ແຕ່ອ້ ແວັດ ແຕ ເຢີງ ເຈົ້າຮາຊີ ເວ່ນ ດໍອໍ ໄລ່. ຍ່ອນ ປຶ່ງ ປັນນາຍ ເຢີງ ເຈົ້າຮາຊີ ອາຕິ ປາຍ:

"ກວາຍ ອາແລ່ະ ມາ ຕາ ເປັນ ຊາງັດ ກຮັກ ລາລີ່ ກູ່ ຮາມິ້ຮ ຄານອດ ເມົາ ຄຽນ ເຈິ່ ຕຶ່ງ ປຶ່ງ ຄານອດ ເຢີງ ເຈົ້າຮາຊີ, ກວາຍ ກ້ອຍ ເຢີງ ເຈົ້າຮາຊີ ເວ່ນ ດໍອໍ ອັນ."

11 ນະກ້ອຍ ໄຮ ດັງ ແຈງ ລາລີ່ ເຈິ່ ຕາ ເປັນ ເມົາ ແອິດ ຕາມ້ອງ ອໍ ຍັຮ ມືງ ເຢີງ ເຈົ້າຮາຊີ ຍ່ອນ ໄລ່ ຕາປູນ ຄານອດ ອິດຊະຮາເອລ. ຍ່ອນ ປຶ່ງ ປັນນາຍ ເຢີງ ເຈົ້າຮາຊີ ອາຕິ ປາຍ:

"ກວາຍ ແອິດ ຕາມ້ອງ ອໍ ຍັຮ ມືງ ເຢີງ ເຈົ້າຮາຊີ ລາ ຍ່ອນ ໄລ່ ຊາອໍາ.

ກະ ກວາຍ ກ້ອຍ ເປັນ ອາມັງ ເລືອຍໆ."

12 ມາ ກວາຍ ກາ ປ້ອງ ແຕ ຄານອດ ອິດຊະຮາ ເອລ, ໄລ່ ຕະ ອິມພາ ແຕ ກວາຍ ກາ ຊາອໍາ. ປຶ່ງ ປັນນາຍ ເຢີງ ເຈົ້າຮາຊີ ອາຕິ ປາຍ:

"ກວາຍ ອາແລ່ະ ກາ ອາມັງ ຕາປູນ ຄານອດ ອິດ ຊະຮາເອລ

ກວາຍ ກ້ອຍ ອິງເຄາະ ຕະ ກູ່ ຮາມິ້ຮ ຕາປູນ ຄານອດ ແຕ່,

ກວາຍ ກ້ອຍ ເປັນ ອາມັງ ເລືອຍໆ."

13 ມາ ເຢຊູ ກຮິດ ຈ່ອຍ ໂອນ ໄຮ ຮາກູ້ຮ ແຕ ຄາ ນອດ ອິດຊະຮາເອລ. ເຈິ່ ໄຮ ເປັນ ແວັດ ແຕ ເຢີງ ເຈົ້າຮາຊີ ເວ່ນ ດໍອໍ ໄຮ. ເຢຊູ ເຮົາບ ໄທ ໄຮ ນະກ້ອຍ, ຍ່ອນ ອັນ ຈິວ ໂອນ ເຢີງ ເຈົ້າຮາຊີ ເວ່ນ ອັນ ຕາງ ໄຮ. ຍ່ອນ ປຶ່ງ ປັນນາຍ ເຢີງ ເຈົ້າຮາຊີ ອາຕິ ແຕ ຮາມິ້ຮ ໄນ່ ປາຍ:

"ກວາຍ ອາແລ່ະ ກູຈິດ ເມົາ ຕາຢ້ອງ ຕຶ່ງ ອາລ່ອງ, ເຢີງ ເຈົ້າຮາຊີ ເວ່ນ ກວາຍ ກ້ອຍ."

14 ນະກ້ອຍ ອິນແຍ່ະ ຮາມິ້ຮ ບຸ່ນ ເຢີງ ເຈົ້າຮາຊີ ເອີອໍ ກະ ອັບຮາຮາມ ແຕ ອິມແບິ ເຈິ່, ຊານໍ່ ໂອນ ແຕ້ອ້ ປິ ກວາຍ ຕາ ແກິນ ກວາຍ ອິດຊະຮາເອລ ແຮ, ຍ່ອນ ແຕ ອິນແຍ່ະ ຮານະ ເຢຊູ ກຮິດ ຕະ ເຈິ່. ກະ ອິນແຍ່ະ ມັຮ ໄຮ ແຕ່ອ້ ເປັນ ຮາເວົ້າຍ ເຢີງ ເຈົ້າຮາຊີ ຍ່ອນ ໄຮ ຊາອໍາ ເຢຊູ ກຮິດ.

ເຢີງ ເຈົ້າຮາຊີ ເອີອໍ ກະ ອັບຮາຮາມ

15 ແຊມອາຍ ເອີຍ! ເກົາ ຢິອໍ ອາຕິ ເຍົາ ມວຍ ຮາມິ້ຮ ປັນນາຍ ຊາກໍາ ມັຮ ກວາຍ ກ້ຍ ຕະ. ເປິ ນ ບາຮ ນະ, ຄັນ ປັນນາຍ ອິນເຕົາ ໄລ່ ປັນຄັນ, ຕາ ເປິນ ເມົາ ແຕ່ອ້ ຕັຮ ມວຍ ຮາມິ້ຮ ແຕ ປັນນາຍ ກ້ອຍ. ກະ ຕາ ເປິນ ເມົາ ແຕ່ອ້ ເຕີມ ມວຍ ຮາມິ້ຮ ອິນເຕົາ ແອິນ ຕຶ່ງ ປັນນາຍ ກ້ອຍ. 16 ນະກ້ອຍ ເຢີງ ເຈົ້າຮາຊີ ເອີອໍ ກະ ອັບຮາຮາມ ກະ ມານະ ແຕ ຈຸ່ມເຈືອ ອັນ. ມາ ເຢີງ ເຈົ້າຮາຊີ ຕາ ເປິນ ເອີອໍ ກະ ອິນແຍ່ະ ມັຮ ຈຸ່ມເຈືອ ອັບຮາຮາມ. ອັນ ເອີ ອໍ ກະ ແອິງ ມານະ ຊ້ອງ ແຕ ຈຸ່ມເຈືອ ອັບຮາຮາມ, ກະ ມານະ ໄນ່ ລາ ເຢຊູ ກຮິດ. 17 ເກົາ ອາຕິ ເຍົາ ປາຍ: ເຢີງ ເຈົ້າຮາຊີ ປັນຄັນ ກະ ອັບຮາຮາມ ອິນ ແຍ່ະ ປູນ ຮ່ອຍ ໄປ ຈິດ ກູມໍ ອິນໂຍ່ງ ແຕ ເປິນ ຄານອດ ອິດຊະຮາເອລ. ນະກ້ອຍ ຄານອດ ອິດ ຊະຮາເອລ ຕາ ແຕ່ອ້ ຕັຮ ກະ ຕາ ແຕ່ອ້ ອາປິດ ມັຮ ກາ ຮາມິ້ຮ ເຢີງ ເຈົ້າຮາຊີ ປັນຄັນ ກະ ອັບຮາຮາມ. 18 ຄັນ ຄານອດ ອິດຊະຮາເອລ ມາ ແຕ່ອ້ ຈ່ອຍ ອາ ມັງ ໄຮ, ໄກຮ ລາລີ່ ຮາມິ້ຮ ໄນ່ ນະ ອັນ ອາປິດ ຕັຮ ອິນແຍ່ະ ຮາມິ້ຮ ບຸ່ນ ກາ ເຢີງ ເຈົ້າຮາຊີ ເອີອໍ ກະ ອັບຮາຮາມ ແຕ ອິນໂຍ່ງ ກ້ອຍ.

19 ຄັນ ນະກ້ອຍ, ມານະ ເຢີງ ເຈົ້າຮາຊີ ມາ ໂອນ ຄານອດ ອິດຊະຮາເອລ? ຄານອດ ໄນ່ ແຕ້ອ້ ໂອນ ໄຮ ດັງ ໄຮ ເປິນ ໄລ່ຍຮ. ມາ ອິນແຍ່ະ ຮາມິ້ຮ ຄາ ນອດ ໄນ່ ລາ ເຢີງ ເຈົ້າຮາຊີ ໂອນ ແຕ່ ແຕ້ອ້ ຕາໄງ ເຢຊູ ກຮິດ ແຕ້ອ້. ເຢີງ ເຈົ້າຮາຊີ ເອີອໍ ນະກ້ອຍ ກະ ເຢຊູ ກຮິດ. ໄກຮ ລາລີ່ ເຢີງ ເຈົ້າຮາຊີ ໂອນ ກວາຍ ເປິນ ຄານອດ ອິດຊະຮາເອລ ໄນ່ ຮານາ

\* 3:19 3:19 ກວາຍ ກາ "ອາແຕ້ອ້ ປັນນາຍ" ລາ ໂມເຊ.

ທວາດາ ເຢີງ ເຈົ້າຮາຊີ ກະ ຮານາ ກວາຍ ອາແຕ້ອ໌ ປັຣນາຍ.\* 20 ມາ ພໍກາ ເຢີງ ເຈົ້າຮາຊີ ເອີອ໌ ກະ ອັບຮາຮາມ, ແຕ ແບອ໌ ອັນ ແຕ້ ເອີອ໌, ຕາ ເບີນ ກວາຍ ການໍ້ອ໌ ມາ ອາແຕ້ອ໌ ຕາງ ອັນ.

ເຢີງ ເຈົ້າຮາຊີ ໂອນ ຄານອດ ອັນ ກຍາອ໌ ໄຮ 21 ນະກ້ອຍ ຄານອດ ອິດຊະຮາເອລ ຕາ ເບີນ ຮາຕອຍ ກະ ມັຮ ຮາມິ້ຮ ກາ ເຢີງ ເຈົ້າຮາຊີ ເອີອ໌ ແຕ ອິນໂຍ່ງ ບໍ່? ຕາ ເບີນ ນະກ້ອຍ! ຄັນ ຄານອດ ເຢີງ ເຈົ້າຮາຊີ ແຕ້ອ໌ ຈ່ອຍ ອາມົ່ງ ກວາຍ, ກວາຍ ແຕ້ອ໌ ແອິດ ຕານ້ອງ ອໍ ຍິ້ຮ ມືງ ເຢີງ ເຈົ້າຮາຊີ ຍ່ອນ ໄລ່ ຊາງັດ ຄານອດ ກ້ອຍ. 22 ມາ ຕຶງ ປຶງ ປັຣນາຍ ເຢີງ ເຈົ້າຮາຊີ ອັນ ອາຕີ ເຈ້, ອິນແຍ່ະ ມັຮ ກວາຍ ຕຶງ ປຶ້ນ ມັນລ່ອງ ກຸ່ ໄນ່ ແອິດ ປຶ້ນ ອຳນາດ ຮານະ ໄລ່ຍຮ, ດໍອ໌ ໂອນ ມັຮ ກວາຍ ກາ ຊາອຳ ເຢຊູ ກຣິດ ແຕ້ອ໌ ຮັບ ບຸ່ນ ກາ ເຢີງ ເຈົ້າຮາຊີ ເອີອ໌ ກະ ໄລ່ ກາ ຊາອຳ.

23 ບັອງ ກາ ເຢຊູ ກຣິດ ຕາ ຢວາຣ ແຕ້ອ໌, ເຢີງ ເຈົ້າຮາຊີ ໂອນ ຄານອດ ອັນ ດໍອ໌ ກຍາອ໌ ເລືອຍໆ ໄຮ ນະ ເມ້າ ກຍາອ໌ ກວາຍ ເມ້າ ໄຈະ ຕຶງ ກໍ້ອ໌. ໄຮ ແອິດ ເລືອຍໆ ນະກ້ອຍ ແຕ້ ແຕ້ອ໌ ຕາໄງ ເຢີງ ເຈົ້າຮາຊີ ອາປັຣ ໂອນ ໄຮ ແຕ້ອ໌ ຊາອຳ ເຢຊູ ກຣິດ. 24 ນະກ້ອຍ ຄານອດ ກ້ອຍ ແອິດ ກຍາອ໌ ໄຮ ແຕ້ ຕາໄງ ເຢຊູ ກຣິດ ແຕ້ອ໌. ຕາໄງ ກ້ອຍ ໄຮ ແຕ້ອ໌ ແອິດ ຕານ້ອງ ອໍ ຍິ້ຮ ມືງ ເຢີງ ເຈົ້າຮາຊີ ຍ່ອນ ໄຮ ຊາອຳ ເຢຊູ ກຣິດ. 25 ມາ ພໍກາ ໄຮ ຊາອຳ ເຢຊູ ກຣິດ, ຕາ ເບີນ ຄານອດ ອິນແຕ້ ນ້ອງ ກຍາອ໌ ໄຮ.

ກອນ ອາໄກ ເຢີງ ເຈົ້າຮາຊີ

26 ຊານຸ່ ອິນແຍ່ະ ມັຮ ເຍີ ແກັດ ກອນ ອາໄກ ເຢີງ ເຈົ້າຮາຊີ ຍ່ອນ ແຕ ເຍີ ຊາອຳ ເຢຊູ ກຣິດ. 27 ອິນແຍ່ະ ມັຮ ເຍີ ຮັບ ຮິດ ຕຶງ ແດັອ໌ ເຈ້ ຍ່ອນ ແຕ ເຢຊູ ກຣິດ. ນະກ້ອຍ ເຍີ ແກັດ ນະ ເຍີ ອິດ ແຊັບ ແດັຍ ອາມົ່ງ ເຢຊູ ກຣິດ. 28 ຊານຸ່ ຕາ ເບີ ນ ອິນພາ ອິນແຕ້ ກວາຍ ອິດຊະຮາເອລ ກະ ກວາ ຍ ຕາ ແກັນ ກວາຍ ອິດຊະຮາເອລ, ກວາຍ ຊູລ ກະ ກວາຍ ຕາ ເບີນ ຊູລ, ກວາຍ ຮາເລົາ ກະ ກວາ ຍ ມັນແຊມ. ຕຶງ ເຢຊູ ກຣິດ ອິນແຍ່ະ ມັຮ ກວາ ຍ ແກັດ ຮາລີ. 29 ຍ່ອນ ເຢຊູ ກຣິດ ຕາລາ ເຍີ, ເຍີ ແກັດ ຈຸມເຈີອ໌ ອັບຮາຮາມ ແຕ, ກະ ເຍີ ເບີ ນ ອິນແຍ່ະ ຮາມິ້ຮ ກາ ເຢີງ ເຈົ້າຮາຊີ ເອີອ໌ ກະ ອັບຮາຮາມ ແຕ ອິນໂຍ່ງ ແຮ້.

# 4

1 ເຈ້ ເກົາ ອີ ອາຕີ ເຍີ ມວຍ ປັຣນາຍ ຊາກຳ ແອັນ. ເບີນ ມານະ ຊຸ ລາລີ້, ກາ ເບີນ ມານຳ ກອນ ອິນນ້ອງ ແກດໆ. ຄັນ ອິມປໍ້ ອັນ ກູຈິດ, ກອນ ກ້ອຍ ແອັນ ຕາລາ ອິນແຍ່ະ ມັຮ ມູ່ນ ອິມປໍ້. ມາ ບັອງ ກາ ອັນ ອິນນ້ອງ ກັຮແນມ, ເມ້າ ຕາ ໂອນ ອັນ ຕາລາ ຢວາຣ ມູ່ນ ກ້ອຍ. ອັນ ລາ ແກັດ ນະ ກວາຍ ຊູລ. 2 ເບີນ ກວາຍ ກຍາອ໌ ເລືອຍໆ ອັນ ກະ ເບີນ ກວາຍ ແພ່ ມັຮ ກາ ມູ່ນ ອັນ ແຕ້ ໂອນ ແຕ້ອ໌ ຕາໄງ ອິມປໍ້ ອັນ ນັດ ດໍອ໌ ໂອນ ອັນ ແຕ້ອ໌ ຕາລາ ມັຮ ມູ່ນ ກ້ອຍ. 3 ໄຮ ລາ ນະ ກອນ ແກດ ໆ ກ້ອຍ ແຕ. ບັອງ ກາ ໄຮ ຕາ ຢວາຣ ຊາອຳ ເຢຊູ ກຣິດ, ໄຮ ແກັດ ຊູລ ມັຮ ຮິດ ຕຶງ ແດັຍ ໄນ່. 4 ມາ ແຕ້ອ໌ ປາແນ່ນ ເຢີງ ເຈົ້າຮາຊີ ນັດ ດໍອ໌, ອັນ ໂອນ ກອນ ອັນ ແຊງ ບໍ່ ກູແຕ້ອ໌ ໄນ່. ອັນ ໂອນ ກວາ ຍ ມັນແຊມ ຮັຮ ກອນ ອັນ. ກະ ກອນ ໄນ່ ແອິດ ປຶ້ນ ອຳນາດ ຄານອດ ອິດຊະຮາເອລ ແຕ. 5 ອັນ ໄຫ ລັຮ ໄຮ ແຕ ຄານອດ ອິດຊະຮາເອລ ກາ ໄຮ ແກັດ ຊູລ, ດໍອ໌ ໄຮ ແຕ້ອ໌ ແກັດ ກອນ ເຢີງ ເຈົ້າຮາ ຊີ ນະ ກອນ ຮາມິ້ ອັນ ແຕ. 6 ຍ່ອນ ເຍີ ແກັດ ກອນ ເຢີງ ເຈົ້າຮາຊີ, ເຢີງ ເຈົ້າຮາຊີ ໂອນ ຮາເວີຍ ອັນ ມູ່ດ ຕຶງ ຮາງິ້ຮ ເຍີ. ນະກ້ອຍ ຮາເວີຍ ເຢີງ ເຈົ້າຮາຊີ ຈ່ອຍ ໂອນ ໄຮ ຍົ່ນ ດໍອ໌ ເຢີງ ເຈົ້າຮາຊີ ລາ ອັບບາ\* ແຕ້ລາ ອິມປໍ້ ໄຮ. 7 ຊານຸ່ ເຍີ ຕາ ເບີ ນ ນະ ກວາຍ ຊູລ ນ້ອງ, ມາ ເຍີ ແກັດ ນະ ກອນ ຮາມິ້ ເຢີງ ເຈົ້າຮາຊີ ເຈ້. ຍ່ອນ ເຍີ ແກັດ ກອນ ເຢີງ ເຈົ້າຮາຊີ, ນະກ້ອຍ ແຕ້ອ໌ ເຍີ ຈຸງ ມູ່ນ ອັນ ແຕ.

ໂປໂລ ຢໍອ໌ ລາລີ້ ກວາຍ ຄາລາເຕຍ ຕາປູ່ນ ປັຣ ນາຍ ປຍາຍ໌ 8 ແຕ ອິນໂຍ່ງ ເຍີ ຕາ ຢວາຣ ດັງ ເຢີງ ເຈົ້າຮາ ຊີ, ເຍີ ແກັດ ຊູລ ມັຮ ຮາມິ້ຮ ກາ ຕາ ແກັນ ເຢີງ. 9 ມາ ຊານຸ່ ເຍີ ຈໍ້ອ໌ ຮາມິ້ຮ ເຢີງ ເຈົ້າຮາຊີ ເຈ້. ມາ ປຍາຍ໌ ລາລີ້ ລາ ເຢີງ ເຈົ້າຮາຊີ ຈໍ້ອ໌ ຮາມິ້ຮ ເຍີ. ຄັນ ນະກ້ອຍ, ນານະ ແຕ ເຍີ ລົບ ແກັດ ຊູລ ລັຮ ມັຮ ຮານະ ຕຶງ ແດັຍ ໄນ່? ມັຮ ຮານະ ໄນ່ ຕາ ເບີນ ແບູງ ກະ ຕາ ເບີນ ແຕ້ອ໌ ຈ່ອຍ ເຍີ. 10 ເຍີ ອິນນ້ອງ ນັບ ຕາໄງ, ກາໄຊ, ກະ ກູມໍ ແກັດ ມັນຕັນ. ເຍີ ຄິດ ເຍີ ແຕ້ອ໌ ແອິດ ຕານ້ອງ ອໍ ກະ ເຢີງ ເຈົ້າຮາຊີ ຍ່ອນ ເຍີ ຕະ ນະກ້ອຍ. 11 ມາ ຄັນ ເຍີ ຄິດ ນະກ້ອຍ, ລາແກ້ຮ ພິດ ເກົາ ອາຕີ ໂອນ ເຍີ ປັຣນາຍ ອໍ ແຕ ເຢຊູ ກຣິດ.

\* 4:6 4:6 ປັຣນາຍ ອາຮາມ ປາຍ 'ອັບບາ' ລາ 'ອິມປໍ້' ຕຶງ ປັຣນາຍ ກາຕາງ.

12 ແຊມອາຍ ເອີຍ! ຫົາ ແຊຣ໌ ເຍົາ ແກ້ດ ມູເຈິງ ຫົາ ເຕ່, ຍ່ອນ ຫົາ ແກ້ດ ມູເຈິງ ເຍົາ ຕາ ເບີນ ຕາປູ່ນ ຄານອດ ອິດຊະຮາເອລ. ກະ ເຍົາ ຕາ ເບີນ ຕະ ໄລ່ຍຮ ອິນເຕົ້າ ໂຈະ ຫົາ. 13 ເຍົາ ດັງ ເຈິ່, ແຕ ຕາແບ້ ຫົາ ອາຕີ ປັຣນາຍ ອໍ ໂອນ ເຍົາ, ລາ ຍ່ອນ ຈະ ຫົາ ອາອີ ຕາກັຮ. 14 ມາ ຕາມ ຈະ ຫົາ ຕາ ເບີນ ອໍ, ເຍົາ ຕາ ເບີນ ພາມາດ ແຕ່ລາ ຊາອັຮ ຫົາ. ມາ ເຍົາ ຮັບໂຈມ ຫົາ ນະ ເຍົາ ຮັບໂຈມ ເທວາ ດາ ເຢັງ ເຈົາຮາຊີ, ແຕ່ລາ ນະ ເຍົາ ຮັບໂຈມ ເຢຊູ ກຣິດ ເຕ່. 15 ຕາໂງ ກ້ອຍ ເຍົາ ຮໍຣ໌ ລາລີ່ ກະ ຫົາ. ມາ ຊານໍ່, ອິນເຕົ້າ ກາ ຕະ ເຍົາ ຕາ ເບີນ ຮໍຣ໌ ນ້ອງ ນະ ແຕ ອິນລິ່ງ? ຫົາ ດັງ, ຕາໂງ ກ້ອຍ ຄັນ ເຮົາບ ເຍົາ ກູໄລຣ໌ ກູອງ ມັດ ເຍົາ ຈ່ອຍ ໂອນ ຫົາ, ເຍົາ ກູໄລຣ໌. 16 ມາ ນານະ ເຍົາ ດໍອ໌ ມັດ ກະ ຕັຮ ຫົາ, ຍ່ອນ ຫົາ ອາຕີ ເຍົາ ປັຣນາຍ ປຍາຍ໌?

17 ມາ ກວາຍ ການໍ່ອ໌ ກູາ ອາຕີ ປັຣນາຍ ຕາ ເບີນ ປຍາຍ໌, ໄລ່ ຕະ ອິນຕີ ອາໂລກ ອາໂຢະ ລາ ລີ່ ເຍົາ. ໄລ່ ຍິຣ໌ ອີ ກາຍັຮ ເຍົາ ແຕ ຫົາ. ແວັດ ກ້ອຍ ໄລ່ ຍິຣ໌ ເຍົາ ອິດ ຮາງັຮ ໄລ່. 18 ອໍ ເຕ່ ເຍົາ ອິດ ຮາງັຮ ໄລ່, ຄັນ ໄລ່ ເບີນ ຮາງັຮ ອໍ. ກວາຍ ອາແລະ ຍິຣ໌ ອີ ອາຕີ ປັຣນາຍ ໄກຮ ລາລີ່ ໂອນ ເຍົາ, ລາ ອໍ ເຕ່. ຕາ ເບີນ ອິນເຕົ້າ ຫົາ ແອັດ ກະ ເຍົາ, ແຕ່ລາ ຕາ ເບີນ ແອັດ. 19 ເຍົາ ກາ ນະ ກອນ ຮາເມົາ ຫົາ ເອີຍ. ຊານໍ່ ຫົາ ອາອີ ລັຮ ຕິ່ງ ຮາງັຮ ຫົາ, ນະ ມັນແຊມ ກາ ອີ ຮັຮ ກອນ. ຫົາ ຊ້ອງ ອາ ອີ ນະກ້ອຍ ເຕົ້າ ເຢຊູ ກຣິດ ແກ້ດ ຊັດ ຕິ່ງ ຮາງັຮ ເຍົາ. 20 ຫົາ ຊ້ອງ ອູອຍາຮ ລາລີ່ ອີ ແອັດ ມັນຕຸ ກະ ເຍົາ ຊານໍ່, ດໍອ໌ ອຽມ ຊັຮຮົງ ກະ ເຍົາ. ມາ ຊານໍ່ ຫົາ ແອັດ ເຢັງ ແຕ ເຍົາ, ນະກ້ອຍ ຫົາ ຊ້ອງຈິ່ງ ລາລີ່ ຕາ ດັງ ນານະ ຫົາ ອີ ຕະ.

ປັຣນາຍ ຊາກໍາ ແຕ ບາຮ ນະ ມັນແຊມ

21 ຫົາ ຍິຣ໌ ອີ ຕາແບັບ ກວາຍ ແຕ ເຍົາ ກາ ຍິຣ໌ ອີ ແອັດ ປັນ ຄານອດ ອິດຊະຮາເອລ ປາຍ: ເຍົາ ດັງ ມາ ຕາ ເບີນ, ຄານອດ ກ້ອຍ ອາຕີ ຮາມິຮ ອິນ ເຕົ້າ ໂອນ ເຍົາ? 22 ຕິ່ງ ປຶ່ງ ປັຣນາຍ ເຢັງ ເຈົາຮາຊີ ເມົາ ຄຽນ ອາຕີ ແຕ ອັບຮາຮາມ, ອັນ ເບີນ ບາຮ ລໍາ ກອນ ຮາເລົາ, ມານໍາ ແຕ ມັນແຊມ ຊູລ, ມານໍາ ແຕ ມັນແຊມ ຕາ ເບີນ ຊູລ. 23 ມັນແຊມ ກາ ຊູລ ກ້ອຍ, ອັນ ຮັຮ ກອນ ຮາເລົາ ນະ ເມົາ ເຕ່. ມາ ມັນແຊມ ກາ ຕາ ເບີນ ຊູລ ກ້ອຍ, ອັນ ຮັຮ ກອນ ຍ່ອນ ເຢັງ ເຈົາຮາຊີ ເອີຣ໌ ໂອນ ອັນ ເບີນ ກອນ ຮາເລົາ.

24-25 ຮານະ ໄມ່ ລາ ນະ ປັຣນາຍ ຊາກໍາ ເຕ່. ບາຮ ນະ ມັນແຊມ ໄມ່ ລາ ນະ ບາຮ ຮານາ ເຢັງ ເຈົາຮາຊີ ປັຣຄັນ ຍິຣ໌ ອີ ຈ່ອຍ ກວາຍ. ມວຍ ຮາ ມາ ກ້ອຍ, ລາ ອັນ ໂອນ ຄານອດ ອັນ ຕິ່ງ ກັຮ ຊິນາຍ. ກັຮ ຊິນາຍ ໄມ່ ຕິ່ງ ກຮວງ ອາຮາເບຍ ເມົາ ດໍອ໌ ກັຮ ຮາກາ ແຮ. ຮາມິຮ ມັນແຊມ ຊູລ ອັບຮາຮາມ ລາ ຮາກາ. ນະກ້ອຍ ຮາກາ ລາ ຊາກໍາ ແຕ ເມືອງ ເຢຣູຊາເລັມ ຕິ່ງ ແດັຍ ຊານໍ່. ກະ ກວາ ຍຕິ່ງ ເມືອງ ເຢຣູຊາເລັມ, ແກ້ດ ຊູລ ປັນ ຄານອດ ມູເຈິງ ຮາກາ ເຕ່. 26 ມາ ອິມເປ້ອ໌ ໄຮ ລາ ມັນແຊມ ກາ ຕາ ແກ້ນ ຊູລ. ລາ ນະ ເມືອງ ເຢຣູຊາເລັມ ຕາ ໄມ ຕິ່ງ ມັນລ່ອງ. 27 ຕິ່ງ ປຶ່ງ ປັຣນາຍ ເຢັງ ເຈົາຮາ ຊີ ແຕ ອິມແບ້ ເມົາ ຄຽນ ແຕ ຮາມິຮ ໄມ່ ປາຍ: "ເອີ ມັນແຊມ ກາ ກາແດງ ເອີຍ! ໄມ່ ອິນໂຈຍ ຕຸ່ຮ ອິນເຕົ້າ.

ໄມ່ ກາ ຕາ ເທິຍ ຮາມິຮ ອາອີ ຄວບ ກູມໍ, ໄມ່ ແອິນ ອາປວລ; ຍ່ອນ ມັນແຊມ ກາ ກາຢາຣ໌ ຕັຮ ເບີນ ກອນ ຊາ ອີຍ ກາເລີຍ ແຕ ມັນແຊມ ກາ ກາຢາຣ໌ ຕາ ເບີນ ຕັຮ."

28 ຊານໍ່ ແຊມອາຍ ເອີຍ, ເຍົາ ແກ້ດ ກອນ ກາ ເຢັງ ເຈົາຮາຊີ ເອີຣ໌, ນະ ອີຊາກ. 29 ຕິ່ງ ຕາໂງ ແຕ ອິມແບ້ ກ້ອຍ, ກອນ ຮາເລົາ ກາ ແກ້ດ ນະ ເມົາ ເຕ່, ກອນ ກ້ອຍ ຕະ ຕຸ່ຮ ກັດ ກອນ ຮາເລົາ ກາ ແກ້ດ ຮານາ ຮາເວີຍ ເຢັງ ເຈົາຮາຊີ. ກະ ແດັຍ ຊານໍ່ ລາ ມູເຈິງ ກ້ອຍ ເຕ່. 30 ມາ ອິນເຕົ້າ ປຶ່ງ ປັຣ ນາຍ ເຢັງ ເຈົາຮາຊີ ອາຕີ ແຕ ຮານະ ກ້ອຍ? ອັນ ອາຕີ ປາຍ: "ຕູ່ຍຮ ມັນແຊມ ຊູລ ກະ ກອນ ອັນ.

ໄກຮ ລາລີ່, ກອນ ແຕ ມັນແຊມ ຊູລ ຕາ ເຕ່ອ໌ ຮາຈຸງ ມຸ່ນ ອິມເປ້ ມັນຕຸ ກະ ກອນ ແຕ ມັນແຊມ ຕາ ເບີນ ຊູລ."

31 ນະກ້ອຍ ແຊມອາຍ ເອີຍ, ໄຮ ຕາ ແກ້ນ ກອນ ມັນແຊມ ຊູລ, ມາ ໄຮ ລາ ກອນ ມັນແຊມ ກາ ຕາ ເບີນ ຊູລ.†

## 5

ອິນໂຈຍ ໂອນ ຄານອດ ຊັດ ລັຮ ເຍົາ  
1 ຍ່ອນ ເຢຊູ ກຣິດ ອາໂຣຍຮ, ໄຮ ຕາ ເບີນ ຕຸ່ຮ ຕາປູ່ນ ຄານອດ ນ້ອງ. ນະກ້ອຍ ເຍົາ ເພ່ ໂອນ ອໍ ອິນໂຈຍ ແກ້ດ ຊູລ ນ້ອງ ຄານອດ ກ້ອຍ.

† 4:31 4:31 ໂປໂລ ປາຍ ນະກ້ອຍ, ອັນ ອີ ປາຍ: "ໄຮ ຕາ ເບີນ ແອັດ ຕານ້ອງ ອໍ ກະ ເຢັງ ເຈົາຮາຊີ ຍ່ອນ ໄຮ ຕາປູ່ນ ຄານອດ. ມາ ໄຮ ແອັດ ຕານ້ອງ ອໍ ກະ ເຢັງ ເຈົາຮາຊີ ລາ ຍ່ອນ ໄຮ ຊາອໍາ."

2 ຫົາ ລາ ໂປໂລ ອາຕີ ໂອນ ເຍົາ ດັງ ກຣັກ, ຄັນ ເຍົາ ຕະ ຣິ່ດ ກິດ ຕາປຸ່ນ ຄານອດ ອິດຊະຣາເອລ, ເຢຊູ ກຣິດ ຕາ ເບີນ ແກັດ ຫົາ ອິນເຕົ້າ ໂອນ ເຍົາ.  
 3 ຫົາ ຍິ້ອ ອາຕີ ລັຮ ໂອນ ເຍົາ ດັງ ກຣັກ ລາລີ້ ແອັນ. ກວາຍ ອາແລະ ກາ ຕະ ຣິ່ດ ກິດ, ອົງເຄາະ ກວາຍ ກ້ອຍ ຊາງັດ ອິນແຍ່ະ ມັຮ ຣາມິ່ຣ ການໍ້ອໍ ແຕ ຄານອດ ອິດຊະຣາເອລ ແຮ. 4 ຄັນ ເບີນ ເມົາ ແຕ ເຍົາ ຄິດ ຍິ້ອ ອິ ແອັດ ຕານໍ້ອງ ອໍ ຍິ່ຮ ເມົາງ ເຢົາງ ເຈົາຣາຊີ ຍ່ອນ ເຍົາ ຕະ ຕາປຸ່ນ ຄານອດ ອິດ ຊະຣາເອລ, ໄກຣ ລາລີ້ ນະ ເຍົາ ອາແລ້ຮ ເບີມ ແຕ ເຢຊູ ກຣິດ. ນະກ້ອຍ ເຍົາ ແກັດ ປິດ ມັຮ ຣານະ ເຢົາງ ເຈົາຣາຊີ ຍິ້ອ ອິ ຈ່ອຍ ເມົາດ ເຍົາ. 5 ມາ ໄຮ, ໄຮ ອົງກ່ອງ ເລືອຍໆ ອິ ແອັດ ຕານໍ້ອງ ອໍ ຍິ່ຮ ເມົາງ ເຢົາງ ເຈົາຣາຊີ ຍ່ອນ ໄຮ ຊາອໍາ. ກະ ໄຮ ຊາ ອໍາ ຍ່ອນ ຣາເວົ້າຍ ເຢົາງ ເຈົາຣາຊີ ຈ່ອຍ ໄຮ. 6 ພໍ ກາ ເຢຊູ ກຣິດ ຈ່ອຍ ອາມົ່ງ ໄຮ, ຕາ ເບີນ ອິນ ເຕົ້າ ໄຮ ຕະ ຣິ່ດ ກິດ ແຕັລາ ຕາ ເບີນ. ຣານະ ປິດ ແກ້ຍ ອິນແຍ່ະ ແຕ ການໍ້ອໍ ລາ ໄຮ ຊາອໍາ. ນະກ້ອຍ ຍ່ອນ ໄຮ ຊາອໍາ, ໄຮ ເບີນ ຣາງິ່ຮ ອາໂຢະ.

7 ຫົາ ເຮັມ ແຕ ອິນໂຍ່ງ ເຍົາ ຕາປຸ່ນ ຣານະ ເຢຊູ ກຣິດ ກຣັກ ລາລີ້. ມາ ຊານໍ້ ຫົາ ງິດ ລາລີ້, ຕາ ດັງ ເມົາ ກາຕັງ ຕາ ໂອນ ເຍົາ ຕາປຸ່ນ ນ້ອງ ຣານະ ປາຍາຍ ແຕ ເຢົາງ ເຈົາຣາຊີ. 8 ໄກຣ ລາລີ້, ເຢົາງ ເຈົາຣາຊີ ຕາ ເບີນ ກາຕັງ ເຍົາ. ອັນ ແຕ່ ກູຣ໌ ໂອນ ເຍົາ ຊາອໍາ ເຢຊູ ກຣິດ. 9 ເບີນ ກວາຍ ປາຍ: "ບິ ອໍ ລາລີ້ ບວຣ ຊິ້ອ ກາ ຕະ ໂອນ ອິນແຍ່ະ ໂດຍ ບຸຣ ແກັດ ຊິ້ອ."\* 10 ມາ ຫົາ ດັງ ລາ ອິນເຈົາ ໄຮ ຈ່ອຍ ໂອນ ເຍົາ ຕາ ເບີນ ຕາປຸ່ນ ຣານະ ການໍ້ອໍ. ມາ ມັຮ ກວາຍ ກາ ກັຣຈຸ່ກ ເຍົາ, ອົງເຄາະ ໄລ່ ຈິວ ໂຕ່ດ ເບີ ມ ກະ ເຢົາງ ເຈົາຣາຊີ. 11 ແຊມອາຍ ເອີຍ, ເບີນ ເມົາ ປ່ອງ ຫົາ ປາຍ ຫົາ ອາຕີ ອິນແຍ່ະ ມັຮ ກວາ ຍ ອົງເຄາະ ຕະ ຣິ່ດ ກິດ ຄັນ ຍິ້ອ ອິ ແອັດ ຕານໍ້ ອງ ອໍ ຍິ່ຮ ເມົາງ ເຢົາງ ເຈົາຣາຊີ. ຄັນ ຫົາ ມາ ປາຍ ນະກ້ອຍ, ກວາຍ ອິດຊະຣາເອລ ຕາ ເບີນ ອິ ຕະ ຫົາ, ກະ ໄລ່ ຕາ ເບີນ ຊ້ອງ ອວານ ອິນເຕົ້າ ຫົາ ອາຕີ ແຕ ອາລ່ອງ ຊັງກັງ ເຢຊູ ກຣິດ. 12 ນະກ້ອຍ ມັຮ ກວາຍ ກາ ກັຣຈຸ່ກ ເຍົາ ປາຍ ອົງເຄາະ ຕະ ຣິ່ດ ກິດ, ຫົາ ຍິ້ອ ອິ ໂອນ ໄລ່ ກ້ອຍ ຕອນ ຈະ ເບີມ!

13 ແຊມອາຍ ເອີຍ! ເຢຊູ ກຣິດ ອາໂຣຍຣ ເຈີ້ ເຍົາ. ມາ ເຍົາ ອິນໂຈຍ ໂອນ ຣານະ ກ້ອຍ ເດີງ ເຍົາ ຕະ ຣານະ ແຕ ຣາງິ່ຮ ຕາມມັຮ. ອໍ ກາເລີຍ ເຍົາ

ມານະ ອາໂຢະ ມານະ, ມານະ ຈ່ອຍ ມານະ. 14 ອິນ ແຍ່ະ ຄານອດ ເຢົາງ ເຈົາຣາຊີ ແກັດ ຣາປາຍາຍ ອິນ ແຍ່ະ ຕົ້ງ ມວຍ ປຣນາຍ ປາຕັບ ປາຍ: "ອົງເຄາະ ເຍົາ ອາໂຢະ ເຍົາ ນະ ເຍົາ ອາໂຢະ ຈະ ເຍົາ ເບີມ." 15 ມາ ຄັນ ເຍົາ ມານະ ຕະ ມານະ ນະ ຊັນຕຣັນ ຣາ ກັບ ຣາຕວາອໍ, ນະກ້ອຍ ອົງເຄາະ ເຍົາ ເນ່ ອໍ, ອົງ ກ້ອຣ ປາຍາຍ ມູ່ ເຍົາ ແກັດ ຮຸ່ງ ອິນແຍ່ະ.

ບາຣ ຣານາ ກວາຍ ເຕ່ອໍ ຕາປຸ່ນ

16 ນະກ້ອຍ ຫົາ ອາຕີ ເຍົາ ປາຍ: ອົງເຄາະ ເຍົາ ຕະ ເປາະ ຕາປຸ່ນ ຣາງິ່ຮ ຣາເວົ້າຍ ເຢົາງ ເຈົາຣາຊີ ຊ້ອງ. ຕະ ນະກ້ອຍ ເຍົາ ຕາ ເບີນ ຕະ ຕາປຸ່ນ ຣາງິ່ຮ ຕາມມັຮ. 17 ຣາງິ່ຮ ຕາມມັຮ ລາ ຕາ ເບີ ນ ຣາຕອຍ ກະ ຣາງິ່ຮ ຣາເວົ້າຍ ເຢົາງ ເຈົາຣາຊີ. ກະ ຣາງິ່ຮ ຣາເວົ້າຍ ເຢົາງ ເຈົາຣາຊີ ລາ ຕາ ເບີນ ຣາຕອຍ ກະ ຣາງິ່ຮ ຕາມມັຮ. ບາຣ ຣາງິ່ຮ ໄມ່ ອິມ ພາ ອິນແຍ່ະ. ນະກ້ອຍ ຣານະ ອິນເຕົ້າ ເຍົາ ຄິດ ອິ ຕະ, ເຍົາ ຕາ ເຮັບ ຕະ ຣານະ ກ້ອຍ. 18 ມາ ຄັນ ເຍົາ ຕະ ຕາປຸ່ນ ຣາເວົ້າຍ ເຢົາງ ເຈົາຣາຊີ, ນະກ້ອຍ ເຍົາ ຕາ ເບີນ ຕຸ່ຣ ຕະ ຕາປຸ່ນ ນ້ອງ ຄານອດ ອິດ ຊະຣາເອລ.

19 ມາ ຄັນ ເຍົາ ຕະ ຕາປຸ່ນ ຣາງິ່ຮ ຕາມມັຮ, ນະກ້ອຍ ເຍົາ ຕະ ຣານະ ຕາ ອໍ ນະໄມ່: ເຍົາ ຕາ ເບີ ນ ລາກວຍ ກາຍາອໍ ມາ ບິ ມັນຕຸ, ເຍົາ ຕະ ຣານະ ແປຣໍ, ກະ ເຍົາ ຕະ ຣານະ ຕັງຮາງ. 20 ເຍົາ ຊາງ ເຢົາງ ການໍ້ອໍ. ເຍົາ ແກັດ ມໍ ຕະ ກວາຍ. ເຍົາ ຊາ ອັຣ ຣາຕວາອໍ. ເຍົາ ຮາກໍາ ຣາໂລຍຣ. ເຍົາ ມານະ ຊັຣແມງ ແຕ ມານະ. ເຍົາ ຣາອວານ. ເຍົາ ອິ ແກັດ ປິດ ກາເລີຍ ແຕ ກວາຍ ການໍ້ອໍ. ເຍົາ ກັຣຍິ່ຮ ແກັດ ຊາອິ້ຍ ຈຸ່ມ. ເຍົາ ຄິດ ຈຸ່ມ ເຍົາ ອໍ ກາເລີຍ ແຕ ຈຸ່ມ ການໍ້ອໍ. 21 ເຍົາ ຍິ້ອ ອິ ເບີນ ເກຣັງ ເຍົາ. ເຍົາ ບູລ ບູອງ. ເຍົາ ຈາ ງ່ອຍ ຕາມມັຮ ຕາມແມີ. ກະ ເຍົາ ຕະ ຣານະ ຕາ ອໍ ການໍ້ອໍ ແຮ. ນະກ້ອຍ ຫົາ ຍິ້ອ ອິ ກາແອັຣ ລັຮ ຊາ ໂອນ ເຍົາ ດັງ ຊັງໄກຣ ລາລີ້. ກວາຍ ກາ ຕະ ຣານະ ຕາ ອໍ ນະກ້ອຍ, ໄລ່ ຕາ ເຕ່ອໍ ແອັດ ອາມົ່ງ ເລືອຍໆ ກະ ເຢົາງ ເຈົາຣາຊີ ຕົ້ງ ອິນຕຸ ເຢົາງ ເຈົາຣາຊີ ຊົດ.

22 ມາ ຄັນ ເຍົາ ຕະ ຕາປຸ່ນ ຣາເວົ້າຍ ເຢົາງ ເຈົາຣາ ຊີ, ເຍົາ ແກັດ ປາໂລ ນະໄມ່: ເຍົາ ເບີນ ຣາງິ່ຮ ອາ ໂຢະ. ເຍົາ ແອັດ ຣິ້ອ ອໍ. ເຍົາ ເບີນ ຣາງິ່ຮ ແອັດ ອຽນ ອໍ ທໍ. ເຍົາ ເບີນ ຣາງິ່ຮ ຈິວ. ເຍົາ ເບີນ ຣາງິ່ຮ ອິ ຈ່ອຍ. ເຍົາ ຕະ ອໍ ໂຈະ ກວາຍ ການໍ້ອໍ. ເຍົາ ຕະ ໂອນ ກວາຍ ການໍ້ອໍ ເຕ່ອໍ ນັບ ເຍົາ. 23 ເຍົາ ເບີນ

\* 5:9 5:9 ໂປໂລ ຊາກໍາ ນະໄມ່: "ຄັນ ເບີນ ມານະ ຕາ ເບີນ ອໍ ຕົ້ງ ມູ່ ເຍົາ, ປຣແນີ ມັນເຕຣີ ອັນ ໂອນ ອິນແຍ່ະ ມັຮ ເຍົາ ແຕັດ ແກັດ ຕາ ເບີນ ອໍ ເຕ່."



ຮຽງຮ ລາແມ່ນ ອໍ. ກະ ເຍົາ ເຕ່ອ ກຍາອ ຈະ ເຍົາ ເບີມ. ຄັນ ເຍົາ ຕະ ຮານະ ອໍ ນະກ້ອຍ, ຕາ ເບີ ນ ຄານອດ ມາ ໄຄອ້ ແຕ ເຍົາ ຕະ ຮານະ ກ້ອຍ. <sup>24</sup> ກວາຍ ອາແລະ ກາ ເບີນ ມວຍ ຮຽງຮ ກະ ເຢຊູ ກຣິດ, ກວາຍ ກ້ອຍ ດັຮ ເຈີ້ ມັຮ ຮຽງຮ ຕາມມັຮ. ນະກ້ອຍ ໄລ່ ຕາ ເບີນ ຊ້ອງ ຍິອ ອີ ຕາປຸ່ນ ນ້ອງ ຮຽງຮ ໄລ່ ເບີມ. <sup>25</sup> ຄັນ ໄຮ ມາ ເບີນ ອາມັງ ຍ່ອນ ແຕ ຮາເວີຍ ເຢັງ ເຈົາຮາຊີ, ນະກ້ອຍ ອິງເຄາະ ໄຮ ຕາປຸ່ນ ແອັງ ຮານະ ຮາເວີຍ ເຢັງ ເຈົາຮາຊີ ຊ້ອງ. <sup>26</sup> ໄຮ ອິນໂຈຍ ຕະ ມັກ ເມົາ ຍ່ອງ ໄຮ. ໄຮ ມານະ ອິນໂຈຍ ກູເກາະ ໂຈະ ມານະ. ກະ ມານະ ອິນໂຈຍ ຊັຮແມງ ອິນເຕົາ ແຕ ມານະ.

### 6

ມານະ ອາໂຢະ ມານະ; ມານະ ຈ່ອຍ ມານະ

<sup>1</sup> ແຊມອາຍ ເອີຍ! ຄັນ ເບີນ ເມົາ ຕິ່ງ ມູ່ ເຍົາ ມາ ຕະ ໄລ່ຍຮ, ອິງເຄາະ ເຍົາ ກາ ຕາປຸ່ນ ຮາເວີຍ ເຢັງ ເຈົາຮາຊີ ອິງກ່ອຍ ອາຕີ ກວາຍ ກາ ຕະ ໄລ່ ຍຮ ກ້ອຍ, ໂອນ ອັນ ເຕ່ອ ອາຕີ ລັຮ ຮຽງຮ ອັນ. ກະ ອິງເຄາະ ເຍົາ ລາວັງ ອໍ ອິງກ້ອຍ ເມົາ ປັຮຕີ້ ເຍົາ ແອັມ ຕະ ຮານະ ໄລ່ຍຮ.

<sup>2</sup> ຄັນ ກວາຍ ຕິ່ງ ຈຸ່ມ ເຍົາ ມາ ຮາມັຮ ຕຸ່ຮ ກັດ, ອິງເຄາະ ເຍົາ ມານະ ຮາຈ່ອຍ ມານະ. ເຍົາ ຕະ ນະກ້ອຍ, ລາ ເຍົາ ຕາປຸ່ນ ປັຮນາຍ ປາຕັບ ແຕ ເຢຊູ ກຣິດ.

<sup>3</sup> ຄັນ ເບີນ ເມົາ ຕາ ເບີນ ປັດ ອິນເຕົາ, ມາ ອັນ ຈຸງ ຄິດ ຊ້ອງ ປາຍ ອັນ ປັດ, ຮຽງຮ ອັນ ອາໂລກ ຈະ ອັນ ເບີມ.

<sup>4</sup> ອິງເຄາະ ກູ່ ນະ ຕາຕ່ອຍ ລັຮ ຮານະ ອັນ ຕະ ໂອນ ດັງ ຮານະ ກ້ອຍ ແກັດ ເກົາ ມາ ຕາ ເບີນ. ນະກ້ອຍ ອັນ ດັງ ເບີມ ຮານະ ກ້ອຍ ອໍ ມາ ຕາ ອໍ. ອັນ ຕາ ເບີນ ຕຸ່ຮ ຮາຊິງ ຮານະ ອັນ ກະ ຮານະ ກວາຍ ການໍອ, <sup>5</sup> ຍ່ອນ ກູ່ ນະ ກວາຍ ອິງເຄາະ ຕະ ຮານະ ອັນ ເບີມ.

<sup>6</sup> ຄັນ ກວາຍ ອາແລະ ອາຕີ ປັຮນາຍ ອໍ ແຕ ເຢຊູ ກຣິດ, ກວາຍ ກາ ຮຍານ ແຕ ອັນ ອິງເຄາະ ຈ່ອຍ ລັຮ ຫຣິງ ອໍ ໂອນ ອັນ ກາ ອາຮຍານ ກ້ອຍ.

<sup>7</sup> ກວາຍ ອາແລະ ກາ ຄິດ ເຕ່ອ ອັນ ອາໂລກ ເຢັງ ເຈົາຮາຊີ, ກວາຍ ກ້ອຍ ອາໂລກ ຈະ ອັນ ເບີ ມ. ໄຫຮ ລາລີ້, ກວາຍ ຈັຮ ກູປູອ້ ອິນເຕົາ, ປັຮ ແນີ ມັນເຕຣົາ ອັນ ເບີນ ປາໄລ ແຕ ກູປູອ້ ກ້ອຍ.

<sup>8</sup> ຄັນ ເຍົາ ຈັຮ ກູປູອ້ ຍິອ ອີ ຕາປຸ່ນ ຮຽງຮ ຕາມ ມັຮ, ປັຮແນີ ມັນເຕຣົາ ເຍົາ ເບີນ ປາໄລ ລາ ເຍົາ ກູຈິດ ປັດ. ມາ ຄັນ ເຍົາ ຈັຮ ກູປູອ້ ຍິອ ອີ ຕະ

ຕາປຸ່ນ ຮາເວີຍ ເຢັງ ເຈົາຮາຊີ, ປັຮແນີ ມັນເຕຣົາ ເຍົາ ເບີນ ປາໄລ ລາ ເຍົາ ອາມັງ ເລືອຍໆ ຍ່ອນ ຮາ ເວີຍ ເຢັງ ເຈົາຮາຊີ.

<sup>9</sup> ນະກ້ອຍ ໄຮ ອິນໂຈຍ ລາແກັຮ ຕະ ຮານະ ອໍ. ຄັນ ໄຮ ຕາ ເບີນ ເປ່ ຮຽງຮ ແຕ ຮານະ ໄຮ ຕະ, ປັຮ ແນີ ມັນເຕຣົາ ໄຮ ເບີນ ເກົາ.

<sup>10</sup> ບັອງ ກາ ແລະ ໄຮ ເຕ່ອ ຈ່ອຍ, ອິງເຄາະ ໄຮ ຈ່ອຍ ໂອນ ອິນແຍະ ມັຮ ກວາຍ. ອິນໂຍ່ງ ລາລີ້ ລາ ອິງເຄາະ ໄຮ ຈ່ອຍ ມັຮ ແຊມອາຍ ໄຮ ຕິ່ງ ມູ່ ກາ ຊາອໍາ ເຢຊູ ກຣິດ.

ໂປໂລ ກາແອັຮ ລັຮ ກວາຍ ຄາລາເຕຍ

<sup>11</sup> ອາຕີ ເກົາ ແຕ່ ຄຽນ ປັຮນາຍ ປັຮຊັດ ໄນ່ ໂອນ ເຍົາ. ແຊອ ເຍົາ ເນ່ ມາແລະ ປັດ ໂຕ ເກົາ ຄຽນ ໂອນ ເຍົາ ຊານໍ່.

<sup>12</sup> ມັຮ ກວາຍ ກາ ຍິອ ອີ ມັນຕຸ່ ເຍົາ ຕະ ຮິ່ດ ກິດ ຕາປຸ່ນ ຄານອດ ອິດຊະຮາເອລ, ຍ່ອນ ນານະ ໄລ່ ກູດ ໂອນ ເຍົາ ຕະ ຮິ່ດ ກ້ອຍ? ໄລ່ ຍິອ ອີ ອາ ປັຮ ໂອນ ກວາຍ ເຮີມ ປາຍ ໄລ່ ຕະ ຕາປຸ່ນ ເຢັງ ເຈົາຮາຊີ. ກະ ໄລ່ ຍິອ ອີ ວຍາຮ ແຕ ຈຸ່ມ ອິດຊະຮາ ເອລ ຕະ ຕຸ່ຮ ກັດ ໄລ່ ຍ່ອນ ໄລ່ ຊາອໍາ ແອັງ ເຢຊູ ກຣິດ ກູຈິດ ຕິ່ງ ອາລ່ອງ ຊັງກັງ ເຕ່ອ ຈ່ອຍ ອາມັງ ກວາຍ.

<sup>13</sup> ມາ ມັຮ ຈຸ່ມ ໄລ່ ກາ ຕະ ຮິ່ດ ກິດ, ໄຫຮ ລາລີ້ ໄລ່ ແຕ່ ຕາ ເບີນ ຕາປຸ່ນ ອິນແຍະ ຄານອດ ອິດຊະ ຮາເອລ. ມາ ໄລ່ ຍິອ ເຍົາ ຕະ ຮິ່ດ ກ້ອຍ, ຍ່ອນ ໄລ່ ຍິອ ອີ ໂອດ ປາຍ ເຍົາ ຊາງັດ ປັຮນາຍ ໄລ່.

<sup>14</sup> ມາ ເກົາ ໄນ່, ເກົາ ຍິອ ອີ ຍ່ອງ ແຕ ອາລ່ອງ ຊັງກັງ ເຢຊູ ກຣິດ ອິນເຈົາ ໄຮ ຊ້ອງ. ໄຫຮ ລາ ລີ້ ຕິ່ງ ອາລ່ອງ ຊັງກັງ ກ້ອຍ ອິນແຍະ ຮາມິ້ຮ ຕິ່ງ ແຕີຍ ໄນ່ ກູຈິດ ປັດ ເຈີ້ ແຕ ເກົາ. ກະ ເກົາ ກູຈິດ ປັດ ແຕ່ ແຕ ອິນແຍະ ຮາມິ້ຮ ກ້ອຍ.

<sup>15</sup> ຕາ ເບີນ ອິນເຕົາ ກວາຍ ຕະ ຮິ່ດ ກິດ, ແຕ່ ລາ ຕາ ເບີນ ຕະ ຮິ່ດ ກ້ອຍ, ມາ ຮາມິ້ຮ ປັດ ລາລີ້ ລາ ນະໄນ່: ອິງເຄາະ ແກັດ ລັຮ ກວາຍ ຕາໄມ.

<sup>16</sup> ເກົາ ແຊອ ເຢັງ ເຈົາຮາຊີ ອາໂຢະ ຕະ ກູ່ ນະ ກວາຍ ກາ ຕາປຸ່ນ ຮານະ ກ້ອຍ, ກະ ໂອນ ຮຽງຮ ໄລ່ ແອັດ ອຽນ ອໍ ເລືອຍໆ. ໄຫຮ ລາລີ້ ຈຸ່ມ ກ້ອຍ ລາ ຈຸ່ມ ອິດຊະຮາເອລ ກາ ເຢັງ ເຈົາຮາຊີ ຕາລາ.

<sup>17</sup> ປັຮຊັດ ເລີ້ຍ ເກົາ ອາຕີ ເຍົາ, ອິນໂຈຍ ໂອນ ກວາຍ ອາແລະ ກາຕັງ ນ້ອງ ເກົາ, ຍ່ອນ ມັຮ ຮາປີ້ ດ ຕິ່ງ ຈະ ເກົາ ອາປັຮ ໂອນ ເມົາ ດັງ ເກົາ ລາ ນະ ຊຸລ ໂອນ ເຢຊູ ກຣິດ.

18 ແຊມອາຍ ເອີຍ! ຫົາ ແຊ້ອ ອິນເຈົ້າ ໄຮ,  
ຢູ່ຊູ ກຣິດ, ແອິດ ກະ ເຍົາ ກະ ຈ່ອຍ ເມົາດ ເຍົາ.  
ອາແມນ.

# ປັນນາຍ ຊາວໂລ ຄຽນ ໂອນ ມູ່ ກາ ຊາອຳ ແອິດ ຕຶ່ງ ມືອງ ເອເຟ໌ຊ

ປັນນາຍ ອາຕີ ອິນໂຍ່ງ

ໂປໂລ ຄຽນ ປັນນາຍ ຊາວໂລ ໄນ່ ພາອ໌ ໂອນ ມູ່ ກາ ຊາອຳ ຕຶ່ງ ມືອງ ເອເຟ໌ຊ ມາສ 61 ກູມ໌ ແວັດ ເຢຊູ ແກິດ. ໂປໂລ ອາຕີ ແຕ ຮານະ ກາ ເຢືາງ ເຈົ້າຮາຊີ ອີ ຕະ ປຣເນີ ມັນເຕຣີ, ລາ ປາໂຣມ ກູ່ ມັຣ ຣາມິ້ຣ ຕຶ່ງ ມັນລ້ອງ ກະ ຕຶ່ງ ກູແຕອ໌ ໂອນ ເຢຊູ ແກິດ ຊົດ ອິນແຍ່ະ.

ໂປໂລ ອາຕີ ແຕ ເຢືາງ ເຈົ້າຮາຊີ ຮຽຮ ໄສ ໂອນ ແອິດ ມວຍ ຮາງິ້ຣ ກະ ເຢຊູ ກຣິດ. ອັນ ປາຍ ເຢືາງ ເຈົ້າຮາຊີ ຕັຣ ໂລ່ຍຣ ໄສ ລາ ຍ່ອນ ອັນ ອາໂຍ່ະ ກະ ຈ່ອຍ ມືາດ ໄສ. ໂປໂລ ແປຣີ ໄລ່ ອຶງເຄາະ ໂອນ ຮາເວີຍ ເຢືາງ ເຈົ້າຮາຊີ ແກິດ ຊົດ ຕຶ່ງ ຮາງິ້ຣ ໄລ່.

ໂປໂລ ອິດ ຊາອິ້ຍ ຣາມິ້ຣ ຊາກຳ ດໍອ໌ ອາຕີ ແຕ ໄສ ແກິດ ມວຍ ຮາງິ້ຣ ກະ ເຢຊູ ກຣິດ. ອັນ ປາຍ ມູ່ ກາ ຊາອຳ ລາ ນະ ຈະ, ມາ ເຢຊູ ລາ ແປຶ. ມູ່ ກາ ຊາອຳ ລາ ນະ ມວຍ ລຳ ດຸງ, ມາ ເຢຊູ ລາ ນະ ຕາ ມາ ກາ ຕະ ໂອນ ດຸງ ແກິດ ຈັບ. ມູ່ ກາ ຊາອຳ ລາ ນະ ລາກວຍ, ມາ ເຢຊູ ລາ ກາຢາອ໌. ອິນແຍ່ະ ມັຣ ປັນນາຍ ຊາກຳ ໄນ່ ໂອນ ໄສ ດັງ ແຈງ ປາຍ ເຢຊູ ອາໂຍ່ະ ໄສ, ຈິວ ກູຈິດ ຕາງ ໄສ, ອາກູ້ຣ ໂລ່ຍຣ ໄສ, ຈ່ອຍ ມືາດ ໄສ, ກະ ໂອນ ໄສ ແກິດ ຕາມ້ອງ ອໍ ຍິຣ ມືາງ ເຢືາງ ເຈົ້າຮາຊີ.

1 ທົາ ລາ ໂປໂລ ຄຽນ ປັນນາຍ ໄນ່ ພາອ໌ ຊາ ອັຣ ມັຣ ກວາຍ ກາ ຊາອຳ ແອິດ ຕຶ່ງ ມືອງ ເອເຟ໌ ໂຊ, ໄລ່ ກາ ຈິວ ຕາປູນ ເຢຊູ ກຣິດ ປຍາຍ໌ ລາລື້. ທົາ ລາ ກວາຍ ເຢືາງ ເຈົ້າຮາຊີ ຮຽຮ ປາຈຸ່ຣ ໂອນ ເປາະ ຕະ ຮານະ ເຢຊູ ກຣິດ. 2 ທົາ ແຊອ໌ ເຢືາງ ເຈົ້າຮາຊີ, ອິມບໍ່ ໄສ, ກະ ເຢຊູ ກຣິດ, ອິນເຈົ້າ ໄສ, ຈ່ອຍ ມືາດ ເຍົາ, ກະ ໂອນ ເຍົາ ແອິດ ບັນ ຊວານ ອຽນ ອໍ ລືອຍໆ.

ມັຣ ຣາມິ້ຣ ເຢືາງ ເຈົ້າຮາຊີ ຄິດ ອີ ຈ່ອຍ ມືາດ 3 ອຶງເຄາະ ໄສ ຍ່ອງ ເຢືາງ ເຈົ້າຮາຊີ, ອັນ ກາ ອິມ ບໍ່ ເຢຊູ ກຣິດ ອິນເຈົ້າ ໄສ. ເຢືາງ ເຈົ້າຮາຊີ ໂອນ ໄສ ເບີນ ອິນແຍ່ະ ມັຣ ຣາມິ້ຣ ອໍ ຕຶ່ງ ມັນລ້ອງ ໂອນ ຮາ ເວີຍ ໄສ, ຍ່ອນ ໄສ ແອິດ ມວຍ ຮາງິ້ຣ ກະ ເຢຊູ ກຣິດ. 4 ແຕ ຕາໄງ ເຢືາງ ເຈົ້າຮາຊີ ຕາ ຢວາຣ ແຕງ

ກູແຕອ໌ ໄນ່, ອັນ ຮຽຮ ໄສ ເຈີ້ ໂອນ ແກິດ ກວາ ຍ ອັນ ຍ່ອນ ແຕ ເຢຊູ ກຣິດ. ອັນ ຮຽຮ ໂອນ ໄສ ແກິດ ກວາຍ ຕາມ້ອງ ອໍ, ກະ ໂອນ ໄສ ຕາ ເບີ ນ ໂລ່ຍຣ ອິນເຕົ້າ ຍິ່ຣ ມືາງ ອັນ. ກະ ຍ່ອນ ອັນ ອາໂຍ່ະ ໄສ, 5 ອັນ ນັດ ດໍອ໌ ໄສ ໂອນ ແກິດ ກອນ ອາໂກ ອັນ ຍ່ອນ ແຕ ເຢຊູ ກຣິດ. ນະກ້ອຍ ອັນ ຕະ ໂອນ ໄກຣ ຮາງິ້ຣ ອັນ. 6 ໂອນ ໄສ ຍ່ອງ ເຢືາງ ເຈົ້າຮາຊີ, ອັນ ກາ ຈ່ອຍ ມືາດ ໄສ ຊາອິ້ຍ ລາລື້, ຍ່ອນ ໄສ ແອິດ ມວຍ ຮາງິ້ຣ ກະ ເຢຊູ ກາ ອັນ ອາ ໂຍ່ະ ລາລື້.

7 ຍ່ອນ ແຕ ອາຮາມ ເຢຊູ ກຣິດ, ເຕ່ອ໌ ເຢືາງ ເຈົ້າຮາຊີ ໄທ ລັຣ ໄສ ກະ ຕັຣ ໂລ່ຍຣ ໄສ ຍ່ອນ ຮາງິ້ຣ ອັນ ຊ້ອງ ຢິອ໌ ອີ ຈ່ອຍ ມືາດ ໄສ ແກຶຍ ກຶລ. 8 ອັນ ຈ່ອຍ ມືາດ ໄສ ຊາອິ້ຍ ລາລື້, ກະ ອັນ ໂອນ ໄສ ແກິດ ຮາໄງ່ອ໌ ຮາລັງ ກະ ດັງ ແຈງ ອິນແຍ່ະ. 9 ອັນ ໂອນ ໄສ ດັງ ມັຣ ຮານະ ອັນ ປາ ໂຕ່ະ ແຕ ອິນໂຍ່ງ, ມັຣ ຣາມິ້ຣ ອັນ ຢິອ໌ ອີ ຕະ ໂອນ ໄສ ຍ່ອນ ແຕ ເຢຊູ ກຣິດ. 10 ປຣເນີ ມັນເຕຣີ ແຕ່ອ໌ ປາແນ່ນ ເຢືາງ ເຈົ້າຮາຊີ ຕະ ແມິ່ມ ມັຣ ຣາມິ້ຣ ອັນ ຄິດ ແຕ ອິນໂຍ່ງ, ເຈີ້ ອັນ ປາໂຣມ ໂອນ ແກິດ ມວຍ ຮາງິ້ຣ ອິນແຍ່ະ ມັຣ ຣາມິ້ຣ ຕຶ່ງ ມັນລ້ອງ ກະ ກູແຕອ໌. ເຈີ້ ເຢຊູ ກຣິດ ຕະ ຊົດ ອິນແຍ່ະ ມັຣ ຣາມິ້ຣ ກ້ອຍ.

11 ມັຣ ຣາມິ້ຣ ອິນເຕົ້າ ເຢືາງ ເຈົ້າຮາຊີ ນັດ ດໍອ໌, ແກິດ ອິນແຍ່ະ ມັຣ ຣາມິ້ຣ ກ້ອຍ ຕຶ່ງ ກູແຕອ໌ ໄນ່. ກະ ອັນ ນັດ ດໍອ໌ ໂອນ ໄສ ແກິດ ກອນ ອາໂກ ອັນ ຍ່ອນ ແຕ ເຢຊູ ກຣິດ. 12 ອັນ ຕະ ນະກ້ອຍ ດໍອ໌ ໂອນ ຮິ ກາ ອຶງກ່ອງ ແຕ ເຢຊູ ກຣິດ ແຕ ອິນໂຍ່ງ ລາລື້, ໂອນ ຮິ ຍ່ອງ ອຳນາດ ອາງອິ້ຣ ແຕ ເຢືາງ ເຈົ້າຮາຊີ.

13 ກະ ເຍົາ ແອັນ, ແຕ່ອ໌ ເຍົາ ຊ້ອງ ປັນນາຍ ປ ຍາຍ໌, ລາ ປັນນາຍ ເຢືາງ ເຈົ້າຮາຊີ ຈ່ອຍ ອາມັງ ກວາຍ, ເຍົາ ຊາອຳ ແຕ່. ກະ ເຢືາງ ເຈົ້າຮາຊີ ອາປຣ ໂອນ ເມົາ ດັງ ເຍົາ ລາ ກວາຍ ອັນ, ແຕ່ອ໌ ອັນ ກາ ຕິຣ ຕາ ໂອນ ເຍົາ ຍ່ອນ ແຕ ຮາເວີຍ ເຢືາງ ເຈົ້າຮາ ຊີ ມັຣ ອັນ ເອີອ໌ ແຕ ອິນໂຍ່ງ. 14 ເຢືາງ ເຈົ້າຮາຊີ ໂອນ ໄສ ເບີນ ຮາເວີຍ ອັນ, ລາ ນະ ທາຣິ່ງ ອັນ ຈຳ ດໍອ໌ ໂອນ ໄສ ດັງ, ປຣເນີ ມັນເຕຣີ ອັນ ແຕ່ອ໌ ອິດ ລັຣ ໄສ ໂອນ ເຕ່ອ໌ ໄສ ແອິດ ກະ ອັນ, ເຈີ້ ໄສ ເບີນ ຍ່ອງ ອຳນາດ ອາງອິ້ຣ ແຕ ອັນ ຊາອິ້ຍ ລາລື້ ແອັນ.

ໂປໂລ ທົາແຊອ໌ ໂອນ ໄລ່

15 ພໍກາ ກົາ ຊ້ອງ ເຍົາ ຊາອໍາ ເຢຊູ ກຣິດ, ອິນເຈົ້າ ໄຮ, ກະ ເຍົາ ອາໂຢະ ອິນແຍ່ະ ມັຮ ກວາຍ ກາ ຊາອໍາ, 16 ນະກັອຍ ກົາ ຕາ ເບີນ ຣາລູ່ ນ້ອງ ຊາແອັນ ເຢິງ ເຈົ້າຣາຊີ ຍ່ອນ ແຕ ເຍົາ, ກະ ຕາ ກ້າຍ ຊາລິຣ ກົາແຊອ໌ ໂອນ ເຍົາ. 17 ກົາ ແຊອ໌ ເຢິງ ເຈົ້າຣາຊີ, ອັນ ກາ ເຢຊູ ກຣິດ ອິນເຈົ້າ ໄຮ ດໍອ໌ ເຢິງ, ອັນ ກາ ອິມປ໌ ອາງອີຣ໌ ກາເລີຍ ແຕ ການໍອ໌, ກົາ ແຊອ໌ ອັນ ໂອນ ເຍົາ ເບີນ ຣາເວີຍ ເຢິງ ເຈົ້າຣາຊີ ດໍອ໌ ໂອນ ເຍົາ ແກ້ດ ຣາໂງ່ອ໌ ຣາລັງ ກະ ອາປັຣ ໂອນ ເຍົາ ດັງ ອັນ ຊາອິ້ຍ ລາລີ້ ແອັນ. 18 ກົາ ແຊອ໌ ອັນ ເປີຣ ຣາງິຣ໌ ເຍົາ ໂອນ ແກ້ດ ປັງ. ນະກັອຍ ເຕອ໌ ເຍົາ ດັງ ມັຮ ຣາມິຣ໌ ອິນເຕົ້າ ເຕອ໌ ເຍົາ ອີງກ່ອງ ຍ່ອນ ເຢິງ ເຈົ້າຣາຊີ ກູອ໌ ເຍົາ. ກະ ເຕອ໌ ເຍົາ ດັງ ຊາອິ້ຍ ຣາມິຣ໌ ອັນ ຈ່ອຍ ໂອນ ເຍົາ. ອັນ ໂອນ ເຍົາ ກະ ອິນແຍ່ະ ມັຮ ກວາຍ ຊາອໍາ ກາ ນໍອ໌ ຈຸງ ມັນຕຸ ມຸ່ນ ອັນ. 19 ກະ ເຕອ໌ ເຍົາ ດັງ ມາ ແລ່ະ ປິດ ອໍານາດ ອັນ ຈ່ອຍ ໂອນ ໄຮ ກາ ຊາອໍາ ອັນ. ອໍານາດ ເຢິງ ເຈົ້າຣາຊີ ຈ່ອຍ ໂອນ ໄຮ ລາ ປິດ ລາລີ້ ກະ ເຣງ ລາລີ້, 20 ລາ ອໍານາດ ກາ ອັນ ຈ່ອຍ ໂອນ ເຢຊູ ກຣິດ ອາມັງ ລັຣ ແຕ ກູຈິດ, ກະ ແອິດ ມັນຕຸ ຍັຣ ອາຕໍາ ອັນ ຕິ່ງ ມັນລ້ອງ. 21 ອັນ ໂອນ ເຢຊູ ກຣິດ ແກ້ດ ຊົດ ກາເລີຍ ອິນແຍ່ະ ແຕ ມັຮ ຣາມິຣ໌ ຊົດ, ຣາມິຣ໌ ປິດ, ຣາມິຣ໌ ບັນ ເຣງ, ຣາມິຣ໌ ຍໍາມັບຸ ກະ ອິນແຍ່ະ ຣາມິຣ໌ ການໍອ໌ ກວາຍ ກ້າຍ ຊາງັດ ຕິ່ງ ແດີຍ ໄນ່ ກະ ແຕ້ອ໌ ແດີຍ ອິນຕຸ່ນ ແຮີ. 22 ເຢິງ ເຈົ້າຣາຊີ ໂອນ ກູ່ ຣາມິຣ໌ ແອິດ ປິນ ຕາລາງ ອາເຢິງ ເຢຊູ, ກະ ອັນ ໂອນ ເຢຊູ ແກ້ດ ແປຼີ ມັຮ ມູ່ ກາ ຊາອໍາ. 23 ມູ່ ກາ ຊາອໍາ ລາ ນະ ຈະ ອັນ. ແປຼີ ອີງເຄາະ ເບີນ ຈະ ດໍອ໌ ແກ້ດ ກູ່ ຣາມິຣ໌. ມູເຈິງ ກັອຍ ເຕ່ ເຢຊູ ອີງເຄາະ ເບີນ ມູ່ ກາ ຊາອໍາ. ມາ ອິນແຍ່ະ ມັຮ ຣາມິຣ໌ ກັອຍ ອີງເຄາະ ເບີນ ເຢຊູ.

## 2

ອາມັງ ລັຣ ແຕ ກູຈິດ

1 ແຕ ອິນໂຍ່ງ, ເຍົາ ນະ ກູຈິດ ເຈີ້, ຍ່ອນ ເຍົາ ຕາ ເບີນ ຊາງັດ ເຢິງ ເຈົ້າຣາຊີ ກະ ເຍົາ ຕະ ໄລ່ຍຣ ເລື້ອຍໆ. 2 ບັອງ ກັອຍ ເຍົາ ຕາປຸ່ນ ເລື້ອຍໆ ມັຮ ຣາມະ ຕິ່ງ ແດີຍ ໄນ່, ກະ ເຍົາ ຕະ ຕາປຸ່ນ ເຢິງ ຕາ ອໍ ກາ ຊົດ ອິນແຍ່ະ ເຢິງ ຕິ່ງ ຕໍ່ ຕິ່ງ ຕົ້າບ. ເຢິງ ກັອຍ ຊົດ ມັຮ ກວາຍ ກາ ຕາ ເບີນ ຊາງັດ ເຢິງ ເຈົ້າຣາຊີ. 3 ບັອງ ກາ ກັອຍ ອິນແຍ່ະ ໄຮ ແກ້ດ

ມວຍ ຊັມຕຣຸ່ ກະ ໄລ່ ເຕ່. ໄຮ ຕາປຸ່ນ ຣາງິຣ໌ ໄຮ ເບີມ. ໄຮ ຍິອ໌ ອິ ຕະ ອິນເຕົ້າ, ລາ ໄຮ ຕະ. ອິນເຕົ້າ ໄຮ ຍິອ໌ ອິ ອິດ, ໄຮ ອິດ. ນະກັອຍ ເຢິງ ເຈົ້າຣາ ຊີ ຊ້ອງ ອີງຄິ້ນ ໄຈະ ໄຮ ມູເຈິງ ອັນ ຊ້ອງ ອີງຄິ້ນ ໄຈະ ກວາຍ ການໍອ໌ ເຕ່. 4 ມາ ຍ່ອນ ເຢິງ ເຈົ້າຣາ ຊີ ເບີນ ຣາງິຣ໌ ລາມ່ນ ອໍ, ນະກັອຍ ອັນ ອາໂຢະ ໄຮ ຊາອິ້ຍ ລາລີ້. 5 ໄຮ ລາ ນະ ກູຈິດ ເຈີ້, ຍ່ອນ ໄຮ ຕະ ຣາມະ ໄລ່ຍຣ, ມາ ເຢິງ ເຈົ້າຣາຊີ ໂອນ ໄຮ ແກ້ດ ອາມັງ ລັຣ ມັນຕຸ ກະ ເຢຊູ ກຣິດ. ຣາມິຣ໌ ກັອຍ ອັນ ຈ່ອຍ ພົາດ ຊ້ອງ ແຕ້ອ໌ ອັນ ຈ່ອຍ ອາ ມັງ ເຍົາ. 6 ອັນ ໂອນ ໄຮ ອາມັງ ລັຣ ມັນຕຸ ກະ ເຢຊູ, ກະ ອັນ ໂອນ ໄຮ ແອິດ ຕາກູ ມັນຕຸ ກະ ເຢຊູ ຕິ່ງ ມັນລ້ອງ ເຕ່. 7 ອັນ ຕະ ນະກັອຍ, ຍິອ໌ ອິ ອາ ປັຣ ໂອນ ມັຮ ກວາຍ ແດີຍ ອິນຕຸ່ນ ເບີນ ດັງ ອັນ ອາໂຢະ ໄຮ ແກຼີຍ ກູລ, ກະ ຈ່ອຍ ພົາດ ໄຮ ຍ່ອນ ແຕ ເຢຊູ ກຣິດ.

8 ເຢິງ ເຈົ້າຣາຊີ ຈ່ອຍ ອາມັງ ເຍົາ ລາ ອັນ ຈ່ອຍ ພົາດ ຊ້ອງ ຍ່ອນ ເຍົາ ຊາອໍາ ອັນ. ເຍົາ ຕາ ເບີນ ຕະ ອິນເຕົ້າ, ມາ ອັນ ຈຸງ ອິ ຈ່ອຍ ພົາດ ຊ້ອງ. 9 ເຍົາ ຕາ ເຕອ໌ ຕະ ຣາມິຣ໌ ອິນເຕົ້າ ໂອນ ເຢິງ ເຈົ້າຣາຊີ ຈ່ອຍ ອາມັງ ເຍົາ, ນະກັອຍ ເຍົາ ຕາ ເຕອ໌ ໂອດ ອິນເຕົ້າ. 10 ໄຮ ລາ ກວາຍ ເຢິງ ແຕງ, ກະ ອັນ ແຕງ ໂອນ ໄຮ ແກ້ດ ມວຍ ຣາງິຣ໌ ກະ ເຢຊູ ກຣິດ, ເຈີ້ ຕະ ຣາມະ ອໍ ຊ້ອງ. ມັຮ ຣາມະ ກັອຍ ເຢິງ ເຈົ້າຣາຊີ ກຽມ ດໍອ໌ ອິນໂຍ່ງ ໂອນ ໄຮ ຕະ.

ຈຸ່ມ ອິດຊະຣາເອລ ກະ ຈຸ່ມ ກວາຍ ການໍອ໌ ແກ້ດ ມວຍ ຈຸ່ມ

11 ເຍົາ ລາ ຕາ ແກ້ນ ກວາຍ ອິດຊະຣາເອລ. ກວາຍ ອິດຊະຣາເອລ ດໍອ໌ ເຍົາ ລາ "ກວາຍ ແອີ ຣິ່ດ," ກະ ໄລ່ ດໍອ໌ ຈຸ່ມ ໄລ່ ເບີມ ລາ "ກວາຍ ເບີນ ຣິ່ດ," ຍ່ອນ ໄລ່ ຕະ ຣິ່ດ ກິດ\* ຕາປຸ່ນ ຄານອດ ກວາຍ ອິດຊະຣາເອລ. ມາ ຣິ່ດ ໄນ່ ລາ ກວາຍ ຕະ ຕິ່ງ ຈະ ຊ້ອງ. 12 ບັອງ ກັອຍ ເຍົາ ລາ ເຢິງ ແຕ ເຢຊູ ກຣິດ. ເຍົາ ອິມພາ ແຕ ຈຸ່ມ ອິດຊະຣາເອລ. ເຍົາ ຕາ ເບີນ ດັງ ມັຮ ຣາມິຣ໌ ເຢິງ ເຈົ້າຣາຊີ ປັຣ ຄັນ ຈ່ອຍ ກວາຍ ອິດຊະຣາເອລ. ຕິ່ງ ແດີຍ ອາ ມັງ ເຍົາ, ເຍົາ ຕາ ເບີນ ອີງກ່ອງ ອິນເຕົ້າ ກະ ເຍົາ ແອີ ເຢິງ ເຈົ້າຣາຊີ. 13 ມາ ເຍົາ ກາ ແອິດ ເຢິງ ລາ ລີ້ ແຕ ເຢິງ ເຈົ້າຣາຊີ ບັອງ ກັອຍ, ຊາມ໌ ເຍົາ ແກ້ດ ແຈ່ະ ເຕ່, ຍ່ອນ ແຕ ອາຣາມ ເຢຊູ ກຣິດ.

\* 2:11 2:11 ຣິ່ດ ກັອຍ ເມົາ ກິດ ບິອ໌ ອີງກັຣ ແຕ ຫຣິ່ງ ຣາເລົາ.

14 ເຢຊູ ແຕ່ ຕະ ໂອນ ໄຮ ບາຣ ຈຸ່ມ ແກ້ດ ຣາຕອຍ ລັຮ, ຍ່ອນ ເຢຊູ ຕາລຸຮ ຕັຮ ວຍາງ ກາ ຕະ ໂອນ ບາຣ ຈຸ່ມ ກ້ອຍ ແກ້ດ ມານະ ດໍອ໌ ມັດ ໂຈະ ມານະ ແຕ ອິນໂຍ່ງ. 15 ຈະ ເຢຊູ ແຕ່ ອາບິດ ຄານອດ ຕຍາ ກາ ເຢິງ ເຈົາຣາຊີ ປາຕັບ ກວາຍ ອິດຊະຣາເອລ ແຕ ອິນໂຍ່ງ. ອັນ ຕະ ໂອນ ບາຣ ຈຸ່ມ ກ້ອຍ ແກ້ດ ກວາຍ ຕາໄມ ລັຮ; ເຈີ່ ໄລ່ ແກ້ດ ມວຍ ຣາງັຮ, ມານະ ຣາຕອຍ ກະ ມານະ. 16 ຍ່ອນ ເຢຊູ ກູຈິດ ຕາງ ໄລ່ ຕິ່ງ ອາລ່ອງ ຊັງກັງ, ໄລ່ ແກ້ດ ມາຣ ມວຍ ຊັມຕຣຸ່ ແກ້ດ ຣາຕອຍ ລັຮ ກະ ເຢິງ ເຈົາຣາຊີ. ເຈີ່ ໄລ່ ຕາ ເບີນ ດໍອ໌ ມັດ ນ້ອງ. 17 ເຢຊູ ແຊງ ອາຕີ ປັຣນາຍ ອຽນ ອໍ ໂອນ ເຍົາ ກາ ແອິດ ເຢິງ ແຕ ເຢິງ ເຈົາຣາຊີ. ກະ ອັນ ອາຕີ ປັຣນາຍ ອຽນ ອໍ ໂອນ ໄລ່ ກາ ແອິດ ແຈ່ ເຢິງ ເຈົາຣາຊີ. 18 ຍ່ອນ ແຕ ເຢຊູ, ບາຣ ຈຸ່ມ ໄຮ ເຕ່ອ໌ ແຕ່ອ໌ ປີ ເຢິງ ເຈົາຣາຊີ, ອິມບໍ່ ໄຮ, ຍ່ອນ ໄຮ ເບີນ ຣາເວີຍ ອັນ ແອິດ ກະ ໄຮ.

19 ນະກ້ອຍ ເຍົາ ຕາ ເບີນ ນ້ອງ ນະ ກວາຍ ມານະ ຕາ ເບີນ ຊາກັລ ມານະ, ກະ ນະ ກວາຍ ແຕ ກຣວາງ ການໍອ໌. ເຍົາ ກະ ອິນແຍ່ະ ກູ່ ນະ ກວາຍ ຊາອໍາ ແກ້ດ ນະ ກອນແຊມ ມວຍ ກຣວາງ. ເຍົາ ລາ ມວຍ ດຸງຊູ ກະ ເຢິງ ເຈົາຣາຊີ. 20 ເຍົາ ລາ ນະ ທາຣິ່ງ ເມົາ ຕະ ດຸງ. ມັຮ ກວາຍ ເຢຊູ ຮຽຮ ປາຈຸ່ຮ ໂອນ ເປາະ ຕະ ຣານະ ອັນ ກະ ມັຮ ກວາຍ ຕາງ ປັຣນາຍ ເຢິງ ເຈົາຣາຊີ ລາ ນະ ຕາໂນລ ດຸງ ກ້ອຍ. ເຢຊູ ກຣິດ ແຕ່ ແກ້ດ ນະ ຕາເມົາ ກາ ຕະ ໂອນ ດຸງ ກ້ອຍ ແກ້ດ ຈັບ. 21 ຍ່ອນ ແຕ ອັນ, ເມົາ ປາຕິ່ງ ດຸງ ກ້ອຍ ໂອນ ແກ້ດ ດຸງ ຊາງ ເຢິງ ເຈົາຣາ ຊີ. 22 ກະ ຍ່ອນ ແຕ ອັນ, ເຍົາ ແກ້ດ ນະ ທາຣິ່ງ ເມົາ ກໍ ຕະ ດຸງ ກາ ເຢິງ ເຈົາຣາຊີ ແອິດ ຍ່ອນ ແຕ ຣາເວີຍ ອັນ.

### 3

ເຢິງ ເຈົາຣາຊີ ຮຽຮ ໂປໂລ ດໍອ໌ ອາຕີ ກວາຍ ຕາ ແກ້ນ ກວາຍ ອິດຊະຣາເອລ

1 ຍ່ອນ ນະກ້ອຍ ເກົາ, ໂປໂລ, ເກົາແຊອ໌ ເຢິງ ເຈົາຣາຊີ ຈ່ອຍ ເຍົາ. ຊານໍ່ ເກົາ ແອິດ ຕິ່ງ ກໍ່ອ໌ ຍ່ອນ ເກົາ ຕະ ຣານະ ເຢຊູ ກຣິດ ຈ່ອຍ ເຍົາ ກາ ຕາ ແກ້ນ ກວາຍ ອິດຊະຣາເອລ. 2 ເຍົາ ຊ້ອງ ເຈີ່ ເຢິງ ເຈົາຣາຊີ ແປຣີ ເກົາ ຕະ ຣານະ ໄນ່ ຍ່ອນ ອັນ ເບີນ ຣາງັຮ ຍິ່ອ໌ ອີ ຈ່ອຍ ເມົາດ ເຍົາ. 3 ເຢິງ ເຈົາຣາຊີ ອາປັຣ ໂອນ ເກົາ ດັງ ຣານະ ອັນ ປາໂຕ່ະ ແຕ ອິນ ໂຍ່ງ. ເກົາ ຄຽນ ບຍາອ໌ ເຈີ່ ໂອນ ເຍົາ ດັງ ແຕ ຣາມິ່

ຮ ກ້ອຍ. 4 ຄັນ ເຍົາ ອານ ປັຣນາຍ ກ້ອຍ, ເຍົາ ເບີ ນ ດັງ ເກົາ ຊ້ອງ ປັຣນາຍ ປາໂຕ່ະ ແຕ ເຢຊູ ກຣິດ. 5 ແຕ ອິນໂຍ່ງ ກວາຍ ຕາ ຢວາຣ ດັງ ຣານະ ໄນ່, ມາ ຊານໍ່ ເຢິງ ເຈົາຣາຊີ ອາປັຣ ຣານາ ຣາເວີຍ ອັນ ໂອນ ກວາຍ ກາ ເຢຊູ ຮຽຮ ປາຈຸ່ຮ ກະ ຈຸ່ມ ໄລ່ ກາ ອາຕີ ຕາງ ປັຣນາຍ ອັນ ດັງ ເຕ່. 6 ຣານະ ປາໂຕ່ະ ກ້ອຍ ລາ ນະໄນ່: ຍ່ອນ ປັຣນາຍ ອໍ ແຕ ເຢຊູ ກຣິ ດ, ກວາຍ ຕາ ແກ້ນ ກວາຍ ອິດຊະຣາເອລ ລາ ຈຸງ ເຕ່ ມູ່ນ ໄນ່. ເຕ່ອ໌ ໄລ່ ແກ້ດ ມວຍ ຈຸ່ມ ກະ ກວາຍ ອິດຊະຣາເອລ. ກະ ເຕ່ອ໌ ໄລ່ ເບີນ ເຕ່ ມັຮ ຣາມິ່ຮ ເຢິງ ເຈົາຣາຊີ ເອີອ໌ ຈ່ອຍ ຍ່ອນ ແຕ ເຢຊູ ກຣິດ.

7 ເກົາ ໂປໂລ, ລາ ກວາຍ ເດິງ ປັຣນາຍ ອໍ ໄນ່, ຍ່ອນ ເຢິງ ເຈົາຣາຊີ ຈ່ອຍ ເມົາດ ເກົາ ໂອນ ຕະ ຣາ ນະ ໄນ່. ຍ່ອນ ອໍານາດ ແຕ ອັນ, ເກົາ ເຮົາບ ຕະ. 8 ຈະ ເກົາ ເບີມ ລາ ຕາ ເບີນ ປຍາຍ໌ ອິນເຕົາ ໂອນ ຕະ ຣານະ ເຢິງ ເຈົາຣາຊີ. ມັຮ ກວາຍ ການໍອ໌ ຕິ່ງ ມູ່ ກາ ຊາອໍາ, ໄລ່ ລາ ອໍ ກາເລີຍ ແຕ ເກົາ. ມາ ເຢິງ ເຈົາຣາຊີ ອິນນ້ອງ ຮຽຮ ເກົາ ໂອນ ເກົາ ເບີນ ບຸ່ນ ຕະ ຣານະ ຣໍ່ອ໌ ບູຍ ໄນ່, ລາ ເດິງ ປັຣນາຍ ອໍ ແຕ ເຢຊູ ກຣິດ ແຕ່ອ໌ ປີ ກວາຍ ກາ ຕາ ແກ້ນ ກວາຍ ອິດຊະຣາເອລ. ປັຣນາຍ ໄນ່ ລາ ອໍ ແກ້ຍ ອິນແຍ່ະ ແຕ ການໍອ໌. 9 ກະ ເຢິງ ເຈົາຣາຊີ ໂອນ ເກົາ ອາປັຣ ໂອນ ອິນແຍ່ະ ກວາຍ ເຮີມ ຣານະ ເຢິງ ເຈົາຣາຊີ ຍິ່ອ໌ ອີ ຕະ ຊານໍ່. ແຕ ອິນໂຍ່ງ ເຢິງ ເຈົາຣາຊີ ແຕງ ມັນລ່ອງ ກູແຕອ໌, ອັນ ຄິດ ອີ ຕະ ຣານະ ໄນ່, ມາ ອັນ ຕາ ຢວາຣ ອາປັຣ. 10 ມາ ຊານໍ່ ເຢິງ ເຈົາຣາ ຊີ ອາປັຣ ຣານະ ອັນ, ຍ່ອນ ອັນ ຍິ່ອ໌ ມັຮ ຣາມິ່ຮ ຊົດ ກະ ມັຮ ຣາມິ່ຮ ອໍານາດ ຕິ່ງ ມັນລ່ອງ ເຮີມ ມູ່ ໄຮ ກາ ຊາອໍາ ອັນ. ເຈີ່ ໄລ່ ງິ່ນ ປາຍ ຣາໂງ່ອ໌ ຣາລັງ ລາລີ່ ເຢິງ ເຈົາຣາຊີ. 11 ແຕ ອິນໂຍ່ງ ອັນ ຕາ ຢ ວາຣ ແຕງ ມວຍ ຣາມິ່ຮ ອິນເຕົາ, ອັນ ຄິດ ອີ ຕະ ຣານະ ໄນ່. ເຈີ່ ອັນ ຕະ ຍ່ອນ ແຕ ເຢຊູ ກຣິດ, ອິນ ເຈົາ ໄຮ. 12 ຍ່ອນ ແຕ ເຢຊູ ກຣິດ, ເຕ່ອ໌ ໄຮ ຊ້ອງ ຍັນ ລາລີ່ ຕາ ເບີນ ອິງກ້ອຣ ອິນເຕົາ ແຕ່ອ໌ ປີ ເຢິງ ເຈົາຣາຊີ, ຍ່ອນ ໄຮ ຊາອໍາ ເຢຊູ ເຈີ່. 13 ນະກ້ອຍ ເກົາ ແຊອ໌ ເຍົາ ອິນໂຈຍ ຕຸຣ ອິນເຕົາ ແຕ ເມົາ ຕະ ເກົາ ຍ່ອນ ເກົາ ອາຕີ ເຍົາ. ມັຮ ຣາມິ່ຮ ຕຸຣ ກັດ ກ້ອຍ ແກ້ດ ເກົາ ໂອນ ເຍົາ.

ໂປໂລ ເກົາແຊອ໌ ໂອນ ໄລ່  
 14 ນະກ້ອຍ, ເກົາ ກູ່ ຣາໂກລ ຍິ່ຣ ເມິງ ອິມບໍ່ ຕິ່ງ ມັນລ່ອງ. 15 ອິນແຍ່ະ ມັຮ ກາ ຈຸ່ມ ຕິ່ງ ມັນ ລ່ອງ ກະ ຕິ່ງ ກູແຕອ໌ ເບີນ ອາມັງ ແຕ ອັນ. 16 ເກົາ ແຊອ໌ ເຢິງ ເຈົາຣາຊີ, ອັນ ກາ ເບີນ ອໍານາດ ອາງ

ອິດ ແກ້ຍ ອິນແຍ່ະ ແຕ ການໍ້ອໍ, ໂອນ ຮາງື່ຮ ເຍົາ ແກ້ດ ເຮ່ງ ອາຊ້ອຣ ລາລື້, ຍ່ອນ ແຕ ຮາເວົ້າຍ ອັນ ຈ່ອຍ ເຍົາ. 17 ທົາ ແຊຣ໌ ໂອນ ເຢຊູ ກຣິດ ແອິດ ເລືອຍໆ ຕຶ່ງ ຮາງື່ຮ ເຍົາ ຍ່ອນ ເຍົາ ຊາອໍາ ເລືອຍໆ ອັນ. ກະ ທົາ ແຊຣ໌ ໂອນ ຮາງື່ຮ ອາໂຢ່ະ ເຍົາ ແກ້ດ ເຮ່ງ ອາຊ້ອຣ ແອັນ ນະ ເຣ່ຣ ອາລ່ອງ ອິນຕຣູ່ ແຕີ ລາ ນະ ດຸງ ເມົາ ຈົຣ ໂອນ ຈັບ. 18-19 ຮາງື່ຮ ເຢຊູ ກຣິດ ອາໂຢ່ະ ໄຮ, ລາ ຕາ ເຮົາບ ນັບ ນ້ອງ. ມາ ທົາ ຍິ້ອ ເຍົາ ກະ ອິນແຍ່ະ ມັຣ ກວາຍ ຊາອໍາ ດັງ ແຈງ ມາແລະ ຕາວັຣ, ມາແລະ ອິນຕຣື່ງ, ມາແລະ ຕີ້, ກະ ມາແລະ ອິນຕຣູ່ ຮາງື່ຮ ອາໂຢ່ະ ແຕ ເຢຊູ ກຣິດ. ນະກ້ອຍ ເຍົາ ແກ້ດ ຍິ້ອ ອີ ຕາປູນ ແອັງ ຮານະ ເຢົາງ ເຈົາຮາຊີ ຊ້ອງ ອິນແຍ່ະ ຮາງື່ຮ ຮາເຮີ ເຍົາ.

20 ອົງເຄາະ ໄຮ ຍ່ອງ ຮາມິ້ຣ ອັນ ກາ ຕະ ຕຶ່ງ ຮາງື່ຮ ໄຮ. ອໍານາດ ອັນ ເຕຣ໌ ຕະ ແກ້ຍ ແຕ ໄຮ ແຊຣ໌ ແຕ ອັນ, ກະ ແກ້ຍ ແຕ ໄຮ ເຕຣ໌ ຄິດ. 21 ແຊຣ໌ ໂອນ ມູ່ ກາ ຊາອໍາ ຕຶ່ງ ກູ່ ແດີຍ ກວາຍ ຍ່ອງ ເຢົາງ ເຈົາຮາຊີ ຍ່ອນ ແຕ ເຢຊູ ກຣິດ, ເຕົ້າ ຊົດ ແດີຍ ເລີ້ຍ ກູມໍ. ອາແມນ.\*

### 4

ໄຮ ຊາອໍາ ມູເຈົງ ມາ ເບີນ ອິມພາ ຮານະ ຕະ

1 ທົາ ໂປໂລ ເບີນ ມວຍ ຮາມິ້ຣ ທົາ ອີ ແຊຣ໌ ແຕ ເຍົາ. ທົາ ລາ ກວາຍ ເມົາ ໂກບ ດໍອ໌ ຕຶ່ງ ກໍ້ອ໌ ຍ່ອນ ທົາ ຕະ ຮານະ ອິນເຈົາ ໄຮ. ທົາ ແຊຣ໌ ເຍົາ ຕະ ເປາະ ໂອນ ປຍາຍ໌ ຕຶ່ງ ຮານະ ເຢົາງ ເຈົາຮາຊີ ແປຣີ ໂອນ ເຍົາ ຕະ. 2 ອົງເຄາະ ເຍົາ ອາແຊງ ຈະ. ອົງເຄາະ ເຍົາ ເບີນ ຮາງື່ຮ ລາແມ່ນ ອໍ ກະ ອິດ ຮາງື່ຮ ເຍົາ. ອົງເຄາະ ເຍົາ ຈີວ໌ ເມົາ ຕະ ຕາ ປຍາຍ໌ ມາ ເຍົາ ອິນນ້ອງ ອາໂຢ່ະ. 3 ອົງເຄາະ ເຍົາ ປາໄຣ່ຣ ແອິດ ມວຍ ຮາງື່ຮ ຍ່ອນ ຮາເວົ້າຍ ເຢົາງ ເຈົາຮາຊີ ຈ່ອຍ ໂອນ ເຍົາ ແອິດ ອຽນ ອໍ.

4 ເຍົາ ລາ ນະ ມວຍ ຈະ, ປຣ່ອມ ຮັບ ມວຍ ຮາເວົ້າຍ, ກະ ທາຣາະ ອົງກ່ອງ ມວຍ ຮາມິ້ຣ ເຢົາງ ເຈົາຮາຊີ ເອີອ໌ ກະ ເຍົາ. 5 ໄຮ ເບີນ ແອັງ ມວຍ ອິນ ເຈົາ, ມວຍ ຮາງື່ຮ ໄຮ ຊາອໍາ, ກະ ມວຍ ຮິດ ຕຶ່ງ ແດີອ໌. 6 ເບີນ ແອັງ ມວຍ ເຢົາງ ເຈົາຮາຊີ ຊ້ອງ. ອັນ ລາ ອິມປໍ ອິນແຍ່ະ ມັຣ ກວາຍ; ອັນ ຊົດ ອິນ ແຍ່ະ ມັຣ ກວາຍ; ອັນ ຈ່ອຍ ອິນແຍ່ະ ມັຣ ກວາຍ; ກະ ອັນ ແອິດ ຕຶ່ງ ອິນແຍ່ະ ມັຣ ກວາຍ.

7 ມາ ເຢົາງ ເຈົາຮາຊີ ໂອນ ກູ່ ນະ ໄຮ ເບີນ ອິມ ພາ ຮານະ ຕະ ຍ່ອນ ແຕ ເຢຊູ ກຣິດ ຈ່ອຍ ເມົາດ ໄຮ. 8 ປັຣນາຍ ເຢົາງ ເຈົາຮາຊີ ອາຕີ ແຕ ອິມແປີ ແຕ ເຢຊູ ປາຍ:

"ບ້ອງ ກາ ອັນ ຊ້ອຣ ລັຣ ຕຶ່ງ ແປັງ, ອັນ ເດີງ ອາຊ້ອຣ ກຶ່ງ ລາລື້ ເຕ່ ກວາຍ ເມົາ ໂກບ ດໍອ໌ ຕຶ່ງ ກໍ້ອ໌.

ກະ ອັນ ອາແວີຍ ຮາມິ້ຣ ອໍ ໂອນ ກວາຍ." 9 ແຕ່ອ໌ ປັຣນາຍ ກ້ອຍ ປາຍ "ຊ້ອຣ ລັຣ," ມານະ ເຍົາ ຄິດ? ອົງເຄາະ ອັນ ແຊງ ອິນໂຍ່ງ ແຕ່ອ໌ ປໍ ກູ ແຕອ໌ ໄນ່. 10 ອັນ ກາ ແຊງ ກະ ອັນ ກາ ຊ້ອຣ ລັຣ ປໍ ມັນລ່ອງ ລາ ແອັງ ມານະ ຊ້ອງ. ນະກ້ອຍ ອັນ ເຕຣ໌ ແອິດ ອິນແຍ່ະ ກູ່ ອິນຕູ.

11 ອັນ ຮຽຮ ປາຈຸ່ຣ ມວຍ ຈຸ່ມ ກວາຍ ໂອນ ເປາະ ຕະ ຮານະ ອັນ; ເບີນ ກວາຍ ການໍ້ອ໌ ອັນ ໂອນ ອາຕີ ຕາງ ປັຣນາຍ ອັນ; ອັນ ກາ ອັນ ໂອນ ເດີງ ປັຣນາຍ ອັນ ໂອນ ກວາຍ ກາ ຕາ ຢວາຣ ດັງ; ອັນ ກາ ອັນ ໂອນ ຕາລາ ດຸງ ຊາງ; ກະ ອັນ ກາ ອັນ ໂອນ ອາຣຍານ ລັຣ ປັຣນາຍ ອັນ ໂອນ ກວາຍ ດັງ ແຈງ. 12 ອັນ ຕະ ນະກ້ອຍ ໂອນ ກູ່ ນະ ກວາຍ ຊາ ອໍາ ເບີນ ຮານະ ຕະ ໂອນ ອັນ, ດໍອ໌ ໂອນ ຈະ ອັນ ເຕຣ໌ ແກ້ດ ປິດ ອາຊ້ອຣ. 13 ນະກ້ອຍ, ອິນຕູນ ແອັນ ໄຮ ແກ້ດ ມວຍ ຮາງື່ຮ ຊາອໍາ ກະ ໄຮ ດັງ ແຕ ກອນ ເຢົາງ ເຈົາຮາຊີ. ໄຮ ປິດ ອາຊ້ອຣ ແກ້ດ ນະ ຊາຊາຍ, ໂອນ ເຕົ້າ ໄຮ ແກ້ດ ນະ ເຢຊູ ກຣິດ ເຕ່. 14 ໄຮ ຕາ ເບີນ ນ້ອງ ນະ ກັຣແມນ, ກະ ນະ ແດີອ໌ ກັຣໄຈ່ອ໌ ແຕີລາ ນະ ກູຢາລ ແປັ, ເດີງ ໄຮ ມາໂຮຍ ປໍ ໄນ່, ມາໂຮຍ ປໍ ກ້ອຍ, ຍ່ອນ ໄຮ ຕາ ເບີນ ຕາປູ ນ ປັຣນາຍ ກວາຍ ອີ ອາໂລກ ໄຮ. ໄລ່ ກ້ອຍ ທົ່ ຍ ອາຕີ ຮາໂງ່ອ໌ ກະ ແຄວ້ ຍິ້ອ ອີ ໂອນ ກວາຍ ຊາ ງັດ ປັຣນາຍ ຕາ ປຍາຍ໌. 15 ມາ ອົງເຄາະ ໄຮ ອາຕີ ປັຣນາຍ ປຍາຍ໌ ຍ່ອນ ໄຮ ອາໂຢ່ະ. ນະກ້ອຍ ໄຮ ແກ້ດ ຊາຊາຍ, ໄຮ ແກ້ດ ນະ ເຢຊູ ກຣິດ, ອັນ ກາ ແປັ ໂອນ ມູ່ ກາ ຊາອໍາ. 16 ຍ່ອນ ແຕ ແປັ, ກູ່ ຮາມິ ຮ ເຕຣ໌ ຮາແຕັດ ມັນຕູ ເຈີ້ ແກ້ດ ມວຍ ຈະ ກວາ ຍ. ຄັນ ກູ່ ຮາມິ້ຣ ໄນ່ ມາ ຕະ ປຍາຍ໌, ເຕຣ໌ ອິນ ແຍ່ະ ຈະ ແກ້ດ ບັນ ເຮ່ງ ກະ ປິດ ອາຊ້ອຣ, ມານະ ອາໂຢ່ະ ມານະ.

ຮານາ ຕາໄມ ແຕ ເຢຊູ ກຣິດ 17 ນະກ້ອຍ ທົາ ແຊຣ໌ ອາຕີ ກະ ກາແອັຣ ເຍົາ ຍ່ອນ ແຕ ອິນເຈົາ ໄຮ, ເຍົາ ອິນໂຈຍ ຕະ ເປາະ ນ້ອງ ນະ ກວາຍ ກາ ຕາ ຢວາຣ ຊາອໍາ. ໄລ່ ກ້ອຍ ຕາປູນ

\* 3:21 3:21 ປັຣນາຍ 'ອາແມນ' ອາຕີ ລັຣ ລາ 'ກຣັກ ນະກ້ອຍ' ແຕີລາ 'ແຊຣ໌ ໂອນ ແກ້ດ ນະກ້ອຍ.'

ຮາງຮ ໄລ່ ເບີມ, ກະ ການິດ ໄລ່ ຕາ ເບີນ ແກີດ ເກົາ ອິນເຕົ້າ. <sup>18</sup> ຮາງຮ ໄລ່ ຄິດ ແກີດ ການໍາ, ຍ່ອນ ໄລ່ ແອິດ ເຢິງ ແຕ ຮານາ ອາມັງ ແຕ ເຢິງ ເຈົ້າຮາຊີ. ໄລ່ ຕາ ເບີນ ດັງ ແຕ ຮານາ ກ້ອຍ, ຍ່ອນ ຮາງຮ ໄລ່ ແກີດ ກ້ອງ. <sup>19</sup> ໄລ່ ຕາ ດັງ ກູມາລ ນ້ອງ, ເຈີ ໄລ່ ອາໂຣຍຽ ຈະ ໂອນ ຕະ ກູ່ ຮາມິຮ ຕາ ອໍ ມັຮ ຮາງຮ ໄລ່ ຊ້ອງ ຍິຣ, ກະ ໄລ່ ຍິຣ ອີ ຕະ ມັຮ ຮານະ ແປຣີ ກາລີຍ ແຕ ກ້ອຍ ແອັນ.

<sup>20-21</sup> ມາ ເຍົາ ຊາງັດ ເຈີ ປັຣນາຍ ແຕ ເຢຊູ ກຣີດ, ກະ ເຍົາ ຮຍານ ແຕ ອັນ, ເຈີ ເຍົາ ຕາ ເບີນ ຕະ ນະກ້ອຍ. ຍ່ອນ ຕິ່ງ ເຢຊູ ກຣີດ ເບີນ ແອິງ ຮາມິຮ ປຍາຍ ຊ້ອງ. <sup>22</sup> ນະກ້ອຍ ອິງເຄາະ ເຍົາ ຕັຮ ຊ້ອງ ຮານະ ຕຍາ, ລາ ຮານະ ເຍົາ ເກີຍ ຕາປູນ ແຕ ອິນໂຍ່ງ. ບ້ອງ ກ້ອຍ ຮາງຮ ເຍົາ ອາໂລກ ໂອນ ເຍົາ ຊ້ອງ ຍິຣ ອີ ຕະ ຮານະ ຊັຣມັຮ ຈະ ເບີມ. <sup>23</sup> ມາ ຊານໍ ອິງເຄາະ ເຍົາ ແກີດ ຮາງຮ ຕາໄມ ລັຮ ຕິ່ງ ແດີຍ ອາມັງ ເຍົາ. <sup>24</sup> ເຈີ ອິງເຄາະ ເຍົາ ອິດ ຮານາ ຕາໄມ ແອັນ, ແກີດ ນະ ເຢິງ ເຈົ້າຮາຊີ ກາ ແຕງ ໄຮ, ກະ ຕະ ຮານະ ຕານ້ອງ ອໍ ຕາປູນ ປັຣນາຍ ປຍາຍ ແຕ ອັນ.

<sup>25</sup> ນະກ້ອຍ, ເຍົາ ອິນໂຈຍ ຕະ ອິນຕີ ອາໂລກ ນ້ອງ. ກູ່ ນະ ເຍົາ ອິງເຄາະ ປາຍ ປັຣນາຍ ປຍາຍ ຊ້ອງ ກະ ເຍົາ ເຍົາ, ຍ່ອນ ໄຮ ລາ ມວຍ ຈະ ອິນ ແຍ່ ຕິ່ງ ເຢຊູ ກຣີດ. <sup>26</sup> ແຕ້ອ ເຍົາ ຊ້ອງ ອິງຄິນ, ອິນໂຈຍ ໂອນ ຮາງຮ ອິງຄິນ ປັຣຕີ ເຍົາ ຕະ ຮານະ ໄລ່ຍຮ. ກະ ອິນໂຈຍ ປຸ່ງ ດໍອ ຮາງຮ ອິງຄິນ ເຕົ້າ ແຕ້ອ ມານາງ ປັດ. <sup>27</sup> ອິນໂຈຍ ເປີຮ ຮານາ ໂອນ ເຢິງ ຊາຕານ ແຕ້ອ ປັຣຕີ ເຍົາ ຕະ ຮານະ ໄລ່ຍຮ. <sup>28</sup> ອັນ ກາ ເກີຍ ດູຕວຍ, ອິງເຄາະ ອັນ ອິນໂຈຍ ດູ ຕວຍ ນ້ອງ. ມາ ອິງເຄາະ ອັນ ຈໍອ ຮານະ ຕະ ໂອນ ເບີນ ກູ່ ຕັອກ ຄໍາ ຈາ, ກະ ແຕ້ອ ອັນ ຈ່ອຍ ກວາຍ ຕຸຣ ກາຕິດ ແອີ. <sup>29</sup> ອິນໂຈຍ ໂອນ ປັຣນາຍ ຕາ ອໍ ລໍອຽ ແຕ ແບຣ ເຍົາ. ເຍົາ ປາຍ ບີອ ປັຣນາຍ ຈ່ອຍ ເຍົາ, ກະ ປັຣນາຍ ແກີດ ເກົາ ໂອນ ໄລ່ ກາ ຊ້ອງ.

<sup>30</sup> ອິນໂຈຍ ຕະ ໂອນ ຮາເວີຍ ເຢິງ ເຈົ້າຮາຊີ ຊ້ອງ ຕຸຣ ແຕ ເຍົາ, ຍ່ອນ ຮາເວີຍ ເຢິງ ເຈົ້າຮາຊີ ກາຕິຣ ຕາ ຊາໂກລ ດໍອ ເຍົາ, ກະ ຕິ່ງ ຕາໂງ ອິນ ຕຸ່ນ ເຢິງ ເຈົ້າຮາຊີ ໄທ ໂອນ ເຍົາ ເບີນ ແອິດ ກະ ອັນ. <sup>31</sup> ອິງເຄາະ ເຍົາ ຕັຮ ຮາງຮ ເຍົາ ເກີຍ ກໍາ ໂກລ, ກະ ຮາງຮ ເຍົາ ຊ້ອງ ອິງຄິນ ກະ ຮາະ. ກະ ອິງເຄາະ ເຍົາ ຕັຮ ຊ້ອງ ເຣ່ງ ແບຣ ກະ ປາຍ ເຍົາ,

ກະ ຊາອັຣ ກວາຍ ການໍອ. <sup>32</sup> ອິງເຄາະ ເຍົາ ຈ່ອຍ ເຍົາ, ເບີນ ຮາງຮ ລາມ່ນ ອໍ ໂຈະ ເຍົາ, ກະ ຕັຮ ໄລ່ ຍຮ ເຍົາ ຕະ ໂຈະ ເຍົາ, ມູເຈິງ ເຢິງ ເຈົ້າຮາຊີ ຕັຮ ໄລ່ຍຮ ເຍົາ ຍ່ອນ ແຕ ເຢຊູ ກຣີດ.

### 5

ແອິດ ຕິ່ງ ປັງ

<sup>1</sup> ນະກ້ອຍ ອິງເຄາະ ເຍົາ ດວຍ ເຢິງ ເຈົ້າຮາຊີ ນະ ກອນ ດວຍ ອິມປໍ ກາ ອາໂຢະ ລາລີ ອັນ. <sup>2</sup> ອິນ ແຍ່ ແດີຍ ອາມັງ ເຍົາ, ອິງເຄາະ ເຍົາ ອາໂຢະ ເລີອ ຍາ ຊ້ອງ, ນະ ເຢຊູ ກຣີດ ອາໂຢະ ໄຮ. ອັນ ມ່ອບ ຊາງ ຈະ ອັນ, ແກີດ ນະ ເກຣິ່ງ ເມົາ ມ່ອບ ຊາງ ໂອນ ເຢິງ ເຈົ້າຮາຊີ ຊ້ອງ ປາຮວມ, ເຈີ ໄຮ ແກີດ ຮາຕອຍ ລັຮ ກະ ເຢິງ ເຈົ້າຮາຊີ.

<sup>3</sup> ເຍົາ ອິນໂຈຍ ຄິດ ຕິ່ງ ຮາງຮ, ອິນໂຈຍ ປາຍ ກາ ແບຣ ຍິຣ ອີ ບິ ມັນຕຸ ຄັນ ຕາ ແກີນ ລາກວຍ ກາຢາອ, ແຕ້ລາ ຕະ ຮານະ ອິນເຕົ້າ ກາ ແປຣີ, ແຕ້ ລາ ຍິຣ ອີ ເບີນ ເກຣິ່ງ ເມົາ. ຮານະ ກ້ອຍ ຕາ ເບີນ ປຍາຍ ໂອນ ກວາຍ ກາ ເຢິງ ເຈົ້າຮາຊີ ຕາລາ. <sup>4</sup> ເຍົາ ອິນໂຈຍ ຕະ ອິນຕີ ປັຣນາຍ ຕັງຮາງ, ປັຣນາຍ ຢຸຮາ, ກະ ປັຣນາຍ ຕາ ແກີດ ຮາຢາ. ມາ ອິງເຄາະ ເຍົາ ຕະ ອິນຕີ ປັຣນາຍ ຊາແອັນ ເຢິງ ເຈົ້າຮາຊີ. <sup>5</sup> ແຕ້ອ ເຍົາ ດັງ ກຣັກ ລາລີ: ໄປ ຮາມິຮ ກວາຍ ໄນ່ ຕາ ແຕ້ອ ຈູງ ມູ່ນ ຕິ່ງ ມູ່ ກາ ເຢິງ ເຈົ້າຮາຊີ ກະ ເຢຊູ ກຣີດ ຊິດ. ມວຍ, ລາ ກວາຍ ກາ ຕາ ເບີນ ລາກວຍ ກາຢາອ ມາ ບິ ມັນຕຸ. ບາຮ, ລາ ກວາຍ ກາ ຕະ ຮານະ ກູມາລ. ໄປ, ລາ ກວາຍ ຍິຣ ອີ ເບີນ ເກຣິ່ງ ເມົາ. ຍ່ອນ ກວາຍ ກາ ຍິຣ ອີ ເບີນ ເກຣິ່ງ ເມົາ ລາ ນະ ໄລ່ ຕາປູນ ເຢິງ ການໍອ. <sup>6</sup> ອິນໂຈຍ ໂອນ ກວາຍ ອາແລະ ອາໂລກ ເຍົາ ອາຕີ ປັຣນາຍ ຕາ ແກີດ ກູອງ. ໄກຣ ລາລີ ຍ່ອນ ມັຮ ຮາມິຮ ໄນ່, ເຢິງ ເຈົ້າຮາຊີ ຊ້ອງ ອິງຄິນ ໂຈະ ກວາຍ ກາ ຕາ ເບີນ ຊາງັດ ອັນ. <sup>7</sup> ອິງເຄາະ ເຍົາ ອິນໂຈຍ ປຣ່ອມ ມວຍ ຮາງຮ ກະ ກວາຍ ນະກ້ອຍ.

<sup>8</sup> ແຕ ອິນໂຍ່ງ, ລາ ເຍົາ ເປາະ ຕິ່ງ ອິນຕຸ ການໍາ, ມາ ພໍກາ ເຍົາ ຊາອໍາ ເຢຊູ ກຣີດ ລາ ເຍົາ ເປາະ ຕິ່ງ ອິນຕຸ ປັງ. ນະກ້ອຍ ອິງເຄາະ ເຍົາ ຕະ ເປາະ ນະ ອິນຕຸ ຕະ ຕິ່ງ ອິນຕຸ ປັງ ລາ ຮານະ ອໍ, ຮານະ ຕານ້ອງ, ກະ ຮານະ ປຍາຍ. <sup>10</sup> ອິງເຄາະ ເຍົາ ຈາຈໍອ ໂອນ ດັງ ມັຮ ຮານະ ກາ ຕະ ໂອນ ອິນເຈົ້າ ໄຮ ແກີດ ຮໍອ ຮາງຮ. <sup>11</sup> ເຍົາ ອິນໂຈຍ ຮາບູລ ແຕ ຮານະ ກາ ນໍາ ກາ ຕາ ເບີນ ແກີດ ເກົາ ອິນເຕົ້າ, ມາ ອິງເຄາະ

ເຍົາ ອາປັຣ ມັຣ ຣາມະ ກ້ອຍ. <sup>12</sup> ມັຣ ຣາມະ ໄລ່ ຕະ ແກຣະ ກ້ອຍ, ລາ ອິນນ້ອງ ໄຮ ຊ້ອງ ກູມາລ. <sup>13</sup> ມາ ອິນແຍ່ະ ມັຣ ຣາມະ ກວາຍ ເກ້ຍ ຕະ, ແຕ້ອ໌ ເມົາ ອາປັຣ ມັຣ ຣາມະ ກ້ອຍ ຕິ່ງ ອິນຕຸ ປັງ, ເຕ້ອ໌ ໄຮ ເຮີມ ອໍ ມາ ຕາ ເບີນ. <sup>14</sup> ກະ ມັຣ ຣາມິ້ຣ ໄຮ ເຮີມ ຕິ່ງ ອິນຕຸ ປັງ ມາ ອໍ, ໄກຣ ລາລີ້ ອໍ. ນະກ້ອຍ ເມົາ ປາຍ: "ຕາເມີ ເຍົາ ກາ ປິ, ອາມັງ ເຍົາ ກາ ກູ ຈິດ. ເຈີ່ ເຢຊູ ກຣິດ ປາເລີງ ປັງ ໂອນ ເຍົາ."

<sup>15</sup> ນະກ້ອຍ ອິງເຄາະ ເຍົາ ລາວັງ ໂອນ ອໍ ຣາມະ ອິນເຕົ້າ ເຍົາ ຕະ. ອິນໂຈຍ ຕະ ນະ ກວາຍ ຊາກູລ, ມາ ຕະ ນະ ກວາຍ ຣາໂງ່ອ໌ ຣາລັງ. <sup>16</sup> ຄັນ ເຍົາ ເຮີມ ຣາມະ ອໍ ກາ ເຍົາ ເຕ້ອ໌ ຕະ, ໂອນ ເຍົາ ຕະ ແຕ້, ຍ່ອນ ໄຮ ເຮີມ ແດີຍ ໄນ່ ແກ້ດ ຕາ ອໍ. <sup>17</sup> ເຍົາ ອິນໂຈຍ ຊາກູລ, ມາ ອິງເຄາະ ເຍົາ ຕາຕ່ອຍ໌ ໂອນ ດັງ ຣາມະ ອິນເຕົ້າ ເຢີງ ເຈົາຣາຊີ ຢໍອ໌ ອິ ໂອນ ເຍົາ ຕະ. <sup>18</sup> ເຍົາ ອິນໂຈຍ ບູລ ມັ້ອງ, ຊັຣນັຣ ຈະ ເຍົາ ເບີມ. ມາ ອິງເຄາະ ເຍົາ ໂອນ ຣາເວີຍ ເຢີງ ເຈົາຣາ ຊີ ແກ້ດ ຊົດ ຕິ່ງ ຣາງິ້ຣ ເຍົາ. <sup>19</sup> ແຕ້ອ໌ ເຍົາ ຕະ ອິນຕິ ມັນຕຸ, ອິງເຄາະ ເຍົາ ຕາບາອ໌ ມັຣ ກາ ປັຣ ນາຍ ຍ່ອງ ເຢີງ ເຈົາຣາຊີ ກະ ມັຣ ກາ ປັຣນາຍ ລໍ່າ ຍ່ອງ ອັນ. ອິງເຄາະ ເຍົາ ລໍ່າ ຍ່ອງ ກະ ຊ້ອງ ຣໍ່ອ໌ ຕິ່ງ ຣາງິ້ຣ ແຕ້ອ໌ ເຍົາ ມ່ອນ ຊາງ ໂອນ ອິນເຈົາ ເຍົາ. <sup>20</sup> ກະ ອິງເຄາະ ເຍົາ ຊາແອິນ ເລື້ອຍໆ ເຢີງ ເຈົາຣາ ຊີ, ອິມບໍ່ ໄຮ, ກູ ຣາມິ້ຣ ອິນເຕົ້າ ອັນ ໂອນ ປິ ເຍົາ. ອິງເຄາະ ເຍົາ ຊາແອິນ ອັນ ຍ່ອນ ຣາມິ້ຣ ເຢຊູ ກຣິ ດ, ອິນເຈົາ ໄຮ.

ລາກວຍ ກະ ກາຢາອ໌

<sup>21</sup> ອິງເຄາະ ເຍົາ ມານະ ອິດ ຣາງິ້ຣ ມານະ, ຍ່ອນ ເຍົາ ຢ້ານັບ ເຢຊູ ກຣິດ. <sup>22</sup> ເຍົາ ກາ ແກ້ດ ລາ ກວຍ, ອິງເຄາະ ເຍົາ ອິດ ຣາງິ້ຣ ກາຢາອ໌ ເຍົາ, ນະ ເຍົາ ອິດ ຣາງິ້ຣ ອິນເຈົາ ໄຮ ເຕ່. <sup>23</sup> ຍ່ອນ ກາ ຢາອ໌ ແກ້ດ ແປື ໂອນ ລາກວຍ ອັນ, ນະ ເຢຊູ ກຣິ ດ ແກ້ດ ແປື ໂອນ ມັຣ ມູ່ ກາ ຊາອໍ່າ. ເຢຊູ ກຣິ ດ ແຕ່ ຈ່ອຍ ອາມັງ ຈະ ອັນ, ມັຣ ມູ່ ກາ ຊາອໍ່າ. <sup>24</sup> ມາຣ ກ້ອຍ ເຕ່ ອິງເຄາະ ລາກວຍ ອິດ ຣາງິ້ຣ ກາຢາອ໌ ອັນ ຕິ່ງ ກູ ຣາມິ້ຣ, ນະ ມູ່ ກາ ຊາອໍ່າ ອິດ ຣາງິ້ຣ ເຢຊູ ກຣິດ.

<sup>25</sup> ກະ ເຍົາ ກາ ແກ້ດ ກາຢາອ໌, ອິງເຄາະ ເຍົາ ອາ ໂຢ່ະ ລາກວຍ ເຍົາ ມູເຈີງ ເຢຊູ ກຣິດ ອາໂຢ່ະ ມູ່ ກາ ຊາອໍ່າ. ອັນ ຈິວ ກູຈິດ ຈະ ອັນ ເບີມ ຈ່ອຍ ມູ່ ກາ ຊາອໍ່າ. <sup>26</sup> ອັນ ຕະ ນະກ້ອຍ ໂອນ ມູ່ ກ້ອຍ ແກ້ດ

ບຣັຣ ອໍ ຣາມາ ແດັອ໌ ກະ ຣາມາ ປັຣນາຍ ອັນ ອາ ຕິ. \* <sup>27</sup> ນະກ້ອຍ ປັຣເມີ ມັນເຕຣີ ເຢຊູ ອິດ ເບີ ມ ມູ່ ກ້ອຍ; ອັນ ຕະ ໂອນ ໄລ່ ອໍ, ບຣັຣ, ກະ ຕາ ເບີນ ເມົາ ເຕ້ອ໌ ຕິ ອິນເຕົ້າ ໄລ່. ອັນ ຕະ ນະ ອາຍ ກັລ ອິ ຈາ ປັຣຊວຍ ລາກວຍ ກາ ຕາ ເບີນ ແປຣີ, ຊາງວາດ, ແຕ້ລາ ມວຍ ຣາມິ້ຣ ການໍ້ອ໌ ຕາ ເບີນ ອໍ. <sup>28</sup> ນະກ້ອຍ ເຕ່, ອິງເຄາະ ກາຢາອ໌ ອາໂຢ່ະ ລາກວຍ ອັນ ນະ ອັນ ອາໂຢ່ະ ຈະ ອັນ ເບີມ. ອັນ ກາ ອາໂຢ່ະ ລາກວຍ, ລາ ອັນ ອາໂຢ່ະ ຈະ ອັນ ເບີມ. <sup>29</sup> ຕາ ເກີ ຍ ເບີນ ກວາຍ ມາ ຊາອັຣ ຈະ ອັນ ເບີມ. ອັນ ແຈມ ກຍາອ໌ ກະ ອັນ ລັກ ຊາ ຈະ ອັນ. ມູເຈີງ ກ້ອຍ ເຕ່ ເຢຊູ ກຣິດ ຕະ ກະ ມູ່ ກາ ຊາອໍ່າ, <sup>30</sup> ຍ່ອນ ໄຮ ລາ ນະ ຈະ ອັນ. <sup>31</sup> ຕິ່ງ ປັຣນາຍ ເຢີງ ເຈົາຣາຊີ ແຕ ອິມເບີ ເມົາ ຄຽນ ປາຍ:

"ຍ່ອນ ຣາມິ້ຣ ກ້ອຍ ກວາຍ ຣາເລົາ ອິງເຄາະ ຣາຕັຣ ແຕ ອິມເປ້ອ໌ ອິມບໍ່ ອັນ, ເຈີ່ ແອິດ ຣາຕອຍ ມວຍ ຣາງິ້ຣ ກະ ລາກວຍ ອັນ;

ກະ ໄລ່ ບາຣ ນະ ແກ້ດ ມູ ຈະ ຊ້ອງ."

<sup>32</sup> ປັຣນາຍ ໄນ່ ລາ ອິນຕຸຣູ ລາລີ້, ມາ ເກົາ ອາຕິ ແຕ ເຢຊູ ກຣິດ ກະ ມູ່ ກາ ຊາອໍ່າ. <sup>33</sup> ມາ ປັຣນາຍ ໄນ່ ອາຕິ ແຕ ລາກວຍ ກາຢາອ໌ ເຕ່. ກາຢາອ໌ ອິງ ເຄາະ ອາໂຢ່ະ ລາກວຍ ນະ ອັນ ອາໂຢ່ະ ຈະ ອັນ ເບີ ມ. ກະ ລາກວຍ ອິງເຄາະ ຢ້ານັບ ກາຢາອ໌ ອັນ.

**6**

ກອນ ກະ ອິມເປ້ອ໌ ອິມບໍ່

<sup>1</sup> ເຍົາ ກາ ແກ້ດ ກອນ ອາໄກ, ອິງເຄາະ ເຍົາ ຊາ ງັດ ອິມເປ້ອ໌ ອິມບໍ່ ເຍົາ ຍ່ອນ ເຢີງ ເຈົາຣາຊີ ຢໍອ໌ ອິ ໂອນ ເຍົາ ຕະ ນະກ້ອຍ. ຣາມະ ກ້ອຍ ລາ ປຸຍາຍ໌ ໂອນ ເຍົາ ຕະ. <sup>2</sup> ປັຣນາຍ ໄນ່ ເຢີງ ເຈົາຣາຊີ ປາ ຕັບ ແຕ ອິມເບີ:

"ອິງເຄາະ ເຍົາ ຢ້ານັບ ອິມເປ້ອ໌ ອິມບໍ່ ເຍົາ." ປັຣນາຍ ປາຕັບ ໄນ່ ລາ ປັຣນາຍ ປາຕັບ ຕາແປ ກາ ເຢີງ ເຈົາຣາຊີ ເອີອ໌ ໂອນ ບຸນ. ອັນ ປາຍ:

<sup>3</sup> "ເກົາ ຕະ ໂອນ ແດີຍ ອາມັງ ເຍົາ ແກ້ດ ອໍ, ກະ ເຍົາ ເບີນ ເກົາ ອາມັງ ດຸ່ນ ຕິ່ງ ກູແຕອ໌ ໄນ່."

<sup>4</sup> ເຍົາ ກາ ແກ້ດ ອິມບໍ່, ເຍົາ ອິນໂຈຍ ຕະ ອິນຕິ ຕາ ອໍ ໂຈະ ກອນ ເຍົາ ໂອນ ໄລ່ ແກ້ດ ອິງຄິ້ນ, ມາ ໂອນ ເຍົາ ອາຣຍານ ກະ ອາຕິ ອໍ ໂອນ ໄລ່ ຕະ ຕາປຸ່ນ ຣາ ນະ ອິນເຈົາ.

ຊຸລ ກະ ເນີຍາ

\* 5:26 5:26 ຄັນ ໄຮ ຕະ ຣິດ ຕິ່ງ ແດັອ໌ ລາ ຊາກໍ່າ ແຕ ເຢຊູ ຕະ ບຣັຣ ເຈີ່ ຣາງິ້ຣ ໄຮ.



5 ເຍົາ ກາ ແກ້ດ ກວາຍ ຊູລ, ອົງເຄາະ ເຍົາ ຕະ ຕາປູນ ມັຮ ເມົາຍ ເຍົາ ຕົ້ງ ແດ້ຍ ໄນ່. ອົງເຄາະ ເຍົາ ອົງກ້ອຣ ກະ ຢ່າມັບ ໄລ່ ຕົ້ງ ຮາງັຮ ເຍົາ. ກະ ອົງ ເຄາະ ເຍົາ ຊາງັດ ໄລ່ ມູເຈົງ ເຍົາ ຊາງັດ ເຢຊູ ກຣິ ດ ຕ່. 6 ເຍົາ ອິນໂຈຍ ຕະ ຣານະ ອໍ ຢັຣ ເມົາ ໄລ່ ຊ້ອງ, ຢັຣ ອິ ໂອນ ໄລ່ ຍ່ອງ ເຍົາ. ມາ ອົງເຄາະ ເຍົາ ຕະ ນະ ຊູລ ເຢຊູ ກຣິດ, ຕະ ອິນແຍ່ະ ຮາງັຮ ຮາແຮ ມັຮ ຣານະ ເຢົາງ ເຈົາຣາຊີ ຢັຣ ອິ ໂອນ ເຍົາ ຕະ. 7 ອົງເຄາະ ເຍົາ ຕະ ຣໍ່ອ ອໍ ຍ່ອນ ເຍົາ ຕະ ໂອນ ເຢົາງ ເຈົາຣາຊີ, ຕາ ເບິນ ໂອນ ກວາຍ, 8 ຍ່ອນ ເຍົາ ດັງ ມັຮ ຣານະ ອໍ ກວາຍ ຕະ, ຄັນ ກວາຍ ຊູລ ແຕ ລາ ຕາ ເບິນ ຊູລ, ອັນ ເບິນ ເກົາ ແຕ ເຢົາງ ເຈົາຣາ ຊີ ມັຮ ຣານະ ອັນ ຕະ.

9 ກະ ເຍົາ ກາ ເມົາຍ, ອົງເຄາະ ເຍົາ ຕະ ມູເຈົງ ກ້ອຍ ຕ່ ໂຈະ ຊູລ ເຍົາ. ເຍົາ ອິນໂຈຍ ອາຣີ ໄລ່. ໄລ່ ກະ ເຍົາ ຈຸງ ມວຍ ອິນເຈົາ ຕົ້ງ ມັນລ້ອງ, ກະ ອັນ ຕັດຊິ້ນ ກວາຍ ມູເຈົງ ອິນແຍ່ະ.

ຫຣັງ ປູາ ແຕ ເຢົາງ ເຈົາຣາຊີ

10 ປັຮນາຍ ປັຮຊັດ ໄນ່ ລາ ນະໄນ່: ອົງເຄາະ ເຍົາ ແກ້ດ ເຣ່ງ ອາຊ້ອຣ ຕົ້ງ ຮາງັຮ ເຍົາ ຍ່ອນ ອຳນາດ ເຣ່ງ ລາລີ້ ແຕ ອິນເຈົາ ໄຮ. 11 ອົງເຄາະ ເຍົາ ໂຈະ ໂອນ ກູ່ ມັຮ ຫຣັງ ປູາ ແຕ ເຢົາງ ເຈົາຣາຊີ, ໂອນ ເຍົາ ຣາຊູ່ ເຣົາບ ມັຮ ຣານະ ກາ ເຢົາງ ຊາຕານ ຢັຣ ອິ ອາໂລກ ເຍົາ. 12 ໄຮ ຕາ ເບິນ ຣາຊູ່ ກະ ກວາ ຍ ເມົາດ, ມາ ໄຮ ຣາຊູ່ ກະ ມັຮ ຣາມິ່ຣ ຊັດ, ຣາມິ່ຣ ອຳນາດ, ຣາມິ່ຣ ກາ ຕາລາ ຕົ້ງ ກູແຕອໍ ການຳ ໄນ່, ກະ ມັຮ ເຢົາງ ຕາ ອໍ ຕົ້ງ ມັນລ້ອງ. 13 ນະກ້ອຍ ອົງ ເຄາະ ເຍົາ ອິດ ມັຮ ຫຣັງ ຣາຊູ່ ແຕ ເຢົາງ ເຈົາຣາຊີ ໂອນ ກູ່ ອິນແຍ່ະ. ເຈ້ ແຕ້ອ ຕາໄງ ຣາຊູ່, ແຕ້ອ ເຍົາ ເຣົາບ, ກະ ແວັດ ເຍົາ ຣາຊູ່, ເຍົາ ແຕ້ອ ຕາຢິ່ງ ຕາ ປຶ້ງ ອໍ.

14 ອົງເຄາະ ເຍົາ ອິດ ປັຮນາຍ ປຍາຍ໌ ແຕ ເຢົາງ ເຈົາຣາຊີ, ນະ ຕາຮານ ຊາກັບ ຕາອໍ ຕົ້ງ ອົງກົງ ອັນ. ອົງເຄາະ ເຍົາ ອິດ ຣານະ ຕານ້ອງ ອໍ, ນະ ຕາຮານ ແຊັບ ອາຍ້ອຣ ຕາອໍ. 15 ອົງເຄາະ ເຍົາ ອິດ ຮາງັຮ ຢັຣ ອິ ເດົງ ປັຮນາຍ ອໍ ແຕ້ອ ໄຮ ແອັດ ຣາຕອຍ ລັຣ ກະ ເຢົາງ ເຈົາຣາຊີ, ນະ ຕາຮານ ແຊັບ ແກັບ ຕາອໍ. 16 ອົງເຄາະ ເຍົາ ເຕັມ ແອັນ ຮາງັຮ ຊາອຳ, ນະ ຕາຮານ ເດົງ ແຄລ. ນະກ້ອຍ ເຍົາ ແຕ້ອ ກາ ຕັງ ໂອນ ປິດ ອິນແຍ່ະ ມັຮ ກຳ ຊານາ ກາ ເບິນ ອູ່ ຍຣ ເຢົາງ ຊາຕານ ຢັຣ ອິ ຕະ ເຍົາ. 17 ອົງເຄາະ ເຍົາ ອິດ ຣານະ ເຢົາງ ເຈົາຣາຊີ ຈ່ອຍ ອາມົງ ເຍົາ,

ນະ ຕາຮານ ຕາປຶ້ງ ມວກ ຕາອໍ ຕົ້ງ ແປ້. ອົງເຄາະ ເຍົາ ເດົງ ປັຮນາຍ ເຢົາງ ເຈົາຣາຊີ, ນະ ຕາຮານ ເດົງ ດາວ. ປັຮນາຍ ກ້ອຍ ລາ ນະ ດາວ ແຕ ຮາເວົ້າຍ ເຢົາງ ເຈົາຣາຊີ. 18 ອົງເຄາະ ເຍົາ ເກົາແຊອໍ ເລື້ອຍໆ ມັຮ ປັຮນາຍ ຮາເວົ້າຍ ເຢົາງ ເຈົາຣາຊີ ອາຕີ ໂອນ ເຍົາ ເກົາແຊອໍ. ເຍົາ ອິນໂຈຍ ອາລັຣ ເກົາແຊອໍ, ມາ ອົງເຄາະ ເຍົາ ເນ່ ອໍ. ກະ ອົງເຄາະ ເຍົາ ເກົາ ຈ່ອຍ ມັຮ ກວາຍ ຊາອຳ ການ້ອ. 19 ແຊອໍ ເຍົາ ເກົາແຊອໍ ຈ່ອຍ ເກົາ ແຮ, ໂອນ ເຢົາງ ເຈົາຣາຊີ ອາຕີ ເກົາ ປັຮ ນາຍ ອິນເຕົາ ເກົາ ອົງເຄາະ ອາຕີ, ໂອນ ເກົາ ອາ ຕີ ຍັນ ລາລີ້ ອາຕີ ອາລັອຣ ປັຮນາຍ ປາໂຕ່ະ ແຕ ເຢົາງ ເຈົາຣາຊີ. 20 ເກົາ ລາ ກວາຍ ອາແຕ້ອ ປັຮ ນາຍ ອໍ ໂອນ ເຢົາງ ເຈົາຣາຊີ. ຍ່ອນ ເກົາ ເດົງ ປັຮ ນາຍ ກ້ອຍ, ເມົາ ໂຈະ ເກົາ ຕົ້ງ ກໍ່ອ. ມາ ແຊອໍ ເຍົາ ເກົາ ຈ່ອຍ ເກົາ, ໂອນ ເກົາ ແຕ້ອ ຕະ ອິນຕີ ປັຮນາຍ ກ້ອຍ ຍັນ ລາລີ້, ນະ ເກົາ ອົງເຄາະ ອາຕີ.

ໂປໂລ ກັຣບັນ ປັຮຊັດ

21 ມັຮ ຣາມິ່ຣ ກາ ແຕ້ອ ປິ ເກົາ, ຕິຄິໂກ ແຕ້ອ ອາຕີ ໂອນ ເຍົາ ດັງ. ຕິຄິໂກ ລາ ແຊມອາຍ ກາ ເກົາ ອາໂຢະ ລາລີ້, ກະ ອັນ ຕະ ຊາແຮງ ລາລີ້ ຣາ ນະ ເຢົາງ ເຈົາຣາຊີ. 22 ເກົາ ໂອນ ອັນ ແຕ້ອ ປິ ເຍົາ ດໍອໍ ອັນ ອາຕີ ເຍົາ ມັຮ ຣາມິ່ຣ ອິນເຕົາ ແຕ້ອ ປິ ຮິ, ກະ ດໍອໍ ໂອນ ອັນ ຕາລິນ ຮາງັຮ ເຍົາ ແຕ່.

23 ເກົາ ແຊອໍ ເຢົາງ ເຈົາຣາຊີ, ອິມບໍ່ ໄຮ, ກະ ເຢຊູ ກຣິດ, ອິນເຈົາ ໄຮ, ໂອນ ອິນແຍ່ະ ມັຮ ກວາ ຍ ຊາອຳ ເບິນ ແອັດ ບັນ ຊວານ ອຽນ ອໍ, ກະ ເບິ ນ ຮາງັຮ ອາໂຢະ ກະ ຊາອຳ. 24 ເກົາ ແຊອໍ ເຢົາງ ເຈົາຣາຊີ ຈ່ອຍ ເມົາດ ອິນແຍ່ະ ມັຮ ກວາຍ ກາ ອາ ໂຢະ ເຢຊູ ກຣິດ, ອິນເຈົາ ໄຮ, ຕາ ນາຍ ຕາງັດ.

# ປັນຍາ ຊາອົສ ໂປໂລ ຄຽນ ໂອນ ມູ່ ກາ ຊາອຳ ແອິດ ຕິ່ງ ເມືອງ ພິລິບປອຍ

ປັນຍາ ອາຕີ ອິນໂຍ່ງ

ໂປໂລ ຄຽນ ປັນຍາ ຊາອົສ ໄນ່ ພາອ໌ ໂອນ ມູ່ ກາ ຊາອຳ ແອິດ ຕິ່ງ ເມືອງ ພິລິບປອຍ ມາສ 63 ກູ ມໍ ແວັດ ເຢຊູ ແກິດ. ບັອງ ກ້ອຍ ໂປໂລ ແອິດ ຕິ່ງ ກໍ່ອ໌ ຕິ່ງ ເມືອງ ໂຣມ. ໂປໂລ ພາອ໌ ຊາອົສ ມູ່ ກາ ຊາອຳ ແອິດ ຕິ່ງ ເມືອງ ພິລິບປອຍ, ລາ ຊາແອິນ ແຕ ມັສ ຫຣິງ ໄລ່ ຈ່ອຍ ອັນ ບັອງ ກາ ອັນ ແອິ ລາລີ້.

ປັນຍາ ຊາອົສ ໄນ່ ອາປັສ ແຕ ໂປໂລ ອາໂຢ່ະ ລາລີ້ ມູ່ ກາ ຊາອຳ ແອິດ ຕິ່ງ ເມືອງ ພິລິບປອຍ. ນະກ້ອຍ ໂປໂລ ຄຽນ ປັນຍາ ໄນ່ ດໍອ໌ ກາໂຕ່ຣ ມູ່ ກາ ຊາອຳ ໂອນ ດັງ ອາແຊງ ຈະ, ມູເຈິງ ເຢຊູ ກຣິດ ຕະ ເຈີ້. ອິນໂຈຍ ໂອດ ກະ ອິນໂຈຍ ພາມາດ ເຍົາ.

ໂປໂລ ອາຕີ ໂອນ ໄລ່ ດັງ ໄລ່ ເບິນ ຮັບ ອາມັງ ເລື້ອຍໆ ລາ ຍ່ອນ ແຕ ເຢິງ ເຈົາຣາຊີ ຈ່ອຍ ເມິດ ໄລ່, ຕາ ແກິນ ຍ່ອນ ໄລ່ ຕະ ຕາປູນ ຄານອດ ກວາ ຍ ອິດຊະຣາເອລ. ປັນຍາ ຊາອົສ ໄນ່ ອາຕີ ໂອນ ໄລ່ ແອິດ ຮໍອ໌ ບູຍ, ແອິດ ອຽນ ອໍ, ກະ ກູຕັງ ຈິວ ຣາມິ້ຣ ຕຸ່ຣ ກັດ ຕິ່ງ ແດິຍ ອາມັງ.

1 ເກົາ ລາ ໂປໂລ ຄຽນ ປັນຍາ ໄນ່ ພາອ໌ ຊາອົສ ອິນແຍ່ະ ມັສ ກວາຍ ຊາອຳ ແອິດ ຕິ່ງ ເມືອງ ພິລິບປອຍ, ໄລ່ ກາ ຕະ ຊົດ, ກະ ໄລ່ ກາ ຈ່ອຍ ກວາຍ ຊົດ ຕິ່ງ ມູ່ ກາ ຊາອຳ. ກະ ຕິໂມທຽວ ພາອ໌ ປັນຍາ ຊາອົສ ເຍົາ ເຕ່. ຮິ ບາຣ ນະ ລາ ກວາຍ ກາ ປຣ່ອມ ຕະ ຣານະ ໂອນ ເຢຊູ ກຣິດ. 2 ເກົາ ແຊອ໌ ເຢິງ ເຈົາຣາຊີ, ອິມບໍ່ ໄຮ, ກະ ເຢຊູ ກຣິດ, ອິນເຈົາ ໄຮ, ຈ່ອຍ ເມິດ ເຍົາ ກະ ໂອນ ເຍົາ ແອິດ ບັນ ຊວານ ອຽນ ອໍ ເລື້ອຍໆ.

ໂປໂລ ເກົາແຊອ໌ ໂອນ ກວາຍ ຊາອຳ ຕິ່ງ ເມືອງ ພິລິບປອຍ

3 ກູ ເຮີບ ກາ ເກົາ ຊາແອິ ເຍົາ, ເກົາ ຊາແອິນ ເຢິງ ເຈົາຣາຊີ ລາ ອິນເຈົາ ເກົາ. 4 ກູ ເຮີບ ບັອງ ກາ ເກົາ ເກົາແຊອ໌ ໂອນ ກູ່ ນະ ເຍົາ, ຣາງິ້ຣ ເກົາ ຊ້ອງ ຮໍອ໌ ລາລີ້, 5 ຍ່ອນ ເຍົາ ປຣ່ອມ ຈ່ອຍ ກະ ເກົາ ແຕ ຣານະ ອາຕີ ປັນຍາ ອໍ ແຕ ເຢຊູ ກຣິດ ແຕ ຕາໄງ ເຍົາ ຕາແບີ ຊາອຳ ເຕົ້າ ແຕ້ອ໌ ຕາໄງ ໄນ່. 6 ນະກ້ອຍ, ເກົາ ຊັຣນັບ ລາລີ້ ເຢິງ ເຈົາຣາຊີ, ອັນ

ກາ ຕາແບີ ຕະ ຣານະ ອໍ ໄນ່ ຕິ່ງ ຣາງິ້ຣ ເຍົາ, ອັນ ຕະ ຣານະ ໄນ່ ໂອນ ແມິ້ມ ຕິ່ງ ຕາໄງ ເຢຊູ ກຣິດ ເຈົາ ລັ່ຣ ປໍ ກູແຕອ໌ ໄນ່.

7 ປຍາຍ໌ ເກົາ ຄິດ ນະກ້ອຍ ແຕ ເຍົາ, ຍ່ອນ ຣາງິ້ຣ ເກົາ ອາໂຢ່ະ ລາລີ້ ອິນແຍ່ະ ກູ່ ນະ ເຍົາ. ເຢິງ ເຈົາຣາຊີ ຈ່ອຍ ເມິດ ເກົາ ໂອນ ເຮີບ ຈິວ ຊາອິ້ຍ ຣາມິ້ຣ ຕຸ່ຣ ກັດ ຍ່ອນ ເກົາ ຍິອ໌ ອີ ຕະ ຣານະ ອັນ. ກະ ເຍົາ ປຣ່ອມ ຈິວ ກະ ເກົາ ອິນແຍ່ະ ຣາມິ້ຣ ກ້ອຍ ເຕ່, ບັອງ ກາ ເມົາ ໂກບ ດໍອ໌ ເກົາ ຕິ່ງ ກໍ່ອ໌, ກະ ບັອງ ກາ ເກົາ ອາຕີ ປັນຍາ ອໍ ແຕ ເຢຊູ ກຣິດ ແຕິລາ ເກົາ ແອິດ ຕາຍິ່ງ ຍິ່ຣ ເມິງ ກວາຍ ຊົດ ບັອງ ກາ ໄລ່ ຣາເຊີບ ເກົາ. 8 ເຢິງ ເຈົາຣາຊີ ດັງ ເກົາ ອາໂຢ່ະ ລາລີ້ ອິນແຍ່ະ ມັສ ເຍົາ, ມູເຈິງ ຣາງິ້ຣ ເຢຊູ ກຣິດ ອາໂຢ່ະ ເຍົາ ເຕ່.

9 ເກົາ ແຊອ໌ ເຢິງ ເຈົາຣາຊີ ຈ່ອຍ ໂອນ ເຍົາ ມານະ ອາໂຢ່ະ ມານະ ກູ່ ຣາໄງ ຊາອິ້ຍ ລາລີ້ ແອັນ. ກະ ມວຍ ເປຣິຣ ກ້ອຍ, ເກົາ ແຊອ໌ ອັນ ໂອນ ເຍົາ ເບິນ ຣາງິ້ຣ ຣາໄງຣ໌, ກະ ໂອນ ເຍົາ ເຕ່ອ໌ ດັງ ແຈງ ຮານະ ອາແລ່ະ ກາ ອໍ ກະ ຣານະ ອາແລ່ະ ກາ ຕາ ເບິນ ອໍ, 10 ໂອນ ເຍົາ ເຕ່ອ໌ ຣຽຣ ຣານະ ອໍ ແກ້ຍ ອິນແຍ່ະ ແຕ ການໍອ໌. ນະກ້ອຍ, ແຕ້ອ໌ ຕາໄງ ເຢຊູ ກຣິດ ເຈົາ ລັ່ຣ ປໍ ກູແຕອ໌ ໄນ່, ເຍົາ ຕາ ເບິນ ປາ ໂຕ່ະ ນ້ອງ ຣານະ ຕາ ອໍ ອິນເຕົ້າ ຕິ່ງ ຣາງິ້ຣ ເຍົາ, ກະ ຕາ ເບິນ ເມົາ ເຕ່ອ໌ ຕິ ປາຍ ເຍົາ ຕະ ໄລ່ຍຣ. 11 ເກົາ ຍິອ໌ ເຍົາ ເບິນ ແອິງ ຣາງິ້ຣ ຕານ້ອງ ອໍ ຊ້ອງ. ແອິງ ເຢຊູ ກຣິດ ແຕິ ເຕ່ອ໌ ໂອນ ເຍົາ ເບິນ ຣາງິ້ຣ ນະກ້ອຍ. ເຈີ້ ກວາຍ ການໍອ໌ ຢາມັບ ກະ ຍ່ອງ ເຢິງ ເຈົາຣາຊີ.

ໂປໂລ ແອິດ ຕິ່ງ ກໍ່ອ໌ ແກິດ ເກົາ ໂອນ ມູ່ ກາ ຊາອຳ

12 ແຊມອາຍ ເອີຍ! ເກົາ ຍິອ໌ ເຍົາ ດັງ ມັສ ຣາມິ້ຣ ຕຸ່ຣ ກັດ ກາ ແຕ້ອ໌ ປໍ ເກົາ, ຣານະ ກ້ອຍ ແກິດ ໂອນ ກຶ້ງ ແອິນ ກວາຍ ຊາອຳ ເຢຊູ ກຣິດ. 13 ຍ່ອນ ແຕ ຣານະ ກ້ອຍ, ອິນແຍ່ະ ມັສ ກວາຍ ຕາຣານ ແອິດ ຕິ່ງ ດຸງ ເຕົາວ ປັຣເຍົາ, ກະ ອິນແຍ່ະ ມັສ ກວາຍ ການໍອ໌ ແຮ, ໄລ່ ກ້ອຍ ດັງ ເກົາ ແອິດ ຕິ່ງ ກໍ່ອ໌ ຍ່ອນ ເກົາ ຕະ ຣານະ ເຢຊູ ກຣິດ. 14 ຍ່ອນ ເມົາ ໂກບ ດໍອ໌ ເກົາ ຕິ່ງ ກໍ່ອ໌, ເບິນ ກຶ້ງ ລາລີ້ ແຊມອາຍ ໄຮ ຊາອຳ ອິນເຈົາ ໄຮ ເຣ່ງ ອາຊ້ອຣ ແອັນ. ເຈີ້ ໄລ່ ຊ້ອງ ຍັນ ລາລີ້ ແອັນ ອາຕີ ປັນຍາ ອໍ ແຕ ເຢິງ ເຈົາຣາຊີ. ໄລ່ ຕາ ເບິນ ອິງກ້ອຣ ອິນເຕົ້າ.

15 ເບີນ ມວຍ ຈຸ່ມ ກວາຍ ກາ ອາຕີ ແຕ ເຢຊູ ກຣິດ ຍ່ອນ ໄລ່ ຊັຮແມງ ແຕ ເກົາ, ກະ ຍິອ໌ ອີ ຣາ ຈຽນ ຊ້ອງ. ມາ ເບີນ ກວາຍ ການໍ້ອ໌ ອາຕີ ແຕ ເຢຊູ ກຣິດ ຍ່ອນ ໄລ່ ເບີນ ຮາງິ້ຮ ອີ ຕະ ອໍ ຊ້ອງ. 16 ມວຍ ຈຸ່ມ ອາຕີ ຍ່ອນ ໄລ່ ເບີນ ຮາງິ້ຮ ອາໂຢ່ະ, ກະ ໄລ່ ດັງ ເຢິງ ເຈົາຣາຊີ ໂອນ ເກົາ ກູຣຍາອ໌ ປັຣ ນາຍ ອໍ ແຕ ເຢຊູ ກຣິດ ແຕ້ອ໌ ກວາຍ ຕາແບັບ ເກົາ ແຕ ຣານະ ໄນ່. 17 ມາ ຈຸ່ມ ການໍ້ອ໌ ກ້ອຍ ຍິອ໌ ອີ ຕໍາໂປຣ ແກັດ ປິດ; ໄລ່ ອາຕີ ຣານະ ເຢຊູ ກຣິດ, ມາ ຕາ ເບີນ ປຍາຍ໌. ໄລ່ ອາຕີ ຣານະ ກ້ອຍ ຍ່ອນ ໄລ່ ຍິອ໌ ອີ ຣາຊິງ ກະ ຣານະ ເກົາ, ກະ ໄລ່ ຄິດ ອີ ຕະ ກັດ ໂອນ ເກົາ ບັອງ ກາ ເກົາ ອິນນ້ອງ ແອັດ ຕິງ ກໍ້ອ໌ ໄນ່.

18 ມາ ຕາ ເບີນ ອິນເຕົ້າ ຣານະ ກ້ອຍ. ເກົາ ຊ້ອງ ຮໍ້ອ໌ ລາລີ່ ເບີນ ກວາຍ ອາຕີ ແຕ ເຢຊູ ກຣິດ, ຕາມ ໄລ່ ກ້ອຍ ເບີນ ຮາງິ້ຮ ປຍາຍ໌ ແຕ່ລາ ຕາ ເບີນ ປ ຍາຍ໌. ກະ ເກົາ ດັງ ປັຣແນີ ມັນເຕຣີາ ເກົາ ອິນນ້ອງ ຊ້ອງ ຮໍ້ອ໌. 19 ຍ່ອນ ເຍົາ ເກົາແຊອ໌ ຈ່ອຍ ເກົາ, ກະ ຍ່ອນ ຣາເວີຍ ເຢຊູ ກຣິດ ຈ່ອຍ ເກົາ, ນະກ້ອຍ ປັຣແນີ ມັນເຕຣີາ ເຢິງ ເຈົາຣາຊີ ອາໂຣຍຣ ເກົາ ແຕ ກໍ້ອ໌ ໄນ່. 20 ເກົາ ຕາ ແອອ໌ ອີ ຕະ ມວຍ ຣາມິ່ ຣ ອິນເຕົ້າ ກາ ໂອນ ເກົາ ຊ້ອງ ກູມາລ. ມາ ເກົາ ຍິອ໌ ອີ ແກັດ ຍັນ ລາລີ່ ອາຕີ ແຕ ເຢຊູ ກຣິດ ຊາ ນໍ້ ມູເຈິງ ເກົາ ອາຕີ ແຕ ອິນໂຍ່ງ. ເກົາ ຍິອ໌ ອີ ໂອນ ກວາຍ ການໍ້ອ໌ ເບີນ ຢ້າມັບ ເຢຊູ ກຣິດ ຍ່ອນ ແຕ ເກົາ, ຕາ ເບີນ ອິນເຕົ້າ ເກົາ ກູຈິດ ແຕ່ລາ ອາມັງ. 21 ຄັນ ເກົາ ອາມັງ, ລາ ເກົາ ຍິອ໌ ອີ ຕາປູ່ນ ຮາງິ້ຮ ເຢຊູ ກຣິດ ຊ້ອງ; ມາ ຄັນ ເກົາ ກູຈິດ, ຣາມິ່ຮ ໄນ່ ລາ ອໍ ກາເລີຍ ແອັນ ໂອນ ເກົາ. 22 ມາ ຄັນ ຈະ ເກົາ ອິນນ້ອງ ອາມັງ ຕິງ ແດີຍ ໄນ່, ເກົາ ດັງ ແຕ້ອ໌ ເກົາ ຕະ ແອັນ ຣານະ ກາ ແກັດ ເກົາ. ນະກ້ອຍ, ເກົາ ຕາ ດັງ ຮຽຮ ອາແລ່. 23 ເບີນ ບາຣ ຣານາ ເກົາ ຍິອ໌. ມວຍ ລາ ເກົາ ຍິອ໌ ອີ ກູຈິດ ໂອນ ແຕ້ອ໌ ເກົາ ເປະ ແອັດ ກະ ເຢຊູ ກຣິດ. ໄນ່ ລາ ອໍ ກາເລີຍ ໂອນ ເກົາ. 24 ບາຣ ລາ ເກົາ ຍິອ໌ ອິນນ້ອງ ອາມັງ ຕິງ ແດີຍ ໄນ່. ໄນ່ ລາ ອໍ ກາເລີຍ ໂອນ ເຍົາ. 25 ຍ່ອນ ນະກ້ອຍ, ເກົາ ດັງ ເກົາ ອິນນ້ອງ ແອັດ ກະ ເຍົາ ຕິງ ແດີຍ ໄນ່ ຍິອ໌ ອີ ຈ່ອຍ ເຍົາ ຊາອໍາ ເຣ່ງ ອາຊ້ອຣ ແອັນ, ກະ ຍິອ໌ ອີ ໂອນ ເຍົາ ຊ້ອງ ຮໍ້ອ໌ ບູຍ ແຕ ເຍົາ ຊາອໍາ. 26 ນະກ້ອຍ, ບັອງ ກາ ເກົາ ແຕ້ອ໌ ລັຮ ປິ ເຍົາ, ແຕ້ອ໌ ເຍົາ ຍ່ອງ ເຢຊູ ກຣິດ ຊາອິ່ຍ ອາຊ້ອຣ ແອັນ ຍ່ອນ ແຕ ເກົາ.

27 ອິງເຄາະ ເຍົາ ຕະ ເປະ ໂອນ ປຍາຍ໌ ເລືອ

ຍາ, ຍ່ອນ ເຍົາ ລາ ກວາຍ ກາ ຕາປູ່ນ ປັຣນາຍ ອໍ ແຕ ເຢຊູ ກຣິດ. ນະກ້ອຍ, ຄັນ ເກົາ ແຕ້ອ໌ ປິ ເຍົາ, ແຕ່ລາ ຕາ ເບີນ ແຕ້ອ໌, ເກົາ ເບີນ ດັງ ເຍົາ ແອັດ ມວຍ ຮາງິ້ຮ ຊາອໍາ ເຣ່ງ ອາຊ້ອຣ ລາລີ່ ປັຣນາຍ ອໍ ແຕ ເຢຊູ ກຣິດ, ກະ ເຍົາ ປຣ່ອມ ຕະ ປາໄຣ່ຣ ອາຊ້ອຣ ໂອນ ກວາຍ ການໍ້ອ໌ ແຕ້ອ໌ ຊາອໍາ ປັຣນາຍ ກ້ອຍ ແຕ່. 28 ເຍົາ ອິນໂຈຍ ອິງກ້ອຣ ມັຣ ກວາຍ ກາ ຍິອ໌ ອີ ຕະ ເຍົາ. ຄັນ ເຍົາ ຕາ ເບີນ ອິງກ້ອຣ ກວາຍ ກາ ຍິອ໌ ອີ ຕະ ເຍົາ, ໄນ່ ລາ ຕະ ໂອນ ກວາຍ ດັງ ປັຣແນີ ມັນເຕຣີາ ເຢິງ ເຈົາຣາຊີ ອາປິດ ຕັຣ ໄລ່, ກະ ອັນ ຈ່ອຍ ອາມັງ ເຍົາ. 29 ເຢິງ ເຈົາຣາ ຊີ ຮຽຮ ເຍົາ ໂອນ ຕະ ຣານະ ເຢຊູ ກຣິດ, ມາ ອັນ ຕາ ເບີນ ໂອນ ເຍົາ ຊາອໍາ ຊ້ອງ. ອັນ ໂອນ ເຍົາ ຈິວ ຕຸ່ຣ ກັດ ແຕ່ ຍ່ອນ ເຍົາ ຕາປູ່ນ ຣານະ ເຢຊູ ກຣິດ. 30 ຊານໍ້ ເຍົາ ຈິວ ຕຸ່ຣ ກັດ ມູເຈິງ ເຍົາ ເຮີມ ເກົາ ຈິວ ແຕ ອິນໂຍ່ງ, ກະ ມູເຈິງ ເຍົາ ຊ້ອງ ເມົາ ປາຍ ເກົາ ອິນນ້ອງ ຈິວ ຊານໍ້ ແຮີ.

## 2

ອິງເຄາະ ເຍົາ ດວຍ໌ ເຢຊູ ກຣິດ

1 ນະກ້ອຍ, ຄັນ ເຢຊູ ກຣິດ ຕະ ໂອນ ເຍົາ ແກັດ ໄປຣຣ ລັຮ ຍ່ອນ ເຍົາ ແອັດ ມວຍ ຮາງິ້ຮ ກະ ອັນ, ຄັນ ອັນ ອາໂຢ່ະ ກະ ຕາລີ່ນ ເຍົາ, ຄັນ ຣາເວີຍ ເຢິງ ເຈົາຣາຊີ ແອັດ ມູ ຮາງິ້ຮ ກະ ເຍົາ, ກະ ຄັນ ເຢຊູ ຊ້ອງ ອາໂຢ່ະ ຕະ ເຍົາ ເຈີ້, 2 ອິງເຄາະ ເຍົາ ປຣ່ອມ ແກັດ ມວຍ ການໍ້ອ໌, ປຣ່ອມ ອາໂຢ່ະ, ປຣ່ອມ ມວຍ ຮາງິ້ຮ, ກະ ປຣ່ອມ ຕາປູ່ນ ມວຍ ຣາ ນາ, ໂອນ ເກົາ ເບີນ ແອັງ ຮາງິ້ຮ ຮໍ້ອ໌ ຊ້ອງ. 3 ເຍົາ ອິນໂຈຍ ຕະ ຣານະ ອິນເຕົ້າ ມາ ຕໍາໂປຣ ຍິອ໌ ອີ ຕາ ປູ່ນ ຮາງິ້ຮ ເຍົາ ເບີມ, ແຕ່ລາ ຍິອ໌ ເມົາ ຍ່ອງ ເຍົາ. ມາ ອິງເຄາະ ເຍົາ ອາແຊງ ຈະ ເຍົາ ເບີມ, ກະ ອິງ ເຄາະ ເຍົາ ອິດ ຮາງິ້ຮ ເຍົາ ກະ ນັບ ໄລ່ ອໍ ກາເລີຍ ແຕ ເຍົາ. 4 ເຍົາ ອິນໂຈຍ ຈໍ້ອ໌ ຍິອ໌ ອີ ໂອນ ຮໍ້ອ໌ ຮາງິ້ຮ ເຍົາ ເບີມ, ມາ ອິງເຄາະ ເຍົາ ຈໍ້ອ໌ ໂອນ ຮໍ້ອ໌ ຮາງິ້ຮ ກວາຍ ການໍ້ອ໌ ແຮີ.

5 ອິງເຄາະ ເຍົາ ເບີນ ມວຍ ຮາງິ້ຮ ກະ ເຢຊູ ກຣິ ດ. 6 ເຢຊູ ກຣິດ ລາ ມູເຈິງ ກະ ເຢິງ ເຈົາຣາຊີ, ມາ ອັນ ຕາ ເບີນ ປາຊີ ອໍານາດ ອັນ ກາ ຣາລີ ກະ ເຢິງ ເຈົາຣາຊີ. 7 ນະກ້ອຍ ອັນ ຕັຣ ເບີມ ອໍານາດ ອັນ, ເຈີ້ ອັນ ແກັດ ກວາຍ ແຕ່. ບັອງ ກາ ກ້ອຍ ອັນ ແກັດ ນະ ກວາຍ ຊູລ ແອັນ. 8 ບັອງ ກາ ອັນ ແກັດ ກວາຍ, ອັນ ຕາ ເບີນ ໂອດ ປາຍ ອັນ ລາ ກອນ ເຢິງ ເຈົາຣາຊີ, ມາ ອັນ ຊາງັດ ເຢິງ ເຈົາຣາ

ຊື່ ເຕົ້າ ອັນ ຈິວ ກູຈິດ ຕັ້ງ ອາລ່ອງ ຊັງກັງ. <sup>9</sup> ຍ່ອນ ນະກັອຍ, ເຢິງ ເຈົ້າຮາຊີໂອນ ອັນ ແກ້ດ ຊົດ ແກ້ຍ ອິນແຍ່ະ ແຕ ການໍ້ອ, ກະ ໂອນ ຮາມິ້ຮ ອັນ ແກ້ດ ອໍ ແກ້ຍ ອິນແຍ່ະ ແຕ ຮາມິ້ຮ ການໍ້ອ. <sup>10</sup> ເຢິງ ເຈົ້າຮາຊີ ຕະ ໂອນ ກູ ຮາມິ້ຮ ກາ ເບີນ ອາມັງ ຕັ້ງ ມັນລ້ອງ, ຕັ້ງ ກູແຕອ, ກະ ຕັ້ງ ປິ້ນ ກູແຕອ, ແຕ້ອ ໄລ່ ຊ້ອງ ຮາມິ້ຮ ເຢຊູ, ອົງເຄາະ ໄລ່ ກູ ຮາໂກລ ຊາງ ອັນ. <sup>11</sup> ກະ ກູ ເລົາຍຮ ກວາຍ ອົງເຄາະ ງິ້ນ ເຢຊູ ກຣິດ ລາ ອິນເຈົ້າ. ນະກັອຍ ເມົ້າ ເບີນ ຍ່ອງ ເຢິງ ເຈົ້າຮາຊີ, ອິນປໍ່ ໄຮ.

ອົງເຄາະ ເຍົາ ຕະ ຮານະ ອໍ, ຍ່ອນ ເຢິງ ເຈົ້າຮາ ຊີ ຈ່ອຍ ອາມັງ ເຍົາ

<sup>12</sup> ອາລັອຮ ເອີຍ! ບັອງ ກາ ເກົາ ແອັດ ກະ ເຍົາ, ເຍົາ ຊາງັດ ເລືອຍໆ ປັຮນາຍ ເກົາ. ຊານໍ່ ເກົາ ແອັດ ເຢິງ ແຕ ເຍົາ. ມາ ເກົາ ແຊອໍ ເຍົາ ຊາງັດ ປັຮນາຍ ເກົາ ກາເລີຍ ແຕ ອິນໂຢ່ງ ແອັນ. ຍ່ອນ ເຢິງ ເຈົ້າຮາຊີ ຈ່ອຍ ອາມັງ ເຍົາ, ນະກັອຍ ອົງເຄາະ ເຍົາ ຕະ ເລືອຍໆ ຮານະ ອັນ. ກະ ອົງເຄາະ ເຍົາ ອົງ ກັອຮ ກະ ຢ້ານໍ້ອ ອັນ. <sup>13</sup> ເຍົາ ແຕ້ອ ຕະ ນະກັອຍ, ຍ່ອນ ເຢິງ ເຈົ້າຮາຊີ ແຕ້ ປັຮຕີ້ ຮາງິ້ຮ ເຍົາ ຊ້ອງ ຍິ້ອ ອີ ຕະ ກະ ເຮົາບ ຕະ ໂອນ ຮໍ້ອ ຮາງິ້ຮ ເຢິງ ເຈົ້າຮາຊີ.

<sup>14</sup> ກູ ຮານະ ເຍົາ ຕະ, ອົງເຄາະ ເຍົາ ອິນໂຈຍ ບູ ແບະ ບູບີ້ບ ກະ ອິນໂຈຍ ຮາຈຽນ. <sup>15</sup> ນະກັອຍ ເຍົາ ແກ້ດ ກອນ ອາໄກ ເຢິງ ເຈົ້າຮາຊີ ກາ ຕາ ເບີ ນ ເບີນ ໄລ່ຍຮ ຍິ້ຮ ພົງ ອັນ, ກະ ຕາ ເບີນ ເມົ້າ ແຕ້ອ ຕີ ປາຍ ເຍົາ ຕະ ຕາ ອໍ ອິນເຕົ້າ. ຄັນ ເຍົາ ຕະ ນະກັອຍ, ເຍົາ ລາ ນະ ຕາກຍາງ ກາ ປາເລົາງ ຕັ້ງ ອິນຕຸ ການໍ້າ, ຍ່ອນ ແດີຍ ໄນ່ ລາ ຕາ ເບີນ ອໍ ກະ ກວາຍ ຍິ້ອ ອີ ຕາປູ່ນ ເລືອຍໆ ຮານະ ຕາ ອໍ. <sup>16</sup> ເຍົາ ຕະ ໂອນ ໄລ່ ເບີນ ດັງ ແຕ່ ປັຮນາຍ ກາ ແຕ້ອ ໂອນ ໄລ່ ອາມັງ ເລືອຍໆ. ນະກັອຍ, ແຕ້ອ ຕາໄງ ເຢຊູ ກຣິດ ເຈົ້າ ລັຮ ປິ ກູແຕອ ໄນ່, ເກົາ ແຕ້ອ ຊ້ອງ ຮໍ້ອ ລາລີ້, ຍ່ອນ ມັຮ ຮານະ ເກົາ ຕະ ອິນແຍ່ະ ຮາງິ້ຮ ຮາແຮີ ລາ ແກ້ດ ເກົາ ຊາອິ້ຍ ລາລີ້. <sup>17</sup> ຮາງິ້ຮ ເຍົາ ຊາອໍ ກະ ຕະ ຮານະ ເຢິງ ເຈົ້າຮາຊີ, ລາ ນະ ຫຣິ່ງ ເມົ້າ ມ່ອບ ຊາງ ໂອນ ເຢິງ ເຈົ້າຮາຊີ. ຄັນ ເກົາ ມາ ອົງເຄາະ ຈິວ ກູຈິດ ຍ່ອນ ເກົາ ອາຕີ ເຍົາ ປັຮນາຍ ແຕ ເຢຊູ ກຣິດ, ເກົາ ລາ ນະ ແດັອ ເມົ້າ ເກ້ຍ ຮໍ້ຮ ຕັ້ງ ຫຣິ່ງ ເມົ້າ ອີ ມ່ອບ ຊາງ ໂອນ ເຢິງ ເຈົ້າຮາຊີ. ຄັນ ນະກັອຍ, ເກົາ ເບີນ ຮໍ້ອ ລາ

ລີ້ ມັນຕຸ ກະ ເຍົາ. <sup>18</sup> ກະ ເກົາ ຍິ້ອ ເຍົາ ຊ້ອງ ຮໍ້ອ ມັນຕຸ ກະ ເກົາ ແຕ່ ແຕ ຮາມິ້ຮ ກັອຍ.

ໂປໂລ ອາຕີ ແຕ ຕີໂມທຽວ ກະ ເອປາໂພດີໂຕ <sup>19</sup> ຄັນ ອິນເຈົ້າ ເຢຊູ ໂອນ, ຕາ ເບີນ ດູ່ນ ເກົາ ແປຣີ ຕີໂມທຽວ ແຕ້ອ ປິ ເຍົາ ໂອນ ເກົາ ເບີນ ຮໍ້ອ ຮາງິ້ຮ ແຕ່, ພໍກາ ເກົາ ຊ້ອງ ກູ ຮານະ ແຕ ເຍົາ. <sup>20</sup> ແຕ ມັຮ ກວາຍ ກາ ແອັດ ກະ ເກົາ ຕາ ເບີນ ເມົ້າ ເບີນ ຮາງິ້ຮ ຍິ້ອ ອີ ຈ່ອຍ ເຍົາ ນະ ຕີໂມທຽວ. <sup>21</sup> ອິນແຍ່ະ ມັຮ ໄລ່ ຕາປູ່ນ ຮາງິ້ຮ ໄລ່ ເບີມ. ໄລ່ ຕາ ເບີນ ຕາປູ່ນ ຮາງິ້ຮ ເຢຊູ ກຣິດ. <sup>22</sup> ມາ ເຍົາ ດັງ ເຈົ້ ຮາງິ້ຮ ຕີໂມທຽວ. ກະ ເຍົາ ດັງ ຮີ ບາຮ ນະ ລາ ນະ ກອນ ກະ ອິນປໍ່ ຕະ ມັນຕຸ ຮານະ ເຢຊູ ກຣິດ. <sup>23</sup> ນະກັອຍ, ແຕ້ອ ເກົາ ດັງ ແຈງ ຮາມິ້ຮ ອິນເຕົ້າ ເມົ້າ ອີ ຕະ ກະ ເກົາ, ເກົາ ອົງກ່ອງ ໂອນ ຕີໂມທຽວ ແຕ້ອ ໄວ່ ປິ ເຍົາ. <sup>24</sup> ກະ ເກົາ ອົງກ່ອງ ອິນເຈົ້າ ໄຮ ໂອນ ເກົາ, ຕາ ເບີນ ດູ່ນ ນ້ອງ ເກົາ ອີ ເປາະ ປິ ເຍົາ ແຕ່.

<sup>25</sup> ມາ ຊານໍ່ ເກົາ ຄິ້ດ ປຍາຍົ ເກົາ ອົງເຄາະ ແປຣີ ເອປາໂພດີໂຕ ເຈົ້າ ລັຮ ປິ ເຍົາ. ອັນ ລາ ແຊມອາຍ ເກົາ, ກະ ອັນ ຕະ ຮານະ ມັນຕຸ ກະ ເກົາ. ຮີ ບາຮ ນະ ລາ ນະ ຕາຮານ ແອັດ ມວຍ ຈຸ່ມ. ກະ ອັນ ລາ ແລງ ກາ ເຍົາ ແປຣີ ແຕ້ອ ຈ່ອຍ ເກົາ ມັຮ ກູ ຮາມິ້ ຮ ເກົາ ຍິ້ອ ອີ ເບີນ. <sup>26</sup> ອັນ ອູອຍາຮ ອູໄອອໍ ລາລີ້ ຍິ້ອ ອີ ຮາມິ້ຮ ລັຮ ເຍົາ, ກະ ອັນ ຊາແຍີ ເລືອຍໆ ເຍົາ, ຍ່ອນ ອັນ ດັງ ເຍົາ ຊ້ອງ ເຈົ້ ອັນ ແກ້ດ ອາ ອີ. <sup>27</sup> ໄກຮ ລາລີ້ ອັນ ອາອິ ມັນ ອີ ກູຈິດ ກະ ເກົາ ຊ້ອງ ຕຸຮ ລາລີ້ ບັອງ ກາ ກັອຍ. ມາ ເຢິງ ເຈົ້າຮາ ຊີ ຊ້ອງ ອາໂຢະ ຕະ ອັນ ກະ ອາໂຢະ ຕະ ເກົາ ແຮີ. ນະກັອຍ ອັນ ປົວ ເອປາໂພດີໂຕ, ໂອນ ເກົາ ຕາ ເບີນ ຊ້ອງ ຕຸຮ ອາເກີນ ແອັນ. <sup>28</sup> ນະກັອຍ, ເກົາ ແປຣີ ອັນ ເປາະ ແຕ້ອ ປິ ເຍົາ, ດໍອໍ ຊ້ອງ ຮໍ້ອ ແຕ້ອ ເຍົາ ເຮີມ ລັຮ ອັນ, ກະ ຮາງິ້ຮ ຕຸຮ ເກົາ ແກ້ດ ຕັລ ບໍ້ອ ແຕ່. <sup>29</sup> ອົງເຄາະ ເຍົາ ຮັບ ຮາບັນ ຕະ ແບອ ອໍ ໂຈະ ອັນ ມູເຈິງ ເຍົາ ເກ້ຍ ຮາບັນ ຕະ ແບອ ໂຈະ ກວາຍ ການໍ້ອ ກາ ຊາອໍ ອິນເຈົ້າ ໄຮ ເຈົ້. ກະ ອົງ ເຄາະ ເຍົາ ຢ້ານໍ້ອ ມັຮ ກວາຍ ກາ ຕະ ນະ ເອປາໂພ ດີໂຕ, <sup>30</sup> ຍ່ອນ ອັນ ຕະ ຮານະ ເຢຊູ ກຣິດ ມັນ ອີ ກູຈິດ. ອັນ ຕາ ເບີນ ປາຊີ ອິນເຕົ້າ ຮາງິ້ຮ ອັນ, ດໍອໍ ແຕ້ອ ຕາງ ເຍົາ ຕະ ຮານະ ຈ່ອຍ ເກົາ.

**3**

ຮານະ ຕາມ້ອງ ອໍ

1 ປັດຊົດ ເລີຍ, ແຊມອາຍ ເອີຍ, ຫົາ ປາຕັບ ໂອນ ເຍົາ ເບີນ ຮາງຶ່ຮ ຊ່ອງ ຮໍ່ອ ເລືອຍໆ ຢ່ອນ ເຍົາ ແອິດ ມວຍ ຮາງຶ່ຮ ກະ ອິນເຈົາ ໄຮ. ຫົາ ຕາ ເບີນ ຊ່ອງ ລາແກ້ຮ ອິນເຕົາ ຄຽນ ລັຮ ມັຮ ຮານະ ໄມ່ ໂອນ ເຍົາ, ຢ່ອນ ຮານະ ໄມ່ ລາ ອໍ ໂອນ ເຍົາ. 2 ອີງເຄາະ ເຍົາ ວຍາຮ ແຕ ກວາຍ ກາ ຕະ ຮານະ ຕາ ອໍ, ໄລ່ ກາ ແປຣີ ເຍົາ ອີງເຄາະ ຕະ ຮິດ ກິດ.\* ໄລ່ ກ້ອຍ ລາ ນະ ອາຈໍ, 3 ໄຮ ລາ ກວາຍ ກາ ເປີ ນ ຮິດ ກິດ ປຍາຍ ລາລີ້, ໄຮ ຊ່ອງ ຮໍ່ອ ມູຍ ລາລີ້ ເບີນ ຊາງ ເຢັງ ເຈົາຮາຊີ ຢ່ອນ ແຕ ຮາເວີຍ ອັນ. ໄຮ ຕາ ເບີນ ປ້ອງ ແຕ ຮານະ ໄຮ ເບີມ ດໍອ ແກິດ ຕານ້ອງ ອໍ ຢັຮ ເມັງ ເຢັງ ເຈົາຮາຊີ.

4 ຄັນ ຫົາ ຢັອ ອີ ຢ່ອງ ຈະ ຫົາ ເບີມ, ເຕ່ອ ຫົາ ປາຍ ຫົາ ຕະ ຕາປູ່ນ ຄານອດ ອິດຊະຮາເອລ ກາ ເລີຍ ແຕ ໄລ່ ກາ ປ້ອງ ຄານອດ ອິດຊະຮາເອລ. 5 ບ້ອງ ອິມເປ່ອ ຫົາ ຕາແປ ຮັຮ ຫົາ ເບີນ ຕາກ່ ອລ ຕາໄງ, ອິມເປ່ອ ອິມປໍ ຫົາ ເດັງ ໂອນ ເມົາ ຕະ ຮິດ ກິດ ໂອນ ຫົາ. ຫົາ ລາ ກວາຍ ອິດຊະຮາເອລ ແຕ ຈຸ່ມ ເບີນຢາມິນ, ແກິດ ກອນ ກວາຍ ເຮັບເຮີ ໄກຮ ລາລີ້. ຫົາ ລາ ແຕ ຈຸ່ມ ພາຣິຊາຍ ກາ ຕາປູ່ ນ ກຮັກ ລາລີ້ ຄານອດ ເຢັງ ເຈົາຮາຊີ ໂອນ ຮານາ ໂມເຊ. 6 ຫົາ ອູອຍາຮ ອູໂອອ ລາລີ້ ຢັອ ອີ ປວາຍ ຄານອດ ອິດຊະຮາເອລ. ນະກ້ອຍ, ຫົາ ໂກບ ມັຮ ກວາຍ ຊາອໍາ ເຢຊູ ກຣິດ, ກະ ຕະ ໄລ່. ຄັນ ອາຕີ ແຕ ມັຮ ຮານະ ຕານ້ອງ ອໍ ຢັຮ ເມັງ ເຢັງ ເຈົາຮາຊີ ຢ່ອນ ຕາປູ່ນ ຄານອດ ໂມເຊ, ຕາ ເບີນ ເມົາ ເຕ່ອ ຕີ ຫົາ ຕະ ໄລ່ຍຮ ອິນເຕົາ.

7 ແຕ ບ້ອງ ອາໄຮ, ຫົາ ຄິດ ມັຮ ຮານະ ກ້ອຍ ລາ ແກິດ ຫົາ ໂອນ ຫົາ, ມາ ຊານໍ່ ຫົາ ຄິດ ຕາ ເບີນ ຫົາ ອິນເຕົາ ມັຮ ຮາມິຮ ກ້ອຍ, ຢ່ອນ ຫົາ ຢັອ ອີ ແກິດ ມວຍ ຮາງຶ່ຮ ກະ ເຢຊູ ກຣິດ ແອັນ. 8 ໄກຮ ລາລີ້ ຫົາ ເຮີມ ກູ່ ຮາມິຮ ການໍ່ອ ລາ ຕາ ເບີ ນ ຫົາ ອິນແຍະ, ຄັນ ອິມພາ ແຕ ເຢຊູ ກຣິດ. ມາ ຫົາ ແອິດ ມວຍ ຮາງຶ່ຮ ກະ ເຢຊູ ກຣິດ, ອິນເຈົາ ຫົາ; ຮາມິຮ ກ້ອຍ ລາ ອໍ ແກຼີຍ ແຕ ອິນແຍະ ຮາມິ ຮ ການໍ່ອ. ຫົາ ເຮີມ ກູ່ ຮາມິຮ ການໍ່ອ ແກິດ ນະ ຫາຮິງ ຕາ ອໍ; ເຈີ ຫົາ ຢັອ ອີ ຕັຮ ແຕ່, ໂອນ ເຕ່ອ ຫົາ ແອິດ ມວຍ ຮາງຶ່ຮ ກະ ເຢຊູ ກຣິດ. 9 ກະ ຫົາ ຢັອ ອີ ຕາປູ່ນ ມວຍ ຮານາ ກະ ອັນ. ຫົາ ຕາ ເບີນ ແອິດ ຕານ້ອງ ອໍ ຢັຮ ເມັງ ເຢັງ ເຈົາຮາຊີ ຢ່ອນ ຫົາ ຊາງັດ ຄານອດ ໂມເຊ, ມາ ຫົາ ແອິດ ຕານ້ອງ ອໍ ຢັຮ ເມັງ ເຢັງ ເຈົາຮາຊີ ລາ ຢ່ອນ ຫົາ ຊາອໍາ

ເຢຊູ ກຣິດ. ເຢັງ ເຈົາຮາຊີ ແຕ່ ຕະ ໂອນ ກວາຍ ເຕ່ອ ແອິດ ຕານ້ອງ ອໍ ຢັຮ ເມັງ ອັນ ຢ່ອນ ໄລ່ ຊາອໍາ. 10 ຫົາ ອູອຍາຮ ອູໂອອ ລາລີ້ ຢັອ ອີ ດັງ ເຢຊູ ກຣິດ, ກະ ອໍານາດ ກາ ຈ່ອຍ ໂອນ ອັນ ອາ ມັງ ລັຮ ແຕ ກູຈິດ. ຫົາ ຢັອ ອີ ຈຸງ ເຕ່ ມັຮ ຮາມິຮ ຕຸ່ຮ ກັດ ອັນ ຈິວ. ກະ ຫົາ ຢັອ ອີ ເບີນ ເຕ່ ຮາງຶ່ຮ ມູເຈີງ ອັນ ເບີນ ບ້ອງ ກາ ອັນ ຈິວ ກູຈິດ; 11 ເຈີ ຫົາ ອີງກ່ອງ ເຕ່ອ ອາມັງ ລັຮ ແຕ ກູຈິດ ເຕ່.

12 ຫົາ ຕາ ເບີນ ປາຍ ຫົາ ເບີນ ເຈີ ມັຮ ຮາມິ ຮ ກ້ອຍ, ແຕ່ລາ ຫົາ ເບີນ ຮາງຶ່ຮ ຕາ ເບີນ ໄລ່ຍຮ ອິນເຕົາ ນ້ອງ. ມາ ຫົາ ຕະ ປາໄຮຣ ເລືອຍໆ ຢັອ ອີ ເບີນ ຮາມິຮ ກ້ອຍ, ຢ່ອນ ເຢຊູ ກຣິດ ກູອ ຫົາ ໂອນ ເບີນ ມູ ຮາງຶ່ຮ ກະ ອັນ. 13 ແຊມອາຍ ເອີຍ! ຫົາ ຕາ ເບີນ ຄິດ ຫົາ ເບີນ ຮາງຶ່ຮ ນະກ້ອຍ ເຈີ. ມາ ເບີນ ມວຍ ຮາມິຮ ໄມ່ ຫົາ ຕະ: ຫົາ ຕາ ເບີນ ຄິດ ນ້ອງ ແຕ ມັຮ ຮາມິຮ ກາ ແວັດ ເຈີ, ມາ ຫົາ ຢັອ ອີ ເບີນ ມັຮ ຮາມິຮ ກາ ຫົາ ຕາ ຢ່ວາຮ ເບີນ. 14 ນະກ້ອຍ, ຫົາ ກູຕັງ ຕະ ເລືອຍໆ ນະ ຫົາ ຮາ ຊິງ ຕາລຸ່ຮ. ເຈີ ຫົາ ຕາລຸ່ຮ ຕານ້ອງ ລາລີ້ ໂອນ ໄວ່ ແຕ່ອ ແຄດ, ຢ່ອນ ຫົາ ຢັອ ອີ ເບີນ ຫົາ ຮາ ຊິງ ກາ ເຢັງ ເຈົາຮາຊີ ເອີອ ໂອນ ໄລ່ ກາ ຕາລຸ່ຮ ປຍາຍ. ຫົາ ໄມ່ ລາ ເຢັງ ເຈົາຮາຊີ ກູອ ຫົາ ໂອນ ເບີນ ອາມັງ ມັນຕຸ ກະ ອັນ ຢ່ອນ ແຕ ເຢຊູ ກຣິດ.

15 ນະກ້ອຍ, ມັຮ ໄຮ ກາ ຊາອໍາ ດູ່ນ ເຈີ, ອີງ ເຄາະ ໄຮ ປຣ່ອມ ມວຍ ຮາງຶ່ຮ ຄິດ ມູເຈີງ ແຕ ຮາ ນະ ກ້ອຍ. ມາ ຄັນ ເບີນ ອາແລະ ກາ ຄິດ ອິມພາ ແຕ ຮານະ ກ້ອຍ, ປຣແມີ ມັນເຕຣີາ ເຢັງ ເຈົາຮາ ຊີ ອາປັຮ ໂອນ ກວາຍ ກ້ອຍ ດັງ ແຈງ ແຕ ຮານະ ກ້ອຍ ເຕ່. 16 ມາ ຕາ ເບີນ ອິນເຕົາ ຮາມິຮ ກ້ອຍ. ຮານະ ອິນເຕົາ ໄຮ ດັງ ເຈີ ແຕ ເຢັງ ເຈົາຮາຊີ, ອີງ ເຄາະ ໄຮ ຕາປູ່ນ ກຮັກ ລາລີ້ ຮານະ ກ້ອຍ.

ໂປໂລ ຢັອ ກວາຍ ພິລິບປອຍ ດວຍ ນະ ອັນ 17 ແຊມອາຍ ເອີຍ! ຫົາ ແຊອິ ເຍົາ ດວຍ ນະ ຫົາ ເຕ່. ເບີນ ກວາຍ ກາ ຕາປູ່ນ ຮິ ນະ ໂງ່ລ ໂອນ ໄລ່. ອີງເຄາະ ເຍົາ ແ່ ກະ ຕະ ມູເຈີງ ກວາຍ ກ້ອຍ ເຕ່. 18 ຫົາ ອາຕີ ເຍົາ ຊາອິຍ ເຮີບ ເຈີ, ກະ ຊານໍ່ ຫົາ ຊ່ອງ ຢັອ ອີ ເຍົາ ອາຕີ ລັຮ ໂອນ ເຍົາ ປາຍ: ເບີນ ກຸ້ງ ກວາຍ ກາ ຢັອ ອີ ອາປິດ ອິນແຍະ ປັຮ ນາຍ ອາຕີ ແຕ ເຢຊູ ກຣິດ ກູຈິດ ຕັງ ອາລ່ອງ ຊັງ ກັງ. 19 ປັຮແມີ ມັນເຕຣີາ ເຢັງ ເຈົາຮາຊີ ອາປິດ ມັຮ ກວາຍ ກ້ອຍ. ໄລ່ ຕາປູ່ນ ມັຮ ຮານະ ຕາ ອໍ

\* 3:2 3:2 ຮິດ ກ້ອຍ ເມົາ ກິດ ບໍ່ອ ອີງກັຮ ແຕ ຫາຮິງ ຮາເລົາ.

ແຕ່ ຈະ ໄລ່ ຊ້ອງ ຢ້ອນ. ນະກ້ອຍ ມັຮ ຮານະ ກ້ອຍ ແກ້ດ ນະ ເຢັງ ໄລ່. ບັອງ ກາ ໄລ່ ຕະ ຮານະ ຕາ ອໍ, ໄລ່ ຍ່ອງ ຈະ ໄລ່ ເບີມ, ມາ ມັຮ ກວາຍ ການໍ້ອໍ, ໄລ່ ຊ້ອງ ກູມາລ ຕະ ຮານະ ກ້ອຍ. ໄລ່ ກ້ອຍ ຄິດ ແອັງ ຮານະ ຕິ່ງ ແດັຍ ໄມ່ ຊ້ອງ. <sup>20</sup> ມາ ໄຮ ລາ ກອນ ແຊມ ກຮວາງ ເຢັງ ເຈົ້າຮາຊີ ຊົດ ຕິ່ງ ມັນລ້ອງ. ກະ ໄຮ ອົງກ່ອງ ເລືອຍໆ ອິນເຈົ້າ ໄຮ, ເຢຊູ ກຮິດ, ແຕ້ອໍ ລັຮ ແຕ່ ມັນລ້ອງ ຕະ ໂອນ ເຈີ່ ຮານະ ຈ່ອຍ ອາມົງ ໄຮ. <sup>21</sup> ຕາໂງ ກ້ອຍ ອັນ ຕະ ໂອນ ຈະ ໄຮ ແກ້ດ ຕາໄມ່ ແອັນ. ຈະ ໄຮ ຊານໍ້ ລາ ຕາ ເບີມ ອໍ ອິນເຕົ້າ, ມາ ຈະ ຕາໄມ່ ກ້ອຍ ແກ້ດ ອາງອິ້ຮ ນະ ຈະ ເຢຊູ ແຕ່. ເຢຊູ ແຕ້ອໍ ຕະ ນະກ້ອຍ ຍ່ອນ ອັນ ເບີມ ອໍານາດ ປິດ ລາລີ້. ແຕ້ອໍ ອັນ ຕະ ໂອນ ອິນ ແຍ່ະ ກູ່ ຮາມິ້ຮ ແກ້ດ ນະ ຊູລ ອັນ.

### 4

ປັຮນາຍ ປາຕັບ ການໍ້ອໍ

<sup>1</sup> ອາລັອຮ ເອີຍ! ເກົາ ອາໂຢະ ລາລີ້ ເຍົາ, ກະ ເກົາ ຢ້ອນ ລາລີ້ ອີ ຮາມິ້ຮ ລັຮ ເຍົາ. ເຍົາ ລາ ກວາ ຍ ຕະ ໂອນ ຮາງິຮ ເກົາ ຊ້ອງ ຮໍ້ອໍ. ກະ ເຍົາ ລາ ນະ ເກົາ ກາ ເຢັງ ເຈົ້າຮາຊີ ໂອນ ເກົາ. ນະກ້ອຍ, ເກົາ ປາຕັບ ເຍົາ ອົງເຄາະ ເຍົາ ຊາອໍາ ອິນເຈົ້າ ໄຮ ເຮັງ ອາຊ້ອຮ ລາລີ້.

<sup>2</sup> ເກົາ ແຊອໍ ຢູໂອເດຍ ກະ ຊິນຕີເຄ ໂອນ ໄລ່ ແກ້ດ ຮາຕອຍ ລັຮ ປຣ່ອມ ມູ ຮາງິຮ ຊາອໍາ ອິນ ເຈົ້າ ໄຮ. <sup>3</sup> ເຍົາ ກາ ຕະ ຮານະ ມັນດຸ ກະ ເກົາ ກາ ກຮັກ ລາລີ້ ເອີຍ. ເກົາ ແຊອໍ ໄມ່ ຈ່ອຍ ໄລ່ ບາຮ ນະ ມັນແຊມ ກ້ອຍ. ໄລ່ ບາຮ ນະ ກ້ອຍ ຈິວ ຊາ ອິ້ຍ ຕຸຣ ກັດ ມັນດຸ ກະ ເກົາ ແຕ່, ບັອງ ກາ ຮິ ກູດົງ ຕະ ຮານະ ອາຕີ ປັຮນາຍ ອໍ ແຕ່ ເຢຊູ ກຮິດ. ກະ ເບີມ ກະເລເມ ກະ ກວາຍ ການໍ້ອໍ ແຮ, ກາ ຕະ ຮາ ນະ ມັນດຸ ກະ ເກົາ ແຕ່. ອິນແຍ່ະ ມັຮ ຮາມິ້ຮ ກວາ ຍ ກ້ອຍ ເບີມ ເຈີ່ ຕິ່ງ ປິ່ງ ເມົາ ຄຽນ ຮາມິ້ຮ ກວາ ຍ ກາ ເບີມ ອາມົງ ເລືອຍໆ.

<sup>4</sup> ອົງເຄາະ ເຍົາ ເບີມ ຮາງິຮ ຮໍ້ອໍ ເລືອຍໆ, ຍ່ອນ ເຍົາ ແອັດ ມວຍ ຮາງິຮ ກະ ອິນເຈົ້າ ໄຮ. ກະ ເກົາ ປາຕັບ ຮາມິ້ຮ ກ້ອຍ ມວຍ ເຮີບ ແອັມ: ອົງເຄາະ ເຍົາ ເບີມ ຮາງິຮ ຮໍ້ອໍ ເລືອຍໆ.

<sup>5</sup> ອົງເຄາະ ເຍົາ ຕະ ໂອນ ກູ່ ນະ ກວາຍ ດັງ ເຍົາ ເບີມ ຮາງິຮ ລາແມ່ນ ອໍ. ອິນເຈົ້າ ໄຮ ແລ່ະ ອີ ແຕ້ອໍ ເຈີ່. <sup>6</sup> ເຍົາ ອິນໂຈຍ ອຸກ ແຕ່ ຮາມິ້ຮ ອິນເຕົ້າ. ມາ ແຕ້ອໍ ເຍົາ ແຊອໍ ອິນເຕົ້າ ແຕ່ ເຢັງ ເຈົ້າຮາຊີ, ບັອງ ກາ ເຍົາ ແຊອໍ ອົງເຄາະ ເຍົາ ຊາແອັນ ອັນ.

<sup>7</sup> ນະກ້ອຍ, ຍ່ອນ ເຍົາ ເບີມ ມວຍ ຮາງິຮ ກະ ເຢຊູ ກຮິດ, ເຢັງ ເຈົ້າຮາຊີ ໂອນ ເຍົາ ເບີມ ຮາງິຮ ອຽນ ອໍ. ກະ ອຽນ ອໍ ກ້ອຍ ກຍາອໍ ເລືອຍໆ ຮາງິຮ ເຍົາ ກະ ການິດ ເຍົາ. ຮາງິຮ ອຽນ ອໍ ກາ ເຢັງ ເຈົ້າຮາ ຊີ ໂອນ ເຍົາ ລາ ກາເລີຍ ອິນແຍ່ະ ແຕ່ ຮາງິຮ ກວາ ຍ ແຕ້ອໍ ດັງ.

<sup>8</sup> ແຊມອາຍ ເອີຍ! ໄມ່ ລາ ປັຮນາຍ ປັຮຊົດ ເກົາ ຢ້ອນ ປາຕັບ ເຍົາ: ຄັນ ເບີມ ຮາມິ້ຮ ອິນເຕົ້າ ລາ ອໍ ລາລີ້ ກະ ປຍາຍໍ ເມົາ ຍ່ອງ, ອົງເຄາະ ເຍົາ ຄິດ ເລືອຍໆ ແຕ່ ຮາມິ້ຮ ກ້ອຍ. ຮາມິ້ຮ ກ້ອຍ ລາ ນະໄມ່: ຮາມິ້ຮ ປຍາຍໍ, ຮາມິ້ຮ ຢໍານັບ, ຮາມິ້ຮ ບຣັຮ ອໍ, ຮາມິ້ຮ ອໍ ໄມ່ອໍ, ກະ ຮາມິ້ຮ ອິນເຕົ້າ ກາ ເມົາ ປາຍ ອໍ. <sup>9</sup> ຮາມິ້ຮ ອິນເຕົ້າ ກາ ເຍົາ ຮ ຍານ, ດັງ, ກະ ຊ້ອງ ແຕ່ ເກົາ, ແຕ້ລາ ເຮີມ ເກົາ ຕະ ເຈີ່, ອົງເຄາະ ເຍົາ ດວຍໍ ເລືອຍໆ ຮາມິ້ຮ ກ້ອຍ ແຕ່. ນະກ້ອຍ ເຢັງ ເຈົ້າຮາຊີ, ອັນ ກາ ຕາລາ ຮາມິ້ຮ ອຽນ ອໍ, ອັນ ແອັດ ມັນດຸ ເລືອຍໆ ກະ ເຍົາ.

ໂປໂລ ຊາແອັນ ກວາຍ ເມືອງ ພິລິບປອຍ ຈ່ອຍ ອັນ

<sup>10</sup> ເກົາ ຊ້ອງ ຮໍ້ອໍ ລາລີ້ ກະ ຊາແອັນ ອິນເຈົ້າ ໄຮ, ເຍົາ ຄິດ ຢ້ອນ ອີ ຈ່ອຍ ເກົາ. ແຕ່ ອິນໂຍ່ງ ເຍົາ ຄິດ ຢ້ອນ ອີ ຈ່ອຍ ເກົາ ແຕ່, ມາ ບັອງ ກາ ກ້ອຍ ເຍົາ ຕາ ດັງ ເບີມ ຈ່ອຍ ຢວາຮ. <sup>11</sup> ເກົາ ປາຍ ນະກ້ອຍ ຕາ ແກ້ນ ຍ່ອນ ເກົາ ແອີ, ມາ ຍ່ອນ ເກົາ ຮຍານ ໂອນ ຊ້ອງ ຮໍ້ອໍ ເບີມ ປິ້ອ ແຕ້ລາ ຊາອິ້ຍ. <sup>12</sup> ເກົາ ຮາມິ້ຮ ເຈີ່ ກາດິດ ກະ ຊູ. ຕິ່ງ ແດັຍ ອາມົງ ເກົາ, ເກົາ ຮາມິ້ຮ ປາໄຊ ກະ ມາເຍົາຍຮ, ຊູ ເບີມ ກະ ຕຸຣ ກາດິດ, ກະ ເກົາ ແຕ້ອໍ ຊ້ອງ ຮໍ້ອໍ ອິນແຍ່ະ ແຕ່ ມັຮ ຮາມິ້ຮ ກ້ອຍ. <sup>13</sup> ອິນແຍ່ະ ກູ່ ຮາມິ້ຮ ລາ ແຕ້ອໍ ອິນ ແຍ່ະ ເກົາ ຕະ, ຍ່ອນ ເຮັງ ແຕ່ ເຢຊູ ກຮິດ ຈ່ອຍ ເກົາ.

<sup>14</sup> ມາ ເຍົາ ຕະ ອໍ ແຕ້ອໍ ເຍົາ ຈ່ອຍ ເກົາ, ບັອງ ກາ ເກົາ ຮາມິ້ຮ ຕຸຣ ກັດ. <sup>15</sup> ກວາຍ ພິລິບປອຍ ເອີຍ! ເຍົາ ດັງ ເຈີ່ ບັອງ ກາ ເກົາ ຕາແບີ ເປາະ ອາ ຕີ ປັຮນາຍ ອໍ ແຕ່ ເຢຊູ ກຮິດ, ແວັດ ເກົາ ລັອຮ ແຕ່ ແຄງ ມາເກໂດເມຍ, ແອັງ ເຍົາ ມູ່ ກາ ຊາອໍາ ຕິ່ງ ເມືອງ ພິລິບປອຍ ຊ້ອງ ເບີມ ຮາງິຮ ອີ ຈ່ອຍ ເກົາ.

<sup>16</sup> ບັອງ ກາ ເກົາ ແອັດ ຕິ່ງ ເມືອງ ເທຊະໂລນິກ ເຍົາ ພາອໍ ຮັງອອຍ ຈ່ອຍ ໂອນ ເກົາ ບາຮ ເຮີບ. <sup>17</sup> ເກົາ ຕາ ເບີມ ປາຍ ນະກ້ອຍ ຍ່ອນ ເກົາ ຢ້ອນ ອີ ເບີມ ເກ ຮິ່ງ ແຕ່ ເຍົາ, ມາ ເກົາ ຢ້ອນ ເຍົາ ເບີມ ຮາມິ້ຮ ບຸ່ນ ແຕ່ ເຢັງ ເຈົ້າຮາຊີ ຊາອິ້ຍ ອາຊ້ອຮ. <sup>18</sup> ມາ ຊາ ນໍ້ ເກົາ ເບີມ ກູ່ ເຈີ່, ແກ້ຍ ຕັອກ, ແກ້ຍ ຈາ. ເກົາ

ຕາ ເບີນ ແອີ ມວຍ ຣາມິ້ຮ ອິນເຕ້າ, ຍ່ອນ ເອປາ ໂພດິໂຕ ເດິງ ໂອນ ປິ ເກົາ ເຈີ່ ມັຮ ຣາມິ້ຮ ກາ ເຍົາ ພາອ໌ ອີ ຈ່ອຍ ເກົາ. ມັຮ ຣາມິ້ຮ ກ້ອຍ ລາ ນະ ທາ ຮິ່ງ ເມົາ ມ່ອບ ຊາງ ໂອນ ເຢິງ ເຈົາຣາຊີ ຊ້ອງ ປາ ຮວມ. ເຢິງ ເຈົາຣາຊີ ຮັບ ທາຮິ່ງ ກ້ອຍ, ກະ ອັນ ຊ້ອງ ຮໍ່ອ໌ ຣາງິ້ຮ ເຍົາ ຊາງ ອັນ ນະກ້ອຍ. <sup>19</sup> ເຢິງ ເຈົາຣາຊີ ລາ ຊຸ ແກຼຍ ເກຼົາຍ. ນະກ້ອຍ ອັນ ຈ່ອຍ ໂອນ ເຍົາ ເບີນ ກູ່ ຣາມິ້ຮ ອິນເຕ້າ ເຍົາ ອິງເຄາະ ເບີ ນ ຍ່ອນ ແຕ ເຢຊູ ກຣິດ. <sup>20</sup> ໂອນ ໄຮ ຍ່ອງ ເລືອ ຍາ ເຢິງ ເຈົາຣາຊີ, ອິມບໍ່ ໄຮ, ຊົດ ແດີຍ ເລີ່ຍ ກູ ມໍ. ອາແມນ.\*

ປັຣນາຍ ກັຮຮານ

<sup>21</sup> ເກົາ ພາອ໌ ປັຣນາຍ ຊາອ໌ຮ ກູ່ ນະ ເຍົາ ກາ ປຣ່ອມ ມວຍ ຣາງິ້ຮ ກະ ເຢຊູ ກຣິດ. ມັຮ ໄລ່ ແຊມອາຍ ກາ ແອັດ ມັນຕຸ ກະ ເກົາ ພາອ໌ ປັຣນາຍ ຊາອ໌ຮ ເຍົາ ແຕ່. <sup>22</sup> ກະ ກູ່ ນະ ມູ່ ກາ ຊາອ໌ ອີ ຕາ ແບີບ ກາຮານ ເຍົາ, ກາ ໄລ່ ກາ ຕະ ຮານະ ຕິ່ງ ດຸງ ເຕົາວ ປັຣເຍົາ ໂຣມ ກາ ກູຣິ້ຮ.

<sup>23</sup> ເກົາ ແຊອ໌ ເຢຊູ ກຣິດ, ອິນເຈົາ ໄຮ, ແອັດ ເລືອຍາ ກະ ຣາເວົາຍ ເຍົາ.

---

\* **4:20** 4:20 ປັຣນາຍ 'ອາແມນ' ອາຕີ ລັຮ ລາ 'ກຣັກ ນະກ້ອຍ' ແຕ່ລາ 'ແຊອ໌ ໂອນ ແກັດ ນະກ້ອຍ.'

# ປັນນາຍ ຊາອົຣ໌ ໂປໂລ ຄຽນ ໂອນ ມູ່ ກາ ຊາອຳ ແອິດ ຕຶ້ງ ເມືອງ ໂກໂລຊາຍ

ປັນນາຍ ອາຕີ ອິນໂຍ່ງ

ໂປໂລ ຄຽນ ປັນນາຍ ຊາອົຣ໌ ໄນ່ ພາອ໌ ໂອນ ມູ່ ກາ ຊາອຳ ແອິດ ຕຶ້ງ ເມືອງ ໂກໂລຊາຍ, ແຄງ ເອເຊຍ, ມາຣ 60 ກູມ໌ ແວັດ ເຢຊູ ແກິດ. ອັນ ຄຽນ ປັນນາຍ ໄນ່ ຍ່ອນ ອັນ ຊ້ອງ ຮານ ເປີນ ມັຣ ກວາຍ ອາຕີ ປັນນາຍ ເຢິງ ເຈົາຣາຊີ ຕາ ເປີ ນ ປຍາຍ໌ ໂອນ ມູ່ ກາ ຊາອຳ ຕຶ້ງ ເມືອງ ໂກໂລຊາຍ. ໄລ່ ອາຕີ ມັຣ ມູ່ ກາ ຊາອຳ ອົງເຄາະ ຢຳນັບ ກະ ຊາງ ແທວາດາ ເຢິງ ເຈົາຣາຊີ ຕຶ້ງ ມັນລ້ອງ, ກະ ອົງເຄາະ ຕະ ຣິດ ກິດ ຕາປູນ ຄານອດ ອິດຊະຣາເອລ. ມັຣ ກວາຍ ກ້ອຍ ປາຍ ເປີນ ຊາ ຣາມິຣ໌ ຊຸຣນາ ກາ ອົງ ເຄາະ ຕັນ, ກະ ໄລ່ ອາຕີ ມັຣ ຣາມິຣ໌ ຕາ ອໍ ການໍອ໌ ແຮ້.

ໂປໂລ ຄຽນ ມັຣ ຣາມິຣ໌ ປຍາຍ໌ ລາລີ໌ ດໍອ໌ ຈິລ ລັຣ໌ ມັຣ ຣາມິຣ໌ ກ້ອຍ. ອັນ ປາຍ ເຢຊູ ກຣິດ ເປີ ນ ອຳນາດ ເຕອ໌ ໂອນ ໄລ່ ເປີນ ອາມົ່ງ ເລືອຍໆ ແຕ ອັນ. ມັຣ ຊັນຕອຍ໌ ກາ ເມົາ ອາຕີ ຕາ ເປີນ ປຍາຍ໌, ຕະ ໂອນ ມູ່ ກາ ຊາອຳ ແກິດ ກັຣຍັຣ໌, ເຈີ່ ແອິດ ເຢີ່ ງ ແຕ ເຢິງ ເຈົາຣາຊີ. ມາ ຍ່ອນ ແຕ ເຢຊູ, ເຢິງ ເຈົາຣາຊີ ແຕງ ມັນລ້ອງ ກູແຕອ໌; ກະ ຍ່ອນ ແຕ ເຢຊູ, ເຢິງ ເຈົາຣາຊີ ປາໂຣມ ອິນແຍ່ະ ມັຣ ກວາຍ ໂອນ ລັບ ລັຣ໌ ປໍ ອັນ. ແອັງ ເຢຊູ ແຕ່ ເຕອ໌ ໂອນ ກວາຍ ເປີນ ອາມົ່ງ ຊົດ ແດັຍ.

ກາເລີຍ ແຕ ກ້ອຍ ແອັນ, ໂປໂລ ອາຕີ ຊາອື່ຍ ຣາມິຣ໌ ໂອນ ໄຣ ອິດ ຕັອກ ຕຶ້ງ ແດັຍ ອາມົ່ງ ໄຣ.

1 ເກົາ ລາໂປໂລ ຄຽນ ປັນນາຍ ຊາອົຣ໌ ໄນ່. ເກົາ ລາ ກວາຍ ເຢິງ ເຈົາຣາຊີ ຮຽຣ ປາຈຸຣ໌ ເປາະ ຕະ ຮານະ ເຢຊູ ກຣິດ. ກະ ຕີໂມທຽວ, ລາ ແຊມອາຍ ໄຣ, ອັນ ກາຮານ ເຍົາ ເຕ່.

2 ເກົາ ຄຽນ ປັນນາຍ ໄນ່ ພາອ໌ ຊາອົຣ໌ ຈຸມ ໄລ່ ກາ ຊາອຳ ກະ ຕາປູນ ໄກຣ ລາລີ໌ ເຢຊູ ກຣິດ ແອິດ ຕຶ້ງ ເມືອງ ໂກໂລຊາຍ. ເກົາ ແຊອ໌ ເຢິງ ເຈົາຣາຊີ, ອິມປໍ່ ໄຣ, ຈ່ອຍ ເມີດ ເຍົາ, ກະ ໂອນ ເຍົາ ແອິດ ບັນ ຊວານ ອຽນ ອໍ ເລືອຍໆ.

ໂປໂລ ເກົາແຊອ໌ ໂອນ ກວາຍ ໂກໂລຊາຍ

3 ແຕ້ອ໌ ຮິ ເກົາແຊອ໌ ໂອນ ເຍົາ, ຮິ ຊາແອັນ ເລືອ ຍໆ ເຢິງ ເຈົາຣາຊີ, ອິມປໍ່ ເຢຊູ ກຣິດ, ອິນເຈົາ ໄຣ, 4 ຮິ ຊາແອັນ ນະກ້ອຍ ຍ່ອນ ຮິ ຊ້ອງ ເຈີ່ ເຍົາ ຊາອຳ ເຢຊູ ກຣິດ, ກະ ເຍົາ ເປີນ ຣາງິຣ໌ ອາໂຢະ ອິນແຍ່ະ ມັຣ ໄລ່ ກາ ຕາປູນ ຮານະ ເຢຊູ ກຣິດ. 5 ເຍົາ ເປີນ ຣາງິຣ໌ ນະກ້ອຍ ຍ່ອນ ເຍົາ ຊ້ອງ ເຈີ່ ປັນນາຍ ປຍາຍ໌, ເຈີ່ ເຍົາ ອົງກ່ອງ ເປີນ ຣາມິຣ໌ ບຸ່ນ ປັຣແນີ ມັນເຕຣີ ແອິດ ຕຶ້ງ ມັນລ້ອງ. 6 ປັນ ນາຍ ອໍ ແຕ ເຢິງ ເຈົາຣາຊີ ແຕ້ອ໌ ປໍ ເມືອງ ການໍອ໌ ແຮ້ ນະ ອັນ ແຕ້ອ໌ ປໍ ເຍົາ. ກະ ປັນນາຍ ໄນ່ ແກິດ ປາໂລ ຕຶ້ງ ຣາງິຣ໌ ກວາຍ ກຣວາງ ກ້ອຍ ມູເຈິງ ເຍົາ ຊ້ອງ ອັນ ແກິດ ປາໂລ ຕຶ້ງ ຣາງິຣ໌ ເຍົາ ເຕ່, ແຕ ຕາ ໄງ ເຍົາ ຊ້ອງ ກະ ດັງ ແຈງ ປັນນາຍ ປຍາຍ໌ ແຕ ເຢິງ ເຈົາຣາຊີ ຈ່ອຍ ເມີດ ເຍົາ. 7 ປັນນາຍ ໄນ່ ເຍົາ ຊ້ອງ ແຕ ເອປາພຣາ, ລາ ເຍົາ ຣາຕອຍ ລາລີ໌ ກະ ຮິ. ອັນ ປຣ່ອມ ຕະ ຮານະ ໂອນ ເຢຊູ ກຣິດ ມັນຕຸ ກະ ຮິ. ເອປາພຣາ ອາຕີ ເຍົາ ປັນນາຍ ໄນ່ ເຕ່ນ ຮິ, ຍ່ອນ ຮິ ຕາ ເຕອ໌ ແຕ້ອ໌ ປໍ ເຍົາ. 8 ກະ ເອປາພຣາ ອາຕີ ລັຣ໌ ໂອນ ຮິ ດັງ ຣາເວີຍ ເຢິງ ເຈົາຣາຊີ ໂອນ ເຍົາ ເປີນ ຣາງິຣ໌ ອາໂຢະ.

9 ນະກ້ອຍ ແຕ ຕາໄງ ຮິ ຊ້ອງ ປັນນາຍ ກ້ອຍ, ຮິ ເກົາແຊອ໌ ເລືອຍໆ ໂອນ ເຍົາ. ຮິ ແຊອ໌ ເຢິງ ເຈົາຣາຊີ ໂອນ ເຍົາ ດັງ ກາເລີຍ ແອັນ ແຕ ມັຣ ຣາມິຣ໌ ເຢິງ ເຈົາຣາຊີ ຢັອ໌ ອິ ໂອນ ເຍົາ ຕະ, ກະ ຮິ ເກົາແຊອ໌ ໂອນ ເຍົາ ແກິດ ຣາໂງ່ອ໌ ຣາລັງ ກະ ດັງ ແຈງ ແອັນ ຍ່ອນ ແຕ ຣາເວີຍ ເຢິງ ເຈົາຣາ ຊີ. 10 ຮິ ເກົາແຊອ໌ ນະກ້ອຍ ດໍອ໌ ເຍົາ ເຕອ໌ ຕະ ຣາ ນະ ປຍາຍ໌ ຢັຣ໌ ເມິງ ອິນເຈົາ ໄຣ, ກະ ອັນ ເປີນ ຣາງິຣ໌ ຣໍອ໌ ເລືອຍໆ ກະ ເຍົາ, ກະ ໂອນ ເຍົາ ແກິດ ປາໂລ ລາ ເຍົາ ຕະ ຮານະ ອໍ, ກະ ໂອນ ເຍົາ ດັງ ຊາ ອື່ຍ ແອັນ ແຕ ເຢິງ ເຈົາຣາຊີ. 11 ຮິ ແຊອ໌ ເຢິງ ເຈົາຣາຊີ ໂອນ ອຳນາດ ອັນ ແອິດ ຈ່ອຍ ເລືອຍໆ ເຍົາ. ອຳນາດ ອັນ ລາ ອາງອິຣ໌ ແກຼຍ ອິນແຍ່ະ ແຕ ອຳນາດ ການໍອ໌. ຄັນ ເຍົາ ເປີນ ອຳນາດ ໄນ່, ເຍົາ ເຮົາບ ຈິວ ເລືອຍໆ ກູ່ ຣາມິຣ໌ ຕຸຣ໌ ກັດ, ກະ ເຍົາ ອິນນ້ອງ ຊ້ອງ ຣໍອ໌. 12 ກະ ຮິ ຊາແອັນ ເຢິງ ເຈົາຣາຊີ, ອິມປໍ່ ໄຣ, ອັນ ໂອນ ເຍົາ ເປີນ ຣັບ ເຕ່ ມັຣ ມູ່ນ ອັນ ຈ່ອຍ ໂອນ ອິນແຍ່ະ ມັຣ ກວາຍ ຊາ ອຳ ກາ ແອິດ ຕຶ້ງ ອິນຕຸ ປັງ ກາ ອັນ ຊົດ. 13 ອັນ ຈ່ອຍ ໂອນ ໄຣ ລັອຣ໌ ແຕ ອິນຕຸ ການຳ, ລາ ອິນຕຸ ກາ ເຢິງ ຊາຕານ ຕະ ຊົດ. ກະ ອັນ ໂອນ ເຢຊູ ກຣິ ດ ແອັນ ຕະ ຊົດ ໄຣ, ລາ ກອນ ກາ ອັນ ອາໂຢະ ປາ ຊິ ລາລີ໌. 14 ຍ່ອນ ເຢຊູ ກູຈິດ ຕາງ ໄຣ, ນະກ້ອຍ



ເຢີງ ເຈົ້າຮາຊີ ເຕ່ອ໌ ໄທ ລັຮ ໄສ ກະ ຕັຮ ໂລ່ຍຮ ໄສ.

ໂປໂລ ອາຕີ ແຕ ເຢຊູ ກຣິດ

15 ໄກຣ ລາລີ້ ເຢີງ ເຈົ້າຮາຊີ ເມົ້າ ຕາ ເກີຍ ເຮີມ. ມາ ກວາຍ ອາແລະ ກາ ເຮີມ ເຢຊູ, ກວາຍ ກ້ອຍ ລາ ມູເຈິງ ອັນ ເຮີມ ເຢີງ ເຈົ້າຮາຊີ ເຕ່. ກະ ເຢຊູ ລາ ແອິດ ມັນຕຸ ກະ ເຢີງ ເຈົ້າຮາຊີ ແຕ ຕາໄງ ເຢີງ ເຈົ້າຮາຊີ ຕາ ຢວາຣ ແຕງ ອິນເຕົ້າ. 16 ຍ່ອນ ແຕ ເຢຊູ, ເຢີງ ເຈົ້າຮາຊີ ແຕງ ອິນແຍະ ມັຮ ຣາມິ້ຮ ຕິ່ງ ມັນລ້ອງ ກະ ຕິ່ງ ກູແຕອ໌, ມັຮ ຣາມິ້ຮ ໄສ ເຕ່ອ໌ ເຮີມ ກະ ມັຮ ຣາມິ້ຮ ໄສ ຕາ ເຕ່ອ໌ ເຮີມ. ເຢີງ ເຈົ້າຮາຊີ ແຕງ ອິນແຍະ ຣາມິ້ຮ ຊົດ ກະ ອິນແຍະ ຣາມິ້ຮ ອຳນາດ ຕິ່ງ ແປັງ ກະ ຕິ່ງ ປື້ນ ຍ່ອນ ແຕ ເຢຊູ ກະ ໂອນ ເຢຊູ. 17 ແຕ ອິນໂຍ່ງ ເຢີງ ເຈົ້າຮາຊີ ຕາ ຢວາຣ ແຕງ ອິນແຍະ ຣາມິ້ຮ ກ້ອຍ, ລາ ເປີ ນ ເຈີ້ ເຢຊູ ກຣິດ. ກະ ຍ່ອນ ແຕ ເຢຊູ ກູ່ ຣາມິ້ຮ ກ້ອຍ ແອິດ ຣາປຍາຍ ແກິດ ອິນຕຸ. 18 ນະກ້ອຍ ນະ ຈະ ກວາຍ ອິງເຄາະ ເປີນ ແປັງ ແຕ ເຕ່ອ໌ ອາມັງ, ມູເຈິງ ກ້ອຍ ເຕ່ ມັຮ ມູ່ ກາ ຊາອຳ ເຢີງ ເຈົ້າຮາຊີ ອິງເຄາະ ເປີນ ເຢຊູ ນະ ເຕ່ອ໌ ແກິດ ອາມັງ ເລືອ ຍາ. ເຢຊູ ລາ ນະ ແປັງ ໂອນ ມູ່ ກາ ຊາອຳ. ແຕ ອິນໂຍ່ງ ລາລີ້ ລາ ເຢຊູ ແຕ່ ກູຈິດ ມາ ເຕ່ອ໌ ອາມັງ ລັຮ. ຍ່ອນ ນະກ້ອຍ, ອັນ ແກິດ ປັດ ກາເລີຍ ອິນ ແຍະ ແຕ ຣາມິ້ຮ ການໍອ໌. 19 ເຢີງ ເຈົ້າຮາຊີ ຊ້ອງ ຮໍ່ອ໌ ຣາງິ້ຮ ໂອນ ເຢຊູ ກຣິດ ເປີນ ກູ່ ຣາມິ້ຮ ນະ ອັນ, ແກິດ ຣາລີ ກະ ອັນ ເຕ່. 20 ກະ ຍ່ອນ ແຕ ເຢຊູ ກຣິດ, ເຢີງ ເຈົ້າຮາຊີ ໂອນ ກູ່ ຣາມິ້ຮ ຕິ່ງ ກູ ແຕອ໌ ໄນ່ ກະ ຕິ່ງ ມັນລ້ອງ ແກິດ ຣາຕອຍ ລັຮ ກະ ອັນ. ອັນ ຕະ ນະກ້ອຍ ຍ່ອນ ແຕ ກອນ ອັນ ກູ ຈິດ ລັອຣ ອາຣາມ ຕິ່ງ ອາລ່ອງ ຊັງກັງ.

21 ກະ ເຍົາ, ແຕ ອິນໂຍ່ງ ເຍົາ ແອິດ ເຢິງ ແຕ ເຢີງ ເຈົ້າຮາຊີ, ກະ ຣາງິ້ຮ ເຍົາ ຣາຈິລ ເລືອຍາ ໂຈະ ເຢີງ ເຈົ້າຮາຊີ ຍ່ອນ ເຍົາ ຕະ ຣານະ ຕາ ອໍ. 22 ມາ ເຢຊູ ຈິວິ ກູຈິດ ຈະ ອັນ ດໍອ໌ ໂອນ ເຍົາ ເຕ່ອ໌ ແກິດ ຣາຕອຍ ລັຮ ກະ ເຢີງ ເຈົ້າຮາຊີ. ອັນ ຕະ ໂອນ ເຍົາ ເຕ່ອ໌ ຕາຍິ່ງ ຍັຮ ເມົ້າ ເຢີງ ເຈົ້າຮາຊີ ເປີ ນ ຣາງິ້ຮ ບຣັຮ ອໍ; ຕາ ເປີນ ເມົ້າ ເຕ່ອ໌ ຕີ ປາຍ ເຍົາ ເປີນ ໂລ່ຍຮ, ກະ ເຢີງ ເຈົ້າຮາຊີ ຕາ ເປີນ ເຮີມ ໂລ່ ຍຮ ອິນເຕົ້າ. 23 ເຍົາ ເຕ່ອ໌ ຕາຍິ່ງ ນະກ້ອຍ, ຄັນ ເຍົາ ຊາອຳ ເລືອຍາ ປັຮນາຍ ອໍ ແຕ ເຢຊູ ກຣິດ, ກະ ຣາງິ້ຮ ເຍົາ ແອິດ ຈັບ ນະ ອາລ່ອງ ກາ ເປີນ ເຮ່ຣ ອິນຕຣູ່. ນະກ້ອຍ ຕາ ເປີນ ເມົ້າ ເຕ່ອ໌ ປັຮຕິ້

ເຍົາ ໂອນ ຕັຮ ມັຮ ຣາມິ້ຮ ເຍົາ ອິງກ່ອງ ແຕ ປັຮ ນາຍ ອໍ ກ້ອຍ, ເຈີ້ ຕາປຸ້ນ ປັຮນາຍ ການໍອ໌. ປັຮ ນາຍ ອໍ ແຕ ເຢຊູ ກຣິດ ກາ ເຍົາ ຊ້ອງ ເຈີ້, ປັຮນາຍ ໄນ່ ແຕ່ອ໌ ປິ ອິນແຍະ ມັຮ ກວາຍ ການໍອ໌ ແຮີ. ເກົາ ໂປໂລ, ລາ ກວາຍ ກາ ເດັງ ປັຮນາຍ ອໍ ໄນ່.

ເຢີງ ເຈົ້າຮາຊີ ຣຽຮ ໂປໂລ ໂອນ ຕະ ຣານະ ອັນ

24 ຊານໍ ເກົາ ຊ້ອງ ຮໍ່ອ໌ ລາລີ້ ເກົາ ຈິວິ ຕຸຣ ກັດ ໂອນ ເຍົາ. ມັຮ ຣາມິ້ຮ ຕຸຣ ກັດ ເຢຊູ ຈິວິ ໂອນ ມູ່ ກາ ຊາອຳ, ມາ ຕາ ຢວາຣ ແມ້ມ, ເກົາ ແອັນ ຈິວິ ມັຮ ຣາມິ້ຮ ຕຸຣ ກັດ ກ້ອຍ. 25 ເຢີງ ເຈົ້າຮາຊີ ຣຽຮ ເກົາ ໂອນ ຕະ ຣານະ ຈ່ອຍ ມູ່ ກາ ຊາອຳ. ມາ ອັນ ໂອນ ເກົາ ຕະ ຣານະ ກ້ອຍ ໂອນ ເຍົາ, ດໍອ໌ ເຍົາ ດັງ ແຈງ ລາລີ້ ອິນແຍະ ມັຮ ປັຮນາຍ ອັນ. 26 ແຕ ອິມ ແປັງ ເມົ້າ ປາໂຕະ ປັຮນາຍ ໄນ່, ກະ ກວາຍ ຕາ ເຕ່ອ໌ ດັງ ຢວາຣ ປັຮນາຍ ໄນ່. ມາ ຊານໍ ເຢີງ ເຈົ້າຮາຊີ ອາປັຮ ໂອນ ກວາຍ ຊາອຳ ເປີນ ດັງ ປັຮນາຍ ກ້ອຍ. 27 ເຢີງ ເຈົ້າຮາຊີ ຍິ່ອ໌ ອີ ໂອນ ກວາຍ ຊາ ອຳ ດັງ ປັຮນາຍ ປາໂຕະ ໄນ່ ລາ ຣາມິ້ຮ ປາຊີ ລາລີ້. ກະ ເຢີງ ເຈົ້າຮາຊີ ໂອນ ກວາຍ ກາ ຕາ ແກິນ ກວາ ຍ ອິດຊະຣາເອລ ດັງ ເຕ່ ຣາມິ້ຮ ໄນ່. ຣາມິ້ຮ ປາຊີ ໄນ່ ລາ ເຢຊູ ກຣິດ ແອິດ ຕິ່ງ ຣາງິ້ຮ ເຍົາ. ນະກ້ອຍ ເຍົາ ອິງກ່ອງ ເປີນ ແອິດ ມັນຕຸ ກະ ອັນ ຕິ່ງ ມັນ ລ້ອງ. 28 ຮີ ອາຕີ ເລືອຍາ ແຕ ເຢຊູ ກຣິດ. ຮີ ຕັອກ ປັຮນາຍ ກາແອັຣ ກະ ປັຮນາຍ ຣາໂງ່ອ໌ ຣາ ລັງ ໂອນ ກູ່ ນະ ກວາຍ ດັງ, ຍ່ອນ ຮີ ຍິ່ອ໌ ໄລ່ ແກິດ ຊາຊາຍ ຕາປຸ້ນ ຣານະ ເຢຊູ ກຣິດ. 29 ເຮີມ ເກົາ ເຮົາບ ກູດັງ ຕະ ຣານະ ໄນ່, ລາ ຍ່ອນ ເຢຊູ ກຣິດ ຈ່ອຍ ຕິ່ງ ຣາງິ້ຮ ເກົາ ໂອນ ເກົາ ເຕ່ອ໌ ຕະ.

**2**

1 ເກົາ ຍິ່ອ໌ ເຍົາ ດັງ ແຈງ ແຕ ຣາງິ້ຮ ເກົາ. ຣາງິ້ຮ ເກົາ ຊ້ອງ ຕຸຣ ລາລີ້ ຍິ່ອ໌ ອີ ຈ່ອຍ ເຍົາ. ກະ ເກົາ ຍິ່ອ໌ ອີ ຈ່ອຍ ເຕ່ ມັຮ ກວາຍ ຊາອຳ ແອິດ ຕິ່ງ ເມືອງ ລາວດີທາອາ, ກາ ໄລ່ ກາ ຕາ ເກີຍ ເຮີມ ຈະ ເກົາ. 2 ເກົາ ຍິ່ອ໌ ໄລ່ ແກິດ ມວຍ ຣາງິ້ຮ, ມານະ ອາໂຢະ ມານະ, ມານະ ອາຈວຣ ມານະ ໂອນ ຕະ ຣານະ ອໍ. ເກົາ ຍິ່ອ໌ ອີ ໂອນ ຣາງິ້ຮ ໄລ່ ດັງ ຕາຕ່ອຍ ເປີນ ຣາ ນະ ປາຊີ ລາລີ້ ແຕ ເຢີງ ເຈົ້າຮາຊີ ໂອນ ເຕ່ອ໌ ໄລ່ ດັງ ແຈງ ຣານະ ອັນ ປາໂຕະ. ຣານະ ປາໂຕະ ໄນ່ ລາ ເຢຊູ ກຣິດ ແຕ່. 3 ຕິ່ງ ເຢຊູ ກຣິດ ເຢີງ ເຈົ້າຮາຊີ ປາໂຕະ ດໍອ໌ ກູ່ ຣາມິ້ຮ ປາຊີ ລາ ຣາໂງ່ອ໌ ຣາລັງ, ກະ ແຕ ກູ່ ຣາມິ້ຮ ເມົ້າ ເຕ່ອ໌ ດັງ ແຕ ເຢີງ ເຈົ້າຮາຊີ.

4 ຫົກ ອາຕີ ເຍົາ ປັຣນາຍ ໄນ່, ຍ່ອນ ຫົກ ອົງ ກ້ອຍ ກວາຍ ກຸງນໍ້ອ ແຕ້ອ ບໍ່ ເຍົາ ອາຕີ ປັຣນາຍ ແອມ ອໍ ຢ້ອ ອີ ໂອນ ເຍົາ ຕາປູນ ຮານະ ໄລ່. 5 ຊາ ນໍ່ ຈະ ຫົກ ຕາ ເບິນ ແອັດ ກະ ເຍົາ, ມາ ຮຽ້ຮ ຫົກ ແອັດ ເລືອຍໆ ກະ ເຍົາ. ກະ ຫົກ ຮໍ້ອ ລາລີ້ ຄັນ ຮຽ້ຮ ເຍົາ ແອັດ ຊາເບິງ ອໍ ຢຸມ ເລືອຍໆ ມັຮ ຮາມິ້ ຮ ກາ ເຍົາ ຊາອໍາ ແຕ ເຢຊູ ກຣິດ.

ເບິນ ເຢຊູ ກຣິດ ລາ ກູ່ ເຈີ່

6 ນະກ້ອຍ ນະ ເຍົາ ຮັບ ເຈີ່ ເຢຊູ ກຣິດ, ອິນ ເຈົາ ໄຮ, ອົງເຄາະ ເຍົາ ຕະ ເປາະ ເລືອຍໆ ແອັດ ມູ ຮຽ້ຮ ກະ ອັນ. 7 ອົງເຄາະ ເຍົາ ໂອນ ປັຣນາຍ ອັນ ດັຮ ຕຶ້ງ ຮຽ້ຮ ເຍົາ, ກະ ອົງເຄາະ ເຍົາ ປັດ ອາ ຊ້ອຮ ຕຶ້ງ ຮານະ ເຍົາ ຊາອໍາ, ມັຮ ເມົາ ອາຕີ ເຍົາ ເຈີ່. ກະ ອົງເຄາະ ເຍົາ ຊາແອັນ ເຢົາງ ເຈົາຮາຊີ ອິນ ແຍ່ະ ຮຽ້ຮ ຮາແຮີ ເຍົາ.

8 ອົງເຄາະ ເຍົາ ແ່ ອໍ, ອົງກ້ອຍ ກວາຍ ການໍ່ ອໍ ຕວຍ ອິດ ຮານະ ໄນ່ ແຕ ຮຽ້ຮ ເຍົາ. ກວາຍ ກ້ອຍ ອາຕີ ປັຣນາຍ ແຄວ້ ກະ ອໍ ລາລີ້, ມາ ປັຣ ນາຍ ກ້ອຍ ລາ ປັຣນາຍ ບູບວກ ຊ້ອງ ກະ ຕາ ເບິ ນ ແກັດ ຫົກ ອິນເຕົ້າ. ໄລ່ ກ້ອຍ ຕາປູນ ຄານອດ ກວາຍ ກະ ຄານອດ ຕຶ້ງ ແດັຍ ໄນ່ ຊ້ອງ, ໄລ່ ຕາ ເບິນ ຕາປູນ ເຢຊູ ກຣິດ. 9 ໄກຮ ລາລີ້, ອິນແຍ່ ະ ກູ່ ຮາມິ້ຮ ກາ ເບິນ ຕຶ້ງ ເຢົາງ ເຈົາຮາຊີ ລາ ເຢຊູ ກຣິດ ເບິນ ເຕ່ ບ້ອງ ກາ ອັນ ແກັດ ກວາຍ. 10 ກະ ຍ່ອນ ເຍົາ ເບິນ ມວຍ ຮຽ້ຮ ກະ ເຢຊູ ກຣິດ, ລາ ເຍົາ ເບິນ ກູ່ ເຈີ່, ຕາ ເບິນ ແອີ ມວຍ ຮາມິ້ຮ ອິນ ເຕົ້າ, ຍ່ອນ ເຢຊູ ກຣິດ ຕາລາ ອິນແຍ່ະ ມັຮ ຮາມິ້ ຮ ຊົດ ກະ ອິນແຍ່ະ ມັຮ ຮາມິ້ຮ ອໍານາດ.

11 ຕາປູນ ຄານອດ ກວາຍ ອິດຊະຮາເອລ, ໄລ່ ຕະ ຮິດ ກິດ\* ຕຶ້ງ ຈະ ໄລ່. ເຍົາ ເບິນ ເຕ່ ຮິດ ກິດ, ມາ ຮິດ ກ້ອຍ ຕາ ແກັນ ອາຕີ ກວາຍ ຕະ. ຮິດ ກ້ອຍ ເຢຊູ ກຣິດ ແຕ່ ຕະ ໂອນ ເຍົາ, ກະ ຕຶ້ງ ຮິດ ກ້ອຍ ລາ ເຢຊູ ກຣິດ ອາປັດ ດັຮ ຮຽ້ຮ ຕຍາ ເຍົາ ໂອນ ແກັດ ຕາໄມ ແອັນ. 12 ເຍົາ ລາ ນະ ເມົາ ແຕິບ ມັນຕຸ ກະ ເຢຊູ ກຣິດ ບ້ອງ ກາ ເຍົາ ຮັບ ຮິດ ຕຶ້ງ ແດັອ້. ກະ ນະ ເຍົາ ອາມົ່ງ ລັຮ ມັນຕຸ ກະ ເຢຊູ ກຣິ ດ ເຕ່, ຍ່ອນ ເຍົາ ຊາອໍາ ເຢົາງ ເຈົາຮາຊີ ຕະ ໂອນ ເຢຊູ ກຣິດ ອາມົ່ງ ລັຮ ແຕ ກູຈິດ. 13 ແຕ ອິນ ໂຍ່ງ, ເຍົາ ລາ ນະ ກູຈິດ, ຍ່ອນ ເຍົາ ຕະ ໄລ່ຍຮ ກະ ເຢຊູ ກຣິດ ຕາ ຢວາຮ ປຽນ ຮຽ້ຮ ຕຍາ ເຍົາ

ໂອນ ແກັດ ຕາໄມ. ມາ ເຢົາງ ເຈົາຮາຊີ ຕະ ໂອນ ເຍົາ ອາມົ່ງ ລັຮ ມັນຕຸ ກະ ເຢຊູ ກຣິດ, ກະ ອັນ ດັຮ ອິນແຍ່ະ ໄລ່ຍຮ ໄຮ. 14 ຫົກ ຊາກໍາ ປາຍ: ມັຮ ຮານະ ອິນເຕົ້າ ໄຮ ຕະ ໄລ່ຍຮ ກະ ເຢົາງ ເຈົາຮາ ຊີ, ລາ ນະ ເຢົາງ ເຈົາຮາຊີ ຄຽນ ອິນແຍ່ະ ມັຮ ຮາມິ້ ຮ ກ້ອຍ ຕຶ້ງ ເຈຍ. ເຈີ່ ອັນ ອິດ ເຈຍ ກ້ອຍ ແຕ້ຮ ດໍ້ອ ຕຶ້ງ ອາລ່ອງ ຊັງກັງ ເຢຊູ ກຣິດ. ເຈີ່ ເຢຊູ ກຣິ ດ ກູຈິດ ດໍ້ອ ອາປັດ ອິນແຍ່ະ ມັຮ ໄລ່ຍຮ ກ້ອຍ. 15 ແຕ້ອ ເຢຊູ ກູຈິດ, ອັນ ຈິລ ເຮົາບ ອິນແຍ່ະ ຮາມິ້ ຮ ອໍານາດ ກະ ອິນແຍ່ະ ຮາມິ້ຮ ຊົດ. ອັນ ໂອນ ອິນ ແຍ່ະ ມັຮ ກວາຍ ເຮິມ ອັນ ເບິນ ເຮົາບ ມັຮ ຮາມິ້ຮ ກ້ອຍ, ຍ່ອນ ອັນ ກູຈິດ ມາ ອາມົ່ງ ລັຮ.

16 ນະກ້ອຍ ເຍົາ ອິນໂຈຍ ຊາງັດ ປັຣນາຍ ເມົາ ຕີ ເຍົາ ແຕ ເກຮັງ ເຍົາ ງ່ອຍ ຈາ, ແຕ້ລາ ຕາໄງ ເຍົາ ຕະ ຮິດ ຈາ ຮໍ້ອ, ແຕ້ລາ ຕາໄງ ຈາ ຮໍ້ອ ກາໄຊ ຕາ ແບິ ລໍ້ອຮ, ແຕ້ລາ ຕາໄງ ເຍົາ ເກັຍ ຮາລຸ່ ຊາງ ເຢົາງ ເຈົາຮາຊີ. 17 ມັຮ ຮາມິ້ຮ ໄນ່ ເຢົາງ ເຈົາຮາຊີ ປາຕັບ ແຕ ອິນໂຍ່ງ ລາ ນະ ມູລ ຊ້ອງ ອັນ ໂອນ ກວາຍ ດັງ ປັຣແນີ ມັນເຕຣົາ ເຢຊູ ກຣິດ ອີ ແຕ້ອ. ມາ ຊານໍ່ ເຈຍ ຈະ ເຢຊູ ກຣິດ ແຕ້ອ ເຈີ່. 18 ນະກ້ອຍ ເຍົາ ອິນໂຈຍ ໂອນ ໄລ່ ກ້ອຍ ອາໂລກ ເຍົາ ກະ ຕະ ໂອນ ເຍົາ ແອີ ຫົກ ແຕ ເຢົາງ ເຈົາຮາຊີ, ໄລ່ ປາຍ ອົງເຄາະ ເຍົາ ຕະ ຮານະ ໂອນ ກວາຍ ເຮິມ ເຍົາ ອາແຊງ ຈະ, ກະ ເຍົາ ອົງເຄາະ ຊາງ ເທວາດາ. ໄລ່ ກ້ອຍ ປາຍ ໄລ່ ດັງ ເຢົາງ ເຈົາຮາຊີ ຍ່ອນ ອັນ ອາປັຮ ເລົາຍ ໂຈະ ໄລ່. ນະກ້ອຍ ໄລ່ ຄິດ ໄລ່ ປັດ ກາເລັຍ ກະ ດັງ ຊາ ອໍ້ຍ ກາເລັຍ ແຕ ກວາຍ ກຸງນໍ້ອ. 19 ໄລ່ ຮາຕັຮ ແຕ ເຢຊູ ກຣິດ. ນະກ້ອຍ ໄລ່ ລາ ນະ ກວາຍ ແອີ ແປຼ. ເຢຊູ ລາ ນະ ແປຼ, ກະ ມູ່ ກາ ຊາອໍາ ລາ ນະ ຈະ ອັນ. ກວາຍ ອົງເຄາະ ເບິນ ແປຼ ແຕ ເຕ້ອ ອາ ມົ່ງ ເຈີ່ ແກັດ ປັດ ອາຊ້ອຮ. ມູເຈິງ ກ້ອຍ ເຕ່, ຄັນ ເຢຊູ ກຣິດ ແກັດ ແປຼ ໄຮ, ມັຮ ຮູ່ບເຮົາງ ອົງຮາງ ກາໄຊ ຮາແຕັດ ມັນຕຸ ແກັດ ມວຍ ຈະຈັນ, ກະ ໄຮ ເຕ້ອ ປັດ ອາຊ້ອຮ ນະ ເຢົາງ ເຈົາຮາຊີ ຢ້ອ.

ໄຮ ກູຈິດ ກະ ອາມົ່ງ ລັຮ ມັນຕຸ ກະ ເຢຊູ ກຣິ ດ

20 ຄັນ ເຍົາ ກູຈິດ ມັນຕຸ ກະ ເຢຊູ ກຣິດ ເຈີ່, ກະ ເຢຊູ ກຣິດ ອາໂຣຍຮ ເຍົາ ແຕ ມັຮ ຮາມິ້ຮ ເຢົາງ ກາ ຊົດ ຕຶ້ງ ແດັຍ ໄນ່, ນານະ ເຕ້ອ ເມົາ ມັນຕຸຣຸ່ ເຍົາ ໂອນ ຕະ ຕາປູນ ຄານອດ ຕຶ້ງ ແດັຍ ໄນ່? 21 ຄາ

\* 2:11 2:11 ຮິດ ກ້ອຍ ເມົາ ກິດ ບໍ່ອ ອົງກັຮ ແຕ ເກຮັງ ຮາເລົາ.

ນອດ ກ້ອຍ ປາຍ: "ອິນໂຈຍ ຢຸມ ທຣິງ ໄນ່. ອິນ ໂຈຍ ຈິມ ແຕ້ລາ ຊາປະ ຊັຣນາ ກ້ອຍ."

22 ມາ ມັຮ ຣາມິ້ຮ ໄນ່ ປັຣເນີ ມັນເຕຣີາ ແກັດ ປັດ ອິນແຍ່ະ. ກະ ຄານອດ ກ້ອຍ ລັອຸຮ ແຕ ແບອ໌ ກວາຍ ຊ້ອງ. 23 ເຍີາ ຊ້ອງ ປັຣນາຍ ໄລ່ ກ້ອຍ ລາ ມະ ປຍາຍ໌ ເຕ່. ໄລ່ ແຕງ ເບີມ ຮິດ ຊາງ. ໄລ່ ອາ ຕີ ອິງເຄາະ ເຍີາ ຕະ ຣານະ ໂອນ ກວາຍ ເຮີມ ເຍີາ ອາແຊງ ຈະ, ກະ ໄລ່ ອາຕີ ໂອນ ເຍີາ ເດີງ ຕຸ່ຮ ຈະ ເຍີາ ເບີມ. ມາ ປັຣນາຍ ກ້ອຍ ຕາ ເບີນ ແກັດ ເກີາ ອິນເຕ້າ, ກະ ຕາ ເບີນ ຈ່ອຍ ອິນເຕ້າ ໂອນ ກວາຍ ເຕ່ອ໌ ວຍາຣ ຣານະ ຕາ ອໍ.

**3**

1 ຍ່ອນ ເຍີາ ອາມັງ ລັຮ ມັນຕຸ ກະ ເຢຊູ ກຣີດ, ອິງເຄາະ ເຍີາ ຈ່ອ໌ ມັຮ ຣາມິ້ຮ ຕິ່ງ ມັນລ້ອງ, ປັ ອິນຕຸ ກຣີດ ຕາກູ ຍິຮ ອາຕ້າ ເຢີາງ ເຈົາຣາຊີ. 2 ອິງເຄາະ ເຍີາ ຕາຕ່ອຍ໌ ເລືອຍໆ ມັຮ ຣາມິ້ຮ ຕິ່ງ ແປັງ. ອິນໂຈຍ ຕາຕ່ອຍ໌ ມັຮ ຣາມິ້ຮ ຕິ່ງ ແດີຍ ໄນ່. 3 ຍ່ອນ ເຍີາ ລາ ມະ ກູຈິດ ເຈີ, ກະ ອິນແຍ່ະ ແດີຍ ອາມັງ ເຍີາ, ລາ ມະ ເມ້າ ປາໂຕ່ະ ແກຣະ ມັນ ຕຸ ກະ ເຢຊູ ກຣີດ, ຍ່ອນ ເຍີາ ແອັດ ມວຍ ຣາງິຮ ກະ ເຢີາງ ເຈົາຣາຊີ. 4 ແດີຍ ອາມັງ ເຍີາ ຊານໍ່ ລາ ຍ່ອນ ແຕ ເຢຊູ ກຣີດ. ມະກ້ອຍ ແຕ້ອ໌ ຕາໂງ ເມ້າ ເຮີມ ເຢຊູ ກຣີດ ເຈົາ ລັຮ ປັ ກູແຕອ໌ ໄນ່, ບັອງ ກາ ກ້ອຍ ເມ້າ ເຮີມ ເຍີາ ແອັດ ກະ ອັນ ເບີນ ອຳນາດ ອາງອິຣ ມະ ອັນ ເຕ່.

ແດີຍ ອາມັງ ຕຍາ ກະ ແດີຍ ອາມັງ ຕາໄມ

5 ຍ່ອນ ມະກ້ອຍ, ອິງເຄາະ ເຍີາ ຕັຮ ອິນແຍ່ະ ມັຮ ຣານະ ຕາ ອໍ. ຣານະ ໄນ່ ລາ ມັນແຊມ ຣາເລົາ ຕາ ເບີນ ລາກວຍ ກາຢາອ໌ ມາ ບິ ມັນຕຸ, ຕະ ຣານະ ກູມາລ, ຍິອ໌ ອີ ເບີນ ເມ້າ, ຍິອ໌ ອີ ຕະ ຣານະ ຕາ ອໍ, ກະ ກຸມປູຣ ທຣິງ ຊານົກ ຕິ່ງ ແດີຍ ໄນ່. ໄລ່ ກາ ກຸມປູຣ ໄນ່ ລາ ມະ ໄລ່ ຊາງ ເຢີາງ ການໍ່ອ໌. 6 ຍ່ອນ ອິນແຍ່ະ ມັຮ ຣາມິ້ຮ ໄນ່ ເຢີາງ ເຈົາຣາຊີ ອິງຄິ້ນ ຕິ່ງ ຣາງິຮ ອັນ ໂຈະ ມັຮ ກວາຍ ກາ ຕາ ເບີນ ຊາງັດ ອັນ. 7 ແຕ ອິນໂຍ່ງ ເຍີາ ເກີຍ ຕະ ເຕ່ ມະກ້ອຍ, ບັອງ ກາ ເຍີາ ອິນນັອງ ຕາປຸ່ນ ຣາງິຮ ຕຍາ.

8 ມາ ຊານໍ່ ອິງເຄາະ ເຍີາ ຕັຮ ອິນແຍ່ະ ມັຮ ຣາ ມະ ໄນ່: ຊາອັຣ ກວາຍ ການໍ່ອ໌, ອິງຄິ້ນ ກວາຍ ການໍ່ອ໌, ຍິອ໌ ອີ ຕະ ກວາຍ ການໍ່ອ໌, ພາມາດ ກວາ ຍ ການໍ່ອ໌, ກະ ປັຣນາຍ ຊັຣມວາອ໌ ອິນໂຈຍ ໂອນ ລັອຸຮ ແຕ ແບອ໌ ເຍີາ. 9 ມານະ ອິນໂຈຍ ຕະ ອິນ ຕີ ອາໂລກ ໂຈະ ມານະ, ຍ່ອນ ເຍີາ ຕັຮ ເຈີ ຣາງິຮ

ຕຍາ ກາ ເຍີາ ເກີຍ ຕາປຸ່ນ. 10 ກະ ເຍີາ ອິດ ເຈີ ຣາງິຮ ຕາໄມ. ຣາງິຮ ຕາໄມ ໄນ່ ລາ ເຢີາງ ເຈົາຣາຊີ ຕະ ຕາໄມ ອາຊັອຣ ເລືອຍໆ ໂອນ ເຍີາ ດັງ ອິນແຍ່ ະ ແຕ ເຢີາງ ເຈົາຣາຊີ. ມະກ້ອຍ ເຍີາ ແກັດ ມະ ອັນ ກາ ແຕງ ເຍີາ ເຕ່. 11 ອາແລ່ະ ກາ ເບີນ ຣາງິຮ ຕາ ໄມ ໄນ່, ຕາ ເບີນ ອິມພາ ອິນເຕ້າ ກວາຍ ກ້ອຍ ລາ ກວາຍ ອິດຊະຣາເອລ, ແຕ້ລາ ຕາ ແກັນ ກວາຍ ອິດຊະຣາເອລ. ຕາ ເບີນ ອິມພາ ອິນເຕ້າ ອັນ ຕະ ຮິດ ກິດ, ແຕ້ລາ ຕາ ເບີນ ຕະ ຮິດ ກິດ. ຕາ ເບີນ ອິມພາ ອິນເຕ້າ ອັນ ລາ ຕະ ການ, ແຕ້ລາ ກວາຍ ຕະ ເມ້າ ໄທຣ, ຕາ ເບີນ ອິມພາ ອິນເຕ້າ ອັນ ລາ ກວາຍ ຊູລ, ແຕ້ລາ ຕາ ແກັນ ກວາຍ ຊູລ. ຄັນ ອາ ແລ່ະ ເບີນ ເຢຊູ ກຣີດ ແອັດ ຕິ່ງ ຣາງິຮ ອັນ, ໄນ່ ລາ ກູ່ ເຈີ, ຍ່ອນ ເຢຊູ ກຣີດ ລາ ປັດ ແກັຍ ອິນແຍ່ ະ ແຕ ການໍ່ອ໌, ກະ ເຢຊູ ກຣີດ ແອັດ ຕິ່ງ ຣາງິຮ ກູ່ ມະ ເຍີາ.

12 ເຢີາງ ເຈົາຣາຊີ ອາໂຍ່ະ ລາລີ້ ເຍີາ; ອັນ ຣຽຮ ເຍີາ ກະ ອັນ ດໍອ໌ ເຍີາ ອິມພາ ແຕ ກວາຍ ການໍ່ອ໌ ໂອນ ເຍີາ ຕະ ຣານະ ອັນ ຊ້ອງ. ມະກ້ອຍ ອິງເຄາະ ເຍີາ ອິດ ຣາງິຮ ມະໄນ່: ຣາງິຮ ອາໂຍ່ະ ຕະ ໂຈະ ກວາ ຍ ການໍ່ອ໌, ຣາງິຮ ຍິອ໌ ອີ ຈ່ອຍ ກວາຍ ການໍ່ອ໌, ຣາງິຮ ຕາ ເບີນ ໂອດ ອິນເຕ້າ, ຣາງິຮ ລາແນ່ນ ອໍ ໂຈະ ເຍີາ, ກະ ຣາງິຮ ຈິວ ຕຸ່ຮ ກັດ. 13 ເຍີາ ມານະ ຈິວ ມານະ, ກະ ມານະ ຕັຮ ໂລຍຮ ມານະ. ຄັນ ເບີ ນ ກວາຍ ອາແລ່ະ ຕະ ໂລຍຮ ໂຈະ ເຍີາ, ເຍີາ ອິນ ໂຈຍ ມັບ ໂລຍຮ ກວາຍ ກ້ອຍ ຕະ. ມະ ເຢຊູ ກຣີ ດ ຕັຮ ໂລຍຮ ເຍີາ, ມູເຈັງ ກ້ອຍ ເຕ່ ອິງເຄາະ ເຍີາ ຕັຮ ໂລຍຮ ເມ້າ ຕະ ໂຈະ ເຍີາ. 14 ກະ ແກັຍ ແຕ ມັຮ ຣາມິ້ຮ ໄນ່ ແອັນ, ອິງເຄາະ ເຍີາ ອິດ ຣາງິຮ ອາ ໂຍ່ະ. ຄັນ ໄຮ ເບີນ ຣາງິຮ ອາໂຍ່ະ, ເຕ່ອ໌ ໄຮ ແກັດ ມວຍ ຣາງິຮ ແອັດ ຣາຕອຍ ກະ ເຍີາ. 15 ອິງເຄາະ ເຍີາ ໂອນ ຣາມິ້ຮ ອຽນ ອໍ ແຕ ເຢຊູ ກຣີດ ຕາລາ ຕິ່ງ ຣາງິຮ ເຍີາ. ເຢີາງ ເຈົາຣາຊີ ກູອ໌ ເຍີາ ຍິອ໌ ເຍີາ ແອັດ ຣາຕອຍ ມວຍ ຣາງິຮ ກະ ອັນ. ກະ ອິງເຄາະ ເຍີາ ເບີນ ຣາງິຮ ຊາແອັນ ອັນ. 16 ອິງເຄາະ ເຍີາ ໂອນ ປັຣນາຍ ເຢຊູ ກຣີດ ແກັດ ເຣ່ງ ອາຊັອຣ ລາ ລີ້ ຕິ່ງ ຣາງິຮ ເຍີາ, ໂອນ ເຍີາ ແກັດ ຣາໂງ່ອ໌ ຣາລັງ ເຕ່ອ໌ ມານະ ອາຕີ ມານະ, ມານະ ກາແອັຣ ມານະ. ອິງເຄາະ ເຍີາ ລໍ່າ ມັຮ ເພງ ຍ່ອງ ແຕ ປັຣນາຍ ເຢີາງ ເຈົາຣາຊີ, ແຕ້ລາ ລໍ່າ ເພງ ຊາງ ເຢີາງ ເຈົາຣາຊີ, ແຕ້ ລາ ລໍ່າ ເພງ ກາ ຣາເວີຍ ເຢີາງ ເຈົາຣາຊີ ໂອນ ເຍີາ ເບີນ. ກະ ແຕ້ອ໌ ເຍີາ ລໍ່າ, ອິງເຄາະ ເຍີາ ເບີນ ຣາງິຮ ຊາແອັນ ເຢີາງ ເຈົາຣາຊີ. 17 ປັຣນາຍ ອິນເຕ້າ ເຍີາ

ປາຍ, ກະ ຮານະ ອິນເຕົ້າ ເຍົາ ຕະ, ອົງເຄາະ ເຍົາ ຕະ ຍ່ອນ ເຍົາ ຕາປູນ ຮານະ ເຢຊູ ກຣິດ. ກະ ເຍົາ ຕະ ອິນເຕົ້ນ ຊາແອັນ ອິນເຕົ້ນ ເຢົາງ ເຈົ້າຣາຊິ, ອິມບໍ່ ໄຮ, ຍ່ອນ ແຕ ຣາມິ້ຣ ເຢຊູ ກຣິດ.

ຮານະ ແອັດ ອໍ ກະ ກວາຍ ມວຍ ດຸງ

18 ມັຣ ເຍົາ ກາ ລາກວຍ, ອົງເຄາະ ເຍົາ ອິດ ຮງື້ຣ ກາຢາອໍ ເຍົາ. ຄັນ ເຍົາ ຕະ ນະກ້ອຍ, ໄນ່ ລາ ປຍາຍ໌ ໂອນ ເຍົາ ກາ ຊາອໍ ເຢຊູ ກຣິດ.

19 ມັຣ ເຍົາ ກາ ກາຢາອໍ, ອົງເຄາະ ເຍົາ ອາ ໂຢະ ລາກວຍ ເຍົາ. ກະ ເຍົາ ອິນໂຈຍ ຕະ ອິນຕີ ກັຣແທອ໌ ໂຈະ ລາກວຍ ເຍົາ.

20 ມັຣ ເຍົາ ກາ ກອນ ອາໄກ, ອົງເຄາະ ເຍົາ ຊາ ງັດ ເລືອຍໆ ປັຣໄລຣ ປັຣນາຍ ອິມເປ້ອ໌ ອິມບໍ່ ເຍົາ, ຍ່ອນ ຮານະ ໄນ່ ຕະ ໂອນ ຣໍ້ອ໌ ຮງື້ຣ ອິນເຈົ້າ ເຍົາ.

21 ມັຣ ເຍົາ ກາ ອິມບໍ່, ອົງເຄາະ ເຍົາ ອິນໂຈຍ ປັຣຍຸ່ງ ກອນ ເຍົາ, ອົງກ້ອຣ ໄລ່ ຊ້ອງ ເປ່ ຮງື້ຣ.

22 ມັຣ ເຍົາ ກາ ກວາຍ ຊູລ, ອົງເຄາະ ເຍົາ ຊາງັດ ປັຣໄລຣ ປັຣນາຍ ເນົາຍ ເຍົາ ຕົ່ງ ແດັຍ ໄນ່, ມັຣ ຮານະ ອິນເຕົ້າ ໄລ່ ແປຣີ ເຍົາ ຕະ. ເຍົາ ອິນໂຈຍ ຕະ ຮານະ ອໍ ຢັຣ ເມົາງ ໄລ່ ຊ້ອງ, ຢັອ ໄລ່ ຍ່ອງ ເຍົາ. ມາ ອົງເຄາະ ເຍົາ ຕະ ອິນແຍ່ະ ຮງື້ຣ ເຍົາ, ໂອນ ເຢົາງ ເຈົ້າຣາຊິ ເຮັມ ອໍ ຮານະ ເຍົາ ຕະ. 23 ອິນເຕົ້າ ເຍົາ ຕະ, ອົງເຄາະ ເຍົາ ຕະ ອິນແຍ່ະ ຮງື້ຣ ຣາແຣີ ເຍົາ, ນະ ເຍົາ ຕະ ໂອນ ເຢົາງ ເຈົ້າຣາຊິ, ຕາ ແກັນ ໂອນ ກວາຍ. 24 ຍ່ອນ ເຍົາ ດັງ ເຍົາ ເບົນ ເກົາ ກະ ມູ່ນ ແຣີ ແຕ ເຢົາງ ເຈົ້າຣາຊິ. ອິນເຈົ້າ ເຍົາ ລາ ເຢຊູ ກຣິດ, ກະ ເຍົາ ຕະ ຮານະ ໂອນ ອັນ. 25 ມາ ກວາ ຍ ອາແລ່ະ ຕະ ຮານະ ຕາ ອໍ, ເຢົາງ ເຈົ້າຣາຊິ ກູລັຣ ໂອນ ອັນ ເກົາ ຕາ ອໍ ແຕ່, ຍ່ອນ ເຢົາງ ເຈົ້າຣາຊິ ຕາ ເບົນ ຕະ ອິມພາ, ມາ ອັນ ຕະ ມູເຈົງ ໂຈະ ກູ່ ນະ ກວາຍ.

### 4

1 ມັຣ ເຍົາ ກາ ແກັດ ເນົາຍ, ອົງເຄາະ ເຍົາ ຕະ ຕາມ້ອງ ໂຈະ ຊູລ ເຍົາ. ກະ ອົງເຄາະ ເຍົາ ຕະ ປ ຍາຍ໌ ໂອນ ໄລ່. ຍ່ອນ ເຍົາ ດັງ ເຍົາ ເບົນ ແຕ່ ເນົາຍ; ເນົາຍ ເຍົາ ລາ ອິນເຈົ້າ ກາ ແອັດ ຕົ່ງ ມັນລ້ອງ.

ໂປໂລ ແຊອ໌ ໄລ່ ເກົາແຊອ໌ ຈ່ອຍ ອັນ

2 ອົງເຄາະ ເຍົາ ຊາແຣັງ ລາລີ້ ເກົາແຊອ໌ ແຕ ຮງື້ຣ ເຍົາ. ອົງເຄາະ ເຍົາ ຄິດ ອິນເຕົ້າ ກາ ປຍາຍ໌ ໂອນ ເຍົາ ເກົາແຊອ໌. ກະ ອົງເຄາະ ເຍົາ ເກົາ ຊາ ແອັນ. 3 ແຊອ໌ ເຍົາ ເກົາແຊອ໌ ຈ່ອຍ ຮີ ແຣີ, ແຊອ໌ ເຢົາງ ເຈົ້າຣາຊິ ເປັຣ ຣາມາ ໂອນ ຮີ ແຕ່ອ໌ ອາຕີ ປັຣ ນາຍ ປາໂຕ່ະ ແຕ ເຢຊູ ກຣິດ. ຍ່ອນ ເກົາ ອາຕີ

ປັຣນາຍ ກ້ອຍ, ເມົາ ໂຈະ ເກົາ ຕົ່ງ ກໍ້ອ໌. 4 ອົງເຄາະ ເຍົາ ແຊອ໌ ເຢົາງ ເຈົ້າຣາຊິ ຈ່ອຍ ເກົາ ໂອນ ເກົາ ແຕ່ອ໌ ອາຕີ ແຈງ ປັຣນາຍ ປາໂຕ່ະ ກ້ອຍ, ຍ່ອນ ປຍາຍ໌ ໂອນ ເກົາ ອາຕີ ປັຣນາຍ ກ້ອຍ.

5 ອົງເຄາະ ເຍົາ ຕະ ເປາະ ໂອນ ປຍາຍ໌ ໂຈະ ກວາ ຍ ກາ ຕາ ຢວາຣ ຊາອໍ. ກະ ເຍົາ ອົງເຄາະ ຄິດ ຕະ ຮານະ ໂອນ ເບົນ ເກົາ ແຕ ຮານະ ເຍົາ ຕະ. 6 ອົງ ເຄາະ ໂອນ ປັຣໄລຣ ປັຣນາຍ ເຍົາ ແກັດ ຊັຣນັບ ໂອນ ກວາຍ ອີ ຊາງັດ, ນະ ຣາແວ້ຣ ເມົາ ໂຈະ ບອຍ ພາຕີ ເລີ່. ນະກ້ອຍ ແຕ່ອ໌ ເຍົາ ດັງ ຕາແອັຍ ປຍາຍ໌ ໂຈະ ອິນແຍ່ະ ມັຣ ກວາຍ.

ໂປໂລ ກັຣບັນ ປັຣຊັດ

7 ເກົາ ແປຣີ ຕີຄີໂກ ອາຕີ ໂອນ ເຍົາ ດັງ ມັຣ ຣາມິ້ຣ ອິນເຕົ້າ ກາ ແກັດ ກະ ເກົາ. ຕີຄີໂກ ລາ ແຊມອາຍ ກາ ເກົາ ອາໂຢະ ລາລີ້. ກະ ອັນ ຕະ ຊາ ແຣັງ ລາລີ້ ຮານະ ເຢົາງ ເຈົ້າຣາຊິ ມັນຕຸ ກະ ເກົາ.

8 ເກົາ ແປຣີ ອັນ ແຕ່ອ໌ ປີ ເຍົາ ດໍອ໌ ອາຕີ ໂອນ ເຍົາ ດັງ ອິນເຕົ້າ ກາ ແກັດ ກະ ຮີ. ກະ ເກົາ ໂອນ ອັນ ຕາລີ້ນ ຮງື້ຣ ເຍົາ. 9 ກະ ໂອເນຊີໂມ ແຣີ ເກົາ ໂອນ ແຕ່ອ໌ ປີ ເຍົາ. ໂອເນຊີໂມ ລາ ແຊມອາຍ ກາ ເກົາ ອາໂຢະ, ກະ ເກົາ ແຕ່ອ໌ ຊາອໍ ຮງື້ຣ ອັນ. ແຕ ອິນ ໂຍ່ງ ອັນ ແອັດ ມວຍ ເມືອງ ກະ ເຍົາ ແຕ່. ເຈີ້ ໄລ່ ບາຣ ນະ ໄນ່ ອາຕີ ໂອນ ເຍົາ ດັງ ອິນແຍ່ະ ມັຣ ຣາ ນະ ກາ ແກັດ ຕົ່ງ ອິນຕຸ ໄນ່.

10 ອາຣິດຕາໂຄ, ອັນ ລາ ເມົາ ໂກບ ດໍອ໌ ຕົ່ງ ກໍ້ ອ໌ ມັນຕຸ ກະ ເກົາ. ອັນ ພາອ໌ ປັຣນາຍ ຊາອິຣ ເຍົາ. ກະ ມາຣະໂກ ແຣີ, ອັນ ພາອ໌ ປັຣນາຍ ຊາອິຣ ເຍົາ ແຕ່. ອັນ ລາ ແຊມອາຍ ບາຣນາບາ. ມາຣະໂກ ໄນ່ ເກົາ ອາຕີ ເຍົາ ເຈີ້ ແຕ ອິນໂຍ່ງ, ຄັນ ອັນ ແຕ່ອ໌ ປີ ເຍົາ, ເຍົາ ກາຕ້ອງ ອັນ ໂອນ ອັນ ແອັດ ຣໍ້ອ໌ ກະ ເຍົາ. 11 ກະ ໂຢຊວຍ, ອັນ ກາ ເມົາ ດໍອ໌ ຣາມິ້ຣ ຢູ ຊະໂຕ ແຣີ, ອັນ ພາອ໌ ປັຣນາຍ ຊາອິຣ ເຍົາ ແຕ່. ແອັງ ໄລ່ ໄປ ນະ ຊ້ອງ ກວາຍ ອິດຊະຣາເອລ ແອັດ ຈ່ອຍ ເກົາ ຕະ ຮານະ ເຢົາງ ເຈົ້າຣາຊິ. ກະ ໄລ່ ຕາ ລີ້ນ ຮງື້ຣ ເກົາ.

12 ເອປາພຣາ, ອັນ ລາ ແຕ ມູ່ ເຍົາ ແຕ່, ກະ ອັນ ປຣ່ອມ ຕະ ຮານະ ໂອນ ເຢຊູ ກຣິດ ແຣີ. ອັນ ພາອ໌ ປັຣນາຍ ຊາອິຣ ເຍົາ ແຕ່, ກະ ອັນ ເກົາແຊອ໌ ເລືອຍໆ ອິນແຍ່ະ ຮງື້ຣ ໂອນ ເຍົາ. ອັນ ເກີຍ ແຊອ໌ ເຢົາງ ເຈົ້າຣາຊິ ໂອນ ເຍົາ ແອັດ ມັນຕັດ ອໍ ຕາ ເບົນ ແອີ ມວຍ ຣາມິ້ຣ ອິນເຕົ້າ ແຕ ມັຣ ຣາ ນະ ເຢົາງ ເຈົ້າຣາຊິ ຢັອ ເຍົາ ຕາປູນ. 13 ເກົາ ອາ ຕີ ໂອນ ເຍົາ ດັງ ແຕ່ ແຕ ເອປາພຣາ ໄນ່, ອັນ ລາ ກວາຍ ກາ ອາໂຢະ ລາລີ້ ເຍົາ ກະ ຕະ ຮານະ ອິນ ຕ້ອງ ຈ່ອຍ ເຍົາ. ກະ ອັນ ອາໂຢະ ກະ ຈ່ອຍ ແຕ່

ໄລ່ ກາ ແອິດ ຕຶ້ງ ເມືອງ ລາວດີເກອາ ກະ ເມືອງ  
ເຮຍຣາໂປລີ ແອີ. <sup>14</sup> ລູກາ ລາ ແພດ ກາ ໄຮ ອາ  
ໂຢະ ລາລີ້; ອັນ ກະ ເດມາ ອີ ຊາອິຣ ເຍົາ ເຕ່.

<sup>15</sup> ເກົາ ພາອ໌ ປັຣນາຍ ຊາອິຣ ມັຣ ແຊມອາຍ  
ໄຮ ແອິດ ຕຶ້ງ ເມືອງ ລາວດີເກອາ. ກະ ແຊອ໌ ເຍົາ  
ກູບັນ ກູຊວານ ແອີຍ ນິມພາ ກະ ມູ່ ໄລ່ ກາ ໂຮ່ມ  
ຕຶ້ງ ດຸງ ອັນ. <sup>16</sup> ແມ້ມ ເຍົາ ອານ ເຈຍ ປັຣນາຍ ຊາ  
ອິຣ ໄມ່, ເກົາ ແຊອ໌ ເຍົາ ພາອ໌ ໂອນ ມູ່ ກາ ຊາອຳ ປີ  
ເມືອງ ລາວດີເກອາ, ໂອນ ໄລ່ ອານ ເຕ່. ກະ ແຊອ໌  
ເຍົາ ອິດ ເຈຍ ປັຣນາຍ ຊາອິຣ ກາ ເກົາ ຄຽນ ໂອນ  
ກວາຍ ລາວດີເກອາ ກ້ອຍ, ເຈ້ ອານ ລັຣ ຕຶ້ງ ມູ່  
ເຍົາ. <sup>17</sup> ແຊອ໌ ເຍົາ ອາຕີ ກະ ອາຄີໂປ ປາຍ: "ອີງ  
ເຄາະ ໄມ່ ແ່ ຊັງໄກຣ ລາລີ້ ຣານະ ເຢັງ ເຈົາຣາຊີ  
ໂອນ ໄມ່ ຕະ, ກະ ຕະ ຣານະ ກ້ອຍ ໂອນ ເຈ້."

<sup>18</sup> ໄກຣ ລາລີ້ ອາຕີ ເກົາ, ໂປໂລ, ຄຽນ ເປີມ  
ປັຣນາຍ ຊາອິຣ ປັຣຊິດ ໄມ່. ແຊອ໌ ເຍົາ ອິນໂຈຍ  
ຊາລິຣ ເກົາ ອິນນ້ອງ ແອິດ ຕຶ້ງ ກໍ່ອ໌. ເກົາ ແຊອ໌  
ເຢັງ ເຈົາຣາຊີ ຈ່ອຍ ເມັດ ເລື້ອຍໆ ເຍົາ.

# ປັນນາຍ ຊາອົຣ ມວຍ ໂປໂລ ຄຽນ ໂອນ ມູ່ ກາ ຊາອຳ ແອິດ ຕຶ້ງ ເມືອງ ເທຊະໂລນິກ

ປັນນາຍ ອາຕີ ອິນໂຍ່ງ

ໂປໂລ ຄຽນ ປັນນາຍ ຊາອົຣ ໄນ່ ພາອົ ໂອນ ມູ່ ກາ ຊາອຳ ແອິດ ຕຶ້ງ ເມືອງ ເທຊະໂລນິກ, ແຄງ ມາທາໂດເນຍ. ອັນ ຄຽນ ມາຣ 51 ກູມໍ ແວັດ ເຢຊູ ແກັດ. ໂປໂລ ຊາກຳ ອັນ ລາ ນະ ກວາຍ ຕຣິຣ ກູປູອົ ຍິອົ ອີ ໂອນ ເບິນ ກວາຍ ຊາອຳ ເຢິງ ເຈົາຣາຊີ ຕຶ້ງ ອິນຕຸ ກາ ອັນ ຕຣິຣ. ມາ ມັຣ ກວາ ຍ ອິດຊະຣາເອລ ອິງຄິ້ນ ອັນ ກະ ເຢົາ ອັນ, ກະ ກວາຍ ອິດຊະຣາເອລ ຕູ່ຍຣ ອາລ່ອຣ ໄລ່ ແຕ ເມືອງ ເທຊະໂລນິກ. ອິນຕູນ ກ້ອຍ, ໂປໂລ ແປຣີ ຕີໂມທຽວ ເປາະ ຊາອົຣ ລັຣ ມູ່ ກາ ຊາອຳ ຕຶ້ງ ເມືອງ ກ້ອຍ. ບັອງ ໂປໂລ ແອິດ ຕຶ້ງ ເມືອງ ໂກຣິນໂທ, ອັນ ຊ້ອງ ຊາອິ້ຍ ຣານ ອໍ ແຕ ມັຣ ມູ່ ກາ ຊາອຳ ຕະ ຣານະ ເຢິງ ເຈົາຣາຊີ ຕຶ້ງ ເມືອງ ເທຊະໂລນິກ.

ຕຶ້ງ ປັນນາຍ ຊາອົຣ ໄນ່ ໂປໂລ ກາໄຕ່ຣ ມູ່ ກາ ຊາອຳ. ອັນ ຊາແອິນ ເຢິງ ເຈົາຣາຊີ ຍ່ອນ ມູ່ ກາ ຊາອຳ ຕຶ້ງ ເມືອງ ເທຊະໂລນິກ ເບິນ ຣາງິຣ ຊາອຳ ກະ ຣາງິຣ ອາໂຢະ ເຢົາ. ອັນ ຕາແອິຍ ມັຣ ປັນນາຍ ໄລ່ ອາເປຣິ ອັນ ແຕ ຣານະ ເຢຊູ ແຕ້ອົ ລັຣ ເຣິບ ກາ ບາຣ, ກະ ຣານະ ກາ ປາຍ: ຄັນ ເບິນ ກວາຍ ຊາອຳ ກາ ກູຈິດ ອິນໂຍ່ງ ແຕ ເຢຊູ ແຕ້ອົ ລັຣ ເຣິບ ກາ ບາຣ, ກວາຍ ກ້ອຍ ເບິນ ອາມັງ ເລືອຍໆ ມາ ຕາ ເບິນ? ກະ ໂປໂລ ອາຕີ ມູ່ ກາ ຊາອຳ ອິງເຄາະ ກູຕົງ ຕະ ຣານະ ເຢິງ ເຈົາຣາຊີ ບັອງ ກາ ອິນນ້ອງ ແອິດ ຫາຣາະ ເຢຊູ ແຕ້ອົ ລັຣ ເຣິບ ກາ ບາຣ.

1 ກົາ ລາ ໂປໂລ ຄຽນ ປັນນາຍ ໄນ່ ພາອົ ຊາ ອົຣ ມູ່ ກາ ຊາອຳ ແອິດ ຕຶ້ງ ເມືອງ ເທຊະໂລນິກ. ກະ ໄລ່ ບາຣ ນະ ຊິລາ ກະ ຕີໂມທຽວ ພາອົ ປັນ ນາຍ ຊາອົຣ ເຍົາ ແຕ່. ເຍົາ ເບິນ ມວຍ ຣາງິຣ ກະ ເຢິງ ເຈົາຣາຊີ, ອິມປໍ່ ໄຣ, ກະ ເຢຊູ ກຣິດ, ອິນ ເຈົາ ໄຣ. ກົາ ແຊອົ ເຢິງ ເຈົາຣາຊີ ຈ່ອຍ ເມົາດ ເຍົາ ກະ ໂອນ ເຍົາ ແອິດ ບັນ ຊວານ ອຽນ ອໍ ເລືອ ຍໆ.

ໂປໂລ ຊາແອິນ ເຢິງ ເຈົາຣາຊີ ຍ່ອນ ແຕ ກວາ ຍ ຊາອຳ ຕຶ້ງ ເມືອງ ເທຊະໂລນິກ

2 ຮິ ຊາແອິນ ເລືອຍໆ ເຢິງ ເຈົາຣາຊີ ຍ່ອນ ແຕ ອິນແຍ່ະ ກູ່ ນະ ເຍົາ, ກະ ຮິ ຕາ ເບິນ ຊາລິຣ ກົາ ແຊອົ ໂອນ ເຍົາ. 3 ຮິ ຊາແອິ ເລືອຍໆ ຍິ່ຣ ເມົາງ ເຢິງ ເຈົາຣາຊີ, ອິມປໍ່ ໄຣ, ຣານະ ເຍົາ ຕະ ຕາປຸ່ນ ຣາງິຣ ຊາອຳ ເຢິງ ເຈົາຣາຊີ. ຮິ ຊາແອິ ເຍົາ ອາໂຢະ ເຢົາ ຊາອິ້ຍ; ນະກ້ອຍ ເຍົາ ກູຕົງ ຕະ ຣານະ ຈ່ອຍ ເຢົາ. ກະ ຮິ ຊາແອິ ເຍົາ ຢຸມ ດໍອົ ມັຣ ຣາມິຣ ເຍົາ ອິງກ່ອງ ແຕ ເຢຊູ ກຣິດ, ອິນເຈົາ ໄຣ. 4 ແຊມອາຍ ເອີຍ! ຮິ ດັງ ເຈົ້ ເຢິງ ເຈົາຣາຊີ ອາໂຢະ ລາລີ້ ເຍົາ, ກະ ອັນ ຣຽຣ ເຍົາ. 5 ຍ່ອນ ແຕ້ອົ ຮິ ເດິງ ປັນ ນາຍ ອໍ ແຕ ເຢິງ ເຈົາຣາຊີ ແຕ້ອົ ປິ ເຍົາ, ປັນນາຍ ກ້ອຍ ແກັດ ແບຼງ ກາເລີຍ ແຕ ປັນນາຍ ກວາຍ ກົ້ ຍ ຕະ ອິນຕີ, ຍ່ອນ ຣາເວີຍ ເຢິງ ເຈົາຣາຊີ ໂອນ ເຍົາ ດັງ ແຈງ ລາລີ້ ປັນນາຍ ກ້ອຍ ລາ ປາຍົ. ເຍົາ ເຣີມ ເຈົ້ ມັຣ ຣານະ ຮິ ຕະ ບັອງ ຮິ ແອິດ ກະ ເຍົາ, ຍ່ອນ ຮິ ຊ້ອງ ອາໂຢະ ເຍົາ. 6 ນະກ້ອຍ ເຍົາ ດວຍ ຮິ ມູເຈິງ ເຍົາ ດວຍ ອິນເຈົາ ໄຣ ແຕ່. ຕາມ ເຍົາ ຣາມິຣ ຊາອິ້ຍ ຣາມິຣ ຕຸຣ ກັດ, ມາ ອິນນ້ອງ ເຍົາ ເບິນ ຣາງິຣ ຣໍ່ຣ ຣັບ ປັນນາຍ ຮິ ອາຕີ, ຍ່ອນ ຣາເວີຍ ເຢິງ ເຈົາຣາຊີ ໂອນ ເຍົາ ເບິນ ຣາງິຣ ຣໍ່ຣ ນະກ້ອຍ. 7 ເຍົາ ຕະ ນະກ້ອຍ, ເຍົາ ລາ ນະ ໂງ່ລ ໂອນ ກູ່ ນະ ກວາຍ ຊາອຳ ຕຶ້ງ ແຄງ ມາທາໂດເນຍ ກະ ແຄງ ອະຄາຢາ. 8 ປັນນາຍ ອໍ ແຕ ເຢຊູ ກຣິດ ຮິຣ ເປາະ ກູ່ ອິນຕຸ ຍ່ອນ ແຕ ເຍົາ, ຕາ ເບິນ ແອິງ ຕຶ້ງ ແຄງ ມາທາໂດເນຍ ກະ ແຄງ ອະຄາຢາ ຊ້ອງ, ມາ ປັນນາຍ ເມົາ ອາຕີ ແຕ ເຍົາ ຊາອຳ ເຢິງ ເຈົາຣາຊີ, ປັນນາຍ ກ້ອຍ ເປາະ ປຼິຣ ກູ່ ອິນຕຸ ເຈົ້. ນະກ້ອຍ ຮິ ຕາ ເບິນ ຕຸຣ ອາຕີ ນ້ອງ ໄລ່ ກ້ອຍ ແຕ ເຍົາ, 9 ຍ່ອນ ກູ່ ນະ ໄລ່ ດັງ ເຈົ້ ກະ ອາຕີ ລັຣ ຮິ ແຕ ເຍົາ. ໄລ່ ປາຍ ເຍົາ ຣາບັນ ຕະ ແບອົ ອໍ ລາລີ້ ບັອງ ກາ ຮິ ແຕ້ອົ ປິ ເຍົາ. ໄລ່ ປາຍ ເຍົາ ຕັຣ ອິນແຍ່ະ ເກ ຮິ່ງ ຊາງ ເຢິງ ຕາ ອໍ, ເຈົ້ ລັບ ລັຣ ປິ ເຢິງ ເຈົາຣາ ຊີ. ໄລ່ ປາຍ ຊານໍ່ ເຍົາ ຕະ ຣານະ ເຢິງ ເຈົາຣາ ຊີ ແອັນ; ອັນ ລາ ເຢິງ ປາຍົ ລາລີ້ ກະ ອັນ ອາ ມັງ ຊົດ ແດີຍ ເລີ່ຍ ກູມໍ. 10 ກະ ໄລ່ ປາຍ ເຍົາ ອິງກ່ອງ ກອນ ເຢິງ ເຈົາຣາຊີ ແຕ້ອົ ລັຣ ແຕ ມັນ ລ້ອງ. ກອນ ອັນ ລາ ເຢຊູ ກຣິດ, ອັນ ກາ ເຢິງ ເຈົາຣາຊີ ໂອນ ອາມັງ ລັຣ ແຕ ກູຈິດ, ອັນ ຈ່ອຍ ອາມັງ ໄຣ ໂອນ ແວັດ ແຕ ຣາມິຣ ຕຸຣ ກັດ ແຕ້ອົ ຕາໂງ່ ເຢິງ ເຈົາຣາຊີ ອີ ຕັດຊິ່ນ ກວາຍ.

# 2

ຮານະ ໂປໂລ ຕະ ຕຶ່ງ ເມືອງ ເທຊະໂລນິກ

1 ແຊມອາຍ ເອີຍ! ເຍົາ ດັງ ເຈີ້, ບັອງ ກາ ຮິ ແຕ້ອ໌ ປິ ເຍົາ, ມັຮ ຮານະ ຮິ ຕະ ກະ ເຍົາ ລາ ຕາ ເປີ ນ ແອີ ກົ້າ. 2 ກະ ເຍົາ ດັງ ເຕ່ ແຕ ອິນໂຍ່ງ ຮິ ຕາ ຢວາຣ ແຕ້ອ໌ ປິ ເຍົາ, ມັຮ ກວາຍ ຕຶ່ງ ເມືອງ ພິລິບ ປອຍ, ໄລ່ ຕະ ຮິ, ກະ ພາມາດ ຮິ. ມາ ອິນນ້ອງ ເຢິງ ເຈົ້າຮາຊີ ໂອນ ຮາງື່ຮ ຮິ ແກ້ດ ຍ່ນ ລາລີ້ ແອ້ນ ອາຕີ ປັຮນາຍ ອໍ ແຕ ເຢິງ ເຈົ້າຮາຊີ ໂອນ ເຍົາ. ຕາ ເປີນ ອິນເຕົ້າ ກວາຍ ຍິອ໌ ອີ ກາຕັງ ຮິ. 3 ບັອງ ກາ ຮິ ອາຕີ ເຍົາ, ອິນແຍ່ະ ມັຮ ປັຮນາຍ ຮິ ອາຕີ ລາ ປຍາຍ໌. ຮິ ຕາ ເປີນ ອິດ ຮາງື່ຮ ຮິ ເປີມ, ກະ ຮິ ຕາ ເປີນ ບູບວກ ເຍົາ. 4 ມາ ຮິ ອາຕີ ເລືອຍໆ ມັຮ ປັຮນາຍ ເຢິງ ເຈົ້າຮາຊີ ຍິອ໌ ຮິ ອາຕີ, ຍ່ອນ ອັນ ຮຽຮ ຮິ ເຈີ້, ກະ ອັນ ນັບ ຮິ ອາຕີ ປັຮນາຍ ອໍ ແຕ ອັນ. ຮິ ຕາ ເປີນ ອາຕີ ໂອນ ຮໍ່ອ໌ ຮາງື່ຮ ກວາຍ, ມາ ຮິ ອາຕີ ໂອນ ຮໍ່ອ໌ ຮາງື່ຮ ເຢິງ ເຈົ້າຮາຊີ ຊ້ອງ, ຍ່ອນ ອັນ ແຕ້ ລ່ອງ ຮາງື່ຮ ຮິ. 5 ເຍົາ ດັງ ເຈີ້ ບັອງ ກາ ຮິ ອາຕີ ເຍົາ, ຮິ ຕາ ເປີນ ອາຈວຣ ຊ້ອງ ໂອນ ເຍົາ ຈ່ອຍ ລັຮ ຮິ. ຮາມິ້ຮ ໄນ່ ເຢິງ ເຈົ້າຮາຊີ ດັງ. 6 ຮິ ຕາ ເປີນ ຈໍ່ອ໌ ໂອນ ເຍົາ ແຕ້ລາ ກວາຍ ການໍ່ອ໌ ຍ່ອງ ຮິ. 7 ຄັນ ຮິ ຍິອ໌, ແຕ້ອ໌ ຮິ ໂອນ ເຍົາ ຈ່ອຍ ຮິ, ຍ່ອນ ຮິ ລາ ກວາຍ ເຢຊູ ຮຽຮ ປາຈຸຮ ໂອນ ຕະ ຮານະ ອັນ. ມາ ບັອງ ກາ ຮິ ແອັດ ກະ ເຍົາ ຮິ ເປີນ ຮາງື່ຮ ລາແມ່ນ ອໍ ໂຈະ ເຍົາ ນະ ອິມເປ້ອ໌ ອາ ເມົາ ກອນ ແກດ ອັນ. 8 ຍ່ອນ ຮິ ອອູຍາຣ ອູໄອອ໌ ລາລີ້ ຍິອ໌ ອີ ຈ່ອຍ ເຍົາ, ນະກ້ອຍ ຮິ ຕາ ເປີນ ແອັງ ອາຕີ ປັຮນາຍ ອໍ ແຕ ເຢິງ ເຈົ້າຮາຊີ ຊ້ອງ, ມາ ຮິ ເຮົາບ ຈິວ ກູຈິດ ດໍອ໌ ຈ່ອຍ ເຍົາ ແຮີ. ຮິ ເຮົາບ ຕະ ນະກ້ອຍ, ລາ ຍ່ອນ ຮິ ອາໂຍ່ະ ລາລີ້ ເຍົາ. 9 ແຊມ ອາຍ ເອີຍ! ເຍົາ ຊາແຍີ ແຕ່ ບັອງ ກາ ຮິ ແອັດ ກະ ເຍົາ, ຮິ ຕະ ຮານະ ລາແກ້ຮ ລາລີ້, ໂອນ ແຕ້ອ໌ ຮິ ແຈັງ ເປີມ ເກຣັງ ຊັຮນາ ຈາ. ຕາໄງ ກະ ຊາເດົາ ຮິ ຕະ ເລືອຍໆ ໂອນ ຕາ ເປີນ ເມົາ ແຕ ເຍົາ ຕຸຮ ແຈມ ຮິ. ຮິ ຕະ ນະກ້ອຍ ບັອງ ກາ ຮິ ອາຕີ ປັຮ ນາຍ ອໍ ແຕ ເຢິງ ເຈົ້າຮາຊີ ໂອນ ເຍົາ. 10 ເຍົາ ເຮົາ ເຈີ້ ແດັຍ ອາມັງ ຮິ ບັອງ ກາ ຮິ ແອັດ ກະ ເຍົາ ກາ ຊາອໍາ. ເຍົາ ດັງ ຮິ ເປີນ ຮາງື່ຮ ບຣັຮ ອໍ, ຕານ້ອງ ອໍ, ກະ ຕາ ເປີນ ເມົາ ແຕ້ອ໌ ປາຍ ຮິ ຕະ ຮານະ ໄລ່ ຍຣ ອິນເຕົ້າ. ເຢິງ ເຈົ້າຮາຊີ ດັງ ແຕ່ ຮາມິ້ຮ ກ້ອຍ. 11 ເຍົາ ດັງ ຮິ ຕະ ໂຈະ ກຸ່ນະ ເຍົາ ນະ ອິມປໍ ຕະ ໂຈະ ກອນ ອັນ. 12 ຮິ ອາຕີ ເຍົາ; ຮິ ຕາລິ້ນ ເຍົາ; ກະ ຮິ ປັຮຕີ້ ເລືອຍໆ ເຍົາ ເດັງ ຕະ ຮານະ ອໍ ຍິຮ ເມົາ

ເຢິງ ເຈົ້າຮາຊີ, ອັນ ກາ ກູອ໌ ເຍົາ ໂອນ ມູດ ຕຶ່ງ ອິນ ຕຸ ອັນ ຊັດ, ກະ ໂອນ ເຍົາ ຈຸງ ແຕ່ ອໍານາດ ອາງອິ້ຮ ແຕ ອັນ.

ມູ່ ກາ ຊາອໍາ ຕຶ່ງ ເມືອງ ເທຊະໂລນິກ ຈິວ ຊາ ອິ້ຍ ຕຸຮ ກັດ

13 ຮິ ຊາແອັນ ເລືອຍໆ ເຢິງ ເຈົ້າຮາຊີ, ຍ່ອນ ແຕ້ອ໌ ຮິ ອາຕີ ເຍົາ ປັຮນາຍ ອັນ, ເຍົາ ອິດ ອິນ ແຍ່ະ ປັຮນາຍ ກ້ອຍ. ເຍົາ ຊາງັດ ປັຮນາຍ ກ້ອຍ ລາ ແມ່ນ ປັຮນາຍ ເຢິງ ເຈົ້າຮາຊີ, ຕາ ແກ້ນ ປັຮ ນາຍ ກວາຍ ຈຸງ ອີ ປາຍ ຊ້ອງ. ໄກຣ ລາລີ້ ປັຮ ນາຍ ກ້ອຍ ລາ ປັຮນາຍ ແຕ ເຢິງ ເຈົ້າຮາຊີ. ປັຮ ນາຍ ກ້ອຍ ອິນນ້ອງ ແກ້ດ ປາໄລ ຕຶ່ງ ຮາງື່ຮ ເຍົາ ກາ ຊາອໍາ. 14 ແຊມອາຍ ເອີຍ! ບັອງ ກາ ກ້ອຍ ເຍົາ ດວຍ໌ ນະ ມູ່ ກາ ຊາອໍາ ຕຶ່ງ ແຄງ ຢູດາຍ, ໄລ່ ກາ ແອັດ ມວຍ ຮາງື່ຮ ກະ ເຢຊູ ກຣິດ. ໄລ່ ກ້ອຍ ຈິວ ຊາອິ້ຍ ຕຸຮ ກັດ ແຕ ຈຸມ ອິດຊະຣາເອລ ຕະ ໄລ່, ມູເຈັງ ເຍົາ ຈິວ ຊາອິ້ຍ ຕຸຮ ກັດ ມັຮ ກວາຍ ແຕ ຈຸມ ເຍົາ ເປີມ ຕະ ເຍົາ ແຕ່. 15 ມັຮ ຈຸມ ອິດຊະ ຣາເອລ ກ້ອຍ, ໄລ່ ກາຈິດ ເຢຊູ, ອິນເຈົ້າ ໄຮ. ກະ ໄລ່ ກາຈິດ ກາ ກວາຍ ຕາງ ປັຮນາຍ ເຢິງ ເຈົ້າຮາຊີ ແຮີ. ເຈີ້ ໄລ່ ຕະ ຮິ ແອັນ. ໄລ່ ຕະ ນະກ້ອຍ, ເຢິງ ເຈົ້າຮາຊີ ຕາ ເປີນ ຮໍ່ອ໌ ອິນເຕົ້າ ກະ ໄລ່. ໄລ່ ກາ ຕັງ ຕາ ໂອນ ກວາຍ ການໍ່ອ໌ ແຕ້ອ໌ ຊາງັດ ປັຮນາຍ ເຢິງ ເຈົ້າຮາຊີ. 16 ໄລ່ ຕາ ແອອ໌ ຮິ ອາຕີ ກວາຍ ຕາ ແກ້ນ ກວາຍ ອິດຊະຣາເອລ ໂອນ ແຕ້ອ໌ ເຢິງ ເຈົ້າຮາຊີ ຈ່ອຍ ອາມັງ ໄລ່ ກ້ອຍ ແຕ່. ແປະ ເຈີ້ ໄລ່ ຍຣ ຈຸມ ອິດຊະຣາເອລ ຕະ. ຊານໍ່ ແຕ້ອ໌ ປາແມ່ນ ເຢິງ ເຈົ້າຮາຊີ ຕະ ໂຕ້ດ ໄລ່.

17 ແຊມອາຍ ເອີຍ! ນະ ຮິ ໄນ່, ບັອງ ກາ ຮິ ຣາຕັຮ ແຕ ເຍົາ, ຮິ ຄິ້ດ ຕາ ເປີນ ດູ່ນ ນ້ອງ ຮິ ອີ ແຕ້ອ໌ ລັຮ ປິ ເຍົາ. ເຈີ້ ຊານໍ່ ຮິ ຊາແຍີ ລາລີ້ ເຍົາ, ກະ ຮິ ອອູຍາຣ ອູໄອອ໌ ຍິອ໌ ອີ ຮາມັຮ ລັຮ ເຍົາ. ຮາງື່ຮ ຮິ ແອັດ ເລືອຍໆ ກະ ເຍົາ, ມາ ຈະ ຮິ ແອັດ ເຍັງ ແຕ ເຍົາ. 18 ຮິ ຄິ້ດ ຍິອ໌ ອີ ແຕ້ອ໌ ລັຮ ປິ ເຍົາ. ນະ ກົ້າ ໂປໂລ ໄນ່, ເປີນ ບາຣ ໄປ ເຮົາບ ກົ້າ ຄິ້ດ ອີ ແຕ້ອ໌ ປິ ເຍົາ, ມາ ເຢິງ ຊາຕານ ກາຕັງ ເລືອຍໆ ຮິ. 19 ຍ່ອນ ນານະ ຮາງື່ຮ ຮິ ເຮົາບ ອີງກ່ອງ? ຍ່ອນ ນານະ ຮິ ແຕ້ອ໌ ຮໍ່ອ໌ ບູຍ? ກະ ຍ່ອນ ນານະ ຮິ ແຕ້ອ໌ ດັງ ຮິ ເປີນ ກົ້າ ອໍ ຍິຮ ເມົາ ເຢຊູ, ອິນເຈົ້າ ໄຮ, ຕຶ່ງ ຕາໄງ ອັນ ແຕ້ອ໌ ລັຮ ປິ ກູແຕອ໌ ໄນ່? ໄກຣ ລາ ລີ້ ຮິ ເປີນ ອິນແຍ່ະ ມັຮ ຮາມິ້ຮ ກ້ອຍ ລາ ຍ່ອນ ແຕ ເຍົາ. 20 ໄກຣ ລາລີ້ ເມົາ ຍ່ອງ ຮິ ລາ ຍ່ອນ ແຕ

ເຍົາ, ກະ ຮາງິ່ຮ ຮີ ຊ້ອງ ຮໍ່ອ ບູຍ ລາລີ້ ລາ ຍ່ອນ ແຕ ເຍົາ.

### 3

ໂປໂລ ອູອຍາຣ ອູໂອ່ອ ຢໍອ ອີ ເປາະ ຊາຣົຣ ໄລ່

1 ນະກ້ອຍ, ແຕ້ອ ເກົາ ຊ້ອງ ຕາ ເຮົາບ ຈີວ ນ້ອງ ຍ່ອນ ຕາ ເບີນ ຊ້ອງ ຮານ ອິນເຕົ້າ ແຕ ເຍົາ, ເກົາ ປຣ່ອມ ແອັດ ມານະ ເກົາ ຕຶ່ງ ພືອງ ອາແທນ. 2 ກະ ເກົາ ແປຣີ ຕີໂມທຽວ ເປາະ ປີ ເຍົາ. ອັນ ລາ ແຊມອາຍ ໄຮ, ກະ ອັນ ຕະ ຮານະ ເຢັງ ເຈົາຣາຊີ ມັນຕຸ ກະ ເກົາ. ຮີ ບາຣ ນະ ອາຕີ ປຣນາຍ ອໍ ແຕ ເຢຊູ ກຣິດ. ເກົາ ແປຣີ ອັນ ແຕ້ອ ປີ ເຍົາ ໂອນ ອັນ ອາວຈຣ ໂອນ ຮາງິ່ຮ ເຍົາ ຊາອໍາ ແກັດ ເຮັງ ອາ ຊ້ອຣ ກະ ໂອນ ເຍົາ ແອັດ ຊາເບັງ ອໍ. 3 ເກົາ ຕາ ແອ້ອ ເມົາ ແຕ ເຍົາ ຕັຣ ເຢັງ ເຈົາຣາຊີ ຍ່ອນ ເຍົາ ຮາມົຣ ຕຸ່ຣ ກັດ. ເຍົາ ດັງ ເຈີ້ ເຢັງ ເຈົາຣາຊີ ນັດ ດໍອໍ ໂອນ ໄຮ ຈີວ ຮາມົຣ ຕຸ່ຣ ກັດ. 4 ບ້ອງ ກາ ຮີ ອິນນ້ອງ ແອັດ ກະ ເຍົາ, ຮີ ອາຕີ ເຍົາ ປາຍ: "ໄກຣ ລາລີ້, ປຣແມີ ມັນເຕຣົາ ໄຮ ຮາມົຣ ຊາອິ້ຍ ຮາມົຣ ຕຸ່ຣ ກັດ." ກະ ເຍົາ ດັງ ມັຣ ຮາມົຣ ກ້ອຍ ແຕ້ອ ປີ ເຍົາ ເຈີ້. 5 ຍ່ອນ ນະກ້ອຍ ເກົາ ຊ້ອງ ຕາ ເຮົາບ ທາຣາະ ນ້ອງ, ເຈີ້ ເກົາ ແປຣີ ຕີໂມທຽວ ແຕ້ອ ປີ ເຍົາ. ເກົາ ຢໍອ ອີ ດັງ ເຍົາ ອິນນ້ອງ ຊາອໍາ ມາ ຕາ ເບີນ. ເກົາ ອິງກ້ອຣ ເຢັງ ຊາຕານ ປຣຕໍ່ ເຍົາ ຕັຣ ເຢັງ ເຈົາຣາຊີ. ຄັນ ນະກ້ອຍ, ມັຣ ຮານະ ຮີ ຕະ ກະ ອາຕີ ເຍົາ ລາ ລົບ ພົດ.

6 ມາ ຊານໍ່ ຕີໂມທຽວ ລ້ອຣ ແຕ ເຍົາ, ເຈົາ ລັ່ຣ ປີ ເກົາ. ອັນ ອາຕີ ເກົາ ປຣນາຍ ຮໍ່ອ ແຕ ເຍົາ. ອັນ ປາຍ ເຍົາ ອິນນ້ອງ ຊາອໍາ, ກະ ເຍົາ ມານະ ອາ ໂຢ່ະ ມານະ. ອັນ ປາຍ ເຍົາ ຊາແຍີ ເລືອຍໆ ເກົາ, ກະ ເຍົາ ອູອຍາຣ ອູໂອ່ອ ຢໍອ ອີ ຮາມົຣ ເກົາ, ມູ ເຈັງ ເກົາ ອູອຍາຣ ອູໂອ່ອ ຢໍອ ອີ ຮາມົຣ ເຍົາ ແຕ່. 7 ນະກ້ອຍ ແຊມອາຍ ເອີຍ, ຕາ ເບີນ ອິນເຕົ້າ ເກົາ ຈີວ ໂຕຍົ ບາບ ກະ ຕຸ່ຣ ກັດ ເມົາ ຕະ ເກົາ. ຮາງິ່ຮ ເກົາ ແກັດ ຮໍ່ອ ລັ່ຣ ຍ່ອນ ເກົາ ຊ້ອງ ເຍົາ ອິນນ້ອງ ຊາອໍາ. 8 ຊານໍ່ ຄັນ ເຍົາ ອິນນ້ອງ ຊາອໍາ ອິນເຈົາ ໄຮ ເຮັງ ອາຊ້ອຣ, ຮາງິ່ຮ ເກົາ ລາ ຮໍ່ອ ບູຍ ອາຊ້ອຣ ແຕ່. 9 ຕາ ເບີນ ປຣນາຍ ອາແລ່ະ ປຍາຍົ ເກົາ ຊາ ແອີນ ເຢັງ ເຈົາຣາຊີ ຍ່ອນ ແຕ ເຍົາ. ຍ່ອນ ເຍົາ ຊາອໍາ, ເກົາ ເບີນ ຮາງິ່ຮ ຮໍ່ອ ບູຍ ລາລີ້ ຢໍຮ ພືງ ເຢັງ ເຈົາຣາຊີ. 10 ກູ່ ຮາໂງ ກູ່ ຊາເດົາ ເກົາ ເກົາ ແຊອ ອິນແຍ່ະ ຮາງິ່ຮ ຣາແຮີ, ແຊອ ເຢັງ ເຈົາຣາຊີ ໂອນ ເກົາ ຮາມົຣ ລັ່ຣ ເຍົາ. ເກົາ ຢໍອ ລາລີ້ ອີ ຈ່ອຍ

ເຍົາ ມັຣ ຮາມົຣ ເຍົາ ຕາ ຢວາຣ ດັງ ແຈງ ແຕ ເຢັງ ເຈົາຣາຊີ, ໂອນ ເຍົາ ແຕ້ອ ຊາອໍາ ເຮັງ ອາຊ້ອຣ ລາ ລີ້ ແອັນ.

11 ເກົາ ແຊອ ເຢັງ ເຈົາຣາຊີ, ອິມປໍ່ ໄຮ, ກະ ເຢຊູ, ອິນເຈົາ ໄຮ, ຈ່ອຍ ໂອນ ເກົາ ເບີນ ແຕ້ອ ປີ ເຍົາ. 12 ເກົາ ແຊອ ອິນເຈົາ ໄຮ ຈ່ອຍ ໂອນ ເຍົາ ມານະ ອາໂຢ່ະ ມານະ ຊາອິ້ຍ ອາຊ້ອຣ ໂອນ ແກຼຍ ເກຼ້າຍ, ກະ ໂອນ ເຍົາ ອາໂຢ່ະ ອິນແຍ່ະ ມັຣ ກວາຍ ການໍ່ອ ແຮີ, ມູເຈັງ ເກົາ ອາໂຢ່ະ ອິນແຍ່ະ ມັຣ ເຍົາ ແຕ່. 13 ນະກ້ອຍ, ແຊອ ອິນເຈົາ ໄຮ ຈ່ອຍ ໂອນ ເຍົາ ເບີນ ຮາງິ່ຮ ເຮັງ ອາຊ້ອຣ ລາລີ້. ກະ ແຊອ ອັນ ຈ່ອຍ ໂອນ ເຍົາ ຕາຢັງ ບຣັຣ ອໍ ຢໍຮ ພືງ ເຢັງ ເຈົາຣາຊີ, ອິມປໍ່ ໄຮ, ໂອນ ອັນ ປາຍ ເຍົາ ຕາ ເບີນ ໄລ່ຍຣ ອິນເຕົ້າ ຕຶ່ງ ຕາໂງ ເຢຊູ, ອິນເຈົາ ໄຮ, ແຕ້ອ ລັ່ຣ ປີ ກູແຕອ ໄມ່. ອັນ ແຕ້ອ ມັນຕຸ ກະ ອິນແຍ່ະ ມັຣ ກວາຍ ກາ ຊາອໍາ ອັນ.

### 4

ໂປໂລ ປາຕັບ ໂອນ ກວາຍ ແອັດ ອໍ ຢໍຮ ພືງ ເຢັງ ເຈົາຣາຊີ

1 ແຊມອາຍ ເອີຍ! ຍ່ອນ ຮີ ແອັດ ມວຍ ຮາງິ່ຮ ກະ ເຢຊູ ກຣິດ, ຮີ ຢໍອ ອີ ແຊອ ແຕ ເຍົາ ມວຍ ຮາມົຣ ແອັນ. ຮີ ແຊອ ເຍົາ ຕະ ເປາະ ນະ ເຍົາ ຣ ຍານ ແຕ ຮີ ເຈີ້, ໂອນ ເຢັງ ເຈົາຣາຊີ ຊ້ອງ ຮໍ່ອ ກະ ເຍົາ. ເຍົາ ຕະ ນະກ້ອຍ ເຈີ້, ມາ ຮີ ແຊອ ເຍົາ ຕະ ນະກ້ອຍ ຊາອິ້ຍ ລາລີ້ ແອັນ. 2 ເຍົາ ດັງ ເຈີ້ ມັຣ ປຣນາຍ ຮີ ປາຕັບ ເຍົາ ຍ່ອນ ເຢຊູ, ອິນເຈົາ ໄຮ, ແປຣີ ຮີ ອາຕີ ຮາມົຣ ກ້ອຍ. 3 ເຢັງ ເຈົາຣາຊີ ຢໍອ ເຍົາ ເບີນ ຮາງິ່ຮ ບຣັຣ ອໍ ຢໍຮ ພືງ ອັນ. ກະ ອັນ ຢໍອ ເຍົາ ມັນແຊມ ຣາເລົາ ອິນໂຈຍ ປີ ມັນຕຸ ຄັນ ຕາ ເບີນ ລາກວຍ ກາຢາອໍ. 4 ອິງເຄາະ ກູ່ ນະ ເຍົາ ດັງ ກຍາອໍ ອໍ ຈະ ເຍົາ ເບີມ ໂອນ ເຍົາ ເບີນ ຮາງິ່ຮ ບຣັຣ ອໍ ຢໍຮ ພືງ ເຢັງ ເຈົາຣາຊີ, ກະ ໂອນ ກວາ ຍ ການໍ່ອ ຢານັບ ເຍົາ. 5 ເຍົາ ອິນໂຈຍ ຄິດ ຢໍອ ອີ ເບີນ ເມົາ, ນະ ກວາຍ ກາ ຕາ ຢວາຣ ຊາອໍາ ເກີ ຍ ອີ ຕະ, ຍ່ອນ ໄລ່ ຕາ ຢວາຣ ດັງ ອິນເຕົ້າ ແຕ ເຢັງ ເຈົາຣາຊີ. 6 ເຍົາ ອິນໂຈຍ ດວຍົ ມັຣ ຮານະ ຕາ ອໍ ກ້ອຍ, ກະ ເຍົາ ອິນໂຈຍ ມານະ ຢໍອ ອີ ເບີ ນ ລາກວຍ ມານະ. ຄັນ ກວາຍ ອາແລ່ະ ມາ ຕະ ນະກ້ອຍ, ເຢັງ ເຈົາຣາຊີ ຕະ ໂຕ່ດ ກວາຍ ກ້ອຍ ຍ່ອນ ແຕ ຮານະ ໄລ່ຍຣ ອັນ ຕະ. ບ້ອງ ກາ ຮີ ອິນ ນ້ອງ ແອັດ ກະ ເຍົາ, ຮີ ອາຕີ ກະ ກາແອັຣ ເຍົາ ແຕ ຮາມົຣ ກ້ອຍ ເຈີ້. 7 ເຢັງ ເຈົາຣາຊີ ຕາ ເບີນ ກູອ ໄຮ ໂອນ ຕະ ຮານະ ຊັຣມວາອໍ, ມາ ເຢັງ ເຈົາຣາ



ຊີ ກູອ໌ ໄຮ ໂອນ ແອິດ ບຣັຮ ອໍ ຍັຮ ເມັງ ອັນ.  
8 ນະກ້ອຍ ກວາຍ ອາແລະ ມາ ຕາ ແອອ໌ ອີ ຊາງັດ  
ປຣນາຍ ໄມ່, ຕາ ແກິນ ອັນ ຕັຮ ປຣນາຍ ກວາຍ,  
ມາ ອັນ ຕັຮ ປຣນາຍ ເຢີງ ເຈົາຣາຊີ, ອັນ ກາ ໂອນ  
ເຍົາ ເບີນ ຣາເວົ້າຍ ອັນ ເຈົ້.

9 ມາ ແຕ ຣານະ ມານະ ອາໂຢະ ມານະ, ເກົາ ຕາ  
ເບີນ ຕຸ່ຮ ຄຽນ ອິນເຕົາ ໂອນ ເຍົາ, ຍ່ອນ ເຍົາ  
ຣຍານ ແຕ ເຢີງ ເຈົາຣາຊີ ເຈົ້ ແຕ ຣານະ ກ້ອຍ.

10 ໄກຣ ລາລີ້, ເຍົາ ຕະ ນະກ້ອຍ ເຈົ້ ໂຈະ ແຊມ  
ອາຍ ໄຮ ກາ ແອິດ ຕຶ່ງ ແຄງ ມາຫ໌ໂດເນຍ. ມາ  
ແຊມອາຍ ເອີຍ, ເກົາ ແຊອ໌ ເຍົາ ເບີນ ຣາງິຣ ອາ  
ໂຢະ ຊາອິ້ຍ ອາຊ້ອຣ ແອັນ. 11 ອີງເຄາະ ຣາງິຣ  
ເຍົາ ປາໄຣັຮ ຕະ ຣານະ ໂອນ ເຕອ໌ ເຍົາ ແອິດ ອຽນ  
ອໍ ອິນແຍະ ແດີຍ ອາມັ່ງ ເຍົາ. ເຍົາ ອິນໂຈຍ ຣາບູລ  
ຣານະ ກວາຍ ການໍອ໌ ຄັນ ຕາ ເບີນ ເມົາ ໂອນ ເຍົາ  
ຈ່ອຍ. ກະ ອີງເຄາະ ອາຕີ ເຍົາ ຕະ ຊາແຮັງ ລາລີ້  
ໂອນ ເບີນ ເກຣັງ ຊຽນາ ຈາ. ມັຮ ຣາມິຣ ໄມ່ ຮິ  
ປາຕັບ ເຍົາ ແຕ ອິນໂຍ່ງ ເຈົ້. 12 ຮິ ຍິອ໌ ເຍົາ ຕະ  
ນະກ້ອຍ ໂອນ ເຍົາ ເຕອ໌ ແອິດ ອໍ ຍັຮ ເມັງ ມັຮ  
ກວາຍ ກາ ຕາ ຢວາຣ ຊາອໍາ ເຢຊູ ກຣິດ, ກະ ໂອນ  
ຕາ ເບີນ ເມົາ ຕຸ່ຮ ແຈມ ເຍົາ.

ເຢຊູ ກຣິດ ແຕ້ອ໌ ລັຮ ປິ ກູແຕອ໌ ໄມ່

13 ແຊມອາຍ ເອີຍ! ເກົາ ຍິອ໌ ເຍົາ ດັງ ແຈງ ລາ  
ລີ້ ແຕ ໄລ່ ກາ ກູຈິດ ເຈົ້, ໂອນ ເຍົາ ຕາ ເບີນ ຊ້ອງ  
ຕຸ່ຮ ຈຸ່ນ ໄລ່ ກາ ຕາ ເບີນ ດັງ ອີງກ່ອງ ເຢີງ ເຈົາຣາ  
ຊີ ໂອນ ກວາຍ ອາມັ່ງ ລັຮ. 14 ຄັນ ໄຮ ຊາອໍາ ເຢຊູ  
ກູຈິດ ມາ ອາມັ່ງ ລັຮ, ມູເຈີງ ກ້ອຍ ເຕ່ ໄຮ ຊາອໍາ  
ເຢີງ ເຈົາຣາຊີ ໂອນ ກວາຍ ຊາອໍາ ກາ ກູຈິດ ເຈົ້  
ເບີນ ແຕ້ອ໌ ລັຮ ມັນຕຸ ກະ ເຢຊູ ເຕ່. 15 ຮິ ອາ  
ຕີ ເຍົາ ມັຮ ປຣນາຍ ອິນເຈົາ ໄຮ ໂອນ ໄຮ ດັງ ນະ  
ໄມ່: ໄຮ ກາ ຕາ ຢວາຣ ກູຈິດ ຕຶ່ງ ຕາໄງ ເຢຊູ ແຕ້ອ໌  
ລັຮ, ໄຮ ຕາ ເບີນ ເປາະ ຣາມິຣ ອັນ ອິນໂຍ່ງ ແຕ  
ໄລ່ ກາ ກູຈິດ ເຈົ້. 16 ບັອງ ກ້ອຍ, ເບີນ ຊຽງ ກູອ໌  
ເຣ່ງ ລາລີ້, ເບີນ ຊຽງ ອັນ ກາ ຊົດ ເທວາດາ ເຢີງ  
ເຈົາຣາຊີ, ກະ ເບີນ ຊຽງ ເມົາ ປຼິງ ເພາ ເຢີງ ເຈົາຣາ  
ຊີ; ເຈົ້ ບັອງ ກາ ກ້ອຍ ແຕ້ ອິນເຈົາ ໄຮ ແຊງ ແຕ  
ມັນລ້ອງ. ບັອງ ກາ ກ້ອຍ ມັຮ ກວາຍ ຊາອໍາ ເຢຊູ  
ກຣິດ ກາ ກູຈິດ ເຈົ້, ໄລ່ ກ້ອຍ ເບີນ ອາມັ່ງ ລັຮ,  
ກະ ໄລ່ ເປາະ ຣາມິຣ ເຢຊູ ອິນໂຍ່ງ ແຕ ໄຮ ກາ ອິນ  
ນ້ອງ ອາມັ່ງ. 17 ເຈົ້ ແວັດ ກ້ອຍ, ໄຮ ກາ ອິນນ້ອງ

ອາມັ່ງ, ເຢີງ ເຈົາຣາຊີ ປາໂຣມ ໄຮ ໂອນ ແອິດ ມັນ  
ຕຸ ກະ ໄລ່ ກ້ອຍ ຕຶ່ງ ຣາມິລ. ນະກ້ອຍ ໄຮ ເບີນ  
ຣາມິຣ ອິນເຈົາ ໄຮ ຕຶ່ງ ມັນລ້ອງ. ກະ ໄຮ ແອິດ  
ຊົດ ແດີຍ ເລີຍ ກູມ ກະ ອັນ. 18 ອີງເຄາະ ເຍົາ ຊາ  
ແຍີ ເລືອຍໆ ປຣນາຍ ກ້ອຍ. ເຈົ້ ເຍົາ ມານະ ກາ  
ໄຕ່ຮ ອາຕີ ມານະ ແຕ ປຣນາຍ ກ້ອຍ.

### 5

ເຍົາ ອີງກ່ອງ ເລືອຍໆ ຕາໄງ ເຢຊູ ແຕ້ອ໌ ລັຮ

1 ແຊມອາຍ ເອີຍ! ບັອງ ກາ ແລະ, ແຕ້ລາ ຕາ  
ໄງ ແລະ ອິນແຍະ ຣາມິຣ ກ້ອຍ ແກິດ, ເກົາ ຕາ ເບີ  
ນ ຕຸ່ຮ ຄຽນ ອາຕີ ໂອນ ເຍົາ. 2 ຍ່ອນ ເຍົາ ດັງ  
ເຈົ້ ຕາໄງ ອິນເຈົາ ໄຮ ແຕ້ອ໌ ລັຮ ປິ ກູແຕອ໌ ໄມ່ ລາ  
ນະ ກວາຍ ຊາແວງ ເປາະ ຕູຕວຍ໌ ຊາເດົາ. 3 ພິກາ  
ກວາຍ ປາຍ: "ເບີນ ອຽນ ອໍ ເຈົ້, ຕາ ເບີນ ຕຸ່ຮ  
ກັດ ອິນເຕົາ ນ້ອງ," ຕາໄງ ກ້ອຍ ແຕ້ ຣາມິຣ ກູ  
ຈິດ ແຕ້ອ໌ ປິ ໄລ່, ກະ ໄລ່ ຕາ ເຕອ໌ ຕາລຸຣ ນ້ອງ.  
ຣາມິຣ ກ້ອຍ ຊັນຕັຮ ແຕ້ອ໌ ນະ ກວາຍ ມັນແຊມ  
ຊ້ອງ ຕິ່ ບັອງ ກາ ອັນ ອີ ຣັຮ ກອນ.

4 ແຊມອາຍ ເອີຍ, ເຍົາ ລາ ຕາ ແກິນ ນະ ກວາຍ  
ກາ ບິ ຊາເດົາ ກະ ຕາ ເບີນ ດັງ ອິນເຕົາ. ນະກ້ອຍ,  
ເຍົາ ຕາ ເບີນ ຊັນຕັຮ ອິນເຕົາ ແຕ້ອ໌ ຕາໄງ ເຢຊູ  
ແຕ້ອ໌ ລັຮ ປິ ກູແຕອ໌ ໄມ່, ນະ ກວາຍ ເກີຍ ຊັນຕັຮ  
ຄັນ ກວາຍ ຊາແວງ ແຕ້ອ໌ ຍິອ໌ ອີ ຕູຕວຍ໌ ປິ ດຸງ  
ໄລ່. 5 ອິນແຍະ ມັຮ ເຍົາ ລາ ກວາຍ ກາ ຊາງັດ ປຣ  
ນາຍ ເຢີງ ເຈົາຣາຊີ ເຈົ້, ນະກ້ອຍ ເຍົາ ລາ ນະ ກວາ  
ຍ ກາ ແອິດ ຕຶ່ງ ອິນຕຸ ປັງ, ກະ ນະ ກວາຍ ກາ ຕາ  
ແມີ ເຈົ້. ໄຮ ກາ ກອນ ອາໄກ ເຢີງ ເຈົາຣາຊີ, ໄຮ  
ຕາ ແກິນ ນະ ກວາຍ ກາ ແອິດ ຕຶ່ງ ອິນຕຸ ການໍາ,  
ກະ ນະ ກວາຍ ກາ ບິ ຊາເດົາ. 6 ນະກ້ອຍ, ອີງເຄາະ  
ໄຮ ອິນໂຈຍ ຕະ ນະ ໄລ່ ກາ ຕາ ເບີນ ຊາອໍາ. ໄລ່  
ກ້ອຍ ລາ ນະ ກວາຍ ບິ ເລືອຍໆ. ມາ ໄຮ, ອີງເຄາະ  
ໄຮ ແອິດ ຕາແມີ ເລືອຍໆ.\* ກະ ອີງເຄາະ ໄຮ ດັງ  
ກຸຍາອ໌ ອໍ ຈະ ໄຮ ເບີມ. 7 ຍ່ອນ ກວາຍ ເກີຍ ບິ ລາ  
ຕຶງ ຊາເດົາ, ກະ ໄລ່ ເກີຍ ຈ່ອຍ໌ ບັອງ ແກິດ ບູລ ລາ  
ຕຶງ ຊາເດົາ. 8 ມາ ໄຮ ກາ ຕາປູນ ປຣນາຍ ເຢີງ  
ເຈົາຣາຊີ ເຈົ້ ລາ ກວາຍ ກາ ຕາແມີ. ນະກ້ອຍ, ອີງ  
ເຄາະ ໄຮ ກຸຍາອ໌ ອໍ ຈະ ໄຮ ເບີມ. ກະ ອີງເຄາະ ໄຮ  
ຊາອໍາ ກຣັກ ລາລີ້ ກະ ອາໂຢະ ເລືອຍໆ ເຍົາ. ໄມ່  
ລາ ນະ ໄຮ ແຊິບ ອາຍ້ອຣ ຕາອ໌ ຕຶ່ງ ອາເປີມ ບັອງ  
ກາ ໄຮ ເປາະ ຣາຊູ້. ອີງເຄາະ ໄຮ ອີງກ່ອງ ເລືອຍໆ

\* 5:6 5:6 ກວາຍ ບິ ຊາກໍາ ແຕ ໄລ່ ກາ ຕາ ເບີນ ຄິດ ອິນເຕົາ ແຕ ຣານະ ເຢີງ ເຈົາຣາຊີ. ກະ ໄລ່ ກາ ຕາແມີ ລາ ຊາກໍາ ແຕ ໄລ່ ກາ ຄິດ  
ເລືອຍໆ ແຕ ຣານະ ເຢີງ ເຈົາຣາຊີ.

ໄຮ ເບີນ ແອິດ ມັນຕຸ ກະ ເຢຊູ. ໄນ່ ລາ ນະ ໄຮ ຕາ ປຶ້ງ ມວກ ຕາອ໌ ຕຶ້ງ ແປ້. <sup>9</sup> ເຢິງ ເຈົ້າຮາຊີ ຕາ ເບີນ ກູອ໌ ໄຮ ຍ່ອນ ອັນ ຍິອ໌ ອີ ຕະ ໄຮ, ມາ ອັນ ຍິອ໌ ອີ ຈ່ອຍ ອາມັງ ໄຮ ຍ່ອນ ແຕ ເຢຊູ ກຮິດ, ອິນເຈົ້າ ໄຮ. <sup>10</sup> ເຢຊູ ແຕ່ ກູຈິດ ຕາງ ໄຮ ໂອນ ໄຮ ເຕອ໌ ແອິດ ມັນຕຸ ກະ ອັນ ແຕ່ອ໌ ຕາໄງ ອັນ ແຕ່ອ໌ ລັຮ ປໍ ກູແຕອ໌ ໄນ່. ຕຶ້ງ ຕາໄງ ກ້ອຍ ຕາ ເບີນ ອິນເຕົ້າ ໄຮ ກູຈິດ ແຕ່ລາ ອິນນ້ອງ ອາມັງ. <sup>11</sup> ນະກ້ອຍ, ອິງເຄາະ ເຍົາ ມານະ ກາໄຕຣ ມານະ, ກະ ອິງເຄາະ ເຍົາ ມານະ ອາຕີ ມານະ ໂອນ ຮາງິຮ ເຍົາ ແກັດ ຊາ ອໍາ ຮ່ງ ອາຊ້ອຮ ລາລີ້ ແອັນ. ມັຮ ຮາມິຮ ກ້ອຍ ເຍົາ ແກ້ຍ ຕະ ແຕ ອິນລິ້ງ ເຈົ້.

ຮາມິຮ ປາຕັບ ການໍ່ອ໌  
<sup>12</sup> ແຊມອາຍ ເອີຍ! ເກົ້າ ແຊອ໌ ເຍົາ ຊາແຍີ ແຕ ຮານະ ອິນຕ້ອງ ມັຮ ກວາຍ ຊົດ ຕຶ້ງ ມູ່ ເຍົາ ກາ ຊາ ອໍາ ຕະ. ເຢິງ ເຈົ້າຮາຊີ ຮຽຮ ໄລ່ ກ້ອຍ ໂອນ ປັຮ ຕຶ້ ເຍົາ ຕະ ຮານະ ອໍ, ກະ ໂອນ ໄລ່ ອາຣຍານ ເຍົາ ຕາປຸ່ນ ຮານະ ເຢິງ ເຈົ້າຮາຊີ. <sup>13</sup> ອິງເຄາະ ເຍົາ ຢ້າ ນັບ ກະ ອາໂຢະ ເລືອຍໆ ໄລ່ ກ້ອຍ, ຍ່ອນ ໄລ່ ຕະ ຊາອິ້ຍ ຮານະ ຈ່ອຍ ເຍົາ. ກະ ອິງເຄາະ ເຍົາ ມານະ ແອິດ ຮາຕອຍ ກະ ມານະ.

<sup>14</sup> ແຊມອາຍ ເອີຍ! ເກົ້າ ແຊອ໌ ເຍົາ ຕະ ນະໄນ່: ເຍົາ ກາແອັຮ ໄລ່ ກາ ອາລັຮ ອີ ຕະ ຮານະ; ເຍົາ ອາຈວຣ ໄລ່ ກາ ຮາງິຮ ກູາອ໌; ເຍົາ ອາຕີ ຈ່ອຍ ໄລ່ ກາ ຕາ ເບີນ ດັງ ຊາອິ້ຍ ແຕ ຮານະ ເຢິງ ເຈົ້າຮາຊີ; ກະ ເຍົາ ເບີນ ຮາງິຮ ລາແມ່ນ ອໍ ໂຈະ ກູ່ ນະ ກວາ ຍ. <sup>15</sup> ອິງເຄາະ ເຍົາ ລາວັງ ໂອນ ອໍ ມານະ ອິນໂຈຍ ກັຮລັຮ ແຕ່ອ໌ ໂຈະ ມານະ. ມາ ອິງເຄາະ ເຍົາ ຈໍອ໌ ເລືອຍໆ ມານະ ຕະ ອໍ ໂຈະ ມານະ, ກະ ຕະ ອໍ ເລືອ ຍໆ ໂຈະ ກູ່ ນະ ກວາຍ.

<sup>16</sup> ອິງເຄາະ ເຍົາ ແອິດ ຣໍອ໌ ບູຍ ເລືອຍໆ. <sup>17</sup> ອິງ ເຄາະ ເຍົາ ເກົ້າແຊອ໌ ເລືອຍໆ; ອິນໂຈຍ ຕາງິດ. <sup>18</sup> ອິງເຄາະ ເຍົາ ຊາແອັນ ເຢິງ ເຈົ້າຮາຊີ ກູ່ ຮາມິ ຮ ກາ ແຕ່ອ໌ ປໍ ເຍົາ, ຍ່ອນ ອັນ ແຕ່ ໂອນ ຮາມິຮ ກ້ອຍ. ອິນແຍ່ະ ຮາມິຮ ໄນ່ ເຢິງ ເຈົ້າຮາຊີ ຍິອ໌ ເຍົາ ເບີນ ຍ່ອນ ເຍົາ ເບີນ ມວຍ ຮາງິຮ ກະ ເຢຊູ ກຮິດ.

<sup>19</sup> ເຍົາ ອິນໂຈຍ ກາຕັງ ຮານະ ຮາເວີຍ ເຢິງ ເຈົ້າຮາຊີ ຍິອ໌ ອີ ຕະ ກະ ເຍົາ. <sup>20</sup> ອິນໂຈຍ ພາມາດ ກວາຍ ອາຕີ ຕາງ ປັຮນາຍ ເຢິງ ເຈົ້າຮາຊີ. <sup>21</sup> ອິງ ເຄາະ ເຍົາ ຕາຕ່ອຍ໌ ແນ່ ກູ່ ຮາມິຮ ອິນເຕົ້າ ເມົາ ອາ ຕີ ເຍົາ. ອາແລະ ກາ ອໍ, ເຍົາ ອິດ. <sup>22</sup> ມາ ອິງເຄາະ ເຍົາ ວຍາຣ ຮານະ ຕາ ອໍ ກູ່ ຮາມິຮ.

<sup>23</sup> ເກົ້າ ແຊອ໌ ເຢິງ ເຈົ້າຮາຊີ, ອັນ ກາ ກໍລ໌ ຮາມິ ຮ ອຽນ ອໍ, ໂອນ ຕະ ບຣັຮ ອໍ ຮາງິຮ ເຍົາ. ກະ ເກົ້າ ແຊອ໌ ອັນ ກຍາອ໌ ເລືອຍໆ ຮາເວີຍ ເຍົາ, ຮາງິຮ ເຍົາ, ກະ ຈະ ເຍົາ ໂອນ ຕາ ເບີນ ເມົາ ເຕ່ອ໌ ຕີ ປາຍ ເຍົາ ຕະ ໂລ່ຍຮ ອິນເຕົ້າ ຕຶ້ງ ຕາໄງ ເຢຊູ ກຮິດ, ອິນ ເຈົ້າ ໄຮ, ແຕ່ອ໌ ລັຮ ປໍ ກູແຕອ໌ ໄນ່. <sup>24</sup> ເຢິງ ເຈົ້າຮາ ຊີ ກາ ກູອ໌ ເຍົາ ເຈົ້, ອັນ ລາ ຕາມ້ອງ ຕາປຶ້ງ, ກະ ອັນ ຕະ ອິນແຍ່ະ ມັຮ ຮາມິຮ ກາ ເກົ້າ ແຊອ໌ ໂອນ ເຍົາ.

<sup>25</sup> ແຊມອາຍ ເອີຍ! ແຊອ໌ ເຍົາ ເກົ້າແຊອ໌ ຈ່ອຍ ຮິ ແຮີ. <sup>26</sup> ແຊອ໌ ເຍົາ ມານະ ຮາບັນ ອໍ ໂຈະ ມານະ. ນະກ້ອຍ ເມົາ ດັງ ເຍົາ ມານະ ອາໂຢະ ມານະ.

<sup>27</sup> ຍ່ອນ ແຕ ອໍານາດ ເຢິງ ເຈົ້າຮາຊີ ອິນເຈົ້າ ໄຮ, ເກົ້າ ປາຕັບ ໂອນ ເຍົາ ອານ ປັຮນາຍ ຊາອັຮ ໄນ່ ໂອນ ກູ່ ນະ ແຊມອາຍ ຊາງັດ.

<sup>28</sup> ເກົ້າ ແຊອ໌ ເຢຊູ ກຮິດ, ອິນເຈົ້າ ໄຮ, ຈ່ອຍ ເມົາດ ເລືອຍໆ ເຍົາ.

# ປັນຍາ ຊາອົຣ ບາຣ ໂປໂລ ຄຽນ ໂອນ ມູ່ ກາ ຊາອຳ ແອັດ ຕິ່ງ ເມືອງ ເທຊະໂລນິກ

ປັນຍາ ອາຕີ ອິນໂຍ່ງ

ປັນຍາ ຊາອົຣ ໄມ່ ອາຕີ ລັຣ ແຕ ເຢຊູ ແຕ້ອ໌ ລັຣ ເຮັບ ກາ ບາຣ. ມັຣ ກວາຍ ຊາອຳ ອົງກ່ອງ ຕາ ໄງ ກ້ອຍ, ມາ ເບີນ ເມ້າ ກັຣຈຸ່ກ ຕິ່ງ ມູ່ ກາ ຊາອຳ ຕິ່ງ ເມືອງ ເທຊະໂລນິກ. ໂປໂລ ຄຽນ ປັນຍາ ຊາອົຣ ບາຣ ໄມ່ ມາຣ 6 ກາໄຊ ແວັດ ແຕ ອັນ ຄຽນ ປັນຍາ ຊາອົຣ ມວຍ, ດໍອ໌ ຕາແອັຍ ກະ ອາຕີ ລັຣ ມັຣ ປັນຍາ ກາ ເມ້າ ອາຕີ ຕາ ເບີນ ປຍາຍ໌ ແຕ ມັຣ ຣາມິຣ ໄມ່.

ໂປໂລ ອາຕີ ໂອນ ມັຣ ກວາຍ ດັງ ອິນເຕ້າ ກາ ແກັດ ອິນໂຍ່ງ ເຢຊູ ແຕ້ອ໌ ລັຣ. ຣານະ ກ້ອຍ ລາ ກວາຍ ເບີນ ຣາງິຣ ຕາ ອໍ ກະ ຕາມມັຣ ລາລີ້. ກະ ເບີນ ກວາຍ ຕາ ອໍ ກາເລີຍ ອິນແຢະ ແຕ ການໍ່ ອ໌ ແຕ້ອ໌ ອິນໂຍ່ງ ເວ້າຍ, ດໍອ໌ ຈິລ ລັຣ ກະ ເຢັງ ເຈ້າຣາຊີ (2:3).

ໂປໂລ ອາຕີ ໂອນ ດັງ ແຈງ ແຕ ໄລ່ ອົງກ່ອງ ປັຣ ແນີ ມັນເຕຣີາ ເບີນ ແອັດ ຣໍອ໌ ອໍ ເລືອຍໆ ກະ ເຢັງ ເຈ້າຣາຊີ. ອັນ ປາຍ: ແຕ້ອ໌ ຣາມິຣ ຣາມິຣ ຕຸຣ ກັດ, ອົງເຄາະ ໄລ່ ຊາອຳ ຈັບ ລາລີ້. ອົງເຄາະ ໄລ່ ຊາເຣັງ, ກະ ອິນໂຈຍ ເປັ ຕະ ຣານະ ອໍ.

1 ກົາ ລາ ໂປໂລ ຄຽນ ປັນຍາ ໄມ່ ພາອ໌ ຊາອົຣ ມູ່ ກາ ຊາອຳ ແອັດ ຕິ່ງ ເມືອງ ເທຊະໂລນິກ. ກາ ຊິລາ ກະ ຕີໂມທຽວ ພາອ໌ ປັນຍາ ຊາອົຣ ເຢ້າ ແຕ່. ເຢ້າ ເບີນ ມວຍ ຣາງິຣ ກະ ເຢັງ ເຈ້າຣາຊີ, ອິມ ປໍ່ ໄຣ, ກະ ເຢຊູ ກຣິດ, ອິນເຈ້າ ໄຣ. 2 ກົາ ແຊອ໌ ເຢັງ ເຈ້າຣາຊີ, ອິມປໍ່ ໄຣ, ກະ ເຢຊູ ກຣິດ, ອິນເຈ້າ ໄຣ, ຈ່ອຍ ເມັດ ເຢ້າ ກະ ໂອນ ເຢ້າ ແອັດ ອຽນ ອໍ ເລືອຍໆ.

ໂປໂລ ກົາແຊອ໌ ໂອນ ມູ່ ກາ ຊາອຳ ຕິ່ງ ເມືອງ ເທຊະໂລນິກ

3 ແຊມອາຍ ເອີຍ! ຮິ ອົງເຄາະ ຊາແອັນ ເລືອ ຍໆ ເຢັງ ເຈ້າຣາຊີ ຍ່ອນ ແຕ ເຢ້າ. ຮິ ຊາແອັນ ອັນ ຍ່ອນ ເຢ້າ ຊາອຳ ກູ່ ຣາງໄງ ຊາອິ້ຍ ອາຊ້ອຣ ແອັນ, ກະ ເຢ້າ ມານະ ອາໂຢະ ມານະ ຊາອິ້ຍ ອາຊ້ອຣ ແຕ່.

4 ມະກ້ອຍ, ຮິ ກົ້ຍ ຍ່ອງ ເຢ້າ ຍັຣ ເມັງ ມັຣ ມູ່ ກາ ຊາອຳ ຕິ່ງ ອິນຕຸ ການໍ່ອ໌. ຮິ ຍ່ອງ ເຢ້າ, ຍ່ອນ

ເຢ້າ ເບີນ ຣາງິຣ ຊາອຳ ຈັບ ລາລີ້, ເຢ້າ ຈິວ ເລືອ ຍໆ ເມ້າ ຕະ ເຢ້າ, ກະ ເຢ້າ ຈິວ ເລືອຍໆ ກູ່ ຣາມິຣ ຕຸຣ ກັດ ກາ ແຕ້ອ໌ ປິ ເຢ້າ.

5 ເຢ້າ ຕະ ມະກ້ອຍ ລາ ເຢ້າ ອາປັຣ ໂອນ ດັງ ເຢັງ ເຈ້າຣາຊີ ຕັດຊິນ ຕາມ້ອງ ລາລີ້ ແຕ້ອ໌ ອັນ ຣຽຣ ເຢ້າ. ເຢັງ ເຈ້າຣາຊີ ນັບ ເຢ້າ ລາ ກວາຍ ອໍ, ເຈ້ ອັນ ອິ ໂອນ ເຢ້າ ແອັດ ຕິ່ງ ອິນຕຸ ອັນ ຊົດ. ຊານໍ່ ເຢ້າ ຈິວ ຊາອິ້ຍ ຣາມິຣ ຕຸຣ ກັດ, ລາ ຍ່ອນ ເຢ້າ ອົງກ່ອງ ອິ ແອັດ ຕິ່ງ ອິນຕຸ ກ້ອຍ. 6 ໄກຣ ລາລີ້, ປັຣແນີ ມັນເຕຣີາ ເຢັງ ເຈ້າຣາຊີ ກັຣລັຣ ແຕ້ອ໌ ຕາງ ເຢ້າ ໄຈະ ກວາຍ ກາ ຕະ ເຢ້າ ຊານໍ່, ຍ່ອນ ອັນ ລາ ເຢັງ ຕາມ້ອງ ເລືອຍໆ. 7 ຕິ່ງ ຕາ ໄງ ກ້ອຍ, ເຢັງ ເຈ້າຣາຊີ ໂອນ ເຢ້າ ກາ ຈິວ ຊາອິ້ຍ ຕຸຣ ກັດ ຊານໍ່ ແກັດ ຕາ ເບີນ ຣາມິຣ ຕຸຣ ກັດ ອິນ ເຕ້າ ມ້ອງ. ກະ ຮິ ລາ ເບີນ ແອັດ ອຽນ ອໍ ມູເຈິງ ເຢ້າ ແຕ່. ເຢັງ ເຈ້າຣາຊີ ຕະ ມະກ້ອຍ ຕິ່ງ ຕາໄງ ເຢຊູ, ອິນເຈ້າ ໄຣ, ແຊງ ລັຣ ແຕ ມັນລ່ອງ. ອັນ ແຊງ ມັນຕຸ ກະ ມັຣ ເທວາດາ ກາ ເບີນ ອຳນາດ ແຕ ອັນ. 8 ແຕ້ອ໌ ໄລ່ ແຊງ, ໄລ່ ເບີນ ປັຣລາ ອູ່ຍຣ ດໍອ໌ ອິ ຕະ ກວາຍ ກາ ຕາ ເບີນ ດັງ ເຢັງ ເຈ້າຣາ ຊີ ກະ ກວາຍ ກາ ຕາ ເບີນ ຊາງັດ ປັນຍາ ອໍ ແຕ ເຢຊູ ກຣິດ, ອິນເຈ້າ ໄຣ. 9 ມັຣ ກວາຍ ກ້ອຍ ອົງ ເຄາະ ຈິວ ຕຸຣ ກັດ ຊົດ ແດັຍ, ຍ່ອນ ອິນເຈ້າ ໄຣ ຕາ ແອອ໌ ອິ ເຮີມ ມ້ອງ ໄລ່. ໄລ່ ອົງເຄາະ ແອັດ ເຢັງ ແຕ ອຳນາດ ອາງອິຣ ລາລີ້ ແຕ ອິນເຈ້າ ໄຣ, 10 ຕິ່ງ ຕາໄງ ເຢຊູ ແຕ້ອ໌ ລັຣ ປິ ກູແຕອ໌ ໄມ່, ກູ່ນະ ກວາຍ ກາ ຊາອຳ ເບີນ ຍ່ອງ ກະ ຢຳນັບ ອັນ. ເຢ້າ ລາ ເບີນ ຕິ່ງ ຈຸ່ມ ກ້ອຍ ແຕ່, ຍ່ອນ ເຢ້າ ຊາອຳ ປັຣ ນາຍ ຮິ ອາຕີ ເຢ້າ.

11 ຍ່ອນ ມະກ້ອຍ ຮິ ກົາແຊອ໌ ເລືອຍໆ ໂອນ ເຢ້າ. ຮິ ແຊອ໌ ເຢັງ ເຈ້າຣາຊີ, ອິມປໍ່ ໄຣ, ຈ່ອຍ ໂອນ ເຢ້າ ຕະ ເປາະ ໂອນ ຣາປຍາຍ໌ ກະ ກວາຍ ກາ ເຢັງ ເຈ້າຣາຊີ ຣຽຣ. ຍ່ອນ ແຕ ອຳນາດ ເຢັງ ເຈ້າຣາຊີ, ຮິ ແຊອ໌ ອັນ ຈ່ອຍ ເຢ້າ ຕະ ໂອນ ແມັມ ກູ່ ຣາມິຣ ອໍ ເຢ້າ ຄິ່ດ ຢັອ ອິ ຕະ, ກະ ກູ່ ຣານະ ເຢ້າ ອິ ຕະ ຍ່ອນ ເຢ້າ ຊາອຳ ອັນ. 12 ຄັນ ເຢ້າ ຕະ ມະກ້ອຍ, ກວາຍ ການໍ່ອ໌ ເບີນ ຍ່ອງ ຣາມິຣ ເຢຊູ ກຣິດ ຍ່ອນ ແຕ ເຢ້າ. ກະ ເຢຊູ ກຣິດ ຍ່ອງ ລັຣ ເຢ້າ, ຍ່ອນ ເຢັງ ເຈ້າຣາຊີ ກະ ເຢຊູ ກຣິດ, ອິນ ເຈ້າ ໄຣ, ຈ່ອຍ ເມັດ ໂອນ ເຢ້າ.

## 2

ມານະ ກາ ແຮ້ງ ຕາ ອໍ ກາເລີຍ ແຕ ກວາຍ ກາ

ນ້ອຍ

1 ແຊມອາຍ ເອີຍ! ຊານໍ່ ເກົາ ຍິ່ອ ອາຕີ ເຍົາ ແຕ ຕາໄງ ເຢຊູ ກຣິດ, ອິນເຈົ້າ ໄຮ, ແຕ້ອ ລັຮ ປິ ກູແຕອ້ ໄນ່, ກະ ໄຮ ເບີນ ໂຮ່ມ ມັນຕຸ ກະ ອັນ. 2 ເບີນ ກວາຍ ຕູນ ປາຍ ເກົາ ອາຕີ ປາຍ ຕາໄງ ເຢຊູ ແຕ້ອ ລັຮ ແວັດ ເຈີ່. ອິນໂຈຍ ນັບ ປັຮນາຍ ໄລ່ ກ້ອຍ ປາຍ ເກົາ ອາຕີ ດໍອ້ ອິນໂຍ່ງ ແຕ ຮານະ ກ້ອຍ, ແຕີລາ ເກົາ ຄຽນ ແຕ ຮານະ ກ້ອຍ ຕຶ່ງ ປັຮ ນາຍ ຊາອັຮ. ເກົາ ແຊອ້ ເຍົາ ອິນໂຈຍ ງິ່ດ ກະ ອິນ ໂຈຍ ອິງກ້ອຮ ອິນເຕົາ ແຕ ຮາມິ່ຮ ກ້ອຍ. 3 ອິນ ໂຈຍ ໂອນ ເມົາ ອາໂລກ ເຍົາ ນະກ້ອຍ. ອິນໂຍ່ງ ເຢຊູ ແຕ້ອ ລັຮ, ເບີນ ກຶ່ງ ກວາຍ ຕັຮ ເຢົາງ ເຈົ້າຮາ ຊີ, ກະ ເບີນ ມານະ ກາ ແຮ້ງ ຕາ ອໍ ກາເລີຍ ແຕ ການໍ່ອ້ ແຕ້ອ ອິນໂຍ່ງ ເວົ້າຍ. ອັນ ກາ ແຮ້ງ ຕາ ອໍ ກ້ອຍ ລາ ເຢົາງ ເຈົ້າຮາຊີ ນັດ ດໍອ້ ອິງເຄາະ ປິດ ຕຶ່ງ ປຮຸ່ງ ອູ່ຍຮ. 4 ກວາຍ ແຮ້ງ ຕາ ອໍ ກ້ອຍ, ອັນ ຕໍາ ໂປຣ ຊິດ ກະ ກູ່ ຮາມິ່ຮ ເຢົາງ ເມົາ ເກີ່ຍ ຊາງ. ອັນ ອາຊ້ອຮ ຈະ ອັນ ເບີມ, ປາຍ ອັນ ລາ ປິດ ກາເລີຍ ແຕ ເຢົາງ ການໍ່ອ້, ຍິ່ອ ເມົາ ຊາງ ອັນ. ກະ ອັນ ມູ່ດ ຕາກູ ຕຶ່ງ ດູງ ຊາງ ປິດ ເຢົາງ ເຈົ້າຮາຊີ; ເຈີ່ ອັນ ປາຍ ຈະ ອັນ ແຕ່ ລາ ເຢົາງ ເຈົ້າຮາຊີ.

5 ເຍົາ ຊາແຍີ ມາ ຕາ ເບີນ, ປັອງ ເກົາ ອິນນ້ອງ ແອັດ ກະ ເຍົາ ເກົາ ອາຕີ ເຍົາ ເຈີ່ ແຕ ອິນແຍ່ະ ຮາມິ່ຮ ກ້ອຍ? 6 ມາ ຊານໍ່ ເບີນ ມວຍ ຮາມິ່ຮ ກາຕັງ ໂອນ ກວາຍ ແຮ້ງ ຕາ ອໍ ກ້ອຍ ຕາ ເຕ່ອ້ ແຕ້ອ ຢ ວາຮ. ເຍົາ ຕັງ ແຕ ຮາມິ່ຮ ໄນ່ ເຈີ່. ມາ ແຕ້ອ ປາ ເມ່ນ ກວາຍ ແຮ້ງ ຕາ ອໍ ກ້ອຍ ແຕ້ອ, ອັນ ແຕ້ອ. 7 ຮານະ ແຮ້ງ ຕາ ອໍ ເບີນ ເຈີ່, ມາ ອິນນ້ອງ ເພາຣະ. ມັຮ ຮານະ ແຮ້ງ ຕາ ອໍ ກ້ອຍ ຕາ ເຕ່ອ້ ແຕ້ອ ຢ ວາຮ, ຍ່ອນ ອິນນ້ອງ ເບີນ ມານະ ກາຕັງ. ຄັນ ອັນ ກາ ກາຕັງ ມາ ຕາ ເບີນ ກາຕັງ ນ້ອງ, ຮານະ ກ້ອຍ ແຕ້ອ. 8 ເຈີ່ ມານະ ກາ ແຮ້ງ ຕາ ອໍ ກາເລີຍ ແຕ ກວາຍ ການໍ່ອ້, ອັນ ແຕ້ອ ເຕ່. ເຈີ່ ເຢຊູ, ອິນເຈົ້າ ໄຮ, ກາຈິດ ກວາຍ ແຮ້ງ ກ້ອຍ ຍ່ອນ ລາແຮີຍ ແຕ ແບອ້ ອັນ. ຕຶ່ງ ຕາໄງ ເຢຊູ ແຕ້ອ ລັຮ ປິ ກູແຕອ້ ໄນ່, ອັນ ອາປິດ ມານະ ກ້ອຍ, ຍ່ອນ ອໍານາດ ອາງ ອິ່ຮ ແຕ ອັນ. 9 ອັນ ກາ ແຮ້ງ ຕາ ອໍ ກ້ອຍ, ອັນ ຕະ ຮານະ ຕາ ເກີ່ຍ ເຮີມ ກະ ອັນ ຕະ ໂອນ ກວາຍ ການໍ່ ອ້ ຊ້ອງ ງິ່ດ, ຍ່ອນ ອໍານາດ ແຕ ເຢົາງ ຊາຕານ. ມາ ມັຮ ຮານະ ອັນ ຕະ ລາ ຊໍາປູນ ມັດ ຊ້ອງ. 10 ອັນ ອິ ຕະ ຊາອິ່ຍ ຮານະ ຕາ ອໍ ຍິ່ອ ອິ ບູບວກ ມັຮ ກວາ

ຍ ກາ ເຢົາງ ເຈົ້າຮາຊີ ແຈ່ະ ອິ ອາປິດ. ເຢົາງ ເຈົ້າຮາ ຊີ ອິ ອາປິດ ໄລ່ ຍ່ອນ ໄລ່ ເບີນ ຮາງິ່ຮ ຕາ ແອອ້ ອິ ຊາອໍາ ປັຮນາຍ ປຍາຍ໌ ໂອນ ເຢົາງ ເຈົ້າຮາຊີ ເຕ່ອ້ ຈ່ອຍ ອາມິ່ງ ໄລ່. 11 ນະກ້ອຍ ເຢົາງ ເຈົ້າຮາຊີ ຕະ ໂອນ ໄລ່ ຕາປູ່ນ ປັຮນາຍ ຕາ ປຍາຍ໌, ໂອນ ໄລ່ ຊາ ງັດ ມັຮ ປັຮນາຍ ເມົາ ບູບວກ ໄລ່. 12 ນະກ້ອຍ ອິນແຍ່ະ ມັຮ ໄລ່ ກາ ຕາ ແອອ້ ຊາອໍາ ປັຮນາຍ ປ ຍາຍ໌ ແຕ ເຢົາງ ເຈົ້າຮາຊີ, ມາ ໄລ່ ກ້ອຍ ຊ້ອງ ຮໍ່ອ້ ຕະ ຮານະ ຕາ ເບີນ ຕານ້ອງ ອໍ, ປັຮແນີ ມັນເຕຣີາ ເຢົາງ ເຈົ້າຮາຊີ ຕະ ໂຕັດ ໄລ່ ກ້ອຍ.

ເຢົາງ ເຈົ້າຮາຊີ ຮຽຮ ຍິ່ອ ອິ ຈ່ອຍ ອາມິ່ງ ກວາ ຍ ເທຊະໂລມິກ

13 ມາ ເຍົາ, ແຊມອາຍ ເອີຍ, ເຢົາງ ເຈົ້າຮາຊີ ອາ ໂຢະ ລາລີ່ ເຍົາ. ນະກ້ອຍ ປຍາຍ໌ ຮິ ຊາແອັນ ອັນ, ຍ່ອນ ອັນ ຮຽຮ ຍິ່ອ ອິ ຈ່ອຍ ອາມິ່ງ ເຍົາ ແຕ ຕາ ແບີ ລາລີ່ ເຈີ່. ອັນ ຕະ ໂອນ ເຍົາ ແກັດ ກອນ ອາ ໄກ ອັນ ຍ່ອນ ຮາເວົ້າຍ ເຢົາງ ເຈົ້າຮາຊີ ຕະ ໂອນ ບຣັຮ ຮາງິ່ຮ ເຍົາ, ກະ ຍ່ອນ ເຍົາ ຊາອໍາ ປັຮນາຍ ປຍາຍ໌ ແຕ ເຢຊູ ກຣິດ. 14 ນະກ້ອຍ ເຢົາງ ເຈົ້າຮາ ຊີ ກູອ້ ເຍົາ, ລາ ຍ່ອນ ປັຮນາຍ ອໍ ແຕ ເຢຊູ ກາ ຮິ ອາຕີ ເຍົາ ເຈີ່. ອັນ ກູອ້ ເຍົາ ໂອນ ເຕ່ອ້ ເຍົາ ຈູງ ອໍານາດ ອາງອິ່ຮ ມັນຕຸ ກະ ເຢຊູ ກຣິດ, ອິນເຈົ້າ ໄຮ, ຕຶ່ງ ມັນລ້ອງ. 15 ນະກ້ອຍ, ແຊມອາຍ ເອີຍ, ອິງເຄາະ ເຍົາ ແອັດ ຊາເບິ່ງ ເລືອຍາງ. ກະ ອິງເຄາະ ເຍົາ ຢຸມ ດໍອ້ ມັຮ ປັຮນາຍ ຮິ ອາຕີ ເຍົາ ແຕ ແບອ້ ຮິ ແຕີລາ ແຕ ເຈຍ ປັຮນາຍ ຊາອັຮ ແຕ ຮິ.

16 ເຢຊູ ກຣິດ, ອິນເຈົ້າ ໄຮ, ກະ ເຢົາງ ເຈົ້າຮາຊີ, ອິມປໍ່ ໄຮ, ອາໂຢະ ໄຮ ກະ ຈ່ອຍ ເມີດ ໄຮ ເຈີ່. ອັນ ອາເລີມ ເລືອຍາງ ໄຮ, ກະ ໄຮ ອິງກ່ອງ ປັຮແນີ ມັນ ເຕຣີາ ເບີນ ແອັດ ຮໍ່ອ້ ອໍ ເລືອຍາງ ກະ ອັນ. 17 ເກົາ ແຊອ້ ອັນ ຕະ ໂອນ ຮາງິ່ຮ ເຍົາ ຊາອໍາ ຊາອິ່ຍ ລາ ລີ່ ແອັນ. ກະ ເກົາ ແຊອ້ ອັນ ຕະ ໂອນ ຮາງິ່ຮ ເຍົາ ແກັດ ແຮ່ງ ອາຊ້ອຮ ລາລີ່, ໂອນ ເຍົາ ເຕ່ອ້ ຕະ ກູ່ ຮານະ ອໍ ກະ ອາຕີ ກູ່ ປັຮນາຍ ອໍ.

3

ໂປໂລ ແຊອ້ ມູ່ ກາ ຊາອໍາ ເກົາແຊອ້ ຈ່ອຍ ອັນ

1 ແຊມອາຍ ເອີຍ! ມວຍ ຮາມິ່ຮ ແອັນ, ແຊອ້ ເຍົາ ເກົາແຊອ້ ຈ່ອຍ ຮິ, ໂອນ ປັຮນາຍ ເຢົາງ ເຈົ້າຮາ ຊີ ແຕ້ອ ໄວ່ ກູ່ ອິນຕຸ, ກະ ຕາ ເບີນ ເມົາ ກາຕັງ ປັຮນາຍ ກ້ອຍ. ກະ ແຊອ້ ເຍົາ ເກົາແຊອ້ ໂອນ ກູ່ ນະ ກວາຍ ຍໍາມັບ ປັຮນາຍ ກ້ອຍ ມູເຈິງ ເຍົາ ເຕ່. 2 ແຊອ້ ເຍົາ ເກົາແຊອ້ ໂອນ ຮິ ເບີນ ແວັດ ແຕ ອາ

ຕີ ກວາຍ ກູກາະ ກະ ແຮ້ງ, ຍ່ອນ ຕາ ເບີນ ອິນ ແຍ່ະ ມັຮ ກວາຍ ມາ ຊາອໍາ ປັຣນາຍ ອໍ ແຕ ເຢີງ ເຈົາຣາຊີ. <sup>3</sup> ມາ ອິນເຈົາ ໄຮ, ເຕ່ອ ໄຮ ຊາອໍາ ອັນ. ອັນ ໂອນ ເຍົາ ເບີນ ຣາງັຮ ຊາອໍາ ເຮ່ງ ອາຊ້ອຣ ລາ ລໍ້, ກະ ອັນ ກຍາຍໍ ເຍົາ ຕາ ໂອນ ເຢີງ ຊາຕານ ຕະ ເຍົາ. <sup>4</sup> ເຢຊູ, ອິນເຈົາ ໄຮ, ໂອນ ຮິ ເຕ່ອ ຊາອໍາ ປາຍ ເຍົາ ຕະ ແຕ ຣານະ ກາ ຮິ ປາຕັບ ໂອນ ເຍົາ ຕະ ຊານໍ ກະ ປັຣເນີ ມັນເຕຣົາ ແຮ. <sup>5</sup> ຮິ ແຊອໍ ອິນເຈົາ ອາໂຢ່ງ ເຍົາ ດັງ ອາໂຢ່ະ ເຍົາ ມູເຈິງ ເຢີງ ເຈົາຣາຊີ ອາໂຢ່ະ ເຍົາ ເຕ່. ກະ ຮິ ແຊອໍ ເຢຊູ ກຮິ ດ ໂອນ ເຍົາ ເບີນ ຣາງັຮ ເຮົາບ ຈິວ ຕຸ່ຮ ກັດ ມູເຈິງ ອັນ ເຕ່.

ເຍົາ ອິນໂຈຍ ອາລັຮ

<sup>6</sup> ຊານໍ, ແຊມອາຍ ເອີຍ, ຍ່ອນ ແຕ ຣາມິ່ຮ ເຢຊູ ກຮິດ, ອິນເຈົາ ໄຮ, ຮິ ປາຕັບ ເຍົາ ແອັດ ເຍີ ງ ແຕ ໄລ່ ກາ ຊາອໍາ ມາ ອາລັຮ ອິ ຕະ ຣານະ. ໄລ່ ກ້ອຍ ຕາ ເບີນ ຕາປຸ່ນ ມັຮ ຣານະ ເຍົາ ຣຍານ ແຕ ຮິ ເຈີ່. <sup>7</sup> ເຍົາ ດັງ ເຈີ່, ປຍາຍໍ ລາ ເຍົາ ດວຍໍ ມູ ເຈິງ ຮິ ເຕ່ ແຕ ຣາມິ່ຮ ໄນ່. ບັອງ ກາ ຮິ ແອັດ ກະ ເຍົາ, ຮິ ຕາ ເບີນ ອາລັຮ ອິນເຕົາ. <sup>8</sup> ຮິ ຕາ ເບີນ ຈາ ເມົາດ ເກຣິງ ຊັຮນາ ເຍົາ. ມາ ຮິ ຕະ ຣານະ ລາແກັຮ. ຮິ ຕະ ເລືອຍໆ ຕາໂງ ກະ ຊາເດົາ ໂອນ ຕາ ເບີນ ເມົາ ແຕ ເຍົາ ຕຸ່ຮ ແຈມ ຮິ. <sup>9</sup> ຮິ ເບີນ ຊິດ ເຕ່ອ ແຊອໍ ຈາ ຊັຮນາ ເຍົາ. ມາ ຮິ ຍໍອໍ ອິ ຕະ ເຕຣ່ງ ໂອນ ເຍົາ ເຕ່ອ ດວຍໍ ມູເຈິງ ຮິ ຕະ ເຕ່. <sup>10</sup> ບັອງ ກາ ຮິ ນັ້ອງ ແອັດ ກະ ເຍົາ, ຮິ ປາຕັບ ເຍົາ ປາຍ: "ຄັນ ກວາຍ ອາແລະ ກາ ອາລັຮ ອິ ຕະ ຣາ ນະ, ອິນໂຈຍ ໂອນ ອັນ ຈາ."

<sup>11</sup> ຮິ ປາຍ ນະກ້ອຍ, ຍ່ອນ ຮິ ຊ້ອງ ເຈີ່ ເມົາ ປາຍ ເບີນ ກວາຍ ແຕ ເຍົາ ອາລັຮ ອິ ຕະ ຣານະ. ໄລ່ ກ້ອຍ ເປາະ ກູເກິງ ບໍ ໄນ່ ບໍ ກ້ອຍ ຍໍອໍ ອິ ກູຈຸກ ກວາຍ ການໍອໍ ຊ້ອງ. <sup>12</sup> ຍ່ອນ ແຕ ເຢຊູ ກຮິດ, ອິນເຈົາ ໄຮ, ຮິ ປາຕັບ ກະ ກາແອັຮ ກວາຍ ກ້ອຍ ອິງເຄາະ ໄລ່ ປາໄຮັຮ ຕະ ຣານະ, ໂອນ ໄລ່ ເບີນ ຊັຮ ນາ ຈາ <sup>13</sup> ມາ ເຍົາ, ແຊມອາຍ ເອີຍ, ອິງເຄາະ ເຍົາ ອິນໂຈຍ ຊ້ອງ ລາແກັຮ ຕະ ຣານະ ອໍ. <sup>14</sup> ຄັນ ເບີ ນ ເມົາ ແຕ ເຍົາ ມາ ຕາ ເບີນ ຊາງັດ ມັຮ ປັຣນາຍ ຮິ ຄຽນ ອາຕີ ຕິ່ງ ປັຣນາຍ ຊາອິຣ ໄນ່, ເຍົາ ອິນ ໂຈຍ ຣາຕອຍ ກະ ກວາຍ ກ້ອຍ, ໂອນ ໄລ່ ຊ້ອງ ກູ ມາລ ຕະ. <sup>15</sup> ມາ ເຍົາ ອິນໂຈຍ ນັບ ປາຍ ໄລ່ ລາ ນະ ກວາຍ ດໍອໍ ມັດ ກະ ເຍົາ. ມາ ອິງເຄາະ ເຍົາ ກາ ແອັຮ ໄລ່ ນະ ເຍົາ ກາແອັຮ ແຊມອາຍ ເຍົາ ເຕ່.

<sup>16</sup> ເກົາ ແຊອໍ ເຢີງ ເຈົາຣາຊີ, ອັນ ກາ ກໍລ ຣາມິ່ ຮ ອຽນ ອໍ, ໂອນ ອັນ ຈ່ອຍ ເຍົາ ແອັດ ອຽນ ອໍ ເລືອຍໆ ຕິ່ງ ກູ ຣານະ ເຍົາ ຕະ. ຮິ ແຊອໍ ອິນເຈົາ ໄຮ ແອັດ ເລືອຍໆ ກະ ເຍົາ.

<sup>17</sup> ເກົາ, ໂປໂລ ແຕ່ ກາ ຄຽນ ປັຣນາຍ ກູບັນ ກູ ຊວານ ປັຣຊັດ ໄນ່. ກູ ປັຣນາຍ ຊາອິຣ ເກົາ ຄຽນ, ເກົາ ຄຽນ ຣາມິ່ຮ ເກົາ ນະ ເຍົາ ເຮີມ ໄນ່.

<sup>18</sup> ເກົາ ແຊອໍ ເຢຊູ ກຮິດ, ອິນເຈົາ ໄຮ, ຈ່ອຍ ເມົາດ ເລືອຍໆ ເຍົາ.

# ປັນນາຍ ຊາອົຣ ມວຍ ໂປໂລ ຄຽນ ໂອນ ຕີໂມທຽວ

ປັນນາຍ ອາຕີ ອິນໂຢ່ງ

ໂປໂລ ຄຽນ ປັນນາຍ ຊາອົຣ ມວຍ ໄນ່ ພາອົ ຊາອົຣ ຕີໂມທຽວ. ອັນ ຄຽນ ມາຣ 63-65 ກູມໍ ແວັດ ເຢຊູ ແກ້ດ. ຕີໂມທຽວ ລາ ກວາຍ ນຸ່ມ ກາ ດຸ ຕະ ຣານະ ກະ ໂປໂລ ບັ້ງ ກາ ໄລ່ ເປາະ ອາຕີ ປັນນາຍ ອໍ ແຕ ເຢຊູ ກຣິດ. ອິມເປອົ ຕີໂມທຽວ ລາ ກວາຍ ອິດຊະຣາເອລ, ມາ ອິມປໍ ອັນ ລາ ກວາ ຍ ກຣິກ.

ໂປໂລ ແປຣີ ຕີໂມທຽວ ແອິດ ລັຣ ຕຶ່ງ ພືອງ ເອ ເພໂຊ ດໍອົ ຣາຈ່ອຍ ມັຣ ມູ່ ກາ ຊາອໍາ ຕຶ່ງ ພືອງ ກ້ອຍ, ບັ້ງ ກາ ໂປໂລ ເປາະ ອາຕີ ພືອງ ການໍອົ. ໂປໂລ ພາອົ ປັນນາຍ ຊາອົຣ ໄນ່ ດໍອົ ກາໄຕຣ ອາຕີ ຕີໂມທຽວ ແຕ ຣານະ ອາໂຢ່ງ ມູ່ ກາ ຊາອໍາ ແອິດ ຕຶ່ງ ພືອງ ເອເພໂຊ. ອັນ ອາຕີ ແຕ ຣຽຣ ກວາ ຍ ໂອນ ແກ້ດ ຊິດ ຕຶ່ງ ມູ່ ກາ ຊາອໍາ. ອັນ ແປຣີ ຕີໂມທຽວ ຣາຈ່ອຍ ກອນ ກູມູອົ ອາກັນ ກູມາຍ, ກະ ຕາຕ່ອຍົ ກວາຍ ກາ ອາຕີ ແຕ ຣານະ ຕາ ເບີນ ປຍາຍົ. ປັຣຊິດ ໄນ່, ໂປໂລ ອາຕີ ຕີໂມທຽວ ຕະ ນານະ ໂອນ ແກ້ດ ກວາຍ ກາ ຕະ ຣານະ ອໍ ໂອນ ເຢຊູ ກຣິດ.

1 ຫົາ ໂປໂລ, ລາ ກວາຍ ເຢັງ ເຈົາຣາຊີ ຣຽຣ ປາຈຸຣ ໂອນ ເປາະ ຕະ ຣານະ ເຢຊູ ກຣິດ. ເຢັງ ເຈົາຣາຊີ ຈ່ອຍ ອາມົ່ງ ໄຣ. ນະກ້ອຍ ໄຣ ເບີນ ຣາງຶຣ ອົງກ່ອງ ເລືອຍໆ ຍ່ອນ ແຕ ເຢຊູ ກຣິດ. 2 ຫົາ ຄຽນ ປັນນາຍ ໄນ່ ພາອົ ຊາອົຣ ຕີໂມທຽວ. ໄນ່ ລາ ນະ ກອນ ຫົາ ຍ່ອນ ໄນ່ ຊາອໍາ ເຢຊູ ກຣິດ ມູເຈັງ ຫົາ ເຕ່. ຫົາ ແຊອົ ເຢັງ ເຈົາຣາຊີ, ອິມ ບໍ່ ໄຣ, ກະ ເຢຊູ ກຣິດ, ອິມເຈົາ ໄຣ, ຈ່ອຍ ພົາດ ໄນ່, ກະ ອາໂຢ່ະ ຕະ ໄນ່, ກະ ໂອນ ໄນ່ ແອິດ ບັນ ຊ ວານ ອຽນ ອໍ ເລືອຍໆ.

ເບີນ ກວາຍ ອາຕີ ແຕ ເຢັງ ເຈົາຣາຊີ, ມາ ຕາ ເບີນ ປຍາຍົ

3 ຫົາ ໂອນ ໄນ່ ແອິດ ລັຣ ຕຶ່ງ ພືອງ ເອເພ ໂຊ ເວີາຍ, ນະ ຫົາ ແປຣີ ໄນ່ ເຈີ່ ບັ້ງ ກາ ຫົາ ອິ ເປາະ ບໍ່ ແຄງ ມາທ໌ໂດເນຍ. ເບີນ ກວາຍ ແອິດ ຕຶ່ງ ພືອງ ເອເພໂຊ ກ້ອຍ, ໄລ່ ອາຕີ ປັນນາຍ ຕາ ປຍາຍົ. ອົງເຄາະ ໄນ່ ກາແອັຣ ອິນໂຈຍ ໂອນ ໄລ່ ອາຕີ ນັ້ງ ນະກ້ອຍ. 4 ກະ ກາແອັຣ ໄລ່ ອິນໂຈຍ

ຕະ ອິນຕີ ນັ້ງ ບິນ ຕຍາ ກາ ຕາ ເບີນ ປຍາຍົ. ໄລ່ ຕະ ອິນຕີ ເລືອຍໆ ແຕ ເຈຍ ເມົາ ຄຽນ ຣາມິຣ ອາ ຈວາຍຣ ອາເຈຣ ໄລ່, ມາ ຣາມິຣ ກ້ອຍ ຕາ ເບີນ ຈ່ອຍ ໂອນ ດັງ ແຕ ຣານະ ເຢັງ ເຈົາຣາຊີ. ຣາມິຣ ກ້ອຍ ຕະ ໂອນ ໄລ່ ຣາໂລຍຣ ຊ້ອງ. ມາ ກວາຍ ອາ ແລະ ກາ ຢັອ ອິ ຕະ ຣານະ ເຢັງ ເຈົາຣາຊີ, ອົງເຄາະ ກວາຍ ກ້ອຍ ຊາອໍາ. 5 ຫົາ ຢັອ ໄນ່ ປາຕັບ ໄລ່ ໂອນ ເບີນ ຣາງຶຣ ອາໂຢ່ະ ກາ ແຕ້ອົ ແຕ ໄປ ຣາມິຣ ນະໄນ່: ມວຍ ລາ ຣາງຶຣ ບຣັຣ ອໍ, ບາຣ ລາ ຣາງຶຣ ກາ ຕາ ເບີນ ຕິ ຈະ ເບີມ ປາຍ ໄລ່ຍຣ, ໄປ ລາ ຊາ ອໍາ ເຢັງ ເຈົາຣາຊີ ຕານັ້ງ ອໍ ລາລີ້. 6 ມາ ເບີນ ກວາຍ ກາ ນະ ໄລ່ ແກ້ ຣານາ, ເຈີ່ ງວາຍ ແຕ ໄປ ຣາມິຣ ກ້ອຍ. ໄລ່ ກ້ອຍ ເກີ້ຍ ຕະ ອິນຕີ ປັນນາຍ ຕາ ແກ້ດ ຫົາ. 7 ໄລ່ ກ້ອຍ ຢັອ ອິ ແກ້ດ ອາຈານ ກາ ອາຕີ ແຕ ຄານອດ ໂມເຊ. ມາ ໄລ່ ຕາ ເບີນ ດັງ ອິນເຕົາ ມັຣ ຣາມິຣ ໄລ່ ປາຍ. ໄລ່ ຄິດ ລາ ປຍາຍົ ອິນແຍະ, ມາ ມັຣ ຣາມິຣ ໄລ່ ອາຕີ ຕາ ເບີນ ປຍາຍົ ອິນເຕົາ.

8 ໄຣ ດັງ ເຈີ່ ຄານອດ ໄນ່ ລາ ອໍ, ມາ ກວາຍ ກາ ອາຕີ ແຕ ຄານອດ ໄນ່, ອົງເຄາະ ອັນ ອາຕີ ໂອນ ປ ຍາຍົ ລາລີ້. 9 ໄຣ ດັງ ເຕ່ ເຢັງ ເຈົາຣາຊີ ຕາ ເບີນ ໂອນ ຄານອດ ໄນ່ ບໍ່ ກວາຍ ກາ ຕະ ຣານະ ຕານັ້ ອງ ອໍ. ມາ ອັນ ຕະ ໂອນ ກວາຍ ກາ ນະໄນ່: ໄລ່ ກາ ຕາ ແອອົ ອິ ຊາງັດ ຄານອດ ອິນເຕົາ; ໄລ່ ກາ ຕາ ແອອົ ເມົາ ຕາລາ ໄລ່; ໄລ່ ກາ ຕາ ເບີນ ຢານັບ ເຢັງ ເຈົາຣາຊີ; ໄລ່ ກາ ຕະ ຣານະ ໄລ່ຍຣ; ໄລ່ ກາ ເບີນ ຣາງຶຣ ຕາ ເບີນ ບຣັຣ ອໍ; ໄລ່ ກາ ຕາ ເບີນ ອົງ ກ້ອຣ ອາແລະ; ໄລ່ ກາ ກາຈິດ ອິມເປອົ ອິມປໍ ແຕີ ລາ ກວາຍ ການໍອົ; 10 ໄລ່ ກາ ຕາ ເບີນ ລາກວຍ ກາຢາອົ ມາ ບິ ມັນຕຸ; ໄລ່ ກາ ອິ ເບີນ ມັນແຊມ ຣາຕວາອົ ມັນແຊມ, ຣາເລົາ ຣາຕວາອົ ຣາເລົາ; ໄລ່ ກາ ຕວຍົ ຈິ ກວາຍ; ໄລ່ ກາ ເກີ້ຍ ຕະ ອິນຕີ ອາ ໂລກ; ໄລ່ ກາ ຄິນ ມາ ຕາ ເບີນ ຕານັ້ງ; ກະ ໄລ່ ກາ ຕະ ຣານະ ການໍອົ ກາ ຣາຄົດ ກະ ປັນນາຍ ປ ຍາຍົ ແຕ ເຢັງ ເຈົາຣາຊີ. 11 ປັນນາຍ ປຍາຍົ ໄນ່ ລາ ປັນນາຍ ອໍ ແຕ ເຢັງ ເຈົາຣາຊີ. ເຢັງ ເຈົາຣາ ຊີ ເບີນ ອໍານາດ ອາງອິຣ, ກະ ອັນ ລາ ກໍລ ຣາມິຣ ບຸ່ນ. ກະ ເຢັງ ເຈົາຣາຊີ ໂອນ ຫົາ ອາຕີ ປັນນາຍ ອັນ ໂອນ ກວາຍ ການໍອົ ດັງ.

ໂປໂລ ຊາແອິນ ລັຣ ເຢັງ ເຈົາຣາຊີ ອາໂຢ່ະ ຕະ ອັນ

12 ຫົາ ຊາແອິນ ເຢຊູ ກຣິດ, ອິນເຈົາ ໄຣ, ອັນ ນັບ ຫົາ ຕະ ຕານັ້ງ ຣານະ ອັນ, ກະ ອັນ ຈັຣ ຫົາ ໂອນ ເຣີບ ຕະ ຣານະ ກ້ອຍ. 13 ແຕ ບັ້ງ ກ້ອຍ ຫົາ ພາມາດ ເລືອຍໆ ຣາມິຣ ເຢຊູ, ກະ ຫົາ ຕະ

## 2

ຕຸ່ຮ ກັດ ໄລ່ ກາ ຕາປູນ ຮານະ ອັນ. ຫົາ ລາ ກວາຍ ແຮ້ງ ລາລີ້, ຍ່ອນ ຫົາ ອິນນ້ອງ ຊາກູລ ຕາ ຢວາຮ ຊາອໍ ອັນ. ມາ ເຢິງ ເຈົ້າຮາຊີ ອິນນ້ອງ ອາໂຢະ ຕະ ຫົາ. <sup>14</sup> ກະ ອັນ ຈ່ອຍ ເມັດ ຫົາ ຊາອິ້ຍ ອາຊ້ອຮ ແອັນ, ໂອນ ຫົາ ເຕ້ອ ຊາອໍ ເຢຊູ ກຮິດ ກະ ເບີນ ຮາງືຮ ອາໂຢະ ແຕ ອັນ. <sup>15</sup> ເຢຊູ ກຮິດ ແຕ້ອ ເຈີ່ ປີ ກູແຕອ້ ໄມ່, ອັນ ຍິ້ອ ອິ ຈ່ອຍ ອາມັ່ງ ກວາຍ ກາ ເບີນ ໂລ່ຍຮ. ປັຮນາຍ ໄມ່ ລາ ປຍາຍ. ອໍ ໂອນ ກູ່ ນະ ກວາຍ ເບີນ ຮັບ ປັຮນາຍ ໄມ່. ກູ່ ນະ ກວາຍ ເບີນ ໂລ່ຍຮ, ມາ ໂລ່ຍຮ ຫົາ ລາ ອິນຕ້ອງ ກາເລີຍ ແຕ ກວາຍ ການໍ້ອ. <sup>16</sup> ມາ ເຢິງ ເຈົ້າຮາຊີ ອິນນ້ອງ ອາໂຢະ ຕະ ຫົາ, ດໍອ ໂອນ ເຢຊູ ກຮິດ ເຕ້ອ ອາປັຮ ອັນ ເບີນ ຮາງືຮ ຈິວ ໂຈະ ກວາຍ ໂລ່ຍຮ. ຍ່ອນ ຫົາ ຕະ ໂລ່ຍຮ ຊາອິ້ຍ ກາເລີຍ ແຕ ກວາຍ ການໍ້ອ, ນະກ້ອຍ, ຫົາ ລາ ເຕຮງ ດໍອ ອາໂຢ່ງ ໂອນ ໄລ່ ກາ ຊາອໍ ເຢຊູ ອິນຕູ່ນ. ເຕ້ອ ໄລ່ ຕະ ນະ ຫົາ ເຕ່, ເຈີ່ ໄລ່ ກ້ອຍ ເບີນ ອາມັ່ງ ເລືອຍໆ.

<sup>17</sup> ເຢິງ ເຈົ້າຮາຊີ ລາ ເຕົາວ ປັຮເຍົາ ຕາ ຫີ່ຍ ປິ່ດ. ເມົາ ຕາ ຫີ່ຍ ເຮີມ ຮູບເຮົາງ ອັນ. ກະ ອັນ ຕາ ຫີ່ຍ ກູຈິດ. ແອັງ ອັນ ແຕ່ ລາ ເຢິງ ເຈົ້າຮາຊີ. ອິງເຄາະ ໄຮ ຢ້ານັບ ກະ ຍ່ອງ ອັນ ຊົດ ແດີຍ ເລີ່ຍ ກູມໍ. ອາແມນ.\*

### ໂປໂລ ປາຕັບ ຕິໂມທຽວ

<sup>18</sup> ຕິໂມທຽວ ເອີຍ, ໄມ່ ລາ ນະ ກອນ ຫົາ. ນະກ້ອຍ ຫົາ ຍິ້ອ ອິ ປາຕັບ ໄມ່ ອິງເຄາະ ໄມ່ ຕະ ອິນເຕົາ. ເບີນ ກວາຍ ຕາງ ປັຮນາຍ ເຢິງ ເຈົ້າຮາຊີ ກາ ອາຕີ ອໍ ແຕ ໄມ່ ເຈີ່. ອິງເຄາະ ໄມ່ ເຈີ່ ດໍອ ມັຮ ປັຮນາຍ ໄລ່ ປາຍ, ໂອນ ປັຮນາຍ ກ້ອຍ ແກ້ດ ນະ ເຫຣັງ ປາ, ເຕ້ອ ໄມ່ ເຮົາບ ຮາຊູ່ ກະ ຮານະ ຕາ ອໍ. <sup>19</sup> ອິງເຄາະ ໄມ່ ຢຸມ ດໍອ ເລືອຍໆ ຮາງືຮ ຊາອໍ ເຢຊູ. ກະ ອິງເຄາະ ໄມ່ ຕະ ອໍ ເລືອຍໆ ໂອນ ຮາງືຮ ໄມ່ ຕາ ເບີນ ຕີ ປາຍ ໄມ່ ເບີນ ໂລ່ຍຮ ອິນເຕົາ. ເບີນ ກວາຍ ຕະ ຮານະ ກາ ຮາງືຮ ໄລ່ ດັງ ປາຍ ໂລ່ຍຮ. ກວາຍ ກ້ອຍ ຕາລຸຮ ຕັຮ ຮາງືຮ ໄລ່ ຊາອໍ ເຢຊູ ກຮິດ. <sup>20</sup> ບາຮ ນະ ກາ ຕະ ນະກ້ອຍ ລາ ຮິແມນໂຢ ກະ ອາເລັກຊັມເດີ. ຫົາ ມ່ອບ ໄລ່ ປີ ອາຕີ ເຢິງ ຊາຕາມ ເຈີ່, ໂອນ ໄລ່ ດັງ ກະ ຕາ ເບີນ ພາມາດ ນ້ອງ ເຢິງ ເຈົ້າຮາຊີ.

### ອາຕີ ແຕ ປັຮນາຍ ຫົາແຊອໍ

<sup>1</sup> ແຕ ຕາແບີ ລາລີ້ ຫົາ ປາຕັບ ອິງເຄາະ ເຍົາ ຫົາ ແຊອໍ ເຢິງ ເຈົ້າຮາຊີ ຈ່ອຍ ກູ່ ນະ ກວາຍ. ກະ ອິງເຄາະ ເຍົາ ຊາແອິນ ເລືອຍໆ ເຢິງ ເຈົ້າຮາຊີ ໂອນ ອິນແຍ່ະ ມັຮ ກວາຍ. <sup>2</sup> ອິງເຄາະ ເຍົາ ຫົາແຊອໍ ເຢິງ ເຈົ້າຮາຊີ ຈ່ອຍ ກວາຍ ເຕົາວ ປັຮເຍົາ ກະ ກວາຍ ຊົດ ການໍ້ອ ແຮີ, ໂອນ ເຕ້ອ ໄຮ ແອິດ ອຽນ ອໍ ຕິ່ງ ແດີຍ ອາມັ່ງ ໄຮ, ກະ ເຕ້ອ ໄຮ ແອິດ ມັນຕັດ ກະ ບຮັຮ ອໍ ຕາປູນ ຮານະ ເຢິງ ເຈົ້າຮາຊີ. <sup>3</sup> ປັຮນາຍ ຫົາແຊອໍ ນະກ້ອຍ ລາ ອໍ ໂອນ ກູ່ ນະ ກວາຍ ກະ ໂອນ ເຢິງ ເຈົ້າຮາຊີ ຊ້ອງ ຮໍ້ອ ເຕ່. <sup>4</sup> ເຢິງ ເຈົ້າຮາຊີ ຍິ້ອ ລາລີ້ ອິ ຈ່ອຍ ອາມັ່ງ ກູ່ ນະ ກວາຍ, ກະ ອັນ ຍິ້ອ ອິນແຍ່ະ ມັຮ ກວາຍ ດັງ ແຈງ ລາລີ້ ປັຮນາຍ ປຍາຍ ແຕ ອັນ. <sup>5</sup> ເບີນ ແອັງ ມານະ ເຢິງ ເຈົ້າຮາຊີ ຊ້ອງ. ກະ ເບີນ ແອັງ ມານະ ຊ້ອງ ເຕ້ອ ໂອນ ເຢິງ ເຈົ້າຮາຊີ ແຕ້ອ ປີ ກວາຍ, ກະ ໂອນ ກວາຍ ແຕ້ອ ປີ ເຢິງ ເຈົ້າຮາຊີ. ມານະ ໄມ່ ລາ ເຢຊູ ກຮິດ. <sup>6</sup> ເຢຊູ ຈິວ ກູຈິດ ດໍອ ໄຫ ລັຮ ກູ່ ນະ ກວາຍ. ແຕ້ອ ປາແມ່ນ ອັນ ນັດ ດໍອ, ອັນ ອາປັຮ ໂອນ ກວາຍ ດັງ ອັນ ຈ່ອຍ ອາມັ່ງ ໄລ່. <sup>7</sup> ຍ່ອນ ນະກ້ອຍ ເຢິງ ເຈົ້າຮາຊີ ຮຽຮ ປາຈຸ່ຮ ຫົາ ໂອນ ເປາະ ຕະ ຮານະ ເຢຊູ ກຮິດ ກະ ແປຮີ ຫົາ ເປາະ ອາຕີ ກວາຍ ຕາ ແກ້ນ ກວາຍ ອິດຊະຮາເອລ. ຫົາ ອາຕີ ໄລ່ ແຕ ຮາມິ້ຮ ຊາອໍ ເຢຊູ ກຮິດ, ກະ ຫົາ ອາຕີ ມັຮ ຮານະ ປຍາຍ ແຕ ອັນ. ປັຮນາຍ ຫົາ ອາຕີ ລາ ປຍາຍ ລາລີ້. ຫົາ ຕາ ເບີນ ແກອໍ ອິນເຕົາ.

<sup>8</sup> ນະກ້ອຍ ມັຮ ຮາເລົາ ຕິ່ງ ຈຸ່ມ ເຍົາ, ແຕ້ອ ໄລ່ ຫົາແຊອໍ ຕິ່ງ ດຸງ ຊາງ, ຫົາ ຍິ້ອ ໄລ່ ຢວຮ ຕາຢິ່ງ ກະ ອາແຣ້ ອາຕີ. ກະ ອິນຕຸ ອາແລ່ະ ໄລ່ ຫົາແຊອໍ, ຫົາ ຍິ້ອ ໄລ່ ເບີນ ຮາງືຮ ບຮັຮ ອໍ, ຕາ ເບີນ ອວານ, ກະ ຕາ ເບີນ ຍິ້ອ ອິ ຮາຈຽນ.

### ຮາມິ້ຮ ປາຕັບ ໂອນ ກວາຍ ມັນແຊມ

<sup>9</sup> ຫົາ ຍິ້ອ ເຕ່ ໂອນ ມັນແຊມ ຕັອກ ເຫຣັງ ກະ ດໍອ ໂຊະ ໂອນ ຊໍລນຍາບ ອໍ ກະ ມາຮ ພາດີ. ອິນ ໂຈຍ ໂອນ ໄລ່ ຕັອກ ແຢງ ແຕ່ລາ ເຫຣັງ ກາ ເປ່ງ ການໍ້ອ. <sup>10</sup> ມາ ອໍ ໂອນ ມັນແຊມ ກາ ຕາປູນ ຮານະ ເຢິງ ເຈົ້າຮາຊີ ໂອນ ໄລ່ ຕະ ຮານະ ອໍ ນະ ໄລ່ ຕັອກ ເຫຣັງ ອໍ. ອິງເຄາະ ໄລ່ ຕະ ນະກ້ອຍ, ໂອນ ກວາຍ ການໍ້ອ ເຕ້ອ ເຮີມ ປາຍ ໄລ່ ລາ ກວາຍ ກາ ຢ້ານັບ ເຢິງ ເຈົ້າຮາຊີ. <sup>11</sup> ແຕ້ອ ກາ ເຍົາ ໂຮ່ມ

\* 1:17 1:17 ປັຮນາຍ 'ອາແມນ' ອາຕີ ລັຮ ລາ 'ກຣັກ ນະກ້ອຍ' ແຕ່ລາ 'ແຊອໍ ໂອນ ແກ້ດ ນະກ້ອຍ.'

ຊາງ ເຢີງ ເຈົ້າຮາຊີ, ໂອນ ກວາຍ ມັນແຊມ ແອິດ ຮາງຍາຣ໌ ອໍ, ກະ ໂອນ ໄລ່ ຊາງັດ ມັຮ ປຣນາຍ ກາ ເມົາ ອາຕີ. <sup>12</sup> ເກົາ ຕາ ໂອນ ມັນແຊມ ອາຕີ ແຕ່ ລາ ຕະ ຊົດ ກວາຍ ຮາເລົາ. ມາ ໂອນ ໄລ່ ແອິດ ຮາງຍາຣ໌ ອໍ. <sup>13</sup> ຍ່ອນ ອາດາມ ລາ ເຢີງ ເຈົ້າຮາຊີ ແຕງ ອິນໂຍ່ງ, ມາ ເອວາ, ເຢີງ ເຈົ້າຮາຊີ ແຕງ ອິນຕຸ່ນ. <sup>14</sup> ກະ ເຢີງ ຊາຕານ ຕາ ເບີນ ປຣຕີ້ ອັນ ອາດາມ, ມາ ອັນ ປຣຕີ້ ລາກວຍ ອັນ ຊ້ອງ, ເຈີ້ ມັນແຊມ ກ້ອຍ ເບີນ ໄລ່ຍຮ. <sup>15</sup> ຍ່ອນ ນະກ້ອຍ ເຢີງ ເຈົ້າຮາຊີ ໂອນ ມັນແຊມ ຊ້ອງ ຕໍ່ ລາລີ້ ບ້ອງ ກາ ໄລ່ ຮັຮ ກອນ. ມາ ອິນນ້ອງ ອັນ ຈ່ອຍ ອາມັງ ມັນແຊມ ແຕ່, ຄັນ ໄລ່ ຊາອໍາ, ອາໂຢະ ເຢົາ, ແອິດ ບຣັຮ ອໍ ຢັຮ ເມີງ ເຢີງ ເຈົ້າຮາຊີ, ກະ ດັງ ກຍາຣ໌ ອໍ ຈະ ໄລ່ ເບີມ.

### 3

ກວາຍ ຕະ ຊົດ ຕຶ້ງ ມູ່ ກາ ຊາອໍາ

<sup>1</sup> ປຣນາຍ ໄນ່ ລາ ປຍາຍ ລາລີ້. ຄັນ ກວາຍ ອາ ແລະ ຄິດ ຢັຮ ອີ ຕະ ຊົດ ຕຶ້ງ ມູ່ ກາ ຊາອໍາ, ກວາ ຍ ກ້ອຍ ຄິດ ອີ ຕະ ຮານະ ອໍ. <sup>2</sup> ອັນ ກາ ອີ ຕະ ຊົດ ຕຶ້ງ ມູ່ ກາ ຊາອໍາ ອີງເຄາະ ອັນ ຕະ ໂອນ ກວາ ຍ ການໍ່ອ ຕາ ແຕ່ອ ຕີ ອັນ. ອີງເຄາະ ອັນ ເບີນ ແອິງ ມານໍາ ລາກວຍ ຊ້ອງ. ອີງເຄາະ ອັນ ດັງ ລາ ວັງ ອັນ ເບີມ. ອີງເຄາະ ອັນ ດັງ ກຍາຣ໌ ອໍ ຈະ ອັນ ເບີມ. ອີງເຄາະ ອັນ ມັນຕັດ ອໍ. ອີງເຄາະ ອັນ ດັງ ຮັບ ຕາມອຍ. ອີງເຄາະ ອັນ ດັງ ອາຕີ ແຈງ ໂອນ ກວາຍ ການໍ່ອ. <sup>3</sup> ອີງເຄາະ ອັນ ອິນໂຈຍ ມັກ ບູລ ບ້ອງ. ອີງເຄາະ ອັນ ອິນໂຈຍ ເບີນ ຮາງັຮ ແຮັງ. ມາ ອີງເຄາະ ອັນ ເບີນ ຮາງັຮ ລາເມ່ນ ອໍ, ກະ ຕາ ເບີນ ກຸນເຕົາ ໂຢບ. ອີງເຄາະ ອັນ ອິນໂຈຍ ມັກ ປຣະ. <sup>4</sup> ກະ ອີງເຄາະ ອັນ ແຕ່ອ ຮາເດີງ ອໍ ດຸງຊູ ອັນ ໂອນ ກອນ ອາໄກ ແຕ່ອ ຊາງັດ ປຣນາຍ ອັນ ກະ ຢານໍ່ອ ອັນ. <sup>5</sup> ຄັນ ອັນ ຕາ ດັງ ຮາເດີງ ອໍ ດຸງ ຊູ ອັນ ເບີມ, ນານະ ແຕ່ອ ອັນ ຮາເດີງ ມູ່ ກາ ຊາ ອໍາ ເຢີງ ເຈົ້າຮາຊີ ແອັນ? <sup>6</sup> ກວາຍ ຕາແປ້ ຊາອໍາ ເຢຊູ ກຣິດ, ອິນໂຈຍ ໂອນ ອັນ ຕະ ຊົດ ຕຶ້ງ ມູ່ ກາ ຊາອໍາ. ອີງກ້ອຮ ປຍາຍ ກວາຍ ກ້ອຍ ຄິດ ຢັຮ ອີ ໂອດ, ເຈີ້ ເຢີງ ເຈົ້າຮາຊີ ຕະ ກວາຍ ກ້ອຍ ມູເຈີງ ອັນ ຕະ ເຢີງ ຊາຕານ ແຕ່. <sup>7</sup> ມາ ກວາຍ ກາ ຕະ ຊົດ ຕຶ້ງ ມູ່ ກາ ຊາອໍາ, ອີງເຄາະ ເບີນ ກາ ກວາຍ ກາ ຕາ ຢວາຮ ຊາອໍາ ປາຍ ອັນ ລາ ກວາຍ ອໍ ແຕ່. ຄັນ ຕາ ເບີນ ນະກ້ອຍ, ອີງກ້ອຮ ອັນ ແກ້ດ ກູມາລ ຕະ ກະ ໄກຣ ຕຶ້ງ ອາກັບ ເຢີງ ຊາຕານ.

<sup>8</sup> ມັຮ ກວາຍ ກາ ອີ ຈ່ອຍ ອັນ ກາ ຊົດ ມູ່ ກາ ຊາອໍາ, ອີງເຄາະ ໄລ່ ກ້ອຍ ເບີນ ຮາງັຮ ແພບ ກະ ຄູ່ນ ແຕ່. ອີງເຄາະ ໄລ່ ຕະ ອິນຕີ ຕານ້ອງ. ອີງເຄາະ ໄລ່ ອິນໂຈຍ ມັກ ບູລ ບ້ອງ. ອີງເຄາະ ໄລ່ ອິນໂຈຍ ຕະ ຮານະ ຕາ ອໍ ຢັຮ ອີ ເບີນ ປຣະ. <sup>9</sup> ກະ ອີງເຄາະ ໄລ່ ຍຸມ ດໍອ ມັຮ ຮາມິ້ຮ ປຍາຍ ກາ ອິນຕຸ່ນ ລາລີ້ ກາ ໄລ່ ຊາອໍາ ແຕ ເຢຊູ ກຣິດ. ອີງເຄາະ ໄລ່ ເບີນ ຮາງັຮ ກາ ຕາ ເບີນ ຕີ ປາຍ ໄລ່ ຕະ ໄລ່ຍຮ. <sup>10</sup> ແຕ ອິນໂຍ່ງ ໄລ່ ຕາ ຢວາຮ ຕະ ຮານະ ອິນເຕົາ ຕຶ້ງ ມູ່ ກາ ຊາອໍາ, ອີງເຄາະ ເຢົາ ລ່ອງ ຮາງັຮ ໄລ່ ເວົ້າຍ. ຄັນ ກວາຍ ການໍ່ອ ຕາ ເບີນ ຕີ ໄລ່, ແຕ່ອ ໄລ່ ຕະ ຮານະ ກ້ອຍ.

<sup>11</sup> ມູເຈີງ ກ້ອຍ ແຕ່, ລາກວຍ ໄລ່ ອີງເຄາະ ເບີ ນ ຮາງັຮ ແພບ ກະ ຄູ່ນ. ກະ ອີງເຄາະ ໄລ່ ອິນໂຈຍ ຕາແມ້ຍຮ ກວາຍ ການໍ່ອ. ອີງເຄາະ ໄລ່ ດັງ ກຍາຣ໌ ອໍ ຈະ ໄລ່ ເບີມ. ກະ ອີງເຄາະ ໄລ່ ຕະ ໂອນ ກວາຍ ການໍ່ອ ແຕ່ອ ຊາອໍາ ໄລ່.

<sup>12</sup> ກວາຍ ກາ ຈ່ອຍ ອັນ ກາ ຊົດ ຕຶ້ງ ມູ່ ກາ ຊາ ອໍາ, ອີງເຄາະ ໄລ່ ເບີນ ແອິງ ມານໍາ ລາກວຍ ຊ້ອງ. ກະ ອີງເຄາະ ໄລ່ ແຕ່ອ ຮາເດີງ ອໍ ກອນ ອາໄກ ໄລ່ ກະ ອິນແຍະ ດຸງຊູ ໄລ່. <sup>13</sup> ຄັນ ໄລ່ ຕະ ຮານະ ອໍ ຈ່ອຍ ເຢົາ, ນະກ້ອຍ ກວາຍ ການໍ່ອ ຢານໍ່ອ ໄລ່, ກະ ຮາງັຮ ໄລ່ ແກ້ດ ຍິນ ລາລີ້ ຕະ ຮານະ ເຢຊູ ກຣິ ດ, ຍ່ອນ ໄລ່ ຊາອໍາ ອັນ.

ຍ່ອນ ນານະ ໂປໂລ ປາຕັບ ຕີໂມທຽວ?

<sup>14</sup> ຊານໍ່ ເກົາ ຄຽນ ປຣນາຍ ຊາອິຮ ໄນ່ ພາຣ໌ ໂອນ ໄນ່, ມາ ຕາ ເບີນ ດຸ່ນ ນ້ອງ ເກົາ ອີງກ່ອງ ອີ ເປາະ ປີ້ ໄນ່ ແຕ່. <sup>15</sup> ມາ ຄັນ ເກົາ ຕາ ເບີນ ແຕ່ອ ໄວ້, ນະກ້ອຍ ປຣນາຍ ຊາອິຮ ໄນ່ ອາຕີ ໂອນ ໄນ່ ດັງ ອີງເຄາະ ຕະ ອິນເຕົາ ຕຶ້ງ ດຸງຊູ ເຢີງ ເຈົ້າຮາຊີ. ດຸງຊູ ໄນ່ ລາ ມູ່ ກາ ຊາອໍາ ເຢີງ ເຈົ້າຮາຊີ. ມູເຈີງ ຕາໂນລ ກາ ເມົາ ຈັຮ ອິນຕຸ່ນ ຕະ ໂອນ ດຸງ ແກ້ດ ຈັບ, ນະກ້ອຍ ແຕ່ ມູ່ ກາ ຊາອໍາ ຕະ ໂອນ ແກ້ດ ຈັບ ຕຶ້ງ ປຣນາຍ ປຍາຍ ແຕ ເຢີງ ເຈົ້າຮາຊີ. <sup>16</sup> ອາ ແລະ ລາງິນ ປາຍ ມັຮ ຮາມິ້ຮ ໄຮ ຊາອໍາ ແຕ ເຢີງ ເຈົ້າຮາຊີ ລາ ປິດ ກະ ອິນຕຸ່ນ ລາລີ້ ນະໄນ່:

ເຢຊູ ກຣິດ ແຕ່ອ ປີ້ ກູແຕອ໌ ໄນ່;  
 ອັນ ແກ້ດ ຈະ ມູເຈີງ ກວາຍ ແຕ່.  
 ຮາເວົ້າຍ ເຢີງ ເຈົ້າຮາຊີ ອາປຣ ອັນ ລາ ຕານ້ອງ ອໍ.  
 ເທວາດາ ເຢີງ ເຈົ້າຮາຊີ ເຮີມ ເຈີ້ ອັນ.  
 ເມົາ ອາຕີ ແຕ ອັນ



ໂອນ ກວາຍ ຕາ ແກ້ນ ກວາຍ ອິດຊະຣາເອລ  
ດັງ ເຕ່.  
ເບີນ ກວາຍ ຕຶງ ກຸ່ ກຣວາງ ຊາອຳ ອັນ.  
ກະ ເຢັງ ເຈົ້າຣາຊິ ອາຊ້ອຣ ລັຣ ອັນ ປິ ມັນ  
ລ້ອງ ເຈີ້.

### 4

ກວາຍ ກາ ອາຕິ ຕາ ປຍາຍ  
1 ຣາເວີຍ ເຢັງ ເຈົ້າຣາຊິ ອາຕິ ແຈງ ລາລີ້, ເຈີ້  
ປິ ເມັງ ເບີນ ກວາຍ ຕັຣ ຊາອຳ ເຢຊູ ກຣິດ, ເຈີ້  
ໄລ່ ອິດ ປັຣນາຍ ເຢັງ ກາ ເກີ້ຍ ອາໂລກ ໄລ່ ແອັນ.  
ກະ ໄລ່ ຕາປຸ່ນ ຣານະ ເຢັງ ຕາ ອໍ ແຮີ. 2 ໄລ່ ລາ  
ກວາຍ ມາມ ອໍ ມາ ຣາງັຣ ໄກ່ະ, ຢິອ໌ ກວາຍ ການໍ່ອ໌  
ປາຍ ໄລ່ ອາຕິ ປຍາຍ, ມາ ໄລ່ ອາຕິ ອາໂລກ ຊ້ອງ.  
ໄລ່ ເບີນ ຣາງັຣ ຕາ ເຕ່ອ໌ ຣຽຣ ນ້ອງ ຣານະ ອໍ ກະ  
ຣານະ ຕາ ອໍ, ນະ ເມົ້າ ອາປາດ ຣາງັຣ ໄລ່ ແຕ ຕາອ໌  
ກູເຕົ້າ. 3 ໄລ່ ປາຍ ຕາ ອໍ ອິດ ລາກວຍ ກາຢາອ໌.  
ກະ ໄລ່ ອາຕິ ຕາ ອໍ ຈາ ຊາອີ່ຍ ຣາມິ້ຣ ເກຣັງ ຊັຣ  
ນາ ຈາ. ມາ ເຢັງ ເຈົ້າຣາຊິ ແຕງ ກູ່ ຣາມິ້ຣ ເກຣັງ  
ຊັຣນາ ຈາ ໂອນ ໄລ່ ກາ ຊາອຳ ອັນ. ກະ ໄລ່ ກາ  
ດັງ ຣາມິ້ຣ ປຍາຍ ແຕ ອັນ, ເຕ່ອ໌ ຈາ ເມັມ ໄລ່ ຊາ  
ແອັນ ເຢັງ ເຈົ້າຣາຊິ. 4 ກູ່ ຣາມິ້ຣ ເຢັງ ເຈົ້າຣາຊິ  
ແຕງ ລາ ອໍ ອິນແຍ່ະ, ຕາ ເບີນ ໂອນ ໄຣ ຕັຣ ມວຍ  
ຣາມິ້ຣ ອິນເຕົ້າ. ຄັນ ໄຣ ຊາແອັນ ເຢັງ ເຈົ້າຣາຊິ  
ແຕງ ເກຣັງ ກ້ອຍ ໂອນ ໄຣ, ເຕ່ອ໌ ໄຣ ຮັບ. 5 ມັຣ  
ຣາມິ້ຣ ໄນ່ ແກັດ ບຣັຣ ອໍ, ຍ່ອນ ແຕ ປັຣນາຍ  
ເຢັງ ເຈົ້າຣາຊິ ປາຍ, ກະ ຍ່ອນ ແຕ ປັຣນາຍ ໄຣ  
ຊາແອັນ ອັນ.

ຣານະ ຕິໂມທຽວ ຕະ

6 ຄັນ ໄນ່ ອາຕິ ກູ່ ຣາມິ້ຣ ໄນ່ ໂອນ ແຊມອາຍ  
ໄຣ ດັງ ເຕ່, ໄນ່ ຕະ ຣານະ ອໍ ໂອນ ເຢຊູ ກຣິດ.  
ນະກ້ອຍ ປັຣນາຍ ອໍ ໄນ່ ຊາອຳ ກະ ຣານະ ອໍ ໄນ່  
ຕະ, ບາຣ ຣາມິ້ຣ ກ້ອຍ ແຈມ ຣາເວີຍ ໄນ່ ໂອນ  
ປິດ ອາຊ້ອຣ. 7 ໄນ່ ອິນໂຈຍ ຊາງັດ ມັຣ ປັຣນາຍ  
ເມົ້າ ຕະ ອິນຕິ ແຕ ປິນ ຕຍາ ກາ ຕາ ເບີນ ແກັດ  
ເກົ້າ ອິນເຕົ້າ. ກະ ອິນໂຈຍ ຊາງັດ ມັຣ ມັນຕັນ  
ຕຍາ ນະ ໄລ່ ອາຍະ ເທົາ ເກີ້ຍ ອາຕິ. ມາ ອໍ ກາ  
ເລີຍ ໄນ່ ແອບ ເລືອຍໆ ຣາງັຣ ໄນ່ ຕຶງ ຣານາ ເຢັງ  
ເຈົ້າຣາຊິ ໂອນ ຣາງັຣ ໄນ່ ແກັດ ເຣັງ ອາຊ້ອຣ ແອັນ.  
8 ຄັນ ໄຣ ແອບ ຕະ ໂອນ ຈະ ໄຣ ແກັດ ເຣັງ, ຣາມິ້  
ຣ ໄນ່ ເບີນ ເກົ້າ ປິອ໌. ມາ ຄັນ ໄຣ ແອບ ຕຶງ ຣານາ  
ເຢັງ ເຈົ້າຣາຊິ, ຣາມິ້ຣ ໄນ່ ແກັດ ເກົ້າ ໂອນ ແດີຍ  
ອາມັງ ຊານໍ່ ກະ ແດີຍ ອາມັງ ອິນຕຸ່ນ ແຮີ. 9 ປັຣ

ນາຍ ໄນ່ ລາ ປຍາຍ. ອໍ ໂອນ ກວາຍ ຮັບ ກະ ຊາ  
ອຳ ເຣັງ ລາລີ້. 10 ນະກ້ອຍ ໄຣ ຕະ ປາໄຣ່ຣ ລາ  
ລີ້ ກະ ຕຳໂປຣ ຢິອ໌ ອິ ຕະ ຣານະ ອໍ ຍ່ອນ ໄຣ ຊາ  
ອຳ ກະ ອິງກ່ອງ ແຕ ເຢັງ ເຈົ້າຣາຊິ, ອັນ ກາ ອາ  
ມັງ ຊົດ ແດີຍ. ກະ ອັນ ຈ່ອຍ ອາມັງ ອິນແຍ່ະ ມັຣ  
ກວາຍ, ເຈຍ ລາລີ້ ລາ ໄລ່ ກາ ຊາອຳ.

11 ອິນແຍ່ະ ຣາມິ້ຣ ໄນ່ ອິງເຄາະ ໄນ່ ປາຕັບ ກະ  
ອາຕິ ໂອນ ກວາຍ ການໍ່ອ໌. 12 ອິນໂຈຍ ໂອນ ກວາ  
ຍ ການໍ່ອ໌ ອາເຍ່ ພາມາດ ໄນ່, ຍ່ອນ ໄນ່ ລາ ອິນ  
ນ້ອງ ນຸ່ມ. ມາ ອິງເຄາະ ໄນ່ ແກັດ ເຕຣັງ ໂອນ ກວາ  
ຍ ຊາອຳ ຍ່ອນ ໄນ່ ອາຕິ ອໍ ເລືອຍໆ, ໄນ່ ແອັດ  
ມັນຕັດ ຄູ່ນ ເລືອຍໆ, ໄນ່ ອາໂຍ່ະ ເລືອຍໆ ກວາຍ  
ການໍ່ອ໌, ໄນ່ ຊາອຳ ເຣັງ ລາລີ້, ກະ ໄນ່ ເບີນ ຣາງັຣ  
ບຣັຣ ອໍ. 13 ບັອງ ກາ ເທົາ ຕາ ຢວາຣ ແຕ່ອ໌, ອິງ  
ເຄາະ ໄນ່ ອານ ເລືອຍໆ ແຕ ປັຣນາຍ ເຢັງ ເຈົ້າຣາ  
ຊິ ໂອນ ກວາຍ ການໍ່ອ໌ ຊ້ອງ, ກະ ອິງເຄາະ ໄນ່ ອາ  
ຕິ ກະ ປາຕັບ ໂອນ ກວາຍ ການໍ່ອ໌ ດັງ. 14 ໄນ່ ອິນ  
ໂຈຍ ງວາຍ ແຕ ມັຣ ຣານະ ຣາເວີຍ ເຢັງ ເຈົ້າຣາ  
ຊິ ຈ່ອຍ ໂອນ ໄນ່ ຕະ, ບັອງ ກາ ໄລ່ ກາ ອາຕິ ຕາງ  
ປັຣນາຍ ເຢັງ ເຈົ້າຣາຊິ ປາຍ ເຢັງ ເຈົ້າຣາຊິ ຈ່ອຍ  
ໂອນ ໄນ່ ເບີນ ມັຣ ຣາມິ້ຣ ກ້ອຍ, ກະ ບັອງ ກາ  
ກວາຍ ຊົດ ຕຶງ ມູ່ ກາ ຊາອຳ ຊາປະ ອາຕິ ຕຶງ ຈະ  
ໄນ່.

15 ມັຣ ຣາມິ້ຣ ໄນ່, ອິງເຄາະ ໄນ່ ກູດັງ ຕະ ເລືອ  
ຍໆ. ນະກ້ອຍ ກູ່ ນະ ກວາຍ ເຕ່ອ໌ ດັງ ຣາງັຣ ໄນ່  
ແກັດ ອໍ ກັຣຕວນ ອາຊ້ອຣ ແອັນ. 16 ອິງເຄາະ  
ໄນ່ ແນ່ ອໍ ຣາງັຣ ໄນ່ ເບີນ, ກະ ອິງເຄາະ ໄນ່ ແນ່ ອໍ  
ມັຣ ປັຣນາຍ ກາ ໄນ່ ອາຕິ. ຄັນ ໄນ່ ຕະ ເລືອຍໆ  
ນະກ້ອຍ, ເຢັງ ເຈົ້າຣາຊິ ຈ່ອຍ ອາມັງ ໄນ່ ກະ ໄລ່  
ກາ ຊາງັດ ປັຣນາຍ ໄນ່ ແຮີ.

### 5

ຣານະ ຕິໂມທຽວ ຕະ ໂອນ ມູ່ ກາ ຊາອຳ

1 ມັຣ ກວາຍ ຣາເລົາ ກາ ເທົາ ເຈີ້, ໄນ່ ອິນໂຈຍ  
ປາຍ ເຣັງ ແຕ່ອ໌ ໄນ່ ກາແອັຣ ໄລ່. ມາ ໄນ່ ປາຍ ລາ  
ເວີຍ ນະ ໄນ່ ແຊອ໌ ແຕ ອິມປໍ່ ໄນ່ ເຕ່. ມັຣ ໄລ່ ກາ  
ອິນນ້ອງ ນຸ່ມ, ອິງເຄາະ ໄນ່ ຕະ ໂອນ ໄລ່ ນະ ແຊມ  
ອາຍ ໄນ່. 2 ມັຣ ກວາຍ ມັນແຊມ ກາ ເທົາ ເຈີ້, ອິງ  
ເຄາະ ໄນ່ ຕະ ໂຈະ ໄລ່ ນະ ອິມເປອ໌ ໄນ່. ກະ ມັຣ ໄລ່  
ມັນແຊມ ອິນນ້ອງ ນຸ່ມ, ອິງເຄາະ ໄນ່ ຕະ ອໍ ກະ ໄລ່  
ນະ ອາມໍ່ອ໌ ໄນ່ ເຕ່.

3 ອິງເຄາະ ໄນ່ ຢານັບ ມັຣ ອິມເປອ໌ ກູມາຍ ກາ  
ແອີ ກວາຍ ຈ່ອຍ. 4 ມາ ຄັນ ອິມເປອ໌ ກູມາຍ ອິນ  
ນ້ອງ ເບີນ ກອນ ອາເຈົ້າ, ອໍ ໂອນ ໄລ່ ແຈມ ດໍອ໌

ອາປິຣ ໄລ໌ ຕະ ຣານະ ເຢີງ ເຈົ້າຣາຊີ. ຍ່ອນ ຣາ  
 ນະ ໄນ໌ ລາ ໄລ໌ ກູລັຣ ລັຣ ກົງ ເກົາ ໂອນ ອິມເປ໋ອ  
 ອິມປໍ້, ອາຢະ ອາຈວຍຮ. ກະ ຣານະ ໄນ໌ ລາ ອໍ  
 ຢັຣ ເມີງ ເຢີງ ເຈົ້າຣາຊີ. <sup>5</sup> ມາ ອິມເປ໋ອ ກູມາຍ  
 ກາ ແອີ ກວາຍ ຈ່ອຍ, ອັນ ອົງກ່ອງ ເຢີງ ເຈົ້າຣາຊີ  
 ຈ່ອຍ ອັນ, ກະ ອັນ ເກົາແຊຣ໌ ເລື້ອຍໆ ແຕ ເຢີງ  
 ເຈົ້າຣາຊີ ກູ່ ຣາໂງ ກູ່ ຊາເດົາ. <sup>6</sup> ມາ ຄັນ ອິມເປ໋ອ ກູ  
 ມາຍ ອິດ ຣາງັຣ ອັນ ເບີມ ກະ ຢັອ ອິ ຕາປຸ່ນ ຣາມິ  
 ຣ ຣໍ່ອ ຕິ່ງ ແດີຍ ໄນ໌ ຊ້ອງ, ມັນແຊມ ກ້ອຍ ອິນ  
 ນ້ອງ ອາມັງ, ມາ ນະ ອັນ ກູຈິດ ເຈີ້. <sup>7</sup> ອົງເຄາະ ໄນ໌  
 ປາຕັບ ປັຣນາຍ ໄນ໌ ໂອນ ໄລ໌ ກ້ອຍ, ໂອນ ກວາຍ  
 ການໍ່ອ ຕາ ແຕ່ອ ຕີ ໄລ໌. <sup>8</sup> ມາ ຄັນ ເບີນ ເມົ້າ ຕາ  
 ແອ້ອ ອິ ແຈມ ແຊມອາຍ, ແຕ່ລາ ກວາຍ ຕິ່ງ ດູງ  
 ຊູ, ກວາຍ ກ້ອຍ ນະ ອັນ ງວາຍ ແຕ ມັຣ ຣາມິຣ  
 ອັນ ຊາອໍາ ແຕ ເຢຊູ ກຣິດ. ນະກ້ອຍ ອັນ ແກ້ດ  
 ຕາ ອໍ ກາເລີຍ ແຕ ກວາຍ ກາ ຕາ ຢວາຣ ຊາອໍາ.

<sup>9</sup> ຄັນ ເບີນ ອິມເປ໋ອ ກູມາຍ ກາ ຕາ ຢວາຣ  
 ແຕ້ອ ຕາປັດ ຈິດ ກູມິ ແຕ່ລາ ເບີນ ກາຢາອ໌ ເປີຍ  
 ແຕ ມານໍາ. ອິນໂຈຍ ຄຽນ ຣາມິຣ ອັນ ຕິ່ງ ປິ່ງ  
 ກາ ເບີນ ຣາມິຣ ອິມເປ໋ອ ກູມາຍ ກາ ມູ່ ກາ ຊາ  
 ອໍາ ຈ່ອຍ. <sup>10</sup> ອິມເປ໋ອ ກູມາຍ ກາ ມູ່ ກາ ຊາອໍາ  
 ຈ່ອຍ, ອົງເຄາະ ເມົ້າ ຍ່ອງ ປາຍ ອັນ ຕະ ຣານະ ອໍ  
 ນະໄນ໌: ອັນ ຣາບັນ ອໍ ກອນ ອາໄກ ອັນ; ອັນ ຣັບ  
 ໂຈມ ກວາຍ ຕາມອຍ; ອັນ ຕະ ນະ ຊູລ ໂຈະ ມັຣ  
 ມູ່ ກາ ຊາອໍາ; ອັນ ຈ່ອຍ ໄລ໌ ກາ ຣາມິຣ ຕຸຣ ກັດ;  
 ກະ ອັນ ຕະ ຊາອິຍ ຣານະ ອໍ ການໍ່ອ ແຮີ.

<sup>11</sup> ມາ ມັຣ ໄລ໌ ອິມເປ໋ອ ກູມາຍ ອິນນ້ອງ ນຸ່ມ,  
 ໄນ໌ ອິນໂຈຍ ຄຽນ ຣາມິຣ ໄລ໌ ຕິ່ງ ປິ່ງ ກ້ອຍ. ອົງ  
 ກ້ອຣ ປຸຍາຍ໌ ແຕ້ອ ໄລ໌ ອິ ຈໍ່ອ ກຸຢາອ໌ ຕາໄມ  
 ແອັນ, ໄລ໌ ຕັຣ ປັຣນາຍ ກາ ໄລ໌ ເອີອ໌ ກະ ເຢຊູ  
 ກຣິດ. <sup>12</sup> ນະກ້ອຍ ໄລ໌ ຕະ ໂລ໌ຍຣ, ຍ່ອນ ໄລ໌ ຕັຣ  
 ປັຣນາຍ ເອີອ໌ ແຕ ອິນໂຢ່ງ. <sup>13</sup> ກະ ໄລ໌ ແກ້ດ ອາ  
 ລັຣ, ຢັອ ອິ ມຸ່ດ ດູງ ໄນ໌ ດູງ ກ້ອຍ ຕະ ອິນຕີ ຊາ  
 ອິຍ ປັຣນາຍ ຕາ ແກ້ດ ເກົາ. ກາເລີຍ ແຕ ກ້ອຍ  
 ແອັນ, ໄລ໌ ຕາເມີຍຣ ກວາຍ ການໍ່ອ, ໄລ໌ ຣາບູລ  
 ແຕ ຣານະ ກວາຍ ການໍ່ອ, ກະ ໄລ໌ ຕະ ອິນຕີ ຊາອິຍ  
 ຣາມິຣ ຕາ ເບີນ ອໍ. <sup>14</sup> ນະກ້ອຍ ເກົາ ຄິດ ອໍ ໂອນ  
 ມັນແຊມ ກູມາຍ ອິນນ້ອງ ນຸ່ມ, ໂອນ ໄລ໌ ແຕ່ອ ຈໍ່  
 ອ໌ ກາຢາອ໌ ຕາໄມ ແອັນ, ກະ ເບີນ ກອນ ອາໄກ  
 ແອັນ, ກະ ເນ່ ຊາລິອ໌ ຣານະ ໄລ໌ ຕິ່ງ ດູງ. ຄັນ ໄລ໌  
 ຕະ ນະກ້ອຍ, ກວາຍ ກາ ຢັອ ອິ ຕາລຸຣ ມູ່ ກາ ຊາ  
 ອໍາ, ໄລ໌ ຕາ ແຕ່ອ ຕີ ອິນເຕົ້າ. <sup>15</sup> ເບີນ ອິມເປ໋ອ ກູ  
 ມາຍ ກາ ຕັຣ ຣານະ ເຢີງ ເຈົ້າຣາຊີ; ເຈີ້ ໄລ໌ ປວາຍ

ຣານະ ເຢີງ ຊາຕານ ແອັນ. <sup>16</sup> ຄັນ ເບີນ ມັນແຊມ  
 ກາ ຊາອໍາ ເຈີ້, ມາ ເບີນ ອິມເປ໋ອ ກູມາຍ ມວຍ ດູງ  
 ຊູ ກະ ອັນ, ອົງເຄາະ ອັນ ກ້ອຍ ແຈມ ກາຍອ໌ ອິມ  
 ເປ໋ອ ກູມາຍ ກ້ອຍ. ຄັນ ອັນ ຕະ ນະກ້ອຍ, ມູ່ ກາ  
 ຊາອໍາ ຕາ ເບີນ ຕຸຣ ແຈມ ອັນ. ນະກ້ອຍ ມູ່ ກາ  
 ຊາອໍາ ແຕ່ອ ຈ່ອຍ ອິມເປ໋ອ ກູມາຍ ການໍ່ອ, ໄລ໌ ກາ  
 ແອີ ເມົ້າ ເນ່ ຊາລິອ໌ ໄລ໌.

ມູ່ ກາ ຊາອໍາ ອົງເຄາະ ຈ່ອຍ ກວາຍ ກາ ຊົດ ໄລ໌  
<sup>17</sup> ມັຣ ໄລ໌ ກາ ຊົດ ມູ່ ກາ ຊາອໍາ, ຄັນ ໄລ໌ ຕະ  
 ຣານະ ອໍ ກະ ໄລ໌ ອາຕີ ປັຣນາຍ ເຢີງ ເຈົ້າຣາຊີ ຊາ  
 ແຮງ ລາລື້, ອົງເຄາະ ມູ່ ກາ ຊາອໍາ ຢໍາມັບ ໄລ໌ ກະ  
 ຈ່ອຍ ໂອນ ໄລ໌ ເບີນ ກູ່ ຕັອກ ຄໍາ ຈາ. <sup>18</sup> ປັຣນາຍ  
 ເຢີງ ເຈົ້າຣາຊີ ປາຍ ເຈີ້ ນະໄນ໌:

"ບັອງ ກາ ຕາແກງ ຊາເຕົ້າຍ໌ ທຣ໌ ໂອນ ເຢົາ,  
 ເຢົາ ອິນໂຈຍ ກິມ ແບອ໌ ອັນ.  
 ເຢົາ ໂອນ ອັນ ຈາ ແຕ່,  
 ຍ່ອນ ອັນ ຕະ ຣານະ ໂອນ ເຢົາ."  
 ກະ ປັຣນາຍ ເຢີງ ເຈົ້າຣາຊີ ປາຍ ແຕ່:  
 "ມັຣ ກວາຍ ກາ ທູແທ, ອົງເຄາະ ໄລ໌ ເບີນ ເກົາ ແຕ່  
 ແຕ ຣານະ ໄລ໌."

<sup>19</sup> ຄັນ ເບີນ ເມົ້າ ຢັອ ອິ ຕີ ກວາຍ ກາ ຊົດ ຕິ່ງ ມູ່  
 ກາ ຊາອໍາ, ມາ ຄັນ ຕາ ເບີນ ບາຣ ໄປ ນະ ແກ້ດ ພາ  
 ເຢົານ, ໄນ໌ ອິນໂຈຍ ຊາງັດ ປັຣນາຍ ກ້ອຍ. <sup>20</sup> ມາ  
 ຄັນ ເບີນ ກວາຍ ກາ ຊົດ ມູ່ ກາ ຊາອໍາ ມາ ຕະ ໂລ໌  
 ຍຣ, ອົງເຄາະ ໄນ໌ ກາແອັຣ ກວາຍ ກ້ອຍ ຢັຣ ເມີງ  
 ກວາຍ ຊາອໍາ ການໍ່ອ, ໂອນ ກວາຍ ການໍ່ອ ຊ້ອງ  
 ອົງກ້ອຣ ອິ ຕະ ໂລ໌ຍຣ ນະກ້ອຍ.

ຣາມິຣ ປາຕັບ ການໍ່ອ  
<sup>21</sup> ຢັຣ ເມີງ ເຢີງ ເຈົ້າຣາຊີ ກະ ເຢຊູ ກຣິດ, ກະ  
 ຢັຣ ເມີງ ເທວາດາ ກາ ເຢີງ ເຈົ້າຣາຊີ ຣຽຣ, ເກົາ  
 ປາຕັບ ໂອນ ໄນ໌ ຢຸມ ຈັບ ອິນແຍ່ະ ມັຣ ຣາມິຣ ເກົາ  
 ປາຕັບ ໄນ໌ ເຈີ້. ກະ ໄນ໌ ອິນໂຈຍ ຕະ ອິມພາ ໂຈະ  
 ກວາຍ ໄນ໌ ກະ ກວາຍ ກ້ອຍ. ກູ່ ນະ ກວາຍ ລາ ໄນ໌  
 ຕະ ຣາລີ ອິນແຍ່ະ. <sup>22</sup> ໄນ໌ ອິນໂຈຍ ກຸມເຕົາ ຊາ  
 ປະ ອາຕີ ຕິ່ງ ຈະ ກວາຍ ການໍ່ອ ຕະ ໂອນ ເມົ້າ ດັງ  
 ກວາຍ ກ້ອຍ ຕະ ຣານະ ເຢີງ ເຈົ້າຣາຊີ. ອົງກ້ອຣ  
 ອິນຕຸ່ນ ແອັນ ຄັນ ກວາຍ ກ້ອຍ ຕະ ໂລ໌ຍຣ, ເມົ້າ  
 ປາຍ ໄນ໌ ເບີນ ໂລ໌ຍຣ ມູເຈີງ ກວາຍ ກ້ອຍ ແຕ່. ອົງ  
 ເຄາະ ໄນ໌ ແອັດ ບຣັຣ ອໍ ເລື້ອຍໆ, ອິນໂຈຍ ໂອນ  
 ຣາງັຣ ໄນ໌ ເບີນ ໂລ໌ຍຣ.

<sup>23</sup> ຍ່ອນ ປຸ່ງ ໄນ໌ ເບີນ ຊາອິຍ ຣາມິຣ ຕີ, ເກົາ  
 ແຊຣ໌ ໄນ໌ ອິນໂຈຍ ຈ່ອຍ ແອັງ ແດັອ໌ ຊ້ອງ. ມາ ອໍ  
 ໂອນ ໄນ໌ ຈ່ອຍ ບິອ໌ ບັອງ ອາງຸ່ນ ແຮີ ຈ່ອຍ ໂອນ ປຸ່ງ  
 ໄນ໌ ແກ້ດ ແບຣັຣ.

24 ເປັນ ກວາຍ ຕະ ໂລ່ຍຮ, ກາ ໄຮ ເຮີມ ແຈງ ລາລີ້. ກະ ເຢັງ ເຈົາຮາຊີ ຕັດຊິ້ນ ໂລ່ຍຮ ກ້ອຍ ແຕ ອິນໂຍ່ງ ກວາຍ ກ້ອຍ ຕາ ຢວາຮ ແຕ້ອ ຢັ່ຮ ເມັງ ອັນ. ມາ ເປັນ ກວາຍ ການໍ້ອ ຕະ ໂລ່ຍຮ ເຕ່, ມາ ໄຮ ຕາ ເຕ້ອ ເຮີມ ໂລ່ຍຮ ໄລ່. ມາ ແຕ້ອ ຕາໄງ ປັຣຊັດ, ໄຮ ເປັນ ດັງ ເຕ່ ແຕ ໂລ່ຍຮ ໄລ່. 25 ມູ ເຈັງ ກ້ອຍ ເຕ່ ເປັນ ກວາຍ ກາ ຕະ ຣານະ ອໍ, ກະ ໄຮ ເຮີມ ອິມປັຣ ຣານະ ໄລ່ ຕະ ແຈງ ລາລີ້. ມາ ຄັນ ໄຮ ຕາ ເປັນ ເຮີມ ແຈງ ຣານະ ອໍ ກ້ອຍ, ອິນ ນ້ອງ ເຢັງ ເຈົາຮາຊີ ເຮີມ. ໄລ່ ກ້ອຍ ຕາ ເຕ້ອ ປາ ໂຕະ ແຕ ອັນ ມັຣ ຣານະ ອໍ ໄລ່ ຕະ.

### 6

ປັຣນາຍ ປາຕັບ ໂອນ ກວາຍ ຊູລ ກາ ຊາອໍາ ເຢຊູ ເຈີ້

1 ອິນແຍ່ະ ມັຣ ໄລ່ ກາ ກວາຍ ຊູລ, ອິງເຄາະ ໄລ່ ກ້ອຍ ຢໍານັບ ເມັຍ ໄລ່. ຄັນ ໄລ່ ຕະ ນະກ້ອຍ, ກວາຍ ການໍ້ອ ຕາ ເຕ້ອ ພາມາດ ຣາມິ້ຣ ເຢັງ ເຈົາຮາຊີ ກະ ຣານະ ອັນ ຍ່ອນ ແຕ ກວາຍ ຊູລ ກ້ອຍ. 2 ກວາຍ ຊູລ ກາ ເປັນ ເມັຍ ກາ ຊາອໍາ ເຢຊູ ກຣິດ ເຕ່, ໄລ່ ແກ້ດ ມາຮ ແຊມອາຍ ຢັ່ຮ ເມັງ ເຢັງ ເຈົາຮາຊີ. ມາ ອິງເຄາະ ກວາຍ ຊູລ ກ້ອຍ ອິນໂຈຍ ກາເລັຍ ເມັຍ ອັນ. ໄກຣ ລາລີ້ ກວາຍ ຊູລ ກ້ອຍ ອິງເຄາະ ຕະ ຣານະ ເມັຍ ອັນ ຊາເຣັງ ກາເລັຍ ແຕ ອິນໂຍ່ງ, ຍ່ອນ ເມັຍ ອັນ ຕິ່ງ ມູ່ ກາ ຊາອໍາ ເຕ່. ກະ ຕິ່ງ ມູ່ ກາ ຊາອໍາ ມານະ ອິງ ເຄາະ ອາໂຍ່ະ ມານະ. ມັຣ ຣາມິ້ຣ ກ້ອຍ ອິງເຄາະ ໄມ່ ປາຕັບ ກະ ອາຕີ ເລືອຍໆ ໂອນ ໄລ່ ດັງ.

ກວາຍ ກາ ອາຕີ ຣາມິ້ຣ ຕາ ປຍາຍ໌ ອີ ແກ້ດ ຊຸ  
3 ເປັນ ກວາຍ ອາຕີ ປັຣນາຍ ອິມພາ ແຕ ປັຣ ນາຍ ເຢັງ ເຈົາຮາຊີ, ກະ ປັຣນາຍ ໄລ່ ຕາ ເປັນ ຣາປຍາຍ໌ ກະ ປັຣນາຍ ແຕ ເຢຊູ ກຣິດ, ອິນເຈົາ ໄຮ, ກະ ຕາ ເປັນ ຣາປຍາຍ໌ ກະ ຣານະ ເຢັງ ເຈົາຮາ ຊີ ໂອນ ໄຮ ຕະ. 4 ມັຣ ກວາຍ ກ້ອຍ ຢັ່ຮ ອີ ອາ ຊັອຽ ຈະ ໄລ່ ເບີມ, ມາ ໄລ່ ຕາ ເປັນ ດັງ ອິນເຕົ້າ ເລັຍ. ກວາຍ ກ້ອຍ ຢັ່ຮ ອີ ຣາໂລຍຮ ກະ ອີ ຣາ ຈຽນ ເລືອຍໆ ຊັອງ. ເຈີ້ ແກ້ດ ນະໄມ່: ມານະ ຊັຣ ແມງ ແຕ ມານະ; ມານະ ຣາຄັດ ກະ ມານະ; ມານະ ພາມາດ ມານະ; ມານະ ຄິດ ຕາ ອໍ ແຕ ມານະ; 5 ມານະ ຢັ່ຮ ອີ ຣາໂລຍຮ ໂຈະ ມານະ; ຮາງິຣ ໄລ່ ລາ ໄລ່ ລາລີ້; ກະ ໄລ່ ປິດ ເຈີ້ ມັຣ ຣາມິ້ຣ ປຍາຍ໌. ໄລ່ ຄິດ ປາຍ ຄັນ ໄລ່ ອາຕີ ແຕ ຣານະ ເຢັງ ເຈົາຮາ ຊີ, ໄລ່ ແກ້ດ ຊຸ.

ຮາງິຣ ຢັ່ຮ ອີ ເປັນ ເກຣັງ ຊາມັກ  
6 ມາ ກວາຍ ກາ ຢໍານັບ ເຢັງ ເຈົາຮາຊີ ກຣັກ ລາລີ້, ກວາຍ ກ້ອຍ ແກ້ດ ຊຸ, ມາ ຊຸ ອັນ ລາ ຕາ ແກ້ນ ນະ ຊຸ ຕິ່ງ ແດັຍ ໄມ່. 7 ຕິ່ງ ຕາໄງ ອິມເປ້ອ ໄຮ ຣັຣ, ໄຮ ຕາ ເປັນ ເດັງ ເກຣັງ ອິນເຕົ້າ ອາມູ່ດ ຕິ່ງ ແດັຍ ໄມ່. ກະ ແຕ້ອ ໄຮ ກູຈິດ, ໄຮ ຕາ ເຕ້ອ ເດັງ ເກຣັງ ອິນເຕົ້າ ເຕ່. 8 ນະກ້ອຍ, ຄັນ ໄຮ ເປັນ ກູ່ ຕັອກ ຄໍາ ຈາ, ລາ ແປະ ເຈີ້ ໂອນ ໄຮ. 9 ມາ ກວາ ຍ ກາ ຢັ່ຮ ອີ ແກ້ດ ຊຸ ຕິ່ງ ແດັຍ ໄມ່, ຣານະ ຕາ ອໍ ປັຣຕໍ່ ໂອນ ໄລ່ ຢັ່ຮ ອີ ເປັນ ຊາອິ້ຍ ຣາມິ້ຣ ຕາ ເປີ ນ ເກົາ ອິນເຕົ້າ, ກະ ໂອນ ໄລ່ ຣາມິ້ຣ ຊາອິ້ຍ ຣາມິ້ ຣ ຕຸຣ ກັດ ອາຣິກ ລາລີ້. ໄມ່ ລາ ນະ ໄລ່ ໄກຣ ອາ ກັບ. ນະກ້ອຍ ໄລ່ ຈຸງ ຕາລຸຣ ຈະ ໄລ່ ເບີມ, ກະ ຣາ ເວີຍ ໄລ່ ກູຈິດ ປິດ ອິນແຍ່ະ. 10 ຮາງິຣ ກາ ຢັ່ຮ ອີ ເປັນ ປຣະ ແຢງ, ລາ ກັລ ໂອນ ກູ່ ຣາມິ້ຣ ຕາ ອໍ. ມັຣ ກວາຍ ກາ ມັກ ອີ ເປັນ ປຣະ ແຢງ, ຊາອິ້ຍ ນະ ໄລ່ ແກ້ ຣານາ ຕາ ເປັນ ຊາອໍາ ນ້ອງ ເຢັງ ເຈົາຮາ ຊີ, ກະ ຮາງິຣ ໄລ່ ເປັນ ຊາອິ້ຍ ຣາມິ້ຣ ຕຸຣ.

ຣາມິ້ຣ ປາຕັບ ແອັນ ໂອນ ຕິໂມທຽວ  
11 ມາ ອິງເຄາະ ໄມ່ ວຍາຣ ອິນແຍ່ະ ແຕ ມັຣ ຣາມິ້ຣ ກ້ອຍ, ຍ່ອນ ໄມ່ ລາ ກວາຍ ຕະ ຣານະ ເຢັງ ເຈົາຮາຊີ. ນະກ້ອຍ ອິງເຄາະ ໄມ່ ຕະ ເລືອຍໆ ນະ ໄມ່: ແອັດ ຕາມ້ອງ ອໍ, ເປັນ ຮາງິຣ ຢໍານັບ ເຢັງ ເຈົາຮາຊີ, ຊາອໍາ ກຣັກ ລາລີ້, ອາໂຍ່ະ ເຍົາ, ຈິວ ເລືອຍໆ, ກະ ເປັນ ຮາງິຣ ລາແມ່ນ ອໍ. 12 ອິງເຄາະ ໄມ່ ຣາຈິລ ເລືອຍໆ ຕາ ເປັນ ໂອນ ເຢັງ ຊາຕານ ຕາລຸຣ ມັຣ ຣາມິ້ຣ ໄມ່ ຊາອໍາ ແຕ ເຢັງ ເຈົາຮາຊີ. ອິງເຄາະ ໄມ່ ຢຸມ ດໍອ໌ ມັຣ ຣາມິ້ຣ ກາ ໂອນ ອາມັ່ງ ເລືອຍໆ ກ້ອຍ. ເຢັງ ເຈົາຮາຊີ ໂອນ ໄມ່ ເປັນ ຣາມິ້ ຣ ໄມ່ ບັອງ ກາ ໄມ່ ງິນ ໄມ່ ຊາອໍາ ຢັ່ຮ ເມັງ ກວາ ຍ ກິ່ງ. 13 ຢັ່ຮ ເມັງ ເຢັງ ເຈົາຮາຊີ, ອັນ ກາ ໂອນ ກູ່ ຣາມິ້ຣ ເປັນ ອາມັ່ງ, ກະ ຢັ່ຮ ເມັງ ເຢຊູ ກຣິດ, ອັນ ກາ ງິນ ປຍາຍ໌ ແຕ ເຢັງ ເຈົາຮາຊີ ຢັ່ຮ ເມັງ ປິນທຽວ ປິລາດ, ເກົາ ປາຕັບ ໄມ່ ນະໄມ່: 14 ອິງ ເຄາະ ໄມ່ ຢຸມ ດໍອ໌ ມັຣ ຣາມິ້ຣ ເຢັງ ເຈົາຮາຊີ ປາ ຕັບ ໄມ່ ເຈີ້. ອິງເຄາະ ໄມ່ ຊາງັດ ກູ່ ຣາມິ້ຣ ກ້ອຍ ກຣັກ ລາລີ້, ໂອນ ເມົາ ການໍ້ອ ຕາ ເຕ້ອ ຕິ ໄມ່, ເຕົ້າ ແຕ້ອ ຕາໄງ ເຢຊູ ກຣິດ, ອິນເຈົາ ໄຮ, ແຕ້ອ ລັຣ ປໍ ກູແຕອ໌ ໄມ່. 15 ແອັງ ເຢັງ ເຈົາຮາຊີ ແຕ້ ເຕ້ອ ຣຽຣ ຕາໄງ ກ້ອຍ. ເຢັງ ເຈົາຮາຊີ ລາ ກັລ ອິນແຍ່

ະ ຣາມິ່ຮ ບຸ່ນ. ແອິງ ອັນ ແຕ່ ກາ ຊົດ ປິດ ແກ້ຍ ແຕ ການໍ່ອໍ. ອັນ ລາ ເຕົາວ ປັຣເຍົາ ປິດ ແກ້ຍ ແຕ ເຕົາວ ປັຣເຍົາ ການໍ່ອໍ. ກະ ອັນ ລາ ອິນເຈົາ ປິດ ແກ້ຍ ແຕ ອິນເຈົາ ການໍ່ອໍ. <sup>16</sup> ແອິງ ເຢິງ ເຈົາຮາ ຊີ ແຕ່ ເບິນ ອາມົງ ເລືອຍໆ ຕາ ເກີຍ ກູຈິດ. ອັນ ແອິດ ຕິງ ອິນຕຸ ເບິນ ປັງ ກາເລີຍ ແຕ ປັງ ການໍ່ອໍ. ຕາ ເບິນ ກວາຍ ອາແລະ ມາ ເຕ້ອ ມຸ່ດ ແຈະ ປັງ ກ້ອຍ. ແຕ ແດີຍ ອິມແປ້ ແຕ້ອ ແດີຍ ຊານໍ່ ຕາ ເບິນ ກວາຍ ອາແລະ ມາ ເບິນ ເຮິມ ຮູບເຮິງ ເຢິງ ເຈົາຮາຊີ. ກະ ກາ ແດີຍ ອິນຕຸນ ແຮ, ລາ ຕາ ເບິນ ເມົາ ເຕ້ອ ເຮິມ. ໂອນ ໄຮ ຍໍາມັບ ອໍານາດ ອາງອິ່ຮ ກະ ເຣັງ ອັນ ຊົດ ແດີຍ ເລີຍ ກູມໍ. ອາແມນ.

ປັຣນາຍ ປາຕັບ ໂອນ ກວາຍ ຊຸ ເບິນ

<sup>17</sup> ອິງເຄາະ ໄມ່ ປາຕັບ ກວາຍ ຊຸ ເບິນ ຕິງ ແດີຍ ໄມ່, ອິນໂຈຍ ໂອນ ໄລ່ ໂອດ, ກະ ໂອນ ໄລ່ ຊາອໍາ ເຢິງ ເຈົາຮາຊີ ກຮັກ ລາລີ. ອິນໂຈຍ ໂອນ ໄລ່ ອິງ ກ່ອງ ແຕ ເກຣິງ ຊານົກ ຕິງ ແດີຍ ໄມ່, ຍ່ອນ ເກ ຣິງ ຊານົກ ກ້ອຍ ຕາ ເບິນ ແອິດ ຊົດ ແດີຍ ກະ ໄລ່. ມາ ອິງເຄາະ ໄລ່ ອິງກ່ອງ ແຕ ເຢິງ ເຈົາຮາຊີ, ຍ່ອນ ອັນ ໂອນ ໄຮ ເບິນ ກູ ຣາມິ່ຮ ເກຣິງ, ຈ່ອຍ ໂອນ ໄຮ ແອິດ ຮໍ່ອ ບູຍ. <sup>18</sup> ອິງເຄາະ ໄມ່ ປາຕັບ ໂອນ ໄລ່ ຕະ ຣານະ ອໍ ເລືອຍໆ, ກະ ໂອນ ໄລ່ ເບິ ນ ຣາງິ່ຮ ຕາຮັຮ. ອິງເຄາະ ໄລ່ ອິນໂຈຍ ປາຊີ ຊາ ນົກ ໄລ່ ຕິງ ແດີຍ ໄມ່, ມາ ອິງເຄາະ ໄລ່ ເບິນ ຣາງິ່ຮ ຍິ່ອ ອິ ອິມແປ້ ໂອນ ກວາຍ ການໍ່ອໍ ແຕ ເກຣິງ ຊານົກ ໄລ່. <sup>19</sup> ຕະ ນະກ້ອຍ, ນະ ໄລ່ ປາໂຣມ ມຸ່ນ ໂອນ ໄລ່ ເບິມ. ມຸ່ນ ໄມ່ ຕາ ເບິນ ແກິດ ປິດ. ກະ ຕະ ນະກ້ອຍ, ເຕ້ອ ໄລ່ ເບິນ ອາມົງ ຊົດ ແດີຍ.

ປັຣນາຍ ປາຕັບ ປັຣຊົດ ໂອນ ຕິໂມທຽວ

<sup>20</sup> ຕິໂມທຽວ ເອີຍ! ອິງເຄາະ ໄມ່ ກຍາອໍ ອໍ ມັຮ ຣານະ ເຢິງ ເຈົາຮາຊີ ໂອນ ໄມ່ ເຈີ. ອິງເຄາະ ໄມ່ ວ ຍາຮ ປັຣນາຍ ຕາ ອໍ ຕິງ ແດີຍ ໄມ່ ກະ ໄລ່ ກາ ຍິ່ອ ອິ ຕະ ອິນຕິ ຕາ ແກິດ ເກົາ. ໄລ່ ຕະ ນະກ້ອຍ, ໄລ່ ຄິດ ໄລ່ ດັງ ຊາອິ່ຍ ລາລີ, ມາ ໄລ່ ຕາ ເບິນ ດັງ ອິນ ເຕົາ. <sup>21</sup> ເບິນ ກວາຍ ກາ ຕະ ອິນຕິ ນະກ້ອຍ ເຈີ, ມາ ໄລ່ ກ້ອຍ ແກ້ ຮານາ ຊາອໍາ.

ເກົາ ແຊອໍ ເຢິງ ເຈົາຮາຊີ ຈ່ອຍ ເມົາດ ເລືອຍໆ ອິນແຍະ ມັຮ ເຍົາ.

# ປັນນາຍ ຊາວຮ ບາສ ໂປໂລ ຄຽນ ໂອນ ຕີໂມທຽວ

ປັນນາຍ ອາຕີ ອິນໂຍ່ງ

ໂປໂລ ຄຽນ ປັນນາຍ ຊາວຮ ບາສ ໄນ່ ພາວໍ ຊາ  
ວຮ ຕີໂມທຽວ ມາສ 67 ກູມໍ ແວັດ ເຢຊູ ເກັດ.  
ໂປໂລ ຄຽນ ປິ່ງ ໄນ່ ບັອງ ກາ ອັນ ແອັດ ຕິ່ງ ກໍ່  
ອໍ ຕິ່ງ ເມືອງ ໂຮມ ເຮັບ ກາ ບາສ. ອັນ ດັງ ອັນ  
ແຈ່ວ ອີ ກູຈິດ. ຍ່ອນ ນະກ້ອຍ ປັນນາຍ ພາວໍ ຊາ  
ວຮ ຕີໂມທຽວ ໄນ່ ລາ ນະ ໂອນ ກອນ ຮາລົກ ກາ  
ອັນ ອາໂຢະ ລາລີ້. ອັນ ປາຕັບ ຕີໂມທຽວ ອິນ  
ໂຈຍ ຊ້ອງ ກູມາລ ແຕ ອັນ, ມາ ອິງເຄາະ ຈິວ ຕຸ່ຮ  
ກັດ ນະ ຕາຮານ ເຢຊູ ກຮິດ ກາ ອໍ. ໂປໂລ ອາຕີ  
ຕີໂມທຽວ ໂອນ ເມ່ ອໍ ແຕ ກວາຍ ກາ ອາຕີ ຕາ ເປີ  
ນ ປຍາຍ ກະ ປັນນາຍ ອໍ ແຕ ເຢັງ ເຈົາຮາຊີ. ກະ  
ອັນ ປາຍ: "ກູ່ ຊັມຕອຍ ຕິ່ງ ປິ່ງ ປັນນາຍ ເຢັງ  
ເຈົາຮາຊີ, ເຢັງ ເຈົາຮາຊີ ແຕ່ ໂອນ ກວາຍ ຄຽນ  
ມັຮ ປັນນາຍ ກ້ອຍ. ນະກ້ອຍ ອິນແຢະ ປັນນາຍ  
ກ້ອຍ ລາ ອໍ ດໍອໍ ອາຕີ ກວາຍ ແຕ ເຢັງ ເຈົາຮາ  
ຊີ, ດໍອໍ ກາແອັຮ ກວາຍ ກາ ຕະ ຮານະ ຕາ ອໍ, ດໍອໍ  
ຈ່ອຍ ໂອນ ກວາຍ ຕະ ຮານະ ອໍ ແອັນ, ກະ ດໍອໍ  
ໂອນ ໄລ່ ດັງ ອິງເຄາະ ຕະ ນານະ ແຕ່ອໍ ແອັດ ຕານໍ  
ອງ ອໍ ຢັຮ ເມັງ ເຢັງ ເຈົາຮາຊີ" (3:16).

ໂປໂລ ອິງກ່ອງ ຕາ ເປີນ ດຸ່ນ ນ້ອງ ອັນ ເປີ  
ນ ແອັດ ກະ ເຢັງ ເຈົາຮາຊີ, ກະ ອັນ ປາຍ ເຢັງ  
ເຈົາຮາຊີ ກຽມ ມັຮ ຮາມິ້ຮ ອໍ ໂອນ ອັນ ຕິ່ງ ມັນ  
ລ້ອງ.

1 ເກົາ ໂປໂລ, ລາ ກວາຍ ເຢັງ ເຈົາຮາຊີ ຮຽຮ  
ປາຈຸ່ຮ ໂອນ ເປາະ ຕະ ຮານະ ເຢຊູ ກຮິດ, ດໍອໍ ອາ  
ຕີ ໂອນ ກວາຍ ດັງ ແຕ ເຢັງ ເຈົາຮາຊີ ເອັອໍ ໂອນ  
ໄຮ ເປີນ ອາມັງ ເລືອຍໆ ຍ່ອນ ແຕ ເຢຊູ ກຮິດ.  
2 ເກົາ ຄຽນ ປັນນາຍ ໄນ່ ພາວໍ ຊາວຮ ຕີໂມທຽວ.  
ໄນ່ ລາ ນະ ກອນ ກາ ເກົາ ອາໂຢະ ລາລີ້. ເກົາ ແຊວໍ  
ເຢັງ ເຈົາຮາຊີ, ອິມປໍ ໄຮ, ກະ ເຢຊູ ກຮິດ, ອິນ  
ເຈົາ ໄຮ, ຈ່ອຍ ເມັດ ໄນ່, ກະ ອາໂຢະ ຕະ ໄນ່, ກະ  
ໂອນ ໄນ່ ແອັດ ບັນ ຊວານ ອຽນ ອໍ ເລືອຍໆ.

ໂປໂລ ອາໂຢະ ກະ ຢັອ ອີ ອາຕີ ຕີໂມທຽວ

3 ເກົາ ລາ ກວາຍ ຕະ ຮານະ ເຢັງ ເຈົາຮາຊີ ມູ  
ເຈິງ ອາຈວາຍຮ ອາເຈ່ຮ ເກົາ ຕະ ແຕ ອິນໂຍ່ງ ແຕ່.  
ຮາງິ້ຮ ເກົາ ຕາ ເປີນ ຕີ ປາຍ ເກົາ ຕະ ໄລ່ຍຮ ອິນ

ເຕົ້າ ແຕ ຮານະ ກ້ອຍ. ກູ່ ຮາໂງ ກູ່ ຊາເດົາ ເກົາ  
ຕາ ເປີນ ຊາລິຮ ເກົາແຊວໍ ໂອນ ໄນ່. ກະ ເກົາ ຊາ  
ແອັນ ເຢັງ ເຈົາຮາຊີ ຊາອິ້ຍ ລາລີ້ ຍ່ອນ ແຕ ໄນ່.  
4 ເກົາ ຊາແຍີ ຕາໂງ ໄຮ ຮາຕັຮ, ເກົາ ເຮີມ ຊັຮລັງ  
ມັດ ໄນ່ ຮອຍ. ນະກ້ອຍ ເກົາ ຢັອ ລາລີ້ ອີ ຮາມິ້ຮ  
ໄນ່, ດໍອໍ ໂອນ ຮາງິ້ຮ ເກົາ ເປີນ ແອັງ ຮາມິ້ຮ ຣໍອໍ.  
5 ເກົາ ຊາແຍີ ແຕ່ ໄນ່ ຊາອໍ ເຢັງ ເຈົາຮາຊີ ມູເຈິງ  
ອາຢະ ໄນ່, ໂລອີ, ກະ ອິມເປ່ອໍ ໄນ່, ຢູນິເກ, ຊາອໍ  
ແຕ ອິນໂຍ່ງ. ເກົາ ດັງ ກຮັກ ລາລີ້ ໄນ່ ຊາອໍ ມູເຈິງ  
ໄລ່ ກ້ອຍ ແຕ່. 6 ຍ່ອນ ນະກ້ອຍ ເກົາ ປາຕັບ ໂອນ  
ໄນ່ ຊາແຍີ ເລືອຍໆ ຕັອກ ມັຮ ຮາມິ້ຮ ເຢັງ ເຈົາຮາ  
ຊີ ຈ່ອຍ ໂອນ ໄນ່ ຕະ, ບັອງ ເກົາ ຊາປະ ອາຕີ ຕິ່ງ  
ຈະ ໄນ່ ມ່ອບ ໂອນ ໄນ່ ຕະ ຮານະ ເຢັງ ເຈົາຮາຊີ.  
ຄັນ ໄນ່ ຊາແຍີ ຕັອກ ມັຮ ຮາມິ້ຮ ກ້ອຍ, ນະກ້ອຍ  
ນະ ປຣລາ ອູ່ຍຮ ຮາກັດ ເລືອຍໆ ຕິ່ງ ຮາງິ້ຮ ໄນ່.  
7 ຍ່ອນ ເຢັງ ເຈົາຮາຊີ ຕາ ເປີນ ໂອນ ໄຮ ເປີນ  
ຮາງິ້ຮ ກູາອໍ, ມາ ອັນ ໂອນ ໄຮ ເປີນ ຮາງິ້ຮ ຍ່ັນ,  
ຮາງິ້ຮ ອາໂຢະ ເຍົາ, ກະ ຮາງິ້ຮ ດັງ ກຍາອໍ ອໍ ຈະ  
ໄຮ ເປີມ. 8 ນະກ້ອຍ ໄນ່ ອິນໂຈຍ ຊ້ອງ ກູມາລ  
ອາຕີ ແຕ ເຢຊູ ກຮິດ, ອິນເຈົາ ໄຮ. ກະ ໄນ່ ອິນ  
ໂຈຍ ຊ້ອງ ກູມາລ ແຕ ເກົາ ກາ ເມົາ ໂກບ ດໍອໍ ຕິ່ງ  
ກໍ່ອໍ ຍ່ອນ ເກົາ ຕະ ຮານະ ເຢຊູ ກຮິດ. ມາ ຄັນ  
ຕຸ່ຮ ກັດ ອິນເຕົ້າ ແຕ່ອໍ ປິ ໄນ່ ຍ່ອນ ໄນ່ ອາຕີ ປຣ  
ນາຍ ອໍ ແຕ ເຢຊູ ກຮິດ, ອິງເຄາະ ໄນ່ ຈິວ, ຍ່ອນ  
ເຢັງ ເຈົາຮາຊີ ໂອນ ໄນ່ ເຮັບ ຈິວ ມັຮ ຕຸ່ຮ ກັດ  
ກ້ອຍ. 9 ເຢັງ ເຈົາຮາຊີ ຈ່ອຍ ອາມັງ ໄຮ, ກະ ອັນ  
ກູອໍ ໄຮ ໂອນ ເກັດ ກອນ ອາໂກ ອັນ ຊ້ອງ. ອັນ  
ຕະ ນະກ້ອຍ, ຕາ ເກີນ ຍ່ອນ ແຕ ຮານະ ໄຮ ຕະ.  
ມາ ອັນ ຕະ ນະກ້ອຍ, ລາ ຍ່ອນ ອັນ ຊ້ອງ ຢັອ ອີ  
ຈ່ອຍ ເມັດ ໄຮ ຍ່ອນ ເຢຊູ ກຮິດ. ກະ ອັນ ຄິ້ດ  
ອີ ຕະ ນະກ້ອຍ ແຕ ອິນໂຍ່ງ ຕາ ຢວາຮ ແຕງ ມັນ  
ລ້ອງ ກູແຕອໍ. 10 ມາ ຊານໍ ອັນ ອາປັຮ ໂອນ ໄຮ  
ດັງ ອັນ ອີ ຈ່ອຍ ເມັດ ໄຮ, ຍ່ອນ ແຕ່ອໍ ເຈີ່ ເຢຊູ  
ກຮິດ, ອັນ ກາ ຈ່ອຍ ອາມັງ ໄຮ. ເຢຊູ ກຮິດ ຮາ  
ຈິລ ເຮັບ ເຈີ່ ຮາມິ້ຮ ກູຈິດ, ກະ ຍ່ອນ ປັນນາຍ ອໍ  
ແຕ ອັນ, ອັນ ອາປັຮ ໂອນ ໄຮ ດັງ ໄຮ ແຕ່ອໍ ເປີນ  
ອາມັງ ເລືອຍໆ.

11 ເຢັງ ເຈົາຮາຊີ ແປຣີ ເກົາ ເປາະ ຕະ ອິນຕີ  
ປັນນາຍ ອໍ ໄນ່. ອັນ ຮຽຮ ປາຈຸ່ຮ ເກົາ ໂອນ ເປາະ  
ຕະ ຮານະ ເຢຊູ ກຮິດ, ກະ ອາຕີ ປັນນາຍ ອັນ.  
12 ຍ່ອນ ເກົາ ຕະ ຮານະ ໄນ່, ເກົາ ຈິວ ຊາອິ້ຍ ຮາມິ້  
ຮ ຕຸ່ຮ ກັດ. ມາ ເກົາ ຕາ ເປີນ ກູມາລ ຕະ ອິນ  
ເຕົ້າ, ຍ່ອນ ເກົາ ດັງ ເຈີ່ ອັນ ກາ ເກົາ ຊາອໍ. ກະ

ເກົາ ດັງ ອັນ ເຮົາບ ແມ່ ຊາລີອ໌ ຄຳ ລາລື້ ອິນແຍ່ະ ມັຮ ຣາມິ້ຮ ເກົາ ມ່ອບ ໂອນ ອັນ,\* ເຕົ້າ ແຕ້ອ໌ ຕາ ໄງ ປັຣຊົດ.

13 ອົງເຄາະ ໄມ່ ຢຸມ ດໍອ໌ ອິນແຍ່ະ ຣາມິ້ຮ ເກົາ ອາຕີ ໄມ່. ຣາມິ້ຮ ໄມ່ ລາ ເຕຣ່ງ ປຍາຍ໌ ໂອນ ໄມ່ ຕະ ຕາປຸ່ນ ຍ່ອນ ແຕ ຣານະ ຊາອຳ ກະ ຣານະ ອາ ໂຢະ ແຕ ເຢຊູ ກຣິດ. 14 ຣາເວົ້າຍ ເຢັງ ເຈົາຣາຊີ ແອິດ ຕົ້ງ ຣາງິຮ ໄມ່. ຍ່ອນ ອຳນາດ ແຕ ອັນ, ອົງ ເຄາະ ໄມ່ ກຍາອ໌ ເລືອຍໆ ມັຮ ຣາມິ້ຮ ເຢັງ ເຈົາຣາ ຊີ ໂອນ ໄມ່ ເປັນ ເຈົ້າ.

15 ໄມ່ ດັງ ເຈົ້າ ອິນແຍ່ະ ມັຮ ກວາຍ ແອິດ ຕົ້ງ ແຄງ ເອເຊຍ ຕັຮ ເກົາ, ກາ ໄລ່ ບາຣ ນະ ພູເຄໂລ ກະ ເຮຣະໂມເກນ. 16 ມາ ເກົາ ແຊອ໌ ເຢັງ ເຈົາຣາ ຊີ ອິນເຈົ້າ ໄຮ ຊ້ອງ ອາໂຢະ ປາຊີ ອິນແຍ່ະ ດູງຊູ ໂອນເຊີໂຟໄຮ, ຍ່ອນ ຊາອິ້ຍ ເຮົາ ເຈົ້າ ອັນ ຕາລິ້ນ ຣາງິຮ ເກົາ ໂອນ ເກົາ ຊ້ອງ ຮໍອ໌ ລັຮ. ອັນ ຕາ ເປັນ ຊ້ອງ ກູມາລ ຍ່ອນ ເມົາ ໂຈະ ເກົາ ຕົ້ງ ກໍ່ອ໌. 17 ພໍກາ ອັນ ແຕ້ອ໌ ປິ ເມືອງ ໂຣມ, ອັນ ຈໍອ໌ ເລືອຍໆ ເກົາ ເຕົ້າ ຣາມິ້ຮ. 18 ໄມ່ ດັງ ເຈົ້າ ອິນແຍ່ະ ມັຮ ຣານະ ອໍ ອັນ ຕະ ຈ່ອຍ ເກົາ ຕົ້ງ ເມືອງ ເອເພໂຊ. ນະກ້ອຍ ເກົາ ແຊອ໌ ເຢັງ ເຈົາຣາຊີ ອິນເຈົ້າ ໄຮ ຊ້ອງ ອາໂຢະ ຕະ ອັນ ຕົ້ງ ຕາໄງ ປັຣຊົດ.

## 2

ກວາຍ ຕະ ຣານະ ເຢຊູ ກຣິດ ອົງເຄາະ ຈີວ໌ ຕຸຮ ກັດ

1 ນະກ້ອຍ, ຕີໂມທຽວ ເອີຍ, ໄມ່ ລາ ນະ ກອນ ເກົາ. ອົງເຄາະ ໄມ່ ເປັນ ຣາງິຮ ຊາອຳ ເຣ່ງ ອາຊ້ອຮ ລາລື້, ຍ່ອນ ເຢຊູ ກຣິດ ຈ່ອຍ ເມົາດ ໄມ່. 2 ກູ່ ຣາມິ້ຮ ກາ ໄມ່ ຊ້ອງ ເກົາ ອາຕີ ຍັຮ ເມັງ ກວາຍ ກູ້ງ, ອົງເຄາະ ໄມ່ ອາຕີ ລັຮ ມັຮ ຣາມິ້ຮ ກ້ອຍ ໂອນ ກວາຍ ກາ ເຕ້ອ໌ ໄມ່ ຊາອຳ, ໂອນ ໄລ່ ເຕ້ອ໌ ອາຕີ ລັຮ ກວາຍ ການໍອ໌ ແອັນ. 3 ໄມ່ ລາ ນະ ຕາຮານ ເຢຊູ ກຣິດ. ນະກ້ອຍ ອົງເຄາະ ໄມ່ ຈີວ໌ ຕຸຮ ກັດ ນະ ຕາຮານ ອໍ ເກັຍ ຈີວ໌ ເຕ່. 4 ຄັນ ກວາຍ ອາແລ່ ະ ແກັດ ຕາຮານ, ອັນ ຕາ ເປັນ ຄິດ ນ້ອງ ແຕ ຣາ ນະ ຕຍາ, ຍ່ອນ ອັນ ອີ ຕາປຸ່ນ ຣາງິຮ ເມົາຍ ອັນ. 5 ມູເຈິງ ກ້ອຍ ເຕ່ ຄັນ ເປັນ ກວາຍ ກາ ຢໍອ໌ ອີ ຣາ ຊິງ, ອົງເຄາະ ອັນ ຕະ ຕາປຸ່ນ ມັຮ ຄານອດ ເມົາ ອາຕີ ໄລ່ ກາ ຣາຊິງ. ຄັນ ອັນ ຕາ ເປັນ ຕະ ປຍາຍ໌ ນະກ້ອຍ, ອັນ ຕາ ເຕ້ອ໌ ເປັນ ເກົາ ເມົາ ໂອນ ກວາ ຍ ກາ ຣາຊິງ ເຮົາບ. 6 ກະ ອັນ ກາ ຕະ ຣານະ ອິນ

ຕ້ອງ ອີ ຕະ ໄທຣ, ກວາຍ ກ້ອຍ ເປັນ ຮັບ ປາໄລ ແຕ່ລາ ເກົາ ອິນໂຍ່ງ ແຕ ກວາຍ ການໍອ໌. 7 ອົງເຄາະ ໄມ່ ຕາຕ່ອຍ໌ ໂອນ ດັງ ນະ ມັຮ ປັຣນາຍ ເກົາ ຊາກຳ ອານໍ່. ເຈົ້າ ອິນເຈົ້າ ໄຮ ໂອນ ໄມ່ ດັງ ແຈງ ແຕ ປັຣ ນາຍ ກ້ອຍ. 8 ອົງເຄາະ ໄມ່ ຊາເຍີ ເລືອຍໆ ເຢຊູ ກຣິດ, ອັນ ກາ ແຕ ຈຸ່ມເຈືອ ດາວິດ; ອັນ ອາມົງ ລັຮ ແຕ ກູຈິດ, ມູເຈິງ ແຕ ປັຣນາຍ ອໍ ເກົາ ອາຕີ ເຈົ້າ. 9 ຍ່ອນ ເກົາ ອາຕີ ປັຣນາຍ ອໍ ໄມ່, ເກົາ ຣາມິ ຮ ຊາອິ້ຍ ຕຸຮ ກັດ, ກະ ເມົາ ຊັດ ເກົາ ນະ ກວາຍ ກາ ຕະ ຣານະ ຕາ ອໍ. ມາ ປັຣນາຍ ເຢັງ ເຈົາຣາຊີ, ເມົາ ຕາ ເຕ້ອ໌ ຊັດ ດໍອ໌. 10 ນະກ້ອຍ, ເກົາ ຈີວ໌ ກູ່ ຣາມິ້ຮ ຕຸຮ ກັດ ໄມ່ ໂອນ ເຢຊູ ກຣິດ ເຕ້ອ໌ ຈ່ອຍ ອາມົງ ມັຮ ກວາຍ ກາ ເຢັງ ເຈົາຣາຊີ ຮຽຮ ເຈົ້າ, ດໍອ໌ ໂອນ ກວາຍ ກ້ອຍ ເປັນ ອາງອິ້ຮ ຊັດ ແດີຍ ມັນຕຸ ກະ ເຢຊູ ກຣິດ. 11 ປັຣນາຍ ເກົາ ອາຕີ ໄມ່ ລາ ປຍາຍ໌ ລາລື້: ຄັນ ໄຮ ປັຣອມ ກູຈິດ ມັນຕຸ ກະ ເຢຊູ,

ປັຣແນີ ມັນເຕຣົາ ໄຮ ເປັນ ອາມົງ ມັນຕຸ ກະ ອັນ ເຕ່.

12 ຄັນ ໄຮ ຈີວ໌ ຣາມິ້ຮ ຕຸຮ ກັດ ຊານໍ່, ປັຣແນີ ມັນເຕຣົາ ໄຮ ເປັນ ຊັດ ມັນຕຸ ກະ ເຢຊູ ເຕ່.

ຄັນ ໄຮ ກາແລັຍຮ ເຢຊູ ຕົ້ງ ແດີຍ ໄມ່, ປັຣແນີ ມັນເຕຣົາ ອັນ ກາແລັຍຮ ໄຮ ເຕ່.

13 ຄັນ ໄຮ ຕັຮ ປັຣນາຍ ອັນ, ລາ ຕາມ ໄຮ. ມາ ເຢຊູ ຕາ ເປັນ ຕັຮ ມັຮ ປັຣນາຍ ອັນ ເອີອ໌ ແຕ ອິນໂຍ່ງ ເຈົ້າ.

ຍ່ອນ ອັນ ຕາ ເຕ້ອ໌ ກາແລັຍຮ ຣາງິຮ ອັນ ເປັນ.

ອົງເຄາະ ຕາປຸ່ນ ເຢັງ ເຈົາຣາຊີ ກຮັກ ລາລື້ 14 ມັຮ ກວາຍ ແຕ ມູ່ ກາ ຊາອຳ, ອົງເຄາະ ໄມ່ ກາແອັຮ ໄລ່ ຍັຮ ເມັງ ເຢັງ ເຈົາຣາຊີ ໂອນ ໄລ່ ອິນ ໂຈຍ ຣາໂລຍຮ ຍ່ອນ ແຕ ມັຮ ກາ ປັຣນາຍ. ຍ່ອນ ຣາມິ້ຮ ກ້ອຍ ຕາ ເປັນ ແກັດ ເກົາ ອິນເຕົ້າ, ມາ ຕະ ໂອນ ກວາຍ ກາ ຊາງັດ ແກັດ ຕາ ແອອ໌ ອີ ຊາອຳ ນ້ອງ. 15 ຄັນ ຣານະ ອິນເຕົ້າ ເຢັງ ເຈົາຣາຊີ ໂອນ ໄມ່ ຕະ, ອົງເຄາະ ໄມ່ ຕະ ປາໄຮັຮ ເລືອຍໆ ຣານະ ກ້ອຍ ໂອນ ຣາງິຮ ເຢັງ ເຈົາຣາຊີ ເຮີມ ປຍາຍ໌ ຣາ ນະ ໄມ່ ຕະ. ໄມ່ ລາ ນະ ກວາຍ ເຈິງ ຕະ ຣານະ ກາ ຕາ ເປັນ ກູມາລ ອິນເຕົ້າ ແຕ ຣານະ ຕະ, ຍ່ອນ ໄມ່ ອາຕີ ຕາມ້ອງ ປັຣນາຍ ປຍາຍ໌ ແຕ ເຢັງ ເຈົາຣາ ຊີ. 16 ມາ ອົງເຄາະ ໄມ່ ວຍາຮ ແຕ ປັຣນາຍ ເມົາ

\* 1:12 1:12 ແຕ່ລາ "ອັນ ມ່ອບ ໂອນ ເກົາ."

ຕະ ອິນຕີ ກາ ຕາ ເບີນ ປຍາຍ໌ ໂອນ ກວາຍ ຊາອຳ, ກະ ປັຣນາຍ ຕາ ແກັດ ເກົາ, ຍ່ອນ ປັຣນາຍ ກ້ອຍ ປັຣຕີ້ ເດິງ ກວາຍ ແກັດ ເຢິງ ອາຊ້ອຣ ແຕ ເຢິງ ເຈົາຣາຊີ. <sup>17</sup> ປັຣນາຍ ໄລ່ ກ້ອຍ ລາ ນະ ເບີ ອິນ ໂຊະ ແກັດ ຕາວັຣ ລາລີ້. ບາຣ ນະ ກາ ຕະ ອິນຕີ ນະກ້ອຍ ລາ ຮິເມນາໂຢ ກະ ພິເລໂຕ. <sup>18</sup> ໄລ່ ບາຣ ນະ ກ້ອຍ ຕັຣ ປັຣນາຍ ປຍາຍ໌. ໄລ່ ປາຍ ຕາໂງ ໄຮ ອາມັງ ລັຣ ແຕ ກູຈິດ ລາ ແວັດ ເຈີ. ນະກ້ອຍ ເບີນ ກວາຍ ກາ ຊາອຳ ແຕ ອິນໂຍ່ງ, ມາ ຊານໍ່ ຕາ ເບີນ ຊາອຳ ນ້ອງ. <sup>19</sup> ມາ ອິນນ້ອງ ເບີນ ໄລ່ ກາ ຊາອຳ ຈັບ ລາລີ້. ກວາຍ ກ້ອຍ ລາ ນະ ຕາໂນລ ດູງ ກາ ເຢິງ ເຈົາຣາຊີ ຈັຣ. ຕາໂນລ ກ້ອຍ ຈັບ ລາລີ້, ຕາ ເບີນ ເມົາ ເຕ່ອໍ ຕາລຸຣ. ຕິ່ງ ຕາໂນລ ກ້ອຍ ເຢິງ ເຈົາຣາຊີ ດຽນ ປາຍ: "ເຢິງ ເຈົາຣາຊີ ດັງ ເຈີ ມັຣ ກວາຍ ອັນ." ກະ ອັນ ດຽນ ປາຍ: "ກູ່ ນະ ກາ ກູອໍ ຣາມິ້ຣ ເຢິງ ເຈົາຣາຊີ, ອິງເຄາະ ອັນ ວຍາຣ ເຢິງ ແຕ ຣານະ ຕາ ອໍ."

<sup>20</sup> ຕິ່ງ ດູງ ກວາຍ ຊຸ ລາ ເບີນ ຊາອິ້ຍ ຣາມິ້ຣ ເກ ຮິ່ງ. ເບີນ ເກຣັງ ເມົາ ຕະ ແຕ ແຢງ ແຕີລາ ປຣະ. ກະ ເບີນ ເກຣັງ ການໍ່ອໍ ເມົາ ຕະ ແຕ ອາລ່ອງ ແຕີ ລາ ກູແຕອໍ. ເບີນ ຣາມິ້ຣ ເກົາ ເປ່ງ ລາລີ້, ມາ ເບີ ນ ຣາມິ້ຣ ເກົາ ອິງຣາລ. <sup>21</sup> ນະກ້ອຍ, ຄັນ ກວາຍ ອາແລະ ເບີນ ຣາງິຣ ເຕ່ອໍ ຣຽຣ ຣາມິ້ຣ ອໍ ກະ ຕາ ເບີນ ຕະ ຕາ ອໍ ນ້ອງ, ກວາຍ ກ້ອຍ ນະ ເກຣັງ ກາ ເກົາ ເປ່ງ, ດໍອໍ ອິມພາ ໂອນ ອັນ ກາ ຕາລາ ຕັອກ. ນະກ້ອຍ ກວາຍ ກ້ອຍ ເຕ່ອໍ ຕະ ຣານະ ອໍ ໂອນ ເຢິງ ເຈົາຣາຊີ. ເຢິງ ເຈົາຣາຊີ ນັດ ໂອນ ກວາຍ ກ້ອຍ ເຕ່ອໍ ຕະ ຣານະ ອໍ ກ້ອຍ. <sup>22</sup> ເຈີ, ອິງເຄາະ ໄມ່ ວຍາຣ ໂອນ ແວັດ ມັຣ ຣານະ ຕັງຮາງ ນະ ກວາ ຍ ອິນນ້ອງ ນຸ່ມ ຍິອໍ ອີ ຕະ. ມາ ອິງເຄາະ ໄມ່ ຈໍຣ ມັຣ ຣານະ ຕານ້ອງ ອໍ ຍິຣ ພິງ ເຢິງ ເຈົາຣາຊີ, ຊາອຳ ໂອນ ກຣັກ ລາລີ້, ອາໂຍະ ເລືອຍໆ ເຢົາ, ກະ ແອັດ ຣາຕອຍ ເລືອຍໆ ກະ ເຢົາ ກາ ກູອໍ ຣາມິ້ຣ ເຢິງ ເຈົາຣາຊີ ອິນເຈົາ ໄຮ ກະ ເບີນ ຣາງິຣ ບຣັຣ ອໍ ຍິຣ ພິງ ອັນ. <sup>23</sup> ມາ ອິງເຄາະ ໄມ່ ວຍາຣ ແຕ ໄລ່ ກາ ອາຕີ ຣານະ ຊາກູລ ແຕີລາ ຣາຈຽນ ແຕ ຣາມິ້ຣ ໄລ່ ຕາ ເບີນ ດັງ, ຍ່ອນ ປັຣນາຍ ກ້ອຍ ໂອນ ກວາ ຍ ແກັດ ຣາໂລຍຣ. <sup>24</sup> ມາ ອັນ ກາ ປຣ່ອມ ຕະ ຣານະ ໂອນ ເຢິງ ເຈົາຣາຊີ, ອິງເຄາະ ອັນ ຕາ ເບີນ ຣາໂລຍຣ, ມາ ອິງເຄາະ ອັນ ເບີນ ຣາງິຣ ລາແມ່ນ ອໍ ໂຈະ ກູ່ ນະ ກວາຍ. ອິງເຄາະ ອັນ ແຄວ້ ອາຕີ ໂອນ ກວາຍ ການໍ່ອໍ ດັງ, ກະ ຕາ ເບີນ ກຸນເຕົາ ໂຍ່ບ. <sup>25</sup> ບ້ອງ ກາ ອັນ ອາຕີ ໄລ່ ກາ ຍິອໍ ອີ ຣາຈຽນ ກະ

ອັນ, ອິງເຄາະ ອັນ ເບີນ ຣາງິຣ ລາເວົ້າຍ. ອິງກ້ອຣ ປຍາຍ໌ ເຢິງ ເຈົາຣາຊີ ຈ່ອຍ ໂອນ ໄລ່ ຕັຣ ຣາງິຣ ຕຍາ ປຽນ ແກັດ ຣາງິຣ ຕາໄມ ແອັນ, ກະ ໄລ່ ດັງ ກຣັກ ລາລີ້ ປັຣນາຍ ປຍາຍ໌ ແຕ ເຢິງ ເຈົາຣາຊີ. <sup>26</sup> ຄັນ ໄລ່ ຕະ ນະກ້ອຍ, ໄລ່ ຕາ ຍິອໍ ອີ ຕາປູ່ນ ນ້ອງ ຣານະ ເຢິງ ຊາຕານ. ໄມ່ ລາ ນະ ໄລ່ ເບີນ ຣາກູຣ ແຕ ເຣວ່ ເຢິງ ຊາຕານ.

### 3

ແຈະ ຕາໂງ ປັຣຊິດ ເບີນ ຊາອິ້ຍ ກວາຍ ຕາ ອໍ <sup>1</sup> ອິງເຄາະ ໄມ່ ດັງ ເຕ່ ນະໄມ່: ແຈະ ອີ ແຕ້ອໍ ຕາ ໂງ ປັຣຊິດ, ເບີນ ຊາອິ້ຍ ຕຸຣ ກັດ ເວົ້າຍ. <sup>2</sup> ບ້ອງ ກາ ກ້ອຍ ກວາຍ ຍິອໍ ອີ ອິດ ຣາງິຣ ໄລ່ ເບີນ, ກະ ຍິອໍ ອີ ເບີນ ປຣະ. ໄລ່ ຍ່ອງ ຈະ ເບີນ, ເຈີ ໄລ່ ໂອດ. ໄລ່ ຕະ ຕາ ອໍ ໂຈະ ກວາຍ ການໍ່ອໍ. ໄລ່ ຕາ ເບີນ ຊາງັດ ປັຣນາຍ ອິມເປ່ອໍ ອິມປໍ່. ໄລ່ ຕາ ດັງ ຊາ ແອັນ. ໄລ່ ຕາ ເບີນ ຍຳມັບ ເຢິງ ເຈົາຣາຊີ. <sup>3</sup> ໄລ່ ຕາ ເບີນ ອາໂຍະ ກວາຍ ການໍ່ອໍ. ໄລ່ ຕາ ແອອໍ ອີ ຣາຕອຍ ກະ ເຢົາ. ໄລ່ ຕູນ ເລືອຍໆ ເຢົາ. ໄລ່ ຕາ ດັງ ກຍາອໍ ອໍ ຈະ ເບີນ. ໄລ່ ເບີນ ຣາງິຣ ເຮາະ. ໄລ່ ຕາ ແອອໍ ອີ ຕະ ຣານະ ອໍ. <sup>4</sup> ໄລ່ ປ່ອງ ໂອນ ເມົາ ຕະ ເຢົາ ໄລ່. ໄລ່ ຕະ ຍຸ່ຣໆ. ໄລ່ ຕາ ເບີນ ຊາງັດ ປັຣນາຍ ເມົາ ອາຕີ ໄລ່, ຍ່ອນ ໄລ່ ຄິດ ໄລ່ ດັງ ກາ ເລີຍ ແຕ ກວາຍ ການໍ່ອໍ. ກະ ໄລ່ ຍິອໍ ອີ ຕາປູ່ນ ຣາ ນະ ຣໍອໍ, ກາເລີຍ ແຕ ຍິອໍ ອີ ຕາປູ່ນ ຣານະ ເຢິງ ເຈົາຣາຊີ. <sup>5</sup> ໄລ່ ຕາປູ່ນ ຮິດ ຊາງ ນະ ໄລ່ ຍຳມັບ ເຢິງ ເຈົາຣາຊີ ເຕ່. ມາ ຕິ່ງ ຣາງິຣ ໄລ່, ໄລ່ ຕາ ເບີນ ປຣ່ອມ ໂອນ ເຢິງ ເຈົາຣາຊີ ຕະ ຊິດ ໄລ່. ອິງເຄາະ ໄມ່ ວຍາຣ ເຢິງ ແຕ ມັຣ ກວາຍ ກ້ອຍ. <sup>6</sup> ເບີນ ກວາຍ ແຕ ມູ່ ກ້ອຍ ກາ ມູ່ດ ຕິ່ງ ດູງ ກວາຍ ການໍ່ ອໍ ຍິອໍ ອີ ປັຣຕີ້ ມັຣ ກວາຍ ມັນແຊມ ຕາປູ່ນ ປັຣ ນາຍ ຕາ ປຍາຍ໌, ມັຣ ໄລ່ ປາຍ. ມັນແຊມ ກ້ອຍ ລາ ຊາກູລ ກະ ເບີນ ໂລ່ຍຣ ຊາອິ້ຍ ອິນຕ້ອງ ລາລີ້, ກະ ໄວ້ ລາລີ້ ໄລ່ ປຣ່ອມ ຕາປູ່ນ ຣານະ ຕາ ປຍາຍ໌. <sup>7</sup> ມັນແຊມ ກ້ອຍ ຍິອໍ ອີ ຣຍານ ເລືອຍໆ ແຕ ຊາ ອິ້ຍ ປັຣນາຍ, ມາ ໄລ່ ຕາ ເກີຍ ດັງ ແຕ ປັຣນາຍ ປຍາຍ໌. <sup>8</sup> ກວາຍ ກ້ອຍ ຣາຈຽນ ລັຣ ປັຣນາຍ ປ ຍາຍ໌, ຍ່ອນ ຣາງິຣ ໄລ່ ລາ ຕາ ອໍ, ກະ ຕາ ແອອໍ ອີ ຊາອຳ ປັຣນາຍ ເຢິງ ເຈົາຣາຊີ. ໄລ່ ກ້ອຍ ລາ ນະ ບາຣ ນະ ຢາແນ ກະ ຢຳແບຣ ກາ ຣາຈຽນ ລັຣ ກະ ໂມເຊ ແຕ ອິມແບີ ເຕ່. <sup>9</sup> ມາ ຣານະ ໄລ່ ບາຣ ນະ ກ້ອຍ ຕະ, ລາ ອາປັຣ ໂອນ ອິນແຍະ ມັຣ ກວາ

ຍ ເຮີມ ໄລ່ ຕະ ຕາ ປຍາຍ໌. ມູເຈິງ ກ້ອຍ ເຕ່ ໄລ່ ກາ ຍິ້ອ ອີ ຣາຈຽນ ກະ ປັຣນາຍ ປຍາຍ໌ ຕຶ້ງ ແດີຍ ໄມ່, ໄລ່ ຕາ ເຕ່ອ໌ ປັຣຕຶ້ ນ້ອງ ໂອນ ກວາຍ ຕາປູ່ນ ຮານະ ໄລ່, ຍ່ອນ ອິນແຍ່ະ ມັຣ ກວາຍ ເຮີມ ຮານະ ໄລ່ ລາ ຮານະ ຊາກຸລ.

10 ມາ ໄມ່ ຕາປູ່ນ ເຈີ້ ມັຣ ປັຣນາຍ ເກົາ ອາຕີ. ໄມ່ ດັງ ເຈີ້ ມັຣ ຮານະ ອໍ ເກົາ ຕະ. ກະ ໄມ່ ດັງ ເຈີ້ ຣາ ນະ ອິນເຕົ້າ ເກົາ ຍິ້ອ ອີ ຕະ ຕຶ້ງ ແດີຍ ອາມັງ ເກົາ. ໄມ່ ດັງ ເກົາ ຊາອໍາ ກຣັກ ລາລີ້; ເກົາ ເປີນ ຣາງິຣ ມະ ກູແຕອ໌; ເກົາ ອາໂຍ່ະ ກວາຍ ການໍອ໌; ກະ ເກົາ ຈິວ ເລືອຍໆ ຕຸຣ ກັດ. 11 ໄມ່ ດັງ ຊາອິ້ຍ ກວາຍ ຕະ ເກົາ, ກະ ເກົາ ເບີ ຊາອິ້ຍ ເຮີບ. ເມົ້າ ຕະ ເກົາ ຕຶ້ງ ເມືອງ ອັນຕີໂອເຄຍ, ເມືອງ ອີໂກນິອ໌ມ, ກະ ເມືອງ ລີຊະຕຣາ. ມັຣ ຕຸຣ ກັດ ກ້ອຍ, ເກົາ ຈິວ ອິນແຍ່ ະ. ມາ ເຢິງ ເຈົ້າຣາຊີ ຈ່ອຍ ເກົາ, ອັນ ອາລ້ອຣ ເກົາ ແຕ ຣາມິ້ຣ ຕຸຣ ກັດ ກ້ອຍ. 12 ໄກຣ ລາລີ້ ກວາຍ ອາແລ່ະ ມາ ຍິ້ອ ອີ ຕາປູ່ນ ມວຍ ຣາງິຣ ກະ ເຢຊູ ກຣິດ, ກວາຍ ກ້ອຍ ອິງເຄາະ ຣາມິ້ຣ ເມົ້າ ຕະ ອັນ. 13 ມາ ມັຣ ກວາຍ ຕາ ອໍ ກະ ໄລ່ ກາ ຕະ ອິນ ຕີ ອາໂລກ ແຕ ປັຣນາຍ ເຢິງ ເຈົ້າຣາຊີ, ກູ່ ຣາໂງ ໄລ່ ແກັດ ຕາ ອໍ ຊາອິ້ຍ ອາຊ້ອຣ ແອັນ. ໄລ່ ອາ ໂລກ ກວາຍ ການໍອ໌, ກະ ກວາຍ ການໍອ໌ ອາໂລກ ລັຣ ໄລ່ ເຕ່.

ປາຕັບ ໂອນ ຕີໂມທຽວ ຊາແຍີ ແຕ ປັຣນາຍ ເຢິງ ເຈົ້າຣາຊີ

14 ມາ ອິງເຄາະ ໄມ່ ຊາແຍີ ເລືອຍໆ ມັຣ ຮານະ ໄມ່ ຣຍານ ເຈີ້. ຮານະ ກ້ອຍ ໄມ່ ດັງ ເຈີ້ ລາ ປ ຍາຍ໌, ຍ່ອນ ໄມ່ ດັງ ແຕ ເມົ້າ ໄມ່ ຣຍານ ຮານະ ກ້ອຍ. 15 ບ້ອງ ກາ ໄມ່ ອິນນ້ອງ ແກດໆ, ໄມ່ ຣ ຍານ ດັງ ເຈີ້ ແຕ ປຶ້ງ ປັຣນາຍ ເຢິງ ເຈົ້າຣາຊີ. ປຶ້ງ ປັຣນາຍ ໄມ່ ເຕ່ອ໌ ໂອນ ໄມ່ ເປີນ ຣາງິຣ ຣາໂງອ໌ ຣາ ລັງ, ກະ ຣາງິຣ ໄມ່ ເຕ່ອ໌ ປັຣຕຶ້ ໂອນ ໄມ່ ຊາອໍາ ເຢຊູ ກຣິດ, ອັນ ກາ ຈ່ອຍ ອາມັງ ໄມ່. 16 ກູ່ ຊັນຕອຍ໌ ຕຶ້ງ ປຶ້ງ ປັຣນາຍ ເຢິງ ເຈົ້າຣາຊີ, ເຢິງ ເຈົ້າຣາຊີ ແຕ່ ໂອນ ກວາຍ ຄຽນ ມັຣ ປັຣນາຍ ກ້ອຍ. ມະກ້ອຍ ອິນແຍ່ະ ປັຣນາຍ ກ້ອຍ ລາ ອໍ ດໍອ໌ ອາຕີ ກວາຍ ແຕ ເຢິງ ເຈົ້າຣາຊີ, ດໍອ໌ ກາແອັຣ ກວາຍ ກາ ຕະ ຮານະ ຕາ ອໍ, ດໍອ໌ ຈ່ອຍ ໂອນ ກວາຍ ຕະ ຮານະ ອໍ ແອັນ, ກະ ດໍອ໌ ໂອນ ໄລ່ ດັງ ອິງເຄາະ ຕະ ນານະ ເຕ່ອ໌ ແອັດ ຕານ້ອງ ອໍ ຍິ້ຣ ເມືງ ເຢິງ ເຈົ້າຣາຊີ. 17 ຍ່ອນ ແຕ ປັຣນາຍ ກ້ອຍ, ກວາຍ ກາ ຕະ ຣາ ນະ ເຢິງ ເຈົ້າຣາຊີ ເປີນ ກູ່ ຣາມິ້ຣ ອັນ ອິງເຄາະ ເປີ

ນ ດໍອ໌ ຕະ ກູ່ ຮານະ ອໍ ກາ ເຢິງ ເຈົ້າຣາຊີ ໂອນ ອັນ ຕະ.

### 4

ໂປໂລ ປາຕັບ ຕີໂມທຽວ ໂອນ ປາໂຣ່ຣ ຕະ  
1 ເກົາ ປາຕັບ ໄມ່ ຍິ້ຣ ເມືງ ເຢິງ ເຈົ້າຣາຊີ ກະ ຍິ້ຣ ເມືງ ເຢຊູ ກຣິດ, ອັນ ກາ ແຈ່ະ ອີ ແຕ່ອ໌ ລັຣ ປິ ກູແຕອ໌ ໄມ່, ເຈີ້ ອັນ ຕະ ຊັດ ກະ ຕັດຊິນ ອິນແຍ່ ະ ມັຣ ກວາຍ ກາ ອິນນ້ອງ ອາມັງ ກະ ໄລ່ ກາ ກູຈິດ ເຈີ້, ປາຍ; 2 ອິງເຄາະ ໄມ່ ອາຕີ ເລືອຍໆ ປັຣນາຍ ເຢິງ ເຈົ້າຣາຊີ. ປຍາຍ໌ ຕາໂງ ແລ່ະ, ອິງເຄາະ ໄມ່ ອາຕີ ຕາໂງ ກ້ອຍ. ໄມ່ ອິນໂຈຍ ເຫຣາະ ຕາໂງ ເມົ້າ ປາຍ ປຍາຍ໌ ປາແນ່ນ ອາຕີ ປັຣນາຍ ເຢິງ ເຈົ້າຣາ ຊີ. ອິງເຄາະ ໄມ່ ອາຕີ ໂອນ ກວາຍ ດັງ ໄລ່ ເປີນ ໄລ່ ຍຣ. ອິງເຄາະ ໄມ່ ກາແອັຣ ໂອນ ໄລ່ ອິນໂຈຍ ຕະ ນ້ອງ ຮານະ ໄລ່ຍຣ. ກະ ອິງເຄາະ ໄມ່ ອາຕີ ໂອນ ໄລ່ ດັງ ຮານະ ອິນເຕົ້າ ແອັນ ລາ ອໍ ໂອນ ໄລ່ ຕາປູ່ນ. ມາ ອິງເຄາະ ໄມ່ ອາຕີ ລາເວີຍ, ອິນໂຈຍ ກຸນເຕົ້າ ຍິ້ອ ໄລ່ ດັງ ແຕ່. 3 ປັຣແນີ ມັນເຕຣີາ, ເປີນ ຕາໂງ ກວາຍ ຕາ ແອອ໌ ອີ ຊາງັດ ນ້ອງ ປັຣນາຍ ປຍາຍ໌ ແຕ ເຢິງ ເຈົ້າຣາຊີ, ມາ ໄລ່ ອີ ຕາປູ່ນ ຣາງິຣ ໄລ່ ເປີ ມ. ໄລ່ ຈໍອ໌ ເລືອຍໆ ກວາຍ ກາ ອາຕີ ປັຣນາຍ ກາ ໄລ່ ມັກ ຊາງັດ. 4 ມະກ້ອຍ, ໄລ່ ງວາຍ ຊ້ອງ ແຕ ປັຣນາຍ ປຍາຍ໌, ຍ່ອນ ໄລ່ ຕາ ແອອ໌ ອີ ຊາງັດ ປັຣ ນາຍ ກ້ອຍ. ເຈີ້ ໄລ່ ຕາປູ່ນ ເລືອຍໆ ປັຣນາຍ ເມົ້າ ຕະ ອິນຕີ ແຕ ປື້ນ ຕຍາ. 5 ມາ ອິງເຄາະ ໄມ່ ລາວັງ ເລືອຍໆ ແຕ ກູ່ ຣາມິ້ຣ ກາ ແຕ່ອ໌ ບໍ ໄມ່. ອິງເຄາະ ໄມ່ ຈິວ ຣາມິ້ຣ ຕຸຣ ກັດ. ກະ ອິງເຄາະ ໄມ່ ອາຕີ ເລືອຍໆ ປັຣນາຍ ອໍ ແຕ ເຢິງ ເຈົ້າຣາຊີ. ມັຣ ຣາ ນະ ອິນເຕົ້າ ເຢິງ ເຈົ້າຣາຊີ ໂອນ ໄມ່ ຕະ, ອິງເຄາະ ໄມ່ ຕະ ໂອນ ເຈີ້ ອິນແຍ່ະ ຮານະ ກ້ອຍ.

ໂປໂລ ແຈ່ະ ອີ ກູຈິດ  
6 ຊານໍ ຈະ ເກົາ ລາ ມະ ເກຣັງ ເມົ້າ ອີ ມ່ອບ ຊາງ ໂອນ ເຢິງ ເຈົ້າຣາຊີ. ແດີຍ ອາມັງ ເກົາ ແຈ່ະ ອີ ແວັດ ເຈີ້. 7 ເກົາ ລາ ມະ ຣາຈິລ ເຮົາບ ເຈີ້ ກະ ເຢິງ ຊາຕານ. ເກົາ ຕະ ແມິ້ມ ເຈີ້ ຮານະ ເກົາ; ເກົາ ລາ ມະ ກວາຍ ກາ ຕາລຸ່ຣ ຣາຊິງ ກາ ແຕ່ອ໌ ເຈີ້ ບໍ ອິນ ຕຸ ປັຣຊັດ. ກະ ເກົາ ຍຸມ ດໍອ໌ ເລືອຍໆ ມັຣ ຣາມິ້ຣ ເກົາ ຊາອໍາ ແຕ ເຢິງ ເຈົ້າຣາຊີ. 8 ຊານໍ ເຢິງ ເຈົ້າຣາ ຊີ, ອັນ ກາ ຕັດຊິນ ຕານ້ອງ, ອັນ ກຽມ ດໍອ໌ ໂອນ ເກົາ ເປີນ ຣາເນີອ໌ ກາ ເກົາ ຕຶ້ງ ມັນລ້ອງ, ຍ່ອນ ອັນ ໂອນ ເກົາ ແອັດ ຕານ້ອງ ອໍ ຍິ້ຣ ເມືງ ອັນ. ປັຣ ແນີ ມັນເຕຣີາ ເຢິງ ເຈົ້າຣາຊີ ໂອນ ເກົາ ເປີນ ເກົາ



ກ້ອຍ ຕຶ້ງ ຕາໄງ ອັນ ຕັດຊື່ນ ອິນແຍ່ະ ມັຮ ກວາຍ. ມາ ອັນ ຕາ ເບີນ ໂອນ ແອັງ ເກົາ ຊ້ອງ. ອັນ ໂອນ ກູ່ ນະ ກາ ອົງກ່ອງ ເລືອຍໆ ຕາໄງ ເຢຊູ ແຕ້ອ໌ ລັຮ ບໍ່ ກູແຕອ໌ ໄມ່.

ປັຣນາຍ ປັຣຊົດ ໂປໂລ ປາຕັບ ດີໂມທຽວ

9 ເກົາ ແຊອ໌ ໄມ່ ແຕ້ອ໌ ໄວ່ ບໍ່ ເກົາ, 10 ຍ່ອນ ເດມາ ຕັຮ ເກົາ ເຈີ້. ອັນ ຍິອ໌ ອີ ຕາປຸ່ນ ຮາ ນະ ຮິ້ອ໌ ຕຶ້ງ ແດີຍ ໄມ່. ນະກ້ອຍ ອັນ ເປາະ ບໍ່ ເມືອງ ເທຊະໂລນິກ ແອັນ. ເກເຊັນ ເປາະ ບໍ່ ແຄງ ຄາລາເຕຍ, ກະ ຕິໂຕ ເປາະ ບໍ່ ເມືອງ ດັນມາເຕຍ.

11 ຊານຸ່ ເບີນ ມານະ ລູກາ ຊ້ອງ ແອັດ ກະ ເກົາ. ອົງເຄາະ ໄມ່ ເດີງ ກາ ມາຣະໂກ ແຕ້ອ໌ ບໍ່ ເກົາ ເຕ່, ຍ່ອນ ອັນ ເຕ່ອ໌ ຈ່ອຍ ເກົາ ຕະ ຮານະ ເຢັງ ເຈົາຮາ ຊີ. 12 ເກົາ ແປຣີ ຕິຄິໂກ ເປາະ ບໍ່ ເມືອງ ເອເພໂຊ. 13 ແຕ້ອ໌ ໄມ່ ເປາະ ບໍ່ ເກົາ, ແຊອ໌ ໄມ່ ເດີງ ອາຍ້ອຣ ຕ່ອງ ເກົາ. ອາຍ້ອຣ ກ້ອຍ ເກົາ ດໍອ໌ ຕຶ້ງ ດຸງ ກາຣະ ໂປ ເມືອງ ໂທອາດ. ກະ ແຊອ໌ ໄມ່ ເດີງ ກາ ປຶ້ງ ເກົາ. ມາ ກາເລີຍ ແຕ ກ້ອຍ ແອັນ, ລາ ເກົາ ອີ ເບີນ ປຶ້ງ ອົງກັຮ ກາ ເກົາ ດໍອ໌ ບໍ່ ກ້ອຍ.

14 ອາເລັກຊັນເດີ, ອັນ ກາ ກວາຍ ເຈັງ ຊາປັນ, ອັນ ຕະ ຕຸຣ ກັດ ໂຈະ ເກົາ ຊາອິ່ຍ ເຮີບ ເຈີ້. ປັຣ ແນີ ມັນເຕຣີ ເຢັງ ເຈົາຮາຊີ ແຕ້ ກັຮລັຮ ແດັອ໌ ມັຮ ຮານະ ຕາ ອໍ ອັນ ຕະ. 15 ມາ ອົງເຄາະ ໄມ່ ລາ ວັງ ອໍ ແຕ ອັນ, ຍ່ອນ ອັນ ຮາຄັດ ເລືອຍໆ ແຕ ປັຣນາຍ ຮີ ອາຕີ.

16 ເຮີບ ແຕ ຕາແບີ ກວາຍ ຊົດ ຕາແບີບ ເກົາ, ຕາ ເບີນ ເມົາ ອາຕີ ຈ່ອຍ ເກົາ. ອິນແຍ່ະ ມັຮ ກວາ ຍ ຕັຮ ເກົາ. ມາ ເກົາ ແຊອ໌ ເຢັງ ເຈົາຮາຊີ ອິນ ໂຈຍ ນັບ ໂລ່ຍຣ ໄລ່ ກ້ອຍ ຕະ. 17 ມາ ອິນນ້ອງ ເຢຊູ ກຣິດ ແອັດ ຈ່ອຍ ເກົາ ກະ ໂອນ ເກົາ ເບີນ ເຮັງ ເລືອຍໆ. ນະກ້ອຍ ເຕ່ອ໌ ເກົາ ອາຕີ ປັຣນາຍ ອໍ ແຕ ເຢຊູ ກຣິດ, ກະ ເຕ່ອ໌ ກວາຍ ກາ ຕາ ແກິນ ກວາຍ ອິດຊະຮາເອລ ເບີນ ດັງ ເຕ່. ເຢຊູ ກຣິ ດ ຈ່ອຍ ເກົາ ໂອນ ວຍາຣ ແວັດ ແຕ ແບອ໌ ກູລາ. 18 ເກົາ ດັງ ປັຣແນີ ມັນເຕຣີ ເຢຊູ ກຣິດ ຈ່ອຍ ອາມັງ ເກົາ ໂອນ ແວັດ ແຕ ກູ່ ຮາມິຣ ຕາ ອໍ, ກະ ໂອນ ເກົາ ແອັດ ຊົດ ແດີຍ ຕຶ້ງ ອິນຕຸ ອັນ ຊົດ ຕຶ້ງ ມັນລ້ອງ. ອົງເຄາະ ໄຮ ຍ່ອງ ເລືອຍໆ ຮາມິຣ ອັນ ຊົດ ແດີຍ ເລີ້ຍ ກູມໍ. ອາແມນ.\*

ປັຣນາຍ ກັຮບັນ ກັຮຊວານ ປັຣຊົດ

19 ເກົາ ແຊອ໌ ຕາແບີບ ກາຮານ ໄລ່ ບາຣ ນະ ປີຊະກິລາ ກະ ອາກິລາ, ກະ ເກົາ ອີ ກາຮານ ອິນແຍ່

ະ ດຸງຊູ ໂອເພຊີໂພໂຣ ແຮີ. 20 ເອຣາຊະໂຕ ອິນ ນ້ອງ ແອັດ ຕຶ້ງ ເມືອງ ໂກຣິນໂທ, ກະ ເກົາ ໂອນ ໂທ ພິໂມ ອິນນ້ອງ ແອັດ ຕຶ້ງ ເມືອງ ມີເລໂຕ, ຍ່ອນ ອັນ ອາອີ. 21 ເກົາ ແຊອ໌ ໄມ່ ປາໄຮຣ໌ ແຕ້ອ໌ ບໍ່ ເກົາ ອິນໂຍ່ງ ແຕ້ອ໌ ກາໄຊ ຊາແງດ. ອິນແຍ່ະ ມັຮ ແຊມ ອາຍ ແອັດ ຕຶ້ງ ເມືອງ ໄມ່ ຕາແບີບ ກາຮານ ໄມ່ ເຕ່, ກາ ຢູບູໂລ, ປູເດັນ, ລີໂນ ກະ ກະໂລເດຍ.

22 ເກົາ ແຊອ໌ ເຢຊູ ກຣິດ ອິນເຈົາ ໄຮ ແອັດ ເລືອ ຍໆ ຕຶ້ງ ຮາງິຣ ໄມ່. ກະ ເກົາ ແຊອ໌ ເຢັງ ເຈົາຮາຊີ ຈ່ອຍ ເມົາດ ເລືອຍໆ ອິນແຍ່ະ ມັຮ ເຍົາ.

\* 4:18 4:18 ປັຣນາຍ 'ອາແມນ' ອາຕີ ລັຮ ລາ 'ກຣັກ ນະກ້ອຍ' ແຕີລາ 'ແຊອ໌ ໂອນ ແກັດ ນະກ້ອຍ.'

# ປັນນາຍ ຊາອົຣ໌ ໂປໂລ ຄຽນ ໂອນ ຕິໂຕ

ປັນນາຍ ອາຕີ ອິນໂຍ່ງ

ໂປໂລ ຄຽນ ປັນນາຍ ໄມ່ ພາອົ ຊາອົຣ໌ ຕິໂຕ. ອັນ ຄຽນ ມາຮ 63 ກູມໍ ແວັດ ເຢຊູ ແກັດ. ຕິໂຕ ລາ ກວາຍ ນຸ່ມ ກາ ຕາ ແກັນ ກວາຍ ອິດຊະຣາ ເອລ, ມາ ອັນ ຊາອົ ເຢຊູ ກຣິດ. ໂປໂລ ໂອນ ຕິໂຕ ແອັດ ລັຣ໌ ຕິ່ງ ໂບດ ກະເຣເຕ, ເຢືາອົ ໂອນ ຈ່ອຍ ມັຣ ມູ່ ກາ ຊາອົ ຕິ່ງ ອິນຕຸ ກ້ອຍ ແກັດ ເຣ່ງ ກະ ປິດ ອາຊ້ອຣ. ປິ່ງ ໄມ່ ອາຕີ ໂອນ ຕິໂຕ ໄປ ຣາມິຣ໌ ປິດ ກາ ອັນ ອິງເຄາະ ຕະ, ລາ ນະໄມ່: ມວຍ ລາ ຮຽຣ ກວາຍ ກາ ຊົດ ມູ່ ກາ ຊາອົ. ບາຣ ລາ ອາຣຍານ ກວາຍ ອາຈວາຍຣາ, ໂອນ ໄລ໌ ເຕອົ ອາຕີ ລັຣ໌ ກວາຍ ນຸ່ມ ຕິ່ງ ມູ່ ກາ ຊາອົ. ໄປ ລາ ໂອນ ອັນ ອາຕີ ໄລ໌ ແອັດ ຣາຕອຍ ກະ ກູ່ ນະ ກວາ ຍ, ກະ ເບີນ ຣາງິຣ໌ ລາເວີຍ ໂຈະ ກວາຍ ການໍອົ.

1 ເກົາ ລາໂປໂລ ຄຽນ ປັນນາຍ ຊາອົຣ໌ ໄມ່. ເກົາ ລາ ກວາຍ ຕະ ຣານະ ເຢືາງ ເຈົາຣາຊີ, ກະ ເກົາ ລາ ກວາຍ ເຢຊູ ກຣິດ ຮຽຣ ປາຈຸຣ໌ ໂອນ ເປາະ ຕະ ຣານະ ອັນ. ເຢືາງ ເຈົາຣາຊີ ແປຣີ ເກົາ ເປາະ ອາຕີ ປັນນາຍ ປຍາຍົ ແຕ ອັນ ໂອນ ມັຣ ກວາຍ ກາ ອັນ ຮຽຣ, ໂອນ ຣາງິຣ໌ ໄລ໌ ແກັດ ຊາອົ ຊົງໄກຣ ລາລີ ແອັນ, ກະ ໂອນ ໄລ໌ ຕາປູນ ຣານະ ເຢືາງ ເຈົາຣາຊີ ອິນແຍ່ະ ຣາງິຣ໌ ຣາແອີ ໄລ໌. 2 ໄຮ ອິງກ່ອງ ເບີນ ອາມົງ ເລືອຍາ ນະ ເຢືາງ ເຈົາຣາຊີ ເອີອົ ແຕ ອິນ ໂຍ່ງ ອັນ ຕາ ຢວາຣ ແຕງ ມັນລ້ອງ ກູແຕອົ ໄມ່. ເຢືາງ ເຈົາຣາຊີ ຕາ ເກີຍ ຕະ ອິນຕີ ອາໂລກ. 3 ເຈີ້ ແຕ້ອົ ປາແນ່ນ ອັນ ຊ້ອງ ຊົງໄກຣ ເຢືາງ ເຈົາຣາຊີ ອາຕີ ປັນນາຍ ອັນ ໂອນ ກວາຍ ດັງ. ຍ່ອນ ເຢືາງ ເຈົາຣາຊີ ກາ ຈ່ອຍ ອາມົງ ໄຮ, ດັງ ເກົາ ອາຕີ ປັນ ນາຍ ອັນ ປຍາຍົ ອໍ, ນະກ້ອຍ ອັນ ແປຣີ ເກົາ ອາ ຕີ ປັນນາຍ ກ້ອຍ. 4 ເກົາ ຄຽນ ປັນນາຍ ໄມ່ ພາອົ ຊາອົຣ໌ ຕິໂຕ. ໄມ່ ລາ ນະ ກອນ ເກົາ, ຍ່ອນ ໄມ່ ຊາ ອົ ເຢືາງ ເຈົາຣາຊີ ມູ ຣາງິຣ໌ ກະ ເກົາ. ເກົາ ແຊອົ ເຢືາງ ເຈົາຣາຊີ, ອິມປໍ ໄຮ, ກະ ເຢຊູ ກຣິດ, ອັນ ກາ ຈ່ອຍ ອາມົງ ໄຮ, ຈ່ອຍ ເມັດ ໄມ່ ກະ ໂອນ ໄມ່ ແອັດ ບັນ ຊວານ ອຽນ ອໍ ເລືອຍາ.

ຣານະ ຕິໂຕ ຕະ ຕິ່ງ ໂບດ ກະເຣເຕ

\* 1:10 1:10 ອິດ ກ້ອຍ ເມົາ ກິດ ບໍ່ອົ ອິງກັຣ ແຕ ເກຣັງ ຣາເລົາ.

5 ບ້ອງ ກາ ກ້ອຍ ເກົາ ໂອນ ໄມ່ ແອັດ ລັຣ໌ ຕິ່ງ ໂບດ ກະເຣເຕ ດໍອົ ໄມ່ ຕະ ໂອນ ເຈີ້ ມັຣ ຣານະ ກາ ໄຮ ຕະ ມາ ຕາ ຢວາຣ ເຈີ້. ເກົາ ຍິອົ ອີ ໂອນ ໄມ່ ຮຽຣ ມັຣ ກວາຍ ຕະ ຊົດ ມູ່ ກາ ຊາອົ ກູ ເມັອງ ຕິ່ງ ໂບດ ກ້ອຍ, ນະ ເກົາ ປາຕັບ ໄມ່ ແຕ ອິນໂຍ່ງ ເຈີ້. 6 ເກົາ ຍິອົ ອີ ໂອນ ໄມ່ ຮຽຣ ກວາຍ ກາ ຕາ ເບີນ ເມົາ ເຕອົ ຕີ ໄລ໌. ກວາຍ ກ້ອຍ ອິງເຄາະ ເບີ ນ ລາກວຍ ມານໍາ ຊ້ອງ. ກອນ ອາໄກ ໄລ໌ ອິງເຄາະ ຊາອົ ເຢຊູ ເຕ, ກະ ກອນ ອາໄກ ກ້ອຍ ຕາ ເຕອົ ຕະ ຢຸ່ຣາ ກະ ຕາ ເບີນ ຊາງັດ. 7 ຍ່ອນ ກວາຍ ກ້ອຍ ຕະ ຣານະ ເຢືາງ ເຈົາຣາຊີ, ນະກ້ອຍ ອິງເຄາະ ໄລ໌ ຕະ ໂອນ ກວາຍ ການໍອົ ຕາ ເຕອົ ຕີ ໄລ໌. ອິງ ເຄາະ ໄລ໌ ຕາ ເບີນ ແກັດ ກວາຍ ອາຊ້ອຣ ຈະ ເບີມ; ອິງເຄາະ ໄລ໌ ຕາ ເບີນ ກຸນເຕົາ ອິງຄິນ; ອິງເຄາະ ໄລ໌ ຕາ ເບີນ ມັກ ບ້ອງ; ອິງເຄາະ ໄລ໌ ຕາ ເບີນ ແກັດ ກວາຍ ແຣັງ; ກະ ອິງເຄາະ ໄລ໌ ຕາ ເບີນ ຕະ ຣານະ ຕາ ອໍ ຍິອົ ອີ ເບີນ ປຣະ. 8 ມາ ກວາຍ ກາ ຊົດ ມູ່ ກາ ຊາອົ, ໄລ໌ ອິງເຄາະ ຕະ ປິ່ງ ມັດ ມຸ່ຣ ໂຈະ ຕາ ມອຍ. ອິງເຄາະ ເບີນ ຣາງິຣ໌ ອາໂຍ່ະ ເລືອຍາ ຣາ ນະ ອໍ; ອິງເຄາະ ໄລ໌ ກຍາອົ ອໍ ຈະ ໄລ໌ ເບີມ; ອິງ ເຄາະ ໄລ໌ ຕະ ຕານ້ອງ ຍິຣ ເມັງ ກວາຍ; ອິງເຄາະ ໄລ໌ ເບີນ ຣາງິຣ໌ ບຣັຣ ອໍ; ກະ ອິງເຄາະ ໄລ໌ ເຕອົ ຕະ ໂອນ ຣາປຍາຍົ ອໍ. 9 ອິງເຄາະ ໄລ໌ ຢຸມ ດໍອົ ເລືອ ຍາ ມັຣ ປັນນາຍ ໄລ໌ ຊາອົ ເຈີ້ ກາ ຊົງໄກຣ ກະ ປັນນາຍ ປຍາຍົ ແຕ ເຢືາງ ເຈົາຣາຊີ. ປັນນາຍ ເມົາ ອາຕີ ໄລ໌ ເຈີ້, ນະກ້ອຍ ໄລ໌ ເຕອົ ອາຕີ ປັນນາຍ ປ ຍາຍົ ແຕ ເຢືາງ ເຈົາຣາຊີ ໂອນ ກວາຍ ການໍອົ ຢຸມ ດໍອົ ປັນນາຍ ກ້ອຍ ເຕ. ນະກ້ອຍ ເຕອົ ໄລ໌ ອາຕີ ແບູງ ລາລີ ແອັນ ໂອນ ກວາຍ ກາ ຣາຄັດ ແຕ ປັນ ນາຍ ເຢືາງ ເຈົາຣາຊີ, ໂອນ ກວາຍ ກ້ອຍ ຕາ ເຕອົ ຣາຄັດ ນ້ອງ.

ອິງເຄາະ ໄມ່ ກາແອັຣ ກະ ອາຕີ ກວາຍ ກະເຣເຕ 10 ເບີນ ກຼິ່ງ ນະ ກວາຍ ຊາອົ ກາ ຕາ ແອອົ ອີ ຊາງັດ ກວາຍ ຊົດ ໄລ໌. ໄລ໌ ຕະ ອິນຕີ ປັນນາຍ ຕາ ແກັດ ເກົາ ເລືອຍາ, ກະ ໄລ໌ ຣາພິ ກວາຍ ການໍອົ. ຊາອິຍ ນະ ກວາຍ ໄມ່ ລາ ແຕ ຈຸ່ມ ອິດຊະຣາເອລ ໄລ໌ ອາຕີ ອິງເຄາະ ຕະ ຣິດ ກິດ ຕາປູນ ຄານອດ ອິດຊະຣາເອລ.\* 11 ອິງເຄາະ ໄຮ ກູປັດ ແບອົ ໄລ໌, ຍ່ອນ ໄລ໌ ຕາລຸຣ ມັຣ ດູງຊູ ມູ່ ກາ ຊາອົ ກະ ອາ ຕີ ຣາມິຣ໌ ກາ ຕາ ເບີນ ປຍາຍົ, ດໍອົ ຈໍອົ ກໍາໄລ ແຕ ມັຣ ຣານະ ກາ ຕາ ເບີນ ຕານ້ອງ. 12 ເບີນ ມານະ ກວາຍ ກະເຣເຕ, ກາ ອາຕີ ຊາອິຍ ແຕ ຣາ

ນະ ກາ ຕາ ຢວາຣ ແຕ້ອ້. ອັນ ອາຕີ ປາຍ: "ກວາຍ ກະເຣເຕ, ໄລ່ ຕະ ອິນຕີ ອາໂລກ ເລືອຍໆ ກະ ເຢ່າ. ໄລ່ ລາ ແຮ້ງ ລາລີ້. ໄລ່ ຢັອ ອີ ຈາ ໄຊ, ມາ ໄລ່ ອາລັຮ ອີ ຕະ ຣານະ."

<sup>13</sup> ປັຣນາຍ ກາ ອັນ ປາຍ ກັອຍ ລາ ປຍາຍີ. ນະກັອຍ ອີງເຄາະ ໄມ່ ກາແອັຣ ເຮັງ ໄລ່ ກາ ຊາອາ ອິນໂຈຍ ຕະ ນະກັອຍ, ໂອນ ຮາງິຣ ໄລ່ ແກັດ ຊາ ອໍາ ເຮັງ ອາຊັອຣ ແອັນ. <sup>14</sup> ກາແອັຣ ໄລ່ ອິນໂຈຍ ຊາງັດ ປິນ ຕຍາ ແຕ ກວາຍ ອິດຊະຣາເອລ ເກີຍ ຕະ ອິນຕີ, ແຕີລາ ຣາມິຣ ປາຕັບ ແຕ ກວາຍ ກາ ນໍ້ອ, ໄລ່ ກາ ຕັຮ ເຈີ ປັຣນາຍ ປຍາຍີ. <sup>15</sup> ອິນແຍ່ ະ ຣານະ ກວາຍ ຕະ ຢັອ ອີ ຊາງ ເຢັງ ເຈົາຣາຊີ ລາ ອໍ, ຄັນ ໄລ່ ເບີນ ຮາງິຣ ບຣັຮ ອໍ. ມາ ມັຮ ກວາຍ ກາ ເບີນ ຮາງິຣ ໄລ່ຍຮ ກະ ຕາ ເບີນ ຊາອໍາ ກຣັກ ລາລີ້, ອິນແຍ່ ະ ຣານະ ໄລ່ ຕະ ຢັອ ອີ ຊາງ ເຢັງ ເຈົາຣາຊີ ລາ ຕາ ເບີນ ອໍ ອິນເຕ້າ. ຍ່ອນ ຮາງິຣ ໄລ່ ຄິດ, ກະ ຣານະ ໄລ່ ຕະ ລາ ຮຸ່ງ ອິນແຍ່. <sup>16</sup> ແບອ໌ ໄລ່ ປາຍ ໄລ່ ດັງ ເຢັງ ເຈົາຣາຊີ, ມາ ຣານະ ໄລ່ ຕະ ລາ ຕາ ເບີນ ຊັງໄກຣ ກະ ແບອ໌ ໄລ່ ປາຍ. ກວາຍ ການໍ້ອ ຊາອັຣ ໄລ່. ໄລ່ ຕາ ເບີນ ຊາງັດ ກະ ໄລ່ ຕາ ແຕ້ອ ຕະ ຣານະ ອໍ ອິນເຕ້າ.

## 2

ປັຣນາຍ ປາຕັບ ໂອນ ກວາຍ ເທົາ, ກວາຍ ນຸ່ມ, ກະ ກວາຍ ຊູລ

<sup>1</sup> ມາ ໄມ່ ອີງເຄາະ ອາຕີ ໂອນ ມັຮ ກວາຍ ຊາອໍາ ດັງ ໄລ່ ອີງເຄາະ ຕະ ອິນເຕ້າ ຢັອ ອີ ຕາປຸ່ນ ຣານະ ເຢັງ ເຈົາຣາຊີ ກຣັກ ລາລີ້. <sup>2</sup> ອີງເຄາະ ໄມ່ ອາຕີ ມັຮ ກວາຍ ອາຈວາຍຮ ໂອນ ໄລ່ ດັງ ຕາຕ່ອຍ ມັຮ ຣາມິຣ ກາ ແຕ້ອ ປູ ໄລ່. ໂອນ ໄລ່ ແອັດ ແພບ ກະ ຄູນ ອໍ, ກະ ໂອນ ໄລ່ ກຍາອ໌ ອໍ ຈະ ໄລ່ ເບີມ, ກະ ອີງເຄາະ ໄລ່ ຊາອໍາ ກຣັກ ລາລີ້, ອາໂຢະ ເຢ່າ, ກະ ຈີວ ຕຸຣ ກັດ ກາ ແຕ້ອ ປູ ໄລ່.

<sup>3</sup> ມູເຈິງ ກັອຍ ແຕ່ ໄມ່ ອີງເຄາະ ອາຕີ ມັຮ ກວາຍ ອາໂຢະ, ໂອນ ໄລ່ ແອັດ ຢາມັບ ເຢັງ ເຈົາຣາຊີ. ອີງ ເຄາະ ໄລ່ ອິນໂຈຍ ຕາແມັຍຮ ກວາຍ ການໍ້ອ, ກະ ອິນໂຈຍ ມັກ ບັອງ. ມາ ອີງເຄາະ ໄລ່ ອາຕີ ປັຣນາຍ ມັນຕັດ ຄູນ <sup>4</sup> ໂຈະ ມັຮ ມັນແຊມ ກາ ຕາແບີ ເບີນ ກາຢາອ໌, ໂອນ ມັນແຊມ ກັອຍ ດັງ ອາໂຢະ ກອນ ກາຢາອ໌ ໄລ່. <sup>5</sup> ອີງເຄາະ ມັນແຊມ ນຸ່ມ ກັອຍ ດັງ ກຍາອ໌ ອໍ ຈະ ໄລ່ ເບີມ, ກະ ໂອນ ໄລ່ ແອັດ ມັນຕັດ ອໍ. ອີງເຄາະ ໄລ່ ຕະ ຣານະ ຊາແຮັງ ຕຶງ ດຸງ ໄລ່. ອີງເຄາະ ໄລ່ ເບີນ ຮາງິຣ ລາແມ່ນ ອໍ, ກະ ອີງເຄາະ ໄລ່ ອິດ ຮາງິຣ ກາຢາອ໌ ໄລ່. ຄັນ ໄລ່ ຕະ ນະກັອຍ,

ກວາຍ ການໍ້ອ ຕາ ແຕ້ອ ຕິ ປັຣນາຍ ເຢັງ ເຈົາຣາ ຊີ.

<sup>6</sup> ອີງເຄາະ ໄມ່ ອາຕີ ອາລັບ ອາລີ້ ເລືອຍໆ ໂອນ ມັຮ ກວາຍ ຣາເລົາ ນຸ່ມ ແຕ້ອ ດັງ ກຍາອ໌ ອໍ ຈະ ໄລ່ ເບີມ. <sup>7</sup> ກູ່ ຣານະ ໄມ່ ຕະ, ອີງເຄາະ ຕະ ໂອນ ປ ຍາຍ, ຍ່ອນ ໄມ່ ລາ ແກັດ ແຕຮ່ງ ໂອນ ກວາຍ ກາ ນໍ້ອ. ກູ່ ຣາມິຣ ໄມ່ ອາຕີ ແຕ ເຢັງ ເຈົາຣາຊີ ອີງ ເຄາະ ໄມ່ ອາປັຣ ໄມ່ ລາ ກວາຍ ຕານ້ອງ, ກາ ຕະ ອິນແຍ່ ຮາງິຣ. <sup>8</sup> ມັຮ ປັຣນາຍ ໄມ່ ຕະ ອິນຕີ, ອີງເຄາະ ໄມ່ ປາຍ ໂອນ ປຍາຍີ ເລືອຍໆ. ນະກັອຍ ກວາຍ ການໍ້ອ ຕາ ແຕ້ອ ຕິ ປາຍ ໄມ່ ຕາ ອໍ. ເຈີ ໄລ່ ກາ ຢັອ ອີ ຮາຈຽນ ກະ ໄມ່, ໄລ່ ຊັອງ ກູມາລ, ຍ່ອນ ໄລ່ ຕາ ເບີນ ເຮີມ ມວຍ ຣາມິຣ ຕາ ອໍ ອິນ ເຕ້າ ອີ ປາຍ ໄຮ.

<sup>9</sup> ອີງເຄາະ ໄມ່ ອາຕີ ມັຮ ກວາຍ ຊູລ ໂອນ ໄລ່ ອິດ ຮາງິຣ ເມີຍ ໄລ່. ອີງເຄາະ ໄລ່ ຕະ ກູ່ ຣານະ ໂອນ ເມີຍ ໄລ່ ຊັອງ ຣໍ້ອ. ອີງເຄາະ ໄລ່ ອິນໂຈຍ ຣາ ຈຽນ ກະ ເມີຍ ໄລ່. <sup>10</sup> ກະ ອີງເຄາະ ໄລ່ ອິນໂຈຍ ຕວຍ໌ ເກຣັງ ເມີຍ ໄລ່. ມາ ອີງເຄາະ ໄລ່ ຕະ ເລືອ ຍໆ ໂອນ ເມີຍ ແຕ້ອ ຊາອໍາ ຮາງິຣ ໄລ່. ຄັນ ກວາ ຍ ຊູລ ຕະ ນະກັອຍ, ກວາຍ ການໍ້ອ ເຮີມ ອໍ ຣານະ ໄລ່ ຕະ ຕາປຸ່ນ ປັຣນາຍ ເຢັງ ເຈົາຣາຊີ. ນະກັອຍ ກວາຍ ການໍ້ອ ຢັອ ອີ ດັງ ແຕ່ ແຕ ປັຣນາຍ ເຢັງ ເຈົາຣາຊີ, ອັນ ກາ ຈ່ອຍ ອາມັງ ໄຮ.

ເຢັງ ເຈົາຣາຊີ ຈ່ອຍ ເມີດ ກວາຍ

<sup>11</sup> ເຢັງ ເຈົາຣາຊີ ອາປັຣ ເຈີ ຣານະ ຈ່ອຍ ເມີດ ໂອນ ກູ່ ນະ ກວາຍ ດັງ ໄລ່ ແຕ້ອ ອາມັງ ເລືອຍໆ. <sup>12</sup> ນະກັອຍ ໄຮ ດັງ ອັນ ຢັອ ໄຮ ຕັຮ ຣານະ ກາ ຕາ ເບີນ ຊັງໄກຣ ແຕ ຣານະ ອັນ. ໄຮ ອິນໂຈຍ ຕາປຸ່ນ ຮາງິຣ ໄຮ ເບີມ ຕຶງ ແດັຍ ໄມ່. ເຢັງ ເຈົາຣາຊີ ຢັອ ໄຮ ດັງ ກຍາອ໌ ອໍ ຈະ ໄຮ ເບີມ, ກະ ອັນ ຢັອ ໄຮ ແອັດ ຕານ້ອງ. ອັນ ຢັອ ໄຮ ຕາປຸ່ນ ແອັງ ຣານະ ອັນ ຊັອງ ບັອງ ກາ ໄຮ ອິນນ້ອງ ແອັດ ຕຶງ ແດັຍ ໄມ່, <sup>13</sup> ບັອງ ກາ ໄຮ ແອັດ ອີງກ່ອງ ຕາໄງ ເຢຊູ ກຣີ ດ ແຕ້ອ ລັຮ ປິ ກູແຕອ໌ ໄມ່. ຕາໄງ ກັອຍ ໄຮ ເບີນ ເຮີມ ເຢຊູ ກຣີດ, ອັນ ກາ ຈ່ອຍ ອາມັງ ໄຮ. ອັນ ເບີນ ອໍານາດ ອາງອິຣ, ກະ ອັນ ລາ ມູເຈິງ ເຢັງ ເຈົາຣາຊີ ແຕ່. <sup>14</sup> ເຢຊູ ກຣີດ ແຕ່ ຈີວ ກູຈິດ ຕາງ ໄຮ, ດໍອ໌ ໄທ ລັຮ ໄຮ ແຕ ຣາມິຣ ຕາ ອໍ, ໂອນ ໄຮ ແກັດ ບຣັຮ ອໍ ຍິຮ ເມີງ ເຢັງ ເຈົາຣາຊີ. ນະກັອຍ ໄຮ ແກັດ ກອນແຊມ ອັນ, ລາ ອິມພາ ແຕ ກວາຍ ກາ ຕາ ແກັດ ກອນແຊມ ອັນ. ກະ ໄຮ ອູອາຣ ອູ ໄອອ໌ ລາລີ້ ຢັອ ອີ ຕະ ຣານະ ອໍ.

15 ໄມ່ ເປັນ ອຳນາດ ຕຶ້ງ ມູ່ ກາ ຊາອຳ. ນະກ້ອຍ ອີງເຄາະ ໄມ່ ອາຕີ ອິນແຍ່ະ ມັຮ ຣາມິ້ຮ ເກົາ ປາຕັບ ໄມ່. ອີງເຄາະ ໄມ່ ອາຕີ ກະ ກາແອັຣ ມູ່ ກາ ຊາອຳ, ຄັນ ໄລ່ ຕະ ຕາ ປຍາຍ໌. ກະ ມັຮ ຣານະ ໄມ່ ຕະ, ອິນໂຈຍ ຕະ ໂອນ ກວາຍ ການໍ້ອ໌ ພາມາດ ໄມ່.

### 3

ປັຣນາຍ ປາຕັບ ໂອນ ກວາຍ ຊາອຳ

1 ອີງເຄາະ ໄມ່ ຕາໄມຮ ມັຮ ກວາຍ ຊາອຳ ໂອນ ໄລ່ ຊາງັດ ມັຮ ກວາຍ ຊົດ ກະ ໄລ່ ກາ ເປັນ ອຳນາດ ຕຶ້ງ ແດ້ຍ ໄມ່. ອີງເຄາະ ໄລ່ ເປັນ ຣາງິ້ຮ ຢັອ ອີ ຕະ ກູ່ ຣານະ ອໍ. 2 ກວາຍ ຊາອຳ ຕາ ເຕ່ອ໌ ພາມາດ ອິນເຕົ້າ ແຕ ກວາຍ ການໍ້ອ໌. ມາ ອີງເຄາະ ໄລ່ ແອັດ ຣາຕອຍ ກະ ກູ່ ນະ ກວາຍ. ອີງເຄາະ ໄລ່ ເປັນ ຣາງິ້ຮ ແມ່ນ ກະ ເປັນ ຣາງິ້ຮ ລາເວ້າຍ ໂຈະ ກວາຍ ການໍ້ອ໌.

3 ແຕ ອິນໂຍ່ງ ໄຮ ລາ ຊາກູລ ນະ ໄລ່ ກ້ອຍ ເຕ່. ໄຮ ຕາ ເປັນ ຊາງັດ ປັຣນາຍ ເຢັງ ເຈົາຣາຊີ, ມາ ໄຮ ຊາງັດ ເລືອຍໆ ປັຣນາຍ ກວາຍ ອາໂລກ. ນະກ້ອຍ ຈະ ໄຮ ແກັດ ຊູລ ໂອນ ຣານະ ຕາ ອໍ, ກະ ໄຮ ຕະ ຕາປຸ່ນ ຣາງິ້ຮ ໄຮ ຊ້ອງ ຣໍ່ອ໌. ໄຮ ຣາອວານ ເລືອ ຍໆ, ກະ ໄຮ ຊັຮແມງ ອີ ເປັນ ເກຣັງ ເຢົາ ແຮ. ໄຮ ມານະ ຊາອັຮ ມານະ. 4 ມາ ແຕ້ອ໌ ຕາໄງ ເຢັງ ເຈົາຣາຊີ ອາປັຣ ໂອນ ໄຮ ດັງ ອັນ ອາໂຢະ ໄຮ, ກະ ອັນ ອີ ຈ່ອຍ ໄຮ, 5 ຕາໄງ ກ້ອຍ ອັນ ຈ່ອຍ ອາມັງ ໄຮ. ອັນ ຕາ ເປັນ ຈ່ອຍ ອາມັງ ໄຮ ຍ່ອນ ໄຮ ຕະ ຣານະ ຕານ້ອງ ອໍ. ມາ ອັນ ຈ່ອຍ ອາມັງ ໄຮ ຍ່ອນ ອັນ ຊ້ອງ ອາໂຢະ ຕະ ໄຮ. ຣາເວ້າຍ ເຢັງ ເຈົາຣາຊີ ຕັຮ ໄລ່ຍຮ ໄຮ. ໄມ່ ລາ ນະ ອັນ ອາເຮົາວ ຣາງິ້ຮ ໄຮ. ກະ ອັນ ໂອນ ໄຮ ເປັນ ຣາງິ້ຮ ຕາໄມ ແອັນ, ນະ ໄຮ ຕາແປ ຣັຮ ລັຮ ຕາໄມ. 6 ເຢັງ ເຈົາຣາຊີ ໂອນ ໄຮ ເປັນ ຣາເວ້າຍ ອັນ ຕະ ຊົດ ຕຶ້ງ ຣາງິ້ຮ ໄຮ ຍ່ອນ ແຕ ເຢຊູ ກຣິດ, ອັນ ກາ ຈ່ອຍ ອາມັງ ໄຮ. 7 ຍ່ອນ ເຢຊູ ກຣິດ ຈ່ອຍ ເມົາດ ໄຮ, ນະກ້ອຍ ໄຮ ແກັດ ຕານ້ອງ ອໍ ຍັຮ ເມັງ ເຢັງ ເຈົາຣາຊີ. ກະ ເຢັງ ເຈົາຣາຊີ ໂອນ ໄຮ ຈຸງ ເຕ່ ມັຮ ມູ່ນ ກາ ອັນ ປຣ່ອມ ໂອນ ກອນ ອາໄກ ອັນ. ນະກ້ອຍ ໄຮ ອີງ ກ່ອງ ເປັນ ອາມັງ ເລືອຍໆ.

8 ໄກຣຸ ລາລີ້ ປັຣນາຍ ໄມ່ ລາ ປຍາຍ໌ ອິນແຍ່ະ. ເກົາ ຢັອ ໄມ່ ອາຕີ ເລືອຍໆ ປັຣນາຍ ໄມ່ ໂອນ ກວາ ຍ ກາ ຊາອຳ ເຢັງ ເຈົາຣາຊີ, ໂອນ ໄລ່ ຕະ ເລືອຍໆ ຣານະ ອໍ ຊ້ອງ. ມັຮ ຣາມິ້ຮ ໄມ່ ລາ ເປັນ ເກົາ ອິນ ແຍ່ະ, ກະ ເຕ່ອ໌ ຈ່ອຍ ອິນແຍ່ະ ມັຮ ກວາຍ. 9 ເກົາ ຢັອ ໄມ່ ວຍາຣ ແຕ ໄລ່ ກາ ຣາຈຽນ ຕາ ແກັດ ເກົາ, ກະ ໄລ່ ກາ ຢັອ ອີ ຣາໂລຍຮ ກະ ໄມ່ ແຕ ຄານອດ

ຈຸ່ມ ອິດຊະຣາເອລ ກະ ແຕ ປຶ້ງ ເມົາ ຄຽນ ຣາມິ້ຮ ອາຈວາຍຮ ອາເຈ່ຮ ໄລ່. ຄັນ ຣາຈຽນ ແຕ ຣາມິ ຮ ໄມ່, ຕາ ເປັນ ແກັດ ເກົາ ອິນເຕົ້າ. 10 ຄັນ ເປ ນ ກວາຍ ແຕ ມູ່ ເຢົາ ມາ ແຕ້ອ໌ ຣາຍົວະ ໂອນ ເຢົາ ຣາຕັຮ ແກັດ ຊາອີ້ຍ ຈຸ່ມ, ອີງເຄາະ ໄມ່ ກາແອັຣ ກວາຍ ກ້ອຍ ມູ ເຮັບ, ບາຮ ເຮັບ ເວ້າຍ. ແວັດ ກ້ອຍ, ຄັນ ອິນນ້ອງ ອັນ ຕະ ນະກ້ອຍ ຊາ, ໄມ່ ອິນໂຈຍ ຣາບູລ ນ້ອງ ກະ ອັນ. 11 ຍ່ອນ ໄມ່ ດັງ ກວາຍ ກ້ອຍ ແກ້ ຣານາ. ອັນ ດັງ ໂລ່ຍຮ ມາ ອິນ ນ້ອງ ອັນ ອີ ຕະ, ນະກ້ອຍ ອັນ ຕະ ຊັຮມັຮ ຈະ ອັນ ເປີມ.

ປັຣນາຍ ປາຕັບ ປັຣຊົດ ໂອນ ຕິໂຕ  
12 ພໍກາ ເກົາ ແປຣີ ອາເຕມາ ແຕ່ລາ ຕິຄິໂກ ແຕ້ອ໌ ປໍ ໄມ່, ເກົາ ຢັອ ໄມ່ ເປາະ ແຕ່ ປໍ ເກົາ ຕຶ້ງ ເມືອງ ນີໂກໂປລີ. ເກົາ ຄິ່ນ ຢັອ ອີ ແອັດ ຕຶ້ງ ເມືອງ ກ້ອຍ ເຕົ້າ ອິນແຍ່ະ ກາໄຊ ຊາແງດ. 13 ກະ ເກົາ ແຊອ໌ ໄມ່ ຈ່ອຍ ເຊມັດ ກະ ອາໂປໂລ. ເຊມັດ ລາ ກວາຍ ກາ ດັງ ຕະ ອິນຕີ ແຕ ຄານອດ. ອິນເຕົ້າ ໄລ່ ແອີ ບັອງ ກາ ໄລ່ ອີ ເປາະ, ເກົາ ແຊອ໌ ໄມ່ ຈ່ອຍ ໄລ່ ເກຣັງ ກ້ອຍ. 14 ອີງເຄາະ ໄມ່ ອາຕີ ໂອນ ກວາຍ ຕຶ້ງ ມູ່ ໄຮ ຣຍານ ເລືອຍໆ ຕະ ຣານະ ອໍ. ນະກ້ອຍ ເຕ່ອ໌ ໄລ່ ຈ່ອຍ ຮັງອອຍ ເຢົາ ໄລ່ ກາ ແອີ. ອິນໂຈຍ ໂອນ ໄລ່ ແອັດ ເມົາດ ຊ້ອງ, ຍ່ອນ ຣານະ ກ້ອຍ ຕາ ເປັນ ແກັດ ເກົາ ອິນເຕົ້າ.  
15 ອິນແຍ່ະ ມັຮ ກວາຍ ແອັດ ກະ ເກົາ ພາອ໌ ປັຣນາຍ ກາຣານ ໄມ່ ເຕ່. ແຊອ໌ ໄມ່ ກັຣບັນ ກັຣຊ ວານ ອິນແຍ່ະ ມັຮ ເຢົາ ກາ ອາໂຢະ ກະ ຊາອຳ ມັນ ຕຸ ກະ ໄຮ. ເກົາ ແຊອ໌ ເຢັງ ເຈົາຣາຊີ ຈ່ອຍ ເມົາດ ອິນແຍ່ະ ມັຮ ເຢົາ.

# ປັນນາຍ ຊາອົຣ໌ ໂປໂລ ຄຽນ ໂອນ ພິເລໂມນ

ປັນນາຍ ອາຕີ ອິນໂຍ່ງ

ໂປໂລ ຄຽນ ປັນນາຍ ໄນ່ ພາອົ ຊາອົຣ໌ ພິເລໂມນ ມາສ 63 ກູມໍ ແວັດ ເຢຊູ ແກັດ. ພິເລໂມນ ລາ ກວາຍ ຊາອົ ແຕ ເມືອງ ໂກໂລຊາຍ. ເປີນ ມານະ ຊູລ ຣາມິ້ຣ໌ ໂອເນຊີໂມ ກາ ຕາລຸ່ຣ໌ ແຕ ພິເລໂມນ, ລາ ເນີ້ຍ ອັນ. ໂອເນຊີໂມ ຣາມິ້ຣ໌ ໂປໂລ ບັອງ ກາ ອັນ ແອັດ ຕຶ້ງ ກໍ່ອົ, ເຈີ່ ໂປໂລ ອາຕີ ອັນ ປັນນາຍ ອໍ ແຕ ເຢຊູ ກຣິດ. ເຈີ່ ໂອເນຊີໂມ ມູ່ດ ຊາອົ ເຕ່; ກະ ອັນ ຈ່ອຍ ໂປໂລ ຊາອົຍ໌ ຣາມິ້ຣ໌. ປັນນາຍ ຊາອົຣ໌ ໄນ່ ໂປໂລ ພາອົ ດໍອົ ກູໂກຍ໌ ພິເລໂມນ, ແຊອົ ອັນ ຕັຣ ໂລ່ຍຣ໌ ໂອເນຊີໂມ ກະ ຮັບ ແກັດ ນະ ແຊມອາຍ ອັນ ເປີນ.

1 ເກົາ ລາ ໂປໂລ ຄຽນ ປັນນາຍ ໄນ່ ພາອົ ຊາອົຣ໌ ເຍົາ ເກົາ ພິເລໂມນ, ອັນ ກາ ຕະ ຣານະ ເຢີງ ເຈົາຣາຊີ ມັນຕຸ ກະ ເກົາ. ຊານໍ່ ເກົາ ແອັດ ຕຶ້ງ ກໍ່ອົ ຍ່ອນ ເກົາ ອາຕີ ປັນນາຍ ອໍ ແຕ ເຢຊູ ກຣິດ. ກະ ຕີໂມທຽວ, ລາ ແຊມອາຍ ໄຮ, ອັນ ພາອົ ປັນນາຍ ຊາອົຣ໌ ໄນ່ ເຕ່. 2 ຮິ ອິ ກາຣານ ເຕ່ ແຊມແອີຍ ຮິ ຣາມິ້ຣ໌ ອັບເພຍ, ກະ ອາຄີໂປ, ອັນ ກາ ກູຕົງ ລາ ລີ່ ຕະ ຣານະ ເຢຊູ ກຣິດ ມັນຕຸ ກະ ເກົາ. ກະ ຮິ ອິ ກາຣານ ມູ່ ກາ ຊາອົ ກາ ໂຣ່ມ ຕຶ້ງ ດຸງ ໄນ່. 3 ແຊອົ ເຢີງ ເຈົາຣາຊີ, ອິມປໍ່ ໄຮ, ກະ ເຢຊູ ກຣິດ, ອິນ ເຈົາ ໄຮ, ຈ່ອຍ ເມົາດ ເຍົາ ກະ ໂອນ ເຍົາ ແອັດ ບັນ ຊວານ ອຽນ ອໍ ເລືອຍໆ.

ພິເລໂມນ ຊາອົ ເຢຊູ ກະ ອາໂຢ່ະ ເຍົາ

4 ພິເລໂມນ ເອີຍ! ກູ່ ຕໍ່ ເກົາ ເກົາແຊອົ ແຕ ເຢີງ ເຈົາຣາຊີ ກາ ເກົາ ຊາງ, ເກົາ ຊາແອັນ ອັນ ແຕ ໄນ່ ກະ ເກົາ ເກົາແຊອົ ໂອນ ອັນ ຈ່ອຍ ໄນ່. 5 ຍ່ອນ ເກົາ ຊ້ອງ ເມົາ ປາຍ ໄນ່ ຊາອົ ເຢຊູ ກຣິດ ກຣັກ ລາລີ່, ກະ ໄນ່ ອາໂຢ່ະ ອິນແຍ່ະ ມັຣ ກວາຍ ກາ ຊາ ອົ ອັນ. 6 ໄຮ ເປີນ ມວຍ ຣາງິຣ໌ ຍ່ອນ ໄຮ ຊາອົ ເຢຊູ ກຣິດ. ນະກ້ອຍ ເກົາ ແຊອົ ເຢີງ ເຈົາຣາຊີ ໂອນ ໄນ່ ດັງ ແຈງ ກູ່ ຣາມິ້ຣ໌ ບຸ່ນ ອັນ ໂອນ ໄຮ ເປີນ ຍ່ອນ ໄຮ ແອັດ ມວຍ ຣາງິຣ໌ ກະ ເຢຊູ ກຣິດ. 7 ອາແອມ ເອີຍ, ເກົາ ຮໍອົ ລາລີ່ ໄນ່ ເປີນ ຣາງິຣ໌ ອາ ໂຢ່ະ. ກະ ໄລ່ ກາ ຊາອົ ເຈີ່, ໄລ່ ຊ້ອງ ໄປຣຣ໌ ລັຣ໌

ຍ່ອນ ໄນ່ ຈ່ອຍ ໄລ່. ຣາມິ້ຣ໌ ກ້ອຍ ຕາລີ້ນ ຣາງິຣ໌ ເກົາ ເຕ່.

ໂປໂລ ຈ່ອຍ ໂອເນຊີໂມ

8 ຍ່ອນ ເຢຊູ ກຣິດ ໂອນ ເກົາ ເປີນ ອຳນາດ ຕຶ້ງ ມູ່ ກາ ຊາອົ, ເກົາ ເຕ່ອົ ຍ່ານ ແປຣີ ໄນ່ ອຶງເຄາະ ຕະ ອໍ ໂຈະ ໂອເນຊີໂມ, ອັນ ກາ ຊູລ ໄນ່ ບັອງ ກ້ອຍ. 9 ມາ ຍ່ອນ ເຢີງ ເຈົາຣາຊີ ໂອນ ໄຮ ມານະ ອາໂຢ່ະ ມານະ, ນະກ້ອຍ ເກົາ ແຊອົ ແຕ ໄນ່ ຊ້ອງ. ເກົາ ລາ ໂປໂລ. ເກົາ ລາ ກວາຍ ເທົາ ເຈີ່, ກະ ຊານໍ່ ເມົາ ໂກບ ດໍອົ ເກົາ ຕຶ້ງ ກໍ່ອົ ຍ່ອນ ເກົາ ອາຕີ ປັນນາຍ ອໍ ແຕ ເຢຊູ ກຣິດ. 10 ເກົາ ແຊອົ ໄນ່ ຕະ ອໍ ໂຈະ ໂອເນຊີໂມ. ແຊອົ ໄນ່ ອາໂຢ່ະ ຕະ ອັນ. ອັນ ລາ ນະ ກອນ ເກົາ, ຍ່ອນ ອັນ ຊາອົ ເຢຊູ ກຣິດ ແຕ ເກົາ ອາຕີ ອັນ ບັອງ ກາ ເກົາ ແອັດ ຕຶ້ງ ກໍ່ອົ. 11 ແຕ ອິນໂຍ່ງ, ອັນ ກ້ອຍ ຕາ ເປີນ ແກັດ ເກົາ ອິນເຕົ້າ ໂອນ ໄນ່. ມາ ຊານໍ່ ອັນ ແກັດ ເກົາ ຊາອົຍ໌ ລາລີ່ ໂອນ ໄນ່ ກະ ໂອນ ເກົາ ເຕ່.

12 ຊານໍ່ ເກົາ ແປຣີ ອັນ ເຈົາ ລັຣ໌ ປິ ໄນ່. ບັອງ ກາ ອັນ ແຕ່ອົ ປິ ໄນ່, ໄນ່ ລາ ນະ ຣາງິຣ໌ ເກົາ ແຕ່ອົ ປິ ໄນ່ ເຕ່, ຍ່ອນ ຣາງິຣ໌ ເກົາ ຊ້ອງ ອາໂຢ່ະ ລາລີ່ ອັນ. 13 ແຕ ອິນໂຍ່ງ ເກົາ ສິດ ຍິອົ ອັນ ແອັດ ຈ່ອຍ ເກົາ ຕຶ້ງ ອິນຕຸ ໄນ່, ຍ່ອນ ເກົາ ອິນນ້ອງ ແອັດ ຕຶ້ງ ກໍ່ ອົ. ເມົາ ໂຈະ ເກົາ ຕຶ້ງ ກໍ່ອົ ລາ ຍ່ອນ ເກົາ ອາຕີ ປັນນາຍ ອໍ ແຕ ເຢຊູ ກຣິດ. ເກົາ ດັງ ໄນ່ ເປີນ ຣາງິຣ໌ ຍິອົ ອິ ຈ່ອຍ ເກົາ, ກະ ເກົາ ສິດ ໂອເນຊີໂມ ເຕ່ອົ ຈ່ອຍ ເກົາ ຕາງ ໄນ່. 14 ມາ ເກົາ ຕາ ແອອົ ອິ ຕະ ນະກ້ອຍ, ຄັນ ໄນ່ ຕາ ຢວາຣ໌ ປຣ່ອມ ຣາມິ້ຣ໌ ກ້ອຍ. ເກົາ ຕາ ແອອົ ມັນຕຣຸ່ ໄນ່ ຕະ ມວຍ ຣານະ ອິນເຕົ້າ. ຣານະ ອິນເຕົ້າ ໄນ່ ອິ ຈ່ອຍ ເກົາ, ເກົາ ຢິອົ ຣານະ ກ້ອຍ ລ້ອຣ໌ ແຕ ຣາງິຣ໌ ໄນ່ ຊ້ອງ. 15 ອຶງ ກ້ອຣ໌ ປາຍາຍ໌ ໂອເນຊີໂມ ລ້ອຣ໌ ມາໂຮຍ ຊ້ອງ ແຕ ໄນ່, ໂອນ ປັຣແນີ ມັນເຕຣົາ ອັນ ເປີນ ແອັດ ຊົດ ແຕີຍ ກະ ໄນ່. 16 ຊານໍ່ ອັນ ຕາ ເປີນ ແກັດ ແອັງ ກວາຍ ຊູລ ຊ້ອງ. ມາ ຊານໍ່ ອັນ ແກັດ ແກຼຍ໌ ແຕ ກວາຍ ຊູລ, ອັນ ແກັດ ແຊມອາຍ ໄຮ ເຕ່, ຍ່ອນ ອັນ ຊາອົ ເຢຊູ ກຣິດ. ນະກ້ອຍ ອໍ ໂອນ ໄນ່ ອາ ໂຢ່ະ ອັນ ນະ ແຊມອາຍ ໄຮ ເຕ່. ເກົາ ອາໂຢ່ະ ອັນ. ອັນ ຕະ ອໍ ໂອນ ເກົາ, ມາ ປັຣແນີ ມັນເຕຣົາ ອັນ ຕະ ອໍ ກາເລີຍ໌ ແຕ ກ້ອຍ ແອັນ ໂອນ ໄນ່ ມາຣ໌ ກວາ ຍ ຊູລ, ກະ ມາຣ໌ ກວາຍ ແຊມອາຍ ເຕ່, ຍ່ອນ ເຍົາ ຊາອົ ເຢຊູ ກຣິດ ມັນຕຸ.

17 ຄັນ ເກົາ ກະ ໄນ່ ມາ ຣາຕອຍ ລາລີ່, ເກົາ ແຊອົ ໄນ່ ຮັບ ອໍ ໂອເນຊີໂມ ນະ ໄນ່ ຮັບ ເກົາ ເຕ່. 18 ຄັນ ອັນ ມາ ຕະ ໂລ່ຍຣ໌ ໂຈະ ໄນ່, ແຕີລາ ອັນ ຕູ່

ໄມ່, ໂອນ ໄມ່ ອິດ ແຕ ເກົາ. <sup>19</sup> ເກົາ ໂປໂລ ຄຽນ ປັຣນາຍ ໄມ່ ແຕ ອາຕີ ເກົາ ເບີມ: ນະໄມ່ ເກົາ ປຣ່ອມ ກູລັຮ ຕາງ ມັຮ ຣາມິຮ ອິນເຕົ້າ ໂອເນຊີໂມ ຕູ່ ໄມ່. ມາ ເກົາ ຍິ້ອ ໄມ່ ຊາແຍີ, ໄມ່ ຕູ່ ເກົາ ເຕ່, ຍ່ອນ ໄມ່ ເບີນ ອາມັງ ເລືອຍໆ ຍ່ອນ ເກົາ ອາຕີ ໄມ່. <sup>20</sup> ນະກ້ອຍ ອາແອມ ເອີຍ, ເກົາ ແຊອ໌ ໄມ່ ຈ່ອຍ ເກົາ ແຕ ຣານະ ໄມ່, ຍ່ອນ ໄມ່ ອາໂຢະ ອິນ ເຈົາ ໄຮ. ຄັນ ໄມ່ ຕະ ນະກ້ອຍ, ຣາງິຮ ເກົາ ຊ້ອງ ຮໍ້ອ໌ ບູຍ ຍ່ອນ ເກົາ ເບີນ ມວຍ ຣາງິຮ ກະ ເຢຊູ ກຣິດ. <sup>21</sup> ບັອງ ກາ ເກົາ ຄຽນ ປັຣນາຍ ຊາອິຮ ໄມ່, ເກົາ ດັງ ກຣັກ ລາລີ້ ໄມ່ ຊາງັດ ປັຣນາຍ ເກົາ, ກະ ໄມ່ ຕະ ກາເລີຍ ແຕ ປັຣນາຍ ກາ ເກົາ ແຊອ໌ ແຕ ໄມ່ ແອັນ.

ໂປໂລ ຍິ້ອ ອີ ເປະ ຊາອິຮ ພິເລໂມນ

<sup>22</sup> ແຕ້ອ໌ ໄມ່ ຮັບ ຣາບັນ ໂອເນຊີໂມ, ເກົາ ແຊອ໌ ໄມ່ ກຽມ ດໍອ໌ ອິນຕຸ ໂອນ ເກົາ ບິ ເຕ່. ເກົາ ອິງ ກ່ອງ ເຢີງ ເຈົາຣາຊີ ໂອນ ເກົາ ແຕ້ອ໌ ບິ ເຍົາ ຍ່ອນ ເຍົາ ເກົາແຊອ໌ ໂອນ ເກົາ.

<sup>23</sup> ເຍົາ ໄມ່, ເອປາພຣາ, ຍິ້ອ ອີ ກາຣານ ເຍົາ ເຕ່. ອັນ ແອິດ ຕຶງ ກໍ້ອ໌ ມັນຕຸ ກະ ເກົາ, ລາ ຍ່ອນ ອັນ ຕະ ຣານະ ເຢຊູ ກຣິດ ເຕ່. <sup>24</sup> ກະ ເບີນ ປູນ ນະ ເຍົາ ການໍ້ອ໌ ແອັນ ຍິ້ອ໌ ອີ ກາຣານ ເຍົາ ເຕ່. ໄລ່ ປູນ ນະ ກ້ອຍ ລາ ມາຣະໂກ, ອາຣິດຕາໂຄ, ເດມາ, ກະ ລູກາ. ໄລ່ ຕະ ຣານະ ມັນຕຸ ກະ ເກົາ.

<sup>25</sup> ເກົາ ແຊອ໌ ເຢຊູ ກຣິດ, ອິນເຈົາ ໄຮ, ຈ່ອຍ ເມົາດ ເລືອຍໆ ເຍົາ.

# ປັນນາຍ ຊາອົຣ ພາອ໌ ໂອນ ກວາຍ ເຮັບເຮີ

ປັນນາຍ ອາຕີ ອິນໂຍ່ງ

ປິ່ງ ປັນນາຍ ໄນ່ ກວາຍ ກາ ຄຽນ ພາອ໌ ຊາອົຣ ມັຣ ກວາຍ ເຮັບເຮີ (ກວາຍ ອິດຊະຣາເອລ), ຕາ ເບີນ ເມົາ ກາ ດັງ ຣາມິ້ຣ ອັນ ກາ ຄຽນ ປິ່ງ ໄນ່, ມາ ອັນ ຄຽນ ມາຣ 64 ກູມໍ ແວັດ ເຢຊູ ແກັດ. ບັອຍ ກ້ອຍ ເມົາ ຕະ ຕຸຣ ກັດ ລາລີ້ ກວາຍ ຊາອໍາ, ເຕົ້າ ຕາ ເບີນ ກວາຍ ກາ ຍິອ໌ ອີ ຊາອໍາ ນ້ອງ. ປັນນາຍ ຊາອົຣ ໄນ່ ອາເລີມ ໄລ໌ ໂອນ ຊາອໍາ ຈັບ ລາລີ້ ແອັນ, ກະ ອາຕີ ເຢຊູ ແຕ້ ລາ ກອນ ເຢືາງ ເຈົາຣາຊີ.

ເມົາ ຄຽນ 3 ຣາມິ້ຣ ປິດ ແຕ ເຢຊູ ກຣິດ ລາ ນະ ໄນ່: ມວຍ ລາ ກອນ ເຢືາງ ເຈົາຣາຊີ ກາ ອາມັງ ຊົດ ແດັຍ, ອັນ ຊາງັດ ອິມບໍ່ ອັນ, ກະ ອັນ ຈິວ໌ ມັຣ ຣາມິ້ຣ ຕຸຣ ກັດ. ອັນ ເບີນ ອໍານາດ ປິດ ກາເລີຍ ອິນແຍ່ະ ແຕ ມັຣ ກວາຍ ກາ ອາຕີ ຕາງ ປັນນາຍ ເຢືາງ ເຈົາຣາຊີ, ແຕ ມັຣ ເທວາດາ ເຢືາງ ເຈົາຣາຊີ, ກະ ແຕ ໂມເຊ ແຮີ. ບາຣ ລາ ເຢຊູ ແຕ້ ລາ ກວາຍ ກາ ຕາລາ ອິນແຍ່ະ ແຕ ຣິດ ຊາງ ເຢືາງ ເຈົາຣາຊີ ຊົດ ແດັຍ, ກະ ເບີນ ອໍານາດ ປິດ ກາເລີຍ ອິນແຍ່ະ ແຕ ມັຣ ມູ່ ກາ ຊາງ ຣິດ ການໍອ໌. ໄປ ລາ ແອັງ ເຢຊູ ແຕ້ ເຕອ໌ ຈ່ອຍ ອາມັງ ມັຣ ກວາຍ ກາ ຊາອໍາ ໂອນ ແວັດ ແຕ ໄລ໌ຍຣ ກະ ກູຈິດ. ເຢຊູ ໂອນ ໄຮ ເບີນ ອາມັງ ຊົດ ແດັຍ.

ຕິ່ງ ປຸນ 11, ເມົາ ອາຕີ ແຕ ມັຣ ກວາຍ ກາ ເຈຍ ຊາອໍາ ເຢືາງ ເຈົາຣາຊີ ລາລີ້. ກະ ເມົາ ປາຍ ນະໄນ່ ແຮີ: ຕາ ເບີນ ເມົາ ເຕອ໌ ຕະ ໂອນ ຣໍອ໌ ຣາງິຣ ເຢືາງ ເຈົາຣາຊີ, ຄັນ ຕາ ເບີນ ຊາອໍາ.

ເຢືາງ ເຈົາຣາຊີ ອາຕີ ຍ່ອນ ແຕ ກອນ ອັນ

1 ແຕ ອິມແບີ ເຢືາງ ເຈົາຣາຊີ ອາຕີ ອາຈວາຍຣ ອາເຈ່ຣ ໄຮ ຊາອິ້ຍ ເຮັບ ກະ ຊາອິ້ຍ ຣາມິ້ຣ ຍ່ອນ ແຕ ມັຣ ກວາຍ ຕາງ ປັນນາຍ ອັນ. 2 ມາ ຕິ່ງ ແດັຍ ປັຣຊົດ ໄນ່, ອັນ ອາຕີ ໄຮ ຍ່ອນ ແຕ ກອນ ອັນ ແຕ້. ເຢືາງ ເຈົາຣາຊີ ໂອນ ເຢຊູ ກຣິດ ຕາລາ ອິນແຍ່ະ ກູ່ ຣາມິ້ຣ, ກະ ຍ່ອນ ແຕ ອັນ ເຢືາງ ເຈົາຣາຊີ ແຕງ ມັນລ້ອງ ກູແຕອ໌. 3 ອາງອິຣ ແຕ ເຢຊູ ກຣິດ ລາ ມາຣ ອາງອິຣ ແຕ ເຢືາງ ເຈົາຣາຊີ ແຕ້. ອັນ ມູ ເຈິງ ເລີ້ຍ ກະ ເຢືາງ ເຈົາຣາຊີ, ກະ ກູ່ ມັຣ ຣາມິ້ຣ ກາ

ແກັດ ຕິ່ງ ກູແຕອ໌ ໄນ່, ອັນ ກຍາອ໌ ດໍອ໌ ລາ ຍ່ອນ ແຕ ປັນນາຍ ອັນ ກາ ເບີນ ອໍານາດ ລາລີ້. ແວັດ ອັນ ອາປິດ ມັຣ ໄລ໌ຍຣ ກວາຍ, ເຈິ ອັນ ຊັອຣ ລັຣ ປິ ມັນລ້ອງ ຕາງ ຍິຣ ອາຕໍ່ ເຢືາງ ເຈົາຣາຊີ, ອັນ ກາ ເຕົາວ ປັຣເຍົາ ຕິ່ງ ມັນລ້ອງ.

ກອນ ເຢືາງ ເຈົາຣາຊີ ປິດ ກາເລີຍ ແຕ ເທວາດາ ອັນ

4 ກອນ ເຢືາງ ເຈົາຣາຊີ ລາ ປິດ ກາເລີຍ ແຕ ເທວາດາ ເຢືາງ ເຈົາຣາຊີ, ມູເຈິງ ຣາມິ້ຣ ເມົາ ດໍອ໌ ອັນ ລາ ອໍ ກາເລີຍ ແຕ ຣາມິ້ຣ ເມົາ ດໍອ໌ ເທວາດາ ກ້ອຍ. 5 ຕາ ເບີນ ເທວາດາ ອາແລະ ມາ ເຢືາງ ເຈົາຣາຊີ ງິນ ປາຍ:

"ໄນ່ ລາ ກອນ ເກົາ.

ຕາງ ໄນ່ ເກົາ ແກັດ ອິມບໍ່ ໄນ່."

ກະ ເຢືາງ ເຈົາຣາຊີ ຕາ ເບີນ ປາຍ ແຕ ເທວາດາ ອາແລະ ປາຍ:

"ເກົາ ລາ ອິມບໍ່ ອັນ.

ອັນ ລາ ກອນ ເກົາ."

6 ມາ ບັອຍ ກາ ເຢືາງ ເຈົາຣາຊີ ອີ ແປຣີ ກອນ ກໍ່ລ ອັນ ແຕ້ອ໌ ປິ ກູແຕອ໌ ໄນ່, ອັນ ປາຍ:

"ອິນແຍ່ະ ມັຣ ເທວາດາ ເຢືາງ ເຈົາຣາຊີ ອິງເຄາະ ຊາງ ກອນ ກ້ອຍ."

7 ກະ ເຢືາງ ເຈົາຣາຊີ ປາຍ ແຕ ເທວາດາ ອັນ:

"ອັນ ໂອນ ເທວາດາ ອັນ ແກັດ ນະ ກູຢາລ,

ກະ ອັນ ໂອນ ໄລ່ ກາ ຕະ ຣາມະ ອັນ ແກັດ ນະ ປັຣລາ ອູຢຣ."

8 ມາ ເຢືາງ ເຈົາຣາຊີ ປາຍ ໂຈະ ກອນ ອັນ ນະໄນ່:

"ເຢືາງ ເຈົາຣາຊີ ເອີຍ, ຊົດ ແດັຍ ເລີ້ຍ ກູມໍ ລາ ຊົດ ເລືອຍໆ ປິ ໄນ່!

ໄນ່ ຕະ ຊົດ ຕານ້ອງ ລາລີ້.

9 ມັຣ ຣາມິ້ຣ ຕານ້ອງ ອໍ, ໄນ່ ອາໂຢະ.

ມາ ມັຣ ຣາມິ້ຣ ຕາ ອໍ, ໄນ່ ຊາອົຣ.

ຍ່ອນ ນະກ້ອຍ, ເຢືາງ ເຈົາຣາຊີ ລາ ເຢືາງ ໄນ່,

ອັນ ຮຽຮ ໂອນ ໄນ່ ເບີນ ຣາມິ້ຣ ຣໍອ໌

ກາເລີຍ ອິນແຍ່ະ ແຕ ໄລ່ ກາ ແອັດ ກະ ໄນ່."

10 ກະ ເຢືາງ ເຈົາຣາຊີ ປາຍ ແຕ:

"ອິນເຈົາ ເອີຍ! ແຕ ຕາແບີ ໄນ່ ແຕງ ກູແຕອ໌,

ກະ ມັນລ້ອງ ແຮີ ລາ ອາຕີ ໄນ່ ແຕງ.

11 ມັຣ ຣາມິ້ຣ ກ້ອຍ ປັຣແນີ ມັນເຕຣີ ແກັດ ປິດ ເລີ້ຍ,

ມາ ໄນ່ ຕາ ເກີ້ຍ ປິດ.

ຣາມິ້ຣ ໄນ່ ແຕງ ກ້ອຍ ແກັດ ຣາແຣອ໌ ນະ ອາຣີ ອາ

ໂຍຣ.

12 ເຈິ ໄນ່ ປອມ ດໍອ໌ ມັນລ້ອງ ກູແຕອ໌ ນະ ອາຍໍອຣ

ຕິ່ ອາໂຍຣ,

ມູເຈິງ ເມົ້າ ທຣາວ ໃຈະ ອາຍ້ອນ ຕາໄມ.

ມາ ໄມ່ ຕາ ເກີ້ຍ ຮາປຽນ,

ກະ ອາຍຸ່ ໄມ່ ລາ ອິນນ້ອງ ເລືອຍໆ."

13 ເຢິງ ເຈົ້າຮາຊີ ຕາ ເກີ້ຍ ອາຕີ ມານະ ເທວາດາ ອັນ ປາຍ:

"ໄມ່ ຕາກູ ແອັດ ຍັຮ ອາຕ້າ ເກົາ

ເຕົ້າ ແຕ້ອ້ ຕາໄງ ແລະ ເກົາ ໂອນ ໄລ່ ກາ ຍິ້ອ  
ອີ ກາຈິດ ໄມ່

ແອັດ ປື້ນ ຕາລາງ ອາເຢິງ ໄມ່, ເກັດ ຊູລ  
ໄມ່."

14 ຄັນ ນະກ້ອຍ, ມັຮ ເທວາດາ ເຢິງ ເຈົ້າຮາຊີ ກ້ອຍ ລາ ນານະ? ເທວາດາ ກ້ອຍ ລາ ນະ ເຢິງ ກາ ຕະ ຮານະ ໂອນ ເຢິງ ເຈົ້າຮາຊີ; ເຈີ້ ອັນ ໂອນ ເທວາດາ ກ້ອຍ ເປາະ ຮາຈ້ອຍ ມັຮ ກວາຍ ກາ ຍິ້ອ ອີ ຮັບ ຮານະ ຈ່ອຍ ອາມົງ.

## 2

ອິງເຄາະ ໄຮ ເນ່ ໂອນ ອໍ

1 ຍ່ອນ ນະກ້ອຍ ອິງເຄາະ ໄຮ ຕາປູນ ກຣັກ ລາ ລີ້ ປັຮນາຍ ໄຮ ຊ້ອງ ເຈີ້. ໄຮ ຕະ ນະກ້ອຍ ໂອນ ຮາງິຮ ໄຮ ແອັດ ຊາເບິງ ເລືອຍໆ. 2 ປັຮນາຍ ເຢິງ ເຈົ້າຮາຊີ ອາຕີ ຮານາ ເທວາດາ ອັນ ລາ ປາຍາຍ. ກະ ຄັນ ກວາຍ ຕະ ໄລ່ຍຮ ກະ ຕາ ເບິນ ຕະ ຕາປູນ ປັຮ ນາຍ ກ້ອຍ, ເຢິງ ເຈົ້າຮາຊີ ຕະ ໂຕ່ດ ກວາຍ ກ້ອຍ ຕາປູນ ຮານະ ໄລ່ ຕະ. 3 ຄັນ ນະກ້ອຍ, ນານະ ເຢິງ ເຈົ້າຮາຊີ ຕະ ໃຈະ ໄຮ, ຄັນ ໄຮ ຕາ ແອອ້ ຊາງັດ ປັຮ ນາຍ ກາ ປິດ ລາລີ້ ໄມ່, ລາ ປັຮນາຍ ອັນ ອີ ຈ່ອຍ ອາມົງ ໄຮ? ແຕ ຕາເບີ ລາລີ້ ອິນເຈົ້າ ໄຮ, ເຢຊູ ກຣິດ, ອາຕີ ປັຮນາຍ ໄມ່. ແວັດ ກ້ອຍ ໄລ່ ກາ ຊາງັດ ອັນ ແອັນ ອາຕີ ລັຮ ໂອນ ໄຮ. 4 ກະ ເຢິງ ເຈົ້າຮາຊີ ອາປັຮ ໂອນ ໄຮ ດັງ ປາຍາຍ ໄລ່ ປາຍ, ຍ່ອນ ອັນ ໂອນ ຊາອິ້ຍ ຮາມິ້ຮ ໂອນ ເມົ້າ ດັງ, ກະ ອັນ ຕະ ຊາອິ້ຍ ຮາມິ້ຮ ຕາ ເກີ້ຍ ເຮິມ. ກະ ອາແລ່ ະ ອັນ ຮຽຮ, ອັນ ໂອນ ຮາເວີຍ ອັນ ຈ່ອຍ ກວາ ຍ ກ້ອຍ ເຕ່ອ້ ຕະ ຊາອິ້ຍ ຮານະ ອໍ.

ເຢຊູ ກຣິດ ຊົດ ອິນແຍ່ະ

5 ເຢິງ ເຈົ້າຮາຊີ ຕາ ເບິນ ໂອນ ເທວາດາ ອັນ ຊົດ ມັຮ ກຣວາງ ກູແຕອ້ ອັນ ອີ ແຕງ. ມັຮ ຮາມິ້ຮ ກ້ອຍ ເກົາ ອີ ອາຕີ ເຍົາ. 6 ມາ ເບິນ ກວາຍ ຄຽນ ຕິ່ງ ປັຮນາຍ ເຢິງ ເຈົ້າຮາຊີ ແຕ ອິນແບີ ປາຍ:

"ອິນເຕົ້າ ອໍ ເຍົາ ເຮິມ ກວາຍ,

ມາ ເຍົາ ຄິ່ດ ແຕ ໄລ່?

ອິນເຕົ້າ ອໍ ເຍົາ ເຮິມ ໄລ່,

ມາ ເຍົາ ຊ້ອງ ອາໂຢ່ະ?

7 ເຍົາ ໂອນ ໄລ່ ແອັດ ປື້ນ ປີ້ອ ເທວາດາ ເຢິງ ເຈົ້າຮາຊີ.

ເຍົາ ໂອນ ໄລ່ ເບິນ ອຳນາດ ອາງອິ້ຮ ນະ ເຕົ້າວ ປັຮເຍົາ ເກີ້ຍ ເບິນ,

ໂອນ ເມົ້າ ຢຳນັບ ໄລ່.

8 ກະ ເຍົາ ໂອນ ໄລ່ ຊົດ ອິນແຍ່ະ ກູ່ ຮາມິ້ຮ ການໍ່

ປັຮນາຍ ໄມ່ ປາຍ ແຕ ເຢິງ ເຈົ້າຮາຊີ ໂອນ ກວາ ຍ ຊົດ ອິນແຍ່ະ ກູ່ ຮາມິ້ຮ. ມາ ຊານໍ່ ໄຮ ຕາ ຢ ວາຮ ເຮິມ ກວາຍ ຊົດ ອິນແຍ່ະ ມັຮ ຮາມິ້ຮ ກ້ອຍ.

9 ມາ ໄຮ ເຮິມ ເຢຊູ. ອັນ ແອັດ ປື້ນ ປີ້ອ ເທວາດາ ເຢິງ ເຈົ້າຮາຊີ, ໂອນ ເຕ່ອ້ ອັນ ກູຈິດ ຕາງ ອິນແຍ່ ະ ມັຮ ກວາຍ, ຍ່ອນ ເຢິງ ເຈົ້າຮາຊີ ຊ້ອງ ອາໂຢ່ະ ຕະ ກວາຍ. ອັນ ຈິວ ຕຸ່ຮ ກັດ ກະ ກູຈິດ; ເຈີ້ ເຢິງ

ເຈົ້າຮາຊີ ໂອນ ອັນ ເບິນ ອຳນາດ ອາງອິ້ຮ ນະ ເຕົ້າວ ປັຮເຍົາ ເກີ້ຍ ເບິນ, ໂອນ ເມົ້າ ຢຳນັບ ອັນ. 10 ປ ຍາຍ ເຢິງ ເຈົ້າຮາຊີ, ອັນ ກາ ແຕງ ອິນແຍ່ະ ກູ່

ຮາມິ້ຮ ກະ ກາຍາອ້ ອິນແຍ່ະ ກູ່ ຮາມິ້ຮ, ປາຍາຍ ອັນ ໂອນ ເຢຊູ ຈິວ ຊາອິ້ຍ ຕຸ່ຮ ກັດ ຕະ ໂອນ ແມິ້ມ ຮາ

ນະ ອັນ. ເຢິງ ເຈົ້າຮາຊີ ຍິ້ອ ຊາອິ້ຍ ກວາຍ ແກັດ ກອນ ອັນ ກະ ຈຸງ ອຳນາດ ອາງອິ້ຮ ແຕ ອັນ ເຕ່,

ນະກ້ອຍ ເຢຊູ ຈິວ ມັຮ ຮາມິ້ຮ ຕຸ່ຮ ກັດ ກ້ອຍ, ດໍ້ອ້ ອາໂຢ່ງ ຮານາ ໂອນ ຈ່ອຍ ອາມົງ ມັຮ ກວາຍ

ກ້ອຍ. 11 ອັນ ກາ ຕະ ໂອນ ກວາຍ ແກັດ ບຣັຮ ອໍ, ກະ ມັຮ ກວາຍ ກາ ອັນ ຕະ ບຣັຮ ອໍ, ອິນແຍ່ະ ໄລ່ ກ້ອຍ ເບິນ ແອັງ ມວຍ ອິມປໍ່. ຍ່ອນ ນະກ້ອຍ ເຢຊູ ຕາ ເບິນ ຊ້ອງ ກູມາລ ດໍ້ອ້ ໄລ່ ລາ ແຊມອາຍ

ອັນ. 12 ເຢຊູ ປາຍ ກະ ເຢິງ ເຈົ້າຮາຊີ ນະໄມ່:

"ເກົາ ອາຕີ ໂອນ ແຊມອາຍ ເກົາ ດັງ ແຕ ຮາມິ້ຮ ໄມ່.

ປໍ ອິນຕຸ ໄລ່ ໄຮມ, ເກົາ ລໍ່າ ຍ່ອງ ໄມ່."

13 ກະ ອັນ ປາຍ ແອັນ:

"ເກົາ ຊາອໍ່າ ລາລີ້ ເຢິງ ເຈົ້າຮາຊີ."

ກະ ອັນ ປາຍ ແອັນ:

"ເກົາ ແອັດ ອິນແມ່, ເກົາ ກະ ມັຮ ກອນ ອາໂກ ກາ ເຢິງ ເຈົ້າຮາຊີ ໂອນ ເກົາ ເບິນ."

14 ຍ່ອນ ອິນແຍ່ະ ມັຮ ກອນ ອາໂກ ເຢິງ ເຈົ້າຮາຊີ ລາ ເບິນ ໄຊຣ໌ ກະ ອາຮາມ, ນະກ້ອຍ ເຢຊູ ແກັດ ມູເຈິງ ກວາຍ ເຕ່. ອັນ ເບິນ ໄຊຣ໌ ກະ ອາຮາມ ໂອນ ເຕ່ອ້ ອັນ ກູຈິດ, ດໍ້ອ້ ຕາລຸຮ ຕັຮ ເຢິງ ຊາຕານ, ອັນ ກາ ເບິນ ອຳນາດ ເຕ່ອ້

ກາຈິດ ກວາຍ. 15 ນະກ້ອຍ ເຢຊູ ເຕ່ອ້ ອາໂຣຍຮ ມັຮ ກວາຍ ກາ ອິງກ້ອນ ກູຈິດ, ກະ ແກັດ ຊູລ ຮາມິ້ຮ ກ້ອຍ ອິນແຍ່ະ ແດັຍ ອາມົງ. 16 ໄຮ ດັງ

ອັນ ຕາ ເບິນ ຈ່ອຍ ອິນເຕົ້າ ມັຮ ເທວາດາ ເຢິງ



ເຈົ້າຮາຊີ. ມາ ອັນ ຈ່ອຍ ມັຮ ຈຸ່ມເຈືອ ອັບຮາຮາມ. 17 ນະກ້ອຍ, ເຢຊູ ອົງເຄາະ ແກ້ດ ມູເຈິງ ແຊມອາຍ ອັນ, ໂອນ ເຕ່ອ ອັນ ແກ້ດ ກວາຍ ກາ ຕາລາ ຮິ່ດ ຊາງ ເຢີງ ເຈົ້າຮາຊີ ໂອນ ໄລ່. ອັນ ຊ້ອງ ອາໂຢະ ຕະ ໄລ່, ກະ ອັນ ຕະ ປຍາຍ ເລືອຍໆ ຮານະ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢີງ ເຈົ້າຮາຊີ. ນະກ້ອຍ ອັນ ຕະ ໂອນ ເຢີງ ເຈົ້າຮາຊີ ເຕ່ອ ຕັຮ ໄລ່ຍຮ ໄລ່. 18 ຈະ ອັນ ແຕ່ ຈິວ ຊາອິຍ ຮາມິຮ ກາ ຢິອ ອີ ປັຮຕິ ອັນ ຕະ ຮານະ ໄລ່ຍຮ. ຍ່ອນ ອັນ ຈິວ ຮາມິຮ ກ້ອຍ, ເຕ່ອ ອັນ ຮາຈ່ອຍ ມັຮ ກວາ ຍ ຕິ່ງ ແດີຍ ໄມ່ ກາ ຈິວ ຊາອິຍ ຮາມິຮ ກາ ຢິອ ອີ ປັຮຕິ ໄລ່ ຕະ ໄລ່ຍຮ.

**3**

ເຢຊູ ປັດ ກາເລີຍ ແຕ ໂມເຊ

1 ແຊມອາຍ ເອີຍ! ເຍົາ ກາ ຊາອຳ ເຈີ່ ລາ ນະ ແຊມອາຍ ເກົາ ເຕ່. ເຍົາ ລາ ເຢີງ ເຈົ້າຮາຊີ ກູອ ເຈີ່. ແຊອ ເຍົາ ຄິ່ດ ແຕ ເຢຊູ ກຮິດ. ອັນ ລາ ມານະ ເຢີງ ເຈົ້າຮາຊີ ຮຽຮ ປາຈຸ່ຮ ໂອນ ເປາະ ຕະ ຮານະ ອັນ, ກະ ອັນ ກາ ຕາລາ ອິນແຍ່ະ ແຕ ຮິ່ດ ຊາງ ເຢີງ ເຈົ້າຮາຊີ ໂອນ ມູ່ ໄຮ. 2 ອັນ ຕະ ປຍາຍ ອິນ ແຍ່ະ ມັຮ ຮານະ ເຢີງ ເຈົ້າຮາຊີ ນັດ ດໍອ ໂອນ ອັນ, ມູເຈິງ ໂມເຊ ຕະ ປຍາຍ ມັຮ ຮານະ ເຢີງ ເຈົ້າຮາຊີ ນັດ ດໍອ ໂອນ ອັນ ຕະ ຕິ່ງ ດຸງ ເຢີງ ເຈົ້າຮາຊີ.\* 3 ຄັນ ເບີນ ກວາຍ ອາແລ່ະ ມາ ຕະ ດຸງ, ກວາຍ ຕາ ເບີນ ຍ່ອງ ດຸງ ກ້ອຍ. ມາ ໄລ່ ຍ່ອງ ກວາຍ ກາ ຕະ ດຸງ ກ້ອຍ. ມູເຈິງ ກ້ອຍ ເຕ່ ເມົາ ຍ່ອງ ເຢຊູ ກຮິດ ກາເລີຍ ແຕ ເມົາ ຍ່ອງ ໂມເຊ. 4 ກູ່ ດຸງ ເບີນ ແກ້ດ ລາ ຍ່ອນ ກວາຍ ຕະ, ມາ ເຢີງ ເຈົ້າຮາຊີ ແຕງ ອິນ ແຍ່ະ ກູ່ ຮາມິຮ. 5 ໂມເຊ ຕະ ປຍາຍ ຮານະ ອັນ ຕິ່ງ ດຸງ ເຢີງ ເຈົ້າຮາຊີ. ມາ ອັນ ລາ ນະ ກວາຍ ຕະ ຮານະ ຕິ່ງ ດຸງ ກ້ອຍ. ອັນ ອາຕີ ອິນໂຍ່ງ ມັຮ ປັຮ ມາຍ ເຢີງ ເຈົ້າຮາຊີ ຢິອ ອີ ອາປັຮ ອິນຕຸ່ນ. 6 ມາ ເຢຊູ ກຮິດ ຕະ ປຍາຍ ອິນແຍ່ະ ຮານະ ອັນ ຕິ່ງ ດຸງ ເຢີງ ເຈົ້າຮາຊີ ລາ ນະ ກອນ ຮາເມົາ ກາ ຕາລາ ເຕ່ ດຸງ ກ້ອຍ. ກະ ໄຮ ລາ ແຕ ດຸງ ອັນ ເຕ່, ຄັນ ໄຮ ຊາເບິງ ເລືອຍໆ, ກະ ຮາງັຮ ໄຮ ຍັນ ລາລີ ອົງກ່ອງ ມັຮ ຮາມິຮ ໄຮ ເບີນ ປັຮແນີ ມັນເຕຣົາ.

ກວາຍ ກາ ຕາ ແອອ ອີ ຊາງັດ

7 ນະກ້ອຍ ຮາເວີຍ ເຢີງ ເຈົ້າຮາຊີ ອາຕີ ປາຍ: "ຕາໂງ ໄມ່ ຄັນ ເຍົາ ຊ້ອງ ຊຽງ ເຢີງ ເຈົ້າຮາຊີ ປາຍ ໂຈະ ເຍົາ:

8 'ເຍົາ ອິນໂຈຍ ກ້ອງ ຮາງັຮ

ນະ ອາຈວາຍຮ ອາເຈ່ຮ ເຍົາ ແຕ ອິມແບີ ຕະ ຕິ່ງ ອິນຕຸ ຕຍາຮ, ບັ້ງ ກາ ໄລ່ ຕາ ເບີນ ຊາງັດ ເຢີງ ເຈົ້າຮາຊີ ກະ ລ່ອງ ອັນ.

9 ອິນແຍ່ະ ປູນ ຈິດ ກູມ ໄລ່ ເຮີມ ເຈີ່ ມັຮ ຮານະ ເກົາ ຕະ ຈ່ອຍ ໄລ່, ມາ ອິນນ້ອງ ໄລ່ ລ່ອງ ເກົາ ຕິ່ງ ອິນຕຸ ກ້ອຍ.

10 ນະກ້ອຍ ເກົາ ຊ້ອງ ອວານ ກະ ໄລ່, ເຈີ່ ປາຍ: "ກວາຍ ກ້ອຍ ຕາ ເບີນ ຊາງັດ ເກົາ, ກະ ໄລ່ ຕາ ແອອ ຊາງັດ ປັຮນາຍ ເກົາ ປາ ຕັບ."

11 ນະກ້ອຍ ເກົາ ຄິນ ປາຍ: 'ຊົດ ແດີຍ ເລີ່ຍ ກູມ, ເກົາ ຕາ ໂອນ ໄລ່ ມູ່ດ ຮາລູ

ຕິ່ງ ອິນຕຸ ກາ ເກົາ ກຽມ ດໍອ.'

12 ແຊມອາຍ ເອີຍ! ອົງເຄາະ ເຍົາ ກຍາອ ຈັບ ລາລີ່ ອິນໂຈຍ ໂອນ ເມົາ ຕິ່ງ ມູ່ ເຍົາ ແກ້ດ ຮາງັຮ ຕາ ອໍ ກະ ຕາ ແອອ ອີ ຊາງັດ, ເຈີ່ ງວາຍ ແຕ ເຢີງ ເຈົ້າຮາຊີ, ລາ ເຢີງ ອາມົງ. 13 ມາ ອົງເຄາະ ເຍົາ ມານະ ກາແອັຮ ມານະ ກູ່ ຮາໂງ, ບັ້ງ ກາ ອິນນ້ອງ ເຢີງ ເຈົ້າຮາຊີ ອາຕີ ໄຮ ກະ ອິນນ້ອງ ໄຮ ເຕ່ອ ຊາ ງັດ. ອິນໂຈຍ ໂອນ ມານະ ອາແລ່ະ ແກ້ດ ກ້ອງ ຮາງັຮ ຍ່ອນ ແຕ ຮານະ ຕາ ອໍ ອາໂລກ ອັນ ໂອນ ຄິ່ດ ຮໍອ ອໍ ຕະ ຮານະ ໄລ່ຍຮ. 14 ອິນແຍ່ະ ນະ ໄຮ ລາ ມວຍ ຮາງັຮ ກະ ເຢຊູ ກຮິດ, ຄັນ ໄຮ ຊາເບິງ ມັຮ ຮາມິຮ ໄຮ ຊາອຳ ແຕ ອິນໂຍ່ງ ເຕົາ ອິນແຍ່ະ ແດີຍ ໄຮ. 15 ຍ່ອນ ໄຮ ຊ້ອງ ເຈີ່ ຮາເວີຍ ເຢີງ ເຈົ້າຮາຊີ ປາຍ:

"ຕາໂງ ໄມ່ ຄັນ ເຍົາ ຊ້ອງ ຊຽງ ເຢີງ ເຈົ້າຮາຊີ ປາຍ ໂຈະ ເຍົາ,

ອິນໂຈຍ ກ້ອງ ຮາງັຮ ນະ ອາຈວາຍຮ ອາເຈ່ຮ ເຍົາ

ກາ ຕາ ເບີນ ຊາງັດ ເຢີງ ເຈົ້າຮາຊີ ຕິ່ງ ອິນຕຸ ຕຍາຮ."

16 ກວາຍ ອາແລ່ະ ກາ ຊ້ອງ ມາ ຕາ ແອອ ອີ ຊາ ງັດ ເຢີງ ເຈົ້າຮາຊີ, ອິນແຍ່ະ ມັຮ ໄລ່ ກາ ໂມເຊ ເດີງ ອາລັອຮ ແຕ ກຮວາງ ເອຍິບ ແຕ ອິມແບີ. 17 ກະ ກວາຍ ອາແລ່ະ ກາ ເຢີງ ເຈົ້າຮາຊີ ຊ້ອງ ອົງຄິນ ອິນ ແຍ່ະ ປູນ ຈິດ ກູມ ກ້ອຍ? ອັນ ຊ້ອງ ອົງຄິນ ໂຈະ ໄລ່ ກາ ຕະ ໄລ່ຍຮ, ໄລ່ ກາ ກູຈິດ ອິນແຍ່ະ ຕິ່ງ ອິນ ຕຸ ຕຍາຮ. 18 ກະ ກວາຍ ອາແລ່ະ ກາ ອັນ ຄິນ, ຕາ ໂອນ ໄລ່ ມູ່ດ ຮາລູ ຕິ່ງ ອິນຕຸ ກາ ອັນ ກຽມ ດໍອ?

\* 3:2 3:2 ດຸງ ເຢີງ ເຈົ້າຮາຊີ ລາ ຊາກຳ ແຕ ອິນແຍ່ະ ມັຮ ກວາຍ ກາ ຕາປູນ ຮານະ ອັນ.

ໄລ່ ກາ ຕາ ແອ້ອ ອີ ຊາງັດ ອັນ. <sup>19</sup> ນະກ້ອຍ ໄຮ ດັງ ໄລ່ ຕາ ເຕ້ອ ມູ່ດ, ຍ່ອນ ໄລ່ ຕາ ເບີນ ຊາອຳ.

### 4

ເຢີງ ເຈົ້າຣາຊີ ກຽມ ດໍອໍ ອິນຕຸ ຣາລູ່

<sup>1</sup> ເຢີງ ເຈົ້າຣາຊີ ອິນນ້ອງ ເອີ້ອ ໂອນ ໄຮ ມູ່ດ ຣາລູ່ ຕຶ່ງ ອິນຕຸ ກາ ອັນ ກຽມ ດໍອໍ. ນະກ້ອຍ ອີງ ເຄາະ ໄຮ ເນ່ ອໍ, ອີງກ້ອຣ ປຍາຍ ໄຮ ຕາ ດັງ ເບີນ ມູ່ດ. <sup>2</sup> ໄກຣ ລາລື້ ໄຮ ເບີນ ຊ້ອງ ເຕ່ ປັຣນາຍ ອໍ ແຕ ເຢີງ ເຈົ້າຣາຊີ ມູເຈີງ ໄລ່ ກ້ອຍ. ມາ ປັຣນາຍ ກ້ອຍ ຕາ ເບີນ ແກ້ດ ເກົ້າ ອິນເຕົ້າ ໂອນ ໄລ່, ຍ່ອນ ໄລ່ ຊ້ອງ ມາ ຕາ ເບີນ ຊາອຳ. <sup>3</sup> ມາ ໄຮ ກາ ຊາອຳ, ໄຮ ເບີນ ມູ່ດ ຣາລູ່ ຕຶ່ງ ອິນຕຸ ກ້ອຍ. ເຢີງ ເຈົ້າຣາຊີ ປາຍ:

"ເກົ້າ ຄິນ ປາຍ: 'ຊົດ ແດີຍ ເລີ່ຍ ກູມໍ, ເກົ້າ ຕາ ໂອນ ໄລ່ ມູ່ດ ຣາລູ່ ຕຶ່ງ ອິນຕຸ ກາ ເກົ້າ ກຽມ ດໍອໍ.'"

ມາ ອັນ ຕະ ແມ້ມ ຣານະ ກ້ອຍ ແຕ ຕາແປ້ ອັນ ແຕງ ມັນລ້ອງ ກູແຕອ້. <sup>4</sup> ຍ່ອນ ຕຶ່ງ ປັຣນາຍ ເຢີງ ເຈົ້າຣາຊີ ແຕ ອິມແປ້, ອັນ ປາຍ ແຕ ຕາໄງ ຕາປູລ ນະໄນ່:

"ຕຶ່ງ ຕາໄງ ຕາປູລ ເຢີງ ເຈົ້າຣາຊີ ຣາລູ່, ຍ່ອນ ອັນ ຕະ ແມ້ມ ອິນແຍ່ະ ມັຣ ຣານະ ອັນ ຕະ."

<sup>5</sup> ກະ ອັນ ປາຍ ແອ້ນ ແຕ ຣານະ ໄນ່: "ຊົດ ແດີຍ ເກົ້າ ຕາ ໂອນ ໄລ່ ມູ່ດ ຣາລູ່ ຕຶ່ງ ອິນຕຸ ກາ ເກົ້າ ກຽມ ດໍອໍ."

<sup>6</sup> ໄລ່ ກາ ຊ້ອງ ປັຣນາຍ ເຢີງ ເຈົ້າຣາຊີ ອາຕີ ອິນໂຍ່ງ, ໄລ່ ຕາ ເຕ້ອ ມູ່ດ ປໍ ອິນຕຸ ກ້ອຍ, ຍ່ອນ ໄລ່ ຕາ ເບີນ ຊາງັດ ອັນ. ມາ ອິນນ້ອງ ເບີນ ກວາຍ ການໍອໍ ເຕ້ອ ມູ່ດ ອິນຕຸ ກ້ອຍ. <sup>7</sup> ດູນ ແຕ ກ້ອຍ ແອ້ນ, ເຢີງ ເຈົ້າຣາຊີ ອາຕີ ລັຣ ແຕ "ຕາໄງ ໄນ່," ບ້ອງ ກາ ອັນ ໂອນ ເຕົ້າວ ປັຣເຍົາ ດາວິດ ອາຕີ ປັຣນາຍ ໄນ່:

"ຕາໄງ ໄນ່ ຄັນ ເຍົາ ຊ້ອງ ຊຽງ ເຢີງ ເຈົ້າຣາຊີ ປາຍ ໂຈະ ເຍົາ, ເຍົາ ອິນໂຈຍ ກ້ອງ ຣາງຶຣ."

<sup>8</sup> ຄັນ ເຢີງ ເຈົ້າຣາຊີ ອາຕີ ແຕ ໂຢຊວຍ ເດີງ ກວາຍ ອິດຊະຣາເອລ ມູ່ດ ຣາລູ່ ຕຶ່ງ ກຣວາງ ກາ ເຢີງ ເຈົ້າຣາຊີ ກຽມ ດໍອໍ ໂອນ ໄລ່, ອັນ ຕາ ເບີນ ປາຍ ນ້ອງ ແຕ ຕາໄງ ການໍອໍ. <sup>9</sup> ນະກ້ອຍ, ອິນ ນ້ອງ ເຢີງ ເຈົ້າຣາຊີ ເອີ້ອ ໂອນ ກວາຍ ກາ ຊາອຳ ອັນ ເບີນ ຕາໄງ ຣາລູ່. <sup>10</sup> ກວາຍ ອາແລະ ກາ ມູ່ດ ຣາລູ່ ຕຶ່ງ ອິນຕຸ ເຢີງ ເຈົ້າຣາຊີ ກຽມ ດໍອໍ, ກວາຍ ກ້ອຍ ເບີນ ຣາລູ່ ແຕ ມັຣ ຣານະ ອັນ ຕະ, ມູເຈີງ

ເຢີງ ເຈົ້າຣາຊີ ຣາລູ່ ເຕ່ ແຕ້ອ ອັນ ຕະ ແມ້ມ ອິນ ແຍ່ະ ມັຣ ຣານະ ອັນ ອີ ຕະ.

<sup>11</sup> ນະກ້ອຍ, ອີງເຄາະ ໄຮ ປາໄຮຣ ລາລື້ ໂອນ ໄຮ ເບີນ ມູ່ດ ຣາລູ່ ຕຶ່ງ ອິນຕຸ ກາ ເຢີງ ເຈົ້າຣາຊີ ກຽມ ດໍອໍ ກ້ອຍ. ໄຮ ຕາ ແອ້ອ ກວາຍ ອາແລະ ມາ ຕາ ເຕ້ອ ເບີນ ມູ່ດ ນະ ກວາຍ ແຕ ອິນໂຍ່ງ ກ້ອຍ, ຍ່ອນ ໄລ່ ຕາ ເບີນ ຊາງັດ ເຢີງ ເຈົ້າຣາຊີ. <sup>12</sup> ປັຣນາຍ ເຢີງ ເຈົ້າຣາຊີ ລາ ແບງ ກະ ອາມົງ. ນະ ມວຍ ປູາ ດາວ ກາ ເບີ ບາຣ ກັຣ ຈັດ ຈະ ໄຮ ໂອນ ໄຊອໍ ກະ ອີງຮາງ ແກ້ດ ຣາຕັຣ, ມາຣ ກ້ອຍ ເຕ່ ປັຣນາຍ ເຢີງ ເຈົ້າຣາຊີ ມູ່ດ ປັຣ ອິນແຍ່ະ ຕຶ່ງ ຣາງຶຣ ກວາຍ. ອັນ ຕັດຊິ່ນ ອິນແຍ່ະ ມັຣ ຣາມິຣ ໄຮ ຄິດ ກະ ອິນແຍ່ະ ມັຣ ຣາມິຣ ໄຮ ຍິອໍ ອີ ຕະ. <sup>13</sup> ຕາ ເບີນ ມວຍ ຣາມິຣ ອິນເຕົ້າ ກາ ເຕ້ອ ເມົ້າ ປາໂຕ່ະ ແຕ ເຢີງ ເຈົ້າຣາຊີ. ກູ່ ຣາມິຣ, ແກ້ດ ເປັຣ ອາລ້ອຣ ກະ ອາປັຣ ຍິຣ ເມີງ ອັນ ກາ ຊົດ ໄຮ.

ເຢຊູ ລາ ອັນ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົ້າຣາຊີ

<sup>14</sup> ອີງເຄາະ ໄຮ ຢຸມ ດໍອໍ ມັຣ ຣາມິຣ ໄຮ ຊາອຳ ເຈີ່, ຍ່ອນ ໄຮ ເບີນ ມານະ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົ້າຣາຊີ ຈ່ອຍ ໄຮ. ອັນ ກ້ອຍ ປັດ ກະ ຊົດ. ອັນ ລາ ເຢຊູ ກຣິດ, ກອນ ເຢີງ ເຈົ້າຣາຊີ, ອັນ ກາ ຊ້ອຣ ຕຶ່ງ ມັນລ້ອງ ເຈີ່. <sup>15</sup> ເຢຊູ ກຣິດ ກາ ຕາລາ ຮິດ ຊາງ ເຢີງ ເຈົ້າຣາຊີ ຈ່ອຍ ໄຮ, ອັນ ເຕ້ອ ດັງ ຣາງຶຣ ໄຮ ອຽວ ກະ ໂລຍຣ, ຍ່ອນ ບ້ອງ ອິນໂຍ່ງ ອັນ ຈິວ ກູ່ ຣາມິຣ ກາ ອີ ປັຣຕິ ອັນ ຕະ ໂລຍຣ, ມາ ອັນ ຕາ ເບີນ ຕະ. <sup>16</sup> ນະກ້ອຍ ໄຮ ຕາ ເບີນ ຊ້ອງ ອີງກ້ອຣ ອິນເຕົ້າ ແຕ້ອ ປໍ ເຢີງ ເຈົ້າຣາຊີ ແຊອໍ ອັນ ຈ່ອຍ ໄຮ, ຍ່ອນ ອັນ ຊ້ອງ ອາໂຍ່ະ ຕະ ໄຮ, ກະ ອັນ ຈ່ອຍ ເມົ້າດ ໄຮ ແຕ້ອ ໄຮ ເບີນ ຕຸຣ ກັດ ອິນເຕົ້າ.

### 5

<sup>1</sup> ກູ່ ນະ ກວາຍ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົ້າຣາຊີ ຕຶ່ງ ກຣວາງ ກູແຕອ້ ໄນ່, ເມົ້າ ຣຽຣ ແຕ ກວາຍ ການໍອໍ, ກະ ເມົ້າ ໂອນ ອັນ ຈ່ອຍ ກວາຍ ການໍອໍ ມັຣ ຣາມິຣ ໄລ່ ຍິອໍ ອີ ແຊອໍ ກະ ງິ່ນ ຍິຣ ເມີງ ເຢີງ ເຈົ້າຣາຊີ. ອັນ ເຕ້ອ ກຍາກ ຊັນ ຕຣັນ ກະ ຊາງ ເກຣັງ ການໍອໍ ແຊອໍ ເຢີງ ເຈົ້າຣາຊີ ຕັຣ ໂລຍຣ ໄລ່. <sup>2</sup> ອັນ ກາ ຕາລາ ຮິດ ໄນ່ ຊ້ອງ ອາໂຍ່ະ ຕະ ໂຈະ ກວາຍ ຊາກູລ ກະ ກວາຍ ແກ້ຣ ຣາ ມາ, ຍ່ອນ ອັນ ລາ ກວາຍ ອຽວ ນະ ໄລ່ ກ້ອຍ

ເຕ່. <sup>3</sup> ກະ ແຕ້ອ້ ອັນ ກຍາກ ຊັ້ນຕຣັ້ນ ແຊ້ອ ເຢີງ ເຈົ້າຣາຊີ ຕັຣ ໂລ່ຍຣ ກວາຍ ການໍ້ອໍ, ອີງເຄາະ ອັນ ແຊ້ອ ເຢີງ ເຈົ້າຣາຊີ ຕັຣ ໂລ່ຍຣ ອັນ ແຮີ.

<sup>4</sup> ຕາ ເບີນ ກວາຍ ອາແລ່ະ ເຕ້ອ້ ຣຽຣ ເບີນ ຕະ ຣານະ ປັດ ໄມ່. ອີງເຄາະ ເຢີງ ເຈົ້າຣາຊີ ຣຽຣ ອັນ, ນະ ເຢີງ ເຈົ້າຣາຊີ ຣຽຣ ອາໂຣນ ແຕ ອິມເບີ. <sup>5</sup> ມູ ເຈິງ ກ້ອຍ ເຕ່ ເຢຊູ ກຣິດ ຕາ ເບີນ ຈູງ ອາຊ້ອຣ ຈະ ອັນ ເບີນ ຍໍ້ອໍ ອີ ຕາລາ ອິນແຍ່ະ ແຕ ຮິດ ຊາງ ເຢີງ ເຈົ້າຣາຊີ. ມາ ເຢີງ ເຈົ້າຣາຊີ ຣຽຣ ອັນ, ກະ ອາຕີ ອັນ ປາຍ:

"ໄມ່ ລາ ກອນ ເກົາ.

ຕາໂງ ໄມ່ ເກົາ ແກັດ ອິມບໍ່ ໄມ່."

<sup>6</sup> ກະ ເຢີງ ເຈົ້າຣາຊີ ປາຍ ເຕ່ ຕິ່ງ ອິນຕຸ ການໍ້ອໍ:

"ໄມ່ ລາ ແກັດ ກວາຍ ຕາລາ ຮິດ ຊາງ ເຢີງ ເຈົ້າຣາ ຊີ ຊິດ ແດີຍ ເລີຍ ກູມໍ,

ຕາປຸ່ນ ຕິ່ງ ອໍານາດ ເມລຄີເຊເດັກ."

<sup>7</sup> ບ້ອງ ກາ ເຢຊູ ກຣິດ ອິນນ້ອງ ແກັດ ກວາຍ ຕິ່ງ ແດີຍ ໄມ່, ອັນ ເກົາແຊ້ອ ເຢີງ ເຈົ້າຣາຊີ ອິນ ແຍ່ະ ແຕ ຣາງິຣ ອັນ. ອັນ ເຍີມຍິດ ເຣ່ງ ລາລີ້, ບ້ອງ ກາ ອັນ ເກົາແຊ້ອ ແຕ ເຢີງ ເຈົ້າຣາຊີ ອາວ ຍາຣ ໂອນ ອັນ ແວັດ ແຕ ກູຈິດ. ຍ່ອນ ອັນ ຊາງັດ ກະ ຍໍານັບ ເຢີງ ເຈົ້າຣາຊີ, ນະກ້ອຍ ເຢີງ ເຈົ້າຣາ ຊີ ຊາງັດ ອັນ. <sup>8</sup> ຕາມ ອັນ ລາ ກອນ ເຢີງ ເຈົ້າຣາ ຊີ, ມາ ອີງເຄາະ ອັນ ຣຍານ ຊາງັດ ຍ່ອນ ແຕ ຣາມິ້ ຣ ຕຸຣ ກັດ. <sup>9</sup> ແຕ້ອ້ ອັນ ຕະ ແມິ້ມ ອິນແຍ່ະ, ເຈີ້ ອັນ ແກັດ ນະ ກໍ່ລໍ ດໍ້ອໍ ຈ່ອຍ ອິນແຍ່ະ ໄລ່ ກາ ຊາ ງັດ ອັນ ໂອນ ອາມິ່ງ ເລືອຍໆ. <sup>10</sup> ກະ ເຢີງ ເຈົ້າຣາ ຊີ ດໍ້ອໍ ອັນ ລາ ອັນ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົ້າຣາຊີ ຕາປຸ່ນ ຕິ່ງ ອໍານາດ ເມລຄີເຊ ເດັກ.

ໄຣ ແກັດ ຊາຊາຍ ຕິ່ງ ຣານະ ເຢີງ ເຈົ້າຣາຊີ

<sup>11</sup> ເບີນ ປັຣນາຍ ຮີ ຍໍ້ອໍ ອາຕີ ເຍົາ ແຕ ຣາມິ້ຣ ໄມ່, ມາ ຮີ ຊ້ອງ ກັດ ອາຕີ, ຍ່ອນ ເຍົາ ນະ ຕຸ່ງ ກູ ຕູຣ. <sup>12</sup> ຊານໍ່ ປຍາຍໍ ລາລີ້ ລາ ເຍົາ ແກັດ ອາຈານ ອາຕີ ກວາຍ ການໍ້ອໍ, ມາ ອິນນ້ອງ ອີງເຄາະ ເມົາ ອາ ຕີ ລັຣ ເຍົາ ມັຣ ຣາມິ້ຣ ແຕ ຕາແບີ ຕິ່ງ ປັຣນາຍ ເຢີງ ເຈົ້າຣາຊີ. ເຍົາ ລາ ນະ ອິນນ້ອງ ໂຍະ ຕັຣ, ຕາ ຢວາຣ ເຕ້ອ້ ຈາ ໄຊອໍ. <sup>13</sup> ກວາຍ ກາ ອິນນ້ອງ ໂຍະ ຕັຣ, ອັນ ຕາ ຢວາຣ ດັງ ແຕ ປັຣນາຍ ຕານ້ອງ ອໍ, ຍ່ອນ ອັນ ອິນນ້ອງ ນະ ກັຣແນນ. <sup>14</sup> ມາ ອັນ ກາ ຈາ ໄຊອໍ, ອັນ ລາ ນະ ກວາຍ ຊາຊາຍ. ອັນ ດັງ ເຈີ້ ຣຽຣ ແຕ ຣາມິ້ຣ ອໍ ກະ ຣາມິ້ຣ ຕາ ອໍ.

# 6

<sup>1</sup> ຍ່ອນ ນະກ້ອຍ ໄຣ ອິນໂຈຍ ຣຍານ ນ້ອງ ປັຣ ນາຍ ໄຣ ດັງ ເຈີ້ ແຕ ເຢຊູ ກຣິດ. ອີງເຄາະ ໄຣ ຣ ຍານ ປັຣນາຍ ຕາໄມ ແອັ້ນ. ນະກ້ອຍ ໄຣ ເຕ້ອ້ ແກັດ ຊາຊາຍ ຕິ່ງ ຣານະ ເຢີງ ເຈົ້າຣາຊີ. ໄຣ ຕາ ເບີນ ອາຕີ ນ້ອງ ມັຣ ແຕ ຕາແບີ ລາລີ້ ໄຣ ງິ່ນ ໂລ່ ຍຣ ກະ ງວາຍ ແຕ ຣານະ ກາ ຕາ ເຕ້ອ້ ຈ່ອຍ ອາ ມິ່ງ, ເຈີ້ ໄຣ ຊາອໍ ເຢີງ ເຈົ້າຣາຊີ ແອັ້ນ. <sup>2</sup> ໄຣ ຕາ ເບີນ ອາຕີ ນ້ອງ ແຕ ເມົາ ຕະ ຮິດ ຕິ່ງ ແດັອ້ ກະ ເມົາ ຊາປະ ອາຕີ ຕິ່ງ ຈະ ກວາຍ ຕະ ໂອນ ເມົາ ດັງ ໄລ່ ຕະ ຣານະ ເຢີງ ເຈົ້າຣາຊີ. ໄຣ ຕາ ເບີນ ອາຕີ ນ້ອງ ແຕ ກວາຍ ອາມິ່ງ ລັຣ ແຕ ກູຈິດ ກະ ແຕ ເຢີງ ເຈົ້າຣາຊີ ຕັດຊິ້ນ ອິນແຍ່ະ ມັຣ ກວາຍ. <sup>3</sup> ຄັນ ເຢີງ ເຈົ້າຣາ ຊີ ຈ່ອຍ, ຊານໍ່ ໄຣ ຣຍານ ປັຣນາຍ ຕາໄມ ແອັ້ນ. <sup>4</sup> ຄັນ ເບີນ ກວາຍ ກາ ຕັຣ ຣານະ ເຢີງ ເຈົ້າຣາຊີ, ນານະ ເຕ້ອ້ ກວາຍ ກ້ອຍ ງິ່ນ ລັຣ ກະ ຊາອໍ ລັຣ? ກວາຍ ກ້ອຍ ລາ ນະ ແອັດ ຕິ່ງ ປັງ ເຕ່. ໄລ່ ຈິ່ມ ເຈີ້ ມັຣ ຣາມິ້ຣ ອໍ ເຢີງ ເຈົ້າຣາຊີ ຈ່ອຍ. ໄລ່ ຈູງ ເຕ່ ຣາເວີ້ຍ ເຢີງ ເຈົ້າຣາຊີ. <sup>5</sup> ໄລ່ ດັງ ເຈີ້ ປັຣນາຍ ເຢີງ ເຈົ້າຣາຊີ ລາ ອໍ ອິນແຍ່ະ, ກະ ໄລ່ ຊ້ອງ ເຈີ້ ມັຣ ຣາມິ້ຣ ເຢີງ ເຈົ້າຣາຊີ ອີ ຈ່ອຍ ປັຣແນີ ມັນ ເຕຣົາ. <sup>6</sup> ມາ ຄັນ ໄລ່ ຕັຣ ຣານະ ກ້ອຍ, ຕາ ເຕ້ອ້ ເມົາ ເດິງ ໄລ່ ງິ່ນ ລັຣ ກະ ຊາອໍ ລັຣ ເຢຊູ. ບ້ອງ ກາ ກ້ອຍ ນະ ໄລ່ ແຕັຣ ລັຣ ເຢຊູ ຕິ່ງ ອາລ່ອງ ຊັງ ກັງ ກະ ນະ ໄລ່ ພາມາດ ອັນ ຍິ່ຣ ເມົາ ກວາຍ ການໍ້ ອໍ. <sup>7</sup> ເກົາ ຊາກໍາ ແຕ ກູແຕອໍ ແອັ້ນ. ເຢີງ ເຈົ້າຣາຊີ ຈ່ອຍ ຣາມິ້ຣ ບຸ່ນ ໂອນ ກູແຕອໍ ອໍ. ກູແຕອໍ ກ້ອຍ ຈ່ອຍ ແດັອ້ ເມົາ, ເຈີ້ ອາເມົາ ບັດ ບາຍ ຈ່ອຍ ກວາ ຍ ກາ ຕະ ກູແຕອໍ ກ້ອຍ. <sup>8</sup> ມາ ຄັນ ກູແຕອໍ ອາ ເມົາ ແອິງ ບັດ ຊັຣເລົາ ຊ້ອງ, ກູແຕອໍ ກ້ອຍ ຕາ ເບີ ນ ແກັດ ເກົາ ອິນເຕົາ. ເຢີງ ເຈົ້າຣາຊີ ກາແລີຍຣ ກະ ອັນ ຕັຣ ເລີ້ຍ ກູແຕອໍ ກ້ອຍ.

<sup>9</sup> ອາລ້ອຣ ເອີຍ! ຮີ ອາໂຢ່ະ ລາລີ້ ເຍົາ. ຮີ ປາຍ ມັຣ ຣາມິ້ຣ ແຕ ອິນໂຍ່ງ ໄມ່, ມາ ຮີ ຕາ ເບີນ ຄິດ ເຍົາ ຕະ ນະກ້ອຍ. ຮີ ຄິດ ເຍົາ ຕະ ມັຣ ຣານະ ປ ຍາຍໍ ໂອນ ກວາຍ ກາ ເຢີງ ເຈົ້າຣາຊີ ຈ່ອຍ ອາມິ່ງ ເຈີ້. <sup>10</sup> ເຢີງ ເຈົ້າຣາຊີ ໂອນ ກູ່ນະ ເບີນ ເກົາ ແຕ ຣາ ນະ ອັນ ຕະ. ກະ ອັນ ຕາ ເບີນ ຊາລີຣ ມັຣ ຣານະ ອໍ ເຍົາ ຕະ, ກະ ມັຣ ຣານະ ເຍົາ ເກີຍ ຈ່ອຍ ກວາຍ ຊາອໍ ເຕົາ ຊານໍ່ ຍ່ອນ ເຍົາ ອາໂຢ່ະ ອັນ. <sup>11</sup> ກະ ຮີ ຍໍ້ອໍ ລາລີ້ ເຍົາ ປາໂຣ່ຣ ຕະ ເລືອຍໆ ນະກ້ອຍ ເຕົາ ແຕ້ອ້ ຕາໂງ ປັຣຊິດ; ເຈີ້ ມັຣ ຣາມິ້ຣ ເຍົາ ອີງກ່ອງ, ເຍົາ ເບີນ. <sup>12</sup> ຮີ ຕາ ແອອໍ ເຍົາ ແກັດ ປາງາຍ. ມາ

ຮິ ຢົ່ອ ເຍົາ ຕາປຸ່ນ ໄລ່ ກາ ຊາອຳ ກະ ຈົວ ເລືອຍໆ ຢົ່ອ ອີ ເບີນ ມັຮ ຣາມິ້ຮ ເຢີງ ເຈົາຮາຊີ ເອີອ໌ ໂອນ ເຍົາ.

ເຢີງ ເຈົາຮາຊີ ເອີອ໌ ກະ ອັນ ຄິນ

13 ພໍກາ ເຢີງ ເຈົາຮາຊີ ເອີອ໌ ກະ ອັບຮາຮາມ, ອັນ ຢົ່ອ ອີ ຄິນ ກະ ອັບຮາຮາມ. ມາ ຍ່ອນ ອັນ ຕາ ເຕ້ອ໌ ກູອ໌ ຣາມິ້ຮ ອິນເຕ້າ ປິດ ກາເລີຍ, ອັນ ກູອ໌ ຣາມິ້ຮ ອັນ ເບີມ, 14 ກະ ປາຍ:

"ໄກຮ ລາລີ້ ເກົາ ໂອນ ຣາມິ້ຮ ບຸ່ນ ແຕ້ອ໌ ປິ ໄມ່, ກະ ເກົາ ໂອນ ຈຸ່ມເຈືອ ໄມ່ ຮິ້ຮ ຊາອິ້ຍ ລາລີ້ ແອ້ນ."

15 ເຈີ້ ແຕ້ອ໌ ອັບຮາຮາມ ຈົວ ກະ ອີງກ່ອງ ດູ່ນ ລາ ລີ້, ເຢີງ ເຈົາຮາຊີ ໂອນ ອັນ ເບີນ ມັຮ ຣາມິ້ຮ ອັນ ເອີອ໌ ອີ ໂອນ. 16 ແຕ້ອ໌ ກວາຍ ອາແລ່ະ ຢົ່ອ ອີ ຄິນ ກະ ກວາຍ ການໍ່ອ໌, ອັນ ກູອ໌ ຣາມິ້ຮ ກາ ປິດ ກາ ເລີຍ ແຕ ອັນ. ນະກ້ອຍ ຕາ ເຕ້ອ໌ ຮາຈຽນ ນ້ອງ. 17 ມາຮ ກ້ອຍ ເຕ ເຢີງ ເຈົາຮາຊີ ຢົ່ອ ອີ ອາຕີ ໂອນ ກວາຍ ກາ ອັນ ເອີອ໌, ໂອນ ໄລ່ ດັງ ກຮັກ ລາລີ້ ອັນ ຕາ ເກີ້ຍ ຮາປຽນ ມັຮ ຣາມິ້ຮ ອັນ ເອີ ອ໌. ນະກ້ອຍ ແຕ້ອ໌ ອັນ ປຣ່ອມ, ອັນ ຄິນ ກະ ໄລ່. 18 ຍ່ອນ ເຢີງ ເຈົາຮາຊີ ເອີອ໌ ກະ ຄິນ, ນະກ້ອຍ ຕາ ເກີ້ຍ ແກັດ ຮາປຽນ, ກະ ໄຮ ດັງ ເຢີງ ເຈົາຮາ ຊີ ຕາ ເຕ້ອ໌ ຕະ ອິນຕີ ອາໂລກ. ນະກ້ອຍ ໄຮ ກາ ຕາລຸ່ຮ ປິ ເຢີງ ເຈົາຮາຊີ ຕາ ເບີນ ຫຣາະ ອິນເຕ້າ, ມາ ອີງເຄາະ ໄຮ ອີງກ່ອງ ເລືອຍໆ ປັຮນາຍ ອັນ ປຣ່ອມ ກະ ໄຮ. 19 ມັຮ ຣາມິ້ຮ ໄຮ ອີງກ່ອງ ຕະ ໂອນ ຮງື່ຮ ໄຮ ແກັດ ຊາເບັງ. ໄມ່ ລາ ມູເຈີງ ເມົາ ປາຢຸ່ງ ກິນ ປິນ ຕົວະ ໂອນ ແອັດ. ນະກ້ອຍ ໄຮ ອີງກ່ອງ ປັຮແນີ ມັນເຕຣົາ ໄຮ ເບີນ ແຕ້ອ໌ ປິ ອິນ ຕຸ ເຢີງ ເຈົາຮາຊີ ແອັດ, ນະ ໄຮ ເປາະ ພາ ອາຮິ ເມົາ ກາຕັງ ອິນຕຸ ເຢີງ ເຈົາຮາຊີ ແອັດ ຕິ່ງ ດຸງ ຊາງ ປິດ. 20 ເຢຊູ ມູ່ດ ອິນໂຍ່ງ ເຈີ້ ຕິ່ງ ອິນຕຸ ກ້ອຍ ໂອນ ເຕ້ອ໌ ອັນ ຈ່ອຍ ໄຮ. ອັນ ແກັດ ກວາຍ ກາ ຕາລາ ອິນແຍ່ະ ແຕ ຮິດ ຊາງ ເຢີງ ເຈົາຮາຊີ ຊິດ ແດັຍ, ຕາປຸ່ນ ແຕ ອຳນາດ ພລຄີເຊເດັກ.

7

ພລຄີເຊເດັກ

1 ພລຄີເຊເດັກ ໄມ່ ລາ ເຕົາວ ປັຮເຍົາ ກຮ ວາງ ຊາເລັມ, ກະ ອັນ ລາ ກວາຍ ຊາງ ຮິດ ເຢີງ ເຈົາຮາຊີ, ລາ ເຢີງ ກາ ຊິດ ລາລີ້. ບັອງ ກາ ອັບຮາຮາມ ເຈົາ ລັຮ ແຕ ຮາຊູ່ ກະ ກາຈິດ ຕັຮ ມັຮ ເຕົາວ ປັຮເຍົາ ການໍ່ອ໌, ພລຄີເຊເດັກ ຮາມ

ຮ ອັນ ກະ ປາຍ ບຸ່ນ ໂອນ ອັນ. 2 ເຈີ້ ມັຮ ເກ ຮິ່ງ ກາ ອັບຮາຮາມ ອິດ ແຕ ມັຮ ເຕົາວ ປັຮເຍົາ ກ້ອຍ, ອັນ ມ່ອບ ໂອນ ພລຄີເຊເດັກ ມວຍ ບຸ່ນ ແຕ ມວຍ ຈິດ ບຸ່ນ. (ຮາມິ້ຮ ພລຄີເຊເດັກ, ຄັນ ອິນຕີ ລັຮ ແຕ ປັຮນາຍ ກ້ອຍ, ລາ ເຕົາວ ປັຮເຍົາ ຕາມ້ອງ. ກະ ເຕົາວ ປັຮເຍົາ ຊາເລັມ ອິນຕີ ລັຮ ລາ ເຕົາວ ປັຮເຍົາ ອຽນ ອໍ.) 3 ໄຮ ຕາ ເບີນ ຊ້ອງ ເມົາ ອາຕີ ແຕ ອິມປໍ້ ແຕີລາ ອິມເປ່ອ໌ ອັນ, ແຕີ ລາ ແຕ ຈຸ່ມເຈືອ ອັນ. ໄຮ ຕາ ເບີນ ຊ້ອງ ເມົາ ອາ ຕີ ແຕ ອັນ ແກັດ ແຕີລາ ອັນ ກູຈິດ. ອັນ ລາ ນະ ກອນ ເຢີງ ເຈົາຮາຊີ ເຕ້; ອັນ ແກັດ ກວາຍ ຊາງ ຮິດ ເຢີງ ເຈົາຮາຊີ ຊິດ ແດັຍ.

4 ເຕ້ອ໌ ໄຮ ດັງ ອຳນາດ ພລຄີເຊເດັກ ລາ ປິດ, ຍ່ອນ ອັບຮາຮາມ, ອາຈວາຍຮ ອາເຈ່ຮ ອິນແຍ່ະ ມັຮ ກວາຍ ອິດຊະຮາເອລ, ອັນ ມ່ອບ ໂອນ ພລຄີ ເຊເດັກ ບຸ່ນ ມັນຈິດ ແຕ ອິນແຍ່ະ ຫຣິ່ງ ອັນ ອິດ ແຕ ອັນ ຮາຊູ່. 5 ເຢີງ ເຈົາຮາຊີ ປາຕັບ ຈຸ່ມເຈືອ ເລວີ ໂອນ ໄລ່ ອິດ ບຸ່ນ ມັນຈິດ ແຕ ອິນແຍ່ະ ມັຮ ກວາຍ ອິດຊະຮາເອລ ການໍ່ອ໌. ມາ ໄລ່ ກາ ໂອນ ກ້ອຍ ລາ ມູເຈີງ ມູ່ ເລວີ ເຕ້, ຈຸ່ມເຈືອ ອັບຮາຮາມ ອິນແຍ່ະ. 6 ພລຄີເຊເດັກ ລາ ຕາ ແກັດ ຈຸ່ມ ເຈືອ ເລວີ, ມາ ອິນນ້ອງ ອັນ ອິດ ບຸ່ນ ມັນຈິດ ແຕ ອັບຮາຮາມ. ກະ ອັນ ໂອນ ບຸ່ນ ປິ ອັບຮາຮາມ, ອັນ ກາ ເຢີງ ເຈົາຮາຊີ ເອີອ໌ ອີ ຈ່ອຍ. 7 ກູ່ ນະ ດັງ ອິນແຍ່ະ, ຄັນ ອັນ ກາ ໂອນ ບຸ່ນ ປິ ກວາຍ ການໍ່ອ໌ ອີງເຄາະ ອັນ ກ້ອຍ ເບີນ ອຳນາດ ປິດ ກາ ເລີຍ ແຕ ກວາຍ ກາ ຮັບ ບຸ່ນ ກ້ອຍ. ນະກ້ອຍ ໄຮ ດັງ ພລຄີເຊເດັກ ເບີນ ອຳນາດ ປິດ ກາເລີຍ ແຕ ອັບຮາຮາມ. 8 ກະ ມັຮ ກວາຍ ຈຸ່ມເຈືອ ເລວີ ກາ ຊາງ ຮິດ ເຢີງ ເຈົາຮາຊີ, ໄລ່ ເບີນ ອຳນາດ ອິດ ບຸ່ນ ມັນຈິດ ແຕ ແຊມອາຍ ການໍ່ອ໌, ມາ ໄລ່ ອິນ ນ້ອງ ເຕ້ອ໌ ກູຈິດ. ມາ ພລຄີເຊເດັກ, ກາ ອິດ ບຸ່ນ ມັນຈິດ ກ້ອຍ, ເມົາ ປາຍ ອັນ ອິນນ້ອງ ອາ ມັງ. 9 ກະ ເຕ້ອ໌ ໄຮ ຊາກຳ ປາຍ: ຈຸ່ມ ເລວີ ກາ ເກີ້ຍ ອິດ ບຸ່ນ ມັນຈິດ ແຕ ກວາຍ ອິດຊະຮາເອລ ການໍ່ອ໌, ອັນ ໂອນ ບຸ່ນ ມັນຈິດ ປິ ພລຄີເຊເດັກ ບັອງ ອັບຮາຮາມ ມ່ອບ ບຸ່ນ ມັນຈິດ ໂອນ ປິ ອັນ, 10 ຍ່ອນ ບັອງ ກາ ອັບຮາຮາມ ມ່ອບ ບຸ່ນ ມັນຈິດ ໂອນ ພລຄີເຊເດັກ, ເລວີ ຕາ ຢວາຮ ແກັດ. ອັນ ລາ ອິນນ້ອງ ແອັດ ຕິ່ງ ຈະ ອາຈວາຍຮ ອາເຈ່ຮ ອັນ, ອັບຮາຮາມ.

ເຢຊູ ລາ ນະ ພລຄີເຊເດັກ

11 ຍ່ອນ ແຕ ຈຸ່ມເຈືອ ຈຸ່ມ ເລວີ, ກວາຍ ອິດ ຊະຮາເອລ ເບີນ ຄານອດ ເຢີງ ເຈົ້າຮາຊີ ປາຕັບ ຮາມາ ໂມເຊ. ຄັນ ມູ່ ເລວີ ຊາງ ຮິ່ດ ເຢີງ ເຈົ້າຮາ ຊີ ປຍາຍ໌ ອິນແຍ່ະ, ເມົ້າ ຕາ ເບີນ ປາຍ ນ້ອງ ອີງ ເຄາະ ເບີນ ກວາຍ ການໍ່ອ໌ ຊາງ ຮິ່ດ ເຢີງ ເຈົ້າຮາຊີ ຕາປູ່ນ ແຕ ອຳນາດ ເມລຄີເຊເດັກ, ຕາ ເບີນ ຕາປູ່ນ ແຕ ອຳນາດ ອາໂຣນ, ຈຸ່ມເຈືອ ເລວີ. 12 ຍ່ອນ ຄັນ ຮາປຽນ ອຳນາດ ກວາຍ ຊາງ ຮິ່ດ ເຢີງ ເຈົ້າຮາ ຊີ, ໄກຣ ລາລີ່ ຮາປຽນ ຄານອດ ເຕ່. 13 ໄກຣ ລາ ລີ່ ເຢຊູ, ອັນ ກາ ຮິ ອາຕີ ເຍົາ, ອັນ ລາ ແຕ ຈຸ່ມ ເຈືອ ການໍ່ອ໌, ຈຸ່ມເຈືອ ກາ ຕາ ເກີ້ຍ ຊາງ ຮິ່ດ ເຢີງ ເຈົ້າຮາຊີ. 14 ໄຮ ດັງ ແຈງ, ອິນເຈົ້າ ໄຮ, ເຢຊູ ກຮິ ດ, ແຕ້ອ໌ ແຕ ຈຸ່ມເຈືອ ຢູດາ. ກະ ໂມເຊ ຕາ ເກີ້ຍ ປາຍ ກວາຍ ແຕ ຈຸ່ມເຈືອ ຢູດາ ແຕ້ອ໌ ແກັດ ກວາຍ ຊາງ ຮິ່ດ ເຢີງ ເຈົ້າຮາຊີ. 15 ນະກ້ອຍ ໄຮ ດັງ ໄກຣ ລາລີ່ ຄານອດ ກ້ອຍ ແກັດ ຮາປຽນ, ຍ່ອນ ກວາຍ ການໍ່ອ໌ ແອັນ ແກັດ ກວາຍ ຊາງ ຮິ່ດ ເຢີງ ເຈົ້າຮາຊີ ນະ ເມລຄີເຊເດັກ. 16 ອັນ ຕາ ເບີນ ແກັດ ກວາຍ ຊາງ ຮິ່ດ ເຢີງ ເຈົ້າຮາຊີ ຕາປູ່ນ ຕຶ່ງ ຄານອດ ກວາ ຍ ເກີ້ຍ ແປຣີ. ມາ ອັນ ເບີນ ອຳນາດ ແກັດ ກວາ ຍ ຊາງ ຮິ່ດ ເຢີງ ເຈົ້າຮາຊີ ຍ່ອນ ແດັຍ ອາມັງ ອັນ ຕາ ເກີ້ຍ ແກັດ ປັດ. 17 ຕຶ່ງ ປຶ່ງ ປັຣນາຍ ເຢີງ ເຈົ້າຮາຊີ ແຕ ອິມແບີ ປາຍ:

"ໄມ່ ລາ ແກັດ ກວາຍ ຊາງ ຮິ່ດ ເຢີງ ເຈົ້າຮາຊີ ຊົດ ແດັຍ,  
ຕາປູ່ນ ລັຮ ອຳນາດ ເມລຄີເຊເດັກ."

18 ເຢີງ ເຈົ້າຮາຊີ ປາຍ ນະກ້ອຍ, ລາ ອັນ ດໍອ໌ ລັຮ ຄານອດ ຕຍາ, ຍ່ອນ ຄານອດ ກ້ອຍ ແກັດ ຕາ ເບີນ ແບງ ນ້ອງ, ກະ ຕາ ເບີນ ແຕ້ອ໌ ຈ່ອຍ ອິນ ເຕົ້າ. 19 ຄານອດ ໂມເຊ ຕາ ແຕ້ອ໌ ຕະ ຮາມິ່ຮ ອິນ ເຕົ້າ ໂອນ ແກັດ ປຍາຍ໌. ມາ ຊານໍ່ ເຢີງ ເຈົ້າຮາຊີ ໂອນ ໄຮ ອີງກ່ອງ ຮາມິ່ຮ ອໍ ກາເລີຍ ແອັນ, ແຕ້ອ໌ ໄຮ ແອັດ ມັນຕຸ ກະ ເຢີງ ເຈົ້າຮາຊີ. 20 ເຈີ້ ແຕ້ອ໌ ເຢີງ ເຈົ້າຮາຊີ ຮຽຮ ເຢຊູ ແກັດ ກວາຍ ຊາງ ຮິ່ດ ເຢີງ ເຈົ້າຮາຊີ, ອັນ ຄິນ. ມັຮ ຈຸ່ມເຈືອ ເລວີ, ອັນ ຕາ ເບີນ ຄິນ ກະ ໄລ່. 21 ມາ ເຢຊູ, ເຢີງ ເຈົ້າຮາຊີ ຄິນ, ຍ່ອນ ປຶ່ງ ປັຣນາຍ ເຢີງ ເຈົ້າຮາຊີ ປາຍ:

"ເຢີງ ເຈົ້າຮາຊີ ຄິນ,  
ກະ ອັນ ຕາ ເກີ້ຍ ຮາປຽນ!

ໄມ່ ລາ ແກັດ ກວາຍ ຊາງ ຮິ່ດ  
ເຢີງ ເຈົ້າຮາຊີ ຊົດ ແດັຍ."

22 ຍ່ອນ ນະກ້ອຍ ເຢຊູ ຈຸງ ມ່ອບ ຈະ ອັນ ເບີນ ຕະ ໂອນ ເມົ້າ ດັງ ເຢີງ ເຈົ້າຮາຊີ ປັຣຄັນ ປັຣນາຍ ອໍ ກາເລີຍ ແຕ ອິນໂຍ່ງ ແອັນ.

23 ຈຸ່ມ ເລວີ ກາ ຊາງ ຮິ່ດ ເຢີງ ເຈົ້າຮາຊີ ລາ ຊາ ອີ້ຍ ກວາຍ. ມາ ໄລ່ ຕາ ແຕ້ອ໌ ຕະ ດຸ່ນ, ຍ່ອນ ແຕ້ອ໌ ປາເນ່ນ ໄລ່ ອີງເຄາະ ກູຈິດ. 24 ມາ ເຢຊູ ກຮິດ ອາ ມັງ ຊົດ ແດັຍ; ນະກ້ອຍ ອັນ ແຕ້ອ໌ ຊາງ ຮິ່ດ ເຢີງ ເຈົ້າຮາຊີ ຊົດ ແດັຍ. 25 ຍ່ອນ ນະກ້ອຍ, ອັນ ແຕ້ອ໌ ຈ່ອຍ ອາມັງ ຊົດ ແດັຍ ກູ່ ນະ ກາ ແຕ້ອ໌ ປີ ເຢີງ ເຈົ້າຮາຊີ ຮາມາ ອັນ, ຍ່ອນ ອັນ ອາມັງ ເລືອຍໆ, ກະ ອັນ ຮາແຊອ໌ ເລືອຍໆ ແຕ ເຢີງ ເຈົ້າຮາຊີ ດໍອ໌ ຈ່ອຍ ໄລ່.

26 ປຍາຍ໌ ລາ ໄຮ ເບີນ ເຈີ້ ກວາຍ ຕາລາ ອິນແຍ່ ະ ຮິ່ດ ຊາງ ເຢີງ ເຈົ້າຮາຊີ ນະ ເຢຊູ. ອັນ ລາ ຕານໍ່ ອງ ອໍ ຍິ່ຮ ເມີງ ເຢີງ ເຈົ້າຮາຊີ. ອັນ ລາ ບຣັຮ ອໍ. ອັນ ຕາ ເບີນ ໂລ່ຍຮ ອິນເຕົ້າ ເລີ້ຍ. ອັນ ລາ ອິມ ເພາ ແຕ ກວາຍ ກາ ເບີນ ໂລ່ຍຮ. ກະ ອັນ ແອັດ ຕຶ່ງ ແປັງ ມັນລ້ອງ. 27 ອັນ ລາ ຕາ ແກັດ ນະ ກວາ ຍ ຕາລາ ຮິ່ດ ຊາງ ເຢີງ ເຈົ້າຮາຊີ ຕຶ່ງ ແດັຍ ໄມ່. ກູ່ ຮາໂງ ອີງເຄາະ ໄລ່ ກຍາກ ຊັນຕຣັນ, ເຈີ້ ມ່ອບ ຊາງ ໂອນ ເຢີງ ເຈົ້າຮາຊີ ແຊອ໌ ເຢີງ ເຈົ້າຮາຊີ ຕັຮ ໂລ່ ຍຮ ໄລ່ ເວີຍ, ກ້ອຍ ແຕ ແຕ້ອ໌ ໄລ່ ຕະ ນະກ້ອຍ ໂອນ ກວາຍ ການໍ່ອ໌. ມາ ເຢຊູ ມ່ອບ ຊາງ ແອັງ ມວຍ ເຮັບ ຊ້ອງ. ພໍກາ ອັນ ມ່ອບ ຊາງ ໂອນ ເຢີງ ເຈົ້າຮາຊີ, ລາ ອັນ ມ່ອບ ຈະ ອັນ ເບີນ. 28 ຕາປູ່ນ ຄານອດ ໂມເຊ, ເມົ້າ ໂອນ ກວາຍ ຕາລາ ອິນແຍ່ ະ ແຕ ຮິ່ດ ຊາງ ເຢີງ ເຈົ້າຮາຊີ, ມາ ກວາຍ ກ້ອຍ ອິນນ້ອງ ເບີນ ໂລ່ຍຮ. ມາ ປັຣນາຍ ເຢີງ ເຈົ້າຮາຊີ ຄອດ ລາ ແຕ້ອ໌ ອິນຕຸ່ນ ຄານອດ ໂມເຊ. ກະ ປັຣ ນາຍ ກ້ອຍ ໂອນ ກອນ ເຢີງ ເຈົ້າຮາຊີ ແຕ້ ຕາລາ ອິນແຍ່ະ ແຕ ຮິ່ດ ຊາງ ເຢີງ ເຈົ້າຮາຊີ. ກະ ກອນ ກ້ອຍ ຕາ ເກີ້ຍ ເບີນ ໂລ່ຍຮ ເຕົ້າ ຊົດ ແດັຍ.

**8**

ເຢຊູ ຕາລາ ອິນແຍ່ະ ແຕ ຮິ່ດ ຊາງ ເຢີງ ເຈົ້າຮາຊີ ໂອນ ໄຮ

1 ອິນແຍ່ະ ມັຮ ປັຣນາຍ ຮິ ອາຕີ ອານໍ່, ປັຣ ນາຍ ກ້ອຍ ລາ ນະໄມ່: ໄຮ ເບີນ ມານະ ຕາລາ ອິນ ແຍ່ະ ແຕ ຮິ່ດ ຊາງ ເຢີງ ເຈົ້າຮາຊີ ຈ່ອຍ ໄຮ. ອັນ ແອັດ ຕາກູ ຍິ່ຮ ອາຕໍ່າ ເຢີງ ເຈົ້າຮາຊີ ຕຶ່ງ ມັນລ້ອງ.

2 ອັນ ຕະ ຮານະ ຊາງ ຮິ່ດ ເຢີງ ເຈົ້າຮາຊີ ຕຶ່ງ ດູງ ຊາງ ເຢີງ ເຈົ້າຮາຊີ. ມາ ດູງ ກ້ອຍ ລາ ຕາ ແກັດ ດູງ ກວາຍ ຕະ. ດູງ ກ້ອຍ ລາ ດູງ ເຢີງ ເຈົ້າຮາຊີ ຕະ.

3 ກວາຍ ອາແລ່ະ ກາ ຕາລາ ຮິ່ດ ຊາງ ເຢີງ ເຈົ້າຣາຊີ, ເມົ້າ ຈົຣ ອັນ ໂອນ ກຍາກ ຊັນຕຣັນ ກະ ມ່ອບ ຊາງ ທາຣິ່ງ ການໍ້ອໍ ແຮີ ໂອນ ເຢີງ ເຈົ້າຣາຊີ. ນະກ້ອຍ ອັນ ກາ ຕາລາ ຮິ່ດ ຊາງ ໂອນ ໄຮ, ອິງເຄາະ ອັນ ເບີນ ເຕ່ ທາຣິ່ງ ມ່ອບ ຊາງ ໂອນ ເຢີງ ເຈົ້າຣາຊີ. 4 ຄັນ ອັນ ແອິດ ຕິ່ງ ກູແຕອໍ ໄມ່, ອັນ ຕາ ເບີນ ຊາງ ຮິ່ດ ເຢີງ ເຈົ້າຣາຊີ, ຍ່ອນ ເບີນ ເຈີ່ ກວາຍ ຕະ ຣານະ ມ່ອບ ທາຣິ່ງ ຊາງ ຕາປູ່ນ ຕິ່ງ ຄາ ນອດ ອິດຊະຣາເອລ. 5 ຣານະ ໄລ່ ກ້ອຍ ຕະ, ລາ ເຢີງ ເຈົ້າຣາຊີ ອາປັຣ ໂອນ ໄຮ ດັງ ຣານະ ເຢຊູ ຕະ ຕິ່ງ ມັນລ້ອງ. ຍ່ອນ ນະກ້ອຍ ເຢີງ ເຈົ້າຣາຊີ ອາຕີ ໂມເຊ, ແຕ້ອໍ ອັນ ອີ ຕະ ດຸງ ຊາງ ອາຣີ, ປາຍ:

"ອິງເຄາະ ໄມ່ ແມ່ ອໍ ໂອນ ຕະ ກູ່ ຣາມິ່ຣ ຕາປູ່ນ ມັຣ ຣາມິ່ຣ ເກົ້າ ອາປັຣ ໂອນ ໄມ່ ເຮີມ ຕິ່ງ ປັຣແລີ ກັຣ ໄມ່."

6 ມາ ເຢຊູ ກຣິດ ເບີນ ຣານະ ປິ່ດ ກາເລີຍ ແຕ ຣາ ນະ ມູ່ ກາ ຊາງ ຮິ່ດ ເຢີງ ເຈົ້າຣາຊີ ຕິ່ງ ແດີຍ ໄມ່. ມູ ເຈີງ ກ້ອຍ ເຕ່, ຣາມິ່ຣ ເຢີງ ເຈົ້າຣາຊີ ປັຣຄັນ ກະ ກວາຍ ຍ່ອນ ເຢຊູ ກຣິດ ລາ ອໍ ກາເລີຍ ແຕ ຣາມິ່ຣ ອັນ ປັຣຄັນ ກະ ກວາຍ ແຕ ອິນໂຍ່ງ, ຍ່ອນ ເຢີງ ເຈົ້າຣາຊີ ປັຣຄັນ ຕະ ຣາມິ່ຣ ອໍ ກາເລີຍ ແຕ ອິນ ໂຍ່ງ. 7 ຄັນ ຣາມິ່ຣ ເຢີງ ເຈົ້າຣາຊີ ປັຣຄັນ ແຕ ອິນ ໂຍ່ງ ກ້ອຍ ລາ ອໍ ອິນແຍ່ະ ກະ ຕາ ເບີນ ແອີ ມວຍ ຣາມິ່ຣ ອິນເຕົ້າ, ເຢີງ ເຈົ້າຣາຊີ ຕາ ເບີນ ຕຸ່ຣ ປັຣ ຄັນ ນ້ອງ ອິນຕຸ່ນ ແອັນ. 8 ມາ ອັນ ເຮີມ ຕາ ເບີນ ປຍາຍົ ຢວາຣ ຣາມິ່ຣ ອັນ ປັຣຄັນ ກ້ອຍ, ຍ່ອນ ຕິ່ງ ປິ່ງ ປັຣນາຍ ເຢີງ ເຈົ້າຣາຊີ ແຕ ອິນແບີ ປາຍ:

"ເຕັ້ອໍ ຕາໄງ ອິນຕຸ່ນ, ເກົ້າ ອີ ປັຣຄັນ ລັຣ ກະ ກວາຍ ອິດຊະຣາ ເອລ, ກະ ກວາຍ ຢູຕາ ແຮີ.

9 ຣາມິ່ຣ ເກົ້າ ປັຣຄັນ ຕາໄມ ກ້ອຍ ລາ ຕາ ເບີນ ນ້ອງ ນະ ເກົ້າ ປັຣຄັນ ກະ ອາຈວາຍຣ ອາເຈ່ຣ ໄລ່ ແຕ ອິນໂຍ່ງ, ບ້ອງ ກາ ເກົ້າ ເຕີ ອາຕີ ເດີງ ອາຊວຍ ໄລ່ ລ້ອຣ ແຕ ກຣວາງ ເອຍິບ.

ຍ່ອນ ຣາມິ່ຣ ປັຣຄັນ ກ້ອຍ, ໄລ່ ຕາ ເບີນ ຕາປູ່ນ. ນະກ້ອຍ ເກົ້າ ຕາ ເບີນ ຣາມິ່ງ ນ້ອງ ກວາຍ ກ້ອຍ.'

ໄມ່ ລາ ປັຣນາຍ ເຢີງ ເຈົ້າຣາຊີ ປາຍ.

10 ມາ ເກົ້າ ເຢີງ ເຈົ້າຣາຊີ ປາຍ ແອັນ:

'ອິນຕຸ່ນ ໄມ່ ເກົ້າ ອີ ປັຣຄັນ ກະ ກວາຍ ອິດ ຊະຣາເອລ.

ມັຣ ຣາມິ່ຣ ເກົ້າ ປາຕັບ ໄລ່, ເກົ້າ ອີ ດໍອໍ ຕິ່ງ ຣາງິ່ຣ ໄລ່, ນະ ເກົ້າ ຄຽນ ດໍອໍ ຕິ່ງ ຣາງິ່ຣ ໄລ່.

ເກົ້າ ແກັດ ເຢີງ ເຈົ້າຣາຊີ ໄລ່, ກະ ໄລ່ ແກັດ ກວາຍ ເກົ້າ.

11 ຕາ ເບີນ ນ້ອງ ມານະ ອາຕີ ມານະ, ກະ ແຊມ ອາຍ ປາຕັບ ແຊມ ອາຍ, ປາຍ: "ອິງເຄາະ ເຢົ້າ ດັງ ເຢີງ ເຈົ້າຣາຊີ,"

ຍ່ອນ ໄລ່ ດັງ ອິນແຍ່ະ ເກົ້າ, ກາ ກວາຍ ກອນແຊມ ກາ ກວາຍ ຊົດ.

12 ເຈີ່ ເກົ້າ ອີ ຕັຣ ໄລ່ຍຣ ກວາຍ ໄລ່ຍຣ ກ້ອຍ, ກະ ເກົ້າ ຕາ ເບີນ ຊາແຍີ ນ້ອງ ມັຣ ໄລ່ຍຣ ໄລ່."

13 ແຕ້ອໍ ເຢີງ ເຈົ້າຣາຊີ ປາຍ ອັນ ປັຣຄັນ ຣາມິ່ ຣ ຕາໄມ ແອັນ, ຣາມິ່ຣ ອັນ ປັຣຄັນ ແຕ ອິນໂຍ່ງ ແກັດ ຕາ ເບີນ ແບຼງ ນ້ອງ. ກະ ຣາມິ່ຣ ຕຍາ ກາ ຕາ ເບີນ ແບຼງ ນ້ອງ, ລາ ແຈ່ະ ອີ ແກັດ ປິ່ດ.

### 9

ເຢີງ ເຈົ້າຣາຊີ ອາປັຣ ຣາມິ່ຣ ຕິ່ງ ມັນລ້ອງ

1 ຕາປູ່ນ ຕິ່ງ ຣາມິ່ຣ ເຢີງ ເຈົ້າຣາຊີ ປັຣຄັນ ອິນ ໂຍ່ງ, ລາ ເບີນ ຄານອດ ອິງເຄາະ ກວາຍ ຕາປູ່ນ ຄັນ ຢໍອໍ ອີ ຊາງ ເຢີງ ເຈົ້າຣາຊີ. ກະ ເບີນ ເຕ່ ດຸງ ຊາງ ອາຣີ ກວາຍ ອິດຊະຣາເອລ ຕະ. 2 ດຸງ ຊາງ ກ້ອຍ ເບີນ ບາຣ ກູງ. ກູງ ມວຍ ກ້ອຍ ເບີນ ຕາກຍາງ, ກະ ເບີນ ກາເຈີ່ງ ເມົ້າ ໂຈະ ໂດຍ ບຸຣ ມ່ອບ ຊາງ ໂອນ ເຢີງ ເຈົ້າຣາຊີ ກູງ ກ້ອຍ ເມົ້າ ດໍອໍ ກູງ ບຣັຣ ອໍ. 3 ມາ ຢໍຣ ກຣັອງ ອາຣີ ບາຣ ກ້ອຍ, ເບີນ ກູງ ເມົ້າ ດໍອໍ ກູງ ເຈຍ ບຣັຣ ອໍ. 4 ກູງ ກ້ອຍ ເບີນ ຊັນ ເຕຣືາງ ແຢງ ດໍອໍ ຈ້ອງ ທາຣິ່ງ ປາຣວມ, ກະ ເບີນ ມານໍາ ຮີ່ບ. ເມົ້າ ດໍອໍ ຮີ່ບ ກ້ອຍ ລາ "ຮີ່ບ ເຢີງ ເຈົ້າຣາຊີ ປັຣຄັນ." ຮີ່ບ ກ້ອຍ ເມົ້າ ລູ່ບ ອິນແຍ່ະ ແຢງ; ເຈີ່ ເມົ້າ ໂຈະ ຕິ່ງ ຮີ່ບ ກ້ອຍ ມານໍາ ໂອ ແຢງ ກາ ເບີນ ທາຣິ່ງ 'ມານາ' ມັຣ ເຢີງ ເຈົ້າຣາຊີ ແຈມ ໂອນ ໄລ່ ຈາ ບ້ອງ ກາ ໄລ່ ແອິດ ຕິ່ງ ອິນຕຸ ຕຍາຣ. ກະ ເມົ້າ ໂຈະ ເຕ່ ມານໍາ ຣາແລີງ ຄອງ ອາໂຣນ. ຣາ ແລີງ ກ້ອຍ ໄບອໍ ແກັດ ໂກຍົ ໂອນ ເມົ້າ ດັງ ປາຍ ເຢີງ ເຈົ້າຣາຊີ ຣຽຣ ອາໂຣນ. ກະ ເມົ້າ ໂຈະ ເຕ່ ມັຣ ຕາເປີງ ຕາເມົ້າ ກາ ເຢີງ ເຈົ້າຣາຊີ ຄຽນ ປັຣ ນາຍ ອັນ ປັຣຄັນ ກະ ໄລ່. 5 ຕິ່ງ ແປງ ຮີ່ບ ເບີນ

ບາຣ ລຳ ຮູບ 'ເຄຣູບ' ອາງອີຣ. \* ໄລ່ ແອັດ ແປງ ຮີບ ກ້ອຍ, ໄລ່ ດໍ ມົງ ມັນຕຸ ເປົາງ ຊານັງ ກະ ແມ່ ອາແຊງ ປໍ ອິນແຕິບ ຮີບ. ອິນແຕິບ ກ້ອຍ ເມົ້າ ດໍອໍ "ອິນຕຸ ເຢົາງ ເຈົາຣາຊີ ຕັຣ ໄລ່ຍຣ." ມາ ຊານໍ ຮິ ຕາ ເຕ່ອໍ ອາຕີ ຊາອິ່ຍ ແຕ ມັຣ ຣາມິ່ຣ ກ້ອຍ.

6 ແມ້ມ ເມົ້າ ກຽມ ອິນແຍ່ະ ມັຣ ຣາມິ່ຣ ກ້ອຍ, ມູ່ ກາ ຊາງ ຮິ່ດ ເຢົາງ ເຈົາຣາຊີ ມູ່ດ ລັອຣ ເລືອ ຍໆ ຕິ່ງ ກຸງ ມວຍ ດໍອໍ ຕະ ຣານະ ໄລ່. 7 ມາ ຕິ່ງ ກຸງ ບາຣ, ແອັງ ມານະ ກວາຍ ກາ ຕາລາ ອິນແຍ່ະ ແຕ ຮິ່ດ ຊາງ ເຢົາງ ເຈົາຣາຊີ ຊ້ອງ ເຕ່ອໍ ມູ່ດ. ອັນ ມູ່ດ ມວຍ ກູມໍ ມວຍ ເຮັບ, ກະ ອົງເຄາະ ອັນ ເດີງ ອາຣາມ ຊັນຕຣັ່ນ ມ່ອບ ແຊອໍ ໂອນ ເຢົາງ ເຈົາຣາ ຊີ ຕັຣ ໄລ່ຍຣ ອັນ ກະ ຕັຣ ໄລ່ຍຣ ອິນແຍ່ະ ມັຣ ກວາຍ ອັນ ແຮີ. 8 ເມົ້າ ຕະ ນະກ້ອຍ, ຍ່ອນ ຣາ ເວົ້າຍ ເຢົາງ ເຈົາຣາຊີ ຢິອໍ ອາປັຣ ໂອນ ກວາຍ ດົງ ລາ ກວາຍ ຕາ ເຕ່ອໍ ມູ່ດ ຢວາຣ ຕິ່ງ ອິນຕຸ ເຢົາງ ເຈົາຣາຊີ ແອັດ ບັອງ ອິນນ້ອງ ເບີນ ດຸງ ຊາງ ກ້ອຍ.

9 ມາ ດຸງ ກ້ອຍ ລາ ຕະ ໂອນ ກວາຍ ຕິ່ງ ແດີຍ ກ້ອຍ ດົງ ເມົ້າ ທົ່ຍ ກຍາກ ຊັນຕຣັ່ນ ກະ ຊາງ ທາຣິ່ງ ກາ ນໍອໍ ແຮີ ຕິ່ງ ກ້ອຍ, ມາ ມັຣ ຮິ່ດ ເມົ້າ ຕະ ກ້ອຍ ຕາ ເຕ່ອໍ ຈ່ອຍ ຣາງິຣ ໄລ່ ແກັດ ປຍາຍ. 10 ມັຣ ຮິ່ດ ກ້ອຍ ອາຕີ ແຕ ຊັຣນາ ຈາ, ແດີອໍ ຈ່ອຍ, ກະ ຮິ່ດ ຕະ ບຣັຣ. ອິນແຍ່ະ ມັຣ ຣາມິ່ຣ ກ້ອຍ ອາຕີ ແຕ ຈະ ກວາຍ ຊ້ອງ, ກະ ເຢົາງ ເຈົາຣາຊີ ປາຕັບ ອົງ ເຄາະ ຕະ ມັຣ ຮິ່ດ ກ້ອຍ ເຕົ້າ ແຕ່ອໍ ອັນ ຕະ ໂອນ ແກັດ ແດີຍ ຕາໄມ ແອັນ.

ເຢຊູ ມ່ອບ ຊາງ ຈະ ອັນ ເບີນ

11 ມາ ບັອງ ກາ ເຢຊູ ກຣິດ ແຕ່ອໍ, ອັນ ແກັດ ກວາຍ ຕາລາ ອິນແຍ່ະ ແຕ ຮິ່ດ ຊາງ ເຢົາງ ເຈົາຣາ ຊີ, ກະ ອັນ ເດີງ ມັຣ ຣາມິ່ຣ ອໍ ເຢົາງ ເຈົາຣາຊີ ຈ່ອຍ ໂອນ ໄຣ. ອັນ ຕະ ຣານະ ຕິ່ງ ດຸງ ຊາງ ປິດ ກາເລີຍ ກະ ອໍ ກາເລີຍ ແຕ ດຸງ ຊາງ ຕິ່ງ ແດີຍ ໄມ່. ດຸງ ຊາງ ອັນ ລາ ຕາ ແກັນ ດຸງ ຊາງ ກວາຍ ຕະ. 12 ເຢຊູ ຊາງ ຮິ່ດ ເຢົາງ ເຈົາຣາຊີ, ລາ ອັນ ມູ່ດ ເລີ່ຍ ປໍ ອິນ ຕຸ ເຢົາງ ເຈົາຣາຊີ ແອັດ. ອັນ ຕາ ເບີນ ເດີງ ອາຣາມ ອິມແບອໍ ກະ ຕາແກງ, ມາ ອັນ ເດີງ ອາຣາມ ອັນ ເບີນ. ເຈ້ ອັນ ຕະ ໂອນ ເຕ່ອໍ ກວາຍ ແກັດ ຣາກູ້ຣ ແຕ ໄລ່ຍຣ ໄລ່ ຊົດ ແດີຍ ເລີ່ຍ ກູມໍ. 13 ເມົ້າ ທົ່ຍ ປາຣິຣ ອາຣາມ ອິມແບອໍ ກະ ຕາແກງ ທູນ ຕິ່ງ ຈະ ກວາຍ ກາ ຕາ ເບີນ ບຣັຣ ປວາຍ ຮິ່ດ. ແຕີລາ ໄລ່

ເຢີຍ ບັອຣ ແຕ ຕາແກງ ຕາເຊີ ຕິ່ງ ຈະ ກວາຍ. ຕະ ນະກ້ອຍ ລາ ນະ ເມົ້າ ຕະ ໂອນ ກວາຍ ກ້ອຍ ແກັດ ປຍາຍ ລັຣ. 14 ມາ ຄັນ ອາຣາມ ກ້ອຍ ເຕ່ອໍ ໂອນ ກວາຍ ແກັດ ບຣັຣ ລັຣ ຢິຣ ເມົ້າ ເຢົາງ ເຈົາຣາຊີ, ກາເລີຍ ແຕ ກ້ອຍ ແອັນ ເຕ່ອໍ ອາຣາມ ເຢຊູ ກຣິ ດ ຕະ ໂອນ ຣາງິຣ ເຢົາ ແກັດ ບຣັຣ ລັຣ. ຍ່ອນ ແຕ ຣາເວົ້າຍ ເຢົາງ ເຈົາຣາຊີ, ມານະ ກາ ຕາ ເບີນ ໄລ່ຍຣ ອິນເຕົ້າ ເລີ່ຍ, ອັນ ຊາງ ຈະ ອັນ ເບີນ ໂອນ ເຢົາງ ເຈົາຣາຊີ. ນະກ້ອຍ ເຕ່ອໍ ຣາງິຣ ເຢົາ ແກັດ ບຣັຣ ລັຣ ດໍອໍ ເຕ່ອໍ ຕະ ຣານະ ເຢົາງ ເຈົາຣາຊີ.

15 ເຢຊູ ກຣິດ ລາ ນະ ກວາຍ ປັຣແຕ່ອໍ ປັຣ ນາຍ. ອັນ ເດີງ ປັຣນາຍ ຕາໄມ ເຢົາງ ເຈົາຣາຊີ ປັຣຄັນ ກະ ກວາຍ. ເຈ້ ເຕ່ອໍ ໄລ່ ກາ ເຢົາງ ເຈົາຣາ ຊີ ຮຽຮ ເບີນ ມັຣ ມູ່ນ ອັນ ປຣ່ອມ ຈ່ອຍ ໄລ່ ຊົດ ແດີຍ ເລີ່ຍ ກູມໍ. ໄລ່ ເຕ່ອໍ ເບີນ ມູ່ນ ກ້ອຍ, ລາ ຍ່ອນ ເບີນ ກວາຍ ກູຈິດ ຕາງ ໄລ່ ໂອນ ເຢົາງ ເຈົາຣາ ຊີ ເຕ່ອໍ ຕັຣ ມັຣ ໄລ່ຍຣ ໄລ່ ຕະ ເຈ້ ໂຈະ ປັຣຄັນ ຕຍາ. 16 ຄັນ ເບີນ ກວາຍ ຕະ ເຈຍ ອິມແປອໍ ມູ່ນ ອັນ ແວັດ ອັນ ກູຈິດ, ຕາ ເຕ່ອໍ ຕະ ອິນເຕົ້າ ຢວາຣ ເຈຍ ກ້ອຍ ບັອງ ກາ ກວາຍ ກ້ອຍ ອິນນ້ອງ ອາມົ່ງ. 17 ອົງເຄາະ ເມົ້າ ດົງ ໄກຣ ລາລີ່ ກວາຍ ກ້ອຍ ກູ ຈິດ, ນະ ເຕ່ອໍ ເມົ້າ ອິມແປອໍ ມູ່ນ ກ້ອຍ. 18 ມູເຈິງ ກ້ອຍ ເຕ່, ຣາມິ່ຣ ເຢົາງ ເຈົາຣາຊີ ປັຣຄັນ ແຕ ອິນ ໂຍ່ງ, ອົງເຄາະ ເບີນ ເຕ່ ອາຣາມ, ນະ ເຕ່ອໍ ຣາມິ່ຣ ກາ ເອີອໍ ກ້ອຍ ແກັດ ປຍາຍ. 19 ແວັດ ໂມເຊ ອາຕີ ອິນແຍ່ະ ມັຣ ຣາມິ່ຣ ເຢົາງ ເຈົາຣາຊີ ປາຕັບ ກວາຍ ອິດຊະຣາເອລ, ເຈ້ ອັນ ອິດ ອາຣາມ ຕາແກງ ກະ ອາຣາມ ອິມແບອໍ ກັຣຈຸ ກະ ແດີອໍ. ອັນ ອິດ ມວຍ ຣາມິ່ຣ ບັດ ເມົ້າ ດໍອໍ 'ຮູຊັບ,' ກະ ໂຈະ ອິນໄຊ ກູເຊົາ ຕະ ແຕ ໂຊະ ແກະ. ເຈ້ ອັນ ປາຣິຣ ອາຣາມ ກ້ອຍ ຕິ່ງ ເຈຍ ປານອມ ຄານອດ ກະ ຕິ່ງ ອິນແຍ່ະ ກວາ ຍ ກ້ອຍ. ກະ ອັນ ອາຕີ ປາຍ: 20 "ອາຣາມ ໄມ່ ຕະ ໂອນ ແກັດ ຣາປຍາຍ ກະ ຣາມິ່ຣ ເຢົາງ ເຈົາຣາ ຊີ ປັຣຄັນ ກະ ເຢົາ."

21 ມູເຈິງ ກ້ອຍ ເຕ່, ໂມເຊ ປາຣິຣ ອາຣາມ ຕິ່ງ ດຸງ ຊາງ ອາຣິ ກະ ຕິ່ງ ອິນແຍ່ະ ທາຣິ່ງ ຕາແດັງ ຕິ່ງ ດຸງ ຊາງ ກ້ອຍ. 22 ໄກຣ ລາລີ່, ຕາປູນ ຄາ ນອດ ກ້ອຍ, ມັນ ກູ່ ຣາມິ່ຣ ລາ ອົງເຄາະ ຕະ ບຣັຣ ຍ່ອນ ອາຣາມ, ກະ ຄັນ ຕາ ເບີນ ໂອນ ອາຣາມ, ຕາ ເຕ່ອໍ ຕັຣ ໄລ່ຍຣ. 23 ນະກ້ອຍ ມັຣ ຣາມິ່ຣ ກາ ເມົ້າ ດວຍ ມັຣ ຣາມິ່ຣ ຕິ່ງ ມັນລ່ອງ, ອົງເຄາະ

\* 9:5 9:5 ເຄຣູບ ໄມ່ ລາ ມວຍ ຣາມິ່ຣ ເທວາດາ ກາ ຕະ ມັຣ ຣານະ ອິມພາ ນະ ເຢົາງ ເຈົາຣາຊີ ແປຣີ.

ເມົ້າ ຕະ ບຣັຮ ຕາປູນ ຮິດ ກ້ອຍ. ມາ ມັຮ ຮາມິ້ຮ ຕຶ້ງ ມັນລ້ອງ ອົງເຄາະ ເປັນ ຫຣື່ງ ຊາງ ອໍ ກາເລີຍ ແຕ ຫຣື່ງ ໄມ່. <sup>24</sup> ມະກ້ອຍ ເຢຊູ ກຣິດ ຕາ ເປີ ນ ມູ່ດ ຕຶ້ງ ດຸງ ຊາງ ກວາຍ ຕະ, ຍ່ອນ ດຸງ ກ້ອຍ ເມົ້າ ຕະ ດວຍ໌ ມະ ດຸງ ເຢັງ ເຈົ້າຮາຊີ ແອິດ ລີ່. ມາ ເຢຊູ ມູ່ດ ຕຶ້ງ ມັນລ້ອງ ກະ ແອິດ ອົງກ້ອຍ ຊານໍ່, ດໍອໍ ປຣແຕ້ອໍ ປຣນາຍ ຈ່ອຍ ໄຮ ຍິ່ຮ ເມັງ ເຢັງ ເຈົ້າຮາຊີ. <sup>25</sup> ອັນ ກາ ຕາລາ ອິນແຍະ ແຕ ຮິດ ຊາງ ເຢັງ ເຈົ້າຮາຊີ ຕາປູນ ຕຶ້ງ ຄານອດ ກວາຍ ອິດຊະ ຮາເອລ, ອັນ ຫີ່ຍ ມູ່ດ ກູ່ ກູມໍ ຕຶ້ງ ອິນຕຸ ເຢັງ ເຈົ້າຮາຊີ ແອິດ, ເດັງ ອາມູ່ດ ກາ ອາຮາມ ຊັນຕຣັ້ນ ແຮີ. ມາ ເຢຊູ ຕາ ເປີນ ອາມູ່ດ ຫຣື່ງ ຊາງ ຊາອິ່ຍ ເຮັບ ມະ ກ້ອຍ. <sup>26</sup> ຄັນ ຕະ ມະກ້ອຍ, ອົງເຄາະ ອັນ ຈິວ ກູຈິດ ຊາອິ່ຍ ເຮັບ ເຈີ່ ແຕ ຕາໄງ ເຢັງ ເຈົ້າຮາ ຊີ ແຕງ ມັນລ້ອງ ກູແຕອໍ. ມາ ຊານໍ່ ອັນ ແຕ້ອໍ ມວຍ ເຮັບ ລາ ກູ່ ເຈີ່, ບັອງ ກາ ແຈະ ອີ ອິນແຍະ ແດັຍ ໄມ່. ອັນ ອາປິດ ອິນແຍະ ມັຮ ໂລ່ຍຮ ກວາ ຍ, ຍ່ອນ ອັນ ມ່ອບ ຊາງ ຈະ ອັນ ເປີມ. <sup>27</sup> ກູ ມະ ກວາຍ ເຢັງ ເຈົ້າຮາຊີ ມັດ ດໍອໍ ມວຍ ເຮັບ ຊ້ອງ ອົງເຄາະ ກູຈິດ. ກະ ແວັດ ກ້ອຍ ເຢັງ ເຈົ້າຮາຊີ ຕັດຊິນ ລັຮ ໄລ່. <sup>28</sup> ມູເຈັງ ກ້ອຍ ແຕ່ ເຢຊູ ກຣິດ ກູຈິດ ຊາງ ຈະ ອັນ, ລາ ມວຍ ເຮັບ ຊ້ອງ. ປຣແມີ ມັນເຕຣີ ອັນ ແຕ້ອໍ ລັຮ ມວຍ ເຮັບ ແອັນ. ມາ ເຮັບ ກ້ອຍ ອັນ ຕາ ເປີນ ຕາງ ນ້ອງ ໂລ່ຍຮ ກວາ ຍ, ມາ ອັນ ອີ ຈ່ອຍ ອາມໍ່ ໄລ່ ກາ ອົງກ່ອງ ອັນ.

### 10

ຄານອດ ຕຍາ ລາ ມະ ມູ່ລ ຊ້ອງ  
<sup>1</sup> ຄານອດ ເຢັງ ເຈົ້າຮາຊີ ອາຕີ ຮານາ ໂມເຊ ລາ ມະ ມູ່ລ ຊ້ອງ, ຍິອໍ ອາຕີ ແຕ ຮາມິ້ຮ ອໍ ກາ ແຕ້ອໍ ປຣແມີ ມັນເຕຣີ. ມາ ຄານອດ ກ້ອຍ ຕາ ເປີນ ເປີນ ຮາມິ້ຮ ອໍ ກ້ອຍ. ມະກ້ອຍ ມັຮ ຫຣື່ງ ເມົ້າ ມ່ອບ ຊາງ ກູ່ ກູມໍ ຕາປູນ ຄານອດ ກ້ອຍ ຕາ ແຕ້ອໍ ຕະ ໂອນ ໄລ່ ກາ ຍິອໍ ອີ ແຕ້ອໍ ປິ ເຢັງ ເຈົ້າຮາ ຊີ ແກັດ ປຍາຍ໌ ອິນແຍະ. <sup>2</sup> ຄັນ ມັຮ ຫຣື່ງ ເມົ້າ ມ່ອບ ຊາງ ກ້ອຍ ແຕ້ອໍ ຕະ ໂອນ ອິນແຍະ ມັຮ ກວາ ຍ ກາ ຊາງ ເຢັງ ເຈົ້າຮາຊີ ແກັດ ບຣັຮ ອໍ, ເຈີ ກວາ ຍ ກ້ອຍ ຕາ ເປີນ ຊ້ອງ ໂລ່ຍຮ ນ້ອງ, ກະ ຕາ ເປີນ ຕຸ່ຮ ມ່ອບ ຊາງ ລັຮ ນ້ອງ. <sup>3</sup> ມາ ກູ່ ກູມໍ ໄລ່ ມ່ອບ ເລືອຍໆ ມະ ໄລ່ ຊາແຍີ ເລືອຍໆ ມັຮ ໂລ່ຍຮ ໄລ່ ຕະ, <sup>4</sup> ຍ່ອນ ອາຮາມ ຕາແກງ ກະ ອິມແບອໍ ລາ ຕາ ຫີ່ຍ ແຕ້ອໍ ອາປິດ ໂລ່ຍຮ ກວາຍ.

<sup>5</sup> ຍ່ອນ ມະກ້ອຍ, ພໍກາ ເຢຊູ ກຣິດ ແຕ້ອໍ ປິ ກູ ແຕອໍ ໄມ່ ອັນ ອາຕີ ໂຈະ ເຢັງ ເຈົ້າຮາຊີ ປາຍ:  
 "ໄມ່ ຕາ ແອອໍ ໂອນ ເມົ້າ ກຍາກ ຊັນຕຣັ້ນ ກະ ມ່ອບ ຫຣື່ງ ການໍ່ອໍ ແຮີ ໂອນ ໄມ່.  
 ມາ ໄມ່ ກຽມ ດໍອໍ ເຈີ່ ໂອນ ເກົາ ແກັດ ຈະ ກວາຍ.  
<sup>6</sup> ໄມ່ ຕາ ເປີນ ຊ້ອງ ຮໍອໍ ເມົ້າ ບຸຮ ຊັນຕຣັ້ນ ກະ ຊາງ ຫຣື່ງ ດໍອໍ ອາປິດ ໂລ່ຍຮ.  
<sup>7</sup> ເຈີ່ ເກົາ ປາຍ: 'ເກົາ ແຕ້ອໍ ປິ ໄມ່ ເຈີ່, ຍິອໍ ອີ ຕາປູນ ຮາງິ່ຮ ໄມ່, ເຢັງ ເຈົ້າຮາຊີ ເອີຍ!  
 ເມົ້າ ຄຽນ ເຈີ່ ແຕ ເກົາ ຕະ ຮານະ ໄມ່ ຕຶ້ງ ເຈຍ ປານອມ ປຣນາຍ ເຢັງ ເຈົ້າຮາ ຊີ.'"
   
<sup>8</sup> ອານໍ່ ໄຮ ຊ້ອງ ເຢຊູ ກຣິດ ປາຍ: "ໄມ່ ຕາ ແອອໍ ເມົ້າ ກຍາກ ຊັນຕຣັ້ນ ກະ ມ່ອບ ຫຣື່ງ ການໍ່ອໍ ແຮີ, ແຕ້ລາ ບຸຮ ຊັນຕຣັ້ນ ກະ ຊາງ ຫຣື່ງ ດໍອໍ ອາ ປິດ ໂລ່ຍຮ ຍ່ອນ ໄມ່ ຕາ ເປີນ ຮໍອໍ ມັຮ ຮາມິ້ຮ ກ້ອຍ." ມາ ຄານອດ ອິດຊະຮາເອລ ປາຕັບ ອົງ ເຄາະ ຕະ ມະກ້ອຍ.  
<sup>9</sup> ເຈີ່ ເຢຊູ ປາຍ ແອັນ: "ເກົາ ແຕ້ອໍ ປິ ໄມ່ ຍິອໍ ອີ ຕາປູນ ຮາງິ່ຮ ໄມ່ ເຢັງ ເຈົ້າຮາຊີ ເອີຍ."  
 ມະກ້ອຍ ໄຮ ດັງ ເຢັງ ເຈົ້າຮາຊີ ປຽນ ຮານະ ມ່ອບ ຊາງ ຕຍາ, ເຈີ່ ເດັງ ຮານະ ມ່ອບ ຊາງ ຕາໄມ ແອັນ. <sup>10</sup> ຍ່ອນ ເຢັງ ເຈົ້າຮາຊີ ຊ້ອງ ຍິອໍ, ອັນ ຕະ ໂອນ ໄຮ ແກັດ ບຣັຮ ອໍ ຍິ່ຮ ເມັງ ອັນ, ຍ່ອນ ເຢຊູ ກຣິດ ກູຈິດ ຕາງ ໄຮ ມວຍ ເຮັບ ກ້ອຍ ແຕ້.  
<sup>11</sup> ກູ່ ມະ ກວາຍ ກາ ຊາງ ຮິດ ເຢັງ ເຈົ້າຮາຊີ ຕາປູນ ຄານອດ ອິດຊະຮາເອລ, ອັນ ຕະ ເລືອຍໆ ກູ່ ຮາໄງ, ກະ ອັນ ມ່ອບ ຊາງ ເລືອຍໆ ຫຣື່ງ ໂອນ ເຢັງ ເຈົ້າຮາຊີ, ມາ ຫຣື່ງ ກ້ອຍ ຕາ ຫີ່ຍ ແຕ້ອໍ ອາ ປິດ ໂລ່ຍຮ ກວາຍ. <sup>12</sup> ມາ ກວາຍ ໄມ່, ອັນ ມ່ອບ ມວຍ ເຮັບ ກ້ອຍ ແຕ້, ດໍອໍ ແຕ້ອໍ ອາປິດ ໂລ່ຍຮ ຕຶ້ງ ກູ່ ແດັຍ ກວາຍ. ແວັດ ກ້ອຍ ອັນ ຕາກູ ຍິ່ຮ ອາຕາ ເຢັງ ເຈົ້າຮາຊີ. <sup>13</sup> ອັນ ຕາກູ ອົງກ້ອຍ, ຫຣາະ ເຢັງ ເຈົ້າຮາຊີ ຕະ ໂອນ ກູ່ ຮາມິ້ຮ ກາ ຕາ ແອອໍ ຊາງັດ ອັນ, ແອິດ ປິ່ນ ຕາລາງ ອາເຢັງ ອັນ.  
<sup>14</sup> ອັນ ມ່ອບ ຊາງ ມວຍ ເຮັບ ກ້ອຍ, ລາ ອັນ ຕະ ໂອນ ກວາຍ ຊາອາ ຊົດ ກຣວາງ ກູແຕອໍ ແກັດ ປ ຍາຍ໌ ຍິ່ຮ ເມັງ ເຢັງ ເຈົ້າຮາຊີ. <sup>15</sup> ກະ ຮາເວີຍ ເຢັງ ເຈົ້າຮາຊີ ແຮີ ອາຕີ ແຕ ຮານະ ກ້ອຍ. ອັນ ປາຍ ອິນໂຍ່ງ:



16 "ເຢີງ ເຈົ້າຮາຊີ ປາຍ: 'ປັຣແນີ ມັນເຕຣີາ ແອັນ ທົ້າ ປັຣຄັນ ກະ ໄລ່.

ມັຣ ຣາມິ້ຣ ທົ້າ ປາຕັບ ໄລ່, ລາ ນະ ທົ້າ ຄຽນ ຕຶງ ຮາງິ້ຣ ໄລ່ ແຕ້.'"

17 ເຈີ້ ອັນ ປາຍ ແອັນ: "ທົ້າ ຕາ ເບີນ ຊາແຍີ ນ້ອງ ມັຣ ໄລ່ຍຣ ກະ ຣານະ ຕາ ອໍ ໄລ່ ຕະ ເຈີ້."

18 ຄັນ ເຢີງ ເຈົ້າຮາຊີ ຕັຣ ໄລ່ຍຣ ເຈີ້, ຕາ ເບີນ ຕຸ່ຣ ກຍາກ ນ້ອງ ຊັນຕຣັນ ແຊອ ເຢີງ ເຈົ້າຮາຊີ ຕັຣ ໄລ່ຍຣ.

ໄຮ ແຕ້ອ ປີ ເຢີງ ເຈົ້າຮາຊີ

19 ເຈີ້, ແຊມອາຍ ເອີຍ, ເຕ່ອ ໄຮ ແກັດ ຍັນ ລາ ລີ້. ໄຮ ມູ່ດ ຕຶງ ອິນຕຸ ເຢີງ ເຈົ້າຮາຊີ ແອັດ, ລາ ຍ່ອນ ແຕ ອາຮາມ ເຢຊູ ກຣິດ. 20 ອັນ ເປັຣ ຣາ ມາ ຕາໄມ, ຣານາ ອາມິ່ງ, ໂອນ ເຕ່ອ ໄຮ ມູ່ດ ປີ ອິນຕຸ ກາ ເຢີງ ເຈົ້າຮາຊີ ແອັດ, ຍ່ອນ ອັນ ໂອນ ແກັດ ຣາແຣອ ຈະ ອັນ, ມູເຈິງ ອາຣີ ກາຕັງ ອິນ ຕຸ ກ້ອຍ ແກັດ ຣາແຣອ ເຕ່. 21 ໄຮ ເບີນ ກວາຍ ຊາງ ຮິ່ດ ເຢີງ ເຈົ້າຮາຊີ ກາ ປິ່ດ ລາລີ້. ອັນ ຊົດ ອິນແຍ່ະ ຕຶງ ດຸງ ຊາງ ເຢີງ ເຈົ້າຮາຊີ ຕຶງ ມັນລ້ອງ. 22 ນະກ້ອຍ ອິງເຄາະ ໄຮ ແຕ້ອ ປີ ເຢີງ ເຈົ້າຮາຊີ, ເບີນ ຮາງິ້ຣ ຕານ້ອງ ກະ ຊາອໍາ ກຣັກ ລາລີ້. ຮາງິ້ຣ ໄຮ ແກັດ ບຣັຣ ເຈີ້, ຕາ ເບີນ ຊ້ອງ ໄລ່ຍຣ ນ້ອງ, ມູເຈິງ ຈະ ໄຮ ລາ ບຣັຣ ເຕ່, ຍ່ອນ ໄຮ ອິມເປີຍ ຕຶງ ແດັອ ບຣັຣ. 23 ອິງເຄາະ ໄຮ ຢຸມ ເລືອຍໆ ມັຣ ຣາມິ້ຣ ໄຮ ອິງກ່ອງ ແຕ ເຢີງ ເຈົ້າຮາຊີ. ຍ່ອນ ໄຮ ດັງ ອັນ ກາ ເອີອ ກະ ໄຮ ລີ້ ອັນ ຕະ. 24 ກະ ອິງເຄາະ ໄຮ ມານະ ຈ່ອຍ ມານະ ໂອນ ເບີນ ຮາງິ້ຣ ອາໂຢະ ກະ ຕະ ຣານະ ອໍ. 25 ເຍົາ ອິງເຄາະ ໂຣມ ມັນຕຸ, ອິນໂຈຍ ກັຣຍັຣ ນະ ກວາຍ ການໍອ ຕະ. ກະ ອິງເຄາະ ເຍົາ ປາໄຣ່ຣ ລາລີ້ ມານະ ປັຣຕີ້ ມານະ ເດິງ ຕະ ຣານະ ອໍ, ຍ່ອນ ເຍົາ ເຮີມ ແຈ່ະ ອີ ແຕ້ອ ຕາໄງ ປັຣຊົດ.

26 ຄັນ ເບີນ ກວາຍ ອາແລະ ຮັບ ເຈີ້ ປັຣນາຍ ປຍາຍ ແຕ ເຢີງ ເຈົ້າຮາຊີ, ມາ ອັນ ກຸດ ເລືອຍໆ ຕະ ຣານະ ຕາ ປຍາຍ, ຕາ ເບີນ ຣາມິ້ຣ ອິນເຕົ້າ ເຕ່ອ ຕະ ໂອນ ປິ່ດ ໄລ່ຍຣ ກວາຍ ກ້ອຍ. 27 ມາ ກວາຍ ກ້ອຍ ແອັດ ເກຣ່າະ ເລືອຍໆ ຕາໄງ ເຢີງ ເຈົ້າຮາຊີ ຕັດຊິນ ກວາຍ, ກະ ໂອນ ອັນ ເປາະ ປີ ອິນຕຸ ອຸ່ຍ ເປີ ຮາງ ລາລີ້. ອິນແຍ່ະ ມັຣ ກວາຍ ກາ ຕາ ແອອ ຊາງັດ ເຢີງ ເຈົ້າຮາຊີ ອິງເຄາະ ແອັດ ຕຶງ ອິນຕຸ ກ້ອຍ. 28 ກວາຍ ອາແລະ ມາ ຕາ ເບີ

ນ ຊາງັດ ຄານອດ ໂມເຊ ອາຕີ, ເມົ້າ ກາຈິດ ກວາຍ ກ້ອຍ, ເມົ້າ ຕາ ເບີນ ດໍອ ນ້ອງ. ຄັນ ເບີນ ບາຣ ໄປ ນະ ປາຍ ໄລ່ ເຮີມ ເຕ່ ອັນ ຕະ ໄລ່ຍຣ, ເຈີ້ ເມົ້າ ກາ ຈິດ ແຕ້. 29 ຄັນ ນະກ້ອຍ, ມານະ ເຍົາ ຄິ່ດ ປຍາຍ ເມົ້າ ຕະ ໂຈະ ກວາຍ ກາ ຊາເຕົ້າຍ ລໍປີ ກອນ ເຢີງ ເຈົ້າຮາຊີ? ກວາຍ ກ້ອຍ ຄິ່ດ ອາຮາມ ເຢຊູ ກຣິດ ຕາ ເບີນ ອໍ ອິນເຕົ້າ. ມາ ອາຮາມ ກ້ອຍ ແຕ້ ຕະ ໂອນ ເຕ່ອ ເຢີງ ເຈົ້າຮາຊີ ປັຣຄັນ ອັນ ອີ ຣາຕອຍ ກະ ໄຮ. ກະ ກວາຍ ກ້ອຍ ພາມາດ ຣາເວີຍ ເຢີງ ເຈົ້າຮາຊີ ກາ ຈ່ອຍ ເມັດ ໄຮ. ເຢີງ ເຈົ້າຮາຊີ ຕະ ກວາຍ ກ້ອຍ ອິນຕ້ອງ ກາເລີຍ ແອັນ. 30 ໄຮ ດັງ ເຈີ້ ອັນ ກາ ປາຍ:

"ທົ້າ ໄມ່ ແຕ້ ກູລັຣ ທົ້າ ມັຣ ຣານະ ໄລ່ ຕະ."

ກະ ເມົ້າ ປາຍ ແອັນ ນະໄມ່:

"ເຢີງ ເຈົ້າຮາຊີ ຕັດຊິນ ກວາຍ ອັນ."

31 ກັດ ລາລີ້ ໂອນ ກວາຍ ກ້ອຍ ແຕ້ອ ປີ ອາຕີ ເຢີງ ເຈົ້າຮາຊີ, ລາ ເຢີງ ອາມິ່ງ.

32 ໂອນ ເຍົາ ຊາແຍີ ມັຣ ຕາໄງ ອິນໂຢ່ງ ກ້ອຍ ບ້ອງ ກາ ເຍົາ ຕາແປີ ຊາອໍາ, ກະ ປັງ ແຕ ເຢີງ ເຈົ້າຮາຊີ ປາເລີງ ເຈີ້ ຕຶງ ຮາງິ້ຣ ເຍົາ. ເມົ້າ ຕະ ຊາ ອິ້ຍ ລາລີ້ ຣາມິ້ຣ ຕຸ່ຣ ກັດ ໂຈະ ເຍົາ, ມາ ເຍົາ ອິນ ນ້ອງ ແອັດ ຊາເບີງ ອໍ. 33 ເບີນ ເມົ້າ ພາມາດ ກະ ຕະ ເຍົາ ຍິ່ຣ ເມີງ ກວາຍ ກຶ່ງ. ກະ ເບີນ ເມົ້າ ຕະ ເຍົາ ເຍົາ, ມາ ເຍົາ ປຣອມ ຈິວ ມັນຕຸ ກະ ເຍົາ ເຕ່.

34 ເຍົາ ຊ້ອງ ອາໂຢະ ຈ່ອຍ ມັຣ ກວາຍ ກາ ເມົ້າ ໂກບ ໂຈະ ຕຶງ ກໍ່ອ. ກະ ແຕ້ອ ເມົ້າ ຕາລຸຣ ອິນແຍ່ະ ເກຣິ່ງ ເກຣົາ ເຍົາ, ເຍົາ ຊ້ອງ ຮໍອ ບູຍ, ຍ່ອນ ເຍົາ ດັງ ເຍົາ ເບີນ ຕຶງ ມັນລ້ອງ ເກຣິ່ງ ອໍ ກາເລີຍ, ກະ ເກຣິ່ງ ກ້ອຍ ເມົ້າ ຕາ ເຕ່ອ ຕາລຸຣ. 35 ນະກ້ອຍ ເຍົາ ອິນໂຈຍ ຕັຣ ຮາງິ້ຣ ຊາອໍາ ນະ ເຍົາ ເບີນ ແຕ ອິນໂຢ່ງ, ຍ່ອນ ຮາງິ້ຣ ກ້ອຍ ເບີນ ທົ້າ ຊາອິ້ຍ ລາ ລີ້ ໂອນ ເຍົາ. 36 ອິງເຄາະ ເຍົາ ຈິວ ເລືອຍໆ, ເຈີ້ ແວັດ ເຍົາ ຕະ ອິນແຍ່ະ ມັຣ ຣາມິ້ຣ ເຢີງ ເຈົ້າຮາ ຊີ ຍິ່ອ ເຍົາ ຕະ, ອັນ ໂອນ ຣາມິ້ຣ ອໍ ກາ ອັນ ເອີອ ເຈີ້. 37 ປັຣນາຍ ເຢີງ ເຈົ້າຮາຊີ ປາຍ:

"ອິນນ້ອງ ປີ່ອ ຕາໄງ, ອັນ ກາ ປາຍ ແຕ້ອ, ອັນ ແຕ້ອ.

ອັນ ຕາ ເບີນ ເກຣາະ ນ້ອງ.

38 ກວາຍ ຕານ້ອງ ອໍ ແກັດ ອາມິ່ງ ຍ່ອນ ອັນ ຊາອໍາ.

ມາ ຄັນ ກວາຍ ອາແລະ ກັຣລູນ ລັຣ ປີ ກຣ້ອງ, ທົ້າ ຊ້ອງ ຕາ ແອອ ນ້ອງ ກວາຍ ກ້ອຍ."

39 ມາ ໄຮ ລາ ຕາ ເບີນ ນະ ກວາຍ ກາ ກັຣລູນ ລັຮ ປີ ກັຣອງ, ເຈີ່ ເຢີງ ເຈົ້າຣາຊີ ຕັຮ ໄລ່. ໄຮ ລາ ກວາຍ ກາ ຊາອຳ ເລືອຍໆ, ເຈີ່ ຣາເວີ້ຍ ໄຮ ແກັດ ອາ ມັງ ເລືອຍໆ.

### 11

ມັຮ ກວາຍ ກາ ຊາອຳ ແຕ ອິນໂຍ່ງ

1 ໄຮ ຊາອຳ ລາ ນະ ໄຮ ເບີນ ເຈີ່ ມັຮ ຣາມິ້ຮ ກາ ໄຮ ອີງກ່ອງ, ນະ ໄຮ ເຮີມ ເຈີ່ ມັຮ ຣາມິ້ຮ ໄຮ ຕາ ຢວາຣ ເຮີມ. 2 ມັຮ ກວາຍ ແຕ ອິນແປ້ ກາ ຊາອຳ ເຢີງ ເຈົ້າຣາຊີ, ອັນ ປາຍ ອໍ ກວາຍ ກ້ອຍ.

3 ຍ່ອນ ໄຮ ຊາອຳ, ໄຮ ດັງ ເຢີງ ເຈົ້າຣາຊີ ແຕງ ມັນລ້ອງ ກູແຕອໍ ລາ ຍ່ອນ ແຕ ປັຣນາຍ ອັນ ປາຍ. ນະກ້ອຍ, ເຢີງ ເຈົ້າຣາຊີ ແຕງ ມັຮ ຣາມິ້ຮ ໄຮ ເຮີມ ກະ ຣາມິ້ຮ ໄຮ ຕາ ເຕອໍ ເຮີມ.

4 ຍ່ອນ ອາເບລ ຊາອຳ, ອັນ ມ່ອບ ຊາງ ໂອນ ເຢີງ ເຈົ້າຣາຊີ ແກຣັງ ອໍ ກາເລີຍ ແຕ ກາອິນ ຊາງ. ນະກ້ອຍ ເຢີງ ເຈົ້າຣາຊີ ປາຍ ອາເບລ ລາ ກວາຍ ຕາມ້ອງ ອໍ, ຍ່ອນ ອັນ ເຮີມ ປຍາຍໍ ແກຣັງ ອາເບລ ຊາງ. ນະກ້ອຍ ອາເບລ ກູຈິດ ດຸ່ນ ເຈີ່, ມາ ນະ ອັນ ອິນນ້ອງ ອາຕີ ໄຮ.

5 ຍ່ອນ ເອນົກ ຊາອຳ, ເຢີງ ເຈົ້າຣາຊີ ປາໂຣນ ອັນ ໂອນ ອັນ ຕາ ເບີນ ກູຈິດ. ປາຢິຣ ເລີ້ຍ ເອ ນົກ, ຍ່ອນ ເຢີງ ເຈົ້າຣາຊີ ແຊງ ອິດ ເຈີ່. ຍ່ອນ ແຕ ອິນໂຍ່ງ ເຢີງ ເຈົ້າຣາຊີ ຕາ ຢວາຣ ແຊງ ອິດ ອັນ, ເມົ່າ ປາຍ ເອນົກ ຕະ ໂອນ ຣໍ້ອ ຣາງິຣ ເຢີງ ເຈົ້າຣາຊີ. 6 ຕາ ເບີນ ເມົ່າ ເຕອໍ ຕະ ຣໍ້ອ ຣາງິຣ ເຢີງ ເຈົ້າຣາຊີ ຄັນ ຕາ ເບີນ ຊາອຳ. ຍ່ອນ ກວາຍ ອາແລະ ກາ ຍໍອ ອີ ແຕ້ອ ປີ ເຢີງ ເຈົ້າຣາຊີ, ກວາຍ ກ້ອຍ ອີງເຄາະ ຊາອຳ ປາຍ ເບີນ ເຢີງ ເຈົ້າຣາຊີ, ກະ ເຢີງ ເຈົ້າຣາຊີ ໂອນ ເກົ້າ ປີ ໄລ່ ກາ ຈໍອ ອັນ.

7 ຍ່ອນ ໂນອາ ຊາອຳ, ອັນ ຊາງັດ ປັຣນາຍ ເຢີງ ເຈົ້າຣາຊີ ປາຕັບ, ເຈີ່ ອັນ ຕະ ດົວະ ປັດ, ຍ່ອນ ເຢີງ ເຈົ້າຣາຊີ ອາຕີ ອັນ ອິນໂຍ່ງ ແຈະ ອີ ແຕ້ອ ຣາມິ້ຮ ເມົ່າ ຕາ ເກີຍ ເຮີມ ຢວາຣ. ນະກ້ອຍ ດຸງຊູ ອັນ ເບີນ ອາມັງ. ກະ ຍ່ອນ ເມົ່າ ເຮີມ ອັນ ຕະ ຣາ ນະ ອໍ ກ້ອຍ, ນະກ້ອຍ ເມົ່າ ດັງ ອິນແຍະ ມັຮ ກວາຍ ກາມ້ອ້ ກ້ອຍ ຕາ ອໍ. ກະ ເຢີງ ເຈົ້າຣາຊີ ນັບ ໂນອາ ລາ ກວາຍ ຕາມ້ອງ ອໍ ຢັຣ ເມີງ ອັນ ຍ່ອນ ໂນອາ ຊາອຳ.

8 ຍ່ອນ ອັບຣາຣາມ ຊາອຳ, ອັນ ຕະ ຕາປຸ່ນ ແຕ້ອ ເຢີງ ເຈົ້າຣາຊີ ແປຣີ ອັນ ລ້ອຣ ແຕ ອິນຕຸ ກ້ອຍ ເປາະ ປີ ອິນຕຸ ກາມ້ອ້ ກາ ເຢີງ ເຈົ້າຣາຊີ ເອີ ອໍ ປັຣແນີ ມັນເຕຣີ້ ອັນ ໂອນ ອັບຣາຣາມ ຕາລາ

ເລີ້ຍ. ເຈີ່ ອັບຣາຣາມ ເປາະ ຊ້ອງ, ຕາ ດັງ ປີ ແລະ ອັນ ອີ ເປາະ. 9 ຍ່ອນ ອັບຣາຣາມ ຊາອຳ, ອັນ ແອັດ ຕັງ ກຣວາງ ກາ ເຢີງ ເຈົ້າຣາຊີ ເອີອໍ ໂອນ ອັນ ຕາລາ, ມາ ອັນ ແອັດ ນະ ກວາຍ ຕາມອຍ ຊ້ອງ. ອັນ ແອັດ ດຸງ ອາຣີ ມັນຕຸ ກະ ກອນ ອາ ເຈົ້າ ອັນ, ອິຊາກ ກະ ຢາໂຄບ, ໄລ່ ກາ ເຢີງ ເຈົ້າຣາຊີ ເອີອໍ ຈຸງ ເຕ່ ມູ່ນ ກ້ອຍ. 10 ອັນ ອີງກ່ອງ ເບີນ ເມີອງ ປັດ, ເມີອງ ກາ ຕາ ແກັນ ກວາຍ ຕະ, ມາ ເຢີງ ເຈົ້າຣາຊີ ແຕ່ ຕະ.

11 ຊາຣາ, ລາກວຍ ອັບຣາຣາມ, ລາ ກວາຍ ກາ ແດງ, ແວັດ ເຈີ່ ປາແນ່ນ ເຕອໍ ຕະ ຣາເມົ້າ. ມາ ຍ່ອນ ອັນ ຊາອຳ, ອັນ ອິນນ້ອງ ເບີນ ຕະ ຣາເມົ້າ, ຍ່ອນ ອັນ ຊາງັດ ໄກຣ ລາລີ້ ປັຣນາຍ ເຢີງ ເຈົ້າຣາຊີ ເອີອໍ ກະ ອັນ. 12 ຕາມ ອັບຣາຣາມ ລາ ເທົ້າ ກົງ ຣາກົງ ເຈີ່, ມາ ຣີ້ຣ ແຕ ອັນ ແກັດ ກຶ່ງ ລາລີ້ ກວາຍ, ນະ ມັນໂຕຣ ຕັງ ມັນລ້ອງ, ນະ ຊາງາຍ ຕັງ ປີຣ ແດັອ ທາເລ ຕາ ເຮົາບ ນັບ ນ້ອງ.

13 ມັຮ ກວາຍ ກາ ຮີ ອາຕີ ອານໍ່, ໄລ່ ກູຈິດ ຕາ ຢວາຣ ເບີນ ຣັບ ມັຮ ຣາມິ້ຮ ເຢີງ ເຈົ້າຣາຊີ ເອີອໍ ກະ ໄລ່. ມາ ໄລ່ ເຮີມ ເຈີ່ ມັຮ ຣາມິ້ຮ ກ້ອຍ ມາ ອິນ ນ້ອງ ເຢີງ. ໄລ່ ຊ້ອງ ຣໍ້ອ ລາລີ້ ມັຮ ຣາມິ້ຮ ກ້ອຍ, ກະ ໄລ່ ງິນ ປາຍ ໄລ່ ລາ ກວາຍ ຕາມອຍ, ກວາຍ ແຕ ກຣວາງ ກາມ້ອ້, ຕັງ ກູແຕອໍ ໄນ່. 14 ກວາຍ ກາງິນ ນະກ້ອຍ, ໄຮ ດັງ ກຣັກ ລາລີ້ ໄລ່ ຈໍອ ກຣວາງ ຕາໄມ ໂອນ ໄລ່ ແອັດ. 15 ມາ ຄັນ ໄລ່ ຄິດ ເລືອຍໆ ແຕ ກຣວາງ ໄລ່ ລ້ອຣ ແຕ ອິນໂຍ່ງ, ລາ ເຕອໍ ໄລ່ ເຈົ້າ ລັຮ ປີ ກຣວາງ ກ້ອຍ. 16 ມາ ໄລ່ ອີ ເບີນ ກຣວາງ ອໍ ກາເລີຍ ແຕ ກ້ອຍ ແອັນ, ລາ ກຣວາງ ຕັງ ມັນລ້ອງ. ນະກ້ອຍ ເຢີງ ເຈົ້າຣາຊີ ຕາ ເບີນ ຊ້ອງ ກູມາລ ເມົ່າ ດໍອ ອັນ ລາ ເຢີງ ໄລ່, ຍ່ອນ ອັນ ກຽມ ດໍອ ມວຍ ເມີອງ ໂອນ ໄລ່.

17 ຍ່ອນ ອັບຣາຣາມ ຊາອຳ, ອັນ ປຣ່ອມ ກຍາກ ຊາງ ກອນ ອັນ ອິຊາກ ແຕ້ອ ເຢີງ ເຈົ້າຣາຊີ ລ່ອງ. ອັນ ຊ້ອງ ເຢີງ ເຈົ້າຣາຊີ ເອີອໍ ກະ ອັນ ລາ ປັຣແນີ ມັນເຕຣີ້ ອັນ ເບີນ ຈຸມເຈືອ ຊາອີ້ຍ, ມາ ອິນນ້ອງ ອັນ ປຣ່ອມ ຊາງ ກອນ ອັນ ມານະ ກ້ອຍ ແຕ້. 18 ກອນ ກ້ອຍ ເຢີງ ເຈົ້າຣາຊີ ປາຍ ເຈີ່ ນະ ໄນ່: "ຍ່ອນ ແຕ ອິຊາກ ເກົ້າ ຕະ ໂອນ ໄນ່ ເບີນ ຈຸມເຈືອ."

19 ມາ ອັບຣາຣາມ ຄິດ ເຕອໍ ເຢີງ ເຈົ້າຣາຊີ ໂອນ ກອນ ກ້ອຍ ອາມັງ ລັຮ ແຕ ກູຈິດ. ນະກ້ອຍ ເຢີງ ເຈົ້າຣາຊີ ໂອນ ລັຮ ກອນ ກ້ອຍ ນະ ອາມັງ ລັຮ ແຕ ກູຈິດ ເຕ່.

20 ຍ່ອນ ອີຊາກ ຊາອໍາ, ອັນ ໂອນ ບຸ່ນ ປີ ຢາໂຄບ ກະ ເອຊາວ ຕາປູ່ນ ແຕ ຣາມິ້ຣ ຕາ ຢວາຣ ແຕ້ອ້.

21 ຍ່ອນ ຢາໂຄບ ຊາອໍາ, ແຕ້ອ້ ອັນ ແຈ່ະ ອີ ກູ ຈິດ, ອັນ ໂອນ ບຸ່ນ ປີ ກອນ ໂຢເຊັບ. ກະ ອັນ ຕາກະ ໂຈະ ຣາເລັງ ອັນ, ຊາງ ເຢິງ ເຈົາຣາຊີ.

22 ຍ່ອນ ໂຢເຊັບ ຊາອໍາ, ແຕ້ອ້ ອັນ ແຈ່ະ ອີ ກູ ຈິດ, ອັນ ອາຕີ ອິນໂຍ່ງ ແຕ ຕາໂງ ເຢິງ ເຈົາຣາ ຊີ ໂອນ ກວາຍ ອິດຊະຣາເອລ ລ້ອຣ ແຕ ກຣວາງ ເອຍິບ. ເຈີ້ ອັນ ປາຕັບ ໂອນ ໄລ່ ເດິງ ກາ ອິງຮາງ ອັນ ແຮີ.

23 ຍ່ອນ ອິມເປ້ອ ອິມປໍ່ ໂມເຊ ຊາອໍາ, ໄລ່ ປາ ໂຕ່ະ ອັນ ອິນແຍ່ະ ໄປ ກາໂຊ ນັບ ແຕ ຕາໂງ ອິມເປ້ ອັນ ຣັ້ຣ. ຍ່ອນ ໄລ່ ເຮີມ ອັນ ອິມພາ ແຕ ກວາ ຍ ການໍ່ອ, ກະ ໄລ່ ຕາ ເບີນ ຊັອງ ອິງກ້ອຣ ປັຣ ມາຍ ເຕົາວ ປັຣເຍົາ ປາຍ.

24 ຍ່ອນ ໂມເຊ ຊາອໍາ, ແຕ້ອ້ ອັນ ແກັດ ຊາຊາຍ ເຈີ້, ອັນ ຕາ ໂອນ ເມົາ ດໍອ ນັ່ງ ອັນ ລາ ອາເຈົາ ເຕົາວ ປັຣເຍົາ ເອຍິບ,\* 25 ຍ່ອນ ອັນ ຄິດ ອໍ ກາ ເລີຍ ອັນ ຈິວ ຣາມິ້ຣ ຕຸຣ ກັດ ມັນຕຸ ກະ ກວາຍ ກາ ຕາປູ່ນ ເຢິງ ເຈົາຣາຊີ. ອັນ ຕາ ແອ້ອ ອີ ຕາ ປູ່ນ ຣາມິ້ຣ ໄລ່ຍຣ ໂອນ ອັນ ແກັດ ຣໍ້ອ ມາໂຣຍ ຊັອງ. 26 ກະ ອັນ ຄິດ ຄັນ ຈິວ ເມົາ ປາຍ ອັນ, ຍ່ອນ ອັນ ຕາປູ່ນ ກຣິດ, ລາ ເກົາ ກາເລີຍ ແຕ ອິນແຍ່ະ ຣາມິ້ຣ ຊຸ ຕິ່ງ ກຣວາງ ເອຍິບ. ອັນ ຄິດ ນະກ້ອຍ, ຍ່ອນ ອັນ ອິງກ່ອງ ປັຣແນີ ມັນເຕຣົາ ອັນ ເບີນ ເກົາ ຊາອິ້ຍ ແອັນ.

27 ຍ່ອນ ໂມເຊ ຊາອໍາ, ອັນ ລ້ອຣ ແຕ ກຣວາງ ເອຍິບ. ອັນ ຕາ ເບີນ ອິງກ້ອຣ ອິນເຕົາ ເຕົາວ ປັຣເຍົາ ໂຍ່ບ ອັນ. ມາ ອັນ ຈິວ ເລືອຍໆ, ນະ ອັນ ເຮີມ ອັນ ກາ ຕາ ເຕ່ອ ເມົາ ເຮີມ. 28 ຍ່ອນ ໂມເຊ ຊາອໍາ, ອັນ ໂອນ ກວາຍ ອິດຊະຣາເອລ ຕາປູ່ນ ມັຣ ຄານອດ ເຢິງ ເຈົາຣາຊີ ປາຕັບ ໂອນ ໄລ່ ຕະ ຕິ່ງ ຕາໂງ ອາກັຣ,† ກະ ອັນ ປາຣິຣ ອາຣາມ ແຮີ. ເຈີ້ ເທວາດາ ເຢິງ ເຈົາຣາຊີ ກາຈິດ ອິນແຍ່ະ ມັຣ ກອນ ກັລ ກວາຍ ເອຍິບ, ມາ ຕາ ເບີນ ຕະ ອິນ ເຕົາ ກະ ຈຸ່ມ ອິດຊະຣາເອລ.

29 ຍ່ອນ ກວາຍ ອິດຊະຣາເອລ ຊາອໍາ, ເຕ່ອ ໄລ່ ເປາະ ເປຼີຍ ຊັອງ ແດັອ ທາເລ ກູເຊົາ. ເຢິງ ເຈົາຣາ ຊີ ກາຍັຣ ແດັອ ໂອນ ໄລ່ ເປາະ ນະ ເມົາ ເປາະ ຕິ່ງ ກູ ແຕ່ອ ໂຄ. ມາ ແຕ້ອ້ ມັຣ ກວາຍ ເອຍິບ ເປາະ ຕາ

ປູ່ນ ໄລ່, ກວາຍ ເອຍິບ ຊາລໍາ ອິນແຍ່ະ ຕິ່ງ ແດັອ ກ້ອຍ.

30 ຍ່ອນ ກວາຍ ອິດຊະຣາເອລ ຊາອໍາ, ໄລ່ ເປາະ ວຽລ ວຍາງ ເມືອງ ເຢຣີໂກ. ເຈີ້ ແວັດ ໄລ່ ວຽລ ອິນແຍ່ະ ຕາປູ່ລ ຕາໂງ, ວຍາງ ກ້ອຍ ແກັດ ຣາລິ້ຣ.

31 ຣາຮາບ ລາ ມາມະ ມັນແຊມ ກາ ຈິ ຈະ, ມາ ຍ່ອນ ອັນ ຊາອໍາ, ອັນ ຕາ ເບີນ ກູຈິດ ກະ ກວາ ຍ ການໍ່ອ ຕິ່ງ ເມືອງ ເຢຣີໂກ, ກວາຍ ກາ ຕາ ເບີນ ຕະ ຕາປູ່ນ ເຢິງ ເຈົາຣາຊີ. ອັນ ເບີນ ອາມົງ ຍ່ອນ ອັນ ອິດ ຣາງິຣ ກວາຍ ອິດຊະຣາເອລ ກາ ເປາະ ຕາຕ່ອຍ ເມືອງ ກ້ອຍ, ເຈີ້ ຈ່ອຍ ໂອນ ໄລ່ ລ້ອຣ ອຽນ ອໍ.

32 ມາ ນະ ເຕ່ອ ເກົາ ງິ່ນ ອິນແຍ່ະ ກວາຍ ຊາ ອໍາ ກ້ອຍ? ຄັນ ເກົາ ເມົາຍ ອິນແຍ່ະ ມັຣ ຣານະ ໄລ່ ຕະ, ລາ ຕາ ເຮົາບ ເລີ້ຣ. ເກົາ ຕາ ເຕ່ອ ລາລິ້ບ ອາຕີ ແຕ ກິເດໂອນ, ບາຣັກ, ແຊມຊັນ, ເຢັບທາ, ດາວິດ, ຊາມູເອລ, ກະ ມັຣ ກວາຍ ຕາງ ປັຣມາຍ ເຢິງ ເຈົາຣາຊີ. 33 ຍ່ອນ ໄລ່ ຊາອໍາ, ໄລ່ ຣາຈິລ ເຮົາບ ກຣວາງ ການໍ່ອ, ໄລ່ ຕະ ຣານະ ຊັງໄກຣ ອໍ, ກະ ໄລ່ ຣັບ ຣາມິ້ຣ ກາ ເຢິງ ເຈົາຣາຊີ ເອີອັ. ຍ່ອນ ໄລ່ ຊາອໍາ, ເຕ່ອ ໄລ່ ຕະ ໂອນ ຊິງ ແກັດ ກູເມມ ແບອ, 34 ໄລ່ ຈູຍຣ ອູ່ຍຣ ຮາງ ລາລີ້, ກະ ໄລ່ ວ ຍາຣ ແຕ ປູາ ດາວ. ໄລ່ ອຽວ ມາ ແກັດ ເຣ່ງ ແອັນ. ໄລ່ ແກັດ ຍັນ ລາລີ້ ຣາຊູ່, ເຈີ້ ໂອນ ຈຸ່ມ ຕາຮານ ແຕ ກຣວາງ ການໍ່ອ ຊັຣແລັດ ອິນແຍ່ະ. 35 ເບີ ນ ມັນແຊມ, ກາ ເບີນ ກອນ ກາຢາອ ອັນ ກູຈິດ, ເຈີ້ ອາມົງ ລັຣ. ກະ ເບີນ ກວາຍ ການໍ່ອ ເມົາ ຕະ ຕຸຣ ກັດ ລາລີ້ ກະ ກາຈິດ. ມາ ໄລ່ ຈິວ ເລືອຍໆ, ຕາ ແອ້ອ ອິງິນ ຣາມິ້ຣ ເມົາ ໂອນ ໄລ່ ງິ່ນ, ເຈີ້ ເມົາ ອາໂຣຍຣ. ຍ່ອນ ໄລ່ ຊັອງ ອໍ ກາເລີຍ ອາມົງ ເລືອ ຍໆ ກະ ເຢິງ ເຈົາຣາຊີ. 36 ກະ ເບີນ ກວາຍ ກາ ນໍ່ອ ເມົາ ປາອຽບ, ເມົາ ປຍາຍຣ, ເມົາ ຊັດ, ເມົາ ໂຈະ ຕິ່ງ ກໍ້ອ. 37 ເມົາ ຕະ ໄລ່ ຊາອິ້ຍ ຣາມິ້ຣ, ອັນ ກາ ເມົາ ແກງ ແຕ ຕາເມົາ, ອັນ ກາ ເມົາ ໂຊດ ບາຣ ແບະ, ອັນ ກາ ເມົາ ກັຣໂປຣ ແຕ ດາວ. ກວາຍ ຊາ ອໍາ ກ້ອຍ ຕັອກ ເກຣິງ ອິງກັຣ ແກະ ກະ ອິງກັຣ ອິມແບອ, ຍ່ອນ ໄລ່ ແອີ, ກະ ໄລ່ ຈິວ ໂຕຍົ ບາບ ເມົາ ຕະ ໄລ່. 38 ມັຣ ກວາຍ ກາ ຈິວ ຊາອິ້ຍ ຣາມິ ຣ ຕຸຣ ກັດ ກ້ອຍ, ຕາ ໄກຣ ໄລ່ ແອັດ ຕິ່ງ ກູແຕອ ໄມ່. ໄກຣ ລາລີ້ ລາ ໄລ່ ແອັດ ຕິ່ງ ອິນຕຸ ອໍ ກາເລີຍ

\* 11:24 11:24 ຍ່ອນ ກອນ ມັນແຊມ ເຕົາວ ປັຣເຍົາ ເອຍິບ ອິດ ອາເມົາ ອັນ. † 11:28 11:28 ຕາໂງ ອາກັຣ ໄລ່ ຊາເຍີ ຕາໂງ ເທວາດາ ເຢິງ ເຈົາຣາຊີ ແຕ ອິມແປີ ຊາລັຣ ດຸງ ກວາຍ ອິດຊະຣາເອລ ຕາ ເບີນ ກາຈິດ ກອນ ຣາລີ້ ກັລ ໄລ່.

ແຕ ໄມ່. ມາ ໄລ່ ເປາະ ປີ ໄມ່ ປີ ກ້ອຍ ແອິດ ຕຶ່ງ ອິນຕຸ ຕຍາຮ ກະ ຕຶ່ງ ກົຮ. ໄລ່ ແອິດ ຕຶ່ງ ກິ້ບ ກະ ຕຶ່ງ ປຣຸ່ງ ກູແຕອ. 39 ອິນແຍ່ະ ໄລ່ ໄມ່ ລາ ເຢິງ ເຈົ້າຮາຊີ ປາຍ ປຍາຍ໌ ໄລ່ ຕະ ຍ່ອນ ໄລ່ ຊາອຳ. ມາ ອັນ ຕາ ເບິນ ໂອນ ຢວາຮ ຮາມິ່ຮ ກາ ອັນ ເອິອ໌ ກະ ໄລ່. 40 ເຢິງ ເຈົ້າຮາຊີ ຮາມິ່ດ ດໍອ໌ ຮາມິ່ຮ ອໍ ກ້ອຍ ໂອນ ໄຮ ແອັນ ເບິນ. ອິງເຄາະ ແຕ້ອ໌ ແດິຍ ໄຮ ແອັນ, ແຕ ເຢິງ ເຈົ້າຮາຊີ ຕະ ແມິ່ມ ຮານະ ປິດ ກາ ອັນ ເອິອ໌ ໂອນ ກວາຍ ກ້ອຍ.

### 12

ໄຮ ແມ່ ປີ ເຢຊູ

1 ເຈີ່ ຊານຸ່, ອິນແຍ່ະ ມັຮ ໄລ່ ກາ ຊາອຳ ແຕ ອິນ ໂຍ່ງ ລາ ນະ ໄລ່ ແອິດ ແມ່ ເລືອຍໆ ປີ ໄຮ ກາ ຊາອຳ ອິນຕຸນ. ນະ ໄຮ ຕຳໂປຣ ຕາລຸ່ຮ, ອາແລະ ເຮົາບ ຕາລຸ່ຮ ເຢິງ ລາລີ່ ມາ ໄວ່ ກາລິຍ. ນະກ້ອຍ ໄຮ ອິງ ເຄາະ ຕັຮ ຊ້ອງ ຮາມິ່ຮ ອິນເຕ້າ ມາ ກາຕ້ອງ ໄຮ. ກະ ໄຮ ວຍາຮ ຊ້ອງ ຮາມິ່ຮ ໄລ່ຍຮ ກາ ຕະ ໂອນ ອຽນ ແດິມ. ເຈີ່ ໄຮ ຕາລຸ່ຮ ໂອນ ແຕ້ອ໌ ຊົດ ຮານາ ເມ້າ ໂອນ ໄຮ ຕາລຸ່ຮ. 2 ໄຮ ແມ່ ເລືອຍໆ ປີ ເຢຊູ. ອັນ ລາ ແປຼ ເຕຣົາຍ ແຕ ຮາມິ່ຮ ໄຮ ຊາອຳ. ອັນ ເຮິມ ຮາມິ່ຮ ຮໍອ໌ ອິນຕຸນ, ເຈີ່ ອັນ ຈິວ ກູຈິດ ຕຶ່ງ ອາລ່ອງ ຊັງກັງ. ອັນ ຕາ ເບິນ ຄິດ ອິນເຕ້າ ແຕ ເມ້າ ຕະ ອັນ. ເຈີ່ ຊານຸ່ ອັນ ຕາກູ ຢັຮ ອາຕຳ ເຢິງ ເຈົ້າຮາຊີ ປີ ອິນຕຸ ເຢິງ ເຈົ້າຮາຊີ ຊົດ. 3 ອິງເຄາະ ເຍົາ ຄິດ ເລືອຍໆ ແຕ ເຢຊູ ກຮິດ, ອັນ ກາ ຈິວ ຊາອິ່ຍ ຮາມິ່ຮ ກວາຍ ໄລ່ຍຮ ຕະ ອັນ. ຄັນ ເຍົາ ຄິດ ແຕ ອັນ, ເຍົາ ຕາ ເບິນ ແກິດ ລາແກ້ຮ ອິນ ເຕ້າ, ກະ ເຍົາ ຕາ ເບິນ ເປ່ ຮາງິຮ.

ເຢິງ ເຈົ້າຮາຊີ ໂຈະ ໂຕ່ດ

4 ເຍົາ ຕາ ເບິນ ຮາມິ່ຮ ຢວາຮ ເມ້າ ຈັດ ເຍົາ ຍ່ອນ ເຍົາ ຕາ ແອອ໌ ອີ ຕະ ຮານະ ໄລ່ຍຮ. 5 ກະ ເຍົາ ຊາລິຮ ເຈີ່ ປັຮນາຍ ເຢິງ ເຈົ້າຮາຊີ ອາຕີ ເຍົາ, ກາ ອັນ ດໍອ໌ ກອນ ອັນ. ອັນ ປາຍ: "ມັຮ ກອນ ເກົາ ເອິຍ, ເຍົາ ຊາງັດ ປັຮນາຍ ເຢິງ ເຈົ້າຮາຊີ

ແຕ້ອ໌ ອັນ ກາແອັຮ ເຍົາ. ກະ ເຍົາ ອິນໂຈຍ ອວານ ແຕ້ອ໌ ອັນ ໂຈະ ໂຕ່ດ ເຍົາ. 6 ຍ່ອນ ເຢິງ ເຈົ້າຮາຊີ ອາໂຍະ ກວາຍ, ນະກ້ອຍ ອັນ ໂຈະ ໂຕ່ດ. ກະ ອັນ ໂຈະ ໂຕ່ດ ກຸ່ ນະ ກວາຍ ກາ ອັນ ງິ່ມ ກອນ ອັນ."

7 ຄັນ ເຢິງ ເຈົ້າຮາຊີ ໂຈະ ໂຕ່ດ ເຍົາ, ອິງເຄາະ ເຍົາ ຈິວ ໂຕ່ດ ກ້ອຍ, ຍ່ອນ ເຍົາ ດັງ ອັນ ງິ່ມ ເຍົາ ລາ ກອນ. ຕາ ເກົ້ຍ ຊ້ອງ ກວາຍ ອາແລະ ເບິນ ກອນ ມາ ຕາ ເກົ້ຍ ໂຈະ ໂຕ່ດ ກອນ ອັນ. 8 ມາ ຄັນ ເຢິງ ເຈົ້າຮາຊີ ຕາ ເບິນ ໂຈະ ໂຕ່ດ ເຍົາ ນະ ອັນ ໂຈະ ໂຕ່ດ ອິນແຍ່ະ ມັຮ ກອນ ອັນ, ເຍົາ ຕາ ແກິນ ກອນ ອັນ. ເຍົາ ລາ ນະ ກອນ ຕຸງ ຊ້ອງ. 9 ອິມປໍ ໄຮ ຕຶ່ງ ແດິຍ ໄມ່, ໄລ່ ເກົ້ຍ ໂຈະ ໂຕ່ດ ໄຮ, ກະ ໄຮ ຢຳນັບ ໄລ່. ແກຼ້ຍ ແຕ ກ້ອຍ ແອັນ ອິງເຄາະ ໄຮ ຢຳ ນັບ ອິມປໍ ໄຮ ຕຶ່ງ ມັນລ້ອງ, ແຕ ເຕ້ອ໌ ໄຮ ເບິນ ອາ ມັງ. 10 ອິມປໍ ໄຮ ຕຶ່ງ ແດິຍ ໄມ່, ໄລ່ ໂຈະ ໂຕ່ດ ໄຮ ບັອງ ກາ ໄຮ ອິນນ້ອງ ກັຮແນມ. ກະ ໄລ່ ໂຈະ ໂຕ່ ດ ໄຮ ລາ ຕາປຸ່ນ ແຕ ຮາງິຮ ໄລ່ ຄິດ ປຍາຍ໌. ມາ ຄັນ ເຢິງ ເຈົ້າຮາຊີ ໂຈະ ໂຕ່ດ ໄຮ, ລາ ອັນ ຕະ ໂອນ ໄຮ ເບິນ ເກົາ ແຕ ຮານະ ອັນ ໂຈະ ໂຕ່ດ, ຍ່ອນ ອັນ ຢິອ໌ ໄຮ ຈຸງ ເຕ່ ກະ ອັນ ຮາງິຮ ບຮັຮ ອໍ. 11 ບັອງ ກາ ເມ້າ ໂຈະ ໂຕ່ດ ໄຮ, ໄຮ ຕາ ເບິນ ຊ້ອງ ຮໍອ໌. ໄຮ ຊ້ອງ ຕຸ່ຮ. ມາ ແວັດ ກ້ອຍ, ມັຮ ກວາຍ ກາ ເຢິງ ເຈົ້າຮາຊີ ໂຈະ ໂຕ່ດ ແກິດ ຕານ້ອງ ອໍ ກະ ໄລ່ ແອິດ ອຽນ ອໍ.

ກາແອັຮ ລັຮ ໄລ່

12 ເຈີ່ ອິງເຄາະ ເຍົາ ຕາລຸ່ຮ ນະ ກວາຍ ເບິນ ບັນ ເຣ່ງ, ກະ ອິນໂຈຍ ຊ້ອງ ເປ່ ຕຶ່ງ ຮາງິຮ ເຍົາ. 13 ອິງ ເຄາະ ເຍົາ ເປາະ ຮານາ ຕານ້ອງ. ຄັນ ນະກ້ອຍ, ກວາຍ ໂຢດ ຕາ ເບິນ ແດິມ ຕຶ່ງ ຮານາ, ມາ ອັນ ແກິດ ແບຣັຮ.

14 ອິງເຄາະ ເຍົາ ກູດ ອີ ຮາຕອຍ ກະ ອິນແຍ່ະ ມັຮ ກວາຍ. ກະ ອິງເຄາະ ເຍົາ ກູດ ຍິອ໌ ອີ ເບິນ ຮາງິຮ ບຮັຮ ອໍ. ຍ່ອນ ອາແລະ ກາ ຕາ ເບິນ ຮາງິຮ ນະກ້ອຍ ຕາ ເຕ້ອ໌ ເຮິມ ເຢິງ ເຈົ້າຮາຊີ. 15 ອິງເຄາະ ເຍົາ ລາວັງ, ອິນໂຈຍ ໂອນ ເມ້າ ຕຶ່ງ ມູ່ ເຍົາ ຮາຕັຮ ແຕ ຮານະ ເຢິງ ເຈົ້າຮາຊີ ຈ່ອຍ ເມົາດ. ອິນໂຈຍ ໂອນ ກວາຍ ອາແລະ ແກິດ ນະ ເຮັຮ ອິນຕັງ ອາ ແຮັຮ ດັຮ ກະ ປິດ ອາຊ້ອຮ, ເຈີ່ ຕະ ຮຸ່ງ ຊາອິ່ຍ ນະ ກວາຍ. 16 ອິນໂຈຍ ໂອນ ມັນແຊມ ຮາເລົາ ຕຶ່ງ ມູ່ ເຍົາ ປີ ມັນຕຸ ຄັນ ຕາ ເບິນ ລາກວຍ ກາ ຢາອ໌. ອິນໂຈຍ ໂອນ ກວາຍ ອາແລະ ຕະ ໂອນ ຮາ ນະ ເຢິງ ເຈົ້າຮາຊີ ໄລ່ ເມົາດ ນະ ເອຊາວ. ອັນ ຢິອ໌ ອີ ຈາ ມວຍ ເປ່ລ, ເຈີ່ ອັນ ຈິ ຊິດ ກອນ ກໍ່ລ ກາ ອັນ ຕາລາ ກ້ອຍ. 17 ເຍົາ ດັງ ອິນຕຸນ ແອັນ ອັນ ຢິອ໌ ອິມປໍ ອັນ ໂອນ ບຸ່ນ ປີ ອັນ. ອັນ ເຍົາມ ລູ ເລົາອ໌ ອູອາຮ, ມາ ອັນ ຕາ ເຕ້ອ໌ ເບິນ ນ້ອງ ຮາມິ່ຮ ອັນ ຕັຮ ເຈີ່.

ປັນຍາຍ ປັນຄັນ ແຕ ອິນໂຍ່ງ ກະ ປັນຍາຍ ປັນຄັນ ຊານໍ່

18 ເຍົາ ຕາ ເບີນ ນະ ກວາຍ ອິດຊະຣາເອລ ແຕ ອິມແບ ບ້ອງ ກາ ເຢັງ ເຈົາຣາຊີ ເອີອ໌ ກະ ໄລ່. ໄລ່ ເຮີມ ກະ ເຕ່ອ໌ ຊາປະ ກັຮ ຊີນາຍ. ອິນແຍ່ະ ໄລ່ ເຮີມ ປັນລາ ອູ່ຍຮ ຕຶງ ກັຮ ກ້ອຍ, ການໍາ ຣາຍິ ດ, ປາອັດ, ກະ ກູຢາລ ຣາປູອ໌. 19 ໄລ່ ຊ້ອງ ເມົາ ປຼິງ ແກ, ກະ ໄລ່ ຊ້ອງ ຊຽງ ປາຕັບ. ມາ ໄລ່ ແຊອ໌ ອິນໂຈຍ ປາຕັບ ນ້ອງ ນະກ້ອຍ, 20 ຍ່ອນ ໄລ່ ຕາ ເຮັບ ຊາງັດ ຊຽງ ກາ ປາຕັບ ໄລ່. ອັນ ປາຕັບ ປາຍ:

"ຄັນ ກວາຍ ອາແລ່ະ ແຕີລາ ຊັນຕຣັນ ອິນເຕົ້າ ມາ ອາຕູຍຮ ກັຮ ກ້ອຍ,

ອິງເຄາະ ກາຈິດ ອັນ ແຫຼງ ໂຈະ ຕາເມົາ."

21 ມັຮ ຣາມິຮ ເມົາ ເຮີມ ກ້ອຍ, ລາ ເມົາ ອິງກ້ອຮ. ກະ ໂມເຊ ປາຍ:

"ເກົາ ກາໄກ່ຮ ກະ ອິງກ້ອຮ."

22 ມາ ເຍົາ ແຕ້ອ໌ ປີ ກັຮ ຊີໂອນ. ກັຮ ຊີໂອນ ໄນ່ ຊາກໍາ ແຕ ເມືອງ ເຢຣູຊາເລັມ ຕຶງ ມັນລ້ອງ. ເມືອງ ກ້ອຍ ລາ ອິນຕຸ ເຢັງ ເຈົາຣາຊີ ແອັດ, ອັນ ກາ ເຢັງ ອາມົງ. ເຍົາ ແຕ້ອ໌ ປີ ອິນຕຸ ເທວາດາ ເຢັງ ເຈົາຣາຊີ ແອັດ ກຶງ ລາລີ່, ຕາ ເຮັບ ນັບ. 23 ກະ ເຍົາ ແຕ້ອ໌ ປີ ອິນຕຸ ມັຮ ກອນ ກັລ ເຢັງ ເຈົາຣາຊີ ໂຮ່ມ ຮໍອ໌, ໄລ່ ກາ ເບີນ ຣາມິຮ ເມົາ ຄຽນ ດໍອ໌ ເຈີ່ ຕຶງ ມັນລ້ອງ. ເຍົາ ແຕ້ອ໌ ປີ ເຢັງ ເຈົາຣາຊີ, ອັນ ກາ ຕັດຊິນ ອິນແຍ່ະ ມັຮ ກວາຍ. ເຍົາ ແຕ້ອ໌ ປີ ອິນຕຸ ເບີນ ຣາເວີຍ ກວາຍ ຕາມ້ອງ ອໍ. ແມ້ມ ອິນແຍ່ະ ກວາຍ ກ້ອຍ ຕະ ຣານະ ເຢັງ ເຈົາຣາຊີ ໂອນ ໄລ່ ຕະ, ເຈີ່ ຣາເວີຍ ໄລ່ ແອັດ ອິນຕຸ ກ້ອຍ. 24 ກະ ເຍົາ ແຕ້ອ໌ ປີ ເຢຊູ, ອັນ ກາ ປັນແຕ້ອ໌ ປັນຍາຍ ຕາ ໄມ ເຢັງ ເຈົາຣາຊີ ປັນຄັນ ກະ ເຍົາ. ເຍົາ ແຕ້ອ໌ ປີ ອາຣາມ ເຢຊູ ກາ ເມົາ ປາຣິຮ ກ້ອຍ. ອາຣາມ ກ້ອຍ ອາປັນ ຣາມິຮ ອໍ ກາເລີຍ ແຕ ອາຣາມ ອາ ເບລ. 25 ອິງເຄາະ ເຍົາ ລາວັງ ອໍ, ອິງກ້ອຮ ປຍາຍ໌ ຣາງິຮ ເຍົາ ຕາ ແອອ໌ ອີ ຊາງັດ ປັນຍາຍ ອັນ ປາຍ ກະ ເຍົາ. ມັຮ ກວາຍ ກາ ຕາ ແອອ໌ ອີ ຊາງັດ ປັນ ນາຍ ເຢັງ ເຈົາຣາຊີ ປາຕັບ ຣານາ ໂມເຊ, ໄກຮ ລາ ລີ່ ກວາຍ ກ້ອຍ ຕາ ເຕ່ອ໌ ວຍາຣ ແຕ ເມົາ ຕະ ໂຕ່ ດ ໄລ່. ຄັນ ນະກ້ອຍ, ນານະ ເຕ່ອ໌ ໄຮ ວຍາຣ ແຕ ເມົາ ຕະ ໂຕ່ ດ ໄຮ, ຄັນ ໄຮ ມາ ງວາຍ ແຕ ອັນ ກາ ອາຕີ ແຕ ມັນລ້ອງ. 26 ບ້ອງ ກາ ເຢັງ ເຈົາຣາຊີ ອາຕີ ແຕ ອິມແບ ກ້ອຍ, ແບອ໌ ອັນ ຕະ ໂອນ ກູ ແຕອ໌ ຣາໄມ່. ມາ ຊານໍ່ ອັນ ເອີອ໌ ປາຍ:

"ອິນນ້ອງ ມວຍ ເຮີບ ແອັນ ເກົາ ໂອນ ຣາໄມ່ ລັຮ,

ລາ ຕາ ເບີນ ແອັງ ກູແຕອ໌ ຊ້ອງ, ມາ ກາ ມັນ ລ້ອງ ແຮີ."

27 ຍ່ອນ ອັນ ປາຍ "ອິນນ້ອງ ມວຍ ເຮີບ ແອັນ," ໄຮ ດັງ ອັນ ອີ ຕາລຸຮ ອິນແຍ່ະ ມັຮ ຣາມິຮ ອັນ ປາຍ ຣາໄມ່ ກ້ອຍ, ລາ ມັຮ ຣາມິຮ ອັນ ແຕງ ເຈີ່. ມາ ມັຮ ຣາມິຮ ກາ ຕາ ເຕ່ອ໌ ຣາໄມ່, ອິນນ້ອງ ປູອດ.

28 ຍ່ອນ ນະກ້ອຍ, ໄຮ ຊາແອັນ ໄຮ ເບີນ ກຮ ວາງ ກາ ຕາ ເຕ່ອ໌ ຣາໄມ່. ໄຮ ຊາງ ເຢັງ ເຈົາຣາຊີ ເບີນ ຣາງິຮ ຢານັບ ກະ ອິງກ້ອຮ ອັນ, 29 ຍ່ອນ ເຢັງ ເຈົາຣາຊີ ໄຮ ລາ ນະ ປັນລາ ອູ່ຍຮ ກາ ກາດ ອິນແຍ່ະ ກູ່ ຣາມິຮ.

### 13

ໄຮ ຕະ ໂອນ ຮໍອ໌ ຣາງິຮ ເຢັງ ເຈົາຣາຊີ

1 ອິງເຄາະ ເຍົາ ມານະ ອາໂຢະ ມານະ ນະ ແຊມ ອາຍ. 2 ເຍົາ ອິນໂຈຍ ຊາລິຮ ອິງເຄາະ ຕະ ມັດ ມຸ່ຮ ປັງ ໂຈະ ກວາຍ ຕາມອຍ, ຍ່ອນ ເຍົາ ຕາ ດັງ ກວາ ຍ ກ້ອຍ ລາ ເມົາ. ເບີນ ກວາຍ ກາ ແຈມ ກຍາອ໌ ກວາຍ ຕາມອຍ, ມາ ໄລ່ ຕາ ເບີນ ດັງ ຕາມອຍ ກ້ອຍ ລາ ເທວາດາ ເຢັງ ເຈົາຣາຊີ. 3 ອິງເຄາະ ເຍົາ ຊາແຍີ ຕະ ອໍ ກະ ກວາຍ ເມົາ ໂກບ ດໍອ໌ ຕຶງ ກໍ່ອ໌, ນະ ເຍົາ ລາ ເມົາ ໂກບ ດໍອ໌ ຕຶງ ກໍ່ອ໌ ກະ ໄລ່ ເຕ່. ກະ ອິງເຄາະ ເຍົາ ຊາແຍີ ເຕ່ ກວາຍ ກາ ຣາມິຮ ຕຸ່ຮ ກັດ, ນະ ເຍົາ ລາ ຣາມິຮ ຕຸ່ຮ ກັດ ກ້ອຍ ເຕ່.

4 ມັນແຊມ ຣາເລົາ ອິດ ລາກວຍ ກາຢາອ໌ ລາ ອໍ ລາລີ່, ມາ ອິງເຄາະ ໄລ່ ມານະ ຕາມ້ອງ ອໍ ໂຈະ ມານະ. ມາ ກວາຍ ອາແລ່ະ ກາ ບີ ມັນຕຸ ມາ ຕາ ເບີນ ລາກວຍ ກາຢາອ໌, ແຕີລາ ກວາຍ ອາແລ່ະ ມາ ໂກ່ະ ໂຈະ ລາກວຍ ກາຢາອ໌ ເມົາ, ເຢັງ ເຈົາຣາຊີ ຕັດຊິນ ກວາຍ ກ້ອຍ.

5 ຕຶງ ແດີຍ ອາມົງ ເຍົາ, ອິນໂຈຍ ຊາລາອ໌ ຢໍອ໌ ອີ ເບີນ ປຣະ. ມາ ອິງເຄາະ ເຍົາ ຮໍອ໌ ຣາງິຮ ແຕ ມັຮ ເກຣັງ ອິນເຕົ້າ ເຍົາ ເບີນ, ຍ່ອນ ເຢັງ ເຈົາຣາ ຊີ ປາຍ:

"ເກົາ ແອັດ ເລືອຍໆ ກະ ເຍົາ.

ເກົາ ຕາ ເກີຍ ຕັຮ ເຍົາ."

6 ຍ່ອນ ນະກ້ອຍ ໄຮ ເຕ່ອ໌ ເກັດ ຍັນ ປາຍ:

"ເຢັງ ເຈົາຣາຊີ ແຕ່ ຈ່ອຍ ເກົາ.

ເກົາ ຕາ ເບີນ ອິງກ້ອຮ ອິນເຕົ້າ.

ກວາຍ ຕາ ເຕ່ອ໌ ຕະ ອິນເຕົ້າ ເລີ່ຍ ໂຈະ ເກົາ."

7 ອິງເຄາະ ເຍົາ ຊາແຍີ ກວາຍ ກາ ອາໂຢ່ງ ມູ່ ກາ ຊາອໍ ເຍົາ ແຕ ອິນໂຍ່ງ. ໄລ່ ກ້ອຍ ອາຕີ ເຍົາ ປັນ

ນາຍ ເຢີງ ເຈົ້າຮາຊີ. ອີງເຄາະ ເຍົາ ຄິດ ແຕ ແດີຍ ອາມັງ ໄລ່, ເຈີ່ ເຍົາ ຊາອຳ ດວຍ ໄລ່ ກ້ອຍ ເຕ່.

8 ເຢຊູ ກຣີດ ລາ ມູເຈິງ ແຕ ອິມແປີ ເຕົ້າ ຊານໍ່ ກະ ເຕົ້າ ຊົດ ອິນແຍ່ະ ແດີຍ.

9 ເຍົາ ອິນໂຈຍ ໂອນ ເມົາ ເດິງ ເຍົາ ຕາປູນ ຊາ ອີ່ຍ ປັຣນາຍ ອິມພາ ແຕ ປັຣນາຍ ກາ ເຍົາ ເກີ່ ຍ ຕາປູນ. ອໍ ລາລີ ລາ ຮາງິຣ ໄຮ ແກີດ ເຮ່ງ ອາ ຊ້ອຣ ຍ່ອນ ແຕ ເຢີງ ເຈົ້າຮາຊີ ຈ່ອຍ ເມົາດ ໄຮ. ຮາງິຣ ໄຮ ຕາ ເບີນ ແກີດ ເຮ່ງ ອາຊ້ອຣ ຍ່ອນ ໄຮ ຕາປູນ ແຕ ຮິດ ຊັຣນາ ຈາ. ໄລ່ ກາ ຕາປູນ ຮິດ ກ້ອຍ, ຮິດ ກ້ອຍ ຕາ ເບີນ ຈ່ອຍ ອິນເຕົ້າ ໄລ່.

10 ໄຮ ເບີນ ເຕ່ ຮິດ ມ່ອບ ຊາງ ໂອນ ເຢີງ ເຈົ້າຮາ ຊີ. ມາ ກວາຍ ກາ ຕາປູນ ຄານອດ ອິດຊະຣາເອລ ຕາ ເຕ່ອ ຈຸງ ຮິດ ໄຮ. 11 ອັນ ກາ ຕາລາ ອິນແຍ່ ະ ແຕ ຮິດ ຊາງ ເຢີງ ເຈົ້າຮາຊີ ຕາປູນ ຄານອດ ອິດຊະຣາເອລ, ອັນ ເດິງ ອາຮາມ ຊັນຕຣັນ ມູດ ຕິ່ງ ອິນຕຸ ເຢີງ ເຈົ້າຮາຊີ ແອິດ ດໍອ ອາປິດ ໄລ່ ຍຣ ກວາຍ. ມາ ຈະ ຊັນຕຣັນ ກ້ອຍ ເມົາ ບຸຣ ຍໍຣ ນໍ່ອ ເມືອງ. 12 ມາຣ ກ້ອຍ ເຕ່ ເຢຊູ ຈີວ ກູຈິດ ຍໍຣ ນໍ່ອ ຕິ່ງ ວຍາງ ເມືອງ, ໂອນ ເຕ່ອ ອັນ ຕັຣ ໄລ່ ຍຣ ກວາຍ ຍ່ອນ ອາຮາມ ອັນ ເບີມ. 13 ເຈີ່ ໄຮ ແອັນ, ໂອນ ໄຮ ລ້ອຣ ກະ ອັນ, ຈີວ ຕຸຣ ກັດ ມັນ ຕຸ ກະ ອັນ. 14 ແອິດ ຕິ່ງ ກູແຕ່ອ ໄລ່ ໄຮ ຕາ ເບີ ນ ເມືອງ ອິນເຕົ້າ ມາ ແອິດ ຊົດ ແດີຍ, ມາ ໄຮ ອີງ ກ່ອງ ປັຣແນີ ມັນເຕຣົາ ເບີນ ເມືອງ ກາ ໄຮ ເຕ່ອ ແອິດ ຊົດ ແດີຍ. 15 ນະກ້ອຍ, ອີງເຄາະ ໄຮ ຍ່ອງ ເລືອຍໆ ຮາມິຣ ເຢີງ ເຈົ້າຮາຊີ. ຕະ ນະກ້ອຍ ລາ ນະ ໄຮ ມ່ອບ ຊາງ ໂອນ ເຢີງ ເຈົ້າຮາຊີ ປັຣນາຍ ຍ່ອງ ອັນ, ຍ່ອນ ແຕ ເຢຊູ ກຣີດ ປັຣແຕ້ອ ປັຣ ນາຍ ຍ່ອງ ກ້ອຍ. 16 ເຍົາ ອິນໂຈຍ ຊາລິຣ ຕະ ຣາ ນະ ອໍ ກະ ຈ່ອຍ ເຍົາ. ຄັນ ເຍົາ ຕະ ບາຣ ຮາມິຣ ກ້ອຍ ລາ ນະ ເຍົາ ຊາງ ເກຣິງ ກາ ຕະ ໂອນ ເຢີງ ເຈົ້າຮາຊີ ຊ້ອງ ຮໍ່ອ ລາລີ່.

17 ອີງເຄາະ ເຍົາ ຊາງັດ ກວາຍ ອາໂຢ່ງ ຕິ່ງ ມູ່ ກາ ຊາອຳ, ກະ ອິດ ຮາງິຣ ໄລ່ ຊ້ອງ ຍິອ, ຍ່ອນ ໄລ່ ລາ ກວາຍ ແນ່ ຊາລິອ ຮາເວີຍ ເຍົາ. ກະ ປັຣແນີ ມັນ ເຕຣົາ, ມັຣ ຮາມິຣ ອິນເຕົ້າ ເຍົາ ຕະ, ເຢີງ ເຈົ້າຮາ ຊີ ຕາແບີບ ລັຣ ໄລ່. ຄັນ ເຍົາ ຊາງັດ, ໄລ່ ຊ້ອງ ຮໍ່ອ ລາລີ່ ຈ່ອຍ ເຍົາ ນະກ້ອຍ. ມາ ຄັນ ເຍົາ ຕາ ເບີນ ຊາງັດ, ໄລ່ ຊ້ອງ ຕຸຣ. ກະ ຄັນ ເຍົາ ຕະ ໂອນ ໄລ່ ຊ້ອງ ຕຸຣ ລາ ຕາ ເບີນ ແກີດ ເກົາ ອິນເຕົ້າ ໂອນ

ເຍົາ. 18 ແຊອ ເຍົາ ເກົາແຊອ ຈ່ອຍ ຮິ. ຮາງິຣ ຮິ ຊ້ອງ ຮາຕອຍ ລາລີ່ ກະ ເຢີງ ເຈົ້າຮາຊີ. ຮິ ຊ້ອງ ຍິອ ອີ ຕະ ເລືອຍໆ ຮານະ ປຍາຍ. 19 ມາ ແຊອ ເຍົາ ເກົາແຊອ ຈ່ອຍ ເກົາ ຊາອິຍ ລາລີ່, ໂອນ ເຕ່ອ ເຢີງ ເຈົ້າຮາຊີ ຈ່ອຍ ເກົາ ໂອນ ໄວ່ ຮາມິຣ ລັຣ ເຍົາ.

ເກົາແຊອ ໂອນ ໄລ່  
20-21 ເຢີງ ເຈົ້າຮາຊີ ຈ່ອຍ ອາມັງ ລັຣ ເຢຊູ ກຣີ ດ, ອິນເຈົ້າ ໄຮ. ເຢຊູ ລາ ນະ ກວາຍ ກຍາອ ອໍ ແກະ ອັນ, ຍ່ອນ ອັນ ໂອນ ອາຮາມ ອັນ ໂອນ ແກີດ ປ ຍາຍ ຮາມິຣ ເຢີງ ເຈົ້າຮາຊີ ປັຣຄັນ ກະ ກວາຍ. ເກົາ ແຊອ ເຢີງ ເຈົ້າຮາຊີ, ອັນ ກາ ຕາລາ ຮາມິຣ ອຽນ ອໍ, ຈ່ອຍ ກູ່ ຮາມິຣ ອໍ ໂອນ ເຍົາ ເຕ່ອ ຕະ ປຍາຍ ຮານະ ອັນ ຍິອ ເຍົາ ຕະ. ເກົາ ແຊອ ອັນ ຕະ ຕິ່ງ ຮາງິຣ ເຍົາ ຮາມິຣ ອິນເຕົ້າ ຮາງິຣ ອັນ ຊ້ອງ ຮໍ່ອ ຍິອ ອີ ຕະ, ຍ່ອນ ເຢຊູ ກຣີດ. ນະກ້ອຍ ໂອນ ໄຮ ຍ່ອງ ເລືອຍໆ ເຢຊູ ກຣີດ ຊົດ ແດີຍ ເລີ່ຍ ກູ ມໍ. ອາແມນ.\*

ປັຣນາຍ ປັຣຊົດ  
22 ກະ ເກົາ ແຊອ ກູກຸຣ ເຍົາ, ແຊມອາຍ ເອີຍ! ແຊອ ເຍົາ ຊາງັດ ມັຣ ປັຣນາຍ ເກົາ ກາແອັຣ ເຍົາ, ຍ່ອນ ເກົາ ຄຽນ ເຈຍ ປັຣນາຍ ຊາອິຣ ໄລ່ ໂອນ ເຍົາ, ມາ ເກົາ ຄຽນ ບິອ ຊ້ອງ. 23 ເກົາ ອາຕີ ໂອນ ເຍົາ ດັງ ເມົາ ອາໂຣຍຣ ເຈີ່ ຕິໂມທຽວ, ລາ ແຊມ ອາຍ ໄຮ. ຄັນ ອັນ ມາ ແຕ້ອ ໄວ່ ປີ ເກົາ, ເກົາ ເດິງ ອັນ ເປາະ ກະ ເກົາ ແຕ້ອ ເກົາ ເປາະ ຊາອິຣ ເຍົາ.

24 ແຊອ ພາອ ເຍົາ ກາຮານ ເລີ່ຍ ມັຣ ກວາຍ ຕາລາ ດຸງ ຊາງ ເຍົາ, ກະ ອິນແຍ່ະ ມັຣ ກວາຍ ຊາ ອຳ ການໍ່ອ. ມູ່ ກາ ຊາອຳ ຕິ່ງ ກວາງ ອິຕາລີ ໄລ່ ພາອ ຊາອິຣ ເຍົາ ເຕ່.

25 ເກົາ ແຊອ ເຢີງ ເຈົ້າຮາຊີ ຈ່ອຍ ເມົາດ ເລືອ ຍໆ ອິນແຍ່ະ ນະ ເຍົາ.

\* 13:20-21 13:20-21 ປັຣນາຍ 'ອາແມນ' ອາຕີ ລັຣ ລາ 'ກຣັກ ນະກ້ອຍ' ແຕີລາ 'ແຊອ ໂອນ ແກີດ ນະກ້ອຍ.'

# ຢາໂກໂບ ຄຽນ ປັນຍາ ຊາອົຣ

ປັນຍາ ອາຕິ ອິນໂຍ່ງ

ປຶງ ໄນ່ ຢາໂກໂບ ຄຽນ ມາຮ 50 ກູມໍ ແວັດ ເຢຊູ ແກັດ. ເມົ້າ ປາຍ ຢາໂກໂບ ໄນ່ ລາ ອາແອມ ເຢຊູ, ກະ ອັນ ແກັດ ກວາຍ ອາໂຍ່ງ ມູ່ ກາ ຊາອໍາ ຕຶງ ເມືອງ ເຢຣູຊາເລັມ ແວັດ ເຢຊູ ຊ້ອຣ ປິ ມັນລ້ອງ. ອັນ ຄຽນ ປຶງ ໄນ່ ດໍອ ອາຕິ ມັນຈິດ ລາ ບາຣ ຈຸ່ມ ມັຣ ກວາຍ ອິດຊະຣາເອລ ກາ ແອັດ ອິມປຣາຍຣ ອິມປຣັງ ຕຶງ ກູ່ ກຣວາງ.

ຢາໂກໂບ ຄຽນ ອາຕິ ແຕ ຣານະ ຮັບໂຈມ ກວາ ຍ ຊຸ ກະ ກວາຍ ກາດິດ; ອິນໂຈຍ ຕະ ຕາ ເບິນ ຣາ ລີ. ອັນ ອາຕິ ລາ ອິນໂຈຍ ປາຍ ເຢືາງ ເຈົາຣາຊີ ກາ ເດິງ ກວາຍ ຕະ ຣານະ ໂລ່ຍຣ, ຍ່ອນ ຣານະ ຕາ ອໍ ອິນຈຸງ ລ້ອຣ ແຕ ຣາງິຣ ກວາຍ. ມັຣ ມູ່ ກາ ຊາອໍາ ອິງເຄາະ ຊາງັດ ເຢືາງ ເຈົາຣາຊີ, ອິງເຄາະ ກຍາອົ ອໍ ເລົາຍຣ ເບິມ, ອິງເຄາະ ເບິນ ຣາງິຣ ບຣັຣ ອໍ, ກະ ອິງເຄາະ ອາແຊງ ຈະ. ອັນ ອາຕິ ແຕ ຣາໂງ່ອ ຣາລັງ ແຕ ເຢືາງ ເຈົາຣາຊີ, ກະ ຣາໂງ່ອ ກາ ແຕ້ອ້ ແຕ ກວາ ຍ ແຣີ.

ປັນຍາ ຊາອົຣ ໄນ່ ອາຕິ ໄຮ ອິງເຄາະ ຊາງັດ ກະ ຕະ ຕາປູ່ນ ປັນຍາ ເຢືາງ ເຈົາຣາຊີ; ຕາ ແກ້ນ ຊາອໍາ ຊ້ອງ, ມາ ຕາ ເບິນ ຕະ ອິນເຕົ້າ.

1 ຫົາ ລາ ຢາໂກໂບ ຄຽນ ປັນຍາ ຊາອົຣ ໄນ່ ໂອນ ເຍົາ. ຫົາ ລາ ກວາຍ ຕະ ຣານະ ໂອນ ເຢືາງ ເຈົາຣາຊີ ກະ ໂອນ ເຢຊູ ກຣິດ, ອິນເຈົາ ໄຮ. ຫົາ ຄຽນ ປັນຍາ ໄນ່ ພາອົ ຊາອົຣ ອິນແຍ່ະ ກູ່ ນະ ເຍົາ ມວຍ ຈິດ ລາ ບາຣ ຈຸ່ມເຈືອ ອິດຊະຣາເອລ ກາ ແອັດ ຣາຕັຣ ຣາຕາຍົ ຕຶງ ກູແຕອົ ໄນ່.

ຣາມິຣ ຊາອໍາ ກະ ຣາໂງ່ອ ຣາລັງ

2 ແຊມອາຍ ເອີຍ! ມັຣ ຕຸຣ ກັດ ອິນເຕົ້າ ກາ ແຕ້ອ້ ປິ ເຍົາ, ອິງເຄາະ ເຍົາ ນັບ ຣານະ ກ້ອຍ ລາ ຣານະ ຮໍອົ ບູຍ, 3 ຍ່ອນ ເຍົາ ດັງ ຣານະ ຕຸຣ ກັດ ໄນ່ ອາຕິ ໂອນ ເຍົາ ຊາອໍາ ເຢືາງ ເຈົາຣາຊີ ເຣ່ງ ອາ ຊ້ອຣ. ເຈົ້າ ຣານະ ຕຸຣ ກັດ ໄນ່ ຈ່ອຍ ໂອນ ຣາງິຣ ເຍົາ ແກັດ ເຮົາບ ຈີວ. 4 ຄັນ ເຮົາບ ຈີວ ຣານະ ຕຸຣ ກັດ, ຣາງິຣ ເຍົາ ແກັດ ເຣ່ງ ອາຊ້ອຣ. ນະກ້ອຍ ຣາງິຣ ເຍົາ ຕາ ເບິນ ແອິ ມວຍ ຣາມິຣ ອໍ ອິນເຕົ້າ

ຍິຣ ເມືາງ ເຢືາງ ເຈົາຣາຊີ. 5 ຄັນ ເບິນ ກວາຍ ອາ ແລ່ະ ແຕ ເຍົາ ມາ ຕາ ເບິນ ຣາໂງ່ອ ຣາລັງ, ໂອນ ອັນ ແຊອົ ແຕ ເຢືາງ ເຈົາຣາຊີ. ເຈົ້າ ເຢືາງ ເຈົາຣາຊີ ໂອນ ອັນ ເບິນ ຣາມິຣ ກ້ອຍ. ກະ ເຢືາງ ເຈົາຣາ ຊີ ຕາ ເກ້ຍ ໂຍ່ບ ກວາຍ ອາແລ່ະ ກາ ແຊອົ ແຕ ອັນ. 6 ມາ ຄັນ ເຍົາ ແຊອົ ແຕ ເຢືາງ ເຈົາຣາຊີ, ອິງ ເຄາະ ເຍົາ ຊາອໍາ. ເຍົາ ອິນໂຈຍ ຄິດ ເຢືາງ ເຈົາຣາ ຊີ ຕາ ເບິນ ໂອນ ຣາມິຣ ເຍົາ ແຊອົ. ກວາຍ ອາ ແລ່ະ ມາ ກູຄິດ ນະກ້ອຍ, ກວາຍ ກ້ອຍ ລາ ມູເຈິງ ແດັອ້ ປ່ອງ ກູຢາລ ຕະ. 7 ກວາຍ ອາແລ່ະ ກາ ຄິດ ນະກ້ອຍ, ອັນ ຕາ ເບິນ ອິງກ່ອງ ຮັບ ຣາມິຣ ອິນ ເຕົ້າ ອັນ ແຊອົ ແຕ ເຢືາງ ເຈົາຣາຊີ. 8 ກວາຍ ກ້ອຍ ແກັດ ບາຣ ຣາງິຣ, ນະກ້ອຍ ອັນ ຕະ ອິນເຕົ້າ ລາ ຕາ ເບິນ ແກັດ ຈັບ.

ກວາຍ ຕຸຣ ກາດິດ ກະ ກວາຍ ຊຸ

9 ມັຣ ແຊມອາຍ ກວາຍ ຊາອໍາ ກາ ຕຸຣ ກາດິດ, ອິງເຄາະ ໄລ່ ຮໍອົ ບູຍ ຕຶງ ຣາງິຣ ໄລ່, ຍ່ອນ ໄລ່ ແກັດ ປິດ ແຕ່ ຍິຣ ເມືາງ ເຢືາງ ເຈົາຣາຊີ. 10 ມັຣ ແຊມອາຍ ກວາຍ ຊາອໍາ ກາ ຊຸ, ອິງເຄາະ ໄລ່ ອິນ ໂຈຍ ໂອດ ໄລ່ ເບິນ ຫຣິງ ຊາອິຍ. ຍ່ອນ ອິນຕູ່ນ ໄລ່ ກູຈິດ ປິດ ເມົາດ ມູເຈິງ ປຍາຣ ບັດ. 11 ມັດ ມານາງ ຈັຣ ປຶງ ອໍ, ເຈົ້າ ແກັດ ພວາອົ ເຣ່ງ, ກະ ປ ຍາຣ ບັດ ແກັດ ຮ້ອຣ, ເຈົ້າ ອັນ ຊາຣອຍ. ປຍາຣ ກ້ອຍ ແກັດ ເປຣຣິຍ ລາບວຍົ, ຕາ ເບິນ ອໍ ນ້ອງ. ກວາຍ ຊຸ ລາ ມູເຈິງ ກ້ອຍ ແຕ່. ບ້ອງ ກາ ໄລ່ ຕຸຣ ຍິອົ ອິ ເບິນ ຊາອິຍ, ມາ ໄລ່ ຕາ ດັງ ຕາໄງ ແລ່ະ ໄລ່ ກູຈິດ.

ກວາຍ ກາ ຈີວ ຣາມິຣ ຕຸຣ ກັດ

12 ປູ່ນ ລາລີ້ ກວາຍ ກາ ຈີວ ຣາມິຣ ຕຸຣ ກັດ, ຍ່ອນ ແວັດ ອັນ ຈີວ, ອັນ ເບິນ ຫົາ ອາມົງ ຊົດ ແດັຍ ເລີ່ຍ ກູມໍ.\* ເຢືາງ ເຈົາຣາຊີ ປາຍ ດໍອົ ໂອນ ອິນແຍ່ະ ກູ່ ນະ ກວາຍ ກາ ອາໂຍ່ະ ອັນ ເບິນ ອາ ມົງ ຊົດ ແດັຍ ເລີ່ຍ ກູມໍ. 13 ກວາຍ ອາແລ່ະ ມາ ຊ້ອງ ຍິອົ ອິ ຕະ ຣານະ ໂລ່ຍຣ, ອັນ ຕາ ແຕ່ອົ ປາຍ ເຢືາງ ເຈົາຣາຊີ ອາໂຍ່ງ ອັນ ຕະ ຣານະ ກ້ອຍ, ຍ່ອນ ເຢືາງ ເຈົາຣາຊີ ຕາ ເກ້ຍ ຕະ ໂລ່ຍຣ, ກະ ຕາ ເກ້ຍ ອາໂຍ່ງ ກວາຍ ຕະ ຣານະ ກ້ອຍ. 14 ມາ ກວາຍ ກູ ຄິດ ຕາມມັຣ ແຕ ຣາງິຣ ເບິມ ຍິອົ ອິ ຕະ ຣານະ ຕາມມັຣ. ນະກ້ອຍ ຣາງິຣ ຕາມມັຣ ໄນ່ ອາໂຍ່ງ ກວາຍ ກ້ອຍ ຕະ ຣານະ ໂລ່ຍຣ. 15 ຄັນ ຣານະ ຕາ

\* 1:12 1:12 ຕຶງ ປັນຍາ ກຣິກ ຫົາ ໄນ່ ລາ ຊາກໍາ ນະ ກຸນຕຣວາອົ ເຕົາວ ປຣເຍົາ.

ອໍ ເບີນ ດັຮ ຕິ່ງ ຮາງຮ ກວາຍ, ເຈີ່ ກວາຍ ກ້ອຍ ຕະ ຮານະ ໄລ່ຍຮ. ກະ ຮານະ ໄລ່ຍຮ ໄມ່ ປິດ ອາ ຊ້ອຮ ຕິ່ງ ຮາງຮ ກວາຍ ກ້ອຍ. ມະກ້ອຍ ອິນຕູນ ກວາຍ ກ້ອຍ ກູຈິດ. <sup>16</sup> ແຊມອາຍ ເອີຍ! ເກົາ ຊ້ອງ ອາໂຢະ ລາລີ່ ເຍົາ. ມະກ້ອຍ ອິນໂຈຍ ໂອນ ເມົາ ອາໂລກ ເຍົາ. <sup>17</sup> ກູ່ ຮາມິ່ຮ ອໍ ກະ ປິດ ກາ ໄຮ ເບີນ, ຮາມິ່ຮ ກ້ອຍ ແຊງ ແຕ ເຢັງ ເຈົາຮາຊີ ຕິ່ງ ມັນລ້ອງ. ເຢັງ ເຈົາຮາຊີ ຕະ ເຈີ່ ກູ່ ຮາມິ່ຮ ປັງ ແຕ ມັນລ້ອງ. ຮາມິ່ຮ ປັງ ໄມ່ ຮາປຽນ ເລືອຍ, ພວາອໍ ກະ ທູ່ບ. ມາ ເຢັງ ເຈົາຮາຊີ ຕາ ເບີນ ປຽນ, ກູ່ ກູມໍ ອັນ ມູເຈັງ ເລືອຍ. <sup>18</sup> ເຢັງ ເຈົາຮາຊີ ຮຽຮ ໄຮ ໂອນ ແກັດ ກອນ ອາໄກ ອັນ ຍ່ອນ ປັຮນາຍ ປ ຍາຍ ແຕ ອັນ. ເຈີ່ ເຢັງ ເຈົາຮາຊີ ໂອນ ໄຮ ແກັດ ປິດ ກາເລີຍ ແຕ ກູ່ ຮາມິ່ຮ ກາ ອັນ ແຕງ.

ຊາງັດ ກະ ຕະ ປວາຍ

<sup>19</sup> ເຍົາ ລາ ແຊມອາຍ ກາ ເກົາ ອາໂຢະ ລາລີ່. ມະກ້ອຍ ເກົາ ຍິອໍ ເຍົາ ຊາງັດ ມັຮ ປັຮນາຍ ໄມ່ ເກົາ ອາຕີ ເຍົາ. ກູ່ ນະ ເຍົາ ອິງເຄາະ ຊາງັດ ໄຈ, ມາ ປາຍ ລາເວົ້າຍ, ກະ ອິນໂຈຍ ໄຈ ໂຢ່ບ, <sup>20</sup> ຍ່ອນ ຮາງຮ ໂຢ່ບ ຕາ ເຕອໍ ຕະ ຮານະ ອໍ ແຕ ເຢັງ ເຈົາຮາຊີ. <sup>21</sup> ມະກ້ອຍ ອິງເຄາະ ເຍົາ ຕັຮ ອິນແຍ່ະ ຮານະ ຕາ ອໍ ເຍົາ ດ ຕະ, ກະ ຮານະ ເຍົາ ຍິອໍ ອີ ຕະ ຕາ ອໍ. ກະ ອິງເຄາະ ເຍົາ ເບີນ ຮາງຮ ລາແມ່ນ ຮັບ ປັຮນາຍ ກາ ເຢັງ ເຈົາຮາຊີ ເບີນ ໂຈະ ຕິ່ງ ຮາງຮ ເຍົາ, ຍ່ອນ ປັຮນາຍ ກ້ອຍ ເຕອໍ ໂອນ ຮາເວົ້າຍ ເຍົາ ເບີນ ອາ ມັງ ເລືອຍໆ.

<sup>22</sup> ອິງເຄາະ ເຍົາ ປວາຍ ອໍ ລາລີ່ ປັຮນາຍ ເຢັງ ເຈົາຮາຊີ. ເຍົາ ອິນໂຈຍ ຊາງັດ ມຸງັດ, ເຈີ່ ເຍົາ ຊາ ລິຮ ແຕ່. ຄັນ ເຍົາ ເບີນ ຊ້ອງ ເຈີ່ ປັຮນາຍ ເຢັງ ເຈົາຮາຊີ, ມາ ເຍົາ ຕາ ເບີນ ປວາຍ ລາລີ່, ເຍົາ ອາ ໂລກ ຮາງຮ ເຍົາ ເບີມ. <sup>23</sup> ຄັນ ກວາຍ ອາແລະ ຊ້ອງ ປັຮນາຍ ເຢັງ ເຈົາຮາຊີ, ມາ ອັນ ຕາ ເບີນ ປວາຍ ອໍ ລາລີ່ ປັຮນາຍ ກ້ອຍ, ອັນ ລາ ມະ ກວາ ຍ ກາ ຊາລັງ ມຸ່ລ ຕິ່ງ ຊັຮລັງ. <sup>24</sup> ອັນ ເຮີມ ມຸ່ລ ອັນ ແຈງ ອໍ, ເຈີ່ ອັນ ລ້ອຮ ຕັຮ, ກະ ອັນ ຊາລິຮ ແຕ ຈະ ອັນ ເບີມ. <sup>25</sup> ບຸ່ນ ລາລີ່ ກວາຍ ກາ ອິດ ຈັບ ອິນແຍ່ະ ປັຮນາຍ ອໍ ແຕ ເຢັງ ເຈົາຮາຊີ, ປັຮ ນາຍ ກາ ເຕອໍ ອາກຸັຮ ກວາຍ ແຕ ຕະ ຊູລ ຮານະ ໄລ່ຍຮ. ກວາຍ ກ້ອຍ ປວາຍ ເລືອຍ ປັຮນາຍ ອໍ. ອັນ ຕາ ເບີນ ຊາງັດ ມຸງັດ, ເຈີ່ ຊາລິຮ ແຕ່. ອັນ ຕະ ມັຮ ປັຮນາຍ ກ້ອຍ ອາຕີ. ກວາຍ ກ້ອຍ ເບີນ ບຸ່ນ ແຕ ເຢັງ ເຈົາຮາຊີ ມັຮ ຮານະ ອັນ ຕະ.

<sup>26</sup> ຄັນ ກວາຍ ອາແລະ ຄິດ ຮາງຮ ອັນ ຕາມ້ອງ ອໍ ຍິ່ຮ ເມັງ ເຢັງ ເຈົາຮາຊີ, ມາ ອັນ ຕາ ດັງ ກາ ແອັຮ ເລົາຍຮ ອັນ, ກວາຍ ກ້ອຍ ອາໂລກ ຈະ ອັນ ເບີມ. ອັນ ຊາອໍ ຕາ ເບີນ ແກັດ ເກົາ ອິນເຕົາ. <sup>27</sup> ຮານະ ກາ ເຢັງ ເຈົາຮາຊີ, ອິມປໍ ໄຮ, ມັບ ຕາມ້ ອງ ອໍ ຕາ ເບີນ ໄລ່ຍຮ ອິນເຕົາ ລາ ມະໄມ່: ມວຍ ລາ ຈ່ອຍ ອາກັນ ກູມາຍ ກອນ ກູມູຍໍ ແຕ ມັຮ ໄລ່ ຕຸຮ ກັດ. ກະ ບາຮ ລາ ແອັດ ເຢັງ ແຕ ຮານະ ຕາ ອໍ ຕິ່ງ ກູແຕອໍ ໄມ່.

2

ອິນໂຈຍ ຕະ ອິມພາ ໂຈະ ກວາຍ ຊຸ ກະ ກວາຍ ກາດິດ

<sup>1</sup> ແຊມອາຍ ເອີຍ! ເຍົາ ເບີນ ຊາອໍ ເຈີ່ ເຢຊູ ກຮິດ ອິນເຈົາ ໄຮ, ອັນ ກາ ເບີນ ອໍານາດ ກາເລີຍ ອິນແຍ່ະ ແຕ ການໍອໍ. ມະກ້ອຍ ເຍົາ ອິນໂຈຍ ຕະ ອິມພາ ໂຈະ ກວາຍ ຊຸ ກະ ກວາຍ ກາດິດ. <sup>2</sup> ຄັນ

ບາຮ ມະ ແຕ້ອໍ ປິ ດູງ ໂຮ່ມ ເຍົາ. ມານະ ລາ ກວາ ຍ ຊຸ. ອັນ ໂຈະ ພູມີ ແຢງ ກະ ໂຈະ ກົນ ອາຍ້ອຮ ໄບອໍ ອໍ. ມາ ມານະ ແອັນ ລາ ກວາຍ ກາດິດ. ອັນ ໂຈະ ກົນ ອາຍ້ອຮ ປຣັງ ປຣັງ. <sup>3</sup> ດ ເຍົາ ຢາມັບ ລາ ລີ່ ກວາຍ ກາ ໂຈະ ກົນ ອາຍ້ອຮ ອໍ, ກະ ເຍົາ ອາຕີ ອັນ ຕາກູ ປິ ຕີ່. ມາ ກວາຍ ກາດິດ ເຍົາ ໂອນ ອັນ ຕາຍັງ, ແຕ່ລາ ຕາກູ ຕິ່ງ ເຕົາບ ແຈ່ະ ອາຍັງ ເຍົາ. <sup>4</sup> ມະກ້ອຍ ເຍົາ ຕະ ອິມພາ ກວາຍ ໄມ່ ກະ ກວາຍ ກ້ອຍ, ກະ ເຍົາ ຕັດຊິນ ມະກ້ອຍ ຕາ ໄກຮ.

<sup>5</sup> ແຊມອາຍ ເອີຍ! ໂອນ ເຍົາ ຊາງັດ! ເຢັງ ເຈົາຮາຊີ ຮຽຮ ກວາຍ ກາດິດ ໂອນ ໄລ່ ເບີນ ຮາງຮ ຊາອໍ ເຮັງ ອາຊ້ອຮ. ກະ ອັນ ໂອນ ໄລ່ ເບີນ ຕາລາ ເຕ່ ມັຮ ມຸ່ນ ອັນ ປຣ່ອມ ໂອນ ຈຸ່ມ ໄລ່ ກາ ອາໂຢະ ອັນ. <sup>6</sup> ເຍົາ ຕະ ໂອນ ກວາຍ ກາດິດ ແກັດ ກູມາລ. ມາ ເກົາ ອີ ອາເບຼີຮ ເຍົາ ມວຍ ຮາມິ່ຮ: ກວາຍ ອາ ແລະ ດ ຕະ ເຍົາ ຕຸຮ ກັດ, ກະ ເດັງ ເຍົາ ປິ ກວາ ຍ ຊິດ? ກວາຍ ຊຸ ດ ຕະ ເຍົາ ມະກ້ອຍ, ແມ່ນ ບໍ? <sup>7</sup> ດ ລາລີ່ ໄລ່ ປາຍ ຕາມມັຮ ຕາມແມີ ຮາມິ່ຮ ເຢຊູ. ມາ ເຍົາ ຢາມັບ ຮາມິ່ຮ ເຢຊູ, ກະ ເມົາ ດໍອໍ ເຍົາ ລາ ຈຸ່ມ ເຢຊູ ເຕ່.

<sup>8</sup> ປັງ ປັຮນາຍ ເຢັງ ເຈົາຮາຊີ ເບີນ ປັຮນາຍ ປາ ຕັບ ປິດ ລາລີ່ ປາຍ:

"ອິງເຄາະ ເຍົາ ອາໂຢະ ເຍົາ ມູເຈັງ ເຍົາ ອາໂຢະ ຈະ ເຍົາ ເບີມ."

ຄັນ ເຍົາ ຊາງັດ ປັຮນາຍ ປາຕັບ ໄມ່, ລາ ເຍົາ ຕະ ໄກຮ. <sup>9</sup> ມາ ຄັນ ເຍົາ ຕະ ອິມພາ ກວາຍ ໄມ່ ກະ ກວາຍ ກ້ອຍ, ລາ ເຍົາ ຕັຮ ເຈີ່ ປັຮນາຍ ປາ



ຕັບ ໄມ່. ກະ ເຢິງ ເຈົ້າຮາຊີ ປາຍ ເຍົາ ຕະ ໂລ່ຍຮ, ຍ່ອນ ເຍົາ ຕັຮ ເຈີ່ ປັຮນາຍ ອັນ ປາຕັບ. 10 ຄັນ ກວາຍ ອາແລ່ະ ມາ ຕັຮ ມວຍ ຮາມິ່ຮ ແຕ່ ປັຮ ນາຍ ເຢິງ ເຈົ້າຮາຊີ ປາຕັບ, ກ້ອຍ ລາ ມູເຈິງ ອັນ ຕັຮ ອິນແຍ່ະ ມັຮ ຮາມິ່ຮ ເຢິງ ເຈົ້າຮາຊີ ປາຕັບ. 11 ເຢິງ ເຈົ້າຮາຊີ ປາຕັບ ປັຮນາຍ ໄມ່:

"ອິນໂຈຍ ບິ ກະ ລາກວຍ ເມົ້າ."

ກະ ອັນ ປາຕັບ ປາຍ ແອິນ:

"ອິນໂຈຍ ກາຈິດ ກວາຍ."

ຄັນ ເຍົາ ຕາ ເບິນ ບິ ກະ ລາກວຍ ເມົ້າ, ມາ ເຍົາ ກາຈິດ ກວາຍ, ຮານະ ກ້ອຍ ລາ ມູເຈິງ ເຍົາ ຕັຮ ອິນແຍ່ະ ປັຮນາຍ ເຢິງ ເຈົ້າຮາຊີ ປາຕັບ. 12 ນະກ້ອຍ, ຊັນຕອຍ ອິນເຕົ້າ ເຍົາ ປາຍ, ກະ ຮາ ນະ ອິນເຕົ້າ ເຍົາ ຕະ, ອິງເຄາະ ເຍົາ ຊາແຍິ ນະໄມ່: ອິນຕຸ່ນ ເຢິງ ເຈົ້າຮາຊີ ຕັດຊິ່ນ ກວາຍ ກາ ຍໍ້ນັບ ອັນ ກະ ກວາຍ ກາ ຕາ ເບິນ ຍໍ້ນັບ ປັຮນາຍ ອັນ ປາຕັບ, ຍ່ອນ ອັນ ປາຕັບ ມັຮ ຮາມິ່ຮ ໄມ່ ດໍອ໌ ອາກັຮ ກວາຍ ແຕ ຕະ ຊູລ ຮານະ ໂລ່ຍຮ. 13 ຄັນ ໄຮ ຕາ ເບິນ ອາໂຢ່ະ ຕະ ກວາຍ ການໍ່ອ໌, ອິນຕຸ່ນ ເຢິງ ເຈົ້າຮາຊີ ຕາ ເບິນ ອາໂຢ່ະ ຕະ ເຕ່ ໄຮ. ມາ ຄັນ ໄຮ ອາໂຢ່ະ ຕະ ກວາຍ ການໍ່ອ໌, ອິນຕຸ່ນ ເຢິງ ເຈົ້າຮາຊີ ອາໂຢ່ະ ຕະ ເຕ່ ໄຮ, ກະ ອັນ ຕາ ເບິນ ຕັດ ຊິ່ນ ໄຮ.

ປາຍ ຊາອໍ່າ ມາ ຕາ ເບິນ ຕະ ຕາປຸ່ນ

14 ແຊມອາຍ ເອີຍ! ຄັນ ເບິນ ກວາຍ ອາແລ່ ະ ມາ ປາຍ ອັນ ຊາອໍ່າ ເຢຊູ ກຣິດ, ມາ ກວາຍ ກ້ອຍ ຕາ ເບິນ ຕະ ຮານະ ອໍ່ ອິນເຕົ້າ, ເຈີ່ ອັນ ຊາ ອໍ່າ ກ້ອຍ ຕາ ເບິນ ແກິດ ເກົ້າ ອິນເຕົ້າ. ຄັນ ກວາ ຍ ກ້ອຍ ຊາອໍ່າ ມາຮ ກ້ອຍ ຊ້ອງ, ເຢິງ ເຈົ້າຮາຊີ ຕາ ເບິນ ຈ່ອຍ ອາມົງ ອັນ. 15 ເກົ້າ ປາຍ ນະໄມ່: ຄັນ ເຍົາ ເບິນ ເຍົາ ກາ ຊາອໍ່າ ເຢຊູ ເຈີ່, ມາ ໄລ່ ແອິ ກົນ ອາຍໍ່ອຮ ໂຈະ ກະ ຊັຮນາ ຈາ, 16 ມາ ເຍົາ ປາຍ ຊ້ອງ ໂຈະ ໄລ່: "ເຍົາ ເຈົ້າ ອໍ່ ນໍ່! ເຢິງ ເຈົ້າຮາຊີ ໂອນ ເຍົາ ເບິນ ແອິດ ເບິນ ຈາ." ຄັນ ເຍົາ ປາຍ ນະກ້ອຍ ຊ້ອງ ໂອນ ໄລ່ ກາ ກາດິດ, ມາ ເຍົາ ຕາ ເບິນ ຈ່ອຍ ອິນເຕົ້າ ໄລ່, ມັຮ ເຍົາ ຊາອໍ່າ ຕາ ເບິນ ແກິດ ເກົ້າ ອິນເຕົ້າ. 17 ຄັນ ກວາຍ ອາແລ່ະ ປາຍ ອັນ ຊາອໍ່າ ມາ ອັນ ຕາ ເບິນ ຕະ ຮານະ ອໍ່ ອິນເຕົ້າ, ກວາຍ ກ້ອຍ ຊາອໍ່າ ເມົ້າດໆ ຊ້ອງ.\*

18 ແຕ້ອ໌ ກາ ເບິນ ກວາຍ ແຕ ເຢົາ ຍໍ້ອ໌ ອິ ປາຍ: "ເບິນ ກວາຍ ກາ ຊາອໍ່າ ຊ້ອງ, ກະ ເບິນ ກວາຍ ກາ ນໍ່ອ໌ ກາ ຈ່ອຍ ເຍົາ ເມົ້າດ ຊ້ອງ." ມາ ປຢາຍ໌ ຕາ ແອີຍ ກວາຍ ກ້ອຍ ປາຍ: "ນາມະ ເຕ້ອ໌ ເຍົາ ອາ ປັຮ ໂອນ ເກົ້າ ດັງ ເຍົາ ຊາອໍ່າ ເຢຊູ ເຈີ່, ຄັນ ເຍົາ

ຕາ ເບິນ ຕະ ຮານະ ອິນເຕົ້າ ຈ່ອຍ ເຍົາ? ມາ ເກົ້າ ອິ ອາປັຮ ໂອນ ເຍົາ ດັງ ເກົ້າ ຊາອໍ່າ ເຢຊູ, ລາ ຍ່ອນ ແຕ ຮານະ ເກົ້າ ຕະ ຈ່ອຍ ເຍົາ." 19 ເຍົາ ຊາອໍ່າ ເຈີ່ ເບິນ ແອິງ ເຢິງ ເຈົ້າຮາຊີ ຊ້ອງ ກາ ປິດ. ອໍ່ ລາລີ່ ເຍົາ ຊາອໍ່າ ນະກ້ອຍ. ມາ ອິນແຍ່ະ ເຢິງ ຕາ ອໍ່ ລາ ຊາອໍ່າ ນະກ້ອຍ ເຕ່, ກະ ອິນແຍ່ະ ເຢິງ ຕາ ອໍ່ ຊ້ອງ ອິງກ້ອຮ ລາລີ່ ອັນ. 20 ຄັນ ເຍົາ ຊາອໍ່າ ນະກ້ອຍ ຊ້ອງ, ເຍົາ ຕາ ຢວາຮ ດັງ ຊາອິ້ຍ. ຊານໍ່ ເກົ້າ ອິ ອາ ຕິ ໂອນ ເຍົາ ດັງ, ຄັນ ກວາຍ ຊາອໍ່າ, ມາ ຕາ ເບິນ ຕະ ຮານະ ອໍ່, ມັຮ ອັນ ຊາອໍ່າ ກ້ອຍ ຕາ ເບິນ ແກິດ ເກົ້າ ອິນເຕົ້າ. 21 ເຍົາ ຊາແຍິ ແຕ ອັບຮາຮາມ, ລາ ອາຈວາຍຮ ອາເຈ່ຮ ໄຮ. ອັນ ລາ ກວາຍ ຕານໍ່ອງ ອໍ່ ຢໍ່ຮ ເມິງ ເຢິງ ເຈົ້າຮາຊີ, ຍ່ອນ ອັນ ຊາງັດ ປັຮ ນາຍ ເຢິງ ເຈົ້າຮາຊີ. ເຢິງ ເຈົ້າຮາຊີ ປາຕັບ ອັນ ໂອນ ກຍາກ ກອນ ອັນ, ອິຊາກ, ຕຶງ ຊັນເຕຣິງ ຣິດ. ກະ ອັບຮາຮາມ ຕະ ຕາປຸ່ນ ປັຮນາຍ ເຢິງ ເຈົ້າຮາຊີ ປາຕັບ. 22 ເຍົາ ດັງ ອັບຮາຮາມ ຕາ ເບິ ນ ຊາອໍ່າ ເຢິງ ເຈົ້າຮາຊີ ເມົ້າດ ຊ້ອງ, ມາ ອັນ ຕະ ຕາປຸ່ນ ປັຮນາຍ ເຢິງ ເຈົ້າຮາຊີ ອາຕິ ອັນ. ຍ່ອນ ອັບຮາຮາມ ຕະ ນະກ້ອຍ, ອັນ ອາປັຮ ອັນ ຊາອໍ່າ ເຢິງ ເຈົ້າຮາຊີ ເຮ່ງ ລາລີ່. 23 ນະກ້ອຍ ຊັງໂກຮ ແຕ ປັຮນາຍ ເຢິງ ເຈົ້າຮາຊີ ອາຕິ ແຕ ອິມແບິ. ອັນ ອາຕິ ແຕ ອັບຮາຮາມ ນະໄມ່:

"ອັບຮາຮາມ ຊາອໍ່າ ເຢິງ ເຈົ້າຮາຊີ,

ກະ ເຢິງ ເຈົ້າຮາຊີ ນັບ ອັບຮາຮາມ ລາ ກວາ ຍ ຕານໍ່ອງ ອໍ່ ຢໍ່ຮ ເມິງ ອັນ."

ກະ ກວາຍ ການໍ່ອ໌ ດໍອ໌ ອັບຮາຮາມ ລາ ເຍົາ ເຢິງ ເຈົ້າຮາຊີ. 24 ເຈີ່ ເຍົາ ເຕ້ອ໌ ດັງ, ຄັນ ກວາ ຍ ຊາອໍ່າ ມາ ຕາ ເບິນ ຕະ ຮານະ ອໍ່ ອິນເຕົ້າ, ກວາ ຍ ກ້ອຍ ຕາ ເບິນ ແກິດ ຕານໍ່ອງ ອໍ່ ຢໍ່ຮ ເມິງ ເຢິງ ເຈົ້າຮາຊີ. ມາ ຄັນ ກວາຍ ຊາອໍ່າ ກະ ຕະ ຮານະ ອໍ່, ເຢິງ ເຈົ້າຮາຊີ ນັບ ກວາຍ ກ້ອຍ ຕານໍ່ອງ ອໍ່ ຢໍ່ຮ ເມິງ ອັນ. 25 ມູເຈິງ ກ້ອຍ ເຕ່, ເບິນ ມານະ ມັນ ແຊມ ແຕ ອິມແບິ ຮາມິ່ຮ ຮາຮາບ. ບັອງ ກ້ອຍ ອັນ ລາ ກວາຍ ຈິ ຈະ. ມາ ຕາໄງ ກວາຍ ແຕ ຈຸ່ມ ອິດຊະຮາເອລ ແຕ້ອ໌ ບິ ວິລ ອັນ, ອັນ ຈ່ອຍ ກວາ ຍ ກ້ອຍ. ແຕ້ອ໌ ກວາຍ ການໍ່ອ໌ ຢໍ່ອ໌ ອິ ກາຈິດ ກວາຍ ກ້ອຍ, ຮາຮາບ ຈ່ອຍ ໄລ່ ໂອນ ລ້ອຮ ຮາ ມາ ການໍ່ອ໌ ແອິນ. ຍ່ອນ ຮາຮາບ ຕະ ຮານະ ກ້ອຍ, ນະກ້ອຍ ເຢິງ ເຈົ້າຮາຊີ ນັບ ຮາຮາບ ລາ ກວາຍ ຕານໍ່ອງ ອໍ່ ຢໍ່ຮ ເມິງ ອັນ. 26 ຄັນ ເບິນ ຈະ, ມາ ແອິ ຮາເວີຍ, ຈະ ກ້ອຍ ຕາ ເບິນ ອາມົງ. ມູເຈິງ ກ້ອຍ ເຕ່, ຄັນ ຊາອໍ່າ ມາ ແອິ ຮານະ ອໍ່, ຮານະ ຊາ ອໍ່າ ກ້ອຍ ຕາ ເບິນ ອາມົງ ເຕ່.

\* 2:17 2:17 ແຕ່ລາ ຮານະ ຊາອໍ່າ ອັນ ກູຈິດ ເຈີ່.

### 3

ເລີຍຮ ກວາຍ

<sup>1</sup> ແຊມອາຍ ເອີຍ! ຕາ ເບີນ ອໍ ຊາອີ້ຍ ນະ ແຕ ຈຸ່ມ ເຍົາ ຍິ້ອ ອີ ແກັດ ອາຈານ ອາຕີ ກວາຍ ການໍ່ອໍ, ຍ່ອນ ຮິ ກາ ອາຕີ ກວາຍ ການໍ່ອໍ, ຄັນ ຮິ ມາ ຕາ ເບີນ ຕະ ຕາປຸ່ນ ປັຣນາຍ ຮິ ອາຕີ, ຮິ ເບີນ ໂຕ່ດ ຊາອີ້ຍ ກາເລີຍ ແຕ ກວາຍ ການໍ່ອໍ. <sup>2</sup> ອິນແຍ່ະ ກູ່ ນະ ໄຮ ຕະ ຊາອີ້ຍ ຮານະ ໂລ່ຍຮ. ມາ ຄັນ ເບີນ ກວາຍ ມາ ຕາ ເກີ້ຍ ປາຍ ປັຣນາຍ ໂລ່ຍຮ ອິນເຕ່່າ, ກວາຍ ກ້ອຍ ຕານໍ່ອ່ງ ອໍ ກູ່ ຮາມິ້ຮ ຕິ່ງ ຮາງິ້ຮ ອັນ. ຍ່ອນ ກວາຍ ອາແລ່ະ ມາ ເຮົາບ ກຍາອໍ ເລີ້ຍຮ ອັນ, ກວາຍ ກ້ອຍ ເຮົາບ ກຍາອໍ ອິນແຍ່ະ ຈະ ອັນ ເຕ່. <sup>3</sup> ຄັນ ໄຮ ໂຈະ ກິມ ຕິ່ງ ແບອໍ ອາແຊັຮ ໂອນ ອາແຊັຮ ຊາງັດ ປັຣນາຍ ໄຮ, ເຈີ່ ອິນຕຸ ອາແລ່ະ ໄຮ ຍິ້ອ ອີ ເປາະ, ປຍາຍ໌ ໄຮ ເດີງ ອາແຊັຮ ເປາະ. <sup>4</sup> ເກົາ ປາຍ ແຕ ຕົວະ ແອັນ: ຕົວະ ລາ ປິດ ລາລີ້ ກະ ກູຍາລ ກຸ້ຮ ເຮັງ ລາລີ້ ອັນ, ມາ ອິນນ້ອ່ງ ເຕ່ອໍ ກວາຍ ເດີງ ປໍ ແລ່ະ ອັນ ອີ ເປາະ, ຍ່ອນ ຕົວະ ເບີນ ຊັຮວາ ແກດໆ ໂອນ ເຕ່ອໍ ໄຮ ອາວິ້ຮ. <sup>5</sup> ເລີ້ຍຮ ລາ ນະກ້ອຍ ເຕ່. ອັນ ລາ ແກດໆ ລາລີ້ ຕິ່ງ ຈະ ໄຮ, ມາ ປຍາຍ໌ ອັນ ຕະ ອິນຕີ ປັຣນາຍ ປາຍ ປິດ ໂອນ ກວາຍ ການໍ່ອໍ ຍ່ອ່ງ ໄຮ.

ເກົາ ປາຍ ແຕ ອູ່ຍຮ ແອັນ: ເບີນ ຕຍາຮ ຕາວັຮ ລາລີ້, ມາ ຄັນ ເບີນ ຮັງແຮິ ແກດໆ ຊ້ອ່ງ, ປຍາຍ໌ ອັນ ກາດ ອິນແຍ່ະ ຕຍາຮ ກ້ອຍ. <sup>6</sup> ເລີ້ຍຮ ກວາຍ ລາ ນະ ອູ່ຍຮ ກ້ອຍ ເຕ່. ເລີ້ຍຮ ໄຮ, ອັນ ຕະ ຕາ ອໍ ແກຼ້ຍ ແຕ ອິນແຍ່ະ ຮາມິ້ຮ ການໍ່ອໍ ຕິ່ງ ຈະ ໄຮ. ຄັນ ເລີ້ຍຮ ໄຮ ມາ ຕະ ອິນຕີ ປັຣນາຍ ຕາ ອໍ, ອິນແຍ່ະ ຈະ ໄຮ ແກັດ ຕາ ອໍ ເຕ່. ນະກ້ອຍ ລາ ນະ ອູ່ຍຮ ລ້ອຮ ແຕ ປຣຸ່ງ ອູ່ຍຮ. <sup>7</sup> ເຕ່ອໍ ກວາຍ ກຍາອໍ ກູ່ ຮາມິ້ຮ ຊັນຕຣັນ: ແຈມ, ກູຊັນ, ກະ ກູ່ ຮາມິ້ຮ ກາ ແອັດ ຕິ່ງ ແດັອ ທາເລ. ກະ ກວາຍ ເບີນ ກຍາອໍ ກູ່ ຮາມິ້ຮ ຊັນຕຣັນ ກ້ອຍ ເຈີ່. <sup>8</sup> ມາ ຕາ ເບີນ ກວາຍ ອາແລ່ະ ເຕ່ອໍ ກຍາອໍ ເລີ້ຍຮ ອັນ ເບີມ. ເລີ້ຍຮ ໄຮ ດ ຕະ ອິນຕີ ຊາອີ້ຍ ປັຣນາຍ ຕາ ອໍ. ນະກ້ອຍ ເລີ້ຍຮ ໄຮ ລາ ນະ ປິ້ຮ ກູຊັນ ກາ ເຕ່ອໍ ກາຈິດ ກວາຍ. <sup>9</sup> ເລີ້ຍຮ ໄຮ ຍ່ອ່ງ ເຢົາງ ເຈົ້າຮາຊີ, ອິມບໍ່ ໄຮ; ກະ ເລີ້ຍຮ ໄຮ ປາຍ ຕາມ ມັຮ ໂຈະ ກວາຍ ແຮິ. ມາ ຮານະ ກ້ອຍ ລາ ນະ ໄຮ ປາຍ ຕາມມັຮ ໂຈະ ເຢົາງ ເຈົ້າຮາຊີ ເຕ່, ຍ່ອນ ເຢົາງ ເຈົ້າຮາຊີ ແຕ່ງ ກວາຍ ປວາຍ ຮາງິ້ຮ ອັນ ເບີມ. <sup>10</sup> ປັຣນາຍ ຍ່ອ່ງ ກະ ປັຣນາຍ ປາຍ ຕາມມັຮ ລາ ລ້ອຮ ແຕ ມວຍ ຕາຣັງ ແບອໍ. ແຊມອາຍ ເອີຍ! ຕາ ໄກຮ ຕະ ນະກ້ອຍ! <sup>11</sup> ເບີນ ບໍ່ ມວຍ ປັຮໂລ່

ຍ໌ ແດັອ ກູລິ້ຮ ມາ ເບີນ ແດັອ ແອມ ກະ ແດັອ ຕາ ແອມ? <sup>12</sup> ແຊມອາຍ ເອີຍ! ກັລ ລາວັຮ ຕາ ເກີ້ຍ ແກັດ ປາໄລ ອາໂປນ. ກະ ວັຮ ອາງຸ່ນ ຕາ ເກີ້ຍ ແກັດ ປາໄລ ລາວັຮ. ກະ ມວຍ ປັຮໂລ່ຍ໌ ແດັອ ກູລິ້ຮ ກາ ຕາ ອໍ ຕາ ເຕ່ອໍ ແກັດ ແດັອ ອໍ ແຮິ.

ຮາງິ້ຮ ຮາໂງ່ອ ແຕ ເຢົາງ ເຈົ້າຮາຊີ  
<sup>13</sup> ເບີນ ມາ ຕາ ເບີນ ກວາຍ ແຕ ຈຸ່ມ ເຍົາ ກາ ຮາໂງ່ອ ຮາລັງ ກະ ແຄວ? ຄັນ ເບີນ, ອິງເຄາະ ກວາຍ ກ້ອຍ ແອັດ ອຽນ ອໍ ກະ ຕະ ຮານະ ອໍ ເລືອຍໆ, ມາ ອິງເຄາະ ອັນ ຕາ ແອອໍ ອີ ໂອນ ເມົາ ຍ່ອ່ງ ອັນ. ເຈີ່ ເມົາ ດັງ ອັນ ລາ ກວາຍ ຮາໂງ່ອ. <sup>14</sup> ຄັນ ເຍົາ ມານະ ບວາຮ ແຕ ມານະ, ກະ ມານະ ອີ ກາເລີຍ ແຕ ມານະ, ເຍົາ ອິນໂຈຍ ປາຍ ເຍົາ ຮາໂງ່ອ. ຄັນ ເຍົາ ປາຍ ນະກ້ອຍ, ເຍົາ ປາຍ ອາໂລກ ຊ້ອ່ງ. <sup>15</sup> ຮາໂງ່ອ ກ້ອຍ ຕາ ເບີນ ແຕ່ອໍ ແຕ ມັນລ້ອ່ງ, ມາ ແຕ່ອໍ ແຕ ກູແຕອໍ ໄມ່ ກະ ແຕ ເຢົາງ ຕາ ອໍ ຊ້ອ່ງ. <sup>16</sup> ອິນຕຸ ແລ່ະ ເບີນ ມານະ ບວາຮ ແຕ ມານະ, ກະ ມານະ ອີ ກາເລີຍ ແຕ ມານະ, ອິນຕຸ ກ້ອຍ ເບີນ ຊາອີ້ຍ ຮານະ ໂລ່ຍຮ ກະ ຊາອີ້ຍ ຮານະ ຕາ ອໍ ຕຸກ ຮາມິ້ຮ. <sup>17</sup> ມາ ຄັນ ເຢົາງ ເຈົ້າຮາຊີ ໂອນ ໄຮ ເບີນ ຮາງິ້ຮ ຮາໂງ່ອ ແຕ ອັນ, ອິນໂຍ່ງ ລາລີ້ ໄຮ ເບີນ ຮາງິ້ຮ ອໍ. ອິນຕຸ່ນ ແອັນ, ໄຮ ຕາ ເບີນ ຮາໂລຍຮ ກະ ເຍົາ. ໄຮ ຕະ ອິນຕີ ອໍ. ໄຮ ອິດ ຮາງິ້ຮ ເຍົາ. ໄຮ ຊ້ອ່ງ ອາໂຍ່ະ ຕະ ກວາຍ ການໍ່ອໍ. ໄຮ ຕະ ເລືອຍໆ ຮານະ ອໍ. ໄຮ ຕາ ເບີນ ແກັດ ບາຮ ຮາງິ້ຮ. ກະ ໄຮ ຕາ ເບີນ ຕະ ອິນຕີ ອາໂລກ. <sup>18</sup> ຄັນ ໄຮ ມານະ ຕະ ອໍ ໂຈະ ມານະ, ອິນແຍ່ະ ກູ່ ນະ ໄຮ ແກັດ ຊັງໄກຮ. ເຈີ່ ເຕ່ອໍ ໄຮ ຕະ ເລືອຍ ຮານະ ອໍ.

### 4

ອິງເຄາະ ເຍົາ ຕະ ຕາປຸ່ນ ປັຣນາຍ ເຢົາງ ເຈົ້າຮາຊີ

<sup>1</sup> ມານະ ເຍົາ ເບີນ ມານະ ຮາໂລຍຮ ກະ ມານະ, ມານະ ຕະ ມານະ ຕິ່ງ ຈຸ່ມ ເຍົາ? ເບີນ ກວາຍ ຕະ ນະກ້ອຍ ຍ່ອນ ຮາງິ້ຮ ເຍົາ ດ ຍິ້ອ ຊາອີ້ຍ ຮາມິ້ຮ. ຮາງິ້ຮ ເຍົາ ແກັດ ບາຮ ຮາງິ້ຮ. <sup>2</sup> ເຍົາ ຍິ້ອ ອີ ເບີນ ແກຣັງ ມາ ເຍົາ ຕາ ດັງ ເບີນ. ເຍົາ ກາຈິດ ກວາຍ, ເຈີ່ ເຍົາ ອິດ ແກຣັງ ໄລ່. ເຍົາ ບວາຮ ແກຣັງ ເຍົາ, ມາ ເຍົາ ຕາ ເຕ່ອໍ ເບີນ. ເຈີ່ ເຍົາ ຮາໂລຍຮ ກະ ກັຮ ຈິດ. ເຍົາ ຕາ ດັງ ເບີນ ມັຮ ຮາມິ້ຮ ເຍົາ ຍິ້ອ ອີ ເບີນ, ຍ່ອນ ເຍົາ ຕາ ເບີນ ແຊອໍ ແຕ ເຢົາງ ເຈົ້າຮາຊີ. <sup>3</sup> ຄັນ ເຍົາ ແຊອໍ ແຕ ເຢົາງ ເຈົ້າຮາຊີ, ມາ ເຍົາ ແຊອໍ ຕາ ເບີນ ປຍາຍ໌, ເຈີ່ ເຍົາ ຕາ ດັງ ເບີນ, ຍ່ອນ ເຍົາ

ແຊອ໌ ປວາຍ ຮາງື່ຮ ເຍົາ ຊ້ອງ ຍໍອ໌. <sup>4</sup> ຄັນ ເຍົາ ປາ ຊິ ຮານະ ຕຶງ ກູແຕອ໌ ໄມ່, ລາ ເຍົາ ຊາອັຮ ເຢົາ ເຈົາຮາຊິ. ນະກ້ອຍ ເຍົາ ລາ ນະ ມັນແຊມ ກາ ເປັນ ບາຣ ລຳ ກາຢາອ໌. ກວາຍ ອາແລ່ະ ມາ ຍໍອ໌ ອີ ປວາຍ ຮານະ ຕຶງ ກູແຕອ໌ ໄມ່, ກວາຍ ກ້ອຍ ຕາ ແອອ໌ ອີ ປວາຍ ນ້ອງ ຮານະ ເຢົາ ເຈົາຮາຊິ. <sup>5</sup> ເຍົາ ຄິດ ປຣນາຍ ເຢົາ ເຈົາຮາຊິ ອາຕີ ເຍົາ ຕາ ເປັນ ແກັດ ເກົາ ບໍ? ປຣນາຍ ເຢົາ ເຈົາຮາຊິ ປາຍ ເຢົາ ເຈົາຮາຊິ ໂອນ ຮາເວົ້າຍ ອັນ ແອັດ ຕຶງ ຮາງື່ຮ ໄຮ, ກະ ອັນ ກູຣຍາອ໌ ດໍອ໌ ລາລີ້ ໄຮ. <sup>6</sup> ເຢົາ ເຈົາຮາຊິ ຈ່ອຍ ເມັດ ໂອນ ໄຮ ຕາປຸ່ນ ປຣນາຍ ອັນ, ນະ ປຶ່ງ ປຣນາຍ ອັນ ປາຍ:

"ເຢົາ ເຈົາຮາຊິ ຕາ ເປັນ ນັບ ກວາຍ ກາ ໂອດ, ມາ ອັນ ຈ່ອຍ ເມັດ ກວາຍ ກາ ອາແຊງ ຈະ ເປັນ."

<sup>7</sup> ອົງເຄາະ ເຍົາ ຊາງັດ ປຣນາຍ ເຢົາ ເຈົາຮາຊິ, ກະ ອົງເຄາະ ເຍົາ ຈິລ ເຢົາ ຊາຕານ, ເຈ້ ເຢົາ ຊາຕານ ຕາລຸ່ຮ ເຢົາ ແຕ ເຍົາ. <sup>8</sup> ອົງເຄາະ ເຍົາ ແອັດ ແຈ່ະ ເຢົາ ເຈົາຮາຊິ, ເຈ້ ເຢົາ ເຈົາຮາຊິ ແອັດ ແຈ່ະ ເຍົາ ເຕ່. ກວາຍ ອາແລ່ະ ແຕ ເຍົາ ກາ ເປັນ ໂລ່ຍຮ, ອົງເຄາະ ຕັຮ ອິນແຍ່ະ ຮານະ ໂລ່ຍຮ ກ້ອຍ. ກະ ກວາຍ ອາແລ່ະ ກາ ເປັນ ບາຣ ຮາງື່ຮ, ອົງເຄາະ ອັນ ແກັດ ມວຍ ຮາງື່ຮ ຊ້ອງ. <sup>9</sup> ເຍົາ ກາ ເປັນ ໂລ່ຍຮ, ອົງເຄາະ ເຍົາ ຊ້ອງ ໂຕຍ ແຕ ໂລ່ຍຮ ກ້ອຍ. ພໍ ເຍົາ ງິ່ນ ໂລ່ຍຮ, ອົງເຄາະ ເຍົາ ຊາໂຊຍ, ກະ ເຍົາມ. ເຍົາ ອິນໂຈຍ ກັຣຈັງ, ເຍົາ ເຍົາມ ແອັນ. ເຍົາ ອິນໂຈຍ ແອັດ ຮໍອ໌, ອົງເຄາະ ເຍົາ ໂຕຍ ແອັນ. <sup>10</sup> ຄັນ ເຍົາ ອາແຊງ ຈະ ຍໍຮ ເມົາງ ເຢົາ ເຈົາຮາຊິ, ນະກ້ອຍ ອັນ ອາຊ້ອຣ ເຍົາ ກະ ນັບ ເຍົາ ຕານ້ອງ ອໍ ຍໍຮ ເມົາງ ອັນ.

ແອັງ ເຢົາ ເຈົາຮາຊິ ຊ້ອງ ຕັດຊິ່ນ ໄຮ

<sup>11</sup> ແຊມອາຍ ເອີຍ! ເຍົາ ມານະ ອິນໂຈຍ ປ່ອງ ມານະ. ເຍົາ ມານະ ອິນໂຈຍ ຕູນ ມານະ. ຄັນ ກວາຍ ອາແລ່ະ ມາ ຕະ ນະກ້ອຍ, ລາ ມູເຈົງ ອັນ ປ່ອງ ກະ ຕູນ ຮິດ ເຢົາ ເຈົາຮາຊິ ເຕ່. ກະ ຄັນ ກວາຍ ອາແລ່ະ ປ່ອງ ກະ ຕູນ ຄານອດ ເຢົາ ເຈົາຮາຊິ, ກວາຍ ກ້ອຍ ຕາ ເປັນ ຕະ ຕາປຸ່ນ ນ້ອງ ຄານອດ ກ້ອຍ. ກວາຍ ກ້ອຍ ນະ ກວາຍ ກາ ຕັຮ ຄານອດ ເຢົາ ເຈົາຮາຊິ ຊ້ອງ. <sup>12</sup> ແອັງ ເຢົາ ເຈົາຮາຊິ ຊ້ອງ ໂອນ ໄຮ ເປັນ ຄານອດ ກ້ອຍ, ກະ ແອັງ ອັນ ຊ້ອງ ເຕອ໌ ຕັດຊິ່ນ ກວາຍ. ເຢົາ ເຈົາຮາຊິ ເຕອ໌ ຈ່ອຍ ອາມັງ ກວາຍ, ແຕ່ລາ ກາຈິດ ກວາຍ. ມາ ເຍົາ ຕາ ເປັນ ອຳນາດ ອີ ຕັດຊິ່ນ ເຍົາ.

ໄຮ ຕາ ເປັນ ດັງ ຮານະ ອີ ແຕ້ອ໌ ປັຣແມັ ມັນ ເຕຣົາ

<sup>13</sup> ແຊມອາຍ ເອີຍ! ເປັນ ເມົາ ແຕ ເຍົາ ກາ ດູ ປາຍ: "ປັຣແມັ ມັນເຕຣົາ ຮິ ອີ ເປາະ ປິ ວິລ ປິ ຕິຣ. ຮິ ແອັດ ປິ ກ້ອຍ ມວຍ ກູມ໌. ກະ ຮິ ຈິແຈັງ ແຮ, ເປັນ ປຣະ ກຳໄລ ຊາອິ່ຍ ລາລີ້." <sup>14</sup> ມາ ເຍົາ ຕາ ເປັນ ດັງ ຮານະ ອິນເຕົາ ຕາໄງ ປັຣແມັ. ແດ້ຍ ອາມັງ ເຍົາ ລາ ນະ ອິນເຕົາ? ແດ້ຍ ອາມັງ ເຍົາ ລາ ນະ ແດ້ອ໌ ຕາລູ. ແດ້ອ໌ ຕາລູ ກ້ອຍ ອັນ ແອັດ ມູງັດ ຊ້ອງ, ເຈ້ ອັນ ປິດ. <sup>15</sup> ຄາອ໌ ເຍົາ ປາຍ: "ຄັນ ເຢົາ ເຈົາຮາຊິ ໂອນ, ຮິ ອາມັງ, ຮິ ເປັນ ຕະ ອາໄມ່, ຕະ ອາກ້ອຍ." <sup>16</sup> ມາ ຊານັບ ເຍົາ ຊ້ອງ ອຽນ ລາລີ້ ອິດ ຮາງື່ຮ ເຍົາ ເປັນ. ມາ ເຍົາ ຄິດ ນະກ້ອຍ ລາ ຕາ ອໍ. <sup>17</sup> ຄັນ ກວາຍ ອາແລ່ະ ດັງ ຮານະ ອິນເຕົາ ອໍ, ມາ ອັນ ຕາ ເປັນ ຕະ ຮານະ ກ້ອຍ, ກວາຍ ກ້ອຍ ເປັນ ໂລ່ຍຮ.

## 5

ກວາຍ ຊຸ ມາ ປັຣຈັກ

<sup>1</sup> ເຍົາ ກາ ກວາຍ ຊຸ ເອີຍ! ໂອນ ເຍົາ ຊາງັດ ເກົາ ປາຍ. ອົງເຄາະ ເຍົາ ເຍົາມ ຊາໂຊຍ, ຍ່ອນ ປັຣແມັ ມັນເຕຣົາ ເປັນ ຮານະ ຕຸຣ ກັດ ຊາອິ່ຍ ແຕ້ອ໌ ປິ ເຍົາ. <sup>2</sup> ເກຣັງ ເກຣົາ ເຍົາ ແກັດ ລາບວຍ ເຈ້, ກະ ກົນ ອາຍ້ອຣ ເຍົາ ເປັນ ອິນຕຣຸ່ນ ລືນ ຈາ ເຈ້. <sup>3</sup> ປຣະ ແຍງ ເຍົາ ເປັນ ຊາແຮັຣ ຈາ ເຈ້. ຊາແຮັຣ ໄມ່ ຕະ ໂອນ ເມົາ ດັງ ເຍົາ ລາ ກວາຍ ປັຣຈັກ. ຮານະ ປັຣຈັກ ໄມ່ ລາ ນະ ປັຣລາ ອູ່ຍຮ, ກາຈິດ ເຍົາ ເຕ່. ເຍົາ ເປັນ ຕາໂຣມ ຊາອິ່ຍ ລາລີ້ ເກຣັງ ເກຣົາ, ມາ ແຈ່ະ ເຈ້ ຕາໄງ ເຢົາ ເຈົາຮາຊິ ຕັດຊິ່ນ ອິນແຍ່ະ ກູ່ ນະ ກວາຍ. <sup>4</sup> ເຍົາ ຊ້ອງ ເຈ້ ຊຽງ ກວາຍ ກາ ຮິ ໂດຍ ໂອນ ເຍົາ. ໄລ່ ຊາໂຊຍ, ຍ່ອນ ເຍົາ ໂລ່ບ ປຣະ ເກົາ ໄລ່ ຕະ ຮານະ ໂອນ ເຍົາ. ຊຽງ ໄລ່ ຊາ ໂຊຍ ແຕ້ອ໌ ປິ ກູຕູຣ ເຢົາ ເຈົາຮາຊິ ຕຶງ ມັນລ້ອງ, ອັນ ກາ ຕາລາ ອິນແຍ່ະ ກູ່ ຮາມິ່ຮ. <sup>5</sup> ເຍົາ ແອັດ ຕຶງ ກູແຕອ໌ ໄມ່ ຕາ ເປັນ ແອີ ອິນເຕົາ ເລ້ຍ. ເຍົາ ຊາ ປຣະ. ເຍົາ ຕະ ໂອນ ຈະ ເຍົາ ແກັດ ນະ ຊັນຕຣັນ ປຶ້ມ, ມາ ແຈ່ະ ອີ ແຕ້ອ໌ ເຈ້ ຕາໄງ ເຢົາ ເຈົາຮາຊິ ກາ ຈິດ ເຍົາ. <sup>6</sup> ເຍົາ ຕູນ ກະ ເຍົາ ກາຈິດ ກວາຍ ກາ ຕານ້ອງ ອໍ, ມາ ໄລ່ ຕາ ເປັນ ຕະ ລັຮ ເຍົາ.

ເປັນ ຕຸຣ ກັດ, ໄຮ ອົງເຄາະ ຈິວ

<sup>7</sup> ແຊມອາຍ ເອີຍ! ອົງເຄາະ ເຍົາ ຈິວ ເຕົາ ແຕ້ອ໌ ຕາໄງ ເຢຊູ ແຕ້ອ໌ ລັຮ. ໂອນ ເຍົາ ຄິດ ແຕ ກວາ

ຍ ກາ ຈົຮ ບັດ ຕິ່ງ ໄທຣ. ອັນ ຕາ ເບີນ ຮາງື່ຮ ກຸນເຕົາ ອີ ເບີນ ແຕ່ ປາໄລ ແຕ ມັຮ ບັດ ອັນ ຈົຮ, ຍ່ອນ ອັນ ດັງ ອົງເຄາະ ເບີນ ດູ່ນ ຕາໄງ ພວາອ ເມົາ ເວົ້າຍ, ແຕ ອັນ ແກ້ດ ປາໄລ. <sup>8</sup> ນະກ້ອຍ ເຕ່, ອົງ ເຄາະ ເຍົາ ຈົວ, ມາ ອົງເຄາະ ເຍົາ ເບີນ ຮາງື່ຮ ນະ ກູ ແຕອ. ກະ ອົງເຄາະ ເຍົາ ຊາອຳ ເຮ່ງ ອາຊ້ອຣ ລາ ລີ່ ຕິ່ງ ຮາງື່ຮ ເຍົາ, ຍ່ອນ ແຈ່ ອີ ແຕ້ອ ຕາໄງ ເຢຊູ ແຕ້ອ ລັຮ.

<sup>9</sup> ແຊມອາຍ ເອີຍ! ເຍົາ ມານະ ອິນໂຈຍ ບູແບະ ບູບິບ ແຕ ມານະ, ເຈ່ ເຢົາງ ເຈົາຮາຊີ ຕາ ເບີນ ຕັດຊິ່ນ ນ ເຍົາ. ແຈ່ ອີ ແຕ້ອ ອັນ ກາ ອີ ຕັດຊິ່ນ ໄຮ. ອັນ ແອິດ ກູອ ຍິຮ ງັຮ ຕິ່ງ ເຈ່. <sup>10</sup> ແຊມອາຍ ເອີຍ! ເຍົາ ຊາແຍິ ແຕ ກວາຍ ອາຕີ ຕາງ ປັຣນາຍ ເຢົາງ ເຈົາຮາຊີ ແຕ ອິມແບິ. ບັອງ ໄລ່ ອາຕີ ແຕ ປັຣນາຍ ເຢົາງ ເຈົາຮາຊີ, ໄລ່ ຣາມັຮ ຕຸຣ ກັດ ຊາອິ້ຍ. ມາ ໄລ່ ເບີນ ຮາງື່ຮ ນະ ກູແຕອ. ອົງເຄາະ ເຍົາ ຕະ ຕາ ປຸ່ນ ນະ ໄລ່ ກ້ອຍ ເຕ່. <sup>11</sup> ເຈ່ ໄຮ ດັງ ຄັນ ເບີນ ກວາຍ ເຮົາບ ຈົວ ຣານະ ຕຸຣ ກັດ, ໄລ່ ກ້ອຍ ເບີນ ບຸ່ນ ຊາອິ້ຍ. ເຍົາ ເບີນ ຊ້ອງ ເຈ່ ເບີນ ມານະ ຣາມິ່ຮ ໂຢບ. ອັນ ຣາມັຮ ຊາອິ້ຍ ຕຸຣ ກັດ, ອັນ ແອິດ ຈົວ ຊ້ອງ. ແວັດ ໂຢບ ຈົວ ຕຸຣ ກັດ, ເຢົາງ ເຈົາຮາ ຊີ ໂອນ ອັນ ເບີນ ລັຮ ກາເລີຍ ແຕ ອິນໂຢ່ງ ແອັນ. ເຢົາງ ເຈົາຮາຊີ ຕະ ນະກ້ອຍ, ຍ່ອນ ອັນ ຊ້ອງ ອາ ໂຢະ ຕະ ກວາຍ.

<sup>12</sup> ແຊມອາຍ ເອີຍ! ເກົາ ຍິອ ອາຕີ ເຍົາ ມວຍ ປັຣນາຍ ປັດ ລາລີ່ ປາຍ: ປັຣນາຍ ອິນເຕົາ ເຍົາ ຍິອ ອີ ປາຍ, ເຍົາ ອິນໂຈຍ ອາງ ເຢົາງ ຕິ່ງ ມັນລ້ອງ, ແຕ່ລາ ເຢົາງ ຕິ່ງ ກູແຕອ, ແຕ່ລາ ຣາມິ່ຮ ນໍອ. ປັຣ ນາຍ ອາແລະ ໄກຣ, ອົງເຄາະ ເຍົາ ປາຍ ໄກຣ. ປັຣ ນາຍ ອາແລະ ຕາ ໄກຣ, ອົງເຄາະ ເຍົາ ປາຍ ຕາ ໄກຣ. ນະກ້ອຍ ເຢົາງ ເຈົາຮາຊີ ຕາ ເບີນ ຕັດຊິ່ນ ເຍົາ.

ປັຣນາຍ ເກົາແຊອ ແຕ ເຢົາງ ເຈົາຮາຊີ

<sup>13</sup> ຄັນ ເບີນ ກວາຍ ອາແລະ ແຕ ຈຸ່ມ ເຍົາ ມາ ຈົວ ຕຸຣ ກັດ, ອົງເຄາະ ອັນ ເກົາແຊອ ແຕ ເຢົາງ ເຈົາຮາຊີ ຈ່ອຍ ອັນ. ກະ ຄັນ ເບີນ ກວາຍ ອາແລະ ແຕ ຈຸ່ມ ເຍົາ ມາ ຊ້ອງ ຣໍອ, ອົງເຄາະ ອັນ ລໍາ ຍ່ອງ ເຢົາງ ເຈົາຮາຊີ. <sup>14</sup> ຄັນ ເບີນ ກວາຍ ອາແລະ ແຕ ຈຸ່ມ ເຍົາ ມາ ຕີ ອາອີ, ອົງເຄາະ ເຍົາ ເປາະ ອິດ ໄລ່ ກາ ຕະ ຊົດ ມູ່ ກາ ຊາອຳ ເຢຊູ. ເຈ່ ໂອນ ກວາຍ ຊົດ ກ້ອຍ ອາເຕົາ ແຕ້ອ ອິນຊິ່ງ ຕິ່ງ ຈະ ກວາຍ ຕີ, ແຊອ ເຢົາງ ເຈົາຮາຊີ ປົວ ກວາຍ ຕີ ກ້ອຍ. <sup>15</sup> ຄັນ ໄລ່ ຊາອຳ ເຮ່ງ, ໄລ່ ເກົາແຊອ ຈ່ອຍ ກວາຍ ຕີ ກ້ອຍ

ແກ້ດ ແບຣັຮ, ກະ ເຢົາງ ເຈົາຮາຊີ ຕະ ໂອນ ກວາ ຍ ກ້ອຍ ແກ້ດ ແບຣັຮ. ຄັນ ກວາຍ ຕີ ເບີນ ຕະ ໂລ່ຍຣ ອິນເຕົາ, ເຢົາງ ເຈົາຮາຊີ ຕັຮ ໂລ່ຍຣ ກວາຍ ກ້ອຍ. <sup>16</sup> ນະກ້ອຍ ອົງເຄາະ ເຍົາ ອິມປຣ່ອມ ງິ່ນ ໂລ່ຍຣ. ກະ ອົງເຄາະ ເຍົາ ມານະ ເກົາແຊອ ຈ່ອຍ ມານະ ຕິ່ງ ຈຸ່ມ ເຍົາ ໂອນ ເຕອ ແກ້ດ ບັນ. ຄັນ ກວາ ຍ ຕາມ້ອງ ອໍ ມາ ເກົາແຊອ, ປັຣນາຍ ອັນ ແກ້ດ ແບຼງ. <sup>17</sup> ເອລີຢາ ລາ ກວາຍ ນະ ໄຮ ເຕ່. ອັນ ເກົາ ແຊອ ແຕ ເຢົາງ ເຈົາຮາຊີ ອິນແຍ່ະ ຮາງື່ຮ ອັນ ໂອນ ຕາ ເບີນ ເມົາ ນ້ອງ. ເຈ່ ຕາ ເບີນ ເມົາ ນ້ອງ ອິນ ແຍ່ະ ໄປ ກູມິ່ ມູ່ ຕາດີ. <sup>18</sup> ແວັດ ກ້ອຍ ອັນ ເກົາ ແຊອ ໂອນ ເມົາ ລັຮ. ເຈ່ ເຢົາງ ເຈົາຮາຊີ ໂອນ ເມົາ ແຊງ ລັຮ ປິ ກູແຕອ ໂອນ ແກ້ດ ອາມິ່ງ ລັຮ ທາຣິ່ງ ຊັຣນັຮ.

<sup>19</sup> ແຊມອາຍ ເອີຍ! ຄັນ ເບີນ ກວາຍ ອາແລະ ແຕ ເຍົາ ມາ ແກ້ ແຕ ຣາມາ ເຢົາງ ເຈົາຮາຊີ, ອໍ ໂອນ ກວາຍ ການໍອ ຈ່ອຍ ອັນ ໂອນ ລັບ ລັຮ ປວາຍ ຣາ ມາ ເຢົາງ ເຈົາຮາຊີ. <sup>20</sup> ເກົາ ຍິອ ເຍົາ ດັງ ນະໄມ່: ກວາຍ ອາແລະ ກາ ຈ່ອຍ ກວາຍ ແກ້ ຣາມາ ໂອນ ລັບ ລັຮ ຕິ່ງ ຣາມາ ເຢົາງ ເຈົາຮາຊີ, ກວາຍ ກ້ອຍ ຈ່ອຍ ຣາເວົ້າຍ ອັນ ເບີນ ຣາມັຮ ລັຮ ເຢົາງ ເຈົາຮາ ຊີ. ກະ ເຢົາງ ເຈົາຮາຊີ ຕັຮ ອິນແຍ່ະ ມັຮ ໂລ່ຍຣ ອັນ.

# ເປໂຕ ຄຽນ ປັນຍາຍ ຊາອົສ ມວຍ

ປັນຍາຍ ອາຕີ ອິນໂຍ່ງ

ເປໂຕ ລາ ມານະ ແຕ ມູ່ ກາ ເຢຊູ ຮຽນ ປາຈຸ່ຮ ໂອນ ເປາະ ຕະ ຣານະ ອັນ. ເປໂຕ ຄຽນ ປຶ່ງ ມວຍ ໄນ່ ມາຮ 63-64 ກູມໍ ແວັດ ເຢຊູ ແກັດ. ອັນ ພາອົ ຊາອົສ ມັຮ ກວາຍ ກາ ເຢິງ ເຈົາຮາຊີ ຮຽນ ກາ ແອັດ ອິມປຣາຍຮ ອິມປຣັງ ກູ່ ກຮວາງ ຕຶ່ງ ກູແຕອົ ໄນ່.

ມັຮ ປັນຍາຍ ໄນ່ ເປໂຕ ຄຽນ ດໍອົ ອາເລີມ ມັຮ ກວາຍ ຊາອໍາ ກາ ຣາມັຮ ຊາອິຍ ຣາມິ່ຮ ຕຸ່ຮ ກັດ, ໂອນ ໄລ່ ຢຸມ ຈັບ ມັຮ ຣາມິ່ຮ ກາ ໄລ່ ຊາອໍາ. ອັນ ອາຕີ ແຕ ເຢຊູ ກູຈິດ ກະ ອາມັ່ງ ລັຮ, ກະ ປັຮແນີ ມັນເຕຣີາ ມ່ນ ເຢຊູ ແຕ້ອົ ລັຮ ເຮັບ ກາ ບາຮ. ມັຮ ກວາຍ ຊາອໍາ ອິງເຄາະ ຣາມັຮ ຊາອິຍ ຣາມິ່ຮ ຕຸ່ຮ ກັດ ກາ ອີ ລ່ອງ ໄລ່, ກະ ໂອນ ໄລ່ ເປີນ ຮາງິ່ຮ ເຮັບ ຈິວ. ອິງເຄາະ ແອັດ ຊາເບິງ ອໍ ຕຶ່ງ ຮາງິ່ຮ ໄລ່ ຊາອໍາ, ເຈິ່ ແຕ້ອົ ຕາໂງ ອິນຕຸ່ນ, ລີ່ ໄລ່ ເປີນ ຮັບ ກີ້າ ແຕ ເຢຊູ ກຮິດ.

1 ກີ້າ ລາ ເປໂຕ, ລາ ກວາຍ ກາ ເຢຊູ ກຮິດ ຮຽນ ປາຈຸ່ຮ ໂອນ ເປາະ ຕະ ຣານະ ອັນ. ກີ້າ ຄຽນ ປັນຍາຍ ໄນ່ ພາອົ ຊາອົສ ອິນແຍ່ະ ມັຮ ມູ່ ກາ ຊາອໍາ ແອັດ ອິມປຣາຍຮ ອິມປຣັງ ກູ່ ອິນຕຸ ຕຶ່ງ ມັຮ ກາ ແຄງ ປົນໂຕ, ຄາລາເຕຍ, ກາປາໂດເກຍ, ເອເຊຍ, ກະ ປິທິເນຍ. 2 ເຍົາ ລາ ກວາຍ ກາ ເຢິງ ເຈົາຮາຊີ ອິມບໍ່ ໄຮ ຮຽນ, ຍ່ອນ ອັນ ດັງ ແຕ ອິນ ໂຍ່ງ ເຈິ່ ຕຶ່ງ ຮາງິ່ຮ ເຍົາ. ກະ ເຢິງ ເຈົາຮາຊີ ຕະ ໂອນ ເຍົາ ເປີນ ຮາງິ່ຮ ຍິອົ ອີ ຕະ ແອັງ ຣານະ ອັນ ຊ້ອງ, ຍ່ອນ ແຕ ຮາເວີຍ ອັນ, ໂອນ ແຕ່ອົ ເຍົາ ຊາ ງັດ ເຢຊູ ກຮິດ, ກະ ຮາງິ່ຮ ເຍົາ ແກັດ ບຣັຮ ຍ່ອນ ອາຮາມ ອັນ.

ກີ້າ ແຊອົ ເຢິງ ເຈົາຮາຊີ ຈ່ອຍ ພິດ ເຍົາ ຊາ ອິຍ ລາລີ່ ກະ ໂອນ ເຍົາ ແອັດ ບັນ ຊວານ ອຽນ ອໍ ເລືອຍໆ.

ໄຮ ອິງກ່ອງ ມູ່ນ ແຕ ເຢິງ ເຈົາຮາຊີ

3 ໄຮ ຊາແອັນ ລາລີ່ ເຢິງ ເຈົາຮາຊີ, ອິມບໍ່ ເຢຊູ ກຮິດ ອິນເຈົາ ໄຮ. ຍ່ອນ ເຢິງ ເຈົາຮາຊີ ຊ້ອງ ອາໂຍ່ະ ຕະ ໄຮ, ນະກ້ອຍ ອັນ ໂອນ ໄຮ ແກັດ ລັຮ ຕາໄມ ແອັນ ກະ ອິງກ່ອງ ເປີນ ອາມັ່ງ ເລືອຍໆ ຍ່ອນ ອັນ ໂອນ ເຢຊູ ກຮິດ ອາມັ່ງ ລັຮ ແຕ ກູຈິດ.

4 ນະກ້ອຍ ໄຮ ແດັກ ປາແດັກ ອິງກ່ອງ ມູ່ນ ກາ ເຢິງ ເຈົາຮາຊີ ດໍອົ ໂອນ ໄຮ ຕຶ່ງ ມັນລ່ອງ. ມູ່ນ ກ້ອຍ ຕາ ເກີ່ຍ ແກັດ ລາບວຍ ອິນໂຊະ, ຕາ ເກີ່ຍ ຮຸ່ງ, ກະ ຕາ ເກີ່ຍ ແກັດ ໂງ່ດ. 5 ມູ່ນ ກ້ອຍ ເຢິງ ເຈົາຮາຊີ ດໍອົ ໂອນ ເຍົາ. ກະ ຍ່ອນ ເຍົາ ຊາ ອໍາ, ອໍານາດ ອັນ ກຍາອົ ເຍົາ ເຕົ້າ ແຕ້ອົ ຕາໂງ ອັນ ຈ່ອຍ ອາມັ່ງ ເຍົາ. ຣານະ ອັນ ຈ່ອຍ ອາມັ່ງ ເຍົາ, ອັນ ກຽມ ດໍອົ ອິນໂຍ່ງ ຍິອົ ອີ ອາປັຮ ແຕ້ອົ ຕາ ໂງ່ ປັຮຊັດ ເລີ່ຍ. 6 ນະກ້ອຍ ເຍົາ ຊ້ອງ ຮໍ່ອົ ລາລີ່. ຕາ ເປີນ ອິນເຕົ້າ ອິງເຄາະ ເຍົາ ຈິວ ຊາອິຍ ຣາມິ່ຮ ຕຸ່ຮ ກັດ ຕຶ່ງ ແດັຍ ໄນ່. 7 ເຢິງ ເຈົາຮາຊີ ໂອນ ມັຮ ຣາມິ່ຮ ຕຸ່ຮ ກັດ ກ້ອຍ ດໍອົ ລ່ອງ ເຍົາ ຊາອໍາ ລາລີ່ ມາ ຕາ ເປີນ. ແຢງ ລາ ຫາຮິ່ງ ຕຶ່ງ ແດັຍ ໄນ່ ຊ້ອງ. ມາ ຄັນ ເມົ້າ ຍິອົ ອີ ດັງ ປາຍ ເຈຍ ແຢງ ມາ ຕາ ເປີນ, ເມົ້າ ເກີ່ຍ ລ່ອງ ແຕ ອູ່ຍຮ. ມາ ຮາງິ່ຮ ເຍົາ ຊາ ອໍາ ລາ ອໍ ແກຼຍ ແຕ ແຢງ ຕຶ່ງ ແດັຍ ໄນ່. ນະກ້ອຍ ອິງເຄາະ ເຢິງ ເຈົາຮາຊີ ລ່ອງ ເຈຍ ເຍົາ ຊາອໍາ, ມາ ຕາ ເປີນ. ຄັນ ເຍົາ ອິນນ້ອງ ຊາອໍາ, ເຢິງ ເຈົາຮາຊີ ຍ່ອງ ເຍົາ ກະ ໂອນ ກວາຍ ການ້ອຍ ຍ່ອງ ເຕົ້ ເຍົາ, ຕຶ່ງ ຕາໂງ ເຢຊູ ກຮິດ ແຕ້ອົ ລັຮ ປິ ກູແຕອົ ໄນ່. 8 ເຢຊູ ກຮິດ, ເຍົາ ຕາ ເກີ່ຍ ເຮັມ, ມາ ອິນນ້ອງ ເຍົາ ອາໂຍ່ະ ອັນ. ເຍົາ ຕາ ເປີນ ເຮັມ ອັນ ຊານຸ່, ມາ ອິນນ້ອງ ເຍົາ ຊາອໍາ ອັນ, ກະ ເຍົາ ຊ້ອງ ຮໍ່ອົ ບູຍ ອິນແຍ່ະ ຮາງິ່ຮ ຮາແຮີ. ຕາ ດັງ ອິນເຕົ້າ ອີ ປາຍ ນ້ອງ ຮາງິ່ຮ ຮໍ່ອົ ກ້ອຍ. 9 ຣາມິ່ຮ ກາ ເຍົາ ເປີນ ຮັບ ຍ່ອນ ເຍົາ ຊາອໍາ ກ້ອຍ ລາ ຮາເວີຍ ເຍົາ ເປີນ ອາມັ່ງ ເລືອຍໆ.

10 ຄັນ ອາຕີ ແຕ ຣານະ ອາມັ່ງ ເລືອຍໆ ກ້ອຍ, ມັຮ ກວາຍ ຕາງ ປັນຍາຍ ເຢິງ ເຈົາຮາຊີ ແຕ ອິມ ແປີ, ໄລ່ ຈາຈໍອົ ກະ ຮຍານ ເລືອຍໆ ຍິອົ ອີ ດັງ. ໄລ່ ກ້ອຍ ອາຕີ ອິນໂຍ່ງ ແຕ ມັຮ ຣາມິ່ຮ ອິນເຕົ້າ ເຢິງ ເຈົາຮາຊີ ອີ ຈ່ອຍ ພິດ ເຍົາ. 11 ໄລ່ ຍິອົ ອີ ດັງ ແຕ ກວາຍ ອາແລະ ກະ ແດັຍ ອິນເຕົ້າ ຮາ ເວີຍ ກຮິດ ອາຕີ ຕຶ່ງ ຮາງິ່ຮ ໄລ່, ພໍກາ ຮາເວີຍ ກ້ອຍ ອາປັຮ ໂອນ ໄລ່ ດັງ ກຮິດ ອິງເຄາະ ຈິວ ຕຸ່ຮ ກັດ, ກະ ອິນຕຸ່ນ ກ້ອຍ ອັນ ເປີນ ອໍານາດ ປັດ ລາ ລີ່. 12 ເຈິ່ ເຢິງ ເຈົາຮາຊີ ອາປັຮ ໂອນ ໄລ່ ດັງ ມັຮ ຣາມິ່ຮ ໄລ່ ອາຕີ ອິນໂຍ່ງ ຕາ ເປີນ ແຕ້ອົ ປິ ໄລ່, ມາ ແຕ້ອົ ປິ ເຍົາ. ກະ ມັຮ ຣາມິ່ຮ ເມົ້າ ອາຕີ ອິນ ໂຍ່ງ ກ້ອຍ, ຊານຸ່ ກວາຍ ກາ ເດັງ ປັນຍາຍ ອໍ ໂອນ ເຍົາ, ລາ ຍ່ອນ ແຕ ຮາເວີຍ ເຢິງ ເຈົາຮາຊີ ແຕ ມັນລ່ອງ ແປຣີ ໄລ່ ເປາະ ອາຕີ, ໄລ່ ອາຕີ ແຕ້ອົ

ເຈົ້າ ມັຮ ຣາມິ້ຮ ກ້ອຍ. ມາ ມັຮ ຣາມິ້ຮ ກ້ອຍ, ກາ ເທວາດາ ເຢີງ ເຈົ້າຣາຊີ ລາ ຢັອ ອີ ດັງ ເຕ່.

ແອິດ ຕາມັ່ງ ອໍ

13 ຍ່ອນ ນະກ້ອຍ, ອີງເຄາະ ເຍົາ ແອິດ ເກຣາ ະ ລາລົງ ລາໂລຍ໌ ເລືອຍໆ. ອີງເຄາະ ເຍົາ ກຍາອ໌ ອໍ ຈະ ເຍົາ ເບີມ. ອີງເຄາະ ເຍົາ ແດັກ ປາແດັກ ອີງ ກ່ອງ ເລືອຍໆ ມັຮ ຣາມິ້ຮ ກາ ເຢີງ ເຈົ້າຣາຊີ ອີ ຈ່ອຍ ເມັດ ເຍົາ ຕຶ່ງ ຕາໄງ ເຢຊູ ກຣິດ ແຕ້ອ໌ ລັຮ ປໍ ກູແຕອ໌ ໄນ່. 14 ອີງເຄາະ ເຍົາ ຊາງັດ ເລືອຍ ອີມ ບໍ່ ເຍົາ ຕຶ່ງ ມັນລ້ອງ. ອິນໂຈຍ ຕາປູນ ນ່ອງ ຣາ ນະ ຕາ ອໍ ກາ ເຍົາ ເກ້ຍ ຢັອ ບັອງ ກາ ເຍົາ ຕາ ຢ ວາຣ ດັງ ເຢີງ ເຈົ້າຣາຊີ. 15 ຍ່ອນ ເຢີງ ເຈົ້າຣາຊີ ກາ ກູອ໌ ເຍົາ ລາ ບຣັຮ ອໍ, ນະກ້ອຍ ກູ່ ຣານະ ເຍົາ ຕະ ອີງເຄາະ ແກິດ ບຣັຮ ອໍ ເຕ່. 16 ອີງເຄາະ ເຍົາ ແກິດ ນະກ້ອຍ, ຍ່ອນ ປຶ່ງ ປັຮນາຍ ເຢີງ ເຈົ້າຣາຊີ ແຕ ອີມແບິ ປາຍ:

"ອີງເຄາະ ເຍົາ ແກິດ ບຣັຮ ອໍ, ຍ່ອນ ເກົາ ລາ ເຢີງ ກາ ບຣັຮ ອໍ."

17 ເຍົາ ດໍອ໌ ເຢີງ ເຈົ້າຣາຊີ ລາ ອີມບໍ່ ເຍົາ. ອັນ ລາ ເຢີງ ກາ ຕັດຊິນ ກູ່ ນະ ກວາຍ ລາ ລິຣາລີ ອິນແຍ່ະ, ກະ ອັນ ຕັດຊິນ ກູ່ ນະ ກວາຍ ຕາປູນ ມັຮ ຣານະ ໄລ່ ຕະ. ຄັນ ນະກ້ອຍ, ຊົດ ແດິຍ ອາ ມັ່ງ ເຍົາ ຕຶ່ງ ກູແຕອ໌ ໄນ່ ອີງເຄາະ ຢາມັບ ເລືອຍໆ ອັນ. 18 ຍ່ອນ ເຍົາ ດັງ ແຕ ຣາມິ້ຮ ອິນເຕົ້າ ເຢີງ ເຈົ້າຣາຊີ ໄທ ລັຮ ເຍົາ ແຕ ຣານະ ຕາ ເບີນ ແກິດ ເກົາ ອິນເຕົ້າ. ຣານະ ກ້ອຍ ລາ ແຕ ອາຈວາຍຮ ອາ ເຈ່ຮ ເຍົາ. ຕຶ່ງ ຕາໄງ ເຢີງ ເຈົ້າຣາຊີ ໄທ ລັຮ ເຍົາ, ອັນ ຕາ ເບີນ ໂອນ ປຣະ, ແຢງ, ແຕ່ລາ ເກຣັງ ກາ ເຕ່ອ໌ ແກິດ ປິດ. 19 ມາ ອັນ ໄທ ເຍົາ ແຕ ເກຣັງ ປາຊີ ລາລີ້, ລາ ອາຮາມ ເຢຊູ ກຣິດ. ເຢຊູ ກຣິດ ລາ ນະ ແກະ ກອນ ອໍ, ຕາ ກາ ເບີນ ຊາຣີ້ ອິນເຕົ້າ. ແກະ ກ້ອຍ ເມົາ ກຍາກ ຕາງ ກວາຍ ໄລ່ຍຮ, ໂອນ ເຢີງ ເຈົ້າຣາຊີ ຕັຮ ໄລ່ຍຮ ກວາຍ ກ້ອຍ. 20 ເຢີງ ເຈົ້າຣາຊີ ມັດ ດໍອ໌ ໂອນ ເຢຊູ ກຣິດ ອີງເຄາະ ຕະ ຣາ ນະ ໄນ່ ແຕ ອິນໂຍ່ງ ອັນ ຕາ ຢວາຣ ແຕງ ມັນລ້ອງ ກູແຕອ໌; ມາ ຕຶ່ງ ແດິຍ ປັຮຊົດ ໄນ່ ອັນ ອາປັຮ ເຢຊູ ດໍອ໌ ຈ່ອຍ ເຍົາ. 21 ຍ່ອນ ແຕ ເຢຊູ, ເຍົາ ເຕ່ອ໌ ຊາ ອໍ ເຢີງ ເຈົ້າຣາຊີ, ອັນ ກາ ຈ່ອຍ ໂອນ ເຢຊູ ກຣິດ ອາມັ່ງ ລັຮ ແຕ ກູຈິດ, ກະ ໂອນ ເຢຊູ ເບີນ ອໍານາດ ປິດ ລາລີ້. ນະກ້ອຍ ເຍົາ ຊາອໍ ເຢີງ ເຈົ້າຣາຊີ ກະ ອີງກ່ອງ ຣາມິ້ຮ ອໍ ແຕ ອັນ.

22 ຊານຸ່ ຣາງິ້ຮ ເຍົາ ແກິດ ບຣັຮ ອໍ, ລາ ຍ່ອນ ເຍົາ ຊາງັດ ປັຮນາຍ ປຍາຍ໌ ກະ ອາໂຍ່ະ ລາລີ້ ມັຮ

ແຊມອາຍ ກາ ຊາອໍ ເຢຊູ ກຣິດ. ເຈົ້ ໂອນ ເຍົາ ມານະ ອາໂຍ່ະ ມານະ ອິນແຍ່ະ ຣາງິ້ຮ. 23 ຍ່ອນ ແຕ ປັຮນາຍ ເຢີງ ເຈົ້າຣາຊີ, ລາ ປັຮນາຍ ອາມັ່ງ ກະ ຕາ ເກ້ຍ ຣາປຽນ, ເຍົາ ລາ ນະ ເມົາ ຣັຮ ລັຮ. ກະ ອີມບໍ່ ເຍົາ ລາ ເຢີງ ເຈົ້າຣາຊີ, ຕາ ແກິນ ກວາ ຍ. 24 ປຶ່ງ ປັຮນາຍ ເຢີງ ເຈົ້າຣາຊີ ແຕ ອີມແບິ ປາຍ ເຈົ້:

"ອິນແຍ່ະ ມັຮ ກວາຍ ລາ ນະ ບັດ. ກະ ອໍານາດ ກວາຍ ລາ ນະ ປຢາຮ ບັດ.

ບັດ ແກິດ ຣັອຮ; ປຍາຮ ອັນ ຊາຣອຍ; 25 ມາ ປັຮນາຍ ເຢີງ ເຈົ້າຣາຊີ ອິນນ້ອງ ເລືອ ຍໆ ເຕົ້າ ຊົດ ອິນແຍ່ະ ແດິຍ."

ກະ ປັຮນາຍ ກ້ອຍ ເມົາ ອາຕີ ເຍົາ ເຈົ້.

## 2

ຕາເມົາ ອາມັ່ງ

1 ເຈົ້, ອີງເຄາະ ເຍົາ ຕັຮ ອິນແຍ່ະ ຣານະ ຕາ ອໍ. ເຍົາ ອິນໂຈຍ ຕະ ອິນຕີ ອາໂລກ; ກະ ອິນໂຈຍ ຕະ ມາມ ອໍ ມາ ຣາງິ້ຮ ໂກ່ະ; ອິນໂຈຍ ຊັຮແມງ ເກຣັງ ເຍົາ; ກະ ອິນໂຈຍ ຕາເມີຍຮ ເຍົາ. 2 ອີງເຄາະ ເຍົາ ກຸນເຕົ້າ ຢັອ ອີ ເບີນ ປັຮນາຍ ເຢີງ ເຈົ້າຣາຊີ ນະ ກັຮແນນ ຕາແບິ ແກິດ ເຣີງ ແດິອ໌ ຕັຮ. ນະກ້ອຍ ເຍົາ ປິດ ອາຊັອຮ ແກິດ ດັງ ຊາອິ້ຍ ແອັນ ແຕ ເຢີງ ເຈົ້າຣາຊີ ຈ່ອຍ ອາມັ່ງ ເຍົາ, ກະ ເຍົາ ເບີນ ອາມັ່ງ ເລືອຍໆ, 3 ຍ່ອນ ເຍົາ ລ່ອງ ຊາລີອ໌ ເຈົ້ ແຕ ອິນ ເຈົ້າ ໄຮ ອາໂຍ່ະ ຕະ ເຍົາ.

4 ອີງເຄາະ ເຍົາ ແຕ້ອ໌ ປິ ເຢຊູ ກຣິດ. ອັນ ລາ ນະ ຕາເມົາ ກາ ອາມັ່ງ ກາ ກວາຍ ແກງ ຕັຮ. ມາ ຕາ ເມົາ ກ້ອຍ ເຢີງ ເຈົ້າຣາຊີ ປາຊີ ລາລີ້ ກະ ອັນ ຮຽຮ ເບີມ. 5 ອີງເຄາະ ເຍົາ ແຕ້ອ໌ ປິ ເຢຊູ ນະ ເຍົາ ລາ ຕາເມົາ ກາ ອາມັ່ງ ເຕ່, ເຈົ້ ມ່ອບ ໂອນ ເຢີງ ເຈົ້າຣາ ຊີ ອິດ ເຍົາ ຕະ ດຸງ ຊາງ ເຢີງ ເຈົ້າຣາຊີ. ເຍົາ ແກິດ ນະ ກວາຍ ຊາງ ຣິດ ເຢີງ ເຈົ້າຣາຊີ ຕຶ່ງ ດຸງ ກ້ອຍ. ເຍົາ ຊາງ ເກຣັງ ແຕ ຣາງິ້ຮ ເຍົາ ໂອນ ເຢີງ ເຈົ້າຣາ ຊີ, ຍ່ອນ ເຢຊູ ກຣິດ. 6 ປັຮນາຍ ເຢີງ ເຈົ້າຣາຊີ ແຕ ອີມແບິ ປາຍ:

"ເກົາ ຮຽຮ ມວຍ ໂກກ ຕາເມົາ ແຕລ ກາ ປາຊີ ລາ ລີ້

ດໍອ໌ ປິນ ກາຈັກ ດຸງ ກາ ເກົາ ຕະ ຕຶ່ງ ເມືອງ ຊີໂອນ.

ອາແລະ ກາ ຊາອໍ ຕາເມົາ ກ້ອຍ ຕາ ເກ້ຍ ເບີນ ຊັອງ ກຸມາລ ອິນເຕົ້າ."

7 ເຍົາ ກາ ຊາອຳ ເຈີ້, ເຍົາ ປາຊີ ລາລີ້ ຕາເມົາ ກ້ອຍ, ມາ ໄລ່ ກາ ຕາ ເບີນ ຊາອຳ, ປັຣນາຍ ເຢີງ ເຈົາຣາຊີ ປາຍ ແຕ ອິມແບ ນະໄມ່:

"ໂກກ ຕາເມົາ ກວາຍ ກາ ຕະ ດຸງ ຕັຣ ເຈີ້,

ໂກຣ ລາລີ້ ກວາຍ ການໍ້ອ ເຣີມ ຕາເມົາ ກ້ອຍ ລູ ອໍ ກາເລີຍ ແຕ ອິນແຍ່ະ ຕາເມົາ ການໍ້ອ.

ເຈີ້ ໄລ່ ອິດ ກະ ກາຕາອໍ ຕິ່ງ ກາຈັກ ດຸງ."

8 ກະ ປັຣນາຍ ເຢີງ ເຈົາຣາຊີ ແຕ ອິມແບ ປາຍ ເຕ່:

"ຕາເມົາ ໄມ່ ເຢີງ ເຈົາຣາຊີ ດໍອໍ ໂອນ ກວາຍ ກູຕັຣ, ເຈີ້ ໄລ່ ແດິມ."

ເມົາ ປາຍ ກວາຍ ກູຕັຣ ຕາເມົາ ກ້ອຍ ລາ ຍ່ອນ ໄລ່ ຕາ ເບີນ ຊາງັດ ປັຣນາຍ ເຢີງ ເຈົາຣາຊີ. ເຢີງ ເຈົາຣາຊີ ນັດ ດໍອໍ ໂອນ ໄລ່ ຕະ ນະກ້ອຍ.

9 ມາ ເຍົາ ລາ ກວາຍ ກາ ເຢີງ ເຈົາຣາຊີ ຮຽຮ. ເຍົາ ແກັດ ກວາຍ ຊາງ ຣິດ ໂອນ ເຕົາວ ປັຣເຍົາ. ເຍົາ ລາ ກວາຍ ບຣັຣ ອໍ. ເຍົາ ລາ ກວາຍ ເຢີງ ເຈົາຣາຊີ ຕາລາ. ເຢີງ ເຈົາຣາຊີ ກູອໍ ເຍົາ ໂອນ ແກັດ ກວາຍ ຍ່ອງ ອັນ ກາ ກູອໍ ເຍົາ. ອັນ ກູອໍ ເຍົາ ໂອນ ລ້ອຣ ແຕ ການຳ ເຈີ້ ມູ່ດ ແອັດ ຕິ່ງ ປັງ ກາ ອັນ ກຽມ ດໍອໍ. 10 ແຕ ອິນໂຍ່ງ ເຍົາ ຕາ ເບີນ ແກັດ ຈຸ່ມ ອິນເຕົາ. ມາ ຊານໍ ເຍົາ ລາ ຈຸ່ມ ເຢີງ ເຈົາຣາຊີ. ແຕ ອິນໂຍ່ງ ເຢີງ ເຈົາຣາຊີ ຕາ ຢວາຣ ຊ້ອງ ອາໂຍ່ະ ຕະ ເຍົາ, ມາ ຊານໍ ອັນ ອາໂຍ່ະ ຕະ ເຍົາ.

ຊູລ ໂອນ ເຢີງ ເຈົາຣາຊີ

11 ອາລ້ອຣ ເອີຍ! ເຍົາ ລາ ນະ ກວາຍ ອິມພາ ກຣວາງ ຕິ່ງ ແດິຍ ໄມ່, ນະ ກວາຍ ແອັດ ມາໂຣຍ ຕິ່ງ ກູແຕອໍ ໄມ່. ມັຣ ຣາມິຣ ຈະ ໄຮ ເກີ້ຍ ຍໍອໍ, ອິນ ໂຈຍ ໂອນ ຣາມິຣ ກ້ອຍ ຕາລຸຣ ຣາງິຣ ເຍົາ. 12 ອິງ ເຄາະ ເຍົາ ຕະ ຣານະ ອໍ ໂອນ ກວາຍ ກາ ຕາ ຢວາຣ ຊາອຳ ເຣີມ. ຄັນ ເຍົາ ຕະ ນະກ້ອຍ ແຕ້ອໍ ເມົາ ຍໍອໍ ອິ ຕູນ ປາຍ ເຍົາ ຕະ ຣານະ ຕາ ອໍ, ອິນແຍ່ະ ໄລ່ ເຣີມ ຣານະ ເຍົາ ຕະ ລາ ອໍ. ເຈີ້ ຕາໂງ ເຢຊູ ກຣິດ ແຕ້ອໍ ລັຣ ປິ ກູແຕອໍ ໄມ່, ກາ ໄລ່ ກ້ອຍ ແຮ ຍ່ອງ ເຢີງ ເຈົາຣາຊີ.

13 ອິງເຄາະ ເຍົາ ຊາງັດ ມັຣ ກວາຍ ຊົດ ຕິ່ງ ແດິຍ ໄມ່ ຍ່ອນ ເຢີງ ເຈົາຣາຊີ ໂອນ ເຍົາ ຊາງັດ ໄລ່, ກາ ເຕົາວ ປັຣເຍົາ, ອັນ ກາ ຊົດ ລາລີ້, 14 ກາ ແລງ ເຕົາວ ປັຣເຍົາ, ໄລ່ ກາ ເຕົາວ ປັຣເຍົາ ແປຣີ ໂອນ ໂຈະ ໂຕ່ດ ກວາຍ ໄລ່ຍຣ ກະ ຍ່ອງ ກວາຍ ອໍ. 15 ເຢີງ ເຈົາຣາຊີ ຍໍອໍ ເຍົາ ຕະ ນະກ້ອຍ ໂອນ ກູປັດ ແບອໍ ກວາຍ ຊາກູລ. ໄລ່ ຕາ ເຕ້ອໍ ຕິ ນ້ອງ ເຍົາ,

ຄັນ ເຍົາ ຕະ ເລືອຍໆ ຣານະ ອໍ. 16 ເຍົາ ຕາ ເບີນ ແກັດ ຊູລ ອາແລ່ະ, ມາ ເຍົາ ອິນໂຈຍ ຄິດ ປາຍ ເຍົາ ເຕ້ອໍ ຕະ ຣານະ ໄລ່ຍຣ ຍ່ອນ ເຍົາ ຕາ ເບີນ ແກັດ ຊູລ. ອິງເຄາະ ເຍົາ ຕະ ນະ ຊູລ ເຢີງ ເຈົາຣາຊີ. 17 ອິງເຄາະ ເຍົາ ຍຳນັບ ອິນແຍ່ະ ມັຣ ກວາຍ, ກະ ອາໂຍ່ະ ອິນແຍ່ະ ກວາຍ ຊາອຳ. ອິງເຄາະ ເຍົາ ອິງກ້ອຣ ເຢີງ ເຈົາຣາຊີ ກະ ຍຳນັບ ເຕົາວ ປັຣເຍົາ.

ເຢຊູ ກຣິດ ຈິວ ຣາມິຣ ຕຸຣ ກັດ

18 ມັຣ ເຍົາ ກາ ຕະ ຣານະ ໂອນ ກວາຍ ການໍ້ອ, ອິງເຄາະ ເຍົາ ຊາງັດ ກະ ຍຳນັບ ເນີຍ ເຍົາ, ຕາ ເບີນ ແອັງ ເນີຍ ກາ ລາເວີຍ ກະ ອໍ ໂຈະ ເຍົາ ຊ້ອງ, ມາ ກາ ອັນ ກາ ຣາະ ແຮ. 19 ເຢີງ ເຈົາຣາຊີ ໂອນ ບຸ່ນ ປິ ກວາຍ ກາ ຈິວ ຕຸຣ ກັດ ເມົາ ຕະ ໂຈະ ໄລ່ ຍ່ອນ ໄລ່ ອິ ຕາປຸ່ນ ຣາງິຣ ເຢີງ ເຈົາຣາຊີ. 20 ຄັນ ເຍົາ ຈິວ ເມົາ ຕະ ເຍົາ ຍ່ອນ ເຍົາ ຕະ ໄລ່ຍຣ, ຣາມິຣ ຈິວ ກ້ອຍ ເຢີງ ເຈົາຣາຊີ ຕາ ເບີນ ຍ່ອງ ເຍົາ ອິນ ເຕົາ. ມາ ຄັນ ເຍົາ ຈິວ ເມົາ ຕະ ເຍົາ ມາ ເຍົາ ຕາ ເບີນ ຕະ ໄລ່ຍຣ ອິນເຕົາ, ຣາມິຣ ຈິວ ກ້ອຍ ເບີນ ເກົາ ຍໍຣ ເມີງ ເຢີງ ເຈົາຣາຊີ. 21 ເຢີງ ເຈົາຣາຊີ ກູອໍ ເຍົາ ໂອນ ຈິວ ຣາມິຣ ຕຸຣ ກັດ. ມາຣ ກ້ອຍ ເຕ່ ເຢຊູ ກຣິດ ຈິວ ໂອນ ເຍົາ; ເຈີ້ ອັນ ອາໂຍ່ງ ໂອນ ເຍົາ ຕະ ຕາປຸ່ນ ອັນ ເຕ່. 22 ອັນ ຕາ ເບີນ ຕະ ໄລ່ ຍຣ ອິນເຕົາ, ກະ ອັນ ຕາ ເກີ້ຍ ຕະ ອິນຕິ ອາໂລກ ອິນເຕົາ. 23 ແຕ້ອໍ ເມົາ ອາເຢ ພາມາດ, ອັນ ຕາ ເບີນ ຣາຈຽນ ລັຣ. ແຕ້ອໍ ເມົາ ຕະ ອັນ, ຕາ ເບີນ ປາລິດ ອິນເຕົາ ໂຈະ ໄລ່. ມາ ອິນເນີມ ອັນ ມ່ອບ ຈະ ອັນ ໂອນ ເຢີງ ເຈົາຣາຊີ, ອັນ ກາ ຕັດຊິນ ປ ຍາຍ ອິນແຍ່ະ ມັຣ ກວາຍ. 24 ເຢຊູ ກຣິດ ເດີງ ຕິ່ງ ຈະ ອັນ ເບີມ ມັຣ ໄລ່ຍຣ ກາ ໄຮ ຕະ, ມັອງ ກາ ອັນ ກູຈິດ ຕິ່ງ ອາລ່ອງ ຊັງກັງ. ອັນ ຈິວ ນະກ້ອຍ ໂອນ ເຕ້ອໍ ໄຮ ກູຈິດ ແຕ ຣານະ ຕຍາ, ຣານະ ກາ ຍໍອໍ ອິ ຕະ ໄລ່ຍຣ, ເຈີ້ ແກັດ ອາມັງ ລັຣ ແຕ ຣານະ ຕາໄມ ແອັນ, ລາ ຣານະ ກາ ຍໍອໍ ອິ ຕະ ຕານ້ອງ ອໍ. ຍ່ອນ ແຕ ເບີ ຕິ່ງ ຈະ ອັນ, ເຕ້ອໍ ເຍົາ ແກັດ ບັນ ລັຣ. 25 ແຕ ອິນໂຍ່ງ ເຍົາ ລາ ນະ ແກະ ກາ ແກຼ້ ຣາ ມາ, ມາ ຊານໍ ເຍົາ ລັບ ເຈົາ ລັຣ ປິ ອັນ ກາ ກຍາອໍ ຣາເວີຍ ເຍົາ.

### 3

ລາກວຍ ກະ ກາຢາອໍ

1 ມາຣ ກ້ອຍ ເຕ່ ເຍົາ ກາ ແກັດ ລາກວຍ, ອິງ ເຄາະ ອິດ ຣາງິຣ ກາຢາອໍ ເຍົາ. ເຍົາ ຕະ ນະກ້ອຍ, ດໍອໍ ໂອນ ກາຢາອໍ ເຍົາ ກາ ຕາ ເບີນ ຊາອຳ ປັຣນາຍ

ເຢີງ ເຈົ້າຮາຊີ ແກ້ດ ຮາລິ້ຮ ລັ່ຮ ຮາງິ້ຮ ແຕ້ອ໌ ໄລ່ ເຮີມ ຮານະ ເຍີ້ ຕະ. ຕາ ເບີນ ຕຸ່ຮ ອີງເຄາະ ເຍີ້ ອາຕີ ຮາມິ້ຮ ອິນເຕ້່າ ໂອນ ໄລ່, <sup>2</sup> ຍ່ອນ ໄລ່ ເຮີມ ມັຮ ຮານະ ເຍີ້ ຕະ ລາ ອໍ, ກະ ເຍີ້ ຢ້າມັບ ໄລ່. <sup>3</sup> ອິນໂຈຍ ຄິດ ແຕ ຈະ ເຍີ້ ຢິອ໌ ອີ ໂອນ ອໍ, ແຕີ ລາ ແຕ ໂຊະ ເຍີ້ ຕະ ໂອນ ອໍ, ແຕີລາ ແຕ ຈຸ່, ກ້ອງ, ພູມີ, ກະ ແຊ້ນ ອາຍ້ອຮ ອໍ. <sup>4</sup> ມາ ໂອນ ເຍີ້ ເບີນ ຮາມິ້ຮ ອໍ ກາ ລັ່ຮ ແຕ ຮາງິ້ຮ. ຮາມິ້ຮ ອໍ ກ້ອຍ ລາ ເບີນ ຮາງິ້ຮ ລາເວີຍ ກະ ລາເມ່ນ. ຮາງິ້ຮ ອໍ ກ້ອຍ ຕາ ທິຍ ແກ້ດ ປິດ, ກະ ເຢີງ ເຈົ້າຮາຊີ ປາ ຊີ ລາລີ້. <sup>5</sup> ມັນແຊມ ແຕ ອິມແບີ ກາ ປ້ອງ ເຢີງ ເຈົ້າຮາຊີ, ໄລ່ ເບີນ ຮາງິ້ຮ ອໍ ນະກ້ອຍ. ໄລ່ ອິດ ຮາງິ້ຮ ກາຢາອ໌ ໄລ່. <sup>6</sup> ມາຮ ກ້ອຍ ເຕ່ ຊາຮາ, ລາ ກວຍ ອັນຮາຮາມ, ຊາງັດ ກາຢາອ໌ ອັນ ກະ ດິອ໌ ອັນ ລາ: "ເມີ້ຍ ເກົ້າ." ເຍີ້ ລາ ນະ ກອນ ອາໄກ ຊາຮາ ຄັນ ເຍີ້ ຕະ ຮານະ ປຢາຍ໌ ກະ ຕາ ເບີນ ອີງ ກ້ອຮ ອິນເຕ້່າ.

<sup>7</sup> ກະ ເຍີ້ ກາ ກາຢາອ໌, ອີງເຄາະ ເຍີ້ ຄິດ ຕະ ໂອນ ຮໍອ໌ ຮາງິ້ຮ ລາກວຍ ເຍີ້. ອີງເຄາະ ເຍີ້ ຊາ ແຍີ ໄລ່ ລາ ອຽວ ກາເລີຍ ແຕ ເຍີ້, ຍ່ອນ ໄລ່ ລາ ກວາຍ ມັນແຊມ. ໄລ່ ຈຸງ ເຕ່ ກະ ເຍີ້ ມັຮ ມຸ່ນ ເຢີງ ເຈົ້າຮາຊີ ປຣ່ອມ ໂອນ ອາມັງ ເລືອຍໆ. ຄັນ ເຍີ້ ຕະ ອໍ ນະກ້ອຍ, ເຢີງ ເຈົ້າຮາຊີ ຊາງັດ ປຮ ນາຍ ເຍີ້ ເກົ້າແຊອ໌ ແຕ ອັນ.

ເຍີ້ ຈິວ ຕຸ່ຮ ກັດ ຍ່ອນ ຕະ ຮານະ ຕາມ້ອງ ອໍ

<sup>8</sup> ໄມ່ ລາ ປຮນາຍ ປຮຊັດ ເລີ້ຍ ແຕ ອິນແຍ່ ະ ມັຮ ປຮນາຍ ອານໍ່. ອີງເຄາະ ເຍີ້ ແອີດ ມວຍ ຮາງິ້ຮ, ມານະ ຈ່ອຍ ມານະ, ມານະ ອາໂຢະ ມານະ. ອີງເຄາະ ເຍີ້ ຊ້ອງ ອາໂຢະ ຕະ ໂຈະ ກວາຍ ການໍອ໌ ກະ ຕາ ເບີນ ໂອດ ອິນເຕ້່າ. <sup>9</sup> ຄັນ ເມົ້າ ຕະ ແຕີລາ ປາຍ ເຍີ້, ເຍີ້ ອິນໂຈຍ ກັຮລັຮ ແດັອ໌ ໂຈະ ກວາຍ ກ້ອຍ. ມາ ໂອນ ເຍີ້ ປາຍ ມຸ່ນ ໂອນ ກວາຍ ກ້ອຍ, ຍ່ອນ ເຢີງ ເຈົ້າຮາຊີ ກູອ໌ ເຍີ້ ກະ ປຣ່ອມ ອີ ໂອນ ມຸ່ນ ປໍ ເຍີ້. <sup>10</sup> ປຶງ ປຮນາຍ ເຢີງ ເຈົ້າຮາຊີ ແຕ ອິມແບີ ປາຍ:

"ກວາຍ ອາແລະ ຢິອ໌ ອີ ແອີດ ຮໍອ໌ ຕຶ້ງ ແດີຍ ອາ ມັງ ອັນ,  
 ອີງເຄາະ ອັນ ດັງ ກຍາອ໌ ແບອ໌ ອັນ ເບີມ  
 ອິນໂຈຍ ປາຍ ຕາ ອໍ  
 ກະ ອິນໂຈຍ ຕະ ອິນຕີ ອາໂລກ.

<sup>11</sup> ອີງເຄາະ ອັນ ວຍາຮ ເຢີງ ແຕ ຮານະ ຕາ ອໍ,  
 ເຈີ້ ຕະ ຮານະ ອໍ ແອັນ.  
 ອີງເຄາະ ອັນ ຈໍອ໌ ຮານະ ອຽນ ອໍ  
 ກະ ຕາປຸ່ນ ຮານະ ກ້ອຍ.

<sup>12</sup> ຍ່ອນ ເຢີງ ເຈົ້າຮາຊີ ແນ່ ເລືອຍໆ ປໍ ກວາຍ ຕາມ້ອງ ອໍ,

ກະ ອັນ ປາແຈງ ກູຕູຮ ບ້ອງ ກາ ໄລ່ ເກົ້າແຊອ໌ ແຕ ອັນ.

ມາ ອັນ ງວາຍ ແຕ ກວາຍ ກາ ຕະ ຮານະ ຕາ ອໍ."

<sup>13</sup> ຄັນ ເຍີ້ ມາ ແດັກ ປາແດັກ ຢິອ໌ ອີ ຕະ ຮາ ນະ ອໍ, ຕາ ເບີນ ກວາຍ ອາແລະ ມາ ເຕ້ອ໌ ຕະ ເຍີ້. <sup>14</sup> ມາ ຄັນ ເຍີ້ ຈິວ ຕຸ່ຮ ກັດ ຍ່ອນ ເຍີ້ ຕະ ຮານະ ຕາມ້ອງ ອໍ, ເຢີງ ເຈົ້າຮາຊີ ໂອນ ມຸ່ນ ປໍ ເຍີ້. ເຍີ້ ອິນໂຈຍ ອີງກ້ອຮ ກວາຍ, ກະ ອິນໂຈຍ ອຸກ ແຕ ຮາມິ້ຮ ອິນເຕ້່າ. <sup>15</sup> ມາ ອີງເຄາະ ເຍີ້ ຢ້າມັບ ເຢຊູ ກຣິດ ຕຶ້ງ ຮາງິ້ຮ ເຍີ້, ກະ ໂອນ ອັນ ແກ້ດ ອິນເຈົ້າ ເຍີ້. ອີງເຄາະ ເຍີ້ ຄິດ ອິນໂຍ່ງ ປຮນາຍ ອິນເຕ້່າ ເຍີ້ ອີ ຕາແອີຍ ຄັນ ເມົ້າ ຕາແບີບ ແຕ ຮາມິ້ຮ ເຍີ້ ອີງກ້ອງ ແຕ ເຢີງ ເຈົ້າຮາຊີ. <sup>16</sup> ມາ ໂອນ ເຍີ້ ອາ ຕີ ລາເວີຍ ກະ ມັນຕັດ ກະ ຄູ່ນ ໂຈະ ກວາຍ ກາ ຕາແບີບ. ເຍີ້ ຕະ ເປາະ ໂອນ ຮາງິ້ຮ ເຍີ້ ຕາ ເຕ້ອ໌ ຕີ ເບີມ. ນະກ້ອຍ ຄັນ ກວາຍ ອາແລະ ມາ ປາຍ ຕາ ອໍ ແຕ ຮານະ ອໍ ເຍີ້ ຕະ ຕາປຸ່ນ ເຢຊູ ກຣິດ, ໄລ່ ກ້ອຍ ແກ້ດ ກູມາລ ຕະ. <sup>17</sup> ຄັນ ເຢີງ ເຈົ້າຮາ ຊີ ໂອນ ຢິອ໌ ເຍີ້ ຈິວ ຕຸ່ຮ ກັດ, ຄາອ໌ ເຍີ້ ຈິວ ຕຸ່ຮ ກັດ ຍ່ອນ ເຍີ້ ຕະ ຮານະ ອໍ, ແຕ ຍ່ອນ ເຍີ້ ຕະ ຮານະ ໂລ່ຍຮ. <sup>18</sup> ເຢຊູ ກຣິດ ແຕ້ ຈິວ ກູຈິດ ໂອນ ເຍີ້. ເບີນ ມວຍ ເຮີບ ກ້ອຍ ອັນ ຈິວ ກູຈິດ ຕາງ ໂອນ ອິນແຍ່ະ ມັຮ ກວາຍ ໄລ່ຍຮ. ອັນ ລາ ກວາ ຍ ອໍ ມາ ອິນມ້ອງ ອັນ ກູຈິດ ຕາງ ລັຮ ກວາຍ ຕາ ອໍ, ດິອ໌ ໂອນ ເຕ້ອ໌ ອັນ ຈ່ອຍ ເຍີ້ ແຕ້ອ໌ ປໍ ເຢີງ ເຈົ້າຮາຊີ. ຈະ ອັນ ເມົ້າ ກາຈິດ, ມາ ຮາເວີຍ ອັນ ອາມັງ ເລືອຍໆ. <sup>19</sup> ເຈີ້ ຮາເວີຍ ເຢຊູ ກຣິດ ເປາະ ອາຕີ ມັຮ ຮານະ ອັນ ຕະ ປໍ ຮາເວີຍ ກາ ເມົ້າ ໂກບ ດິອ໌ ຕຶ້ງ ກໍອ໌. <sup>20</sup> ຮາເວີຍ ກ້ອຍ ລາ ຮາເວີຍ ກວາ ຍ ກາ ຕາ ເບີນ ຊາງັດ ເຢີງ ເຈົ້າຮາຊີ ມ້ອງ ກາ ຕຶ້ງ ແດີຍ ໂນອາ, ເຢີງ ເຈົ້າຮາຊີ ເກຮາະ ໂນອາ ຕະ ໂອນ ເຈີ້ ຕົວະ. ເຈີ້ ແອັງ ໄລ່ ຕາກໍອລ ນະ ແອີດ ຕຶ້ງ ຕົວະ ກ້ອຍ ເບີນ ອາມັງ ແວັດ ແຕ ແດັອ໌ ລືບ. <sup>21</sup> ໄມ່ ລາ ຊາກຳ ແຕ ໄຮ ເບີນ ອາມັງ ຍ່ອນ ແຕ ແດັອ໌ ກາ ເມົ້າ ຕະ ຮິດ ຕຶ້ງ ແດັອ໌. ແດັອ໌ ກ້ອຍ ຕາ ເບີນ ຈ່ອຍ ຕະ ບຣັຮ ຈະ ກວາຍ, ມາ ອັນ ຈ່ອຍ ໂອນ ເຍີ້ ແຊອ໌ ແຕ ເຢີງ ເຈົ້າຮາຊີ ໂອນ ຕະ ບຣັຮ ຮາງິ້ຮ ເຍີ້. ເຍີ້ ແຊອ໌ ແຕ ເຢີງ ເຈົ້າຮາຊີ ຍ່ອນ ແຕ ເຢຊູ ກຣິດ ອາ ມັງ ລັຮ ແຕ ກູຈິດ. <sup>22</sup> ກະ ອັນ ຊ້ອຮ ລັຮ ປໍ ມັນ ລ້ອງ, ຕາກູ ຢິຮ ອາຕຳ ເຢີງ ເຈົ້າຮາຊີ. ແຕ ກ້ອຍ ອັນ ຊັດ ອິນແຍ່ະ ມັຮ ເທວາດາ ເຢີງ ເຈົ້າຮາຊີ ກະ ອິນແຍ່ະ ມັຮ ຮາມິ້ຮ ອຳນາດ ຕຶ້ງ ມັນລ້ອງ.



# 4

ເຍົາ ຕະ ອິມພາ ແອັນ

1 ນະກ້ອຍ ຍ່ອນ ເຢຊູ ກຣິດ ຈິວ ຕຸ່ຮ ກັດ ຕຶ້ງ ຈະ ອັນ, ເຍົາ ອົງເຄາະ ຈິວ ມູເຈິງ ເຢຊູ ກຣິດ ເຕ່. ຍ່ອນ ກວາຍ ອາແລ່ະ ກາ ຈິວ ຕຸ່ຮ ກັດ ຕຶ້ງ ຈະ ອັນ, ລາ ຕາ ເບີນ ຍິ່ອ ອີ ຕະ ໂລ່ຍຮ ນ້ອງ. 2 ນະກ້ອຍ ອິນແຍ່ະ ແດີຍ ອາມັ່ງ, ເຍົາ ຕາ ເບີນ ຕາປູ່ນ ນ້ອງ ຣາມິ່ຮ ຈະ ເຍົາ ເກີ່ຍ ຍິ່ອ ອີ ເບີນ, ມາ ເຍົາ ຕາປູ່ນ ຣາງິ່ຮ ເຢົາງ ເຈົາຣາຊີ. 3 ແປະ ເຈີ່ ເຍົາ ຕະ ນະ ກວາຍ ຕາ ເບີນ ຊາອໍາ ເຢົາງ ເຈົາຣາຊີ ເກີ່ຍ ຕະ. ບັງອ ກ້ອຍ ເຍົາ ເກີ່ຍ ຕະ ຣານະ ກູມາລ. ເຍົາ ຍິ່ອ ອີ ຕາປູ່ນ ຣາງິ່ຮ ຕາ ອໍ. ເຍົາ ຈ່ອຍ ຈາ ກູຕາ ກູລ ຍາອໍ. ກະ ເຍົາ ຕະ ຣານະ ຕາ ອໍ ລາລີ່ ແຕ້ອໍ ກາ ເຍົາ ຊາງ ເຢົາງ ການໍ່ອໍ. 4 ຊານໍ່ ໄລ່ ກາ ຕາ ເບີນ ຊາ ອໍາ, ໄລ່ ຊ່ອງງິດ ລາລີ່ ເຍົາ ຕາ ແອອໍ ອີ ຕະ ນ້ອງ ຣານະ ຕາ ອໍ ກະ ຣານະ ຍຸ່ຮຯ ກະ ໄລ່. ເຈີ່ ໄລ່ ອາ ເຍ່ ພາມາດ ເຍົາ. 5 ມາ ໄກຣ ລາລີ່, ປຣເນີ ມັນ ເຕຣົາ ໄລ່ ກ້ອຍ ອົງເຄາະ ຣາມິ່ຮ ອັນ ກາ ຕັດຊິ່ນ ກູ່ ນະ ກວາຍ, ໄລ່ ກາ ອາມັ່ງ, ກະ ໄລ່ ກາ ກູຈິດ ເຈີ່. 6 ຍ່ອນ ຣາມິ່ຮ ກ້ອຍ ປຣນາຍ ອໍ ແຕ ເຢຊູ ກຣິດ ເມົາ ອາຕີ ໂອນ ກວາຍ ກາ ກູຈິດ. ໄລ່ ຈິວ ກູຈິດ ມູ ເຈິງ ອິນແຍ່ະ ມັຮ ກວາຍ ການໍ່ອໍ ເຕ່. ມາ ປຣນາຍ ກ້ອຍ ແຕ້ອໍ ປີ ໄລ່ ໂອນ ເຕອໍ ຣາເວີຍ ໄລ່ ອາມັ່ງ ມູເຈິງ ເຢົາງ ເຈົາຣາຊີ ເຕ່.

ຣານະ ເຢົາງ ເຈົາຣາຊີ ໂອນ ຕະ

7 ແຈ່ ອີ ແຕ້ອໍ ເຈີ່ ຕາໄງ ປຣຊິດ. ອົງເຄາະ ເຍົາ ກຍາອໍ ຣາງິ່ຮ ເຍົາ ເບີມ. ກະ ອົງເຄາະ ເຍົາ ຕາ ຕ່ອຍ ເລືອຍຯ ມັຮ ຣາມິ່ຮ ກາ ແຕ້ອໍ ປີ ເຍົາ, ໂອນ ເຕອໍ ເຍົາ ຫົາແຊອໍ ແຕ ເຢົາງ ເຈົາຣາຊີ. 8 ປິດ ກາ ເລີຍ ອິນແຍ່ະ ແຕ ຣາມິ່ຮ ການໍ່ອໍ ລາ ອົງເຄາະ ເຍົາ ອາໂຢ່ະ ເຍົາ. ຄັນ ເຍົາ ຕະ ນະກ້ອຍ, ມານະ ຕາ ເບີນ ນັບ ໂລ່ຍຮ ມານະ. 9 ອົງເຄາະ ເຍົາ ຕະ ປັງ ມັດ ມຸ່ຮ ໂຈະ ຕາມອຍ ກາ ແຕ້ອໍ ປີ ເຍົາ, ກະ ອິນ ໂຈຍ ປູປັກ. 10 ເຢົາງ ເຈົາຣາຊີ ໂອນ ກູ່ ນະ ກວາຍ ຮັບ ອິມພາ ຣານະ ຕະ. ມາ ຣານະ ອິນເຕົາ ເຢົາງ ເຈົາຣາຊີ ໂອນ ອັນ ຕະ, ອົງເຄາະ ອັນ ຕະ ຣານະ ກ້ອຍ ດໍອໍ ຈ່ອຍ ລັຮ ເຍົາ, ຍ່ອນ ຣານະ ກ້ອຍ ລາ ຕາ ແກິນ ຣານະ ອັນ ເບີມ. ມາ ຣານະ ກ້ອຍ ລາ ຣານະ ອັນ ຈ່ອຍ ເມົາດ ໄປຣ ລັຮ ເຢົາງ ເຈົາຣາຊີ. 11 ອາແລ່ະ ກາ ອາຕີ ປຣນາຍ ເຢົາງ ເຈົາຣາຊີ, ອົງ

ເຄາະ ອັນ ອາຕີ ມູເຈິງ ເຢົາງ ເຈົາຣາຊີ ອາຕີ ອັນ. ອາແລ່ະ ກາ ຈ່ອຍ ເຍົາ, ອົງເຄາະ ອັນ ຈ່ອຍ ອິນ ແຍ່ະ ຣາງິ່ຮ ຣາແອີ ນະ ເຢົາງ ເຈົາຣາຊີ ຈ່ອຍ ອັນ ເຕ່. ຄັນ ກວາຍ ອາແລ່ະ ມາ ຕະ ປຍາຍໍ ນະກ້ອຍ, ເມົາ ຍ່ອງ ເຢົາງ ເຈົາຣາຊີ ຍ່ອນ ແຕ ເຢຊູ ກຣິດ. ອົງເຄາະ ໄຮ ຍ່ອງ ເລືອຍຯ ເຢົາງ ເຈົາຣາຊີ, ຍ່ອນ ອັນ ແຕ້ ຕາລາ ອິນແຍ່ະ ຣາມິ່ຮ ຊົດ ກະ ອິນແຍ່ະ ຣາມິ່ຮ ອໍານາດ ຊົດ ແດີຍ ເລີ່ຍ ກູມໍ. ອາແນນ.\*

ຈິວ ຕຸ່ຮ ກັດ

12 ອາລັອຣ ເອີຍ! ອິນໂຈຍ ງິດ ເຍົາ ຈິວ ຊາອິ່ຍ ຣາມິ່ຮ ຕຸ່ຮ ກັດ ຊານໍ່. ອິນໂຈຍ ຊົນຕັຣ ແຕ ຣາມິ່ຮ ກ້ອຍ ແຕ້ອໍ ປີ ເຍົາ. 13 ອົງເຄາະ ເຍົາ ຊ່ອງ ຣໍ່ອໍ, ຍ່ອນ ເຍົາ ຈູງ ເຕ່ ກະ ເຢຊູ ກຣິດ ຣາມິ່ຮ ຕຸ່ຮ ກັດ ກ້ອຍ. ເຈີ່, ປຣເນີ ມັນເຕຣົາ ແຕ້ອໍ ເຢົາງ ເຈົາຣາ ຊີ ອາປຣ ອໍານາດ ອາງອິ່ຮ ແຕ ເຢຊູ ກຣິດ, ເຍົາ ແກິດ ຣໍ່ອໍ ບູຍ ລາລີ່. 14 ຄັນ ເມົາ ປາຍ ເຍົາ ຍ່ອນ ເຍົາ ຕາປູ່ນ ເຢຊູ ກຣິດ, ໄນ່ ລາ ບຸ່ນ ລາລີ່ ໂອນ ເຍົາ, ຍ່ອນ ຣາເວີຍ ເຢົາງ ເຈົາຣາຊີ ກາ ເບີນ ອາງ ອິ່ຮ ແກີຍ ແຕ ການໍ່ອໍ, ລາ ແອິດ ກະ ເຍົາ. 15 ຄັນ ເຍົາ ຈິວ ຕຸ່ຮ ກັດ ຍ່ອນ ເຍົາ ກາຈິດ ກວາຍ, ແຕີ ລາ ເຍົາ ຕູຕວຍ, ແຕີລາ ເຍົາ ຕະ ຣານະ ຕາ ອໍ, ແຕີ ລາ ເຍົາ ຕະ ຕຸ່ຮ ກັດ ກວາຍ ການໍ່ອໍ, ເຍົາ ອິນໂຈຍ ຄິດ ເຍົາ ເບີນ ຫົາ ຍ່ອນ ເຍົາ ຣາມິ່ຮ ກະ ຈິວ ຕຸ່ຮ ກັດ ກ້ອຍ. 16 ມາ ຄັນ ເຍົາ ຈິວ ຕຸ່ຮ ກັດ ຍ່ອນ ເມົາ ປາຍ ເຍົາ ລາ ກວາຍ ກາ ຊາອໍາ ເຢຊູ ກຣິດ, ເຍົາ ອິນໂຈຍ ຊ່ອງ ກູມາລ, ມາ ອົງເຄາະ ເຍົາ ຊາ ແອິນ ເຢົາງ ເຈົາຣາຊີ ເມົາ ດໍອໍ ເຍົາ ຣາມິ່ຮ ກ້ອຍ.

17 ແຈ່ ແຕ້ອໍ ປາແນ່ນ ເຈີ່ ເຢົາງ ເຈົາຣາຊີ ຕັດຊິ່ ມູ ລັຮ ອິນແຍ່ະ ມັຮ ກວາຍ. ຄັນ ໄຮ ມາ ອັນ ຕັດ ຊິ່ນ ອິນໂຍ່ງ, ນານະ ອັນ ຕາແບັບ ໄລ່ ກາ ອິນຕູນ ແອັນ, ໄລ່ ກາ ຕາ ເບີນ ຊາງັດ ເລີ່ຍ ປຣນາຍ ອໍ ແຕ ເຢົາງ ເຈົາຣາຊີ. 18 ຍ່ອນ ປັງ ປຣນາຍ ເຢົາງ ເຈົາຣາຊີ ແຕ ອິມແບີ ປາຍ:

"ຄັນ ກວາຍ ຕາມ້ອງ ອໍ ມາ ຊ່ອງ ກັດ ຕຶ້ງ ຕາໄງ ຕັດຊິ່ນ ໂອນ ອາມັ່ງ ເລືອຍຯ, ນານະ ແອັນ ອີ ແກິດ ໂຈະ ກວາຍ ກາ ຕະ ໂລ່ຍຮ ກະ ຕາ ແອອໍ ອີ ຊາງັດ ປຣນາຍ ເຢົາງ ເຈົາຣາ ຊີ?"

19 ຍ່ອນ ນະກ້ອຍ, ໄລ່ ກາ ເຢົາງ ເຈົາຣາຊີ ໂອນ ຈິວ ຣາມິ່ຮ ຕຸ່ຮ ກັດ, ອົງເຄາະ ໄລ່ ຕະ ຣານະ ອໍ ກະ

\* 4:11 4:11 ປຣນາຍ 'ອາແນນ' ອາຕີ ລັຮ ລາ 'ກຣັກ ນະກ້ອຍ' ແຕີລາ 'ແຊອໍ ໂອນ ແກິດ ນະກ້ອຍ.'

ມ່ອບ ດໍອ໌ ຮາເວີຍ ໄລ່ ປິ ອັນ ກາ ແຕງ ໄລ່. ອິນ ເຕ້າ ອັນ ເອີອ໌, ແມ່ນ ອັນ ຕະ.

### 5

ກວາຍ ກາ ຊົດ ຕຶ້ງ ມູ່ ກາ ຊາອໍາ

1 ຊານໍ່ ເກົາ ຢິອ໌ ອີ ປາຕັບ ມັຮ ກວາຍ ກາ ຊົດ ຕຶ້ງ ມູ່ ກາ ຊາອໍາ. ເກົາ ລາ ກວາຍ ຊົດ ມັຮ ເຍົາ ເຕ່. ມັດ ເກົາ ເຮິມ ຮາມິ້ຮ ຕຸ່ຮ ກັດ ເຢຊູ ກຣິດ ຈິວ. ກະ ເກົາ ອົງກ່ອງ ເຕ່ ເບິນ ແອິດ ຕຶ້ງ ອິນຕຸ ອາງອິ້ຮ ກະ ເຢຊູ ກຣິດ ຕຶ້ງ ມັນລ້ອງ. 2 ອົງເຄາະ ເຍົາ ແມ່ ອໍ ມັຮ ກວາຍ ກາ ຊາອໍາ ຕຶ້ງ ມູ່ ເຍົາ, ມູເຈິງ ກວາຍ ກາ ກຍາອ໌ ແກະ ແມ່ ອໍ ລາລີ້ ແກະ ອັນ. ເຍົາ ອິນ ໂຈຍ ຕະ ນະ ເມົາ ມັນຕຣຸ້ ເຍົາ, ມາ ອົງເຄາະ ເຍົາ ຕະ ອິນແຍ່ະ ຮາງິ້ຮ, ຍ່ອນ ເຍົາ ດັງ ເຢົາງ ເຈົາຮາຊີ ຢິອ໌ ເຍົາ ຕະ ຮານະ ກ້ອຍ. ເຍົາ ອິນໂຈຍ ຕະ ຮາ ນະ ກ້ອຍ ຢິອ໌ ອີ ເບິນ ປຣະ ຊາອິ້ຍ, ມາ ເຍົາ ຕະ ຍ່ອນ ຊ້ອຮ ຢິອ໌ ອີ ຈ່ອຍ ເຍົາ. 3 ເຍົາ ອິນໂຈຍ ອາ ຊ້ອຮ ຈະ ໂຈະ ມູ່ ກາ ຊາອໍາ, ມາ ເຍົາ ເບິນ ຮາງິ້ຮ ລາເວີຍ ດໍອ໌ ອາໂຢ່ງ ໄລ່. 4 ເຈີ້, ປຣແນິ ມັນເຕຣົາ ພໍກາ ອັນ ກາ ຮາບັນ ກຍາອ໌ ອິນແຍ່ະ ມັຮ ກວາ ຍ ແຕ້ອ໌, ອັນ ໂອນ ເຍົາ ຕາປຶງ ກຸນຕຣວາອ໌ ເຕົາວ ປຣເຍົາ ກາ ອາງອິ້ຮ ລາລີ້ ກະ ຕາ ເກີ່ຍ ໂງ່ດ.

5 ເຍົາ ກາ ກວາຍ ນຸ່ມ, ອົງເຄາະ ເຍົາ ອິດ ຮາງິ້ຮ ກວາຍ ຊາຊາຍ. ກະ ອິນແຍ່ະ ມັຮ ເຍົາ, ມານະ ອິນ ໂຈຍ ໂອດ ໂຈະ ມານະ, ມານະ ອິນໂຈຍ ອາຊ້ອຮ ຈະ ໂຈະ ມານະ. ຍ່ອນ ປຶງ ປຣນາຍ ເຢົາງ ເຈົາຮາຊີ ແຕ ອິມແປ ປາຍ:

"ເຢົາງ ເຈົາຮາຊີ ດໍອ໌ ມັດ ໂຈະ ກວາຍ ກາ ໂອດ, ມາ ອັນ ຈ່ອຍ ເມົາດ ກວາຍ ກາ ຕາ ເບິນ ອາ ຊ້ອຮ ຈະ."

6 ອົງເຄາະ ເຍົາ ອາແຊງ ຈະ ຍິ້ຮ ເມົາງ ເຢົາງ ເຈົາຮາ ຊີ; ເຈີ້ ແຕ້ອ໌ ປາແມ່ນ ອັນ ຊ້ອງ ປຍາຍ໌, ອັນ ອາ ຊ້ອຮ ເຍົາ. 7 ຮາມິ້ຮ ອິນເຕ້າ ເຍົາ ອຸກ, ເຍົາ ມ່ອບ ໂອນ ອັນ, ຍ່ອນ ອັນ ກູຣຍາອ໌ ດໍອ໌ ເຍົາ.

8 ອົງເຄາະ ເຍົາ ກຍາອ໌ ໂອນ ອໍ. ອົງເຄາະ ເຍົາ ແມ່ ເລືອຍໆ, ຍ່ອນ ເຢົາງ ຊາຕານ, ອັນ ກາ ຢິອ໌ ອີ ຕະ ເຍົາ, ອັນ ລາ ນະ ຊິງ ແອິດ ຮິງ ເລືອຍໆ ຢິອ໌ ອີ ປາລ້ອງ ກັບ ເຍົາ. 9 ມາ ອົງເຄາະ ເຍົາ ຊາອໍາ ຈັບ ລາລີ້ ກະ ຕາຢິງ ຮາຈິລ ລັຮ ອັນ, ຍ່ອນ ເຍົາ ດັງ ມັຮ ແຊມອາຍ ເຍົາ ກາ ຊາອໍາ ກູ່ ອິນຕຸ ຮາມິ້ຮ ມັຮ ຮາມິ້ຮ ຕຸ່ຮ ກັດ ມູເຈິງ ເຍົາ ເຕ່. 10 ກະ ແວັດ ເຍົາ ຈິວ ມາໂຮຍ ມັຮ ຮາມິ້ຮ ຕຸ່ຮ ກັດ ກ້ອຍ, ເຢົາງ ເຈົາຮາຊີ ແຕ້ ໂອນ ເຍົາ ແອິດ ຊາເບິງ ອໍ, ກະ ໂອນ

ເຍົາ ເກີດ ເຮ່ງ ກະ ຄາຍັງ ກາເລີຍ ແອັນ. ເຢົາງ ເຈົາຮາຊີ ຈ່ອຍ ເມົາດ ອິນແຍ່ະ ມັຮ ຮາມິ້ຮ ອິນ ເຕ້າ ໂຮ ອົງເຄາະ ເບິນ, ກະ ອັນ ກູອ໌ ໂຮ ໂອນ ຈຸ ເຕ່ ອໍານາດ ອາງອິ້ຮ ອັນ ເຕ້າ ຊົດ ອິນແຍ່ະ ແດີຍ, ຍ່ອນ ແຕ ເຢຊູ ກຣິດ. 11 ໂອນ ອັນ ກ້ອຍ ແຕ້ ເກີດ ຊົດ ເຕ້າ ຊົດ ແດີຍ ເລີ້ຍ ກູມໍ. ອາແມນ.

#### ປຣນາຍ ຊາອິ້ຮ

12 ເກົາ ຄຽນ ປິ້ອ ປຣນາຍ ໄນ່ ພາອ໌ ຊາອິ້ຮ ເຍົາ ຍ່ອນ ແຕ ຊີລາວານ ຈ່ອຍ ເກົາ. ຊີລາວານ ລາ ແຊມອາຍ ຮາຕອຍ ລາລີ້ ກະ ເກົາ. ເກົາ ຄຽນ ປິ້ອ ປຣນາຍ ໄນ່ ດໍອ໌ ປາຕັບ ເຍົາ ກະ ອາຕິ ໂອນ ເຍົາ ດັງ ມັຮ ຮາມິ້ຮ ເຍົາ ຊາອໍາ ເຈີ້ ລາ ປຍາຍ໌ ເຢົາງ ເຈົາຮາຊີ ຈ່ອຍ ນະກ້ອຍ. ອົງເຄາະ ເຍົາ ຊາເບິງ ເລືອຍໆ ຕຶ້ງ ຮາມິ້ຮ ກ້ອຍ.

13 ມູ່ ກາ ຊາອໍາ ຕຶ້ງ ເມືອງ ບາບີໂລນ, ໄລ່ ກາ ເຢົາງ ເຈົາຮາຊີ ຮຽຮ ມັນຕຸ ກະ ເຍົາ, ພາອ໌ ປຣນາຍ ຊາອິ້ຮ ເຍົາ; ກາ ກອນ ເກົາ, ມາຣະໂກ ແຮິ ພາອ໌ ປຣນາຍ ຊາອິ້ຮ ເຕ່. 14 ແຊອ໌ ເຍົາ ມານະ ກັຮບັນ ກັຮຊວານ ກາຮານ ອໍ ໂຈະ ມານະ. ນະກ້ອຍ ເມົາ ດັງ ເຍົາ ມານະ ອາໂຢະ ມານະ. ແຊອ໌ ເຢົາງ ເຈົາຮາ ຊີ ຈ່ອຍ ອິນແຍ່ະ ມັຮ ເຍົາ ກາ ຊາອໍາ ເຢຊູ ກຣິດ ໂອນ ແອິດ ບັນ ຊວານ ອຽນ ອໍ ເລືອຍໆ.

# ເປັຕ ຄຽນ ປັນຍາ ຊາອົຣ ບາຣ

ປັນຍາ ອາຕີ ອິນໂຍ່ງ

ເປັຕ ຄຽນ ປິ່ງ ບາຣ ໄນ່ ມາຣ 66 ກູມ໌ ແວັດ ເຢຊູ ແກັດ. ປັນຍາ ໄນ່ ອັນ ພາອົຣ ຊາອົຣ ມູ່ ກາ ຊາອົຣ ນະ ອັນ ເຕ່. ອັນ ຄຽນ ກາໄຕ່ຣ ກະ ອາ ຕີ ໄລ່ ແຕ່ ມັຣ ກວາຍ ກາ ນະ ໄລ່ ອາຕີ ຕາງ ປັນ ມາຍ ເຢິງ ເຈົາຣາຊີ, ມາ ຕາ ເບີນ ຊາອົຣ ປາຍ ເຢຊູ ແຕ້ອ໌ ລັຣ ເຮີບ ກາ ບາຣ. ໄລ່ ປາຍ ເຢຊູ ປັນຄັນ ດູ່ນ ເຈີ່, ມາ ຕາ ເຮີມ ອັນ ແຕ້ອ໌. ມາ ປັນຍາ ແຕ່ ປິ່ງ ໄນ່ ອາຕີ ມັຣ ກວາຍ ດັງ ແຈງ ລາລີ່ ລາ ພ່ນ ເຢຊູ ກຣິດ ແຕ້ອ໌ ລັຣ ເຮີບ ກາ ບາຣ, ມາ ເຢິງ ເຈົາຣາຊີ ອິນນ້ອງ ເຢັດ ຕາໂງ ກາໄຊ ກູມ໌, ຍ່ອນ ອັນ ຕາ ຢົອ໌ ອີ ໂອນ ມານະ ອາແລະ ມາ ປິດ. ມາ ອັນ ຢົອ໌ ອີ ໂອນ ກຸ່ ນະ ເຕ່ອ໌ ເບີນ ງິນ ໄລ່ຍຣ, ເຈີ່ ຕັຣ ມັຣ ຣານະ ໄລ່ຍຣ ກາ ໄລ່ ເກີຍ ຕະ ໂອນ ໄລ່ ເບີນ ຣັບ ແດີຍ ອາມັງ ຕາໄມ ແຕ່ ເຢຊູ ກຣິດ.

1 ທົາ ລາ ຊີໂມນ ເປັຕ, ລາ ກວາຍ ຕະ ຣານະ ໂອນ ເຢຊູ ກຣິດ ກະ ກວາຍ ອັນ ຮຽຣ ປາຈຸຣ. ທົາ ຄຽນ ປັນຍາ ຊາອົຣ ໄນ່ ໂອນ ເຢົາ ກາ ຊາອົຣ ມູເຈິງ ຮີ ຊາອົຣ ເຕ່. ຍ່ອນ ແຕ່ ຣາງິຣ ຕາມ້ອງ ອໍ ແຕ່ ເຢິງ ເຈົາຣາຊີ ໄຣ, ກະ ເຢຊູ ກຣິດ, ອັນ ກາ ຈ່ອຍ ອາມັງ ໄຣ, ໄຣ ເບີນ ຣາງິຣ ຊາອົຣ ກາ ໄຣ ປາ ຊີ ລາລີ. 2 ທົາ ແຊອ໌ ເຢິງ ເຈົາຣາຊີ ຈ່ອຍ ພົາດ ເຢົາ, ກະ ໂອນ ເຢົາ ແອັດ ບັນ ຊວານ ອຽນ ອໍ ຊາ ອິ້ຍ ອາຊ້ອຣ ແອັນ, ຍ່ອນ ເຢົາ ດັງ ແຈງ ແຕ່ ເຢິງ ເຈົາຣາຊີ ກະ ເຢຊູ, ອິນເຈົາ ໄຣ.

ເຢິງ ເຈົາຣາຊີ ກູອ໌ ກະ ຮຽຣ ໄຣ

3 ຍ່ອນ ເຢຊູ ກຣິດ ເບີນ ອຳນາດ ແຕ່ ເຢິງ ເຈົາຣາຊີ, ອັນ ໂອນ ໄຣ ເບີນ ກຸ່ ຣາມິຣ ດໍອ໌ ເຕ່ອ໌ ໄຣ ຕະ ຣານະ ເຢິງ ເຈົາຣາຊີ ຕິ່ງ ແດີຍ ອາມັງ ໄຣ. ໄຣ ເບີນ ກຸ່ ຣາມິຣ ກ້ອຍ, ຍ່ອນ ໄຣ ດັງ ເຢຊູ ກຣິດ ເຈີ່, ອັນ ກາ ກູອ໌ ໄຣ ເບີນ ເບີນ ອຳນາດ ອາງ ອິຣ ກະ ຣາງິຣ ອໍ ລາລີ ມູເຈິງ ອັນ ເຕ່. 4 ນະກ້ອຍ ເຢິງ ເຈົາຣາຊີ ເອີອ໌ ຈ່ອຍ ໂອນ ໄຣ ຊາອິ້ຍ ຣາມິ ຣ ປິດ ກະ ປາຊີ ລາລີ. ອັນ ໂອນ ໄຣ ແກັດ ມວຍ ຣາງິຣ ກະ ອັນ. ຄັນ ເຢົາ ແກັດ ມວຍ ຣາງິຣ ກະ ເຢິງ ເຈົາຣາຊີ, ນະກ້ອຍ ເຢົາ ເຕ່ອ໌ ວຍາຣ ແວັດ ມັຣ ຣານະ ຕິ່ງ ແດີຍ ໄນ່ ກາ ຢົອ໌ ອີ ປັນຕີ່ ເຢົາ ຕະ

ຣານະ ຕາ ອໍ. ກວາຍ ອາແລະ ມາ ຢົອ໌ ອີ ຕະ ຣານະ ຕາ ອໍ ກ້ອຍ, ປັນເນີ ມັນເຕຣີາ ໄລ່ ແກັດ ປິດ ອິນ ແຍະ. 5 ນະກ້ອຍ, ຍ່ອນ ເຢົາ ຊາອົຣ ນະກ້ອຍ ເຈີ່, ອິງເຄາະ ເຢົາ ປາໄຣ່ຣ ອິນແຍະ ຣາງິຣ ຢົອ໌ ອີ ແກັດ ມັນຕັດ ຄູ່ນ ມູເຈິງ ເຢຊູ ແອັນ. ແຕ້ອ໌ ເຢົາ ແກັດ ມັນຕັດ ຄູ່ນ, ອິງເຄາະ ເຢົາ ຣຍານ ແອັນ ໂອນ ເບີ ນ ຣາງິຣ ດັງ ຣາໂງ່ອ໌ ຣາລັງ ແຕ່ ເຢິງ ເຈົາຣາຊີ. 6 ແຕ້ອ໌ ເຢົາ ດັງ ຣາໂງ່ອ໌ ຣາລັງ ແຕ່ ເຢິງ ເຈົາຣາຊີ, ອິງເຄາະ ເຢົາ ຣຍານ ແອັນ ໂອນ ເຢົາ ດັງ ກຍາອ໌ ອໍ ຈະ ເຢົາ ເບີມ. ແຕ້ອ໌ ເຢົາ ດັງ ກຍາອ໌ ອໍ ຈະ ເຢົາ ເບີມ, ອິງເຄາະ ເຢົາ ຣຍານ ແອັນ ຈີວ໌ ໂອນ ຣາມິ ຣ ຕຸຣ ກັດ. ແຕ້ອ໌ ເຢົາ ເຮີບ ຈີວ໌ ຣາມິຣ ຕຸຣ ກັດ, ອິງເຄາະ ເຢົາ ຣຍານ ແອັນ ຕະ ຣານະ ໂອນ ຣໍອ໌ ຣາງິຣ ເຢິງ ເຈົາຣາຊີ. 7 ແຕ້ອ໌ ເຢົາ ດັງ ຕະ ຣານະ ໂອນ ຣໍອ໌ ຣາງິຣ ເຢິງ ເຈົາຣາຊີ, ອິງເຄາະ ເຢົາ ຣຍານ ແອັນ ໂອນ ເຕ່ອ໌ ຣາຈ່ອຍ ແຊມອາຍ ເຢົາ. ແຕ້ອ໌ ເຢົາ ເຕ່ອ໌ ຣາຈ່ອຍ ແຊມອາຍ, ອິງເຄາະ ເຢົາ ຣຍານ ແອັນ ໂອນ ເບີນ ຣາງິຣ ອາໂຍະ ເຢົາ ມູເຈິງ ເຢິງ ເຈົາຣາຊີ ອາໂຍະ ໄຣ ເຕ່. 8 ຄັນ ເຢົາ ເບີນ ເຈີ່ ມັຣ ຣານະ ອໍ ໄນ່, ກະ ຄັນ ເຢົາ ໂອນ ຣານະ ໄນ່ ແກັດ ປິດ ອາຊ້ອຣ ຕິ່ງ ຣາງິຣ ເຢົາ, ນະກ້ອຍ ມັຣ ຣານະ ໄນ່ ແກັດ ປາໄລ ຕິ່ງ ຣາງິຣ ເຢົາ, ກະ ເຢົາ ເບີ ນ ທົາ ແຕ່ ຣານະ ເຢົາ ຕະ. ເຢົາ ເຕ່ອ໌ ເບີນ ທົາ ກ້ອຍ ຍ່ອນ ເຢົາ ດັງ ກຣັກ ລາລີ ແຕ່ ເຢຊູ ກຣິດ, ອິນເຈົາ ໄຣ. 9 ມາ ຄັນ ກວາຍ ອາແລະ ແອີ ຣານະ ອໍ ໄນ່, ກວາຍ ກ້ອຍ ແກັດ ນະ ກວາຍ ແຊມ ກະ ຊູດ ມັດ, ຍ່ອນ ອັນ ຊາລິຣ ເຢິງ ເຈົາຣາຊີ ຕັຣ ໄລ່ຍຣ ອັນ ຕະ ແຕ່ ອິນໂຍ່ງ.

10 ນະກ້ອຍ ແຊມອາຍ ເອີຍ, ອິງເຄາະ ເຢົາ ປາໄຣ່ຣ ຕະ ໂອນ ອໍ ກາເລີຍ ແຕ່ ອິນໂຍ່ງ ແອັນ, ຍ່ອນ ເຢິງ ເຈົາຣາຊີ ກູອ໌ ກະ ຮຽຣ ເຢົາ. ຄັນ ເຢົາ ຕະ ນະກ້ອຍ, ເຢົາ ຕາ ເບີນ ງວາຍ ແຕ່ ເຢົາ ຊາອົຣ ເຢິງ ເຈົາຣາຊີ. 11 ເຈີ່, ປັນເນີ ມັນເຕຣີາ ເຢິງ ເຈົາຣາຊີ ກຽມ ດໍອ໌ ຣານາ ໂອນ ເຢົາ ເຕ່ອ໌ ແອັດ ອາມັງ ເລືອຍໆ ຕິ່ງ ອິນຕຸ ເຢຊູ ກຣິດ ຊົດ. ເຢຊູ ໄນ່, ອັນ ຈ່ອຍ ອາມັງ ໄຣ, ກະ ອັນ ລາ ອິນເຈົາ ໄຣ.

12 ທົາ ດັງ ເຢົາ ດັງ ແຈງ ແຕ່ ຣານະ ໄນ່, ກະ ເຢົາ ຊາອົຣ ກຣັກ ລາລີ ຣາມິຣ ປຍາຍ໌ ໄນ່ ກາ ເຢົາ ຣັບ ເຈີ່, ມາ ອິນນ້ອງ ທົາ ຢົອ໌ ອາຕີ ລັຣ ໂອນ ເຢົາ ຊາແຍີ ເລືອຍໆ ແຕ່ ຣານະ ໄນ່. 13 ມາແລະ ດູ່ນ ທົາ ອິນນ້ອງ ອາມັງ, ທົາ ຄິດ ລາ ອໍ ທົາ ຕາໄມຣ ລັຣ ເຢົາ, ໂອນ ເຢົາ ຄິດ ເລືອຍໆ ແຕ່ ຣານະ ໄນ່. 14 ທົາ ດັງ ເຈີ່ ຕາ ເບີນ ດູ່ນ ນ້ອງ ທົາ ກູຈິດ, ນະ

ເຢຊູ ກຣິດ, ອິນເຈົ້າ ໄຮ, ອາຕີ ເກົາ ເຈີ້. <sup>15</sup> ມາ ເກົາ ປາໄຮ່ຣ ອາຕີ ໂອນ ເຍົາ ເຕ່ອ ຊາແຍີ ກູ່ ຣາມິ່ ຣ ໄນ່ ແຕ້ອ ກາ ເກົາ ກູຈິດ ເຈີ້.

ເປົໂຕ ເຮີມ ຮຸ່ບເຮີງ ເຢຊູ ເຈີ້

<sup>16</sup> ແຕ້ອ ຣີ ອາຕີ ເຍົາ ແຕ ເຢຊູ ກຣິດ, ອິນ ເຈົ້າ ໄຮ, ແຕ້ອ ລັຣ ປີ ກູແຕອ ໄນ່, ກະ ອັນ ເປີ ນ ອຳນາດ ປິດ ລາລີ້, ຣີ ຕາ ເບີນ ຕະ ອິນຕີ ປັຣ ນາຍ ເມົາ ເມີຍ ຊ້ອງ; ມາ ໄກຣ ລາລີ້ ມັດ ຣີ ເຮີມ ເຈີ້ ອຳນາດ ອັນ. <sup>17</sup> ບັອງ ກາ ເຢົາ ເຈົ້າຣາຊີ, ອິມ ປີ່ ຕິ່ງ ມັນລ້ອງ, ຢ້າມັບ ກະ ຍ່ອງ ເຢຊູ, ບັອງ ກາ ກ້ອຍ ຣີ ແອິດ ອິນຕຸ ກ້ອຍ ເຕ່. ເບີນ ຊຽງ ແຕ ເຢົາ ເຈົ້າຣາຊີ ອາຕີ ກະ ເຢຊູ ປາຍ: "ໄນ່ ລາກອນ ເກົາ, ກາ ເກົາ ອາໄຢະ ລາລີ້. ອິນເຕົ້າ ອັນ ຕະ, ລາ ເກົາ ຣໍ່ອ ອິນແຍ່ະ."

<sup>18</sup> ໄກຣ ລາລີ້, ຣີ ແຕ່ ຊ້ອງ ຊຽງ ແຕ ມັນລ້ອງ ປາຍ ນະກ້ອຍ, ບັອງ ກາ ຣີ ແອິດ ມັນຕຸ ກະ ເຢຊູ ຕິ່ງ ກັຣ, ກະ ຣີ ເຮີມ ເຢຊູ ຊຳບູນ ຈະ ອັນ ແກິດ ຮຸ່ບເຮີງ ອິມພາ ແອັນ.

<sup>19</sup> ກະ ແກຼຍ ແຕ ກ້ອຍ ແອັນ, ຣີ ຊ້ອງ ກະ ດັງ ເຈີ້ ມັຣ ປັຣນາຍ ກວາຍ ຕາງ ປັຣນາຍ ເຢົາ ເຈົ້າຣາ ຊີ ແຕ ອິມແປ ອາຕີ ແຕ ເຢຊູ. ອໍ ໂອນ ເຍົາ ຊາງັດ ກະ ນັບ ມັຣ ປັຣນາຍ ໄລ່, ຍ່ອນ ປັຣນາຍ ກ້ອຍ ລາ ນະ ຕາກຍາງ ກາ ປາເລີງ ຕິ່ງ ອິນຕຸ ການຳ, ເຕົ້າ ແຕ້ອ ປັງ ຕາຣິບ ກະ ມັນໂຕຣ ໂປຣງ ປາເລີງ ຕິ່ງ ຣາງິຣ ເຍົາ.\* <sup>20</sup> ມາ ຊານຸ່, ອິງເຄາະ ເຍົາ ດັງ ກຣັກ ລາລີ້ ນະໄນ່: ກູ່ ປັຣນາຍ ຕິ່ງ ປັງ ປັຣນາຍ ເຢົາ ເຈົ້າຣາຊີ ແຕ ອິມແປ ຕາ ແກິນ ຈຸງ ລ້ອຣ ແຕ ຣາງິຣ ກວາຍ. <sup>21</sup> ມາ ຣາເວີຍ ເຢົາ ເຈົ້າຣາຊີ ອາ ຕີ ໂອນ ຣາງິຣ ກວາຍ ດັງ ກູ່ ປັຣນາຍ ກ້ອຍ ໂອນ ໄລ່ ອາຕີ ຕາງ ປັຣນາຍ ເຢົາ ເຈົ້າຣາຊີ.

## 2

ກວາຍ ອາຕີ ປັຣນາຍ ເຢົາ ເຈົ້າຣາຊີ ຕາ ປາຍ

<sup>1</sup> ແຕ ອິມແປ, ເບີນ ກວາຍ ກາ ປາຍ ໄລ່ ອາຕີ ຕາງ ປັຣນາຍ ເຢົາ ເຈົ້າຣາຊີ, ມາ ໄລ່ ອາຕີ ໂອນ ກອນແຊມ ຕາ ປາຍ. ມູເຈີງ ກ້ອຍ ເຕ່, ປັຣແນີ ມັນເຕຣົາ ເບີນ ກວາຍ ແຕ້ອ ປີ ເຍົາ, ກະ ອາຕີ ປັຣ ນາຍ ເຢົາ ເຈົ້າຣາຊີ ຕາ ເບີນ ປາຍ. ໄລ່ ຕະ ໂອນ ມັຣ ມູ່ ກາ ຊາອຳ ແກິດ ຮຸ່ງ. ກະ ໄລ່ ຕັຣ ອິນເຈົ້າ ກາ ໄທ ໄລ່. ນະກ້ອຍ ໄລ່ ຕະ ໂອນ ຣາເວີຍ ໄລ່

ເບີມ ແກິດ ປິດ ມວຍ ຕາຣິບ. <sup>2</sup> ເບີນ ກູ່ງ ກວາ ຍ ຢິອ ອີ ຕາປູນ ມັຣ ຣານະ ຕັງຮາງ ກາ ໄລ່ ຕະ. ນະກ້ອຍ, ຍ່ອນ ແຕ ໄລ່ ກ້ອຍ, ເບີນ ກວາຍ ກາ ນໍ້ອ ພາມາດ ປັຣນາຍ ປາຍແຕ ແຕ ເຢົາ ເຈົ້າຣາຊີ. <sup>3</sup> ໄລ່ ກາ ອາຕີ ປັຣນາຍ ເຢົາ ເຈົ້າຣາຊີ ຕາ ປາຍ, ໄລ່ ບູບວກ, ຍ່ອນ ໄລ່ ຢິອ ອີ ເບີນ ກຳໄລ ແຕ ເຍົາ. ແຕ ບັອງ ອາໄຮ່ ເຈີ້ ເຢົາ ເຈົ້າຣາຊີ ມັດ ດໍອ ອີ ຕະ ໄລ່, ກະ ຕາ ເບີນ ດູ່ນ ນ້ອງ ອັນ ອາປິດ ໄລ່.

<sup>4</sup> ໄກຣ ລາລີ້, ເຢົາ ເຈົ້າຣາຊີ ຕາ ເບີນ ອາວຍາຣ ໂຕ່ດ ແຕ ເທວາດາ ອັນ ກາ ຕະ ໄລ່ຍຣ, ມາ ອັນ ອາປັອງ ຕັຣ ໄລ່ ຕິ່ງ ປຣຸ່ງ ອູ່ຍຣ. ອິນຕຸ ກ້ອຍ ລາ ການຳ ລາລີ້. ເມົາ ຊັດ ເທວາດາ ກ້ອຍ ແຕ ອິນໄຊ ໂຊ ຕິ່ງ ອິນຕຸ ກ້ອຍ ເຕົ້າ ໂອນ ແຕ້ອ ຕາໄງ ເຢົາ ເຈົ້າຣາຊີ ຕັດຊິນ ໄລ່. <sup>5</sup> ກະ ເຢົາ ເຈົ້າຣາຊີ ຕາ ເບີ ນ ອາວຍາຣ ເຕ່ ໂຕ່ດ ມັຣ ກວາຍ ແຕ ອິມແປ, ບັອງ ກາ ຣາລຳ ແດິອ ແຕ້ອ ປີ ກູ່ ນະ ກວາຍ ກາ ແອິດ ຕິ່ງ ກູແຕອ ໄນ່. ເຢົາ ເຈົ້າຣາຊີ ຈ່ອຍ ອາມັງ ແອີງ ດຸງຊູ ໂນອາ ໄລ່ ຕາກ່ອລ ນະ, ຍ່ອນ ໂນອາ ລາ ກວາຍ ກາ ອາຕີ ຕາມ້ອງ ອໍ ແຕ ເຢົາ ເຈົ້າຣາ ຊີ. <sup>6</sup> ກະ ເຢົາ ເຈົ້າຣາຊີ ຈັອງ ບາຣ ເມືອງ ໂຊໂດມ ກະ ໂກໂມຣາ ຈົນ ແກິດ ບັອຣ. ອັນ ອາປິດ ບາຣ ວິ ລ ກ້ອຍ, ດໍອ ແກິດ ເຕຣ່ງ ໂອນ ກວາຍ ຕິ່ງ ແດີຍ ອິນຕູນ ດັງ ອິນເຕົ້າ ອັນ ອີ ຕະ ໂຈະ ກວາຍ ກາ ຕາ ເບີນ ຊາງັດ ອັນ. <sup>7</sup> ເຢົາ ເຈົ້າຣາຊີ ຈ່ອຍ ອາ ມັງ ມານະ ໂລດ ຊ້ອງ ໂອນ ລ້ອຣ ແຕ ເມືອງ ກ້ອຍ, ຍ່ອນ ໂລດ ເບີນ ຣາງິຣ ຕາມ້ອງ ອໍ, ກະ ຣາງິຣ ອັນ ຊ້ອງ ຕິ່ ເຮີມ ມັຣ ກວາຍ ຕິ່ງ ເມືອງ ກ້ອຍ ຕະ ເລືອ ຍາ ຣານະ ຕາ ອໍ. <sup>8</sup> ໂລດ ໄນ່, ອັນ ແອິດ ອິນຕີ ມັຣ ກວາຍ ກ້ອຍ. ກູ່ ຣາໄງ ອັນ ເຮີມ ກະ ຊ້ອງ ມັຣ ຣານະ ຕາ ອໍ ກວາຍ ກ້ອຍ ຕະ. ມາ ອັນ ເບີນ ຣາງິຣ ຕາມ້ອງ. ນະກ້ອຍ ອັນ ຊ້ອງ ຕິ່ ລາລີ້ ຕິ່ງ ຣາງິຣ ອັນ ແຕ້ອ ອັນ ເຮີມ ມັຣ ກວາຍ ຕະ ເລືອ ຍາ ຣານະ ຕາ ອໍ ນະກ້ອຍ. <sup>9</sup> ເຢົາ ເຈົ້າຣາຊີ ເຕ່ອ ຈ່ອຍ ອາມັງ ມັຣ ກວາຍ ກາ ຊາງັດ ອັນ. ອັນ ອາ ແຮ້ ໄລ່ ໂອນ ແວັດ ແຕ ມັຣ ຣາມິຣ ຕຸ່ຣ ກັດ. ກະ ເຢົາ ເຈົ້າຣາຊີ ຕາເຕາະ ອີ ຕະ ກວາຍ ກາ ຕະ ຣາ ນະ ຕາ ອໍ ເຕົ້າ ໂອນ ແຕ້ອ ຕາໄງ ອັນ ຕັດຊິນ ໄລ່. <sup>10</sup> ໄກຣ ລາລີ້, ອັນ ຕະ ນະກ້ອຍ ໂຈະ ກວາຍ ກາ ຢິອ ອີ ຕາປູນ ການິດ ຕາ ອໍ ແຕ ຣາງິຣ ໄລ່ ເບີມ ກະ ພາມາດ ອຳນາດ ເຢົາ ເຈົ້າຣາຊີ.

ມັຣ ກວາຍ ກາ ອາຕີ ປັຣນາຍ ເຢົາ ເຈົ້າຣາຊີ ຕາ ປາຍ, ໄລ່ ລາ ຍັນ ລາລີ້ ກະ ໄລ່ ອາຊ້ອຣ ຈະ

\* 1:19 1:19 ປັງ ຕາຣິບ ອາຕີ ແຕ ຕາໄງ ເຢຊູ ແຕ້ອ ລັຣ ປີ ກູແຕອ ໄນ່. ກະ ເຢຊູ ລາ ນະ ມັນໂຕຣ ໂປຣງ ກາ ປາເລີງ ຕາຣິບ, ເຈີ້ ຕະ ໂອນ ຣາງິຣ ໄລ່ ຊ້ອງ ຣໍ່ອ ບູຍ ລາລີ້.

ເບີມ. ໄລ່ ຕາ ເບີນ ຊ້ອງ ອີງກ້ອນ ອິນເຕົ້າ ພາມາດ ມັຮ ຮາມິ້ຮ ຊົດ ຕຶງ ມັນລ້ອງ. <sup>11</sup> ມາ ກາ ເທວາ ດາ ເຢີງ ເຈົ້າຮາຊີ, ໄລ່ ກາ ເຮ່ງ ກະ ເບີນ ອຳນາດ ປິດ ກາເລີຍ, ໄລ່ ຕາ ຍັນ ພາມາດ ອິນເຕົ້າ ແຕ ມັຮ ຮາມິ້ຮ ຊົດ ກ້ອຍ ຢັຮ ເມີງ ເຢີງ ເຈົ້າຮາຊີ. <sup>12</sup> ມາ ໄລ່ ກາ ອາຕີ ຕາ ປຍາຍ ກ້ອຍ, ໄລ່ ລາ ນະ ຊັນຕຣັນ ກາ ຕາ ເບີນ ກູຄິດ ອິນເຕົ້າ. ອິມເປ່ອ ໄລ່ ຣັຮ ໄລ່ ໂອນ ເມົາ ການໍ້ອ ເຕ່ອ ໂກບ ກະ ກາຈິດ ໄລ່. ໄລ່ ພາມາດ ແຕ ມັຮ ຮາມິ້ຮ ໄລ່ ຕາ ຢວາຮ ດັງ. ນະກ້ອຍ ປັຮເນີ ມັນເຕຣີາ, ໄລ່ ເກີດ ປິດ ນະ ຊັນຕຣັນ ເຕ່, <sup>13</sup> ກະ ໄລ່ ຈິວ ຕຸຣ ກັດ ມູເຈີງ ໄລ່ ຕະ ຕຸຣ ກັດ ໂຈະ ກວາຍ ການໍ້ອ ເຕ່. ໄລ່ ຊາ ແຮງ ລາລີ ອີ ຕະ ຮານະ ຕາ ອໍ ກາ ບັອງ ອິນນ້ອງ ຕາໄງ. ໄລ່ ກ້ອຍ ລາ ນະ ເກຣີງ ແປຣີ ກາ ແຕັດ ຕຶງ ອາຣີ ກໍ້ອ, ເຈີ ຕະ ໂອນ ເຍົາ ຊ້ອງ ກູມາລ. ໄລ່ ຢິອ ອີ ບູບວກ ບັອງ ກາ ໄລ່ ຈາ ມັນຕຸ ກະ ເຍົາ ຕຶງ ຕາ ໄງ ເຍົາ ໂຮ່ມ ຈາ ຣໍ້ອ. <sup>14</sup> ແຕ່ອ ມັດ ໄລ່ ເຮີມ ກວາ ຍ ມັນແຊມ ອາແລະ, ຮາງິຮ ໄລ່ ຄິດ ເລືອຍໆ ຢິອ ອີ ເບີນ ມັນແຊມ ກ້ອຍ. ໄລ່ ຕາ ເກີຍ ແວັດ ຕະ ຮານະ ໂລ່ຍຮ. ໄລ່ ປັຮຕີ ມັຮ ກວາຍ ກາ ຕາ ເບີນ ຊາອຳ ກຣັກ ລາລີ ໂອນ ຕະ ຕາ ອໍ. ໄລ່ ແຄວ ອິດ ກູ່ ຮາມິ້ຮ ມັຮ ຮາງິຮ ໄລ່ ຢິອ ອີ ເບີນ. ໄກຮ ລາ ລີ, ປັຮເນີ ມັນເຕຣີາ ເຢີງ ເຈົ້າຮາຊີ ອາປິດ ໄລ່! <sup>15</sup> ໄລ່ ຕັຮ ຮານາ ຕານ້ອງ. ນະກ້ອຍ ໄລ່ ແກື ຮາ ນາ, ເຈີ ເປາະ ຕຶງ ຮານາ ຕາປຸ່ນ ຮານະ ກວາຍ ອິມ ແບີ ຮາມິ້ຮ ບາລາອາມ, ກອນ ຮາເລົາ ແບອໍ. ອັນ ຢິອ ອີ ເບີນ ປະ ເກົາ ແຕ ຮານະ ຕາ ອໍ ອັນ ຕະ. <sup>16</sup> ມາ ເບີນ ອາແຊັຮ ແຈລ ຕີ ອັນ ຕະ ໂລ່ຍຮ, ອາ ຕີ ແຕ່ອ ຊຽງ ກວາຍ. ນະກ້ອຍ ບາລາອາມ ດັງ ຢຸຣ ລາລີ ອັນ ອີ ຕະ ຮານະ ຕາ ອໍ ກ້ອຍ.

<sup>17</sup> ໄລ່ ກາ ອາຕີ ຕາ ປຍາຍ ກ້ອຍ ລາ ນະ ປັຮໂລ່ ຍິ ກາ ແອີ ແຕີອ. ກະ ໄລ່ ນະ ຕາລຸ່ ກາ ກູຢາລ ແປື ເດີງ. ເຢີງ ເຈົ້າຮາຊີ ດໍ້ອ ມວຍ ອິນຕຸ ການຳ ຮາຍິ ດ ກາ ໄລ່ ອີງເຄາະ ແອັດ. <sup>18</sup> ໄລ່ ກ້ອຍ ອາຕີ ຢິອ ກວາຍ ການໍ້ອ ຄິດ ໄລ່ ລາ ກວາຍ ແຄວ, ມາ ປັຮ ນາຍ ໄລ່ ປາຍ ລາ ຊາກູລ. ໄລ່ ປາຍ ຕາ ເບີນ ອິນ ເຕົ້າ ຮາເລົາ ຄິດ ຢິອ ອີ ຕະ ຕາ ອໍ ໂຈະ ມັນແຊມ. ນະກ້ອຍ ໄລ່ ປັຮຕີ ມັຮ ກວາຍ ກາ ຊາອຳ ຕາ ຢ ວາຮ ເຮ່ງ, ກວາຍ ກາ ຕາແບີ ລ້ອຮ ແຕ ຮານະ ຕາ ອໍ, ໂອນ ໄລ່ ຕະ ລັຮ ຮານະ ຕາ ອໍ ຊາ. <sup>19</sup> ໄລ່ ກາ ອາຕີ ກ້ອຍ, ໄລ່ ເອີອ ກະ ກວາຍ ຊາອຳ ໂອນ ເຕ່ອ ຕະ ຕາປຸ່ນ ຮາງິຮ ໄລ່ ຊ້ອງ ຢິອ. ມາ ໄລ່ ກາ ອາ

ຕີ ນະກ້ອຍ, ໄລ່ ແຕ່ ລາ ກວາຍ ຊູລ; ໄລ່ ລາ ຊູລ ໂອນ ຮານະ ໂລ່ຍຮ. ກະ ປັຮເນີ ມັນເຕຣີາ ເຢີງ ເຈົ້າຮາຊີ ອາປິດ ໄລ່. ຮານະ ອິນເຕົ້າ ກາ ປັຮຕີ ໂອນ ກວາຍ ຕະ, ກວາຍ ກ້ອຍ ເກີດ ຊູລ ໂອນ ຮາ ນະ ກ້ອຍ. <sup>20</sup> ນະກ້ອຍ, ຄັນ ເບີນ ກວາຍ ອາແລະ ກາ ແວັດ ແຕ ຮານະ ຕາ ອໍ ຕຶງ ແດີຍ ໄມ່ ຍ່ອນ ອັນ ດັງ ແຕ ອິນເຈົ້າ ໄຮ, ເຢຊູ ກຣິດ, ອັນ ກາ ຈ່ອຍ ອາ ມັງ ໄຮ, ມາ ອິນຕຸ່ນ ແອັນ ຮານະ ຕາ ອໍ ກ້ອຍ ປັຮ ຕີ ລັຮ ກວາຍ ກ້ອຍ ຕະ ຮານະ ຕາ ອໍ ຊາ, ນະກ້ອຍ ແດີຍ ອາມັງ ກວາຍ ກ້ອຍ ເກີດ ຕາ ອໍ ແກືຍ ແຕ ອິນໂຍ່ງ ແອັນ. <sup>21</sup> ໄລ່ ກາ ດັງ ເຈີ ຮານາ ຕານ້ອງ ອໍ, ມາ ໄລ່ ລົບ ຕາປຸ່ນ ລັຮ ຮານາ ຕາ ອໍ, ຄາອໍ ໄລ່ ຕາ ເບີນ ດັງ ອິນເຕົ້າ ເລີຍ ແຕ ເຢີງ ເຈົ້າຮາຊີ, ແຕ ໄລ່ ດັງ ເຈີ ມາ ໄລ່ ລົບ ຕາປຸ່ນ ລັຮ ຮານາ ໂລ່ຍຮ. <sup>22</sup> ໄລ່ ກາ ຕະ ນະກ້ອຍ, ໄລ່ ຕະ ໂອນ ເກີດ ຮາປ ຍາຍ ມັຮ ປັຮນາຍ ຊາກຳ ກາ ປາຍ: "ອາຈໍ ກູຕາ, ເຈີ ອັນ ລົບ ຈາ ລັຮ ກັຮຕາ ອັນ," ກະ "ອາລີ້ອ ອິມເປີຍ ແຕີອ ເກີດ ບຣັຮ ເຈີ, ແວັດ ກ້ອຍ ອັນ ເປາະ ເລື້ອ ຕຶງ ຮາໂລ່ອ ຊາ."

### 3

#### ເຢຊູ ກຣິດ ແຕ່ອ ລັຮ

<sup>1</sup> ອາລ້ອຮ ເອີຍ, ເກົາ ຊ້ອງ ອາໂຢະ ລາລີ ເຍົາ. ໄມ່ ລາ ເຮີບ ກາ ບາຮ ເຈີ ກາ ເກົາ ຄຽນ ເຈຍ ປັຮ ນາຍ ຊາອັຮ ໂອນ ເຍົາ. ເກົາ ຄຽນ ອາໄມ່ຮ ໂອນ ເຍົາ ຄິດ ປຍາຍ ລາລີ ແຕ ມັຮ ຮາມິ້ຮ ອໍ ເກົາ ອາຕີ ເຍົາ ເຈີ. <sup>2</sup> ເກົາ ຢິອ ເຍົາ ຊາແຍີ ລັຮ ມັຮ ປັຮນາຍ ກວາຍ ຕານ້ອງ ອໍ ກາ ອາຕີ ຕາງ ປັຮນາຍ ເຢີງ ເຈົ້າຮາຊີ ປາຍ ແຕ ອິນໂຍ່ງ. ກະ ເກົາ ຢິອ ເຍົາ ຊາ ແຍີ ລັຮ ປັຮນາຍ ປາຕັບ ແຕ ອິນເຈົ້າ ໄຮ, ອັນ ກາ ຈ່ອຍ ອາມັງ ໄຮ. ປັຮນາຍ ປາຕັບ ກ້ອຍ ມັຮ ກວາ ຍ ກາ ເຢຊູ ຮຽຮ ປາຈຸຣ ອາຕີ ໂອນ ເຍົາ. <sup>3</sup> ຕາ ແບີ ລາລີ ອີງເຄາະ ເຍົາ ດັງ ນະໄມ່: ບັອງ ກາ ແຈະ ອີ ແຕ່ອ ຕາໄງ ປັຮຊົດ, ເບີນ ກວາຍ ອີ ອິດ ຮາງິຮ ໄລ່ ເບີມ. ໄລ່ ກ້ອຍ ອາເຢ ພາມາດ ເຍົາ. <sup>4</sup> ໄລ່ ປາຍ: "ເຢຊູ ໄມ່, ອັນ ເອີອ ປາຍ ອີ ແຕີອ ລັຮ. ມາ ອິນແລະ ເຍົາ ເຮີມ ອັນ ແຕ່ອ ລັຮ? ແຕ ຕາໄງ ອັນ ເອີອ ນະກ້ອຍ, ຊາອີ້ຍ ກວາຍ ກູຈິດ ເຈີ, ມາ ຕາ ເຮີມ ອິນເຕົ້າ ຢວາຮ. ແຕ ຕາໄງ ເຢີງ ເຈົ້າຮາ ຊີ ແຕງ ມັນລ້ອງ ກູແຕອ ລາ ມັນຕັດ ກ້ອຍ ເອີຍ, ຕາ ເຮີມ ເກີດ ອິນເຕົ້າ."

<sup>5</sup> ໄລ່ ກາ ປາຍ ນະກ້ອຍ, ໄລ່ ຕາ ເບີນ ຄິດ ປາຍ: ຕາແບີ ລາລີ, ຍ່ອນ ແຕ ປັຮນາຍ ເຢີງ ເຈົ້າຮາຊີ

ປາຍ, ມາ ແກ້ດ ມັນລ້ອງ ກູແຕອ໌. ອັນ ແຕງ ກູແຕອ໌ ໄມ່ ໂອນ ລ້ອຣ ແຕ ແຕ້ອ໌ ກະ ໂອນ ເບີນ ແຕ້ອ໌. <sup>6</sup> ກະ ກູແຕອ໌ ບ້ອງ ກ້ອຍ ແກ້ດ ຣາລຸຣ ລ້ອຣ ຍ່ອນ ແຕ ແຕ້ອ໌ ລີ້ບ. <sup>7</sup> ມາ ຊານຸ່, ຍ່ອນ ແຕ ປັຣນາຍ ເຢີງ ເຈົ້າຣາຊີ ປາຍ, ມ້ອງ ອັນ ດໍອ໌ ມັນລ້ອງ ກະ ກູແຕອ໌ ໄມ່. ອັນ ດໍອ໌ ເຕົ້າ ແຕ້ອ໌ ຕາໄງ ອັນ ຕັດຊິນ ກະ ອາປິດ ອິນແຍ່ະ ມັຣ ກວາຍ ໂລ່ຍຣ. ຕາໄງ ກ້ອຍ ອັນ ຈ້ອງ ມັນລ້ອງ ກູແຕອ໌ ໄມ່.

<sup>8</sup> ອາລ້ອຣ ເອີຍ, ເຍົາ ອິນໂຈຍ ຊາລິຣ ມວຍ ຣາມິ້ຣ ໄມ່: ເຢີງ ເຈົ້າຣາຊີ ມັບ ມວຍ ຕາໄງ ລາ ມູເຈິງ ມວຍ ບິນ ກູມໍ, ກະ ມວຍ ບິນ ກູມໍ ລາ ມູເຈິງ ມວຍ ຕາໄງ. <sup>9</sup> ເຢີງ ເຈົ້າຣາຊີ ຕາ ເບີນ ຢູດ ແຕ ຣານະ ອັນ ເອີອ໌, ມະ ກວາຍ ຄິດ ປາຍ ອັນ ຢູດ. ມາ ເຢີງ ເຈົ້າຣາຊີ ຕະ ລາເວີຍ ລາແຮິຍ ກະ ເຍົາ. ອັນ ອິງກ່ອຍ ຢວາຣ ຕາ ໂອນ ມານະ ກວາຍ ອາແລະ ແກ້ດ ກູຈິດ ປິດ, ມາ ອັນ ໂອນ ກູນະ ກວາຍ ຕັຣ ຣາງິຣ ຕຍາ ປຽນ ແກ້ດ ຣາງິຣ ຕາໄມ ແອັນ.

<sup>10</sup> ມາ ປຍາຍ໌ ລາລີ້ ເບີນ ຕາໄງ ເຢຊູ ກຣິດ ແຕ້ອ໌ ລ້ອຣ, ຕາໄງ ກ້ອຍ ລາ ມະ ກວາຍ ຊາແວງ ເກີຍ ແຕ້ອ໌, ຕິ່ງ ປາແນ່ນ ກາ ໄຮ ຕາ ເບີນ ຄິດ ອິນເຕົ້າ. ຕາໄງ ກ້ອຍ ເມົ້າ ຊ້ອງ ໄຮ ຣາລໍາ ກາແຕັບ ຕິ່ງ ມັນລ້ອງ, ເຈີ່ ປິດ ມັນລ້ອງ. ມັຣ ທາຣິງ ຕິ່ງ ມັນລ້ອງ ກະ ກູແຕອ໌ ແກ້ດ ຣົດ ມະ ເມົ້າ ຈ້ອງ. ກະ ອິນແຍ່ະ ມັຣ ຣາມິ້ຣ ຕິ່ງ ກູແຕອ໌ ໄມ່ ແກ້ດ ປິດ.

<sup>11</sup> ຄັນ ເຍົາ ດັງ ເຈີ່ ມັຣ ຣາມິ້ຣ ຕິ່ງ ແຕ້ຍ ໄມ່ ແກ້ດ ຣາລຸຣ ອິນແຍ່ະ, ເຈີ່ ຣານະ ອິນເຕົ້າ ເຍົາ ຄິດ ອໍ ໂອນ ເຍົາ ຕະ? ອິງເຄາະ ເຍົາ ມ່ອບ ຈະ ເຍົາ ໂອນ ເຢີງ ເຈົ້າຣາຊີ, ເຈີ່ ຕະ ຣານະ ອັນ ຊ້ອງ. <sup>12</sup> ກະ ອິງເຄາະ ເຍົາ ອິງກ່ອຍ ເລືອຍໆ ຕາໄງ ເຢຊູ ກຣິດ ແຕ້ອ໌ ລ້ອຣ ກະ ຕະ ຣານະ ໂອນ ໄວ່ ແຕ້ອ໌ ຕາໄງ ກ້ອຍ, ລາ ຕາໄງ ເຢີງ ເຈົ້າຣາຊີ ຈ້ອງ ອາປິດ ມັນລ້ອງ ກະ ຕະ ໂອນ ຣົດ ອິນແຍ່ະ ມັຣ ຣາມິ້ຣ ຕິ່ງ ມັນລ້ອງ ກະ ຕິ່ງ ກູແຕອ໌. <sup>13</sup> ມາ ເຢີງ ເຈົ້າຣາຊີ ເອີອ໌ ອິ ໂອນ ມັນລ້ອງ ຕາໄມ ກະ ກູແຕອ໌ ຕາໄມ, ເຈີ່ ມະກ້ອຍ ໄຮ ອິງກ່ອຍ, ອິນຕຸ ກ້ອຍ ລາ ອິນຕຸ ເມົ້າ ຕະ ແອີງ ຣານະ ຕາມ້ອງ ອໍ ຊ້ອງ.

<sup>14</sup> ມະກ້ອຍ, ອາລ້ອຣ ເອີຍ, ຍ່ອນ ເຍົາ ອິງກ່ອຍ ຣາມິ້ຣ ກ້ອຍ, ອິງເຄາະ ເຍົາ ປາໄຣ່ຣ ເລືອຍໆ ໂອນ ເຢີງ ເຈົ້າຣາຊີ ເຮີມ ເຍົາ ຕະ ຣານະ ອໍ ກະ ຕາ ເບີນ ໂລ່ຍຣ ຍິ່ຣ ມົງ ອັນ; ກະ ອິງເຄາະ ເຍົາ ເບີນ ຣາງິຣ ແອັດ ອຽນ ອໍ ກະ ອັນ. <sup>15</sup> ອິງເຄາະ ເຍົາ ດັງ ເຢີງ ເຈົ້າຣາຊີ ອິງກ່ອຍ ຢວາຣ ໂອນ

ແຕ້ອ໌ ເຍົາ ແກ້ດ ອາມົ່ງ ເລືອຍໆ. ແຊມອາຍ ໄຮ, ໂປໂລ, ຄຽນ ອາຕີ ເຍົາ ມາຣ ໄມ່ ເຕ່, ຍ່ອນ ເຢີງ ເຈົ້າຣາຊີ ໂອນ ອັນ ແກ້ດ ຣາໄງອ໌ ຣາລັງ ແຕ້ອ໌ ຄຽນ ປັຣນາຍ ຊາອົຣ ໂອນ ເຍົາ. <sup>16</sup> ອິນແຍ່ະ ມັຣ ປັຣນາຍ ຊາອົຣ ໂປໂລ ຄຽນ, ອັນ ເກີຍ ອາຕີ ມັຣ ຣາມິ້ຣ ໄມ່. ຕິ່ງ ປັຣນາຍ ຊາອົຣ ກ້ອຍ ເບີນ ອິນຕຸ ກາ ກັດ ໂອນ ໄຮ ຕາຕ່ອຍ໌. ມັຣ ອິນຕຸ ກ້ອຍ, ກວາຍ ຊາກຸລ ກະ ກວາຍ ກາ ຕາ ເບີນ ຊາອໍາ ຈັບ, ໄລ່ ປຽນ ແຕ ປັຣນາຍ ໂປໂລ ອິ ອາຕີ. ກະ ໄລ່ ຕະ ມະກ້ອຍ ເຕ່ ແຕ ປັຣນາຍ ກາມໍ່ອ໌ ຕິ່ງ ປັຣນາຍ ເຢີງ ເຈົ້າຣາຊີ. ໄລ່ ຕະ ມະກ້ອຍ, ລາ ໄລ່ ອາປິດ ຣາງິຣ ໄລ່ ເບີມ.

<sup>17</sup> ອາລ້ອຣ ເອີຍ, ເຍົາ ດັງ ເຈີ່ ມັຣ ຣາມິ້ຣ ໄມ່. ມະກ້ອຍ ອິງເຄາະ ເຍົາ ແນ່ ໂອນ ອໍ ອິນໂຈຍ ໂອນ ກວາຍ ແຕ້ອ໌ ປັຣຕິ່ ເຍົາ ຕະ ຣານະ ໂລ່ຍຣ, ເຈີ່ ເຍົາ ຊາປິລ ແຕ ອິນຕຸ ຈັບ ລາລີ້. <sup>18</sup> ມາ ໂອນ ເຍົາ ກັຣຕວນ ອາຊ້ອຣ ຕິ່ງ ມັຣ ຣາມິ້ຣ ເຢຊູ ກຣິດ ຈ່ອຍ ເມົ້າ ເຍົາ ກະ ມັຣ ຣາມິ້ຣ ເຍົາ ດັງ ແຕ ອັນ. ອໍານາດ ອາງອິຣ ກະ ປັຣນາຍ ຍ່ອງ ແອັດ ເລືອຍໆ ກະ ເຢຊູ ກຣິດ, ອິນເຈົ້າ ໄຮ, ອັນ ກາ ຈ່ອຍ ອາມົ່ງ ໄຮ, ແຕ ຊານຸ່ ໂອນ ເຕົ້າ ແຕ້ອ໌ ຕາໄງ ປັຣຊິດ. ອາແມນ.

# ໂຢຮັນ ຄຽນ ປັນນາຍ ຊາອົຣ ມວຍ

ປັນນາຍ ອາຕີ ອິນໂຍ່ງ

ໂຢຮັນ ລາ ມານະ ແຕ ມູ່ ກາ ເຢຊູ ຮຽນ ປາຈຸ່ຣ ໂອນ ເປາະ ຕະ ຣານະ ອັນ. ອັນ ຄຽນ ປຶ່ງ ປັນນາຍ ໄນ່ ມາຣ 90 ກູມໍ ແວັດ ເຢຊູ ແກັດ. ບັອງ ກາ ອັນ ຄຽນ ປຶ່ງ ໄນ່, ລາ ເທົາ ລາລີ້ ເຈີ່. ອັນ ພາອໍ ປັນນາຍ ໄນ່ ດໍອໍ ຊາອົຣ ມັຣ ກອນ ຣາມອນ ອັນ ຕຶ່ງ ມູ່ ກາ ຊາອໍ. ອັນ ອາຕີ ແຕ ເຢຊູ, ກະ ດໍອໍ ເຢຊູ ລາ ປັນນາຍ ອາມັງ. ອັນ ງິນ ແຕ ອັນ ເຮີມ ເຢຊູ, ກະ ເບີນ ຊາປະ ຈະ ເຢຊູ. ນະກ້ອຍ, ເຕ່ອໍ ອັນ ອາຕີ ແຈງ ກະ ປຍາຍໍ ລາລີ້ ແຕ ມັຣ ຣານະ ກາ ເຢຊູ ຕະ ເຈີ່, ກະ ແຕ ມັຣ ຊັນຕອຍໍ ເຢຊູ ອາຕີ.

ປຶ່ງ ປັນນາຍ ໄນ່ ອາຕີ ແຕ ເຢືາງ ເຈົາຣາຊີ ລາ ຣາມີຣ ປັງ, ກະ ກາໄຕ່ຣ ອາຕີ ມັຣ ມູ່ ກາ ຊາອໍ ໂອນ ຕາຢິຣ ເປາະ ຕຶ່ງ ຣາມີຣ ປັງ ໄນ່. ອັນ ປາຕັບ ໄລ່ ອິນໂຈຍ ຊາງັດ ປັນນາຍ ກວາຍ ອາຕີ ຕາງ ປັນນາຍ ເຢືາງ ເຈົາຣາຊີ ກາ ຕາ ເບີນ ປຍາຍໍ, ຍ່ອນ ໄລ່ ອີ ກາຢິຣ ມູ່ ກາ ຊາອໍ ໂອນ ແກັດ ຊາອິ້ຍ ຈຸ່ມ. ມັຣ ກວາຍ ກ້ອຍ ປາຍ ເຢຊູ ຕາ ແກິນ ກອນ ເຢືາງ ແກັດ ກວາຍ; ໄລ່ ຄິດ ຣານະ ຈ່ອຍ ອາມັງ ຕາ ເບີນ ຕຸ່ຣ ອິງເຄາະ ແກັດ ຣາຕອຍ, ແຕີລາ ອາໂຢະ ກວາຍ ການໍອໍ.

ປັນນາຍ ໄນ່ ແກັດ ເຕຣ່ງ ກາໄຕ່ຣ ມັຣ ກວາຍ ຊາອໍ ກະ ໂອນ ໄລ່ ອິນໂຈຍ ປາຊີ ຣາງິຣ ຕຶ່ງ ແດີຍ ໄນ່. "ອິນແຍ່ະ ມັຣ ຣາມີຣ ຕຶ່ງ ແດີຍ ໄນ່ ກາ ຈະ ຈັນ ກວາຍ ຊ້ອງ ຢໍອໍ ອີ ເບີນ, ມັດ ກວາຍ ເຮີມ ຢໍອໍ ອີ ເບີນ, ກະ ຣາງິຣ ກວາຍ ຄິດ ໄລ່ ອໍ ກາເລີຍ ແຕ ກວາຍ ການໍອໍ, ມັຣ ຣາມີຣ ໄນ່ ຕາ ເບີນ ແຕ່ອໍ ແຕ ເຢືາງ ເຈົາຣາຊີ ອິມປໍ່ ໄຣ, ມາ ແຕ່ອໍ ແຕ ແດີຍ ໄນ່ ຊ້ອງ" (2:16).

ປັນນາຍ ກາ ອາມັງ

1 ຮິ ຄຽນ ປັນນາຍ ໄນ່ ດໍອໍ ອາຕີ ເຢົາ ແຕ ປັນນາຍ ກາ ອາມັງ.\* ອັນ ແອັດ ອາມັງ ອິນໂຍ່ງ ແຕ ເຢືາງ ເຈົາຣາຊີ ຕາ ຢວາຣ ແຕງ ມວຍ ຣາມີຣ ອິນ ເຕົ້າ. ຮິ ຊ້ອງ ຊຽງ ອັນ ອາຕີ, ມັດ ຮິ ເຮີມ ກະ ແນ່ ເລືອຍໆ ອັນ, ກະ ອາຕີ ຮິ ຊາປະ ຈະ ອັນ. 2 ໄກຣ ລາລີ້ ປັນນາຍ ກາ ອາມັງ ໄນ່ ແຕ່ອໍ ປໍ ຮິ ເຈີ່, ກະ ຮິ

ແຕ່ ເຮີມ ອັນ. ຍ່ອນ ນະກ້ອຍ ເຕ່ອໍ ຮິ ຄຽນ ອາຕີ ເຢົາ ແຕ ຣາມີຣ ໄນ່. ປັນນາຍ ອາມັງ ໄນ່, ອັນ ແອັດ ຊົດ ແດີຍ ຕາ ເກີ່ຍ ປິດ, ກະ ແຕ ອິມແບີ, ອັນ ແອັດ ກະ ເຢືາງ ເຈົາຣາຊີ, ອິມປໍ່ ອັນ. 3 ຮິ ຄຽນ ອາຕີ ໂອນ ເຢົາ ດັງ ມັຣ ຣານະ ຮິ ເຮີມ ກະ ມັຣ ຣາມີຣ ຮິ ຊ້ອງ ແຕ ອັນ, ຍ່ອນ ຮິ ຢໍອໍ ເຢົາ ແອັດ ຣາຕອຍ ມວຍ ຣາງິຣ ກະ ຮິ, ນະ ຮິ ແອັດ ຣາຕອຍ ມວຍ ຣາງິຣ ກະ ເຢຊູ ກຣິດ ກະ ເຢືາງ ເຈົາຣາຊີ, ອິມປໍ່ ອັນ, ເຕ່. 4 ນະກ້ອຍ ຮິ ຄຽນ ປັນນາຍ ໄນ່ ໂອນ ຣາງິຣ ໄຣ† ເບີນ ແອັງ ຣາມີຣ ຮິ້ອໍ ຊ້ອງ.

ເຢືາງ ເຈົາຣາຊີ ລາ ກໍ່ລ ປັງ

5 ໄນ່ ລາ ປັນນາຍ ຮິ ຊ້ອງ ເຢຊູ ອາຕີ, ກະ ຮິ ຢໍອໍ ເຢົາ ດັງ ເຕ່: ໄກຣ ລາລີ້ ເຢືາງ ເຈົາຣາຊີ ລາ ຣາມີຣ ປັງ. ກະ ຣາມີຣ ການໍາ ອາແລ່ະ ຕາ ເຕ່ອໍ ແອັດ ກະ ອັນ. 6 ນະກ້ອຍ, ຄັນ ແບອໍ ໄຣ ປາຍ ໄຣ ແອັດ ຣາຕອຍ ມວຍ ຣາງິຣ ກະ ເຢືາງ ເຈົາຣາຊີ ມາ ຕຶ່ງ ຣາງິຣ ໄຣ ອິນມ້ອງ ຕະ ຣານະ ຕາ ອໍ, ຣາມີຣ ກ້ອຍ ລາ ນະ ໄຣ ຕາຢິຣ ຕຶ່ງ ອິນຕຸ ການໍາ. ໄຣ ຕະ ອິນຕີ ອາໂລກ ຊ້ອງ. ປັນນາຍ ໄຣ ປາຍ ຕາ ເບີນ ຊັງໄກຣ ກະ ຣານະ ໄຣ ຕະ. 7 ຄັນ ໄຣ ຕາຢິຣ ຕຶ່ງ ອິນຕຸ ປັງ, ນະ ເຢືາງ ເຈົາຣາຊີ ແອັດ ອິນຕຸ ປັງ, ນະກ້ອຍ ໄຣ ແກັດ ມານະ ຣາຕອຍ ກະ ມານະ. ກະ ເຢືາງ ເຈົາຣາຊີ ຕັຣ ອິນແຍ່ະ ໄລ່ຍຣ ໄຣ ຍ່ອນ ກອນ ອັນ, ເຢຊູ, ກູຈິດ ຕາງ ໄຣ.

8 ຄັນ ໄຣ ປາຍ ໄຣ ຕາ ເບີນ ເບີນ ໄລ່ຍຣ ອິນ ເຕົ້າ ຕຶ່ງ ຣາງິຣ ໄຣ, ກ້ອຍ ລາ ໄຣ ອາໂລກ ຈະ ໄຣ ເບີມ. ກະ ຕຶ່ງ ຣາງິຣ ໄຣ ຕາ ເບີນ ເບີນ ຣາມີຣ ປຍາຍໍ ອິນເຕົ້າ. 9 ຄັນ ໄຣ ງິນ ອິນແຍ່ະ ຣານະ ໄລ່ຍຣ ໄຣ ຕະ, ໄຣ ດັງ ກຣັກ ລາລີ້ ເຢືາງ ເຈົາຣາຊີ ຕະ ນະ ອັນ ເອີອໍ ເຈີ່, ຍ່ອນ ເຢືາງ ເຈົາຣາຊີ ຕະ ຕານ້ອງ ເລືອຍໆ. ໄກຣ ລາລີ້ ເຢືາງ ເຈົາຣາຊີ ຕັຣ ອິນແຍ່ະ ໄລ່ຍຣ ໄຣ, ກະ ໂອນ ຣາງິຣ ໄຣ ແກັດ ບຣັຣ ອໍ, ຕາ ຢໍອໍ ອີ ຕະ ຣານະ ຕາ ອໍ ມ້ອງ. 10 ຄັນ ໄຣ ປາຍ ໄຣ ຕາ ເກີ່ຍ ຕະ ໄລ່ຍຣ ອິນເຕົ້າ, ປັນນາຍ ກ້ອຍ ລາ ນະ ໄຣ ປາຍ ເຢືາງ ເຈົາຣາຊີ ອາໂລກ, ຍ່ອນ ອັນ ປາຍ ກູ່ ນະ ກວາຍ ລາ ເບີນ ໄລ່ຍຣ.† ນະກ້ອຍ ປັນນາຍ ເຢືາງ ເຈົາຣາຊີ ຕາ ເບີນ ແອັດ ຕຶ່ງ ຣາງິຣ ໄຣ.

\* 1:1 1:1 ປັນນາຍ ກາ ອາມັງ ລາ ເຢຊູ ກຣິດ. † 1:4 1:4 "ໄຣ" ຕຶ່ງ ອິນຕຸ ໄນ່ ເບີນ ປັນນາຍ ຕຍາ ປາຍ: "ເຢົາ." ‡ 1:10 1:10 ແນ່ ຕຶ່ງ ໄຣມ 3:23.

# 2

## ເຢຊູ ກຣິດ ຈ່ອຍ ໄຮ

1 ມັຮ ກາ ກອນ ຮາມອນ ເກົາ ເອີຍ! ເກົາ ຄຽນ ອາຕີ ເຍົາ ປັຮນາຍ ໄນ່ ໂອນ ເຕ່ອ ເຍົາ ວຍາຮ ແຕ ຕະ ຮານະ ໂລ່ຍຮ. ມາ ຄັນ ເບີນ ເນົາ ແຕ ເຍົາ ຕະ ຮານະ ໂລ່ຍຮ ອິນເຕົາ, ເບີນ ເຢຊູ ກຣິດ ແຊອ ຕາງ ໄຮ, ໂອນ ເຢົາ ເຈົາຮາຊີ ອິມບໍ່ ໄຮ ຕັຮ ມັຮ ໂລ່ຍຮ ໄຮ. ເຢຊູ ລາ ຕານ້ອງ ອໍ ລາລີ້. 2 ອັນ ແຕ່ ກູຈິດ ຕາງ ໂອນ ຕັຮ ໂລ່ຍຮ ໄຮ, ກະ ໂອນ ຕັຮ ໂລ່ຍຮ ອິນແຍ່ະ ມັຮ ກວາຍ ການໍ່ອ ແຮີ.

3 ຄັນ ໄຮ ຊາງັດ ປັຮນາຍ ເຢົາ ເຈົາຮາຊີ ປາຕັບ ໂອນ ໄຮ, ເຕ່ອ ໄຮ ປາຍ ໄຮ ດັງ ອັນ. 4 ມາ ຄັນ ເບີນ ກວາຍ ປາຍ ນະໄນ່: "ເກົາ ດັງ ເຢົາ ເຈົາຮາຊີ ເຈີ້," ມາ ກວາຍ ກ້ອຍ ຕາ ເບີນ ຊາງັດ ປັຮນາຍ ເຢົາ ເຈົາຮາຊີ ປາຕັບ, ກວາຍ ກ້ອຍ ຕະ ອິນຕີ ອາ ໂລກ ຊ້ອງ, ກະ ປັຮນາຍ ປຍາຍ໌ ແຕ ເຢົາ ເຈົາຮາ ຊີ ຕາ ເບີນ ແອັດ ຕຶງ ຮາງັຮ ອັນ. 5 ມາ ກວາຍ ອາແລ່ະ ກາ ຊາງັດ ປັຮນາຍ ເຢົາ ເຈົາຮາຊີ, ໄກຮ ລາລີ້ ກວາຍ ກ້ອຍ ອາໂຢ່ະ ເຢົາ ເຈົາຮາຊີ ອິນແຍ່ະ ຮາງັຮ ຮາແຮີ ອັນ. ຄັນ ໄຮ ຕະ ນະກ້ອຍ, ໄຮ ດັງ ກຣັກ ໄຮ ເບີນ ມວຍ ຮາງັຮ ກະ ເຢົາ ເຈົາຮາ ຊີ. 6 ກະ ກວາຍ ອາແລ່ະ ກາ ປາຍ ອັນ ເບີນ ມວຍ ຮາງັຮ ກະ ເຢົາ ເຈົາຮາຊີ, ອິງເຄາະ ກວາຍ ກ້ອຍ ຕະ ນະ ເຢຊູ ຕະ ເຕ່.

## ປັຮນາຍ ປາຕັບ ຕຍາ ແກັດ ນະ ຕາໄມ ແອັນ

7 ອາລ້ອຮ ເອີຍ! ປັຮນາຍ ເກົາ ຄຽນ ປາຕັບ ເຍົາ ຊານໍ່ ລາ ຕາ ແກັນ ປັຮນາຍ ຕາໄມ. ມາ ປັຮ ນາຍ ໄນ່ ລາ ປັຮນາຍ ປາຕັບ ຕຍາ ກາ ເຍົາ ເບີນ ແຕ ຕາໄງ ເຍົາ ຕາແບ້ ຊາອາ ປັຮນາຍ ອິ ແຕ ເຢຊູ ກຣິດ. ປັຮນາຍ ປາຕັບ ຕຍາ ໄນ່ ລາ ປັຮນາຍ ເນົາ ອາຕີ ເຍົາ ແຕ ອິນໂຍ່ງ ເຈີ້. 8 ມາ ຊານໍ່ ເກົາ ຄຽນ ປັຮນາຍ ປາຕັບ ໄນ່ ໂອນ ເຍົາ ລາ ນະ ປັຮນາຍ ຕາ ໄມ ເຕ່. ມັຮ ປັຮນາຍ ປາຕັບ ໄນ່ ລາ ປຍາຍ໌ ລາລີ້ ແຕ ເຢຊູ ໂອນ ເຍົາ ຕະ ຕາປຸ່ນ. ຍ່ອນ ການໍາ ບ້ອງ ອິນແຍ່ະ, ກະ ປັງ ກາ ປຍາຍ໌ ລາລີ້ ປາເລົາງ ເຈີ້.

9 ກວາຍ ອາແລ່ະ ກາ ປາຍ ອັນ ແອັດ ຕຶງ ອິນ ຕຸ ປັງ ມາ ອັນ ຊາອັຮ ແຊມອາຍ ອັນ, ໄກຮ ລາ ລີ້ ກວາຍ ກ້ອຍ ອິນນ້ອງ ແອັດ ຕຶງ ອິນຕຸ ກາ ນໍາ. 10 ມາ ກວາຍ ອາແລ່ະ ກາ ອາໂຢ່ະ ແຊມອາຍ ອັນ, ກວາຍ ກ້ອຍ ແອັດ ເລືອຍໆ ຕຶງ ອິນຕຸ ປັງ. ນະກ້ອຍ ກວາຍ ກ້ອຍ ຕາ ເບີນ ອິງກ້ອຮ ແດັມ. 11 ມາ ກວາຍ ອາແລ່ະ ຊາອັຮ ແຊມອາຍ ອັນ, ກວາ ຍ ກ້ອຍ ແອັດ ຕຶງ ອິນຕຸ ການໍາ. ກະ ອັນ ຕາຍັຮ

ຕຶງ ອິນຕຸ ການໍາ ຕາ ດັງ ປິ ແລ່ະໆ, ຍ່ອນ ການໍາ ກ້ອຍ ຕະ ໂອນ ອັນ ແກັດ ນະ ກວາຍ ຊູດ ມັດ.

12 ເກົາ ຄຽນ ປັຮນາຍ ໄນ່ ໂອນ ເຍົາ ກາ ອິນ ນ້ອງ ກັຮແນນ, ຍ່ອນ ໂລ່ຍຮ ເຍົາ ເຢົາ ເຈົາຮາຊີ ຕັຮ ເຈີ້ ຍ່ອນ ແຕ ຮາມັຮ ເຢຊູ ກຣິດ. 13 ເກົາ ຄຽນ ປັຮນາຍ ໄນ່ ໂອນ ເຍົາ ກາ ແກັດ ອິມບໍ່, ຍ່ອນ ເຍົາ ດັງ ເຢຊູ, ອັນ ກາ ແອັດ ອິນໂຍ່ງ ແຕ ຕາ ຢວາຮ ເບີນ ມວຍ ຮາມັຮ ອິນເຕົາ. ເກົາ ຄຽນ ປັຮ ນາຍ ໄນ່ ໂອນ ເຍົາ ກາ ກວາຍ ນຸ່ມ, ຍ່ອນ ເຍົາ ຮາ ຈິ່ລ ເຮົາບ ເຈີ້ ເຢົາ ຊາຕານ. 14 ກະ ເກົາ ຄຽນ ປັຮ ນາຍ ໄນ່ ໂອນ ເຍົາ ກາ ອິນນ້ອງ ກັຮແນນ, ຍ່ອນ ເຍົາ ດັງ ເຈີ້ ເຢົາ ເຈົາຮາຊີ, ອິມບໍ່ ໄຮ. ເກົາ ຄຽນ ປັຮນາຍ ໄນ່ ໂອນ ເຍົາ ກາ ແກັດ ອິມບໍ່, ຍ່ອນ ເຍົາ ດັງ ເຢຊູ, ອັນ ກາ ແອັດ ອິນໂຍ່ງ ແຕ ຕາ ຢວາຮ ເບີນ ມວຍ ຮາມັຮ ອິນເຕົາ. ເກົາ ຄຽນ ປັຮນາຍ ໄນ່ ໂອນ ເຍົາ ກາ ກວາຍ ນຸ່ມ, ຍ່ອນ ເຍົາ ລາ ບັນ ເຮ່ງ ລາລີ້. ປັຮນາຍ ເຢົາ ເຈົາຮາຊີ ແອັດ ເລືອຍໆ ຕຶງ ຮາງັຮ ເຍົາ, ກະ ເຍົາ ຮາຈິ່ລ ເຮົາບ ເຈີ້ ເຢົາ ຊາຕານ.

15 ອິນແຍ່ະ ມັຮ ເຍົາ ອິນໂຈຍ ປາຊີ ຮານະ ຕຶງ ແດັຍ ໄນ່, ກະ ອິນໂຈຍ ຍິ່ອ ອິ ເບີນ ມັຮ ຮາມັຮ ຕຶງ ແດັຍ ໄນ່. ຄັນ ກວາຍ ອາແລ່ະ ມາ ປາຊີ ຮາ ນະ ຕຶງ ແດັຍ ໄນ່, ອັນ ຕາ ເບີນ ປາຊີ ຮານະ ເຢົາ ເຈົາຮາຊີ. 16 ອິນແຍ່ະ ມັຮ ຮາມັຮ ຕຶງ ແດັຍ ໄນ່ ກາ ຈະຈັນ ກວາຍ ຊ້ອງ ຍິ່ອ ອິ ເບີນ, ມັດ ກວາຍ ເຮີມ ຍິ່ອ ອິ ເບີນ, ກະ ຮາງັຮ ກວາຍ ຄິດ ໄລ່ ອໍ ກາ ເລີຍ ແຕ ກວາຍ ການໍ່ອ, ມັຮ ຮາມັຮ ໄນ່ ຕາ ເບີນ ແຕ່ອ້ ແຕ ເຢົາ ເຈົາຮາຊີ ອິມບໍ່ ໄຮ, ມາ ແຕ່ອ້ ແຕ ແດັຍ ໄນ່ ຊ້ອງ. 17 ກະ ມັຮ ຮາມັຮ ຕຶງ ແດັຍ ໄນ່ ກວາຍ ເກີຍ ຊ້ອງ ຍິ່ອ ອິ ເບີນ, ປັຮແນີ ມັນເຕຣີ ມັຮ ຮາມັຮ ກ້ອຍ ແກັດ ປິດ ອິນແຍ່ະ. ມາ ກວາຍ ອາແລ່ະ ກາ ຕະ ຕາປຸ່ນ ຮາງັຮ ເຢົາ ເຈົາຮາຊີ, ອັນ ເບີນ ອາມັງ ເລືອຍໆ.

## ເບີນ ກວາຍ ກາ ຍິ່ອ ອິ ອາປິດ ຮານະ ເຢຊູ

18 ກອນ ຮາມອນ ເອີຍ! ແດັຍ ໄນ່ ລາ ແດັຍ ປັຮຊິດ ເລີຍ. ເຍົາ ຊ້ອງ ເຈີ້ ເນົາ ປາຍ ປັຮແນີ ມັນ ເຕຣີ ເບີນ ມານະ ຕະ ອິນຕີ ອາໂລກ ປາຍ ອັນ ລາ ກຣິດ, ມາ ໄກຮ ລາລີ້ ອັນ ອິ ອາປິດ ຮານະ ເຢຊູ ກຣິດ. ມາ ເກົາ ອາຕີ ເຍົາ, ຊານໍ່ ແຕ່ອ້ ເຈີ້ ກຶງ ກວາ ຍ ກາ ຍິ່ອ ອິ ອາປິດ ຮານະ ເຢຊູ. ນະກ້ອຍ ໄຮ ດັງ ແດັຍ ໄນ່ ລາ ແດັຍ ປັຮຊິດ. 19 ມັຮ ກວາຍ ກຶງ ກ້ອຍ, ໄລ່ ອິນຈຸງ ລ້ອຮ ເບີມ ແຕ ມູ່ ໄຮ, ຍ່ອນ



ໄລ່ ຕາ ເປັນ ມວຍ ຮາງື່ຮ ກະ ໄຮ. ຄັນ ໄລ່ ມວຍ ຮາງື່ຮ ກະ ໄຮ, ໄລ່ ແອິດ ເລີ້ຍ ກະ ໄຮ. ມາ ພໍກາ ໄລ່ ລໍ່ອຮ, ໄລ່ ອາປັຣ ໂອນ ອິນແຍ່ະ ມັຮ ກວາຍ ດັງ ກຣັກ ລາລີ້ ໄລ່ ຕາ ແກິນ ມູ່ ໄຮ.

20 ມາ ເຍົາ ເປັນ ຮາເວົ້າຍ ເຢິງ ເຈົ້າຮາຊີ ແອິດ ຕິ່ງ ຮາງື່ຮ ເຍົາ. ມະກ້ອຍ ເຍົາ ດັງ ແຈງ ອິນແຍ່ະ ປັຣນາຍ ປຍາຍ. 21 ເກົາ ຄຽນ ປັຣນາຍ ໄນ່ ໂອນ ເຍົາ, ຍ່ອນ ເຍົາ ດັງ ເຈີ່ ປັຣນາຍ ປຍາຍ, ຕາ ແກິນ ເຍົາ ຕາ ຢວາຣ ດັງ. ກະ ຍ່ອນ ເຍົາ ດັງ ກຣັກ ລາ ລີ້ ປັຣນາຍ ອາໂລກ ຕາ ເກີ້ຍ ລໍ່ອຮ ແຕ ປັຣນາຍ ປຍາຍ.

22 ໄກຣ ລາລີ້ ກວາຍ ອາແລ່ະ ກາ ປາຍ ເຢຊູ ຕາ ເປັນ ກຣິດ, ກວາຍ ກ້ອຍ ລາ ກວາຍ ອາໂລກ. ກະ ອັນ ຍິຣ ອີ ອາປິດ ຮານະ ເຢຊູ. ກວາຍ ກ້ອຍ ກາ ແລິຍຮ ເຢິງ ເຈົ້າຮາຊີ ອິມບໍ່ ໄຮ, ກະ ກອນ ອັນ ແຮ. 23 ກວາຍ ອາແລ່ະ ກາ ກາແລິຍຮ ກອນ ເຢິງ ເຈົ້າຮາຊີ, ລາ ມູເຈິງ ອັນ ກາແລິຍຮ ເຢິງ ເຈົ້າຮາຊີ ອິມບໍ່ ໄຮ ແຕ່. ກະ ກວາຍ ອາແລ່ະ ກາ ຊາອໍາ ກອນ ເຢິງ ເຈົ້າຮາຊີ, ກວາຍ ກ້ອຍ ຊາອໍາ ເຢິງ ເຈົ້າຮາຊີ ອິມບໍ່ ໄຮ ແຕ່.

24 ມະກ້ອຍ ອິງເຄາະ ເຍົາ ກຍາຣ໌ ດໍອ໌ ຕິ່ງ ຮາງື່ຮ ເຍົາ ອິນແຍ່ະ ປັຣນາຍ ເຍົາ ຊ້ອງ ເຈີ່ ແຕ ຕາໄງ ເຍົາ ຕາແບີ່ ຊາອໍາ ເຢຊູ. ຄັນ ເຍົາ ກຍາຣ໌ ເລືອຍໆ ອິນ ແຍ່ະ ປັຣນາຍ ກ້ອຍ ຕິ່ງ ຮາງື່ຮ ເຍົາ, ເຍົາ ແອິດ ຮາຕອຍ ເລືອຍໆ ກະ ເຢິງ ເຈົ້າຮາຊີ ອິມບໍ່ ໄຮ, ກະ ກອນ ອັນ ແຮ. 25 ກະ ໄນ່ ລາ ເຢິງ ເຈົ້າຮາຊີ ເອີອ໌ ເຈີ່ ກະ ໄຮ, ໂອນ ເປັນ ອາມັງ ເລືອຍໆ.

26 ເກົາ ຄຽນ ມັຮ ປັຣນາຍ ໄນ່ ອາຕີ ໂອນ ເຍົາ ດັງ ແຕ ກວາຍ ກາ ຍິຣ ອີ ພີ ເຍົາ ໂອນ ຕັຣ ຮາ ມະ ເຢຊູ. 27 ມາ ເຢິງ ເຈົ້າຮາຊີ ໂອນ ເຍົາ ເປັນ ຮາ ເວົ້າຍ ອັນ ແອິດ ຕິ່ງ ຮາງື່ຮ ເຍົາ. ຍ່ອນ ເຍົາ ເປັນ ຮາເວົ້າຍ ເຢິງ ເຈົ້າຮາຊີ, ມະກ້ອຍ ຕາ ເປັນ ອິງ ເຄາະ ເປັນ ກວາຍ ອາຕີ ເຍົາ ຮານະ ອາແລ່ະ ປຍາຍ ກະ ຮານະ ອາແລ່ະ ຕາ ເປັນ ປຍາຍ. ໄກຣ ລາລີ້ ຮາ ເວົ້າຍ ເຢິງ ເຈົ້າຮາຊີ ແຕ່ ອາຕີ ເຍົາ ແຕ ອິນແຍ່ະ ມັຮ ຮາມິ້ຮ ກ້ອຍ. ກະ ອິນແຍ່ະ ປັຣນາຍ ອັນ ອາ ຕີ ໂອນ ເຍົາ ດັງ, ປັຣນາຍ ກ້ອຍ ລາ ປຍາຍ ອິນ ແຍ່ະ, ອັນ ຕາ ເປັນ ພີ ເຍົາ ມວຍ ຮາມິ້ຮ ອິນເຕົາ. ອິງເຄາະ ເຍົາ ແອິດ ເລືອຍໆ ແກິດ ມວຍ ຮາງື່ຮ ກະ ເຢຊູ ກຣິດ.

28 ເຈີ່ ຊານໍ່, ກອນ ຮາມອນ ເອີຍ, ອິງເຄາະ ເຍົາ ແອິດ ເລືອຍໆ ມວຍ ຮາງື່ຮ ກະ ເຢຊູ ໂອນ ອິນແຍ່ະ ມັຮ ໄຮ ຍັນ ລາລີ້ ກະ ຕາ ເປັນ ກູມາລ ຕະ ອິນເຕົາ ຕິ່ງ ຕາໄງ ເຢຊູ ແຕີ້ອ໌ ລໍ່ ປິ ກູແຕອ໌ ໄນ່. 29 ເຍົາ

ດັງ ເຈີ່ ເຢິງ ເຈົ້າຮາຊີ ຕານ້ອງ ອໍ; ມະກ້ອຍ ເຍົາ ດັງ ແຕ່ ກວາຍ ອາແລ່ະ ກາ ຕະ ຕານ້ອງ ອໍ, ກວາຍ ກ້ອຍ ແກິດ ກອນ ເຢິງ ເຈົ້າຮາຊີ ເຈີ່.

### 3

ໄຮ ແກິດ ກອນ ເຢິງ ເຈົ້າຮາຊີ

1 ໂອນ ເຍົາ ຄິດ ແນ່, ມາແລ່ະ ຊາອິ້ຍ ເຢິງ ເຈົ້າຮາຊີ, ອິມບໍ່ ໄຮ, ອາໂຢະ ໄຮ. ຍ່ອນ ເຢິງ ເຈົ້າຮາຊີ ອາໂຢະ ໄຮ ມະກ້ອຍ, ອັນ ດໍອ໌ ໄຮ ລາ ກອນ ອາໂກ ອັນ. ໄກຣ ລາລີ້ ໄຮ ລາ ກອນ ອັນ. ມາ ກວາຍ ກາ ຕາປຸ່ນ ຮານະ ຕິ່ງ ແດິຍ ໄນ່, ໄລ່ ຕາ ເປັນ ດັງ ໄຮ, ຍ່ອນ ໄລ່ ຕາ ຢວາຣ ດັງ ເຢິງ ເຈົ້າຮາຊີ. 2 ຊານໍ່, ອາລໍອຮ ເອີຍ, ໄຮ ລາ ກອນ ອາໂກ ເຢິງ ເຈົ້າຮາຊີ ເຈີ່. ມາ ໄຮ ຕາ ຢວາຣ ດັງ ແຈງ, ແວັດ ໄຮ ແອິດ ຕິ່ງ ແດິຍ ໄນ່ ຈະ ໄຮ ແກິດ ຮູ່ບເຣິງ ມານະ ແອັນ. ມາ ມວຍ ຮາມິ້ຮ ໄຮ ດັງ ໄກຣ ລາລີ້ ລາ ມະໄນ່: ຕິ່ງ ຕາໄງ ເຢຊູ ກຣິດ ແຕີ້ອ໌ ລໍ່, ໄຮ ແກິດ ມະ ເຢຊູ ແຕ່, ຍ່ອນ ຕາໄງ ກ້ອຍ ໄຮ ເປັນ ເຮີມ ຮູ່ບເຣິງ ເຢຊູ ໄກຣ ລາລີ້. 3 ກວາຍ ອາ ແລ່ະ ກາ ອິງກ້ອງ ເປັນ ເຮີມ ເຢຊູ ຕິ່ງ ຕາໄງ ກ້ອຍ, ກວາຍ ກ້ອຍ ຕະ ໂອນ ບຣັຮ ອໍ ຮາງື່ຮ ອັນ, ມະ ເຢຊູ ກຣິດ ເປັນ ຮາງື່ຮ ບຣັຮ ອໍ ແຕ່.

4 ກວາຍ ອາແລ່ະ ກາ ຕະ ໂລ່ຍຮ, ກວາຍ ກ້ອຍ ຕັຣ ເຈີ່ ຄານອດ ເຢິງ ເຈົ້າຮາຊີ. ກະ ຄັນ ກວາຍ ຕັຣ ຄານອດ ເຢິງ ເຈົ້າຮາຊີ, ຮາມິ້ຮ ໄນ່ ແຕ່ ໂລ່ ຍຮ. 5 ເຍົາ ດັງ ເຈີ່ ເຢຊູ ກຣິດ ແຕີ້ອ໌ ປິ ກູແຕອ໌ ໄນ່ ດໍອ໌ ຈິວ ກູຈິດ ຕາງ ກະ ຕັຣ ໂລ່ຍຮ ໄຮ. ກະ ເຍົາ ດັງ ແຕ່ ເຢຊູ ກຣິດ ຕາ ເກີ້ຍ ເປັນ ໂລ່ຍຮ ອິນ ເຕົາ. 6 ມະກ້ອຍ ກວາຍ ອາແລ່ະ ກາ ແອິດ ມວຍ ຮາງື່ຮ ກະ ເຢຊູ, ອັນ ຕາ ເປັນ ຕະ ໂລ່ຍຮ ມ້ອງ. ມາ ກວາຍ ອາແລ່ະ ກາ ດ ຕະ ໂລ່ຍຮ, ກວາຍ ກ້ອຍ ຕາ ເກີ້ຍ ເຮີມ ເຢຊູ ກະ ຕາ ເປັນ ດັງ ອັນ.

7 ກອນ ຮາມອນ ເອີຍ! ອິນໂຈຍ ໂອນ ແນ້າ ພີ ເຍົາ. ກວາຍ ອາແລ່ະ ມາ ຕະ ຮານະ ຕານ້ອງ ອໍ, ກວາຍ ກ້ອຍ ຕານ້ອງ ອໍ ມູເຈິງ ເຢຊູ ຕານ້ອງ ອໍ ແຕ່. 8 ກວາຍ ອາແລ່ະ ມາ ຕະ ເລືອຍໆ ຮາ ມະ ຕາ ອໍ, ກວາຍ ກ້ອຍ ແຕີ້ອ໌ ແຕ ເຢິງ ຊາຕານ. ເຢິງ ຊາຕານ ຕະ ເລືອຍໆ ຮານະ ໂລ່ຍຮ ແຕ ອິມ ແບີ ອິມແບີນ ລາລີ້. ຍ່ອນ ມະກ້ອຍ ກອນ ເຢິງ ເຈົ້າຮາຊີ ແຕີ້ອ໌ ປິ ກູແຕອ໌ ໄນ່ ດໍອ໌ ອາປິດ ອິນແຍ່ະ ມັຮ ຮານະ ເຢິງ ຊາຕານ ຕະ.

9 ກວາຍ ອາແລະ ມາ ແກ້ດ ກອນ ເຢິງ ເຈົ້າຮາ ຊີ ເຈີ້, ກວາຍ ກ້ອຍ ຕາ ເບີນ ຕະ ໂລ່ຍຮ ນ້ອງ, ຍ່ອນ ເຢິງ ເຈົ້າຮາຊີ ໂອນ ຮງື່ຮ ອັນ ແອັດ ເລີ້ຍ ຕຶ້ງ ຮງື່ຮ ກວາຍ ກ້ອຍ. ນະກ້ອຍ ກວາຍ ກ້ອຍ ຕາ ເຕ້ອ ຕະ ຮານະ ໂລ່ຍຮ ນ້ອງ, ຍ່ອນ ອັນ ລາ ກອນ ຮາເມົາ ເຢິງ ເຈົ້າຮາຊີ. 10 ໄມ່ ລາ ຕະ ໂອນ ໄຮ ເຕ້ອ ດັງ ກວາຍ ອາແລະ ລາ ກອນ ເຢິງ ເຈົ້າຮາ ຊີ ກະ ກວາຍ ອາແລະ ລາ ກອນ ເຢິງ ຊາຕານ: ກວາຍ ອາແລະ ກາ ຕະ ຮານະ ຕາ ເບີນ ຕານ້ອງ ອໍ ກະ ຕາ ເບີນ ເບີນ ຮງື່ຮ ອາໂຢ່ະ ເຢົາ, ກວາຍ ກ້ອຍ ຕາ ແກ້ນ ກອນ ເຢິງ ເຈົ້າຮາຊີ. ອັນ ລາ ກອນ ເຢິງ ຊາຕານ.

ອີງເຄາະ ມານະ ອາໂຢ່ະ ມານະ

11 ໄກຮ ລາລີ້, ແຕ ຕາໄງ ເຍົາ ຕາແບີ ຊາອໍາ ເຢຊູ ກຣິດ, ເຍົາ ຊ້ອງ ເຈີ້ ປັນນາຍ ປາຕັບ ໄມ່: ໄຮ ອີງ ເຄາະ ເບີນ ຮງື່ຮ ມານະ ອາໂຢ່ະ ມານະ. 12 ໄຮ ອິນ ໂຈຍ ຕະ ນະ ກາອິນ, ອັນ ກາ ເຢິງ ຊາຕານ ຕາລາ, ກະ ອັນ ກາຈິດ ອາແອມ ອັນ. ຍ່ອນ ນານະ ອັນ ກາຈິດ ອາແອມ ອັນ? ຍ່ອນ ກາອິນ ຕະ ຮານະ ຕາ ອໍ, ມາ ອາແອມ ອັນ ຕະ ຮານະ ຕານ້ອງ ອໍ.

13 ນະກ້ອຍ ແຊມອາຍ ເອີຍ, ເຍົາ ອິນໂຈຍ ຊ້ອງ ງັດ ຄັນ ກວາຍ ກາ ຕາປູນ ຮານະ ຕຶ້ງ ແດີຍ ໄມ່ ມາ ຊາອັຮ ເຍົາ. 14 ຄັນ ໄຮ ອາໂຢ່ະ ມັຮ ແຊມ ອາຍ ໄຮ ຕຶ້ງ ມູ່ ກາ ຊາອໍາ, ໄມ່ ລາ ໂອນ ເມົາ ດັງ ໄຮ ຕາ ເບີນ ນ້ອງ ນະ ກູຈິດ, ມາ ໄຮ ລາ ນະ ອາມັງ ລັຮ ເຈີ້. ມາ ກວາຍ ອາແລະ ກາ ຕາ ເບີນ ອາໂຢ່ະ ເຍົາ, ກວາຍ ກ້ອຍ ນະ ອິນນ້ອງ ກູຈິດ. 15 ກວາຍ ອາແລະ ມາ ຊາອັຮ ແຊມອາຍ ອັນ, ກວາຍ ກ້ອຍ ລາ ມູເຈິງ ກວາຍ ກາ ກາຈິດ ກວາຍ. ກະ ເຍົາ ດັງ ເຈີ້ ກວາຍ ກາ ກາຈິດ ກວາຍ ຕາ ເບີນ ເບີນ ອາ ມັງ ເລື້ອຍໆ. 16 ນານະ ໄຮ ເຕ້ອ ດັງ ຮານະ ອາ ໂຢ່ະ? ໄຮ ດັງ ຮານະ ໄມ່ ຍ່ອນ ເຢຊູ ກຣິດ ຈິວ ປິດ ຮງື່ຮ ອັນ ຕາງ ໂອນ ໄຮ. ປຍາຍ ລາລີ້, ລາ ໄຮ ອີງເຄາະ ຈິວ ປິດ ຮງື່ຮ ຈ່ອຍ ແຊມອາຍ ໄຮ ເຕ້. 17 ຄັນ ກວາຍ ອາແລະ ມາ ເບີນ ກູ່ ຕັອກ ຄໍາ ຈາ, ເຈີ້ ເຮີມ ແຊມອາຍ ອັນ ແອີ, ມາ ອັນ ຕາ ເບີນ ຊ້ອງ ອາໂຢ່ະ ຕະ, ໄຮ ຕາ ເຕ້ອ ປາຍ ກວາຍ ກ້ອຍ ເບີນ ຮງື່ຮ ອາໂຢ່ະ ແຕ ເຢິງ ເຈົ້າຮາຊີ. 18 ກອນ ຮາມອນ ເອີຍ, ຄັນ ໄຮ ອາໂຢ່ະ ເຍົາ, ອີງເຄາະ ໄຮ ອິນໂຈຍ ອາໂຢ່ະ ແອັງ ແບອັ ຊ້ອງ. ມາ ອີງເຄາະ ໄຮ ອາໂຢ່ະ ເຍົາ ອິນແຍະ ແຕ ຮງື່ຮ, ກະ ອີງເຄາະ ໄຮ ຕະ ຮານະ ໂອນ ກວາຍ ການໍອ ດັງ ປາຍ ໄຮ ເບີນ ຮງື່ຮ ອາໂຢ່ະ.

ຮງື່ຮ ໄຮ ຕາ ເບີນ ຕຸ່ຮ ເກຣ່າະ ອິນເຕົ້າ  
 19 ຍ່ອນ ນະກ້ອຍ, ໄຮ ດັງ ແຈງ ໄຮ ລາ ກອນ ເຢິງ ເຈົ້າຮາຊີ, ອັນ ກາ ປຍາຍ ລາລີ້. ກະ ຮງື່ຮ ໄຮ ຕາ ເບີນ ຊ້ອງ ເກຣ່າະ ອິນເຕົ້າ ຍິ່ຮ ເມິງ ເຢິງ ເຈົ້າຮາຊີ. 20 ຄັນ ຮງື່ຮ ໄຮ ຕິ ຈະ ໄຮ ເບີມ, ອີງ ເຄາະ ໄຮ ອິນໂຈຍ ເກຣ່າະ ອິນເຕົ້າ, ຍ່ອນ ເຢິງ ເຈົ້າຮາຊີ ລາ ຊົດ ກາເລີຍ ແຕ ຮງື່ຮ ໄຮ, ກະ ອັນ ດັງ ອິນແຍະ ຕຸກ ຮາມິ່ຮ.

21 ອາລັອຣ ເອີຍ! ຄັນ ຮງື່ຮ ໄຮ ຕາ ເບີນ ຕິ ຈະ ໄຮ ເບີມ, ເຕ້ອ ໄຮ ແກ້ດ ຍັນ ລາລີ້ ແຕ້ອ ແຈະ ເຢິງ ເຈົ້າຮາຊີ. 22 ຮາມິ່ຮ ອິນເຕົ້າ ໄຮ ແຊຣ໌ ແຕ ເຢິງ ເຈົ້າຮາຊີ, ອັນ ໂອນ ໄຮ ເບີນ ຮາມິ່ຮ ກ້ອຍ, ຍ່ອນ ໄຮ ຊາງັດ ປັນນາຍ ປາຕັບ ແຕ ອັນ, ກະ ໄຮ ຕະ ມັຮ ຮານະ ອັນ ຍິ່ອ ອີ ໂອນ ໄຮ ຕະ. 23 ໄມ່ ລາ ປັນນາຍ ເຢິງ ເຈົ້າຮາຊີ ປາຕັບ ໄຮ: ອີງເຄາະ ໄຮ ຊາອໍາ ຮາມິ່ຮ ກອນ ອັນ, ເຢຊູ ກຣິດ, ກະ ອີງ ເຄາະ ໄຮ ມານະ ອາໂຢ່ະ ມານະ ນະ ເຢຊູ ປາຕັບ ໄຮ ແຕ ອິນໂຍ່ງ ເຈີ້. 24 ກວາຍ ອາແລະ ກາ ຊາງັດ ປັນ ນາຍ ເຢິງ ເຈົ້າຮາຊີ ປາຕັບ, ກວາຍ ກ້ອຍ ແອັດ ມວຍ ຮງື່ຮ ກະ ເຢິງ ເຈົ້າຮາຊີ, ກະ ເຢິງ ເຈົ້າຮາຊີ ແອັດ ມວຍ ຮງື່ຮ ກະ ກວາຍ ກ້ອຍ. ຍ່ອນ ເຢິງ ເຈົ້າຮາຊີ ໂອນ ຮາເວີຍ ອັນ ແອັດ ຕຶ້ງ ຮງື່ຮ ໄຮ, ນະກ້ອຍ ໄຮ ດັງ ໄກຮ ລາລີ້ ເຢິງ ເຈົ້າຮາຊີ ແອັດ ມວຍ ຮງື່ຮ ກະ ໄຮ.

### 4

ລ່ອງ ແມ່ ມັຮ ກວາຍ

1 ອາລັອຣ ເອີຍ! ເຍົາ ອິນໂຈຍ ຊາອໍາ ກູ່ ນະ ກວາຍ ກາ ປາຍ ອັນ ເບີນ ຮາເວີຍ ເຢິງ ເຈົ້າຮາຊີ ຕຶ້ງ ຮງື່ຮ ອັນ. ມາ ອີງເຄາະ ເຍົາ ລ່ອງ ແມ່ ອິນແຍະ ມັຮ ກວາຍ ກ້ອຍ, ໂອນ ເຍົາ ດັງ ໄກຮ ລາລີ້ ໄລ່ ແຕ້ອ ແຕ ເຢິງ ເຈົ້າຮາຊີ ມາ ຕາ ເບີນ, ຍ່ອນ ເບີ ນ ຊາອິ້ຍ ນະ ເປາະ ປິ ໄມ່ ເປາະ ປິ ກ້ອຍ ອາໂລກ ປາຍ ໄລ່ ອາຕິ ຕາງ ປັນນາຍ ເຢິງ ເຈົ້າຮາຊີ. 2 ໄມ່ ລາ ໂອນ ເຍົາ ເຕ້ອ ດັງ ກວາຍ ເບີນ ຮາເວີຍ ເຢິງ ເຈົ້າຮາຊີ ມາ ຕາ ເບີນ: ກວາຍ ອາແລະ ກາ ງິ່ນ ເຢຊູ ກຣິດ ລາ ກອນ ເຢິງ ເຈົ້າຮາຊີ ແກ້ດ ກວາຍ, ເຕ້ອ ເຍົາ ດັງ ກວາຍ ກ້ອຍ ເບີນ ຮາເວີຍ ເຢິງ ເຈົ້າຮາ ຊີ ຕຶ້ງ ຮງື່ຮ ອັນ. 3 ມາ ກວາຍ ອາແລະ ກາ ຕາ ເບີ ນ ງິ່ນ ປາຍ ເຢຊູ ກຣິດ ລາ ກອນ ເຢິງ ແກ້ດ ກວາ ຍ, ເຕ້ອ ເຍົາ ດັງ ກວາຍ ກ້ອຍ ຕາ ເບີນ ເບີນ ຮາ ເວີຍ ເຢິງ ເຈົ້າຮາຊີ. ມາ ກວາຍ ກ້ອຍ ແຕ້ອ ແຕ ອັນ ກາ ຍິ່ອ ອີ ອາປິດ ຮານະ ເຢຊູ ກຣິດ. ເຍົາ

ຊ້ອງ ເຈົ້າ ເມົາ ປາຍ ປັດແນີ ມັນເຕຣີາ ເບີນ ມານະ ກາ ນະກ້ອຍ ແຕ້ອ ປິ ກູແຕອໄ ໄນ່, ກະ ໄກຣ ລາລີ້ ອັນ ແຕ້ອ ເຈົ້າ.

4 ມາ ເຍົາ ກາ ກອນ ຮາມອນ ເອີຍ, ເຍົາ ແກັດ ກອນ ເຢັງ ເຈົ້າຮາຊີ ເຈົ້າ. ກະ ເຍົາ ເຮົາບ ເຈົ້າ ມັຮ ກວາຍ ກາ ອາຕີ ປັຮນາຍ ຕາ ປຢາຍ໌, ຍ່ອນ ເຍົາ ເບີນ ຮາເວົ້າຍ ເຢັງ ເຈົ້າຮາຊີ ແອັດ ກະ ເຍົາ. ກະ ຮາເວົ້າຍ ເຢັງ ເຈົ້າຮາຊີ ລາ ປັດ ກາເລີຍ ແຕ ອັນ ກາ ແອັດ ກະ ໄລ່ ກາ ຕາປຸ່ນ ຮານະ ຕິ່ງ ແດີຍ ໄນ່. 5 ມັຮ ກວາຍ ກ້ອຍ ລາ ກວາຍ ແຕ ແດີຍ ໄນ່ ຊ້ອງ, ຍ່ອນ ນະກ້ອຍ ປັຮນາຍ ໄລ່ ອາຕີ ລາ ຕາປຸ່ນ ຮານະ ຕິ່ງ ແດີຍ ໄນ່. ກະ ມັຮ ກວາຍ ການໍ້ອ ກາ ຕາປຸ່ນ ຮານະ ຕິ່ງ ແດີຍ ໄນ່ ຍິ້ອ ອີ ຊາງັດ ປັຮ ນາຍ ໄລ່ ປາຍ. 6 ມາ ໄຮ ລາ ກອນ ເຢັງ ເຈົ້າຮາຊີ, ນະກ້ອຍ ກວາຍ ອາແລ່ະ ກາ ດັງ ເຢັງ ເຈົ້າຮາຊີ, ກວາຍ ກ້ອຍ ຍິ້ອ ອີ ຊາງັດ ປັຮນາຍ ໄຮ ປາຍ. ມາ ກວາຍ ການໍ້ອ ກາ ຕາ ເບີນ ດັງ ແຕ ເຢັງ ເຈົ້າຮາຊີ, ໄລ່ ກ້ອຍ ຕາ ຍິ້ອ ອີ ຊາງັດ ປັຮນາຍ ໄຮ. ໄນ່ ລາ ໂອນ ເມົາ ດັງ ແຕ່ ກວາຍ ອາແລ່ະ ເບີນ ຮາເວົ້າຍ ປຢາຍ໌ ລາລີ້ ກະ ກວາຍ ອາແລ່ະ ເບີນ ຮາເວົ້າຍ ຕາ ເບີນ ປຢາຍ໌.

ຮາງິຮ ອາໂຢ່ະ ແຕ້ອ ແຕ ເຢັງ ເຈົ້າຮາຊີ

7 ອາລ້ອຣ ເອີຍ! ໄຮ ອິງເຄາະ ເບີນ ຮາງິຮ ມານະ ອາໂຢ່ະ ມານະ, ຍ່ອນ ຮາງິຮ ອາໂຢ່ະ ລາ ແຕ້ອ ແຕ ເຢັງ ເຈົ້າຮາຊີ. ກວາຍ ອາແລ່ະ ມາ ອາ ໂຢ່ະ ເຍົາ, ກວາຍ ກ້ອຍ ແກັດ ກອນ ເຢັງ ເຈົ້າຮາຊີ, ກະ ກວາຍ ກ້ອຍ ດັງ ເຢັງ ເຈົ້າຮາຊີ. 8 ກວາຍ ອາແລ່ະ ມາ ຕາ ເບີນ ອາໂຢ່ະ ເຍົາ, ກວາຍ ກ້ອຍ ຕາ ເບີນ ດັງ ເຢັງ ເຈົ້າຮາຊີ, ຍ່ອນ ເຢັງ ເຈົ້າຮາຊີ ລາ ກັລ ຮາມິຮ ອາໂຢ່ະ. 9 ເຢັງ ເຈົ້າຮາຊີ ອາປັຮ ໂອນ ໄຮ ດັງ ອັນ ອາໂຢ່ະ ໄຮ ນະໄນ່: ອັນ ເບີນ ກອນ ມານໍ້າ ຊ້ອງ, ມາ ອັນ ແປຣີ ກອນ ກ້ອຍ ແຕ້ອ ປິ ກູແຕອໄ ໄນ່ ໂອນ ໄຮ ແຕ້ອ ເບີນ ອາມັງ ຍ່ອນ ແຕ ກອນ ອັນ. 10 ໄນ່ ລາ ຮາງິຮ ອາໂຢ່ະ ປຢາຍ໌ ລາລີ້: ຕາ ແກ້ນ ໄຮ ອາໂຢ່ະ ເຢັງ ເຈົ້າຮາຊີ, ມາ ໄກຣ ລາ ລີ້ ເຢັງ ເຈົ້າຮາຊີ ອາໂຢ່ະ ໄຮ, ກະ ອັນ ແປຣີ ກອນ ອັນ ກູຈິດ ຕາງ ໂອນ ຕັຮ ໄລ່ຍຮ ໄຮ.

11 ອາລ້ອຣ ເອີຍ! ຍ່ອນ ເຢັງ ເຈົ້າຮາຊີ ອາ ໂຢ່ະ ໄຮ ນະກ້ອຍ, ອິງເຄາະ ໄຮ ເບີນ ຮາງິຮ ມານະ ອາໂຢ່ະ ມານະ ແຕ່. 12 ອາແລ່ະ ລາ ຕາ ແກ້ນ ເຮີມ ເຢັງ ເຈົ້າຮາຊີ. ມາ ຄັນ ໄຮ ມານະ ອາໂຢ່ະ ມານະ, ໄຮ ດັງ ເຢັງ ເຈົ້າຮາຊີ ແອັດ ມວຍ ຮາງິຮ ກະ ໄຮ, ກະ ຮາງິຮ ອາໂຢ່ະ ແຕ ອັນ ແກັດ ຊົດ ຕິ່ງ ຮາງິຮ ໄຮ.

13 ແຕ້ອ ໄຮ ດັງ ເຢັງ ເຈົ້າຮາຊີ ແອັດ ມວຍ ຮາງິຮ ກະ ໄຮ ກະ ໄຮ ແອັດ ມວຍ ຮາງິຮ ກະ ອັນ, ຍ່ອນ ອັນ ໂອນ ຮາເວົ້າຍ ອັນ ແອັດ ຕິ່ງ ຮາງິຮ ໄຮ. 14 ໄຮ ດັງ ເຈົ້າ, ກະ ໄຮ ອາຕີ ເລືອຍໆ ໂອນ ກວາ ຍ ດັງ, ເຢັງ ເຈົ້າຮາຊີ ອິມບໍ່ ໄຮ ແປຣີ ກອນ ອັນ ແຕ້ອ ປິ ກູແຕອໄ ໄນ່ ໂອນ ຈ່ອຍ ອາມັງ ອິນແຍ່ະ ມັຮ ກວາຍ. 15 ໄກຣ ລາລີ້ ກວາຍ ອາແລ່ະ ກາງິ່ນ ປາຍ ເຢຊູ ລາ ກອນ ເຢັງ ເຈົ້າຮາຊີ, ເຢັງ ເຈົ້າຮາ ຊີ ແອັດ ມວຍ ຮາງິຮ ກະ ກວາຍ ກ້ອຍ, ກະ ກວາ ຍ ກ້ອຍ ແອັດ ມວຍ ຮາງິຮ ກະ ເຢັງ ເຈົ້າຮາຊີ ແຕ່. 16 ນະກ້ອຍ ຊານໍ້ ໄຮ ດັງ ກະ ໄຮ ຊາອໍາ ເຢັງ ເຈົ້າຮາ ຊີ ອາໂຢ່ະ ໄຮ ຊາອໍອິ ລາລີ້.

ໄກຣ ລາລີ້ ເຢັງ ເຈົ້າຮາຊີ ລາ ກັລ ອາໂຢ່ະ. ກວາ ຍ ອາແລ່ະ ກາ ເບີນ ຮາງິຮ ອາໂຢ່ະ, ກວາຍ ກ້ອຍ ແອັດ ເລືອຍໆ ມູ ຮາງິຮ ກະ ເຢັງ ເຈົ້າຮາຊີ, ກະ ເຢັງ ເຈົ້າຮາຊີ ແອັດ ເລືອຍໆ ມູ ຮາງິຮ ກະ ກວາ ຍ ກ້ອຍ ແຕ່. 17 ນະກ້ອຍ ຮາງິຮ ອາໂຢ່ະ ແຕ ເຢັງ ເຈົ້າຮາຊີ ແກັດ ຊົດ ຕິ່ງ ຮາງິຮ ໄຮ. ເຈົ້າ ແຕ້ອ ຕາໄງ ເຢັງ ເຈົ້າຮາຊີ ຕັດຊິ່ນ ອິນແຍ່ະ ມັຮ ກວາຍ, ໄຮ ແຕ້ອ ຕາຍິ່ງ ຍັນ ລາລີ້ ຍິ່ຮ ເມັງ ອັນ, ຍ່ອນ ບັອງ ກາ ໄຮ ແອັດ ຕິ່ງ ກູແຕອໄ ໄນ່, ຮາງິຮ ໄຮ ລາ ມວຍ ຮາງິຮ ກະ ເຢຊູ ແຕ່. 18 ກວາຍ ອາແລ່ະ ກາ ເບີນ ຮາງິຮ ອາໂຢ່ະ, ກວາຍ ກ້ອຍ ຕາ ເບີນ ອິງກ້ອຣ ອິນເຕ້າ. ຄັນ ໄຮ ເບີນ ຮາງິຮ ອາໂຢ່ະ, ໄຮ ຕາ ເບີ ນ ນ້ອງ ຮາງິຮ ອິງກ້ອຣ. ມາ ຮາງິຮ ອາໂຢ່ະ ອາປັດ ຕັຮ ຮາງິຮ ອິງກ້ອຣ ກ້ອຍ. ຄັນ ເບີນ ກວາຍ ອາ ແລ່ະ ກາ ອິນນ້ອງ ເບີນ ຮາງິຮ ອິງກ້ອຣ, ກວາຍ ກ້ອຍ ຕາ ຢວາຣ ເບີນ ຮາງິຮ ອາໂຢ່ະ, ຍ່ອນ ອັນ ອິນນ້ອງ ອິງກ້ອຣ ເຢັງ ເຈົ້າຮາຊີ ຕະ ໂຕດ ອັນ.

19 ໄຮ ແຕ້ອ ເບີນ ຮາງິຮ ອາໂຢ່ະ ຍ່ອນ ເຢັງ ເຈົ້າຮາຊີ ອາໂຢ່ະ ໄຮ ແຕ ອິນໂຍ່ງ ເຈົ້າ. 20 ຄັນ ເບີນ ກວາຍ ປາຍ ນະໄນ່: "ເກົາ ອາໂຢ່ະ ເຢັງ ເຈົ້າຮາຊີ," ມາ ກວາຍ ກ້ອຍ ຊາອໍອິ ແຊມອາຍ ອັນ, ກວາຍ ກ້ອຍ ຕະ ອິນຕີ ອາໂລກ ຊ້ອງ. ຄັນ ກວາຍ ກ້ອຍ ຕາ ເບີນ ອາໂຢ່ະ ແຊມອາຍ ກາ ແອັດ ເລືອຍໆ ກະ ອັນ, ມານະ ແຕ້ອ ອັນ ອາໂຢ່ະ ເຢັງ ເຈົ້າຮາຊີ ກາ ອັນ ຕາ ແກ້ນ ເຮີມ ເລີ້ຍ? 21 ໄນ່ ລາ ປັຮນາຍ ເຢຊູ ກຣີດ ປາຕັບ ໂອນ ໄຮ ເຈົ້າ ນະໄນ່: ກວາຍ ອາ ແລ່ະ ມາ ອາໂຢ່ະ ເຢັງ ເຈົ້າຮາຊີ, ກວາຍ ກ້ອຍ ອິງ ເຄາະ ອາໂຢ່ະ ແຊມອາຍ ອັນ ແຮີ.

ໄຮ ຣາຈິລ ເຮົາບ ມັຮ ຣານະ ຕຶ້ງ ແດ້ຍ ໄນ່  
 1 ກວາຍ ອາແລະ ກາ ຊາອຳ ເຢຊູ ປາຍ ອັນ ລາ ກຣິດ, ອັນ ກາ ເຢົາງ ເຈົາຣາຊີ ຮຽຮ ດໍອ໌ ຈ່ອຍ ອາ ມັ່ງ ກວາຍ, ກວາຍ ກ້ອຍ ແກ້ດ ກອນ ເຢົາງ ເຈົາຣາ ຊີ. ກະ ອິນແຍະ ມັຮ ກອນ ອາໄກ ເຢົາງ ເຈົາຣາຊີ, ອາໂຢະ ອິມປໍ່ ໄລ່. ຄັນ ໄລ່ ອາໂຢະ ອິມປໍ່, ໄລ່ ອາ ໂຢະ ກາ ກອນ ອັນ ແຕ່. 2 ໄນ່ ລາ ໄຮ ດັງ ໄຮ ອາ ໂຢະ ມັຮ ກອນ ອາໄກ ເຢົາງ ເຈົາຣາຊີ: ໄຮ ອາໂຢະ ເຢົາງ ເຈົາຣາຊີ ກະ ໄຮ ຊາງັດ ປັຮນາຍ ອັນ ປາຕັບ. 3 ໄຮ ດັງ ປາຍ ໄຮ ອາໂຢະ ເຢົາງ ເຈົາຣາຊີ, ຄັນ ໄຮ ຊາງັດ ປັຮນາຍ ອັນ ປາຕັບ. ກະ ມັຮ ປັຮນາຍ ອັນ ປາຕັບ ຕາ ເບິນ ອິນຕ້ອງ ມາແລະ ໂອນ ໄຮ, 4 ຍ່ອນ ອິນແຍະ ມັຮ ກວາຍ ກາ ແກ້ດ ກອນ ເຢົາງ ເຈົາຣາຊີ ແຕ່ອ໌ ຣາຈິລ ເຮົາບ ມັຮ ຣານະ ຕຶ້ງ ແດ້ຍ ໄນ່. ຍ່ອນ ນານະ ໄຮ ແຕ່ອ໌ ຣາຈິລ ເຮົາບ ມັຮ ຣາ ນະ ຕຶ້ງ ແດ້ຍ ໄນ່? ໄກຣ ລາລີ້ ໄຮ ເຮົາບ ຣາຈິລ ລາ ຍ່ອນ ໄຮ ຊາອຳ ເຢຊູ. 5 ກວາຍ ອາແລະ ແຕ່ອ໌ ຣາ ຈິລ ເຮົາບ ມັຮ ຣານະ ຕຶ້ງ ແດ້ຍ ໄນ່? ໄກຣ ລາລີ້ ມັຮ ກວາຍ ກາ ຊາອຳ ເຢຊູ ລາ ກອນ ເຢົາງ ເຈົາຣາ ຊີ, ໄລ່ ກ້ອຍ ເຮົາບ ຣາຈິລ ມັຮ ຣານະ ຕຶ້ງ ແດ້ຍ ໄນ່.

ໄປ ຣາມິ້ຮ ອາຕີ ແຕ ເຢຊູ

6 ເຢຊູ ກຣິດ ແຕ້ອ໌ ປີ ກູແຕອ໌ ໄນ່, ອັນ ແກວ ບາຣ ຣາມິ້ຮ ໂອນ ກວາຍ ດັງ ອັນ ລາ ມານະ ກາ ເຢົາງ ເຈົາຣາຊີ ຮຽຮ ດໍອ໌ ຈ່ອຍ ອາມັ່ງ ກວາຍ. ມວຍ ລາ ຮິດ ຕຶ້ງ ແດ້ອ໌ ກາ ເຢຊູ ຮັບ. ມາ ອັນ ຕາ ເບິນ ແກວ ແອັງ ຣາມິ້ຮ ແດ້ອ໌ ຊ້ອງ. ອັນ ແກວ ກາ ຣາມິ້ຮ ບາຣ ແຮ. ຣາມິ້ຮ ບາຣ ລາ ອາຣາມ ກາ ລ້ອຣ ແຕ ຈະ ອັນ ຕາໄງ ອັນ ກູຈິດ ຕາງ ໄຮ. ກະ ຣາເວົ້າຍ ເຢົາງ ເຈົາຣາຊີ ອາຕີ ແຕ ເຢຊູ ແຕ່, ຍ່ອນ ຣາເວົ້າຍ ເຢົາງ ເຈົາຣາຊີ ລາ ກັລ ຣາມິ້ຮ ປ ຍາຍ. 7 ເບິນ ໄປ ຣາມິ້ຮ ກາ ອາຕີ ແຕ ເຢຊູ ກຣິດ. 8 ມວຍ ລາ ຣາເວົ້າຍ ເຢົາງ ເຈົາຣາຊີ. ບາຣ ລາ ຮິດ ຕຶ້ງ ແດ້ອ໌. ໄປ ລາ ອາຣາມ ກາ ລ້ອຣ ແຕ ຈະ ເຢຊູ. ນະກ້ອຍ ໄປ ຣາມິ້ຮ ໄນ່ ອາຕີ ມູເຈິງ ອິນແຍະ ແຕ ເຢຊູ ກຣິດ. 9 ຄັນ ໄຮ ຊາງັດ ປັຮນາຍ ກວາຍ ອາ ຕີ, ຣານະ ກ້ອຍ ລາ ອໍ. ມາ ເຢົາງ ເຈົາຣາຊີ ປິດ ກາເລີຍ ແຕ ກວາຍ. ນະກ້ອຍ ອໍ ກາເລີຍ ໄຮ ຊາ ງັດ ມັຮ ຣາມິ້ຮ ກາ ເຢົາງ ເຈົາຣາຊີ ອາຕີ ແຕ ກອນ ອັນ. 10 ກວາຍ ອາແລະ ມາ ຊາອຳ ກອນ ເຢົາງ ເຈົາຣາຊີ, ກວາຍ ກ້ອຍ ດັງ ແຈງ ຕຶ້ງ ຮາງິ່ຮ ອັນ ປາຍ ມັຮ ຣາມິ້ຮ ເຢົາງ ເຈົາຣາຊີ ອາຕີ ແຕ ກອນ ອັນ ລາ ປຍາຍ ລາລີ້. ມາ ກວາຍ ອາແລະ ຕາ ເບິນ

ຊາອຳ ກອນ ເຢົາງ ເຈົາຣາຊີ, ກວາຍ ກ້ອຍ ນະ ອັນ ປາຍ ເຢົາງ ເຈົາຣາຊີ ອາໂລກ, ຍ່ອນ ກວາຍ ກ້ອຍ ຕາ ຍິອ໌ ອີ ຊາອຳ ມັຮ ຣາມິ້ຮ ເຢົາງ ເຈົາຣາຊີ ອາ ຕີ ແຕ ກອນ ອັນ. 11 ຣາມິ້ຮ ເຢົາງ ເຈົາຣາຊີ ໂອນ ໄຮ ດັງ ກຣັກ ລາລີ້ ລາ ນະໄນ່: ເຢົາງ ເຈົາຣາຊີ ໂອນ ໄຮ ເບິນ ອາມັ່ງ ເລືອຍໆ, ກະ ໄຮ ເບິນ ອາມັ່ງ ເລືອ ຍໆ ລາ ຍ່ອນ ແຕ ກອນ ອັນ. 12 ກວາຍ ອາແລະ ກາ ເບິນ ກອນ ເຢົາງ ເຈົາຣາຊີ, ກວາຍ ກ້ອຍ ເບິນ ອາມັ່ງ ເລືອຍໆ. ມາ ກວາຍ ອາແລະ ກາ ຕາ ເບິນ ເບິນ ກອນ ເຢົາງ ເຈົາຣາຊີ, ກວາຍ ກ້ອຍ ຕາ ເບິນ ເບິນ ອາມັ່ງ ເລືອຍໆ.

ອາມັ່ງ ເລືອຍໆ

13 ເກົາ ຄຽນ ມັຮ ປັຮນາຍ ໄນ່ ໂອນ ເຍົາ ກາ ຊາອຳ ຣາມິ້ຮ ກອນ ເຢົາງ ເຈົາຣາຊີ ເຈີ້, ໂອນ ເຍົາ ດັງ ເຍົາ ເບິນ ອາມັ່ງ ເລືອຍໆ. 14 ຄັນ ເບິນ ອິນ ແຕ້ ໄຮ ຍິອ໌ ອີ ແຊອ໌ ແຕ ເຢົາງ ເຈົາຣາຊີ, ໄຮ ຕາ ເບິນ ອິງກ້ອຣ ອິນແຕ້ ແຊອ໌ ແຕ ອັນ, ຍ່ອນ ໄຮ ດັງ ຄັນ ໄຮ ແຊອ໌ ຣາມິ້ຮ ອິນແຕ້ ຕາປຸ່ນ ຮາງິ່ຮ ອັນ, ອັນ ຊ້ອງ ປັຮນາຍ ໄຮ. 15 ກະ ຄັນ ໄຮ ດັງ ເຢົາງ ເຈົາຣາຊີ ຊ້ອງ ປັຮນາຍ ໄຮ ແຊອ໌ ແຕ ອັນ, ໄຮ ດັງ ໄກຣ ລາລີ້ ອັນ ໂອນ ຣາມິ້ຮ ກາ ໄຮ ແຊອ໌ ແຕ ອັນ.

16 ຄັນ ອາແລະ ກາ ເຮັມ ມານະ ແຊມອາຍ ຕະ ຣານະ ໄລ່ຍຣ, ອິງເຄາະ ອັນ ເກົາແຊອ໌ ເຢົາງ ເຈົາຣາ ຊີ ຈ່ອຍ ໂອນ ກວາຍ ກ້ອຍ ລັບ ລັຣ, ເຈີ້ ອັນ ເບິນ ອາມັ່ງ ເລືອຍໆ. ຄັນ ກວາຍ ກ້ອຍ ຕາ ເບິນ ຕັຮ ເລີຍ ຣານະ ເຢົາງ ເຈົາຣາຊີ, ເຢົາງ ເຈົາຣາຊີ ຈ່ອຍ ອັນ ນະກ້ອຍ. ມາ ຄັນ ເບິນ ກວາຍ ກາ ຕັຮ ເລີຍ ຣານະ ເຢົາງ ເຈົາຣາຊີ, ກວາຍ ກ້ອຍ ອິງເຄາະ ຈິວ ກູຈິດ ເລີຍ. ກະ ເກົາ ຕາ ເບິນ ແປຣີ ເຍົາ ເກົາແຊອ໌ ຈ່ອຍ ກວາຍ ກາ ນະກ້ອຍ. 17 ຣານະ ອິນແຕ້ ກວາ ຍ ຕະ ມາ ຕາ ເບິນ ຕາມັ່ງ ອໍ, ຣານະ ກ້ອຍ ລາ ໂລ່ຍຣ. ມາ ເບິນ ໄລ່ຍຣ ກາ ຕາ ເບິນ ໂອນ ກວາຍ ກູຈິດ ເລີຍ.

18 ໄຮ ດັງ ປາຍ ກວາຍ ອາແລະ ກາ ແກ້ດ ກອນ ເຢົາງ ເຈົາຣາຊີ ເຈີ້, ກວາຍ ກ້ອຍ ຕາ ເບິນ ຕະ ນັ່ງ ຣານະ ໄລ່ຍຣ, ຍ່ອນ ເຢຊູ ກຣິດ, ກອນ ເຢົາງ ເຈົາຣາຊີ, ແອັດ ກຍາອ໌ ເລືອຍໆ ອັນ. ນະກ້ອຍ ເຢົາງ ຊາຕານ ຕາ ແຕ່ອ໌ ຕະ ອິນແຕ້ ອັນ.

19 ໄຮ ດັງ ເຈີ້ ໄຮ ລາ ແຕ່ອ໌ ແຕ ເຢົາງ ເຈົາຣາຊີ, ມາ ມັຮ ກວາຍ ກາ ຕາປຸ່ນ ຣານະ ຕຶ້ງ ແດ້ຍ ໄນ່, ລາ ເຢົາງ ຊາຕານ ຕະ ຊົດ ໄລ່.

20 ກະ ໄຮ ດັງ ກຣັກ ລາລີ້ ແຕ່, ກອນ ເຢົາງ ເຈົາຣາຊີ ແຕ່ອ໌ ປີ ກູແຕອ໌ ໄນ່, ດໍອ໌ ເປັຣ ຮາງິ່ຮ ໄຮ ໂອນ ດັງ ເຢົາງ ເຈົາຣາຊີ, ລາ ເຢົາງ ປຍາຍ. ໄຮ

ແອັດ ມວຍ ຮາງື່ຮ ກະ ອັນ, ຍ່ອນ ໄຮ ແອັດ ມວຍ  
ຮາງື່ຮ ກະ ກອນ ອັນ, ເຢຊູ ກຣິດ. ເຢືາງ ເຈົ້າຮາຊີ  
ແຕ່ ລາ ເຢືາງ ປຍາຍ, ກະ ແອັງ ອັນ ແຕ່ ເຕ່ອ໌ ໂອນ  
ອາມັງ ເລື້ອຍໆ.

<sup>21</sup> ກອນ ຮາມອນ ເອີຍ! ອີງເຄາະ ເຍົາ ກຍາອ໌  
ອໍ ຮາງື່ຮ ເຍົາ. ອີງເຄາະ ເຍົາ ແອັດ ເຍັງ ແຕ ເຢືາງ  
ກາ ຕາ ເບີນ ປຍາຍ.

# ໂຢຮັນ ຄຽນ ປັນນາຍ ຊາວຮັດ ບາສ

ປັນນາຍ ອາດີ ອິນໂຢງ

ໂຢຮັນ ຄຽນ ປຶ້ງ ປັນນາຍ ບາສ ໄມ່ ມາສ 90 ກູມໍ ແວັດ ເຢຊູ ແກ້ດ. ໂຢຮັນ ລາ ມານະ ແຕ ມູ່ ກາ ເຢຊູ ຮຽຮ ປາຈຸ່ຮ ໂອນ ເປາະ ຕະ ຮານະ ອັນ. ບັອງ ກາ ອັນ ຄຽນ ປຶ້ງ ໄມ່, ລາ ເທົາ ລາລີ້ ເຈີ້. ອັນ ພາຍ໌ ຊາວຮັດ ມັຮ ມູ່ ກາ ຊາອຳ, ມາ ອັນ ຊາກຳ ມູ່ ກ້ອຍ ແກ້ດ ນະ ມານະ ມັນແຊມ ກະ ມັຮ ກອນ ອັນ ກາ ເຢືາງ ເຈົາຮາຊີ ຮຽຮ ເຈີ້. ໂຢຮັນ ອາດີ ແຕ ມານະ ອົງເຄາະ ອາໂຢະ ມານະ, ກະ ອົງເຄາະ ຕາ ຕ່ອຍ໌ ໂອນ ອໍ ແຕ ມູ່ ກາ ອາດີ ຕາ ເບີນ ຕານ້ອງ ຍ່ອນ ຢໍອ໌ ອີ ອາປິດ ມັຮ ຮານະ ເຢຊູ ກຣິດ.

1 ເກົາ ລາ ອາຈວາຍຮ ເທົາ ຄຽນ ປັນນາຍ ໄມ່ ພາຍ໌ ຊາວຮັດ ເຍົາ, ມັນແຊມ ກາ ເຢືາງ ເຈົາຮາຊີ ຮຽຮ ກະ ມັຮ ກອນ ອັນ.\* ເກົາ ອາໂຢະ ລາລີ້ ເຍົາ. ມາ ຕາ ເບີນ ແອັງ ເກົາ ຊ້ອງ, ອິນແຍະ ມັຮ ກວາຍ ກາ ດັງ ປັນນາຍ ປຍາຍ໌ ລາ ອາໂຢະ ເຍົາ ແຕ່. 2 ປັນນາຍ ປຍາຍ໌ ກ້ອຍ ແອັດ ຕຶ້ງ ຮາງຶຮ ໄຮ ຊານໍ່, ເຕົາ ຊົດ ແດັຍ. ຍ່ອນ ຮິ ເບີນ ປັນນາຍ ປຍາຍ໌ ກ້ອຍ, ຮິ ອາໂຢະ ເຍົາ.

3 ເກົາ ແຊອ໌ ເຢືາງ ເຈົາຮາຊີ, ອິມປໍ່ ໄຮ, ກະ ເຢຊູ ກຣິດ, ກອນ ເຢືາງ ເຈົາຮາຊີ, ຈ່ອຍ ພິດ ໄຮ, ອາ ໂຢະ ຕະ ໄຮ ກະ ໂອນ ໄຮ ແອັດ ອຽນ ອໍ ເລືອຍໆ. ໄຮ ເບີນ ມັຮ ຮາມິຮ ກ້ອຍ, ຄັນ ໄຮ ຕະ ເລືອຍໆ ຮານະ ປຍາຍ໌ ກະ ໄຮ ເບີນ ຮາງຶຮ ອາໂຢະ.

ຮາງຶຮ ປຍາຍ໌ ກະ ຮາງຶຮ ອາໂຢະ

4 ເກົາ ຮໍອ໌ ລາລີ້ ເກົາ ຮາມິຮ ມັຮ ກອນ ໄມ່ ກາ ຕາປູ່ນ ກຣັກ ລາລີ້ ຮານະ ປຍາຍ໌ ນະ ເຢືາງ ເຈົາຮາຊີ, ອິມປໍ່ ໄຮ, ປາຕັບ ໂອນ ໄຮ ຕະ. 5 ອາມໍ່ອ໌ ເອີຍ, ຊານໍ່ ເກົາ ແຊອ໌ ອາດີ ເຍົາ ນະໄມ່: ໄຮ ອົງ ເຄາະ ມານະ ອາໂຢະ ມານະ. ປັນນາຍ ໄມ່ ເກົາ ປາ ຕັບ ເຍົາ ລາ ຕາ ແກ້ນ ປັນນາຍ ຕາໄມ. ມາ ໄກຮ ລາລີ້ ໄຮ ເບີນ ເຈີ້ ປັນນາຍ ປາຕັບ ໄມ່ ແຕ ໄຮ ຕາ ແບີ ຊາອຳ. 6 ຮາງຶຮ ອາໂຢະ ລາ ນະໄມ່: ໄຮ ຕາປູ່ນ ເລືອຍໆ ມັຮ ປັນນາຍ ເຢືາງ ເຈົາຮາຊີ ປາຕັບ. ປັນນາຍ ປາຕັບ ໄມ່ ເຍົາ ຊ້ອງ ເຈີ້ ແຕ ຕາໄງ ເຍົາ ຕາແບີ ຊາອຳ, ໂອນ ເຍົາ ແຕ່ອ໌ ດັງ ຮານະ ອິນເຕົາ ປຍາຍ໌ ໂອນ ເຍົາ ຕາປູ່ນ.

7 ມາ ເບີນ ຊາອິ້ຍ ລາລີ້ ກວາຍ ເປາະ ປິ ໄມ່ ເປາະ ປິ ກ້ອຍ ອາດີ ປັນນາຍ ຮາພິ. ໄລ່ ກ້ອຍ ຕາ ເບີນ ງິນ ປາຍ ເຢຊູ ກຣິດ ລາ ກອນ ເຢືາງ ແກ້ດ ກວາຍ. ມັຮ ກວາຍ ກ້ອຍ ອາດີ ພິ, ກະ ໄລ່ ຢໍອ໌ ອີ ອາ ປິດ ຮານະ ເຢຊູ ກຣິດ. 8 ນະກ້ອຍ ອົງເຄາະ ເຍົາ ກຍາອ໌ ກຣັກ ລາລີ້ ຮາງຶຮ ເຍົາ, ໂອນ ມັຮ ຮານະ ຮິ ຕະ ຈ່ອຍ ເຍົາ ຕາ ເບີນ ແອັງ ເກົາ. ນະກ້ອຍ ປັນນາຍ ແນີ ມັນເຕຣົາ ເຢືາງ ເຈົາຮາຊີ ໂອນ ເຍົາ ເບີນ ເກົາ ອໍ ລາລີ້ ແຕ ຮານະ ເຢືາງ ຕະ.

9 ມາ ກວາຍ ອາແລະ ມາ ອາດີ ເປີຍ ແຕ ປັນນາຍ ເຢຊູ ກຣິດ, ກວາຍ ກ້ອຍ ຕາ ເບີນ ຕາປູ່ນ ຮານະ ເຢຊູ ກຣິດ. ກະ ເຢືາງ ເຈົາຮາຊີ ຕາ ເບີນ ແອັດ ກະ ກວາຍ ກ້ອຍ. ມາ ກວາຍ ອາແລະ ມາ ຕາປູ່ນ ກຣັກ ລາລີ້ ປັນນາຍ ເຢຊູ ກຣິດ, ເຢືາງ ເຈົາຮາຊີ, ອິມປໍ່ ໄຮ, ກະ ເຢຊູ ກຣິດ, ກອນ ເຢືາງ ເຈົາຮາຊີ, ແອັດ ກະ ກວາຍ ກ້ອຍ. 10 ຄັນ ເບີນ ກວາຍ ອາແລະ ແຕ່ອ໌ ປິ ເຍົາ ມາ ອັນ ຕາ ເບີນ ປຣ່ອມ ກະ ປັນນາຍ ເຢຊູ ກຣິດ, ກະ ອັນ ອາ ດີ ປັນນາຍ ຮາພິ, ເຍົາ ອິນໂຈຍ ການິ້ຍ ໂອນ ອັນ ມູ່ດ ຕຶ້ງ ດຸງ ເຍົາ. ກະ ອິນໂຈຍ ຮັບໂຈມ ອັນ ຮໍອ໌ ອໍ. 11 ກວາຍ ອາແລະ ຮັບໂຈມ ກວາຍ ກ້ອຍ, ລາ ນະ ອັນ ປຣ່ອມ ກະ ຮານະ ຕາ ອໍ ກວາຍ ກ້ອຍ ຕະ ແຕ່.

ໂຢຮັນ ຢໍອ໌ ອີ ເປາະ ຊາວຮັດ ໄລ່

12 ເກົາ ອິນນ້ອງ ເບີນ ຊາອິ້ຍ ລາລີ້ ປັນນາຍ ຢໍອ໌ ອີ ອາດີ ເຍົາ, ມາ ເກົາ ຕາ ຢໍອ໌ ອີ ຄຽນ ຕຶ້ງ ເຈຍ ອິນແຍະ ຮາມິຮ ກ້ອຍ. ເກົາ ອົງກ່ອງ ອີ ເປາະ ຊາວຮັດ ເຍົາ, ກະ ເກົາ ຢໍອ໌ ອີ ຕະ ອິນຕີ ມັນຕຸ ກະ ເຍົາ. ນະກ້ອຍ ໄຮ ແກ້ດ ຮໍອ໌ ລາລີ້ ມານະ ຕະ ອິນ ຕີ ກະ ມານະ.

13 ມັຮ ກອນ ອາແອມ ໄມ່ ກາ ເຢືາງ ເຈົາຮາຊີ ຮຽຮ, † ໄລ່ ພາຍ໌ ປັນນາຍ ຊາວຮັດ ໄມ່ ແຕ່.

\* 1:1 1:1 "ມັນແຊມ ກະ ມັຮ ກອນ ອັນ" ລາ ຊາກຳ ແຕ ດຸງ ຊາງ ກະ ມັຮ ມູ່ ກາ ຊາອຳ ເຢຊູ ກຣິດ. † 1:13 1:13 "ມັຮ ກອນ ອາແອມ ໄມ່ ກາ ເຢືາງ ເຈົາຮາຊີ ຮຽຮ" ລາ ຊາກຳ ແຕ ມັຮ ມູ່ ກາ ຊາອຳ ຕຶ້ງ ວິລ ກາ ໂຢຮັນ ແອັດ.

# ໂຢຮັນ ຄຽນ ປັນຍາ ຊາອົຣ ໄປ

ປັນຍາ ອາຕິ ອິນໂຍ່ງ

ໂຢຮັນ ຄຽນ ບຶ່ງ ໄປ ໄມ່ ມາຮ 90 ກຸມໍ ແວັດ ເຢຊູ ແກັດ. ອັນ ພາອົຣ ຊາອົຣ ກວາຍ ອາໂຍ່ງ ຕຶ່ງ ມູ່ ກາ ຊາອົຣ, ຣາມິ່ຣ ໄຄໂຢ. ໂຢຮັນ ຍ່ອງ ໄຄໂຢ ຍ່ອນ ອັນ ເປັນ ຣາງຶ່ຣ ອີ ຣາຈ່ອຍ ມັຣ ກວາຍ ຊາ ອົຣ. ໂຢຮັນ ກາໄຕ່ຣ ໄຄໂຢ ອຶງເຄາະ ຕາຕ່ອຍ ແຕ ມານະ ກວາຍ ຣາມິ່ຣ ດີໂອເທເພ. ດີໂອເທເພ ລາ ກວາຍ ກາ ຕະ ຣານະ ຕາ ອໍ ລາລີ້, ກະ ອັນ ຕາ ເປີ ນ ຣັບໂຈມ ມັຣ ກວາຍ ກາ ຕະ ຣານະ ເຢັງ ເຈົາຣາ ຊີ. ມາ ໂຢຮັນ ຍ່ອງ ມານະ ກວາຍ ຣາມິ່ຣ ເດເມທິ ໂອ, ຍ່ອນ ເດເມທິໂອ ຕະ ປຍາຍ ລາລີ້ ຕຶ່ງ ຣານະ ເຢັງ ເຈົາຣາຊີ ໂອນ ອັນ ຕະ.

1 ເກົາ ລາ ອາຈວາຍຣ ເທົາ ຄຽນ ປັນຍາ ໄມ່ ພາອົຣ ຊາອົຣ ເຍົາ ເກົາ, ໄຄໂຢ, ກາ ຣາຕອຍ ລາລີ້ ກະ ເກົາ. ເກົາ ຊ້ອງ ອາໂຍ່ະ ລາລີ້ ໄມ່.

2 ເຍົາ ເອີຍ, ເກົາ ເກີ່ຍ ເກົາແຊອົ ໂອນ ໄມ່, ແຊອົ ເຢັງ ເຈົາຣາຊີ ໂອນ ຈະ ໄມ່ ແອັດ ບັນ ຊວານ ອຽນ ອໍ ເລືອຍໆ ມູເຈັງ ຣາເວີຍ ໄມ່ ເຕ່. 3 ພໍກາ ແຊມ ອາຍ ໄຮ ແຕ້ອ ປິ ເກົາ, ເກົາ ຊ້ອງ ຣໍ່ອ ລາລີ້, ຍ່ອນ ໄລ່ ອາຕິ ເກົາ ໄມ່ ຊາອົຣ ກຣັກ ລາລີ້ ປັນຍາ ປ ຍາຍ. ກະ ໄລ່ ປາຍ ໄມ່ ຕະ ຕາປູ່ນ ເລືອຍໆ ປັນ ຍາຍ ປຍາຍ. 4 ເກົາ ຊ້ອງ ຣໍ່ອ ກາເລີຍ ແຕ ຣາມິ່ ຣ ການໍ່ອ ລາ ເກົາ ດັງ ມັຣ ກອນ ຣາມອນ ເກົາ ຕຶ່ງ ມູ່ ກາ ຊາອົຣ ຕະ ຕາປູ່ນ ເລືອຍໆ ປັນຍາ ປຍາຍ ແຕ ເຢຊູ ກຣິດ.

ໄຄໂຢ ຕະ ຈິວ ລາລີ້ ຈ່ອຍ ເຍົາ

5 ເຍົາ ເອີຍ, ໄມ່ ຕະ ປຍາຍ ລາລີ້ ແຕ້ອ ໄມ່ ຈ່ອຍ ມັຣ ແຊມອາຍ ຕຶ່ງ ມູ່ ກາ ຊາອົຣ, ກາ ໄລ່ ກວາຍ ຕາມອຍ ແຮ. 6 ມັຣ ກວາຍ ກ້ອຍ ອາຕິ ເຈີ້ ໂອນ ອິນແຍ່ະ ມັຣ ມູ່ ກາ ຊາອົຣ ແອັດ ອິນໄມ່ ດັງ ໄມ່ ຕະ ເລືອຍໆ ຣານະ ອາໂຍ່ະ ເຍົາ. ກະ ເກົາ ຍິອົ ໄມ່ ຈ່ອຍ ເລືອຍໆ ມັຣ ກວາຍ ຊາອົຣ ກາ ມູ່ດ ຊາອົຣ ຕຶ່ງ ວິລ ໄມ່ ໂອນ ໄລ່ ຕາ ເປີນ ແອີ ອິນ ເຕົາ ບັອງ ກາ ໄລ່ ເປາະ ອາຕິ ປັນຍາ ເຢັງ ເຈົາຣາ ຊີ. ຄັນ ໄມ່ ຕະ ນະກ້ອຍ, ໄມ່ ລາ ນະ ໄມ່ ຕະ ອໍ ກະ ເຢັງ ເຈົາຣາຊີ ເຕ່. 7 ຍ່ອນ ກວາຍ ກ້ອຍ ເປາະ ຕະ ຣານະ ເຢຊູ ກຣິດ. ມາ ໄລ່ ຕາ ເປີນ ຣັບ ອິນເຕົາ ແຕ ມັຣ ກວາຍ ກາ ຕາ ເປີນ ຊາອົຣ. 8 ນະກ້ອຍ

ໄຮ ກາ ຊາອົຣ ເຈີ້ ອຶງເຄາະ ຈ່ອຍ ໄລ່ ກາ ເປາະ ຕະ ຣານະ ເຢຊູ. ຄັນ ໄຮ ຈ່ອຍ ໄລ່, ໄຮ ເປີນ ຈຸງ ເຕ່ ຣານະ ໄລ່ ຕະ ອິນຕິ ແຕ ປັນຍາ ປຍາຍ ແຕ ເຢຊູ ກຣິດ.

ດີໂອເທເພ ກະ ເດເມທິໂອ

9 ເກົາ ຄຽນ ອິນໂຍ່ງ ປັນຍາ ຊາອົຣ ໂອນ ອິນ ແຍ່ະ ມູ່ ເຍົາ ກາ ຊາອົຣ ເຈີ້. ມາ ດີໂອເທເພ ຕາ ເປີນ ຊາງັດ ປັນຍາ ເກົາ, ຍ່ອນ ອັນ ອາຊ້ອຣ ຈະ ອັນ ເປີນ ຍິອົ ອີ ແກັດ ປິດ ຕຶ່ງ ມູ່ ເຍົາ. 10 ນະກ້ອຍ ຄັນ ເກົາ ແຕ້ອ ປິ ເຍົາ, ເກົາ ຕາ ເປີນ ຊາລິຣ ມັຣ ຣານະ ອັນ ຕະ. ອັນ ຕະ ອິນຕິ ຕາ ອໍ ແຕ ຮິ, ກະ ອັນ ຕະ ຣານະ ຕາ ອໍ ການໍ່ອ ແຮ. ມາຮ ກ້ອຍ ອິນນ້ອງ ຕາ ປຣຍາອົ, ອັນ ຕາ ເປີນ ຣັບໂຈມ ມັຣ ແຊມອາຍ ກາ ເປາະ ຕະ ຣານະ ເຢຊູ. ກະ ອັນ ຕາ ເປີນ ໂອນ ກວາຍ ການໍ່ອ ແຕ ມູ່ ເຍົາ ຈ່ອຍ ໄລ່ ກ້ອຍ. ຄັນ ເປີນ ກວາຍ ແຕ ມູ່ ເຍົາ ມາ ຍິອົ ອີ ຈ່ອຍ ໄລ່ ກາ ເປາະ ຕະ ຣານະ ເຢຊູ, ດີໂອເທເພ ຕູ່ຍຣ ກວາຍ ກ້ອຍ ແຕ ມູ່ ກາ ຊາອົຣ.

11 ເຍົາ ເອີຍ, ໄມ່ ອິນໂຈຍ ດວຍ ຣານະ ຕາ ອໍ, ມາ ອຶງເຄາະ ໄມ່ ດວຍ ຣານະ ອໍ ຊ້ອງ. ອັນ ກາ ຕະ ຣານະ ອໍ, ອັນ ກ້ອຍ ລາ ກອນ ເຢັງ ເຈົາຣາຊີ. ມາ ອັນ ກາ ຕະ ຣານະ ຕາ ອໍ, ອັນ ກ້ອຍ ຕາ ເປີນ ດັງ ເຢັງ ເຈົາຣາຊີ.

12 ອິນແຍ່ະ ມັຣ ກວາຍ ປາຍ ເດເມທິໂອ ລາ ກວາຍ ອໍ. ກະ ມັຣ ຣານະ ອັນ ຕະ ລາ ຊັງໄກຣ ກະ ຣານະ ປຍາຍ ແຕ ເຢຊູ ກຣິດ. ນະກ້ອຍ ອິນແຍ່ະ ມັຣ ກວາຍ, ກາ ຮິ ແຮ, ອາຕິ ອໍ ແຕ ອັນ. ກະ ເຍົາ ດັງ ປັນຍາ ຮິ ອາຕິ ລາ ປຍາຍ.

ໂຢຮັນ ຍິອົ ອີ ຊາອົຣ ໄລ່

13 ເກົາ ອິນນ້ອງ ເປີນ ຊາອົຣ ລາລີ້ ປັນຍາ ຍິອົ ອີ ອາຕິ ເຍົາ, ມາ ເກົາ ຕາ ຍິອົ ອີ ຄຽນ ຕຶ່ງ ເຈຍ ອິນແຍ່ະ ຣາມິ່ຣ ກ້ອຍ. 14 ມາ ເກົາ ຍິອົ ລາ ລີ້ ອີ ເປາະ ຊາອົຣ ເຍົາ, ກະ ເກົາ ຍິອົ ລາລີ້ ອີ ຕະ ອິນຕິ ມັນຕຸ ກະ ເຍົາ.

15 ເກົາ ແຊອົ ໄມ່ ແອັດ ບັນ ຊວານ ອຽນ ອໍ ເລືອຍໆ. ອິນແຍ່ະ ມັຣ ເຍົາ ໄມ່ ກາ ແອັດ ມັນຕຸ ກະ ເກົາ, ໄລ່ ຍິອົ ອີ ກາຣານ ໄມ່ ເຕ່. ກະ ເກົາ ຍິອົ ອີ ກາຣານ ເຕ່ ມູ ເຈີ ມານະ ອິນແຍ່ະ ມັຣ ເຍົາ ໄຮ ກາ ແອັດ ກະ ໄມ່ ປິ ກ້ອຍ.

# ຢູດາ ຄຽນ ປັນນາຍ ຊາອົຣ

ປັນນາຍ ອາດີ ອິນໂຍ່ງ

ຢູດາ ຄຽນ ປັນນາຍ ໄມ່ ມາຮ 70-80 ກູ ມໍ ແວັດ ເຢຊູ ແກັດ. ຢູດາ ລາ ອາແອມ ເຢຊູ ກະ ຢາໂກໂບ. ອັນ ອາດີ ໂອນ ມັຮ ກວາຍ ຊາອໍາ ດັງ ປາຍ, ເບິນ ມັຮ ກວາຍ ກາ ດໍອ໌ ໄລ່ ເບິມ ລາ ມູ່ ກາ ຊາອໍາ ກະ ມູ່ ກາ ອາດີ ປັນນາຍ ອໍ ແຕ ເຢິງ ເຈົາຣາຊີ, ມາ ໄລ່ ຕະ ຣານະ ຕັງຮາງ, ໄລ່ ກາແລ້ຍຮ ເຢຊູ ກຣິດ, ກະ ໄລ່ ຕະ ມັຮ ຣານະ ຕາ ອໍ ການໍອ໌ ແຮ. ມະກ້ອຍ, ມັຮ ກວາຍ ຊາອໍາ ອິງເຄາະ ຈໍລ ລັຮ ມັຮ ຣານະ ກາ ໄລ່ ຕະ ອິນຕີ ມາ ອີ ອາປັດ ແຕ ຣານະ ເຢິງ ເຈົາຣາຊີ.

1 ເກົາ ລາ ຢູດາ ຄຽນ ປັນນາຍ ຊາອົຣ ໄມ່ ໂອນ ເຍົາ. ເກົາ ລາ ກວາຍ ຕະ ຣານະ ໂອນ ເຢຊູ ກຣິດ. ກະ ເກົາ ລາ ອາແອມ ຢາໂກໂບ. ເກົາ ຄຽນ ໂອນ ເຍົາ ກາ ເຢິງ ເຈົາຣາຊີ ຮຽຮ ໂອນ ແກັດ ກອນ ອາ ໄກ ອັນ. ເຢິງ ເຈົາຣາຊີ, ອິມບໍ່ ໄຮ, ອາໂຢະ ລາລີ້ ເຍົາ. ກະ ເຢຊູ ກຣິດ ກຍາອ໌ ເຍົາ ຊົດ ແດ້ຍ. 2 ເກົາ ແຊອ໌ ເຢິງ ເຈົາຣາຊີ ໂອນ ເຍົາ ເບິນ ຮາງຮ໌ ອາໂຢະ ຕະ, ຮາງຮ໌ ອຽນ ອໍ, ກະ ຮາງຮ໌ ອາໂຢະ ແກຼຍ ກຼິລ.

ຍ່ອນ ນານະ ຢູດາ ຄຽນ ປັນນາຍ ຊາອົຣ ໄມ່?

3 ອາລ້ອຣ ເອີຍ! ເກົາ ຄິດ ແຕ ອິນໂຍ່ງ ເຈີ່ ຢໍອ໌ ລາລີ້ ອີ ຄຽນ ອາດີ ເຍົາ ແຕ ຣານະ ເຢິງ ເຈົາຣາຊີ ຈ່ອຍ ອາມັງ ໄຮ. ເຢິງ ເຈົາຣາຊີ ອາດີ ໂອນ ໄຮ ດັງ ເຈີ່ ກູ່ ຣາມິ້ຮ ໄຮ ອິງເຄາະ ຊາອໍາ ແຕ ອັນ. ອິນແຍ່ະ ຣາມິ້ຮ ກ້ອຍ ເຢິງ ເຈົາຣາຊີ ໂອນ ມວຍ ເຈີ ຊ້ອງ. ແວັດ ແຕ ກ້ອຍ ອັນ ຕາ ເບິນ ໂອນ ອິນເຕົ້າ ນ້ອງ. ມະກ້ອຍ ຊານໍ່ ເກົາ ຄຽນ ອາດີ ເຍົາ, ເຍົາ ກູຣຍາອ໌ ຈັບ ລາລີ້ ມັຮ ຣາມິ້ຮ ເຍົາ ຊາອໍາ ເຈີ່. 4 ມາ ເບິນ ກວາຍ ອາດີ ເຍົາ ປັນນາຍ ຕາ ປຍາຍ໌. ໄລ່ ກ້ອຍ ຕະ ຣານະ ຕາ ອໍ ຢໍອ໌ ອີ ຕາລຸຣ ປັນນາຍ ປຍາຍ໌ ກາ ໄຮ ຊາອໍາ. ໄລ່ ຕາ ເບິນ ຊາງັດ ເຢິງ ເຈົາຣາຊີ. ເຢິງ ເຈົາຣາຊີ ຈ່ອຍ ໄຮ ຊາອິຍ ເຈີ່, ອັນ ຕັຮ ໄລ່ ຍຮ ໄຮ. ມາ ໄລ່ ກ້ອຍ ຄິດ ເຕ່ອ໌ ຕະ ຣານະ ຕັງ ຮາງ, ຍ່ອນ ເຢິງ ເຈົາຣາຊີ ຕາ ເບິນ ມັບ ນ້ອງ ໄລ່ ຍຮ ໄລ່. ກະ ໄລ່ ກາແລ້ຍຮ ເຢຊູ ກຣິດ, ອັນ ກາ ແກັດ ຊົດ ກະ ແກັດ ອິນເຈົາ ໄຮ. ເຢິງ ເຈົາຣາຊີ ໂອນ ກວາຍ ຄຽນ ແຕ ອິມແບີ ອາດີ ແຕ ໄລ່. ກະ ເຢິງ ເຈົາຣາຊີ ນັດ ດໍອ໌ ອີ ຕະ ໄລ່.

ຢູດາ ຊາກໍາ ແຕ ກວາຍ ແຕ ອິມແບີ

5 ເຍົາ ດັງ ເຈີ່ ມັຮ ຣານະ ເຢິງ ເຈົາຣາຊີ ຕະ ແຕ ອິມແບີ. ຊານໍ່ ເກົາ ຢໍອ໌ ອີ ອາດີ ລັຮ ໂອນ ເຍົາ ຊາ ແຍີ ມັຮ ຣາມິ້ຮ ກ້ອຍ. ແຕ ອິມແບີ ເຢິງ ເຈົາຣາ ຊີ ຈ່ອຍ ອາມັງ ຈຸ່ມ ອິດຊະຣາເອລ. ອັນ ເດິງ ອາ ລ້ອຣ ໄລ່ ກ້ອຍ ແຕ ກຣວາງ ເອຍິບ. ມາ ແວັດ ກ້ອຍ ເບິນ ກວາຍ ອິດຊະຣາເອລ ຕາ ເບິນ ຊາ ອໍາ ນ້ອງ. ມະກ້ອຍ ເຢິງ ເຈົາຣາຊີ ອາປັດ ໄລ່. 6 ອໍ ໂອນ ເຍົາ ຊາແຍີ ເຕ່ ເທວາດາ ເຢິງ ເຈົາຣາຊີ. ເບິນ ມວຍ ຈຸ່ມ ເທວາດາ ກ້ອຍ, ໄລ່ ຕາ ຢໍອ໌ ອີ ແອັດ ນ້ອງ ອິນຕຸ ເຢິງ ເຈົາຣາຊີ ໂອນ ໄລ່ ຕາລາ. ມະກ້ອຍ ເຢິງ ເຈົາຣາຊີ ຊົດ ໄລ່ ແຕ ອິນໄຊ ໂຊ ໂອນ ໄລ່ ແອັດ ຕິ່ງ ອິນຕຸ ການໍາ ເຕົ້າ ແຕ້ອ໌ ຕາ ໄງ ປັຣຊົດ ເຢິງ ເຈົາຣາຊີ ຕັດຊິ່ນ ອິນແຍ່ະ ມັຮ ກວາຍ. 7 ກະ ອໍ ໂອນ ເຍົາ ຊາແຍີ ເຕ່ ບາຣ ເມືອງ ໂຊໂດມ ກະ ໂກໂມຣາ, ກະ ມັຮ ວິລ ການໍອ໌ ແອັດ ອິມແປຣ ກ້ອຍ ເຕ່. ໄລ່ ຕາ ເບິນ ຊາງັດ ເຢິງ ເຈົາຣາຊີ ມູເຈິງ ເທວາດາ ເຢິງ ເຈົາຣາຊີ ເຕ່. ກວາ ຍ ແອັດ ຕິ່ງ ວິລ ກ້ອຍ ຕະ ຣານະ ຕາ ອໍ ລາລີ້. ໄລ່ ມັນແຊມ ຣາເລົາ ຕາ ເບິນ ລາກວຍ ກາຢາອ໌ ມາ ບິ ມັນຕຸ, ກະ ໄລ່ ອີ ເບິນ ຣາເລົາ ຣາຕວາອ໌ ຣາເລົາ, ມັນແຊມ ຣາຕວາອ໌ ມັນແຊມ. ມະກ້ອຍ ເຢິງ ເຈົາຣາຊີ ຕະ ກວາຍ ກ້ອຍ. ອັນ ຕາລຸຣ ເມືອງ ກ້ອຍ, ອາປັອງ ອູ່ຍຮ ແຕ ມັນລ້ອງ ໂອນ ກາດ ອິນແຍ່ະ. ເຢິງ ເຈົາຣາຊີ ຕະ ມະກ້ອຍ ລາ ອັນ ຢໍອ໌ ອີ ອາປັຣ ໂອນ ກວາຍ ດັງ ປັຣແນີ ມັນ ເຕຣົາ ອັນ ຕະ ອິນເຕົ້າ ໂຈະ ກວາຍ ໄລ່ຍຮ.

8 ໄລ່ ກາ ມູ່ດ ຕາລຸຣ ຕິ່ງ ມູ່ ໄຮ, ໄລ່ ຕະ ມູເຈິງ ກວາຍ ແຕ ອິມແບີ ກ້ອຍ ເຕ່. ໄລ່ ລາ ມະ ກວາ ຍ ຣາເລົາ ອິມເປົາ ຊ້ອງ. ໄລ່ ຕະ ຕັງຮາງ ກະ ຈະ ໄລ່. ໄລ່ ຕາ ຢໍອ໌ ເຢິງ ເຈົາຣາຊີ ຕາລາ ໄລ່. ກະ ໄລ່ ພາມາດ ມັຮ ອໍານາດ ເທວາດາ ເຢິງ ເຈົາຣາຊີ. 9 ມາ ມິຄາເອລ, ອັນ ກາ ຊົດ ເທວາດາ ເຢິງ ເຈົາຣາ ຊີ, ອັນ ຕາ ຍັນ ປາຍ ຕາ ອໍ ໂຈະ ເຢິງ ຊາຕານ. ນ້ອງ ກາ ມິຄາເອລ ຕໍາໂປຣ ກະ ເຢິງ ຊາຕານ, ຍ່ອນ ເຢິງ ຊາຕານ ອີ ເບິນ ກູມູ່ຍ໌ ໂມເຊ, ມິຄາ ເອລ ຕາ ເບິນ ປາຍ ມວຍ ຣາມິ້ຮ ອິນເຕົ້າ ຕາ ອໍ ແຕ ເຢິງ ຊາຕານ. ມາ ມິຄາເອລ ປາຍ ຊ້ອງ ໂຈະ ເຢິງ ຊາຕານ: "ເຢິງ ເຈົາຣາຊີ ແຕ້ ຕະ ໂຕ່ດ ໄມ່!" 10 ມາ ມັຮ ກວາຍ ກາ ມູ່ດ ຕາລຸຣ ກ້ອຍ, ໄລ່ ຕະ ອິນຕີ ຕາ ອໍ ເລືອຍໆ ແຕ ເຢິງ ເຈົາຣາຊີ ກະ ເທວາ ດາ ອັນ. ມາ ໄລ່ ຕາ ເບິນ ດັງ ອິນເຕົ້າ ແຕ ມັຮ ຣາມິ ຮ ກ້ອຍ. ໄລ່ ດັງ ແອິງ ຣາມິ້ຮ ຕິ່ງ ແດ້ຍ ໄມ່ ຊ້ອງ. ມະກ້ອຍ ໄລ່ ລາ ມະ ຊັນຕຣັນ ກາ ຕາ ດັງ ຄິດ ອິນ ເຕົ້າ. ໄລ່ ຕະ ຣານະ ຕາ ອໍ ກະ ຕາລຸຣ ຈະ ໄລ່ ເບີ



ມ.

11 ປັດແນີ ມັນເຕຣີາ ເຢີງ ເຈົ້າຮາຊີ ຕະ ໂອນ ໄລ່ ຮາມັຣ ໂຕຍ໌ ບາບ ລາລີ້, ຍ່ອນ ໄລ່ ດວຍ໌ ນະ ກາອິນ ຕະ ແຕ ອິມແບີ. ກະ ໄລ່ ຕະ ນະ ບາລາອາມ ຕະ ແຕ ອິມແບີ ເຕ່. ບາລາອາມ ປັຣຕີ ຈຸ່ມ ອິດຊະ ຮາເອລ ຕັຣ ຮານະ ເຢີງ ເຈົ້າຮາຊີ, ຍ່ອນ ອັນ ຍິ້ອ ອີ ເບີນ ຊາອິຍ ຊາມັກ ຕຶ່ງ ແດີຍ ໄມ່. ກະ ໄລ່ ຕະ ນະ ໂກຣາ ຕະ ແຕ ອິມແບີ ເຕ່. ໂກຣາ ລາ ມານະ ກາ ຍິ້ອ ອີ ຕໍາໂປຣ ອີ ຕະ ຊິດ ມາ ເຢີງ ເຈົ້າຮາຊີ ຕາ ໂອນ ອັນ ເບີນ. ເຢີງ ເຈົ້າຮາຊີ ອາບິດ ມັຣ ກວາຍ ແຕ ອິມແບີ ກ້ອຍ. ກະ ປັຣແນີ ມັນເຕຣີາ ອັນ ຕະ ໂຕ່ດ ກວາຍ ກາ ມູ່ດ ຕາລຸຣ ຕຶ່ງ ມູ່ ກາ ຊາ ອໍາ ລາ ມູເຈີງ ກ້ອຍ ເຕ່. 12 ກວາຍ ກ້ອຍ ຍິ້ອ ອີ ຈາ ມັນຕຸ ກະ ເຍົາ ເຕ່, ບັອງ ກາ ເຍົາ ໂຣ່ມ ຈາ ຣໍ້ອ. ມາ ໄລ່ ຄິດ ແຕ ຈະ ໄລ່ ເບີມ ຊ້ອງ. ກະ ໄລ່ ຕາ ເບີນ ຍໍາມັບ ອາແລະ. ໄລ່ ກ້ອຍ ລາ ນະ ຮາມິລ. ເມົາ ເຮີມ ຮາມິລ ກ້ອຍ, ເຈີ ເມົາ ປາຍ ແຈະ ອີ ເມົາ, ມາ ກູຢາລ ເດີງ ຮາມິລ ກ້ອຍ ເປາະ ອິນຕຸ ການໍ້ອ ແອັນ. ນະກ້ອຍ ຕາ ເບີນ ເມົາ ອິນເຕົາ. ກະ ໄລ່ ກ້ອຍ ລາ ນະ ອາລອງ ກາ ແຕ້ອ ປາແນ່ນ ປາໄລ, ມາ ຕາ ເບີນ ປາໄລ. ເຈີ ເມົາ ເຮີອີ ກໍລ ກ້ອຍ ກະ ເຣັຣ. ນະກ້ອຍ ອາລອງ ກ້ອຍ ນະ ບາຣ ເຮີບ ກູ ຈິດ. ມວຍ ລາ ອັນ ຕາ ເບີນ ແກັດ ປາໄລ. ບາຣ ແອັນ ລາ ເມົາ ເຮີອີ ຕັຣ ກາ ເຣັຣ. ເຈີ ກວາຍ ກາ ມູ່ດ ຕາລຸຣ ຕຶ່ງ ມູ່ ເຍົາ ລາ ມູເຈີງ ອາລອງ ກ້ອຍ ເຕ່. 13 ກວາຍ ກ້ອຍ ລາ ນະ ແດັອ ທາເລ ປ້ອງ ເລືອຍໆ ແກັດ ປູປິຣ, ຍ່ອນ ໄລ່ ຕະ ຊາອິຍ ຮານະ ຕາ ອໍ ຕາປູນ ຮາງິຣ ໄລ່ ເບີມ. ກະ ກວາຍ ກ້ອຍ ນະ ມັນໂຕຣ ອາແຕີຍ ອິນຕຸ.\* ເຢີງ ເຈົ້າຮາຊີ ມັດ ດໍອ ເຈີ ອິນຕຸ ໂອນ ໄລ່ ກ້ອຍ ແອັດ. ອິນຕຸ ກ້ອຍ ລາ ການໍາ ເລືອຍໆ. ກະ ໄລ່ ຕາ ນາຍ ເບີນ ລໍ້ອຣ ແຕ ກ້ອຍ.

14-15 ເບີນ ມານະ ແຕ ອິມແບີ ຮາມິຣ ເອນັກ. ເອນັກ ໄມ່ ແຕ ຈຸ່ມເຈີອ ອາດາມ. ນັບ ແຕ ແດີຍ ອາດາມ ຕາບັດ ແດີຍ ແອັນ, ເຈີ ແຕ້ອ ແດີຍ ເອ ນັກ. ເອນັກ ອາຕີ ດໍອ ແຕ ອິມແບີ ເຈີ ແຕ ກວາ ຍ ກາ ມູ່ດ ຕາລຸຣ ຕຶ່ງ ມູ່ ກາ ຊາອໍາ. ອັນ ປາຍ ນະ ໄມ່ ແຕ ໄລ່ ກ້ອຍ: "ປັຣແນີ ມັນເຕຣີາ ອິນເຈົ້າ ໄຣ ແຕ້ອ ຕັດຊິນ ລໍ້ຣ ອິນແຍະ ມັຣ ກວາຍ. ກະ ຊາ ອິຍ ລາລີ້ ແທວາດາ ເຢີງ ເຈົ້າຮາຊີ ແຕ້ອ ກະ ອັນ ເຕ່. ຕຶ່ງ ຕາໂງ ກ້ອຍ, ເຢີງ ເຈົ້າຮາຊີ ຕັດຊິນ ອິນ ແຍະ ມັຣ ກວາຍ. ກະ ເຢີງ ເຈົ້າຮາຊີ ຕະ ໂຕ່ດ ໄລ່ ກາ ຕາ ເບີນ ຊາງັດ, ຍ່ອນ ໄລ່ ກ້ອຍ ຕະ ຮານະ ຕາ

ອໍ, ກະ ໄລ່ ຕາ ເບີນ ຊາງັດ ເຢີງ ເຈົ້າຮາຊີ."

16 ກວາຍ ກາ ມູ່ດ ຕາລຸຣ ຕຶ່ງ ມູ່ ກາ ຊາອໍາ, ໄລ່ ບູແບະ ບູບິບ, ຕາ ນາຍ ຣໍ້ອ ມັຣ ຮານະ ໄລ່ ຕະ. ໄລ່ ຍິ້ອ ອີ ຕາປູນ ຮາງິຣ ໄລ່ ເບີມ ຊ້ອງ. ກະ ໄລ່ ຍ່ອງ ຈະ ໄລ່ ເບີມ. ກະ ໄລ່ ຍ່ອງ ກວາຍ ການໍ້ອ ຍິ້ອ ອີ ເບີນ ເລີ້ຍ ແຕ ກວາຍ ກ້ອຍ.

ຮາມິຣ ປາຕັບ ໂອນ ມູ່ ກາ ຊາອໍາ

17 ອາລໍຣ ເອີຍ, ອິງເຄາະ ເຍົາ ຊາແຍີ ມັຣ ປັຣ ນາຍ ແຕ ມູ່ ໄລ່ ກາ ເຢຊູ ກຣິດ, ອິນເຈົ້າ ໄຣ, ຮຽຮ ປາຈຸຣ. ໄລ່ ປາຍ ອິນໂຍ່ງ ເຈີ ແຕ ກວາຍ ໄມ່. 18 ໄລ່ ກ້ອຍ ປາຍ ນະໄມ່: "ພໍກາ ແຈະ ອີ ແຕ້ອ ຕາໂງ ປັຣຊິດ, ເບີນ ກວາຍ ຮາຢອຍ໌ ພາມາດ ຮາ ນະ ເຢີງ ເຈົ້າຮາຊີ. ໄລ່ ກ້ອຍ ຍິ້ອ ອີ ຕາປູນ ຮາ ນະ ຕາ ອໍ ແຕ ຮາງິຣ ໄລ່ ເບີມ, ກະ ໄລ່ ຕາ ເບີນ ຊາງັດ ເຢີງ ເຈົ້າຮາຊີ."

19 ໄລ່ ກາ ມູ່ດ ຕາລຸຣ ຕຶ່ງ ມູ່ ກາ ຊາອໍາ, ໄລ່ ກ້ອຍ ຍິ້ອ ອີ ກາຍິຣ ມູ່ ກາ ຊາອໍາ. ໄລ່ ຕາປູນ ຮາງິຣ ໄລ່ ເບີມ ຊ້ອງ. ໄລ່ ຕາ ເບີນ ຕາປູນ ຮາງິຣ ຮາເວີຍ ເຢີງ ເຈົ້າຮາຊີ. 20 ອາລໍຣ ເອີຍ! ເຍົາ ອິນໂຈຍ ຕະ ມູເຈີງ ກວາຍ ກ້ອຍ. ມັຣ ຮາມິຣ ເຍົາ ຊາອໍາ ເຈີ ລາ ອໍ, ຍ່ອນ ຮາມິຣ ກ້ອຍ ແຕ້ອ ແຕ ເຢີງ ເຈົ້າຮາຊີ, ມາ ອິງເຄາະ ເຍົາ ຈໍ້ອ ໂອນ ຮາງິຣ ເຍົາ ແກັດ ຊາອໍາ ເຣ່ງ ອາຊ້ອຣ ແອັນ. ບັອງ ກາ ເຍົາ ເກົາ, ອິງເຄາະ ເຍົາ ແຊອ ຮາເວີຍ ເຢີງ ເຈົ້າຮາ ຊີ ຈ່ອຍ ໂອນ ເຍົາ ເກົາ ປາຍາຍ. 21 ເຢີງ ເຈົ້າຮາ ຊີ ອາໂຢະ ລາລີ້ ເຍົາ. ນະກ້ອຍ ອິງເຄາະ ເຍົາ ແອັດ ແຈະ ອັນ ເລືອຍໆ. ກະ ເຢຊູ ກຣິດ, ອິນເຈົ້າ ໄຣ, ອັນ ອາໂຢະ ຕະ ເຍົາ, ນະກ້ອຍ ອັນ ຕະ ໂອນ ປັຣ ແນີ ມັນເຕຣີາ ໄຣ ເບີນ ແອັດ ຊິດ ແດີຍ ກະ ອັນ. ອິງເຄາະ ເຍົາ ອິງກ່ອງ ເລືອຍໆ ຮາມິຣ ກ້ອຍ.

22 ອິງເຄາະ ເຍົາ ເບີນ ຮາງິຣ ອາໂຢະ ຕະ ໄລ່ ກາ ອິນນ້ອງ ເບີນ ຮາງິຣ ກູຄິດ ແຕ ຮາມິຣ ກາ ໄລ່ ຊາ ອໍາ ກ້ອຍ. 23 ເບີນ ກວາຍ ການໍ້ອ ແຈະ ອີ ຕະ ຮາ ນະ ໄລ່ຍຣ, ໄລ່ ກ້ອຍ ລາ ນະ ກວາຍ ແຈະ ອີ ຊາ ປິລ ຕຶ່ງ ອູ່ຍຣ. ອິງເຄາະ ເຍົາ ກາຕ້ອງ ອາລໍຣ ໄລ່ ກ້ອຍ ແຕ ອູ່ຍຣ ກ້ອຍ. ກະ ເບີນ ກວາຍ ກາ ນໍ້ອ, ໄລ່ ຕະ ຊາອິຍ ຮານະ ໄລ່ຍຣ ເຈີ. ອິງເຄາະ ເຍົາ ຊ້ອງ ອາໂຢະ ຕະ ໄລ່ ກ້ອຍ, ມາ ອິງເຄາະ ເຍົາ ແນ່ ໂອນ ອໍ, ອິງກ້ອຣ ເຍົາ ແອັນ ແຕັດ ໄລ່ຍຣ ແຕ ໄລ່.

ໂອນ ຍ່ອງ ເຢີງ ເຈົ້າຮາຊີ

\* 1:13 1:13 ອັນ ປາຍ ນະກ້ອຍ ຍ່ອນ ໄລ່ ຕັຣ ຮານະ ເຢີງ ເຈົ້າຮາຊີ ຕາປູນ ຮານະ ການໍ້ອ.

24 ເຢີງ ເຈົ້າຣາຊີ ເຕ່ອ໌ ກຍາອ໌ ເຍົາ ກຣັກ ລາລີ່  
 ໂອນ ເຍົາ ຕາ ເບີນ ແດິມ ຍ່ອນ ຣານະ ໂລ່ຍຣ. ກະ  
 ເຢີງ ເຈົ້າຣາຊີ ເຕ່ອ໌ ຕະ ໂອນ ເຍົາ ຕາຍິ່ງ ຍັນ ລາລີ່  
 ຍັຣ ເມີງ ອັນ ຕິ່ງ ຕາໄງ ອັນ ຕັດຊິ່ນ ອິນແຍ່ະ ມັຣ  
 ກວາຍ. ຕາໄງ ກ້ອຍ ຕາ ເບີນ ເມົາ ເຕ່ອ໌ ຕິ ອິນ  
 ເຕົ້າ ເຍົາ. ມະກ້ອຍ ເຍົາ ຊ້ອງ ຣັອ໌ ລາລີ່ ຕິ່ງ ຣາງິຣ  
 ເຍົາ, ຍ່ອນ ເຍົາ ລາ ຕານ້ອງ ລາລີ່ ຍັຣ ເມີງ ອັນ.

25 ເບີນ ແອັງ ມານະ ເຢີງ ເຈົ້າຣາຊີ ແຕ່. ອັນ ຈ່ອຍ  
 ອາມັງ ໄຮ ຍ່ອນ ຣານະ ເຢຊູ ກຣິດ, ອິນເຈົ້າ ໄຮ,  
 ຕະ ເຈີ່. ອິງເຄາະ ໄຮ ຍ່ອງ ເລືອຍໆ ເຢີງ ເຈົ້າຣາ  
 ຊີ. ອິງເຄາະ ອັນ ແກັດ ເຕົ້າວ ປັຣເຍົາ ປິດ ລາລີ່.  
 ອິງເຄາະ ອັນ ຊົດ ກູ່ ອິນຕຸ. ອິງເຄາະ ອັນ ເບີນ  
 ອຳນາດ ແກ້ຍ ອິນແຍ່ະ ແຕ ການໍອ໌. ອັນ ແຕ່ ຕະ  
 ຊົດ ແຕ ຕາແບິ ແຕ່ອ໌ ຊານໍ, ກະ ຈົນ ຊົດ ອິນແຍ່ະ  
 ແດິຍ. ອາແມນ.†

---

† 1:25 1:25 ປັຣນາຍ 'ອາແມນ' ອາຕິ ລັຣ ລາ 'ກຣັກ ມະກ້ອຍ' ແຕລາ 'ແຊອ໌ ໂອນ ແຕ່ອ໌ ມະກ້ອຍ.'

# ເຢີງ ເຈົ້າຣາຊີ ອາປິສ ເລີຍ

ປຣນາຍ ອາຕີ ອິນໂຍ່ງ

ປຶ້ງ ອາປິສ ເລີຍ ໄນ່ ໂຢຣັນ ຄຽນ ມາຮ 90 ກູ ມໍ ແວັດ ເຢຊູ ແກັດ. ບັອງ ກ້ອຍ ໂຢຣັນ ແອັດ ໂຕ່ ດ ຕຶ້ງ ໂບດ ປັດໄມ. ເບິນ ມວຍ ຕາໄງ ຣາລູ່, ເຢີງ ເຈົ້າຣາຊີ ອາປິສ ເລີຍ ໂອນ ອັນ ເຮິມ ຊາອິ້ຍ ຣາ ມະ ຕາ ເກີ້ຍ ເຮິມ. ເຢີງ ເຈົ້າຣາຊີ ແປຣີ ໂອນ ອັນ ຄຽນ ອິນແຍ່ະ ມັຮ ຣາມິ້ຮ ກ້ອຍ ຕຶ້ງ ປຣນາຍ ເຢີງ, ເຈີ່ ພາອ໌ ໂອນ ປີ ຕາປູລ ຈຸ່ມ ມູ່ ກາ ຊາອຳ ຕຶ້ງ ກຣວາງ ເອເຊຍ. ປຶ້ງ ປຣນາຍ ໄນ່ ດໍອ໌ ອາຕີ ມັຮ ມູ່ ກາ ຊາອຳ ອິງເຄາະ ຈິວ໌, ກະ ອິງເຄາະ ຊາອຳ ກຣັກ ລາລີ້, ຍ່ອນ ມັຮ ຣານະ ກາ ອີ ແຕ້ອ໌ ອາປັດ ມັຮ ກວາຍ ລາ ອິນຕ້ອງ ລາລີ້.

ເບິນ ມັຮ ຣາມິ້ຮ ປາໂຕ່ະ ຕຶ້ງ ປຶ້ງ ອາປິສ ເລີຍ ໄນ່ ອາຕີ ແຕ ມັຮ ຣານະ ກາ ອີ ແຕ້ອ໌ ຕໍ່ ເລື້ອຍໆ ເຈີ່ ປີ ພົງ. ກະ ອິນນ້ອງ ຊາອິ້ຍ ຣາມິ້ຮ ການໍອ໌ ແອັນ ກາ ອາປິສ ອັນ. ມັຮ ກວາຍ ແຕ ແດີຍ ອິນ ແບີ ເຕ້າ ແຕ້ອ໌ ຊານໍ່, ໄລ່ ອານ ແຕ ປຶ້ງ ໄນ່, ມາ ຕາ ເບິນ ເມົາ ເຕ່ອ໌ ດັງ ແຈງ ແຕ ມັຮ ຣາມິ້ຮ ປາໂຕ່ະ ກ້ອຍ. ມາ ອິນແຍ່ະ ມັຮ ກວາຍ ດັງ ປາຍ ແອັງ ເຢຊູ ກຣິດ ແຕ້ ລາ ເຢີງ ກາ ຊົດ. ເຢຊູ ຈິ່ລ ເຮິບ ເຢີງ ຊາຕານ ກະ ກາ ມັຮ ກວາຍ ຕາ ອໍ ແຮີ.

ເຢີງ ເຈົ້າຣາຊີ ອາປິສ ໂອນ ໂຢຣັນ ເຮິມ ເມີອງ ເຢຣູຊາເລັມ ຕາໄມ, ລາ ອິນຕຸ ກາ ເຈຍ ອໍ ກະ ອາງ ອິ້ຮ ລາລີ້ ແຕ ເຢີງ ເຈົ້າຣາຊີ. ໂຢຣັນ ເຮິມ ແກະ ກອນ ເຢີງ ເຈົ້າຣາຊີ ເປີຮ ປຶ້ງ ຄຽນ ຣາມິ້ຮ ກວາຍ ກາ ເບິນ ຮັບ ແດີຍ ອາມັງ ເລື້ອຍໆ. ເຢີງ ເຈົ້າຣາ ຊີ ອີ ໂອນ ເກົາ ປີ ມັຮ ກວາຍ ກາ ເຈຍ ຊາອຳ, ກະ ໂອນ ໄລ່ ເບິນ ມູ່ດ ຕຶ້ງ ກຣວາງ ຕາໄມ ກະ ກູແຕອ໌ ຕາໄມ. ອິນຕຸ ກ້ອຍ ລາ ປັງ ອາງອິ້ຮ ແຕ ເຢີງ ເຈົ້າຣາຊີ.

1 ເກົາ ໂຢຣັນ ລາ ກວາຍ ຕະ ຣານະ ໂອນ ເຢຊູ ກຣິດ. ເກົາ ຄຽນ ປຶ້ງ ໄນ່ ອາຕີ ແຕ ມັຮ ຣາມິ້ຮ ເຢຊູ ກຣິດ ອາປິສ ເລີຍ ໂອນ ເກົາ ເຮິມ. ມັຮ ຣາມິ້ຮ ກ້ອຍ ເຢີງ ເຈົ້າຣາຊີ ໂອນ ເຢຊູ ດັງ ດໍອ໌ ອັນ ອາຕີ ລັຮ ໂອນ ກວາຍ ກາ ຕະ ຣານະ ເຢີງ ເຈົ້າຣາຊີ ດັງ ມັຮ ຣາມິ້ຮ ກາ ແຈ່ະ ອີ ແຕ້ອ໌. ເຢຊູ

ແປຣີ ເທວາດາ ອັນ ແຕ້ອ໌ ປີ ເກົາ ດໍອ໌ ອາຕີ ໂອນ ເກົາ ດັງ. 2 ຕຶ້ງ ປຶ້ງ ໄນ່ ເກົາ ຄຽນ ແຕ ກູ່ ຣາມິ້ຮ ເກົາ ເຮິມ ເຈີ່. ເກົາ ຄຽນ ອາຕີ ປຣນາຍ ແຕ ເຢີງ ເຈົ້າຣາຊີ ກະ ມັຮ ປຣນາຍ ເຢຊູ ກຣິດ ອາຕີ ໂອນ ເກົາ ດັງ. 3 ມຸ່ນ ລາລີ້ ໄລ່ ກາ ອານ, ກະ ໄລ່ ກາ ຊ້ອງ ກະ ຊາງັດ ປຣນາຍ ເຢີງ ເຈົ້າຣາຊີ ອາຕີ ແຕ ອິນໂຍ່ງ, ນະ ເກົາ ຄຽນ ຕຶ້ງ ປຶ້ງ ໄນ່. ຍ່ອນ ມັຮ ຣາ ມະ ໄນ່ ແຈ່ະ ອີ ແຕ້ອ໌.

ປຣນາຍ ກາຣານ ຕາປູລ ມູ່ ກວາຍ ກາ ຊາອຳ ຕຶ້ງ ແຄງ ເອເຊຍ

4 ເກົາ ພາອ໌ ປຶ້ງ ໄນ່ ໂອນ ຕາປູລ ມູ່ ກວາຍ ກາ ຊາອຳ ຕຶ້ງ ແຄງ ເອເຊຍ. ເກົາ ແຊອ໌ ເຢີງ ເຈົ້າຣາ ຊີ, ຣາເວີຍ ເຢີງ ເຈົ້າຣາຊີ, ກະ ເຢຊູ ກຣິດ, ຈ່ອຍ ເມີາດ ເຍົາ ກະ ໂອນ ເຍົາ ແອັດ ອຽນ ອໍ ເລື້ອຍໆ. ເຢີງ ເຈົ້າຣາຊີ ລາ ເຢີງ ກາ ອາມັງ ແຕ ຕາແບີ ລາລີ້ ຈົນ ແຕ້ອ໌ ຊານໍ່, ກະ ຈົນ ແຕ້ອ໌ ປຣຊົດ ເລີ້ຍ. ຣາ ເວີຍ ເຢີງ ເຈົ້າຣາຊີ, ອັນ ກາ ແອັດ ຍິຮ ພົງ ກາ ເຈີ່ ເຢີງ ເຈົ້າຣາຊີ ຕາກູ, ອັນ ເບິນ ຕາປູລ ຣາມິ້ຮ ເຕ່ອ໌ ຈ່ອຍ ກວາຍ. 5 ເຢຊູ ກຣິດ ລາ ອັນ ກາ ອາຕີ ປຍາຍ໌ ລາລີ້. ອັນ ອາມັງ ລັຮ ແຕ ກູຈິດ ອິນໂຍ່ງ ແຕ ກວາຍ ການໍອ໌. ກະ ອັນ ຊົດ ກູ່ ເຕົາວ ປຣເຍົາ ຕຶ້ງ ກູແຕອ໌ ໄນ່.

ອັນ ອາໂຍ່ະ ລາລີ້ ໄຮ, ກະ ອັນ ອາກູຮ ໄຮ ແຕ ຣານະ ໂລ່ຍຮ ຍ່ອນ ແຕ ອາຣາມ ອັນ. 6 ເຈີ່ ອັນ ຕະ ໂອນ ໄຮ ແກັດ ມວຍ ກຣວາງ, ກະ ອັນ ໂອນ ໄຮ ແກັດ ນະ ກວາຍ ຊາງ ຮິດ ເຢີງ ເຈົ້າຣາຊີ, ອິນ ປໍ່ ອັນ. ເຢຊູ ກຣິດ ຊົດ ເລື້ອຍໆ! ໂອນ ໄຮ ຍ່ອງ ເລື້ອຍໆ ອັນ ຊົດ ແດີຍ ເລີ້ຍ ກູມໍ! ອາແມນ.\*

7 ຕິຮ! ເຍົາ ເນ່! ເຢຊູ ແຕ້ອ໌ ແຕ ອິນຕີ ຣາມິ້ ລ! ປຣແນີ ມັນເຕຣົາ ກູ່ ນະ ກວາຍ ເຮິມ ອັນ, ກາ ໄລ່ ກາ ຈັດ ອັນ ແຮີ. ກະ ກູ່ ຈຸ່ມ ກວາຍ ກາ ແອັດ ຕຶ້ງ ກູແຕອ໌ ໄນ່, ປຣແນີ ມັນເຕຣົາ ໄລ່ ເຍົາມ ກູ ໂກຣ໌ ຍ່ອນ ໄລ່ ຕະ ໂລ່ຍຮ ໂຈະ ອັນ. ໂກຣ ລາລີ້ ອີ ແກັດ ນະກ້ອຍ! ອາແມນ.

8 ເຢີງ ເຈົ້າຣາຊີ ລາ ເຢີງ ກາ ອາມັງ ເລື້ອຍໆ, ແຕ ຕາແບີ ເຕ້າ ແຕ້ອ໌ ຊານໍ່, ກະ ເຕ້າ ຊົດ ອິນແຍ່ ະ ແດີຍ. ນະກ້ອຍ ເຢີງ ເຈົ້າຣາຊີ ປາຍ: "ເກົາ ລາ ແປຣີ ຊອຍ! ເກົາ ລາ ແອັດ ແຕ ຕາແບີ ລາລີ້ ເຕ້າ

\* 1:6 1:6 ປຣນາຍ 'ອາແມນ' ອາຕີ ລັຮ ລາ 'ກຣັກ ນະກ້ອຍ' ແຕີລາ 'ແຊອ໌ ໂອນ ແກັດ ນະກ້ອຍ.' † 1:8 1:8 ຕຶ້ງ ປຣນາຍ ກຣິກ ອັນ ປາຍ: "ເກົາ ລາ ອາລະພາ ກະ ໂອເມຄາ." 'ອາລະພາ' ລາ ຕາແບີ ກະ 'ໂອເມຄາ' ລາ ປຣຊົດ ແຕ ມັຮ ໂຕ ມັງຊີ ຕຶ້ງ ປຣນາຍ ກຣິກ.

ແຕ້ອ໌ ຊານຸ່, ກະ ຈົນ ແຕ້ອ໌ ປັຣຊົດ ເລີຍ. ເກົາ ຊົດ ປັດ ກາເລີຍ ແຕ ກູ່ ຮາມິຣ ຊົດ ການອ້."

ເຢີງ ເຈົາຮາຊີ ອາປັຣ ເລີຍ ຕິ່ງ ໂບດ ປັດໂມ

9 ເກົາ, ໂຢຮັນ, ລາ ແຊມອາຍ ເຍົາ ຕິ່ງ ມູ່ ກາ ຊາອໍາ. ເກົາ ຈົວ ເລືອຍໆ ຕຸ່ຮ ກັດ ມັນຕຸ ກະ ເຍົາ, ຍ່ອນ ໄຮ ປຣ່ອມ ໂອນ ເຢີງ ເຈົາຮາຊີ ຕະ ຊົດ ໄຮ. ຊານຸ່ ເມົາ ໂກບ ດໍອ໌ ເກົາ ຕິ່ງ ໂບດ ປັດໂມ, ຍ່ອນ ເກົາ ອາຕີ ປັຣນາຍ ເຢີງ ເຈົາຮາຊີ, ກະ ຍ່ອນ ເກົາ ອາຕີ ຮານະ ປຍາຍ໌ ແຕ ເຢຊູ ກຣິດ. 10 ຕິ່ງ ຕາໄງ ຮາລູ່ ຊາງ ເຢີງ ເຈົາຮາຊີ, ຮາເວົ້າຍ ເຢີງ ເຈົາຮາ ຊີ ແກັດ ຊົດ ຕິ່ງ ຮາງິຣ ເກົາ. ກະ ເບີນ ມວຍ ຊຽງ ອາຕີ ເຮ່ງ ລາລີ່ ຍັຮ ກັຮອງ ເກົາ ນະ ເມົາ ປຼິງ ແກ. 11 ຊຽງ ກ້ອຍ ແປຣີ ເກົາ ປາຍ: "ອີງ ເຄາະ ໄມ່ ຄຽນ ຕິ່ງ ປິ່ງ ກູ່ ຮາມິຣ ກາ ໄມ່ ເຮີມ; ເຈີ່ ໄມ່ ພາອ໌ ໂອນ ຕາປູ່ລ ມູ່ ກວາຍ ກາ ຊາອໍາ ແອັດ ຕິ່ງ ມັຮ ເມືອງ ນະໄມ່: ເອເພໂຊ, ຊະນີນາ, ເປຄາໂມ, ຫົວເຕຣາ, ຊາເດ, ພິລາເດັມເພຍ, ກະ ລາວດີເກອາ."

12 ເຈີ່ ເກົາ ລັບ ເນ່ ປີ ກັຮອງ ຍິອ໌ ອີ ເຮີມ ອັນ ກາ ອາຕີ ເກົາ. ເກົາ ເຮີມ ຕາປູ່ລ ລໍາ ໂຮ່ງ ຕາກຍາງ ເມົາ ຕະ ແຕ ແຢງ. 13 ກະ ເກົາ ເຮີມ ຮຸ່ບເຮີງ ນະ ກອນ ເຢີງ ແກັດ ກວາຍ ແອັດ ອິນດີ ຕາປູ່ລ ລໍາ ໂຮ່ງ ຕາກຍາງ ກ້ອຍ. ອັນ ກ້ອຍ ແຊັບ ອາຍິອຣ ຕ່ອງ ແຕ້ອ໌ ປີ ອາເຢີງ, ກະ ອັນ ປະ ຊັຣວະ ແຢງ ຕິ່ງ ອາເປັມ ອັນ. 14 ໂຊະ ແປັ ອັນ ກູ້ອ໌ ນະ ໂຊະ ແກະ ແຕັລາ ກູປາຍຮ;† ມັດ ອັນ ແກັດ ນະ ປັຣລາ ອູ່ຍຮ. 15 ອາເຢີງ ອັນ ຮາເຣົາອ໌ ລາຈັຮ ລາລີ່ ນະ ຊາປັນ ຕາແປີ ແມັມ ເມົາ ໂຕະ. ກະ ຊຽງ ອັນ ນະ ໂຮ ແຕ້ອ໌ ປັດ. 16 ຕິ່ງ ອາຕີ ອາຕໍາ, ອັນ ຢຸມ ຕາ ປູ່ລ ກູ່ງ ມັນໂຕຣ. ແບອ໌ ອັນ ກູລົລ ອາລ້ອຣ ມູ ປາ ດາວ ກາ ເບີ ບາຣ ກັຮ. ກະ ເມືງ ອັນ ປິ່ງ ນະ ມັດ ມານາງ ປາເລີງ ຕິ່ງ ຕີລມູ່ລ. 17 ພໍກາ ເກົາ ເຮີມ ມານະ ກ້ອຍ, ເກົາ ແດັມ ແຈ່ະ ອາເຢີງ ອັນ ນະ ເກົາ ກູຈິດ. ມາ ອັນ ຊາປະ ອາຕີ ອາຕໍາ ອັນ ຕິ່ງ ຈະ ເກົາ ກະ ປາຍ: "ອິນໂຈຍ ອີງກ້ອຣ. ເກົາ ແອັດ ແຕ ຕາແປີ ລາລີ່, ກະ ເກົາ ແອັດ ຈົນ ແຕ້ອ໌ ປັຣຊົດ. 18 ເກົາ ລາ ເຢີງ ອາມັງ. ເກົາ ກູຈິດ ເຈີ່, ມາ ຊານຸ່ ເກົາ ອາມັງ ຊົດ ແຕັຍ ເລີຍ ກູມໍ. ເກົາ ເບີ ນ ອໍານາດ ແຕ ຮາມິຣ ກູຈິດ ກະ ເກົາ ເບີນ ກອນ ກາແຈ ກາ ເຕ່ອ໌ ເປັຣ ອິນຕຸ ກາ ເບີນ ກວາຍ ກູຈິດ

ແອັດ. 19 ນະກ້ອຍ, ອີງເຄາະ ໄມ່ ຄຽນ ມັຮ ຮາມິ ຮ ກາ ໄມ່ ເຮີມ ເຈີ່, ກະ ມັຮ ຮາມິຣ ໄມ່ ເຮີມ ຊາ ນຸ່, ກະ ມັຮ ຮາມິຣ ກະ ອີ ແຕ້ອ໌ ອິນຕຸນ. 20 ຊານຸ່ ເກົາ ອາຕີ ແຈງ ໂອນ ໄມ່ ດັງ ແຕ ຕາປູ່ລ ກູ່ງ ມັນ ໂຕຣ ກາ ໄມ່ ເຮີມ ເກົາ ຢຸມ ຕິ່ງ ອາຕີ ອາຕໍາ, ກະ ແຕ ຕາປູ່ລ ໂຮ່ງ ຕາກຍາງ ແຢງ. ຕາປູ່ລ ກູ່ງ ມັນ ໂຕຣ, ລາ ຊາກໍາ ແຕ ມັຮ ກາ ເທວາດາ ກາ ຈ່ອຍ ຕິ່ງ ຕາປູ່ລ ມູ່ ກວາຍ ກາ ຊາອໍາ. ກະ ຕາປູ່ລ ໂຮ່ງ ຕາກຍາງ ແຢງ, ລາ ຊາກໍາ ແຕ ຕາປູ່ລ ມູ່ ກວາຍ ກາ ຊາອໍາ ກ້ອຍ."

## 2

ປັຣນາຍ ເຢຊູ ອາຕີ ໂອນ ມູ່ ກາ ຊາອໍາ ຕິ່ງ ເມືອງ ເອເພໂຊ

1 "ອີງເຄາະ ໄມ່ ຄຽນ ໂອນ ເທວາດາ ກາ ຈ່ອຍ ມູ່ ກາ ຊາອໍາ ຕິ່ງ ເມືອງ ເອເພໂຊ ນະໄມ່:

"ໄມ່ ລາ ປັຣນາຍ ແຕ ອັນ ກາ ຢຸມ ຕາປູ່ລ ກູ່ງ ມັນໂຕຣ ຕິ່ງ ອາຕີ ອາຕໍາ, ອັນ ກາ ຕາຍັຣ ອິນດີ ຕາປູ່ລ ໂຮ່ງ ຕາກຍາງ ແຢງ.

2 "ເກົາ ດັງ ເຈີ່ ມັຮ ຮານະ ເຍົາ ຕະ. ເກົາ ດັງ ເຍົາ ກູຕົງ ລາລີ່ ຕະ ຮານະ ເກົາ, ກະ ເຍົາ ຈົວ ເລືອ ຍໆ. ເກົາ ດັງ ເຍົາ ຕາ ແອອ໌ ກວາຍ ກາ ຕະ ຮານະ ຕາ ອໍ ແອັດ ກະ ເຍົາ. ກະ ເກົາ ດັງ ເຍົາ ລ່ອງ ມັຮ ກວາຍ ກາ ປາຍ ໄລ່ ລາ ກວາຍ ເກົາ ຮຽຮ ປາຈຸ່ຮ, ມາ ໄລ່ ລາ ຕາ ແກັນ. ເຈີ່ ເຍົາ ດັງ ໄລ່ ປາຍ ອາໂລກ ຊ້ອງ. 3 ເຍົາ ຈົວ ຊາອິ້ຍ ຮາມິຣ ຕຸ່ຮ ກັດ ຍ່ອນ ເຍົາ ຕາປູ່ນ ຮາມິຣ ເກົາ. ເຍົາ ຕາ ເບີນ ຊ້ອງ ເປ ອິນເຕ້າ. 4 ມາ ອິນນ້ອງ ເບີນ ມວຍ ຮາມິຣ ເກົາ ຕີ ເຍົາ. ຊານຸ່ ເຍົາ ຕາ ເບີນ ອາໂຍ່ະ ເກົາ ນະ ເຍົາ ອາໂຍ່ະ ເກົາ ແຕ ຕາແປີ. 5 ອີງເຄາະ ເຍົາ ຄິດ ລັຮ ແຕ ບ້ອງ ກາ ແລະ ເຍົາ ແດັມ. ເຈີ່ ອີງເຄາະ ເຍົາ ປຽນ ແກັດ ຮາງິຣ ຕາໂມ. ແວັດ ກ້ອຍ ອີງເຄາະ ເຍົາ ຕະ ອໍ ລັຮ ມູເຈີງ ເຍົາ ຕະ ແຕ ຕາແປີ. ຄັນ ເຍົາ ມາ ຕາ ເບີນ ຕະ ນະກ້ອຍ, ເກົາ ແຕ້ອ໌ ປີ ເຍົາ; ເຈີ່ ເກົາ ອິດ ລັຮ ໂຮ່ງ ຕາກຍາງ ເຍົາ ແຕ ອິນຕຸ ອັນ ແອັດ. 6 ມາ ເກົາ ຍ່ອງ ເຍົາ ມວຍ ຮາມິຣ: ເຍົາ ຊາ ອັຣ ມັຮ ຮານະ ກວາຍ ນິໂກລາຍເຕ ຕະ, ນະ ເກົາ ຊາອັຣ ຮານະ ກ້ອຍ ເຕ່.

7 "ອາແລະ ເບີນ ກູຕູຣ, ໂອນ ໄລ່ ຊາງັດ ມັຮ ປັຣນາຍ ຮາເວົ້າຍ ເຢີງ ເຈົາຮາຊີ ອາຕີ ໂຈະ ມັຮ ມູ່ ກາ ຊາອໍາ! ກວາຍ ອາແລະ ມາ ຮາຊູ່ ເຮົາບ ມັຮ ຮາ ນະ ຕາ ອໍ, ເກົາ ໂອນ ກວາຍ ກ້ອຍ ຈາ ປາໄລ ແຕ

† 1:14 1:14 ຕິ່ງ ປັຣນາຍ ກຣິກ ປາຍ ລັຮ ລາ: "ຮິມະ."

ອາລ່ອງ ກາ ໂອນ ອາມັງ ຊົດ ແດີຍ. ອາລ່ອງ ກ້ອຍ ດັຣ ຕິ່ງ ຊວນ ເຢີງ ເຈົ້າຣາຊີ ຕິ່ງ ມັນລ່ອງ."

ປັຣນາຍ ເຢຊູ ອາຕີ ໂອນ ມູ່ ກາ ຊາອໍາ ຕິ່ງ ເມືອງ ຊະມີນາ

8 "ອີງເຄາະ ໄມ່ ຄຽນ ໂອນ ເທວາດາ ກາ ຈ່ອຍ ມູ່ ກາ ຊາອໍາ ຕິ່ງ ເມືອງ ຊະມີນາ ນະໄມ່: ໄມ່ ລາ ປັຣນາຍ ແຕ ອັນ ກາ ແອິດ ແຕ ຕາແບິ ລາລີ້ ກະ ແອິດ ຈົນ ແຕ່ອິ ປັຣຊົດ ເລີຍ, ອັນ ກາ ກູຈິດ ເຈີ່, ມາ ອາມັງ ລັຣ."

9 "ເກົາ ດັງ ເຈີ່ ເຍົາ ຈີວ ຕຸຣ ກັດ ລາລີ້, ກະ ເຍົາ ກາດິດ ລາລີ້. ມາ ຕາ ເບິນ ອິນເຕົ້າ ຣາມິ້ຣ ກ້ອຍ, ຍ່ອນ ຕິ່ງ ຣາງິຣ ເຍົາ ເບິນ ຣາງິຣ ບຸ່ນ ຊາອິ້ຍ ແຕ ເຢີງ ເຈົ້າຣາຊີ! ນະກ້ອຍ ເຍົາ ຊຸ. ເກົາ ດັງ ເຈີ່ ແຕ ມັຣ ກວາຍ ກາ ປາຍ ໄລ່ ລາ ກວາຍ ອິດຊະຣາເອລ, ມາ ຕາ ແກ້ນ ກວາຍ ອິດຊະຣາເອລ. ໄລ່ ເກີ້ຍ ຕູນ ອາປິດ ເລືອຍໆ ເຍົາ. ໄລ່ ກ້ອຍ ແກ້ດ ມູ່ ກາ ຕາ ປູ່ນ ຣານະ ເຢີງ ຊາຕານ. 10 ເຍົາ ອິນໂຈຍ ອີງ ກ້ອນ ມັຣ ຣາມິ້ຣ ຕຸຣ ກັດ ກາ ອິ ແຕ່ອິ ປິ ເຍົາ ປັຣແນິ ມັນເຕຣີາ. ໄກຣ ລາລີ້, ປັຣແນິ ມັນເຕຣີາ ເຢີງ ຊາຕານ ໂອນ ເມົາ ໂຈະ ເຍົາ ຕິ່ງ ກໍ່ອ. ອັນ ຍິ້ອ ອິ ລ່ອງ ເຍົາ. ມາ ປາແນ່ນ ເຍົາ ຈີວ ຕຸຣ ກັດ ລາ ມວຍ ຈິ່ດ ຕາໄງ. ຕາມ ເມົາ ກາຈິດ ເຍົາ, ອີງ ເຄາະ ເຍົາ ຕາມ້ອງ ອໍ ເລືອຍໆ ໂຈະ ເກົາ; ເຈີ່ ເກົາ ໂອນ ເຍົາ ເບິນ ເກົາ\* ແຕ່ອິ ອາມັງ ເລືອຍໆ.

11 "ອາແລະ ເບິນ ກູຕູຣ, ໂອນ ໄລ່ ຊາງັດ ມັຣ ປັຣນາຍ ຣາເວີຍ ເຢີງ ເຈົ້າຣາຊີ ອາຕີ ໂຈະ ມັຣ ມູ່ ກາ ຊາອໍາ! ກວາຍ ອາແລະ ມາ ຣາຊູ່ ເຮົາບ ມັຣ ຣານະ ຕາ ອໍ, ປັຣແນິ ມັນເຕຣີາ ກວາຍ ກ້ອຍ ກູຈິດ, ມາ ອັນ ຕາ ເບິນ ໄກຣ ຈີວ ຕຸຣ ກັດ ຕິ່ງ ປຣຸ່ງ ອູ່ ຍຣ."

ປັຣນາຍ ເຢຊູ ອາຕີ ໂອນ ມູ່ ກາ ຊາອໍາ ຕິ່ງ ເມືອງ ເປຄາໂມ

12 "ອີງເຄາະ ໄມ່ ຄຽນ ໂອນ ເທວາດາ ກາ ຈ່ອຍ ມູ່ ກາ ຊາອໍາ ຕິ່ງ ເມືອງ ເປຄາໂມ ນະໄມ່: ໄມ່ ລາ ປັຣນາຍ ແຕ ອັນ ກາ ເບິນ ມວຍ ປາ ດາວ ກາ ເບິ ບາຣ ກັຣ."

13 "ເກົາ ດັງ ເຈີ່ ອິນຕຸ ເຍົາ ແອິດ. ອິນຕຸ ກ້ອຍ ລາ ອິນຕຸ ເຢີງ ຊາຕານ ແກ້ດ ເຕົ້າວ ປັຣເຍົາ. ມາ ເຍົາ ຕະ ກຣັກ ລາລີ້ ຣານະ ເກົາ. ບັອງ ກາ ເມົາ ກາ ຈິດ ອັນຕິປາ ຍ່ອນ ອັນ ອາຕີ ປຍາຍິ ແຕ ເກົາ,

ເຍົາ ຕາ ເບິນ ກາແລີຍຣ ເກົາ. ເມົາ ກາຈິດ ອັນ ຕິ່ງ ເມືອງ ເຍົາ ແຕ່, ລາ ອິນຕຸ ກາ ເຢີງ ຊາຕານ ແອິດ, ມາ ເຍົາ ຕາ ເບິນ ດັຣ ເກົາ. 14 ມາ ອິນນ້ອງ ເບິນ ປິ ອິ ຣາມິ້ຣ ກາ ເກົາ ອິ ຕິ ເຍົາ. ມວຍ ລາ ເບິນ ກວາຍ ແຕ ເຍົາ ຍິ້ອ ອິ ຕາປູ່ນ ຣານະ ມານະ ຣາມິ້ຣ ບາລາອາມ. ບາລາອາມ ໄມ່ ອາຕີ ບັອງ ອາໄຣ່ ໂອນ ເຕົ້າວ ປັຣເຍົາ ບາລາກ ປັຣຕິ່ ມັຣ ກວາຍ ອິດຊະຣາເອລ ຕະ ໂລ່ຍຣ. ອັນ ໂອນ ໄລ່ ຈາ ເກຣິ່ງ ເມົາ ຈູຈໍາ ຊາງ ຮູ່ບ ເຢີງ ການໍ່ອ, ກະ ອັນ ໂອນ ໄລ່ ມັນ ແຊມ ຣາເລົາ ກາ ຕາ ແກ້ນ ລາກວຍ ກາຢາອິ ບິ ມັນ ຕຸ. 15 ກະ ບາຣ ແອັນ, ເບິນ ເມົາ ແຕ ເຍົາ ຍິ້ອ ອິ ຕາປູ່ນ ຣານະ ກວາຍ ນີໂກລາຍເຕ. 16 ນະກ້ອຍ, ອີງເຄາະ ເຍົາ ປຽນ ແກ້ດ ຣາງິຣ ຕາໄມ. ຄັນ ເຍົາ ມາ ຕາ ເບິນ ປຽນ, ໄວ່ ລາລີ້ ເກົາ ແຕ່ອິ ປິ ເຍົາ; ເຈີ່ ເກົາ ຣາຈິ່ລ ກະ ໄລ່ ກາ ຕະ ໂລ່ຍຣ ກ້ອຍ ແຕ ດາວ ກາ ເກົາ ກູລົລ ອາລ່ອຣ ແຕ ແບອິ.

17 "ອາແລະ ເບິນ ກູຕູຣ, ໂອນ ໄລ່ ຊາງັດ ມັຣ ປັຣນາຍ ຣາເວີຍ ເຢີງ ເຈົ້າຣາຊີ ອາຕີ ໂຈະ ມັຣ ມູ່ ກາ ຊາອໍາ! ກວາຍ ອາແລະ ມາ ຣາຊູ່ ເຮົາບ ມັຣ ຣານະ ຕາ ອໍ, ເກົາ ແຈມ ຣາເວີຍ ກວາຍ ກ້ອຍ ມູເຈິງ ເກົາ ແຈມ ກວາຍ ອິດຊະຣາເອລ ແຕ ອິມແບິ ແຕ ຊັຣນາ ຈາ ກາ ໄລ່ ດໍອິ ມານາ. ກະ ເກົາ ໂອນ ກວາຍ ກ້ອຍ ເບິນ ຕາເມົາ ກູ່ອ. ຕິ່ງ ຕາເມົາ ກ້ອຍ ເກົາ ຄຽນ ຣາມິ້ຣ ຕາໄມ. ແອິງ ກວາຍ ກາ ຮັບ ຕາເມົາ ກ້ອຍ ຊ້ອງ ແຕ່ອິ ດັງ ຣາມິ້ຣ ກ້ອຍ. ກວາຍ ການໍ່ ອິ ຕາ ແຕ່ອິ ດັງ."

ປັຣນາຍ ເຢຊູ ອາຕີ ໂອນ ມູ່ ກາ ຊາອໍາ ຕິ່ງ ເມືອງ ຫົວເຕຣາ

18 "ອີງເຄາະ ໄມ່ ຄຽນ ໂອນ ເທວາດາ ກາ ຈ່ອຍ ມູ່ ກາ ຊາອໍາ ຕິ່ງ ເມືອງ ຫົວເຕຣາ ນະໄມ່: ໄມ່ ລາ ປັຣນາຍ ແຕ ກອນ ເຢີງ ເຈົ້າຣາຊີ, ອັນ ກາ ເບິນ ມັດ ແກ້ດ ນະ ປັຣລາ ອູ່ຍຣ ເນີ, ກະ ອັນ ເບິນ ອາ ເຢີງ ນະ ຊາບັນ ຣາເຮົາອິ ລາຈັຣ."

19 "ເກົາ ດັງ ເຈີ່ ມັຣ ຣານະ ເຍົາ ຕະ. ເກົາ ດັງ ເຍົາ ເບິນ ຣາງິຣ ອາໂຢະ, ຊາອໍາ, ຈ່ອຍ ເຍົາ, ກະ ຈີວ ເລືອຍໆ ຣາມິ້ຣ ຕຸຣ ກັດ. ເກົາ ດັງ ເຍົາ ຕະ ມັຣ ຣາມິ້ຣ ໄມ່ ຊານໍ່ ຊາອິ້ຍ ກາເລີຍ ແຕ ເຍົາ ຕະ ແຕ ຕາແບິ. 20 ມາ ອິນນ້ອງ ເບິນ ມວຍ ຣາມິ້ຣ ເກົາ ອິ ຕິ ເຍົາ. ເຍົາ ເກີ້ຍ ຊາງັດ ປັຣນາຍ ມັນແຊມ ຣາມິ້ຣ ເຢຊາເບລ, ອັນ ກາ ປາຍ ອັນ ລາ ກວາຍ ອາຕີ ຕາງ ປັຣນາຍ ເຢີງ ເຈົ້າຣາຊີ. ອັນ ອາຕີ ກະ

\* 2:10 2:10 ຕິ່ງ ປັຣນາຍ ກຣິກ ອັນ ປາຍ: "ເກົາ ໂອນ ເຍົາ ເບິນ ກຸນຕຣວາອິ." ກຸນຕຣວາອິ ກ້ອຍ ເມົາ ເກີ້ຍ ໂອນ ກວາຍ ກາ ຕາລຸ່ຣ ຣາຊິງ ໄວ່ ກາເລີຍ ແຕ ການໍ່ອ.

ປັຣຕີ້ ມັຮ ກວາຍ ກຸ ຕະ ຣານະ ເກົາ ໂອນ ມັນ ແຊມ ຣາເລົາ ກາ ຕາ ເບີນ ລາກວຍ ກາຢາອໍ ບິ ມັນ ຕຸ, ກະ ອັນ ໂອນ ໄລ່ ຈາ ທາຣິງ ເມົາ ຈູຈຳ ຊາງ ຮຸ່ບ ເຢັງ ການໍ້ອໍ. <sup>21</sup> ເກົາ ແປຣີ ອັນ ປຽນ ແກັດ ຣາງິຣ ຕາໄມ ແອັນ, ມາ ອັນ ຕາ ແອອໍ ອີ ປຽນ ແຕ ອັນ ເບີນ ຣາງິຣ ຕາມມັຮ. <sup>22</sup> ນະກ້ອຍ, ປັຣແນີ ມັນ ເຕຣົາ ເກົາ ຕະ ໂອນ ອັນ ບິ ຕິ່ງ ກາເຈັງ ຕຸຮ ກັດ ລາລີ້. ມັຮ ກວາຍ ກາ ປຣ່ອມ ເປາະ ຕາ ອໍ ກະ ອັນ, ຄັນ ໄລ່ ຕາ ເບີນ ປຽນ ແກັດ ຣາງິຣ ຕາໄມ, ເກົາ ຕະ ໂອນ ໄລ່ ຣາມັຮ ໂຕຍົ ບາບ ມັນຕຸ ກະ ມັນ ແຊມ ກ້ອຍ ເຕ່. <sup>23</sup> ເກົາ ອີ ກາຈິດ ມັຮ ກອນ ອາ ໄກ ອັນ. ນະກ້ອຍ ປັຣແນີ ມັນເຕຣົາ ກູ່ ມູ່ ກາ ຊາ ອຳ ດັງ ແຈງ ເກົາ ລາ ເຢັງ ກາ ດັງ ອິນແຍ່ະ ມັຮ ຣາມັຮ ຕິ່ງ ມິດ ລ່ອມ ກວາຍ. ເກົາ ກູລັຮ ລັຮ ເກົາ ເຢົາ, ຕາປູນ ມັຮ ຣານະ ເຢົາ ຕະ.

<sup>24</sup> "ມາ ມັຮ ກວາຍ ການໍ້ອໍ ກາ ແອັດ ຕິ່ງ ເມືອງ ທົວເຕຣາ ເຕ່, ເຢົາ ກາ ຕາ ເບີນ ຕາປູນ ຣານະ ຕາ ອໍ ກ້ອຍ, ເຢົາ ຕາ ເບີນ ດັງ ຣານະ ເມົາ ດໍອໍ 'ປັຣນາຍ ປາໂຕ່ະ ແຕ ເຢັງ ຊາຕານ.' ເກົາ ຕາ ເບີ ນ ແປຣີ ເຢົາ ອິງເຄາະ ຕະ ຣານະ ການໍ້ອໍ ແອັນ. <sup>25</sup> ມາ ອິງເຄາະ ເຢົາ ຢຸມ ໂອນ ຈັບ ລາລີ້ ມັຮ ຣາມັຮ ອໍ ກາ ເຢົາ ເບີນ ເຈີ່, ຈົນ ແຕ່ອໍ ຕາໄງ ເກົາ ແຕ່ອໍ ລັຮ ປີ ກູແຕອໍ ໄມ່.

<sup>26</sup> "ກວາຍ ອາແລະ ມາ ຣາຊູ່ ເຮົາບ ມັຮ ຣານະ ຕາ ອໍ ກະ ຕະ ເລືອຍໆ ຕາມ ຣາງິຣ ເກົາ ຈົນ ຊົດ ແດັຍ ອາມັງ ອັນ, ເກົາ ໂອນ ກວາຍ ກ້ອຍ ເບີນ ຊົດ ມັຮ ກຣວາງ ກູແຕອໍ ໄມ່. <sup>27</sup> ເກົາ ໂອນ ອັນ ເບີນ ອຳນາດ ແຕ່ອໍ ປຢາຍຮ ລາບວຍ ມັຮ ກວາຍ ຕາ ອໍ, ນະ ອັນ ຢຸມ ກອນ ຕາອໍ ດໍອໍ ປຢາຍຮ ອາ ແດັຮ ກູແຕອໍ ໂອນ ປັຮ ມຸ່ນ ອິນແຍ່ະ. <sup>28</sup> ອຳນາດ ກ້ອຍ ລາ ມູເຈັງ ອຳນາດ ເກົາ ຮັບ ແຕ ອິມປໍ ເກົາ. ກະ ເກົາ ໂອນ ກວາຍ ກ້ອຍ ເບີນ ມັນໂຕຣ ໂປຣ່ງ ກາ ປາເລັງ ປູ້ ປັງ ລາລີ້.

<sup>29</sup> "ອາແລະ ເບີນ ກູຕູຣ, ໂອນ ໄລ່ ຊາງັດ ມັຮ ປັຣນາຍ ຣາເວົ້າຍ ເຢັງ ເຈົ້າຣາຊີ ອາຕີ ໂຈະ ມັຮ ມູ່ ກາ ຊາອຳ!"

### 3

ປັຣນາຍ ເຢຊູ ອາຕີ ໂອນ ມູ່ ກາ ຊາອຳ ຕິ່ງ ເມືອງ ຊາເດ

<sup>1</sup> "ອິງເຄາະ ໄມ່ ຄຽນ ໂອນ ແທວາດາ ກາ ຈ່ອຍ ມູ່ ກາ ຊາອຳ ຕິ່ງ ເມືອງ ຊາເດ ນະໄມ່: ໄມ່ ລາ ປັຣ ນາຍ ແຕ ອັນ ກາ ຢຸມ ຕາປູລ ກູອງ ມັນໂຕຣ, ກະ ອັນ ເບີນ ຣາເວົ້າຍ ເຢັງ ເຈົ້າຣາຊີ ແຮີ. ຣາເວົ້າຍ

ເຢັງ ເຈົ້າຣາຊີ ໄມ່ ເບີນ ຕາປູລ ຣາມັຮ ແຕ່ອໍ ອັນ ຈ່ອຍ ກວາຍ.

"ເກົາ ດັງ ເຈີ່ ມັຮ ຣານະ ເຢົາ ຕະ. ກວາຍ ກາ ນໍ້ອໍ ເຮີມ ນະ ເຢົາ ຕະ ຕາປູນ ເກົາ, ມາ ເຢົາ ຕາ ເບີນ ຕາປູນ ເກົາ. ໄມ່ ລາ ນະ ເມົາ ປາຍ ເຢົາ ອາ ມັງ, ມາ ເຢົາ ກູຈິດ! <sup>2</sup> ອິງເຄາະ ເຢົາ ຕາແມີ! ອາ ໄມ່ຣ ລັຮ ຣາງິຣ ອໍ ເຢົາ ອິນນ້ອງ ເບີນ ແຕ ຣານະ ເຢັງ ເຈົ້າຣາຊີ. ຄັນ ເຢົາ ຕາ ເບີນ ຕະ ອໍ ນະກ້ອຍ, ອິງກ້ອຮ ປຢາຍົ ຣາງິຣ ກ້ອຍ ແກັດ ປິດ ອິນແຍ່ ະ. ເກົາ ເຮີມ ມັຮ ຣານະ ເຢົາ ຕະ ລາ ຕາ ຢວາຮ ປ ຢາຍົ ລາລີ້ ຢັຮ ເມັງ ເຢັງ ເຈົ້າຣາຊີ. <sup>3</sup> ນະກ້ອຍ, ອິງເຄາະ ເຢົາ ຊາແຍີ ລັຮ ມັຮ ຣານະ ເຢົາ ຊາງັດ ກະ ອິດ ເຈີ່. ອິງເຄາະ ເຢົາ ຊາງັດ ມັຮ ຣານະ ກ້ອຍ ກະ ປຽນ ແກັດ ຣາງິຣ ຕາໄມ. ຄັນ ເຢົາ ມາ ຕາ ເບີນ ຊາງັດ ກະ ປຽນ ແກັດ ຣາງິຣ ຕາໄມ, ເກົາ ແຕ່ອໍ ປີ ເຢົາ ນະ ກວາຍ ຊາແວງ, ມາ ເຢົາ ຕາ ເບີນ ດັງ ບ້ອງ ແລະ ເກົາ ແຕ່ອໍ. <sup>4</sup> ມາ ອິນນ້ອງ ເບີນ ປິ່ຮ ນະ ແຕ ມູ່ ເຢົາ ກາ ແອັດ ຕິ່ງ ເມືອງ ຊາເດ ກາ ຕາ ເບີນ ຕະ ໂອນ ທາຣິງ ຕັອກ ໄລ່ ແກັດ ແປຣີ. ເຈີ່ ປັຣແນີ ມັນເຕຣົາ ໄລ່ ກ້ອຍ ແຊັບ ທາຣິງ ກູ່ອໍ ກະ ເປາະ ມັນຕຸ ກະ ເກົາ, ຍ່ອນ ປຢາຍົ ໂອນ ໄລ່ ເບີນ ມັຮ ກ້ອຍ. <sup>5</sup> ກວາຍ ອາແລະ ມາ ຣາຊູ່ ເຮົາບ ມັຮ ຣານະ ຕາ ອໍ, ປັຣແນີ ມັນເຕຣົາ ກວາຍ ກ້ອຍ ເບີ ນ ແຊັບ ທາຣິງ ກູ່ອໍ ມູເຈັງ ກ້ອຍ ເຕ່. ກະ ເກົາ ຕາ ເບີນ ອາປິດ ຣາມັຮ ອັນ ແຕ ປັງ ກາ ເບີນ ຣາມັຮ ກວາຍ ກາ ອາມັງ ເລືອຍໆ. ຢັຮ ເມັງ ອິມປໍ ເກົາ ກະ ມັຮ ແທວາດາ ອັນ, ເກົາ ຮັບ ກວາຍ ກ້ອຍ ລາ ກວາຍ ເກົາ. <sup>6</sup> "ອາແລະ ເບີນ ກູຕູຣ, ໂອນ ໄລ່ ຊາງັດ ມັຮ ປັຣນາຍ ຣາເວົ້າຍ ເຢັງ ເຈົ້າຣາຊີ ອາຕີ ໂຈະ ມັຮ ມູ່ ກາ ຊາອຳ!"

ປັຣນາຍ ເຢຊູ ອາຕີ ໂອນ ມູ່ ກາ ຊາອຳ ຕິ່ງ ເມືອງ ພິລາເດັນເພຍ

<sup>7</sup> "ອິງເຄາະ ໄມ່ ຄຽນ ໂອນ ແທວາດາ ກາ ຈ່ອຍ ມູ່ ກາ ຊາອຳ ຕິ່ງ ເມືອງ ພິລາເດັນເພຍ ນະໄມ່: ໄມ່ ລາ ປັຣນາຍ ແຕ ອັນ ກາ ບຣັຮ ອໍ ກະ ປຢາຍົ ເລືອ ຍໆ. ອັນ ເບີນ ອຳນາດ ຢຸມ ກອນ ກາແຈ ແຕ ເຕົາວ ປັຣເຢົາ ດາວິດ. ແຕ່ອໍ ອັນ ກາໄຕ່ຮ ກູຕັງ, ຕາ ເບີນ ເມົາ ແຕ່ອໍ ເປີຮ. ກະ ແຕ່ອໍ ອັນ ເປີຮ ກູ ຕັງ, ຕາ ເບີນ ເມົາ ແຕ່ອໍ ກາໄຕ່ຮ ມ້ອງ.

<sup>8</sup> "ເກົາ ດັງ ເຈີ່ ມັຮ ຣານະ ເຢົາ ຕະ. ເຢົາ ຕາ ເບີ ນ ອຳນາດ ປິ່ຮ ລາລີ້, ມາ ເຢົາ ຕາປູນ ປັຣນາຍ ເກົາ ກະ ຕາ ເບີນ ກາແລີຮ ຣາມັຮ ເກົາ. ນະກ້ອຍ, ເກົາ

ເປີສ ກູຕັ່ງ ໂອນ ເຍົາ ເຕ່ອ ມູ່ດ, ກະ ກູຕັ່ງ ກ້ອຍ ຕາ ເບີນ ເມົ້າ ການໍ່ອ ເຕ່ອ ກາໄຕ່ສ. <sup>9</sup> ເບີນ ມັສ ກວາຍ ກາ ຕາປູນ ຮານະ ເຢີງ ຊາຕານ. ໄລ່ ປາຍ ໄລ່ ລາ ກວາຍ ອິດຊະຮາເອລ, ມາ ໄລ່ ຕາ ແກິນ ກວາຍ ອິດຊະຮາເອລ. ໄລ່ ປາຍ ອາໂລກ ຊ້ອງ. ຫົາ ຕະ ໂອນ ໄລ່ ກູ່ ຮາໂກລ ກະ ຄຣາບ ແຈ່ ອາເຢີງ ເຍົາ. ເຈ້ ໄລ່ ເບີນ ດັງ ຫົາ ອາໂຢະ ເຍົາ. <sup>10</sup> ຍ່ອນ ເຍົາ ຈິວ ຊາອີ່ຍ ຮາມິ່ສ ຢໍອ ອີ ຕາປູນ ມັສ ປັຣ ນາຍ ຫົາ ປາຕັບ ເຍົາ, ນະກ້ອຍ ຫົາ ຕະ ໂອນ ເຍົາ ຕາ ເບີນ ຮາມິ່ສ ຕຸ່ສ ກັດ ອິນເຕົ້າ ຕິງ ຕາໂງ ຕຸ່ສ ກັດ ແຕ້ອ ປິ ກູ່ ກຣວາງ ໂອນ ລ່ອງ ກູ່ ນະ ກວາຍ ແອິດ ຕິງ ກູແຕ້ອ ໄນ່. <sup>11</sup> ຕາ ເບີນ ດຸ່ນ ນ້ອງ, ຫົາ ແຕ້ອ. ອິງເຄາະ ເຍົາ ຢຸມ ຈັບ ມັສ ຮາມິ່ສ ເຍົາ ເບີນ, ໂອນ ຕາ ເບີນ ເມົ້າ ເຕ່ອ ເຮົາດ ມັສ ຮາມິ່ສ ກ້ອຍ ແຕ ເຍົາ. ຄັນ ເຍົາ ຕັຣ ຮາມິ່ສ ກ້ອຍ, ປັຣແມັ ມັນເຕຣົາ ເຍົາ ແອິ ຫົາ.\* <sup>12</sup> ກວາຍ ອາ ແລະ ມາ ຮາຊູ່ ເຮົາບ ມັສ ຮານະ ຕາ ອໍ, ຫົາ ຕະ ໂອນ ກວາຍ ກ້ອຍ ແກິດ ນະ ຕາໂນລ ຕິງ ດຸງ ຊາງ ປິດ ເຢີງ ເຈົ້າຮາຊີ.† ກະ ກວາຍ ກ້ອຍ ຕາ ນາຍ ລ້ອຣ ນ້ອງ ແຕ ດຸງ ຊາງ ກ້ອຍ. ຫົາ ຄຣຸນ ຕິງ ຈະ ກວາຍ ກ້ອຍ ລາ ຮາມິ່ສ ເຢີງ ເຈົ້າຮາຊີ ຫົາ ກະ ຮາມິ່ສ ເມືອງ ເຢີງ ເຈົ້າຮາຊີ ຫົາ. ຮາມິ່ສ ເມືອງ ກ້ອຍ ລາ ເມືອງ ເຢຣູຊາເລັມ ຕາໄມ. ເຢີງ ເຈົ້າຮາຊີ ໂອນ ເມືອງ ກ້ອຍ ແຊງ ແຕ ມັນລ້ອງ. ກະ ຫົາ ຄຣຸນ ຮາມິ່ສ ຕາໄມ ຫົາ ຕິງ ກວາຍ ກ້ອຍ ແອິ.

<sup>13</sup> "ອາແລະ ເບີນ ກູຕູຣ, ໂອນ ໄລ່ ຊາງັດ ມັສ ປັຣນາຍ ຮາເວົ້າຍ ເຢີງ ເຈົ້າຮາຊີ ອາຕີ ມັສ ມູ່ ກາ ຊາອໍ!"

ປັຣນາຍ ເຢຊູ ອາຕີ ໂອນ ມູ່ ກາ ຊາອໍ ຕິງ ເມືອງ ລາວດີເກອາ

<sup>14</sup> "ອິງເຄາະ ໄມ່ ຄຣຸນ ໂອນ ເທວາດາ ກາ ຈ່ອຍ ມູ່ ກາ ຊາອໍ ຕິງ ເມືອງ ລາວດີເກອາ ນະໄມ່: ໄມ່ ລາ ປັຣນາຍ ແຕ ອັນ ກາ ເບີນ ຮາມິ່ສ ອາແມນ, ເຕ່ອ ເຍົາ ຊາອໍ ມັສ ປັຣນາຍ ອັນ ປາຍ ລາ ປາຍຍໍ ເລືອ ຍາ. ອັນ ຊົດ ກູ່ ຮາມິ່ສ ມັສ ເຢີງ ເຈົ້າຮາຊີ ແຕງ.

<sup>15</sup> "ຫົາ ດັງ ເຈ້ ມັສ ຮານະ ເຍົາ ຕະ. ເຍົາ ຕາ ເບີນ ອູອຍາຣ ອູໂອອ ຢໍອ ອີ ຊາອໍ ຫົາ, ມາ ເຍົາ ຕາ ເບີນ ຕັຣ ເລັຍ ຫົາ. ຮາງິ່ຣ ຫົາ ຢໍອ ລາລີ່ ເຍົາ ຊາອໍ ແຕິລາ ຕາ ເບີນ ຊາອໍ ເລັຍ. <sup>16</sup> ຍ່ອນ ເຍົາ ເບີນ ຮາງິ່ຣ ກາເຕີນາ, ນະກ້ອຍ ເຍົາ ລາ ນະ

ແຕ້ອ ຕາ ເບີນ ກູເຕົາ ກະ ຕາ ເບີນ ຢິນ, ມາ ອູຣາ ຊ້ອງ. ແຕ້ອ ກ້ອຍ ຫົາ ປັຣຸຣຍ ແຕ ແບອ ຫົາ. <sup>17</sup> ຫົາ ຊ້ອງ ເຍົາ ປາຍ ນະໄມ່: 'ອີ ຊຸ ເບີນ ເຈ້. ຕາ ເບີນ ແອິ ອິນເຕົ້າ ນ້ອງ. ຮິ ປຣຍາອ ລາລີ່.' ມາ ເຍົາ ຕາ ເບີນ ດັງ ເຍົາ ລາ ໂຕຍ ບາບ, ຕຸ່ສ ກາ ດິດ, ຊູດ ມັດ, ກະ ແອິດ ມູລາໂລະ. <sup>18</sup> ຫົາ ອາ ຕີ ເຍົາ ປາຍ: ອິງເຄາະ ເຍົາ ແຈັງ ແຢງ ກາ ເມົ້າ ໂຕະ ແຕ ຫົາ. ນະກ້ອຍ ເຍົາ ແກິດ ຊຸ ເບີນ ກຣັກ ລາລີ່. ອິງເຄາະ ເຍົາ ແຈັງ ເກຣັງ ກູ່ອ ແຕ ຫົາ ໂອນ ເຍົາ ແຊັບ, ໂອນ ເຍົາ ຕາ ເບີນ ແອິດ ມູລາໂລະ ນ້ອງ. ນະກ້ອຍ ເຍົາ ຕາ ເບີນ ຊ້ອງ ກູມາລ ຕະ ນ້ອງ. ກະ ອິງເຄາະ ເຍົາ ແຈັງ ຮາເຮົາ ແຕ ຫົາ ອາເຕົາ ຕິງ ມັດ ເຍົາ. ນະກ້ອຍ ມັດ ເຍົາ ແກິດ ບຣາງ ລັຣ. <sup>19</sup> ມັສ ກວາຍ ກາ ຫົາ ອາໂຢະ, ຫົາ ກາແອັຣ ກະ ຕະ ໂຕ່ ດ ໄລ່. ນະກ້ອຍ, ອິງເຄາະ ເຍົາ ເບີນ ຮາງິ່ຣ ອູອ ຍາຣ ອູໂອອ ລາລີ່ ຢໍອ ອີ ຊາອໍ, ກະ ອິງເຄາະ ເຍົາ ປັຣຸນ ແກິດ ຮາງິ່ຣ ຕາໄມ. <sup>20</sup> ຊານຸ່ ຫົາ ແອິດ ຕາ ຢິງ ແຈ່ ງັຣ ຕິງ, ກະ ຫົາ ກູອ ຢໍອ ອີ ມູ່ດ ດຸງ ເຍົາ. ຄັນ ເບີນ ກວາຍ ອາແລະ ມາ ຊ້ອງ ຊຽງ ຫົາ, ເຈ້ ເປີສ ໂອນ ຫົາ ມູ່ດ, ຫົາ ມູ່ດ ຈາ ມັນຕຸ ກະ ອັນ, ກະ ອັນ ຈາ ມັນຕຸ ກະ ຫົາ. <sup>21</sup> ກວາຍ ອາແລະ ມາ ຮາຊູ່ ເຮົາບ ມັສ ຮານະ ຕາ ອໍ, ຫົາ ໂອນ ກວາຍ ກ້ອຍ ຕາກູ ມັນຕຸ ກະ ຫົາ ຕິງ ອິນຕຸ ຫົາ ຊົດ, ມູ ເຈັງ ຫົາ ຮາຊູ່ ເຮົາບ ມັສ ຮານະ ຕາ ອໍ, ເຈ້ ຫົາ ເບີ ນ ຕາກູ ມັນຕຸ ກະ ອິນປໍ່ ຫົາ ຕິງ ອິນຕຸ ອັນ ຊົດ.

<sup>22</sup> "ອາແລະ ເບີນ ກູຕູຣ, ໂອນ ໄລ່ ຊາງັດ ມັສ ປັຣນາຍ ຮາເວົ້າຍ ເຢີງ ເຈົ້າຮາຊີ ອາຕີ ໂຈະ ມັສ ມູ່ ກາ ຊາອໍ!"

### 4

ອິນຕຸ ເຢີງ ເຈົ້າຮາຊີ ຕາກູ ຕະ ຊົດ ຕິງ ມັນ ລ້ອງ

<sup>1</sup> ແວັດ ກ້ອຍ ຫົາ ເຮີມ ມວຍ ງັຣ ຕິງ ເມົ້າ ເປີ ຮ ຕິງ ມັນລ້ອງ. ເຈ້ ຫົາ ຊ້ອງ ມວຍ ຊຽງ ເຣ່ງ ລາ ລີ່ ນະ ເມົ້າ ປົງ ແກ, ມູເຈັງ ຫົາ ຊ້ອງ ແຕ ອິນໂຍ່ງ ຊາ. ຊຽງ ກ້ອຍ ອາຕີ ຫົາ ປາຍ: "ໄມ່ ຊ້ອຣ ປິ ໄມ່. ຫົາ ໂອນ ໄມ່ ເຮີມ ມັສ ຮາມິ່ສ ອີ ແຕ້ອ ປັຣ ແມັ ມັນເຕຣົາ."

<sup>2</sup> ບັອງ ກາ ກ້ອຍ ແຕ້ ຮາເວົ້າຍ ເຢີງ ເຈົ້າຮາຊີ ແກິດ ຊົດ ຕິງ ຮາງິ່ຣ ຫົາ. ເຈ້ ຫົາ ເຮີມ ມານາ ກາ

\* **3:11** 3:11 ຕິງ ປັຣນາຍ ກຣິກ ອັນ ປາຍ: "ຫົາ ໂອນ ເຍົາ ເບີນ ກຸນຕຣວາອ." ກຸນຕຣວາອ ກ້ອຍ ເມົ້າ ຫ້ອຍ ໂອນ ກວາຍ ກາ ຕາລຸ່ສ ຮາຊິ ໄວ່ ກາເລີຍ ແຕ ການໍ່ອ. † **3:12** 3:12 ດຸງ ຊາງ ປິດ ເຢີງ ເຈົ້າຮາຊີ ລາ ຊາກໍ ແຕ ອິນແຍະ ມູ່ ກາ ຊາອໍ.

ເຈິ່ງ ກາ ເຕົາວ ປັຣເຍົາ ເກີ້ຍ ຕາກູ ແອັດ ຕິ່ງ ມັນ ລ້່ອງ. ກະ ເກົາ ເຮີມ ມານະ ແອັດ ຕາກູ ຕິ່ງ ກາເຈິ່ງ ງ ກ້ອຍ. <sup>3</sup> ຮູ່ບເຮີງ ອັນ ປາເລີງ ບິ່ງ ນະ ບິ່ງ ປາ ເລີງ ແຕ ຕາເມົາ ກາ ເບີນ ເກົາ ເປ່ງ ລາລີ້. ເມົາ ດໍອ໌ ຕາເມົາ ໄນ່ ລາ ແກວມະນີໂຊດ ກະ ແກວພິລາ. ກະ ເບີນ ມາເຣ່ງ ຍ້ອງ ປາເລີງ ຈວບ ອິນແຍ່ະ ອິນ ຕຸ ອັນ ຕາກູ. ມາເຣ່ງ ຍ້ອງ ໄນ່ ປາເລີງ ນະ ຕາ ເມົາ ເມົາ ດໍອ໌ ແກວມໍຣະກົດ. <sup>4</sup> ແອັດ ອິມແປຣ ກາເຈິ່ງ ເຕົາວ ປັຣເຍົາ ຕາກູ, ເບີນ ບາຣ ຈິດ ລາ ປູນ ກາເຈິ່ງ ແອັມ. ກະ ເບີນ ກວາຍ ເທົາ ບາຣ ຈິດ ລາ ປູນ ນະ ແອັດ ຕາກູ ຕິ່ງ ກາເຈິ່ງ ກ້ອຍ. ໄລ່ ແຊັບ ອາຍ້ອຣ ກູ້ອ໌, ກະ ໄລ່ ຕາປິ່ງ ກຸນຕຣວາອ໌ ແຢງ. <sup>5</sup> ແຕ ອິນຕຸ ເຕົາວ ປັຣເຍົາ ຕາກູ ເບີນ ຕາລ ຍາຣ ກະ ຊຽງ ນະ ກຣິ້ມ. ກະ ເບີນ ຕາປູລ ລຳ ຕາບອງ ເບີ ຍິຣ ເມີງ ອິນຕຸ ເຕົາວ ປັຣເຍົາ ຕາກູ. ຕາປູລ ລຳ ຕາບອງ ກ້ອຍ ລາ ຕາປູລ ຣາມິ້ຣ ຣາ ເວີຍ ເຢີງ ເຈົາຣາຊີ ເຕ່ອ໌ ຈ່ອຍ ກວາຍ. <sup>6</sup> ຍິ່ຣ ເມີງ ອິນຕຸ ເຕົາວ ປັຣເຍົາ ຕາກູ, ເກົາ ເຮີມ ແກວ ຕາວັຣ ນະ ແດີອ໌ ທາເລ. ແກວ ກ້ອຍ ຣາລັງ ລາ ລີ້. ເບີນ ປູນ ລຳ ຊັນຕຣັນ ແອັດ ອິມແປຣ ກາເຈິ່ງ ງ ເຕົາວ ປັຣເຍົາ ຕາກູ. ປູນ ລຳ ຊັນຕຣັນ ກ້ອຍ ເບີນ ມັດ ຊາອິ້ຍ ກູອງ, ຍິ່ຣ ເມີງ ກະ ຍິ່ຣ ກຣັອງ. <sup>7</sup> ຊັນຕຣັນ ມວຍ ເບີນ ຮູ່ບເຮີງ ນະ ຊິງ. ຊັນ ຕຣັນ ບາຣ ເບີນ ຮູ່ບເຮີງ ນະ ຕາແກງ. ຊັນຕຣັນ ໄປ ເບີນ ມາມ ນະ ກວາຍ. ກະ ຊັນຕຣັນ ປູນ ເບີ ນ ຮູ່ບເຮີງ ນະ ແຈມ ກາລາງ ບັອງ ກາ ອັນ ເປ ຣິຣ. <sup>8</sup> ກູ່ ປູນ ລຳ ຊັນຕຣັນ ກ້ອຍ ເບີນ ຕາປັດ ລຳ ຊານັງ. ໄລ່ ເບີນ ຊາອິ້ຍ ມັດ ຈວບ ຈະ, ກາ ຕິ່ງ ປື້ນ ຊານັງ ແຮີ. ຕາໂງ ກະ ຊາເດົາ ໄລ່ ປາຍ ເລືອ ຍາ:

"ບຣັຣ ອໍ, ບຣັຣ ອໍ, ບຣັຣ ອໍ  
 ລາ ເຢີງ ເຈົາຣາຊີ, ອິນເຈົາ ໄຮ!  
 ອັນ ຊົດ ແກ້ຍ ອິນແຍ່ະ ແຕ ການໍອ໌.  
 ອັນ ລາ ເຢີງ ກາ ອາມັງ ເລືອຍາ,  
 ແຕ ຕາແບີ ແຕ້ອ໌ ຊານໍ່,  
 ກະ ຈົນ ຊົດ ອິນແຍ່ະ ແດັຍ ກວາຍ."

<sup>9</sup> ບັອງ ກາ ປູນ ລຳ ຊັນຕຣັນ ກ້ອຍ ຍ່ອງ, ຢົາ ນັບ, ກະ ຊາແອັມ ອັນ ກາ ຕາກູ ຕິ່ງ ກາເຈິ່ງ ເຕົາວ ປັຣເຍົາ ກ້ອຍ, ອັນ ກາ ອາມັງ ຊົດ ແດັຍ, <sup>10</sup> ມູ ໂປຣ່ອ໌ ກ້ອຍ ກວາຍ ເທົາ ບາຣ ຈິດ ລາ ປູນ ນະ ໄລ່ ກູ່ ຣາໂກລ ຍິ່ຣ ເມີງ ອັນ ກາ ຕາກູ ຕິ່ງ ກາເຈິ່ງ ເຕົາວ ປັຣເຍົາ, ກະ ໄລ່ ຊາງ ອັນ, ລາ ອັນ ກາ ອາ

ມັງ ຊົດ ແດັຍ. ກະ ໄລ່ ຕວດ ກຸນຕຣວາອ໌ ແຢງ ແຕ ແປີ ໄລ່. ເຈິ່ ໄລ່ ອາຈຸຣ ຍິ່ຣ ເມີງ ກາເຈິ່ງ ເຕົາວ ປັຣເຍົາ ຕາກູ. ກະ ໄລ່ ປາຍ:  
<sup>11</sup> "ກູກຸຣ ເຢີງ ເຈົາຣາຊີ, ອິນເຈົາ ຮິ ເອີຍ!  
 ປຍາຍ ລາລີ້ ຮິ ຍ່ອງ ເຍົາ, ກະ ຢຳນັບ ເຍົາ,  
 ກະ ປຍາຍ ລາລີ້ ເຍົາ ຊົດ ກູ່ ຣາມິ້ຣ.  
 ຍ່ອນ ເຍົາ ແຕງ ກູ່ ຣາມິ້ຣ ກ້ອຍ ເຈິ່.  
 ກູ່ ຣາມິ້ຣ ກ້ອຍ ແກັດ ລາ ຍ່ອນ ເຍົາ ຍິ່ອ  
 ນະກ້ອຍ."

**5**

ແກະ ກອນ ກາ ກູຈິດ ຕາງ ກວາຍ

<sup>1</sup> ແວັດ ກ້ອຍ ເກົາ ເຮີມ ອັນ ກາ ຕາກູ ຕິ່ງ ກາ ເຈິ່ງ ເຕົາວ ປັຣເຍົາ, ຕິ່ງ ອາຕີ ອາຕຳ ອັນ ຢຸມ ປາ ນອມ ເຈຍ ກາ ເມົາ ຄຽນ ອິນແຍ່ະ ບາຣ ຕຣັຣ. ກະ ເມົາ ກາຕິຣ ຕາ ຕາປູລ ອິນຕຸ. <sup>2</sup> ເກົາ ເຮີມ ເຕ່ ມວຍ ແກວາດາ, ອັນ ກາ ບັນ ເຣ່ງ ລາລີ້. ອັນ ຕາ ແບີບ ເຣ່ງ ລາລີ້ ປາຍ: "ເມົາ ເບີນ ອຳນາດ ປຍາຍ ແຈອ໌ ອາລ້ອຣ ຕາ ແຕ ປານອມ ເຈຍ ໄນ່, ເຈິ່ ເປີ ຣ ປານອມ ເຈຍ ໄນ່?"

<sup>3</sup> ມາ ຕາ ເບີນ ເມົາ ແອັດ ຕິ່ງ ມັນລ້່ອງ, ແຕີລາ ຕິ່ງ ກູແຕອ໌, ແຕີລາ ຕິ່ງ ປື້ນ ກູແຕອ໌, ເຕ່ອ໌ ເປີຣ ກະ ເນ່ ຕິ່ງ ປານອມ ເຈຍ ກ້ອຍ. <sup>4</sup> ເກົາ ເຍີາມ ລາ ລີ້ ຍ່ອນ ຕາ ເບີນ ເມົາ ເບີນ ອຳນາດ ປຍາຍ ເປີຣ ກະ ເນ່ ຕິ່ງ ປານອມ ເຈຍ ກ້ອຍ. <sup>5</sup> ເຈິ່ ເບີນ ມານະ ແຕ ມູ່ ກວາຍ ເທົາ ກ້ອຍ ອາຕີ ເກົາ ປາຍ: "ອິນ ໂຈຍ ເຍີາມ. ເນ່ ປິ ກ້ອຍ! ເບີນ ຊິງ ແຕ ມູ່ ຢູດາ, ອັນ ກາ ແຕ ຈຸມເຈີອ ເຕົາວ ປັຣເຍົາ ດາວິດ, ອັນ ເຮົາບ ຣານະ ຕາ ອໍ ເຈິ່. ເຕ່ອ໌ ອັນ ແຈອ໌ ອາລ້ອຣ ຕາ ຕາປູລ ອິນຕຸ ກ້ອຍ, ເຈິ່ ເປີຣ ປານອມ ເຈຍ ກ້ອຍ."

<sup>6</sup> ເກົາ ລັບ ເນ່; ເຈິ່ ເກົາ ເຮີມ ມວຍ ລຳ ແກະ ກອນ ຕາຍິ່ງ ອິນຕີ ແຈ່ະ ກາເຈິ່ງ ກາ ເຕົາວ ປັຣເຍົາ ຕາກູ. ປູນ ລຳ ຊັນຕຣັນ ກ້ອຍ ກະ ມູ່ ກວາຍ ເທົາ ແອັດ ອິມແປຣ ອັນ. ແກະ ກອນ ກ້ອຍ ລາ ນະ ເມົາ ກາຈິດ ອັນ. ອັນ ເບີນ ຕາປູລ ລຳ ຕາກອຍ ກະ ຕາປູລ ກູອງ ມັດ. ມັດ ອັນ ຊາກຳ ແຕ ຕາປູລ ຣາມິ້ຣ ຣາເວີຍ ເຢີງ ເຈົາຣາຊີ ເຕ່ອ໌ ຈ່ອຍ ກວາຍ. ເຢີງ ເຈົາຣາຊີ ໂອນ ຣາເວີຍ ອັນ ລ້ອຣ ຈ່ອຍ ກວາ ຍ ຈວບ ອິນແຍ່ະ ຕິ່ງ ກູແຕອ໌ ໄນ່. <sup>7</sup> ແກະ ກອນ ກ້ອຍ ເປາະ ອິດ ປານອມ ເຈຍ ກ້ອຍ ແຕ ອາຕີ ອາ ຕຳ ອັນ ກາ ຕາກູ ຕິ່ງ ກາເຈິ່ງ ເຕົາວ ປັຣເຍົາ. <sup>8</sup> ບັອງ ກາ ອັນ ຕະ ນະກ້ອຍ, ໄລ່ ປູນ ລຳ ຊັນຕຣັນ ກະ



ບາຣ ຈິດ ລາ ປູນ ນະ ກວາຍ ເທົາ, ໄລ່ ກູ່ ຮາໂກລ ຢັ່ງ ເມີງ ແກະ ກອນ ກ້ອຍ. ກະ ກູ່ ນະ ໄລ່ ເບີນ ມານະ ມວຍ ລຳ ພິນ, ກະ ມານະ ມວຍ ແບງ ຕາ ງານ ແຢງ ກາ ປິ້ນ ເກຣັງ ປາຣວມ. ເກຣັງ ປາຣວມ ກ້ອຍ ລາ ມັຮ ປັຣນາຍ ກວາຍ ກາ ຕາປູນ ຮານະ ເຢີງ ເຈົ້າຮາຊີ ເກົາແຊອ. 9 ກະ ກູ່ ນະ ໄລ່ ລຳ ຍ່ອງ ແພງ ຕາໄມ ນະໄມ່:

"ປຍາຍ ລາລີ້ ເຍົາ ເບີນ ອຳນາດ ໂອນ ເຕ່ອ ເຍົາ ອິດ ປານອມ ເຈຍ ກ້ອຍ.

ກະ ປຍາຍ ເຍົາ ເຕ່ອ ແຈອ ອາລ້ອຣ ອິນຕຸ ເມົາ ກາຕິຣ ໂຈະ ຕາ ຕຶງ ປານອມ ເຈຍ ກ້ອຍ.

ຍ່ອນ ເມົາ ກາຈິດ ເຍົາ ເຈີ້.

ກະ ອາຮາມ ເຍົາ ໄທ ລັຮ ກວາຍ ໂອນ ເຕ່ອ ແອັດ ຣາຕອຍ ກະ ເຢີງ ເຈົ້າຮາຊີ.

ກວາຍ ກາ ເຍົາ ໄທ ກ້ອຍ ລາ ແຕ ກູ່ ມູ່, ກູ່ ປັຣນາຍ,

ກູ່ ຮາມິຣ ກວາຍ, ກະ ກູ່ ກຣວາງ.

10 ເຍົາ ຕະ ໂອນ ກວາຍ ກ້ອຍ ເກັດ ມວຍ ກຣວາງ.

ໄລ່ ຕະ ນະ ກວາຍ ຊາງ ຮິດ ເຢີງ ເຈົ້າຮາຊີ.

ກະ ປັຣເນີ ມັນເຕຣົາ ໄລ່ ເບີນ ຕະ ຊົດ ຕຶງ ກູແຕອ ໄມ່."

11 ບັອງ ກາ ເກົາ ເຮີມ ນະກ້ອຍ, ເກົາ ຊ້ອງ ຊຽງ ມັຮ ກາ ເທວາດາ. ໄລ່ ແອັດ ອິມແປຣ ກາເຈັງ ກາ ເຕົາວ ປັຣເຍົາ ຕາກູ, ອິມແປຣ ປູນ ລຳ ຊັນຕຣັນ,

ກະ ອິມແປຣ ມູ່ ກວາຍ ເທົາ. ຊາອິ້ຍ ລາລີ້ ເທວາດາ ກ້ອຍ, ຕາ ເຮົາບ ມັບ ນ້ອງ. 12 ອິນແຍະ ມັຮ ເທວາດາ ກ້ອຍ ລຳ ຍ່ອງ ເຣັງ ລາລີ້ ປາຍ:

"ປຍາຍ ລາລີ້ ເມົາ ຍຳນັບ, ເມົາ ຍ່ອງ,

ກະ ເມົາ ຊາແອິນ ແກະ ກອນ ກາ ເມົາ ກາຈິດ ເຈີ້,

ຍ່ອນ ອັນ ເບີນ ອຳນາດ, ເບີນ ມູ່ນ,

ເບີນ ຮາໂງ່ອ ຮາລັງ, ກະ ເບີນ ເຣັງ!"

13 ກະ ເກົາ ຊ້ອງ ກູ່ ຮາມິຣ ກາ ແອັດ ຕຶງ ມັນ ລ້ອງ, ຕຶງ ກູແຕອ, ປິ້ນ ກູແຕອ, ຕຶງ ແດັອ ທາເລ,

ກະ ກູ່ ຮາມິຣ ການໍອ ແຮ, ມັຮ ກາ ເຢີງ ເຈົ້າຮາຊີ ແຕງ ເຈີ້. ອິນແຍະ ມັຮ ຮາມິຣ ກ້ອຍ ປາຍ ນະໄມ່:

"ອີງເຄາະ ໄຮ ຍ່ອງ ກະ ຍຳນັບ ເລືອຍໆ

ອັນ ກາ ຕາກູ ຕຶງ ກາເຈັງ ເຕົາວ ປັຣເຍົາ ກະ ແກະ ກອນ ກ້ອຍ.

ອັນ ເບີນ ອຳນາດ ອາງອິຣ ກະ ອັນ ຕະ ຊົດ ແຕ

ໄມ່ ເຈີ້ ປິ ເມີງ,

ຊົດ ແດັຍ ເລີ້ຍ ກູມໍ."

14 ເຈີ້, ປູນ ລຳ ຊັນ ຕຣັນ ກ້ອຍ ປາຍ: "ອາແນນ!"

ກະ ມັຮ ກວາຍ ເທົາ ກ້ອຍ, ໄລ່ ກູ່ ຮາໂກລ ກະ ຊາງ ອັນ.

## 6

ແກະ ກອນ ແຈອ ອາລ້ອຣ ຕາ ກາຕິຣ ແຕ ປຶງ ກ້ອຍ

1 ແວັດ ກ້ອຍ ເກົາ ເຮີມ ແກະ ກອນ ກ້ອຍ ແຈອ ອາລ້ອຣ ອິນຕຸ ກາ ມວຍ ກາ ເມົາ ກາຕິຣ ຕາ ຕຶງ ປານອມ ເຈຍ ກ້ອຍ. ກະ ເກົາ ຊ້ອງ ຊັນຕຣັນ ມາ ນຳ ແຕ ຊັນຕຣັນ ກາ ປູນ ລຳ ກ້ອຍ ກູອ ເກົາ ປາຍ: "ໄມ່ ແຕ້ອ ປິ ໄມ່!"

ຊຽງ ອັນ ລາ ນະ ກຣິມ ຕັນຕິຣ. 2 ເກົາ ແ່ ປິ ກ້ອຍ, ເຈີ້ ເກົາ ເຮີມ ມວຍ ລຳ ອາແຊັຣ ກູອ. ກວາຍ ກາ ຈິຣ ອາແຊັຣ ກ້ອຍ ຢຸມ ມວຍ ລຳ ຊານາ. ເມົາ ໂອນ ອັນ ເບີນ ກຸນຕຣວາອ ຕະ ໂອນ ເມົາ ດັງ ອັນ ຮາຊູ່ ເຮົາບ. ເຈີ້ ອັນ ເປາະ, ກະ ກູ່ ອິນຕຸ ອັນ ເປາະ, ລາ ອັນ ເບີນ ເຮົາບ.

3 ເຈີ້ ເກົາ ເຮີມ ແກະ ກອນ ກ້ອຍ ແຈອ ອາລ້ອຣ ອິນຕຸ ກາ ບາຣ ແອັນ, ກະ ເກົາ ຊ້ອງ ຊັນຕຣັນ ກາ ບາຣ ອາຕິ ເກົາ ປາຍ: "ໄມ່ ແຕ້ອ ປິ ໄມ່!"

4 ເບີນ ມວຍ ລຳ ອາແຊັຣ ການໍອ ແຕ້ອ. ອາແຊັຣ ກ້ອຍ ລາ ກູເຊົາ. ກວາຍ ກາ ຈິຣ ອາແຊັຣ ກ້ອຍ, ອັນ ເບີນ ອຳນາດ ເຕ່ອ ຕະ ໂອນ ກວາຍ ຕຶງ ກູແຕອ ມານະ ຮາຈິລ ໂຈະ ມານະ, ມານະ ກາ ຈິດ ມານະ. ກະ ເມົາ ໂອນ ກວາຍ ກ້ອຍ ມວຍ ປູາ ດາວ ປິດ ລາລີ້.

5 ເຈີ້ ແກະ ກອນ ກ້ອຍ ແຈອ ອາລ້ອຣ ອິນຕຸ ກາ ໄປ ແອັນ, ກະ ເກົາ ຊ້ອງ ຊັນຕຣັນ ກາ ໄປ ອາຕິ ເກົາ: "ໄມ່ ແຕ້ອ ປິ ໄມ່!"

ເກົາ ແ່ ປິ ກ້ອຍ, ເຈີ້ ເກົາ ເຮີມ ມວຍ ລຳ ອາແຊັຣ ກູມ. ອັນ ກາ ຈິຣ ອາແຊັຣ ກ້ອຍ, ອັນ ຢຸມ ມວຍ ລຳ ຈິງ ເມົາ ແຕັດ. 6 ກະ ເກົາ ຊ້ອງ ມວຍ ຊຽງ ແຕ້ອ ແຕ ປູນ ລຳ ຊັນຕຣັນ ກ້ອຍ. ຊຽງ ກ້ອຍ ປາຍ: "ໄມ່ ໂອນ ທຣໍ ຊາລີ ແອັງ ມວຍ ໂລ ລາ ເກົາ ກວາຍ ທູແທ ມວຍ ຕາໄງ. ກະ ໄມ່ ໂອນ ທຣໍ ບາລີ ແອັງ ໄປ ໂລ ລາ ເກົາ ກວາຍ ທູແທ ຕຶງ ມວຍ ຕາໄງ ແຕ່. ເປັງ ລາລີ້ ເກຣັງ ຮາແວັຣ ຈາ! ມາ ອິນໂຈຍ ຕາລຸຣ ແດັອ ອິນຊິງ ແຕ ປາໄລ ອາໂປນ, ກະ ອິນໂຈຍ ຕາລຸຣ ບັອງ ແຕ ປາໄລ ອາງຸນ!"

7 ເຈົ້າ ແກະ ກອນ ກ້ອຍ ແຈອ໌ ອາລ້ອຣ ອິນຕຸ ກາ ປູນ ແອັນ, ກະ ເກົາ ຊ້ອງ ຊັນຕຣັນ ກາ ປູນ ກ້ອຍ ອາຕີ ເກົາ ປາຍ: "ໄມ່ ແຕ້ອ໌ ບໍ່ ໄມ່!"

8 ເກົາ ເນ່ ບໍ່ ກ້ອຍ, ເຈົ້າ ເກົາ ເຮີມ ມວຍ ລຳ ອາ ແຊ້ຣ ປູ່. ອັນ ກາ ຈິຣ ອາແຊ້ຣ ກ້ອຍ ເບີນ ຮາມິຣ 'ກູຈິດ', ກະ ເບີນ ມານະ ແອັນ ຕາປູນ ອິນຕຸນ ກຣ້ອງ ກວາຍ ກ້ອຍ. ກວາຍ ກາ ບາຣ ກ້ອຍ ເບີ ນ ຮາມິຣ 'ອິນຕຸ ກວາຍ ກູຈິດ ແອິດ.' ເມົາ ໂອນ ໄລ່ ເບີນ ອຳນາດ ກາຈິດ ມວຍ ຈຸ ແຕ ປູນ ຈຸ ມັຣ ກວາຍ ຕິ່ງ ກູແຕອ໌. ອັນ ກາ ກູຈິດ ແຕ ດາວ. ອັນ ກາ ກູຈິດ ມາເຍີຍຣ ຊາລາອ໌. ອັນ ກາ ກູຈິດ ອາ ອິ່. ອັນ ກາ ກູຈິດ ຍ່ອນ ແຕ ຊັນຕຣັນ ແຮ້ງ ກາ ແອິດ ຕິ່ງ ອາຣິຍຣ.

9 ເຈົ້າ ແກະ ກອນ ກ້ອຍ ແຈອ໌ ອາລ້ອຣ ອິນຕຸ ກາ ເຊິງ ແອັນ. ເກົາ ເຮີມ ປິ້ນ ຊັນຕຣາງ ຮິ່ດ ຊາງ ຕິ່ງ ມັນລ້ອງ ເບີນ ຮາເວີຍ ມັຣ ກວາຍ ກາ ເມົາ ກາຈິດ ຍ່ອນ ໄລ່ ຊາອຳ ປຣນາຍ ເຢີງ ເຈົ້າຮາຊີ, ກະ ຍ່ອນ ໄລ່ ອາຕີ ປຣນາຍ ກ້ອຍ. 10 ໄລ່ ກູອ໌ ເຮັງ ລາລີ່ ປາຍ: "ເອີ ອິນເຈົ້າ ຮິ ເອີຍ! ເຍົາ ລາ ບຣັຣ ອໍ ກະ ເຍົາ ຕະ ປຍາຍ໌ ເລືອຍໆ! ອິນນ້ອງ ມາແລ່ະ ດຸ່ນ ແຕ ເຍົາ ຕັດຊິ່ນ ກວາຍ ແອິດ ຕິ່ງ ກູ ແຕອ໌? ກະ ອິນນ້ອງ ມາແລ່ະ ດຸ່ນ ເຍົາ ອີ ກັຣລັຣ ແດັອ໌ ໂຈະ ໄລ່ ກາ ກາຈິດ ຮິ?"

11 ເຈົ້າ ເມົາ ໂອນ ກູ່ ນະ ມັຣ ກວາຍ ກ້ອຍ ມານະ ມວຍ ປູ້ຣ ອາຍ້ອຣ ກູ້ອ໌ ຕີ່, ກະ ເມົາ ອາຕີ ໄລ່ ປາຍ: "ອີງເຄາະ ເຍົາ ເກຣາະ ອິນນ້ອງ ບີອ໌ ຕາ ໄງ, ຈົນ ເມົາ ກາຈິດ ກູ່ ນະ ມັຣ ແຊມອາຍ ກະ ເຍົາ ເຍົາ ກາ ເມົາ ອີ ກາຈິດ ມູເຈິງ ເຍົາ ຕ່."

12 ເຈົ້າ ເກົາ ເຮີມ ແກະ ກອນ ກ້ອຍ ແຈອ໌ ອາ ລ້ອຣ ອິນຕຸ ກາ ຕາປັດ ແອັນ. ເຈົ້າ ກູແຕອ໌ ຮາ ໄມ່ ກູກິດ ຮັບ ລາລີ່; ມັດ ມານາງ ແກິດ ການຳ ນະ ອາຣີ ກູມ ກາຕັງ; ກະ ຮາລັງ ກາໄຊ ແກິດ ກູ ເຊົາ ນະ ອາຮາມ. 13 ເຈົ້າ ມັຣ ມັນໂຕຣ ແຕ ມັນ ລ້ອງ ຊາແລ້ຣ ຕິ່ງ ກູແຕອ໌, ນະ ປາໄລ ລາວັຣ ອາ ຮະ ຊາແລ້ຣ ຕິ່ງ ກູແຕອ໌ ແຕ້ອ໌ ກູຢາລ ແປຼ່ ຮັບ ໂຈະ ກັລ ອັນ. 14 ມັນລ້ອງ ແກິດ ປັດ ນະ ເຈຍ ກາ ເມົາ ປອມ ດໍອ໌. ກູ່ ກັຣ ກະ ກູ່ ໂບດ ຮາຊີອ໌ ບໍ່ ການໍອ໌ ແອັນ. 15 ເຈົ້າ ມັຣ ກວາຍ ເຕົາວ ປັຣເຍົາ ຕິ່ງ ກູແຕອ໌ ກະ ມັຣ ກວາຍ ຊົດ ການໍອ໌, ມັຣ ກວາ ຍ ຊົດ ຕາຮານ, ມັຣ ກວາຍ ຊຸ ເບີນ, ມັຣ ກວາຍ ປັດ, ມັຣ ກວາຍ ຊູລ, ກະ ມັຣ ກວາຍ ຕາ ເບີນ

ຊູລ, ກູ່ ນະ ໄລ່ ໂຕ່ະ ຕິ່ງ ກັບ ກະ ຕິ່ງ ປິ້ນ ຕາເມົາ ຕິ່ງ ກັຣ. 16 ໄລ່ ກູອ໌ ກັຣ ກະ ຕາເມົາ ປັດ, ປາຍ: "ເອົາ ແຊອ໌ ຊາແລ້ຣ ຕິ່ງ ຈະ ຮິ ໂອນ ຕະ ແກຣະ ຈະ ຮິ ແຕ ເມົາງ ອັນ ກາ ຕາກູ ຕິ່ງ ກາເຈິ່ງ ເຕົາວ ປັຣເຍົາ! ກະ ຕະ ໂອນ ຮິ ວຍາຣ ແຕ ອາຕີ ແກະ ກອນ ກ້ອຍ, ອັນ ກາ ອີ ຕະ ຮິ, 17 ຍ່ອນ ແຕ້ອ໌ ເຈົ້າ ຕາໄງ ໄລ່ ກັຣລັຣ ແດັອ໌. ຕາ ເບີນ ເມົາ ເຕ່ອ໌ ວ ຍາຣ ແວັດ ແຕ ອາຕີ ໄລ່!"

7

ມວຍ ແຊມ ປູນ ຈິ່ດ ລາ ປູນ ປັນ ນະ ກວາຍ ອິດຊະຮາເອລ

1 ແວັດ ກ້ອຍ, ເກົາ ເຮີມ ປູນ ນະ ເທວາດາ, ໄລ່ ຕາຍິ່ງ ຕິ່ງ ປູນ ເປີບ ມັນລ້ອງ ກຣຸ່, ມານະ ມວຍ ເປີບ. ໄລ່ ກາຕັງ ກູຢາລ ກາ ແຕ້ອ໌ ແຕ ປູນ ເປີ ບ ກ້ອຍ, ໂອນ ກູຢາລ ຕາ ເບີນ ແປຼ່ ນ້ອງ ໂຈະ ກູ ແຕອ໌, ແຕ້ລາ ໂຈະ ແດັອ໌ ທາເລ, ແຕ້ລາ ໂຈະ ອາ ລ້ອງ ອາໄລ່. 2 ກະ ເກົາ ເຮີມ ມວຍ ເທວາດາ ການໍ ອ໌ ແຕ້ອ໌ ແຕ ຍັຣ ມານາງ ລ້ອຣ. ອັນ ຢຸມ ເກຣິ່ງ ກາຕິຣ ຕາ ໂຈະ ກວາຍ ອາແລ່ະ ກາ ເຢີງ ເຈົ້າຮາ ຊີ, ອັນ ກາ ອາມັງ ເລືອຍໆ, ງິ່ນ ປາຍ ກວາຍ ອັນ. ເທວາດາ ກ້ອຍ ກູອ໌ ເຮັງ ລາລີ່ ປູນ ນະ ເທວາດາ ກາ ເຢີງ ເຈົ້າຮາຊີ ໂອນ ເບີນ ອຳນາດ ຕາລຸຣ ກູ ແຕອ໌ ກະ ແດັອ໌ ທາເລ. 3 ອັນ ອາຕີ ປູນ ນະ ເທວາ ດາ ກ້ອຍ ປາຍ: "ອິນໂຈຍ ຕະ ອິນເຕົ້າ ໂຈະ ກູ ແຕອ໌, ແຕ້ລາ ແດັອ໌ ທາເລ, ແຕ້ລາ ອາລ່ອງ ອາໄລ່ ໂອນ ຈົນ ແຕ້ອ໌ ຮິ ກາຕິຣ ຕາ ຕິ່ງ ກາລຍາອ໌ ມັຣ ກວາຍ ກາ ຕະ ຮານະ ເຢີງ ເຈົ້າຮາຊີ ໄຣ."

4 ກະ ເກົາ ຊ້ອງ ເມົາ ປາຍ ມັຣ ກວາຍ ກາ ເມົາ ກາຕິຣ ຕາ ກ້ອຍ ລາ ມວຍ ແຊມ ປູນ ຈິ່ດ ລາ ປູນ ປັນ ນະ. ໄລ່ ກ້ອຍ ລາ ແຕ ມວຍ ຈິ່ດ ລາ ບາຣ ມູ່ ກວາຍ ອິດຊະຮາເອລ.

5 ແຕ ມູ່ ຢູດາ ເບີນ ມວຍ ຈິ່ດ ລາ ບາຣ ປັນ ນະ. ແຕ ມູ່ ຮູເບີນ ເບີນ ມວຍ ຈິ່ດ ລາ ບາຣ ປັນ ນະ. ແຕ ມູ່ ກາດ ເບີນ ມວຍ ຈິ່ດ ລາ ບາຣ ປັນ ນະ.

6 ແຕ ມູ່ ອາເຊ ເບີນ ມວຍ ຈິ່ດ ລາ ບາຣ ປັນ ນະ. ແຕ ມູ່ ເມັບທາລີ ເບີນ ມວຍ ຈິ່ດ ລາ ບາຣ ປັນ ນະ.

ແຕ ມູ່ ມານາເຊ ເບີນ ມວຍ ຈິ່ດ ລາ ບາຣ ປັນ ນະ.

7 ແຕ ມູ່ ຊີເມໂອນ ເບີນ ມວຍ ຈິ່ດ ລາ ບາຣ ປັນ ນະ.

ແຕ ມູ່ ເລວີ ເບີນ ມວຍ ຈິ່ດ ລາ ບາຣ ປັນ ນະ.

ແຕ ມູ່ ອິດຊາຄາ ເບີນ ມວຍ ຈິ່ດ ລາ ບາຣ ປັນ ນະ.

8 ແຕ ມູ່ ເຊບູໂລນ ເບີນ ມວຍ ຈິ່ດ ລາ ບາຣ ບັນ  
ນະ.  
ແຕ ມູ່ ໂຍເຊັບ ເບີນ ມວຍ ຈິ່ດ ລາ ບາຣ ບັນ ນະ.  
ກະ ແຕ ມູ່ ເບັນຢາມິນ ເບີນ ມວຍ ຈິ່ດ ລາ ບາຣ  
ບັນ ນະ.

ກວາຍ ກຼິ້ງ ເມົາ ຕາ ເຕ້ອ ນັບ

9 ແວັດ ກ້ອຍ ເກົາ ເມ່, ເຈີ່ ເກົາ ເຮີມ ກຼິ້ງ ລາລີ້  
ກວາຍ, ຕາ ເຮີບ ນັບ ນ້ອງ. ກວາຍ ກ້ອຍ ແຕ້ອ  
ແຕ ກູ່ ກຣວາງ, ກູ່ ຈຸ່ມ, ກູ່ ຊາແມັດ ກວາຍ, ກະ ກູ່  
ປຣນາຍ. ໄລ່ ຕາຢິ່ງ ຍັ່ນ ມືງ ກາເຈິ່ງ ກາ ເຕົາວ  
ປຣເຍົາ ຕາກູ, ກະ ຍັ່ນ ມືງ ແກະ ກອນ. ໄລ່ ແຊັບ  
ອາຍັອຣ ກູ້ອ ຕີ່, ກະ ໄລ່ ຢຸມ ອົງກວາງ ຕາວາອ.   
10 ໄລ່ ກູ້ອ ເຣ່ງ ລາລີ້ ປາຍ: "ເຢີງ ເຈົາຣາຊີ ໄຣ,  
ອັນ ກາ ຕາກູ ຕິ່ງ ກາເຈິ່ງ ເຕົາວ ປຣເຍົາ, ກະ ແກະ  
ກອນ ກ້ອຍ, ໄລ່ ແຕ້ອ ຈ່ອຍ ອາມິ່ງ ໄຣ!"

11 ນະກ້ອຍ ອິນແຍ່ະ ມັຣ ເທວາດາ ແອັດ ຕາ  
ຢິ່ງ ອິມແປຣ ກາເຈິ່ງ ກາ ເຕົາວ ປຣເຍົາ ຕາກູ, ອິມ  
ແປຣ ມັຣ ກວາຍ ເທົາ, ກະ ອິມແປຣ ປູນ ລາ ຊັນ  
ຕຣັນ. ເຈີ່ ອິນແຍ່ະ ມັຣ ເທວາດາ ກ້ອຍ ກູ່ ຣາ  
ໂກລ ຍັ່ນ ມືງ ກາເຈິ່ງ ກາ ເຕົາວ ປຣເຍົາ ຕາກູ, ກະ  
ໄລ່ ຊາງ ເຢີງ ເຈົາຣາຊີ, ປາຍ: 12 "ອາແມນ! ອົງ  
ເຄາະ ໄຣ ຍ່ອງ, ຢ້ານັບ, ກະ ຊາແອັມ ເຢີງ ເຈົາຣາ  
ຊີ ໄຣ, ຍ່ອນ ອັນ ເບີນ ອາງອິຣ, ເບີນ ອໍານາດ,  
ເບີນ ເຣ່ງ, ກະ ເບີນ ຣາໂງ່ອ ຣາລັງ. ໂອນ ອິນແຍ່ະ  
ຣາມິຣ ກ້ອຍ ແຕ້ອ ປິ ອັນ ຊົດ ແດັຍ ເລີຍ ກູມ!  
ອາແມນ!"

13 ເຈີ່ ເບີນ ມານະ ແຕ ມູ່ ກວາຍ ເທົາ ກ້ອຍ ຕາ  
ແບັບ ເກົາ ປາຍ: "ກວາຍ ອິນເຕົາ ໄລ່ ກາ ແຊັບ ອາ  
ຍັອຣ ກູ້ອ ຕີ່ ກ້ອຍ? ກະ ແຕ ແລະ ໄລ່ ແຕ້ອ?"

14 ເກົາ ຕາແອັຍ ອັນ ປາຍ: "ອາຈວາຍຣ ເອີຍ!  
ແອັງ ອາຈວາຍຣ ແຕ້ ດັງ ແຕ ຣາມິຣ ກ້ອຍ."

ເຈີ່ ອັນ ອາຕີ ເກົາ ປາຍ: "ໄນ່ ລາ ກວາຍ ກາ ຈິວ  
ມັຣ ຣາມິຣ ຕຸ່ຣ ກັດ ກາ ປິດ ລາລີ້ ຕິ່ງ ກູແຕອ.   
ໄລ່ ປິຣ ອາຍັອຣ ຕີ່ ໄລ່ ໂອນ ແກັດ ກູ້ອ ລາລີ້ ເຈີ່.  
ຍ່ອນ ອາຣາມ ແກະ ກອນ ກ້ອຍ, ອາຍັອຣ ຕີ່ ໄລ່  
ແກັດ ກູ້ອ. 15 ຍ່ອນ ນະກ້ອຍ, ໄລ່ ເຕ້ອ ແອັດ ຕາ  
ຢິ່ງ ຍັ່ນ ມືງ ເຢີງ ເຈົາຣາຊີ ດ້ອ ຕະ ຣານະ ອັນ ກູ່  
ຣາໂງ່ ກູ່ ຊາເດົາ ຕິ່ງ ດຸງ ຊາງ ປິດ ອັນ. ອັນ ກາ ຕາ  
ກູ ຕິ່ງ ກາເຈິ່ງ ເຕົາວ ປຣເຍົາ ກ້ອຍ, ອັນ ກຍາອ ປາ  
ຊີ ເລືອຍໆ ໄລ່. 16 ໄລ່ ຕາ ເບີນ ຊ້ອງ ມາເຍົາຣ  
ຊາລາອ ນ້ອງ; ກະ ມັດ ມານາງ, ແຕ່ລາ ພວາອ ກາ  
ກູເຕົາ, ລາ ຕາ ເບີນ ຕະ ໂອນ ໄລ່ ຊ້ອງ ອາອີ ນ້ອງ,

17 ຍ່ອນ ແກະ ກອນ ກາ ແອັດ ຍັ່ນ ມືງ ກາເຈິ່  
ງ ກາ ເຕົາວ ປຣເຍົາ ຕາກູ, ອັນ ແຈມ ໄລ່. ອັນ  
ແຕ້ ແກັດ ກວາຍ ແມ່ ຊາລີອ ໄລ່, ເດິງ ໄລ່ ແຕ້ອ ປິ  
ແຕ້ອ ກ້ອຣ ກາ ໂອນ ອາມິ່ງ. ກະ ເຢີງ ເຈົາຣາຊີ ປິ  
ວາດ ຊັຣລັງ ມັດ ກູ່ ຕັນເຢາະ ແຕ ມັດ ໄລ່."

## 8

ແກະ ກອນ ແຈອ ອາລັອຣ ຕາ ອິນຕຸ ກາ ຕາ  
ປູລ

1 ບັອງ ກາ ແກະ ກອນ ກ້ອຍ ແຈອ ອາລັອຣ ຕາ  
ອິນຕຸ ກາ ຕາປູລ ຕິ່ງ ປິ່ງ ກ້ອຍ, ຣາງຍາອ ຕິ່ງ ມັນ  
ລ້ອງ; ຕາ ເບີນ ອິນນັຣ ອິນເຕົາ ມາຣ ຕາດີ່ ຊາ  
ໂມງ. 2 ເຈີ່ ເກົາ ເຮີມ ຕາປູລ ນະ ເທວາດາ ກາ ຕາ  
ຢິ່ງ ຍັ່ນ ມືງ ເຢີງ ເຈົາຣາຊີ. ກະ ເບີນ ເມົາ ອາ  
ແວີຍ ໂອນ ໄລ່ ຕາປູລ ລໍາ ແກ.

3 ເບີນ ມວຍ ເທວາດາ ການໍ້ອ ແຕ້ອ. ອັນ  
ແອັດ ຕາຢິ່ງ ແຈະ ຊັນເຕຣີງ ຣິດ ຊາງ ເຢີງ ເຈົາຣາ  
ຊີ. ອັນ ຢຸມ ມວຍ ອາແດັຣ ແກດ ເມົາ ຕະ ແຕ  
ແຢງ. ເມົາ ໂອນ ອັນ ຊາອິ້ຍ ເກຣັງ ປາຣວມ ໂອນ  
ໂຈະ ຕິ່ງ ອາແດັຣ ກ້ອຍ. ເຈີ່ ອັນ ມ່ອບ ຊາງ ເກ  
ຣັງ ກ້ອຍ ໂອນ ເຢີງ ເຈົາຣາຊີ ຕິ່ງ ຊັນເຕຣີງ ຣິດ  
ແຢງ ກາ ແອັດ ຍັ່ນ ມືງ ກາເຈິ່ງ ເຕົາວ ປຣເຍົາ ຕາ  
ກູ. ອັນ ຊາງ ເກຣັງ ປາຣວມ ກ້ອຍ ມັນຕຸ ກະ ມັຣ  
ປຣນາຍ ເກົາແຊອ ແຕ ກວາຍ ກາ ຕາປູນ ຣານະ  
ເຢີງ ເຈົາຣາຊີ. 4 ປາຣຍາອ ເກຣັງ ປາຣວມ ແຕ  
ອາແດັຣ ກາ ເທວາດາ ກ້ອຍ ຢຸມ ຍັ່ນ ມືງ ເຢີງ  
ເຈົາຣາຊີ, ປາຣຍາອ ກ້ອຍ ຊ້ອຣ ມວຍ ເປຣີຣ ກະ  
ມັຣ ປຣນາຍ ເກົາແຊອ ແຕ ໄລ່ ກາ ຕາປູນ ຣານະ  
ເຢີງ ເຈົາຣາຊີ. 5 ເຈີ່ ເທວາດາ ກ້ອຍ ອິດ ອູ່ຍຣ  
ແຕ ຊັນເຕຣີງ ຣິດ, ກະ ອັນ ໂຈະ ອູ່ຍຣ ກ້ອຍ ຕິ່ງ  
ອາແດັຣ. ແວັດ ກ້ອຍ, ອັນ ແກງ ອາແດັຣ ປິ ກູ  
ແຕອ. ເຈີ່ ແກັດ ກຣິມ ກະ ຊຽງ ຕັນຕິຣ, ແກັດ  
ຕາລຍາຣ, ກະ ກູແຕອ ກູກິດ.

ຕາປູລ ເທວາດາ ປິ່ງ ແກ

6 ເຈີ່ ໄລ່ ຕາປູລ ນະ ເທວາດາ ກາ ເບີນ ຕາປູ  
ລ ລໍາ ແກ, ໄລ່ ກຽມ ດໍອ ອີ ປິ່ງ ແກ. 7 ເທວາດາ  
ກາ ມວຍ, ອັນ ປິ່ງ ແກ ອັນ. ເຈີ່ ເບີນ ປາແຣລ ກະ  
ອູ່ຍຣ ກັຣຈຸ ກະ ອາຣາມ ແຊງ ປິ ກູແຕອ ໄນ່. ເຈີ່  
ກາດ ມວຍ ວັກ ແຕ ໄປ ວັກ ກູແຕອ ໄນ່. ກະ ກາດ  
ເຕ່ ມວຍ ວັກ ແຕ ໄປ ວັກ ມັຣ ອາລ່ອງ ອາໄລ່ ຕິ່ງ  
ກູແຕອ. ກະ ມັຣ ກາ ບັດ ລາ ກາດ ອິນແຍ່ະ.

8 ແວ້ດ ກ້ອຍ, ເທວາດາ ກາ ບາຣ ແອັນ ປົງ ແກ ອັນ. ເຈີ່ ເກົາ ເຮີມ ນະ ກົຣ ປັດ ລາລີ້ ກາ ເງີ ອູ່ຍຣ ເມົາ ອາປັອງ ຕັຣ ປີ ແດີອ໌ ທາເລ. ເຈີ່ ມວຍ ວັກ ແຕ ໄປ ວັກ ແດີອ໌ ທາເລ ແກັດ ນະ ອາຣາມ. 9 ມັຣ ຣາມິຣ ກາ ອາມັງ ຕິງ ແດີອ໌ ທາເລ, ມວຍ ວັກ ແຕ ໄປ ວັກ ກູຈິດ. ກະ ມັຣ ກາ ຕົວະ ແອັດ ຕິງ ແດີອ໌ ທາເລ, ມວຍ ວັກ ແຕ ໄປ ວັກ ຣາລຸຣ ອິນແຍ່ະ.

10 ແວ້ດ ກ້ອຍ, ເທວາດາ ກາ ໄປ ແອັນ ປົງ ແກ ອັນ. ເຈີ່ ເກົາ ເຮີມ ມວຍ ກູອງ ມັນໂຕຣ ປັດ ລາລີ້ ເງີ ນະ ອາຣາ. ມັນໂຕຣ ກ້ອຍ ຊາແລັຣ ແຕ ມັນ ລ້ອງ ປຍາຍ໌ ມວຍ ວັກ ແຕ ໄປ ວັກ ແດີອ໌ ຕາເລ ກະ ແດີອ໌ ກ້ອຍ. 11 ຣາມິຣ ມັນໂຕຣ ກ້ອຍ ລາ: 'ເກຣິງ ອິນຕັງ.' ນະກ້ອຍ, ມວຍ ວັກ ແຕ ໄປ ວັກ ແດີອ໌ ແກັດ ອິນຕັງ. ກິງ ກວາຍ ກາ ຈ່ອຍ໌ ແດີອ໌ ກ້ອຍ ກູຈິດ ອິນແຍ່ະ, ຍ່ອນ ແດີອ໌ ກ້ອຍ ອິນຕັງ ລາລີ້.

12 ແວ້ດ ກ້ອຍ, ເທວາດາ ກາ ປູນ ແອັນ ປົງ ແກ ອັນ. ເຈີ່ ມັດ ມານາງ ກະ ຣາລັງ ກາໄຊ ກະ ມັຣ ມັນ ໂຕຣ, ມັຣ ກາ ປັງ ລາ ແກັດ ຮຸ່ງ ມວຍ ວັກ ແຕ ໄປ ວັກ. ນະກ້ອຍ ປັງ ຕາໄງ, ກະ ປັງ ຊາເດົາ, ລາ ຮຸ່ງ ມວຍ ວັກ ແຕ ໄປ ວັກ ເຕ່.

13 ເຈີ່ ເກົາ ແ່ ກະ ເກົາ ຊ້ອງ ຊຽງ ມວຍ ລໍາ ແຈມ ກາລາງ ກາ ປັຣ ຕີ່ ລາລີ້ ຕິງ ມັນລ້ອງ. ອັນ ປາຍ ເຮ່ງ ລາລີ້ ນະໄນ: "ບາບ ລາລີ້! ບາບ ລາລີ້! ບາບ ລາລີ້ ກວາຍ ກາ ແອັດ ຕິງ ກູແຕອ໌, ຍ່ອນ ເບີ ນ ໄປ ນະ ເທວາດາ ການໍອ໌ ແອັນ ອີ ປົງ ແກ ໄລ່!"

### 9

1 ແວ້ດ ກ້ອຍ, ເທວາດາ ກາ ເຊີງ ແອັນ ປົງ ແກ ອັນ. ເຈີ່ ເກົາ ເຮີມ ມວຍ ກູອງ ມັນໂຕຣ ກາ ຊາ ແລັຣ ແຕ ມັນລ້ອງ ແຕ້ອ໌ ປີ ກູແຕອ໌. ມັນໂຕຣ ໄນ່ ເບີນ ອໍານາດ ແຕ້ອ໌ ອັນ ເປີຣ ປຣຸ່ງ ອູ່ຍຣ. 2 ບັອງ ກາ ມັນໂຕຣ ກ້ອຍ ເປີຣ ປຣຸ່ງ ອູ່ຍຣ, ເບີນ ປາຣ ຍາອ໌ ລ້ອຣ ແຕ ປຣຸ່ງ ກ້ອຍ ຊ້ອຣ ປີ ມັນລ້ອງ, ນະ ປາຣຍາອ໌ ແຕ ຕາແປຣ ອູ່ຍຣ ປັດ. ເຈີ່ ແກັດ ການໍາ ແຕ ມັດ ມານາງ, ກະ ປີ້ນ ປຣັຣ ການໍາ ແກັດ ປາອັດ, ຍ່ອນ ປາຣຍາອ໌ ແຕ ປຣຸ່ງ ອູ່ຍຣ ກ້ອຍ. 3 ກະ ເບີນ ລາມ ຊາອີ້ຍ ລາລີ້ ລ້ອຣ ແຕ ປາຣຍາອ໌, ກະ ແຊງ ປີ ກູແຕອ໌. ໄລ່ ເບີນ ອໍານາດ ຕະ ມູເຈີງ ຕຸ່ງເຕີງ. 4 ເບີນ ເມົາ ແປຣີ ລາມ ກ້ອຍ ອິນໂຈຍ ຕະ ຮຸ່ງ ບັດ ບາຍ, ແຕີລາ ອາລ່ອງ ອາໄລ່, ແຕີລາ ມັຣ ເກຣິງ ອິນເຕົາ ກາ ດັຣ ຕິງ ກູແຕອ໌. ມາ ແຕ້ອ໌

ໄລ່ ຕະ ມັຣ ກວາຍ ກາ ຕາ ເບີນ ເບີນ ຕາ ແຕ ເຢີງ ເຈົາຣາຊີ ຕິງ ກາລຍາອ໌ ໄລ່. 5 ລາມ ກ້ອຍ ຕາ ແຕ້ອ໌ ຕະ ໂອນ ກວາຍ ກູຈິດ ເລີ້ຍ, ມາ ແຕ້ອ໌ ໄລ່ ຕະ ໂອນ ຕີ່ ຕຸຣ ກັດ ອິນແຍ່ະ ເຊີງ ກາໄຊ. ຕີ່ ກ້ອຍ ນະ ເມົາ ຈິວ ຕີ່ ບັອງ ກາ ຕຸ່ງເຕີງ ຊູຍ໌. 6 ຕິງ ເຊີງ ກາໄຊ ກ້ອຍ, ກວາຍ ຈໍອ໌ ຣານາ ກູຈິດ ມາ ໄລ່ ຕາ ເບີນ ຣາມິຣ. ໄລ່ ອູອຍາຣ ອູໂອອ໌ ລາລີ້ ຍໍອ໌ ອີ ກູຈິດ, ມາ ຕາ ແຕ້ອ໌ ກູຈິດ.

7 ລາມ ກ້ອຍ ລາ ນະ ອາແຊັຣ ກາ ກຽມ ເປາ ຕະ ເຊີກ. ມາມ ອັນ ນະ ມາມ ກວາຍ, ຕິງ ແປື ອັນ ນະ ອັນ ຕາປັງ ກຸນຕຣວາອ໌ ແຢງ. 8 ໂຊະ ອັນ ນະ ໂຊະ ມັນແຊມ, ກະ ກາແນງ ອັນ ນະ ກາແນງ ຊິງ. 9 ຕິງ ອາເປີມ ອັນ ນະ ອັນ ແຊັບ ອາຍໍອຣ ຕາອ໌. ກະ ຊຽງ ຊານັງ ອັນ ຕັນຕິຣ ນະ ລໍ ອາ ແຊັຣ ເປາ ຕະ ເຊີກ ໄວ່ ລາລີ້. 10 ລາມ ກ້ອຍ ເບີ ນ ຊອຍ ນະ ຊອຍ ຕຸ່ງເຕີງ; ແຕ້ອ໌ ອັນ ຊູຍ໌ ກວາ ຍ. ອັນ ເບີນ ອໍານາດ ຊູຍ໌ ກວາຍ ແຕ ຊອຍ ອັນ ອິນແຍ່ະ ເຊີງ ກາໄຊ. 11 ລາມ ກ້ອຍ ເບີນ ເຕົາວ ປັຣເຢົາ ກາ ຊົດ ອັນ. ເຕົາວ ປັຣເຢົາ ກ້ອຍ ລາ ອັນ ກາ ຕາລາ ປຣຸ່ງ ອູ່ຍຣ. ຕິງ ປັຣນາຍ ອິດຊະ ຣາເອລ ເມົາ ດໍອ໌ ຣາມິຣ ເຕົາວ ປັຣເຢົາ ກ້ອຍ ລາ ອາບັດໂດນ. ກະ ຕິງ ປັຣນາຍ ກຣິກ, ເມົາ ດໍອ໌ ລາ ຣາມິຣ ອາໂປລີໂອນ.\*

12 ນະກ້ອຍ, ແວ້ດ ເຈີ່ ຕຸຣ ກັດ ກາ ມວຍ. ມາ ອິນນ້ອງ ເບີນ ບາຣ ຣາມິຣ ຕຸຣ ກັດ ແອັນ ອີ ແຕ້ອ໌ ປີ ກວາຍ.

13 ແວ້ດ ກ້ອຍ, ເທວາດາ ກາ ຕາປັດ ແອັນ ປົງ ແກ ອັນ. ເຈີ່ ເກົາ ຊ້ອງ ຊຽງ ລ້ອຣ ແຕ ປູນ ແຈ ຕິງ ຊັນເຕຣີງ ຣິດ ແຢງ ກາ ແອັດ ຍໍຣ ເມີງ ເຢີງ ເຈົາຣາຊີ. 14 ຊຽງ ກ້ອຍ ອາຕີ ໂຈະ ເທວາດາ ກາ ຕາປັດ ກາ ຍຸມ ແກ ປາຍ: "ໄນ່ ເປາ ອາໂຣຍຣ ໄລ່ ປູນ ນະ ເທວາດາ ກາ ເມົາ ຊົດ ດໍອ໌ ຕິງ ປີຣ ຕາເລ ເອີພຣັດ!"

15 ເຈີ່ ເມົາ ອາໂຣຍຣ ປູນ ນະ ເທວາດາ ກ້ອຍ. ເທວາດາ ກ້ອຍ ກາ ເມົາ ກຽມ ເກຣາະ ໂອນ ແຕ້ອ໌ ຊາໂມງ, ຕາໄງ, ກາໄຊ, ກະ ກູມ໌, ໂອນ ໄລ່ ແຕ້ອ໌ ເປາ ກາຈິດ ມວຍ ວັກ ແຕ ໄປ ວັກ ອິນແຍ່ະ ມັຣ ກວາຍ ກາ ແອັດ ຕິງ ກູແຕອ໌.

16 ເທວາດາ ກ້ອຍ ກຽມ ຕາຣານ ກາ ຈິຣ ອາ ແຊັຣ. ເກົາ ຊ້ອງ ເມົາ ປາຍ ຕາຣານ ກ້ອຍ ກິງ ບາຣ ຣ່ອຍ ລານ ນະ. 17 ກະ ເມົາ ອາປັຣ ໂອນ ເກົາ ເຮີມ

\* 9:11 9:11 ບາຣ ປັຣນາຍ ອາບັດໂດນ ກະ ອາບູລີໂອນ ອາຕີ ລໍຣ ລາ 'ອັນ ກາ ຕາລຸຣ.'

ກວາຍ ກະ ອາແຊັຣ ກ້ອຍ. ກວາຍ ກ້ອຍ ແຊັບ ອາ ຍ້ອນ ຕາ໋ ຕຶງ ອາເປີມ ໄລ່. ອາຍ້ອນ ກ້ອຍ ລາ ກູເຊົາ ນະ ປຣລາ ອູຍຣ, ກະ ຣາມັງ, ກະ ຣາເຣົາອ໌. ແປຼ ອາແຊັຣ ກ້ອຍ ລາ ນະ ແປຼ ຊິງ. ກະ ເບີນ ອູ່ ຍຣ, ປາຣຍາອ໌, ກະ ກາເຈຍ ລ້ອນ ແຕ ແບອ໌ ອາ ແຊັຣ ກ້ອຍ. <sup>18</sup> ມັຣ ກວາຍ ກາ ແອັດ ຕຶງ ກູແຕອ໌, ມວຍ ວັກ ແຕ ໄປ ວັກ ກູຈິດ ຍ່ອນ ອູ່ຍຣ, ແຕີລາ ປາຣຍາອ໌, ແຕີລາ ກາເຈຍ ກາ ລ້ອນ ແຕ ແບອ໌ ອາ ແຊັຣ ກ້ອຍ. <sup>19</sup> ມັຣ ອາແຊັຣ ກ້ອຍ ເບີນ ບາຣ ຣາມັຣ ປາ ເຕອ໌ ຕະ ຕຸ່ຣ ກວາຍ. ມວຍ ລາ ແບອ໌, ກະ ບາຣ ລາ ຊອຍ, ຍ່ອນ ຊອຍ ອັນ ເບີນ ນະ ແປຼ ກູຊັນ.

<sup>20</sup> ມາ ມັຣ ກວາຍ ການໍອ໌ ກາ ຕາ ເບີນ ກູຈິດ ຍ່ອນ ອາແຊັຣ ກ້ອຍ ຕະ, ອິນມ້ອງ ໄລ່ ຕາ ແອອ໌ ປຽນ ເກັດ ຣາງິຣ ຕາໄມ ແຕ ມັຣ ຣານະ ໄລ່ຍຣ ອາຕີ ໄລ່ ຕະ. ໄລ່ ອິນມ້ອງ ຊາງ ເຢັງ ຕາ ອໍ ກະ ຮູ່ບ ເຢັງ ການໍອ໌ ກາ ໄລ່ ຕະ ແຕ ແຢງ, ປຣະ, ຊາ ບັນ, ຕາເມົາ, ກະ ອາລ່ອງ. ມາ ອິນແຍ່ະ ມັຣ ຮູ່ບ ກ້ອຍ ຕາ ເຕອ໌ ເຣີມ, ຕາ ເຕອ໌ ຊ້ອງ, ກະ ຕາ ເຕອ໌ ປູເປາະ. <sup>21</sup> ມັຣ ກວາຍ ກ້ອຍ ຕາ ເບີນ ປຽນ ເກັດ ຣາງິຣ ຕາໄມ ໄລ່ຍຣ ແຕ ໄລ່ ກາຈິດ ກວາຍ, ໄລ່ ຕາ ປູ່ນ ຣານະ ກວາຍ ມໍ, ໄລ່ ຕາ ເບີນ ລາກວຍ ກາ ຢາອ໌ ມາ ບິ ມັນຕຸ, ກະ ໄລ່ ຕູຕວຍ໌.

### 10

ໂຢຮັນ ຈາ ມວຍ ປຶງ ແກດ

<sup>1</sup> ແວັດ ກ້ອຍ ເກົາ ເຣີມ ມວຍ ນະ ແອັມ ເທວາ ດາ ແຊງ ແຕ ມັນລ້ອງ. ອັນ ບັນ ເຣ່ງ ລາລີ້, ກະ ອັນ ແຊັບ ອາຍ້ອນ ນະ ຣາມິລ. ເບີນ ມາເຣ່ງ ຍ້ອງ ແອັດ ແປັງ ແປຼ ອັນ. ມາມ ອັນ ນະ ມັດ ມານາງ, ກະ ອາເຢັງ ອັນ ລາ ນະ ຕາໂນລ ກາ ເປຼ ອູ່ຍຣ. <sup>2</sup> ຕຶງ ອາຕີ ອັນ ຢຸມ ມວຍ ປານອມ ເຈຍ ແກດ, ເມົາ ເປີ ຮ ດໍອ໌. ອາເຢັງ ຍິຣ ອາຕໍ່ ອັນ ຊາເຕົາຍ໌ ຕຶງ ແດັອ໌ ທາເລ, ອາເຢັງ ຍິຣ ອາເວຣ ອັນ ຊາເຕົາຍ໌ ຕຶງ ກູ ແຕອ໌. <sup>3</sup> ອັນ ກູອ໌ ເຣ່ງ ລາລີ້ ນະ ຊິງ ອາຣີ. ແວັດ ອັນ ກູອ໌ ນະກ້ອຍ, ເບີນ ກຣິ້ມ ຕັນດິຣ ຕາປູລ ເຈີ ເຣ່ງ ລາລີ້. <sup>4</sup> ແວັດ ກຣິ້ມ ກ້ອຍ ຕັນດິຣ, ເກົາ ຄິດ ອິ ຄຽນ ມັຣ ປຣນາຍ ຊຽງ ກຣິ້ມ ຕັນດິຣ ປາຍ. ມາ ເກົາ ຊ້ອງ ມວຍ ຊຽງ ການໍອ໌ ອາຕີ ເກົາ ແຕ ມັນ ລ້ອງ ປາຍ: "ອິນໂຈຍ ຄຽນ ມັຣ ຣາມັຣ ກ້ອຍ! ອິງເຄາະ ໄມ່ ປາໂຕ່ະ ດໍອ໌ ມັຣ ປຣນາຍ ກຣິ້ມ ກ້ອຍ ປາຍ ຕາປູລ ເຈີ.

<sup>5</sup> ເຈີ ເກົາ ເຣີມ ເທວາດາ ກາ ຕາຢິ່ງ ຕຶງ ແດັອ໌ ທາເລ ກະ ຕຶງ ກູແຕອ໌; ອັນ ອາແຣິ ອາຕີ ອາຕໍ່ ປິ ມັນລ້ອງ. <sup>6</sup> ກະ ອັນ ຄິນ, ອັນ ກູອ໌ ຣາມັຣ ເຢັງ ເຈົາຣາຊີ ກາ ອາມັງ ຊົດ ແດີຍ. ເຢັງ ເຈົາຣາຊີ ແຕງ ມັນລ້ອງ ກະ ກູ່ ຣາມັຣ ແອັດ ຕຶງ ກ້ອຍ. ອັນ ແຕງ ກູແຕອ໌ ກະ ກູ່ ຣາມັຣ ແອັດ ຕຶງ ກ້ອຍ. ກະ ອັນ ແຕງ ແດັອ໌ ທາເລ ກະ ກູ່ ຣາມັຣ ແອັດ ຕຶງ ກ້ອຍ ເຕ. ເທວາດາ ກ້ອຍ ປາຍ: "ແປະ ເຈີ! ຕາ ເບີນ ກາຣາະ ມ້ອງ!" <sup>7</sup> ແຕັອ໌ ເທວາດາ ກາ ຕາປູລ ກ້ອຍ ປຶງ ແກ ອັນ, ເຢັງ ເຈົາຣາຊີ ຕະ ແວັດ ມັຣ ຣານະ ປາໂຕ່ະ ອັນ ຄິດ ອິ ຕະ. ຣານະ ໄມ່ ອັນ ອາຕີ ອິນ ໂຢງ ໂອນ ມັຣ ກວາຍ ກາ ຕະ ຣານະ ອັນ ເດັງ ອາຕີ ຕາງ ປຣນາຍ ກ້ອຍ.

<sup>8</sup> ແວັດ ກ້ອຍ, ຊຽງ ກາ ອາຕີ ເກົາ ແຕ ມັນ ລ້ອງ, ອັນ ອາຕີ ລິຣ ເກົາ ປາຍ: "ໄມ່ ເປາະ ອິດ ປານອມ ເຈຍ ກາ ເມົາ ເປີຣ ດໍອ໌ ແຕ ອາຕີ ເທວາ ດາ ກາ ຕາຢິ່ງ ຕຶງ ແດັອ໌ ທາເລ ກະ ຕຶງ ກູແຕອ໌."

<sup>9</sup> ເຈີ ເກົາ ເປາະ ປິ ເທວາດາ ກ້ອຍ, ກະ ເກົາ ແຊອ໌ ແຕ ອັນ ປານອມ ເຈຍ ກາ ແກດ ກ້ອຍ. ເທວາດາ ກ້ອຍ ອາຕີ ເກົາ ປາຍ: "ເອົາ ໄມ່ ອິດ! ເຈີ ໄມ່ ຈາ! ຕຶງ ແບອ໌ ໄມ່ ຊ້ອງ ອິງເກີມ ລາລີ້ ນະ ແດັອ໌ ກາຣຍາລ, ມາ ຕຶງ ປຸງ ໄມ່ ຊ້ອງ ນະ ໄມ່ ຈາ ເກຣັງ ອິນຕັງ."

<sup>10</sup> ເຈີ ເກົາ ອິດ ປານອມ ເຈຍ ກາ ແກດ ແຕ ອາຕີ ເທວາດາ ກ້ອຍ, ກະ ເກົາ ຈາ. ຕຶງ ແບອ໌ ເກົາ ຊ້ອງ ອິງເກີມ, ນະ ແດັອ໌ ກາຣຍາລ. ມາ ແວັດ ເກົາ ລິນ, ເກົາ ຊ້ອງ ນະ ເກົາ ຈາ ເກຣັງ ອິນຕັງ.

<sup>11</sup> ແວັດ ກ້ອຍ, ເທວາດາ ກ້ອຍ ອາຕີ ເກົາ ປາຍ: "ອິງເຄາະ ໄມ່ ອາຕີ ຕາງ ມັຣ ປຣນາຍ ເຢັງ ເຈົາຣາຊີ ອິ ອາຕີ ແຕ ຊາອິ້ຍ ຈຸ່ມ ກວາຍ, ຊາ ອິ້ຍ ກຣວາງ, ຊາອິ້ຍ ປຣນາຍ, ກະ ຊາອິ້ຍ ເຕົາວ ປຣເຍົາ."

### 11

ບາຣ ນະ ກາ ກູຈິດ ມາ ອາມັງ ລິຣ ອາຕີ ແຕ ຣານະ ເຢັງ ເຈົາຣາຊີ

<sup>1</sup> ແວັດ ກ້ອຍ, ເມົາ ໂອນ ເກົາ ມວຍ ອິນແຕຣັຣ ອາລ່ອງ ນະ ຕາເປກ, ເຈີ ເມົາ ແປຣີ ເກົາ ປາຍ: "ໄມ່ ເປາະ ເຕ່ກ ດຸງ ຊາງ ເຢັງ ເຈົາຣາຊີ ກະ ຊົມເຕຣີງ ຣິດ ກາ ແອັດ ຕຶງ ກ້ອຍ ແຕ ອາລ່ອງ ໄມ່. ກະ ໄມ່ ນັບ ໂອນ ດັງ ມາແລະ ກຶງ ກວາຍ ກາ ຊາງ ເຢັງ ເຈົາຣາຊີ ຕຶງ ດຸງ ຊາງ ກ້ອຍ. <sup>2</sup> ມາ ມັຣ ຊັງອາຣ ຍິຣ ນໍອ໌ ດຸງ ຊາງ, ໄມ່ ອິນໂຈຍ ເຕ່ກ, ຍ່ອນ ອິນ

ຕຸ ກ້ອຍ ເມົ້າ ໂອນ ກວາຍ ຕາ ເກີນ ກວາຍ ອິດ ຊະຣາເອລ ເຕ່ອ໌ ມູ່ດ. ປັຣແນີ ມັນເຕຣີ ກວາຍ ກ້ອຍ ເກີດ ຊົດ ຊາເຕີຍ໌ ຕຶ່ງ ເມືອງ ເຢຣູຊາເລັມ ອິນແຍ່ະ ປູນ ຈິ່ດ ລາ ບາຣ ກາໄຊ. <sup>3</sup> ເກົ້າ ແປຣີ ບາຣ ນະ ເປາະ ປີ ກ້ອຍ ອາຕີ ຕາງ ປັຣນາຍ ເຢີງ ເຈົ້າຣາຊີ ອິນແຍ່ະ ມວຍ ປັນ ບາຣ ຮ່ອຍ ຕາປັດ ຈິ່ດ ຕາໄງ. ໄລ່ ບາຣ ນະ ຕັອກ ຕໍາປັອກ ອາປັຣ ໄລ່ ຊ້ອງ ຕຸ່ຮ."

<sup>4</sup> ໄລ່ ບາຣ ນະ ກາ ອາຕີ ຕາງ ປັຣນາຍ ກ້ອຍ ລາ ນະ ບາຣ ກັລ ອາລ່ອງ ອາໂປນ ກະ ນະ ບາຣ ໂຮ່ງ ຕາກຍາງ ກາ ເມົ້າ ດໍອ໌ ຍັຮ ເມີງ ອັນ ກາ ອິນ ເຈົ້າ ອິນແຍ່ະ ກູແຕອ໌ ໄນ່. <sup>5</sup> ຄັນ ເບີນ ກວາຍ ອາ ແລະ ມາ ຍິອ໌ ອີ ຕະ ໄລ່ ບາຣ ນະ ກ້ອຍ, ເບີນ ອູ່ ຍຸຣ ລັອຣ ແຕ ແບອ໌ ໄລ່ ໂອນ ກາຈິດ ມັຮ ກວາຍ ກ້ອຍ. ນະກ້ອຍ, ກວາຍ ອາແລະ ມາ ອີ ຕະ ໄລ່, ກວາຍ ກ້ອຍ ອຶງເຄາະ ກູຈິດ ຣາມາ ອູ່ຍຮ. <sup>6</sup> ໄລ່ ບາຣ ນະ ກ້ອຍ ເບີນ ອໍານາດ ກາຕັງ ເມົ້າ, ໂອນ ມັນລ້ອງ ຕາ ເບີນ ເມົ້າ ນ້ອງ ອິນແຍ່ະ ມັຮ ຕາໄງ ໄລ່ ອາຕີ ຕາງ ປັຣນາຍ ເຢີງ ເຈົ້າຣາຊີ. ໄລ່ ເບີນ ອໍານາດ ເຕ່ອ໌ ຕະ ແດັອ໌ ໂອນ ເກີດ ອາຣາມ. ກະ ໄລ່ ເບີນ ອໍານາດ ເຕ່ອ໌ ແປຣີ ກູ່ ຣາມິຣ ຕຸ່ຮ ກັດ ແຕ້ອ໌ ປີ ກູແຕອ໌ ໄນ່, ຕາມ ຣາງິຣ ໄລ່ ຊ້ອງ ຍິອ໌.

<sup>7</sup> ພໍກາ ອິນແຍ່ະ ປາແນ່ນ ໄລ່ ບາຣ ນະ ກ້ອຍ ອາຕີ ຕາງ ປັຣນາຍ ເຢີງ ເຈົ້າຣາຊີ ເຈີ, ເບີນ ມວຍ ລໍາ ຊັນຕຣັນ ແຮັງ ຊ້ອຣ ແຕ ປຣຸ່ງ ອູ່ຍຮ ຣາຊູ່ ກະ ບາຣ ນະ ກ້ອຍ. ຊັນຕຣັນ ແຮັງ ກ້ອຍ ເຮົາບ ກະ ກາຈິດ ບາຣ ນະ ກ້ອຍ. <sup>8</sup> ກະ ຈະ ໄລ່ ເມົ້າ ດໍອ໌ ຕຶ່ງ ຣາມາ ປັດ ຕຶ່ງ ເມືອງ ປັດ ກາ ເມົ້າ ແຕັຣ ອິນ ເຈົ້າ ໄລ່ ຕຶ່ງ ອາລ່ອງ ຊັງກັງ. ເມືອງ ກ້ອຍ ລາ ເມືອງ ເຢຣູຊາເລັມ, ມາ ເມົ້າ ດໍອ໌ ເມືອງ ກ້ອຍ ລາ ໂຊໂດມ ກະ ເອຍິບ ແອັນ, ຍ່ອນ ຣານະ ກວາຍ ຕຶ່ງ ເມືອງ ກ້ອຍ ຕະ ຕາ ເບີນ ປຍາຍ໌ ຍັຮ ເມີງ ເຢີງ ເຈົ້າຣາ ຊີ. <sup>9</sup> ເບີນ ກວາຍ ແຕ ກູ່ ຊາແມັດ ກວາຍ, ກູ່ ຈຸ່ມ ກວາຍ, ກູ່ ປັຣນາຍ ກວາຍ, ກະ ກູ່ ກຣວາງ ກວາ ຍ, ອິນແຍ່ະ ມັຮ ໄລ່ ເນ່ ຈະ ບາຣ ນະ ກ້ອຍ ອິນ ແຍ່ະ ໄປ ຕາໄງ ຕາດີ່, ກະ ຕາ ໂອນ ເມົ້າ ແຕັບ ໄລ່ ບາຣ ນະ ກ້ອຍ. <sup>10</sup> ມັຮ ກວາຍ ກາ ແອັດ ຕຶ່ງ ກູ ແຕອ໌, ໄລ່ ຊ້ອງ ຮໍອ໌ ລາລີ່ ບາຣ ນະ ກ້ອຍ ກູຈິດ. ມັຮ ກວາຍ ກ້ອຍ ຕະ ເປລ ບູຍ, ກະ ໄລ່ ມານະ ໂອນ ເກຣັງ ໂຈະ ມານະ, ຍ່ອນ ມັຮ ກວາຍ ແອັດ ຕຶ່ງ ກູແຕອ໌ ຈີວ໌ ຊາອິຍ ຣາມິຣ ຕຸ່ຮ ກັດ ຍ່ອນ ແຕ ບາຣ ນະ ກວາຍ ອາຕີ ຕາງ ປັຣນາຍ ເຢີງ ເຈົ້າຣາ ຊີ ກ້ອຍ.

<sup>11</sup> ພໍກາ ແວັດ ໄປ ຕາໄງ ຕາດີ່ ກ້ອຍ, ເຢີງ

ເຈົ້າຣາຊີ ໂອນ ຣາງິຣ ມູ່ດ ລັຮ ຕຶ່ງ ຈະ ບາຣ ນະ ກ້ອຍ. ເຈີ ໄລ່ ອາມັງ ກະ ຢວຣ ຕາຍິ່ງ. ມັຮ ກວາ ຍ ກາ ເຮີມ ຣາມິຣ ກ້ອຍ, ໄລ່ ຊ້ອງ ອຶງກ້ອຣ ລາ ລີ່. <sup>12</sup> ແວັດ ກ້ອຍ, ບາຣ ນະ ກ້ອຍ ຊ້ອງ ຊຽງ ແຮ່ງ ແຕ ມັນລ້ອງ ອາຕີ ໄລ່ ປາຍ: "ເຍົາ ຊ້ອຣ ປີ ໄນ່!"

ເຈີ ບາຣ ນະ ກ້ອຍ ຊ້ອຣ ປີ ມັນລ້ອງ ອິນດີ ຣາມິລ. ກະ ມັຮ ກວາຍ ກາ ຊາອິຣ ບາຣ ນະ ກ້ອຍ, ໄລ່ ເຮີມ ຣາມິຣ ກ້ອຍ. <sup>13</sup> ມວຍ ເປຣິຣ ກ້ອຍ ກູ ແຕອ໌ ກູກັດ ຮັບ ລາລີ່; ເຈີ ເມືອງ ກ້ອຍ ຣາລຸຣ ມວຍ ວັກ ແຕ ມວຍ ຈິ່ດ ວັກ. ເບີນ ຕາປູລ ປັນ ນະ ກວາຍ ກູຈິດ ຕຶ່ງ ເມືອງ ກ້ອຍ. ມາ ມັຮ ກວາຍ ກາ ອິນນ້ອງ ອາມັງ, ໄລ່ ຍ່ອງ ເຢີງ ເຈົ້າຣາຊີ ກາ ແອັດ ຕຶ່ງ ມັນລ້ອງ, ຍ່ອນ ໄລ່ ອຶງກ້ອຣ ລາລີ່.

<sup>14</sup> ແວັດ ເຈີ ຕຸ່ຮ ກັດ ກາ ບາຣ. ມາ ເນ່ ຕິຣ! ຕຸ່ຮ ກັດ ກາ ໄປ ແອັນ ແຕ້ອ໌ ໄວ່ ລາລີ່!

ເທວາດາ ກາ ຕາປູລ ປຶງ ແກ

<sup>15</sup> ແວັດ ກ້ອຍ, ເທວາດາ ກາ ຕາປູລ ແອັນ ປຶງ ແກ ອັນ. ເຈີ ເບີນ ມັຮ ກາ ຊຽງ ຕຶ່ງ ມັນລ້ອງ ປາຍ ແຮ່ງ ລາລີ່: "ຊານໍ່ ອິນແຍ່ະ ມັຮ ຣາມິຣ ຊົດ ຕຶ່ງ ກູ ແຕອ໌ ໄນ່ ເຈົ້າ ລັຮ ອິນແຍ່ະ ປີ ອິນເຈົ້າ ໄຮ ກະ ປີ ອັນ ກາ ອິນເຈົ້າ ໄຮ ຣຽຣ ໂອນ ຈ່ອຍ ອາມັງ ກວາ ຍ. ອັນ ຊົດ ແຕ ໄນ່, ເຈີ ປີ ເມີງ, ໂອນ ຈົນ ຊົດ ແດີຍ ເລີ້ຍ ກູມໍ!"

<sup>16</sup> ແວັດ ກ້ອຍ, ໄລ່ ບາຣ ຈິ່ດ ລາ ປູນ ນະ ກວາ ຍ ເທົາ ກາ ຕາກູ ຍັຮ ເມີງ ເຢີງ ເຈົ້າຣາຊີ, ອິນ ແຍ່ະ ໄລ່ ກ້ອຍ ກູ່ ຣາໂກລ ກະ ຊາງ ເຢີງ ເຈົ້າຣາຊີ. <sup>17</sup> ໄລ່ ປາຍ ນະໄນ່: "ເອີ ອິນເຈົ້າ ຮິ ເອີຍ! ເຍົາ ລາ ເຢີງ ເຈົ້າຣາຊີ, ອັນ ກາ ຊົດ ແກຼຍ ແຕ ການໍ່ ອ໌! ເຍົາ ລາ ເຢີງ ກາ ອາມັງ ຊານໍ່, ກະ ເຍົາ ລາ ເຢີງ ກາ ອາມັງ ແຕ ຕາເບີ ລາລີ່. ຮິ ຊາເອີນ ເຍົາ ອິດ ອໍານາດ ປັດ ເຍົາ, ກະ ຊານໍ່ ເຍົາ ຊົດ ກູ່ ຣາມິ ຣ. <sup>18</sup> ມັຮ ກາ ກຣວາງ ກູແຕອ໌ ຊ້ອງ ອວານ ໂຈະ ເຍົາ. ມາ ຊານໍ່ ແຕ້ອ໌ ຕາໄງ ເຍົາ ຕະ ລັຮ ກວາຍ ກ້ອຍ. ແຕ້ອ໌ ເຈີ ປາແນ່ນ ເຍົາ ຕັດຊິນ ມັຮ ກວາ ຍ ກູຈິດ. ກະ ເຍົາ ກູລັຮ ເກົ້າ ໂອນ ມັຮ ກວາຍ ຕະ ຣານະ ເຍົາ, ໄລ່ ລາ ກວາຍ ອາຕີ ຕາງ ປັຣນາຍ ເຍົາ, ກະ ກູ່ ນະ ກວາຍ ກາ ຕາປູນ ຣານະ ເຍົາ ກະ ຍໍາມັບ ຣາມິຣ ເຍົາ, ກາ ກວາຍ ປັດ, ກາ ກວາຍ ແກດ. ກະ ແຕ້ອ໌ ເຈີ ປາແນ່ນ ເຍົາ ຕາລຸຣ ມັຮ ກວາ ຍ ກາ ຕາລຸຣ ກູແຕອ໌."

19 ເຈີ້ ແອັດ ຕຶ້ງ ມັນລ້ອງ ເມົາ ເປີສ ກູຕັ້ງ ດູງ ຊາງ ປັດ ເຢີງ ເຈົ້າຮາຊີ. ກະ ເກົາ ເຮີມ ແອັດ ຕຶ້ງ ດູງ ຊາງ ກ້ອຍ ຮິບ ກາ ເຢີງ ເຈົ້າຮາຊີ ປັດຄັນ ກະ ກວາຍ. ແວັດ ກ້ອຍ ເບີນ ຕາລຍາຮ, ເບີນ ຊາອິ້ຍ ຊຽງ ຕັນດິ້ຮ, ເບີນ ກຮິ້ມ, ເບີນ ກູແຕຣ໌ ກູກິດ, ກະ ເບີນ ປາແຣລ ປັດ ລາລີ້.

## 12

ມັນແຊມ ກະ ງວງ

1 ແວັດ ກ້ອຍ, ເບີນ ຮານະ ຄານະ ລາລີ້ ຕຶ້ງ ມັນ ລ້ອງ. ເບີນ ມານະ ມັນແຊມ, ເຫຣັງ ອັນ ລາ ນະ ມັດ ມານາງ. ອັນ ຕາຍິ່ງ ຕຶ້ງ ຮາລັງ ກາໄຊ. ກະ ອັນ ຕາປຶ້ງ ກຸນຕຣວາອ໌ ກາ ເບີນ ມວຍ ຈິດ ລາ ບາຣ ກູອງ ມັນໂຕຣ. 2 ມັນແຊມ ກ້ອຍ ແຈ່ະ ອີ ຣັຮ ກອນ. ອັນ ອູໂອຍ, ຍ່ອນ ອັນ ຊ້ອງ ຕີ, ກະ ອັນ ຊ້ອງ ກັດ ລາລີ້ ອີ ຣັຮ ກອນ.

3 ມວຍ ເປຣິຣ ກ້ອຍ ເກົາ ເຮີມ ມວຍ ຮາມິ້ຮ ການໍ້ອ໌ ແອັດ ແອັດ ຕຶ້ງ ມັນລ້ອງ. ເບີນ ມວຍ ລໍາ ງວງ ກູເຊົາ ປັດ ລາລີ້. ອັນ ເບີນ ຕາປູລ ລໍາ ແປ້ ກະ ມວຍ ຈິດ ລໍາ ຕາກອຍ. ກູ່ ແປ້ ຕາປຶ້ງ ກຸນຕຣວາອ໌ ເຕົາວ ປັດເຍົາ. 4 ຊອຍ ອັນ ກູວຍາລ ມວຍ ວັກ ແຕ ໄປ ວັກ ມັຮ ກູອງ ມັນໂຕຣ ແອັດ ຕຶ້ງ ມັນ ລ້ອງ, ເຈີ້ ແກງ ມັນໂຕຣ ກ້ອຍ ປິ ກູແຕຣ໌. ງວງ ກ້ອຍ ຕາຍິ່ງ ຍັຮ ເມັງ ມັນແຊມ ກາ ແຈ່ະ ອີ ຣັຮ ກອນ. ງວງ ກ້ອຍ ຢັອ ອີ ຈາ ແຕ້ ກອນ ແກດໆ ກາ ມັນແຊມ ກ້ອຍ ອີ ຣັຮ. 5 ເຈີ້ ມັນແຊມ ກ້ອຍ ຣັຮ ມວຍ ລໍາ ກອນ ຮາເລົາ. ປັຣແນີ ມັນເຕຣີ ກອນ ກ້ອຍ ຢຸມ ມວຍ ອິນແຕຣັຮ ກ່ອນ ຕາອ໌ ດໍອ໌ ຕະ ຊົດ ກູ່ ກຣວາງ ກວາຍ. ນະກ້ອຍ ເມົາ ເດີ ງ ເດິຣ ກອນ ກ້ອຍ ປິ ອິນຕຸ ເຢີງ ເຈົ້າຮາຊີ ຕາກູ ຊົດ. 6 ມັນແຊມ ກ້ອຍ, ອັນ ຕາລຸຣ ປິ ອິນຕຸ ຕ ຍາຣ. ປິ ກ້ອຍ ເຢີງ ເຈົ້າຮາຊີ ກຽມ ດໍອ໌ ເຈີ້ ອິນ ຕຸ ໂອນ ອັນ ແອັດ. ກະ ເມົາ ແຈມ ອັນ ອິນແຍ່ະ ມວຍ ປັນ ບາຣ ຣ່ອຍ ຕາປັດ ຈິດ ຕາໄງ.

ງວງ ກ້ອຍ ເປ່ ແຕ ເທວາດາ

7 ແວັດ ກ້ອຍ ເມົາ ຕະ ເຊິກ ຕຶ້ງ ມັນລ້ອງ. ເບີ ນ ມີຄາເອລ, ອັນ ກາ ຊົດ ອິນແຍ່ະ ມັຮ ເທວາດາ, ອັນ ເດີງ ເທວາດາ ກ້ອຍ ເປາະ ຮາຊູ່ ກະ ງວງ. ກະ ງວງ ກ້ອຍ ເດີງ ເທວາດາ ອັນ ເປາະ ຮາຊູ່ ເຕ່. 8 ມາ ງວງ ກ້ອຍ ເປ່. ເຈີ້ ອັນ ກະ ເທວາດາ ອັນ ຕາ ເຕ່ອ໌ ແອັດ ນ້ອງ ຕຶ້ງ ມັນລ້ອງ. 9 ນະກ້ອຍ ເມົາ ຕູ່ຍຣ ງວງ ກ້ອຍ ໂອນ ອັນ ລ້ອຣ ແຕ ມັນລ້ອງ! ງວງ

ກ້ອຍ ລາ ນະ ກູຊັນ ແຕ ອິມແປ. ອັນ ຊົດ ອິນແຍ່ ະ ມັຮ ເຢີງ ຕາ ອໍ. ອັນ ເບີນ ຮາມິ້ຮ ເຢີງ ຊາຕານ ກາ ພິ ກູ່ ນະ ກວາຍ. ເມົາ ຕາແກລ ອາປັອງ ຕັຮ ອັນ ປິ ກູແຕຣ໌, ກະ ມັຮ ກາ ເທວາດາ ອັນ ແຮີ.

10 ແວັດ ກ້ອຍ, ເກົາ ຊ້ອງ ຊຽງ ເຣ່ງ ລາລີ້ ແອັດ ຕຶ້ງ ມັນລ້ອງ ປາຍ: "ຊານໍ່ ເຢີງ ເຈົ້າຮາຊີ ຈ່ອຍ ອາ ມັງ ກວາຍ ເຈີ້! ຊານໍ່ ເຢີງ ເຈົ້າຮາຊີ ອາປັຣ ອັນ ເບີ ນ ອໍານາດ ແກັດ ເຕົາວ ປັຣເຍົາ! ຊານໍ່ ກຣິດ, ອັນ ກາ ເຢີງ ເຈົ້າຮາຊີ ຣຽຣ ດໍອ໌ ຈ່ອຍ ອາມັງ ກວາ ຍ, ອັນ ຕະ ຊົດ ເຕ່! ໂກຣ ລາລີ້, ອັນ ກາ ຕາຍິ່ງ ຍັຮ ເມັງ ເຢີງ ເຈົ້າຮາຊີ ຕຶ້ງ ມັນລ້ອງ ໂອນ ຕູນ ມັຮ ແຊມອາຍ ໄຮ ກູ່ ຮາໄງ ກູ່ ຊາດົາ, ປຍາຍ ເມົາ ຕູ່ຍຣ ອາລ້ອຣ ແຕ ມັນລ້ອງ ເຈີ້. 11 ແຊມອາຍ ໄຮ ເຮົາບ ອັນ ເຈີ້, ຍ່ອນ ອາຮາມ ແຕ ແກະ ກອນ, ກະ ຍ່ອນ ໄລ່ ອາຕີ ປຍາຍ ແຕ ອັນ. ໄລ່ ຕາ ເບີນ ປາຊີ ຮາງິຣ ໄລ່, ກະ ໄລ່ ຕາ ເບີນ ອິງກ້ອຣ ແຕ້ອ໌ ເມົາ ອີ ກາຈິດ ໄລ່. 12 ນະກ້ອຍ ມັນລ້ອງ ເອີຍ, ກະ ອິນແຍ່ະ ມັຮ ເຍົາ ກາ ແອັດ ຕຶ້ງ ມັນລ້ອງ, ອິງ ເຄາະ ເຍົາ ແອີນ ເຈີ້! ມາ ບາບ ລາລີ້ ແຕ້ອ໌ ປິ ກູ ແຕຣ໌ ກະ ແດັອ໌ ທາເລ, ຍ່ອນ ເຢີງ ຊາຕານ ແຊງ ປິ ກ້ອຍ ເຈີ້. ຮາງິຣ ອັນ ຊ້ອງ ອິງຄິນ ລາລີ້, ຍ່ອນ ອັນ ດັງ ອັນ ຕາ ເຕ່ອ໌ ຕະ ດຸ່ນ ນ້ອງ ຮານະ ຕາ ອໍ."

ງວງ ກ້ອຍ ອີ ຕະ ມັນແຊມ ກະ ກອນ ອັນ

13 ແຕ້ອ໌ ງວງ ກ້ອຍ ດັງ ເມົາ ຕູ່ຍຣ ອັນ ໂອນ ແຊງ ແອັດ ປິ ກູແຕຣ໌, ອັນ ຮາປວາຍ ອີ ໂກບ ມັນ ແຊມ ກາ ຣັຮ ກອນ ຮາເລົາ ກ້ອຍ. 14 ມາ ເຢີງ ເຈົ້າຮາຊີ ໂອນ ມັນແຊມ ກ້ອຍ ເບີນ ຊານໍ່ ນະ ຊານໍ່ ງ ແຈມ ກາລາງ ປັດ ລາລີ້, ໂອນ ອັນ ເຕ່ອ໌ ປັຣ ປິ ອິນຕຸ ຕຍາຣ ປິ ອິນຕຸ ກາ ເຢີງ ເຈົ້າຮາຊີ ກຽມ ໂອນ ອັນ ແອັດ. ປິ ອິນຕຸ ກ້ອຍ ເມົາ ແຈມ ກະ ບັນ ກຍາອ໌ ອັນ ແຕ ງວງ ກ້ອຍ ອິນແຍ່ະ ໄປ ກູມໍ ຕາດີ. 15 ເຈີ້ ງວງ ກ້ອຍ ປຣູ່ຍຣ ອາລ້ອຣ ແດັອ໌ ແຕ ແບອ໌ ອັນ ແກັດ ນະ ແດັອ໌ ຕາເລ. ອັນ ຢັອ ອີ ໂອນ ແດັອ໌ ປາໂຣນ ມັນແຊມ ກ້ອຍ. 16 ມາ ກູ ແຕຣ໌ ຈ່ອຍ ມັນແຊມ ກ້ອຍ. ກູແຕຣ໌, ນະ ອັນ ກາຮາ ແບອ໌, ເຈີ້ ງ່ອຍ ອິນແຍ່ະ ແດັອ໌ ກາ ລ້ອຣ ແຕ ແບອ໌ ງວງ ກ້ອຍ. 17 ເຈີ້ ງວງ ແກັດ ອິງຄິນ ລາລີ້ ໂຈະ ມັນແຊມ ກ້ອຍ. ມັນແຊມ ກ້ອຍ ເບີ ນ ກອນ ອາໄກ ການໍ້ອ໌ ແຮີ. ນະກ້ອຍ ງວງ ເປາະ ຮາຊູ່ ກະ ກອນ ອາໄກ ກ້ອຍ. ກອນ ອາໄກ ກ້ອຍ ລາ ອິນແຍ່ະ ມັຮ ກວາຍ ກາ ຊາງັດ ປັຣນາຍ ເຢີງ ເຈົ້າຮາຊີ ກະ ອາຕີ ປັຣນາຍ ອໍ ແຕ ເຢຊູ ກຣິດ.

18 ກະ ງວງ ກ້ອຍ ແອິດ ຕາຍິ່ງ ຕິ່ງ ປິ່ຣ ແດິອ ທາ ເລ.

### 13

ຊັນຕຣັນ ແຮ້ງ ກາ ມວຍ ລ້ອຣ ແຕ ແດິອ ທາ ເລ

1 ແວັດ ກ້ອຍ ເກົາ ເຮີມ ມວຍ ລໍາ ຊັນຕຣັນ ແຮ້ງ ລ້ອຣ ແຕ ແດິອ ທາເລ. ຊັນຕຣັນ ກ້ອຍ ເບີ ນ ມວຍ ຈິດ ລໍາ ຕາກອຍ ກະ ຕາປູລ ລໍາ ແປຼ. ກູ່ ລໍາ ຕາກອຍ ຕາປຼິ່ງ ກຸນຕຣວາຣ໌ ເຕົາວ ປິຣເຍົາ. ກະ ຕິ່ງ ກູ່ ແປຼ ອັນ, ເມົາ ຄຽນ ປິຣນາຍ ພາມາດ ເຢົາງ ເຈົາຣາຊີ. 2 ຊັນຕຣັນ ແຮ້ງ ກ້ອຍ ເບີນ ຈະ ນະ ກູລາ ອາຊາງ. ອາເຢົາງ ອັນ ນະ ຊາເກົ້າ, ກະ ແບອ ອັນ ນະ ຊິງ. ເຈົ່ ງວງ ໂອນ ຊັນຕຣັນ ແຮ້ງ ກ້ອຍ ເບີນ ອໍານາດ ແຕ ອັນ. ກະ ອັນ ໂອນ ຊັນ ຕຣັນ ກ້ອຍ ຕະ ຊົດ ປິດ ລາລີ້ ມູເຈິງ ອັນ ເຕ່. 3 ມານໍາ ແປຼ ຊັນຕຣັນ ແຮ້ງ ກ້ອຍ ເບີນ ເບີ ນະ ເມົາ ໄປ້ອ ອັນ ມັນ ອີ ກູຈິດ. ມາ ເບີ ອັນ ເມົາ ປົວ ແບຣັຣ ເຈົ່. ນະກ້ອຍ, ອິນແຍະ ມັຣ ກວາຍ ແອິດ ຕິ່ງ ກູແຕອ໌ ຊ້ອງ ຈິ່ດ ລາລີ້ ແຕ ຊັນຕຣັນ ກ້ອຍ, ກະ ໄລ່ ຕາປູນ ຣານະ ຊັນຕຣັນ ກ້ອຍ. 4 ກູ່ ນະ ກວາຍ ຊາງ ງວງ ກ້ອຍ, ຍ່ອນ ອັນ ໂອນ ຊັນຕຣັນ ກ້ອຍ ເບີນ ຊົດ ມູເຈິງ ອັນ ເຕ່. ກະ ໄລ່ ຊາງ ຊັນ ຕຣັນ ກ້ອຍ ແຮີ. ໄລ່ ຕາແບີບ ປາຍ: "ເບີນ ເມົາ ກາ ປິດ ມູເຈິງ ຊັນຕຣັນ ແຮ້ງ ໄນ? ກະ ເມົາ ກາ ເຕອ໌ ຣາຊູ່ ກະ ອັນ?"

5 ຊັນຕຣັນ ແຮ້ງ ກ້ອຍ ອາຕີ ປິຣນາຍ ໂອດ, ກະ ປິຣນາຍ ພາມາດ ເຢົາງ ເຈົາຣາຊີ. ກະ ອັນ ເບີ ນ ອໍານາດ ຕະ ຊົດ ເບີນ ປູນ ຈິດ ລາ ບາຣ ກາໄຊ. 6 ອັນ ກາຣາ ແບອ ພາມາດ ເຢົາງ ເຈົາຣາຊີ, ຣາມິ້ຣ ເຢົາງ ເຈົາຣາຊີ, ອິນຕຸ ເຢົາງ ເຈົາຣາຊີ ແອິດ, ກະ ມັຣ ໄລ່ ກາ ແອິດ ຕິ່ງ ມັນລ້ອງ ແຮີ. 7 ເມົາ ໂອນ ອັນ ຣາຊູ່ ເຮົາບ ມັຣ ກວາຍ ກາ ຕາປູນ ເຢົາງ ເຈົາຣາຊີ. ກະ ເມົາ ໂອນ ອັນ ຊົດ ກູ່ ຈຸມ ກວາຍ, ກູ່ ຊາແນັດ ກວາຍ, ກູ່ ປິຣນາຍ ກວາຍ, ກະ ກູ່ ກຣ ວາງ ກວາຍ. 8 ອິນແຍະ ມັຣ ກວາຍ ກາ ແອິດ ຕິ່ງ ກູແຕອ໌, ໄລ່ ຊາງ ຊັນຕຣັນ ແຮ້ງ ກ້ອຍ. ແອິງ ໄລ່ ກາ ເບີນ ຣາມິ້ຣ ຕິ່ງ ປຼິ່ງ ກາ ເມົາ ຄຽນ ຣາມິ້ຣ ກວາ ຍ ກາ ອາມົ່ງ ເລືອຍໆ ກາ ຕາ ເບີນ ຊາງ ອັນ. ປຼິ່ງ ກ້ອຍ ລາ ຄອງ ແກະ ກອນ ກາ ຈິວ ກູຈິດ ນະ ເຢົາງ ເຈົາຣາຊີ ປາຍ ດໍອ໌ ໂອນ ອັນ ແຕ ອິນໂຍ່ງ ເຢົາງ ເຈົາຣາຊີ ຕາ ຢວາຣ ແຕງ ມວຍ ຣາມິ້ຣ ອິນເຕົາ.

9 ອາແລະ ເບີນ ກູຕູຣ, ໂອນ ໄລ່ ຊາງັດ! 10 ກວາ ຍ ອາແລະ ມາ ເຢົາງ ເຈົາຣາຊີ ມັດ ດໍອ໌ ອິງເຄາະ ຈິວ ເມົາ ໂກບ ໂຈະ ອັນ ຕິ່ງ ກໍອ໌, ກວາຍ ກ້ອຍ ລາ ເມົາ ໂກບ. ກະ ກວາຍ ອາແລະ ມາ ເຢົາງ ເຈົາຣາຊີ ມັດ ດໍອ໌ ອິງເຄາະ ຈິວ ກູຈິດ ແຕ ດາວ, ກວາຍ ກ້ອຍ ອິງເຄາະ ກູຈິດ ແຕ ດາວ. ນະກ້ອຍ, ກູ່ ນະ ກວາຍ ກາ ຕາປູນ ຣານະ ເຢົາງ ເຈົາຣາຊີ, ອິງເຄາະ ໄລ່ ຈິວ ກະ ຊາອໍາ ຈັບ ລາລີ້.

ຊັນຕຣັນ ແຮ້ງ ກາ ບາຣ ລ້ອຣ ແຕ ກູແຕອ໌

11 ແວັດ ກ້ອຍ, ເກົາ ເຮີມ ມວຍ ລໍາ ຊັນຕຣັນ ແຮ້ງ ການໍອ໌ ລ້ອຣ ແຕ ກູແຕອ໌. ອັນ ເບີນ ບາຣ ລໍາ ຕາກອຍ ນະ ຕາກອຍ ແກະ. ມາ ຊຽງ ອັນ ລາ ນະ ຊຽງ ງວງ. 12 ອັນ ຕະ ຊົດ ຕາງ ຊັນຕຣັນ ແຮ້ງ ກາ ມວຍ. ອັນ ກູດ ກູແຕອ໌ ກະ ມັຣ ກວາ ຍ ກາ ແອິດ ຕິ່ງ ກູແຕອ໌ ອິງເຄາະ ຊາງ ຊັນຕຣັນ ແຮ້ງ ກາ ມວຍ ກ້ອຍ, ຊັນຕຣັນ ກາ ເບີ ມັນ ອີ ກູ ຈິດ, ມາ ແກິດ ແບຣັຣ ລ້ຣ. 13 ຊັນຕຣັນ ແຮ້ງ ກາ ບາຣ ໄນ, ອັນ ຕະ ຊາອິ້ຍ ລາລີ້ ຣານະ ຄານະ. ອັນ ຕະ ໂອນ ອູ່ຍຣ ແຊງ ແຕ ມັນລ້ອງ ແຕ່ອ໌ ປິ ກູແຕອ໌ ຍິ່ຣ ເມົາງ ກວາຍ. 14 ອັນ ພິ ມັຣ ກວາຍ ກາ ແອິດ ຕິ່ງ ກູແຕອ໌ ຍ່ອນ ອັນ ເຕອ໌ ຕະ ຣານະ ຄານະ ຍິ່ຣ ເມົາງ ຊັນຕຣັນ ແຮ້ງ ກາ ມວຍ. ອັນ ແປຣີ ມັຣ ກວາຍ ຕິ່ງ ກູແຕອ໌ ໂອນ ໄລ່ ຕະ ມວຍ ຮູ່ບ ດໍອ໌ ຢໍາມັບ ຊັນຕຣັນ ແຮ້ງ ກາ ມວຍ ກ້ອຍ, ຊັນຕຣັນ ກາ ເມົາ ໄປ້ອ ແຕ ດາວ, ມາ ອິນນ້ອງ ອັນ ອາມົ່ງ. 15 ຊັນຕຣັນ ແຮ້ງ ກາ ບາຣ ກ້ອຍ ເບີນ ອໍານາດ ເຕອ໌ ອັນ ໂອນ ຣາງິຣ ໂຈະ ຮູ່ບ ຊັນ ຕຣັນ ກາ ມວຍ ກ້ອຍ. ນະກ້ອຍ ຮູ່ບ ກ້ອຍ ເຕອ໌ ຕະ ອິນຕີ ກະ ເຕອ໌ ອັນ ກາຈິດ ກູ່ ນະ ກວາຍ ກາ ຕາ ເບີນ ຊາງ ອັນ. 16 ຊັນຕຣັນ ກ້ອຍ ກູດ ກູ່ ນະ ກວາຍ, ກວາຍ ແກດ ກະ ກວາຍ ປິດ, ກວາຍ ຊຸ ກະ ກວາຍ ກາດິດ, ກວາຍ ຊູລ ກະ ກວາຍ ຕາ ເບີ ນ ຊູລ, ໂອນ ໄລ່ ເບີນ ຣາມິ້ຣ ອັນ ຕິ່ງ ອາຕີ ອາ ຕໍາ ແຕີລາ ຕິ່ງ ກາລຍາອ໌ ໄລ່. 17 ກວາຍ ອາແລະ ມາ ຕາ ເບີນ ເບີນ ຣາມິ້ຣ ອັນ, ກວາຍ ກ້ອຍ ຕາ ເຕອ໌ ຈິແຈິງ ອິນເຕົາ. ຣາມິ້ຣ ກ້ອຍ ລາ ຣາມິ້ຣ ຊັນຕຣັນ ແຮ້ງ, ແຕີລາ ເບີ ເຕ່ນ ຣາມິ້ຣ ຊັນຕຣັນ ແຮ້ງ.

18 ຣາມິ້ຣ ໄນ ລາ ອິນຕູຣູ່ ລາລີ້. ກວາຍ ອາແລ ະ ມາ ຣາງິຣ໌ ຣາລັງ, ເຕອ໌ ອັນ ດັງ ແຕ ເບີ ຣາມິ້ຣ



ຊັນຕຣັນ ແຮ້ງ, ຍ່ອນ ເບີ ໄມ່ ເຕ່ນ ຮາມິ່ຮ ກວາຍ. ເບີ ໄມ່ ລາ ຕາປັດ ຮ່ອຍ ຕາປັດ ຈິດ ຕາປັດ.

### 14

ເພງ ລໍ່າ ຍ່ອງ ຕາໄມ

1 ແວັດ ກ້ອຍ ເກົາ ແມ່, ເຈົ້າ ເກົາ ເຮີມ ແກະ ກອນ ກ້ອຍ ຕາຍິ່ງ ຕິ່ງ ກົຮ ຊີໂອນ. ເບີນ ມວຍ ແຊນ ປູນ ຈິດ ລາ ປູນ ປັນ ນະ ກວາຍ ແອັດ ກະ ອັນ, ໄລ່ ເບີນ ຮາມິ່ຮ ອັນ ກະ ຮາມິ່ຮ ອິມປໍ່ ອັນ ຕິ່ງ ກາລຍາອໍ ໄລ່. 2 ເກົາ ຊ້ອງ ມວຍ ຊຽງ ແຕ ມັນ ລ້ອງ ນະ ໂຮ ແດັອ ປັດ, ກະ ນະ ກຮິມ ຕັນດິຮ ເຮ່ງ ລາລີ້. ຊຽງ ກ້ອຍ ລາ ຊຽງ ມັຮ ກວາຍ ກຼິ່ງ ກ້ອຍ ຕາໄປຮ ພິນ, ກູ່ ນະ ເບີນ ມານະ ມານໍາ ພິນ.

3 ໄລ່ ກາ ຕາໄປຮ ກ້ອຍ ຕາຍິ່ງ ແມ່ ປີ ກາເຈິ່ງ ກາ ເຕົາວ ປັຮເຍົາ ຕາກູ, ປີ ປູນ ລໍ່າ ຊັນຕຣັນ, ກະ ປີ ມູ່ ກວາຍ ເທົາ. ເຈົ້າ ໄລ່ ລໍ່າ ຍ່ອງ ມວຍ ເພງ ຕາໄມ. ກວາຍ ການໍ້ອ ຕາ ເຕ້ອ ດັງ ເພງ ກ້ອຍ. ແອັງ ໄລ່ ມວຍ ແຊນ ປູນ ຈິດ ລາ ປູນ ປັນ ນະ ຊ້ອງ ເຕ້ອ ດັງ ເພງ ກ້ອຍ. ມັຮ ກວາຍ ກ້ອຍ, ເຢຊູ ກຮິດ ໄທ ເຈົ້າ ໄລ່, ບັອງ ກາ ໄລ່ ອິນມ້ອງ ແອັດ ຕິ່ງ ກູແຕອໍ.

4 ກວາຍ ກ້ອຍ ຕາ ເກີ່ຍ ຕາປູ່ນ ຮານະ ເຢີງ ກາ ນໍ້ອ. ນະກ້ອຍ ຮາງິຮ ໄລ່ ບຣັຮ ອໍ. ອິນຕຸ ແລະ ແກະ ກອນ ເປາະ, ໄລ່ ຕາປູ່ນ ເລືອຍໆ ອັນ. ເຢີງ ເຈົາຮາຊີ ໄທ ລັຮ ໄລ່ ແຕ ມັຮ ກວາຍ ການໍ້ອ, ໂອນ ໄລ່ ແກັດ ນະ ເກຣິ່ງ ມ່ອບ ຊາງ ແຕ ຕາແບີ ລາລີ້ ໂອນ ເຢີງ ເຈົາຮາຊີ ກະ ໂອນ ແກະ ກອນ. 5 ກວາຍ ກ້ອຍ ຕາ ເກີ່ຍ ປາຍ ອາໂລກ, ກະ ຕາ ເບີນ ເມົາ ເຕ້ອ ຕິ ໄລ່.

ໄປ ນະ ແທວາດາ

6 ແວັດ ກ້ອຍ, ເກົາ ເຮີມ ມວຍ ນະ ແອັນ ແທວາດາ, ອັນ ປັຮ ຕິ ລາລີ້ ຕິ່ງ ມັນລ້ອງ. ອັນ ເດີງ ປັຮ ນາຍ ອໍ ແຕ ເຢີງ ເຈົາຮາຊີ ອາຕີ ມັຮ ກວາຍ ກາ ແອັດ ຕິ່ງ ກູແຕອໍ, ກູ່ ກຮວາງ, ກູ່ ຈຸ່ມ, ກູ່ ປັຮ ນາຍ, ກະ ກູ່ ຊາແມັດ ກວາຍ. 7 ອັນ ອາຕີ ເຮ່ງ ລາລີ້ ປາຍ: "ອິງເຄາະ ເຍົາ ຢໍາມັບ ເຢີງ ເຈົາຮາຊີ ກະ ຍ່ອງ ອັນ! ແຕ້ອ ເຈົ້າ ຕາໄງ ອັນ ຕັດຊິ່ນ ກູ່ ນະ ກວາຍ! ນະກ້ອຍ, ອິງເຄາະ ເຍົາ ກູ່ ຮາໂກລ ຊາງ ເຢີງ ເຈົາຮາຊີ, ອັນ ກາ ແຕງ ມັນລ້ອງ ກະ ກູແຕອໍ, ແດັອ ທາເລ, ກະ ແດັອ ກ້ອຮ!"

8 ເບີນ ແທວາດາ ກາ ບາຮ ແອັນ ຕາປູ່ນ ແທວາດາ ກາ ມວຍ. ແທວາດາ ກາ ບາຮ ປາຍ: "ຮາລຸຮ ເຈົ້າ! ຮາລຸຮ ເຈົ້າ! ເມືອງ ຫາບິໂລນ ປັດ ຮາລຸຮ ເຈົ້າ!

ອັນ ປັຮຕິ່ ກວາຍ ກູ່ ກຮວາງ ໂອນ ມັນແຊມ ກະ ຮາເລົາ ຕະ ຮານະ ຕັງຮາງ, ໄມ່ ລາ ນະ ອັນ ໂອນ ກວາຍ ຕິ່ງ ກູ່ ກຮວາງ ງ່ອຍ ບັອງ ອັນ ໂອນ ໄລ່ ບູລ."

9 ເບີນ ແທວາດາ ກາ ໄປ ແອັນ ຕາປູ່ນ ບາຮ ນະ ແທວາດາ ອິນໂຍ່ງ. ອັນ ປາຍ ເຮ່ງ ລາລີ້ "ກວາຍ ອາ ແລະ ມາ ຊາງ ຊັນຕຣັນ ແຮ້ງ ກາ ແຕ້ອ ແຕ ແດັອ ທາເລ ກະ ຊາງ ຮູ່ບ ຊັນຕຣັນ, ກະ ເບີນ ຮາມິ່ຮ ຊັນຕຣັນ ກ້ອຍ ຕິ່ງ ກາລຍາອໍ ແຕີລາ ຕິ່ງ ອາຕີ ອັນ, 10 ກວາຍ ກ້ອຍ ອິງເຄາະ ຈິວິ ງ່ອຍ ບັອງ ກາ ເຮ່ງ ລາລີ້ ແຕ ເຢີງ ເຈົາຮາຊີ ເຕ່. ບັອງ ແຕ ເຢີງ ເຈົາຮາຊີ ລາ ຊາກໍາ ແຕ ເຢີງ ເຈົາຮາຊີ ເບີນ ຮາງິຮ ອິງຄິ່ນ ລາລີ້ ໂຈະ ກວາຍ ກ້ອຍ. ນະກ້ອຍ ເຢີງ ເຈົາຮາຊີ ຕະ ກວາຍ ກ້ອຍ ຕຸຮ ກັດ ລາລີ້ ແຕ ອູ່ ຍຮ ກະ ກາເຈຍ ຍິ່ຮ ເມີງ ແທວາດາ ອັນ ກະ ຍິ່ຮ ເມີງ ແກະ ກອນ ກ້ອຍ. 11 ປາຮຍາອໍ ແຕ ມັຮ ຮາມິ່ຮ ຕຸຮ ກັດ ໄລ່ ຈິວິ ຊ້ອຮ ປີ ມັນລ້ອງ ຊົດ ແດີຍ. ມັຮ ກວາຍ ກາ ຊາງ ຊັນຕຣັນ ແຮ້ງ ກະ ຮູ່ບ ອັນ, ກະ ມັຮ ກວາຍ ກາ ເບີນ ຮາມິ່ຮ ຊັນຕຣັນ ກ້ອຍ ຕິ່ງ ຈະ ໄລ່, ໄລ່ ຈິວິ ຕຸຮ ກັດ ກ້ອຍ ເລືອຍໆ, ກາ ຕາໄງ ກາ ຊາເດົາ ຕາ ແກັດ ປັດ."

12 ນະກ້ອຍ, ມັຮ ກວາຍ ກາ ຕາປູ່ນ ເຢີງ ເຈົາຮາຊີ ອິງເຄາະ ແອັດ ຈິວິ ເລືອຍໆ. ໄລ່ ໄມ່ ລາ ກວາຍ ກາ ຊາງັດ ມັຮ ປັຮນາຍ ເຢີງ ເຈົາຮາຊີ ປາ ຕັບ, ກະ ຊາອໍາ ເຢຊູ ກຮິດ ຈັບ ລາລີ້.

13 ແວັດ ກ້ອຍ, ເກົາ ຊ້ອງ ມວຍ ຊຽງ ແຕ ມັນ ລ້ອງ ອາຕີ ເກົາ ປາຍ: "ໄມ່ ຄຽນ ປາຍ: ບຸ່ນ ລາລີ້ ມັຮ ກວາຍ ກາ ກູຈິດ ແຕ ໄມ່ ເຈົ້າ ປີ ເມີງ ຍ່ອນ ໄລ່ ຕະ ຮານະ ເຢີງ ເຈົາຮາຊີ."

ກະ ຮາເວົ້າຍ ເຢີງ ເຈົາຮາຊີ ປາຍ: "ໄກຮ ລາລີ້. ຍ່ອນ ກວາຍ ກ້ອຍ ເບີນ ຮາລູ່ ແຕ ຮານະ ອິນຕັອງ ໄລ່ ຕະ. ກະ ມັຮ ຮານະ ອິນເຕົ້າ ໄລ່ ຕະ ເຈົ້າ, ໄລ່ ເບີນ ເກົາ ແຕ ຮານະ ກ້ອຍ."

ທອ້ ກະ ປາໄລ ອາງຸ່ນ ຈິນ ເຈົ້າ ຕິ່ງ ກູແຕອໍ

14 ແວັດ ກ້ອຍ ເກົາ ແມ່, ເຈົ້າ ເກົາ ເຮີມ ຮາມິ່ລ ກູ່ອ, ກະ ເບີນ ມານະ ຕາກູ ຕິ່ງ ຮາມິ່ລ ກ້ອຍ. ອັນ ເບີນ ຮູ່ບເຮີງ ນະ ກອນ ເຢີງ ແກັດ ກວາຍ. ອັນ ຕາປັງ ກຸນຕຣວາອໍ ແຢງ ຕິ່ງ ແປຼ ອັນ, ກະ ອາຕີ ອັນ ຢຸ່ມ ມວຍ ປາ ຮາວຍານ ເບີ ລາລີ້. 15 ກະ ເບີນ ມວຍ ນະ ແທວາດາ ລ້ອຮ ແຕ ດຸງ ຊາງ ປັດ ເຢີງ ເຈົາຮາຊີ, ກະ ອັນ ປາຍ ເຮ່ງ ລາລີ້ ໂຈະ ອັນ ກາ

ຕາກູ ຕິ່ງ ຣາມິລ ປາຍ: "ແຊອ໌ ເຍົາ ຮີ່ ແຕ ຣາວຍານ ເຍົາ, ຍ່ອນ ທຣ໌ ຕິ່ງ ກູແຕອ໌ ຈິນ ອິນແຍ່ະ ເຈີ່. ແຕ້ອ໌ ເຈີ່ ປາແນ່ນ ເຍົາ ຮີ່ ທຣ໌ ກ້ອຍ."

16 ເຈີ່ ອັນ ກາ ຕາກູ ຕິ່ງ ຣາມິລ, ອັນ ຊາເວຍ ຮີ່ ມູ ຕາລັບ ແຕ ຣາວຍານ ອັນ ຕິ່ງ ກູແຕອ໌. ເຈີ່ ອັນ ເບີນ ອິນແຍ່ະ ທຣ໌ ອັນ ແຕ ກູແຕອ໌ ກ້ອຍ.

17 ກະ ເບີນ ມານະ ແອັນ ເທວາດາ, ລ້ອຣ ແຕ ດຸງ ຊາງ ປິດ ເຢີງ ເຈົາຣາຊີ ຕິ່ງ ມັນລ້ອງ. ອັນ ຕາແຍອ໌ ແຕ່ ມານໍາ ຣາວຍານ ເບີ ລາລີ້. 18 ເຈີ່ ແຕ້ອ໌ ມານະ ເທວາດາ ການໍ້ອ໌ ກາ ຕາລາ ອູ່ຍຣ, ອັນ ແຕ້ອ໌ ແຕ ຊັນເຕຣີງ ຮີດ ຊາງ ເຢີງ ເຈົາຣາຊີ. ອັນ ປາຍ ເຣ່ງ ລາລີ້ ໂຈະ ເທວາດາ ກາ ຕາແຍອ໌ ຣາວຍານ ເບີ ກ້ອຍ: "ອີງເຄາະ ໄມ່ ຮີ່ ອີງກຸ ປາໄລ ອາງຸ່ນ ຕິ່ງ ກູແຕອ໌ ແຕ ຣາວຍານ ໄມ່, ຍ່ອນ ປາໄລ ອາງຸ່ນ ຈິນ ເຈີ່!"

19 ເຈີ່ ເທວາດາ ກ້ອຍ ຊາເວຍ ຮີ່ ປາໄລ ອາງຸ່ນ ຕິ່ງ ກູແຕອ໌ ແຕ ຣາວຍານ ອັນ ມວຍ ຕາລັບ. ອັນ ອິດ ເຈີ່ ອັນ ແຫຼງ ປາໄລ ກ້ອຍ ຕິ່ງ ອິນຕຸ ເມົາ ປັດ ແດ້ອ໌ ອາງຸ່ນ ໂອນ ຮອຍ ໂຈະ ຕິ່ງ ຣາເລ່ະ. ອິນ ຕຸ ເມົາ ປັດ ແດ້ອ໌ ອາງຸ່ນ ໄມ່ ຊາກໍາ ແຕ ອິນຕຸ ເຢີງ ເຈົາຣາຊີ ຕະ ໂຕ່ດ ມັຣ ກວາຍ ກາ ອັນ ຊ້ອງ ອວານ. 20 ອິນຕຸ ປັດ ແດ້ອ໌ ອາງຸ່ນ ໄມ່ ແອັດ ຍັຣ ນໍ້ອ໌ ເມືອງ, ກະ ອາຣາມ ກາ ລ້ອຣ ແຕ ອິນຕຸ ກ້ອຍ ແກ້ດ ນະ ແດ້ອ໌ ຕາເລ່ ກາ ອິນຕຸຣຸ່ ມັນ ເບີນ ມວຍ ອາຈ້ອງ, ກະ ຕີ່ ມັນ ເບີນ ໄປ ຮ່ອຍ ລັກ.

### 15

ໄລ່ ກາ ເຮົາບ ຊັນຕຣັນ ແຮ້ງ ລໍ່າ ຍ່ອງ ມວຍ ເພງ

1 ແວັດ ກ້ອຍ, ເກົາ ເຮີມ ມວຍ ຣາມິຣ ຕິ່ງ ມັນ ລ້ອງ, ປິດ ລາລີ້ ກະ ຄານະ ລາລີ້. ເບີນ ຕາປູລ ນະ ເທວາດາ, ໄລ່ ຕາລາ ຕາປູລ ຣາມິຣ ຕຸຣ ກັດ ປັຣ ຊົດ ເລີ້ຍ. ຍ່ອນ ແວັດ ມັຣ ຕຸຣ ກັດ ກ້ອຍ, ເຢີງ ເຈົາຣາຊີ ຕາ ເບີນ ຊ້ອງ ອີງຄິນ ນ້ອງ.

2 ເກົາ ເຮີມ ນະ ແດ້ອ໌ ທາເລ ຕະ ແຕ ຊັຣລັງ ກັຣ ຈຸ ກະ ອູ່ຍຣ. ກະ ເບີນ ກວາຍ ຕາຍິ່ງ ລຍາບ ປີຣ ແດ້ອ໌ ທາເລ ກ້ອຍ. ກວາຍ ກ້ອຍ ລາ ໄລ່ ກາ ຣາຊູ່ ເຮົາບ ຊັນຕຣັນ ແຮ້ງ ກະ ຮູ່ບ ອັນ, ກະ ໄລ່ ຕາ ເບີນ ປຣ່ອມ ເບີນ ເບີ ກາ ແຕ່ນ ຣາມິຣ ອັນ. ໄລ່ ຕາ

ຍິ່ງ ລຍາບ ປີຣ ແດ້ອ໌ ທາເລ, ກະ ໄລ່ ຍຸມ ພິນ ມັຣ ກາ ເຢີງ ເຈົາຣາຊີ ໂອນ ໄລ່. 3 ໄລ່ ລໍ່າ ຍ່ອງ ມວຍ ເພງ ກາ ໂມເຊ, ອັນ ກາ ຕະ ຣານະ ເຢີງ ເຈົາຣາຊີ ຄຽນ ໂອນ ໄລ່, ກະ ມວຍ ເພງ ກາ ແກະ ກອນ ໂອນ ໄລ່ ລໍ່າ ຍ່ອງ ນະໄນ:

"ອິມເຈົາ ຮີ ເອີຍ! ເຍົາ ລາ ເຢີງ ເຈົາຣາຊີ, ອັນ ກາ ຊົດ ອິນແຍ່ະ!  
ຣານະ ເຍົາ ຕະ ລາ ປິດ  
ກະ ຕາ ເກີຍ ເຮີມ ລາລີ້.  
ເຍົາ ລາ ເຕົາວ ປັຣເຍົາ ກາ ຊົດ ກຸ່ ກຣວາງ ກວາຍ.\*

ຣານະ ເຍົາ ລາ ຕາມ້ອງ ກະ ປຍາຍ໌ ເລືອຍໆ.  
4 ເອີ ອິມເຈົາ ເອີຍ! ຕາ ເບີນ ເມົາ ກາ ຕາ ເບີນ ຢ້າ ນັບ ເຍົາ.

ກະ ຕາ ເບີນ ເມົາ ກາ ຕາ ເບີນ ຍ່ອງ ເຍົາ.  
ແອັງ ເຍົາ ແຕ້ ກາ ຕາ ເບີນ ໄລ່ຍຣ ອິນຕ້າ.  
ປັຣເມີ ມັນເຕຣີ ກຸ່ ກຣວາງ ກວາຍ ແຕ້ອ໌ ຊາງ ຍັຣ ເມົາງ ເຍົາ,  
ຍ່ອນ ໄລ່ ເບີນ ເຮີມ ຣານະ ເຍົາ ຕະ ລາ ຕາມ້ອງ ອໍ ເລືອຍໆ."

ຕາປູລ ຕາງານ ຕຸຣ ກັດ ລາລີ້

5 ແວັດ ກ້ອຍ ເກົາ ເພ່, ເຈີ່ ເກົາ ເຮີມ ຕິ່ງ ມັນ ລ້ອງ ເມົາ ເປັຣ ດຸງ ຊາງ ປິດ ເຢີງ ເຈົາຣາຊີ, ລາ ອິນຕຸ ເຢີງ ເຈົາຣາຊີ ແອັດ. 6 ໄລ່ ຕາປູລ ນະ ເທວາດາ ກາ ເບີນ ຕາປູລ ຣາມິຣ ຕຸຣ ກັດ ປັຣ ຊົດ, ໄລ່ ລ້ອຣ ແຕ ດຸງ ຊາງ ກ້ອຍ. ໄລ່ ແຊັບ ເກຣັງ ເມົາ ຕະ ແຕ ອາຣີ ກູ້ອ໌ ບຣັຣ ອໍ ລາລີ້, ກະ ໄລ່ ກາຕັນ ກັນຕັນ ແຢງ ຕິ່ງ ອາເປີມ ໄລ່. 7 ເຈີ່ ມານໍາ ແຕ ປູນ ລໍ່າ ຊັນຕຣັນ ກ້ອຍ, ອັນ ມ່ອບ ໂອນ ຕາ ປູລ ເທວາດາ ກ້ອຍ ມານະ ມວຍ ຕາງານ ແຢງ. ຕາ ປູລ ຕາງານ ກ້ອຍ ລາ ປັນ ຣາມິຣ ຕຸຣ ກັດ ລາລີ້ ແຕ ເຢີງ ເຈົາຣາຊີ, ອັນ ກາ ອາມັງ ຊົດ ແດີຍ, ອີ ຕະ ໂຕ່ດ ກວາຍ. 8 ເຈີ່ ປັຣນາຍ ຍ່ອງ ເຢີງ ເຈົາຣາຊີ ກະ ອໍານາດ ເຢີງ ເຈົາຣາຊີ ປັຣ ອິນແຍ່ະ ຕິ່ງ ດຸງ ຊາງ ປິດ ເຢີງ ເຈົາຣາຊີ ນະ ປາຣຍາອ໌. ນະກ້ອຍ ຕາ ເບີນ ເມົາ ແຕ່ອ໌ ມູ່ດ ຕິ່ງ ດຸງ ຊາງ ກ້ອຍ ຈົນ ແວັດ ຕາປູລ ຣາມິຣ ຕຸຣ ກັດ ກາ ແຕ້ອ໌ ແຕ ອາຕີ ຕາປູລ ນະ ເທວາດາ.

### 16

ຕາປູລ ຣາມິຣ ຕຸຣ ກັດ ປັຣຊົດ

\* 15:3 15:3 ແຕ່ລາ ເຕົາວ ປັຣເຍົາ ກາ ຕາ ເກີຍ ປິດ.

1 ແວັດ ກ້ອຍ, ເກົາ ຊ້ອງ ແຕ ດູງ ຊາງ ເຢີງ ເຈົ້າຮາຊີ, ມວຍ ຊຽງ ເຮ່ງ ລາລີ້ ອາຕີ ໄລ່ ຕາປູ ລ ນະ ເທວາດາ ກ້ອຍ ປາຍ: "ອີງເຄາະ ເຍົາ ເປາະ ທໍ່ ຕຶ່ງ ກູແຕອ໌ ຕາປູລ ຕາງານ ກາ ປັນ ຮາມິ້ຮ ຕຸ່ຮ ກັດ ລາລີ້ ກາ ເຢີງ ເຈົ້າຮາຊີ ອີ ຕະ ໂຕ່ດ ກວາຍ."

2 ເຈີ້ ເທວາດາ ກາ ມວຍ, ອັນ ເປາະ ທໍ່ ຕາງານ ອັນ ຕຶ່ງ ກູແຕອ໌. ເຈີ້ ມັຮ ກວາຍ ກາ ເບີນ ຮາມິ້ຮ ຊັນຕຣັນ ແຮ່ງ ຕຶ່ງ ຈະ ໄລ່, ກະ ໄລ່ ກາ ຊາງ ຮູບ ຊັນຕຣັນ ກ້ອຍ, ມັຮ ກວາຍ ກ້ອຍ ແກ້ດ ບູ ເບີ ປັລດົງ ປູຮ ຈະ ໄລ່.

3 ແວັດ ກ້ອຍ, ເທວາດາ ກາ ບາຮ ແອັນ ທໍ່ ຕາງານ ອັນ ຕຶ່ງ ແດັອ໌ ທາເລ. ເຈີ້ ແດັອ໌ ທາເລ ແກ້ດ ມະ ອາຮາມ ກວາຍ ກາ ກູຈິດ ເຈີ້. ກະ ກູ ຮາມິ້ຮ ອາມັງ ແອັດ ຕຶ່ງ ແດັອ໌ ທາເລ ກ້ອຍ ກູຈິດ ອິນແຍ່ ະ.

4 ແວັດ ກ້ອຍ, ເທວາດາ ກາ ໄປ ແອັນ ທໍ່ ຕາງານ ອັນ ຕຶ່ງ ແດັອ໌ ຕາເລ່ ກະ ແດັອ໌ ກ້ອຍ. ເຈີ້ ແດັອ໌ ກ້ອຍ ແກ້ດ ອາຮາມ. 5 ເກົາ ຊ້ອງ ເທວາດາ ກາ ຕາລາ ແດັອ໌ ປາຍ: "ເອີ ເຢີງ ເຈົ້າຮາຊີ ເອີຍ! ເຍົາ ລາ ເຢີງ ກາ ອາມັງ ຊານຸ່, ກະ ເຍົາ ອາມັງ ແຕ ຕາແບີ ລາລີ້! ເຍົາ ຕາ ເບີນ ໂລ່ຍຮ ອິນເຕົ້າ. ມັຮ ຮາມິ້ຮ ເຍົາ ຕະ ໂຕ່ດ ກວາຍ, ເຍົາ ຕະ ຕານ້ອງ ລາລີ້, 6 ຍ່ອນ ມັຮ ກວາຍ ກ້ອຍ ກາຈິດ ມັຮ ກວາຍ ກາ ຕາປູນ ຮານະ ເຍົາ ກະ ມັຮ ກວາຍ ອາຕີ ຕາງ ປັຮນາຍ ເຍົາ. ມະກ້ອຍ ປຍາຍ໌ ເຍົາ ໂອນ ໄລ່ ຈ່ອຍ໌ ອາຮາມ, ຍ່ອນ ໄລ່ ຕະ ຕາໂຮະ ອາຮາມ ກວາຍ ກາ ນໍ່ອ໌."

7 ແວັດ ກ້ອຍ, ເກົາ ຊ້ອງ ຊຽງ ແຕ ຊັນເຕຣີງ ຮິ່ດ ຊາງ ປາຍ: "ເອີ ອິນເຈົ້າ ເອີຍ! ເຍົາ ລາ ເຢີງ ເຈົ້າຮາຊີ ກາ ຊົດ ກາເລີຍ ແຕ ການໍ່ອ໌! ມັຮ ຮາມິ້ຮ ເຍົາ ຕະ ໂຕ່ດ ກວາຍ, ເຍົາ ຕະ ປຍາຍ໌ ກະ ຕານ້ອງ ລາລີ້!"

8 ແວັດ ກ້ອຍ, ເທວາດາ ກາ ປູນ ແອັນ ທໍ່ ຕາງານ ອັນ ຕຶ່ງ ມັດ ມານາງ. ເຈີ້ ມັດ ມານາງ ເບີນ ອໍານາດ ກາດ ຈະ ກວາຍ ຍ່ອນ ເຈຍ ກູເຕົາ ລາລີ້. 9 ມະກ້ອຍ, ມັຮ ກາ ຈະ ກວາຍ ກາດ ອິນແຍ່. ກະ ກວາຍ ກ້ອຍ ພາມາດ ຮາມິ້ຮ ເຢີງ ເຈົ້າຮາຊີ, ອັນ ກາ ຊົດ ມັຮ ຮາມິ້ຮ ຕຸ່ຮ ກັດ ໄນ່. ມາ ອິນນ້ອງ ໄລ່ ຕາ ເບີນ ປຽນ ແກ້ດ ຮາງິຮ ຕາໄມ, ກະ ຕາ ເບີນ ຢໍານັບ ເຢີງ ເຈົ້າຮາຊີ.

10 ແວັດ ກ້ອຍ, ເທວາດາ ກາ ເຊີງ ແອັນ ທໍ່ ຕາງານ ອັນ ຕຶ່ງ ອິນຕຸ ຊັນຕຣັນ ແຮ່ງ ກາ ຕາກູ ຕະ ຊົດ. ເຈີ້ ອິນແຍ່ ອິນຕຸ ອັນ ຕະ ຊົດ ແກ້ດ

ການໍາ, ກະ ມັຮ ກວາຍ ແອັດ ປິ ກ້ອຍ, ໄລ່ ກາ ເຕຣືອກ ກາແນງ ກາບາງ, ຍ່ອນ ໄລ່ ຊ້ອງ ຕິ ລາລີ້. 11 ກະ ໄລ່ ພາມາດ ເຢີງ ເຈົ້າຮາຊີ ກາ ແອັດ ຕຶ່ງ ມັນລ້ອງ, ຍ່ອນ ໄລ່ ຊ້ອງ ຕິ ກະ ຍ່ອນ ຈະ ໄລ່ ແກ້ດ ບູເບີ ປັລດົງ. ມາ ອິນນ້ອງ ໄລ່ ຕາ ແອອ໌ ປຽນ ແກ້ດ ຮາງິຮ ຕາໄມ ແຕ ມັຮ ຮານະ ຕາ ອໍ ໄລ່ ຕະ.

12 ແວັດ ກ້ອຍ, ເທວາດາ ກາ ຕາປັດ ແອັນ ທໍ່ ຕາງານ ອັນ ຕຶ່ງ ຕາເລ່ ເອີພຣັດ. ເຈີ້ ແດັອ໌ ຕາເລ່ ກ້ອຍ ຊາແຣດ ແກ້ດ ຊາແອັດ, ຕະ ໂອນ ມັຮ ເຕົາວ ປັຮເຍົາ ແຕ ມານາງ ລ້ອຮ ເຕອ໌ ເປາະ ຮາຊູ່. 13 ເຈີ້ ເກົາ ເຮີມ ໄປ ລໍາ ເຢີງ ຕາ ອໍ ກາ ເບີນ ຮູບເຮີງ ມະ ກວາດ, ໄລ່ ລ້ອຮ ແຕ ແບອ໌ ງວງ, ຊັນຕຣັນ ແຮ່ງ, ກະ ອັນ ກາ ອາໂລກ ປາຍ ອັນ ອາຕີ ຕາງ ປັຮນາຍ ເຢີງ ເຈົ້າຮາຊີ. 14 ເຢີງ ຕາ ອໍ ກ້ອຍ ຕະ ຮານະ ຄານະ ລາລີ້, ກະ ໄລ່ ປາໂຣມ ມັຮ ເຕົາວ ປັຮເຍົາ ແຕ ກູ່ ກຮວາງ ກວາຍ ໂອນ ເປາະ ຕະ ເຊີກ ກະ ເຢີງ ເຈົ້າຮາຊີ ກາ ຊົດ ແກ້ຍ ອິນແຍ່ ແຕ ການໍ່ອ໌ ຕຶ່ງ ຕາໂງ ອັນ ອີ ຕັດຊິນ ອິນແຍ່ ມັຮ ກວາຍ.

15 ເກົາ ຊ້ອງ ມວຍ ຊຽງ ປາຍ: "ເຍົາ ແນ່ ປິ ກ້ອຍ! ເກົາ ແຕ້ອ໌ ມະ ກວາຍ ຊາແວງ! ບຸ່ນ ລາລີ້ ກວາຍ ກາ ແນ່ ກຮັກ ລາລີ້. ກວາຍ ກ້ອຍ ລາ ມະ ອັນ ແອັດ ຕາງວຍ ເລື້ອຍໆ. ອັນ ຕາ ເບີນ ຕວດ ອາຍ້ອຮ, ເຈີ້ ເປາະ ປິ. ມະກ້ອຍ ຕາ ເບີນ ແນ່ ແຕ້ອ໌ ມັຮ ອັນ ແອັດ ມູລາໂລ່ະ, ກະ ອັນ ຕາ ເບີນ ກູມາລ ອິນເຕົ້າ ຢັຮ ເມີງ ກວາຍ ການໍ່ອ໌."

16 ໄປ ລໍາ ເຢີງ ຕາ ອໍ ກ້ອຍ ປາໂຣມ ມັຮ ເຕົາວ ປັຮເຍົາ ຕຶ່ງ ອິນຕຸ ກວາຍ ອິດຊະຮາເອລ ດໍອ໌ ອາມາເຄໂດນ.

17 ແວັດ ກ້ອຍ, ເທວາດາ ກາ ຕາປູລ ແອັນ ທໍ່ ຕາງານ ອັນ ອິນຕີ ມັນລ້ອງ ກະ ກູແຕອ໌. ເຈີ້ ເບີນ ມວຍ ຊຽງ ແຕ ກາເຈີ້ ເຕົາວ ປັຮເຍົາ ຕາກູ ຕຶ່ງ ດູງ ຊາງ ເຢີງ ເຈົ້າຮາຊີ ອາຕີ ປາຍ: "ແມ້ມ ອິນແຍ່ ະ ເຈີ້!"

18 ເຈີ້ ເບີນ ຕາລຍາຮ, ເບີນ ຊາອິ່ຍ ຊຽງ ຕັນ ຕິ່ຮ, ເບີນ ຊຽງ ກຮິ່ມ ເຮ່ງ ລາລີ້, ກະ ເບີນ ກູແຕອ໌ ກູກິ່ດ ຮັບ ລາລີ້. ແຕ ຕາໂງ ເຢີງ ເຈົ້າຮາຊີ ແຕງ ກວາຍ, ຕາ ເກີ່ຍ ເບີນ ກູແຕອ໌ ກູກິ່ດ ຮັບ ມາຮ ກ້ອຍ. ອັນ ກູກິ່ດ ເຮີບ ໄນ່ ລາ ຮັບ ແກ້ຍ ອິນແຍ່ ແຕ ເຮີບ ການໍ່ອ໌! 19 ເມືອງ ປິດ ຮາລຸຮ ແກ້ດ ໄປ ວັກ. ກະ ມັຮ ກາ ເມືອງ ຕຶ່ງ ກຮວາງ ກາ ນໍ່ອ໌ ລາ ຮາລຸຮ ເຕ່. ເຢີງ ເຈົ້າຮາຊີ ຊາແຍີ ເມືອງ

ປິດ ກ້ອຍ, ລາ ເມືອງ ບາບີໂລນ. ອັນ ໂອນ ເມືອງ ກ້ອຍ ຈ່ອຍ ປ້ອງ ແຕ ຕາງານ ເຢີງ ເຈົ້າຮາຊີ. ຕາງານ ປ້ອງ ກ້ອຍ ລາ ຊາກຳ ແຕ ເຢີງ ເຈົ້າຮາຊີ ເບີນ ຮາງື່ຮ ອິງຄືນ ລາລີ້ ໂຈະ ເມືອງ ກ້ອຍ. <sup>20</sup> ກູ່ ລຳ ໂບດ ແກ້ດ ປິດ ອິນແຍ່ະ, ກະ ກູ່ ປັຣແລີ ກັຮ ລາ ຕາ ເບີນ ເຮີມ ນ້ອງ. <sup>21</sup> ກະ ເບີນ ປາແຣລ ຊາແລັຮ ແຕ ມັນລ້ອງ ປຍາຍ ຕຶງ ກວາຍ. ມວຍ ກູອງ ປາແຣລ ລາ ອິນຕ້ອງ ມັນ ປູນ ຈິດ ລາ ເຊີງ ໂລ. ນະກ້ອຍ ມັຮ ກວາຍ ພາມາດ ເຢີງ ເຈົ້າຮາຊີ, ຍ່ອນ ປາແຣລ ກ້ອຍ ຊາແລັຮ ໂຈະ ໄລ່, ຍ່ອນ ຮາມິ້ຮ ຕຸ່ຣ ກັດ ກ້ອຍ ລາ ອິນຕ້ອງ ລາລີ້.

### 17

ເຢີງ ເຈົ້າຮາຊີ ຕະ ໂຕ່ດ ເມືອງ ບາບີໂລນ

<sup>1</sup> ແວັດ ກ້ອຍ, ເບີນ ມວຍ ນະ ເທວາດາ ແຕ ໄລ່ ຕາປູລ ນະ ເທວາດາ ກາ ຢຸມ ຕາປູລ ແບງ ຕາງານ ກ້ອຍ, ອັນ ແຕ້ອ ປິ ເກົາ ກະ ອາຕີ ເກົາ ປາຍ: "ໄມ່ ແຕ້ອ ປິ ໄມ່. ເກົາ ໂອນ ໄມ່ ເຮີມ ຮານະ ອິນ ເຕົ້າ ເຢີງ ເຈົ້າຮາຊີ ອີ ຕະ ໂຈະ ມັນແຊມ ກາ ຕາກູ ຕຶງ ອິນຕຸ ເບີນ ຊາອິ້ຍ ແດັອ ຕາເລ່, ອັນ ກາ ຈິ ຈະ. ມັນແຊມ ກ້ອຍ ຊາກຳ ແຕ ເມືອງ ບາບີໂລນ. <sup>2</sup> ມັຮ ກາ ເຕົ້າ ປັຣເຍົາ ຕຶງ ກູແຕອ້ ປິ ມັນຕຸ ກະ ມັນແຊມ ກ້ອຍ. ກະ ມັຮ ກວາຍ ແອັດ ຕຶງ ກູແຕອ້ ແກ້ດ ບູລ ຈ່ອຍ ປ້ອງ ແຕ ມັນແຊມ ກ້ອຍ. ປ້ອງ ໄມ່ ຊາກຳ ລາ ໄລ່ ຕະ ຮານະ ແປຣີ້ ກະ ມັນແຊມ ກ້ອຍ."

<sup>3</sup> ເຈີ້ ຮາເວີຍ ເຢີງ ເຈົ້າຮາຊີ ແກ້ດ ຊົດ ຕຶງ ຮາງື່ຮ ເກົາ, ກະ ເທວາດາ ເດີງ ເກົາ ເປາະ ປິ ອິນຕຸ ຕຍາຣ. ແອັດ ປິ ກ້ອຍ ເກົາ ເຮີມ ມານະ ມັນແຊມ ຕາກູ ຕຶງ ກັຮອຍ ຊັນຕຣັ້ນ ແຮັງ ກູເຊົາ. ຊັນຕຣັ້ນ ແຮັງ ກ້ອຍ ເບີນ ຕາປູລ ລຳ ແປຶ ກະ ມວຍ ຈິດ ລຳ ຕາກອຍ, ກະ ອັນ ແກງ ຕຶງ ຈະ ອັນ ຊາອິ້ຍ ປັຣນາຍ ພາມາດ ເຢີງ ເຈົ້າຮາຊີ. <sup>4</sup> ມັນແຊມ ກ້ອຍ ຕັອກ ເກຣັງ ອາອູຍ ກະ ກູເຊົາ. ອັນ ຕັອກ ເກຣັງ ແຢງ, ຕາເມົາ ເປ່ງ, ກະ ເກຣັງ ເປ່ງ ການໍອໍ ແຮີ. ຕຶງ ອາຕີ ອັນ ຕາແຢອ້ ມວຍ ແບງ ຕາງານ ແຢງ ກາ ບັນ ຮາມິ້ຮ ກູມາລ ກະ ຮາມິ້ຮ ແປຣີ້ ລາລີ້. <sup>5</sup> ຕຶງ ກາລຍາອໍ ມັນແຊມ ກ້ອຍ ເມົາ ຄຽນ ມວຍ ຮາມິ້ຮ ປາໂຕ່ະ. ເມົາ ຄຽນ ນະໄມ່: "ໄມ່ ລາ ບາບີໂລນ ປິດ ລາລີ້. ອັນ ລາ ອິມເປອ້ ກູ່ ນະ ມັນແຊມ ກາ ຈິ ຈະ, ກະ ກູ່ ນະ ກວາຍ ກາ ຕະ ຮານະ ແປຣີ້ ຕຶງ ກູແຕອ້."

<sup>6</sup> ເກົາ ເຮີມ ມັນແຊມ ກ້ອຍ ແກ້ດ ບູລ, ຍ່ອນ ອັນ ຈ່ອຍ ອາຮາມ ແຕ ກວາຍ ກາ ຊາອໍ ເຢີງ ເຈົ້າຮາຊີ, ກະ ແຕ ມັຮ ກວາຍ ກາ ຈິວ ກູຈິດ ຍ່ອນ ໄລ່ ອາຕີ ປັຣນາຍ ເຢຊູ ກັຮກ ລາລີ້.

ແຕ້ອ ເກົາ ເຮີມ ມັນແຊມ ກ້ອຍ, ເກົາ ຊ້ອງ ຈິດ ລາລີ້. <sup>7</sup> ມາ ເທວາດາ ຕາເບີບ ເກົາ ປາຍ: "ນານະ ໄມ່ ຊ້ອງ ຈິດ ນະກ້ອຍ? ຊານໍ ເກົາ ອາລ້ອຣ ໂອນ ໄມ່ ດັງ ແຕ ຮານະ ປາໂຕ່ະ ແຕ ມັນແຊມ ໄມ່ ກະ ແຕ ຊັນຕຣັ້ນ ແຮັງ ກາ ເດີງ ອັນ ເປາະ, ຊັນຕຣັ້ນ ກາ ເບີນ ຕາປູລ ລຳ ແປຶ ກະ ມວຍ ຈິດ ລຳ ຕາກອຍ. <sup>8</sup> ຊັນຕຣັ້ນ ແຮັງ ກາ ໄມ່ ເຮີມ ກ້ອຍ, ແຕ ອິນໂຍ່ງ ອັນ ອາມັງ, ມາ ຊານໍ ອັນ ຕາ ເບີນ ນ້ອງ. ຕາ ເບີນ ດູ່ນ ນ້ອງ ອັນ ຊ້ອຣ ແຕ ປຣຸ່ງ ອູ່ຍຣ. ເຈີ້ ອັນ ເບີນ ອາມັງ ປິອໍ ແອັນ, ມາ ປັຣແນີ ມັນເຕຣົາ ອັນ ປິດ ເລີ້ຍ. ກະ ມັຮ ກວາຍ ກາ ແອັດ ຕຶງ ກູແຕອ້, ໄລ່ ກາ ຕາ ເບີນ ເບີນ ຮາມິ້ຮ ຕຶງ ປຶງ ປັຣນາຍ ກາ ເມົາ ຄຽນ ຮາມິ້ຮ ກວາຍ ກາ ເບີນ ອາມັງ ເລື້ອຍໆ, ແຕ ອິນໂຍ່ງ ເຢີງ ເຈົ້າຮາຊີ ຕາ ຢວາຣ ແຕງ ມັນ ລ້ອງ ກູແຕອ້, ບັອງ ກາ ກວາຍ ກ້ອຍ ເມ່ ປິ ຊັນຕຣັ້ນ ແຮັງ, ໄລ່ ຊ້ອງ ຈິດ ລາລີ້. ໄລ່ ຊ້ອງ ຈິດ ແຕ ຊັນຕຣັ້ນ ແຮັງ ກ້ອຍ, ຍ່ອນ ແຕ ອິນໂຍ່ງ ອັນ ອາມັງ, ມາ ຊານໍ ອັນ ຕາ ເບີນ ນ້ອງ. ມາ ປັຣແນີ ມັນເຕຣົາ ອັນ ແຕ້ອ ລັຣ ຊາ.

<sup>9</sup> "ໄຮ ອິງເຄາະ ຮາໄງ່ອ ຮາລັງ, ໂອນ ເຕອ້ ໄຮ ດັງ ແຕ ຮາມິ້ຮ ໄມ່. ຕາປູລ ລຳ ແປຶ ກ້ອຍ ລາ ຕາປູລ ລຳ ກັຮ. ກະ ມັນແຊມ ກ້ອຍ ຕາກູ ແອັດ ຕຶງ ຕາປູລ ລຳ ກັຮ ກ້ອຍ. ຕາປູລ ລຳ ແປຶ ລາ ຊາກຳ ແຕ ຕາປູລ ນະ ເຕົ້າ ປັຣເຍົາ ແຮີ. <sup>10</sup> ເຊີງ ນະ ເຕົ້າ ປັຣເຍົາ ລາ ກູຈິດ ເຈີ້. ມາ ມານະ ເຕົ້າ ປັຣເຍົາ, ອັນ ອິນນ້ອງ ຊົດ. ກະ ເຕົ້າ ປັຣເຍົາ ມານະ ແອັນ, ອັນ ຕາ ຢວາຣ ແຕ້ອ. ມາ ບັອງ ກາ ເຕົ້າ ປັຣເຍົາ ກ້ອຍ ແຕ້ອ, ອັນ ຕາ ເບີນ ແອັດ ດູ່ນ. <sup>11</sup> ກະ ຊັນຕຣັ້ນ ແຮັງ ກ້ອຍ, ອັນ ກາ ອາມັງ ແຕ ອິນໂຍ່ງ, ມາ ຊານໍ ອັນ ຕາ ເບີນ ນ້ອງ, ອັນ ລາ ເຕົ້າ ປັຣເຍົາ ກາ ຕາກໍອລ. ອັນ ຕະ ຮານະ ຕາ ອໍ ມູເຈັງ ໄລ່ ຕາປູລ ນະ ເຕົ້າ ປັຣເຍົາ ກາ ແຕ ອິນໂຍ່ງ. ກະ ປັຣແນີ ມັນເຕຣົາ ອັນ ກູຈິດ ປິດ.

<sup>12</sup> "ມວຍ ຈິດ ລຳ ຕາກອຍ ກາ ໄມ່ ເຮີມ, ລາ ຊາກຳ ແຕ ມວຍ ຈິດ ນະ ເຕົ້າ ປັຣເຍົາ ກາ ຕາ ຢວາຣ ຕະ ຊົດ. ແຕ້ອ ໄລ່ ຊົດ, ໄລ່ ຕະ ຊົດ ມັນຕຸ ກະ ຊັນຕຣັ້ນ ແຮັງ, ມາ ໄລ່ ຊົດ ມວຍ ຊາໂມງ ຊ້ອງ. <sup>13</sup> ອິນແຍ່ະ ມວຍ ຈິດ ນະ ເຕົ້າ ປັຣເຍົາ

ໄມ່, ໄລ່ ຕາປູນ ອິນແຍ່ະ ມວຍ ຮານະ. ໄລ່ ມ່ອບ ອຳນາດ ໄລ່ ກະ ອິນແຍ່ະ ມັຮ ຣາມິ້ຮ ໄລ່ ຊົດ ໂອນ ປີ ຊົນຕຣັ້ນ ແຮ້ງ. <sup>14</sup> ອິນແຍ່ະ ມັຮ ເຕົາວ ປັຣເຍົາ ກ້ອຍ, ໄລ່ ປຣ່ອມ ຣາຊູ່ ກະ ເກະ ກອນ. ມາ ເກະ ກອນ ກ້ອຍ, ອັນ ຮຽຮ ກະ ອັນ ກູຣ໌ ມັຮ ກວາຍ ກາ ຕາປູນ ຮານະ ອັນ ຕາມ້ອງ ອໍ ລາລີ້. ອິນແຍ່ະ ໄລ່ ກ້ອຍ ຣາຈິລ ເຮົາບ ກະ ມັຮ ເຕົາວ ປັຣເຍົາ ກ້ອຍ, ຍ່ອນ ແຕ ເກະ ກອນ ກ້ອຍ, ອັນ ລາ ອິນ ເຈົ້າ ກາເລີຍ ອິນເຈົ້າ ການໍ້ອ, ກະ ອັນ ລາ ເຕົາວ ປັຣເຍົາ ກາເລີຍ ເຕົາວ ປັຣເຍົາ ການໍ້ອ."

<sup>15</sup> ກະ ເທວາດາ ອາຕີ ເກົ້າ ແອັນ ປາຍ: "ອິນຕຸ ເບີນ ຊາອິ້ຍ ແດັອ ຕາເລ່ ກາ ໄມ່ ເຮີມ ເຈ້, ລາ ອິນ ຕຸ ມັນແຊມ ກາ ຈິ ຈະ ຕາກູ, ແດັອ ກ້ອຍ ຊາກຳ ແຕ ກູ່ ຊາແມັດ ກວາຍ, ກູ່ ຈຸ່ມ ກວາຍ, ກູ່ ກຣວາງ ກວາຍ, ກະ ກູ່ ປັຣນາຍ ກວາຍ. <sup>16</sup> ມວຍ ຈິດ ລຳ ຕາກອຍ ກາ ໄມ່ ເຮີມ, ກະ ຊົນຕຣັ້ນ ແຮ້ງ ກ້ອຍ, ປັຣເມີ ມັນເຕຣີ ມັຮ ຣາມິ້ຮ ກ້ອຍ ຊາອັຣ ມັນ ແຊມ ກາ ຈິ ຈະ. ປັຣເມີ ມັນເຕຣີ ໄລ່ ອິດ ເມົາດ ອິນແຍ່ະ ມູ່ນ ອັນ, ກະ ໂອນ ອັນ ແອັດ ມູລາໄລ່ ະ ຊ້ອງ. ແວັດ ກ້ອຍ ໄລ່ ຈາ ໄຊຣ໌ ອັນ, ກະ ໄລ່ ບຸຣ ອັນ ຕຶງ ອູ່ຍຣ. <sup>17</sup> ເຈ້ ເຢັງ ເຈົ້າຣາຊີ ແຕງ ໂອນ ມັຮ ເຕົາວ ປັຣເຍົາ ກ້ອຍ ມັດ ດຸ້ອ ເຈ້ ນະ ອັນ ຢິອ ອິ ໂອນ ໄລ່ ຕະ. ອັນ ໂອນ ໄລ່ ປຣ່ອມ ມ່ອບ ອຳນາດ ໄລ່ ປີ ຊົນຕຣັ້ນ ແຮ້ງ, ໂອນ ແອັງ ຊົນຕຣັ້ນ ກ້ອຍ ຊ້ອງ ຊົດ ຈົນ ແກັດ ຊັງໄກຣ ອິນ ແຍ່ະ ປັຣນາຍ ເຢັງ ເຈົ້າຣາຊີ ປາຍ ເຈ້.

<sup>18</sup> "ກວາຍ ມັນແຊມ ກາ ໄມ່ ເຮີມ, ອັນ ລາ ເມືອງ ປັດ ກາ ຕາລາ ມັຮ ກວາຍ ເຕົາວ ປັຣເຍົາ ແອັດ ຕຶງ ກູແຕອ໌."

## 18

ເຢັງ ເຈົ້າຣາຊີ ຕະ ໂອນ ຣາລຸຣ ອິນແຍ່ະ ເມືອງ ບາປີໂລນ

<sup>1</sup> ແວັດ ກ້ອຍ, ເກົ້າ ເຮີມ ມວຍ ນະ ແອັນ ເທວາ ຕາ ແຊງ ແຕ ມັນລ້ອງ. ອັນ ເບີນ ອຳນາດ ປັດ ລາ ລີ້. ປັງ ແຕ ຮູ່ບເຮັງ ອັນ ປາເລີງ ປັຣ ອິນແຍ່ະ ກຣວາງ ກູແຕອ໌. <sup>2</sup> ອັນ ກູຣ໌ ເຮັງ ລາລີ້ ປາຍ: "ຣາ ລຸຣ ເຈ້! ຣາລຸຣ ເຈ້! ເມືອງ ບາປີໂລນ ກາ ປັດ ລາ ລີ້ ຣາລຸຣ ເຈ້! ຊານໍ່, ແອັງ ຕາເມ່າະ ກະ ເຢັງ ຕາ ອໍ ແອັດ ອິນຕຸ ເມືອງ ກ້ອຍ. ກະ ເບີນ ແຈມ ກັລ ຈູ່ ແອັດ ຕຶງ ກ້ອຍ ແຕ່. <sup>3</sup> ໄກຣ ລາລີ້, ເມືອງ ກ້ອຍ ໂອນ ກວາຍ ກູ່ ກຣວາງ ຈ່ອງ ປັຣ ອັນ. ປັຣ ກ້ອຍ ຊາກຳ ແຕ ມັຮ ຮານະ ແປຣີ້ ກວາຍ ຕະ ຕຶງ ເມືອງ ກ້ອຍ. ອິນແຍ່ະ ມັຮ ເຕົາວ ປັຣເຍົາ ແອັດ

ຕຶງ ກູ່ ກຣວາງ, ໄລ່ ປຣ່ອມ ຕະ ຮານະ ແປຣີ້ ກະ ເມືອງ ກ້ອຍ. ກະ ມັຮ ກວາຍ ກາ ຈິ ແຈັງ ຕຶງ ກູ ແຕອ໌, ໄລ່ ກ້ອຍ ແກັດ ຊູ ລາລີ້ ຍ່ອນ ເມືອງ ກ້ອຍ ມັກ ແອັດ ປຣຍາອ໌ ລາລີ້."

<sup>4</sup> ແວັດ ກ້ອຍ, ເກົ້າ ຊ້ອງ ຊຽງ ການໍ້ອ ແຕ ມັນ ລ້ອງ ປາຍ ນະໄນ:

"ເອີ ເຍົາ ກາ ຕາປູນ ຮານະ ເກົ້າ ເອີຍ!

ອິງເຄາະ ເຍົາ ລ້ອຣ ແຕ ເມືອງ ກ້ອຍ!

ອິງເຄາະ ເຍົາ ອິນໂຈຍ ຕະ ໂລ່ຍຣ ນະ ອັນ;

ໂອນ ເຍົາ ແຕ່ອ ວຍາຣ ມັຮ ຣາມິ້ຮ ຕຸ່ຣ ກັດ ກາ ແຕ້ອ ປີ ອັນ!

<sup>5</sup> ເມືອງ ກ້ອຍ ເບີນ ໂລ່ຍຣ ຊາອິ້ຍ ເຈ້,

ນະ ອັນ ຕາຣັບ ໂລ່ຍຣ ອາຊ້ອຣ ແຕ້ອ ປີ ມັນລ້ອງ.

ເຢັງ ເຈົ້າຣາຊີ ເຈ້ ດໍອ໌ ເລືອຍໆ

ມັຮ ຮານະ ຕາ ອໍ ເມືອງ ກ້ອຍ ຕະ.

<sup>6</sup> ອິງເຄາະ ເຍົາ ຕະ ໂຈະ ເມືອງ ກ້ອຍ

ມູເຈັງ ອັນ ຕະ ໂຈະ ເຍົາ ແຕ່.

ອິງເຄາະ ເຍົາ ກັຣລັຣ ແດັອ ເມືອງ ກ້ອຍ ບາຣ ເຈີ ກາເລີຍ ແຕ ຮານະ ອັນ ຕະ.

ອິງເຄາະ ເຍົາ ກູລັຣ ລັຣ ຮານະ ໂຕຍ໌ ບາບ ໂອນ ເມືອງ ກ້ອຍ ບາຣ ເຈີ ກາເລີຍ ແຕ ອັນ ຕະ ໂຈະ ກວາຍ ການໍ້ອ ເຈ້.

<sup>7</sup> ອັນ ແອັດ ປຣຍາອ໌ ລາລີ້, ກະ ອັນ ໂອດ ເລືອ ຍໆ.

ນະກ້ອຍ, ມາຣ ກ້ອຍ ແຕ່ ໂອນ ອັນ ເບີນ ຮານະ ຕຸ່ຣ ກັດ ກະ ຈູ່.

ຮາງຶຣ ອັນ ຄິດ ນະໄນ: 'ເກົ້າ ຕາກູ ໄມ່, ເກົ້າ ລາ ມັນແຊມ ເຕົາວ ປັຣເຍົາ! ເກົ້າ ຕາ ແກ້ນ ອິມເປ້ອ໌ ກູມາຍ. ເກົ້າ ຕາ ເບີນ ຣາມິ້ຮ ຕຸ່ຣ ຈູ່ ອິນເຕົ້າ!'

<sup>8</sup> ນະກ້ອຍ, ມັຮ ຣາມິ້ຮ ຕຸ່ຣ ກັດ ໄມ່ ແຕ້ອ ປີ ອັນ ລາ ມວຍ ຕາຣີ້ບ!

ເມົ້າ ກູຈິດ ກຸ່ຣ, ເມົ້າ ເຍົາມ ກູໂກຍ໌, ເມົ້າ ມາເຍົາຍຣ ຊາລາອ໌, ກະ ເມືອງ ກ້ອຍ ເມົ້າ ຈ້ອງ ອິນ ແຍ່ະ.

ໄກຣ ລາລີ້ ເຢັງ ເຈົ້າຣາຊີ ລາ ອິນເຈົ້າ. ອັນ ກາ ຕັດຊິ້ນ ເມືອງ ກ້ອຍ ລາ ຊົດ ແກຼຍ ແຕ ການໍ້ອ."

<sup>9</sup> ກະ ມັຮ ເຕົາວ ປັຣເຍົາ ກາ ແອັດ ຕຶງ ກູ່ ກຣ ວາງ, ໄລ່ ກາ ຕະ ຮານະ ແປຣີ້ ມັນຕຸ ກະ ເມືອງ ກ້ອຍ, ເຈ້ ແອັດ ປຣຍາອ໌ ລາລີ້ ກະ ອັນ, ແຕ້ອ ເຕົາວ ປັຣເຍົາ ກ້ອຍ ເຮີມ ປາຣຍາອ໌ ຊ້ອຣ ແຕ ເມືອງ ກ້ອຍ, ໄລ່ ເຍົາມ ກູໂກຍ໌. <sup>10</sup> ມັຮ ເຕົາວ

ປັດເຍົາ ກ້ອຍ ແອິດ ເຢິງ ແຕ ພືອງ ກ້ອຍ, ຍ່ອນ ໄລ່ ອຶງກ້ອນ ໄລ່ ຈິວ ຖ່ຮ ກັດ ກ້ອຍ ເຕ່. ກະ ໄລ່ ປາຍ: "ໂຕຍ ບາບ ລາລີ້! ໂຕຍ ບາບ ລາລີ້ ພືອງ ປັດ ກ້ອຍ, ລາ ພືອງ ບາບໂລມ! ເຢິງ ເຈົາຮາຊີ ຕະ ໂອນ ອັນ ປັດ ມວຍ ຕາລັບ!"

11 ກະ ມັຮ ກວາຍ ກາ ຈິແຈ້ງ ຕຶ້ງ ກູແຕອ໌, ໄລ່ ເຍົາມ ກູໂກຍ໌ ແຕ ພືອງ ກ້ອຍ ເຕ່, ຍ່ອນ ຕາ ເບີນ ເມົາ ອີ ແຈ້ງ ນ້ອງ ທາຮິ່ງ ໄລ່. 12 ຕາ ເບີນ ອາແລ່ ະ ອີ ແຈ້ງ ນ້ອງ ແຢງ, ປຣະ, ຕາເມົາ ເປ່ງ, ທາຮິ່ງ ເປ່ງ, ຊາອິຍ ຮາມິ່ຮ ອາຮີ ອໍ ກະ ເປ່ງ ລາລີ້, ທາຮິ່ງ ຕະ ແຕ ອາລ່ອງ ປາຮວມ, ທາຮິ່ງ ຕະ ແຕ ປາລໍອ໌ ອາຈຍາງ, ກະ ທາຮິ່ງ ຕະ ແຕ ອາລ່ອງ ເປ່ງ, ຊາບັນ, ຕາອ໌, ກະ ຕາເມົາ ອິນເລ່ງ ລາລີ້. 13 ຕາ ເບີນ ອາ ແລ່ະ ອີ ແຈ້ງ ຊັຮນໍອ໌ ອາລ່ອງ ປາຮວມ, ແຕ່ລາ ທາ ຮິ່ງ ເມົາ ໂຈະ ຕຶ້ງ ຮາແວ້ຮ ຈາ ຍິອ໌ ອີ ໂອນ ແອມ, ຮາ ແລງ ອາລ່ອງ ປາຮວມ, ຊຽດ ອາລ່ອງ ປາຮວມ, ກະ ທາຮິ່ງ ເມົາ ຈ້ອງ ໂອນ ປາຮວມ, ມ້ອງ, ອິນຊີ ງ ແຕ ປາໄລ ອາໂປນ, ແປງ ໂດຍ ບຸຮ, ທຣໍ, ຕາ ແກງ, ແກະ, ອາແຊັຮ, ລໍ ອາແຊັຮ, ກວາຍ ຊູລ, ກາ ແດິຍ ອາມໍ່ ກວາຍ ແຮີ. 14 ກວາຍ ກາ ຈິແຈ້ງ ກ້ອຍ, ໄລ່ ປາຍ ໂຈະ ພືອງ ກ້ອຍ ນະໄນ: "ມັຮ ຮາມິ່ຮ ອໍ ໄມ່ ຍິອ໌ ອີ ເບີນ, ອິນແຍ່ະ ຮາມິ່ຮ ກ້ອຍ ປັດ ເຈ້. ກະ ມັຮ ຮາມິ່ຮ ປຣຍາອ໌ ກະ ອໍ ມັຮ ໄມ່ ທິ່ຍ ເບີນ, ກູ່ ຮາມິ່ຮ ກ້ອຍ ແກິດ ປັດ ເຕ່. ໄມ່ ຕາ ເບີນ ຮາມິ່ຮ ນ້ອງ ມັຮ ຮາມິ່ຮ ກ້ອຍ!"

15 ກວາຍ ກາ ແກິດ ຊູ ລາລີ້ ຍ່ອນ ໄລ່ ຈິແຈ້ງ ຕຶ້ງ ພືອງ ກ້ອຍ, ໄລ່ ແອິດ ເຢິງ ແຕ ພືອງ, ຍ່ອນ ໄລ່ ອຶງກ້ອນ ຮາມິ່ຮ ຖ່ຮ ກັດ ກ້ອຍ ເຕ່. ກວາຍ ກ້ອຍ ເຍົາມ ກູໂກຍ໌. 16 ໄລ່ ປາຍ: "ໂຕຍ ບາບ ລາລີ້! ໂຕຍ ບາບ ລາລີ້ ພືອງ ປັດ ກ້ອຍ! ບ້ອງ ກ້ອຍ ພືອງ ກ້ອຍ ນະ ມັນແຊມ ກາ ແຊິບ ທາຮິ່ງ ເມົາ ຕະ ແຕ ອາຮີ ເປ່ງ ລາລີ້, ອາຮີ ອາອູຍ, ກະ ອາຮີ ກູເຊົາ ອໍ. ອັນ ຕ້ອກ ທາຮິ່ງ ແຢງ, ຕາເມົາ ເປ່ ງ, ກະ ທາຮິ່ງ ເປ່ງ ການໍອ໌ ແຮີ! 17 ມາ ອິນແຍ່ະ ມັຮ ມູ່ນ ອັນ ລາ ປັດ ຕຶ້ງ ມວຍ ຊາໂມງ!"

ກູ່ນະ ກວາຍ ກາ ຕາລາ ຕົວະ ກາ ເປາະ ຕຶ້ງ ແດິອ໌ ທາເລ, ກະ ກູ່ ນະ ກວາຍ ການໍອ໌ ກາ ຊັອຮ ຕຶ້ງ ຕົວະ ກ້ອຍ, ໄລ່ ຕະ ຮານະ ຕຶ້ງ ຕົວະ ກະ ໄລ່ ກາ ຈິແຈ້ງ, ກູ່ ນະ ໄລ່ ແອິດ ເຢິງ ແຕ ພືອງ ກ້ອຍ. 18 ກະ ແຕ້ອ໌ ໄລ່ ເຮີມ ປາຮຍາອ໌ ຊັອຮ ແຕ ພືອງ ກ້ອຍ, ໄລ່ ປາຍ ເຣ່ງ ລາລີ້: "ແຕ ບ້ອງ ອາໄຮ່ ຈົນ ແຕ້ອ໌

ຊານໍ່, ຕາ ທິ່ຍ ເບີນ ພືອງ ການໍອ໌ ລາ ນະ ພືອງ ປັດ ໄມ່!"

19 ແວັດ ກ້ອຍ ໄລ່ ເຍີຍ ພຸ່ນ ກູແຕອ໌ ໂຈະ ຕຶ້ງ ແປ້ ໄລ່, ຕະ ໂອນ ເມົາ ດັງ ໄລ່ ຊັອງ ຖ່ຮ ລາລີ້. ກະ ໄລ່ ເຍົາມ ກູໂກຍ໌ ປາຍ ນະໄນ: "ໂຕຍ ບາບ ລາລີ້! ໂຕຍ ບາບ ລາລີ້ ພືອງ ປັດ ໄມ່! ມັຮ ກວາຍ ກາ ເບີນ ຕົວະ ກາ ເປາະ ຕຶ້ງ ແດິອ໌ ທາເລ ແກິດ ຊູ ອິນ ແຍ່ະ, ຍ່ອນ ພືອງ ໄມ່ ຊູ ແຕ ອິນໂຍ່ງ. ມາ ຊານໍ່ ອັນ ປັດ ຕຶ້ງ ມວຍ ຊາໂມງ."

20 ເອີ ເຍົາ ກາ ແອິດ ຕຶ້ງ ມັນລ່ອງ ເອີຍ! ອຶງ ເຄາະ ເຍົາ ຊັອງ ຮໍອ໌ ລາລີ້ ຍ່ອນ ພືອງ ກ້ອຍ ຮາ ລຸຮ! ເຍົາ ກາ ຕາປູ່ນ ຮານະ ເຢິງ ເຈົາຮາຊີ, ເຍົາ ກາ ເຢຊູ ກຮີດ ຮຽຮ ປາຈຸຮ, ກະ ເຍົາ ກາ ອາຕີ ຕາງ ປຣນາຍ ເຢິງ ເຈົາຮາຊີ, ອຶງເຄາະ ເຍົາ ຊັອງ ຮໍອ໌ ເຕ່, ຍ່ອນ ເຢິງ ເຈົາຮາຊີ ກັຮລັຮ ແດິອ໌ ໂຈະ ພືອງ ກ້ອຍ, ຍ່ອນ ກວາຍ ຕຶ້ງ ພືອງ ກ້ອຍ ຕະ ເຍົາ ແຕ ອິນໂຍ່ງ!

21 ແວັດ ກ້ອຍ, ເກົາ ເຮີມ ມວຍ ນະ ພວາດາ ການໍອ໌ ກາ ບັນ ເຣ່ງ ລາລີ້. ອັນ ອາແຮ້ ມວຍ ແພນ ຕາເມົາ ປັດ ກະ ອິນຕ້ອງ ລາລີ້. ເຈ້ ອັນ ອາປ້ອງ ຕັຮ ຕາເມົາ ກ້ອຍ ຕຶ້ງ ແດິອ໌ ທາເລ. ກະ ອັນ ປາຍ ນະໄນ: "ພືອງ ບາບໂລມ ລາ ພືອງ ປັດ ລາລີ້, ມາ ເຣ່ງ ລາລີ້ ເມົາ ອາປ້ອງ ຕັຮ ອັນ, ມູເຈິງ ເກົາ ອາ ປ້ອງ ຕັຮ ຕາເມົາ ໄມ່ ເຕ່. ເຈ້ ເມົາ ຕາ ເບີນ ເຮີມ ນ້ອງ ພືອງ ກ້ອຍ. 22 ເມົາ ຕາ ເບີນ ຊັອງ ນ້ອງ ຕຶ້ງ ພືອງ ກ້ອຍ ລາ ຊຽງ ກວາຍ ລໍ່ ຍ່ອງ, ຊຽງ ພິນ, ຊຽງ ຕາຮີລ, ກະ ຊຽງ ແກ. ມັຮ ກວາຍ ເຈິງ ຕະ ຮານະ ຕາ ເບີນ ເບີນ ແອິດ ນ້ອງ ຕຶ້ງ ພືອງ ກ້ອຍ. ກະ ຕາ ເບີນ ຊັອງ ນ້ອງ ເມົາ ກູກູຮ ທຣໍ. 23 ເມົາ ຕາ ເບີນ ຕາກັດ ນ້ອງ ຕາກຍາງ ຕຶ້ງ ພືອງ ກ້ອຍ. ກະ ເມົາ ຕາ ເບີນ ຊັອງ ນ້ອງ ຊຽງ ຮໍອ໌ ບ້ອງ ກາ ຮາເລົາ ເປາະ ຈາ ປັຮຊວຍ ລາກວຍ. ແຕ ບ້ອງ ອາໄຮ່, ມັຮ ກວາຍ ກາ ຈິແຈ້ງ ຕຶ້ງ ພືອງ ກ້ອຍ, ອິນແຍ່ະ ກວາຍ ຕຶ້ງ ກູ່ ກຮວາງ ຍໍາມັບ ໄລ່. ພືອງ ກ້ອຍ ພິ ກູ່ ກວາຍ ກຮວາງ, ນະ ກວາຍ ມໍ ທິ່ຍ ພິ ກວາຍ ເຕ່! 24 ຕຶ້ງ ພືອງ ກ້ອຍ, ເບີນ ອາຮາມ ມັຮ ກວາຍ ອາຕີ ຕາງ ປຣນາຍ ເຢິງ ເຈົາຮາຊີ, ກວາຍ ກາ ຕາປູ່ນ ຮານະ ເຢິງ ເຈົາຮາຊີ, ກະ ອິນແຍ່ະ ມັຮ ກວາຍ ການໍອ໌ ກາ ເມົາ ກາຈິດ."

19

1 ແວັດ ກ້ອຍ, ເກົາ ຊັອງ ຊຽງ ກວາຍ ກຶ້ງ ລາລີ້

ແອັດ ຕິ່ງ ມັນລ້ອງ, ໄລ່ ປາຍ ເຮ່ງ ລາລີ້: "ຮາເລລູຢາ!"\* ເຢີງ ເຈົ້າຮາຊີ ຈ່ອຍ ອາມັງ ກວາຍ! ໂອນ ໄຮ ຍ່ອງ ເລືອຍໆ ເຢີງ ເຈົ້າຮາຊີ ໄຮ! ກະ ໂອນ ອັນ ແກ້ດ ຊົດ ລາລີ້! 2 ອັນ ຕະ ປຍາຍ໌ ກະ ຕາມັ ອງ ເລືອຍໆ! ອັນ ຕະ ໂຕ່ດ ເຈີ່ ມັນແຊມ ກາ ຈິ ຈະ. ມັນແຊມ ກ້ອຍ ຕະ ຮານະ ແປຣີ້ ເລືອຍໆ, ກະ ອັນ ປັຣຕີ້ ໂອນ ກຸ່ ກຣວງ ຕິ່ງ ກູແຕອ໌ ໄມ່ ຕະ ຮານະ ຕາ ອໍ ກະ ອັນ. ມາ ເຢີງ ເຈົ້າຮາຊີ ກັຣລັຮ ແດັອ໌, ຍ່ອນ ອັນ ກາຈິດ ມັຮ ກວາຍ ກາ ຕະ ຮາ ນະ ເຢີງ ເຈົ້າຮາຊີ."

3 ມວຍ ເຈີ ແອັນ, ກວາຍ ກິ່ງ ກ້ອຍ ປາຍ ເຮ່ງ ລາລີ້: "ຮາເລລູຢາ! ປາຣຍາອ໌ ແຕ ເມືອງ ປັດ ກ້ອຍ ຊ້ອຣ ຊົດ ແດີຍ!"

4 ເຈີ ຈຸ່ມ ກວາຍ ເທົາ ບາຣ ຈິດ ລາ ປູນ ນະ, ກະ ປູນ ລໍາ ຊັນຕຣັນ, ໄລ່ ກຸ່ ຮາໂກລ ຊາງ ເຢີງ ເຈົ້າຮາຊີ, ອັນ ກາ ຕາກູ ຕິ່ງ ກາເຈີ່ງ ເຕົາວ ປັຣເຍົາ, ກະ ໄລ່ ປາຍ ນະໄມ່: "ອາແມນ! ຮາເລລູຢາ!"

ແກະ ກອນ ອິດ ລາກວຍ

5 ແວັດ ກ້ອຍ, ເກົາ ຊ້ອງ ຊຽງ ລ້ອຣ ແຕ ກາເຈີ່ ງ ເຕົາວ ປັຣເຍົາ ຕາກູ. ຊຽງ ກ້ອຍ ປາຍ ນະໄມ່: "ຍ່ອງ ເຢີງ ເຈົ້າຮາຊີ ໄຮ! ໂອນ ອິນແຍ່ະ ມັຮ ເຍົາ ກາ ຕະ ຮານະ ອັນ, ກະ ກຸ່ ນະ ກວາຍ ກາ ຢໍາມັບ ອັນ, ກວາຍ ປັດ ກະ ກວາຍ ແກດ, ຍ່ອງ ອັນ!"

6 ແວັດ ກ້ອຍ, ເກົາ ຊ້ອງ ຊຽງ ກວາຍ ກິ່ງ ລາລີ້, ນະ ໄຮ ແດັອ໌ ປັດ, ກະ ນະ ກຣິມ ຕັນຕິ້ຣ ເຮ່ງ ລາ ລີ້. ຊຽງ ກ້ອຍ ປາຍ ນະໄມ່: "ຮາເລລູຢາ! ເຢີງ ເຈົ້າຮາຊີ ລາ ອິນເຈົ້າ ໄຮ, ກະ ອັນ ຊົດ ແກ້ຍ ອິນ ແຍ່ະ ແຕ ການໍອ໌. ອັນ ແກ້ດ ເຕົາວ ປັຣເຍົາ ຊົດ ແດີຍ! 7 ໂອນ ໄຮ ຊ້ອງ ຣໍ້ອ໌ ລາລີ້! ໂອນ ໄຮ ແອັນ ເລືອຍໆ! ໂອນ ໄຮ ຢໍາມັບ ເຢີງ ເຈົ້າຮາຊີ! ແຕ້ອ໌ ເຈີ່ ຕາໄງ ແກະ ກອນ ອິດ ລາກວຍ.† ລາກວຍ ກ້ອຍ ກຽມ ປຣ່ອມ ເຈີ່. 8 ເມົ້າ ໂອນ ອັນ ແຊັບ ເກຣັງ ຕະ ແຕ ອາຣີ ອໍ ລາລີ້. ເມົ້າ ດໍອ໌ ອາຣີ ກ້ອຍ ລາ ອາຣີ ລາແມ່ນ ອໍ. ອາຣີ ກ້ອຍ ລາ ບຣັຮ ກະ ກໍ້ອ໌ ລາລີ້." (ອາຣີ ລາແມ່ນ ອໍ ຊາກໍາ ແຕ ມັຮ ຮາ ນະ ຕາມັອງ ອໍ ໄລ່ ກາ ຕາປູນ ຮານະ ເຢີງ ເຈົ້າຮາ ຊີ ຕະ.)

9 ແວັດ ກ້ອຍ, ເທວາດາ ອາຕີ ເກົາ ປາຍ: "ອິງ ເຄາະ ໄມ່ ຄຽນ ປາຍ: 'ບຸ່ນ ລາລີ້ ມັຮ ກວາຍ ກາ

ເຢີງ ເຈົ້າຮາຊີ ການີ້ຍ ແຕ້ອ໌ ຈາ ປັຣຊອຍ ແກະ ກອນ ກ້ອຍ."

ກະ ເທວາດາ ກ້ອຍ ອາຕີ ເກົາ ແອັນ ປາຍ: "ມັຮ ປັຣນາຍ ກາ ເຢີງ ເຈົ້າຮາຊີ ອາຕີ ໄມ່ ລາ ປັຣນາຍ ປຍາຍ໌ ລາລີ້."

10 ເຈີ່ ເກົາ ກຸ່ ຮາໂກລ ຍິອ໌ ອີ ຊາງ ເທວາດາ ກ້ອຍ, ມາ ອັນ ປາຍ ໂຈະ ເກົາ ນະໄມ່: "ອິນໂຈຍ ຕະ ນະກ້ອຍ! ເກົາ ຕະ ຮານະ ເຢີງ ເຈົ້າຮາຊີ ມູ ເຈີງ ໄມ່ ແຕ່, ກະ ມູເຈີງ ກວາຍ ການໍອ໌ ແຕ ມູ່ ກາ ຊາອໍາ, ໄລ່ ກາ ອາຕີ ແຕ ເຢຊູ. ອິງເຄາະ ໄມ່ ຊາງ ແອັງ ເຢີງ ເຈົ້າຮາຊີ ຊ້ອງ! ໄລ່ ກາ ອາຕີ ແຕ ເຢຊູ, ໄລ່ ກ້ອຍ ເບິນ ຮາເວີຍ ເຢີງ ເຈົ້າຮາຊີ ແອັດ ຕິ່ງ ຮາງິ້ຮ ໄລ່ ມູເຈີງ ມັຮ ກວາຍ ກາ ອາຕີ ຕາງ ປັຣ ນາຍ ເຢີງ ເຈົ້າຮາຊີ ແຕ່."

ອັນ ກາ ຈິ້ຮ ອາແຊັຣ ກໍ້ອ໌

11 ແວັດ ກ້ອຍ, ເກົາ ເຣີມ ມັນລ້ອງ ເປີຣ. ກະ ເກົາ ເຣີມ ມວຍ ລໍາ ອາແຊັຣ ກໍ້ອ໌. ອັນ ກາ ຈິ້ຮ ອາແຊັຣ ກ້ອຍ, ເມົ້າ ດໍອ໌ ອັນ ລາ: 'ອັນ ກາ ຕາມັ ອງ ກະ ປຍາຍ໌ ເລືອຍໆ.' ອັນ ຕັດຊິນ ກະ ຮາຊູ່ ຍ່ອນ ຮານະ ຕາມັອງ ອໍ ເລືອຍໆ. 12 ມັດ ອັນ ລາ ນະ ປັຣລາ ອູ່ຍຣ. ອັນ ຕາປິ່ງ ຊາອິ້ຍ ກຸນຕຣວາອ໌ ເຕົາວ ປັຣເຍົາ. ອັນ ແກວ ຮາມິ້ຮ ກາ ເມົ້າ ຄຽນ ໂອນ ອັນ, ມາ ຕາ ເບິນ ເມົ້າ ດັງ ຮາມິ້ຮ ກ້ອຍ. ແອັງ ອັນ ແຕ້ ດັງ ຮາມິ້ຮ ກ້ອຍ. 13 ເກຣັງ ອັນ ເມົ້າ ອາລຸ ຕິ່ງ ອາຮາມ. ມວຍ ຮາມິ້ຮ ແອັນ ເມົ້າ ດໍອ໌ ອັນ ລາ: 'ປັຣນາຍ ເຢີງ ເຈົ້າຮາຊີ.' 14 ກິ່ງ ລາລີ້ ຕາຮານ ແຕ ມັນລ້ອງ ຕາປູນ ອັນ. ອິນແຍ່ ະ ຕາຮານ ກ້ອຍ ມານະ ຈິ້ຮ ມານໍາ ອາແຊັຣ ກໍ້ອ໌ ກະ ໄລ່ ແຊັບ ເກຣັງ ຕະ ແຕ ອາຣີ ລາແມ່ນ ກໍ້ອ໌ ກາ ບຣັຮ ລາລີ້. 15 ອັນ ກາ ຊົດ ຕາຮານ ກ້ອຍ ກູ ໂບ ມວຍ ປູາ ດາວ ເບີ ລາລີ້ ຕິ່ງ ແບອ໌ ອັນ. ແຕ ດາວ ໄມ່ ອັນ ຮາຈິລ ເຣົາບ ກຸ່ ກຣວງ. ກະ ອັນ ຢຸມ ມວຍ ອິນແຕຣັຮ ກ່ອນ ຕາອ໌ ດໍອ໌ ຕະ ຊົດ ມັຮ ກຣວງ ກ້ອຍ. ອັນ ຕະ ໂອນ ກວາຍ ຈິວ໌ ຕຸ່ຮ ກັດ, ຍ່ອນ ເຢີງ ເຈົ້າຮາຊີ ຊ້ອງ ອິງຄິ້ນ ລາລີ້ ໂຈະ ໄລ່.‡ ເຢີງ ເຈົ້າຮາຊີ ລາ ເຢີງ ກາ ຊົດ ປັດ ແກ້ຍ ອິນແຍ່ະ ແຕ ການໍອ໌. 16 ຕິ່ງ ອາຍ້ອຣ ຕີ່ ກະ ຕິ່ງ ອິນລູ່, ອັນ ກາ ຊົດ ຕາຮານ ກ້ອຍ ເບິນ ມວຍ ຮາມິ້ຮ ເມົ້າ ຄຽນ ນະໄມ່: "ໄມ່ ລາ ເຕົາວ ປັຣເຍົາ

\* **19:1** 19:1 ປັຣນາຍ 'ຮາເລລູຢາ' ອາຕີ ລັຮ ລາ 'ຍ່ອງ ເຢີງ ເຈົ້າຮາຊີ.' † **19:7** 19:7 ລາກວຍ ແກະ ກອນ ລາ ຊາກໍາ ແຕ ອິນແຍ່ະ ມັຮ ມູ່ ກາ ຊາອໍາ ເຢຊູ. ‡ **19:15** 19:15 ຕິ່ງ ປັຣນາຍ ກຣິກ ອັນ ປາຍ: "ເຢີງ ເຈົ້າຮາຊີ ຊາເຕົາຍ໌ ຕິ່ງ ຮາເລາະ ເມົ້າ ປັດ ແດັອ໌ ອາງຸນ."

ກາເລີຍ ເຕົ້າວ ປັດເຍົາ ການໍ້ອໍ, ກະ ອິນເຈົ້າ ກາເລີຍ ອິນເຈົ້າ ການໍ້ອໍ."

ອັນ ກາ ຈິ່ຮ ອາແຊັຮ ກໍ້ອໍ ຣາຈິລ ເຮົາບ ກູ່ ເຕົ້າວ ປັດເຍົາ

<sup>17</sup> ແວັດ ກ້ອຍ, ເກົາ ເຮົມ ມານະ ເທວາດາ ແອັດ ຕາຢິ່ງ ຕິ່ງ ມັດ ມານາງ. ອັນ ປາຍ ເຮ່ງ ລາ ລີ່ ໂຈະ ອິນແຍ່ະ ມັຮ ແຈມ ກາ ປັຮ ຕິ່ງ ມັນລ້ອງ: "ເຍົາ ແຕ້ອ້ ປີ່ ໄນ່! ອິນແຍ່ະ ມັຮ ເຍົາ ປາໂຣມ ປີ່ ໄນ່! ເຍົາ ເຈົ້າຣາຊີ ຕະ ໂອນ ເຍົາ ເບິນ ຈາ ມວຍ ເປ່ລ ປັດ! <sup>18</sup> ເຍົາ ແຕ້ອ້ ຈາ ໄຊອໍ ມັຮ ກວາຍ ເຕົ້າວ ປັດເຍົາ, ມັຮ ກວາຍ ກາ ຊັດ ຕາຣານ, ມັຮ ກວາຍ ຕາຣານ, ມັຮ ອາແຊັຮ ກະ ມັຮ ກວາຍ ກາ ຈິ່ຮ ອາແຊັຮ. ກະ ເຍົາ ຈາ ໄຊອໍ ແຕ ກູ່ ຣາມິ່ຮ ກວາຍ, ກວາຍ ຊູລ ກະ ກວາຍ ຕາ ເບິນ ຊູລ, ກວາຍ ປັດ ກະ ກວາຍ ແກດ!"

<sup>19</sup> ແວັດ ກ້ອຍ, ເກົາ ເຮົມ ຊັນ ຕຣັ່ນ ແຮ່ງ ກ້ອຍ, ກະ ມັຮ ເຕົ້າວ ປັດເຍົາ ກາ ແອັດ ຕິ່ງ ກູ່ ແຕອ້ ມັນຕຸ ກະ ອິນແຍ່ະ ມັຮ ຕາຣານ ໄລ່, ໄລ່ ໂຣ່ມ ຍິອໍ ອິ ຣາຊູ່ ກະ ອັນ ກາ ຈິ່ຮ ອາແຊັຮ ກໍ້ອໍ ກະ ອິນແຍ່ະ ມັຮ ຕາຣານ ອັນ. <sup>20</sup> ມູ່ ຕາຣານ ອາແຊັຮ ກໍ້ອໍ ກ້ອຍ ໂກບ ຊັນຕຣັ່ນ ແຮ່ງ ກະ ອັນ ກາ ຕະ ອິນ ຕີ ອາໂລກ ປາຍ ອາຕີ ຕາງ ປັຮນາຍ ເຢົາງ ເຈົ້າຣາ ຊີ. ກວາຍ ກາ ຕະ ອິນຕີ ອາໂລກ ກ້ອຍ, ອັນ ຕະ ຊາອິ່ຍ ຣານະ ຄານະ ຈ່ອຍ ຊັນຕຣັ່ນ ແຮ່ງ ກ້ອຍ ໂອນ ອັນ ແຕ່ອ້ ພິ ມັຮ ກວາຍ ກາ ແກວ ຣາມິ່ຮ ຊັນ ຕຣັ່ນ ແຮ່ງ, ກະ ມັຮ ກວາຍ ກາ ຊາງ ຮູ່ບ ຊັນຕຣັ່ນ ກ້ອຍ. ຊັນຕຣັ່ນ ແຮ່ງ ກະ ອັນ ກາ ຕະ ອິນຕີ ອາ ໂລກ ກ້ອຍ, ໄລ່ ອິນນ້ອງ ອາມັງ, ມາ ເມົາ ອາປັອງ ຕັຮ ໄລ່ ຕິ່ງ ປຣຸ່ງ ອູ່ຍຮ ກາ ເບິນ ອູ່ຍຮ ກະ ກາເຈຍ ເປົ່ ເລືອຍໆ. <sup>21</sup> ກະ ມັຮ ຕາຣານ ຊັນຕຣັ່ນ ແຮ່ງ ກ້ອຍ, ອິນແຍ່ະ ມັຮ ໄລ່ ກູຈິດ ແຕ ດາວ ອັນ ກາ ຈິ່ຮ ອາແຊັຮ ກ້ອຍ ກູໂບ ຕິ່ງ ແບອໍ ອັນ. ເຈົ້ ອິນ ແຍ່ະ ມັຮ ແຈມ ແຕ ມັນລ້ອງ ແຕ້ອ້ ຈາ ໄຊອໍ ກວາຍ ຕາຣານ ກ້ອຍ ອິນຈົນ ປາໄຊ ປາອ້ອຮ.

**20**

ເຢຊູ ຕະ ຊັດ ຕິ່ງ ກູ່ ແຕອ້ ເບິນ ມວຍ ບັນ ກູມໍ <sup>1</sup> ແວັດ ກ້ອຍ, ເກົາ ເຮົມ ມວຍ ນະ ເທວາດາ ແຊງ ແຕ ມັນລ້ອງ. ເທວາດາ ກ້ອຍ ຢຸມ ກອນ ກາ ແຈ ປຣຸ່ງ ອູ່ຍຮ. ກະ ອັນ ຢຸມ ມວຍ ອິນແຕຣັຮ ອິນໄຊ ໂຊ ກິຣິຮ ລາລີ່. <sup>2</sup> ອັນ ໂກບ ງວງ ກາ ນະ ກູຊັນ ແຕ ອິມແປ. ງວງ ກ້ອຍ ຊັດ ກູ່ ເຢົາງ ຕາ ອໍ, ກະ ອັນ ເບິນ ຣາມິ່ຮ ເຢົາງ ຊາຕານ. ເທວາດາ

ກ້ອຍ ຊັດ ເຢົາງ ຊາຕານ ແຕ ອິນໄຊ ໂຊ ອິນແຍ່ະ ມວຍ ບັນ ກູມໍ. <sup>3</sup> ເທວາດາ ກ້ອຍ ອາປັອງ ຕັຮ ເຢົາງ ຊາຕານ ຕິ່ງ ປຣຸ່ງ ອູ່ຍຮ, ກະ ອັນ ກາໄຕ່ຮ ໂຈະ ກາແຈ ອິນຕຸ ກ້ອຍ. ນະກ້ອຍ, ເຢົາງ ຊາຕານ ຕາ ແຕ່ອ້ ພິ ນ້ອງ ກວາຍ ອິນແຍ່ະ ມວຍ ບັນ ກູມໍ. ແວັດ ມວຍ ບັນ ກູມໍ ເມົາ ອາໂຣຍຮ ເຢົາງ ຊາຕານ, ມາ ເມົາ ຕາ ເບິນ ອາໂຣຍຮ ອັນ ດູ່ນ.

<sup>4</sup> ແວັດ ກ້ອຍ, ເກົາ ເຮົມ ຊາອິ່ຍ ກາເຈົ້ງ ຕາກູ, ນະ ກາເຈົ້ງ ເຕົ້າວ ປັດເຍົາ. ໄລ່ ກາ ຕາກູ ຕິ່ງ ກາເຈົ້ງ ກ້ອຍ, ເບິນ ອຳນາດ ຕັດຊິນ ກວາຍ. ກະ ເກົາ ເຮົມ ມັຮ ຣາເວີຍ ກວາຍ ກາ ເມົາ ກ້ອຮ ຕາກອງ ຍ່ອນ ໄລ່ ອາຕີ ຣາມິ່ຮ ປາຍາຍ ແຕ ເຢຊູ ກະ ປັຮ ນາຍ ແຕ ເຢົາງ ເຈົ້າຣາຊີ. ໄລ່ ຕາ ເບິນ ຊາງ ຊັນ ຕຣັ່ນ ແຮ່ງ ແຕີລາ ຮູ່ບ ຊັນຕຣັ່ນ ກ້ອຍ. ກະ ໄລ່ ຕາ ເບິນ ເບິນ ຣາມິ່ຮ ຊັນຕຣັ່ນ ກ້ອຍ ຕິ່ງ ກາລ ຍາອໍ ໄລ່ ແຕີລາ ຕິ່ງ ອາຕີ ໄລ່. ໄລ່ ກ້ອຍ ອາມັງ ລັຮ ເຈົ້, ກະ ໄລ່ ຕະ ຊັດ ມັນຕຸ ກະ ເຢຊູ ກິຣິດ ອິນແຍ່ະ ມວຍ ບັນ ກູມໍ. <sup>5</sup> ມາ ມັຮ ກວາຍ ການໍ້ອໍ ກາ ກູຈິດ ເຈົ້, ໄລ່ ກ້ອຍ ຕາ ຢວາຮ ອາມັງ ລັຮ ຈົນ ໂອນ ແວັດ ມວຍ ບັນ ກູມໍ ກ້ອຍ. ເຮົບ ໄນ່ ລາ ເຮົບ ກາ ມວຍ ກວາຍ ກາ ກູຈິດ ເຈົ້ ເບິນ ອາມັງ ລັຮ. <sup>6</sup> ບຸ່ນ ລາລີ່ ກະ ບຣັຮ ອໍ ລາລີ່ ມັຮ ກວາຍ ກາ ອາມັງ ລັຮ ຕິ່ງ ເຮົບ ມວຍ ກ້ອຍ. ໄລ່ ຕາ ເບິນ ກູຈິດ ເຮົບ ກາ ບາຮ ນ້ອງ, ມາ ໄລ່ ແກັດ ກວາຍ ຊາງ ຮິດ ເຢົາງ ເຈົ້າຣາຊີ, ກະ ໄລ່ ເບິນ ຕະ ຊັດ ມັນຕຸ ກະ ເຢຊູ ກິຣິດ ອິນແຍ່ະ ມວຍ ບັນ ກູມໍ.

ເຢົາງ ຊາຕານ ແກັດ ເປ່ ເລືອຍໆ

<sup>7</sup> ແວັດ ມວຍ ບັນ ກູມໍ ກ້ອຍ, ເມົາ ອາໂຣຍຮ ເຢົາງ ຊາຕານ ແຕ ກໍ້ອໍ ກາ ເມົາ ໂກບ ດໍອໍ ອັນ. <sup>8</sup> ເຈົ້ ອັນ ເປາະ ພິ ລັຮ ຊາ ອິນແຍ່ະ ມັຮ ກວາຍ ຕິ່ງ ກຣວາງ ກູ່ ແຕອ້ ໄນ່. ເມົາ ດໍອໍ ຣາມິ່ຮ ມັຮ ກາ ກຣວາງ ກວາຍ ກ້ອຍ ລາ ໂກກ ກະ ມາໂກກ. ເຢົາງ ຊາຕານ ປາໂຣມ ມັຮ ກຣວາງ ກວາຍ ໂອນ ເປາະ ຣາຊູ່. ກິ່ງ ລາລີ່ ມັຮ ກວາຍ ກ້ອຍ! ເບິນ ແກຼຍ ແຕ ກູອງ ຊາງາຍ ກາ ແອັດ ຕິ່ງ ປີ່ຮ ແຕ້ອ້ ທາເລ. <sup>9</sup> ໄລ່ ປີ່ຮ ອິນແຍ່ະ ກູ່ ອິນຕຸ ຕິ່ງ ກູ່ ແຕອ້. ກະ ໄລ່ ແອັດ ຈວບ ອິນແຍ່ະ ມັຮ ກວາຍ ກາ ຕາປຸ່ນ ເຢົາງ ເຈົ້າຣາຊີ ກາ ແອັດ ຕິ່ງ ເມືອງ ກາ ເຢົາງ ເຈົ້າຣາຊີ ອາ ໂຢະ. ມາ ເບິນ ອູ່ຍຮ ແຊງ ແຕ ມັນລ້ອງ ອາປັດ ຕັຮ ໄລ່. <sup>10</sup> ແວັດ ກ້ອຍ, ເມົາ ອາປັອງ ຕັຮ ເຢົາງ



ຊາຕານ, ອັນ ກາ ພິ ມັຮ ກວາຍ, ຕຶ່ງ ປຣຸ່ງ ອູ່ຍຮ ລັຮ. ແອິດ ຕຶ່ງ ອິນຕຸ ກ້ອຍ, ອູ່ຍຮ ກະ ກາເຈຍ ເບີ ເລືອຍໆ. ຕຶ່ງ ອິນຕຸ ກ້ອຍ ເບີນ ກາ ຊັນຕຣັນ ແຮ້ງ ກະ ອັນ ກາ ຕະ ອິນຕິ ອາໂລກ ປາຍ ອັນ ອາ ຕິ ຕາງ ປັຣນາຍ ເຢັງ ເຈົາຮາຊິ. ກະ ໄລ່ ຈິວ ຕຸ່ຮ ກັດ ລາລີ້ ກູ່ ຕາໄງ ຊາເດົາ ຊົດ ແດີຍ ເລີ່ຍ ກູມໍ.

ຕັດຊິນ ຕຶ່ງ ຕາໄງ ປັຣຊົດ

11 ແວັດ ກ້ອຍ, ເກົາ ເຮີມ ມວຍ ລໍາ ກາເຈັງ ກໍ້ອ ປັດ ລາລີ້ ກາ ເຕົາວ ປັຣເຍົາ ເກີຍ ຕາກູ. ກະ ເກົາ ເຮີມ ອັນ ກາ ຕາກູ ຕຶ່ງ ກາເຈັງ ກ້ອຍ. ອິນແຍ່ະ ກູ ແຕອ ກະ ມັນລ້ອງ ປັດ ແຕ ເມັງ ອັນ, ເຈີ່ ຕາ ເບີ ນ ອາແລະ ເຮີມ ໄລ່ ນ້ອງ. 12 ກະ ເກົາ ເຮີມ ມັຮ ກວາຍ ກາ ກູຈິດ ເຈີ່, ກວາຍ ປັດ ກະ ກວາຍ ແກດ, ໄລ່ ຕາຍິ່ງ ຍັຮ ເມັງ ກາເຈັງ ເຕົາວ ປັຣເຍົາ ຕາກູ. ເຈີ່ ເມົາ ເປັຮ ມັຮ ກາ ປຶ່ງ. ເບີນ ມວຍ ປຶ່ງ ກາ ເມົາ ເປັຮ ເບີນ ຮາມິ້ຮ ກູ່ ນະ ກວາຍ ກາ ເບີນ ອາມັງ ເລືອຍໆ. ເຈີ່ ອັນ ກາ ຕາກູ ກ້ອຍ ຕັດຊິນ ກູ່ ນະ ກວາຍ ກູຈິດ ຕາປຸ່ນ ຮານະ ໄລ່ ຕະ, ນະ ເມົາ ຄຽນ ດໍອ ຕຶ່ງ ມັຮ ປຶ່ງ ກ້ອຍ. 13 ເຈີ່ ແດີອ ທາເລ ກູລັຮ ລັຮ ກູ່ ນະ ກວາຍ ກາ ກູຈິດ ຕຶ່ງ ແດີອ. ກູ່ ອິນຕຸ ກາ ກວາຍ ກູຈິດ ແອິດ ລາ ກູລັຮ ລັຮ ກູ່ ນະ ກວາ ຍ ກາ ອັນ ເບີນ. ເຈີ່ ເຢັງ ເຈົາຮາຊິ ຕັດຊິນ ກູ່ ນະ ກວາຍ ຕາປຸ່ນ ຮານະ ໄລ່ ຕະ. 14 ແວັດ ກ້ອຍ, ເມົາ ອາປັອງ ຕັຮ ຮານະ ກູຈິດ ກະ ອິນຕຸ ກວາຍ ກູຈິດ ຕຶ່ງ ປຣຸ່ງ ອູ່ຍຮ. ເມົາ ດໍອ ອິນຕຸ ກ້ອຍ ລາ: 'ອິນ ຕຸ ກູຈິດ ເຮີບ ກາ ບາຣ.' 15 ກວາຍ ອາແລະ ມາ ຕາ ເບີນ ເບີນ ຮາມິ້ຮ ອັນ ຕຶ່ງ ປຶ່ງ ກາ ເມົາ ຄຽນ ຮາມິ້ຮ ກວາຍ ກາ ເບີນ ອາມັງ ເລືອຍໆ, ເມົາ ອາ ປັອງ ຕັຮ ກວາຍ ກ້ອຍ ຕຶ່ງ ປຣຸ່ງ ອູ່ຍຮ.

## 21

ມັນລ້ອງ ຕາໄມ ກະ ກູແຕອ ຕາໄມ

1 ແວັດ ກ້ອຍ, ເກົາ ເຮີມ ມັນລ້ອງ ຕາໄມ ກະ ກູ ແຕອ ຕາໄມ. ຍ່ອນ ມັນລ້ອງ ແຕ ອິນໂຍ່ງ ກະ ກູ ແຕອ ແຕ ອິນໂຍ່ງ ລາ ປັດ ເຈີ່. ກະ ແດີອ ທາເລ ລາ ປັດ ແຕ່. 2 ກະ ເກົາ ເຮີມ ເມືອງ ເຢັງ ເຈົາຮາຊິ ລາ ເມືອງ ບຣັຮ ອໍ ລາລີ້. ເມືອງ ກ້ອຍ ລາ ເມືອງ ເຢຣູຊາເລັມ ຕາໄມ. ເມືອງ ກ້ອຍ ແຊງ ແຕ ມັນ ລ້ອງ, ແຕີອ ແຕ ເຢັງ ເຈົາຮາຊິ. ເມືອງ ກ້ອຍ ລາ ນະ ກູໂມຣ ກາ ກຽມ ດໍອ ຈະ ອັນ ໂອນ ອໍ, ເຈີ່ ທາຮາ

ະ ກາຢາອ ແຕີອ ອິດ ອັນ ຕະ ປັຣຊວຍ. 3 ເກົາ ຊ້ອງ ມວຍ ຊຽງ ເຣ່ງ ລາລີ້ ລ້ອຮ ແຕ ກາເຈັງ ກາ ເຕົາວ ປັຣເຍົາ ຕາກູ ປາຍ: "ຊານໍ່ ເຢັງ ເຈົາຮາຊິ ແອິດ ກະ ກວາຍ! ອັນ ແອິດ ກະ ໄລ່, ເຈີ່ ໄລ່ ແກິດ ກວາຍ ອັນ ກຣັກ ລາລີ້. ອັນ ຕາ ນາຍ ຕັຮ ໄລ່, ມາ ອັນ ແອິດ ກະ ໄລ່ ຊົດ ແດີຍ. 4 ກະ ເຢັງ ເຈົາຮາ ຊິ ຈູດ ຕັຮ ອິນແຍ່ະ ເຈີ່ ຊັຮລັງ ມັດ ໄລ່. ໄລ່ ຕາ ເບີນ ຈິວ ກູຈິດ ແຕີລາ ຕຸ່ຮ ຈຸ່ ນ້ອງ. ໄລ່ ຕາ ເບີນ ເຍີາມ, ກະ ຕາ ເບີນ ຊ້ອງ ຕິ ອາອໍ ນ້ອງ. ຍ່ອນ ກູ່ ຮາມິ້ຮ ຕຍາ ປັດ ເຈີ່."

5 ເຈີ່ ອັນ ກາ ຕາກູ ຕຶ່ງ ກາເຈັງ ເຕົາວ ປັຣເຍົາ ປາຍ: "ຊານໍ່ ເກົາ ຕະ ໂອນ ກູ່ ຮາມິ້ຮ ແກິດ ຕາໄມ ແອັ້ນ!"

ອັນ ອາຕີ ແອັ້ນ ເກົາ ປາຍ: "ອິງເຄາະ ໄມ່ ຄຽນ ມັຮ ປັຣນາຍ ໄມ່, ຍ່ອນ ອິນແຍ່ະ ປັຣນາຍ ໄມ່ ລາ ປຍາຍ ລາລີ້, ແຕອ ເມົາ ຊາອໍ ກຣັກ ລາລີ້."

6 ກະ ອັນ ອາຕີ ແອັ້ນ ເກົາ ປາຍ: "ແມິ່ມ ອິນ ແຍ່ະ ເຈີ່! ເກົາ ລາ ແກິດ ແປຼ ແກິດ ຊອຍ. ເກົາ ລາ ແອິດ ແຕ ຕາເບີ ລາລີ້, ກະ ເກົາ ແອິດ ຈົນ ແຕີອ ປັຣຊົດ. ກວາຍ ອາແລະ ມາ ຊ້ອງ ອາເຮັງ ແດີອ, ເກົາ ຈອຍ ເມົາດ ກວາຍ ກ້ອຍ ໂອນ ຈ່ອຍ ແຕ ແດີອ ກ້ອຮ ກາ ໂອນ ກວາຍ ອາມັງ ເລືອຍໆ.

7 ກວາຍ ອາແລະ ມາ ຮາຈິລ ເຮີບ ກະ ຮານະ ຕາ ອໍ, ກວາຍ ກ້ອຍ ເບີນ ມູ່ນ ນະໄມ່: ເກົາ ເຢັງ ເຈົາຮາ ຊິ ແກິດ ເຢັງ ອັນ, ກະ ອັນ ແກິດ ກອນ ເກົາ ແຕ່.

8 ມາ ມັຮ ກວາຍ ການໍອ ກາ ຕະ ຮານະ ຕາ ອໍ, ອິນ ແຍ່ະ ມັຮ ໄລ່ ກ້ອຍ ອິງເຄາະ ແອິດ ຕຶ່ງ ປຣຸ່ງ ອູ່ຍຮ.

ອູ່ຍຮ ກະ ກາເຈຍ ຕຶ່ງ ອິນຕຸ ກ້ອຍ ເບີ ເລືອຍໆ, ກະ ເມົາ ດໍອ ອິນຕຸ ກ້ອຍ ລາ: 'ອິນຕຸ ກູຈິດ ເຮີບ ກາ ບາຣ.' ໄລ່ ກາ ມູ່ດ ຕຶ່ງ ອິນຕຸ ກ້ອຍ ລາ ກວາຍ ນະໄມ່: ໄລ່ ກາ ຊ້ອງ ອິງກ້ອຮ ອິ ຕະ ຮານະ ເຢຣູ, ໄລ່ ກາ ຕາ ເບີນ ຊາອໍ ເຢຣູ, ໄລ່ ກາ ເບີນ ຮາງັຮ ຕາ ອໍ, ໄລ່ ກາ ກາຈິດ ກວາຍ, ມັນແຊມ ຮາເລົາ ກາ ຕາ ເບີນ ລາກວຍ ກາຢາອ ມາ ບິ ມັນຕຸ, ໄລ່ ກາ ຕາປຸ່ນ ຮານະ ມໍ, ໄລ່ ກາ ຊາງ ຮູ່ບ ເຢັງ ການໍອ, ກະ ໄລ່ ກາ ອາຕີ ອາໂລກ."

ເມືອງ ເຢຣູຊາເລັມ ຕາໄມ

9 ແວັດ ກ້ອຍ, ເບີນ ມວຍ ນະ ເທວາດາ ແຕ ມູ່ ຕາປູລ ນະ ກາ ຢຸມ ຕາປູລ ແບງ ຕາງານ ກາ ປັ້ນ ຕາປູລ ຮາມິ້ຮ ຕຸ່ຮ ກັດ ປັຣຊົດ ລາລີ້. ເທວາດາ ກ້ອຍ ແຕີອ ປິ ເກົາ ກະ ປາຍ: "ໄມ່ ແຕີອ ປິ ໄມ່. ເກົາ ໂອນ ໄມ່ ເຮີມ ກູໂມຣ ກາ ແກິດ ລາກວຍ ແກະ ກອນ ກ້ອຍ."

10 ເຈົ້າ ຮາເວີຍ ເຢີງ ເຈົ້າຮາຊີ ແກ້ດ ຊົດ ຕິ່ງ ຮັງຮັ ເກົາ, ກະ ເທວາດາ ເດີງ ອາຊວຍ ເກົາ ແຕ້ອ້ ປໍ່ ປັຣແລ້ ກັຮ ປັດ ລາລີ້ ກະ ຕີ່ ລາລີ້. ແຕ່ ອິນ ຕຸ ກັອຍ ອັນ ໂອນ ເກົາ ເຮັມ ເມືອງ ເຢີງ ເຈົ້າຮາຊີ ກາ ບັຮ ອໍ ລາລີ້, ລາ ເມືອງ ເຢຣຸຊາເລັມ ຕາໄມ. ເມືອງ ກັອຍ ແຊງ ແຕ່ ມັນລ້ອງ ແຕ້ອ້ ແຕ່ ເຢີງ ເຈົ້າຮາຊີ. 11 ເມືອງ ກັອຍ ລາ ອາງອີຣ ມູເຈິງ ເຢີງ ເຈົ້າຮາຊີ ແຕ່, ກະ ເມືອງ ກັອຍ ປາເລີງ ນະ ຕາເມົາ ເປ່ງ ລາລີ້ ກາ ເມົາ ດໍອໍ ແກວມະນີໂຊດ. ຕາເມົາ ເປ່ງ ກັອຍ ລາ ຮາລັງ ລາລີ້. 12 ເມືອງ ກັອຍ ເບີນ ວ ຍາງ ຕາວັຮ ກະ ຕີ. ກະ ອັນ ເບີນ ມວຍ ຈິດ ລາ ບາຣ ງັຮ ຕິ່ງ. ມວຍ ງັຮ ຕິ່ງ ເບີນ ມານະ ເທວາດາ ກຍາອໍ. ເມົາ ຄຽນ ຕິ່ງ ກູຕິ່ງ ກັອຍ, ມວຍ ກູຕິ່ງ ມວຍ ຣາມີຣ. ຣາມີຣ ກັອຍ ລາ ຣາມີຣ ມວຍ ຈິດ ລາ ບາຣ ຈຸມ ກວາຍ ອິດຊະຣາເອລ. 13 ເມືອງ ກັອຍ ມວຍ ກັຮ ເບີນ ໄປ ງັຮ ຕິ່ງ: ຍີຣ ມັດ ມານາງ ລ້ອຣ ເບີນ ໄປ ງັຮ ຕິ່ງ. ຍີຣ ມັດ ມານາງ ປັດ ເບີນ ໄປ ງັຮ ຕິ່ງ. ຍີຣ ແປັງ ເບີນ ໄປ ງັຮ ຕິ່ງ ກະ ຍີຣ ກາແດັບ ມູເຈິງ ກັອຍ ແຕ່. 14 ເມົາ ຕະ ວຍາງ ເມືອງ ກັອຍ ຕິ່ງ ແປັງ ມວຍ ຈິດ ລາ ບາຣ ຕາເມົາ. ກະ ເມົາ ຄຽນ ຕິ່ງ ຕາເມົາ ກັອຍ, ມວຍ ຕາເມົາ ມວຍ ຣາມີຣ. ຣາມີຣ ກັອຍ ລາ ຣາມີຣ ມູ່ ມວຍ ຈິດ ລາ ບາຣ ນະ ກາ ແກະ ກອນ ຮຽຮ ປາຈຸຣ.

15 ເທວາດາ ກາ ຕະ ອິນຕີ ກະ ເກົາ, ອັນ ຢຸມ ມວຍ ອິນແຕຣັຣ ຕໍາເປັກ ເມົາ ຕະ ແຕ່ ແຢງ. ອັນ ຍີອໍ ອີ ແຕ່ກ ເມືອງ ກັອຍ; ອັນ ອີ ແຕ່ກ ງັຮ ຕິ່ງ; ກະ ອັນ ອີ ແຕ່ກ ວຍາງ ເມືອງ ກັອຍ ແຕ່ ຮາແລັງ ກັອຍ. 16 ປູນ ແຈ ເມືອງ ກັອຍ ຕາວັຮ ກະ ຕີ ລາ ມູເຈິງ ອິນແຍະ. ເທວາດາ ກັອຍ ແຕ່ກ ເມືອງ ກັອຍ ແຕ່ ຮາແລັງ ອັນ ນະໄນ: ມວຍ ກັຮ ເມືອງ ກັອຍ ເບີນ ບາຣ ປັນ ປູນ ຮ່ອຍ ລັກ. ປູນ ແຈ ຕາວັຮ ຕີ ລາ ມູເຈິງ ອິນແຍະ. 17 ກະ ເທວາດາ ກັອຍ ແຕ່ກ ວຍາງ ແຮີ. ວຍາງ ກັອຍ ຕີ ເບີນ ມວຍ ຮ່ອຍ ປູນ ຈິດ ລາ ປູນ ກັດ, ຕາປູນ ມັຮ ກວາຍ ເກີ້ຍ ແຕ່ກ. 18 ເມົາ ຕະ ວຍາງ ກັອຍ ແຕ່ ຕາເມົາ ເປ່ງ ກາ ເມົາ ດໍອໍ ແກວມະນີໂຊດ. ກະ ເມົາ ຕະ ເມືອງ ກັອຍ ແຕ່ ແຢງ ອໍ ລາລີ້. ແຢງ ກັອຍ ຮາລັງ ລາ ລີ້ ນະ ແກວ. 19 ຕາເມົາ ກາ ເມົາ ຕະ ວຍາງ ກັອຍ ເມົາ ອາແຕັດ ຕາເມົາ ກາ ອໍ ລາລີ້ ກະ ເປ່ງ ລາລີ້ ກາ ເບີນ ຣາມີຣ ນະໄນ: ມວຍ ລາ ແກວມະນີໂຊດ, ບາຣ ລາ ໄພທູນ, ໄປ ລາ ໂມຣາ, ປູນ ລາ ມໍຣະກັດ, 20 ເຊີງ ລາ ບຸດ, ຕາປັດ ລາ ພິລາ, ຕາປູລ ລາ ບຸດ

ຊະບາຄໍາ ນໍາແກ, ຕາກໍອລ ລາ ເພທາຍ, ຕາເກ່ຣ ລາ ບຸດຊະບາຄໍາ ນໍາອອນ, ມັນຈິດ ລາ ຍົກ, ມັນ ຈິດ ລາ ມວຍ ລາ ນິນ ກະ ມັນຈິດ ລາ ບາຣ ລາ ແກວເພທາຍ ອາອູຍ. 21 ກະ ເມົາ ຕະ ມວຍ ຈິດ ລາ ບາຣ ລໍາ ກູຕິ່ງ ແຕ່ ມັນຈິດ ລາ ບາຣ ກູອ ຈຸ ເປ່ງ ລາລີ້ ກາ ເມົາ ດໍອໍ ໄຄມຸກ, ມວຍ ກູຕິ່ງ ມວຍ ກູອ. ຮານາ ຕິ່ງ ເມືອງ ກັອຍ ເມົາ ຕະ ແຕ່ ແຢງ ອໍ ລາລີ້ ກະ ຮາລັງ ນະ ແກວ.

22 ຕິ່ງ ເມືອງ ກັອຍ, ເກົາ ຕາ ເບີນ ເຮັມ ດຸງ ຊາງ ອິນເຕົາ, ຍ່ອນ ເຢີງ ເຈົ້າຮາຊີ, ອັນ ກາ ຊົດ ແກ້ຍ ອິນແຍະ ແຕ່ ການໍອໍ, ກະ ແກະ ກອນ ກັອຍ, ໄລ່ ແອັດ ກູ່ ອິນຕຸ ຕິ່ງ ເມືອງ ກັອຍ. ນະກັອຍ, ອິນ ຕຸ ອາແລະ ລາ ແຕ້ອ້ ເມົາ ຊາງ. 23 ເມືອງ ກັອຍ ຕາ ເບີນ ຕຸຣ ເບີນ ມັດ ມານາງ ແຕ້ລາ ຮາລັງ ກາໄຊ, ຍ່ອນ ເຢີງ ເຈົ້າຮາຊີ ແຕ້ ປາເລີງ ປິ່ງ ຕິ່ງ ເມືອງ ກັອຍ, ກະ ແກະ ກອນ ລາ ນະ ຕາກຍາງ ຕິ່ງ ເມືອງ ກັອຍ. 24 ເຈົ້ ອິນແຍະ ມັຮ ກວາຍ ແຕ້ອ້ ເຮັມ ກະ ແຕ້ອ້ ປູເປາະ ຍ່ອນ ແຕ່ ປິ່ງ ກັອຍ. ກະ ກູ່ ເຕົາວ ປັຣເຍົາ ກາ ແອັດ ຕິ່ງ ກູແຕອ້, ໄລ່ ເດີງ ອໍານາດ ອາງອີຣ ມູດ ປີ ກັອຍ ແຕ່. 25 ມັຮ ກາ ກູຕິ່ງ ກາ ເມົາ ມູດ ລ້ອຣ ຕິ່ງ ເມືອງ ກັອຍ, ເມົາ ຕາ ເກີ້ຍ ກາໄຕຣ, ຍ່ອນ ຕາ ເກີ້ຍ ແກັດ ຊາເດົາ ຕິ່ງ ເມືອງ ກັອຍ. 26 ມັຮ ຣາມີຣ ອາງອີຣ ແຕ້ລາ ຊຸ ເບີນ ກາ ກວາຍ ເກີ້ຍ ຍ່ອງ, ກູ່ ຣາມີຣ ກັອຍ ເມົາ ເດີງ ອາ ມູດ ຕິ່ງ ເມືອງ ກັອຍ. 27 ມາ ຣາມີຣ ຕາ ອໍ ຕາ ແຕ້ອ້ ມູດ ຕິ່ງ ເມືອງ ກັອຍ. ກວາຍ ແປຣີ ກະ ກວາ ຍ ກາ ຕະ ອິນຕີ ອາໂລກ ຕາ ແຕ້ອ້ ມູດ ຕິ່ງ ເມືອງ ກັອຍ. ແອັງ ໄລ່ ກາ ເບີນ ຣາມີຣ ຕິ່ງ ປິ່ງ ກາ ເມົາ ຄຽນ ຣາມີຣ ກວາຍ ກາ ເບີນ ອາມິ່ງ ເລືອຍໆ, ແອັງ ໄລ່ ກັອຍ ຊ້ອງ ແຕ້ອ້ ມູດ ຕິ່ງ ເມືອງ ກັອຍ. ປິ່ງ ກັອຍ ລາ ຄອງ ແກະ ກອນ ກັອຍ.

## 22

1 ແວັດ ກັອຍ, ເທວາດາ ກັອຍ ອາປິສ ໂອນ ເກົາ ເຮັມ ແດັອ້ ຕາແລ່ ກາ ໂອນ ກວາຍ ແຕ້ອ້ ອາມິ່ງ ເລືອຍໆ. ແດັອ້ ກັອຍ ຮາລັງ ລາລີ້, ກະ ອັນ ຮອຍ ລ້ອຣ ແຕ່ ກາເຈິ່ງ ເຕົາວ ປັຣເຍົາ ກາ ເຢີງ ເຈົ້າຮາຊີ ກະ ແກະ ກອນ ຕາກູ ກັອຍ. 2 ແດັອ້ ກັອຍ ຮອຍ ອິນຕີ ຮານາ ປັດ ຕິ່ງ ເມືອງ ກັອຍ.

ບາຣ ປີຣ ແດັອ້ ຕາແລ່ ກັອຍ ເບີນ ອາລ່ອງ ກາ ໂອນ ກວາຍ ແຕ້ອ້ ອາມິ່ງ ເລືອຍໆ. ອາລ່ອງ ກັອຍ

ປາໄລ ມວຍ ກູມໍ ມວຍ ຈິດ ລາ ບາຣ ເຈີ, ມວຍ ກາໄຊ ມວຍ ເຮີບ. ກະ ຊາລາ ອາລ່ອງ ກ້ອຍ ລາ ນະ ຣາເຣົາ ດໍອໍ ປົວ ອິນແຍ່ະ ມັຣ ກວາຍ ອາອີ. <sup>3</sup> ເຢີງ ເຈົາຣາຊີ ຕາ ເບີນ ເວ່ນ ດໍອໍ ນ້ອງ ມວຍ ຣາມິຣ ອິນເຕົ້າ.

ກາເຈິ່ງ ເຕົ້າວ ປັຣເຍົາ ກາ ເຢີງ ເຈົາຣາຊີ ກະ ແກະ ກອນ ກ້ອຍ ຕາກູ, ກາເຈິ່ງ ກ້ອຍ ແອັດ ຕິ່ງ ເມືອງ ກ້ອຍ. ກະ ມັຣ ກວາຍ ກາ ຕະ ຣານະ ເຢີງ ເຈົາຣາຊີ ແອັດ ຊາງ ເລືອຍໆ ອັນ. <sup>4</sup> ມັຣ ກວາຍ ກ້ອຍ ເບີນ ເຮີມ ມາມ ເຢີງ ເຈົາຣາຊີ, ກະ ໄລ່ ເບີນ ຣາມິຣ ເຢີງ ເຈົາຣາຊີ ຄຽນ ດໍອໍ ຕິ່ງ ກາລ ຍາອໍ ໄລ່. <sup>5</sup> ຕິ່ງ ເມືອງ ກ້ອຍ ຕາ ເບີນ ຊາເດົາ ນ້ອງ. ນະກ້ອຍ, ຕິ່ງ ເມືອງ ກ້ອຍ ຕາ ເບີນ ເມົ້າ ອີ ເບີນ ຕາກຍາງ. ກະ ຕາ ເບີນ ຕຸ່ຣ ມັດ ມານາງ ປາເລີງ ນ້ອງ, ຍ່ອນ ເຢີງ ເຈົາຣາຊີ ອິນເຈົ້າ ໄຮ ແຕ່ ປາເລີງ ເມືອງ ກ້ອຍ ໂອນ ເບີນ ປັ່ງ ເລືອຍໆ. ກະ ກວາຍ ກ້ອຍ ແກັດ ນະ ເຕົ້າວ ປັຣເຍົາ, ເຈິ່ ໄລ່ ແກັດ ຊົດ ເລືອຍໆ.

ປັຣນາຍ ຕິ່ງ ປັ່ງ ໄນ່ ລາ ປຍາຍໍ ລາລີ້

<sup>6</sup> ແວັດ ກ້ອຍ, ເທວາດາ ອາຕີ ເກົາ ປາຍ: "ອິນ ແຍ່ະ ປັຣນາຍ ໄນ່ ລາ ປຍາຍໍ ລາລີ້, ເຕ່ອໍ ກວາຍ ຊາອໍາ ຈັບ ລາລີ້. ເຢີງ ເຈົາຣາຊີ, ອິນເຈົ້າ ໄຮ, ອັນ ແປຣີ ເທວາດາ ອັນ ເປາະ ອາປັຣ ໂອນ ມັຣ ກວາຍ ກາ ຕະ ຣານະ ອັນ ດັງ ຣາມິຣ ອິນເຕົ້າ ແຈ່ະ ອີ ແຕ່ອໍ. ອັນ ໂອນ ຣາເວີຍ ອັນ ມຸ່ດ ຕິ່ງ ຣາງິຣ ມັຣ ກວາຍ ກາ ອາຕີ ຕາງ ປັຣນາຍ ອັນ." <sup>7</sup> ກະ ເຢຊູ ປາຍ: "ເຢົາ ແນ່ ໄນ່! ຕາ ເບີນ ດູ່ນ ນ້ອງ ເກົາ ແຕ່ອໍ! ບຸ່ນ ລາລີ້ ມັຣ ກວາຍ ກາ ຊາງັດ ອິນແຍ່ະ ປັຣນາຍ ອາປັຣ ຕິ່ງ ປັ່ງ ໄນ່."

<sup>8</sup> ເກົາ ລາ ໂຢຮັນ ກາ ຄຽນ ມັຣ ຣາມິຣ ໄນ່. ເກົາ ຊ້ອງ ກະ ເຮີມ ກູ່ ຣາມິຣ ໄນ່! ພໍກາ ເກົາ ຊ້ອງ ກະ ເຮີມ ມັຣ ຣາມິຣ ໄນ່, ເກົາ ກູ່ ຣາໂກລ ຍິອໍ ອີ ຊາງ ເທວາດາ ກາ ໂອນ ເກົາ ດັງ ມັຣ ຣາມິຣ ໄນ່. <sup>9</sup> ມາ ອັນ ອາຕີ ເກົາ ປາຍ: "ອິນໂຈຍ ຕະ ນະກ້ອຍ! ເກົາ ຕະ ຣານະ ເຢີງ ເຈົາຣາຊີ ມູເຈິງ ໄນ່ ເຕ່, ກະ ມູເຈິງ ມັຣ ກວາຍ ກາ ນ້ອຍ ກາ ອາຕີ ຕາງ ປັຣນາຍ ເຢີງ ເຈົາຣາຊີ, ກະ ມູເຈິງ ກູ່ ນະ ກວາຍ ກາ ຊາງັດ ປັຣນາຍ ຕິ່ງ ປັ່ງ ໄນ່. ອິງເຄາະ ໄນ່ ຊາງ ແອິງ ເຢີງ ເຈົາຣາຊີ ຊ້ອງ!"

<sup>10</sup> ເຈິ່ ເທວາດາ ກ້ອຍ ປາຍ ແອັນ ໂຈະ ເກົາ ນະ ໄນ່: "ໄນ່ ອິນໂຈຍ ປາເຕະ ມັຣ ປັຣນາຍ ໄນ່ ຄຽນ

ຕິ່ງ ປັ່ງ ໄນ່ ມັຣ ເຢີງ ເຈົາຣາຊີ ອາປັຣ ເລີຍ ໂຈະ ໄນ່, ຍ່ອນ ແຈ່ະ ອີ ແຕ່ອໍ ເຈິ່ ຕາໄງ ມັຣ ຣາມິຣ ໄນ່ ແກັດ. <sup>11</sup> ແຕ່ອໍ ຕາໄງ ກ້ອຍ, ອັນ ກາ ຕະ ໂລ່ຍຣ, ໂອນ ອັນ ຕະ ໂລ່ຍຣ ທໍາ. ກະ ອັນ ກາ ເບີນ ຣາງິຣ ແປຣີ, ໂອນ ອັນ ເບີນ ຣາງິຣ ແປຣີ ທໍາ. ອັນ ກາ ຕາມ້ອງ ອໍ, ໂອນ ອັນ ຕາມ້ອງ ອໍ ທໍາ. ກະ ອັນ ກາ ເບີນ ຣາງິຣ ບຣັຣ ອໍ, ໂອນ ອັນ ເບີນ ຣາງິຣ ບຣັຣ ອໍ ທໍາ."

<sup>12</sup> ກະ ເຢຊູ ປາຍ ລັຣ ແອັນ: "ເຢົາ ແນ່ ໄນ່! ຕາ ເບີນ ດູ່ນ ນ້ອງ ເກົາ ອີ ແຕ່ອໍ! ບັອງ ກາ ເກົາ ແຕ່ອໍ, ເກົາ ເດິງ ເກົາ ໂອນ ກູ່ ນະ ກວາຍ, ຕາປູ່ນ ຣານະ ອັນ ຕະ. <sup>13</sup> ເກົາ ລາ ແປຣີ ກະ ຊອຍ. ເກົາ ລາ ກັລ ກະ ໂກຍໍ. ເກົາ ແອັດ ແຕ ຕາແບີ ລາລີ້, ກະ ເກົາ ແອັດ ຈົນ ແຕ່ອໍ ປັຣຊົດ. <sup>14</sup> ບຸ່ນ ລາລີ້ ມັຣ ກວາຍ ກາ ປັຣ ໂອນ ບຣັຣ ອາຍ້ອຣ ຕີ່ ໄລ່,\* ຍ່ອນ ໄລ່ ເບີນ ຈາ ປາໄລ ແຕ ອາລ່ອງ ກາ ໂອນ ກວາຍ ເຕ່ອໍ ອາມັງ ເລືອຍໆ. ກະ ເຕ່ອໍ ໄລ່ ມຸ່ດ ຕິ່ງ ເມືອງ ກ້ອຍ. <sup>15</sup> ມາ ຍັຣ ນ້ອຍ ເມືອງ ກ້ອຍ ເບີນ ມັຣ ກວາຍ ແປຣີ ນະ ອາຈໍ, ມັຣ ກວາຍ ກາ ຕາປູ່ນ ຣານະ ກວາຍ ມໍ, ມັຣ ກວາຍ ກາ ຕາ ເບີນ ລາກວຍ ກາ ຢາອໍ ມາ ບິ ມັນຕຸ, ມັຣ ກວາຍ ກາ ກາຈິດ ກວາຍ, ມັຣ ກວາຍ ກາ ຊາງ ຮູບ ເຢີງ ການໍອໍ, ມັຣ ກວາຍ ກາ ຊ້ອງ ຍິອໍ ອີ ຕະ ອິນຕີ ອາໂລກ, ກະ ໄລ່ ກາ ອາຕີ ອາໂລກ ນະກ້ອຍ. <sup>16</sup> ເກົາ ລາ ເຢຊູ. ເກົາ ແປຣີ ເທວາດາ ເກົາ ເປາະ ອາຕີ ມັຣ ຣາມິຣ ໄນ່ ໂອນ ເຢົາ ກາ ແອັດ ຕິ່ງ ມູ່ ກາ ຊາອໍາ. ເກົາ ລາ ອັນ ກາ ແຕງ ເຕົ້າວ ປັຣເຍົາ ດາວິດ ກະ ເກົາ ລາ ແຕ ຈຸ່ມເຈືອ ອັນ ແຮີ. ເກົາ ລາ ມັນໂຕຣ ໂປຣ່ງ ກາ ປາເລີງ ປັ່ງ ລາລີ້ ຕິ່ງ ປັ່ງ."

<sup>17</sup> ຣາເວີຍ ເຢີງ ເຈົາຣາຊີ ກະ ລາກວຍ ແກະ ກອນ ປາຍ: "ໂອນ ອິນເຈົ້າ ແຕ່ອໍ!"

ກວາຍ ອາແລະ ມາ ຊາງັດ ປັຣນາຍ ໄນ່, ອິງເຄາະ ກວາຍ ກ້ອຍ ປາຍ ເຕ່: "ໂອນ ອິນເຈົ້າ ແຕ່ອໍ!"

ມັຣ ກວາຍ ກາ ຊ້ອງ ອາເຣີງ ແຕ່ອໍ, ໂອນ ກວາຍ ກ້ອຍ ແຕ່ອໍ ຈຸ່ຍ ແຕ່ອໍ ກາ ໂອນ ເຕ່ອໍ ອາມັງ ເລືອຍໆ. ແຕ່ອໍ ກ້ອຍ ລາ ເຢີງ ເຈົາຣາຊີ ໂອນ ເມັດ.

<sup>18</sup> ເກົາ ໂຢຮັນ ກາແອັຣ ກູ່ ນະ ກວາຍ ກາ ຊ້ອງ ປັຣນາຍ ຕິ່ງ ປັ່ງ ອາປັຣ ເລີຍ ໄນ່ ນະໄນ່: ຄັນ ກວາຍ ອາແລະ ມາ ເຕີມ ອິນເຕົ້າ ແອັນ ຕິ່ງ ປັ່ງ ປັຣນາຍ ອາປັຣ ເລີຍ ໄນ່, ປັຣແນີ ມັນເຕຣີ ເຢີງ ເຈົາຣາຊີ ຕະ ໂອນ ກວາຍ ກ້ອຍ ຣາມິຣ ມັຣ ຣາມິ

\* 22:14 22:14 ກວາຍ ກາ ປັຣ ໂອນ ບຣັຣ ອາຍ້ອຣ ຕີ່ ລາ ຊາກໍາ ແຕ ກວາຍ ກາ ຕາປູ່ນ ປັຣນາຍ ເຢີງ ເຈົາຣາຊີ.

ຮ ຕຸ່ຣ ກັດ ກາ ເກົາ ຄຽນ ຕິ່ງ ປຶ່ງ ປັນນາຍ ໄນ່.  
 19 ກະ ຄັນ ກວາຍ ອາແລະ ມາ ຕັຣ ມວຍ ປັນນາຍ  
 ອິນເຕົາ ແຕ ປຶ່ງ ປັນນາຍ ອາປິຣ ເລີຍ ໄນ່, ເຢິງ  
 ເຈົາຮາຊີ ຕະ ໂອນ ກວາຍ ກ້ອຍ ຕາ ເບິນ ເບິນ  
 ຈາ ປາໄລ ແຕ ອາລ່ອງ ກາ ໂອນ ກວາຍ ເຕ່ຣ໌ ອາ  
 ມັ່ງ ເລືອຍໆ. ກະ ກວາຍ ກ້ອຍ ຕາ ເຕ່ຣ໌ ມູ່ດ ຕິ່ງ  
 ເມືອງ ບຣັຣ ອໍ ກ້ອຍ. ປຶ່ງ ໄນ່ ອາຕີ ເຈີ່ ແຕ ອາ  
 ລ່ອງ ກະ ເມືອງ ກ້ອຍ.

20 ເຢຊູ, ອັນ ກາ ອາຕີ ໂອນ ເກົາ ດັງ ອິນແຍະ  
 ມັຣ ຮາມິ່ຣ ໄນ່, ອັນ ປາຍ: "ໄກຣ ລາລີ້! ຕາ ເບິນ  
 ດຸ່ນ ມັ່ງ ເກົາ ອີ ແຕ່ຣ໌!"

ອາແນນ! ແຊຣ໌ ໂອນ ເຍົາ ແຕ່ຣ໌ ໄວ່, ອິນເຈົາ  
 ເຢຊູ ເອີຍ!

21 ເກົາ ແຊຣ໌ ເຢຊູ, ອິນເຈົາ ໄຮ, ຈ່ອຍ ເມົາດ  
 ອິນແຍະ ມັຣ ກວາຍ ກາ ຊາອໍ ອັນ.